

IACOBI BRVCKERI

REG. SOC. SCIENT. BEROLIN. MEMBRI

HISTORIA CRITICA
PHILOSOPHIAE

AB INITIIS

MONARCHIAE ROMANAE,

AD REPVRGATAS VSQVE LITERAS.

PERIODI SECVNDAE PARS PRIMA.



TOMVS SECVNDVS.

LIPSIAE, MDCCXLII.

TYPIS ET IMPENSIS BERN. CHRISTOPH.
BREITKOPF.

JACOBI BRACKE

PROFESSOR

HISTORIA CRITICA

PHILOSOPHIAE

ET

STORICA

PHILOSOPHIAE




THOMAS STANBURY

LIBRARY

THIS IS IMPRINTED BY CHRISTOPH
FRITZKE



P R A E F A T I O.



Q uem coepimus cursum, LECTOR
 BENEVOLE, historiam philosophi-
 cam critica enarratione a mundi primor-
 diis ad nostra tempora exposituri; ita
 in hoc Tomo secundo profecuti sumus,
 ut philosophiam gentilem omnem sub imperatoribus
 Romanis florentem, tum philosophiam gentis Iudaicae
 totam Tuis oculis perlustrandam subiecerimus. Animus
 erat Saracenicam quoque philosophiam huic tomo adii-
 cere, et sequentem servare integrum philosophiae inter
 Christianos a civitatis sacrae origine ad tempora usque
 restauratarum literarum cultae, sed obstitit consilio
 nostro prolixitas argumenti, quae nimis voluminosum
 hunc tomum reddidisset, reliquisque mole nimis inae-
 qualem. Servata igitur philosophiae Saracenicae con-
 sideratione sequenti tractationi, duo ista capita histo-
 riae philosophicae post C. N. qua potuimus diligentia
):(2 et

P R A E F A T I O.

et accuratione enarrauimus, et hoc argumentum eo plenius excussimus, quo magis hanc historiae philosophicae partem nemo haecenus, totam ex instituto exposuit, quique particulas quasdam eius nobis descriptas dederunt, quoad potiora ita plerique in eo versati sunt, vt accuratiora desiderare iure quis queat. Cuius rei rationes et specimina cum in ipsa tractatione dederimus, Lectorem hic, vbi breuitas sectanda est, non moramur. Ast merebatur hoc historiae philosophicae caput plenam atque veritati propiorem et accuratiorem expositionem, eo quod illius in historia non solum eruditionis vniuersalis, sed sacrae quoque, et ad Christianam rempublicam pertinentis summa est necessitas, nec recte cognosci sine ea multa sacrorum annalium loca, resque in ecclesia gestae, maxime vero doctrinae mutationes, et, quas passa est, corruptiones, varique ritus et consuetudines possunt. De quo dubium Lectorem ea cum attentione legere velimus, quae de philosophia Alexandrina et Orientali scripsimus, certi, miraturum eum esse, quantas vtrumque philosophiae genus radices in Christi ciuitate egerit, quantumque habuerit in res eius, exiguo licet eius commodo, detrimento vero maximo, influxum. Eadem fere ratio est philosophiae Iudaicae, cuius historiam ignorare is non potest, qui vel innumera sacrorum oraculorum loca recte intelligere, vel origines ecclesiasticas intime perspicere cupit. Ea itaque prolixitate, quam institutum nostrum permittebat, eaque attentione, diligentia et accuratione abiectis praeiudiciis omnibus, quae magnos cetera quoque viros fascinauere, in utroque capite versati sumus, quam

P R A E F A T I O.

quam vires dedere; summo studio ea, quae in Germanico H. P. opere scripsimus, omnia recolentes nouoque subiicientes examini, iisque luminibus vtentes, quae tempus, meditatio, et industria virorum quorundam in hac palaestra magnis profectibus progressorum, maxime vero viri summi I O. L A V R E N T I I M O S H E M I I, qui prorsus incomparabilem iudicii aciem in hoc argumento demonstraui, subministrauerunt. Quo factum est, vt dispar prorsus tractationis huius a priori prodiret facies, non mutatae tantum penitus, sed auctae quoque nouis accessionibus insigniter. Nam et reliquarum sectarum, maxime Pythagoricae, imprimis vero famosissimi impostoris Apollonii Tyanei historiam ita excussimus, vt vbique de rei veritate et momento iudicium interponeremus; et sectae eclecticae, vel, quo nomine appellari aequius est, Alexandrinae origines, fata, philosophos, rationes arcanas, affectiones, damna ecclesiae illata &c. ex instituto ita descripsimus, vt sine iactantia sperare nos liceat, tam plenam eius historiam alibi frustra quaeri. Maxime vero copiosa narratione systematis Alexandrinae philosophiae delineationem sumus profecuti, cumque eius partem aliquam, nempe theologiam et moralem in Germanico opere tantum dedissemus, integram nunc exhibuimus, et, quae reliquarum fundamentum est, metaphysicam adieci-
mus. Philosophiae autem Orientalis descriptio noua prorsus accessit, quae occasionem quoque dedit, re paulo altius mente pensitata, multa in historia philosophiae Iudaicae mutandi, scenamque hanc melius pulchriusque, quam antea instruendi. De his itaque

P R A E F A T I O.

que dogmatibus, reliquisque historiae philosophicae circa haec capita circumstantiis, id tantum iudicium eamque sententiam pro nostra agnoscimus, quam posterioribus curis, in haud paucis meliora et verisimilia edocti, in hoc tomo indicauimus. Non enim erubescimus mutare sententiam, et vel viris doctis certiora demonstrantibus accedere, vel recentiores et maturiores cogitationes, antiquioribus praeferre; quin non alia ratione hoc eruditionis genus ad aliquam perfectionem perducere posse, sumus persuasissimi; dies enim diem docet, nouisque auget et emendat luminibus. Haec vero cum nobis ob oculos posita constanter simus intuiti, facile intelliget lector, nos ad fontes historiae huius iterata diligentia recurrisse, et omnia nouo labore examinasse, quo factum est, ut haut pauca errata sustulerimus, quae vel nostra, ut sumus homines, nec humani quid a nobis alienum est, ἀβλεψία vel typosarum, quibus praesentes non fuimus, incuria admisit. Abieciimus etiam ex hac nostra tractatione nonnulla, quae in Germanico opere attulimus, eo quod in iuuentutis studiosae gratiam ibi adducta essent, viris vero, haec forte nostra lectoris, ignota esse non possent. Reliquum tractationis ordinem habitumque ex antecedentis tomi facie Lector beneuolus facile colliget, quem totum in hoc quoque tomo seruauimus, iisdemque legibus parentes, eadem momenta respicientes, eodem dictionis genere vsi in coepto cursu perreximus. Cum autem in hoc quoque tomo, veterum verba ubicunque licebat, maxime in delineandis dogmatibus, exprefferimus, ut ex collatione locorum in fine paginae summa fide et dili-

P R A E F A T I O.


diligentia adductorum intelligi potest, hic quoque veniam a Lectore beneuolo exoramus, si in iis philosophiae generibus, quae barbaras nobis doctrinas tradiderunt, aures Latinas interdum vocibus minus puris, et subfelia philosophorum magis redolentibus, quam oratorum, violauerimus: maluimus enim cum aliquo elegantiae Latinae detrimento intelligi esseque in narrando fideles atque accurati, quam sectando dicendi ornatum obscuri et non satis veterum mentem exponentes. Iam ad tertium Tomum properantes, non solum Saracenorum historiam explicabimus, sed fata quoque philosophiae inter Christianos veteres, maxime vero iis temporibus, quae aeuum medium vocari solent, accurate delineabimus, sicque vsque ad eam aetatem, qua literae deperditae reuocatae sunt, et honos illis restitutus est, historiae nostrae filum deducemus. Interim vt hoc nostro labore qualicunque fruatur cum beneuolentia et aequitate Lector, maxime opere oramus. Quamuis enim omnem, quam licebat, diligentiam adhibuerimus, vt et plenam et accuratam tractationem sisteremus, ita tamen nobiscum habitantes, nostri sumus curtaeque supellectilis nostrae memores, vt et humana multa nobis accidisse, et potuisse alios melioribus eruditionis copiis instructos in hac palaestra doctius versari, merito credamus. Quemadmodum vero illius veniam in via tam ardua, et a nemine haecenus rite calcata iure quodam poscimus, laetique speramus, ita laboris nostri fructum reputabimus dulcissimum, si is viris doctissimis, quorum merita vehementer suspicimus, occasionem dederit, melioribus curis hanc eruditionis partem adeo necessariam,

P R A E F A T I O.

am, adeo vtilem, ita excolendi, vt, quae hodiernum tantum non deserta iacuit, ad perfectionem quandam atque certitudinem perducatur, certissime persuasi, magnam inde futuram esse aliis quoque eruditionis partibus accessionem, oculosque apertum iri illis, qui hanc ignorantes multis se praeiudiciis occoecari et in deuia abripi passi sunt. Ceterum cum nos ab editionis loco fatis magna locorum intercapedine disiuncti simus, et typos emendandi labore curaue perfungi ipsi non valeamus, veniam quoque, si qua typorum errata offenderit, Lectorem oramus, et ab eius aequitate nos consecuturos speramus. Scrib. Kaufbyrae

VI Idus Iunii, anno post Soteris natiuitatem

cId Id CCXL.



IACOBI

IACOBI BRVCKERI
HISTORIA CRITICA
PHILOSOPHIAE


TOMVS II.

THE HISTORY OF

THE STATE OF

NEW YORK

IN 1790



HISTORIAE PHILOSOPHICAE PERIODVS SECVNDA,

*Ab initiis monarchiae Romanae ad re-
purgatas vsque literas.*

P A R S P R I M A DE PHILOSOPHIA GENTILI, IVDAICA, SARACENICA.

LIBER PRIMVS DE PHILOSOPHIA ROMANORVM.

CAPVT PRIMVM DE PHILOSOPHIA APVD ROMANOS VSQVE AD CONDITAM MONARCHIAM.

§. I.

E narrauimus in antecedente historiae philosophicae parte primam eius periodum, per omnis gentis et aetatis fata, quae philosophia habuit, decurrentem, vna Romanorum natione excepta, cuius circa philosophiam historia ita cohaeret, vt ab ea, quam suscepimus, tractatione commodè diuelli nequeat. Succedit altera, quam constituimus, periodus philosophiae historiam a Romani imperii natalibus ad renatas vsque et ex tenebris atque squalore reuocatas literas complexa. Quae cum partim gentilium sub isto imperio florentium

Ordo tractationis.

tium philosophorum fata et doctrinas exponat, partim Iudaeorum de philosophia merita enarret, partim Saracenorum in ea excolenda depingat studium, vno haec omnia fasce comprehensuri quicquid circa philosophiam memorabile occurret, a populis a Christianae religionis doctrina diuersis susceptum, hoc quidem tomo delineabimus; alteri parti historiam philosophiae omnem inter Christianos a sanctissimi Seruatoris natalibus, qui cum secundae huius periodi initiis conspirant, ad reuocatam vsque meliorem eruditionis atque ipsius philosophiae quoque faciem, quod circa Sec. XV. contigit, decurrentem seruabimus. Qua in tractatione quem nobis ordinem praescripserimus, in *προλεγόμεναις* fusius edisseruimus, hicque repetere otiose superfedemus.

*Scriptores de
philosophia
Romanorum.*

§. II. Philosophiae Romanae historiam consideraturi, ea potissimum tempora respicimus, quibus respublica adoleuit, quaeque propius a virili ista aetate absunt, qua imperii summa ad vnum potissimum dominum atque principem reducta est. Quae enim de antiquorum Romanorum, sub ipsa reipublicae incunabula florentium philosophia disputari solent, ea, quod ad barbaricam suo modo philosophiam pertinent, superioris tomi primi libro primo excussimus. Huius vero historiae philosophicae partis tractationem iustam atque solidam haecenus desideramus. Et dedit quidem *de philosophia Romanorum* iustae magnitudinis librum PAGANINVS GAUDENTIVS, ^a in quo non sine dictionis ornatu de fati philosophiae, eiusque initio et progressu ^b ab incunabulis reipublicae vsque ad tempora Boëthii differit, qui cum rarius occurreret, ^c meruit, vt non tantum recuderetur, ^d sed et a viris doctis passim laudaretur. ^e Nec denegandam esse vel eruditionis vel eloquentiae in ista tractatione adhibitae laudem Gaudentio putamus, qui multam lectionem comtamque atque veneribus dictionis ornatam Musam in ea prodidit. Tantum tamen abest, vt vel iustae historiae philosophiae mensuram expleat, vel legibus in isto argumento tractando obseruandis aequissimis respondeat, vt omnia alia praestitisse, quam Romanae philosophiae historiam scripsisse Gaudentius merito videatur. Totus enim declamando occupatus, et oratorio dicendi genere circa veterum Romanorum studia versatus, ^f laudat non narrat, et neglecto omni fere rerum iudicio, quicquid in buccam venit extemporali scribendi facultate gauisus, cumulat, miscet quadrata rotundis, et superficialia opera in excutiendis potissimis argumenti grauissimi et prolixi momenti

^a) Homo Rhaetus, Reformatorum coetui adiectus, a quo ad Romanae ecclesiae castra transit, literasque Graecas et humaniores primo Romae, postea Pflis docuit, et apud magnum Hetruriae ducem valde gratus fuit, teste LEONE FRANCVCIO DE BEZZOLIS in epistola operi huic praefixa. Plura de eo colligentem vide Cel. HEVMANNVM, Act. philosoph. Vol. III. p. 631. seqq.

^b) Titulus libri hic est: De philosophiae apud Romanos initio et progressu Paganini Gaudentii volumen, in quo praeter historiam multa ad con-

templationem rerum, et dissidentes veterum sapientum scholas facientia enarrantur.

^c) Prodiit Pflis 1643. et ita disparuit, vt Ionsio indictus liber manserit, a Cl. DORNIO, demum novae editioni, L. III. c. 29. §. 1. p. 164. adiectus.

^d) In collectione noua librorum rariorum Hal. Magd. Fasc. II. p. 81. seqq. Fasc. III. toto, p. 1. seqq.

^e) Obs. Halens. T. VII. obs. 9. 13. vid. §. 2. p. 238. Cl. STOLLE, Hist. liter. P. II. c. 1. §. 60. p. 375.

^f) Saepius etiam carmina inserit facili et profuente vena laudes virorum doctorum inter Romanos canentia.

mentis vsus, fatis prodit, nec se intellexisse, quid sit philosophia, nec aliter, nisi sine ordine et iudicio, quod in aliis quoque eius scriptis desideres, & scribere potuisse. Confusa enim semel inter se eruditionis et philosophiae notione, mirum non est, tot hic inueniri ἀλλότρια, tot homines de philosophia parum nihilue meritos, tot absurdas tractationes, quae a saniori philosophiae disciplina auctorem longius abfuisse produnt, tot digressiones, ipsam, quam sibi proposuerat argumenti rationem mole superantes, ut parum ad Romanae philosophiae historiam auctor contulisse merito dicendus sit. ^b Tacemus, nec fontes hominem festinantem indicasse, nec veros recte et diligenter fatis consuluisse. Alii, qui in hac arena defudarunt, vel ad eundem plerique lapidem impegerunt, et historiam eruditionis Romanae, cum philosophiae fatis commiscuerunt, vel iusto breviores sunt, et vix limina tangunt. ⁱ Ipsa itaque Romanorum monumenta rimanda sunt, ut qua fortuna inter eos philosophia vsa sit, dicamus.

§. III. Exulasse regum tempore philosophiam apud Romanos, fallique eos, qui in Numa philosophum deprehendunt, luculentis superioris tomi libro primo argumentis euicimus. Idem de temporibus regiam inter eos potestatem secutis dicendum est, quibus aliquam philosophiae speciem apud Romanos floruisse, ipsa reipublicae recens enatae et corroboratae ratio et conditio negat. Narrant enim Romanae historiae conditores LIVIVS ^k atque FLORVS, ^l Romulum interfecto, qui nouae vrbi illuserat, fratre Remo, cum ei incolae deessent, lucum, qui in proximo erat, asylum fecisse, et statim miram vim hominum Latinos Tuscosque pastores, quosdam etiam transmarinos, Phryges, qui sub Aenea, Arcades qui sub Euandro duce influxerant, conuenisse. Ita ex variis quasi elementis congregasse corpus vnum, populumque Romanum ipsum fecisse. Constitit ita tota ciuitas agresti hominum turba, quae vna armorum vix nixa, cum latrociniis affueuisset, non alio vinculo contineri colligarique nisi armis, potuit. Hinc ratio deriuanda est, cur sapientissima Numae instituta, qui diuino cultu, religione, et seuera disciplina neruos reipublicae connexuerat, cum ipso Rege prudentissimo tantum non desierint penitus et exoleuerint. Scilicet feroci hominum cumulo non alia mens erat, nisi in armis, quae si aduersus externos mouendi defuisset occasio, in propria saeuitura fuissent ciuitatis recens constitutae viscera. Cui malo auertendo bellorum semper quaerenda erat occasio, et ita armorum occupationibus

Tempore post reges proximo philosophiae inter Romanos locus nullus.

A 3

bus

g) Το ἀπορχέδιον, in eius scriptis reprehendit NAVDAEVS, ep. 90. p. 675. eaque impetu magis quam certa ratione edita, sine ingenio solido iudicat OCTAVIVS FERRARIUS, Prolus. XIII. p. 153. non dissentiente Nicolao Heinsio, et qui eum laudat MORHOFIO, Polyhist. T. II. L. I. c. 2. §. 9.

h) Recte et erudite hoc tuetur CL. HEYMANVS, l. c. non dissentiente CL. GENTZKENIO, Hist. philos. P. I. c. 10. p. 138.

i) Pertinent huc praeter GENTZENIVM, ali-

osque, qui compendia historiae philosophicae dederunt V. C. CHRISTIANVS FALSTERVS, qui in Qq. Roman. c. II. p. 249. seqq. pauca quaedam de studio Romanorum philosophico attulit, b. 10. GEORGIVS FRICKIVS, in initiis eruditionis apud Romanos, §. 13. seqq. p. 12. seqq. CHRIST. CELLARIUS, diss. de studiis Romanorum literariis in vrbe et prouinciis, §. 9. CONRADVS BYDDEVS, de studiis liberalibus apud veteres Romanos, p. 30. seqq. alique.

k) L. I. c. 5.

l) L. I. c. 1.

bus detinendi animi, ne noua in imperantes moliri et fundamenta reipublicae conuellere vel auderent, vel huius etiam sceleris meditando tempus nanciscerentur. Quae status Romani ratio vti ad summum rerum fastigium Romanam rempublicam euexit, ita neglecta, turbarum motuumque internorum inter eos plerumque occasio caussaue extitit. Pulchre id videre, qui regibus in imperio succedere optimates, homines fortes et astuti, ingeniumque nacti moribus et inclinationi plebis se assuefacere pulchre edoctum: hinc vt contra infrunitae plebis, quae toties mala pessima reipublicae minitata est, otia in intestina bella desitura se munirent, mature iuuentutem ad armorum vsum bellicae apparatus adduxerunt, moresque eius in ipso aetatis tirocinio et rudimentis ad seueritatem bellicam et austeram disciplinam formarunt, cuius rei cum testis sit tota Romae veteris historia, bella et disciplinam militarem inter eos vigentem seuerissimam enarrans, ampliore testimonio opus non habet. Contrarium his rationibus non immerito visum fuit, quicquid isto et sequenti etiam tempore circa artes et philosophiam moliebatur Graecia. Quae cum tota voluptatibus esset corrupta, et pristinae fortitudinis militarisque disciplinae laudem amisisset fere omnem, Athenaeque ipsae, vbi Apollo cum sororibus domicilium sibi fixisse videbatur, libertatis vix umbram tuerentur, philosophia, quae inter Graecos et imprimis in hoc Musarum emporio sedem sibi elegerat, inter causas eneruatae reipublicae et amissae laudis militaris relata est, hincque factum, vt Romani proceres pugnis calcibusque repugnarent, ne Graecanica philosophia Romae admissa iuuentus a veteri disciplina auocata corrumpetur, nervique reipublicae, quibus hactenus immensum in modum excreuerat, inciderentur; qua de re in sequentibus plura dicemus. Aliam rationem affert Cl. FALSTERVS, ^m sine examine non dimittendam; causam philosophiae inter veteres Romanos non admissae reicit is in varias philosophorum de diis sententias inter se vehementer dissentientes, quas pati noluerint Romani, cultus diuini a maioribus accepti tenacissimi. Cuius rei argumentum in eo haud leue situm esse putat, quod, narrante PLINIO, ⁿ libri Numae in agro Cn. Terentii reperti combusti fuerint, quia Pythagorici fuerint, et philosophice scripti, praecepta scilicet philosophiae continentes. Ex quo vir praeclarus infert, libros eos ad destruendam auitam religionem nouamque introducendam aptissimos igne fuisse deletos. Valde vero aut fallimur, aut plus sibi sumit vir doctus, quam vel Plinii verba postulant, vel res ipsa. Non enim receptis religionis placitis contradixisse libros Numae repertos, Plinius ait, sed philosophiam arcanam, qualis Pythagorica fuit, enarrasse, quam vulgare nefas ipse Numa ducebat, et id sine dubio in ipsis libris innuerat. Deinde manifeste falsam opinionem sequitur Plinius, Numam a Pythagora fuisse edoctum, quam tomo primo totam inuictis rationibus euertimus. Qui tamen ipse haud obscure veras rei causas prodit, monens, fuisse eos libros

iuris

^m) l. c. p. 256.ⁿ) L. XIII. c. 13.

iuris pontificii, id est veras rationes introductae inter Romanos religionis explanauisse. Eas vero non vulgari nec plebi innotescere eo magis e re Romanorum erat, quo magis religionis capistro, vbi alia omnia deessent, plebs ad obsequium erat ducenda, terrenda ominibus, vincienda superstitione et flectenda coeco pontificum sacerdotumque imperio, cuius exempla plurima Romanae historiae scriptores narrant, et in his praecipue Livius. Religionis itaque arbitrium cum penes senatum esse cuperent, manifestum est, ad politicas, non vero philosophicas, rationes rem omnem fuisse reuocatam, ad quas illi Numae libri pertinebant. Verum tamen est, fuisse apud Romanos tempus, quo peregrinas religiones, e. g. Aegyptiorum, vehementer perhorrescebant, et ex vrbe eiiciebant, vfos quoque aliquando philosophos et mathematicos fuisse in patrium deorum cultum iniurios, adeoque iussos esse vrbe et Italia excedere; sed hoc ferius et circa monarchiae emergentis tempora demum factum est: vera autem ratio, cur pristino illo aeuo, philosophiam procul vrbe esse Romani iusserint, illa est, quod homines adulescentulos dies totos apud philosophos desidere sicque maiorum deferi instituta noluerint, quod haec noua praeter consuetudinem ac morem maiorum fieri censerent, quibus verbis philosophos et rhetoras ex vrbe eiectos esse in sequentibus docebimus. Ludos itaque Martios commendabant, quibus cum Apollinis ludos putarent contrarios, philosophos procul ire iubebant. Nec meliori fundamento firmiorique talo nituntur, quae de Hermodoro, amico Heracliti, mouet GAVDEN-
TIVS^o, verisimile esse, eum fuisse philosophica praeditum cognitione. Cum autem tanti factus fuerit, vt XII. viri eius opera et consilio fuerint vfi, in concinnandis XII. tabulis, suspicari licere eius auspiciis aliquid saltem ex philosophia Heraclitea, quae maximi fiebat apud Graecos, Romae illatum fuisse. Recte enim is ipse adiicit: suspicionem hanc esse destitutam claro historicorum testimonio, sine quo, qui verisimilitudini velificetur, nihil agat. Incertissimum enim est, vtrum Heracliti philosophiae tenax fuerit Hermodorus, etsi certum est, in compilandis duodecim tabulis eum legatos Romanos adiuisse, quod suo loco^p veterum testimoniis comprobatum dedimus. Quod si tamen veteres legislatores sensu latiori ad philosophiae cancellos reuocamus, poterit aliqua ratione duodecim illis tabulis rudimentorum philosophiae Romanae nomen iusque tribui, quanquam veri non simile est, Romanos philosophicas earum legum rationes intellexisse vel quaesuisse.

§. IV. Multum vero satisque longum effluxit temporis spatium, quo Roma auitae disciplinae militari institutisque parentum innutrita, et intenta nihil de philosophis atque philosophia comperit, ad finem nempe Seculi ab V. C. sexti, quo tempore Athenienses legatos Romam miserunt philosophos disertissimos, Carneadem Academicum, Diogenem Stoicum, Critolaum Peripateticum, multam D. talentorum, quam ob vastatam Oropiorum urbem Sicyonii Atheniensibus dictauerant, deprecatum.

Tempus, quo primum philosophi Romae comparuerunt.

o) De philos. Roman. c. IV. p. 105.

2) P. I. L. III. c. 12.

Enar-

Enarrauimus totam legationis eius historiam superioris tomi libro tertio ^q, et qua ratione praestantissimi philosophi se gesserint, exposuimus, adductis veterum de ea legatione testimoniis ^r. Vnde semel prolixè dicta otiose heic loci non repetemus, de iis tantum dicturi, quae ad praesentem magis Romanae, quam Graecae, philosophiae historiam pertinent, et strictim tantum supra tacta sunt. Et temporum quidem rationes, quibus ista legatio contigit, ob obscuram et incertam Carneadis aetatem ^s, dubias et non satis expeditas esse, eodem loco monuimus, causasque difficultatum expediuimus. Curatius iam nobis de istius legationis tempore dispiciendum est, cum veram nobis epocham exhibeat, qua primum philosophi Romanis innotuerunt. Illud vero, Clitomachi auctoritatem secutus C I C E R O ^t ait fuisse, cum P. Scipio et M. Marcellus consulatu, A. Albinus praetura fungerentur. Consulatum hunc A. V. C. DXCVIII. Olymp. CLVI. 2. contigisse, fastorum auctoritate conficitur: concordantque haec etiam tempora cum rationibus chronologicis legatorum, quas suo loco excussimus. Intercessit vero his doctissimus FOUCHERIVS ^u, qui vt contra Lantimum euinceret, Carneadem Epicuro fuisse contemporaneum, maturius hunc consulatum contigisse coniecit, Scipione Caluo et Marcello Coss. qui consulatus in A. V. C. DXXXI. vel DXXXII. incidit. Haec vero ornandae tantum hypothesis caussa sine fundamento asseruisse Foucherium, vel hoc vno argumento euincitur, quod Oropus post deuictum demum a Romanis Macedonum Regem, Perseum, cum Macedonia in prouinciam esset redacta, in Romanorum potestatem devenerit, id quod A. V. C. DLXXXVII. factum est, ex quo luce meridiana clarius est, Atheniensibus de directa Oropo non potuisse ante hoc tempus vel multa indici, vel ea remitti. Tacemus aetatem Catonis maioris, eo tempore iam senis ^x, quem, cum Philippo et Caepione Coss. annum aetatis LXV. egerit ^y, A. V. C. DXIX. natum esse oportet; iste enim consulatus in A. V. C. DLXXXIV. incidit, id quod notationibus chronologicis Foucherii prorsus aduersatur. Ipsa quoque Diogenis et Critolai repugnant tempora. Hic enim Aristonileo, vt parte prima dictum, in schola successit, Ariston Olymp. CXXXVIII. scholae praeesse coepit, adeoque Critolaus multo serius Peripateticam cathedram conscendit; ille Chryssippi et Zenonis praeceptorum successor fuit, quorum iste Olymp. CXLIII. fatis concessit. Quae omnia euidenter euincunt, serius, quam Olymp. CXXXII. quod vult Foucherius, hos legatos in Capitolio stetisse. Difficilius vero est, statuere, quo anno ista legatio suscepta sit; quia incertum est, vixque definiri potest, quis ille Scipio et Marcellus fuerint? Et Scipionum quidem, qui ex Afri-

^q) c. VI. sect. 4. c. VII. sect. 2. c. IX.

^r) Addi laudatis possunt LACTANTI. L. V. c. 14. QUINTILIANI, Instit. L. XII. c. 1. PAVSANIAS L. VII. p. 216. seqq. PLINI. L. VII. c. 30.

^s) Conf. BAYLE Dist. T. II. art. Carneade not. N. p. 63. seqq.

^t) Acad. Quaest. L. IV. c. 45.

^u) Journal des Savans 1692. p. 704.

^x) PLUTARCH. in Cat. mai. T. IV. p. m. 632.

^y) CICERO de senect. c. 5. Incidit vero hic Consulatus in A. V. C. DLXXXIV. vnde deductis annis LXV. sequitur, Catonem maiorem A. V. C. DXIX. natum fuisse. Conf. BAYLE Dist. T. III. art. Porcius, not. A. p. 743.

Africae victoriis nomen tulerunt, neutrum fuisse, vel ex eo constat, quod senior A. V. C. DCVI. demum consul creatus est, et CICERONE ² auctore, Laelio et Scipione adolescentibus Stoicus Diogenes, et Academicus Carneades ad senatum ab Atheniensibus missi legati sunt, quos principes adolescentes illos secutos fuisse, recte ex hoc ipso Ciceronis loco colligitur. Scipionem itaque Nasicam fuisse statuit LANTIVS ^a, qui A. V. C. DXCVIII. consul fuit: quod si ob adductas supra rationes sequimur, incertum est plane, quis Marcellus eius collega fuerit, cum Marcellus, qui bello Punico II. inclaruit, A. V. C. DXLV. occubuerit. Aliam difficultatem mouet A. GELLIVS ^b, qui refert: C. Fannio Strabone, M. Valerio Messala Consulibus senatusconsultum de philosophis et rhetoribus Latinis factum esse. M. Pomponium Praetorem Senatum consuluisse, quod verba facta essent de philosophis et rhetoribus: de ea re ita censuisse, ut M. Pomponius Praetor animaduerneret, curaretque, uti eie Rep. fideque sua videretur, uti Romae ne essent. Aliquot deinde annis post id Senatusconsultum, Cn. Domitium Aenobarbum, et L. Licinium Crassum Censores de coercendis rhetoribus Latinis edixisse. Quibus postea ipsum Censorum edictum adiungit, quo nouum genus disciplinae ab his hominibus institutum, ad quos iuuentus in ludum conueniat, prohibetur. Incidit vero Consulatus C. Fannii Strabonis et M. Messalae in A. V. C. DXCII. quo anno legationem Atheniensium iam factam fuisse oportet, quae eiiciendi philosophos occasionem praebuit. Nec habemus, quo ex hoc labyrintho nos extricemus filum, nisi, quod certum putamus, circa finem seculi ab vrbe condita sexti ea legatione ab Atheniensibus missa primum sapientiae professores inter Romanos innotuisse, id quod haud obscure quoque confirmat CICERO ^c: Incertae vero notationes temporum, quae circa Coss. dictos occurrunt, eo minus mirandae sunt, quo magis in his veterum Romanorum fastos non semper fuisse accuratos, vel certos exempla plurima monstrant, dudumque viri docti dubitarunt, an fasti Consulares, an tabulae Censoriae maiorem fidem mereantur ^d, ipsa quoque nominum homonymia, incertumque, quo Consulatum Consules inierunt, tempus, suadet ad modestam hic *ἐποχὴν* confugere. More vero suo hic *αὐτοχρονισμός* GAUDENTIVS ^e, qui non tantum SC. hoc, quod alio loco ^f ad A. V. C. DXCII. retulerat, A. V. C. DLXV. adscribit, sed ea quoque ratione Gellium mendacii coarguit, quod, teste Cicerone, Scipio, Laelius et Furius eruditissimos homines ex Graecia semper palam secum habuerint. Non enim credibile esse, legatos a tantis viris, auditos, pulsos fuisse, cum tantae auctoritatis viri Catoni in os contradixissent, etc. Supra enim obseruauimus, tres hos, viros postea summos, eo tempore admodum iuuenes fuisse, cum legatos Atheniensium confectarentur, quo tempore exigua eorum in republica auctoritas esse potuit.

§. V.

²) Tusc. Q. q. Lib. IV. c. 2.^a) Journ. des Savans I. c.^b) Lib. XV. c. II.^c) I. c.

Hist. philos. Tom. II.

^d) Conf. STRAVCH. breuiar. chronol. c. XVII. q. I. p. m. 658.^e) I. c. c. XIX. p. 137. ^f) c. X. p. 116.

*Fata Philo-
phorum Grae-
corum apud
Romanos.*

§. V. Legatis Atheniensium Romam aduenientibus statim, narrante PLVTARCHO §, „adulescentum studiosissimi quique literarum viros „illos acceperunt, audientesque eos in admiratione habuerunt. Maxime „autem Carneadis gratia in dicendo, qua valebat plurimum, et auctoritas „eloquentiae non minor magnos nata et humanos auditores venti instar „urbem personabat: et fama tenebat, Graecum virum ad stuporem usque „ad percellendos hominum demulcendosque animos aptum vehementem „apud iuvenes amorem excitare, quo correpti omiſſis voluptatibus reli- „quisque oblectationibus, quasi furore quodam ad philosophiam ferrentur. „Haec reliquis Romanis accepta erant, filiosque suos disciplinis Graecis „operam dare, et cum viris summae existimationis versari gaudebant. „Laetissimam hanc philosophiae fementem pulcherrimam promississe messem, eo magis credibile est, quod summorum virorum filii, et inter hos Laelius, Furius et Scipio, tanto ardore correpti philosophiae amorem conceperunt, qui ad summa reipublicae fastigia grassantes magnum philosophiae peperissent patrociniū. Sed intercessit feuera Catonis maioris austeritas ^b, totamque hanc segetem in herba quod aiunt, suffocauit. Is auitae disciplinae innutritus, quae militarem austeritatem et virtutem vni- ce sectabatur, homo etiam iam prouectioris aetatis et indolis feuerac non

§) I. c. Vtīmur versione G. XYLANDRI.

b) Catonis maioris, siue, quo integro nomine gaudebat M. Porcius Catonis Censoris vitam praeter veteres CORNELIUM NEPOTEM et PLVTARCHVM, quibus addendi LIVIUS L. XXXIX. c. 40. PLIN. L. VII. c. 27. L. XXIX. c. 1. ex recentioribus delineant Io. GLANDORPVS, ANDREAS SCHOTTVS, CASPAR SAGITTARIVS, MARTINVS HANCKIUS alique, quorum loca indicauit Io. ALB. FABRICIUS Bibl. Latin. T. I. p. 19. omnium diligentissime in ea examinanda versatus est P. BAYLE Dict. T. III. art. Porcius p. 793. Diligenter ea excuti meretur, quod ex Catonis exemplo disci potest, qua facie eruditio, quin philosophia quoque, si hac voce uti fas est, Romana ea tempore enituerit. Vtroque enim nomine Catonem inclaruisse ex PLVTARCHO patet, libri- que de agricultura et de re rustica ingenium et eruditionem satis testantur. Quae cum a Graecanica, comtiores faciem efferebat distaret, mirum non est, quod PLVTARCHVS l. c. p. 633. refert, eum vniuersam philosophiam Graecorum inuisam sibi habuisse, et ambitione quadam omnes Graecas artes et disciplinas contempnissae, Socratem affectatae tyrannidis accusasse, Isocratis scholam subfannasse, et vaticinatum esse, Romanos Graecis studiis repletos rem suam perdituros. Sed et medicinam Romae facientes Graccos suspectos habuisse, filiumque, ut ab vniuersis sibi cauere monuisse, et peculiari scripto libro domesticam medendi rationem docuisse. Qua de re ipsa Catonis verba recitat PLINIVS L. XXIX. c. 1. Vnde merito mirandum, hominem austerum, Graecosque tanto profecutum odio, senem Graecas literas ab Ennio, cum in Sardinia Praetor esset, didicisse, qua de re videlicet CICERONEM in

Cat. c. 1. 8. in Lucullo c. 2. QUINTIL. L. XII. c. II. AVREL. VICT. de vir. illustr. c. 47. PLVTARCHVS l. c. p. 615. qui eius in Graecis literis labores enumerat. Idem narrat quoque, quod hic omittendum non est: Quo tempore Fabius Maximus Tarentum recepit, Catonem iuuenem admodum sub eo stipendium fecisse: ibi hospitio cuiusdam Nearchi Pythagorici usum ad philosophiam eam animum applicuisse. A quo cum eadem, quae Plato docuit, percepisset, voluptatem maximam malorum esse escam, id primum animo hominis incommode accidisse, quod esset corpori inclusus purgari, tamen animum solique earum cogitationum auxilio, quae maxime eum a corporis affectionibus abducerent, atque separarent, frugalitatis atque continentiae amorem inde auxisse. Quae, si modo vera sunt, non ad esotericam, quae aduenis non paruit, sed exotericam Pythagoreorum philosophiam pertinent, qua facile fuit Catonem imbui: qui cum eiusmodi praeceptis rigiditatem philosophiam didicisset, mirum non est, quam paternis et domesticis institutis attemperatam anauerat, reliquis Graecorum sectis opposuisse, quos hanc moralis philosophiae seueritatem loquacitate Graeca corrumpere credebat, quosque internecinum erga barbaros fouere odium, suspicacius, quam par erat, contendebat, vid. PLIN. l. c. Toto enim caelo ingenium, mores, inclinationes Graecorum a Romanorum indole diuersa fuisse, nemo veteris historiae peritus est, qui ignorat.

i) Eleganter animi eius characterem exprimit LIVIUS L. XXXIX. c. 40. 41. vbi inter alia: Asperi procul dubio animi, et linguae acerbae, et immodice liberae fuit, sed inuidi cupiditatibus animi, et rigidae innocentiae, contentor gratiae, diuitiarum, in parsimonia, in patientia laboris periculi que ferrei prope corporis animique etc.

non potuit non ab initio, quod PLVTARCHVS^k porro addit, „aegre fer-
 „re, sermonem ea de re cum admiratione hominum per ciuitatem spargi,
 „veritus ne studio suo ad philosophiam adiuncto, adolēcentes inde potius,
 „quam agendis rebus et militia decus sibi quaerere intenderent. Vbi per
 „urbem gloria philosophorum increbuit, primosque eorum sermones C.
 „Acilius vir illustris in senatu, a quo, id vt sibi liceret, magno studio im-
 „petrauerat, est interpretatus, statuit Cato, honeste philosophos ab vrbe
 „amandare. Quam ob rem in senatum iuit, et magistratus incusauit,
 „quod legationem eorum virorum, qui facile persuadere de quacunque re
 „possent, tamdiu in vrbe, re infecta desiderare passi essent; cognoscendum
 „quam primum, et decernendum de legatione, vt legati ad scholas re-
 „uerfi apud Graecos pueros differant, Romani vero adolēcentes magi-
 „stratus, vt ante, et leges audiant.„ Respexisse hac in re Catonem ad
 Romanae reipublicae rationem et naturam, dubium non est, quam ista
 Graecorum philosophorum loquacitate corrumpi, et a bellica virtute, qua
 tota nitebatur, auocari, simulque maiestatem Romanam, feueritate et au-
 ditoritate tanquam talis nixam pessundari credebatur. Quae ratio quoque
 ita apud senatum valuit, vt legati re confecta quam primum domum re-
 mitterentur, iuuentus vero Romana ad maiorum instituta reuocaretur.
 Cumque ab eo tempore philosophiae amor, qui tantas inter Romanos ra-
 dices egerat, extingui penitus non posset, et, vt verisimile, alios quoque in
 urbem philosophos alliceret, eiusdem forte Catonis studiis tribuendum
 est, quod iam narrauimus, C. Fannio Strabone, M. Valerio Coss. SC. M.
 Pomponio praetori mandatum, curaret philosophi vti Romae ne essent.
 Quod aliquot deinde annis post id SC. ad rhetores quoque a censoribus
 relatum est, quorum edictum hic omitti non debet, quod ita recitat GEL-
 LIVS: ^l *Renuntiatum est nobis, esse homines, qui nouum genus discipli-
 nae instituerunt, ad quos iuuentus in ludos conueniat: eos sibi nomen
 imposuisse, Latinos rhetoras: ibi homines adolēcentulos totos dies desi-
 dere. Maiores nostri, qui liberos suos discere, et quos in ludos itare
 vellent, instituerunt. Haec noua, quae praeter consuetudinem, ac mo-
 rem maiorum fiunt, neque placent, neque recta videntur. Qua propter
 et iis, qui eos ludos habent, et iis, qui eo venire consueuerunt, visum est
 faciundum, vt ostenderemus nostram sententiam, nobis non placere.*
 Mirifice hoc edictum, ea quae supra differuimus illustrat. Vt enim vero
 videtur simillimum, viuīdam triumvirorum istorum Graecorum eloquen-
 tiam studia Romanorum ita accendisse, vt aliis, qui post dimissos Atheni-
 ensium legatos, philosophiam se docturos in se receperant, locum apud se
 facerent; eaque re SC. impedita, rhetorum sibi nomen illos asciuisse, eo
 quod eloquentia Graeca animos Romanorum tempore istius legationis
 cepisset, sicque senatusconsultum nouo nomine posset eludi: ita prohibu-
 isse magistratus hanc Graecae philosophiae et rhetorices disciplinam ea

B 2

potissi-

^k) l. c. p. 632.^l) Lib. XV. c. II. S V E T O N. de Clar. Rhetor. c. I.

potissimum ex caussa inde patet, quod a moribus et institutis maiorum iuventutem auocari aegre ferrent. Cum enim in Graeciae ciuitatibus philosophorum et sophistarum eloquentia in republica multum valeret, quae nempe populus ad optimatum voluntatem flecti poterat: contrariam prorsus in republica Romana rationem obtinere videntes viri acuti, qui summam rerum moderabantur, eiusmodi homines, qui facile persuadere de quacunque re possent, tanquam pestes reipublicae vrbe eiiciendos censuerunt ^m. Quae sententia etiam Romanis sequentibus temporibus stetit, vbi C. Claudio Pulchro et M. Perperna Coss. A. V. C. DCLXII. idem editum repetita vice vulgatum est ⁿ, donec introducta per duces Romanorum, qui Graeciam subegere, philosophia et eloquentia Graeca inter Romanos quoque locum obtineret exoptatissimum ^o.

*Philosophia
Graeca Ro-
mae recepta.*

§. VI. Nempe patrociniū philosophiae Graecae, parauit, eadem, quae eiiciendorum Roma philosophorum occasionem exhibuit legatio Atheniensium. Quae cum dissertationes philosophicas Romae habuisset, iuventutem Romanam, vt supra dictum ita corripuit amore, vt furore quasi quodam ad philosophiam ferrentur. Inter eam vero adolescentes quoque patricia gente, summoque loco natos fuisse, ex Cicerone notauimus. Hos, ne patria instituta desererent, Graecamque sequerentur disciplinam, Cato quidem impediuit, amorem tamen philosophiae extinguere non potuit. Etsi enim pauci admodum erant, qui Musas Graecas sequi, et imprimis philosophiam, cuius elegantiam legati Athenienses Romanis ostenderant, amplecti prae patria disciplina vellent, sic vt CICERO ^p fateatur, *scientiis reliquis sensim emergentibus ex contemptu, quo Romae delituerant, vnā philosophiam iacuisse vsque ad suam aetatem, nec vllum habuisse lumen literarum Latinarum* ^q, dicti tamen iuuenes cum adoleuissent, summis Reipublicae muneribus admoti occasionem nacti sunt, amorem, quem in philosophiam conceperant, latius explicandi. Exercitiis enim, quibus Graeciam Romani subiugabant, itemque prouinciis, quae Romano adiectae erant imperio in magistratibus, quos acceperant, praefecti, non Graecae tantum eruditionis pulchritudinem propius pernoſcebant, sed viris quoque magnis, qui philosophiam literasque et elegantiores et seueriores tum temporis in Graecia, praecipue Athenis, summa nominis fama docebant, innotescebant, quorum eloquentiam et doctrinam admirantes eorum consuetudinem affectabant, et cum facile eos sibi conciliaſſent, philosophiae praecepta ab iis percipere non dedignabantur, hocque fine eos secum habebant, cum in prouincia essent, saepius, immo domum

^m) Conf. CHR. FALSTER. Qq. Rom. Lib. II. c. 4. §. 6. p. 165.

ⁿ) Conf. GAUDENT. de philos. Rom. c. XIV. p. 128. VINET. ad l. c. Suer. Plura in historia Rhetorices quaerenda sunt hac de re.

^o) Ex dictis de Romanorum de eloquentia Graeca iudicio iudicari potest, quam falsi sint, qui Catonem, Carneadis odio et inuidia ductum Senatui persuasisse putant, ne Graecorum orationes

diutius apud Romanam iuventutem tolerarentur, quem errorem ipse notauit PLUTARCHVS l. c. p. 633. vnde merito miramur, Auctorem historiae criticae philosophiae T. I. p. 261. dum ad Plutarchum prouocat, ad haec non attendisse.

^p) Tusc. Qq. Lib. I. c. 3.

^q) Causas serius apud Romanos caput extollentis eruditionis Graecae eleganter explicat VELLERIVS PATERCVLVVS Lib. I. c. 17. 18. qui legendus.

domum quoque adducebant, tanta vis erat amoris illius in philosophiam semel in adolescentia concepti, quamvis philosophos agere, hancque vitae professionem sequi non constituissent viri rebus summis pace belloque gerendis occupati. Inter hos nobiles ex patriciorum gente viros, quos patronos apud Romanos philosophia nacta est, fuisse Scipionem Africanum, Laelium et Furium Cicerone teste supra iam probauimus. Et Scipio quidem Africanis victoriis immortale nomen nactus, armorum strepitum literarum dulcedine mitigauit, Graecamque eruditionem tantopere adamavit, et quod VELLEIVS PATERCVLVVS ⁷ testatur, *tam elegans liberalium studiorum omnisque doctrinae et auctor et admirator fuit, ut Polybium, Panaetiumque, praecellentes ingenio viros, domi militiaeque secum habuerit; Neque enim quisquam hoc Scipione elegantius interualla negotiorum otio dispunxit, semperque aut belli aut pacis seruiit artibus, semper inter arma ac studia versatus aut corpus periculis aut animum disciplinis exercuit.* Cumque Panaetius, quem ex Stoica familia philosophum fuisse magnae famae et existimationis suo loco ⁸ docuimus, non homo tantum esset ingenuus et grauis, dignusque illa familiaritate Scipionis et Laelii, ut ait CICERO ⁹, sed et praeter Stoicorum disciplinam, Platonem quoque maximi faceret ¹⁰, facile inde intelligi potest, summum illum Carthaginis euerforem non vnus tantum porticus praecepta perlustrasse, sed aliorum quoque philosophorum, ex diuersis sectis, placitis cognoscendis tempus impendisse. Cuius fidem nobis facile CICERO ¹¹, testatus, semper Africanum Socraticum Xenophontem in manibus habuisse. Et haec quoque diuersarum sectarum praeceptorum quasi mistura, causa videtur fuisse, cur Scipio oratione et praeceptis Panaetii, quamquam Stoica forent, asperior factus non sit, sed lenissimus, ¹² cum eodem modo ipse Panaetius animum instituens Stoicam seueritatem temperauerit. His accessere studia alia, et imprimis historia, cuius excolendae causa Polybium frequentissimum secum habuit imperator summus, quae scilicet non armorum tantum, bellique artium seueritatem demulcebat, sed et animum, ad pacis bellique necessitates formabat. Iisdem vestigiis eodem calcare incitati institere Laelius et Furius, quos *cum Scipione secum eruditissimos homines ex Graecia semper palam habuisse* CICERO ¹³ auctor est, qui et alibi ¹⁴, *Laelium adolescentem, ait, audiuisse Diogenem Stoicum, post autem Panaetium, et sapientem fuisse appellatum, quia, quod esset, suauissimum duceret.* Laudandum vero in summis his viris praecipue est, quod licet philosophorum choris se non immiscuerint, sed belli pacisque artibus ad nominis immortalitatem fuerint graffiati, philosophiae tamen, praecipue Stoicae, praecepta ad formandam virtutem, tantis viris dignam adhibuerint, sicque, *cum ad naturam eximiam atque illu-*

B 3

strem

⁷) Lib. I. c. 13.⁸) P. I. c. 8.⁹) De finib. L. IV. c. 9.¹⁰) CICERO Tusc. Qq. L. I. c. 32.¹¹) Tusc. Qq. L. II.¹²) Orat. pro Muraena Or. XXXIII.¹³) De Orat. L. II.¹⁴) De finib. L. II.

strem recte id obseruante Cicerone^b, accessisset ratio quaedam conformatioque doctrinae, tum illud nescio quid praeclarum ac singulare extiterit. Ex quo numero diuinum hunc hominem Africanum, C. Laelium et L. Furium, modestissimos homines et continentissimos fuisse, idem testatur. Tantorum virorum exemplo excitati secuti sunt in premenda philosophiae semita viri alii magnae inter Romanos existimationis, et imprimis Iureconfulti famigeratissimi. Ex quorum imprimis numero Q. Tubero, et Q. Mucius Scaeuola notandi sunt; illum enim, Scipionis Africani sororis filium Panaetio duce, Stoicam philosophiam didicisse, Cicero^c testatur atque Tacitus^d, ideoque Gellio^e audit antistes iuris ciuilis et Stoicae doctrinae sectator, et Ciceronis^f eruditus vir ex studio Stoico; cuius tamen feueritas Stoica, paupertati, cui ab ineunte aetate esset affuetus, iuncta, cum epulum dare vellet populo nomine patrui sui Africani, isque ligneos lectulos, haedinasque pro stragulis pelles, et ante ipsius Iouis cellam proposita conuiuiis vasa fictilia struxisset, praetura eum deiecit^g. Scaeuolam vero Panaetium quoque praeceptorem habuisse, idem ait Cicero^h, qui Iurisperitorum eloquentissimi nomine eum mactat. Addi his possent Iureconfultorum Romanorum veterum alii, passim Ciceroni laudatiⁱ, si eorum historiam scriberemus, qui philosophiam honore studioque dignam iudicarunt, licet ipsi philosophi stricto nomine appellandi non sint. Semper enim fere apud Romanos Stoica philosophia iuris antistitibus placuit^j, cuius contrariam sententiam licet defendant Gaudentius^k, veterum tamen testimoniis atque rationibus, quae rem conficiunt, prorsus destituitur.

§. VII.

- b)* Pro Archia Orat. XXVI.
c) Pro Muraena Orat. XXXVI.
d) Annal. L. XVI.
e) Lib. XV.
f) Pro Muraena.
g) SENECA ep. 95. VALER. MAX. L. VII. c. 5.
 CICERO l. c.
h) Conf. VINC. GRAVINA de ortu et progressu iuris ciuilis c. LVII. p. m. 112. ed. Neap.
i) De orat. L. II. plura de eo dabit GRAVINA l. c. c. LIX. p. 115 seq. conf. FRANC. BALDVINVS de Iurisprudencia Muciana.
k) De Orat. plerosque post GRAVINAM l. c. Io. SCHILTERVM manud. philos. moralis ad Iurisprud. c. I. §. 3. seqq. aliosque iuris ciuilis eiusque interpretum historiam exponentes nominat FABRICIVS Biblioth. Lat. T. I. p. 829. seqq. conf. D. WESTPHAL. de Stoa Iureconsultorum Rom. Rost. 1727.
l) Fuisse inter sacerdotes iustitiae Romanos quosdam, quibus aliarum quoque sectarum doctrinae arriuerint, dubitari quidem non potest. Supra enim Catonem Censorium Pythagorea placita fuisse edoctum, probauimus, quem in censum etiam Appius Claudius Coecus ob carmen, quod Ciceronis aetate extitit, cui ipsi Pythagoricum visum fuit, referri solet, quod tamen paraeneticum fuisse, hincque ad exotericam tantum philosophiam Pythagoreorum pertinuisse, recte monet

SCHILTERVS l. c. §. 2. p. 3. Verum hoc non de systemate toto morali, sed de certis tantum dogmatibus intelligendum est, quae ex reliquarum sectarum placitis sparsim receperunt. Ipsum tamen philosophiae moralis aedificium a Stoicis instructum admisisse ICTOS Romanos et principia ab iis adhibita, et definitiones, partitiones, axiomata Stoica hisque similia, testimonia item Ciceronis aliorumque inter veteres luculenter probant. Quae ne hoc loco, ubi historiam iuris Romani non scribimus, demonstremus, otium nobis fecere viri doctissimi, Io. SCHILTERVS l. c. §. 44. seqq. GRAVINA l. c. EVERARDVS OTTO de Stoica Iurisconsultorum philosophia, CHR. AVG. HEYMANNVS act. philos. Vol. I. p. 48. qui ipsi consulendi.

m) De philos. Roman. c. XLIII. p. 197. quo loco demonstrandum ubi sumit, veteres Iurisconsultos videri potius cum Platonis et Peripateticis, quam cum Stoicis fecisse. Cuius sententiae, communi veterum suffragio contrariae rationes has potissimum avertit: ciuilem et forensensem vitam longe maiorem habere cum Aristotelica et Platonica philosophia affinitatem, quam cum Zenonis schola. In hac enim multa afferri, quae leges euerunt e. c. omne delictum esse scelus necessarium, clementiae non esse locum et veniae. Sapientem nihil opinari. Quae vero Stoica videntur apud ICTOS

§. VII. In caussas, vt hic Lectoris pace parumper a via digrediamur, adamatae a iurisperitis Romanis Stoicae philosophiae inquisituri, non ad rationes tantum huius philosophiae, sed ad temporum potissimum circumstantias attendendum est. Etsi enim non magnopere repugnandum putamus, elegantissimae eruditionis Icto EVERARDO OTTONI,ⁿ qui magnificentiam ethicae Stoicae iurisperitos Romanos ita occupasse putat, vt crediderint, eam omnium aptissimam esse praeparandis ad rempublicam capeffendam animis, quam scenam virtutem Stoicam omnium optime instruxisse, senescentis et in monarchiam degenerantis reipublicae exempla satis loquuntur: primariam tamen hanc caussam fuisse, eo minus affirmari potest, quo magis magnificentia sectae Stoicae inter ampullata verba et hypocriticam philosophorum superbiam ab ipsa Zenonis aetate solebat referri et contemni. Alia itaque ratio ex ipsius sectae Stoicae historia repetenda est. Nempe Panaetium praecipuum philosophum fuisse, per quem extorris reducta Romam, certe inter Romanos ad dignitatem et existimationem euecta fuit philosophia, ex allatis hactenus testimoniis indubitatum est. Factum id vero consuetudine cum maximis ex patricia gente viris inita, qui Panaetium hominem optimum, omnique eruditione et disciplina imbutum maximi faciebant. Is vero, moderato licet iudicio, sectae adhaerebat Stoicae. Cum itaque homines magni, Scipio, Laelius, Furius, et quos CICERO^o addit L. Philippus et C. Gallus Stoico professori adhaererent, eumque in familias suas ductum liberaliter alerent, factum est, vt qui reipublicae vel gubernandae vel iuris peritia moderandae operam nauabant, praestantissima exempla secuti in eandem philosophiam incumberent. Accessit vero alia quoque ratio, qua Stoicae philosophiae pars illa, quae mores hominum format, non potuit non iustitiae sacerdotibus commendari. Nempe Stoicos primos fuisse, qui derelictam a reliquis philosophis doctrinam de officiis gnauiter persecuti sint, Tomi primi libro tertio, vbi de Stoicis actum, demonstrauimus, monuimusque Panaetium huic practicae philosophiae parti maxime strenuam nauauisse operam. Huic vero doctrinae tota innitebatur iurisprudentia Romana, quae ex diuersarum gentium, aetatum, morumque legibus et consuetudinibus collecta cum fundamento certo et rationali careret, principiis Stoicis semel admissis in non absurdum systema coibat, id quod apud reliquas sectas non ita fiebat commode, nec eae ita innotuerant isto, quo Stoica vulgata fuit inter Romanos, tempore, vt studium et attentionem iurisperitorum poscerent. Sceptica enim secta, quae cum Academica valde arridebat viris summis, cum euertere putaretur omnia

Caussae adamatae a Ictis Stoicae philosophiae.

Ictos Romanos ex legibus XII. tabularum, interpretatione prudentum, iudiciorum usu, iuribus magistratum etc. ante natam sectam Stoicam innotuisse. Poteramus haec sine examine finitrire, adeo infirma sunt, et more Gaudentii nihil ad rhombum faciunt. Ne tamen nihil dixisse videamur, hoc vnum monemus, Gaudentium ab histo-

riae philosophicae accuratiori imparatum notitia, Stoicam philosophiam non intellexisse, et praecepta Sapientis perfecti, de quibus loquitur, cum incipientis officiis, quae sequebantur Icti, turpiter confudisse.

ⁿ) Diff. cit. conf. Aet. philos.

^o) Pro Muraena.

omnia honesti iustique principia, ad regendos et continendos in officio ciues inutilis visa fuit et prorsus aliena. Epicuream adamabant viri principes, sed priuatae magis vitae quam reipublicae aptam, cuius administrationem effugiebat. Peripateticae vero philosophiae, in ipsa Graecia exigua fortuna vsae ante Syllae aetatem, vt postea dicemus, notitia Romae nulla fuit, eaque ad reipublicae Romanae minus, quam ad Graecarum formam adaptata. Platonicae etsi magna erat existimatio, ea tamen ab Antiocho circa haec tempora ita cum Stoica in concordiam reuocata fuit, vt qui hanc sequeretur, se ab illa haud procul abire crederet: vt taceamus Platoniam philosophiam magis de diuinis quam humanis rebus fuisse sollicitam, ipsumque Platonem ineptis de republica somniis, quae locum in ciuitate inueniebant nullum, et omnium minime Romanae reipublicae aptari poterant, laudem fidemque, quam in metaphysicis sibi parauerat, in practicis, praecipue in politicis, amisisse fere omnem. Quae cum, ita esse, indubitata veterum loquantur testimonia, ratio vera patet, cur ad Stoicam potissimum philosophiam iurisconsulti diuerterint. Qui cum ducendae etiam auctoritate virtutisque opinione plebi eam philosophiam inferuire viderent, et dialectica quoque Stoica magnam accurationem in tradendis populi iuribus sponderet, mirum certe haud est, plerosque iurisperitos in Zenonis castra transiisse, huiusque sectae principia, quibus totum mundum tanquam ciuitatem considerabant, et ex iis officia communia praescribebant, admittendo, iis legum a maioribus acceptarum vel a reipublicae necessitate et emolumento praescriptarum rationes attemperauisse. Nec alia vel potior ratio fuit, cur viri quoque magni magistratibus in prouinciis Graecis functi philosophos audirent, et imprimis Stoicis adhaerent. Quamquam nec alias sectas contempsisse in confesso est. Cuius exemplum praeter Pompeium Magnum, quem magna veneratione Posidonium profecutum fuisse, Rhodique inuississe, in huius philosophi vita docuimus, Crassus est, qui cum praetor ex Macedonia Athenas venisset, Carneadem, Clitomachum, Aeschinem, Metrodorum, Carneadis discipulum, Mnesarchum discipulum Panaetii, Critolaum et Diodorum Peripateticos aliosque vidit, Platonemque legit, vt narrat C I C E R O. ^p

Lucullus.

§. VIII. Multum contulisse virorum horum summam, qua in republica gaudebant, auctoritatem, fauoremque, quo philosophiam Graecam prosequerantur, dubitari nequit, omnium tamen maxime ad summum, quod Romae nacta est philosophia Graeca, fastigium eam euexit Lucullus. Is cum primum Quaestor in Macedonia esset, et post hunc magistratum bellum quoque Mithridaticum non sine fortunae fauore multisque victoriis gereret, fauentissimam occasionem nactus est, philosophos Graecos, praecipue Athenienses conueniendi, et praecepta philosophiae hauriendi, sicque eam, quam in Graecia didicerat, doctrinam Romae iuuandi ornandique. Qui quo animo erga philosophiam fuerit, praeter PLVTARCHVM, vitae eius enarratorem ^q testatur C I C E-

^p) De Orat. L. I.

^q) In Lucullo, T. IV. p. m. 221.

RO, familiaris Luculli amicus, et licet in philosophia ab eo dissentiret. Is in *Lucullo*, quo amici sui nomine *Academicarum quaestionum librum quartum* insigniuit, post enumeratas ciuiles eius virtutes, ita de eius in philosophiam studio disserit: *Nos illa exteriora cum multis, haec interiora cum paucis ex ipso saepe cognouimus. Maiore enim studio Lucullus cum omni literarum generi, tum philosophiae deditus fuit, quam, qui illum ignorabant, arbitrabantur: nec vero ineunte aetate solum, sed et pro Quaestore aliquot annos, et in ipso bello, in quo ita magna rei militaris esse occupatio solet, ut non multum imperatori sub ipsis pellibus otii relinquatur. Cum autem e philosophis ingenio scientiaque putaretur Antiochus, Philonis auditor excellere, eum secum et quaestor habuit, et post aliquot annos imperator: cumque ea esset memoria, quam ante dixi, ea saepe audiendo facile cognouit, quae vel semel audita meminisse potuisset. Delectabatur autem mirifice lectione librorum, de quibus audiebat.* Etsi vero Lucullus, quod PLUTARCHVS et testatur, philosophiae omnia genera amplexus erat et familiaria habebat, Academicam tamen iam inde ab initio miro studio et amore coluit, non vero novam illam, quae tum maxime Philonis opera disputationibus Carneadicis florebat, sed veterem, cuius tum princeps erat Antiochus Ascalonita, vir magna dicendi vi praeditus; quem cum omni studio amicum domesticumque suum fecisset, Philonis auditoribus, inter quos erat Cicero, opponebat. Quae ratio quoque est, cur Cicero in *Academicarum quaestionum libro quarto* Lucullo Academiae veteris vel renouatae etiam partes tuendas dederit, cum mediam Academicam non probaret. Qui philosophiae amor in Lucullo effecit, ut non ipse tantum ei operam etiam inter armorum strepitus nauaret, sed et apud alios et Romae quoque pro virili iuaret, promoueretque. Cuius finis obtinendi causa multos beneque scriptos coemit libros, usumque eorum possessione laudabiliorem instituit. Instructa enim praestantissima bibliotheca, quam Xystis et Scholis iuxta aedificatis auxerat, Graeci, qui ex patria bellorum tumultibus plena, Romam tanquam in nidum quendam se receperant, eo se tanquam in Musarum aliquod diuersorium recipiebant, diesque ibi iucunde commentando exigebant. Ipse frequenter in ambulationes eas se contulit, ac cum philosophis disputauit, Graecisque Romam venientibus hospitii Prytaneique publici usum domus eius praestitit. * Tantum viri optimi exemplum aemulatione accensi secuti sunt alii, qui pari ratione Graecos philosophos commendarunt et receperunt. Inter quos imprimis Cicero fuit, qui Philonis, qui quartam Academicam instituerat, disciplinae innutritus eiusque facundia captus, cum is Romam venisset, eum de meliori Lucullo commendauit, et licet hic Antiochi magis, quam Philonis viam philosophandi probaret.

v) Eius sibi consilium et auctoritatem in maximis rebus profuisse, fatetur l. c. c. 3.

s) Cap. 4.

t) l. c. p. 221.

u) Concordiam hunc philosophum inter Academicam veterem et Stoam tentasse Tomi primi

libro tertio, c. 8. narrauimus.

x) PLUTARCH. loc. cit.

y) IDEM, in Cicerone, T. VI. p. m. 28. CICERO

baret. Ab hoc itaque Luculli et Ciceronis tempore, quod in A. V. C. DCLXX. incidit, prima adolescentis inter Romanos philosophiae aetas deriuanda est. Et fuerunt quidem ante istud tempus quidam, qui monente Cicerone, ^z *se philosophos appellari voluerunt, quorum dicebantur esse Latini sane multi libri*: parum tamen existimationis eos philosophiae paruuisse, ex contemptu eorum colligi potest, nec sine probabili coniectura hæc ad Epicuri sequaces trahi possunt, quos circa istam philosophiae Graecae apud Romanos infantiam valde fuisse contemptos et neglectos constat. ^a Paulo tamen prius, quam Lucullus urbem philosophis repleuit, Peripateticae sectae nouus quasi sol Romae exortus est. Cum enim amissis, et in peregrinas bibliothecas translatis scriptis Aristotelis et Theophrasti acroamaticis ipsa, quid vere Peripateticum esset, ignoraret, valdeque de auctoris sui mente recessisset, hincque tantum non contemneretur, ut primi tomi libro tertio prolixè narratum, belli fortuna euenit, ut non tantum Romae innotesceret, sed et Aristotelis libros, qui tot annis delituerant, reciperet, cuius rei historiam paucis sic habet: Sylla in Graeciam missus cum exercitu, reliquas vrbes legatis missis se ei dedentes recepit, Athenas resistentes vi oppugnauit, cumque materia munimentis machinisque exstruendis deficeret, sacros lucos aggressus Academiam, quae plurimas omnium suburbanorum arbores ferebat, et Lyceum cecidit, et sacra philosophiae ita loca violauit. ^b Occupata tandem et crudeliter direpta vrbe, ^c cum omnia in victoris potestate essent, Apelliconis Teii bibliothecam, quae in Piræeo collocata communem stragem euaserat, paulo post ex Asia redux, sibi exemit. Erant in illa bibliotheca plerique Aristotelis et Theophrasti libri, quos non vulgatos fuisse, sed intra priuatos parietes manusque hominum indoctorum delituisse, et ab iis ad Apelliconem

emtio-

in Lucullo, f. Qq. Acad. L. IV. Epist. ad famil. L. IX. ep. 8. L. XIII. ep. 1.

z) Tusc. Qq. L. II. c. 2.

a) Quos hoc loco philosophos Cicero intelligat, valde obscurum est, nihil enim de iis affert, nisi, eorum libros se non quidem contemnere, quippe quos nunquam legerit, sed quia profiteantur ipsi illi, qui eos scribunt, se neque distincte, neque distribute, neque eleganter, neque ornate scribere, lectionem se sine vlla delectatione negligere, quid enim dicant, sentiantque ii, qui sunt ab ea disciplina, neminem mediocriter quidem doctum ignorare. Patet tamen ex his Tullii verbis, certam hic disciplinam sectamque philosophorum peti, qui dicendi scribendique ornatum et elegantiam negligentes, a Romanis dicendi virtutem maximi facientibus neglecti sint. Quoniam vero non aliae, nisi Graecae sectae, Romae innotuere, inter eas hanc disciplinam Latino sermone scriptis propositam quaerendam esse dubio caret. Inter Graecas vero sectas, quae Latina lingua dogmata sua isto tempore proposuit, non alia inuenitur, nisi Epicurea, cuius dogmata primum Latinis vocibus exposuit Lucretius. Is id ipse ita innuit:

Denique natura haec rerum ratioque reperta est,

Nuper: et hac primum cum primis ipse repertus
Nunc ego sum, in patrias qui possim vertere voces.

L. V. v. 535. conf. LACTANTI. Inst. L. III. c. 16. Huic quoque accurate conueniunt, quae obicit Cicero. Partis enim primae L. III. capite decimo quarto docuimus, Epicurum et sequaces ab ornate dicendi studio abstinuisse, et *ιδιωτικώτερος* scripisse. Quam scribendi negligentiam libros Epicuri et Metrodori ita contemptos fecisse ut nemo, praeter suos, in manum sumat, hoc ipso loco Cicero ait, haud obscure prodens, ad Latinos Epicuri interpretes eum respexisse. Dubium tamen est, an ipsum Lucretium isto loco petierit, cuius doctam et elegantem simplicitatem Ciceronem adamauisse, immo eius carmina emendasse, infra dicamus.

b) PLUTARCHVS in Sylla T. II. p. m. 130. conf. MEYRSIUS de Ceramico gemino, cap. XXVII. p. 94.

c) Narrant victoris crudelitatem PLUTARCHVS l. c. FLORVS Lib. III. c. 5. VELLEIUS L. II. c. 23. APPIANVS de bello Mithridat. et Romanae conditores historiae alii.

emtionis iure peruenisse, suo loco narrauimus. ^a Bibliothecam hanc Romanam perferri cum curasset Sylla, Tyrannio grammaticus, ^c quem captivum Romam Lucullus deduxerat, occasionem nactus gratiam Syllae aucupandi, potestatem ab eo accepit, describendi, quos cuperet, codices. Is melioribus libris manum admouens, Aristotelis quoque et Theophrasti scripta compilauit. Id cum comperisset Andronicus Rhodius, ^f qui Peripateticam philosophiam deperibat, Tyrannionem exorauit, vt Aristotelis atque Theophrasti exemplarium copiam sibi faceret. Id quod eo facilius obtinuit, quo magis in id illo tempore connitebantur viri docti inter Romanos, vt eruditionis incrementa quouis modo iuuarent. Andronicus itaque acceptos a Tyrannione ipso ^g libros Aristotelis carie exesos, mutilosque ex ingenio et coniectura suppleuit, obscuros illustrauit, et vulgavit; sicque Peripateticae philosophiae studium, quod Romae haecenus neglectum iacuerat, valde euexit, licet, quod suo loco ^b demonstratum dedimus, haud parum ista emendatione veram Aristotelis doctrinam adulterauerit, incertamque reddiderit. Ab his itaque Syllae, Lucullique temporibus,

C 2

d) Tom. I. L. IV. c. 7. vbi veterum testimonia de ea re copiose attulimus, recentioribus etiam, qui eam tetigere indicatis.

e) Tyrannio grammaticus Amisenus fuit, ex Ponto, Epicratidis et Lindiae Alexandrinae filius, discipulus cum aliorum, tum etiam Hestiaei Amiseni, a quo etiam Tyrannio dictus est, eo quod condiscipulos vexaret et exagigaret, (*κατατρέχων τῶν ὁμοσχόλων*), cum antea Theophrastus diceretur. Postea vero etiam Dionysium Thracem Rhodi audiuit, aemulusque fuit Demetrii Erythraei, de quibus in historia grammaticae pluribus dicendum. Aristionis tyrannidem fugiens, cum Athenis in patriam Amisenum se recepisset, a Lucullo in urbis expugnatione captus Romam traductus, Miracena vero apud Lucullum pro eo intercedente, libertate donatus fuit. Ibi artis, quam profitebatur, criticae fama innotescens, summus viris carus fuit, adeo, vt opibus tandem magnis auctus, incredibilem numerum summam in bibliothecam, quam struxerat, conferret, optimosque vbique codices magnis sumptibus coëmeret. Quo studio illa tantum creuit, vt plus triginta millibus librorum constaret, narrante id SVIDA T. III. v. Tyrannio, p. 517. seq. vnde audiendi non sunt GAVDENTIVS de philol. Rom. c. 20. p. 140. et post eum Lexicographi MORERIVS et HOFFMANNVS, qui constantem tribus tantum librorum millibus bibliothecam habuisse Tyrannionem falso produnt. Quanta vero in existimatione Romae fuerit Tyrannio, inde colligere est, quod non tantum praeter Strabonem, Ciceronis filium et nepotem discipulos habuerit, sed et Cicero pater eius ministerio vsus sit, ad designationem librorum suorum conficiendam, quam mirificam vocat, Atticoque commendat, Lib. IV. ep. 4. Plura de eo dabunt PLVTARCHVS l. c. p. 143. et in Lucullo T. II. p. 210. HESYCHIUS MILESIUS et SVIDAS in Tyrannio l. c. ex recentioribus PATRICIVS discuss. Perip. T. I. L. III. p. 29.

L. IV. p. 34. seqq. GAVDENTIVS l. c. et qui primo loco nominandus erat P. BAYLE Dict. T. IV. art. Tyrannion. Non confundendus vero est cum Tyrannione iuniore, Phoenice, eius discipulo, qui nomen a praeceptore accepit, cum prius Diocles vocaretur, qui in bello inter Caesarem et Antonium captus a quodam Dymante Caesaris liberto redemptus, et postea Terentiae, Ciceronis vxori donatus est, a qua manumissus Romae docendo et scribendo inclaruit, de cuius scriptis SVIDAS l. c. videndus. Incertumque annon Tyrannio hic iunior bibliothecae Ciceronis catalogum confecerit, Straboque eius fuerit discipulus, quod placet doctissimo KVSTERO ad l. c. Suidae. Ceterum in geographiae quoque cognitione Tyrannionem fuisse versatissimum, ex CICERONIS ep. 6. L. II. ad Atticum colligere est. Atque STRABO L. XIII. p. 609. valde eum Aristotelem amauisse, eiusque libros manu sua emendasse, (*διεμαρξήσατο*). Quam vocem PATRICIVS l. c. praeter rem vertit: *peiores reddidit*; Recensuisse enim tantum eos Tyrannionem, officium grammatici innuit, et Andronicus is fuit, qui lacunas supplendo textum Aristotelis corrumpit. Obiit Tyrannio post Ol. CLXXXIV. si ipse apud CICERONEM l. c. intelligendus est. Apud SVIDAM enim, qui senem podagra confectum obiisse Olymp. CXX. dicit, in numero vitium esse, ex Syllae, Luculli, Ciceronis, Strabonis aetate, qua vixit Tyrannio, manifestum est.

f) Dicemus plura de eo paulo infra.

g) Contendit RAPINVS, comparat. Platonis et Aristotelis pag. 371. Andronicum post Tyrannionis mortem Romam demum venisse, et ab eius haeredibus libros Aristotelis accepisse. Cui recte opponitur PLVTARCHVS, qui in Sylla l. c. Andronicum Rhodium scribit, a Tyrannione adeptum exemplaria in medium protulisse atque edidisse ea, quae hodie circumferuntur volumina.

b) Tom. I. L. III. c. 7.

*Causae cur
sectaria
Graecorum
philosophia
Romae ad-
missa.*

bus, mira velocitate philosophia Romae adoleuit, omnesque Graecorum sectae patronos sectatoresque viros summos naetae sunt. Illi enim non domi tantum praesentes audiebant philosophos, sed filios quoque ad discendam philosophiam Graecam mittebant in Graeciam, ipsique contubernio adhaerebant philosophorum praestantissimorum. ⁱ

§. IX. Cunctarum itaque sectarum Graecarum fata, sectatoresque, qui eas inter Romanos amplexi sunt, exponendi, et qua ratione singulis adhaeserint viri magnae auctoritatis edisserendum, ut Romanae philosophiae acta enucleentur, eiusque historia pateat. Quod tamen priusquam fiat, duo lector monendus est, hic non negligenda. Primum enim probe obseruandum est, non aliam philosophiae rationem, quam sectariam Romae obtinuisse, nec ad nouas sectas descendisse viros iudicii et ingenii laude inclutos, sed iis tantum adhaesisse, quos Graecia protulerat. Id quod primo quidem intuitu alienum a tantorum virorum, qui ab A. V. C. DCLXX. ad A. DCC. floruerunt, (quo scilicet temporis interuallo philosophia inter Romanos adoleuit,) praestantia et ingenii acumine, et mirabile videri queat, homines tantis animi virtutibus ornatos maluisse Graecarum sectarum dogmata sequendo, deuictae quasi genti praestare obsequium, quam propriis vtendo viribus noua philosophiae systemata condere: propius tamen et ex temporum hominumque istorum circumstantiis consideratum, aliter euenire non potuisse, manifestum erit. Plerique enim, quos Graecae philosophiae affeclas in sequentibus producemus, viri erant summae inter Romanos auctoritatis et dignitatis, qui non tantum supremis reipublicae muneribus admoti eam regebant, sed et existimatione, nominisque gloria, opibus etiam et censu immensum aucti nouas plerumque res moliebantur, et augendae in republica potestatis suae consilia capiebant innu-mera, magnamque sibi ea de re spem concipiebant, quae res tandem libertati Romanae exitio fuit, et monarchiam introduxit. Tantis vero viris, belli pacisque artibus et facinorum gloria immortale nomen consecutis, non deerat iudicii acumen, ingenii elegantia et literarum praesidium ad

EXCO-

ⁱ) Abhorruisse veteres Romanos a moribus, literisque aliarum gentium, imprimis Graecorum, supra luculento Catonis Censorii exemplo comprobauimus. Valde enim timebant, ne peregrinis institutis et disciplina capti iuuenes a patriis legibus et moribus desciscerent, sicque res publica detrimentum caperet. In omnia alia tamen conuersa est Romana elegantia morum literarumque, ex quo imperatores Romani gentes eas, inter quas literae vigeant, vicerunt, et imprimis Asiam, Macedoniam, Graeciamque subegerunt, iisque in provincias redactis magistratibus in illis functi sunt. Cum enim viri summae auctoritatis Graeca eloquentia et eruditione mire caperentur, virosque doctos, imprimis philosophos magni facerent, colerentque, ad tantorum virorum Graecae eruditionis elegantia superbientium exemplum tota se Roma composuit, et non humaniores tantum literas, imprimis, poeticam et oratoriam artem, sed et philosophiam magnificere et addiscere coepit, fi-

liosque non tantum ad sapientiae professores in Graeciam misit, sed et ipsi viri summi eos inuiferunt, suoque dignati sunt contubernio. Ita Pompeium M. Pisonium inuississe suo loco diximus. Idem de M. Antonio PLUTARCHVS tradit T. III. p. m. 115. et de Bruto, T. II. in Bruto, p. m. 703. quem Academicum Theomnestum et Peripateticum Cratippum Athenis audiuisse, narrat. Athenas quoque eandem ob causam Atticum inuississe tradit CORNEL. NEPOS in Attico c. 2. ita OVIDIVS quoque Trist. L. I. eleg. 2. v. 77. et Cicero ipse atque eius filius. Non vero Athenas tantum inuiferunt, post Syllae direptionem a veteri gloria valde deficientem, sed et Spartam, vid. QUINTILIAN. L. III. c. 7. Rhodum, Apolloniam, Massiliam aliaque loca philosophiae studio clara, de quibus videndus GEORGE NICOL. KRIEGER, in erudita diatriba de Romanorum peregrinationibus Academicis, add. Cl. FALSTERT Qg. Rom. c. VII. p. 207.

excolendam suo Marte philosophiam, sed tempus atque otium, a rerum civilium et bellicarum tumultu remotum, sine quo frustra noua fiet ad philosophiam accessio. Cum vero omni artis elegantia ornatos adeoque philosophia quoque munitos se cuperent, ne deesset virtutibus pace belloque partis literarum et philosophiae imprimis honos, quo sapientiae laudem adici posse videbant, sectis Graecorum adhaeserunt, et prout in professorem inciderunt, eloquentiae vi et eruditionis praestantia aures demulcentem, ita sectam sibi ex Graecanicis elegerunt, quam sequerentur. Multum vero disertissimi quoque inter Graecos philosophi eloquentia sua ad id contulerunt, vt prudente doctrinarum delectu omisso, sine magno et prolixo examine Romani principes placitis suis calculum adiicerent. Cum enim facundia eorum viros illos summos mirifice cepisset, enata primum admiratio et ex ea amor haud vulgaris ita auctoritatis firmavit praeiudicium, vt tandem in assensum quoque doctrinarum raperentur, et eorum placita admitterent, quos diligebant, vt Panaetii, Posidonii, Philonis, Antiochi, Cratippi exemplo discimus. Nec aliud oculis obuersabatur studium, nisi sectarium, toto orbe philosophico in sectas diuiso et sectariam philosophandi rationem sequente. Etsi enim in fine partis primae demonstrauimus, in certam quandam *ἐκλεξιν* vel syncretismum potius philosophicum in Aegypto philosophantes quosdam homines conspirare coepisse, serius tamen, et post roboratas tantum inter Romanos et stabilitas sectas, id Romae, capta Aegypto et in prouinciam redacta, innotuit, et ipsa haec eclectica philosophandi ratio sectae Platonicae nomen titulumque seruauit. Non de fuere quidem Romanis ingenia excelsa, quae et ipsa Graecorum dogmata examinabant, et fundamenta systematum excutiebant, et infirmitatem atque naeuos, quae passim latebant, detegebant, cuius fidem nobis faciunt elegantissimae Ciceronis dissertationes, systematum sectarum defectus, errores et naeuos passim luculenter demonstrantes: sed, quo minus ad salubriora et meliora progredierentur, et ipsi nouam doctrinae viam inirent, obstitit Academica philosophandi ratio ab Arcefilao et Carneade introducta, quae omnibus sectarum philosophis dubia obiciendo fortissima, earum quidem infirmitatem demonstrabat, verum nec meliora dabat, nec certiora, sed rebus omnibus incertitudinem ex vtraque parte disputationi obnoxiam inesse contendebat, et de recte inspiciendis philosophiae mysteriis desperabat. Hanc cum optimam philosophandi viam esse crederent, viri excitati ingenii, qui acute sectarum dissidia et errores peruidebant, actum erat, de meliori philosophiae ordine modoque, multumque se profecisse credebant, si nobilissimam illam incertitudinis philosophicae artem didicissent, id quod elegantissimae, quas CICERO instituit, *Quaestiones*, siue disputationes *Academicae* luce meridiana clarius comprobant, ostenduntque, suffecisse viris magnis, si in tanto philosophorum dissensu et rationum incertitudine, aliquam saltem sequi probabilem sententiam liceret. Addi his potest, sectarum Graecarum systemata diuersa, diuersi quoque generis

hominibus placuisse, prout rationibus, temperamento, vitae professione, muneribus aliisque, quae eos premebant, circumstantiis conueniebant, et ex horum hominum voto respondebant. Ita iureconsultis et magistratibus Romanis Stoicam philosophiam eo potissimum nomine placuisse, supra docuimus, quod regundis ciuibus, et instruendae virtute Stoica, quam exorsi erant, scenae magnificae melius quam reliquae sectae, inferuire posse credebant. Alii eloquentiae laude, et orationum ad populum habitatum commendatione ad supremos reipublicae honores aspirantes non poterant non Academicae philosophiae nomen dare, et insigni eam amore prosequi, quod eius philosophandi et differendi modo scopum feliciter suum assequerentur. Alii difficiliiori et tristiciiori ingenio atque temperamento vti, et ad metaphysicas cogitationes inter reipublicae turbas et tumultus, quibus se subducebant, sibi viuentes, delapsi, Pythagorica et Platonica deperibant. Alii inter tanta vitae scelera et facinora, quibus nefandis ausibus se Roma maculauerat, magnum animi ad tranquillitatem aspirantis solatium et praesidium in Epicuri inuenerunt systemate, et posthabito atque reiecto omni diuinorum metu et religione sibi viuere gaudebant. Quidam melioris commatis vitaeque, non prorsus malae, vacationem a reipublica, quae misere tum concuti coeperat, summum sibi statuentes leuamen miseriae, ob eiusdem commendationem et priuata otia hortos quoque Epicuri reliquis praeferebant. Quae omnia cum suis commodis et felicitati, quam quaerebant, satis respondere Romani crederent, non potuere non in sectaria Graecorum haerere philosophia, nec noua moliri opus habebant. Id quod eo difficilius cum esset, quo magis turbae atque tumultus, quae noua philosophiae molimina vehementer impediri solent, inualecebant, impossibile fere fuit, si morali ratione consideramus, ut orbis Romanus nouum philosophiae genus conderet. Ex hoc vero clarum esse putamus, in delineanda philosophiae Romanae historia doctrinarum a Romanis admissarum explanatione opus haud esse: eae enim non aliae fuerunt, quam quas tomo primo fuisse delineauimus. Nisi hoc vnum addas, non tam seruii iugo sectariae philosophiae inhaesisse Romanos, ut non ex aliis quoque sectis quaedam sibi eligerent: quae tamen et pauca fuerunt, suis locis non praetermittenda, et ab integro sectae systemate eos non auocarunt. Alterum, quod monendus est lector, antequam philosophiam Romanorum sectariam pandimus, hoc est, deferendam esse paulisper notionem eam philosophi, quam sectas Graecas describendo secuti sumus. In iis enim homines inuenimus certo professionis vitaeque genere philosophos et philosophiae doctores. Qui quidem ex Graecis, qui Romam commigrarunt, circa haec quoque tempora non defuerunt, ut in sequentibus docebimus, inter Romanos vero, qui philosophiae operam dederunt, eo characteris genere tantum non inueniuntur. Qui enim ex Romanis philosophati sunt, fuere viri fere maximi summisque reipublicae gubernaculis admoti, munerumque splendore illustres, qui non elegantiores tantum et humaniores literas

litteras excolebant, sed philosophiam quoque artibus iungebant politicis, et rempublicam curantes ad philosophiae praesidia respiciebant. Inter eos sectas Graecorum Pythagoream, Academicam, quaeque sub eius nomine latuit Scepticam, Stoicam, item atque Peripateticam, et tandem Epicuream quoque affectas inuenisse, iam prolixius demonstrabimus.

§. X. *Non potuisse Pythagorae disciplinam, licet is in ultimis Italiae oris iuuenum aemulantium studia coetus habuerit; fama linguarum commercio per tot gentes dissonas sermone moribusque in Sabi-* *Pythagoricae philosophiae fata Romae.*
nos peruenire, recte monuit, et hac ratione Romanis Pythagoricam philosophiam denegauit L I V I V S ^k. Cum tamen eius fama inter Graecos postea percrebuisse, isque inter celeberrimos Graecorum philosophos esset numeratus, tanta quoque eius existimatio Romae fuit, ut teste P L I N I O ^l, illi et Alcibiadi in cornibus comitii statua poneretur, cum bello Samnitico Apollo Pythius fortissimo Graecorum gentis iussisset et alteri sapientissimo simulacra celebri loco dicari. Addit his Plinius: Mirum est, illos patres Socrati cunctis ab eodem Deo sapientia praelato Pythagoram praetulisse, aut tot aliis virtute Alcibiadem, aut quenquam utroque Themistocli. Cuius causam eam putat G. I. V o s s i v s, quod Pythagoras Romanis notior fuerit Socrate, quia docuerit in Italia: immo et acceptior, quia Numa fuisse Pythagoricus vulgo crederetur. Vtrumque leui verisimilitudine dicitur: nam eadem facilitate Socrates Romanis innotescere potuit, qua Pythagoras, Numam vero Pythagoricum fuisse, error est temporum bello Samnitico posteriorum. Nobis ratio et conditio vtriusque philosophiae causa fuisse videtur. Socrates enim, qui vitae, non scholae, philosophabatur, quamuis inter suos integerrimae vitae morumque laudem obtinuisset, longe tamen et ipse ab ostentatione sectaeque studio abfuit, et eius gloria a Sectis, quae ex eius schola prodierunt, breui obscurata est, ut mirum non sit tanti viri famam istis temporibus ad Romanorum aures non pertigisse. Pythagorae vero disciplinae fama, non ea tantum ex ratione inualuit, quod arcana methodus, quam adhibebat, nescio quae mysteria promitteret, sed quod etiam potissima huius philosophiae pars in Deorum cultu et religione explicanda occuparetur, quae non potuere non Romanis ad superstitionem isto tempore procliuius videri magnifica, et eo magis Pythagoras pro sapientissimo haberi, quo magis miracula, quae de hoc viro ferebantur, in vulgus edita, et finitimarum gentium laudibus iactata, mirumque in modum mendaciis aucta, opinionem de Pythagora viri diuini, et humana forma augustioris confirmabant, ad quam Romanos potissimum in isto iudicio respexisse, nulli dubitamus. Nihil tamen haec Pythagorei nominis existimatio ad eius philosophiae excolendae studium contulit; quos nempe Marti magis, quam Apollini, litasse, et arma magis tractasse, quam litteras, supra demonstraui. Intercidente quo-

^k) Lib. I. c. 18. Ad quod non attendit Auctor Historiae criticae philosophiae, qui T. III. p. 8. Nigidium Pythagoricae philoso-

phiae affectam Numae philosophiam resuscitasse scribit.

^l) Lib. XXXIV. c. 6.

Ennius.

quoque mature secta, et reliquis, qui ex collegio Pythagoreo supererant, in Aegyptum et Graeciam fugientibus, non potuit non Pythagorea philosophia Romae manere incognita, quae etiam alienis prorsus institutis, quam Romani habebant, vsa, exigua forte fortuna fuisset gauisa, vbi etiam innotuisset. Vnus ENNIVS Rudiae inter Calabros A. V. C. DXIV. natus ^m, cum vicinus illis locis esset, vbi reliquiae Pythagoricae philosophiae, tanquam tenues igniculi sub cineribus latebant, quibusdam doctrinas Pythagoricas hausisse visus est. Hinc de eo PERSIVS ⁿ;

Cor iubet hoc Enni, postquam destertuit esse

Maeonides Quintus pauone ex Pythagoreo.

Pauonem enim Pythagoreum nominat ideo, quod initio annalium suorum somniauerit Ennius, Pythagorea metempsychosi supposita, animam suam fuisse in Homero, exque eo in Ennium descendisse, quare etiam *Quintum* (quo nomine gaudebat) *Maeonidem* vocat ^o. Cum vero Ennius non tantum in vltimis Italiae oris natus sit, sed et quadraginta annos in Sardinia triuerit, non absque verisimilitudine dicitur, eum quaedam dogmata Pythagoreorum exoterica, inter quae transmigratio animarum locum habuit nobilissimum, didicisse. Certe literaturae Graecae non expertem fuisse Ennium, ex eo patet, quod eo in isto eruditionis genere praeceptore Cato Censorius vsus sit, vt supra dictum. Cumque a Nearcho quodam Pythagorico eundem Catonem praecepta Pythagorica didicisse eodem loco demonstratum sit, facile intelligitur, simile quid de Ennio quoque non absurde statui posse, qui semper fere in iis locis haesit, vbi Pythagorica instituta vigerant. Quicquid tamen verisimilitudinis huic coniecturae inesse potest, attamen omne illud ad exoterica Pythagorae dogmata trahendum est, qui enim acroamaticam disciplinam tenuerant Pythagorei vltimi, integro seculo ^p ante Ennium A. V. C. DLXXXV. denatum, vixere. Non defuisse vero Ennio ingenium philosophicum clarius disceremus, si Euemeri *historia de Diis* suppeteret, quam ex Graeca Latinam fecisse tradit LACTANTIUS ^q: hunc enim librum non exigui in historia veteris philosophiae momenti esse, parte prima docuimus ^r.

Nigidius
Figulus.

§. XI. Maiorem melioremque nacta est affeclam philosophia Pythagorica inter Romanae eruditionis principes in PVBLIO NIGIDIO, cui FIGVLI cognomen peperit data de astrorum praedictione et euentu responsio ^s. Qui Ciceroni coaeuus eiusque amicus familiarisque circa A. V. C.

^m) POMPON. MELA de situ orbis Lib. II. c. 4.

ⁿ) Satyr. VI. v. 10. seqq.

^o) Conf. Comment. ad h. l. HORN. Hist. phil. Lib. IV. c. 4. p. 239.

^p) Annus enim natiuitatis in Olymp. CXXXV. incidit, vltimi vero Pythagorei vixere Olymp. CX.

^q) De falsa relig. Lib. I. c. 11. 13. 14.

^r) De reliquis Ennii circumstantiis vid. VOSSIVS de hist. Lat. Lib. I. c. 2. p. 9. de poetis Lat. p. 4. alique.

^s) Frustra assertur nobile illud commentum de figuli rota, quod respondiisse ferunt Nigidium

hac quaestione turbatum, vnde et Figulus appellatus est. Dum enim rotam figuli, vi quanta posset, intorsisset, currente illa bis numero de atramento tanquam vno eius loco summa celeritate percussit, deinde inuenta sunt signa, quae fixerat desistente motu non paruo intervallo in eius rotae extremitate distantia. Sic, inquit, in tanta coeli rapacitate, etiam si alter post alterum tanta celeritate nascatur, quanta rotam bis ipse percussit in coeli spatio plurimum est. Hinc sunt inquit, quaecunque dissimillima perhibentur in moribus

V. C. DCLXXX. floruit et non eruditionis tantum praecipue mathematicae gloria, sed et munerum dignitatibus magnam sibi nominis famam conciliauit. Tanta enim disciplinarum omnium, praecipue elegantiorum notitia inclaruit, vt *hominis in studiis bonarum artium praecellentis, et impense docti* laudem consequeretur a GELLIO^e, qui eundem cum M. Varone inter *doctrinarum multififormium variarumque artium, quibus humanitas erudita est, columnina quae aetas Ciceronis habuit*, referre nullus dubitat^a. Praeter elegantiores autem literas mathematicas quoque disciplinas impense coluit^b, et inter has imprimis astrologiae tanta felicitate operam dedit, vt fidem fere superet, quod de eius praedictionibus astrologicis referunt veteres, qui Augusto orbis imperium praedixisse ex themate natalitio testantur^c, et triumuiratus mala ex astrorum constellationibus fuisse vaticinatum, referunt^d. Qui tanta, addunt, certitudine in euoluendis futuri seculi fatis vsum fuisse, vt in magiae suspensionem adduceretur, et arcanis studiis vti crederetur^e. Id quod male accepit EVSEBIVS^f, qui perperam ait: *Nigidius Figulus Pythagoricus et magus in exilio moritur*. Adderemus, quod APVLEIVS^g narrat: *Fabium, cum quingentos denarios perdidisset, ad Nigidium consultum venisse, ab eo pueros carmine instinctos indicasse, ubi locorum defossa esset crumena, cum parte eorum; ceteri vt forent distributi, vnum etiam denarium ex eo numero habere M. Catonem philosophum, quem se a pedisequo in stipem Apollini accepisse confessus sit; nisi manifestum putaremus esse, haec ex illarum narratiuncularum genere esse, quae ad fidem vanissimis artibus faciendam ab otiosis hominibus solent excogitari, adeo indigna sunt Nigidii grauitate et eruditione, et anilia commenta sapiunt. Rationibus vero arithmeticiis et astrologicis impense delectatum fuisse, vel vnum Pythagoricae philosophiae ex tenebris ab eo quasi reuocatae studium demonstrat, si vera sunt, quae CICERO^h narrat, accuratus de amico intimo testis, qui qualis quantusque fuerit philosophus ita edisserit: *Multa sunt nobis et in Academicis conscripta contra physicos, et saepe P. Nigidio Carneadeo more et modo disputata. Fuit enim vir ille, quum ceteris* art-*

casibusque geminorum. Hoc figmentum fragilius est, quam vasa quae illa rotatione figuntur. Ita S. AVGVSTINVS de C. D. Lib. V. c. 3. qui cum vnicus rei testis sit, fides penes eum esto. Conf. BAYLE Dict. T. III. art. Nigidius not. G. p. 509.
^e) Lib. X. c. II. Lib. XI. c. II. MACROB. Saturn. Lib. VI. c. 8.
^f) Lib. XIX. c. 14.
^g) Scripsit enim Comm. de sphaera barbarica et Graecanica, cuius meminit SEBIVS ad VIRG. Georg. I. 29. 42. conf. VOSS. de Scient. mathem. c. XXXVI. §. 6. p. 569. seqq.
^h) Dio Lib. XLV. p. 306. SVETON. in Aug. c. 94.
ⁱ) Digni, qui hic legantur, ea de re versus sunt IVCANI Pharsal. Lib. I. v. 639. seqq.

At Figulus, cui cura Deos secretaque coeli Nosse fuit, quem non stellarum Aegyptia Memphis

Aequaret visu, numerisque mouentibus astra, Aut hic errat, ait, nulla cum lege per aeuum Mundus et incerto discurrent sidera motu, Aut, si fata mouent, orbi generique paratur Humano matura lues.

a) Dio I. c.

b) In Chronic. n. MDCCCCLXXIII.

c) In Apologia.

d) De vniuersitate c. i. Pythagoreos vero non numerorum tantum et siderum scientiae plurimum tribuisse, sed vaticinari quoque ex vtrisque fuisse solitos, ex dictis P. I. Lib. III. c. 10. notum, hicque repetendum est.

artibus, quae quidem dignae libero essent, ornatus omnibus, tum acer investigator et diligens earum rerum, quae a natura inuolutae videntur. Denique sic iudico, post illos nobiles Pythagoreos, quorum disciplina extincta est quodammodo, quum aliquot secula in Italia Siciliaque viguissent, hunc extitisse, qui illam renouaret. Ex quo Ciceronis loco haud obscure colligitur, Nigidium non tantum more Pythagoreo arcanam servauisse doctrinam, sed rationes quoque mathematicas et imprimis arithmeticas ad rerum naturalium scrutinium adhibuisse; quae fidem quoque faciunt, vaticinia eius, quibus more Pythagoreo vacabat, ex numeris facta fuisse. Quod si libri eius *de animalibus, de extis, de auguriis, de ventis*, alique quorum mentio passim fit apud veteres ^e, extarent, accuratius de philosophia Nigidii posset fieri iudicium: illud certum est, si *SERVIO* ^f credimus, non in communibus tantum literis, verum in theologia quoque eum scripsisse, in qua tamen eum Varroni postponit; dignus itaque visus Sammonico Sereno apud *MACROBIUM* ^g, qui *maximus rerum naturalium indagator* audiat. Et si vero scripsit plurima, vnde Varroni a veteribus iungi solet, disparuere tamen mature eius monumenta, eo quod more Pythagoreo obscurius essent Scripta. Vnde *GELLIVS* ^h, *Varronis*, ait *monumenta rerum ac disciplinarum, quae per literas condidit, in propatulo frequentique usu ferri; Nigidianas autem commentationes non perinde in vulgus exire, et obscuritatem subtilitatemque earum tanquam parum utilem derelictam esse.* Quibus frustra opponit Macrobianum de eruditione Nigidiana testimonium *GAUDENTIVS* ⁱ, more suo leui brachio de hoc viro tractans, cum obscuritas a Pythagoreae disciplinae studio quaesita, literarum profunditatem non tollat. Non vero in literis tantum vir summus fuit Nigidius, verum etiam in republica, fenatui enim erat adscriptus ^k, Praeturamque gessit, Ciceronique Consuli in supprimenda Catilinae coniuratione fidelem operam praestitit, ^l qui cum ingenii doctrinarumque nomine eum summe reuereretur, *non in philosophia tantum eum*, quod ait *PLUTARCHVS* ^m, *socium habuit, sed eius quoque grauissimis in negotiis publicis usus est consilio.* Licet vero Pythagoricam Nigidius adamaret philosophandi rationem, tantum tamen abest, vt Pythagoreum *αὐτὸς ἔφα* secutus aliarum sectarum philosophos contemnerit, vt non tantum more Academico, vt supra ex Cicerone relatum, disputarit, sed et libenter cum aliis philosophis sermones miscuerit, quales disputationes cum Cicerone suo et Cratippo Peripatetico habuisse ille testatur.

^e) Vid. *DONAT.* ad Terent. p. 447. 448. 454. *PHYLARGIR.* in Georg. Virg. III. 147. et Scholiae alii, imprimis *SERVIVS*, qui ad eius librum de animalibus Georg. III. 147. de Diis Ecl. IV. 10. commun. grammaticalem Georg. I. 120. de hominum naturalibus Aen. IV. 152. de sphaera Graecanica Georg. I. 43. etc. prouocat. Alios tacemus. Fragmenta quaedam collegit *IANVS RUTGERSIVS* var. lect. Lib. III. c. 16. p. 269. conf. *FABRICIVS* Bibl. Lat. Lib. IV. c. 7. §. 31. p. 799. *BAYLE* I. c. not. B.

^f) In Aen. X. 175.

^g) Saturn. Lib. II. c. 12.

^h) Lib. XIX. c. 14.

ⁱ) I. c. XXXI. p. 169. Inter obscuritatis Nigidianae causas non immerito referas etiam modum disputandi Carneadeum, quem ei tribuit Cicero.

^k) *DIO* I. c. *SVENTON.* I. c. in Senatu enim expectans Octavianum, qui sero venerat, cognita morae causa, ei imperium praedixit.

^l) *GELLIVS* Lib. XI. c. II.

^m) In *CICER.* T. III. p. m. 40. conf. *CICERO* ad famil. Lib. IV. ep. 31. *BAYLE* I. c. not. F.

tur *. Tandem secutus Pompeii M. partes, cum C. Iulius Caesar rerum potiretur in exilium abire coactus est, in quo A. V. C. DCCIX. magna elegantiorum et philosophicarum literarum iactura decessit °.

§. XII. Quamvis vero inter Romanos quoque Pythagorica disciplina magnam existimationem effecit, eamque summa Nigidii eruditio vehementer auxisset, neglecta tamen mox adeo iacuit, ut post eum paucissimi inueniantur, qui huic philosophiae generi nomen dederint, vixque sub Caesaribus vnus atque alter comparuerit, qui in hunc censum queat referri. Cuius causae variae videntur fuisse. Nempe secta ipsa diu defuerat, et tria fere effluxerant secula, ex quo vltimi Pythagorei vixerant: qui cum arcane custoditam secum quasi sepeliuissent philosophiam, paucae essent, quae hominum memoriae de ea essent relictae, nemo fuit, qui sectam eam ex cineribus reuocare, tantumque laborem impendere vellet, ut quid Pythagorae placuerit, accuratius inquireret. Multa quoque, quae in vulgus exire passi erant Pythagorei, vel Graeci philosophi ab iis fuerant expiscati ad Platonem reliquosque Academiae philosophos peruenerant, et ab iis tanquam sua laudabantur, maiori sapientiae fama et minori labore. Cum etiam pauca illa, quae supererant obscurissima essent, neglecta ea sunt, nec lecta, quae intelligi ipsi auctores noluerant, citoque contemptus obscurorum memoriam deleuit, id quod ipsis Nigidii scriptis, licet doctissimis, accidisse, modo narrauimus. Tales quoque erant philosophiae Pythagoricae reliquiae, ut ad rerum futurarum scientiam, et occulta naturae ad Deorum etiam cultum pertinere viderentur. Ea vero non negligebant tantum plerique tanquam exigui in republica usus, sed et ipse Senatus Romanus ab eiusmodi studiis homines arcebat; supra enim docuimus, ideo libros Numae tanquam Pythagorice scriptos combustos fuisse, ne religionis arcana vulgarentur. Mirandum itaque non est, exiguam sectae huius apud Romanos fuisse fortunam. Narrat quidem VALERIUS MAXIMVS P: C. Cornelium Peregrinum M. Pompilio Laenae et Cn. Calpurnio Consulibus edicto Chaldaeos intra decimum diem abire ex vrbe atque Italia iussisse, leuibus et ineptis ingeniis fallaci siderum interpretatione quaestuofam mendaciis suis caliginem nutriendes, iniicientes. Verum et paulo supra eam aetatem haec ascendunt, qua philosophia Graeca caput Romae extulit, cum iste Consulatus vel ad A. V. C. DLXXX. quod vult GAVDENTIVS †, vel ad A. V. C. DCXIV. quod vult PIGHIVS ‡, referendus sit: et incertum prorsus est, vtrum hi astrologi Pythagoricam philosophiam mentiti eiusmodi disciplinam prae se tulerint, cum Chaldaeorum natio in hoc vaticiniorum genere, quod ex sideribus fit, peculiarem semper sectam constituerit. Non tamen plane omittendum hoc est in historia philosophiae Romanae, eo quod Chaldaei, qui astrologiae iudiciariae operam locabant suam, philosophorum famam quaerere, et mathematicorum

*Causae cuius
Pythagoricae
secta mox
evanuerit.*

D 2

corum

*) De vniuersitate c. 1.

°) EVSEB. in Chron. ad Olymp. CLXXXIII. 4. qui est A. V. C. DCCIX. conf. CICERO famil.

ep. Lib. IV. ep. 13.

q) l. c. c. XLIV. p. 200.

†) Ad l. c. Val. MAX.

p) Lib. IV. c. 3.

corum nomen affectarent. Vnde mathematicos non tantum geometris et arithmetiis opponit *SEXTVS EMPIRICVS* ^s, sed et veteres hoc nomine plerumque astrologos notarunt ^t. Et si vero non sine apparatu mathematico inanem iactantiam et vanissima mendacia vulgo facile credenti, facileque decepto vendebant, tantum tamen abest, ut virorum prudentium et in philosophiae mysteriis non coecutientium oculos fefellerint, ut potius vanissimae artis somnia ad emungendos tantum loculos et ducendam plebem excogitata mature omnibus patuerint. Vnde Chaldaei et astrologi, quod et sub imperatoribus factum, tanquam homines otiosi et inutiles in republica vrbe et agro Romano excedere iussi sunt. Nihil tamen momenti hoc ad ipsius astrologiae contemptum habuit, ut ipsius Nigidii exemplo patet; qui ob istius scientiae cognitionem maximi naturae indagatoris titulum nomenque meruit, immo sub Caesarum imperio eam illa fidem locumque inuenit, ut principibus viris esset gratissima, et Augustus Theagenem, Tiberius Thrasyllum haud semel ex siderum constellationibus praedicentes consuluerint. Cum enim hi essent philosophi, naturaeque indagatione fidem sibi nomenque conciliafent, hypotheses philosophicas obseruationibus astrologicis pro fundamento subternentes ab agyrtarum istorum, qui Chaldaeorum nomine totum orbem terrarum oberrabant infamia se distinxere, sicque, quod in his contumeliosum viroque bono et sapiente indignum visum fuit, tanquam laudabile et commendandum excoluere. Ita scilicet semper mundus voluit decipi. Verum de sectae Pythagoricae fati ante Caesarum imperium fati. Iam de reliquarum quoque sectarum inter Romanos studio dispiciendum est.

*Academiae
primae
sectatores.*

§. XIII. Academiae duplicem fuisse faciem, qualem nempe Plato prius instituit, Arcefilaus vero et Carneades totam immutarunt, indeque distinctionem inter Academiam veterem et nouam inualuisse, suo loco prolixè enarrauimus, illud etiam addentes, vltimae Academiae quam quartam a Philone, et quintam ab Antiocho auspiciū habuisse diximus, doctrinam ad primam valde appropinquare, hancque concordiam insuper inter Stoicos et Academicos tentasse. Huius itaque non minus, quam illius sectatores Romaeprehendimus plurimos. Et quod ad primam quidem Academiam Antiochi cura resuscitatam nouoque colore auctam attinet, Lucillum amicum eam habuisse, supra docuimus. Iungimus maximo viro alium, vitae factorumque magnitudine Lucullo non minorem *M. BRVTVM*, cuius memoriam in historia reipublicae Romanae summi esse momenti, scriptorum historiae Romanae testimonia loquuntur ^u. Matrem habuit Seruiliam, cuius frater cum esset Cato philosophus, quem auunculum Brutus omnium Romanorum potissimum sibi ad imitandum proposuit, facile inde ratio iniri potest, Brutum magno, quod et Cato solebat, studio

M. Brutus.

^s) Adv. math. Lib. IV. f. vlr. conf. Lib. V. f. 2.
^t) Vid. EVSEB. Praep. L. VI. c. 1. GELLIVS
Lib. I. c. 9. SVETON. in Tiber. c. 14. 36. conf.
FABRICIVS praef. ad Sextum adu. mathemati-

cos, FALSTERVS Qq. Rom. L. III. c. 7. q. 1. p. 331.
^u) VELLEII, PLVTARCHI, FLORII,
DIONIS. Ex recentioribus P. BAYLE Dict.
T. I. art. Brutus p. 685. seqq.

studio accensum in philosophiam incubuisse. Id quod diserte tradit P L V T A R C H V S *; *nullum fere fuisse Graecorum philosophorum, quem non audierit: nullam sectam, quam non cognouerit.* Ita enim solebant Romani per omnes fere sectas tanquam exploratores, quid sentiant doceantque, perquirere, et tum demum eam, quae maxime ipsis placuisset, eligere: id quod Brutus quoque fecit, qui, eodem teste, *maxime Platonice doctrinam amplectebatur, nouamque et mediam Academiam non admodum probans, antiquam sectabatur, et ob eam causam Antiochum Ascalonitam perpetua in admiratione habebat, fratremque eius Aristonem amicum sibi et contubernalem adsciscibat, hominem usu doctrinae longe reliquis philosophis inferiorem, modestia autem et lenitate nemini primorum cedentem.* Idem tradit C I C E R O †, qui et alibi ‡ de eo ita ad Varronem: *Brutus quidem noster excellens omni genere laudis, sic Philosophiam Latinis literis persequitur, nihil ut iisdem de rebus a Graecis desideres: et eandem quidem sententiam sequitur, quam tu, nam Aristum audiuit aliquamdiu, cuius tu fratrem Antiochum.* Ex quo Ciceronis loco etiam manifestum est, multum debuisse Latinas literas et philosophiam hoc quoque nomine Bruto, quod non sine elegantia Graecorum praecepta patrio sermone tradiderit, licet ob sermonis breuitatem †, cuius magister C I C E R O N I ‡ audit, huic visus fuerit concisus nimis et disiunctus †. Tanta vero philosophiae propagandae infedit Brutum ardor, ut homo maximis negotiis occupatus, libros etiam philosophicos scripserit. Libri enim eius de virtute mentionem faciunt C I C E R O † et S E N E C A ‡, cuius pars videtur fuisse laudata a D I O M E D E † tractatio de patientia; diuersus vero sine dubio fuit a libro de officiis veteribus § laudato. Alia eius scripta quibus eloquentiam et historiam illustrauit, cum ad nostrum institutum non pertineant, praeterimus, quaerenda apud V O S S I V M † et F A B R I C I V M ‡. Errant itaque, quos G A V D E N T I V S † castigat, quidam Itali recentiores, quos sequitur P. B A Y L E †, qui Brutum Stoicos secutum fuisse somniant, quos Plutarchi et Ciceronis testimonia modo adducta satis refutant. Nisi hoc sensu Brutus Stoicis fauisse dicatur, quod Antiochus, quem ille in philosophia sequebatur, Stoicos cum Platonice in concordiam redegerit, hosque verbis magis quam re ab Academia vetere recedere, contenderit, Stoicamque Platonice disciplinae iungere iusserit. Id quod Brutum secutum fuisse, verisimilitudine non caret, cum is enim de officiis scripserit, partem ethicae Stoicae persequi voluisse apertum est; reliquae enim sectae de officiis tacebant. Laudanda vero Bruti philo-

D 3

phia,

*) In Bruto T. V. p. m. 688.

†) In Bruto c. ult.

‡) Academ. Qq. Lib. I. c. 3.

*) P L V T A R C H. l. c.

b) Epist. fam. Lib. IX. ep. 15.

c) Dial. de causis corruptae eloq. Bruto vero Cicero visus est fractus et elumbis. Sed nec Caesari Bruti stilum placuisse ex C I C E R O N E ad Attic. Lib. XII. ep. 46. colligi potest.

d) Tusc. Qq. Lib. V. c. i. de finibus Lib. I. c. 3.

e) Consol. ad Heluiam c. 9.

f) Lib. I.

g) C H A R I S I V S L. I. P R I S C I A N. Lib. VI.

S E N E C A ep. 95.

h) De histor. Lat. Lib. I. c. 7. p. 28. c. 13. p. 68.

i) Bibl. Graec. Vol. I. p. 410. seq. 440. Vol.

XIII. p. 622. Bibl. Lat. T. III. p. 681. conf. B A Y L E

Dict. T. I. art. Brutus not. G. p. 686.

k) De philos. Rom. c. XXV. p. 151. l) l. c.

phia, quod non tantum scribendo, sed viuendo quoque philosophum se praestiterit. Eum enim *ob virtutem a multitudine dilectum, ab amicis amatum et ne hostibus quidem inuisum* fuisse PLUTARCHVS^m perhibet, quod in eo insignis mansuetudo, animus magnus, et ab ira, voluptatibus et cupiditatibus vacuus esset, qui in recta et immobili de honesto et iustitia persisteret sententia; maximam autem beneuolentiam et gloriam ei parauisse voluntatis propositique fidem. Quam laudem licet caede Iulii Caesaris, maximis beneficiis ab eo maectatus, et virtutis vituperioⁿ maculauerit, vtrumque tamen si non condonandum homini ereptam patriae libertatem aegerrime ferenti, saltem illud opinioni falsae de patriae amore aliis omnibus praeferendo, hoc vel desperationi, vel principio aliquo Platonico et Stoico, corporis sarcinam et vincula abiici posse, licereque vita emigrare, vbi salus publica desperata est, nec a nobis medicina potest afferri, quae auunculo quoque Bruti Catoni philosopho gladium in pectus adigit, est adscribendum.

M. Terentius
Varro.

§. XIV. Nemo vero Academiae veteris famam et honorem inter Romanos vindicauit melius, et tuitus est felicius, quam M. TERENTIUS VARRO, cum Varrone Atacino eodem tempore scriptis historicis et poëticis inclarescente^o non confundendus, cuius vitam ab ipso scriptam perisse merito dolemus^p. Natus Romae A. V. C. DCXXXVIII. et ad optimarum artium et scientiarum studia animum felicissimo euentu applicans, maximorum virorum beneuolentiam et amicitiam virtute et doctrina meruit, cuius amplissimum ei exhibuit testimonium CICERO^q in illa epistola, qua Varronem quaestorem Bruto imperatori commendauit, promissitque, *fore eum illi et voluptati et vsui: nam et modestum hominem cogniturum, et prudentem, et a cupiditate omni remotissimum, praeterea magni laboris summaeque industriae*. Quibus virtutibus insolitae eruditioni iunctis aditum sibi ad honores et munera parauit, Pompeii tamen partibus addictus eiusque fatis pressus victoris vindictam fuisset expertus, nisi mature de eo sibi reconciliando cogitauisset. Ex turbis itaque, quibus respublica tum misere iactabatur, tandem eluctatus, totus literarum studiis se tradidit, et bibliothecis suae curae demandatis praefuit. Triumviratus vero tempore cum Cicerone proscriptus, vita quidem saluus euasit, bibliothecam vero, et scripta propria perdidit. Tandem Romae redux otio literato totum se dedit, negotiosus tamen adeo, vt teste GELLIO^r librorum a se conscriptorum numerum CDXC. attigerit, et LXXXVIII. aetatis anno adhuc in exarandis scriptis suis fuerit occupatus^s, donec morte

^m) l. c. p. 706.

ⁿ) Quanto efficacior est fortuna quam virtus! et quam verum est, quod moriens efflauit, non in re sed in verbo tantum esse virtutem. FLORVS Lib. IV. c. 7. Id quod prolixius explicat DIO Lib. XLVII. et frustra negat GAUDENTIUS L. c. p. 152.

^o) GYRALD. de poët. Dial. IV. p. 202. VOSS. de hist. Lat. L. I. c. 16. p. 77. G. HORN. hist. philof. Lib. IV. c. 4. p. 240.

^p) Pleraque veterum loca de eo collegere vitamque eius enarrauere VETERANIUS MAVRVS et AVSONIUS POMPA praemissam scriptis Varronis Lugdun. Bat. 1601. 8. editis.

^q) Ep. fam. Lib. XIII. ep. 10.

^r) Lib. III. c. 10.

^s) PLINIUS Lib. XXIX. c. 4.

^t) Splendida, quibus Varronis eruditionem ornarunt

morte XL. anno, A. V. C. DCCXXVII. qui XXVII. post C. N. est, viuis eriperetur. Tanta vero eruditionis praestantia inter omnes sui temporis viros doctos enituit, vt communi iudicio, neminem vnquam doctiorem ne apud Graecos quidem, nedum apud Latinos vixisse, dictum fuerit, et S. AVGVSTINVS * laudato illo Terentiani elegantissimo versiculo: *Vir doctissimus vndeunque Varro, addere hoc aequum censuerit: eum tam multa legisse, vt aliquid ei scribere vacasse miremur, tam multa scripsisse, quam multa vix quenquam legere potuisse credamus.* Cuius in optimarum artium et scientiarum studium et felicitatem diligentiae et eruditioni parem vel ex sola scriptorum eius designatione, quam FABRICIVS † exhibet, facili iudicio colligas. Quae tamen cum ad literariam Romanorum historiam pertineant, hic praetermittimus, illud vero porro notamus, philosophiae non minus, quam elegantioribus literis, in quibus quidem totus haerebat, operam suam impendisse. Cui etsi *Latinis literis lumen afferre se nolle* apud CICERONEM ‡ profiteatur, testis tamen QVINTILIIVS § est, eum cum Lucretio in Latinis praecepta sapientiae versibus tradidisse. Academiae vero veteris doctrinam secutum fuisse, CICERO ¶ locuples testis est, qui non eius tantum partes defendendas Varroni tradidit, sed eadem in sententia quoque esse, qua Brutus fuit, testatus est. Mirandum itaque LEONARDVM COZZANDVM † Varronem inter Stoicos numeravisse eiusque auctoritate seductum τὸν πᾶν FABRICIVM †, Stoicorum catalogo inseruisse, nisi eodem id nomine iureque factum esse dicatur, quo Brutus, vt supra dictum. Aliter doctissimus HVETIVS †, qui Varronem inter Academiae mediae patronos numerat, eo quod in Satyra, cui *Eumenidis* nomen Varro inscripsit, quaque sensu et sapientia carere homines probavisse dicitur, humanae cognitionis incertitudinem demonstravisse, ipsi videtur. Qui, si, qua erat veteris philosophiae notitia instructissimus, paulisper cogitasset, Antiochum, cuius praeceptis, Varronem imbutum fuisse ipse eruditissimus praeful innuit, Philoni non tantum contradixisse, sed longius etiam progressum apertum ab Arcesilae et Carneadis sententia diuortium fecisse, neque Varronem, neque Pisonem, neque Lucullum, neque Brutum inter scepticissimi patronos numerasset. Etsi enim argumentum satyrae verum ignotum est, non inepte tamen coniicimus, Varronem non tantum ad humani intellectus imbecillitatem, sed praecipue quoque ad humani generis stultitiam ignauiamque in veritate inquirenda respexisse. Scripsisse vero Varronem non plurima tantum, ad eruditionis vniuersae ambitum pertinentia, sed philosophiam quoque illustrantia, licet non eadem, qua reliqua argu-

men-
narunt viri docti encomia vide apud CICERONEM passim, SENECAM Consol. ad Helv. c. 8. ARNOB. adu. gent. Lib. V. p. 158. ed. Cant. AVGVSTIN. de C. D. Lib. IV. c. 1. QVINTILIIVS. Instit. or. Lib. X. c. 1. Recentiorum collegit THOM. POPE. BLOUNT Cens. cel. auct. p. m. 60.

*) LACTANT. Lib. I. c. 6.

†) I. c. Lib. VI. c. 2.

y) Bibl. Lat. T. I. L. I. c. 7. p. 76. conf. VOSS. de hist. Graec. L. I. c. 16. p. 77. seqq.

z) Acad. Qq. Lib. I. c. 2.

a) I. c. Lib. I. c. 4.

b) I. c.

c) De magisterio antiq. phil. L. III. p. 231. seqq.

d) Bibl. Graec. Vol. II. p. 413.

e) De la foiblesse de l'esprit humain Lib. I. ch. 14. §. 25, p. 121.

mentorū genera, deduxerit prolixitate, vel vnus C I C E R O N I ^s locus ad demonstrandum sufficit, vbi de Varrone ita: *Tu aetatem patriae, tu descriptiones temporum, tu sacrorum iura, tu sacerdotum, tu domesticam, tu bellicam disciplinam, tu sedem regionum et locorum, tu omnium diuinarum humanarumque rerum nomina, genera, officia, causas aperuisti, plurimumque poetis nostris omninoque Latinis et literis luminis attulisti et verbis: atque ipse varium et elegans omni fere numero poema fecisti; philosophiamque multis locis inchoasti, ad impellendum satis, ad docendum parum.* Extitisse etiam Varronis librum *de philosophia*, A V G V S T I N V S ^g testis est, qui idem fuisse videtur, cum libro secundo *de forma philosophiae* Charisio laudato. Quin non libros tantum *de republica* huc referendos esse, argumentum eorum suadet, sed et *de re rustica*, in quibus politicam specialem, siue prudentiam explicuisse oeconomica, ipsa docet tractationis hodie extantis inspectio, in qua meliori ordine ac ratione quam Graecos Varronem fuisse philosophatum recte iudicauit S C A L I G E R ^b, qui libros hos tanquam praestantissimos iure suo commendat. Addit, qui his calculum suum adiicit C I. S T O L L I V S ⁱ, S A R D V M in *derelictis a Polydoro Virgilio* tradidisse, fuisse Varronem primum, qui Latino sermone philosophiae rationalis praecepta explicuerit, id quod tamen veteres tacent omnes, leuique coniectura niti videtur. Inter moralis vero philosophiae scriptores meliori iure tituloque Varro collocandus est propter satyras, quas ad imitationem Cynici Menippi prosa carminis vario genere distincta atque expolita scripsit, vnde *Menippeus* A T H E N A E O et T E R T V L L I A N O, *Cynicus Romanus* A R N O B I O et S Y M M A C H O dictus est. *In illis enim veteribus suis Menippum imitatum se multa ex intima philosophia, multa dialectice dixisse*, ipse apud C I C E R O N E M ^k fatetur. Varroni iungimus M. P I S O N E M, quem de finibus bonorum et malorum veteris Academiae sententiam prolixè edifferentem producit C I C E R O ^l licet non tantum Academicam sed Peripateticam quoque doctrinam in hoc argumento defendat. Ait etiam Athenis eum per multos menses audiuisse Antiochum, et Peripateticum quendam philosophum, Neapoli oriundum, Staseam. Ex quibus colligitur, non defuisse inter Romanos, quibus Antiocho praeunte placuerit syncretismus philosophicus.

M. Piso.

Academiae
mediae et no-
vae affectae.

§. XV. Non vero Academia tantum vetus viris magnis placuit sed et media patronos nata est non minus illustres. Cuius causas facile detegit, qui ad philosophorum circa istam aetatem circumstantias paulo attentiores habet animum. Suo enim iam loco ^m demonstratum dedimus incerta et precariis tantum fundamentis nixa systemata philosophorum Graecorum mature Scepticismum peperisse. Cuius licet, vt hoc quoque

in

f) Academ. Qq. Lib. I. c. 3.

g) De C. D. L. XII. c. 4. L. XIX. c. 1.

h) Scaligerana prima p. 146. seq.

i) Hist. liter. P. III. c. 6. §. 9. p. 737. vbi libri

hi recte inter eos referuntur, quibus practica philosophia illustratur. k) Tusc. Qq. Lib. I.

l) De finibus Lib. V. c. 1.

m) Tom. I. Lib. III. c. ult.

in historia Pyrrhoniae sectae monuimus, exigua esset existimatio, eo quod communem rationem atque sensum hominum eiurare, sicque sacra et profana omnia euertere videretur, fuit tamen et dissensus dogmaticorum, et mutua, quibus se inuicem oppugnabant tela, et scepticorum perpetua, qua dogmaticos impetebant, pugna, ut homines acri ingenio praediti, quam imbecillis esset philosophia Graecorum sectaria omnis, apertis viderent oculis. Qui cum de rebus omnibus dubitationes et obiectiones fundi cernerent, veritatem in profundo puteo demersam putantes, unde nequiret depromi, satisfieri et intellectui humano, et utilitati communi arbitrabantur, si probabili quadam ratione differere de rebus in vita occurrentibus liceret. Quam ratiocinandi viam cum Academia media esset ingressa, sicque inuidiam, qua Pyrrhonii, tanquam humani generis osiores, premebantur, declinasset, sua sponte in amplectendam sectae huius philosophiam ruiebant viri magni inter Romanos nominis et existimationis. Accessit his alia ratio, quae Academicam philosophandi viam valde commendauit. Nempe forensi eloquentia causarumque patrocinio non famam tantum quaerebant ex patricio et equestri ordine viri excitatissimi ingenii, sed ad munera quoque et magistratus isto modo adspirabant. Huic fini obtinendo cum Academica disputandi ratio viam aperiret facillimam, unde argumentorum in omnes partes versatiliū copia posset depromi, non sine contentione ad huius sectae philosophiam properarunt, qui ita in republica emergere conati sunt. Accessit his Philonis, bello Mithridatico Romam fugientis apud Ciceronem contubernium. Qui cum nouae Academiae placitis, tanto praeceptore duce, nomen dedisset, auctoritate sua facile alios ad eandem sectam admittendam adduxit. Cuius exempla nobis dant Ciceronis *dialogi Academici* et *de natura Deorum* huius potissimum philosophiae generis tuendi causa conscripti, in quibus Cotta prae aliis acerrimi Academici locum occupat. Qui licet dialogorum more confecti sint, virorum tamen, quos collocutores inter se disputantes introducit Cicero, eam sententiam fuisse, illisque eos sectis adhaesisse, quas illis tribuit, ipse Cicero monuit. Nemo tamen inter veteres Romanos, qui Academicam nouam secuti sunt, maiorem inde famam et illustrius nomen consecutus est, quam M. Tullius Cicero, qui non tantum eloquentiae laude, (quo iure quae iniuria hic non disquirimus) omnes multis post se parafangis reliquit, sed et philosophi ius titulumque, quem ipse sibi ambiciose vindicauit² apud veteres³ et recentiores⁴ non iniquo, ut plerisque

vifum,

²) Conf. BAYLE Dict. T. I. art. Brutus not. H. p. 686. MORHOF. Polyhist. lit. T. I. Lib. IV. c. II. §. 7. p. 845. seqq. quosque nominat FABRICIUS Bibl. Lat. T. II. p. 165. seqq.

³) Vid. Acad. Q. q. Lib. I. c. 2. ad famil. Lib. IX. ep. 17. Lib. XV. ep. 4. conf. PLUTARCH. in Cicerone T. VI. p. m. 55.

⁴) LACTANTI. Lib. I. c. 15. Lib. III. c. 14. HIERONYM. in Nahum c. I. QUINTILIAN.

Hist. philos. Tom. II.

Lib. X. c. I. MACROB. in Somnium Scip. Lib. I. c. 27. Lib. I. c. 17. alique.

⁵) ERASMVVS ep. Lib. XXVII. ep. 1. Lib. II. ep. 26. conf. THOM. POPE-BLOUNT. Cens. celebr. auct. p. 58. seq. G. HORNIVS Histor. philos. Lib. IV. c. 5. p. 246. GAUDENTIVS de philos. Romana c. XXXVI. p. 179. seq. CONRING. de prud. ciu. p. 47. alique laudati cels. HEYMANNO auct. philos. Vol. II. p. 443. seq. qui ipse accurate de Ciceronis philosophia disserit.

vifum, calculo accepit. Qui cum toties in philofophiae hiftoria in partes nobis vocatus fit, dignus eft, Romanae eloquentiae parens, de quo in praefenti tractatione pluribus agatur.

Ciceronis
vita.

§. XVI. M. TVLLIVS CICERO, cuius vitam enarraverunt plurimi, Arpinas fuit, *in hac enim germana patria stirpe antiquiffima fe ortum fuiffe, hic facra, hic genus, hic maiorum multa veftigia, vil- lamque fuiffe, patris fui lautius aedificatum cura*, ipfe narrat¹. Matrem Heluiam et honefto loco natam, et honeftam egiffe vitam in confef- fo eft, de patre diuerfiffima traduntur². Habuit eum M. Tullium, qui *cum effer infirma valetudine in Arpinati villa aetatem fere in literis exegit*, vt habet nofter: Eum vero fulloniam feciffe, ac vites oleasque femper coluiffe Q. Calenus apud DIONEM³ ait, nec negat PLVTAR- CHVS⁴, quosdam dicere, eum in officina fullonis et natum effe, et edu- catum: id quod tamen inimicorum videtur fuiffe opprobrium, ipfe enim Cicero haud femel ad maiores nobilitate inclytos prouocat. Natus eft III. Non. Ianuar. A. V. C. DCXLVII. ⁵ qui eft ante C. N. CIII. iis, fi matri et nutrici habenda fides, circumftantiis, quae magnum Romanae vrbi virum portendebant. Nam et mater fine dolore fe peperiffe dicebat, et nutrix fibi fpectrum apparuiffe, afferebat, atque praedixiffe, puerum, quem aleret, magnae Romanis vtilitati fore⁶. Id quod tamen vel muliercularum nu- gis, vel hominum Platonicae de genio tutelari doctrinae addictorum⁷ fa- bulis adfcribendum eft, vel confictum ab iis, quorum intererat, Ciceronem pro homine diuinitus miffo et promiffo venditare. Illud magis fidem in- venit, in prima pueritia ita ingenium eius eluxiffe, tantumque ei nominis et gloriae inter pueros peperiffe, vt patres eorum ad ludum literarium ve- nirent, videre cupientes Ciceronem, celebratamque eius in difcendo cele- ritatem cognofcere; et inurbaniores nonnullos filiis fuis fuiffe iratos, cum hono-

¹) Vitam Ciceronis concinnarunt ex veteribus Tullius. Tiro et Cornelius Nepos, quorum fcriptis caremus. Superfunt autem PLVTARCHI vita CICERONIS, quae inter vitas comparatas exftat Tom. III. p. m. 27. feq. Breuius cam ac ftri- ctim expofuit AVRELIVS VICTOR. c. 81. Ex recentioribus omnium in hac vita delineanda di- ligentiam superavit FRANC. FABRICIVS, qui fecundum aetatis annos digeftam LXLV. quibus Cicero vixit, totius fimul Romanae hiftoriae περιληψις⁸ illuftrauit editam prima vice Co- lon. 1563. 8 qua vtimur editione, quae vero variis locis formisque recufa, et melioribus quoque ope- rum Ciceronis editionibus praefixa eft, vid. TH. CREN. Animadu. P. I. p. 193. feqq. PASCH. In- trod. in rem lit. vet. c. III. §. 12. p. 632. Praeter Fabricium LEONARDVS ARETINVS vitam Ciceronis delineauit, et Plutarchum fuppleuit, vnde Plutarcho interdum adici folet. His ad- dendi CHRISTOPHORVS MYLAEVS, HENR. BULLINGERVS, IAC. ANGELVS DE SCARPA- RIA, CONSTANTINVS FELIX, CHR. PREYS- SIVS, SEBAST. CORRADVS, PETRVS RAMVS, DIONYS. LAMBINVS, IO. BRANTIVS, BENE-

DICTVS HERBESTVS, DAVID CHYTRAEVS, SIMON VALLAMBERTVS, RVDOLPHVS CAP- PELLVS, CASP. SAGITTARIUS, IAC. MASE- NIVS, quorum fcripta enumerant MORHOF. Pol. T. I. Lib. IV. c. II. §. 7. p. 846. feq. et FABRICIVS Bibl. Lat. T. I. p. 89. feq. not. b. qui Vallamberti vitam Cic. cum ANDR. SCHOTTI Cicerone a calu- mniis vindicato recudi fecit Hamb. 1730. 8. Addi poteft vita Ciceronis ex eius fcriptis congefta a CHRISTOPH. CELLARIO praefixa Epiftolis ad famil.

²) De legib. Lib. II. c. I.

³) PLVTARCH. l. c. PROSPERI Chron. p. 679.

⁴) Lib. XLVI. conf. FABRIC. Bibl. Lat. T. II. p. 95.

⁵) l. c. conf. FRANC. FABRIC. l. c. p. 2.

⁶) GELLIVS Lib. XV. c. 28. Ipfe CICERO in Bruto, et L. VII. 5. Lib. XIII. 41. ad fam. conf. STEPH. BALVZII diff. de die natali Ciceronis quosque laudat IO. ALB. FABRICIVS l. c.

⁷) PLVTARCH. l. c.

⁸) Hinc PLVTARCHVS pronus ad fidem dan- dam fabulae, cuius tamen incertum rumorem ipfe prodit.

honoris causa Ciceronem ab iis inter eundem in medium recipi viderent^b. Cum autem, quod porro narrat PLVTARCHVS^c, ingenio ad omnes disciplinas ferretur, neque quidquam literarum eruditionisue aspernaretur, praeceptoribus doctis vsus est, et quidem Graecis, inter quos L. Plotium quendam ipse commendat^d. Fuit etiam inter eos Archias poeta quem sibi, testatur, *a prima pueritia principem et ad suscipiendam et ad ingrediendam rationem studiorum suorum*^e. Imprimis autem ad poetiam propensior, in eam diligenter incubuit, et puer adhuc Pontium Glaucum, quod carmen fuit versibus tetrametris conscriptum, composuit^f. Cuius in fingendi artis gloriam adhuc post fata integram permanisse ait PLVTARCHVS^g, quae tamen hodie supersunt carminum eius fragmenta^h, multo eum plus valuisse in solutae orationis genere, quam ligato, loquuntur. Puerilibus studiis relictis maturiori iudicio in philosophiam incubuit, Philonemque Larissaeum, quem unum, PLVTARCHOⁱ teste, *de sectatoribus Clitomachi Romani et propter doctrinam in admiratione summa habuerunt, et morum causa magnopere dilexerunt*, audiuit^k: ab eoque dicendi quaeque praecepta accepit^l, cuius vtriusque studium eo magis in Academia iungendum existimabat, quo magis Academicam disputandi rationem forense eloquentiae inferuire iudicabat^m. Cui tamen cum et Stoicorum et Peripateticorum dialectica inferuaret, quae scilicet differendi locos et quasi fontes exhiberet, nec in harum quoque sectarum praeceptis hauriendis diligentiam suam desiderari passus estⁿ. Quin sibi Phaedrum, hominem Epicureum, cum puer esset, antequam Philonem cognovisset, valde fuisse probatum ipse fatetur^o, Patronemque, ex hac quoque familia philosophum ob hunc eius praeceptorem commendatione iuuit, licet a philosophia Epicurea valde abhorreret. His fundamentis eloquentiae superstruxit aedificium, quod nostra adhuc mirantur tempora. Anno aetatis decimo octauo iuris, ut ipse quoque narrat^p, civilis studio multum operae dabat, sub Q. Mucio Scaeuola, P. F. qui quanquam nemini se ad

E 2

docen-

b) PLVTARCH. l. c. qui de hoc honore in praeceptis civilibus T. II. p. 450. seq. OVIDIVS fastor. Lib. V.

Et medius iuuenum non indignantibus ipsis
Ibat et interior, si comes vnus erat.

c) Indolem philosophicam ex praefcripto Platonis hinc in eo notat PLVTARCH. l. c.

d) In epistola seruata a SVETON. de clar. rhetor. c. 2. Alios vide apud FRANCO. FABRIC. l. c. p. 30.

e) CICERO pro Archia c. 1. f) PLVTARCHVS l. c. p. 28. g) Ibid.

h) Vertit adhuc adolescentulus Arati carmina de coelo stellisque, quorum fragmenta extant. De reliquis eius carminibus vid. VOSSIVS de poet. Lat. p. 16. seq. FABRICIVS Bibl. Lat. T. I. p. 129.

i) Ibid.

k) De orat. Lib. III. c. 28. Tusc. Qq. Lib. II. c. 2. non confundendus hic Philo cum iudaeo huius nominis, qui calami error est in CL. GENTZKE-NNI hist. phil. p. 120.

l) l. c. Qua vero ratione in dicendo studium

adhibuerit, sub Crassi persona Lib. I. de Orat. explicat, quem locum eloquentiae studiosis vehementer commendamus.

m) Rationem, cur eloquentiae philosophiam iunxerit, explicat de offic. Lib. I. c. 1. cur vero Academicam philosophiam securus sit, in paradoxis c. 1. exponit, ubi ait, se ea philosophia plus vti, quae peperit dicendi copiam, et in qua dicuntur ea, quae non multum discrepant ab opinione populari, nihil enim esse tam incredibile, quod non dicendo fiat probabile, nihil tam horridum, tam incultum, quod non splendescat oratione, et tanquam excolatur: cum e contrario Stoici et ea sentiant, quae non probentur in vulgus, et nullum sequantur orationis florem, nec dilatent sententiam etc. Vidit hoc GAVDENTIVS de phil. Rom. c. XXXVI. p. 179.

n) De offic. Lib. II. c. 1. et quae infra notabimus.

o) Fam. ep. Lib. XIII. ep. I.

p) In Laelio s. de amicitia c. 1. conf. FRANCO. FABRIC. l. c. p. m. 42.

docendum dabat, tamen consulentibus respondendo studiosos audiendi docebat: et hic Mucius Augur est, *ad quem sumpta virili toga a patre se ita deductum ait, ut quoad posset, et liceret, a senis latere nunquam discederet*, ex quo loco, et PLVTARCHI^a relatione, testantis, vsum eum fuisse consuetudine Mucii, viri in republica et senatu principis, conici potest, eius gauisum fuisse contubernio. Sed et optimos et excellentissimos in dicendo viros eo tempore studiose consecretus est^r. Militauit etiam aliquandiu sub Sylla, bello Marfico, et sub Pompeio^s. Post haec domum reuersus, cum vrbs fere sine armis esset, hoc tempore omni, vt ipse scribit, noctes et dies in omnium doctrinarum meditatione versabatur; tunc erat cum Diodoto Stoico^t, quem cum Diodoro dialectico male quidam confundunt^u, cui adeo se tradidit, vt habitaret is cum ipso, atque viueret, et domi etiam suae moreretur: ab eo cum in aliis rebus, tum studiosissime in Dialectica exercebatur, quam contractam et adstrictam eloquentiam esse putabant Stoici: fateturque alio loco^x, *hominem eum fuisse eruditissimum, quem et admiratus sit, et dilexerit, eo quod artibus variis atque multis excelleret*. Sub hoc magistro totus in exercitationibus philosophicis et oratoriis fuit, ita vt nullus ab iis dies esset vacuus^y. Commentabatur declamitans saepe cum M. Pisone et cum Q. Pompeio aut cum aliquo quotidie, idque faciebat multum etiam latine, sed graece saepius. Circa hoc tempus in Xenophontis *oeconomico* lusit^z, quem *se iuuenem viginti annorum e graeco in latinum conuertisse* ad filium scribens ait^a. Sed et FABIO^b teste, libros Platonis quosdam hoc genere tralatos edidit, *Timaeique pars* hodie huius versionis specimen extat^c. Protagorae etiam aliqua ab eo conuersa fuisse Hieronymi, Prisciani et Donati testimoniis scimus^d. Tandem eloquentiae indefesso studio acquisitae specimen editurus, Sextum Roscium parricidii reum contra Syllae accusationem defendit^e, sex et viginti annos natus^f, qua occasione ob Syllam, cuius ob metum patrocinium Roscii nemo suscipiebat, splendidius aut praeclarius gloriae initium sperare non poterat. Et victor quidem in causa tanta admiratione fuit, vt, quod ipse scribit, *non vlla esset, quae non eius digna patrocinio videretur*^g, metu tamen Syllae, cuius dominantis opes omnes reformidabant, in Graeciam abiit, sparso rumore, se curandi corporis causa profectum. Et prae se tulisse quidem hecticam aliquam corporis

dispo-

q) I. c. r) Vid. de Or. Lib. I.

s) PLVTARCH. I. c. CICERO Philip. XII. II.

t) In Bruto c. 90. ad fam. L. XII. ep. 16.

u) Diuerfos enim esse ex fam. Lib. IX. ep. 4. patet. Conf. CELLAR. ad I. c. FABRIC. Bibl. Graec. Vol. II. p. 402. FR. FABRICIUS I. c. ad An. 22. Cicer. p. 56.

x) Lib. XIII. fam. ep. 16. et in Lucullo. Caecum fuisse, et tamen, quod credibile vix esset, eum in philosophia multo etiam magis assidue, quam antea, versatum, et fidibus Pythagoreorum more vsum, cum ei libri noctes et dies legerentur, tum, quod sine oculis fieri posse vix videtur, Geometriae munus tuitum, verbis praecipientem, vnde,

quo, quamque lineam ducerent, refert Noster Tusc. Qq. Lib. V.

y) In Bruto c. 90. conf. PLVTARCH. I. c. QVINTILIAN. Inst. orat. L. I. c. 2. L. III. c. I. CICERO de officiis L. II. c. 24. FR. FABRIC. I. c. p. 59. seqq.

z) HIERONYM. praef. in EVSEB. Chronic.

a) De officiis Lib. II.

b) Lib. X. c. 5.

c) Sub titulo: de vniuersitate.

d) FR. FABRICIUS I. c. p. 60.

e) Extrat hodie oratio, conf. GRAEVIUS ad Orat. pro Roscio c. 21. GELLIUS Lib. XV. c. 28.

f) QVINTILIAN. Lib. XII. c. 6.

g) Ipse in Bruto c. 91.

dispositionem, facile credemus PLVTARCHO ^b, qui eum gracili ait, fuisse et minimo carnofo corpore, cum ob imbecillitatem stomachi pauco vtetur ac tenui victu, idque sero atque imminente iam nocte, voce item copiosa quidem praeditum et bona, sed aspera et rudi, et quae ob orationis vehementiam semper ad altitudinem contenta periculum videretur denunciasse: veram tamen peregrinationis eius causam fuisse metum Syllae, nec Plutarchus negat, nec circumstantiae eius temporis dubitare sinunt: Athenas delatus in Antiochum Ascalonitam incidit, cuius facundiam et elegantiam magis probabat, quam doctrinae, qua ab Academia recedebat, nouitatem. His studiis delectatus Cicero, magnopere intendebat animum, atque ita secum cogitabat, si a republica plane arceretur, a foro et negotiis publicis in otio philosophico se vitam transacturum ⁱ. Post mortem vero Syllae, cum, quem metuebat, non amplius esset, amicis Romam crebro per literas reuocantibus, ac Antiocho etiam ad rempublicam capeffendam hortante, cum iam et corporis vires exercitationibus confirmasset, habitumque valetudinis bonae parasset, et vocem ita formasset, vt et suauis ac copiosa in aures auditorum influeret, et corporis statui congrueret, eloquentiam rursus, tanquam instrumentum negotia publica cum dignitate tractandi arripuit, ac cum ipse se declamando exercuit, tum nobiles oratores adiit ^k. Eius rei causa in Asiam et Rhodum nauigauit, ac ex rhetoribus Asianis, Dionysio Magnetto, Xenocli Adramytteno, ac Menippo Cari vacauit, Rhodi oratore Apollonio, philosopho Posidonio vsus est, tantaque ferunt, facundia Graece declamasse Ciceronem, vt Apollonius tristis et admirandus fortunam Graeciae miseratus sit, cernens ea, quae sola ei relicta erant, ornamenta etiam Romanis addere, doctrinam et facundiam ^l. Domum postea redux cum bona spe plenus ad rempublicam se conferret, ex oraculi non tantum monitu ^m, primum tempus caute admodum triuit, segniterque ad magistratus petendos accessit, sed neglectus quoque est, tanquam Graecus, et literario otio deditus, id est, vt PLVTARCHVS habet, *scholasticus* et reipublicae minus aptus ⁿ. Postquam vero et innata laudis cupiditate et patris amicorumque adhortationibus compulsus, causis agendis se dedit, non iam paulatim, narrante PLVTARCHO, ad principem locum progressus est, sed gloria eius statim effulsit, longoque post se intervallo caeteros reliquit oratores. Ita cum

E 3

vnum

Bruto testatur. De his viris in historia literaria rhetorices pluribus dicendum.

l) PLVTARCH. l. c.

m) IDEM l. c.

n) CICERO Orat. pro Sextio, se Graeculum et otiosum habitum fuisse dixit, pro quo Plutarchus voce Scholasticus vsus, quae vox postea enata, hominem studiis priuataeque vitae indulgentem denotauit, vid. ARRIAN. diff. Epiet. Lib. l. c. II. Eodem vero sensu vsurpatum, quo nostra aetate, paedantissimum exprimimus, Hadriano imperatori conuicium Graeculi et Scholastici peperit, vid. VLR. HVBERTVS de paedantismo p. m. 49. CL. HEVMANN. ad TRIBBECHOV. de DD. Scholast. p. 7.

b) l. c. p. 29. Ipse l. c. et ex his FR. FABRICIVS l. c. p. 76. conf. G. NIC. KRIEGER de peregrin. Romanorum lit. S. Reu. WALCHII amoenit. hist. ex peregrinatione Ciceronis Lipsi. 1715. ex locis quoque allatis de forma Ciceronis iudicandum, cuius imagines passim ex veteribus marmoribus aere impressae apud viros doctos videntur, quorum loca indicauit I. A. FABRICIVS Bibl. Lat. T. II. c. 8. p. 95.

i) PLVTARCH. l. c.

k) IDEM l. c. QVINTIL. Lib. XII. c. 6. de Xenocla et Menippo, qui Stratonicensis quoque et Carocae audit, vid. STRABO Lib. XIII. Lib. XIV. Habuit etiam Molonem praeceptorem, vt ipse in

vnum annum, vt ipse ait ^o, reuerfus ex Asia caussas nobiles egisset, Quaefturam petiit, et quaeftoriis comitiis, quae tributa fuerunt, quaeftor cunctis suffragiis est factus. De quo sibi collato munere passim, more suo, gloriatur, *sibi honorem illum tum non solum datum, sed etiam creditum, ac commissum se putasse*. Quaefturam hanc vero, qua ratione gesserit, et Siciliam, quae ipsi forte obtigerat, annonae caritate laborantem, subleuauerit, diligentia, iustitia et comitate sua Siculis probata, pluribus PLVTARCHVS ^p edisserit, nos vero hic, vbi studiorum Ciceronis tantum historiam scribimus, non repetemus. Ipse certe, nullius vnquam in Sicilia quaefturam aut gratiorem, aut clariorem fuisse, seseque negotiatoribus comem, mercatoribus iustum, municipibus liberalem, fociiis abstinentem, omnibus in officio diligentissimum, se praebuisset, passim iactantius gloriatur ^q. Hunc honorem secuti sunt alii, cumque annum aetatis trigessimum sextum exegisset, quinquennio post quaefturam in plurimis caussis et in principibus patronis, vt monet ipse ^r, versatus, nullis donis ab iis, quorum caussas egerat, acceptis, aedilis factus est, et paulo post praetor primus; cumque anno aetatis XLIII. consulatum homo nouus petiisset, ad eum non minus optimatum fauore, quam populi iudicio euectus est ^s, quo in munere C. Antonium collegam habuit. Acceperat Cicero rempublicam plenam sollicitudinis, plenam timoris, in qua nihil esset mali, nihil aduersi, quod non boni metuerent, improbi expectarent ^t: cum non solum tribuni plebis multa turbarent, sed et L. Catilina homo audax, et magnarum rerum appetens, consulatusque spe excidens, euertendae reipublicae consilia concepisset. Quae cum initio latuissent, mira Ciceronis prudentia protracta in lucem auctori exitium attulerunt, et euerfa Consulis vigilantia salutem reipublicae conseruarunt: cuius rei historia, cum ad nostrum institutum non pertineat, ex Romanis scriptoribus peti potest ^u. Magnam hoc Consulatu feliciter gesto gratiam cum apud optimates, tum apud populum Cicero iniit ^x, quam tamen paulo post maior infecuta est inuidia. P. Clodius enim homo audax et insolens Pompeiae vxoris C. Caesaris amore captus, anno post consulatum Ciceronis sequente, cum Bonae deae pro populo sacra fierent, in opertum cum veste muliebri venit; sperans se, quod imberbis esset, clam ingressum ad Pompeiam peruenturum. Sed dum in amplis et laxis aedibus oberrat, ab Aurelia, matris Caesaris ancilla conspectus nomenque rogatus, cum se Auram pedissequam Pompeiae quaerere dixisset, ex voce agnitus, et a mulieribus in cubiculo ancillae, cum qua domum ingressus erat, deprehensus atque foras eiectus est ^y. Huius faci-

nore

^o) In Bruto l. c.

^p) l. c. p. 30. et CICERO ipse Orat. pro Planc. in Bruto l. c. Or. in Pison. Orat. VII. in Verr. c. 14.

^q) Loca congeffit FR. FABRIC. l. c. p. 89. seq.

^r) In Bruto l. c. Or. in Pis. FABRIC. p. 115.

^s) Caussas exponit PLVTARCHVS p. 33. conf. orationes pro lege agraria.

^t) Or. agrar. II.

^u) Omnium accuratissime rem narrat SALLV-

STIVS in bello Catilinari, cui iungendus PLVTARCHVS l. c. Ciceronis loca huc pertinentia collegit FR. FABR. l. c. p. 114. seqq.

^x) Pater patriae primus appellatus Or. pro Sextio, aliorum loca habes apud FABRIC. l. c. p. 171. 172.

^y) Pluribus haec enarrant PLVTARCH. l. c. p. 49. seqq. et in Caesare T. V. p. m. 518. SVETO-

nore patefacto, cum Caesar vxori nuntium remisisset, Clodius a tribuno plebis accusatus est. In eo iudicio M. Tullius testis productus, cum Clodius crimen ita refelleret, vt se illa nocte Romam non fuisse diceret, Cicero contra testimonium dixit, illum ad se domum venisse, et de quibusdam rebus egisse. Clodius tamen non absolutus tantum, verum etiam, licet patricia gente esset, patriciatu eiurato, ad plebem transiens, tribunus plebis creatus, L. Calpurnio Pisone Caesonino A. Gabino Coss. Ciceronem, captata prius omnium ordinum a seditioso tribuno gratia, in exilium eiecit, rogationem ferens, qua ei aqua et igni interdiceretur, qui ciuem Romanum indemnatum interemisset, qua lege solus Cicero petebatur. Reus igitur Cicero vestem mutauit, et fordidatus populo supplicauit, Clodius omnibus illi vicis occurrens, eum exagitauit, et supplicationes indignissimo impediuit modo. Quod licet plerique boni ex Senatorio et equestri ordine aegerrime ferrent, et Ciceronem etiam mutata veste defenderent, hosque hominum viginti millia sequerentur, Cicero tamen a Consulibus derelictus et proditus, maluit vrbe cedere, quam bonorum vitam feruis armatis obiicere. Quem vbi discessisse compertum est, illi aqua et igni interdictum est, edictumque ne intra quingenta millia passuum tecto reciperetur, quod qui fecissent, cum ipso impune interficerentur. Clodius praeterea villas eieci Ciceronis flammis deleuit, et domum in palatio incendit, atque in area templum libertatis extruxit, bona direpta atque ad Consules delata sunt ². Pulsus patria M. Tullius, vt scribit PLVTARCHVS ^a pedibus iter per Lucaniam, Siciliam versus fecit, a praetore vero C. Virgilio, ne in Siciliam veniret prohibitus a Vibone in fundo Sicae Brundisium venit, eoque proficiscens, Dyrrhachium peruenit. Dyrrhachio aliquorum dierum viam in Macedoniam perrexit, et cum eo Thessalonicam adiit, vbi eum Plancius sua liberalitate per menses septem retinuit. Mature tamen Romae de reuocando Cicerone in senatu actum est, tribunis plebis de eius reditu legem promulgantibus; ipsum autem certatim officiis prosequerentur Graeciae vrbes, multique ad eum beneuoli viri conueniebant. Quae omnia licet exilii miseriam homini philosopho lenire apta essent, ipse tamen, referente PLVTARCHO ^b, moestus semper et in summo dolore viuebat, crebro ad Italiam, vt infeliciter amantes ad amasias, respiciens, animo calamitate plane deiecto, quod de viro ita in optimis studiis versato, vt IDEM recte addit, nemo sibi fuisset pollicitus. Adiicit porro: frequenter ipsum ab amicis postulasse, vt non oratorem se, sed philosophum appellarent, nam se philosophiam, vt rem, sibi proposuisse, arte oratoria tanquam instrumento in rebus publicis tractandis uti, eam vero doctrinam vim gloriae veluti tincturam quandam eluisse ^c.

Tan-

NIVS in Caes. c. 6. Ex recentioribus FR. FABRICIVS l. c. p. 200. seqq. et nuperus Historiae Coniugum imperatorum Romanorum auctor GALIVS DE SERVIIS p. 18. seqq. ad cuius versionem Germanicam a nobis editam loca veterum diligenter notauimus.

²) Videndi, qui haec prolixius narrant, Romanae historiae scriptores DIO Lib. XXXVIII. VEL-LEIVS Lib. II. PLVTARCHVS l. c. et ipse CICERO multis locis. ^a) l. c. p. 49. ^b) l. c.

^c) Vix itaque causam Ciceronis tueretur, quod A&.

Tandem, cum Clodii licentia in Pompeium quoque grassaretur, et Lentulo Consule seditio augefceret, ita vt tribuni plebis in foro vulnerarentur, animi populi mutari coeperunt, et tribunus plebis Annius Milo ausus est Clodium vi in iudicium trahere. Pompeioque Clodium repellente vnanimi populi consensu Cicero reuocatus est, Senatusque decreuit, vt villae eius et domus publicis sumtibus restaurarentur ^d. Tanto etiam studio, tantaque contentione omnium fere vrbiū ciues ei obuiam contenderunt, vt *se bumeris Italiae Romam deportatum esse*, ipse CICERO ^e dixerit. De quo suo reditu ipse ad populum orationem habuit, senatuique ea oratione, quae *post reditum in senatum* inscripta est, gratias egit, pecuniamque publicam ad aedificandam domum, cuius area ei restituta erat, accepit. Posthaec prouinciam Ciliciam fortitus, multa egregie perfecit, pacisque artes in bello exercuit. E prouincia decedens Rhodum appulit, Athenis autem desiderio ante actae olim ibi vitae aliquantisper commoratus, et cum doctissimis viris collocutus, amicis et familiaribus salutatis Romam reuersus est ^f. Id quod eo quidem accidit tempore, quo flamma, quae sub cineribus haecenus latuerat, in apertum ciuiliis belli incendium erumpere conabatur. Auctorem pacis inter socerum et generum Ciceronem fuisse, Caesaremque per literas et Pompeium coram deprecatum mitigare vtrumque et placare tentauisse, et ipse passim innuit, et ciuiliis discordiae, quae tum erupit, enarratores testantur omnes ^g. Postquam insanabile malum vidit, diu anceps et incertus haesit, grauique sollicitudine in vtramque partem distractus, cuius partes sequi debeat? cum Pompeium quidem gloriosam et honestam belli habuisse causam, Caesarem autem rem melius gerere, magisque suae et amicorum saluti consulere ipsi visum esset. Quod si Caesaris voluntatem fuisset secutus, qui, si ob senectutem bello abhorreret, ei suadebat ab vtraque parte remotum in Graeciam proficisci et ibi quietem agere, melius sibi consulisset. Iam se eam, quam ab initio delegisset, reipublicae constitutionem honeste deserere non posse credens, Pompeio se iunxit ^h. Cuius tamen consilii ipsum mature poenituit, cum nulla necessitate coactus tanti periculi societatem iniisset, nec vlla in re magna eius opera Pompeius vteretur. Pugna quoque apud Pharsalum facta, cui Cicero non interfuit, et fugato Pompeio Cato, qui Dyrrhachii magnas copias et numerosam classem habebat, Ciceroni quidem imperium detulit, Cicero autem recusauit, et omnino cum illis militare subterfugit, occisusque fere fuisset a Pompeio iuniore, nisi eum Cato seruasset. Cae-

Aët. Phil. Vol. II. p. 460. dicitur, hanc animi abiecti et desperantis sollicitudinem rationibus politicis indutum Ciceronem tantum simulasse. His enim adductus Plutarchi locus repugnat, quem ipse Ciceronis animi character, verum esse suadet.

d) DIO L. XXXIX. PLUT. l. c. CICERO OR. pro domo sua, post redit. ad Quir. post red. ad senatum, aliisque locis, quae diligenter collegit FR. FABRIC. p. 213. seqq.

e) Orat. vltima post reditum, in Sen.

f) PLUTARCH. l. c. p. 52.

g) Ep. Lib. VI. fam. ep. 6. PLUT. l. c. p. 53. Ep. Lib. VII. ep. 3. Lib. XIII. ep. 11.

h) PLUTARCH. l. c. quae hoc tempore, quo Pompeii partes secutus est, Cicero fecerit, susceperitque ex eius scriptis collegit FR. FABRIC. ad ann. 58. p. 287. seqq.

i) PLUTARCH. l. c. p. 54.

Caesari itaque ex Asia redeunti obuiam factus, ei reconciliatus est, qui etiam eum constanter honore et benevolentia persecutus est. Reipublicae vero forma mutata, ut auctor est PLVTARCHVS^k, et ipse prodit CICERO^l, cum omnia in vnus potestatem essent redacta, Cicero publicorum negotiorum dimissa cura, adolescentibus philosophiae studiosis vacauit, qui cum nobilissimi et primarii essent, eorum fere consuetudine in vrbe iterum plurimum valuit^m. Occupabat autem suam operam in scribendis dialogis philosophicis, vel conuertendo aliquid de Graeco, vel vocabulis dialecticorum ac physicorum in Latinum sermonem transferendisⁿ. Sua etiam in scribendo carmine facilitate animi causa utebatur, ferturque quoties ad eam rem se dedisset, vna nocte D. versus fecisse. Eius vero temporis maiorem partem in praedio suo apud Tusculum^o exigebat, raro autem in urbem veniebat, Caesaris colendi causa, taediumque quod de mutata reipublicae forma ceperat, studiorum dulcedine leniebat, quibus lectissima inseruiebat bibliotheca^p, cuius designationem confecisse Tyrannionem grammaticum supra monuimus. Hoc vero tempore studiorum olim inter Graecos cultorum memoria Ciceronem iterum Athenas petiisse, ex eius epistolis ad Atticum^q colligere est. Multumque in hoc viri doctissimi otio eius doctrina inualuit, quae in omni genere vires versauit^r. Ait etiam PLVTARCHVS, animum induxisse Romanam historiam scribere, multaque ei operi de Graecis rebus immiscere, et omnes eorum fabulas narrationesque inferere; multis tamen publicis priuatisque casibus impeditus est. Primum cum Terentia diuortium fecit, quod malae mulieris sustineret notam, officioque erga maritum defuisset suo^s. Paulo post ducta puella diuite, filia eius Tullia in partu apud Lentulum periit, cui post Pisonis, mariti prioris mortem nupserat. Ad consolandum vero Ciceronem vndique philosophi conuenerunt, cum nimis grauiter is mortem filiae tulisset^t. Post Caesaris caedem, cuius coniurationis particeps non fuit, mature Antonio, regnum inuasuro, inuisus fuit, qui

^k) loc. cit.

^l) Tusc. Qq. L. I. c. I. de offic. L. II. c. I. 2.

^m) PLVT. l. c.

ⁿ) Hoc tempore scripsit Hortensium, siue adhortationem ad philosophiam, de qua infra.

^o) Videndus de villa hac Ciceronis ATHANASIVS KIRCHERVS in Latio c. II. & ex eo REIMMANNVS Syst. antiq. liter. p. 496. conf. Tusc. Qq. L. I. c. I.

^p) Seruum Dionysium, qui suam bibliothecam multorum nummorum tractauerit, cum multis libros furripuisset, nec se impune laturum speraret, aufugisse, ipse conqueritur L. XIII. fam. ep. 77. Conditionem vero bibliothecarum Romanarum exponit C. FALSTERVS Qq. Rom. L. II. c. I. p. 113.

^q) L. XII. ep. vlt. FABRIC. ad ann. 62. p. 318.

^r) Conf. I. A. C. PERIZONIVS de eruditione et industria Ciceronis Franeg. 1682. In Iurisprudencia versatum fuisse demonstrat ANT.

Hist. philos. Tom. II.

SCHVLTINGIVS de Iurisprud. Cicer. in medicina I. O. SAM. BERGER in Cicerone medico, in Theologia I. O. GASP. HAERVNG. in Theologo Cicerone. Alios nominat I. O. FABRIC. Bibl. Lat. T. II. p. 100.

^s) Causas multas, officiique neglecti specimina narrat PLVTARCHVS l. c. p. 55. qui tamen non negat sparsisse rumorem Terentiam, id factum amore formae puellae quam paulo post duxerat. Tironem libertum, ut esset, qui aes alienum, quo opprimebatur, solueret, cum diues admodum esset, eius bona fidei suae commissa Cicero haeres ab ea scriptus seruaret. Eam tamen postea quoque repudiavit, quod ex morte filiae Tulliae cepisse gaudium suspicaretur. Nupti postea Terentia Vibio Rufo, et VALERIO MAX. L. VIII. c. 13. auctore CIII. annos viuendo expleuit.

^t) Filiam hanc sibi carissimam primo C. Pisoni, post Furio Crassipedi, vid. L. II. ad Q. fr.

qui eius praesentiam moleste ferebat. Haec metuens Cicero cum Dolabella statuit in Syriam legatus proficisci; Consulibus tamen cum Hirtio et Panfa, bonis viris, pactus se aestatem Athenis acturum, cumque ipsi consulatum occiperent, rediturum, eo nauigauit solus, et cum mutati in melius Antonii nuncius esset allatus Romam rediit, inimicitiam tamen Antonii mox expertus est, quam orationibus Philippicis mire auxit. Commoratus circa hoc tempus Athenis Ciceronis filius Marcus Tullius, studiorum causa, quem Brutus ad se recepit, eoque legato usus est. Ad hunc nobilem de officiis librum pater exarauit. Ita vero exitium inimicitia contra Antonium aucta, sibi ipsi parauit Cicero. Consul enim creatus Caesar Octavianus, pace cum Antonio et Lepido facta, triumuiratus societatem iniit, Romanumque imperium tres viri quasi possessionem aliquam inter se diuiserunt, partiti inter se prouincias, pactique ut suos quisque inimicos proscriberet. In qua proscriptione cum praeter CXXX. senatorum nomina Cicero quoque esset, ab Antonio postulatus, maximam hoc contentionem peperit, cum Antonius nullam conditionem acciperet, nisi primus ille interficeretur, Lepidus Antonio assentiretur, et Caesar utrique repugnaret, ut narrat PLUTARCHVS. Tandem tertio die Caesare, quamuis inuito concedente, Cicero proscriptus est. Is primo in Tusculanum fugerat cum Quinto fratre, unde in Macedoniam ad M. Brutum, de cuius victoria laeti rumores spargebantur, transire constituerunt. Ferebantur lecticis confecti moerore, inopia etiam pressi; cum perexiguum illis viaticum esset. Quintum itaque Marcum fuga antecedere, Marcum conuasatum domum recurrere cum placuisset, Quintus paulo post a seruis proditus cum filio interfectus est. Marcus Asturam² delatus, nauem subito conscendit, et oram legens Circum usque peruenit: Inde soluere gubernatores cum pararent, vel maris metu permotus vel Caesaris fidem non plane desperans, in terram egressus, Romam pedibus contendit, mutata tamen mox sententia, ad mare rursus descendit desperabundus cogitationes anxias versans, consiliaque concipiens inepta. Tandem ad Caietam³, ubi praedia habebat deportatus, in villam se recepit, et quieti se dedit. Vbi cum milites aduenissent, qui eum trucidarent, a seruis lecticae impositus ad mare delatus est. Quibus percussores cum ministris superuenerunt, et Popilius Laenates tribunus militum, quem Cicero parricidii reum olim defenderat, caput discretissimum, Ciceroni immotam ex lectica ceruicem praebenti praecidit, manus quoque milites amputauerunt; quae membra cum capite Romam ad An-

ep. 5. L. I. fam. ep. 7. postea P. Cornelio Dolabellae, apud quem in partu extincta est L. VI. fam. ep. 19. L. IX. ep. II. Aegerrime hanc filiae mortem tulisse Ciceronem ex L. XII. XIII. ad Attic. patet. Librum quem de consolatione hac occasione scripsit intercidisse dolemus. Qui enim hoc titulo superest, recentiorum manum auctorem agnoscit, vid. FABR. Bibl. Lat. T. I. p. 138. seqq. T. II. p. 154.

¹⁾ PLUT. I. c. FABRIC. ad ar. 63. p. 331.

²⁾ Historiam triumuiratus huius plerique huius temporis historici enarrant, quibus addi possunt vitae Ciceronis scriptores omnes. Loca veterum diligenter congesimus ad DESERVIÉS hist. des femmes des douze Césars p. 73. not. 7.

³⁾ p. 59.

⁴⁾ Fuit id praedium maritimum Ciceronis.

⁵⁾ Alii Capuam nominant, sed male, vid. VALER. MAX. L. I. c. 4.

Antonium perlata, pro rostris posita sunt, vbi in Antonium orationes habuerat, non sine indignatione et lachrymis populi, qui Romanae eloquentiae parentis finem tragicum vehementissime dolebat^b. Factum id A. V. C. DCCX. aetatis Ciceronis LXIV. Animi characterem, et temperamenti rationem fuisse sanguineo-cholericam, ex tota vitae eius historia patet. Etsi enim gloriae valde appetens erat, inter spem tamen metumque fluctuans, nouas res nec moliebatur, nec ferebat, sed pacis inter procures dominatum quaerentes ineundae semper auctor fuit: tantumque a iurgiis et contentione abfuit, vt iniurias amicorum ipsiusque vxoris satis patienter diuque ferret. Imprimis vero amicorum consuetudine, et colloquiis doctorum virorum gaudebat, cuius rei specimina, eruditissimi dialogi philosophici ad eius exemplum conscripti, exhibent elegantissima. Eidem vero animi conditioni adscribenda quoque est magna timiditas, quae, cum Milonem inter strepitus armorum, quibus forum praeuertendae seditionis causa Pompeius clauferat, propter caedem Clodii, defendere suscepisset, tanta fuit, vt toto corpore contremiscens, pauca tantum nec satis cohaerentia dicere posset, sicque Milo, licet causa esset superior, exilio multaretur^c. Additque his PLVTARCHVS^d, non in armis modo timidum, sed et ad dicendum trepide accessisse, vixque titubandi et tremendi finem fecisse, plerisque in certaminibus prouecta iam oratione et augesciente. Gloriae tamen immoderatum desiderium, sed animi fortitudine nulla firmatum variis exemplis prodidit, non in republica tantum, sed in eruditorum quoque circulis, cuius iactantia de se et ostentatio immoderata luculentum dant testimonium, quare eloquentiam quoque suam auditoribus haud raro fecit molestam^e. Ex hoc animi caractere de ingenii quoque viribus iudicandum, quod imaginationis magis fertilitate, quam iudicii acrimonia excelluisse, & philosophiae, quam secutus est Academicæ conditio, et libri philosophici, quos conscripsit^f, et neglectum saepe in orationibus decorum, facetiaeque ad scurrilitatem vsque progressae^g, satis loquuntur. Ex qua ingenii Ciceroniani facie recte colligimus, aptum magis fuisse Ciceronem ad persuadendum, quam ad iudicandum, nec satis ea iudicii vi valuisse, quae in nexus rerum atque notionum penetrat, falsumque nouit a vero discernere.

§. XVII. Triuisse Ciceronem tempus, quo in republica otium sibi esse videbat, philosophiae studiis, supra tetigimus. „Etsi enim, quod ipse scribit^h, stante republica in agendo plus, quam in scribendo, operam

Scripta Ciceronis philosophica.

F 2

„ram

b) Circumstantias exitus tragici Ciceronis vide apud PLVTARCHVM, LIVIVM APPIANVM, DIONEM, VELLEIVM PATERCVLVM aliosque. Elegantissimis hanc mortem versibus deplorauit CORNELIVS SEVERVS, ad cuius fragmentum THEODORVS GORALLIVS, vel, qui hoc nomine later, IO. CLERICVS videndus. MARTIALIS elegans epigramma L. III. ep. 66. legitur. Alios nominat FABRICIVS Biblioth. Lat. T. II. p. 98.

c) Dio L. XLVI. PLVT. I. c. p. 51. Orationem vero pro Milone, quam habemus, postea conscripsit elegantissimam, qualem scilicet meditatus erat.

d) l. c.

e) IDEM p. 63.

f) Id luculento Laelii, sive, dialogi de amicitia exemplo probauit Cl. HEYMANNVS a9. phil. Vol. II. p. 453.

g) Reprehendit id PLVTARCHVS l. c. p. 63.

h) De officiis L. II. c. 1. 2.

„ram ponebat, et quae scribebat, iis actiones suas, non philosophiae „praecepta, mandabat; vbi tamen illae literae contiguerunt forenses et „senatoriae, nihil autem agere non posset animus, in philosophiae studiis „ab initio versatus aetatis existimauit honestissime molestias deponi posse, „si se ad philosophiam retulisset. Cui cum multum adolescens, discendi „caussa temporis tribuisset, postea quam honoribus inferuire coepit, se „que totum reipublicae tradidit, tantum erat philosophiae loci, quantum „superfuerat amicorum et reipublicae temporibus. Id autem omne con- „sumebatur legendo, scribendi otium non erat. Maximis itaque in ma- „lis hoc boni affectus sibi visus, vt ea literis mandaret, quae nec satis „erant nota Romanis, et erant cognitione dignissima, ad scribenda sapien- „tiae praecepta se accinxit, et philosophiam Graecam, haud vno scripto „explicuit. Et naturalem quidem philosophiae partem respicit *Timaei* Platonis versio, quam de *uniuersitate* inscripsit, quamque integram non supereffe merito dolemus. Theologiae naturalis limites tangunt libri tres de *natura Deorum*ⁱ, quorum primo Velleius Epicuri de Diis sententiam tuetur, Cotta refellit, secundo Balbus Stoicorum theologiam explicat, tertio Cotta oppugnat, qua disputatione tantopere theologiae gentilis imbecillitatem detexit Cicero, vt ad eam non tantum prouocet, errorisque eam convincere iubeat sacerdotes gentiles ARNOBIUS^k, sed et narret: dixisse quosdam: *Oportere statui per senatum, aboleantur vt haec scripta, quibus Christiana religio comprobetur et vetustatis sup- primatur auctoritas.* Addit his ex vero: *intercipere scripta, & publicatam velle submergere lectionem, non esse Deos defendere, sed veritatis testificationem timere.* Sed et libri de *diuinatione*^l, quemque de *fato*^m habemus, non plane integrum, huc pertinent, itemque *somnium Scipionis* a MACROBIOⁿ nobis seruatum et prolixo commentario illustratum, quod totum Platonis hypotheseis de anima mundi, statuque animarum post mortem nititur. Moralem philosophiam tractauit Cicero, libris quinque de *finibus* bonorum et malorum, quos historiam doctrinae de fine summoue bono recte dixeris. Eleganter enim et copiose Graecorum philosophorum de finibus sententiam et disceptationes explicat, argumenta enumerat, quibusque quaeuis sententia prematur difficultatibus, erudite ostendit^o. Sed et *Tusculanae quaestiones* huc pertinent, quarum libro primo de contemnenda morte, secundo de tolerando dolore, tertio de aegri-

i) Prolixo commentario libros hos illustravit ex S. I. vir doctissimus PETRVS LESCALOPIERIVS, Paris. 1660. fol. quem pandectas veteris theologiae gentilis non inepte vocaueris, licet, non vbique rectum viderit, veramque systematum philosophicorum affectus sit sententiam. Optimam librorum de N. D. editionem debemus Io. DAVISIO Cantabr. 1718. 8. versionem Gallicam OLIVETO Paris. 1721. Alias editiones enumerat FABRIC. Biblioth. Lat. T. I. p. 118. T. II. p. 132.

k) Adu. gent. L. III. c. 2. p. 104. ed. Canteri.

l) In primo Quintus Cicero pro diuinationibus pugnat, in secundo omnia diuinationum genera Marcus euerit. De editionibus vid. FABRIC. l. c. T. I. p. 120. T. II. p. 133. seqq.

m) Conf. FABRIC. ll. cc.

n) Particula est, ex ultimo siue sexto libro Ciceronis de Republica, quod Platonis vestigiis insistentis composuerat, laudatum SENECAE ep. 108. Gellio, Augustino aliisque. De Macrobio dicendum suo loco. Conf. Cl. STOLLIVS Hist. lit. P. II. c. 3. p. 474. seqq.

o) Editiones indicat FABRICIVS l. c. T. I.

aegritudine lenienda, quarto de reliquis animi perturbationibus, quinto de virtute ad beate viuendum se ipsa contenta disputat⁷. Eundem in numerum referendi *de senectute* & *de amicitia* dialogi, quos *Catonis et Laelii* nomine inscripsit⁸. Sed et *paradoxorum Stoicorum sex explicatio*⁹ huc pertinet: quam tamen eloquentiae magis ostentandae, quam erudienti lectoris causa scripsisse, ex eo recte colligitur, quod alio loco hanc Stoicorum *παράδοξολογίαν* riserit¹⁰. Iuris vero naturalis et ciuilis praecepta, libri *de officiis* ad filium Marcum secundum Stoica principia¹¹, quibus Peripatetica quaedam admixta sunt, conscripti, itemque libri *de legibus*¹², quos tamen non plane integros habemus, explicant. Nullo vero scripto animi sententiam, easque partes, quas in philosophando secutus est, magis prodidit, quam in *quaestionibus Academicis*; quarum licet duo tantum libri extent, quorum alterum *Luculli* nomine insigniuit¹³, totum tamen in iis potiorum inter Graecos sectarum doctrinae aedificium extruit, et Academico more destruit, Carneadis potissimum partes secutus: unde in philosophiae historia miram praestat vtilitatem. Desiderantur vero ex scriptis Ciceronis philosophicis, *Hortensius*, siue *admonitio ad phi-*

F 3

phi-

p. 116. seqq. T. II. p. 129. Versionem Gallicam debemus REGNIERIO des MARAIS, Paris. 1721. 12.

p) Vid. FABRIC. l. c. p. 117. sq. T. II. p. 129. sq. DAVISII editio Cantabrig. 1709. 8. prodit.

q) IDEM l. c. p. 125. Iungi solent libris de officiis.

r) Editiones vide apud FABRICIUM l. c. T. I. p. 126. T. II. p. 144. Scribere contra haec paradoxa Antiparadoxa VITVS AMERBACHIVS et ANTONIVS MAIORAGIVS, conf. Io. GEORG. PASCHIVS Introd. in rem liter. moral. vet. c. III. §. II. p. 628. Accurate hanc paradoxorum Stoicorum explicationem a Cicerone datam examinavit Cel. HEVMANNVS aet. philos. Vol. III. p. 694.

s) Or. pro Muraena c. 29. Conf. PLVT. l. c. p. 62.

t) Panaetium ante alios secutus est, vt ex Lib. III. c. 2. patet, Peripatetica vero, propter filium apud Cratippum philosophiae studiis inuigilantem, admisicuisse videtur. Magna semper laude hos Ciceronis libros profecturi sunt viri docti, qui eos non mature tantum edidit, sed et commentariis illustrauerunt. De quibus iterum consulendus FABRICIVS loc. c. T. I. p. 121. sqq. T. II. p. 136. merenturque post Fustianas 1465. 1466. raritate notabiles, editiones Graeuii et lac. Facciolati praestantia memorabiles commendari. Conf. Hist. biblioth. Fabric. T. VI. p. 267. Recentiori tamen aetate, quibus Stoicae philosophiae defectus toties detecti sunt, aliter de hoc libro iudicatum. Edidit enim Gallus quidam LEIEVELLVS, discrimen inter veram et falsam philosophiam moralem, vbi falsitas officiorum Ciceronis, et libellorum de amicitia, de

senectute et paradoxorum demonstratur. Amst. 1695. quem librum postea, philosophiae suae nouae et hodiernae Paris. 1698. 12. editae T. IV. inseruit. Eandem dicam Ciceroni scribere clarissimi viri, qui acta eruditorum Germanica concinnant. P. IX. p. 441. Indignatur horum virorum iudiciis B. FABRICIVS l. c. T. II. p. 140. qui tamen ad Stoicae ethicae fundamenta, ex quibus legis naturalis conceptus a Cicerone admissus fuit, non satis attendisse videtur. Conf. MORHOF. Polyhist. lit. T. III. L. I. c. 17. T. I. L. IV. c. II. §. 17. Ciceronis exemplum imitatus tres de officio ministrorum libros S. AMBROSIVS conscripsit, de quibus Tomo III. dicemus. Sed et PVFENDORFIVM titulum elegantis libelli de officio hominis et ciuis hinc mutuo accepiisse, notum est. Varias vero in hos libros commentationes refert SAM. RACHELIVS in Comm. libro de officiis praemisso. Ethicam quoque Ciceronianam ANTONII BVSCHERI nobis non visam memorat FABRICIVS T. II. p. 164.

u) Secutus et in his libris Stoicos est Cicero, ita tamen vt ad leges Romanas et consuetudines respexerit. Iudicat de iis Cl. STOLLIVS Hist. phil. mor. §. CLXXVI. p. 311. Conf. Hist. lit. P. III. c. 4. §. 18. p. 702. FABRICIVS l. c. T. I. p. 120. T. II. p. 134. seqq.

x) IDEM l. c. p. 115. FR. FABRIC. adann. 62. p. 316. ex veteribus QVINTILIAN. Lib. III. c. 6. Nomen vero dedit Cicero dialogo a loco quo colloquia habita fingit, nempe a villa, quam in agro Cumano habebat, quam Platonis exemplo Academiam vocauit. Thermas ibi fuisse, oculorum aciei seruandae aptissimas et saluberrimas PLINIVS ait L. XXXI. c. 2. Conf. illustr. LVDEWIGIVS de Academia.

philosophiam,^y quam efficaci stimulo animum suum ad quaerendam sapien-
tiam excitauisse fatetur A V G V S T I N V S. ^z Tum libri sex *de republi-*
ca,^a Librique *oeconomici*, quos pleraque ex Xenophonte expressit.^b Sunt,
qui *dialecticam*^c Ciceronis somnient, qualem Ciceronem scripsisse probari
non potest, licet dialecticam Stoicam interdum adhibuerit in scriptis suis.^d
Certe *Topica* quae scripsit, dialecticae in arte dicendi vsum demonstrant.
Multum vero de philosophia pariter atque Latinis literis meruit Cicero,
quod philosophorum Graecorum terminos et vocabula primus fere Lati-
nis expressit literis.^e In ipsis philosophiae mysteriis nihil noui Graecorum
praeceptis addidit Cicero, sed eorum tantum placita enarrauit, id quod ne-
mo negauerit, qui libros eius philosophicos vel per transennam inspexit.
Iniurii tamen in Ciceronem sunt, qui plagii ei crimen ideo obiciunt^f; fas-
sus enim plerumque est, per quos profecerit.^g Vnde magis in philoso-
phiae historia, quam in ipsa philosophia bonarum artium studiosis vtilita-
tem praestat, licet et hic sine examine non sit admittendus^h.

*Philosophia
Ciceronis.*

§. XVIII. Ex dictis de Ciceronis philosophia iudicium a mediocriter
attento fieri posse, plane confidimus. Qualis enim in eo studio fuerit,
quasque rationes sequendas sibi praescripserit, ex propriis eius verbis atque
confessione depinximus. Vt tamen cuncta luce sua radient, paucis omnia
obseruationibus complectemur, vt ex his ea queant iudicari, quae viri docti
de Ciceronis philosophiaⁱ fuerunt commentati. Et

I. quidem, ex supra dictis repetendum est, non fuisse inter Romanos,
qui nouum philosophiae systema condere suscepit. Nescio enim qua
paupertate animi exhausta quasi illorum temporum ingenia nihil addi
posse inuentis Graecorum philosophorum putabant. Cuius veram causam
vix in alia re, quam in auctoritatis praeiudicio quaerendam putamus,
qua Romani falsa Graecae eruditionis opinione decepti, cum, se ad eorum
perfectionem, qui sectarum auctores fuerant, pertingere posse desperarent,
fatis

y) Passim eius mentionem iniicit, de fin. L. I. de div. L. II. Tusc. Qq. L. III. conf. FR. FABRIC. ad an. 62. p. 316.

z) Dicemus eadere infra Tomo III. Loca Augustini notantur Aët. philosoph. Vol. II. p. 462. seqq. conf. FABRIC. Bibl. Lat. T. II. p. 151.

a) Vid. dicta not. (n. p. 44.) add. FABRIC. l. c. T. I. p. 127. T. II. p. 145. seqq. vtrum alios hac de re scriptores antecelluerit, quod BOECLERO placet, Comm. de Script. p. 42. ex eo iudicari potest, quod Platonis exemplum secutus est.

b) Partitionem eorum recenset SERVIVS ad Georg. L. I. conf. FABRIC. T. II. p. 151.

c) ADAMI BURSII Dialectica Ciceronis prodit Zamofcii 1604. 4.

d) Ostendit id STURMIVS in Instit. dialect. conf. FABRIC. T. II. pag. 168. STOLLIVS Hist. lit. P. II. c. 2. §. 13. p. 432.

e) Passim hac de re more suo gloriatur Cicero. Bene vero de nostra aetate meruit vir doctus, qui sub PLEXIACI nomine latere voluit, Lexiconque philosophicum Hag. Com. 1716. edidit, in quo terminos philosophiae technicos ordine expo-

suit verbis Ciceronis, altera vero parte barbaras Scholasticorum voces et nomina Ciceronianis commutauit: quam quoque partem Glossario nouo Latinitatis adiecit B. SIG. IAC. APINVS Norimb. 1728. 8.

f) Vid. HIERONYM. prooem. in Qq. Ebr. T. IV. opp. p. 90. IAC. THOMASIVS de plag. lit. §. 392. p. 171.

g) PLINIVS in praef. Hist. nat.

h) Exempla complura Tomo I. attulimus, conf. R. SIMON, cuius verba adducit STOLLIVS Hist. lit. P. II. c. 1. §. 55. p. 370.

i) Pertinent huc praeter laudatos IASONIS DE NORES Nobilis Cyprii brevis et distincta institutio in Ciceronis philosophiam de vita et moribus Pat. 1597. 12. BVSCHERI ethica Ciceroniana, TREVNRI et HAVERVNGII diss. de theologia Ciceronis alique. Conf. FABRIC. Bibl. Lat. T. II. p. 148. BAYLE Dict. T. IV. art. Spinoza not. H. HENR. DODWELL. Apologia Script. philosoph. Cicer. quam Anglicae versioni librorum de finibus praefixit SAM. PARKERVS Lond. 1702. 8.

fatis suis desiderijs fieri crediderunt, si in illorum sententiam pedibus irent. Qua ratione deuicta a Romanis Graecia ingeniorum Romanorum euasit victrix, victoresque insolito prorsus more in deuictorum transuere mores et placita.

II. Sed et hoc ex superioribus repetendum est, rationem philosophiae Academicae, qualem post Arcefilaum, Carneades, et qui hunc suo modo secutus est, Philo, tradidere, quae de nulla quidem re certi quid statutum, probabiliter tamen in vtramque partem de argumento quouis disputatum est, non iis tantum mire placuisse, quibus sectarum Graecarum diuortia et insignes contentiones oculos aperiebant, vt quam infirma pleraque essent, quae ab iis afferebantur, peruiderent: sed et calculum eorum meruisse, qui in foro et republica eloquentia sua et orationibus forensibus causisque dicundis inclarescere, sicque ad honores eniti contendebant, quosque mire ista philosophia in inueniendis argumentis fuisse foecundos exempla complura docent. Vtramque rationem apud Ciceronem ad amplectendam Academicam mediae philosophiam plurimum valuisse, supra ipsius testimoniis euicimus. ^k

III. Accessit vero et hoc, quod plurimum momenti in philosophiae studio habuit apud Ciceronem, nempe incidisse eum admodum adolescentem in eiusmodi Academicae philosophiae doctorem, Philonem, qui exorsam philosophandi rationem, quae Arcefilaum inuidia cumulauit, ita emendauit, vt modestius et humano ingenio conuenienter magis ratiocinari videretur. ^l Qua de re ea repetenda sunt, quae *Tomo primo* diximus.

IV. Patet tamen ex adducta quoque Ciceronis historia, non adeo desipuisse Ciceronem, vt reliquarum sectarum doctrinam prorsus repudiaret, sed totius potius Graecae philosophiae campum fuisse emensum. ^m Luculentum id docent disertissimi Academicarum et Tusculanarum quaestionum de finibus item et de natura Deorum dialogi, libri item de officiis, in quibus non Academicae tantum doctrinae summam proposuit, sed Platonicae, Stoicae, Peripateticae, Epicureae quoque philosophiae placita mira facundia illustrauit: ita tamen, vt nulli calculum adiceret, nisi Academica ratione ductus, posse hunc in modum probabiliter de istis rebus disputari. Pleraque vero eo potissimum fine adhibuit, vt in refutandis illis ingenium ostentaret, seque nullam eruditionis partem latuisse ostenderet. ⁿ

V. Et si vero nullam sectam, ex Graecis Cicero probabat praeter Academicam, certum tamen est, eum vni magis fauisse, quam alteri. Et Stoicam quidem sectam in iis, quae ad iuris rationem et reipublicae constitutionem pertinebant, ipsi vehementer placuisse, ipse ad filium scribens ^o

^k) Notabilis imprimis locus in paradoxorum praefatione, et prooemio etiam librorum de officiis, vbi philosophiam eloquentiae causa didicisse fatetur.

^l) Et haec quoque ratio fuit, cur ei Philo magis probaretur, quam Antiochus, quem sine ratio-

ne veterem Academicam reuocare et Stoicis conciliare credebat.

^m) Vid. de orat. c. 30. conf. MACROB. in Somn. Scip. L. I. c. 27. L. II. c. 17.

ⁿ) Obiectum hoc Ciceroni in declamatione, quae SALLUSTIO tribui solet.

^o) De officiis L. I. c. 2.

non negat, ita tamen vt eos, *in doctrina de officiis secutus sit non vt interpretes, sed, vt se solere ait, e fontibus, eorum iudicio arbitrioque suo, quantum quoque modo visum erat, hauriens.* Platonem vero magni fecisse, praecipue in iis, quae ad naturae contemplationem pertinent, et ipse factus est, ^p et suscepta Timaei interpretatione prodidit. Cumque in morali quoque philosophia Peripatetica a Socraticis et Platoniciis non multum dissidentia crederet, ^q non plane ab eorum praeceptionibus in doctrina de officiis abiit, licet alibi minus huius sectae, quam aliorum, habuerit rationem. A nulla tamen secta magis abhorruit, quam ab Epicurea, quamvis eius doctrinam omnium primam didicisset, et haberet amicos carissimos, qui huic sectae adhaerebant. Cuius rei exempla per omnia quidem eius scripta philosophica deprehenduntur, maxime vero secundo, quem *de finibus* scripsit, libro. Quod sectae Epicureae odium tantum fuisse, vt contra veritatem Epicurum calumniis oneraret, in Epicureae sectae historia *tomo primo* manifestum fecimus. Quod qua potissimum ratione inductus fecerit, ipse haud obscure prodit, *caussatus, recubantem in hortulis molliter et delicatule nos avocare Epicurum a rostris, a iudiciis, a curia.*

VI. His ex Ciceronis historia praemissis, dubitandum amplius non est, fuisse Ciceronem ex eorum Academicorum genere, qui post Carneadem et Clitomachum, Philonem sequebantur viderique volebant aptius humanoque intellectui conuenientius philosophari, admittendo in asserta humanae cognitionis incertitudine probabilitatem vel maiorem vel minorem, quam sequi queamus. Qua de re ita differit ipse: *Non sumus ii, quorum vagetur animus errore nec habeat vnquam, quid sequatur; quae enim esset ista mens, vel quae vita potius, non solum disputandi, sed etiam viuendi ratione sublata? Nos autem, vt caeteri, qui alia certa, incerta alia dicunt, sic ab his dissidentes alia probabilia, contra alia improbabilia esse dicimus.* Male itaque et praeter rem LACTANTIUM^r reprehendit HORNIVS^s scribentem: *Cedo Cicero quid didiceris, aut in qua secta veritatem deprehenderis? In Academia scilicet, quam secutus es, quam probasti? At haec nihil docet, nisi vt scias, te nihil scire.* Putat enim Academicum se dixisse, non quod etiam illis vbique se addixisset, sed quod prae caeteris eorum libertatem probaret et ea vteretur. Qua in re mire fallitur Hornius. Non enim illo in philosophiam animo fuit Cicero, vt sectariam philosophiam improbareret, quod ille putat, sed Academicam sectam ea ratione, quam instituit Carneades, secuti sunt Clitomachus et Philo, amplexus est, vt et ipse nihil sciri, id est indubitatis rationibus asseri posse contenderet, probabilitatem tamen sequeretur, quam reiecit Academia media ab Arcesilao instituta. Hanc probabilitatem secutus quaedam ex Platonis atque Stoicorum placitis sibi non displicere, manifestum fecit, cuius ea potissimum

p) Tusc. Qq. L. I. c. 21. conf. HORNIVS hist. philos. L. IV. c. 5. p. 248. et quos nominat.

q) De offic. L. I. c. 3.

r) De orator. L. III. conf. GASSENDVS de vita Epicuri L. III. c. 6. p. m. 97. seq.

s) De officiis L. II. c. 2. conf. Tusc. Qq. L. II. c. 2. L. IV. c. 4.

t) L. III. c. 14.

u) Hist. philos. L. IV. c. 5. p. 249.

tissimum caussa fuisse videtur, quod per tempus aliquod Antiochum Ascalonitam audiuit, quem Academiae studiosis Platonem et Zenonem commendasse constat. Patetque Ciceronis scripta philosophica attente legenti, eum, cum de veris philosophiae fundamentis incertus haereret, ad syncretismum philosophicum, qualem instituit * Antiochus, valde fuisse pronum. Certe non Stoica tantum, sed et peripatetica suis placitis finitima esse contendit.

VII. Caussam cur hanc potissimum philosophandi viam Cicero ingressus sit, praeter scopum se foro parandi, recte ingenii eius charactero quaesiuersis. Quod ut imaginationis magis foecunditate quam iudicii acie valuisse, supra obseruatum est, ita mirum non est, Ciceronem ad inueniendas magis probabiles rationes et disputandum in vtramque partem, quam ad diiudicandum systematum nexum natura et procliuem et aptum, Academiae philosophiae nomen dedisse. Vbique etiam in scriptis eius philosophicis haec ingenii Ciceroniani indoles se prodit. Videas enim viuus quidem coloribus et verborum eximio quodam delectu depingi philosophorum opiniones, afferri rationes in contrarium causamque, ut solent oratores, etiam in Academia, in Tusculo, aliisque eruditorum congressibus, ornari, rationum vero pondera nec ad trutinam examinari, nec ex certis principiis deduci conclusiones, nec systematis nexum et quasi vincula exhiberi, sicque male multa cohaerere, dicique, quae examen non sustinent. Quae licet talia non sint, ut inter philosophastros Cicero, AUGUSTINO praeeunte reiici, vel e philosophorum plane albo deleri mereatur, quod recentiori quoque tempore viris quibusdam doctis^a placuit: aperta tamen demonstratione euincunt, longe errare eos, qui in philosophia multum eum valuisse contendunt,^b longius abesse a vero, qui in philosophia magis praestitisse, quam in dicendi arte et regenda republica ineptiunt.^c Rectius, CL. HEVMANNVS,^d qui inter sedulos magis philosophorum discipulos, quam inter philosophos primi ordinis collocare eum iubet.

§. XIX. Ex adductis hactenus manifestum esse putamus, frustra a nobis postulari, ut philosophiam Ciceronis, morem nostrum et institutum sequentes breuiter delineemus, licet scriptorum eius philosophicorum nobis sat magna supersit copia. Academicum enim philosophandi genus secutus, proprium doctrinae systema non condidit, sed vel aliarum sectarum placita oppugnavit, vel vbi asserendum quoque dogma quoddam erat, ex Graecorum sectis eam opinionem elegit, quam reliquis probabilius disputa-

ri

* De offic. L. I. c. 2.

y) Indubitatis hoc rationibus et exemplis ex Ciceronis Scriptis petitis demonstravit doctissimus HEVMANNVS Act. philos. Vol. II. p. 441. seqq.

z) De Civ. Dei L. II. c. 27. id quod tamen eo minus mirandum, quo magis Augustinus Academicos odio persecutus libros suos contra Academicos Ciceroni opposuit.

a) Pomponatii et Ionsii iudicia vide Act. phil. l. c. uterque Ciceroni fuit infensor, quod Peripateticus non esset. Similiter Campanella, cuius sententiam Act. phil. Vol. I. p. 566. exhibent. Ita et SCALIGER, Scalig. prim. p. m. 49. Alios nominat HORN. l. c. p. 246.

b) Indicaui eos §. XV. not. q.

c) Auctor gallus Histor. crit. philos. T. III. p. 32.

d) Act. phil. l. c. p. 459.

Cicero an atheus?

ri posse, comtiusque ornari putabat. Et in naturalibus quidem, si Platonicae physiologiae praecepta ex *Timaeo* Latino sermone expressa, quaeque in *Somnio Scipionis* Platonice scripsit, excipias, plane nihil, quod Academicum non esset, et non evertendis dogmaticorum opinionibus aptum, Cicero attulit. Aliter tamen in moralibus, ubi non Carneadeam tantum disputandi, et oppugnandi sectas Graecorum fere omnes rationem tenuit, sed et Panaetium aliosque Stoicos secutus de officiis quaedam dogmatice praecepit. Quorum dare tamen compendium eo minus necesse putamus, quo magis ea a Stoicorum doctrina suo loco fusa a nobis enarrata non abeunt, sed ordinem tantum sequuntur nouum, acroamaticam tractandi rationem non diligenter et accurate satis tenentem, et Peripatetica quaedam sine necessitate interdum miscentem. Theologiae vero Ciceronianae enarrare capita impossibile putamus, eo quod de natura Deorum et de diuinatione disputando a declaranda sua sententia abstinens in eo tantum versatus sit, ut omnium sectarum de Diis placita euerteret. Ex quibus, ut hoc coronidis loco addamus, etiam de atheismo Ciceronis quaestio decidenda est, quem qui ei obiciunt, vel practicam impietatem vrgent, de qua tamen non quaeritur, vel obiectionum contra doctrinam de Deo Academicarum malignitatem et pericula respiciunt. Quae licet negari nequeant, nondum tamen Ciceronem atheorum albo adscribunt: cum istae quidem disputationes nudam obiectionum contra theologiam receptam recensionem exhibeant, qua Cicero non suam de Diis mentem explicuit, sed quid Academici dogmaticis obiciant, exhibuit. Tacemus, si etiam supponamus, Ciceronem in his quoque ex animo cum Academicis fecisse, esse haec opposita theologiae gentili, et imprimis iactantiae dogmaticorum, qui cum insana et absurda multa de Diis fuissent commenti, istis Academicorum telis obruebantur. Addendum his, Ciceronem certitudinem quidem doctrinae philosophorum de diuinis denegare, non vero probabilitatem, quam tamen vnam in philosophia sequendam esse cum Philone suo contendebat. Non sustulisse enim argumentis, quae pro asserenda DEI existentia philosophi attulerunt, probabilitatem, ex primo de *natura Deorum* libro patet, etsi negari nequeat, non valuisse Ciceronem tanto iudicii robore, ut contra Academicorum obiectiones veritates has in tuto ponere posset, unde non magnopere viris doctis refragamur, qui non satis certum in tanto dogmate haesisse Ciceronem queruntur.^e Quae vero ita Academicis disputauit more, ea ad ipsius doctrinae speculationem, non ad cultum practicum pertinent. In eo enim more Academicis et Scepticis communi patria instituta moresque secutus est.^b

Stoicae sectae
affectae inter
Romanos.

§. XX. Stoicam philosophiam non minus illustres sectatores fuisse nactam, ex iis intelligere est, quae supra de Iure consultorum apud Romanos

e) Qui illud desiderat, in Cel. S T O I C I I hist. phil. mor. gent. §. 177. p. 311. seqq. inueniet, quae situm extinguunt.

f) Nominat eos R E I M M A N N V S hist. ath.

c. XXXVIII. §. 3. p. 273. quem vide.

g) B A Y L E Dict. T. IV. art. Spinoza not. M. p. 259. B V D D E V S thes. de atheismo c. I. §. 22.

b) Vid. Lib. III. de natura Deor.

manos studio erga hanc sectam diximus. Doctrina enim de officiis, spinoso licet, et si verum fatendum, cerebrino magis, quam vero, fundamento superstructa, in se tamen reipublicae moderandae, iurique dicundo erat aptissima; quemadmodum et dialecticam Stoicam commodissimam iuris interpretibus visam fuisse, supra observauimus. Traxit haec ad rempublicam facilis philosophiae Stoicae applicatio alios quoque viros magnos, qui ad eius clauum sedebant in partes, qui impenso studio hanc sectam persecuti sunt. Inter quos Q. Lucilius Balbus C I C E R O N E teste ⁱ, tantos habuit progressus in Stoicis, vt cum excellentibus in eo genere Graecis compararetur: quae causa fuit, cur in doctissimis *de natura Deorum* dialogis Stoicae theologiae partes ei defendendas tribuerit. Hi tamen plerique cum eo tantum sine Stoicam disciplinam didicerint, vt et verbis et factis Stoicis reipublicae aessent, non vero, ut Stoicam sectam amplificarent, philosophosque ex porticu se praestarent, omittendi hic sunt, et inter illustres Romanae reipublicae exspirantis viros collocandi. Vnum Catonem, quem minorem vocant, describemus, qui et nomine & re Stoicum se praestitit philosophum.

§. XXI. CATONIS, qui, vt a proauo, de quo supra, distinguitur, minor, et VTICENSIS, a loco vbi illustri morte extinctus est, vocari solet, vitam laudesque ex veteribus enarrauerunt Munatius, qui ex familiaribus eius fuit, et qui huius memoriis vsus est, Thraseas, quae tamen scripta hodie desideramus. Quemadmodum laudes quoque Catonis a Cicerone praedicatas, quique iis a Iulio Caesare oppositi erant Anti-Catones ^k temporis nobis iniuria eripuit. Vita itaque magni viri, qui immortale sibi nomen philosophia virtuteque Stoica peperit, cum ex Romanae historiae scriptoribus, imprimis ex scriptis Ciceronis, qui magnam admirationem profecutus est, colligenda, tum audiendus PLVTARCHVS est, qui eam more suo strictim quidem, sed eleganter exposuit ^l. Attendendum vero nobis, non Romanam, sed philosophicam historiam scribentibus ad eas praecipue vitae circumstantias est, quae ingenium eius philosophicum, Stoicaeque philosophiae indolem, qualem vita et actionibus suis expressit, concernunt. Quae vbi recte ponderantur, fatendum, in tota Stoicae sectae historia non occurrere, qui Stoicam virtutem illustribus vitae actionibus tantopere exprefferit, sic vt non homines tantum Stoicos, scholae natos, Zenonem, Chrysippum, Panaetium, sed et in aula Stoica praecepta sequentes, Senecam, et Antoninum imperatorem longe superauerit. Id quod C I C E R O ^m agnouit, qui perfecti eum Stoici laude mactat, et vidit LVCANVS ⁿ, qui eleganter de eo:

*Hi mores, haec duri immota Catonis
Secta fuit, seruare modum, finemque tenere,
Naturamque sequi, patriaeque impendere vitam,*

G 2

Nec

ⁱ) De nat. Deor. L. I. c. 4. conf. GAYDENT. de phil. Rom. c. XXXIII. p. 172. qui in alienis hic totus vagatur, ne nihil dixisse videatur.

^k) Conf. FABRIC. Bibl. Lat. T. I. p. 26. 172.

^l) In vitis parallelis T. V. Opp. p. m. 590.

^m) Praefat. paradox. ⁿ) L. II. v. 385. seqq.

*Nec sibi, sed toti genitum se credere mundo.
Huic epulae, vicisse famem, magnique penates
Summovisse hiemem tecto; pretiosaque vestis
Hirtam membra super Romani more quiritis
Induxisse togam: venerisque huic maximus usus
Progenies: urbi pater est, urbique maritus:
Iustitiae cultor, rigidi servator honesti,
In commune bonus: nullosque Catonis in actus
Subrepsit, partemque tulit sibi nata voluptas.*

Quibus versiculis Stoicam virtutem tam accuratis depinxit coloribus, ut, qui Stoicum non agnoscat, in eius sectae historia peregrinus merito videatur hospes.

Catonis vita.

§. XXII. Genere natus est Cato illustri et in republica pariter atque inter eruditos magni nominis. Proavum enim magna vixisse Romae gloria, et austera virtute Graecae philosophiae initiis restituisse supra narrauimus. Avus nostri M. Cato libro *de iuris disciplina* eruditionis dedit specimen, pater Marcus orationibus scriptis inclaruit^o. Quem cum praematura morte amisisset, parentibus orbus una cum fratre Caepione, sorore germana Porcia, et uterina Seruilia^p, apud Liuium Drusum auunculum suum, qui vir, summa praeditus facundia, morumque probitate et animi magnitudine, tum in republica principatum obtinebat, educatus est. Tale vero temperamentum animique Catoni indoles obtigit, qua ad Stoicam philosophiam natus quasi videbatur. Teste enim PLVTARCHO^q. statim a puero voce, vultu, adeoque inter ludendum etiam, ingenium rigidum atque immobile constansque in omni re prae se tulit. Nam et vis perficiendi ei, quae instituisset, maior, quam pro aetate, affuit, at adulatoribus difficilem se asperumque praebens, magis adhuc terrentibus obfistebat. Risus ita difficulter ei mouebatur, ut perraro ad leuem etiam risum vultum remitteret: haud facile ad iram prolabebatur, iratus placari aegre poterat. Cuius exempla non PLVTARCHVS tantum narrat, sed VALERIUS MAXIMVS^r quoque exhibet, qui videndi. Non audiendus itaque est CICERO^s, qui hanc morum severitatem Stoicae tantum disciplinae tribuit, quae nunquam tantopere illam effecisset, nisi animi indoles natura austerior accessisset. Cum se ad discendum contulisset, tardus fuit ad percipiendum; quae autem percepisset ea firmiter memoria retinebat. Monet etiam PLVTARCHVS^t Catoni, ut difficilior disceret, in causa fuisse incredulitatem. Eum enim obtemperasse quidem omnibus in rebus paedagogo, singulorum tamen causas ex eo quaesivisse:

habu-

^o) Conf. FABRIC. Bibl. Lat. T. I. p. 26.

^p) Vtramque moribus fratri dissimilem prorsus impudicitia extrema corruptam vixisse, notat PLVTARCHVS p. 607. Seruilia enim Iulii Caesaris amoribus obsequens, Brutum ex eo genuisse dicebatur. Altera, quam Lucullus in matrimonio habuit, cum eum vnus prolis patrem

fecisset, ob impudicitiam domo eiecta est. Sed nec ipsa Catonis vxor Attilia eius criminis pura fuit. Conf. BAYLE Dict. T. III. art. Porcie, not. A. p. 791.

^q) p. 592.

^r) L. III. c. 1.

^s) Orat. pro Muraena c. 29.

^t) loc. cit.

habuisse vero paedagogum Sarpedonem, verbis, quam verberibus promtior. Cum vero et praeceptor ei obtigisset prudens, et indoles animi erectior atque excitator, non potuit non mature ad excelsa quaeuis formari Catonis ingenium, quod imperterritam constantiam, patriaeque amorem etiam in pueritia spirauit, cuius aliquot exempla valde iucunda PLUTARCHVS^{*)} memorat, qui fratrem quoque Caepionem tenerrime amauisse, semperque cum eo fuisse, vnguento tamen eo vntente, respuisse, ob vitam accuratam et seueram, monet. Flamen Apollinis creatus diuina paterna haereditate a fratre migravit, victusque ratione ad maiorem etiam, pristina, frugalitatem conuersa Antipatrum Tyrium, * Stoica exacta philosophum, focium sibi asciiuit, morali potissimum et ciuili doctrinae intentus. Cum autem ad omne virtutum genus quasi numine afflatus ferretur, eam tamen honesti partem, quae in iustitia conspicitur, nulla aequitatis aut gratiae respectu inflexa prae reliquis sectatus est, quae in re Zenonis aemulum eum sententias Stoicas non disputandi, vt magna pars, sed viuendi causa arripuisse, et magna seueritate expressisse CICERO²⁾ in iudicio testatus est. Instrumentum porro, vt pergit PLUTARCHVS, orationis, quo ad populum vti posset, exercitatione sibi parauit, neque tamen apud alios declamauit, vel declamantes audiuit. Orationis vero imaginem consecutus animi indoli naturaeque suae conformem, et Stoica disciplina dignam, magnam sibi admirationem eius peperit, quae inuitum eum in forum produxit. erat enim in oratione nihil noui, nihil ad elegantiam compositi, sed recta omnia et plana, atque aspera: gratia quoque animos auditorum concilians breuitati aderat, voluptatemque aliquam et risum ciuilem, admixta ingenii eius indicia, et per orationem sparsa, mouebant. Vox autem ea erat, quae fatis ab vniuerso populo exaudiri posset, eius vero intentio visque inexhausta³⁾. Sed et corporis exercitatio talis fuit, quae Stoicum, viuendo magis, quam dicendo philosophantem decebat. Illud enim exercitationibus validis assuefaciebat ad perferendum aestum, et niuem nudo capite, iterque pedibus omni tempore anni faciendum absque vehiculo: vitae etiam et studiorum rationem diuersam sibi ab ea, quae vulgo tum obtinebat, tenendam ratus, purpura reliquis probata reiecta, nigra veste ipse vsus est, saepe etiam nudis pedibus et sine tunica post prandium in publicum prodiit, non gloriae venandae studio, sed assuefaciens se, ne cuius ipsum rei, nisi turpis, puderet, reliquas infamias contemneret, sic vt facile in hoc quoque genuinum Zenonianae austeritatis imitatore agnoscas. In bello ciuili Gellio duci se adiunxit ultro

G 3

pro-Romae fuit. Vnde deferendum putamus DIONYS. GODOFREDVM ad l. c. Cic. et I. G. OLEARIVM ad STANLEYI Histor. philos. P. VII. p. 655. qui eundem fuisse coniciunt.

1) Orat. pro Muraena c. 29. Conf. PLUT. p. 622.

2) PLUT. l. c. p. 595. Exemplum orationis Catonianae habes apud CICER. fam. Lib. XV. ep. 5.

*) p. 594.

2) Non confundendus hic Antipater Stoicus, cum alio eius nominis eidem quoque sectae adiecto, qui Tarsensis fuit, vt Tom. I. L. III. c. 9. monitum. Sed diuersus quoque fuit ab alio, qui et ipse Tyrius fuit, quem Athenis docuisse et obiisse tradit CICERO de officiis L. II. c. 24. Hic enim in domo Catonis mansit, aetate quoque illo paulo superior, qui post Panaetium

propter fratrem, qui in eo tribunus militum militabat, et inter magnam militum luxuriam modestiam suam, fortitudinem audaciamque prudentiae coniunctam summa cum ducis laude expressit, honores et praemia, quae ipsi decernebantur, detrectauit. Tribunus militum factus et in Macedoniam missus Stoicae virtutis exemplum militibus praeiuit, equitanti-
bus seruis pedes incessit, inque iis, quae aliis imperasset, ipse elaborauit, habituque, victu et incessu militum, quam ducum, similior, moribus vero, animi magnitudine, facundia ducibus omnibus superior ^a. Eo loco, cum inaudiuisset de Athenodoro ^b cui Cordylioni cognomentum fuit, virum illum Stoica disciplina illustrem, regum principumque familiaritatem subterfugisse, senemque iam apud Pergamum degere, eum sibi adsciscendum ratus, cum scribendo aut mittendo profuturum se desperaret, ipse ad eum in Asiam nauigauit, sperans fore, vt suis dotibus animoque vinci et in consuetudinem pertrahi posset. Congressus cum homine peruicit, et in castra eum deduxit, secumque tanquam magnam nactus praedam, habuit. Sub idem tempus mortuo iam fratri Caepioni grauissimo naufragii periculo ereptus superuenit, et quod in Catone mireris, grauius, quam philosophum Stoicum decebat, eum casum tulit, dolorem non lachrymis tantum et cadaueris amplexibus, sed et sumtibus sepulturae et monumenti magnificentia testatus ^c. Adeo difficile est viris etiam maximis et animi indole atque disciplina adiutis naturam, quod Stoici poscebant, vincere. Defunctus tribunatu cum statuisset, antequam ad rempublicam accederet, Asiam peruagari, regionum, morum, institutorum, et quae alia essent memoria et obseruatione digna, contemplandorum causa, peregrinationem ita instituit, vt Stoicae disciplinae etiam cum decori neglectu videretur obseruantissimus, adeo vt pro abiecto et humilis animi homine interdum haberetur ^d. Romam reuerfus aut Athenodoro, aut in foro amicis operam dedit. Quaesturam autem, cuius petendae tempus appetierat, non ante ambiit, quam leges quaestorias legisset, singula ex peritis esset percontatus, et eius magistratus ius animo quasi informasset. Quaestor vero

^a) Ibid.

^b) Non confundendum esse hunc Athenodorum Cordylionem, cum Athenodoro Solensi, et eum alio, eiusdem nominis, qui Augusti praeceptor fuit, supra T. I. Lib. III. c. 9. monuimus. Fuit vero Athenodorus Cordylionis Tarsensis, refertque LAERTIUS L. VII. f. 34. cum Pergamenae ei bibliothecae cura esset commissa, erasse eum ex Stoicorum libris quae male dicta essent a Stoicis, eo vero deprehensio et periclitante iterum esse inserta atque restituta. Quae male de Athenodoro Augusti tempore viuente intelligit ALDOBRANDINUS ad h. l. eo enim tempore Pergamenae bibliothecae iam Romam erant translatae, teste PLUTARCHO l. c. p. 597. et STRABONE L. XIV. p. 674. Recte itaque LIPSIVS Manud. in phil. Stoic. L. I. diff. 12. p. m. 71. coniecit, hunc Athenodorum, qui bibliothecae Pergamenae praefuit, esse

Cordylionem. Qui tamen in eo fallitur, quod hanc causam fuisse putat, cur facilius Catoni fuerit abducenti. PLUTARCHO enim l. c. teste regum et principum contubernia subterfugit, quae facile potuisset obtinere, si Pergameni muneris fastidium eum cepisset. Cordylionem vero fuisse, qui Pergami bibliothecae praefuit, FABRICIO quoque placuit Bibl. Graec. Vol. II. p. 391. Pergamenae vero bibliothecae a Pergami regibus, praesertim ab Eumene, STRABONE L. XIII. teste constructae et ab Antonio in gratiam Cleopatrae Alexandrinae illatae, vt habet PLUT. in Anton. T. VI. p. m. 151. historiam vide apud scriptores de biblioth. I. LIPS. de bibl. c. 4. IO. LOMAYER. de bibl. c. 5. p. 76. MONTFAUCON palaeogr. Gr. p. 16. 17. aliosque.

^c) PLUTARCH. p. 598.

^d) Ibid. p. 599.

vero constitutus multa, quae iustitiam reique publicae salutem aliter posscere putabat, mutauit, animum rationemque eo magistratu haecenus male corrupto, dignam primus attulit, maximamque ob virtutem existimationem meruit, quod iustitia et temperantia omnes antecellere Romanos crederetur ^e. Eandem vero rationem quoque defunctus quaestura tenuit. Primus in senatum veniebat, discedebat ultimus, saepe reliquis tardius venientibus libro togam praetendens legebat ^f, non opum studio, non gloriae, non fortuito casu ad tractandas res delatus sed consilio, quod hoc boni viri officium esse putaret, intentiorem se reipublicae, quam apem melli esse debere censebat, sicque in republica auctoritatem et existimationem consequebatur maximam. Solutus republica acceptis libris et philosophis in Lucaniam profectus est, vbi praedia habebat otio liberali maxime apta: ob Metellum tamen, quem reipublicae noxium ciuitatiq. metuendum nouerat, vt pestilentissima consilia euerneret, breui Romam reuersus est, et tribunatum plebis petiit, vt resistendi ei facultatem haberet. Quo in officio quam praestiterit iustitiam et fidem, quem candorem, magnanimitatem et bonitatem, in Muraenae potissimum ambitus accusati causa ostendit, in qua tamen Stoica eius virtus a Cicerone, qui Consul Muraenae patrocinator erat, iocis traducta est illiberaliter ^g. Quod tamen Cato, qui iuris defendendi causa se terribilem et durum in foro praebebat, adeo humane beneuoleque tulit, vt semper eum Cicero impense coleret, cui etiam in suppressenda Catilinari coniuratione strenuus adfuit ^h. Cumque eo tempore ciuitas tota turbis misceretur, et potentiorum factionibus reipublicae euertendae consilia non semel caperentur, tanto animo, Marcello, Pompeio, Caesari aliisque, qui pessundare libertatem cogitabant, tamque infracto virtutis robore restitit, vt, licet non familiae tantum, sed et suam salutem obici maximis videret periculis, a recta tamen via nunquam recesserit, neque prodere patriam in animum inducere potuerit, qua de re cum in historia reipublicae Romanae, amissa libertate in paucorum dominatum degenerantis tractari soleat ⁱ, eam hic silentio praeterimus. Certe vnus dignus Cato visus est SENECAE ^k, cuius vultum habitumque assignet *viro forti, cum altius nemo ingredi potuerit, quam qui simul contra Caesarem Pompeiumque se sustulit, et aliis Caesarianas opes aliis Pompeianas fouentibus, vtrumque prouocauit, ostenditque aliquas esse reipublicae partes*. Imprimis mirantur horum temporum scriptores prudentiam acutissime cernentem, et futurorum quam maxime prouidam ^l, atque e duobus malis, quod tolerabilius esset eligentem, qua ductus, Pompeium sine collega Consulem esse creandum senatui persuasit, vt Caesarianam potentiam, quam reipublicae libertati exitio esse videbat, infringeret. Quae causa quoque fuit, cur Pompeii

^e Ibid. p. 60r.

^f Ibid. p. 60s. Conf. CICERO praef. paradox. fam. L. XV. ep. 5.

^g Vid. Or. pro Muraena c. 29.

^h PLUTARCH. p. 606.

ⁱ Videndi Romanae historiae scriptores VELLEIUS, FLORVS, DIO, PLUTARCHVS alique.

^k Epist. 95. conf. ep. 14.

^l Exempla sunt apud PLUT. p. 620. 626.

partes secutus, cum Caesar exercitum Romam versus duceret, ei Romam relinquenti, quod causam meliorem haberet, fugae comitem se dedit, forteque nactus Siciliam provinciam exercitui praefecerit, res Pompeii, quantum posset, adiuturus. Quem tamen cum Italia excessisse, et Dyrrhachii castra habere comperisset, tantae factorum peruersitati in causa, quam credebat, meliori et iusta, contra philosophiae suae praecepta indignatus, magnam dixit esse rerum diuinarum inconstantiam atque obscuritatem^m. Sicilia itaque relicta ad Pompeium se contulit, sperans fore, ut pace inter duos reipublicae procos inita extremis cladibus ea eriperetur. Qui tamen cum Catonis propositum sentiret, quo die Caesarem vicissent, omni dominatu patriam liberare cogitantis, diffidere illi coepit. Nec tamen a recta via discessit Cato, sed ad pugnam ad Dyrrhachium, de libertate, virtute, morte et gloria orationem ad milites ex philosophia depromptam habens languentes ad summam alacritatem erexit, in pugna tamen ciues multos et bonos a se mutuo caesos videns, pestiferam hominum et infelicem ambitionem deplorauitⁿ. Post pugnam Pharsalicam, quae Pompeium spe sua totum deiecit causae eius, quantum potuit, adfuit, et in Aegyptum aufugisse coniiciens eo cum exercitu soluit, et a filio Pompeii necatum patrem audiens, cum in peregrina regione omnes essent deserti, imperium accepit, et in maxima hiemis inclementia agmen pedes ducens ad Iubam cum exercitu profectus est, ubi Scipioni in Africa duci imperium concessit; ipse Vticam custodiendam in se recepit. Etsi vero, quod consiliis suis Scipio non obtemperasset, Cato de euentu belli se nihil boni sperare posse videbat, euentu quoque vaticinium comprobante, cum magno apud Thapsum commisso praelio res sociorum plane euerterentur: tantam tamen in publico luctu et metu virtutem animi ostendit, ut et terrorem sisteret, et senatu coacto de salute reipublicae communi deliberaret, et consilia optima atque salubria suggereret, et persuaderet omnibus, ut se malle parendo huic duci occumbere, quam prodita tam insigni eius virtute superesse significarent^o. Quae vero promissa cum extremus subito ex animo eiecisset pavor, a suis desertus est. Qui tamen nec a fide sua quicquam remisit, et cum de salute reipublicae desperaret, Stoicae philosophiae praecepta secutus, emigrandum sibi ex hac vita esse statuit. Dimissis itaque quos secum habebat, ut fuga sibi consulerent, balneum ingressus est et coenam; post coenam computatio perelegans atque erudita fuit, vno post alterum ex praesentibus, (aderant vero focii et Vticensium principes) philosophicas quaestiones ordine proponentibus^p, donec ad

^m) Ibid. ⁿ) Ibid. p. 628. ^o) Ibid. p. 632. 633.
^p) Solebat Cato, teste Plu T. I. c. p. 595. interdum publicis negotiis occupatus et a philosophia exclusus per noctem saltem et inter pocula cum philosophis confabulari, ita ut saepe usque ad auroram traheret potationem; quod ebrietatis ei opprobrium peperit, tum apud veteres, ut Plutarchus testatur, tum apud recentiores, vid.

STOLLIVS Hist. phil. mor. gent. §. CLXVI. p. 297. Neque vero vel ebrietas Catonis vnquam probari potuit, nec haec computatio alia fuit, quam ea, quam in vltima coena Cato instituit, quae scilicet quaestionibus et disputationibus philosophicis absoluebatur. Quo sensu SENECA de tranquill. animi, c. vlt. accipiendus est scribens: „Nec in eadem intentione aequaliter
 „ter

ad Stoicorum paradoxa disputatio esset deuoluta; vbi cum sententiae: solum sapientem esse liberum, Peripateticus more suo repugnaret, acriter et aspera voce insurgens Cato prolixè disputauit, magna vtens contentione, vt nemo non animaduertere posset, statuisse eum vitam finire, atque sic praesenti conditione defungi. Quas suspiciones vt eximeret conuiuus, de praesentibus rebus quaestiones mouit. Soluta conuiuio vbi domum se recepit, filium et amicos singulos familiaris, quam pro more suo allocutus, suspicionem resuscitauit. Ingressus deinde cubiculum confedit ac Platonis Phaedonem in manus sumit, magnaue eius parte perlecta, gladium requirens, cum abesse videret, eum ferri iussit. Cunctantibus cunctis plorans filius cum amicis accurrens patrem amplexus et deprecatus est, quem tamen toruo intuitus vultu, graui oratione reprehendit, quo omnes flentes ab eo egressi sunt, folis Apollonide et Demetrio¹⁾ philosophis intus manentibus. Quos placidius alloquens, et ad Stoicae, in qua aetatem triuerat, philosophiae praecepta prouocans, vt ea vel ipsum dedocerent, vel deliberandi spatium concederent, iussit, sicque abire passus est. Tum gladio a paruulo puero allato, librum resumit bisque totum perlegit, deinde altissime cum dormiisset, suos vt securos redderet, medico manum, quam laeserat, ligandam dedit, et paulum obdormiscens, cum solus esset, gladium strinxit, eoque se infra pectus ferit: ictu tamen non satis valido vulneratus non statim est mortuus, sed in mortis agone se deuoluens lecto abacum quendam geometricum euertit: quo strepitu excitati famuli clamorem sustulerunt, filiusque et amici accurrentes sanguine respersum et intestina pleraque prolapsa viderunt. Quae ubi reponere adhuc spirantis tentaret medicus, Cato paulisper ad se rediens, idque sentiens, manibus intestina discerpsit, vulnusque lacerando patefaciens, mortem obiit²⁾. Ita qui Stoicam vitam vixerat, Stoica morte principia sectae suae secutus verus huius familiae philosophus occubuit, magno honore, licet metus Caesaris ubique Vticenses premeret, sepultus. Filius molliter vixit, strenue vero pugnando parentis virtutem imitatus apud Philippos pro liberalitate caecidit: filia Porcia, Bruti eius, qui Caesarem necauit, vxor, pudicitia et fortitudine patrem referens, voluntariae mortis genere se ex Stoico philosopho natam et educatam fuisse probauit³⁾, vnde inter Stoicas feminas numerari solet⁴⁾.

§. XXIII.

¹⁾ ter retinenda mens est, sed ad iocos reuocanda. Cum pueris Socrates ludere non erubescibat, et Cato vino laxabat animum, curis publicis fatigatum.

²⁾ Apollonides Stoicus fuit, Demetrius Peripateticus, Byzantinus, cum alio Byzantino eius nominis historico non confundendus. Meminit eius LAERT. L. V. c. 83. et forte etiam ATHENAEVS L. X. conf. VOSSIVS de hist. Graec. L. III. p. 352. 10 N S. de script. hist. philos. L. II. c. 18. p. 209.

³⁾ Sequimur hic, vt in plerisque Catonis, *Hist. philos. Tom. II.*

PLUTARCHI narrationem l. c. p. 635. conferendus vero FLORVS L. IV. c. 2. SENECA ep. 24. de prouident. c. 2.

¹⁾ PLUTARCH. l. c.

²⁾ Porciam hanc, inatris vestigiis relictis paternae virtuti insistentem, cum post Bibulum aetate integra M. Bruto nupsisset, non viri tantum, sed et philosophiae studiosam fuisse, magnoque et prudenti animo praeditam PLUT. testatur in Bruto T. III. p. 695. qui etiam narrat, qua ratione grauiter se vulnerans, se insuperabilem a dolore esse marito probauerit, vt ipsam in

Αὐτοχρησία
Catonis ex
quo fonte
orta?

§. XXIII. Meruit Cato, cuius vitam prolixius enarraret historia philosophica, nemo enim Stoicam virtutem exemplo melius suo vel viuendo vel moriendo expressit, et magnificentiam Stoicam ipso facto aequè tuitus est, quamuis negandum non sit, animi eius indolem plurimum vt in tota vita, ita praecipue in morte valuisse, vt hanc potissimum personam effingeret. Cui cum accederet doctrina Stoica, non potuit non animus Catonis ita roborari, vt inuictum omnibus tempestatibus ipsique morti pectus opponeret. Et LACTANTIO * quidem Cato videtur causam quaesivisse moriendi, non tam vt Caesarem fugeret, quam ut Stoicorum decretis obtemperaret, quos sectabatur, suumque nomen grandi aliquo facinore clarificaret. Aliter tamen alii, et in his Cl. STOLLIVS 2. Nos vtrumque recte iungi existimamus, si ad totam Catonis vitam respiciamus. Ex cuius historia apertum est, ambitionem primariam in animo viri sanguine nobili iisque temporibus geniti, quo optimates ad res summas Romae adspirabant, propensionem affectuumque eius quasi ἀκρόπολιν fuisse, voluptatis habuisse partem minimam fereque nullam, accessisse animo alta spiranti austeram severitatem, ex sanguinis potissimum dispositione enatam. Temperamento hoc cholero-melancholico, quod vocant, gauisus Cato, conforme inclinationi animi facileque consilium habuit mortem gloriosam et spontaneam oppetere. Cum enim non ignoraret, nihil magis in votis habere Caesarem, quam vt viuus Cato in suam potestatem veniret, siue vindictae causa, siue gloriae in clementia demonstrandae; vtrumque sibi grauissimum reputans, cum in seruitute eius, quem tyrannum hostemque reipublicae agnoscebat, viuere non sustineret, mortis voluntariae gloriam, tot magnorum virorum exemplis probatam turpi vitae, non praeferre non potuit. Nec obstant, quae obiicit LACTANTIUS 3: *Cui quid mali potuerit accidere, si viueret, non inuenio. Caius enim Caesar, vt clemens erat, nihil aliud efficere volebat, etiam in ipso ciuili belli ardore, quam vt bene mereri de rep. videretur, duobus optimis ciuibus, Cicerone et Catone seruatis.* Et si enim tum coniecturam fuisse, PLVTARCHVS 4 quoque fatetur, Caesarem Catone humaniter fuisse vsurum, quamuis, quid acturus cum eo fuisset, non liqueat, certum tamen est, non aliter salutem potuisse redimere Catonem, nisi Caesaris partibus se aggregando, eaque consilia damnando, quibus hactenus perditissimo reipublicae hosti obuiam eundum tanta contentione suaserat; quae animi seruitus ipsa morte Catoni altos spiritus pro causa bona et libertate publica ducenti sine dubio fuisset intolerabilior. Quae quoque mortem meditantī Catoni maxime obuersata fuisse

in consilii de necando Caesare societatem ascesceret. Post mortem coniugis cum et ipsa mori audacissime cuperet, ab amicis prohibita est, qui eam obseruabant, quos vt falleret carbonēs ex igne arreptos deglutiit oreque clauso ita suffocata periit, vt praeter PLVTARCHVM l. c. p. 723. narrat VALERIUS MAXIMVS L. IV.

c. 4. Conf. BAYLE Dict. T. III. art. Porcia p. 791. sqq.

*) MENAG. hist. philosophant. mul. §. 75. FABRIC. Bibl. Graec. Vol. II. p. 416. sumta tamen philosophantis voce sensu paulisper laxiore.

2) Lib. III. c. 18.

3) Hist. philos. mor. gent. §. CLXXVII. p. 299.

4) loc. cit.

a) In Cat. p. 640.

fuisse animo, inde liquet, quod pro sapientis libertate magna contentione Stoica, sensu in vltima coena pugnaverit. Eam enim demum libertatem esse contendebant Stoici, *quae nihil dicit, nihil facit, nihil cogitat denique, nisi libenter, et libere*. Quo sensu, quem CICERO^b exprimit, non nisi seruitutem expectare debebat Cato sub Caesaris imperio. Huic tamen animi Catonis propensione accessit, multumque eam roborauit, et ad violentas sibi inferendas manus armauit philosophia Stoica, quam a teneris imbiberat, quam in virili aetate non deperierat tantum, sed et exprimere per omnem vitam sibi constituerat. Ea enim eiusmodi illi praecepta instillabat, quae non poterant non *αὐτοχρησίαν* suadere homini cum desperatione luctanti. Tradebant Stoici, solum sapientem esse liberum; ast in istis rerum circumstantiis, quibus opprimebatur Cato, non alia libertas speranda eligendaue erat, nisi mors. Hanc veram libertatem esse, egregie ex Porticus mente docet SENECA^c. *Qui mori didicit, seruire deditit: supra omnem potentiam est, certe extra omnem. Quid ad illum carcer, et custodia, et claustra? liberum ostium habet.* Hanc libertatis faciem nec ipse EPICTETVS^d dedignatus est et contempsit. Porro et hoc Stoicis praeceptum: *Sapientem viuere quantum debet, non quantum potest. Visurum ubi victurus sit, cum quibus, quomodo, quid acturus? Si multa occurrant molesta, et tranquillitatem turbantia, emittere se, nec hoc tantum in necessitate vltima facere, sed cum primum illi coeperit suspecta esse fortuna. Nihil referre faciat finem an accipiat*. Huiusmodi praeceptis innutritus Cato, qui potuit aliter, cum tot molesta et tranquillitatem turbantia occurrerent, quam emittere se, fortuna sibi diu iam suspecta? Alias *αὐτοχρησίας* a Stoicis commendatae causas suo loco enarratas, quae omnes Catoni facile applicari possunt, breuitatis causa hic omittimus. Sed et ipsum physiologiae Stoicae principium suadere mortem sua manu inferendam Catoni potuit. Ea enim animam, aeterni Dei animaeque mundi particulam corpori tanquam carceri inclusam tum demum liberari, et in animam mundi beatasque, quam illa occupat, sedes recipi docebat, cum sarcina deposita ad superiores auras libera euagari potest, vt ex SENECAE *consolationibus* notum, nobisque alio loco^f obseruatum est. Hac spe magna, vt vocat Seneca, excitatus Cato, cum desperata omnia in partibus suis videret, ad liberio rem se statum erexit, sicque felicitatis ianuam, qua voce EPICTETVS^e utitur, gladio sibi aperuit. Fuisse vero in hac sententia Catonem, facile nobis persuadet ter ab eo in fatali nocte lectus Phaedo Platonis. Qui etsi *αὐτοχρησίαν* non probabat vel commendabat, animae tamen immortalitatem et beatas sedes ei post mortem promittebat, eo quod ex mundi anima auulsa esset anima hominis. Haec Platonico quidem dicta sensu, Stoico accepit Cato, quo anima ipsius DEI pars est, ei post mortem iterum iungenda. Quibus cogitationibus cum non Socratis tantum

H 2

exem-

^b) Paradox. V.^c) Epist. 26.^e) SENECA ep. 20.^d) ARRIAN. Lib. I. diff. 24.^f) T. I. L. III. c. 9. ^g) l. c. L. I. diff. 9.

exemplo animum ad mortis contemptum muniuisset, sed et suavi futuri inter diuina confortii spe erexisset, mirum non est, secutum fuisse consilium violentas sibi inferendi manus somnum placidissimum: omnia enim, quae se Catonis obiciebant animo, pollicebantur laeta, libertatem, malorum finem, hostis fugam, diuorum consortia, ipsamque diuinitatem. Quae omnia satis luculenter euincunt, Stoicam philosophiam Catoni armauisset manus, ut in propria fauaret viscera. Ex dictis vero iudicari quoque potest, num inter pantheistas, quos vocant, Cato referendus sit, quorum gregi adnumerat COLLINVS,^b eo quod dicat apud LVCANVM.ⁱ

Iuppiter est, quodcunque vides, quocunque moueris.

Quae, modo Catonis, et non Lucani tantum, sint, ab hac impietate non procul abesse iudicauit Cel. BVDDEVS,^k aliter rationes ineunte Ven. REIMMANNO^l qui non locum tantum Lucani corruptum putat, sed commodam quoque admittere explicationem contendit, nempe Deum esse ubique praesentem, nec certo loco vel spatio includi. Quae omnia nostro quidem iudicio frustra dicuntur. Quemadmodum enim Lucanus, Stoicae philosophiae satis peritus Catonem ex sectae, quam secutus est, placitis loquentem ubique depinxit, ita et hoc loco aliud innuit, quam animam mundi Deumque ipsum, per omnem materiam totum diffusum. Quae physiologia Stoica, ut a sano sensu longissime abest, ita quo nomine inter placita pantheismi vel atheismi queat referri, ex iis iudicari potest, quae *Tomo primo*^m fuse hac de re attulimus.

*Peripateticae
philosophiae
cultores apud
Romanos.*

§. XXIV. Ut vero in viam, a qua paulisper digressi sumus, reuertamur, post Academicae sectae apud Romanos historiam, Peripatetica quoque consideranda est. Quae cum post Aristotelis et Theophrasti mortem libris praeceptorum suorum, ut supra dictum caruisset, et inde in acroamaticis disciplinis parum habuisset, quod Peripateticum vere esset, tandem Romanae diligentiae restituta Aristotelis scripta debuit, Appelliconis Teii bibliotheca per Syllam Romam translata, in qua latentia Tyrannionis studium ex puluere et squalore, quo demersa iacebant, produxisse in lucem supra enarrauimus. Ab eo accepit ANDRONICVS RHODIVS, philosophus Peripateticus, quem in successione ab Aristotele vndecimum Boethii Sidonii praeceptorem fuisse testatur AMMONIVS,ⁿ et vixisse Luculli, Pompeii et Ciceronis temporibus, ex Tyrannionis aetate, de qua supra, manifestum est. Multum iis de Aristotelica philosophia ipsisque scriptis Aristotelis atque Theophrasti meruit. Non enim libros tantum hos, quos post Appelliconis curam ex laceris membranarum emendauerat Tyrannio, transcripsit, et ubi opus erat restituit, sicque edidit in vulgus,^o sed etiam scripta argumenti affinis, mutato, malo consilio, auctorum ordine, in vnum coniungens, in proprios tractatus distribuit,^p tabulas quoque, siue indices

*Andronicus
Rhodius.*

b) De la liberté de penser p. 207.

i) L. IX. v. 581. seq.

k) De atheismo et superst. c. I. §. 22. p. 98.

l) Hist. atheismi c. XXXVII. §. 2. p. 272 seq.

m) L. III. c. 9.

n) In categor. apud FABRIC. et PATRIC. II. citandis.

o) PLUTARCH. in Sylla T. V. p. m. 143.

p) τὰ Ἀριστοτέλους καὶ Θεοφράστου εἰς πραγματείας

dices eorum composuit, sicque vulgatiorem fecit genuinam philosophiam Aristotelis. Quod tamen Andronici studium non tantum iuuisse Peripateticam philosophiam, quantum quis coniiciat, recte creditur. Nam non solum mendose descripta fuisse Aristotelis opera multumque corrupta STRABO¹ prodidit, nosque *tomo primo* eius testimonio probauimus, ex quo colligere est, nec Andronicum satis emendatis codicibus fuisse usum; et verisimile est, Andronicum sibi magis tantum thesaurum seruauisse, quam communicasse cum aliis. Cuius coniecturae fundamentum exhibet CICERO², qui cum *topica* scriberet, peripateticam hanc doctrinam traditurus, (id quod factum post mortem Caesaris) narrat, Trebatium, Ictum celebrem, cum in bibliotheca Ciceronis in *topica* Aristotelis incidisset, nouitate argumenti inductum, cum a Cicerone monitus librum legisset, obscuritate libri more Aristotelis breui et conciso orationis genere conscripti deteritum a se eiusrei explicationem petiisse, quod Aristotelem et ipse, et rhetor, ad quem ablegauerat, ignoraret. Ita enim: *A libris te obscuritas reiecit, rhetor autem ille, magnus-ut opinor, Aristotelica se ignorare respondit. Quod quidem minime sum admiratus, eum philosophum rhetori non esse cognitum, qui ab ipsis philosophis, praeter admodum paucos, ignoretur.* Eo vero, quo haec scripsit tempore Andronicus Aristotelis et Theophrasti libros iam descripserat. Ex quo coniicimus, Andronicum non tam vulgando libros Aristotelis, quam compendium et tabellas eorum concinnando, et commentariis explicando, nouoque ordine digerendo de Aristotele bene meritum eaque edidisse ac vulgasse PLUTARCHO³ dici. Exercuisse vero criticam quoque in eos censuram Andronicum inde colligere est, quod librum *de interpretatione*, et partem postremam libri *de categoriis* Aristoteli abiudicauerit.⁴ Commentatum fuisse virum diligentissimum in Aristotelem, ex veterum allegationibus constat, qui eius *paraphrasin in categorias, et commentationem in physica Aristotelis* memorant.⁵ Liber vero *περὶ παθῶν*, quem sub eius nomine edidit de Graeca literatura meritissimus HOESCHELIUS⁶, nostri non est, sed Andronici Callisti itidem Peripatetici,⁷ vt taceamus *paraphrasin Nicomachorum*, quam sub Andronici Rhodii nomine edidit DANIEL HEINSIUS⁸, itidem ad eum perperam referri.⁹ Laudem vero acuti diligentisque Aristotelicorum librorum iu-

H 3

dicis

τείας διέπλεον, τὰς ἀκρίβειας ὑποθέσεις δις ταυτὶν συναγαγόν. PORPHYR. vit. Plot. c. 26, p. 140. ed. Fabric. quibus illustrari possunt, quae habet BAYLE l. citando not. L.

2) L. XIII, p. 419. causas eodem loco L. III, c. 7. exposuimus corruptos et exesos verbis et situ codices, quos Grammatici ex coniectura et ingenio emendabant.

3) Praef. topicor. ad Trebatium. Cum vero libri Aristotelis topici ad exotericos pertinuerint, quos habuere Peripatetici Graeci, ab horum frequentius occurrentium ignoratione recte ad summam raritatem aeroamatorum concluditur.

4) L. c. 5) Boethius, Ammonius, Alex. Aphrodis. in Analyt. prior. L. I.

6) Simplicius apud PATRICIUM discuss. Peripar. L. I. p. 41.

7) Aug. Vind. 1594. 8. Perperam apud BAYLE l. c. et FABRICIUM Bibl. graec. Vol. II. p. 151. annus 1593. ponitur. Latinam versionem adiecit paraph. Nicomach. D. HEINSIUS.

8) Videndus de eo BAYLE Dict. T. I. art. Andronicus Thessalonicensis p. 237.

9) 1617. 8. Lugd. Bat. recusam Cantabrig. 1679.

10) Aliter quidem praeter Heinsium, Io. MEYRSIUS de Rhodo L. II. c. 5. p. 88. et REINESIUS Ep. ad Hofman. p. 312. sed perperam, vt demonstrauit SALMASIUS in Epictet. p. 227. conf. BAYLE l. c. not. d. FABRIC. l. c.

dicis et repertoris apud antiquos tulisse, testis est BOETHIVS,^b quique ex recentioribus de eo pluribus videndi FR. PATRICIVS,^c IO. ALB. FABRICIVS^d et PETR. BAYLE^e.

Peripatetici
alii.

§. XXV. Non vero philosophorum tantum Peripateticorum fata inter Romanos haud obscura fuere, sed inuenit quoque Aristoteles inter optimates, virosque magnos patronos, qui Peripateticam philosophiam amabant et fouebant. Vt enim taceamus, quod supra iam tetigimus, M. Catonem, licet totum Stoicae philosophiae addictum, secum habuisse Demetrium Peripateticum, et cum eo paulo ante vitae finem disputasse; Crassum etiam Aristotelicam philosophiam attigisse, Alexandro Antiocheno vsum praeceptore, scribit PLVTARCHVS,^f addens, vix dici posse, pauperiorne ad Crassum accesserit, an apud ipsum factus fuerit, quippe solum amicorum vna peregre proficiscentem ab eo lecticam accepisse, eamque repetitam reuerso: id quod in tanta Crassi auaritia non mirum; tantum tamen tamque celebrem isto tempore virum ea patientia potuisse vti merito miratur Plutarchus, qui leuitatem animi ideo illi exprobrat, quam summam gloriam putat GAUDENTIVS,^g hic cum legentis taedio extra oleas vagatus. Sic et M. PISO, quem a philosophia non imparatum fuisse CICERO copiosa *de finibus* disputatione innuit, quemque cum Antiocho in Ptolemaeo disputantem TVLLIVS^h audiuit, Staseam Neapolitanum multos annos apud se habuit,^b quem nobilem doctorem Peripateticum fuisse CICERO alio locoⁱ testatur. Ipse vero Romanae eloquentiae parens, licet totus Academiae adhaereret, non contempsit tamen Peripatetica, sed et topica explicuit, et Peripatetica quaedam Stoicis, de officiis disputans immiscuit, filiumque CRATIPPO Peripatetico Athenis instituendo tradidit,^k quem *Peripateticorum omnium, quos ipse audierit, suo iudicio facile principem, imo omnium eius aetatis philosophorum*^l vocat, eique summam auctoritatem fuisse dicit.^m Fuit is Mytileneus, et vt ex Ciceronis et filii eius Marci Brutij item et Pompeii atque Caesaris aetate colligi potest, circa A. V. C. DCCVIII.ⁿ Athenis, tanquam in mercatura bonarum artium, vt ait CICERO,ⁿ summa auctoritate Peripateticam philosophiam docuit, postquam prius eandem philosophiae in patria operam praestitisset. Quanta vero non Romae tantum sed Athenis quoque eius existimatio fuerit, ex eo palam est, quod summorum virorum apud Romanos filii eius institutioni commissi sunt, cum eorum temporum philosophus non esset, qui ipsum

Cratippus.

b) De interpret. apud PATRIC. I. c.

c) Loco cit. d) L. c. p. 277.

e) L. c. add. MEYRSIVS I. c.

f) In Crasso T. V. p. m. 262. non vero confundendus cum Alexandro Aphrodisaeo, Damasceno, et Aegaeo, nobilibus in peripateticorum schola nominibus.

g) De phil. Rom. c. XXIV. p. 147. seqq.

h) De fin. L. V. c. 1.

b) Ibid. c. 2. 25.

i) De orat. L. I. c. 22.

k) De vniuers. c. 1.

l) De offic. L. III. c. 2.

m) Ibid. L. I. c. 1.

n) Post pugnam Pharsalicam adhuc Mytilenis fuisse, ex loco PLVTARCHI adducto patet illa vero A. V. C. DCCV. commissa est, et post hanc Athenas concedens homines doctos sibi quae probatissimos adduxit ex patria CICE. fam. L. XVI. ep. 21. Ibi docuit cum eum CICERO filius audiret, de off. L. I. c. 1. quod fuit Caesare iam interfecto, adeoque post A. V. C. DCCX. quo nomine IONIVM Ciceronis filii moram apud Cratippum ad A. V. C. DCCVIII. referentem de Scr. hist. phil. L. III. p. 203. castigat BAYLE in Cratippus T. II. not. C. p. 223. n) De off. L. III. c. 2.

ipsum antecelleret. Id quod CICERO aliquoties ad filium Cratippo traditum scripsit. Tantam vero filii institutione apud Ciceronem iniuit Cratippus gratiam, ut pro eo apud Caesarem iam rerum potitum ageret, ut ciuis Romanus adscriberetur, efficeretque etiam, ut Areopagitae decreto facto a Cratippo postularent, ut tanquam ornamentum vrbis Athenis maneret, ibique iuuentutem philosophiam porro doceret. ° Qua in re eo faciliores iudices inuenit, quo magis in id connitebatur Cratippus, ut non paedagogorum more, sed decenti philosophum ratione iuuentutem erudiret. Cuius testimonium luculentum prorsus exhibet Cicero filius dignum, quod totum hic legatur. Scribit ° is ad Tironem: *Cratippo me scito, non ut discipulum, sed ut filium esse coniunctissimum: nam cum et audio illum libenter, tum etiam eius propriam suauitatem vehementer amplector. Sum totos dies cum eo, noctisque saepe numero partem: exoro enim, ut mecum quam saepissime coenet. Hac introducta consuetudine saepe inscientibus nobis et coenantibus obrepit, sublataque seueritate philosophiae humanissime nobiscum iocatur. Quare da operam, ut hunc talem, tam iucundum, tam excellentem virum videas quam primum.* Non vero Cicero tantum, sed et alii ex illustribus Romanis quanto amore complecterentur Cratippum, testati sunt. Brutus enim cum in Graeciam cum exercitu esset profectus, Athenis honorifice a populo exceptus, Theomnestum, Academicum et Cratippum Peripateticum audiuit, et cum iis de philosophia disputauit. ¹ Pompeius vero post pugnam Pharfalicam, cum Mytilenen accessisset, eumque salutatum egressi essent ciues, Cratippum inter eos conspicatus ac ad eum conuersus reprehendit ac de prouidentia diuina pauca quaedam cum eo disputauit: Cratippo, ne contradicendo molestus aut intempestius esset, subterfugiente certamen, et ad meliores spes suscipiendas deducente. Quem tamen ut erat viuendi non minus, quam docendi magister callidus, prudenti fermone iniucundam disputationem contra Philosophiae suae placita declinasse, ex iis, quae PLVTARCHVS ² addit, recte colligitur. ³ Prouidentiae enim in peripatetica schola locum nullum fuisse relictum, suo loco fecimus manifestum. Scripsisse librum *de diuinatione ex somniis*, hocque diuinationis genus praeter furorem solum admisisse ex CICERONE ⁴ patet. Quod qua ratione demonstrauerit, exponit idem eodem loco: *Animos hominum quaedam ex parte extrinsecus esse tractos et haustos. Ex quo intelligatur, esse extra diuinum animum humanus unde ducatur; humani autem animi eam partem, quae sensum, quae modum, quae appetitum haberet, non esse ab actione corporis seiugatam: quae autem pars animi rationis atque intelligentiae sit particeps, eam tum maxime vigere, cum plurimum absit a corpore.*

Qui

°) PLVTARCH. in Cic. T. VI. p. in. 43.

p) Famil. L. XVI. ep. 21.

²) PLVTARCH. in Brut. T. V. p. 703.

³) IDEM in Pompeio T. II. p. 430.

⁴) Conf. BAYLE l. c. not. B. qui tamen BRISSELYM Plutarchi narrationem sequentem, praeter

rem reprehendit. Paucis enim retulit Plutarchus, quae Bisselius more suo verbis ampliora fecerat. Rem ipsam leges apud utrumque.

²) De diuin. L. I. c. 32. 50. L. II, c. 48. 52. TER-TULL. de anima c. 49.

Qui locus et Cratippi Peripateticam philosophiam mire illustrat, et ab Aristotele de anima humana disputatis lucem accendit satis claram. Quemadmodum enim actiuum intellectum a passiuo, animamque sensitivam a rationali essentia differre ex hoc loco patet, ita rationalem animum non extrinsecus tantum ingredi hominem eique adesse, sed etiam ex animo quodam diuino decerptum esse clare innuitur. Qui animus diuinus, cum Deus ipse, primusue motor esse nequeat supremæ sphaeræ alligatus, sequitur vltimam intelligentiam, intellectus vniuersalis locum præstare, fontemque esse, ex quo vno omnes animi hausti ingrediantur homines, vnumque intellectum constituent. Quod mirabile dogma Aristotelem obscurissime proposuisse, vidisse vero post Auerroem Aristotelicæ philosophiæ doctores acutissimos recteque magistro tribuisse suo loco *tomo primo* monuimus, insigni hoc Cratippi loco in ea sententia confirmati. Vidit id quoque Baelius, qui cum his conferendus.

*Epicuri inter
Romanos se-
ctatores.*

§. XXVI. Sed nec Epicuri philosophiæ sua apud Romanos gratia et fortuna defuit. Et negari quidem non potest, odium, quo hæc secta inter Graecos, Stoicorum potissimum cauillationibus et calumniis, pressa fuit, ad Romanos cum hac secta eiusque inimicis commigrasse. Nunquam legisse oportet Ciceronis, quos de philosophia scripsit libros ^u, qui hæc vel ignorat vel vocat in dubium, adeo vbique in Epicuri philosophiam, immo in ipsum philosophum Gargettium debacchatur, nec parcat ei vlllo modo vt foedæ voluptatis reum contortis vbique ratiunculis, deprauatisque locis atque falsis testimoniis vsus euincat. Cuius specimina pluscula cum *tomi superioris capite duodecimo* ex Cicerone allegauerimus, lectorem breuitatis causa eo remittimus. Vnum, ne sine teste abeamus, locum eius afferimus, et quidem talem, vbi Epicureos homines, viros bonos sibi que caros commendauit. Ita enim, pro Patrone ad Memmium ^x, quocum tamen sibi præter philosophiam omnia esse dicebat: *totam hominis vitam rationemque, quam sequitur in philosophia derideamus, licet, si hanc eius contentionem volumus reprehendere. Sed mehercule, quando illi, caeterisque quos illa delectant, nescio an ignoscendum sit huic, si tantopere laborat: in quo etiam si peccat, magis ineptiis, quam improbitate peccat.* Alia his multo amariora prætermittimus. Quod tamen ita emolliuit alibi ^y, vt Epicureos viros dicat optimos, fateaturque, nullum genus esse minus malitiosum: vt scilicet amicos, quos habebat Epicureæ philosophiæ addictissimos, et honestatis virtutisque laude inter Romanos illustres, quales Atticus, Velleius, hisque fuere similes, sibi conseruaret, neque eos offenderet. Animo enim in Epicurum et sequaces fuisse insensissimo, adeo non celauit, vt non tantum acriter, sed et contumeliose interdum in eos diceret, vt vel vno orationis in *Pisonem* loco ^z constat, qua Epicurum ex hara productum indigna

^u) Imprimis Lib. II. de fin.

^x) Famil. Lib. XIII. c. I. ^y) Tusc. Qq. L. III.

^z) c. 9. 16. Addi his posset HORAT. L. I.

ep. 4. vbi edita legunt: *Epicuri de grege porcum*, nisi pro, porcum *parcum*, legendum, recte videretur ΜΕΙΒΟΜ. ad LÆRT. L. X. §. 30.

digna tanto viro voce dixit. Fuisse vero alios quoque eodem in Epicurum animo inter Romanos ex iis, ad quos scripsit Cicero, facile colligere est. Hoc tamen odio non obstante viderunt viri quidam summi illustrique apud Romanos loco positi, tantam non esse foeditatem Epicuri, quantum iactabant Stoici et Academici, nec indignos esse eius hortos, ex quibus philosophiam addiscerent. Inter quos fuisse L. Torquatum, C. Velleium, C. Trebatium, L. Papirium Paetum, Verrium, L. Sanfeium, T. Albutium, L. Pisonem, M. Pansam, M. Fabium Gallum aliosque, ex Ciceronis et Quintiliani scriptis accurate docuit G A S S E N D V S ^a, qui de his viris, quorum opera non nisi *παράργως* in philosophia fuit, quique a nobis prolixè enarrari non possunt, adeundus est. Omnium tamen maxime in probanda Epicuri philosophia inter procures Romanos eminuit T. Pomponii Attici diligentia, cuius vitam cum descripserit CORNELIVS NEPOS, hic, ubi philosophiae tantum historiam condimus, enarrari eam opus haud est. Quae etiam de praecclaro eius ingenio et insigni virtute dici possunt, ubique apud Ciceronem, qui collocutorem eum in libris *de legibus* constituit, ei librum *de senectute* dicauit, et ad eum *sedecim*, quae supersunt, *epistolarum volumina* scripsit, occurrunt, et exiguo labore colligi possunt. Nos hoc, quod nostri tantum instituti est, notamus, virum optimum et a ciuilibus turbis, quibus respublica tum commouebatur abhorrentem, propter motus in ciuitate a Sylla excitatos Athenas se contulisse, idoneum tempus raturum studiis obsequendi suis, et ne illa peregrinatio detrimentum aliquod afferret rei familiari, eodem magnam partem fortunarum traiecisse suarum. Addithis CORNELIVS ^b *hic ita vixisse, ut vniuersis Atheniensibus esset carissimus, et communis infimis, par principibus videretur etc.* huicque omnes honores, quos possent, publice haberent, ciuemque facere studerent. Ibi non Phaedrum tantum sed et Zenonem Sidonium Epicuri sententias docentes audiuit, huicque se totum sectae tradidit, ut ex CICERONE ^c apertum est. Quod dum ex hac potissimum ratione negat IONSIVS ^d, quod et Cicero Phaedrum et Zenonem cum Attico audiuit, qui tamen Epicureus habitus haud est, et is Epicureis omnem doctrinam adimit, Attico tribuit, non attendit ad eum satis locum, quem ipse affert, ubi CICERO ^e Pomponium ita loquentem inducit: *At ego, quem vos, ut deditum Epicuro insectare solitis, sum multum equidem cum Phaedro, quem vnice diligo, ut scitis, in Epicuri hortis, quos modo praeteribamus, sed veteris prouerbii admonitu viuorum memini, nec tamen Epicuri licet obliuisci, si cupiam, cuius imaginem non modo in tabulis nostri familiares, sed etiam in poculis et annulis habent.* Ex eo enim sole meridiano clarius esse putamus, Atticum, non quidem Epicureum philosophum habitum fuisse, hanc enim pro-

^a) De vita et moribus Epicuri L. I. c. 6. p. m. 65. qui multum praestat Gaudenzio valde in hoc argumento ieiuno.

^b) I. c. c. 3.

^c) II. cc.

^d) De Scr. hist. phil. L. II. c. 18. p. 212.

^e) De fin. Lib. V.

professionem nemo ex Romanis proceribus ambiebat, sed tamen Epicuro deditum, eiusque philosophiae addictum, eumque non in hortis tantum Epicuri audiuisse Phaedrum, sed et Epicureos inter familiares suos, id est vni addictos sectae retulisse. Non vero doctrina his obstat, quam Attico tribuit Cicero, Epicuro negat. Ille enim ex Romanorum consuetudine elegantioribus literis probe imbutus fuit, antequam ad philosophiam accederet, quas Epicurus tantum non omnes neglexit. Vixisse vero Atticum secundum Epicuri praecepta, et talem se praestitisse, qualem virum bonum esse voluit Epicurus, amplissimo encomio exponit NEPOS^f. Praestititque in eo quoque se Epicureum Atticus, quod auocatus a rostris, a iudiciis, a curia sibi et amicis priuatus vixerit, quod licet valde improbaret CICERO^g, ea tamen, quae tum erat republica, sapienter fieri, fatebatur. Praeter Pomponium Epicuri imprimis partibus ex illis tribus Romanis addictus fuit C. Cassius, de cuius fati PLVTARCHVS^h, CICEROⁱ, Romanaeque historiae scriptores differunt, quem ab Epicuri fuisse secta, PLVTARCHVS^k monet, et memorabili confirmat exemplo. „Narrat enim, cum inusitatae et monstrosae magnitudinis spectrum Bruto apparuisset, seque malum eius genium esse, „apud Philippos iterum videndum, diceret, isque Cassio visum exposuisset, Epicureis rationibus disputauisse, deceptum sensuum fallacia, „mentisque imaginatione commotum, inanem hanc imaginem sibi efformauique, corpusque natura afflictum animum exagitare, atque minus sui „compotem reddere. Addit et hoc, dixisse Brutum, quod longius, quam „Epicurei solebant ab Academiae veteris et Stoeae placitis discedebat: Neque probabile esse genios vel esse, vel hominum formam habere, vocemue aut vim quandam ad nos pertinentem., Epicurus enim eiusmodi imagines hominibus apparere interdum concedere videri volebat: licet, quod rei erat, nihil his talibus Epicurei tribuerant. Horum Epicureae philosophiae defensorum patrocinio gauisi Epicurei philosophi Romanae inter viros principes fautores plures inuenerunt. Cuius nobis Patro exemplo est, quem a Cicerone fuisse commendatum Memmio supra diximus, ut domum, quam legatam acceperat, tueretur, quem locum Memmius ab Areopago, praetore Polycharmo, obtinuerat, in quo exaedificaret^l. Vnde non absimilis vero coniectura est GASSENDI^m, fuisse eum ex haeredum Epicuri successoribus, quos acceptas a praeceptore facultates gnauiter curauisse, suo loco demonstrauius. Sed et Philodemus Gadarenensis ex horum numero fuit, itemque Syron, quos cum optimos viros, tum doctissimos homines CICEROⁿ appellat, illumque Epicureum Ciceronis aetate nobilissimum fuisse ASCONIVS^o notat, quem et philosophorum historia^p et carmina elegantia quidem et acuta, sed

f) loc. cit.

g) De orat. L. III.

m) loc. cit. p. 69.

h) In Bruto T. V. p. 690. seqq.

n) De finib. L. II. conf. STRABO L. XVI. p. 759.

i) Philipp. II. famil. Lib. XVI. et passim.

o) Ad Orat. in Pis. c. 28.

p) Meminit

k) p. 711.

l) Fam. Lib. XIII. c. I.

eius LAEBT. L. X. f. 3. conf. MENAG. h. l.

sed lasciuia fecere memorabilem. Praecipuo tamen nomine in hac philosophicae historiae parte Epicurei ideo notandi sunt, quod primi, ut supra iam dictum, fuerunt, qui philosophiam sectae suae, Latino sermone, tradiderunt, cum haecenus nemo id esset aggressus. Id quod tamen non feliciter successisse plerisque, elegantiae scribendi incuriis, Ciceronis locus supra adductus probat, et exempla Amasiani atque Catii Insubri docent. Nam non illum tantum vnum censet Cassius ex malis verborum interpretibus, sed et hunc eodem collocat ordine, obiectum sibi a Cicerone. Hinc risit eum HORATIVS:

Vnde et quo Catius? non est mihi tempus, auenti

Ponere signa novis praeceptis, qualia vincant

Pythagoran, Anytique reum, doctumque Platona.

Sed et QVINTILIANVS, ubi eos recenset, qui philosophiam, Graecam Latinis tradiderunt literis, ita de Catio: *In Epicureis levis quidem, sed non iniucundus tamen Catius.* Videturque hic Insuber inter Pseudo-Epicureos referendus esse, qui magistri voluptatem foedarunt, et ad ventrem et culinam retulerunt. Id enim velle Horatium, Epicureae sectae alias fauentissimum, totus ille locus loquitur. Ex quibus colligi potest, qua ratione de rerum natura summoque bono scripserit. Melius conatus successit Lucretio, qui inter primos fuit, qui elegantissimo carmine philosophiam Epicuri fuit complexus.

§. XXVII. T. LVCRETIVS Carus, Romanus sine dubio fuit, *Lucretius.* an Romae, ubi Lucretiorum nomen inter illustres familias receptum erat, incertum. Pauca et de eius vita fatisque annotatum nobis reliquere veteres. Natum fuisse Olymp. CLXXI. 2. qui A. V. C. DCLIX. est, asserit EVSEBIVS. Quos habuerit parentes, quam educationem, veterum memoriae tacent; didicisse vero in Graecia et forte in ipsis Epicuri hortis eius philosophiam dubium non est. Relictis Athenis quem vitae cursum domi tenuerit, ignoratur etiam: nec alia nobis refert EVSEBIVS, quam, amatorio poculo in furorem versum quum aliquot libros

I 2

per

g) Conf. IONSEVS loc. cit. Lib. II. c. 18. p. 209. FABRIC. Bibl. Graec. Vol. II. p. 814.

7) Fam. L. XV. ep. 19. conf. Ac. Qg. L. I.

5) Lib. XV. ep. 16. fam.

2) L. II. Satyr. 4. Quem a Catio Insubro quidem distinguunt Commentatores, sed perperam, quod erudite ostendit BAYLE Dict. T. II. art. Catius not. C. p. 101. u) Infit. L. I. c. I.

x) Vidit id GAVDENTIVS c. XXXVII. p. 157. et post eum BAYLE, l. c. et haec ratio est, cur Horatius ipse de grege Epicuri, sed parvus, et frugalis Epicuri vitae studiosus Catium rideat, novis vocibus occupatum, quibus voluptatem culinariam, sapientiamque ventris explicet, Pythagorae, Socratis et Platonis praeceptis gratiorem.

y) Conf. FABRIC. Bibl. Lat. T. II. p. 312.

2) Lucretiorum nomen receptum in Vespillo-num et Ofellarum familiis, quarum meminere Cicero et Iulius Caesar. Quibus tamen dum nostrum adscribunt recentiores vitae eius enar-

ratores, coniecturas leuissimas sine fundamento nobis obtrudunt.

a) Ex recentioribus vitam eius, coniecturis maximam partem ducti, delinearunt DIONYSIVS LAMBIVS, OBERTVS GIFANIVS, et BARO DE COTVRES, praemissam editionibus Lucretii ab his viris doctis curatis. Pleraque docte coniecit P. BAYLE Dict. T. III. art. Lucrece, p. 209. seqq.

b) In Chronic. virorum doctorum circa natalem Lucretii lapsus corrigit BAYLE l. c. not. B. qui videndus. GASSENDVS l. c. p. 65. natalem in emortualem perperam commutavit.

c) Audiuisse Phaedrum et Zenonem Sidonium ex illorum temporum successione Scholae Epicureae coniciunt vitae eius scriptores laudati: nec id sine verisimilitudine: nam nec alibi Epicurea discendi occasionem habebat, et peregrinationes literariae apud Romanos praesertim Athenas eo tempore inualuerant.

d) loc. cit.

per interualla insaniae conscripisset ^e, quos postea Cicero emendauit, propria se manu interfecisse anno aetatis XLIV. Quem itaque vita non nobilitauit, immortale ei nomen peperit carmen Epicureum, quod ad C. Memmium, philosophorum atque eruditorum fautorem plane summum, de rerum natura conscripsit, quo totam nobis physiologiam Epicuream eleganti castoque dicendi genere, si archaismos quosdam excipias, descripsit, quod vnum nobis ex tota Epicuri schola monumentum doctrinae huius viri integrum seruauere tempora. Id quod tum ob praeceptorum ordinem, tum ob dicendi puritatem, ea Latinam elegantiam omnis aetatis doctorum virorum laudem et commendationem meruit ^f. Et si vero Epicuri assecram in eo se totum probauit, rationibusque multa cura et eruditione conquisitis systema atomisticum ita roborauit, vt praeter atomos et inane non aliud principium admitteret, et prouidentiam Deorum improbaret omnem, vt ex Epicureae physiologiae compendio, quod *superiore tomo* pleraque ex Lucretio descripsimus, patet; visus tamen est acutissimo BAYLII ^g, philosophiam suam principiaque quae ab Epicuro transsumsit, interdum fuisse oblitus, saltem populariter locutus. Non enim Epicureum, sonare putat vir doctissimus hoc LVCRETII ^h:

*Usque adeo res humanas vis abdita quaedam
Obterit et pulchros fasceis, saeuasque secureis
Proculcare ac ludibrio sibi habere videtur.*

Neque, quod alibi ⁱ *fortunam omnia gubernantem* in partes vocet. Et si vero viro acuto facile damus, de vulgi opinione in priori illo loco loqui poetam, apparet tamen ex tota eius connexione, non loqui eum secundum vulgi opinionem; id est secundum vulgus placita philosophari, sed esse vim istam abditam, fatum illud, siue concursum atomorum earumque resolutionem ineuitabilem, omnibus hominum consiliis imperantem. Male itaque hoc loco vsum fuisse doctissimum RONDELLVM ^k, ad prouidentiam Epicuri ex Lucretio exculpendam *tomo primo* ^l, excussa hac physiologiae Epicureae parte luculenter, nisi fallimur, demonstraui-
mus, planumque fecimus, iuxta Epicurum et Lucretium motum atomorum declinantem, siue clinamen, qua voce poeta vtitur, caussarum omnium rationalium et moralium fontem et originem statui. Nec alia fortuna est omnia gubernans, nisi fortuitus accessus et decessus atomorum, quo destruitur, quod alio loco extruitur, atomis perpetuo in motu agitatis, vt accedant, et recedant, sicque solutae alibi implicentur. Quod vero Lucretius Venerem carminis inuocauit initio, id ex lege poetarum factum esse, omnium optime dicitur, cum facile potuerit per hanc Venerem subtilissimam illam animae partem, quam nomine carere, et rationis auctorem esse

^e) Dubitat de eo FABRICIUS Bibl. Lat. T. I. p. 43. cuius tamen exempla plura exstant.

^f) Dicendum hac de re, in historia critica L. vid. quos nominant FABRICIUS et

BAYLE II. cc.

^h) L. V. v. 1225. seq.

^k) In vita Epicur.

^l) L. III. c. 13.

^g) I. c. not. F.

ⁱ) L. V. v. 105.

esse tradit, intelligere. Quamuis autem ita subuerterit prouidentiam Lucretius, vt Epicureis sententiis conuenienter de diuina natura cecinerit ^m:

Nam priuata dolore omni priuata periculis

Ipsa suis pollens opibus, nihil indiga nostri

Nec bene promeritis capitur, nec tangitur ira.

Vitiis tamen infensum se, et acrem passim censorem praebeuit, suo etiam exemplo docens, sancta Epicurum tradere, et si propius accesseris, etiam tristitia. Passim enim honestatem, candorem, iustitiam commendat, acriterque in vitia sui temporis inuehitur ⁿ, quem morem seruauisse Epicureos veros suo etiam loco in eorum historia ostendimus. Qua vero ratione quoue nomine inter atheos referendus sit ^o, ex iis, quae superiori periodo de atheismo Epicuri disputauimus, facile potest colligi. Certe ex principiis, quae inseruit carmini suo physiologicis, Deos statuuisse apertum est. Ita enim ^p

Omnis enim per se diuum natura necesse est

Immortali aeuo summa cum pace fruatur,

Semota a nostris rebus, seiunctaque longe.

Eas vero diuinas naturas non e mundo tantum in intermundia relegauit, sed et homines omni earum timore soluit, cunctis atomorum concursui permixtis, quae proximam ad impietatem viam struere, quilibet videt. Vnde recentiori aetate veneno parare antidotum multi viri docti conati sunt, qui contrarium systema Lucretiano euertendo aptum carmine sunt exorsi ^r. Editiones elegantissimi carminis enarrat FABRICIUS ^r, inter quas eminet, quam curauit Lucretio fatis similis THOMAS CREECH Britannus ^s. Obiit Lucretius A. V. C. DCCIII. vnde errare colligitur auctor *Vitae Virgilii* vetus, qui eodem die Lucretium perisse narrat, quo natus est Virgilius. Hic vero OL. CLXXVII. 3. A. V. C. DCLXXXIV, in lucem est editus, quo Lucretius XXVI. modo annum vitae agebat ^t.

§. XXVIII. Restat una secta Pyrrhoniam sive sceptica; quae tamen Romae *Secta Pyrrhon* iisdem, quibus caeterae, fortunae fauoribus uti non potuit, sed extorris mansit. Non quod sceptica philosophandi ratio Romanis non placuit, sed quod Academica philosophia, quae sobrie magis et prudenter in hac via incedere videbatur, illam quasi absorpsit, et in sua recondit viscera. Cum enim acerbitas Scepticorum, iuncta negligentiae sectam hanc tantum non omnem extinxisset, et odio quoque atque inuidia philosophos cumulauisset, qui se contra omnes erigebant; factum est, vt, quod *superioris*

I 3

tomi

Blackmore, Gallico Carolus Claudius Geneftus et Italico Alex. Marchetti, de quibus vid. FABRIC. Bibl. Lat. T. II. p. 55. seqq.

^r) loc. cit. T. I. p. 43. seqq.

^s) Ox. 1695. 8. cum notis magis philosophicis, quam criticis. Suspendio vitam sibi finiuisset ob perditos amores discipulus IAC. BERNARDI nou. relat. reip. lit. 1700. p. 331.

^t) Notauit id iam VOSSIVS de poet. Lat. p. 15.

^m) L. I. v. 59.

ⁿ) Conf. BAYLE l. c. not. G. et quos laudat. Exempla vbique in hoc carmine deprehendes.

^o) Ita plerisque placet. Vid. REIMANN. Hist. atheismi c. XXXVII. §. 5. p. 250.

^p) L. I. v. 59. 60. 61.

^q) Latino Heroico, Aonius Palearius, Scipio Capicius, Polignacus Cardinalis et Thomas Ceua. Anglico Henricus Morus, et Richardus

*tomi libro tertio ostendimus " his, quibus Graeca philosophia inter Romanos efflorescere coepit, temporibus, Pyrrhonis secta, extincta quasi iaceret: id quod suo testimonio confirmauit CICERO *. Quod odium tantum fuisse videtur, ut cum circa Ciceronis tempora Aenesidemus in Aegypto Pyrrhoniam philosophiam reuocaret ex exilio, librosque Pyrrhonios inscriberet Lucio Tuberoni, viro inter Romanos principi, nullibi tamen legamus, tanto patrocinio usam philosophiam scepticam sectatores Romae inuenisse.*

*) c. 10.

*) De finib. L. II.

CAPVT SECVNDVM
DE PHILOSOPHIA ROMANORVM
CONDITA MONARCHIA.
DEQVE PHILOSOPHIS GENTILIBVS SVB IMPERATO-
RIBVS ROMANIS
VSQVE AD SECVLVM POST C. N. OCTAVVM.
SECTIO I.
DE RATIONE PHILOSOPHIAE GENTI-
LIS SVB IMPERATORIBVS GENERALI.

§. I.

*Ratio philo-
sophiae sub
Caesaribus.*

Quam insignia philosophia Graeca incrementa, florente adhuc republi- ca Romana ceperit, quamque propitios inter summos principesque ciuitatis viros patronos nacta sit, praecedente capite, quasi in prolegomenis philosophiae Romanae, exposuimus, demonstrauiusque, etiam ad paucos, tresque tandem viros summa rerum deuoluta, non tamen defuisse philosophiae patrocinium. Tandem eiecta omni reipublicae libertate, ubi ad vnum redactus esset principatus, isque solus senatui populoque Romano, vix umbram pristinae ciuitatis tuenti imperare coepisset, mutata quidem Romae sunt omnia, non tamen philosophiae honos suus pretiumque haberi desit, sed ea porro culta, immo ad maiora et laetiora incrementa promota est. Cuius potissimam causam inde deriuandam existimamus, quod, qui primus monarchia Romana frui potuit Augustus Caesar, non elegantioribus tantum literis esset excultus, sed philosophiae quoque praeceptis more Romanorum supra exposito innutritus. Qui cum ingenio maximo, artibusque illis, quibus viri in republica principes eo tempore se ornabant, excelleret, restituta tandem, post graues dimicationes, orbi Romanae pace, eius etiam fructus et emolumenta pomouere, laudabili fategit instituto, et hoc quoque nomine atque causa philosophi- am,

am, qua nihil apud Romanos viros doctos habebatur praestantius, egregie promouit. Quem secuti ex Caesarum gente viri maximi, cum insigni auctoritate pollerent, eandem dignitatem philosophiae tuiti sunt, et at dominatum tandem euecti, non ipsi tantum philosophiae studium non abiecerunt, sed etiam quos gubernando imperio adhibebant, ad easdem artes et philosophiam colendas impulerunt. Ex quibus dici non potest, quam laeta philosophiae feges effloruerit, cum in seculo potissimum Augusteo vix quisquam dignitate atque eruditione eniteret, qui non philosophiam ita degustasset, ut eius in vitae illius historia vestigia apparerent. Qua philosophiae felicitate excitati, qui eius professionem sequebantur, per omnes fere Graeciae sectas in promouendis sectae suae incrementis diligentissimam nauauerunt operam. Quo factum est, ut licet interdum sub dominis essent, vel philosophiae et philosophis inimicis, vel voluptatis magis quam sapientiae curam gerentibus, attamen, diuersa licet fortuna, sectae potiores usque ad ea tempora, quibus gentilis religio in imperio Romano tantum non omnis euauit, quod circa Sec. IIX. initia fere factum, sectatores inuenerent plurimos et insigniter florerent; noua etiam et monstrosa secta conderetur, quae reliquos omnes tantum non suppressit, et quasi deuorauit. Quae si paulo curatius expendamus, historiae Romanae quousque gentilis religio in orbe Romano, dominata est, vno quasi oculi ictu intuentes ambitum, innumeros fere deprehendimus vel philosophos, vel philosophiae cultores, qui quidem professionem philosophorum non secuti sunt, attamen philosophiam didicerunt. Quos vero enumerare omnes nec necessarium esse putamus, nec possibile; cum hi quidem ad philosophiae historiam non pertineant, sed vel eruditionis disciplinarum qui aliarum laude, vel muneribus publicis nominis famam consecuti sint. Ex quibus potiores tamen, ne hic quoque abeamus ἀστυβόλοι, strictim carpemus, summamque delibabimus, sequentibus vero sectionibus historiam singularum Sectarum diligenter perquiremus, et quae fata habuerint, quosue sectatores, enarrabimus. In qua noua eius historiae periodo, cum non nisi Graecae sectae occurrant, praeter vnam eclecticam sectam, quae nefando syncretismo Platoniam philosophandi rationem adulterauit, nouumque philosophiae ex omnibus fere orbis placitis conflatae chaos condidit, systematum enarrandorum labore superfedere eo facilius possumus, quo diligentius ea *tomo primo* sumus profecti.

§. II. Fuisse Romae vix virum aliquem eruditionis laude clarum, qui non philosophiam attigisset, virosque summos et ad clauum reipublicae ad- *Virgilio Philo-*
motos ei honorem habuisse, et intra musea sua recepisse, superiore capite *sophia.*
diximus. Eadem ratio sub imperatoribus fuit, cum et viri summi, qui poeticae arti, historiarum, aliarumque disciplinarum studio se toti dederant, et viri in republica et in aula illustres ostenderint, se a sapientiae huius praefidio non esse imparatos. Vtriusque generis exempla quaedam illustria magis et memoria digna paucis exponemus. Et inter doctos quidem, et eruditione

ditione nomen famamque sibi immortalem conciliantes hoc tempore viros VIRGILIVM merito aliis anteponimus, quem carminis elegantia et artificio, et sermonis nitore parem non habuisse, epicumque carmen apud Latinos ad perfectionem suam perduxisse, in poësis historia enarrandum est, nec ad nostri instituti limites pertinet. Incubuisse vero illum in philosophiam, testatur SERVIVS, ^a qui cum Quintilio Varo sub Sirone ^b philosopho Epicureo philosophiae operam eum dedisse, notat. Vnde ipse in epigrammate:

Magni petentes docta dicta Scironis.

Et in poemate, cuius titulus *Ceiris*:

Et si me vario iactatum laudis amore

Irritaque expertum fallacis praemia vulgi,

Caecripius suauis exspirans hortulus auras

Florentis viridi sopiae complectitur umbra.^c

Non negat hoc, qui vitam eius scripsit, DONATVS, ^d sed Academicum tamen magis, siue Platicum fuisse, cum diuina conderet carmina, putat. Ait enim: *Audiuit a Silone* (Sironem alii vocant) *praecepta Epicuri, cuius doctrinae socium habuit Varium. Quamuis diuersorum philosophorum opiniones libris suis inseruisse, de animo maxime, videatur, ipse tamen fuit Academicus. Nam Platonis sententias omnibus aliis praetulit.* Id quod tamen non sine cautione admittendum est. Scilicet non deferuisse Virgilium, cum carmina fecisset sua, hortos Epicuri, aliquoties tam luculenter prodidit, vt quid Epicureae sectae alumnum non agnoscat, merito quid Epicureum sit, ignorare videatur. Ita enim de rerum omnium origine, ad Quintilium Varum, in hortulis Epicuri olim commilitonem:

Namque canebat uti magnum per inane coacta

Semina, terrarumque animae marisque fuissent,

Et liquidi simul ignis, ut his exordia primis,

Omnia et ipse tener mundi concreuerit orbis.

Quibus versibus rerum omnium primordia ex seminibus, siue atomis per inane iactatis et coactis et inani constantia, indeque elementorum originem elegantissime canit. Et ne prouidentiam tanto operi immiscuisse, suspicemur, ecce hominem prorsus Epicureum: ^f

Felix qui potuit rerum cognoscere causas,

Atque metus omnes et inexorabile fatum,

Subiecit pedibus, strepitumque Acherontis auari.

Quem primum omnis physiologiae Epicureae finem esse, superiori tomo ^g ex ipsis Epicuri *ratis sententiis* demonstraui. Alia, ne nimis sumus, non addimus, sed lectoris attentioni notanda relinquimus. Recte ta-

men

^a) Ad eclog. VI.

^b) Meminit huius philosophi etiam CICERO de finib. L. II.

^c) Hinc inter Epicureos philosophos Virgilio locum dedere G A S S E N D V S de vita Epic. L. II.

^c. 6. p. 72. et FABRICIVS Bibl. Graec. vol. II. p. 815. seqq. et Bibl. Lat. L. I. c. 4. §. 4. p. 50.

^d) P. m. II. edit. H. Stephan.

^e) Eclog. VI. v. 31. seq.

^f) Georg. L. II. v. 490.

^g) L. III. c. 13.

men monuit Donatus, diuerforum philosophorum opiniones libris eum fuisse inseruisse, maxime Platonicas, vel, quod magis verum, Stoicas. Illud enim non de Virgilio tantum, sed omnibus fere poëtis, historicis, geographis aliisque seculorum horum scriptoribus Romanis probe tenendum, eos, vbi sectae alicuius placita tradere non suscepissent, ^g sed philosophiae dogmata obiter tantum tangere carminibus opus habuissent suis, non illius tantum sectae, cui addictiores, quam reliquis, erant, doctrinam secutos fuisse, sed aliarum quoque sectarum passim inspersisse dogmata, prout carminis habitus atque nitor et materiae substractae posceret conditio. Ad quam obseruationem cum saepius nobis in sequentibus prouocandum sit, ea probe tenenda est, sine qua vix de horum scriptorum philosophia certi quid potest discerni.

Qua in re memorabili Virgilius exemplo est, qui passim per alias sectas vagatur, earumque placita pangit. Ita, *ecloga quarta*^b canens:

Vltima Cumaei venit iam carminis aetas

Magnus ab integro seclorum nascitur ordo

Iam redit et virgo redeunt Saturnia regna,

manifeste Platonis annum exprimit, vt elegantiori sub schemate Pollioni de nato gratularetur filio, id quod SERVIVS iam vidit atque monuit. Stoicos vero qui rerum omnium primordia ex anima diuina per omnem materiam diffusa deriuabant ita eleganter docentes depingit:^k

His quidam signis, atque haec exempla secuti

Esse apibus partem diuinæ mentis et haustus

Aetherios dixere: Deum namque ire per omnes

Terrasque tractusque maris, Coelumque profundum,

Hinc pecudes, armenta, viros, genus omne ferarum,

Quemque sibi tenues nascentem arcessere vitas.

Scilicet huc reddi deinde ac resoluta referri

Omnia, nec morti esse locum, sed viua volare

Sideris in numerum atque alto succedere coelo.

Sic et alio loco^l Anchisen inducit philosophantem:

Principio coelum ac terras camposque liquentes,

Lucentemque globum Lunae, Titaniaque astra

Spiritus intus alit: totamque infusa per artus,

Mens agitat molem, et magno se corpore miscet:

Inde hominum pecudumque genus, vitaeque volantum,

Et quae marmoreo fert monstra sub aequore pontus.

Ignis est ollis vigor, et coelestis origo

Seminibus, quantum non noxia corpora tardant,

Terrenique hebetant artus, moribundaque membra.

Hinc metuunt, cupiuntque: dolent gaudentque: nec auras

^g) Vt fecit Lucretius, qui Epicurea, Manilius qui Stoica profectus est.

^b) v. 5. seqq.

ⁱ) Conf. GAUDENTIVS

c. CLXXIV. p. 242. seqq.

^k) Georg. L. IV. v. 220. seq.

^l) L. VI. Aeneid. v. 724. seqq.

*Respiciunt, clausae tenebris et carcere coeco
 Quin et supremo quum lumine vita reliquit.
 Non tamen omne malum miseris, nec funditus omnes
 Corporeae excedunt pestes, penitusque necesse est
 Multa diu concreta modis inolescere miris.
 Ergo exercentur poenis, veterumque malorum
 Supplicia expendunt, aliae panduntur inanes
 Suspensae ad ventos: aliis sub gurgite vasto
 Infestum eluitur scelus, aut exuritur igni.
 Quisque suos patimur manes; exinde per amplum
 Mittimur Elysum, et pauci laeta arua tenemus,
 Donec longa dies, perfecto temporis orbe,
 Concretam exemit labem, purumque reliquit
 Aethereum sensum atque aurai simplicis ignem.
 Has omnes, ubi mille rotam voluere per annos,
 Letheum ad fluuium Deus euocat agmine magno.
 Scilicet immemores supera ut conuexa reuisant,
 Rursus et incipiant in corpora velle reuerti.*

Quem locum, etfi longiusculum ideo totum hic apponere placuit, quod Stoicam physiologiam egregie prorsus exprimit. Licet enim fabulas poëtarum de statu animarum post mortem immisceat poëta,¹¹⁾ vt carminis iuuaret habitum atque elegantiae poëticae decus seruaret, reliqua tamen omnia adeo aperte Stoicas hypotheses redolent, vt miremur, post MACROBIVM,¹²⁾ ex sectae suae more cuncta Platoni vindicantem non GAVDENTIVM¹³⁾ tantum hic cespitasse, sed et illo in veterum doctrinam illies oculatiorem CVDWORTHVM¹⁴⁾ Pythagoricum dogma hic quaesiuisse. Aperte enim animam diuinam per omnia fusam omnibus prorsus rebus inesse, illamque mentem ignem esse statuit; hinc animae coelestem originem, motuumque et passionum eius quatuor generibus diuiform, originem deriuat, et post mortem magnam Stoicorum spem euadendi ad superiora, corporeis fordibus deterfis, ponit, magnamque illam periodum, qua succensis omnibus nouus ex Ioue orbis proditurus est, luculenter innuit. Quae cum mire cum dicto loco conueniant, Stoicos hic sensus et decreta physica dedisse Virgilium, dubitandum non est. Quod licet sua radiare claritate euidens sit, non tamen inde recte concluditur, Virgilium desertis Epicuri hortulis ad porticum transiisse. Ex priori enim, quem adduximus, loco manifestum est, poëtam non suam sed aliorum philosophorum, a sua, quam sequebatur, secta, diuersorum placita enarrasse. Quod dum initio moxita indicet: *Quod QUIDAM signis etc.* miramur, ad id non attendisse viros doctissimos, qui de Virgilio atheismo disputarunt, hancque ei maculam

11) Ex quo sequitur, verba non nimis esse pre-menda. Multa enim aliena admiscebant poëtae philosophicis Dogmatibus, id quod Tom. I. de poëtarum theologia differentes iam monuimus.

12) Somn. Scip. L. II. c. 12. p. 161.

13) L. c. p. 248. seq.

14) Syst. intell. c. V. sect. 4. §. 29. p. 1155. quem ideo notauit interpres doctissimus.

iam ob istas Stoicas hypothesen inusserunt. Quae de re quae dixerint RICH. SIMONIVS,^p P. BAYLE,^q G. G. LEIBNIZIVS^r et N. HIERONYMVS GYNDLINGIVS^s notum est. Qui si cogitassent, nec atheismum ex hoc Virgilii loco aliter, quam de tota secta Stoica fieri potest, posse concludi, nec eam esse ipsius Virgilii, sed quorundam aliorum, sententiam, parcius in elegantissimum hunc vatem opprobrium coniecissent, cautius etiam CVDWORTHVS^t inter recte sentientes Numinis professores eum retulisset: In quo utroque extremo eos nimios fuisse ex adductis est manifestissimum. Alias philosophorum apud Virgilium hypothesen e. g. stellas maris exhalationibus nutriri, hisque similes, breuitatis causa filemus. Philosophiae moralis eandem fere, quam naturalis et diuinae rationem Virgilius habuit, qui mox Epicurea principia secutus est, mox fato Stoico heroem suum inuoluit, mox Academico siue Platonico more de corpore animae carcere differit, etc. Praesertim ex Romanorum consuetudine stoica de virtute praecepta ei arrisere,^u ut ex locis patet a Cl. STOLLIO^x adductis, quae consuli ipsa velimus. Quae omnia tamen ut non eo fine immiscuit poeta, ut philosophiam doceret lectorem, sed ut carminis decorem sententiis tueretur philosophicis, nec philosophum faciunt, nec doctorem eius omnium optimum, quod nimius Virgilii amor, olim magno persuasit SCALIGERO. Non omittendum de Virgilio hoc quoque; eum medicinae et mathematicae artis cognitione imbutum, anno LII. ut ultimam manum Aeneidi imponeret, statuisse in Graeciam et Asiam secedere, triennioque continuo omnem operam limationi dare, ut in reliqua vita tantum philosophiae vacaret. Sed in itinere languorem nactum reuersum Brundisium obisse.^y

§. III. Post Virgilium inter poetas Latinos excellit omnium maxime *Horatii philosophia.* Q. HORATIVS FLACCVS illi aetate suppar, quem inter Epicurasseclas a plerisque numerari videas.^z Ipsum Epicureum voluisse videri, ex his eius versibus patet:^a

*Me pinguem, et nitidum bene curata cute vises,
Cum ridere voles Epicuri de grege porcum.*

Pro quo parcum non sine ingenio legit MEIBOMIVS.^b Nec multa obscurius alibi:^c

*Parcus Deorum cultor et infrequens
Insanientis dum sapientiae
Consultus erro, nunc retrorsum
Vela dare, atque iterare cursus
Cogor, relictos.*

K 2

Passim

^p) Bibl. crit.
^q) Contin. des pensees sur les com. p. 119.
^r) Theodic. disc. prelim. p. 13.
^s) Gundlingian. P. XLIV. §. 80.
^t) L. c. c. IV. §. 19. p. 437. Praeuiuit LACT.
L. l. c. §. conf. Cl. ZIMMERMANN. deathe-
ismo Plar. Amoenit. lit. T. XIII. p. 128. seq.
^u) Conf. LVDEW. THOMASIN. methode

d'etudier les poètes chretiennement P. I. L. II. c. 8.
^x) Hist. philos. mor. gentil. §. CXCV. p. 374. sq.
^y) DONATVS L. c. p. 6.
^z) GASSEND. l. c. p. 72. FABRIC. l. c.
p. 811. REIMMANN. Hist. atheism. c. XXXVII.
p. 255. STOLL. Hist. phil. mor. gent. p. 385.
^a) Epist. L. I. ep. 4. ^b) Ad LAERT. L. X. c. 132.
^c) Lib. I. od. 34.

Passim etiam insignia apud eum philosophumena occurrunt, quae Epicuri hortos sapiunt, qualia praecipue sermones eius exhibent. Recte huc etiam scommata in Stoicos refert Cl. REIMANNVS, ^d qui locutiones quoque eius sordidas hanc sectam referre putat; in quo tamen ex vitio sectatorum quorundam iniuriam ipsi sectae fieri, ex iis liquet, quae suo loco de infamia hortorum Epicuri differuimus, immo ex ipso Horatio demonstrari potest, qui dum Catium Epicureum multo sale satyrico perfricat, ^e eo quod philosophiam Epicuri ad culinam ventremque, et voluptatis corporeae instrumenta traduxisset, hoc ipso meliorem castioremque infedisse sectae Epicuri opinionem indicat atque fatetur. Etsi vero ex adductis Horatii versiculis manifestum est, fuisse eum hortorum Epicuri sectatorem, duo tamen notanda sunt, quae de Horatii philosophia distincte statuendum esse monent. Primum enim, ipse fatetur ^f se Athenis philosophiae operam dantem, in Academia didicisse philosophiam:

*Adiecere bonae paulo plus artis Athenae,
Scilicet ut possem curuo dignoscere rectum,
Atque inter silvas Academi quaerere verum.*

Tum vero in Academia ultimus adhuc docuit Antiochus, qui Platonica, Stoica et Peripatetica inter se conciliabat. Quem licet non sequeretur Horatius, libertatem tamen inde illam, quae nullius se magistri placitis totam mancipat, didicit, qua in carminibus suis, ex ratione §. *praecedente* dicta, usus est, et de qua elegenter: ^g

*Nunc itaque et versus et caetera ludicra pono,
Quid verum atque decens, curo et rogo, et omnis in hoc sum,
Condo et compono, quae mox depromere possim.
Ac ne forte roges, quo me duce, quo lare tuter.
Nullius addictus iurare in verba magistri:
Quo me cunque rapit tempestas, deseror hospes,
Nunc agilis fio, et mersor ciuilibus undis,
Virtutis verae custos rigidusque satelles;
Nunc in Aristippi furtim praecepta relabor.*

Alterum, quod notari in hac re meretur, hoc est, videri Horatium, vel fortunarum suarum iactura, aliaue calamitate de diuina, quae rebus inest omnibus prouidentia fuisse monitum, vel cessantibus, quas temperamentum eius prosequabatur, voluptatibus, ^h serio magis et seuerè philosophari coepisse. Prius adducti supra versiculi suadent, quibus ab infanienti se philosophia reuocari luculentis diuinæ prouidentiae speciminibus fatetur; posterius diuersis locis innuere videtur, et imprimis in celebri ad Moece-natem epistola, ⁱ qua sibi non eandem quam prius, aetatem, non mentem esse dicit, monerique se, ut senectutem tandem aliquando seriam ducat, suisque annis et personae decentem. Vnde ad virtutis Stoicae, seuerioremque sapientiae disciplinam sese conuersum, seria iam scribere ait, licet inuita forte

^d) L. c. vid. Lib. I. Sat. 3. Lib. II. Sat. 3. ^e) L. II. Sat. 4. ^f) L. II. ep. 2. ^g) L. I. ep. 1.

Singula de nobis anni praedantur euntes
Eripuere iocos, Venerem, conuiuia ludum.

forte Minerua ad pristinos interdum de voluptate sensus relabatur. Haec volunt versus sequentes:

*Est mihi purgatam crebro qui personet aurem:
Solue senescentem mature sanus equum, ne
Peccet ad extremum ridendus, et ilia ducat etc.
Nunc agilis fio, et mersor ciuilibus vndis
Virtutis verae custos rigidusque satelles;
Nunc in Aristippi furtim praecepta relabor etc.*

suntque in hac epistola Stoica pluscula, qualia sunt:
*Virtus est vitium fugere, et sapientia prima
Stultitia caruisse.*

*Rex eris, aiunt
Sireste facies
Ad summam, sapiens vno minor est Ioue diues
Liber, honoratus, pulcher rex denique regum.*

Ex quibus parca, vt institutum nostrum postulat, manu datis, facile cuius ad rem ipsam attendenti de philosophia Horatii erit iudiciumⁱ, et quousque admittendum sit, quod DAN. HEINSIVS^k contendit: non referendum esse Horatium ad Epicuri gregem, sed Eclecticis a Potamone tunc constituta secta adnumerandum: qua de re infra.

§. IV. Sequitur inter poëtas OVIDIVS, inter cuius carmina haud pauca deprehenduntur, quae in Graecorum philosophia non parum exercitatum fuisse loquuntur. Qui tamen, ut reliqui poëtae, non ipse egisse philosophum censendus est; etsi enim philosophorum passim placita suis interseruit carminibus, interpretes tamen magis est philosophiae Graecae, quam ipse philosophus. Exemplum eius illustre est theogonia, quam veteres theologos Graecos secutus in ipso metamorphoseos^l limine elegantissime exposuit. Quem licet communem populorum aetatis suae sententiam expressisse CVDWORTHVS^m tueatur, cum Graecis tamen theogoniis comparanti erit manifestissimum, illos Ouidium secutum esse, licet quem pressius sequutus sit, definiri accurate nequeat. Summa eius haec est: Initio fuisse chaos, discordia rerum semina continens; ex hoc ortum esse et mundum, et formas Deorum. Hanc congeriem litemque diremtam a Deo et naturaⁿ, eiusque cura mundum formatum et ornatum fuisse: et tandem hominem natum vel ex diuino semine, vel ex aethere cognati coeli semina retinente; huncque hominem in effigiem Deorum, quorum curae et prouidentiae mundum Deus distribuit, esse formatum. Quae

*Ouidii philo-
sophemata.*

K 3

pau-

^{b)} L. I. ep. 1.

^{c)} GVIL. BERGERI et IO. HENN. FO-
RELLII diff. de philosophia Horatii nobis non
visas laudar FABRIC. Bibl. Lat. T. II, p. 321.

^{k)} De Satyra Horat.

^{l)} Syst. intell. c. IV. §. 14. p. 275. Conf. BAY-
LE T. III. art. Ouide not. G. p. 556.

^{m)} Intrudit hic naturam suam genitricem

CVDWORTHVS, de qua tamen non cogitasse
Ouidium apertum est. Deum vero hunc et na-
turam non diuersa esse, omnino verisimile est,
nec aliud illa videtur esse, quam necessaria Dei
in materia latentis actio et commotio, qua cun-
cta ex legibus amicitiae et discordiae ordinata
tandem sunt, formamque acceperunt. Qua de
re nos suo lece.

paulo comtius ornata sunt, Graecis, rem ipsam tamen, ab his expressam continent, et imprimis Empedoclea sapiunt, scholamque Pythagoream, cuius systema elegantissimis versiculisⁿ expressit, et imprimis Empedocleam physiologiam luculenter exposuit. Ridet enim eos, qui mortem stygis metu timent, cum illae non moriantur, sed novas semper sedes quaerant, migrentque: tum praecipit, nihil interire, omnia mutari, transire spiritum hominis in feras; nihil esse, quod toto perstet in orbe, cum semper omnia fluminis instar labantur et mutantur. In quo tamen Pythagoricam μετεμψύχωσιν cum Stoica μετενσωματώσει confundere videtur. Assumit etiam Empedoclis et Heracliti dogma, nostra semper corpora sine requie verti nec esse nos, quod vel heri fuimus, vel cras erimus. Ipsa porro, Empedoclem secutus, addit elementa mutari, omnia ex ipsis fieri, in ea redire, ipsa inuicem commutari, monens, nasci vocari

Incipere esse aliud, quam quod fuit ante, morique

Definere illud idem, cum sunt huc forsitan illa

Haec translata illuc.

Coelum itaque et tellus formas mutare, nosque, partem esse mundi, et quoniam in omnes creaturas ire condique possimus, aliorum animas posse habere. Non igitur esse viuendum carne, sed alimenta carpenda congrua, et nec piscibus vescendum, nec brutis. Haecenus Ovidius, qui licet fati luculenter physiologiam Pythagorico-Empedocleam exprimat, ideo tamen inter Italicae scholae sectatores referri non potest. Non enim ipse suam de hac rerum omnium origine, transmutatione, et facie sententiam exponit, sed Numam loquentem inducit, qui cum vulgi rumore et opinione Pythagoreus haberetur, hanc ei personam Ovidius induit, et Pythagoreis principiis seriem euoluere fati iussit. Perperam itaque ex hoc metamorphoseων epilogo coniecere viri docti et in his ROBERTVS HOOCKRVS^o, Ovidium in metamorphosi sua sub fabulis illis describendas sibi proposuisse varii generis mutationes, quae telluri contigerunt, et systema quoddam historiae naturalis tradere. Nihil enim aliud sibi propositum habuit poeta ingeniosissimus, quam mythologos Graecos exprimere, et facundiam carminis atque fertilitatem ingenii, descriptionibus luculentis et viuis demonstrare: licet non negemus, mythologiae veteris partem aliquam, post historicam, fuisse etiam philosophiae naturalis, cui nempe illae fabulae, emendata theologia fabulari rationibus philosophicis accommodatae sunt. Qua de re cum *tomi primi libro secundo* pluribus actum sit, eo lectorem remittimus.

Manilii philosophia.

§. V. Praeter triumuiros hos inter poetas Latinos, ob philosophiae in carminibus expressae vestigia notari adhuc debent, Manilius, Lucanus et Persius, qui Stoicorum decretis propensi fuerunt. Et M. MANILIUS quidem, quem cum Manlio mathematico PLINIO^p memorato

quidam

ⁿ) Lib. XV. v. 150. seqq.

^o) Vid. Act. erud. 1707. p. 155. vbi breuem operum eius posthumorum habes recensionem. Di-

splicere sibi hanc sententiam fassus est FABRICIVS Bibl. Lat. T. II. p. 364. seq.

^p) Lib. XXXVI. c. 10.

quidam eundem esse putant ⁷, qui epico carminis genere *astronomicon* ad Augustum scripsit ⁸, in quo corpora coelestia eleganti et iucundo poemate descripsit, vel hoc solo nomine in historia philosophiae non prorsus praetereundus.

Verum mysteriis quoque philosophiae imbutum fuisse, passim prodit: cumque physiologiam Epicuream, quae mundi compagem sine Deo eiusque prouidentia constare tradit, indignam philosopho censeret, ad Stoicorum castra secessit, Deumque mundi animum esse, omnibus intentum, omnia peruadentem passim inculcat. Illius odii in Epicurum testes hi versus sunt ⁹:

*Quis credat tantas operum sine numine moles
Ex minimis coecoque creatum foedere mundum?*

Stoicae autem physiologiae palmarium dogma hoc est ¹⁰:

*Namque canam tacita naturam mente potentem
Infusumque Deum coelo terrisque fretoque
Ingentem aequali moderantem foedere molem
Totumque alterno consensu vivere mundum,
Et rationis agi motu, quum spiritus vnus
Per cunctas habitet partes atque irriget orbem,
Omnia peruolitans corpusque animale figuret.*

Similia passim interferit ¹¹, breuitatis gratia hic omittenda. Vifus hanc ob doctrinam Stoicam dignus Manilius ANT. COLLINO^x, quem pantheismi fautoribus aggregaret, quemadmodum inter Spinozae praelufores eum retulit MOSHEMIVS ¹²: qui probe notat, hominem Stoicis hypothesis imbutum cum Zenone adeo ineptire, vt mundum vniuersum Deum esse censëat. Ita enim mire Στωϊκός canit ¹³:

*Ac mihi tam praesens ratio non vlla videtur,
Qua pateat mundum diuino numine verti,
Atque ipsum esse Deum, nec forte coisse magistra.
Vt voluit credi, qui primus moenia mundi
Seminibus struxit minime*

Quibus frustra opponit Cl. REIMANNVS ¹⁴: non sequi exinde, eum mundum pro ente infinito et aeterno habuisse, vfitatum quippe fuisse ethnicis, iis quoque entibus Dei nomen tribuere, quae nouerant esse a Deo producta. Manilium etiam mundum hunc productum a ratione, quae ei inest, dicto loco distinguere. Primum enim huc non pertinet, cum per mundum non Deum quendam, sed ipsum Deum, numenque quo vertitur mundus, intellexisse ex ipsis eius verbis pateat, nec Stoica aliter physiologia patiatur, quam totum hoc, quo continemur, et vnum esse, et Deum. Alterum nihil causam Manilii iuuat, qui, licet a mundo rationem, quae mundo inest, distinguat, facit id tamen more sensuque

⁷) RICCIOLVS in Almagesto, FABRIC. Bibl. Lat. T. I. p. 293. qui vero T. II. p. 409. sententiam mutauit.

⁸) Prolixè de eo FABRIC. II. cc. quem vide.

⁹) Lib. I. v. 492. 493.

¹⁰) L. II. v. 61.

¹¹) L. IV. v. 915.

¹²) De lib. cogit. p. 219. cui praeiuit TOLANDVS Origin. Iudaic. p. 106.

¹³) Ad CVDWORTH. Syst. intell. c. IV. §. 20. n. 38. p. 438.

¹⁴) L. I. v. 483. sqq. nec id negat CVDW. I. c.

¹⁵) Hist. ath. c. XXXVII. §. II. p. 259, seqq.

suque Stoico, quatenus pars agens patienti, siue materiae crassiori in vno toto opponitur. Quae hoc quidem efficiunt, non prorsus cum Spinoza facere Manilium, sed nec pia magis, nec meliora multo eum asserere; vt ex iis liquet, quae *tomo primo* de Stoicorum his dogmatibus et atheismo iis obiecto differuimus.

Lucanus.

Eandem in classiem poetarum Stoicis fauentium M. ANNAEVM LVCANVM referimus, Senecae fratris filium, qui praeter Palaemonem Grammaticum, et Virginium Flauium rhetorem Cornutum philosophum praeceptorem habuit, vnde amor eius erga Stoicorum dogmata enatus fuit; Cornutum enim inter Stoicos eminuisse, in sequentibus dicemus. Prodidit hanc passim in porticum propensionem, in Pharsaliae carminibus, quae bellum ciuile Caesaris et Pompeii enarrant, fatisque luculenter iuuenilium annorum impetum produnt. Exemplum laudati Stoicismi supra in Catonis descriptione dedimus, ad quod breuitatis causa, prouocamus. Vnum damus eumque illustrem Stoicae physiologiae locum ^b:

*Sic cum compage soluta
Secula tot mundi suprema coegerit hora,
Antiquum repetent chaos omnia, mistis
Sidera sideribus concurrent: ignea pontum
Astra petent, tellus extendere litora nolet,
Excutietque fretum; fratri contraria Phoebe
Ibit et obliquum bigas agitare per orbem
Indignata, diem posset sibi: totaque discors
Machina diuulsi turbabit foedera mundi.*

Persius.

Alia, et in his fati quoque fideralis descriptionem et assertionem Figulo tributam, hic praetermittimus. Philosophicum magis argumentum profecutus est A. PERSIUS FLACCUS, qui etiam ex Cornuti schola prodiit, Lucanumque commilitonem et amicum habuit. In satyris enim adeo strenue sequitur Stoicae ethicae praecepta, vt recte appellari queat

Virtutis verae custos rigidusque satelles,

Quo nomine Stoicam se ethicam prosequentem appellat HORATIUS ^c. Qui cum feuerissimae disciplinae praeceptorem esset nactus, acerbis vitiorum reprehensor et rigidus virtutis Stoicae doctor, in ipsa iuuentute (vix enim XXVIII. annos vixit) euasit, et vbique Stoica praecepta disseminauit. Cuius illustre prorsus exemplum est *satyra tertia*, qua sub persona Stoici philosophi iuuenes Romanos monet, ne otio et mollitie corrupti, vel patrimoniis et natalibus freti philosophiae studia negligant, quae sola vitiis mederi, virtutem et honestatem docere, animum bene conscium et vitae felicitatem largiri queant. Cuius ex multis en carptim paucula:

*Disciteque o miseri, et causas cognoscite rerum,
Quid sumus, et quidnam victuri gignimur, ordo*

Quis

^b) L. I. v. 74. seqq. Quae vero passim occurrunt voces Epicureae, v. g. L. VI. v. 445. seqq.

non ad Lucanum trahendae sunt, sed ad carminis *σχῆμα*, quod eas poscebat. ^c) L. I. ep. 1.

*Quis datus, aut metae quam mollis flexus, et unde,
Quis modus argento, quid fas optare, quid asper
Vtile numus habet, patriae carisque propinquis
Quantum elargiri deceat: quem te Deus esse
Iussit, et humana qua parie locatus es in re.*

Quibus versibus Stoicam de officiis doctrinam eleganter comprehendit. *Satyra* vero quinta dum Cornutum praeceptorem laudibus extollit, prodit etiam quo loco Stoicam philosophiam habeat, et solum sapientem esse liberum Stoico more eleganter edisserit; et passim porticus principia sententiarum exponit suis. Addi his possent ex poetarum Latinorum choris alii, nisi vela contrahere institutum iuberet. Vnus Seneca tragoedus, quem locum in theatro etiam philosophico cepit, ostendit: cuius tragoedias si modo unus sunt, non inepte philosophiam cothurnatam personatamque stoam dixeris.

§. VI. Quod de poetis Latinis dictum est, idem de historicis quoque dici potest, eos philosophiae studiis in iuuentute innutritos narrationibus suis passim praecepta philosophiae, prout locus, persona, res atque materia poscebant, inspersisse: id quod adeo notum et peruulgatum esse putamus, ut non esse credamus quenquam, qui vel a limine eorum scripta inspexit, qui haec negauerit. Ut tamen et hic symbolam addamus nostram, paucos in exemplum producemus. Et principem quidem locum recte LIVIO dari, nemo forte pertinacius disputauerit. Hunc in philosophorum album transcribit SENECA^f, qui ita: *Nomina adhuc Liuium. Scripsit enim et dialogos, quos non magis philosophiae annumerare possis, quam historiae, et ex professo philosophiam continentes libros.* Nihil tamen horum non superesse tantum hodie, sed ne quidem memorari apud veteres scriptores alios, merito mireris. Et habet quidem in historiae Romanae opere haud raro sententias philosophicas, sed quas non ex sectarum scriniis, sed ingenii practica ratione iudicantis acie congeffit. Quae vero de ἀθεϊστικῶν Liuii inter TOLANDVM^g, IO. FAYVM, EL. BENOIST aliosque^h disputata sunt, cum huc non pertineant, ea praetermittimus, in historiae atheismi speciali quaerenda. Liuius iungimus TACITVM, consuetudine ad ciuilem philosophiam historiam referendi eo tantum non superiorem. Eum Stoicis iungit LIPSIVSⁱ, nec prorsus male, si quaedam loca respicias, quibus Stoicos commendat, qui in corrupta Romanorum imperatorum aula saepe seuerae virtutis commendatione et exemplo eminebant^k. Alibi tamen nec Epicurum dedi-

*Historicorum
Latinorum
philosophia.*

Liuius.

Tacitus.

d) v. 66. seqq.

e) Sententias eius morales collegit STOLLIVS Hist. phil. mor. gent. §. CCVIII. p. 437. seqq.

f) Epist. 100. Conf. GAUDENTIVS l.c. e. XII. p. 381. FABRIC. Bibl. Lat. T. I. p. 199.

g) Cuius Liuius ἀθεϊστικῶν, siue de supersti-

Hist. philos. Tom. II.

tionis culpa Liuius falso impasta, prodiit Hagae Comit. 1709.8. h) Enumerat huius controuersiae historiam S. Reu. MOSHEM in vita Tolandi §. 28. Vindic. vet. Christian. p. 151. seqq.

i) Manud. ad phil. Stoic. L. I. dist. XVII. p. m. 100.

k) E.g. Thraseas Paetus, Heluidius Priscus, Rubellius Plautus et his similes.

Strabo.

gnatur, et, quod aliquoties monuimus, sententias tantum quasdam philosophiae spargit, et historiam, gemmarum instar iis interstinguit, philosophari nunquam exorsus est. Hinc per varias sectarum inter se valde diffidentium doctrinas vagantem videas. Prouocat ¹ ad infinitam opinionem, non initia nostri, non finem, non denique homines diis curae esse; quod Epicureum: tuetur fatum, ita tamen ut felicitas hominum constet ², quod Stoicum; non cum corpore extingui animas, ait ³, quod Craticum; et sic in aliis quoque, prout locus et argumentum sententiam poscebat. Quae dum ad philosophiam a Tacito cultam operose reuocat GAUDENTIVS ⁴, prodit is, ignorasse se, de qua re ipsi fuerit tractandum. Iungimus his STRABONEM Geographiae opere clarissimum, qui ipse hoc argumentum ad philosophos pertinere, et ab iis tractatum esse, fuisse demonstrat ⁵. Vnde passim non literariam tantum, sed et philosophicam historiam respicit, multaque affert, ad noscendos philosophos eorumque doctrinam perspicendam vtilissima. Ipse Amasea Cappadociae oriundus, audiuit in grammaticis Tyrannionem, ut supra dictum, et in Rhetoricis Aristodemum, e philosophis frequentauit Xenarchum Seleuciensem Peripateticum ⁶, et cum Boëtho quoque in Aristotelis dogmatibus se exercuit ⁷. Id quod occasionem dedit XYLANDRO ⁸ inter Peripateticos eum referendi. Probauere vero viri docti, qui in elegantissimum scriptorem commentati sunt ⁹, Stoicos eum prae Peripateticis probauisse. Stoicos enim et Zenonem nostros vocat, et Stoica passim dogmata sequitur: v. g. sidera nutriri exhalationibus; multa fieri fato, quorum causa dari nequeat, et his similia ¹⁰. Quae sine dubio causa fuit SVIDA E ¹¹, ut eum inter philosophos referret. Quem vero is memorat ¹² Stratonem Amasenum philosophum, qui vixit sub Tiberio Caesare, et scripsit Geographiae libros septem, non alium esse a Strabone hoc, dudum contra temerariam FRANC. PATRICII coniecturam, nescio quem Stratonem Geographum constituentis ¹³, dudum viris doctis obseruatum est ¹⁴, videturque vel, Stratonis Lampfaceni et Strabonis nominibus inter se confusis falsus esse more suo Suidas, vel ab exscriptoribus articulus Strabo, paulo supra iisdem fere verbis occurrens, mutato nomine fuisse iterum positus. Quales transpositiones et confusiones apud Suidam dari frequentes infra aliquoties monendi nanciscemur occasionem.

§. VII. Non vero inter eruditos tantum, quos Romanum fouebat imperium, variis scientiis deditos inuenti sunt multi, qui philosophiam degustarent, licet philosophiae professionem non sequerentur; sed et viri prin-

1) Annal. L. VI.

m) In Agric.

o) L. I. et II.

q) L. XVI.

r) In praef. ad Vers. Strab.

s) CASAUB. praef. in not. add. VOSSIVS de Hist. Graec. L. II. c. 6. p. 185. GAUDENT. l. c. c. LI. p. 212. FABRIC. Bibl. Gr. Vol. III. p. 3.

n) L. c. LXXXV. p. 287. sqq.

p) L. XIV.

t) Hinc Athenodorum Stoicum *στρατῶν* vocat Lib. XVI. p. 779.

u) T. III. v. Strabo p. 379.

z) Ibid. v. Straton p. 382.

y) Discuss. Perip. L. III. T. I. p. 29. seq.

z) Vid. CASAUB. ad Strab. GAUDENT. l. c. FABRIC. l. c. IONSIUS de Scr. H. Phil. L. III. p. 202. MARS. CAGNATVS Var. Obs. L. III. c. 20.

principes, et Caesarum aulae admoti, vel in republica administranda occupati complures fuere, quibus a philosophiae studio ornamentum accessit et praesidium, quique omnem inde mouerunt lapidem, ut philosophiae incrementa promouerent, philosophosque iuuarent atque commendarent. Hos vero enumerare omnes nec institutum locusque patitur, nec tempus. Potiores tamen strictim enumerare, haud abs re erit. Inter eos primum merito locum assignamus MOECENATI, cuius in viros doctos studium et liberalitas in prouerbium abiit, quique tanta diligentia philosophos, poetas, oratores, Augusto commendauit. Etsi enim, narrante DIONE^a, Moecenas Augustum obseruare monuerit eos, qui se philosophiae nomine populo venditarent, dicendo: *Cauere te iubeo philosophos, neque enim, quia Arium et Athenodorum, bonos ac honestos viros expertus es, omnes alios idem studium prae se ferentes, similes eorum iudicare debes, quum hac specie vsti multi, infinita mala populis priuatisque hominibus afferant*; non inepte tamen coniecit GAVDENTIVS^b, non eam ipsam Moecenatis orationem fuisse ad Augustum, sed finxisse eam Dionem, more historicorum. Quanquam facile concedi potest, eiusmodi praecepta instillasse Augusto Moecenatem, cum homines otiosi, philosophiae nomine abusi tum fuerint plurimi, qui gratiam Augusti, philosophiae nomine venabantur: id quod ad philosophorum honestorum ac bonorum commendationem trahi non potest. Sed imprimis verisimile, homines nugiuendulos, quales Chaldaei et mathematici erant, qui innumeris modis homines decipiebant, Augusti in haec studia propensione abusos, philosophiae nomine se ipsi commendauisse, ideoque Augustum a Moecenate fuisse monitum, ut ab iis caueret. Illud certum, non commendasse tantum hero suo Moecenatem philosophos, sed et ipsum philosophiam tenuisse, et Epicuri imprimis sectae fauisse. CANIVM IVLVM virum in primis magnum in hanc quoque eorum classem pertinere, qui bene praeparatum philosophia pectus opposuere fortunae, SENECA^c dubitare nos non finit, qui refert: *cum Caius Caligula mori eum iussisset, Stoicis eum principiis roboratum se immortalitatis experimentum laeto et tranquillo animo facturum dixisse, et proposuisse illo velocissimo momento, an sensurus sit animus, exire se, promississeque, si quid explorasset, circumiturum amicos et indicaturum, quis esset animarum status*. Imprimis illustre nomen hoc quidem philosophiae praesidio consecutus est THRASEAS PAETVS, Senator Romanus, Neronis aevo clarus, quem ab candorem, iustitiam, fortitudinem, virtutisque omnis cultum laudibus summis extollunt veteres^d. Is ex libro Munatii de rebus Catonis incensus est ad virtutis Stoicae amorem, qua re Catonis exemplum imitatus in id maxime incubuit, ut se virum bonum, rectique custodem effingeret. Quo in studio tantopere profecit ut, qui de laudibus eius scripsit Iunius Rusticus, eum virum appellaret sanctissimum^e. Quam morum integritatem ab omni

Moecenas.

Canius Iulus.

Thraseas Paetus.

^a) Lib. LII.^b) c. L. p. 210.^c) De tranquill. c. 14. Locus totus legendus.L 2 adula-
^d) TACITVS Annal. L. XV. c. 20. PLINIVS Lib. VIII. ep. 22. ^e) Vid. infra not. (h)

*Helvidius
Priscus.*

adulatione longissime remotam cum non ferret Neronis animus, totus aulae vitiis corruptus, Stoicae sectae studium in vitium vertit ^f, eumque interfici iussit; id quod Stoica virtute et digno Catonis imitatore animo, apertis venis sustinuit Thraseas, qui cum philosophico vixisset more, philosophus etiam mortuus est. Mortis enim mandatum a Caesare cum accepisset, cum Demetrio Cynico de animae natura et immortalitate disseruit, eumque sibi exhalaturo animam adesse voluit ^g. Huius gener fuit HELVIDIVS PRISCVS, senator Romanus, qui ipse quoque ex Stoicorum disciplina robur sibi et virtutem parauit, exiliumque sub Nerone passus, integritatis laudem Caesaris gratia habuit potiore. Cuius, ut et foci eius Thraseae laudem cum scripisset Iunius Rusticus, a Domitiano interemptus est ^h. Id quod Herennio Senecioni quoque euenisse, Fanniae rogatu idem officium exequenti, veteres narrant ⁱ. Addi his possent Icti magni nominis, Q. Mucius, Ceruidius alique, nisi quae supra de Iureconsultorum Romanorum philosophia dicta sunt, his lucem fati claram accenderent. Nihil vero magis philosophiae incrementa promouit, quam imperatorum Romanorum gratia, cuius exempla multa in sequentibus occurrent. Qui cum et ipsi philosophos beneuole essent complexi, et philosophiae honorem tribuissent, dici non potest, quantum philosophiae studium euectum sit. Cuius rei exemplum ipse Augustus est, quem non Athenodorum solum et Nicolaum Damascenum fouisse infra dicemus, sed et *hortationes ad philosophiam* scripisse ait SVETONIVS ^k. Vestigia eius preffisse Tiberium, in sequentibus audiemus. Quae cum dereliquissent Claudius, Nero, Domitianus, qui philosophos omnes Romana urbe et orbe eiecerunt ^l, sub Traiano et Hadriano honos philosophiae rediit, Antoninorum vero cura studiisque immensum auctus, Athenae restitutae, salaria philosophis constituta sunt ^m. Eisdem vestigiis institit Septimius Seuerus eiusque vxor, Iulia ⁿ. Mammaea etiam filium Alexandrum philosophis erudiendum commisit, quos tamen male postea mulcavit Heliogabalus. Nec ab hoc philosophiae amore alienus fuit Alexander Seuerus, qui LAMPRIDIO ^o teste, philosophorum libros legit, philosophosque mensae suae adhibuit, immo Apollonii Tyanensis imaginem larario inseruit. Ita Gordianos quoque philosophiae amore flagrasse, et seniore Platonis et Aristotelis libris legendis infudasse, iuniorem philo-

^f) TACITVS L. XVI. vbi cogitasse, ait, Neronem ipsam virtutem excindere.

^g) Catonem ideo et Thraseam iungit MARTIALIS:

*Quod magni Thraseae consummatique Catonis
Dogmata si sequeris.*

Conf. SCARDEONIVS de claris ciuibus Patavinis p. 48. IONS. de Scr. Hist. phil. L. II. p. 230. VOSS. de hist. Lat. L. II. p. 135. quem librum Thraseae nomine meditatus sit LIPSIVS vid. Ep. Miscell. Cent. II. ep. 22.

^h) SVETON. in Domit. c. 10.

ⁱ) Prolixe Heluidii familiae causam exponit PLINIVS L. IX. ep. 13. quibus adde XIPHILIN. in Domit. et ex recentioribus IONSIUM l.c. L. III. c. 5. FABRICIVM Bibl. Graec. Vol. II. p. 410. GAUDENTIVM l.c. LXXV. p. 256. sq.

^k) In Aug. c. 85.


^l) GELLIVS Lib. XV. c. II. conf. SVETON. in Domit. c. 10.

^m) XIPHILIN. et CAPITOLIN. in Antonin.

ⁿ) HERODIAN. L. II. PHILOSTRAT. vit. Soph. L. II. p. 601. SPARTIAN. in Severo c. 18. MENAG. Hist. mul. philos. §. 16. LE MOYNE var. f. praef.

^o) In Alex. c. 29. 30.

losophiae mysteriis imbutum fuisse CAPITOLINVS ^p auctor est, et PORPHYRIVS ^q narrat, eam in expeditione aduersus Persas Plotinum philosophum habuisse comitem. Ita ab Augusti temporibus et imperii Romani incunabulis ad Constantinum M. vsque, quo Romanum imperium Constantinopolin translatum est, habuit semper fere philosophia in aula, si paucos imperatores demas, praesidium. Quod et postea in orbe Romano naeta est, sede imperii ad Graecos translata, id quod constitutiones Theodosii et Valentiniani, in Cod. Theodosiano extantes, fatis probant. De quibus tamen cum *tomo tertio* dicendum sit, dictis nil addimus, sed ad ipsas sectas, quae sub imperatoribus floruerunt, considerandas progredimur, quibus doctoribus gausa, quibus fatis ysa sit secta Pythagorica, Platonica, Eclectica, Peripatetica, Cynica, Stoica, Epicurea, Sceptica, consideraturi.



SECTIO SECVNDA.

DE PHILOSOPHIS PYTHAGOREAM
SECTAM RESVSCITANTIBVS.

§. I.

Intercidisse sectam Pythagoricam, altero, postquam condi coepit seculo, nec Aristotelis superasse aetatem, inuidia Italorum eam calumniis et persecutione premente, qua tandem igne ferroque deleta fuit, *superioris tomi libro tertio* enarrauimus. Vnde nec inter Graecos amplius eius mentio facta, nec Athenis, etsi fautores repperat, ea resuscitata est. Pythagoreae itaque sectae institutum reuocauisse philosophos sub Imperat. Romanis quando demonstrare hac sectione fuscipimus, non id volumus, surrexisse ex cineribus, quibus per tot secula sepulta fuit, disciplinam Pythagoricam, et successionem scholae restitutam accepisse. Cuius rei contrarium potius euenisse, SENECA ^a testis est, qui luculenter: *Quis philosophiam, aut vllum liberale studium respicit, nisi cum ludi intercalantur, cum aliquis pluius interuenit dies, quem perdere licet. Itaque tot familiae philosophorum sine successore deficiunt. Academici et veteres et minores, nulum antistitem reliquerunt. Quis est, qui tradat praecepta Pyrrhonicis? Pythagorica illa inuidiosae turbae schola praeceptorem non inuenit.* Sed de philosophis Pythagoricam sectam resuscitantibus tractaturi, id modo volumus, fuisse in imperio Romano philosophos, quibus vel Pythagorea quaedam, quae innotuerunt, dogmata placuerunt, vel qui institutum vitae moresque Pythagoreorum reuocare, atque imitari magno consilio conati sunt. Fuere etiam complures, qui Pythagorica cum

Secta Pythagorica an post C. N. restituerit?

L 3

Plato-

p) In Gord. c. 18. q) Vit. Plot. c. 2. p. 96. a) Qq. nat. L.VII. c. 32.

Platonicis iungentes aliisque sectarum systematibus aptantes, se Pythagoream sapientiam *γνῶσις* tenere gloriati sunt. Quostamen Pythagorea corrupisse, et eclecticorum magis nomine innotuisse, in sequentibus dicemus, eorumque philosophiam separata tractatione considerabimus. Ex prioribus circa haec, de quibus differimus, tempora inclaruere Anaxilaus Larissaeus, Quintus Sextius, Sotion Alexandrinus, Moderatus Gaditanus, Euxenus Heracleensis, Apollonius Tyaneus, Secundus Atheniensis, Nicomachus Gerasenus, quorum philosophorum cum magna eo tempore fama fuerit, accurate iam historia enarranda est.

Anaxilaus
Larissaeus.

§. II. ANAXILAEVS LARISSAEVS sub Augusto vixit, et Pythagoream disciplinam se sequi professus est, ^b quam illo potissimum tempore in naturae mysteriis secretioribus cognoscendis constituisse doctos viros, vel vnum Nigidii Figuli exemplum, supra memoratum, docet. Eandem philosophiae rationem tenuit etiam Anaxilaus, qui in id maxime incubuit, vt in naturae secreta penetraret, medicam inde artem auget, ^c et mirandis magiae naturalis effectis in stuporem spectatores coniceret. Cuius exempla aliquot nobis seruauit PLINIVS ^d narrans, asbestino eum arborem circumdedisse, sicque effecisse, vt surdis ictibus, et qui non exaudirentur, caederetur: equinorum capitum visus repraesentasse monstrifice: lufisse etiam sulphure, candens in calice nouo prunaeque subdita circumferentem exardescens percussu pallorem dirum velut defunctorum offundente conuiuis. Qualia multa in libro eius quem *πράγματα* siue *ludicra* vocauit, et cuius passim meminere veteres, ^e fuisse comprehensa, dubium non est. Valde tamen istius artis iactantia sibi nocuit Anaxilaus, ob magiae crimen enim vrbe et Italia cedere ab Augusto iussus est, referente EVSEBIO. ^f Quod cum propter naturalis illius magiae specimina sola a principe prudente et philosophiae non ignaro, nec eiusmodi ludicra prorsus contemnente factum esse verisimile non sit, coniectura inde nascitur, probabilitate non destituta, Anaxilaum, qui se Pythagorica instituta sequi profitebatur, veterum Pythagoricorum morem fuisse secutum, ac magiae artem, qua vix nobilius quicquam habere schola Italica olim credebatur, se affecutum iactantius ostentasse. ^g Audiemus enim in sequentibus, eos, qui Pythagoreorum se imitatores venditarunt, eiusmodi miracula iactasse, et fucum fecisse simplicioribus. Cuius veras causas in sequentibus pandemus. ^h

Q. Sextius.

§. III. Candidiore calculo notandus est in Pythagoricorum post C. N. inclarescentium historia Q. SEXTIVS, vir magnus et illustris inter Romanos, qui tamen, auctore SENECA ⁱ ita natus, vt rempublicam deberet

^b) EVSEB. in Chron. n. MCMLXXX.

^c) LE CLERC Hist. de la medecine P. III. L.

I. c. I. p. 561. seq.

^d) L. XIX. c. I. L. XXVIII. c. II. L. XXXV. c. 15.

^e) IRENAEVS L. I. c. 7. EPIPHAN. haer.

34. T. I. p. 232. conf. VOSSIVS de orig. idol.

L. I. c. 6. p. 45. FABRIC. Bibl. gr. Vol. I. p. 706.

^f) Loc. cit.

^g) Iuuat hanc coniecturam quod EPIPHANIVS

narrat l. c. Marcum, Marciorum parentem se magicarum artium peritum iactauisse, ac Anaxilai ludicra cum eorum, quos magos vocant, versutia coniungentem, atque iis praestigiis et artibus illudentem, spectatores omnes ac fautores suos in stuporem admirationemque conuertisse. Iisdem prorsus vestigiis instituisse Anaxilaum, dubium non est.

^h) Alios Anaxilaos indicat FABRIC. l. c.

ⁱ) Epist. 98. PLIN. L. XVIII. c. 28.

ret capeffere, latum clauum diuo Iulio dante, non recepit. Cuius cauffam cum temperamenti rationem fubtriftem atque feueram fuiſſe eſt probabile, tum ex reipublicae, quibus premebatur, circumſtantiis ea deriuanda videtur. Cum enim republica tota vnus dominatui ſubiugata libertas, qua carius nihil Romanis fuit, prorfus eſſet euerſa, et triumphatus eo tempore omnia ſanguine, bello, exitio miſcuiffet, omnino verifimile eſt, Sextium honores reſpuiſſe, quos breui ſibi tempore eripi poſſe videbat. Id quod SENECA^k quoque innuit, qui dictis hoc addit: *Intelligebat enim, quod dari poſſet, eripi poſſe;* et exempla quoque aliorum, Ciceronis, Attici et hiſ ſimilium, probant, qui ideo otium et Philoſophiae ſtudio curiae et foro praetulerunt, quod in republica locus eorum virtutis non eſſet. Sextius itaque quem acrem virum SENECA^l vocat, vt genio ſuo obſecundaret, *Graecis verbis*, vt is ait, *Romanis vero moribus philoſophari*, et peculiarem eximiae et inſolitae ſeueritatis et fortitudinis ſectam condere coepit, quam *nouam et Romani roboris* fuiſſe IDEM^m porro indicat. Quale vero inſtitutum ea ſecta ſecuta fuerit, veteres non ſatis prodidere, forte quod in ipſo fere ortu interiiffet, ſicque ad paucos eius perueniſſet notitia: coniecturis tamen a vero non prorfus abludentibus concludi poteſt, Pythagorae inſtituta Sextium Romae reſuſcitare, nouaque diſciplina mores Romanorum corruptos emendare voluiſſe. Cum vero nouam inter Romanos ſectam, quae inter Graecos non fuerit vigeritque, enatam fuiſſe nullam, ſuperiori capite primo demonſtratum ſit, et ex adducto Senecae loco pateat, Graecae alicuius diſciplinae imitatoreſ fuiſſe Sextium, ex dicendis etiam apertum ſit, inauditae et intolerabilis fere ſeueritatis ſectam eam fuiſſe; non alia inter Graecos ſecta patet, ad quam Sextius mores et inſtitutum attemperare potuit ſuum, quam Pythagorea et Cynica vel Stoica. Et Stoicum quidem in morem fuiſſe philoſophatum Sextium, nec tamen habitum pro Stoico, ipſe prodit SENECAⁿ, qui ita: *Lectus eſt liber Q. Sextii patris, magni, ſi quid mihi credis, viri, et, licet negent, Stoici. Quantum in illo, dii boni, vigoris eſt, quantum animo, hoc non in omnibus philoſophis inuenies. Quorundam ſcripta clarum habent tantum nomen, caetera ex ſanguine ſunt: inſtituunt, diſputant, cauillantur, non faciunt animum, quia non habent. Cum legeris Sextium, dices: viuit, viget, liber eſt, ſupra hominem eſt, dimittit me plenum ingentis fiduciae: in quacunque poſitione mentis ſim, cum lego hunc, fatebor tibi, libet omnes catus prouocare, libet exclamare: quid ceſſas fortuna? congregere, paratum vides. Illius animum induo, qui quaerit ubi ſe experiatur, ubi virtutem ſuam oſtentat. Libet aliquid habere, quod vincam, cuius patientia exercear. Nam hoc quoque egregium Sextius habet, quod et oſtendet tibi beatae vitae magnitudinem, et deſperationem eius non faciet, ſcias illam eſſe in excelfo, ſed volenti penetrabilem; hoc quidem virtus tibi ipſi praeſtabit, vt illam admireris, et tamen ſperes. Ex quo breui philoſophiae moralis Sextianae compendio recte quidem colligitur, Sextium* affinia

^k) L. c. 1) Ep. 59. ^m) Qq. nat. L. VII. c. 32.

ⁿ) Epist. 64.

affinia Stoicae philosophiae praecepisse, euidens vero ex eo quoque est, non ad Stoicae perfectionis impenetrabile prorsus et desperandum culmen Sextium virtutem euehendo, sed humanis viribus exponendo a Stoicis recessisse, et virtutis laudem a summa felicitate commendasse. Quae Pythagoreis magis, quam Stoicis conueniunt, quamuis prae fracte negare nolumus, Sextium, ut vult acutissimus FABRICIVS,^o Pythagorea Stoicismis cuius, haecque illis accommodasse. Certe Stoicum nec visum fuisse, nec haberi voluisse, hoc vno argumento conficitur, quod nouam sectam et condere suscepit, et condidisse ipsi Senecae visus est. Stoicam vero sectam si amplexus fuisset Sextius, non noua ea disciplina fuisset, cum Stoicismus isto tempore magnis nominibus et exemplis inclaruisset. Sed nec otium Sextii, quo se reipublicae subtraxit, Stoica disciplina, fert atque patitur. Stoici enim cum sapientem suum solum rempublicam recte et prudenter administrare crederent, eius illum partes capeffere, quoad liceret, iuebant: quod eo magis ad munera publica coëgisset Sextium, quo magis summa tum esset virorum fortium, candidorum, patriaeque vere amantium, et adulationi non deditorum, inopia. Nihil tamen horum secutus est Sextius, sed honores et munera respuit. Qua in re cum Stoicos sequi non vellet, Pythagoreos sibi imitandos proposuit, qui, ubi legibus rempublicam iuuare se non posse videbant, a curia, tribunali et foro discipulos reuocabant, et otium commendabant philosophicum, ut theoreticis virtutibus, quas consummatas putabant atque summas, toti indulgerent, qua de re multa praecepit IAMBLICHVS.^p Pauca insuper illa, quae de Sextii praeceptis moralibus nobis seruauerunt veteres, non magis Stoica sunt, quam Pythagorica, et ex eodem fundamento ad magnificum, quem prae se ferunt, habitum exsurgunt, sapientem, Ioui parem esse, et hunc esse sapientiae finem Deo euadere similem. Eo enim posito, recte dixit,^q quod tanquam Stoicum obii-ci solet, Iouem plus non posse, quam bonum virum. Pythagoreorum enim principium cum esset, fluxisse animam ex Deo, eiusque in se fontem habere, ut vel solum tetractyos iusiurandum luculenter docet, recte is de viro bono, qui ad originem, vnde emanauit et descendit, suam rediit, dixit et conuenienter suae hypothese locutus est, Iouem plus non posse quam bonum virum. Pythagoreae vero non Stoicae disciplinae et instituti est, quod de Sextio narrat SENECA^r his verbis: *Omnes sensus perducendi sunt ad firmitatem, natura patientes sunt, si animus illos destinat corrumpere, qui quotidie ad rationem reddendam vocandus est. Faciebat hoc Sextius, ut consummato die, cum se ad nocturnam quietem recepisset, interrogaret animum suum: Quod hodie malum tuum sanasti? cui vitio obstitisti? qua parte melior es?* Quem morem inter Pythagoreos receptum fuisse, tomo primo luculentis veterum testimoniis docuimus, et aurei carminis praecepto notum est. Addi his merito debet, quod iterum SENECA^s narrat, *Sotionem praeceptorem suum ita sibi Pythagorae amorem*

inie-

^o) Bibl. graec. Vol. XIII. p. 645.

^p) In protrept. c. 14.

^q) SENECA ep. 73.

^r) De ira L. III. c. 36. ^s) Epist. 108.

iniecisse: docuisse, quare illé animalibus abstinuisset, quare postea Sextius. Dissimilem utrique causam fuisse, sed utramque magnificam. Hunc homini satis alimentorum citra sanguinem esse credidisse, et crudelitatis consuetudinem fieri, ubi in voluptatem esset adducta laceratio. Adiecisse: contrahendam materiam esse luxuriae. Collegisse, bonae valetudini contraria esse alimenta varia, et nostris aliena corporibus. At Pythagoram omnium inter omnia cognationem esse dixisse, et aliorum commercium in alias atque alias formas transeuntium. Quae ita porro applicat Sotion, ut Senecae ostendat, aequum esse, ut si etiam animalia per orbem agi et per vices ire non credat, Sextianis tamen rationibus adductus, Pythagoreum se praestet, ab animalibus comedendis abstinendo. Quam Sextii consuetudinem, Sotione auctore, se quoque secutum esse, Seneca fatetur, nec desisset, nisi Tiberio principatum tenente cum alienigenarum gentium sacra mouerentur, et inter argumenta superstitionis poneretur, quorundam animalium abstinentia, pater ipsi persuasisset, ut melius coenaret. Addimus his veterum testimonia, quae Sextium Pythagoreos secutum esse tradunt, quibus ex recentioribus recte calculum adiecere viri magni nominis et eximiae doctrinae, IUSTVS LIPSIVS, * Io. SCHEFFERVUS, * et THOMAS GALEVS. Neque vero huic sententiae, quae nouam Sextii sectam inusitatam Pythagorae disciplinam reuocasse statuit, obstat Nigidius Figulus, quem, primum inter Romanos Pythagoream secutum doctrinam, et habitum fuisse Pythagoricum, supra diximus. Licet enim Nigidius astrologiam eiusque imprimis partem *μαυτινην* excoluisset, et naturae studio se, more Pythagoreo, dedisset, nec ipse tamen sectam nouam instituit, nec disciplinam resuscitauit Pythagoricam. Sextius vero positis Pythagoreorum de moralibus fundamentis, mores sui seculi corruptos emendaturus, nouam et fortissimam quidem virilisque roboris sectam introduxit, et Pythagorea instituta sequendo, a voluptate Romana virtuti tantopere inimica, ita assecras reuocare studuit, ut abstinentiam quoque ab animalibus, qua vix grauius quid delicato Romanorum palato indici potuit, introduceret. Quae omnia cum pro Pythagoreis militent, definemus otiose quaerere, cuinam sectae addendus sit Sextius? quod leuius more suo, quam parere vero sectae rigor non aliis tantum, sed ipsi quoque eius auctori intolerabilis durusque visus est, ut, tradente PLUTARCHO, " *urbanis dignitatibus honoribusque resignatis ut philosophiae vacaret, cum inter philosophandum ab initio graues sentiret molestias, animusque doctrinam aegre amplecteretur, parum absuerit, quin se de biremi quadam in mare abiiceret.* Nec aliam causam putamus esse, quam inusitatam sectae seueritatem, quod nullos sectatores habuerit, praeter filium, et quod, licet noua et

Ro-

*) EVSEB. Chron. n. MMX.

*) Ad SENEC. ep. 59. p. m. 387. et Manud. ad philos. Stoic. I. I. diff. 6. p. m. 40.

Hist. philos. Tom. II.

*) De nat. et constit. phil. Ital. c. ult. p. 179.

y) Praef. ad Sexti Sententias.

z) C. LXVI. p. 240. a) De sent. virt. profectu T. I. p. m. 186.

Romani roboris esset, et cum magno impetu coepisset, inter initia tamen sua extincta sit ^b. Et Flavianum quidem philosophum, cuius meminit SENECA ^c, rhetor, Sextium habuisse discipulum ait LIPSIVS ^d qui tamen id veterum testimonio non probavit. SVETONIUS ^e tamen narrat: *Lucium Crassitium Tarentinum, cognomine Pasidem et Pansam, postquam in pergula docens inclaruisset, cum edoceret iam multos ac nobiles, in his Iulium Antonium triumviri filium, ut Verrio quoque Flacco compararetur, dimissa repente schola transisse ad Quinti Septimii philosophiam.* Ita quidem Codices impressi, Codices vero Pithoeani, Sextii nomen reponunt, et quidem meliori iure. Nullus enim Septimius Romae sectam condidit, sed Sextius. Quod si PLINIO ^f fides, rerum etiam naturalium peritissimus fuit Sextius, tradit enim, cum Athenis studiis operam daret, praeuifa ex astris futuri anni olearum fertilitate coemisse agros, magnaue sic pecunia congesta restituisse eam dominis. Quam tamen antiquam fabulam esse, de Thalete quoque atque Democrito narratam, suo loco demonstrauius.

Sexti Pythagorei sententiae.

§. IV. Extant hodie sub Sexti Pythagorei nomine sententiae, quas Rufinus Latine vertit, et Xysto II. Romanae ecclesiae Pontifici tribuit. Cuius nomen cum idem esset quod Sextii, quem Sextum vocant ORIGENES ^g, et EVSEBIUS ^h, Q. Sextii patris, qui Pythagorea secutus est, eas esse viri docti non sine verisimilitudine iudicarunt: ex quibus praeter auctorem *de vitis philosophorum* ⁱ, cuius excerpta nobis dedit FABRICIVS ^k, imprimis videndus est vir multae in veteris philosophiae historia eruditionis THOMAS GALEVS ^l, qui hoc sententiarum moralium enchiridion *opusculis mythologicis, ethicis, physicis* inferuit ^m: quocum faciunt viri acutissimi et veteris eruditionis callentissimi IACOBVS THOMASIVS ⁿ, et Io. ALB. FABRICIVS ^o, ut alios taceamus. Intercessit tamen huius seculi anno XXV. Vir πολυμαθέστατος VRBANVS GODOFREDVS SIBERVVS, qui cum noua editione hoc enchiridion erudito commentario suo illustratum typis iterum vulgasset ^p, Concilioque Romano eo tempore congregato ad restituendam libri famam obtulisset, non Sexto II. tantum Philippo Pontifici R. et martyri operose vindicare aggressus est, sed et magna animi contentione Sextii Romani vel alterius gentilis philosophi non esse, disputauit. Quam viri doctissimi disputationem in praesentia quidem nostram non facimus, cum instituti limites operosam rationum allatarum, et magnam partem subtilium et obscurarum discussionem non admittant: paucis tamen, quid rei sit, et an sancto martyri vindicandae sententiae hae, exponere et dispicere, praesens tractationis argumentum postulat. Vrget nempe GALEVS ^q, quem *causam*

b) SENECA Nat. Qg. L. VIII. c. 32.

c) Praef. Controu. L. III. d) loc. cit.

e) De claris grammat. c. 18.

f) L. XIX. c. 29.

g) In Matth. T. XV. Op. p. 369, ed. Huet.

h) loc. cit.

i) c. 110.

k) T. I. Bibl. Lat. p. 732.

l) Praef. Opusc. myth.

m) p. 645. edit. Amstelod.

n) Ad FABRICI Lexicon. v. Xystus.

o) loc. cit.

p) loc. cit.

q) Lips. 1725. 4.

sam Sextii tam male egisse, et Sextum satis pro se in sententiis loquentem tam oscitabundum audiisse conqueritur SIBERVUS*, vt *somniaffe vigilantem* haut quaquam dubitet: 1. testimonium ORIGENIS†, qui ita Sexti sententiarum meminit, vt aperte eas Christianis opponat, et quidem ad eam sententiam prouocando, quae esu animatorum abstinere suadet. 2. Prouocat ad HIERONYMVM‡, qui fraudem Rufini verfas a se sententias Sexto siue Xysto Episcopo tribuentis vidit statim et exagitauit; et ad AVGVSTINVM§, qui ea retractauit, quae senserat de Sextio*: tum ad decretum, quod sub GELASII nomine ambulat, quod sententias has ex catalogo librorum ecclesiasticorum expunxit, et hunc librum prouerborum ab haeticis conscriptum et S. Xysti nomine prae notatum inter apocryphos reiecit. 3. Monet Rufinum non satis habuisse, alienum foetum Xysto supposuisse, sed huic ipsi Sextio aliena dicta inferuisse, suoque more omnia vertendo peruertisse et contaminasse; id quod ultro fassus sit. 4. Esse γνώμης has more Pythagoreorum scriptas, quas praeter Senecam imitatus Demophilus, et Pseudo-Clemens, ex quo Sextii sententias interpolauerit Rufinus. Haec argumenta sunt, quae Galeo excidisse somnianti CL. SIBERVUS ait. Qui vt ea refellat, et Rufini integritatem, libellumque Sixto pontifici vindicet, ea potissimum vrget: 1. libellum hunc ad nullum Pythagoreorum posse referri: Sextum enim, cui tribui solet, vixisse vel sub ipsa nati Saluatoris tempora, vel paulo ante ea, et Christiana, quorum tot his insunt vestigia, videre non potuisse. 2. Referre Origenem eo loco, quo nititur Galeus, Sextum inter Christianos, quorum sint de eunuchismo propter regnum DEI iuxta literam exercendo sententiae: et altero quoque loco Christianam ab idolothytorum esu abstinentiam probare ex Sexto, eiusque sententias maximi apud Christianos habitas inculcare, quod non facturus esset, nisi ipsum Christianum fuisse cognouisset. 3. Sixtum licet nonnulla retinuerit, ea tamen, quae Christianae sapientiae aduersa erant, omnino reiecisse: e. g. afferuisse prouidentiam, quam Pythagoras negauerit. 4. Laurentium Martyrem Sexto sententiam ex enchiridio ipsius haustam obiecisse, eoque tanquam laqueo constrinxisse, vt sese martyrii atque palmae consortem ascisceret. Vrsisse enim diaconum hanc sententiam: *Abiectio discipuli est detrimentum magistri*, eam vero ita in enchiridio legi: *Peccata discipulorum opprobria sunt doctorum*. 5. Hieronymum facile in eos succendi solitum, quos gloriae suae aut aemulos aut impeditores nosset, quum eo nomine suspectum haberet Presbyterum Aquileiensem, obtrectandi occasionem summis, sic vt Rufinum pariter atque Sextum euerteret, Rufinum fraudis et malitiae, Sixtum gentilis superstitionis insimularet. 6. Sixtum etiam, licet nomina Christi et Apostolorum, Spiritusque S. reticeat, id eo fecisse consilio, vt vocationis ad Christiana sacra sub tegumento philosophi

M 2

losophi

*) loc. cit. p. 33.

†) loc. cit. et contra Cels. L. VIII. p. 408. ed. Hoefsch.

‡) In Ezech. c. 16, 18, L. VI.

*) Retract. L. II. c. 42.

x) Adu. Pelag. de N. et G. c. 64.

y) In prologo loc. cit. p. 10. seqq.

lofophi defiderium excitaret. Patris tamen, *εὐλας* nomine, Chrifti, verbi, fapientiae et veritatis, Spiritus S. fub fapientiae itidem nomine, more veterum ecclefiae doctorum, feciffe mentionem. Ea vero, quae tanquam aliena a fide orthodoxa obiicit Hieronymus, recte modo intellecta, concidere, nec errorem fouere : poftulaffe perfectionem, fed quam Chriftus poftulat ; fapientem Deo aequaffe, fed fenfu et phrafi patribus coaeuiſ uſitata. 7. Acerbitati Hieronymi et auctoritati viri magni tribuendum eſſe, quod Auguſtinus retractauerit opinionem de Sixto ſententiarum auctore priorem, qui tamen ſententias non retractauerit, idque feciſſe ex odio Pelagii, hiſce ſententiis ad errores ſuos palliandos abuſi. 8. Inter Graecos tamen manſiſſe Sixto honorem, imitatos eum Euagrium Ponticum, et Marcum Eremitam, itemque Nilum et Diadochum, Ioannem Climacem alioſque, imprimis vero Syris placuiſſe, in Syriacam linguam translatum ^z. 9. Gelafii vero decretum et friuolum eſſe, cum vnius Stridoneniſis praefuliſ iudicio nitatur, et ſubleſtae eſſe fidei, Iſidoro in contrarium pro Sixto pronuntiante ^a, ex quo liqueat, decreti huius apud Hiſpanos nullam fuiſſe auctoritatem : 10. Laudaffe quoque pluſcula Sixti nomine Graecos, pauca Latinos : recentiores vero Braſichelleniſem, Baronium, Noriſium et hiſ ſimiles Hieronymi auctoritate et Pelagii odio accenſos in Ruſſinum iniquiora attuliſſe de Sixto Pontifice iudicia. Hae quadratae phalanges ſunt, quibus contra receptam ſententiam : Sextii Pythagorei, non vero Sixti pontificis, opus haſ ſententias eſſe, in aciem procedit ; quae omnia elegantiffima eruditione, multaque rerum antiquarum in eccleſia notitia ornat. Neque tamen tanta haec acies viſa fuit viris eruditiffimis, et in diiudicandis veterum ſcriptorum operibus verſatiſſimis, vt priſtinam et probatam per tot ſecula ſententiam euertere poſſe iudicarent : inter quos Io. ALB. FABRICIVM ^b et Io. LAVR. MOSHEMIVM ^c nominamus. Nec negamus nos quoque, ea quae attulit doctiſſimus Siberus ^d, erudita magis eſſe, et ingenium acre atque elegantem lectionis copiam teſtanta, quam ſolida et ſupra dubitationem omnem poſita. Cuius vt nos paucaſ rationes afferamus, 1. ſupponendum putamus, quod ipſe vir doctiſſimus ſtatuit : auctorem non philoſophum tantum fuiſſe, fed et Pythagoreum : et reperiri inter ſententias haſ, tales, quae cum Pythagoricis aperte conſpirant. Quod licet a Sixto, Athenis philoſophiam edocto factum teneat, eumque inter Pythagoricos referat, non aliud tamen eius rei teſtimonium aſſert, quam quod ex ipſis ſententiis deſumtum. Quo argumento dum circuli vitio labitur vir praefantiffimus, nec aliam Pythagoreiſmi in S. martyre ſuſpicionis cauſſam afferre poteſt, prodit mox in limine, valde infirmo totam hanc, quam defendendam ſuſceperat cauſſam

^z) Dubitauerat Cl. ASSEMANNVS in Bibl. Orientali, vbi Syriacas huius enchiridii verſiones recenſet, an Xyſtus auctor eſſet, et hic prolixè a Cl. SIBERO l. c. p. 76. ſqq. reſuratur.

^a) Non vero hic articulus eſt Iſidori, ſed incerti auctoris, qui appendicem XII. Script.

libello de Script. eccleſ. adiecit, p. 68. edit. Fabric.

^b) Bibl. Graec. Vol. XIII. p. 645.

^c) Diſſ. de turbata per recent. Platonicos eccleſia §. 45. Syntagm. diſſ. hiſt. eccl. p. 202. In prima enim editione in medio reliquerat §. 29.

p. 64. ^d) p. 10. f.

sam fundamento niti. 2. Frustra vero oggeri putamus, auctorem ea, quae sapientiae diuinae contraria videbat, missa fecisse. Supposito enim, quem ipse caussae huius patronus agnoscit, Pythagoreismo auctoris, non videmus, qui exculpari ab errore Pythagoreo queant sequentes ex multis sententiae: *Vere fidelis est, qui non peccat, atque etiam in minimis caute agit: sapiens vir, et contemptor pecuniae similis est Deo: templum sanctum est Deo mens pii, et altare est optimum ei, cor mundum et sine peccato: cogitatio tua pura sit ab omni labe. Vir castus et sine peccato potestatem accepit a Deo esse filius Dei. Renuncia rebus corporis dum adhuc potes, et quantum potes. Dum optima quaeque abieceris praedia, tunc purificatus pete quod vis a Deo. Dilige omne, quod eiusdem tecum naturae est. Ratio, quae in te est, vitae tuae lux est. Tunc te putato fidelem, cum passionibus animae carueris. Coniugium tibi refutare concessum est, idcirco ut indefinenter adhaereas Deo. Quae gratis accepisti a Deo, gratis praesta: viuere quidem non est in nobis, recte autem viuere in nobis est. Relinquens quae possides, sequere verbum Dei. Ex carne nihil oritur bonum. Si quis te vult corpore exuere, ne indigneris. Verbum de Deo non omni homini committas. In multitudine de Deo dicere, ne audeas. Dignus Deo homo, et Deus est in hominibus. Videns Deum, facies mentem tuam, qualis est Deus. etc.* Non ignoramus, posse his quoque sententiis sensum quendam tribui tolerabilem, vidimusque eruditissimum caussae Ruffini patronum huc aduocasse, quae meliorem iis faciem affingere queant. Sed si pro concessio sumamus, quod ipse non negat, esse has sententias Pythagorei hominis, fatebitur quilibet, qui Pythagorae philosophiam moralem atque metaphysicam vel per transennam inspexit, haec adeo crassos Samii philosophi errores sapere, et latenti in hominis anima particulae diuinae, oriundoque ex ea entusiasmo frigidam suffundere, ut credi non queat, sanctum aliquem martyrem, et Romanae ecclesiae episcopum in his erroribus in suo systemate consideratis haesisse. Neque 3. quo maxime argumento fidit vir eruditissimus, a phrasibus inter Christianos receptis argumentum desumi potest satis validum, Christiani auctoris id opus esse. Ut enim hoc euitetur telum, notandum putamus, etsi conceditur, Sextium ante scripta oracula Christiana has sententias collegisse, nec ea vidisse vel legisse, potuisse tamen in argumento morali paria passim dicere, quae frustra et sine ratione solis Christianorum praeceptis vindicantur. Ita sententiam eam, quam manifeste ad baptismi sponsonem alludere vir doctus putat: *fidelem te, esse professus, sponpondisti pariter non peccare Deo*, quis euincat, non nisi ad baptismi vota pertinere, et non ad sectae, quam semel elegit, fidem quam spondere solebant in ὁμακῶν Pythagorae recepti? Certe si Stoicorum ante C. N. sententias legimus (quibus Pythagorea sua attemperasse Sextium supra monuimus) multa deprehendimus Christianis affinia, nec tamen abiis accepta: ut de Stoicis post C. N.

nihil dicamus. Deinde recte Ruffino obiecit malam in interpolando fidem Hieronymus, quacunq; etiam ratione vel affectu fuerit ductus. Eam enim ipse fatetur homo audax, totiesque ideo veteribus notatus. Qui cum Origenem in deliciis haberet totusque eius amore caperetur et in eius partibus esset, id facinus, supponendi libros fictos sanctis viris ab aequitate non abhorrere, a magistro edoctus erat, ut acute monet Cl. MosHEMIVS^e. Si itaque, quod lubentes concedimus, in Latinis Ruffiniunt multa, Christianis affinia, et ab interpolatoriis manibus profecta, ea etiam in Graecis fuisse, ut sunt initio edita, nondum sequitur. Licet coniiciamus, etiam in Graecis succedente tempore ante Ruffinum accessisse Christiana quaedam interpolata. Cum enim libellus inter Christianos reciperetur passim et legeretur, fieri facile potuit, quod toties in aliis factum est, ut Christianae sententiae passim interfererentur. Quam quoque veram causam fuisse verisimile est, cur Origene teste, multis inter Christianos libellus probaretur. His praemissis ad praestantissimi viri argumenta et rationes facile responderi potest. Nam ex dictis 4. patet, quae ratione ad Sextium Pythagoricum enchiridion queat referri, et 5. loca Origenis nisi plane coecutimus, valde torquentur, quae si absque hypothetis praeiudicio considerantur, luculenter hoc compendium Christianis scriptis opponunt, totusque demonstrationis nervus Origenis alias excinditur, qui a Sextianis gentilibus sententiis inter Christianos pro veris admissis ad sacra dogmata recipienda argumentatur. Addimus, Origenem nunquam auctorem vel episcopum nominare vel martyrem, quod, cum toties eum in partes vocet, non omisisset, si Sextum auctorem reputasset. 6. Frustra vero Pythagoram omnem negare providentiam asseritur, quem locum ei reliquisse in rebus humanis suo loco contra illud ipsum, quod obicit V. C. Theophili Antiocheni testimonium, euicimus. Quae porro 7. de sententia Laurentii Sixto tributa refert Ambrosius, nec ea prorsus exhibent, quae in enchiridio dicuntur, et in communi dicto saepiusque passim in hunc sensum occurrente potuere a pluribus dici, vel ea quoque sententia a Ruffino addi, id quod notauit FABRIC. *f*. 8. Hieronymum vero licet gloriae vel inuidiae potius aestu incensum in Ruffinum debacchatum fuisse valde conqueratur Vir eruditus, perperam tamen ob nimiam, quam suo more et temperamento ductus adhibuit verborum contentionem durasque voces, ipsa res atque causa, quam defendebat, reiicitur. Nec mirandum, Hieronymum in Ruffinum calamum stringentem acerbius inuectum esse, cum hominem istum Origenis partibus deditum non ignoraret in ea opinione esse, quam Alexandriae didicerat in eclecticorum scholis Origenes, tales pias fraudes esse licitas, sicque posse rem magistri tanti viri, qualis Sextus fuit, auctoritate iuvari. 9. Nec Hieronymi argumento sua vis deest, scilicet, nec Christi, nec Apostolorum, nec S. Triados nomina occurrere: id enim ab episcopo Romano expectari vix potest, nec iuvat eum, quod gentilium in gratiam tegumento se inuoluerit isto; hoc enim si fecisset, ab-

^e) loc. cit. *f*) loc. cit.

stinuisset etiam ab aliis, quae ex Christianorum libris sacris et mysteriis aperte interpolata sunt. Sapientiae vero nomine, filium et Spiritum S. indicare voluisse, nobis istas sententias legentibus, frigidum valde visum fuit, iisque in locis prorsus ineptum. 10. Rei itaque rationibus magis, quam vnius Hieronymi auctoritati tribuenda est et Augustini retractio et Gelasii, vel quisquis auctor est, decretum, quibus tanti Hieronymus non fuisset, ut opus Romani episcopi in ecclesia lectum et probatum damnassent, et inter apocrypha, tanquam ab haeretico scriptum, id est, ab Ruffino, reiecissent, nisi iisdem, quas adduximus rationibus fuissent persuasi. 11. Recentiorum vero Graecorum auctoritas ut exigua est, ita eo minus roboris habet, quo magis non Sexti tantum sententiis, sed et Epicteti enchiridio eundem honorem habitum fuisse constat, ut Christianis sententiis interpolatum, ascetis legendum commendaretur, cuius *tomo tertio* in Nilo episcopo fidem exemplo faciemus. Quem interpolandi scripta imprimis Pythagorea, Stoica et Platonica morem in ecclesia magno eius damno ex eo tempore inualuisse, quo Alexandrina philosophia caput extulit, tot exempla nos conuincunt, et quam cautos nos esse oporteat, in examinandis eiusmodi antiquitatis foetibus luculenter docent. Quod si haec omnia, quae adduximus, ad vindicandas homini Pythagoreo sententias has et abiudicandas eas Sixto martyri non sufficiunt, consensuros tamen in eo speramus aequos rei arbitros, nihil plane de auctore decerni posse, nisi hoc: habuisse nomen Sexti, et Pythagorea dogmata recepisse; *esse etiam*, quod auctor *appendicis ad Isidorum et Ildefonsum de scriptoribus ecclesiasticis* * fatetur, *huic opusculo inserta multa contra ecclesiasticam fidem*, quo facilius sub nomine tanti martyris peruerforum dogmatum reciperetur assertio. Quae an Sixto II. Pontifici Romano et martyri digna sint, viderint quorum interest. Nobis enim in argumento prolixo ultra digredi, et disputare de ea re nec libet, nec licet.

§. V. Paulo serius, quam Sextius Romanus, inclaruit SOTION ALEXANDRINVS, cum aliis eiusdem nominis et patriae, non confundendus^b.

Vixit

Sotion.

g) loc. cit.*

b) Fuit quoque Sotion Alexandrinus, Senecae praeceptore paulo aetate superior, qui librum de successione philosophorum scripsit, hodie magna philosophicae historiae iactura desideratum, ad quam saepe prouocat Laërtius, ut videre est ex indice auctorum a Laërtio allegatorum, quem Wetstenianae editioni subiunxit 10. CLERICVS. Eius etiam meminit ATHENAEVS L. IV. c. 17. et EVNAPIVS de vit. Sophist. init. Vixit sub Ptolomaeo Epiphane, unde aetas eius cognosci potest. Compendium eius libri confecit Heraclides Lembus, quod ipsum quoque interdidit. Conf. VOSSIVS de hist. Graec. L. I. c. 20. p. 128. MENAG. ad Laërt. L. I. f. 1. IONSIUS de Script. hist. philos. L. II. c. 10. p. 166. Praeter hunc alius fuit Sotion Alexandrinus ex Peripatetica disciplina vir

haut ignobilis. Quem librum multae variaeque historiae refertum composuisse, eumque inscripsisse *νεγας ἀμαλθειας*, id est, cornu copiae, refert GELLIVS L. I. c. 8. Legitur quidem in editis Phocion, sed hanc vocem corruptam esse, dudum viri docti obseruarunt, vid. ION S. l. c. FABRIC. Bibl. Graec. Vol. II. p. 311. Meminit etiam Sotionis Alexandrini Apollonii Peripatetici fratris natu minoris PLUTARCHVS de frat. am. T. II. p. m. 294. ex fratris gloria participantis, vtrum vero cum illo idem sit, incertum, affirmatiuam sequente ION SIO l. c. negatiuam FABRICIO l. c. Est etiam inter scriptores de rebus Alexandri M. Sotion quidam Alexandrinus. An vero ad Pythagoreum, vel ad Peripateticum referendus sit, incertum. Prius tamen ob temporum rationes magis probabile. Conf. VOSS. l. c. c. 7. p. 189.

Vixit enim sub Augusto et Tiberio ⁱ, et hoc imperante Senecam habuit discipulum, qui eum sibi magnum Pythagoreorum institutorum et imprimis abstinentiae a carnibus amorem ingenerasse dicit: quod cum rationibus Pythagoreis fecerit, quas cum Sextianis supra memoratis coniunxit, causam non videmus, cur Sotioni inter Pythagoreos locum denegandus, isque Stoicorum albo inferendus sit ^k, licet pertinaciter negare nolumus, Sotionem more Sextii Pythagoream ethicam Stoicae attemperauisse. Ita enim Seneca ^l. *Quoniam coepi tibi exponere, quantum maiori impetu ad philosophiam iuuenis accesserim, quam senex pergam, non pudebit fateri, quem mihi amorem Pythagorae Sotion iniecerit. Docebat, quare ille animalibus abstinuisset, quare postea Sextius - - At Pythagoras omnium inter omnia cognationem esse dicebat, et aliorum commercium in alias atque alias formas transeuntium. Nulla, si illi credas, anima interit, nec cessat quidem, nisi tempore exiguo, dum in aliud corpus transfunditur. Viderimus per quas temporum vices, et quando pererratis pluribus domiciliis in hominem reuertatur: interrim sceleris hominibus ac parricidii metum fecit, cum possint in parentis animam inscii incurrere, et ferro morsue violare, in quo cognatus aliquis spiritus hospitaretur. Haec cum exposuisset Sotion, et impleisset argumentis suis, non credis, inquit, animas in alia corpora atque alia describi? Et migrationem esse, quam dicimus esse mortem? Non credis in his pecudibus, ferisue, aut aqua mersis illum quondam hominis animum morari? non credis nihil perire in hoc mundo, sed mutare regionem? nec tantum coelestia per certos circuitus verti, sed animalia quoque per vices ire et animos per orbem agi? magni ista credidere viri, itaque iudicium quidem tuum sustine, caeterum omnia tibi integra serua. Si vera sunt ista, abstinuisset animalibus innocentia est, si falsa, frugalitas est. Quod istic credulitatis tuae damnum est? alimenta tibi leonum et vulturum eripio.* Haec ad Senecam Sotion, qui discipulum etiam ad istam ἀποχήν perduxit. Qui Locus integer describendus fuit, ut de Sotionis philosophia constaret, quem non Pythagorae solum amatorem, sed affectam fuisse, allatae et probatae discipulo hypotheses Pythagoricae satis loquuntur, quae, praeter abstinentiam et alia vitae instituta, dogmata quoque Samii philosophi Sotioni placuisse demonstrant. Vnde sententiae de Sotione Stoico suae ipse diffidit LIPSIVS, eumque alio loco ^m inter Pythagoricos refert, Cl. FABRICIVS autem et Stoicis et Pythagoreis adscribit ⁿ. Quod suo modo recte et prudenter factum esse ex iis, quae de Sextio observauimus, patet. Qui enim circa haec tempora Pythagoream sequebantur philosophiam, moralem potissimum partem excolebant, quam cum conuenire magna ex parte cum Stoicis viderent,

ⁱ) EVSEB. in Chron. HIERON. ad h. l. IONSIUS et VOSSIUS ll. cc.

^k) Ita LIPSIVS Manud. ad phil. Stoic. L. I. dist. XII. p. m. 73.

^l) Epist. 108.

^m) In not. ad ep. 49. p. m. 354.

ⁿ) Prius Bibl. Gr. Vol. II. p. 412. posterius Vol. I. p. 505.

derent, vtramque in hoc quidem argumento sectam coniunxerunt, vel Stoica potius Pythagoreis accommodarunt. Id quod facili eo magis labore fieri potuit, quo magis Zenonem ex Pythagorae doctrina, totius fere philosophiae suae cum naturalis, tum moralis aedificium construxisse, illique demum Platonica, nouatis vocibus, adiecisse, et Heraclitea ex Italicis quoque scholis profecta immiscuisse, in Stoicae Philosophiae historia *romo primo*^o euentibus probauimus rationibus. Ex quibus et hoc planum est, non fuisse satis rationum Vossio,^p vt Sotionem eclecticis aggregaret. Et si enim syncretisticam quandam philosophandi viam ingressus est Sotion, Pythagorea tamen se sequi professus est, quae a Stoicis non multum, si doctrinam respicias, dissidere putauit. Memorantur Sotionis *de ira* sermones a STOBAEO^q et ANTONIO ac MAXIMO^r qui nostri sint, licet incertum sit, credunt id tamen LIPSIVS^s et IONSI-
VS.^s Nec sententiae allatae Pythagoreis abfimiles sunt.

§. VI. Ex Pythagoreis porro, sub haec tempora inclarescentibus, *Moderatus*. MODERATIVS quoque eminuit. Quem vixisse sub Nerone ex eo colligere est, quod se cum Lucio ex Etruria discipulo Moderati Pythagorici conuiuio Syllae interfuisse PLVTARCHVS^u dicat. Gaditanum fuisse PORPHYRIVS^x innuit, vnde Gades vrbs et insula in mari Atlantico vtra columnas Hercules cum Gadara Palaestinae vrbe, quae alio nomine Antiochia et Seleucia dicta, non confundenda est.^y Is eo potissimum nomine de Pythagorea doctrina, quae tota fere haecenus sepulta iacuerat, meruit, quod eam ex veterum schedis disiectam collegit, variisque scriptis, maxime vero vndecim libris *de placitis sectae suae* exposuit, quo in argumento eruditissime fuisse versatum, PORPHYRIVS^z testatur. Meminit etiam *scholarum Pythagoricarum*, quinque libris comprehensarum STEPHANVS^a, quas malumus a priori opere cum IONSI^b distinguere, quam idem esse pronunciare cum FABRICIO.^c Laudatur vero veteribus impense Moderatus, qui inter praecipuos Pythagoricos eum numerant, leguntque eius scripta diligenter Alexandrinae scholae philosophi, Origenes,^d Porphyrius, Iamblichus. Quem Moderatum hunc virum eloquentissimum ex parte fuisse imitatum recte notauit HIERONYMVS^e, licet Iamblichus nunquam ad Moderatum prouocauerit, vt RITTERSHVSIO^f annotatum. Quod vero ex LONGINO^g obseruat TENNVLIVS^h, Moderatum etiam Platonice dedisse operam, eo magis verisimile, quo magis

o) L. III. c. 9.

p) De sectis c. XXI. §. 8. p. 117.

q) Serm. XCVIII. p. 324.

r) Serm. XCIX. p. 329. edit. Stob. Wecheli.

s) loc. cit. t) loc. c. p. 166.

u) Sympof. L. VIII. q. 7. T. III. p. m. 286.

x) In vit. Pyth. n. 48.

y) Non enim γαδαρεύς, sed γαδαίρεός dicitur.

vid. STEPH. in γαδαίρεός, RITTERSHVS. ad l.

c. Porphy. p. 74. ed. Kusteri.

z) L. c.

a) L. c. Ita reponendum pro Suida apud FABRIC. Bibl. Graec. Vol. I. p. 495.

b) De Script. hist. phil. L. III. c. 5. p. 229.

c) L. c.

d) EVSEB. Histor. eccles. L. VI. c. 19. SVIB. in Orig.

e) In Ruffinum.

f) L. c.

g) De fine.

h) Ad IAMBLICHI Introd. in Anth. Nic. p. 61. -

gis Pythagorica et Platonica secta in Aegypto confundi in vnum systema ante Moderati tempora coepit. Fuit et alius Moderatus inter adulteros Faustinae, quos stupide M. Antoninus philosophus ad varios euexit honores.ⁱ

Alii Pythagorei.

§. VII. Fuisse alios quoque circa hanc aetatem philosophos, quibus Pythagorae instituta et disciplinam sequi placuit, dubium non est. Non tamen eorum memoria superest, forte quod obscurius vixerunt. ALEXICRATES tamen atque EVXENVVS memorantur. De priori hoc vnum meminit PLUTARCHVS,^k eo tempore illum, quo Platonium conuiuium institutum fuisse fingit, vixisse, discipulosque habuisse, reliquis mediocriter vefcentes, atque etiam mactantes, piscem autem gustare omnino recusantes. Nisi placeat magis, omnes hos, inter se colloquentes conuiuas confictos a Plutarcho fuisse. Euxenus Heraclea, quae in Ponto est, oriundus, *Pythagorae sententias ita nouerat, sicut aues ea, quae discunt ab hominibus*, ut ait PHILOSTRATVS.^l Quae volunt: hunc Apollonii praeceptorem, verbotenus quidem doctrinam Pythagorae tenuisse, eam vero nec intellexisse, nec vixisse secundum eam. Eum enim minime bonum, nec vita et moribus philosophum fuisse, ventrique ac veneri indulgisse ad Epicuri mores compositum, testatur PHILOSTRATVS. AREVM quoque, Augusti praeceptorem inter Pythagoreos numerat Continuator VOSSII,^m prouocans ad SVETONIVM.ⁿ Apud eum vero, ut et apud SENECAM,^o sectae quam secutus est, Areus, nomen non exprimitur, sed hoc tantum dicitur, Augustum Arei philosophi filiorumque eius Dionysii et Nicanoris, contubernium iniisse. Quanta apud Augustum gratia floruerit, eo potissimum argumento imperator demonstrauit, quod deuicto Antonio Alexandriae, Arei patriae, in gratiam praeceptoris, ignouerit.^p Adeo vero valuit philosophia Areus, ut Liuiae, quae se ei consolandam ob viri sui mortem praebuerat, multum eam rem sibi profuisse confiteretur. Fuere et alii Arei,^q et in his Stoicus, Didimus cognomine, cum Augusti praeceptore non confundendus.

Apollonius Tyaneus.

§. VIII. Nemo tamen, non inter omnes tantum huius aetatis Pythagoreos, sed inter omnes quoque, quotquot in orbe Romano eminebant, et magna quoque fama inclarescebant, Philosophos, maiori nominis celebritate gauisus est, et post fata quoque honorem magis insolitum atque diuinum accepit, quam APOLLONIVS TYANEVS. Qui cum sibi constituisset, Pythagorae vitam adaequare atque restituere disciplinam, iisdem prorsus artibus ad id culmen enixus est, ad quod Pythagoram euexit superstitiosa credulitas. Quem cum sanctissimo Salvatore vere *Σαυωτορίῳ* eiusque Apostolis et discipulis non

i) CAPITOLIN. in Antonino c. 29.

k) L. C. T. III. p. 283.

l) Vit. Apollon. c. 8. p. 8.

m) De sectis phil. c. IV. §. 1. p. 155. quem sequitur BALTH. FEIND. in theatro philosoph.

§. 92. p. 259. n) In Augusto c. 85.

o) Consol. ad Helv. c. 4.

p) Vid. PLUT. in Anton. T. VIII. p. m. 164. et in Apophth. T. I. p. m. 454. IULIAN. ep. ad Alex. et in Caesariibus, Dio Lib. LI. LII. STRABO L. XIV. GAUDENTIVS de phil. Rom. c. XLVII. p. 205. IONSIYS de Scr. hist. phil. L. III. c. 1. p. 215.

q) Videndus de iis IONSIYS l. c.

non aequare tantum, sed et anteferre ausa sit impia Alexandrinorum philosophorum, qui se eclecticos mentiebantur, schola, ut haberent, quem mirabiliter progredienti Christianae religioni opponerent, et vel fidem Iesu Christi eiusque miraculorum atque doctrinae eleuarent, vel gentilem superstitionem ei praeferrent, diligentius is iam a nobis et accurate considerandus, eiusque vita ita examinanda est, ut, quod interfit discriminis, inter lucem et tenebras contra impietatem hodie, proh dolor! regnantem fiat manifestissimum. Cuius eo patentior nobis aperitur campus, et fauentior offertur occasio, quo diligentius se praestitit gentilium philosophorum studium acta et facta huius impostoris non prolixè tantum describendi, sed et ita mendaciis, plaustis et quadrigis congestis augendi et ornandi, ut fabulam Romanensem, nugasque Milesias corrasisse merito censendi sint, id quod in sequentibus euidenter demonstrabimus. Primus qui vitam famosissimi philosophi magique conscripsit Damis fuit, homo Babylonius, discipulus eius et itinerum comes, qui se miraculorum, vaticiniorum, et quae alia stupenda fecerat Apollonius testem ocularem dixit, et dictorum eius summam plane quidem fatis, sed parum diserte, proposuit. Hos de vita et miraculis Apollonii commentarios diu neglectos cum cognatus quidam possedisset, Iuliae Domnae Augustae, Seueri coniugi notos fecit, cui eo magis erant accepti, quo magis illa non viris tantum doctis omnibus, sed et philosophis speciatim vehementer fauebat, inque iis memoriis contineri credebantur, quibus gentilis religio, labans iam tum vehementer et ruinam minitans, contra arietes Christianae disciplinae posset sustineri et firmari. Iulia itaque Augusta hos Damidis libros acta, quos inconcinne compositos negligi nolebat, Flauio Philostrato, qui in familia eius erat, eiusque gratia fruebatur, tradidit, cumque rhetorices esset studiosissima, praecepit, ut refingeret diatribas istas, curamque elocutionis haberet. Qui ut herae mandatis obtemperaret, et comtiorem, quam acceperat, exornaret fabulam atque amplificaret, de aliis quoque, quae ad Apollonium referrentur, memoriis sollicitus, in Maximi cuiusdam Aegrensis librum incidit, qui Apollonii

Scriptores vitae actorum-que Apollonii.

N 2

*) Ita PHILOSTRATUS vit. Apoll. l. I. c. 3. p. 5. Non confundendus est Damis hic Niniorundus cum Damide Epicureo philosopho, LVCIANO in Ioue tragoedo memorato. Alios Damidenarrat OLEARIUS ad h. l. not. I.

*) SPARTIANUS et XIPHILINUS in Seueri, quique seminarum doctarum historiam tradidere.

*) Fuit is Lemnius, quamuis Atheniensis dicitur Eusebio, quod Athenis aliquantisper docuit, postquam magnam orbis partem peregrinando obisset, oratoriae artis peritia clarissimus, ab imperatore Ant. Caracalla viginti quatuor annos natus immunitatem a publicis oneribus accepit. Romam deinde translatus in Aula Seueri inter viros sophistas receptus a Iulia Domna Augusta in honore habitus est, et hanc vitam Apollonii scribere iussus. Cuius post varias editiones nouam eamque emendatissimam et doctissimo commentario illustratam nobis dedit, celeberrimus, dum viueret, Lipsiensium theologus et polyhi-

stor GOTTFRID OLEARIUS Lips. 1709. fol. qui et iunioris Philostrati scripta ei adiunxit. Plura de Philostratis eorumque operibus, character et eloquentia in historia rhetorices differendum, videndi autem SVIDAS in Philostrato, T. III. p. 610. G. I. VOSSIIUS de Hist. Graec. L. II. c. 15. p. 234. Io. MEYRSIUS pec. epist. de Philostratis, huius epistolis praefixa, IONSIUS de Scr. H. P. L. III. c. 13. p. 279. TILLEMONT. Hist. des emper. T. III. de Lipsiensis vero Opp. Philostrati editione vid. FABRICIUS Bibl. Graec. Vol. IV. p. 53. Gallicam vitae Apollonii versionem confecit BLASIVS VIGENERIUS Paris 1611. 4. Anglicam, sed primum tantum librum et secundum complexam CAR. BLOUNT. Lond. 1680. f. qui cum annot. non sine offensa legendis eam auxisset, et librum publice vidit prohibitum, violentam sibi manum intulit, vid. Hist. des ouvrag. des Savans 1693. p. 135. 136. BAYLE Dict. T. I. art. Apollonius not. I. p. 269.

pollonii in Aegis gesta omnia continebat. Sed et ab ipso Apollonio perscriptas testamenti tabulas ad manus habuit. Fuit etiam Moeragenes quidam, qui libros de Apollonio quatuor scripserat: cuius tamen nullam sensationem habuisse ait Philostratus, quod multa ignorauerit eius viri gesta: reapse, quod non sine verisimilitudine coniecit CVDWORTHVS,ⁿ quod Apollonium pro mago haberet et describeret. Ex his monumentis Apollonii vitam eleganti et Attico sermonis genere concinnauit Philostratus. Cum vero eo potissimum sine conscriptus esset hic *de vita Apollonii* commentarius, ut Christianis posset opponi, usus eius praesidio Hierocles Bithyniae Praefectus,^{*} cum iuratus Christianorum hostis esset, comparationem inter Christum et Apollonium instituit, ostensurus, maiora, vel saltem aequae magna miracula patrasse Apollonium, quam Christum, habereque gentilem religionem, qui Christianorum heroi praeferatur. Quae comparatio cum ad confundendos imbecilles animos esset aptissima, hominis impudentiam retundendam ratus EVSEBIUS PAMPHILI, scripsit *animaduersiones in Philostrati de Apollonio Tyanensi commentarios*, ob institutam cum illo ab Hierocle Christi comparationem adornatas. In quibus quae vel vera, vel falsa, vel arti et fraudi adscribenda essent, quae fidem omnem respuerent, quae pro verisimilibus admittenda essent, prolixè differuit: quas animaduersiones Eusebii Scriptis iungere solent editores, et plerisque etiam Philostrati commentariorum editionibus adicere. In iis tamen iudicium et accurationem, quae non ubique apud scriptores ecclesiasticos reperiuntur, merito desideres.^y Hanc vero Apollonii vitam, licet tota fabulis scateat, fundamenti loco in describenda huius philosophi historia subternere eo magis licet, quo apertiora falsitatis et mendaciorum vestigia commenta vel Damidis vel Philostrati prae se ferunt, ut facile ad lydium critices lapidem examinata detegi queant. Qua in re viam nobis fecerunt, exemplumque praeiuerunt, viri eruditissimi NANVS TILLEMONTIVS,^z HUMFR. PRIDEAUX,^a ROBERTVS IENKINVS,^b quique in miraculorum Apollonii veritatem falsitatemue inquisuerunt, infra nominandi.

Natiuitas Apollonii et educatio philosophica.

§. IX. Natus fuit Apollonius Tyanae Cappadociae vrbe, quae ali-
um quoque Apollonium philosophum progeniit, cuius meminit SVIDAS,^c
a quo, ut ab aliis quoque hoc nomine inter veteres haud incelebribus^d
Pytha-

ⁿ) Syst. Intell. c. IV. §. 14. p. 304

^z) Distinguendum esse hunc Hieroclem, a philosopho Platonico, infra inter ecclesiasticos de hoc disturi, docebimus. Videndi interim de hoc Bithyniae praefecto LACTANT. L. V. c. 2. 3. IONSIUS L. III. c. 18. PEARSON. proleg. ad Hierocl. comment. in aur. carm.

^y) Vid. GUIL. CAVE Hist. lit. Scr. eccles. P. II. p. 99.

^z) Hist. des empereurs T. II. p. 195. seqq. ed. Brux.

^a) Lingua is Anglica vitam Apollonii enarrauit.

^b) Is Tillemontii vitam Apollonii Angli-

co idiomate expressit, et annotationibus auxit vid. Aët. erud. 1704. p. 36. Addi potest Ven. MOSHEMII Diff. de existimatione Apollonii.

^c) In Apollonius T. I. p. 283.

^d) Multos Apollonios veteribus memoratos collegit pec. tr. de Apolloniis Io. MEYRSIUS qui in Bih. Gr. p. 1234. quoque videndus, Addi debent diligentissimi in homonymis notandis viri G. I. VOSSIUS de hist. Graec. p. 148. 149. 234. IONSIUS de hist. phil. Scr. L. III. c. 9. p. 258. FABRICIUS Bibl. Graec. Vol. II. p. 526. multi eorum fuere medici.

Pythagoreus philosophus probe discernendus est. Pater cognominis, genus ei antiquum fuit, et quod PHILOSTRATUS^e tradit, ad vrbis conditores pertingens, opes, quae maximae in illa gente essent. Si verum, centenarium eum obiisse,^f incidunt natales eius, in ea propemodum tempora,^g quibus IESVS CHRISTVS, mundi salus, homo natus apparuit: vt ita infernalem humani generis hostem eodem tempore, quo filius, DEI inter homines natus et versatus est, simium hunc ideo excitasse, vt eius miraculorum cursum sisteret, tantum non quis credat.^h Matri vtero eum gestanti spectrum apparuit Aegyptii DEI Protei, qui se in varias mutasse formas dictus est, illa vero nihil territa, quemnam paritura esset? interrogauit: ille me, inquit, Tu vero quises? illa dicente, Deus Aegyptius. Ita PHILOSTRATUS,ⁱ qui, vt non solum Pythagorae, sed ipsi quoque filio DEI heroem suum, quem ornare susceperat, adaequaret, diuinam ei originem tribuere non erubuit. Quem haec ex sectae suae, cui adhaesisse videtur, studio talibus viris diuinos natales tribuendi adiecisse, dubium non est, vt adeo necesse non sit, cum TILLEMONTIO^k statuere, inferni principem praedixisse matri Apollonii, foetum eam suum gestare. Haec enim, daemonem impurum commercio Apollonio iunctum fuisse sine necessitate supponunt. Ipse Philostratus, semeliore quam Damis iudicio vsum non esse, mox in hoc narrationis suae limine prodidit, qui matrem Apollonii non Apollinem gestasse in vtero, vt Pythais olim, sed Proteum, deum mutabilis et versutae formae, mentitur. Et si enim egregie se personam Apollonis ornasse putat, monendo, eum longe plura praesciuisse, quam Proteum, atque ex multis ambiguus et difficilibus rebus esse eluctatum, ubi vel maxime ad incitas esset redactus, prodit tamen infelicem comminiscendi sine vlla verisimilitudine audaciam, dum ea diuinitatis argumenta fuisse dicit, quae Philosopho Pythagoreo prorsus indigna sunt. Imo Philostratum Pythagoreismi ignarum heroī suo contraria finxisse, paulo curatius attendentibus erit perspicuum. Proteus enim, quem in omnes se verti formas tradebat theologia mythologica, materiae in omnes se partes vertentis et mutabilis symbolum est; materia vero, adeoque Proteus etiam, si rationes Pythagoricas sequimur, daemon esse non potest, qui ex monadum siue substantiarum per se subsistentium numero est. Quae ea propter in ipso vitae Apollonii vestibulo obseruare placuit, vt nec sibi ipsi, nec veritati, nec verisimilitudini etiam in struendis fabellis Milesiis Oratori obseruandae, satisfecisse, nec concordare Philostrati historiam pateat. Quem si porro strenue mentientem audimus, miraculosa infantis Apollonii natiuitas fuit. In pratum enim nascendi tempus cum instaret, mater in somnio

N 3

ex-

^e) L. l. c. 4. p. 6.^f) SVIDAS l. c.^g) Incidit enim mors eius in annos Neruae. Quod si A. C. XCVI. fatis functus est, incidit natiuitas eius in tertiam vel quartum annum ante natum Saluatorem, si communem aeram sequamur. conf. TILLEMONT. l. c. p. 196.^h) Ita CVDWORTHVS Syst. int. c. IV. §. 15.

p. 310. seqq. in quo tamen multa hic desiderat eruditissimus interpret recte, an secus, lector dispiciet. Nos hoc vnum monemus, admissa hac Satanae imposturis illudendi orbi malitia, nihil diuinae sapientiae incongruum admitti, quae ita vera miracula l. c. illustriora reddidit.

ⁱ) L. l. c. 4. p. 6.^k) L. c.

exspatiare, sibi visa floresque decerpere, cum illuc venisset, famulis flores decerpentibus, ipsa statim somno oppressa est, cygni, quos pratum pascebat, chorum circa ipsam dormientem formabant, et alis sublati clangebant, fauonius etiam spirabat*: quibus excitata mox peperit; simulac vero peperisset, fulmen, quod in terram delapsum videbatur, in aetherem subuectum, in sublimi euanuit, quibus nominis claritatem et commercium cum Diis portendi ait Philostratus, qui communem gentilium in eo opinionem, iam in Zoroastre nobis** notatam, secutus est, magnos viros deorumque commercio destinatos, aut ex fulmine prodiisse, aut fulminis igne ad Deorum sedes esse euectos. Cum ad aetatem peruenisset literis idoneam, memoriae vim prodidit atque constantiam; eius enim cum Pythagorei summam curam haberent, et praeceptorem ea gauisum eccellente iactarent, vt *tomo primo*^a dictum, in his quoque ad Pythagoreismum factus natusque dicendus erat Apollonius. Cumque forma esset conspicuus, qua Pythagoras quoque excelluisse dicitur, omnium oculi in eum conuertebantur. Inde cum annum quartum decimum attigisset, Tarsum ad Euthydemum, rhetorem insignem pater eum deduxit: cuius disciplinam recepit quidem Apollonius, ciuitatis vero indolem ineptam iudicauit, nec satis studiis philosophiae opportunam. Luxum enim et cauillationes Tarsum, quem Ciliciae populum κ. *καλίσσ* nota olim iam infamem fuisse, constat, oderat^b, licet etiam ipse Apollonius, qui Cappadox fuit, in illam literae famosae societatem veniret^c. Traduxit itaque magistrum, patre exorato, Aegas, vicinum oppidum, vbi et otium erat philosophanti idoneum, et studia adolescentibus magis conuenientia, et Aesculapii templum, in quo pater hic artis salutaris ipse hominibus apparere dicebatur. Ibi cum eo philosophati sunt Platonici et Chrysippe, et Peripatetici, id quod facile credi potest, iam tum philosophis ex Aegypti consuetudine, circa ea tempora per totam Asiam se diffundente, in syncretismum sectarum conspirantibus. Addit tamen, quod maxime mireris, PHILOSTRATUS^d: Epicuri quoque philosophiam audiuisse, neque eam parui fecisse, Pythagorea vero ineffabili quodam studio complexum fuisse. Quae narratione vel prodit rhetor, Apollonium omni iudicio destitutum contraria, qualis Epicurea et Pythagorea philosophia e diametro sibi aduersa fuere, inter se iunxisse; vel ipse nullo se iudicio vsum iunxisse gryphes equis, et cum canibus timidos vocasse ad pocula damas, manifestum facit, adeo inepta sunt omnia, et male cohaerentia, quae tamen, more horum hominum, quos secutus est Philostratus, minime sibi obstare putauit, modo omnis sectae et eruditionis participem heroem suum fingeret, et in hac quoque parte Pythagorae aequaret. Cuius disciplinae cum se tradere constituisset Apollonius, Euxenum praeceptorem nactus est, quem sententias quidem et doctrinas Pytha-

*) Prodit hic quoque Philostratus, se poetarum magis fabulas, quam historiae leges fuisse secutum. Illi enim Zephyrum adspirare olori-bus canentibus fingebant. Ita saepe PHILOSTRATUS alter in imaginibus, vid. L. I. c. 9. p. 776. et OLBAR. ad h. l. n. 43.

**) T. I. L. I. c. 3.

a) L. III. c. 10.

b) PHILOSTR. L. V. c. 7. p. 8. Conf. STRABO Lib. XIV. p. 674.

c) *Καππάδοκες, Κίλικες, Κεῖται, τρία κάππα κίλικα.*

d) loc. cit.

Pythagorae memoria tenuisse, vita vero mala ducta, instituta Pythagorea non fuisse secutum supra narrauimus. Eius itaque institutione Apollonius puer vsus, Pythagoream discebat sapientiam. Cum vero ad annum aetatis sextum decimum peruenisset, ad Pythagorae vitam et disciplinam impetu quodam ruebat, et praeceptore, quem tamen amabat, suis moribus viuere iussu, seueritatem instituti Pythagorae sibi vita exprimendam statuit. Vt itaque Pythagoricis praeceptis obsequeretur, a ventris purgatione et coërcitione philosophiae studium exorsus est, corpusque ad frugalitatem et temperantiam reuocauit. More itaque Pythagoreo animalium esu, tanquam impuro et mentem hebetante abstinebat, bellariis vero et oleribus vescabatur^c, pura esse dicens, quaecunque ei terra suppeditabat. Vinum, etsi purum potum esse iudicabat, non bibebat tamen, quod bono animi statui aduersaretur, et aethera, qui in animo est, ut volunt Pythagorei^f, perturbaret. Post hanc ventris coërcitionem et purgationem nudipes quoque incessit et discalceati habitu, et veste ex lino indutus, ex animalium vellere confectam respuens, ut in his quoque Pythagorae se assimilaret. Comam etiam, ut Samium comatum imitaretur, aluit, et in templo vitam egit, in quo ipsum Aesculapium ad sacerdotes gaudium de praesentia Apollonii testatum fuisse, strenue nugatur, vel Maximus, vel Philostratus, qui, se Ciliciae et Cappadociae incolae, id est hominis mendacis et nugiuenduli facta narrare, debebant meminisse. In hoc Aesculapii templo morum emendator ephebus apparuit Apollonius, qui aegrotos, valetudinis recuperandae causa dum accedentes grauiter obiurgauit, ipso Deo eius corripienti licentiam non probante tantum, sed salutari etiam effectu confirmante. Cuius aliqua exempla ita narrat PHILOSTRATUS^g, ut vel hominis audaciam, vel simplicitatem mirari satis vix valeas. Dum enim omnium in oculis hunc reformatorem philosophum fuisse, exemplis nobis vult persuadere, hominem nobis fanaticum et paedagogicis moribus aliis inepte imperantem descripsit et deridendum propinauit, et hunc tamen iam tunc vaticinandi facultate fuisse praeditum persuadere voluit. Postquam mortuum patrem audiuit, Tyana properauit, eumque manibus suis matris in tumulo composuit: haereditatem autem lautissimam cum fratre partitus est homine intemperante et heluone. Viginti vero annos tantum natus ex legibus Romanorum tutori subiciebatur. Rursus igitur Aegis aliquamdiu commoratus tanto studio in philosophiam incubuit, ut Aesculapii templum in Lyceum Academiamque conuersum, totum philosophia resonaret^h. Sed ut fratrem quoque ad meliorem vitam reuocaret, suae portionis dimidiam ei concessit, et hortationibus ad virtutem multis reductum a vitiis in ordinem redegit. Quae ubi in fratre successissent, ad alios mox sese cognatos conuertit, eorumque

^e) *Escaura*, habet PHILOSTRAT. c. 8. quod parcam et frugalem vitae sustentandae rationem notat. Quae hic habuit Apollonius singularia, ea omnia a Pythagora transsumta fuisse,

se, collatio eius cum disciplina Italica docet.

^f) Conf. LAERT. Lib. VIII. f. 9. 28. et nos T. I. L. III. c. 10. Conf. OLEA R. ad h. l.

^g) c. 9. p. 10.

^h) Ibid. c. 13. p. 14.

que illos, qui indigentiores erant, exigua haereditatis portione sibi relicta, ex residuis sibi conciliauit, cum paucissimis opus haberet. Ipse enim vxorem non duxerat, neque vnquam venerea commercia obibat, sed iuuenis licet ac valens voluptatem furentem compescebat. Quae licet de homine eiusmodi temperamento, quo Apollonius, vfo facile credi queant, non negat tamen Philostratus, furentem dominam, voluptatem, fuisse expertum, quam compescuisse dum dicit, immemor fuit, quod paulo ante dixerat, nunquam, ne in adolescentia quidem, ei fuisse obnoxium. Certe ob veneris vsum eum calumniatos fuisse nonnullos tradit biographusⁱ, et eius apologiam facit. Accidere haec A. N. C. XXI. Posthaec vt se vere Pythagoreum praestaret, echemythiam Pythagoricam seruandam sibi esse ratus, per quinquennium filuit, et vocem quidem continuit, memoria tamen omnia et oculis retinuit et didicit. Vbi iterum vel mire lectoris patientia abutitur Philostratus, vel incredendorum fidem omnem superat, narrans, cum eo, quo filuit, tempore, ad illa, quae dicebantur, oculis manuumque atque capitis nutibus signa redderet, non iucundum tantum et humanum, placidis seruatis moribus in conuersatione fuisse, sed moratum etiam hoc silentii tempore partim in Cilicia, partim in Pamphylia, nunquam quidem vel verbum fecisse, si quam tamen in ciuitatem venisset seditionis, se ostendendo, et reprehensionem, quam parebat, manu vultuque prae se ferendo a seditione incolas continuasse, et Aspendios fame pressos, cum in praesidem prouinciae tristitia molirentur, solis nutibus ita commouisse, vt obortis lachrymis a seditione desisterent, frumenti caupones copiam eius facerent. Quae, licet copiose narret, Philostratus^k, tam misere tamen cohaerent, vt omnibus sibi fere lineis contradicant; sane

- - - credat Iudaeus apella,

Non ego.

Sed manibus palpatur, Philostratum, vt Apollonium Pythagorae simium rite effingeret, in compescendis seditionibus et cicurandis animis eandem illi facilitatem tribuere voluisse, ineptum tamen ad historiam scribendam, illud silentii tempus elegisse, quo ne congregi quidem cum aliis licebat apud Pythagoreos, quoque hominem amenti similem solis nutibus seditionis turbam compescere erat impossibile. Cum iam silentio finem fecisset, Antiochiam, Ephesum aliasque vrbes magnas et hominum frequentia celebres frequentauit, templa intrauit, et vbi disputare statuit, loca, in quae populi fieret concursus, et in quibus promiscue viueretur, euitauit, non hominibus, sed viris sibi opus esse, inquires: templa vero frequentauit non clausa^l. Ibi sole oriente a turba semotus nonnulla patrabat, (id est, vt recte monet O L E A R I V S ^m, theurgiae operam dabat,) quae solis aperiebat illis, qui quadriennio silentium obseruauissent; inde vero si Graeca esset ciuitas, et cognita sacra, conuocatis templorum sacerdotibus de diis philosophabatur, si barbara, ritus explicabat et emendabat. Discipu-

Vitae et docendi ratio.

i) c. 13. p. 13.

k) c. 15. p. 17. seqq.

l) Mire hic impostorem sapit Apollonius.

m) Ad c. 16. n. 13. p. 20.

scipulos deinde suos obibat, et si quid vellent, iubebat interrogare. Aiebat enim, oportere eos, qui suum philosophandi modum sequantur, aurora primum exoriente cum diis versari: procedente autem die de diis, et proximo deinde tempore de humanis rebus colloquia instituere. Inde sub meridiem ad publicas disputationes procedebat, deinde vngebatur, et perfrictus aquae frigidae se immittebat. Vtebatur vero non proluxa oratione et elegantiam affectante Atticam, nec fastidiosa in diuidendo subtilitate, nec protrahere orationem, nec dissimulatione vel apostrophe, sed velut ex tripode noui, inquiebat, atque: ita censeo, et, quorsum feremini? aut, scire oportet: sententiasque adhibebat breues et voces proprias, ita nempe, vt legislator, quo modo sapientem docere oporteat, ipse professus est. Patet ex hac docendi ratione Apollonii, quam ipsis PHILOSOPHISTRATIⁿ verbis retulimus, ad Pythagorae imitationem eam fuisse effictam, sed ita, vt ab imitatore seruo pecore potest expectari, nempe vt in fraudem omnia conspirarent. Electa templa, et tempus antelucanum; dissertationes de Diis et cum sacerdotibus habitae; theurgiae primarius habitus honos; diei partitio Pythagorea; adhibita arcani disciplina; vnctio, frictio, et quae alia sunt Pythagorei moris et consuetudinis. Adeoque recte in consortium imposturae, cuius Pythagoram merito reum agi demonstrauimus, trahitur. Sed ineptior multo Pythagora, et longe ab eius calliditate remotus, qui sibi ex tripode dicenti soli credendum esse postulauit, et Pythagorae αὐτὸς ἔφα male intellectum, apud omnes omnino discipulos suos adhibuit, non nudarum veritatum propositione, sed paedagogico fastu, qui vel nauseam, vel misericordiam excitare aptus est. Qua in viuendi et docendi consuetudine Apollonii, quam tamen in coelos extollit Philostratus, dubium est, an vel instituentis paedantissimum (veniam verbo exoramus) et superbiam, vel narrantis insaniam et simplicitatem magis admirari nos oporteat?

§. X. Vt vero propiori similitudine Pythagoram exprimeret, ad barbaras quoque gentes iter sibi philosophicum suscipiendum ratus est Apollonius. Cumque traditio, licet, vt suo loco demonstratum, infirmissima et exiguae verisimilitudinis percerebisset, penetrasse Pythagoram vsque ad Indos, Brachmanasque et Gymnosophistas adiisse, et cum iis fuisse congressum, magno impetu ad orientale iter se accinxit. Quanquam non discendi caussa, quod Pythagoram impulisse dicunt, sed vt tantum se virum et orbis reformatorem omnibus fere gentibus ostenderet, sibi et suis gloriam pararet, hoc iter se suscepisse non negauit, scribens ad Tyanenses suos: *peregrinatum se, vt gloriam patriae, et nomen et amicitiam virorum illustrium, atque ciuitatum pararet, ad quem scopum vires suae et ingenii conatus valuerint.* Id quod ad cognoscendum verum Apollonii characterem omnino notandum est: certe suis

*Iter Apollonii
Orientale.*

ⁿ) c. 16. 17.

^o) c. 18. p. 22. Lib. IV. c. 7.

^p) Epist. 47. p. 396.

fuis hoc iter ideo suafisse, vt inclarescerent, non negat PHILOSTRATUS⁹⁾. Discipulis igitur, quos septem habebat, consilium aperuit, qui cum sequi nollent, iturum se dixit, quo se sapientia et daemon duxerint. Quibus verbis Apollonius mire, quid sibi consilii fuerit, prodidit nempe, Pythagoram imitari, qui se daemone esse apud homines, vel, ab inhabitante potius daemone regi credi voluit, et doctrinae cum summam, tum prodigia ad hanc fidem obtinendam adhibuit. Cui cum non inferior cuperet esse Apollonius, eiusmodi inhabitante daemone se agi et ad *θεωμάντιαν* peragenda instrui aptumque reddi, eoque etiam duce, ad exterarum gentes manu quasi duci iactavit. Quae vere ita fuisse professum, et impostorem ob eum finem egisse Apollonium, omnino verisimile est; quamquam probabile non est, illum se pro Deo venditasse, id quod posteriorum demum temporum commentum fuit, sacerdotibus gentilibus, aliisque hominibus, quorum intererat, IESU *θεωθεώπων* verorum miraculorum patratori, simiam opponere, ad hunc dignitatis gradum Apollonium euehentibus. Ita praeparato animo Antiochia discessit, cum duobus famulis, qui in patria fuerant familia, quorum alter velocitate, alter pulchritudine scribendi excellebat. Venit itaque Ninum antiquam⁷⁾, eiusque notitiam plus quam sacerdotes et incolae habent, amplam sibi adesse demonstravit: ibique in Damin incidit Ninium, qui se ei discipulum et itineris comitem dedit. Estque hic Damis, quem praecipuum mirabilium Apollonii factorum testem esse, supra monuimus. Quem hominem fuisse Assyrium, id est leuem, et exigui iudicii, ipse prodit, dum, narrante ex eius memoriis PHILOSTRATO⁸⁾, non tantum risibus et iocis a gymnosophistis exceptus, sed et sua praestigiaticis aniculae habenda esse, ipse iocabundus professus est, suamque simplicitatem et ingenii futilitatem prodidit, qui cum primum incidisset in Apollonium, nullo eius virtutum et miraculorum facto specimine, daemone se ad eum sequendum compulsum fuisse, ridenda Socratici daemonii affectatione credi voluit. Totque vanissimi hominis, et ad quamvis fraudem pro vero accipiendam nati in hac Apollonii vita exempla occurrunt, vt vel ex sola testis praecipui conditione totius historiae Apollonii fides corruat. Cuius in sequentibus euidentissima cum danda sint testimonia, cautum lectorem ad ea attendere eo magis iubemus, quo magis hoc euerso vel corruente fundamento, totum labitur fabulae huius Milesiae aedificium. Mox in primo ad Apollonium accessu cum se variarum linguarum cognitione non inutilem illi operam praestare posse dixisset, Apollonio dicenti, se omnes linguas nosse, quas non didicerit, immo ea intelligere, quae homines silentio premunt, sine examine credidit, et mendacia his similia annalibus his suis postea inferuit, dignus qui sibilis excipiatur et cachinnis. Sed vt ad Apollonium

9) loc. cit.

7) Ninum antiquam totam deletam ait STRABO L. XVI. p. 737. consentiente LVCIANO in contempl. cum itaque eam adiisse dicitur, intel-

ligendum est de Nino restaurata, cuius meminitre TACITVS ann. L. XIV. c. 13. AMMIAN. L. XXIII. c. 6. Conf. OLEAR. ad h. l.

8) Lib. III. c. 43. p. 131.

um redeamus, is tam sagaci comite auctus et stipatus, per Mesopotamiam iter fecit, et per gentes latrocinio infestas sine formidine transiit et sapientia eousque profecit, ut brutorum animantium voces intelligeret. Didicisse enim hanc artem ab Arabibus, ut et aues audiret futura noscentes et oracula canentes, egregius testatur vir, Damis, non recordatus, ista intelligentia opus non fuisse Apollonio, qui, si illi fides est, ipse omnia prae noscebat. Nec meliori iudicio et memoria utitur Philostratus, qui haec sibi Damidis auctoritate credi postulat, neque tamen memor est, quod in ipso tractationis limine scribit, aues voces edere edoctas non intelligere quid dicant, neque aliquid eorum, quae dicunt, intendere. Adeo mendacium suo ipso se indicio prodere solet, ut forex! quanquam facile credimus, Apollonium eiusmodi artes iactasse, apud veteres non ignotas, et Pythagoricis hypothesibus respondentes, qui scilicet communi vnius diuinae animae vinculo omnia necti, migrareque animas etiam in bruta, dicebant. In Babylonis fines ingressus cum a custodibus finium ad satrapam cum comitibus esset adductus, tanta diuinae faciei et orationis magnificae auctoritas fuit, ut cum hoc solum dixisset, esse se Tyanensem istum Apollonium, regius minister non pro diuino tantum viro eum agnouerit, sed et pecuniam, vinum atque commeatum liberaliter obtulerit. Quae ita futiliter narrat PHILOSTRATVS, ut anicularum naeniis inficetiora sint, et si ex parte vera sint, Apollonium fastu puerili omnes fuperasse prodant: ut taceamus, non ostendere Philostratum, qua via per gentes infestas latrocinio, et Romanorum imperio non subiectas, adeoque commercio propiori cum Asiaticis Romanorum prouinciis non iunctas Apollonii, nondum publicis miraculis tantopere inclarescentis fama penetrauerit? Simili fere modo iudicii paupertatem prodit vel Damis vel Philostratus, narrans: Babylona profectum, in leaenam incidisse in venatu interfectam, quae octo catulos gestabat, praedixisse ex ferae inspectione Apollonium Damidi, peregrinationis tempus anni fore vnius, et mensium octo, se enim ex catulis mensium, ex leaena anni indicium capere*. Quod quamuis infanientis alicuius Pythagorei vaticinium videri queat, facileque credendum sit, impostorem Apollonium eiusmodi nugis suos pauisse: turpe tamen est, infra paulo rideri et reprehendi a Iarcha Indo eos, qui in numeris eiusmodi mysteria quaerunt, et iis feruiunt, cum tamen heroem suum istam Indorum sapientiam attigisse iactent homines nugiuenduli. Alias insulas et ne anicularum quidem fide dignas narratiunculas praeterimus, ne nauseam creemus lectori, qui huiusmodi cupediarum amans facile sitim ex ipsis Philostrati riuulis extinguet. Tandem Babylona venisse narrat PHILOSTRATVS, eamque iis coloribus depingit, quibus descripsere veteres, Diodorus, Herodotus alique: murosque altissimos pontemque Euphratis et regiam ambitiosa oratione delineat. Verum hic quoque et impune atque sine fronte

O 2

men-

†) Lib. I. c. 7. p. 10.

*) c. 21. p. 26.

ticinio infra notabimus.

x) c. 22. p. 28. Non respondisse euentum va-

p. 120.

y) L. III. c. 30.

z) L. I. c. 24. p. 33. seqq.

mentientem deprehendimus Damidem, et eum non minori impudentia frequentem Philostratum. Eo enim, quo ad Indos peregrinabatur, tempore, tantum abest, ut illi muri Babylonii inter stupenda veteris aevi opera numerati, et magnifica illa, quam describit Philostratus, regia adhuc steterint, ut potius sua aetate ad solitudinem rediisse Babylonem, vicinitate Seleucia exhaustam pridem, scribat PLINIVS ^a, cui alii concinunt. Certe Ctesiphonte Parthorum regiam ea aetate fuisse TACITI ^b aliorumque auctoritate conficitur ^c. Mendacia itaque esse oportet, quaecunque de hac mora Apollonii Babylonia narrant nugatores insulsi: miramurque, doctissimum OLEARIVM ^d, qui mendacium hoc vidit, in eo tamen Philostratum coarguendo haesitasse, eo quod Eusebius istud non reprehenderit. Ut enim Caesariensis episcopus ad ea tantum attendit, quibus miraculorum Christi eleuare fidem Hierocles ausus est: ita mentienti impudentiam adeo ubique prodit Philostratus, ut mirum non sit, eum *ἀνισορητοίας* vitio fuisse lapsum. Videturque vero admodum simile, hominem rhetorem, qui in hac vita describenda orationis virtutem, herae ut placeret suae, demonstrare cupiebat, ad antiquae historiae formam ideo haec effinxisse, ut splendidior orationis habitus effloresceret, licet et temporis et historiae veritas laederetur. Ad quam rhetores non attendisse, modo artis praesidium et occasionem fuerint nacti, tot hactenus exemplis didicimus. Etsi vero facta haec Babylone mora Apollonii non exiguam partem gloriae eius, qua Pythagorae se similem reddere conatus est, constituat, nihil tamen quod ad philosophiam Apollonii spectet, nobis narrat historicus, nisi versatum cum magis, atque mutua institutione accepta dataque ab iis recessisse; Damidem enim, quae loquutus ille cum magis fuerit, ignorasse, prohibitum ab Apollonio, ne se illuc euntem comitaretur. Hoc vnum dixisse ait: esse illos sapientes quidem non autem in omnibus; id quod prorsus fastui Apollonii scholastico conuenit. Reliqua etiam, quae de Apollonio regem Parthorum inuisente narrat, nec aptius cohaerent, nec maiore se commendant fide. Vidit, si Philostratum audimus, hominem rex Parthorum Bardanes, quem Babylone habitasse contra totius antiquitatis testimonium fingit ^e; Apollonius regem soli sacrificantem accessit, et ipse soli sacra fecit, et thus adoleuit, exque igne omen cepit. Philosophus, ut res suas regi enarraret, Graecae linguae veniam poposcit ^f, quem supra ^g, omnes callere linguas, Damis eiusque exscriptor dixerant. Fassus in hoc colloquio quis esse cupiat Apollonius, ait: amplecti se Pythagorae Samii sapientiam, qui se Deos colere, siue videndos se praeberint, siue minus, mente completi, commercia item frequentare cum iis, lanque ex terra nata uti docuerit: comam se promittere ex Pythagorae disciplina, et ex ea causa ab

anima-

^a) L. VI. c. 30. PAUSAN. L. VIII. c. 33. HERON. in Esaiam c. 13. STRABO L. XVI.

^b) Annal. L. VI. PLIN. l. c.

^c) Conf. BOCHART. Geogr. S. P. I. L. IV. c. 15. p. 266. VITRINGA ad Esaiam c. XIII. §. 17. p. m. 266. PEARSON. de success. episc.

Rom. L. I. c. 8. §. 5. TILLEMONT. Hist. des Emper. T. II. p. 200.

^d) Ad l. c. Philostrati.

^e) Reges Parthorum hieme Ctesiphonte aestate Ecbatanae cominoratos testatur STRABO L. XVI. p. 745. ^f) c. 32. p. 40. ^g) vid. not. (r)

animalibus vescendis se purum continere : et a curis se, illum liberare, polliceri : ex quibus liquet, ipsum Apollonium non daemonem aliquem se venditasse, sed philosophum Pythagoreum, et, si coniecturae locus, theurgum ; homines vero insanos, inter daemonas post eius fata eum demum retulisse, et vt huic fini inferuissent, totam vitae eius fabulam istis nugis instruxisse. Non praetereundum etiam hoc est, mentiri PHILOSTRATVM ^b, ex India reducem Apollonium, Babylonem ad Bardanem nauigasse, eumque, qualem ante cognouerat, post viginti septem mensium moram inuenisse. TACITI enim, digni fide scriptoris, testimonio constat, Bardanem Parthorum regem toto suo imperio vix biennium attigisse ⁱ : ipseque Philostratus supra narrauit, praedixisse Apollonium, itineris sui moram annum vnum octoque menses duraturam : quod totum tamen tempus in aula Parthorum regis exegisse, septem vero mensibus in itinere Indico consumptis, ad eum rediisse asserit ^k. Caeterum omnigenarum virtutum, ac magni et diuitiarum negligentis animi, ingentisque in morum potissimum Philosophia sapientiae eum luculentissima dedisse vestigia, multis praedicat PHILOSTRATVS ^l. Tandem dimissus a rege, cum pecuniam renuisset, commeatum, et itineris ducem accepit et circa aestatem camelis cum comitibus vectus iter ingressus, et vbique locorum omni cultus et reuerentiae genere exceptus est ^m.

§. XI. In itinere Indico progressus Apollonius, et ad iuga Tauri *Iter Indicum.* perueniens, cum ad montem Caucaſum propius accessisset, ad eum locum deductus est, vbi Prometheus ob generis humani amorem ligatus per fabulam dicitur. Pertinere hanc narratiunculam ad mythologiam vel Graecam, vel Indicam, non ignorauit Philostratus, sed ipse monuit ; et tamen narrat ⁿ, dicere Damidem, vincula ex petris suspensa superesse, quarum difficile sit materiam coniectura assequi. Qua insulsa relatione, quae fabulam in veram historiam mutat, licet Damidis fidem nolimus in dubium vocare, cum antrum hoc monstrari etiam DIODORVS ^o et STRABO ^p, testentur, prodit ea tamen hominis stupiditatem omni prorsus iudicii acie carentem, qui incolarum regionis mendaciis fidem facile adhibuit, et vincula hominis, nuspian, nisi in veterum mythologorum cerebro apparentis, sibi monstrari passus est. Mirandum itaque non est, impostori eum Apollonio, ineptissima miracula ostentanti sine examine fidem habuisse, seque reuera praestitisse Ninium. Multa in hoc itinere virtutis praecepta comitibus dedisse Apollonium, Philostratus auctor est, qui tamen in iis, quae ex Damide suo refert ^q paucissima habet, vel mediocri philosopho, ne dicam, Apollonio illo, quem mundum vult suspexisse totum, digna : quare illa, ne nimii simus, praetermittimus. Tandem superato itinere difficillimo versus Taxila urbem Indiae cum comitibus peruenit, vbi Regia erat Indorum regis, Phraotae, quem Pori regis succes-

O 3

forem

^b) L. III. c. 58. p. 139.
ⁱ) Conf. TILLEMONT. in Claud. not. 16. in Apollonio p. 200.
^k) Sensit hoc PHILOSTRATVS adeoque

c. 40. ad moram tantum in aula regis Parthorum trahit.

^l) c. 33. seqq.

^m) L. II. c. 1. p. 49.

ⁿ) c. 3. p. 51.

^o) L. XVII. p. 552. ^p) L. XV. p. 688. ^q) L. II. c. 6. sq.

forem fuisse ait. PHILOSTRATUS^{r)}, cuius etiam bellum cum Alexandro insolito artificio ibi fuisse depictum more Sophistarum, quaesita artis suis ostentatione contra regionis hominumque illorum indolem et fidem nugatur. Excepisse regem beneuole hospitem, et ab Apollonio etiam ob philosophiae amorem magni habitum esse, facile credemus PHILOSTRATO^{s)}, sermones eum istos habuisse, adeo a verosimili dissidet, vt potius sophista artis suae ambitionem vbique ostenderit. Adeo vero Pythagoreis institutis, moribus, doctrinis similia sunt, quae Phraotes edidit, adeo Indorum philosophiae, qualem suo loco descripsimus, aduersa et dissimilia, vt vel mediocriter attento manifestum fiat, Philostratum sophistam haec omnia more rhetorum confinxisse, vt fabulam ornaret suam, et quem sibi ornandum sumserat heroem, vbique admirandum ostenderet. Longe enim aliter philosophiam excoluisse Indos, et risisse Graecorum sectas, cum eorum per Alexandri comites ipsis notitia esset facta, suo *tomo primo*^{t)}, loco docuimus. Patebitque ex dicendis, totam hanc Philostrati narrationem huic vni fundamento inhaerere, accessisse Pythagoram ad Indos non philosophiae discendae, sed docendae causa. Quo vno fere halitu diffuso tota Apollonii historia corrui. Sed vt historiae prosequamur filum, a Phraota commendatus est litteris systematicis Apollonius larchae gymnosophistarum principi, vt eum eruditionis suae facerent participem^{u)}. Iter itaque ille ingressus et focii mirandae gentis et regionis viderunt plurima, talia vero, quae vt credantur, alterum Damidem, hominem nullius vel iudicii vel lectionis requirunt. Tot enim se vidisse portenta narrat Damis, quot inter veterum fabulas dispersa^{x)}, de his locis colligere potuit nugator, quaeque mera somnia esse, recentiorum, qui has terras curiosis perlustrarunt oculis, narrationibus de itineribus suis est longe certissimum. Totus his ineptiis scatet liber tertius vitae Philostrati, ad ciendam nauseam veritatis sitienti lectori comparatus, in quem, licet de fide nugarum ipse desperauerit Philostratus, congestit tamen, quicquid fabulam hanc Milesiam ineptorum hominum admirationi commendare potuit. Cuius vt vno alteroue exemplo faciamus fidem, ecce narrat, in mulierculam ipsos incidisse, a capite vsque ad mammas nigram, a mammis vero ad pedes usque albam totam, nascique hanc feminam Veneri sacram, sicut Apin apud Aegyptios, et Apollonium eam, data dextera, agnouisse^{y)}. Interfuisse se venationi draconum, quos more suo artificioso orationis colore depingit Philostratus,

r) c. 20. p. 20.

s) c. 26. seqq.

t) L. I. c. 5.

u) L. II. c. 41. p. 93.

x) Loca vererum, ex quibus has de rebus Indicis fabulas Philostratus congestit, diligenter notauit OLEARIUS, quem vide. Saepe vero adeo oscitanter incedit Philostratus, vt ne veteres quidem recte inspexerit. Ita cum Apollonium eiusque comites in aras, ab Alexandro exstructas incidisse narrat, ipsas inscriptionem, ait

habuisse, patris Ammonis et Herculis fratris, et Mineruae prouidentiae et Iouis Olympii, et Samothracum Cabirorum, et Indici solis et Apollinis fratris. Ast Indicos Deos absurde miscet, cum Graeca sacra in iis peracta esse PLUT. in Alex. memoret, et XII. diis sacras fuisse, DIODORVS p. 563. asserat. Illi vero Dii maiores vel Consentes fuerunt, inter quos nec Herculi nec soli Indico locus fuit.

y) L. III. c. 3. p. 96.

tus ^z; eorum pupillas oculorum lapides esse ignei fulgoris, vimque eorum maximam esse ad plurima arcana: micare ex squamis ignem magis quam ex facula, et magicis tantum incantationibus posse vinci, oculosque eripi lapideos mirifici coloris et virtutis ^a, ut annulus Gygis; hepate draconis vel corde deuorato animalium voces atque conceptus intelligi ^b; Inuenisse se mirabile animal martichoram, caput hominem, magnitudine leonem, caudam bestiae referentem, aquam item auream ex fontibus manantem, homines item, qui sub terra habitant, et pygmaeos, gemmam item pantarbam, radios ignis instar spargentem, et incluso in se spiritu omnes ad se gemmas colligentem apum examinis instar racematim sub ea iacentes: auem apud Indos esse phoenicem, quingentorum annorum interuallo in Aegyptum aduentantem, et in nido flammis consumendam, propempticum carmen canere sibi; inueniri gryphes, aurum effodientes ^c. Haec et similia ex Ctesiae *Indicis* in hos commentarios vel Damis transtulit, vel Philostratus, cuius nescio an impudentiam et audaciam lectori eiusmodi fabulis imponendi, vel iudicii defectum magis mireris, cui ignotum esse non potuit, ARISTOTELEI ^d iam ob has nugas Ctesiam visum esse *ἐκ ἀξιοπιστον*. Recte itaque hanc Philostrati in nugis veterum colligendis diligentiam notauit, et *μυθολογῶν* nomine eum traduxit PHOTIVS ^e. Nec meliora sunt, maioremque veri speciem habent, quae de congressibus atque confabulationibus Apollonii cum sapientibus Indorum narrat sophista: ad castellum eorum ubi peruentum esset, caduceatorem missum, praecepisse more Pythagorico: solus Apollonius ut veniret, ipsos enim ita praecepisse, et agnouisse Apollonium laeto omine illud: *αὐτοὶ*, Pythagoreum esse ^f. Accessisse Apollonium ad tumulum nube cinctum ubi sapientes habitarent, visibiles simul et inuisibiles, prout voluerint, vidisse ibi puteum iudicii et ignem veniae, quibus Indi lustrentur, aqua et igne mirabiles ob peccata ab inuitis commissa: gemina quoque illic se dolia conspexisse ex lapide nigro imbrium quae sint atque ventorum, quorum vnum nubes ad irrigandam regionem emittit, alterum ad siccandam cohibet ^g. Incidisse in simulacra deorum Graeca, quibus Graeco more Indi sacrificauerint, et tamen igni sacra fecerint. Tales vero offendisse sapientes Indos, quales ab Apollonio, tanto viro tamque sapiente inueniri dignum esset, quos cum *tomo primo* iam descripserimus, notata simul Damidis et Philostrati leuitate, lectorem eo, pace eius, ut breuitati consulamus, ablegamus. Iarcham porro in throno ex aere nigro, aureis simulacris varie ornato sedentem, Apollonium ea docuisse et praedixisse, quae ille, vnde sciret maximopere admiratus sit. Quam ad-

mira-

^z) Loca veterum, quae secutus est Philostratus vid. apud BOCHART. Hierozoic. P. II. L. III. c. 13. p. 430.

^a) Respicit ad Dracontidem veterum, vid. PLINIVS L. XXXVII. c. 57. add. SOLIN. c. 30. ISID. Orig. L. XVI. 13. ^b) c. 9. p. 101.

^c) c. 45. seqq. p. 132. ad quae loca conferen-

dus OLEARIUS, qui veterum de his portentis loca diligenter congeffit.

^d) Hist. animal. L. VIII. c. 28. conf. CLEN. GAZ. in Theophr. p. 23.

^e) Bibl. Cod. CCXLI. p. 533.

^f) c. 12. p. 102.

^g) c. XIV. p. 103. seqq.

mirationem cum illa rerum omnium praescientia, quam supra Apollonio tribuit, non conspirare, non vidit Philostratus. Haec et alia multa his prorsus similia dum recitat ineptus scriptor, tantopere lectoris patientia abutitur, ut nulla plane fide dignus sit. Has enim fabulas recitasse, est refutasse, non apud viros tantum prudentes et eruditos, sed et apud pueros, et qui nondum aere lauantur. Nec melioris commatis sunt, quae de colloquiis Apollonii cum Iarcha Philostratus vel ex Damide, vel, quod magis nobis arridet, ex ingenii sui somniis et commentis narrat. Cuncta enim eo redeunt, si Philostrateam narrationem totam vna consideratione examinamus, Pythagoram in Indiam ad gymnosophistas excurrisse, totamque philosophiae suae rationem apud Indos didicisse. Esse etiam eum perfectissimum, verissimum et solum diuinum philosophandi modum. Huic enim scopo obtinendo, tot Indis affingit miracula, ut parem eorum philosophiam non habere, nec admirandam magis, ostenderet. Pythagoream vero philosophiam istis fabulis solam commendari, euincunt ea omnia, quae amicissime cum Pythagoreis conspirant, et gymnosophistis tamen a Philostrato tribuuntur. Vbique enim accuratum mirumque deprehendes παραλλήλισμὸν, et perfectam concordiam. Ita Iarchas Pythagorae transmigrationem animarum, eodem, quo ille exemplo fulcit, narratque Apollonio, quis ipse, quis hic, qui alii inter Achiuos ad Troiam fuerint? et ridicula haec omnia narratione tradit, Apollonio similiter suas migrationes exponente ^g statuit porro, dari praeter elementa quatuor, quintum, nempe aetherem ^h; esse mundum animal, progignere enim animantia, esse item hermaphroditum, sibi enim mistum, patris matrisque vicem in producendis animantibus supplere, amoreque ferri sui ipsius ardentiore, quam quo diuersa se mutuo complectuntur, qui sibi ipsis iunguntur et coalescunt, partibus nempe mundi, mentis, qua reguntur, ope, sese accommodantibus rebus gignendis. Ipsa etiam mala, quae ex nimiiis solis sint ardoribus, anima mundi dirigente euenire. Mundum nauis instar a variis numinibus regi, primum enim ac perfectissimum locum Deotribuendum huius animalis genitori, ei proximos Deorum esse, qui eius partes gubernant. Plurimos in coelo Deos esse, multos etiam in mari, multos in fluminibus fontibusque, in terra praeterea multos, immo et esse sub terra. Loca vero infera, siquidem sint, quoniam exitialia et horrenda sint, a reliquo mundo secerni ⁱ. Medicinam magia parari, potissimam philosophiae partem circa arcanarum rerum inuestigationem, sacrificia et appellationes, quibus Dii maxime gaudent, itemque circa astrologicas diuinationes versari ^k, quaeque alia huius commatis sunt, quae Iarchae tribuuntur: ea omnia adeo Pythagoreismum sapiunt, ut ouum ouo non esse similius iuraueris, et haec omnia ex Italica schola his commentariis illata esse, quilibet manibus palpat, qui Pythagorica intelligit. Id quod adeo non negauit Damis, ut se mente potius motum dicat,

g) c. 19. 20. h) c. 34. p. 124. seqq.

i) c. 35. p. 126. k) c. 41. p. 129.

cat, prae admiratione, quod Indus eousque in literis Graecis proficere potuerit ¹⁾. Quasi non sensuri sint lectores cauti et attentī, omnia haec esse ὑποβολιμαία et Indis ideo falso tributa, vt Apollonii philosophia etiam inter Gymnosophistas triumphasse crederetur. Eandem viam in describenda disciplina et instituto Indorum tenuit fabulae Apollonianae incrustator, vt illud depingeret Pythagoreis moribus quam simillimum. Narrat enim, abstinuisse sapientes Indiae ab animalium carne vescenda, sed frugibus tantum terrae compescuisse famem, nec bibisse vinum, sed aquam puram; vixisse in vna societate atque cōmunionē, mane surgentes in honorem solis carmen cecinisse, eique sacra fecisse, et quae alia sunt, quae a fodalitiis Pythagoreorum transsumta esse vel coecus palpat, quaeque luculenter manifestant, vitae Apollonii consarcinatorem eam veterum opinionem tenuisse, penetrasse philosophiae causa Pythagoram ad Indos, eamque a Brachmanibus didicisse. Abhorrevere vero hanc opinionem a vero, immo plane impossibilem esse, etiamsi admittamus, Pythagoram ad magos vsque peruenisse, in Pythagorae historia, nisi fallimur, copiose et accurate demonstrauimus. Quod si haec falsa sunt, falsum etiam esse oportet vel Damin, vel Philostratum, vel vtrumque, qui pro certis nobis haec historiis obtrudunt. Quod si cum genuina philosophiae Indicae facie haec comparamus, qualem in barbaricae philosophiae historia depinximus, apparebit, quam insulsus sit Philostratus, qui in condendo hoc commentario ne minimam quidem verisimilitudinis rationem habuit. Immo sunt in his Philostrati de Indorum philosophia narrationibus nonnulla, ipsi Pythagorae non probata, sed a sequiorum tantum temporum turba, quae se Pythagorico - Platoniam iactabat, quamque in Aegypto miserum omnis religionis in vnam massam confusae chaos commentam fuisse tomo primo diximus, excogitata, qualia doctrina illa de spiritibus et magiae operibus siue theurgia est, qualem ita Indis suis tribuit Philostratus, vt haec se hausisse ex Alexandrinis scholis historiae philosophicae perito non sit obscurum. Nihil itaque de philosophia Apollonii, qualem ab Indis didicisse dicitur, his adiiciendum est, nisi hoc vnum, Apollonium tot mysteria apud Indos didicisse, quot ante eum mortalium nemo, et tamen daemonem fuisse, omni scientia diuinum, quod Philostratus de eo iactat ^{m)}. Ita in hac quoque historiae Apollonii periodo non recordatus est mythologus: mendacem oportere esse memorem. Ita vero onustus quasi sapientia Indica Apollonius, eodem quo venerat, fastu et arrogantia surgens per Indos Babylonem ad Bardonem rediit: postquam Indi de eo vaticinati fuissent, vt volunt biographi eius, apud complures Dei auctoritatem consecuturum non post mortem solum, sed viuum etiam. Factum hoc iter naui conscensa, quo propitio et leni vento vsus esse, vult PHILOSTRATUS ⁿ⁾, vt in hac quoque

¹⁾ c. 38. p. 127.

Hist. philos. Tom. II.

^{m)} L. III. c. ult. ⁿ⁾ c. 52. p. 126.

que parte Pythagorae, Aegyptum placido curfu petenti similis euaderet. Alia, quae is narrat, in via visa *θαυμάσια*, nullique vel veterum vel recentiorum dicta in tanto fabularum aceruo omittimus.

*Mora Asia-
tica.*

§. XII. Redux ex orientali itinere in Ioniam Apollonius, Ephesum concessit, quam urbem religionis causa ab omnibus fere orbis incolis inuisi sciebat, ut eo magis artibus suis inclaresceret. Omnes omnino huius urbis ciues, etiam opifices, relictis operis, ad eum accurrisse, alium sapientiae, alium formae, alium generis viuendi, alium vestis admiratorem, tradit PHILOSTRATUS^o, qui et hoc addit: Oraculorum etiam, Colophonii ex Didymis et ex Pergameno templo effatis, diuinae sapientiae participem iudicatum fuisse Apollonium. Vbi tamen Philostrati leuitatem et inconstantiam iterum miramur, qui paulo infra^p, solum ex oraculis Orpheum respondisse tum temporis consulentibus Lesbi, memorat. Nos hic priorem Philostrati relationem non totam reiiciendam esse arbitramur, cum non Colophonii tantum oraculi, sed et Didymaei Apollinis apud Milesios mentionem faciant PORPHYRIUS et IAMBlichVS^q, Pergameni vero, siue templi Aesculapii, ubi per somnum mille oracula reddebat medelamque morbis ostendebat, in numis Pergamenorum etiam post Apollonii aetatem iniiciatur mentio^r: Apollonium vero impostorem cum oraculorum sacerdotibus rem habuisse, et dolis istiusmodi, qui exercebantur circa haec oracula, usum fuisse, non est, quod dubitemus, cuius non contemnendum testem habemus LVCIANVM^s, acerrimum imposturarum harum hostem et irrisorem, qui Alexandrum *ψευδομάντιν*, hominem Pythagoreum, refert, eos qui in Claro ac Didymis Malloque responsa ferebant, diuinandi arte celebres haberi non ignorantem, illos sibi reddidisse amicos: habuisse vero doctorem natione Tyaneum, ex eorum numero, qui cum Apollonio erant versati, totamque eius tragœdiam nouerant. Hunc porro Apollonii imitatore nonnullis remedia morborum vitaeque rationes praescripisse, cum sciret complura atque efficacia pharmaca, ut filius Aesculapii crederetur. Cum enim haec impostor Alexander, Apollonio simillimus, a sociis Apollonii didicerit, verisimillimum est, hunc eodem instituisse modo, praesertim cum in Aesculapii templo educatus, remediorum contra morbos descriptiones, quae ibi asseruabantur, discere potuerit. Hisce artibus in superstitioni deditissima ciuitate inclarescente Apollonio, mirum non est, ciuitates finitimas legatos misisse, hospitem illum declarantes^t. Ut vero, quem sibi praefixerat, scopum attingeret, dissertationes ad populum more Pythagoreo habuit, et Ephesi quidem, ex crepidine^u templi, inque nemoribus, quae xystris sunt adfita, in quibus otium et ferociam dissuasit, mores emendare conatus est, vitam Pythagoricam commendauit, pestem minatus est^x.

Cum-

^o) L. IV. c. I. ^p) L. IV. c. 14. p. 151.

^q) De Myst. Aegypt. L. III. c. II.

^r) vid. SPANHEM. ep. IV. ad Morell.

^s) In Pseudomante T. I. p. m. 547. 554.

^t) PHILOSTRAT. l. c.

^u) Id est eo loco, quo columnae stabant, quibus cingebatur templum Dianae.

^x) Ea cum inualuisset, ita auerruncasse Apollonium, ut daemoneum malum pestilentiae auctorem

Cumque parum ad eum attenderent Ephesii, similem rationem in aliis Ioniae ciuitatibus tenuit, praesertim Smyrnae, quibus literarum studium et concordiam commendauit. Quas dissertationes, nisi ingenio confinxerit Philostratus, nihil quod diuinum prodat virum, vel supra mediocres Philosophos sapientem, spirare, facile iudicabit, qui legerit. Ex Ionia in Graeciam contendit Pergamumque profectus in Aesculapii templo animum oblectans, consilia supplicibus dedit, et sanitatem eis restituit, id quod ea confirmant, quae paulo supra de eius cum sacerdotibus oraculorum conspiratione diximus. Postea in Iliensem agrum abiit, atque ad Achaeorum accessit sepulchra, incruenta iis, vt decebat Pythagoreum, sacrificia obtulit, ad Achillis tumulum pernoctauit, et cum eo ex inferis reduce congressus est. Tales enim cum manibus congressus et societatem finxisse Pythagoreos, in Pythagorae historia docuimus, iisque se attemperare fas erat Apollonium, qui conuersationis cum Diis et daemonibus gloriam auide quaerebat. Tam insipida vero sunt, et aliena a Philosophi grauitate et tanti morum reformatoris sapientia, quae de colloquio Apollonii cum Achille in literas retulit PHILOSTRATUS, vt, quid dignum sit heroe suo ignorasse, merito censendus esset, nisi cogitandum, Philostratum ex Alexandrinorum, siue Platoniorum recentiorum impostorum schola prodiisse; qui in his cum daemonibus congressibus summam quaerebant sapientiae gloriam, vt exemplis et dogmatibus constabit ad eorum historiam, *sektionē huius capituli quarta* delatis. Ipse sane Apollonius ne incurreret iactantiae speciem, valde, cum haec narraret, metuebat^z. Sed et Orphei adytum adiuit, Lesbum appellens, cum illis sacerdotibus congressurus^a. Qua ratione Pythagorae, omnia oracula obeuntis, se simiam nouo exemplo praestitit. Ex Lesbo Athenas nauigauit, Piraeum ingressus mysteriorum tempore, quo maxima hominum ibi solebat esse frequentia. Hic eorum, qui philosophiae operam nauarent, complures obuiam habuit, qui cum eo salutato in urbem redierunt, omnes enim tantum virum videndi desiderio vehementer flagrabant^b. Cumque Epidauriorum dies incideret, quae in Aesculapii gratiam instituta sunt, complures neglectis initiis Apollonio adhaeserunt, quos tamen sacris operam dare iussit, alio cum ipsis tempore collocuturus. Ipse vero a sacrorum antistite ad sacra admissus non est, qui sibi fas non esse dixit, incantatorem (γόντα) initiare, neque Eleusinem patefacere, qui purus non esset in daemonum negotio cultuae^c; qua tamen repulsa animo non deiectus et se plura de initiis cognoscere, quam hierophantam, dixit, et initiatum se iri ab alio, quem nominabat, praedixit. Ex quo loco manifestum est, non tantopere

P 2

coecu-

ctorem lapidandum Ephesiis susteret, ridicule nungatur infra c. 10. p. 147.

y) c. 11. seqq. z) c. 15. p. 151. a) c. 14.

b) c. 17. p. 155.

c) c. 18. p. 156. Ἀνθρώπων μὴ καὶ ἀφ' αὐτῶν ταῖς δαιμόνιαις. Vltimam vocem non ipsos daemones, sed res diuinas notare ingeniose monet OLEARIVS

ad h. l. Respicit vero ea vox non ad omnem orthodoxiam, sed ad solum commercium orthodoxum cum daemonibus, quod goëtis deesse, sed in his sacris celebrari putabant Athenienses. Καὶ τὰ δαιμόνια Socratis, ad quae prouocat, non noua doctrina fuit, sed noua de daemonibus eorumque cultu sententia.

coecutiisse tum omnes circa artes Apollonii, vt non praestigiatores eum haberent: Excludebantur enim ab his sacris, licet et ipsa illa inter praestigias mereantur referri, solenni praeconis voce barbari, homicidae, magi, praestigiatore, impii ^d, scilicet ne impostor impostorem proderet: Athenis porro Apollonius dissertationes varias habuit, et primam quidem de sacrificiis, quo modo cuius Deo conuenienter sacrificandum sit, quam in scriptum postea retulit. Quem libellum foedissimae superstitionis sententiam fuisse, facile ex iis conicere est, quae de simili argumento tradidit schola eclecticorum, ab Apollonii doctrina parum distans. In reliquis dissertationibus Athenienses ad frugalitatem et sobrietatem reuocauit, et iuuenem, qui eum de libaminibus satis pueriliter disputantem, et ansas poculo affigendas vehementer commendantem, riserat, a daemonio, quo obsidebatur, eius rei ignarus, (si credere fas est,) liberauit, et ita emendationi morum, quam iactabat, foedissimum superstitionis anilis fundamentum subtrauit ^e. Parem rationem cum in reliquis, quae in Graecia confecit, itineribus iniuerit, opus non est, vt taediosa prolixitate ea enarremus, ex dictis enim de iis iudicare potest quilibet, cui sanum est synceput. Vbiq; enim Pythagorae imitatore affectabat, templa Graeciae omnia obitat, Dodonaeum et Pytheum, et quod Abis est; Amphiarai quoque et Trophonii specus ingressus est, et ad Isthmia accessit, inque iis citharodiis, et praeconiis et tragicis vicit ^f. Corinthi cum Demetrio Cynico, de quo infra inter Cynicos dicendum, viro omnis philosophiae robur complexo congressus est, qui Menippum discipulum habuit. In cuius historia fabulae magicae iterum totius narrationis ornamenta sunt. Narrat enim, adolescentem Menippum caetera philosophiae plurimum deditum, veneri tamen obnoxium, a spectro, quod empusae nomine inter Hecates sacra fuit celebre ^g, feminae forma ad amores inuitatum, assidue illud frequentasse, tanquam delicias suas, spectrum esse minime suspicantem: Apollonium vero, cum audiisset nuptiarum diem, et conuiuii etiam tempus designatum esse, accessisse ad locum; et dis-fugiente atque euanescente omni vasorum et poculorum aureorum et argenteorum apparatu, pincernis item et coquis ac reliqua familia omni disparentibus, Apollonio ea arguente, lacrymas spectrum simulasse, et ne torqueret sese, vel quid esset fateri cogeret, orasse ^h: At illo vrgente neque dimittente, empusam lamiamue se esse fassum esse, et Menippum voluptatibus saginasse, vt eius corpus deuoraret. Quam quidem rem in media Graecia gestam celeberrimam esse de Apollonio testatur PHIL O-

S T R A-

d) Conf. MEVSIVS de sacris Eleusin. c. 20.

e) c. 19. p. 156.

f) c. 24. p. 162.

g) Id ab vno, quo incessit pede nomen accipit, et in varias se formas mutare potuisse dicebatur, vnde prouerbium: *empusa mutabilior*. vid. ERASMVVS Chiliad. p. m. 413. ed. Frob.

Alter pes cum asini calcem referret, etiam Onoclee dictum est, conf. SVIDAS in Empusa T. I. p. 729. et KVS T. ad h. l. dictum est etiam lamia et larua.

h) Qui nasum habet, ex his facile subolfaciet propter cuius imitationem haec attulerit Philostratus nequam.

STRATVS*, quanquam incerto rumore ferri ipse prodit: miramur tamen, de eiusmodi facto filere scriptores reliquos omnes; quod si ita fama percubuit, facile id consentientibus in fraudem Apollonio et fociis cum Menippo, fieri quoque potuit, vt eiusmodi imposturae atque praestigiae ederentur. Porro cum Lacedaemonii legatos ad eum misissent, rogantes vt ad ipsos veniret, luxum eorum Sybariticis magis, quam Spartanorum moribus similem, indignatus literas tantum ad eos misit, Laconica scytala breuiorès, duabus lineis significans, *virorum quidem esse, non peccare, ingenuorum autem, si peccauerint, id agnoscere.* Quibus ita immutatam esse Lacedaemona splendide mentitur PHILOSTRATVS**, vt publico decreto ab ephoris proposito omnia voluptatis instrumenta sublata, et pristinam feueritatem reductam afferat. Quod caeteris Philostrati mendaciis esse annumerandum, vel vnus IOSEPHI, paulo post haec, quo haec gesta esse oportet, tempora scribentis, testimonio confici potest, qui Lacedaemonios *λίπαρὲς εἶναι καὶ τὰ σώματα πρὸς κάλλος ἀσκῶντας* testatus est, adeoque eandem vitae mollitiem etiam sub Vespasianis Lacedaemone perdurasse tradit†. Nec aliter apud Eleenses in Olympicis se gessit, qui se ipsi valde probabant. Interrogantibus tamen fociis, quid de Eleis, quantum quidem ad dispositionem Olympicorum, sentiret? *sapientes*, inquit, *an sint, ignoro, Sophistas saltem esse, puto*††. Qua responsione non ineptum quidem de Eleis tulit iudicium, se tamen illum animorum scrutatorem, qui omnia sciret, non esse, qualem Damis ineptiens venditauit, prodidit: immo se Pythagora deteriore monstrauit, qui ex vultu reliquoque animi et corporis habitu probe discernere poterat, sapiens quis vere esset, vel quis sapientiam externo vultu et ingeniosa affectatione simulare nossetⁱ, postea Lacedaemonam ingressus est, vt morum emendationem porro iuuaret, ibique more suo multa de moribus differuit, eiusdem prorsus cum superioribus generis, quanquam hic quoque contra temporum rationes peccare Philostrati narrationem, recte vidit TILLEMONTIVS.^k Tandem Romam, post longam satis moram, petiturus in somnio admonitus, Cretam appulit, Idaeque montis sacra inuisit, vt in his quoque sequeretur Pythagoram.

§. XIII. Romam petebat Apollonius, urbem hanc, imperii sedem, dignum tragoedia sua, vt vocat Lucianus, theatrum fore reputans. In quo tamen itinere haut leues se obiecere difficultates, quas non magno tantum animo, sed diuina etiam virtute, si eius biographos sequimur, superauit Apollonius: in qua tamen narratione iterum eorum fidem et accuratorem desideramus, qui haec nobis scripta reliquerunt. Audiemus tamen illorum narrata, ast examinabimus, et ponderabimus fidem. Nolebat philosophiae studia permittere Nero, eo quod non ipsius philosophiae de-

* c. 25. p. 166.

** c. 27. p. 167. Conf. TILLEMONT, l.c. p. 203.

† L. II. contra Appion,

†† c. 29. p. 169.

P 3

creta

i) Hoc enim vult sophistae nomen ab Apollonio adhibitum.

k) loc. cit.

l) Vid. MEYER, in Creta c. III. p. 72. sq.

creta explicare, sed curiosius vanis artibus deditos ^m, et magiae atque diuinandi audacia efferre se philosophos putabat: quibus suspicio male sedula curiositate in vitam et salutem principis eos inquirere, maximum aliquoties periculum grauesque persecutiones attraxit. Factumque est isto Imperatoris in philosophiam odio, ut magni quidam viri in vincula coniicerentur, tanquam Chaldaei, artiumque περιεργων cultores, complures ut periculum effugerent, passim hac illac dilaberentur. Ita quidem PHILOSTRATVS ⁿ, cuius tamen si non falsa prorsus, ex parte tamen suspecta est narratio. Silent enim hanc philosophorum persecutionem, qui in Neronis insania describenda accurati et prolixi fuerunt D I O et S V E T O N I V S ^o, quorum hic illud tantum narrat: *Neronem interfecta matre, cum furis exagitaretur, et materna specie, facto per magos sacro euocare manes et exorare tentauisse*. Quibus concinit P L I N I V S ^p, tradens: *omnia, quae magi promittunt, Neronem vana falsaque comperisse, cum nemo vnquam ulli arti validius fauisset*. Alia et plura, quam haec sunt, ignorant huius aetatis scriptores, non tacituri, si vniuersalem in philosophos persecutionem, qualis sub Domitiano facta est, Nero excitasset. Immo suspectum se facit ipse Philostratus, qui non Apollonium tantum, sed Demetrium quoque Cynicum Romae tum temporis toleratum fuisse narrat. Aut itaque tota deferenda est Philostrati narratio ^q, aut statuendum, quod verisimilitudine non caret, illud philosophorum genus, quod Chaldaeas artes, et περιεργων suae professionis, magiam nempe et vaticinandi peritiam iactabat, Neroni ab his impostoribus decepto inuisum vrbe cedere iussum esse. Quibus, cum Pythagorici et Platonici qui ex Aegypto per omnes Romani imperii prouincias se diffuderant, ipsi sese aggregarent, fieri omnino potuit, ut, artium Chaldaearum, (Babylonias vocat Philostratus) studiosos se perhiberent, et ipsi Romae ne essent, decerneretur. Quae tamen mire suo more auget Philostratus, ut illustrior videretur non animus tantum Apollonii, sed et virtus et sapientia. Qui cum stadiis adhuc viginti supra centum in Philolaum Cittieum incidisset, qui Roma discedens, quosunque inueniebat philosophos, ut secum fugerent, admonebat, ab eo periculi accepit notitiam. Suasit enim Philolaus, ut tempori cederet, nec portarum praefectis comprehendendum se exponeret. Quae licet magno contemneret animo Apollonius, ita tamen terruerunt discipulos, ut ex quatuor et triginta, quo numero eius constabat familia, octo tantum remanerent, reliqui, varios praetextus caussati, tergum verterent, et magistrum relinquerent ^r. Reliquos ad capiendum animum fortem excitauit Apollonius,

^m) Περιεργον αὐτῶν χρημα οἱ φιλοσοφῶντες ἐφάινοντο, καὶ μαντικὴν αὐσκιάζοντες, habet P H I L O S T R A T V S L. IV. c. 35. p. 175. vbi per περιεργον magicas artes, et inanes vanasque scientias intelligi ex Act. XIX. 19. patet: ex quo etiam loco intelligitur, has artes, valde tum inualuisse, quibus imprimis Platonicos, vel eos potius Phi-

losophos, qui ex Alexandriae Platonici prodierunt scholis, et per omnem discurrerunt orbem, se dedisse, sequentia probabunt.

ⁿ) loc. cit. ^o) In Ner. c. 34. ^p) L. XXX. c. 2. ^q) Philostrati hic labare fidem vidit iam et notauit G A V D E N T I V S de philos. Rom. c. LXXIII. p. 254. ^r) c. 37. p. 178.

lonius, eo effectū, ut moriendi etiam pro philosophia animum fumerent, cumque iis recta Romam contendit. Vbi ad portas venit, ob habitum sacrum et circumforaneorum non dissimilem sine examine admissus, cum commissatorem ebrium, Neronis carmina pretio cantantem negligentius audiret, suspectum se reddidit; altero die ad consulem Telefinum ductus est, in cuius tamen annis iterum dubium occurrit, fidem Philostrati subleſtam reddens. Examinatus a Telefino, qui horum hominum generi fauebat, et cultui diuino addictus, cum eiusdem commatis esse se probaret, potestatem accepit, omnia templa intrandi, commendandus sacerdotibus a consule. Ingressus itaque templa ea reformauit, eamque libertatem, cum reprehenderetur, defendit. Addit his PHILOSTRATVS J, dum in templis doceret Apollonius in dies creuisse religionem, magnis et frequentibus factis hominum concursibus; quasi plura a Diis bona hic eos manerent: neque adhuc eius suspecta fuisse colloquia, eo quod publice differeret. Vbi vero Demetrius Cynicus, cuius amicitiam Corinthi sibi conciliauerat, Romam postremum venit, coluitque Apollonium quidem, cum Nerone autem seipsum commisit, eius rei causam Apollonii philosophiam esse, suspicio orta est, isque visus Demetrium ad haec incitasse. Cum enim is Cynica verborum licentia Neronem offendisset, a Tigellino praetorio praefecto Roma expulsus est, Apollonius vero clanculum obseruatus, si forte et ipse quid animaduersione dignum aut liberum diceret nimis. Qui licet nec insultare videretur, et cum viris grauibz ipsoque Telefino philosopharetur, cum tamen eclipsin solis incidere, magnumque quid euenturum Apollonius praediceret, quod triduo post solis defectionem contigit, calice Neronis a fulmine in mensam decedente ex manibus traiecto, continuo non suspectus tantum factus est Tigellino, sed et illum metuit, tanquam rerum diuinarum callentissimum. Quem cum palam aggredi non auderet, clanculum eum obseruabat; Apollonio omnem cautionem et prouidentiam adhibente, et Menippum quoque; ne Cynica libertate crabrones irritaret, cohibente, et monente, Diis veniam daret, si morionibus oblectare se velint. Ea verba cum ad Tigellinum relata essent misit, qui ad praetorium Apollonium traheret dicentem, non laesam a se Neronis maiestatem, defensurum se vero apologia, aduersus delatorem, qui multos iam perdidderat. Is cum accusationis libellum Tigellino dedisset, et ille explicuisset, nullum literarum vestigium in eo inuenit, sed deleta signa omnia: inde daemonem eum esse, illi in mentem venit, quo argumento inductus, eum a turba remotum et in secretiorem praetorii partem pertractum, semotus

J) c. 40. p. 180. C. Lucius Teleſinus A. C. 66. cum C. Suetonio Paulino Consul fuit. Haec autem A. C. 62. euenisse oportet, si vera sunt, quae narrat Philostratus, vid. TILLEMONT. in Apollon. p. 203. cuius fidei ut subueniat doctissimus OLEARIUS, pro ἑτερος τῶν ὑπάρχων

legi vult ὅτερος. Huic vero coniecturae obstat, quod ex h. l. Philostrati pateat, Teleſinum tum fuisse Pontificem Maximum, quod munus vel sibi reseruarunt imperatores, vel primae tantum dignitatis viris, consularibusque tradiderunt.

J) c. 41. p. 182.

t) Eo quod pro imperatore

motis arbitris, quisnam esset, interrogauit, Apollonius parentes, patriam, vitae genus indicauit, vatem se, et diuinandi arti deditum negauit. Cumque eum dimitteret Tigellinus, vade corporis postulato, corpus suum vadem non recipere dixit, quod vinculis constringi non posset. Quae omnia tam diuina visa sunt Tigellino, vt eum, tanquam potentior omnino magistratu dimitteret. Haecenus PHILOSTRATUS^a, Damidis, qui se his interfuisse ait, memoriis vsus. Quae si paulo accuratiori lustramus examine, non dubiis tantum subiecta sunt magnis, sed et omni fidei historicae gradu debito destituuntur. Vt enim taceamus, eclipseos illius tempus non incidere in consulatum Telefinae, siue cum SCALIGERO^a et TILLEMONTIO^b A. C. LIX. siue cum OLEARIO^c A. C. LXIV. accidisse statuamus; ipsa, quam Philostratus habet, narratio tota fabulam redolet. Nihil de iis habent vitae Neronis et historiarum huius temporis, scriptores, quos eo minus tam memorabile et celeberrimum Apollonii per omnes gentes iam innotescens facinus tacuissent; si reuera euenisset, quo magis in minimis etiam Neronianae dementiae exemplis notandis fuere diligentissimi. Nec sibi satis constat Philostratus, qui paulo supra omnes philosophos vrbe eiecisse, non sine magna saeuitia Neronem, narrat, hic vero impune licuisse atque palam Apollonio in templis quoque philosophari, et cum Telefino eius rei causa saepius congregari, tradit, quae publica philosophandi libertas homini sine accurato examine concessa, cum illa philosophorum omnium persecutione stare nequit. Nec videtur probabile, Telefinum virum consularem cum eo viro familiariter se gessisse, qui laesae maiestatis imperatoris esset suspectus, Tigellino magna crudelitate in omnes eos saeuiente, quos vel leuissima suspicio suspectos reddiderat. Quod si verum est, euanescentibus accusationis libelli literis visum esse Apollonium eum, qui *μάντις* esset, vel plane rem cum daemone quodam haberet, cur tolerauit Tigellinus hominem, quem *περίεργον* hoc agere nouerat? cur inuisam et eiecram philosophorum professionem sequentem ex edicto Caesaris vrbe et Italia non eiecit? Et qua ratione factum est, vt tantopere ira Neronis in philosophos grassante Demetrius Cynicus ausus fuerit caninam in imperatorem dicacitatem exercere? Cur non Tigellinus, qui tanto Apollonium persecutus est odio hominem *γοντίας* artibus suspectissimum et maxima iuris seueritate vsus ab hero suo remouit? Alias difficultates his non minores, breuitatis causa non adducimus, cum apud GAVDENTIVM^d queant legi, hae enim sufficiunt, vt, sibi non constare Philostratum, quilibet palpet. Quem si non ipsum, certe primos fabulae Apollonianae architectos in condendis his narratiunculis ad Saluatoris sanctissimi historiam respexisse, et,

ratore catarrho laborante homines supplicarent,
c. 44. p. 185.

^{a)} loc. cit.

^{x)} Ad Euseb. p. 195.

^{y)} In Ner. p. 457.

^{z)} Ad h. l. Priorem sententiam suadet T A-

CITVS Ann. L. XIV. c. 21. Quaeque Olearius affert, nituntur sola Philostrati auctoritate, et serie historiae Apollonii, quam in dubium vocandam esse, tot haecenus rationes suaserunt.

^{a)} De Philos. Rom. c. LXXIII. p. 553. seqq.

et, vt Apollonium tanto orbis reformatore non minorem effingerent, ista ex ingenio ita fuisse commentos, lectori paulo attentiori, facile subnasci potest suspicio. Sacra enim nobis narrat historia, filium DEI humana specie indutum cum Hierosolymas proficisceretur, habuisse discipulos secum, multosque retro cessisse, vbi imminetia fata aduersa audissent: Ingressum urbem Iesum templum adiisse, reformatasse abusus, magnaeque hominum frequentia docuisse; captum ac ad Praesidem prouinciae adductum, laesae maiestatis imperatoriae reum accusatum et a Praefide in Praetorio semotis etiam arbitris examinatum suspicionem daemonis in humana specie latentis excitauisse, ideoque eum etiam, maiora humanis de se fatentem, iudicem liberum dimittere voluisse. Quae si cum narratis conferantur, aut coecos nos esse, omnique sensu destitutos oportet, aut fateri, totam hanc narrationem in eum finem corrasam fuisse, inuitis historiae huius temporis testibus et annalibus, vt Iesu Christo non minora vel dissimilia fecisse Apollonium homines crederent. Quae si contradictionibus et confusione, in Philostrati historia occurrenti iungimus, non potest non omnis collabi nugacissimi sophistae fides atque auctoritas. Is tamen porro audiendus est, vt Apollonium totum et in cute noscamus.

§. XIV. Cum in Graeciam iter ingrederetur Nero, publice *Iter Apollonii* ediceret, (quod tamen omnes reliqui tacent historicorum commentarii) *Hispanicum* ne quis philosophus Romae esset, Apollonius ad occidentales urbis partes *et Aegyptiacum.* severtit, quas columnis terminari dicunt, oceani spectaturus aestum et Gades, eo quod de illorum hominum philosophia audiuiisset, quod ad diuinam sapientiam proxime accederent. Hos cum accessisset, eius potissimum in eo labor versatus est, vt Neronem Hispaniae incolis ridendum et contemnendum proponeret, et Baeticae prouinciae Procuratorem ad seditionem et conspersionem contra Neronem incitaret. Fatetur hoc non solum Philostratus, sed et tanquam eximium tantoque philosopho dignum laudat, quod aduersus Neronem tragicis cantibus in Achaia indulgentem non prouinciae tantum procuratorem, sed et eo auctore oratione a Vindice habita purissimae philosophiae fontibus contra tyrannum turgente, et quae his sunt similia, exercitum excitauerit. Ex quibus facile, si seriem historiae impostoris, qui Romae repulsam tulit, intuemur, cuius generis philosophia Apollonii fuerit, quod daemone actus inter homines apparuerit, iudicium ferri potest, si eam cum Christiana comparamus, quae Paulo sub eodem Nerone praeunte, intercessionibus precesque armorum loco contra tyrannos commendauit, fidem pacemque et obsequium postulauit.

Rebus

b) Pluribus, hoc consilio scopoque Apollonii vitae fabulam conscriptam fuisse, infra ad oculum quasi demonstrabimus. Id quod mox c. 45. narratur, resuscitasse Apollonium puellam consularem. c) c. 47. p. 188. d) L. V. c. 7. 8. 9. 10. e) Pulchre hic monet TILLEMONTIUS l. c. p. 203. solum Christianam religionem homines non officii tantum sui, sed et fidei et sanctitatis iureiurando erga magistratus seruan-

di admonere, hancque iis virtutem conciliare. Quibus perperam obiicit P. BAYLE Dict. T. I. art. Apollonius not. F. p. 268. fuisse multos inter Christianos, qui religionis et iustitiae obtentu seditionem et arma in principes suos mouerint. Hoc enim Christianae religioni obici non potest, quae omnem violentiam improbat, et non alia arma, quam preces et patientiam contra tyrannos commendat: sed hominum ambitioni, turbas

quae-

Rebus in Hesperiiis partibus, ipsius Apollonii cura, exasperatis, et ad seditionem spectantibus, Apollonius in Africam profectus est, et cum comitibus ad Tyrrhenos inde in Siciliam traiecit, ubi Neronis mortem et occupatum ab aliis imperium esse audiuerunt, et ubi iterum diuinæ scientiæ et sapientiæ arcanam fatorum seriem detegentis specimina edidisse, et ita ab incantatoribus se distinxisse dicitur Philostrato, iudicii defectum egregie proderit ^f. Ex Sicilia in Graeciam, exque ea regione in Aegyptum cum sociis nauigauit. Quibus in itineribus, quantum gentibus profuerit, quæ pericula praedixerit et euaserit, qua ratione Athenis initiatus tandem cum Demetrio et Musonio egerit, ipse narrans taediosa prolixitate legendus est PHILOSTRATVS ^g, cuius nugas enarrare omnes, nec nostri patiuntur limites, nec lectoris decet patientiam, adeo ubique ineptit, et nec ad veritatis nec ad verisimilitudinis leges attendit. Aegyptum vero adiisse Apollonium eo minus mirandum est, quo magis eam horum impostorum patriam quasi fuisse, certum est, ipsique Alexandrini, leuissimi homines, et superstitioni longe deditissimi, qui ex fama Apollonium nouerant, eius videndi desiderio tenebantur ^h. Versabatur tum in Aegypto Vespasianus, idque agebat, ut quam nuper arripuerat, imperatoriam dignitatem, sibi confirmaret. Cui cum omnium ordinum homines, etiam Philosophi, Dion et Euphrates obuii facti essent, solus Apollonius in templo remansit et philosophando tempus triuit: Imperator benigne illos allocutus versaretur in his locis Tyanensis interrogauit? et se isto viro opus habere dixit, moxque ad templum accessit, Apollonium allocuturus, qui in Iudaeam ad eum vocatus venire recusauerat, ut de imperio cum illo colloqueretur. Quod si PHILOSTRATO ⁱ fides, imperator eum supplex quasi, tanquam Deum quendam veneratus est, et ut se imperatorem faceret, rogauit, Apollonio annuente, et qua ratione imperium gerere debeat, monente, acclamante omni populi turba. Quæ omnia superba oratione exsequitur Philostratus, ut a Sophistæ ingenio multa accessisse dubium non sit: rem tamen ipsam gestam in hunc fere modum esse, non dubitandum videtur. Erat enim Vespasianus vir callidus iisque artibus instructus, quibus praeparatum oportebat eius pectus, qui regnum inuadere iustitiæ et aequitatis spe vellet. Qui cum Diis potissimum monitoribus et ductoribus imperii frena arripuisse videri cuperet, ut multitudinem ad recipiendum nouum dominum superstitione magis, quam armis adigeret, non solum vaticinia oraculorum artificiosa ad se interpretatione traxit ^k, sed cum sciret etiam, sacerdotum, theurgorum, hisque similibus hominum artibus nihil ad flectendos populorum animos esse salutare magis atque vtile, praesertim in Aegypto, qua popu-

lus

quaerenti, et religionis praetextu cuncta mouenti, adscribendum est. Certe sub ipso Nerone quietam et tranquillam vitam, pietate et honestate nixam, commendabat Paulus i Tim. II, 3.

^f) ib. c. 12. seqq. ubi inter alia narrat ex monstro tricipiti, tres imperatores futuros praedixisse, quorum neuter perfecto imperio potiturus sit, id-

que in Galba, Vitellio, Orhone fuisse impletum. Quæ ipso monstro informia et absurda magis esse, quis non videt?

^g) c. 18. seqq. p. 202. seqq.

^h) c. 24. Dictum de hoc Alexandrinorum studio T. I. L. II. c. ult. ⁱ) c. 28. p. 211.

^k) vid. omnino TACITVS Hist. L. II. c. 82.

lus totus superstitione regebatur, varias hanc in rem artes adhibuit, vt non hominum vi et consilio, sed Deorum vindicum voluntate imperio Romano praefectus videretur ¹. Hinc ratio petenda, cur Aegyptum omnium fere primum adierit, cur miraculosas fanationes finxerit, earumque scenam artificiose instruxerit, cur templa primum ingressus sit. Cumque Tyanensem eiusmodi fama, quod daemonis instar in hac terra versaretur, inclaruisset inter populos sciret, nihil sibi magis apud plebem, praesertim Alexandrinam, vsui fore credidit, quam si ab Apollonio, volente Deorum consilio, imperator declararetur. Cuius effectum mirabilem cum sentiret Vespasianus, vir callidus, et scenae inseruendi aptissimus eum nullo non honoris cultusque genere Apollonium fuisse profectum, omnino verisimile est, non quod talem eum censeret, qualis ferebatur, sed quod a populo, ab illo rem suam probari, credi ipsius plurimum interesset. Attemperauisse etiam Apollonium consilia sua noui imperatoris ingenio et scopo, non obscure prodit PHILOSTRATVS ^m, qui narrat, disceptatione inter imperatorem et philosophos Apollonium, Dionem et Euphratem inita de constituendo imperio, cum Dio et Euphrates restituendam rempublicam a tyrannide vindicatam libertati suae contenderent, Apollonium graui eos oratione obiurgauisse, et vt principatum mordicitus teneret, Vespasiano auctorem fuisse, offensis licet philosophis modo dictis, ex quibus Euphrates ab eo tempore infenso in Apollonium fuit animo. Quam inimicitiam vt parum curauit Apollonius, de imperatoris, cui tantopere sua auctoritate inseruiebat, gratia certus, ita salutaribus eum ad feliciter imperandum orbi monitis instruxit ⁿ. Quae tamen monita, si modo ita imperatori suggessit Apollonius, nec in Sophistae ingenio nata sunt, paedagogicum valde sapiunt fastum, hominemque produnt, artium imperatoriarum prorsus imperitum. Quae sine dubio caussa fuit, cur firmato postea imperio Vespasianus Apollonio obsecutus non sit, huiusque ita ab eo animus disiunctus fuerit, vt ad eum, etiam vocatus venire amplius nolle. Scilicet libertatem Graeciae ciuitatibus, quam iis donauerat Nero, fustulit Vespasianus: qui, cum ad hanc eas libertatem peruenisse inseruendo dementiae et voluptatibus Neronis cognouisset, nec hanc stare simul posse, cum Romani orbis sub vno capite imperio, conuenienter statui et circumstantiis suis hanc iis libertatem ademit. Quod cum non assequeretur Apollonius, qui fanaticum magis vitae genus secutus erat, quam aulicum, improbavit epistolis Laconicis, intolerabilem et plane puerilem fastum erga imperatorem testantibus ^o. Mansit itaque Apollonius in Aegypto, in qua miranda multa patrauisse porro nu-

Q 2

gatur

¹) Digni qui de miraculis Vespasiani legantur viri eruditissimi C. AVG. HEVMANNVS pec. diff. Poecil. T. II. L. III. p. 427. IAC. SERCES tr. des miracles p. 276. seqq. I. L. MOSHEM. ad CVDWORTH. Syst. int. c. IV. §. 15. n. 12. p. 307. ^m) c. 32. seqq. p. 214. seqq. ⁿ) c. 36. seqq. p. 220. seqq. Eleganter vero,

cum Euphrates quoque dicere iussus esset, inter alia monuit: *Philosophiam caneat, quae commercia cum Diis iactat, eos enim, qui de Deo multa parum sana fingunt, nos mani tumore implere.* Id in Apollonium dictum fuisse, ipse monet PHILOSTRATVS l. c. c. 37. p. 222. ^o) c. 41. p. 224.

gatur PHILOSTRATVS, cuius tamen fabellas narrare omnes nec e re nostra, nec ex lectoris esse iudicamus. Vnum tamen praetereundum non est, cuius historiam ita exponit Sophista: leonem mansuefactum loco, veluti canem non nemo ducebat: qui hominibus blandiebatur, et per multa vagabatur oppida, et templa quoque intrabat, nec carnibus vescabatur sacrorum, sed mellitis placentis et pane gaudebat coctisque carnibus: vinum etiam bibebat. Apollonio autem maxime blandiebatur, et magis illi, quam vlli alii mortalium, assidebat. Hunc ope sua indigere professus Tyanensis, hominis in eo animam esse, Amasinque in hoc leone obambulare dixit, qui Rex Aegypti fuisset. Leo haec audiens miserabiliter eiulauit, lacrymas etiam mittens, quem demulcens Apollonius iubet in templum Leontopoli collocari: Regem enim in beluam regiam migrasse, et circumuagari: inde sacerdotes leonem torque et vitis redimitam tibiis et hymnis in interiorum Aegyptum deduxerunt. Ita PHILOSTRATVS^{p)}, non maiorem fidem meritis, quam cum Iarcham Gangem fluium fuisse narrat. Cuius tamen ineptiis vt subsidio veniret eruditissimus OLEARIVS^{q)}, cum literaliter intellectum insaniam Apollonii prodere videret, ad sensum figuratum et hieroglyphicum referendum esse statuit, eo quod Aegyptiis in more positum fuerit, Deorum et Heroum naturam, indolem, virtutes sacris huiusmodi symbolis repraesentare, imitandaque proponere, cum optimus eorum cultus iuxta eos et Pythagoricos, HIEROCLE teste^{r)}, sit imitatio. Sic Apin regem suum bouis symbolo repraesentasse. Simili ergo modo Apollonium Amasis herois repraesentandi aptissimum symbolum hunc leonem iudicasse, nempe eum regis, moribus simillimum esse, generosum animal et φιλάνθρωπον, idque συμβολικῶς exprimendo more Indicae et Pythagoreae philosophiae animum Amasis immigraffe, dixisse. Nihil habet noui haec μετεμψυχώσεως Pythagoricae explicatio, quam pluribus viris doctis placuisse, *tomoprimum*^{s)} fuisse docuimus, verum autem non esse, et nec veterum relationibus nec systemati Pythagoreo conuenientem, luculenter demonstrauimus. Cum itaque Apollonius Pythagoream philosophiam secutus sit, eadem rationes hic quoque pugnant, nec συμβολικῶς esse haec intelligenda, docent. Quod si ad haec non attendimus, adeo manifestus est narrationis Philostrateae sensus, vt nos quidem non aliam ex ea sententiam queamus elicere, quam, regem Amasin in hanc regiam beluam migrasse; hoc enim velle verba Philostrati: βασιλέα γὰρ ἐς τὸ βασιλικώτατον τῶν θυρίων μεταβάλλοντα, quilibet Graeci sermonis mediocriter peritus videt. Nec Apis solum regis symbolum fuit, sed ei anima regis inesse credita, vel inhabitare potius numen quoddam; vt taceamus Indica, quae Gymnosophistis tribuit Damis, eandem μεταβολὴν et migrationem animae in varia corpora manifeste supponere. Patet etiam ex aliis locis huius vitae Apollonii^{t)}, hunc simium Pythagorae simpliciter et ad literam huic dogmati inhae-

p) c. 42. p. 235. seq. q) Ad h. l. n. 9.
r) Ad aur. carm. v. 2.

s) L. II. c. 10.
t) L. III. c. 22. L. VI. c. 43.

inhaesisse. Quod si admittimus, vt non potest non admitti, nisi vim inferre velimus verbis clarissimis, euentissimum putamus esse, Apollonium fuisse aut impostorem impudentissimum, aut hominem simplicitate et superstitione anili turpissimum. Quem eius characterem tota vitae eius comprobata historia.

§. XV. Ex inferiori Aegypto in superiorem atque Aethiopiam iter ingressus est Apollonius, cum gymnosophistis vt conuersaretur, Menippo Alexandriae Euphratis obseruatore relicto, cum viginti discipulis qui itineris taedia metuebant, decem ex iis magistrum sequentibus. In quo itinere nec templorum, nec delubrorum, quae in Aegypto sunt, vllum praeterierunt filendo, sed vbique sacras doctrinas vel acceperunt communicatas vel cum aliis communicarunt *: ex quo, qualis illa doctrina fuerit, si cum illis comparetur, quae de Aegyptiorum philosophia suis locis diximus, coniici sine labore potest. In Aethiopiam ex Aegypto transgressus * ad gymnosophistas iter direxit, quorum philosophorum qualem tum conditionem fuisse Philostratus tradat, *tomo primo* y fuse enarrauimus. Monuisse eos praemisso nuncio Euphratem, cauere sibi ab Apollonio, indicat historicus, addens, innumera contra ipsos argumenta comparasse: quae illi vera esse rati, cum is aduenisset, cum eo colloqui recusauerint, varios praetextus quaerentes: donec tandem meliora edocti, et de calumniis Euphratis certiores facti, se aduenturos promitterent: id quod altera luce factum z. Non enarrabimus colloquia gymnosophistarum cum Apollonio, ne in prolixiorum iusto campum deducatur tractatio: quae enim momentum habent, si modo habent, ex iis, quae de gymnosophistis Aethiopum supra diximus, intelligi possunt, reliqua, quae potiorum partem constituunt, adeo puerilia sunt, vt non nisi Damidis simplicitate vel Philostrati leuitate digna iure videantur. Pleraque enim de vitae suae instituto Indorum gymnosophistarum disciplinae praeferebant agunt, et vt verum fateamur, nobis valde scholam Sophistae, non vero arenas Libyae redolent. Miscet et huic narrationis parti *Σαυμάσια* Philostratus, vt lectori placeret. Narrat enim a Thespesionem gymnosophistam, vt se arte Indis non cedere demonstraret, mandasse vmo, sub qua disputabant, vt distincta voce salutaret Apollonium, idque arborem articulata foeminae voce fecisse. Quod commentum ideo huic Milesiae fabulae infarserunt nugatores, vt in eo quoque Pythagorae similis euaderet Apollonius, quem a Caucaaso flumine clara voce salutatum fuisse narrat PORPHYRIUS b. In quo tamen mire iterum oscitantiam prodidit fabulae huius architectus. Supponit enim ista narratio, inesse partibus mundi omnibus spiritus daemonesque, et arboribus quoque, quos Dryadas vocasse veteres alibi notauimus: quam Pythagoream hypothesein Apollonio placuisse, paulo ante ex Philostrato narrauimus. Ast hic non Apollonio hoc miraculum

Q 3

*) c. 43. p. 228. x) L. VI. c. 1. p. 228.
y) L. I. c. 9. z) c. 7. seqq.

a) c. 10. p. 239.
b) Vit. Pythag.

culum tribuitur, sed Gymnosophistae Aethiopi, ad quos peruenisse Pythagoricam philosophiam, nemo vnquam, ne Damis quidem ipse mendax, professus est. Multo magis talia affert, de iis PHILOSTRATVS^c, vt ab eiusmodi imposturis Pythagoreorum longe abhorruisse videantur. Dixisse enim Thespesionem refert: sapienti satis esse quidem, vt a cibo sit purus, qui animatus, et a desiderio quod per oculos subeat, inuidia item, quae sit iniustorum operum magistra, manumque simul animumque inuadat: miraculorum vero ostentatione aut arte magica non opus habere veritatem. Quae omnino Gymnosophistam sapiunt, licet, quae ornandi sermonis causa adiecit sophista^d, artem eius ad nauseam usque affectatam prodant, omneque verum personarum characterem supprimant. Ad ea quae respondit Apollonius, (modo illius sint, et non conficta a Philostrato) digna sunt tali philosopho, nec aliena ab eius characterem et animi indiciis. „Non se de eligenda secta vt cum ipsis consularet, venisse, sed vt sui consilii censoribus iis vtatur. Nempe cum in „Pythagorea philosophia magnum quid obseruasset, vt ineffabili sapientia seipsum cognouerit, ad aras item quanta puritate accefferit, ventrequae vt sit vsus ab omni animalium esu puro, quin et corpore puro ab „omni vestitu, qui ex animalibus esset, linguam porro vt primus mortalium frenauerit, reliquam denique philosophiam quasi ex oraculis compositam verissimamque praeftiterit; ad eius placita se conuolauisse, non „ex duabus vnam eligentem philosophiam; eam enim omnes, quotquot „habentur, opiniones suas quasi in orbem circa se disponentem, suoque „induentem ornatu in eas intueri, et recte delectum facere praecepisse. „Pulchrae cum omnes essent, in omnes fixisse oculos; et aliam eorum „voluptatem, aliam post labores quietem, aliam gaudium labori admiscendum promississe, sed ventris habenas laxatas, manusque ad diuitias rapientes paratas ostendisse, et perturbationes, quas cohibere se iactabant. „Vnam, qua Pythagoras victus fuit, se parum iucundam et aerumnarum „plenam se venditasse, subtrahere se et carnes, et vinum et lanam, calceos dare ex corticibus, et somnum sine apparatu, adeoque seueram se „esse, vt linguae quoque vincula parata habeat. Inde vero praemia existere temperantiam, iustitiam, et Deorum amorem, et fatidicam facultatem, et lucem, vt Deum possit discernere et heroem, et vmbrosa „phantasmata redarguere, si humanam speciem mentiuntur.„ Quae ita porro prosequitur Apollonius, vt hanc sapientiam non Graecis, sed barbaris deberi fateatur, eamque apud Indos se inuenisse dicat. Quae omnia licet rhetorico ita amplificentur artificio, vt dubium non sit, suis vestibis indutum Apollonium in scenam produxisse Philostratum, ita tamen depingitur philosophiae Pythagoricae, qualis eo tempore fuit, facies, vt quam personam effingere voluerit Apollonius, quam ei laruam induere

c) l. c. p. 239.

d) Flumen orationis huius ipse laudat A-

pollonii nomine PHILOSTRATVS. p. 241.

duere conatus sit Philostratus, in aprico sit. Reliqua quae his subiunguntur misera sunt, licet in ruborem dedisse aethiopem mentiatur sophista, qui pleraque ex suo ingenio finxisse, et verborum elegantia potius, quam ratiocinandi artificio valuisse videtur. A gymnosophistis ad quaerendos Nili fontes se conuerterunt Apollonius et focii, cuius itineris historiam iisdem affaniis cumulat, quibus Indicum cumulauerat Philostratus. Vidisse eos, tradit ^e hirco-boues, androphagos, pygmeos et sciapodas, fathyri spectrum petulanter feminis illudens, vino inebriatum quod aquario immistum erat, mansuefecisse, idque traditione conuenienter visibile ostendisse ^f: vidisse etiam catarrhaetas Nili tres, ad fontes tamen non penetrasse. Quibus quidem omnibus, experientia, si credis, nixis, fidem non denegandam esse cauillatur PHILOSTRATUS ^g, experientiam vero et fidem sensumque omnem ea contraria habere, quilibet videt, qui harum regionum indolem ex fide dignis eorum relationibus didicit, qui nostro tempore eas explorarunt. Ex Aethiopia cum rediisset Apollonius, altercationis ferra cum Euphrate reciprocata Titum adiit, de Hierosolymis captis gratulaturus eiusque modestiam laudauit, quod coronas et victoriae laudem renuisset, et se manus irae diuinae porrexisset dixisset, quod tantopere Tito placuisse, ait PHILOSTRATUS ^h, ut patris collega declaratus, Argos Apollonium vocauerit, et de imperii rationibus consilia cum eo agitauerit, ab eo de vitae suae insidiis morteque edoctus. Quod si verum est ⁱ, eadem ambiguitate in vaticiniis fuisse usum Apollonium, qua oracula ad decipiendos homines uti solebant, dicendum est, nouo imposturae eius argumento. Addit et hoc Apollonii encomiastes, commendasse eum Titum Demetrio Cynico, ad quem epistolam affert et Laconica breuitate et scholastico fastu atque imperio turgentem ^k. Post haec noua in Ciliciam, Ioniam atque Graeciam itinera suscepit, et miracula edidit plurima, quae cuius generis fuerint, ex allatis iudicari potest, nec crambem bis cum taedio coquere opus. Exemplum, qui vult legat ^l canis rabiosi, qui iuuenem momorderat, et aufugerat, sola Damidis heri nomine facta citatione adducti miraculum, qui puerum ideo morfu laeserat, quod anima Telephi Mysii in eum commigrasset, taliaque in eum fata decreuissent. Quae non tantum κατὰ τὸ ἔντρον intellexisse metempsychosin Apollonium produnt, sed et, quam futilia fuerint eius miracula, immo et naturalia, manifestant. Rabiosum enim canem aqua, ut morsum, curari ait CELSUS ^m.

§. XVI. Sublato Tito, cum imperii habenas capefferet Domitianus, Neronis vestigiis insistens crudelitatis et tyrannidis, quam iustitiae et clem-

*Inquisitio
Romana.*

men-

^e) L. VI. c. 22. seqq. p. 264. seqq.
^f) c. 26. p. 267. Quasi inebriari posset spectrum! Verum hoc ex Pythagoreorum disciplina, qui ὄνματα spiritibus tribuebant, crassiora malis, subtiliora bonis. Multa de istis, eorumque in nidorem carnis inclinatione IAMBELICIVS de myst. Aegypt.

^g) c. 27. p. 267.

^h) c. 29. 30. p. 268. seq.

ⁱ) Praedixit enim ei, Vlyssis morte obituum, id est ex mari. Marino vero lepore a Domitiano fratre enecatam fidem vaticinio fecisse Damis ait c. 32.

^k) c. 33. p. 271.

^l) c. 43. p. 278.

^m) L. V. c. 7.

mentiae potiore rationem habuit. Sensere tyranni faeuitiam philosophi, quos ob laudatam Thræseae et Heluidii Prisci virtutem, quos sanctissimos viros, Iunius Priscus appellaueratⁿ⁾, vrbe et orbe Romano proscriptis, tantoque philosophos terrore compleuit, vt habitu mutato alii in extremam Galliam aufugerent, alii in Lybiae Scythiaeque deserta, quidam etiam doctrinam amplecterentur, seculi vitiis consentaneam^{o)}. Exilium tum passum fuisse Dionem Prusaeensem, et ad Getas profugum habitu philosophico posito agriculturae operam nauasse^{p)}; item Epictetum Roma excessisse in sequentibus, horum philosophorum vitas enarraturi, dicemus. Contra quam Domitiani tyrannidem eo fuisse animo Apollonium narrat PHILOSTRATVS^{q)}, vt nil quidem sibi timeret ipsi, sed aliorum misericordia commotus omnem aduersus imperatorem quae in senatu esset, iuuentutem, omnemque quam in nonnullis obseruabat, prudentiam conuerteret, et in prouincias profectus, atque apud praefides philosophatus ad euertendam tyrannidem eos cohortaretur, exemplis ex Graeca et Romana historia ad audendum facinus adiectis. Quae tanquam insignis virtutis factique prorsus heroici specimina laudat, Zenonisque atque aliorum philosophorum exemplis tuetur, et tamen cum ab Euphrate delatus Apollonius, arcanorum rationes redditurus citatus esset, quod mox narrabimus, friuolis cauillationibus fateri subterfugit, caussatus philosophari se de factorum vi, quodque adeo mutari nequeant, vt si imperium alicui decreuerint, quod alter modo teneat, illumque hicce interficiat, ne ab eo exuatur imperio, etiam in vitam interemtus sit redditurus, quo factorum satisfiat decretis. Immo caussari non erubuit, colere se imperatorem, non vt seruus dominum, sed vt ciuis principem^{r)}. Quae, annon, puduisse ipsum Apollonium seditionis excitatae, saltem non fuisse ausum hanc patriae libertatis vindictam defendere, euincant, lectoris esto iudicium. Certe a seditione non posse absolui Apollonium PHILOSTRATVS^{s)} locuples testis est, narrans, ex focis prudentissimos quosuis modo istum, modo alium remotis arbitris allocutum, Romam misisse, vt in tyrannum quos possent, armarent, cum Nerua quoque ea de re publice locutum, eique imperium praedixisse. Quae cum cognouisset Euphrates, vt diximus, inimicitiae contra Apollonium instigatione ad Domitianum ab eo delata sunt, qui non tantum citauit philosophum, sed et ad Asiae scripsit proconsulem, vt comprehenderet Apollonium et Romam adduceret. Omnia haec vt scribit PHILOSTRATVS^{t)}, diuinitus pro more suo antea prospexit Tyanensis. Qui cum nihil timeret, ipse non communicato cum amicis consilio in Italiam iter ingressus est, quinta die placido cursu Puteolos delatus^{u)}. Ibi in Demetrium Cynicum incidit, qui ne Romam

n) SVETON. in Domit. c. 10. Conf. GAVDENT. de phil. Roin. c. LXXXII. p. 251. seqq. TILLEMONT. in Domit. not. g.

o) Ita PHILOSTRAT. L. VII. c. 4. p. 282. Conf. GELLIVS L. XV. c. II. EVSEB.

Chron. n. MMCIV. PLIN. panegyr. c. 47. init. Dictum hac de re supra capitis huius sect. I. §. ult.

p) PHILOSTRAT. vit. Soph. L. I. c. 7. p. 488.

q) loc. cit. r) L. VIII. c. 7. §. 16. p. 351.

s) L. VII. c. 8. p. 285. t) c. 10. p. 286. u) c. 10. p. 286.

nam accedens, philosophiae tantum periculum crearet rogauit, caussatus, philosophis ne mutire quidem concessum esse, sed crimen contra eos inuentum sapientia, et contra ipsum Apollonium, quando inter eos excellat sapientia, hanc callidam magis inuentam esse accusationem. Cupere enim Domitianum eum criminum esse complicem, ob quae Nerua eiusque comites exulent: suspectam esse et vitam et vestem, et honores, haec se a Telesino accepisse, qui ipse philosophiae causa ex vrbe emigrauerit. Nec esse vel ius, vel iudicem sed talem, qui causam non audiat, vel occidat tamen nullius criminis reum. Illa Demetrii oratione victus Damis, magistro ipse quoque iter dissuasit, nam pro philosophia ita moriendum esse, dixit, sicut pro aris et focus, pro moeniis et sepulchris: philosophiae vero perdendae causa, nec se mori velle, nec eorum quenquam, qui illam et Apollonium ament. In omnia alia se vertit Apollonii sententia, se enim omnia, dixit, scire, nec se stolido huc venisse consilio, nihil enim periculi corpori suo esse metuendum, nec tyranni vi se interfici posse, etiamsi hoc ipse velit: contra intelligere se, periculum esse, ne viros illos perdat, quorum vel ducem vel sectatorem eum faciat tyrannus. Ideo, neque consilium Damidis probabat, vt vestem mutaret, quod tamen illi permisit, vt plebeiam indueret, nec comam gestaret *. Interim Romae artibus, quae clanculum prodesse possunt, omnibus pro Apollonio vsus est Aelianus, praefectus praetorio, qui eum iam pridem amauerat, et cum eo in Aegypto erat locutus. Cautius tamen agendum ratus, iussit eum comprehensum ad se duci, quod eum tanquam incantatorem, eumque excellentem accusator detulisset. Sublato vero delatore cum in secretiorem praetorii locum deduxisset, amicum se eius esse, quod ei varia in Aegypto praedixisset, dixit, et accusari vestitum, et reliquam viuendi consuetudinem, item quod sint, qui Apollonium adorent, quodque multa aduersus imperatorem tum secreto, tum palam etiam, tanquam diuinitus accepta differuerit, quodque in agrum egressus dicatur ad Neruam, Arcadem in eius gratiam puerum secuisse, qui mactatus sit exitii imperatori procurandi causa, atque hoc sacrificio ad imperii spem eum erexisse. Ad hanc itaque accusationem apologia depellendam eum paratum esse oportere, quam etiam se suscepturum promisit Apollonius y. Aelianus itaque dissimulato, quod suscepit, Tyanensis patrocinio, de eo ad imperatorem retulit. Ex praetorio igitur dimissus Apollonius et in carcerem deductus eorum, qui vinculis nullis constringerentur, cum captiuus multa differuit, quae taediosa prolixitate exponit PHILOSTRATVS z: Tandem censualium ex imperatoris iudicio aliquis missus, iussit Apollonium circa meridiem in palatium venire, non vt causam dicat, sed vt eum imperator videat, et cum eo solo agat. In palatium adductum vbi imperator conspexit, viri attonitus specie, daemonium ad se adductum, exclamauit, quod Apollonius arripiens imperatori

*) c. 14. p. 291. seqq.

Hist. philos. Tom. II.

y) c. 17. 18. p. 298. seqq. z) c. 21. seqq. p. 300. sq.

ratori exprobrauit, qui cum se Palladis tutelae commisisset, Deos atque homines dignoscere non posset, et homines inter daemonum spectra collocaret. Domitianus autem conscium eum criminis Neruae esse statuens, de ea re se edoceri cupiit: quod recipiens Apollonius, Neruam tanquam mortaliū omnium moderatissimum mitissimumque impense laudauit, ad res autem magnas meticulosum esse monuit, nec amicos eius res nouas moliri testatus est. Quibus auditis ira intumescens imperator, quod eum syco-phantiarum reum ageret, et turbatores imperii tanquam quietos et bonos commendaret, scelestissima haec capita cum Apollonio conspirasse clamabat; et libellum ea detecturum minabatur. At ille, ne his quidem territus, defensionis licentiam ab eo petiit ^a. Quo facto in carcerem reductus et ignominiose habitus est, barba detonsa et coma, atque inter scelestissimos in vincula coniectus, Apollonio defensionem a tempore, et Deorum spiritu et amore philosophiae, cui se addixerat, sibi promittente, et ridente Caesarem, quod quem incantatorem haberet, vinculis constringi posse putaret ^b. Subornabat etiam Domitianus hominem callidum, fraudibus instructum, ut habitis cum Apollonio colloquiis insidias ei strueret, quas tamen magna prudentia euitauit, Damidemque anxium rerum praesentium, iisque diffusum erexit, praedicens, vitam ipsis ademturum neminem, sed liberatum iri ex arbitrio suo. Cuius ut daret illi exemplum, e compede crus eduxit ^c, et bono animo esse iussit. Tum se primum, Damis scripsit, penitius viri indolem perspexisse, diuina quod esset, et humana superior. Quod eo magis mirandum, quo his maiora et diuiniora vidit et in literas Damis retulit, qui quo erat inficeto ingenio, hic se sibi contradicere non animaduertit. Cum autem liberiores illi custodiam decreuisset imperator, et diem defensionis praestitueret, dimisit Damidem licet inuitum, et Puteolos pedes ire ad Demetrium, tumque ad insulam Calypsum se conuertere iussit, illic enim se apparere visurum, id quod Damis etiam exsecutus, iterque pedibus, uti iusserat, profecutus est, vitata ita graui maris tempestate, quam Apollonium praeuidisse dicit ^d. Cum iudicii dies aduenisset, introductus est in dicasterium Apollonius, in quo imperator cum familiaribus et nobilioribus urbis viris confederat, contendente eo, ut coram plurimis Apollonium deprehenderet, virorum illorum complicem ^e. Ille vero adeo imperatorem alto despiciebat supercilio, ut ne respiceret quidem. Accusator, submissus ab Euphrate, tanquam veneficum detulit, et accusationis libellum obtulit; ex quo de quatuor potissimum capitibus quaestionem instituit imperator; nempe: cur proprio et singulari plane utatur habitu? cur eum Deum vocent homines? quo instinctu aut qua coniectura Ephesiis pestem praedixe-

rit?

^a) c. 32. seq. p. 312. seq.

^b) c. 34. p. 313. seqq.

^c) Fateretur Damis vel PHILOSTRATUS c. 39. p. 318. magos eiusmodi ostenta efficere posse, sed ob media adhibita eam artem incer-

tam esse et fugiendam. Quasi vero non, qui se altiore magiae gradum attigisse iactabat Apollonius, eandem censuram mereretur!

^d) c. 41. p. 319. seqq.

^e) L. VIII. c. 1. seqq. p. 322. seqq.

rit? cur in agrum profectus et in cuius gratiam puerum sacrificauerit? Ad quae accusationis capita paucis ita respondit Apollonius: vti se vestibus ex terra, ne animalibus molestiam afferat: Dei nomine se honorari a quibusdam, quoniam vir omnis, qui bonus existimatur, Dei cognomine honoretur. Pestiferi morbi malum primum se sensisse, tenuiori victu usum. Ast quod ad puerum attinet, nec pedem domo extulisse, neque in rure fuisse atque ibi sacrificasse; ista enim probanda esse. Quae omnia an disciplinae, quam sequebatur Apollonius, consentanea dicta fuerint, iudicent, qui philosophiae eius, quam affectabat, picturam ab ipso supra delineatam contemplati sunt. Domitiano tamen fecere satis, qui eum ab intentatis criminibus absoluit, manere tamen iussit, quoad priuatim cum eo fuerit collocutus. Recitat etiam prolixam apologiam Apollonii ΠΗΛΟΣΤΡΑΤΟΥ ^f, quam scripto consignasse ait, cuius summa eo tendit, vt virum Pythagoreum Deorum communione gaudere, factorum ordinem inspicere, hincque praedicere futura demonstret, et ab intentato sacrificii et periurii crimine Apollonium liberet, congestis maledictis et opprobriis in Euphratem plurimis. Quam tamen non ipsius Apollonii opus esse, sed Philostrati, sophisticam eloquentiam in ea apologia ostentantis, eo magis verisimile est, quo magis Laconica breuitate fuisse usum Tyanensem ipse nobis narrat. Apollonius manere iussus, vt vel audiretur, et ab exulibus insulae, terrae gemitibus, exercitus formidine, senatus suspicionibus liberarentur; vel si nolit, dimitteretur, postulauit, et se capi non posse professus e dicasterio disparuit ^g. Quae ita quidem pro certo narrat Philostratus, quasi ex tripode foliisque Sibyllae hausta, parum tamen habent verisimilitudinis. Quis enim credat, Domitianum tyrannum crudelissimum suspicionibus et caedibus indicta etiam caussa cuncta complentem, et in Neruam ac coniuratos acerrima ira flagrantem, Apollonium, quem consiliorum participem certo certius nouerat, sola facti negatione absoluisse, nec aliter in hanc caussam inquisiuisse hominem suspicacissimum? quis philosophum, incantatorem habitum, et disparendi facultate probatum ab imperatoris aula non quaesitum esse putet? quis tam illustris tantoque apparatu instituti dicasterii finem tam puerilem atque ludicrum fuisse sibi persuaheat? et quis sophistae eloquentiam a breuissimi sermonis philosopho adhibitam, vel mediocri colore persuasus admittat? Adeo in hac quoque historiae suae parte verisimilitudinis rationem habuit fere nullam Philostratus ^h: si etiam concedamus, quod eius temporis magis veteres vindicant, potuisse eos ex oculis hominum disparere et euanescere ⁱ. Miramur potius Domitiani patientiam, qui hominem, qui tot eum modis ludibrio habuerat, quem in caput suum coniurasse non ignorabat, quaerere posthac nunquam ausus est. Verum ex eiusmodi ἀπίστοις καὶ ὀλιγοπίστοις constituisse Pythagoreorum historias fere omnes, historiae eorum

R 2

perito

^f) c. 7.^g) c. 5. p. 326.^h) Conf. TILLEMONT. l. c. p. 208.ⁱ) De Simone mago id refert Auctor Recept. L. II. p. 32.

perito non ignotum esse existimamus. Quicquid vero illud est, quod lectori examinandum relinquimus, discessit ante meridiem e Dicafterio Apollonius, circa ipsam vero meridiem Demetrio et Damidi Puteolis apparuit ^k. Quem cum vidissent, dubii primum haerebant, vtrum is esset? ast is protendens manum, viuere se, et spectrum non esse demonstrauit, et tangentibus se praebuit. Quo illi surgentes viro inhaerunt, eumque osculati sunt, et narraturum acta istius diei in Demetrii domum deduxerunt.

*Per Apollonii
Graecum.*

§. XVII. Rebus Apollonii hunc in modum in Italia confectis, in Graeciam nauigare constituit, consensaque, quae in Siciliam soluere parata erat, naui, in Siciliam prius, deinde in Peloponnesum traiecit ^l. Naui egressus Olympiam abiit, et in Olympii Iouis templo egit, neque ultra Scilluntem inde digressus est. Quem cum viuere et in Graeciam venisse, constans fama dictaret, primum quidem fabula visa est; ad Graecorum enim aures de eius fati varia fama peruenerat, alique viuicomburio interiisse tradebant, alii viuum relictum, sed vncinis ceruici impactis tortum dicebant, alii in barathrum, alii in puteum demersum narrabant: postea vbi de eius aduentu certior fides facta est, insigni frequentia ad eum videndum confluxere Graeci. Qui cum ab iis, qui ex Italia aduenerant, (ipse enim quo pacto saluus euaserit, non aperiebat) quae in Dicafterio facta essent, comperissent, parum absuit, quin eum adorarent, diuinum esse existimantes virum, ob id quoque quod fastu se non efferret: in quo falsos eos fuisse, ex narrata hactenus historia fati liquet ^m. Cum Damis vero de pecuniis Apollonium consuleret, quoniam viatici parum oppido iis esset relictum, illud curaturus Apollonius in templum sequente die veniens ex Iouis thesauris drachmas mille petiit, et a Sacerdotibus lubens accepit ⁿ; quae attento lectori argumento esse possunt, vel conspirasse cum sacerdotibus impostorem, eorumque rem ita iuuisse, vt ex praemiis et emolumento, ipse quoque partem acciperet, vel vix esse probabile, sacerdotum auaritiam in partem quaestus Apollonium admisisse. Quod vero omnem verisimilitudinem superat, hoc praecipue est, quod in tanta Domitiani faeuitia, et inter tot, quos vbique locorum alebat, obseruatores tanta linguae proteruia, orisque maledicentia in imperatorem impune debacchari, et seditiosis omnia complere vocibus sine periculo potuerit, qua in re fidem Philostrati recte desiderat doctissimus TILLEMONTIVS ^o. Olympia in Arcadiam transgressus est, Lebadeae celeberrimum Trophonii antrum, quod nondum viderat, aditurus, quod inter celeberrima eius temporis oracula habitum est. Ibi cum in templum venisset, vt demitteretur, de philosophia consultaturus, a sacerdotibus petiit, repulsam vero tulit, quod incantatorem admittere nollent. Vnde vespera cum sequacibus ad ostium accedens adolescentibus, et quatuor ex obeliscis reuellens, claues qui

^k) c. 10. p. 354. seqq. Etiam hoc ad imitationem Pythagorae diuersis locis apparentis.

^l) c. 14. p. 358.

^m) c. 15. p. 359.

ⁿ) c. 17. Iucripetam fuisse inde colligit TILLEMONTIVS. l. c. p. 208.

^o) l. c. p. 208.

qui continebant, quibus aditus panderetur, sub terram penetrauit cum pallio, quasi disputaturus. Quod ita acceptum fuisse Deo, ait PHILOSTRATUS², vt sacerdotibus apparens Trophonius, seuere non tantum in eos ob virum illum animaduernerit, verum etiam praeceperit, vt eum in Aulidem prosequerentur, quod illic emerfurus sit ex antro, modo maxime omnium admirando. Nempe die septimo inde emerfit, quo nemo vnquam eorum, qui fatidicam specum intrauerunt, afferens libellum, in quo ad interrogationes ex Pythagorica philosophia oraculum respondit. Quem libellum Antii in palatio Adriani seruatum esse refert PHILOSTRATUS³. Quae historiae Apollonii particula si cum circumstantiis antri Trophonii confertur, eleganter imposturas Apollonii malamque fidem Damidis et Philostrati prodit⁴. Istis artibus non potuit non augeri nominis Apollonii celebritas, iis enim Pythagoras quoque caput extulisse dicitur, ad cuius famam adspirabat Apollonius. Insigni itaque discipulo-

R 3

rum

p) c. 18. p. 362.

q) c. 19. p. 364.

7) Digna est haec vitae Apollonii pars, ad quam paulo attentius respiciamus: id quod fieri nequit, nisi praemissa celeberrimi oraculi descriptione, quam PAVSANIAE debemus, qui hoc antrum in Boeoticis p. 313. diligentissime descripsit, qui nempe ipse illud consuluit: Descensus in Trophonii antrum primum certum dierum numerum in aedicula quadam commorari habebat necesse, expiationes suscipiens, varias, imprimis abluendus in Hyrcina struio, et sacrificaturus Trophonio et Filiis, Saturno et Ioui regi, Iunoni Heniochae, et Cereri Europae: ex extis haruspex denunciat, num satis placatus Trophonius? Descensus tum sacrificuli noctu ad fluium deducunt, oleo inungunt, pueri oppidani abluunt. Post ad fontes deducitur lethes, vt omnium obliuiscatur, et Mnemofynes, ne memoria defluat, sed teneat, quae intra penetralia viderit. Tum simulacrum Daedali contemplatus, cum multa religione votisque nuncupatis in antrum demittitur. Erat id supra lucum in monte, crepido in orbem candido saxo circumdata. Erekti super ea obelisci aenei; inter eos media ostia, intra ambitum specus non natura sed artis opera solertissime excisus, eius subterraneae cellulae formula furno similes, in altum subsidit hiatus octo fere cubitorum. Nulli vero gradus constructi, sed ad Trophonium descensuri scalas admovebant, vbi descensum fuerit, medium inter solum et antri testudinem cauernula erat latitudine duarum spithamarum: altitudine varius: qui eo penetrasset, humi procumbens, melle subactas ossas teriens pedes prius in cauernulam illam immittebat. Mox toto ipse corpore sequens, genua in cauernam inferere nitebatur: ibi statim reliquum corpus veluti attractum genua sequebatur, quasi ab amnis vortice abreptum. Qui infra penetrale descendebant, futura non vno eodemque modo cognoscebant, ex visis aliis, aliis ex auditu consequebantur. Per easdem fauces patebat reditus sed itinere retrogrado praecuntibus pedibus. Neminem non reducem eua-

fisse affirmabant, praeter Demetrii speculatorem, qui non initiatus et auri exportandi causa adiuuit, cuius cadauer alibi apparuisse, et non per sacrum antri ostium eiectum dicunt. Redux consultor statuebatur a sacrificulis in folio mnemofynes, vt quae vidisset, et audiuiisset, enarraret. Post in cellam bonae fortunae et boni genii, quo veniens commoratus erat reducebant, terrore attonitum, et suimet fere oblitum, redire tamen ei solebat mens: et is tabulae quae vidit inscripta suspendere. Haecenus, qui ipsum hoc antrum adiit Pausanias. Non disputabimus hic prolixè, an ad meras fraudes et imposturam cuncta fuerint disposita, et ita ordinata, vt ex sacerdotum voluntate cuncta euenirent? eleganter hoc ostendit ANTONIVS VAN DALE de orac. gentil. diss. 2. p. m. 268. seqq. Sed hoc in praesentia tantum obseruamus, impossibile fuisse, vt adiret hoc antrum impune, inuitis sacerdotibus quisquam. Quod exemplo speculatoris a Demetrio missi luculenter probatur, et ex ipsa antri conditione facile potest colligi, quae talis fuit, vt qui inuitis sacerdotibus accederet, ab eis in cuniculis illis et meatibus subterraneis facile posset iugulari. Quod eo magis fieri oportebat, quo magis semel impune admissus, qui initiatus non erat, tota res potuisset detegi. Aut itaque mentiuntur Damis et Philostratus, non initiatum et inuitis sacerdotibus subiisse antrum Apollonium, aut si initiati se passus est, adeoque falsa sunt, quae illi tradunt, non isto, quo hi referunt, modo emerfit ex antro, alio loco terrae; aut si vera sunt, quae narrent, ex composito et simulata tantum tergiuersatione sacerdotum haec facta esse oportet, vt extraordinario modo antrum subiret illaesus Apollonius. Id quod eo magis fieri potuit, quo magis cum his hominibus rem habuisse Apollonium, illosque eum vehementer coluisse, quod rebus eorum et auctoritati valde subueniret, supra demorstrauimus, et finis Apollonii postulabat, vt modo diuini et ignoti a Deo audiretur. Quamcunque partem eligimus, corrumpit fides vel Apollonii vel Philostrati.

rum numero aucta est schola eius; veneruntque ad eum ex Ionia discipuli, quos Apollonios vocabant, illisque permisi, qui in istis locis habitabant, nouum quasi ὁμακῶν Pythagorae referebant, magno ardore in philosophiam incumbentes. In eo tamen a Pythagora discessit Apollonius, quod apertas sapientiae fores sinebat, et omnibus, qui modo quaererent sapientiam, impertiretur suam, de quibuscunque vellent interrogandi copia omnibus facta ^s. In quo attemperauisse se Apollonium ingenii Graecorum, apud quos arcani disciplina euiluerat, non est quod dubitemus, licet ea, quae ad arcanas theurgiae artes pertinebant, selectos tantum discipulos docuisse videtur. Ab aliis vero etiam consultum Tyanensem, etiam magnis viris, ex eo liquet, quod PHILOSTRATVS ^t narrat, apparente corona solis, iridis in speciem, quae eius radios illustraret, cum ad rerum mutationem tendere ostentum omnibus statim liqueret, Achaiae rectorem Apollonium in Boeotiam inuitantem, sciscitatum fuisse ex eo, quid portenderet, metuentem, ne omnia in noctem verterentur: Apollonium vero, bono eum animo esse iussisse, aliquod enim ex ista nocte lumen suboriturum. Quae, vt haec ὡς ἐν παρόδῳ tangamus, iterum impostorem produnt, qui ex φαινόμενῳ naturali futurae in imperio mutationis portentum effinxit, magis vero Philostrati artes scenae huic seruiendi detegunt, qui coronam solis nominat, inusitata voce, vt Stephanum libertum, qui Domitianum interemit praenuntiasse videretur. Maiori attentione dignum est, quod porro refert ^u, vbi biennium in Graecia peregerit Apollonius in Ioniam cum vniuersa sua schola nauigasse. Smyrnae autem et Ephesi vt plurimum philosophiae operatum fuisse, ita tamen, vt alias quoque vrbes inuiferet. Ephesi autem factum esse, vt; dum inter arbores, quae in xysto essent, meridiano disputaret tempore, primo quidem quasi pauore percussus vocem submitteret, deinde minore, quam qua esse solebat in dicendo, vi orationem continuaret, vt solent, qui inter dicendum aliud quid cogitant. Postea vero, vt conticeret, acriterque in terram despiciens, et tribus quatuorue passibus progressus, *caede tyrannum, caede*, clamaret: stupente autem tota Ephesiorum ciuitate, bono eos esse animo iuberet, quoniam hodie occisus esset tyrannus, et quidem eo modo tempore quo verba protulerit: ea etiam, quae iam Romae fierent, exponeret, quasi coram intueretur. Addit PHILOSTRATVS ^x, aduentantes postea nuntios testimonium perhibuisse, quod et cum caede tyranni, et cum die, quae illam attulit, et cum meridie, et cum intersectoribus ita res se habuerit, vt Dii viro huic manifestauerint. Varia hac de re eruditorum sunt iudicia. Quidam ^y enim narrationi Philostrati adhibentes fidem, eo quod DIONEM quoque eodem prorsus modo referre viderent, cacodaemonis ope Apollonio caedem Domitiani innotuisse, coniiciunt: alii ^z incerti haerent,

^s) C. 21. p. 364.^t) C. 23. p. 365.^y) BARONIVS ad Ann. XCVIII. n. 21.^u) C. 24. 25. 26.^z) TILLEMONT. in Domit. art. 21. p. 122. seqq.^x) C. 27. p. 367. De morte Domitiani vid. SVET. C. 23. DIO L. LXVII.

haerent, quid statuant. Nobis fides Philostrati, quam toties Graecam prorsus esse deprehendimus, suspecta est. Dionem enim non moramur, quem ob oculos habuisse Philostratum, et iisdem fere verbis exscripsisse, egregie obseruauit O L E A R I V S ^a. Vixque nobis persuademus, tam memorabilem rem indictam mansisse reliquis scriptoribus, qui Domitiani res enarrarunt, si ita gesta fuisset, vt Damidis memoriis vsus exponit Philostratus. Qui Apollonianæ historiae conditores, cum toties iam in fraude deprehensi a nobis sint, digni non sunt, quorum causa ipsius infernalis spiritus commercium hic ad Apollonii tragoediam aduocetur. Sed vt ad Apollonii historiam reuertamur, post dies triginta scripsit ad eum Nerua, Romanum se iamiam imperium Deorum arbitrio tenere atque Apollonii, illud autem facilius se tuiturum, si ad se veniat Apollonius a consiliis illi futurus. Cui rescripsit hunc in modum: *Nos quidem, o imperator, una viuemus inuicem longissimo tempore, quo neque in alios nosmet, neque in nos alii imperium tenebunt.* Quod hoc sibi voluisse videtur Philostrato: et se ipsum paulo post ex humana vita esse transferendum, et Neruae quoque breuem futurum esse principatum ^b. Epistolam vero per Damian ad eum misit, qua, quomodo respublica gerenda esset, ipsum admonuit ^c. Hanc vero ideo Damidi transferendam dedit, ne ipse morienti adesset, cum latenter ex vita discedere diu in animo habuisset. Damidis itaque commentariis hic deficientibus de eius obitu, et in istam narrationem desinentibus, mirum non est, de vltimis Apollonii fati apud veteres omnia esse incertissima. Alii enim octogesimum, alii nonagesimum, alii centesimum aetatis annum supergressum fuisse, incerto prorsus rumore perhibent: ad extremam tamen senectutem peruenisse, non est, quod dubitemus. Nec certior promitti potest de mortis loco, genere, modoque narratio. Quidam enim Ephesi decessisse tradunt, alii in Lindo mortuum aiunt, Palladis templum ingressum atque in eo conspectui hominum subductum. Alii in Creta rebus humanis ereptum hoc modo narrant ^d. Commoratum in Creta, in maiore, quam antea, auctoritate, ingressumque Dictynnae templum nocte intempesta esse. Canes diuitiarum, quae ibi asseruantur custodes, ne latratu quidem aduentantem excepisse, sed blanditos magis fuisse. Templi itaque antistites deprehensum eum, tanquam magum, ligasse, ossam eum placandis canibus obiecisse dicentes. Ipsum vero se media nocte vinculis exsoluisse, iisque vocatis, qui in vincula eum coniecerant, ne clanculum ageret, ad templi portas accurrentem eas apertas habuisse. Vbi intrasset vero, fores sua sponte coiuisset, prout antea fuerant clausae, vocemque interea concinentium virginum ex templo resonasse: *veni e terra, veni in coelum, veni,* quasi dicant, ex terra ad loca superiora ascende. Quam narratiunculam excogitasse illos, qui Apollonii historiam, vitae fatisque Saluatoris aptare, eiusque in coelos ascensum hac ratione impostori tribuere sategerunt, res ipsa

^a) Ad h. l.^b) c. 27. p. 368.^c) c. 28.^d) c. 30. p. 369. seq.

ipſa loquitur. Nobis ipſum mortem latenter, quod Philoſtratus etiam monuit, habuiſſe, eo minus mirandum videtur, quo magis impoſturae per tot annos ſumma nominis celebritate actae, et poſt fata diuinis honoribus excipiendae intererat, vt, quo mortis genere modoque viuus ereptus eſſet, ignoraretur. Illud momentum habere viſum eruditiffimo TILLEMONTIO^c, quod PHILOSTRATVS^f ſcribit, in ſepulchrum viri aut cenotaphium nuſquam ſe incidiffe, quamuis terrae, qua late patet, maximam partem obiuerit. Cum enim LVCIANVS^g totam Apollonii hiſtoriam tragoediam vocet, diſpaleſcere inde, tragico mortis genere necatum ſepulchro caruiſſe. Quod, tanquam incertum, ſuo loco relinquimus: probabile tamen videbitur illis qui pro vero mago, diaboli commercio miranda iſta patrante, eum habent, vitam eum finiſſe tragica et horrenda morte, quae Magis euenire dicitur. Poſt mortem apparuiſſe iuueni, eum oranti, vt de immortalitate animae ſe edoceret, in fine quoque fabulae nungatur PHILOSTRATVS^h.

*Miracula
Apollonii.*

§. XVIII. Inclaruiſſe Apollonium miraculis, ſi biographorum eius fide ſtandum eſt, ex enarrata hactenus eius vita conſtat. Horum enim hominum conſilia ſi ſequimur, par erat θαυμαſία multa adſcribi illo viro, quem non tantum λόγῳ diuino inter homines obambulantem opponere, ſed aequiparari etiam Pythagorae cogitabant. Eiuſmodi enim iam olim crepuiffſe miracula, illiſque etiam, licet omnem fidem ſuperarent, habuiſſe fidem, et ab aliis coecum poſtulaſſe aſſenſum Pythagoreos, in hiſtoria horum hominum demonſtrauiſſimus, eosque fatentes fraudes et ſimplicitatem ſuam in apriculum produxiſſimusⁱ. Talis itaque, qui nouo lumine Pythagoream ſapientiam colluſtrarit, cum videri voluerit Apollonius, neceſſarium fuit, vt non minora edidiſſe miracula Pythagora ipſo crederetur. Quae cum affectaſſet Apollonius, ſi non ille ipſe, certe, qui vitam eius callidiſſimo conſilio enarrarunt, egregiam ſcenam ſe naſtos crediderunt, in qua Ieſu Nazareno eiusque legatis homo iisdem fere θαυμαſίοις illuſtris opponeretur. Et hinc larga illa miraculorum ſeges, quae in hac vitae Apollonii hiſtoria Tyanenſi tribuitur, quorum partem paſſim iam tetigimus, Philoſtrati vel Damidis fide narrando, et praeterita eum et futura tanquam praefentia inſpexiſſe et praedixiſſe, nouiſſe, in quae corpora prius animae migrantes fuerint ingreſſae, quidque in iis peregerint: potuiſſe educere membra corpusque ſuum vinculis, prout placuerit; auerruncaſſe malos ſpiritus, peſtilentes morbos et alia mala hominibus inducentes, conſectiſque talis manibus et amuletiſ^k, magica arte conſtructis damna pluri-

c) l. c. p. 205.

f) c. 31. p. 371.

g) In Alex. T. I. p. m. 354.

h) l. c. p. 370.

i) T. I. L. II. c. 10.

k) Exempla huius rei habemus apud PHILOSTRATVM L. IV. c. 20. L. VIII. c. 7. f. 9. p. 339. Meminit harum imaginum magicarum TZETZES Chil. II. hiſt. 60. hiſ verſibus, quos OLAEARIVS quoque ſubiecit Philoſtrato:

Apollonius, Neronis qui fuit temporibus Ille Tyanaeus ſapientiſſimus, qui praefciebat omnia.

Antiochia quidem fecit, imo et Byzantii Ne ingrederentur culices, aliaque huiusmodi

Atque ciconias, cum ſculpiſſet olim marmoreaſ. Idem

plurima a totis regionibus et ciuitatibus depulisse : visum eum fuisse , paucarum horarum tempore Romae et Puteolis , longius inter se distantibus , et priori loco ex imperatoris dicafterio disparuisse . Vidisse Ephesi caedem Domitiani , quaeque eam Romae secuta sunt , tanquam praesentia , et eodem momento non tantum denuntiasse , sed fidem quoque eius rei gestae fecisse . Potuisse porro manes ex inferis sedibus prouocare , et precibus ab Indis acceptis Achilleum ex sepulchro produxisse , eique varia praecepisse . Excitauisse puellam viri proconsularis e mortuis et sponso reddidisse : imperasse mari ventoque et fluctibus , vt placido Neptuno semper vteretur : aperuisse fores templorum , et clausisse , silentio canibus custodibus inducto , et morte naturali non eductum corpore ad coelos commigrasse : apparuisse etiam eum post mortem , inuocatum et de animarum immortalitate fudisse oracula . Sexcenta alia huius furfuris sunt , quae a Damide et Philostrato narrantur , apud ipsos hos homines videnda et legenda ab iis , qui eiusmodi narratiunculis delectantur . Nobis enim qui summam tantum historiae Apollonii enarramus , in his copiosis et prolaxis esse non licet . Fecit haec miraculorum , quae de Apollonio narrabantur , quaeque in vnam fascem collegit Philostratus , multitudo , vt non tantum Pythagora ipso non minor videretur Apollonius , sed etiam , cum maxima incrementa caperet Christiana religio , et ad omnes orbis habitabilis angulos penetrasset fama miraculorum IESU CHRISTI et apostolorum , quae negare non sine excusso omni pudore audebant impii , vt hunc potissimum philosophum , Iesu Nazareno , quem eiusdem generis hominem fuisse vel credebant , vel mentiebantur , miraculis suis opponerent , eumque daemonem inter homines apparentem fuisse , Deumque aliquem contenderent , multum se obtinuisse contra religionem Christianam rati , si suam superstitionem non minus illustria miraculorum virorum exempla produxisse demonstrarent . Quo potissimum fine Philostratum hanc conscripisse historiam , et fabulas fabulis auxisse , imposturis et praestigiis Apollonii mendacia addidisse , aliquoties docuimus , et luculentis speciminibus ex ipsa eius narratione confirmauimus . Vnde merito miramur , praestantissimum OLEARIVM , quem Pythagorico-

Pla-

Idem CEDRENVs in comp. hist. sub Claudio refert : „Efficasse suis magicis artibus , ne serpentes et scorpii percuterent , neue culices adessent , ne equi ferocirent . Lycum quoque „amnem compercuisset , ne suis exundationibus „Byzantio noceret.“ Didicisse vero hanc artem ab Indorum philosophis iactauit , traditque ANASTASIVS , in hunc vsque diem stare eius haec opera , et efficaciam prodere . Quam auerruncandi virtutem peritiae eius naturalium virium , et rerum , quae in eis sunt tum repugnantiae , tum cognationis scientiae , et congruentis materiae assumptioni tribuit Auctor Qq. ad orthodoxos , quae IUSTINO tribuuntur q. 24. p. 405. Plerique veterum magicis virtuti-

bus adscribunt , vid. CEDREN. I. C. HIERONYM. ad Paulin. p. 103. Conf. Viri clarissimi I. L. MOSHEMIVS de Apollonii imaginibus Telecticis , P. FR. ARPE de Talismanibus p. 25.

!) Aut enim , credebat , qui hos homines inspirauit , malus genius , miraculorum I. C. fidem eandem fore , quae Apollonii , adeoque nihil veritatis probaturum , quod vtrique ficta esse , homines increduli decreruri sint , aut , iisdem mediis suffultum iri sperabat superstitionem , quibus nitebatur Christiana religio.

m) In praef. p. 36. in qua tamen veritatis non magnopere curam habuisse Philostratum vir beatus largitur.

Platoniorum morem, mendaciis rem suam, praecipue sacram iuuandi non ignorasse, aliunde ⁿ scimus, nimio erga auctorem, quem illustrandum sibi sumserat, amore ductum, vero non simile habuisse, *incaute adeo eum mentiri voluisse, eo maxime scopo illi ob oculos posito, religioni Christianae ista historia aegre ut faceret, ut a quouis e triuio mendacia eius in rebus fere quotidianis deprehendi possent.* Ut enim demus eruditissimo viro, non omnia reprehendenda esse, quae in eo reprehendunt magni viri Scaliger, Lloydius, Sauilius alique, licet valde torquendus sit textus Philostrati, ut a magnis in chronologia et historia erroribus liberetur; tam aperta tamen occurrere mendacia, immo contradictiones, luculenter, nisi nos omnia fallunt, ostendimus, ut vel fraudis et imposturae atque falsitatis, vel supinae negligentiae et inscitiae omnino accusandus sit Philostratus. Quod postremum cum dicere vetet viri eruditio, alterum dicatur, necesse est, studio mentitum fuisse Philostratum, et *Θαυμάσια* Apollonii fabulis auxisse. Quod eo minus in eo miramur, quo magis non sophista tantum fuit, quos ad verisimilitudinem, multo minus ad veritatem, non attendisse, modo orationis vim et elegantiam explicare narrationibus suis possent, nemo est, qui ignoret, et tot nobis fabulae, quae historiam philosophicam contaminarunt, in horum scholis cuae, euincunt, sed et inter eos recte reputatur, qui circa illa, quo vixit Philostratus, tempora tandem Alexandriae in nouam coierunt societatem, quosque ecclesiorum nomine in sequentibus contemplabimur, demonstrabimusque, non licitum tantum sed pium quoque et laudabile duxisse, in rebus sacris fraudibus uti et mendaciis, modo religio tum valde collapsa et ruinam minitans sustentaretur. Certe hoc sine fabulam hanc Milefiam Apollonii scriptam esse apertissima fronte prodidere, qui ex hac schola egressi sunt homines audaces et impudentissimi, et in his omnium maxime HIEROCLES, auctor *λόγος φιλαλήθης*, qui ut Christianam religionem euerteret, dicamque Iesu Christo et apostolis scriberet, historia Apollonii potissimum usus est, id quod, deficiente hodie pestilente scripto, ex EVSEBII refutatione et AVGVSTINI ^p testimonio constat. Post eum, scopum hunc hominum vesanorum, qui se Pythagorico-Platonicos somniabant, et Deorum commercia iactabant, prodidit EVNAPIVS ^q, professus, *Apollonium Tyanensem, non iam philosophum, sed mediae inter Deos ac mortales naturae participem iudicandum esse, quippe qui, Pythagoreae disciplinae sectator, illius diuinitatis famam dignitatemque mire adauxerit, de quo enucleate scribens Philostrates Lemnius libros, quibus titulum: vita Apollonii praefixit, debuerit inscripsisse verius: accessum Dei ad homines.* Ita enim solitos fuisse huius generis sectaeque homines Christianae se religioni opponere, postea ad eorum contemplationem tractatione nostra delata demonstrabimus. Nullo

ⁿ) Ex dissert. de Philosophia ecclētica ad calc. STANLEY Hist. phil.

^o) Consulat, qui de his dubitat IAMBLI-

CHVM in vit. Pyth. c. XXVIII. n. 138. et in protrept. ad Symb. 4.

^p) Epist. 5. et 49.

^q) Vit. Sophist. p. m. 6. edit. Commelin.

lo vero argumento melius hunc infernalis hostis eiusque instrumentorum scopum, luculentiusque euincemus, quam facta comparatione inter vitam Christi et Apollonii, quam ad illius imitationem fuisse confarcinatam, aliquoties *ὡς ἐν παράδοξω* tetigimus, et attente consideranti erit longe manifestissimum. Quo labore ut superfedere queat lector, en pauca e multis, hunc *παράλληλισμὸν* nefariorum hominum probantia: Gestasse Deum quendam, nempe Proteum in vtero, ipse Deus hic Apollonii matri somnianti apparens prodidit, filium enim DEI in vtero gestare sanctissimae Virgini manifestauerat angelus, et Iosepho in somnio patefecerat. Decidisse fulgura coelique lumina nascente Apollonio fingunt, claritatem enim coelestem illuminasse nato Iesu pastores, legerant. Cecinere olores pueri nato, nam Nazareni quoque natiuitati accinuere chori coelestes. Tractus est in templum ad doctores adolescens Apollonius, in templo enim inter doctores consedisse puerum Iesum, traditum est. Morbis liberavit homines Tyanaeus, quibus medelam attulisse Saluatorem, sacri testantur historici. Emendauit hominum mores, corripuit peccatores, confirmavit recte sentientes Iesus magister optimus, eadem vero moribus reformandis suscepisse Apollonius dicitur. Solus saepenumero precibus vacauit et meditationi Christus; nec in his ei cedens Apollonius aliter instituisse fertur. Versatus est in templo et synagogis docens saepe numero propheta maximus; nec alius docendi locus, quam templa, erat Apollonio assignandus. Praedixit plurima et cogitationum pariter atque futurorum omnium se conscium probauit salus mundi; ast Apollonius et et ipse praeterita et futura videbat et noscebat tanquam praesentia. Variarum linguarum donum Apostolis distribuerat magister; ea vero facultate et Apollonium polluisse Damis mentitur. Excitauit ex mortuis puellam Iesus; et Apollonius quoque. Malignos spiritus expulit et compescuit Mariae filius; sed Tyanensis quoque: orauere vero Iesum, ne se torqueret, cacodaemonis angeli, ita vero Apollonium quoque rogauit empusa, Menippum persecuta. Propitiis in mari vectus vsus est ventis Apollonius, tempestatibus enim maris imperasse Christum legerant nugatores. Qui oraculis confirmatam Apollonii diuinitatem mentiuntur, quod diuinarum literarum testimoniis Iesum esse Christum Dei filium, doctores Christiani demonstrarent. Cum inferis et manibus fuisse Apollonium, par erat confingi, eo quod ad inferos descendisse Iesus praedicaretur. Quem cum sponte Hierosolymam accessisse, multis discipulorum retro cedentibus sacri retulerint historici, Apollonius quoque Romam, relictus a discipulis plerisque, ad carcerem et vincula properasse dictus est. Disparuisse Iesum, e manu lapidantium, sacra refert historia, sed disparuit quoque Apollonius, quem non minus post liberationem suis apparuisse, quam Iesum post resurrectionem discipulis, finxere. Examinatus a praetore Iesus causam etiam secreto in praetorio dixit, nec minus eodem quoque modo Apollonius; cuius innocentiam agnouit praefectus praetorio,

vt Christi Pilatus, nec tamen metu Caesaris vterque dimissus est. Iesu illudere milites vestitu, nec alia mansere fata Apollonium, vestimenti genere irrisum. Excitata propter Christiani nominis gloriam persecutio in eius discipulos, et in sectatores Apollonii omnesque philosophos pariter, ob nomen Tyanaci. Is pro Deo a suis habitus, et mediator inter Deum et homines, ne minor esset Christo, quem Deum mediatorem sui profitebantur. Tandem non esse inter mortuos, sed ascendisse ad coelum Christum, vnanimi testati sunt ore Apostoli, et eandem fere traditionem secuti sunt Apollonii cultores. Plura non addimus, facile ex enarrata hactenus Apollonii historia colligenda et passim quoque adducta a viris doctis, qui hunc hominum vecordium et maleficatorum scopum pernoctauerunt; pauca haec enim ea luce radiant, vt nisi prorsus coecutiamus, nos plane conuincant, Apollonium ab historiae eius architectis fisci Iesu Christi, filii DEI, aemulum, eoque nec natura, nec dignitate, nec miraculis minorem. Et in hunc censum omnes referendi sunt, quotquot pro numine Apollonium habuere, vt infra dicemus.

*Iudicia de
Apollonio.*

§. XIX. Etsi vero maxima Apollonii et viuo eo et post eius fata fuit celebritas, isque pro daemone quodam inter homines versante habebatur, non defuere tamen, etiam cum viueret, plurimi, qui longe alium eum fuisse, et inter magos referendum esse putauerunt, atque praestigiatoribus annumerarunt. Cuius non alio teste, nisi ipso Philostrato opus est, qui non Euphratem solum, narrat, *γυντίας* nomine traduxisse Apollonium, sed et illum ab Eleusiniarum et Trophoniarum sacrorum antistitibus repulsum passum, quod incantator magusue esset, tradit, et apud Domitianum eo nomine inuisum et accusatum fuisse refert, et hanc potissimum maculam vt ab eo abstergat, in toto historiae suae iudicatum fuisse prodit, qui *γυντίας* sobrie saneque philosophatus fuerit. Talem enim fuisse, qui magicis artibus philosophiam professus fuerit, apud ORIGENEM ait, Moeragenes in commentariis de vita eius. Nec pro alio venditant veteres apud LVCIANVM et APVLEIVM, qui eum inter celebriores magos numerat. Nec hanc exemisse suspicionem Philostrati commentarios, hominibus ex XIPHILINI, HIERONYMI, AVGVSTINI, aliorumque iudicii de Apollonio, hic non cumulandis, videre est. Fuit et tertia veterum de hoc homine opinio, quae gloria philosophi et viri boni Apollonio relicta, melius de eo tanquam philosopho seuerius philosophante sentiendum statuit. Damidi vero, Maerageni, et horum compilatori Philo-

7) NAVE apologie pour les grands personnages supçonner de Magie p.m. 233. HVERT. demonstr. Evang. Prop. IX. c. 147. §. 4. p.m. 642. ROB. IENKING. not. ad TILLEMONT. vit. Apoll. GUIL. NICHOLS coll. cum Deist. P. III. p. 203. aliiq. a TILLEM.

I. c. laudati, quibus plures facile addi possunt. Nemo non enim hoc vidit.

5) L. I. c. 2. p. 40. L. VI. c. 12. L. VII. c. 39.

6) Contra Cels. L. VI. p.m. 311. ed. Hoefsch.

7) In Pseudomant. T. I. p.m. 529.

8) In Apolog. p.m. 248. ed. Scruu.

9) In Caracalla.

Philostrato fidem denegat, et hos fraudis, mendaciorum et *τερατολογίας* incusandos esse putat. Quam potissimum sententiam secutus est EVSEBIVS², qui *se humanae sapientiae egregie callentem fuisse Tyanensem, existimare fatetur, quae vero philosophiae excedant vires, a Damide, Philostrato vel alio quopiam afficta putat grauare virum, et cellularuam aliquam Pythagoricum ei vitae institutum aptare, ut asino exuias leonis.* Pulchre enim vidit Eusebius, Pythagoreum institutum eiusmodi nugis omnium optime quadrare, cui iam Platonis aetate *τερατολογία* obiecere Socratici^a. Inter recentiores non minora de Apollonio fuere sententiarum diuortia. Quidam enim cum Eusebio malam fidem Damidis atque Philostrati accusant, qui non *μυθολογίαν* tantum, sed et mera et putida nobis obtrudere mendacia, quaeque ex Ctesia, Agatarchide, aliisque fabularum confarcinatoribus acceperunt, tanquam suis oculis visa nequissimo ausu nobis tradiderunt, qua ratione Philostrati fidem in dubium vocarunt NAVDAEV^b, OLEARIVS^c, BVDDEV^d. Alii, quibus reiici prorsus fidem Philostrati non placet, eo quod ante eum Apollonius magi nomen et celebritatem obtinuerit, in Apollonium reiciunt causam, sed diuerso modo. Quidam enim, hominem et in naturali scientia probe versatum, et artis potissimum salutaris praeceptis imbutum viriumque naturae secretiorum notitia instructum multa naturali virtute miranda praestitisse, multa vero fraude, impostura milleque fallaciis, effecisse, ut aliquid homine maius videretur, autumant: alii diaboli potissimum artibus et secreto cum daemonibus commercio ea effecisse contendunt. Quorum prius ANONYMV^e, qui historiam Apollonii falsitatis conuicit, et ex parte quoque HERM. WITSIV^f, posterius CVDWORTHVS^g et magna eruditorum pars^h tuetur, qui hunc ideo hominem excitasse fatanam Christi Iesu quasi simiam putant, ut cursum euangelii sisteret, et miraculorum fidem eleuaret, gentilis vero religionis fulcra corroboraretⁱ. Quae sententiarum diuersitas licet ex quauis parte suis roboretur rationibus, quamcunque tamen eligas, cadit inde asserta Apollonii diuinitas, quantoque inter se intervallo distent religionis Christianae veritas, et impostura atque praestigiae Apollonii sole meridiano, non sine insigni sanctissimae fidei nostrae gloria, dispalescit clarius. Nihil enim horum de miraculis Iesu Christi dici potest, quae Apollonio obiiciuntur,

S 3

cum

²) Adu. Hieroclem, c. 4. §. p. 432. ed. Olear.

^a) XENOPHON. Opp. T. II, p. 1001.

^b) loc. c. p. 229. ^c) Praef. l. c. p. 36.

^d) Diff. de verit. rel. Christ. philosophorum obrectationibus confirmata, Synt. diff. theol. p. 494. seqq.

^e) Melet. Leidens. diff. VII. §. 7. p. 380. sqq.

^f) Syst. intell. c. IV. §. 14. p. 306.

^g) Ita BARONIUS, SYDORIVS, GODEAV, TILLEMONT, FLEVRY, I. F. PICVS, GROTIUS, CASAVBONVS, P. MOLINAEVS, S.

MARESIVS, H. MORVS, HVETIVS LLOYDIVS, quorum loca nominat OLEAR. l. c. Conf. BAYLE l. c. T. I. Dict. p. 267. IONSIVS de S. H. P. L. III. p. 203.

^h) Displicet hoc, tanquam ad ipsa I. C. miracula suspecta reddenda, Deique sapientiam calumniandam idoneum NAVDAEO l. c. et MOSHEMIO ad l. c. CVDW. Nobis, nihil nos, ad hoc extremum ut confugiamus, cogere, videtur, Omnia enim quae miracula adducuntur, aut imposturae fuere Apollonii, aut mendacia Damidis et Philostrati.

cum habeant testes viros optimos, omnique fide dignissimos, quaeque Iesus Christus patrauit θαυμασία ab omni impostura aliena, nec praestigiae queant esse, et magiae incantamenta, nec naturalium virium effecta ab humana sapientia producta. Tantum vero abest, vt, quod intendit hominum pessimorum peruersitas, ex hac Apollonii fabula, detrimentum capiat Christiana religio, vt potius eam fortius et validius roborare dicenda sit. Quod si enim miracula Christi cum θαυμαστοῖς Apollonii comparantur, primo, nisi quis malitiose claudat oculos, intuitu patebit, haec illis nec sine atque scopo, neque ratione, circumstantiis et modo, neque numero et fide testium, neque vtilitate, neque efficacia in animis hominum, neque dignitate et grauitate vlllo modo posse comparari. Quin propria vineta caedunt acerrimi religionis Christianae hostes, qui dum miraculis Christi Apollonium opponunt, eo ipso vera esse Saluatoris miracula notabili confessione concedunt. Quod si testes futiles et inanes, vitam Apollonii fastu et simplicitate turgentem, miracula, quae ei tribuntur, infra viri tanti dignitatem constituta, et saepe puerilia atque ridicula, affectatum eruditionis nitorem, fabulasque dudum a veteribus explosas, cum testibus et miraculis Iesu Christi comparamus, euidentissimis inde rationibus demonstrari potest, quid distent aera lupinis, et tenebrae luci. Quo in argumento laudabilis se exercuit diligentia HENRICI MORIⁱ, HERM. WITSIIⁱ, BVDDIⁱ HOUTTEVILLAE^m aliorumque, qui pro veritate religionis Christianae depugnarunt.

*Sententia
Auctoris.*

§. XX. Sed vt nostram quoque, vt fert instituti nostri ratio, sententiam de Apollonii historia exponamus, lectorisque propinemus iudicio, coniungendas, suo modo et ratione, enarratas haecenus virorum doctorum opiniones esse putamus. Certum enim et nemini ignoratum putamus, ex quo diuina filii Dei virtus Satanicum regnum tum coelesti doctrina, tum passione meritoria, tum miraculis potentissimis, destruxerat, eandemque miraculorum virtutem cum discipulis communicauerat, quibus Christianae philosophiae veritas atque sanctitas, vt sol exoriens per omnem mundum radios sparfit, valde nutare coepisse gentilem superstitionem, quaeque ea nitebantur, sacerdotum collegia, ventris et arcae emolumenta sibi detrahi sentientium. Qui ne detrimentum acciperent, ad quauis fraudes et imposturas delabebantur, quibus a pueritia erant innutriti, et vel oraculorum suorum mirabilibus, vel hominum ab ipsis conductorum et instructorum praestigiis nebulam plebi et superstitionis turbae obiciebant. Excitabat etiam fama nomenque Iesu Christi eiusque testium, per totum terrarum orbem celeberrimum et diuinum homines astutos et versipelles, vt magiam ab orientalibus populis diu iactatam, profitentes, per orbem Romanum discurrerent, et fictis prodigiis atque innumeris imposturis se supra humanas vires sapere dicerent. Qui licet toties non plebem tantum, sed et ipsos imperatores de-

i) In mysterio pietatis L. IV. c. 2. §. 4.
k) loc. cit. l) loc. cit.

m) Relig. chretienne prouée par les faits
p. 440. seqq.

ciperent, sicut vrbe et Italia haut semel eiicerentur, magna tamen apud simpliciores plerosque praesertim inter Graecos et Asiaticos populos superstitioni addictiores fruebantur existimatione, et maxima inde hauriebant emolumenta. Qualem ea aetate disciplinam Magorum viguisse⁷⁾, sacrae et profanae historiae⁸⁾ ignarissimum esse oportet, qui negauerit. Ex hoc vero hominum grege fuisse Apollonium, dubium nobis haut est. Qui enim, quaecunque ab eo patrata sunt, ad naturales causas et philosophiae arcanas effectus referunt, non cogitant, talia ab eo narrari, quae omnes naturae vires superant. Quale illud est: disparuisse coram Domitiano, et eadem meridie apparuisse Puteolis; item, eo, quo Domitianus interemptus est, momento eius caedem Ephesus indicasse. Qui vero *Σαυμάσια* haec a Philostrato eiusque fursuris hominibus conficta et Apollonio afficta putant omnia, non respiciunt ad testimonia veterum Philostrato tempore vel coaeuorum vel superiorum, qui Apollonium magica arte infamem fuisse testantur, ex quibus *LVCIANVM*⁹⁾, qui sub Traiano vixit, et *APVLEIVM*, qui¹⁰⁾ sub Antonino Pio floruit, supra iam adduximus: quibus omnino addendus illustris locus *ORIGENIS*¹¹⁾, qui Moeraginis vitam Apollonii ipse inspexit, qui ita: *De magia hoc tantum dicimus; quicunque vult cognoscere, vtrum et philosophi capi ab ea possint, an non, legat scripta Moeraginis, qui memoriae prodidit Apollonii Tyanensis magi et philosophi res memorabiles: ubi, non Christianus, sed philosophus, ait, captos ab Apollonii magia non ignobiles philosophos, quum tanquam ad praestigiatores accessissent, et in his opinor, etiam de famoso illo Euphrate narrat, et quodam Epicureo.* Clare haec probant ante Philostratum Apollonium magicis artibus inclaruisse, et hos frustra esse euincunt, qui totam Apollonii historiam ad fabulas reuocant. Dubitandum itaque non esse videtur, fuisse Apollonium ex eo hominum genere, qui magicis artibus et praestigiis famam sibi quaerebant, plebem vero emungebant pecunia¹²⁾, multaque ex illis, quae narrat Philostratus patrauisse, mirabilia illis visa, qui ad fraudes et imposturam hominis non attenderunt. Nihil in hac de Apollonio sententia est, quod non homini apprime conueniat. Erat enim is, et temperamento ad fanaticum vitae genus pronissimus, et educatione inter sacerdotes a pueritia enutritus, et artibus illis praefens, quibus in Aesculapii templo homines splendide decipiebantur: didicerat sine dubio hac occasione multa ad medendi peritiam pertinentia¹³⁾, quibus in Asiaticis regionibus

⁷⁾ Faciunt huius rei nobis fidem A^{cta} Apost. VII. 9. XIII. 6. XIX. 13. Exemplo esse possunt Simon Magus, et Bar Iesu.

⁸⁾ Conferendus *PLINIVS* Lib. XXX. qui magiae historiam continet. Peculiari de hoc hominum genere Celsum suum opere egisse testatur *LVCIANVS* l. c.

⁹⁾ loc. cit.

¹⁰⁾ loc. cit.

¹¹⁾ loc. cit.

¹²⁾ Valde hoc suadet data a sacerdotibus pecunia Apollonio, quam certe non accepisset, nisi in societatem fraudis et emolumenti inde enati venissent.

¹³⁾ Medicinae enim studium ad Pythagoreismum pertinere T. I. L. II. c. 10. fuisse demonstratum est. Erat vero illa quoque magica.

bus medicorum peritorum penuria laborantibus supra fidem plebis efficere multa valebat. Elegerat is Pythagoricum vitae genus, et Pythagorei nominis celebritate venerandum et religionis cultu atque superstitione in admiratione positum, et diu miraculorum fama celebre: obierat omnia fere templa, adyta, oracula, antra, et cum sacerdotibus, quorum res egregie promouebat, amicissime plerumque conspirabat. Comites habuerat non simplices tantum sed et, quod LVCIANI " testimonio constat, ad perficiendam tragoediam instructos et callidissime rem suam iuuantem. Abierat ad orientis gentes, magiae professione celeberrimas, et redux earum artibus se instructum erat gloriatus. Posueratque in eo omnem suam industriam, ut religionem receptam statueret et confirmaret. An ab huius generis homine imposturas fraudesque maximas quis non expectauerit? an alienum eum a theurgiae arte, quam tot impostores tum iactabant, fuisse quis crediderit? an non multa patrasse mirabilia hominem, illo, quod ei iunctum erat, consortio, adiutum, quis sibi persuaferit. Quod ut eo facilius credamus, legere iuuat LVCIANI Pseudomanten, siue Alexandri impostoris, qui vera fuit Apollonii effigies, historiam, quo lecto definemus mirari, qui tantis imposturis et nequitiae artibus ludere potuerint homines in fraudes conspirantes. Nam et is Pythagoreus fuit, et artem medendi edoctus, et sacra religione deuinctus, et in schola Apollonii edoctus, et diuina commercia simulans, et fictis miraculis clarus. Quibus artibus eo magis inclarescere potuit Apollonius, quo magis philosophiae nomen a reliquis circulatoribus et praestigiatoribus eum distinguebat. Quod tamen licet vero esse omnino simile, nemo inficias iuerit, non eo tamen procedendum esse putamus, ut infernalis genii ope miracula edidisse Apollonium statuamus: quanta enim virtus atque vis sit humani ingenii in fraudes ob gloriam et pecuniam corradendam exardescens, omnis nos aevi prisca et recentioris historiae edocent. Fatemur tamen esse in hac historia Apollonii talia, quae nec naturali artis nec ingenioso fraudis opere euenisse dici possunt. Quae quo minus inferni viribus effecisse fingamus Apollonium, Damidis et Philostrati facit leuitas et mentiendi impudentia, tot nobis supra speciminibus detecta. Ab eorum itaque vel simplicitate vel mentiendi prurigne eiusmodi miracula deriuamus, quae omnem humanam artem et ingenium superant. Quis enim non mentitos eos, credat, Apollonium disparuisse, et eodem meridie alibi visum esse, qui nobis homines sciapodas, mulierem ex dimidio corporis albam et nigram, mensas item et cyathos saltantes, dolia serenitatem et pluuias emittentia, et huius fursuris nugas alias, dudum in Ctesia et Agatarchide explosas, tanquam res a se visas commendant? Qui cum mentiendi audacia per se praestarent, in hanc impudentiam frontis eo facilius conspirarunt, quo magis ita pia, quod credebant, fraude contra religionis Christianae insultus auitam superstitionem se defendere posse credebant. Id quod imprimis de Philostrato iudicandum,

dum, qui vt dominae placeret, et sectae rationes sequeretur, et eloquentiae argumentum caperet illustrius, Apollonii impostura, et praestigiis clari miracula ita auxit mendaciis, vt dubites, impudentia hominis, an mentiendi peritia magis sit miranda. Noster hic est, qui pari fere modo de Apollonio et Philostrato sentit Cel. MOSHEMIVS, qui ne nimii simus, cum his conferri meretur. Nos priusquam Apollonii historiam dimittamus totam, duas his obseruationes iungimus. Prima Philostrati spectat personam, quem ad tantam mentiendi audaciam confurrexisse ex ea potissimum causa putamus, tum quod Pythagoream sectam si non sequeretur ipse professione, (Sophista enim fuit, non Philosophus) probaret tamen, eiusque *τερατολογίας* a Pythagora iam introductis, et a sequioris aetatis Platonis confirmatis pollicem premeret, tum quod Iuliae Domnae, a qua Damidis commentarios emendandos et ornandos acceperat, gratiam aucupari cuperet. Eam enim foeminam inter sacerdotes et abominabilem superstitionem educatam Syrorumque ex gente natam, fraudes superstitioni iunxisse, adeoque eiusmodi *τερατολογίας* non credendis tantum, sed et fingendis fuisse aptissimam, SPARTIANI * de ea imago prodit: cui vt se commendaret Philostratus, eo facilius mendacia iunxit eloquentiae, quo magis pia fraude id licere credebat. Altera obseruatio hoc nos monet, ingenia etiam maxima et fertilissima, ac ad fraudes et imposturam nata non excogitare posse eiusmodi mirabilia, nec philosophiae cuiusuis colore posse pingi, quae vilo modo cum miraculis Iesu Christi et Apostolorum, doctrinaque illis comprobata queant comparari. Quod si locus pateretur et institutum, dignum esset, ex comparatione vel unius ex orationibus Iesu cum Apollonii concionibus instituta demonstrari, et ex tenebris lucis praestantiam ostendi, quem tamen laborem nunquam poenitendum pio et attento lectori vehementer commendamus.

§. XXI. Scripsisse Apollonium Tyanensem plurima, in hoc vno *Scripta Apollonii.* morem sectae Pythagorae non seruantem, quem scilicet in aeuo suo parum sibi profuturum sciebat, veteres testantur, et in his maxime Philostratus. Is Moeragene auctore v memorat, libros *de astrologica diuinatione* quatuor, quibus scientiam praedicendi futura ex astrorum constellationibus, quam ab Indorum Gymnosophistis se didicisse gloriabatur, comprehendit. In eiusmodi studiis cum olim diligentissime versatus esset scholae Italicae labor, in iis quoque non inferiorem se veteribus Pythagorae discipulis probare voluit Apollonius. Porro et *τελετών* meminit PHILOSTRATVS z, siue *de sacrificiis, et quo pacto quis Deorum cuius,*

v) Ad l. c. CVDWORTH.

x) In Caracalla, conf. DESERVIUS *femmes des Césars* P. III. p. 303. Ast huic mulieri Damidis memoriae venditae sunt: vnde suspicio est, eum quoque, qui, quam carissime posset hos commentarios Imperatoris coniugi vendere vellet, illos ita auxisse et instruxisse,

Hist. philos. Tom. II.

vt potuerint superstitionissimae feminae placere.

y) L. III. c. 41.

z) Ibid. et L. IV. c. 19. Particulam ex iis habet EVSEB. de praep. L. IV. c. 13. p. 150. Theurgicum hoc opus fuisse, et euocationes Deorum tradidisse, ex l. c. recte colligitur. Qua arte vsus est Apollonius ad tumultum Achillis.

ut gratum ei sit, atque conueniat, sacrificare possit. Scripsisse hunc librum τῇ ἐκτροῦ Φωνῇ ait IDEM^a, qua tamen lingua cum Cappadocum ea esse potuerit, et Atheniensium, qua utebatur, priorem indicari OLEA-
RIVS^b, posteriorem innui contendit FABRICIVS^c, cuius etiam sententia inde robur accipit, quod PHILOSTRATVS^d refert, linguam eius fuisse Atticam, neque sermonem eius a gentilibus fuisse vitiatum. Inuenisse se, hoc de sacrificiis opus in plerisque templis et in ciuitatibus plurimis, multis item virorum sapientum domibus, PHILOSTRATVS^e ait, siue reuera huic libro auctoritatem conciliauerit fama Apollonii, siue sacris Christianorum oraculis aequalis auctoritatis et famae librum opposuerit Philostrati malitia. Cuius de eo libro verba, cum quadam ei interpretatione opus fuisse monerent, occasionem dederunt suspicandi viris doctis, hieroglyphicis eum conscriptum fuisse literis, vnde inuenti sunt, qui literas hieroglyphicas ab Apollonio usurpatas exhiberent^f, quas indignas esse commemoratione, idonea fide destitutas recte iudicauit OLEA-
RIVS^g. Locus enim Philostrati, si recte inspicias, nihil aliud vult, nisi eadem periodorum concisa et Laconica breuitate, qua vsus est Apollonius, conscriptum fuisse^h. Tabulas quoque testamenti ab ipso Apollonio perscriptas, ex quibus perspicui possit, ut diuino actus spiritu philosophatus fuerit, memorant SVIDASⁱ et PHILOSTRATVS^k, qui hoc vnum ex scriptis eius Ionica dialecto fuisse compositum monet. Ex quo coniicimus, apud Ephesios forte degentem Tyanensem illas tabulas conscripsisse. SVIDAS^l etiam χρυσμὸς siue oracula eius narrat, quae aereis columnis eas, quae extremis temporibus ventura sint, res omnes inscriptas seruasse, ne temporis iniuria perirent, refert CODI-
NVS^m. Librum quoque Apollonii ex antro Trophonii, dogmata Pythagorea ab ipso Trophonio comprobata comprehendentem, et Hadriani Imperatoris bibliothecae in palatio, quod Antii habebat, illatum supra PHILOSTRATI fide laudauimusⁿ. Nihil ex his scriptis omnibus, quae recensuimus, superest; legimus tamen apologiam ab Apollonio scriptam, ut coram Domitiano recitaret, licet valde nobis ea suspecta sit, et si non res ipsas, saltem stilum et scribendi rationem a Philostrato accepisse

a) L. IV. c. 19.

b) Ad h. l. not. 9. p. 130.

c) Bibl. Graec. Vol. IV. p. 61.

d) L. I. c. 7. et c. 17.

e) L. III. c. 41.

f) BLASIVS VIGNERIVS in Stegano-graphicis et ex eo ARTHVRVS THOMAS in Comm. ad Gallicam Versionem vitae Apollonii, p. 703.

g) Ad h. l. p. 130. not. 9.

h) ἡ ἡρώ τῷ ἀνδρὶ enim, quam in illo libro obseruari ait, fuit ἀπὸ ἀνέπτρου δεκτικὸς μέγα, ut scribit L. I. c. 17. Nempe praecipienti et legislatori similis erat.

i) In Apollon. I. c.

k) L. I. c. 3.

l) L. c.

m) Orig. CP. p. 30.

n) L. VIII. c. 19. Consulendam hic commendat FABRICIVS L. C. FRANCISCI BLAN-

CHINI Bibl. Ottobon. praefecti epistolam de Lapide Antiati, in qua agitur de villa Hadriani Augusti in Antiati colonia sita, oraculo fortunarum, ac templis in eo celebratis, libro Apollonii ibi dicato, et eiusdem affectis eo confluentibus, nec non de signis celeberrimis ibi effosis, Apolline praesertim Varicano, et gladiatore Burghesiano Romae 1698. Ait etiam SVIDAS, scripsisse Apollonium vitam Pythagorae, et de Pythagora scripsisse ait PORPHYRIUS: ex quo Pythagorae res enarrasse eum, visum ION-
SIO de S. H. P. L. III. c. 5. p. 230. conf. FABRIC. I. c. TILLEMONT. p. 216. Sed cum alii veterum taceant, videtur sane SVIDAS scriptor inaccuratus, doctrinas Pythagorae cum eius vita confudisse.

pisse videatur, adeo vbiq̃ue Sophistae artem redolet. Nam et *hymnus in memoriam*, cuius a PHILOSTRATOⁿ fit mentio, intercidit. Superest tamen *epistolarum* ab Apollonio scriptarum sylloge, ab incerto auctore profecta. Eam enim, quam se instituisse ait PHILOSTRATVS^o, aliam, et ab ista diuersam fuisse, ex eo satis patet, quod desiderentur in ea haud paucae, quas tamen vel ipsas adducit Philostratus, vel earum saltem mentionem iniicit earumque argumentum repraesentat. Illas nouo lumine collustratas debemus diligentiae et eruditioni praestantissimi OLEARII, qui esse eas veras et genuinas nullus dubitat, cum characterem, placita, mores, indolem Apollonii luculenter spirent. Quod displicuit quidem eruditissimo Vigorniensium episcopo GVILIELMO LLOYDIO^p, qui putat, Philostratum, Sophista qui esset, neque ignoraret, quo stilo ad reges exarandae epistolae essent, ipsum esse auctorem epistolarum, quae sub Apollonii nomine feruntur. Certe id ipsum, quod tam bene iis cum historia Apollonii a Philostrato scripta conueniat, magis suspectas eas nobis reddere, et Philostratum ipsum, veritum, vt satis esset auctoritatis eis epistolis postquam ad eas prouocasset, subiungere, certiora se ex Damidis ephemeridis hausisse. Recte vero his opponit Cl. OLEARIVS^q, vltimum tantum ad prolixiorum rerum Apollonii enarrationem, quas Laconica breuitate, tangunt modo, non explicant epistolae, respicere: esse etiam in ipsis epistolis profundiorum philosophiam, quam quae in Philostratum competere videatur: neque vero simile esse, audacter adeo ad bibliothecam Hadriani Imperatoris apud Antiates, quae pluribus haut dubie patebat, prouocaturum fuisse, si ipse harum epistolarum extitisset faber, facile ab eruditis hominibus reuincendus. Addimus his, non characterem tantum Apollonii, paedagogica ambitione facile ab aliis philosophis se distinguentis, ex iis elucere, quem praepostere passim Philostratus expressit, vt aliquoties notauimus; sed et philosophiam talem esse, quae Apollonio conueniat, eiusque mentem luculenter exprimat. Vnde genuinas esse, minime dubitamus, et ad Apollonium recte referri putamus. Sunt enim breuissimae et notante ipso PHILOSTRATO^r Laconica dictione concisae, et quasi ex scytala profectae omnes, tales nempe, quales scribi par erat ab homine fastu et superbia, alios omnes contemnente, et ex stulta Pythagorae imitatione auctoritatem plus quam regiam in ipsos etiam Imperatores et Principes ridiculo et puerili plane ausu affectantes^s, adeo vt quasi ex tripode praecepisse ipse fateatur PHILOSTRATVS. Qui cum legislatoris instar haec adhibuisse Apollonium moneat, prodit se legislatoriam maiestatem a scholastica non distinxisse.

T 2

§. XXII.

ⁿ) L. I. c. 3. conf. OLEAR. ad PHIL. p. 380.

^o) L. VII. c. 35.

^p) In ep. de vita Pythag. ad Bentleium.

^q) l. c. in addendis p. 956.

^r) L. I. c. 17.

^s) Hoc ἡ ἕκαστος ἀνδρὶς peculiaris, not. (h)

Fama et existimatio Apollonii.

§. XXII. Non apud omnes eadem fuisse existimatione Apollonium cum viuum, tum mortuum, ex dictis notum est. Nec mirandum, fanatici hominis et impostoris nomen atque suspicionem sibi eum contraxisse, cuius vita tam integra non fuit scelerisque pura, vt quidem iactarunt eius laudatores. Eluxit enim, praeter insanam prorsus superstitionem, quae omnes omnium regionum et gentium religiones nefando consilio in vnum systema conflagabat, ex eo quoque intolerabilis fastus et puerilis quidem, at grauis eo magis atque inaudita arrogantia, quae viris quoque principibus debitam reuerentiam non exhibuit, et non Domitianum tantum intueri dedignata est tyrannum, sed et Vespasiano Titoque bonis aequisque principibus, vt paedagogi solent pueris, ridicula quasi sub ferula praecepta dedit, immo, si Philostratum audias, leges tulit, et Principum Imperatorem se habendum esse contendit, immo Deum se coli non passus est tantum, sed misera quoque cauillatione defendit. Cuius summae superbiae et puerilis fastus in epistolis " tam luculentum specimen dedit, vt vel ex hoc vno loco, quam indignus Philosophi nomine et titulo Apollonius fuerit, pateat. Non contempsisse pecuniam, eo quidem specimine fati probauit, quod sacros templorum thesauros inuolauerit, quamquam eum felicem reputat, a quo pecuniam acceperit *. Adulationis eum egregie conuicit EVSEBIUS †, et mendacem ob hoc vitium fuisse obseruauit, qui, in quem tam grauius ante fuisset inuectus, nunc eidem turpissime adularetur, Domitiano, simulans ac si non contra ipsum vlllo modo, sed pro ipso potius faciant, quos in Ionia ipse de fati atque necessitate mouerat sermones. Non afferamus, quae Euphrates de eo sinistra retulit, quem inimicitias graues cum Apollonio gessisse, vbique clamat Philostratus, licet tam malae notae Philosophum non fuisse, quam ille depingit, infra sit demonstrandum. Vnus nobis LVCIANVS ‡ sufficit, qui Apollonium scholae nequissimorum impostorum principem nobis sistere, non erubuit, et eorum ducem fuisse indicauit, *qui magiam et diuinas incantationes profitentur, tum ille etamenta ad conciliandam in amoribus gratiam, malorum immissiones in hostes, rationem eruendi rependiendique thesauros, haereditatum successiones.* Talis licet fuerit multis, qui nasum habebant, visus Apollonius, apud maiorem tamen hominum partem insanum in modum excreuit eius auctoritas et existimatio, adeo vt viuus adhuc a multis pro numine quodam, vt in antecedentibus dictum, haberetur, et coleretur. Multo vero magis factum illud est, postquam incerto et obscuro mortis genere e viuus fuit sublatus, et quod ipse de se diffeminauerat Indorum Sophorum vaticinium, morte non occubiturum, fidem inuenit. Tyanenses enim, cuius sui gloria intumescens ei templum dedicarunt, et imago eius suspensa, et non locus ille tantum sacer habitus, sed tota inde Tyanensium vrbs eo priuilegio gauisa, et ab

†) L. IV. c. 10. L. VII. c. 10.

‡) Ep. 43. p. 395.

x) Ep. 42.

y) c. 43.

z) l. c.

et ab imperatoribus ἀντρονομίας iuribus aucta ^a, vnde etiam legatis imperatoribus obnoxia non fuit. Ex quo patet, imperatores Tyanam ob Apollonium eodem iure gaudere voluisse, quo vrbes νεωκόροι, qui in honorem imperatorum templa haberent instructa, et sacra solennia obirent, gaudebant. Quae Apollonii existimatio non tantum ita creuit, vt imperatores quoque eum pro numine haberent, sed et Tyanensibus saluti esset. Qua de re memorabile est, quod narrat VOPISCVS^b hunc in modum: *Fertur, Aurelium de Tyanae ciuitatis euerfione vera dixisse, vera cogitasse: verum Apollonium Tyanaeum celeberrimae famae auctoritatisque sapientem, veterem Philosophum, amicum verum, Deorum ipsorum etiam pro numine frequentandum, recipienti se in tentorium ea forma, qua videtur, subito adstitisse; atque haec latine, vt homo Pannonius intelligeret, verba dixisse: Aureliane, si vis vincere, nihil est, quod de ciuium meorum nece cogites. Aureliane, si vis imperare, a cruore innocentium abstine. Aureliane, clementer te age, si vis vincere. Norat vultum Philosophi venerabilis Aurelianus, atque in multis videbat templis eius imaginem. Denique statim attonitus, et imaginem, et statuas, et templum eidem promissit, atque in meliorem rediit mentem.* Addit his porro, vnde de existimatione Apollonii eo tempore iudicari potest: *Haec ego a grauibz viris comperi, et in Vlpiae bibliothecae libris relegi, et pro maiestate Apollonii magis credidi. Quid enim illo viro sanctius? venerabilius? antiquius? diuiniusque inter homines fuit? ille mortuis reddidit vitam, ille multa ultra homines et fecit et dixit, quae qui velit nosse, Graecos legat libros, qui de eius vita scripti sunt. Ipse autem^c si vita suppetat, atque ipsius viri fauori usquequaque placuerit, breuiter saltem tanti viri facta in literas mittam, non, quod illius viri gesta munere mei sermonis indigeant, sed vt ea, quae miranda sunt, omnium voce praedicentur.* Ex quo memorabili loco liquet, non templis tantum, statuis, imaginibus, aliisque cultus diuini honoribus Apollonii memoriam fuisse honoratam, sed habitum quoque fuisse talem, qui peculiari suo fauore homines iuuaret, et tutelarem quasi se praeberet daemonem. Quod in Christianorum potissimum factum esse opprobrium dictante inuidia, verisimile est valde. Cum vero tanta gratia vsa sit apud imperatores Apollonii memoria, mirum non est, populum tantam auctoritatem fuisse secutam. Nam et Hadrianus imperator tantopere eum venerabatur, vt non sine magnis sumptibus praeter librum eius de Pythagorica disciplina, omnes eius, quotquot nancisci poterat (omnes enim ad eum non peruenerunt) epistolas colligeret, et Antii bibliothecae insereret ^d. Maiora molitus est Antoninus Caracalla, qui templum ei tanquam daemone inter homines dicauit, teste DIO-

T 3

NE

^a) PHILOSTRAT. L. I. c. 5. L. VIII. c. 29. p. 369.

^b) In Aureliano c. 24.

^c) Non tamen hoc executus est Vopiscus,

vti nec Sidonii Apollinaris interpretatio vitae Apollonii ex Philostrato aeratem tulit. Ita et Soterichus Oasites, de quo SVIDAS, intercedit.

^d) PHILOSTRAT. L. VIII. c. 20. p. 364.

NE ^e. Sed et Alexander Seuerus in larario suo, in quo animas sanctiores seruabat, Apollonium, Christum, Abraham et Orpheum et huiusmodi Deos habebat, ad quorum effigies rem diuinam faciebat, ut auctor est LAMPRIDIVS ^f. Quam de Apollonio opinionem plebs secuta inter diuinos eum viros frequens retulit, ac Apollonii nomen ad abigenda spectra et edenda mirabilia adhibuit ^g. Quod si LACTANTIO ^h fi-
dendum esset, sub Herculis Alexicaci simulacra, quod apud Ephesios constitutum fuit, venerata fuisset Apollonium liberatorem suum et auer-
runcatorem pestis ea ciuitas: sed eum perperam intellexisse PHILO-
STRATVM, apposite monuit OLEARIVS ⁱ. Addi his potest iudici-
um scholae eclecticae de Apollonio, ex Eunapio supra relatum, quod
eum dei inter homines peregrinantis honore tituloue maectauit. Alia, ne
nimii simus, praeterimus, videnda apud Cel. MOSHEMIVM ^k.

*Doctrina
Apollonii.*

§. XXIII. Enarrata vitae Apollonii historia paucis etiam de philoso-
phicis eius doctrinis dicendum est: ipsum enim a mago se ita distinxisse,
ut se philosophiae cognitione ea scire diceret, quae magi et praestigiato-
res frustra affectarent, supra docuimus. Elegisse vero Apollonium Pytha-
goream philosophiam, toties ipsum non contentum tantum, sed et glo-
riantem audiuius, hoc ut ultra demonstrare plane superfluum sit. Nam
non tota tantum vita eius κακοζηλίαν Pythagoricam prodit, sed et ipsa
miracula et τὸ τετραῶδες quod affectauit, quodque characteris instar in hac
secta notauere veteres. Pleraque etiam quae edidisse dicitur miracula ni-
tuntur placitis Pythagoricis de migratione animarum, de potestate sapi-
entis in elementa, de natura et colligatione factorum inuitabili, de ordine,
conditione et natura daemonum, et quae his sunt similia ^l. Ex Pythago-
rico itaque systemate, quae ei dogmata placuerint, facili coniectura intel-
ligi potest, nec opus est prolixo de Apollonii philosophia Commentario.
Quoniam tamen si non solus, certe celeberrimus et famosissimus eorum
est, qui post C. N. Pythagoricam philosophiam reuocarunt, paucas ex
eius epistolis assertiones, adhibito iudicio et examine, huc transferemus,
ut qua ratione Pythagorice philosophatus sit impostor maximus, quaeue
fuerit huius philosophiae tum temporis facies, patecat.

I. Philosopho cum philosophis amicitia est, cum Sophistis vero et
Grammatistis et his similibus non item ^m. Ita ad Euphratem, quem hoc
nomine punit, quod quaestus causa philosophiae inuigilaret. Improbaf-
se

^e) L. LXXVII. p. 878.

^f) In Alex. Seu. c. 29.

^g) EVSEB. I. c.

^h) L. V. c. 3.

ⁱ) Ad PHIL. L. VIII. c. 7. f. 9. n. 13.

^k) Diff. de varia existimatione Apollonii, quae
extat in eius obferu. hist. crit.

^l) Maxime hoc demonstrat in apologia
PHILOSTRAT. L. VIII. c. 4. f. 4. fqq. 332. seqq.
modo Apollonii fit. Nam non solum ibi se co-
mam alere more Pythagoreo ait, sed et scire se,

in quos anima sua migraverit; esse hominibus
cum Diis cognationem, ex qua Dii et ipsi eua-
dant, qui boni sint, ut Deus bonus est. Cibis
vilibus seruari sensus integros, ut tanquam in
speculo futura videant, ut praesentia, Deum in-
cruentis honorandum esse sacrificiis, reuocari
per iungas posse animas defunctorum, fata esse
immutabilia et generoso animo excipienda etc.
Talia multa in hac apologia offendit lector at-
tentus. ^m) Ep. I. p. 385.

se vero non sophisticam tantum professionem, sed et scribendi genus notat PHILOSTRATUS ^u, qui cum, ita ipse, qui sophista erat, inter homines κακοδαίμονας referretur ab Apollonio, mirum est, quod tam impenso labore eius coluerit memoriam.

II. Natura, institutione, possessione, usu virtus acquiritur: cuius quidem gratia omnia amplectenda ^o. Aut igitur a sophistica abstinendum, aut gratis illa cum omnibus communicanda: curandi affectus, neque inuidendum aliis, qui vere philosophantur.

III. Veritatis causa philosophandum ^r.

IV. Philosophus (qualis Apollonius fuit) omne balneum deuitat, extra domum nunquam prodit, pedesque suos tuetur impollutos. Nunquam aliquod membrum corporis mouere conspicitur, semper scilicet anima eius in motu est: nutrit in capite comam: vestem gestat lineam, et quicquid est hominibus in sacris purissimum: diuinatione utitur: et corporis aegritudines tollit, et affectus sedat: comedit solus, pauca loquitur, et de paucis: ab omnibus carnibus abstinet, et omnibus animalibus, scilicet eo, quod homo sit ^r. Describere ita Apollonium philosophum Pythagoreum, ex collatione eorum, quae suo loco de scholae Italicae institutis et disciplina dicta sunt, facile intelligitur: miscet tamen more Stoicorum παραδοξα quaedam: e. g. non mouere membra, nempe motu rationali et spiritali; comedere solum, quia reliqui vorant; pauca loqui, nempe tacere posse.

V. Paucis opus est philosopho, vnde par est, vt ne de pluribus, quam necessariis, sibi prospiciat, deque iis conquirendis sollicitus sit, tum alio modo quocunque, tum eo, qui cum aliqua turpitudine sit coniunctus. Id tamen cum factum sit semel, proximum est consilium, magno studio partem elargiri facultatum patriae et amicis ^r.

VI. Philosophus idem est ac liber. ^s Sapit hoc quoque παραδοξολογίαν Stoicam, quam ob Euphratem in his Stoico more versantem, sectatus fuisse videtur.

VII. Turpissimum est, diuitiarum studio nos peregre agere videri, maxime cum sint homines, qui vt memoriam post se relinquant, easdem contemnunt, licet nullo virtutis amore ducti ^r. Nec philosophus, mercedem pro philosophia accipiet, etiam si indigeat ^r. Passim in hunc sensum differit, et Euphratem mercede docentem punit, ipse, vt supra vidimus, a pecuniae amore non alienus.

VIII. Pulchrum est omnem terram patriam censere, omnes homines fratres et amicos, cum Dei genus sint, eiusdemque naturae; cum item affectuum omni modo atque omnibus eadem sit communitas, quocunque loco et quacunque conditione quis degat, siue barbarus, siue Graecus sit, aut alius homo ^v.

IX. Nulla

^u) L. III. c. 19. ^o) Ep. II.

^r) Ep. IX. p. 389.

^s) Ep. VIII. p. 387.

^v) Ep. IV. p. 386.

¹) Epist. XXVIII. p. 392.

²) Epist. XXXV. p. 394.

³) Epist. XLII. p. 395.

⁴) Epist. XLIV. p. 395.

IX. Nulla sapientia vinci potest cognationis affectus, omnisque res id, quod cognatum est sibi ad se trahit.

X. Rerum omnium philosophia est praestantissima.

XI. A viro Pythagoreo accipies ista et tanta: artem condendi leges, geometriam, astronomiam, arithmetica, harmonicam, musicam, medicinam, vniuersam diuinam diuinationem (id est theurgiam, goëtiæ oppositam ^w). Et quæ pulchriora adhuc, animi magnitudinem, grauitatem, constantiam, bonam famam, cognitionem Deorum non opinionem, scientiam daemonum certam, non credulum assensum, amicitiam vtrorumque, suis vt sit contentus, assiduitatem, frugalitatem, facilitatem rerum necessariorum, sensuum integritatem, agilitatem, respirationem facilem, colorem conuenientem, sanitatem, tranquillitatem, immortalitatem ^x.

XII. Magus Deorum minister est; aut indole qui fit diuina. Qui vero non magus, ille atheus ^y.

XIII. Verum dixit Heraclitus physicus, hominem natura irrationalem esse. Merito itaque omni illi facies prae pudore tegenda, qui stulta opinione intumescit ^z. Recte hanc sententiam tribui Heraclito ex veterum testimoniis et systemate eius physico *tomo primo* ^a illustrato patet. Rationalis enim secundum Heraclitum anima extrinsecus homini aduenit. Esse vero Pythagorea et Heraclitea proxima inter se cognatione iuncta, eodem loco diximus. Hincque ratio explicanda, qui pudore et stultitia hominem opinione intumescens hic oneret Apollonius, ipse insana de se opinione nimium elatus, vt vel ex his epistolis luculentum est ^b. Accepisse se enim hanc sapientiam a Deo, et cognatione diuini spiritus in eum descendens putabat, vnde se diuinum praedicare, fratribusque grauem dicam scribere non erubuit, quod non ipsi quoque de fratre tam magnifice sentirent.

XIV. Vis animi a prudentia non separanda, sed vtraque coniungenda; semper enim alterum alterius indiget, vt visus lumine, et lumen visu ^c.

XV. Anima semper in motu est ^d. Etiam hoc a Pythagora accepit, cui animus est numerus se ipsum mouens.

XVI. Nulla res interit, nisi in speciem, quemadmodum nec gignitur quicquam, nisi specie.

XVII. Vbi aliquid ex statu essentiae in naturae statum transit, id generatio videtur: mors contra, vbi ex statu naturae ad statum essentiae redit.

XVIII. Interea vere nihil quidquam generatur, aut corrumpitur, sed tantum conspicuum fit modo, modo conspectui subducitur rursus, illud quidem propter materiae crassitiam, hoc vero propter essentiae tenuitatem.

XIX. Essentia semper eadem, motu tantum et quiete differt. Illud enim

^w) Conf. PHILOSTRAT. L. V. c. 12.

^z) Epist. LII. p. 398.

^y) Epist. XVII. p. 390. ^z) Epist. XVIII.

^a) L. II. c. 12. Conf. CLEM. ALEX. Strom.

L. V. p. 602. SEXT. EMPIRIC. adu. math. L. VII. f. 126.

^b) Ep. XLIV. p. 395.

^c) Ep. XX. p. 391.

^d) Epist. VIII. p. 387.

enim proprium necessario mutationis, quae extrinsecus non aduenit, sed qua totum in partes mutatur: partes autem in totum reuertuntur, dum omne, quicquid eorum est, coniungitur.

XX. Plenum quod est, id visibile fit propter crassitiei renitentiam, inuisibile autem fit, si vacuum quasi fiat raritate sua: materia, quae vi quadam detinetur, ex continente eam vase aeterno, quod nec ortum habet, nec interitum, diffuente.

XXI. Rerum visibilium modus nullus singulorum est inuiduorum, sed vnus omnis modus est rei singularis.

XXII. Rem illam primae essentiae nomine recte quis vocauerit. Quae sane sola efficit et patitur, et fit omnia in omnibus, Deus aeternus: nominum tantum et repraesentationum varietate nomen amittens, iniuste licet.

XXIII. Homine itaque moriente, Deus fit ex homine, modo mutato, non ipsa natura et essentia. Mors itaque non dolenda, sed colenda et reuerenda est. Deo itaque relinquendus is, qui istuc peruenit. Luculentum hoc physiologiae Apollonianae compendium est, quod ipsis eius verbis ex epistola consolatoria ad Valerium^e expressimus, quodque, cum subtilitate Philostrati ingenium superet, argumento est, non ab hoc illi suppositum, sed ab ipso profectum esse Apollonio. Apertum vero ex delineatione systematis Pythagorei et Heracliti, quam suo loco exhibuimus, sequi hic Apollonium Pythagorae quidem placita, sed eo modo, vt ex Hippasi schola in suam sectam transtulit Heraclitus, cuius philosophiam valde probatam fuisse Apollonio modo vidimus. Quod vt planum faciamus, supponit quidem Apollonius *εἰς αἰὲν* rerum esse aeternam et immutabilem, qua ratione ideas Plato, numeros definiuit, rerumque esse essentias dixit Pythagoras, sed in materia ita latere putat, vt hanc vnam constituere essentiam vel substantiam statuatur, quae nec principii, nec finis vnquam particeps sit, et vna omnia efficiat pariter atque patiatur, quaeque cum particulis minimis vehementissime inter se commotis semper et agitatatis constet, condensata atque coarctata rerum omnium species producat sensibiles et visibiles, rarefacta autem et quasi euacuata, resolutaque ista compagine prioris coagmentationis naturam amittat, et fiat inde inuisibilis, speciebus istis euanescentibus, licet istae materiae vniuersalis siue essentiae particulae immutabiles maneant. Status itaque essentiae est, fons quasi et subiectum naturarum, siue essentia illa vniuersalis, immutabilis, aeterna, diuina, ex qua omnia formantur; status naturae vero visibilis specierum formarumque apparatus, vbi ita materia compingitur, vt certa forma fiat visibilis; quae vbi ita coniungitur, generari res, vbi resoluitur, mori dicitur. Ex quibus patet, non secutum fuisse Apollonium genuinum systema Pythagoreum, quod aeternas essentias ideasue ac numeros per se existentes supponit, et materiae opponit, vt quidem vult do-

^e) Epist. LVIII. p. 401.

Etissimus O L E A R I V S ^f, et nos eodem fere modo olim^{ff} Apollonii physiologiam explicuimus; sed accessisse Semi-Pythagoreis, quique ex eorum schola prodiit, Heraclito, qui vnam tantum rerum omnium essentiam, ignem nempe diuinum in generatione rerum varie coarctatum et ita quasi compactum, vt visibilis fieret, statuerunt. Cuius non luculentior dari ratio potest, quam quae ab ipso Apollonio affertur, πάθος ἐδὲν τῶν φαινομένων περὶ ἑκάστον ἐδὲν εἶναι, ἀλλὰ μᾶλλον περὶ ἓν ἑκάστα, *affectiones atque passionnes* (recentiores barbare modificationes vocant,) *non constituere res siue essentias singulares, sed rem vnamquamque ex vno modum hunc accipere, quem prae se fert.* Vnde hanc vniuersalem materiam non tantum essentiae primae nomine notat, sed et ei proprietates atque affectiones omnes tribuit, quae essentis tribuebantur in Pythagorae schola, eamque non patibilem tantum causam, sed efficientem quoque esse, innuit. Ex quibus sequitur, vnam tantum, esse rerum essentiam (naturam enim, τῶν φαινομένων esse putabat,) eamque se ipsam formare, modos formasque ipsi imprimere, in res omnes alteratione, non vero mutatione sua, transfigurari, coeuntem fieri visibilem, extenuatam et resolutam inuisibilem reddi. Hanc itaque vnam tantum substantiam dari in mundo, hanc Deum esse ipsum, in hanc omnia redire, hanc aeternam et immutabilem esse. Deum itaque esse omnia, variis modis indutum, licet, iniuste tamen, nomen amittat. Vniuersae itaque naturae vnam esse vnius essentiae cognationem, pendere ex se omnia, reuocari omnia eandem ad essentiam, et sic reuera hominem et viuum et mortuum Deum esse. Vidit iam acutissimus O L E A R I V S ^g, haec Spinozismo valde fauere, qui vnam tantum substantiam, variis modis affectam nobis geometrico ordine primus exhibuit, antecessores tamen habuit multos. Et vt verum fateamur, non videmus, qua ratione ab hac impietate liber queat pronuntiari Apollonius, qui res omnino omnes ad vnam refert essentiam, et non emanatione (quod theosophici volunt in hanc classsem minus accurate ab Oleario relati) sed modificatione tantum extrinseca, differre inter se res vsibiles, principium item agens et patiens vnum idemque esse, statuit. Qua in re multo audacior et impudentior est Apollonius philosophis reliquis omnibus, qui in hoc haeserunt luto. Illi enim dicis gratia, et vt puluerem hominibus incautis obicerent, Deum ab ista materia vniuersali verbo nomineque distinxerunt; hic vero indignatur et improbat, aliter res omnes vocari, quam Deum, cum reuera omnia Deus vnus sint. Quae cum atheismum apertum exhibeant, nouo nos docent specimine, impudentissimam impietatem, abiectissimae tamen superstitionis posse esse fundamentum et materiam. Ita enim dum omnia non mutantur tantum in Deum, sed ipse Deus sunt, coli etiam, virtutesque rerum naturalium, cognita

^f) Ad h. I. qui tamen Spinozae vnam postea substantiam in his agnoscit.

^{ff}) In Germanico Hist. phil. op. T. III. p. 332.

seqq. licet iam tum monuerimus. Heraclitea melius Apollonii φιλοσοφούμεναις conuenire quam Platonica.

^g) loc. cit. not. II. p. 402.

cognita femel ratione vniuersalis cognationis elici possunt. Non tacebimus tamen, quae huic potissimum explicationi systematis Apollonii obici possunt: Affert nempe E V S E B I V S ^b fragmentum operis Apollonii de sacrificiis, ubi ita de colendo summo numine praecipit: *Equidem sic existimo, iustis eum verisque religionis officiis numen colere, sibi que per sese propitium illud ac secundum prae caeteris hominibus habere posse, si Deo quidem illi, quem principem diximus, quique et vnus est, et longo a reliquis interuallo seiunctus, secundum quem utique caeteros cognosci necesse est, nihil unquam sacrificarit, ignem non accenderit, nec eorum quae sensibus usurpantur, quicquam plane consecrarit; utpote qui rei nullius indigeat, non modo nostrae, sed nec eorum etiam, a quibus plurimum naturae dignitate superamur: cumque adeo nihil sit eorum, quae a terra vel aëre quoquo modo procreentur, animalque nullum ab eodem nutritum, quod, si tanti naturam numinis attendamus, non labis genus aliquod videatur, sed tantum excellentem illam ac praestantem orationem ei semper obtulerit, quae nequaquam in ore proferatur, atque ab eo, qui rerum omnium est optimus, eo quod similiter in nobis est optimum, interprete, bona postularit. Illud autem mens est. quae nullius operam instrumenti desiderat.* Haecenus Apollonius, cuius verba systemati emanatio magis, quam Spinozistico; fauere non negamus, cum eodem prorsus modo diuinum systema ordinet, quo I A M B L I C H V S et eclectici, sed et Deum primum summumque ab omnibus reliquis daemonibus, multoque magis a rebus corporalibus longo interuallo separet. Etsi vero vna responsione defungi licet, dubitando de fide et γνησιότητι huius fragmenti, non tamen eo deuenire opus putamus esse, cum supra exhibita cum his queant inter se conciliari, modo ad genuinam rationem systematis Semi-Pythagoraei attendatur. Statuit enim illud in centro vniuersitatis latere istam essentiam vniuersalem primamque, nempe ignem illum mundanum, quo nomine Hippasus et Heraclitus eam appellarunt, exque centro ad peripheriam se extentendo, res quidem omnes in ea modificari, ipsam tamen in extrema tandem sphaerae mundi parte, lucidius puriusque residere; vnde quo propiores sint, ignis huius essentiae primae modificationes, quas vocant, atque πάδες, eo diuiniore censendas esse, licet longo adhuc interuallo a primo ignis fonte purissimo remotae. Haec ratio fuit, cur daemonibus locum fecerit hoc systema, licet eandem naturam siue essentiam per vniuersum esse et modificari statuerent. A quo dogmate parum abierunt Stoici Pythagoreis et Heracliticis principiis vsi, vno hoc discrimine, quod agens et patiens, in signo magis rationis, quam re ipsa, distinguerent. Apollonius itaque, qui in epistola ad Valerium nudam systematis impii faciem detexit, in opere de sacrificiis, illud ad superstitionem cui adhaerebat, applicans, et scalam illam daemonum, vsque ad impenetrabilem Deitatis abyssum, quam schola Alexandrina iam tum erat commenta, adhibens, illum inaccessiblelem

^b) Praep. L. IV. c. 13. p. 150.

lem Deum, essentiam quidem illam primam esse statuit, sed in centro quasi suo latentem, quae cum ipsa se essentiae suae modificatione rebus omnibus largiatur, his certe placari et sacrificiis honorari non potest, quae tam pura et simplicia natura sua esse nequeunt, quam ipsissima est: cui, quae apud ipsum sunt, modificationes proximae, speciem essentiarum singularium prae se ferentes, daemones sunt, colendi et placandi sacrificiis, quae propius naturae eorum accedunt. In epistola itaque adducta metaphysice locutus est Apollonius, in fragmento theologicæ, quae posteriora non obstant, quo minus inter impietatis patronos et Spinozæ antesignanos numerandus sit Apollonius, licet, nescio qua felicitate, hæcenus apud omnes, qui atheismi historiam scripsere, hanc notam effugerit, solo acutissimo O L E A R I O hanc Apollonii maculam perspiciente. Ex dictis, sequentibus etiam lux affulgebit, patebitque non sine ratione graui utramque systematis huius interpretationem nos in concordiam redegissemus. Ita enim porro ad Valerium præcipit:

XXIV. Et ordo quidam rebus inest, eique Deus præsidet, sapiens itaque bona sibi ipse non eliget, quae sibi evenient autem, ea sibi vtilia existimabit. Sana hæc videri, qualia et Stoici et Pythagorei præceperunt, negari nequit: sed ad illud, quod in antecedentibus diserte tradidit, systema applicata, pessimum fundunt sensum. Nihil enim aliud esse potest ille ordo, quam *ὅρα τῶν παθῶν*, siue ordo, consecutio et concatenatio istarum vnius vniuersalis essentiae modificationum, quae in ipso essentiae intimo incipiunt centro, et necessaria ratione, ut circuli aquae a lapillo motae se dilatant, et inuicem consequuntur. Quibus cum illa vniuersalis essentia vera causa agensque sit, eaque ab illa proficiantur, præesse illis non incommode dicitur, sed bene eueniunt vniuersali illi substantiae, quaecunque ita ex suo centro modificationes exsurgunt. Qua ratione Spinoza quoque ordinem, consilium et prouidentiam agnouit.

XXV. Ordo hic factorumque vis mutari prorsus nequit adeo, ut si imperium alicui decreuerint, quod alter modo teneat, illumque hicce interficiat, ne exuatur imperio, interemtus sit rediturus, quo factorum satisfiat decretis ⁱ. Sequitur hæc factorum conditio ex systemate semel admissio, ubi non externa quidem necessitate, cum nihil, præter hoc vnum sit, interna tamen naturae suae omni libertate spoliatae indole, modificationes se mutuo consequuntur, exque iis effectus exoriuntur. Qua ratione Stoici quoque doctrinam de fato ex iisdem, quibus Apollonius, hausere fontibus. Quod itaque de illis dictum, etiam de Apollonio dicendum et fatalis philosophia execranda est.

XXVI. Immutabilem hanc factorum seriem qui cognoscit et inspicit, ille de futuris diuinandi peritus est. Vaticinam facultatem vere sapientium hoc fundamento niti contendit Apollonius, mentemque puram, et ve-

stem

i) Ita fufius hæc explicantur in apologia L. VIII. c. 7. f. 16. p. 351.

stem puram victumque tenuem requiri contendebat, qua de re copiose differit in Apologia ad Domitianum ^k.

XXVII. Quod est, non perit, vt quod per hoc ipsum fit, quod sine fine sit extitutum: vel certe statuendum erit, ex nihilo etiam aliquid fieri posse. Quomodo autem fiat, cum nunquam aliquid in nihilum abeat?

XXVIII. Quamdiu hic viuimus, punimur ^l. Pythagoreum et Platonium hoc esse, corpus carcerem esse animae, supponens, quilibet videt. Non abludit tamen a sensu Spinozistico, quem supra expressit Apollonius. Nam licet diuinae essentiae modificationem accipiat homo, contracta tamen et condensata quasi essentia prima, deitatis naturam nomenque amittit, sibi quae eripitur; et ita multis mutationibus fit obnoxius, ex quibus calamitates haud exiguae oriuntur. Quousque itaque homo hoc *τέρας* modoue affectus in hac vita est, eousque carceri est inclusus, solutus corpore, vt habet alibi ^m, nisi vestiatur denuo, extemplo fit aliis hominibus melior.

XXIX. Si ars medica diuinissima, cum corpore etiam animae cura habenda est; alias animal sanum non erit, quod parte quidem fui meliore aegrotet ⁿ.

XXX. Dii victimis non indigent: is ergo faciens gratiam eorum inierit, qui animum recte institutum possideat, et hominibus, id qui mereantur, quantum possit benefaciat; haec Diis cara sunt, illas vero athei quoque obtulerint ^o.

XXXI. Abstinentum ab omnibus sacrificiis cruentis, propter cognationem ^p.

XXXII. Naturale est, vt quaeuis res consummata denique transeat, hocque ipsum rebus omnibus senectam inducit post quam non subsistere possunt amplius ^q.

XXXIII. Diuitiae molestiam vitae inducunt, et angores pariunt, cur itaque homines euadunt diuites? ^r

XXXIV. Decet pauperem esse, vt virum fortem, ditescere vero vt humanae fortis memorem ^s.

XXXV. Loquacitas multa habet praecipitia, at tutum est, tacere ^t.

XXXVI. Paucis contentus est sapiens, non eo animo, vt vilibus ac exiguis vtatur semper, sed animum aduersus ea obfirmet ^u.

XXXVII. Iracundiae flos est insania, et nisi curetur saneturque, in morbum degenerat naturalem ^v.

V 3

XXXVIII.

k) loc. cit.

l) Epist. LVIII. p. 403.

m) Ep. XIII. p. 390.

n) Ep. LVIII. p. 403. Ex his vero *μετεμψύχως* Apollonii explicanda, quae magis ad *μετενομήματα* Stoicorum saluis his principiis redit. Magis tamen Pythagorice de illa locutus est, ad principia sua non satis attentus, vel secum non ubique concors. Sequitur vero ex hac quoque thesi, metempsychosin poenam esse homini.

o) Ep. XXIII. p. 391.

p) Ep. XXVI.

q) Prolixe hac de re in Apologia l. c.

r) Ep. LVII. p. 399.

s) Ep. VI. p. 386.

t) Ep. XXII. p. 391.

u) Ep. LXXXII. p. 409. STOBÆVS Sermon.

v) Ep. LXXXIII. p. 393.

w) Ib. Sermon. XXXIX. p. 136.

x) Sermon. XCVIII. p. 324.

XXXVIII. Non esse, nihil est, esse vero est aerumna. Lucem obscura sententia capit ex Θ. XXVIII. ^y

XXXIX. Pulchrum est, antequam ferenda sint mala, quanta res sit tranquilla patientia, discere ^z.

XL. Quae aegre nobis faciunt, iis solatium ex aliorum malis quaerendum est ^a.

XLI. Plerique mortalium propriorum criminum aduocatos, ab aliis commissorum accusatores se gerunt ^b.

XLII. Brevis est vita homini, cui ex voto omnia succedunt, longa ei, qui fortuna utitur parum fauente ^c. Potiores hae sunt philosophiae Apollonii sententiae, quarum vltimae fere omnes exotericae sunt. Plures quidem multo et ampliores dare possemus, si sermones, quos habuisse eum Philostratus refert, vellemus consulere, sed cum verisimile omnino sit, Philostratum eos vel finxisse totos, vel refinxisse tamen, ut ipse fatetur, ex parte, adeoque more sophistarum, argutam et sententiis tanquam stellulis interdistinctam orationem affectantium, multa ex suis addidisse, ea omittimus. Pauca enim, quae adduximus, sufficiunt, ut nec magnum, nec pium fuisse philosophum Apollonium euincant, rationemque edoceant, quo potissimum modo superstitionem impietati iunxerit. Quae si imposturae, cuius iure conuictum deprehendimus, iungantur, ex diuino philosopho merito Philosophastrum facimus, perditissimum.

*Secundus
Atheniensis.*

§. XXIV. Iam ad reliquos, qui inter Pythagoreae doctrinae sectatores circa haec tempora inclaruerunt philosophos properandum est, inter quos eminet SECVNDVS sophista et philosophus ATHENIENSIS, qui quod fabri lignarii filius esset, dictus est Epiurus, id est clauus ligneus ^d. Addit his SVIDAS ^e, vocatum fuisse Plinium; verum aut ipsum Suidam, cuius supina oscitantia tot speciminibus nobis iam deprehensa est, aut glossatorem aliquem ineptum hunc Secundum cum Plinio Secundo confudisse, recte viris doctis obseruatum est. Inter Pythagoreos recentiores recte eum numerari, sententiae eius docent. Addunt alii, VINCENTIO BELLOVACENSI auctore ^f, seruasse Secundum Pythagoreum silentium, non per quinquennium tantum, sed per totam vitam, quam Pythagoricis institutis conformem duxerit, ab eo inde tempore, quo mater eius pudicitiam ipsius tentauerat, repulsamque passa pudore et tristitia obierat. Alii ita narrant: ^g cum matre nesciente filium esse, com-

^y) Ep. XC. p. 410.

^z) STOBÆVS Serin. CCXXIV. p. 742.

^a) Ib. Serin. CCLXXVIII. p. 898.

^b) Serin. CXVII. p. 371.

^c) Serin. CXX. Modo hae sententiae non sint alterius Apollonii.

^d) PHILOSTRAT. Vit. Sophist. L. I. c. 26. p. 544. seqq. SVIDAS in Secundus T. III. p. 295. In prioris loco pro ἐπίδωρος legendum esse ἐπι-
δωρος dudum videre viri docti, quos ad haec lo-

ca nominant OLEARIVS et KVSTERVS atque FABRICIVS Bibl. Graec. Vol. I. p. 502. Vol. XIII. p. 564.

^e) I. c. KVSTER. OLEAR. FABRIC. II. cc. qui alios nominant hunc errorem secutos.

^f) Spec. Hist. L. XI. c. 70. eandem fabulam ex vetustis membranis Aduers. L. XV. c. 17. inferuit C. BARTHIVS.

^g) RAVIS. TEXTOR in Offic. p. 1320. Diogeniano auctore.

commiscuisse, et illo facto cognito intulisse eam sibi sceleris horrore mortem, ipsum quoque cum incestus poenitentia tum dolore maternae mortis aeternum tacuisse, ut ulcisceretur vocem, qua in concubitu matri innotuisset ^b. Immo et hoc additur, Secundum frustra ab Hadriano imperatore, etiam mortis iniectione per speculatorem metu sollicitatum ad loquendum, tandem ad quaesita eius scripto respondisse. Recte vero hanc fabulam reiecere viri docti, et ineptientis Graeculi ingenio deberi iudicarunt ⁱ. Nihil enim de ea habet PHILOSTRATUS ^k, aetate illi propinquus: tacet etiam Suidas. Habuit Herodem Atticum, Sophistam celeberrimum, discipulum, ex quo mala lectione apud SVIDAM exsculptus est Herodotus ^l. Aemulatione tamen inter utrumque, cum Herodes quoque iam alios institueret, oborta, refriguit paulisper amicitia, non tamen extincta est, mortuo enim et funebrem orationem habuit, et illacrymatus est, quamvis matura senectus vitam finiret ^m. Luxuriantem in inuentione, extitisse in elocutione castigatissimum ait PHILOSTRATUS ⁿ, ex quo argutum et βαρὺ λόγον fuisse liquet. Maxime vero eius fama nomenque inclaruit *sententiis* siue responsionibus ad quaestiones ab Hadriano imperatore propositas, quas nominis confusione quidam ad Plinium Secundum retulerunt ^o. Eas *speculo historiali* inferuit VINCENTIVS BELLOVACENSIS ^p, ex quo alii multi repetitis vicibus ediderunt: Graece primus cum Demophili et Democratis *sententiis* vulgavit LVCAS HOLSTENIVS ^q, et post eum THOMAS GALEVS ^r, diuersorum vero codicum lectiones cum Gudiano contulit et integras exhibuit ὁ πᾶν FABRICIVS ^s. Et Secundi quidem nomen ubique prae se ferunt, titulo *altercationis Hadriani imperatoris et Secundi*, fatemur tamen, suspectas has nobis esse sententias, quod interpolationem passae sint ^t. A Sophista tamen esse, argutum dicendi genus, quale multi tum temporis affectabant, et τὸ ἀνιγματοῶδες sectante, lectio earum prodit: quemadmodum Hadrianum cum philosophis et sophistis disceptasse, veteres testantur ^u. Pythagoreum vero systema secutum fuisse earum auctorem, ex sequentibus manifestum est assertionibus:

I. Mundus est incomprehensibilis complexio, structura mente contemplanda, altitudo oculis inaccessa, ex se natum spectaculum, multiformis figuratio, aeternus tenor, almus aether, multipartitus spiritus, septuaginta circuitus, sol, lumen, dies, luna, stella, tenebrae, nox, terra, ignis, aqua, aër. Comprehendit enim haec definitio totum mundi, vel vniuersi

^b) Msc. apud FABRIC. l.c. Vol. I. p. 502.

ⁱ) HOLSTEN. praef. ad Sentent.

^k) loc. cit.

^l) MEYER. Lect. Attic. L. VIII. c. 19. KSTER. loc. cit.

^m) PHILOSTRAT. I. c. OLEAR. ad h. l.

ⁿ) ibid. ^o) Nominauit eos FABRIC. l.c.

^p) loc. cit.

^q) Rom. 1638. Lugd. Bat. 1639. 12.

^r) Opusc. mythol.

^s) Bibl. Graec. Vol. XIII. p. 565.

^t) Saltem id de iis valet, quae Latine tantum leguntur.

^u) Ita vero disputauit, ut victoriam ei cederent docti viri, nisi de vita periclitari vellent, vid. DIO L. LXIX. AVR. VICTOR, XIPIHILIVS, ALBIN. FLACCVS ep. 102. SPARTIANVS c. 16. Eiusdem fere generis ferri altercationem Hadriani et Epicteti infra dicemus.

uerſi potius Pythagorei ambitum, qui et aethere diuino, et materia in multis partes figurata conſtat, et ex ſe natus id eſt interna Dei, aetherisue diuina virtute figuratus eſt, et circulos, elementa, tempus, verbo omnia, quae ſunt, licet non videantur, comprehendit.

II. Deus eſt bonum natiuum, multiformis imago, altitudo inuiſibilis, varie effigiata forma, quaestio intellectu difficilis, mens immortalis, ſpiritus omnia peruadens, peruigil oculus, propria omnium eſſentia, multinominis poteſtas, manus omnipotens, lumen mens, poteſtas. Nihil in his, non Pythagoreum, Deum animam mundi omnia peruadentem et in omnes formas ſe transfundentem ſtatuens, ex qua omnia eſſentiam accipiunt. Haec vniuerſi ſiue mundi pars eſt, rerumque omnium, ſiue numerorum idearumque eſſentia, de qua et Pythagoras et Plato difficulter diſferendum eſſe falli ſunt.

III. Homo mens eſt induta carne, vas ſpirituale, ſenſile domicilium, breue habitaculum, anima ad labores nata, fortunae ludibrium, temporis cura inſtrumentum oſſeum, vitae explorator, lucis deſertor, terrae creditum. Lapſum animae corpori poenae loco incluſae luculenter ſupponit et innuit.

IV. Terra eſt coeli baſis, ſpeculatio ſine fundo, radicatio aërea, gymnaſium vitae, lunae peruigilium, ſpectaculum viſu incomprehenſibile, imbrium nutrix, frugum mater, inferorum operculum, cuſtodia aeterna, ſpatium multarum ditionum, generatio et receptaculum omnium rerum.

V. Mors eſt ſomnus aeternus, reſolutio corporis, afflictorum deſiderium, reſeſſus ſpiritus, fuga et abdicatio vitae, diuitum timor, pauperum ſolamen, reſolutio membrorum, pater ſomni, verus terminus fixus, diſſolutio omnium.

Eiuſdem fere commatis ſunt ſententiae et reſponſiones morales, quae affectatum Pythagoreiſmum ſapiunt, quas tamen, cum vbique occurrant legique poſſint, huc non tranſcribimus.

Nicomachus.

§. XXV. NICOMACHVS, Geraſa * Coeleſyriae vel Arabiae oriundus, et ipſe Pythagoream doctrinam amplexus ⁊ eſt. Quo tempore vixit-

*) Duas nobis Geraſas memorant veteres, vnam Coeleſyriae, cuius meminit PTOLOMAEVS L. V. c. 15. et SVIDAS T. I. Geraſa p. 476. alteram Arabiae, cuius mentionem faciunt PTOLOMAEVS L. V. c. 17. add. VALERIVS ad Ammian. L. XIV. c. 8. Et ex Coeleſyria quidem Nicomachum oriundum volunt ABRAHAM. BERCKELIVS ad Steph. p. 296. et SAM. TENNVL. ad Iamblich. Intr. in Nicom. ex Arabia vero FABRICIVS Bibl. Gr. Vol. IV. p. 2. not. a. Quorum tamen opiniones poſſunt conciliari, ſi cum HADR. RELANDO Palaest. L. III. p. 806. vnam tantum urbem eſſe ſtatuamus, quae ab aliis in caua Syria collocatur, ab aliis in Arabia, iungiturque cum Philadelphis et inter Decapolitanas recenſetur, conf. I. G. GRAEVIUS Leſt. Hefiod. c. 16.

⁊) Teſtantur id Porphyrius apud EVSEB. Hiſt. Eccl. L. VI. c. 19. PAPP. ALEX. Colleſt. Math. L. III. p. 19. MARINVS in vita Procli c. 28. IAMBELICHVS l. c. p. 3. PHOTIVS Cod. CLXXXVII. p. 237. Ex quibus Iamblichus ait: „Omnia eum tradidiſſe ad mentem Pythagorae, plurimumque feciſſe in mathematicis, et in illis uſum eſſe expertiſſimis magiſtris, praeterea mirabilem ordinem, theoriam et doctrinam cum mirabili ſcientificorum principiorum demonſtratione exacte tradidiſſe, rationemque de illis nouiſſe reddere, docere, theoremata ſincera et genuina, non infecta aliorum opinionibus, eſſe etiam varium et foecundum, ordinatum et diſtinctum in numerorum ſpeciebus. In cognitione quoque plurimum eſſe vniuerſalem et acrem ad inueniendum etc.

vixerit, accurate definiri non potest, hoc tamen certum est, vixisse post Thrasylum Platicum, et ante Apuleium, adeoque inter Augusti et Antoninorum tempora floruisse. Ipse enim passim ad Thrasylum prouocat², quem vixisse sub Tiberio sectione sequenti dicemus: Apuleius autem, qui sub Antoninis fuit, CASSIODORO^a teste, arithmetica Nicomachi Latina veste donauit. Addit his doctissimus FABRICIUS^b, videri Theone Smyrnaeo, qui Plutarcho fuit σύγχρονος, iuniorem, apud quem nulla fit Nicomachi mentio, ex quo post Neronis tempora vixisse coniici potest. Inclaruit vero admodum introductione in arithmetica et enchiridio harmonico^c, quae duo scripta temporis iniuriae erepta, elegantem atque eruditam arithmeticae atque musicae artis explicationem secundum Pythagorea principia nobis conseruarunt. In priorem commentationem introductionem scripsit IAMBlichVS, quam edidit SAMVEL TENNVLIVS^d. Quo fato, optandum esset, vt licuisset vti theologumenis eius arithmeticeis, siue libris duobus speculationum de numeris ad varias res theologicas, physicas et morales applicatis, ex illis enim multam philosophiam Pythagoream lucem fuisse foeneratam ex libri compendio, quod PHOTIVS^e affert, disci potest. Quae enim hodie supersunt theologumena arithmetica, incertum auctorem habent, et a Nicomachi labore differunt, qui aliquoties in iis laudatur, licet dubium non sit, multa ex Nicomachi libris in sua arua deriuauisse auctorem anonymum^f. Non confundendus vero est cum aliis huius nominis veteribus memoratis^g. Ex Nicomachi enim senioris schedis Apollonii Tyanensis vitam scripisse Tascium Victorianum ex Philostrato delineatam refert SIDONIUS APOLLINARIS^h, ex quo loco nostrum Philostrato aetate inferiorem coniecit TENNVLIVSⁱ, qui tamen ipse erroris se redarguit, referens^k, Apuleium Nicomachi introductionem Latinam fecisse, qui Nicomachi interpres, Philostrato aetate prior fuit.

SECTIO

²) In Manuali harm. L. I. p. 24. 72.
^a) De Arithmet. ^b) loc. cit.
^c) Historiam literariam vtriusque libri erudite more suo enarrat FABRIC. l. c. conf. TENNVL. l. c. p. 65. G. I. VOSSIVS de scient. math. p. 37. 94.
^d) Addito IOACH. CAMERARII suoque commentario Arnheimii 1668. 4. Asclepii vero et Philoponi Commentationes adhuc in Msc. delitescunt.
^e) Cod. CLXXXVII. p. 237. conf. FABRIC. l. c. p. 9.
^f) Nobile hoc theologiae Pythagorae monumentum editum semel tantum Graece Paris 1643. 4. et a MEVSIO in Denario Pythagorico commentario illustratum: nouae vero eius editionis spem fecit FABRICIUS l. c. p. 10. De auctore disputatur. Nicomachi non esse, licet multa ex eo hausta habeat liber, ex allato argumento manifestum. Qui ad Theonem referunt, Hist. philos. Tom. II.


coniecturae fidem non faciunt. THOMAS vero GALEVS ad IAMBlich. de myst. Aegypt. p. 201. non inepte suspicatur, Iamblichum eorum auctorem esse. Certe eum inter decem, quos promiserat, libros Pythagoricos, dare voluisse physicum, quoque ethicum et theologicum ex Comm. in Introd. in Nicomach. p. 167. 176. patet. Solenne quoque Iamblichio alios ante se exscribere, vt in his theologumenis factum, Addimus his, passim in hac Introductione ea afferre Iamblichum, quae in theologumenis leguntur, ex parte quoque TENNVLIO notata. Ex inscriptione Codicis Medicei hanc coniecturam firmat FABRICIUS l. c. p. 11.
^g) Videndi SVIDAS in Nicomach. T. II. p. 624. MEVSIVS ad Nicom. manuale harum. IONSIUS de S. H. P. L. III. c. 13. TENNVL. ad Iamblich. p. 65. FABRIC. Bibl. Gr. l. c.
^h) L. VIII. ep. 3. conf. SIRMOND. h. l.
ⁱ) l. c. p. 64. ^k) p. 66.

SECTIO TERTIA.

DE PHILOSOPHIS PLATONICIS.

§. I.

Platonica se-
cta emer-
gens.

ythagoreae, quam hactenus considerauius sectae merito iun-
gimus Platoniam, quae in vnum quasi corpus coaluere. Et
supra quidem, *sektionē primā*, docuimus, Academicam philo-
sophandi viam illam quae Arcefila, et Carneade auctoribus a Platonis pla-
citis prorsus defecit, et incertitudinem humanae cognitionis atque *ανα-
ταληψίαν* vrgendo, modestiam philosophandi, vltra exiguos probabilitatis
gradus non progredientem vehementer commendauit, prae veteri Aca-
demia, genuinis Platonis doctrinis inhaerente Romanis placuisse, et a
summīs viris fuisse excultam, eo quod non tantum in tam ingenti secta-
rum diuortio omnium maxime rationalem hanc philosophandi rationem
esse crederent, sed forensi eam quoque eloquentiae, quae viam ad hono-
res et magistratus pandebat, egregie inferuire putarent. Euiluit tamen
Academicorum nomen atque secta sub imperatoribus, partim quod odio
et inuidia a reliquarum sectarum philosophis cumularetur, partim quod
Sceptica philosophia, quae depressa hactenus, caput tandem erigere, et
ex puluere emergere coeperat, eam quasi absorberet, tollereturque e medio,
quique Academicē philosophabantur, sub Scepticorum nomine compre-
henderentur, partim quod fori Romani facie sub Caesarum imperio tota
mutata, eloquentia ad sophistas migrasset, quibus reliquarum sectarum
placita prae Academicāe, inferuiebant. Mirandum itaque non est, in
tanto, quem imperatorum Romanorum tempora produxerunt, philoso-
phorum prouentu vnum fere Fauorinum, de quo in sequentibus differe-
mus, inuentum esse, qui pro Academico philosophandi modo verbo fe-
cerit, licet Platicum se simulauerit. Qui tamen, ne prorsus inuidiae
odioque philosophorum se exponeret, ab Arcefilai non tantum, verum
etiam a Carneadis rigore discessit, et quod GALENVS ^a testatur, non
tantum dari certas quasdam veritates, concessit, sed et Pyrrhoniis, vt ait
PHILOSTRATVS ^b, in foro versandi facultatem non denegauit. Ef-
floreſcere e contrario coepit Platonis, per tot secuta iam inter philoso-
phos venerabilis existimatio, cuius eloquentia et differendi ratio cum so-
phistas valde iuuaret, doctrina vero magnam rerum diuinarum humana-
rumque notitiam sponderet, factum inde est, vt quae ab Academia quin-
ta duce Antiocho ex sepulchro quasi reuocata est Academia vetus, et
genuina philosophandi secundum Platonis placita methodus, valde info-
lesceret et a magnae eruditionis viris reciperetur. Qui cum apud Augu-
stos

^a) De optima disciplina T. I. p. 6.

^b) Vit. Sophist. p. 491.

itos Romae principes fauore multo gauderent, multum inde profecit secta Platonica. Accessit recepta circa haec tempora opinio, Platoniam philosophiam esse filiam Pythagoricae, quae tanquam diuinior hoc tempore commendabatur, ut in antecedentibus dictum, et cum Platonica coniungebatur. Ex quo factum est, ut magna et illustri fama sub imperatoribus haec secta florere inciperet, et nec numero philosophantium, nec eruditione sectatorum, nec fatis secundis et duratione cederet vlli. Id quod tum quidem maxime factum est, postquam Alexandrinorum philosophorum, qui Platoniam se sequi philosophiam iactabant, ast in omnium fere sectarum et religionum concordiam, vel syncretismum potius coniurauerant, methodus in peculiarem atque singulari nomine a reliquis distinctam sectam degenerarat, quae eclecticorum nomine, quamuis Pythagorico-Platonica esset, se efferebat. Nam hi quoque homines, qui vaccarum Aegyptiacarum instar reliquas sectas tantum non omnes deuorauerunt, Pythagoram Platonemque se sequi ante alios dicebant, licet eorum systemata nefandi syncretismi consilio misere corripere, id quod exeunte seculo post C. N. secundo vel ineunte tertio factum. Ordini itaque consulentes, usque ad eclecticae sectae origines Platonicos considerabimus, sequentem sectionem eclecticorum historiae tribuentes. Eminuerunt vero inter Platonicos duorum fere seculorum spatio Thrasyllus, Theon Smyrnaeus, Alcinous, Fauorinus, Taurus Berytius, Apuleius Madaurensis, Atticus, Numenius Apameensis ac Maximus Tyrius.

§. II. Fuit THRASYLLVS Mendesium, vixitque sub imperatoribus Augusto et Tiberio. Multarum artium scientiam professus postremo se dedisse Platonicae philosophiae ac deinde mathesi dicitur Scholiastae IUVENALIS ^c. Qui vnde habeat, quod Thrasyllus fuerit Platonius, fatetur GAUDENTIVS ^d se nescire. Putat enim, verisimile non esse, eum fuisse Platonium, quandoquidem Platonici vix vacauerint Astrologiae, quam visus sit Plato in *Timaeo* damnare. Cum igitur absque controuersiae Chaldaicae disciplinae fuerit doctor Thrasyllus, et quidem insignis, verisimile non esse, fuisse Platonium. Sed opponimus dubitationibus Gaudentii PORPHYRIUM ^e, qui inter praecipuos Platonicos a Plotino lectos Thrasyllum numerat. Falsumque est oppido, huius temporis Platonicos astrologiae pretium non statuisse: quatenus nempe inter artes mathematicas, in quas magno studio incumbere Thrasyllus, referebatur, quo nomine a Chaldaeorum arte nullo fundamento, nullaue philosophia nixa distinguebatur ^f. Emendatam enim et auctam fuisse circa haec tempora Platoniam disciplinam Pythagorica in antecedentibus monuimus, vnde, quae Pythagoreis in deliciis fuit, astrologia

Thrasyllus.

X 2

Pla-

^c) Ad Satyr. VI, v. 576.

^d) De phil. Rom. in addendis c. XIV. p. 383.

^e) In vita Plotini c. 10. n. 9. p. 130. Bibl. Graec.

FABRIC. Vol. IV. add. NICOMACH. enchir. harmon. p. 24. aliaque loca veterum laudata FABRICIO l. c. p. 2. not. c.

^f) Conf. viri docti ad SVET. Tiber. c. 14.

Platonicis quoque non placere non potuit, cuius nobis fidem exemplo suo faciunt Theones; sed et haud obscure ex hoc hominum genere Thrasyl-
 lum fuisse, PORPHYRIUS ^g innuit, studiumque circa Platonis li-
 bros id satis prodit. Commendauit haec astrologiae peritia Thrasyl-
 lum Tiberio, qui et antequam imperium esset adeptus, eum comitem asciuit^h,
 eumque imperator tanquam mathematicum et sapientiae professorem con-
 tubernio admouitⁱ, et ad innocentium praesidium eius monitis paruit^k,
 et huius artis, teste TACITO^l, praecepta ab eo accepit. Patetque ex iis,
 quae de eo narrant veteres, Thrasyl-
 lum vel ipsi arti suae nimium fsum esse,
 vel studio astrologicae scientiae praetextu ad deludendum crudelem impe-
 ratorem vsum fuisse^m. Id quod tamen in exitium pene adduxisset Thra-
 syl-
 lum; affirmantem naue praeuifa, gaudium afferri, cum quidem illum
 durius, et contra praedicta cadentibus rebus, vt falsum et secretorum te-
 mere conscium praecipitare in mare destinasset Tiberius, teste SVETONIOⁿ,
 nisi tum maxime certum fuisset expertus, quem, explorata ita eius
 peritia ab eo tempore coepit magnificare et familiaritate dignari. Neque
 tamen insidias mortemque euitare potuit, imperatoris crudelitate inter-
 entus^o. Nobile vero nomen non scriptis tantum mathematicis, ad mu-
 sicam et astronomiam pertinentibus^p sibi comparauit, sed et distributione
 dialogorum Platonis in tetralogias, quam etiam operam scriptis praestitit
 Democriti^q: coniecit etiam IONSIUS^r, Platonis vitam alicubi enar-
 rasse. Fuere alii quoque Thrasylli^s, et in his Cynicus philosophus, SE-
 NECAE et PLUTARCHO memoratus, qui cum Platónico confundi
 non debent.

*Theon Smyr-
 naeus.*

§. III. Thrasyllo in Platonicorum schola non inferior fuit THEON,
 vt ab aliis huius nominis^t distinguatur, a patria SMYRNAEVS di-
 ctus, eoque etiam nomine ab Alexandrino Theone, de quo infra dice-
 mus, distinguendus. Aetatem eius definire liquido, impossibile. Iunio-
 rem esse Thrasyllo, inde euincitur, quod eum laudat; Ptolomaei autem,
 qui tum maxime inter mathematicos inclaruit, cum mentionem nullam
 fecerit, coniecitur inde, Theonem Ptolomaeo aetate fuisse superiorem.
 Cum

g) loc. cit.

h) SVET. in Aug. c. 28.

i) IDEM in SVET. c. 14.

k) IDEM l. c. c. 62, vbi Thrasyl-
 lum consul-
 to differre quaedam crudelitatis specimina, spe
 longioris vitae compulisse ait.

l) Annal. L. VI. c. 20.

m) SVETON. in Caio Calig. c. 19.

n) In Tib. c. 14. Conf. TACITVS l. c.

o) Dio siue XIPHILIN. LXXVII. p. 555. seqq.

p) Conf. VOSSIUS de scient. mathem. c.
 XX. §. 9. p. 87. FABRICIUS l. c. Inprimis
 diuifio musici canonis ex mente Thrasylli no-
 tabilis, de qua vid. NICOMACH. l. c. THE-
 ON SMYRNAEVS mus. c. 35. seqq. p. 137. seqq.

q) LAERT. L. III. f. 56. L. IX. f. 38. dictum

hac de re Tom. I. L. II. c. 6. f. 1.

r) De Script. hist. phil. L. III. c. 3. p. 224.

s) Enumerant eos MEVSIVS ad Nicom.
 p. 166. VOSSIUS de hist. Graec. L. IV. c. 16.
 IONSIUS et FABRICIUS ll. cc.

t) Octo nominat SVIDAS, in Theon. T. II.
 p. 182. inter quos tres fuere philosophi Stoici.
 Addit sex alios FABRIC. Bibl. Graec. Vol.
 IV. p. 452. Inter quos notus poeta maledicentif-
 simus, qui prouerbio locum fecit: *Theonino
 dente arrodere*, vid. ERASMVVS Chiliad. p. m.
 407. Theonis etiam nomen apud Graecos pro
 incerto quouis ponitur, vt apud Latinos Caii
 vel Sempronii, Conf. I. ANDR. SCHMID.
 diff. de Hipparcho, Theonibus et Hyparia Sect.
 II. p. 14.

Cum vero Thrasyllus Tiberii temporibus vixerit, Ptolomaeus sub Antono Pio, recte inde concluditur, floruisse Theonem inter A. C. XX. et CXL. Prouocat etiam P T O L O M A E V S ^a ad Theonis cuiusdam observationes astronomicas, et P L V T A R C H V S ^x quoque Theonem mathematicum memorat, ex quo coniiciunt viri docti ^y, infra Traiani et Hadriani tempora, quibus Plutarchus inclaruit, viuere Theonem non potuisse. Ex quibus liquet errare Ios. B L A N C A N V M ^z, qui in Sec. XI. et XII. eum collocat, quod occasionem dedit V O S S I O ^a, de duobus Theonibus Smyrnaeis praeter necessitatem cogitandi. Platonicum fuisse non P R O C L V S ^b tantum affirmat, sed et libri ab eo scripti probant. Scripsit enim de quatuor mathematicis disciplinis compendium in Platonis libros, siue, vt MSta habent, de iis, quae in mathematicis ad Platonis lectionem vtilia sunt: in quibus de geometria, arithmetica, musica, et denique astronomia egit, ac subiunxit tractatum de harmonia mundi ^c. Priorem eorum partem debemus magni nominis mathematico I S M A E L I B V L I A L D O, nempe ea, quae arithmetica et musicam illustrant ^d. Non vero Platonica tantum, sed Pythagoricam quoque disciplinam istis libris illustrasse, et ipse fatetur ^e, et iis notum est, quae de ratione huius sectae in antecedentibus monuimus.

§. IV. ALCINOVS quo tempore vixerit incertum est, solet tamen a plerisque viris doctis ^f ad initia secundi post reparatam salutem seculi referri. Sed et reliqua de eius vita obscura sunt. Et Platonicum quidem fuisse, ex introductione in Platonem non inepte colligitur, nisi velis alterius sectae hominem eiusmodi doctrinarum Platonicarum compendium conscripsisse, quemadmodum Ciceronem fecisse scimus. Fuere enim alii quoque Alcinoi, interque eos Stoicus etiam P H I L O S T R A T O ^g memoratus. Certe a Platonicae philosophiae cognitione hominem non imparatum fuisse ^h, elegans introductio in Platonis doctrinam ostendit, quae cum A L B I N I introductione ⁱ, simili confundenda non est. Eius versionem debemus M A R S I L I O F I C I N O ^k, quam emendauit I A C. C A R P E N T A R I V S, et commentario illustrauit ^l. Graeco Latini-

Alcinoos.

X 3

nam,

^a) Mathemat. Syntax. L. IX. c. 9. L. X. c. 1.

^x) De facie in orbe lunae et ϵ 7 apud Delphos.

^y) B V L L I A L D. praef. ad Theon. F A B R I C I V S Bibl. Graec. Vol. II. p. 100. seq. V O S S I V S de scient. mathemat. c. XXXIII. §. 13. p. 162. S C H M I D. l. c. p. 15.

^z) In Chronolog. math. p. 57.

^a) l. c. c. LXI. §. 14. p. 359.

^b) In Timaeum L. I.

^c) Vid. p. 73. 150.

^d) Gr. et Lat. Paris 1644. 4.

^e) p. 183.

^f) conf. F A B R I C. Bibl. Graec. Vol. IV. p. 40.

^g) In vit. sophist. L. I. c. 24. §. 1. p. 518.

^b) Ducem itaque eum in delineatione phil. Plat. Tomo I. L. III. c. 6. f. 1. secuti sumus post ipsum Platonem simul audientes et comparantes cum Alcino.

ⁱ) Inferuit hanc A L B I N I Introductionem in Platonem B. F A B R I C I V S Bibl. Graec. Vol. II. p. 42. seqq. ex qua manifestum est, diuersam esse ab Alcinoi. Eius mentionem iam fecit T E R T V L L I A N V S de anima c. 28. 29. Conf. I A C. P A M E L I V S ad h. l. vt alios ex veteribus taceamus.

^k) Edidit cum aliis Platoniciis Venet. 1497. fol. apud Aldum; vid. Cl. S C H E L H O R N I I nostri Amoenit. lit. T. I. p. 98.

^l) Paris 1573. 4.

nam editionem Maximo Tyrio adiecit DANIEL HEINSIUS ^m, ipsam, etiam introductionem historiae philosophicae inseruit T. H. STANLEIUS ⁿ, Alcinooum vero a Didymo, vel Didymum ab Alcinoou sua habuisse, locus suadet EVSEBII ^o.

Fauorinus.

§. V. Plura constant de Fauorino, quem Phauorinum etiam quidam scribunt, licet minus accurate ^p. Gallus fuit Arelatenfis, teste, qui vitam eius nobis descripsit PHILOSTRATO ^q, qui vtriusque sexus participem natum fuisse tradit, et ex viro atque muliere compositum, idque ipsa specie prodidisse, facie enim imberbem, etiam senem extitisse, vocem etiam acutam et tenuem habuisse. Non vero ipse tantum Fauorinus apud eundem se eunuchum vocat, sed et alii ex hoc hominum genere fuisset produnt, et ipsa vocis, et faciei imberbis ratio eunuchum demonstrat: quare non eunuchum tantum Academicum vocat LVCIANVS ^r, sed et Demonactis in eum dicteria refert: *Postquam Fauorinus audisset a nonneminem, suas dissertationes a Demonacte haberi ludibrio, maxime vero membrorum in iis fractas delicias, minus generosam et muliebrem molitiam, ac philosophiae minime congruentem, accessisse ad Demonactem et interrogasse: quisnam esset, a quo subsannaretur? dixisse hunc, hominem aures habentem difficiles deceptu; instante vero Fauorino, et interrogante, quibusnam viaticis instructus ad philosophiam accesserit? respondisse: testiculis. Aliquando etiam risisse Fauorinum, ex barba Demonactem philosophum iudicantem, qui ipse sine barba philosophabatur.* Cum vero eunuchi neque viri neque mulieres sed monstra quaedam naturae dici soleant ^s, ratio inde patet, cur hermaphroditi speciem exhibuisse Fauorinus Philostrato dicatur. Vixit vero Fauorinus sub Traiano et Hadriano ^t, cumque eruditionis atque philosophiae gloria excelleret, delectus fuit ab imperatore Hadriano, quocumque eloquentia et doctrina, ut cum aliis quoque agere solebat, certaret. Quod cum iis, qui superare illum contenderent, eumque antecellerent, exitiosum soleret esse, quos scilicet e medio tollebat imperator, quod in omnibus primas ferre cuperet, solus Fauorinus damnum passus haud est, qua in re prudentia sua usus est, sibi que parauit praesidium. Nam cum superare omnes studeret imperator, nec cederet ulli, non morose ei refragatus est, vel curiose reprehendit, sed cessit ultro victoriam, cumque,

nar-

^m) Lugd. Batau. 1608. 1617. 3. prodit etiam feorsum, Oxon. 1667. 8.

ⁿ) p. 326. Latinam h. l. exhibuit OLEARIUS.

^o) Praep. L. XI. c. 23. vbi locus in Alcinoou extans Didymi nomine laudatur. Ex quo conicit VOSSIUS de sectis c. XVI. §. 5. p. 80. Didymum ex Alcinoou eum descripsisse. LAMBECIUS de biblioth. Vind. L. VII. p. 18. et FABRIC. l. c. Alcinoou ex Didymo.

^p) Graecis enim, qui F. latinorum non habent φασγίνας dicitur. Ast nomen Romanum est a fauore, ut Censorinus, a Censore, conf. IONS. de script. hist. philos. L. III. c. 7. p. 244.

^q) Vit. sophist. L. I. c. 3. §. 1. p. 489. seq. LVCIAN. in Eunuch. T. IV. p. m. 164. vbi maximi nominis apud Graecos eunuchum Academicum, natione Gallum vocat. SVIDAS in φασγίνας T. III. p. 572. seqq.

^r) In Demonacte T. II. p. m. 569.

^s) Vid. LVCIAN. in Eunuch. l. c. OLEARIUS ad l. c. Philostrati.

^t) SVIDAS l. c. Conf. VOSSIUS de hist. Graec. L. II. c. 10. p. 212. IONSIVS de S. H. P. L. III. c. 7. p. 244.

^u) Laudat hanc imperatoris gratiam PHILOSTRATVS l. c.

narrante SPARTIANO *, *professores omnium artium semper, ut doctior, videret, contemneret, obtineret, cum his professoribus et philosophis libris vel carminibus inuicem editis saepe certans* 2, *Fauorinus, cum verbum eius quoddam ab Hadriano reprehensum esset, atque ille cessisset, arguentibus amicis, quod male cederet Hadriano de verbo, quod idonei auctores vsurpassent, risum iucundissimum mouit. Ait enim: non recte suadetis familiares, qui non patimini me illum doctorem omnibus habere, qui habet triginta legiones.* His modis euenit, id quod ipse, semirari dixit, ut cum imperatore contenderit saluus, et inter grammaticos, rhetores, musicos, geometras, pictores, astrologos, quos fauore prosequeretur Hadrianus, vnus emereret 3. Ut vero eloquentiae flumen a Dione habuit Prusaeensi, cui a linguae facundia Chrysostomi nomen enatum est 4; ita a praestantissimo scholae Stoicae circa idem tempus doctore Epicteto philosophiae praecepta hausit 5, licet parum ei obtemperasse et scribendo et viuendo postea ostenderit 6. Sed cum Demetrio quoque Cynico fuit, quem plurimi, teste PHILOSTRATO 7, fecit, et imprimis familiari amicitiae vinculo PLUTARCHO 8 iunctus fuit, quem in scriben-

*) In Hadriano c. 15.

y) Ingenio ut erat Hadrianus eleganti iisque instructo dotibus, quibus multos antecelleret, ita artium fere omnium et scientiarum cultu auit, et ad mirabilem euexit elegantiam. Ait enim SPARTIANVS l. c. „Fuisse memoriae ingentis, facultatis immensae, ipsumque orationes dictasse, et ad omnia respondisse. Hinc „non omnis tantum generis viros doctos in aula fouit, grammaticos, rhetores, musicos, geometras, pictores, astrologos, sed philosophos quoque habuit carissimos, et in his maxime Epictetum, Heliodorum, et Fauorinum „familiares. Gratia etiam et beneficiis plerumque „cum lauit professores artium omnes, eosque „honorauit et diuites fecit, licet eos quaestionebus semper agitauerit: Et cum ipse auctor esset, ut multi ab eo tristes recederent, dicebat „se grauitur ferre, si quem tristem videret. Doctores, qui professioni suae inhabiles videbantur, ditatos honoratosque a professione dimittit. Famae vero celebris tam cupidus fuit, ut „libros vitae suae scriptos a se libertis suis litteratis dederit, iubens ut eos suis nominibus „publicarent. Amavit praeterea genus dicendi „victum, controuersias declamauit, Ciceroni „Catonem, Virgilio Ennium, Sallustio Caecilium „praetulit, eademque iactatione de Homero ac „Platone iudicauit. „ Quaestionebus vero eruditos valde vexauit, cuius generis sunt, quas de Secundo attulimus, et de Epicteto afferemus in sequentibus. Eademque consuetudine non in aula tantum vsus est, sed etiam inter viros doctos, qui in museo alebantur. Quaestiones vero Hadriani ad Philologiam tantum atque grammaticam spectauisse, nec ad alia extendisse se eruditionem eius contendit HERM. CONRINGIUS, Antiq. Academ. Suppl. XIII. p. 236.

Aliud vero enunciat familiaritas eius cum magni nominis philosophis, Epicteto, Fauorino, Heliodoro, Secundo. Verisimile vero est, maxime in conuiuiis ita eruditos vexasse imperatorem. Hunc enim symposiorum inter doctos morem fuisse ex ATHENAEO, PLUTARCHO aliisque veterum constat. Conf. SALMAS. ad l. c. SPARTIANI, ANDR. CHR. ESCHENBACH. de symposiis vet. dissert. p. 308. seqq. In tot de viris doctis meritis hoc vnum reprehendum in Hadriano, quod non tantum professores omnium artium tanquam doctores semper risit, contempsit, obtruiuit, sed vitae quoque insidiatus est eorum, qui se extulissent, qua ratione non tantum insidias molitus est in Fauorinum, sed et Dionysium Milesum. Qua de re ne nimis sumus, videndi ex veteribus SPARTIANVS l. c. c. 15. 16. DIO L. LXIX. siue XLPHILIN. in Hadr. CONST. PORPHYROGEN. Coll. de virt. p. 713. et qui ex eo excerpta dedit SVIDAS in Hadr. T. I. p. 57. ex recentioribus TILLEMONT. in Adr. DE SERVIIS vit. Vx. Imper. Rom. T. III. p. 59. GAUDENTIUS de Phil. Rom. c. XCIII. p. 322. seqq.

2) SPARTIANVS et DIO II. cc.

a) PHILOSTRAT. l. c. p. 490.

b) GELLIUS L. XVII. c. 19.

c) Scripsisse enim contra Epictetum tradit GALENVS T. I. Opp. p. 6. Conf. FABRIC. Bibl. Graec. Voll. II. p. 60.

d) Vit. Apollon. L. IV. c. 25. p. 164.

e) Patet id ex PLUTARCHI libello de primo frigido, quem Fauorino inscripsit. Inter deperdita quoque Plutarchi fuit epistola ad Fauorinum de amicitia, teste LAMPRIA. Sed et, auctore GALENO T. I. p. 6. Fauorinus librum inscripsit

bendis libris et philosophiae studio videtur esse imitatus. Herodi vero sophistae maxime familiaris fuit, qui magistri ac patris loco eum habuit; quare moriens Herodem haeredem constituit, et librorum, et domus, quam Romae habebat, ut et serui Indi oppido nigri, qui Herodi et Fauorino in deliciis erat *f*. Non eodem tamen fortunae favore Athenis usus est. Atheniensibus enim, teste PHILOSTRATO^g, detestabilis visus est, inde concurrentes, qui magistratus munere fungebantur Athenis, aeneam eius statuam diruerunt, tanquam infestissimi imperatoris hostis. Quod ubi ille cognouit, moleste id minime tulit, neque irritatus ob iniuriam, quam passus fuerat, bene, aiebat, *actum cum Socrate fuisset ab Atheniensibus, aerea statua priuato potius, quam cicutam bibere coacto*. Romae autem tanta eius gratia fuit atque auctoritas, ut eo docente, omnia literarum studiis essent plena^h, magnique viri eorumque filii adhaerent: quod non potuit non in aemulationis tandem materiam excrefcere, inter eiusdem professionis homines. Lis enim ei intercessit cum Polemoneⁱ, in Ionia enata, Ephesiis ei fauentibus, Smyrna Polemonem admirante, viris consularibus, filiisque eorum, modo hunc modo illum laudibus efferendo aemulationem inter eos fouentibus, qua in lite conuitia intemperanter effusa esse, non negat, qui haec narrat PHILOSTR.^k. Memorabile vero, quod IDEM^l quoque refert, etsi eunuchus esset, incaluisse tamen adeo Veneris igne, ut adulteri dicam vir ei consularis scriberet, ipseque tria in vita sua admiranda diceret: *quod Gallus Graece loquatur, quod eunuchus adulterii causam dixerit, quod cum imperatore contenderit saluus*. Ex dictis patet, professione non philosophum tantum fuisse, sed et sophistam^m, siue rhetorem, qui adeo excelluit in eloquentiae studio, ut ne apud illos quidem, qui Graecanicae linguae ignari erant, absque voluptate fuerit auscultatio eius. Eos enim et pronuntiationis sono deliniuit, et vultus gestu, et linguae modulatione. Deliniuit item tono orationis, quem cantum oratores dicebantⁿ. Valde in philosophia adamauit Platonem, de quo singulari scripto egisse SVIDA E^o dicitur, ut et de *Socratis vita*^p.

Dolen-

scripsit Plutarcho, de hypothesi Academica. Ait etiam SVIDAS l. c. plurima scribentem Fauorinum scriptorum multitudine cum Plutarcho contendisse. Conf. IONSIUS de Scr. Hist. phil. L. III. c. 7. p. 244. seqq.

f) PHILOSTRAT. l. c. et in Herode L. II. c. I. §. 14. p. 564. Non praetereundus hic est Herodes Atticus, licet eloquentiae magis laude, quam philosophiae fama inclaruerit, quam nominis celebritatem stupendis operibus ex parentis thesauris excitatis auxit, de quo praeter Philostratum, videndus GELLIVS L. I. c. 2. nam is in Pythagorica philosophia Secundum, in Platonica Taurum Berytrium, in Academica Fauorinum praeceptores habuit, et inter omnes sectas Platonicae maxime addictus fuit. Parem non habuisse eloquentiae praestantiam, ait, qui vitam eius exponit PHILOSTRAT. Vit. Sophist. L. II. c. I. p. 545. seqq.

g) loc. cit. p. 490. h) Ibid. p. 491.

i) Polemonis magni nominis et celebritatis Sophistae vitam PHILOSTRATVS quoque L. I. c. 25. p. 550. enarrat, hominisque mores agrestes et scholasticos, quibus ipsum Anroninum Pium imperatorem offendit, memorabili narratione delineauit. Mirum itaque non est, debauchatum fuisse in Fauorinum, qui ne imperatori quidem cesserat. k) loc. cit.

l) Ib. p. 489. Petit eum hoc nomine LVCIANVS in Eunuchio T. IV. p. m. 167. sed teste, secus ac visum VOSSIO de Hist. Graec. L. II. c. 10. p. 212.

m) SVIDAS in Φαβορίνος T. III. p. 572. 573.

n) PHILOSTRAT. l. c. §. 4. p. 491.

o) l. c. Conf. FABRIC. Bibl. Graec. Vol. II. p. 60.

p) De Socrate et arte eius amandi, contra quem librum scripsisse GALENUM ex eius tr. de libris propriis T. IV. p. 368. patet.

Dolendum vero est, et haec eius scripta et alia ^q intercidisse, imprimis vero eius *syliam collectaneorum omnigenorum historicorum* ^r, ad quam saepe prouocant Laërtius, Gellius, alique veterum, et ex qua Sopatrum *excerpta varia* descripsisse PHOTIVS ^s ait, temporis nobis ereptam iniuria: multa enim ad philosophiae historiam, quibus aegre hodie caremus, comprehendisse, ex locis istis, quibus laudatur, colligitur ^t. Quamuis vero Platonem magni faceret, non tamen primae, sed secundae tertiaeque adhaesit Academiae, eamque, cum eo quidem tempore cum Pyrrhoniis faceret, rationibus scepticis auxit. Hinc enati libri, quorum meminere GELLIUS ^u et PHILOSTRATUS: "*de comprehensua imaginatione, de Academica propositione; solem non posse comprehendere; tropi item Pyrrhonii*" ^v. Vbi tamen repetendum, quod sectionis huius initio diximus, moderatius, quam Pyrrhonii solebant, Fauorinum Academiae ἀκαταληψίαν propugnasse, propius Platonem accedentem statuendo, esse quaedam, quae certo sciri queant, pleraque tamen incerta esse atque dubia ^w. Non errabimus itaque, si eum inter Pyrrhoniae quoque sectae alumnos referimus, cuius caussam scriptis multis iuuit, quae enarrantem videtis praestantissimum FABRICIVM ^x. Discipulos habuit multos, et in his Alexandrum, cognomento Peloplatonem, celebrem oratorem, Seleucia Ciliciae oriundum, cuius vitam scripsit PHILOSTRATUS ^y, qui et ipse Platonicae philosophiae adhaesit ^z, licet non eadem, qua in eloquentia vsus est, felicitate, quod Peloplatonis ei nomen conciliaffe videatur ^a. Fuere vero et Fauorini alii cum nostro non commiscendi ^b.

§. VI. Serius paulo, nempe sub Antonino Pio inter Platonicos emi-
nuit CALVISIVS TAVRVS, Berytius ^c, quem tamen alii Tyrium
vocant ^d. Duos enim Tauros eo tempore fuisse, Berytium et Tyrium,
quod vult KVSTERVS ^e, verisimile haut est. Platonica ista aetate se-
ctam eruditione ornasse sua, veteres referunt ^f, et vel vno hoc argumen-
to euinci potest, quod Atticus, Herodis Sophistae parens, vir illustris et
immanis thesauris potens, filium hunc suum Tauri disciplinae et instituti-
tioni

Taurus.

^q) Pleraque post extemporaneam Suidae dili-
gentiam accuratius enarrat FABRICIVS l. c.

^r) Laudat hanc παντοδαπὴν ἱστορίαν LAERT.
L. III. f. 24. L. VIII. f. 47. conf. STEPHANVS in
τετραπόλις.

^s) Cod. CLXI. vbi vsum hoc libro fuisse So-
patrum ad librum tertium eclogarum suarum ait.

^t) In reliquis etiam Fauorini scriptis histo-
riae philosophicae lucem fuisse accensam, ex ti-
tulis et inscriptionibus patet.

^u) L. XI. c. 5.

^x) l. c. conf. FABRIC. l. c.

^y) Hunc inter philosophicas eius dissertatio-
nes omnium praestantissimum foetum fuisse,
PHILOSTRATUS l. c. §. 4. p. 491. ait. Tropi
Pyrrhonii quid sint ex Tom. I. Libr. II. cap. pen-
ultimo notum.

^w) GALEN. l. c. et de optimo doctrinae genere.

^x) l. c. ^y) Vit. Sophist. L. II. c. 5. p. 570.

^z) Ideo in Platonico eum album trans-
scripsit FABRICIVS Bibl. Graec. Vol. II. p. 52.

^a) Vid. PHILOSTRAT. l. c. conf. SVIDAS
in Alexander Aegyptus T. I. p. 105.

^b) Aristotelici Fauorini meminit PLUTAR-
CHVS Qq. conuiuii. L. VI. c. 10. oratoris GEL-
LIVS L. XV. c. 8. conf. FABRIC. l. c. p. 301.

^c) SVIDAS in Tauro T. III. p. 435. EVSEB.
in Chron. ad A. C. CXLVIII. GELLIUS L. XVIII.
c. 10. SYNCPELLVS p. 351. MARIAN. SCOT-
TVS ad Ann. X. Ant. Pii.

^d) PHILOSTRAT. Vit. Sophist. L. II. p. 564.

^e) Ad l. c. SVIDAE.

^f) Ipse Platonem nostrum vocat, apud GEL-
LIVM L. VI. c. 13.

tioni commendauerit ^f. Fuit etiam ex discipulis eius AULVS GELLIVS vir doctus variaeque doctrinae, qui de hoc praeceptoris sui modo philosophandi aliquot nobis conseruauit specimina ^g, ex quibus disci potest, per omnes quidem sectas exploratorem discurriffe, potissimum tamen Platoniam doctrinam probauiffe, de reliquis modeste sententiam dicentem. Laudandum vero in eo quam maxime, quod a syncretismo philosophico, qui eo tempore tanquam pestis, omnem fere philosophorum nationem, praecipue tamen Platonicos, corripuerat, abstinerit, et qui inter Platonis, Aristotelis et Stoicorum dogmata, quae iam Antiochus in vnum confuderat, Alexandrina vero Platoniorum schola nouis commentis in concordiam redigere, infelici quidem conatu, contenderat, esset dissensus atque discordia, demonstrauerit, scriptis de *differentia dogmatum Platoniorum ab Aristotelicis, et de dissensu Platoniorum a Stoicis* libris ^h, quos periiffe magnopere dolemus. Dubium enim non est, genuinae secundum has sectas philosophandi rationi quam infausti illi conciliatores magno historiae philosophicae malo adulterarunt, egregiam Taurum lucem accendisse. Scripsit et alia, ad Platonem potissimum illustrandum pertinentia ⁱ, de quibus videndi, qui historiam literariam veterum illustrarunt ^k. Vixit docuitque Athenis, idque non tantum inter subsellia discipulorum, sed et inter accumbentium lectulos. Narrat enim GELLIVS ^l, qui et ipse istis coenis interfuit: *Accepisse eos Philosophum Taurum Athenis coena plerumque ad id diei, ubi iam vesperauerat, id enim fuisse tempus istic coenandi frequens, eius coenae fundum et fundamentum omne fuisse in olla vna lentis Aegyptiae, et cucurbitae inibi minutim concisae. Occasionem vero captasse a tempore et quaerentium circumstantiis colloquiorum philosophicorum: Cum enim, qui eo essent iunctiores domum suam vocasset, ne omnino, ut dicitur, immunes et asymboli venirent, coniectasse ad coenulam, non cupedias ciborum, sed argutias quaestionum. Vnumquemque igitur eorum commentum paratumque iuisse, quod quaereret, fuisse autem et initium loquendi, et eundi finem. Quaesita autem fuisse nec graua, nec ferenda, sed entbymemata quaedam lepida, et minuta, et florentem vino animum laceffentia, quae postea Taurus graui eruditione illustrauerit, cuius duo exempla affert, de eximia viri eruditione testantia. Nec dubium est, multa afferri a Gellio in *noctibus Atticis*, in eiusmodi sympotiacis olim quaestionibus in Tauri coenis proposita, licet eius plerumque nomen reticeat ^m.*

§. VII.

^f) PHILOSTRATVS I. c.

^g) I. I. c. 26. Tauri philosophemata refert, de quaestione, an sapiens irascatur, L. II. c. 2. de officiis et reuerentia filiorum in patres, L. VI. c. 13. quando mori dicatur homo, L. XII. c. 5. de modo et ratione tolerandi dolores secundum principia Stoica, L. XVII. c. 8. de causa congelationis olei, c. 20. de ratione vertendi apte sciteque: Ex quibus varia et elegantissima elucescit Tauri eruditio, cui insigne accessit ornamentum,

quod placidissime et suauiter prorsus differeret. Plura de egregiis viri optimi moribus passim in Gellio obseruari possunt.

^h) SVIDAS I. c. GELLIVS L. XII. c. 5.

ⁱ) Comm. in Gorgiam Platonis meminit IDEM, L. VI. c. 14. ^k) SVIDAS I. c. FABRIC. Bibl. Gr. Vol. II. p. 67. sq. IONSIUS L. III. c. 9. p. 255.

^l) L. VI. c. 13. L. XVII. c. 8.

^m) Seriae tamen disputationis, et quidem elegantissimae exemplum habes L. XII. c. 5.

§. VII. Eadem aetas tulit quoque LVCIVM^m APVLEIVM, ex Platoniorum schola Philosophum clarissimum. Fuit is oriundus Ma-
dauræ, ciuitate Africæ in Numidiæ Gaetuliaeque confinioⁿ, quæ post
Syphacis et Masinissæ dominatum colonia Romana fuit^o. Vitæ is suæ
historiam in *Apologia*, maiorem partem tetigit. Honesto ibi loco natus
estⁿ. Patrem enim habuit Theseum loco principe duumviralem^q, et
honoribus aliis cunctis perfunctum: matrem vero Saluiam, ab inclyto
illo Plutarcho Chaeronensi ac innox Sexto philosopho, nepote eius genus
ducentem^r. Quando natus fuerit, ipse nusquam prodidit, vnde conie-
cturis tempus eius definiendum est. Et ANASTASIVS SINAITA^s
quidem audiendus non est, qui Apollonio Tyaneo iungit, quod non, nisi
magiæ professione, ex sententia veterum quorundam, admitti potest:
nec PETAVIVS^u accuratus est, qui Traiani et Hadriani temporibus
vixisse putat, quemadmodum nimis eum ætate deprimunt, qui sub Theo-
dosio floruisse asserunt^r. Vixisse enim se sub Antoninis, haud obscure
prodidit, memorans Lollianum Auitum, qui A. C. CXLIV. proconsul fuit,
Claudium item Maximum, Lollium Urbicum et Scipionem Orsitum, qui
summis honoribus sub Antonino Pio, et Antonino Philosopho atque Vero
perfuncti suntⁿ. Nec IONSIVS^v admitti potest, qui quod diuum vo-
cauerit Antoninum, Commodi temporibus adscribit, nihil enim horum
apud Apuleium legitur. Formæ concinnam speciem, licet mediocrem
eam ipse dicat^w, ingenii dotes auxere eximiae, et indefessa imprimis in-
dustria, qua *ab ineunte æuo vnīs studiis literarum ex summis viribus se
deditum, omnibus aliis spretis voluptatibus, ad hoc æui, super omnes
fere homines impenso labore, diuque noctuque cum despectu et dispendio
bonæ valetudinis se eruditionem et eloquentiam quaesivisse* ipse fatetur^r.
Parentum itaque cura studiis addictus est, et rudimenta quidem literarum
Carthagine didicit, ibique Platonicam quoque sectam inchoauit^y, postea
Y 2 Athe-

*) Lucii nomen tanquam spurium reiciunt
ELMENHORSTIVS ad Ap. SALMASIVS,
aliique, nec male, Lucii enim nomen ex fabulae
tantum argumento, quod Lucium transformatum
ex Graecis refert, hausisse verisimile.

n) Ita ipse in Apolog. p. m. 203. edit. Petr.
Scriul. vbi se quoque Semi-Numidam et Semi-
Gentium vocat.

o) Ibid. p. 4. „Syphace victo ad Masinissam eam
„concessisse munere populi Romani, ait, ac de-
„inceps veteranorum militum nouo conditu
„splendidissimam coloniam fuisse.

p) Vitam Apuleii, vel vt vetera marmora scri-
bunt Appuleii, vid. FABRIC. Bibl. Lat. T. I.
p. 514. ex eius scriptis collegere ex recentioribus
Petrus Coluius, Petrus Scriuerius, Guil. Elmen-
horstius, et editionibus suis praefixerunt. Ean-
dem rationem secuti sunt B. DE COTOURS,
et Io. WOWERIVS, quam inde vitam repetiit
FLEVRIVS in editione Apuleii in vñm Del-
phini. Egit etiam de eo BAYLE dict. T. I. art.
Apulée p. 272. vt alios taceamus.

q) Apol. l. c. Quod Romæ consules ex Se-
naru lecti id in coloniis Duumviri iuridicundo,
ex Decurionibus asciti, vid. H. NORIS Ceno-
taph. Pisan. diss. 2. MARC. WELSERVS
Rer. Aug. L. II. Opp. p. 208. quod magistratus
genus hodie quoque in quibusdam S. R. Imperii
ciuitatibus liberis, e. g. Norimbergæ, Augustæ
Vindelicorum, Vlmæ, obtinet.

r) Metamorph. L. I. p. 5. L. II. p. 18.

s) Qg. in Script. XXIII.

u) Rat. temp. L. V. c. 9. p. m. 308. extremis ta-
men Hadriani temporibus natus esse potuit. Plu-
tarchus enim, qui sub Traiano et Hadriano flo-
ruit, ex maioribus eius fuit.

t) Conf. PITHOEVS Adu. L. II. c. 10.
FABRICIVS l. c.

v) Vid. vitæ eius enarratores not. (p) lau-
dati.

w) De Scr. Hist. phil. L. III. c. II. p. 267.

x) Apolog. p. 189.

y) loc. cit. p. 190.

z) FLOR. c. 18. p. 366.

Athenas translatus, et omni literarum genere imbutus, eam confirmavit. Aitque alio loco ^z, *non crateras tantum literatoris, grammatici et rethorici se potasse, sed et alias Athenis bibisse, poeticae commentam, geometricae limpidam, Musicae dulcem, Dialecticae austerulam, et universas philosophiae, inexplebilem scilicet, neectaream: canere enim Empedoclem carmina, Platonem dialogos, Socratem hymnos, Epicharmum modos, Xenophontem historias, Xenocratem satyras, Apuleium haec omnia, nouemque Musas pari studio colere, maiore scilicet voluntate, quam facultate.* Romam postea translatus, magno etiam cum labore, utpote nullo magistro praecunte, Latinum sermonem addidit, et in *vrbe Latia*, ut ipse scripsit ^{*}, *advena studiorum Quiritium indigenam sermonem aerumnabili labore aggressus excoluit*, ubi etiam tam peritus iuris Romani euasit, ut aduocati munus obierit et in foro causas dixerit. A parente censu graui HS vicies sibi et fratri relicto, longam peregrinationem iniiit ^{**}, et cognoscendi potissimum leges ceremoniarum, fas sacrorum, ius religionum cupidus, sacerdotum arcanis se adscribi collegiis passus est, et patrimonii maiorem partem, crebris liberalitatibus huic scopo impendit ^a. Vnde iam dudum perspicua eidentique magni numinis dignatione felici ministerio nuncupatum destinatumque, nec secus, quam cultores caeteros, cibus profanis ac nefariis iam nunc temperare, quo rectius ad arcana purissimae religionis secreta peruaderet, dixit ^b. Quibus licet admodum facultatibus exhauriretur, sumtuum tamen eum non poenituit, liberali Deum prouidentia iam stipendiis forensibus bellule fotum. Deum enim magnorum maximum per quietem ipsi praecepisse, ait ^c, *quae nunc incontanter gloriosa in foro redderet patrocina.* Maxime tamen inopiam, ad quam eum peregrinationes et liberalitas redegerant, leuauit nuptiis Pudentillae, ex Oea, Africae etiam ciuitate, quae sestertium quadragies possidebat. Quae cum hysteris vexata malis nubendi consilium a medicis accepisset, Apuleii potissimum formositate ^d capta ei nupsit. Quam ob rem tunc apud Cl. Maximum Africae Proconsulem magicarum artium infimulatus fuit, quod et Pudentillam viduam prouectiorisque aetatis foeminam cantaminibus in amorem sui pellexisset, et Pontianum priuignum suum e medio sustulisset: et vagae peregrinationis atque tot mysteriorum doctrinae causam non aliam, quam magiam habuisset ^e. Quae omnia doctissima multaque veteri doctrina referta apologia ^f refutauit, effecitque ut absolueretur. Inde tamen factum esse, ait AUGUSTINUS ^g, *ut ad aliquam iudiciariam reipublicae potestatem*

^z) c. 20. p. 370.

^{*}) Metamorph. L. I. c. 5. Falsum itaque est quod TILLEMONTIUS habet Hist. imp. T. II. p. 722. Carthagine Latii sermonem didicisse.

^{**}) Apol. p. 203.

^a) Ibid. Passim huc respicit in metamorph. L. III. p. 42. L. XI. p. 177.

^b) l. c. L. XI. p. 183. ^c) l. c. Apolog. p. 203.

^d) Formae suae meminit Metam. L. II. p. 18. Apol. init. Imago eius occurrit in thes. GRO-

NOVII et apud ANDR. MORELL. Spec. rei num. ant. T. II. L. II. p. 45.

^e) Prolixè de his capitibus agit in Apologia.

^f) Quam tamen in tantillo temporis spatio habuisse talem, qualem scripsit, dubites. Commentati sunt in eam ISAAC. CASAVBONVS 1594. 4. IO. MEYRSIVS L.B. 1607. 8. SCIPIO GENTILIS Hanou. 1607. 8. tum P. CAEVS, conf. FABRICIVS Bibl. Lat. T. I. p. 517. seqq.

^g) Ep. 5.

statem peruenire non potuerit, licet nobili familia esset natus, et sacerdos in prouincia Attica fuerit, et tunc munera ediderit, et venatores vestiuerit. De quo tamen vt dubitemus, ipse facit Apuleius, qui se *patris locum in re publica exinde, vt participare curiam coeperit, nequaquam degenerem, pari honore et existimatione tueri*, dicit ^b. Nisi hoc velit, se quamdiu causas in foro egerit, parentis honorem existimatione tueri, quod tamen vim nobis videtur inferre verbis Apuleii clarissimis: praefertim cum non tantum aliarum ciuitatum honores statuarum et alios sibi decretos, sed et positam auctoritate publica statuam ipse memoret. Et si vero facile credi potest, ab intentato magiae crimine innocentem fuisse Apuleium, ipsum tamen non haberi tantum pro theurgo voluisse, sed et eiusmodi interdum artes adhibuisse verisimile est, quae huic suspicioni gignendae erant aptissimae ⁱ. Vt enim taceamus, metamorphosin Lucii eo potissimum colore scriptam esse, vt perditas circulatorum et praestigiatorum artes a sacerdotum, quorum adscriptus erat collegio sapientia distingueret, veramque his, vt in apologia ^k quoque contendit, magiam vindicaret, quorum tamen artificia magis nec meliora nec sanctiora fuisse, constat, LACTANTIUM nouimus testimonio ^l, *multa et mira Apuleii solere memorari*; AVGVSTINVS ^m quoque testatur, *homines ex gentilibus improbos, Dominum nihil amplius, quam quod alii homines facere potuerunt fecisse vel gessisse, mentientes, Apollonium suum nobis Apuleium aliosque artis magicae homines in medium proferre, quorum maiora contendant extitisse miracula*. Ex quibus recte colligitur, Apuleium, si non ipse magus fuit, ad exagitandos tamen inimicos, et faciendam sacerdotio auctoritatem iis artibus vsum fuisse, quibus numinibus suis miraculorum fidem conciliare solebat sacerdotum gentilium astutia; qui cum magiae nomen, ex eo tempore, quo in Romano imperio infame fuit, deprecarentur, mirum non est, illud scripta apologia studiose Apuleium declinasse. Quem goëthiae quidem crimen fuisse vehementer detestatum, theurgiae tamen nauasse operam, vel vna eius *metamorphosis*, et eius imprimis epilogus luculenter suadent. Vnde si salua velimus sanctorum virorum testimonia, patet, de Apuleio idem suo modo dici posse, quod de Apollonio diximus ⁿ, quem tamen eruditione multiuaria et doctrina multis parasangis superauit. Vixisse in iuuentute minus caste, colligi euidenti ratione posset ex illis, quae de Fotidis amo-

Y 3

ribus

^b) Apolog. p. 204. conf. BAYLE l. c. not. L.

ⁱ) Florid. p. 362.

^k) p. 204. 205.

^l) L. V. c. 3.

^m) Ep. 4. conf. ep. 49. HIERONYMVS in Pf. LXXXI. BAYLE l. c.

ⁿ) Suadet hoc locus memorabilis in Apologia p. 205. vbi ita: „Verum haec ferme communi „quodam errore imperitorum philosophis obie- „ctantur, vt partim - - qui prouidentiam mundi „curiosius vestigant, et impensius Deos celebrant, „eos vero vulgo magos nominant, quasi facere „etiam sciant, quae sciant fieri: vt olim fuere „Epimenides et Pythagoras et Osthanes. „ Et in-

fra p. 216. genuinum horum hominum fundamentum exponit, quo tota theurgia nititur p. 216. scribens: „Inter Deos atque homines natura et „loco medias quasdam diuorum naturas interfir- „tas, easque diuinationes et magorum miracula „gubernare, posse etiam animum humanum seu „caninum auocamento siue odorum delinimen- „to soporari, et ad obliuionem praesentium ex- „sternari, et paulisper remota corporis memo- „ria, redigi ac redire ad naturam suam, quae „est immortalis ac diuina, atque ita veluti so- „pore quodam futura rerum praesagire. „ Sed et reliqua legenda sunt, licet magi nomen omni modo declinet.

ribus ipse narrat ^o, nisi Graeca fabulae huius narratio, quae apud LVCIANVM ^p occurrit, eadem exhiberet, ostenderetque, eum more suo ἀρχέτυπον secutum fuisse, idque nouo inuentionis genere adauxisse; id quod tamen in argumento adeo lubrico et impudico a sacerdote, *in animae castimoniae*, vt ipse iactat ^q, *iugum qui subiit*, fuisse factum, merito improbamus. Caste tamen in matrimonio se gessit, et diu atque noctu etiam cum bonae valetudinis dispendio, eloquentiae et literarum studio impalluit ^r. Imprimis vero eruditionem eius et accuratam in Platonica philosophia doctrinam libri tres de *dogmate Platonis* ^s probant, introductionis loco ad lectionem Platonis cum Alcino et Albino adhibendi. Nominis tamen celebritatem, praeter istos libros, et apologiam, multa doctrina refertam, maxime sibi comparauit, *fabularum Milesiarum libris undecim*, siue *metamorphosi Lucii in asinum*, quam tanta eruditionis veteris varietate, tantoque lepore et iucunditate condidit, vt inde ob dulcedinis et elegantiae praestantiam aurei asini nomen nata sit ^t. Materiam tamen ex Lucii Patrensis *libris metamorphoseon* accepit ^u, vel a LVCIANO etiam transsumsit, qui Patrensem eleganti quoque narratione expresserat. Scribendi tamen genere vsus est peregrino et insolito, vnde *exotici et forensis sermonis*, tanquam locutor rudis veniam mox in limine deprecatur: in quo tamen multa sunt, etsi insolita et aures Romanas offendentia, erudita tamen et veterem disciplinam spirantia ^x. Sed et reliqua Apuleii scripta ab historiae philosophicae studio non negligenda sunt. Dedit enim *interpretationem libri de mundo*, ARISTOTELI perperam tributi, vt ex collatione Graeci textus cum hoc Apuleii labore euidenter demonstrari potest: ^y licet fatendum sit, eum non vbiuis sensum accurate fuisse affecutum ^z, *apologiam item Socratis* ex Platonicae philosophiae adytis haustam: *Florida* vero etsi eloquentiam magis spectant, quam philosophiam, multa tamen continent veteris philosophiae historiae apprimae inseruientia ^a. Reliqua eius scripta, quae historiam, philosophiam, eloquentiam et poësin illustrarunt, desideramus ^b. Non confundendus autem est cum Apuleiis aliis ^c, praesertim cum Apuleio Celso, medico celebri ^d.

§. VIII.

o) Metamorph. L. II.

p) In asino.

q) Metamorph. L. XI. p. 183.

r) Apolog. p. 204.

s) Tertius tamen de philosophia rationali multa habet ex Dialectica Stoica.

t) Conf. FABRIC. l. c. p. 516.

u) PHOTIVS Cod. CXXXIX. p. 165.

x) Conf. iudicia doctorum collecta a TH. POPEBLOUNT cens. cel. auct. p. 170. TOB. MAGIRO Eponymol. crit. p. 59. CREN. de singular. script. §. 14. p. 28. De editionibus vid. FABRICIVM et BAYLE II. cc. Satyram esse in magos censet BARTHIVS Adu. L. LI. c. 11. et BAYLE l. c. FABRIC. l. c. T. III. p. 35.

y) Videnda editio BONAV. VULCANII L. B. 1591. 8. quae Graeca Latinis Apuleii habet adiuncta.

z) FABRIC. l. c. p. 518. Bootius apud POPEBLOUNT. l. c. p. 172.

a) Fragmenta esse videntur orationum passim habitatum.

b) Interpretatus est Phaedonem Platonis, et Nicomachum de numeris. Scripsit etiam Qg. naturales.

c) Enumerant eos IONSIUS de S. H. Phil. L. III. c. 11. FABRIC. Bibl. Lat. T. III. p. 34.

d) Vixit sub Tiberio fuitque Scribonii Largi praeceptor, conf. FABRIC. l. c. T. I. p. 525. 853. Bibl. Graec. Vol. XIII. p. 77. Occurrit sub Apuleii nomine liber, de herbis, earumque nominibus et virtutibus, verum nec philosophum nec medicum agnoscere, sed iuniorem quendam Apuleium stilus prodit.

§. VIII. Marco Aurelio Antonino philosopho imperante ^e, celebre inter Platonicos nomen fuit Attico, cuius tanta inter sectae suae homines fuit existimatio, ut a Plotino cum reliquis, quos potiores ex Platonice philosophiae studio inuigilantibus, explicaret ^f. Notandus vero et hic Atticus est, ob diligentiam, quam in demonstranda differentia inter Platonis et Aristotelis philosophiam exhibuit, ut patet ex fragmentis, quae nobis seruaui EVSEBIVS ^g, ubi contra Aristotelem de ultimo fine hominis, de prouidentia, de ortu, de quinta corporum substantia, de rebus coelestibus, de immortalitate animae disputauit, et quam ab eo dissentiat Plato planum fecit. Quod eo magis momentum habet, quo magis ab eo tempore parum abfuit, quo nouo foedere coire coacti sunt Plato et Aristoteles ab eclecticis. Nec alios ferire videtur homines, quam malefanos huius generis syncretistas, scribens: *Quisquis hanc Aristotelis imbiberit doctrinam probaueritque, quo tandem amabo, vel ad mentem Platonis accedet, vel in eadem, ut alii acquiescant constanter efficiet? Nunquam profecto, nunquam, qui ex schola ista prodierit, haec plane Herculeae diuinaeque dogmata suscipiet.* Cumque nosset iam tum ex Alexandrinis scholis prodierisse Platonicos, qui mundi aeternitatem Platoni tribuerent, ut eum cum Aristotele in concordiam redigerent, praeclara ait sententia: *Παραιτούμεθα δὲ νῦν μὴ ἐμποδῶν ὑμῖν τοὺς ἀπὸ τῆς αὐτῆς ἐξίας εἶναι, οἷς ἀρέσκει καὶ κατὰ Πλάτωνα τὸν κόσμον ἀγέννητον εἶναι*, hic vero admodum exoratos velim, ut ne molestiam nobis ullam facessant, qui eiusdem ac nos familiae cum sint, mundum tamen ex Platonis quoque sententia generatum esse negant. Quos ipsis postea Platonis verbis ex Timaeo petitis refutat, quae ut manifestum faciunt, iam ante exortum eclecticorum nomen istum syncretismum ex Plotini postea schola in omnem orbem disseminatum, inualuisse, ita iis, quae *sequenti sectione* de his hominibus dicemus lucem affundunt, probantque viros graues et acutos, qualis Atticus fuit, non defuisse, qui ab ista concordia abhorrerent, sinceramque conseruarent Platonis philosophiam. Fuere alii quoque Attici, a Platónico hoc probe distinguendi; Atticum enim Romanum, cuius vitam descripsit CORNELIVS NEPOS, ut taceamus, Attici Pergameni rhetoris meminit STRABO ^h. Atticus etiam episcopus Constantinopolitanus, controuersis cum Chrysostomo habitis illustris ⁱ, Licinius Atticus, medicus GALENO ^k memoratus, Atticus quidam episcopus ^l, apud veteres recensentur. Attici etiam philosophi PLVTARCHVS ^m meminit; aut Herodem Sophistam habuisse patrem Atticum, supra diximus. Quo loco

^e) SYNCCELLVS p. 353. EVSEB. Chron. sub Aurel. ad A. CLXXIX. FABRIC. Bibl. Gr. Vol. II. p. 54.

^f) PORPHYR. in vita Plot. c. 14.

^g) Praep. L. XV. c. 4. seqq. p. 794. seqq.

^h) L. XIII. p. 625.

ⁱ) Conf. CAVE Hist. Lit. scr. eccl. p. 44. FABRIC. Bibl. Graec. Vol. VII. p. 43. Vol. IX. p. 391. Vol. XI. p. 393.

^k) T. II. p. 238.

^l) Conf. FABRIC. Bibl. Graec. Vol. VIII. p. 567. 581.

^m) De Monarch. T. I. p. m. 72.

loco Plutarchi fretus *IONSIUS* nobis Atticum Herodis parentem non exculpit tantum philosophum, sed cum Attico quoque nostro eundem facit. Qua in re accuratorem in viro docto merito desideramus. Ex allegatione enim Plutarchi liquet, hunc Atticum philosophum supra aetatem Plutarchi vixisse; Plutarchus autem sub Traiano floruit. At Atticus Herodis pater Neruae imperante vixit, et ab eo thesaurum ingentem, quem domi suae inuenerat, accepit, nec philosophus fuit, ut ex vita eius a *PHILOSTRATO*^o exarata patet, qui philosophiae studium non omisisset indicare, si qua in illud Atticus incubisset. Praeterea Eusebius, Syncellusque Aurelio Antonino imperante floruisse Atticum dicunt, Atticus itaque, qui Neruae coaevus fuit, esse non potest. Quod ut eludat Ionsius, verba Eusebii de Herode Attico filio interpretanda monet. At Herodem omisso proprio nomine Atticum philosophum vocari, nusquam legimus, nec philosophiae causa inter philosophos nomen tulisse, traditur, licet eam didicerit, sed eloquentia omnibus magna cum gloria praestitit. Accedit Atticum hunc Plutarchi alicuius filium dici ab ipso Ionsio, avum Herodis sophistae. At Atticus Herodis parens, non Plutarchum, sed Hipparchum genitorem habuit, teste *PHILOSTRATO*^p. Ex quibus omnibus clarum est, Atticum hunc Platonicum ab Attico Herodis patre esse distinguendum.

Numenius.

§. IX. Platonicis illustrioribus, quos explicuit discipulis suis Plotinus, annumeratur etiam *NVMENIUS* Syrus, Apamea oriundus^q, ex quo colligere est, circa eadem quoque Antonii tempora eum floruisse. Nam quod ante Seuerum vixerit, ex Plotini aetate, qui sub eo imperatore fuit, innotescit, quem plagii in Numenium commissi incusatum fuisse, infra trademus, quemadmodum ante Origenem floruisse eodem argumento concluditur, quod ab eo Numenii scripta lecta sunt^r, cumque Cronium et Numenium *PORPHYRIUS*, tanquam familiares iungat et συγγεῖνοι^s, illis vero Caius Seuerus et Atticus adiiciantur^t, coniectura non prorsus a vero ablucente Numenius in tempora Antoninorum, cum reliquis his Platonicis refertur^u. Illustrem inter Platonicos fuisse *EUSEBIUS*^x tradit, cui non obstant, quod ille et *ORIGENES*^y, eum inter Pythagoreos numerent, supra enim iam monuimus, utramque sectam pro vna fere habitam, vel in vnam potius fuisse confusam. Tanta vero eruditione in hac familia inclaruit, ut sectae suae principem vocare, et scribere de eo non dubitet *ORIGENES*^z, plerisque de rebus melius, quam Platonem differuisse. Nec alia forte ratio fuit, cur Plotinus ex-

n) De S. H. Phil. L. III. c. 7.

o) *PHILOSTRAT.* L. II. c. 1. p. 347.

p) loc. cit.

q) *PORPHYR.* in vita Plotini c. 17.

r) *PORPHYR.* contra Christ. L. III. apud *SVIDAM* in Orig. T. II. p. 761. et *EUSEB.* Hist. crit. L. VI. c. 19.

s) De antro p. m. 123. ed. Rom.

z) In vita Plot. c. 14. et adu. Chr. L. III.

n) Ita et *IONSIUS* l. c. p. 264.

x) Praep. L. XI. c. 9. p. 525.

y) l. c. et L. XIX. *ORIG.* contra Cels. L. IV. p. 204.

z) loc. cit.

scripsisse Numenium dictus sit, quam quod principem Platoniorum eruditione doctrinaque Platonica aequare videretur ^a. Certe tanti eum fecit Amelius, ut omnia eius scripta memoria edisceret ^b. Scripsit autem multa, quibus tum de philosophia ipsa, tum de eius historia meruit. Imprimis laudantur passim apud veteres libri eius de differentia Academicorum a Platone, ex quibus fragmenta ampla satis nobis seruauit E V S E B I V S ^c digna, quae in Academicae philosophiae historia diligenter conflantur. Scripsit etiam de iis, quae effari nefas (*ἀπορέτων*) apud Platonem, ex quibus etiam adduxit quaedam E V S E B I V S ^d. Alia nominat, qui multum Numenio tribuit, O R I G E N E S ^e, qui inter alia narrat, multa eum suis commentariis inferere, deprompta e Mosis et prophetarum libris, tractataque per verisimilem tropologiam, quemadmodum in epope, sic inscripto, itemque in libris de numeris, et de loco. In tertio autem de bono narrare etiam de Iesu quandam historiam, non addito nomine? etc. dignatum etiam discendi causa scripturas nostras perquirere, habentem eas non pro stultis, sed pro figuratis. Quae oraculorum sacrorum lectio effecit, ut cum Mosen multa habere cum Platone affinia putaret, Platonem vocaret Mosen Atticissimum ^f. Quod si T H E O D O R I T O ^g credendum, priscos philosophos non ab Aegyptiis tantum, sed ab Hebraeis quoque veri Dei notitiam adeptos esse statuit Numenius. Alios Numenios laudant I O N S I V S ^h et F A B R I C I V S ⁱ. Inter quos fuit vnus Rhetor, alter grammaticus, tertius medicus.

§. X. Post Numenium MAXIMVS, gente T Y R I V S praecipue *Maximus Tyrius.* inter Platonicos celebres numerandus est. Et si enim eloquentiae dedit operam, et inter sophistas sui temporis differendi facultate nomen sibi celebre comparauit, non tamen arti tantum oratoriae se addixit, sed philosophiam quoque eloquentiae iunxit, Platonem prae caeteris, non sine decenti tamen libertate secutus ^k. Vixisse sub Commodio S V I D A S ^l tradit, E V S E B I V S ^m autem et S Y N C E L L V S sub Antonino Pio ponunt, quod facile conciliari potest, si statuamus, Maximum sub Antonino florentem Commodi etiam tempora attigisse. Romae fuisse iterato, ex dissertationibus eius intelligitur, maiorem tamen temporis partem in Graecia exegisse verisimile est. Et Romae quidem inter praeceptores Marci imperatoris locum fuisse nactum, magni quidam nominis viri docti continent-

a) P O R P H Y R. in vita Plot. c. 17.

b) Ibid. c. 2.

c) Praep. L. XIV. c. 5. ad quae suo loco prouocauimus.

d) L. XIII. c. 5.

e) l. c. et L. V. p. 276. libri de immort. animae meminit, T H E O D O R I T. Serm. V. libri de anima. Conf. I O N S. de S. H. Phil. L. III. c. 10. p. 264. F A B R I C. Bibl. Graec. Vol. II. p. 63.

f) C L E M. A L E X. Strom. L. I. p. 342. E V.

S E B. praep. L. II. T H E O D O R I T. Therap. L. II. H E S Y C H. M I L. in Numenius.

g) Serm. I. h) l. c. p. 265.

i) Bibl. Graec. Vol. IV. p. 486. Vol. II. p. 455. Vol. XIII. p. 351.

k) Ipse diff. XI. ait, se decenti libertate vsu sequi Platonem.

l) In Maximo T. II. p. 494.

m) In Chronic.

tendunt ^m, eo quod Maximo quodam praeceptore se vsum esse imperator refert ⁿ, et tempora concordant, et gratia dictorum, quam Marcus ei tribuit, prodere videtur, quod tamen rectius negant alii ^o, cum Stoicae potius familiae philosophus fuisse videatur. Mellitissimam eloquentiam possedisse, dissertationes eius varii argumenti probant, quas plerasque ad Platonicae doctrinae normam exegit, quamvis interdum *σκεπτικῶς* satis differat ^p. Multis inter veteres Maximi nomen fuisse, etiam philosophis, constat ^q, attentio itaque adhibenda, ne hunc Tyrium cum aliis eiusdem nominis confundamus ^r.

Platonici alii.

§. XI. Et hi quidem potiores Platoniorum sub imperatoribus viuentium sunt, qui eruditionis praestantia prae reliquis nomen famamque sunt adepti. Iungi his possent ex secta magno sectatorum numero gauisa plures, quorum tamen vel nomen obscurum mansit, vel praeter nomen et sectam nihil apud veteres, quos hodie legimus, deprehenditur, quales fuerunt Cronius, Aspasius, alique lecti a Plotino et Origene: vnde eos praetermittimus, in catalogis Platoniorum facile inueniendos. Quidam eorum ad Christianos pertinent, suo etiam loco enarrandi. Maxime vero sectionis huius finem facit, enata circa Seculi post C. N. secundi exeuntis tempora secta eclectica, quam reuera Platoniam fuisse, supra monuimus. Quae tamen cum se totam illi potissimum faciei attemperauerit, quam in Aegypto assumsit Platoniorum familia, et singularem habitum atque constitutionem acceperit, quae magnum inter philosophos, et in ipsa etiam Christiana ecclesia momentum habuit, peculiare quoque eclecticorum nomen affectauerit, singulari tractatione nobis eius fata exponenda, sicque Platonicae sectae historia ad seculum vsque octauum, quo, inter gentiles quidem, deleta fuit, deducenda est. Antequam vero eclecticam sectam enarramus, duo adhuc viri graues et illustres qui circa haec tempora inclaruerunt, adducendi sunt, qui plerumque Platoniorum familiae annumerantur, licet eclectica potius libertate quadam fuerint vfi, nempe Plutarchus Chaeronensis et Galenus.

Plutarchus.

§. XII. Referendum esse PLUTARCHVM inter sui temporis philosophos, nemo dubitabit, qui vel semel eruditissimi viri libros inspexit, quibus non historiam tantum atque elegantiores literas, sed philosophiam

m) SCALIGER ad Euseb. IONSIUS de S. H. Ph. L. III. c. 9. p. 256. IAC. CAPPELLVS Hist. eccles. cent. 2. TILLEMONTII, BARTHII, HEINSII loca affert FABRICIUS Bibl. Graec. Vol. II. p. 33.

n) De se ipso L. I. §. 15.

o) GATAKERVS et MER. CASAVE, ad h. l. DACIER ad h. l. KVSTER, ad l. c. SVIDAE, FABRICIUS l. c.

p) Conf. Cl. STOLLIVS Hist. Phil. mor. gent. §. CCLIV. p. 572. Laudandus imprimis quod philosophiam virtute et praxi demonstrandam commendat. De editionibus, inter quas eminent

DAN. HEINSII Lugd. Bat. 1614. 8. et lo. DAVISII Cantabrig. 1703. 8. videndus FABRIC. l. c. de Davisii CLERICVS Biblioth. select. T. XI. p. 287. in qua opusculum, vt Heinsii annotationes apparenter integrae.

q) Plerosque nominant IONSIUS de S. H. Ph. L. III. c. 9. p. 256. et FABRICIUS l. c. quibus multi ex Christianis addi possent, si id ageremus, qui tamen ex scriptoribus historiae liter. eccles. facile possunt colligi.

r) Ita Tyrium cum Maximo Ephesio, Iuliani apostatae praeceptore confundit FR. MORELIVS in lemmatibus ad Libanium T. II. p. 175.

phiam quoque diligenter illustravit. Natus Chaeroneae in Boeotia, Boeoticum ingenium non accepit, sed a συμπατριωτῶν moribus et indole totus diuersus, optimis naturae muneribus ornatus est, ingenique elegantiam industria studiisque auctam mire probauit. Et iudicandi quidem facultate, qua polluisse multis videtur, ultra mediocritatem non fuisse gauisum, ea, quae vel ipse tractauit, argumenta modusque ratiocinandi, quem adhibuit, vel quae ex veterum systematibus decerpta illustrauit, satis produnt. Nam in illis infirmis saepenumero rationibus et exiguo argumenti pondere usus est, in his haud raro sectarum mentem peruertit, et alienam iis sententiam affricuit, cuius exempla * luculenta esse possunt, quae de Epicurea philosophia, et de Platonis mente circa animam mundi differuit, quae nec Epicuri nec Platonis sententiis quadrant; Epicuro nempe voluptatis infamis et otiosae patrocinium, Platoni praeter Deum et materiam animam quoque malignam inter principia physiologica admissam perperam tribuit. Magis autem in moralibus, quam in physicis valuit, et lectionis haud raro copia iudicii vim minuit et quasi suffocauit, in historico tamen argumento illud magis probauit quam in philosophico. Vnde si cum Vossio ² inter philologos et historicos summos referendus est, de quo disceptare nolumus, philosophis tamen illum summis cum eo adscribere, veritati omnino est contrarium, cum intra mediocritatis limites eius philosophia consistat. Ingenii autem fertilitate vique quadam imaginationis, in varias argumentorum, quae exponit, partes, et in omnem quasi eruditionis campum excurrentis versatili, memoria item excellenti usus est, quae cum magna industria et immenso studio iuuaretur, vastissimam ei in optimis disciplinis parauit lectionis copiam. Natus est familia nobili et eruditionis quoque fama celebri, quam passim prodit. Auus Lamprias fuit, quem inter potandum inueniendi ac disputandi facultate sibi ipsi praestitisse, ait ³. Sed et frater eius nominis illi fuit, ob voracitatem Boeoticam scommate impetitus a Xenocle ⁴; et filius, cui catalogum scriptorum parentis debemus, praeter quem etiam Autobulum et Plutarchum suscepit, ad quos libellum de procreatione animae scripsit. Nepotem habuit Sextum ⁵, de quo infra dicendum, inter praeceptores Marci imperatoris. Apuleium etiam maternae originis fundamenta Plutarcho prodita referre ⁶ supra monuimus. Quo vero tem-

Z 2

pore

¹) Vitam Plutarchi qui ex veteribus nobis exhibeat, desideratur, quae enim SVIDAS in Plutarchus T. III. p. 133. habet, pauca admodum sunt. Pleraque, quae de eo constant, ex scriptis eius hauriri debent, ex quibus Plutarchi vitam collegit, eiusque Operibus Paris. 1624. fol. editis praefixit IOANNES RYALDVS. Sed et DECII CLETERIS vita Plutarchi edita est Patavii 1617. 8. Alios, praesertim historiae literariae veteris scriptores, qui eum non omiserunt, cum nota eorum loca sint, praetermittimus.

²) De curios. T. II. p. m. 237. et alibi.

³) Ita plerique de Plutarcho iudicarunt, quorum elogia videnda apud HANCKIUM de

Rom. rerum script. P. I. c. 12. p. 81. G. I. VOSSII de Hist. Graec. c. X. p. 208. T. MAGIRVM Eponymol. crit. p. 86. TH. POFERLOVNT. Cens. Cel. auct. p. 143. BOECLER. bibliograph. crit. pol. p. 652. aliosque multos.

⁴) Adu. Coloten, an suau. viui possit sec. Epicurum? an latenter viuendum.

⁵) Dictum de priori T. I. L. II. c. 12. de posteriori c. 7. f. 1.

⁶) Qq. Sympof. L. I. q. 5.

⁷) Ibid. L. II. q. 2.

⁸) CAPITOLINVS in Marco c. 3.

⁹) Metamorph. L. I. p. 5. Conf. qui de familia Plu-

pore floruerit, etſi accurate definiri non poteſt, certum tamen eſt, ſub Nerone iam vixiſſe, quod non PHOTIVS ^a tantum teſtatur, ſed ipſe PLVTARCHVS ^f quoque affirmat, audiuiſſe ſe Ammonium diſputantem, quo tempore Nero apud Delphos eſſet peregrinatus. Vixiſſe autem vſque ad Hadriani tempora paſſim prodidit, meminit enim caedis Neronis ^g, item Veſpaſiani ^h et Titi ⁱ, et Domitiani ^k, Traiano vero apophthegmata inſcripſit ^l, et ſenex ſub Hadriano Procurator Graeciae, SYNCELLO teſte ^m, conſtitutus eſt. Praeceptorem habuit Ammonium, philoſophum doctum ⁿ, ſed ſyncretiſmi iam tum peſte afflatus, quem cum Ammonio Sacca eclecticae ſcholae parente, toto ſeculo iuniore paſſim a viris doctis confundi videas ^o. Iuuentutem optimis literarum ſtudiis excultam mature reipublicae applicuit, legatus enim decreto publico ad proconſulem conſtitutus eſt ^p. Sed et Chaeronenſium aliquando archontis ſive praetoris officio deſunctus eſt ^q. Apud Traianum, magnum doctorum virorum patronum valde gratioſus, et, vt SVIDAS ^r habet, conſulari dignitate ab eo auctus fuit, edixitque imperator, ne quisquam Illyriae magiſtratuum, abſque conſenſu eius quicquam ageret. Affert etiam SARISBERIENSIS ^s epistolam eius ad Traianum, cum imperium capeſſeret, in qua imperatori gratulaturus praecepta gerendi imperii ei commendat, ad capitula quoque aliqua politicae conſtitutionis prouocat ^t, hauſta, vt ait e libello Plutarchi qui inſcribitur: *Inſtitutio Traiani*: ex quibus colligere liceret ^u, Traianum, antequam imperii habenas capeſſeret, praeceptorem habuiſſe Plutarchum. Verum et ipſa epistolae ratio paedagogum ſpirans, et amoribus Plutarchi tota aliena, et lingua in qua ſcripta eſt Latina foetum ſatis produnt ſuppoſititium. Senex enim Latinam demum linguam didicit Plutarchus, Graece ad imperatorem ſcripturus, ſi hoc conſilium ſuſcepſiſſet ^x. Nec forte alius commatis ſunt iſta capitula, ſi ab apophthegmatibus, Traiano a Plutarcho inſcriptis ^y differunt. Sub Hadriano Procuratoris Graeciae honore maſtatus eſt ^z. Non vero reipublicae tantum gerendae, muneribusque publicis vacauit Plutarchus, ſed cum Romae quoque et in Italia verſaretur, philoſophiam docuit ^a, maxime vero ſcribendis libris operam impendit, de quibus catalogum confecit filius LAMPRIAS, hodie adhuc ſuperſtitem,

Plutarchi late diſſerit RVALDVS l. c. ION-
SIVS de S. H. Phil. l. III. c. 6. p. 238. ſeqq. FA-
BRIC. Bibl. Graec. Vol. III. p. 329. ſeqq.

e) Cod. CXLV. p. 642.

f) De ϵ 7 Delphis inſcripto T. I. p. m. 555.

g) De garrul. T. II. p. 306.

h) In Amat. T. III. p. 349.

i) De ruenda valetud. T. I. p. 253.

k) In Valer. Poplicola T. IV. p. 190.

l) T. I. p. 322. m) p. 349.

n) Loca ubi praecceptoris huius meminit, ha-
bes collecta a RVALDO l. c. c. 7.

o) HADR. IVNIVS ad Eunap. VOSSIVS

de ſectis c. XXI. §. 6. HENDREICH. Pan-
deſt. Brandeb.

p) Praecept. gerend. reip. T. II. p. 457.

q) Sympoſ. L. VI. q. 8. T. III. p. 239.

r) In Plutarch. Chaer. T. III. p. 133.

s) In Policrat. L. V. c. 1. p. m. 250.

t) Ibid. c. 2. p. 252.

u) Ita DEMOSTERVS in elencho ſcript.
apud POPE-BLOUNT. l. c. p. 143.

x) Conf. FABRICIVS Bibl. Graec. l. c. p. 365.

y) Quae tamen eius non eſſe videtur Rualdo,
Xylandro et Voſſio.

z) SYNCELLVS loc. cit.

a) In Demosthenis vita T. III. p. 21.

stitem^b, ex quo patet plura, quam habemus, Plutarchi scripta temporis iniuria intercidisse: dolendumque est, hunc scriptorum Plutarchi indicem in fine deficere; ut quae genuina sint Plutarchi quae spuria possent discerni, quod deficiente libelli fine fieri non potest. Gratulandum vero nostrae aetati est, in tanta veterum scriptorum iactura libros Plutarchi plurimos fuisse seruatos, in quibus non historiae tantum Graecae et Romanae, sed philosophiae quoque veteri, maxime vero morali egregiam passim lucem accendit^d, historiam quoque philosophicam egregie illustrat, licet non nemini^c incertum sit, an libellus *de placitis philosophorum* Plutarchum auctorem agnoscat. Certe inexhaustae in veterum libris lectionis copiam, et insignem prorsus eruditionem in iis contineri, nemo erit, qui vel semel eos inspexit, qui negauerit. Et hinc insolita prorsus huius viri elogia apud veteres et recentiores passim occurrentia. Inter quos GASSENDVS^f, aequus doctorum scriptorum iudex ac censor, si omnibus veteribus scriptis fuerit carendum, Plutarchi nos aegerime carituros dixit; THEODORVS GAZA^e vero, si omnes in mare abiiciendi sint, Plutarchi se postremo loco seruaturum esse professus est. Sed et Ioannis Metropolitae Euchaitensium, sub Constantini Monomachi et Comnenorum imperio clari versiculos affert FABRICIVS^b, quibus testatur, si quos auerni nexibus liberare non credentium Christo constitutum esset, precibus se Platonem et Plutarchum petiturum, quos sententia et moribus ad leges eius proxime accessisse constet. Quod licet nimium sit, merito tamen pretium maximum statuendum est libris optimis, qui, si iudicium accedat, et diligens cum veterum scriptis collatio, magnum veteris eruditionis thesaurum comparare apta sunt: iuuentutem quoque et delectant et docent, quare laudanda virorum doctorum industria et consilium, qui quosdam Plutarchi libellos iuuentutis commodo separatim ediderunt; licet dictionem duriusculam, et quosdam in eo naeuos notent eruditiⁱ. In philosophia, licet summi limatissimique iudicii fuisse passim viris doctis videatur^k, recte tamen LIPSIVS^j iudicauit,

Z 3

melio-

^b) Edidit hunc catalogum primus DAV. HOESCHELIUS ex MSc. Bibliothecae Augustanae Aug. Vind. 1597. inde additus editioni Plutarchi Francof. 1620. Paris. 1624. vnde miramur VOSSIO non fuisse visum, de Hist. Graec. L. II. c. 10. p. 210. Graecae et Latinae recudi fecit praestantissimus FABRICIVS Bibl. Graec. Vol. III. p. 333.

^c) Signo (*) ea notauit FABRICIVS.

^d) Hinc in vitas comparatas, et scripta moralia diuiduntur. Ex Graecis editionibus optima est H. STEPHANI, ex Graeco-Latinis Parisiensis, 1624. fol. quae interpretationes habet variorum auctorum. Nos GVIL. XYLANDRI viri docti, cuiusque nostri versionem secuti sumus, quae Francof. tomis sex, 8 1606. prodiiit, eo quod in plerorumque manibus sit. Gallicam AMIOTI secutus est plerumque Baelius.

^e) VOSSIO l. c. p. 210. et de satisfact. I. C.

^{c. i.} rationes eius sunt, quod eius libelli nunquam eo loco, ubi debet, Plutarchus mentionem faciat, quod alibi ei contraria afferat, quod alia docendi methodo vtatur, conf. IONSIUS L. III. c. 6. p. 234. Quibus tamen coniecturis consensum veterum libellum hunc Plutarchi tribuentium merito opponimus. Historiae philosophicae Galeno tributae libellum eundem esse, sed neutrum integrum in sequentibus dicemus, conf. IONSIUS p. 268.

^f) In vit. Epicuri L. III. c. 7. p. 98. Conf. NAVDE apologie des accusez de magie p. 194. alique laudati FABRICIO l. c. p. 331.

^g) Apud FABRIC. loc. cit.

^h) Ibid.

ⁱ) VOSSIVS, FABRICIVS II. cc.

^k) DEMPSTER. I. C. MYRET. Orat. Vol. II. of. 15. IAC. PONTAN. Progymn. Vol. II. pr. 44.

^j) Polit. L. I. c. 9.

meliolem omnino, quam acutiolem doctorem fuisse, cuius ex parte causam detexit magnus SCALIGER ^{m)}, *libros eius philosophicos, ut Ciceronis magni non faciendos, nihil enim in iis esse, quod demonstret et doceat, ac cogat; scripsisse enim aulicis tantum, non doctis.* Illud certum est, et ex lectione scriptorum Plutarchi manifestum cuius, plus eum egisse philosophorum interpretem, quam ipsum philosophum. Sumto enim semel tractandi argumento, ex secta, hac illaue principia prima assumit, et prout licet, et ipse nexum peruidebat, illud prosequitur, ubi aqua haerere coepit, Scepticum agit, et incertum suspensumque dimittit lectorem, quem opinionum vanitate delectat magis, quam iuuat, nec iudicium firmat, sed doctrinarum tantum auget historiam, per sectas tanquam explorator diffusus. Negari tamen nequit maxime fuisse Platoni, et Academiae veteri, docteqe ex eius principiis, licet non semper accurate, Platonisque menti conuenienter fuisse philosophatum ⁿ⁾. In quibusdam vero, praecipue in doctrina de virtute, Aristotelem quoque ducem secutus est, et in doctrina de anima Aegyptios, vel Pythagoreos potius; Parmenidis vero physiologiam in libello *de primo frigido* expressit. Saepe tamen Academicæ et Scepticæ quoque philosophatur, Stoicis vero et Epicureis infensiolem se praebuit, et vtramque sectam conscriptis libellis refutauit. Caeterum an vel aequi et verum ex parte amantis animi, vel nescio cuius negligentiae et contemptus signum sit, quod Christianorum in tot scriptis nullam vnquam facit mentionem, incertum ^{o)}. Per Elpisticos enim non intelligi Christianos, quod vir quidam doctissimus contendit ^{p)}, sed Stoicos notatos videri, *tomo primo* ^{q)} demonstrauimus. Etsi vero prudenter passim pieque de Diis locutus est Plutarchus, meruit tamen inter numinis hostes referri, PETRO MOLINAEO ^{r)}, eum in atheismum propensiolem iudicante, quippe libro in eam rem edito probare conantem, atheismum esse superstitione tolerabiliolem. Qua tamen in re iniurium esse Molinaeum in Plutarchum eo magis constat ^{s)}, quo magis non hodie tantum eandem sententiam viri tuiti sunt eruditi inter impios non numerandi, sed et, recte obseruante optimo FABRICIO ^{t)}, Plutarchus non dixit, quamuis superstitionem esse deteriolem atheismo, cuius contrarium disertis verbis docet ^{u)}, sed dari tantum genera superstitionis quaedam tam flagitiosa, ut in Deum aeque iniuria sint, quam atheismus, et grauius bellum etiam indicat honestati, virtuti et societati humanae, non, quam atheismus omnis cum suis consecutionibus et malitia omni, sed quam atheismus nonnullorum hominum, in sola speculatione falsissima acquiescen-

^{m)} Scaligerana p. 49.

ⁿ⁾ Vid. Qq. Platonicae, tr. de Iside, de animae procreatione, de fato.

^{o)} Non ausus dicere bona, auersatus dicere mala. Ita TILLEMONT. Hist. des empereurs T. II. p. 477. Nobis contemptus magis Christianorum, qui illiterati habebantur, causa fuisse videtur.

^{p)} Cl. CHR. AVG. HEVMANNVS act. Philos. Vol. II. p. 911.

^{q)} L. II. c. 9. et Misc. Berolin. T. V. obliu.

^{r)} De cognitione Dei p. 81.

^{s)} Agnouere hoc FABRICIVS l. c. p. 351. et Syll. Script. de V. R. C. p. 338. et BVD-DEVS thes. de atheismo p. 223.

^{t)} l. c. ^{u)} An possit suauiter viui sec. Epicurum.

scientium, et naturae bonitate errorem hunc in vitam ciuilem influere non patientium. Quo sensu veteres quoque ita pronuntiasse ^a magno feruore contendit, qui pro Plutarchi opinione tanquam pro aris et focus, etiam cum atheismi suspicione pugnavit vir acutissimus PETRVS BAYLE ^v. Quando obierit Plutarchus aequae incertum; certe Hadriani temporibus valde senem fuisse, cum Apollinis sacerdotio fungeretur, ipse significat ^z. Hinc coniectura enata viris doctis, natum circa decimum Claudii annum, qui Christi L. fuit, denatum esse quarto vel quinto Hadriani circa A. C. CXX. Memorabile est, quod de eius morte refert ARTEMIDORVS ^a. Morti vicinum somniasse, in coelum se ascendere duce Mercurio; quod sequente luce ita quis interpretatus sit: fore eum beatum ^b, hocque significasse ascensum in coelum, nempe excellentissimam beatitatem. Idque etiam ita euenisse, pauloque post Plutarchum decessisse. Id quod Artemidori fide credat, qui volet: Duodecim Plutarchos cum enumerent viri docti ^c, noster ab aliis accurate distinguendus, et imprimis cum Plutarcho Nestorii, de quo infra dicendum, confundendus non est.

§. XIII. Alter qui circa idem fere tempus non artis tantum salutaris cognitione, sed philosophica quoque eruditione ^d illustre sibi nomen conciliauit, est GALENVS, maximae famae et medicus et philosophus, quem diuinissimum vocatum et a quibusdam diuino honoratum cultu refert EVSEBIVS ^e. Is potiora vitae suae momenta in scriptis suis ipse tetigit, ex quibus ea magna diligentia collegit ^f, et secundum temporis ordinem disposuit PHILIPPVS LABBEVS ^g, quibus alii quoque addi possunt, qui in enarranda vitae principis medicorum historia industriam exercuerunt suam ^h, vel qui salutaris artis historiam aggressi sunt.

Galenus.

x) EPIPHANIVS T. II. p. 13. ARNOBIUS L. V. p. 151.

y) Notissimis locis Qq. provinc. et de comitis. Conf. FABRIC. Syllab. l. c. BVDDEVVS l. c. c. X. §. 2.

z) Num seni gerenda respublica T. II. p. 442.

a) Oneirocrit. L. IV. c. 47. p. 245.

b) Id est, moriturum, beatos pro defunctis iam tum distos esse ex HORATIO, L. I. c. 9. AMMIANO L. XXV. c. 3. HESYCHIO in *μακάριος*, aliisque constat.

c) l. c. p. 370. octo habet IONSIUS L. III. c. 6. p. 240.

d) Vocatus *γνήσιος ἱατρός καὶ μόνος φιλόσοφος*, imperatoris Marci iudicio.

e) Hist. eccles. L. V. c. vlt. *θειότατον* vocat Alex. Trallianus.

f) Egit etiam de Galeno SVIDAS T. I. p. 465.

g) Cum videret PHILIPPVS LABBEVS ex S. I. vir doctissimus, vitas Galeni passim enarratas scaterere erroribus, ex eius potissimum scriptis, ea quae ad vitam illius illustrandam facere poterant, collegit, exque his locis *elogium Galeni chronologicum* contexuit, idque tan-

quam specimen bibliothecae suae vniuersalis strenae loco missum ad Iac. Mentelium cum eius epistola edidit Paris 1660. Eodem vero anno alium quoque libellum vulgavit hoc titulo: Vita Claudii Galeni Pergameni medicorum principis ex propriis operibus collecta: in quo loca ipsa, ex quibus elogium contexuerat, adduxit. Vtriusque libelli cum summa esset raritas, insigniter de historia huius viri meruit, vir tot meritis in rem literariam immortalis I. A. FABRICIVS, quod non tantum elogium illud bibliothecae Graecae Vol. III. p. 509. seqq. totum inferuit, sed ex altero quoque libello loca Galeni omnia annotavit, sicque utrumque magno legentium commodo confudit in vnum, et exhibuit. Quae *βιογραφία* cum acurata sit, eam hic sequimur, lectoremque loca nosse cupidum ad h. l. ablegamus.

h) Vitam Galeni enarratam a se, eius operibus a se versis praefixit CONRADVS GESNERVS, Basil. 1562. fol. in praef. et de Galeno, eiusque libris et interpretibus docte egit. Conf. MERCKLINI Linden. renov. p. 184. Post hunc IO. MARTINVS EVSTACHI-

sunt ⁱ. Nos ea potissimum spectabimus, quae ad institutum nostrum propius pertinent ^k. Natus est Claudius Galenus, Pergami in Asia et Attalicorum regum nomine et literarum studiis clara vrbe ^l; patre Nicone, viro eruditissimo et sedatissimis moribus praedito, A. C. circiter CXXXI. Hadriani imperatoris XIV. vel XV. labente. Matrem habuit adeo iracundam, vt quandoque ira abrepta ancillas morderet ^m. Pater cum non mathematicarum tantum disciplinarum notitia excelleret, sed et optimis quoque literis esset excultissimus ⁿ, filium ipse mature instituit, et praestantissimis quoque praeceptoribus instituendum dedit, vnde in prima pueritia artes liberales atque elegantiores, quaeque humanitatem iuuare aptae sunt, edoctus est. Anno aetatis XV. ineunte, Antonino Pio tunc imperante ad philosophiam traductus, sub Caio Platonico ^o, et quodam Philopatoris Stoici discipulo, ei operam dare coepit; tum anno vitae XVII. ad salutarem artem a patre in somnio admonito translatus, Satyrum Quinti ^p discipulum ^q, Stratonicum ^r, et Aescrionem ^s empiricum aliosque habuit in patria sua praeceptores, medicamque artem cum philosophiae coniunxit studio. Cum morte eriperetur pater filio moestissimo, Smyrnam hic se contulit, anno aetatis XXI. vt Pelopem ex Quinti discipulis medicum celeberrimum ^t, atque Albinum Philosophum Platonicum ^u audire, sicque philosophiae et medicinae studia maioribus excolere posset profectibus. Smyrna Corinthum se contulit ad Numesianum ^x, non minoris famae medicum, qui et ipse ex Quinti fuit discipulis. Varias deinde per prouincias peregrinatus ^y, alios quoque medicos audiuit, simul medicaminum in iis naturam viresque explorauit, tandem Alexandriam et mercaturae laude et literarum studiis inclytam, Aegyptique inferioris metropolin ^z descendit, qua vrbe

v s Medicus Neapolitanus de vita Galeni Neapoli 1577. 4. commentarium edidit, eruditum quidem satisque accuratum, sed digressionibus multis onustum. Eandem Galeno operam praestitit RENATVS CHARTERIVS, qui splendidae, quam curauit, editioni operum Galeni et Hippocratis, eius vitam praefixit. Qui tamen ita in hoc argumento versati sunt, vt aliam vitam alios scriptores eum postulare iudicauerit MENTELIVS loc. cit.

i) Inter hos primum in enarranda Galeni historia et doctrina locum tenet DANIEL CLERICVS V. C. in historia medicinae P. III. Libro tertio fere integro p. 660.

k) Reliqua medicis relinquenda sunt.

l) Imprimis illustri Pergamus, ob celeberrimum templum Aesculapii, morborum curationibus miraculosis famosum, de quo vid. CLERICVS l. c. L. I. ch. 20. p. 63. mirum itaque non est, Galenum tantis exemplis famaue patriae incensum arti salutaris se dedisse.

m) De dignosc. animi morbis. Digna itaque quae albo malarum eruditorum mulierum adscribatur.

n) SVIDAS l. c. qui in architectura et geometria eum excelluisse dicit.

o) Verisimile admodum, esse hunc Caium,

qui in schola Plotini lectus est, quemque cum Cronio, Aspasio, Numenio vixisse supra coniecimus. Addi itaque hic Galeni praeceptor potest Platoniorum catalogo apud FABRIC. Bibl. Graec. Vol. II. p. 55.

p) Videndi de hoc medico, quem licet a suis opinionibus dissentientem valde laudar Galenus, CLERICVS l. c. p. 661. FABRIC. Bibl. Graec. Vol. XIII. p. 321.

q) FABRIC. Bibl. Gr. l. c. versatus est Satyrus praecipue in anatomicis. CLERICVS l. c. p. 658.

r) Ciuis Galeni, discipulus Sabini FABRIC. p. 429. CLERICVS l. c.

s) Vocatur etiam Aesccheron, ib. p. 40.

t) Conf. PLIN. L. XXXII. c. 5. CLERICVS l. c. FABRIC. l. c. p. 360. Fuit discipulus Numesiani.

u) Dictum de eo supra in Alcinoos.

x) Fuit Corinthius, rei anatomicae valde peritus, vid. citari.

y) Ciliciam, Palaestinam, Coelesyriam, insulasque Cretam, Cyprum, Lemnum, peragravit, opobalsami et terrae Lemniae naturam explorauit.

z) Dictum de hoc non mercaturae tantum sed eruditionis quoque emporio supra Tomo I. L. II.

vrbe praeter reliquas disciplinas imprimis medicae artis studium laetissime floruit. Vnde anno aetatis XXVIII. digressus, in patriam rediit ^a, cumque vulnerum curationem praecipue excoluisset, magistris vsus, qui in secundis corporibus excellebant, pontificum annuorum iussu gladiatorum curationi praefectus est, quam per quinque aut sex circiter annos magna felicitate absoluit, sicque non medicinae tantum, sed et chirurgiae mysteriis probe se initiatum demonstrauit. Illo tempore exacto cum seditionem patriae effugeret ^b, se Romam conuertit aetatis anno XXVIII. A. C. CLVIII. imperantibus M. Aurelio Antonino et Lucio Vero fratribus, quorum gratia tum magnam eruditorum frequentiam Romam adduxerat: ibi cum anno sequenti iugulum ei humero motum esset, per dies quadraginta

L. II. c. ult. quibus, cum in sequentibus scholae Alexandriae saepius facienda sit mentio, addendum, redacta sub Romanorum imperatorum potestatem Aegypto, Alexandriae studia literarum non refriguisse, sed maiori potius feruore fuisse exulta. Docebantur enim ibi praeter grammaticam et rhetoricam, philosophia quoque, artesque mathematicae et medicina. Multum vero ad incrementa studiorum Alexandriae contulit imperator Hadriani et Antonini Pii liberalitas, qui professoribus salaria constituerunt, quod cum calcar iis ad excolendas magis artes et disciplinas adderet, magna eruditionis incrementa produxit. Exque eo potissimum tempore, medici celeberrimi nominis Alexandriam migrauerunt, tantaque industria excoluerunt artem salutarem, ut iatrophistarum Alexandrinorum schola, siue, ut ex nostri temporis moribus loquamur, facultatis medicae Alexandriae nomen et fama per omnem orbem Romanum celebraretur; cuius initia Galeni quidem tempore facta esse, loca eius a LABBEO l. c. adducta dubitare non sinunt, alius tamen exurgentem medicorum suorum gloriam vidit Alexandria Sec. IV. Non tacendum tamen Galenum, qui Iuliano professore ibi vsus est, non de iis sentire tanquam optimis et pro Sophistis habere Com. I. in VI. Epid. T. II. Et hoc loco amicum habuit intimum Heraclianum, medicum insignem. Valentiniano tamen imperante adeo creuit schola medica Alexandriae, ut AMMIANVS MARCELLINVS, qui hanc scholam L. XXII. c. 16. descripsit, dicat: „Medicinae studia Alexandriae angere in dies, vt licet opus ipsum redolet, pro omni tamen experimento, sufficit medico ad commendandam artis auctoritatem, si Alexandriae se dixerit eruditum.“ Plura de studio medico Alexandriae culto dabit HERM. CONRINGIVS de Hermetica medicina C. IX. p. m. 34. Quibus vnum addimus testimonium Geographi veteris a DIONYSIO GODOFREDO editi, qui C. XVIII. p. 23. ait: „Ciuitatem Alexandriae totius pene orbis terrae, solam vera philosophia (eclecticam intelligere, religionibus insignem ex antecedentibus intelligitur) abundare, et varia in ea philosopho-

rum genera inueniri: hinc et Aesculapium „ei medicinae peritiam concedere voluisse, dignatumque id ei praestare, vt per totum orbem medicos spargeret, quo fiat, vt ciuitas „propemodum ista omnibus hominibus initium salutis sit.“ De philosophiae vero studiis Alexandriae vsque ad Saracenorum tempora cultis, praecipue de eclecticorum siue Platoniorum recentiorum scholis cum sequenti sectione, et in historia etiam philosophiae inter Christianos dicendum sit, hic nihil addimus, videndi tamen EVNAPIVS in vita Magni p. 178. et IULIANVS ep. ad Zen. Sed resurrexisse philosophiae et medicae artis studia Alexandriae quoque sub Saracenis, qui initio Sec. VIII. exitum tantum non attulerant, infra dicemus, vbi de philosophia Saracenorum differendum, Narratque BENIAMIN TVDELENSIS in Itinerar. p. m. 121. „Extra urbem Alexandriam „Aristotelicam se scholam offendisse, pulchra „et magna structura, marmoreis columnis inter „scholas collocatis; viginti enim scholas visi, „quia eo ex toto mundo confluerent, quo Aristotelis philosophiam addicerent.“ Id, quod de Saracenorum temporibus intelligendum, quibus vna haec secta obtinuit: quam tamen mature Alexandriae doctam esse Anatolii exemplo suo loco demonstrabimus: nec a vero prorsus abludit fundamenta eius ipsum Alexandrum M. iecisse.

a) In Alexandriam aemulatione literarum accensam fuisse Pergamum, optimasque ibi disciplinas artesque fuisse doctas, tomo primo iam notauimus, et bibliotheca Pergamena fecimus mentionem. Inprimis medicae artis incrementa promouit sanum Aesculapii celeberrimum, de quo in antecedentibus conf. TACIT. Annal. L. III. c. 63. BAYLE dict. T. III. art. Pergame not. D. Meminit etiam Cycli Pergameni SVINDAS in Musaeus Ephesus T. II. p. 578. vbi verisimili coniectura putat KVS TERVS fuisse Pergami Museum, vt Alexandriae, in quo viri docti alebantur, inter quos forte Galenus quoque fuit.

b) In librum Hippocratis de fracturis.

AA

Hist. philos. Tom. II.

ginta decubuit, sanitati postea restitutus; et cum medicinam faceret, et experientiae doctrinaeque suae panderet thesauros, invidiam medicorum Romanorum expertus est. Quae tamen non obstitit, quo minus, felici successu sanatis multis in virorum optimatum notitiam atque amicitiam veniret, inter eruditos vero eius temporis inclaresceret. Inter quos fuit Eudemus, Philosophus Peripateticus magnae famae et existimationis, quem a febre quartana eodem, quo morbum prius is intenderat, medicamine liberauit. Sed et inter aulae proceres Sergio Paulo praetori Barbaro, Seuerio, tunc consuli et postea imperatori Boëthoque viro consulari innotuit, et sectione publica cadaueris instituta, demonstratisque respirationis atque vocis organis, magnam peritiae in re medica famam consecutus est: praesertim cum Boëthi quoque uxorem feliciter sanasset. Quae in curandis aegrotorum morbis felicitas, et in praedicendis eorum euentibus sagacitas cum omnium ore Romae ferretur, vehementer auxit invidiam medicorum, qui aegre ut ei facerent, omiserunt omnino nihil, et conuiciis prosciderunt, quem arte superare nequiuierant: hinc grammatici, et medici dialectici in eum coniecta nomina (*λογίατρος* ipse habet) ^c immo et *παράδοξολόγος* et *παράδοξοποιός*, mirandarum curationum promissoris et effectoris, quod maiora solitis iactare et ostentare auderet. Ita enim ad conuicia magis inimicorum haec postrema nomina cum Cel. CLERICO ^d trahenda esse putamus, quam ad laudes optimatum atque plebis, ut vult LABBEVS ^e. Inuidiae itaque cessurus, simul pestis, quae grassari coeperat euitandae ^f causa urbem reliquit, et in Campaniam se subduxit, et Brundisio, Pergamum vela fecit anno aetatis XXXVIII. A.C. CXLVIII. Verum nec patria frui diu illi licuit, nec otio optato: namque sub exitum eius anni aut sequentis principium ab imperatoribus Marco Aurelio et Lucio Vero, e Parthica expeditione paulo ante reuerso, qui tum Aquileiae morabantur, ut se bello Germanico pararent, in Italiam reuocatus est. Romae itaque iterum se reddidit, et inde Aquileiam ad imperatores properauit. Acrisius vero faciente maximasque strages edente morbo pestilentissimo imperatores cum paucis Romam euaserunt, Lucius in via ictu sanguinis extinctus est ^g, Galenus cum Marco incolumis Romam venit; paulo post imperatore petente ut secum moliente bellum in Germaniam proficisceretur, quod fieri a se non posse Galenus causatus est, eo quod ab Aesculapio, mortifero apostemate sanatus, monitus esset somno, ne Roma excederet. Abeunte itaque et in Quados, Marcomannos ac Sarmatas bellum prosequente imperatore, ipse Romae haesit, et tum artis salutaris exercitio, tum libris scribendis totum se dedit, inter quos libri *de praecognitionibus* sunt, et praestantissima *de usu partium corporis* dissertatio ^h, quaeque aduersus Stoicos et Peripateticos de voce et respira-

^c) De praecognitione.

^d) l. c. p. 663.

^e) l. c. §. 4.

^f) CAPITOLINVS, in Vero c. 8. EV-
TROPI. L. VIII.

^g) Videndi scriptores vitae Antonini philosophi et Veri.

^h) Ex merito passim laudatur hic libellus, vid. FABRIC. Bibl. Graec. Vol. III. p. 550.
et

spiratione disputavit. Quoniam tamen medicis gloriae eius vehementer invidentibus diffidebat, saepe in suburbano imperatoris tempus terebat, eo haud raro vocatus ut Commodi sanitati prospiceret, quem cum febris liberasset, Sextumque alterum imperatoris filium curasset morbo, admodum crevit nominis eius gloria. Ex eo tempore semper mansisse videtur Romae, et quod SVIDAS testatur, etiam sub Pertinace vixit ⁱ, cuius et ipse in scriptis suis meminit ^k. Vtrum vero sub Didio Iuliano, Clodio Albino, Pescennio Nigro, atque Severo eiusque filio Antonino Bassiano vixerit, de eo varia est virorum eruditorum sententia, quemadmodum incertum est, vtrum Pergamum redierit necne, et quo aetatis anno fuerit extinctus? De quibus cum post EVSTACHIUM, LABBEVS atque CLERICVS ^l fuse egerint, lectorem criticae huius disquisitionis pernoscendae avidum ad hos viros doctos remittimus, cum nostri instituti ratio non patiatur, his, quae ad medicinae historiam pertinent, prolixè immorari. Illud laudatorum virorum diligentia extra dubium positum esse existimamus, vixisse Galenum adhuc sub Severo; nam narrat ipse ^m, theriacam, quam praestantissimi usus et efficaciae M. Aurelio imperatori parauerit, post Commodi tempora se imperatori Severo construxisse, imbecilliorum virium, eo quod cinnamomum omne, quod Antoninus habuerat, fuisset consumtum, quodque ipse sibi parauerat, ista tempestate, qua templum pacis conflagrauit ⁿ, periisset. Quae cum ad Lucium Verum, quem sub Severo intelligi viri quidam docti putant, trahinequeant, certissimum inde est, vixisse adhuc sub Severo, et inter medicos, imperatoris locum illustrem obtinuisse. Quidam et in his COELIVS RHODIGINVS ^o CXL ei annos tribuunt, quam insulstatem refutatione opus non habere, recte LABBEVS ^p pronuntiat, qui vulgare inde enatum proverbium putat, quo Galenica sanitas pro ea, quae ultra, quam solenne, in offensa est, dicitur. Nec in alium censum, quam inter Graeculorum fabulas referendum, quod GLYCAS ^q habet: Galenum in Magdalenam incidisse, et audiuisse ex ea, Christum quendam a natiuitate coecum curasse; et respondisse: necesse fuisse, ut Christus terrae metalla bene cognita habuerit, alioquin visum coeco restituere non potuisset. Quae ex ipsius Galeni aetate recte refutat Glycas. Alii LXXX, alii LXXXVII, alii LXX ei annos tribuunt ^r, quos sequitur SVIDAS ^s,
Aa 2 et

et imprimis Syll. Script. de V. R. C. C. II. p. 144. seqq.

i) loc. cit.

k) De libris propriis c. 13.

l) II. cc.

m) De antidotis c. 13.

n) Multa scriptorum suorum tum amisisse ait. De libr. propr. l. c.

o) Antiq. leſt. L. XXX. c. 12. p. m. 1157. qui

sine morbo sola virium defectione obiisse ait, conf. CLERIC. l. c.

p) loc. cit.

q) Annal. P. III. p. 231. Pertinet in eundem censum fabula de eius in Iudaeam profectioe, ut miracula Christi videret, conf. LABBEVS l. c. et FABRICIVS p. 526.

r) Vid. quos nominat LABBEVS l. c.

s) loc. cit.

et calculo suo probat LABBEVS¹, paulo vero diutius vixit, si quod Tzetzes vult, Caracallam viuendo attigit. Scripsit libros plurimos non medici tantum argumenti, sed et philosophici, rhetorici et grammatici; qui tamen periere fere omnes, medicorum parte magna ad nostra tempora seruata². Pauca quae ad philosophiam spectantia nobis restant, sunt: *de optima doctrina contra Fauorinum*, vbi Sceptici refutantur; *quod optimus medicus sit quoque Philosophus*; *de cognitione et medela affectuum*, *de placitis Hippocratis et Platonis*; *de usu partium corporis humani*, *commentarius in Platonis Timaeum* etc. Licet vero maxime sobrie philosophatus sit in illo, *de usu partium* libro, inuenti tamen sunt, qui atheismi notam ei inurerent; alii enim Mosis cauillatorem esse caussati sunt; aliis Epicureus visus est, aliis naturalista, aliis immortalitatem animae negasse dicitur, quorum loca dedit Cl. REIMMANNVS³. Qui omnes vna illa demonstratione sapientiae diuinae, ex usu partium corporis humani refutari possunt; qui vero Epicureismum ei obiciunt, ignorant nullam sectam Galeni demonstrationi magis aduersari, quam hanc. Ferenda quoque ea sunt in homine gentili, et a sectarum praeiudiciis nondum libero, quae sanctiori philosophiae repugnant. Tribui quoque solet Galeno *historia philosophica*, siue placitorum philosophicorum apud Graecos enarratio; verum vnum idemque scriptum esse, cum eo, quod de *placitis Philosophorum* scripsit Plutarchus, sed neutrum integrum, ex collatione patet, recteque obseruatum IONSIO⁴, vnum ex altero posse suppleri. De rationali etiam philosophia figurae quartae inuentione meruit. Sectae vero nulli ex integro addictus per omnes exploratoris instar discurrit, et quodcunque placebat elegit. Et in dialecticis quidem plerumque secutus est Aristotelem, cuius libros *de categoriis*, *de interpretatione*, *analytica priora et posteriora* commentariis illustrauit: et, quod laudem meretur, doctrinae de demonstratione clariorem lucem accendit. Sed et Stoicam dialecticam excussit, et in *Chrysippi libros logicos* scripsit, etiam *de theoria logica secundum Platonem* commentatus est. Vitae porro felicitatem secundum Epicurum, et voluptatem quoque Epicuream scriptis exposuit; pro Epicteto quoque contra Fauorinum scripsit. Multis etiam scriptis Platonice philosophiam illustrauit, quae tamen periere, de quibus ipse in scripto *de libris propriis* videndus⁵. Non inepte itaque suo modo inter eclecticos Philosophos Galenum retulit GAUDENTIVS⁶.

SECTIO

¹) loc. cit. p. 523.

²) Ex CHARTERII editione, ea quae supersunt enumerat MERCKLINVS Lind. renou. p. 184. et FABRICIVS l. c. p. 528. seqq. suntque numero CLXX. conf. Aët. phil. Vol. II. p. 72.

³) Hist. atheismi C. XXXV. §. 2. p. 238. seq.

⁴) De Scr. Hist. phil. L. III. p. 268.

⁵) Conf. de his omnibus FABRIC. l. c.

⁶) De phil. Rom. C. XXXVI. p. 124. seqq. qui tamen multa miscet huc non pertinentia.

SECTIO QVARTA. DE SECTA ECLECTICA.

§. I.

Platonica, quam hucusque enarrauimus, secta eclecticam genuit, *Secta eclecti-*
monstrofi nominis generisque philosophiam, si nomen natiua *ca unde di-*
significatione adhibeatur. Secta enim cum dicatur, quae vnus *cta?*
potissimum philosophi rationem philosophandi, quodque sibi construxit,
systema doctrinarum sequitur; eclectica vero methodus ea sit, quae ex
omnium sectarum placitis ea sibi eligit, quae veritati propiora sunt, et
propriis meditationibus iungi apta; exque iis proprium doctrinae excitat
aedificium; clarum inde est, sectariam philosophiam adeo repugnare
eclecticae, vt in vnum redigi corpus nequeant. Nec si proprie appella-
tionem accipiamus, eclectica philosophia noua est, sed antiquissima,
maximisque viris sectarumque conditoribus omnibus vsitatissima. Py-
thagoram enim ex Aegyptiorum, et si quosdam audias, orientalium pla-
citis, Phaenicumque philosophia, Graeciaeque veteris theologia systema
suum confluxisse; Platonem ex Italica, Socratica et Heraclitica philoso-
phiae nouum eius genus condidisse, Zenonem Pythagoreorum, Hera-
cliteorum, Platoniorum, Dialecticorum, Cynicorum placita nouo, quod
in porticu condidit systemati intulisse, sicque alios quoque nouarum se-
ctarum auctores instituisse rem suam, tomo primo, vbi Graecarum se-
ctarum historiam enarrauimus, ita demonstratum est, vt dubium super-
esse queat fere nullum. Et si enim videri voluerunt nouo systemate,
omnes ante se philosophos reliquisse, et alia longe atque meliora priori-
bus dedisse, quod imprimis de Aristotele et Epicuro suo loco notauimus,
intelligendum id tamen est, non quod nihil ab aliis acceperint, sed quod
ipsa systematis noui constructio, et expositis propriae meditationis prin-
cipiis excitatum doctrinae aedificium noua sint, et veteribus indicta;
sumtis tamen ex veteribus, quaecunque in rem suam verti posse crede-
bant, quae causa est, cur PLATO ^a et ARISTOTELES ^b eclecti-
cam philosophandi viam laudauerint et commendauerint. Immo multa
ex veteribus in sua vtrumque arua, non laudatis auctoribus, sed repre-
hensis quoque, transulisse, exemplis et testimoniis in eorum historia con-
firmauimus. Neque tamen mirum, viros eclectica ratione philosophan-
tes sectarum auctores factos esse. Idem enim et ipsis et discipulis eorum
accidit, quod et nostris temporibus, quibus eclectica philosophia postlimi-
nio reuocata et reducta est, accidisse nouimus, vbi sectarum inter eclecti-

Aa 3

COS

^a) In Charmide T. II. p. 161. Prot. T. I. p. 347.

^b) Ethic. L. I. c. 4. conf. Vita eius ab AM-
MONIO scripta.

cos philosophos nomina ignota sunt nemini, ipsaque eclectica philosophia nobis Gassendistas, Cartesianos, Newtonianos, Leibnizianos, etc. peperit. Ambitionem enim, quae caput sectae euadere cupit, hancque sibi summa cum iucunditate gloriam vindicat, quod sola et prima faciem ad veritatem praetulerit humano generi, in ipsis sectarum conditoribus saepe regnantem multum ad condendam sectam contulisse, Platonis et Epicuri ex veteribus, Cartesii ex recentioribus exemplo constat. Factum tamen saepe est, ut magnis viris a sectae studio abhorrentibus adeo in vnius viri placita coniurauerint discipuli, auctoritatis et venerationis praeiudicio ducti, suisque in inquirenda veritate viribus diffusi, ut qui sectam condere nunquam cogitauit, sectae caput atque conditor factus sit. Ex quibus manifestum est, hic ubi de secta eclectica agitur, communem propriamque sectae significationem esse deferendam, eoque nomine intelligendam certam philosophorum familiam, quae non tam ipsa placita quam ratiocinandi modum methodumque philosophi alicuius secuta est, hancque successionem multorum philosophorum propagauit, varia vero diuersarum sectarum dogmata in vnum ire coëgit doctrinae aedificium. Quam genuinam fuisse sectae eclecticae faciem, ex sequenti tractatione luculenter dispalescet. Negandum tamen non est, sectae potius nomine, quam eclecticae philosophiae titulo dignos esse hos homines, qui cum ex Platonico-Pythagoricis Alexandrinorum scholis prodierint, Platonicum philosophandi genus nomenque valde adamarunt, ut in sequentibus dicemus. Immo, si fatendum, quod res est, nec eclecticum illis nomen debetur, qui non in eligendis veris, sed in conciliandis et in vnam quasi massam chaosque magnam partem informe conflandis diuersissimarum opinionum generibus fuere diligentissimi, sic ut conciliatorum potius vel syncreticistarum nomen mereantur. In hoc tamen vno eclecticum quid in iis deprehenditur, quod nullus inter eos ita in magistri verba iurauerit, ut non propria ingenii commenta nugasque nouo affricaret systemati, sicque ineptum philosophiae genus nouis inuentis adaugeret, et si Diis placet, ornaret cumularetque. De quibus omnibus in sequentibus dicendi campus se nobis pandit amplissimus.

*Origo sectae
eclecticae.*

§. II. Sed ut propius origines famosae sectae, cuius vsque ad nostra tempora historia valde obscura et ignota fuit, cognoscamus, ad ea, quae tomo primo de philosophia inter Aegyptios, ubi nata et educata est, diximus, potissimum attendendum est, ex huius enim regionis indole

c) Pauca fereque nulla sunt, quae de hac secta veteres habent, cuius potior ratio haec esse videtur, quod Potamonis, qui sectam condidit, institutum cum ipso auctore obierit quasi et exspirauerit, Ammonii vero Plotinique schola Platoniorum nomine plerosque deceperit. Vnde recentiori demum tempore lux eius historiae allata est, viris doctissimis GODOFR. OLE-

ARIO, de secta eclectica, duabus dissertationibus, quas STANLEII Hist. phil. p. 1205. sqq. affixit, et IO. LAVR. MOSHEIMO de turbata per recentiores Platonicos ecclesia disputantibus, quae et CUDWORTHII systemati et Vol. diss. Hist. ecclesiasticarum, p. 85. sqq. inserta est.

dole moribusque potissimum eius origo est deriuanda. Tomo vero primo fufe iisque quae rem conficere apta sunt, testimoniis rationibusque demonstrauius, theologiam non tantum Aegyptiacam veterem mutationes varias fuisse passam, et, cum sacris potissimum disciplinis constaret, in syncretismum diuersarum religionum degenerasse, praesertim vbi peregrinae gentes, inque his Persae terram hanc inuasissent, sed pronos quoque fuisse Aegyptios, gentem superstitioni cultibusque Deorum longe deditissimam, ad recipienda quaeuis religionum per omnem terrarum orbem diffusarum dogmata, nec pauca in adyta et templa sua transtulisse. Porro monuimus, ex quo sub Alexandro M. eiusque successoribus summa rerum in Aegypto ad Graecos rediit, attemperauisse se sacerdotes Aegyptios non moribus tantum, sed placitis quoque victorum, et non tantum patriam doctrinam ad Graecae eruditionis praesertim theologiae quae mythologiis comprehendebatur normam inflexisse, sed philosophiae quoque Graecanae, cuius sub Alexandro eiusque successoribus per totum fere orbem maxima fama et existimatio fuit, magnum statuisset pretium, ne Graecis viderentur doctrina inferiores: maxime tamen Pythagoricae et Platonicae philosophiae doctrinam admisisse, eo quod omnium sectarum lucidissime et amplissime de Diis differeret, et occasionem offerret, elegantissima methodo, superstitionem vulgi, patriasque traditiones cum philosophia conciliandi, ex quo non potuisse non euenire, docuimus, vt syncretismus religionum et philosophiae in hac secta inualesceret. Quae res eo magis incrementa sumsit, quo magis in Aegypto, maxime Alexandriae, tot diuersarum religionum hominibus scatente, omnis generis placita recepta erant, et in vnum quasi chaos poterant coire, vnde mirum non esse diximus, quod ad ipsos Iudaeos ista accommodatio religionum ad doctrinam Pythagoreo-Platonicam transferit, vt hoc infra in historia philosophiae Iudaicae faciemus manifestissimum. Sed et hoc ad origines philosophiae eclecticae cognoscendas repetendum est ex superioribus, philosophos Alexandrinos, qui sub Ptolomaeo Physcone, extrema hominis amentia expulsi et per omnes delabi terras ad euitandam tyrannidem coacti sunt, inque Asia scholas instituerunt, enatum circa ista tempora, vel paulo supra, nouum philosophiae Orientalis genus, quod ex Zoroastris disciplina ceu ex fonte manasse, infra, vbi de eo quoque edifferendum erit, dicemus, quodque in delineandis genealogiis Deorum eorumque ex summis diuinisque fontibus emanationibus occupatam de rerum etiam sublunarium et materiae omnis conditione disputauit, didicisse, et quamuis illi philosophastri Platonem mire contemnerent, Platonico-Pythagoricos eo magis tamen has nugas admisisse, quo magis syncretismo religionum suo fauerent, et cum Pythagorico-Platonicis conciliari possent, venerabile quoque Zoroastris nomen prae se ferrent, a quo philosophiam suam Pythagoram, vt ab Hermetis Aegyptii posteris, accepisse, communi tum traditione credebatur. Id quod
cum

cum efficeret, vt Zoroastrianæ et Hermeticae philosophiæ titulo ornari posset philosophia, quæ in Aegypto florebat, Pythagorico-Platonica, magnum inde nominis famæque atque dignitatis ei ex hac re, incrementum accederet. Contulit etiam aliquid ad hanc Alexandrinorum conciliatricem philosophiam Graecarum sectarum conditio. Dogmatici enim cum se inuicem mutuis aggredierentur praeliis, et quam infirmæ essent assertiones pleraque, et quam precaria tota dogmatica philosophia, prodebant ^d, et Scepticorum atque Academicorum gladiis cateruatim quasi cadebant. Quod quam valide aperuerit ingeniis supra vulgus sapientibus oculos, et scepticismum genuerit, suo etiam loco demonstrauius. Cum vero et scepticismus videretur infans, et ab humani intellectus natura remotior, et inuidia odioque esset plenus, non potuere non ad certam quandam eligendi ex variis sectis doctrinas libertatem ingenia excitari, et ad hanc spem erigi fore, vt hac demum ratione veritatem inter omnes hæctenus sectas dispersam colligerent: cuius rei exempla ex supra adductis Plutarchus atque Galenus esse possunt. Multum hoc consilium confirmauissæ philosophos Alexandrinos, qui omnium sectarum et religionum conciliationi studebant, per se intelligi potest, nec Oedipo opus habet: vnde eo audentiores progressi, de consiliis suis maturandis dies noctesque cogitabant. Quam tamen rem ad perfectionem perduxit Christiana religio, eo tempore etiam inter Aegyptios, et inprimis Alexandriae sparsa, quibus philosophia Pythagorico-Platonica valde inualuerat. Cum enim sanctissima veritas miraculorum splendore atque doctrinae sanctitate mire inter populos, etiam Alexandriae cresceret, et exorientis solis instar, reliqua lumina extingueret, labascere valde coepit, vt gentilis omnis, ita Aegyptiorum quoque superstitio: cuius cum non exiguum fulcrum esset theologia philosophorum, qui in Pythagorico-Platonicis docebant scholis: illi sua interesse rati, vt rebus suis succurrerent, quouis modo annisi sunt. Idque factum tum arma contra Christianam religionem sibi parando, tum ea, quæ non poterant vel refellere vel etiam contemnere, exque animis hominum eiicere, imitando, easque doctrinas ita in *πανδοχείῳ* philosophiæ suæ, omnibus religionibus aptum sinistra conciliatione recipiendo, vt tamen salua maneret philosophiæ suæ auctoritas integrique eius cardines. Quod incautius adiuerunt Christiani quidam doctores, in horum hominum scholis istam philosophiam edocti, qualis Pantaenus, et Clemens Alexandrinus, et ante hos Hermae pastoris architectus fuere, qui nescio quam salubrem et eclecticam apud eos philosophiam se inuenisse rati, retia inimici infernalis non caute satis dignouerunt. Quod tamen in apertam sectam non erupit, ante seculi post C. N. secundi finem, tertiique initia, vbi philosophorum discor-

^d) Factum id Alexandriae quoque esse, memorabili Hieroclis loco infra in Ammonio Sacca probabimus.

^e) Videnda quæ ad *ΕΥΤΥΧΙΟΥ* de ecclesiæ Alexandrinæ originibus eruditissime commentatus est illustris IOAN. SELDENVS.

scordiae; conciliatricem philosophiam in sectae formam redigendi occasionem dedere Potamoni homini Platonico: cuius res cum non eo, quo cupiebat, modo successissent, eo quod Platonicae magis, quam reliquarum religionum notitiam Potamo habuisse videtur, nouo consilio audaciorique fronte hanc syncretisticam statuminare sectam aggressus Ammonius Saccas ex Christianorum castris transfuga, tale tandem philosophiae systema condidit, quod his finibus obtinendis erat aptissimum; quod qua ratione egerit, quidue consilii suscepit, in sequentibus data opera diligenterque enarrabimus. Ex dictis enim patebit, hos homines, suppositae quasi basi philosophiae Pythagoricae inaedificasse monstrosum aedificium, quod nobis doctrinas Aegyptiacas, Orientales, et Christianas, Pythagoricis et Platoniciis attemperatas exhibet: vt ex dicendis luculenter, vt speramus, constabit.

§. III. POTAMO itaque non quidem rationis istius philosophandi quae ἀκέφαλος καὶ ἀνόημος ante eius tempora in scholis Pythagorico-Platoniciis obtinuit, sectae tamen peculiaris, ab isto conciliandi, omnesque alias in vnam conflandi studio, eclecticae vocatae auctor est *f*. De cuius hominis circumstantiis mirum est apud veteres silentium, vnus enim LAERTIVS *g*, et post eum SVIDAS *h* atque PORPHYRIUS *i* eius meminit: ex quo, nisi fallimur, certo constare potest, mox in ipso ortu suffocatum Potamonis partum condendique sectam laborem fuisse, alio nempe, vt infra dicetur, felicius meliusque eius partes tuente. Quare pollicem premere non possumus, viris doctissimis, et in veteris philosophiae historia exercitatissimis, qui a Potamone institutam hanc sectam per duo integra secula post C. N. continuasse, variisque hominibus eruditissimis floruisse, donec ab Ammonio reformaretur, putant. Vt enim ab eclecticico vel etiam syncretistico ratiocinandi et philosophandi modo ad peculiarem hoc nomine constitutam sectam nulla est consequentia, cum si ea esset, longe ante Potamonem eius origo esset quaerenda, vt §. primo ostendimus: ita nullo modo probabile est, sectam tam illustrem, vt celeberrima nomina, v. g. Plinium, Galenum, Plutarchum eiusque praeceptorem Ammonium, et ex Christianis primae dignitatis et notae viros, e. g. Clementem Alexandrinum comprehenderet, omnibus scriptoribus eo nomine mansisse indictam. Quod solum argumentum, vt deficientibus monumentorum testimoniis coniecturis verisimilibus res definienda est, ita sufficit, vt Potamonem non eo iam, quo volunt viri docti tempore ex Pythagorico-Platonica siue syncretistica Alexandrina nouum sectae nomen et institutum cudisse, statuamus. De hoc vero Potamone ita LAERTIVS, *ἐστὶ δὲ πρὸ ὀλίγου καὶ ἐκλεκτικῆς αἵρεσις εἰσῆχθη ὑπὸ Ποτάμωνος τῷ Ἀλε-*

Potamo.

f) Conferendus omnino SVIDAS in αἵρεσις, T. I. p. 656.

g) L. I. f. 21.

h) l. c. et in Potamo T. III. p. 161.

i) c. 9. p. 108. Bibl. Graec. FABRIC. Vol. IV. quam editionem in allegando semper sequimur.

ξανδρέως, ἐκλεξαμένους τὰ ἀρέσσαντα ἐξ ἐκάστης τῶν αἰρέσεων, quibus postea eius placita quaedam subiungit, quae in sequenti paragrapho dabimus. Exscripsit hunc locum Suidas, qui et in altero de eo dicit, vixisse *πρὸ καὶ μετ' Αὐγέστου*. Tertius Porphyrius, hoc habet: *διὸ καὶ ἐπελήρωτο αὐτῷ ἡ οἰκία, παίδων καὶ παρθένων· ἐν τέτοις καὶ ἦν ὁ Ποτάμων, ἐ, τῆς παιδεύσεως φροντίζων πολλάκις ἐν καὶ μεταποιῶντος ἡγερούσατο*. Fecit obscuritas textus tum Suidae tum Porphyrii, iuncta silentio veterum de Potamone, unde lux alias quaedam affulgere posset, ut in sententias valde inter se diuerfas de Potamonis aetate digrederentur viri docti. Et si Suidae textui fidentum, Augusto imperante vixisse Potamonem adeoque illum (quod et acutissimus FABRICIUS monuit,) a Potamone Plotini aetate viuente distinguendum esse, nulla prorsus esset controuersia. Sed Suidae textum vehementer suspectum fecit ipsa temporis ratio: Augustus enim cum L fere annis imperauerit, impossibile videtur, Potamonem et ante Augustum et post eum floruisse. Vidit difficultatem, nodum tamen ne tangere quidem, multo minus soluere ausus est VOSSIVS ^k. Et doctissimo quoque MENAGIO ^l suspectum fuisse tempus Potamonis ex eo colligitur, quod sibi videri ait, Potamonem illum Alexandrinum Dionis paucorumque similibus exemplo motum eam philosophandi viam instituisse, quae sapientiae candidatos necessitate alieno arbitrio feruendi solutos in libertatem affereret. Cum enim Dio Chrysostomus cum Apollonio et Euphrate Domitiani et Vespasianorum temporibus floruerit, non potest illius exemplo commotus esse Potamo, si sub Augusto vel etiam ante eum floruerit. Propius nodum hunc considerans B. OLEARIVS ^m, cum soluere non posset, ut haberet, quod de secta eclecticae certum diceret, fecuit, coniiciens, liberaliter nimis indicatam a Suida Potamonis aetatem emendationem critici passam esse, qui cum apud Suidam legeret: *πρὸ Αὐγέστου*, margini suae alleuerit *μετ' αὐτόν*, quae voces postea in textum admissae, ut saepe factum obseruamus, et cum reliquis coniunctae fuerunt. Et hac ratione forte melius se tueri posse, quod Laërtius ait, haud ita pridem philosophiam illam introductam esse. Antea enim obseruauerat vir accurato pollens iudicio, illud Laërtii: philosophiam Potamonis *πρὸ ἐλγος* inuectam, non tam antiquam facere Potamonis disciplinam, quam Suidas refert. Paulo prolixius post Olearium in hanc Potamonis aetatem inquisiuit vir multae in veterum historia lectionis et iudicii CHRISTOPHORVS AVGVSTVS HEVMANNVS ⁿ, qui cum Laërtii aetatem definire vellet, ad hanc sectae eclecticae epocham potissimum respexit, cumque non sufficere ipsi viderentur momenta, quibus IONSIUS, FABRICIUS et DODWELLVS euicerunt, serius, quam sub Antoninis, quae communis est opinio, vixisse Laërtium, origines sectae eclecticae *κρητήριον* statuit, ex quo de certa Laërtii aetate queat iudicari, cum

is

k) De sectis c. XXI. §. 23.

l) Ad l. c. Laërt.

m) Diff. de philos. eclect. §. 2. l. c.

n) Act. philos. Vol. I. p. 327.

is *πρὸ ὀλίγου*, paulo ante sua tempora hanc philosophandi viam a Potamone institutam fuisse fateatur. Potamonem vero, vt non Augusti aetate, sed ferius multo vixisse, demonstraret, eumque Laërtii temporibus fuisse vicinum assereret, Potamonem Porphyrio memoratum, quem ab eclecticae sectae conditore distinguendum monuerant Fabricius et Olearius, eundem esse, qui Suidae ante et post Augustum vixisse dicitur, statuit, Porphyrii vero locum falsa Ficini interpretatione corruptum, non ita intelligendum esse putat, vt Potamonem fuisse discipulum Plotini dicat, sed, referendas esse voces, *ἐν τέτοις*, quas ad pueros, quorum educationi Plotinus praeerat, retulerat Ficinus, ad viros illustres nobilissimosque, quos morti cum vicini essent, filios suos commendasse tutelae Plotini a Porphyrio narretur. Sensum itaque loci Porphyriani integrum hunc esse; inter viros generis nobilitate conspicuos, feminasque, qui moribundi liberos cum omnibus facultatibus Plotino tanquam sacro cuidam custodi tradiderint, sic vt domus eius puerorum virginumque plena esset, fuisse etiam Potamonem, cuius olim institutione gauisus fuerit Plotinus, eumque audierit, cum ex multis sectis vnā faceret. Quia enim verba Porphyrii, *πολλὰς ἐν καὶ μεταποιῶντος*, vel plane nullum vel obscurissimum sensum fundunt, corruptum hunc locum putat doctissimus Heumannus, legendumque *πολλὰ εἰς ἐν μεταποιῶντος*, leuissima mutatione. Quibus positis concludit, Potamonem fuisse seniore Plotino eius discipulo, qui cum Alexandro Seuero, Maximino et Gordiano imperantibus vixerit, et antequam ad Ammonium accederet, alias philosophorum Alexandriae scholas ingressus sit, quod ante A. C. CCXXXII. factum esse debuit, certum inde esse, docuisse Potamonem Alexandriae sub Alexandro Seuero, licet incertum sit, quot ante eum annis iam docuerit. Suidae vero locus cum manifeste corruptus sit, emendandum eum vel ita, vt librarii audacia ex verbis: sub Alexandro, factum sit, sub Augusto; vel vt vox, Alexandro, exciderit, scribente Suida *πρὸ Ἀλεξάνδρου Αὐγούστου*, vt ab Alexandro M. distingueretur. Non ab ingenio tantum et eruditione, sed a verisimilitudine quoque in tanta argumenti obscuritate commendare se sententiam doctissimi Heumanni, nemo rerum peritus facile negauerit; Quam nec sibi displicere fassus est, qui hodie Goettingensium Academiam magna criticae potissimum et philologicae eruditionis laude ornat, IO. MATTHIAS GESNERVS^o, eo quod et ipse Suidam, et Potamonis aetatem ab eo indicatam deferendam putat. Qui cum datam a doctissimo Heumanno explicationem loci Porphyriani coactam putaret, si naturalis constructionis ratio haberetur, nec *φροντίζεν τῆς παιδείας* sensum eum esse statueret, attendisse cum cura Plotinum, quare ratione doceret discipulos Potamo, vt vult Heumannus, vocem etiam *ἡγεῖσάτο*, et actiue et passiue vsurpari, et intelligi posse moneret, sensum hunc quidem verborum Porphyrii esse putat: inter filios curae Plotini

Bb 2

com-

^o) Aet. philos. Vol. I. p. 851. seqq.

commiffos fuiffe etiam Potamonem, adeoque aetatem Potamonis iuniorum Alexandri Seueri imperio ftatuendam effe. Verba autem Porphyrii obfcura fanumque non fundentia fenfum ita emendanda effe: Οὐ τῆς παιδείσεως φροντίζων, πολλάκις μὲν καὶ μεταποιῶντος ἡκροάσατο, hoc fenfu: in quo Potamone inftituendo cum occupatus effet Plotinus, faepe etiam commutantem vices, difcipulum Potamonem audiebat. Ita nempe patientiam Plotini laudari ingeniumque Potamonis, quem differentem interdum exercitii, excitandique eius animi cauffa aufcultauerit Plotinus. Suidae autem locum ita omnium optime emendari poffe, vt ex AYP. id eft Aureliano ab exfcriptoribus factum fit AΥΓ leuiffima facillique mutatione, cum litera P et Γ. fibi valde fint fimiles. Auguftum enim non poffe intelligi, cum tantam longaeuitatem non tetigerit L V C I A N V S inter μακροβίους. Difplicuit Gefneriana loci Porphyrii explicatio Heumanno, qui modeste quidem, accurate tamen eam examinauit^p. Monet is, non pati costructionis rationem, vt ad pueros Plotini fidei commiffos referatur Potamo; effe enim eam propofitionem tantum incidentem, maiorem vero et principalem illam effe; homines multos nobiliffimos liberos fuos Plotino curandos poft mortem fuam tradidiffe. Propofitioni itaque incidenti, fi connectendus effet locus Porphyrii, dicendum fuiffe, ἐν οἷς ἦν καὶ Ποτάμων κ. τ. λ. aft non ita fcripffie Porphyrium, fed pronomine vti ἕτος, quod ad proximam thefin principalem, non ad incidentem Graecos, immo et alias gentes folere referre, et ita fubiectum principale, quod vocant, demonftrare, aliquot locis ex facris N. T. oraculis corroborat, particula, δὲ, autem addita nouam inchoari periodum monet. Vrget porro, fi Potamo difcipulus fuiffet Plotini, Porphyrium eum non fuiffe omiffurum in catalogo difcipulorum Plotini, qui inclaruerunt. Addit porro, παιδευσιν innuere institutionem actiuam, docendique modum, παιδείαν, vero paffiuam, inter ἡ autem et τῆς παιδείσεως apud Porphyrium comma ponendum illudque ad ἡκροάσατο referendum effe, vt ita actiua et frequentior fignificatio vocis mediae feruetur. His a viro docto pofitis, fenfus loci obfcuriffimi hic eft: Plotinum, cum modi inftituendi docendique, (quem tenebant profeffores Alexandrini) explorandi cauffa effet valde follicitus, faepeque commutaret praeceptores, (id eft mox ad hunc mox ad alium accederet) etiam interfuiffe acroafibus Potamonis, viri celeberrimi et nobiliffimi. Interceffit, vero et tertius controuerfiae arbiter vir πολυμαθέςατος, nimisque maturo fato bonis literis ereptus I A C O B V S H A S A E V S, qui magno eruditionis apparatu paulo ante mortem Heumannianam de aetate Potamonis fententiam examinauit, cuius differtationem poft fratris mortem a Cel. T H E O D O R O H A S A E O Heumanno transmiſſam hic quoque nobis legendam exhibuit^q. Non negat is, ita comparata effe, quae haftenus de hoc argumento difputata erant, vt faepe fibi, vtram in partem inclinaret, dubiam mentem traheret. Locis ta-

men

p) l. c. p. 859.

q) Aft. philof. T. III. p. 711. feqq.

men ipsis, quibus vniuersa vtriusque partis fulcitur sententia, meditata cura perpenſis, poſtquam compertum ſit, in vnoquoque eorum vel interpretando vel cum altero conciliando, aliquid fortaffe humani paſſos eſſe viros doctos, ad examen controuerſiae et ſeſe accinxiffe. Ponit vero ad excutiendam de Potamonis aetate diſceputationem prima acie Suidam, propterea, quod certum tempus, quo ille floruerit, definiuerit. Illius vero verba haec eſſe: γεγονὼς πρὸς Αὐγύστου καὶ μετ' αὐτῶ. Eius iudicio quidem hoc loco ſtandum eſſe monet, qui licet recentiorum multo temporum ſcriptor ſit, et tot ſeculis ab Auguſti aetate remotus, eo tamen nomine, quod ea, quae ſcripſit, verbum verbo ex antiquioribus monumentis, noſtra aetate deperditis tranſcripſerit, optimam fidem non quidem ſuo, ſed alieno teſtimonio promereatur; eum vero de Potamone eclectico agere, de quo alio loco Laërtium exſcripſerit. Eius verbis autem, cum omnem omnino fidem ſuperet, floruiſſe Potamonem ſupra LVII, quibus imperio praefuit Auguſtus, annos, non afferendam eſſe criticam violentamque medicinam, vt fecere viri docti ſupra nobis memorati, ſed in ipſa verborum Suidae conſtructione explicationem latere. Nempe praepoſitionem μετὰ cum accuſatiuo peruulgatum in morem Graecae linguae non ſignificare tantum poſt, ſed et cum, etſi perſonae rebusque iungatur, vel eiſdem ſociam operam, vel aetatem, qua ipſe vixit, non tantum, quae eius vicem exceperit, indicare, cuius complura exempla alio in argumento collegit FABRICIVS, ipſeque vir doctiſſimus, ex ſacris potiſſimum paginis, exemplis roborat. Senſum itaque ſani apud Suidam loci eſſe, vixiſſe Potamonem, non ante Auguſtum tantum, ſed eius etiam temporibus. Deinde quod ad Laërtii locum attinet, quo πρὸς Ἀλγύου emerſiſſe eclecticam ſectam narrat, quoue concluditur paruum aliquod temporis ſpatium anteceſſiſſe aeuum Diogenis Laërtii, ex quo Potamon Alexandrinus orbem literarium eclecticae philoſophiae ſtudio, dum in viuis erat, illuſtrauerit, non tantam eſſe inter Suidam et Laërtium pugnam contendit praetantiſſimus Haſaeus, quo minus ex aequo et bono non queant componi quam amiciffime. Obſeruat nempe: Laërtium id non agere, vt de induſtria certam aetatem Potamonis designet, aut primordia ſectae eclecticae excutiat, ſed id ſibi negotii datum credidiſſe, vt varias philoſophorum familias ſummatim et velut in tabella vna cum ſuis principibus, lectori in ipſo operis exordio perluſtrandas exhibeat. Proinde antiquiſſimas ſectas cum auctoribus ſuis cum enarraſſet, quae ſuam aetatem multis annorum centenariis antecederent, monere eum tandem paucis, eſſe ſectam quandam, nec adeo pridem, ac quidem illae, quas nominauerat, conditam ab Alexandrino Potamone. Loqui itaque Laërtium, non ſimpliciter, ſed ſecundum quid, nimirum comparatiue et relatiue, hoc eſt in aliarum antiquiſſimarum ſectarum oppoſitione. Quo modo ſaeculi ſecundi ſcriptor aliquis merito dicere potuerit, ſectam ſub Auguſto enatam, haud ita pridem exortam fuiſſe; cum mos hic omnium fere popu-

lorum sit, de rebus iis, tanquam quae nuper contigissent, si ad veteres referantur, loqui, etiam si quaedam interea secula effluxerint. Esse etiam nihil frequentius, quam ut scriptores, quotiescunque sectam commemorant, qua, ut censetur, seu una seu plures antiquiori iure gaudent, eandem nouitatis nomine insigniant, ut ante plurimorum annorum centurias iam pridem suos nata sit natales. Cuius exemplum affert Christianae religionis sectam, Augusteo seculo in hunc mundum prodeuntem, quae tamen Diocletiani temporibus in edicto imperatoris noua religio et nouella secta appellatur. Tandem ad locum Porphyrii intricatissimum conuersus, rem omnem monet eo redire, utrum verba: ἐν τέτοις referenda sint ad filios Plotino traditos, an ad parentes Plotino tradentes? Primae sententiae accedit vir doctissimus, eo quod naturali constructioni nihil videatur accommodatius, quam hoc relatiuum referre ad proximum subiectum, non vero ad remotum: Vbiq̃ue enim, si res recte aestimetur, filios hoc esse subiectum principale, ad quos sequentia referantur. Deinde constructionem hanc, ait, scopo atque nexui loci Porphyriani esse peridoneam, cum ex fine orationis et subiecto, de quo est primaria ratiocinatio, aperte perspiciatur, vbicunq̃ue locorum in veterum scriptis duplex occurrit, sequente relatiuo, propositio, utrum cum ea, quae proxime antecedit, an vero cum altera, quae remotior, sit coniungenda propositione. Scopum autem Porphyrii non fuisse alium, quam ut recenseret, quo animo et institutione usus fuerit Plotinus erga fidei suae commissos vtriusque sexus orphanos: de iis principalem esse sermonem, incidentem tantum de parentibus. Sequi etiam, si ἐν τέτοις ad parentes referendum sit, Potamonem tradidisse liberos suos Plotino. Non posse vero cum eius moribus componi, adduci potuisse hunc eclecticae philosophiae principem, ut suos liberos Plotino, homini, si quisquam, sectariae doctrinae Platonicae summo defensori propagatorique, educandos sponte concesserit, idque ultimo vitae suae tempore, quo de studiis liberorum et educatione plus solito homines sollicitos esse constat. Tandem hoc adiicit, a Porphyrio non referri inter Plotini, quos nactus est, praeceptores, Potamonem. Qualis vero ille Potamo, quem Porphyrius narrat, fuerit, licet, ut sciamus, parum intersit, putat tamen, cum nullus vnquam Potamo inter discipulos Plotini numeretur, Polemo vero capite vndecimo recensetur, mutandam esse lectionem: *Potamon*, in, *Polemo*, quem, cum eius institutionis curam gereret Plotinus, quod pessimis saepe moribus mutatis vteretur, (πολλὰς ἡδὲ μεταποιῶντος legit) praeceptis omnibus imbuerit.

*Potamonis
aetas des-
nita.*

§. IV. Summa haec est eruditae et modestae disceptationis, de Potamonis aetate, quam inter se reciprocant viri eruditionis et iudicii laude florentissimi. Nihil enim reposuit eruditissimus Heumannus, sed lectoris arbitrio controuersiae iudicium permisit. Haseae partibus nuper se iunxit Ven. MOSHEMIVS, eo quod eclectica philosophandi ratio longe

longe prius, quam Sec. III. initio inualuerit, et recepta iam atque adulta fuerit Sec. II. vt ex CLEMENTE ALEXANDRINO¹ aliisque patet. Poteramus et nos lectoris arbitrio totam controuersiam relinquere, cum quae disputata sunt, facile queant inter se conferri, ipsa vero quae-ctio anceps sit, locisque vel incertis vel corruptis et emendationem postulantibus nitatur: quo fine etiam praeter morem prolixè partium rationes adduximus, praesertim cum pleraque Germanico tantum sermone fuerint proposita. Quoniam tamen instituti nostri ratio postulat, vt quid nos iudicemus verisimilius, lectoris exponamus examini, quaque ratione in historia philosophiae critica de ambiguo argumento decernendum putemus, edisseramus, dabit nobis veniam lector, vt sententiam quoque nostram eadem, qua laudatissimi viri vsi sunt, modestia, enarremus, non vt arbitri nobis partes sumamus, quod a nostro pudore alienum est, sed vt ampliorem de eo argumento cogitandi occasionem exhibeamus lectori. Quam vt paucis delineemus I. praenotandum putamus, loca certiora et euidentiora, incertis et obscuris praeferenda esse: fatemur itaque, neque Suidae, neque Porphyrii locum nobis talem videri, quo fine formidine erroris niti queamus. Prodiderunt id viri nostro encomio maiores, qui medicinam istis locis afferendam esse, omnes concedunt. Quae cum ab iis ex folius ingenii coniecturis absque codicum MSc. auxilio allata sit, pro-ut hypothesin iuuare apta videbatur, patet cuilibet, licet plurimum tantorum virorum auctoritati et eruditioni tribuenti, nihil in iis inueniri, quo tuto niti queamus, sed pro coniecturis tantum omnia esse habenda. Vnde parum abest, quin pro deplorata habeamus inuestigationem aetatis Potamonis. II. Omisso enim loco Porphyrii, de cuius ambiguitate et obscuritate sententiae ipsa facie contrariae, quas ex eo exsculpere viri doctissimi, satis testantur, res omnis ad Suidam et Laërtium redit: quorum narratione semel posita de Porphyriano demum loco dispiciendum esse videtur. III. Suidae vero etsi primum locum recte tribuere videtur *ὁ πρῶτος* Haseus, eo quod tempus accuratius definit, fatemur tamen, nobis quidem minime satisfacere ea, quae pro confirmanda eius auctoritate attulit vir doctissimus. Nam quamuis alios veteres exscripsisse, Suidam satis constet, nemini tamen vel leuiter his literis tincto ignotum esse putamus, Suidam, hominem iudicio plane nullo, nec vlla etiam diligentiae accurate praeditum multa corrasisse, et conscripsisse *ἀνύστατα* maleque cohaerentia, et imprimis in definiendis temporibus misere fuisse hallucinatum saepissime. Cuius fidem vt faciamus, eo minus opus est, quo magis toties iam supinam miseri scriptoris negligentiam luculentissimis exemplis demonstrauiamus, et hac ipsa etiam sectione memorabile exemplum occurreret, qua ratione integris seculis a veris temporum notationibus aberrauerit Suidas, virosque etiam magnos in parem errorem auctoritate sua adduxerit. Deinde nec hoc ignorare possunt historiae literariae veteris gnari,

¹) Strom. L. I. Alia PP. loca afferemus T. III. vbi de philosophia veterum Christianorum agendum.

gnari, Suidae lexicon, quod vocat, male habitum fuisse a librariis et recentioribus compilatoribus, qui naeuos naeuis auxerunt saepe pudendis, et vel primo intuitu detegendis, multa imprimis ex margine in textum irrepisse. Quibus omnibus, cum nota sint admodum et a doctissimo KvSTERO " annotata, prolixè non inhaeremus. Ast tam inaccurato et negligenti scriptori in tanta testium reliquorum penuria fidem adhibere nos iubet Haseus, huncque incertissimae controuersiae arbitrum constituit, qui et tempore ab Augusti seculo fuit remotissimus, et veteres exscripsit negligenter et supine, et in chronologia toties lapsus est turpiter, et personas infinitis modis inter se confudit, et, ubi monumenta vetera integriora secutus est, et excerptis, indignis modis a librariis est corruptus? Hoc si quis teste solo stare voluerit, per nos erit integrum, nobis Suidae fides, ubi sola est, exigui ponderis, et in hac quidem controuersia et contradictione, fere nulla est. Etsi enim non negamus, veteres eum exscripsisse, nemo tamen nos certos reddere potest, eum illorum memorias non corrupisse, vel integras ab illo relatas ab aliis, quod toties factum est, non fuisse adulteratas. IV. Sed ponamus integrum esse Suidae textum, nondum exemit nobis scrupulum de incredibili aetate Potamonis, Haseana responsio, *μετά* cum accusandi casu societatem temporis notare. Non negamus hoc, quod in triuio pueris notum esse debet, sed id addimus, quod a praestantissimis philologis obseruatum est, *μετά* quidem, non semper declarare consequens tempus, sed quandoque interiectum et vicens; ast eo sensu, ut non ultimam temporis partem, quam notat, semper plane exactam et praeteritam esse significet, sed aliquid deesse indicet^x. Quo sensu, ut luculento exemplo illustremus, dixit Seruator *γ, μετά τρεῖς ἡμέρας se surrecturum*, id est die tertio nondum plane exacto, et alibi ^z *μετά τὸ δυνῆσαι*, dedisse in ultima coena *calicem*, id est, coena nondum plane exacta porrexisse poculum salutare. Quae sine dubio causa fuit FR. VIGERIO^a, ut *μετά* cum accusatiuo oratorie tantum *post* significare diceret. Quibus positis nondum euanesceat difficultas verborum Suidae. Ponamus enim, dicere illum, vixisse Potamonem et ante Augustum et cum eo, id est eius temporibus, innuit tamen vis vocolae *μετά*, diu sub eo, licet non integris imperii Augusti annis floruisse, et ad finem vsque vergente eius vita. Quod priorem non tollit difficultatem, sed roborat. Vnde merito cum viris doctis codices Suidae adulterantes manus passas esse, credimus, licet non audeamus medicinam ex sola coniectura afferre; sufficit nobis, Suidae testimonium ad definiendam Potamonis aetatem prorsus esse ineptum. V. Cuncta itaque ad solum Laërtium redeunt, cuius narratio eo nobis magis consideranda venit, quo magis solus ille nobis de hac secta, et Potamonis placitis reliquit aliqualem notitiam. Eum vero, haud ita pridem sectam hanc exortam esse scribere, supra audiui-

n) In doctissima praef. ad suam SVIDAE editionem.

x) Vid. GLASSIUS philol. S. L. VII. c. 6.

p. 1050.

z) Luc. XXII. 20.

a) De idiotismis Graec. c. IX. l. 5. §. 9. p. 513.

y) Matth. XXVII. 63.

diuimus. Id quod relatiue quidem ad antiquissimas sectas dictum esse vult Cl. Haseus, nobis autem ad sua tempora, nisi manifestam vim facere velimus verbis Laërtii, respicere videtur. Qui non tam ipsas sectas, quam modum philosophandi innuens, eclecticam istam rationem haud ita pridem obtinuisse dicit; cum suo tempore sectae iam ex dictis plures conticuissent. Vnde non videmus, qui potuerit de secta ea, quae, vigentibus reliquis, iam sub Augusto, tribus fere integris seculis ante Laërtium exorta est, dicere, haud ita pridem eam esse inuectam. Maxime vero, verba Laërtiana intelligenda esse in relatione ad sua, quibus ille viuebat, tempora, probat silentium veterum de ista secta, ante Laërtii aetatem. Si enim Augusteo iam seculo exorta est secta eclectica, idque nuper factum esse Laërtius dicere potuerit, cur siluere veteres rem maximi momenti? qui tamen sectas longe obscuriores, e. g. Sextianam memorarunt, cur Galenus, vel quisquis est auctor libri *historiae philosophicae*, huius sectae placita reticuit? Cur qui obscurissimae sectae Elpisticorum meminit, Plutarchus, eclecticae libertatis magnus fane fautor, eius mentionem non fecit? Cur Galeno, Alexandriae degenti et in philosophiam incumbenti, cui a patre electio ista philosophica commendata erat, indicta mansit, qui toties, de ea dicendi habuerat occasionem? Cur in tanta sectariorum philosophorum concertatione nemo eam adortus est? Imprimis vero VI. Laërtiana verba ad sua potissimum tempora relationem habere, et Potamonicae sectae aetatem Sec. II. inferiorem esse, probare videtur silentium Sexti Empirici. Is cum omnium dogmaticorum sententias et doctrinam conuellere aggressus esset, nullam eorum intactam praetermisit. An eum nouissimam et a suo tempore non ita longe remotam sectam, quae magnos viros affectas habebat, indictam et non oppugnatam dimisisse probabile est, si eo iam, quo viuebat, tempore extitisset? Eadem vero ratio etiam VII. de ecclesiae doctoribus valet, qui Alexandriae eclecticam philosophandi viam secuti, modum quidem hunc ratiocinandi laudant, sectam reticent. Quae omnia vt luculenter satis produnt Potamonicae sectae initia non procul fuisse a Laërtii temporibus remota, ita post Sec. II. finem demum quaerenda esse suadent. His vero porro VIII. temporibus cum ex Porphyrii relatione certum sit, fuisse tum Potamonem quendam in eclectica philosophia enutritum (ita enim statuere oportet, qui Plotini discipulum faciunt, vt ex sequentibus palam erit) quid impedit, quo minus in vexatissimo loco ille intelligendus sit, qui eclecticae philosophiae initia Alexandriae fecit? Quod si enim largiamur, posse intelligi istum locum ita, vt inter Plotini discipulos fuisse videatur, concedent tamen viri docti, nec alteram interpretationem abhorrire a Graeci sermonis indole ac consuetudine. Cui cum reliquae rationes hactenus adductae faueant, cur in obscurissimo loco, non eum, qui reliquis apte magis cohaeret, eligamus sensum? Nec id textus et scopi eius *συμφέρει* adeo

aduersum est, quam persuadere nobis vult Haseus. Nam cum gloriam et fidem Plotini augere ista narratione suscepisset Porphyrius, non habuit argumentum maius, quam inter ceteros nobilissimos Alexandriae viros Potamonem etiam liberos suos ideo illi commendasse, quod doctrinam moresque eius, cum lectionibus suis interesset, cognouisset. Ficulneum vero est, quod obiicitur, non conspirare cum moribus Potamonis eclectici, quod filios suos moribundus homini sectario commiserit curandos et instituendos. Non potuit enim ignorare vir eruditissimus et in veterum lectione exercitatissimus, Potamoniam sectam, quoad fundamenta potiora fuisse Platoniam, Ammonii autem scholam, licet Platonica esset, eodem modo et colore, quo Potamonis fuit, fuisse eclecticam: id enim in O L E A R I I dissertatione, ad quam prouocat, dudum legerat. Quare argumentum inuertimus et ita potius concludimus, longe esse verisimillimum, commendasse Potamonem moribundum filios suos curae et institutioni Plotini, quod hic, eam philosophandi viam, quam ipse exorsus erat sine magno successu, nempe reliquas sectas cum Platone conciliando felicius prosequeretur, sicque spes esset, filios etiam suos paterna vestigia sub hoc duce esse pressuros. Sed et reliquae hoc suadent circumstantiae; studium eclecticae philosophiae circa Sec. III. initium Alexandriae efflorescens, vt ex Ammonii Saccae exemplo est manifestissimum, constituta eo nomine ab illo schola Alexandriae, industria Plotini doctores philosophiae plures Alexandriae audiendi, Platonique conciliandi reliquos et quae his sunt similia. Nec, quod obiicit V. C. opus erat, vt Potamonem inter praeceptores Plotini enumeraret Porphyrius, cum audierit quidem eius lectiones, sed systema tamen eius sequi noluerit, sed Ammonio accesserit latius syncretismum extendenti, et ad sacra magis, quam Potamo, dogmata accommodanti: praesertim cum hoc loco ex eius lectionibus eum didicisse quaedam innuat. Potamonem vero in Polemonem mutare, et refingere in textu Porphyriano quicquid libuerit, si dicendum, quod res est, desperatae causae signum est. Vnde malumus IX. totum locum Porphyrii tanquam ambiguum omittere, quam incertis solisque ingenii coniecturis nixis emendationibus nostram opinionem lectori obtrudere, praesertim cum parum intersit, respiciatne is locus Potamonem eclecticum nec ne? Nam hoc, vt tandem rem peroremus, verisimillimum esse putamus, sectam eclecticam sub Augusto nondum fuisse enatam, quam non omisissent tot illustres scriptores memorare, si eo tempore iam floruisset; nec ante Sec. II. finem potuisse originem cepisse; sed nec iuniorum esse, cum eo tempore eclectica etiam philosophia Alexandriae in Ammonii schola sectae habitum formamque acceperit, certum autem sit, Potamonem ante hunc istam philosophandi viam primum tentasse. Id quod etiam vno ictu cogitata praestantissimi Gesneri prostermit, fuisse Potamonem eclecticum ex discipulis Plotini: hunc enim eclecticam philosophiam non inuenisse, sed inuentam propagasse ex dicendis constabit.

Ex quibus omnibus copiose disputatis error etiam insignis PETRI AL-
LIXII^b detegitur, qui vt philosophiam eclecticam ad maiorem aetatem
extolleret, Philonemque eius sectarium faceret, Potamonem ad Alexan-
dri M. tempora retulit, et hunc esse Augustum Suidae memoratum putat.
Qui si vnus loci Laërtiani fuisset recordatus, vanam opinionem dimissi-
set, certe inter ipsius sectae natiuitatem et tot seculorum antecedentium
conceptionem distinguere coepisset. Hoc enim facile largimur, mature
post Alexandri M. obitum Graecos Alexandriae Pythagorico-Platoniam
philosophiam professos, seductosque syncretistica Aegyptiorum consuetu-
dine, coepisse eiusmodi conciliationi religionum et doctrinarum cum opi-
nionibus Pythagorico-Platonis studere, Philonemque inter eos fuisse,
qui hanc philosophandi methodum sequerentur. Verum hoc studium et
libertas quaedam fuit philosophorum, quae tandem a Potamone; cum-
que ei res minus feliciter succederet, ab Ammonio in sectae habitum tra-
ducta est. Certe a modo philosophandi eclectico ad sectae institutionem
non posse nos concludere, exempla eclectice philosophantium ante Pota-
monem, etiam si Augusti aetate statuatur non inferior, luculenter pro-
bant, de quibus videnda quae eleganter edisserit PETRVS DANIEL
HVETIVS^c. Ceterum si adducta quoque seuerio in his rebus iudici
nondum satisfaciunt, omittendus plane est in tenebris suis Potamon, cui
clariorem accendi posse lucem desperamus, hocque tamen pro certo ad-
sumendum Sec. III. ineunte, scholam eclecticam Ammonio auctore fuisse
enatam.

§. V. Qua in re vero Potamo eclecticam istam philosophandi viam Potamonis
modumque quaesierit, quaque ratione nouum systema confarcinauerit, Φιλοσοφούμενα.
deficientibus veterum memoriis dici non potest. De placitis eius haec
tantum ex *institutionibus* eius *eclecticis* recitat LAERTIVS^d, quaeque
ad rationalem potissimum partem pertinentia, haec sunt:

I. Duplex esse veritatis examen, vnum a quo iudicium fiat, alterum
per quod.

II. Prius esse τὸ ἡγεμονικὸν siue facultatem mentis principalem, id est
rationem mentemque. Nempe id voluit Potamo, Scepticis, vt videtur
se oppositurus: quicquid clara et distincta ratione se concepisse eiusque
percepisse naturam intellectui videatur, id et verum esse.

III. Alterum, per quod iudicatur, esse certissimum visum, id est, re-
cte explicante doctissimo OLEARIO: per quod non video, quid intel-
ligi possit aliud, nisi clara impressio per mentem facta. Vnde solertissi-
mam, vel accuratissimam imaginem (recentiores ideam clarissimam et
distinctam dixere,) hoc veritatis esse criterium dixit.

C c 2

In

^b) In iudicio Eccl. Iud. adu. Vnitarios c. XXIII.
p. 357.

^c) De la faiblesse de l'esprit humain L. II.
c. 10. p. 217. seqq.

^d) loc. cit.

In naturali philosophia statuebat Potamo :

IV. Principia rerum vniuersarum esse duo, patiens alterum, quod est materia, alterum agens siue causa efficiens.

V. Affectiones autem corporum naturalium duas esse qualitates et locum; in omnibus enim rebus quaesitum ex quo sint; et a quo confectae, tum quomodo ea se habeant, et in quo loco sint.

Ex moralibus Potamonis doctrinis hanc fuisse Potamonis ait Laërtius:

VI. Finem, ad quam omnia referantur, vitam esse omni virtute perfectam, non tamen absque bonis corporis, bonisque externis; quae quidem virtuti conueniant.

Hactenus de Potamonis philosophia Laërtius, qui cum potissimum ad receptas Graecorum sectas respiceret, pauca nobis ex multis dedit, ex quibus de toto philosophiae Potamonicae habitu iudicare est difficillimum. Illud tamen vel ex paucis his, quae adduxit, discimus, conciliasse in rationali et morali parte Potamonem Platonicos cum Stoicis et Aristotelicis, ita tamen, ut hac ratione peculiarem sibi sententiam eligeret. Quatuor enim ubi causas recenset rerum naturalium, qualitates et locum ad formalem potissimum partem refert; adeoque nec ideas Platonis, rerum essentias extra materiam continentes admittit, nec has materiae immerfas, ut Aristoteles statuit, formasque substantiales effingit, sed qualitatum inter se nexum, et *διαμονήν*, ut dixit Strato, ad hanc rerum naturalium formam retulit. Quod an ab Stratone, an ex Democriti philosophia, vel aliunde acceperit, dici non potest, sed in eo quoque conciliatricem philosophiam prodidit, quod locum inter causas naturales retulit, quem cum negassent alii, alii ad affectiones corporis retulissent, ipse Epicuri hac in re placita secutus locum, sine quo res naturales constare non possent, siue vacuum potius, in quo res naturales essent, ut ait Laërtius, admisit in causarum naturalium ordine. Idem de moralibus coniiciendum, in quibus Stoicos et Peripateticos Potamonem coniunxisse inde intelligitur, quod finem quidem in vita secundum virtutem perfectam cum Stoicis posuerit, naturalia tamen et externa fortunae bona non excluderit, ut placebat Peripateticis. Cum vero nihil de placitis Potamonis metaphysicis et theologicis habeat Laërtius, incertum quoque, an in iis quoque conciliationem molitus sit, et an, quod coniicimus, more Alexandrinorum ad religionum ceterarum cum suis placitis concordiam respexerit. Certe Ammonium circa eadem fere tempora id fecisse, ex sequentibus constabit, moremque fuisse in schola Pythagorico-Platonica ex dictis notum est. Pertinuisse autem Potamonem ad hanc scholam, inde non absque verisimilitudine concluditur, quod *commentarium in Platonis Timaeum* scripsit, qui si extaret, forte de metaphysica et physica eius doctrina plura possent dici, quae iam ignoramus.

§. VI. Certiora et notiora eclecticae sectae fundamenta iecit AMMONIVS, Alexandrinus, a vitae genere quod sectatus est, Saccas, cognominatus^e: Potamonianam enim scholam cum ipso auctore interiisse, verisimile est; credi enim non potest, nulli auctori dictam fuisse istam sectam, si per aliquod tempus floruiſſet *f*. Qui enim Diogenem Laërtium fuisse addictum illi sectae putant, magnopere errant, et ex ipsa eius narratione possunt refelli *g*. Causſam vero cur extincta sit cum auctore suo, cum non designauerint veteres, nihil etiam certi de ea re dici potest, et ad coniecturas cuncta redeunt. Et CASAVBONVS^h quidem inde euenisse coniicit, quoniam libellis Potamonis genius defuerit, sed hoc absque auctore dicitur et testimonio, et ne coniici quidem, deficientibus Potamonis monumentis, certo potest. Nobis, si coniecturis agendum, ipsa eodem fere tempore Alexandriae enascens schola Ammonii in causa videtur fuisse. Qui, vt in sequentibus prolixius explicabimus, cum non sectarum tantum Graecarum concordiam tentasset, sed religiones quoque fere omnes more iam recepto in Platonicorum Aegyptiacorum scholis, Platoni conciliaſſet, Christianam etiam partim expilaſſet, partim validius refutandam sibi sumiſſet; sicque in sacro quoque et theologico argumento tanta eruditione placeret, vt primae classis discipulos reliquis, qui Alexandriae docebant, professoribus eriperet, et gentiles, atque Christianos ad subsellia sua raperet: radiis eruditionis suae facile reliquorum stellas exstinxit, cumque Potamo ad sacra dogmata eclecticam philosophiam extendiſſe non videatur, illi et discipulos et famam surripuit, eo quod se felicius laetiorique profectu sub Ammonio philosophari posse arbitrarentur. Certe id euenisse Plotino, prius ad Potamonis lectiones delabenti, eum vero postea relinquenti et ad Ammonii scholam transeunti PORPHYRIVSⁱ haud obscure innuit. Aſt vixiſſe circa Sec. II. exeuntis, tertiiſque ineuntis tempora Ammonium hunc, ex THEODORITI^k testimonio constat, qui sub Commodio eum ponit. Quo tempore si vixerunt et Ammonius et Potamo, et vtriusque auditor fuit Plotinus circa A. C. CCXXX. ad philosophiae studia delatus, sequitur inde, a Sec. III. initiis deriuandam esse scholae eclecticae originem. Fuit autem Ammonius Alexandriae natus^l, de cuius vrbis incolis eorumque indole pronoque in superstitionem et ſyncretiſmum animo, aliquoties mentionem fecimus. Huius enim generis locique eſſe oportebat eum, qui eiusmodi sectae, qualem deſcribemus, parens futurus erat. Is parentibus Christianis natus et, quod dubio carere videtur, in catechetica, quae Alexandriae

Cc 3

flore-

^e) SVIDAS in Plotinus T. III. p. 133. VALER. ad Aum. Marc. LXXII. c. 16. KYSTER. ad Suid. voce Ammonius, T. I. p. 143. BAYLE dict. T. I. art. Amonius not. A. p. 183. Quid Saccarii isti fuerint, videndi Commentatores ad Cos. Theodof. XIV. 22. de Saccariis portus Romanae, quosque laudat FABRICIVS Bibl. Graec. Vol. IV. p. 159.

^f) Auctor vitae Laërtii, versioni Anglicae praemissa.

^g) Conf. FABRIC. Bibl. Graec. Vol. III. p. 610. ^h) Praef. ad Dion. Chrysost.

ⁱ) In vita Plotini c. 3.

^k) Therapeut. L. VI. p. 573.

^l) AMMIANVS MARCELL. LXXII. c. 16. SVIDAS in Ammonius T. I. p. 143.

florabat, Christianorum schola educatus, cum annis maturior magno impetu ad philosophiam ferretur ^m, quae tum temporis in gentilium cathedris Alexandriae magna iuuenum frequentia docebatur, non potuit non animum ad eclecticam philosophandi rationem intendere, cum qui ista aetate hanc scholam moderabantur, doctores Athenagoras, Pantaenus, Clemens Alexandrinus, eodem fere modo et inclinatione sacris doctrinis philosophiam iungerent ⁿ. Malo tamen ductus daemone, forte quod liberius et elegantius se philosophaturum esse crederet, cum philosophiae, quod aggressurus erat, studio, etiam gentilem superstitionem amplexus est, et *πρὸς τὴν κατὰ νόμους πολιτείαν μεταβάλετο*, vt habet PORPHYRIUS ^o, quod ad religionem gentilem, legibus imperatorum et imperii constitutam et firmatam eum defecisse indicat, vt ignotum esse in huius temporis scriptorum libris exercitato non potest. Valde tamen hic in diuersa abeunt scriptores veteres et recentiores. Inter illos enim huic Porphyrii narrationi contradixit EUSEBIUS ^p, negans, haec ita sese habere, et Ammonium vsque ad vitae spiritum immotum in religione Christiana perstitisse, ferri etiam adhuc legique eius commentarios inter Christianos. Secutus est Eusebium HIERONYMUS ^q, et ex recentioribus tantum non omnes, inque his imprimis, VALESIVS ^r, IONSIUS ^s, CAVEVS ^t, BAYLIVS ^u, BASNAGIVS ^x, SELDENVS ^y, alique. Subolfecit tamen aliquid veritatis his assertis contrariae FRANCISCVS BALTVS ^z, qui cum Hieroclis locum de Ammonio, infra producendum, adduxisset, non intellexit tantum, ita Hieroclem de Ammonio loqui, vt vel nesciuisse, quod Christianus fuerit, vel credidisse cum Porphyrio videatur, quod ad Gentilismum defecerit; sed et in eam inclinauit sententiam, Ammonium eclecticum diuersum esse ab Ammonio, de quo loquuntur Eusebius et Hieronymus. Et his tamen non obstantibus maluit communi errori adhaerere, quam incertae narrationi virorum ecclesiasticorum auctoritate roboratae nuntium mittere; vnde in absurdam hanc est ingressus sententiam, Ammonii conciliationem in eo fuisse versatam, vt gentilis philosophiae placita ad Scripturae S. normam emendaret. Quod quam falsum et ineptum sit, ex dicendis constabit clarissi-

^m) Hierocles loco infra citando.

ⁿ) Dicitur ea de re ex instituto infra T. III. vbi de philosophia veterum Christianorum dicendum. Conf. MOSHEM. de turbata per recent. Platonicos ecclesia §. 8. p. 102. vbi tamen malumus a Pantaeno, quam a Clemente talia accepisse Ammonium. Etsi enim hic eandem *ἐκλεξιν* sequebatur, vt ex Stroinat. L. I. p. 188. pater, vixit tamen Clemens non ante Ammonium sed cum eo, circa finem Sec. II. recte hoc monente OLEARIO de philos. eccl. C. IV. p. 1217. et loco Pantaeni ad Indos profecti scholae catecheticae praefuit A. C. CXCI. vnde magis condiscipulum, quam praeceptorem Ammonii fuisse recte colligitur. Certum tamen Athe-

nagoram, huic scholae praefectum, vt SIDERTES testatur, fuisse eclecticum.

^o) Apud EUSEB. Hist. eccl. L. VI. c. 19. quem exscribere NICEPHORVS L. V. c. 13. et SVIDAS l. c. ^p) loc. cit. p. 221.

^q) De S. E. c. 55. p. 132. Bibl. eccl. Fabr.

^r) Ad l. c. Ammiani.

^s) De Script. Hist. phil. L. III. c. 1. p. 282.

^t) Hist. lit. Script. eccl. p. 68.

^u) l. c. add. OLEAR. l. c. C. III. p. 1210.

et viri docti ad l. c. Hieronymi.

^x) Hist. eccl. L. II. c. 4. §. 10. p. 167.

^y) In origin. Alexandr. p. 147.

^z) Defensio de SS. Peres accusez de Platonisme L. I. c. 3. p. 21.

rissime, et seduxit etiam CASIMIRVM OVDINVM ^a, „vt non abs-
 „que consilio diuino his temporibus factum esse censeret, vt homo Chri-
 „stianus externam philosophiam coram auditoribus gentilibus professus
 „fuerit, ad magnam Christi gloriam et Euangelii profectum, quod eius-
 „modi scholae essent compluribus quoddam velut ad capeffendam fidem
 „tyrocinium: dum quae apud sapientiores gentiles philosophos sublimio-
 „ra erant, eadem longe facilius sublimiusque ipso Christianae institutio-
 „nis exordio discerentur. „ Id quod fecus se habere, et, accidisse Am-
 monii philosophiam magno ecclesiae detrimento infra accurate demonstra-
 bimus. Aliter et vero propius coniecit κριτικώτατος FABRICIVS ^b,
 qui Ammonium a saccis deportandis, quibus victum sibi antea parauerat,
 ad philosophiae studia digressum, vt scribit THEODORITVS ^c, ab aliis
 Ammoniis, praesertim autem ab Ammonio Christiano Seculi III. scripto-
 re, qui Mosē et Christum conciliauit, et monateffaron siue Euangeli-
 starum harmoniam scripsit, distinxit, assensumque meruit doctissimi
 MOSHEMII ^d. Nec dubitamus nos his etiam partibus accedere,
 Porphyriumque magis, quam Eusebium sequi, qui Christianum scripto-
 rem cum gentili, et philosophum cum theologo confudisse videtur. Ita
 enim, quae de Ammonio Sacca narrantur comparatae sunt circumstan-
 tia, vt vix queant cum homine conciliari, qui in ecclesiae communione
 et Christianae doctrinae confessione spiritum coelo reddidit. Nam si ad
 testium conditionem respiciamus, quibus de Ammonii rebus nobis con-
 stat, propior longe sit ei Porphyrius, quam Eusebius, et a Plotino,
 quem de praeceptore suo narrantem audiuit, eius rei certissimus factus
 esse potuit, cum Longino etiam, aliisque Ammonii et Plotini discipulis
 familiariter vixit, et tanti praeceptoris, cuius sectae se addixerat, res ab
 ipsis discere potuit. Nec obici potest, Porphyrium Christiani nominis
 gloriae inuidum hunc hominem suae superstitioni vindicasse, et, more
 suo, splendido mendacio de eius ad gentilem religionem transitione fuisse
 locutum: id enim probandum prius, et eo minus ex verisimilibus est,
 quo minus Christiani quid genuinum purumque habet schola et doctrina
 Ammonii, ex quo species huic coniecturae posset conciliari. E contrario
 cum tot fuerint inter veteres Ammonii, vt facillime potuerint commi-
 sceri, vt ipsi IONSIO ^e accidit, in discernendis inter se homonymis
 diligenti alias et accurato, qui eum cum Ammonio Hermeae confudit,
 qua in re ei facem praetulisse videtur PATRICIVS ^f, qui nostrum inter
 Peripateticos numerat; facile etiam id accidere potuit Eusebio, vt Chri-
 stianum scriptorem eundem cum gentili esse putaret. Accedit his, quod
 ex Longini testimonio clarum est ^g, Ammonium nihil scripsisse. Ast
 ad

^a) De Script. eccles. T. I. p. 230.

^b) Biblioth. Graec. Vol. IV. p. 159. 172.

^c) loc. cit.

^d) loc. cit.

^e) loc. citat.

^f) Discuss. Perip. T. I. p. 135. hunc enim Peri-

pateticum a Platónico distinguit Longinus apud
 PORPHYR. vit. Plotini c. 20. conf. TILLE-
 MONT. mem. P. II. p. 391. BAYLE l. c. FA-
 BRIC. loc. cit.

^g) loc. citat.

ad libros eius sacros prouocant Eusebius et Hieronymus; quis non palpat, vtrumque diuersum esse? Nec exceptioni locus est, loqui Longinum de scriptis philosophicis, Eusebium de theologicis, quae discipulis hominibus gentilibus, reticuerit Ammonius. Contrarium enim ipsi, qui huic opinioni adhaerent, statuunt, tradentes, Ammonium hunc discipulis suis Plotino, Herennio Origeni religionis Christianae arcana, sub silentii fide communicasse, aut eos edocuisse, quod, quicquid praeclarum in Graecorum philosophis continetur, multo prius traditum sit a prophetis, et longe pulchrius in Christianorum libris contineatur. Quod si ita accidit, annon libri etiam theologici huius viri, et imprimis harmonia Moysis ac Christi eius discipulis innotescere potuissent, si is ille Ammonius Saccas fuisset? Addit his celeberrimus MOSHEMIVS^b: incredibile prorsus esse, sectam, qua nulla vnquam inimicior Christianis extitit, ab homine Christiano conditam esse, et philosophiam, quae tota comparata est ad res Deorum fulciendas et religionis Christianae progressionem remorandam, inuentum esse hominis sanctissimam hanc religionem ad vitae usque finem profitentis. Non minus incredibile esse, omnes Platonicos iuniores, quorum vniuersa in eo versabatur industria, vt honori et gloriae Seruatoris nostri nocerent, disciplinae suae initia ad hominem referre voluisse, quem aliqui saltem eorum non ignorare poterant, Christo pertinaciter adhaesisse. Sed et alia sunt, quae recte communi receptaeque sententiae obiciuntur. Qua auctoritate iis adhuc temporibus floruerit πολιτῆα κατὰ νόμους, siue gentilis atque dominans legibusque publicis stabilita religio, praesertim in Aegypto, maxime omnium Alexandriae, nemo ignorabit, qui vel AMMIANVM MARCELLINVMⁱ, vel GOTHOFREDI Geographum veterem^k, de Alexandria differentes legerit, inque his sacrae eruditionis historiaeque partibus non plane hospes est. An verisimile, in vrbe superstitioni tota dedita homini religionem exosam et patrio cultui tot nominibus aduersam sequenti adhaesisse iuuenes gentiles magni nominis et eximiae eruditionis, et relictis gentiliū professorum acroasibus ad Christianum quendam priuatū hominem tanto cum ardore deflexisse? an Plotinum, Herennium, Origenem sine heterodoxias apud sacerdotes Christianis tanta vehementia inimicos suspicione tam familiariter cum homine Christiano se gessisse probabile, nec persecutionem nec suspensionem esse passos? an homo Christianae religionis radiis illustratus haberi potuit a perditissimae idololatriae et superstitionis cultoribus doctor coelesti luce collustratus, quo encomio eum maeritat Hierocles. Nemo haec sibi persuadebit, nisi qui prorsus Sec. II. et III. rerum est ignarus. Ast nec Christianum hominem, si horum temporum mores consideramus, probabile est, relictā schola suae fidei, gentilem cathedram conscendisse, multo minus ἀμύτοις sanctissimae doctrinae mysteria, quae arcana methodo ex parte custodiebantur, propalasse: et non multo magis exemplo Athe-

nago-

^b) loc. c.ⁱ) loc. cit.^k) p. 23.

nagorae, Pantaeni, Clementis, aliorumque Christianorum, philosophiae amore ductorum intra parietes scholae Christianae fuisse philosophatum. Tandem et hoc constat, arcanam habuisse Ammonium doctrinam suam, et ita quoque custodiendam discipulis tradidisse: eos autem officii immemores tandem nouam philosophiam vulgasse. Ex quibus necessario sequitur, Ammonii philosophiam arcanam talem fuisse, qualem Plotinus, Origenes, Longinus alique postea publicarunt: eam vero hominis Christiani fuisse, vel ab eo potuisse proficisci, is demum asseret, qui eclecticam philosophiam ne a limine quidem cognouit, doctrinasque Christianae religioni oppositas et ad eam euertendam excogitatas plane non animaduertit. Quod nunquam fecisset Christianus, Platonis licet, omnisque Aegyptiacae philosophiae amantissimus. Quae omnia luce, nisi fallimur, meridiana clarius demonstrant, impossibile esse, ut hic Ammonius Saccas in religionis Christianae confessione mansisse ad vitae usque finem dicatur, adeoque distinguendum esse ab Ammonio, cuius canones euangelici in ecclesia lecti sunt. Non tacendum tamen, quod speciem conciliandi Porphyrium cum Eusebio aliquam habet. Narrat enim EUTYCHIVS ¹⁾ patriarcha Alexandrinus, qui diptychis ecclesiae suae vsus esse videtur, *Heraclam patriarcham Alexandrinum, viginti episcopos constituisse: ex his unum fuisse religionis desertorem, Ammonium dictum, de quo simulac ad Heraclam delata sit fama, congregasse eum synodum episcoporum, et in urbem Ammonii perrexisse, ubi re satis cognita et perspecta eum ad veritatem reduxerit.* Esse hunc Ammonium celeberrimum illum sectae Platonicae philosophum, Plotini ac Origenis praeceptorem, ac canonum euangelicorum auctorem praeter POCOCKIVM ^{m)} non dubitat illustris SELDENVS ⁿ⁾, qui putat, facile fieri potuisse, ut deficeret a fide Ammonius, reuocatus tamen a patriarcha postea in fide Christiana tenacissimus usque ad exitum maneret. Facit huic coniecturae fidem coloremque conciliat temporis harmonia, Heraclius enim siue Heraclas eo tempore sedem Alexandrinae ecclesiae occupauit, quo Alexander Seuerus imperauit ^{o)}, sub quo Plotinum ad Ammonium peruenisse in sequentibus dicemus. Recte tamen ubi Eutychii narrationem consideramus, parum praesidii pro communi et recepta opinione deprehendimus. Ut enim de exigua, quam habet Eutychius, fide taceamus, incertum adhuc est, utrum is Ammonium intellexerit nec ne; Arabicum enim nomen, quod habet Eutychius pro *Eumene* alias ab eo adhiberi, et a se tantum per *Ammonium* translatum esse fatetur Seldenus. Deinde episcopum hunc Ammonium fuisse, tradit scriptor Arabs, aut Ammonium Saccam ad hanc dignitatem ecclesiae peruenisse vnquam, nemo ex tota antiquitate vsquam scriptum memoratumue reliquit. Ammonium quoque aliquem episcopum defecisse, et reuocatum

¹⁾ T. I. p. 332.
^{m)} In indice Chronologico splendido raroque operi adiecto.

ⁿ⁾ loc. cit.

^{o)} Vid. POCOCK. loc. cit.

tum esse, nondum probat, quod is fuerit Ammonius Saccas. Nec credibile est, taciturnum hoc fuisse Eusebium, rediisse ex apostasia ad fidem ecclesiae Ammonium, si id verum fuisset; cum non meliori argumento Porphyrii obiectionem potuisset eludere. Ast nihil is de defectione, sed immotum perstitisse in fide ait. Sed nec tota Eutychii narratio rebus Ammonii Saccae quadrat. Is enim Alexandriae vixit atque docuit, Ammonius Eutychii in alia vrbe; qui monitus ab episcoporum synodo mox resipuit, Ammonius Saccas diu Alexandriae instituto suo inhaesit, discipulos educavit, arcanam disciplinam constituit: quae omnia tam exiguo temporis spatio, intra quod rediit Ammonius Eutychii ad ecclesiam, euenire non potuerunt. Merito itaque hanc quoque fabulam cum reliquis, quibus scatet Eutychius, reiicimus, vel si fidem dare placet, Ammonium episcopum ab Ammonio Sacca distinguimus, qua in re nostri sunt, viri summi G V I L. C A V E V S ^p, N A N V S T I L L E M O N T I V S ^q et I O. A L B. F A B R I C I V S ^r. Ex dictis enim, vt in summam ea contrahamus, verisimillimum esse putamus, Ammonium Saccam in communionem ecclesiae non mansisse, sed ad publicam superstitionem, vel ad religionem potius quandam mixtam, quam ipse commentus est, defecisse. Neque tamen nihil ad hanc rem contulit Christiana, in qua educatus erat Ammonius, religio. Cum enim a praestantissimis doctoribus, quae scholae Alexandrinae praeerant, esset eruditus, et philosophandi formam, quae inter Christianos tum obtinuerat, didicisset, obiectiones quoque doctorum contra superstitionem cognouisset, multum inde praesidii ad nouum, quod meditabatur, doctrinae et philosophiae genus constituendum accepit, idque illi, qua ratione ipse magister scholae euaderet, Christianorum cathedrae non inferioris, commonstrauit. Cum enim, vt solent apostatae, magnum patriae religionis odium foueret, et forte quoque furiis conscientiae exstimularetur, talem ex pristina disciplina efformare doctrinam sectamque coepit, quae aciem eius armis obuerneret, et apta esset ad retundenda, quibus auitam religionem Christiani petebant, tela. Quod tamen feliciter satis fieri non poterat, si pueriles nugas veteris superstitionis popularisque religionis pertinaciter tueretur, vel si debellatorum haecenus a Christianis doctoribus philosophorum instar, vni sectae adhaerendo, iugulum non Christianis tantum, sed et aliarum sectarum philosophis obuerneret. Vnde cum Potamonianam nouitatem, pristinam syncretismi scabiem in sectae elegantiam transformasse cerneret, iisdem viis institit, exque sectis praecipuis ea sibi elegit, quae scopo suo inferuire poterant, eaque Platoni subiecit, quod hunc philosophum maximi fieri a Christianis nouerat; et his illa addidit, quae, cum refutare non posset, ex Christiana doctrina imitanda et mutuam accipienda, vel adulteranda etiam sibi constituit. Quod eo facilius in mentem ei venire potuit, quo magis in Aegypto non ignota erat traditio, Platonem a barbaris,

^p) loc. cit. p. 68.^q) loc. cit. T. III. P. II. p. 392.^r) loc. cit. p. 180.

baris, ipsisque etiam Hebraeis, Pythagoram item ab orientalibus sub quibus illi comprehendebantur, multa diuinioris doctrinae capita accepisse. Qua de re cum infra pluribus dicendum sit, hic alia non addimus. Legendus autem, qui erudite et copiose in hoc argumento versatus est, eruditissimus MOSHEMIVS¹.

§. VII. Sed vt ex longo fatis diuerticulo, ad quod Ammonii nos a fide defectio deduxit, in viam redeamus, maxime memorabile est, quae potissimum occasione ad eclecticae alicuius sectae constituendae consilium delatus sit. Etsi enim verisimile est, hominem ab eclecticis Christianorum philosophis hanc per omnes sectas colligendi conciliandique doctrinas varias methodum didicisse, vel in gentilium quoque scholis eam viam pressam vidisse, id quod de Aegyptiacis scholis, praesertim Alexandriae supra monuimus: maxime tamen philosophorum contentiones et rixae ad condendam eiusmodi pacificam sectam eum excitarunt, et syncretismi stabiliendi auctores fuerunt. „Hierocle enim auctore² cum „hactenus magnae inter Platonicos et Aristotelicos, ceterosque philosophos contentiones extitissent, quorum insania eo usque fuerat prouecta, „vt scripta quoque praeceptorum suorum deprauarent, quo magis viros „hos inter se pugnantes sisterent, aestu quodam raptus ad philosophiam „Ammonius, vir Θεοδιδάκτος³, reiectis, quae philosophiae contemptui „erant et opprobrio opinionum dissensionibus, perpurgatisque et resecatis, quae vtrinque excreuerant nugis, in praecipuis quibusque et maximis necessariis dogmatibus concordem esse Platonis et Aristotelis philosophiam demonstravit, sicque philosophiam a contentionibus liberam „suis discipulis tradidit.“ Fuisse inter haec maxime necessaria dogmata, ea quae de Deo et familia diuina, de mundo eiusque generatione, de anima, de mali origine, de mundi conuersionibus et similibus agunt, dubium non est: circa huiusmodi enim dogmata versatam fuisse Ammonii et sectatorum philosophiam, ex sequentibus discemus⁴. De his vero cum potissimum quaestionibus inter Christianos doctores et gentiles philosophos disceptaretur, vera inde ratio conici potest, quae Ammonium impulit, vt concordiam inter gentiles sectas conderet. Scilicet in grauissimis his quaestionibus potissimum argumentum atque telum sumsisse et in gentiles philosophos torfisse Christianos doctores a dissensionibus circa eas inter illos regnantibus, nemini ignotum est, qui apologias P. P. Sec. II. et III. legit, et vel fugitiuo oculo HERMIAE *irrisorem philosophorum gentilium* inspexit. Cui malo vt mederetur homo astutissimus, eiusmodi systema excogitauit, quo non tantum absurdissimae sectarum de

Dd 2

diuinis

¹) loc. cit. §. 8. p. 102.

²) De fato apud ΠНОΤΙΥМ Cod. CCXIV. p. 283. Cod. CLI. p. 730.

³) Solenne his hominibus eiusmodi epitheta addere iis, quos excelluisse in sua schola credebant. Ita Longinus criticus, Amelius nobilis,

Theodorus Γαυμάριος, Iamblichus diuinus, Porphyrius philosophus dictus est. Conf. HOLSTEN. de vit. Porphyr. c. 6. p. 26. ed. Rom.

⁴) Prodit PORPHYRIUS l. c. doctrinam de daemonibus pertinuisse ad hanc arcanam doctrinam.

diuinis et naturalibus rebus sententiae conciliarentur, sed absurdae quoque et inconcinnae, quas Christiani obiciebant, sententiae tollerentur; et; cum purius se sanctiusque Deum colere statuerent, orthodoxae ciuitatis aedificatae, philosophos quoque non deteriora habere ostenderet, vnam infinitam numinis abyssum, et ex ea multas naturas diuinas fatentes, et mundi non naturalem tantum, sed aeternam quoque generationem, et quae his similia sunt, comminiscens. Quae omnia in sequentibus latius explicabimus, hic vero ea fini attulimus, vt et syncretisticam philosophandi rationem placuisse Ammonio ostenderemus, et haec non ob solos philosophos, sed ob Christianos etiam, ab eo instituta fuisse demonstraremus. Constituta hunc in modum philosophia conciliatrice, quam *ἀνύκως* eclecticam vocaueris, ad discipulos in ea erudiendos se accinxit Ammonius. Gloriae studium incitasse hominem, vt desertis Christianorum sacris ipse caput et magister sectae esset, nec aliis subesset et obtemperaret, facile credimus, eruditissimo MOSHEMIO¹⁾: hanc enim praecipuam causam fuisse plerisque sectarum conditoribus, fidem facit historia philosophica. Nec defuit Ammonio successus felicissimus. Multos enim nactum fuisse discipulos et auditores, maxime tamen Olympium Alexandrinum, Antonium, Herennium, Origenem, Plotinum gentiles, immo ex Christianis quoque aliquos, interque eos Origenem Adamantium, veteres testantur²⁾. Id quod mirum esse non debet: nam cum dissensionibus philosophorum et oppugnationibus Christianorum valde euilissent sectae, Pythagorico-Platonicae vero ob doctrinam de Diis magna esset existimatio; necessario crescere debebat auctoritas sectae nouae, quae Platonem potissimum ducem sequendo, non Christianorum tantum sectae gloriam eripere videbatur, et laudatissimae veritati aequalia tradere credebatur, sed sublata quoque in tam arduis argumenti generibus dissensione excellentissimam et diuinam sapientiam promittebat. Certe tantam fuisse Ammonii existimationem, vt *Θεοδιδάκτος* et peculiari coelesti lumine collustratus diceretur suis, Hieroclis constat testimonio. Cui tamen auctoritati pondus aliunde quoque accessisse coniecimus. Supra nempe obseruatum nobis est, Alexandriae philosophiae orientalis capita praecipua, quae de Deo eiusque familia, deque secretiori cultu diuino, quem theurgiam vocabant, insolita tradebant et a vulgi opinionibus remotiora locum inuenisse, tandemque in illam religionum fere omnium sentinam confluisse. Factum id praecipue Ammonio auctore, vero est simillimum. Cum enim is ad haec potissimum doctrinarum capita maxime attenderet, et in theologia, eiusque operibus miraculosis Christianis inferior esse nollet, non potuit non ad has philosophiae Orientalis partes delabi, dudum inter Aegyptios innotescens, quae maxime diuinum facere videbantur systema eius recens inuentum. Cuius non alia confirmatio peti debet, quam ab ipsis Ammonii discipulis, quos ex his lacunis hau-

1) loc. cit.

2) HIEROCLES I. C. PORPHYR. I. C.

haufisse et in sua arua deriuasse doctrinas has diuinas et theurgicas in frequentibus planum faciemus. Recte vero Ammonio tribui, ipse prodit PORPHYRIUS ^a narrans, Plotino in Ammonii schola profectus, quos in eius doctrina fecit, excitasse desiderium addiscendi philosophiam Orientalem Persarum et Indorum. Quae cum diuinissima haberetur, haesit sine dubio inde Θεοδιδάκτωρ nomen Ammonio. Nec aliunde forte deriuanda est arcani, quam constituit in schola sua Ammonius, disciplina. Nam et hoc refert PORPHYRIUS ^b: *Constituisse cum Plotino reliquos Ammonii discipulos, ne Ammonii dogmata ederent, quae audita ab eo purgata mente seruauerant.* Quod ut recte ad diuinas illas doctrinas, vndecunque ab Ammonio corrasas, refertur, ita absurde fatis et inconuenienter a LABBEO ^c et HOLSTENIO ^d, arcani disciplina in quibusdam doctrinis apud Christianos obseruata seductis, ad mysteria Christianae religionis trahitur, quae reuelasse discipulis suis Ammonium ea lege, ne vulgarentur, putant. Tale enim nihil verba dicunt Porphyrii, quique Ammonii disciplinam doctrinasque, quales postea in vulgus editas esse, ipse ait Porphyrius, considerat, facile videt, quam leuia haec sint et sine vlllo fundamento dicantur. Certe qualia ἀπέβητα fuerint Plotini, Porphyrii et Iamblichi scripta fatis loquuntur a Christianis dogmatibus toto coelo aberrantia ^e. Non seruasse enim silentium, in quod coniurauerant, Origenem et Herennium, sed in vulgus arcana edidisse, Plotino promissum seruante, testis iterum est PORPHYRIUS ^f. Quanta vero iudicii acrimonia et eruditione fuerit inclutus Ammonius, vel ex eo intelligere est, quod Plotino, post auditos et reiectos omnes, qui Alexandriae docebant, professores, solus placuerit Ammonius, eiusque schola tanta ceperit incrementa, quanta nulla fere alia ^g. Nec denegandam ei ingenii laudem putamus, sine quo systema tam informe speciem eruditionis, centoque miser formam eclecticae philosophiae accipere non potuit. Qui vero iudicium cum Plotino ei tribuunt acre, non cogitant hominem fuisse fanaticum, qui homines plerumque quo magis valent ingenii et imaginationis viribus, eo magis premuntur iudicii penuria. Nihil vero scripsisse testis est Longinus ^h, qui eum inter Platonicos refert, qui fatis sibi factum existimarunt, si praesentes familiaresque consilii sui doctrinaeque participes fecissent. Quod, ut supra iam dictum, argumentum est, distinguendum esse Ammonium Saccam a Christiano Ammonio, cuius libri Eusebii tempore extabant, de quibus scriptorum ecclesiasticorum catalogi videndi sunt ⁱ. Quo vero tempore fatis concefferit Ammonius, dici non potest; non tamen verisimilitudini aduersatur coniectura IONSI ^k, decessisse eum anno XXXIX. Plotini,

Dd 3

vbi

^a) loc. cit. c. 3.^b) Ibid.^c) De Script. eccles. T. I. p. 58.^d) Loc. cit. p. 28.^e) Edidisse ex iis doctrinam de daemonibus Plotinum ipse refert Porphyrius.^f) loc. c.^g) Ibid.^h) loc. cit. c. 20.ⁱ) CAVE l. c. p. 68. FABRICIUS l. c. p. 172. et ad HIERONYM. l. c. OVDINVS l. c. BAYLE l. c. not. G. p. 187.^k) De S.H. Phil. L. III. c. 3. p. 282.

vbi eum audire desiit. Fuit is A.C. CCXLIII. Ammonio forte LXXX. maiore.

Longinus.

§. VIII. Ex discipulis Ammonii prae ceteris eruditionis et philosophiae laude celebrati sunt Longinus, Herennius, Origenes et Plotinus. DIONYSIVS LONGINVS, interdum Cassius quoque dicitur ¹, nepos forte Cassii cuiusdam ^m. Quidam Syrum Emesae oriundum faciunt, sed incerta coniectura, nam hoc tantum constat, Cornelium Frontonem Plutarchi nepotem, rhetorem Emesenum eum ex sorore sua Frontonide natum haeredem reliquisse ⁿ. Ex quibus conici potest, ab eo educatum vel institutum, eloquentiae praecepta hausisse. Id certe testatur, varia se loca cum parentibus adiisse multasque passim regiones a teneris annis peragrauuisse ^o; cum itaque pleraque Musarum domicilia adiret, Athenis, Alexandriae, Romae praestantissimos in grammatica, rhetoricaque arte et in philosophia quoque viros audiendi occasionem nactus est, cumque iis, ut ipse quoque testatur ^p, in eundem saepe locum concurreret. Inter eos fuere Platonici non doctrinae tantum, sed et scriptorum laude celebres Euclides et Democritus, et Proclinus, qui in Troade habitavit: et qui nihil scriptis designarunt, sed praesentes tantum familiaresque consilii sui doctrinaeque participes fecerunt, Ammonius atque Origenes. Quos disciplinae causa adiisse, ipse non obscure fatetur scribens ^q: οἷς ἡμεῖς τὸ πλεῖστον τῆ χρόνου προσεφοιτήσαμεν ἀνδράσιν, ἐκ ὧν καὶ αὐτοὶ εἰς σύνεσιν διενέγκουσιν, quibus nos plurimum temporis discendi causa adhaesimus, eruditionis et iudicii excellentia haud parum sui temporis philosophos superantibus. Cum tamen immenso eruditionis vniuersae amore ferretur, aliarum quoque familiarum philosophos audiuit, et ex Stoicis quidem Themistoclem ^r atque Phoebionem, et Annium atque Medium, ex Peripateticis Heliodorum Alexandrinum ^s. Sed et Hermini atque Lyfimachi, et qui Athenis egerunt Athenaei atque Musonii Stoicorum; et inter Peripateticos Ammonii atque Ptolomaei meminit, quorum tum maximam fuisse eruditionis famam, ait ^t. Id quod ex consilio Ammonii Saccae fecisse, dubium nullum est, quem nullam sectam, si Epicuream exceperis, reiecit, sed cum sua omnes philosophia conciliaffe, supra diximus. Adhaesit enim Longinus non Peripateticae, nec Stoicae doctrinae sed Platonicae, qualem nempe Ammonius nuper reformauerat. Tanti etiam fecit Platonem, ut, teste EUSEBIO ^u, quotannis memoriam eius conuiuio celebraret, et Platonianum festum sacrum haberet. Et legit quidem recepta apud Eusebium lectio Πλωτίνεια ^x, sed emendam esse, legendumque Πλατωνεία, recte monuit κριτικώτατος FABRICIVS ^y. Ploti-

¹) SVIDAS in Longinus T. II. p. 454.

^m) Cassii Longini fit mentio apud PLUTARCH. Sympos. L. IX. Proem.

ⁿ) SVIDAS in φρόντων T. III. p. 634.

^o) In Prooemio libri de fine, quod affert PΟΡΚΗΥΡ. de vita Plotini c. 20. f. 1. p. 127.

^p) Ib. f. 2.

^q) f. 4.

^r) Conf. SYNCCELLVS p. 380.

^s) Ibid. f. 4.

^t) Ibid. f. 6.

^u) Praepar. L. X. c. 3.

^x) Ita etiam HOLSTEN. in vita Porphyri. c. 2. p. 17.

^y) Bibl. Graec. Vol. IV. p. 436. De ipsa confue-

Plotini enim memoriam Longinus condiscipulus eo minus celebrasse dicendus est, quo magis tanta eius auctoritas Longino non fuit, ut non saepe Plotino contradiceret, et contra eum scriberet, aemulatione laudis philosophiae in eum accensus, quod cum ista veneratione non conuenit. Paucis quoque post Plotinum annis viuendo superfuit Longinus, quibus instituisse demum Plotiniana conuiuia, verisimile non est. Et, quod rem conficit, teste PORPHYRIO^a, ne quidem fieri potuit, nec unquam a Plotini discipulis factum est, cum Plotinus ideo mensem diemque, quo natus esset, declarauerit nemini, quod putaret, non decere, natalem eius conuiuio sacrificiisque celebrari. Sed et scripta Longini testimonium sunt, delectae sibi philosophiae Platonicae, siue Ammonianae potius; scripsisse enim de iustitia apud Platonem contra Gentilianum Amelium, et de ideis contra Porphyrium disputasse, ipse in prooemio libri de fine^a refert. Accidit tamen ex insigni, quod in grammatica, rhetorica et critica arte habuit, iudicio, ut in his magis, quam in philosophia valeret, unde eum philologi magis quam philosophi nomen mereri dixit Plotinus^b. Illo enim encomio dignum iudicauit virum elegantioribus literis ad miraculum fere instructum, quisquis ex veteribus et recentioribus de his eruditionis partibus iudicium facere intellexit: cuius specimen est, quod Longini nomen, ut olim Aristarchi, pro critico quouis soleat adhiberi excellentissimo, et sui generis primo^c. Sed et literaturae antiquae atque historiae fuit peritissimus, quod ei *Φιλαρχαίς* nomen apud PORPHYRIUM peperit^d, et memorabile est, quod EVNAPIVS^e refert: *fuisse Longinum eo tempore βιβλιοθήκην τινὰ ἔμψυχον, viam quandam ac spirantem bibliothecam et museum ambulans, cui de veteribus iudicandi potestas commissa fuerit, eumque ceteris omnibus suae aetatis adeo antecelluisse, ut si quis vetustum auctorem aliqua in parte reprehendisset, non prius rata firmaque haberetur sententia, quam Longini illam firmasset iudicium.* Multos habuit discipulos, ex quibus eruditionis, praefertim antiquae, et philosophiae laude super ceteros eminuit Malchus, cuius gentilitium nomen in Graecum Porphyrii mutauit Longinus^f. Sed et Zenobia Orientis regina Longino praeceptore ad discendas Graecas literas vsa est. Quibus utinam se professionis suae limitibus continuisset, nec ad aulae consilia infausto fidere se applicuisset Longinus. Zenobia enim quae post Odoenathum regem Palmyrenorum maritum suum A. C. CCLXVII. occisum, regni habenas sola capeffere ausa fines regni, adiecta Aegypto

suetudine philosophorum natales conuiuio et sacrificiis celebrandi, imprimis Platonis et Epicuri diximus Tom. I. Platoniorum imprimis eum morem fuisse, prouerbum: *cœna Platonica*, et PLUTARCH. Sympos. L. VII. c. 9. probat. Conf. ESCHENBACH. de Sympos. vet. §. 20. diss. Acad. p. 316. cui haec Longini Platoniana addi debent.

^a) loc. cit. c. 15. p. 95.

^a) PORPHYR. l. c. c. 20.

^b) l. c. PROCLUS in Timaeum L. I. p. 27. HOLSTEN. l. c. c. 6. p. 42.

^c) Collegit haec iudicia et praefixit nouae editioni *περί ἔψε* IO. HUDSONVS Oxon. 1710.

^d) Apud HIERON. ep. 95. Conf. FAER. l. c.

^e) l. c. c. 14. p. 116. quod in nomen proprium absurde mutauit FICINVS.

^f) In vitis Sophist. p. m. 34. ^g) Citati.

Aegypto aliisque prouinciis, auxerat, ab Aureliano imperatore, victa bello A. C. CCLXXIII. et capta est. Quae cum inter eos, quorum consiliis vsa esset, Longinum etiam nominasset, statim eum imperator interfici iussit ^b. Sed in morte philosophum se praestitisse, testatur, qui haec narrat ZOSIMVS ⁱ. Non enim ipse modo supplicium fortiter subiit, sed et alios, qui iniquius illud ferebant, solatio erexit. Dolendum vero intercidisse tam egregii viri scripta omnia, praeter vnum de sublimi libellum, prorsus excellentissimum, neque tamen integrum, de cuius editionibus, et historia, cum ad nos non pertineat, videndus est FABRICIUS ^k.

*Herennius et
Origenes.*

§. IX. Longino iungendi sunt HERENNIVS et ORIGENES, qui ex intimae admissionis discipulis Plotini fuere. Et de Herennio quidem nihil constat, nisi fuisse eum inter auditores Ammonii, nouamque disciplinam non didicisse tantum accurate, sed et sancte custodiendam minimeque vulgandam promississe, primum autem soluto promissi pacto eam edidisse, et Origeni atque Plotino, vt paria facerent, auctorem fuisse. Quae enim passim de Herenniis apud veteres occurrunt ^l, ad hunc Ammonii discipulum non pertinere, temporum rationes euincunt. Origenis maiorem et immortalem famam fuisse, nemini ignotum est, et percepisse quoque Origenem Adamantium Ammonii disciplinam, veteribus traditum est. Verum non potest hic Origenes, qui cum Herennio et Plotino arcanis Ammonii lectionibus interfuit, idem haberi cum Alexandrinae ecclesiae doctore Christiano, cuius historia circa haec tempora maxime memorabilem annalium Christianae reipublicae partem occupat ^m. Is enim Christianus fuit, inter veterum Christianorum philosophos suo loco et tempore accurate enarrandus: hic gentilis sine dubio erat, certe ab illo ob hanc causam distinguendus est, quod nihil scripsit, praeter quendam de daemonibus libellum, et sub Galieno librum *ὅτι μένος ποιητῆς ὁ βασιλεὺς*, vt tradit PORPHYRIUS ⁿ. Origenem autem Adamantium innumera fere scripsisse, quorum pars ad nostram aetatem peruenit, nemini ignotum est. Inter quae eius scripta cum argumenti quo-

^b) VOPISCVS in Aureliano c. 30. qui his addit: „Aurelianus ideo Longinum occidisse, quod superbior, quam ad imperatorem miserat Zenobia epistola, ipsius diceretur dictata consilio, quamvis Syro esset sermone contexta.”

ⁱ) L. I. c. 56.

^k) loc. cit. p. 437.

^l) Passim apud veteres occurrunt Herennii, sed vel aetate nostro superiores, vel inferiores. Herennium Senecionem Stoicum, vitam Prisci Heluidii exarantem a Domitiano fuisse interfectum supra notauimus. Et ad ea fere tempora Herennius Philo referendus est, cui Sanchuniathonis fragmenta Phoenicia debentur, de quo vid. VOSSIVS Hist. Graec. L. II. c. 10. p. 211. IONSIUS de S. H. P. L. III, c. 2. p. 242. FA-

BRIC. Bibl. Graec. Vol. III. p. 120. Sed Herennius quoque Seuerus ab Hermippo commendatus sub Adriano vixit, vid. SVIDAS in Hermippo Berytius T. I. p. 560.

^m) Dicendum de eo T. III. inter philosophos veterum Christianorum ex instituto.

ⁿ) I. c. c. 2. Sensus tituli obscurus, quid enim *ποιητῆς βασιλεὺς*, an poeta, quod Galienus quosdam versiculos fecit, quod frigidum esse recte iudicat FABRICIUS ad h. l. Effectorem vertit FICIVS, exiguo sensu. Nobis, si coniecturae locus vox *βασιλεὺς*, non ad imperatorem, sed ad Deum regem vniuersi referenda videtur, qui solus conditor rerum omnium Platonice dicitur. Voces enim has Platonice esse nemo ignorat.

quoque philosophici quaedam fuerint, palam est, Porphyrium loqui de alio Origene, quam Christiano. Qui cum teste EVSEBIO^o A. C. CCLIII. septuagenarius obierit, paulo ante imperatorum Galli et Volusiani mortem, librum sane sub Galieno scribere non potuit. Plotinus etiam non vidit Alexandriam ante annum vndecimum Alexandri Mammaeae, et paulo post Ammonio praeceptorum se tradidit, cum iam Origenes noster Alexandriam relinquere coactus esset, quo nunquam postea reuersus est^r. Ex quo sequitur, non fuisse eum Alexandriae, cum Ammonio se traderet Plotinus, nec eius condiscipulum tum temporis esse potuisse. Mire itaque falluntur viri docti, qui hunc Origenem cum Christiano eundem putant^q, et qui multo magis labitur CASIMIRVS OVDINVS^r, qui oscitanter Porphyrii locum inspexit, et venisse Origenem Adaman-tium A. C. CCXLVIII. Romam putat, et cum Plotino congressum. Male enim huc rapit testimonium EVSEBII^s, qui ad Fabianum Romanum episcopum Origenem, fidei confessionem scripsisse refert: quam eum attulisse Romam, hacque occasione cum Plotino contulisse coniicit. Pleraque enim nimiam oscitantiam produnt, cum non tantum de itinere hoc nihil habeat Eusebius, sed et Porphyrius dicat, Alexandriae, non vero Romae cum Plotino Origenem disciplinae Ammonii adhaesisse, Plotinum autem, cum silentium promissum Origenes non seruasset, Romae tandem Ammonianam philosophiam euulgasse. Eius etiam aetatis fuit Origenes gentilis, vt a Porphyrio non videri tantum potuerit, sed et ei propius innotescere^t: cum Christianum Origenem valde iuuenis tantum cognouerit, antequam se philosophiae studio apud Plotinum dedisset.

§. X. Omnes tamen eruditionis laude et iudicii acumine supergressus est PLOTINVS, scholae Ammonianae stator quasi, sectaeque eclecticae alter parens, qui et scriptorum et discipulorum multitudine recentem sectam, quam Platoniam reformatam recte dixeris, maxime illustrauit, dignus cuius vitam paulo plenius enarremus. Id quod faciliore fieri potest negotio, cum temporis iniuriam euaserit vita Plotini a Porphyrio, discipulo et familiari eius scripta, quam a MARSILIO FICINO cum versione Latina Plotini operibus praefixam recudi fecit et notulis interspersis ac chronologia Plotiniana auxit optimus FABRICIVS^u: Porphyrium paucis secuti sunt EVNAPIVS^x, et SVIDAS^y, et ex recentioribus P. BAYLE^z, quem tamen criticum, quo pollebat acumen, non adhibuisse merito miramur. Quare de hac quoque historiae philosophicae particula egregie meruit, praestantissimus HEVMANNVS^a, qui

Plotinus.

^o) Hist. eccles. L. VII. c. 1.
^p) Monuit hoc illustri PEARSONIVS Vin-
 dic. Ignat. P. II. c. 1. p. 10.
^q) HOLSTEN. vit. Porphy. c. 6. p. 39.
^r) De S. E. T. I. p. 238.
^s) Hist. eccles. L. VI. c. 28. 29.

^t) Vita Plot. c. 14.
^u) Biblioth. Graec. Vol. IV. p. 88. seqq.
^x) Vit. Sophist. p. 1.
^y) In Porphy. T. III. p. 133.
^z) Dict. T. III. art. Plotin p. 787. seqq.
^a) Act. Philos. Vol. I. p. 139. seqq.

qui critica manu vitam Plotini delineauit, fabulas excussit, quidque verisimile, quid minus, doctissime annotauit. Ad vnum enim Porphyrium omnia fere redire, eiusque fide stare atque cadere, manifestum est. Qui si eam animi integritatem et sinceritatem ad hunc de vita praeceptoris sui commentarium scribendum attulisset, quae in scriptore tali requiritur, omne certe punctum tulisset. Eius enim vitae circumstantias omnium optime nosse potuit, qui hominem non tantum nouit, sed familiariter quoque cum eo per sexennium vixit, intimaque gauisus admissione, res Plotini omnes rationesque eius totas perspexit, scriptaque eius recognouit et emendauit. Ast, quam vere et sincere scribendi facultatem habuit, eum non adhibuisse, adeoque mendacii et fraudis postulari posse, attenta vitae huius a Porphyrio conscriptae lectio nos mox conuincit, et in aprico ponit astutiam hominis praeceptorem suum non ex veritate, sed sectae suae emolumento describentis. Qua in re huius scholae mores secutus est Porphyrius, quam fraudibus quoque et mendaciis, vanaque iactantia res suas iuuare licitum existimasse, supra in Apollonio monuimus. Eo minus vero fides sine examine adhibenda est Porphyrio, quo magis in vitae, quam nobis dedit, Pythagorae historia, fraudes eius et mendacia deteximus, planumque fecimus, eo potissimum scopo atque fine conscripsisse subdolum hominum genus vitas, philosophorum sectae suae, vt eos diuinos fuisse homines, maiora, quam a nudo homine expectari queant, edentes opera, et ita vixisse, docuisseque ostenderent, vt non tantum nouae sectae inde auctoritas accederet maxima, sed et Christianae religioni, eiusque diuino magistro ac doctoribus sanctis opponerentur homines, eadem sapientiae et miraculorum gloria insignes. Sane hic scopus vbique in hac vitae Plotini historia regnat, vt in sequentibus monebimus, dudumque viris doctis obseruatum est, hocque semel de sequentibus quoque vitarum philosophorum eclecticorum enarrationibus probe tenendum est. Sine hac enim cautione insignes audacissimorum hominum fabulas nunquam detegemus. Qui cum infano praeterea sectae praeiudicio, coecoque praeceptorum amore flagrauerint, facile intelligitur, quam fidem in annalibus philosophicae historiae mereantur.

Plotini vita.

§. XI. Plotinus singulari Platonici systematis errore occupatus neque vnde genus duceret, neque quibus ortus esset parentibus, neque etiam qua patria oriundus, narrare nisi inuitus, sustinuit ^b: nempe pudebat eum, animam suam erroris sui lapsusque consciam in corpore tanquam in carcere detineri ac migrare. Patriam itaque eius non indicauit Porphyrius, quam tamen Lycopolin Aegyptii urbem fuisse EVNAPIVS ^c prodit, quem sine dubio secutus est SVIDAS ^d: siue ea Thebaidis siue Sebenniticae prouinciae ciuitas fuerit, duas enim in Aegypto vrbes huius nomi-

^b) PORPHYR. C. I.

^c) Vit. Sophist. p. 10.

^d) loc. citat.

nominis fuisse constat. Aegyptii vero dum describimus historiam lectorem monitum volumus eorum recordari, quae de huius gentis ingenio fanatico moribusque ad superstitionem procliuibis aliquoties monuimus. Ex hac enim gentis eius indole character atque indoles animi Plotini omnium optime cognoscitur. Natiuitatis tempus, ex computatione PORPHYRII ^f incidit in decimum tertium imperatoris Alexandri Seueri, qui fuit A. C. CCV. quo tempore surrexisse Alexandriae scholam eclecticam, ex supra dictis notum est. Diem vero et mensem cur studiose celauerit Plotinus, supra quoque indicauimus. Indignum enim putabat eius diei memoriam recolare, quo anima de loco atque dignitate sua deiecta in corporis carcerem detrusa et migrare in inferiori regione subiecta errori et passionibus iussa est. Nec plura de parentibus et familia et educatione etiam constant. Hoc vnum referebat ipse ^g, se dum octauum ageret aetatis annum, ac iam ad γραμματοδιδασκαλον accederet, adhuc tamen solitum ad nutricem diuertere, sugendique lactis auiditate nutricis nudare papillas; cum vero quandoque sibi obiiceretur, quod puer esset molestus, pudore cohibitum destituisse. Qua vero ratione adolescentiae annos exegerit, an vel bonis literis animum imbuendum exhibuerit ^h, vel desidia tempus perdiderit, dici, deficientibus veterum memoriis, non potest. Id de se narrat, cum vigesimum octauum aetatis annum iam compleuisset, philosophiae amore vehementer se accensum esse. Id quod animi ignauiae voluptatique in iuuentute litantis signum esse putat doctissimus Heumannus, ambitione sub virilis aetatis florem demum philosophiae amorem inspirante ⁱ. Qua in re nolumus Plotino esse graues, eo quod non constet, an non vel encyclicis prius literis se dederit, vel alii destinatus vitae generi studia prius omiserit literarum, et maturis demum animi viribus seueriori disciplinae se tradiderit. Serius enim et nonnisi in virili aetate praestantissimos philosophos sapientiae studia attigisse multis exemplis nos docet historia philosophica ^k, et ipse Porphyrius ^l, optimis licet literis eruditus in iuuentute, exemplo est, qui trigesimo demum aetatis anno ad philosophiam accessit. Maturus itaque annis et iudicii viribus cum philosophiae studium elegisset Plotinus, commendatus est sapientiae professoribus, quotquot Alexandriae ex variis sectis famam eruditionis erant consecuti, et philosophiae laude excellebant. Non defuisse Plotino infans in philosophiam amore accenso studium et attentionem, dubitari non potest, notumque ex iis, quae supra in Ammonio disputauimus, hominem curiosum de modo tradendi sapientiae praecepta, per scholas philosophorum discurrisse, eorumque lectiones audiuisse, eaque occasione etiam ad Potamonis cathedram accessisse. Fatetur

E e 2

tamen

e) Prius placet FABRICIO ad Porph. I. c. p. 92.

f) l. c. c. 2.

g) loc. cit. c. 3.

h) Parum praesidii Plotini ab elegantioribus literis in iuuentute accessisse stilus obscurus, qui Porphyrii emendatione opus habebat, prodit.

Illud tamen vitium ingenio magis quam diligentiae Plotini adscribendum esse videtur.

i) Aët. phil. Vol. I. p. 152.

k) Conf. O L E A R. de philos. eccl. c. 3. p. 1211.

l) loc. cit. c. 4.

tamen Plotinus ^m, se ex eorum scholis tristem discessisse, atque animo moesto; causam tamen moeroris, quam amico indicavit, non adiecit, quae varia esse potuit. Fuisse enim tum temporis complures, qui in criticam magis artem et philologiam, quam in philosophiam incumberent, hancque cum illa miscerent, Longini exemplo discimus; quod valde Plotino displicuit. Forte contentiones philosophorum, quas occasionem dedisse Ammonio condendae sectae eclecticae, et Potamoni quoque simile consilium suggessisse, supra diximus, Plotino fuere exosae, quod eo magis verisimile est, quo magis conciliatricem Ammonii philosophiam sibi, vehementer placuisse fatetur. Vero tamen proximam coniicimus causam, quod homini Aegyptio, ex gentis indole ad superstitionem et fanaticismum etiam temperamento procliuiori displicuerint doctrinae philosophorum de aliis magis rebus, quam de diuinis, disputantium, eamque, quam magni apud suos fieri videbat, sapientiam spondentium magis, quam tradentium. Quaecunque vero ea demum fuerit, cum illam amico detexisset, qui mentis eius consilium atque affectum omnium optime noverat, ad Ammonium, cuius nullum adhuc fecerat periculum, adductus est. Huius cum ingressus scholam esset, eumque audiuiisset, adeo placuere lectiones ei Ammonii, ut ad amicum diceret: hunc fuisse, quem quaesiverit. Quae haud obscure innuunt, philosophiam Ammonii et syncretisticam et fanaticam ob animi ad istas affectiones mentis inclinantis indolem, vehementer Plotino placuisse. Ex eo die magna industria annos undecim Ammonium auscultavit, ad illud nempe tempus, quo verisimili coniectura et vitae et lectionum philosophicarum finem fecisse, supra diximus, quem circa haec tempora octogenario non inferiorem fuisse oportet ⁿ. Praeceptore, ut probabile, destitutus, cum in Ammonii schola orientalem philosophiam laudari commendarique, et coniungi cum Pythagorae ac Platonis praeceptis audiuiisset, quos nempe ipsos Orientis quoque philosophos adiisse, traditio eius temporis, licet fallax et incerta, dicebat; cumque in hac philosophia illud doctrinae genus, quod quam maxime sectabatur, et apud Ammonium didicerat, quodque de Deo, diuinisque emanationibus, de daemonibus et his similibus praecipiebat, longe excellentius, quam inter Graecos, tradi crederet, constituit Persidem atque Indiam adire, eamque sapientiam addiscere, quam magi et gymnosophistae magna admiratione tanquam oracula fundere dicebantur. Cuius consilii maturandi occasionem accepisse coniicimus ab Apollonii Tyanei exemplo, cuius facta theurgica a Magis, Persis et Indis accepta et edocta eo tempore magna, ut supra vidimus, fama celebrabantur. Talem enim sapientiam diuinam Plotinum non affectasse tantum, sed et iactasse, tota vitae eius loquitur historia. Commode vero accidit haec meditati Plotino, ut Gordianus imperator expeditionem in Persas moliretur, Parthis bellum illaturus. Huius igitur exercitui se adiunxit Plotinus A.C. CCXLIII.

aeta-

^m) loc. citat. c. 3.ⁿ) Natum scilicet sub Commodo, ut supra dictum.

aetatis anno trigesimo nono. Rebus tamen Gordiani infelicitè cedentibus, ipsoque imperatore in Mesopotamia interfecto^o, fugatoque exercitu ipse quoque fuga dilapsus est Plotinus, vixque saluus sospesque Antiochiam euasit. Deinde imperante Philippo Romam venit, annos iam natus quadraginta. Ibi licet magnum pandendae, quam insigni studio improboque labore sibi parauerat, sapientiae theatrum inuenisset, quoniam tamen arcanæ Ammonii disciplinae adhaerens condiscipulis Herennio et Origeni fidem fecerat, nihil philosophiae purgatae suoque nitori ab Ammonio restitutae se vulgaturum, inhaesit quoque instituto, fidemque inuiolatam praestitit; et cum iis quidem, qui illum conuenerant humane conuersatus est, Ammonii autem mysteria secreta integraque conseruauit. Quod consilium eo diligentius premi a Plotino par erat, quo magis non tantum eius rei fidem condiscipulis, et, ut dubio caret, praeceptorum quoque fecerat, sed et ipsa sapientiae, quam didicerat, auctoritas id postulabat, quae tantum crescebat, quantum abscondita a vulgi auribus infanda mysteria ostentabat: quantumque illa arcana disciplina ab inuidia telisque philosophorum, quibus Alexandria et Roma quoque abundabat, praestabatur immunis. Non tamen diu nimis durauit istud silentium. Herennio enim, ut supra dictum, pacti fidem primum soluente, et Origene sequente, liberum se a promissis reputans Plotinus ad docendam tandem eam philosophiam, quam in lectionibus Ammonii audiuerat, se composuit, a scribendo tamen, licet id fecisset Origenes, diutius se continuit, et colloquiis tantum eas interseruit doctrinas, quas ab Ammonio acceperat. Et hac quidem ratione decennium integrum philosophando consumpsit, ad colloquia quidem et disputationes quosdam admittens, nihil tamen ipse scribens. Sed quoniam discipulis, quos scholae consuetudine et familiaritate dignos iudicauerat, non permetteret tantum, sed inuitaret etiam illos, ut pro arbitrio, quae vellent, ipsum interrogare possent; accidit, ut magno ardore in haec noua dogmata exardescerent discipuli, multisque quaestionibus praeceptorem fatigantes ludum illum confusione nugisque replerent. Quae sine dubio causa quoque fuit, ut ad libros scribendos se accingeret, quibus meliori ordine philosophiae decreta se explicare posse sperabat. Arcanam itaque philosophiam Ammonii in literas retulit Plotinus, et primo quidem Galieni imperatoris anno se ad scribendas conuertit qualescunque inciderint quaestiones, mox singularium argumentorum genera scriptis complexus est, sic ut decimo Galieni anno iam vnum vigintique libros exaratos deprehenderet Porphyrius. Sed non facilis erat eorundem editio, neque cuius illi patebant, vel conscius erat quilibet, sed illi duntaxat accipiebant, qui essent maturo quodam iudicio comprobati^p. Ordinis vero et elegantiae non curiosum valde fuisse Plotinum inde colligere est, quod non ipse libris certos titulos praefixerit, sed discipuli, quorum alius aliter libros inscripserat:

Ee 3

rat :

^o) Vid. CAPITOLINVS in Gordiano tertio c. 28.^p) loc. cit. c. 4.

rat: prout nempe quaestiones discussae occasionem dedisse videbantur. Scripsit vero libros philosophicos quinquaginta quatuor, quorum plerique metaphysici argumenti sunt, et fanaticam Ammonii philosophiam mire produnt, pauci ad dialecticam, multi ad ethicam pertinent, quorum titulos cum enarrauerit Porphyrius ¹⁾ eos huc transcribere superfedemus. Eos variam Plotini aetatem variumque animi vigorem ostendisse obseruat PORPHYRIUS ²⁾, prout nempe vel in prima philosophicae aetate, vel „florentibus iudicii philosophici viribus, vel exhausto iam corporis animique vigore essent conscripti ³⁾. Primos namque vnum et viginti, si cum „proxime sequentibus conferantur, leuius habere robur videri, nec sufficiens habitum constantemque vim animi; qui vero medio tempore „compositi sint, virtutis florem prae se ferre, ad summum vsque vigentem; talesque esse quatuor et viginti, exceptis quibusdam paucis, perfectissimos. Vltimos denique nouem remissiorem iam referre facultatem, „idque postremos quatuor magis, quam antecedentes quinque declarare.“ Magnam scriptorum horum curam gerebat, cui totos permiserat, Porphyrius. Cum enim, relegere, quod scripserat, non sustineret, immo ne semel quidem legere et percurrere, propterea quod visus ei non satis sufficeret ad legendum, cumque scribens, nec belle literas pingeret, nec exacte syllabas distingueret, referretque, ne vllam orthographiae curam adhiberet, quaecumque etiam semel animo conceperat, tanquam ex exemplari ob oculosposito, vna scriptione delinearet, vt quasi traducere videretur, nonnunquam etiam cum suis inter meditandum verba faceret, et quae ad vitae humanae commercia pertinebant, componeret, seruata interim in animo totius meditationis atque cogitationum semel conceptarum serie, tandem, cum nec colloquiis cum amicis finitis scripta repeteret, sed deinde sequentia ita contexeret, quasi ne minimum quidem temporis institutum prius intermisisset ⁴⁾, facile cogitari potest, defuisse scriptis Plotini accurationem et elegantiam, eaque non in scribendi tantum modo, sed in ipsa quoque ordinis serie, et cogitationum inter sese concinnitate valde defecisse. Quod hodie quoque, licet criticas Porphyrii manus experti sint, in libris Plotini deprehenditur, in quibus magna obscuritas ordinisque defectus, et grauis saepe regnat confusio. Vt itaque huic scriptorum suorum scabiei mederetur Plotinus, Porphyrium hominem doctum et elegantioribus literis arteque critica probe subactum constituit, qui scripta ipsius emendaret ⁵⁾: quo munere cum diligentissime Porphyrius se defunctum fateatur, dubium non est, ad omnes hos naeuos eum atten-

¹⁾ c. 4. p. 99.

²⁾ Ibid. p. 103.

³⁾ Ita nempe intelligenda sunt verba Porphyrii, qui non ad aetatem vitae, sed ad annos philosophiae iudiciiue eius studio subacto retulit: ad quod non attendit Ficinus, qui de florentis aetatis vigore interpretatus est, quod occasionem dedit Cl. HEYMANNO l. c. p. 154. gra-

uem dicam scribendi Porphyrio, quod primo aetatis vigore eos libros exaratos dixerit, quos ad sexagesimum vsque aetatis annum vix poterat absolueret. Non enim vitae sed studii philosophici annos computabat Porphyrius, quam bene recteque locus hic non est dispiciendi.

⁴⁾ c. 14. Quae negligentia an laudi cedat Plotino, lector iudicet, ⁵⁾ c. 24. p. 134.

attendisse, et non orthographiae et idiotismi scribendi habuisse rationem, sed et ad ἀνακόλυσθα et male cohaerentia respexisse, melioremque et concinniorum ordinem inducere satagisse, quibus fieri non potuit, ut non de suis, quicquid ipsi videretur necessarium, adiceret, praesertim cum relegendi emendata et correctā labore fungi ob visum defectum non potuerit Plotinus. Idem porro Porphyrius, ut verisimile, tetralogiarum Platonis auctores imitatus *, in sex eos enneadas distribuit, quem similem laborem suscepit etiam Eustochius Alexandrinus, qui et ipse eius discipulus fuit, librorumque partitione paulo a Porphyrio recessit, ut hodie quoque ex loco quodamprehenditur †. In hos Plotini libros commentarios scripsit Proclus, et Dexippus eos aduersus Peripateticos defendit, de quibus laboribus docte, more suo commentatus est FABRICIUS ‡. MARSILIO FICINO vero non versionem tantum scriptorum Plotini, sed et argumenta praefixa, quae commentariorum vices explent, debemus, quae et sola primum §, et semel postea cum Graeco textu tantum prodit ¶. Magnam enim obscuritatem, et difficultates vix superabiles in argumento metaphysico, quod plerumque prosequitur Plotinus, regnantes, deterruisse plerosque lectores ab his voluminibus, dubium non est.

§. XII. Fecit haec et studiorum assiduitas, et in docendo fidelitas, et noui systematis obscuritas atque singularitas in admirationem eorum, quae non satis intelliguntur, plerosque rapiens, ut auditores nancisceretur plurimos, sectatores vero, qui eius philosophandi viam ingrederentur, (ζηλωτὰς διὰ φιλοσοφίαν συνόντας ait Porphyrius) haberet pauciores: quod in tanta docentis obscuritate et confusione, et systematis, quod totum fere metaphysicum est, difficultate mirandum non est; plurimorum enim annorum consuetudine et conuersatione cum Plotino opus erat, ut rite intelligeretur. Dedere tamen manus sectae Plotinianae Gentilianus Amelius, Paulinus Scythopolites, Eustochius Alexandrinus, medicus vterque, Zothicus criticus homo et poëticus. Sed et familiarem habuit discipulum Zethum genere Arabem, qui et uxorem duxerat filiam Theodosii, quondam familiaris Ammonii, et medicinae erat peritissimus. Fuisse hunc, ait PORPHYRIUS **, Plotino dilectissimum, eoque usum hunc fuisse familiariter, adeo ut in agros eius secederet, a ciuilibus vero muneribus, quibus ornatus erat, eum reuocare contenderet. Sed et alii magni viri adhaerebant Plotino et eum venerabantur, Castricius Firmus, vir bonarum artium studiosissimus, et Plotini atque Amelii serui etiam obsequio cultor, Marcellus Orontius, Sabinillus ac Rogatianus, Senatores Romani, quos in philosophiam diligentissime incubuisse Porphyrius testa-

*) Secutum se exempla Apollodori Atheniensis, Epicharmi comoedias, et Andronici, Aristotelis et Theophrasti libros distribuentium, ipse ait l.c.

†) Enn. IV. L. IV. p. 413.

‡) Bibl. Graec. Vol. IV. p. 154.

§) 1540. 1559.

¶) Basil. 1580. quae enim anni 1615. notam prae se fert editio, sola tituli pagina murata, prior est: cum obscurissimi scriptoris opera lectorem satis tardum inuenissent. Conf. FABR. l.c.

c) Id quod ad A. St. phil. T. II. p. 157. notandum.

d) c. 7. p. 105.

testatur ^e. Rogatianum vero ita fanatica sua philosophia occupauit Plotinus, ut et bonorum suorum curam neglexerit, et seruos omnes expulerit respueritque dignitates, nec ullam haberet praetor constitutus, publici muneris rationem, nec lares proprios habitaret, sed cum amicis quibusdam et coenaret et dormiret; qua vitae extrema factum esse incuria ait Porphyrius ^f, ut a podagrae doloribus liberaretur. Quod ad cognoscendum characterem philosophiae fanaticae Plotini omnino notari meretur. Sed et Serapion Alexandrinus et Porphyrius inter discipulos Plotini familiares fuerunt. Audiebant etiam eum mulieres nonnullae, inter quas erant Gemina, in cuius aedibus habitabat, item huius filia, etiam Gemina nomine, Amphiclea quoque Aristonis filia, et filii Iamblichi (cum Iamblichus Porphyrii discipulo, de quo in sequentibus dicemus, non confundendi ^g.) vxor. Hos et scriptis, quod diximus, et viua voce docebat Plotinus, et ad quaestiones discipulorum respondebat, et tanto ardore philosophiae suae opus prosequabatur, ut neque solus neque inter discipulos, neque cum aliis a conuersione et intentione ad mentem suam aliquid intermitteret, nisi forsam cum dormiret, quamuis et somnum ab eo excuserit ^h tum cibi parcitas, saepe enim pane etiam abstinebat, et assidua quaedam eius erat conuersio ad mentem. Ex quo Plotini caractere, quem depinxit his verbis Porphyrius, hominis ingenium miro ardore inflammatum et nescio qua ambitione ductum sese iudicii habenis subtraxisse, et obiectorum magnitudine captum et abreptum sibi saepe ipsi non fuisse praesentem, recte concluditur, et Plotinus inter eos non immerito doctores refertur, qui non, quid dicant scribantque perpendunt, sed cogitationum fertilissimarum fluctibus abrepti, amplectuntur, quicquid aestuanti imaginationi occurrit singulare et ab aliis diuersum, licet iudicio fulciatur nullo: quibus proprietatibus gaudere ingenia fanatica, norunt, quibus sacrae atque philosophicae historiae acta ignota haud sunt ⁱ. Accidit tamen haud raro, ut eiusmodi ingeniorum fanaticismus, eo quod singularia, excelsa, diuina hominibus iudicii accuratione non praeditis promittere videtur, magnam consequatur nominis famaeque gloriam. Certe id Plotino euenit, cuius licet obscurissima esset philosophia, isque a vita ciuili homines stulta persuasione, metaphysicas nugas suas maiorem praestituras felicitatem, auocaret, tantum tamen creuit auctoritas, ut non solum inter viuos summa esset eius existimatio, sed et viri nobilissimi mulieres item generis splendore illustres, morti vicinae filios suos tam mares, quam feminas Plotini curae et educationi crederent, facultates quoque eorum administrandas ei traderent. Magna in his fide versatum fuisse

e) c. 7. p. 106.

f) loc. cit.

g) Iamblichum hunc cum Syro confudit Me-
NAGIUS Hist. mul. philos. §. 48. Iamblichi
enim huius filii vxor Plotinum audiuit cum
Porphyrio, huius demum discipulus fuit Iam-
blichus ille, aetate valde inferior, Legendum

etiam Amphiclea, vel Amphiclia, pro Amphi-
chia ibid.

h) c. 8. p. 108. Mirum itaque non est ieiuniis
et vigiliis ad ecstases praeparatum fuisse cor-
pus Plotini.

i) Conf. Act. phil. l. c. p. 159. Mosh. l. c. p. 112.

iffe Plotinum Porphyrius testatur ^k facileque credi potest, hominem metaphysicis magis thesauris, quam ciuili vitae diuitiis intentum, coelibem item et sine familia, atque a sectatoribus magnifice curatum, a pupil-
lorum facultatibus abstinuiffe. Plena vero eius domus puerorum virgi-
numque fuit, quorum procuratores, rationes administrationis reddentes
diligenter audiebat, diligentemque adhibebat parsimoniae curam, affir-
mans, quam diu nondum philosopharentur, sua illos bona possidere, et
prouentus accipere sine detrimento debere ^l. Quibus cum ita inuigila-
uerit Plotinus, vt tamen nunquam aliquid ab intentione mentis ad se con-
uerſae remitteret, mirum est, et tempus et patientiam ei superſuiſſe, alio-
rum quoque deſideriis velificandi. Narrat enim porro PORPHYRIUS ^m:
tanta fuiſſe Plotinum humanitate erga quosuis, vt omnibus, qui ei quoquo
modo adhaerent, pro arbitrio eſſet expoſitus: factumque inde eſſe, vt,
cum Romae annos ſex atque viginti integros habitafſet, plurimorum arbi-
ter mutuas controuerſias diremerit, et nullum tamen ciuium habuerit
inimicum, amicos vero poſſideret plurimos, et a ſummis etiam viris co-
leretur. Quin et ipſe imperator Galienus, eiſque vxor Salonina Ploti-
num honorabant maximeque colebant: dignumque eſt memoratu, ad co-
gnoscendam Plotini animi indolem, quod porro tradit PORPHYRIUS ⁿ:
beneuolentia eorum fretum orauifſe, vt dirutam quandam olim in Campa-
nia ciuitatem philoſophis aptam inſtaurarent, regionemque circumiacen-
tem cultae ciuitati donarent, permitterentque vrbis futurae ciuibus, Pla-
tonis legibus gubernari, ipſamque etiam ciuitatem Platonopolin appella-
ri: pollicitum, ſe illuc habitatum cum omnibus amicis ſuis proſecturum.
Quod lepidum conſilium ambitione et ſtulta Platonis imitatione ſuſce-
ptum, quo minus exſequeretur pronus ad preces Plotini imperator, obſti-
tere amici Galieni, quos vel indignatione vel inuidia, vel alia quacunque
de cauſa acriter obſtitifſe ait PORPHYRIUS ^o: qui ſcilicet inſanientem
philoſophi pruriginem, et ſtulta ingenii metaphyſici politicis rebus inepte
ſe miſcentis conſilia, male tandem deſitura viderunt et impediuerunt. Et
his quidem rationibus vixit Plotinus, ſanitate non prorſus firma vſus, cui
tamen, licet medicae artis peritiam poſſideret, ſingulari prorſus corporis
odio medicinam afferre noluit. Saepe enim cum colico vexaretur mor-
bo, ſemper clyſteres renuit, nec theriaca antidota accepit vnquam, cum
nec ex animalium, etiam manſuetorum corporibus capere ſe eſcam dice-
ret: abſtinebat etiam a balneis ſoliſque frictionibus vſus eſt ^p. Quae
omnia praeiudiciis Pythagorico - Platoniciſ nitebantur, abſtinendum eſſe
ab iis, quorum eiſdem generis et naturae cum hominibus ſit cognatio,
detruſam in corpus animam poenas peccati errorifque ſui terrenis et cor-
poreis

^k) c. 9. p. 108.

^l) Aliter enim a philoſophantibus poſcebat
communio Pythagorea, quam haec ſchola ſum-
mis extollebat laudibus.

^m) loc. cit. p. 109.

ⁿ) c. 12. p. 113. ſqq.

^o) p. 114.

^p) c. 2. p. 93.

poreis affixam luere, grauemque seruire feruitutem, et liberandam a corporis contagio ad principia, vnde effluxit, sua reuocandam esse, etc. Ex quibus odium illud in hanc, quam circumferebat, corporis molem exortum est, quod non tantum natiuitatis tempus celabat, sed et ne se pingi quidem patiebatur, et amicos cogebat, imprimis Amelium praeceptoris imaginem vehementer exoptantem, vt Carterium pictorem optimum in scholas Plotini, quibus interesse licebat cuius, introduceret, longaque attentione Plotini imaginem animo sibi imprimere altius, et lineamenta concitatus concipere iuberet: ex qua memoriae imagine cum similitudinem referret pictor, eamque Amelius emendaret, tandem is incio Plotino eius imagine quam simillima potitus est ¹. Quod Plotini singularis indolis exemplum tanquam modestiae rarae, et vanitatis profligatae specimen inter Christianos, si paucos viros claros excipias vix occurrens, vehementer quidem laudat P. BAYLE ², sed, vt dicta probant, praeter meritum. Tantum enim abest, vt modestiae in eo laudem quaesiverit Plotinus, vt fanatica potius ambitione quadam irritatus, cum se corporea mole grauatum a diuinis originibus coelestique dignitate deturbatum crederet, bilem hanc ob rem omnem in corpus euomeret, et abiecte nimis atque indigne de eo statueret, eius etiam imaginem detestaretur, quod diuinae tamen imaginis lineamenta et artificii coelestis perfectionem referre nouimus ³. Contraxit vero haec valetudinis suae negligens cura Plotino mortem miserabilem. Paulatim enim in anginam incidit, cuius adeo morbi pestis inualuit, vt rauedine nimia clarus ille atque canorus vocis rotundae vigor omnis abiret, caligaret visus, manusque et pedes vlcerarentur, et in putredinem tandem abirent, quam eius miseriam praeter PORPHYRIUM ⁴ tetigit FIRMICVS MATERNVS ⁵. Derelictus itaque ab amicis, praeter vnum Eustochium, (nam Porphyrius tunc in Sicilia versabatur) ex vrbe decessit, et in Campaniam deductus est in agrum Zethi veteris discipuli fatis iam functi, a cuius haeredibus ei necessaria suppeditabantur, atque etiam ex praediis Minturnis Castricii afferebantur. Mortem vero cum sentiret appropinquantem, ad Eustochium dixit: *Equidem iam annitor, quod in nobis diuinum est, ad diuinum ipsum, quod viget in vniuerso, adiungere*, hisque dictis spiritum reddidit. Quibus verbis totam fere philosophiam suam expressit, hoc potissimum fundamento nixam: cuncta ex diuino fonte animae mundanae emanasse, animam ipsam, vel τὸ Θεῖον potius, mentemque diuinae naturae atque essentiae particulam iungendam iterum esse fonti ex quo effluerat. Et si enim migrationibus prius purgandas animas nec Plotinus quidem

¹) c. I, p. 92.

²) Idem enim de Busbequio, M. Velfero, Io. Vinc. Pinello, Iacobo Gretsero Gabriele Palaeo-
to, Thoma Gatackero, Valerio Herbergero,
Antonio Varillasio, Casparo Scioppio, Vincen-
tio Placcio, I. Mabillonio ipsoque P. Baelio nar-

ratur, quorum tamen plerorumque habemus
imagines inuiris illis extortas, vt Plotino.

³) loc. cit. not. A.

⁴) c. 2. p. 94.

⁵) L. I, p. 6. Math. qui viuo corpore tabe-
scens, et misere putrescentem describit.

quidem negabat ^v, suam tamen mentem ita philosophiae studio purgatam credebatur, ut corpori adhuc adhaerens, ad Dei ipsius intuitionem ascenderit: unde ista quidem purgatione, quam per *μετεμψύχωσιν* fieri et per multas periodos transire cum Ammonio statuebat, se opus habere minime putavit. Quae an laude digna sint, et Christianum quoque hominem non indecentia, quod non RHODIGINVM * tantum sed et illo longe doctiorem in veterum doctrinis P. BAYLIVM ^v scripsisse miramur, iudicent rei periti. Ita vero Plotinus rebus humanis LXVI. aetatis anno, Claudii imperatoris secundo, A. C. CCLXX. ereptus est. Facile ex enarrata fusa Plotiniana vitae historia de eius temperamento corporis, animique indole, et intellectus atque voluntatis virtutibus pariter atque vitiis iudicari potest. Accurate enim si singula ponderentur, et potissimum ea, quae passim iam *ἐν παρίδω* notauimus, intelligitur sane, fuisse eum temperamento, quod quidem in ipso Porphyrio notabat Plotinus ^z, melancholico, corpusque eius atra bile refertum, valde animam grauasse, et non sanguinem tantum corruptis repleuisse et stagnantibus humoribus, qui tandem in morbum degenerarunt miserabilem, sed et animi facultates valde corrupisse. Inde enim eximius magnusque iudicandi facultatis defectus deriuandus est, quem non in vita tantum toties, sed in ipso quoque, quod elegit, systemate prodidit. Cui cum accederet animi ex eadem temperamenti natura ad superstitionem vehementer inclinantis conditio, quae gentis, ex qua ortus erat Plotinus, indole, et educationis consuetudine immensum augebatur, non potuit non animus Plotini totus corrumpi, ubi Ammonii accessisset institutio, qua ad enthusiasum ab eo manu quasi ductus, huicque scopo reliquas disciplinas totamque philosophiam adhibere iussus est. Quae animi ad enthusiasum inclinatio imaginationis ardentioris magnaque vehementia exaestuantis intemperie ita aucta est, ut si verum est, quod PORPHYRIUS narrat, usque ad ecstasim raperetur. Mirum itaque non est, hominem non metaphysicis tantum speculationibus male saepe cohaerentibus totum fuisse occupatum, sed et theurgicis virtutibus gloriatum, miseramque Ammonii philosophiam amplexum; obscuritate quoque totum laborare, et vix posse intelligi, quem se ipsum non ubique intellexisse, valde est probabile: licet illi intensissimum acumen et multiplicem intellectum adscribat Porphyrius, eiusdem prorsus commatis philosophus. Cuius si testimonio standum est, post Pythagoram et Apollonium tertius in hac philosophorum *Σαυμασίων* schola locus debetur Plotino: cuncta enim eius laudibus prorsus inuidendis personant. Porphyrium ^a enim si audis, „erat in congressibus ad dicendum strenuus, ad inuentionem solers, ad „opportuna percipienda promptissimus, licet in dictionibus nonnullis aber-
Ff 2 „raret.

^v) Vid. Enn. VI. L. VII. c. 6. p. 699. quae tantum more Aegyptio ludere, non vero Platonicè asserere nugatur Ficinus, ut Platonicorum suorum dementiae succurreret.

* Antiq. lect. L. XXI. c. 10.

^z) l. c. Uterque ad sensum diſti enthuſiaſticum non attendit.

^z) c. II. p. 112.

^a) c. 13. 14. 15. add. FIRMICVS l. c.

„raret. Praeterea inter loquendum mens emicabat, lumen intimum ad „vultum vsque diffundens: amabilis enim cum esset aspectu, pulchrior „tamen inter disputandum videbatur, benigna mansuetudine et placida ad „excipiendas quaestiones lenitate cum robusto ad eas dissoluendas vigore „certante. Et quamvis brevis esset, sensibus tamen vbique pluribus, „quam verbis abundans, multa diuino afflatus numine effundebat, animo- „que ad rem ipsam ardentem affecto. Eruditio erat vniuersalis sparsaque „latenter in libris eius Stoicorum, Peripateticorumque dogmata. Late- „bat eum nihil illorum, quod ad geometriam, arithmetica, mécani- „cam, optica, musica pertineret, licet ad haec nunquam data opera „exercendo se praeparasset. Etsi vero in eius schola legebantur Platon- „corum praestantissimorum commentarii, Seueri, Cronii, Numenii, Caii, „Attici; item Peripateticorum Aspasii, Alexandri, Adraasti, sui tamen „iuris erat et ab his in theoria prorsus diuersus, quippe qui in „soluendis quaestionibus ad Ammonii systema conformabat responsum. „Operam etiam dedit astronomicis regulis ^b, quamvis more non ad- „modum mathematico, astrologorum autem iudiciis incubuit diligentius, „eorumque praedictiones saepe refutauit. Gnosticos, orientalem Zoro- „astris philosophiam iactantes repulit, Platonem ab contemptu eorum vin- „dicauit^c. Quae licet magna satis longe tamen his praecelluit vis Plotini „theurgica, qua vir vere fuit, si Porphyrio fides, *Θαυμάσιος*. „Cum „enim semper animo inuigilaret, vt scilicet purus, et erga diuinam illam „naturam amore accensus ex amara huius vitae vnda emergeret, hacque „ratione hoc beato lumine cum saepe se ipsum attolleret tota mente ad De- „um primum mente superiorem, perque gradus Platonicos omnes ascen- „deret ad diuina, ipsi protinus apparuit Deus ille nec formam, nec ideam „aliquam habens, sed super intellectum vniuersumque intelligibile in se „ipso consistens. Qua Dei summi apparitione ad philosophiae suae finem „appropinquauit, qui erat Deo vbique praesenti coniungi, quam etiam „felicitatem quater consecutus est ^c. Sed diuino etiam collustratus lumi- „ne in docendo et scribendo auxiliis Deorum singularibus adiutus est, vt „intus et extra ea pulcherrima aspiceret, quae alii philosophi attingere ne- „queunt^d. Talis cum esset Plotinus, qui tanta familiaritate supremo Deo „vteretur, mirum non est, inferioribus Diis fuisse familiarissimum. Daemo- „nes enim non euocauit modo alios sed et genium suum non inferioris or- „dinis, sed superioris classis ex Diis aetheriis ^d, quae ei occasio fuit de fami- „liari daemone librum conscribendi hodie extantem: immo tanta inter „eos auctoritate fuit, vt excelsa mente Deos ad se, non vero se ad Deos ac- „cedere debere professus sit. Horum vero ope & ministerio factum est, „vt cum obtrectatorem ex condiscipulis apud Ammonium, Olympium Ale- „xandrinum nactus esset, quocum de principatu in illa philosophia certabat, „quam

^b) Hoc vnum displicet Firmico I. c. locum in-
tegrum habes etiam apud F A B R I C I, l. c. p. 153.

^c) c. 23. p. 137. seq.
^e) Ennead. III. L. IV.

^d) c. 10. pag. III.

quam tanto magistro didicerant, isque veneficiis Plotinum inuaderet magicis-
que incantationibus efficere tentaret, vt fideretur: retudit ictus directos
Plotinus in aduersarium arte hac ei superior, vt totum eius corpus, tanquam
marfupium contraheretur^f. Talia multa de Plotino praedicat Porphyrius, vt
euinceret vera esse, quae magnifico carmine de praeceptore hoc suo cecinit
oraculum^g, quod eum supra humanae naturae consortium euexit, Deorum-
que adscripsit contubernio. His vero omnibus quanta fides adhibenda sit,
opus non esse, vt prolixè ostendatur, arbitramur, postquam non fusc tan-
tum de horum hominum totiusque sectae consilio se suosque philosophos
diuinis miraculis filii Dei et legatorum eius opponendi differuimus, sed in
Pythagorae quoque et Apollonii Tyanensis exemplis demonstrauiamus,
fictis et mendacio exstructis miraculis res suas confirmare, in hac secta
non licitum tantum fuisse, sed et laudabile, et commendatum. Quo arti-
ficio cum Porphyrius quoque in Pythagorae vita vsus sit, luculenter inde
apparet, eum in hac quoque praeceptoris sui *βιογραφία*, a rationibus et
consuetudine sectae suae non discessisse; hinc mendacis laudis vbique in hoc
encomio apparent vestigia, quae facile detegi possunt, si ad eam, quam
delineauimus, Plotini animi imaginem respiciamus. Quam enim ei tribuit
iudicandi solertiam, systematis euertit conditio, quod ita comparatum est,
vt vel mediocri attentione iudicandique facultate, quam miserum sit male-
que cohaereat, queat deprehendi. Qua de re vt conuincamur, vnus
tantum ex eius libris lectione opus est, vt pateat, acumine quidem et sub-
tilitate metaphysica non destitutum fuisse Plotinum, sed saepe prorsus de-
lirantis in modum; tantaque obscuritate et dictionis poeticiis figuris vbi-
que repletae salebris esse impeditum, vt satis pateat, insanientem prae erudi-
tione Plotinum, se ipsum non satis intellexisse. Ipse certe EVNAPI-
VS^h de Plotino fatetur, quod τῶ τε τῆς ψυχῆς ἐξανία καὶ τῶ λογῷ καὶ
αἰνιγματώδεις τῶν λόγων βαρὺς ἐδόκει καὶ δυσήκοος propter diuinum argu-
mentum obliquamque et aenigmaticam dictionis obscuritatem grauis et
difficilis intellectu visus sit. Quod licet ex eo tantum deriuat MACRO-
BIUSⁱ, quod parcissimus verborum fuerit, fatetur tamen Porphyrius ex
ignorantia aptae dictionis prouenisse, veraque causa inde deriuanda est, quod
obscuris vagisque mentis notionibus et ideis nihili vteretur, et nimia sub-
tilitate cogitationum tandem in auras euanesceret. Quod licet satis potu-
isset verum philosophiae Plotinianae characterem prodere, et efficere con-
tentum, contrarium tamen effectum habuit, vt quae homines non intelli-
gerent, ea laudarent. Quod Christianos^k quoque fecisse merito mira-
mur. Nihil vero magis pseudo-philosophum fuisse Plotinum prodit,
Ff 3 quam

f) Ibid.

g) c. 21. p. 133. Consecratum illud carmen
fuisse a discipulis Plotini et Apollini suppositum
non est quod dubitemus, adeo sapit eius scho-
lam, et ipse Apollo se Plotino facit inferiorem.

h) p. 17. Ita ipse quoque Porphyrius et Longinus.

i) In somn. Scip. I. II. c. 12.

k) AUGUSTINVS contra Acad. I. III. c.
13. recentiorum elogia vide apud THOM. PO-
PE-BLOUNT. Cens. celebr. auct. p. 203. seq. et
FABRIC. Bibl. Graec. Vol. IV. p. 148. seqq.

quam qui ab ipso Porphyrio ^l tanquam summa ei felicitas attribuitur enthusiasmus, qui et totum eum sapientissime occupavit, et totius philosophiae eius finis atque scopus fuit, eoque tandem progressus est, ut laxatis imaginationis efferuescentis habenis ad ecstases raperetur. Quam animi conditionem vel morbum potius corruptae et ab insania prope distantis mentis argumentum esse, non ignorant, qui nunquam de humani intellectus, et imaginationis viribus morbisque fuere solliciti. Non imparatum fuisse a lectionis in scriptis philosophorum versatae copia facile credi potest, cum hanc postulaverit syncretisticae philosophiae conditio, longissime tamen in his eum superavit discipulus Porphyrius. Mirum vero quod de eius eruditione mathematica is iactat, in qua tamen se nunquam exercuisse dicit, quasi habitu Θεοδιδάκτω sine ulla exercitatione ea acquiratur: nec saniora sunt, nullius eum philosophi iuris factum esse, et tamen in decidendis quaestionibus vni adhaesisse Ammonio. Ex his enim intelligimus, nefanda conciliationis praeposterae et ad fanatica placita attemperandae consilia secutum fuisse Plotinum. Quibus tantopere obtemperavit, ut plerisque Graecorum, non dissimulante PORPHYRIO ^m, plagii, expilati-que Numenii suspectus esset, Ameliusque peculiari libello *de differentia doctrinae Plotini ad Numenii disciplinam* ab hac turpitudine nomen eius vindicare opus haberet. Tota enim eclectica secta ab hoc plagii crimine immunem et innocentem calamum non praestitit, ut ex dicendis constabit. Hoc unum laudandum in Plotino, quod astrologicas vanitates contemserit, quod tamen artis magis ignorance, quam philosophiae iudicio factum fuisse videtur, cum systema Ammonii eas non repudiet. Nihil tamen magis morbos, quibus laboravit Plotini animus, prodit, quam iactabunda admirandorum narratio. Quam si totam reicimus, nihil ea in re agimus, quod non attentum veteris historiae lectorem decet, et prudentiae fideique historicae regulae postulant: cum supra iam, ubi de Apollonii miraculis actum, euidenter probauerimus, huius scholae homines fraudibus, praestigiis, mendaciis eiusmodi θαυμασὰ iactasse, ut sibi suisque praeceptoribus diuinioris auctoritatis et ἱερὰς γενεᾶς (quod nomen affectabant) fidem facerent, et haberent, quod miraculis Christianorum opponerent ⁿ: nec eos puduisse, impudentissimis eiusmodi mendaciis nutanti superstitioni succurrere. Sed dabimus Porphyrio, licet ob Pythagoreas, quas conscripsit, fabulas, valde suspecto, fidem, quid quaeso miracula narrata loquuntur aliud, quam hominem et delirum, et impostorem? Et ecstasin quidem haud semel passum esse, facile credimus, et vidisse se Deum summum nulla imagine conspicuum, ut quidem sibi persuadebat. Naturale enim hoc est

l) Τὰ πολλὰ ἐνθεσιῶν καὶ ἐκπαθῶς ψεδῶν,
c. 14. p. 115.

m) c. 17. p. 119. Distum hac de re supra
sect. 3. in Numenio.

n) Fidem eius rei nobis facient historiae vita-

rum ab Eunapio, Marino, Damascio confectae, quas in sequentibus examinabimus. Ubique enim hi homines sibi similes deprehenduntur, id est, sui aman- tissimi, iactatores, impostores impudentissimi, plaustra mendaciorum congerentes.

est hominibus atra bile ad furorem et deliria laborantibus, corpusque inedia et vigiliis extenuantibus, et saepius factum, vt deiecta ab imaginationis regimine iudicandi vi, ad insolita vagaretur ingenii delirantis furor, cuius exempla plurima nobis sacra et philosophica narrat historia. Incantatorem vero magicis eum superasse artibus et prouocasse spiritum tutelarem cum Aegyptiaco sacerdote de hac arte certantem, quid aliud probat, quam vel veneficum, magumque, vel impostorem et praestigiatores fuisse Plotinum maximum, quales sacerdotes fuisse gentiles toties annotauimus? Qui si Luciani vixisset temporibus, dignus fuisset, qui Apollonio et Alexandro iungeretur. Ast hic tandem communis quasi Asiae, Africae et Europae praeceptor fuit, qui nouum et pestilentissimum philosophiae genus, quod totum superstitionem, enthusiasmum, praestigias et innumeras decipiendi homines artes complectebatur, per discipulos vbique disseminauit^e. Hic fons fuit Castalius, ex quo arua sua irrigarunt non Asiae tantum celeberrimae ciuitates, sed et Athenae, Alexandria, Roma. Hoc oraculum fuit, quod imprudenter a Christianis consultum magnam errorum multitudinem per agrum Domini disseminauit, et vehementer rempublicam turbauit Christianam^f, qua de re dicemus plura in sequentibus^g.

§. XIII. Magnam scilicet segetem, laetissimis prouentibus efflorescentem non promiserunt tantum, sed tulerunt etiam semina a Plotino iacta, cuius philosophia per totum fere orbem Romanum propagata est. Cum enim discipulos haberet ipso praeceptore doctiores, ambitione veronimium elatos, qui se labascenti superstitioni auitae nouos quasi Atlantes missos esse credebant, ad sustinendum, quod ruinam minabatur, onus, quique Ammonii et Plotini artibus inclarescere se posse non inepte coniciebant, disseminatum ab iis systema philosophiae Ammonii per omnes fere terras locum inuenit hominesque, qui id porro propagarent. Nam non Romae tantum, vbi docuerat Plotinus, sed imprimis Alexandriae, vbi nata erat haec philosophia, et in nobilioribus Asiae minoris urbibus, tandemque Athenis etiam non affeclas tantum inuenit, sed publicos quoque doctores, et professorum eius systematis successionem. Quae licet ab Ammonio Alexandriae fundamenta accepisset, vnde Alexandrinam quoque, sensu eminentiori, philosophiam recte vocaueris, reliquis tamen Ammonii discipulis, nescio quo fato, mature obliuione tenebrisque sepultis, vnus emicuit Plotinus, qui totum aedificium ab Ammonio constructum, non fulciret tantum, sed totum exornaret et ad fastigium deduceret. Recte itaque dixit S O C R A T E S^r, Hypatiam Alexandrinam

*Successio
scholae Plotinianae.*

in

^e) Conf. elegantissimus MOSHEM IVS I. c. p. 112. seq.

^f) IDEM I. c. §. 12. p. 115. seqq.

^g) Vnus cum inter veteres Plotinus philoso-

phus occurrat, de homonymis dispicere non possumus.

^r) Ὑπατίαν τὴν Πλατωνικὴν ἀπὸ Πλωτίνου καταγομένην διατριβὴν διαδέξαμεθα, Hist. eccl. L. VII. c. 15. p. 352.

in schola Plotini Platonica successisse. Id quod reprehendit quidem doctissimus VALESIVS, negans scholae Alexandrinae successionem a Plotino deducendam esse, quod is quidem Alexandriae ab Ammonio institutus esset in philosophia, nunquam tamen Alexandriae docuerit, scholamque tenuerit, sed in vrbe Roma usque ad obitum docere perseverauerit, unde mallet pro Plotino Ammonium substituere. Praeter rem tamen haec dicuntur, ipso viro doctissimo fatente scholam Alexandrinam sibi Plotinum vindicasse. Vbi enim de sectae huius Alexandrinae successionem agitur, non de solo loco, sed de systemate sermo, quod in isto loco enatum, et magnam quoque partem ibi propagatum est, quod licet Plotinus Romae docuerit, manet tamen scholae eius nomen Alexandrinae, quod non tantum Alexandriae eam philosophiam Plotinus didicit, sed ipsi quoque eius discipuli Plotiniana scholae successionem rectam Alexandriae seruarunt. Quae licet Athenas quoque Antiochiam aliasque in vrbes propagines dmitteret, nomen tamen Alexandrinae scholae et philosophiae seruauit, vt Academica philosophia atque secta dicta est, quae ex Academia progressa latissime per Graeciam et Romanum orbem se diffudit. Successionem vero Plotiniana scholae, quam Alexandrinam quoque dicemus, praeter Amelium, diuturnum Plotini et familiarem discipulum, propagauit Porphyrius, qui praeter Theodorum Asinensem, Iamblichum Chalcidensem ex Coelestria magni in hac schola nominis philosophum discipulum habuit, qui Constantini M. temporibus floruit. Qui vel ea propter peculiari attentione in huius scholae historia dignus est, quia ad constituendam huius generis sectam dandumque ei iustum habitum et perfectionem omnium plurimum contulit. Ex eius disciplina progressi sunt multi viri eruditi huius philosophiae laude inclyti, et imprimis Sopater Syrus, Aedesius et Eustathius Cappadox eiusque vxor Sosipatra et Antoninus filius, quibus Theodorus et Euphrasius Graeci adduntur. Aedesius scholam Alexandrinam institutione sua porro propagauit, et non Sosipatram tantum et Antoninum Eustathii, sed et Eusebium Myndium, Maximum Ephesium, Priscum et Chrysanthium Sardianum discipulos habuit, qui sectam hanc eruditione sua plurimum nobilitarunt. Ipse Iulianus imperator hanc philosophiam ab Aedesio, Chrysanthio, Prisco et Maximo edoctus est, de ea scripsit valdeque eius incrementa promouit. Chrysanthio adhaesit, et philosophiae ab eo mysteria didicit Eupapius Sardianus, cuius fere diligentiae acceptum referimus, quicquid nobis de eius successionem innotuit. Sed et Hierocles circa haec tempora in hac schola Alexandriae doctor fuit; ex qua vrbe ad Graecos Athenas praeter Chrysanthium traduxit Plutarchus Nestorii, cui Syrianus discipulus successit. Syrianum audiuit Hermias Alexandrinus eiusque vxor Aedesia, itemque Domninus Syrus, et praecipue Proclus, magnum in hoc coelo fidus. Qui cum discipulos educasset plurimos, per omnes fere terras hanc philosophiam disseminauit, inter quos eius auditores maxime

illustres fuerunt Heliodorus et Ammonius, Hermiae filii, Hierius Plutarchi, Asclepiodotus, Zenodotus, Seuerianus, Vlpianus, Gazaeus, et Marinus, qui in cathedra praeceptorum successit. Multos hos in philosophiae huius societatem adduxisse, facile ex his conici potest, cum Christiani quoque horum hominum scholas frequentauerint, unde inter veteris ecclesiae viros philosophos huius quoque sectae vestigia, nimis eheu! frequentia suo loco occurrent. Ex gentilibus Ammonii auditoribus fuere Simplicius, vir eruditus et magnae inter eos existimationis et Asclepius Trallianus. Marinus discipulo gauisus est Isidoro Gazaeo, isque Damascium Damascenum huic philosophiae innutrit, in quo defecit celeberrimae scholae successio. Horum itaque, quantum nobis relictum de iis ex veterum memoriis, condemus historiam, non neglectis tamen iis, qui ex eadem schola nominis atque eruditionis celebritatem consecuti sunt, qualis fuit Theon Alexandrinus, magnae famae mathematicus, et imprimis philosophiae Alexandrinae et mathematicum laude inclita eius filia Hypatia. Addemus etiam quos Christianis quidam annumerant, rectius gentiles visi, licet ex utrisque mixti videantur, qualis fuit Macrobius, et si quosdam audias Chalcidius quoque, quem tamen Christianis magis addendum esse suo loco faciemus verisimile. Quin et tota fere Peripatetica secta a Sec. III. initio huc referenda est. Cum enim inter Platonicos et Aristotelicos concordiam tentasset Ammonius, eiusque discipuli eam confirmassent, factum est, ut non minorem in explicando Aristotelis systemate operam ponerent, eclectici, inter quos Dexippus, Themistius Euphrades, Olympiodorus et Simplicius eminuerunt. Quorum tamen cum maxime circa Peripateticam philosophiam eminuit industria, in huius sectae historia faciemus mentionem.

§. XIV. Amelius natione Tuscus fuit, ut testatur, qui diu cum eo vixit PORPHYRIUS[†]; quare audiendus non est SVIDAS^{*}, qui Syrum Apamea oriundum facit, sine dubio, quod locum natiuitatis cum eo, ubi diu vixit, ciuemque aliquem filium adoptauit, confunderet, qualis negligentia Suidae passim in eius lexico deprehenditur. Proprium Amelii nomen, Gentilianus fuit, maluit vero nominari *Amerius*, ab integritate ducta appellatione, quam *Amelius*, a negligentia^γ. Praeceptorem in philosophia habuit ante Plotinum Lyfimachum, quem Stoicae familiae addictum fuisse, ex LONGINI fragmento de fine liquet^z.

Amelius.

Ab

†) Successionis huius fidem faciemus in sequentibus. Videndi etiam praeter Eunapium, Marinum, Damascium, huius scholae philosophos, ex recentioribus IONSIUS de Scr. Hist. Philos. L. III. c. 16. p. 293. OLEARIVS de philos. eccl. c. 3. p. 1209. FABRICIVS prolegom. ad Marini vitam Procli p. 10.

*) In vita Plotini c. 7. p. 104.

z) SVIDAS T. I. Amelius p. 137. conf. HOL-

STEN. vit. Porphy. c. 6. p. 44. KVSTER. ad l. c. Suidae, MEYRS. Bibl. Graec. alii.

γ) PORPHYR. l. c. Amerium vocat EVNAPIVS vit. Sophist. p. 17.

z) l. c. f. 6. p. 129. conf. FABRICIVS Bibl. Graec. Vol. II. p. 405. Ast Vol. I. p. 559. Lyfimachis ibi enarratis addendus. conf. IONSIUS de S. H. Phil. L. II. c. 18. p. 209. L. III. c. 15. p. 288.

Ab hoc ad Plotinum transiit, Philippi imperatoris anno tertio, qui fuit A. C. CCXLVI. cum iam prius ex Numenii scriptis magnum in Platonem amorem concepisset. Omnia enim fere scripta Numenii descripsit, plurimaeque eorum memoriae mandauit ^a. Ab eo tempore Plotini semper lateri adhaesit indiuiduus comes, per viginti atque quatuor annos, et fortasse non reliquisset praeceptorem, nisi eum in saluberrimam Campaniam Roma discedere coëgisset morbus desperatus, ut supra narrauimus. Tum enim in Syriam Apameam discessit ^b, sine dubio, quod ita viribus defecerat Plotinus, ut docendo non amplius sufficeret. Tantopere vero a socordia et negligentia, quae nomen tamen ei fecit, abhorruit, ut laboris tolerantia omnes condiscipulos suos superaret ^c; cuius dedit specimen cum ex lectionibus et disputationibus scholia multa atque commentariolos colligeret; ex quibus centum ferme libros composuit ^d. Quam diligentiam cum longum tempus continuaret, et praecipue quaestionibus Plotino propositis de grauissimo quouis philosophiae argumento differendi occasionem ei offerret ^e, dici non potest, quantum in eclectica philosophia scholae Ammonii profecerit. Tanta certe Plotinus in eum erat fiducia, ut si quaestiones a discipulis propositas prolixiori dissertatione excuti cuperet, Amelium ad eas dubitationes, scriptis etiam, respondere iuberet ^f: eumque potissimum deligeret, qui famam praeceptoris a plagii obiecto vindicaret crimine, quo sine librum eius scripsisse *de differentia doctrinae Plotini a Numenii disciplina* ^g, supra diximus. Verum in aliis quoque materiae philosophicae generibus utilem Plotini philosophiae praestitit operam. Cum enim haeretici veteres Gnosticorum ex femine prognati, orientalisque philosophiae alumni, ut auctoritatem nugis suis conciliarent, reiectis Pythagora et Platone, quos diuinitatis abyssum, ex qua emanasse diuina omnia miris somniis crepabant, non intellexisse contendebant, libros multos supposititios circumgestarent, et reuelationes quasdam Zoroastris, Zostriani, Nicothei, Allogenis, Mesi, aliorumque ostentarent; grauiter id ferens Plotinus, qui scholae Ammonii tantorum heroum sapientiae possessionem vindicabat, discipulis Porphyrio Amelioque negotium dedit, ut eos fraudis conuincerent. Amelius itaque libros quadraginta composuit contra librum Zostriani apocryphum ^h, sed et libros Plotini ex ipso eius ἀρχετύπω et manu Plotini scriptis voluminibus descripsit quam emendatissime ⁱ; et de eius philosophia ad Longinum differuit peculiari epistola, in qua tamen nimiam prolixitatem et ambages, breuitati Plotini oppositas sibi non placuisse Longinus ait ^k. Tantus cum in schola Plotini esset, omnium, qui philosophum hunc colebant, amorem meruit, et in his potissimum Castricii Firmi fenatoris Romani, cuius supra in Plotino mentionem fecimus,

a) Ibid. c. 3. p. 98.

b) c. 2. p. 95.

c) c. 3. p. 98.

d) Ibidem.

e) c. 5. p. 101.

f) c. 8. p. 122.

g) c. 17. p. 119. inscripsit eum Porphyrio.

h) c. 16. p. 118.

i) c. 20. p. 126.

k) c. 21. p. 133.

cimus, quem Amelio *οἷα οἰκέτης ἀγαθὸν ἐν πᾶσιν ὑπηρετούμενον*, *serui in-*
star officia praestitisse, ait PORPHYRIUS ¹. Sed cum ipso quoque
 Porphyrio amicitiam coluit, quamdiu simul essent apud Plotinum, ar-
 ctissimam. Octodecim enim annos iam in familia Plotini erat Amelius,
 cum Porphyrius ad Plotinum se contulisset ². Vnde et Amerium, siue
 Amelium inter *συμφοιτηταὺς* Porphyrii numerat EVNAPIUS ³. SVI-
 DAS ⁴ vero, Porphyrium facit Amelii discipulum, quod sine examine
 nudaque assertione admisit IONSIVS ⁵, contrarium recte tuente doctis-
 simo HOLSTENIO ⁶, qui et hic Suidae negligentiam carpit, quo no-
 mine quoque eam notauit diligentissimus KVSTERVS ⁷. Et si vero
 satis nota est supina Suidae, vel, quos adhibuit, amanuensium eius osci-
 tantia, vt parum laborandum sit de hoc loco ab errore absoluendo, pro-
 pter Amelii tamen historiam sine obseruatione dimittendum non est, cer-
 ta ratione Amelium quoque dici posse Porphyrii praeceptorem. Cum
 enim Plotinus meditationum metaphysicarum profunditate et dictionis
 negligentia valde esset obscurus, et ab iis, qui recens eius disciplinae se
 tradiderant, non intelligeretur, hincque multis vexaretur quaestionibus
 et obiectionibus, iussit ille veteranos philosophiae suae callentissimos ad
 has quaestiones et obiectiones respondere, et philosophiae suae praecepta
 enucleatius atque luculentius tradere. Id quod etiam accidit, cum Por-
 phyrius ad eius scholam accessisset. Cum enim is minus recte Plotinum
 esset affectus, eum contra scribendo prouocare ausus est, tentans
 ostendere, τὰ νοήματα, quae extra mentem non esse Plotinus statue-
 bat ⁸, extra intellectum existere. Ille vero cum Amelio eius scripta le-
 genda dedisset, isque iam perlegisset, subridens Amelium iussit, Porphy-
 rio has dubitationes, in quas ob ignorantiam sententiae Plotini inciderat,
 eximere: quod et fecit Amelius haud exiguo contra Porphyrium con-
 scripto libro, cui iterum contradixit Porphyrius, respondit Amelius,
 donec ille veriolem opinionem, et genuinam Plotini mentem conspicua-
 tus sententiam mutauit ⁹. Factum id esse haud vna vice, familiaris,
 quae inter Amelium et Porphyrium culta est, amicitia suadet. Cum
 itaque in communi apud praeceptorem contubernio magistri praecepta
 Porphyrio, nouo commilitoni declararet Amelius, veteranus miles,
 non sine veritate is Amelii quoque dici potest discipulus. Nimius tamen
 est HOLSTENIVS ¹⁰, qui, vt Suidae eo fortius contradiceret, non
 putare se, scribit, Porphyrium expleto iam XXXVIII. aetatis anno
 in disciplinam Amelio se tradidisse, quem iam Romae doctrinae et sa-
 pientiae laude superabat, adeo quidem, vt Amelius sua scripta cum ve-
 nia ab eo legi peteret atque emendari. Prius enim falsum esse, ipsius
 Porphyrii confessio manifestat modo adducta; posterius de eo tantum

Gg 2

intel-

¹) c. 7. p. 104.²) c. 4. p. 99.³) loc. cit.⁴) L. III. c. 16. p. 293.⁵) loc. cit.⁶) l. c. p. 43.⁷) Ad l. c. Suidae.⁸) Ennead. I. V. l. 5.⁹) c. 18. p. 122.¹⁰) loc. citat.

intelligendum est tempore, quo in schola Plotini plurimum Porphyrius profecit, adiutus elegantia dictionis, quam ex Longini disciplina acquisiuerat, quae carebat Amelius nimis in scribendo prolixus. Certe non ad philosophiae cognitionem sed ad scribendi perfectionem esse trahendum, ex ipso PORPHYRIO ^a discitur, qui ad Longini prouocat testimonium laudantis in Porphyrio, quod de uitae Amelianis ambagibus in scribendo, Plotini formam propius expressisset. Quod clarius adhuc explicat EVNAPIVS ^v, monens: *Condiscipulos Porphyrii, quos ex optimis fuisse ipse fatetur, Origenem, Amelium, et Aquilinum, quorum extent volumina, sermonis nulla gratia florere, eo quod nullae adsint dicendi ueneres, quamuis dogmata pulchre intexta orationi habeant, et ipse Porphyrius eos ob stili acumen et grauitatem laudet, omnemque iis gratiam referat: Ipsum vero Porphyrium tanquam Mercurialem quandam catenam, ad mortales demissam omnigenae eruditionis beneficio cuncta aperte, dilucide, clare explicuisse.* Ex quibus simul clarum est, pueriliter hallucinatum esse, interpretem THEODORITI ^x, qui nobis ex Amelio Porphyrii discipulum exsculpsit. Immo et Suidas a negligentia non potest absolui, qui Ammonio coetaneum facit Amelium, quem decimo quarto demum scholae suae anno Plotinus nactus est discipulum, quo diu iam in uiuis esse desierat Ammonius, ut ex illis intelligi potest, quae supra de eius aetate differuimus ^y. Quando vero, et ubi obierit, incertum. Superuixisse Plotino aliquot annis dubio caret, Apameam enim abiit, ubi etiam decessisse videtur. Nam ibi commentarios suos Iustino Hefychio cuidam filio adoptiuo dono dedit, et ut conici potest, haeredem reliquit ^z. Fuit ingenio non secus ac praeceptor et condiscipuli fanatico et superstitioni valde dedito, qualem ex disciplina Plotini prodire par erat, fuisse enim sacrorum obseruantissimum, singulisque *νοομνημιας*, (quas sacras habuisse hanc scholam Procli quoque exemplo infra discemus,) sacrificasse, narrat PORPHYRIUS ^a.

*Porphyrii
patria:*

§. XV. Non Amelium tantum, sed Plotinum quoque eruditione superauit, fanaticae vero philosophiae studio secutus est PORPHYRIUS, inter primos et praecipuos scholae Plotinianae, et sectae Alexandrinae doctores iure numerandus. De cuius vita praeter ea, quae passim historiae Plotini interfert, more suo scripsit EVNAPIVS ^b, quem ex parte secutus est SVIDAS ^c, in enumerandis tamen libris, quam exponenda vita, copiosior. Reliqua quae apud veteres occurrunt magna diligentia et copiosa eruditione collegit, et prolixam vitae Porphyrii scriptorumque eius enarrationem nobis exhibuit LVCAS HOLSTENIUS ^d, quam recusam dedit, cum rarius compareret, IO. ALB. FABRICIUS.

^a) c. 21. p. 133.

^v) loc. c.

^x) Therap. L. II.

^y) Conf. HOLSTEN. I. c. p. 44.

^z) c. 3. p. 98.

^a) c. 10. p. 111.

^b) loc. cit. p. 17. seqq.

^c) In Porphyrius, T. III. p. 158.

^d) Adiecta dissertatione de vita et scriptis Por-

CIVIS ^a. Addi ei possunt, qui historiam veterem civilem pariter et literariam atque ecclesiasticam enarrarunt ^f. Non enim inter gentiles tantum homines eruditionis fama valde inclaruit, sed pestilentissimis quoque scriptis ciuitatem Christianam adortus est, et omnia clamoribus et concertationibus repleuit. Patriam sibi Tyrum esse, et ipse fatetur ^g, et refert **EVNAPIVS** ^b, quos secutus est **SVIDAS** ⁱ. Quibus tamen locis clarissimis non obstantibus magno sententiarum dissidio de patria Porphyrii disceptarunt viri docti. Quibus disputandi occasionem dedit **HIERONYMVS** ^k, qui suffragante **CHRYSOSTOMO** ^l, eum dixit Bataneoten. Certe hunc Hieronymi locum quasi scopulum esse, ad quem multi naufragium fecerunt, non inepte dixit **IOACHIMVS KVVHNVS** ^m. Primus annalium ecclesiasticorum conditor **CAESAR BARONIVS** ⁿ fuit, qui verbis Hieronymi stans, coniecit Porphyrium Bataneoten dici ab oppido tractuque terrae, quae Batanea dicta est, inque sacris paginis Basan dicitur, parsque fuit Trachonitidis; in Palaestina sitae, de qua docte disseruit **CL. RELANDVS** ^o. Puduisse vero putat scriptor purpuratus, Porphyrium originis gentisque Iudaicae, quam ut tegetet, a vicina Tyro Tyrium se dixisse. Nec contemnendum mox, et prima fronte reiiciendum videtur Hieronymi testimonium, qui non tantum in Palaestina vixit, sed cum Iudaeorum quoque viris literatis conuersatus est, adeoque circumstantias hominis non ignoti, et ut literariis studiis, ita canina, qua efferbuit non in Christianos tantum, sed et in Hebraeos scriptores, viros sanctos et diuino spiritu afflatos, ira dudum per omnia volitantis ora noscere potuit. Addit verisimilitudinem, quod **SOCRATES** ^p habet: *Porphyrium, cum apud Caesaream Palaestinae a quibusdam Christianis verberatus fuisset, iram comprimere non valentem prae nimio furore Christianam religionem deseruisse, et odio eorum, a quibus caesus fuerat, impulsus, libros maledicentissimos aduersus nomen Christianum composuisse; cuius eum coarguat Eusebius Pamphyli, qui libros eius validissime confutauerit.* Quod Augustinum quoque videri affirmasse, insequentibus dicemus. Prona enim inde coniectura est, Porphyrium, Iudaeum natione, ad sacra Christiana transgressum, cum offensae recodatione ab iis defecisset, ne obicerentur ei natales, Tyrium a vicinia se finxisse. Etsi vero haec non sine aliqua verisimilitudine dicuntur, recte tamen maioris roboris eis rationes opponuntur ^q. Vix enim credi potest,

Gg 3

Por-

Porphyrii, eius vitae Pythagorae Romae 1630.8. quam editionem sequimur.

e) Bibl. Graec. Vol. IV. p. 207.

f) Scriptores historiae literariae profanae et ecclesiasticae, Caueus, Dupinius, Fabricius, Ionius. Item Act. phil. Vol. I. p. 138. **BASNA-GE** Annal. T. II. ad A. C. 278. **TILLEMONT**. Hist. Imper. T. IV. p. 107. Promisit etiam **IO. FRIDERIC. THOMAE** diff. de vita et philosophandi ratione Porphyrii Miscell. Lipf. T. I. p. 306.

g) In vita Plotini c. 8. p. 107.

h) In vitis sophist. p. 12.

i) loc. cit.

k) Praef. epist. ad Galat.

l) Homil. VI. in 1 ad Corinth. p. 58.

m) Qq. Philolog. Pent. I. c. 5. p. 11.

n) Ad A. C. 325.

o) Palaestin. L. I. c. 33. p. 200. L. III. p. 616.

p) Hist. eccles. L. III. c. 23.

q) **HOLSTEN.** de vit. Porphyr. c. 6.

Porphyrium hominem inter suos, praecipue in frequentissimis vrbibus Alexandria, Romaque clarum, vbi tot Tyriae gentis homines versabantur, tam impudenter patriam alienam fuisse mentitum, cum non sine rubore ab iis potuisset mendacii, vanaeque ostentationis conuinci. Sed fuere quoque Syri Longinus et Iamblichus ille praeceptor, hic discipulus Porphyrii, quibus facile fuisset, fraudem detegere, si patriam fuisset mentitus Porphyrius. At hi pro Tyrio habuerunt Malchum, nec vnquam de patria eius alia cogitarunt, exque eorum relatione Eunapius habuit, quod non prisca tantum hac vrbe Phaenicum oriundus fuerit, sed et maiores habuerit claros, nec ignobiles. Ipse Longinus ad eum ex Phoenicia in Sicilia degentem scripsit, et Tyri incolam fuisse dixit, quam epistolam nobis ipse seruauit PORPHYRIUS^r. Vixit etiam Apameae in Syria Amelius eius condiscipulus, neque tamen is Iudaeum Bataneoten esse cogitauit vnquam. Addi his potest: Neque Socratem, neque quem is sequitur, Eusebium, nec Suidam, graues ceteroquin Porphyrii inimicos, quicquam habere, quod hos eius natales Iudaicos referat, sed gentilem istis scriptoribus eum haberi: non obiicere inter tot viros ecclesiasticos, qui contra illum scripsere, quemquam ei apostasiam a Iudaismo ad gentilismum, ea quoque, quae de eius ex Christianis castris ad gentiles defectione memorantur, fide omni destitui: viderique deceptos, qui talia de eo coniecerunt, quod sacra oracula legerit, et contra ea virus maledicentiae atque calumniarum euomuerit; quod tamen ab aliis quoque Platoniciis fuisse factum, qui gentiles cum essent, sacras paginas euoluerint, Longini et Amelii exemplo constat. Placuit tamen his non obstantibus Batanea Porphyrii patria STEPH. LEMOYNE^s, IAC. HASAEO^{ff}, et I.A. FABRICIO^t, qui ad sequendas Hieronymi partes eo adducti sunt, quod alia huius nominis ratio, quae satisfacere queat, non facile possit afferri. Aliter tamen visum aliis et imprimis HOLSTENIO^u, qui licet fateatur, se non facile perspicere, quam medicinam afferat loco Hieronymi, in varias tamen partes se versans, nodum, quem soluere non potuit, fecauit, legitque vel Βιθόνας sceleratus, eo quod furore et atrabile percitam animam habuerit, vel cum IACOBO SIRMONDO^x Βαλανεώτης, hoc est SVIDA^y interprete περιεργος καὶ πολυπράγμων; vel a Beten, vel Batnae, vico Palaestinae, quem tamen nomen tum iam perdidisse, ipse notat. Putat etiam dici posse, Batanaeotam per conuicium appellari atque opprobrium, vt Sodomitarum ac Capernaitarum nomen in sacris, Melii, pro impio, Cretensium, pro mendacibus, Aegyptiorum, pro impostoribus, non patriae, sed vitii designandi causa adhibetur. Aliis pro Bataneotes legitur βοτανιώτης, vel βοτανώδης, eo quod Porphyrius more Pythagorae folis herbis vescendum statuerit, quod placuit

^r) I. c. c. 19. p. 124.

^s) Ad varia sacra T. II. p. 607.

^{ff}) De Academia Beryt. c. XI. §. 3.

^t) Bibl. Graec. Vol. IV. p. 181. not. a.

^u) I. c. p. 227. ed. Fabric.

^x) Vid. eius Epist. ad Holsten. T. IV. Opp. p. 656. quam opinionem sibi displicere, idem fatetur I. c.

^y) In Balaneot. T. I.

cuit TANAQ. FABRO², VRB. CHEVRAEO^a, RICH. SIMONIO^b, et IO. CLERICO^c. Quae coniecturae, cum vocem apud Hieronymum sollicitandam postulent, merito et minus probabiles videntur, et frigidae atque longius petitae sunt. Hinc aliis Bataneotes Hieronymo dictus videtur, quod instar taurorum Βασαν, ταυρῶν ΒΑΤΑΝΕΩΤΗΩΝ petulco impetu inuasit religionem Christianam, ut olim inimici David, quod quam longe sit a verisimilitudine remotum, licet placuerit STEPH. LE MOYNE^d et IOACH. KVHNIO^e, quilibet videt. Nec, quod putamus, maiori probabilitate se commendat N. HIER. GUNDLINGII^f explicatio, qui Bataneotae nomen confictum putat ab Hieronymo ex Battus, cuius nominis poetae battologiae nomen fecit, et νεότης, adeoque ita vocari *nouum nugiuendulum*. Recte hoc displicuit doctissimo HEVMANNO^g qui ut suam quoque sententiam exponeret, monuit, ex loco Chrysostomi^h apparere, quod tanquam nomen verum et ab ipso operis antichristiani scriptore usurpatum in ipso titulo, haud secus, ac Celsus nomen suum praescripserit, operi suo eiusdem argumenti. Inde concludit, a Porphyrio suum illud opus editum fuisse ψευδώνυμος, hincque verba Hieronymi ita emendanda esse. *Quod nequaquam intelligens Bataneotes, id est, (editi libri habent, et) sceleratus ille Porphyrius, in primo operis sui aduersus nos libro etc.* Coniicit etiam, ideo hoc nomen ascititium praefixisse operi suo aduersus Christianos Porphyrium, ut Christiani crederent, auctorem illius operis, quem versatissimum esse in sacri codicis lectione apparebat, esse natione Iudaeum, in regione Batanea natum. Ingenio et elegantia se commendare hanc coniecturam, non negamus, sed non magis, quam reliquae nobis satisfacit, licet in eo melior, quod ipsam vocem non lacestat, et nescio quod nomen inde effingat. Vnde enim probabitur, Bataneotae nomen ipsum adhibuisse Porphyrium ψευδώνυμον? Locus enim Chrysostomi nihil hac de re, quod cogat, habet, sed tantum Batanaeoten vocat Porphyrium innuendo, eum, qui ita Christianis vocetur, praeter Celsum Christianis sacris contradixisse, quod etiam dici potuisset, si haec vox conuitii loco fuisset posita. Locus vero Hieronymi cum MSc. Codd. non suffragantibus sollicitetur, plane nihil probat, sed potius nouam eamque elegantem coniecturam facit suspectam; et licet fieri forte potuerit, ut se in isto libro Batanaeoten ipse appellauerit Porphyrius, de quo nihil certi definiri potest, falsum tamen est, voluisse videri Iudaeum, in aciem contra Christianos procedentem. Qui enim ille videri voluit ex Iudaeorum gente esse, qui atrocissimas iniurias non tantum contra Christum et Apostolos, sed etiam contra scriptores Hebraeos Θεοπνεύστους euomit? quod quam infami

²) Lib. I. epist. 64.

^a) Opusc. p. 415.

^b) Nouv. biblioth. choisie T. I. c. 1.

^c) Bibl. antiq. et nou. T. I. p. 166.

^d) loc. cit.

^e) loc. cit.

^f) Gundlingian. T. VIII. p. 444. seqq.

^g) Poecil. T. III. art. 6. p. 46. seqq.

^h) Verba eius haec sunt: „Possunt de auctoritate librorum sacrorum testari qui nobis contradixerunt Celsus nimirum et post illum „Batanaeotes“ I. c.

fami fecerit impudentia, et EVSEBIVSⁱ testatur, ex maledictis atque conuiciis manifestum est, quae contra Daniele prophetam eructasse tradit Hieronymus^k. Si itaque Hieronymi et Chrysostomi auctoritas deferenda haud est, nobis simplicissima in obscuro argumento via videtur, quam ingressus est IONSIVS^l, secutusque FABRICIVS^m, ut reuera Bataneoten fuisse Porphyrium statuamus, sed a nobiliori loco, vbi educatus est Tyrium cognominatum, et hoc quoque nomine notum. Teste enim STEPHANOⁿ, *Βατανέα συνονκία Συρίας, ἡ καὶ Βατανέα ἐνικῶς*, *Bataneae, locus habitatus Syriae, quae et Batanea, in numero singulari.* Patet ex his Bataneam ad Syriam quoque tractam fuisse, et verisimilitudine se commendat coniectura FABRICII^o, in ea confedisse etiam coloniam Tyrorum: vicinam enim Tyro fuisse totam regionem Batanaeam, ex eius apud veteres descriptione demonstrat RELANDVS^p. Obscuriori itaque cum loco natus esset Porphyrius, et forte ex colonia Tyriorum, maluit ab illustriori se loco appellari Tyrium, quod forte coloniae iure poterat. Nec enim iactantiae, nec mendacii insimulatos fuisse eos, qui obscurius patriae nomen cum illustriori vicino commutarunt, exemplum probat Diogenis Stoici, quem propter vicinitatem, Seleucienfem Babylonium fuisse vocatum LAERTIVS^q testatur. Quin nec hodie hic mos exoleuit, ut homines ignobilioribus oppidis nati, viciniae magis clarae adscribantur. Cum vero Porphyrius Tyri quoque diu iuuenis habitauerit, (*παλαιὰν συνήθειαν* enim ei in memoriam reuocat Longinus illum ex Sicilia Tyrum euocans^r), ratio inde manifesta patet, cur se absque iactantiae futilis vitio Tyrium dixerit, proque Tyrio ipse habitus fuerit. Quod vero Bataneoten, non Tyrium eum vocant Hieronymus et Chrysostomus, per modum conuicii factum esse coniicimus. Scilicet exagitauerat sine dubio sanctissimum diuinumque Christianorum magistrum Galilaei nomine Porphyrius, quod opprobrii loco ei obiectum fuisse, ex sacra historia constat, et receptum quoque Christi fuisse conuicium in schola Platoniorum horum, illud Iuliani: vicisti Galilaeae, probat. Quam hominis impudentiam non sine aceto et sale perfricuerunt Hieronymus et Chrysostomus, cum Bataneoten vocantes, patriamque veram in memoriam reuocantes, quae vel ipsi Galilaeae olim iuncta et pars eius fuit vel vicinissima tamen adiecit, ignominiam ita Saluatori illatam fortissime in canem hunc latrantem retundentes. Certe simpliciora haec sunt, magisque verisimilia, quam quae coacte et frigide satis sine teste et calculo afferuntur: praesertim cum ex hac eius patria non sequatur fuisse Iudaeum, tota tum illa regione repleta gentilibus, praesertim cum Syriae adiectam fuisse testetur Stephanus.

§. XVI. Quae-

i) Praepar. L. X. c. 9.

k) Vid. Prooem. in Daniel. Conf. HOLSTE-
NIVS vit. Porphyr. c. II. p. 273.

l) De script. hist. phil. L. III. c. 15. p. 286.

m) loc. cit.

n) In ethnicis.

o) loc. cit.

p) loc. cit. p. 200. seq.

q) L. VIII.

r) Vit. Plotini c. 18. p. 124.

§. XVI. Quaecunque vero fuerit demum Porphyrii patria, illud certum est, vel ipsam Tyrum vel locum ei valde vicinum fuisse; id enim Malchi nomen, quod in patria gessit, quodque et patrem tulisse ¹⁾ refert, ostendit, Phaeniciae fuisse originis ²⁾. Quod nomen cum regem indicaret, barbaram vocem, Graecis, rotundo loqui ore adfuetis, incommodam, in Graecam Porphyrii mutauit eius praeceptor Longinus ³⁾, quod purpuratum, vel Purpurionem potius non ignotum Latinis auribus nomen ⁴⁾ significat. Tempus vero annumque, quo is natus est, ipse prodidit, narrans ⁵⁾, accessisse se ad Plotinum LIX aetatis annum agentem XXX annos natum, decimo Galieni imperatoris anno. Retro itaque si numeremus, incidunt natales Porphyrii in annum duodecimum Alexandri Seueri, qui fuit A. C. CCXXXIII. Aut calamus itaque, aut typothetarum opera errarunt, quando in HOLSTENII vita Porphyrii ⁶⁾ decimus Alexandri annus ponitur. Mature a parente ad literarum studia traductus est, et si veteres audimus, fere puer Origenem audiuit Adamantium, et ab eo eruditionis femina accepit, ac principia quoque philosophiae eius, cui postea diligentissime et pertinaciter adhaesit, didicit. Adducit enim EVSEBIUS ⁷⁾; ipsius Porphyrii verba, quibus ad Origenem prouocat, quocum viro sibi valde adolescenti fuisse familiaritatem dicit. Clarius VINCENTIUS LIRINENSIS ⁸⁾: Ait namque impius ille Porphyrius, excitum se fama ipsius (Origenis) Alexandriam fere puerum porrexisse, ibique eum vidisse iam senem, sed plane talem tantumque virum, qui arcem totius scientiae condidisset. Addit his locum PROCLI ⁹⁾ eruditissimus HOLSTENIUS ¹⁰⁾, ex quo colligi posse putat, Platonicae, vel Ammonianae potius philosophiae praecepta Porphyrium primum ab Origene hausisse. Adducto enim loco quodam Platonis, narrat Proclus, de eo dubitasse Longinum et Origenem: adeo ut etiam Porphyrius affirmauerit, Origenem triduum integrum in eo haesisse, et clamantem ac rubore suffusum multum sudasse, quod magnum dubitandi argumentum esse ipse diceret. Quare se mirari ait Holstenius, quod Eunapius Porphyrii condiscipulum vocet Origenem, idque ipsius Porphyrii verbis, cum constet, Origenem LXIX annos natum anno Christi CCLVI, qui fuit Galliet Volusiani XXII vel XXIII, diem suum obiisse. Humani tamen aliquid in his passus est, et Lirinenfis et Holstenius. Ille enim falsus est, quando nobis Porphyrium adducit, fatentem se Alexandriae Origenem iam senem audiuisse; hoc enim rationibus chronologicis vitae Origenis prorsus aduersatur. Qui eo, quo natus est Porphyrius anno CCXXXII, certe

1) l. c. c. 17. p. 120. 2) EVNAP. loc. cit.

3) PORPHYR. l. c. Conf. HOLSTEN. Vit. Porphyr. c. 2. p. 215.

4) Vid. LIVIUS L. XXVII. 2. vbi L. Furius Purpurio nominatur. Graecum vero Porphyrogenetarum nomen inter imperatores CP. nemini ignotum est.

5) c. 4. p. 99.

6) Ita in editione Romana p. 15. quam secuta est Fabriciana p. 217.

7) Hist. eccles. L. III. c. 19.

8) Commonit. c. 23. p. m. 77. edit. Baluz.

9) In Timaeum L. I. p. 20.

10) l. c. c. 6. p. 236. edit. Fabric.

certe sequenti Alexandria pulsus in Palaestinam concessit, teste EUSEBIO^e, nec vnquam Alexandriam rediit, ex quo sequitur, Porphyrium eum Alexandriae audire non potuisse. Recte itaque Lirinenfis in hac narratione fidem desiderat IOANNES PEARSONIVS^f. Quia tamen non Vincentius tantum, sed et Eusebius ad Porphyrii verba prouocant, quibus testatum faciunt, eum Origenem disciplinae causa conuenisse, hinc suspicamur, Porphyrium non Alexandriae, quod fieri non potuisse ex dictis liquet, sed Caesareae in Palaestina Origenem docentem audiuisse. Eo enim loco Origenem philosophiam sacrasque literas adolescentibus non christianis tantum, sed et gentilibus tradidisse, GREGORIUS THAVMATVRGVVS^g et EVSEBIVS^h testantur: vnde valde verisimile est, Porphyrium loci vicinia et doctoris fama inuitatum, valde adolescentem ad Origenem accurrisse: nec aliud putamus velle verba Eusebii; quae cum legisset Lirinenfis, cum ad rationes Origenianae historiae chronologicas non attenderet, factum id esse Alexandriae sibi aliisque frustra persuasit. Qui quidem aliquo modo posset excusari, si verum esset, quod EPIPHANIVSⁱ innuere videtur, et tanquam certum supponit CASIMIRVS OVDINVS^k, Decianam persecutionem pertulisse Origenem Alexandriae. Eo enim tempore XVIII annos natus erat Porphyrius. Sed indubitato EVSEBII^l testimonio constat, non Alexandriae, sed Tyri fuisse Origenem, cum ista tempestas ingrueret, adeoque hoc quoque Lirinensem magis refellit, quam confirmat. Quae vero de eo dicta sunt, ad Holstenium quoque pertinent, huic narrationi fsum, qui errorem errore auxit, et Origenem Porphyrii condiscipulum cum Origene Christiano confudit, quos diuersos esse, illumque hoc multis annis iuniorem, ipsi tempora vtriusque ostenderant. Nam non alius iste Origenes est, quam quem supra docuimus, Plotinum habuisse apud Ammonium condiscipulum: licet illustribus HVE TIVS^m statuatur, etiam ab isto Origene, Porphyrio antiquiore, distinguendum esse hunc Origenem Porphyrii συμφοιτητήν Eunapio memoratum, quod tamen secus nobis videtur, cum facile possit dici hic Origenes condiscipulus Porphyrii, eo quod illum ad Plotinum in scholam eius interdum digressum esse constatⁿ. Locus vero Procli, vtrum de Christiano, an gentili Origene intelligendus sit, dubii haeremus, licet prius magis arrideat, eo quod gentilis Origenis institutione Porphyrium fuisse gauisum non legamus, et condiscipulum tantum eum Porphyrii vocat Eunapius. Ex Origenis Adamantii schola ad Longinum discessit^o Porphyrius, magna eruditionis fama plurimorumque disci-

e) I. c. L. VI. c. 20. 23.

f) Vindic. Ignat. P. II. c. 1. p. 9. 10.

g) In Panegyrico in Origenem.

h) loc. c. c. 23.

i) Haeref. LXIV. T. I. p. 524.

k) De Script. eccles. T. I. p. 1238.

l) loc. cit. L. VI. c. 39.

m) Origenian. L. I. c. 1. p. 5.

n) c. 14. vitae Plot. p. 116. Ita etiam Amelius iungitur Origene, tanquam condiscipulus Porphyrii, licet illi multo vetustior.

o) Contrarium magis placet HOLSTENIO l. c. p. 238. a Longino demum ad Origenem peruenisse Porphyrium. Sed falli eum ex Eusebii et Lirinenfis narratione patet, qui fere puerum conuenisse Origenem dicunt.

discipulorum laude philosophiam, eloquentiam, ceterasque literas, quae ab humanitate nomen acceperunt, tum temporis Athenis docentem. Qui cum esset vir literatissimus, et totius fere antiquitatis promus condus, dicendi autem facultate paucos haberet aequales, facile inde colligi potest, quantum eruditionis augmentum Porphyrio magno ardore ad haec studia inflammato accesserit. Ex hac enim Longini disciplina potissimum repetendum est, quod non scribendi et dicendi tantum facultate Plotinum longe superauerit Porphyrius, ab ipso praeceptore Longino laudatus ^r, quod, vitatis Amelianis ambagibus, nervosam Plotini brevitatem sine obscuritate norit exprimere: sed quod etiam in omni fere eruditionis antiquae genere se praestiterit versatissimum. Non vero tanto sub magistro in elegantioribus tantum literis haesit, sed, quod testatur ΕΥΝΑΠΙΟΥ ^q, in supremo eruditionis genere ab eo erudiebatur, et omnem philosophiam edoctus est: cuius institutionis philosophicae vestigia in illa epistola, quam ipse ΠΟΡΦΥΡΙΟΥ ^r affert, haud obscura extant. Multum vero contulisse institutionem Longini ad Porphyrianam eruditionem, ex eo patet, quod non tantum infinitam in veterum scriptis lectionis copiam inde sibi paravit Porphyrius, sed is illi quoque sub hoc duce philosophiae generi vacavit, quod ex omnium fere philosophorum et religionum fontibus tanquam in πανδοχεῖον quoddam confluisse supra diximus, et Longinum etiam ab Ammonio didicisse demonstrauimus. In hac vero Longini schola cum versaretur, prima vice Romam venit, XX annos natus, quo tempore Plotinus iam inclaruerat; quia vero is eo tempore otiosas ducebat aetates ^s, quamquam confabulantium consuetudinem minime deuitaret, ideo is in Asiam vel in Aegyptum remigravit. De hoc enim tempore, vsque ad annum XXX, quo Plotini disciplinae se tradidit, pauca de eo constant. Aut itaque in Longini schola haesit, aut si Origenem, gentilem illum, Plotini condiscipulum audiuit ^t, hoc eo tempore factum est. Circa hanc enim aetatem A. C. CCLV, Origenem soluta arcana Ammonii disciplina et secretis philosophiae vulgatis libros scripsisse, supra planum fecimus. Vbi autem Plotinus, commilitonum exemplo excitatus, cum illi fidem silentii fregissent, scholas philosophicas habere coepit, laudesque eius passim increbuere, libris etiam philosophicis magnam sibi gloriam Romae comparavit, tandem Porphyrium quoque permouit, vt profundioris, quam apud Longinum, philologum magis, quam philosophum, didicerat, philosophiae pernoscendae causa ad eum conuolaret. Venit itaque triginta annos natus cum Antonio Rhodio Romam, ibique a Plotino et Amelio XVIII annos iam apud Plotinum commoranti bene-

Hh 2

vole

p) Vit. Plotini c. 21. p. 133.

q) l. c. p. 13. En verba Graeca: Παρ' ἐκείνου δὴ τὴν ἀρχὴν ἐπαιδεύετο παιδείαν, γραμματικῆς τε εἰς; ἀρχὴν ἀπάσης ὥσπερ ἐκείνος ἀφικόμενος καὶ

ῥητορικῆς; πλὴν ὅσον ἔκ ἐκ' ἐκείνου ἐνευσε, φιλοσοφίας τε πᾶν εἶδος ἐκματτόμενος.

r) c. 19. p. 123.

s) c. 5. p. 101.

t) Nihil tamen de eo vel ipse vel Eunapius notant.

vole receptus est ^u: multumque apud vtrumque, praeceptorem pariter, et veterem eius discipulum fauorem meruit. Cum enim incredibili ardore in philosophiam ferretur, tantopere placuit Plotino discendi feruor, vt non tantum liberum Porphyrio faceret, quaestionibus et disputationibus, quaecunque vellet ex se percontari, et ad eas copiose et profunde responderet ^x, sed et Amelio id negotii dedit, vt de iis, que initio obscuriora Porphyrio videbantur, eum edoceret, qua ratione cum Amelio scriptis etiam velitationibus philosophicis de ideis disputasse, nec cessauisse, donec obscuram et reconditam Plotini de eo argumento mentem perspexisset §. praecedente narrauimus. Istam diligentiam studiumque in addiscenda Plotini philosophia cum per sex annos, quibus indiuisus comes Plotino adhaesit, ei probasset, et non tantum eius mysteria accurate didicisset, sed magnum etiam pro praeceptore eiusque philosophia ardorem ostendisset, carissimus Plotini factus est discipulus, tantaque praepitoris in eum fuit fiducia, vt non tantum pro insigni eum scholae ornamento haberet, commendaretque hoc nomine reliquis ^z, sed et illo vteretur, ad refutandos eos, qui dogmata sua fuissent adorti, adque praeferendam aliis in locis obscurioribus facem. Quin immo tanti eruditionem Porphyrii faciebat Plotinus, vt ei libros suos emendandos et in ordinem redigendos commendaret, de quo in superioribus dictum iam est ^a. Non obstitit tamen tanta, qua apud Plotinum fruebatur Porphyrius, familiaritas, quo minus cultam cum Longino amicitiam conseruaret, quam integram mansisse et illibatam, licet deserta sua philosophia ad Plotinum eum defecisse, non sine aculeo reprehenderit Longinus ^b, ex literarum quod cum eo fouebat commercio intelligi potest, cuius nobis ipse fragmenta quaedam exhibuit ^c. Mirum ita in modum aucta est Porphyrii eruditio, creuitque philosophiae cognitio, ita tamen, vt mature effectum prodiderit philosophia enthusiasmo plenissima. Tanto enim melancholiae furore oppressus est Porphyrius, vt anno aetatis XXXVI, quo solet esse vigor animi corporisque maximus, de se interficiendo cogitaret: cuius verum primumque quidem fontem fuisse animum atra bile furentem Plotinus non inepte iudicauit, et ipse fassus est ^d: multum tamen contulisse ad hoc insaniae mentis consilium eam ipsam, quam a Plotino didicerat philosophiam, eo minus dubitandum est, quo magis ea in accusanda materiae malignitate, tanquam mali fomite, et animi miseria deploranda, quamdiu corporis carceri inclusa esset, versabatur, hucque tendebat maxime, vt solutis corporis vinculis animus senior ad fontem diuinum, ex quo effluxit, ascenderet, et liberatus pestilenti, qua premitur, farcina, ad felicitatem suam emergeret. Quae cum animo fracto, graui et desperabundo, qualis melancholicorum esse solet,

^u) c. 4. p. 99. ^x) c. 13. p. 115.

^z) Exempla habemus l. c. p. 115. 117. quae non sine iactantia enumerat, Porphyrius, magnus sui ostentator.

^a) c. 7. p. 107. c. 24. p. 139.

^b) c. 20. f. 12. p. 131.

^c) c. 19. p. 123.

^d) c. 11. p. 113.

solet, quotidie inculcarentur, et obscuris Plotinianae philosophiae mysteriis iudicandi facultas, quae saniora suadere debebat, suffocaretur, non potuit non stultum illud *αὐτοχειρίας* consilium inde sequi, et Porphyrius, qui se, *μουσικῶς πολλὰ μετ' ἐνθεσιασμῶν ἐπιτεκρομένως ἐξεῖσθαι*, *secreto multa mysterio ex diuino afflatu interdum differuisse*, ideoque pro furentem habitum fuisse iactat^e, eo adigi, ut soluta corporis compage ad diuinum illud, ex quo decerptus erat, ascendere conaretur; id quod libere fassus est EVNAPIVS^f, narrans: *ubi in magni illius Plotini consuetudinem se insinuauerit, valere iussis omnibus ceteris, ad amicitiam fidemque illius se totum applicuisse, ubi et animum scientia explere, et verba fonte illo manantia, ac de mentis illius sacrario deprompta haurire, citra satietatem tamen licuerit: postea abundantis magnitudine doctrinae victum atque fatiscentem, concepisse corporeae molis humanitatisque odium quoddam.* Ita scilicet decebat discipulum insanientis philosophiae decreta sequentem. Quae licet ipse probaret Plotinus, quem simile corporis humanitatisque fouisse odium in antecedentibus diximus, detestatus tamen est violentae mortis consilium, et Porphyrium ex insania reuocauit, ac ad meliorem mentem reduxit. Quod qua ratione factum sit, ita quidem enarrat EVNAPIVS: *Concepto corporeae molis humanitatisque odio quodam transmisit in Siciliam, traiecto freto ad charrybdin, qua Vlysses enauigasse perhibetur, quod neque Romam amplius adspicere, neque hominum voces audire sustinebat, sicque et gaudia sua et tristitiam ibi simul deponebat.* Inde Lilybaeum contendit, quod vnum est e tribus Siciliae promontoriis Africam versus porrectum; ibi iacuit gemitibus et suspiriis spiritum trabens, cibumque non admittens, et hominum consortium declinans. Sed non caecutiit, deceptusque est animo magnus Plotinus, qui e vestigio eum consecutus, et aufugientem iuuenem inquirens, decumbenti superuenit, et verborum facundia euolaturum iamiam corpore animum reuocauit a morte, et corpus etiam corroborauit, ut animam contineret. Ita ille reuocatus quasi in vitam resurrexit, at Plotinus, sermones inter se habitos in literas retulit. Haec Eunapius: quae licet ad ipsa Plotini scripta videantur prouocare, falsitatis tamen facile possunt conuinci. Aliter enim rem nobis narrat ipse PORPHYRIUS^g: *Mirabiliter persensisse Plotinum consilium illud sese interficiendi, sibi que domi deambulanti protinus adstitisse, et dixisse: studium nunc istud o Porphyri, tuum, non sanae mentis est, sed animi atra bile furentis, itaque Roma abire se iussisse.* Huic ergo se parentem in Siciliam esse profectum, praecipue cum audiret, Probum quendam elegantem virum, circa Lilybaeum tunc habitare. Quo quidem factum sit, ut hac perturbatione animi liberaretur, sed interea impediretur cum Plotino usque ad eius obitum vitam ducere. Patet ex hac ipsius Porphyrii relatione, ipso Plotini consilio factum esse, ut Ro-

H h 3

mam

^e) c. 15. p. 117.^f) l. c. p. 14.^g) c. 11. p. 113.

nam cum Sicilia commutauerit ^b, nec in montibus Lilybaei desperandum iacuisse, sed apud Probum vitam duxisse, Plotinum vero, qui Roma nunquam secessit, nisi morti vicinus, ubi in Campaniam deportatus est, ipsum non fuisse in Siciliam profecutum. Ex quo sequitur, non potuisse vel Porphyrium, ut HADRIANVS IVNIVS intellexit ⁱ, vel Plotinum, ut explicat FABRICIVS ^k, habitorum inter vtrumque colloquiorum summam in literas redigere: sed verisimillimum, Eunapium respexisse ad aliquem librum, quem ad Porphyrium in Siciliam misit Plotinus, ut nutantem erigeret, qualem fuisse librum de providentia ^l, in quo disputat, animis licere in hoc quoque mundo esse felicibus, et calamitatibus non esse succumbendum, sed decertandum aduersus illas strenue, ut praemia virtuti proposita sequantur, acute coniecit FABRICIVS ^m. Quae eo potissimum fine paulo attentius discutienda nobis summus, quod memorabile exemplum nobis exhibent, quam fidem in exponendis philosophorum sectae suae vitis Eunapius adhibuerit. Qui enim apertis haec intuetur oculis, facile deprehendit Eunapium eo potissimum scopo hanc philosophorum Platoniorum historiam enarrandam suscepisse, ut eleganti, quam affectat orationis genere philosophiae a se adamatae patrocinium laudemque acquireret, et ut hoc obtineret, circumstantias ex lubitu ita exposuisse et mutasse, ut eo mirabilior exurgeret horum hominum historia, parum vero ad veritatis legem, vel ad verisimilitudinis etiam conditionem respexisse, sectae suae consuetudine tutum, licere de tantis viris impune mentiri, modo eorum ex illo crescat auctoritas, et τὸ θεῖον καὶ θαυμαστὸν, quod vnice in his vitis sectatur, elucescat. Qui animus hominis cum in sequentibus quoque βιογραφίαις vbique se prodatur, lectorem cautum iubemus haec recordari, ut quae fides homini danda sit, noscat. Ad eum enim in plerisque, quae sequuntur procuocandum; eiusque fides vbique nobis examinanda est.

Porphyrii facta post Plotini mortem.

§. XVII. Haecenus viuo quidem Plotino in philosophiam incubuit Porphyrius; illo vero fati in Campania concedente, ut supra narratum, cum Porphyrius abesset, turbauit hoc nonnihil eius circulos; ut itaque animum resumeret, et quam a Plotino didicerat philosophiam ad Christiani nominis inuidiam, scopo atque fine illius philosophiae primario traduceret, praeter alios libros, pestilentissima quoque scripta contra Christianos exarauit. In Sicilia hos sceleratissimos ingenii maledicentissimi foetus produxisse testantur EVSEBIUS et HIERONYMVS ⁿ, a quibus tamen discessit BARONIVS ^o, qui loco quodam LACTANTI ^p inductus, quo se in Bithynia literas oratorias docente fuisse philosophiae antislitem, scribit, vitiosum, qui veritati iacenti insultaret,

^b) Mutato aëre, victusque ratione, conuersatione etiam Probi sanatum iri sperabat Plotinus.

ⁱ) Cui versionem Eunapii non satis accuratam debemus.

^k) Ad I. c. Bibl. Graec.

^l) Enn. III. l. 2.

^m) loc. citat.

ⁿ) II. supra citat.

^o) Ad A. C. 325.

^p) L. V. c. 2.

*ret, tresque libros euomeret, contra religionem nomenque Christianum: professum ante omnia, philosophi officium esse, erroribus hominum subuenire, atque illos ad veram viam reuocare, id est, ad cultus Deorum, quorum numine ac maiestate mundus gubernaretur, nec pati, homines imperitos quorundam fraudibus illici, ne simplicitas eorum praedae ac pabulo sit hominibus astutis; concludit, non alium intelligi quam Porphyrium, in quem omnia haec quadrent. Sed nec librorum numerus concordat, quindecim enim contra Christianos scripsit Porphyrius, non tres, nec locus, cum diserte Eusebius et Hieronymus testentur, in Sicilia contra Christianos scripsisse furem hunc philosophum, nec vita omni luxu et superbia contaminata, quam Lactantius illi sapientiae antistiti adscribit, conuenire videtur Porphyrio, ἀποχὴν non scriptis tantum commendanti, sed et feruare in Plotini schola edocto, adeo, ut gulae et libidinis vitium nemo illi ex iis obiecerit, qui rabidum tamen canem vocare non dubitauerunt: alias rationes, quae rem prorsus conficiunt, affert HOLSTENIUS⁹, breuitatis causa heic loci praetereundas, cum res ad sacram potius, quam philosophicam historiam pertineat, ubi etiam de conatibus summorum virorum, ad eius obiectiones respondendi plura dici solent, quae infra strictim tangemus. Praeter hoc, quod aduersus Christiana sacra suscepit bellum facerrimum, illustrandis quoque aliis philosophiae Plotinianae capitibus studium operamque impendit, et conciliatrices Platonicae atque Aristotelicae philosophiae manus admo- uit: affirmat enim Ammonius, notissimam isagogen de quinque vocibus ad Chrysaorium in Sicilia ab eo scriptam fuisse^r, ut alia taceamus. Sane Longinus emendatos ab eo libros Plotini ex Sicilia petiit, eumque ad se Tyrum euocauit, caussatus aërem imbecillitati corporis, de qua querebatur, ibi fore salubriorem^s. Ex quibus recte colligit HOLSTENIUS^r, multi eum temporis moram in Sicilia fecisse; nec aliam putamus causam fuisse, cur Porphyrium *Siculum illum, cuius celeberrima fama est*, vocauerit AVGVSTINVS^u, quam quod pro indigena quasi, ob diuturniorem in Sicilia moram, fuerit habitus. Ex Sicilia tamen Carthaginem excurrisse, ex eo colligitur, quod ibi perdicem a se ita cicuratum narrat, ut vocem humanam intelligeret, eidemque respondere conaretur^x. Transiisse etiam ex Sicilia ad Longinum Athenas, HOLSTENIUS^y ex eo iudicat, quod Plotini natales apud Longinum epulis celebratos referat, et sermones de auctorum furtis inter conuiuas habitos commemoret: Plotini vero natales post eius demum mortem celebra-*

brari

⁹) I. c. C. III. p. 220. ed. Fabr. Miramur itaque doctissimum PEARSONIUM in prolegom. ad Hieroclem, et CL. V. G. SIBERVM Misc. Lipf. T. I. p. 332. Baronii sententiae accessisse.

^r) Non praetereundus locus Ammonii in prolegomenis, quem affert HOLSTENIUS p. 248. ubi dicitur, ideo Porphyrium in Siciliam fuisse profectum ad Chrysaorium discipulum suum,

quod ab eo rogatus fuisset, ut incendium Aetnae coram cognosceret. Sed haec tacet ipse Porphyrius.

^s) Vita Plot. c. 19. p. 123.

^t) I. c. p. 222. seqq.

^u) Retractat. L. II. c. 33.

^x) De abstin. L. III.

^y) loc. cit. p. 219.

brari potuerint. Sed hoc temporis rationibus et seriei historiae Porphyrii prorsus repugnat, quae diu vixisse in Sicilia, multosque ibi libros exarasse Porphyrium tradit: Longinus autem paucis, post Plotini fata annis, Aureliani iussu A. C. CCLXXIII interfectus est, quo adhuc tempore in Sicilia commorabatur Porphyrius. Nec is extremis vitae annis Athenas iterum diuertit, sed in Syria vixit, tandemque ad Zenobiam secessit, ut ex eius vita supra enarrata ^z videre est. Deceptus autem est vir doctus falsa lectione apud Eusebium, apud quem non Πλωτίνεια sed Πλατώνεια legendum esse, ex eo supra euicimus, quod natales Plotini conuiuio et sacrificiis non potuerint celebrari, eo quod magna cura eos tacuerit ipse Plotinus. Ex quo argumentum Holstenii a conuiuio Plotinianis ductum per se corrui, et intelligitur, factam esse istam disputationem Porphyrii Athenis apud Longinum, antequam is ad Plotinum peruenisset. Ex Sicilia Romam reuersus interruptum, teste EVNAPIO ^a, studiorum cursum dicendique facultatem profecutus fuit, saepe in publicum prodians, ut doctrinae specimen daret, ex quo magnam apud senatum et populum Romanum gloriam non ad Porphyrium tantum, sed Plotinum quoque, ex cuius disciplina ille prodierat, rediisse, idem narrat. Quod eo minus mirandum, quo magis enthusiastico philosophiae generi a praeceptore condito insistebat, et diuinum habitum, quem sibi viuo adhuc Plotino, ut supra dictum, parauerat, prae se ferens, pro diuino quodam non philosopho tantum, sed sacerdote etiam generisque sanctioris homine habebatur. Qua animi dispositione ne inferior videretur magistro, in senectute, annum agens LXVIII, summum intelligibile, Deumque omnibus Diis superiorem sine imagine vidit, ecstasique passus est, ut ipse scribit ^b. Quod mali generis illusioni quidem tribuit AVGVSTINVS ^c, nos autem vel inanem esse iactantiam Porphyrii, magistri gloriam imitantis aemulantisque, vel naturalem effectum imaginationis nimio feruore incensae et agitatae in homine atra bile laborante putamus, quod temperamentum eiusmodi raptibus, delirantisque imaginandi facultatis excessibus esse aptissimum, nemo ignorat, qui humani animi naturam moresque intelligit. Postquam hunc summum philosophiae suae gradum attigerat, scripsit vitam Plotini praeceptoris, quam suae etiam historiae compendium recte dixeris, et exiguum vitae tempus Romae superuixisse videtur, morte in finem forte imperii Diocletiani incidente, qui A. C. CCCIV accidit, Constantio succedente ^d: diutius enim vixisse qui contendit, Baronium errare, infra probabimus. In coniugio vixisse, EVNAPIVS ^e ex libro eius *ad Marcellam coniugem* probat, quo *eam quinae sobolis matrem in matrimonium duxisse* praedicat, *non suscipiendae ex ea prolis gratia, sed uti eos erudiret, quos ex amico suo uxorem partu edidisse norat.* Coniugii enim opus his homini-

^z) vid. supra §. 8.

^b) Vit. Plot. c. 23. p. 137.

^c) De C. D. L. X. c. 10.

^a) l. c.

^d) Sollicitat has rationes Cl. SIBERVS l. c. p. 332. cui infra respondebimus.

^e) loc. cit. p. 18.

minibus ob graue in materiam corpusque odium, valde erat inuisum, vt supra de Plotino quoque obseruauimus, et plura eius rei exempla adhuc in historia huius sectae occurrent *f*. Marcellam vero hanc a philosophiae studiis non fuisse alienam, eorumque admiratione totam occupatam ipse Porphyrius testatus est *g*. Discipulos habuit plurimos eruditione et philosophiae Plotinianae notitia magnam ei famam et applausum conciliantibus. Inter eos caput extulit Iamblichus, cuius historiam sequenti §. enarrabimus, qui praeceptorem quoque gnauiter exscripsit, vt postea dicemus. Iamblichus eruditionis nominisque gloria ex discipulis eius proximus fuit Theodorus Asinenfis, teste Damascio *h*, cuius crebro meminit PROCLUS in *Timaeum* *i*, qui eum non tantum γενναῖον, virum nobilissimum, egregium, et magnum, sed et θαυμαστόν appellat, id est admirandum, cuius nominis ratio a mirabilibus istis artibus, quas haec schola iactabat, cum deriuanda sit, inde conicimus, eum non minus, quam Porphyrium praeceptorem, et Iamblichum condiscipulum, operibus theurgicis inclaruisse. Chrysaorium vero, Nemertium et Gedalium, quibus libros inscripsit, vel discipulos et alumnos disciplinae Porphyrianae *k*, vel admiratores cultoresque fuisse, ex ipsis dedicationibus intelligitur. Laudatque Ammonius, fuisse eum κοινωνικὸν καὶ ἡμερον πρὸς τοὺς παιδείας ἐπιθυμῶντας, fideliter atque humanissime eruditionis thesauros cum studiosis disciplinae verae communicasse *l*. Temperamento melancholico-sanguineo vsum fuisse, et supra ex Plotini iudicio diximus, et tota hominis eruditi quidem, eloquentis et copia lectionis instructi, sed furentis et ad entusiasmum inclinantis conditio demonstrat. Hinc videas iudicii magnum in materiis grauissimis defectum, et deamatam philosophiam talem, quam, ad entusiasmum ineptum omnique prorsus fundamento carentem ducere fatetur, quisquis iudicandi facultate satis instructus est; ingenii vero non florentis tantum, sed imaginum quoque et cogitationum fertilitate luxuriantis excessus, vt huic ipsi temperamento corporis, animique, quae cum illo coniuncta est, indoli debentur, ita potissimum in allegorica illa philosophandi methodo, qua excelluit Porphyrius, quaque fabulis veterum sensus induxit philosophicos antea non auditos, se prodidere, et eloquentiam quoque admirabilem et imaginibus pariter atque coloribus plenam, sed fanaticam et iudicio non roboratam produxere, immo viam parauere ad ecstasim. Nec alio ex fonte memoriae stupendae fidelitas, quam copiosissima lectione demonstrauit, deriuanda est. Iudicent itaque rei periti, et quid philosophia virtutis roborisque postulet, gnari, an non Porphyrio quoque aptandum sit Plotini de Longino iudicium, philologum eum magis esse, quam philosophum,

f) Conf. Damascius apud PHOTIVM Cod. CCXLII. p. 566. 574.

g) Apud CYRILL. contra Iulian. L. VI. p. 209.

h) l. c. p. 565.

i) Loca vide apud HOLSTEN. c. 6. p. 242.

k) Chrysaorium discipulum Porphyrii fuisse, ex loco Ammonii not. (r) obseruauimus.

l) loc. citat.

phum, et cuius a parte standum sit, acutissimi HEVMANNI^m philosophiae gradum excellentem Porphyrio denegantis, vel HOLSTENIIⁿ, in laudes eius ob summam philosophiae cognitionem, cum veterum multis quorum iudicia adducit, excurrentis? Qui si recordatus fuisset, quod ipse monuit, corrupisse philosophiam Alexandrinam homines doctissimos, et eruditionem Porphyrii late se diffundentem a philosophia discretuisset, desuisset laudare hominem, praeiudiciis turpissimis auctoritatis, obsequii, praecipitantis, antiquitatis, sectae, spiritus contradictorii, quin fraudis et imposturae satis prodentem, longissime se a veri philosophi indole abfuisse. Testem aduocamus eam ipsam, quam sequitur, philosophiae conditionem, infra accurate delineandam, et enthusiasmum ubiuis in scriptis eius, praecipue in *sententiis ad intelligibilia ducentibus* regnantem, superstitionem ubique proditam, credulitatem, ineptissima de Plotino, et multo magis de Pythagora, tanquam certissimas veritates, narrantem. Cui haec nondum sufficiunt, eum, cogitet, rogamus, hominis imposturas et audaciam, mille fabulas vel aliunde sine iudicio conquisitas, vel a se sui generis hominibus otiosis excogitatas pro certissimis veritatibus vendendi, mythologiam et doctrinam veterum omnem, miris et nudis ingenii luxuriantis interpretamentis in partes sectae suae rapiendi^o, et huic inani interpretationi lectionis copiam et verborum elegantiam destinandi, et imprimis theurgicarum imposturarum commendationem, quas libris quoque, imprimis commentario in Iuliani Chaldaei philosophi historiam tradidit^p, et ut EVSEBII^q testimonio constat, ipse probe intellexit, id quod exemplo quoque confirmasse tradit EVNAPIVS^r, et non tantum scriptis in hanc artem fuisse commentatum, sed et e balneo eiecisse daemonem quendam, ab indigenis Cauanthem cognominatum: licet D. AVGVSTINI^s testimonio constet, Porphyrium, *inter vitium sacrilegae curiositatis et philosophiae professionem sententiis alternantibus fluctuasse; et nunc hanc artem tanquam fallacem, et in ipsa actione periculofam, et legibus prohibitam cauendam monere; nunc autem velut eius laudatoribus cedentem utilem dicere esse mundanae parti animae, non quidem intellectu, qua rerum in-*

telli-

^m) Ast. philos. Vol. I. p. 159.

ⁿ) l. c. c. i. p. 213. c. 6. p. 233.

^o) Exemplo esse possunt PORPHYRII Quae-
siones Homericæ, de antro nympharum, frag-
mentum de styge, apud STOBÆVM eclog. phys.
p. 129. et ad calcein vitae Pythagoræ ab HOL-
STENIO editæ p. 49. ed. Rom.

^p) Librorum theurgicorum a Porphyrio exa-
ratorum indicem dedit SVIDAS T. III. p. 185.
inter quos commentarius in Iuliani historiam
eminebat. Scripsit is Iulianus de daemonibus
libros quatuor, quibus docuit modos propul-
sandi mala ab hominibus, secundum omnes par-
tes quæ coelo subiacent, teste SVIDA T. II.
p. 123. Filium habuit, eiusdem nominis artis-
que, qui et ipse Telestica scripsit, id est, de

modis consecrationis magicæ. Vterque Iulia-
nus, qui ante et sub M. Antonino florere, ar-
tibus magicis celebres fuere. Pater enim lapi-
dem vi verborum manu diuississe dicitur, apud
SOZOMEN. L. I. c. 18. p. 433. De filio au-
tem narraffe quosdam SVIDAS loc. cit. ait:
Romanis siti aliquando laborantibus, effe-
cisse, ut atrae nubes subito coactæ ingentem
imbrem cum crebris tonitribus et fulguribus
effunderent, conf. SCALIGER ad Euseb.
n. MMLXXXIX.

^q) Praep. L. IV. c. 6. p. 142. ubi eum τὸν δαι-
μόνων φίλον αὐτὸν ἐκείνον etc. vocat.

^r) loc. cit. p. 18.

^s) De C. D. L. X. c. 9.

telligibilium percipiatur veritas, nullas habentium similitudines Corporum, sed spirituali, qua rerum corporalium capiantur imagines; hanc enim per quasdam consecrationes theurgicas, quas teletas vocant, idoneam fieri atque aptam susceptioni spirituum et angelorum, ad videndum Deos. Ex his vero theurgicis teletis, fateri eum, intellectualem animae nihil purgationis accedere, quod eam faciat idoneam ad videndum Deum suum, et perspicenda ea, quae vere sunt: Quae passim Hipponensis praeful repetit. Quamvis enim ex his pateat, non adeo magnum pretium his theurgicis operibus statuisset Porphyrium, non haec tamen veritatis sunt testimonia, sed superbiae, supra has artes se emerfisse gloriantis specimina, clareque produnt, Porphyrium malae curiositatis praestigias a Chaldaeis, ut putat Augustinus, et quod supra vidimus, in Ammonii et Plotini schola didicisse.

§. XVIII. Nulla vero in re magis se Ammonianae et Plotinianae scholae, in Christianae reipublicae euerfionem coniurantem discipulum pariter et magistrum praestitit, quam in facerrimo, quod contra eam suscepit bello. Et fabulam quidem esse, quod supra ex SOCRATE ^a recitauimus, quodque AVGVSTINVS ^x quoque, et qui Socratem secutus est, NICEPHORVS ^y, confirmare videntur, Porphyrium Christianum fuisse initio, sed quod apud Caesaream Palaestinae a quibusdam Christianis verberatus fuisset, prae ira nimia religionem Christianam deseruisse, et in eam libros maledicentissimos scripsisse, facile credet, qui historiam Porphyrii paulo exactius considerauerit. Ea enim nos docuit, sine teste et verisimilitudine eum vel Iudaicae vel Christianae propaginis hominem dici, quem Tyriis parentibus ortum dixit EVNAPIVS ^z, quemque diu post moram suam in Syria, postquam Plotinum quoque deseruisset, in Sicilia contra Christianos scripsisse, supra ipsius Eusebii, ad quem prouocat Socrates, testimonio euicimus. Nec Augustini etiam verba ob stare, obseruat IAC. THOMASIVS ^a; ^a quando enim is ita ad Porphyrium scribit: *Quam (sapientiam) si vere ac fideliter amasses, Christum Dei virtutem et Dei sapientiam cognouisses, nec ab eius saluberrima humilitate tumore inflatus vanae scientiae resiluisses*; vltima hac voce non id vult, defecisse Porphyrium a religione Christiana, quam esset amplexus, sed tantum, abhorruisse ab ea amplectenda, eamque cognoscere noluisse, id quod luculentis locis aliis ex AVGVSTINO ^b petitis confirmat. Aliter tamen visum, et apostasia Porphyrii pro vera admissa, a viris quibusdam doctis, quorum aliquos idem THOMASIVS ^c nominat. Nemo tamen maiori diligentia hanc de apostasia Porphyrii sententiam propugna-

Li 2

pugna-

¹) c. 10. 24. 26. 28.

^x) L. III. c. 23. ex Sadducaeorum genere fuisse ineptit PETR. GALATINVS de arc. cath. verit. c. 14. notatus ideo REINESIO Var. lect. L. II. c. 13. l. c. c. 28. Conf. VOSSIVS de Histor. Graec.

^x) L. II. c. 16. p. 244.

^y) L. X. c. 36.

^z) loc. cit.

^a) In obs. de Porphyrio apostata, quam Poeciles T. III. p. 53. exhibuit HEVMANNVS.

^b) c. 24. 27. 29. 32. Conf. CAVE Hist. liter. script. eccles. p. 98. ^c) loc. cit. pag. 57.

pugnauit, quam qui sacras et ecclesiasticas nuper adhuc literas in Academia Lipsiensi magna cum laude tuebatur summe Reu. VRB. GODOFRE-
DVS SIBERS. Is de hoc ipso argumento rogatus a V. C. IO. FRI-
DERICO THOMA, qui nouam operis Porphyriani *περὶ ἀποχρῆς ἐμφύχων*
editionem moliebatur, duabus epistolis erudite et prolixè de hoc argu-
mento differuit ^d. Is in prima epistola triumuirorum Sozomeni (Socrates
nominandus erat) Theophanis et Nicephori auctoritatem tanti videri
posse putat, vt reapse Porphyrius Christianismum olim amplexus videri
queat. Potuisse tamen, coniicit vir doctissimus, esse catechumenum, in
quorum ordine diu versabantur etiam hi, qui vero sacrorum nostrorum
studio tenebantur. Potuisse etiam sola oraculorum diuinorum lectione
delectari, fortasse igitur accessisse, vt amplexurum Christianismum, si
rationes placerent, discessisse vt hostem, cum animus sapientum demon-
strationibus adfuetus iniuriis etiam eorum irritaretur, quorum vita a coe-
lesti regula dissidebat. Sicque *ἀποστασίας* vocabulum largiori significatio-
ne esse sumendum; nolle tamen ea operosius discuti, ne scriptorum ec-
clesiasticorum auctoritas corrumpatur, si ea euertamus, quae tamdiu credita
atque ab his stabilita sunt, ad quos, tanquam ad antiquitatum promos
condos abire consueuimus: nihil enim officere rei Christianae, quod Chri-
stianus apostatam agat, cum et perfectiores coelestesque genios ipsum de-
feruisse Numen agnoscamus. Quibus cum Cl. Thomas potissimum op-
poneret, verisimile esse, Christianos nimio affectuum oestro percitos et
inuidia succensos apostasiae crimen Porphyrio obiecisse, in altera epistola
prolixius argumentum discutit Vir eruditissimus, et ita quidem sententi-
am de vera Porphyrii apostasia suam roborat, vt neget, affectibus ali-
quid in hac causa dedisse scriptores ad quos prouocat, sed summa potius
in accusandis gentilibus tranquillitate fuisse vsos ^e: nec causam habuisse,
vt ex furore apostasiam Porphyrio obiicerent: nec citationes Porphyrii
apud Patres, inuidiam spirare, sed laudes potius aliquando exhalare, quod
locis quibusdam, ab Holstenio iam adductis, probat. Sic ad reliquas
quoque aduersarii rationes respondet, quae cum caput et cardinem rei
non tangant, praeterimus, tandem vero collatis ac iunctis inter se pha-
langibus partes suas ita roborat, vt pro facta tectaque auctoritate scripto-
rum ecclesiasticorum omnem lapidem mouendum existimet; ideoque ex-
pendere iubet LACTANTIUS ^f de Porphyrio testimonium, supra no-
bis adductum, quod etsi apostatae nomen non contineat, ad alium ta-
men nisi ad hunc translatum fuisse negat, adeoque reiectis Holstenii ra-
tionibus, Baronii partes sequitur, eo quod probari nequeat, anno Dio-
cletiani XIX, Christi CCCIII, Porphyrium aetatis annum LXIX superasse,
vel si illud postulatum admittatur, nonagenarium vel centenarium non
esse factum, qui singulari cognomento senex appelletur. Socratem vero
quae

d) Miscell. Lipsiens. T. I. p. 317. seqq.

e) Quod quam verum sit respectu ad Por-

phyrium habito, infra dicemus.

f) loc. cit.

quae scripsit, ex libris Eusebii aduersus Porphyrium hausisse, nec sine omni fidei euerfione mendacii vtrumque posse coargui. Non vero aliam causam habere nomen Porphyrii a Constantino M. in ignominiam tracti, de quo infra dispiciemus, quam apostasiam. Nec posse Socratis verba aliam significationem admittre, quia Iulianum apostatam ei mox iungit, idque facere etiam Libanium apud NICEPHORVM ^g: huius autem, veteres sequentis, auctoritatem sperni non posse, nec Theophanis, qui Chronologiam suam e praestantissimis scriptoribus collegerit: Theophanem sequi ELIAM CRETENSEM ^h. Inter Latinos Porphyrium et Iulianum iungere HIERONYMV ⁱ, et RVFINVM ^k vocare perfidum, diu in Palaestina et Caesarea moratum, vt veritatem scire posset. Sed et idem Augustini locum probare, ex quo appareat, eum a sapientia adamata resiliisse, nuperis editoribus Augustini Benedictinis non dissidentibus. Cum Augustino facere Cassiodorum. Et si hic numerus testium nimis adhuc exiguus videatur, cogitandum, apostatarum nomen nondum satis solenne fuisse, et Christianos censuram ex prudenti ratione aliquando occultauisse. Haecenus vir summe reuerendus, magis docte et ingeniose, quam verisimiliter, vt nos quidem iudicamus, et censuit etiam acutissimus HEVMANNVS ^l. Cuius sententiae rationes vt paucis edisseramus, I. quae de neophytismo statuque catechumeni Porphyrii dicuntur, huc prorsus non pertinent. Non enim de eo quaeritur, sed an Christianae prius religioni fuerit addictus? id quod Socrates diserte tradit: vnde recte vir doctissimus, huic coniecturae non inhaesit. II. Dum vero antiquitatis hac in re consensum prae se fert vir praestantissimus, probe distinguenda esse illa testimonia, quae afferuntur, cauti monemus. Quaedam enim id tantum volunt, Porphyrium et Iulianum apostatam eiusdem commatis esse. Ast quis inde concludat, Porphyrium, vt Iulianum, fidei Christianae professionem deseruisse, cum scriptorum, qui adducuntur, scopus alius non sit, quam vtrumque ostendere infernali in ciuitatem Christi rabie et furore incensum fuisse. Alia, et in his potissimum Augustini, loca id tantum euincunt, non ignotam fuisse Porphyrio veritatem, quam lectis sacris oraculis cognoscere poterat, sed tumore vanae scientiae inflatum humilem ipsi diuinam Christi doctrinam et contemnendam visam esse, adeoque eam, quo minus amplecteretur, reiecit. Quae verissima quidem sunt, et vel ex sola furentis aduersarii oppugnatione scripturae sacrae patent, ast, cognouisse prius Christum, quod ipse Augustinus negat, non dicunt, nec apostasiam vllam sensu recepto, qualem Socrates de Porphyrio narrat, innuunt. Tertia testium classis ea est, quae diserte hanc apostasiam Porphyrio tribuit, qua Socratem, Theophanem et Nicephorum collocat vir doctus. Nam Lactantii locum huc praeter rem adferri, vel vno hoc argumento confici posse putamus,

I i 3

quod

g) L. X. pag. 86.

h) Comm. in Orat. IV. Gregor. Naz. n. 69.

i) In Hof. c. 16.

k) L. II. Inuect. in Hieronym. T. II. Opp. Hieron. p. 131.

l) loc. cit. p. 60.

quod nusquam legatur Porphyrius in Bithyniam descendisse, sed EUNAPIUS^m diserte testetur, mortuum eum fuisse Romae; quodque non in Bithynia, sed in Sicilia, non duos, sed quindecim libros contra Christianos confarcinauerit. Vt taceamus, testari EVNAPIUMⁿ, annos Porphyrii in Galienum Flauium Claudium, Tacitum, Aurelianum, et Probum imperatores indicisse; et SVIDAM^o quoque confirmare, vixisse Porphyrium vsque ad Diocletiani tempora. Sub cuius imperii exitu si obiit Porphyrius, quod A. C. CCCIV factum esse debuit, septuagenario maiorem decessisse eum oportet, vnde ad senectutem peruenisse recte Eunapio dicitur. Et dum negat vir praestantissimus, anno Diocletiani XIX, Christi CCCIII, Porphyrium aetatis annum LXIX superasse, non meminit, ipsum in Plotini vita^p asserere, se LXVIII anno aetatis ecstasin passum esse. Natum itaque A. C. CCXXXIII Porphyrium^q, isto excessu mentis diuino raptum fuisse oportet A. C. CCCI et cum vitam Plotini post hoc demum tempus scripserit, certe A. C. CCCIII, qui Diocletiani XIX fuit, septuagenario maior fuit. Quod si ad Constantini M. tempora quod vult Baronius, centenarius perdurasset, non omisurus erat Eunapius, nec dicturus Suidas, vixisse eum vsque ad Diocletianum. Quae nostro quidem iudicio sufficiunt clarissime, vt euincant, Lactantium per istum philosophum, Christiani nominis detractorem quem Hierocli iungit, Porphyrium non intellexisse. Sed si hoc etiam demus, nihil tamen habet Lactantius de apostasia, vnde ei etiam loco non inhaeremus. Quod vero ad istos triumuiros attinet, qui diserto testimonio apostasiam Porphyrii asserunt, illi pro vno tantum teste habendi sunt, solusque Eusebius in censum venit; ex eo enim se exscripsisse non negat Socrates, Socratem more suo secuti sunt Theophanes et Nicephorus. Ast deficiente Eusebii contra Porphyrium libro, quis nobis faciet fidem, Socratem recte verba Eusebii intellexisse. Eusebium enim adscititiis et alienis affutis panniculis deprauatum fuisse, in hac ipsa Porphyrii historia supra Vincentii Lirinensis exemplo vidimus. Sed si Socrates fideliter Eusebium expressit, quis hunc vano rumore non fuisse deceptum, fidem dabit? quis vnus stabit testimonio, ex tot viris grauissimis, quorum vltra triginta in eum insurrexerunt, ne vno quidem apostasiae culpam Porphyrio obiiciente? Et quis quaeſo tam caram sibi antiquae historiae sacrae scriptorum auctoritatem habeat, vt eos vanis vulgi rumoribus nunquam deceptos, cuncta nobis ex vero semper retulisse sibi persuadeat? Certe veritatis curam omni auctoritate priorem habendam esse, ipse, qui hic disputauit, vir eruditissimus, vltro concedet, qui vnus Rufini, hominis suspecti, nomine Hieronymi auctoritatem in designando sententiarum Sexti auctore reiecit. Excussis itaque rationibus omnibus nulli dubitamus, cum literatissimis aevi nostri viris^r hanc fabulam reiicere. Quae tamen non ex fallendi studio vel inuidia calumni-

^m) loc. cit.ⁿ) p. 21.^p) c. 23. pag. 137.^o) In Porphyr. T. III. p. 758.^q) Vid. THOMASIVS et HEYMANNVS ll. cc.

mnianisque Porphyrium cupiditate fuisse profecta, sed rumori aliquo vulgi originem debuiffe videtur. Quam licet certo detegere indice impossibile, putamus tamen, nos occasionem hariolari posse fabulae. Supra nempe ex ipsis Porphyrii verbis demonstrauius, conuenisse familiariter Porphyrium Origenem Caesareae, non vero Alexandriae, vt perperam tradit Lirinensis, docentem, eumque audiuisse. In cuius schola cum indecentius forte agens verbera meruisset, facile fieri potuit, vt ignominiam se vlturum minatus sit, indeque fabula originem ceperit. Quae tamen cum testimoniis destituantur veterum, vltra coniecturae fidem non assurgere, sponte fatemur. Illud vero, vt e tam longo diuerticulo in viam redeamus, certum est, non ignota fuisse Porphyrio Christianae doctrinae capita, nec perfunctorie eum sacra oracula euoluiffe. Quibus luminibus, si voluisset, vti, cum facile potuisset ad veritatem coelestem amplectendam collustrari, vanae scientiae, vt ait Augustinus, opinione, quam in Plotini schola concepit, et cui clara et humilia Christi dogmata prae superbis et obscuris praeceptoris fordebant, in diuinam veritatem insurrexit, sicque, quod Ammonii schola fouebat arcanum odium in publicam lucem produxit, et maledicta atque conuicia in sanctos viros, non Christianos tantum, sed et Hebraeos euomuit. Quae calumniae licet aetatem, quam minime merebantur, non tulerint, eo quod imperatoris Theodosii iussu libri isti e medio sublatis sint, ex fragmentis tamen, et relationibus scriptorum ecclesiasticorum ^{*)} satis patet, quam canina rabie non lunam allatrauerit, sed ipsum solem, et contra meridianam lucem oggannierit. Quae hominis infania atque furor, cum eruditionis specie et philosophiae fama sustentaretur, e re ciuitatis Christianae esse rati sunt viri insigni DEI zelo flagrantibus, vt impudentiam insanientis philosophi, reprimerent, quod vltra triginta suscepisse traditur ²⁾, inter quos tamen Methodius, Apollinaris et Eusebius palmam meruerunt ³⁾. Hos ita armauit hominis impudentia, vt magno ardore inflammatis, ne a conuiciis quidem in Porphyrium iaciendis abstinere. Videas enim Porphyrium passim tanquam diaboli familiarem, et amicum, impietatis propugnatorem, et omnis pietatis euerforem, ab Eusebio; ab Hieronymo autem tanquam stultum, impium, blasphemum, vesanum, impudentem, sycophantam, calumniatorem ecclesiae, rabidum aduersus Christum canem passim traduci; quorum similia passim apud reliquos quoque occurrunt. Tantumque inualuit apud Christianos odium in Porphyrium, vt non tantum Theodosiano edicto libri pestilentes extinguerentur, sed Constantinus M. quoque Arianos publico edicto Porphyrianos tanquam Christiani nominis professos et iuratos hostes appellari iuberet. Exhibet edictum

^{*)} Conf. quae collegerunt notaruntque HOLSTENIUS c. 3. et II. p. 123. TILLEMONT. Hist. imp. T. IV. p. 118. FABRICIUS Bibl. Graec. Vol. IV. p. 197. et bibliothecarum ecclesiasticarum conditores.

³⁾ PSEUDO-DEXTER Chron. ad A. C. CCCX. Conf. citati.

²⁾ Conf. FABRICIUS Syllab. Script. de V. R. C. c. III. p. 163.

edictum SOCRATES", quod cum argumentum de quo hactenus dis-
seruimus, mire illustret, ex parte hic apponimus. Ita vero imperator:
„Cum malos et impios homines imitatus sit Arius, eandem cum illis poe-
„nam infamiae meretur subire. Quemadmodum ergo Porphyrius verae
„pietatis inimicus compositis aduersus Christianam religionem nefariis
„voluminibus dignam mercedem retulit, ut et ipse infamis sit apud poste-
„ros, multisque appetitus opprobriis, et impii eius libri penitus fuerint
„aboliti; ita nunc placuit Arium sectatoresque eius Porphyrianos appella-
„ri ut, cuius imitati sunt mores, eius etiam vocabulo nominentur“. Fecit haec Porphyrianorum appellatio Arianis tributa, ut in varias de
eius causa et significatione opiniones delaberentur viri docti. Fuit non
nemo *, cui suspectum erat totum edictum, cum tamen causam indica-
uerit nullam, cur fides eius et *γνησιότης* in dubium vocanda sit, et cum
forte nulla, quae quidem cogat, afferri possit, ad eam suspicionem non
attendimus. Aliter RAD. CVDWORTHVS †, qui ideo Arium
et sectatores Porphyrianos dictos putat, quod non secus, ac Porphyrius,
homines ad multorum numinum cultum adducere viderentur. Recte vero
opponit eruditissimus Interpres: eam rationem ad plures, non vero ad
solum Porphyrium pertinuisse, nec tamen ab iis nominatos esse Arianos,
nam et Ammonium, et Plotinum, et innumeros alios in hoc luto haesisse,
nec tamen infamiae notam ab eorum nomine, sed a Porphyrii fuisse
acceritam. Alii, et in his imprimis SANDIVS ‡, hypothesi suae inferiturus,
ideo Porphyrianos dictos fuisse Arianos coniiciunt, quod Arius et Ariani,
non solum cum Porphyrianis, sed et omnibus aliis Platonicis et Platonem
ipso eandem de vno Deo et verbo et spiritu Sancto defenderint doctrinam.
Verum supponit haec coniectura, quod probandum prius
erat, et falsum esse suo loco docebimus, Arium cum Platone eandem
tibi inflasse; et demonstrari non potest, Constantinum pro infami doctrina
habuisse Platoniam, quam ipse Arianae praetulit †, et si haec coniectura
locum haberet, Platonicorum magis, vel Ammonianorum vel etiam
Plotinianorum nomen Ariani meruissent. Magis ab ingenio se
commendat HERMANNI AB ELSWICH^b opinio, qui ideo Arianos Porphyrianorum
nomine infames fuisse coniicit, quod Arius philosophia Porphyrii ad confirmandos
errores suos abusus sit. Arianos enim vfos esse libro Porphyrii de quinque
vocibus ad incrustandam doctrinam suam erroneam. Sed inuitis veterum
testimoniis haec dicuntur, et si ipsum edictum consideretur frigida sunt,
parumque verbis eius facientia satis. Nos cum viris aliis eruditionis et
iudicii laude summis † nodum hic in scirpo quaeri putamus, et ipsam
verissimam causam prodidisse imperatorem

* Lib. I. c. 9. p. 32.

† IO. FRID. THOMAS Misc. Lipf. l.c.

‡ Syst. Intell. c. IV. §. 36. p. 701.

§ Nacl. Hist. eccles. L. II. p. 171.

¶ Apposite hoc ex Oratione eius ad coetum.
SS. obseruat MOSHEM. ad l. c. Cudworthi.

^b Ad LAVNOIVM de fort. Arist. in Acad. Parif. p. 158.

‡ PETR. DE MARCA de conc. sacerdot. et imp. L. II. c. 10. §. 10. p. 137. FABRIC. Bibl. Graec. Vol. IV. p. 309. 310. CLERIC. Bibl. anc. et mod. T. X. p. 448. MOSHEM. l.c.

torem censemus, nempe quod Arius et sectatores mores Porphyrii sint imitati, et Christianam religionem subruere tentauerint. Porphyrio itaque cum moribus sint similes, eius quoque nominis infamia dignos esse. Haec ut perspicua sunt, ita clare hoc nominis ideo Arianos accepisse inuunt, quod non minus in diuinam de filio Dei doctrinam iniurii fuerint, quam Porphyrius, et vterque pestilens homo fundamenta Christianae religionis subuertere tentauerit. Sane aliud ex ipso edicto exsculpi non potest, nec alia ratio dari, quae conceptis eius verbis satis faciat. Oportet vero eo tempore Porphyrii nomen infame fuisse, et execrabile, et pro pessimo quouis pietatis et religionis hoste usurpatum, ut Epicuri nomen de voluptatis hara porcum infami significatione indicat. Quare vix nobis persuademus, Porphyrium de sanctissimo Seruatore mitius locutum, licet nihil tale ei doctores Christiani obiiciant, et Platonici soliti fuerint, de Christo Salvatore honeste iudicare. Cum enim et Porphyrii et antagonistarum eius scripta perierint, nihil de ea re definiri potest, et infamia nominis Porphyriani, Arianis ob *ἐρεῶδοξίαν* in doctrina de Dei filio contrarium suadere videtur.

§. XIX. Etsi vero, quae merito culpes, in Porphyrio inueniuntur *Porphirii ingenium, eruditio, ratio philosophandi.* plurima, virtus tamen in hoste laudanda et testimonium eruditionis per omnes fere disciplinas ingentis et elegantissimae denegandum ei non est. Nam, quod supra iam tetigimus, Longini manu ductione ad optimorum auctorum lectionem perductus, dici non potest, quantam veteris doctrinae atque historiae cognitionem sibi comparauerit, quos auctores legit, excerpserit, fragmenta seruauerit. Quibus si per iudicii mediocritatem et superstitionis atque detestandae fallacisque philosophiae, quam sequebatur, vanitatem recte uti licuisset, non haberemus forte in tota antiquitate, quem praeponeremus Porphyrio. Ast hoc defectu in plerisque eius scriptis regnante, magna attentione, iudicio et circumspectione opus est, ne fallamur: cuius exemplum esse possunt, quae de Pythagorae scripsit historia suo loco a nobis examinata. Sed et dictionis nitor et perspicuitas et variae doctrinae elegantia valde lectorem capiunt, modo attentum et veteris literaturae non ignarum nanciscantur. Cumque in omni fere doctrinae genere libros scripserit, et grammaticam, criticam, rhetoricam, dialecticam, mathematicam, historiam, philosophiam, et theologiam illustrauerit, non inuidendae ei laudes sunt, quas non EVNAPIVS s tantum ei tribuit, sectae suae laudis, buccinator, sed et EVSEBIVS s antagonistam, qui τῶν μάλιστα

d) Tradit tamen id AVGVSTINVS, de C. D. L. XIX. c. 23. nempe pium fuisse, et in coelum, sicut pii concessisse: sed mox calumniam adnectit: eum fataliter dedisse hominibus, errori implicari.

e) Conf. Ven. MOSHEM. de turbata per Platonicos recentiores ecclesia §. 24. p. 148.

Hist. philos. Tom. II.

Christum scilicet ex theurgorum genere fuisse putabant.

f) loc. cit.

g) De praep. L. III. c. I. p. 82. L. IX. c. I. p. 403. add. CYRILLVS contra Iul. L. I. AVGVSTIN. de C. D. L. VII. c. 25. L. X. c. 10. 32. L. XIX. c. 22.

διαφανῶν καὶ πᾶσι γνωρίμων, κλέος τε ἔμικρὸν φιλοσοφίας παρ' Ἑλλήσιν ἀπενηγεμένων, *ex maxime illustribus et clarissimis Graecorum philosophis, qui non exigua philosophiae laude floruerunt*, fuisse testatur. Id quod clarius posset certiusque iudicari, si integri ad nos pervenissent libri eius, quos magno numero scripsit, quorum catalogum dederunt con-
summatae eruditionis viri LVCAS HOLSTENIVS ^b et IO. ALB. FABRICIVS ⁱ. Sed pleraque eius scripta nobis temporis eripuit iniuria: hodie enim, si fragmenta quaedam deperditorum scriptorum excipias, legimus fere nullum, praeter vitam Pythagorae tomo primo enarratam, libellum de antro nympharum apud Homerum, et quaestiones Homericas, sententias ad intelligibilia ducentes, de styge fragmentum ^k: epistolam ad Anebonem sacerdotem Aegyptium ^l, librum item de praedicationibus siue quinque vocibus, qui introductionis loco organo Aristotelis praefigi solet, et ab Ammonio Hermeae commentario illustratus est ^m, et tractationem de abstinentia ab esu animalium Pythagorica, vitamque Plotini. Inter deperditos vero maxime iacturam historiae eius philosophorum deploramus, cuius partem fuisse vitam Pythagorae non inepte coniecere viri docti. Ex hac enim vita patet, quot nobis vetustissimorum scriptorum fragmenta veteris philosophiae historiam illustrantia perierint: quamvis EVNAPIVS ⁿ dicat, eius historiam philosophicam in Platonem eiusque tempora defuisse. THEODORETVS ^o autem, non vitas tantum philosophorum, sed opiniones quoque eorum exposuisse ait. Quod ansam praebuit viris doctis suspicandi, vitae Pythagorae quaedam in fine, quae dogmata tangebant, deesse; quemadmodum in MSc. quoque Codd. Porphyrii nomen non praefigitur, quod suppressum fuisse ex ea causa, ut indignationi iraeque imperatorum in scripta Porphyrii igne et suppressione grassantium eriperetur, recte coniicitur ^p. Etsi vero tot nobis veterum memorias ereptas merito dolemus, fatemur tamen, parum sinceri de ista historia philosophica posse nos suspicari: cuius quidem, praeter vitam Pythagorae, nullo nobis exemplo opus est ^q; attamen ut nouo specimine constet, qua fide haec schola in veterum philosophorum rebus enarrandis versata sit, monemus, tertii libri, quod de Socrate tractauit, fragmentum adduci a CYRILLO ^r, ex quo patet, valde iniurium fuisse in optimum philosophorum omnium virum taliaque de eo narrare, quae falsa esse et ab eius aduersariis conficta suo loco probauimus. Quare recte eum iam suo tempore reprehendit SOCRATES ^s, histo-
riae

b) l. c. c. 7. seqq.

i) Bibl. Graec. Vol. IV. p. 180. seqq.

k) Haec subiunxit Porphyrii vitae Pythagorae HOLSTENIVS Rom. 1639. quae repetita sunt addito libro de abstinentia Cantabrig. 1655. 8.

l) Eam praefixit IAMBELICHO de myste-
riis Aegyptiorum THOMAS GALE.

m) Conf. FABRIC. Bibl. Graec. Vol. IV. p. 163. qui addit explanationem in categorias Ari-

stotelis, et Comm. in harmonica Ptolomaei, de quibus tamen ipse videndus.

n) p. 4.

o) Therapeut. serm. II. Conf. EVNAP. p. 17.

p) HOLSTEN. et FABRIC. II. cc.

q) Vid. T. I. L. II. c. 10. dicta.

r) Contra Iulian. L. VI. init.

s) L. III. c. 23. quae exscripsit NICEPHOR. L. X. c. 36. et Hist. tripart. L. VII. c. 2.

rae ecclesiasticae scriptor, quod in libris, quos scripsit de historia philosophica, Socratis philosophorum omnium excellentissimi vitam ridicule traduxerit; eaque de illo scriptis traduxerit, quae nec Melitus vnquam, nec Anytus, Socratis accusatores contra illum dicere ausi fuerint. Ad quod responderi quidem et Porphyrium facile excusari posse HOLSTE-
 „NIVS^{t)} statuit, eo quod historiam suam ex aliorum auctorum locis
 „centonis instar concinnauerit, qui vt tempore fuerint propinquiores,
 „ita fidem maiorem meriti sint. Qua in re diligentiam eius mirandam
 „et laudandam esse, quod ne illa quidem dissimulare voluerit, quae se-
 „quiora de clarissimis hominibus seu vera fide seu inuidia quorundam
 „atque obtrectandi studio prodita fuerint. Ea enim quae maleuole contra
 „Socratem philosophum scripserit, nequaquam de suo confinxisse Porphy-
 „rium, nec propria fide asseruisse, sed Aristoxeni grauissimi ac celeberrimi
 „scriptoris auctoritate. „ Sed vt demus, nihil hic peccasse Porphy-
 „rium mala fide, cuius tamen vel ex vna Pythagorae historia conuinci potest,
 „vtque concedamus, non fecisse male, quod et sequiores narrationes attu-
 „lerit, debebat tamen earum falsitatem ostendere, verosque nobis historiae
 „fontes eruere; quod cum pro eruditione critica, qua pollebat, posset, id-
 „que non fecerit, recte conquerimur cum Socrate historico, inuidia eum more
 „sectae suae Socratem pressisse, ne gloriae Pythagorae obstaret eius historia.
 „Nec meliori fide in reliquis etiam scriptis, quae ad philosophicam histo-
 „riam pertinent, fuisse versatum, ex his non inique colligitur. Id quod
 „luculentius forte posset ostendi, si supereffet adhuc liber eius, *quod una
 sit Platonis et Aristotelis secta*. Ex eo enim, quam misero syncretismo
 „vtriusque sectae placita confuderit, potuisset demonstrari. Eandem ra-
 „tionem tenuisse in libro *de Homeri philosophia*, credibile, in quo suae
 „philosophiae placita more toti Graeciae recepto quaesivit, vt ex iis col-
 „ligi potest, quae *de antro nympharum apud Homerum* differuit, quae
 „putidissimarum allego-
 „riarum equuleo Homerum in eas partes torquent,
 „quae placuere Porphyrio. Fuit et alius Malchus, Sophista et rerum By-
 „zantinarum scriptor, quem cum philosopho confudit CONR. RIT-
 „TERS HVSIVS^{u)}; quod in Porphyrii nomine BARONIO^{x)} quoque
 „euenit, qui narrat: *Eum cum ipsum imperatorem contumeliis proscidif-
 set, dignam laboribus mercedem accepisse, libris non tantum incendio
 condemnatis, sed eo etiam exilio multato; misso tamen post triennium
 insigni ad imperatorem volumine ab exilio fuisse liberatum*. Ex quo
 „concludit etiam, ad Constantinum M. vsque vitam prorogasse. Du-
 „dum vero obseruatum est viris doctis, confudisse illustrem annalium
 „scriptorem Porphyrium philosophum cum Publio Optatiano Porphyrio
 „poeta, Christiano quidem sed homine nugacissimo, de quo loqui Hiero-
 „nymum, cuius loco seductus est Baronius, panegyricus ille ad Constan-
 „tinum,

t) l. c. c. 8. p. 256.

u) In notis ad eius vitam Pyth. p. 4. Alius enim Malchus Philadelphiensis, alius Tyrius, id

Kk 2
 quod ipse p. 27. tandem agnouit, vitam hanc ad Porphyrium pertinere.
 x) loc. citat.
 y) HOLSTEN. c. 4. p. 224. seqq.

tinum, qui adhuc superest^z, euincit. Quo errore animaduerso simul vitae longaeuitas, Porphyrio tributa, concidit.

Iamblichus.

§. XX. Porphyrii discipulus fuit IAMBLICHVS, in Plotini schola praeceptoris gloria non cedens, magnumque inter Platonicos recentiores nomen nactus, vnde merito miramur, vitam eius a nemine haecenus accurate fuisse descriptam^a. Nam non solum magna Alexandrinae philosophiae et theologiae notitia inclaruit, sed et inter theurgos huius sectae maximam venerationem famamque meruit; cum enim Constantini M. temporibus (vt ex praeceptoris Porphyrii aetate colligi potest, et SVRIDAS^b tradit) floreret, quo gentilis superstitione vltimam minabatur ruinam, labantes partes fulcire artibus Ammonianae et Plotinianae scholae solennibus haud infeliciter contendit. Illustrem genere ortum et amplissima atque locuplete familia natum EVNAPIVS tradit, suspicaturque FABRICIVS^c fuisse eum ex posteris Iamblichi, cuius nomen ex Babylonice de Sinonidis et Rhodanis amoribus haud ignotum est. Patriam habuit Chalcidem Coelesyriae urbem, cum aliis huius nominis^d non confundendam. Praeceptorem habuit initio Anatolium, quem post Porphyrium summa philosophiae laude floruisse ait EVNAPIVS^e. Hunc Anatolium eum putat esse HENR. VALESIVS^f, qui A.C. CCLXX Alexandriae floruit, et Peripateticam scholam in hac Musarum sede excitauit, de quo, quia Christianorum sacris addictus fuit, ad Laodicensem episco-

^z) Editus a PAULO WELSERO, Aug. Vind. 1595. fol. et inter MARCI WELSERI Opera, conf. CAVE l. c. p. 9. FABRIC. Bibl. Lat. T. I. p. 618.

^a) Pleraque, quae de Iamblichis constant, EVNAPIO debemus, qui inter vitas Sophistarum p. 21. seqq. satis quidem prolixè de eo egit, ita tamen, vt accuratam criticamque eius viri historiam merito desideremus. Qui enim eius operum edendorum vitaeque iis praefigendae spem fecere HOLSTENIVS et GALEVS promissis non steterunt, vid. ILLIVS vita Porph. c. 6. p. 242. et huius praef. ad librum de myster. Aegypt. qui Eunapii tantum vitam Iamblichi libro praefixit. FABRICIVS, quae habet, ad historiam literariam scriptorum eius tantum pertinent, Biblioth. Graec. Vol. IV. p. 282. seqq. Nec plura dant vel ARCERIVS vel TENNVLIVS, scriptorum Iamblichi editores.

^b) T. II. in Iamblich. p. 90.

^c) I. c. qui de hoc scriptore critico egit L. V. c. 6. Vol. VI. p. 822. Floruit hic sub Traiano et Antonino, et, vt habet scholion vetus apud DAV. HOESCHELIUM in annot. ad Photium p. 937. in Syria natus, Babylone vero educatus, literisque melioribus tinctus scriba regis factus est. Postea sub Traiano captus, et libertati restitutus, Graecam quoque linguam didicit et inter rhetores, clarum nomen adeptus est. Ab hoc genus forte Iamblichus deriuauit, conf. de eo SVRIDAS T. II. p. 90. qui ex his potest suppleri.

^d) Aliquot huius nominis vrbes fuisse veteres geographi notant. Vna fuit Thraciae, multorum virorum clarissimorum patria, inter quos fuit etiam Xenophilus Pythagoreus, cuius meminit IAMBLICH, vit. Pyth. n. 251. Lycophron Isaeus, rhetor, Eubulides, Philo aliique, de quibus videndas IONSVS de Script. Hist. Phil. L. II. c. 9. p. 160. Fuit etiam Chalcis Euboeae ciuitas, cuius incolae, vt a Chalcidenis Syriae distinguat, Chalcidenfes vocat STEPHANVS in Chalcis, conf. SVRIDAS in Chalcis T. III. p. 651. quam tamen distinctionem non semper seruauerunt veteres, vnde Iamblichus *Χαλκιδεύς* in inscriptionibus librorum suorum vocatur, et apud IULIANVM Orat. IV. p. 146. atque EVSTATIUM Iliad. β. v. 537. f. 211. conf. IONSVS L. III. c. 11. p. 292. FABRIC. Bibl. Graec. Vol. IV. p. 282. Ab huius Chalcidis Euboeae moribus chalcidicis dicebantur rapaciores et nimis ad rem attenti, eo quod auaritia Chalcidicenfium veteris comoediae conuiciis notata esset, vid. ERASM. Chil. II. Cent. II. p. m. 671. Sed in ipsa quoque Syria duae fuere Chalcides, vt docte notatum HADR. RELANDO Palaestina. L. I. c. 48. p. 315. vna inter Beroam et Andronam, altera in caua Syria, sub monte Libano, quae Iamblichi patria fuit, de qua vid. IOSEPHVS Antiq. L. XIV. c. 13. PLIN. L. V. c. 25.

^e) p. 21.

^f) Annot. ad EVSEB. p. 158.

episcopatum tandem euectus, inter veterum Christianorum philosophos pluribus est dicendum, FABRICIVS autem, qui Anatolii fragmentum de sympathiis et antipathiis vulgavit, ab hoc episcopo diuersum iudicat ^f. Nobis vero Iamblichi praeceptor et aetate paulo iunior, et disciplinae genere, quod haud obscure cum Porphyrii secta Eunapius iungit, ab illo diuersus, nec inter Christiani nominis affeclas fuisse, adeoque ab Anatolio Alexandrino distinguendus videtur, quas etiam partes sequuntur CAVEVS ^g et FABRICIVS ^h. Sed distinguendum illum etiam esse ab Anatolio, Iamblichi familiari, cuius saepe mentionem facit Libanius, ex huius Iamblichi aetate, Iuliani imperatoris tempora aequante ⁱ, recte demonstratur: Ab hoc Anatolio ad Porphyrium delatus et ab eo in Alexandrina philosophia institutus est. Quo magistro vsus, cum ingenio vteretur fatis felici, ad summum philosophiae gradum adscendit, sic vt, monente iterum EVNAPIO ^k, praeceptore Porphyrio nulla in re esset inferior, praeterquam in concinna orationis structura, dicendique facultate. *Neque enim, vt is addit, pari venere et gratia ab eo dicta instructa fuerunt, neque candorem habebant et perspicuitatem, neque puritate sermonis exornare scripta laborabat, quanquam non obscuritate inuoluta sit, aut vitium habeat oratio; sed lectorem non detinet, nec obrepat illecebris quibusdam, et ad lectionem inuitat, quin potius auertere et obtundere aures videtur.* Vnde non probandum LVDOVICI VIVIS ^l de Iamblicho iudicium, qui ingenio moribusque Porphyrio meliorem fuisse putat. Nam nec eruditionis per omnes disciplinas versatae lateque grassantis elegantia Porphyrium vicit, nec moribus fuit melior, sed eandem pestilentissimam doctrinam in ciuitatis Iesu Christi fraudem et detrimentum, dolis, mendaciis, praestigiis et fanatica philosophia propagavit, et superstitionem, si non ista, qua Porphyrius rabie, eadem tamen imponendi et mentiendi audacia et impudentia fulciuit ^m.

Kk 3

inde-

librorum pestilentissimorum, Iamblichus dici potest. Qui si vel Porphyrii temporibus vixisset, vbi gentilis superstitio adhuc dominabatur, forte meliorem se atque candidiorem non praestitisset, vel si Iuliani aeuo florisset, eius patrocinio ad persequendam Christianam religionem fuisset vsus. Sed Constantini M. temporibus cum esset, vbi sacra Christiana ab imperatore recepta sunt, modeste magis parceque philosophis cum Christianis erat agendum. Quod adeo non negat, EVNAPIVS p. 37. vt potius moneat, „philosophos huius sectae rem suam „occultam tum habuisse, ob temporum iniquitatem, quod tum Constantinus imperium regeret, qui sana toto orbe celebratissima euer-tebat, et Christianorum aedificia exstruebat. „Hincque fuisse, quod doctissimus quisque discipulorum ad mysteris congruum silentium, „et dignam antistite taciturnitatem inclinare coeperit, iisque angustis se concluderit etc.” Quae vt horum hominum consilia produunt, ita malitiae magis et calliditatis, temporibus inferuentis, quam probitatis specimen faciunt.

^f) Bibl. Graec. Vol. IV. p. 295.

^g) Hist. Lit. Script. eccles. p. 87.

^h) Bibl. Graec. Vol. II. p. 275. Occurrit apud STORAEVM Serm. L. I. p. 187. fragmentum Epistolae Iamblichi ad Anatolium, in quo de iustitia agitur, conf. Cl. HASAEVS de Acad. Beryt. C. VIII. §. 6. C. X. §. 5. seq.

ⁱ) Dicitur de eo paulo infra.

^k) loc. citat.

^l) Ad AVGVSTIN. de C. D. L. VIII. c. 12.

^m) Porphyrii et Iamblichi scripta inter se comparantibus, manifestum est, longe infra praeceptorem esse Iamblichum non dictionis tantum elegantia et sermonis gratia, vt fatetur Eunapius, sed et ordinis, perspicuitatis, et eruditionis, lectionis imprimis infinitae. Quam licet Iamblichus saepe quoque spiret, arat tamen vitulo aliorum et praecipue Porphyrii, vt vel ex sola vitae Pythagorae ab vtroque scriptae collatione patet. Cautius etiam parcinsque mentitur Porphyrius, quam Iamblichus, impudentissimae frontis homo. Moribus vero melior fuisse, respectu tantum odii in Christianos et

indeque celebritatem in hac Ammonii et Plotini schola nactus est maximam, tantamque, ut nec Christiani ab eo laudando desisterent", et imprimis huius scholae homines in coelum laudibus eum extollerent. EVNAPIO enim famigeratissimus philosophus, θαυμάσιος siue admirandus, et doctor diuinissimus, Proclo, diuinus, audit, ut alia horum hominum elogia taceamus. Fecit haec summa philosophiae Iamblichi celebritas, ut discipulos nancisceretur plurimos, qui, ut refert EVNAPIVS, vndeunque affluebant, ad hauriendum ab eo animi cultum. Inter eos fuere Sopater Syrus, Aedesius et Eustathius Cappadox, de

n) AVGVST. de C. D. L. VIII. c. 12. BES-SARIO adu. calumniat. Plat. L. II. c. 9. conf. POPE-BLOUNT. cens. cel. auct. p. 228. seqq.

o) Vid. quae collegit SAM. TENNVLIVS ad IAMBlichI Introd. in Nicomach. p. 60.

p) loc. citat.

q) Addi hi discipuli debent catalogo Platonicorum apud FABRICIVM Bibl. Graec. Vol. II. p. 52. seqq.

r) Sopatrum, Apameae ex Syria oriundum laudat EVNAPIVS l. c. ob eloquentiam in dicendo et scribendo summam, et SOZOMENVS τὸν ἐπισημώτατον τὸν τε παρ' Ἑλλήνων ἐπὶ παιδείῃ γεγενημένον, „philosophum eruditionis „caussa apud Graecos ea aetate nobilissimum habitum „vocat. Qui qualia fata habuerit in „aula Constantini his verbis exponit EVNAPIVS in Aedesio p. 39. „Constantinopolis, vetusto „nomine Byzantium, antiquitus supeditabat „Atheniensibus annonam, fideinque omnem superabat frumenti inde aduecti vis: at nostro „seculo neque onerariae naues, quas Aegyptus „mittit, totaque Asia cum Syria et Phoenice, „neque frumentariae copiae ex aliis prouinciis „uestigialibus comportatae, explere valent aut „fertiare circumfluentem et copiosam populi multitudinem, quam Constantinus e debellatis urbibus Byzantium transtulit, ac circum se habere voluit, ad captandos in theatro a temulentis et crapulam reiectantibus, plausus: „ambiens scilicet a titubante populo laudari, „nominarique ab his, qui difficulter nomen sonant, nisi ex usu. Accidit forte ut cum Byzantii posito male conueniret nauium appellatum accessus, ni secundus, purusque auster afflaret; quod cum ob montium naturam usu veniret, tuncque frequentius malum illud occurreret, plebs stimulante fame incensa ad theatrum conuenit; ingens raritas laudum ebrii populi stuporem imperatori incusserat. Interea inuidi opportunitum cumprimis tempus se inuenisse rati, Sopater inquit, tantis per te honoribus cumulus beneficio summae peritiae, quae te quoque laudatorem habet, et per quam imperatorio in solio resider, ventos vinxit. Quo audito credulus Constantinus securi virum percuti mandat, maleuoli dicto citius exequi iussa festinant. Istius mali auctor fuit Ablabius, praetorio praefectus, qui a Sopatro claritate superabatur. Ita quidem Eunapius, qui tamen paulo ante celare non potuit, Sopatrum, „reliquis Iamblichi discipulis se abscondentibus, cum et ceteris eloquentior, et natura sublimium honorum appetens „esset, animoque magnus atque ferox, asper, „natum reliqua in turba aetatem degere, magna celeritate ad aulam imperatoris accurrisse, „quasi Constantini propositum atque imperum „domitutum et ratione superaturum. Addit „porro: eo existimationis peruenisse, ut imperator delinitus captusque ab homine assefforem eum ad dextram publice habuerit: proceres aulicos inuidia disrptos, quod regia „philosophiam iam serio addisceret, concilia „coetusque agitaſſe, ut Sopatrum insidiis euerterent, et ista quidem arte Ablabium fuisse „vsum. „In qua Eunapii narratione fidem quidem et verisimilitudinem desideramus, cum satis prodiderit, extollendae, quam commendabat philosophiae Plotinianae causa hanc se scenam exornasse, et nullis testimoniis constet, Constantinum Sopatrum ad philosophiam istam magicam et theurgicam docendam in aulam suam vocasse; immo rumor vulgi fuerit Sopatrum, quod caede genere proximorum Constantinum expiari posse negasset reiectum esse, et imperatorem ad Christianorum sacra tranſiſſe, ut refert SOZOMENVS H. E. L. I. c. 5. p. 407. non putamus tamen, totam reiiciendam esse, et de veritate mortis Sopatri dubitandum, quod placet GAVDENTIO de philof. Rom. c. CLXXI. p. 231. Nam SVIDAS quoque in Sopater T. III. p. 354. narrat: „Constantinum eum interfecisse, „ut fidem faceret, se non amplius religioni gentili addictum esse. „Id quod Suidas, vel quisquis auctor est, quem is exſcripſit, improbat. Quod si in obscura re aliquid coniciendum, videtur Sopater apud Constantinum ante eius ad Christianam religionem conuersionem gratioſus fuiſſe, et pro magno theurgo et hierophanta habitus. Nam Ioannes Lydus apud VALESIVM ad l. c. Sozom. p. 101. refert: „Constantinum Sopatro in condenda vrbe Constantinopolitana vsum esse τελεστήν et praetextato hierophanta; „nec aliunde putamus ortam fabulam de negata a Sopatro expiatione scelerum, quam ut accedente ad sacra Christianorum imperatore eum inuidia, (quam satis prodit Euna-

de quibus in sequentibus dicendum; e Graecia Theodorus et Euphrasius, virtute excellentes viri, aliique multi, non multo in dicendi facultate inferiores. Adduntur his alii ex Alexandrina secta viri celeberrimi, quos vero non audiuisse Iamblichum, facile temporum rationes euincunt. Nam hanc philosophandi rationem ex Iamblichio non percepisse, et in patriam Athenas retulisse Nestorii filium, Plutarchum, ut vult HOLSTENIUS, et qui hunc exscripsit TENNYLIUS, aetas eius, Iamblichio multo inferior, prodit, ut ex iis, quae infra de hoc philosopho dicentur, constabit; nec alio sensu potuit ex Iamblichio Alexandrinae philosophiae mysteria addiscere, quam vel ex scriptis, vel ex quodam discipulorum Iamblichi. Nec meliori iure Iulianus apostata * et Proclus † inter Iamblichi numerantur discipulos. Hic enim Constantino M. imperante vixit, et quidem, primis imperii eius annis, quibus nondum natus fuit Iulianus, quem post Iamblichi demum obitum aspexisse lucem est verisimile. Proclus serius Athenis docuit, seculo quinto ineunte demum natus. Vterque autem cum ex Iamblichi potissimum scriptis profecerit ‡, et hanc philosophandi viam didicerit, erroris inde fons liquet. Valde in his discipulis suis erudiendis diligentiam et dexteritatem animi

„pro-

pius) onerarent philosophi et sacerdotes. Facta vero ad castra Christi transference Constantini, Sopatrum hominem ambitiosum, quod non negat Eunapius, ut pristinam existimationem tueretur apud imperatorem, artibus forte suis tentasse, Constantinum autem et populi metu et aulicorum instigatione, cum malae artes Sopatri in vulgus essent notae, eum sustulisse e medio, ut se horum hominum inimicum ostenderet, eorumque artes se improbare publico specimine demonstraret. Certe Ablabium hominem ex infima sorte ad tantam dignitatem euectum inuidia pressisse Sopatrum narrat etiam ZOSIMUS Histor. L. II. Scripsit hic Sopater librum, teste SVIDA l. c. de providentia, et de iis, qui immerito sunt felices vel infelices, ex cuius argumento coniciamus, occasionem Sopatrum fuisse a nutante in aula fortuna sua, et inuidia Ablabii, praeter meritum ad tantam dignitatem euecti. Vocat hunc Sopatrum SOZOMENUS l. c. *προσώπων τῆς τοῦ Πλατῖνου διανοίας*, quod tantum de doctrina Plotini, quam is propagavit, intelligit VALESIVS ad h. l. sed ad ipsam scholam, licet certo loco non affixam referendum esse, successio scholae Plotiniana supra enarrata satis confirmat. Fit etiam Sopatri mentio in IULIANI Ep. XL. tanquam adhuc viui, quod cum rationibus chronologicis aduersum sit, argumentum inde sumitur praestantissimus DODWELLVS de aetate Pythag. p. 187. *γνησιότητα* harum epistolarum in dubium vocandi. *ὁ πάνυ* FABRICIVS autem Bibl. Graec. Vol. I. p. 413. non necesse putat Sopatrum Syrum Iamblichi discipulum eundem existimare cum Sopatro, quem Ablabii

sycophantia interemit Constantinus. Quod tamen nec Eunapii, nec Sozomeni narrationi satis quadrat; uterque enim de Sopatro Iamblichi discipulo manifeste loquitur, ut ex collatione patet. Nec obstat quod FABRICIVS l. c. monet, dici hunc Sopatrum non Iamblichi, sed Plotini discipulum: non enim vel *γνώριμος* vel *ἐταῖρος* Plotini dicitur, sed antistes scholae Plotiniana: aut tales et Plutarchus, et Proclus, et Isidorus, et alii huius sectae philosophi fuerunt, licet Plotinum ipsum non audierint: Vnde non videmus, quare ab errore chronologico locus ille in epistolis Iuliani queat liberari, nisi dicamus, Sopatrum hunc iuniorem fuisse, illo discipulo Iamblichi senioris, quod amplexus est postea FABRICIVS Bibl. Graec. Vol. IV. p. 283. IX. p. 423.

†) De vit. Porphyr. p. 236.

†) Ad IAMBlich. in Nicomach. p. 61. conf. OLEAR. de philos. eccl. C. III. p. 1214.

*) conf. MARIN. in vita Procli p. 74. SVIDAS in Plutarch. Nest. T. III. p. 133. et in Nicolaus T. II. p. 624. IONS. de S. H. Ph. L. III. c. 6. p. 241. c. 18. p. 301. 302. quaeque infra de hoc philosopho dicemus.

*) Vid. TENNYLIUS ad l. c. Iamblichi p. 61.

*) ZONARAS Annal. T. III. p. 28. et ex eo PEVCERVS de diuin. et TENNYL. l. c.

*) Vid. IULIAN. Orat. IV. p. 146. MARINVS l. c. c. 32. conf. FABRIC. ad h. l. p. 81. et Bibl. Graec. Vol. IV. p. 294.

„probauit Iamblichus. Teste enim EVNAPIO^a, „erga cunctos ex
 „aequo erat comis ac benignus, et vix quicquam in sui gratiam agebat
 „extra discipulos et sodales, numinis religione tactus, plerumque vero
 „cum suis conuersabatur, conuictum facilem sequens, et frugalem prisci
 „seculi mensam apponens^b; in symposio praesentes exhilarabat, et ceu
 „nectare delibutos replebat, qui vero indefesso eius audiendi studio arde-
 „bant, neque satietatem huiusce voluptatis capere poterant, assidui illi
 „erant conuiuiae. Non vero eruditionis tantum celebritas hanc discipu-
 „lorum admirationem ei conciliauit, sed praecipue sanctitatis fama, et
 „theurgicae virtutis insolita, quae de eo narrabantur, opera. Narrabant
 „enim discipuli^c, rumorem emanasse per eius ministros, Iamblichum in-
 „ter fundendum preces videri ab humo plusquam cubitos decem sublimem
 „rapi atque attolli, corpus et vestimentum in aureolum colorem mutari,
 „mox finitis precibus in pristinam redire speciem corpus, ac tum demum
 „ad terram descendere, et in congressum colloquiumque venire^d. Sed
 „et alia virtutis humana maioris exempla afferebant, et qua ratione futura
 „praeuiderit, tanquam praesentia exponunt: imprimis vero imperium in
 „daemonas exercuisse tradunt, eiusque exemplum narrant^e, lauante in
 „thermis Syriae, quae Gadara erant, nata de balneis disceptatione, vt
 „discipulis doctrinae suae fidem faceret, iussisse eos ex popularibus indige-
 „nis sciscitari, quibus iam olim nominibus donati fuissent duo e calidis fon-
 „tibus elegantiores: et postquam rescuisset, vni amoris, alteri anteroti
 „siue amoris opposito, nomen esse, ipsum confestim, contacta manu
 „aqua, paucis admurmuratis verbulis de fontis imis exciuisse puerulum
 „candidum, commoda statura, capillitio in fuluum aurum tincto, dorsi
 „cute nitida. Tum transeuntem ad alterum fontem, et eadem, quae
 „prius peragentem, alterum amorem euocasse, prioris per omnia similem,
 „extra comas nigricantes magis et rutilas per collum sparsas: ambos pu-
 „siones circumfusus arctis complexibus Iamblichio veluti naturali patri in-
 „haesisse, eos vero illum in proprias suas sedes e vestigio restituisse, ob-
 „stupefacto comitum et familiarium coetu, qui ab eo tempore scrutari
 „quicquam desierint, et argumentis ac signis, quae viderant, tanquam
 „vali-

^a) I. c. p. 23. Vtitur versione HADRIANI IVNII, quam tamen cum Graeco textu conferre e re fore lectoris monemus.

^b) Morem hunc Platoniorum, vt omni fere, ita hoc quoque, tempore fuisse, vt non tantum conuiuia inter se celebrarent, sed et philosophiae studiosos iuuenes in mensa sua alerent, Plotini, Longini, Porphyrii hocque Iamblichi exemplo constat, ad quem morem hic alludit Eunapius, veteremque conuictum Pythagoreum obseruatum a Iamblichio et reductum esse inuens.

^c) EVNAPIVS I. c. Vbi tamen memorabile, quod discipulis talia narrantibus respondit Iamblichus: ὁ μὲν ἀπατήσας ὑμᾶς οὐκ ἦν ἀχαρὶς ταῦτα δὲ οὐκ οὕτως ἔχει; „Qui ita vos decepit,

„non fuit inuenustus, sed haec ita se non habent., Forte de aliis quoque, si non dixit, cogitauit tamen Iamblichus, quae de ipso narrabantur.

^d) Ibid. Haec et similia nugarum et mendaciorum exempla plurima narrauit schola Platonica. De Brachmanibus talia refert PHILOSTRAT. vit. Apoll. L. II. c. 5. Sed idem tamen miraculum de Loiola refert Maffeiū notat FABRICIVS, ad Marinum p. 83. qui memorabile exemplum affert ex BODINI Colloq. heptaplom. II. mulieris annis amplius 30. cum atrato daemone ephialte concumbentis, quae tamen tantam religionis et pietatis prae se speciem ferebat, vt dum sacra fierent, sublimis videretur e terra.

^e) EVNAP. loc. cit.

validis habenis pertracti in omnibus credulos se praebuerint. Plura eiusmodi de illo in vulgus sparsa fuisse fidei absque monstrique similia, ait EUNAPIUS ^f, nec se tamen historiae veraci et solida fide nixae, fabulas inanes et commentitias inferere velle: immo, et haec ipsa scribere non sine religione quadam, metuentem, ne rumores sint et fictae auditiones, nisi quod viros sequatur, qui fidem non adhibentes aliis rei visae sensu permoti sint. Quibus an fidem suam satis in tuto posuerit Eunapius, iudicium erit penes lectorem. Nos hoc vnum addimus, non insolens quidem in hac schola fuisse, praestigiis uti, artibusque magicis homines decipere: valde tamen, si non ipsius Eunapii, saltem virorum istorum, ad quos provocat, fidem suspectam esse, cum supra iam probauerimus, Iamblichum ipsum non licitum tantum, sed et pium et laude dignum statuisse, quicquid monstrorum de diuinis narratur, fidem ei adhibere, et mendacis quoque atque fraude uti, modo superstitionem, cui addicti erant hi homines, promoueret, et contra emergentem in dies magis Christianam veritatem collocaret in tuto. Qui si ex arte fuissent mentiti, et verisimilitudinis leges non migrassent, maiori labore in fraude deprehenderentur: ast insigni mentiendi licentia enormes fabulas cudentes omni se mox fide indignos ostendunt. Et si vero, vel mediocriter attento non possunt non eiusmodi fabulae esse suspectissimae, ea tamen coequentis philosophorum vulgus miseranda fuit conditio, ut Iamblichum in coelum non tantum extollerent, sed et διδάσκαλον θεϊότατον, *praeceptorem diuinissimum* vocare non erubescerent, et respectu ad miracula et stupenda, quae de eo narrabantur, opera habito, θαυμασίον, singulari appellationis genere nominarent, nempe ut recte obseruauit IONSIUS ob θαυματουργίαν et miras praestigias. Insolita enim apud vetustissimos Graecos appellatio, post nati demum Christi tempora, quae miraculis eius inclaruere, in usum venisse videtur, θαυμασίς enim titulum atque laudem ante Galenum, Athenaeum, et, ex Christianis Tatianum non occurrere, erudite idem obseruauit, et exemplis docuit Ionsius: vnde coniicimus, vocem a Christianis forte exortam, qui viros sanctos θαυμαστὴς esse, recte dicebant, ob miraculorum claritatem, gentiles scriptores suis vindicasse, et non illos tantum admiratione dignos pronunciasse, qui mirabili virtute et eruditione excellerent, ut CICERO ^g Herodotum Halicarnassaeum dixit mirabilem, et ATHENAEVS ^h θαυμασιώτατον, sed imprimis illos isto mactasse titulo, qui mirabilia praestitissent, siue vera essent, siue ficta, qua ratione Apollonium fere primum ex philosophis inclaruisse supra narrauimus. Fecit haec miraculorum claritas, ut iuuenes philosophiae studiosi aliarum sectarum philosophos relinquerent, Iamblichum adhaesuri, qui scilicet mirabiles istas artes et ipsi pernosse cupiebant, id quod Aypio accidisse, philosopho corpore exiguo, pauloque quam cubitale aut Pygmaei maiore, ingenio autem maximo et in dialecti-

cis

^f) De S. H. Ph. L. II, c. 12. p. 174.^g) Orat. in Brut.^h) Deipnosoph. L. III, c. 5.

cis exercitativissimo, quem ipse Iamblichus magni fecit, quod eius in periculis malisque constantiam et animi firmitatem, praeterea orationis acrimoniam et penetrationem probaret, narrat EUNAPIUSⁱ. Fuit vero Iamblichus ingenio satis quidem felici atque fertili et ex praeceptoris Porphyrii doctrina, eruditione quoque philosophica et mathematica probe exacto, sed iudicii vi non firmato, quae ratio est, cur ad entusiasmum et fanaticam philosophiam declinaverit. Elegantiae etiam dictionis incurium fuisse, supra Eunapio fatente percepimus, et plagii eum praecipue in praeceptorem commissi reum esse diximus. Multoties enim, in vita Pythagorae exscripsit Porphyrium, nec tamen, vel verbulo eius mentionem fecit, vel, per quem profecerit, fassus est. Idem crimen in praeceptorem commisit, teste SIMPLICIO^k, in commentario in categorias Porphyrii, quem saepe iisdem fere verbis expressit. Sed et attentionem atque industriam in scribendo merito in Iamblichio desideres. Quae negligentia fecit, ut haud raro idem bis scriberet, et odiose repeteret, cuius exempla plusscula in vita Pythagorae observantur^l, quae non satis excusat KVSTERVS^m, existimans, *vitae huic Pythagoricae non esse ultimam manum a Iamblichio impositam, sed varia tantum collectanea ad hoc argumentum pertinentia, confuse, ut fit, in schedas ab eo coniecta, unde alii postea vitam hanc consarcinaverint, idque tam exigua cura ac diligentia, ut saepe eadem, superiorum obliti, bis terve iterarent, et quaedam in alienum locum nullo iudicio inferebant*. Non enim tantum nullo vir doctus argumento hanc suam coniecturam firmat, sed et illa ipsi operis huius oeconomiae contraria est, quae auctorem data opera, secundum methodum Platonice adhibitam hanc biographiam conscripsisse testatur. Nec dici potest, Iamblichum vitae huius collectanea tantum congestisse, cum ex decem, quos de philosophia Pythagorica scripsit libris, hic primus fuerit, quem absolvit. Nulli itaque dubitamus Iamblichum hanc negligentiam tribuere, quem non esse accuratum scriptorem, et reliqua eius scripta ostendunt, et non negat Eunapius, auertere ea potius et obtundere aures lectoris, quam allicere. Eruditionem tamen et lectionem, mathematicarum etiam disciplinarum peritiam ei non denegandam esse, ex scriptis eius satis apparet, modo lectorem is nanciscatur in eo argumento satis exercitatum atque attentum, et philosophiae Alexandrinae non ignarum, sine cuius notitia pleraque Iamblichi scripta griphi sunt atque aenigmata; quae vero rite intellecta miram nobis huius philosophiae cognitionem parant, quam aliunde frustra petimus. Dolemus itaque vehementer ex decem, quos conscripsit, libris Pythagoricis, dimidiam partem intercidisse. Superfunt tamen non sine magno philosophicae historiae emolumento, *vita Pythagorae* ab eo scripta, cuius editionem, post

i) p. 29. seqq. Vnde sua hausit PETR. BAYLE
Diction. T. I. art. Alypius, p. 162.

k) Conf. FABRIC. Bibl. Graec. Vol. I. p. 189.

l) Vid. n. 68. 188. 225. collato n. 86. 87. 137.

item n. 69. 229. n. 133. 177. n. 196. 224. n. 101.
102. 230. 231. n. 139. 140. 148.

m) Praef. ad IAMBlichi vitam Pythagorae.

post ARCERII satis infelicem", ob corruptos maleque emendatos, quos habuit codices, et promissas HOLSTENII^o atque GALEI^p, LVDOLPHO KVSTERO^o debemus, de qua cum Tomoprino^r necessaria dixerimus, hic prolixi esse nolumus. Alter, qui huc pertinet liber, *sermones prorepticos* siue *exhortationes ad philosophiam* continet, ab eodem Arce-rio non magis feliciter editas et Latine versas, quas meliori habitu nobis dare cum constituisset, FABRICIVS^s, intercedente V. C. TIBERII HEMSTERHVSII opera, lampadem ei tradidit. Dignae eae sunt noua editione, cum philosophiae Pythagorico-Platonicae magna inde lux queat affulgere. Idem vero, quod in vita Pythagorae notauimus vitium in his quoque exhortationibus regnat, vt in iis repetatur iisdem verbis, quod priore libro dixerat; quae satis probant, ipsum Iamblichum huius negligentiae esse auctorem. Tertiū libri, *de mathematica communi disciplina* fragmenta tantum quaedam edidit NIC. SCVTELLIVS^t, optamus itaque, vt a viro quodam docto, et mathematicarum pariter atque Pythagoricarum doctrinarum gnaro ex bibliothecis regiis Galliae, Italiae, Britanniae et Germaniae, vbi integer latet, eruatur, et docto commentario illustratus edatur, quod post Holstenium et Galeumⁿ, qui omnium librorum Iamblichi editionem meditati sunt, Tennulius quoque, Kusterus et Hemsterhufius nos sperare iusserunt^x. Quartus ex Pythagoricis Iamblichi scriptis est *introductio siue commentarius in institutiones arithmeticas Nicomachi Geraseni*, de quo supra^y dictum, adiecisse IOACH. CAMERARIJ suumque commentarium SAMVELEM TENNVLIVM^z. Quartum hodie legimus, *de mysteriis Aegyptiorum* Chaldaeorum, Assyriorum, siue responsionem ad Porphyrii epistolam ad Anebonem prophetam Aegyptium, quem nobis seruatum esse, merito nobis gratulamur, cum non aliunde melius Ammonianae scholae, et si recte attendatur, Orientalis quoque et Aegyptiacae, qualis circa nati Saluatoris tempora inualuit, philosophiae placita de Deo, diis, daemonibus, horumque cultu et commercio, deque tota theurgia et coniunctione animi cum Deo, addisci queant, vnde recte MORHOFIO^a compendium theurgiae gentilis dicitur, in quo vero micare lucidissimae veritatis scintillas et stricturas quasdam Christianismi, sine calculo dixit illustris HVETIVS^b. Nihil enim horum deprehendet lector cautus et dictionis Platonicae gnarus, si ab iis recefferis, quae, vt propius Christianis accederent, mira fallendi astutia doloque confinxere homines

LI 2

versi-

n) Franeq. 1598. 4. ignoscendum tamen Arce-rio corruptos Codices sequenti. Plerique enim codices Iamblichi eius commatis sunt, hinc cum Graecis malis sibi rem fuisse conqueritur THOM. GALE praef. ad librum de myst. Aegypt.

o) In vita Porphyrii. c. 6.

p) loc. cit.

q) Amstelod. 1707. 4.

r) L. II. c. 10. conf. FABRIC. l.c. p. 287.

s) Ibid. p. 289.

t) Ad calc. libri de myst. Aegypt. Rom. 1556. 4.

u) Vid. II. cc.

x) Conf. FABRIC. l.c. p. 290.

y) Sect. III. huius capituli §. 25.

z) Arnheimii 1678. 4.

a) Polyhist. T. I. L. I. p. 87.

b) Demonstrat. Ev. axiom. 4. p. 15. ed. rec.

versipelles, qualia infra, vbi de philosophia eorum agendum, producemus. Dedit nobis scripti ad cognoscendam horum temporum philosophiam late vbique Sec. III et sequentibus regnantem, vtilissimi editionem et versionem nullius prorsus pretii NICOLAUS SCYTELLIVS^c, meliorem vero^d doctoque commentario illustratam, vir de veteri eruditione immortaliter meritis THOMAS GALEVS^e. Quintus, sextus, septimusque huius collectionis Pythagoricae liber, de physicis, ethicis et diuinis, quae in numeris obseruantur, tractauit, octauus institutiones musicas ex mente Pythagoreorum, nonus institutiones geometricas, decimus introductionem sphaericam exhibuit, quos omnes hodie desideramus^f. Sed et multa alia scripsit Iamblichus deperdita hodie, quorum catalogum confecit Cl. FABRICIVS^g, qui videndus. Vbi et quo tempore mortalitatis exuias deposuerit, incertum. Ex verbis EVNAPII^h, quibus Iamblichum Alypium in patria decedentem senio confectum, secutum paulo post esse dixit, colligi posse, eum Alexandriae obiisse, vidit quidem FABRICIVSⁱ, sed recte monuit, incertum id esse, nam hoc tantum verba eius velle videntur, sublato in patria morte Alypio Iamblichum non diu superuixisse. Nec de mortis tempore certiora constant. Id vnum ex EVNAPII^k relatione certum est, postquam Iamblichus hominem exuisset, discipulique eius alius alio dispersi essent, Sopatrum in aulam Constantini M. se contulisse, vt supra in orae paginae narrauimus: ex quo sequitur mature, viuo adhuc Constantino, obiisse Iamblichum: ex quo annum eius mortis in A. C. CCCXXXIII incidere, viri docti^l coniectant: quod si cogitamus, fuisse Iamblichum Porphyrii discipulum, qui ineunte Sec. IV obiit, vix vltra hos annos extendi potest vitae eius terminus. His suppositis indubitatum est, ast in Iamblichi historia ad euitandam homonymiae confusionem probe notandum, Iamblichum illum, ad quem epistolas dedit Iulianus imperator, quique et gente et theurgiae professione nostro par fuit, a Porphyrii discipulo esse distinguendum. Etsi enim is Syrus erat, Apamea tamen, non Chalcide oriundus fuit, et theurgicis quidem miraculis non minores a Iuliano laudes, quam Iamblichus Chalcidensis a discipulis retulit, sed si recte attendimus, ab ipso IULIANO^m ab eo, ad quem scripsit, et cuius etiam non sine elogio meminit Libanius, distinguitur. Chalcidensis enim Iamblichi scriptis se in arcana philosophia institutum fuisse, ipse fatetur, sicque viucae vocis institutionem excludit. LIBANIVS vero in epistola quadam, quam vulgauit primus FABRICIVSⁿ, et post eum ereptus nuper nobis non sine magna literaturae omnis iactura desideratissimus Io. CHRIST. WOLFIVS, cui insignem epistolarum LIBANII collectionem

c) Vid. PETAVIVS ad Iulian. p. 275.

d) FICINVS excerpta tantum ex eo dedit, in selectis Platoniciis.

e) Oxon. 1678. fol. ex theatro Scheldoniano.

f) Conf. FABRIC. l. c. p. 292. seqq.

g) loc. cit. p. 293.

h) p. 33.

i) loc. cit. p. 283.

k) p. 37.

l) Conf. FABRIC. l. c.

m) Orat. IV. p. 156.

n) loc. cit. p. 284.

ctionem debemus, clarissimis verbis Iamblichum hunc theurgum et τὸν ὁμόνυμον θεῖον, eius patrum cognominem, distinguit. Nec aliter rationes chronologicae admittunt, quae Iulianum vix ante obitum Iamblichi natum docent. Ex quibus hoc etiam manifestum est, elogia, quae a Iuliano Iamblichō tribuuntur, pleraque ad Chalcidensem a viris doctissimis perperam referri, cum iuniorem tantum concernant. Quod si Iamblichos Sopatrosque duos inter se distinguere non placet, reiiciendae sunt cum Dodwello epistolae Iuliani, et suppositae imperatori censendae a sophista quodam, chronologiae rationem non habente, cui coniecturae fauet dictio admodum sophistica et imperatore indigna. Verum cum et Iulianus ab his hominibus edoctus eorum in dicendo vestigia prefferit, et, ut vidimus, Iamblichus illi laudatus patria et vitae tempore a Iamblichō Chalcidensi diserte distinguatur, Libanius etiam huius mentionem faciat, vix Dodwellianam opinionem posse admitti putamus: nec verisimilitudinem excedit, hominem quendam Iamblichō et generis propinquitate et natione affinem, iisdem, quibus, ille, artibus et philosophiae studiis innutritum, non minorem theurgicis patrum artibus famam sibi conciliasse: ut Sopatros quoque duos fuisse non sine verisimilitudine dicitur: vel si hoc non placet, coniiciendum, habuisse Iamblichum Apameensem discipulum, praeceptoris vestigiis non minus, quam Sopater Iamblichi Chalcidensis, insistentem, qui in ista Iuliani epistola ob morum et circumstantiarum similitudinem, cum praeceptorem haberet Iamblichum, vocatus est Sopater. Certe per familias artes suas sacras tradidisse ἱερὰν γέννησιν, ad imitationem Pythagoreorum, Eunapiana eorum historia nos dubitare non finit. Ex eadem vero, quam fiximus, Iamblichi mortis epocha fabulam quoque esse, comperimus, quod Zonaras et Cedrenus et post hos recentiores quidam a Iamblichō tribuunt, detexisse philosophum, per alectriomantiam primarum literarum nominis ΘΕΟΔ. Oraculum, quod eum indicaret, qui Valenti imperatori esset successurus. Valentis enim tempore Iamblichum iam ad plures abiisse supra probauimus, nec de eo quicquam memorant, qui malis artibus in fortunam et successionem Caesaris a Platonis inquisitum fuisse narrant AMMIANVS MARCELLINVS, SOCRATES, SOZOMENVS et NICEPHORVS, et ut postea videbimus, Iamblichus cum Maximo Ephesio eiusdem generis homine, confusus est. Fuere et alii, praeter nominatos, Iamblichi, quos FABRICIVS enumerat. Ex nostri disciplina magna huius furfuris prodiiit philosophorum caterua, quae, licet clanculum, per vniuersam Romani imperii ditionem dispersa fuit.

Ll 3

§. XXI. Post

o) Vid. IONS. de Scr. Hist. phil. L. III. c. 16. p. 292. TENNVL. l. c. p. 59. OLBAR. de philos. eccl. p. 1212.

p) Vid. quos laudat TENNVLVS l. c. p. 61.

q) L. XXIX. c. 1. r) L. IV. c. 19.

s) L. VI. c. 31.

t) L. XI. c. 45.

u) l. c. p. 294. TENNVL. l. c. p. 62.

Scholae Iamblichii post eius mortem fata.

§. XXI. Post Iamblichii ex hac vita excessum aduersis vsa fuit fatis schola Plotini. Cum enim Constantinus M. ad Christianos transiisset, quod ob denegatam caedis expiationem a Sopatro factum esse, illi garriebant, falsum vero esse non inepte demonstrauit SOZOMENVS ^z, vt supra iam dictum: cum Christianae religionis propagatione gentilis superstitionis euersio fuit coniuncta, quae non potuit non philosophis his esse grauissima, eo quod non philosophiae sacra, sed sacros quoque templorum recessus custodirent, haberique vellent, non philosophi tantum, sed et sacerdotes: quam rem Sopatro attulisse interitum in praecedentibus diximus. Cautiores hoc exemplo facti Iamblichii discipuli non tantum sacram professionem et mysteria celabant, sed et per omnem fere terrarum orbem dispergebantur, et vbique locorum clandestinis prae metu imperatorum Romanorum artibus *διαδοχὴν Πλωτίνου*, vt habet SOZOMENVS ^z, scholae doctrinaeque Plotini, vel vt EVNAPIVS ^z habet, Iamblichianae philosophiae successionem propagabant. Et his quidem fatis pressa fuit secta eclectica, siue schola Alexandrina sub Constantino M. et Constantio. Reuixit tamen ea et noua incrementa floremque accepit sub Iuliano, qui ob fidem Christianam cum horum hominum superstitione commutatam, apostatae nomine insigniri solet. Is cum animi inclinatione naturali ad superstitionem ferretur ^a, et ex hac Plotini Iamblichique schola praeceptores nactus esset, qui eas illum artes edocebant, quibus ad imperii habenas capeffendas adspirare posset, mire inde post eius defectionem a fide Christiana, res horum hominum auctae sunt, et Pseudo-Platoniorum istorum quidam singularibus fatis inclaruerunt. Quorum, vt ipsius imperatoris, huic factioni adscribendi res iam porro enarrabimus, et cuius generis homines huic se sectae addixerint, quibus artibus fuerint vsi, quae de se suisque mendacia fuerint commenti, quantum instituti ratio permittet, tangemus, vt intus et in cute hanc sectam, quae non mediocri audacia ecclesiae et philosophiae circulos turbauit, pernoscamus. Plerique vero eorum, quorum historia enarranda est, fuere Ammonii, Plotini et Iamblichii *συμπατριῶται*, nempe Aegyptii, Syri, Asiaeue minoris incolae, Cappadoces, et huius generis atque nationis alii, quorum superstitio, et pronus ad aniles fraudes et fabulas animus, maxime vero leuitas et audacia mentiendi et fingendi veteris historiae gnarum lectorem fugere non potest. Ex his vero gentibus populisque flos ille philosophorum exortus est, qui Ammonii, Plotini Iamblichique vestigia prementes omnia superstitione, entusiasmo, praestigiis, et inani philosophia repleuerunt.

Aedesius.

§. XXII. Ex Iamblichii discipulis praeter Sopatrum valde inclaruit AEDESIUS, qui post eius excessum scholam et in contubernio docendi munus suscepit, cuius vitae historiam nobis descriptam reliquit EVNAPIVS

^x) H. E. L. I. c. 5.
^y) Ibid.
^z) P. 37.

^a) Non negat hoc AMMIANVS MARCELLINVS eiusdem commatis scriptor, L. XXI. c. 2. L. XXV. c. 26.

PIVS ^b. Fuit is gente Cappadox, generis nobilitate inter suos facile princeps, sed censu exiguo. Quae facultatum modica conditio patrem eius permouit, ut in Graeciam filium amandaret, ut artem aliquam addiceret, ex qua lucrum peti sicque opes utriusque augeri possent. Qua in re spem patris euentus valde fefellit. Redux enim filius thesauros quidem apportauerat, sed non quaestuosos, artesque didicerat, sed non lucrosas; philosophiae enim operam dederat. Pater itaque spe sua falsus, filioque ob eam rem vehementer indignatus, quod nihil, quod opes suas augere posset, didicisset, tanquam inutilem, nulliusque bonae frugis domo exegit, fugientemque persecutus, ei obiecit: ecquid tandem emolumentum affert philosophia? quo ille conuersus, non parum, inquit, mi pater; patrique eum persequenti genubus aduolutus, eius patientiam et misericordiam exorauit. Pater enim admiratus filii constantiam indolemque, eum domum reduxit. Ille vero, resumtis, quae dimittere patris indignatio coegerat, studiis, totum iis se tradidit; pater vero intermissae disciplinae denuo dicauit, alacri laetique vehementer animo, abeuntem filium persecutus, velut Deum quendam, non hominem genuisset. Non expleuit vero spem tantum patris Aedesius, sed superauit quoque, nam non ceteris tantum omnibus, qui prae aliis eminebant, vel quorum etiam auditor erat, longe praecurrit, sed et eruditionem experientiae iunxit. Tandem ut sapientiam perficeret, in Syriam ad Iamblichum, cuius tum iam celeberrima fama erat, perrexit. Quem ut videre et audire contigit, tanta eius admiratione atque veneratione captus est, ut totus ab eius doctrina sermonibusque penderet, nec solis eius lectionibus ardens eius audiendi desiderium restringi posset. Quod ut amorem Iamblichi ei maxime conciliauit, ita tantam ei comparauit philosophiae cognitionem, ut praeceptorem tantum non aequaret. Excipit tamen Eunapius *θεασμὸν*, afflatumque illum diuinum et theurgicum, de quo non se habere fatetur, quod scribat: licet coniciat, fieri potuisse, ut istam virtutem enthusiasmi occultam tenuerit, neque reuelauerit cuiquam Aedesius, temporibus istis, quibus grauis erat huius generis hominibus Constantini M. zelus, callide inseruiens. Post Iamblichi ex hac vita discessum, cum schola eius dissiparetur, aliusque alio dispergeretur, et Sopatri fata magnam iis sollicitudinem metumque inieciissent, Aedesius, quo se verteret, consilii inops, cum clarissimus discipulorum esset Iamblichi, infidiasque metueret, ad precatiunculam, quam in schola praeceptoris didicerat, confugit; diuinationem ex ea quaerens, cui futura praefagiendi generi quam maxime fidebat: qua nempe per insomnium se de voluntate consilioque Deorum certum fore credebat. Descenderat (ita quidem rem totam enarrat **EUNAPIVS**) ^d ad preces Deus et hexametris versibus oraculum ediderat: ille vero diductis palpebris cum adhuc metu tremeret, dicta quidem memoria recolebat, at supernaturalis et coelestis versuum contextus ei exciderat. Puerum itaque vocat, qui puram

^b) p. 34. seqq.^c) Ἐπίτιμα μαντικῇ δι' εὐχῆς καταφυγῶν.^d) p. 46.

puram aquam ad extergendos oculos atque faciem afferret: Puer manum eius laeuam conspicatus, plenam eam extrinsecus literarum esse monet, quam ubi ille inspexit, rem eam diuinitus euenisse intelligit. Veneratus itaque et manum et scripturam, hos versus inscriptos deprehendit:

*Parcarum ingenibus fatalia pensa trahentum
Sors tibi stat vitae: si degere in urbibus, inque
Coetibus est animus, fama super aethera viues,
Sin tauros ouiumque greges tibi pascere curae est,
Sic quoque te aucturum coelestia numina spera.*

Huic oraculi monito vt insisteret, praediolum aliquod sibi dispiciebat, et pastoritiae se vitae parabat. Neque tamen hoc eius institutum philosophiae studiosos latuit, qui inuestigati limina tanquam vlulantium canum grex, obsedere, laniaturos se minati, si tantam tamque reconditam eruditionem montibus syluisque magis quam hominibus feruaret, veluti illis nunquam esset natus. Quibus precibus minisque tandem expugnatus, societati hominum et institutioni discipulorum se reddidit. Hactenus Eunapius, hic, vt horum hominum indolem discamus, iterum sine censura non dimittendus. Negabat is scire se, vtrum *Θεασμῶ* gauisus fuerit Aedefius, vt supra dictum. Ast ad hanc diuinam agitationem, vel excitationem, quam ab *ἐκστάσει* distinguebant Platonici recentiores, pertinere *τὴν καθ' ὅπως μαντικὴν* prolixè docet, quaque ratione animus a Diis agitetur exciteturque inter somniandum, dormiendo et vigilando medius prolixè describit IAMBlichVS, nec aliud hariolationis genus Aedefius quaesuit, vt ipse nobis tradit Eunapius. Si itaque *Θεασμὸν* nullum vel habuit, vel habuisse tamen non significauit Aedefius, vnde eius notitia fuit scriptori fabulae? annon contradictio mendacis postulat ruborem? Sed alio loco *f* incogitanter refert: Iulianum Aedefii doctrina excitatum, in colloquium et familiaritatem ab Aedefio receptum, obstupuisse *τὴν μὲν αἰκμήν καὶ Θεοειδὲς τῆς ψυχῆς*, diuinitus immissum vigorem animi, non putasse sibi discedendum, sed plenis faucibus disciplinas haurire constituisse; eamque ob causam regalia ad eum munera misisse, Aedesium vero, senem et corporis exuuiis deponendis proximum, ad discipulos suos eum dimisisse, promittentem, ibi non sapientiae tantum omnis atque disciplinarum, sed et mysteriorum fore participem. Mystera autem ubi philosophiae opponuntur, in horum hominum schola nihil aliud sunt, quam theurgicae operationes, deorum euocationes et apparitiones, animi cum iis coniunctiones, et his similia, qualia habuit et exercuit Iamblichus, quaeque an Aedefius nouerit, Eunapius se ignorare dixit, licet *Θεοειδὲς* ei tribuat. Quo nouo hominis ex hac familia oriundi malae fidei mendacique specimine manifestum fit, quam parum in fingendis et tribuendis suae sectae viris miraculis ad verisimilitudinem attenderint, ac erubuerint,

ea

e) De myst. Aegypt. L. III. c. 2. p. 60.

f) In Maximo p. 85.

ea scribere et iactare, quorum falsitatem ipsa leuissimorum hominum prodit narratio. Sed ut ad Aedesium reuertamur, is discipulorum importunis expugnatus precibus, ad docendam philosophiam et mysteria se accingens, Cappadociam reliquit, tradita Eustathio prouincia sua, Asiamque ingressus, quae vniuersa illi manum porrigebat, sedem fixit Pergami, quo vniuersam fere Graeciam et finitimos attraxit, illustris fama Aedesii. Ibi nactus discipulos plurimos, et in his celeberrimos ex hac secta Maximum, Chrysanthium Sardianum, Priscum Thesprotium, Eusebium, Myndium, et Sopatram, feminam philosopham, itemque Iulianum, postea imperatorem, ut paulo ante notauimus^g. Ceterum et hoc in laudem Aedesii narrat EVNAPIVS^h, fuisse eum humano et populari ingenio et post concertationes literarias et in disputationibus consumtas apud Pergamum prodeambulare solitum, sodalibus honoratioribus comitatum, eundemque doctorem discipulis, quos rudes et tardos videret, harmoniam quandam et solertiam inseruisse, quantum vires humanae paterentur: rursus quos gloriosos ob dogmatum insolentiam animaduertebat, eos sensim ex alto deduxisse, ad humanitatis modulum: Sed et non illibenter cum opificibus obuiam factis de ipsorum negotiis atque operis praesentibus discipulis differuisse. Obiit valde senex, licet corpore effet infirmo.

§. XXIII. Aedesio successisse in schola, quam is in Cappadocia collegerat EVSTATHIVM, in antecedente §. diximus. Eius non tantum, sed vxoris quoque illius SOSIPATRAE atque filii ANTONINI historiam ita enarrat EVNAPIVSⁱ, ut vix alio exemplo luculentius genius huius sectae, et audacter ac sine fronte mentiendi libido pateat. Audiemus itaque laudatorem magis, quam narratorem factorum huius viri et familiae eius^k, sed cogitabimus etiam, quem audiamus, et de quibus porro hominibus inusitata et diuina nobis obtrudantur. Fuit Eustathius Cappadox, Iamblichi prius^l, et post hunc Aedesii discipulus, a quo scholasticam prouinciam accepit, licet nulla secum cognatione coniuncto. Quod eo magis omnium comprobatione factum, quo magis cuncti vno ore fatebantur, eum et fuisse et visum esse virum optimum, qui experientia teste ostenderit, quid in dicendi facultate valeret: quippe linguae facundia labiisque infidens lepor quiddam magicis praestigiis simile (Graeca, ἐν ἑξῶ γοητείαις, satis produnt, magicae virtutis in dicendo suspectum fuisse) obtinebat, sermo efflorescebat suavis et placidus, tantaque cum gratia effundebatur, ut, qui vocem hominis audirent, ob-

Eustathius.

liti

^g) loc. cit.

^h) p. 117.

ⁱ) In Aedesio p. 50. seqq.

^k) Sequimur versionem HADR. IVNII, monemus vero lectorem, ut ad Graeca attendat, quae cum sensu magis, quam ad verbum exprimere cogiraret interpres, ea interdum peruer-

tur, quod semel indicasse sufficiat. Dolemus itaque nouam FABRICII versionem non comparuisse, vid. Vita eius a CL. REIMMARO edita.

^l) Ibid. p. 23. Distinguendus ab aliis Eustathiis, quos enumerat FABRICIUS Bibl. Graec. Vol. VIII. p. 189.

liti fui, a verbis illius dependerent. Cuius mirum ita refert exemplum Eunapius: Imperatori Constantio ^m illo accidit tempore, vt in repetentinam rerum turbationem coniceretur, quod impenderet ei graue bellum a Persarum rege Sapore, qui Antiochiam circumfidebat, et funditoribus tela ei aculantibus premebat, atque imminens theatro arcem repentino ac improviso insultu occupauerat, immensamque spectatorum multitudinem sagittis interfecerat. Quo rerum statu cum de legato ad regem mittendo deliberaretur, neque Graecum quemquam imperatoris auribus obicere illi auderent, sed ex exercitus tribunis aliquem mittendum censerent, necessitate tamen coacti prudentissimum omnium, vniuerso coetu consentiente, Eustathium existimarunt. Qui imperatoriis literis in aulam vocatus cum comparuisset, tanto sermonis lepore imperatorem cepit, vt maioribus honoribus ac dignitatibus cumulare eos, qui committendae Eustathio legationis auctores fuissent. Vbi in Persiam ventum est, Sappes homo tyrannicus cum variis artibus percellere hominem pauore non potuisset, vultum placidum demiratus, per cubicularium ad mensam intro vocat. Is parens ad epulum regale accessit, tantaque eloquentiae virtute inualuit, vt parum abfuerit, quin rex Persarum, insignia regni deposita cum Eustathii penula commutauerit. At illud prohibuerunt affinitate regi coniuncti, qui praestigiatores magumque (γόητα) esse hunc hominem dicebant, regique auctores erant, vt Romanorum imperatori rescriberet, cur, qui spectatis viris optimatibusque abundaret, eiusmodi homines legatos mitteret? Aliter tamen communis Graecorum de eo expectatio ferebat, qui vota pro incolumi eius reditu faciebant, quae adiuuabant oracula. Ast cum non rediret, illique spe fallerentur, legationem ad eum mittunt, ex Graecorum clarissimis et prudentissimis, rogantes, cur res minus prodigiis succederet? Ast ille examinatis oraculorum circumstantiis cum veritatem rei explorasset, Deos reditum suum non praedixisse, dixit. Haecenus Eunapius, qui quem effectum habuerit legatio, non refert, his tamen mire prodit, eiusdem hunc Eustathium generis fuisse, qualis praeceptores Iamblichus et Aedesius, et iisdem artibus circumuenisse homines, incerta et obscura oraculorum interpretatione deceptos. Licet fatendum sit, parum verisimilitudinis habere totam legationis historiam, eam non silente tantum Ammiano Marcellino, sed supra probabilitatem fere omnem posito, in tam ancipiti et urgente populi Antiocheni fato tam longam et fructu omni carentem moram Eustathium nexuisse. Notanda tamen ipsa Eunapii confessio, Eustathium magum et praestigiatorem fuisse habitum, eam enim fidem et existimationem non apud Christianos solum, vt supra in Aedesio vidimus, sed et apud gentiles plerosque

^m) Ad Galienum ab Antiochenis legatum missum esse Eustathium ait FABRICIVS l.c. sed pro *Galieno* legendus est vel, ad *Saporem*, vel, ad *Constantium*, qui graui bello impliciti tum

contendebant inuicem. Describit id AMMIANVS L. XX. XXI. et legationum inuicem missarum aliquoties meminit, nihil vero de Eustathio habet, licet huic sectae faueret.

que inuenerant huius sectae philosophi, qui non philosophiam tantum docendi, sed et sacra peragendi, et artes theurgicas exercendi munus sibi tribuebant, unde non tantum τὸ φιλοσοφῆν, sed et τὸ λατρεῖν Eustathio tribuit " vxor Sosipatra; cui quinque tantum annos cohabitauit, ante praeceptorem Aedesium fatis functus. Verum SOSIPATRAE quoque historia his iungenda est, fabulae Milesiae non dissimilis, indolem tamen nugacissimorum impostorum mire referens, quam hunc in modum tradit porro ΕΥΝΑΡΙΨ^o, sophistico dicendi genere, quaesitisque eloquentiae coloribus molestus magis, quam graciosus: quare rem tantum ipsam omittis orationis lenociniis enarrabimus. Tanta fuit Sosipatrae doctrinae gloria, ut mariti famam pene extingueret. Natale ei solum fuit in Asia circa Ephesum, genere locuplete et felici. Cum adhuc infans esset, felicissime omnia ei succedebant, tanta erat eius gratia leposque. Quinquennium illa expleuerat, cum duo senes, peregrinantium habitum prae se ferentes, ad praedium parentum Sosipatrae venissent, villicoque persuasissent facillime, ut vineae curam ipsis permitteret. Postquam vero prouentus praeter spem extitisset copiosior, ad stuporem usque, ita ut suspicionem miraculi iniiceret, et diuinæ cuiusdam operationis (θεῖσμις)^p, parens Sosipatrae mensae senes adhibitos liberaliter tractat, colonos, quod non eandem operam nauassent, increpat. Senes autem puellae Sosipatrae, quae simul aderat, venustate capti, praedii domino confirmabant, se quidem istis honoris et beneuolentiae testimoniis non capi, quod si tamen eorum gratiam vicemque reponi donis coelestibus velit, permittat, rogare se, istam Sosipatram sibi alumnis verisque parentibus futuris, in quintum usque annum, neque de puellae morte sit sollicitus, neque de curando agro fundoque, qui per se cumulate profusus sit prouentus opesque, de filia vero humanam conditionem transgressura expectet. Pater pauore percussus, linguamque comprimens filio- lam tradit, villicoque mandat, se benigne senibus praestare, quicquid vellent, neque curiose rerum satagere. Quinquennii tempore expirante, quum pater praedium reuiceret, filiam neque statura, neque venustate formae satis agnoscebat, eamque venerabatur, aliam prorsus se videre ratus. Apposita mensa, patrem, filiam quae vellet, rogaret, monent: ast illa facta dicendi potestate, cuncta, quae patri interea acciderunt, enarrauit, ne minimis quidem rerum circumstantiis omissis, quod in tantam patrem admirationem stuporemque rapuit, ut filiam deam esse crederet. Itaque accidens ad pedes senes rogat, ederent, quinam essent? Illi cunctabundi aegre post aliquam moram, se sectae illi, quae Chaldaica dicitur, adhaerere, et initiatos esse eius mysteriis dixerunt, idque velut per aenigma et demisso vultu. Quo audito pater genibus aduolutus suppliciter precatur, velint esse praedii domini, filiamque sub imperio habeant, diisque initiatam plenius erudiant, quod se facturos nutibus illi significarunt, nullum amplius verbum prolocuti. Ille gaudio delibutus arctiori somno

Sosipatra.

n) p. 65.

o) p. 57. seqq.

Mm 2

p) Ita mature scenam instruit nugator.

somno oppressus fuit, senes autem a coena digressi, virginem secum abducunt, et amictu sacro, instrumentis ac libris in arculam reconditis Sosipatrae, ut eam obliquet, mandant. Illucescente die, cum fores referantur, illi cum famulis ad operas prodeuntibus exeunt: virgo laeta ad patrem accurrit, arculam ostendens; pater, ubi diuitias, quibus ditatus erat, laetus enarrasset, viros accersi iubet, at illi nusquam comparuere, cuius rei causam ex filia sciscitatus, tandem ex ea comperit, fuisse illos genios. Pater itaque filiam diuino numine agitatam et enthusiasmo vacantem (*θεασμένην καὶ ἐνθεσιασσαν*, vocibus ex huius sectae disciplina petitis, vocat EUNAPIVS) suo arbitrio viuere permisit, rerum eius minime curiosus inuestigator, nisi quod taciturnitate eius nonnihil offenderetur. Ipsa iam florentis aetatis limen ingressa, nullisque aliis vsa magistris, non poetarum modo, sed et philosophorum atque oratorum scripta in ore habebat, et quae alii non nisi difficillime intelligere poterant, ipsa citra laborem luculenter explicabat. Cum vero nubere decreuisset, Eustathium coniugem delegit, ei praedicens, ternos ex eo liberos parituram, infeliciter bonis externis vsuros: illi autem ante se decessuro sedem a fato ad lunarem globum destinari. Addit Eunapius, ubi conuenisset Eustathio, eique nuplisset, cuncta impleta fuisse; Sosipatram autem a mariti morte ad praedium suum regressam, apud Pergamum vetus in Asia minore consedisse, et magnopere eam beneuolentia fuisse prosecutum magnum illum Aedesium, qui etiam eius prolem instituerit, quamuis et ipsa domi suae eandem erudiuerit, omnibus in Sosipatrae magis quam Aedesii admirationem raptis, eiusque enthusiasmum diuinisque agitationes veneratione prosequentibus. Sed et Philometor quidam Sosipatrae consobrinus, quod mulierem diuino commercio (*θειοτέραν*) praestare sciebat, eam valde deperibat, quin et ipsa eodem amoris sensu tangebatur. Quae, ut affectu liberaretur, Maximo, qui Aedesii familiaritate utebatur, animi morbum reuelauit: Philometor rem vrgens per extispicium, quo fato esset vsurus, cognoscere tentauit, auctore Maximo. At illa peracto sacrificio exploranti, quae sensisset, Maximo, cuncta, quae peregerit, tanquam si fuisset praesens, exponit. Quo ille attonitus in terram procumbens Deae instar Sosipatram esse fassus est, et occurrentem sibi Philometorem, a veneficio, quod animo conceperat reuocauit. At Sosipatra ab eo tempore Philometorem in oculis ferebat, illius accensa studio: cumque illa aliquando de anima diuina agitatione commota differreret, absente Philometore subito attonita, eum de curru delapsam, de crurum perfractione periclitari, famulorum tamen ministerio saluum euadere dixit, euentu rem comprobante ^q. Addit his EUNAPIVS: ex his cunctis persuasum fuisse Sosipatram vbique locorum esse praesentem, quod deorum proprium esse dicatur. Ex ternis relictis liberis ANTONINVS parentum institit vestigiis, sedemque apud Canopicum Nili ostium fixit: Ad hunc, scri-

Antoninus.

^q) Iisdem fere circumstantiis rem narrat Eunapius, quibus caedem Domitiani Ephesis indicasse Apollonium Tyanaeum refert Philostratus,

vnde coniicimus, ad hunc impostorem respexisse Eunapium.

^r) Conf. AMMIAN. MARCELL. L. XXII. c. 16.

scribit Eunapius, frequentem, quae philosophiae operabatur, iuuentum conuolasse, eumque praedixisse, desolata a morte sua Deorum templa futura et euertendam religionem. Diis vero gentilibus istius loci se dedisse, et mysteria atque arcana excoluisse, nihil tamen, quod sciri posset, a communi hominum opinione diuersum Deorum cultui fuisse operatum, quod imperatoris ingenium et conatus nosset, qui theurgos (ita enim Graeca Eunapii habent) tolleret: omnes vero viri constantiam, temperantiam et mentem flecti nesciam fuisse admiratos, neminemque insalutato Antonino praeteriisse. Quotquot vero ad colloquia admissi problemata proposuerint, Platonica refertos doctrina abiisse; qui vero diuiniora quaerent, mutum quam statum magis deprehendisse. Euentum vero haec omnia comprobasse euerfis a Theodosio imperatore, Theophilo episcopo et Euetio summo magistratu politico fungente, templis Canopiciis ipsoque Serapidis fano, et introductis in eum locum monachis. Et ita quidem Eunapius, qui maledicentissimae linguae frena, non in sacra tantum Christianorum, sed et ipsum sanctissimum Salvatorem hoc loco impudentissime laxauit, et rabie huic sectae propria in rem Christianam debacchatus est. Exposuimus paulo prolixius, quam instituti nostri ratio ferre videtur, Eustathii, Sosipatrae et Antonini historiam, ut natiuis coloribus depicti ab ipso Eunapio homines pestilentissimi, qua fuerint animi indole, quo genio, quibusue usi fuerint ad extollendam famam suam et fulciendam superstitionem artibus, pateceret. Quos ut intus et in cute pernoscamus, I. quidem notandum, hos homines non philosophiae tantum studiis nomen dedisse, sed latuisse sub honesto hoc nomine etiam nefandae superstitionis ministros: Eustathium enim cultui quoque Deorum vacasse, et quod Sosipatrae foeminae non licebat, Antoninum filium fecisse, qui non Platoniam tantum philosophiam explicabat, sed et, *θεῶν τε καὶ ἀβρόγτοις ἱεροῖς ἀναθεῖς καὶ προσαρμόσας ἑαυτὸν, sacris mysticis et diuinis se applicabat*, magna iactantia refert Eunapius. At, quod II. ex insigni hoc Eunapii loco luculenter dispalescit, maximo hi homines ardebant in Christianam religionem, quae sub imperatoribus Christianis laetissima incrementa capiebat, odio, cum res suas fieri deteriores, templaque, unde honores et redditus ad eos olim confluxerant, vel desolata stare, vel dirui plane, et famosissima quoque oracula, quale Serapidis fuit, destrui viderent. Vehementissime itaque inuidia turgentibus cum animaduenterent, Iesu testiumque eius (quos maledicentissimo impuroque ore calumniatur Eunapius) gloriam pessimas suas artes denu-dasse, et fecisse inermes, et sanctissimorum martyrum sanguine victas esse virtute magistri infernales potestates, quod vnum poterant, praestigiis mendaciisque impedire conabantur. Ut itaque III. se quoque suamque superstitionem Diis curae esse ostenderent, et miraculorum, quibus effulgebat respublica Christiana, gloria non minorem famam sibi acquirerent,

rerent, ad *θειασμόν*, diuinarum operationum fundamentum confugiebant, eumque in finem enthusiasmum affectabant raptusque diuinos. Quod imprimis de Sosipatra ostentat Eunapius, cui *κορυβαντισμόν καὶ ἐκβάλλευσιν* ipsi tribuit. Ast cum IV. haec quidem simplicium oculos deciperent, paulo attentiores vero fallere non possent, alia fraude opus erat. Nempe per discipulos iactanda *θαυμασὰ* et inusitata, et maxima cum fiducia talia narranda, quae supra ingenii viriumque humanarum modulum assurgerent. Gnauiter id fecere Eustathii et Sosipatrae discipuli, qui praeceptoribus his suis diuinam mentem, educationem, informationem, absentium rerum scientiam, amicitiam cum Diis, aliaque theurgicae scientiae opera tribuebant. Quibus tamen V. omnibus fuse delineandis nec modus, nec verisimilitudo, nec testium fides adhibita, eisque narratio superstructa fuit, sed narratae fabulae Milesiis longe deteriores, omnique prorsus verisimilitudine, etiam quoad facti circumstantias, destitutae. Id quod ea potissimum confidentia admiscere homines mendaces, quod ad sacra sua stabilienda eiusmodi fraudibus uti licere haberent pro explorato. Ita sane Eunapius, *ιεράς γεννεάς* assecla, solet, cuius si narrationes de Sosipatra paulo attentius consideraueris, mendacem deprehendes sui plane immemorem, ita finxisse, et nugatum fuisse, ut manibus queat palpari mendacium: diuina ita prouidentia dirigente, ut mendaciorum pater prudentibus quibusuis regni sui fundamenta proderet. Quis enim, qui sanae mentis est, sibi persuaderi patiatur tantquam verissimum, et extra dubitationis aleam positum, duos aduenas, homines prorsus ignotos primumque conspectos non admissos tantum in familiam illico esse, sed et rei oeconomicae vinearumque illis curam creditam praecipuam? quis fertilitatem tantam fuisse credat, ut miraculi instar fuerit? cum tamen praeter aduenas duos etiam villicus cum seruis curam laboremque impenderint suum. Et qui nouisse potuit praedii dominus, largissimum prouentum peregrinis senibus deberi solum, non vero et reliquis in eius vinea operariis, quos pigritiae accusabat, licet infra villicus rationes reddidisse dicatur? Et qui potuit Sosipatrae genitor vno illo indefessae sedulitatis indeque exortae fertilitatis vineae specimine commoueri, ut sine vlla contradictione et formidine hominibus agricolis, rusticamque vitam prae se ferentibus sine conditionis eorum examine et fraudis metu vnicam filiulam sibi tantopere dilectam traderet? Et si etiam fingamus tantae eum credulitatis fuisse, quis quaeso sibi tantquam verum persuadeat, eum non iudicium tantum omne sed et rerum suarum atque vtilitatis rationem omnem ita eiurauisse, ut et filiam, et praedium eiusque administrationem ita in quinquennium cesserit, ut ne quidem de eius statu et incrementis quaesuerit? Ut haec omnia sint *αύσατα* et prorsus incredenda, nullo tamen ea pingit colore sophista impudentissimus, sed sibi ipsi contradicit turpissime. Vindicat Sosipatrae rerum omnium scientiam, et exercitationem in oratorum et philo-

sopho-

sophorum libris, et tamen nescire se fatetur, quid et qua ratione edocta illa sit. Genios fuisse, et nescio quales spiritus, hos doctores Sosipatrae quasi ex tripode definit, aut fuisse homines Chaldaicae doctrinae initiatos narrauerat. Et ut fabulam digno ornaret episodio, genios hos ita subducit oculis, ut somno oppressum parentem dicat, et nec ipsa Sosipatra habere innuat, quod de iis patri referret. Quin et hoc addit, ut nugis omnia scateant, dedisse diuinos hos philosophos puellae libros in arcula repositos, quam tamen sine libris omnia, quae in omnium libris erant, contenta scire mentitus erat. Alias affanias hominis nugiuenduli tacemus, quem destructorum templorum puluis, et sublatorum sacrificiorum recordatio ita exasperauit, ut in Christiani nominis contumeliam ista fingeret et Theophili, Alexandrinorum patriarchae, memoriam pollueret. Quod Theodosio imperante sub quo vixisse Eunapium infra dicemus, ausum fuisse illum merito miramur. Tandem et VI. hoc ex Eunapii narratione non omittendum est, iactasse hos homines eruditionem et sectam Orientalem. Ex qua cum progressi haeretici Platonicis veram Zoroastre et Hermeticae sapientiae notitiam denegassent, ut narrat PORPHYRIUS¹, una fidelia duos, quod aiunt, dealbantes parietes Platonici, Chaldaicam se disciplinam edoctos diuinis operibus inclarescere iactando, eandem rem et haeticis philosophisque orientalibus, et Christianis opposuerunt, prodideruntque, etiam ex hac sentina, sua eos arua irrigasse. Quae omnia suo nobis loco obseruationes subministrabunt, grauissimas, sine quarum lumine nec sacra nec philosophica huius temporis historia satis illustrari potest. Ex dictis autem liquet, Sosipatram inter mulieres philosophas occupare locum, nam Ammonianam Plotinianamque philosophiam, habitu diuinitus infuso edocta filium quoque docuit². Merito itaque foeminis Platonici cum Aedesia aliisque adicienda est apud I. A. FABRICIUM³. Post Sosipatrae mortem, Iuliano tandem ad imperii gubernacula emergente, pressa sub imperatoribus Romanis secta caput iterum extulit, et ex Aedesii disciplina noua impostorum cohors progressa est, quorum historiam, duce Eunapio, porro explicabimus.

§. XXIV. Ex Aedesii porro disciplina prodiit EVSEBIUS Myn- do Cariae oppido oriundus, qui tamen Plotinianis magis, quam Iamblichianis et Aedesianis principiis usus, non eandem de theurgia sententiam fouit, quae eo tempore in schola Platonorum Alexandrinorum fuit receptissima. Narrat enim, cui notitiam de Eusebio debemus, EVNAPIUS⁴, Iulianum ab Aedesio ad discipulos propter senectutem ablegatum,

*Eusebius
Myndius.*

¹) Facta haec esse imperante Theodosio praeter Eunapium narrat RUFIN. L. II. c. 29. SOCRATES L. V. c. 16. SOZOMEN. L. VI. c. 15. SVIDAS in Serapis T. III. p. 286. Theophilum Patriarcham in praefectum praetorio absurde transmutat rotumque hunc locum

plane peruertit Iunius, id quod iam obseruatum IONSIO de Script. Hist. Phil. L. III. c. 17. p. 29.

²) c. 16.

³) MENAG. Hist. mul. phil. §. 21. p. 490.

⁴) Bibl. Graec. Vol. II. p. 69.

⁵) p. 86. seqq.

tum, cum Maximus et Priscus non adestent, Eusebio Chrysanthioque adhaerere instituisse. Fuisse autem vnanimem cum Maximo Chrysanthium, et circa diuinos afflatus atque agitationes eodem enthusiasmi genere fuisse occupatum ^z, in disciplinis vero sese ei subduxisse, suum morem secutum. Eusebium vero, praesente Maximo, accurationem in partiendis disputationibus, et dialecticas captiones nexusque atque labyrinthos subterfugisse; absente vero tanquam solari iubare, ipsum veluti stellam refulsisse, ob gratiam et facilitatem, quae in sermone emicabat. Chrysanthium praesenti esse assensum, et Iulianum vehementer virum suspexisse. Circa finem disputationis autem adiecisse Eusebium: *ὡς τὰυτα εἴη τὰ ὄντως ὄντα, αἱ δὲ τὴν αἴσθησιν ἀπατῶσαι μαργανείαι καὶ γοητεύουσαι θαυματοποιῶν ἔργα, καὶ πρὸς ἰλικίαις τινα, δυνάμεις παραπαιόντων καὶ μεμνηόντων.* *Ea tantum reuera esse, quae per se existant*, id est, ideas; *quae vero sensus aedificantur, imposturas et opera praestigiatorum, miracula edentium, ad materialium tantum potestatum virtutes pertinere atque insana esse et ratione carentia.* Demiratum expositionis epilogum Iulianum cum Chrysanthium interrogaret, ablegatum fuisse ad Eusebium ea saepius repetentem. Hunc percontante Iuliano maxima verborum eloquentia tandem dixisse: Maximum esse vnum e doctioribus et antiquioribus auditoribus, qui propter ingenii acumen, et excellentiam eiusmodi demonstrationes contemnat, animumque totum ad eiusmodi insana deliramenta applicet, eius eum non ita pridem in Hecates aede specimen edidisse, conuocatisque condiscipulis, cum humi confedissent omnes, emundata thuris mica admurmuratoque apud se hymno quodam effecisse, vt Deae simulacrum renideret, produxisse etiam fulgur luminis, quo faces, quas Dea manibus tenebat, accenderentur. Talia non esse miranda Iuliano, eo quod philosophia aliam purgationem nos edoceat. Iulianum vero his auditis ei valedixisse, et ad Chrysanthium esse conuersum atque Maximum. Maxime memorabilis locus hic est, qui satis docet, praestigias et miracula eorum hominum parui fecisse, et inter imposturas retulisse, qui paulo accuratius philosopharentur. Qua in re post Plotinum praecipue Porphyrium parum istis artibus tribuisse, quamuis eas egregie calleret, eo quod ad intellectualem animae partem non pertinerent, supra Augustini testimonio demonstraui. Et ratio quoque, quae ab Eusebio adducta est, ex Platonis principiis desumpta aliud non admittit. In cuius philosophia, quam in doctrinae de ideis recentiores quoque Platonici, siue Alexandrini philosophi secuti sunt, vt ex PORPHYRII *sententiis ad intelligibilia ducentibus* patet, cum τὰ ὅτιως ὄντα principale cognitionis sapientiaeque humanae obiectum constituent, quae ab omni materiali specie remota sunt, nullus hic *φαντασμάτων*, specierumque imaginibus visibilibus conspicuarum locus est, sed intellectu tantum comprehenduntur: nec sapiens circa aliud verfa-

^z) Prodit et hic locus, *Θεαμὸν* ad theurgiam eiusque opera pertinuisse.

verfatur obiectum, cum reliquae potestates materiali corpore vestitae impuritate materiae secum vehant. Cum itaque apparitiones istae sensus mirabili modo afficerent, materialium hoc spirituum commercium esse rati philosophi, qui maiora et puriora se sectari somniabant, eiusmodi artes imposturis similes esse statuebant, parumque facere ad vniendam cum Deo animam dicebant: vt ex laudato AVGVSTINI ^a loco Porphyrium statuiffe, est manifestum. Paulum de ista feueritate recessit Iamblichus, qui orientalem et Aegyptiacam in his magis philosophiam se sequi professus, materiamque ex Dei quoque sinu deriuans, non omne cum spiritibus commercium pro impuro habuit, et apparitiones quoque theurgicas dari statuit ^b: ex cuius schola cum magnus discipulorum numerus egressus esset, qui magistri placita extenderent, valde hoc cum spinosa et difficili philosophia propagatum fuit, multique in his theurgicis operibus fuere Platonici: sine dubio vt istis praestigiis gentilem, quae plenam iamiam ruinam minabatur, quocunque modo possent, superstitionem fulcirent. Quod eo magis placuit Iuliano, quo magis non naturali tantum temperamenti inclinatione superstitioni addictus fuit, sed et eam ad obtinenda vota spesque suas has sibi putabat artes fore vtilissimas. Quas cum meras praestigias et illusae imaginationis phantasmata esse probe intelligeret Eusebius, non potuit admirari vanas ludificationes; idque διὰ τῆς λόγου καὶ θεωρίας, quod anagogica et philosophica purgatio esset quaerenda. Non vidit horum verborum sensum HADR. IVNIVS, notitia philosophiae Alexandrinae non fatis instructus, quod saepe eum in deuia seduxit, qui vertit: *propterea quod ratio nos rectiora docet*. Non enim id vult Eusebius, sed ad receptam in Plotini schola doctrinam de duplici purgatione respicit, quae vel theurgica est, et per commercium cum Diis effici credebatur, vel anagogica, quae λόγῳ, ratione et philosophia, a corporis vinculis ad intuendum sine imagine Deum et ideas ducere statuebatur. Hac gauisum fuisse Plotinum et Porphyrium supra narrauimus; quorum hic *theurgicis teletis nihil purgationis accedere fatetur, quod eam faciat idoneam ad videndum Deum et ideas* ^c. De qua doctrina ex Platonis HIEROCLES ^d ex recentioribus HOLSTENIVS ^e videndus.

§. XXV. Eusebium theurgicae artis celebritate superauit MAXIMVS Ephesius, cuius quoque vitam descripsit EVNAPIVS ^f, qui senem adolescens vidit, et loquentem audiuit. Natales illi fuere clari, parentibus illustri genere ortis, opesque amplae ^g. Fratres habuit Germanos,

Maximus
Ephesius.

^a) De C. D. L. X. c. 9. 26.

^b) De myst. Aegypt. Sect. V. c. 14. p. 129. et passim. Aliter Apollonius, qui istas apparitiones ad Goetiam referebat, theurgiam in communione cum Deo et visione eius collocans, vt supra demonstratum.

^c) Apud AVGVSTIN. I. c. c. 9.

^d) Ad carm. aur. in fine.

^e) Vit. Porphyr. c. 9. p. 260. seq. qui legi meretur.

^f) loc. citat.

^g) EVNAP. p. 82. 86. SOCRAT. Hist. eccl. L. III. c. 1. NICEPHOR. L. X. c. 1.

nos, eruditione non minus, quam ipse tinctos, Claudianum, qui Alexandriam commigravit, ibique docuit, et Nymphidianum, qui Smyrnae cum laude professus est, rhetorem vtrumque ^b. Quibus ut nulla in re cederet, non eloquentiae tantum studiis se dedit, adeo ut cum eo conuersantes neque cursum et flumen sermonis ferrent, neque disertorum hominum quisquam ei contradicere auderet, cuncti vero tanquam ex tripode dicenti acquiescerent: sed et Alexandrinam philosophiam duce Aedesio didicit, quem cognatione attingebat, et cui se familiari consuetudine iunxerat ^c. Qui cum in reliquis etiam scientiis egregie esset versatus, tantus ex eius disciplina euasit Maximus, ut *vir ingenti nomine doctrinarum* audiret AMMIANO MARCELLINO ^d. Sed et magna familiaritate in Sospitae domo fuisse usum, ex supra narratis constat, unde coniiicitur, ex Eustathii quoque disciplina ingenii eum opes adauxisse. Summam tamen Maximo famam et auctoritatem conciliauit, quod se Iulianus illius institutioni ab Aedesio sibi commendatae credidit, licet Constantium solum eum principi iuueni magistrum delegisse, cum ceteros fustulisset, non sit verisimile. Valde hic enim, in diuersa inter se abeunt EVNAPIVS ^e, et Christiani historiae ecclesiasticae scriptores. Eunapius haec tradit: Decrescente ac deficiente Constantini progenie solum relictum fuisse Iulianum, ob aetatem teneram contentum, et ob ingenii mollitiem: custodiuisse vero, adolescentem eunuchos, ne in fide Christiana vacillaret. Eum vero, quicquid librorum proferebatur, magnitudine ingenii memoria complexum, praeceptoribus non reliquisse, quibus eum erudirent. Eos itaque Constantio auctores fuisse, ut permitteretur ei rhetoricae arti et philosophiae studiis vacare, et imperatorem quoque libenter id permisisse, quod in libris eum volutari, quam de imperio cogitare, mallet. Profectum itaque cum suis Iulianum, Aedesii fama excitum aduolasse Pergamum, quem cum senio confectum audire diu non posset, ad discipulos eum missum esse, et reprobato, ut supra diximus, Eusebio, Chrysanthio, quod Maximus abesset, se tradidisse; tum Ephesum profectum, totum a Maximi ore pependisse. At aliter SOCRATES ^f, et qui eum sequitur NICEPHORVS ^g rem narrant: Iulianum, prudenter quidem ita cauente Constantio, ne a pagano sophista ad gentilium superstitionem seduceretur, Christianos habuisse praeceptores in grammatica et rhetorica: cum vero fama ob progressus in studiis literarum insignes percrebuisse, idoneum eum esse imperio, imperatorem eum ab urbe regia Nicomediam transtulisse, praecipiendo, ne scholam adiret Libanii. Cuius cum orationibus legendis occuparetur, aduenisse Nicomediam Maximum philosophum, sola Iuliani fama impulsus. Apud quem cum Iulianus philo-

b) EVNAP. in Nymphid. p. 177. qui non arte sed natura rhetorem factum dicit. Fratris commendatione Iuliano ab epistolis fuit Graecis. Addi potest uterque catalogo rhetorum et sophistarum apud FABRICIVM Bibl. Graec. Vol. IV. p. 481. 486.

d) EVNAP. in Aedesio p. 67.

k) L. XXIX. c. 4. EVNAP. p. 82.

l) p. 86.

m) loc. cit.

n) loc. cit.

philosophiam degustasset, statim cultum religionemque praeceptoris imitari coepisse, ast hunc ei imperandi cupiditatem in animum inieciſſe. Iulianum vero, quod id imperator comperiſſet, monasticam vitam ſimulaſſe, clam autem philoſophiae, quam a Maximo didicerat, dediſſe operam. Haec eccleſiaſtici ſcriptores, in eo potiſſimum ab Eunapio diuerſi, quod ſua ſponte ad Iulianum veniſſe Maximum dicunt, huncque, referunt, incenſa imperii potiundi ſpe animum Iuliani ſibi conciliaſſe. Eſſi vero partium ſtudio ab vtriſque in hac narratione datum aliquid videri queat, conciliari tamen aliquo modo inter ſe poſſunt, ſi dicamus, Iulianum, quem gentilis eruditionis iucunditate ita delectatum captumque innuunt hiſtorici eccleſiaſtici, vt cuſtodiendus eſſet ſedulo, ne a Chriſtiana fide deſciſceret, temperamento ſuo ad Platonicas artes, quibus imperium ei miris portentis vaticinati ſunt, vehementer inclinaſſe; et Aedeſii fama excitum ei, atque eius diſcipulo Chryſanthio et Maximo innotuiſſe: Nicomediam vero translatum, Maximum, de eius ad has partes inclinatione certum, eum conueniſſe, et hiſ potiſſimum artibus eum inſtituendo, quibus maximum tribuebat, animum illius mire cepiſſe, et ex eo demum tempore inſigne in hanc ſectam ſtadium Iulianum poſuiſſe, quod infra pluribus enarrabimus. Niſi *Sozomeni* ^o fidem ſequutiſtatuere placeat, Iulianum, antequam in Aſiam abiret, et ad Aedeſium perueniſſet, Nicomediae Maximum Ephreſium habuiſſe ſibi occurrentem, a quo et philoſophiam et odium Chriſtianae religionis didicerit, quique ei, vt vates, affirmauerit, verum eſſe, quod de illo vulgi ſermonibus ferretur, nempe quod imperio potiturus ſit. Iſtis enim fundamentis apud Maximum poſitiſt facile fuit in Aſiam delato, ampliora philoſophiae Alexandrinae ipſiusque theurgiae apud Aedeſium et Maximum incrementa capere. Certe iam Nicomediae Iulianum praefentis calamitatis ſenſu ad meliorem fortunae ſpem illectum Maximum in familiaritatem ſuam adſciuiſſe, tradit idem *Sozomenus*. Aſt haec facta eſſe imperatore ignorante, inde patet, quod metu eius, quod id reſciuiſſet, monasticum habitum induerit. Veriſimile enim non eſt, Conſtantium, qui tanta cura cauebat, ne gentiliū doctōrum ſcholas frequentaret, quique a Libanii praelectionibus eum arcebat, ſcientem volentemque huius eum generis hominibus permiſſiſſe, quos manibus calcibusque et obniti Chriſtianae religioni et firmare auitam ſuperſtitionem ſciebat, licet id tradat Eunapius, teſtis domeſticus et ſuſpectus. Sane hoc probabilius eſt, quam quod olim ^p nobis non alienum a veriſimilitudine viſum fuit, Conſtantium hanc cum Maximo familiaritatem Iuliani non ignorauiſſe, ſed eam toleraſſe, quod magnum pietatis zelum ille prae ſe ferret. Ad hoc enim conſilium tum demum Iulianus delatus eſt, cum iratum ſibi ob Maximi familiaritatem imperatorem ſequē ei ſuſpectum intellexiſſet. Iuliano ad imperii gubernacula euecto, Maximus mox adfuit. Et *Eunapius* ^q quidem Iulianum, tradit, euerſa Conſtantii tyrannide, Maximum et Chryſanthi-

Nn 2

o) L. V. c. 2.

p) In Germanico Hiſt. philoſ. opere p. 710.

q) p. 94. 190.

um

um literis ad se euocasse: eos autem Diis consultis in prodigia tristia atque atrocia incidisse, et Chrysanthium quidem animo delectum itineris consilium abiecisse, Maximum contrarium tuentem, vim naturae inferendam esse statuisse, et ad iter se accinxisse. Ast venisse quidem inopinatum Maximum ad imperatorem ait AMMIANVS MARCELLINVS ⁷, sed vocatum literis non dicit, forte quod vanam vtriusque tantum gloriae captationem describere in animo haberet, ceteris omisiss. Decedens ex Asia Maximus a summis pariter viris, et magistratus honoribus perfunctis, atque promiscua plebe, turba quoque feminarum gratulantium et obtestantium, sui vt esset memor, maximo cum honore dimissus est. Postquam ingenti cum comitatu Constantinopolin appulit Maximus, tanto imperatoris gaudio exceptus est, vt dignitatis suae oblitus Iulianus quibusdam videretur. Ita enim AMMIANVS ⁸: *Cum die quodam causa eius spectandi venisse nuntiatum esset ex Asia philosophus Maximus, exiit indecore, et, qui esset, oblitus, effuso cursu e vestibulo longe progressus, exosculatum susceptumque reuerenter secum induxit, per ostentationem intempestiuam nimius captator inanis gloriae visus.* Quod quamuis vehementer improbet Ammianus, mirandum tamen non est, cum Maximus potissimum ad imperii spem et bellum contra Constantium, et voce et vaticiniis erexisset. Cui cum accederet imperatoris nimius erga hos homines amor atque fiducia, qua impostorem fere quemlibet admittebat, eoque gloriabatur, vt indignabundus refert EVNAPIVS ⁹, non potuit non indecenter se gerere imperator, cum primarius superstitionis sacerdos ad eum accessisset. Mores imperatoris, vt fere fit, sequuti sunt amici et aulici, et officiis honoribusque dies noctesque Maximum cumulauerunt. Qua fortuna aulae elatior factus Maximus, habitum sumit philosophum indecentem, mollemque ac elegantiorrem, alloquiis morosus ac difficilis, ignaro, quid rerum ageretur, imperatore ¹⁰. Quam hominis superbiam Iuliani studio, honoribus et literarum commercio (cuius duo hodie supersunt exempla) nutritam passim perstringit EVNAPIVS ¹¹. Cum vero horum potissimum philosophorum arbitrio cuncta perageret imperator, Chrysanthium, inuito, vt videtur, Maximo accersiri iussit, hic Priscum vocari petiit, qui et venit, Chrysanthio futuram calamitatem praesentiente, quae paulo post nequissimos homines ex merito oppressit. Ad bellum Persicum se parabat imperator, in quo itinere comitem voluit sibi esse, non Priscum tantum et Maximum, sed et alios, suas virtutes qui stulte extollebant, et se imperatori commendabant, quod mira essent praestituri ¹². Eiusmodi enim fraudibus capi poterat animus imperatoris superstitione nimium capti. Fuisse in eorum numero Maximum quoque, et per se credi potest, cum maxima Iuliani erga illum esset fiducia, et testantur SOCRATES ¹³ atque

⁷) L. XXII. c. 4.⁸) loc. cit.⁹) p. 101.¹⁰) p. 98.¹¹) ibid. p. 101.¹²) loc. cit.¹³) p. 69. 89.

que THEODORETUS^a: nempe *diuinationibus credentem, quas ipsi Maximus philosophus, qui cum eo assidue versabatur, suggesserat, in eam opinionem adductum fuisse, Alexandri se Macedonis gloriam non aequaturum modo, sed et superaturum, putasseque, Alexandri animam in ipsum immigrasse.* Quod et Iuliano male cecidit, et Maximo: ille enim, ut suo loco docetur, a Persis interemtus est, hic a Christianis Antiochenis redux publica voce exagitatus, quod a causa Iesu Christi victus esset. Rebus Iuliani, quas Maximus sociique eius struxerant, in ruinam datis, Iouianus quidem imperator eos non minus honoratos habuit, sed breuem et deplorandum finem sortitus nil effecit^b. Cui cum successissent Valentinianus atque Valens, subito Maximi fortuna, qua fauentissima hactenus usus fuerat, in supremam conuersa est miseriam. Vocati enim Maximus atque Priscus in aulam in custodiam abripiuntur: et Priscus quidem nihil mali passus et publico testimonio vir bonus declaratus in Graeciam rediit: Maximus vero cum et publice in theatris et apud imperatorem priuatim traduceretur, erecto quidem animo ferebat aerumnas, graues vero cruciatus, qui admouebantur, passus est. Tandem multa imposita, quantam homo philosophus ne audire quidem vnquam potuisset, eo quod omnes cunctorum opes et fortunas possidere crederetur. Quod cum aliter se habere compertum esset, mutata sententia exigua multa ei imposita, dimissusque in Asiam, ut pecuniam in quam damnatus erat, solueret. Ibi miserrimam iterum tragoediam omnibus verbis superiorem excepsisse Maximum refert EVNAPIUS^c. Exquisitissimis enim tormentorum generibus inter muliebria et procacia tortorum ludibria ita excruciatum est, ut, cum neque modus neque finis ullus suppliciorum esset, oraret uxorem, ut medicatam ei potionem emeret, qua tantis demum malis eriperetur. Ea vero emit, sed alatam bibere praeoccupans, exanimata concidit, Maximus bibere supersedit. Studiose hic celat Eunapius inquisitionis causam, tantaeque crudelitatis originem, nisi quod accusatum corrasarum facultatum nimiarum fuisse, haud obscure probat: valde tamen inconsideratus laudator suae sectae suspectam fecit causam Maximi, narrans, Priscum eiusdem generis sectaeque hominem, qui ex eodem Iuliani consortio fuit, illaesum et cum gratia dimissum fuisse. Aliam itaque et grauiorem accusationem pressisse Maximum oportet, quod is tam male mulctaretur. Consulentibus vero historicos ecclesiasticos, vera causa tam seuerae inquisitionis, grauisque supplicii facile detegi potest. Nempe fax et tuba eorum omnium, quae susceperat aduersus Christianos et ipsa Romani imperii incrementa, Iulianus, habebatur Maximus. Hunc perditissimas diuinandi et magiae artes docuisse Iulianum, hunc a Christiana eum fide ad gentilem superstitionem auocasse; hunc in vitam Constantii coniurantem excitasse, hunc euertendae Christianae ecclesiae, et tot modis vexandorum

N n 3

Chri-

^a) Hist. eccles. L. II. c. 27.^b) EVNAPIUS p. 102.^c) loc. c.

Christianorum consilia imperatori suggessisse: hunc intolerabili fastu super ipsum imperatoris solium se euexisse: hunc pessimis artibus ad bellum Persicum, quibus Romanorum opes valde attritae sunt, Iulianum animasse: hunc stolidis vaticiniis fortunae imperatoris atque victoriae obstitisse: hunc Christum per Iulianum immani odio et magicis artibus fuisse persecutum, et clerus atque populus clamabat, et imperatoris accusabant ministri, et credebant eo facilius principes ad crudelitatem et fauoritiam proni. Mirum itaque qui fiet, tam famosum praestigiatores, qualem eum fuisse Eusebii condiscipuli testimonio supra vidimus, tantum hominumque ipsiusque Dei hostem inauditis cruciatuum generibus fuisse vexatum? Nondum tamen fata viam inuenerant Maximi, sed hac quidem vice morti eripiendus erat philosophus. Nouis enim curis turbisque a Procopio implicitus Valens, a plectendo Maximo desisteat, rebellantique hosti se obiciebat; qua occasione usus Clearchus, quem Asiae, sanae tum et morigerae, imperator praefecerat, Maximum inueniens quaestionibus admotum et equuleo distentum, satellites tormentis adhibitos fugere coëgit, Maximum vinculis exemit, corpus curauit reficiendum, suaeque illum mensae admouit, eaque libertate de his cum imperatore egit, ut cuncta is comprobaret, inimicos eius talionis poena affecit, vel repetundarum postulauit, bona furto ablata ei restituit, et facultatibus auxit. Spectatus itaque omnibus et reuerenter iterum habitus Constantinopolin accessit. Factum ibi periculum innocentiae eius circa theurgiam ait EVNAPIVS, non vero indicat, qua in re tentatus fuerit, nisi quod suspicamur, respicere Eunapium ad sequentem diuinationis historiam, quae Maximo interitum attulit. In vitam scilicet imperatoris coniurauerant aulici quidam, qui accusabantur, nomen imperatori post Valentem de testandis praesagiis didicisse secretim. Correptus ex his, uti narrat AMMIANVS MARCELLINVS f, eius temporis historicus, qui „totam coniurationis detectae seriem pandit, „Fidustius praesidialis, occulteque inductus, viso indice, nulla inficiatione obumbrare iam publicata „conatus, rei totius calamitosum aperit textum: absolute confessus, se cum „Hilario patricio vaticinandi peritos de imperio consuluisse futuro, motasque „secretis artibus sortes et nuncupationem principis optimi, et ipsis consul- „toribus luctuosos exitus praedixisse: visumque esse, referri oraculum ad „Theodorum virum praestantissimum, moribus et literis ornatissimum. „Relato gestorum volumine imperator formidine successoris exagitatus „et ad vindictam incensus ab aulicis, praecipue a praefecto praetorio et „Theodorum rapi et reliquos suspectos iussit, eo quod saepius iam vitae „periculum insidiis adiisset. Diris quaestionibus habitis, adacti tormentis „Patricius et Hilarius negotii fidem aperuerunt, qua ratione mensulam „Delphicam instruxerint et imprecationibus choragisque multis ac diutur- „nis

d) Coniurationem et rebellionem Procopii narrat AMMIAN. MARCELL. L. XXVI. L.

XXVII. SOCRAT. LIV. c. 5. SOZOMEN. L. VI. c. 8. e) EVNAPIVS p. 106. f) L. XXIX. c. 1.

„nis ritualiter consecratam mouerint tandem“: quod qua ratione factum sit, vt breuitati consulamus, apud ipsum Ammianum legi velimus, eo quod artes, in schola quoque Platoniorum non ignotas, produnt clarissime. Hoc vnum notamus, indicatas primas successoris literas Θ Ε Ο Δ. Theodori successoris spem fecisse, oraculumque inquisitores detulisse, quod non negat E V N A P I V S ^g, ad Maximum, de re inter sese non conuenientes: eum vero mentem aduertentem et dicta perpendentem, celeriter perspexisse, quod in verbis abstrusi latebat, immo veritatem ipsam, idque ita protulisse, vt oraculis ipsis verius esset, dicentem, quod et se pronuntiantem perdidissent, et omnes eos, qui consilii essent consilii, et plures alios, qui mortem iniuste subituri essent; imperatorem vero post promiscuam et multiformem omnium caedem, nouo et inusitato mortis genere inhumatum periturum. Ita vero euentum quoque rem comprobasse testantur Eunapius et Ammianus. „Nam et reliqui iugulabantur vniuersi, praeter Simonidem philosophum iuuenem, quem solum saeuus ille sententiae lator, efferatus ob constantiam grauem, iusserat flammis exuri, quique vitam, vt dominam fugitans rabidam, ridens subitas momentorum ruinas immobilis conflagrauit, Peregrinum philosophum (de quo infra) imitatus: et non multo post Maximus quoque philosophus, Oraculi supra dicti versus audisse insimulatus; seque comperisse adensus, sed reticenda professionis consideratione non effudisse verum vltro praedixisse consultores ipsos supplicii poenalibus perituros. Ephesum ad genuinam patriam ductus, ibique truncatus sensit, docente periculo extremo, quaesitoris iniquitatem omnibus esse criminibus grauiorem“. Haec Ammianus, quibus lucem affundit E V N A P I V S ^h, narrans, „pudore deterritos a necandi Maximi consilio, quod in iudicio confutata essent omnia, quodque falsitatis eos, a quibus erat comprehensus, conuicisset, Festum truculentum hominem vna cum eo in Asiam misisse, qui iussa executus sit ac de suo ingenio, rabiei suae indulgens, choragium saeuitiae adiiciens, post trucidatos complures fontes et insontes, magnum illum Maximum iugulauerit“. Eadem quoque tradit S V I D A S ⁱ, qui hunc Festum temporibus Valentis proconsulem in Asiam missum, regioque fisco praefectum crudelitate omnes fere superasse et Maximum quoque gladio interfecisse tradit, Eunapii, vt verisimiliter coniicit K V S T E R V S ^k, memoriis usus. Non videmus itaque causam, qua inductus Cel. F A B R I C I V S ^l hunc Maximum a Festo interfectum distinguit, cum eundem esse, Eunapii locus manifeste doceat. Nec obstat, Maximum Ephesium interemptum dici a Valentiniano, apud S O C R A T E M ^m et N I C E P H O R V M ⁿ, ast Maximum a Festo capite plexum esse sub Valente. Ex Eunapii enim et Ammiani, qui istis temporibus vixere, huiusque sectae historiam accurate norunt, narratione constat, Valentis, non vero Valentiniani crudelitate philosophum hunc

g) p. 109.

h) loc. cit.

i) In φηγογ T. III. p. 596. seq.

k) Ad h. l.

l) Bibl. Graec. Vol. VIII. p. 770.

m) L. III. c. 10.

n) L. X. c. 1.

hunc e medio sublatum esse. Adeoque aut pro Valentiniano, Valens subrogandus est apud Socratem, aut, quod duo regnarent imperatores, Valentiniano adscriptum esse, quod a Valente factum, dicendum, aut, quod nobis quidem magis placet, statuendum, Socratem priorem inquisitionem, quam in eum *ὡς μαργείας ποιῆντα*, *tanquam artes magicas exercentem*, factam fuisse, ex Eunapio narrauimus, cum vltima sub Valente confudisse. Secuta tamen mortem Maximi mox diuina erga Festum Nemesis. Tradit enim porro EUNAPIVS: Testis, vt ait, *αὐτόπης* °, Festum istum munere expirante, ad Theodosium nouum imperatorem profectum, post reditum nuptias potentissimas iniisse, luxusque ostentandi et iniuriarum obliterandarum caussa festum epulumque magnificum optimatibus et magistratibus fecisse: ipsum autem delubrum Eumenidum ingressum, narraffe somnio sibi visum Maximum, numella collo iniecta ad orcum pertrahere, sistendum Plutonis iudicio. Praesentes conterritos omnes, quod vitam viri recolerent, lachrymas pro se quemque profusas ficcasse, et vota facere iussisse, quod factum a Festo. Sed dum egredere- tur ipse, humi concidisse, vocisque vsu destitutum iacuisse, ac domum relatum confestim exspirauisse. Ceterum fuisse Maximum et corporis et ingenii dotibus ornatissimum, non sine eius laude insigni depraedicat EUNAPIVS °, qui oculorum pupillas volubiles, canam promissamque barbam, ingenii velocis vigorem atque agilitatem ex oculis elucentem, miramque harmoniam et consonantiam virtutum se non fatis potuisse mirari, quum adolefcens senem vidisset, fatetur. Sed et artibus theurgicis excelluisse, et inter primarios Deorum ministros fuisse relatum, qui diuinatione et magia eorum voluntatem et auxilia euocarent, allata Eunapii, Ammiani, Socratis, Sozomeni et Nicephori testimonia fatis superque docent. Fuere alii quoque Maximi °, quorum ex parte mentio facta est, et in his aliquot philosophi cum nostro non confundendi, Maximus nempe Tyrius, Maximus Aegienfis, Maximus Cynicus °. Imprimis autem Maximus Ephesius, a Maximo Byzantino distinguendus est. Quem licet confundere videatur cum Ephesio SVIDAS °, vt hoc solenne scriptori valde negligenti minusque accurato, dum Maximum Byzantinum Iuliani praeceptorem dicit, non displicet tamen coniectura FABRICII °, qui Maximum hunc inter praeceptores quoque Iuliani numerandum esse putat. Et si enim eum inter philosophos Peripateticos IDEM eo nomine collocat, quod in Aristotelem commentatus esse dicitur; notum tamen est, et a nobis, infra demonstrabitur, eclecticos adeo in Peripateticae philosophiae studio, scriptis etiam in Aristotelis opera commentariis inter-
terdum

°) p. 110.

p) p. 82.

q) Enumerauit eos FABRICIUS Bibl. Graec. Vol. VIII. p. 769. seqq.

r) De hoc Cynico Alexandrino, tandem ad sedem Constantinopolitanam euecto, vnde et Byzantius dicitur, extat inter Orationes GRE-

GORII NAZIANZENI vna: in laudem Maximi philosophi post exilium reuersi. Conf. IONS. de Script. Hist. phil. L. III. c. 16. §. 4. p. 92. FABRICIUS Bibl. Graec. Vol. II. p. 363.

s) In Maximus T. II. p. 494.

t) loc. cit.

terdum inclaruisse, vt magis inter Peripateticos, quam Platonicos referendi videantur, vt Themistii, Simplicii aliorumque exemplis constat: cuius rationem causamque ab henotico vtrumque philosophum conciliandi studio deriuandum esse, ex supra dictis liquet. In qua opinione maxime confirmamur fragmento illo carminis Maximi huius Epirotae, *περὶ κατὰρχῶν*, i. e. *de electionibus siue auspiciis actionum*, quas quis suscipit, ex positu lunae prospere ne an secus successurae sint diiudicandis, quod nobis exhibuit idem Cl. FABRICIUS ". Id enim non tam Peripatetico genuino, quam Eclectico siue Alexandrino philosopho conuenire, vel sola latissime in ea regnans superstitio et influxus siderum admissus probant; Eiusdem forte argumenti libellus fuit *περὶ ἀλύτων ἀντιθέσεων*, quod Maximo Byzantino adscribit SVIDAS *, id enim *de insolubilibus oppositionibus egit*. Cauenda tamen confusio inter hunc et Ephesium Maximum, quam non satis euitauit auctor indicis copiosi et praestantis ad hanc Bibliothecam Graecam, qui nempe poema illud de auspiciis Maximo Ephesio tribuit, refragante et Suida, et ipso, vt modo dictum, Fabricio.

§. XXVI. PRISCVM, Thesprotium vel Molossium genere, ad *Priscus*. hanc quoque sectam pertinuisse, ex Aedesi disciplina in antecedente §. diximus, et in inquisitione de theurgicis sub Iuliano, apud quem gratiofus fuit, conatibus quaesitum liberum dimissum fuisse in Graeciam, auctore EVNAPIO † tradidimus, qui addit, nonagenarium in Graecia obiisse, ingenioque, dicit fuisse recondito atque abstruso, multumque ex arte dissimulante, praeterea memoria praestantissima, veterum etiam opiniones omnes cognitās atque collectas habuisse in promptu: ex quibus colligimus, Priscum pressius, quam reliquos, indolem philosophiae Ammonianae secutum, ex omnium sectarum placitis philosophiam suam conflasse, theurgica vero, quod vt supra, ab Eusebio factum esse, vidimus, ea indigna philosopho altiora spiranti haberet, neglexisse. Forma fuit egregia, statura magna, aegreque ad disputationes adduci potuit. Cuius duplex ratio apud Priscum inualuit. Nam secutus arcanam Ammonianae scholae methodum a tot veteribus philosophis adhibitam, nec cum ἀμύητοις et profanis, nec cum vulgo, quicquam sapientiae suae communicauit, sed velut thesaurum dogmata sua custodiuit, eos prodigos decoctoresque nominans, qui facile de iis differerent. Deinde nec fructum ex disputationibus oriri dicebat, cum victus nec mitescat magis, quam veritatem potius oppugnet eique fortius obstrepat, nec qui voluptatibus deditus est, melior reddatur, sed efferatur potius, et μισολόγος καὶ μισοφιλόσοφος euadat. Sed et moribus grauis erat et fastuosus, quam animi elationem cum aduersus sodales et commilitones, tum in omni vita ad senium usque conseruauit, et ne magistro quidem praesenti pepercit. Quam animi

singu-

u) Bibl. Graec. Vol. VIII. p. 414.

x) loc. cit.

y) p. 114. seq.

singularitatem, et seruatum de doctrinis suis silentium proteruorum quidem adolescentium insultus prouocasse, sed post Iuliani quoque imperium ab obtreptione et reprehensione liberum seruasse, EVNAPIVS monet, indeque factum esse dicit, vt cum alii eo quidem tempore miseri vel sua vel hostis manu perierint², ipse solus in Graeciae templis vsque ad prouectam aetatem absque insidiis vixerit.

Chrysanthius.

§. XXVII. Plurimum tamen inter scholae Plotinianae doctores extollit EVNAPIVS " CHRYSA NTHIVM, praeceptorem suum, quem Iulianum quoque inter praeceptores suos numerasse supra diximus, quique Eunapio auctor fuit scribendi de vitis sophistarum commentarii. Ordinis vero senatorii fuit Chrysanthius, et nobilitate suae ciuitatis facile Princeps. Auus illi fuit Innocentius quidam, qui opibus et auctoritate atque existimatione, quam priuati hominis, superiore vfus est, et cui legum condendarum potestas ab imperatoribus erat permessa: cuius etiam libros supereffe Romano Graecoque idiomate scriptos, et acre iudicium et ingenii acumen prae se ferentes IDEM ait. Adolescens parente orbatus, et diuino quodam naturae instinctu ad philosophiae studia inflammatus, Pergamum ad Aedesium se contulit, cumque maximo ardore eruditionem sitiret, in profundae doctrinae viro inuenit, vnde se totum scientia ingurgitaret: cumque esset corpore firmo, et plane adamantino, quod labores patienter toleraret, et cuius exercitationis generi facile assuefieret, in philosophia mysteria cito penetrauit, et Platonis atque Aristotelis dogmata plane didicit: sed ad omnem quoque philosophiae speciem animum conuertens, non tantum in eloquentia vires vfu et exercitio roborabat, sed et demonstrare eas publicis speciminibus non refugiebat, dicendi et filendi arte pariter conspicuus, et vbi dicendum esset, non sine magnificentia de rebus profundioribus edisserens³. Post haec γνώσει τῶν Θεῶν καὶ σοφίᾳ sublimiori Deorum cognitioni⁴ et sapientiae se totum tradidit, ei nempe, quam et Pythagorae sectatores, et Apollonii Tyanensis ascleclae excoluere, qui hunc humano corpore vestitum olim adorabant. Ad hos homines accurrit Chrysanthius, et ipsis eorum principiis vfus, ad eam animi perfectionem subleuatus est, vt omnis eruditionis species et perfecta eius notitia illi exsurgeret⁵, et futura ita praediceret,

vt

²) Inter hos fuisse Hilarium Bythinium, non philosophiae tantum laude, sed et artis pictoriae excellentia illustrem, qui cum familia obruncatus fuerit Athenis narrat EVNAPIVS p. 119. Cuius verba misere peruertit I V N I V S, πρὸς δὲ τῷ καθαρῷ τῆς ἁλλης παιδείας κατὰ γραφικὴν ἔτι φιλοσοφῶσαντα, ὥς ἐκ ἐπεδήκην ἐν ταῖς ἐκείνου χερσίν ὁ Εὐφράνωρ, ita reddens: „In arte pingendi aduersus liberalium artium vacuos ita philosophatus est, vt appareat in illius manibus non esse extinctum Euphranorem“. Haec enim nec sensum satum fundunt, nec Eunapii verbis faciunt satis, quae ita vertenda:

„Qui praeter reliquam liberalem disciplinam etiam pictoriam ita excoluit, vt per eius manus puer Euphranor (ab eo pictus) supereffe videatur“. Conf. GATAKER ad Antonin. L. I. §. 6. p. 5.

a) p. 186. SVIDAS T. III. p. 691. hunc exscripsit, b) Graeca ipsa inspicienda sunt, quorum sensum non satis affectus est Iunius.

c) Sublimiorem diuinæ familiae cognitionem γνώσειν innuere, vel ex solo Gnosticorum nominum esse putamus.

d) Valde memorabilis hic locus est, ex quo fontes philosophiae Plotinianae discuntur.

vt cernere magis, quam vaticinari diceretur. In his studiis magnam temporis partem vbi cum Maximo Socio consumisset, multumque aerumnarum pertulisset (ita enim solitos fuisse arcanarum istarum disciplinarum doctores, vt multis laboribus et aerumnis discipulos prius probarent, ex barbaricae philosophiae historia notum est, et satis innuit Eunapius voce συναθλήσας, quae molestias cum commilitone exantlatas significat) eum mysteriorum suorum participem dereliquit: tantoque in has artes studio incubuit, vt totus cum Maximo, vt alibi dicit ΕΥΝΑΠΙΟΥΣ, diuinæ agitationi et enthusiasmo occuparetur, reliquas disciplinas liberales negligeret, prodigiis vero et Deorum monitis obsecundaret, quod neglexisse Maximum et Deos obtestatum fuisse, vt fata mutarent, Eunapius monet, et nos supra exemplo profectionis in aulam imperatoris a Diis diris ostentis improbatae illustrauimus. Magnam eo tempore et artis peritiam et animi constantiam Chrysanthium demonstrasse, vitae eius narrat historicus, quem nec Maximi obtestationes, nec honorifica imperatoris legatio, nec literae Iuliani repetitae, nec Melitae vxoris, quam deperibat, preces, ab imperatore expetitae, potuere flectere, vt iter ingrederetur, honores et felicitatem summam promittens, sed quod signa diuina calanitosum fore atque tragicum praedixerant, et repetitis a Chrysanthio victimis, immutabilem ita factorum seriem posuere significauerant. Et ita quidem cum satis vim inferre naturamque vincere Maximus statuens, Byzantium esset profectus, a Chrysanthio relictus est, ab imperatore autem pontificatum regionis Lydiae accepit, adiecta potestate, auita sacra, quae Christianorum imperatorum zelus eiecerat, reuocandi. Qua ille tanta prudentia et moderatione vsus est, vt nec se morose in isto munere gereret, cum magna vteretur morum lenitate atque simplicitate, nec calida et feruentia nimis consilia sequeretur, neque Christianis valde molestus esset, sic vt nemo fere restitutionem sacrorum, et renouatum Deorum cultum animaduerneret. Id quod magno emolumento cessit Chrysanthio, cum enim cuncta placide et aequabiliter atque tranquille sopirentur, postea vbi omnia alia, quam Iuliani caterua sperauerat, euenissent, reliquis sursum ac deorsum velut tempestate iactatis solus euasit, et omnium admirationi fuit Chrysanthius, eo quod non futura tantum praenossset, sed et ea scientia magna prudentia sciret vti. Munere vero motus sub imperatoribus, qui Iulianum sequebantur, Christianis, Athenas concessit, vitamque ibi priuatam magna tolerantia et frugalitate egit, nullius, quod inter homines exerceri solet, vitae generis curam agens, non oeconomiae, neque agriculturae, neque rei pecuniariae honeste faciendae, sed inopiam tolerauit facilius, quam alii diuitias *f.* Sed ex lege scholae suae viuens facile parabili utebatur cibo,

O o 2

et

e) In Maximo p. 85. hic finis fuit philosophiae Alexandrinae primarius.

f) Contrarium hic sensum expressit ΙΥΝΙΟΥΣ,

qui ita transtulit: „Vitam exegit in prouentam aetatem, nullius alterius rei satagens, „quam oeconomiae a rerum domesticarum cura „dictae,

et raro admodum carnibus vesceretur animalium; Deorumque cultus primaria ratione assidue habita, tempus lectione veterum terebat, et scribendis libris insudabat, tanta assiduitate usus, ut octogenario maior, propria manu tantum librorum scripserit, quantum vix unquam aetate florente legunt alii. Quo factum est, ut extremi digitorum articuli ob indefessum scribendi studium contraherentur. Viua vero voce quoque profuisse, et philosophiae dogmata iuventuti tradidisse, Eunapii exemplo constat, quem in charissimis habuit. Ab exercitatione studiorum surgens animum recreabat ambulationibus in viam publicam adscito Eunapio comite, spatiaque longe, sed otiose lenteque emetiebatur, animum interea narrationum suauitate delinens. A magnatum vero procerumque congressu non fastu abstinebat, sed vitae simplicitate, et Socraticam vitam exprimebat, cum in affectatus candor et facilitas quaedam simplex sermoni eius infideret, verborum tamen venustate aures demulcente. Comis erat in congressu erga omnes, adeo ut ambitione id fieri quidam censerent; sermo concinnus et in tanta ingeniorum diuersitate congruus. Pertinacior tamen erat, nec de sententia facile moueri se patiebatur: neque autem facile quis eum audiuit eruditionem suam ostentantem, eoque nomine insolentius se efferentem, immo dicta quoque ab aliis probabat, si vel perperam dicta essent; et quae male etiam statuebantur laudabat, ac si ne principium quidem auscultasset, ne quenquam contristaret. Quod si forte inter praesentes magnae famae et existimationis philosophos, disputatiuncula exorta placuisset se disceptationi miscere, omnes conticebant, ac si nemo adesset, neque quisquam in contentionis aream cum eo descendebat, ne erroris conuincerentur. Accidit etiam, ut ii, qui virum mediocriter tantum nouerant, et solam animi mansuetudinem laudabant, facto disceptationis periculo, longe alium, quam putarant, deprehendere se putarent: coma tunc in horrorem erecta, et oculis animi in dogmatum certitudine triumphum agentis indicibus. Quibus vitae rationibus et artibus factum, cum auitae reipublicae sacrae (τῆς ἀρχαίας καὶ πατρῷου πολιτείας, id est, religionis veteris et patriae) antistes esset primarius, ut a summis viris, qui isto adhuc tempore superstitione veteri tenebantur, eamque firmare labantem conabantur, oraculi instar consultus fuerit, cuius exempla quaedam narrat EUNAPIUS^g. Firmissimo corporis robore usus, ad vltimam, ut supra dictum, senectutem peruenit, animo philosophiae beneficio semper placido et sereno seruato. Cuius exemplum dedit in funere filii praeceptoris Aedesio cognominis, qui aetatis anno vicefimo maximae spei adolefscens,

„dictae, aut agriculturae, aut pecuniariae rei, „quae honeste iusteque acquiruntur: inopiam tolerabit patientius, quam diuitias caeteri. „Sed Graeca ita exprimenda esse, ut nos veritimus, facile intelliget Graeci sermonis peritus lector. Ita enim EUNAPIUS p. 197. εἰς μικρὸν δὲ γῆρας ἀφικόμενος, τὸν πάντα διετέλεσε βίον,

οὐδενὸς τῶν κατ' ἀνδράπους ἑτέρου φροντίσας, δικαιοματίας τινὸς ἢ γεωργίας, ἢ χρημάτων, ὅσα δικαίως παρὰ γίνετο, ἀλλὰ πέναν μὲν ἔφερε βῆρον ἢ πλούτου ἑτέρου.

g) Ibid. p. 195.

h) p. 207.

lescens, et in sacris pariter atque humanis scientiis valide versatus decesserat, quam mortem vel affectu vacuus, vel infractus animo pertulit, vxoremque perferre docuit. Senex etiam, quod vegeto esset corpore venam secare solitus est, regente sanguinis fluxum Eunapio rerum medicarum non imperito: quod cum saepius fieret, Eunapio quoque aliquando absente, mox subitus languor, et virium defectio secuta est, cum articulorum contractione. Aduocatus in auxilium consiliumque Oribasius, Eunapii familiaris ⁱ, qui ex medicis imperatoris Iuliani fuerat, molliter naturae vim reuocandam esse statuens, per fomenta calida et emollientia refrigeratis artubus vigorem aliquem restituit: sed vicit senectus, quae sequente anno eum absumsit.

§. XXVIII. Nemo tamen vel maiorem suo nomine gloriam huic *Iulianus apostatae* conciliauit, vel fortiori quoque conatu res eius atque incrementa adiunxit, IVLIANO imperatore, qui ob defectionem ad auitam gentiliū superstitionem apostata dici solet. De cuius vita et imperii historia, licet maxime memorabilem Sec. IV partem constituat, prolixè differere, huius loci non est, sed quaerenda ea apud illos, qui Romanorum imperatorum res gestas in sacra et profana historia enarrauerunt. Nobis enim de magni principis virtutibus atque vitiis illustrissimi, consiliis, insidiis, discordia cum Constantio, bellis cum Parthis, Gallis, Germanis, defectione a Christiana fide, artibus euertendi rem Christianam, morte quoque praematura, quaeque alia in eius historia occurrere solent, multum recentiori aetate controuersa agere, criticamque his tractandis manum asserre, nec libet nec licet; sed lectorem eius rerum sciendi cupidum vel ad scriptores ecclesiasticos vel ad profanos, vel quod nobis placet, ad vtrosque ablegamus ^k, monentes, vt abiecto vel odio vel fauoris praeiudicio, quod ex vtraque parte, multos, qui in hoc studio ver-

O o 3

fati

ⁱ) Oribasius Pergamenus fuit, in prima adolescentia ob praeclaram eruditionem famam iam nactus, in iuuentute Zenonein, Magni condiscipulum, ex hac schola philosophum audiuit, postea ad artem medicam animum applicuit, eoque nomine a Iuliano, vt sanitatis suae custos esset, accessus est. EVNAPIVS etiam l. c. p. 180. tradit, tantis eum virtutibus excelluisse, vt ad imperium etiam Iuliano viam demonstrauerit: quod odium imperatorum sequentium ei conciliauit, qui facultatibus eum omnibus spoliarunt, et in barbaras terras eiecerunt in exilium. Quae calamitas ei felicitatis ianuam aperuit, cum artis salutaris consiliis apud reges barbaros plurimum valeret. Redeundi potestate accepta et facultatibus redditis, vxorem duxit potentem, medendi pariter felicitate atque morum suauitate maxime commendatus. De ratione eius medendi scriptisque consulendi historiae medicinae scriptores CLERICVS P. III. p. 576. FREINDVS P. I. p. 6. MERCKLINVS Lind. renou. p. 875. FABRIC. Bibl. Graec. Vol. XII.

p. 639. IX. p. 451. ex veteribus PHOTIVS Cod. CCXVI.

^k) Qui de Iuliani historia scriptores consulendi sint, ex catalogis scriptorum, qui res huius seculi ecclesiasticas et ciuiles enarrarunt, discendum est, adeundique ex illis Socrates, Theodoretus Sozomenus, ex his Ammianus Marcellinus, Sextus Aur. Victor, Eutropius, Rufus Festus, Zosimus alique; et qui propius literatam eius historiam respiciunt EVNAPIVS in Aedesio, Maximo et Chrysanthio, LIBANIUS in Orationibus, et qui passim tetigere res eius Christiani Doctores Nazianzenus, Cyrillus Alexandrinus, Basilii alique, de quibus videndus MART. HANCK. de Script. rer. Rom. c. XXX. art. i. p. 154. ex recentioribus ante alios TILLEMONTIVS et EZ. SPANHEMIVS adeundi sunt, vbique vero seruandus modus et nec extollendus nimis, suppressis vitiis, nec culpandus sine modo, virtutibus eius neglectis, quae extrema fati felicitate vitauit Ammianus, seuerus vitiis eius censor laudatorque virtutis.

fati sunt, in transuersum egit, sine studio partis examinata testium fide rerumque probabilitate de Iuliano statuunt. Quam legem et illis latam esse volumus, qui philosophicam imperatoris huius historiam nosse cupiunt. Etsi enim magni principis personam omnino sustinuisse censendus est, tantus tamen non in omni tantum eruditionis genere, sed in philosophia quoque euasit, ut non tantum Alexandrinae philosophiae alumni eum sibi totum vindicarent ¹, sed et Christiani ^m philosophi nomen laudemque ei non denegarent. Quare ad ea potissimum respiciemus, quae ad huius sectae, quam tantopere promouit, historiam pertinent. Et qua quidem occasione ad Plotinianae scholae philosophos perueniret, supra in Maximo iam narrauimus, et hic paucis ea repetimus, quae ad integram enarrandam huius principis historiam philosophicam pertinent. Educatus nempe magna Constantii cura Iulianus, bonisque artibus innutritus a praeceptoribus Christianis, Mardonio eunucho hanc eius institutionem moderante ⁿ, quod male habet EVNAPIVM ^o. In Grammaticis a Nicocle quodam, in Rhetoricis ab Ecebolo eruditus est, seuerè prohibente Constantio, qui Nicomediam eum ire iusserat, ne Libanii sophistae, cuius tunc schola in dicendi arte maxime excellebat, lectiones audiret. Id quod grauiter se indoluisset conqueritur LIBANIUS ^p, *quod in tali anima, tanquam in agro foecundo sementem sibi facere non licuerit: pessimo enim cuidam rhetori mercedis loco, pro eo quod Deos maledictis assidue prosequeretur, iuuenem cessasse, ipsum quoque eiusmodi de Diis opinione innutritum magistrorumque in dicendo imperitiam ob indictum ab iis altaribus bellum ferre non recusasse.* Quam ob causam Libanium amare excepit SOCRATES ^q. Parum tamen vel Constantii ea in re seueritas, quam haud iniusta suspicio, ne Iulianus a fide Christiana deficeret, excitauerat, vel eorum, qui illi praeerant, cura impedire potuere, quo minus Iulianus ad gentilium superstitionem prono ferretur animo. Cuius rei causas expendentibus variae occurrunt. Ut enim de magno, qui in iuvene flagrabat, discendi ardore, quem ingenii dotes excellentissimae sustentabant, quique forte a Christianis praeceptoribus non satis extingui poterat, taceamus ^r, negligentia sane eorum, quos educationi feruentis et ad magna tantum et excelsa adspirantis adolescentis praefecerat Constantius, in culpa fuit, ut, quod maxime cauendum esse recte imperator viderat, ad gentilium philosophorum scholas declinaret. Narrat enim EVNAPIUS ^s, ubi Iulianus ingenii vim et magnitudinem ita ostendisset, ut, „quicquid librorum proferretur, id memoria complecteretur, ita ut praecocem eruditionem aegre ferre magistri viderentur, quasi non habituri, „quod

1) Patebit hoc ex dicendis. Conf. EVNAP. l. c. AVR. VICTOR. in epit. p. m. 372. EVTROP. L. X. LIBANIUS loco citando.

m) SOCRATES L. III. c. 1. SOZOMEN. L. VI. c. 2. n) SOCRATES l. c.

o) In Maximo p. 82.

p) In orat. parent. in Iulian. Volum. VII. Biblioth. Graec. FABRICII §. 5. p. 228.

q) L. III. c. 23.

r) Multa de hac re gloriantur EVNAPIUS p. 82. et LIBANIUS l. c.

s) loc. cit. p. 83.

„quod puero porro instillant, et nec Iulianus haberet, quod amplius disceret, nec illi quod docerent, rogasse eos confobrinum Constantium, vt permetteretur ei, oratoriae arti ac philosophiae vacare, quod ille lubens concesserit, eum in libris magis volutari et ineptire, quam generis, et imperii memoriam recolere cupiens. Eum itaque regiis sumtibus, instructum peruenisse ad Aedesium, vt supra retulimus. Valde hic attendere et sollicitè curare debuerat eorum fides, quorum prudentiae principem hunc Constantius commiserat, dum ignorare non poterant, ea animi indole atque inclinatione esse Iulianum, vt facile superstitione traheretur, ne ad scholas gentilium philosophorum delaberetur, quos eo tempore miris artibus et praestigiis firmissima superstitioni fulcra parasse, peruulgatum tum erat. Tanta enim eius superstitio fuit, vt AMMIANO MARCELLINO licet huic sectae, quam vehementi prosequeretur studio Iulianus, valde addicto, vapularet, carpenti, quod *praesagiorum sciscitationi nimiae deditus fuerit, vt aequiparare videretur in hac parte principem Hadrianum et superstitiosus magis, quam sacrorum legitimus obseruator fuerit.* Tali cum animo esset, maxima eorum negligentia culpanda erat, qui anceps ingenium ad hos homines diuertere permiserant, licet vix persuaderi queat, Constantium, vt vult EVNAPIVS, eius rei fuisse conscium. Addit his GODOFREDVS ARNOLDVS, notissimus historiae ecclesiasticae compilator, ingentia doctorum Christianorum dissidia, et controuersias praesertim cum Arianis, ad contemnendam Christianorum doctrinam et amplectendum cultum gentilem pleraque contulisse. Quas licet ingenio attento facile scrupulum mouere potuisse non negamus, miramur tamen virum non indoctum in hanc praecipue causam defectionem Iuliani reiecissee, cum tamen scriptores gentiles eam non indicent, non tacituri, si ea primaria ratione ad deserendam patriam religionem commotus fuisset Iulianus, quae nempe haud leue *ἔγγλημα* habuissent in Christianorum sacra, quae data quauis occasione traduxere, et in his praecipue Eunapius. Nec, si verum dicendum, valde ad philosophorum castra hae controuersiae atque lites inuitassent Iulianum, qui, vt erat in veterum lectione satis versatus, et ex apologiis Christianorum dudum didicerat non ignorabat, non aequè magna tantum, sed et grauiora inter philosophos esse dissidia, et tanquam perditissimas imposturas et praestigias traduci ab Epicureis, quae tanquam summae sapientiae et diuinae doctrinae mysteria tradebant Platonici Alexandrini, quaeque ipse studiosè consecretabatur. Quaecunque vero causa demum fuerit, illud certum est, Maximi familiaritatem aduentumque Nicomediae ad has gentilium partes amplectendas Iulianum determinasse. Id enim supra diserto Eunapii testimonio confecimus. Qui vt erat veterator vaferrimus, et praestigiarum peritissimus artifex, inge-

1) L. XXV. c. 6.

2) loc. citat.

3) Hist. eccles. et haeresiol. P. I. L. IV. c. 4. p. 126. seqq.

ingenium Iuliani feruidum quidem, sed in iudicando, teste AMMIANO ^y, lentius et ad superstitionem inclinans eo facilius potuit impellere, quo magis diuinationibus suis iuuenem ambitiosum et odio patruelis flagrantem in spem imperii potiundi erexerat, vt supra quoque in Maximi vita demonstratum. Proni enim et lubentes ea amplectimur, quae votis nostris velificantur, quaeque, vera vt sint, optamus et speramus. Non negamus quidem, Eunapium Oribasio tantum et Euemero hanc accensae imperii spei causam tribuere ^z: sed vt taceamus, Oribasium cum his hominibus fecisse, valde verisimile faciunt diserta scriptorum ecclesiasticorum testimonia non Iuliani tantum desiderium potiundi imperii, sed Maximi etiam studium Iuliano diuinationibus placendi, maximaque quam in hunc praestigiatores ponebat in futuris praedicendis fatis, etiam imperii, Iulianus fiducia. Cui cum accessisset animus anili superstitione corruptus, qui simplicitatem Christiani cultus fastidiebat, non potuit non euenire, quod de eo gloriatur LIBANIUS ^a: *Cum aliquando Iulianus peruenisset in eorum coetum, qui pleni quasi toti Platonis erant, atque de Diis genisque, a quibus vniuersa haec, et condita certissima sint, et conseruentur, differentes eos audiuiisset, de anima item etc. doctrinam, qua antea fuerat imbutus falsae, adeoque potui non inseruenti, aquae similem, dulciori potabilisque aquae instar habente disciplina submersisse atque aboluisse, omnibusque, quas antea imbiberat egestis nugis, veritatis pulchritudinem in anima sua, velut in magnifico aliquo templo, Deorum statuas, stercore antea profanatas, earum loco collocasse. Atque adeo animum quoad ista mutauisse, simulasse tamen eundem sese atque antea, esse, cum animi sensa haudquaquam prodere liceret.* Addimus his, Iulianum, licet aliarum quoque sectarum placita, teste LIBANIO ^b teneret, omnemque doctrinam animo complecteretur, doctoresque coleret, maxime tamen eos homines secum habuisse frequentissimos, qui Musarum aliorumque Deorum cultui essent addicti, qui terra alii, alii mari iter ad eum faciebant, videre illum, cumque eo versari, et verba coram eo facere, ipsumque rursus audire loquentem certatim properantes. Horum enim hominum insignis ob hanc religionem laudis thura adolentium conuersatione non potuit non in hac animi sui affectione mire corroborari. His sane rationibus inductus, vbi semel ad Aedesii scholam diuerterat, et Maximo atque Chrysanthio, in theurgiae operibus excellentibus innotuerat, tanquam pestilenti afflatus fidere in diuinationis potissimum et sacrificiorum studia exarsit ^c, et a tantis viris Alexandrinam philosophiam, etiam theurgicam, qualis in Iamblichi potissimum schola tum effloruerat, edoctus est: qua in re mirram et diuinam fuisse in Iuliano ingenii felicitatem gloriatur EVNA-

PIVS

y) L. XXV. c. 6.

z) In Oribasio. p. 180. et in Maximo p. 94.

a) loc. cit. §. 9.

b) §. 10. p. 234.

c) Vid. AMM. MARCELL. L. XXI. c. 1. L. XXII. c. 12. L. XXIII. c. 2. 5. 11. L. XXV. c. 6. EVNAPIVS, SOCRAATES, SOZOMEN. II. CC.

P I V S ^d, et vix suffecisse Maximum et Chrysanthium, ait, capacitati puerilis ingenii. Aucta haec egregia, quam a ducibus istis didicerat, disciplina est, cum Iulianus, interfecto Gallo fratre ^e, ab imperatore custodiri iussus, atque elapsus fuga tandem Eudocia imperatoris coniuge intercedente veniam a Constantio accepisset, Athenas adeundi, ut philosophiae operam daret ^f. Ibi enim nouam augendae eruditionis non tantum philosophicae, sed etiam theurgicae occasionem nactus, magistros adiit, ex quibus iis, quae iam tenebat, addere quaedam posse sperabat, ita vero eruditionis gloria, si LIBANIO ^g fides, inclaruit, ut omnes in admirationem rapuerit, et semper apud eum conspecta fuerint iuuenum, seniorum, philosophorum, rhetorum examina, ab eius ore pendencia, eo quod et ingentem eruditionem et virtutem summam omni doctrina superiorem admirarentur. Maxime vero, teste EVNAPIO ^h, cum intellexisset, plus aliquanto latere apud Eleusiniorum sacrorum antistitem, velociter ad eum accurrit, ab eoque initiatus futuras imperii clades, et sacrorum templorumque ruinam didicit. Sacra vero Eleusinia ob apparitiones et diuinationes magicas celebres fuisse, non est, quod operose in re nota moneamus. Nec alio putamus respicere verba LIBANII ⁱ afferentis: *Iulianum ipsorum Daemonum Athenarum oculos in se conuer- tisse, utpote quibus probe esset perspectum, hunc eos, quibus patrum aeuo colebantur, honores ipsi aliquando reddituros.* Instigatum itaque et artis theurgicae studio, et praenoscendi futura desiderio, quod ei assignare maleuolos ait MARCELLINVS ^k, Athenas concessisse, recte de eo dixit SOZOMENVS ^l, qui cum eius loci vatibus diligenter eum conuersatum fuisse tradit. Qui hoc singulare accidisse Iuliano tum externa professione Christianum simulanti ait, ut in fano quodam euocatis sacro carmine diis, cum terrore exagitatus sui obliuisceretur, crucis signo se signaret, euanescentibus mox ad salutare signum spectris: improbante hierophanta, quod daemones illius odio duci, diceret. Quod an verisimilitudine se commendet nec ne, lectoris relinquimus iudicio. Constitutum vero fuisse Iuliano et viuere Athenis et mori ibidem, idque summum felicitatis suae cacumen reputasse, tradit LIBANIVS ^m, vix tamen credi potest, iuuenem in spem tantarum rerum ipsiusque imperii accensum, inter umbras et otia philosophantium mortem oppetere statuisse. Quicquid tamen illud fuit, coegere istius temporis circumstantiae Constantium, ut Iulianum Caesarem constitueret, et a subfelliis philosophorum ad imperium euocaret. Data itaque Helena sorore in matrimonium, in Gallias contra barbaros ab imperatore mittitur; factum id esse, ut in bello caderet, EVNAPIVS in Constantium valde iniquus, asse-

d) In Maximo p. 85.

e) SOZOMEN. L. V. c. 2.

f) SOCRATES L. III. c. 1. SOZOM. l. c.

LIBANIVS l. c. §. 13. p. 233.

g) loc. cit. §. 14.

h) loc. citat. p. 90.

i) loc. citat. p. 238.

k) L. XXI. c. 1.

l) l. c. add. THEODORET. H. E. L. III. c. 3.

m) l. c. §. 15. p. 239.

asserit ⁿ⁾, et fuisse etiam famam eius rei, non negat SOCRATES ^{o)}, verisimilitudinem vero suspicioni, non prorsus malo argumento, abiudicat, eo quod data ei sorore coniuge ita sibi ipsi suisque insidias struxisset. Quibus merito additur: eam tum fuisse, teste, qui prolixè hanc rem narrat AMMIANO MARCELLINO ^{p)}, Romani imperii conditionem; ut non potuerit non Constantius *ἐκὼν ἄκων* hoc eligere consilium; „continue enim eum exagitabant assidui nuntii, deploratas iam Gallias indicantes, „nullo renitente ad internecionem barbaris vastantibus vniuersa, aestuansque diu, non aliud remedium inuenit, idque vrgente malorum impendentium mole confessus est proximis, succumbere tot necessitatibus, „tamque crebris vnum; idque cum illi dissuaderent, opponebat se sola „regina, memorans anteponi debere propinquum“. Quamquam ideo quoque Constantium in Gallias misisse Iulianum non improbabile est, ut ancipitis et difficilis belli molestiis fatigatus, a periculoso futuri imperii facta scrutandi consilio desisteret: qua de re in ciuili horum imperatorum historia dispiciendum est pluribus. Profectus contra barbaros Iulianus, atque tum exercitus, tum prodigiorum atque vaticiniorum suffragiis de victoria laetissima spe certus, iisque etiam artibus praeditus, quae non magnum tantum, sed et felicem imperatorem reddere solent, hostes subegit, et a Romani imperii propulsauit finibus, non tamen amorem eruditionis et imprimis philosophiae inter bellorum strepitus deposuit, sed LIBANIO ^{q)} teste, *ex mediis libris ad pugnam processit, immo potius vna cum libris aduersus hostes profectus est. Semper enim vel libros manibus tenebat, vel arma, persuasus bello maximam a literis utilitatem praestari, maiusque rebus momentum posse afferre imperantem, si consiliis, quam si armis, valeat.* Tanta vero exercitus admiratione et applausu bellum hoc confecit, ut magno clamore eum Augustum proclamarent milites. Multum huic consilio refragabatur Iulianus, tempori callidissime inseruiens, et proluxa oratione, ut narrant AMMIANVS ^{r)} et LIBANIVS ^{s)} dissuasit propositum, maximo tamen contentionis fragore, probro et conuiciis mixto assentire coactus, ut ille scribit, Augustus renunciatus est. Qua in re artes et calliditatem Iuliani merito miramur, ex animo vero id fecisse, persuaderi non possumus. Ut enim taceamus clandestina, quibus patrulem impetiuit consilia, non tantum infana futura sciendi cupiditas, de imperio eum sollicitum quidem at certum quoque reddens, quo in hac re fuerit animo, prodit, sed et id, quod porro MARCELLINVS ^{t)} narrat, suggerit, retulisse imperatorem, nocte praecedente genium suum apparuisse, minitantem, se eum relicturum, nisi morem gereret. Quibus signis cum plurimum vteretur imperator, facile inde colligi potest, Iulianum simulatorem egregium eo potissimum fine ita morose repugnasse dignitati, cuius spem ei summam Platonici fecerant,

n) p. 94.

p) L. XV. c. 7.

q) §. 34. p. 260.

o) L. III. c. 1.

r) L. XX. c. 4.

s) l. c. §. 48. p. 272. seqq.

t) loc. citat. c. 5.

cerant, vt eo magis, fidem et constantiam militum accenderet. Quicquid tamen illud fuit, hoc AMMIANI^{x)} testimonio minime suspecto certum est, *incendisse Iuliani cupiditatem, pacatis iam Gallis incessendi vltro Constantium, conicientis eum per vaticinandi praesagia multa, quae callebat, et somnia, e vita protinus excessurum*: id quod luculenter et animi principis et vim doctrinae effectumque promissionum, quas a philosophis acceperat, manifestat. Narratque IDEM^{*} eum, quum apud Viennam quiesceret sobrius, hora media noctis imaginem quandam vidisse splendidiorem, versus heroos modo non vigilantem; quibus futura imperii dignitas ei promittebatur soli. Qualem *Δεσμὸν* cum supra quoque in Aedesio narrauerimus, exemplum hoc est principis artes Platoniorum mire exprimentis et ad publica consilia transferentis. Quae omnia satis, nisi fallimur, docent, non inuitum ad hoc consilium accessisse Constantium, siue Maximus, quod ecclesiastici scriptores volunt, siue Oribasius, Euemerus, et antistes e Graecia accitus eius auctores fuerint, vt tradit EVNAPIVS²⁾. Ita vero Deorum auxiliis et militum virtute nixus, in Constantium exercitum mouit, cognouitque, dum in via haerebat anceps, ex victimarum extis, obiisse Constantium, nuntiis ea de re paulo post aduenientibus. Qua re explorata post exemptos periculorum aestus in immensum elatus, et vaticiniis credens, iter edixit in Thraciam, et a Constantinopolitanis summo gaudio et alacritate exceptus est³⁾. Quae imperator solus constitutus suscepit, qua ratione mouerit cuncta et reformauerit, apud historicos huius temporis, eosque, qui vitam magni, sed infelicitis, principis, scripserunt, quaerendum est, cum ad nostros id limites non pertineat. Illud tamen praetereundum non est, magno studio et auctoritate summa collapsam eum restituisse superstitionem, reuerasse templa Deorum, reuocasse sacrificia, aedificasse altaria⁴⁾, et innumeras sine parsimonia pecudes mactasse, vt aestimaretur, si reuertisset de Parthis, boues iam defuturos⁵⁾; totam etiam gentiliam religionem ad mores et instituta Christianorum attemperasse, miroque conformasse consilio⁶⁾: in quo tamen fuere aliqua dudum Pythagoreis iam recepta, quae tamen eo tempore inter gentiles exoleuerant omnia⁷⁾. Laudandum tamen vel maxime in Iuliano, quod non vi vel tormentis Christianos ad mutandam religionem adegerit, eo quod recte monente LIBANIO⁸⁾, probe nouerat, *illos quidem, qui corporis aliqua parte laborant, vinculis aliisque violentis remediis posse sanari: falsam autem de Diis opinionem vrendo et secando nunquam*

Pp 2

eiici

x) L. XXI. c. 1.

x) c. 2.

y) l. c. Hinc diiudicanda quae contra Iulianum SOCRATES l. c. et pro eo excusando LIBANIVS l. c. §. 50. seqq. p. 275. affert.

z) Citati AMMIANVS L. XXI. c. 14. LIBANIVS §. 56. p. 281.

a) Ibid. SOZOMEN. L. V. c. 3. seqq.

b) L. XXV. c. 6.

c) SOZOMEN. l. c. c. 16. GREGOR. NAZIANZ. Or. III. adu. Iul. conf. BALIVS Iugement des SS. Peres sur la morale de la phil. payenne, L. II. c. 7. p. 230.

d) Pater hoc ex collatione, indeque ratio praeter alias deriuanda est, cur ad hoc consilium animo delatus sit. Mores enim Pythagoreos imitabatur schola Platoniorum Alexandrina.

e) §. 58. p. 256.

eiici posse; unde ad alias artes confugit, in sacra historia enarrandas. Multum quoque ad hanc, quam prae se ferebat moderationem politicae contulerunt rationes; cuius luculentum specimen ita narrat AMMIANUS f: *Vbi abolitis quae verebatur, adesse sibi liberum tempus faciendi quae vellet, aduertit, sui pectoris patefecit arcana, et plane absolutis decretis, aperiri templa, arisque hostias admoueri et reparari Deorum cultum statuit. Utque dispositorum roboraret effectum, dissidentes Christianorum antistites cum plebe discissa in palatium intromissos monebat, ut ciuilibus discordiis consopitis¹, quisque nullo vetante religioni suae seruiret intrepidus: quod agebat ideo obstinate, ut dissensiones augente licentia non timeret vnanimantem postea plebem. Quae cum artes sane improbas et Machiaueli praeceptis non impares contineant, qua ratione vel laudari vel commendari possint, a quibusdam², qui res veteres, sine attentione ad arcanas rationes et consilia, considerant, viderint quorum interest. Ut vero, quibus summam fere potestatem acceptam referebat, philosophos digno modo coleret, nihil in se desiderari passus est Iulianus. Eos enim, qui ex Aedesii schola prodire, quosque duces et antesignanos habebat earum artium, quibus imperii dignitatem se consecutum esse credebat, maximo cultu prosecutus est, quoque loco eos poneret, coram omnibus testatum fecit, sequente ea in re mores imperatoris aula tota. Qua de re cum in supra dictis pluribus actum, quoque honore excepti fuerint Maximus, Priscus, Chrysanthius, Iamblichus iunior siue Apameensis, et huius generis alii, qui in sacris artis theurgicae operationibus excellebant, et sacrationis generis homines esse credebantur, traditum sit, ea otiose repetere, superfedemus³. Tanto vero, quo hos homines prosecutus est, honore et beneuolentia, praecipue superstitionem, ab Alexandrina secta nouis conatibus reuocatam ex puluere et squalore, quo sub imperatoribus Christianis sepulta fuerat, stabilire voluisse, candidè, et in laudem Iuliani fassus est LIBANIVS⁴, iactans: *Iulianum fraterno quasi vinculo literas Deorumque religionem inter se connexa esse existimantem, hanc autem penitus, illas maximam partem periiisse deprehendentem, ut et illam perfecte restauraret, et literas amare homines denuo occiperent, eos quidem, qui religionem exacte callebant, honoribus cumulasse; orationes vero ipsummet concinnasse, atque ita utrumque fuisse consecutum.* Qua in re gratum imprimis erga sectam hanc animum testari voluit, fassus cum Maximum in curiam introduxisset, et dexteram ei manum concessisset, eius potissimum studio, consilio et opera eum affectum esse, qualis nunc esset. Qua Iuliani gratia, ad humilitatem, tantum principem, ut boni omnes tunc obseruabant, indecentem progressa, tanta fiducia abusi sunt homines insolentissimi, ut non tantum*

f) L. XXII. c. 3.

g) ARNOLDVS l. c. §. 13. p. 129.

h) Conf. LIBANIVS §. 77. p. 302. EV-

NAPIVS in Maximo p. 98. seqq. AMMIANVS L. XXII. c. 4.

i) §. 77. p. 302.

tum caput ex scholastico puluere efferentes iactanter et superbe se gererent, sed et ingens turba impostorum vanissimas artes iactantium et ab imperatore superstitionis admissorum aulam eius sequeretur, animumque eius prorsus corrumpere^k. Cuius varia exempla propudiosam superstitionem testantia narrant scriptores ecclesiastici, quos qui odio et invidiae dedisse aliquid contendunt, Ammianum, Eunapium, et Libanium, testes omni exceptione maiores legant, necesse est; ex quibus discent, omnes anilibus his nugis superasse Iulianum, quem tantum in his artibus profecisse ait LIBANI^l, ut eos quoque longissime antecelleret, qui solas illas callebant. Id quod maximo eius damno evenit. Horum enim hominum vaticiniis in summam spem adductus, Parthos se, ferum hominum genus, superaturum, titulisque Parthici nomen inferendum esse, ad fatale in Persidem bellum instigatus est, et innumeras eo fine hostias cecidit, et ceremonias, ut ait AMMIANUS^m, et ritus immodice auxit, cum impensarum amplitudine antehac inusitata et gravi. Aliter tamen in Christianos animatus, quos, cum literarum studia praecipuum ornamentum esse recte censeret, a docendis artibus arcuit: unde memorabilis sententia AMMIANIⁿ: *Illud inclemens obruendum perpetuo silentio, quod arcebat docere magistros rhetoricos et grammaticos, ritus Christiani cultores*. Quod licet in has artes infenso animo insurgens non nemo^o laudet in Iuliano, certum tamen est, eo potissimum fecisse imperatorem consilio, ut ignorantiam et barbariem tanquam pestem aliquam in coetus Christianorum induceret. Vnum Proaeresium sophistam Atheniensem excepisse auctor est HIERONYMUS^p, sponte tamen officio cedentem; quem tamen Iulianum a docendi munere, quod Christianus haberetur, exclusisse auctor est auditor eius EVNAPIUS^q, qui vitam eius prolixè descripsit. Non vero promouit tantum Iulianus philosophiam Alexandrinam, doctores fouendo, et honoribus, salariis, diuitiis cumulando, sed et libros scribendo, quibus et, quod diei supererat ab imperii curis, tempus tribuebat, et noctis partem. Cuius diligentiae specimina hodie supersunt, eruditissimis commentariis a DIONYSIO PETAVIO^r et EZECHIELE SPANHEMIO^s illustrata, qui cum Io. ALB. FABRICIO de scriptorum Iuliani literaria historia consulendi sunt^t. Facile et primo fere intuitu videbit, qui hos Iuliani libros, et imprimis *encomium matris Deum*, atque *solis* inspiciet, totum adhaesisse imperatorem sectae Alexandrinorum Platoniorum, in omnium fere religionum et doctrinarum concordiam conspirantium, eamque Platonico habitu induentium^u. Nam

Pp 3

et

k) EVNAP. I. c. p. 101. AMM. MARC. L. XXII. c. 12. ex quibus emendandus Libanius, cuncta in Iuliani laudem vertens.

l) loc. cit.

m) L. XXII. c. 12.

n) L. XXII. c. 10. Edictum continet IULIANI Epist. XLII. Scriptores de hac re nominat FABRICIUS Bibl. Graec. Vol. VI. p. 77. not. I.

o) ARNOLDVS loc. cit.

p) In Chron.

q) In Proaeresio p. 161.

r) Paris 1630. 4. cum notis DIONYS. PETAVII.

s) Vol. VII. p. 78.

t) Lips. 1696. fol.

u) PAG. GAUDENTII libro 'de metempsychosi Pythag. Pis. 1641. edito adiecta diff. de

et in his principis literatissimi scriptis Pythagoras ^v et Plato ^x super omnes extollitur, iisque iungenda et concilianda esse Aristotelica monentur ^y. Platonicos vero recentiores vt in vita honorauit, ita scriptis quoque laudauit; et praecipue Iamblichum suum, cui praeter alios propudiosam hanc schola ista faciem ea aetate debebat; tanquam commune terrarum orbis lumen, et animarum medicum, Mercuriumque suum extulit ^z, et quae Porphyrius, Iamblichus et his similes conscripta reliquere, imitando exprimere, teste LIBANIO ^a studuit; tanta admiratione syncretisticam hanc philosophiam profecutus, vt Iamblichum suum impense laudaret, *quod non solum Pindarum aut Democritum aut Orpheum illum antiquissimum, sed omnes omnino Graeciae philosophos, qui in eo genere floruisse memorentur, tanquam in lyrae variis e sonis concentu ad perfectam musicam coniunxerit* ^b. Sed et vita talem se praestitit, qualem scholae huius instituta a discipulis requirebant. Exponit enim LIBANIVS ^c, „neminem, vt illum, ita ventrem coërcuisse, inter eos, qui in „exigua casa philosophantur: neminem ita ac ipse, pro temporum diuersitate „variis cibis abstinuisse, vt modo huic, modo alii Deo cultum suum praestaret, Pani nimirum, Mercurio, Hecatae, Isidi, et reliquorum vnicuius: „neminem tot ieiunia, cum voluptate, vt cum Diis versari posset, instituisse“. Haec vt Alexandrinae philosophiae alumnum eleganter depingunt, ita quo loco habendus sit Iulianus, demonstrant. Non mirandum itaque principem enthusiastico philosophiae generi et fanaticae sectae se dedentem, eandem diuinæ agitationis et repletionis speciem sibi vindicasse, quam Plotinus, Porphyrius, Iamblichus de se iactabant; nam et hoc narrat LIBANIVS ^d, praeter reliquas cum Diis conuersationes vidisse in Casio monte Deum, eoque viso sese erexisse, et monitum ab eo accepisse: saepeque ad eum Deos accessisse eius seruandi cura districtos. In Persiam cum exercitu profectus imperator, Antonini philosophi aemulus, philosophos Platonicos, theurgos, vates reliquamque sacrificulorum cateruam secum habuit, quae magna victoriae spe eum repleuit. Quamquam oraculum quoque ferebatur, quod SVIDADAS ^e seruauit, quod finem vitae imminere Persis domitis ei praedicebat. Id tale fuit:

*Sed postquam sceptris tuis Persas
Vsq̃ue ad Seleuciam gladiis fugatos domueris,
Tunc vero te ad olympum ducet igne fulgens currus,
Procelloso turbine rotatus,*

Post-

de philosophica cognitione Iuliani, quam cum non viderimus, qualis ea sit, dicere non habemus. Parum tamen solidi promittit Gaudentii festinatio solita. Legendus etiam illustris SPANHEMIVS in praef. et Ven. MOSHEMIVS de turbata per Platonicos ecclesia §. 29. p. 160.

^{v)} Locum ex eius Saturnalibus lege apud SVIDADAM in Iul. T. II. p. 125.

^{x)} Orat. VI. in Cynicos p. 188.

^{y)} Or. V. in matrem Deorum p. 162.

^{z)} In epistolis ad eum scriptis, ep. XXIV. XL. LX.

^{a)} §. 87. p. 313.

^{b)} Epist. XXXIV. p. 405.

^{c)} §. 83. p. 309.

^{d)} I. c. p. 310.

^{e)} I. c. hausta haec sine dubio ex EVNAPPI commentariis historicis hodie deperditis.

*Postquam aerumnosam mortalitatem exuisti,
Venies autem in aetherci luminis paternam aulam,
Vnde descendens, humanum in corpus venisti.*

Tam aperte autem scholam Platoniorum, Alexandrinorum sapit hoc oraculum, ut vel ab his hominibus ad inducendum exitui tragico miseraeque catastrophae colorem excogitatum esse, aut Deum istum oraculi auctorem scholam horum philosophorum frequentasse oporteat. Occubiturum vero se ferro dudum didicisse, ipse, ubi graui vulnere confossus, morti appropinquabat, fatetur ^f, fide fatidica praecinente ^g: qua de re amicos ultimum affatus, philosophum et animo et oratione se praestitit, sicque animam efflauit, postquam cum Maximo et Prisco philosophis super animorum sublimitate perplexius disputauerat, anno aetatis tricesimo et secundo, meliori fato, et magis sanis praeceptoribus dignus.

§. XXIX. Vixit circa ista quoque tempora EVNAPIVS, ad quem tanquam praecipuum horum hominum laudatorem multoties haecenus prouocauimus, Sardibus Lydiae vrbe oriundus ^h, Chrysanthium ex Melita vxore cognatione attingens, qui eius quoque a pueritia ad eloquentiam et philosophiam formauit animum ⁱ. Et tempus quidem, quo floruit, haud obscure ipse prodidit, referens Proaeresio magistro se annos natum sedecim fuisse usum: Proaeresium autem docuisse eloquentiam Athenis eo tempore, quo Iulianus Christianos rhetorices magistros a docendo arcuit, supra probauimus. Vixisse vero adhuc sub Theodosio inde patet, quod euerfi, ut supra in Maximo dictum, Serapidis fani meminit ^k. Testatur etiam PHOTIVS ^l, continuationem historiae Dexippi, quam Eunapius confecerat, pertingere usque ad tempora filiorum Theodosii, Honorii et Arcadii. Ex quibus recte colligit IONSVS ^m, scripsisse et floruisse Eunapium sub Theodosio, quem in Valentiniani et Valentis tempora reiicit VOSSIVS ⁿ. Ista enim aetate adolescens adhuc Eunapius a Maximi ore pependit. Ex qua ferie annorum Eunapii confirmatur egregie coniectura FABRICII ^o, distinguendum esse Eunapium rhetorem a Lydis ad Iulianum missum. A Chrysanthio et oratoria arte et philosophiae Alexandrinae principiis imbutus, ex Asia in Europam circa annum decimum atque sextum traiecit, et Athenas appulit, Proaeresium, annum iam LXXVII agentem, sed et animi et corporis vigore valentem auditurus. Inter nauigandum vero vehementi febre correptus, cum circa primam noctem in Piraeum portum appulissent, et vectores in urbem contenderent, ipse pedibus insistere inualidus, per manus sublatus in urbem deportatus est, tantaque comitum turba domus Proaeresii impleta,

Eunapius.

f) AMMIANVS L. XXV. c. 3. 4.
g) Exempla affert idem L. XXIII. c. 2.
h) PHOTIVS Cod. LXXVII. p. 100.
i) Ipse in Maximo p. 99.
k) In Aedesio p. 77.

l) loc. cit. p. 99.
m) De Script. Hist. Philof. L. III. c. 17. p. 296.
n) De historicis Graecis L. II. c. 18. p. 252.
o) Bibl. Graec. Vol. VI. p. 233.

pleta, vt totum sophistarum gymnasium ea expletura videretur. Vbi cum animum alii, alii corpus curarent, Eunapius animi aeger, gliscente vi morbi semper consumtus magis, ne Proaeresii quidem vultu frui potuit, sic vt morti proximus videretur. Chius tamen quidam, Aeschines, qui medendi audacia et imperitia multos peremerat, flagitans, vt sibi permetterent, medicam potionem morti vicinissimo exhibere, diducto instrumentis quibusdam oris hiatu infudit pharmacum, moxque ab immisso medicamine aluo soluta, apertis aeger oculis coelum aspexit et domesticos agnouit, et paulo post conualuit, magnam ea propter seruatori suo gratiam referens, quem ab eo tempore in magna exultatione vixisse ait ^p. Quae salutis restitutio magno etiam gaudio affecit Proaeresium, qui nouum auditorem discipulis commendauit, vt dieteriis salibusque parcentes ^q, eum pro suo haberent filio, atque recrearent. Cum autem Christiani tum principes regnarent, qui sacra gentilium arcana valde coërcabant, factum inde est, vt licet a puero Chrysanthii hierophantae institutione gauisus fuerit EVNAPIVS ^r, non tamen ante vicesimum annum theologiae mysteriis et sublimiore doctrina imbueretur. Hoc enim verba eius: ἐν παιδὸς ἀκροατῆς Χρυσανθίου γεγόμενος, μόλις εἰς εἰκοστὸν ἔτος ἤξιᾶτο τῶν ἀληθεσέων, velle, ex Platoniorum doctrina intelligitur, quibus scientia τῶν ἀληθῶς καὶ ὄντως ὄντων, theologiam significat, adeoque male ad gentilem religionem ea aetate demum Eunapio traditam trahitur a IONSIO ^s, cum a puero eius principiis a Chrysanthio imbutum se fuisse, ipse referat. Quintum annum, postquam Athenas venit, Aegyptum adire statuit ^t, eo sine dubio fine, vt sacros ritus, et ceremonias, quaeque reliqua erant sublimioris theologiae Alexandrinae capita, quae in hac vrbe omnium optime docebantur, addisceret: sed a parentibus, qui sacris eum disciplinis et sacerdotio se tradere aegre ferebant, in patriam, Sardes reuocatus et sophisticen excolere iussus est. Quam parentum voluntatem secutus, optimisque vsus magistris, praeter Proaeresium, paucis post diebus vita excedentem, Diophante et Sopolide, quorum in sophistarum vitis passim meminit, illustri in dicendo euasit, et doctissimorum oratorum applausum meruit, vnde dictionem quoque Sophisticam, et affectatum circumstantiarum enarratarum ornatum, quo eo tempore rhetores eloquentiam fere metiebantur, in eius scriptis vbique regnantem videas. Praeter eloquentiam tamen artis quoque medicae studio non sine diligentia et felici succeſſu se dedit, sic vt Chrysanthium praeceptorem instituta prudenter venae sectione haud semel mortis faucibus eriperet ^u: qua in arte ab Oribasio

p) Ambitiosa, vt solebant sophistae, circumstantiarum minimarum proluxaque enarratione haec ipse refert in Proaeresio p. 129. seqq.

q) Ibid. Hunc nouitios dieteriis salibusque excipiendi morem, quem hoc tempore in Athenarum Academia vsitatum fuisse ex hoc loco patet, quique ad nostra fere tempora viguit vixque principum auctoritate potuit supprimi, ex

Pythagorae imitatione, in cuius schola is receptus erat, ab his philosophis adhibitum fuisse, non est, quod dubitemus.

r) In Aedesio p. 37.

s) I. c. monuit id etiam FABRICIUS I. c. p. 233.

t) I. c. p. 162.

u) Vid. supra in Chrysanthio.

basio summae doctrinae medico praecepta accepisse videtur, eo enim familiariter usus est, qui tetrabiblon ei inscripsit. Summam tamen doctrinae partem, et eruditionis fastigium quaesivisse Eunapium in mysteriis theologiae, quaeque eius pars fuit primaria, theurgiae gentilis, ubiuis fere ipse prodit: ex quo, ut ex praeceptoribus etiam quos in hunc finem audiuit, colligendum est, in philosophiae Alexandrinae cognitione Eunapium fuisse versatissimum, cum nemo ad ista sacra admitteretur, nisi philosophia bene praeparatum pectus attulisset. Certe Athenis Eleusiniis sacris se initiatum et inter Eumolpidas relatum ipse narrat^v: et Chrysanthium, tradit, se Athenas ad illum profectum, in diuinioribus et philosophicis studiis horis pomeridianis instituisse, antemeridianis ad tradenda aliis eloquentiae praecepta consumtis^x. Qualem vero philosophiam docuerit Chrysanthius supra diximus, qui sine dubio hunc discipulum, filii loco carissimum, sibiue intime coniunctum, omnium mysteriorum, quae pandebat philosophia Alexandrina, fecit participem. Et huius etiam praeceptoris sui desiderii et voluntati, ut obsecundaret, libellum de vitis sophistarum scripsit, quo si careremus, angustior longe nobis esset campus historiae philosophorum huius sectae: unde optamus, ut quam telam exorsus abiecit iterum desideratissimus FABRICIUS^y, vir quidam doctus, huius sectae historiae gnarus resumatur, et absoluat^z. Scripsit etiam Eunapius commentarios historicos ad quos passim prouocat, aliaque huius generis, et continuationem quoque historiae Dexippi, siue, Chronicorum post Dexippum libros quatuordecim, quos recenset PHOTIUS^a, qui non partium tantum studium in vellicandis imperatoribus Christianis, et extollendo supra modum Iuliano, sed et dictionem cetera pulchram, at vocibus audacioribus corruptam, et innouata non pauca, tropos item praeter modum adhibitos notat, et furore rabieque in Christianos plenum fuisse opus scribit. Quam insaniam a praeceptoribus suis didicisse, non est, quod dubitemus. Eam tamen euitauit, omissis conuiciis in Christianos, qui cetera Eunapii vitulo strenue arauit Zosimus^b.

§. XXX. Athenis digressi Alexandriam, sedem et patriam philosophiae huius, cuius antistitem doctorumque historiam fuisse haecenus enarrauimus, occurrit HIEROCLES, de quo cum admodum pauca nobis veteres referant, in varias partes ductae sunt virorum in hac eruditionis parte summorum coniecturae^c. Et Alexandrinum quidem fuisse, et in

Hierocles.

ea

^v) In Maximo p. 90.

^x) In Chrysanth. p. 198.

^y) Vid. Cl. REIMMARIUS vita Fabricii p. 209. nos vsi sumus haecenus editione Comeliniana Basil. 1596. 4. cum versione Hadr. Iunii, multis in locis lapsi.

^z) Conf. VOSSIVS, IONSIUS, FABRICIUS II. cc.

^a) loc. citat.

^b) IONSIUS, FABRICIUS II. cc.

^c) Videnda, quae de hoc philosopho disseruere Io. PEARSONIVS in prolegomenis ad eius scripta, BAYLE Dict. T. II. art. Hierocles, OLEARIVS praef. ad Hierocl. librum contra Christ. FABRICIUS Bibl. Graec. Vol. III. p. 413. NEEDHAM praef. ad nouam edit. Hieroclis.

ea quoque vrbe docuisse, Damascii testimonio apud PHOTIVM, quod SVIDAS quoque exscripsit, certum est. Qui etiam, qua aetate vixerit, haud obscure prodidit, referens habuisse Hieroclem Theosebium et Aeneam Gazaeum discipulos: ex quibus patet, eo tempore vixisse Alexandriae, quo Plutarchus Nestorii Alexandrinam philosophiam Athenis propagavit, quod in Theodosii iunioris seculique post C. N. sexti tempora incidit ^d. Vxorem habuit daemonio obsessam, de cuius expulsiōe memorabile est, quod Damascius refert: daemonem illum, quod mansuetioribus verbis expelli non posset, iuramentis Theosebium, quamvis theurgiae peritus non esset, exire compulsiſſe, adiurans eum per solis radios et Hebraeorum Deum; quo facto exiisse daemonem, clamantem: colere se quidem Deos, hunc vero se time-re. Quamquam locus hic Damascii etiam ita queat intelligi, vxorem hanc fuisse Theosebii. Eodem narrante in magnas calamitates Hierocles incidit. Cum enim Byzantium profectus, (τοῖς κατέροι, id est, quorum religio tunc praedominabatur,) offensam incurriſſet, in iudicium adductus, et verberibus caesus est. Ast is sanguinem manu caua excipiens, iudicis faciem asperſit, versum HOMERIVS ^e recitavit:

Ecce Cyclops, bibe vinum, postquam humanam carnem devorasti.

Exilio tandem, cum capitis periculum euasisset, mulctatus est, reduxque Alexandriam rediit, et more solito discipulis philosophiam exposuit. Fuisse vero philosophiae Alexandrinae, siue Platonicae reformatae doctorem vel vno illo, quod de prouidentia nobis reliquit compendio, quodque nobis seruauit PHOTIVS ^f patet. In eo Ammonianam philosophiam ita commendat, vt, quotquot in Platonis atque Aristotelis opiniones commentati discordiam esse dixerunt inter vtrumque philosophum, refellat, et conciliare quoque horum inter se doctrinas non de prouidentia tantum, verum etiam de animorum immortalitate, de coelo ac mundo conetur, et qui in diuersa abire scripserunt, eos vel contendendi studio, vel praeoccupata opinione atque imperitia seductos, statuatur, quam ἐτεροδοξίαν diuina illa Ammonii sapientia sustulerit. Respexisse hanc henoticam Hieroclis philosophiam non solum Platonem tantum, sed alios quoque philosophos, quod lege quasi scholae Alexandrinae ita cautum esset, tota tractatio, cuius summam exhibet PHOTIVS ^g, luculenter demonstrat. Ex iis enim, quae Photius refert, patet, Hieroclem Platonica doctrinam in oraculis, et sacerdotum legibus, in Orpheo, Homero et ceteris, qui ante Platonem celebrabantur, quaesiuisse, et qui post Platonem fuere, ipso quoque Aristotele principe atque duce vsque ad Ammonium Alexandrinum, eiusque familiares, Plotinum et Origenem, eundem

^d) PHOTIVS loc. cit.

^e) Odyss. l. v. 347.

^f) Cod. CCXIV. p. 283.

^g) l. c. et Cod. CCLI. p. 749. seqq. peculiari

libello hoc compendium edidit FRID. MORELIVS Paris 1597. 8. Nouam autem et elegantem versionem HVG. GROTIUS inferuit sententiis philosophorum de fato p. m. 16. ed. Paris.

dem ad vnum omnes cum Platone fuisse sententiae statuiffe, Ammonii-
que disputationibus pro fundamento positis, quid Plotinus, Origenes,
Porphyrius, Iamblichus, et deinceps ceteri *τῆς ἱερᾶς γενεᾶς* homines vs-
que ad Plutarchum Atheniensem, in repurgata philosophia Platonica sta-
tuerint, quae ratione cum his conspirauerint, ostendisse. Quod vt
hominem prodit sectae eclecticae addictissimum, ita corruptorem veteris
philosophiae fuisse euidenti probat argumento. Qua de re vt certus
euadat lector, sola, quam ex libris de prouidentia et fato duobus locis
dedit PHOTIVS, epitome lecta sufficit, vt malefarius ex ea concilia-
tor sectarum agnoscat. Nec alia forte ratio Hieroclem permouit, vt
librum hunc Olympiodoro, ex hac, nisi fallimur, secta philosopho magni
nominis, cuius tamen, quod Aristotelicam maxime philosophiam illustra-
uit, infra in Peripateticorum historia mentio facienda, inscripserit. Sed
ex ipsis quoque Hieroclis dogmatibus, eo praecipue, quo statuit:
*Platonem opificem Deum, censere, sustinere omnem inuisibilem et visi-
bilem mundum ex nulla praeeistente materia factum, sufficiente eius
voluntate ad existentiam entium*, syncretistica, qua Ammonii schola se effere-
bat, philosophandi ratio Hieroclis demonstrari posset, qua non tantum
Platonem cum Aristotele, sed vtrumque etiam malefano consilio cum
Christianis in concordiam redire coëgit, nisi infra vbi de huius sectae
philosophia agendum, commodius de eo argumento, quod aliis quoque
ex huius familiae hominibus placuit, tractari posset. Eadem vero philo-
sophiae ratio in illis quoque commentariis regnat, quos in aurea, quae
Pythagorae tribui solent, carmina, scriptos reliquit Hierocles ^b. Quos
licet magnificis laudibus exornet, cui Gallicam versionem debemus AN-
DREAS DACIERIVS, recte tamen eo nomine reprehensionem incurrit,
FRANCISCI BALTI ⁱ, qui eadem prorsus, qua reliqui Platonici,
oberasse Hieroclem chorda, et philosophiam suam contra Christianam re-
ligionem exornasse eique opposuisse eleganter obseruat. Fuere et alii Hierocles cum hoc nostro non confundendi ^k. Maxime vero distin-
guendus est ab Hierocle Bithyniae iudice, *λόγων φιλαληθῶν ad Christianos* auctore, quibus dissertationibus acerbissimum Christi et doctrinae eius
hostem sanctissimo Saluatori Dei filio opposuisse atque praetulisse Apollo-
nium Tyaneum, eumque scripta apologia refutasse Eusebium supra dixi-
mus ^l. Qua de sententia, non ignoramus recessisse viros magni in orbe
literario nominis, qui totam veterum doctrinam atque historiam animo
complexi sunt, ex quorum numero imprimis Io. IONSIUM ^m, LVD.

Qq 2

KV-

^b) Post alias editiones, de quibus videndus FABRICIVS l. c. elegantem et doctam praefationem auctam debemus Io. PEARSONIO, Lond. 1654. quam recudi fecit PETRVS NEEDHAM. Editiones elegantis commentarii fuisse enarrat FABRICIVS Biblioth. Graec. Vol. I. p. 461. seqq.

ⁱ) Jugement des SS. Peres sur la morale de la phil. payenne L. III. c. 18. p. 493. seqq.

^k) Enumeratos habes apud IONSIUM l. c. BAYLE l. c. FABRICIVM l. c. PEARSONIVM l. c. OLEARIVM l. c.

^l) Conf. supra Sect. I. huius capitis citatos. Add. CAVE Hist. lit. script. eccles. p. 218. BAYLE l. c. p. 758. DACIER. praef. l. c. p. 239. FABRIC. Bibl. Graec. Vol. I. p. 459. Vol. VI. p. 91. Vol. IX. p. 450. OLEAR. l. c. ^m) loc. citat.

KVSTERVMⁿ et IOANNEM PEARSONIVM^o nominamus; quorum ille, licet alias in homonymis rite discernendis accuratissimus, tantopere huic sententiae adhaesit, vt, cum videret Hieroclem Alexandrinum philosophum, cuius meminit Damascius, necessario statuendum esse iuniorem Eusebio, quod multis rationibus, licet ex parte spuris et confusa homonymia Olympiodori nixis, probat, eum, qui Hieroclem refutauit Eusebium episcopo Caesariensi longe iuniorem esse contenderet. Quibus suo modo addi potest doctissimi GOTTFR. OLEARII^p sententia, licet moderator, quae distinguendos quidem esse inter se Hierocles duos, vnum Bithyniae praesidem, et postea Alexandrinum eparchum, alterum philosophiae doctorem; dubia tamen haeret, an libellus, quo aurea carmina explicantur, priori debeatur, vel posteriori. Rectius tamen, nisi nos omnia fallunt, distinguitur vterque, et quae hodie suppetit commentatio Pythagorico-Platonica huic tribuitur, quam quoque partem sequuntur viri summi GVILIELMVS CAVEVS^q, NANVS TILLEMONTIVS^r, IO. ALB. FABRICIVS^s. Quam sententiam vt rationibus, quae rem conficere aptae sunt, corroboremus, ad aetatem Hieroclis vtriusque attendendum est, qua posita facile erit de vtroque iudicium, miraue luce tota controuersia dispalescet. Iam quod ad Bithyniae Iudicem attinet, vixisse eum ante Eusebii tempora, vel ex vna Caesariensis praefulis refutatione λόγων Φιλαληθῶν est manifestissimum. Ionsum enim, alium nobis et iuniorem Eusebium comminiscens, non audiendum esse, LACTANTI^t loca^u supra quoque ex parte in Porphyrio a nobis laudata euincunt, quibus satis luculenter innuitur, praesidem hunc Christianos et scripto et persecutione vexantem eo vixisse tempore, quo ipse in Bithynia oratoriam doceret et Diocletianus vexaret Christianos. Hunc enim Hieroclem intelligi, et ipsa descriptio hostis Christianorum iurati probat, et viris doctis dudum animaduersum est. Quae vt reiici sine aperta vi et euersione testimoniorum veterum scriptorum non possunt, ita et argumenti quoque indole confirmantur. Eo enim, quo Hierocles contra Christianos scripsit tempore, impune contra Christianos scribere licebat, tantaque proteruia ipsum Dei filium aggredi gentilibus par erat, eo quod gentilis superstitio, imperatorum ei addictorum tutela secura, religio esset dominans. Ast Hieroclem Alexandrinum philosophum non vixisse tantum eo tempore, quo Christiana religio superior fuit, sed et a τοῖς κραιττοῦσιν, id est Christianis^v caesum fuisse refert Damascius. Ast hunc Hieroclem habuisse Theosebium discipulum ait idem Damascius; ille vero Iustiniani vixit temporibus: qua etiam aetate vel paulo prius Aeneas Gazaeus floruit, qui vtrumque distinguit, et iuniorem se habuisse praeceptorem fatetur^w: vixit enim, vt ipse prodit, tempore incurfio-

nis

ⁿ) Ad l. c. Suidae. ^o) In prolegom. l. c.

^p) l. c. qui tamen in alteram magis propendit sententiam.

^q) loc. cit. p. 114.

^r) Memoires pour servir a l'hist. de l'eglise T. V. p. 606. ^s) Bibl. Graec. Vol. I. p. 462.

^t) Institut. L. V. c. 2. de mort. perfec. c. 16.

^u) Videndus de hac Platoniorum gentiliū formula HENR. VALESIVS ad Euseb. p. 62. et ex eo KVSTERVS et BALTVS ll. cc.

^v) De resurrect. p. 24. conf. CVDWORTH. Syft. int. c. IV. §. 15. p. 313. FABRIC. l. c. p. 464.

nis Bulgarorum, adeoque Seculo V. expirante: quo tempore Hieroclem Alexandriae docuisse oportet. Qui cum successionem scholae Alexandrinae usque ad Plutarchum Atheniensem memoret, qui Procli praeceptor Sec. V fuit, necessario post eum vixit, adeoque eo tempore prior esse non potuit. Consentit etiam Olympiodori tempus, cui librum *de prouidentia et fato* dedicauerat Hierocles: ille enim, Honorio et Theodosio II. imperantibus floruit; quae omnia inuictio argumento docent, Hieroclem Alexandrinum Seculi quinti philosophum fuisse, et integris CL. annis Hierocle Bithyniae praefide esse iuniorem, adeoque pro auctore λόγων Φιλαληθῶν haberi non posse, eiusque tempora in medium seculum quintum incidere. Vtrum vero commentarius in aurea carmina seniori tribuendus sit Hierocli an iuniori, certis equidem et inuictis rationibus demonstrari non potest, longe tamen verisimilius, philosophum, quam eparchum Alexandrinum eius esse auctorem. Hunc enim philosophum fuisse Platonicum veteres non dicunt, licet philosophiae antistitem eum appellet L A C T A N T I V S ^v, eo quod sacris illius regionis, ut videtur, simul esset praefectus, quo nomine philosopho professione tali luculenter eum opponit: at quaecunque de Hierocle iuniori constant, huc quadrant, qui in Alexandrina Platoniorum schola docuit, eamque philosophiam, quae in commentario in aurea carmina continetur, professus est. His addimus S V I D A M ^w, disertis verbis Hierocli iuniori et librum *de fato et prouidentia et aureorum carminum interpretationem* tribuentem, qui cur concordantibus amice reliquis circumstantiis ob nudam nominis affinitatem deferendus, et Hierocles senior parens opusculi dicendus sit, causam videmus nullam. Et si vero Alexandrinae philosophiae doctorem fuisse Hieroclem ex dictis constat clarissime, in philosophicis tamen magis, quam theologicis doctrinis eminuit, nec alius esse videtur sensus iudicii de Hierocle, quod Isidoro tribuit Damascius: *Hieroclem et similes in scientiis humanis nihil quidem desiderari passos esse, at in beatioribus scientiis diuinisque notionibus multum defecisse, parumque versatos fuisse*. Quo et respicit, quod Idem apud S V I D A M ^x habet, *scientia eum non accuratum fuisse*: γνῶσιν enim Damascio memoratam, ad rerum diuinarum cognitionem, quas μακάρεα νοήματα in loco altero vocat respicere, et theurgicam scientiam innuere, supra iam monuimus. Quam nisi fallimur, diuinioris operationis atque scientiae ignorantiam, quam suis hominibus Isidoro, hisque similibus Damascius nugator vindicat, Hierocli vero denegat, in eo quoque Hierocles prodidit, quod daemonium ex vxore eiicere non potuerit, nec Theosebium in theurgicis exercitatum discipulum habuerit. Laudat tamen Damascius parum aequus philosophorum alias censor, *ingenii Hieroclis morumque elegantiam, et venerabilem fuisse ait, atque magnificum, insigni etiam ingenii vbertate praeditum, et copiose ornatque dicendi facultate excellentem, adeo ut auditores suos ubique in*

^v) loc. cit.^w) loc. cit.^x) loc. citat.

admirationem raperet. Laudat etiam *animum eius virilem et constantem Byzantii in iudicio demonstratum, cum a sex licitoribus caederetur: in vita tamen animo alta sectante fuisse usum* monet. Ceterum Hieroclis quoque philosophumena laudant veteres, quae tamen, an Platonici fuerint, an Stoici, an alius incertum. Facetiae autem ei tributae tanto viro ea auctoritate vso indignae sunt ^γ.

Fata philosophiae ecclesiae Aethenis.

§. XXXI. Haecenus quibus fatis usa sit philosophia Alexandrina, quae eclecticum mentita habitum in confundendis inter se et conciliandis omnis generis doctrinis et religionibus industriam posuit suam, cum Alexandriae tum, in Asia minore, Syria nempe et Ionia, quin in Thraciae quoque parte, exposuimus. Dicendum iam porro, quae in Europa etiam, praecipue vero Athenis, in vetere illa Musarum et philosophiae sede incrementa ceperit, quae ratione quibusque magistris fuerit propagata. Etsi enim post Graeca bella, quibus libertas Graeciae a Romanis erepta eaque in provinciam redacta est, dissipatis huc illuc philosophis valde decreuerat philosophiae, qui Athenis floruerat, vigor, ut capite huius libri primo demonstratum; factum tamen est, ut imperatorum Romanorum benevolentia studiorum incrementa mature iterum Athenis resurgerent, et primo quidem eloquentia mire promoueretur, mox philosophia quoque caput iterum attolleret. Cuius potissimum gratia referenda est ad Hadrianum et Marcum Antoninum philosophum, qui ut principes erant omni eruditionis genere tincti, et praecipue philosophiae studiis addictissimi; ita, ut eo illa loco, ubi per tot secula sedem habuit, refloresceret, omnem curam adhibuere, sumtibusque iuuarunt prorsus regis. Hadrianus enim et bibliothecam et gymnasium, teste PAVSANIA ^z condidit, M. Aurelius Antoninus autem professores eloquentiae et philosophiae Athenis constituit, eosque stipendiis ornauit ^a, fuitque Theodotus sophista primus, qui decem mille drachmarum stipendium imperatoris meruit ^b. Non vero rhetorices tantum, et politices professoribus ^c, qui sex mille drachmis fruebantur, teste PHILOSTRATO ^d, stipendium constitutum fuisse, sed et philosophis praecipuarum sectarum, LUCIANVS ^e testatur, asserens, „salarium, idque non exiguum ab „imperatore fuisse constitutum, singulis philosophorum generibus, puta, „Stoicis, Platonici, Epicureis, et Peripateticis: ita ut unicuique sectae „praemium esset aequale: etiam demortuo ex his quopiam, alium ali-

„quem

^γ) Conf. FABRICIUS l. c. ^z) In Atticis.

^a) XIPHILINVS in Marco.

^b) PHILOSTRAT. vit. Sophist. L. II. c. 2. p. 566. OLEAR. h. l.

^c) Dubitat CONRINGIUS antiq. Acad. Suppl. XV. p. 233. utrum politices professores ad philosophos pertinuerint, putatque politicam cathedram fuisse occupatam a rhetoribus illis, qui scholam habuerunt, in causis generis deliberatiui. Recte vero huic coniecturae obici-

tur, quod politices cathedram, qui tenuit Apollonius iuridicali genere, non deliberatio excelluisse dicatur PHILOSTRAT. l. c. c. 20. p. 600. Qui cum eo loco legationibus publicisque muneribus adhibitis dicatur, quod in civilibus rebus clarus haberetur, statuendum magis hanc professionem a rhetoribus et philosophis prorsus fuisse distinctam, et utriusque usum praesupposuisse.

^d) loc. citat.

^e) In Eunuchio T. IV. p. m. 160.

„quem in eius locum subrogandum fuisse, qui sit optimatum calculo probatus; praemiumque illud non leue fuisse, sed singulos in annos decies mille nummorum, quos acceperint, ut doceant iuventutem: factumque inde esse, ut cum Peripateticus quidam professor decessisset, huius sectae philosophi ea de successione singulari certamine conflictarent (ἐμολομάχην) propositis de quaestionibus philosophicis concertationibus, et specimenibus ac documentis datis, quod essent illi factioni addicti.,, Quae in re multa ridicula admisisse hos homines, Lucianus non sine multo, ut solet, sale satyrico refert *f*. Ita constituti, qui philosophiam iuventutem docebant, προσώτες τῆς νεότητος dicti, ut ex loco Philostrati laudato patet, quos horis docuisse pomeridianis, matutinis rhetores, ex ΕΥΝΑΡΙΟΥ loco supra adducto recte colligitur, ex quo etiam constat, non semper a philosophia ad eloquentiam demum transgressos fuisse iuvenes studiosos, ut ex loco alio, PHILOSTRATI *b* colligit Meursius, sed et utrumque inter se studium coniunxisse; quemadmodum Procli quoque exemplo liquet, eloquentiae addiscendae ante philosophiam quoque industriam quosdam adhibuisse *i*. Sed et reliqua in scholae augustioris formam ut reliquis artium professoribus constituta, erectae cathedrae siue θρόνοι, quarum magna dignitas et existimatio, eo quod ab ipsis imperatoribus designabantur, qui illis praeficiendi essent, de quibus scholarum philosophicarum circumstantiis, sine quarum notitia vitae philosophorum electicorum, vel Platoniorum potius Alexandrinorum, a veteribus descriptae, vitae item sophistarum intelligi fatis non possunt, plura dabit IOANNES MEYRSIUS *k*. Fecit haec philosophorum Athenis constitutorum et dignitas et merces, ut viri excellentissimi, et doctrinae laude maxime florentes diu ibi docerent, et Athenarum gloria in literis resurgeret. Videntur tamen stipendia publica, a sequentium temporum imperatoribus philosophis aut plane adempta, aut valde imminuta fuisse; narrat enim MARINUS *l*: *Proclum, Platonicae philosophiae Athenis professorem hac etiam ratione studia literarum promouisse, quod eorum, qui literas tractabant, curam suscipiens, principes poposcit stipendia, et ut cuique pro dignitate praemia decernerentur, cogentem ita illos, ut in sua quisque professione quam diligentissime versaretur.* Id euenisse, florentibus Christianorum rebus, ingeniose coniicit HERM. CONRINGIUS *m*, qui recte quoque obseruat, Platoniam istam haereditatem, ita dictam, quam philosophis in salarium cessisse Marinus refert, non ex publico, sed quantum coniicere est, ex gentiliu nonnullorum priuata liberalitate collectam fuisse. Coniicimus tamen, a Iuliano, qui scholas ad Christianorum imitationem erexit gentiles, Athenis salaria constituta fuisse philosophis, eo quod isto tempore Chrysanthium docuisse auctoritate publi-

f) Exemplum quoque affert ΕΥΝΑΡΙΟΥ in Proaeresio p. 138.

g) In Chrysanthio p. 198.

b) Vit. Soph. L. II. c. 3. p. 567. et OLIVAR. ad h. l. qui recte Meursium notat.

i) MARINUS I. citando.

k) De fort. Attica c. VIII. p. 66. seqq.

l) In vita Procli c. 16. p. 37.

m) Antiqq. Academ. diff. I. p. 19.

publica Athenis, ex EVNAPIO " constat: quam tamen philosophorum gentilium felicitatem, Christianis, quos loco mouerat Iulianus, iterum succedentibus illo sublato interiisse, dubium non est. Qui Atheniensis scholae flos valde emarcuit, cum imperante Arcadio, ab Alarico et Gothis Athenae magnum paterentur infortunium, cuius testis oculatus fuit SYNESIUS ^o, qui de ea re pluribus videndus: vnde ZOSIMO ^p non credendum, qui nihil mali passas Athenas ab Alarico ait, contrarium docente, quem is in reliquis plerumque excipit, EVNAPIO ^q. Accidit vero incurfus Gothorum Sec. IV exeunte, in quae tempora cum Plutarchus, de quo mox dicendum, inciderit, facile inde intelligere est, philosophiam Alexandrinam, quam priuatim tantum Athenis prius docuerat Crysanthius ^r, in publica vero cathedra professus est Plutarchus, magnas difficultates offendisse superandas. Quibus fati asperis tandem perfuncta reflorescere coepit, docerique post Plutarchum a Syriano, Proclo, Marino, Isidoro, reliquisque philosophis circa Iustiniani imperatoris tempora florentibus, quorum nunc porro historia enarranda est.

*Plutarchus
Nestorii.*

§. XXXII. Quae itaque priuata industria Athenis prius doceri tantum potuit philosophia Alexandrina, tandem publicum quoque locum atque cathedram nata est. Quod amor Christianorum, quem in hanc philosophiam, in gentilium et Origenis quoque asseclarum scholis conceperunt, adscribendum est, cum prius ob artes theurgicas magnamque, qua Christianos persecuti erant philosophi, inuidiam sub imperatoribus Christianis, summa rerum potitis premeretur. Factum id potissimum cura PLVTARCHI Atheniensis, NESTORII filii, quo parentis nomine ab aliis Plutarchis, praecipue Chaeronensi probe distinguendus est. Praeceptores quos habuerit, in tanta veterum, de hoc philosopho, narrationis, penuria, dici non potest. Et HOLSTENIUS ^r quidem, Plutarchum Atheniensem hanc philosophiam ex Iamblichio perceptam in patriam retulisse et Platonis academiam restaurasse, scribit, sed id rationibus chronologicis prorsus repugnare euidenti demonstratione euinci potest. Narrat enim MARINVS ^s, Plutarchum senem Proclum biennio tantum audiuisse Athenis, morientem autem Syriano successori adolescentem nondum annos viginti natum commendasse. Proclus autem, quod infra demonstrabitur A. C. CCCCXII natus est: ex quo absque exceptione certum est, Plutarchum A. C. CCCCXXXIII, vel CCCCXXXIV natu-

ⁿ) Eum regali munificentia philosophos auxisse praemiis, testatur EVNAPIVS in Max.

^o) Epist. VI.

^p) L. V. Histor.

^q) p. 93.

^r) Satis id prodit EVNAPIVS in Crysanth. p. 198. tum enim is rhetoricam publice docebat.

^s) MARINVS in vita Procli c. 12. p. 27. SVIDAS in Plutarcho Nestorii p. 133.

^t) De vita Porphyri. c. 6. p. 236.

^u) l. c. c. 12. p. 29. Probe ad has rationes chronologicas attendendum, sine quibus facilis lapsus est in huius scholae historia. Id quod nupero quoque Historiae criticae philosophiae auctori Gallo euenit, qui multis erroribus Athenarum historiam philosophicam T. II. p. 295. seqq. contaminauit, quam post Gothorum incurfiones hoc loco iacuisse dicit, alio vero T. III. p. 195. florentem et restitutam per Syrianum nouo errore asserit.

naturae debitum exsoluisse. Etsi vero incertum, quo anno is natus fuerit, licet valde fenex, teste Marino, obierit, octogenario tamen maior decessisse non videtur, cum vsque ad extremum vitae halitum docuerit iuventutem, quod a fene valde decrepito non est praesumendum; adeoque vix ante A. C. CCCL nasci potuit, et anni, quibus philosophiam edoctus est, quod ante vigesimum non in vsu fuisse, supra ex Eunapio didicimus, incidunt in A. C. CCCLXX. Supra vero luculentis Eunapii testimoniis demonstrauius, Iamblichum ante Constantinum M. vita fuisse functum, eo quod post eius mortem Sopater eius discipulus in aulam Constantini digressus eminuerit. Ast abiit ad plures Constantinus A. C. CCCXXXVII, et Iamblichus ante hos annos; quo tempore Plutarchum Nestorii nondum natum fuisse, ex supra dictis sequitur. Non potest itaque alio sensu hoc admitti, nisi vt dicatur, ex scriptis doctrinaque Iamblichi profecisse, quo sensu et alios, quin ipsum Proclum Plutarchi Nestorii discipulum, Iamblichum habuisse praeceptorem dici supra obseruauimus. Maiori verisimilitudine dici posset, hausisse Iamblichianae philosophiae mysteria a Chrysanthio, quem ea docuisse Athenis ante Gothorum incurfionem supra demonstratum est: qua in re tamen veterum testimoniis destitutis solis coniecturis standum est. Intelligendum inde est, Priscianum Lydum, Plutarchum hunc Iamblichio iungentem, non temporis, sed famae et philosophiae professionis rationem habuisse *. Illud vero dubio caret, et ex discipulorum, quos habuit, conditione, rationeque philosophiae illius, quam professi sunt, recte colligitur, edoctum fuisse non conciliatricem tantum Ammonii, sed et theurgicam Plotini, et imprimis Porphyrii atque Iamblichi philosophiam. Certe tantum eum in hoc eruditionis genere virum euasisse, vt singulari encomio, ὁ μέγας, magnus ille, appellaretur MARINVS y et DAMASCIVS z testes sunt, et scripta etiam, licet hodie deperdita testantur a, quae a veteribus ei tribuuntur, quae valde versatum eum fuisse in philosophia Platonica et Aristotelica, quae vtraque in vnum systema tunc conflata docebatur, produnt. Maxime vero in theurgia quoque excelluisse b inde colligitur, quod liberi eius in illius operibus producendis valde fuerint versati.

Habuit

*) Apud FABRICIVM Bibl. Graec. Vol. III. p. 370.

y) loc. cit. p. 28.

z) In vita Isidori apud PHOTIVM Cod. CCXLII.

a) SVIDAS l. c. inter ea fuit etiam commentarius in Platonem; vid. FABRIC. l. c. Praelegisse etiam Aristotelis de anima commentarium et Platonis Phaedonem ait MARINVS c. 12. p. 27. f. Confundit autem FR. PATRICIVS discusf. Perip. T. I. L. X. p. 140. seqq. SVIDAE, in Plut. l. c. et in Syrianus T. III. p. 410. verba miscens Syrianum cum Nestorio, dum ait, Plutarchum in libros Procli de Diis Homericis scripsisse. Hoc enim ad Syrianum referendum esse verba SVIDAE l. c. poscunt,

quae ita se habent: Πλάταρχος Νισαρὶς Ἀθηναῖος Φιλόσοφος, διδάσκαλος Συριανῶ, τῷ γενομένῳ ἐξηγητῇ Πρόκλῳ τῷ Λυκίῳ τῷ προστάντος τῆς ἐν Ἀθῆναις Φιλοσόφῳ σχολῆς ὁ Μαρίνος διάδοχος. In quibus verbis non vidit Patricius describi successionem scholae Atheniensis, Proclumque ad Syrianum referri, vt taceamus, ἐξηγητὴν hic non ad commentandi rationem sed praelegendi referendam videri, nisi Syrianus iunior quidam intelligendus potius sit, quem cum seniore confundit Suidas, quod placet ION SIO de S. H. P. L. III. c. 18. p. 300.

b) Vide quae de ipso Plut. habet SVIDAS in Domnin. T. I. p. 616. seq.

Habuit enim filium Hierium, eidem philosophiae addictum ^c, et filiam Asclepigeniam ^d, quam solam Procli tempore seruasse per patrem traditam sibi magnorum orgiorum vniuersaeque disciplinae rheurgicae notitiam, ait MARINVS ^e, quam artem Proclum quoque docuit. Habuit etiam generum Archiadem, philosophum, non tam verbis quam factis philosophantem ^f, et Proclo intimo amicitiae vinculo iunctum, ex quo et filia Asclepigenia, neptis illi nata est, de qua miraculum hoc narrat MARINVS ^g: „eam cum etiamnum puella esset, atque in parentum familia aleretur, in morbum grauissimum et a medicis incurabilem incidisse: id aegerrime tulisse Archiadem, medicis vero desperantibus, quod in rebus maximi momenti facere consueuisset, ad supremam anchoram confugisse, Proclumque philosophum adiisse, vt pro filia sua precibus apud Deum intercederet. Proclum itaque assumpto secum Pericle Lydio, celebris nominis philosopho, Aesculapii templum petiisse, pro salute aegrotae Deum oraturum: simulac igitur Proclus antiquo ritu oraret, magnam sensisse puellam mutationem extemplo, sanitateque ita restitutam fuisse, vt rediens ex Aesculapii templo Proclus eam sanitate iam vtentem deprehenderet,,. Qua ex narratione, qualis generis Plutarchi familia fuerit, facile colligi potest. Ea postea Theageni nupta fuit, quem valde commendat Marinus. Multos habuisse discipulos Plutarchum ex SYNESIO ^h colligitur, qui τῶν ζωνωρῶν τῶν σοφῶν Πλαταρχείων, coetus philosophorum Plutarcheorum memorat, ex quo loco coniectura nascitur, tanta vsum fuisse Athenis auctoritate Plutarchum, vt peculiari eius nomine discipuli appellarentur, vt Plotino, Porphyrio, Iamblichio factum. Inter eos Proclus fuit, magni nominis in hac secta philosophus, quem filii instar amauit, cui visus est per quietem adesse, affirmans eum tot annos victurum, quot in oracula tetrales composuisset. Quod ita contigisse postea, licet LXXV annos vixerit Proclus, misero sophismate nugatur MARINVS ⁱ.

§. XXXIII.

^c) Valde nugatur de hoc Hierio more suo Damascius in vita Isidori apud PHOTIVM l. c. p. 556. vidisse se eum sub Proclo philosophantem, adeo paruum hominis caput referentem, vt cicer adaequaret magnitudine et forma et nomen inde acciperet, ceterum humanam formam in omnibus expressisse, vocemque tantam quantam mille homines. Quae digna nugatore Damascio recte pronuntiat Photius: ex quo vero disci potest, quam audaces in eudendis fabulis omni verisimilitudine destitutus fuerint Platonici Alexandrini: eiusmodi enim assaniarum plena fuit haec Isidori historia. Docuisse vero hunc Hierium Athenis ex SVIDA colligi potest, qui in Pamphilius T. III. p. 13. narrat, vel ex Damascio potius repetit, Aegyptium hunc grammaticum cum inter philosophiae professores Athenis recipi contenderet, cum Hierio concertasse de gloria doctrinae. De concertationibus vero Atheniensium professorum §. antecedente dictum est.

^d) Referenda itaque in catalogum mulierum Platoniarum apud MENAGIVM Hist. mul.

phil. et FABRICIVM Bibl. Graec. Vol. II. p. 69. ^e) c. 28. p. 67.

^f) Ex genere nepotem inepte exsculpit interpres notante FABRICIO ad h. l. Laudat hunc Archiadem, tanquam summum veri amatorem, et honoris causa, piensimum Archiadem, celebratum appellatumque MARINVS l. c. d. 14. p. 33. continentiam quoque eius in iactura bonorum extollit SVIDAS in Archiades T. I. p. 341. Damascius autem apud PHOTIVM l. c. p. 568. monet, superasse patrem (ita scelerum vocat,) non parum virtute, et non tam philosophiam, quam vitam piam curasse. Idem vult MARINVS l. c. p. 32. monens Proclum Archiadem, religiosum virum politicas virtutes edocuisse, quas etiam iusticia, et iuprimis liberalitate et magnificentia ostenderit.

^g) c. 29. p. 71.

^h) Epist. XVII. IONS. de S. H. P. L. III. c. 6. p. 241.

ⁱ) c. 26. p. 62. nempe quinque annos reliquos, ait, Proclum integris amplius viribus vsum non esse.

§. XXXIII. Plutarchum in cathedra secutus est SYRIANVS Philoxeni filius, Alexandrinus, teste MARINO ^k et SVIDA ^l. Qui tamen, quod Isidorum Syriani ciuem vocat, occasionem dedit ION SIO ^m statuendi, fuisse hunc Gazaeum; quod tamen non sequendum videtur, eo quod et hoc loco, dubitandum non sit, Suidam more suo diuersas res ex Damascio excerptas consuisse. Tanto hunc Syrianum amore complexus est Plutarchus senex, vt non tantum successorum designauerit, sed et charissimos sibi moriens commendauerit ⁿ. Magna is philosophiae scriptorumque Platoniorum, praecipue Iamblichi admiratione captus, in huius familiae doctrina syncretistica magno cum ingenii acumine versatus est, indeque scripta quoque sua non Platonis tantum et Aristotelis placitis inter se conciliatis, sed et allegoricis Orphei, Homeri aliorumque carminum interpretationibus expoliuit, et eadem via manu quoque duxit discipulos; qua de methodo docendi et erudiendi iuuenes philosophiae studiosos luculenter egit MARINVS ^o, quae cum egregie naturam huius sectae delineet, ille merito audiendus est. Ita vero Marinus: *Itaque breuiore, quam biennii spatio, omnia Aristotelis opera una cum Proclo perlegebat Syrianus, logica, ethica, politica, physica, itemque scientiam theologigam; in his vero satis institutum, vt quibusdam tyrociniis paruisque mysteriis ad ipsam Platonis deduxit sacram disciplinam ^p; utque spectaret apud eum vera mysteria, curauit, animi non caliginosis oculis, et mentis integra ac ab omni labe purissima speculatione ^q.* Quibus verbis luculenter Plotiniana scholae et discendi methodus et philosophandi finis exprimitur, et Syrianum eiusdem cum reliquis huius scholae doctoribus generis fuisse euincitur. Clarius id forte perspicui posset, si superessent libri ab eo scripti, quos nominat SVIDAS ^r, inter quos cum praeter *Commentarium in Orphei theologiam* etiam liber *de consensu Orphei, Pythagorae et Platonis* fuerit, syncretisticam fuisse philosophiam Syriani, nobis non monentibus intelligitur. Qui vero hodie extat commentarius *in metaphysicos Aristotelis libros*, inter *περτέλεια* tantum fuit, et praeparationes, quibus ad *ἐποπτεῖαν* et ipsa mysteria Alexandrinae philosophiae inspicienda adducebat auditores Syrianus. Fecit vero maxima, qua in his literis regnabat, Syriani eruditio ^s, vt non tantum summo loco haberetur Athenis, sed et multos haberet discipulos, eloquentiae flumine ad discenda, eo duce, philosophiae mysteria inuitatos, et magna nominis fama in huius familiae serie inclytos. In his fuit Hermias vel Hermeas, cuius notitiam nobis ex Damascio dedere PHOTIVS ^t

R r 2

et

^k) I. c. c. II. p. 25.

^l) In Syrianus T. III. p. 410.

^m) De S. H. P. L. III. c. 18. p. 300.

ⁿ) MARINVS c. 12. p. 29.

^o) c. 13. p. 30.

^p) Lucem his affert FABRICIVS ad I. c. Marini quem vide.

^q) Hanc consecutos fuisse Plotinum, Porphyrium, Iulianum, supra enarrauimus.

^r) I. c. conf. FABRIC. Bibl. Graec. Vol. VIII. p. 450.

^s) Inde μέγας vocatus, non minus quam praeceptor Plutarchus vid. Damasc. apud SVIDAM T. I. p. 643.

^t) Cod. CCXLI. p. 554.

et SVIDAS ^{u)}. Fuit is Alexandrinus, pater Ammonii et Heliodori, quo nomine ab aliis Hermiis distinguitur. Laudat eum Damascius non tam ab ingenii perspicacia, quam vitae integritate, et virtutibus, quibus eminebat. Ei enim si fides habenda, „natura fuit bonus, et moribus simplex, ac industria quidem nullo sodalium sub Syriano philosophantium inferior, ne ipso quidem Proclo, qui iam inde ab initio eius condiscipulus fuerat. Solers tamen non valde fuit et acutus; (apud SVIDAM enim ubi contrarium dicitur, particulam negatiuam deesse ex Photio ipsoque textus ordine et connexione intelligitur) cuius animi simplicioris specimen fuit, quod Aegypto cuidam morienti iureiurando affirmauerit, animam esse interitus expertem. Ast fiduciam ipsi afferebat vitae integritas; et quamuis in dicendo a perfectione eloquentiae abesset, adeo tamen in virtute erat exercitatus, vt ne Momus quidem ipsum reprehendere, nec inuidia odio prosequi posset. Tanta autem mansuetudo et tanta iustitia in illo viro erat, vt si quid emeret, quod minori veniret pretio, quam par erat, iustum ipse pretium daret etiam non expetiturum“. Contrariis huic dotibus ingenii animique fuit frater eius Gregorius, maiori quidem praeditus perspicacitate animi, sed minori virtute. Nec omittenda hic quoque vxor Hermiae Aedesia, inter Platonicas mulieres omnino locum merita ^{x)}, et in huius familiae historia iure suo notanda. „Cognata fuit Syriani, pulcherrima et optima mulierum Alexandrinarum, moribus, vt refert ex Damascio SVIDAS ^{y)}, marito similis, candida et generosa, iustitiaeque non minus, quam modestiae per omnem aetatem studiosa, et insigni amore Deum et homines prosequens: Quapropter etiam supra vires egentibus bene faciebat, adeo, vt Hermia quoque defuncto, vidua cum pupillis relicta, eosdem sumtus in beneficentiam conferret. Vnde factum vt patrimonium liberis obaeratum traderet, licet ab aliis passim reprehenderetur. Imprimis autem dabat operam, vt filii in philosophia erudirentur, cupiens doctrinam patris velut haereditatem quandam illis tradere, quin (nam et hoc verba Damascii patiuntur ^{z)}) ipsa curam eam suscipiebat tradendae filiis paternae doctrinae atque philosophiae. Sed et filiis publicum victum, qui patri praebebatur, conseruauit paruulis et philosophantibus, ex quo summo magistratus in pupillos Hermiae beneficio, quod nulli alii philosopho, nedum mulieri, concessum vnquam fuisse, non abs re Damascius monet, intelligi potest, quantum valuerit virtutis Hermiae vxorisque eius recordatio apud Alexandrinos, apud quos summa fuit Aedesiae existimatio atque honor. Filios postea ad ultiores Athenas ad Proclum deducens, magistri et discipulorum chori ad rationem meruit. Hanc Aedesiam Proclo desponsurus erat puellam Syrianus, nisi is diuino quodam instinctu animum a matrimonio auocauisset“. De filiis autem Ammonio praecipue, insigni nominis claritate inter philosophos

^{u)} In Hermeas T. I. p. 858.

^{x)} Eam immerito omissam a MENAGIO in Historia mulierum philosophantium monuit FABRICIUS Bibl. Graec. Vol. III. p. 608.

^{y)} In Aedesia T. I. p. 643.

^{z)} Μάλιστα τῶν υἱῶν ἐπεμελεῖτο τὰ περὶ φιλοσοφίαν.

phos huius sectae conspicuo, infra inter Procli discipulos plura dabuntur. Porro inter Syriani discipulos Dominus quoque praetereundus non est, vir haud obscuri eo tempore inter philosophos Alexandrinae Platoniorum sectae nominis. Qui natione Syrius Larissa vel Laodicea Syriae vrbe oriundus Athenas discessit et Syriani disciplinae, teste MARINO ^a et Damascio apud SUIDAM ^b se tradidit; et in mathematicis quidem disciplinis se demonstravit exercitatissimum, in aliis autem philosophiae partibus adhuc exercitatiores, et versatiores: quae causa fuit, ut tritam scholae huius viam relinquens Platonici dogmatibus domestica placita assueret, quod reprehendit quidem Damascius ^c, at nec Proclus aliter instituit, nec qui ante hos philosophiam Platonice docuere, quorum quilibet, ut ingenio valebat, ita miserum centonem propriis nugis et deliriis, vel etiam subtilibus speculationibus metaphysicis farciebat et ornabat. Sed nec vita quoque se genuinum huius scholae discipulum probavit eius affectis, eo quod carnem fuillam, quam reprobabant Platonici ^d, ederet commendatam ab Aesculapio Atheniensi, qua de re nugae et mendacia Damascii sciendi cupido ipse Suidas adeundus est. Fatetur tamen Asclepiadem iuvenem Dominum senem convenisse, et vidisse, hominem illum habere quiddam eximium et constans, qui cum peregrinis aut illiteratis non multum colloqui vellet, praecipue cum illis, qui se ceteris praestare gloriarentur: id quod ipsi quoque acciderit, asperius habito, cum de arithmetico quodam theoremate cum illo contenderet. Nullus tamen discipulorum Syriani vel charior fuit magistro, vel gloriam paravit maiorem, quam Proclus, quem non tantum ut supra narratum, in arcanis philosophiae mysteriis instituit, sed et cathedrae successionem ei reliquit, eumque summo amore complexus adeo redamatus ab eo est, ut se eodem tumulo condi iuberet Proclus addito epitaphio, quod, quanti fecerit Syrianum, eximio specimine comprobatur. Tale enim fuit ^e:

Proclus ego haec Lycius iaceo, tuus, optime, alumnus

Successorque tuus qui, Syriane, fui.

Condita communi tumulo hoc sunt corpora nostra,

Sic et utramque animam coelica templa tenent.

Quin, si fides habenda MARINO ^f, in somnio Syriani visus Proclo adeste, qui minis adhibitis eum deterruit a scribendis in Orphica commentariis. Quod narrauisse Proclum, eo minus mirandum, quo magis insana, qua Syrianum is persecutus est veneratio tanta fuit, ut quotannis ad sepulchrum praeceptoris manibus eius iusta faceret, ut in sequentibus etiam dicemus. Meminit et alterius ex hac secta Syriani Damascius ^g, Procli praeceptoris iunioris et Isidoro Gazaeo aequalis, quem is, mortuo Marino, hortatus est, ut labentem philosophiae successionem Athenis cum Hegia restitueret.

R r 3

§. XXXIV.

^d) Vid. quod de Plutarcho refert h. I. DAMASCIVS, et de Chrysanthio EVNAPIVS.

^e) MARINVS c. 36. p. 91.

^f) c. 27. p. 66.

^g) Apud PHOTIVM l. c. p. 564.

^a) c. 26. p. 60.

^b) In Dominus T. I. p. 616. seqq.

^c) Eum tamen librum, purgatorem Platonicae doctrinae contra Syrianum scripsisse ait Damascius l. c.

*Procli vitae
scriptor.*

§. XXXIV. Omnes tamen, quotquot philosophiae Alexandrinae operam collocarunt suam superavit si non eruditione, quam possedit, magna, certe insana superstitione ad fastigium perducta Proclus, cuius iam exponenda historia est, digna quae accurato perlustratur oculo, cum non alibi melius genius sectae, qui tanto influxu in omnem rem literariam et ecclesiasticam horum temporum gauisus fuit, cognosci queat quam ex rebus Procli. Quas speciali magis et proluxa ratione cognoscendas nobis exhibuit MARINVS, Procli discipulus et successor, qui vitam praeceptoris accurate, licet methodo Platonica, descripsit, quam initio quidem quamvis non totam vulgavit GVILIELMVS XYLANDER^b, et post eum AEMILIVS PORTVSⁱ: integram vero post frustra expectatam LVCAE HOLSTENII editionem publici iuris fecit, prolegomenisque doctissimis, historiam Procli literariam illustrantibus annotationibus et epilogo de scriptis Procli auxit vir de his quoque literis, ut de omni elegantiore eruditione immortaliter meritus, IO. ALBERTVS FABRICIVS^k. Peculiarem in hac vitae Procli historia ordinem seruavit Marinus, non quidem nouam, et passim iam a Platoniceis, praecipue Porphyrio et Iamblichō in vitis Pythagorae et Plotini adhibitam, sed elegantius tamen, nec tam σχολαστικῶς, et ad praecepta rhetorices Platonicae, ac Marinus fecit. Hic enim supposito virtutum Platonicarum, quas in Physicas, morales, purgatorias, purgatas, theoreticas et theurgicas distribuunt, ordine, et quatuor cardinalibus virtutum capitibus, prudentia, temperantia, fortitudine et iustitia, non tam vitae, et factorum Procli seriem exponit, quam hunc praeceptorem suum potius perfectissimi philosophi exemplum dedisse, superbo panegyrico exponit. Quae ratio fuit, cur libello titulum, *de felicitate* praefixerit, inque ipso opusculo inusitatae methodi rationem excusaturus scripserit: *Auspicari se velle non usitata scriptorum consuetudine, qui orationem in capita distributam ordine pertractant, sed ipsam felicitatem viri fundamentum beati viri iacere; arbitrari se enim, fuisse illum felicissimum eorum hominum, qui multis antea seculis celebrati sunt, non particulari tantum vel sapientiae vel corporis, vel fortunarum conditione felicitatis, sed perfecta, omnibus partibus absoluta et ex his utrisque constituta.* Quae duabus ex causis probe notari in animo et expendi merentur. Nam intelligitur non modo ex hoc Marini scopo Platoniceorum Alexandrinorum spes superba obtinendi sua philosophia finis primarii, nempe felicitatis absolutae omnique numero perfectae, quaque ratione felicitatem suis virtutibus fanaticis et enthusiasticis acquiri posse crediderint, luculento exemplo conspicitur: verum etiam cognoscitur inde, qua fide dignus sit Marinus, in eo solo omnem ponens industriam, ut Proclum statueret, omnium omnino philosophorum longe felicissimum eaque opinione obsessus, qua putauit

^b) Adiecit hanc vitam Procli M. Antonini libris de se ipso, Tigur. 1588. 8.

ⁱ) Praefixam PROCLI theologiae Platonicae.
^k) Hamburgi 1700. 4.

tauit neminem ad hanc beatitatem posse peruenire, qui non per virtutes theōreticas ad theurgicas vsque et vltimum enthusiasmum peruenerit. Quod cum de heroē suo demonstrandum sumisset, quem hominem fuisse, et humani multum passum esse non ignorabat, necessario ad artes scholae eclecticorum proprias confugiendum ei erat, eaque ornanda, comenda, augendaque et mendaciis atque confictis miraculis admirationi hominum proponenda, sine quibus, si Proclo ea defuisse dicerentur, felicissimi philosophi titulo iureque frui, virtusque orationis Marini constare non potuisset. Quod vero eo facilius fieri potuit, quo magis, quod aliquoties monuimus, licitas sibi esse fraudes has pias et mendacia officiosa haec secta impudentissime statuit. Non fieri hac in re Marino iniuriam, in sequentibus clarissime demonstrabimus, et attentus lector mediocri labore facile deprehendet. Quam coacte enim trahat omnia, aliena etiam et ridicula saepius, in rem suam, vt taceamus; tanta interdum infania in laudes Procli effunditur Marinus, vt sibi contradicat. Cuius vt specimina quaedam, ad faciendam rei, quae nonnihil momenti habet, fidem, afferamus, ecce *μετριοπάθειαν* denegat Proclo, et exuisse affectus humanos omnes splendide mentitur ¹⁾; alio tamen loco et gloriae cupidiorum, et vehementissimum fuisse negare non potuit, et ira efferentem se ostendisse fassus est ^{m)}. Eadem narratio *ἀσύνετος* deprehenditur, quando morbum Procli vltimum magnis doloribus grauissimum, fortitudine inusitata, vitaeque neglectu, magnoque animo contempsisse philosophum asserit, alio tamen loco confugisse tradit, eum cum amicis ad anilia remedia, carmina et precatiunculas, vt molestissimum morbum depelleret. Alia in sequenti tractatione passim monenda praeterimus. Quae cum ita sint, non monendum esse ambitiose lectorem putamus, ne fidat homini, vel eius aliter sequatur narrationem, quam leges fidei admittunt historicae; sed quemuis veritatis sine fūco cupidum nos secuturum speramus, Marinum non audituros tantum, sed et examinatos et fabellas impudentissimas et manibus quoque palandas explosuros, conditionemque philosophiae, totiusque rei literariae istis temporibus, barbariei, quae Athenas paulo post occupauit, vicinis illustratos.

§. XXXV. Natus est PROCLVS Byzantii, teste MARINO ⁿ⁾. Parentibus vero genitus Lyciis, qui Xanthi habitauerunt, eumque ibi educauerunt, Lycius habitus est, et ipse Xanthum patriam agnouit. Fuit vero pater Procli Patricius, mater Marcella, quae eam A.C. CCCCXII, die octauo Februarii peperit. Euinci hic Procli natalis, quo supra ad quorundam Platonicorum reformatorum tempora definienda vsi sumus, recte potest, ex astrorum situ, et themate Procli genethliaco, quod, ne his


Procli vita.

1) p. 15. seqq.

m) p. 28. 37. 38.

n) c. 6. p. 14.

his ornamentis spoliemus Procli historiam, ex Marino, duce FABRICIO^o, huc apponimus :



Sed et aliis argumentis annus hic Procli natalis euinci potest : nam testatur Marinus, eclipsin solis maximam contigisse, anno Procli mortem praecedente ; ea vero, si tabulae consulantur astronomicae, incidit in diem decimum tertium Ianuarii A. C. CCCCLXXXIV, d. 13. Ian. ^o, ex quo annus Procli emortalis A. C. CCCCLXXXV fuisse euincitur. Cumque LXXV annos Graecos, qui lunares fuerunt, natus decesserit, annus idem CCCXII natalis recte exsurgit. Alias rationes, a Iuliani imperio desumptas in re certa non adducimus, ne simus prolixi ; adeundus vero est FABRICIVS^o iis, qui plura hac de re volunt. His iam positis errasse censendus est PETRVS LAMBEIVS^o V. C, qui multis annis Proclum iuniorem constituit, natiuitatem eius reiiciendo ad Theodosii iunioris tempora A. C. CCCCLXIII, mortem in A. C. DXVIII, vel sequentem. Ad quem errorem a ZONARA^o inductus est, apud quem legebat, combussisse Proclum classem Vitaliani Thracis, tyrannidem sub Anastasio affectantis, speculis vstoriiis ex aere fabricatis : confirmatus praeterea CEDRENI, auctoris chronici Alexandrini^o, et THEOPHANIS^o narratione, Proclum *ὁν ἐπεσφίτην* Asianum philosophum, Anastasio mortem imminuentem praedixisse. Qui si ad eos temporis characteres attendisset, quos Marinus definiuit, facile intellexisset, Proclum hunc sub Anastasio viuentem esse ab hoc distinguendum. Nam vel sola Atheniensis scholae successio id clarissime euincit, Proclum sequente Marino, qui sub Leone Thrace floruit, et hunc Isidoro, Isidorum Damascio, qui vitam huius scripsit tempore Theodorici Gothorum regis^o ; qui

^o) In prolegom. p. 6. MARIN. c. 35. p. 87.

^p) In 25 - 39. Capricorni.

^q) loc. cit. p. 7.

^r) Comm. de Biblioth. Vindobon. L. VII. p. 46. seqq. p. 404. seqq.

^s) L. XIV. p. 55.

^t) p. 331.

^u) p. 140.

^v) PHOTIVS Cod. CCXLII. p. 553.

qui omnes Anastasio fuere superiores, praeter Damascium eo regnante viuentem. Sed vt ad ipsum Proclum reuertamur, parentibus is ortus genere censuque conspicuis, Byzantio in patriam suam Xanthum ductus ibique elegantissimis moribus institutus et formatus est. Qui cum a puero veritatis summe esset cupidus, parentum quantumuis ditissimorum diuitias puer contempsit, et insatiabili discendi desiderio totum se literis tradidit, et natiuitatis loco et patria, Mineruae et Apollini dicatis ad studia secreto compulsus instinctu ^y. Multa hic garrit Marinus de magno Procli studio in theologia, deque amore Deorum, quibus tam charum fuisse dicit, vt, cum adolescens aliquando aegrotaret tam grauiter, vt sanari vix posset, Telephorus (quo nomine Apollinem intelligit) ei apprensus, nomenque, quis esset, prodens, attacto capite statim sanitatem ei restitueret, atque ita euanesceret. Domi vero grammaticis institutionibus formatus ^z, cum ad sublimia adspiraret adolescens plane diuinus, profectus est Alexandriam Aegypti, quo loco superstitionem, et philosophiam etiam, quae illam nutriebat, reformatam Platoniorum patriam habuisse atque sedem supra retulimus. Ibi eloquentiae se et elegantiorum artium tradens studiis, earum magistros publice docentes audiuit, et imprimis Leonam Isaurum, rhetorem, inter complures, qui tum erant Alexandriae, suae professionis clarum: qui eum non tantum studiorum suorum fecit participem, sed etiam in familiam interque domesticos recepit, curauitque vt cibum cum vxore liberisque, tanquam verus filius, caperet ^a. Tanta vero et eruditionis et morum elegantia se praecipuae dignitatis doctrinaeque viris commendauit, vt mirifice eius acumine ingenii, et morum integritate delectarentur, eumque inter amicissimos haberent ^b. Eloquentiae studio iunxit grammaticam, quam ab Orione celebri grammatico didicit ^c; Romanorum quoque praeceptorum adiit scholas magnosque in ea lingua progressus fecit: quod ea potissimum faciebat causa, quod parentis exemplo iurisprudentiae se quoque dederat ^d. Omnium tamen maxime delectabatur adolescens dicendi arte, quamuis philosophiae doctrinam nondum attigisset ^e: magnam sibi in ea gloriam acquirerebat, propter sermonis elegantiam et in percipiendo celeritatem et praeceptoribus et condiscipulis admirandum se praebens; sic vt magis magistri habitum, quam discipuli referret. Postea cum Leonas rhetor Byzantium proficisceretur, Proclus cum eo iter ingressus, natale solum inuisit,

y) c. 3. 4. p. 10. 14.

z) c. 8. p. 15.

a) lb. p. 16.

b) Ibid.

c) Orionem Alexandrinum, eiusque scripta memorat SVIDAS in Orion. T. II. p. 767. non vero confundendus est, cum Grammaticis tribus hoc nomine clavis, praeceptoreque Procli Alexandrino, qui sub Hadriano vixit eiusque en-

comium scripsit. Vnde eum ab Orione Procli praeceptore distinguit FABRICIVS Bibl. Graec. Vol. VIII. p. 67. qui ad I. C. MARINI prius eundem esse statuerat.

d) c. 8. p. 17.

e) Patet ex hoc loco MARINI, Alexandriae ordinaria methodo philosophiae studium praecessisse studio eloquentiae, a qua recedebat Proclus.

uifit, ibique eum Minerua, dea vrbs tutelar in fomnio alloquuta excitauit, vt Athenienfium quoque fcholas inuiferet *f*. Nefcio tamen qui factum fit, vt tantus Deorum cultor, quantum iactat Proclum Marinus, diuinis monitis non obfequutus fuerit. Alexandriam enim reuerfus eft, fine dubio, quod tum temporis philofophiae ftudiis illa omnes antecelleret, et ab hac matre genita fuerit fchola Athenienfis. Alexandriae itaque, valere iuffis rhetorum aliorumque lectionibus, totum fe philofophis, qui tum in hac fchola docebant, audiendis tradidit, eorumque conuentus frequentauit *g*. Audiuit igitur in Aristotelica philofophia, qualis nempe a fyncretiftis Alexandrinis, cum Platonifmo conciliata tum tradebatur, Olympiodorum, philofophum clariffimum, in mathematicis vero difciplinis Heronis institutione vfus eft, viri religiofi, et rationum mathematicarum valde periti *h*. Adeo vero delectatos fuiſſe viros hos celeberrimos Procli iuuenis moribus, ſcribit MARINVS *i*, vt Olympiodorus fuam ei filiolum deſpondere voluerit, quae et ipſa literis erat inſtituta, et Hero omnem ei religionem fuam committeret, atque aſſiduum ſibi conuiſtorem aſciſceret. Tanta autem felicitate in diſcenda philofophia vfus eft, vt, cum Olympiodorus, vir magna dicendi facundia praeditus, et propter fuam in dicendo celeritatem et grauitatem rerum de quibus ageret, a pauciſſimis auditoribus intelligeretur, Proclus finita lectione cuncta condifcipulis iterato ordine exponere poſſet *k*, qua in re, cum Aristotelica facili negotio perdidiciſſet, omnino gratam rem fecit conſodalibus, inter quos fuit Vlpianus, Iſidori frater, Gazaeus, qui, vt ait MARINVS *l*, magnam etiam vitae partem in philofophia conſumfit, qua de re videndus eſt Damafcius *m*. Ita philofophorum Alexandrinorum lectionibus eruditus, vt addere ex iis doctrinae quicquam non poſſet, ſomniiſque Byzantini, quo Minerua Athenas ei commendauerat, recordatus, contemptis Alexandrinis, quod non ſemper facere ſatis in interpretandis auctoris illi poſſe videbantur, Athenas contendit, exceptus

f) c. 9. p. 18.

g) c. 9. p. 18.

h) Tres inter veteres mathematicos celebrantur Herones, duo Alexandrini, ſed tempore longe inter ſe diuerſi. Primus diſcipulus fuit Cteſibii artium mechanicarum peritiſſimi, qui ſub Ptolomaeo Energera vixit, et Epicuream philofophiam adamauit, vt ex BERNARDINI BALDI vita Heronis notat FABRICIUS Bibl. Graec. Vol. II. p. 592. quem tamen in Epicureorum catalogo omiſit Gaſſendus: edidit eius ſcripta Baldus laudatus. Secundus Procli praeceptor fuit, de quo legendi PETR. LAMBECC. de Biblioth. Vindob. L. VII. p. 404. et FABRICIUS l. c. p. 593. Tertius ſub Heraclio vixit, vid. VOSSII de ſcient. mathematic. c. XLVIII. §. 8. p. 290. c. XXVII. §. 8. p. 115. SVIDAS autem in Hero T. II. p. 79. duos Herones coniungit, vel confundit potius, et quae diſtinguenda erant, vno nomine efferit.

i) c. 9. p. 20.

k) Ibid. et SVIDAS in Olympiod. T. II. p. 681. ſed confuſe, vt ſolet.

l) l. c. p. 20. facit tamen eum Procli diſcipulum FABRICIUS in prol. ad Marin. p. 14. quod non alio ſenſu poſſeſt admitti, quam quo ſupra Porphyrium Amelii diſcipulum dictum fuiſſe expoſuimus.

m) In vita Iſidori apud PHOT. l. c. et SVIDAM in Vlpianus T. II. p. 738. Fuit, eo auctore, ingenio optimo praeditus ad mathematicas ſcientias, quas miris inuentis auxit, tantoque iudicio valuit, vt Syrianus aſſereret, nullam ipſi clauem adeo intricatam et artiſcioſe conſtructam offerri poſſe, quam non facile aperiret: nihil tamen in reliqua philofophia memorabile edidiſſe dicit. Fuit benignus et moribus modetiſ praeditus, et πολιμῶτερος fratre. Deceſſit de vita coelebs et adoleſcens magna ſuae bonitatis laude reſiſta.

ptus a Nicolao " ciue, vt eum in ciuitatem deduceret, et hospitio exciperet. Admodum hic nugatur iterum MARINVS ", prodique quam puerilia sectati fuerint hi homines, quas tamen nugas, ne lectorem remorentur, ad finem paginae, eas legere non dedignantibus, exhibebimus. Athenis despiciens rhetorum scholas, quamuis ab iis maxime peteretur, incidit in principem philosophorum Syrianum °, apud quem in eo simul congressu erat Lachares vir multum in philosophia versatus, in eloquentia vero princeps p. Ibi cum religiosa pietate lunam illis inspectantibus salutasset, etsi primum conuenisset Syrianum, ista fidentia magnam illis admirationem excitauit, summamque de se spem fecit. Tanti erat superstitionem lunae adoratione demonstrare, et futurae insaniae ostendere initia. A Syriano autem ad Plutarchum Nestorii filium deductus est, qui cum vidisset adolescentem nondum viginti annos natum, audiuiissetque eius amorem ac desiderium philosophiae, vitaeque ea dignae, magnopere illi placuit, sic vt non inuite eum ad lectiones philosophicas admitteret, et philosophiam eum ipse doceret, quamuis senex iam, et senio praepeditus. Praelegit itaque ei Aristotelis de anima commentarium, Platonis autem Phaedonem, hortatus, vt ea conscriberet, quae dicerentur, vsus adolescentis ambitione, tanquam instrumento, dicens, absolutis istis scholiis fore, vt etiam Procli commentaria in Phaedonem extarent q. Sed et sanitatis eius rationem habuit, monendo admodum sibi temperantem ab animalibus, ne ab iis in vniuersum abstineret, vt eo magis corpus obeundis functionibus suis idoneum robur acciperet. r Qua in re ipsum Pythagoram Plutarchus imitatus est, qui non vniuersalem omnibus a carnibus abstinentiam edixit, sed perfectioribus eam tantum iniunxit. Biennio post cum senex Plutarchus vitam finiret, adolescentem successori Syriano commendauit, qui illum non libenter tantum suscepit, et eius diligentiam fidelissima institutione adiu-

Ss 2

m) Fuit Myris Lyciae oppido oriundus, frater Dioscoridis grammatici, Hipparchi et Hypati Patricii; fuitque discipulus Lacharis et Constantinopoli docuit, scripsit artem rhetoricam et declamationes, vid. SVIDA in Nicolaus T. II. p. 624. qui alius quoque Nicolai meminit, qui Plutarchi Atheniensis et Procli discipulus fuit, ac sub Leone seniore, usque ad Zenonem et Anastasium vixit.

n) Narrat Marinus: Proclum a Nicolao, vt diximus exceptum, lassum confedis ad sacellum Socratis, et rogasse Nicolaum, vt aqua subministrata sitim ipsi extingueret. Hunc statim aquam ex fonte statuae Socratis curasse adferri, et omen inde concepisse, quod in sacello Socratis confederit, et inde primum aquam Atticam biberit. Cumque processissent et peruenissent ad arcem, ianitorem adfuisse ad introitum, repagula foribus obditurum, vt etiam ad illum diceret: „Certe, nisi venisses, clausissem.“ En quod inde epiphonema Marino subnarum: „Quod poruit omen esse manifestius, quodque

„minus Pollete vel Melampode vel similibus „egeat interpretibus „? Quod vero omen? nempe illud: nisi Proclus venisset, successionem Platoniam expiraturam fuisse, vnde et Diadochus vocatus est. O lepidum caput! o rem Melampode dignam.

o) l. c. c. 12. p. 25.

p) Lachares Lacharis F. Atheniensis sophista, discipulus fuit Heracleonis, sophistae Atheniensis, magister multorum discipulorum eloquentia postea inclarescentium, teste SVIDA in Lach. T. II. p. 419. vbi scripta eius enumerat, et in Superianus T. III. p. 348. In disciplinis tardior quidem erat, at vultu liberali et honesto praeditus: et quod ad virtutem attinet, philosophus potius quam sophista nominandus. Is amissam oculorum lucem recuperauit. Eloquentia inter rhetores Homerum quasi fuisse ait MARINVS l. c.

q) c. 12. p. 27. seqq.

r) Ibid. p. 29.

adiuuit, sed et in familiam conuictumque recepit, et vitae philosophicae, id est, disciplinae Pythagorico - Platonicae socium fecit, cum talem inuenisse sibi visus esset discipulum, quem optimis artibus et philosophiae mysteriis innutritum, non auditorem tantum haberet aptissimum, sed et successorem tanta cathedra dignissimum ^s. Qua vero ratione Proclum erudiuerit Syrianus, quae via duxerit, supra iam narrauimus, docendo, praemissis Aristotelicis ad Platonica, et ab his ad theologiam et mysteria Proclum fuisse progressum ^t. Qui nec animi industriae, nec corporis vigiliis pepercit, et diu noctuque studiis inuigilans, et ex Plutarchi consilio ea literis consignans, et compendiosa ratione, adhibito iudicio contrahens, quae a praeceptore dicebantur ^u. Quo factum, ut annum agens XXVIII, praeter alia multa, commentarium iam in Platonis Timaeum conscripserit, plenum isto eruditionis genere, quod in scholis Platoniorum Alexandrinorum tum temporis regnabat, et inter optima Procli scripta merito relatum; ex quo luculentis indiciis potest cognosci, quam indefesso labore et industria non sectae tantum suae, sed et veterum pleborumque exemplaria nocturna diurna manu versauerit. Ut vero, qui apex omnis sapientiae in his scholis constituebatur, philosophiam diuiniorum omnem reliquae eruditioni adderet, theologiam quoque huius sectae didicit, tum eam, quae diuinas naturas contemplando attingeret, tum eam, quae communionem cum naturis ex Deo emanantibus et inferioribus efficeret; quae licet illi a Plotino et Porphyrio praeferebatur, aliter tamen hac aetate placuisse his philosophis, haud obscure innuit MARINVS ^x, cum theurgia multo efficacius in admirationem homines raperet. Chaldaicarum enim artium mysteria vocesque secretas (ερεφάληγχε, voce solenni, utitur Marinus) et aptum significandi et enuntiandi modum ab Asclepigenia. Plutarchi filia, quam in his artibus excelluisse supra diximus, didicit; ea enim sola traditam a maioribus et patre orgiorum totiusque theurgiae notitiam arcanam possidebat. Quibus mysteriis et imprimis Eleusiniis sacris initiatus, tandem Hecates apparitionibus ἐπόπτης interfuit ^y, et theurgum se praestitit mirabilem, de quo in sequentibus plura dicemus. Adiutus hunc in modum et praceptorum doctrina, et diligenti lectione atque meditatione carminum Orphei et oraculorum, adhibitis eum in finem Porphyrii atque Iamblichi scriptis ad summum, si Marino credendum, non doctrinae tantum, verum etiam virtutum fastigium ascendit, quas Iamblichus theurgicas vocat, quasque extremum felicitatis apicem Platonicos hos reformatos statuisse, infra pluribus dicemus. Tantus cum esset, dignus a Syriano habitus est, ut eum muneris et professionis successorem designaret, cathedramque Platoniam cum domo et acroaterio, quod ex Plutarchi haereditate Platoniciis cessit, traderet ^z, sicque etiam amplissimorum redituum eius

^s) Ibidem.

^t) c. 13. p. 30.

^u) p. 31.

^{*)} c. 23. p. 67. Graeca ipsa inspicienda sunt.

^y) p. 68.

^z) c. 29. p. 74.

eius scholae, quos mille amplius nummum constituisse PHOTIVS ^a ex Damascio refert, faceret participem. Iudicari ex dictis potest, habuisse scholam Platoniam, ad Alexandrinum habitum conformatam in Proclo professorem omnibus numeris absolutum, id est talem, qualem perfectissima eius conditio postulabat, et promouendae egregiae sapientiae, si Diis placet, aptissimum. Non enim elegantiores tantum scientias artesque, grammaticam, rhetoricamque et mathematicas artes pulchre callebat, sed philosophiae quoque Alexandrinae doctor fuit perfectissimus. Cum enim in hanc sentinam mira sententiarum toto coelo diuersissimarum concordia, vel confusione potius atque mistura, confluxisset, quicquid omnis fere in toto terrarum orbe erat vel religionis vel superstitionis, et versicolor ex his panniculis cento Zoroastreae, Hermeticae, Orphicae, Pythagoricae, Platonicae, Aristotelicae doctrinae esset confusus, non tantum philosophiam hanc mira luce perfudit, et omnibus antecessoribus superior perfectam quasi et suis partibus absolutam auditoribus suis tradidit, verum etiam nouis inuentis, mirisque conciliationibus et interpretationis auxit, hinc etiam hoc inter eius laudes numerat MARINVS ^b, quod *plurimorum placitorum primus ipse auctor fuerit, quae ante illum nemini in mentem venerint, tam in rebus naturalibus, quam in intelligibilibus ac sublimioribus.* Cuius testimonia passim in hac vita eius a Marino scripta occurrentia operose colligere eo minus opus est, quo magis ex scriptis Procli, quae nobis seruauit fortuna, patet, et ex omnibus paginis luculenter constare potest, huiusmodi concepisse hominem eruditum quidem, sed fanaticum et furore philosophiae suae corruptum, in animo suo doctrinarum male cohaerentium Chaos, in quod bona et mala, apta et inepta, sana et insana omnia, Chaldaicae, Orphicae, Homericae, Hermeticae, Pythagoricae, Platonicae, Aristotelicae philosophiae nomine fuere recepta, quodque et allegoriarum machinis, et nefando opinionum syncretismo, et mira luxuriantis ingenii intemperie ad fulciendam, quae iam iam collapsura erat, superstitionem, et augendum sectae huius entusiasmum totum fuit comparatum. Ceterum industrium et muneris sui diligenter rationem habentem professorem exhibuisse se, testatur Marinus, qui non ad scripta tantum, sed ad auditores quoque prouocat, annuis scholis Platoniam sapientiam ex eo percipientes ^c. Ait etiam alio loco ^d: virum ad miraculum laboriosum vno saepe die, quina negotia scholastica expediuisse, quae Marini verba: ἐξηγῆτο τῆς αὐτῆς ἡμέρας πέντε, ὅτε τε καὶ πλείους πράξεις, id innuunt: *vno die quinque et interdum plures lectiones scholasque absoluisse*, vt recte curis secundis emendauit FABRICIVS ^e. Addit et hoc: scripsisse insuper plurima, ad septingentorum saepe versuum multitudinem: quibus si iungimus, quod

Ss 3

philo-

^a) l. c. p. 567.^b) c. 23. p. 55.^d) p. 54.^c) p. 56.^e) Ad h. l. In prima enim paginae huius editione de negotiis quibuslibet explicauerat, vid. p. 6. et LAMBECC. L. VII. p. 52.

philosophos quoque conuenerit alios, quodque vespertinos coetus cum auditoribus habuerit, mirari definemus, rudem saepe indigestamque molem in scriptis Procli deprehendi, et toties abesse acumen iudicii, toties regnare confusionem materiarum male cohaerentium temereque effusarum. Ita enim in tanta scriptoris festinatione fieri aliter non potest. Conciliauit haec eruditionis copia non summas tantum laudes Proclo, sed et magnum discipulorum numerum, in quo multi fuere, in huius sectae historia memorabiles, et in his Heliodorus et Ammonius filii Hermeae et Aedesiae ^f, Hierius filius Plutarchi ^g, Asclepiodotus ^h, Zenodotus

^f) Dictum de Hermea et Aedesia supra §. 33. Ex filiis imprimis Ammonius inclaruit, qui parentis nomine ab aliis Ammoniis distingui solet. Is enim Alexandriae philosophiam eclecticam, siue Platoniam reformatam docuit. Et fuisse quidem Procli discipulum, ipse fatetur Comm. ad librum *περί ἐγχειρίδας* in limine, ubi Proclum *ἐξείον διδάσκαλον*, phrasi huic scholae solenni appellat. Discipulos habuit non minori philosophiae laude celebres Simplicium, Ioannem Philoponum, Damascium, de quibus suo loco: Eadem vero ratione, qua Proclus et tota schola Platonica instituit, fuisse philosophatum, ZACHARIA SCHOLASTICVS p. 206. testatur, Platonicas et Aristotelicas doctrinas tradidisse monens, licet ipse l. c. egregie prudentiam in veterum interpretatione commendat, quae falsa non pro veris defendit, sed explicata sententia, quid verum, quid falsum, diiudicat, vid. FABRIC. Bibl. Graec. Vol. IV. p. 162. Multum tamen operae illustrando Aristoteli posuit, vnde hodie legimus Comm. in PORPHYRII *Ἰλαγγεν* in quinque voces; itemque in ARISTOTELEM de interpretatione et categoriis, de quarum editionibus vid. FABRIC. l. c. p. 163. qui eleganter monet, prolegomena praefixa ad historiam philosophicam, praecipue Aristotelicam multum lucis asserre. Tribui ei quoque solet vita Aristotelis, vt Tomo I. dictum, quam tamen ei denegat Patricius. Ob hoc Aristotelicae philosophiae studium inter Peripateticos, vt eclecticici complures, referri solet, vnde de eo quoque egit FR. PATRICIUS Discus. Perip. T. I. L. X. p. 146. Veratissimum fuisse in scientiis mathematicis, discimus ex PHOTIO Cod. CLXXXI. Caue eum cum aliis Ammoniis confundas: Recte eum ab atheismi suspicione, qua ob prodigiosa axiomata theologica a ZACHARIA SCHOLASTICO confutata a quibusdam premittitur, liberat Ven. REIMANNVS Hist. atheismi c. 26. §. 5. p. 189. Nihil enim habet Ammonius, quod non sectae Platoniorum Alexandrinorum commune fuerit, quodque non ad entusiasmum magis quam atheismum ab ipsis fuerit relatum.

^g) Dictum de eo supra §. 37. in vita Plutarchi.

^h) Multa de Asclepiodoto, celebri scholae Platonicae recentioris homine tradidit DAMASCIVS in vita Isidori, ex qua fragmenta nobis quaedam seruarunt PHOTIVS Cod. CCXLII. p. 560. seqq. et SVIDAS in Asclepiodoto T. I. p. 352. A pueris ingenii acumine et eruditionis laude ceteris praestitit, nunquam in causis rerum inquirere cessans, ita vt breui temporis spatio omnes colorum mixtiones, et omne genus ornamentorum ad vestes pertinentium perdisceret. Nam non parum molestiae exhibebat artificibus, quibus assidens, continuo eos explorabat. Praeterea sexcentas lignorum differentias et venarum constructiones itemque genera, formasque et facultates herbarum, et quae obuia sunt, et quae rarissimae, inuestigabat, donec eas deprehenderet. Plantarum enim historiam magni faciebat, maioris tamen animalium, quam experientia et scriptorum veterum lectione discebat. Non solum autem philosophiae laude inclaruit, sed imprimis, vt ait Damascius, qui eum nouit, pietate et fiducia in Deum, qua cultum Deorum promouit et Osiridis templum nouo lumine et frequentia auxit, arcanamque religionem propagauit. Cumque grauitatem comitate et vrbantate temperasset, ex consuetudine eius magnam voluptatem homines capiebant. Ipse vero parentem in philosophia superans, in theologia non cedens, et templa instructiora reddidit, et simulacra exornauit, hymnosque nouos addidit. Priuata vero industria et diligenti oeconomiae rusticae cura ingentem pecuniae vim sibi parauit, parentis debita dissoluit, multa in templa et externum vitae splendorem erogauit, quem et vitae genus et maiorum nobilitas poscebat. Patet ex his fuisse hominem, vt Alexandrini plerique plenum superstitione, et ex sectae huius principiis gentili cultui vehementer addictum, id quod SVIDAS testatur T. I. in *Δεισιδαιμονία*, referens, initio adeo superstitionis fuisse, vt neque sacrificare sustineret, neque arcanum vllum audire, eo quod non haec mundo digna putaret, sed coelo et iis, qui se in coelo viuere existimaret. Hincque factum putamus, vt studium philosophiae magis in terrestribus, quam diuinis poneret, quae cultu et vene-

tusⁱ, Pampretius^k, Seuerianus^l, Marinus, Hegias Isidorus^m, Heraiscus, Asclepiadesⁿ, alique huius generis. Qualis vero vir Proclus fuerit, ex addu-

ventione prosequenda, non vero curiositate exploranda censebat. Narrat enim Damascius, licet iniultus saepe suae aetatis hominum censor, non fuisse felicissimi ingenii, sed in dubitationibus acutissimum, iisque vero extricandis non valde solertem: neque sui semper fuisse similem, neque diuinorem philosophiam, eaque quae sub sensu non cadunt, et Platoniam de intelligibilibus doctrinam satis intellexisse, multo magis autem in sublimiori Orphica et Chaldaica doctrina defuisse ei notitiam philosophiae accuratioris: in physiologia autem fuisse exercitissimum, et in disciplinis etiam mathematicis alios multa cum laude superasse. In morali vero philosophia semper aliquid innovare studuisse, et contemplationem ad inferiora et visibilia deducere. Nihil vero ex antiqua doctrina (Chaldaicam et Orphicam intelligit) persuasse, sed totam philosophiam suam ad rerum quae in mundo sunt et circa eum applicasse notitiam. Natum fuisse ad Musicam, et licet generis diatonici et chromatici vsum recte intelligeret et applicaret, amissum tamen genus enharmonicum non potuisse restituere, sed potius corrupisse, eo quod minimam moderationem harmonicarum dimensionum, die fin, perdiderit. Didicisse etiam medicinam a Iacobo, eumque superasse, amissum vsum ellebori albi reuocasse, et illo insanabiles morbos sanasse, nullum autem medicum fere probasse, praeter Iacobum et Hippocratem. Haec de Asclepiodoto Damascius, ubi Graeca Photii ipsa inspicenda sunt, quae auctor versionis Latinae misere pervertit. Narrat plura Damascius de Asclepiodoto, miraculosa, et fidem superantia, e. g. sine lumine in summis tenebris legisse, adeo vero anilia et furilia sunt, et solo Damascio digna, ut huc transcribi non mereantur, recteque ineptum hominem explofit Photius. Habuit Asclepiodotus uxorem, Damianen, ingenio, castitate, virilique in administranda familia animo conspicuam. Conf. IONS. de Scr. Hist. Phil. L. III. c. 18. p. 300. FABRIC. Bibl. Graec. Vol. II. p. 54. Ceterum alii quoque Asclepiodoti inclaruere a nostro distinguendi.

i) Docuit Athenis post Proclum, fuitque Damascii praeceptor, de quo infra dicemus, conf. PHOTIVS l. c. p. 213. successit Marino.

k) Pampretii supra iam facta mentio, habetque plucula de eo SVIDAS in Pampretius T. III. p. 12. ex Marino et Damascio hausta, at negligenter, more eius confarcinata. Thebis Aegypti oriundus, natura ad poësin ferebatur: poëtico itaque studio vitae necessaria sibi conquisiturus, Athenas se contulit. Ibi grammatices professio ei tradita, isque iuuentuti erudiendae praefectus est; cumque de gloria cum omnibus philosophis contenderet, eo

quod in προκλιδευσας praestantissimum merito haberetur, et ab Atheniensibus, tanquam magister non ignobilis honoraretur, Procli disciplinae se tradidit, et ab eo in reconditis sapientiae partibus eruditus est. Cum autem a calumniatoribus delatus grauius a Theagene, ciue Atheniensi, exagitaretur, Byzantium venit, et in vrbe Christiana ob Graecam religionem artium secretarum suspicione pressus est. Suscepit tamen eum Hillus quidam et sustentationem ex publico tanquam doctorei et ex suis dedit. Illo autem in Isauriam profecto, ob superstitionem vaticinii contra imperatorem, accusatus et in exilium eiectus, ab Hillo autem Byzantium reductus est. Philosophiae notitiam oratione de anima elegantissima demonstravit.

l) Seueriani notitiam Damascius quoque l. c. fecit, cuius fragmenta occurrunt apud PHOTIVM l. c. et SVIDAM in Seuerianus T. III. p. 292. Fuit Damascenus, gente tamen Romana ortus, quae Alexandriae habitauerat. Ingenii acumine natura praeditus in poetica et rhetorica, iurisque ciuilibus eruditione excellebat. Agendi tamen celeritate nimia et festinatione saepe consilium praeceps anteuerbat, quae in re saepe in vita offendit. Et initio quidem Proclo duce philosophiae animum applicuit, parer autem, qui causarum patrocinio et diuitiis corradendis eum destinauerat, obstitit. Tandem parente defuncto Athenas delatus est, somnio ad id impulsus. Philosophiae autem humilitatem perosus ad vitam ciuilem et magnificam transiit, et reipublicae gerendae se applicuit, et ad magistratus adipiscendos se contulit. Cum autem natura esset gloriae, licet virtute duce, cupidissimus, et ab avaritia quidem et iniuria abstinere, alios vero facile offenderet, et cum eminentioribus semper contenderet, nec vlli magistratui, praeter id, quod aequum erat, aliquid concedere vellet, in iure dicendo quoque esset acerbissimus, quin etiam interdum ab ira abreptus, et studens efficere, ne ab vlllo contemneretur, quasdam caedes nec pias nec felices fecit, sique in multas calamitates incidit, odio etiam Ardaburii ducis, qui plurimum apud imperatorem poterat, valde pressus est. Sanctissimum fuisse et Graecae religionis supra modum cultorem dum ait Damascius, facile inde character hominis intelligitur, qui summam dignitatem a Zenone imperatore oblatam, si Christianus fieret, recusauit. Callimachum semper risit.

m) Dicitur de iis in sequentibus.

n) Heraisci et Asclepiadis notitiam nobis fecit Damascius apud PHOTIVM l. c. et SVIDAM in Heraiscus T. II. p. 67. et Heraiscum quidem ingenio fuisse ait diuinior. Asclepiadem vero Aegyptiorum sapientiae peritior;

adductis hactenus et enarrata vitae eius historia colligendum est. Quod si Marinus audiendus est, et naturae donis et immortalium Deorum fauore, et praeceptorum institutione, et exercitatione philosophica, per omnia virtutum genera et gradus ad summam felicitatem enixus est. Corporis enim viribus gaudebat integris et vegetis, licet semel atque iterum morbis impeteretur ^o. Memoriae bonitate utebatur tanta, ut, si fides MARINO, nihil unquam obliuisceretur, nec sibi excideret unquam, nec conturbaretur, ullo modo ^o. Sed et animi magnificentia maxime commendabilis fuit, comis, amicus, et quasi necessarius veritatis, iustitiae, fortitudinis, temperantiae, nequaquam enim prudens mendacium admisit, sed oderat id vehementissime, veritatem autem amabat ^o. Nec obicias huic de Proclo elogio Marini apertissima de Deorum apparitionibus, operationibus theurgicis, et his similibus, quae ab ipso Proclo profecta esse, dubitari non potest, mendacia. Supra enim aliquoties monuimus, eiusmodi veritatis vulnera non attendi in schola Platoniorum, modo res diuinas et religionem iuuare apta sint: nec eas fraudes et figmenta putida inter mendacia, nisi officiosa, esse relata. Laudatur impense, porro summisque in coelum extollitur elogiis Proclus a discipulis, quod consultationibus quoque politicis saepe interfuerit, et cum principibus viris de iure contulerit, et hortatus non modo sit, sed auctoritate etiam quadam philosophica, adtribuendum cuique suum, impulerit. Qua in re hominem scholasticum et paedagogica superbia se principum consiliis ingerentem, sine vlla veri specie commendat MARINVS ^o. Maiori verisimilitudine credi potest, quod porro addit laudator Procli, quod apud principes viros, pro bonarum literarum professoribus intercesserit, ut salariis, et, pro cuiusque dignitate, praemiis ornarentur ^o. Cum enim magna in estimatione viueret, multumque gloriae ex eius eruditione ad hanc Musarum sedem propullularet, dubitandum non est, tanti viri commendationem ad augenda commoda et redditus docentium plurimum valuisse. Neque tamen haec ad gratiam temereque fecisse ait Marinus, sed eos ipsos, quod sibi erat magnopere curae, coegisse, ut in sua quisque professione diligentissime versaretur, ipso simul omnia diligentissime perquirente. Quod an priuata tantum auctoritate fecerit, an publi-

rem; alterum tamen altero longe inferiorem fuisse ingenio et doctrina. Et Heraiscum quidem naturae quodam instinctu et animata et inanimata simulacra cognoscere potuisse, corde quasi ad eorum cultum vulnerato, quamprimum ea conspexisset: sed et polluta capitis dolore praefensisse: mortui vero beatitatem spectra Asclepiadi apparentia demonstrasse. Semper versatum fuisse in adytis, et in religione patria. Asclepiadem vero rotum Aegyptiacae theologiae ambitum animo comprehendisse, eiusque documentum fuisse hymnos in Deum, item opus quod scribere instituit: De omnium religionum consensu. Heraiscum autem

et bonum atque lenem et fortem contra malitiam fuisse. Conf. Damascius *περὶ ἀρετῶν*, in WOLFFII anecdot. Graec. T. III. p. 260. PHOTIVS I. C. CUDWORTH. Syll. intell. c. IV. p. 548. Non confundendus est Asclepiades cum alio Mendésio, qui theologumena scripsit, vid. CASABRON. ad Sueton. Aug. c. 29. qui Asclepiadis a Fabricio memoratis debet addi.

o) c. 3. p. 8. c. 7. p. 15.

p) c. 15. p. 12.

q) c. 4. p. 3.

r) c. 15. p. 34.

s) c. 16. p. 34.

publico iussu, non indicauit Marinus, posterius tamen verisimile, si verum est quod addit: *Si quem negligentius suum studium tractare comperrisset, acerrime eum reprehendisse, sic ut etiam vehementissimus videretur, et ambitiosissimus.* Quo tamen in elogio annon eius vitii, quod a moribus paedagogorum nostri denominant characteres deprehendantur, lectoris esto iudicium, certe sola animi intentione non mala excusare velle, ut Marino visum, in tanto philosopho ridiculum est et valde frigidum. Tanta porro cura exarsisse aiunt, in amicorum salutem, ut singularem vitae et sanitatis eorum rationem haberet, et si quis amicorum eorumque vxorum vel liberorum morbo esset detentus, primum quidem Deos enixe pro eo supplicaret, cum sacrificiis tum etiam hymnis; deinde aegrotanti promptus adestet, excitaret ad consilia medicos, et ipse nonnunquam singulare aliquid afferret, sicque multos periculis liberaret maximis. Cibi etiam potusque erat et parcissimus et frugalissimus, eiusque tantum ad depellendos morbos appetens, imprimis autem ab animalibus abstinebat. Qua in re Pythagoream diaetae rationem fuisse imitatum, supra iam monuimus; tantaque fuit in eo superstitio eius rei, ut malum comedere iussus a Iacobo medico, ab ea tamen abstineret, nec oleribus istis vesci voluerit. Animi vero fortitudinis exemplum narrat MARINVS, quod in magna aduersitatum et persecutionis tempestate furentibus ex omni parte ventis vitam tamen constanter placideque traduxerit, et violentorum hominum improbitate multum exagitatus, Athenis relictis, ne fatis aduersaretur, iter instituerit in Asiam, ut antiquiores illarum gentium ritus pernosceret. Quo et illud referunt, quod, licet fauentissimis occasionibus inuitantibus, cum facultatibus et honore abundaret, coniugium tamen non inierit, qua in re Plotini exemplum secutum ex odio materiae matrimonium contempsisse est credibile. Olympiodori enim praeceptoris filiae respuisse concubium, supra iam diximus. Recusasse etiam munera amicorum, plurimumque auri a Rufino oblatum, ait MARINVS, reiecisse, quod credi forte potest de homine et parentum facultatibus, et muneris redditibus, et Platonicae haereditatis prouentibus, et Nestorii testamento largissime locupletato, et ambitioso gloriae sectatore. Omnes tamen virtutes has, quas miris coloribus depingit biographus, superauit, si eum audis, pietas, studiumque cultus diuini gentilibus recepti, qui Christianae religionis radiis tantum non omnis obscuratus fuerat; magna item theurgiae scientia, et conuersatio cum Diis prorsus familiaris, ad quam consequendam artibus illis usus est, quas ab Asclepigenia didicisse supra retulimus.

f) c. 17. p. 37.

g) c. 12. p. 29. c. 19. p. 44. seq.

h) PROTIUS l. c. p. 560.

i) c. 15. p. 35. Lycios συμπατριώτης

hanc Proclo tempestatem excitasse coniecit FABRICIUS ad h. l.

w) c. 17. p. 39. c. 9. p. 19.

x) c. 23. p. 57.

mus γ. Nam et puerum adhuc peculiare Deorum reuelationes et somnia habuisse, et apparuisse ei Apollinem sospitorem morboque eum eripuisse, supra Marini fide diximus; et adultior factus frequentes apparitiones habuit. Quae ut appareat, quales fuerint, en quod refert MARINVS: Arthritidis doloribus in pede vstulatus, ex praescripto cuiusdam emplastrum imposuerat, quod dum in lecto iacet, aus inopina aduolans abstulit: quod etsi salutare ei erat, timore tamen morbi angebatur, supplicauit itaque Deo, rogans, ut euidentius se certiores faceret. Quo facto cum obdormiuisset, vidit Epidaurium ad se accedentem, accuratusque contemplantem ipsius crura, nec prae humanissimo amore dedignantem genua osculo contingere. Quo viso Proclus bono fuit animo nec vnquam in vita eo porro dolore affectus est. Qua in narratione nescius, vtrum vel fanaticum Procli ingenium, vel eius et Marini mentendi licentiam, vel indignam diuinis naturis narrationem magis mirari detestariue debeas. Sed non expectari possunt alia ab homine superstitione toto corrupto, et imprimis syncrético philosophiae Alexandrinae genio ad conflandas in vnam superstitionis massam, cunctas omnis terrae religiones cultusque impulso et agitato. Talis enim erat Proclus, quem in hac insania neminem ex hac secta antecelluisse ipse Marinus indubitatus testis est. Nam non solum Hecates apparitionibus, domesticisque facris Atheniensium epoptes interfuit α, sed et dies, noctesque totas in deorum cultu consumpsit, et ieiunia, ut se apparitionibus praepararet, frequentissime instituit, imprimis mensis cuiusuis vltimo die β. Nouilunia vero splendide celebravit, et omnium fere gentium insigniora festa, secundum cuiusuis patriae morem, sacrificiis, precibus hymnisque, in quibus pangendis magna facilitate utebatur, peregit γ. Quod licet cum Ammonianae scholae genio quam maxime concordat, quem eiusmodi religionum omnium concordiam tentasse supra demonstraui, nemo tamen in hac conflandorum diuersissimorum superstitionis generum industria Proclum adaequauit. Qui principiis theologiae Alexandrinae inescatus, quae ex vno fonte deitatis in diuinitatis abyssu latente emanasse diuersissima numina et replere immensum quod inter homines atque Deum intercedit spatium, dictitabant, et haec numina cum praefici regionibus, vrbibus, locisque omnibus, tum adesse templis statuisque, ritaeque culta hominum desideria ad Deum perferre summum, eius vero voluntatem reuelare hominibus et beneficia diuina tradere docebant δ, non potuit non, cum infanae religionis superstitionis furor agigaretur, omnium regionum et terrarum colere numina, ratus, eo magis se numinum conuersatione frui, quo pluribus sacra faceret. Qua in re tamen ab aliis

γ) c. 28. p. 67.

z) p. 77.

a) c. 28. p. 67.

b) p. 45.

ε) c. 19. 47.

d) Vid. IAMBlich. de myster. Aegypt. sect. I. c. 9. p. 16. ORIGENES contra Cels. L. VIII. p. 387.

aliis sectae suae viris * non abiit, et, si verum fatendum, totius gentilis superstitionis rationem secutus est, quae in eiusmodi syncrētismum coniuravit, vna Iudaeorum et Christianorum religione excepta, quam abhorrebant gentiles, et Platonici quoque execrabantur, quod reliquorum Deorum cultus cum Deo Iudaeorum et Christianorum stare non posset, et ab utrisque reiiceretur *f.* Quod tamen ut non impediuit, sectam eclecticam Ammonii, ut non multa dogmata Christianis suffuraretur, suoque chaos infereret; ita dubitari vix potest, Proclum ex ritibus quoque Christianorum sacris, ut ex dogmatibus quaedam in hoc suum religionum omnium Πανδοχῆν recepit, licet nomen Christianorum, his hominibus tantopere inuisum, malitiose reticuerit. Nec dubitamus imprimis psallendi Deosque hymnis celebrandi consuetudinem, licet inter gentiles non plane ignotam, tantopere tamen, ac Proclus fecit, non receptam, a Christianis eum transsumsisse, quos hoc tempore in canendis hymnis inter sacra fuisse occupatissimos constat. Sed ut tota Procli superstitio pernoscat, etiam reliqua notanda sunt, quae MARINVS *ff* refert, quaeque hoc fundamentali sectae huius dogmate concludit: *Decere philosophum non vnius cuiusdam ciuitatis, neque certarum tantum gentium institutorum ac rituum curam gerere, sed esse in vniuersum totius mundi sacrorum antistitem*: Talis tamque sanctus ac purus cum fuerit, quid mirum, quod in theurgia miranda perfecit, et deorum virtute se animari demonstrauerit? Cuius ut quaedam, exorata tamen prius lectoris patientia et attentione, exempla afferamus, iynge quadam siue sphaerula Hecatica (qualem etiam Apollonium Tyaneum eiusdem farinae hominem construxisse supra retulimus) opportune motitata, imbres deduxit, et Atticam, infausto aestu liberauit *g*; terrae quoque motum positis fascinis inhibuit, morbos hymnis et precatiunculis depulit, et quae alia huius generis sunt, quae incredibilia fore, ipse praecidit MARINVS, ea tamen esse verissima contendit, et multa familiaris cum Diis consuetudinis exempla, diuinaeque conuersationis specimina crepat. Quae omnia eum habuisse finem, ait, *ut purgatus defaecatusque, et natiuitatis suae victor ipse adyta sapientiae feliciter penetraret, et contemplator factus, beatorum ac reuera existentium spectaculorum, non amplius prolixis dissertationibus indigeret, ad colligendam sibi earum rerum sapientiam, sed simplici contemplatione fruens, mentisque actu spectans exemplar mentis diuinae, assecutus virtutem, quam nemo prudentiam dixerit, sed sapientiam*. Qui ut vltimus finis fuit philosophiae Alexandrinae, totiusque enthousiasmi in ea regnantis complementum; ita instituisse Proclum vestigiis exemplisque Plotini, Porphyrii, Iamblichi, Iuliani, qui se ita ipsum Deum vidisse gloriabantur, extra dubitationem ponunt, et superbiam im-

T t 2

impu-

e) Vid. quae de Themistio refert SOCRATES Hist. eccles. c. 32. quaeque de reliquo gentilium syncrētismo differt FABRICIVS ad l. c. Marini p. 48.

f) Ita etiam AVGVSTINVS et ORIGENES l. c. p. 391.

ff) p. 47.

g) p. 68.

impudentissimorum hominum produnt, quae in Proclo quoque extollendo tanta fuit, vt narrare MARINVS ^b audeat: „cum aliquando ei do-
 „centi superuenisset vir magni in republica nominis Rufinus, caput Pro-
 „cli lumine circumfundi fensisse, cumque philosophus finem interpretatio-
 „ni posuisset, Rufinum assurgentem eum adorauisse, diuinaeque, quam
 „obseruauerat, visionis testimonium iuratum ipsi perhibuisse. Nam haec
 aliud volunt nihil, quam humana specie maius quid refedisse in Proclo,
 idque isto lumine circa caput fuisse proditum; recteque fecisse Rufinum,
 qui diuino quodam cultu eum veneratus sit. Ignotum enim rerum anti-
 quarum, et imprimis superstitionis gentilis peritis esse nequit, capita deo-
 rum circumfusus luminibus radiisque, quos nimbos vocauere, expressa fu-
 isse: et hanc quoque visionem Proclo tribuunt, vt diuino signo, qualis
 in hoc corpore daemon lateret, omnes intelligerent. Quae nefandas ho-
 rum hominum artes, mendacia et imposturas luculenter reuelant, geni-
 umque sectae produnt clarissime, qui in eo vnice elaborauit, vt siue frau-
 de, siue nugis et ineptiis, siue mendaciis, et doctoribus suis, et doctri-
 nae suae diuinam auctoritatem assereret, opponendam Christianorum reli-
 gioni tot argumentis et miraculis diuinitatem demonstranti. Non puduit
 itaque MARINVM, vitae huius compilatorem, diuinae inspirationis
 (Θεϊας ἐμπνεύσεως) participem eum fuisse, asserere, et vultum oculosque ac ora
 diuinos radios sparsisse, mentiri ^k. Sine his enim Proclus humanae condi-
 tioni eximi, et superstitionis gentilis antistiti diuinior conditio arrogari
 non potuit, licet nec mica verisimilitudinis, nec vlla narrationis cohae-
 rentia, nec color vllus in tota ea historia deprehendatur, fatisque infelix
 scriptor prodiderit, Proclum eum non fuisse, quem nobis depinxit. Fu-
 isse enim superstitioni addictissimum, et contra omnem sanae philosophiae
 doctrinam absurdissimo cultui diuiniori deditum, tot enarrata haecenus
 loquuntur specimina, quae cum in laudem Procli trahat Marinus, fatis
 eo prodidit, ne micam quidem iudicii melioris et magis sobriae mentis in
 eo fuisse. Cuius superstitionis philosopho pudendae vt habeat lector
 nouum aliquod exemplum, ex MARINI ^l narratione notamus,
 „Proclum maxime in matris Deum tutela et singulari quo gaudere se cre-
 „didit, patrocinio triumphasse, gloriatum, multa et magna fuisse quotidie
 „Deae in ipsum benefacta et dicta, immo innumera et fando vix
 „audita, eumque libros suos non absque ope matris Deum in lu-
 „cem protraxisse. Diligentissimum autem in officiis erga defun-
 „ctos sacris fuisse, et quotannis per certos dies inuississe ad Attico-
 „rum tum heroum, tum philosophorum sepulchra, aliorum praeterea
 „amicorum ipsius ac familiarium manibus non per alium, sed ipsum iusta
 „fecisse. Exhibitoque ita singulis conueniente cultu ac honore in Aca-
 „demiam progressum, singillatim ibi in loco quodam placuisse manes ma-
 „iorum

^b) c. 23. p. 56.

ⁱ) Vid. quos laudat FABRICIUS Biblioth. antiqu. c. VIII. §. 18. p. 258. Inde mos

hic in Christianam ecclesiam irrepsit,

^k) p. 56.

^l) c. 33. p. 83. seqq.

„Iorum suorum cognatorumque, mox in altera parte eiusdem Academiae
 „communiter vniuersis animabus omnium supplicauisse philosophorum.
 „Quibus religionibus defunctum in tertio loco ad hoc delecto vniuersis
 „hominum defunctorum animabus sacra fecisse“. Non hic proluxa dispu-
 tatione excutiemus, ex cuius potissimum vel gentis vel religionis ceremo-
 niis, hunc et matris Deum cultum et in defunctorum animas religionem
 acceperit, inque arua religionis suae chaoticae transtulerit, sed relin-
 quemus hoc lectoris iudicio, ad seculi huius, quo vixit Proclus, mores
 et religiosum cultum attendenti: id vero monere hic non abs re erit, pu-
 dendum fanaticismum, communionem animarum defunctorum, tanquam
 catenae, cum superis totam hanc Procli pietatem supponere, et supersti-
 tionis notam ei inurere turpissimam. Talis vero cum fuerit Proclus,
 cumque haec virtutum eius summa fuerit, quis vel iudicium tribuet acre
 homini anili superstitioni se polluenti, vel inter philosophos primae classis
 reponet philosophiae professorem cum ancillis et quouis ex plebe ina-
 niissima religione certantem? et quis lectionem, quamuis vastam et erudi-
 tam, laudabit, in patrocinium idolorum ab ipsis sanioribus gentilium
 philosophis irrisorum adhibitam? Quis virum bonum esse Proclum iudi-
 cabit, qui ne pudore quidem, multo minus conscientiae monitu deterri-
 tus turpissimis fabulis et discipulos decepit, et omnium gentium religio-
 nem et sacra commiscere ausus fuit, et allegoriae beneficio, vel machinis
 potius rotunda miscere quadratis, omnemque eruditionem miseranda
 confusione replere non erubuit? Quod qui negat, eum Procli scripta
 nunquam legisse oportet, vel ad eam theologiam attendisse, quam Pro-
 clus Zoroastream, Hermeticam, Orphicam esse, magna ostentatione cre-
 puit, quamque magnis canae vetustatis nominibus ab eo fuisse generis
 philosophis nefando ausu fuisse suppositam, et conficta in eam rem ora-
 cula, hymnos, et his similia *tomo primo* planum fecimus et exemplis
 comprobauimus luculentissimis. Vnde qui hac de re demonstrationem
 cupit ampliorem, illum ad ea remittimus, quae *tomi primi libro primo*
et secundo de oraculis Zoroastreis deque philosophia Orphica scripsimus.
 Pleraque enim deberi Proclo, et scripta eius hodie extantia docent, et
 ipse Marinus magnis iactat laudibus. Neque magnopere mirandum, phi-
 losophum magni nominis et pro diuino habitum non puduisse, eiusmodi
 fraudibus famam polluere; nam fuit hoc scholae Alexandrinae philoso-
 phis receptissimum, et a moribus quoque Procli non alienum, qui nec
 plagii turpem refugit notam, GEMINI, astronomi Ciceronis aetate
 haud incelebris *isagogen*, in libro *de sphaera* exscribens¹¹⁾. Quamuis
 vero Procli vitae integritatem tantopere extollat Marinus, imprudens
 tamen talia passim miscuit, quae multum morum eius sanctitatem pollu-
 unt labefactantque. Concedit enim, quod supra iam ex parte tetigimus,

T t 3

fuisse

¹¹⁾ Conf. VOSSIIVS de scient. mathemat. c. XXXII. §. 26. p. 165. FABRICIUS de

Procli scriptis §. II. p. 103. vitae Mar. et Bibl. Graec. Vol. VIII. p. 518.

fuisse Proclum et animi exandefcētia vehementiffimum *, et fupra modum ambitiofum, licet honeftatis vocabulo eum excufet, et ad bona tantum refpexiffe hanc φιλοτιμίαν contendat. Nam hoc in cerebro tantum fanaticorum Platonicoꝝ eius ambitionem excufare, inde conftat, quod pleraque de fuis virtutibus, de commercio cum Diis, de eorum veneratione fuis etiam cruribus exhibita, de apparitione diuorum, de precum fuarum efficacia, de miraculis, fuis ipfe narrauerit difcipulis, qui θαυμαστοῖς hiſce non interfuere, et quae ea tantum fini vulgauit, vt fupra reliquos homines, et praeceptorem ipfum, magnum Plutarchum, ſapere videretur. Quam animi elatioris ſuperbiam probe perſpexit Plutarchus, qui, vt fupra dictum, ea in adoleſcente inſolentius auctoris nomen titulumque affectante vſus eſt, vt induſtriam augeret, calcarque currenti adderet ^m. Quam animi ſuperbiam ob commercia cum ſpiritibus ac daemonibus ſeſe efferentem, mire prodidit de Proclo MARINVS ⁿ, qui, cum Aeſculapium arthritide laborantis crura oſculatum fuiſſe, ſicque faſſe narrare vellet, haec praemittit: Κακείνα καὶ μέντοι ἄξια διηγέσθαι ὑπὸ συμπαθείας, ἐκ ἀνευ δακρύων; etiam haec illa memoratu digna narrauit, non ſine lacrymis propter communem, quo Diis iungebatur affectum. Interpres ſenſum verum non vidit, interpretatus propter condolentiam. Συμπάθεια enim illa, περὶ τὸ Θεῖον, vt alio loco MARINVS ^o ait, in diuinis fuit, et Θεοφιλείαν, eodem teſte, innuit. Narrauit itaque Proclus, prae gaudio cum lacrymis, quod Diis tam vicinus, tamque carus ſit, vt pedes lambere non dedignati fuerint. Et alio loco refert MARINVS ^p, Deum ſe Proclo manifeſtaſſe aſſiſtentem, voceque clara et habitu compoſito, protenſa dextra exclamare non dubitaſſe: Proclus, decus ciuitatis. Talia cum diſcipulis, etiam cum lacrymis narrare non erubuerit Proclus, quis vel ambitionis inſaniam, vel mentiendi proteruiam, vel puerilium nugarum impudentiam, vel iudicii defectum grauiffimum non agnoſcat et deteſtetur? Caſtitaſtem vero Procli valde in ſuſpicionem adduxit MARINVS ^q. Immemor enim, vt mendaces ſolent, eorum, quae alibi ſcripſerat, nunquam matrimonium iniſſe Proclum, ait: Quod ad Venerem attinet, ea ſecundum naturam utebatur, ſed ita nimirum, vt non ultra phantaſiam procederet, eamque, vt puto, leuiſſimam. An vero tam ſanctum, tantisque religionibus obſtrictum virum decebat cogitationibus venereis animum pacere, eumque, qui animi purgationem tot luſtrationibus, totque hymnis, tot ceremoniis theurgicis quaefuit, iſtis phantaſiae imaginibus delectari, quin immo vti? Apage vero frigidam Marini excuſationem, qua et iram eius excuſatum iuit, rationem vel animam potius ſuperiorem non conſenſiſſe, ſed animam tantum irrationalem commotam fuiſſe. Vt enim haec experi-

entia

*) c. 16. p. 38.

m) c. 12. p. 28.

n) c. 31. p. 77.

o) c. 34. p. 87.

p) c. 32. p. 82.

q) c. 20. p. 50.

entia repugnante dicuntur, quae arctissimum inter motus animales et rationis circa sensationes iudicium vinculum esse dicitur, ipse repugnat Marinus, qui vsum eorum motuum ei tribuit, quod sine animae rationalis consensu fieri nequit. Sed nec pecuniae possessionem aspernatum vel ea non delectatum fuisse, inde colligi iure potest, quod parentum facultatibus, teste MARINO ^r, supra modum ditatus, nec familiam alens, attamen Plutarchi aedes et redditus, reliquamque Platoniorum haereditatem quam mille nummum fuisse supra ex Damascio retulimus, acceperit, nec eam Platonici aliis, qui tum miseria et inopia magna ex parte premebantur, concesserit: quemadmodum parum laudis Proclo conciliat, quod in tam prodiga virtutum eius enarratione et immoderato panegyrico nulla tamen operum caritatis, stipsisque in pauperes erogatae fiat mentio. Quae omnia, cum nec ambitione, nec voluptate, nec pecuniae amore caruisse Proclum euincant, etiam quoad voluntatis perfectiones maxima de eo mendacia conscripserit Marinus, sui tamen saepe immemorem, euincunt. Septuagesimum aetatis annum cum attigisset, corporis inediis crebris, et vix tolerabili diaetae genere multisque laboribus et vigiliis exhausti vires valde debilitatae sunt, et languere coepere ^s, unde in omnibus expediendis longe erat, quam ante remissior. Hymnos tamen et precatiunculas, more senum superstitiosorum, componebat ^{ff}; vitam ita ad septuagesimum quintum produxit annum, discipulo Hegia eum ad lectiones excitante et praeparante, et eius scripta diligenter curante ^t. Tandem corpore indies magis debilitato in grauem doloreque plenum incidit morbum; quem a recrudescente arthritide atque podagra, cuius vim inedia et frugali victu infregerat, fuisse ortum, credibile est ^u. In huius morbi historia iterum contradicit sibi MARINVS, narrans ^{*}: cum in vltimo morbo grauissimis cruciatibus premeretur, torquereturque, depellere tantos dolores conatum fuisse; quamobrem iussisse discipulos saepe hymnos dicere, qui cum dicerentur, remissionem doloris et sedationem fuisse: tantopere vero inualuisse morbum, vt omnium fere obliuisceretur. Ast alio loco ^v refert: Aesculapium in vltimo morbo ei medio inter somnum et vigiliam (quo statu visiones Deorum obrepere Platonici statuiebant) constituto draconis imagine capiti suo obrepisse, exque eo morbi remissionem sensisse, adeo vt sanitati integrae restitutum fuisse, credibile sit, nisi desiderium, quo ducebatur, atque expectatio ingens mortis hoc prohibuisset, neque ipse corpus curare neglexisset. Adeo ineptit, more scholae suae Marinus in laudando Proclo! Tandem exhausto corporis perpetuis doloribus vigore mortalitatis exuias post magnam solis eclipsin, quam significasse mortem Procli ineptit MARINVS ^z, deposuit die decimo

^r) c. 2. p. 4.
^s) c. 26. p. 64.
^{ff}) Ibid. p. 63.
^t) p. 64.

^u) Hoc colligimus ex c. 31. p. 79.
^x) c. 20. p. 48.
^y) c. 30. p. 76.
^z) c. 37. p. 91.

cimo septimo Aprilis stili veteris, A. C. CDLXXXV, tumuloque praeceptoris, amici, et benefactoris sui Syriani, vt ipse voluntatem suam testatam fecit, illatus est, funus deducente tota Athenarum ciuitate. Cuius memoria plane tanquam daemonis cuiusdam in corpore versantis fuit discipulis. Ait enim MARINVS ^a, *se eo fine conscripsisse vitam eius, vt conscientiae satisfaceret, testareturque se diuinam illius animam, καὶ τὸν εἰληχότα αὐτὴν ἀγαθὸν δαίμονα, bonumque, quem acceperat, genium, sancte colere.* Quare Isidorus quoque, Damascio teste ^b, ad sepulchrum eius thura, tanquam Deo attulit. Scripsit Proclus plurima, licet ex his multa fuerint indigesta, quorum magnam partem amissimus, multa tamen temporis iniuriae erepta gaudemus: de quibus cum more suo prolixè et erudite differuerit FABRICIVS ^c, lectorem rogamus, vt eius de Graecorum libris commentarios adeat. Fuere autem alia critica, vt *chrestomathia*, cuius nobis compendium seruauit PHOTIVS ^d, alia mathematica, vt liber *de sphaera*, *paraphrases in Ptolomaeum* et *Euclidem* &c. alia philosophica, vt commentarii in *Platonis dialogos* varios; alia theologica, vt *institutiones theologicae*, et *theologia Platonis*. Hymnos etiam composuit plurimos, et contra Christianos aeternitatem mundi defendit, refutatus a Ioanne Philopono ^e. Comprehendi vero in his Procli scriptis vastam et infinitam lectionem, et eruditionem maximam, negari non potest: dolendum autem, sectae, cui addictus fuit Proclus, genium, praeiudicium auctoritatis et syncretismum philosophicum suffocasse ingenii ac iudicii vim, et ad eam compulisse absurditatem virum non indoctum, vt non tantum suspecta et aliena pro genuinis haberet, sed et talia ipse fingeret, et allegariarum machinis cuncta in suas partes raperet, vbique tamen Chaldaica, Hermetica, Orphica creparet. Ita enim factum, vt non tantum barbaricae philosophiae historiam, sed ipsam quoque Pythagorae et Platonis philosophiam misere adulteraret atque corrumperet. Quae caussa est, cur tot de veteri philosophia apud eum testimoniis, quae in Procli scriptis inueniuntur, vel parum vel plane non ad eum recurrere liceat, accuratae historiae philosophicae cognitionis cupido. Frequens etiam fuit Proclorum Proculorumque nomen apud veteres, inter se, et cum nostro non confundendum ^f.

§. XXXVI.

a) c. 33. p. 39.

b) PHOT. l. c. p. 364.

c) Ad calcem vitae Procli et in Bibl. Graec. loc. cit.

d) Cod. CCXXXIX.

e) Pertinent huc commentarii eius siue lectiones in Platonis libros de republica, quae specimen esse possunt methodi allegoricae, qua

omnia euerit et corripuit Proclus, de qua legi meretur FABRIC. l. c.

f) SVIDAS in Proclus T. III. p. 186. conf. FABRIC. l. c. et de script. de V. R. C. c. II. §. 33. p. 117. Bibl. Graec. Vol. IX. p. 538.

g) Proclos Proculosque enumerat FABRICIVS Bibl. Graec. Vol. VIII. p. 456. et in prolegom. ad Procli vitam p. 9. seqq.

§. XXXVI. Proclo in Cathedra philosophica Atheniensi successit MARINVS ^b, Flauiae Neapolis, Palaestinae vrbe ⁱ prognatus, et si Damascio fides ^k initio Samaritanorum religioni deditus, a qua ad gentilem defecit. Praeceptorem habuit Proclum, qui eum in Platonica et Aristotelica philosophia more suo methodoque instituit, et sibi habuit carissimum, quo duce etiam tantum in philosophia profecit, vt dignus haberetur, qui tanto magistro in schola succederet. Quo eius amore incitatus, tanta illius veneratione captus est, vt vitam eius describendo, non diuinius virtutis et perfectionis exemplar se nancisci potuisse ostenderet. Laudat eius diligentiam Damascius ^l, ita tamen, vt haberet, in quo eum, more suo reprehenderet: Isidoro enim cum librum multorum versuum in Philebum Platonis legendum dedisset Marinus, sententiam vt suam diceret, *sufficere praeceptoris scripta*, dixit ^m, eoque effecit, vt Marinus librum igni tradiderit ⁿ. Quod si ea scripta mathematica, quae hodie sub Marini nomine extant ^o, successorem Procli auctorem habent, laus ei magnae in his scientiis eruditionis denegari non potest, in quibus etiam diligenter versatum fuisse non negat Damascius ^p et postulabat quoque ratio systematis Alexandrini, quae μαθήματα intulit. Quia tamen plures fuere Marini, nihil certi de eorum librorum auctore statui potest. In Aristotelica vero philosophia instituisse Marinum Isidorum Damascius ait, quam cum Platonica conciliaffe, conditio philosophiae eius, quam a Proclo didicerat, et in cathedra Platonica Athenis docebat, satis superque innuit. Contemnit tamen eum Damascius eius discipulus in disciplinis sublimioribus, theologice et theurgice, licet dicat ^q, assiduis curis et improbo labore multorum ingenii fama illustrium et antiquissimorum gloriam obscurasse. Nihil vero scriptorum ad nos peruenit, licet et commentarios in dialogos Procli ^r, in qua qualem se gesserit, in antecedentibus fuisse demonstrauius. Quod si SVIDAE ^r verbis fidendum esset, hanc praeceptoris sui vitam

^b) Damascius in vita Isidori apud PHOT. Cod. CLXXXI. p. 213. Cod. CCXLII. p. 550.

SVIDAS in Marinus T. II. p. 497.

ⁱ) Distat etiam Sichem, in Samaria Palaestinae sita, vnde cum Samaria vrbe a quibusdam male confunditur, duce STERPHANO in Ethn. quae Sebaste, non vero Neapolis vocata est; quemadmodum etiam a Neapoli Arabiae oppido distinguenda est. Conf. FABRIC. prol. vitae Procli, Ez. SPANHEM. de vsu et praestantia numismatum diff. IX. RELANDVS Palaest. L. II. c. 3. p. 504. 506. L. III. p. 979.

^k) I. c. p. 562.

^l) loc. citat.

^m) Peruenit hic verba Damascii interpres La-

tinus, qui in hac vita Isidori vix umbram veri sensus vidit, et pueriliter saepissime lapsus est, vnde Graeca ipsa diligenter inspicienda sunt.

ⁿ) De aliis quoque eius scriptis similiter iudicasse, idem ait apud SVIDAM I. c.

^o) Vid. VOSSIVS de scient. mathem. in addendis p. 442. adiecta sunt MARINI theoremata Geometrica, siue protheoria ad Euclidis data, PROCLI comm. in L.I. Euclidis, Basil. 1533. et seorsim edita Paris 1625. 4.

^p) I. c. p. 213.

^q) I. c. p. 562.

^r) SVID. I. c. FABRIC. ad vit. Procli et Biblioth. Graec. Vol. VIII. p. 364.

^s) loc. citat.

tam non soluta tantum oratione, sed et ligata conscripſisse dicendum esset; quod etiam placuit curis posterioribus FABRICIO^s, qui tamen in prolegomenis ad vitam Procli ingeniose prius coniecerat, traiecta fuisse ab exscriptoribus Suidae verba et ita legenda: *Scriptis etiam vitam Procli, praeceptoris sui, et quaestiones philosophicas, et alia prosa et ligata oratione*: quam coniecturam recte quoque, nisi fallimur, probat LVD. KVSTERVS¹. Infirmo vero corpore fuit, et teneriore valetudine, quod valde sollicitum tenuit Proclum. Secessit Athenis Epidaurum, cum sibi vitae insidias strui intelligeret, rediisse tamen eum Athenas oportet; in ea enim vrbe vere ineunte mortuum esse ait Damascius², quem discipulum habuit, et imprimis Isidorum atque Agapium, vtrumque in hac schola excellentissimum. Et illius quidem historiam in sequentibus enarrabimus. Agapius autem, teste Damascio³, Alexandrinus erat, a puero in artibus liberalibus educatus, maxime autem medicinam professus est. Postea Athenas delatus propter cupiditatem discendi et propositas quaestiones difficiles magna in admiratione fuit. Sed et Alexandriae iam magnam de se admirationem excitasse, IDEM ait, apud viros celebriores, magno enim impetu in literis fuisse versatum, et grammaticos rhetoresque quaestionibus criticis vexasse, tandem Byzantium profectus, ludum literarium aperuit valde insignem, et ingenii magnitudine et fortunae favore usus, clarusque arte sua magnam pecuniae vim collegit. Nam et vultu quoque grauis et lingua facili fuit atque disertus, licet antiquiori dialecto magis gauderet quam vulgari.

*Successores
Procli.*

§. XXXVII. Infirma valde valetudine usum fuisse Marinum diximus, quae ratio virum de successione Platonica valde sollicitum permouit, ut viuus de successore dispiceret⁴. Tres vero produxerat schola Procli et Marini discipulos, prae reliquis tanto muneri aptos, Hegiam, Isidorum et Zenodotum. Et Hegias quidem ex carissimis Procli discipulis fuit, qui cum adhuc adolescens esset, spem praebebat fore, ut magno Plutarcho non inferior euaderet: quae ratio permouit Proclum, ut eum adhuc iuuenem Chaldaicorum oraculorum auscultatione dignum iudicaret⁵: quoddam enim discendi desiderium et naturalis ei probitas inerat. Quoniam vero parentibus ortus diuitibus⁶, magnas facultates possidebat, abiecit scholasticum philosopho-

^s) Bibl. Gr. I. c. p. 363.

^t) Ad I. c. Suidae. Confudit hanc vitam Procli cum scriptis eius auctor Gallus hist. crit. phil. T. III. p. 195.

^u) PHOT. loc. cit.

^x) Apud PHOTIVM I. c. p. 573. et SVIDAM in Agapius, T. I. p. 22. apud quem ex vno viro duos fuisse excelsos dudum monuit FABRICIVS Bibl. Graec. Vol. X. p. 383.

^y) Damascius apud PHOT. I. c. p. 568.

^z) SVIDAS in Hegias T. II. p. 42. qui articulus ex Damascio videtur transumptus;

MARINVS vit. Procli c. 26. p. 64. PHOTIVS I. c.

^a) Parentem Hegiae non indicat Damascius, conicimus tamen ex verbis eius apud Suidam et Photium, fuisse filium Archiadae, adeoque Plutarchi magni nepotem. Archiadem enim multis facultatibus abundasse refert Damascius apud Photium, apud Suidam autem eum ingenio parentem superasse dicit, quod de Archiada verum esse potest. Comparatur etiam Theageni et praefertur, qui gener fuit Archiadae, et Asclepieniam in matrimonio habuit, quae licet

Isophandi modum, quem in Platoniorum schola viderat regnantem, paedagogicos forte illorum hominum mores perosus, quos valde vituperasse non negat Damascius ^b. Fanaticae vero philosophiae loco ad ea adiecit animum, quae ad naturae enarrationem pertinebant: et cum cuperet esse religiosus, si quis alius, affinium sacra clam in Attica peregit, et vetustissima instituta laco mouit; hincque in republica celebris euasit, graues vero sibi inimicitias conflauit, cum eorum, qui bonis eius, cum amplissima essent, inhiabant, tum illorum, qui patriorum institutorum tenacissimi vitae eius insidiabantur. At ille amicis et egenis facultatibus suis subueniens animo magnifico et virtute sibi securitatem parauit. Derelictam itaque cum scholam ab Hegia videret Marinus, et corporis infirmitas de seruanda Platonicae successionis catena (qua voce hi homines vsi sunt ^c) semper aures vellicaret, de alio successore cogitauit. Et non quidem deerant ex Procli et Marini discipulis, qui nomen huic scholae dederant, sed ingenii animique viribus destituti tanti oneri ferendo erant impares: qualem fuisse Eupithium, Hegiae filium, parente longe inferiorem, et Archiadam alterum eius filium, ingenio quidem feliciorum, sed diuitiis a philosophando absterritum, nec a patre ad philosophiam adductum, sed religioni et probitati deditum; itemque Diomedem, Damascius apud SVIDAM ^d tradit. Ad Isidorum itaque respiciens, tandem illi persuasit, vt successionis decretum reciperet, qui etiam successor creatus est, nomine magis, vt ait Damascius ^e, quam re ipsa. Nam defuncto Marino placuit Isidoro Athenas deferere; ne vero schola collabere-tur, et Hegiam monuit et Syrianum quendam iuniorem, (cum Procli praeceptore non confundendum,) vt imminenti ruinae scholae Platonicae humeros supponerent ^f. Qui cum Alexandriam tandem secessisset, Zenodotus Marini locum in cathedra Platonica occupauit. Tanti hunc Zenodotum fecisse Proclum ait Damascius ^g, vt solus dignus habitus fuerit deliciae Procli appellari; maximam etiam de illo spem concepisse: fuisse enim neque iactabundum, neque finistrum, neque tumidum, licet nobilissima stirpe esset ortus, moribusque magnificis ornatus, et in eloquentia industrius pariter atque conspicuus. Zenodoti vero cum multi, etiam in philosophia inclarauerint ^h, caue hunc Platonicum vel cum Stoico, vel cum aliis misceas.

§. XXXVIII. Vitam ISIDORI descripsit Damascius, eique reli- *Vitae Isidori*
quorum etiam, qui circa haec tempora vixerunt, Platoniorum historiam *Scriptor.*

V v 2

in-

licet vnica spes successionis dicatur apud MARINVM c. 29. p. 91. nihil tamen obstat, quominus dicamus, Archiadae Hegiam diu post Asclepigeniam natum fuisse. Hos parentes Hegiae si supponimus, ratio patet, cur tam grauiter tulerint Attici, quod patria sacra mutauerit. Ea enim a Plutarcho constituta erant, qui summa in religionibus valebat apud Athenienses auctoritate.

b) PHOT. p. 567.

c) Vid. EVNAP. in Porphy. DAMASC. l. c. MARINVS. vit. Procli c. 26. p. 64.

d) In Eupithius T. I. p. 902. PHOT. p. 567.

e) l. c. p. 563.

f) PHOTIVS Cod. CLXXXI. p. 213.

g) l. c. p. 563.

h) Enumerat eos FABRIC. Bibl. Graec. Vol. I. p. 273. Vol. II. p. 726.

intexuit. Scripsit enim teste SVIDA ⁱ⁾, *historiam philosophicam*, cuius vel pars ea fuit, vel eam integram absoluit. Id quod ex eodem SVIDA colligi potest, qui ex Damascii historia philosophica quaedam adducit ^{k)}, quae in *vitae Isidori* compendio, quod PHOTIVS confecit, leguntur. Dolendum autem vehementer est, hanc nobis historiam philosophicam esse ereptam, dubium enim non est, Damascium Alexandrinae scholae, tum in Aegypto, tum Athenis florentis historiam, forte vbi Eunapius desiit, in ea prolixè enarrasse. Et seruauit quidem nobis fortuna duplicem eius scriptionis epitomen in PHOTII bibliotheca ^{l)}, quarum illa breuis, haec vero prolixa quidem, sed confusa admodum, nulloque ordine cohaerens, sed interrupta et manca; totaque industria et eruditione Photii indigna est; quod non improbabilem fuscitauit coniecturam viris doctis, non omnia, quae in hoc *μυριοβιβλιον* leguntur, librorum compendia a docta patriarchae Constantinopolitani manu esse profecta. Latinam vero interpretationem, quam ANDREAS SCHOTTVS dedit adeo puerilem et ineptam esse, aliquot iam exemplis probauimus, vt a quouis alio, quam a docto hoc viro, Graecaeque literaturae non ignaro, confecta videatur, vnde Graeca ipsa inspicienda esse semel iterumque monuimus. Habuit etiam celebriorum ex hac schola philosophorum vitas ex hac Damascii vita Isidori Suidas, ex quo, quae haecenus adducta sunt, pleraque hausimus, et ex quibus vitis egregie Photii epitome potest suppleri: quod cum facere nouaque versione addita nobis istud compendium recusum dare constituerit HENRICVS VALESIVS, vir in his literis summus, valde dolemus, istum laborem in spongiam incubuisse, quo historia philosophica insigniter iuuari potuisset, ast si accurato iudicio fuisset adhibitus. Fuisse enim Damascium ex eadem secta philosophum postea dicemus, qui non erubuit, rationibus Platonice rem suam iuuare, id est fictis miraculis et stupendis narrationibus sectae suae augere gloriam, posthabitis non fidei tantum historicae, sed et omnis verisimilitudinis legibus: ex quo; quam exiguum iudicium in hac conscribenda historia philosophica Damascius adhibuerit, colligi potest: cui cum accessisset impudentissima mentiendi audacia, quae non *παράδοξώτατα* tantum, sed et *ἀσύστατα* et inuicem pugnantia tanquam verissima narrauit, totus ille labor ineptissimam accepit faciem ^{m)}. Accedit inuidia quaedam stolidi hominis, non recentiores tantum philosophos, sed etiam suae sectae fere omnes, quotquot imposturis superstitionis causa susceptis nuntium miserunt, et religionis suae infano non fuerunt oestro perciti, deprimens, sed et magna atque excelsa veterum nomina, quae totus antiqui orbis eruditi chorus suspexit, contemnens. Quae cum ita sint, et hoc etiam malum acceperit, vt a Photii amanuensibus et Suida male ista scriptio habita et lacerata fuerit, facile

i) In Damascius T. I. p. 507.

k) In Gregorius T. I. p. 498.

l) Cod. CLXXXI. p. 211. seqq. Cod. CCXLII.

p. 546. seqq.

m) Hoc nomine iam in eum animaduertit PHOTIVS l. c.

le inde iudicium fieri potest, quanta accuratione opus sit, vt veram ex his fragmentis huius temporis historiam eruamus. Sed haec *ὡς ἐν παρόδῳ* *.

§. XXXIX. ISIDORVS GAZAEVS fuit, Gaza Palestinae vrbe oriundus, fratremque habuit Vlpianum, de quo supra dictum, itemdem Gazaeum. Ita enim eos Damascius vocat apud SVIDAM °. Quibus tamen obstat, quod idem Damascius Alexandrinum vocat, et inter Aegyptios huius vrbis incolas refert, qui in somniorum interpretatione excelluerint °. Vnde coniecimus aliquando °, Isidorum et Vlpianum Alexandrinos fuisse, sed Gazaeos dictos, quod ex publico aerario victum frumentumque stipendii loco acceperint, vt Platonicos accepisse, supra ex SVIDA ° demonstratum: obseruauit enim eruditissimus RELANDVS °, fuisse, qui Gazaei nuncuparentur, non quod Gaza oriundi essent, sed quod ex aerario alerentur ecclesiastico, atque ita Commodianum Gazaeum dictum esse. Re tamen accurate pensitata abiicienda est illa coniectura: nomen enim Gazaei, si a victu ex aerario accepto deriuandum, ad ecclesiam pertinet: Isidorus autem et Vlpianus Gaza vrbe gentili oriundi sunt, quae et alios viros doctos et in his Procopium et Zosimum Gazaeos genuit. Vrbs vero Gazae incolae superstitionis gentilis fuere tenacissimi, etiam illo tempore, quo aliae vrbes Christiana sacra dudum erant amplexae, vt erudite probat RELANDVS °. Sic vt mirum non sit, superstitionis patronum Isidorum ex hac vrbe prodiisse, qui, cum diu Alexandriae vixerit, sine dubio a Damascio ideo inter Alexandrinos relatus est. Qui cum parentibus nec generis nobilitate nec facultatibus destitutus esset genitus, mature ad literarum studia applicuit animum °, et Alexandriam delatus Asclepiodotum audiuit, hominem ex Platonico istius scholae philosophorum numero °, quem infandis philosophiae theurgicae operibus ita potentem fuisse Damascius refert, vt cum Isidorus et ille in Maeandrum fluuium ad natandum descendentes mediis fluminis vorticibus cum praesentissimo vitae periculo essent abrepti atque submersi, Asclepiodotus paululum eleuatus vt solem intueri posset, prolatis paucis verbis sacris, quae effari nefas, vtrumque morti ereptum ad litus deduxerit °. Rhetoricas autem et poeticas professorum Alexandrinorum lectiones parum audiuit, maioribus et sublimioribus intentus, animumque speculationi aptum ad contemplationes maximas eleuans, vnde philosophiae et theologiae studio se dedit, fratre Vlpiano reipublicae se accommodante °. Cumque ipsi forderent philosophi Alexandrini, et in his Hierocles,

Vv 3

*) Conf. BALTVS Iugement des SS. Peres sur la morale de la phil. payenne L. III. c. 18. p. 504. seqq.

o) In Vlpiano T. II. p. 738.

p) Apud PHOTIVM Cod. CCXLII. p. 546.

q) In Germanico hist. phil. opere T. III. p. 848. conf. tamen T. IV. p. 1447.

r) In Aedesia T. I. conf. PHOTIVS l. c.

s) Palaestin. L. III. p. 792.

t) l. c. p. 793.

u) PHOT. l. c.

x) Dictum de eo inter Procli discipulos.

y) l. c. p. 559.

z) p. 560.

cles ^a, quos scientiis humanis nullis quidem inferiores esse iudicabat, aut in diuinis parum versatos, sibi non multum profuturos existimabat, Athenas se conuertit, vbi Procli fama in his literis tum temporis summa valde percubuerat. Ea enim tum erat sententia, eos, qui in mortalibus et humanis industriam ponant, et vel auctam eruditionem demonstrent, vel doctrinae studium prae se ferant, nihil magni ad diuinam sapientiam conferre, aut post Pythagoram et Platonem, diuinos homines, quorum animae iam ad regionem idearum delatae earum contemplatione nutrian- tur, in diuiniore scientia ex medio aeuo magnos thesauros collegisse Porphyrium, Iamblichum, Syrianum et Proclum ^b. Viso Proclo, valde gauisus est Isidorus, eo quod venerabilem philosophiae faciem se videre putaret; aut Proclus quoque in Isidori facie diuinæ philosophiae vitaeque ad eam facientis notas reperit: quod si verum est, indicium fuit, enthusiasmi, tantopere his hominibus deamati, ne in facie quidem vestigia defuisse. Ex hac Procli schola cum profundissimae meditationis plenum attulisset animum, qui non ex libris et memoria disciplinarum praeceptis instructa, sed ex habitu animi firmo et foecundissimo, quem ab initio iam habuerat, sapientiae cultum repetebat, mature ad veram philosophiae sublimioris cognitionem peruenit, et a sodalibus quoque in Aegyptiis et Chaldaicis mysteriis addiscendis socius adhibitus inuestigandae veritatis sacrae, quae in profundo lateret, saepe illis in quaestionibus veteris illius sapientiae lumen accendit. Sed a Marino quoque in Aristotelicae philosophiae dogmatibus institutus est ^c, parum tamen feliciter ei Peripatetica philosophia cessit, vel quod naturali indole ista ἀρχιμολα destitueretur, sine qua in difficilis et obscuri sensus philosophi doctrina parum dextre versari quis potest, quum eius defectum non negat Damascius ^d, excusat tamen, quod animum habuerit, non his infirmis et terrenis sed diuinis et coelestibus intentum, et ad ea se eleuantem, id est, si vero nomine dicendum, enthusiasticum et imaginationis ardore ad insolita et theurgica adspirantem, qualem Aristotelis philosophia parum satiare potest; vnde carpens eos, qui exterius philosophantur, et vtuntur memoria multarum rerum notitia referta, et facile valent inexplicabilesnectere syllogismos, id est Peripateticos, inanes istos esse dixit diuina scientia; cumque videret, Aristotelicam philosophiam, etsi diuiniorem, et rationibus magis necessariis, quam sensibus, credentem, diuinis tamen ideis non vti, sed ratiociniis, id est, ad enthusiasmum istum, quem quaerebat, parum vel nihil afferre, eam quoque industria studioque suo non dignatus est amplius. Solum itaque Pythagoram et Platonem, beatas istas animas, inter ideas, id est, Deos pascentes, et coelesti lumine perfusas eligens, et recentiores quoque Platonicos, Plotinum, Porphyrium, Iamblichum maxi-

^a) Ibid. Aut vidit hunc, aut paulo post eius discessum Alexandriam venit Isidorus, cum fama eius adhuc vigeret inter Alexandrinos.

^b) Ibid.

^c) p. 570.

^d) p. 569. 571. SVIDAS in Marinus T. II. p. 497.

^e) p. 549.

maximi faciens, duce Proclo theologiae studio omnem prorsus impendit operam, sicque instinctum animi naturalem, quo ferebatur ad Θεολογίαν καὶ ἐνθεσιασμόν, primarios philosophiae Alexandrinae cardines, secutus est. More enim Aegyptiorum, quibus tanquam profundioris eruditionis hominibus aggregari voluit, superstitioni, et somniis eorumque interpretationibus reliquisque gentis illius superstitionibus fuisse addictissimum, tanquam summas laudes ubique crepat Damascius. Eum vero in finem lectis quoque sanctioris generis philosophorum scriptis, ad discendam theurgicam sapientiam animum applicuit, et rimandis oraculis aliisque diuinioris doctrinae fontibus insudauit. Qua in re tam mirabilem et diuinam sensit Procli institutionem, ut non dubitauerit, ei mortuo thura offerre, et tanquam daemoni cuidam sacrificare, ut supra iam dictum. Egregios itaque sublimioris scientiae profectus natus, tanta inter condiscipulos eius auctoritas extitit, ut nec Marinus dubitauerit scripta sua eius iudicio atque censurae submittere, nec Isidorus erubuerit, ea contemnere ac reicere, eo effectū, ut incendio deleret opus, quod displicuisset Isidoro discipulo ^g. Quae etiam inter sodales auctoritas et fiducia Marini praeceptoris in causa fuit, ut communi Platoniorum decreto ^b Marino aegrotanti successor designaretur. Parum tamen arrisit splendidum munus, quod insignes tulisse prouentus, in antecedentibus diximus, Isidoro, vel quod exigua vteretur lectione, eo quod librorum copiam damnabat, quam non cognitionis, sed opinionis matrem esse credebat, ad Procli successorem vero vir requirebatur, illi lectionis diffusae copia non impar; vel quod Aristotelicae philosophiae, quam contemnebat, non satis esset gnarus, quam tamen doceri in hac cathedra, Plutarchi, Syriani, Procli, Marini exempla resque ista postulabant, vel quod Athenae, uti ex Damascio colligi potest, ei non placerent, et arcanis religionibus felicius se Alexandriae defungi posse crederet. His itaque rationibus ductus, cum amorem tantum diuinum, et arcanos Deorum aditus anhelaret ⁱ, auertere a se scholae iudicium atque decretum omni studio connisus est, ostendens, se non ex iis esse, qui caecae rationis ductu, in rectam viam impelli cupiunt, sed oculos se ad animum repurgatum referre. Quod ita clarius exprimas: tantummodo se entusiasmo studere, humanae autem eruditionis partes rationisque vim omnem inter coecos ductores referendam esse: ex quo hominis character satis elucet. Tandem Platoniorum precibus victus manus dedit, et cathedram suscepit quidem, sed nomine magis, quam re, ut ait Damascius ^k. Marino enim e viuis sublato cum cathedra occupanda esset, adeo consilium mutauit, ut Athenas relinquere cogitaret, licet successio- nis catenam ita infringi videret: quod ut ne fieret, Hegiam et Syrianum Mari-

f) p. 566.

g) Vid. supra in Marino.

h) ψήφισμα vocat Photius p. 568. ex quo patet, non sola professoris voluntate designa-

tum fuisse successorem, sed accessisse consensum totius scholae.

i) loc. cit. p. 550.

k) Ibid.

Marini discipulos hortatus est, vt scholae saluti et successioni, mox defiturae, succurrerent; eiusque partes capefferent ¹. Mansisse tamen per aliquod adhuc tempus Athenis, ibique philosophiam arcanam docuisse, ex eo colligitur, quod Damascius Athenis eo praeceptore vsus sit ^m. Qui cum scribat se illum magistrum habuisse in dialecticis, eiusque in scholis ac lectionibus eas exercitationes didicisse, colligimus inde Isidorum, quem parum curasse istam eruditionis philosophicae partem diserte fatetur, cum cathedram conscendisset, illi quoque se summa cum industria, vt professoris philosophiae expleret vices, tradidisse, eo quidem, quod idem Damascius scribit, euentu, vt in hoc eruditionis genere, differendique facultate, omnes, quotquot illud seculum tulit, homines doctos obscurauerit. Nisi enim hoc supponamus, a manifesta contradictione saluari non potest Damascii de Isidoro narratio. Quamdiu vero Atheniensem cathedram ornauerit Isidorus, dici non potest. Illud certum est, Zenodotum, viuo adhuc Isidoro, Marino successisse, vt supra dictum, eum vero Alexandriam secessisse, quo loco, vtrum publice philosophiam docuerit, ignoramus, docuisse tamen, siue publica siue priuata industria, dubitandum non esse sequentia docent.

*Isidorus an
Hypatiae ma-
ritus?*

§. XL. Satis apte haecenus cohaesit historia Isidori, prout eam nobis, quo vnico teste niti nobis licet, Damascius enarrauit. Ast quae sequuntur, non modo maxime impedita sunt et confusa, sed et contradictione se euertentia, nec stare cum historiae veritate possunt, adeoque vel pessimam Damascii fidem, in apertissimis sui temporis circumstantiis turpissime decipientem, vel supinam nulloque modo excusandam Suidae negligentiam produnt manifestissime, licet a nemine, quod magnopere miramur, obseruata haecenus, quantum quidem nobis innotuit. Ordine itaque res exponenda est, et errore foedo historia sacra et philosophica liberanda. Narrat nempe SUIDAS ⁿ, haud exiguum Isidori vitae particulam, quam hausisse ex Damascii *historia philosophia*, et dictio et reliquae circumstantiae aperte loquuntur. Hypatiae ibi, Theonis filiae fata expositurus, ait, fuisse Isidori philosophi vxorem et floruisse sub Arcadio imperatore. Tunc enumeratis aduersis, quae passa est Hypatia, fatis, quae in sequentibus exponemus, haec addit: „Horum memoria, quamuis adhuc vigeat apud Alexandrinos, nihil tamen res ista imminuit, eorum honorem et studium erga Isidorum: cum etiam tanto periculo imminente singuli tamen crebra eius vti consuetudine et sermones ex modesto eius ore proficiscentes audire studerent. Nam ii etiam, qui rhetoricis et poeticeis scholis praeerant, frequentes philosophi congressus amabant. Quamuis enim illis institutus non esset, tamen philosophica subtilitate minutas etiam illorum artes adiuuabat. Nam et cetera „erat

¹) p. 568.

^m) P. H. O. T. Cod. CLXXXI. p. 213. nisi malis hoc loco Isidorum ad Alexandrinos Damascii

praeceptores referre; prius tamen magis verisimile.

ⁿ) In Hypatia T. III. p. 533.

„erat accuratus, et de orationibus et poematibus, quae ostentandi ingenii causa recitabantur, longe melius iudicabat, quam alii. Quamobrem etiam in theatris, cum orationes aliquae audiebantur, breuiter laudabat declamationes, et modeste admodum: opportune tamen, et ut par erat. Vnde totum theatrum iudicio eius utebatur, tanquam norma eorum, quae melius aut peius dicerent, Haestenus Suidas. In quibus verbis sunt, quae consistere secum nullo modo possent. Et quod ad Isidori quidem attinet matrimonium, ipsius Damascii testimonio apud PHOTIVM^o certum est, habuisse illum vxorem Domnam, quae cum peperisset ei filium, quem in praeceptoris memoriam Proclum nominauerat, quinto post partum die mortua est, et philosophum mala bestia et amaro liberauit coniugio. Quod vero ad secunda vota Isidorus transierit, de eo facit epitome Photii, aet Suidae excerpta apertissime loquuntur, satisque declarant, de eodem Isidoro sermonem esse, qui Marino successit. Nam quod Suidas habet, non institutum fuisse in rhetoricis et poeticis, accurate cum Damascio apud Photium concordat. Aet nupsisse Isidorum Hypatiae id quidem cum rationibus temporum conciliari nullo modo potest, ut ex erutis temporum Isidori et Hypatiae notis liquere potest clarissime. Et Isidori quidem aetatem definiere neque Photius neque Suidas, aet satis detegi illa potest ex circumstantiis a Damascio narratis. Fuit nempe Isidorus discipulus Procli, ut ex PHOTIO patet, itemque Marini^o, cui in cathedra successit, deinde relictis Athenis concessit Alexandriam ibique philosophatus est, tandem, quod in sequentibus probabimus, ad Chosroem regem abiit, cum Platonice aliis. Cuncta haec testimoniis vel adductis haecenus, vel adducendis adhuc constant indubitatis. His si annos assignamus debitos haec Isidori historiae emergit chronologia:

Proclus nascitur
moritur

Marinus succedit Proclo
instituit Isidorum
obit circiter

Isidorus succedit Marino docetque Athenis
abit Alexandriam

Florent his temporibus sub Iustiniano
Eulalius, Damascius Simplicius

Isidorus cum Platonice in Persiam abiens redit

A. C. CDXII.

CDLXXXV.

CDLXXXVI.

CDLXXXVII.

CDXC.

CDXCI. CDXCII.

CDXCIV.

DXXX.

DXXXIII.

Iam si ponamus, eo ipso reditus sui anno centenarium Isidorum obiisse, non potest tamen natalis eius contigisse ante A. C. CDXXXIV. Haec ad Hypa-

^o p. 573.

^p p. 569. 571.

^q Ibid.

Hypatiae tempora vt exigantur, supponimus, quod et ipsius SVIDAE testimonio, et SOCRATIS constat, Hypatiam ab Alexandrina plebe interentam floruisse sub Arcadio, et anno quarto episcopatus Cyrilli, Honorio decimum et Theodosio sextum consulibus, furorem plebis mense Martio fuisse expertam: quod tempus in A. C. CDXV. incidit. Concordant tempora Cyrilli, Synesii, discipuli Hypatiae, Theonis patris Hypatiae et tota eius historia. Iam qui potuit defuncta vxore prima Hypatiam vxorem ducere Isidorus, qui eo tempore nondum natus erat, quo illa laniabatur? et quis tanto parachronismo fidem adhibeat? Certe haec omnia extra dubitationem esse, nemo sanus dubitabit, et assensu sunt nobis viri eruditissimi. Ast qua ratione ad hunc errorem delatus sit Suidas, merito ambigitur, licet supina scriptoris negligentia toties nobis iam sit notata. Et primo quidem Damascius malae fidei posset esse suspectus, viderique haec ad Isidorum transtulisse, vt eo grauiori inuidia Christianos Cyrilli partes sequentes cumlaret; ast his obstant, quod is apud Photium Domnae quidem Isidori vxoris meminit, ast Hypatiam post eam duxisse non refert, non omisurus in gloriam Isidori, si tantae tamque celebris in Plotini schola feminae matrimonio fuisset gauisus, praesertim cum dicat, Isidorum Hypatiae multum praestitisse, non tantum vt virum mulieri, sed vt geometriae deditae philosophum. Culpa itaque in Suidam coniicienda magis videtur, qui cum Damascii historiam philosophicam exciperet, ea quae de Hypatia prius retulerat Damascius, cum iis, quae postea de Isidoro narrauit, vna orationis serie coniunxit, cum Damascius nihil aliud dicere voluisset, quam illud; etiamsi magnus esset furor plebis Alexandrinae in philosophos, et Hypatiae mors adhuc omnium memoriae obuersaretur, tamen non fuisse passum Isidorum quicquam mali, nec honori id atque existimationi suae apud populum Alexandrinum obstitisse. Id quod luculenter satis ipsa SVIDAE verba haec innuunt: *τῶτων ἡ μνήμη ἐτι σωζομένη τοῖς Ἀλεξανδρεῦσιν συνέτελλεν εἰς μικρὸν κομιδὴν τὴν περὶ τὸν Ἰσίδωρον τῶν Ἀλεξανδρέων τιμὴν τε καὶ σπεδὸν.* Quibus haud obscure de historia Hypatiae, tanquam re ante Isidorum gesta, loquitur, ostensurus, parum eius memoriam obstitisse, quo minus, metu similis periculi imminentis, magnum honorem et applausum a populo Alexandrino Isidorus meruerit. Quae cum non satis attenderit Suidas, vel qui eius excerpta congefferunt, Isidori vxorem Hypatiam fuisse dictum in limine est. Potuit tamen ab indocti glossatoris manu ex margine in textum hoc glossema irrepere, cum is ex male intellecta verborum Damascii cohaerentia Hypatiam Isidori vxorem fuisse colligeret. Quaecunque vero erroris causa fuit, certe eiiciendus est ex historia ecclesia-

*) loc. citat.

*) Hist. eccl. L. VII. c. 15. p. 352

*) Vid. Act. erudit. nou. supplem. T. III. f. 9.

clesiastica et philosophica, ne in posterum quod viris literatissimis accidit, seducat.

§. XLI. Sed ut reliquam Isidori historiae partem attexamus, quo loco is Alexandriae habitus sit, quantaque in auctoritate vixerit, ex adducto Damascii vel Suidae loco satis intelligitur. Habuisse discipulos, Serapion, eremita Platonius exemplum est, de quo multa habet SVIDAS^x, hausta quoque, ut videtur, ex Damascio. Sedem tamen mutandi consilium postea cepit, securitatis causa. Cum enim grauis his hominibus esset Iustiniani zelus, isque singulari lege vetaret philosophiam gentilem Athenis doceri, qualis nempe tum in Platonica schola personabat, et praecipuum superstitionis artiumque pessimarum fulcrum habebatur, et saniorum philosophiam amplecti iuberentur, abierunt cum Areobindo in Persiam philosophi Isidorus Gazaeus, Damascius Syrus, Simplicius Cilix, Eulalius Phryx, Priscianus Lydus, Hermias et Diogenes Phoenices. Redierunt tamen postea A. C. DXXXIII, pace inter Persas et Romanos facta, libertatem nacti suis institutis et philosophiae conuenienter sine metu viuendi, patriamque religionem, prout visum esset, sequendi. Quem vero in locum Isidorus postea secesserit, ubi, quo tempore, quoue morbi genere vitam finiuerit, in expirantis sectae eclecticae crepusculo a nemine veterum annotatum reperimus. Valde senem tamen obisse oportet eo quod Proclum audiuit, quod ex more sectae Platonicae ante vigesimum annum raro fiebat: et ad medium fere seculum sextum vixit redux ex Perside, ubi hospes peregrinatus erat. Ex his enim concluditur, post A. C. CDLXV natum, et ante A. C. DXL fatis functum non esse, quae LXXV annos conficiunt, et vterque annus a natali et

X x 2

emor-

* Vid. magni viri FABRIC. Bibl. Graec. Vol. VIII. p. 220. MOSHEM. Hist. Christ. antiq. Sec. IV. P. II. c. 1. §. 2. p. 298. et Vol. diff. H. E. p. 214. ANDR. SCHOTTVS ad PHOT. loc. cit.

x) Vitam Serapionis descripsit SVIDAS in Serapion. T. III. p. 334. quam sine dubio ex Damascii historia philosophica hausit, et exscripsit. Is adeo latenter vixit, ut nemini fere praeter Isidorum, innotesceret. Adeo vero solitariam vitam diligebat, ut nunquam fere ex domo sua descenderet, et solus in domuncula habitaret vicinorum opera in rebus necessariis adiutus. Precibus insigniter addictus et idiotiae habitu omnia templa frequentauit, et loca sacra prout sessiuitatis ratio postularat. Pleurumque vero domi per totum diem degens solis diuinis vacauit, precesque cogitando recitauit. Veritatis vero cupidus non in subtilioribus quaestionibus versabatur, sed sublimioribus et diuinis erat intentus. Legebat itaque Orpheum, et de eius sensu interrogabat Isidorum, in archiorem domunculae partem se contrahens. Adeo vero contempsit pecuniam, ut nihil possideret, praeter tres libellos, voluptatemque ita

neglexit, ut summe necessariis tantum vteretur, a rebus venereis per totam vitam abstinens. Honoris adeo incurius fuit, ut ne nomen quidem in vrbe notum esset. Haeredem Isidorum scripsit libellorum, qui de eius vita haec nobis scripta reliquit. Manifestum hoc exemplo esse putamus, sectam Alexandrinam non doctrinam tantum, sed instituta quoque Christianorum, praecipue Aegyptiorum, imitatione expressisse: eo enim tempore eremitis abundabat ista regio. Quos cum summa veneratione prosequeretur plebs, mirum non est, gentiles quoque homines, praecipue Pythagoricis institutis, iam olim solitariam vitam affectantibus addictos, in huius gloriae partes venire voluisse.

y) IOAN. MALALA Hist. chron. P. II. p. 187. NIC. ALEMANNVS ad Procopii anecd. c. 26. p. 377.

z) AGATHIAS de rebus Iustin. L. II. p. 49. SVIDAS in *περὶ βίης* T. III. p. 171.

a) Ita quidem V. C. PETR. WESSLING. Obs. variar. L. I. c. 28. p. 117. conf. PETAVIUS Ration. temp. L. VII. c. 8. p. 465. qui c. V. p. 452. has inducias ad annum DXLV refert, duce Procopio.

emortuali tempore Isidori parum abesse videtur. Aetatem fane eius ad Iustiniani imperium referendam esse, ex hactenus dictis constat. Facie erat ^{b)} magnifica et quadrangulari, oculis gratiam Veneris spirantibus, et in vnam eandemque rem inflexili acie intuentibus, grauitatem vero et venustatem totus corporis habitus prae se ferebat; sensus habebat mediocriter affectos et soli necessitati inferuientes; eandem habuisse rationem phantasiæ ait Damascius; sed exarsisse eam, limitesque transgressam ad entusiasmum vsque infansisse, ex hactenus dictis manifestum est. Multo praestantior tamen nobis depingit Damascius ratione voluntatis virtutum. Ait enim: raro irasci solitum, et si qua irasceretur, rationem imperasse: promptissimum fuisse, bene de aliis merendo, nec suspicacem, licet dolorum ac insidiarum nihil eum falleret: Amasse porro simplicitatem et veritatem, vt supra modum verax esset, nec fictum aliquid in se continere videretur. Fuisse solertem ac industrium, et cum aurora surgente surrexisse, animo in oracula et somnia intento. Pecuniae acquirendae artibus se non dedisse, sed prudentiae domesticae, et in omnibus prudenter se gessisse, domi vero omnia sapienter disposuisse, magnamque diei partem in curanda re familiari consumsisse, partim iubendo et ordinando, partim manum operi ipsi admouendo. Calamitates etiam forti animo pertulisse, dignumque philosopho in illis, etiam in iactura bonorum, ostendisse animum. Mansuetum quidem et lenem erga omnes se praebuisse, sed acerrimum in reprehendis flagitiis, et quamquam nec inimicitias aleret, nec contentiones amaret, graue tamen bellum malis indixisse moribus; et acerrimo zelo iis emendandis inuigilasse. Talem vero suadelam infedis ori, vt nemo tam immiti ac barbaro esset animo, qui non eloquentia eius persuaderetur, et cui non, accedente corporis proceritate, et affabilitate sermonis, iucundissima eius esset oratio. Mediocri nec delicato nimis vsu fuisse conuictu, qui neque paupertatis sorditiem, nec luxum diuitiarum prae se ferret. Colloquentibus non suauem tantum et comem, sed et facilem, et vtilem se praebuisse, et senu maxime congressibus fuisse delectatum: adamasse musicam, sed feueritati Doricoque modo adaptatam. Reuocasse quoque philosophiam ad animum et a verborum contentione ad mores reduxisse ^{c)} veramque philosophiae rationem non in externa fama et eruditionis strepitu, sed in mentis ad coelestia conuersione quaesuisse: adeoque nec statuas adorare voluisse, sed ad ipsos Deos intus latentes, non in adytis, sed in arcano mentis accessisse, et vehementi atque occulto amore se illis iunxisse, modo, qui non dici et ne cogitari quidem queat, sed experientia tantum percipiatur cognoscaturque. Quae omnia passim in hac vita Isidori sparsa manifestum faciunt, instituisse Damascium in laudando praeceptore exemplis ac vestigiis Pla-

^{b)} p. 548. 551. 559. 561. 566. 599.

^{c)} Hoc ita tantum intelligendum est, philo-

sophiam fanaticam eum reliquis disciplinis praetulisse. Animum enim incendi diuino amore per istam philosophiam statuebant.

Platoniorum biographorum, et nullum non virtutis genus ad eum retulisse, vt perfectissimos facere homines philosophiam Platoniam reformatam omnibus constaret. Ex quibus intelligi sine labore potest, quantum in his fidei tribuendum sit Damascio scriptori nugiendulo, fidemque anilibus fabulis pollicenti. Quisquis autem vitae genere et virtutis ratione fuit Isidorus, illud certum est, fuisse dignum Proclo praeceptore discipulum, temperamenti melancholico-cholerici dispositione, fanaticorum praeceptorum educatione, hominum inter quos vixit, indole, et philosophorum suae sectae exemplis illi superstitionis generi pertinaciter affixum, quod ad enthufiasmum, diuinaque commercia et conuersationem pronum ferebatur, et sua sponte ruebat. Ceterum cum multis Isidoris aliis apud veteres claris, noster confundi non debet.

§. XLII. Tandem DAMASCIVS quoque in eclecticae sectae historia enarrandus est, cuius memoriis haecenus in delineandis vitis Platoniorum recentiorum, qui séc. V et VI inclaruerunt, potissimum vsu sumus. Fuit Damasci in Syria natus, et ab optimis praeceptoribus institutus. Alexandriae elegantiorum literarum studiis inuigilans, in dicendi arte Theoni operam dedit per triennium, Ammonium quoque Hermiae filium, qui ceteris in philosophia Peripatetica et mathematicis disciplinis praecebat, audiuit, et in Platonica quoque philosophia magistrum habuit, ex quo patet, Alexandriae iam philosophiae eclecticae vel syncretisticae laborem eum impendisse, eique mathematica iunxisse studia. Quoniam vero eo tempore Athenae fama eruditionis philosophicae Alexandriam superabant, in hanc Musarum Graecarum sedem se recepit, dimissoque eloquentiae studio, cui per nouennium inuigilauerat, totum se perficiendae, quam exorsus erat, mathematicae et philosophiae cognitioni tradidit, illorum a Zenodoto hauriens praecepta, huius a Marino. Maxime autem in Dialecticis exercitationis vim et vsum familiaritate et lectionibus Isidori assequutus est. Quo Alexandriam concedente occupauit relictam cathedram, et vltimus philosophiae Platonicae professor factus est. Eo enim docente Iustinianus philosophos gentiles philosophiam docere Athenis vetuit, sicque nobilissimae catenae, successionisque, quantopere superbiebant, quamque ab Ammonii et Plotini tempore seruauerant, finem fecit, totamque sectam extirpauit, cuius ab hoc tempore nulla sit apud veteres mentio. Nam Damascium quoque, superstitioni uitae mordiciter inhaerentem, inter eos fuisse, qui ad Chosroem Persarum regem emigrarunt, et hospitii ibi iure frui sunt, exiguo licet speratae felicitatis successu, redierunt vero facta pace, et promissa securitate, supra diximus. Ex quo tempore, vbi vixerit, dici non potest, coniecti-

X x 3

endum

d) Enumerat eos FABRICIVS Bibl. Graec. Vol. IX. p. 216. inter eos eminent Isidorus Pelusiorum, et Isidorus Mercator, de quibus IDEM videndus.

e) PHOTIVS Cod. CLXXXI. p. 212. CCXLII. p. 566. SVIDAS in Damascius T. I. p. 506.

f) PHOTIVS l. c.

g) Vid. §. praec. dicta.

ff) Ibid.

endum tamen, eum Alexandriam delatum esse, ubi haec philosophia aliquantisper adhuc personabat, ibique forte obiisse. Patet ex dictis, recte Damascium inter eclecticae scholae philosophos referri, qui Platonice philosophiam cum Aristotelica conciliauit, et reliquas omnes cum his in concordiam ire iussit. Vix itaque audiendus est SVIDAS^{b)}, qui eum Stoicum fuisse dicit, quod etiam receperat FABRICIUM^{c)}, qui eum alio loco^{d)} Platonice adscripserat, miramur. Nisi dicamus, Stoicam philosophiam ab his philosophis ad idem systema syncretisticum fuisse pertractam, cuius exemplum esse potest Simplicius^{e)}, qui Stoica Platonice et Aristotelice iunxit. Fuit is discipulus Damascii^{f)}, adeoque ad hanc quoque sectam referendus esset, quia tamen in Peripateticis maxime eius industria enituit, eius memoriam in sequenti sectione recolemus. Tantum vero fuit inter Damascium et Simplicium, Eulaliumque, ex hac quoque secta homines amicitiae vinculum, ut, qui ὁμηλικαὶ a SVIDA^{g)} dicuntur, vnum simul iter ad Persas fusciperent. Meruit Damascius de philosophia pariter atque eius historia, ita vero, ut ab Alexandrinae philosophiae alumno expectari potest. Scripsit enim *commentarios in Platonem, dubia item et solutiones de principis rerum*, ex quo magno opere fragmenta nobis seruata sunt, quae vulgata debemus industriae desideratissimi Io. CHRISTOPHORI WOLFFII^{h)}: alia ei apud veteres tributa enumerat FABRICIUSⁱ⁾, qui videndus. Philosophicam autem historiam enarratione factorum vitarumque professorum et philosophorum huius sectae, praecipue praeceptoris Isidori, auxit, de cuius ratione et fide cum supra satis, quod est, dixerimus, ea hic non repetimus. Addimus tantum accutatum PHOTII^{k)} iudicium, qui notat: *fuisse Damascium summe impium quoad religionem, et nouis atque anilibus fabulis, scriptiorem suam repleuisse, sanctamque fidem nostram, quamvis timide testeque allatrauisse: eis etiam, quos ob eruditionem summis laudibus extulerat, rursus detraxisse, seque eorum iudicem constituendo, nullum non perstrinxisse, in singulis, quos laudarat, aliquid desiderando, et quos in coelum euexerat, humi rursus allidendo*. Id verum esse satis testantur ea, quae seruauere Photius atque Suidas. Eiusdem generis fuisse incredibilia eius, ex PHOTII^{l)} indicio patet, qui in iis mendaciorum portenta, fabulasque male confictas, impioque atque atheo Damascio dignas contentas fuisse, ait. Et dubitant quidem post ANDREAM SCHOTTVM^{m)}, IONSIVSⁿ⁾ et FABRICIUS^{o)}, an ad hunc Damascium, vel ad alium illepidi libelli debeant referri, vide-

b) loc. cit.

i) Bibl. Graec. Vol. VIII. p. 620.

k) Vol. II. p. 57. conf. p. 402.

l) In comm. in Epictetum.

m) SIMPLIC. Comm. in Phys. L. IV. c. 53. p. 184.

n) loc. cit. male ex Damascii discipulo eius praeceptorem exculpit IONSIVS de S. H. P. L. III. c. 18. p. 302.

o) Anecdor. Graec. T. III. n. 9.

p) Bibl. Graec. Vol. II. p. 126. 294. - IONSIVS p. 3.

q) loc. cit. p. 212.

r) Cod. CXXX. p. 166.

s) Ad l. c. Photii.

t) loc. citat.

u) Bibl. Graec. Vol. VI. p. 326.

videtur tam Photius pro eodem vtriusque libri auctore illum habuisse, qui iisdem conuiciis Damascium onerat incredibilium auctorem, et historiae Isidori conditorem: quemadmodum hunc quoque eiusmodi ἀπίστα καὶ παράδοξα scriptis suis inferuisse multis supra exemplis vidimus. Quicunque autem incredibilium auctor fuerit, illud certum est, eiusmodi aniles fabulas, et illepidas commenta, omni prorsus fide et verisimilitudine carentia, et ad fulciendam superstitionem ruituram ineptissimo conatu excogitata, ex Platoniorum schola pleraque produsse, quibus hominibus nec impudentiores, nec audaciores fuisse a mundi incunabulis vlllos, nemo negauerit, qui eos propius intuitus est, vel, quae hactenus edisseruimus, accurato expendit examine.

§. XLIII. Fuisse in hac secta quoque mulieres, philosophiae laude clarissimas, aliquot exemplis in antecedentibus adductis notum est. Nulla vero maiorem nominis celebritatem consecuta est, quam HIPATIA, cuius fata admodum digna sunt, quae hic enarrentur. Ea enim eruditionis praestantia morumque elegantia, et tragico vitae, quem passa est, exitu, notabilis sacris et profanis scriptoribus indicta non mansit. Genita Alexandriae a Theone magni nominis mathematico, insolitam naturae felicitatem indolisque ad optima quaeque maximis gressibus adspirantis vbertatem accepit, quas animi dotes ingenique sublimis fertilitatem pater optimarum artium cultura, et diligentissima institutione ita excoluit, ut eius eruditio omnibus esset miraculo. A parente enim geometriam et astronomiam didicit, et a reliquis sapientiae professoribus, qui-

Hypatia.

1) De Hypatia ex veteribus satis prolixè differt SVIDAS in Hypatia T. III. p. 533. qui sua sine dubio ex Damascii historia philosophica desumit. Praeter eum SOCRATES quoque Hist. eccles. L. VII. c. 15. integro capite egit, eiusque fata enarrauit, quem secuti sunt PHILOSTORGIVS et NICEPHORVS, ad quorum loca videndi HENR. VALESIVS et IAC. GOTHOFREDVS. Recentiores vero multi, qui sacram et literariam historiam scripsere, Hypatiam attigerunt, ex quibus TILLEMONTIVM Mem. eccl. T. XIV. p. 274. CAVEVM Hist. lit. scr. eccl. p. 251. MENAGIVM Hist. mul. philos. §. 49. seqq. p. 494. seqq. nominamus. Pleraque ex veteribus diligenter congescit B. IO. ANDR. SCHMIDIVS Abbas Mariaualensis in diss. de Hipparcho, Theonibus, doctaque Hypatia in mathesi celebribus. Ut raceamus scriptores historiae mathematicae, aliosque, quos facile lector inueniet.

2) Non confundendus est Theon Alexandrinus cum Theone Smyrnaeo, de quo supra Sect. III. actum. Is natione Aegyptius Alexandriae in museo professoris mathematicos munere functus est, collegamque habuit Pappum, teste SVIDA T. II. in Theon. Alex. p. 182. qui claruisse eum ait sub Theodosio maiore, circa A. C. CCCLXXIX, usque ad finem fere

seculi. Scriptorum eius, cuius titulos post Suidam enumerat FABRICIVS Bibl. Graec. Vol. VIII. p. 231. maxima pars perit, quaeque supersunt, interpolatoris manus sunt passa. Ex titulo commentarii in Ptolomaei magnam syntaxin, editi a CAMERARIO Basil. 1558. fol. patet, habuisse Theonem etiam filium, Epiphanium nomine, mathematicarum quoque scientiarum apprime peritum. Philosophum vero dum veteres Theonem nominant, hoc non alio intelligendum sensu videtur, quam quo mathematicae scientiae pars propaedeutica philosophiae habitae sunt. In reliquis enim philosophiae partibus eum parum fuisse versarum, ex eo colligi potest, quod, Suida teste, Hypatia parentis eruditione non contenta, etiam philosophiam didicerit, quam a patre didicisset, si in ea eruditionis parte valuisset. Conf. MENAG. et SCHMID. l. c. HENR. SAVILIUS praelect. II. in Euclid. Voss. de scient. mathem. c. XVI. §. 9. p. 59. Fuerunt et alii Theones duo Alexandrini, cum patre Hypatiae non confundendi, quorum vnus scripsit gymnastica, alter Stoicus fuit vixitque sub Augusto et in APOLLODORI physiologicam introductionem scripsit. Conf. LONSVS de S. H. P. L. III. c. 17. p. 104. FABRIC. Bibl. Graec. Vol. IV. p. 452. SVIDAS l. c.

quibus eo tempore Alexandria laetissime florebat, disciplinarum fundamenta accepit. Animo enim, ut ait Damascius, generosiore praedita cum intra patris eruditionis cancellos constringi se non pateretur, reliquae etiam philosophiae strenuam operam nauauit, et eam potissimum sapientiae partem didicit, quam in hac Musarum sede maxime excultam fuisse, et syncretisticum doctrinae genus exhibuisse, multoties diximus. Platonis itaque atque Aristotelis philosophum enim intelligendis et conciliandis inuicem infudans, tantam philosophicae eruditionis laudem consecuta est, ut publice in schola et successione Plotini, teste SOCRATE^v, docendi auctoritatem capere posset. Posthabitis itaque muliebribus moribus pallium sumsit philosophicum, et non tantum in publicis conuentibus comparuit, sed et per mediam urbem digressa audire se volentibus vel Platonem, vel Aristotelem, vel alium quemcunque philosophum explicuit, qua de re laudis eius plena inter se concordant et profanorum et ecclesiasticorum scriptorum testimonia^w. Cumque prompta et expedita dicendi facultate polleret, et omnis generis eruditione esset ornatissima, plurimos auditores nacta est, summo eam cultu et veneratione prosequentes: inter quos fuisse Synefium, totum eius admiratione captum^x, *tomo tertio*, ubi de eo dicendum, prolixius edifferemus. Quibus cum accederet virtus, eximia et prorsus singularis, dici non potest, quanta inter Alexandrinos auctoritate valuerit, certatim in eius laudes philosophis, iudicibus, et quoscunque Alexandria aiebat, viris doctis et grauissimis effusis. Nam licet omnes sui temporis philosophos eruditione philosophica et mathematica superaret longissime, maxime tamen insignem ornatam animi commendauit modestia, qua se venerabilem reddidisse, scribit SOCRATES. Iusta quoque atque aequa, et imprimis ita casta fuit, ut licet esset formosissima, et a iuuenibus adamaretur, amores tamen non tantum respueret omnes, miraque prudentia repelleret, sed et virginitatem seruaret illibatam, et in conuersatione cum viris summis et primariae dignitatis, virtutis temeratae suspicionem nunquam faceret: tantamque ista virtute auctoritatem sibi comparauit, ut principes in republica viri eam inuiserent, et magna saepe ad aedes eius esset hominum frequentia. Id quod tamen doctissimae virgini tandem cessit exitio, plebisque in eam concitauit furorem, quae inaudita caede eam sustulit. Cuius causas, si ab ovo, quod aiunt, res enarranda et repetenda, has habet^y: Vixit eo tempore occupauitque sedem patriarchalem Cyrillus, magnae auctoritatis, sed non minoris vehementiae altorumque spirituum episcopus, de cuius vita rebusque gestis et acerrimis, quas in ecclesia excitauit praeful feruidissimus et acerrimus, ac dissentientium impatientissimus controuersis sacri historici, scriptoresque eccle-

^v) loc. cit.

^w) Vid. SOCRATES l. c. SVIDAS l. c. NICEPHORVS L. XIV. c. 16. PAULI SILENTIARIJ epigramma antholog. T. I. ad

^x) Vid. eius epistolae ad Hypatiam.

^y) Dicendum de hac re in historia sacra Sec. VI. sequimur nos SOCRATEM L. VII. c. 13. seqq.

ecclesiastici consulendi sunt. Is infano rei Christianae vel potestatis magis suae promouendae, quacunque ratione posset, aestu agitatus, de eiciendis ex vrbe Alexandria Iudaeis cogitauerat, populi Alexandrini, ad seditiones valde procliuis ingenio vsus, cum de re leui, nempe pantomimorum ludis inter plebem et Iudaeos certaretur, et Orestes praefectus Alexandriae feueris dispositionibus (πολιτείας vocat Socrates) seditionibus obuam iuisset. Iudaeos enim cum tueretur Orestes, et huic eius curae obstarent Cyrilli fautores, is perosus dominationem episcopi, praefecturae sibi ab imperatore commissae plurimum detrahentis, Hieracem quendam, qui acerrime Cyrilli partes sequebatur, in theatro tormentis subiecit. Id quod aegre ferens episcopus, accersitis Iudaeorum primatibus extrema mala minatus est, nisi a consiliis desisterent: ad quod cum illi non attenderent, et motus atque seditionem cierent, caedesque committerent, commotus ira Cyrillus cum ingenti multitudine ad Iudaeorum synagogas progressus, eas illis ademit, Iudaeos vero ex vrbe eiecit, in qua ab Alexandri M. temporibus habitauerant. Grauiissime id tulit Orestes, urbem dolens, vna seditionis rabie tot incolis orbari. Rem itaque ad imperatorem retulit, Cyrillo valde ob eam rem infensus, qui et ipse de Iudaeorum scelere ad principem scripsit, et reconciliationem cum Oreste, populo instigante, tentauit, sed frustra. Quare res in maiores motus excreescens, tandem tragicum naeta est exitum. Cyrilli enim partes cum sequerentur monachi Nitrienses, venerunt quingenti viri in urbem, acrique zelo incensi pro Cyrillo pugnare decreuerunt, et praefectum in vehiculo procedentem aggressi, conuiciis prosciderunt, vnus ex illis lapide percussit caput eius ad cruorem. Plebs accurrens fugatis monachis auctorem comprehendit, quem tormentis subiectum Orestes enecauit, cuius corpus Cyrillus in ecclesia recondidit, martyremque eum, pro concione magnifice laudatum, haberi iussit. Valde displicuisse hanc Cyrilli animi impotentiam bono cuilibet, etiam inter Christianos, facile credi potest; vt itaque indigni tanto episcopo facinoris obliteraret Cyrillus memoriam, plebis in Orestis partem accendit animum, qua re factum, vt infani furoris hostia Hypatia caderet. Quae, cur potissimum seditiose plebis rabiem experta sit, ita refert Damascius, vel qui eum excerpfit SVIRDAS²: „contigisse quodam tempore, vt Cyrillus Christianorum episcopus, ante aedes Hypatae transiens, maximam turbam hominum equorūque ante aedes Hypatae conspiceret: quorum alii aduenirent, alii abirent; cumque sciscitatus esset, quaenam ea esset multitudo, et quorsum tantus fieret tumultus, responsum accepisse: esse turbam salutantium Hypatiam, hasque aedes illius esse. Quibus auditis cum aegerri-me id ferret Cyrillus ardens inuidia, caedem ei, instigata plebe, machinatum esse“. Parum inesse huic narrationi verisimilitudinis, recte iudica-

²) loc. citat.

dicauit acutissimus FABRICIUS ^a, nec inepte coniecit GVIL. CAVEVS ^b, Damascium, quem in Christianos furore exarsisse et contumeliis, Photius obseruauit, ad conflandam Christianis inuidiam maiorem, haec finxisse, vt causam Platoniorum philosophorum iuuaret. PHILOSTORGIVM ^c si audimus, causa in zelum homousianorum reiicienda est, qui Hypatiam sustulit; sed destituitur is testimoniis veterum, nec probari potest, istis Aegyptiarum ecclesiarum controuersis se immiscuisse Hypatiam. Quae enim apud BALVZIVM ^d occurrit, epistola, Nestorianam controuersiam tangens, et Hypatiae nomen in fronte gerens, supposita illi est, et *νοθείας* omnino, iudicibus accuratissimis viris, MENAGIO ^e, TILLEMONTIO ^f, FABRICIO ^g, suspecta. Omnium itaque maxime verisimilitudine se commendat SOCRATIS ^h narratio, referentis, Hypatiam, quoniam cum Oreste crebrius colloqueretur, in suspicionem apud plebem Christianam incidisse, ac si per ipsam staret, quo minus inter Cyrillum et Orestem amicitia reconciliaretur. Certe grauissimam in Hypatiam tempestatem excitasse inuidiam et suspicionem historici fatentur omnes. Tanto igitur pressa odio ab hominibus vindicta ardentibus, quorum dux erat Petrus quidam lector, conspiratione facta obseruatur, domum cum illa rediret. Qui e sella detractam ad ecclesiam quae Caesarea nuncupatur, rapiunt, et vestibus exutam testis interimunt: cumque membranatim eam discerpissent, membra in locum, quem Cinatonem vocabant, comportata incendio consumserunt. Grauiissime tulisse hanc rem imperatorem, scribit Damascius, et certissime vlturum fuisse, nisi Aedesium amicos imperatoris corrupisset. Non mediocre attulisse probum lanienam hanc ecclesiae Alexandrinae eiusque praefuli, facile credi potest SOCRATI, facinus Christianis moribus doctrinaeque tantopere aduersum improbanti. An vero Cyrillo illud adscribendum sit, isque indignissimae caedis inuidia cumulandus, de eo videas in diuersam abire sententiam viros doctos. Sunt, qui magna patriarchae huius veneratione ducti, ab omni culpa et suspitione eum liberant, causamque in plebem Alexandrinam, quae ad seditiones valde procliuui fuit animo, reiiciunt ^b. Ast qui episcopi animum impotentem sui, et feruidum atque dominandi valde cupidum perpexere ⁱ, impetrare a se non possunt, vt ab innocentis feminae caede puras prorsus manus, saltem purum seruauisse animum Cyrillum credant. Et difficile est in hac re certi quid statuere, fatemur tamen, communem famam, omniumque indignationem, quae non plebem tantum Christianam, sed et Cyrillum ob hoc facinus teste SOCRATE pressit, valde suspectum facere praesulem,

^a) Bibl. Graec. Vol. VIII. p. 220. not. n.

^b) Hist. lit. scr. eccl. p. 251.

^c) loc. cit.

^d) T. I. Conc. p. 926.

^e) loc. cit.

^f) l. c. p. 606.

^g) l. c. not. k.

^h) loc. cit.

ⁱ) CAVE l. c.

^j) GOTH. ARNOLD. Hist. eccl. P. I. L. V. c. 3. p. 224. LA CROZE Christianism. Ind. p. 37.

lem, quod insidias Hypatiae structas non ignorauerit, licet facile credamus, furorem illum et rabiem, qua in innocentis virginis corpus debacchati sunt, eum tum quidem, cum ista gererentur ignorasse. Nam eiusmodi vehementiam in publicas seditiones et caedes tandem desinentem non alienam fuisse a Cyrilli animo, non negabunt, qui praefulis in seculi quinti historia sacra celeberrimi res sine auctoritatis et antiquitatis praeiudicio partis studio didicerunt. Certe excusari nullo modo potest, caedem iniquissimam non tantum publica confessione non detestatum fuisse patriarcham, et, qui eius regimini suberat, Petrum lectorem non puniuisse, sed egisse etiam per amicos apud imperatorem; ne publica poena in auctorem sceleris animaduerneretur. Cumque non erubuerit, monachum in publica seditione caedeque praefecti attentato deprehensum et enecatam tanquam martyrem pro re Christiana obeuntem praedicare, facile inde suspicio enasci potest, nec commissum in Hypatiam facinus displicuisse Cyrillo, qui ita odii in Orestem concepti vim effundere quodammodo poterat. Facta haec sunt, ut supra diximus, imperante Theodosio iunior, A. C. CDXV ^k, ex quo tempore caedis huius supra inuictis rationibus ostendimus, errare eos, qui Hypatiam Isidoro nupuisse asserunt. Virginem itaque obiisse oportet, si hoc matrimonium inter fabulas referendum est. Scripsit etiam commentarios in Deophanti astronomicum canonem, et in conica Apollonii, aliaque de quibus videndi MENAGIVS et FABRICIVS ^l.

§. XLIV. Enarrauimus haec totam illam auream catenam successione Platonicae, ab Ammonio et Plotino usque ad Damascium, in Syria, Graecia, et Aegypto florentem. Fuisse praeter hos, quos recensimus, alios quoque ex hac schola prodeuntes, nemo temere dubitauerit, qui cogitat, Alexandrinae et Atheniensis scholae institutione eo tempore plerosque fuisse usos, qui eruditionis fama excellere cupiebant. Suntque hodie inter veterum scripta, quae Platonismum recentioris et reformatum manifeste sapiunt ¹⁾, licet profecta a viris, qui vitae professione philosophos non exprimebant. Inter hos Macrobius, Chalcidius, Ammianus Marcellinus, Dexippus, Themistius, Simplicius, Olympiodorus hisque similes referendos esse, scripta quae extant, satis loquuntur. Et de Dexippo quidem, Themistio, Olympiodoro et Simplicio sequenti sectione ob eximiam in Peripatetica philosophia peritiam dicemus; de Chalcidio, quem sacra Christiana secutum fuisse putamus, tomo sequenti; ubi etiam Aeneae Gazaei ex Hieroclis disciplina ad fidem Christianam transgressi mentio facienda. Macrobius, virum consularem et illustrem sacrique cubiculi praefectum, qui temporibus Honorii et Theodosii

*Alii huius
sectae philo-
sophi.*

Y y 2

^k) Annum 530. ponit Vossius l. c. p. 31. sed error esse videtur literarum; aliter enim ipse c. XVI. §. 9. p. 59.

¹⁾ ll. cc.

²⁾ Christianos ad hanc scholam se componentes edisseremus tomo tertio.

dosi iunioris floruit^{m)}, inter Platonicos huius generis referendum esse, non dubitare nos sinunt, scripta eius quae ad nos peruenerunt, Saturnalia nempe conuiuia, et imprimis commentarius in somnium Scipionis a Cicerone descriptumⁿ⁾; ea nempe Platonici hypothesibus referta, satis produnt, e qua schola prodierint: et reformatam doctrinam Platoniam oculis subiiciunt. Quod ut exemplo probemus, in famosissima ista huius sectae trinitate, primae hypostasi absolutam adscribit omnipotentiam, quam tamen illius respectu reliquis, nempe τῶ νῶ καὶ τῇ ψυχῇ denegat^{o)}. Alio vero loco^{p)}, tria illa numina Capitolina expliciturus, more huius sectae ad physicam allegoriam confugit, et Mineruam ait esse summum aetheris cacumen, Iouem medium aethera, Iunonem infimum aërem cum terra, atque his omnibus diuinam mentem et animum inesse. Et de rerum omnium mutatione ortu et interitu, constare, ait^{q)}, nihil intra viuum mundum perire, sed eorum, quae interire videntur, solam mutari speciem. Alia, et praecipue de statu animarum post mortem breuitatis causa hic praeterimus. Ammianus Marcellinus homo quidem militaris, atque literis eleganter excultus^{r)}, historiam nobis reliquit eorum temporum, quibus secta haec maximas passa est mutationes, veritatis et iudicii laude magis, quam dictionis urbanitate, commendabilem^{s)}. Qui licet se philosophum nusquam dicat, luculenter tamen prodidit, se in horum philosophorum scholis fuisse educatum. Quod ut paucis probemus, ecce Alexandrinam potissimum, ex qua ipse prodiit, scholam, laudibus maximis prosequitur, et inter eius refert encomia^{t)}, *quod inde intelligendi diuinationem multiplicem, et praesensionum originem, per mundum omnem circumlatam esse fatendum sit; quodque hoc loco primum homines longe ante alios ad varia religionum incunabula peruenerint, et initia prima sacrorum caute tueantur condita sacris arcanis.* Hoc, addit, *institutum prudentia Pythagoram colentem secretius Deos, quicquid dixerit, aut voluerit, auctoritatem esse, instituisse, ratam, et femur suum aureum apud Olympiam saepe monstrasse, et cum aquila colloquentem saepe visum esse.* Eadem fere ratione Platonem extollit^{u)}, aliosque huius sectae homines inter summa philosophici orbis ornamenta connumerat. Hinc Apollonium Tyaneum commendat^{x)}, et Ammonium Saccam^{y)}, Maximumque Ephesium^{z)}, ipsumque Iulianum^{a)} imperatorem. Sed doctrinas quoque huius sectae non attingit modo, sed et probat, et singulare eclecticorum horum philosophorum studium futura praenoscen-

m) Cod. Theodof. L. VI. t. 8.

n) Conf. FABRIC. Bibl. Lat. T. I. p. 620.

o) Somn. Scip. L. I. c. 17.

p) Saturnal. L. III. c. 4.

q) Somn. Scip. L. II. c. 12.

r) Vitam eius enarrauit CLAVDIUS CHIL-
LETIVS.

s) Vid. VALESIVS ad Ammian. FABRIC.
l. c. p. 612. quique de historicis Romanis scripserunt.

t) L. XXII. 16. Eadem chorda oberrat Geographus verus a DION. GODOFREDO editus, quem hac quoque philosophia, quam tantopere laudat, tinctum fuisse verisimile est.

u) L. XXII. 16. XXIII. 6. XXX. 4.

x) L. XXII. 14. XXIII. 16.

y) L. XXII. 16.

z) L. XXII. 7. XXV. 3. XXIX. 4. vid. supra in Max.

a) Vid. supra in Iuliano.

noscedi, ita defendit, *ut et elementorum omnium spiritum, utpote perennium corporum, praesentienti motu semper et ubique vigentem, ex his, quae per disciplinas varias affectamus, participare nobiscum munera diuinandi asserat, et substantiales potestates^b ritu diuerso placatas, velut ex perpetuis fontium venis vaticinia mortali suppeditare verba, dicat, quibus numen Themidos praesit, eo quod fixa fatali lege decreta praescire fas sit in posterum, etc. Solem, mentem mundi nostras mentes ex sese velut scintillas diffunditantem, quum eas incenderit vehementius, futuri conscias reddere.* Sed et reliqua legenda sunt, quae genuinam Alexandrinae scholae sententiam de vaticiniorum rationibus explicant. Addi possent alia, laudata Chaldaeorum et Brachmanum theologia^c, tanquam fontes sapientiae, adducta verissimorum euentuum testimonio comprobata oracula^d, et his similia, nisi haec sufficerent, ut ab horum philosophorum decretis non abhorruisse Ammianum demonstrarent. Dubium vero non est, fuisse huius generis plures^e, quos tamen, cum obscurioris famae sint, praetermittimus. Modestior tamen his viris eruditis infedit philosophiae huius amor, quam philosophis eam profitentibus; hi enim cum magno Christianae religionis odio flagrant, illi vel plane de ea siluere, vel satis moderate et fauenti iudicio de ea pronunciauere, rati, eam quoque inter religiones mundi varias pertinere, quibus rite Deus colitur, eamque in vniuersale huius philosophiae receptaculum posse quoque admitti; vnde de ea quoque sobrie locuti sunt. Nec aliunde putamus ortas esse disceptationes virorum doctorum, an Macrobius^f, Themistius^g, Ammianus Marcellinus^h Christianam fidem fuerint amplexi nec ne, quam quod ad hunc syncretismum sectae, et religionem prudentum ab his viris aulae magis, quam scholae inferuentibus, et summis imperantibus placere cupientibus non attenderintⁱ. Idem vtrum de Chalcidio sentiendum sit, alio loco disputabimus. Addit horum hominum gregi Symmachum^k Ven. MOSHEMIVS^l.

§. XLV. Expōita sectae eclecticae, quam Platoniam reformatam *Observationes generales de philosophia sectae eclecticae.* vel Alexandrinam quoque appellauimus historia, iam philosophia quoque eius delineanda est, et in quae potissimum placita consenserit, quaque ratione de rebus diuinis et humanis statuendum esse putauerit, explicandum.

Y y 3

Id

^b) Conf. CVDWORTH. syst. int. p. 632. et MOSHEM. h. I. ^c) L. XXIII. 6.

^d) L. XXI. 14. XXIII. 5. XXXI. 2.

^e) Pertinet huc Theophrastus Atheniensis, quem loquentem inducit AENEAS GAZAEVS.

^f) Christianis annumerat BARTHIVS aduers. p. 2258. dubii haerent GROTIVS ad Matth. II. 16. et HVETIVS demonstr. eu. Prop. IX. c. 15. p. 478. gentilibus aggregant SPANHEM. Dub. eu. T. I. p. 533. FABRIC. l. c.

^g) Vid. Amoenit. lit. Cl. SCHELHORNII P. III. p. 247.

^h) Pro Christiano habuere P. PITHOEVS et Cl. CHIFFLETIVS in vita Amm. conf. VALES. praef. BAYLE Dict. T. III. art. Marcellin, not. B. p. 313. gentilem post alios dixere BAYLE et FABRICIVS loc. cit. p. 613.

ⁱ) Egrege hac de re differit Ven. MOSHEM. de turbata per recentiores Plat. ecclesia §. 30. p. 162.

^k) Memorabilem eius sententiam vide L. X. ep. 61.

^l) J. c. §. 32. p. 168.

Id quod eo accuratiori studio et attentione faciendum, quo plura eius rei momenta sunt, non solum in philosophiae huius temporis, verum etiam in ciuitatis Christianae historia, et quo pauciores sunt, qui claram ei lucem accendere sunt aggressi. Quod ante b. GOTTFR. OLEARIVM^m nemo ex instituto suscepit, eius vero vestigia non solum diligenter praefit, sed et multis parafangis superauit, vir magnus, IO. LAURENTIVS MOSHEMIVS^o, qui primus fere natiuum huius philosophiae indolem, influxumque, quem in Christianam ecclesiam, magno huius damno, nacta est, fusc delineauit, quemque hic consulendum omnino illis commendamus, qui de argumento grauissimo maximique momenti in historia etiam sacra curatius cupiunt erudiri. Nos instituti nostri memores, diligenter quidem attendemus, ad obseruationes virorum doctissimorum, receptam tamen ingressi viam ipsam sectae huius historiam attente considerabimus, exque ea potissimum obseruationes quasdam generales de secta eclectica, vel philosophia potius Alexandrina condemus, ea hic vno fasce comprehensuri, quae in antecedentibus vel passim tantum interspersimus, vel dicendi occasionem nondum habuimus.

I. Indolem accepit a patria Aegypto, ubi exclusa est, et in qua syncretismus religionum diu iam regnauerat.

Et I. quidem ad patriam huius philosophiae nataleque solum, quod inuenustum hunc Veneris pullum exclusit, respiciendum esse, monemus. Eam vero Aegyptum fuisse, et imprimis Alexandriam, ex haecenus dictis liquet, et vel vna Potamonis et Ammonii patria satis demonstrat. Qualis vero paulo ante C. N. philosophiae conditio in Aegypto fuerit, id accurate, nisi fallimur, veterumque nixi testimoniis in *tomi primi* epilogo demonstrauimus. Ast id probe tenendum relegendumque, cum sine eo vera huius philosophiae indoles non queat vel intelligi, vel satis expendi. Paucis itaque quod ad praesentem rem satis est, obseruamus, Aegypti incolas, maxime vero Alexandrinos non tantum gentem fuisse, superstitioni, religionibus et cultibus sacris longe deuotissimam, sed et ad recipienda ea dogmata, quae Deorum sacra augere et elegantiore reddere eorum cultum videbantur, pronissimam. Luculentis id veterum testimoniis suo loco probauimus, ea quoque, quae *tomi primi libro primo* de philosophia et theologia veterum Aegyptiorum diximus, rem clare euincunt. Addimus tamen AMMIANI MARCELLINI^p testimonium, inter laudes Aegyptiorum referentis, *quod diuinationum et praesensionum origo per mundum omnem ab Aegypto circumlata sit, hique primum homines, longe ante alios ad varia religionum incunabula peruenerint, et initia prima sacrorum caute tueantur condita sacris arca-*

^m) Cuius extant doctissimae dissertationes de philosophia et secta eclectica, adiectae STANLEYⁱⁱ Historiae philosophicae p. 1205.

ⁿ) Passim quidem tetigere hoc argumentum viri docti, e. g. HOLSTENIVS in vita Porphyrii, BALTIVS de Platonismo PP. HVE-

TIVS de la foibl. de l'esprit humain L. II. c. 10. p. 217. Pauca vero dixere, nec sufficientia.

^o) In diss. saepe laudata de turbata per recentiores Platonicos ecclesia, quae in syst. int. CUDWORTHⁱ et in Vol. diss. H. E. p. 91. seqq. legitur.

^p) L. XXII. c. 16.

arcanis. Tales cum fuerint Aegyptii, Alexandriae vero habitarent ex omnium fere terrarum gentibus collectae coloniae, exortus est syncretismus religionum, quo in concordiam redacta sunt religionum variarum genera diuersissima maleque inter se cohaerentia, et patriae theologiae noua inde induta facies, allaborante in id Aegyptiorum prophetarum calliditate, ne a Graecis aliisque gentibus sapientia superari viderentur, de cuius principatu a canis temporibus cum aliis nationibus contenderant. Cuius felicissimum instrumentum fuit allegorica et hieroglyphica methodus, qua licebat exsculpere quicquid libebat, quaque in formas omnes doctrina Protei instar conuersa est. Hisce circumstantiis praebenti se Aegypto superuenit philosophia Pythagorica, quae cum Platonica tanquam filiam in societatem recepisset, vehementer se Aegyptiis commendauit, non eo tantum nomine, quod victi in victoris mores et placita transire cogebantur, sed ea potissimum ratione, quod ex Aegypto utraque erat hausta, quodque melius et sublimius, quam ceterae Graecorum sectae, de diuinis philosophari videretur. Nec ab alia forte causa magna, quae haec secta in Aegypto habuit, incrementa deriuanda esse, luculentis suo loco rationibus confecimus. Quae philosophia cum Aegyptiis dogmatibus esset attemperata, nouam prorsus, praesertim in theologia, doctrinaque de Deo, de spiritibus et geniis, de anima, deque cultus diuini modo et indole accepit faciem, henoticam quidem et conciliandis inter se religionibus aptam, sed a Platonicae philosophiae sensu vero et genuino plurimum deuiantem. Quibus cum accessisset noua augendi insanam philosophandi rationem occasio, philosophis Alexandrinis sub Ptolomaeo Physcone in Asiam dispersis tandemque redeuntibus, et cum interim in Asia scholas habuissent, ac orientalem philosophiam, reliquiasque nugarum Zoroastrianarum didicissent, mirum theologiae et philosophiae chaos tandem adhuc ante nati Saluatoris tempora exortum est, quod religionum aliquod *Πανδοχείον* philosophicis rationibus ornatum et Pythagorico-Platonica veste indutum recte appellaueris. Quod sidus pestilentissimum tantopere populos in Aegypto, maxime Alexandriae habitantes afflavit, ut certatim in hunc religionum cum philosophia Pythagorico-Platonica corrupta et alienis dogmatibus placitisque referta syncretisimum, et, quae huc adhibita est, doctrinarum allegoricam explicationem ruerint, ut nec ipsa Iudaeorum natio, tanto odio a gentilium placitis alias abhorrens manserit ab eo immunis, sed eandem rabiem profecuta patriam religionem noua philosophia adulterauerit, ut suo loco tradetur. Non errant itaque, qui Alexandrinae philosophiae origines ante natum Christum, adeoque diu ante Ammonii tempora quaerunt, quamquam perperam eas a Potamone,

7) MOSHEM. I. c. p. 93. OLEAR. I. c. Placuisse eiusmodi ecclesiam philosophiam etiam Christianis Aegyptiis, suo loco tradetur. Vid. interim CLEM. ALEX. Strom. L. I. c. 7.

p. 288. et LACTANT. L. VII. c. 7. Alia testimonia tomo tertio, ubi de philosophia PP. agendum afferemus.

mone, deriuant. Non legisse oportet vel Philonem vel Porphyrium, et Iamblichum de Aegyptiaca philosophia et mysteriis quaerentes et differentes, nec attendisse ad syncretismum theologicum et philosophicum late iam seculo primo regnantem, qui haec negauerit.

II. *Occasio
huius syncre-
tismi ad phi-
losofiam
translati dif-
fensiones Phil.
Alex.*

II. Translata est haec de sacris et diuinis philosophandi ratio, etiam ad philosophiam naturalem et moralem occasione diffensionum et rixarum innumerarum, quas philosophi Alexandrini inter se alebant. Cum enim non Platonici tantum, sed et Stoici, et Peripatetici in hac vrbe valerent, immo et Pyrrhonii, quamuis odiosa essent plerisque Graecorum, qui *θεοσεβέστεροι καὶ δεισιδαιμονέστεροι* videri cupiebant, nomina, caput extollerent, infinita inde inter philosophos exorta est discordia. Quae cum maxime seculo secundo post salutem mundo restitutam insanum in modum esset aucta, non potuit non ea displicere scholae Platoniorum, quae conciliandis, magis, quam inter se dissociandis opinionibus studebat. Medicinam itaque afferendam ratus Potamo, philosophus eclecticus, de conciliandis inter se Pythagorae, Platonis, Aristotelis et Zenonis placitis, vt supra diximus, cogitauit, et resectis disputationibus curiosis, in eandem doctrinam ire ea iussit, quod ex vno fonte dimanasse, et re ipsa inter se non differre, dudum, etiam in Graecia, fuerat creditum, et paria fere ante non multa tempora in Graecia conatus erat Antiochus Ascalonites. Non videtur tamen Polemo ad diuiniore disciplinae hanc concordiam transtulisse, et eclecticam hanc philosophiam tantum intra naturalis et moralis doctrinae terminos conclusisse, vt eodem loco monuimus. Cum vero istae Philosophorum contentiones nec a Potamone tollerentur, nec sine magno superstitionis gentilis damno possent ferri, cum Christiani doctores hoc potissimum telo gentilium philosophorum iugulum peterent, vt ex apologiis veterum Christianae reipublicae doctorum et imprimis ex HERMIAE *irrifione gentilium*^r luculenter disci potest, aliter rem aggreduendam esse ratus est Ammonius Saccas, a Christianis quidem ad gentilium sacra publica nescio qua animi leuitate transgressus, sed non ista tamen apostasia omnem doctrinam Christianam eiurans. Is enim gentis suae moribus et consuetudine et eclecticico quod Christianos doctores commendare audiuerat studio insistendum ratus, de tollendis philosophorum dissidiis, et reuocanda philosophorum concordia, simul autem de concilianda cum horum placitis et auita religione Christianorum doctrina cogitauit, nouumque doctrinae genus commentus est, in quam omnes, quotquot inter se dissidebant, resectis curiosis et inutilibus, consentire concordiamque inire possent. Ad quod consilium diuinitus se excitatum fuisse, iactauit sine dubio, fidem eius rei faciente summa, quam haec philosophia, consecuta est auctoritate.

Quae,

^r) Videnda quae T. I. L. II. c. vlt. diximus.

^s) Obiter hic notamus, non tangere Hermiam Platoniam Alexandrinorum syncretista-

rum sectam, licet Pythagoream memoret, non omisurus, si quidem suo tempore sectae peculiaris nomine iam floruisset.

Quae, vt edifferuimus, ita se habere, luculento testimonio probat HIEROCLES, cuius ex libro *de prouidentia* fragmentum, ad quod supra iam prouocauimus, nobis seruauit PHOTIVS¹. Ait is: *ingentem eorum numerum fuisse, qui Platonem et Aristotelem inter se dissentire dicerent, aut sua sponte contendendi studio et vesaniae addictos, aut praeoccupata opinione atque imperitia subactos: donec aliquando tandem Ammonii philosophia mundo illuxerit, hominis diuinitus edocti. Hunc enim veterum philosophorum opinionibus perpurgatis, et resectis quae utrinque excreuerant, nugis, in praecipuis quibusque et maxime necessariis dogmatibus demonstrasse, concordem esse Platonis et Aristotelis sententiam.* Duplici itaque facie Ammonius, quique eius castra secuti sunt, philosophi considerandi nobis sunt, prout erga philosophiam fuere affecti, et prout erga religionem Christianam se gesserunt. In utroque vero ad diuinioris doctrinae capita, de Deo, de diuinis, de geniis, de anima mundi, de sacrificiis, de mali origine, de statu animae post mortem, et similibus potissimum respexisse, totum philosophiae huius systema clamat. Quibus in dogmatibus vbi se conspire, demonstrari posse sperabant, credebant fore, vt vel Christianis affinia magis dicere, vel eos subtilius ac feliciter refellere posse viderentur, ostendendo, male sibi a Christianis obiici, quae ab illis non satis intelligerentur, quaeque recte explicita sanctam et recipiendam ubique doctrinam spirarent. Quod qua ratione factum sit postea edifferemus, postquam philosophiae nouam reformationem, respectu ad philosophos ceteros habito contemplati fuerimus.

III. Eligebat nempe Ammonius, quam sine dubio adhuc Christianis legibus parens didicerat philosophiam Platoniam, in se, iam ad enthusiasmum pronam, vt suo loco euidenter demonstratum, sed syncretismo religionibus iam patriis et peregrinis dudum adaptatam et a pristina facie, quam a primo genitore acceperat, valde deformatam, et cum Pythagoricis coniunctam. Hoc vel vnus, qui allatus est, Hieroclis locus euidenter probat, et Longinus quoque apud PORPHYRIUM² testatur, Ammonium inter praestantiores Platonicos connumerans. Vnde et Platonem pro sectae suae conditore habebat schola haec Ammonii, et Platoniam se dici cupiebat, vt luculento ZACHARIAE MITYLENAEI³ loco, aliisque horum hominum effatis demonstrari potest. Et hinc ratio appellandi iis haesit, vt communi Platoniorum recentiorum nomine vocarentur, quos reformatos vel Alexandrinos nos dicere distinctionis causa a reliquis, quos *sectione tertia* considerauimus, Plato-

III. Philosophia Pythagorico-Platonica loco fundamenti electa.

¹) Cod. CCXIV. p. 283. CCLI. p. 750.

²) In vita Plotini c. 20. p. 128.

³) De officio mundi p. 189.

⁴) Vid. quae affert MOSHEM. l. c. §. 10.

p. 109. Addi his potest EYNAPIVS p. 13. p. 77. p. 188. MARINVS vita Procli c. 10. p. 22. qui locus luculentus est. Alia in re nota praeterimus.

Platonicis, maluimus. Hos suae sapientiae conditores, Pythagoram et Platonem solos ad illud diuinæ cognitionis culmen inter Graecos conscendisse, eumque in itineribus ad barbaras gentes susceptis acquisuisse eruditionis thesaurum, quem Zoroaster, Hermes, Orpheus et huius furfuris alii collegissent, iactabant ^γ. Hinc cum ipsos antiquissimae philosophiae fontes, quod diserte tradit IAMBELICHVS ^z, inspexisse dicerent, scholae suae antiquam gloriam affectantes Platoniorum nomen seruarunt, confirmati in eo non tantum summa, quam in Aegypto Plato obtinuerat, auctoritate, sed commendationibus etiam doctorum Christianorum, qui propius veritatibus diuinis ab Hebraeis furto ablatis accedere Platonem putabant, quosque adeo reiicere hanc nouam philosophiam eo minus posse credebant, quod Platonici essent, cum rectius Henotici vel Syncretistae dici meruissent, et tota eius systematis ratio longissime a veris Platonis dogmatibus recederet.

IV. Sed cum
Aristotelica
conciliata.

IV. Quamuis vero Platonem, quemque tanquam eius praeceptorem venerabantur, Pythagoram pro duce eligerent, non infimo tamen loco habendus erat Aristoteles, magna iam existimatione Alexandriae a Ptolomaei Philadelphi tempore, Demetrii Phalerei opera, gauisus. Is itaque ut cum Platone in concordiam redigeretur, rescanda multa, et, tanquam aliena et utriusque philosopho ex contendendi studio afficta, reicienda: relinquendus porro Aristoteli honos, quod dialecticam elegantius instruxisset, aut vindicanda Platoni philosophia naturalis et supernaturalis; quo in capite cum in primariis dogmatibus valde inter se dissentirent Plato et Aristoteles mirae excogitandae erant nugae, et ἐνσέμματα, quibus licet valde distorqueretur utriusque philosophi opinio, attamen coire in vnum et conspirare cogeatur. Vix opus habere haec prolixa demonstratione putamus, cum allatus Hieroclis locus clarissime id profiteatur ^a. Nec aliud patitur studium, quod Platonici in Peripatetica philosophia posuerunt, qui in dialecticis quidem Aristotelem praefectius secuti sunt, ut Porphyrii, Ammonii, Plutarchi, Olympiodori, Themistii, Procli, Simplicii aliorumque exemplis liquet: in physiologia autem eum cum Platone mira sententiarum et doctrinarum catastrophe conciliarunt, monstrosi hypothesis excogitatis, quibus tanquam machinis discordiam inter utrumque euerterent. Cuius exempla licet plusscula se offerunt, vnum tamen de aeterna mundi generatione mentali in Deo dogma luculentum nobis specimen praebet, quo Plato, mundum genitum esse dicens, cum Aristotele, aeternitatis mundi patrono in concordiam conspirare coactus est, licet utriusque mens et opinio pessime peruerteretur. Reliquorum philosophorum concordia facilius poterat sperari,

^γ) IAMBELICHVS de myst. Aegypt. Sect. I. c. 2. p. 3. PORPHYR. vit. Plot. c. 16. p. 118. MARINVS l. c. c. 26. p. 60. seqq.

^z) loc. citat.

^a) Conf. PORPHYR. l. c. p. 128.

rari, quotquot nempe Platonice et Aristotelice apte iungi posse crederent. Id enim potissimum Stoicos tangebatur, dudum *πυθαγορίζεν* *καὶ* *quid sectis.* *πλατωνίζεν* vifos: qui cum moralem philosophiam maxime excoluissent, quo in loco ieiunum sterilemque Aristotelem esse videbant, Zenonem Platonice linguam docuerunt enuntiare, et sensus Platonice fundere, id quod SIMPLICII *commentarium in Epicteti enchiridion* consulenti erit euidentiſſimum. Scepticorum cum nulla ratio habenda eſſet, et Cynici aperte huius ſectae doctrinae morali inhaerent, vt infra probabimus ^b, ſoli reſtabant Epicurei, quibuſcum pacem iniſſe Alexandrinos philoſophos nullibi legimus, et facile credi poteſt, ſi paulo conſideratiuſ ad Epicuream phyſiologiam attendimus. Ea enim relictis in intermundiis Diis, de hominibus plane non ſollicitis, cuncta atomis earumque motui permittebat, nec vllam cum Diis conuerſationem vel cultum, praeter eum, qui beatitati eorum exhiberetur, admittebat, quod non poterat non prorsus euertere ſyſtema horum hominum, qui in hac Deorum *συνορία*, et operibus inde prognatis, inque entuſiaſmo et deificatione (ſit verbo venia) animae ſummum philoſophiae cardinem verſari credebant. Haec ridebant quidem Epicurei, et hos philoſophos Pythagoricos, tanquam impoſtores traducebant, vt LUCIANI ^c exemplo patet, aſt ab illis quoque tanquam athei reiiciebantur, et vbiuis locorum adeo ſupprimebantur, vt exorta hac ſecta exoleuerit fere tota ſecta Epicurea. Ex quo ſyncretiſtico huius ſectae ſtudio rerum peritus facile intelliget, quam male conſultum fuerit ab his hominibus philoſophiae, quae in diſcordiam et diſſidia diſtracta, tantum abeſt, vt coaleſcit, vt potius noua inde acceperit vulnera, miſereque vitiata et monſtris opinionum corrupta fuerit. Fuiſſe huius generis philoſophos ex hac ſecta pleroſque cum in earum hiſtoria demonſtratum ſit, nihil his addendum, niſi vt lectorem ipſa eorum de rebus philoſophicis commentaria inſpicere iubeamus, certi paucarum paginarum lectione, modo ſine praeeudicio acceſſerit, fore de ea re plane conuiſtum.

V. Platonice vero philoſophiae dum dedita videri volebat gens ſuperſtitioſa, ſinis quoque eius non ponendus tantum, ſed et obtinendus a philoſophis dicendus erat. Nempe Platonem intuitionem intelligibilium et poſtea ipſius primi intelligibilis, ſummi nempe Dei, pro vltimo ſine philoſophiae et apice omnis felicitatis poſuiſſe, ex iis quae *tomo primo* de Platonis philoſophia fuſe diſſeruimus, exque libris *de republica* abunde notum eſt. Hoc potissimum cum diuini appellationem honorificam prorsus et philoſopho dignam comparauiffet Platoni, reſormatae quoque eius ſectae eo magis arridebat, quo magis illa ex antiquiſſimorum philoſophorum fragmentis diuiniorem hanc philoſophiae partem ſe didiciſſe iactabat. Hinc diuina haec cognitio et intuitio pro ſummo ſine et perfectiſſimo.

Z z 2

^b) Conf. EVNAPI. l. c. p. 6.

^c) In Pseudomante.

V. Entuſiaſmus ſinis huius philoſophiae.

fectissima felicitate posita, totusque disciplinarum philosophicarum orbis ei inferuire iussus ^d, ipsum autem systema physiologicum ita efformatum, ut tandem non ad Dei tantum intuitionem formalem essentialemque, sed ad ipsam quodammodo deificationem duceret. Quod ut facilius fieret, relicto, quod Plato assumerat systemate dualistico, emanatium ab iis ex philosophia Orientali reuocatum et admissum, et per varios emanationum fontes, gradus, naturas, modos, classes, totus rerum et visibilium et inuisibilium orbis, maxime vero infinita naturarum spiritualium et intelligibilium series deducta est. Cui cum animus hominis totus statueretur concatenatus, ordo demonstrandus erat, quo per varios gradus purgationes, ascensusque, liberatus a caducarum et corporearum rerum mole animus ad primum suum fontem ascendere, et tum eius contemplatione, non ideali, sed intuitiva, indeque orta coniunctione cum Deo, tum consortio et connexionione cum minoribus Diis, iisque spiritibus, e quorum numero mens esse dicebatur, frui posset. Id quod recte Platonice reformatis tribui, delineatio eorum systematis postea comprobabit. Nos heic loci hoc vnum addimus, virtutes non theoreticas tantum, ut visum Platoni, sed theurgicas quoque et humanae fortis conditionem plane exsuperantes fuisse requisitas, ut nempe diuina agitatione, furoreque aliquo coelesti excitatus sibique quasi ereptus animus, ad extraordinariam cum Diis conuersionem et commercium ascenderet, tandemque ad ipsam ecstasin, visionemque per eam DEI essentialem pertingeret. Quod non intendere tantum sapientiam suam dicebant, sed obtinuisse quoque viros principes suae sectae, Pythagoram, Platonem, Apollonium, immo suae quoque aetatis homines Plotinum, Porphyrium, Iamblichum, Sosipatram, Iulianum, Proclum, Isidorum gloriabantur. Quod ne operose hic probeamus, enarratae nobis eorum hominum vitae otium faciunt, in quibus diligenter ad primarium hunc philosophiae huius characterem respeximus, in plerisque eorum vitis τὸν θεῖον καὶ ἐνδεσμοῦν, quem affectabant, notantes. Qua de re cum supra dictis P O R P H Y R I I vita Plotini, E V N A P I I vitae Sophistarum, M A R I N I vita Procli, D A M A S C I I vita Isidori tanquam indubitata huius sectae monumenta conferenda sunt, quae tantopere de hac re loquuntur omnibus fere paginis, ut vel mediocri attentione praedito pateat, eiusmodi enthusiasinum finem, scopum, summamque omnis felicitatis, hanc philosophiam posuisse.

VI. Totaphi-
lophia en-
thusiasmo su-
perstructa.
Platonicum
systema adul-
teratum.

VI. Ita admissio omnis emanationis fundamento et fine, nempe primo systematis emanatiui principio, quod, quae ex primo rerum omnium fonte effluxere, in eum tandem per varios ordines, gradus et purgationes reducit, totum quoque systema Platonicum adulterandum, et mutandum, adiciendumque, et ex aliis systematibus inferendum erat, quod apte magis cohae-

cohaerens exstruebat doctrinae aedificium, quo factum est, vt tota fere facie a Platonis imagine deficeret. Aliter enim fieri non poterat, si ad hunc finem omnia debebant collineare. Vt itaque systēma enthusiasticum suo numero perfectum construeretur, materia quoque, quam Plato Deo ex diametro opposuerat, sua quasi dignitate principii alicuius absoluti, qua apud Platonem pollebat, priuanda, et praeunte Asiatica philosophia ad vnicum istum fontem reducenda, exque Deo fluxisse, siue ex gremio eius emanasse dicenda erat, vt postea probabimus. In diuinis autem noua fontium spiritualium trinitas excogitanda, vel ex variis potius emanantium principiorum, quae orientalis philosophia iactabat colligenda et contrahenda erat, ad quam illa principiorum ternio, quam in physiologia sua supposuit Plato, tanquam ad archetypum, fontemque primo-primum se haberet. Inde enatus mundus idealis, et anima mundi *ὑπερέκσμιος*, totaque illa mataeologia de qua prolixè, saepe sine sensu et lumine, garrunt. Sed et animus ex illo fonte deriuandus, aliter quam Plato praeceperat, qui ex anima mundi decerptum dixerat, quod ne obstaret, vox quidem relinquenda, sed excogitanda metaphysica quaedam anima mundi supramundana, qui fons esset verè diuinus animorum. Qua diuina origine animi posita sequebatur, quo magis a primi fontis natura res distarent, eo deterioris esse conditionis, hinc materialitas ab essentialitate vt ait IAMBlichvs^e, diuisa causa mali, facta, corpusque, et, quae illud comitantur, affectiones et passionēs vt poena hominis carcerque, ei tributae, a quarum consortio et motibus liberandus et eripiendus animus, et variis virtutum gradibus et classibus ita praeparandus dicebatur, vt ex his vinculis tandem ereptus ad intelligibilem contemplationem ascendere Deumque ipsum intueri posset. Qua de re infra plura dicemus. Tantopere vero hunc sibi enthusiasmum cordi haec secta habuit, vt quod Plato post hanc demum vitam fieri posse statuebat, viuīs adhuc philosophis obtingere posse hi pseudo-Platonici contenderent, immo assignans in sua schola obtigisse gloriarentur, vt supra exemplis probatum: qua de re prolixè nugatur Plotinus^f, cui tantopere hic enthusiasmus deamatus fuit, vt vix verba inueniret, quibus intimam istam coniunctionem et intuitiuam felicitatem depingeret, quem eo potissimum loco legendum commendamus, vt quam crassius enthusiasmus his hominibus placuerit, rectè intelligatur. Quin ne materia quidem extra Deum relinquenda erat, cui maleficam et contrariam bono naturam Plato tribuerat, sed ea quoque istius enthusiasmi particeps dicenda. Ait enim IAMBlichvs^g: *ipsam quoque materiam, cum ab ipso opifice patreque omnium facta sit, merito perfectionem sui quandam accepisse censendam esse, aptam ad Deos suscipiendos: nihil enim esse, quod prohibeat superiora diffundere lumen suum ad inferiora, et materiam*

ZZ 3

^e) De myster. Aegypt. S. VIII. c. 3. p. 159.
^f) I. c. Enn. IV. L. 3. PROCLUS in Theol.

Plat. L. I. c. 24.

^g) I. c. S. V. c. 23. p. 138.

teriam non expertem facere quicquam superiorum participationis. Quae ut a genuina Platonis mente longissime recedunt, ita Alexandrinos Platonicos multo magis quam Platonem, in asserendo entusiasmo infanuisse, produnt. Quod tamen ne mox incurrat in oculos non initiatorum, flectebatur interdum ad receptam de sede beatarum animarum post mortem doctrinam, et animis tantum in choro coelestium locus assignabatur: ut ex carmine in Plotini manes disci potest ^g. Ast haec ἐξωτερικῶς tantum dicebantur, et reuera hunc sensum habebant, reuerti animum in fontem suum. Quod praeter morem suum clarissime explicat PLOTINVS ^h, monens, animam non centrum tantum suum, sed et centrum aliquod centrorum omnium quaerere, in quod omnia quasi centra concurrunt, semperque reuolui circa idem, non tamen assidue aspicere ipsum, et tamen ei adhaerere; non tamen in ipsum semper conuerti, sed quando in eum prorsus inspiciat, illique tunc demum finis optatus requiesque contingat, agens diuinum circa illum chorum, in quo inspicit fontem vitae, fontem mentis, entis ipsius principium, boni causam, radicem animae, quae non ita ex Deo effluant, ut eum comminuant. Huic fini subordinata tota moles mediocum enthusiasticorum, quam haec schola tam operose commendauit, quaeque tota eo tendit, ut ita homines in diuinam naturam commutarentur. Qua de re infra plura dabimus, haec enim sufficiunt, ut demonstretur, enthusiasmum, a Platonice Alexandrinis pro summo philosophiae fine, electum coegisse infauftum philosophorum genus, ut multoties a Platone deficerent, eumque temere adulterarent.

VII. Causae electi enthufiasmi.

VII. Incidisse Alexandrinam hanc Platonice scholam in enthufiasmum, et ad eiusmodi deliramenta fuisse delata, quorum absurditatem et falsitatem mens sobria, et iudicare acuteque cernere apta sine negotio detegit, mirandum non est. Ita enim et patriae genus, et educatio, et exempla, et circumstantiae externae et internae ferme omnes postulabant. Originem haec schola cepit ab Aegyptiis, quorum ingenia ad superstitionem et qui plerumque eam comitatur, enthufiasmum fuere promptissima, et natura prorsus procliu: unde cum in Deorum cultu prorsus infanirent, ad eam potissimum felicitatem adspirabant, ut commercio cum Diis fruerentur. Qua de re, cum AMMIANI MARCELLINI et Geographi veteris testimonia supra iam citauerimus, in probanda re ex Aegyptiacae philosophiae historia nota moram non necimus. Ab Aegypto diffusa ad Syros, et Asiaticos eiusdem fere generis homines leues, facileque, rebus diuinorum speciem prae se ferentibus capiendos similibusque nugis iam repletos offendit, qui quo leuiore erant animo, eo facilius se ad spem tantam componebant. Accedit, quod plerique ex his philosophis temperamento vterentur melancholico - sanguineo ⁱ, quod faciles imagi-

nandi

^g) PORPHYR. vit. Plotin. c. 22. p. 134.

^h) l. c. p. 767.

ⁱ) Facetur id AMMIANVS L. XXII. c. 16.

nandi facultatis motus extra oleas vagantes capit, semelque ista animi potentia a via declinante, non ad extraordinaria tantum simulacra et imagines in cerebro efformandas aptum est; sed in furorem quoque interdum degenerat fanaticum, tandemque in ecstases delabitur: qua de re, qui humani animi facultates viresque physica ratione enarrarunt^k, audiendi sunt. Hanc ineptam ad veram philosophiam animi dispositionem plerumque generasse enthusiasmum, probauerunt, qui de hoc animi vitio curiose disquisuerunt. Ast eam inhabitasse plerosque horum philosophorum, in eorum vitae historia planissimum fecimus. Cum itaque et patrii mores, et genius gentis, et natura atque temperamentum ad eandem concurrerent metam, qui mirum est, eos in enthusiasmi amorem studiumque exarsisse? Accedit praeterea, quod eundem scopum, licet paulo modestius, seruauerat, et obtinendum sibi constituerat Academia Platonis, confirmata in eo, Pythagorae principiis, quae acceperat. Huic illi vero se tradiderant sectae, eo quod reliquis melius de diuinis sentire videretur, qua in re naturalis animi dispositio illa institutione valde adiuta est. Cumque philosophia Orientalis miris ingenii deliramentis eiusmodi principiorum ex Deo emanationem, et animi ad eam reductionem ipsa quoque statueret, eaque Platonicis doctrinis immixta nouam rei faciem conciliaret, non poterant non ad enthusiasmum ruere homines exigua iudicandi facultate praediti, phantasiae autem fertilitate et lusu praeter modum abrepti. Sed et alia his accessit causa ex vitae genere, quod plerique sectabantur. Eo enim res deuenit post natum Salvatorem hominum, ut, cum antea sacerdotes a philosophis distinguerentur, ruinam tandem minante superstitione templorum, ararum, sacrificiorum cura commendaretur philosophis Pythagoricis et Platonicis, ut eo fortius contra Christianos aggressores auitam religionem tuerentur. Cuius rei probationem vel vna Apuleii vita, vel Apollonii historia, vel Eunapii vitae satis superque exhibent. Hoc vero vitae institutum quid vel requirebat melius, vel patiebatur facilius, quam enthusiasmum talem, qui aquam porrigeret superstitioni, templis, aris, focusque, oraculis et his similibus enutritae? Quae omnia tamen mirum in modum aucta sunt, cum Christianae religioni opponeretur noua philosophia, habitum diuinum ementens, de qua re mox plura differemus, vnum hoc dictis prius adiicientes, indolem harum gentium, ex quibus prodire hi philosophi, ad fraudes et mendacia praesertim in arroganda sibi Deorum cura, cultu, apparitione, et his similibus, praeter modum inclinasse, et hoc nomine dudum fuisse infamem. Quod qui negat, aut hos homines Aegyptios, Syros, Cilices, Cappadoces, fuisse, aut, has nationes eo nomine male audiisse, ignoret, necesse est, certe negari in re nota non potest.

VIII.

^k) Legendus MALEBRANCHE de la recherche de la verité, L. II. P. II.

VIII. Philo-
sophia orien-
talis sibi vin-
dicata.

VIII. Inualuisse circa ea tempora, quibus philosophia Platonica in Aegypto caput extollere coeperat, in Asia philosophiam quandam Orientalem, supra monuimus, ostendemusque infra, ubi de ea paulo curatius agendum, eam in enarrandis diuinarum emanationum genealogiis, constituendisque variis substantiarum aeternarum, siue, quo nomine vocabant, aeonum, classibus earumque ad generandum hunc mundum visibilem, concursu occupatam de origine et natura materiae, indeque exortimuli multa obscura et humani ingenii captum transcendentia praecepisse, eam vero mature Alexandrinis philosophis innotuisse, et ex parte in Aegyptiacum et Platicum systema receptam fuisse, suo quoque loco obseruatum est ¹. Qui philosophi Orientales cum Zoroastris aliorumque ex Asiae philosophis dogmatum librorumque participes se esse iactarent, non tantum hanc sibi gloriam vindicarunt Platonici, ut a Zoroastre et Chaldaica philosophia, suum systema Pythagoram atque Platonem in itineribus inter barbaros accepisse dicerent, sed et cum Aegyptiaca veteri coniungerent, Hermetica crepantes, ut eo magis domi quoque fidem inuenirent ^m. Id quod ansam dedit hominum generi supra modum audaci, varios libros, quales Orientales quoque philosophi circumferebant, excogitandi et supponendi, qui ad hos veteris philosophiae patriarchas referrentur. Quod cum facerent etiam haeretici ex antiqua illa, ut putabatur, philosophia Orientali progressi, et imprimis qui sublimiorem sibi de diuinis notitiam vindicantes, Gnostici dicebantur, cumque illi, Pythagoram et Platonem veros philosophiae huius diuinioris sensus fontesque non satis affecutos fuisse dicerent, magna inde inter hos homines et Platonicos Alexandrinos controuersia exorta est, utraque parte de genuina librorum a se istis philosophorum antesignanis tributorum veritate, deque vero sensu philosophiae Chaldaicae atque Hermeticae disputante, sibiue vindicante ⁿ. Cuius disputationis exemplum inter Plotiniana scripta hodie superest, quod *contra Gnosticos* Porphyrius inscripsit ^o, in qua horum hominum deliramenta acute nec infeliciter refellit, mundumque a causa inferiori eaque mala conditum non esse disputauit. Quae concertationes, cum et Christianorum doctorum bella accederent, magnam vim horum haeticorum suppressere quidem, et ex parte eradicauere, nihil tamen melius exhibuere, sed multo praesentius venenum propinquare, quod eo magis nocebat, quo magis parum a veritate abesse magno inter Christianos doctores numero placebat.

IX. Attempe-
rata Chri-

IX. Maiora adhuc momenta habuit secta et philosophia Alexandrina respectu ad Christianam ecclesiam habito, cui tanta vulnera inflixit, totque

1) Tomo I. L. vlt. c. vlt.

m) Videnda de hac re loca notabilia EVNAPRII in Aedefio p. 61. PORPHYRII l. c. c. 16. p. 116. MARINI vit. Procli c. 28. p. 67. IAMBlicHI de myster. Aegypt. Sect. VIII. c. 4.

p. 160. PORPHYR. de antro Nymphar. p. m. 107.

n) PORPHYR. vita Plot. c. 16. conf. CLEM. ALEX. Strom. L. I. p. 304.

o) Enn. II, L. IX. p. 199. seqq. Gnosticorum tamen nomen non habet Plotinus.

que morbos contraxit pestilentissimos, vt non vllam fere haeresin illi tan-
topere nocuisse merito dicendum sit, nihilque magis vel euangelii cursum *Christianorum*
impediuerit, vel doctrinam puriorem corruptelis perdiderit nefandis. *rationibus.*
Quod vt heic quoque loci tangamus, rei necessitas postulat, quamuis ad
sacram potius, quam philosophicam historiam pertineat, cum detestabilis phi-
losophiae huius sectaeque genius sine his intelligi satis nequeat. Paucis ita-
que rem totam comprehendemus, commendata, ea de re, quam supra
laudauimus, Ven. MOSHEMI commentatione, cum iis quae supra
iam hac de re differuimus, conferenda. Et prima quidem huius rei caus-
sa apud ipsum Ammonium Saccam quaerenda est. Hic, vt supra dixi-
mus, parentibus Christianis genitus et Alexandriae educatus est, quo
tempore in celebri illa schola catechetica Clemens Alexandrinus vel Pantae-
nus docebant. His doctoribus cum valde arrisisset doctrina Platonica et
Stoica, arctiori inter se nexu copulata, et cum aliis eclecticis modo conci-
liata, vt *tomo tertio*, vbi de iis agendum, dicitur, dubium non est,
Ammonium praeter Christianae doctrinae capita etiam huius philosophiae
praecepta, a philosopho quodam vel Christiano, vel quod verisimilius
nobis videtur, gentili quodam Alexandrino didicisse, quam in syncretis-
mum aliquem iam eo tempore inclinasse, aliquoties monuimus. Is cum
animo relinquere ciuitatem Christi, quibuscunque demum ex causis, sta-
tuisset, nouamque condere religionem, vel Platoniam potius reformare
philosophiam suscepisset, non tantum tollendis, vt supra diximus, diffi-
diis philosophorum animum applicuit, sed et nouam, quam mente agita-
bat, sectam, ita ordinandam censuit, vt quae ex Christianis dogmatibus
recipienda putaret, illi attemperaret, quae vero intolerabilia ei videren-
tur fortius supprimeret, et, cum patriam religionem, legibus imperato-
rum tum stabilitam, a Christianis expelli sensim et ruinam minari
cerneret, id sibi negotii datum esse crederet, vt tanto malo omnes
vires opponeret. Quod eo facilius illi fuit, quo magis adhuc in-
ter Christianos versatus, modum, quo Christiani superstitionem
oppugnabant, Diisque gentilium eorumque sacerdotibus bellum indi-
cebant, cognouerat, et apologias doctorum Christianorum lege-
rat, indeque causas decrescentis superstitionis gentilis et victoriarum
Christianae doctrinae late grassantium intellexerat: quibus opponere se,
et cursum relictae religionis sistere, nouum tamen et non minori applausu
recipiendum systema condere in animum inducebat. Causas vero decre-
scentis cultus gentilis deprehendebat varias. Obstabat seruandae religio-
ni patriae insana et detestabilis superstitionis facies, quae omnem quidem
orbem gentilem, maxime tamen Aegyptum ita deformauerat, vt non
Christianorum tantum doctorum obiectionibus sed ipsis quoque philoso-
phorum gentilium, praecipue Scepticorum et Epicureorum scommatibus
tota exponeretur. His philosophi, qui custodes esse debebant, diuinio-
ris veritatis, tantum aberat, vt mederentur, vt infinitis potius diffidiis
de

de Deo deque capitibus sublimioribus se turpiter darent, et in propria viscera saeuientes iucundum Christianis victoribus praeberent spectaculum. Magna quoque philosophorum et sacerdotum pars vita pessima et omni malitiae genere inquinata, quam parum sanctitatis suis praeceptis ineffet, demonstrabat. Tandem et pulchre videbat Ammonius, tot esse de rebus diuinis quaestiones, quae soluere recepta religio non posset, ut multi vanitate eius adducti Christianis doctoribus aures aperirent. His, quas ex ipsa gentilium parte exoriri videbat difficultatibus causae accedebant plurimae a Christianae religionis indole et doctorum eius diligentia studioque eam propagandi ortae. Inter quas merito miraculorum gloriae primas partes tribuimus, quae eo tempore, quo Ammonius sacra Christiana deseruit, passim adhuc splendebat; certe, eorum quibus suffulta lex Iesu Christi per omnem orbem ipsis miraculis miraculosius propagata erat, certissima et attonita omnium, etiam gentilium, animis inhaerebat memoria. His iungenda inuicta argumentorum pro Christianae religionis veritate series, a veritate, sanctitate, et puritate doctrinae moralis desumpta, quam et vitae innocentia et martyrii gloria innumeri IESU CHRISTI testes roborauerant. Quibus omnibus ut idoneis remediis occurreret Ammonius, ducemque se aliis praeberet, ad absoluendam feliciter, quam exorsus erat telam ita rem, teste tota huius sectae historia instituit, ut, quam susceperat philosophiae Platonicae reformationem, huic potissimum scopo attemperaret.

X. Superstitionis facies picta et emendata.

X. Nempe ita consilium iniit nouae philosophiae pater Ammonius, ut absurditatem detestabilem superstitionis gentilis reformatae philosophiae beneficio, quantum pote, tolleret, et rationalem magis significationem ineptissimis sacris et cultui irrationali induceret. Qua in re patriae suae exemplis adiutus est plurimis; cum hierophantae iam olim Graecae philosophiae praeceptis imbuti philosophicas interpretationes turpissimae, quae in Aegypto regnabat, superstitionis dedissent. Ut itaque nefandae doctrinae cultuique diuino, praecipue vero theologiae passim receptae meliorem colorem induceret homo astutissimus, ad allegoricam explicandi methodum, cui a multis iam seculis summa deuotione adhaeserat gens Aegyptiaca, confugit, eiusque beneficio alios longe sensus populari religioni, quam deferere, et publica auctoritas, et munera, quibus illi homines praeerant, et emolumenta, quae ex ea capiebant, vetabant, affricuit, et ut affectae paria susciperent, fecit. Id quod duplici modo ab iis factum est. Primum, certum Deorum ordinem quem requirebat systematis emanatiui ab his philosophis recepti indoles, statuiebant, et summum quidem Numen, abyssum omnis diuinitatis, fontemque rerum omnium, ipsumque praestantissimum bonum esse dicebant, ast hunc in profundo essentiae suae oceano latere contendebant; cumque ex hoc inexhausto mari innumeros deos, geniosque effluxisse assererent,

illis

illis rerum omnium administrationem in hoc terrarum orbe tribuebant, distributis ita a summo rege ministris per omnes prouincias, vt variis locis, muneribus, atque operibus praeficerentur. Haec itaque numina immensum illud, quod inter summum Deum et homines intercederet, χάσμα replere aiebant, et catenam aliquam efficere, omnia replentem, quibus et Dei ad homines beneficia, et hominum ad Deum preces et sacrificia perferrentur. Haec numina populos adorare merito, cum supremum quidem Numen ob infinitam profunditatem paucissimis attingere liceat. Nec alium sensum subesse vetustissimis theogoniis et poetarum fabulis; modo arcani sensus rite eruenter, recte itaque vniuersi terrarum orbis religiones, in vnam quandam conflare posse, et vere sapientem theologiae antistitem de omnibus prorsus religionibus sollicitum et vniuersi mundi sacerdotem esse debere. Non habere itaque Christianos, quae gentilibus obiicerent, cum et ipsi sanctiores spiritus Dei esse ministros dicerent: certe ab obiecta absurditate receptam religionem esse liberandam, et quae absurda videntur, philosophice explicanda. Semel tantum PORPHYRII^p, IAMBlicHI^q, PROCLI^r scripta inspicere opus est, vt de veritate huius rei constet. Hoc assumpto dogmate palliatur philosophico integumento turpissima omnium gentium superstitio, et cum noua philosophia, in hoc potissimum doctrinae capite excellere cuperet, occasionem dedit philosophis Platoniciis infinitas comminiscendi nugae, et in sacris his obseruandis mire insaniendi. Cuius exemplum vel vnum Proclum, vel Iulianum etiam, licet imperio admotum, considerari volumus. Ita vero et temperamento horum hominum melancholico, et superstitioni, in qua erant educati, et honoribus atque existimationi, quam apud numinum cultores consequebantur, et commodis etiam ex ministerio Deorum, cui se addicebant, valde consultum videbatur: et haec rationalis religionis facies habebatur, quae omnes vna homines sub vno supremi Dei imperio iungeret, cui non posset displicere haec cultus diuini varietas, eo quod reuera vna tantum esset religio^s.

XI. Quod ad eludenda Christianorum tela Ammonius et affeclae XI. Philosophorum dissi-
susceperant religionum omnium inter se conciliandarum consilium, illud etiam ad retundendas, quae a discordia et dissensionibus philosophorum dia sublata.
petebantur a Christianis, obiectiones mire valebat. Reiecta enim Epicurea physiologia, illis non minus, quam Christianis doctoribus, inuisa, in eo neruos intenderunt omnes, vt maxime Platonem et Aristotelem inter se conciliarent. Quod cum propter philosophos quoque, vt supra monitum suscepissent, ad excipienda et retundenda Christianorum

Aaa 2

tela

p) Περὶ ἀποχῆς L. I. §. 57. p. 49.

q) De myster. Aegypt. S. V. c. 25. p. 140. conf. Otium Vindel. Mel. I. p. 42. seqq. MA-

RINVS in vita Procli c. 19. p. 47. c. 29. p. 71.

r) Loco supra cit. add. OROSIVS Histor. L. VI.

c. I. p. 416. AVGVSTIN. ep. 16.

s) Conf. PHILOSTRAT. vit. Apoll. L. VI.

c. 3. p. 232. SVIDAS in Timaeo T. III. p. 470.

Celsus apud ORIGEN. L. VIII. p. m. 403.

THEMISTIVS Orat. XII. p. 157.

tela in iis potissimum doctrinae capitibus applicare tentatum est, quae de Deo, deque rebus et operibus diuinis praecipiebant. In quibus cum toto coelo inter se distarent philosophi ambo, et Plato saniora Deoque digniora praecipere, etiam inter Christianos, multis videretur, mira adhibita dogmata, et admotae machinae portentosarum explicationum, in cerebris otiosorum horum hominum enatarum, et praecisionibus mentalibus ac abstractionibus metaphysicis tanquam fundamentis solidissimis superstructarum, quibus sana omnia apud vtrumque, et concordia prorsus esse demonstraretur. Syncretismum itaque hunc Platonico-Peripateticum etiam Christianorum in damnum excogitatum fuisse, recte viderunt et notarunt viri docti ¹.

XII. Vitae
philosophorum
sanctae Chri-
stianis oppo-
sita.

XII. Sed et sancta et integra Christianorum vita ne amplius obstaret, vel obiceretur, hominesque ad amplectendam eam doctrinam alliceret, quae non sanctissimam tantum vitam praeciperet, sed et efficeret, remedium ab Ammonio et fociis excogitatum est. Semel enim constitutis philosophiae moralis fundamentis feuerioribus, de quibus mox dicendum, vehementer vitae ab omni corporis contagio, et affectuum insultibus liberae conditionem vrgebant, et non purgationem tantum mentis a corporeae molis inquinamenti iniungebant, sed virtutes quoque summas theoreticas, intuitivas, theurgicas, quas infra explicabimus, commendabant, iisque ad vacuitatem ab omni passionum impetu, et ad ipsam Dei intuitionem peruenire philosophiae alumnum posse, statuebant. Quod licet nugae ingenii luxuriantis et tricas neccentis saperet, attigisse tamen mentendum erat felicissimam hanc diuini generis successionem, hosque sectae istius philosophos, dicendum, per omnes virtutis et sanctitatis gradus ad supremum fuisse enixos. Testes volumus vitas omnes, quotquot hac sectione enarrauimus, maxime vero Procli, cum nemo eorum tantopere in hoc argumento insaniuerit, quam MARINVS. Ita vero inuenisse se, non quod pueri in faba, putabant homines vanissimi, rati, Christianos has suas de virorum sectae suae sanctitate fabulas tanquam oracula excepturos, nec fraudem olfacturos. Quae apud eos fiducia tanta fuit, vt in asserendis philosophorum virtutibus ne mendaciorum quidem tenerent memoriam, sibi quoque ipsi turpissime contradicerent: id quod multis Eunapii, Marini et Damascii exemplis in antecedentibus fecimus manifestissimum.

XIII. Re-
ceptae doctri-
nae Christiano-
rum.

XIII. Esse doctrinas inter recepta philosophiae dogmata haud paucas absurdas et secum non consistentes, deficere etiam multa, quae haberet Christiana religio, multoque elegantius et vero propius doceret, negare Ammonius non poterat, ipse his sacris innutritus, et Christianorum quoque discipulorum, quos habebat, testimonio et iudicio facile conuincendus, quamuis sectatores hanc Christianae religioni gloriam denegarent, re ipsa tamen Ammonii systema sequentes. Ne itaque se meliores et dignio-

¹) IAC. THOMASIVS Orat. XI. p. 337.
BEN. PERERIVS de comm. rer. nat. princi-

piis L. IV. c. 10. p. 238. MOSHEM. I. c.
§. 16. p. 127.

digniores Deo partes reliquisse, deteriores vero et indignas et a vero magis alienas elegisse videretur, et fortius Christianis obiectionibus obuam iret, duplicem viam elegit, quam et affectae ingressi sunt. Primum enim veritatem non vni prorsus sectae alligatam tenebat, sed inter omnes dispersam et colligendam esse, nec, vt ait LACTANTIUS *, *ullum philosophum tam fuisse inanem, qui non viderit ex vero aliquid*, dictabat; nec omnia quoque inuenta esse putabat, vt non possit aliquid adiici. Quamuis itaque Platonem diuinum putaret Ammonii secta, non tamen sibi religioni duxit, vbi eum nimis a Christianorum obiectionibus premi vidit, ab eo recedere, et vel mutare, vel detrudere vel addere aliquid. Id quod imprimis Porphyrium fecisse, luculenter testatur AUGUSTINUS *, alios vero ex hac secta non magis refugisse, instituta scriptorum eorum cum Platone docebit comparatio. Altera, quam, vt huic malo obuam iret, elegerat via, ea fuit, vt quae praestantiora et excellentiora Christianorum essent dogmata, quam vt negari reprobarique possent, ea, tacito quidem consilio, furriperet, suoque ita recocta et refecta systemati innecteret, vt Christiana quidem videri, suisque placitis obesse nequirent, et tamen eam omnem, quam Christiani tantopere extollebant, doctrinam exhibere possent. Reliqua quae aptari suo doctrinae aedificio nullo modo poterant, imitatione, et similitudine verborum et sententiarum exprimere studebat, vt ita expilata quasi Christianorum castra in triumphum ab iis ducerentur, haberetque Alexandrina Platoniorum familia, quibus plurimis philosophorum horum libris demonstrari institutum locusque pateretur; ast haec prolixiora sunt, meliusque in huius sectae libris obseruantur. Testem tamen volumus, doctrinam de tribus in deitate personis diuinis, et de creatione ex nihilo, quam vtramque non quidem recepere Alexandrini philosophi, accommodarunt tamen suo systemati, indeque tres hypostasies archichas, et educationem materiae ex nullo praeeistente, praeter Deum, subiecto excogitarunt. Plura dabit philosophia moralis recentiorum Platoniorum. Adiri vero etiam potest acutissimus MOSHEMIVS **, qui multis exemplis rem totam egregie doctaque illustrauit.

XIV. Nihil tamen ob stare magis receptae superstitioni, gentilem-que cultum fere omnem euertere videbatur, quam miracula, quae sanctissimus Saluator eiusque legati, quique in eius nomen crediderant, coram innumeris testibus edidere. Ea negare velle, idem fuisset ac insanire, adeo totus fere orbis de eorum veritate in testimonium conspirauerat; ast praestigiis quidem annumerabant irrisorum vnus et alter,

Aaa 3

fidem

*) L. VII. c. 7.

**) De C. D. L. X. c. 25. L. XII. c. 20.

y) Diff. de studio ethnicorum Christianos imitandi Vol. diff. Hr. eccles. p. 330. seqq.

L. XIII. c. 19.

XIV. Chri-
stus numero
philosopho-
rum adscri-
ptus.

fidem vero non inueniebant, cum toto coelo ac imposturis nugiuendulorum hominum, qui circa ista tempora in orbe Romano oberrabant, distarent. Cum vero, quae istis miraculis confirmabatur, doctrina, omnem superstitionem cultumque Deorum gentilem proscriberet, aliud excogitandum erat remedium, quo tam validum Christianorum manibus extorqueretur telum. In omnes hic partes versasse se infernalem, qui hos ministros suos inflammabat, hostem, dubium non est, cum post doctrinae sanctitatem nulla res magis infernalium potestatum res pessundarit, quam miracula. Tandem, ut est *μυριτέχνης*, non deneganda quidem Iesu Christo eiusque discipulis miraculorum gloria visa est, sed vocanda tamen in communionem gens Platonica, spe dulci suffulta, fore, ut et auitae superstitionis cultusque Deorum salua maneret integritas, et non exigua inde ad eos redundaret gloria nominis et existimatio. Ut vero arduum imprimis negotium feliciter absolueretur, artibus multis opus erat. Quas ita instruxere homines callidissimi, ut, quod in se strictum viderant telum, in Christianos conuerterent. Et primo quidem cum inuictis argumentis atque testimoniis historia vitae actorumque Iesu Christi *θεωνδράπης* esset confirmata, et miraculorum ab eo editorum fides tanta fuisset, ut imperatorum quoque gentilium oculos gloria eorum perfringeret, nec ignota essent Tiberii ^z Alexandri Seueri ^a, Hadrianique ^b de recipiendo in Deorum numerum Christo consilia, concedebat impia natio, Christum ex illo virorum sapientium choro fuisse, qui arctiori cum Diis conuersatione gauisi, diuinorum operum edendorum (*θεργεῖν* vocabant, et a *γοντῖα* praestigiisque maiorum sollicitate esse distinguendum monebant, eo quod hae impurorum spirituum auxilio efficerentur,) potestatem accepissent, adeoque et Deos suos Christum coluisse ritu magico, et eorum opera miracula edidisse. Ita ratiocinatum fuisse Ammonii familiam, luculento testimonio confirmat A V G V S T I N U S ^c. *Quid?* inquit, *quod isti vani Christi laudatores et Christianae religionis obliqui obrectatores propterea non audent blasphemare Christum, quia quidam philosophorum, sicut in libris suis Porphyrius Siculus prodidit, consuluerunt Deos suos, quid de Christo responderent, illi autem oraculis suis Christum laudare compulsi sunt.* Intelligit oraculum illud, quod nobis seruauit E V S E B I U S ^d, quodque religionis gloriam euidenti ei testimonio tribuit. Cui simile affertur a L A C T A N T I O ^e Apollinis Milesi effatum, quod non minus luculenter Christum in eorum philosophorum album transcribit, qui prodigiosis operibus inclaruerunt. Ita enim pronunciasse dicitur Apollo:

^z) TERTULL. apolog. c. 5. quod contra Tan. Fabrum, Io. Clericum, Ant. van Dalen vindicat THEOD. HASAEVS pec. diff.

^a) LAMPRIID. in Alex. Seu. c. 29.

^b) IDEM c. 43. conf. EUSEB. Hist. eccl. L. IV. c. 26. p. 148.

^c) De concord. eu. L. I. p. 8. T. III. opp.

^d) Demonstr. eu. L. III. c. 8. p. 134.

^e) Instit. diuin. L. IV. c. 13.

Θνητὸς ἦν κατὰ σάρκα σοφὸς τερατώδεσιν ἔργοις
 Ἄλλ' ὑπὸ χαλδαίων κριτῶν ὅπλοις συναλωθεὶς,
 Γόμοις καὶ σκλόπεσσι πικρὴν ἀνέτλησε τελευτήν.

*Mortalis erat, secundum carnem philosophus, ille miraculosis operi-
 bus clarus,*

Sed sub chaldaeis iudicibus captus armis,

Clausis et palo amaram toleravit mortem.

Ex his colligebant, teste iterum AUGUSTINO *f*, Christum nescio quid aliud scripsisse, quam Christiani docebant, nihilque sensisse contra Deos suos, sed eos potius magico ritu coluisse. Id quod eo facilius hominibus persuadere se posse credebant, quo celebrior iam haec inter gentiles et peruulgata fuerat opinio, fuisse Christum eiusdem generis philosophum, quales inter veteres Orpheus et Pythagoras, et recentiori tempore Apollonius Tyaneus fuere, stupendis prodigiis clari: quae sententia permouerat Alexandrum Seuerum, ut inter animas sanctiores, Apollonium, et Christum, et Abrahamum, et Orpheum, et huiusmodi Deos haberet *g*. Ast his quidem diserta obstabant, legatorum Iesu Christi, totiusque ciuitatis eius testimonia. Ut itaque illa remouerent, non erubescabant caussari: Discipulos eius non solum de illo fuisse mentitos, dicendo illum Deum, per quem facta sunt omnia, quum nihil aliud, quam homo, fuerit, quamuis excellentissimae sapientiae, verum etiam de Diis eorum non hoc docuisse, quod ab illo didicissent *h*. Ridicula quidem haec erant, et prorsus ficulnea, ast fidem tamen apud illos facile inueniebant, quorum intererat, gentilem religionem seruari, hincque quaeri receptae superstitionis patrocinium. Sane tam certa haec Porphyrio visa sunt, ut, narrante alio loco AUGUSTINO *i* pronuntiare non erubuerit: Christianos Diis pollutos et contaminatos et errore complicatos esse dicunt, et multis talibus aduersus eos blasphemias utuntur. Et paulo post: Propterea ergo Christiani Diis exosi: quia quibus fato non fuit nosse Deum, nec dona a Diis accipere, his fataliter dedit ipse errore implicari. Ipse vero pius, et in coelum sicut pii, concessit. Ita hunc quidem non blasphemabis, misereberis autem hominum dementiam. Cui rei ut eo maiorem imperitis fidem facerent, lepidam excogitarunt fabulam, Christum discipulos iussisse a minorum quorundam daemonum cultu desistere: hoc autem eius sapiens rectumque praeceptum ad tollendum omnem numinum cultum insipienter Christianos traduxisse. Ita iterum Porphyrius apud AUGUSTINUM *k*, cuius verba lectori, hic legenda damus, ut genium infamis sectae eo melius agnoscat.

f) loc. cit. p. 18.

g) LAMPRID. l. c.

h) AUGUSTINVS l. c.

i) De C. D. L. XIX. c. 28.

k) loc. citat.

scat. *Sunt, inquit, spiritus terreni minimi, loco quodam malorum daemonum potestati subiecti. Ab his sapientes Hebraeorum, quorum unus etiam iste Iesus fuit, sicut audiisti diuina Apollinis, quae superius dicta sunt: ab his ergo Hebraei daemonibus pessimis et minoribus spiritibus vetabant religiosos et ipsis vacare prohibebant: venerari autem magis coelestes Deos, amplius autem venerari Deum patrem. Verum indocti et impiae naturae, quibus vere fatum non concessit a Diis dona obtinere, neque habere Iouis immortalis notionem, non audientes et Deos et diuinos viros, Deos quidem omnes recusauerunt. Plura, cum haec sufficiant, non cumulamus, alibi legenda¹⁾. Ita vero, etsi misere et inepte ratiocinabantur, incautorum tamen oculis glaucoma obiciebant, ut miraculorum Christi radii eos perstringere ad veritatem amplectendam non possent, suisque partibus vindicaretur, quicquid diuini inesse videbatur Iesu Nazareni miraculis.*

XV. Philosophis non minora miracula vindicata, quam essent Christi.

XV. Ast non tutam satis receptam superstitionem his praesidiis putabat gens friuola. Copiosiores itaque phalanges educendae in aciem contra Christianos, ostendendumque erat, fuisse inter philosophos, maxime vero inter sectae suae principes viros, tales, qui non minora praestitissent prodigia, et a longo tempore miraculorum gloria inclaruissent. Ex his enim probari posse credebant, philosophiae, quam elegerant, suae hanc quoque vindicari posse gloriam edendi θαυματέστερα et humanas vires excedentia, nec statim deorum superiorum numero inferendos esse illos, quos ista diuina virtute induissent Dii, amicos suos, sed in album tantum virorum sapientissimorum, commercio cum Diis propiore gauisorum esse referendos, adeoque iuste accusari Christianos male reiecti Deorum cultus, quem magni isti viri non probassent tantum, sed miraculis etiam confirmassent. Conscribendae itaque erant et corradendae magnorum et celebrium philosophorum vitae, tribuenda illis miracula, vtendumque credulitate populorum et mendaci fama, cuncta in maius augente, ut non minora praestitisse philosophos istos, quam Iesum, appareret. Cumque talia, quae de Christianorum doctore principe sacri historici narrabant, non possent ex veterum monumentis corradi, reliqua mendaciis, fraudibus, et impune fingendi licentia, par erat, addi, augerique et ita incrustari, ut non dissimilis sacris historiae Iesu Christi annalibus labor exurgeret. Ad quem finem obtinendum non opus erat peregrinis auxiliis, cum domi abunde adestet audacissimae familiae, vnde plaustra prodigiorum congereret: nempe Pythagorae historia astatim suppeditabat materiae. Quae cum iam cano tempore multis fabulis et portentorum narrationibus esset mirum in modum aucta, egregium his historicis campum aperuit impudentissima conscribendi mendacia, et huiusmodi excogitandi miracula, quae et splendore,

¹⁾ Conf. MOSHEM. l. c. §. 23. seqq. p. 144. seqq.

dore, et magnitudine, et numero prodigia quae de Iesu Christianorum Deo narrabantur aequarent. Conscripsisse hunc in finem, et iisdem rationibus instructos PORPHYRIUM et IAMBlichum vitam Pythagorae, dudum viris doctis obseruatum et a nobis *tomo primo* in- uictis rationibus demonstratum est. Sed recentiora quoque exempla adducenda erant, ne obiiceretur, sanctiorem et θαυμασίον istam sectam dudum intercidisse. Eum itaque in finem Apollonii Tyanensis fabula incrustata est, et praestigiator famosus ita miraculorum gloria pictus comtusque, ut non haberet Christiana gens, quo Iesu suo superbiret. Quod quia capitis huius *seçãoe prima* luculenter confecimus, hic re- petere opus non est, sed id modo monendum, eo tempore conscri- ptam a Philostrato Apollonii historiam, quod in Ammonii aetatem, qua secta haec condita est, incidit, cuius consilia postea Hierocles et Eu- napius fatis prodidere. Sed maiora adhuc magisque profutura suis ra- tionibus curanda erant. Nempe definebat sensim miraculorum apud Christianos multitudo, fatis confirmata sanctissimae philosophiae verita- te illis miraculis, quorum fidem reiicere ipsis prodigiis prodigiosius me- rito visum erat. Ast hi homines, qui pudorem omnem posuerant, genti suae noua vindicare τῶν θαυμασίων specimina allaborabant, et hunc in finem vitas quoque antistitum sectae suae, gentilisque superstitionis enarrabant, ut potissimum eos philosophiae suae patrocinio non mino- ra edere potuisse, ostenderent. In qua re probanda exemplis lecto- rem detinere, necessarium non putamus, sed ea tantum in memoriam illi reuocamus, quae de PORPHYRII *vita Plotini*, de EVNAPII *vitis Sophistarum*, de MARINI *vita Procli*, de DAMASCII *vita Isidori* in antecedentibus fuisse differuimus. Diligenter enim vbique ad hanc rem digitum intendimus, et quae prodigia de iis narrata sint, exposuimus. Ne vero haec sine ratione dicta viderentur, ipsa haec mi- racula et stupenda philosophorum opera philosophiae suae beneficio per- acta dicendum, et theurgiae fama, quae diu ante inter populorum ori- entalium sacerdotes viguerat, suis philosophis vindicanda, totumque hu- ius sapientiae aedificium ita instruendum erat, ut virtutes hae theur- gicae, si non summum sapientiae apicem, certe proximum constituere, et philosophiae ministerio ad hanc perfectionem commerciumque arca- num cum Diis peruenire philosophos posse diceretur. Qua de re qui plura nosse cupit PORPHYRII *epistolam ad Anebonem Aegyptium*, vel IAMBlicHI *ad eam responsionem*, quae librum *de mysteriis Aegyptiorum* continet, vel solam MARINI *vitam Procli* legat, abunde de veritate eorum, quae strictim attulimus, conuincendus. Quin ne his quidem limitibus se continuit impudentissimorum hominum superbia, sed ut longe post se Christi legatos et sectatores relinquerent,

tota

m) L. II. c. 9.

tota haec virtus theurgica, et prodigiorum edendorum facultas inter minores philosophiae suae mirabilis partes a quibusdam relata est, eo quod inferiorum tantum numinum commercium offerret. Non negamus aliter visum fuisse Iamblichō eiusque discipulis. Ast sensisse tamen ita Plotinum, Porphyrium et Eusebium Myndium in praecedentibus ex Porphyrii, Augustini et Eunapii testimoniis demonstrauimus. Rationem nempe in philosophia, quam ducem elegerant, quaerebant, quae cum infinitos fere spirituum daemonumque ordines constitueret, ad summum Numen in profunda Deitatis abyssio habitans accessum paucissimis addixit, ast suis virtutibus eo ascendere posse animum recte praeparatum purgatumque statuit, ut ad ipsum Deum istum sine imagine intuendum animus peruenire queat. Ad quem felicitatis apicem se peruenisse Plotinus, Porphyrius, Iulianus imperator, Proclus, iactabant, ut in eorum vitis dictum. Haec Christianorum miraculorum gloriam longe superare credebant, hincque factum, ut non absque contemptu de iis loquerentur, et nescio quarum fraudum eos accusarent, qua de re Porphyrii, Iuliani, Libanii in Christianos calumniae exemplo esse possunt luculento. Tacemus nugiuendulos haec prodigia suae virtuti et philosophiae theurgicae vindicasse, sicque potestatem in spiritus sibi arrogasse, cum miraculorum edendorum virtutem Christiani non sibi, tanquam ministris, sed Deo soli miraculorum auctori vindicauerint, qua de re tamen plura dicere non licet, videndus vero Cl. MOSHEMIVSⁿ.

XVI. *Fraudes, suppositiones, mendacia habitata licita.*

XVI. Esse in his vitis philosophorum Pythagorico-Platoniorum innumera mendacia, contradictiones apertas, et alia prorsus non cohaerentia, accurato adhibito examine, sole meridiano clarius ostendimus. Haec iusto quidem Dei iudicio euenisse, dubitandum non est, qui in tam peruersos et absurdos sensus hos homines tradi passus est, ut immensum, quod inter lucem et tenebras intercedit, discrimen veritatis amantibus patefceret, sicque tenebrarum serui a filiis lucis distinguerentur; ast aliter euenire non poterat, cum deessent nugatoribus vera miracula, nec haberent aliud praeter superstitiosae et simplicis vetustatis fabulas et recentiorum praestigiatorum fraudes, quibus ad propositum scopum pertingere possent, quam mendacia. Quae licet philosophum tantopere dedeceant, ut venerabili isto nomine mendax indignus prorsus recte videatur, inuenerunt tamen tum in sectae Pythagorae moribus, tum in Aegypti et orientis consuetudine, quibus turpissimam rem colore imbuerent philosophico. Antiquissimo enim iam tempore inter sacerdotes Aegyptios (licet aliarum quoque gentium antistites sacrorum ab hac impietate liberari non queant,) pro sacro quodam canone fuisse receptum: licere pia fraude et mendaciis rem sacram iuuare, Aegyptiacae philosophiae, suo loco a nobis enarratae historia apertissimus testis est, et Hermeti-

meticae theologiae nomen, quod imperantium pariter atque sacerdotum technas populi mentibus religioso vinculo, tanquam iugum quoddam imposuit et mendaci Mercurii auctoritate obsequium eius sibi obstrinxit, satis loquitur, nec negare potuit IAMBlichVS^o, ast de Mneui Aegyptiorum rege dudum iam testatus est DIODORVS SICVLVS^p. Morem hunc a sacerdotibus Aegyptiacis didicit, strenueque, vt erat callidissimus rerum suarum artifex, exercuit Pythagoras, quem, veterum dictis nixi narrauimus, reditum ex sedibus defunctorum finxisse, vt maiorem placitis suis fidem conciliaret, dixisse etiam, quibus in corporibus anima sua prius fuisset commorata. Quem magistri morem tanquam normam receperunt Pythagorei, inter canones sacros, quos ab eo acceperunt, huic quoque fidem dantes: *Neque de Diis, neque de diuinis oraculis cuiquam eorum, quae sunt admirabilia, fidem derogandam esse.* Quibus, interprete IAMBlichO^q hunc quidem colorem addebant: *nobis quidem corporeae qui sumus naturae, genitique et corruptibiles, adeoque momentanei, morborumque diuersitati subiecti et domus paruitati, et grauitationi versus centrum, et somnolentiae, indigentiaeque et abundantiae, stoliditati et infirmitati, animique impedimento atque aliis, quaedam difficilia atque impossibilia videri posse, quae a Diis fieri queant, qui ipsi omnia possint.* Ast haec dicis tantum caussa asseruisse, haud obscure prodidit TIMAEVS LOC RV S^r, cuius notabilis sententia: *Quemadmodum corpora remediis quibusdam morbofis sanamus, ita et animos falsis sermonibus coërcemus, nisi ducantur a veris.* Nec alienum ab hoc mentiendi et supponendi more fuisse Platonem dialogi ipsius satis testantur^s, in quibus affinxisse Socrati, Parmenidi, Protagorae aliisque quos colloquentes introducit, de quibus nunquam cogitauerunt, in eius historia demonstratum est. Qui vt exemplis suis adderet praecepto fidem, *principibus ciuitatis prae ceteris fallere et mentiri licere*, professus est, *propter utilitatem ciuitatis.* His praeceptoribus gloriabatur noui philosophi, ad horum exemplum se componebant; quid mirum, putasse eos, fabulis et commentis licere ruenti in interitum suum superstitioni subuenire? sicque mendacio officioso res diuinas iuuare. Id vero non fictis tantum miraculorum historiis, sed libris quoque supposititiis factum est, quos Zoroastri, eiusque discipulis, Hermeti, Orpheo tribuisse iam monuimus, suoque loco in *primo tomo* euidenter ostendimus. Qua in re eo magis confirmabatur pestilentissimorum hominum audacia, quod et orientales philosophi, et ipsi Christiani doctores pias has fraudes sibi licere contenderent, magnaue tunc esset libros supponendi fingendique licentia, de qua tamen in sacra historia plura praecienda sunt. Pleuraque vero notatu digna congeffit MOSHEMIVS^t.

Bbb 2

XVII.

^o) De myst. Aegypt. Sect. I. c. 1. p. 2.

^p) L. I. p. 84.

^q) IAMBlich. protrept. c. 21. p. 136.

^r) De anima mundi opusc. mythol. p. 566.

^s) De republ. L. III.

^t) Diff. de causis suppositorum librorum inter Christianos Sec. I. et II. Vol. diff. hist. eccles. p. 217. seqq.

XVII. Sen-
rior et prae-
stantior do-
ctrina de Deo
diuinisque
exculta.

XVII. Restabat Christianae doctrinae praestantia atque sanctitas, quae interno argumento animos ad recipiendum vehementer commouebat, cum gentiles nugae sua futilitate falsitatem demonstrarent, et risu atque ignominia a prudentioribus dignae haberentur. Et hic quoque inueniebat consilium Ammonius, et condita ab eo secta, quod Christianis opponeret. Platonis enim vestigiis insistentes, qui copiosior fuerat in theologicis, quam physicis et moralibus atque dialecticis, inutiles, quod diserte de Ammonio testatur Hierocles, quaestiones prorsus eiiciebant, nec de natura rerum, de qualitatibus, de syllogismis, et his similibus magnifice statuebant, quamuis ea ab Aristotele maxime commendarentur. Qua de re luculenta est Iamblichi sententia, cum ab Alypio dialectico sophismate esset circumuentus, dicentis: "Ἀλλ' ἔχ' ἔσος γε ὁ τέρας τῆς ἡμετέρας διαλέξεως, εἴπω τὶ περιττὸν ἐστὶ κατὰ τὰ ἑκτὸς, ἀλλ' ἐστὶ πλεονάζει κατὰ τὴν οἰκείαν ἀρετὴν φιλοσόφῳ καὶ πρέπῃσαν, alienus a nostra disputandi ratione isle modus est, si quis in rebus externis praeter alios excellat: sed si virtutem, quibus philosophum proprie ornatum esse debet, copiis circumfluat atque abundet. Idem de Isidoro quoque Gazaeo supra obseruatum est *, eum contempta Aristotelis philosophia, quod ratiocinando incederet, diuinis autem notionibus non vteretur, tantum eius fastidium cepisse, vt degustata Platonica philosophia, ne aspicere quidem eam dignatus sit ulterius. Horum vero loco grauissima doctrinae capita de Deo, de principiis emanatiuis, de animae origine, de spiritibus, deque rerum spiritualium ordinibus atque modis, et perducenda per istam doctrinam anima ad summam felicitatem, explicabant, deque his operosas disputationes conscribebant, tantam sublimitatem affectantes, vt quid ipsi scriberent, vix intelligerent, certe a paucissimis intelligi possent. Qua in re nemo superior fuit Plotino, cuius scriptorum maxima pars eiusmodi argumenti generibus absoluitur, et tantam sublimitatem affectatam et metaphysicam sapit, vt ne Porphyrius quidem eum, nisi post longam meditationem intelligere potuerit. Iamblichus autem totum librum suum, quem *de mysteriis Aegyptiorum* conscripsit, argumento diuino dicauit. Porphyrii *sententias ad intelligibilia ducentes*, Procli *theologiam Platonis*, aliaque huius generis scripta tacemus. Descendebant quidem ad dialectica quoque et physica, sed ea infra dignitatem metaphysicorum et theologicorum habebant, et ad haec accurate discenda discipulos exhortabantur, qua de re ne prolixi simus, IAMBlichi sermones *protrepticos* legendos commendamus.

XVIII. San-
ctior philoso-
phia moralis
reuocata.

XVIII. Tandem et sanctitatis, quam doctrina Christiana prae se ferebat, ita rationem habuit Ammonius et asclelae, vt eam philosophia sua morali si non superare, certe aequare et eandem tenere viam viderentur. Nempe cum in illud potissimum conniteretur doctrina Christiana, vt homines

*) EVNAPIVS in Iamblicho p. 30.

*) PHOTIVS. Cod. CCXLII. p. 567.

mines cupiditatum coeno erepti et a passionum imperio liberati imaginis diuinae vestigia relegerent, et constituta sibi aeternae et beatificae visionis Dei meta tantae spei se pararent, officia etiam non ciuilia tantum, sed spiritualia quoque et sublimioris vitae gnauiter exsequerentur, et carnis desideria supplantando, eam, cruci quasi affigerent, viresque eius eneruarent: mira diligentia studuerunt homines altissimi, vt non deteriora vel minus sancta praecepisse viderentur. Hinc grauissimae corruptionis, quae hominum infidet animo, profunditas deplorata, hinc abiicienda corporis vincula inculcatum, hinc extollendum esse ad primum sapientiae fontem animum clamatum, hinc diuinis affectibus pectus imbui iussum, hinc virtutes non tantum politicae sed practicae quoque atque theoreticae exercendae commendatae, hinc ad intuitiuam visionem anhelandam cuncta relata, hinc perpetuum in corpus eiusque motus etiam naturales bellum odiumque commendatum, hisque omnibus acquirendis preces adhibitae. Nec haec sobrie tantum et ad coërcendum intra limites suos corpus praecepta, et tradita, sed mirum in modum etiam aucta et exacta, graueque corporis cum anima commercio indictum bellum, extenuatae ieiuniis austeris vires, inque sacro Deorum cultu non dies tantum sed et noctes consumtae, summum Numen hymnis laudatum, et ad feuerissimam disciplinam cuncta fere reducta, vt diuino se totos amore occupatos dici possent. Quod studium sanctitatis praeposteræ tantum fuit, vt et corporis puderet, et coniugium quoque tanquam status vitaeque conditio impura minus cum sanctitate philosophica constare posse crederetur, quin immo esset, qui tantopere insaniret, vt genitalia sibi securi eo fine praecideret. Multa a Platoniciis Alexandrinis hanc in rem dicta in medium possent adduci, si in longam disputationem protrahere liceret orationem, verum horum philosophorum libros, et imprimis PORPHYRII *de abstinentia et de sententiis ad intelligibilia ducentibus*, IAMBLLICHI *de vita Pythagorae et protrepticæ*, SIMPLICII *in Epicteti enchiridion*, HIEROCLIS *in aurea carmina*, hisque similes legenti vbiuis occurrent, et sine negotio colligi possunt. Quibus omnibus ita augendis, vt Christianam theologiam moralem superarent, non dubitabant impostores, Christianorum, quos tantopere oderant expilare scrinia, et verba atque praecepta referre, systemati tamen suo inaedificata et attemperata, hincque in deteriore minusque sanum rapta. „Vnde „elegantè monuit doctissimus OLEARIUS ^{a)}: horum hominum „praecepta ipsius scripturae phrasin adeo exacte referre, vt ex illius fontibus ea deriuata esse, dubitari vix possit. Id vero aemulatione factum „religionis Christianae manifestum esse, ne quicquam scilicet philosophiae „deesse videretur eorum, quibus illa sese maxime hominum animis commendare deprehenderetur. Neque sane alios facile in ornanda spoliis

Bbb 3

„hu-

²⁾ Exemplum prae ceteris dabit vita Procli.
²⁾ Damascius apud PHOTIUM l. c. p. 567.

^{a)} De philos. eccl. c. 3. p. 1220. c. 7. p. 1221.

„huiusmodi philosophia diligentiores reperiri, quam qui infensissimo
 „essent aduersus Christianos animo. Certe Iulianum, Porphyrium et
 „Proclum, quos peculiaribus scriptis Christianismum impugnasse notum,
 „diligentissimos fuisse in imitanda doctrina morum et institutis eorum,
 „scripta illorum loqui“. Sane Iulianum illa potissimum ratione adductum
 esse vt Arsacium pontificem maximum imitari mores et ritus Christiano-
 rum, sacerdotesque suos ad exemplum doctorum Christianorum compo-
 nere iuberet, quod Christiani tam pura sanctaque vterentur morum disci-
 plina, ex eius epistola ad Arsacium ^b liquet. Tantumque hoc Platonico-
 rum studium pietatis ad Christianorum imitationem fuit, vt et singu-
 laria deuotionis genera, quae spontanea sanctitas, procedente tempore,
 sibi elegerat, et sensim publice commendauerat, imitarentur. Cuius
 exemplum vt lector habeat, ea recoli memoria iubemus, quae supra de
 Serapionis vita eremitica, de Procli singulari cultu matris Deum, deque
 sacris omnium sapientum, itemque omnium hominum manibus quotan-
 nis factis supra narrauimus. Alia multa his similia diligens lector in hi-
 storia horum philosophorum passim deprehendet.

*Speratum ex
 hac sectae
 conditione
 emolumentum
 philosophiae*

*sed frustra,
 damnis potius
 illatis pluri-
 mis.*

§. XLVI. Dici non potest, quam sibi placuerit ob hanc efformatam
 Venerem Ammonius, Plotinus, et tota eorum successio. Plurimum enim
 philosophiae studium adiutum et reformatam puriorem eius faciem esse
 clamabant, orbique gratulabantur, quod diuinitus edocto inspiratoque
 Ammonio, melior et praestantior sapientiae vultus, deterso squalore et
 coeno, quod eum misere haecenus deformauerat, iterum apparuisset.
 Qua de re magnifica passim sunt Platoniorum Alexandrinorum verba,
 magnam prae se ostentationem ferentia, vt vel ex solo Hieroclis loco su-
 pra adducto constare potest. Imprimis iactabundus in hac re ostentator
 est EΥΝΑΡΙΨ ^c, qui non humanae tantum sapientiae, sed diuinae
 quoque gloriam restitutam per hos philosophos vbique fere gloriatur.
 Tantum vero abest, vt attulisse eos utilitatem aliquam vel philosophiae,
 vel eius historiae credi possit, vt potius variis modis vtrique nocuisse,
 maxima vero damna rebus Christianorum sacris intulisse fatendum sit.
 Quod vt manifestum faciamus, cogitari volumus, ipsam philosophandi
 rationem, quam Ammonius cum sectatoribus elegit, Plotinus vero in
 perfectum iustaeque magnitudinis systema coire iussit. Eam syncrētisti-
 cam fuisse, et pleraque Platonis, Aristotelis, et Stoicorum placita inter
 se ita conciliaffe, vt amice conspirare viderentur, in diuinis vero omnes
 fere religiones suis nugis adaptasse, in antecedentibus prolixè docuimus.
 Magnam vero inde cladem accepit philosophia, quae cum sectarum qui-
 dem diffidiis esset in partes discissa, multisque controuersiis et inanibus
 quaestionibus in praecepta acta, exhibebat tamen philosophorum princi-
 pum systemata genuina, sicque veritatis cupido occasionem dabat, de cuius

^b) Epist. LXIX. p. 429.

^c) Videfis prae aliis locis praefationem.

iusuis systematis veritate vel falsitate iudicandi, eligendique, quod rationi videretur quam maxime conuenire veroque esse simillimum. Ast haec vnica, quam philosophia sectaria exhibere poterat, vtilitas ista male sana conciliatione tota corrupta est. Cum enim, vt systemata in vnam eandemque ire cogerentur sententiam, diuersus longe et alienus ab auctorum mente sensus illis affingendus esset, deprauatam prorsus et a vera mente longe abeuntem significationem fuscipere coacta sunt, ita vt si hos homines sequaris, quid genuinum Platicum, Aristotelicum, Stoicum, et si eos audis, Aegyptiacum siue Hermeticum, Chaldaicum, Orphicumque sit, plane nescias. Non vero aliena modo et a vera auctorum mente longe recedentia exhibuerunt philosophastri pessimi, sed cum meliora quoque dare vellent, ast intelligendi iudicandique viribus, rectaque ad id voluntate non satis instructi opus aggredierentur, nubem pro Iunone, nugasque inanes et difficiles pro veritatibus vendiderunt, et, quod aiunt, carbones pro thesauro exhibuerunt. Cum enim systematum toto coelo inter se dissentientium harmonia non aliis remediis posset effici, nisi inanum vocum, obscurarum notionum et praeuisionum metaphysicarum spectris, dici non potest, quam repleuerint homines infauito fidere nati campum philosophiae spinis et dumetis, quamque larga loliorum seges inter infelicissima femina effloruerit, quam absurdae excogitatae hypotheses, quae monstra opinionum laruaeque ineptissimarum assertionum fuerint introductae. Cuius rei si quis exempla desiderat, eum vel vnus Procli libros legere iubemus, vt ad quae ingenii luxuriantis somnia et deliramenta infelix philosophus deflecterit, pateat. Sane vna de Deo diisque doctrina in infinitas tricas excrescens, et nescio quos ordines numinum innumerabiles nobis offerens, luculento esse potest exemplo. Quod eo magis auxere Alexandrini philosophi, quo magis, vt haberent, quod in tanta verae sapientiae inopia, blaterarent, ingenii fertilissimi quidem, ast nulla iudicii lege intra limites coacti habenas laxantes Phaëtonis instar, per immensa cogitationum inanum spatia discurrerunt praecipites, et notiones simplices atque claras inaudita subtilitate diffecuerunt, ac inani tumore elati, ad summum vsque apicem extulerunt. Quae cum auicularum instar nubes petentium oculorum tandem aciei euaniuissent, et, nec verus sensus, nec aperta subtilitatis nimiae ratio amplius pateret, ipsique, quid sibi vellent, non intelligerent, ad vanas et nullius sensus ac significationis distinctiones et explicationes ipsa re obscuriores, et similitudines redierunt, lectore interim non incerto tantum, sed multo magis, quam ante fuerat, dubio relicto. Cuius si quis luculenta specimina cupit, Plotini euoluenda illi sunt volumina, vbi has metaphysicas nugas, et inanes ac sine mente sonos et assertiones cateruatim deprehendet. Dabimus tamen, vt lectorem taediosae lectionis onere liberemus, vnum alterumque rei huius, exemplum, vt genius sectae totus pateat. Ponebat PLOTINVS^d,

^d) Ennead. V. L. VI. c. 3. p. 518.

primum principiorum omnium fontem, produxisse $\nu\epsilon\nu$, id est mentem et rationem ex qua omnia essent genita atque producta, nec eam primi principii locum tueri posse, quod tamen veteribus fere omnibus placuerat. Ita enim poscebat imitatio trinitatis Christianae, suis dogmatibus inferenda, suisque attemperanda principiiis. Quam, a primo principio diuersitatem intelligentiae siue rationis diuinæ, ut probaret, audi quæso ita ratiocinantem philosophum: *Intelligentia suapte quidem natura indefinita est, tanquam visus, sed ab intelligibili definita. Quamobrem, sicut traditum est, ex indefinita duitate atque vno species numerique gignuntur. Id autem est intellectus, itaque non simplex est, sed multiplex, compositionem quandam prae se ferens, quamuis intelligibilem, multaue iam conspiciens. Iam vero et ipse est rursus intelligibile, sed et intelligens, ideoque iam est duo.* Haec latius persequitur, at ita obscure, ut magnus nobis Apollo dicendus sit, qui claras et perspicuas ex istis sibi notiones, quas Plotinum ipsum non habuisse patet, formauerit. Id nisi fallimur vult obscurissimus philosophus: aliud esse subiectum, quod intelligere potest, aliud intelligentiam, intelligibile simplex et vnum esse, intelligentiam ad multa pertinere, cum multa simul, licet vno intelligentiae actu, conspiciat. Habere itaque intellectum diuinum quandam compositionem, sed mentalem, quæque simplicitati non officiat; cum intellectualis quaedam intelligentis et intelligibilis inter se diuersa duitas sit. Id voluisse Pythagoram et Platonem, ex vnitæ et duitate numeros formasque deriuantes. Facile credimus, lectorem nobis reclamaturum, nosque accusaturum esse, introducere nos spectra et cum laruis ludere; non morose refragabimur, at sensum verborum mentemque Plotini nos affecutos esse, certi fere sumus. En vero, quas nobis nugæ, et distinctiones metaphysicas obtrudat Plotinus, ut phantasiæ suæ, telarum araneorum quidem in modum subtiles, at nihil significantes cogitationes explicet. In simplicissimo enim ente, (ita enim diuinum intellectum tanquam principium aliquod siue $\upsilon\pi\acute{o}\sigma\tau\alpha\sigma\iota\nu\ \alpha\rho\chi\iota\kappa\eta\eta\nu$ sibi concipit, et more suo notiones et abstractiones mentis in personas transformat) sibi aliquam compositionem, quæ verbis tantum, vel modo concipiendi constat, imaginatur, immo verba sine sono fundens, distinctionem comminiscitur, inter intelligibile, intelligens, et intelligentiam, nullo modo intelligibilem. Platonem vero de anima mundi loquentem, quæ vnitatis, id est, essentiae spiritualis, et duitatis siue materiae aliquid sibi admixtum habet, ad inanes nugæ suas et deliramenta rapit. Sed nugarum nondum satis est, cum enim absurda notionis abstractionisque metaphysicæ in personam aliquam vel $\upsilon\pi\acute{o}\sigma\tau\alpha\sigma\iota\nu$ commutatione sequeretur, primam $\upsilon\pi\acute{o}\sigma\tau\alpha\sigma\iota\nu$, fontemque reliquorum, ab altera distinguendam, esse $\acute{\alpha}\nu\epsilon\nu\ \kappa\alpha\iota\ \acute{\alpha}\lambda\omicron\gamma\omicron\nu$, eo quod principio primo-primo monadique omnis compositio, licet intelligibilis, qualis in intellectu diuino esset, refragaretur, immane vidit monstrum Plotinus, quo, summum atque primum

primum rerum omnium, maxime intelligibilem, fontem sine mente et ratione esse, dicendum erat: id quod Platoni e diametro aduersum erat, qui quam maximo studio rationem et intelligentiam in summo rerum omnium parente posuerat. Non habebat Plotinus, quo se ex inexplicabili labyrintho extricaret. Confugit itaque ^e ad similitudinem quandam, cum verba ei deessent, a luce desumptam, eamque vel simplicem et uniformem, vel variam et multiformem esse monet, et superiorem lucem primo simplicissimo numini tribuit, cum lucidissimo solis corpore comparato, alteram, secundo principio, quam cum solis radiis confert. Ast quid haec ad *ἀνόησιν* istam et *ἀλογίαν*, Deo tributam? Vt itaque a tanta absurditate sese liberet, distinguit inter *νόησιν αὐτὴν* ipsam intelligentiam, et inter *ἔχον τὴν νόησιν*, quod in se habet intelligentiam, et primum tribui posse primae hypostasi concedit, alterum non item. Ast, bone Plotine, verba audio, sensum non percipio. Dixeras enim, *νόησιν* esse definitam a *νοητῶ*, adeoque quandam compositionem in se habere. Forte id dici debuerat: habere quidem primam personam trinitatis tuae metaphysicae intelligendi vim, naturamque et ratiocinandi potestatem, sed non versari circa obiecta intelligibilia, quae compositionem idearum simplicissimarum quandam et metaphysicam innuant, ideo ex se produxisse personam alteram, intellectum. Et sic forte clariora tibi verba data sunt, quam dedisti, ast quae, quaeſo, ratio illa est, quae nunquam in actum deduci potest? quaeque obiecto, de quo cogitat, nullo coniungitur vel afficitur? Sic tu nos inanibus decipis vocibus, et te non intellexisse ea, quae nobis mysteria obtulisti, prodis. Ignoscet lector beneuolus breuem digressiunculam de argumento spinoso et taedio pleno, quam eo fine adducere neceſſe erat, vt genuina facies philosophiae huius luculenter pateret, et quales philosophos se Alexandrinae scholae doctores praestiterint, constaret. Alia exempla peti possunt ex

§. XLVII. Nondum damnorum, quae ex praepostera hac philosophandi ratione in sapientiae studium redundauerunt, satis est, sed plura quoque ei inflicta vulnera. Differuisse homines hos, spinas colligentes et muscas venantes, de subtilissimis metaphysicarum abstractionum notionibus modo monuimus. Eae cum in se difficulter queant intelligi, omnem tunc fere captum superabant, quod inanes erant, et nullo fundamento, nisi delirantis ingenii somniis, nixae. Vt igitur melius intelligerentur, ad similitudines confugiebant, et dictiones atque vocabula impropria; quae cum alienam rem imaginationis imperio subiectam ad res omni corporea imagine carentes transferrent, lectores plerosque egerunt in transuersum, vt vel perperam obscurissima placita interpretarentur, vel

e) l. c. p. 536. seq.

vel plane, quid vellent non caperent. Testes hac in re, praeter innumera Platoniorum reformatorum loca, volumus oracula, quae illi Zoroastri et Chaldaicae scholae supposuerunt, quae plena sunt eiusmodi imaginibus, ad res spirituales et idola mentis, quae sibi condiderunt, translatis. Vt vel vno exemplo rem illustremus, ita oracula *f*:

Νοούμεναι ἡγχι πατέρεσσι νοέεσι καὶ αὐταὶ
βουλαῖς ἀφθέγκτοισι κινούμεναι ὥς νοῆσαι.

*Intellectae iunges a patre intelligunt et ipsae
Consiliis ineffabilibus motae, ut intelligant.*

Quid hoc nomine sibi velint obscurissimi philosophi, hariolandum potius, quam decernendum est, ideas in intellectu diuino residentes, quae, aliis substantiis intelligendi pariter et essendi principium largiuntur, designare voluisse, alio loco *g* verisimile esse ostendimus. Ast dum vel auiculae, vel etiam sphaerulae magicae (vtrumque enim iungis nomen denotat) imaginem ad notionem metaphysicam transferunt, loco perspicuitatis, quam quaerunt, nouas rei in se obscurissimae conciliauerunt tenebras. Nec hoc damnum solum, sed corrupta ita quoque iudicii vis fere omnis, ut quo diutius his quisquiliis inhaereas, eo minus de vero iudicare queas; id quod euentus in hac ipsa secta comprobauit, quo magis enim illa prouecta aetate inualuit, eo magis iudicium fere omne exspirauit, sic ut, quam apud Plotinum et Porphyrium adhuc deprehendere licet iudicii aciem, eam in postremis huius sectae philosophis plane desideremus. Vt vero res maxime seria et grauissima in difficiles nugas Siculasque gerras mutata, ita superstitionis quoque regnum ista pseudo-philosophia quam maxime amplificatum, cui tamen debellando euertendoque veram philosophiam manum ad mouere decebat. Vix opus esse putamus, ut haec prolixè probemus, cum singulae horum philosophorum vitae et scripta quoque theologica omnia, quae ab iis profecta sunt, euidentissimum exhibeant testimonium. Certe Eunapii vitas historiam superstitionis philosophicae melius et accuratius vocari, quam historiam philosophorum, omnes paginae loquuntur. Nec spoliata tantum veritas superstitioni inimica telis philosophicis, sed iisdem etiam armis oppugnata et eiecta ex plurimorum hominum mentibus est. Ea enim fini innumera illa deorum series et facerrima conficta est catena, ut, quam antea prudentiores superstitionem riserant, istis coloribus philosophicis indutam, quicumque philosophiae nomine dignus esse vellet, apertis exciperet amplexibus. Id quod non potuit non prudenti cuiilibet valde videri exosum, et philosophiae nomen vehementer poluere, praesertim cum viderent ad aniles fabulas et turpissimam superstitionem

f) v. 117. seqq.

g) Amoenit. liter. T. VIII. art. 1. p. 299. seqq.

stitutionem pleraque reuocari. Tandem et historiam philosophicam huius sectae studio vehementer corruptam esse merito dolendum est. Et si enim Porphyrii et Iamblichi in ea excolenda studium negari non potest, clarum tamen suo loco fecimus, vtrumque non de historiae veritate, sed de sectae suae gloria fuisse sollicitum, nec erubuisse, mendaciis et fabulis historiam philosophiae adulterare, Porphyrium etiam eorum philosophorum famam iniustis armis aggressum fuisse et profligare voluisse, quos suae sectae rationibus aduersos nosset, praecipue Socratis. Omnium vero maxima vulnera inflixisse historiae philosophicae libris spuriiis viris magnis suppositis hanc sectam fatendum est. Cum enim iustos se vetustissimae sapientiae Chaldaicae, Aegyptiacae, Orphicae possessores dicerent, non tantum exiguas illas reliquias et fragmenta, quae supererant, ad suorum placitorum normam fuere interpretati, sed vt antiquitatis sibi conciliarent praeiudicium, ingenii sui foetus adulterinos veros et genuinos veterum philosophorum partus esse magna impudentia dixerunt. Cuius generis pleraque esse, quae de Zoroastre, Hermete, Orpheo, aliisque magni nominis viris circumferuntur scripta, *tomo primo* luculenter exposuimus.

§ XLVIII. Non minora fuere damna, quae ab hac secta eclectica, *Damna ex* vel syncretistica Platoniorum Alexandrinorum passa est ecclesia. Quae *hac philo-* licet graua satis fuerint maximumque in historia sacra momentum ha- *phia in eccle-* beant, prolixè tamen heic loci, vbi non ciuitatis Dei, sed philosophiae, *siam redun-* historiam scribimus, enarrari non possunt, sed strictim tantum exponenda sunt, vt, quo loco habendi sint homines, magnis quorundam veterum multorumque recentiorum laudibus digni iudicati, appareat. Et inficiandum quidem haud est, cum laudauisse valde et commendauisse ipsos Christianos doctores rationem hanc philosophandi eclecticam, tum eorum quosdam eruditionis laude, quam sibi Ammonii schola comparauerat, illectos eius praecepta didicisse: praestitisse etiam hanc sectam aliquam Christiano nomini operam, eo quod Gnosticorum aliorumque haeticorum deliramenta fortiter oppugnauerit^b. Quinet reticendum non est, multis ex Plotini schola hanc philosophiam viam ad Christianam religionem monstrauisse, cum in illa sanctius, et plenius ea doceri viderent, quae apud magistros suos didicerant, vel exiguum discrimen intercedere putarent. Qua de re digna sunt, quae afferantur, verba *Augvstini* i) ita scribentis: *Tunc Plotini schola Romae floruit, habuitque condiscipulos multos acutissimos et solertissimos viros. Sed aliqui eorum magicarum artium curiositate deprauati sunt, aliqui Dominum Iesum Christum ipsius veritatis atque sapientiae incommutabilis, quam conabantur attingere, cognoscentes gestare personam in*

Ccc 2

eius

^b) CLEM. ALEX. Strom. L. I. p. 188. GREGOR. THAVMAT. Or. paneg. in Orig. p. 45. LACTANT. L. II. c. 8.

ⁱ) Epist. LXVIII. ad Diofcur. c. V. §. 33. T. II. opp. p. 260.

eius militiam transuerunt. Cuius causam alio loco ⁶ hanc exponit: *Itaque, ait, si hanc vitam illi viri nobiscum rursus agere potuissent, viderent profecto, cuius auctoritate facilius consuleretur hominibus, et paucis mutatis verbis atque sententiis Christiani fierent, sicut plerique recentiorum nostrorumque temporum Platonici fecerunt.* Vtrumque vero, si recte rem aestimes, magno cessit ecclesiae Iesu Christi damno. Cum enim et Platonici hi sententiarum similitudine decepti in Christiana castra transirent, at domesticas hypotheses eo transferrent simul, et cum Christianis dogmatibus conciliarent; et Christianorum filii horum hominum scholas frequentarent, quos eruditionis elegantia et philosophiae laude commendari audiebant; factum inde est, ut castissima Iesu Christi doctrina valde pollueretur, et male sana dogmata Alexandrina sanctioris philosophiae circulos misere turbarent. Ex eo enim tempore euenit, ut Platonice philosophiam et Christianam religionem leui immutatione et emendatione facta simul stare coniungique posse doctores Christiani opinarentur. Id quod praecipue factum, postquam Origenes in Ammonii schola hanc philosophandi viam ingressus, eam mutatis paucis capitibus ad Christiana placita retulerat, sicque is sacram doctrinam, Platonico habitu exornatam auctamque, in Alexandrinam scholam introduxerat, ut ex illis luculenter patebit, quae *tomo tertio* de eius dogmatibus Ammonianis dicturi sumus. Is enim cum plurimos discipulos haberet, qui eruditionis eius fama illecti philosophiam et theologiam ab eo discere cuperent, omnes eadem, quam ab Ammonio acceperat, methodo, instructi sunt. Qui cum postea non exiguam inde commendationem accepissent, quod tanto magistro usi essent, ad summa ecclesiae munera promoti sunt: qui disciplinam hanc Ammonio-Origenianam per omnem Aegyptum multasque Orientis prouincias disseminarunt, et his loliis agrum Dei vbique aspererunt. Quod quas calamitates ecclesiae, quas turbas concitauerit, et quam difficulter malum potuerit eradicari, in ecclesiasticis annalibus pluribus solet exponi. Quod tantum abest, ut superstitionis gentilis patrocinium, quod haec secta stabiliebat, tolleretur, ut potius ea contra Christianos haud vno modo victorias obtineret. Cum enim illis tela, a diffidiis philosophorum, a doctrinae futilitate, a morali philosophiae insufficientia, et quae alia huius generis erant, petita extorfisset, et imprimis, quae pro sacra tuenda doctrina afferebatur miraculorum gloriam, dogmatum sublimitatem, veritatem et sanctitatem subdola imitatione, fraudibus et mendaciis elussissent, populi vero religioni, cuius viros prudentiores hactenus puduerat, hederam illam apposuisent, qua et sapientioribus venalis videri posset, persuaferunt multis, ut relictis sacris Christianis ad vomitum pristinum reuerterentur, et apostasiam non refugerent, vel ut in auita superstitione persisterent, rati parum inter-

interesse discriminis, cui cultus diuini generi adhaerent, cum statuerent, quae Maximi Madaurensis Platonici Africani verba sunt apud AVGVSTINVM ¹, *Deum omnibus religionibus commune nomen esse: et ita fieri, ut dum eius quasi membra quaedam carptim variis supplicationibus prosequamur, totum colere profecto videamur.* Illius exemplum habemus Iulianum imperatorem, supra prolixè enarratum, quem cum sollicitè custodiendum Constantius duxerit, ne gentilium philosophorum scholis innutritus occasionem deficiendi a fide caperet, rectè inde colligitur, plura eiusmodi exempla tristitia hanc providentiam imperatori fuisse. Huius vero exempla esse possunt Platonici temperationis ingenii, qui non quidem auito cultui nuntium miserunt, ast nec Christiana sacra, licet publica confessione se illis non addicerent, reiecerunt, rati, diuerso licet ritu, vnum tamen omnes Deum colere, nec hanc religionum diuersitatem illi displicere, adeoque ab hominibus quoque ferendam esse. Id quod eo fortius illis placuit, quo magis Alexandrina philosophia commune omnium fere religionum habebatur receptaculum. Hunc in censum Ammianum Marcellinum, Chalcidium, Symmachum, Themistium, refert Cel. MOSHEMIVS ^m, qui de ea re videndus, de qua nos quoque pauca supra diximus. Qui vero in ecclesia versabantur, huius philosophiae amore adeo inescabantur, ut non dubitarent, nouam sibi ad eius normam religionem effingere, quae Christianae quidem nomen tueretur, ast re ipsa illi esset dissimillima. Cuius exempla etsi multa occurrunt, suo loco enarranda, Synesii tamen Θεολογόμενα omnium luculentissimum specimen sunt, ut *tomo tertio* faciemus manifestum. Qui cum grauissima momenta Christianae confessionis negasset, et nefanda βδελύγματα quae ab Hypatia didicit, fuisset professus, nihilo tamen minus dignus iudicatus est, qui coetui Christiano antistes praeficeretur: adeo non abhorrebat a Platoniciis nugis ecclesia. Simile et illustrius etiam exemplum in *Clementinorum* auctore prolixè et eleganter exposuit doctissimus MOSHEMIVS ⁿ. Huic malo affine est illud, quo nefandae philosophiae mysteria Christianis doctrinis attemperata viris sanctis seculi primi et secundi afficta eisque libri his impuris dogmatibus pleni tributi sunt. Cuius notissimum exemplum cum exhibeant scripta, quae sub Dionysii Areopagitae nomine ambulant, de quibus *tomo tertio* dicetur, aliud in re nota non addimus. Id quod semel receptis Alexandrinae philosophiae axiomatibus, fieri eo facilius poterat, quo magis in ea receptum licitumque credebatur, pia fraude uti, et rem sacram iuuare mendaciis, a qua scabies Christianos doctores cetera graues atque pios non fuisse immunes, doctè probauit MOSHEMIVS ^o, ad quem breuitati consulentes, lectorem remittimus. Possent his addi alia, et fanaticismus in multis orientis ecclesiis per mul-

Ccc 3

ta

¹) Ep. XVI. T. II. p. 15.^m) l. c. §. 30. seq. p. 162. seqq.ⁿ) l. c. §. 34. seq. p. 174. seqq.^o) loc. cit. p. 202.

ta secula regnans, qui tandem ad ecclesias quoque occidentales, cum libris Pseudo-Dionysii transiit, huc aduocari, nisi in Christianae philosophiae historia ea res esset tangenda. Quin et rituum et ceremoniarum et dogmatum ad eas stabiliendas excogitarum historia ^p posset in partes vocari, quae non leuem ex hac philosophia immutationem passa sunt. Verum cum haec extra oleas vagentur, ea ciuitatis Christianae historiam condentibus expendenda relinquimus. Hoc tamen vnum adiicimus, praeiudicia etiam doctis viris plurima eandem philosophiam genuisse. Inter quae lepidam, quae per tot secula viguit, totque securi rogoque homines addixit, daemonologiam merito referendam esse, vel solus PSELLI *de operatione daemonum* libellus, ex horum philosophorum praeceptis totus constans, loquitur. Alia ne nimii sumus, tacemus.

Discordia huius sectae.

§. XLIX. Expectabit iam lector, ipsius philosophiae Platonicae reformatae siue Alexandrinae delineationem, ut cum genuino Platonis systemate illam queat comparare; sed rem se postulare non difficile tantum, sed plane impossibilem, facile intelliget, si ad rationes et circumstantias huius sectae paulisper attendere accurate voluerit. Et si enim in eo conspirauit tota secta, ut conciliatis inter se omnibus fere sectis et religionibus philosophiam reformatam superstitioni receptae ancillaturam stabiliret, et Christianae religionis sufflaminaret successus, caue tamen credas in vnum certum definitumque doctrinae systema eam consensisse; contrarium enim ipsa monumentorum ab his philosophis nobis relictorum docet inspectio, nec natura et conditio huius philosophiae aliud patitur. Cum enim diuersissimorum longeque inter se distantium dogmatum conciliationem quibuscunque possent machinis inire vellent, ingenio omnino indulgendum erat, eiusque beneficio tentandum, quod res ipsa denegauerat. Ast hic valde variabant homines otiosi suisque nugis tribuentes plurimum. Nam cum nulla fere conciliatio faceret satis, semper ad alias transibat audacia, nouum errori quaesitura patrocinium: et quanto quis phantasiae fertilitate felicior erat, tanto plus ad systema semel definitum, ut syncretisticum esset, attulisse se sibi videbatur. Hinc tot diuersae inter sese horum philosophorum φιλοσοφούμενα, quae cum ad voces nihili et inanes distinctiones cuncta redirent, non potuere non diuersissima tantum de vna eademque re nobis huius sectae exhibere placita. Cuius obseruationis in sequentibus quidem aliquot occurrent specimina, vno tamen alteroque fidem huius rei lectori facere non abs re factum iri putamus. Maximi fecisse magiam Platonicos vltimos et in his Proclum, ex supra dictis constare arbitramur, huc enim virtutem theurgicam aduocabant: Sane inter summas Procli perfectiones hanc fuisse, et magnifice iactat et exemplis tuetur MARINVS ^q. Nec aliter IAMBLICUS

CHVS,

p) Tales sunt ieiunia, coelibatus, et his similia.

q) Vit. Procli c. 28. p. 67.

CHVS^r, qui, vbi monuisset, *duas habere hominem animas, vnā a primo intelligibili, quae participet de potentia opificis, alteram, quae nobis inditur ex circuitu coelestium mundorum, ad quem anima Deum speculatura reuertatur*, ait porro, *hanc obtemperare motibus mundorum; illam vero, quae ab intelligibili deriuetur, et adsit intelligibiliter, esse supra orbem geniturae, et solui a fati vinculis, et ad eam pertinere, adscensum ad Deos intelligibiles, et theurgiam omnem ad ingenitum ducentem*. Ita etiam PSELLVS¹. Ast aliter placuit PLATINO et PORPHYRIO. Ille enim magiae, et theurgicis operationibus non inesse vim in partem animae intelligibilem, sed tantum in eam partem, quae ex vniuerso assumpta irrationalis est, contendit, hincque etiam magicis artibus tantum quoad corpus hominem appeti posse asserit². Hic vero, non tantum interdum prorsus eam reprobat, sed vbi etiam laudat et admittit, teste AVGVSTINO³, *utilem tantum dicit mundanae parti animae, non quidem intellectuāli, qua rerum intelligibilium percipitur veritas, nullas habentium similitudines corporum, sed spiritali, qua corporalium rerum capiuntur imagines, eaque aptam fieri susceptioni spirituum et angelorum ad videndum Deos: nihil vero inde accidere purgationi intellectuāli animae, quod eam faciat idoneam ad videndum Deum suum, et perspicienda ea, quae vere sunt*. Pari fere modo inter se dissentiunt PORPHYRIVS⁴ et IAMBlichVS⁵ de potestate fati in Deos. Prior enim, fato subesse Deos concedit, idque tuetur, cuius loca attulit EVSEBIVS⁶, posterior, nec Diis ipsis fatum applicandum esse, docet, qui tanquam fati auerrunci in templis statuisque colendi sint. Ast ab utroque recedit HIEROCLES⁷, qui vt medium teneat, inter fati, vel quod idem illi est, prouidentiae diuinae effectus, pro naturarum spiritualium magis vel minus perfectarum conditione distinguit, et ex Platonis, vt putat, mente, circa eas naturas, quae imperturbatae et vsquequaque perfectae ac proinde peccati expertes sunt, puram, simplicem et vniuniformem Dei constituit prouidentiam, circa alias vero ratione vtentes, quales aërias supra dixerat, eo quod inscitiae et ignorantiae nonnunquam sint obnoxiae ac propterea vitio oblitae, (vel expositae potius) permixtam occasionibus atque fortunis prouidentiam tribuit. Alia dissonantia Platoniorum de fati in Deos daemonasque potestate effata praetermittimus, discenda ex eorum fragmentis, quae collegit HVGO GROTIUS⁸. Multa huius generis ex Platoniorum Alexandrinorum scriptis, et *sententiis* etiam *physicis* a STOBAEO⁹ collectis possent adduci, si id ageremus, quibus euidenter constat, eos saepe numero inter se dissenisse: exempla tamen pluscula passim attulit,

T H O-

1) De myster. Aegypt. Sect. VIII. c. 6. p. 162.

2) Conf. TH. GALE ad I. c. Iambli.

3) Enn. IV. L. IV. c. 43. p. 457.

4) De C. D. L. X. c. 9. conf. GALE I. c. HOLSTEN. vit. Porphy. p. 268. ed. Fabr.

5) Conf. PHOT. Cod. CCXIII. p. 363.

6) I. c. c. 7. p. 162.

7) Praep. L. VI. c. 1. p. 236. seqq.

8) PHOT. Cod. CCXLII. p. 753.

9) In collectione philos. sent. de fato p. 12. seqq. ed. Paris.

c) Vide notabilem locum p. 115.

THOMAS GALEVS ^a in hac philosophicae historiae parte versatissimus, qui adiri potest. Multum vero haec discordia aucta est, allegorica fabularum explicatione, quae cum propria ingenii mire luxuriantis ἐνδήματα pro interpretationis norma supponeret, hisque cuncta accommodaret, non potuere non diuersissimae etiam exinde sententiae exfurgere. Cuius rei fidem imprimis facient Procli scripta, ex quibus luculenter discemus, eum nec cum aliis Platoniceis, nec secum ubique satis conspirare ^e. Quae cum ita sint, sperandum non est, systema aliquod cohaerens inter se horum hominum posse exhiberi, qui in hoc solo se eclecticos praestiterunt, ut recte obseruatum viris doctissimis OLEARIO ^f et MOSHEMIO ^g. Cum vero doctrina huius scholae, quae non in philosophico tantum sed ecclesiastico etiam orbe tantam celebritatem et auctoritatem nacta est, cognoscenda tamen sit et qua ratione philosophati fuerint, ostendendum, si legibus instituti nostri, quas nobis tulimus, parendum, certior hic et rectior vix via patet, quam ut eo, quem in aliis quoque sectis seruauimus, more vnum alterumque ex horum numero philosophum de potioribus argumentis differentem audiamus, et quae apud alios occurrunt, notabilia et vel dissona, vel aliam explicationem postulantia, qua licet breuitate adferamus. Quae tamen limitum quos nobis posuimus angustia prohibet, quo minus quantam postulat rei prolixitas, lucem ei afferamus, quae in peculiari huius sectae et philosophiae historia, quam licet promissam hactenus vehementer desideramus, tantum potest accendi. Eligemus vero in metaphysicis, quibus dialectica quaedam praemisit, PLOTINVM, hominem subtilissimum; at obscurum et inuentum, quem tamen haud raro paulo magis ornauit et luculentiorum reddidit MARSILIUS FICINVS ^b; in theologicis, IAMBLICHVM ⁱ luculenter de spiritibus eorumque cultu differentem; in moralibus PORPHYRIVM ^k animam ad apprehendendum summum intelligibile formantem, ita tamen, ut, quae memorabilia apud alios occurrunt, non plane negligamus. Ita enim speramus, fore, ut non quidem philosophiae Alexandrinae systema, at philosophemata tamen eius sectae genuina, ipsisque philosophorum horum, quantum licet, verbis proposita cognoscere queamus paulo clarius. In his vero omnibus lectorem maxime, et primo loco attendere iubemus, ad systema emanatiuum, in quo consensere omnes; ex eo enim pleraque lucem capiunt, imprimis catena illa siue scala diuinorum, quam otiosa haec ingenia commenta sunt, finisque, quem sibi omnes constituerunt.

§. I.

d) In not. ad IAMBLICHVM. Adde passim MOSHEMIVM ad Cudw.

e) Commentarii loco esse potest STANLEII Hist. phil. Orientalis cum annotationibus I. CLE-
RICI.

f) De philos. eccl. p. 1220.

g) loc. citat.

b) In argumentis capitum. Plotinum vero aliis praesertim Proclo praeferendum esse, recte monuit MOSHEMIVS l. c. p. 652. n. 21. Idem eum puriorem Platonem vocat STOBAEVS eclog. phys. l. I. p. 113.

i) De mysteriis Aegyptiorum.

k) Passim in scriptis suis maxime vero περι
ἐφορμῶν.

§. L. In dialecticis pressisse Platonicos Alexandrinos plerumque *Dialectica eclecticorum.* vestigia Aristotelis, et ex supra dictis notum est, et ex commentariis, quos in Aristotelis libros logicos haec schola exaravit constat, nec ignota sunt in historia Peripatetica, Porphyrii, Ammonii Hermeae, Procli, Simplicii, Pselli, Philoponi et Boëthii, qui etiam ex hac schola prodierunt, labores, quibus illis lucem afferre sunt conati. Inuenit tamen PLOTINVS¹, ut in subtilitatibus eiuscemodi, et abstractionibus mentalibus ipsum foecunditate superauit Aristotelem, quae non tantum in scala eius praedicamentali carperet, sed quae meliora etiam, ut ipsi videbantur, reponeret. Nos relictis prioribus, paucis posteriora^m afferemus, cum non tantum scalam rerum dialecticam, sed etiam metaphysicam exponant. Ita vero in iis libris, quos *de generibus entis* inscripsit Porphyriusⁿ.

I. Solum verum ens est, cui non miscetur entis oppositum, id est priuatio efficiendi.

II. Multa quae sunt in primo ente, necessario sunt ab vno, et tamen, cum vnumquodque non sit conforme cum alio, ipsum seorsim genus existit. Vnum enim quod desuper extat, non cum generibus connumeratur.

III. In primo intellectu est ens, motus, status, tanquam tria rerum genera, quae ipsa natura vnum, ratione formali tria sunt. Illa natura motus est primus.

IV. Ipsum simpliciter vnum, quod est ente superius, de nullo vel entium vel generum praedicatur ut genus.

V. Nec ens, nec vnum eadem vbique ratione insunt, sed ratione diuersa magisque et minus, gradatim, et prius et posterius. Fundamenta haec sunt dialectica, vel ontologica potius systematis emanatiui, quod ex Deo, omni ente superiore, tanquam fonte fontium cuncta deriuat. His nugis superstructum totum aedificium systematis emanatiui, quod supposito ineffabili rerum omnium fonte, super omnem entis rationem et conditionem extollendo, gradus et ordines atque affectiones cum principiorum emanatiuorum, tum effectuum explicuit, iisque suas distinctiones et praecisiones mentis applicuit. De his ita porro Plotinus:

VI. Nec numerus, nec quantitas, nec qualitas sunt inter prima rerum, sed posteriora essentiae, quae post eam demum nascuntur.

VII. Motus entis intimus, status, identitas et alteritas non sunt qualitates entis, sed eius proprietates, et actus potius entis reuera existentis in actu, id est, non complement essentiam, sed sunt ipsa essentia.

VIII.

1) Enn. VI. L. I. p. 566. seqq.

m) L. II. et III. p. 595.

n) Sequimur tamen in iis Ficini summam ca-

pitibus praefixam, quae magnam obscuritatem habent, in reliquis ipsius Plotini verbis utimur.

VIII. Relatio, locus, vbi tempus, positio habitus actio non prima genera sunt, nec penes illa, sunt enim aduentitia, et compositionem vel defectum innuunt.

IX. Intellectus primus dum se intelligit, et omnia inter se discernit, habet numerum in illis, quae contuetur, vnumque est et multa, id est vires plurimae, vigentes ad summum, purae, i. e. potentiae, et quidem infinitae et ipsa infinitas et magnitudo, quae et quantum et quale diuidit, unde differentiae figurarum et aliae qualitates exoriuntur. Ludit intellectus vel subiectiue vel obiectiue (vt loqui in scholis mos est) sumpta voce Plotinus, cumque rerum omnium et potentias et ideas in se contineat intellectus, inde et vnum et multa statuit. Ast his nugis tota fere Plotini de λόγῳ intellectuque diuino tractatio, quae magnam partem systematis eius metaphysici conficit, innititur. Hinc sequitur:

X. Intellectus, qui ideas contemplatur, a suo quodam superiore minime segregatus, ex ipso quidem existens vnum est, at alteritatis naturam habens vnus euadit multa.

XI. Intellectus post se habet animam, quae adeo et ipsa in numero est, vsque ad id, quod ipsius est vltimum, hoc vero infinitum est: est enim pars intellectus, qui pars boni ipsius est, sed tanquam actus ex ipso dependens. Hac potissimum assertione nititur trinitatis Plotinianae mysterium, de quo infra, quam metaphysicam eapropter recte dixeris ^o.

XII. In sensibili mundo, vt in intelligibili, licet analogice, et secundum proportionatam similitudinem quandam sunt etiam quinque genera rerum ^p.

XIII. Natura corporea aequiuoce tantum dicitur essentia, habet enim notionem fluxus, et generatio potius dicenda esset ^q.

XIV. Quinque rerum, quae in mundo sensibili sunt genera sunt: substantia, accidens quod est in substantia, accidens in quo substantia, motus, relatio. Ad tria tamen reduci possunt.

XV. Substantia est, fundamentum quoddam et susceptaculum aliorum, et sui iuris est, nec est alterius, aut si alicuius pars est, compositum ipsum complet, dum quodlibet sui ipsius existit.

XVI. Omni substantiae conuenit, in subiecto non esse.

XVII. Genus substantiae in species diuisuri, distinguere possumus per ea, quae ad sensus pertinent, videlicet per qualitates vel simplices, vel mixtas, item per formas et figuras ac loca.

XVIII.

^o) An vero meris notionibus ex mente Plotini consistet, vel plus dicat, in sequentibus disputabimus.

^p) l. c. L. III. p. 616.

^q) Sequitur hic Platoniam et Pythagoricam notionem, conf. PORPHYR. *περί ἀφ᾽ ὅρου*. sent. 22. p. m. 68. ed. Rom.

XVIII. Quantitas in numero et magnitudine ponenda est, locus vero et tempus in ratione quantitatis minime computantur, pertinent enim ad relationem. Quantum autem contrarietatem recipit.

XIX. In genere qualitatis ponenda est primo ipsa qualitas, deinde, qui qualitate praeditus est, tertio qualitatis motus.

XX. Motus genus est, si ad aliud genus non reducitur. Motus autem significat progressionem quamlibet siue natura seruata, siue transmutata.

XXI. Communis omnibus motibus est processio vel exitus ex potentia in illud, quod posse dicitur.

XXII. Motus, circa sensibilia qui versatur, est stimulus quidam vel impetus ab alio in aliud vergens, et excitans, ne participans motu maneat in quiete: differt vero ab iis, quae mouentur.

XXIII. Motuum species probabilius distinguuntur per differentias internas, quam externas, scilicet vires motrices, aut inanimatas, aut animatas, aut sic vel aliter animatas, vel per impulsum artis vel consilii.

XXIV. Quies est priuatio quaedam; status in aeternis non est priuatio motus, qui in iis non est.

XXV. Facere atque pati motiones sunt, sic et reliqua genera siue praedicamenta, ad dicta referri possunt v. g. relatio, quae est alterius ad alterum habitudo.

Haec de praedicamentorum vel, qua voce vtitur, generum natura. Ex quibus patet, Archytae et Aristotelis ita pressisse vestigia, vt considerationis nouitate ab iis abire videretur, nec attulisse tamen nouum aliquid, nisi quod notiones, in se arbitrarias systemati metaphysico suo, quod emanatum esse, supra monuimus, pressius applicaret. Quod annon veterum mentem peruerterit, ex horum cum iis, quae *tomo primo* de hac re diximus, comparatione apparebit.

§. LI. Aequae Spinosa sunt et intricata, quae in metaphysica copiose *Metaphysica* disputat Plotinus, in qua tamen, quando se labyrintho difficultatum, et *eclecticorum* praecisionum mentis nimiarum, atque intelligentiam quasi fugientium, *de Deo.* extricare non potest, plane nihil definit, sed lectoris meditationem relinquit haerentem et suspensam. Colligemus nos, vt lectorem taedio molestissimi et ingrati laboris liberemus potiora, eo, quo in antecedentibus vti sumus, modo. Ita vero praecipit PLOTINVS:

I. Principium omnium non est omnia, sed super omnia et potestas omnium, quae quidem nisi esset, neque cetera forent. Super-ens nempe, quod neque mouetur neque diuiditur, neque multiplicatur, licet omnia ex eo procedant ^r. Primum et genuinum totius systematis emanatiui

Ddd 2

prin-

^r) Haec vbique fere inculcat, vid. Enn. III. Enn. V. L. II. c. 1. p. 493. Enn. VI. L. II. c. 9. L. VIII. c. 9. p. 351. Enn. V. L. I. c. 7. p. 489. p. 603. et alibi.

principium, nempe fontem fontium omnium, omnibus priorem innuit Plotinus, sicque clauem porrigit, qua totum systematis aedificium referari potest. Recte vero hoc illi tribui, ut appareat, en ipsius verba: *Aëtus vitae, qui omnia est, non est ipsum primum, sed ex principio vel fonte profunditur. Cogita fontem principium aliud non habentem, fluminibus vero se totum tradentem, nec tamen fluminibus ullis exhaustum, sed in se quiete manentem, flumina vero ab ipso fluentia antequam aliud alio fluat, adhuc una manentia, et quasi iam cognoscentia, quo ab ipsis fluxuri sint riuuli.* Passim haec inculcat, et hoc principium primo primum super omnia euehit. Nec aliter eiusdem tribus philosophi. Et inter eos luculenter IAMBlichVS^f: *Ante eas res, quae vere sunt, et ante principia vniuersalium est Deus vnus, prior etiam primo Deo, et rege est ille immobilis, in solitudine suae unitatis permanens, neque enim intellectuale ei immiscetur, neque aliquid aliud, estque exemplar ipsius, sui ipsius pater, et de se genitus, et vni pater Deus, et vere bonus.* Et, ut secundum systema emanatium haec intelligi sciamus, addit: *Est enim maius quid et prius, fons omnium et radix intelligibilium idearum primarum entium.* Displicuit hic valde locus RAD. CVDWORTH^o, qui a Plotini mente primum recessisse Iamblichum putat, cum Deum ante Deum primum collocaret. Nihil tamen videmus, quod nos aliter Iamblichum intelligere cogat, quam vult Plotinus, modo id notemus, in *παδείας τέρας* parum per eum a praeceptoribus differre, et respicere ad primum fontem principiorum omnium: quod in allato quoque loco fecit Plotinus. Vtrum Chalcidensis philosophus loquendi hunc modum a Christianis de generatione verbi differentibus desumerit, vel eos imitatione expresse, quod vult Ven. Interpres; vel, annon ad Aegyptiacam et Orientalem doctrinam respiciat, quam ante exortam Plotini scholam talia docuisse, ex Gnosticorum somniis et Cabbalistarum Orhaënsoph et Adam Kadmon, de quibus infra dicemus, quaeque ex Aegyptiaca theologia, orientali admixta desumpta sunt, patet, nunc non disputabimus. Illud certum est, totam hanc scholam principium eiusmodi primo primum, omni ente superius, omnique intellectu principioque diuino prius statuiffe. Ita enim PORPHYRIUS^u quoque, qui *τὸ ἐπέκεινα* vñ, id quod supra mentem diuinam est principium tantae profunditatis esse dicit, ut non tam intelligendo, quam *αἰσινία* et quiete otioque intellectus comprehendi posse dicat. Valde tamen, etsi in hoc consensere Alexandrini philosophi, esse omnibus principiis diuinis aliquod prius et diuinus, in abyssu deitatis latens, inter se dissenserunt, vtrum illud ad tres istas *ὑποστάσεις ἀρχικὰς*, de quibus postea dicemus, referendum vel illi proponendum sit? Quod posterius post Concilii Nicaeni demum tempora placuisse Platonice iunioribus, maxime Proclo, visum RAD. CVD-

s) l. c. p. 351.

f) De mysteriis f. VIII. c. 2. p. 158.

t) Syst. intell. c. IV. §. 36. p. 732. a.

u) loc. cit. p. 71.

CYD WORTHON. *. Id quod recte reiecit acutissimus interpres, qui Pseudo-Hermetis loco a CYRILLO ALEXANDRINO ^y seruato probat, longe prius, ac Iamblichi aetate ^z, principium aliquod primum triadi hypostaticae in Platonica schola fuisse praepositum. Paulo enim supra diximus in Cabbalistico systemate, quod ante C. N. exortum est, lumen infinitum, triadi sephiroticae in homine primogenito fuisse praemissum: idem Gnosticorum Deus, in supremo et profundissimo silentio habitans, quin et *λεϊψανα* orientalis philosophiae et imprimis Zoroastreae, ante principia rerum omnium spiritualia, siue emanationes hunc ineffabilem fontem deitatis ponentia probant, vt ex iis patefcat, quae infra de ea re dabimus. Plotinus tamen, nisi nos obscuritate sua fallit, Deum hunc primo-primum, a trinitate non separauit, sed fontem et intellectus diuini et animae diuinae constituit ^a, pressius paulo Platonem imitaturus, a quo tamen, notionibus metaphysicis duplicem sibi Trinitatem excogitans *ὑπερκόσμιον* et *ἐγκόσμιον*, mire ipse quoque deflectit.

II. Principium hoc primo-primum vitae intellectualis causa est, nempe essentiae entisque auctor, quoniam est ipsum vnum, est enim simplex, est et primum, quoniam est principium; ab eo namque omnia profluunt, ab eo motus primus exoritur, neque tamen est in eo, ab eo quoque status, quoniam ipse nihilo indiget, neque enim mouetur, neque quiescit, cum nihil habeat, in quo quiescat aut reuoluatur ^b.

III. Neque potest definitum esse, a nemine enim potest definiri, neque est ita infinitum vt moles immensa; sed dicitur infinitum, quod non sint plura quam vnum, neque habeat aliquid, ad quod suorum aliquid terminet ^c.

IV. Quia illud, a quo sunt omnia, nihil se melius esse patitur, minus vero bona sunt omnia, sequitur ipsum rerum omnium optimum, bonum ipsum existere ^d.

V. Quin etiamsi oportet ipsam boni naturam per se sibi sufficientissimam esse, nec indigam alicuius, non alia potest reperiri, praeter hanc, quae ante alia est, hoc ipsum quod existit, quando nondum est malum ^e.

VI. Bonum hoc pulcherrimum est, et pulchritudo supra pulchritudinem, et quia amabile est, est pulchritudinis auctor, eiusque potestas et flos ipse, adeoque pulchritudinis principium et finis ^f.

VII. Quod vnica ratione se habet, ideo libertate non priuatur, hoc vnicum enim non habet ex eo, quod habere aliud cohibeatur ab alio; sed ex eo, quod ipsum proprie sit hoc ipsum, sicque sibi ipsi placeat, neque libeat neque liceat aliquid excellentius esse ^g.

Ddd 3

VIII.

*) loc. cit. p. 734.

y) Adu. Iulian. L. I. p. 35.

z) Ante huius enim tempora Hermeti hos libros fuisse suppositos, verisimile iudicat vir acutus.

a) Vide infra thesin XIII. et sequentes,

b) Enn. V. L. V. c. 10. p. 529.

c) Ibid. c. 11.

d) Enn. VI. L. VII. c. 23. p. 715. Prolixè et subtiliter hic de summi boni natura disputat.

e) Ibid.

f) c. 33. p. 723.

g) L. VIII. c. 8. p. 741.

VIII. Neque libertas, neque aliud attributum Deo adscribendum, ea ratione, qua entibus sequentibus sed modo ineffabili, cum nihil inuenire possimus, vt digne eloquamur : omnia enim pulchra et veneranda posteriora sunt illo ^b.

IX. Si nihil est supra istud, quod ipsum existit primo, sistere in eo gradum expedit, neque vlterius de hoc aliquid dicere : sed perscrutari potius, quomodo sequentia facta sint ⁱ.

X. Quod omnino est id, quod est ipsa essentia, est etiam dominans, et liberum, licet actio eius ab essentia non differat ^k.

XI. Quando dicimus vnum, et quando dicimus ipsum bonum, intelligendum est, vnam nos eandemque naturam significare ^l.

XII. Non est conandum in alia principia se conferre, sed hoc proposito intellectum deinde, quodue primo intelligit, mox animam post intellectum collocare debemus ; hic enim naturalis ordo est, ideoque neque his plura neque pauciora in genere intelligibili decet connumerare. Non enim pauciora esse, inde liquet, quod inter se sunt diuersa ; neque plura admittit ratio. Non enim principium vllum simplicius potest inueniri, nec datur intellectus nisi in statu, adeoque neque in motu alius, atque alius in quiete : Ratio autem ab intellectu in animam vsque procedens, animam reddit intellectualem, neque aliam quandam adducit naturam, intellectus et animae mediam ^m. Magna subtilitate exsequitur Plotinus demonstrationem trinitatis principiorum, contra Gnosticos disputans, vt eorum diuinas familias aeonasque in infinita diuinitatis abyssio euerteret. Hactenus quidem a Platone non recessit, nam et alii eorum temporum Platonici ita docebant ⁿ : idque sine dubio ab Ammonio percepit. Qui cum ex Christianorum disciplina aeternarum *ὑποστάσεων* trinitatem nosset, eam eo magis systemati suo inferre potuit, quo magis in Platone eiusmodi trinitatem deprehendebat, siue illa attributorum fuerit, siue personarum, de qua re, quid nobis in obscuro argumento verisimile videatur, *tomo primo* diximus. Quem secutus Plotinus, eandem trinitatem hypostasium archicarum admisit, vt haberet, quod non Gnosticis tantum opponeret, sed etiam, quod Christianis : quorum doctrina suam philosophiam inferiorem non esse, haec secta vehementer omnique studio fategit. Vidit hoc THEODORETUS ^o, qui hanc Christianorum imitationem probe animaduertit, licet valde fallatur, opinatus eandem esse Numenii et Plotini, quae Christianorum, trinitatem. Recessisse vero et Aegyptiacam theologiam iuniorem, Orientali permistam, et Platoniorum Alexandri-

^b) Nimiam praecisionem hic hominis verba nobis dantis notare licet. Supra enim ad essentiam eius omnia pertinere dixit. Hic itaque abstractione summa de ordine cogitationum nostrarum tantum intelligendus est. Hic vbique mos regnat in Plotino, qui incautos facile decipere potest.

ⁱ) p. 744.

^k) p. 746.

^l) Enn. II. L. IX. c. 1. p. 199.

^m) Ibid.

ⁿ) Videndus CUDWORTHVS, et quae ille affert Chalcidii, Macrobbii, Numenii loca, licet cum Plotino non in totum consentientia l. c. p. 732. seqq.

^o) Therapeut. Serm. II. T. II. opp. p. 496.

xandrinorum alios ab hac trinitate, et quaternionem quandam statuiffe, supra iam attigimus, ponentes primo principio aliud superius, et variantes admodum in arduo et difficili argumento, qua de re differuit PROCLUS^{p)}, qui videndus: qui et ipse ab hac Plotini sententia discessit, et trinitati vnitatem praemisit, statuitque, *numerum demiurgicum non incipere debere a trinitate, sed a monade ante trinitatem per se sola stante*. Paulo aliter hanc Platoniorum sequiorum variationem refert CYRILLVS ALEXANDRINVS^{q)}: *praedicti*, inquit, *aduersantur huic doctrinae, dicunt enim bonum non esse connumerandum iis rebus, quae ab illo proficiscuntur; exemptum illud esse ab omni communione, propterea, quod simplex omnino sit, nulliusque compositionis capax, a mente vero, haec enim principium est, trinitatem vnā procedere*. Ex quibus manifestum est, sectam hanc ne in principiis quidem inter se consensisse, nam et in reliquis hypostasibus inter se ordinandis valde dissenserunt^{r)}.

XIII. Est in principiis diuinis aliquod veluti centrum, penes hoc autem circulus ab ipso micans, praeter haec et circulus alius, lumen de lumine, vltra haec non amplius luminis circulus, sed iam luminis indigus alieni. Ordinem principiorum diuinorum in his definit, vsus similitudine Plotinus, vbi bonum ipsum quasi centrum est, mens lumen inde micans, atque permanens, anima lumen de lumine se mouens; corpus per se opacum vero ab anima illuminatur^{s)}. „Eadem alibi^{t)} inculcat: ascendentem a mundo sensibili ad mundum veriore^m eiusque principium, ibique cuncta intelligibilia conspicientem, ac penes ipsum sempiterna in propria intelligentia atque vita, horum omnium praesidem intellectum, prorsus intemeratum, et inaeestimabilem sapientiam, et reuera vitam auream sub Saturno inuenire. Omnia enim sub se immortalia comprehendere, intellectum omnem, Deum omnem, animam omnem, et haec omnia penitus consistentia, „ Alia loca, quae passim occurrunt, breuitatis causa omittimus.

XIV. Ad quaestionem explicandam, quonam pacto ex vno existente tali, quale vnum ipsum habuerit vnumquodque substantiam, neque illud in se ipso quieuerit, sed tanta inde effluerit multitudo, quanta conspicitur in ordine rerum, Deus inuocandus est, non oratione ad aures pertinente, sed animo seipsum ad Deum voti gratia impensissime reuocante. Videtur et hoc accepisse ab Ammonio Plotinus ex disciplina Christianorum, qui reuerenter et maxima cum deuotione de generatione *ἀέγς*, et ipso trinitatis mysterio inter arcanas doctrinas loquebantur^{u)}.

XV.

p) In Timaeum Plat. L. II. p. 93.

q) Contra Iul. L. VIII. p. 371.

r) Enn. IV. L. III. c. 17. p. 384.

s) Illustrari haec possunt ex Iudaeorum doctrina Sefirotica et de Adam Kadmon, nam

ex vno fonte vtrumque haustum est, vt infra demonstrabitur.

t) Enn. V. L. I. c. 4. p. 485. L. V. c. 3. p. 522.

u) Enn. V. L. I. c. 6. p. 487. quo loco de generatione mentis siue intellectus diuini ex instituto differit.

XV. Quando in explicatione originis principiorum diuinorum generationis mentio fit, procul esse debet generatio temporalis, verba de sempiternis facientibus, idque tantum ratione causae ordinisque cuiusdam est intelligendum *.

XVI. Quod a primo principio gignitur, dicendum est superiore non agitato gigni, alioquin si moto illo aliquid generetur, certe id quod gignitur, non secundum sed tertium erit ab illo post motum. Non itaque illo vel annuente vel voluntate decernente vel vilo pacto commoto subsistit.

XVII. Lumen itaque vndique circumfufum ex ipso dependens penitus quiescente ceu fulgor circa solem circumcurrens, ex ipso semper manente progenitum est.

XVIII. Quod semper est perfectum, semper etiam gignit sempiternum, minus autem genitum genitore.

XIX. Ex perfectissimo prodeunt, quae omnium maxima sunt post ipsum, maximum autem post ipsum, et secundum est *ἄρς*, intellectus.

XX. Melius omnium, quae fiunt, est intellectus, quoniam omnia alia sunt post ipsum.

XXI. Genitum appetit genitorem, in cuius consecutione sit contentum, praecipue autem quando soli sunt genitor atque genitus. At ubi, quod genuit, est omnium optimum, necessario genitum ipsi cohaeret, usque adeo, ut alteritate solum fecernatur y.

XXII. Haec mens siue intellectus Dei imago est, ex eo enim cum genitus sit, seruat multa in se genitoris similitudinemque talem ad ipsum habet, qualem lumen habet ad solem, genuitque ipsum, dum reflexione ad illum respexit. Nam haec visio, siue reflexio (*ὁρασις*) intellectus est z.

XXIII. Hic igitur huius generis intellectus purissimae mentis appellatione dignus, non aliunde, nisi ex primo principio nasci est iudicandus, atque hunc iam genitum cuncta secum simul entia genuisse, vniuersam pulchritudinem idearum, intelligibiles Deos omnes a.

XXIV. Existimandum praeterea, hunc esse plenum omnium, quae progenuit, et quasi genita protinus absorbentem, propterea quod in se omnia complectatur, neque in materiam labi sinat. Illustrat hoc Plotinus fabula Saturni, Iouis et Rheae.

XXV. Animam generat intellectus perfectus existens, potentia enim tanta non potest esse sterilis. Sed hic quoque quod gignitur, genitore melius esse non poterat: cum vero foret minus, fore et illius imaginem indefinitam quoque similiter, sed definiri a generante et formari b necesse est.

XXVI

*) I. c. Pertinet haec observatio etiam ad audaciores Plotini locutiones, quando Deum se ipsum effecisse dicit, Enn. VI. L. VIII. c. 14. p. 749. 750. Conf. CUDWORTHVS I. c. c. IV. §. 23. p. 485. et doctissimus interpres h. l.

y) Enn. V. L. I. c. 7. p. 488.

z) Ibid.

a) Ibid. p. 489.

b) Ibidem.

XXVI. Progenies mentis, est ratio quaedam et hypostasis id quod excogitat, nempe id quod circa intellectum se versat, intellectusque ipsius lumen est, atque vestigium semper inde dependens, inde quidem illi coniunctum atque ita repletum et fruens, et compos eius atque intelligens: inde vero vicissim sibi subdita tangens et generans quae quidem, necessarium est, deteriora anima contingere ^c.

XXVII. Quod intelligit aliud, vult ipsum quoque diuersitatem fugere, sed minus id valet, habet quidem apud se quod videt, sed a se diuersum. Quod vero se intelligit, non est ab eo, quod intelligitur, essentia separatum, sed coëxistens secum ^d.

XXVIII. Est supremum aliquid, quod non intelligit, est insuper, quod intelligit primo, est denique quod secundum quandam intelligentiam habet.

XXIX. Vbicunque est intellectus, ibi etiam sunt multa, adeoque primum multa et vnum esse non potest ^e. Diximus, de hoc dogmate: supremum principium non habere intellectum, supra, quantum satis.

XXX. Intellectus ipsius actio intelligentia est, spectans intelligibile, ad ipsumque conuersa, et ab eo velut definita atque consummata; ex indefinita itaque duitate atque vno species numerique gignuntur ^f.

XXXI. Ex his sequitur intellectum non esse simplicem, sed multiplicem, compositionem quandam praeseferentem; intelligens enim et intelligibile sunt duo.

XXXII. Cum etiam obiecta sensus sint res quaedam, sequitur obiecta intellectus non esse imagines rerum, sed res reuera existentes. Ita vero intellectus cognoscit et quod in illo, et quod post illud, et exploratum habet, hoc reuera existere ^g.

XXXIII. Vt sensus differt ab intellectu, ita diuersa sunt sensibilia ab intelligibilibus. ^h

XXXIV. Intellectus est simul omnia, quae tamen nihilo minus inter se distinguuntur, quoniam vnumquodque illic potestas quaedam propria est ⁱ.

XXXV. Quot mundus rationes feminales habet, totidem singulas animas possidet, tot ideae sunt in intellectu diuino ^j.

XXXVI. Quod intelligitur intimum est, hoc vero ipsum intimum vnum quiddam est, et species et idea ^k.

XXXVII. Intellectus et intellectualis essentia et idea quaelibet ab intellectu non differt, sed vnaquaeque est intellectus; et communis quidem est species omnes, vnaquaeque vero species, vnusquisque est intellectus.

Est

c) Ibid.

d) Enn. V. L. VI. c. 1. p. 533.

e) Enn. V. L. II. p. 493. L. VI. c. 2. p. 534.

f) L. III. c. 14. p. 511.

g) Enn. V. L. IV. c. ult. p. 518.

h) L. V. c. 1. p. 521.

i) c. 12. p. 530.

j) L. IX. c. 6. p. 560.

k) Enn. V. L. VII. c. 1. p. 539.

l) L. IX. c. 8. p. 561.

Est itaque intellectus in se ipso in eodem secum habitu conquiescens aeterna omnium plenitudo ¹.

XXXVIII. Entia ipsa intelligenti imprimis insunt, actus vero et intelligentia entibus ipsis accedit. Vna itaque natura ens ipsum est atque intellectus, veruntamen a nobis talia partientibus alia illic ante alia cogitantur ². Fundamenta haec sunt doctrinae de ideis, quatenus insunt intellectui diuino: quas Plotinum quique eum sequuntur in metaphysica tantum abstractione ab intellectu diuino discreuisse, ex adductis thesibus manifestum est: ex quo sequitur, ideas extra intellectum diuinum non esse ³. Disputari de vero sensu huius rei apud Platonem, *tomo primo* planum fecimus, recentiores vero Platonicos, ingenii fertilitate foecundissimos sibi entia in vno ente, multa in vno, praecisionibus metaphysicis concepissee, et ita ancipitem quaestionem secuisse magis, quam soluisse, ex allatis Plotini dogmatibus patet: cui intellectus et ideae eius vnum sunt, et tamen multa inter se varie discreta. Quae nimia subtilitas effecit, ut se ipsi non intelligerent satis, et de Diis intelligibilibus et intellectualibus, qui in intellectu diuino sunt, quid statuendum esset, non satis intellexerint ⁴. Certe in mundo archetypo Deos intelligibiles peculiaries substantias esse, vnamini fere ore confessi sunt, ut multis testimoniis probauit RAD. CUDWORTHVS ⁵: Αὐτὸν πᾶσα ἰδέα Θεὸς ait PROCLUS ⁶, nec aliter PLOTINVS ⁷, qui luculenter: *Hunc intellectum iam genitum cuncta simul secum entia genuisse, vniuersam pulchritudinem idearum, intelligibiles Deos omnes*. Quod quam παρὰ τὸ ὀρθὸν sit, in vno simplicissimo ente extare entia peculiariter substantia, et tamen ea eundem intellectum hoc illoue modo affectum, adeoque simplicem esse, et multa in vno esse, intelligere eum nos putamus, quicumque vel mediocriter ratione utitur. Habet tamen quae hic pro Platonico afferat eruditissimus CUDWORTHVS ⁸ interpres: „Esse quidem inter hos philosophos quosdam eo usque dementiae progressos, ut diximus; prudentiorum tamen inter eos verbis consideratis, parum proprie haec intelligenda esse. Nihil enim aliud velle obscurissimos magistros, quam hoc: mundum, quem archetypum vocant, in altera diuinitatis hypostasi latere reconditum, et omnes species et formas ei inesse, quae varias personas non conficiunt, indeque alteram trinitatis Platonicae personam non ut congeriem quandam Deorum spectandam esse. Eos vero qui ideas Deos dixere, inanibus cogitationibus cerebrum replentes parum proprie et figurate locutos fuisse. Deos autem νοητὲς esse tantum in archetypo mundo species „Deo-

1) Ibidem.

2) Ibid.

3) Id integro libro demonstrare aggressus est.

4) Hinc illi Dii intelligibiles, intellectualis, Henades, Noes, monstraque alia, quae

affatim offerunt Proclus, et Chaldaica oracula.

5) Syst. int. c. IV. §. 36. p. 649.

6) Comm. in Timaeum p. 357.

7) Enn. V. L. I. c. 7. p. 489.

8) Ad h. l. n. 19. p. 651.

„Deorum, qui sunt in mundo sensibili, nempe solis, lunae et stellarum reliquarum.“ Non inficiamur eleganter et apposite ita Platoniorum causam iuuari, nec considerandos esse insipidos homines aliter, quam in terra aliqua methaphysica versantes, qui ingenii sui spectra et laruas in Deorum et hominum laruas commutarunt. Attamen, vt hoc pace magni Viri dicamus, plus nobis inesse videtur verbis horum philosophorum: non loquemur iam de Proclo et similibus, qui omnes prorsus sanæ rationis leges in philosophematis suis eiurarunt, sed Plotinum Porphyriumque testamur, suo modo sanius, certe magis philosophice differentes. Concepisse hos sibi mundum intelligibilem in secunda hypostasi principiorum diuinorum latentem, tanquam ἀρχέτυπον mundi sensibilis, negari non potest, et multis locis testatur vterque. Ast in sensibili mundo vnum quidem esse, sed multa singulariter existentia in confesso est, quare in archetypo etiam vnum et multa inueniri oportet, vt essentiae quidem ratione, species et earum effectorem vnum esse, vel ambo vnum existere, ast formali tamen ratione et visibile, et visionem et intellectum videntem inter se differre, idque quod a se ipso videtur, multitudinem inferre, quae non tantum in intellectu primo lateat, sed et suam differentem essentiam accipiat. Ita quidem PLOTINVM rationes inire, loca satis euidentia docent. Requirit itaque, vt obscurissimam Plotini disputationem in summam contrahamus, in intellectu diuino essentiam quae et vnum et multa in se complectatur, et in qua et identitas essentiae, et diuersitas formae comprehendatur. Quod excludit quidem eiusmodi vnum, quod collectivum dici solet, et ex multis partibus unum totum constituit, non vero genericum, quod species inter se diuersas capit, quae in eodem genere et essentia haerent. Ex quibus, nisi in obscurissimo argumento prorsus coecutimus, colligimus, mediam sententiam Plotino, quique cum eo subtilius philosophabantur, placuisse, et ideas omnes considerasse quidem vt entia vera, diuina intelligibilia, sed adhuc in vna essentia comprehensa, necdum inter se aliter nisi forma separata, non vero essentiae secretionem; id quod non pro nudis concipiendi modis et notionibus haberi potest. Quod non obscure innuit, homines hos emanationis notionibus occupatos, res emanantes ex fonte, antequam ex eo prodierunt, vt singularia quidem entia, at in vno fonte, ceu riuulos in vno flumine, considerasse. Diserte enim PLOTINVS nos cogitare iubet, *non fontem tantum, fluminibus se totum tradentem, velut primum principium, sed et flumina ab ipso fluentia, antequam aliud alio fluat, adhuc vna manantia et quasi cognoscentia, quo ab ipsis fluxuri sint riuuli.* Plus itaque, quantum quidem nobis videtur, quam meras notiones in intellectu diuino esse putabant, at non essentias singulares vel

Eee 2

per-

s) Vid. loca allat.

s) Enn. III. L. VIII. c. 9. p. 351.

personas et ὑποστάσεις sed emanationes, diuerfas quidem inter se ratione formae, aut vnum ratione essentiae in qua adhuc sunt. Obiici et hic lector, nos otiosorum ingeniorum ludibria enarrare, et cum laruis ludere, vixque intelligi posse; concedimus id haud inuiti, aut aliter sacra horum vatum non constant, nec ab his tenebrionibus clarius quid postulari potest: qui cum notionibus et praecisionibus metaphysicis sibi entia confinxissent, eas in nescio quas ὑποστάσεις et formas commutarunt, et ignorantes quid de iis praedicare possent, ad ideas obscuras et vagas, vocesque nihili confugerunt. Mirum itaque non est, eos, qui clariora quaerunt, vel distinctis notionibus affueti sunt, nihil videre, nisi fragmenta ingenii otiosi, et regnum aliquod metaphysicum, licet Alexandrina mataeologia, realissima se possidere principia iactauerit. Sed ex his dumtis propendendum, et in consideratione intellectus diuini Plotiniana progrediendum.

XXXIX. Mens diuina per suas ideas in materiam agit, non extrinsecus more artis humanae, sed intrinsecus more artificiosae naturae, non tamen mixta materiae, licet ab ea non seiuncta *ff*. Obscurissime de modo imprimendi materiae ideas differit Plotinus, cui difficillimum sit notiones incertas et nihili ad res physicas applicare; cuncta eo tendunt: intellectus diuini ideas non fecari, nec sui quicquam praebere materiae, esse tamen potentes ad id, quod in vnitatem non est formandum. Quemadmodum, si obscurae rei lucem similitudine quadam licet accendere, in architecti intellectu idea aedificii vna aedes multas construit, eisque naturam quidem et constitutionem quasi confert, neque tamen earum materiae se miscet, vel inter eas diuiditur.

XL. Etsi sunt in intellectu diuinae ideae etiam rerum irrationalium, illae tamen non tales sunt; quales hae; sed praestantiori gradu: nec hic viget rationale aliquid, sed actus est rationali discursu superior. Sunt enim differentes vitae et differentes motiones, magis minusque lucidae et perspicuae. Hinc quod apud nos post Deos et rationales mentes, irrationale in intelligentiarum ordine vocatur, in intellectu diuino etiam ratio quaedam est, quia in intellectu est ¹. Valde se torquet Plotinus, ut doceat, quo modo res irrationales rationi diuinae inesse queant. In quibus cum valde se premi sentiat, more suo

Et fugit ad latebras et se cupit ante videri,

adeo se distinctionibus totum occultat. Cuncta, nisi fallimur, eo redeunt, esse ideam irrationalis obiecti in intellectu ratiocinante, et cum eo vnum, hincque consistere cum eo posse: quemadmodum idea equi in hominis intellectu est rationalis, licet de obiecto irrationali. Paulo clarius rem explicat in argumento praefixo FICINVS: *Intellectus primus foecunditate lucis exuberante in quamplurimos seipsum intus naturaliter propagat radios ideales; ex hac propagatione intellectualem simul et*

na-

ff) Enn. VI. L. V. c. 8. p. 665. seq.

¹) Enn. VI. L. VII. c. 9. p. 201.

naturali naturales rerum formae tanquam lumina profluunt. Illustrare hoc potest schema primi hominis Cabbalistarum, quod infra dabimus.

XLI. In coelo incorporeo sunt Dii duplices intelligibiles et intellectuales. Illi quidem ideae sunt, hi intellectus omnes aeterna idearum contemplatione beati. Obscure iterum de his Diis ex Platone disputat Plotinus, ut Oedipo opus habeat. Ait de Diis intelligibilibus, quos aeterna Deorum visibilium in coelo corporeo exemplaria esse acute vidit Cl. MOSHEMIVS v: „Omnia illic perspicua sunt vndique, nihil ibi tenebrosum, nihil obsistens, sed omnis illic omnibus et conspicuus, intrinsecus atque per omnia, lumen namque lumini occurrit vbique. Quilibet in se habet omnia, et omnia rursus in alio conspicit. Cuncta itaque vbique sunt. Omne illic est omne, illic quodlibet est vniuersum. Splendor ibi micat immensus, quodlibet enim ibi magnum est, ibi sol stellaeque omnes, vnaquaeque stella sol est, et stellae similiter omnes: praecellit autem in quolibet aliud, sed interim in quouis omnia conspiciuntur. Febricitantium in morem delirat Plotinus, solem, lunam, stellas intelligibiles, et inter se sua natura distinctas, et omnes tamen in omnibus radiantes depingens, quasi in hoc coelo supramundano fuerit, vel in raptu, quem passus est, mentis hos Deos intelligibiles viderit. Et tamen Plotinus sobrius videtur, prae recentioris aetatis Platonice, Proclo eiusque discipulis; illi enim tantopere insanierunt in Deorum υπερκόσμιων, νοητῶν καὶ νοεῶν natura w, muneribus, beatitate et his similibus describendis, ut in quas stultitiae voragines abripi queat hominis ingenium, semel imaginationis aestu abreptum, mirari satis non possimus. Testes volumus, vel PROCLI theologiam Platonis, vel oracula Chaldaica ab his profecta. Sed de his paulo infra plura dicemus.

XLII. Tertium principium anima mundi est, quam intellectus diuinus genuit, ut supra Θ. XXV. dictum. Eam vero antequam duce Plotino describimus, monendum, Proclum eiusdemque aetatis Alexandrinos philosophos, animam distinguere in ἐγκόσμιον et υπερκόσμιον, hancque ideo mentis quadam praecisione excogitasse, ut haberent, vnde trinitatem suam, Christianorum trinitatis ritalem, elegantius comerent, quam si anima mundana pro tertio principio esset admittenda, ut fecere antiquiores Platonici. Ast hos quoque deseruisse et supramundanam iam animam statuisse, non tantum Amelium et Porphyrium, sed et Plotinum, innuit PROCLVS *, qui, post Amelium, inquit, Porphyrius, qui cum Plotino sese putat consentire, animam supramundanam vocat mundi architectum seu opificem, mentem vero illam ad quam conuertitur, non

Eee 3

ipsum

* Enn. V. L. VIII. c. 4. p. 545. Damus hic verba quidem Ficini in argumento capiti praefixo, sed quae sensum eius fundunt: licet iam CUDWORTHVS obseruauerit Syst. int. c. IV. §. 36. p. 668. incerte et ambigue de Deorum generibus loqui Plotinum. Eiusmodi enim di-

scrimina Idearum statuisse locus adductus, licet obscurus, persuadet.

v) Ad l. c. p. 651. CUDWORTH.

w) Ignorauit Plotinus henades, agathotetes et alias Procli larvas.

x) In Timaeum L. II. p. 92. 93.

ipsum esse opificem, sed veluti exemplum eius quoddam. Quibus in verbis, etsi de Plotino dubitat Proclus, recte tamen monuit CVDWORTHVS ^γ, Porphyrio non denegandam esse hac in re fidem, qui scilicet praeceptoris mentem ad vnguem tenuit. Nec a verisimilitudine abludit, Ammonium, cum triadem Platonice ad normam trinitatis Christianae exornaret, animam vero mundanam, diuidui non minus quam indiuidui, et alterius, quam eiusdem, participem, prorsus dignitati diuinorum principiorum non respondere videret, hanc distinctionem excogitauisse. Nam quod CVDWORTHVS ^δ visum, inueniri eam iam apud Platonem, falsum omnino est, et ad exculpandos tantum Platonicos, quos valde deperibat vir acutissimus, excogitatum; vt alio loco obseruauimus. Plotinus vero quae de anima mundi praeceperit ^ε, haec accipe:

XLIII. Duplex Venus est, altera quidem coelestis, coeli stirps, altera vero ex Ioue et Dione nata humanorum coniugiorum dux, haec ipsa quominus attingens. At illa sine matre, et ante coniugia, quoniam nuptiae in coelo non fiunt. Illa nempe coelestis, quam ex Saturno id est ex intellectu genitam dicunt, necesse est, esse animam diuinissimam, proxime ab ipso intellectu inuiolabili inuiolabilem natam, superneque permanentem, vtpote quae ad haec mundana neque descendere velit, neque etiam descendere valeat, propter naturam ad haec inferiora non inclinantem. Hanc necesse est esse substantiam quandam separatam, et essentiam materiae nullo modo participem ^α. Satis luculenter hoc loco animam supramundanam a mundana distinguit Plotinus, sic vt mirum videri queat, Proclum de ea re dubitasse. Nec potuit aliter rationes inire Plotinus, postquam ὑποστάσεων ἀρχιν ^β ternionem semel pro principiis posuisset, eo quod generatione diuina, gradu et dignitate quidem non vero essentia diuersum gigni quicquam posse sequeretur. Addit enim adductis: Quod ex mente proxime nascitur, ipsum quoque est purum, vtpote quod validissimum est, secundum se ipsum intellectus ipsius propinquitate, ingentumque habeat appetitum ad se ipsum in genitore stabiliendum. Quae insequentibus ita roborat, vt detineri a genitore dicat eam, ne vnquam ad materiam decadat. Ex quibus sequi putat, aliam eam esse et diuersam ab anima mundana. Ceterum inuenta haec esse a Plotino et sequacibus, vt tertia trinitatis Platonicae hypostasis, cum Spiritu S. Christianorum elegantius aptiusque conciliaretur, eleganter obseruat MOSHEMIVS ^γ, quem vide.

XLIV. Anima haec supramundana essentia quidem est ex essentia emanans, et existens simul, at minor quidem generante, nata enim est ex actu essentiae viuientis, quae ante ipsam est, cuius amore ineffabili fertur, gaudetque eam, tanquam bonum suum spectare ^δ.

XLV.

^γ) l. c. p. 660.

^ε) Eiusdem hoc est a MOSHEMIO l. c.

^δ) Enn. III. L. V. c. 2. p. 293.

^β) l. c. p. 682.

^γ) l. c. p. 293.

XLV. Ab hac anima generantur alia, licet vna tota sit; et in se quidem ipsa consistit, quae vero velut partes inde gignuntur animae sunt omnia complentes ^d.

XLVI. Quia vero in se conquiescit, vnum totum simul est vbique.

XLVII. Nunquam fuit tempus, in quo non animaretur hoc vniuersum, neque potuit vnquam absente anima corpus subsistere, neque materia vnquam informis existere valuit ^e. Incipit hic Plotinus, audacioribus gressibus a Platone deficere, vt syncrētisticum systema eo magis fulciret. Ex Platonis enim systemate, quale illud *tomo primo* descripsimus, notum est, placuisse ei: materiam informem, et inordinato brutoque motu animatam iacuisse, donec voluntaria accessione Deus demiurgus eum conderet, immisissaque anima formaret et ordinatum quidem motum imprimeret. Valde hoc refragabatur Aristoteli, aeternum absque vlla generatione vel formatione sibi mundum concipienti, multo vero magis Christiano systemati, duplex, quod Plato supponebat, principium valde exagitant debellantique; vtrique vero ex consilio Ammonii, Plotini reliquorumque Alexandrinae philosophiae conditorum attemperanda erat Platonica doctrina; reformanda itaque erat, et deferendum quidem duplex illud principium, materiam vero ab aeterno ex Deo emanasse generatione diuina pronuntiantum, vt postea probabimus. Ita vero desideratam iniri posse concordiam sperabant homines nugacissimi. Materia enim ex Deo animaue diuina, secundi Dei filia semper et ab aeterno propullulante, sequebatur, eam ab anima quoque diuina aeternum non generari tantum, verum informari etiam, agitarique, nec vnquam fuisse tempus, vbi non ista materia fuerit animata. Id quod Platoni quidem, mundum esse genitum asseueranti videbatur accedere, ast Aristoteli quoque aeternum esse mundum dicenti non refragari censebatur, cum ita aeterna esset mundi, id est, materiae animatae, origo. Sed et ita Christianae doctrinae propius accedendum, et impium systema externo habitu sanctissimis dogmatibus assimilandum erat, creationem aliquam materiae ex Deo, non existente aliquo subiecto, ex quo conderet, asserendo, et demiurgicam potentiam animae supramundanae, quae Spiritus S. locum in trinitate Platoniorum demiurgica obtinebat,tribuendo. Quae tamen omnia licet mire placerent hominibus hisce, in his tricis ingeniosis et mire subtilibus, meris tantum notionibus metaphysicis, abstractionibus conceptibusque omnem fere comprehensionis claritatem superantibus absoluebantur, traductis illis in personas et hypostasies proprias, quibus diuinum absolui mundum putabant. Quae omnia vt mire genium syncrētistici sectae huius produnt veramque indolem retegunt, ita ad intelligenda ea, quae sequuntur, quam maxime notanda sunt atque attente obseruanda.

XLVIII. Nisi

^d) Enn. VI. L. IV. c. 4. p. 647.

^e) Enn. IV. L. III. c. 9. p. 378.

XLVIII. Nisi corpus sit, anima nequaquam progredietur: non enim est locus alius, ubi queat se naturaliter propagare: quod si progressura sit, aedificabit sibi locum corpusque generabit. Cum vero status eius in ipso statu corroboretur, ceu lumen plurimum in summis effulgens, interim quasi in ipsis ignis extremis umbra refultat, quam quidem prospiciens anima, postquam substitit, formauit ipsam *f*. Notabilis locus hic est, ex eo enim dispalescere putamus, Ammonium Plotinumque hanc mundi ex anima genesin habuisse ab Aegyptiaca disciplina, qualis eo tempore vigit, cum Iudaei eam quoque reciperent, et Cabbalisticum systema fingerent. Hoc enim eadem prorsus ratione mundi generationem et formationem, ex umbra a lumine infinito per sephiroticas emanationes, in medio igne existente deriuabat, eique lucis scintillam tanquam animam indebat. Quae argumento sunt, secutos fuisse Aegyptios, et qui inter eos nati sunt Platonicos, emanationis naturam, qua quo longius a principio emanante procedit emanantium, eo magis primam puritatem, lucisque naturam amittit, et umbrae conditionem accipit: nec aliter quoque statuit Orientalis philosophia his principiis innixa. At Platonici, cum Platoni has nugas attemperare vellent, non plures quam tres principales emanationes, quas hypostases archicas vocauerunt, constituerunt, cum alii ex hac Orientali et Aegyptiaca disciplina progressi plura statuerent; et ab anima mundi mox ad ipsum mundum formatum progressi sunt.

XLIX. Factus mundus tanquam aedificium quoddam speciosum, longaeque varium, non est separatum ab effectore, neque rursus se illi commiscuit, sed totus ubique existimatus est cura et diligentia dignus; adeo ut sibi quidem conducat ad ipsum et esse et pulchrum esse, quoad poterat esse participare, auctori vero non commixto hoc sit innoxium. In excelsis enim permanens praesidet.

L. Nempe mundus sic est animatus, ut non tam ipsius quam ipse habeat animam. Iacet enim in anima eum continente, neque quicquam eius animae est expers *g*.

LI. Anima tanta, tamque ingens naturaliter, quoniam non determinatur ad tantum, itaque potest una eademque totum corpus complecti, et quacunque illud extenditur, ibidem est et illa. Haec iam et sequentia animae mundanae, siue *ἐγκοσμίων*, quae mundum informat, conueniunt, quam iam porro describit Plotinus.

LII. Quicquid attingit animam, sic inde perficitur, prout essentia animae naturaliter se habet. Ea enim cum ex semper existentibus sit, omnia simul entia complectitur, aërem, et lumen, et solem, quaeque primi, secundi tertiique generis (intelligibilia et intellectualia intelligit exemplaria) habent. Sicque a primis ad ultima, et ab igne ad eius umbram progrediendum, et hunc quoque illuminatum iniectis speciebus *h*.

LIII. Or-

f) l. c. p. 379.

g) l. c. c. 10. p. 379.

h) loc. cit.

LIII. Ornatum vero est secundum rationem ex ipsius animae potestate, habentis in se tota vim virtutemque secundum infinitas rationes ornandi, quemadmodum rationes, quae in feminibus latent, fingunt formantque animantia, quasi paruulos mundos. Anima vero per ipsam essentiae potestatem sic est domina corporum, ut haec non aliter fiant atque disponantur, quam ipsa producit. Subtiliter haec prosequitur Plotinus, ut explicet, quo modo ex rationibus feminalibus in anima latentibus cuncta pulchra affabreque efficta sint. Copiose idem exsequitur alio loco ostendens, naturam fictricem in se manentem per rationes feminales formare materiam sine electione et instrumento. Sunt autem rationes feminales, quaedam quasi contemplationes impressae desuper ab intellectuali contemplatione. Idearum impressionem forte clarius dixeris.

LIV. In rebus inanimatis, quod est ex ipsis, quasi consopitum iacet in ipsis, quod autem tendit in aliud, potest, nititurque illi simile fieri, quantum quidem pati potest. Commune enim omnibus, in similitudinem sui ferri ducique, animae vero opus est, et aliquid in ipsa vigilans, et quod in aliud tendit: viuentia itaque facit omnia, quae non viuunt ex seipsis. Liquet ex his, sensum aliquem communem, secundum rationes dispositum ex Plotini mente etiam inanimatis adesse: nam in illis quoque latet anima mundana, et rationes feminales excitat, vegetat formatque.

LV. Natura animae ubique ductu facilis admodum pronaque est, omniumque facillime potest capi, si quis fabricauerit aliquid, quod facile ab ipsa pati possit, patiendoque portionem aliquam ab ipsa sortiri. Facile vero patiens est, quod qualicumque modo imitationi aptum est, velut speculum speciem quandam arripere potens. Etenim vniuersa natura omnia mirabili quodam artificio fabricat ad illorum imitationem, quorum in se possidet rationes; cumque sic vnumquodque fiat, certe ratio in materia, quae secundum rationem materia superiorem formata est, coniuncta est illi Deo, secundum quem genita fuit, et in quem suspexit anima, habuitque cum faceret ^k. Genuinum hoc fundamentum est, omnis magiae, talismanum, statuarum operumque theurgicorum, quae circa materiam Diis plenam versantur, naturamque ducunt, quo volunt. Cuncta enim eo tendunt, animam mundanam symphonia quadam posse flecti ducique, qua de re infra ex Iamblichio plura. Paucis enim et *ὡς ἐν προόδῳ* haec tangit Plotinus superioribus principiis maxime intentus.

LVI. Anima mundi per superiorem eius vim in orbem retorquet inferiorem, rursusque per inferiorem, rotat circulum ^l. Haec de demiurgicis operationibus animae tum supramundanae, quam mundanae, ex quali operatione mundus productus sensibilis ad normam mundi intelligibilis quos inter se sollicitè distinguebant, ut ex PLOTINO ^m et PORPHY-

RIO

i) Enn. III. L. VIII. c. 1. p. 344.

k) l. c. c. II. p. 30.

l) Enn. II. L. II. c. 3. p. 100.

m) Enn. VI. L. IV. c. 2. p. 645

RIO " disci potest. Vtrique Demiurgus tertia triadis persona vel hypostasos constituta est: aliter tamen visum est aliis. Nam Platonem rerum omnium opificem a summo Deo non discreuisse, ex *Timaeo* notum, et *tomio primo* luculenter demonstratum. Recentiores autem Platonici ex Aegyptiaca et Orientali philosophia tenuerunt, primum Deum in abyssu aeternae deitatis latentem manere, et emanationi alicui magnae, siue principio cuidam hypostatato formandi mundi negotium fuisse permissum. Et animam quidem supramundanam cur ei praefecerit Plotinus, licet Platoni, *δημιουργὸν τὸν ὄν*, fuisse statutum ipse referat ^o, ex allatis rationibus patet. Alii et in his Iulianus ad intellectum siue mentem hoc opus reuocant, inter se quoque non satis concordēs. Quod ubi refert CVDWORTHVS ^p, colligi inde posse putat, Platonicos mundi fabricam ad omnes tres hypostasos retulisse: in quo tamen mire fallitur; rationes enim, quas adduximus, satis probant, mundi productionem demiurgicam operationem esse ex actionibus characteristicis hypostaseon exortam.

*Trinitatis
Platonicae
consideratio.*

§. LII. Descripsimus, qua potuimus perspicuitate et fidelitate ex systemate Plotini ipsis, quantum inextricabilis fere quae illis inest obscuritas patiebatur, verbis eius adhibitis, celeberrimam illam trinitatem Platoniam, de qua tot tantaeque inter eruditos disceptationes satis probant, argumentum esse obscurum et difficillimum. Ast probe haec principiorum diuinorum, eorumque proprietatum et characterum ^q, quibus inter se distinguuntur ternio considerata est, cum tota philosophia Alexandrina ea tanquam primis principiis nitatur. Ex his enim fontibus archicis effluxere non tantum Dii, animaeque, sed et materia, totusque mundus, ad haec reuocandus est. Sed et consideratio huius trinitatis probe expendenda est, ne cum sanctissima, quam Christianorum mysteria pandunt, Trinitate confundatur, a qua multis nominibus differt. Id quod prolixè demonstrari posset, si vel locus vel institutum pateretur, nec id magis ad sacrorum dogmatum pertineret historiam. Paucis tamen, ne hic quoque abeamus *ἀσύμφοροι*, obseruamus, esse trinitatem hanc Plotini et sequacium, (qui tamen Plotini doctrinam nouis ineptiis conspurcarunt, et nescio quam quaternionem effinxerunt,) metaphysicam, adeoque abstractionis magis ope efformatam, quam rerum spiritualium natura fundatam. Et si enim pollicem in totum nos premere, non posse viro doctissimo ^r fateamur, qui totam trinitatem Plotinianam nudis cogitationum relationibus, notionumque diuersitate constare inter se putat, et personas istas hypostasosque tantum introduxisse figuratum loquendi morem, quo Platonici plerique delectati sunt, contendit, adeoque prorsus Sabellii errorem eam innuere iudicat; cum, vt supra vidimus, non nudas entis vnus diuini diuersas relationes, sed emanationes, et principia quae essentialiter ex primo Deo effluxerunt, nobis exhibeat: certum tamen ex dictis est, meras meta-

n) *περὶ ἀφορισμῶν* p. m. 110.

o) *Enn. V. L. I. c. 8.* p. 489.

p) *I. c. p.* 628.

q) *Conf. CVDWORTH. I. c. p.* 689.

r) *CVDWORTH* interpr. ad p. 673.

metaphysicas actiones, operationes et characteres istis emanationibus esse tributas, et excogitata imprimis principia tria *ὑπερέσμια* nuspian, nisi in cerebro horum philosophorum, extantia, quae mirum in modum a Christiana trinitate, cuius fundamentum diuina nobis natura exhibet, differunt. Et transsumserunt quidem haud pauca ex Christianorum disciplina Platonici, et verba et axiomata, et imprimis ea, quae de generatione *λόγος* passim subtiliter satis edisserunt; at ea suo systemati ita adaptant, ut omnem significationem Christianam amittant. Quod non clarius manifestat quicquam, quam subordinatio, non dignitatis tantum, sed et essentiae gradu differens, quam iis hypostasibus tribuerunt: genitum enim genito minus esse, multoties inculcat Plotinus, adeo, ut cum Dei summi essentiae simplicitatem absolutam tribuat, is menti siue intellectui inesse multitudinem quandam intelligibilem, mira opinionis peregrinae absurditate asserat, sicque ex anima quoque supramundana pertingere radios ad mundanam dicat. Quibus si addimus, ex hac triade cuncta emanare et essentiam decerpere suam, manifestissimum sane est, longissime eam a Christiana trinitate distare.

§. LIII. Iam ad reliqua Plotinianae, vel si mauis, Alexandrinae metaphysicae capita progrediendum est, inter quae non nobilius est eo, quod psychologiam tradit. De qua more iterum suo obscurissime differit Plotinus; cuius *φιλοσοφούμενα* ad haec reuocari possunt capita: *Psychologia eclecticorum.*

LVII. Anima hominis conformis est animae supramundanae, et in se spectata eius soror.

LVIII. Non tamen ita animae sunt in mundi anima ut partes in toto, nam ita anima mundana esset in partes diuisa nec tota vbique.

LIX. Etsi enim anima hominis soror est animae mundi, differunt tamen in hominibus animae, nec ita in omnibus hominibus vna tantum est anima, ut vna est in omnibus hominis membris, quia haec anima non discessit quidem ab vniuersa, sed ibi conquiescens corpus circum se continuit, aliae vero corpore iam facto et iam exorsa, dominanteque earum sorore anima gradatim nactae sunt sortes, quasi illa iam his parauerit domicilia.

LX. In mundo intelligibili regnat essentia vera, cuius praestantissimum est intellectus, animae autem et illic adsunt, inde namque venerunt hunc in mundum. Ille quidem mundus habet animas sine corporibus, hic autem iam corporibus insitas diuisasque per corpora. Illic sane est intellectus omnis neque discretus neque diuisus, simul et vno in mundo sunt animae, nec ex vllis locorum interuallis distantiam patiuntur. Intellectus igitur indifcretus et indiuisus est semper, sed anima quidem illic indifcreta indiuisaeque viuit, habet tamen naturam diuisionis cuiusdam capacem: eius

Fff 2

nam-

1) Enn. V. L. I. c. 2. p. 483. conf. CUDWORTH. syst. intell. c. IV. §. 36. p. 700.

2) Enn. IV. L. III. c. 2. p. 373.

3) Ibid.

namque partitio est illic abesse, atque distare, corporibusque coniungi, quapropter non iniuria circa corpora dicitur esse diuisibilis, impartibilis autem, quoniam non tota illinc discedit, sed etiam superest ipsius aliquid, quod ad inferiora non venit, cuius natura nullam subire potest partitionem ^r.

LXI. Quod itaque in Platonis schola dicitur, animam constare ex diuiduo et indiuiduo idem est, ac si diceretur, animam essentia quadam constare partim quidem apud superos pertinente, partim ad inferiora vergente, quae quidem et simul inde dependeat, et se interim ad haec usque propaget, non aliter quam ex centro linea protenditur ^u. Subtiliter haec prosequitur Plotinus in sequentibus, ostendens esse praeter naturam indiuisibilem in anima essentiam proximam inde nascentem, habentem quidem indiuiduum munus ab illa, sed progressionem inde factam ad naturam alteram properantem mediam euadere ambarum, naturae scilicet impartibilis atque primae, rursusque naturae partibilis circa corpora et corporibus inhaerente. Addit alia, miras abstractionum metaphysicarum tricas redolentia: existere eam alicubi, et non existere, diuisam esse in partes et non diuisam, manere totam et tamen circa corpora diuidi, etc. ^v in quibus diuersos respectus relationesque inani terminorum subtilitate sectatur.

LXII. Praeter corporeas differentias animae inter se differunt, tum in moribus maxime, tum in cogitationis officiis, etiam ex praecedentibus vitae alterius institutis. Vnitur etiam alia in actione, alia in cognitione, alia in appetitu; alia aliae intuentur, et quae intuentur eadem sunt et fiunt etc.

LXIII. Anima neque corporea est neque ex elementis composita, vitam enim hunc in modum habere non posset, nec posset ei ratio et consilium tribui ^w.

LXIV. Animae vel meliores vel deteriores sunt, partim quidem ob alias causas, partim vero velut ab initio non omnes aequales; inaequalis enim facta distributio, ordinesque constituti etiam animarum secundi et tertii ^x.

LXV. Nullam animae partem neque totam etiam animam debemus in corpore velut in loco ponere. Locus enim est comprehendens et continens corpora. Neque tamen sic, ut in vase, est in corpore. Nec est in corpore tanquam in subiecto, neque ut pars in toto, neque tanquam species in materia. Sed animam adesse scimus corpori, eo quod hoc animatur ^y. Sequitur hanc praeceptoris sui metaphysicam etiam P O R P H Y R I U S ^z.

LXVI. Nempe anima corpori adest separabiliter, sicut lumen in aëre; et melius dicitur corpus esse in anima, quam animam in corpore: alia enim animae

t) Enn. IV. L. I. p. 360. P O R P H Y R. de occas. p. 60.

u) L. II. c. I. p. 362.

v) Eadem repetit P O R P H Y R. περί ἀφ᾽ ὅλης. p. m. 75. 98.

w) Enn. II. L. IX. c. 5. p. 202. 203.

x) Enn. IV. L. II. c. 18. p. 370.

y) Enn. IV. L. III. c. 20. p. 387.

z) l. c. p. 75.

animae corpori non adfunt, nempe mens et ratio, alia illi adfunt, (id est in illud agunt) sensus et vegetandi potentia ^a.

LXVII. Quaelibet vis animae est in qualibet parte corporis tota, sicut anima, sed dicitur ibi agere, vbi siue seruit instrumentum, et praecipue, vbi instrumentum habet principium, e. g. sentiendi vis in cerebro etc.

LXVIII. Anima a corpore separata et exiens hic non est, vbi non est, quod eam quodammodo suscipiat; est autem in eo, quod amantem animam trahit ad ipsum, sequiturque illuc, vbi naturaliter esse et fieri potest. Cum vero plurimus sit et vnusquisque locus, oportet differentiam tum ab affectione animae proficisci, tum etiam ab ipsa iustitia, iudicioque rebus omnibus dominante ^b. Id qua ratione fiat, paulo post dicemus, vbi de statu animae post excessum ex corpore dicendum est.

LXIX. Anima formas rerum sensibilium nunquam suscipit, et passione confundente iudicium, nihil patitur ab obiectis. Si qua vero passio contingit, peruenit in corpus, et eo sic vel aliter pulsato anima statim praefens has vel illas affectiones percipit, hoc vero non est pati, sed agere ^c. Distinguit Plotinus in obscuro discursu de hac thesi inter passionem et eius cognitionem, nempe sensationes et iudicia passionum; et haec non illa animae tribuit, multo vero magis intelligibilium cognitionem istis carere dicit, quae ab intimo prodeunt, cum sensibilia attingantur extrinsecus, vnde illae magis actiones dicendae. Recentiores philosophi haec, facto inter intellectum purum et impurum discrimine, longe clarius et felicius explicant ^d.

LXX. Anima natura est omnium, ratio intelligibilium, et eorum quae illic sunt, vltima, eorum vero quae sunt in vniuerso sensibili, prima. Quapropter ad vtraque vergit, et a superioribus quidem bene afficitur, ab inferioribus autem quadam similitudine fallitur, et tanquam delinita prolabitur. Cum igitur sit in medio constituta, percipit vtraque, et superiora in memoriam reuocata intelligit, eo quod quodammodo est haec ipsa, eaque in se ipsa intuetur, et ex potentia producit in actum, ex obscuris lucidiora facta. Supponit in his Plotinus reminiscenciam Platonis et innatas animae ex origine sua ideas, quae resuscitantur tantum et recordantur, recordatione et memoria, qua vis animae prouocatur crebriori obiectorum repetitione. Hinc in fine capitis reiiicit tabulam rasam Aristotelis.

LXXI. Anima praecipue homo est, corpus enim dissolui in partes potest, adeoque est naturae diuersae, quae insitam vitam non habet, sed ab anima accipit. Ea vero tota est vbique, et non potest esse corporea, secus ac Stoici et Epicurei dicunt, eo quod intelligit, hoc vero est, sine corpore apprehendere, et intelligibilium intelligentiam, vt sensibilium sensationem, habet. Si igitur corpus esset magnitudo, non posset comprehendere, quod est sine magnitudine, nec cum natura diuidua indiuiduam intelligeret ^e.

Fff 3

LXXII.

^a) l. c. p. 388.^b) p. 389.^c) Enn. IV. L. VI. c. 2. p. 453.^d) p. 458. Enn. I. L. I. c. I. seqq. p. 1. seqq.^e) Enn. IV. L. VII. c. 1. 2. p. 456. 457.

LXXII. Ex his sequitur, necesse esse, ut in homine praeter corpus sit altera quaedam natura, quae esse habeat ex se ipsa, et esset ex genere vere entis; quod neque fit, neque perit, quaeque ceteris omnibus salutem afferret *f*.

LXXIII. Haec motus principium est, aliis exhibens motionem, mouens interim semet ipsam, et vitam animato corpori praestans, ipsa vero ex se ipsa possidens, amissura nunquam, utpote quam ex se ipsa habeat. Nam unde nascatur, vel in quod resoluitur? Non ignota in Platoniorum schola demonstratio immortalitatis animae, ab *αὐτοκινήσει* deriuata, de cuius tamen vi et valore hic disputare non licet *ff*.

LXXIV. Animae sunt cognatae diuinioris sempiternaeque naturae, nam neque figuram, neque molem neque colorem habent *g*.

LXXV. Vitia et mala animae eius tantum additamenta sunt, et ab extrinseco ei iniecta; purificato vero animo inesse comperiuntur optima, sapientia et virtutes, ex quo concluditur, animam in gradu esse eius naturae, quam diuini omnisque sempiterni esse fatemur. Compos enim est diuinorum ob quandam cognationem communionemque substantiae. Qui itaque purgato est animo, non dubitat animam esse immortalem. Plura huius generis metaphysica argumenta pro immortalitate animae affert *h*, quae inde deriuat, quod anima ex sese et vitam et motum habet et animam mundi motu intelligentiaque imitatur, et ad se intime reuocando, res suas intelligit, et formas ingenitas se habere cognoscit. Quae tamen cum meras Platonicas hypotheses sapiant, hic breuitatis causa omittimus.

LXXVI. Est in animabus consonantia ad ordinem vniuersi, ita tamen, ut non tam ab ea dependeant, quam in descendendo se ipsas accommodent, vnamque concordiam cum mundana reuolutione conficiant; hinc fit, ut astrarum figuris earumque fortunae vitaeque electiones significantur.

LXXVII. Animae secundum reuolutionum periodos descendunt, aliae hic, aliae in coelo, aliae ad inferiora conuersae, intellectus autem omnis est in excelsis, neque vnquam ex sede sua delabitur, nonnihil tamen per animam ad haec vsque se demittit. Anima vero e proximo magis secundum speciem inde vigentem afficitur, traditque sequentibus, partim eodem modo partim aliter se habere, vagabundum tamen seruans errorem. Descendunt vero non semper aequaliter, sed aliquando quidem magis, aliquando vero minus, etiam si ad idem se conferant genus: proinde quaeque ad suum delabitur paratumque pro affectionis suae similitudine. Quatenus enim illic similis huic vel illi iam euasit, ita defertur, vel in hominem vel in brutum vel in aliquid aliud *i*.

LXXVIII.

f) c. 9. p. 463.

ff) c. 11. p. 465.

g) p. 464.

h) Per totum hunc librum.

i) Enn. IV. L. III. c. 12. seq. p. 381. seqq.

LXXVIII. Anima ipsa cum mundi intelligibilis esset tota, et in toto partem absconderet, in partem ex vniuerso prorumpere connixa est. Segregata vero penitus et secreta non loco sed actu fit aliquid singulare, et non amplius est vniuersa, sicque ad inferos descendit, id est seorsim existit, et in locum descendit deteriorem ^k. Sunt haec aenigmata obscurissimae philosophiae, de descensu animarum, quae, nisi nos fallit obscuritas, eo tendunt: animas, quae in intellectu diuino fuere, sese quasi propripientes, et seorsim existere concupiscentes, quoad illud, quod in descensu illis adnascitur, in statum singularitatis deuenisse, sicque deteriores factas esse, intellectu tamen, qui in iis residet, in diuinis manente. Scilicet, quod PORPHYRIUS ^l notat, „animae substantia „non de loco in locum transit, et in locis existit, sed transeuntium sua natura per loca et loca obtinentium corporum habitudines suscipit, suscipientibus illam huiusmodi corporibus pro cuiusque aptitudine, ex certa quadam dispositione erga illam, nam prout disposita fuerit, ita corpus „suo ordini proprietatibusque definitum inuenit; ideo purius dispositae „corpus quam proxime ad immateriale accedens aetherium adiunctum est, „progressae autem a ratione ad obiectum imaginationis corpus solare adnascitur. Sed effeminatae et formarum amore captae adiungitur corpus lunare. Delapsam vero in corpora, cum secundum informem eius speciem ex humidis vaporibus composita existant, perfecta entis ignorantia et caligo atque infantia sequitur. Et sane in ipso egressu gerens „adhuc spiritum ob humidam euaporationem turbatum, umbram attrahit „et praegravatur, spiritu eiusmodi in terrae fundum contendente, nisi „alia quaedam causa ipsum in contrariam partem retrahat. Quemadmodum igitur terrea haec testa circumtectam in terra degere necessum „est, ita etiam humidum spiritum attrahens simulacrum (*εἰδωλον*) necessario adiunctum habet: attrahit autem humorem, cum perpetuo adesse „studet naturae, cuius operatio in humore consistit, et quae subterranea „potius est. Vbi autem operam dederit, ut a natura secedat, splendor „ficcus existit, nulla umbra ac nube obscuratus. Humiditas enim nebulam in aëre constituit, ficitas vero ex exhalatione splendorem ficcum cum sudumque producit „. Descripsimus totum Porphyrii locum, etsi longiusculum, quia Platonicum dogma de descensu animarum, quod metaphysicis tricis valde obscurauit Plotinus, clarius exponit, et ipsis eius verbis lumen accendit: nam Plotinus quoque, in supra adducto loco, ad quaestionem, qua ratione anima, corpore soluta, ad inferos descendere dici possit, respondet, id fieri, si animae *εἰδωλον* nondum prorsus sit euulsum, et anima cum eo maneat, sin per philosophiam sit soluta eo, simulachrum in locum deteriorem abeat solum, ipsa vero anima pure admodum in mundo intelligibili viuat, nihilo tunc ex ipsa excepto vel foras auulso. - Et haec quidem simulachro huic euenire.

Famo-

^k) Enn. VI. L. IV. c. 16. p. 659. Enn. IV. L. IX. c. 4. p. 472.

^l) l. c. p. 77.

Famofiffimum hoc in fchola Platoniorum dogma fuiſſe, animas deſcendentes vehiculo, vel εἰδύλω corporeque ſubtili variae conditionis gradusque, prout animae affectae eſſent, circumdatas eſſe, nemini veterum rerum non prorfus ignaro ignotum eſſe putamus, quod tamen cum C V D- W O R T H V S " fuſe explicuerit, magna vero eruditione, multaeque lectionis copia Ven. M O S H E M I V S " probauerit, non excogitaſſe demum illud Platonicos, ſed accepiſſe ab antiquis theologis, malum leſtorem ad plenos dimittere fontes, quam noſtris detinere riuiſis, praecipue cum vix habeamus, quod diligentiae praefantiffimorum virorum addamus, vixque credamus eſſe antiquae doctrinae cupidum, qui non librum omni eruditione veteri bonaque fruge refertum ipſe legerit relegeritque. Nos itaque ad Plotinum noſtrum redimus, ex eius dumetis tandem eluctari anhelantes. Is de anima porro ſtatuit :

LXXIX. Anima ex intellectu diuino deſcendens intellectum habet communem et proprium; communem quidem, quoniam impartibilis, et idem vtique, proprium vero, quia quiſque ipſum in anima prima totum habet. Habemus igitur et ſpecies duplici ratione, in anima quidem velut explicatas atque ſegregatas, in intellectu vero omnes °.

LXXX. Eſt itaque natura illius animae extra malorum cauſſam, quotcunque homo facit aut patitur. Mala enim a nobis aguntur a deteriore in nobis ſuperatis; intellectus vero non attingit, et innocens manet.

LXXXI. Dici itaque poteſt animam non peccare, ſi anima ſumatur per ſe et ſimpliciter: qui vero animam peccare dicit, coniungit ipſi et conflat alteram animae ſpeciem paſſiones graues habentem. Compoſitum igitur quiddam ex omnibus anima ipſa fit, et patitur vtique ſecundum totum, peccatque compoſitum, atque id eſt, quod peccat, non illud °.

LXXXII. In generatione vero fit ea adiunctio, quando videlicet anima deſcendens ac aliud quid ab anima facta, ad nutum inclinationis fertur, non dimiſſo, quod accepit, ſimulachro. Seuocatio itaque et ſeparatio non ſolum ab hoc corpore, ſed ab omni adiuncto eſſe debet °.

LXXXIII. Animus, vt ſupra dictum, fugiens totum, et ab intellectu diſcrepantia quadam ſeiunctus, dum parti ſe addicit, a toto degenerat, et proprium quiddam curat, contrectans colensque externa: nec ſolum aſſiſtens corpori ſed valde intra progreſſus. Hinc igitur alligatus corpori, poſtquam ab incolumi innoxioque habitu melioris prouinciae gubernandae aberrauit, deuinctus eſt, delapſus ab alto et compedibus inde alligatus, et agendo ſenſibus vtens, propterea quod prohibetur ab initio mente vti, hincque in ſpelunca et ſepulchro verſari dicitur °.

LXXXIV.

W) System. intell. c. V. f. III. §. 19. ſeqq.
P. 1031.

2) p. 1036. ſeq. n. 4.

o) Enn. I. L. I. c. 8. p. 5.

p) p. 6. En vero miſerum philoſophiae mo-

ralis fundamentum. Quod idem vult, ac ſi diceret, adminiſtrum regiae gazae in furto deprehenſum non laqueo puniri, ſed tantum furem.

q) Ibid.

r) Enn. IV. L. IX. c. 4. p. 472.

LXXXIV. At, cum ad intelligentiam se conuertit, solui ex vinculis iudicatur, altiusque ascendere, quando videlicet ex quodam reminiscen-
tiae munere ad entia contemplanda facit exordium, habet tamen nihilo
minus interea aliquid supereminens ^s.

LXXXV. Qui agit secundum motum animi incitatum per sensus
affectusque, ubi ratio vel nihil agit, vel ducitur a motu, nulla libertate
fruitur ^f.

LXXXVI. Illi itaque libertas agendi tribuenda est, qui per mentem agit
liber ab omnibus corporis passionibus, ex qua libertate deliberationes et
appetitiones ab intelligentia excitatae liberae fiunt ^h.

LXXXVII. Libertas vero proprie in contemplando versatur, volunta-
tis autem decreto virtus eligenda, quae assistens libertatem munusque,
quod in nobis esse dicitur, comparat, neque, quibus seruiebamur ante,
vltro nos seruire permittit ⁱ.

LXXXVIII. Virtus itaque est intellectus velut alter quidam et habitus
animam quasi transformans in mentem; rursus hoc ipsum, quod in no-
bis consistere dicitur, non ad actiones quidem declinat, sed ad mentem
se recipit actionibus expeditam.

LXXXIX. Intellectus vero liber viuere dicitur, quia viuere intelli-
gere est, intelligit autem, quemadmodum vult, sic vt intelligentia et vo-
luntas actus euadant idem ⁿ.

XC. Deum propter eminentiam neque per scientiam quandam ne-
que per intelligentiam vllam cognoscimus sicut alia solemus, quae in-
telligibilia appellantur, sed per praesentiam quandam scientia meliorem.
Scribimus autem loquimurque de eo frequenter, vt ita saltem disputatio-
nibus nostris animum excitemus, et ad diuinum spectaculum dirigamus,
doctrina enim viam tantum ostendit, Deum autem videre opus illius est,
qui videre voluerit ^v.

XCI. Deus a nullo vsquam abest, et tamen quodammodo abesse vi-
detur ab omnibus: nam iis duntaxat est praesens, qui capere possunt,
atque ita parati sunt, vt ipsum attingere valeant, per similitudinem quan-
dam et insitam potentiam, muneris inde tributo cognatam, quando scili-
cet animus omnino sic est affectus, sicut erat, cum inde processit: ideo-
que iam vere videri potest, sicut ipse Deus natura est videndus ^w.

XCII. Animam oportet esse informem, si omni carere debet obstacu-
lo, quod forsitan impediri possit, ne ab ipsa omnium prima natura illu-
stretur et impleatur ad votum ^x.

XCIII.

^s) Ibid.

^f) Enn. VI. L. VIII. c. 1. p. 735.

^h) p. 736.

ⁱ) p. 739. Ita quidem notiones intellectus et voluntatis confundit Plotinus, cuncta ad contemplationem reuocando.

ⁿ) Ibid.

^v) Enn. VI. L. IX. c. 4. p. 761.

^w) Ibid. Nullo fere loco enthusiasum sy-
stematis sui et fontem et finem esse Plotinus ma-
gis prodit, quam hoc.

^x) c. 7. p. 765.

XCIII. Si itaque res ita se habet, operae pretium est, animum ab exteris omnibus segregatum, ad intima penitus se conuertere, neque ad externum aliquid reuocari, sed iam omnia nescientem, et ante quidem affectione, tunc etiam speciebus, nescientem quoque se ipsum contemplationi illius incumbere, eique familiariter inhaerere ^γ.

XCIV. Non semper in Deum ipsum conuertimur, sed quando in eum prorsus inspicimus, tunc denique nobis finis optatus requiesque contingit, neque amplius dissonamus, dum scilicet diuinum reuera chorum circa eum agimus.

XCV. In hoc autem choro inspicit vitae fontem, fontem mentis, entis ipsius principium, boni causam, radicem animae; quae quidem non ita ex Deo effluunt, ut eum comminuant: Deus enim moles non est. Hic bonum consistit nostrum, hic anima requiescit, hic tantum animus a malis liber est, hic vere intelligit, nullisque obnoxius est passionibus, hic solum viuere contingit, ubi vero uiuit, ibi etiam amat illum necessario amore coelesti, Deo commisceri desiderans.

XCVI. Nullo profecto animo tunc opus est ulterius, sed cetera cuncta deponere debet, et in eo solo consistere, Deusque fieri tantum, reliquis penitus amputatis, quae circumadhaerent nobis.

XCVII. Quamobrem hic emigrare properandum est, dolendumque nobis, quod aliqua hic ex parte alligati uiuamus, ut toto penitus animo complectamur Deum ^z.

XCVIII. Nemo per vim extrudat animam ex corpore ne forte exeat, in locum similem migratura: alioquin exibat, corporei nonnihil deferens ^a, quo per similia emigrabit. Sed expectare debet, quoad corpus totum ab anima ipsa deficiat; quando uidelicet nulla vis animae amplius in ipso ligatur, quippe cum corpus iam ipsam ligare non possit, perdita uidelicet harmonia ^b, quam olim habens habebat et animam ^c. Accedit, si quis dissoluit corpus, non esse eam a passione liberam. Fatale itaque tempus expectandum est.

XCIX. Anima per totum coelum reuoluitur, alia in aliis speciebus; siue in sensuali specie, siue rationali siue vegetabili. Pars enim dominans consentaneum sibi peragit munus; caetera vero torpent, namque extra relicta videntur, in homine autem non superant, quae deteriora sunt, sed simul existunt: neque tamen, quod melius est, superat semper, nam haec quoque locum in eo suum habent: quamobrem et tantquam sensuales uiuunt, adsunt enim et instrumenta, sensus. Multa quoque ab hominibus fiunt, quasi plantis, corpus siquidem seu planta ab intrinseco augetur, et gignitur, quapropter omnia in agendo commu-

^γ) Ibid.

^z) c. 8. 9. p. 767. 768.

^a) Nempe simulachrum animae iisdem passionibus infectum.

^b) En vero harmoniam praestabilitam inter animam et corpus iam Plotino ex parte notam.

^c) Enn. I. L. IX. c. 1. p. 85.

nicant. Anima tandem e corpore migrans, id ipsum, quo abundauit, euadit ^d.

C. Itaque ad superiora confugiendum, ne in sensualem speciem delabamur, simulachris sensualibus obsecuti: neue in vegetabilem vitam praecipitemur, mancipati libidini generandi et irretiti suauitate saporum, sed ad intellectuale, ad intellectum totis viribus assurgendum.

CI. Quicumque igitur proprietatem seruauerunt humanam, homines iterum renascuntur; quicumque vero solo vfi sunt sensu, bruta animalia redeunt, quod si sensus degeneratione vixerint, vna cum ipsis plantae repullulant.

CII. Quali quis sensu delectatus fuerit, tale euadit brutum. Sublimia sectans, auis, musica delinitus, animal musicum, qui sine ratione regnat aquila fit et sic porro ^e.

Est haec summa atque compendium psychologiae Plotinianae, cui pressis vestigiis insistit Porphyrius. Hisce iam fundamentis reliqua inaedificata sunt omnia, et imprimis moralis philosophiae aedificium, quod in sequentibus delineabimus.

§. LIV. Restant ex Plotini *φιλοσοφούμεναις*, quae mundum hunc concernunt, de quibus tamen non tam copiose disseruit, nec integrum nobis systema exhibuit. Pleraque etiam quae habet, metaphysica sunt, non physica. Dabimus tamen, qua licet breuitate etiam horum compendium, vt integram philosophiam Plotinianam habeat lector. Ita vero obscurissimus philosophus:

*Cosmologia
eclecticorum.*

CIII. Materiae notio ab omnibus admissa philosophis est, quod sit subiectum quoddam et susceptaculum specierum.

CIV. Etiam in mundo intelligibili materia est, insunt enim ei ideae, quae formam habent, forma autem requirit subiectum.

CV. Cum duplex sit mundus, intelligibilis et sensibilis, sequitur, quia hic est illius imitatio, illic quoque esse materiam ^f.

CVI. Corporibus, quae sunt in mundo sensibili oportet adesse subiectum, quod aliud quidpiam sit praeter corpora, quae enim transmutantur, non corripiuntur, alioquin essentia in non-ens euanesceret; neque rursus quod sit, ex eo, quod nullo modo est, efficitur ^g.

CVII. Materiae primae nihil prorsus eorum, quae in ipso sensibilibus genere percipiuntur, tribui potest, adeoque neque figura neque qualitas vlla, vel color, neque magnitudo. Concludit ex his Plotinus, materiam non nisi priuatiua notione definiri posse ^h.

CVIII. Cum non sit quantitas in materia, vel magnitudo, neque vnum, neque multa est, sed cum indefinita sit, nunquam penes se ipsam

Ggg 2

quie-

d) Enn. III. L. IV. c. 2. p. 283. seq.

e) Ibid.

f) Enn. II. L. IV. c. 1. seq. p. 159. seqq.

ff) c. 6. p. 162.

g) Habuit hoc ab Aristotele, conf. M o s s e m. ad C v d w. Syst. int. c. V. f. II. §. 27. p. 945. qui aliqua erudite moner, sine quibus haec dogmata intelligi nequeunt.

quiescit, sed huc atque illuc in omnem speciem transfertur, passimque lubricitate mira in quaelibet deriuatur, sicque euadit multa ob ipsam per omnia deductionem atque genituram ^b.

CIX. Locus materia corporibusque posterior est, adeoque in materia non est, unde sequitur susceptionem formarum non fieri ratione quantitatis ⁱ.

CX. Neque tamen materia est nomen inane, sed, quia necessaria est, qualitati et magnitudini, adeoque etiam corporibus, est subiectum aliquod, quamuis inuisibile et expers magnitudinis, adeoque omnes sensus refugiens ^k.

CXI. Quicquid est in materia in potentia refertur ad actum, sed non est actus, verum potentia. Vbi enim ex potentia et actu fit res tertia composita, subiectum dicitur in potentia, compositum in actu ^l.

CXII. Omnes, quae qualitates nominantur, sunt actus; qualitatis tamen nomen accipiunt, quod quaelibet sint proprietates, quasi distinguentes essentias inter se, atque ad se ipsas proprium habentes characterem ^m.

CXIII. Corpora in mixture tum per molem, tum per qualitatem penitus corporibus commiscuntur ⁿ.

CXIV. Corporeitas est, corpus ex cunctis qualitatibus una cum materia congregatum ^o.

CXV. Essentiam et compositionem vniuersi committere casui atque fortunae irrationale est, propriumque hominis neque intellectum neque sensum habentis ^p.

CXVI. Mundum hunc arbitrandum est, esse quidem semper, nunquam vero non esse; mentem tamen esse ante ipsum, non quasi praecedentem tempore, sed quoniam hic est a mente, priorque natura mens est, quam mundus, causaeque mens existit mundi, ac velut principalis forma ac exemplar huius mundi per exemplar illud existentis, eodemque modo inde perpetuo subsistentis ^r. Celeberrimum dogma in schola Alexandrina ex studio conciliandi Platonem et Aristotelem, enatum, cum is, mundum esse genitum diceret, hic aeternum sine generatione mundum assereret. Quos ut in concordiam redigerent, ab utriusque opinione genuina discefferunt, et generationem quandam mundi aeternam asseruerunt, mundi ortum κατ' ἀρχάν, ab eo, qui est κατὰ χρόνον, distinguentes. Qua in re Ammonium reliquis viam monstrasse, Plotini locus satis ostendit, ex quo discimus hoc dogma in schola Alexandrina Plotini aetate iam receptum fuisse. Plotini postea vestigia pressere sequaces,

P O R -

b) Ibid. Cane vero confundas materiam cum corpore. Metaphysicum enim, non physicum hic agit Plotinus, et qui enim sequitur ΡΟΤΗΥΚ. de antro nymph. p. m. 110. edit. Rom.

i) c. 11. p. 165.

k) c. 12. p. 166.

l) L. V. c. 2. p. 173. 175.

m) Enn. III. L. VI. c. 3. p. 181.

n) p. 185.

o) p. 186.

p) Enn. III. L. I. c. 1. p. 254.

q) p. 255.

PORPHYRIUS ⁹, IAMBlichVS ^r, PROCLVS ^s, alique, quorum hac de re philosophemata exponit, valideque refutat ZACHARIAS MITYLENAEVS ^t. Postulabat vero systema emanatium eiusmodi generationem aeternam, cum ex summo rerum omnium fonte simplicissimo deriuanda essent omnia: in hoc enim systemate nihil voluntarium, sed cuncta ex essentiae necessitate fluunt, vnde non potuit mundi architectus, libera voluntate ad ornandam materiam accedens admitti, licet id placuisset Platoni. Negandum tamen forte non est, ad eludenda Epicureorum tela contra mundi originem in tempore Platoniam, hanc quoque distinctionem adhibuisse Alexandrinos philosophos Platonicos ^u.

CXVII. Mundus vero sensibilis cum ad exemplar perfectissimum sit genitus, necesse est, esse mundum intelligibilem. Est autem ipsa mentis entisque natura mundus verus et primus, a se ipso non distans, neque conditione vlla debilis et diuidua, neque ob defectum vllum etiam in partibus indigens, tota vita, tota mens in vno viuens et intelligens, etiam partem reddens, vt totum, nec mutationem vllam admittens ^x.

CXVIII. Ab illo mundo vero et vno, et intelligibili dependet iam non vere vnus, multus ergo et in multitudinem diuisus, in quo aliud ab alio distans alienumque prouenit.

CXIX. In hoc mundo non amplius viget amicitia solum, sed propter distantiam discordia nascitur, atque in ipso defectu alia iam necessario aliis aduersantur ^y.

CXX. Factus autem est, non ratiocinatione quadam, concludente, faciendum esse, sed necessitate quadam faciente, vt secunda natura primam comitaretur, non enim intelligibilis mundus talis erat, vt rerum esse posset extremum.

CXXI. Intellectus itaque infundens sui aliquid in materiam, immobilis ipse quietusque consistens omnia fabricauit: id autem est ratio (λογος) ab intellectu profluens ^z.

CXXII. Quemadmodum vero in ratione inserta semini simul omnia in eodem sunt, nihilque cum alio pugnat, aut dissidet et impedit, licet aliquid sit in mole in qua alibi est pars alia, et aliud impeditur laediturque ab alio: sic vtique ex vno intellectu rationeque ab ipso manante pullulauit hoc vniuersum, a se ipso iam distans, atque necessario alia quidem nata sunt salutaria atque amica, inter se alia vero inimica et perniciofa, et partim volentia, partim nolentia se inuicem perdunt, ipsoque interitu generationem mutuam operantur ^a.

Ggg 3

CXXIII.

⁹) De antro nymphae. p. 131.

^r) De myster. Aegypt. Sect. VIII. c. 3. p. 159.

^s) In Timaeum Platonis.

^t) De opificio mundi p. 209.

^u) Conf. MOSHEM. ad CUDWORTH. p. 219.

^x) I. c. c. 2. p. 255.

^y) Haec ex systemate emanatio sequuntur.

^z) c. 2. p. 156.

^a) Ibidem.

CXXIII. Non tamen inde potest quisquam mundo huic tanquam non pulchro detrudere, quasi non optimus sit eorum, quae esse cum corpore possunt, neque causam perquam mundus est, accusare. Nam et ex necessitate, non ex consilio factus est mundus, et totum quiddam pulchrum est, sibi que sufficiens, atque amicum, itemque partibus suis tam maioribus quam minoribus conueniens. In partibus itaque vituperare totum, stultum est ^b.

CXXIV. Mundus itaque perfectus est, ex cunctis animalibus constitutus, sibi ipsi sufficiens, nulli indigus, quoniam omnia in eo sunt animalia atque plantae cunctorum natura generalium, Dii quamplurimi, daemonum populi, bonorum exercitus animorum, homines virtute felices. Nam et in aëre et aethere, et in coelo toto sunt animae omnes bonae, vitam stellis suppeditantes reuolutionique coelesti ordinatissime simul atque sempiternae: et ad imitationem mentis in circuitum agitatae sapienter semperque circa idem: Quaecunque etiam in eo sunt, appetunt bonum, singula vero pro facultate propria consequuntur, coelum enim et mundi anima inde dependet: praeterea Dii, qui in eius partibus regnant, item animalia omnia et plantae, et quicquid in eo est inanimatum: cunctis officium suum peragentibus ^c.

CXXV. In coelo totum quidem uiuit semper, et quaecunque honoranda sunt. . . praecipua permanent. Animae vero vicissim corpora permutantes, aliud quidem in alia fiunt specie; at quoties anima potest extra generationem posita, una cum vniuersi anima uiuit. Corpora vero secundum speciem atque singula secundum totum, siquidem ex ipsis et animalia erunt, et nutriuntur ^d.

CXXVI. Nec perfectum in eo malum est. Hominum enim mutuae inter se iniuriae ab ipso boni appetitu proficiuntur, quando nempe bonum consequi non valentes aberrant aliosque inuadunt. At vero qui egerunt, iniuste poenas luunt, tum quia animam inde reportant deprauatam, tum quia certo quodam ordine in locum transmittuntur deteriorem, nihil enim potest vnquam, quod in vniuersi lege ordinatum est effugere ^e.

CXXVII. Si igitur datur in hoc mundo animis facultas ad beatitatem consequendam, non licet de hac regione conqueri, quod aliqui in ea non sint felices, sed eorum imbecillitatem potius reprehendere, quod strenue certare non valeant, ubi virtutis praemia proposita sunt. Ratio vero mundi artifex et corruptis utitur ad aliorum genituram, et vtilia multa vniuerso inde efficit. At et circa eas animarum actiones, quae in ipsis animabus collocantur, quando deteriora agunt, causa referenda est in eligentem, cum animas quoque proprias habere motiones oporteat ^f.

CXXVIII.

b) c. 3. p. 256.
d) c. 4. p. 257.

c) Ibid.

e) p. 258.
f) p. 259.

CXXVIII. In mundo suprema, vt in animali pulchriora, sunt, media vero et infima, minus. Homines autem in medio inferiorique sunt; at in sublimi coelum Diique coelestes, et mundi plurimum Dii tenent, omneque in circuitu coelum, terra vero quasi centrum et velut vna quaedam ex stellarum numero. Est itaque homo deorum brutorumque medius. Hinc cum ad vtraque vergat, potest etiam iniuste agere ^g.

CXXIX. Prouidentia itaque accusari non potest, quae non facit hominem Deum, sed seruat in eo, quod est, esse hominem, id est, agentem ea, quaecunque lex praescribit: et homines in medio constitutos perdi nequaquam dimittit, sed ad superna reuocat assidue omnibus machinis virtutem reddens potentia praeualentem ^h.

CXXX. Licet vero peccatum ipsum non sit voluntarium, non tamen id prohibet, quin ipsi ex seipsis agant, quoniam ipsi actionum talium auctores sunt: nec necessitas ab extrinseco est, sed quoniam communi conditione intrinseca peccant ⁱ.

CXXXI. Ratio vero etiam artifex mundi non omnia fecit aequaliter perfecta, et bona, nec omnia fecit Deos, verum alia quidem Deos esse statuit, alia vero daemones sequenti natura, post haec autem homines, et animalia deinceps, neque id quidem inuidia, sed ratione intellectualem habente diuersitatem. Quin et futura, et circuitus spectare decet, quibus omnia iuste commutantur ^k.

CXXXII. Ratio feminaria mundi non est mens ipsa, sincera, non animae purae genus, dependens vero ab hac, et quasi fulgur ex ambabus, mente videlicet, atque anima affecta secundum mentem: quae hanc rationem generant velut vitam, quae quietam in se habeat rationem: omnis vero vita est actus. Ast non est vita vna, vel mens quaedam vna, sed partes inter se oppositas habet, ideoque indigas, et inuicem repugnantes. Hinc totum inter se in mundo consentit partes repugnant ^l. Prolixa has de prouidentiae in mundo concurfu, malorumque cum physicorum tum moralium origine et causis disputationes prosequitur Plotinus non tantum duobus, quos *de prouidentia* conscripsit libris, sed et in *disceptatione contra Gnosticos* Platonice rationibus demonstraturus, mundum nec malum esse, nec a malo principio conditum, sed consilio bonum factum, et diuinitati similem, bona in eo esse omnia, et Deum eius habere curam; non omnia tamen aequaliter bona esse ^m.

CXXXIII. Quia mundus omnia in se complectitur, neque superest quicquam, in quod potest commutari, neque rursus in hunc externum aliquid incidere potest, quo disperdatur, ideo mundus durat perpetuus ⁿ.

CXXXIV.

^g) c. 8. p. 261. seq.

^h) c. 9. p. 262. Ast supra dixerat, fieri haec omnia naturae necessitate.

ⁱ) c. 10. p. 263.

^k) Ibid.

^l) c. 16. p. 267.

^m) Enn. II. L. IX. c. 7. seqq. p. 205. seqq.

ⁿ) Enn. II. L. I. c. 1. p. 96.

CXXXIV. Coelum sempiternum est, tum ob animas, tum ob corpora pura, adeoque meliora. Igne enim constant coelesti, aequali et quieto astra. Anima autem coeli ex Deo manans omni vinculo fortior est, et semper coelum continere potest ^u.

CXXXV. Coelestis vero anima, qualis coeli est non corrumpi finit coelestia, quia proxima est ab ipso mundi architecto; ab ipsa vero coelesti imago quaedam producitur, quae velut a superis defluens terrena animalia facit, quae quia deterioribus ad opus suum vititur corporibus, locoque deteriori in vnum conciliare studet, quae vix congregiuntur, et congressa in vnum inuita manent, ideo animalia haec mortalia sunt, nec semper viuere possunt ^o.

CXXXVI. Solus in coelo ignis est, sed qui terram et aquam et aërem, id est, qualitates aliorum elementorum in se habeat ^p.

CXXXVII. Cum lumen vigeat in excelsis, ubi naturaliter est constitutum, purissimum, quod varia ratione in stellis est distributum, et in reliquo quoque coelo regnet, non potest vllum defluxum pati; nam et animae coniunctum est, et nihil praecipitat impellitque deorsum, et tam sublimis natura defluere sponte non potest ^q.

CXXXVIII. Motus coeli fit ab anima intellectuali et fit in circulum, qui motus est, quem in se ipsis faciunt intellectus et anima ^r.

CXXXIX. Postrema vis animae a terra exordiens sese fundit per vniuersum, vis autem animae sensualis, et quae opinantem possidet rationem, ad superiora in sphaeris se habet, incubans inferiori potentiae, vimque vitalem communicans. Mouetur itaque ab ea, in circulo continente, totique insidente, quantum ipsius recurrit in sphaeras. Itaque cum illa hanc circulo comprehendat, merito haec conuiuens reflectitur in se ipsam, huius vero reflexio corpus vna, cui est infusa contorquet ^s.

CXL. Stellae non mutant naturam motibus, locis, aspectibus ^t.

CXLI. Quod stellae futura portendunt, inde est, quia certo quodam ordine procedunt, et signa rerum habent. Plena enim omnia signorum sunt in mundo et sapiens aliud argumentatur ex alio. Mirabilis autem eorum est connexio et conspiratio, quae sunt in mundo ^u.

CXLII. Anima mundi est principium rerum naturalium, feruiunt huc conferuntque stellae, ceu partes coeli non paruae tum ad decoram totius formam, tum etiam ad significationis officium ^v.

CXLIII. Anima quae in generatione aduenit, coeli fato subest, nempe ea anima, quae vestigium animae quoddam nacta, corporis est potissimum. Ast altera, quae extrinsecus extat anima, supra fatum est, et ad eum

^u) c. 4. p. 99.

^o) c. 5. p. 99. Pertinet hic locus etiam ad animam mundi duplicem, de qua supra diximus.

^p) c. 6. p. 100.

^q) c. 8. p. 102.

^r) Enn. II. L. II. c. 1. p. 107.

^s) c. 3. p. 109.

^t) Enn. II. L. III. c. 3. p. 112.

^u) c. 7. p. 141.

^v) c. 3. p. 141.

eum ascensus ad sublimia pertinet, ad pulchrum et diuinum, quibus nullum fatum dominatur. Hanc duplicem animam quilibet habet *.

CXLIV. Quin et totus mundus compositum quoddam est, ex corpore atque anima corpori mancipata, et ipsa vniuersi anima, quae non inest corpori, imprimit autem vestigia quaedam in eam animam, quae iacet in corpore. Sic et sol et cetera omnia duplicia sunt v.

CXLV. Molesta et difficilia in mundo atque auersa propter mistionem quandam nascuntur, mixta enim est huius mundi natura w.

CXLVI. Mundus ita demum Deus est, si separabilis illa anima in substantia connumeretur. Reliquum namque est daemon, affectus quoque in eo daemoniaci sunt x.

CXLVII. Coelestis influxus non generat res, sed tantum materiam disponit, eae vero ex feminalibus naturae rationibus oriuntur y.

CXLVIII. Rationes feminales non sunt intelligentiae nec intellectio, nec visio, sed vis quaedam materiae agitatrix, haud sane cognoscens, sed agens tantum velut formam figuramque in aqua, quemadmodum ex circulo aliunde facto redundat circulus alter. Non igitur opus habet quodam rationis discursu. z.

CXLIX. Deorum et daemonum, qui sunt in mundo inter se genus distinguendum est a.

CL. Deorum genus passionibus expers est.

CLI. Daemonibus passiones insunt; suntque illi etiam sempiterni sequente post Deos gradu, iamque generi humano propinquiores, medii-que inter Deorum hominumque genus.

CLII. In mundo intelligibili nullus est daemon, sed qui ita dicuntur, Dii sunt.

CLIII. Qui in mundo sensibili sunt vsque ad lunam, Dii visibiles, Dii appellandi sunt secundi, eo quod a Diis intelligibilibus dependent, ut splendores a stellis b. Satis haec thesis innuit, Deos intelligibiles tantum esse ideas siue exemplaria aeterna stellarum reliquorumque Deorum visibilium, ut supra notatum.

CLIV. Daemones illi sunt amores, qui gignuntur ex anima bonum pulchrumque desiderante, sed ad vsum vniuersi geniti sunt ab anima mundi aliis viribus, ut impleantur dispensenturque singula toti c. Oportebat enim ipsam vniuersi animam sufficienter toti mundo praeesse atque suppetere, generando vires daemonum ipsi vniuerso congruas.

CLV.

*) c. 9. p. 141.

v) lb. p. 142. Ita nugis suis idealibus omnia philosophiae naturalis capita corruerunt inepti philosophi.

w) Ibidem.

y) c. 12. p. 143.

z) c. 17. p. 147. Ex hoc fonte naturam suam

genitricem hausit C V D W O R T H V S, huius philosophiae praeter modum amans.

a) Enn. III. L. V. c. 6. p. 295.

b) p. 296.

c) Ibid. Fundamentum hoc fuit syncretismi omnium religionum, quem iniit philosophia Alexandrina.

CLV. Daemones non sunt materiae corporeae, alioquin animalia sensibilia forent. Et si aëria igneae corpora accipiunt, oportet tamen naturam eorum prius differentem esse.

CLVI. Est itaque intelligibilis materia ponenda, ut quod illius est particeps, per illam in hanc quoque corporum materiam perueniat ^d. Plura et luculentiora de his mox dabimus ex Iamblichō.

CLVII. Terra omnia in se elementa continet ^e.

CLVIII. Terram esse animal, non tantum ex anima patet vegetante, sed quia animalia quoque ex ea generantur. Quia vero non exigua mentis portio est, ideo mentem habere Deusque esse recte creditur ^f.

CLIX. Terra non inepta est motui, nisi quod ex loco suo non moueatur.

CLX. Potest terra sentire, quia animam habet, ut stellae sentiunt propter animam, et anima hominis in corpore ^{ff}.

*Doctrina
ecclesiarum
de creatione
mundi.*

§. LV. Haec Plotinianae philosophiae facies est, quam Alexandria genuit, quaeque Romae postea, inque Asia minore et Athenis tandem adoleuit, magnaue per quatuor fere secula fama floruit. A Plotino enim totam philosophorum horum successionem deriuatam fuisse, veterum testimoniis ^g constat. Et variasse quidem in diuersis huic systemati doctrinis vel inferendis vel eiiciendis etiam aliterque delineandis philosophos huius sectae supra monuimus, vnde cuiusuis ex iis philosophemata singulari studio excutienda sunt illis, qui totam eius faciem accurate nosse cupiunt: in primariis tamen capitibus non valde dissenferunt, sed explicationibus speciem quidem diuersae sententiae prae se tulerunt, ut nempe eo magis se temporum circumstantiis attemperarent, quae, cum Christiana religio, *κρηττονα*, (qua voce veteres vtuntur) id est, dominans, euasisset, posulabant, ut propius se eius dogmatibus accedere viderentur, sicque ab imperantibus aequius tolerarentur: hoc vero ipso perditissimos, quos haec philosophia fouet in sinu, errores, palliarunt tantum, et subdole pinxerunt; quo factum est, ut ab incautis pro iis habiti qui sanius philosopharentur, admissique pestilentes errores etiam inter sana disseminarent dogmata. Cuius rei ut fidem faciamus lectori, et quanta in vaserimi hominum generis historia cautione opus sit, memorabili exemplo declaremus, attendere iubemus ad illud potissimum dogma, quod de creatione rerum in hac schola personuit, quod ita accessisse visum est quibusdam sanae doctrinae, ut AENEAS GAZAEVS ^b contra mundi aeternitatem pu-

d) Ibid.

e) Enn. II. L. I. c. 7. p. 107.

f) Enn. IV. L. IV. c. 22. p. 419.

ff) Ibid.

g) Vid. PORPHYR. vit. Plotini c. 7. p. 104.

SOCRAT. Hist. eccles. L. VII. c. 15. p. 352.

SOZOMEN. Hist. eccles. L. I. c. 5. p. 406.
Iamblichi tamen scholam vocat ΕΥΝΑΡΙΩΣ
in Aedes. p. 35.

b) De opificio mundi p. 56. Sequimur verba
Graeca, quae ita in BARTHII editione leguntur:
ὅτι γὰρ ἀγέννητος οὐδ' ἀναρχος, ἡ ὅλη, τούτῃ
σε

pugnans, ad ipsum Plotinum Porphyriumque prouocare ausus fuerit, statuentes, materiam esse factam. Ait enim: *Materia neque ingenita, neque sine initio, id te Chaldaei docent et Porphyrius. Scripsit is enim librum de materia, Chaldaicis doctrinis refertum, in quo rationibus hoc roborat: materiam genitam esse, et ad Plotini librum prouocat physicum, in quo tanquam dogma detestandum eiicitur error: materiam esse ingenitam, interque principia referendam.* Recentiores pari fere modo seductos hic tacemus ⁱ. Ast falli viros doctos, euidenter patebit, vbi totius scholae huius de materia systema paulo attentius considerabimus. Deferuisse vero Aegyptios, inter quos haec philosophia nata est, systema dualisticum, quod antiquissimis temporibus, saltem ex eo tempore, quo Persae Aegyptum inuaserunt, inualuerat, suo loco demonstrauiamus, ex quo nempe orientalis philosophia systema emanationis illis commendaue- rat. Sane non alium, quam emanationis ordinem inter Aegyptios in rerum omnium γενέσει ab eo tempore fuisse receptum, quo Graecanica philosophia obtinuit, diserte tradit I A M B L I C H V S, his verbis: Καὶ ἔτιως ἀνωθεν ἄχρι τῶν τελευταίων ἢ περὶ τῶν ἀρχῶν Αἰγυπτίοις πραγματεία ἀφ' ἐνὸς ἀρχεται, καὶ πρὸς εἰς πλῆθος τῶν πολλῶν αὐτῆς ὑφ' ἐνὸς διακυβερνωμένων, καὶ πανταχῶς τῇ ἀόριστῃ φύσεως ἐπικρατεμένης ὑπὸ τινος ἀρισμῆος μέτρα καὶ τῆς ἀνωτάτω ἐνικαίας πάντων αἰτίας. *Atque ita Aegyptiorum doctrina de principiis desuper ad inferiora progrediens, ab uno incipit, et desinit in multitudinem vnus imperio gubernatam, et prorsus omnis indeterminata in se natura definitur et continetur aliquo certo termino, hoc est, a suprema illa vniente omnia causa.* Quod ne de solis rebus spiritualibus intelligatur, addit: *Materiam quod attinet, eduxit (παρήγαγεν) eam Deus, ab essentialitate diuidendo materialitatem, quam Demiurgus accepit, cum animata esset, et ex ea simplices atque incorruptibiles Sphaeras fabricauit, postremum autem illius materiae ad corpora generabilia et corruptibilia facienda transtulit.* Quibus verbis, Aegyptiaca dogmata recitari nulli dubitamus, sed talia, quae inter Platonicos iam tum fuere recepta, ex quibus simul liquet, deferuisse scholam Platonis eius systema, quod dualisticum fuisse *tomo primo* demonstrauiamus. Ex hac vero schola cum prodiret Ammonius, isque non Aristotelem tantum aeternitatem mundi statuentem, cum Platone, mundum genitum esse in tempore, asserente conciliare, sed et ex Christiana, quam didicerat, disciplina elegantiora doctrinarum capita in rem suam vertere cogitaret, quae creationem ex nulla praeeistente materia, solo summi entis nutu factam

Hhh 2

esse

οὐ καὶ χαλδαῖοι διδάσκουσι καὶ ὁ Πορφύριος ἐπι-
γράφῃ δὲ καθ' ὅλου τὸ βιβλίον, ὃ εἰς μέσον προά-
γει τῶν χαλδαίων τὰ λόγια. Ἐν οἷς γενομένων
τὴν ὕλην ἰσχυρίζεται, καὶ τὸ Πλωτίνου διανοίγων
βιβλίον τὰ κατὰ φύσιν ποῦ λέγει, ἀγέννητον δὲ εἶ-
ναι τὴν ὕλην, καὶ τὸ ἐν ἀρχαῖς τιθέναι ὡς ἄθεον
δόγμα παρατηρεῖται. In quibus verbis menda

quaedam iacere acute vidit M O S H E M I V S diff.
de creat. ex nihilo §. 29. p. 995. Cudw.

i) B E S S A R I O adu. calumn. Plat. L. II. c. 5.
L I V I V S G A L A N T E S compar. theol. Christ.
cum Platonica, L. IX. p. 236. R A D. C U D W O R T H.
Syst. int. c. V. §. 2. p. 751. H V E T. Qq. Alnet.
L. II. c. 5. B A Y L E Dict. T. II. art. Hierocles
not. A. p. 760.

esse tradebat, commodum ratus, a trium horum systematum genuino recedere sensu, ut moris est apud syncretistas, non potuit non dogmatiam tum recepto, materiam ex Deo esse genitam, dare manus, illudque nouis adornatum pictumque coloribus in rem suam conuertere. Ita enim sperabat fore, ut amice inter se coirent, quae longissime dissonabant, et non Aristoteles tantum vera diceret, exclusa omni generatione in tempore facta, sed etiam Plato non derelinqueretur, statuendo mundum esse opus demiurgi, quin et Christianis affinia docerentur, tradendo, non fuisse extra Deum subiectum, ex quo facta sit materia, et ita systema dualisticum expungendo, quod valde Christiani in haereticis improbabant. Non sine ingenii acumine haec suscepisse Ammonium fatendum erat: nam et systemati, quod formauerat apprime conueniebant, et idonea erant, ad os obliniendum incautis, nec satis ad rem hanc attendentibus: Ast peruertisse etiam eorum, quae conciliare inter se statuerat, systematum mentem veram, simul apparebat. Nam nec Aristoteles vnquam de materiae quadam generatione cogitauit, sed aeternam eam semperque sibi similem ita supposuit, ut tota fere eius physiologia huic axiomati inniteretur; nec Plato materiam vnquam ex Dei gremio deriuauit, sed ab aeterno sine ordine et sapientia bruta quadam vi commotam et iactatam in tempore a Deo primo in ordinem redactam et formatam esse, quod ordinem confusio praestare intelligeret, docuit. Quod licet aliter visum fuit τῷ πάλῳ G V N D L I N G I O ^k, qui Platoni hoc ipsum dogma tribuit: materiam quoque ex Dei gremio effluxisse, certum tamen ex physiologia Platonis, qualem *tomo primo* inuictis rationibus extruximus, est, confudisse virum doctissimum, sed sententiae semel deamatae pertinacius inhaerentem, doctrinam Platoniam recentiore, quam Alexandrinam appellamus, cum Academica veteri. Sed nec Christianorum quicquam, quod sanum esset, ita ab Ammonio exhibebatur. Illi enim a systemate emanatio toto coelo diuersi, impiumque dogma abhorrentes, materiam ex nullo prorsus subiecto, neque interno neque externo, adeoque neque ex Dei essentia esse genitam, sed ex re plane nulla libera Dei voluntate et facultate factam statuebant, cum e contrario schola Ammonii necessaria ratione et lege emanationis, ut omnia, ita et materiam ex sinu Dei deriuaret. Ita enim, si Plotinum sequimur, qui ipsum Ammonium audiuit, statuendum esse putabat: Ex nihilo fieri nihil, (id enim disertè P L O T I N V S ^l et absoluto quodam sensu statuit) inde necessarium esse, ut ex vno omnia prorsus effluerint, cum vnum sit binario prius. Vi huius emanationis non tantum ex primo rerum omnium fonte effluxisse intellectum diuinum et animam mundi intelligibilem, et quae in his comprehenduntur, omnis generis entia spiritualia, siue intelligibilia, sed materiam quoque omnem, ex qua condi omnia formarique et rationes feminales in anima mundi latentes impri-

k) Diximus de eius controuersia de hoc argumento T. I. L. II. c. 7. eandem opinionem

sonet G A L E ad Iambl. p. 276.

l) Enn. II. L. IV. c. 6. p. 162.

imprimi illi opus esset. Cum enim cuncta fieri necessaria naturae aeternae consecutione dicerentur, non poterat non eiusmodi materiae quoque ex summo rerum omnium fonte emanatio statui. Ast hic materiae obstabat indoles inordinata, bruta, mala, ut eam describit Plato. Hunc relinqui oportebat, et confugiendum erat ad metaphysicas notiones et praecisiones, ne quid Deo indignum admittere viderentur. Mutuum accipiebant itaque Ammonius eiusque discipuli, non tantum conceptum materiae ab Aristotele, eamque omni quantitate et qualitate omnibusque formis priuabant, sed mundum quoque duplicem fingeabant, vnum naturalem, alterum intelligibilem, et in hoc materiam quoque intelligibilem ponebant, quae ex intellectu diuino oriretur. Cum autem mundum intelligibilem naturalem sequi, emanationis ordo postulare, idque necessario accidere oporteret, adiciebant et hoc: cum mundus intelligibilis non posset esse rerum extremum, intellectum infudisse aliquid sui in materiam, licet ipse immobilis quieteque confisteret, sicque rationem in materiam effluxisse et semina ei impressisse. Esse haec Plotiniana dogmata, ex supra delineata eius physiologia apertissimum est ^m: ast ita quidem materiae generationem, non vero ex nihilo sed ex intellectu diuino poni eamque dici aeterna generatione siue emanatione ex Deo existeret, quilibet videt. Cum vero sola esse entia quae reuera sunt, nec mutationis causam in se habent, sed semper sunt eadem, eodem modo se habentia, eadem schola, Pythagoram et Platonem secuta, traderet, materia ex ἐκ ὄντων genere dicta est, sicque definitum, res omnes esse conditas ex non-ente, id est materia. Non defecerunt ab hac antecessorum suorum doctrina sequentes Platonici, PORPHYRIUS enim, cuius de materia prima libros sex hodie desideramus, alio loco luculenter dixit: Πάντα τὰ, ὄντα, καὶ μὴ ὄντα, ἐκ τῶ Θεῶ, καὶ ἐν Θεῷ, omnia et entia, et non-entia (ita materiam vocat ⁿ), ex Deo et in Deo; et paulo ante: σῶμα δὲ καὶ ἐν ψυχῇ καὶ ἐν νῶ καὶ ἐν Θεῷ, corpus etiam in anima, in intellectu et in Deo est, nempe vel inhaesive, vel subiective, vel efficienter, ut loqui scholarum philosophi solent. Eodem fere modo IAMBlichVS ^o: ἀπὸ τῶ πατρὸς καὶ δημιουργῶ τῶν ὅλων καὶ αὐτῇ (ὕλῃ καθαρὰ καὶ θεῷ) γενομένη, τὴν τελειότητα ἑαυτῆς ἐπιτήδειαν κέκηται πρὸς Θεῶν ὑποδοχὴν. Ipsa materia pura et diuina, cum ab opifice patreque omnium facta sit, merito perfectionem sui quandam accepisse censenda est aptam ad Deos suscipiendos. Sed et reliqui ex hac schola philosophi ^p in hac haeresi sunt, ex quibus PROCLUS ^q, Deum ἀβέβητον αἰτίαν τῆς ὕλης vocat, et contentione haud parua disputat, Platonem in Philebo eandem tenuisse sententiam; qua de re quid disputatum olim fuerit inter B. Gundlingium

Hhh 3

et

^m) πρὸς ἀφορμ. p. m. 75.ⁿ) p. 67.^o) De myst. Aegypt. Sect. V. c. 23. p. 138.^p) IULIANVS Orat. V. Damascius apud GALE l. c. p. 277. SIMPLIC. in L. I. Physic.^q) In Timaeum Plat. L. II. p. 17.

et Cl. Zimmermannum *tomo primo* indicauimus, monuimusque Proclum deprauasse Platonem alienamque ei a vera mente eius sententiam affinxisse. Tandem et Oracula testamur, in quibus etiam hoc est:

Ἐνθεν αὖθις θρώσκει γένεσις πολυποίκιλος ὕλης.

Ex quo (Deo) oritur abundanter generatio multiformis materiae.

Alia ex hac schola testimonia collecta a LIVIO GALANTE, ^r RAD. CVDWORTHIO ^s, IO. ALB. FABRICIO ^j, IO. LAUR. MOSHEMIO ^{ff} aliisque praeterimus. Dubium non est mature vidisse Christianos doctrinae huius deformitatem, quae et Deum in materia diuidit, et nescio quam extensionem intelligibilem, nullibi, nisi in otiosorum hominum ingenio extantem [“] comminiscitur: quare verbis, quantum licet, propius ad Christianos, iam tum rerum potitos, hisque hominibus graues, accedendum erat, ita tamen, vt systema nouum nullum inde detrimentum caperet. Hinc Hierocles mutato paulisper familiae suae fermone pressius eorum loquendi modum imitatus, teste ΠΗΟΤΙΟ [“], scripsit, materiam ex nullo praeeistente subiecto a Deo productam fuisse, vt eorum potissimum opinionem refelleret, qui Platonem dicunt posuisse materiam Deo coaeternam, ex qua Deus omnia finxerit: Hinc Platoni aliam fuisse mentem tradit, addens: ὅτι δημιουργὸν Θεὸν, Φησὶν, πούφισιν ὁ Πλάτων ἐφεσῶτα πάσης ἐμφανῆς καὶ ἀφανῆς κοσμήσεως, ἐκ μηδενὸς προϋκειμένην γεγενημένην. ἀρκεῖν γὰρ τὸ ἐκένε βέλημα εἰς ὑπόστασιν τῶν ὄντων. *Plato opificem Deum censuit sustinere aspectabilem et inaspectabilem mundum, nulla prius existente materia factum et productum. Sufficere enim voluntatem DEI, vt ea quae sunt omnia existant.* Patet ex primo verborum horum intuitu, plus dedisse Christianis Hieroclem (quem in aliis quoque quaedam iis largitum fuisse, viris doctis obseruatum est,) quam reliquos Platonicos, forte quod inuidiae, qua ea secta illo tempore premi coeperat apud Christianos, se subtrahere vellet; caue tamen credas, lucrum inde aliquod accessisse veritati diuinæ, verba enim dedit philosophus vaferrimus, praetereaue nihil. Vfus enim abstractione metaphysica, dum externum subiectum in quod ageret demiurgus negat, et sola voluntate sine existente materia mundum productum ait, tollit hoc dogmate tantum materiae existentiam extra Deum, non vero ait, in Deo illam non essentialiter et radicaliter latuisse. Id enim series tractationis eius vult, qua eos grauiter redarguit, qui materiam aeternam se subiectum Deo conditori tantum praeuisse dicunt, nec ex vno rerum fonte omnia deriuant. Vt itaque materia existeret, nihil extra Deum requirebatur, secundum

Hiero-

^r) loc. cit.

^s) l. c. c. V. Sect. II.

^j) Bibl. Graec. T. I. p. 462.

^{ff}) l. c. p. 994.

^z) Verisimile, Origenis errores ex hac schola

progressos oculos doctoribus Christianis aperuisse.

^{tt}) Reuocasse eam Malebranchium, infra dicetur.

^u) Cod. CCXLII. p. 552.

Hieroclem, quam voluntas eius, vt materia ex sinu eius progressa, extra illum extaret, seque formandam praeberet artifici. Quae voluntas tantum abest vt libera sit, vt potius summam essentiae necessitatem inuoluat, cum non queat aliter velle Deus, quam voluit. Dices, lector, nos heic tibi nugas metaphysicas oggerere, quae ad mundi condendi opus plane nihil efficiunt. Non incipiamur ita de his recte iudicari; ast cum horum hominum opinio explicanda esset, nihil aliud dari poterat. Cuncta enim haec metaphysica tantum sunt, nihilque dicunt ad res ipsas translata, sed mentis tantum emotae somnia, et praecisiones mentales sunt, creationem materiae quandam ex nihilo idealem nobis tanquam umbram sistentes, quam si manu prehendere cupimus, euanescit, ad physicam enim mundi rationem applicata nihil, quod res est, dicit, sed axioma Alexandrinae scholae manet: mundum esse aeternum. Ex quo luculento exemplo palam esse existimamus, quantis artibus in propagandis nefariis dogmatibus suis hi philosophi vsi fuerint, quantaque attentio adhibenda sit, ne a primis praeceptoribus defecisse, et ad saniora fuisse progressos putemus. Plura exempla facili labore colliget, qui in eorum scriptis non plane hospes est, et a praeiudiciis animum seruare nouit plane liberum.

§. LVI. Propius vero vt theologiam quoque Alexandrinam qualis *Theologia Iamblichiana* in Platoniorum reformatorum schola viguit, intueamur, audiemus quod Iamblichum, tertium post Plotinum et Porphyrium eius antistitem, qui hoc praecipue doctrinae eclecticae vel syncretisticae caput, in ordinem iustique systematis redegit habitum, ruentique in ruinam suam superstitioni humeros supposuit. Ex cuius schola cum magna seruorum turpissimae superstitionis caterua exiisset, quae sacerdotii sibi curam proprio quasi ministerio vindicauerat, factum inde est, vt Iamblichiana potissimum schola eiusque successio, *ἱεραὶ γενεαὶ* instar haberetur, et haec Alexandrinae philosophiae pars, quam tanto studio, tantisque artibus fraudibusque excolebant, κατ' ἐξέχην Iamblichi philosophia appellaretur^{v)}. Eo securius vero hunc doctorem scholae illius sequi licet, quo luculentius praeter sectae eius morem haec mysteria enarrauit, exarato responsum libro ad PORPHYRII epistolam ad Anebonem prophetam Aegyptium, qua de potioribus Aegyptiorum dogmatibus, quae diuinius argumenti sunt, sciscitatus est. Illi libro titulum de mysteriis praescripsit, quod inter *ἄρρητα*, id est ea, quae in vulgus propalare nefas est, quaeque initiatis tantum enucleatius tradi solent, fuissent relata. Aegyptiorum vero mysteria dum nobis vendit Iamblichus, non intelligenda est theologia Aegyptiaca alia, quam quae in Platoniorum syncretistarum scholis obtinuit, quaeque concordiam religionum fere omnium meditata, mirum opinionum theologicarum chaos effinxit. Sequemur vero ordinem

v) EVNAP. in Aedefio p. 37. Ast sacerdotes se esse ipse iactat IAMBlichus de myster. f. l. c. 8 p. 15.

nem a Iamblichio obseruatum, licet non quidem optime cohaereat, eo quod ad quaestionum capita a Porphyrio proposita respexerit; ita enim speramus fore, vt quibus potissimum vinculis ineptissimum diuinioris doctrinae aedificium Iamblichus connexum stabilitumque iuerit, purius quodammodo et sincerius, tanquam ex ipso fonte, hauriamus; cum facile futurum sit lectori attento, ad eum cuncta locum referre, quem in systemate Plotiniano occupant. Ita vero IAMBlichvs ^w praecipit:

I. Deos dari, nostra nos natura conuincit, cuius essentiae penitissime inest de Diis innata cognitio, omni nostro iudicio et anticipatione antiquior omnique demonstratione prior. Vtique quae iam tum ab initio iuncta fuerit propriae suae causae, simulque cum essentiali illa animae nostrae ad bonum tendentia quasi implicita coëxstiterit. Celeberrimum hoc est pro Dei existentia argumentum, quod, cum duo membra habeat vnum, quod ab innata Dei idea desumitur, alterum quod ab infinita voluntatis in bonum tendentia petitur, recentiorum multis*, et in his maxime Cartesio placuit, vt suo loco docebitur. Recte tamen Iamblichus intelligendus, et ex proprio systemate, quod haec schola adoptauit, explicandus, nec confundenda eius sententia est, cum eorum opinione, qui nostra aetate vel Dei ideam quandam animo natura insitam esse, vel naturali boni infinite durantis et perfectissimi desiderio menti esse impressam dixerent. Nempe animum hominis ex mundo intelligibili, siue intellectu diuino exortum in hunc mundum sensibilem descendere dicebant Platonici, secumque habere consonantiam siue harmoniam vniuersi, adeoque non esse extra intellectum diuinum, sed conniti eo, vt cum suo principio, a quo ratione, singularitatis (veniam voci deprecamur) diuulsus est, iterum iungatur; ex quo sequebatur, vt ideas omnes, ita praecipue Deorum ipsiusque intellectus diuini in animo naturaliter omni ratiocinatione priores adeste, vrgereque animum atque instigare, vt suo se fonti, ex quo emanauit, iungat. Quae dissona prorsus esse illis, quae a viris doctis pro utroque hoc de Dei existentia argumento disputari solent, quilibet videt, nosque monent, vt in comparandis veterum opinionibus cum recentiorum philosophorum placitis summam adhibeamus prouidentiam.

II. Contactus hic diuinus non est nostri arbitrii, vt vel mutari possit vel euitari, probari vel improbari, nos enim ab eo continemur, ab eo omni sufficientia implemur, et hoc ipsum, quicquid sit, quod sumus, Deos cognoscendo possidemus ^y.

III. Sed et immortales Deorum comites repraesentat innata de iis perceptio, vt, quemadmodum ipsi immutabilem semper obtinent essentiam, sic et anima humana eodem modo ipsos sua cognitione attingat, nec possit assequi se coniectura aut syllogismo, temporaneis subsidiis eam essentiam,

^w) S. I. c. 3. p. 4.

^x) Videfis, quos laudauimus in medit. phil.

de falsa virtute c. I. §. 2. p. 8.

^y) Ibid. p. 4.

sentiam, quae longe haec omnia supergreditur, vtatur potius puris notionibus, quas ab aeterno hausit ab ipsis Diis, et per quas illis ipsis conneſcitur ^z. Haec ex supra dictis intelligi poſſunt, nefandum vero hominum fanaticorum, quem affectabant, entuſiaſinum luculenter produunt.

IV. Dari inter Deos diuerſa genera et ab iis diſtingui varias daemonum et heroum claſſes, certum eſt, aſt eorum vel idiomata vel differentiae analogice tantum non generice concipiendae ſunt, et identitas obſeruanda ^a.

V. Idiomata eorum ſunt, primo bonitas, quae a Deorum eſſentia diuelli non poteſt, animabus vero eſſentialiter non adeſt, ſed quaedam tantum portio contigit ^b.

VI. Inter principium diuinorum et finem, quem animae conſtituunt, id eſt inter duos hos extremos terminos cogitandum medium quoddam, nempe heroum ordo, animarum ordine ſublimior, ſuperiorque poteſtate, virtute, pulchritudine, et magnitudine, omnibusque ad animas bonis pertinentibus longe ditior, proxime animabus coniunctus, propter vitae quae in vtriſque eſt, ſimilitudinem et aſſinitatem ^c.

VII. Ex altera parte cogitandus geniorum ordo pendens quidem a Diis ipsis, longe tamen infra eos ſubſiſtens, eos proxime ſequens, non quidem auctor et princeps, ſed miniſter bonae voluntati diuinae facile obſequens.

VIII. Idem illud medium in opus producit eorum inconſpicuam bonitatem, quam etiam imitatur, operaque ſua praestat, quam poteſt, ei conformia. Quod eſt bono diuino inenarrabile, enarrat, quodque adhuc formis non veſtitur, facit in formis apparere; quicquid in eo rationes omnes ſuperat, in apertas rationes profert, excipit bonorum portionem ſibi naturalem, communicatque illam ſine inuidia, et quaſi traicit ad genera quae ſe ſequuntur.

IX. Haec igitur duo genera media Deos et animas comuni vinculo neſcunt, indiſſolubilem inter eos complicationem efficiunt, vnaque connexionem prima vltimis colligant, vniuerſorumque communionem indiuiſam procurant, temperiem optimam et miſcellam iuſtam per omnia operantur, ſemitamque a melioribus ad deteriora ſternunt, iterumque aſcenſum a poſterioribus ad priora aequo quodam modo, ordinemque et menſuram ſtatuunt, quibus tum deſcendet a melioribus communicatio, tum modum, iuxta quem naturaliter imperfectiora eam recipient, omnia proſus omnibus conciliant et vniunt cauſſas omnium a Diis deſuper accipientia ^d. Omnium maxime memorabile dogma in theologia Alexandrina hoc eſt, quo omnis fere ſuperſtitio roborata, religiones diuerſiffimae

^z) Ibid. p. 5.

^a) c. 4. p. 7. hoc emanationis leges poſtulant.

^b) c. 8. p. 8.

^d) Ibid. p. 9.

^c) Ibid.

mae in concordiam ire coactae, Christianorum mediatori ordo mediatus inter Deum et homines oppositus, expilata philosophia orientalis, datum sacerdotio, quod hi homines affectabant sibi vindicabant, fundamentum quoddam philosophicum, et in res suas ita conuersa systematis emanatiui pars nobilissima, quae daemones mediatores inter Deum et homines constituit. Et accepisse quidem tale quid ex veteri Platonis schola, ipsos eius dialogos legenti ignotum esse non potest; ast ad-ulterasse more suo simul apparet. Plato enim amorem dicit, esse daemonem magnum, mediae inter Deos et homines naturae, et horum quidem preces et sacrificia, illorum praecepta et sacras institutiones, et retributionem sacrificiorum interpretari et referre. Cum autem in medio sit, ex utroque participare, ita ut vniuersum ipsum ipsi coniungatur. Per hunc daemonem vaticinium omne procedere, sacerdotumque diligentiam circa sacrificia et expiationes et incantationes et diuinationem atque magiam. Vnde haec habuerit Plato, dici quidem non potest, coniici vero non sine verisimilitudine, peruenisse ad Platonem in eius inter barbaros itineribus vestigia quaedam doctrinae de mediatore inter Deum et homines, ex vtriusque naturae participante, quam ex protoplastorum traditione inter vetustissimarum gentium origines dispersam, semper vero magis obscuratam et corruptam fuisse dubium non est. Quicquid vero illud est, certe vnum quendam daemonem magnum, diuinae naturae propiorem hanc communicationem inter Deum et homines efficere statuebat Plato. Vidit aliquid horum philosophia quoque Orientalis, quae cum ex systematis emanatiui principiis, nescio quod *πληροφορία* emanationum diuinarum, quas a proprio subsistendi principio aenas vocabant, constituisset, ex earum gremio mediatorem quendam inter Deos ac homines constituebat. His omnibus longe melius sentientes et diuinitus edocti Christiani *θεῶν υἱὸν* Dei et hominis filium mediatorem fatebantur, per hunc preces Deo afferri, et diuina beneficia hominibus obtingere, hunc esse plenitudinem Deitatis, ex quo pendeant, tanquam ex capite, omnia, digno diuina reuelatione modo tradebant. Harum doctrinarum summa conflanda erat Ammonio, quique eius philosophandi viam iniuerant, in vnum, et excogitandum dogma, quod cuncta inter se conciliaret, simul vero suo etiam scopo velificaretur, quo in se, religionem dominantem tanquam ministros eius sacrationes tueri hi homines receperant. Supposito itaque quod entusiasmo mirifice fauebat, systemate emanatiuo, postquam ex summo Deo intellectum diuinum, in quo Deos intelligibiles et intellectuales constituerant, medium hunc ordinem constituerant daemonum, illique ea tribuebant munera, quae et Plato, et Orientales, et Christiani de mediatore suo, licet diuersissimo singuli sensu, praedicabant. Ita vero et sibi prudentissime consultum existima-

stimabant. Hac enim doctrina supposita, quam nec Christianos totam negaturos esse sperabant, et superstitioni auitae fulcrum praebebant, quae hanc daemonum catenam variis cultibus, variisque in locis, modisque colebat, et turpissimis nugis pallium obducebat philosophicum, ut exagitari tam foede a Christianis doctoribus non possent; et suis commodis et honori maxime consulebant, qui artibus theurgicis ad commercia cum his mediatoribus inter Deum et homines suscipienda praeparatos aptosque se iactabant; et ἀκροπόλεως Christianae doctrinae, de mediatore inter Deum et homines telum intendebant, iugulumque petebant, sicque omnes scoporum suorum rationes se affecturos esse sperabant. Nec alia quoque ratio fuit, cur hi homines tantopere in hoc doctrinae genere, quod de daemonibus eorumque cultu agit, insaniuerint, cum tamen Plotinus et Porphyrius modestiores se, licet non saniores, exhibuissent. Quo magis enim fundamenta superstitionis gentilis cum ab imperatoribus edictis seuerissimis, tum a doctoribus Christianis scriptis acutissimis conuellebantur, eo magis furebat gens impia, ut ruinam hunc in modum praeuerteret: cumque id, posita hac daemonum catena artibus quoque theurgicis fieri posse iactaret, coaluere fraus et superstitio, et ad maturitatem hanc sectae indolem producere, ut supra natiuis eius faciem descripsimus coloribus. Quae hic semel monuisse sufficiat.

X. Pertinent porro ad idiomata Deorum vnitas; existendi modus melior, quam quae est animae et rerum inferiorum; permanentia in se ipsis, immobilis motionum causa, prouidentia eminens et abstracta. Pleraque haec ex systemate Plotiniano supra delineato facile intelliguntur.

XI. Mediorum generum discrimen ex extremorum differentia conici potest. Ita vero differunt Deorum et animarum inter se actiones: illud genus superum est et excellens, hoc vltimum et imperfectius: illud omnia potest simul in momento, vniiformiter: hoc neque omnia, neque simul, neque subito, neque indiuisibiliter: illud omnia generat absque vlla inflexione ad ea et gubernat, hoc naturaliter inclinatur, et conuertitur ad ea, quae generat, et administrat. Illud tanquam causa principalis omnibus imperat; hoc a Deorum voluntate dependet tanquam a causa, aeternaeque cum iis subsistit: illud vna acerrima acie fines operationum omnium et essentiarum contuetur; hoc ab aliis ad alia transit, progressum ab imperfecto ad perfectum: illud praeterea summum et incomprehensibile est, omnique mensura superius, et a nulla forma determinatum; hoc vero inclinatione et habitudine et propensione, appetitu etiam in deterius superatur, familiarique ad inferiora vergit amore, ita demum ut omnifariam ab iis colores et species accipiat. Intellectus rerum existentium dux et rex, vniuersi ratio opifex diis quidem adest semper eodem modo perfecte et sine indigentia, secundum vnam operationem in se ipsa pure constantem, anima autem mentis particeps est partibilis multiformisque, et ad

gubernationem vniuersi accommodatae, ipsa etiam inanimata curat, alias aliis figuris affecta etc. *ff*.

XII. Qualem vitam anima acceperat prius, quam corpori humano addicebatur, qualemque speciem in actu eduxerat, tale etiam organicum corpus habet sibi adaptatum, talemque consequentem sibi naturam, quae ab ea perfectiorem vitam excipit *g*.

XIII. Quae meliora sunt, et tanquam vniuersalia, ea continent in se reliquorum originem, in praestantioribus viliora, in incorporeis corpora, et in conditoribus condita peraguntur, unde et coelestes circuitus in animae aetherae circuitiones coelestes originaliter insitae semper eis insunt, et animae mundorum pertingentes ad intellectum suum perfecte ab eo continentur, inque eo primo generantur, et intellectus vniuersalis et particularis in naturis melioribus comprehenditur *h*. Est hoc quoque ex praecipuis systematis emanatiui axiomatibus, in fonte emanante comprehendendi emanatiuum: his animae quoque dignitas et origo, et pleraque quae de ascensu animarum per varios gradus ad Deum dicuntur in hac schola nituntur.

XIV. Dii non compinguntur vllis mundi regionibus neque inferiora haec eorum praesentia destituuntur. Sed Dii in hoc maxime excellunt, quod a nullo contineantur, ipsi autem omnia in se contineant: quae autem sunt terrestria, a Deorum pleromati habent suam essentiam Deosque hic existentes ante naturas suas proprias statim fortiuntur, quamprimum ad eos participandos idonea sint *i*. Intelligit hic Iamblichus corpora illa aetherea et aërea, quae accipiunt Dii, quae accipere potius Deos quam ab illis accipi, contendit, secutus Plotinum, quem supra statuentem audiui-
mus, animam vniuersalem non accedere corpori, sed corpus accedere animae, nec eam corpus continere, sed ab ea contineri.

XV. Omnia itaque Deorum plena sunt *k*.

XVI. Diuinitas siue partes aliquas vniuersi fortiatur, puta coelum vel terram, siue vrbes sacras et regiones, et saltus aliquos aut statuas sacras, solet haec omnia extrinsecus irradiare, quomodo sol suis radiis omnia extrinsecus collustrat; diuinusque fulgor micat separatim inque se ipso stabilis et permanens peruadit omnia totus, et omnia complet potestate perfecta, concluditque omnia in seipso secundum infinitam quandam causalitatis excellentiam, vnitur vbique sibi ipse, et fines principiis connectit. Receptacula vero diuinorum munerum ita se habent, vt quaedam aetherie, alia aërie, alia aquatice pro sua quaeque proprietate recipiant Deorum dotes, quo spectat theurgica ars inuocationibus huiusmodi numinum distributioni accommodatis vtens *l*.

XVII. Nul-

ff) c. 7. p. 11. seq.

g) c. 8. p. 14.

i) p. 15. conf. GALE h. l.

h) Ibid.

k) c. 9. p. 116. Vetus hoc est et peruulgatum, vt suo loco demonstratum.

l) p. 17.

XVII. Nullum ex melioribus generibus est patibile, nec aptum natum ad passiones admittendas, et ne anima quidem adhuc corpore pura passionis alicuius aut alterationis capax est; atqui ne tum quidem, cum in corpus deuenerit, ipsa quicquam patitur, immo ne rationes quidem feminales, quas corpori imprimit: sed tantum causa est, cur compositum patiatur^{u)}; ipsa vero ex se immutabilis perstat, essentiam habens omni passione superiorem. Multo magis id valet de heroibus, daemonibus atque Diis.

XVIII. Non itaque afficiuntur Dii daemonesque iis, quae assidue fiunt in sacris, sed eorum quaedam arcanam omnique sermone superiorem causam habent, quaedam autem ab aeterno melioribus generibus consecrata fuere tanquam symbola, alia imaginem repraesentant aliquam aliam, quae sit rationis occultae forma manifesta, alia honoris gratia afferuntur, aut similitudinis et cognationis causa conficiuntur, quaedam in nobis id, quod vtile, operantur, vel purgando vel soluendo humanas passiones^{m)}.

XIX. Neque precationibus Dii affici possunt: nam diuina irradiatio, quae inter precandum fieri solet, ut sponte emicat, ita sponte operatur, longeque abest a tractione omni, ut quae manifestat se ipsam per diuinam efficientiam et perfectionem, tantoque anteuertit liberrimam in nobis motionem, quanto diuina volitio boni nostram electionem praecurritⁿ⁾.

XX. Anima itaque per preces ad Deos tantum ascendit ab illis vocata ad vnionem; hincque ascensus sacerdotibus praestat a passionibus quidem puritatem, a generatione immunitatem, et ad principium vnionem^{o)}.

XXI. Sic et inuocationes, per passionem sacerdotes Diis non connectunt, sed per amicitiam illam, quae vniuersa continet, indissolubilem connexionis communionem praestant^{p)}.

XXII. Ex his etiam intelligi potest, quid de supplicationibus censendum, quibus diuinam iram placamus. Ira enim Deorum non est inueterata quaedam ac permanens iracundia, sed beneficae Deorum curae auersio quaedam; quam quidem curam ubi nosmetipsi auerterimus a nobis, tanquam a luce meridiei nos abscondentes, tenebras nobis accersimus, et bona Deorum indulgentia nos priuamus ipsi. Potest autem placatio nos iterum restituere in participationem diuinam, et prouidentiam diuinam a nobis diutius iterum ad se communicandum inuitare, et debito modo participantes cum participatis mutuo connectere^{q)}.

XXIII. Lustrationes autem, quoties locis terrae vicinis aliquid mali incubat, medentur et tuentur, ut nulla mutatio aut passio possit in nos incurrere. Siue Deos enim, siue daemones inuocat tanquam auxilia-

u) c. 10. p. 19.

o) Ibidem.

p) Ibid.

q) c. 13. p. 24.

m) c. 11. p. 20. seqq.

n) c. 12. p. 23.

tores et malorum auerruncatores et seruatores, et per eos procul ablegat omnem, quae a passionibus possit ingruere, noxam ^r.

XXIV. Necessitates itaque propriae Diis tribui debent, quae ita sunt, vt dignum est Diis. Quare nec ab extra nec tanquam per vim necessitantur, sed vt bonum oportuit esse ex necessitate, sic se habent semper, atque ita, vt nec alio modo se velint habere ^s.

XXV. Preces ad Deos mentesue intelligibiles dirigendae sunt: nam quod in nobis est diuinum, quod intelligibile et vnum, expergiscitur plane inter precandum, experrectum vero appetit vehementer, quod sibi simile est, et copulatur suae ipsius perfectioni ^f.

XXVI. Non per potentias aliquas aut organa Dii preces ad se recipiunt, immo vero in se continent orationum religiosorum hominum effecta, et eorum praecipue, qui per puritatem et religionem Diis ipsis consecrati sunt et vniti, tunc enim diuinum plane Numen sibi praesens est, nec, vt alienum quid, precum percipit sensa.

XXVII. Et si coeleste corpus siderum, quae Dii vocantur, valde est cognatum Deorum immateriali substantiae, quod scilicet et simplex et immortale et vniforme et aeterni secundum eadem motus est, diuinae tamen mentes quae illis insunt, potissimum respiciendae sunt, quae non continentur intra illa sua corpora, sed diuinis suis vitis et operationibus continent ipsa corpora; nec ipsi propendent ad haec corpora, sed corpora ad diuinam causam adspirant, nec eorum intellectualem perfectionem impediunt, vel iis molestiae quid afferunt ^{ff}.

XXVIII. Sunt Dii hi omnes benefici, et bonorum etiam auctores, et ad bonum tantum respicientes vniformiter circumaguntur, ex intuitu boni solius et pulchri. Quin immo et subiecta ipsis corpora incredibiles quasdam habent virtutes, quae partim in ipsis permanent, partim in mundi naturam profluunt, et per vniuersam genesin ordine progredientes et vsque ad res particulares ordine pertingentes ^t. Descendunt vero ad salutem vniuersi, et totam genesin eodem modo continent et administrant. Genesis autem iuxta naturae potius suae modulum, quam pro Deorum viribus de Diis participat. Hinc absurde faciunt mathematici, qui malitiam corporibus coelestibus tribuunt, eo quod quae de iis participant, aliquando mala sint. Nam quod participatur, recipitur tanquam in alia re, et differenti, quae in his, quae sunt circa terram, locis malum dicitur et inordinatum. Haec igitur participatio causa est plurimae in inferioribus diuersitatis, vt est miscella illa materialium cum immaterialibus influentiis, item quod inferiora haec aliter accipiant illud, quod etiam alio modo daturur ^u.

XXIX.

^r) Ibid. PORPHYR. sent. XIX. p. 66. seqq.

^s) c. 14. p. 25.

^f) c. 15. p. 26.

^{ff}) c. 17. p. 29.

^t) c. 18. p. 30.

^u) Ibid. p. 31.

XXIX. In vniuersi harmonia et crasi euenire potest, vt eadem, quae sunt salutaria toti vniuerso, propter conuenientiam et perfectionem receptorum et recipientium, partibus interim sint damnosa, propter particulares ineptitudines ^v.

XXX. Dii intelligibiles, qui incorporei et vniti sphaeris coelestibus inequant, habent haud dubie originem in mundo intelligibili atque ita suas ipsorum species diuinas contemplantes, totum coelum administrant, iuxta infinitam quandam operationem.

XXXI. Conspicua itaque Deorum simulachra ab intelligibilibus paradigmatis diuinis, aut saltem penes illa progenerantur: progenerata vero postquam sunt, manent quoque in iis firmiter, eademque contingunt per ipsam illam imaginem, quae ab iis perficiebatur ^x. Satis luculenter haec Iamblichi assertio ex Plotini desumpta schola ea corroborat, quae in Plotini physiologia diximus, Deos intelligibiles esse aeterna paradigma, siue ideas diuinas Deorum sensibilibus, id est, solis, lunae atque reliquorum siderum. Addit enim Iamblichus: eae diuinae species, quae adsunt conspicuis Deorum corporibus separatim existunt ante illa corpora, et ipsarum paradigma intelligibilia quae impermixta sunt, et supercoelestia, in se ipsis vnita permanent, et tota simul iuxta aeternam suam eminentiam.

XXXII. Est itaque vnum commune et indissolubile vinculum inter ea penes intellectuales operationes. Processus enim ille omnium ab vno, et in vnum recursus et imperium vnius super omnia, communionem praestat inter Deos, qui sunt in hoc mundo et eos, qui sunt in intelligibili. Praeterea secundorum ad prima intellectualia conuersio primorumque in secundos Deos eiusdem essentiae et potestatis communicatio connectit eorum synodum in vnum indissolubiliter. Multis de his disputat Iamblichus ^y, vt demonstret, discrimen inter Deos intelligibiles, intellectuales et sensibiles non impedire, quo minus vnum omnia sint, eo quod communi gaudeant essentia, ex qua omnia effluerint: vnde asserit quoque: Deos conspicuos esse extra corpora, atque adeo ad mundum intelligibilem pertinere, et Deos intelligibiles propter vnitatem suam infinitam Deos conspicuos in se continere, vtrosque vero secundum communem vnitatem et operationem vnam stabiliri. Ex quibus sequitur, mentes eas diuinas, quae sidera complectuntur, habere ideas suas in mente siue intellectu diuino, tanquam Deos maiores, cum iis tamen essentiae ratione eadem connecti. Quod an non sit nugari de diuinis, lector iudicet?

XXXIII. Daemones nec oculis nec sensu percipi possunt, Dii vero notitiam omnem rationemque materialem praeuertunt. Daemones praefecturam mundi sortiti quasdam portiones particulares gubernant, Dii res omnes tum coelum, tum mundum, tum occultas in iis potestates
sua

^v) p. 32.

^x) c. 19. p. 33.

^y) p. 33.

sua gubernatione complectuntur. Daemones sunt quodammodo connati et inseparabiles ab iis rebus, quas administrant; Dii vero, quanquam corpora conscendunt, prorsus sunt ab iis separati. Dii principes sunt et ordinant res omnes praesidendo, daemones ministri Deorum imperia capeffunt liberrimo obsequio ^z.

XXXIV. Daemones oriuntur ex potestatibus Deorum genetricibus, et demiurgicis, sed tum demum, cum ista potestas ad extremos processus sui fines et diuisiones ultimas peruenerit: heroës iuxta rationes vitales, quae sunt in Diis, exoriuntur; animae autem principales et perfectissimae hos ipsos excipiunt, ab ipsis definiuntur, et ab ipsis separantur ^a.

XXXV. Potentiae daemonum sunt genitabiles, et ad eos naturae administratio et animarum corporibus alligandarum cura pertinet: heroibus vero vires tribuere oportet viuificas, hominum duces, et a generatione solutas ^b.

XXXVI. Anima per Deorum benignitatem et infusam ab illis illuminationem saepe altius ascendit, et in ordinem maiorem angelicum euahitur, tunc non amplius animae finibus continetur, sed tota in angelicam animam euadit, et in purissimam vitam perfecte peruenit ^c. Et nomen ordinis angelici in Platoniorum scholis ante Christi in his terris versantis tempora inusitati et ipsum dogma suadet, imitatum hic fuisse Iamblichum Christianos, *ισαγγέλαιαν* animabus castius viuentibus promittentes. Eiusmodi enim *κακοζηλίας* exempla inter Iamblichi praecipue discipulos occurrunt plurima ^d. Talis anima fuit Apollonii, si hos audis.

XXXVII. Epiphaniae Deorum respondent eorum essentiis, potestatibus, et operationibus; quales enim sunt, tales inuocantibus apparent, operationesque ostendunt et indicia sibi propria exhibent.

XXXVIII. Deorum phasmata simplicia sunt, daemonum vero varia; angelorum simpliciora sunt, quam daemonum, inferiora vero, quam quae Deorum: archangelorum propius paulo ad causas diuinas accedunt, archontum phasmata, siue qui mundi sunt rectores et sublunaria elementa gubernant, varietatem quidem habent, sed et ordinem et ornatum, qui vero materiam moderantur, imperfectiores apparent, et maiori varietate: animarum denique spectra omnigena apparent. Et Dii quidem salutares visui affulgent, archangeli terribiles sunt et simul mites, angeli mitiores, daemones horribiles, heroës mitiores; archontes dolores inferunt, animarum spectra debiliora sunt. Apparitiones Deorum, angelorumque immutabiles sunt, daemones forma variant. Prolixè discrimen apparitionum harum prosequitur Iamblichus ^e, exercitatus in
iis

z) c. 20. p. 37.

a) Sect. II. c. 1. p. 39.

b) Ibid. Conf. ΠΟΡΦΥΡ. περὶ ἀποχῆς

L. II. f. 37. PROCLUS de daemone.

c) c. 2. p. 40.

d) Vid. MOSHEM. diss. de hac imitatione, Dissert. H. E. p. 230. seqq.

e) c. 3. seqq. p. 41. seqq.

iis euocandis artifex, qui tamen, si recte attendimus, leues et insulas nugas comminiscitur. Eandem insaniam sequitur Proclus, et aetatis illius sequioris alii, quorum hac de re placita enarrauit PSELLVS ^f, qui ita de his rebus statuunt, quasi his coelestium choris ipsi interfuerint. Prout nempe vel ordine, vel modo apparitionis, vel medio, vel fine, et his similibus distinguuntur, ita et eorum epiphanias differre statuebant: qua de re fufe Iamblichus differit. Ceterum cum angelorum et archangelorum ordinem hoc loco commemoret, quae nomina ante Christum natum inter Graecos inaudita fuere, disputatum est viris doctis, vnde haec nomina ad Platoniorum scholas peruenerint. Porphyrium iam meminisse archangelorum, PROCLI ^g testimonio constat, qui addit: reprehendisse Iamblichum hoc philosophandi genus, quod Plato nusquam archangelorum meminerit: quin et ipse fatetur: *ὁ δὲ φιλόσοφος ὁ τρέπος ὡς τῆς θεωρίας, ἀλλὰ βαρβαρικῆς ἀλαζονείας μετός.* Non haec *methodus est philosophica, sed barbarica ostentatione plena.* Et THOMAS GALE ^h quidem ex oraculis Chaldaicis eorum nominum vsum didicisse Platonicos putat: ast esse ea foetus horum hominum supposititios, *tomo primo* luculenta demonstratione confecimus. Rectius L. HOLSTENIUS ⁱ, (cuius etiam partem ipse vidit Galeus) Porphyrium vel ex Ammonii vel etiam ex Origenis schola, quem adolescens audiuit talia accepisse coniecit. Certum tamen, in philosophia orientali hos spirituum coelestium ordines et appellationes non fuisse ignotas, vt ex Gnosticorum somniis constat: quin et in Iudaeorum libris apocryphis et cabbalisticis etiam, multa de archangelorum angelorumque ordinibus garriuntur ^k. Quae permouere magnum GROTIUM ^l, vt Iudaeos hanc de archangelis doctrinam ex captiuitate Babylonica attulisse statueret, et nomina thronorum, principatum, potestatum etc. inde originem habuisse crederet; in quo tamen rei certiore desideramus fidem. Nobis si coniecturis agendum, doctrinam de angelorum certis ordinibus Iudaeis domesticam fuisse dubium nullum est; cuius in sacris veteris federis paginis haud obscura deprehenduntur vestigia. Cum vero Iudaei de diuinis sublimiori reuelatione edocti a multis gentilibus crederentur, verisimile est populos et Orientales et Aegyptiacos, inter quos coloniae Iudaicae habitabant, ea quae a Iudaeis suffurati fuerant, theologiae suae infarsisse, sicque archangelorum et angelorum nomina, quae satis euidenter origines Iudaicas sapiunt, in philosophiam Aegyptiacam et Orientalem irrepsisse. His cum accederent Ammonius et sequaces, Christianos imitati, mirum non est, haec nomina inter Platonicos Alexandrinos obti-

f) De operatione daemonum.

g) In Timaeum L. I. p. 47.

h) Ad l. c. Iamblichi.

i) In vita Porphyrii. c. 6. p. 237. seq.

k) Dicemus ea de re infra. Conf. GAVLIN. de vita Moysi p. m. 300.

l) Ad Matth. XVIII.

obtinuisse. Intercedit quidem huic sententiae TANAQVIL. FABER ^m, qui nomen angelorum, quatenus diuinum spiritum geniumue denotat, ipsis Christianis temporibus antiquius putat, et non ad ARISTIDEM ⁿ tantum prouocat, qui Mineruam angelis omnibus maiorem dixit; sed ad ipsum quoque PLATONEM ^o, apud quem Δίκης Νέμεσις ἄγγελος, Iudicii angelus Nemesis esse dicitur. Parum vero haec a communi eruditorum sententia, quae angeli nomen veteribus Graecis ignotum fuisse statuit, dimouere nos apta sunt. Aristides enim audiendus non est, qui post Seruatoris demum nati vixit tempora: Platonis vero locus angeli nomen non alia significatione vtitur, quam ministri, siue nuntii, vel executoris, idque vult, iudicii diuini sententiam vindictam exsequi, et crimina punire. Vt taceamus, quod eleganter monuit Cel. MOSHEMIVS ^p, sensu Christiano Nemesein non potuisse dici angelum, eo quod inter Deos relata fuerit. Plato etiam citato loco populariter tantum loquitur, nec de daemonum Deorumque ordinibus quicquam praecipit. Caussam itaque nullam videmus, cur deferenda sit, eruditissimorum virorum IS. CASAVBONI, TH. GATAKERI, aliorumque sententia, nomina haec Platonicos a Iudaeis et Christianis accepisse: id quod adductus supra Procli locus haud obscure innuit. Reddiderunt vero Christianis, quod ab iis mutuam accepere Platonici, at sine foenore, magnoque ecclesiae damno: quam corrupta enim his somniis Platonici doctrina de angelis purior fuerit, vel folius Pseudo-Dionysii Areopagitae scripta, quae ex hac schola prodierunt, luculento exemplo testantur, cultusque angelorum, ab his temporibus inualescens satis prodit. Qua de re tamen in sacra historia plura monenda sunt ^q.

XXXIX. Differunt porro apparitiones deorum, daemonum, heroum et animarum, ratione celeritatis et tarditatis, auctoritatis, emphasis, magnitudinis et latitudinis imperii, claritudinis, luminis, ignis. Nempe quo excellentior ordo est, eo magnificentior et illustrior est apparitio, id quod Iamblichus ^r ita edisserit, vt mera ingenii otiosas nugas sectantis somnia, sine vlla verisimilitudine enarrare, sit apertissimum. Non tamen suoapte haec omnia de apparitionibus Deorum, ingenio excogitauit secta Alexandrina, sed a veteribus quoque multa accepit inque rem suam conuertit, quae alibi enarrari solent ^s. An non sacrae apparitiones in Iudaicae et Christianae gentis historia enarratae occasionem quoque Platonici reformatis dederint, in hoc argumento maiori contentione et audacia ineptiendi, ex scopo, quem sibi praefixere, supra memorato, lector attentus facile iudicabit. Quod vero tantum de his apparitionibus garriant, inde potissimum repetendum est, quod Alexandrina schola angelos siue daemones non genus esse

^m) Epp. L. I. ep. 63. p. 214.

ⁿ) Orat. in Mineru.

^o) De legibus L. IV.

^p) l. c. p. 347.

^q) Conf. FABRIC. proleg. ad Marin. p. 12.

^r) c. 4. p. 44. seq.

^s) Conf. Cl. Io. GOTTLÖB NIMPTSCH. de apparitionibus Deorum, Lips. 1720.

esse purum statuebat, et ab omni corpore secretum, sed sociatum putabat ex natura simplici omnisque concretionis experte, et ex alia corporea et solida. Qua de re testimonia produxit CVDWORTHVS¹, qui tamen in quibusdam fallit et fallitur, vt ostensum a doctissimo Interprete.

XL. Porro apparitionum influentiae et munera non sunt aequalia in omnibus, nec eosdem habent fructus et effectus. Dii quippe aduentantes sanitatem corpori afferunt, animae virtutem, menti puritatem, omnesque nostras facultates in propria principia restaurant. Archangelorum eadem operatur, sed neque semper, neque in omnibus, neque sufficienter. Angeli quoties apparent, bona, sed partitiora diuisaque afferunt, plusque a luce, quae eos constituit, deficiunt. Daemones praesentia sua corpus grauunt, morbisque affligunt, animamque ad naturam praecipitant, nec a corporibus et cognato iis sensu discedunt, atque eos, qui ad ignem coelestem adspiciunt, in hoc inferiori loco detinent, nec a fati vinculis soluunt²: heroum apparitio ad fortia facta et facinora quaedam instigat. Archontes mundani visi bona praebent mundana vitaeque huius commoda. Materiales vero principes materialia et quae terrena sunt largiuntur. Animarum spectra, si quidem purae sunt animae angelorumque ordine constitutae sursum reuocant, et salutaria sunt, spemque sacram ostendunt, et praestant ea bona, quorum spem induunt. Animae autem impurae ad genesis detorquent spes, et earum fructus corrumpunt, passionibus complent, quae contemplantes quasi clauis affigunt corporibus³.

XLI. Differunt etiam apparitiones ex vario comitatu et satellitio, quo stipantur diuina. Dii circa se angelos vel Deos adstantes habent: archangeli angelos post se habent; angeli prae se ferunt opera ordini suo congruentia, daemones boni exhibent opera sua bona conspicienda: daemones vltiores suppliciorum varia genera ostendunt: alii daemones prauitrahunt secum feras quasdam noxias, et sanguiuoras; archontes prouincias quasdam mundi in conspectum adducunt. Principes alii afferunt materiae inordinatae speciem. Anima ignem exhibet nullius certae formae, qui animam mundi repraesentat, fin purgata fuit, lucem penitissimam et speciem defaecatam ostendit, sequiturque ducem ad superiora suum liberiter. Anima vero deorsum vergens vinculorum et poenarum facies post se trahit, spiritibus materialibus plena stat, etc. Verbo: omnia haec genera ordinem sibi proprium ostendunt, aërii ignem aërium, terrestres terrestrem et nigricantem, et coelestes splendidiorem, et cuncti ordines sibi sub altera ratione subordinantur⁴.

XLII. Sed et ordines diuersi varietate luminis, subtilitate ignis, raritate aëris, inter se differunt⁵. Nugas esse putidas, quae Iamblichus enarrat, nemo negabit, cui sanum synciput est. Sed probe tamen ea

Kkk 2

tenen-

¹) Syst. int. c. V. f. III. §. 32. p. 1021.

²) Conf. MINVC. FELIX in Ostaui.

c. 27.

³) c. 6. p. 47. 48.

⁴) c. 7. p. 48.

⁵) c. 8. p. 50.

tenenda sunt, vt origines superstitionis late regnantis pateant. Irrepfisse enim haec quoque inter Christianos vel ex vno PSELLŌ y difci poteft, et tot aniles de fpirituum variis apparitionibus formisque fabulae ex hac fchola enatae produnt, a quibus ad haec vsque tempora liberari mundus nondum plane potuit.

XLIII. Quaecunque in his apparitionibus fiunt, ea fiunt ex vero, nec Dii decipiunt: fed quando peccatum aliquod admittitur in arte theurgica, tunc alia, quam quae oportet, fimulacra in confpectum veniunt; nempe inferiora numina habitum meliorem induunt, et mentiuntur fe ea efſe, quorum fchema gerunt; quam falſitatem ſacerdotes per regulas artis facile detegere et apparentes daemones redarguere poſſunt z.

XLIV. Cognitio diuinorum ſanctos nos facit, et res ſacra eſt et vtilis, eorumque ignorantia homines malis omnibus replet propter inſcitiam et vecordiam a.

XLV. Vnio illa deifica non acquiritur, niſi per caeremoniarum inefabilium obſeruantiam, per operationes rite factas, Diis ſue dignas, omnemque intellectum ſuperantes, perque vim inexplicabilem ſymbolorum Diis ſolis intellectuum: neque pendet iſta operatio ab intellectu noſtro b. Prodidit hoc loco, ſi vllō, indignam philoſophiae nomine artem fraudulentam Iamblichus. Non enim rationes dari, aut ex principiis deduci conſuſiones, aut vllō modo veritatis characteres in ea re detegi poſſe ab intellectu humano contendit, fed artifice tantum in hac arte pulchra credendum eſſe poſtulat. Is, quaeſcunque tibi, Lector, fraudes propinabit, dicet, intellectum haec ſuperare omnem, et caeremoniarum ac religionis obſeruantia difci, teque ridebit, demonſtrationem vel characteres veritatis poſtulantem. Sufficit enim αὐτὸς Ἐφῶ Platoniorum.

XLVI. Praeſcientia nihil eſt eorum, quae generantur, nec phyſicum quid, nec in ſe humani quid habet, fed diuinum quid et ſupernaturale eſt, coelitusque ad nos dimittitur c.

XLVII. Mantice per ſomnia fit, ſi vel ſomno abeunte, cum iam incipimus euigilare, vocem breuem, quae, quid faciendum ſit, praecipiat, audire videmur, vel inter vigilias et ſomnum, vel cum plane euigilauerimus, voces audiuntur. Quandoque etiam ſpiritus quidam non corpulentus, nec ſpectabilis ſe iacentibus circumfundit, ita vt non oculis, ſed alio quodam ſenſu et perceptione ſentiat, venit enim cum ſtrepitu et vndiquaque circumfunditur absque contactu, operaque mirifica praestat ad paſſiones animae corporisque reſtingendas d.

XLVIII. Anima duplicem habet vitam, vnā ſimul cum corpore, alteram ab omni corpore ſeparabilem. Priore vtimur, quando vigilamus; inter dormiendum vero ſoluti a quibusdam iniectis vinculis vtimur poſte-
riore

y) loc. cit.

z) c. 10. p. 53.

a) c. 11. p. 57.

b) Ibid. p. 56.

c) Sect. III. c. 2. p. 60.

d) Ibid.

riore a generatione libera et separata, et tunc haec vitae species, quae intellectualis est et diuina, statim in nobis expergiscitur, agitque quemadmodum sua fert natura ^c.

XLIX. Quoniam enim mens entia contemplatur, anima autem generabilium omnium rationes in se complectitur, non mirum est, si secundum causam comprehendentem futura, in praecedentibus ea rationibus ordinata praeoscat.

L. Quoties mens Diis copulatur, per abstractam operationem haurit verissimas ab iis et exuberantissimas notiones, a quibus elicit veram in somniis diuinis vaticinationem ^f.

LI. Si vero anima, quas in se habet rerum generabilium rationes conectat cum Diis, earum causis, potentiam ab iis accipit et capacitatem cognoscendi et quae fuerunt, et quae futura sunt, omniaque tempora perulstrat, quaeque in iis euentura sunt; contemplatur, fortiturque prouinciam ea, prout oportet, ordinandi, curandi, corrigendi ^g.

LII. Diuini afflatus, (ἐνθουσιασμός) haec signa sunt: qui eum patiuntur, neque sensuum vtuntur officio, neque ita vigilant, vt qui sensus habent expeditos, neque ipsi quidem futura apprehendunt, neque humano more operantur; sed neque sui compotes sunt, vt erant nuper, sed nullo prorsus modo, neque reflectunt in se ipsos propriam intelligentiam, neque promunt cognitionem sua sponte. Admoti ignibus non vruntur, vel adusti, id sentiunt; vel transfixi verubus, vel in tergo securibus percussi etc. persentiscunt, sed Dei afflatu vecti viam per loca inuia inueniunt, in ignem feruntur illaesi, ignem calcant, fluuios mirifice tranant, nec intelligunt suas operationes, neque vitam animalem vel humanam viuunt, sed aliam longe diuiniorum ^h. Dubium non est iactabundo mendacio haec confinxisse philosophum nugiendum, vt haberet, quod virtuti thaumaturgae Apostolorum opponeret.

LIII. Enthusiasmus non pendet ab animae facultatibus, aut ab intellectu vel corpore, sed est raptus diuinus, qui organis tanquam mediis vtitur ⁱ. Eius vero causa est illuminatio ab ipsis Diis promanans, et obsessio plena et absoluta, quae omnes facultates absorbet, motusque et operationes omnes humanas et sensum nostri plane exterminat, sermones proferens, quos tamen non intelligit, qui eos loqui videtur, sed furioso ore occupantis Dei minister est ^k.

LIV. Soni et carmina Diis consecrantur, sua cuique propria, estque in his affinitas mira, quae respondet propriis singulorum Deorum ordinibus, et potentiis, etiam vniuersi conuersionibus et harmonicis concentibus, qui inde profluunt; propterque hanc affinitatem ipsi Dii statim praesentes se sistunt, vt de iis participant, qui mediocrem ad eos habent

Kkk 3

fimi-

^e) c. 3. p. 63.
^f) Fundamenta huius assertionis ex Psychologia Plotiniana patent.

^g) Ibid. Conf. Vossius de theol. gent. l. III. c. 35. p. 894. seqq.

^h) c. 4. p. 64.

ⁱ) c. 7. p. 67.

^k) c. 8. p. 68. Exemplum habemus in vate Delphica.

similitudinem, immo perfecta statim euadit obfessio, et melioris naturae potestatisque plenioris haustus ¹⁾. Nititur hoc fundamento studium Alexandrinae sectae, in conficiendis hymnis sacris positum, quibus mira effecisse Proclum et discipulos Marinus iactat, ut supra dictum. Sed et Corybantes, et Sabaii et matris Cybeles myltae, metrizontes dicti huc pertinent ^{m)}.

LV. Anima priusquam corpori se insinuaret, diuinam audiuit harmoniam; postquam in corpus deuenerit et ea audit carmina, quae diuinae harmoniae quam proxime stricturas repraesentant, utique ea amplectitur, et per ea diuinam harmoniam recuperat, ad quam proinde rapitur, et vnice sese applicat, hauritque de ea, quantum ipsa potest capere ⁿ⁾.

LVI. Alia vaticinii diuini species est, quae per oraculum fit, in qua diuina vis numenque affulget iis, per quae oracula eduntur ^{o)}. Multa de iis differit Iamblichus, ut nobis persuadeat, cuncta entusiasmo diuino in oraculis acta esse: quorum veritas ut pernoscatur, comparanda cum Iamblichianis sunt ea, quae de oraculis nostra aetate disputauere ANT. van DALEN ^{p)} et elegantissimus FONTENELLIVS ^{q)}, quos, nisi fallimur, non satis feliciter oppugnauit FR. BALTVS ^{r)}, nobis enim hic prolixis esse non licet.

LVII. Deorum potestas, quae omnia bonis replet, fulget vndecunque, turba igitur malorum spirituum locum amplius non habet, neque potest se ostendere, sed, ac si reuera nihilum esset, in nihilum abit, nec enim vel mouere se potest, vel negotium facessere, quoties meliores spiritus comparent ^{s)}.

LVIII. Qui solis characteribus ad euocandos Deos vtuntur, audaces homines, eos in vatum numero percensere non oportet, fraudibus enim et errore plena est haec vaticinandi via.

LIX. Illuminatio quoque ex vaticiniorum genere est, quae circumpositum animae aetherium et splendidum vehiculum (ὄχημα) diuina luce perfundit, vnde ad Deorum voluntatem percitae imagines diuinae eam quae in nobis est, attingunt phantasmam ^{t)}. "Ὀχημα siue corpus luminosum, quo anima vestitur, quid sit, supra dictum est.

LX. Reliqua vaticiniorum genera, qualia sunt extispicia, et auguria, et astrologia, aliaeque, ab arte quidem proficiscuntur, ita tamen, ut ea signis quibusdam vtatur diuinis, quae ab ipsis Diis variis modis perficiuntur. Ex his diuinis ostentis humana sagacitas per rerum et signorum conuenientiam coniectat vtcunque et vaticinationem colligit probabili ratiocinio.

LXI.

1) c. 9. p. 69.

m) Illi enim musica harmonia ad entusiasmum eliciendi m vtuebantur, conf. LIL. GYRALD. de Diis L. VII.

n) Ibid. p. 70.

o) c. 11. p. 73.

p) De oraculis gentilium.

q) Historia oraculorum. Add. Io. CLERICVS Bibl. choif. T. XIII. art. 2. conf. FABRIC. Bibl. Gr. Vol. I. p. 109.

r) In Historia de silentio oraculorum paganismi: add. DAN. CLASENII de oraculis Libri III.

s) c. 13. p. 76.

t) c. 14. p. 77.

LXI. In his vaticiniorum speciebus Dii signa per naturam, quae iis in generatione subseruit, vel per daemones generationi praefectos signa ostendunt. Illi daemones vniuersi elementis praesidentes tum corporibus particularibus, animalibusque et ceteris in toto vniuerso, omnia quae fiunt, cum facilitate ad obsequium perficiunt, et symbolice voluntatem Dei significant *.

LXII. Nihil in sacris operibus digne potest praestari, nisi adsit aliquis superum spectator operis et consummator. Neque tamen is necessitatibus per inuocationes quibusdam attrahitur, cum diuina omni necessitate superiora sint: sed inuocatio et cetera opera sacra ab intelligente sacerdote profecta, vi similitudinis et quasi cognationis ad Deos ipsa vltro currunt et connectuntur, nec cum violentia suas operationes perficiunt *.

LXIII. Nihil in his operibus procedit a natura animae humanae, nec a causa alia humana; sed cuncta nascuntur et pullulant ex causa diuina. Non itaque ea phantasiae opera sunt, nec mixtae operationis, id est, quae ex anima nostra et diuino afflatu extrinsece composita sint: nec passio causa est et affectus, nec morbus aliquis, puta melancholia, ebrietas, infania. *.

LXIV. Nec huc magi aduocandi sunt, quorum totum negotium per apparentias miras, nequaquam ex rerum natura geritur, et fiunt omnia incerto et deceptorio modo. Sed nec naturalis coniectandi sagacitas, cum diuina hac prouidentia confundi debet *.

LXV. Sacerdotes veras Deorum species contemplari soliti imagines diuinarias parui faciunt: iis enim omnia obscure tantum adumbrantur, nec veri fiunt vera phantasmata, et bona apparent tantum, minime autem sunt, nec perfectum aut liquidum aliquid obtinent. Opifex eorum enim non Deus, sed homo est; nec producuntur ex vniuniformibus et abstractis essentis, sed ex materia subiecta. Sapiens itaque idolis his non fidit *; licet enim ad coelorum motus et conspectus conslentur, nihil tamen habent in se diuini: nam materiae quae sunt in generatione vltimae mouentur ad coelestes motus, semperque variant, et vanae euadere possunt ^b. Prolixe his capitibus contra talismanum, amuletorum et aliorum huiusmodi imaginum theurgicarum generum vanitatem pugnat ex propriis Platoniorum principiis Iamblichus, Plotini et Porphyrii opinionibus insistens: *Ast pugnasse eum pro idolis siue simulacris, iisque praesentiam numinis vindicasse, quaecunque fundendi arte et sculpendi arte fabrilis certa mercede et opera conformata essent*, ait Philoponus, in libro, quem contra eius opus *de simulacris* scripsit, teste PHOTIO ^c. Nec haec ad solas statuas diuinas pertinere, sed ad simulacra quoque magica, vel Apollonii Tyanei exemplum, quem inter diuinos homines haec

secta

* c. 16. p. 79. conf. PEVCERVS de variis diuinationum generibus. GALE ad I. c. exemplum habes apud AMMIAN. L. XXIX. c. I.

x) c. 13. p. 83.

y) c. 20. 21. p. 86. 87. seq.

z) c. 26. p. 94.

a) c. 28. 29. p. 97. seqq.

b) p. 99.

c) Cod. CCXV. p. 285.

secta retulit, vel Procli artes Marino laudatae ostendunt, quorum vterque iungibus et talismanibus theurgice operatus est. Non itaque sibi constat Iamblichus, qui non inusitata huius scholae ratione vno loco refellit, quod alio stabilitum iuerat. Illud vero omnino hic monendum iisdem rationibus, quibus Iamblichus talismanum vim eneruauerat, omnem quoque statuarum diuinarum cultum euerti, quas tamen diuina praesentia irradiari supra dixerat. Qualia *δούματα* et se mutuo euertentia plurima sunt in horum philosophorum scriptis, nec aliter quoque in *φιλοσοφούμεναις* omni sano principio et ratione destitutis euenire potuit.

LXVI. Diis bonis apparentibus, quicquid erat malum aut daemonicum fugit, nec tantillum pios turbare sacrificatores potest, qui inde ab omnibus atheis et impiis moribus defaecantur. Qui vero sacros ritus impie et insolenter inuadunt, propter operationis infirmitatem et potentiae defectum Deos assequi nequeunt, malisque et impuris spiritibus familiares euadunt, quorum flatu prorsus implentur pessimo, improbique fiunt et lasciui et daemonibus malis, quibus adhaerent simillimi. Nam hi mali spiritus Diis contrarii sunt, vnde *ἀντίθεοι*, dicuntur ^d. Multa de his malis daemonibus disseruere, Chaldaei, Persae, Iudaeique ex orientalibus regionibus reduces, et syncrētisimum quendam inter Mosaica et Chaldaica commentū, multa Iudaei Cabbalistae, in Aegypto enati: Puriora quaedam etiam tradidit disciplina Christiana. Hos omnes expilasse, suoque systemati infarsisse Platonicos reformatos dubium non est. Plura de his antitheis dabit PSELLVS ^e.

LXVII. Imperare sacerdos brutis quibusdam spiritibus potest natura sua, non enim illi vtuntur rationis potestate et vfu, qua valet sacerdos. At in sacris vt pareant Dii sacerdoti a duplici, quam sustinet, persona oritur: nam non solum homo est, et humanae naturae seruat ordinem, quem nos in hoc vniuerso obtinemus: sed et personam Deorum gerit, eo quod in eo est, quod diuinis signis corroboratum, et melioribus naturis conciliatum sursum tendit, ac ad eorum ordinationem pulchre circumducitur ^f.

LXVIII. Iusti apud Deos alia definitio est, quam apud homines. Hi enim ad praesentem statum vitamque tantum respiciunt: illi vero nobis praestantiores vitas animae vniuersas et priores status contuentur; atque adeo si quam poenam ex inuocatione inferant, habent rationem peccatorum, quae in vita priori admisit anima, iam tandem punita. Eadem in vniuersum diuinae prouidentiae malum punientis ratio est saepe ignota. Nos enim summam et exactam Deorum iustitiam in quamplurimis non assequimur, quae non tantum ad animam vnamquamque, sed ad totam quoque animarum cognationem respectum habet. Est enim omnium animarum in corpore et extra illud communio ^g.

LXIX.

d) c. 26. p. 102. seqq.

e) De operationibus daemonum.

f) Sect. IV. c. 2. p. 107. conf. GALE ad h. l.

g) c. 4. p. 109. Conferenda haec sunt cum Plotinianis philocephematis de causis mali physici supra enarratis.

LXIX. Malorum vero, quae subinde in inuocationibus eueniunt, multae possunt esse causae, quae a malis daemonibus proueniunt: quae enim dissimilia sunt, et discordia et contraria, ad naturam daemonum factiosam pertinent, qui bonorum praesentiam mentiuntur ^b.

LXX. Naturalibus aut corporeis vniuersi potentiis quoties vtuntur inuocantes, ad eos descendit efficacitatis communicatio, libera quidem et ad malefaciendum indeterminata; et qui vtitur ea communicatione, is est, qui ea abutitur ad contrarias, id est malas artes. Porro superna communicatio per simplicem ratamque illam mundi concordiam partes longissimas effectum suo tangit: si quis interim hoc deprehendens moliatur inique partes fortisue vniuersi peruertere in alias partes, sane his mali sequentis causa non est tribuenda, sed hominum audaciae et transgressionis, quae ea, quae iuxta mundi ordinem bona sunt et salutaria, peruertunt ⁱ. Ecce vero egregiam philosophiam, secundum quam veneficus et magus nequissimus, ipsi diuinorum ordini et catenae ad pessimas artes damnataeque afferenda imperat. Qua in re longius praeceptoribus suis progreditur Iamblichus. Plotinus enim, quem sequitur Porphyrius, animam cum ex intellectualium ordine sit, et cum mente diuina arctissime cohaereat fato, quod ex animae mundi dispositione et rationibus seminalibus oritur, non subesse contendebat, et eluctari posse ex hac serie dicebat. Multum haec superat Iamblichi assertum. Nam is non purae tantum animae communionem cum Diis, et quod inde sequitur, imperium in materiae ordinem et seriem causarum in mundo concedit, Deosque voluntarie obsequentes sacrificiis statuit, sed et magos impuros abuti posse hac potestate et rerum omnium serie ad nocendum piis, et imperitari fato ad mala accersenda, sicque ipsis Diis, vel daemonibus saltem, qui mundo praefecti sunt, ministris uti ad facinora sua contendit. Quae quam impia sint et abominatione plena, quilibet videt. Ast rationem aliam pessimarum artium, quas magi excolebant, dare non poterant, sicque sua opera, quae eadem ex schola prodibant, quaeque diuina tamen esse mentiebantur, excusare coloremque iustum illis inducere stulto conatu quaerebant. Quod quibus ratiunculis, miseris sane et philosopho indignis euincere studeat nugator Iamblichus, in ipso eius opere legendum est. Nobis enim hisce diutius inhaerere propter limites nobis constitutos non licet.

LXXI. Anima mundi praesidet mundano corpori, Diique coelestes coeleste corpus moderantur; nihil vero inde passionis noxae suscipiunt, vel in intelligendo impedimento, ut animae corpori iunctae accidit ^k.

LXXII. Hinc ratio patet, cur vapor exhalans ab animalibus et suffitus facer rite peractus Deos moueat? Is enim nec Diis nec mundanis et vniuersalibus causis nocet, utpote qui in diuinis continetur, ea vero non

^b) c. 7. p. III.

ⁱ) c. 10. p. 113.

^k) Sect. V. c. 2. p. 117.

conti-

continet, et ipsa non trahit adaptatque sibi Deos, et vniuersa, sed viceversa accommodatur ipsa ad istorum imperium, et melioribus naturis ac causis vniuersalibus applicatur, nequit autem illa constringere et sibi applicare. Emolumenti sectae suae, quae ordini sacro ministrabat, et sacerdotium sibi vindicabat, rationem hac assertione habuisse Iamblichum, dubium non est. Sine ea enim ratio dari non potuisset, qui intelligibiles Dii sacrificiorum nidore thurisque suffumigatione queant placari. Et si enim vetus et peruulgata erat opinio, Deos pasci vaporibus et nidore carniū in sacrificiis, de qua viri docti passim differunt ¹, absurda tamen ea visa est illis, qui curiosius in rationes cultuum diuinorum inquisuerant, viderantque absurdum esse commentum, (quo tamen fundamento ista opinio nititur) Diis esse corpus aliquod. Hinc vel sacrificia ex carniibus reiciebant, quod Pythagoreos fecisse constat, vel ad daemones tantum, qui corpore quodam essent vestiti, transferebant. Quod cum Christiani auide arriperent, et ad constandum sacrificiis gentilibus odium vrgerent, malorum daemonum escam esse sacrificia iucundissimam ^m, deseruere quidem Platonici receptam sententiam, sed cum propter emolumentorum suorum rationes ipsa tamen sacrificia deferere non possent, ad inanem hanc, quam Iamblichus tradit distinctionem confugerunt, et Deos quidem ab istis vaporibus nec tangi nec inescari posse dicebant, aut ad rationem tamen vniuersi eos pertinere, et tanquam principia passiuā actiuis applicari docebant. Quod an satisfacere queat homini vel mediocriter attento, et annon desperatam prodat causam, nulla ratione philosophica pingi ornarique aptam, ipse lector iudicet. His vero tota de sacrificiis doctrina innititur, de qua ita porro Iamblichus.

LXXIII. Effectus sacrificiorum efficacissimi, nec vniuersi, eiusque partium inter se consensione, nec numeris quibusdam aut specificis quorundam animalium operationibus, aut coloribus aut partibus tribui possunt. Dii enim sunt supra naturam ⁿ.

LXXIV. Sed procedunt mirifici effectus sacrificiorum ab amicitia tanquam a causa et accommodatione quadam, et habitudine opifices ad opificia, genitores ad genita conciliante. In sacrificio enim perfecto omnes causae a suprema ad infimam commouentur ^o.

LXXV. Quoniam perfectissimae opificesque potestates in se omnes continent omnium causas, ideo cum iis omnes efficientes rerum causae una cum his circumaguntur, atque adeo ex cunctis simul communis utilitas in totam genesin deriuatur, aliquando quidem per ciuitates populosque et gentes omnigenas, aliquando per domos vel hominem vnumquemque bonis distributis, secundum proprietatem et quasi cognitionem ^p.

LXXVI.

1) Vid. AELIAN. var. hist. L. IX. c. 15. et Patres passim. Ex recentioribus GISEB. CUPERVS Obs. L. II. c. 3. p. 76. EZECH. SPANHEMVS ad Iuliani Caesares p. 226. L. KVSTER. in hist. critic. Homeri §. 3. p. 16. pluresque alii.

m) Conf. GOD. WALTHERVS in Historia conuiuiorum sacrorum a gentilibus post sacrificia initorum, Germanico idiomate edita.

n) c. 5. 6. p. 121, seq.

o) c. 9. p. 127.

p) c. 10. p. 129.

LXXVI. Daemones etfi corporibus vestiuntur, quae quidam sacrificiis nutriri volunt, corpus tamen illud immutabile est et impatibile, lucidumque et nullius indigum, ita vt nihil effluat inde, nihilque necessario influat, et si influxu opus habeat, sufficiunt exhalationes mundi, adeoque sacrificiis ad eos nutriendos opus non est ^q. Dubie, si ipsam orationis seriem respicimus, de corporibus, quibus daemones vestiuntur, loquitur, quae tamen et ipse, et antecessores ac succeffores aliis locis agnoscunt ^r.

LXXVII. Vehiculum quod corporis similitudinem habet, quodque daemonibus inferuit, neque ex materia, neque ex elementis, neque ex aliquo corpore nobis noto constat: hinc ab alio effentiae corpore alio non potest, sed materiale omne in sacrificiis igne absumitur, et purgatur quod in eo est immateriale, atque materiae vinculis soluitur ^s.

LXXVIII. Sacrificiorum ritus connectuntur et comparantur ad Deorum ordines. Dii autem alii materiales sunt, qui materiam in se comprehendunt et exornant, alii immateriales, qui omnino a materia liberi sunt, eamque longe excellent. Ab illis sacrificia incipere et ad hos ascensum fieri decet ^t. Multa de his Deorum materialium ordinibus garriunt Platonici postremi, PROCLYS ^u et Damascius; vocant eos *ἐγκοσμίους* et *ἀπολύτους*, et Oracula *ὕλαίς συνοχέας*. Nec alii sunt Dii *ἄζωνοι*, nempe Deorum supramundanorum vltimi, mundanis proximi a mundo liberi, vt recte vidit GALEVS ^x. Nam PSELLO ^y, Azoni Dii vocantur, qui libere potestatem suam exercent in Zonis, suntque collocati supra mundanos Deos. Errat itaque SERVIVS ^z, qui *ex altioris scientiae hominum mente, Deos communes*, quorum mentionem facit VIRGILIUS ^a, esse vult, *qui ἄζωνοι dicuntur, hoc est, qui coeli certas non habent partes, sed generaliter a cunctis coluntur*. Id enim oraculorum menti non respondere, quilibet videt, et Zonaei Dii, siue Spiritus numinaue Zonis annexa euincunt: qua de re videndus STANLEYVS ^b, qui, dum Chaldaica nobis exhibere vult, Platonica tradit.

LXXIX. Duplex hominum status est. Aliquando toti anima fiunt, et extra corpus constituuntur, Deorum immaterialium hospites: aliquando vero constringuntur corporis testa et opprimuntur a materia et in corporis indolem degenerant. Hinc duplex exsurgit cultus ratio, illa simplex, incorporea, ab omni generatione pura, atque adeo sinceris competens animabus; haec plena corporibus et ritibus materialibus, conuenientia animis nondum defaecatis aut generatione prorsus liberatis ^c.

L 11 2

Vi-

q) l. c. p. 127.

r) Vid. praeter Plotinum supra adductum
PORPHYR. de abst. L. II. f. 42. PSELLVS
l. c. p. 50.

s) c. 12. p. 128.

t) c. 14. p. 129.

u) Theol. Plat. L. VI. c. 2. p. 34. Comm. in
Tim. L. V. p. 301.

x) Ad l. c. Iamblichi p. 269.

y) loc. cit.

z) Ad Aeneid. L. XII. v. 118.

a) l. c. - - Diis et communibus aras.

b) Hist. phil. orient. P. XIII. S. II. c. 3.
p. 1127.

c) c. 15. p. 130.

Videtur haec excogitasse Iamblichus, vt Pythagoram hostias puras et incruentas tantum admittentem, cum communi superstitione, more sectae suae, conciliaret.

LXXX. In sacrificiis, quae facimus pro corporis bono et salute oportet esse cultum corporeum, ritumque eiusmodi. Haecque, quae corpora bona offerunt, a Diis tantum materialibus accipiuntur ^d.

LXXXI. Maxima hominum turba naturae subiicitur, eiusque potentiis gubernatur, et sub fato est. Pauci sunt, qui supernaturali mentis vfi potentia naturam supergrediuntur, praestantiores natura euadentes: nonnulli medium tenent inter puram mentem et naturam, et ab vtraque se reducunt, alii mistam quandam ex illis vtrisque vitam amplectuntur: his diuersis hominum generibus diuersis sacrificiis opus est ritibusque vel naturalem, vel intellectualem, vel mediam vitam concernentibus ^e.

LXXXII. Quoniam, antequam apparent Diis, descenduntque ad terram, omnes praesubiacentes illis potentiae mouentur, et praecurrunt, pompaeque inseruiunt, qui non distribuit, quod cuique congruit, nec vnumquemque suo proprio honore prosequitur, abit inhonoratus ipse et expers communicationis. Vnusquisque itaque Deorum, etiamsi arcani et inconspicui sacrificiis adsint, colendus est, pro suo gradu, quem tenet ^f.

LXXXIII. Perfectissima vero sacri cultus ratio est, quae ad totius multitudinis numinum vnum et principale se dirigit, atque in eo diuinas omnes essentias et principatus simul colit; sed haec sero aduenit et oppido paucis ^g.

LXXXIV. Quando causae diuinae et humanae praeparationes ex aequo respondent, tunc sacrificii operatio perfecta omnia quidem bona perfecta et immensa reportat ^h.

LXXXV. In causis vniuersi supremis ea est exuberantia potestatis, vt cum in aliis, tum etiam in hoc vniuerso superet, videlicet quod omnibus ex aequo vna eademque sine impedimento praesens sit. Hac igitur ratione ipsa illa omnium prima vltimis vsque affulgent, et immaterialia principia materialibus adsunt immaterialiter ⁱ.

LXXXVI. Ipsa quoque materia, cum a patre et opifice omnium genita sit (*γενομένη*) merito perfectionem sui quandam accepisse censenda est aptam ad Deos suscipiendos. Quin etiam nihil est quod prohibet superiora diffundere lumen suum ad inferiora; quare nec materiam expertem faciet quicquam, si perfecta fuerit ac boniformis, superiorum participationis ^k. Fluere haec ex systemate emanatio, quod recepisse Alexandrinam Platonicorum sectam supra probauimus, quilibet videt; ast licet haec Plotini placitis consonent, luculentius tamen mentem philosophorum horum plane abominabilem produunt. Plotinus enim, ne tam crasso

d) c. 17. p. 132.

e) c. 18. p. 133.

f) c. 21. p. 136.

g) c. 22. p. 137.

h) c. 23. p. 138.

i) loc. cit.

k) Ibid.

crasso modo in diuinam naturam esset iniurius, nescio quam materiam intelligibilem, vel metaphysicam potius excogitauit, cui physica tanquam effectus, subordinata esset; sicque speciem dedit, remotae a Deo omnis materialitatis, licet reapse, emanationis lege, materia quoque physica ex Deo esset: ast Iamblichus, qui missis metaphysicis subtilitatibus ad captum sacerdotum discipulos instruebat, de materia, quatenus naturae inest, et sacrificiis instruendis adhibetur, differens, materiae ex Deo genitae capacitatem admittendi diuinae communionis radios ex ipso primo fonte deriuauit, sicque materiam emanantium vltimum constituit, satis ita prodens, qualem Deum agnoscat, cui addictus erat, philosophia Alexandrina.

LXXXVII. Diis quorundam locorum rectoribus sacrificium ex iisdem rebus, quae ibidem nascuntur, est admodum consentaneum, et gubernantibus ea, quae ex gubernatis sunt ¹.

LXXXVIII. Quia Dii angelique quamplurimi adsunt ei, sub quo per cunctas in terra gentes numen aliquod sortitum est praefecturam communemque prouinciam, proprium quoque inde tributum est templo vnique numen, quod sacrificium inspicat, ideo oportet caute obseruare legem et ordinem diuinae sanctimoniae in sacrificiis, et bono animo esse, quoniam Diis auctoribus operamur, dignam autem adhibere curam, ne quod Diis indignum munus aut alienum offeramus ^m.

LXXXIX. Preces magna pars sunt sacrificiorum, quae perficiunt, et societatem indissolubilem Deos inter et sacerdotes conficiunt; contactumque et notitiam nobis circa diuina praestant, et communionis vinculum sunt, et dona nobis inuitant a Diis demissa, etiam antequam loquamur, et perficiunt omne nostrum opus etiam cum nondum intelligimus. Summa vero species est, quam ineffabilis illa vnitas consignat, quae totum earum robur collocat in Diis, quaeque adeo in iis perfecte animam nostram conuiuiscere facit ⁿ.

XC. Preces amicitiam nobis ad Deos conficiunt, sacramque a Diis vtilitatem triplicem afferunt. Vna ad illuminationem pertinet, altera ad communem operum executionem, tertia ad perfectam ex igne diuino plenitudinem ^o.

XCI. Est quoddam potestatum genus in mundo valde diuisum, indiscrētum, inconsideratum, quod accipit quidem ab alio rationem et obtemperat, per se autem nihil intelligit, nec verum aut falsum possibile aut impossibile, discernit. Hoc genus comminationibus confertim iactatis commoueri et percelli potest. Sacerdos etiam per potestatem symbolorum

LII 3

lorum

1) c. 24. p. 139.

m) c. 25. p. 140.

n) c. 26. p. 141. Expilasse Iamblichum Chri-

stianos hoc loco ipsae locutiones produnt e sacris desumptae.

o) p. 142.

lorum arcanorum tanquam in ipso Deorum ordine superior existens mundanis imperitat potestatibus ^p.

XCII. Ineffabilium arcanorum custodiam daemones agunt, idque adeo anxie, quoniam in illis totius mundi ordo praecipue continetur: haec terreni daemones nec ad vocem vsque et auditum sustinent aliter affici verbisque profanari, ideo comminationes locum habent: ast obsecrationum in Deos ius nullum est ^q.

*Deorum ordi-
nes ex mente
Iamblichi.*

§. LVIII. Haecenus de Diis, de daemonibus, de cultu eorum et sacrificiis ex sectae suae placitis differenter audiuius Iamblichum; iam de Deorum quoque ordinibus superioribus, diuinisque principiis alto supercilio quaedam disputans auscultandus est; in his enim praestantiorum disciplinae suae partem exponit. Et se quidem Aegyptiorum theologiam tradere iactat, et symbolicam ideo sapientiam exponit, caue tamen aliam theologiam intelligas, quam quae Platonica schola inter Aegyptios inuenit, ut *tomo primo* demonstratum. Cuncta vero ad emanationis systema constituendum, variosque emanantium ordines designandos reuocari possunt, quae ex Orientali potissimum philosophia in arua sua deriuauisse Platonicos Aegyptios illi dubium esse nequit, qui ea diligenter expendet, quae infra de huius philosophiae placitis trademus. Probe vero ad hanc theologiam Aegyptiaco - Platoniam, Orientali admixtam attendendum est, quoniam genuini hi fontes sunt, ex quibus et arcana Iudaeorum in Aegypto habitantium philosophia, et multi haereticorum errores pullularunt, de qua tamen re infra differemus. Ita vero pergit Iamblichus.

XCIII. Deus totius naturae et generationum potestatumque elementarium omnium causa, omnibus superior est, et vniuersa in se completitur, est enim his praestantior, immaterialis, incorporeus, super naturam, ingenitus, indiuisus, totus a se ipso et in se ipso absconditus, et quoniam in se completitur omnia, seque ipse omnibus mundi partibus communicat, ex iis eluxit, quoniam vero omnibus supereminet, et solus super omnia expanditur, est separatus, exemptus, sublimis, et per se longe explicatus super mundanas potestates et elementa ^r.

XCIV. Ante eas res, quae vere sunt, et ante principia vniuersalium est Deus vnus, prior etiam primo Deo et rege. Est ille immobilis, in solitudine suae vnitatis permanens, neque enim intellectuale ei immiscetur, neque aliquid aliud, estque exemplar ipsius, qui est sui pater, et de se genitus, et vnipater Deus et vere bonus. Est enim maius quid et prius fons omnium, et radix intelligibilium idearum primarum entium. Ab hoc autem vno Deus per se sufficiens se ipse explicuit, proinde est sui pater et sibi sufficiens. Est enim hic et principium, et Deus Deorum, vnitas

^p) Sect. VI. c. 5. p. 147. Imitatos fuisse hos homines viros sacros malos daemones in nomine I. C. adiurantes et eicientes, dubium non est. Supraque dictum, etiam sine his formulis Platoniorum theurgorum Theosebium in nomine

Dei Hebraei, id est Iesu, daemonium eiecisse, quamuis esset gentilis.

^q) Ibid.

^r) Sect. VII. c. 2. p. 151.

vnitas ex vno supereffentialis, et essentiae principium, nam ab eo fuit entitas et essentia, et propterea pater essentiae vocatur, ipse quoque ante intelligibile principium est, vnde noëtarcha dicitur ¹. Recessisse Aegyptiacam hanc Platoniorum sententiam de Deo omnium primo priore, a Plotini mente, et quaternionem in Deo statuere, supra ² testimoniis quoque demonstrauius, quibus alia ex GALEI ad hunc locum obseruationibus addi possunt. Dubium vero nullum est, haec esse ex Orientali philosophia, quae de abyssu et ineffabili profunditate fontis omnium principiorum, primo Deo prioris multa garriuit, vt ex Gnosticorum disciplina colligi potest. Id quod syncretisum sectae Alexandrinae mire illustrat.

XCIV. Post primum hunc in solitudine permanentem Deum, eumque qui ab illo est Deum sufficientem sibi, qui est causa omnium essentiarum, est mens se ipsam intelligens et alias intellectiones ad se conuertens, qui Deus Emeth Aegyptiis dicitur, et eicton ante eum est, id est prima effigies et impartibile, in quo primum quod intelligit, et intelligitur reperitur, quodque solo silentio colitur ³.

XCVI. Praeter hos rerum apparentium opificio alii praesunt duces, nempe mens demiurga siue opifex, quae et veritatis custos et sapientiae, quatenus ad generationem sapienter descendit, et incognitam rationum latentium vim producit in lucem, lingua Aegyptiaca dicitur Amun et Ptha, et Osiris ⁴.

XCVII. Est et alius principatus apud illos super elementa tota in generatione posita, virtutesque eorum, quarum quatuor masculae, totidemque foemininae sunt. Hunc soli tribuunt. Item alius principatus super naturam omnem in generatione versantem, quem lunae assignant ⁵.

XCVIII. Diuidentes vero coelum in partes duas vel quatuor, vel duodecim, vel sex atque triginta, vel harum duplas vel aliter quomocunque, duces his praeficiunt aut plures aut pauciores, denique his omnibus vnum praeficiunt, qui omnibus superior sit ⁶.

XCIX. Haec itaque Aegyptiorum theologia de principiis desuper ad inferiora progrediens ab vno incipit, et definit in multitudinem vnus imperio gubernatam, et prorsus omnis indeterminata in se natura definitur, et continetur aliquo certo termino, hoc est a suprema illa vniente omnia causa.

C. Materiam quod attinet, Deus eam produxit diuidendo materialitatem ab essentialitate, hanc materiam demiurgus accipiens vitalem ex ea simplices incorruptibilesque sphaeras fabricauit, ipsius vero, quod erat postremum ad corpora generabilia et corruptibilia facienda transtulit ⁷.

Habes

¹) Sect. VIII. p. 158.

²) §. 50.

³) c. 3. p. 159.

⁴) l. c. Et hic a Plotino recedit, demiurgum in secundo principio ponente.

⁵) Manifeste haec sapiunt philosophiam orientalem.

⁶) Ibid.

⁷) loc. citat.

Habes hic Lector, breue quidem ast luculentum systematis emanatiui compendium, quod in Orientali et Zoroastrea praecipue philosophia enatum ad Platonicos Aegyptios, ad Iudaeos Cabbalistas, et totius fere orbis fanaticos transiit. Et si enim quaedam in his sunt, quae domesticam Aegyptiorum doctrinam sapiunt, pleraque tamen aliena sunt, et post explosum demum systema duorum principiorum recepta et antiquis symbolis nominibusque applicata, et a Platonice tandem recepta, Plotinum excipientibus. Ille enim licet fanaticam ab Ammonio Aegyptio didicisset theologiam, non tamen tam insanum in modum delirauit, sed se magis intra systematis sui cancellos continuit, quibus disruptis Iamblichi schola Phaëtonis instar non per coelum tantum sed et inferos vefanis nugarum commentis praecepta vagata est.

CI. Homo duas habet animas, vna est a primo intelligibili, participat etiam de potentia opificis, altera vero nobis inditur ex circuitu coelestium mundorum, ad quem anima Deum speculatura reuertitur. Anima itaque haec, quae a mundis aduenit mundorum quoque obtemperat motibus; illa vero, quae ab intelligibili deriuatur, adestque intelligibiliter, est quidem supra orbem geniturae, et iuxta hanc soluimur a fati vinculis ^b.

CII. Habet anima principium in se ipsa proprium, quo possit ad intelligibile restituere se ipsam, et a generabilibus refugere, et ad id, quod est, quodque diuinum est, seipsam connectere. Dii vero fatum soluunt, ast potentiae quae ab iis deriuantur, quaeque mundo et materiae implicantur, hae quidem fato obnoxiae sunt ^c.

CIII. Daemon, quo quilibet gaudet proprius decerpitur a totius mundi dispositione, nec non vitae omnigenae in eo, et corporum omnium regnante tum, cum anima per ea ad generationem descendit: haec autem mundi portio sic decerpta in nobis propriam quandam fortitur in nostra omnia praefecturam. Hic daemon praexstiterat in paradiamate, priusquam in genesin descenderet anima; hic ubi primum pro duce anima asseuerit eum, statim animae adest, eiusque vitalia opera exsequitur, ipsam ad generationem descendantem corpori alligat, totum in communi animal regit, vitamque animae propriam gubernat, quaeque cogitamus ab eo principium habent, et ea agimus, quae nobis in mentem is induxerit, denique eatenus nos gubernat, quoad sacris perfecti pro daemone Deum animae custodem et ducem adipiscamur. Semper etiam bonus est, mali enim spiritus nusquam praefecturam habent ^d. Pungit in his vltimis Iamblichus veterem sententiam de duobus daemonibus cuiuslibet homini assistentibus, vno aequitatis altero iniquitatis, quae non veteres tantum gentes barbaras, sed philosophos quoque, et in his Empedoclem quoque, immo Iudaeos et Christianos veteres peruagata est, et Muhammedanos quoque

^b) c. 6. p. 162. Haec ex psychologia Plotiniana lucem capiunt.

^c) c. 7. p. 162.

^d) c. 6. seqq. p. 169. seqq.

quoque occupavit, de qua tamen hic prolixè dicere locus non patitur. Adeundus autem est doctissimus COTELERIUS ad Hermam ^e.

CIV. Daemon hic non est animae quaedam pars vel intellectus sapientior, sed de meliori ordine, qui animae nostrae praefidet tanquam praestantior ^f. Haec iis opponit Chalcidensis philosophus, qui τὸ ἡγεμονικὸν daemonem hominis esse dixere, de qua opinione *tomo primo* de Socratis genio differentes quaedam diximus. Plura de hoc Platoniorum genio dabit B. OLEARIVS ^g.

CV. Si in Diis bonorum omnium essentia et perfectio habeatur, si prima potestas eorum sit apud sacerdotes, eorumque similes meliorum studiosos, veraeque communionis cum iis cupidos, omnium bonorum fons et finis summa cura colitur, et est certe, veritatis et intellectualis cognitionis contemplatio, et simul cum Deorum cognitione hinc ad Deos conuersio et sui ipsius cognitio sequitur ^h.

CVI. Sola diuina vaticinatio ab ipsis Diis pendens, nos vere participes facit vitae diuinae; cumque ipsa possideat praescientiam et diuinas notiones, nos quoque eadem diuinitate beat, bonumque pure nobis exhibet ⁱ.

CVII. Homo ille contemplabilis et intelligibilis olim cum esset visioni Deorum coniunctus, postea aliam subingressus est animam, illam quae humanam formae speciem concomitatur, et propterea venit sub fati et necessitatis iugum. Ab his vinculis liberari non potest praeter Deorum cognitionem, quae primam quidem qualitatem requirit animae sanctitatem omni corporea puriorem, deinde praeparat animam ad participationem et boni contemplationem, simulque ad contrariorum reiectionem, posthaec ad unionem cum Diis bonorum omnium fontibus ^k.

CVIII. Theurgia, ut rem omnem tandem complectamur, ipsi Dei potestati per se genitae, per se mobili omnia sustentanti, intellectuali, omnia exornanti, ad veritatem intelligibilem reuocanti, perfectae et perfecti potestatibusque ceteris Dei opificibus gradatim pro cuiusque proprietatibus animam ita coaptat, ut in actionibus earum intelligentiisque architectonicis anima, sacris peractis perfecte confirmetur; et tum demum in toto demiurgo Deo animam collocat. Hic enim finis est anagoges ^l.

§. LIX. Habes hic Lector, breuem totius theologiae Iamblichianae, *Philosophia moralis eclecticorum.* vel si mauis, Alexandrinae, conspectum, ipsis celeberrimi philosophi verbis expressum, quo potiora dogmata omnia fere continentur. Multa addidit sequentis seculi vsque ad finem sectae curiositas, ut partim ex oraculis Chaldaicis disci potest, partim ex PSELLI dialogo *de operatione daemonum*, ex huius sectae principiis et opinionibus conflato conspici-

^e) p. 873. edit. Fabric.

^f) c. 8. p. 171.

^g) Diff. de genio Socratis STANLEIO adiecta.

^h) Sect. X. c. I. p. 173.

ⁱ) c. 4. p. 175.

^k) c. 5. p. 176.

^l) c. 6. p. 177.

spicitur. Sed haec prolixius enarrare, effet vel lectoris patientia vel nostro abuti otio. Ad morum itaque philosophiam, qualem schola Plotini tradidit conuersi ea potissimum capita recensebimus, quae summam rei tangunt. Specialiora enim conquirere nobis diu fatis in hac arena voluntatis non licet. Audiendi vero, qui potissimum in morali argumento versati sunt PORPHYRIUS^m, et IAMBlichVSⁿ, quibus reliqui tantum non omnes concinunt.

I. Ex nihilo nihil fit, animus itaque cum ex nobiliori principio ortus, et reuera Deus fit, ad hoc suum principium reducendus est. Nititur haec assertio toto physiologiae Alexandrinae systemate, quod vt prolixè in antecedentibus demonstratum, rerum omnium ex primo fonte emanationem supponit, mentemque hominis ex mente siue intellectu diuino deriuat: cum vero, ex quo omnia effluxere, in id omnia quoque redeant, non potuit non animus hominis ita in hac philosophiae parte considerari, vt Deo repleatur, et cum eo vniatur. Quod cum vbique crepent Plotinus et Iamblichus, supra adducti, prolixis testimoniis opus non habet. Conferri tamen cum illis potest PORPHYRIUS^o.

II. Exitere vero animae, priusquam in corpus ingressae; lapsaeque ad inferiora descendentes et generationem subeuntes corpus nacti sunt carcer. Fuse supra in psychologiae Plotinianae delineatione de praesistentia animarum, earumque ad inferiora inclinatione et sequente ex ea lapsu dictum, quae hic repetenda. Inde enim reuera generatio malum, haecque vitae miseria. Multis in hoc est demonstrando IAMBlichVS^p, qui videndus. Prout vero lapsus fuit vel grauior vel leuior, ita et corporis conditio, quod ex instituto docet PORPHYRIUS^q.

III. Anima itaque materiae corporisque vinculis mancipata, non potest felici vita frui, sed materiae compedibus constricta detinetur, et impeditur. Hinc odium corporis in hac schola, quod supra in Plotini et Porphyrii historia notauimus. Platonem eundem fere in morem docuisse, *tomo primo* demonstratum est. Qui licet *erre*, tolerabilius tamen errat, quam hi Pseudo-Platonici. Illi enim materia a Deo independens in se natura sua mali habet principia; hi autem materiam ex Dei sinu deducunt, et diuinitatis participem fieri posse statuunt, vt supra dictum. Et tamen a corporis commercio cum anima omne fere malum morale deriuant. Quam contradictionem vtrum tollant ea, quae Plotinus de mali moralis origine metaphysicis et abstractis quibusdam notionibus sine fundamento alio rei naturae conueniente nixus garrit, lectoris ex iis, quae supra de ea re attulimus, esto iudicium.

IV. Per hunc descensum anima descendit ad illud quod non est, et eget seipso, ac propterea entis quoque ipsius, licet praesentis, laborat inopia,

^m) In variis opusculis moralibus, praecipue ferrentiis et de abstinentia.

ⁿ) In sermonibus protrepticis.

^o) Sent. XLII. p. 139. 140. de antro Nymph. p. 132. edit. Rom.

^p) Cap. 8. p. 52. Conf. de Myst. S. X. cap. 5. p. 176.

^q) Sent. XXXIII. p. 77.

inopia, et ab ente, a quo nec essentia nec loco separata nec alia quacunque re seiuncta est, conuersione ad non-ens (id est, materiam) separatur, iustamque hanc poenam luit, quod auersione ab ente seipsam auersatur, et ignorat. Recte itaque corpus carcer animae dicitur. Qui enim conuersus ad haec inferiora se ipsum diuino genere satum deseruit a numine profugus errat *.

V. Hinc omnis improba vita plena est seruitutis, et impietatis; ideoque profana et iniusta, cum in ea spiritus sit plenus impietatis ac iniustitiae *.

VI. Huic miseriae vt eripatur animus, deponenda est omnis peregrina sarcina, afflicto corpore omnibusque superfluis abiectis, sensusque ipsos auersando consilia cum Minerua conferenda, quomodo omnia quae animae insidiantur, rescanda, ac circumcidenda. Plena his sententiis sunt Platoniorum commentaria, quae hoc vnum inculcant, liberandum esse a corporis seruitio animum: quo in argumento imprimis disertus et copiosus est IAMBlichVS *.

VII. Finis itaque philosophiae est liberatio a vinculis humanis, et natiuitatis solutio itemque manu ductio ad id, quod reuera est, et cognitio verae germanaeque veritatis, animarumque purgatio, et cum Deo vnio *.

VIII. Hic tamen finis, qui nos Deo iungit, in hac vita obtineri perfecte non potest, sed fruitur eo anima in beatas sedes recepta. Potest tamen per aliquod tempus gustum eius percipere in hac vita, Deumque intueri ipsum, sed non semper eo fruitur, eo quod corporis sarcina grauatur. Peruenisse in corpore degentes et Plotinum et Porphyrium, si eos audis, ad hanc felicitatem in eorum vita narrauimus, quam verò beatitatem post hanc vitam expectauerint, pulchre docet carmen in Plotini obitum, quod exhibet PORPHYRIUS *.

IX. Educendus itaque est animus e corporis carcere et liberandus a vinculis, quibus detinetur, vt ad causam suam, ensque verum ascendere suoque se iungere principio possit. Idque fit purgatione philosophica, quae fit liberatione a passionibus animae et ascensu per virtutum gradus *.

X. Tantum vero opus nec simul nec semel perficitur, sed per varios gradus ducendus est animus, vt ad vnionem tandem Dei perueniat. Sunt vero ascensus gradus, vt fiat philosophiae studiosus 1. σπευδῶς, 2. δαιμόνιος, 3. Θεός, 4. Θεοπάτης *. Hic gradus theurgorum est, qui ita dicitur, quod homines in Deos transmutat, de qua animae in excellen-

Mmm 2

tio-

*) PORPHYR. Sent. XLII. p. 140.

s) Ibid. p. 141. IAMBlich. protr. c. 5. p. 26. c. 13. p. 73.

t) PORPHYR. antr. Nymph. p. 132.

u) Il. cc. de myst. p. 176.

x) PLOT. Enn. VI. L. vit. c. vit. IAMBlich. protrept. c. 13. p. 81.

y) In vita Plotini.

z) Conf. BVDDEVS de καθάρσι philosophica. PLOTINVS Enn. III. L. IX. c. 9. 10. Enn. IV. L. III. c. 7. IAMBlich. de myster. Sect. IX. c. 6. p. 177.

a) Conf. GALE ad Iambl. L. 15. p. 199.

tiolem natura sua gradum constitutione multa praedicantem supra audiui-
mus Iamblichum. Passim tamen haec nomina quoque inter se apud Pla-
tonicos confundi videas; nam et virtutes theurgicae interdum illis θεῖαι
dicuntur ^b.

XI. Hinc variae exoriuntur virtutum classes et ordines gradusque.
Vt enim quatuor virtutes cardinales sunt, prudentia, temperantia, forti-
tudo et iustitia, ita per varios vitae gradus differunt ^c.

XII. Gradus vero virtutum octo sunt: virtutes nempe 1. physicae,
2. ethicae, 3. politicae, 4. purgatoriae, 5. purgati animi, 6. theoreticae,
7. theurgicae, 8. diuinae, quorum inter se crescit dignitas, vsque ad di-
uinitatis apicem. Non conueniunt satis Platonici in virtutum earumque
graduum numero constituendo. Plerique in politicas, purgatorias, ani-
mi iam purgati et exemplares dispeſcunt, de qua distributione virtutum
legi potest MACROBIUS ^d. PORPHYRIUS ^e in virtutes hominis
politici, ad contemplationem ascendentis, vel theoretici incipientis, et
theoretici perfecti, et tandem contemplantis diuidit. Nos hic MARINI ^f
distributionem sequimur, qui ad hanc potissimum normam, quam docta
obſervatione illustrauit I. ALB. FABRICIUS, vitam Procli enarra-
uit. Ea enim cum reliquis facile componi potest. Adeundus etiam
SIMPLICIUS ^g,

XIII. Virtutes physicae sunt, quae infimum gradum absoluunt, et do-
tes comprehendunt, quibus corpus hominis a natura ornatur, vt commo-
dum animae ad felicitatem ascendenti instrumentum se praebere queat.
*Imperfectam hanc speciem virtutis a natura adumbratam, et leuissi-
mum vestigium veri boni recte dixit PROCLUS* ^b.

XIV. Virtutes ethicae et politicae, quae et practicae dicuntur, theo-
reticis opponuntur. Suntque in mediocritate affectuum ipsius irrationa-
lis animae partis sitae, et postulant, vt homo politicus rationi, id quod
debet in vitae actionibus, obsequatur, vocanturque politicae, eo quod
ad societatem, et communionem ciuitatis spectant. Has virtutes post
PLOTINUM ⁱ describunt MACROBIUS ^k et PORPHY-
RIUS ^l.

XV. Virtutes theoreticae ad philosophiam vitamque theoreticam
pertinent, eumque respiciunt, qui repurgare vitam suam studet; is enim
quantum licet, a corpore corporisque affectionibus refugit, et veluti to-
tus in se ipsum vertitur ^m.

. XVI.

^b) Vid. quae obseruauit FABRICIUS proleg.
ad vitam Procli p. 22.

^c) Conf. AMMIAN. MARC. Lib. XXV.

^d) 4.

^e) Somn. Scipion. L. I. c. 7.

^f) Sent. XXXIV. p. 80. seqq.

^g) In vita Procli ex edit. Fabr.

^h) Comm. in Epictet. p. m. 5. ed. H. Wolf.

ⁱ) In Alcibiad.

^j) Enn. I. L. II.

^k) loc. citat.

^l) loc. cit.

^m) SIMPLICIUS loc. cit. - PORPHYR.
loc. cit.

XVI. Virtutes purgatoriae sunt, quae in abstinencia ab actionibus, quae corporis ministerio fiunt, et ab affectionibus erga corpus consistunt, suntque animae ad verum ens sese eleuantis. Qua ratione hoc per quatuor virtutum cardinalium capita fiat, docet PORPHYRIUSⁿ⁾.

XVII. Quoniam vero purgatio alia est purgans, alia purgatorum, purgatoriae virtutes secundum vtramque purgationem spectantur, nam et animam expurgant, et adfunt purgatae, vt bonum quaerat eiusque particeps fiat et auctori suo iungatur^{o)}. Hinc mors philosophica intelligitur^{p)}.

XVIII. Virtutes theoreticae siue intellectuales sunt, animae intellectualiter operantis, hic sapientia est contemplatio eorum, quae mens in se habet: iustitia exsecutio proprii muneris, secundum mentem operantis: temperantia conuersio ad mentem, fortitudo passionum carentia ad similitudinem impassibilis. Earum excellentior gradus sunt virtutes exemplares, quae paradigmata sunt virtutum in animo existentium, mensque est quasi ipsae virtutes, haeque cum illius substantia concurrunt^{q)}.

XIX. Theurgicae virtutes sunt, quibus aptus philosophus redditur ad conuersationem cum Diis et communionem eorum consequendam; quam adeptus et euocare Deos, et daemonibus imperare, et supra humanae naturae conditionem ascendere potest^{r)}. Cuius summum gradum qui obtinuit, is diuinis virtutibus potitus est, et ad principium suum, intellectum diuinum, euasit.

XX. Ad hanc virtutum viam ingrediendam ex insita naturae diuinae conditione fatis virium homini adest, vt eluctari ex vitiorum caeno et ad principium vnde descendit redire queat: nec in eo fati necessitate obstringitur^{s)}.

XXI. Anima his remediis philosophicis a corporis labe quin et vehiculi grauioris sarcina non liberata post mortem vitae prioris in vehiculo animae latentia secum trahit vestigia, et ad inferos non loco sed statu et conditione trahitur^{t)}, et deterioribus in fatali periodo corporibus insinuat. Hinc metempsychosis, de qua supra dictum ex Plotino.

Potiora haec capita sunt ethicae Alexandrinae, quibus dogmata alia specialiora iungere, vt est abstinencia a carnibus, quam PORPHYRIUS peculiari libro^{u)} ad leuandam corporis molem vehementer commendauit, mathematicae item artes, quas animam rationalem purgare ait HIEROCLES^{x)}. Quin et subtilissimum illud et spirituale animae vehiculum,

Mmm 3

siue

n) l. c. p. 80.

o) IDEM l. c. p. 83. qui librum quoque scripsit de egressu animae.

p) IDEM Sent. IX. MACROB. l. c. c. 13. IULIAN. Orat. VI. p. 190.

q) PORPHYR. l. c. p. 84.

r) IAMBlich. Sect. X. p. 175.

s) IAMBlich. de myst. Sect. VIII. c. 7.

p. 162. PLOTINVS passim, PROCLUS de prouidentia et fato, alique Platonici de fato tradentes, quos collegit HUGO GROTIUS. Haec per Origenem traducta in ecclesiam Pelagianismo aperuere portam.

t) PORPH. Sent. XXXVII. p. 78.

u) περί ἀποχρῆς.

x) Ad carm. aur. p. 261.

sive τὸ αὐτοειδὲς τῆς ψυχῆς σῶμα suam purgationem habere tradebant, cui tamen hic copiose inhaerere locus non patitur. Totius vero ethicae Platoniorum reformatorum indoles ex natura systematis emanatiui iudicanda est. Cum enim omnia ex primo omnium rerum fonte fluxerint, et quo longius a fonte recefferunt, eo magis impura, suaeque origini dissimilia facta sint, postulat ideo philosophia, ut animus originis suae, et discessus a fonte, indeque ortae miseriae memor, non tantum materiale corpus, sed et spirituale, quod ex animarum choro descendens ad terreni corporis commercium assumerat, tunicasque varias, quas elementorum regiones peragrans ex iis conflatas acceperat, repurget, eluatque, et ita materiae omnis corporisque commercio exsolutus ad principium suum ascendat, et ad priorem ἐν ὧν reuertatur, sicque ipsi Deo iungatur, et intellectui diuino ex quo, particula eius quasi auulsa, emanauit, praesens sistatur, eumque sine imagine intueatur, et ita diuina communione fruatur. γ. Quae omnia, ut passim in Platoniorum scriptis fuisse traduntur, ita enthusiasum, quem supra luculenter deteximus, vltimum huius philosophiae finem fuisse, mire confirmant, et cum genuina Platonis doctrina collata ostendunt, quam longe ab eo recefferint. Ad quem moralis doctrinae scopum eos praeter innatam hominibus superbissimis ambitionem, laudatam ex merito virtutem Christianam, et fortasse etiam ascetarum vitam philosophicam quandam virtutem rigidiorum prae se ferentem stulta aemulatione incendiisse, dubium non est z.

γ) Merentur legi de hac philosophiae moralis Alexandrinae summa, quae egregia Hamburgi decora, orbisque literati ornamenta LUCAS HOLSTENIUS in vita Porphyrii c. 6. p. 242. et IO. ALB. FABRICIUS in proleg. ad Martini vitam Procli erudite disseruerunt.

z) Multa vero sequenti aetate et recentioribus quoque temporibus dogmata moralia impura ex his sentinis profluxisse, eorum suo loco demonstrabit historia. Origenes enim huic philosophiae latam primus in ecclesia portam aperuit.



SECTIO QUINTA.

DE SECTA PERIPATETICA.

§. I.

Qua fortuna vſa fuerit ſecta Peripatetica in republica Romana, ſu- *ſectae Peri-*
 pra *capite primo* prolixè narrauimus, quaque ratione ex tene- *pateticae ſa-*
 bris et ſqualore, in quo iacuerant, libri Ariſtotelis et Theo- *ta ſub hyp.*
 phraſti, in lucem a Tyrannione et Andronico pertracti noua ſectae *γυν-*
σλος ſecundum Ariſtotelem hætenus non philoſophantis incrementa pro-
 mouerint, philoſophosque pariter et optimatum inter Romanos quos-
 dam in ſuas partes pertraxerint, horumque patrociniū meruerint, ex-
 poſuimus. Et hoc fundamentum fuit, quo feliciter poſito hæc quoque
 ſecta laetiſſimo flore creuit, priſtinamque recuperauit ſub Cæſaribus,
 ſumma rerum potitis, gloriam, qui fauore tutelaque ſua eam cum reliquis
 ſectis dignati ſunt. Huius itaque ſectae ſub Cæſarum imperio vſque
 ad medium æuū, quo ſuppreſſis ſectis reliquis tantum non omnibus ſo-
 la triumphauit, hiſtoria iam porro enarranda eſt. Quam meliori forte
 euentu explicare liceret, ſi ſupereſſet, quem SVIDAS^a nobis narrat,
 NICANDRI *de diſcipulis Ariſtotelis* liber. Quo vero quoniam care-
 mus, conſulenda eſt recentiorum quorundam diligentia, qui in hoc ſta-
 dio non infeliciter quidem cucurrerunt, plenam tamen huius ſectae non-
 dum dedere notiſſiam. Quae enim PETRVS IOANNES NVNNE-
 SIVS^b et IOANNES IONSIUS^c promiſere, præter exigua quae-
 dam ſpecimina^d lucem non videre. FRANCISCVS PATRICIVS
 autem, qui de tota huius ſectae hiſtoria, inimico licet in eam eſſet ani-
 mo, egregie meruit, non indiligentem quoque in hac eius parte præſtitit
 operam^e. Deſideratiſſimus autem FABRICIVS^f multa eius obſer-
 uationibus adiecit, quae Ariſtotelicorum poſt C. N. notiſſiae lucem haud
 contemnendam affundunt. Attulit etiam quaedam PAGANINVS
 GAUDENTIVS^g, ſed ita more ſuo, vt iudicio maxime opus ſit, ad
 ea ſuo quaeque loco inferenda atque applicanda. Nos itaque non con-
 temnemus quidem virorum præſtantiſſimorum labores, ipſos tamen ſon-
 tes veterumque memorias conſulemus, talemque contexemus Peripateti-
 cae ſectae ſub imperatoribus Romanis ad æuū vſque medium hiſtoriam,
 quae inſtituto noſtro respondeat.

§. II.

^a) In Aefchion T. I. p. 663.^b) Ad vitam Ariſtotel. p. 153.^c) Dare voluit diſſertationes Peripateticas.^d) Prima enim tantum lucem vidit adieſta a
 B. ELSWICHIO LAVNOII hiſtoriae fortu-
 nae Ariſtotelis in Academia Pariſienſi. Cata-
 logum Peripateticorum dedit de Scr. Hiſt. phil.

L. IV. p. 337. ſed mancum et imperfectum.

^e) Diſcuſſ. Perip. T. I. L. X. p. 127. ſeqq.^f) Bibl. Graec. Vol. II. p. 271.^g) De philoſ. Rom. Idem de LEON. COZ-
 ZANDO de magiſt. antiq. phil. L. II. c. 2. p. 157.
 ſeqq. notandum.

Historia Peripatetica in classes distributa.

§. II. Accurate vero Peripateticorum fata distinguenda et in suas classes distribuenda sunt, quia variam inde haec secta mutationem passa est, quam nemo intelliget, qui ad eas non sollicitè attenderit. Vidit id PATRICIUS, quo nemo accuratius Peripateticorum inter se classes distinxit. Nam is decem discipulorum nobis enarravit ordines ^a, quos, quia liber paulo rarius occurrit, paucis exponemus: nam varia interpretandi Aristotelem ratio ipsaque secundum Aristotelem philosophandi via lucem inde capit amplissimam. „Et primam quidem aetatem Patricius „constituit eorum, qui Aristotelem ipsum audierunt discipulorum; inter „quos qui aliquid philosophicum literis mandarunt, celebresque ob id effecti sunt, hi sunt: Theophrastus, Eudemus Rhodius, Dicaearchus „Clearchus, Aristoxenus, Callisthenes, Hermias Eunuchus, Plato (iunior) Hipparchus, Clitus, Leo, Menon, Philo; hi Aristotelis vocem „audierunt, hos ipse suo ore docuit; his secretiores libros dogmataque „sua communicavit; hos veluti suae philosophiae haeredes reliquit. Hos „secunda aetate secuti sunt horum auditores, et praesertim Theophrasti „Strato Lampfacenus, Phantias, Nicomachus Aristotelis filius, Demetrius Phalereus, Erasistratus medicus, Dinarchus Lynceus, Hippolochus, Hieronymus, qui et ipsi nomen scriptis celebre reddiderunt. „Tertia aetas numerari potest a Stratonis discipulis vsque ad Andronicum „Rhodium, per annos circiter CCXII, qui interfuerunt a Stratonis obitu „ad obitum Tyrannionis, a quo Aristotelicos libros Andronicus accepit. „Fuerunt autem hi, qui monumenta aliqua eorum philosophiae reliquerunt vel suis vel aliorum libris, Lyco, Aristot., Ptolomaeus Philadelphus, Critolaus, Diodorus, Agatarchides, Clitomachus. Quarta post „hanc aetas ab Andronico vsque ad Alexandrum Aphrodiseum, quae fuit „annorum circiter CCLVIII, a Tyrannionis aetate ad M. Antonini obitum, sub quo Alexander floruit, circa A. C. CLXXXII. Horum annorum spatio floruerunt Andronicus, Sofigenes, Boëthius Sidonius, Aristot. Cous, Eudorus, Xenarchus, Athenodorus, Alexander Aegeus, „Cornutus, Sotion, Achaicus, Lucius, Apollonius, Adraustus, Aspasius, Herminius, Aristocles, Nicosstratus. Quintam statuamus ab Alexandro vsque ad Porphyrium, quae fuit annorum circiter XC, nam ab „obitu Antonini (posteaquam obitus Alexandri ignoratur) vsque ad mortem Plotini a qua Porphyrius florere coepit, quae fuit secundo Claudii „secundi imperatoris anno, intercurrerunt anni nonaginta. His annis „claruerunt ipse Alexander et Alexander alter Damascenus, et Eudemus, „Galenus, Ammonius Saccas, Ptolomaeus, Heliodorus, Anatolius, „Didymus. Post quos sexta aetate a Porphyrio ad Simplicium clari sunt „habiti in Graecia quidem, et Syria atque Aegypto Iamblichus eius auditor, Dexippus, Themistius, Plutarchus Nestorii, Olympiodorus senior, Syrianus, Maximus Byzantinus, et alter Ephesius, Aedesius, „Chry-

^a) l. c. L. XI. p. 145.

„Chrysanthius, Sosipater, Eustathius, Antoninus, Claudianus, Nym-
 „phidianus, Priscus, Eusebius, Epigonus, Beronicianus, Theodorus
 „Asinaeus, Proclus, Hermias, Ammonius, Damascius, Priscianus Ly-
 „dus, Philoponus, Simplicius, Asclepius, et in Italia Boëthius. Simpli-
 „cius videtur vsque ad Mauritii tempora vixisse, qui imperium coepit,
 „anno CCLXXVI post renuntiatum a Diocletiano imperium, vsque ad
 „quem Porphyrius traditur vixisse. A quo Mauritio paucis annis philo-
 „phiae studia penitus in Graecia obmutuerunt, perdurauitque id silentium
 „vsque ad Michaelis et Bardae tempora, qui fuerunt anni circiter CCC.
 „Intra quos septima aetate viguit philosophia inter Arabas, per quos vs-
 „que ad Auerroë peruenit, qui paucis post annis in Hispania vixit, qui-
 „bus Psellus Constantinopoli. Cuius urbis philosophi in octaua collo-
 „cantur aetate, Latini vero in nona, vsque ad Io. Fabrum Stapulensem,
 „qui primus philosophiam ex infinitis quaestionibus eximere conatus est.
 „In quo decima coepit ad nostra vsque tempora durans &c.“ Haecenus Pa-
 tricius, cuius totam verborum seriem lectoris oculis ideo subieciimus,
 quod vno quasi intuitu totam Peripateticae scholae seriem exponat, licet
 passim sint, quae in iis moneri debeant, quae tamen, cum ex haecenus
 enarrata, eclecticae praesertim sectae, (quam totam ad Peripateticos is
 retulit) historia facile animaduerti queant, hic omittimus. Hoc vero
 omnino monendum est, nec primas tres classes, *tomo primo* expositas,
 nec septimam et sequentes in *tomo tertio* et *quarto* enarrandas huc perti-
 nere, qui huic quidem tomo, gentilem tantum philosophiam et Iudaicam
 atque Saracenicam terminum ponimus. Restant vero classes tres, quas
 ad duas commodè reuocari contrahique posse non inepte quis existimaue-
 rit, quae distinctio modo Peripatetice philosophandi peculiari ab vtraque
 classe adhibitò nititur. Nam ab Andronico ad Ammonium, Plutarchi
 Chaeronensis, vt supra dictum, praeceptorem, id est, vsque ad Neronis
 tempora, peculiaris sectae formam, et singularem sibi philosophandi ty-
 pum Aristotelis seruauit schola, et a reliquis sectis prorsus distincta fuit,
 talisque etiam, in cathedra publica docens, habita est. Ab hoc vero
 Ammonio, cum Sacca non confundendo, coepit a pristina puritate Peripa-
 tetica philosophia deficere, et syncretismo philosophico, quae pestis tum
 temporis totum fere philosophicum orbem afflauerat, corrumpi, reuoca-
 rique Antiochi methodus, qui Aristotelem cum Platone et Zenone in
 concordiam ire coegerat. Ab hoc tempore duplex potissimum philoso-
 phiae Peripateticae facies se philosophantibus obtulit. Quidam enim vel
 conciliationi systematum horum inter se diuersorum, vel electioni etiam
 diuersorum ex iis placitorum toti se tradebant, quam viam Plutarchum et
 Galenum praeter alios iniisse supra ostendimus. Alii paulo pressius Ari-
 stotelem secuti, philosophi *γνηστας* Peripatetici videri volebant, licet sua
 haud raro Aristoteli affingerent. Quam potissimum philosophandi secun-
 dum

dum Aristotelem rationem Alexander Aphrodiseus potissimum tenuit, eiusque postea schola diligenter secuta est, quibus postea Alexandreorum tanquam sectae peculiaris, nomen haesit, magnamque celebritatem nacta est. Quam haud parum adiuuit, distincta sub Antonino imperatore, philosophorum natio in Platoniam, Stoicam, Peripateticam et Epicuream sectam, quibus solis philosophiam publice docere ab imperatore cautum fuit. Quod cum multis litibus et dissensionibus portam aperuisset, et de mente Platonis, Aristotelis, atque Zenonis innumerae exsurgere quaestiones, vt *seçãoe praecedente* Hieroclis testimonio probatum, paucis id quidem viris cordatis oculos aperuit, ad perspicendam inter Platonis et Aristotelis philosophiam differentiam, quam singulari libro demonstrauisse Taurum Berytium *seçãoe tertia* docuimus. Alii vero pestilentissimo syncretismi fidere correpti, praecisis inutilibus quaestionibus concordiam inter Platonem et Aristotelem meditabantur, et vtrumque in foedus ire coactum ducem sibi eligebant. Id quod primum quidem Potamonem, condita eclectica secta, suscepisse, mox feliciter successu Ammonium Saccam eiusque discipulum Plotinum instituisse, huncque totam Plotinianam scholam, auctoribus Porphyrio et Iamblichio ad Simplicium vsque, secutam fuisse in *antecedente seccióne* fusa narratione exposuimus. Qui eclectici vel Platonici reformati, cum in physicis, et imprimis dialecticis, Aristotelem prae Platone sequendum quidem, ast hunc tamen illi conciliandum esse statuerent, mire quidem Aristotelis systema veramque opinionem peruerterunt, multum tamen diligentiae in eius operibus enucleandis posuerunt. Ex quo patet, quo consilio totam eclecticorum Platoniorum sectam huc Patricius retulerit. Distinguendi tamen ea in re hi philosophi sunt; alii enim et quidem potior sectae pars, Aristotelem cum Platone conciliare satagentes, Platonica eum loqui coegerunt, vel vtriusque potius mentem peruerterunt; alii Platonem Aristoteli ita conciliarunt, vt huius potissimum consisteret auctoritas, qua in classe praeter Anatolium Alexandrinum Christianum, Themistius, Olympiodorus et Simplicius ponendi sunt: licet, quod ad dialectica attinet, tota Platoniorum Alexandrinorum schola Aristotelem fere expresse, cum Plato non daret, quod in dialecticis satisfaceret. Post Simplicium vero Gothorum irruptione philosophia in Graecia deleta est, in Italia idem post Boethium factum, donec caput tandem sub Barda iterum extolleret, et Peripatetica philosophia fugitiua inter Arabas asylum inueniret. De quibus suo loco ex instituto loquemur.

*Philosophia
Peripatetica
quo fauore
vsa?*

§. III. Reflorescentem exspirante reipublicae Romanae libertate philosophiam Peripateticam non sine fauoris demonstratione recepere in tutelam Iulius Caesar et Augustus, ille Sosigeni, hic Nicolao Damasceno addictissimus; ast deteriori fortuna sub illorum successoribus illa vsa est, adeo, vt Tiberio, Caligula Claudioque regnantibus Peripateticum, qui fa-

ma

ma notus esset, nullum sibi compertum esse fateatur PATRICIVS. Id quod valde mirandum non est, cum nec aliae quoque sectae habeant, quos sub horum imperatorum imperio magnifice iacent, eo quod libidine, saevitia, et tyrannide totam Romanorum rempublicam complentes imperatores, bonas artes tantum non omnes vrbe et orbe eiecerint, cum nec honos esset literis, nec securitas aut gratia vlla viris doctis, sed ii tantum principis fauore gauderent, qui aut instrumenta se praebebant saevitiae, aut adulationibus corrupti vitiis heri thura adolebant, aut libidini noua excogitabant incitamenta, nouaque detestandae turpitudinis genera inueniebant. Id quod viros fortes bonosque, et quicumque recti honestique amorem conseruauerant vel in exilium abire, vel vim animi omnem tacito premere silentio coegit, multos tyrannis e medio sustulit, qui ornamento erant philosophiae et bonis literis, vt supra de viris quibusdam magnis Stoicae familiae addictis ostensum. Qua de re cum extent, Suetonii, Dionis Tacitique narrationes, in re nota plura afferre superuacaneum esse existimamus. Extulit tamen caput iterum, eque puluere emerfit philosophia sub Nerone, sicque Peripatetica quoque secta nouum splendorem nacta est: id quod arcanis potissimum rationibus adscribendum est, quas secuta est mater Neronis Agrippina, Claudii imperatoris coniux. Ea enim cum Britannicum tollere, cui imperium iure destinabatur, cogitasset, filiumque Neronem summa rerum potiri vellet, populi plausum captans eo consilia admouit, vt optimi imperatoris spem ciuibus Romanis faceret: Quam vt cunctis certis quasi et indubitatis indiciis promitteret, praestantissimos praeceptores eius educationi adhibuit, Senecam ex exilio reuocauit et principum moderatorem iuuentutis constituit, aliosque etiam ex variis sectis praeceptores, a tanto philosopho delectos addidit. Inter quos cum praeter Chaeremonem Stoicum esset quoque Alexander Aegeus Peripateticus, vt infra demonstrabitur, paulisper Peripateticae sectae fortuna reflorescere coepit. Quae tamen vix quinquennio peracto terga dedit, et in pristinam infelicitatem philosophos detrusit, cum non tantum soli fere magicae artis professores et mathematici apud Neronem auctoritate quadam gauderent, sed et philosophi passim aut e medio tollerentur, aut eiicerentur in exilium: donec tandem sublato hoc monstro honos philosophiae sub sequentibus imperatoribus rediit, qui vero ad hanc periodum referri non possunt. Vix itaque quinque vel sex praestantioris famae Peripateticos intra integri seculi spatium offendimus, Sosigenem, Boethum Sidonium, Nicolaum Damascenum, Xenarchum et Athenaeum Seleucienfes et Alexandrum Aegeum, quorum vitae memorabilia porro enarrabimus.

§. IV. SOSIGENES Aegyptius et philosophiae et mathematicarum disciplinarum peritia singulari magnam sibi nominis celebritatem parauit. *Sosigenes.*

N n n 2

Vixit

i) T. I. L. X. p. 137.

k) PLINIVS L. XXX. c. I.

Vixit is temporibus Iulii Caesaris, incertumque, ex cuius disciplina prodierit. Quod enim PATRICIVS ¹ conicit, illustrem hunc mathematicum Andronici forte discipulum fuisse, rationibus probandum erat, quas plane nullas affert, nisi quod et alii Peripatetici e. g. Boëthus Sidonius, Aristot. Cous alique eum praeceptorem nacti sint. Id quod nulla conclusionis necessitate ad Sosigenem posse applicari, quilibet videt. Magnum praecipue nomen Sosigenes nactus est, quod, PLINIO teste ², eius potissimum consilio Iulius Caesar ad emendandos temporum errores, qui valde inualuerant, usus est. Qui addit: *Caesarem eo auctore a Chaldaeorum, Aegyptiorum Graecorumque computationibus recedentem, quartam sectam constituisse, annos ad solis cursum redigentem singulos; Sosigenem vero ipsum trinis commentationibus, quamquam diligentior esset ceteris, non cessavisse tamen addubitare semet corrigendo.* Id quod, defectus Iuliani calendarii, quod vocant, cogitantes, non miramur, quas iam tum sensisse Sosigenem, licet veras rationes emendandi non deprehenderit, dubium non est ³. Sed in philosophia quoque Peripatetica valuisse Sosigenem, ex eo dubitari non potest, quod non tantum Peripateticus audit PROCLUSO, sed teste quoque SIMPLICIO commentarium scripsit in librum Aristotelis de coelo. Alii Sosigenes veteribus memorati philosophi quia non fuere, haud facile cum astronomo commiscebuntur.

Boëthus.

§. V. BOETHVS Sidonius fuit, Andronici, teste AMMONIO ⁴ discipulus, quem perperam eius praeceptorem facit MENAGIVS ⁵. A magno hoc doctore genuinis Peripateticae disciplinae praeceptis imbutus tanta nominis celebritate inclaruit, ut eum dignum iudicauerit STRABO ⁶, quem inter sui temporis illustres referret philosophos. Id quod scriptis quoque testatus est, tanta Peripateticae philosophiae cognitione commendatis, ut non sine singulari laude eorum meminerint Theophrastus et Ammonius, Simplicius autem *Θευμασις* titulo et honore eum mactauerit ⁷, quo non maius apud Platonicos Alexandrinos laudem culmen fuisse supra iam observatum est. Condiscipulum in philosophia habuit STRABONEM ⁸ fratremque Diodotum, quem utrumque ideo inter Peripateticos viri docti connumerant ⁹, licet supra iam observatum sit,

1) I. c. T. I. L. X. p. 134.

m) L. XVIII. c. 25. conf. Vossius de scient. mathem. c. XXXIII. §. 9. p. 161. GAVDENT. de phil. Rom. app. c. 10. p. 379. alique qui historiam astronomiae delineaverunt.

n) Incertus nempe haerebat, cui potissimum temporis momento assignandum esset anni initium, errore in primo termino admisso, de qua re vid. Ios. SCALIGER. de emend. temp. L. IV. p. 93. AEG. STRAVCH. Breuiar. chronol. c. 35. p. 973. DION. PETAVIVS doctrin. temp. L. IV. c. 1. L. X. c. 59. alique chronologi passim.

o) In Categ. p. 8.

p) Ad LAERT. L. VI. f. 443. vbi Ammonii verba, quorum sensum verum iam vidit PATRICIVS I. c. L. X. p. 134. peruertit.

q) L. XVI. p. 757.

r) PATRICIVS I. c. p. 135.

s) I. c. vbi Boëthum vocat *συμφιλοσοφῆσαντα τὰ Ἀριστοτέληα*.

t) PATRIC. I. c. FABRIC. Bibl. Graec. Vol. II. p. 299.

fit, Strabonem, (quem male Stratonem vocat PATRICIVS *) Stoi-
cos praetulisse Peripateticis, quamvis horum doctrinam didicisset. Cete-
rum Boëthus hic Sidonius, cum aliis huius nominis confundendus non
est *.

§. VI. NICOLAVS, Damasco Syriae vrbe oriundus **, vixit Au-
gusti imperatoris et Herodis regis tempore, et in Peripateticorum schola
eruditionis multiuariae laude celebratus est, vt veteres vnanimi ore te-
stantur. Non audiendus itaque est SVIDAS *, qui eum *philosophum
aut Peripateticum aut Platonicum* nominat, licet concedi facile queat,
Nicolauum, quem πολυισωρίας laude celebrem fuisse, veterum testimoniis
constat, Platonicae quoque philosophiae notitia non caruisse. Ast se
huic sectae adscribi noluit, sed Peripateticae, vnde εἰς ἐν τῇ Περιπάτῃ
ATHENAEUS * audit. Scripsit is *de vita et educatione sua* librum,
cuius tamen, quod dolemus, non nisi pauca fragmenta supersunt edita ab
eruditissimo viro HENRICO VALESIO **: ex eo vero sua quoque
hausisse de Nicolao SVIDAM, instituta vtriusque collatio dubitare nos
haud finit. Patrem habuit magnopere bonis artibus deditum **, quibus
et opes et famam sibi parauerat: qui cum incredibili studio in literas ferri
videret filium, in omni eruditionis genere a puero eum institui curauit.
Qui cum summa diligentia in literas incumberet, et ingenio praeditus
esset optimo, priusquam ex ephebis excessisset, singularem laudem inter
Nnn 3 ciues

*) I. c. p. 29. et passim, putat enim Strabo-
nem alium esse ac Stratonem geographum, sed
corrupto Suidae loco decipitur. Verum enim
geographiae auctorem esse Strabonem constat,
vid. GAUDENT. I. c. IONS. de S. H. ph.
L. II. c. 16. p. 201. FABRIC. Bibl. Gr. I. c.
not. a. CASAVBON. praef. ad Strab.

*) Varii Boëthii in philosophiae occurrunt hi-
storia, silentio hic non plane praetereundi.
Nam praeter Boëthium Christianum, consulem
Romanum, de quo tomo tertio differemus, ad
philosophos Christianos delati, inclauit etiam
Flavius Boëthus vir consularis e Prolomaide,
ab Alexandro Damasceno Peripateticis dogma-
tibus imbutus, magnusque huius sectae fautor,
teste GALENO, cuius tempore vixit. Inter
Platonicos quoque Boëthus quidam teste PHO-
TIO Cod. CLIV. p. 172. Collectanea phrasum
Platoniarum scripsit, id est, Lexicon Platon-
icum. Inter Stoicos Boëthum aliquem enume-
rat LAERT. L. VII. f. 143. qui in eo a Stoicis
recessit, quod mundum esse animal negauit, et
quod, eodem f. 54. teste, quatuor iudicandi cri-
teria posuit, intellectum, sensum, appetitum et
prolepsin, conf. PHILO de mundo incorruptib.
p. 737. qui eum inter illustres Stoicos refert.
Conf. MENAG. ad I. c. Laert. qui tamen prae-
ter rem rimidius hunc a Sidonio distinguit,
cum ex I. c. Laërtii luculenter colligi queat,
antiquiorem hunc Stoicum esse Boëtho Peripa-
teticum, vt taceamus, vtrumque sectae professio-

ne clare satis distingui. Etiam inter Epicureos
Boëthus quidam memoratur, geometriae cogni-
tione clarus, qui ad Epicuri hortos transiit,
teste PLUTARCHO de Pyth. orac. T. III.
p. m. 189. et in Qq. conuiu. conf. GASSEND.
de vita Epic. L. II. c. 6. p. 74. IONS. I. c.
L. III. c. 6. p. 239. FABRIC. I. c. Vol. II. p. 809.
audiendus itaque non est MENAGIVS I. c.
qui ex eo Peripateticum exsculpsit. Boëthii Tar-
sensis, poetae meminit STRABO L. XIV. p. 675.
et medici eius nominis CELSVS L. V. c. 21.

*) ATHENAEVS L. VI. p. 249. PLV-
TARCH. Symp. L. VIII. q. 4. T. III. p. m. 281.
PHOTIVS Cod. 189. p. 242. SVIDAS in
Nicol. T. II. p. 622. et ex recentioribus, prae-
ter GAUDENTIVM, PATRICIVM, ION-
SIVM, FABRICIVM II. cc. VALESIVS
ad Excerpta Peiresc. p. 414. seqq. VOSSIVS
de Hist. Gr. L. II. c. 4. p. 177. GROTIVS
ep. CCLXII. quae est ad Gallos CX. p. m. 249.

*) loc. citat.

*) loc. cit.

*) loc. cit.

*) Parentem habuit Antipatrum, matrem
Stratonem, ambos cum ob modestiam, tum
ob reliquam dignitatem celebres. Nam cum
opibus eminent, minime ideo efferebantur:
cumque virtutis fama principem locum tenerent,
id parui faciebant. Pater vero et eloquentiae
laude, et boni ciuis, et iusti magistratus, et le-
gati prudentis, et religionis laude valde cele-
bratus est. Excerpta Peiresc. I. c.

ciues consecutus est, atque inter aequales magnopere eminebat. Encyclopaediae autem eo tempore receptae viae insitens grammaticam primo atque poëticam didicit, ea felicitate, ut adolescens comoedias tragoediasque non sine ingenii diuini demonstratione magna cum laude conscriberet ^b. Postea cum et doctrina et eruditionis fama laetissima incrementa cepisset, ad rhetoricam et musicam ac mathematicas disciplinas atque vniuersam philosophiam animum applicuit ^c. Qua in re Aristotelem multa variaque doctrina illustrem sibi imitandum proposuit, quem maxime mirabatur, ac saepenumero dicere solebat, maximam se gratiam habere omnibus disciplinis, tum propter honestatem prorsus libero homine dignam, tum propter utilitates, quas in hanc vitam intulerunt, tum denique propter oblectationem, qua et iuuentutem et senectam vnice recreant. Etsi vero mira disciplinarum varietate et ad omnes usus apta diuersitate mire capiebatur, ratus iis hominem liberalem ab illiberalibus artibus distingui; recte tamen statuit, eos qui humaniorum artium studia percurrunt, in quibusdam disciplinis breuius, in aliis immorari diutius oportere; et has quidem integras perdiscere, illas vero duntaxat delibare, ac collecta singularum utilitate, ad philosophiam, tanquam per varia loca peregrinatos ac ad patriam ac lares reuersos, ibi confidere. His prudentiae regulis instructus ad egregiam in philosophiae studiis eruditionem progressus in Peripatetica philosophia, licet alias quoque sectas haud negligeret, et imprimis Platonem magni faceret ^d, valde eminebat. Cui doctrinae elegantiae cum et facies iucunda atque pulchra, moresque accederent suauissimi, vehementer ea res Nicolaum imperatori Augusto ^e commendauit ^f. Narrat enim PLUTARCHVS ^g: *Augustum Peripateticum hunc philosophum singulari profectum fuisse amore, suauibus moribus hominem; gracili et procero corpore, facie plenum emicantis punicei ruboris, ideoque maximas et pulcherrimas palmulas nicolaos nominauisse, easque sic etiamnum dici.* Qui imperatoris amor, quo in viros doctos, praecipue philosophos, ferebatur, tantus fuit erga Nicolaum, ut in amicitiam quoque et familiaritatem eum, ut veteres testantur ^h, reciperet, et munuscula, quae ad Caesarem mittebat, magnis muneribus pensaret ⁱ, unde Nicolaus opibus valde auctus est. Parem gratiam apud Herodem regem inuit, cuius non tantum conuictu et familiaritate gauisus est, sed et in philosophiae eum studiis erudiuit, et cum illo vifens-

b) *Εὐσταθίου* laudatur EVSTATHIO ad Dionys. v. 976.

c) Haec SVIDAS l. c. sine dubio ex libro eius de vita sua.

d) Non enim alia ratio fuit, cur Platonem dixerit SVIDAS l. c.

e) Valde fauisse Augustum viris doctis, praecipue philosophis, supra iam dictum, et exponit SVETONIUS in Aug. c. 79. Qua re licet parce magis utendum esse commendauerit ei

Moecenas teste DIONE L. LII. nihil tamen id obstitit viris vere doctis, quos ipse Moecenas sibi habuit commendatissimos.

f) SVID. l. c. Exc. Peiresc. l. c. ATHENAEVS l. c. HESYCH. in Nic. et MEVRSIUS ad h. l. p. 168.

g) l. c. ATHEN. l. c. SVIDAS l. c. placentas mellitas fuisse, dicit, quod illi de dactylis referunt.

h) Citati.

i) SVIDAS l. c.

visendi Caesaris caussa Romam nauigante, in eadem naue vectus atque cum eo philosophatus est. Postea intermisso philosophiae studio artem rhetoricam eum docuit, et historiam quoque ei tradidit, Herodis etiam rogatu vniuersalem historiam scribere aggressus ⁱ. Non parum vero gratiosum Nicolaum fecere mores philosopho non indigni et compositi, qui a doctrina eius, non abhorrebant. Omnibus enim erat notissimum, quo animo pecunias contemneret, et quanta liberalitate eam impenderet, neque vsquam ius atque officium pecuniae caussa violaret. Sed nec voluptates adamasse videri queat, licet cum regibus atque principibus viris saepissime conuersatus. Namque natura erat austerior, et ab omni voluptate alienus, vt qui eiusmodi delectationibus obnoxios pro mancipiis duceret, frugalitatem vero ac tenuitatem summopere commendaret. Idem vbi magnificentia opus erat, liberalis erat imprimis, neque vllatenus parcus, ne sordidi atque illiberalis animi notam subiret. Iam vero in laboribus perferendis, sicubi opus erat, praecipua constantia et iuuenis et senex praeditus fuit, ac si quando periculum ingruerat ab hostibus aut latronibus, si morbi vis aut tempestas in mari aut aliud quod discrimen inciderat, erat ea animi fortitudine, vt reliquos, qui in eodem versabantur periculo, confirmaret. Porro in iustitia colenda adeo constans atque inconcussus fuit, vt nonnunquam iudex magistratuum minas contemserit, ne a iustitiae norma vel minimum discederet. Itaque cum omnibus comperta ac cognita esset eius aequitas, multi illum et iudicem et arbitrum deligebant. In contractibus vero atque huiusmodi ciuilibus negotiis nemo vnquam, quantumuis improbus vir de illo, quippe homine aequissimo conquestus est, non enim aduersus eum testibus opus erat aut syngrapha, sed quicquid vel nudo pacto promississet, id firmum ratumque erat. Ceterum modestia ac morum grauitas cum foris tum domi tanta nunquam in vlllo homine fuit: opibus enim suis et gratia non ad malas artes, sed ad modestiam et comitatem est vsus: et nunquam alterius ciuitatis, quam patriae suae ciuem se appellare voluit. Qua imagine a veteri calamo ^k depicta philosophum delineari secundum Aristotelicam maxime virtutem perfectionem et felicitatem quaerentem, quilibet Peripateticae ethicae gnarus palpare potest; ast talem, qui moderate ista virtute ciuili vsus est. Quod etsi quibusdam displicebat, qui ei obiiciebant ^l, quod cum magnam pecuniae vim ab amicis dono accepisset, eam tamen minime custodiret; quodque cum plebeiis hominibus vt plurimum versaretur,

viros

ⁱ) Exc. Peiresc. l. c. Ex his patet, Herodem M. non inter philosophos quidem referendum esse, ast annumerandum tamen doctis purpuratis, magnisque eruditionis et philosophiae fautoribus. Eodem nempe loco habendus est, quo Augustus, ad cuius mores callidissimus rex se composuit. Quanta vero dexteritate Augusti gratia Herodi reconciliauerit narrat Iosephus loc. cit.

^k) Verba haec sunt ex libro de vita eius excerpta l. c. Ast eam in sententiam magnifice de se gloriatum esse Damascenum, hic ipse locus, laudata eius modestia, negat. Vnde coniecimus, quandam veterum ex hoc eius libro fecisse compendium ex quo excerpta nobis dedit VALERIVS.

^l) Ibid. p. 42

viros autem primarios atque opulentissimos vrbis Romae declinaret, neque vnquam, tametsi a multis et maximae dignitatis viris rogatus, domos eorum adiret, sed philosophiae studiis totos dies vacaret, non tamen mouit id philosophum, qui pecuniae praecipuam partem in vsu consistere regerebat, qui ad liberalitatem et modestiam adhibeatur, eumque virum optimum esse dicebat, qui opportune interdum oblatam, a quibus oportet, accipit largiturque ipse, et liberis suis consulit. Eundem vero cum modestissimis hominibus conuersari velle, cuiusmodi plures in plebe, quam inter diuites illos reperiri, ad modestiam autem opibus instructo adhibendam, Deorum auxilio opus esse. Ex quibus haud obscure perspicitur, Nicolaum in id fuisse connisum, vt philosophiam et virtutis doctrinam vita exprimeret: quam vt famulis quoque imprimeret, maxime in iis erudiendis curam posuit, quos ex quotidiana consuetudine ad familiaritatem morum vitaeque suae formatos nihilo deteriores amicis suis expertus est ⁿ. Praeter vitae vero integritatem virtutemque eruditionis quoque praestantissimae possedit copias, quae, vt in vniuerso disciplinarum omnium campo se latissimae diffundebant, ita libros genuere veteribus ob doctrinae praestantiam laudatissimos. Inter quos eminuit *historia vniuersalis*, Herodis hortatu scripta, opus arduum et non sine maximo labore vndique collectum, et incredibili studio absolutum ^m: eius pars videtur fuisse historia Assyria PHOTIO ⁿ laudata. Tacendum tamen non est, quod IOSEPHVS ^o monet, fidem eius suspectam valde fuisse in rebus Herodis M. Addi his debet *collectio paradoxorum morum*, quam Herodi inscripserat, teste PHOTIO ^p, qui eam valde laudat, ex qua fragmenta *de variarum gentium moribus* petita videntur, quae seruata a STOBAEO Aristotelis politicis solent adici. Edidit etiam VALESIVS excerpta ex libris eius *de vita Augusti*, nisi illi pars fuerint historiae vniuersalis. Verum haec quidem ingenii eius elegantissimi monumenta ad historiam pertinent. Nostras vero partes propius respiciunt opus eius *de philosophia Aristotelis* SIMPLICIO ^q laudatum, liber item *de Diis*, *de philosophia prima*, *paraphrasis in metaphysica Aristotelis*, *libros de coelo*, *de anima* alique, de quibus post PATRICIVM ^r videndus FABRICIVS ^s. Quibusdam liber *de mundo*, qui Aristoteli tribui solet, ab eo profectus visus est: recte vero GAVDEN-

TIVS

ⁿ) l. c. p. 425.

^m) Ibid. p. 421. conf. de hoc opere libris CXLIV. constante (SVIDAS LXXX tantum numerat) VOSSIVS, IONSVS, FABRICIVS ll. cc. VALES. ad l. c. p. 63. GROTIUS Epist. ad Gallos CX. p. m. 249. vbi sollicitè concessit omnia, quae de Nicolao apud veteres existant. Is obseruat etiam ita graece scribere Nicolaum, vt tamen aliquid peregrini immisceat. Multa ex hoc opere Nicolai passim excerptit Suidas.

ⁿ) Cod. CLXXXIX. p. 242.

^o) Antiq. Iudaic. L. XVI. c. II. p. 575. conf. VOSSIVS l. c. GROTIUS l. c. p. 253. Scilicet ea tacebat de Octauiano et Herode Nicolaus, quae culpari poterant, quae aliquid laudis recipiebant, ea liberalissime praedicabat, et vltra historiae morem. Id tamen sibi temperauit, vt nihil diceret, quod rebus cognitis repugnaret, aut personae temporibusque discongrueret.

^p) loc. cit.

^q) In L. II. de coelo comm. 12.

^r) l. c. L. X. p. 136.

^s) l. c. p. 307.

TIVS ^f monet, id verisimile non esse. Suo enim loco *tomo primo* demonstratum est, librum illum totum Stoicis praeceptis scatere, eorumque referre physiologiam, quam secutum fuisse Nicolaum, demonstrari non potest. Ceterum a multis Nicolais ^f, qui veteribus memorantur, Peripateticus philosophus adiecto patriae nomine distinguitur.

§. VII. Peripateticae porro sectae circa ea tempora, quibus Romana *Xenarchus et* respublica in monarchiam degeneravit, Seleucia dedit duos doctores *Athenaeus.* NARCHVM et ATHENAEVM, cuius utriusque notitiam nobis fecit STRABO ^t, qui Xenarcho praeceptore usus est. Is in patria primum docuit, cuius cum nimis ei viderentur angusti limites, Alexandriam et Athenas commigravit, tandemque Romam concessit, ibique in Arianotitiam venit, qui cum magna apud Augustum gratia floreret, Xenarchum Caesari commendavit, eiusque illi paravit amicitiam, qua tantum gauisus est, ut magna apud eum auctoritate valeret, et ad senectutem usque in honore haberetur. Paulo ante obitum visu orbatus morbo vitam consummavit. Ex qua Augusti amicitia colligi potest, moribus fuisse Xenarchum commendatissimis, nec inter eos numeratum fuisse philosophos, quos, tanquam seditiosos, missos faciendos esse imperatori Moecenae suavit. Quamvis autem Xenarchus Aristotelem sequeretur, libertatem tamen servavit philosophicam, multasque contra eum dubitationes adduxit: inter quas imprimis fuere, quas contra essentiam quintam Aristoteli obiecit, quam negasse testantur SIMPLICIUS ^u, et IULIANVS imperator ^v. Athenaeus, (cum scriptore deipnosophisticorum non confundendus ^w) in republica versatus aliquandiu in patria populum duxit, postea contracta cum Muraena amicitia et cum illo fugiens captus est, cum insidiae contra Caesarem Augustum essent deprehensae: sed cum insons esset inuentus, a Caesare dimissus est, rediensque Romam, multisque salutantibus et interrogantibus, se ex inferorum tenebris rediisse respondit. Breve tamen tempus superuixit, ruina domus ubi habitabat,

^f) De philos. Romana c. 47. p. 206.

^g) Enumerat eos FABRICIUS Bibl. Graec. Vol. X. p. 292. seqq. Plerique recentioris aetatis Graeci sunt et exiguae famae, praeter Nicolaum Alexandrinum, Myrseum dictum, opere de medicamentorum compositione inclytum.

^t) L. XIV. p. 640. seq.

^u) De coelo L. I.

^v) Or. de matre Deum, conf. PATRICIUS l. c. T. I. L. X. p. 136. GAVDENT. de phil. Rom. c. LXIX. p. 209.

^w) A patria is Naucratis audit, ut ab aliis Athenaeis distinguatur, seriusque Seleuciensi, nempe sub Antonino vixit, si SVIDAE in Athenaeus, T. I. p. 71. fides est, licet, ex Deipnosophisticis, quae nobis reliquit, aliud colligi non queat, quam hoc, vixisse post Commodum.

Vid. VOSSIUS de hist. graec. L. II. c. 15. p. 231. Medicum fuisse putat GAVDENTIVS de philosoph. Roman. c. LXIX. p. 209. non dissentiente Cl. CLERICO Hist. medic. P. III. c. 9. p. 763. sed falluntur viri docti, qui id ex eo colligunt, quod medicos colloquentes introducit. Erat enim, recte monente SVIDA, l. c. grammaticus et criticus, qualem liber ipsius exhibet, sed talis, qui in omni eruditionis genere probe erat versatus, unde multa collegit, quae in disciplinarum, praecipue autem philosophiae historia plurimum iuvant, licet iniquiorem se interdum philosophis ostendisse aliquot Tomo primo exemplis ostensum sit. Plura de eo dabit editor Deipnosoph. Is. CASABONVS et FABRICIUS Bibl. Graec. Vol. III. p. 630. seqq.

bat, per noctem oppressus. Distinguendus hic Athenaeus ab aliis est, eiusdem nominis *.

Alexander
Aegaeus.

§. VIII. Non minori nominis fama inter Peripateticos hac temporum periodo eminuit ALEXANDER AEGAEVS ^y. Praeceptore Sofigene^z usum fuisse se, ipse fatetur, cuius octauum librum de visu allegat. Hunc Sofigenem illustrem illum mathematicum fuisse, qui Iulii Caesaris aetate temporum rationes emendauit, iudicarunt acutissimi viri FR. PATRICIVS ^z, et I. ALB. FABRICIVS ^a. Rationem ille hanc affert, in *commentario Alexandri in libros meteorologicos Aristotelis* ^b prouocare auctorem ad Sofigenem praeceptorem suum. Non autem circa haec tempora occurrere Alexandros alios, qui in Aristotelem scripsere, praeter Aegaeum et Aphrodisiensem: ast huius aetatem non ferre, vt Sofigenes praeceptor eius dicatur; illius autem qui sub Nerone vixerit. Sed iam PAGAN. GAUDENTIVS ^c animaduertit, minus accurate hac in re versari Patricium: Sofigenem enim hunc alium fuisse ac mathematicum, potuisse enim plures esse Sofigenes, nec credibile esse, Alexandrum Aegaeum illustris huius mathematici institutione fuisse gauisum, eo quod inde sequeretur, Alexandrum hunc iam sub Augusto floruisse, et perdurasse vsque ad tempora Neronis, in quo desiit Caesarea successio, adeoque fere centenarium Neronis institutioni fuisse praefectum. Alium itaque hunc Sofigenem fuisse, etiam hunc Peripateticum, cuius meminit DEXIPPVS ^d, eumque illa scripsisse, quae dicantur: hincque colligit commentarii illius in meteorologicos Aristotelis libros auctorem esse posse Alexandrum Aphrodisaeum, qui sub Antonino Caracalla vixit. Secutus est hanc inter Sofigenem antiquiorem et iuniorem distinctionem, huncque inter praeceptores Alexandri Aphrodisaei retulit FABRICIVS ^e, licet supra locum de seniore Sofigene intellexerit. Nos hic distincte versandum esse putamus; et hoc quidem dubio carere existimamus, verba haec de Sofigene mathematico intelligi non posse; tempus enim seculi fere integri inter aetatem Sofigenis et Alexandri Aegaei intercedit. Neque tamen in eam nos descendere debere opinionem iudicamus, intelligendum esse illum locum de Alexandro Aphrodisiensi, eiusque calamo exaratos istos commentarios fuisse, dicendum esse. His enim recte opponitur erudita Patricii obseruatio, methodum commentandi in Aristotelem in eo adhibitam prodere tempus, Aphrodisaeo antiquius: Simplici enim et antiquiori methodo esse scriptum, sine vllis quaestionibus aut praxibus, aut theoriis, qualem fuisse antiquiorum Peripateticorum morem exponendi Aristotelis, ex Aspasii commentariis in ethicos appareat: de qua etiam metho-

*) Enumerat eos IDEM I. c. inter eos Stoicus quoque est, PORPHYRIO in vita Plotini memoratus a Peripatetico probe distinguendus.

y) SVIDAS in Alex. Aegaeus T. I. p. 25.

z) Disc. Perip. T. I. L. III. p. 35.

a) Bibl. Graec. Vol. II. p. 273.

b) c. 3.

c) De philos. Rom. app. c. 18. p. 388.

d) In categor. c. 3.

e) Bibl. Graec. Vol. IV. p. 69.

methodo alibi fufius egit PATRICIVS *f*. Omnium itaque rectiffime Alexandro Aegeo hi quidem commentarii tribuuntur; aſt Sofigenem habuiſſe praeceptorem, ſtatuitur, a ſeniore diuerſum et ſub Caligula vel Claudio florentem. Ita enim cuncta ſibi conſtant, et admitti poteſt SVIDA^a narratio, tradentis, Alexandrum Aegaeum fuiſſe praeceptorem Neronis cum Chaeremone Stoico. Nec his obſtant, quae apud SVETONIVM *g* leguntur: Neronem liberales diſciplinās omnes puerum attigiffe, ſed a philoſophia eum matrem auertiſſe. Hoc enim vel ad ea tempora referendum, quibus priuatus vixit, vel illo tempore factum eſſe ſtatuumdum, quo a recta via malis matris artibus deflexit. Initio enim ſuſcepti imperii, vt ſpem optimi imperatoris faceret, philoſophos ei addiſſe Agrippinam, vel ſolum Senecae exemplum probat, qui ei moderando praefectus fuit. Incurriſſe vero Alexandrum multorum obſectationem, quaſi mali diſcipuli peior magiſter extiterit, eo quod virtus doceri poſſit, ex SVIDA^b colligitur. In quo falſum fuiſſe Suidam recte monuit GAUDENTIVS *i*; cum optimorum magiſtrorum diſcipulos degenerare poſſe, Caligulae et Commodi exemplo conſtet, nec ita virtus doceri poſſit, vt animus natura malus ſolis doctrinae praeceptis vel emendetur vel eiiciatur. Ceterum de commentariis in Ariſtotelem huic Alexandro tribuendis anceps diſputatio eſt, cum non tantum Aphrodiſienſis magna nominis claritate inter Peripateticos vixerit, ſed et alius Alexander Peripateticus vtroque iunior in Ariſtotelem ſcripſerit^k. Quam tamen diſputationem dirimere tentat PATRICIVS, cuius ea de re rationes apud ipſum legendae ſunt.

§. IX. Haecenus a peſtilenti ſyncretiſmi malo immunem ſe ſeruauerat ſchola Peripatetica, aſt a Neronis tempore communi philoſophantium fato tanquam torrente quodam correpta contra quidem niti auſa eſt, aſt non potuit tota eam ſortem euadere. Eſti enim erant aliqui, qui preſſius Ariſtotelem ſequi conabantur, id quod in Alexandria ſchola factum eſſe in ſequentibus docebimus: potior tamen pars Ariſtotelem aliis ſectarum placitis affinem factum coluit, et in concordiam cum iis coire iuſſit, quibuſcum implacabile haecenus bellum geſſerat. Quem ſyncretiſmum incepiffe ab Ammonio Plutarchi praeceptore, et in ſchola Alexandria tandem in neruum erupiſſe, ſupra iam diximus. Hac itaque ratione ad hiftoriam ſectae Peripateticae a Neronis aetate attendendum eſt, vt, quo modo quoque conſilio vel ad Platonem vel ad Zenonem Ariſtotelis quoque ſectatores reſpexerint, ſimul cognoscatur.

*Syncretiſmus
Peripateticorum.*

Ooo 2

§. X.

f) L. XI. p. 145. ſeqq.

g) In Nerone c. 52.

h) loc. cit.

i) l. c. c. LX. p. 230.

k) Plures Alexandros celebres nominat SVIDA^a l. c. ex recentioribus IONſIVS de Ser.

hif. phil. L. II. c. 16. p. 198. FABRICIVS l. c. Vol. II. p. 232. Vol. X. p. 473. Quae homonymia quoque cauſa eſt, cur definiri nequeat, cuius Alexandri commentarii lecti ſint in ſchola Plotini, teſte PORPHYR. c. 14. vitae Plotin.

Ammonius.

§. X. Syncretistici itaque Peripateticissimi initia ab hoc AMMONIO merito repetimus, ante quem non occurrit, qui hunc morbum, late iam tunc in orbe philosophico regnantem in Lyceum introduxerit. Diximus iam supra de hoc philosopho Alexandriam patriam habente inter praeceptores Plutarchi, cui notitiam eius fere omnem debemus, cuiusque librum, quem: *Ammonius*, inscripsit merito desideramus. Teste enim EVNAPIO ¹ *magnus ille et diuinus Plutarchus, cum suam tum praeceptoris sui vitam sparsim libris inseruit, non praeterita silentio Ammonii morte, quem Athenis vitam finuisse scribit.* Ast haec omnia, praeter pauca quaedam, quae ex eius scriptis collegit RVALDVS ^m intercederunt, unde mirum non est, valde mancam iustoque breviorē esse doctissimi philosophi historiam. Id quod occasionem dedisse videtur confundendi hunc Ammonium non tantum cum ciue eius Ammonio Sacca, sectae eclecticae conditore, ut supra obseruatum, sed et cum Ammonio alio, grammatico. Id quod PATRICIO accidit ⁿ, viro alias satis accurato, qui contendit, SVIDAE ^o auctoritate vsus, praeceptorem hunc Plutarchi Chaeronei, coepisse in schola Aristarchi docere, priusquam Augustus monarchiam inuaderet. Id quod excidisse viro docto merito miramur, quem latere non potuit, Plutarchum hunc Ammonium sub Neronis imperio audiuisse. Quod ut indubitato PLUTARCHI ^p testimonio constat, ita, non potuisse ante conditam Romanam monarchiam in schola Aristarchi docere Ammonium hunc, tempus euincit integri seculi, quod ab isto tempore ad Neronem effluxit. Nec iuuat Patricium Suidas, in cuius vitiosos codices is inciderat. In antiquis enim editionibus vno eodemque articulo: *Ammonius Saccas*, de duobus Ammoniis omisissis vocibus quibusdam, quasi de vno, differitur, quod cum legerent viri docti, WOLFIUS, PORTVS et PATRICIUS non potuerunt non ad hunc lapidem offendere, et in varios errores incidere. Et vidit quidem Patricius, Ammonium Saccam, quem a Christianis ad gentiles transiisse Suidas refert, ab hoc Ammonio diuersum esse, cum autem alius Ammonius non occurreret, quam Plutarchi praeceptor, hunc esse intelligendum ratus est, alia sine dubio decreturus, si Plutarchi aetatem cogitasset. Suboluit hoc Suidae mendum IONSIUS ^q et, qui eum secutus est, P. BAYLIO ^r; tandem elegantissimus Suidae editor LVDOLOPH. KVS-TERVS ^s melioribus codicibus vsus, ostendit tandem, deesse nouo articulo, vocem: *Ammonius*, *Ammonii filius*, adeoque hunc Alexandri discipulum ante Augusti tempora in Aristarchi schola, non philosophiam, sed grammaticam docentem non a Sacca tantum, verum etiam a Plutarchi praeceptore esse distinguendum: id quod iure quoque recepit FA-

BRI-

1) In prooem. vit. Sophist. p. 5.
 m) In vita Plutarchi c. 7. conf. FABRIC.
 Bibl. Graec. Vol. II. p. 274. Vol. III. p. 330.
 Vol. IV. p. 172.
 n) l. c. p. 139.

o) In Ammonius T. I. p. 143.
 p) De s^t Delphis inscripto.
 q) De S. H. P. L. II. c. 11. p. 169.
 r) Dist. T. I. art. Ammonius p. 188.
 s) Ad h. l. n. 11. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

BRICIVS *. Sed vt ad Ammonium reuertamur, docuit is, vt PLUTARCHI " testimonio constat, Athenis et in hac quoque Musarum sede vitam cum morte commutauit, Nerone adhuc regnante. Philosophiam eum secutum fuisse Peripateticam, sed Platonicae, quam etiam deperibat, admixtam et accommodatam, et Zenonis placitis attemperatam, ex Plutarcho quoque constat, qui et ipse hanc philosophandi rationem a magistro edoctus est et studiose excoluit. Quod luculentius constaret, si, quae de virtute philosophatus est, et in quibus Aristotelem expressit, hodie supereffent. Ab eo autem, non sine verisimilitudine iudicat PATRICIVS *, mixtam quandam philosophiam coepisse, vt eo posteriores philosophorum plerique et Pythagorici et Peripatetici et Stoici esse voluerint. Recte tamen et cum grano salis hoc accipiendum, nec ita intelligendum est, ac si Ammonius hic primus syncretismi philosophici auctor fuerit, nam suo iam loco indubitatis testimoniis confecimus, syncretismum hunc non tantum in Aegypto ante natum Salvatorem iam obtinuisse, sed in Platonica quoque schola eum introduxisse Antiochum Ascalonitam, quintae Academiae auctorem, moremque hunc ab eo tempore inter Platonicos fere omnes obtinuisse. Primus itaque syncretismi auctor Ammonius inter Peripateticos constituendus est, nec aliter, dicendum, posteriores eum philosophos secutos esse, nisi quatenus Peripatetica et Platonica schola in eclectica tandem, vt supra ostensum, coaluit. Inualuisse tamen circa haec tempora disputationem de concordia Aristotelis cum Platone, Tauri Berytii negantis, et Attici affirmantis scripta satis euincunt: quam genuisse tandem Ammonii Saccae sectam henoticam supra Hieroclis testimonio demonstrauius. Fuere et alii Ammonii inter Peripateticos celebres, Ammonium enim Hermeae filium commentationibus de Aristotele bene meruisse, *sectione antecedente* diximus: meminitque alterius Ammonii inter celeberrimos sui temporis quos vidit et conuenit, Peripateticos Longinus †; quem Peripateticum quoque fuisse, et eruditione alios fere omnes sua aetate superasse testatur PHILOSTRATVS ‡. Quem licet cum Ammonio Sacca eundem esse putet H. VALESIVS ‡, ipsa tamen verborum Longini series prodit, Peripateticum hunc Ammonium ab eclectico esse distinguendum. Id quod agnouerunt etiam P. BAYLE § et N. TILLEMONTIVS ¶.

§. XI. Effecit mixtum hoc philosophiae genus, vt Aristotelis auctoritas *Peripatetici* latius passim serperet, et inter alias etiam sectas sibi partes acquireret. *Syncretistae*. Nam ab hoc maxime tempore euenit, vt Aristoteles etiam a Platoniciis,

Ooo 3

maio-

*) Bibl. Graec. Vol. IV. p. 171.

*) loc. citar.

x) loc. cit.

y) Apud PORPHYR. in vita Plotini c. 20.

n. 6. p. 129.

z) De vir. Sophist. L. II. c. 27. §. 4.

a) Ad AMM. MARCELL. L. XXII.

b) Dict. T. I. art. Ammonius Saccas not. II. p. 190.

c) Memoir. pour servir a l'hist. eccles. T. III. p. II. p. 391. conf. FABRI c. Bibl. Graec.

Vol. IV. p. 172.

maiori, quam antea, studio coleretur. Cuius rei exemplum esse possunt Platonici secundi post C. N. seculi celeberrimi, Taurus Berytius, qui aeternitatem mundi Aristotelicam illustravit, Atticus Plonicus, qui non indiligentem in cognoscendis et examinandis Aristotelis dogmatibus operam posuit, Demetrius Alexandrinus, Fauorini sectator, L A E R T I O ^d et G A L E N O ^e memoratus, cui locum inter commentatores Aristotelis tribuit AMMONIVS HERMEAE ^f. Sed et Fauorinum non neglexisse Aristotelem, G E L L I V S auctor est ^g. Addi his posset Sotion, auctor cornucopiae alique, nisi in antecedentibus passim ad hanc rem iam intendissemus digitum. Eminuere tamen in Peripatetica schola, licet alienis dogmatibus adulterata, Alexander Damascenus, Eudemus et Galenus, qui cum eodem tempore vna viuerent fauore maximo et patrocinio insigni Flauii Boëthi viri consularis ^h, cuius supra iam facta mentio, gauisi sunt. Et de Galeno quidem supra *seção tertia* prolixè actum, obseruatumque, nec Peripatetica eum contempsisse, sed in varios Aristotelis libros ⁱ scripsisse commentarios. Theophrasti etiam et Eudemi libros et placita illustrasse, quantamque syllogismi formam dialecticae Peripateticae adiecisse. Eudemus autem, (qui cum Aristotelis discipulo confundendus non est) ex Alexandri Damasceni disciplina prodiit, et G A L E N O teste ^k, eius demonstrationibus anatomicis interfuit. Maior his nominis claritate Alexander a patria Damascenus cognominatus, Plonicam quidem philosophiam probe calluit, Aristotelicae tamen, G A L E N O narrante ^l, magis adhaesit, quam Athenis quoque publice docuit ^m, Boëthumque etiam, cum adhuc Romae esset, in hac philosophia discipulum habuit. Paulo antiquiorem Alexandro fuisse Aspasium oportet, ait enim G A L E N V S ⁿ, se ex Aspasi discipulis aliquem audiuisse, vnde concluditur, ante Antoninorum aetatem qua Galenus floruit, eum vixisse. Laudatum vero inter Aristotelis commentatores fuisse, Boëthius, Simplicius alique ad eum prouocantes testantur, et ex fragmentis hodie extantibus ^o constat. Quod si P A T R I C I I ^p coniectura sequenda, ipse Galenus iuuenis Aspasium senem audiuit, vnde Alexandri forte Aegaei discipulum fuisse putat. Plotinus autem inter selectos Peripateticae disciplinae auctores hunc discipulis explicuit ^q. Eiusdem plane generis fuit Herminius, De-

mona-

d) L. V. c. 84.

e) De praecogn. c. 5.

f) Comm. in Arist. init.

g) conf. PATRICIVS l. c. p. 137.

h) Saepe eius meminit Galenus; qui eum in anatomicis, vt Alexander Damascenus in Peripateticis discipulum habuit. Conf. GAVDENT. phil. Rom. c. CIV. p. 337.

i) In libros de interpretatione, priora analytica, de categoriis, de demonstratione, de sophismatibus, vid. de libris propriis T. IV. p. 368. PATRIC. p. 128. FABRIC. Vol. II. p. 302.

k) De praecognit. T. III. p. 452. conf. IONS. de S. H. P. L. I. c. 15. p. 83. 84. GAVDENT. l. c.

l) l. c. p. 455.

m) IDEM de administr. anat. T. I. p. 129.

n) De cogn. morb.

o) Inter Comm. Graecorum in Nicomachea, Helmstadii 1662. 4. edita.

p) l. c. p. 137.

q) PORPHYR. vit. Plot. p. 116. De aliis Aspasiis videndus SVIDAS T. I. p. 356. et FABRIC. Bibl. Gr. Vol. IV. p. 479.

monacti coaeuus, vt est apud **LVCIANVM** ^r, quem Peripateticae philosophiae addictum fuisse, ex commentariis in Aristotelem, ad quos Graeci commentatores, imprimis Boëthius saepius prouocant, discimus, et vel solus Alexander Aphrodisaeus probat, qui ex eius disciplina prodit ^s. Ast nec Platonicae philosophiae ignarus fuit, citaturque a **PROCLUSO** in *Timaeum*, ex quo **PATRICIVS** ^t iudicat, eum illum quoque librum explanasse. Vitam vero egisse philosopho non satis dignam ex Demonactis acerbo, quo Herminum petiit, dictorio iudicari potest ^u. Etenim cum non ignoraret, illum extreme malum esse, innumeraque flagitia perpetrare, Aristotelem vero eiusque decem categorias, semper in ore habere, sane vero, inquit, Hermine decem categoriis te haudquaquam indignum esse opinor.

§. XII. Et si vero syncretistico correpti studio Peripateticorum haud *Peripatetici genuini* pauci ab Aristotele recesserunt, inuenti tamen sunt alii, qui ab eo discedere sibi religioni duxere, et genuina magis ratione secundum eius opiniones philosophari conati sunt. In horum numero Adraustus fuit Aphrodisaeae Cariae oppido oriundus; quem mathematicae quidem scientiae liberque de natura harmonices ^x, Theoni Smyrnaeo et Porphyrio memoratus clarum fecere, qui vero scriptis quoque de Peripatetica philosophia libris ^y meruit, vt inter genuinos Peripateticos numeraretur ^z. Magnam vero eius famam fuisse, inde colligi potest, quod inter praestantiores Peripateticos, quorum libros discipulis suis explicuit, Adraustum quoque numerauerit Plotinus ^a. Etiam Aristoclis circa haec tempora inter Peripateticos puriores nomen aliquod fuit, hominis Messenii ^b, qui non tantum de Aristotelis libris et philosophia editis commentariis meruit ^c; sed et philosophiae historiam singulari scripto excoluit ^d, ex quo non contemnenda fragmenta nobis seruaui **EUSEBIUS** ^e. Huius discipulus cum **SIMPLICIO** ^f et **CYRILLO** ^g testibus fuerit Alexander Aphrodisaeus ^h, facile

^r) In Demonacte T. II. p. m. 583.

^s) **SIMPLICIUS** in L. II. de coelo, comm. 12.

^t) loc. cit.

^u) **LVCIANVS** l. c.

^x) In bibliothecis adhuc **MSc.** extare dicitur, vid. **VOSSIVS** de nat. Log. p. 61. de scient. math. c. LIX. §. 14. p. 345. vbi vero hic Adraustus cum alio seniore, Peripatetico philosopho, qui teste **STEPHANO** in Philippis, Aristotelis discipulus fuit, confunditur, **FABRICIUS** Bibl. Graec. Vol. II. p. 272.

^y) In *Categorias* scripsisse, testatur **GALEIVS** de libris propriis, itemque de ordine librorum Aristotelis eiusque philosophia, **SIMPLICIUS**, conf. **FABRICIUS** l. c.

^z) **SIMPLICIUS** in *Categorias*.

^a) **PORPHYRIVS** vit. Plotini c. 14. p. 116.

^b) **SVIDAS** in Aristocles T. I. p. 326. Aristocles plures enumerant **MEVSIVS** ad Aristoxen. p. 145. **IONSIUS** de S. H. P. L. IV. p. 330. **FABRICIUS** Bibl. Gr. Vol. VII. p. 52.

Inter eos alius quoque fuit Peripateticus, Pergamenus, qui ex philosophorum schola ad rhetores transit, et inter illos quidem vili modestoque vestitu vsus est, inter hos vero superbas vestes induit, Herodemque Attricum praeceptorem nactus, magnam sibi in patria auctoritatem eloquentia sua conciliauit, vid. **SYNES** in Dione, **PHILOSTRATVS** vit. Sophist. L. II. n. 3. p. 567. seqq. **MEVSIVS** de fortuna Att. c. 8. p. 71. qui male tamen ex hoc exemplo infert, philosophiae studia praemissa semper fuisse eloquentiae: contrarium enim aliquot haecenus exemplis vidimus.

^c) Conf. **PATRICIUS** l. c. p. 138. **FABRICIUS** l. c. p. 281.

^d) loc. cit.

^e) Praep. L. XIV. XV. conf. **IONSIUS** l. c. p. 330.

^f) De coelo L. I. comm. 35.

^g) Adu. Iulian. L. II.

^h) Non audiendus itaque **IONSIUS**, qui l. c. dubitat.

cile ex discipulo de praeceptoris in Aristotelica philosophia eruditione iudicium fieri potest.

Alexander
Aphrodisiensis.

§. XIII. In Cariae vrbe Aphrodisiade natum esse hunc ALEXANDRUM Peripateticæ post C. N. scholæ fere principem et singulare decus ex vnanimi veterum testimonio constatⁱ. Quod patronymicon nomen ab aliis Alexandris eum distinguit. Herminum et Aristoclem Messenium in Peripateticæ philosophiæ decretis addiscendis habuisse praeceptores, in antecedentibus demonstraui, vbi etiam Sosigenem quendam iuniorem inter eius doctores referendum esse monuimus, si commentarius in meteorologicos Aristotelis libros huic magis Aphrodisiensi, quam Aegæo Alexandro, vt vult Patricius, tribuendus est, de quo nihil certi dici posse eo loco monuimus. His praeceptoribus vsus, tanta felicitate in sensus Aristotelis obscuros penetrauit, vt sua ætas non haberet, quem accurata philosophiæ Peripateticæ cognitione illi praeponeret. Maxime vero in hac schola commendauit Alexandrum, quod neglecto, qui in ea, Ammonio duce inualuerat, syncretismo, qui peregrina systemati Peripatetico dogmata affricuit, pressius et ad genuinam Aristotelis mentem sibi philosophandum esse statuit, eo quod veriores, vt ipse fatetur^k, illius esse sententiam putaret. Qua ratione Peripateticam philosophiam puriorem valde adiuuit et genuinum eius restaurauit studium. Qua diligentia et accuratione meruit, vt non tantum explanatores Aristotelis eo posteriores fere omnes illum sequerentur, et non Graeci tantum, sed Latini quoque et Arabes ad eum tanquam verissimum mentis Aristotelis interpretem respicerent, sed et sensu eminentiori vocaretur ἑρμηνεύτης, commentator, id est, interprete PATRICIO^l, seu quod omnes Aristotelis libros exposuerit, seu quod excellentissime, seu quod vtrumque. Sed non solis Peripateticis tantum hæc accuratione commendauit Alexandrum, verum apud Platonicos quoque magna eum auctoritate gauisum esse, ex eo constat, quod in schola Plotini eius commentarios lectos esse testatur PORPHYRIUS^m. Nec defuerunt inter sectatores philosophiæ Peripateticæ qui, cum de obscuro sæpe sensu Aristotelis disceptaretur, Alexandrum vnum audiendum esse contenderent; negligendosque alios dicerent, qui aliena dogmata Peripateticis infarciendo, veram Aristotelis mentem peruerterent. Et hi quidem Alexandrei dicti sunt. Quos vsque ad suam ætatem perdurasse ait IUL. CAESAR SCALIGERⁿ, valde indignatus cum stomacho *inscitæ pertinaciæ deliramentis eorum, qui se Alexandri sectatores esse malunt, quam principis veritatis, negando, ἐντελέχειαν nobis claram animæ definitionem non suppeditare.* Qua in re tamen laudem forte magis

i) Inscriptiones librorum eius, SVIDAS in Alex. T. I. p. 105. et veteres plerique.

k) Praef. L. I. de anima.

l) l. c. p. 138.

m) In vita Plotini c. 14. p. 116. conf. Vossius de sectis c. XVII. §. 16.

n) De subtil. adu. Cardan. Ex. CCCVII. f. 12. p. m. 939.

gis quam vituperationem meruit Alexandri schola: verum de ea videant philosophi. Fecit haec Peripateticae philosophiae cognitio, ut publico docendi Aristotelicam philosophiam muneri, non Romae quidem, (imperatores enim sibi praesenti adire non licuisse ipse refert ^{o)}) Athenis tamen vel Alexandriae, a Septimio Seuerio et Antonino Caracalla praeficeretur, nam *Aristotelis philosophiae professorem et magistrum publicum testimonii eorum praeconio constitutum se esse* ipse scribit ^{r)}. Ex quo simul patet, post A. C. N. CXCIX, quo Seuerus imperio admotus est, et ante annum CCXI, quo is fatis functus est, muneri professorio praefectum fuisse, vixisse tamen ultra Caracallae aetatem, ex multitudine scriptorum, quae exarauit, non absque verisimilitudine colligitur. Aristotelem vero ita pressis secutus est vestigiis, ut, cum animarum immortalitatem, de qua obscure mentem suam Aristoteles prodiderat, cum eius physiologia constare non posse cerneret, eam candide negaret, asserendo ^{s)} temere eos, qui illam animae tribuunt, perinde mentiri, ac si quis bis duo dicat esse quinque. De quo argumento et passim disputat, et multus est in libro utroque de anima, demonstraturus ^{t)}, animam esse *ἔδος τι τῆς σάματος ὁργανικῆς καὶ ἐν ἐτίαν αὐτὴν κατ' αὐτὴν*, quam veram esse Aristotelis mentem, recte, nisi nos omnia fallunt, contendit. Opposita enim haec thesis est dogmati Platonico, formas rerum, et animam quoque, esse *ἐστίαν αὐτὴν κατ' αὐτὴν*, et seorsim existere posse, cui opponebat Aristoteles, formas rerum materiae inseparabili modo esse immerfas; quod cum Aristoteles semel definiuisset, non potuit non Alexander animam pro forma corporis organici habere ab eo inseparabili, licet fatetur ^{u)}, eam omnino non indigere instrumento corporeo ad res intelligibiles capiendas, sed sufficere sibi met ipsi illorum ad rerum intelligibilium perceptionem. At haec formam tantum hominis constituunt, unde mentem diuinam extrinsecus aduenientem per humanum corpus, velut organum operari statuit, eoque sensu et ratione incorruptibilem et immortalem dici posse animam largitur ^{v)}. Quae quam maxime conformia esse menti Aristotelis, ex iis manifestum est, quae *tom. primo* ^{w)} de intellectu vniuersali, ex quo omnes hominum animae participant, differuimus. Et ex hoc scholae Alexandreae fonte ad Arabas quoque et ab his ad Italos ista doctrina fluxit, quam Achillinum, Pomponatium, Portum, Caesarem Cremoninum aliosque Peripateticos magni nominis defendisse, ad eorum tempora delati narrabimus, litesque ea de re motas nec sine puluere ductas exponemus. Ex quibus de atheismo Alexandri, quem ei obiecere Io. FRANC. PICVS ^{x)} et PAVLVS IOVIVS ^{y)}, iudi-

^{o)} De fato, init.

^{p)} l. c. p. 8.

^{q)} L. II. Topic. p. 72.

^{r)} L. II. Qq. et solut. c. 8. seq.

^{s)} L. I. de anima p. 138.

^{t)} L. II. p. 144. 145.

^{u)} L. III. c. 7. f. 1.

^{v)} De provident. c. X.

^{w)} Elog. vir. doct. n. 71. p. 164. conf. tamen Ven. REIMMANN. Hist. atheismi L. II. c. 26.

§. 5.

iudicium fieri potest. Periculofam enim sententiam hoc dogma fouere, et ad veros euertendos de Deo sensus esse aptissimum, nemo temere negauerit. Videtur tamen, vt ipse Aristoteles, ita et Aphrodisiensis hunc intellectum vniuersalem in intelligentia, vltimae sphaerae praesidenti quaesiuisset; nam de Deo et prouidentia diuina, ipso Aristotele accuratius saniusque philosophatus est. Illi enim et soli immortalitatem tribuit ^a, et parentem omnium, cunctis votis expetendum vocat ^b, et ens proprie atque simplex, ac substantialem quasi substantiam, quae immobilis mouet, neque gignitur vel interit, esse definit ^c; et prouidentiam qui Deo auferat, idem facere dicit, ac si niui demat alborem vel frigus, calorem igni, melli dulcedinem ^d; et propriam cuiusque rei naturam eius principium esse, causamque omnium, quae ab ea secundum naturam fiunt, profitetur ^e. Ex quo specimine de ratione eius explicandi Aristotelem iudicari potest, intelligique, abhorruisse eum a placitis Platonicis, quibus iniquiorem fuisse SIMPLICIUS ^f quoque notauit. Et tamen non a genuinis tantum Peripateticis, sed a syncretistis etiam Ammonio, Themistio, Olympiodoro, Simplicio, Boethio, Philopono magni habitus est, eius etiam opera ab Arabibus in suam translata linguam sunt, et laudata ^g passim eius in philosophando diligentia et accuratio. Quam adhibuisse ostendunt commentarii eius in libros Aristotelis magna cura scripti, quos enumerant PHILIPPVS LABBEVS ^h et Io. ALB. FABRICIUS ⁱ, quorum multi ad nos peruenerunt, quemadmodum liber quoque doctus et elegans de fato, deque eo, quod est in nostra potestate, ad imperatores Seuerum et Caracallam, tanquam primitiae muneris, hodie integer legitur ^j; ex quibus ingenii Alexandrei elegantia cognosci, Peripateticae vero philosophiae lux accendi satis ampla potest. Distinguendum vero hunc Alexandrum ab aliis esse, vel solum patriae nomen adiectum monet, quod omissum interdum occasionem dedit confundendi Aphrodisiensem cum Aegaeo, et vtriusque scripta, incerto, vt supra iam monitum, iudicio miscendi ^k; quemadmodum Peripateticum quendam Italum, Alexandrum de S. Elpidio cum Aphrodisaeo interdum commisceri monet IONSIUS ^l.

§. XIV.

§. 5. p. 189. Nihil huc facit, quod Deum demonstrari non posse dixit, id enim de demonstratione Aristotelica tantum intelligendum est, quae ex prioribus principiis fieri debet, conf. MOSHEM. ad CVDW.

^a) L. V. Top. p. 178.

^b) In L. VII. Metaph. p. 282.

^c) L. IX. p. 320.

^d) Qq. et sol. L. II. c. 21.

^e) De fato §. 6. p. 27.

^f) De coelo L. II. p. 91.

^g) Vid. quos nominat IONSIUS de Scr. Hist. phil. L. IV. p. 352. conf. VOSSIVS de festis c. XVII. §. 16. p. 92.

^h) Conspect. interpr. Plat. et Arist. p. 3.

ⁱ) Biblioth. Graec. Vol. IV. p. 63. seqq.

^j) Vt inur editione Graeco-Latina London. 1658. 8. edita, adiecto ad calcem AMMONII HERMEAE loco, de eodem argumento. In qua tamen editione merito miramur, elegantissimam H. GROTII versionem, quae inter scriptores de fato p. m. 143. ed. Paris. extat, fuisse neglectam. Oppugnasse hunc Alexandri librum Hieroclem, testatur PHOTIVS Cod. CCXIV. sed et POMPONATIVS de fato p. 378. eum improbat.

^k) Vid. PATRIC. T. I. L. I. p. 31. seqq.

^l) loc. cit.

§. XIV. Intelligi ex haftenus dictis potest, non defuisse inter philosophos Athenis et Alexandriae docentibus et de Platonis et de Aristotelis vera ac genuina mente discordiam atque lites, id quod diserto quoque Hieroclis constat testimonio ex PHOTIO ^m supra *sektione antecedente* producto. Vbi id quoque demonstrauimus, occasionem haec Peripateticorum et Platoniorum iurgia dedisse Ammonio, nouam eamque conciliatricem inter vtramque philosophiam excogitandi. Qua in re Platoniorum quidem et Aristotelicorum non paucos praeuuisse exemplum, ab Ammonio autem peculiarem sectam hoc institutum euasisse ostendimus, quae purgatam reformatamque se philosophiam tradere Platonis Aristotelisque decretis conformem, gloriata est. Videturque ab Ammonii tempore schola Peripateticorum, ab ista conciliatrice philosophia magnum detrimentum passa esse, licet Anatolius Peripateticam denuo scholam circa id tempus Alexandriae erexisset, vt *tomo tertio* demonstrabitur. Nam genuinos Peripateticos fere nullos ab hoc tempore deprehendimus, sectam vero Platoniorum Alexandrinorum in eo occupatissimam vidimus, vt praeter Platonem Aristotelem quoque, magistro reconciliatum commentationibus suis illustrarent, vel accommodando potius ad habitum philosophiae Ammonio - Plotinianae syncretisticum corrumperent. Id quod, repetendo paulisper ea, quae *superiore sektione* fuisse satis exposita sunt, abunde constabit. Plotinum enim in illustrando Aristotele operam quodque posuisse suam testatur PORPHYRIUS ^o, narrando praelegisse eum discipulis Peripateticorum dogmata et scripta exposuisse: Porphyrius autem et *praedicabilia et categorias*, et *physicarum auscultationum libros*, quique *de interpretatione* agunt, et *de categoricis syllogismis* illustrauit ^p. *Categorias* etiam et *analytica* Iamblichus enarrauit, Maximus Byzantinus, in Aristotelem commentarium scripsit ^q, Plutarchus Nestorii Proclo Aristotelis *de anima* librum enarrauit ^r; Syrianus in *librum III. XIII. et XIV. metaphysicorum* commentarium scripsit ^s. Proclus ipse doctrinam *de interpretatione* Aristotelicam Ammonio exposuit ^t, Ammonius Hermeae, isagogen Porphyrii *de quinque praedicabilibus* et librum *de interpretatione*, aliosque multos illustrauit commentario ^u; Damascius *parceolas in L. I. de coelo*, hodie inter MSSc. libros obuias, *epitomenque in quatuor primos et octauum physicorum Aristotelis* hodie desideratam composuit ^x. Quin Hypatiam quoque doctissimam ex hoc grege feminam philosopham Aristotelis libros studiosae, quae

P p p 2

Ale-

^m) Cod. CCXIV. p. 283.

ⁿ) EUSEB. Hist. eccles. L. VII. c. 32. N1-
СЕРН. L. VI. c. 36. HIERON. cat. script.
eccles. c. 73.

^o) Vit Plot. c. 14. p. 116. Displicuisse vero
ei praedicamenta Aristotelis, supra dictum.

^p) Vid. HOLSTEN. vit. Porphyr. c. 7. p. 247.

^q) SVIDAS in Maximus T. II. p. 494. qui
vero eum cum Ephesio confudit.

^r) MARINVS in vita Procli c. 12. p. 27.

^s) Conf. FABRIC. Bibl. Graec. Vol. VIII.
p. 431.

^t) AMM. HERMEAE comm. in L. de in-
terp. init.

^u) FABRIC. Bibl. Gr. Vol. IV. p. 164. Sed
iudicio et libertate vsus esse, elegans locus Comm.
in Cat. p. 5. docet.

^x) IDEM Vol. II. p. 125.

Alexandriae ipsam audiebat, iuuentuti explicuisse tradit *SVIDAS* ^γ. Imprimis vero memorabile est, hanc sectam Dialecticam Aristotelis maxime excoluisse, eo quod in ea manca videretur Platonis industria, doctrina vero de praedicabilibus et categoriis Platonica vel Pythagorica potius videretur, non Peripatetica, quippe quam ab Archyta sumisset Aristoteles. Fuere etiam, inter eos quidam, qui singulari industria in Aristotele explanando excelluerunt, licet eclecticici essent, inter quos cum Dexippus, Themistius Euphrades, Olympiodorus et Simplicius emineant, de his quoque philosophis porro agendum est.

Dexippus.

§. XV. DEXIPPVS ex Iamblichi discipulis fuit ^z, quem tamen nulla ratione nixus Iamblichi filium facit *PATRICIVS* ^a. Is, ut ex praeceptore patet, reformatae quidem Platoniorum scholae nomen dedit, Aristoteli tamen, quam Platoni, fuit addictior: id quod ex responsione patet, quam contra obiectiones, quibus Plotinus Aristotelis doctrinam de praedicamentis aggressus est, editam hodie legimus ^b. Putat hunc Dexippum, cum Dexippo Herennio historico Atheniensi vnum eundemque esse *VOSSIVS* ^c, qui ducem in eo habuit Tzetzem: at tempora repugnant. Dexippus enim Herennii sub Galieno vixit, teste *EVNAPIO* ^d et *SVIDA* ^e, hunc vero cum Iamblichi discipulus fuerit, Constantini M. tempora non superasse, adeoque serius quam illum vixisse oportet.

Themistius.

§. XVI. Nobile porro nomen inter philosophos seculi post natum Salvatorem quarti consecutus est *THEMISTIVS* ^f, dictus ab eloquentia Euphrades ^g. Natus est ignobili Paphlagoniae loco, patre Eugenio philosopho nobili, quem fatis defunctum oratione laudavit ^b. Fallitur itaque *PATRICIVS* ⁱ, qui veram eius patriam ignorans, Nicomediensem fuisse putat, eo quod aliquod tempus ibi commoratus est, atque docuit. Ex Aristotelis eum descendisse profapia, tradit Latinus commentariorum Themistii interpretes *HERMOLAVS BARBARVS*, sed sine teste. Illud ex epistola Constantii, qua Themistium senatui commendat, certum, parentes et maiores iam eius imperatoribus ob virtutem et literas innotuisse ^k. Adolescenti pater et elegantiores literas et philo-

^γ) In Hypatia T. III. p. 533.

^z) *SIMPLICIVS* in Categ. p. I. *Διάλεκτικος* ^δ *ἱαμβλίχου*, *TZETZ.* Chil. IX. v. 498.

^a) l. c. p. 140.

^b) *SIMPL.* l. c. conf. *FABRIC.* Bibl. Gr. Vol. IV. p. 156.

^c) De Hist. Graec. L. II. c. 16. de nat. Log. e. VII. §. 3.

^d) In Porphyrio.

^e) In Dexippus T. I. p. 524. conf. *IONSVS* L. III. c. 17. p. 279.

^f) De Themistio praeter *SVIDAM* T. II. Themist. p. 171. videndi *G. REMVS* et *Io. HARDVINS*, qui vitam eius orationibus a

se editis praefixerunt. Add. *TILLEMONT.* Hist. des empereurs T. V. p. 816. *IONSVS* l. c. L. III. c. 16. p. 294. *FABRIC.* Bibl. Graec. Vol. VIII. p. 1. seqq. Ast. erud. 1685. p. 461. Nouv. de la rep. des Lettres, 1681. Dec.

^g) *SIMPLICIVS* in L. VI. phys. p. 226. a scholasticis *dilucidi doctoris* cognomen tulit, conf. quos nominat *FABRIC.* l. c. not. e.

^b) Orat. II. p. 28. *IONSVS* l. c. reliquique laudari.

ⁱ) l. c. p. 141.

^k) conf. *FABRIC.* l. c. not. c. patrem eius philosophum fuisse, testatur etiam *PHOTIVS* Cod. LXXIV. p. 97.

philosophiam tradidit, obscurumque Aristotelis sensum explanauit ^l, viros etiam doctos quos in Ponto Asiae offendit, filio ad egregia quaeuis nato praeceptores adhibuit ^m. His doctoribus cum acerrimi ingenii et praeclarissimarum dotium adolescens diligenter in philosophia, praesertim quae secundum Aristotelem praecipit, exerceretur, euenit, vt mature philosophi valde obscuri libros non intelligeret modo, sed commentariis quoque, in proprios vsus confectis illustraret. Quos tametsi premebat iuuenis doctissimus, eo tamen inuito in manus deuenere hominum, tantoque cum applausu et approbatione lecti sunt, vt ipse narret ⁿ, Celsum, philosophum Sicyonium ex Iamblichi schola celeberrimum, lectis commentariis suis ad ipsum Constantinopolin vna cum discipulis aduolasse, atque dubiam horum sententiam oraculo fuisse confirmatam. Quae nominis et eruditionis eius existimatio ad nostra vsque tempora perennauit, magnorumque virorum calculum meruit, qui non dicendi tantum facundiam, sed iudicii quoque acumen in philosophando ex merito laudarunt ^o. Etsi vero domi iam inclarescebat, amplius tamen virtutis et eruditionis ostendendae theatrum quaerens, Nicomediam abiit, ibique aliquantisper docuit ^p, tum Constantinopoli sedem fixit, et viginti annos magna fama laudeque eloquentiam et philosophiam tradidit ^q. Sed Antiochiae quoque in Syria, et in Galatia Graeca regione se aliquandiu versatum fuisse, ipse innuit ^r. Romam etiam inuisit, inuitatus tamen lautissimis conditionibus, imperatoris etiam implorata auctoritate, vt ibi doceret, eo concedere noluit, sed breui post Constantinopolin rediit: ibi enim ducta vxore, ex qua liberos genuerat, sedem fixerat ^s. Parauit autem Themistio et exquisita eruditio, et facundia cum perspicuitate coniuncta prorsus incomparabilis nec satis laudanda, discipulos plurimos, et gentiles, inter quos eminet LIBANIVS, cuius ad Themistium epistolae ^t, quantus vir in rhetoricis et philosophicis literis fuerit, satis docent, et Christianos, inter quos GREGORIUS NAZIANZENSIS ^u etiam fuit, qui eum βασιλέω λόγων ex merito nominat. Tantaque eius fuit fama et existimatio, vt ipsis imperatoribus gratus esset, et ad grauissima eueheretur munera. Constantius enim non florentem tantum annis A.C. CCCLV in senatum eum cooptauit ^x, et iteratis literis ad maiores honores sexennium post commendauit ^y, sed ob panegyricum quoque imperatori dictum aerea statua donauit ^z. Iulianus et amicitia eum literisque frequen-

P p p 3

tibus

^l) Orat. XX. p. 234. XXIII. p. 294.

^m) Orat. XXVII. p. 332.

ⁿ) Orat. XXIII. p. 295.

^o) Conf. praeter praefationes editorum RE-MI, PETAVII et HARDVINI et biographos Themistii not. (f) laudatos, iudicia eruditorum collecta a MAGIRO Eponymol. crit. p. 774. et THOM. POPE-BLOUNT. cens. cel. auct. p. 229.

^p) Orat. XXIII. p. 299.

^q) Ibid. conf. HARDVINVS ad h. l.

quem IONSIUS p. 294. non satis affectus est.

^r) Ibid. p. 299.

^s) Constantii ep. ad Senat. p. 22. LIBANIVS epist. 1.

^t) Leguntur illae in Fabricii Bibl. Graec. Vol. VIII. p. 37. et in collectione epistolarum LIBANII Wolfiana nupera.

^u) Vid. EIVSD. ep. CXXXIX. CXL.

^x) PHOTIVS Bibl. l. c. p. 97.

^y) Opp. p. 18. seqq. ed. Hard.

^z) Orat. IV. p. 54.

tibus dignatus est ^a, et A. C. CCCLXII praefecturam vrbis Constantinopolitanae ornauit ^b. Parem fere gratiam apud Iouianum, Valentem, Valentinianum et Gratianum obtinuit, qui diuinam eius eloquentiam ita stupentes audierunt, vt quicquid vellet, quicquid illis commendaret, gratum ratumque esset, quam imperatorum gratiam ipse quodam loco ^c extollit. Maxime vero sub Theodosio Magno auctoritas eius creuit, tantaque cepit imperatorem prudentiae et eloquentiae eius admiratio, vt et munificentissimum se illi praeberet ^d, et praefectum vrbis Constantinopolitanae eum iteratis vicibus A. C. CCCLXXXIV, constitueret ^e, atque in occidentem profecturus Arcadium filium eius fidei atque institutioni traderet ^f. Quod licet dubium sit TILLEMONTIO, cui non videtur verisimile imperatorem pium, et Christianae religioni addictissimum filium in imperio successorem futurum informationi philosophi gentilis commendasse, patebit tamen ex iis, quae paulo infra de Themistii religione monebimus, ita se hac in re eum gessisse, vt nec suspectus imperatori, nec inuisus Christianis esse potuerit ^g. Accedit his, istis eum fuisse moribus, qui non potuere non virum optimum omnibus commendare, tantisque negotiis conficiendis, et legationibus suscipiendis fuisse adhibitum ^h, vt de summa eius erga imperatorem fide, maximeque, quam possidebat, prudentia Theodosius esset longe certissimus. Tandem senio et laboribus confectus de deponendo, quod gessit munere, cogitauit ⁱ. Etsi enim natalem et emortualem diem atque annum Themistii ignoramus, ipse tamen in *oratione ad senatum Constantinopolitanum* meminit, se per quadraginta fere annos obeundis legationibus, gerendaeque reipublicae operam nauasse ^k. Cum vero A. C. CCCXLVII prima vice Constantium imperatorem oratione sit allocutus, ante quod tempus muneri publico admotus non est, sequitur inde A. C. CCCLXXXVII adhuc senem vixisse, et cum ante vigesimum annum honores publicos non suscepisse probabile sit, septuagenario maiorem vsque ad finem fere seculi peruixisse. Quae coniectura inde confirmatur, quod in alia oratione ^l, A. C. CCCLXXXIII habita dicat, se de deponendo munere saepius iam corporis infirmitate, et senectute monente cogitasse. Recte enim ex eo concluditur, annis iam maturum reipublicae admotum esse, quia XXXVI munerum publicorum anno iam confectus fuit senio. Etsi vero omnino verisimile videtur, vsque ad seculi quarti finem vixisse Themistium, non audiendus tamen est PATRICIVS ^m, qui cum Olympiodoro seniore, et Syriano et Plutarcho Nestorii eum vixisse tradit. Hos enim philosophos seculo demum quinto inclaruisse, ex enarrata *superiori sectione* eorum

a) Testantur hoc IULIANI ad Themistium epistolae.

b) SVIDAS l. c.

c) Orat. XXXI. p. 354.

d) Orat. XXIII. p. 292.

e) Orat. XVII. HARDVIN. ad h. l.

f) Orat. XVIII. p. 224.

g) Hist. imperat. T. V. p. 493. 948.

h) Orat. XXI. p. 352. seqq.

i) Orat. XVI. init.

k) Or. XXI. p. 352.

l) Vid. not. (ii)

m) l. c. p. 141.

eorum historia liquet. Magnam vero laudem meruit Themistius non praestantissima tantum facundia et philosophiae cognitione, sed morum etiam suauitate, humanitate et aequitate, quae et inter philosophos, vt postea dicemus, et inter omnes imperatoris imperio subiectos concordiam summopere commendare eum iussit. Cuius memorabile exemplum narrant scriptores ecclesiastici: „Nempe Valens imperator Arianorum secutus partes, graui persecutione orthodoxos, siue ὁμοδοίους premebat, „acerbiora in dies supplicia aduersus illos comminiscens. Id aegre ferens „Themistius orationem ad imperatorem habuit, qua eum admonebat, „ne magnopere miretur, quod tanta sit dogmatum diuersitas apud Christianos. Eam enim exiguum esse, si cum multitudine et discrepantia „opinionum, quae apud Graecos sint, conferatur: quippe cum apud „istos plures, quam trecentae sint opiniones. Porro ex varietate opinionum necessario consequi maximam dissensionem. Deum tamen hac „opinionum varietate delectari, vt singuli maiestatem ipsius magis reuerentur, vel ob id, quod difficile est, eum cognoscere. Haec et eius „modi alia cum philosophus ei exposuisset, aliquanto mitior factus est imperator. Modestiam vero eius inter summos honores eleganter prodit tetraſtichum eius in se ipsum, quod editioni Aldinae operum Themistii praefixum est Graece, et I. LIPSIVS ita Latine exhibuit:

Aetherea in sella positum te cura subiuit

Sellae argentatae, pro pudor et macula!

Maior erat humilis, minor es nunc, sublimatus,

Descende, vt possis scandere nunc iterum.

Neque dubitamus asserere, animum ad concordiam pacemque naturali inclinatione prouentum eclecticae philosophiae studium, concordiaeque inter Platonem et Aristotelem ineundae amorem ei excitasse. Etsi enim et patris et praeceptorum institutione ad Aristotelem potissimum erat adductus, plurimamque in explicanda philosophia Peripatetica ponebat operam; tantum tamen abest, vt Platonem reiecerit, vt eum et eloquentiae causa et philosophiae gratia plurimum faceret, et vtriusque philosophiam probaret, atque commentariis etiam illustraret; immo omnium fere sapientum placita in vnum systema posse confundi, putaret, si demtis non necessariis, ad dogmata praecipua attenderetur. Sane se cum diuino Platone versari, cum Aristotele habitare, ab Homero non diuelli, ipse professus est; quem characterem esse scholae eclecticae, ex antecedentibus

n) SOCRATES L. IV. c. 32. SOZOMEN. L. VI. c. 36. NICEPHOR. L. XI. c. 46. Tripartita Hist. L. VIII. c. 12. conf. IONISIVS l. c. p. 295.

o) A DVDITIONE versa duodecimum occupat locum inter orationes. Eiusdem argu-

menti est Orat. V. ad Iouinianum.

p) Inde repetiit FABRICIVS loc. cit. p. 4. not.

q) Ad SENECAE epist. 68. p. m. 414.

r) PHOTIVS l. c.

s) Orat. XXXIII. p. 366.

tibus notum est. Enarravit itaque et Platonem, teste PHOTIO ^a, cuius tamen nihil ad nos peruenit, et Aristotelem, quem perspicuis et elegantibus paraphrasibus ^b illustravit, et philosophiam eloquentiae melle deliniuit, quas nobis seruatas esse merito gaudemus. Maxime vero Themistium ἐνθεσίδην ostendunt orationes elegantissimae, nectare dulciores, quarum post G. REMVM et DIONYS. PETAVIVM pulchram editionem debemus IOANNI HARDVINO ^c. De religione vero Themistii dubios quosdam videas, vtrum Christianis accensendus sit, nec ne? Qui affirmatiuam hic sequuntur partem, diuersis ducuntur rationibus. Post PATRICIVM ^d enim et HORNIVM ^e, recentiores quoque alii Themistium CP. praefectum eundem esse putant cum Themistio illo, qui auctor sectae illius fuit, quam a dogmate, quo Christum λόγον multa ignorasse dicebant, Agnoëtae plerique dicebant. Seduxit hos NICEPHORVS ^f, qui ita: *Ioannes iste Philoponus Alexandrinus, ita vt diximus Tritheitarum praefectus fuit, perinde atque olim Themistius philosophus sub Valente Agnoëtarum sectae praeiit.* Addunt Christianae Themistii religionis patroni, fuisse eum in Gregorii Nazianzeni amicitia, et inueniri Salomoneae sapientiae imitando expressae in eo vestigia, et alia quaedam Christianum sapientia in eo deprehendi. Verum falli viros doctos dudum ab aliis, qui sine praeiudicio rem expenderunt, demonstratum est ^g. Falli enim Nicephorum, quique eum sequuntur, duosque inter se miscere Themistios, gentilem philosophum, et diaconum Alexandrinum, temporum rationes satis euincunt. Nam et LIBERATIVS ^h testis est, Themistium hunc, cognomento Calonymum, diaconatus munere apud Alexandrinos functum esse, et PHOTIVS testatur ⁱ, ex Seuerianorum eum fuisse numero. Seuerus autem iste Antiochiae vixit sub Anastasio A. C. DXIII, ex quo clarum est, Themistium Agnoëtarum ducem posthaec demum tempora fuisse. PHOTIVS etiam auctor est ^j, vixisse eum post concilium Chalcedonenſe A. C. DLI habitum, et scripsisse contra Ioannem Philoponum, qui post hanc aetatem floruit. Ex quibus sole meridiano clarius est, duorum fere seculorum spatio vtrumque inter se Themistium differre. Valde vero frigidum est, quae vir quidam doctus ^k pro Nicephori opinione affert: duos quidem fuisse Themistios, vnū Christianum philosophum Agnoëtarum parentem, alterum diaconum Alexandrinum, qui eandem haeresin resuscitauerit. Vnde enim probabitur, Themistium philosophum hunc errorem fouisse, vel eum seculo iam tertio ena-

^a) Cod. LXXIV. p. 97.

^b) In Analytica posteriora, physica, de anima, de memoria et insomniis Vener. 1534. fol. in librum de coelo et L. XII. Metaphys. quae latine tantum leguntur. Conf. FABRIC. l. c. p. 29. seqq.

^c) Paris 1684. fol. conf. Agt. erud. 1685. p. 461. FABRIC. l. c.

^d) l. c. p. 141.

^e) Hist. phil. p. 214. Continuator VOSSII

de sectis c. III. §. 3. p. 173. STOLLIVS licet dubius Hist. lit. P. II. p. 373.

^a) L. XVIII. c. 50.

^b) Vid. CAVE Hist. lit. S. E. p. 374. ION-SIVS l. c. p. 294. FABRIC. l. c. p. 5.

^c) In Breuiar. c. 19.

^d) Cod. CVIII. p. 154.

^e) Cod. XXIII. p. 6.

^f) Obs. Hal. T. I. obs. 15.

enatum fuisse? et quis Christianum iudicabit Themistium, qui vel unam fere eius orationem sine praeiudicio legerit? Reliquas quas pro hac re afferunt, rationes eleganter discutit Magnus WELSERVS, qui ita in epistola ad G. REMVM ^g: *Themistio quod Christianam religionem tribuis, quam optarem, me posse subscribere? sed verum tibi fatebor, ego huius rei nullum vestigium in his omnibus orationibus inuenio. Vnum nimirum Salomonis locum adumbravit: idem alios itidem gentiles fecisse nouimus, et hunc ipsum Christianus aliquis, numquam profecto Assyriis transcripsisset. At Gregorii Nazianzeni amicitiam coluit. Num non etiam Libanius Basilii? Quid de reliquo in eo Christianum est? certe non philosophi nomen, quod antiquitus de vlllo vnumquam Christiano absolute usurpatum vix puto. Scimus Iustinum Christianum philosophum, sed cum adiectione martyris. Non ipse scriptionis sensus, in qua multa vere anti-Christiana, et postrema a Duditio versa oratio, quam tota fere impia? quae ne mica, ne borreo quidem salis, in homine Christiano excusari potest. Et meo animo multum interest intelligere, minime Christianum fuisse, qui scripserit. Haecenus vir illustris, cuius rationes rem prorsus definiunt. Quamuis autem a Deorum cultu et auita superstitione publica professione non recesserit Themistius, non tamen aequum modo erga Christianos seruauit animum, et naturae bonitate et dominorum, quibus seruiebat, voluntate formatum; verum regulis quoque sectae, cui adhaerebat eclecticae, instructus in eam descendit opinionem, omnes religiones suo modo posse admitti, liberumque esse, quo fere modo quis Deo seruiat, modo ab impietate purum feruet animum. Eo enim maxime argumento Valenti diffidorum inter Christianos eo tempore feruentium tolerantiam suasisse, Socratis testimonio supra narrauimus, et orationes quoque hodie extantes luculenter demonstrant. Cuius principium, quod animo infedit suo, quodque Platoniorum Alexandrinorum scitis accurate respondet, hoc posuit ^b: *informasse Deum omnium mentes, quamuis agrestium et barbarorum, notione sui, studiumque pietatis ita omnibus insculpsisse, ut neque persuadendo, neque cogendo ex animis exui posset. Rationem vero et viam, qua coli velit, non praescripsisse, sed cuiusque iudicio et voluntati permisisse. Nosque iam dudum vix aut ne vix quidem umbram vllam religionis habituros fuisse, si omnium mortalium idem semper ritus sacrorum, eadem habendarum ceremoniarum fuisset ratio. Nunc varietate opinionum et ad hanc diem altum auctumque esse studium religionis, et a posteritate ad sempiternum tempus studiose retentum iri. Alia ex hac oratione loca breuitatis causa non adducimus, legenda apud praestan-**

^g) In Cl. SCHELNORNI Amoenit. liter. P. III. p. 247.

^b) Orat. XII. p. 157.

stantissimum MOSHEMIVMⁱ, qui docte, more suo, ex his confecit, Themistium cum aliis huius sectae fautoribus prudentius de religione statuere cupientibus in eam descendisse opinionem, cultus varietatem nihil impedire, quo minus et Christiani et ethnici salutem consequerentur. Quod licet valde videatur *παράδοξον*, consentaneum tamen est principiis huius sectae, quae luculenter expressit Themistius, statuendo, *Deum naturae dominum, et fabricatorem occultari velle, et a cognitione nostra se longissime remouisse, neque ad captum ingeniorum nostrorum se demittere, hocque satis argumenti esse, non postulare eum ab omnibus unum idemque ius religionis: sed cuique de se sua non aliena sponte opinandi facultatem relinquere.* Ita vero Themistius, qui Christianis principibus seruiebat, et prudenter rebus dominorum suorum, quibus tot diuersissimarum religionum subditi erant, consulere putabat, et se heris suis gratum exhibebat, et licet Christianus non esset, ad temporis tamen circumstantias se attemperabat, et suae simul, cui adhaerebat, religionis cultoribus optime fauebat. Inde enim admissis his, quae imperatoribus non sine Venere et Apolline commendabat, principiis atque regulis, sequebatur, nec gentilem superstitionem, quam extirpare coeperat et euertere totam Constantinus M. cogitauerat, persequendam, sed liberum cuiuis, quicumque placeat religionis habitum Deorumque cultum relinquendum esse.

Olympiodorus.

§. XVII. Sequenti seculo quinto Peripateticae philosophiae notitia celebris fuit OLYMPIODORVS, philosophus Alexandrinus, quem circa A. C. CDXXX floruisse, ex Procli aetate colligi potest. Proclus enim, ut supra ex MARINO^k ostensum, nondum viginti annos natus ad Plutarchum Athenas secessit, cum iam Alexandriae Olympiodorum et Heronem, illum Peripateticam philosophiam, hunc mathematicas artes explicantem, audiuiisset; qui cum A. C. CDXII natus sit, sequitur inde circa dictum annum Olympiodorum Alexandriae Peripateticam philosophiam docuisse. Vtrum vero in schola Plotiniana docuerit, quoniam Platonica quoque dogmata tenebat, an in Peripatetica, quam Anatolium Alexandriae excitasse diximus, definiri difficulter potest; posterius tamen coniectura probabili se commendat, eo quod Peripateticae disciplinae docendae munus Olympiodoro MARINVS tribuit, eoque tempore Plotinianam scholam occupauerit Hierocles. Hunc vero Olympiodorum philosophum clarissimae famae vocat, magnaue dicendi facultate praeditum, MARINVS, ast qui propter suam in dicendo celeritatem et grauitatem rerum de quibus ageret, a paucissimis auditoribus intelligeretur. Id quod occasionem dedidit Proclo, ea quae obscure dicta essent a magistro, condiscipulis explicandi, eumque ita gratum reddidisse Olympiodoro,

ⁱ) De corrupta per Platonicos recentiores ecclesia §. 32. Vol. diff. H. E. p. 171.

^k) Vit. Procli c. 9. p. 19. SVIDAS in Olympiod. T. II. p. 631.

ro, vt filiam ei despondere cuperet, supra in Procli vita narrauimus. Fuisse alios quoque Olympiodoros, philosophiae laude et eruditione celebres constat. Inter quos praeter Olympiodorum Thebanum ¹, historicum haud incelebrem, Olympiodori duo, Platonicae sectae addicti, aliusque Peripateticus nostro iunior enumerari solent. Nam Olympiodori meminit ISIDORVS PELVSIO TA ^m, eumque Platonis admiratorem esse dicit. Quod licet tempora de Alexandrino intelligi patiantur, ex Marino tamen patet, hunc Aristotelis, quam Platonis, potius habuisse rationem; adeoque rectius vtrumque inter se distingui. Alter Platonicus is est, quem Platonis vitam a MEIBOMIO ad calcem DIOGENIS LAERTII editam descripsisse *tomo primo* diximus. Scriptum enim ab eo commentarium in Platonem hodiernum inter MSC. Codices in caesarea regiaeque Parisiensi bibliotheca et passim alibi extare, ex catalogis notum est ⁿ. Hunc distinguendum esse a Procli praeceptore ex eo euincitur, quod non tantum Proclum ipsum, sed et Proclo iuniorem Damascium laudet ^o. Extant porro Olympiodori *commentarii in Aristotelis libros meteorologicos*; ast is, licet ipse quoque Alexandrinus esset, a nostro distinguendus est. Iuniorem enim se fuisse, ipse prodit, testatus ^p cometen sua aetate conspectum anno CCLXXXI Diocletiani, qui incidit in annum Christi DLXV. Alium Olympiodorum Alexandrinum, Diaconum eius ecclesiae, aliosque huius nominis, quos FABRICIVS ¹ enumerat, tacemus. Lapsi sunt in his homonymis distinguendis LAMBEIVS ^r, LABBEVS ^s et IONSIVS ^t.

§. XVIII. Meruit etiam de Aristotele ex Eclecticorum secta SIMPLICIVS ^u, natione Cilix, discipulus Ammonii Hermeae ^v et Damascii ^w, atque Eulamii siue Eulalii familiaris. Floruisse Simplicium sub Iustiniano imperatore, inde liquet, quod cum reliquis Platoniciis, imperatoris

Qqq 2

1) Ex Aegypti Thebaide oriundus ideo memorabilis est, quod Chemiae peritus fuit, tantoque apud Theodosium iuniorem gratia et auctoritate floruit, vt ad Hunnos legatus ab imperatore mitteretur. Huius Olympiodori prodierunt Excerpta ex eius historicis commentariis, de quorum editionibus videndus FABRICIVS Bibl. Gr. Vol. VI. p. 237. seq. Vol. IX. p. 401. et VOSSIVS de histor. Graec. L. II. c. 20. p. 261. Diuersum hunc a Peripatetico Alexandrino esse, et nomen *παιτρον*, id est, operatoris chemici, et patria, et aetas prodit. Huic Olympiodoro libros inscripsisse suos Hieroclem coniicit IONSIVS de Scr. hist. philos. L. III. c. 10. p. 103.

m) L. II. ep. 52. 56.

n) Conf. FABRIC. Bibl. Graec. Vol. II. p. 63.

o) Conf. KVSTER. ad h. l. Suidae p. 681.

p) l. c. L. I. p. 20.

q) l. c. Vol. IX. p. 357.

r) Is Bibl. Vindob. L. VI. p. 187. Procli prae-

ceptorem cum iuniore Platonico confundit.

s) In conspectu Commentat. in Plat. et Aristotel.

t) De Script. hist. phil. L. III. c. 19. qui Olympiodorum Thebanum, Alexandrinum Procli praeceptorem, Olympiodorum ab Isidoro memoratum, Peripateticum iuniorem et Platonium iuniorem, quos inter se distinguendos esse, ex haecenus dictis manifestum est, vnum eundemque philosophum indicare contendit. Qui si ad temporum notationes, vt alias facere solet, attendisset, facile confusionem euitasset.

u) AGATHIAS L. II. p. 65. SVIDAS in *πλεβης* T. III. p. 171. qui tamen in Damascius T. I. p. 506. eum Eulamii Phrygis contrarium male facit.

v) Ad phys. I. comm. 12. p. 32. de coelo p. 115.

w) Ibid. L. IV. comm. 53. 141. IONS. de Scr. Hist. phil. L. III. c. 19. p. 306. qui tamen c. 18. p. 302. Damascium Simplicii discipulum perperam dicit.

toris edicto pressis ad Chosroem circa seculum sextum medium confugerit, ast improbat barbari regis moribus induciisque cum Romanis factis, quibus illis quoque de religionis libertate cautum, domi redierit, de qua re in Platoniorum Alexandrinorum historia * dictum. Studiosum Peripateticae doctrinae fuisse, ex commentariis in Aristotelis libros constat, in quibus et iudicii vim non contemnendam, et lectionis copiam philosophiae etiam veteris notitiam singularem prodidit. De quorum editionibus videndus FABRICIUS †. Et si vero multam Aristotelis philosophiae impendit operam, Platoniam tamen cum ea more sectae suae coniunxit, quin et Stoicam utrique applicuit, indeque mixtum illud philosophiae genus mire confirmavit, quod in antecedentibus fuisse delineauimus. Specimen eius rei dabit commentarius in enchiridion Epieteti, in quo Platonica, Peripatetica et Stoica, quin Christiana quoque miscentur ‡. Aristotelem vero contra Philoponum pertinaciter defendit.

*Decrescens
philosophia
Peripatetica.*

§. XIX. Et haec quidem celebriora nomina sunt, quae de Aristotele praeclare meruerunt. Non defuere quidem alii quoque, qui ad illustrandas Peripateticas literas symbolam suam contulerunt, inter quos est Priscianus Lydus commentario in Theophrastum notus †, qui cum Isidoro Damascio, Eulamio, Simplicioque in Persiam abiit. Transiit etiam disciplina Peripatetica ad Christianos, inter quos in oriente Ioannes Philoponus, in occidente Boethius magnum sibi in huius sectae philosophia nomen parauerunt. Ast illi exiguae famae sunt, vixque commemorandi; horum vero consideratio in sequenti tomo, qui philosophiae inter Christianos fata et historiam explicabit, instituenda est. Seculo vero post C. N. septimo cum irruptionibus gentium barbararum cuncta vastarentur, Mauritii funesta fata philosophiae quoque studiis exitum attulerunt, expirauitque quae sola fere haecenus obtinuerat secta Platonica reformata, quodque in ea viguerat Platonis atque Aristotelis studium. Cum enim publicae calamitates tanquam torrentes vniuersum Romanum imperium occupassent, et in Italia quidem diu iam Gothorum Vandalorumque incursionibus barbaries triumphasset, Phocae tandem crudelitas Heraclii negligentia, bellum contra Chosroem infelix, et Saracenorum, instar diluuii ingruens tandem irruptio cladesque maximae philosophiae quoque in oriente indixerunt exilium. Tandem Seculo X, Barda imperante noua lux quaedam bonis literis et imprimis philosophiae Aristotelicae affulsit, inuentique sunt viri acuti et industrii, qui nouis conatibus secundum Aristotelem philosopharentur, hinc post Ioannem Damascenum, Pselli, Michaelis Ephesii aliorumque non ignota sunt nomina, suo tamen loco infra in Christianorum philosophorum historia enarranda.

Quae

* In Damascio.

† Iudicium cape ex catalogis scriptorum a Simplicio allegatorum apud FABRIC. Bibl. Gr. Vol. VIII. p. 621. quod rarum suo tempore

fuisse ipse monet, comm. ad phys. Aristot. p. 9.

‡) FABRIC. Vol. III. p. 263. Vol. VIII. p. 645.

§) Conf. FABRIC. Bibl. Gr. Vol. II. p. 2.

Quae vero inter Christianos in exilium acta fuit Peripatetica philosophia ad Arabas confugit, et recepta tandem, non obstante Muhamedis erga bonas literas artesque odio feliciter recepta est, et benigne habita. Id quod in *tertio tomo* latius prosequemur. Hic enim non Peripateticae tantum, sed omnis quoque philosophiae sub imperatoribus Romanis terminus fuit, quatenus a gentilibus culta fuit philosophis. Quam praeter vastationes gentium barbararum Iustinianus primus fixisse videtur, sublati quae philosophis hactenus soluta erant salariis, ut templa ex ea pecunia exstrueret. Leo vero Isaurus immani facinore roborauit, publicum convictum virorum doctorum, qui instruendae iuuentutis causa publice alebantur, eo quod consilia destruendarum imaginum non adiuuassent, cum libris et aedibus comburendo, ut narrat ZONARAS. Sed non imperantium tantum socordia, zelusque praeposterus, et populorum barbarorum inuasiones philosophiam tandem expulerunt, quod fatum Athenas ex ea causa passas esse notat EVNAPIVS^b; sed nescio qua fatali periodo inter ipsas philosophantium cohortes amor fere omnis philosophiae et honestarum disciplinarum exspirauit. Id Alexandriae contigisse suo tempore grauiter conqueritur AENEAS GAZAEVS^c. Dabimus ipsa eius verba, quoniam occidentibus philosophiae studiis lucem foenerantur: *Olim pulchrarum rerum Alexandriae erat studium; nunc omnia id genus passim euanuerunt. Qui nomina tabulis studiosorum dederunt, abhorrent doctrinam: cuius erat docere, nihil praeter supercilium doctoris habet, caetera vel docendis rudior. In circo et theatro iuuentus habitat, frigent liberalium subsellia artium, magna vastitate horrent philosophorum scholae.* Talis cum Alexandriae facies fuerit, ubi philosophiae praecipuum erat emporium, facile inde coniici potest, immanem barbariem reliqua loca imperii Romani occupauisse. Donec superuenerunt Saraceni, qui ignorantia omnia complentes, bibliothecas Alexandrinas, ut postea dicitur, exusserunt, ne quid veteris eruditionis in tam celebri vrbe superesset. Sed de his infra.

§. XX. Diuidicari iam sine magno labore, et mediocri attentione adhibita, ex enarrata hactenus Peripateticae sectae ad medium vsque aeuum historia eius vicissitudines factorumque varietas et rationes atque circumstantiae possunt. Quas ut vno quasi fasciculo lectori exhibeamus, et quae dicta prolixè sunt, in summam contrahamus, paucis his observationibus rem omnem complectemur:

I. Periisse scilicet veram Peripateticae philosophiae faciem post Theophrastum fato functum, libroque Aristotelis et Theophrasti in hominum idiotarum manus delatos neglectosque; Andronicum vero protrahentis ex squalore et puluere libris Aristotelis genuinam explicandi huius

Qqq 3

phi-

^b) In Maximo.

^c) In Theophrasto.

*Observationes
generales de
philosophia
Peripatetica
sub Imp.*

philosophi dogmata methodum reuocasse, posterisque tradidisse. Et hac tamen diligentia non obstante ex infeliciter factis lacunis et confuso librorum Aristotelis ordine non exiguum iacturam passam fuisse philosophiam Aristotelis.

II. Secuta esse tempora infelicia, quibus ut nullius fere sectae philosophis ita nec Peripateticis honos ullus habitus est, tyrannide omnia complente. Accidisse etiam, ut scholasticum eloquentiae studium, quod magnopere post Vespasianorum aetatem florebat, Peripateticae philosophiae incrementis obicem poneret, cum theoretica philosophiae ratio, concisiori et scholastico argumentandi modo usa effuso differendi generi, quod sectabantur sophistae non valde conueniret, idque iuuaret magnopere ^d.

III. Corrupisse inualescens Seculi secundi initio *πολυμαθείας* studium philosophiam Peripateticam, et occasionem dedisse syncretismo, quem adulterasse veram Aristotelis mentem exemplis docuimus. Cum enim reliquas quoque sectas tanquam exploratores perquisiissent, placuit varietas opinionum, quae in Aristotelis systema translata monstra opinionum peperit, id quod imprimis per eclecticicos siue Alexandrinos Platonicos factum esse luculentis speciminibus demonstrauimus.

IV. Emergisse quidem sub Antonino Pio Peripateticam philosophiam et ad pristinum honorem adspirasse, locum in cathedra publica capientem, professoribus lautis salariis ditatis auctisque; sed et hanc fortunam suas vices expertam esse. Ab eo enim tempore magna inuidia sectas se mutuo pressisse odioque cumulasse Vatiniano. Cui cum medicina ex syncretismo cum Platonica philosophia initio allata esset, remedium ipso morbo fuisse deterius pestilentiusque.

V. Damnosam quoque Peripateticae philosophiae fuisse audaciam criticorum et grammaticorum, lacunas in scriptis Aristotelis ex ingenio suppletium, suasque nugas magno philosopho supponentium; obscuritate autem eius ad illum finem vtentium, ut coniecturas suas saepe friuolas, sane semper audaces, Aristotelis menti esse conformes, contendere possent.

VI. Nouam tamen spem melioris fortunae attulisse Alexandrum Aphrodisiensem, qui neglecta syncretistica secundum Aristotelem philosophandi methodo, pressius philosophum secutus est, hancque disciplinae Peripateticae purioris rationem, auctoritate imperatorum in cathedram publicam traduxit. At exorienti luci mox ex eodem, quo progressa est ista felicitas, fonte grauem obstitisse nebulam, Caracalla imperatore, qui

^d) Conferri non sine iucunditate hic potest cum huius sectae historia *PHILOSTRATI* vitae Sophistarum.

qui cum patre Seuero Alexandro Aphrodisiensem Peripateticam philosophiam publice docere iusserat, de eo consilia agitante, vt omnes Aristotelis libri plane tollerentur, eo quod Aristotelis arte Alexandrum M. veneno sublatum esse crederet.

VII. Etsi vero Alexandria schola sinceriori modo Aristotelis dogmata enarrare contenderet, non tamen adeo seruilem eam induisse animum, vt nulla in re ab Aristotele diuortium facere auderet, sed passim in alias opiniones abiisse. Cuius rei exemplum supra in ipso Alexandro Aphrodisiensi exhibuimus, prouidentiam diuinam contra Aristotelem asserente. Multis hanc philosophandi libertatem in schola Peripatetica obseruatam exemplis probauit PATRICIVS ^e, dignus qui ea de re attente legatur. Ita vero laudabile quidem philosophandi exemplum eos exhibuisse, ast genuinam Peripateticae philosophiae mentem his adeo non adiutam fuisse, vt potius alienae opiniones Aristoteli affingerentur, quilibet facile intelligit.

VIII. Maxime vero ad variam explicandi Aristotelem methodum, quae in eius schola post C. N. obtinuit, attendendum esse, eamque diuersa ratione variasse. Probe id obseruandum est. Quidam enim, vt Aspasius, plurimum operae posuerunt in verbis Aristotelis et interpretandis et corrigendis, et restituendis, idque et grammatica ratione et philosophica, quod, quo quis erat ingenio felicior, eo periculosius erat, ne veri sensus Aristotelis peruerterentur. Alii paraphrasibus obscuritati librorum Aristotelis mederi cupiebant, id quod Andronicus iam tentauit, maiori vero felicitate exsecutus est Themistius; non sine metu proprias eos ingenii sui cogitationes verbis Aristotelis affinxisse. Alii accuratius in exponendo Aristotele versaturi, totosque libros aemula quadam tractatione explanaturi, et argumenta librorum atque summam et modum demonstrationis, et rationum pondera excusserunt, cum ipso quasi Aristotele philosophati. Quam commentandi in Aristotelis libros rationem praecipue Alexander Aphrodisaeus tenuit, vnde commentatoris nomen adeptus est. Alii tandem solis principiis Peripateticis vsi, ad mentem quidem Aristotelis de materiis dialecticis physicis et ethicis differuerunt, ast suos sensus, suasque ratiocinationes secuti, suas opiniones exhibuerunt et demonstrarunt, quas cum Peripateticis principiis inaedificassent, Aristotelicas esse dixerunt. Cuius generis commentationes Peripateticae innumerae extant. Alios plures exponendi Peripateticam philosophiam modos exponit PATRICIVS ^f, in quibusdam tamen μικρόλογος, muscasque captans. Ex his autem quilibet, cui sanum syn-
ciput est, intelligit, multa potuisse obrepere, de quibus Aristoteles nunquam


^e) l. c. l. XII. p. 160. seqq.

^f) l. c. p. 146. seqq.

quam cogitavit, sicque veram ac genuinam eius philosophiam multis modis potuisse adulterari.

IX. Dubium vero non esse, multiplicem variamque hanc explicandi Aristotelem rationem multis contentionibus et disputationibus de vera Aristotelis mente portam aperuisse, quae cum ad Saracenos, de vera eius sententia ob multas causas, infra exponendas, incertos et ab his ad scholasticos doctores transiissent, enatum inde esse contentiosum illud et ab ipso Aristotele abhorrens philosophiae genus, quod Scholasticae philosophiae nomine in *tomo tertio* accurate delineabimus.


X. Accessisse tandem intestinis his malis eclecticae sectae studium et vindicandi sibi Aristotelem et cum Platone reconciliandi, et alias sectas supprimendi: idque multas quidem nobis commentationes in Aristotelem peperisse, eruditionis luminibus non carentes; ast veros tandem sensus Aristotelis in se obscuros et latentes multo magis abscondisse. Et ex his omnibus hoc tandem statuendum esse; non sufficere Peripateticorum post C. N. diligentiam ad veram Aristotelis mentem et sententiam ex scriptis eius eruendam.



SECTIO SEXTA. DE SECTA CYNICA.

§. I.

*Fata sectae
Cynicae.*

 **S**ectae Cynicae post natum Salvatorem fata cognituro ad historiam eius ante C. N. respiciendum, et indoles atque constitutio illius sectae recogitanda est. Accurate enim *tomo primo* demonstrauiamus, eius finem atque scopum non fuisse, theoreticam quandam sectam condere, et peculiare doctrinae exstruere aedificium; sed practicae potius virtutis exempla ostendere, et singulare vitae institutum sequi, quod et ipsum philosophicam virtutem, heroicumque aliquod sapientiae viuendo expressae robur exhiberet, et ad virtutem commendandam vitiumque acriter reprehendendum, emendandosque corruptos hominum mores sufficeret. Demonstratum porro, elegisse sectam Cynicam ad hunc finem obtinendum vitam durissimam, et spontaneo paupertatis iugo suscepto ex beneficiis hominum diuitum vixisse, indictoque affectibus bello insuperabile pectus communi vitiorum torrenti obiecisse: usam autem fuisse et lingua acerrima, et acumine in reprehendendis hominum moribus ingeniose pungente; decori etiam cum affectata superbia anxie a Graecis obseruati negligentiam studiose coluisse. Quin et hoc nos docuit Cynicae sectae historia, viros magni animi, acerrimi iudicii, et in-

et inusitatae fortitudinis hanc viuendi rationem fuisse amplexos et non obstante singulari et a communi viuendi ratione prorsus deuiante vita, in magna auctoritate vixisse et patienter atque cum veneratione aliqua exceptas fuisse eorum reprehensiones, cauillis interdum ob nimiam dicendi et redarguendi licentiam similes, immo gratos eos magnis principibusque viris haud raro fuisse. Valde se commendauit hoc durum vitae genus, quod profitebatur secta Cynica, effecitque innata homini superbia, ut hanc auctoritatem et venerationem, qua Cynici veteres gaudebant, cum neglectu et commodi et decori complures affectarent. At de erat his hominibus Antisthenis, Diogenis, Cratetis animus, roburque illud, quod ad negligenda vitae omnis commoda perferendamque virtuti Cynicae austeritatem omnino requirebatur, de erat animi candor ad id vnice respiciens, ut grassantium scelerum torrens inhiheretur, et regnantia proculcarentur vitia: nec pauca quaedam virorum istum animi virtutisque robur exprimentium exempla impedire poterant, quo minus in turpissimam adulationem, et abiectissima mendicitatis opprobria, quibus nec recti nec decori ratio vlla habebatur, institutum vitae Cynicum degeneraret, et laudatam virtutem Cynicam maculis deformaret. Plena sunt declamationibus in impudentissimum hominum genus veterum scripta, quae otium, mores parasiticos, impudentiam, obrectandi licentiam, decori neglectum, et vitia fere quaelibet Cynicis obiciunt. Sane suo iam tempore CICERO ^a *Cynicorum nationem totam eiciendam esse statuit, eo quod inimica verecundiae esset, sine qua nihil rectum esse possit, nihil honestum.* Caesarum vero temporibus graui oratione passim in pessimos Cynicorum mores declamauit LVCIANVS ^b. Is enim in *fugitiuis* ^c accusata imagine Pseudo-Cynicos istos, descripturus, „sceleratum quoddam hominum genus esse dicit, et ut plurimum seruile et mercenarium cum philosophia non conuersatum a pueris sed seruitutem seruiens, aut sub mercede operam locans, aut alias artes exercens. Hos homines, cum reuerentiam, quae philosophiae exhibetur, conspexerint, et tolerantiam libertatis loquendi, hanc tyrannidem haud exiguum iudicasse, verum artes huc facientes discere non posse, artificia autem, et seruitutem molestam et intolerandam iudicasse. Re igitur diligenter perpensa ad focordiam declinasse, audaciamque et ignorantiam ac impudentiam in auxilium aduocasse, conuitia vero noua excogitasse, et externum philosophorum habitum, ut asinus Aesopi leonem in eius pelle, assumisse, vestem detritam sibi circumdeditisse, peram collo suspendisse, lignum in manibus gestasse, latrasse omnibusque maledixisse, securita-

tem

^a) De offic. L. I.

^b) In Diogenes et Crates, vitarum auctione

in Diog. et Antisthene, in Démonacte, in Peregrino et in Cynico, dialogis.

^c) T. IV. p. m. 321.

„tem vero, quod ob talia nihil passuri essent, formae reuerentiam prae-
 „stare; libertatem vero, inuito etiam domino promptam baculi expertam
 „violentiam. Caeterum farinam non amplius paucam, neque placentam
 „vt antea, tenuem, obsonia vero nequaquam solita, cepeue agreste,
 „sed carnes omnifariam, et vinum suauissimum, quin et aurum, cum
 „velint, paratum: etenim circumerrantes tributum colligere, multosque
 „dare existimare, vel habitus veneratione, aut metu ne male audire co-
 „gantur. - - Tali impostura ciuitatem repletam esse vniuersam, et ma-
 „xime sub Diogenis, Antisthenis et Cratetis titulo, nec non canum prae-
 „textu: Ceterum quod natura optimum est in canibus eos non imitari
 „sed gulositate, latratu, rapina, venereis, adulationibus dantium, men-
 „sarum denique frequentatione, his perquam diligenter elaborare. - -
 „Nonnullos et hospitum suorum adulterantes vxores abducere, Iliensis il-
 „lius iuuenis instar, tanquam et ipsae philosophaturae essent: quae vero in
 „conuiuuiis agant, quemadmodum inebrientur, longum fore recensere, et
 „haec facere, dum ipsi ebrietatem, adulteria, luxuriam, et auaritiam re-
 „prehendunt. Ipsos vehementia irae leuissimarumque rerum perturba-
 „tione, nec non indignandi facilitate etiam nuper genitos infantulos su-
 „perare: non paruum igitur risum spectatoriis mouere, cum quouis
 „etiam fortuito casu adeo illis ira ebulliat: colore autem liuidos videri,
 „impudens aliquid et abominabile prae se ferentes &c., Plura eiusmodi
 „et hoc loco, et alibi passim de Cynicis queritur Lucianus. Qui licet ad
 „ridendos omnes philosophos studium fere omne suum contulisse videatur,
 „tantum tamen abest, vt veros Cynicos contemserit, riseritque, vt potius
 „in *Cynico*, instituti huius alumnum verum atque genuinum egregie de-
 „pingat dilaudetque, et Demonactem Cynicum magnis laudibus extollat.
 „Quod si nobis liceret esse prolixis, facile labore complura veterum colli-
 „gi loca possent ^d, quibus vita pessima Cynicorum istis temporibus depin-
 „gitur, hominesque hos, qui Antisthenis se Diogenisque vel Cratetis
 „exemplum sequi, vel Herculis magis vestigiis insistere^e et eclecticis pra-
 „cticos se esse iactabant^f, magnamque in rebus fere omnibus ἀδίαφορίαν
 „affectabant, posthabito omni virtutis et honestatis cultu, gulositate, im-
 „pudentia, ventris studio, latratu maledicentissimo, et acerbissimis inue-
 „ctiuis bonorum omnium odia et indignationem, populi vero ex vestitu
 „et professione nescio quam morum sanctitatem colligentis plausum meru-
 „isse, multis exemplis conficitur. Tanta vero maledicentiae impudentif-
 „sima fuit audacia, vt ne principibus quidem viris immo ipsis imperatori-
 „bus

d) Vid. ATHENAEVS Deipnos. p. 156.
 conf. GAUDENT. de phil. Rom. c. CXLVI.
 p. 149. Acta philos. Vol. II. p. 914 vbi Cynu-
 leum Athenaei non nomen proprium philoso-
 phi, sed commune mali Cynici nomen esse in-
 geniosa coniectura traditur. Alias imagines
 Pseudo-Cynicorum vide apud IULIANVM
 Orat. VII. EPICTE T. diff. 22. L. III. p. 299.

aliosque, et ecclesiasticos, IUSTINVM, TA-
 TIANVM, AVGVSTINVM.

e) IULIAN. Orat. VI. p. 187. LVCIAN.
 in Demonacte T. I. p. m. 581. vir. aust. T. III.
 p. 107. EVSEB. praep. eu. L. XV. c. 3. et
 quae T. I. L. III. c. 8. de Cynicis differuimus.

f) Oenomaus apud IULIANVM l. c.

bus parcerent, quod suo malo fecisse Diogenem postea narrabimus, et in Peregrino notat LVCIANVS ^g, monens, insolentissimae linguae hominem in ipsum imperatorem audacissimis conuiciis debacchatum fuisse, quae cum ille neglexisset, neque supplicio afficere dignatus esset eos, qui rationem conuitiis impetendi alios artem sibi peculiarem fecissent, tantam dicendi licentiam non mediocrem Peregrino gloriam comparasse, donec is qui reipublicae procuracionem obibat, eiectionem eum ablegasset, cum praeter modum hac libertate abuteretur, dicentem, urbi nihil opus esse tali philosopho. Iudicari ex his facile potest, auctoritatem, qua veteres Cynici inter omnes pollebant, horum hominum malis et detestandis moribus prorsus concidisse. Et vitae quidem durioris specie, et victu atque amictu ab aliis se distinguebant, voluptatesque pedibus se calcare simulabant. Tunica utebantur duplici siue abolla ^h, immo ferarum pellibus tecti quidam incedebant, qualem depingit LVCIANVS ⁱ, mendicorum affectabant supellectilem, nempe ut AVSONIVS ^k habet:

*Pera, polenta, tribon, baculus, scyphus, arcta supellex
Ista fuit Cynici.*

Barbam etiam alebant, ut maiorem inde venerationem caperent ^l. Vita tamen nequissima propudiosum hominum genus et boni cuiuslibet indignationi, et plebis exposuit opprobrio, quae ignominia, immo verberibus nonnunquam ob linguae impudentiam eos male habebat ^m, petulantibusque adolescentes lapidibus impetebant. Tamque contempta tandem virtus Cynica reddita est, ut scortorum fieret ludibrium mulieresque publicato corpore infames illis illuderent. De quo illud PERSII ⁿ:

*multum gaudere paratus
Si Cynico barbam petulans nonaria ^o vellat.*

Non probabant haec viri graues et prudentes, qui feuerum institutum, summum philosophiae robur esse probe norant; aut prostitui philosophiae sanctitatem et venerabilem Cynismi auctoritatem pessimorum hominum profanis et detestandis plane moribus indignabantur, virtutis ipsius interesse rati, ne pro hypocritica vesania cultus eius haberetur. Quae illis

R r r 2

caus-

g) T. IV. p. m. 283.

h) Abolla a MARTIALE, *τολπω*, siue pallium detritum a LVCIANO Cynicis obiectum.

i) In Demonaeste T. II. p. m. 572. qui false quoque eos ridet in Peregrino T. IV. p. 288. qui peram et pallium facere Cynicum putabant.

k) In epigramm.

l) Hinc barbati magistri philosophi Stoici et Cynici disti PERSIO Sat. IV.

Barbatum haec crede magistrum

Dicere sortitio tollit quem dira, cicuta.

IVVEN. Sat. XIV.

Barbatos licet admoneas mille inde magistror.
CONF. HORNIVS Hist. phil. I. VII. c. 13. p. 379. qui tamen more suo multa aliena admiscebat.

m) LVCIAN. in Demonaeste T. II. p. 582. EPICET. I. c. p. 308.

n) Sat. I. v. 133.

o) Nonaria, scortum, quod a nona hora prostabat. CONF. GAUDENT. de phil. Rom. c. LXIX. p. 243.

caussa fuit, vt veram Cynici imaginem describerent, et qua ratione sapientiae minister esse deberet, ostenderent. In qua re valde diligentes fuere philosophi acuti, IULIANVS ^p, MAXIMVS TYRIVS ^q, DIO PRVSAEENSIS ^r, LVCIANVS ^s, et imprimis EPICTETVS ^t, qui prolixè de vita Cynica differuit, cuius haec Cynici veri imago est: *Primum tuis in rebus non amplius te tui similem esse oportet, nec quicquam eorum facere, quae nunc facis. Non incusandus Deus, non homo, appetitus plane tibi auferendus est, auersatio ad ea sola, quae nostri arbitrii sunt, transferenda, non te iracundum esse decet, non indignabundum, non inuidum, non misericordem, puella pulchra tibi videri non debet, non gloriola, non puellus, non placentula. Cynico parietum loco est verecundia, haec domus illi est, haec ianua, hi cubicularii, hae tenebrae, neque enim debet suarum rerum quicquam occultare.* - - *Primum tuus animus tibi purgandus, et illud vitae institutum, corpusculum nihil ad te, mors nihil ad te, quocunque in exilium abieris, ibi erit sol, ibi luna, ibi stellae, somnia, auguria, colloquia cum Deo. Vbi autem se ita parauerit verus Cynicus, his contentus esse nequit, sed scire debet, se a Ioue legatum esse, vt hominibus, quae bona, quae mala sint nuntiet: vt quantis in erroribus versentur, demonstret, vtque alio in loco bonorum malorumque naturam, quam vbi sunt, quaerant, vbi vero sunt, non cogitent. Reuera explorator est Cynicus, quaenam hominibus iucunda sint, quae inuisa, speculatur, quae vbi accurate indagarit, vera renuntianda sunt, nec metu oportet percussum esse, vt eos, qui hostes non sunt, pro hostibus ostendat. Sed reliqua quoque legenda sunt, prolixiora, quam quae huc transcribi possunt, in quibus examinandas prius vires, consulendum Deum, parandamque patientiam, vt tanquam asinus vapulet, formandam ad eandem virtutem familiam, praestandumque se praeconem Deorum immortalium hortatur. Multa in his esse a prima Cynicorum imagine defumta, inficiandum non est, at vitam quoque ascetarum respexisse illos, qui has Cynico virtutes imperant, vel ad ministrorum ecclesiae Christianae officia, quae praescribunt sacrae paginae, attendisse, dubium non est, nobisque alio ostensum loco ^u. Ab hac perfectae virtutis regula plerique, qui post Christum natum vivebant, Cynici deuiabant, et, quod IULIANVS Heraclio Cynico obiicit, *vagi ubique discurrebant, comitatu principis importuni, vrbes circumibant, optimis quibusque conuitiabantur, pessimis adulabantur, vitamque agebant vagam et inhumanam.**

Qua

p) Orat. VI. VII.

q) Dissert. XXI.

r) Orat. XIV.

s) In Cynico.

t) ARRIAN. dissert. Epict. L. III. c. 22. p. m. 299. seqq. Apud quem memoria repeten-

dum Cynicos a Stoicis tunica tantum distare, principiis fere conuenire: vt tomo primo demonstratum.

u) Diff. de Stoicis subdolis Christianorum imitatoribus, Tempe Helu. T. VI.

Qua in re cum monachis eos non sine calūnnia comparauit Iulianus ^α. Fecit haec degenerans a virtute antecessorum Cynicorum vita, vt et vehementer institutum Cynicum contemneretur, et honestos viros eius puderet, vnde mature decrementa cepit. Ad quae attulisse multum impudentiam caninam, qua ne principibus quidem viris ipsisque imperatoribus pepercerunt, et exilia passim meruerunt, Musonii, Demetrii, Peregrini exempla probant. Certe quod sub Antoninis Platonicae quidem, Stoicae, Peripateticae et Epicureae sectae mentio fit, quibus publica auctoritate philosophari concessum fuit, non vero Cynicae, argumento est, Cynicum institutum iam tum euiluisse. Id quod tantopere SIDONII ^β aetate, qui medio sec. V floruit, factum, vt de iis canat:

Exclusi prope iam Cynici vix limine restant.

Sane ab eo tempore vix vnus et alter in philosophica historia occurrit ^γ. Intelligemus haec omnia, si vitas Musonii Babylonii, Demetrii, Oenomaï, Demonactis, Crescentis, Peregrini et Sallustii examinauerimus, qui inter Cynicos complures, quorum fere nomina tantum nouimus, vel virtutibus vel vitiis illustres fuerunt.

§. II. MUSONIVS teste PHILOSTRATO ^α, Babylonius fuit, *Musonius Babylonius*. a Musonio Tyrrheno siue Thusco probe distinguendus; qui et patria et sectae professione, (Stoicus enim fuit, vt infra dicemus) a Cynico differt, licet eodem tempore Romae inclaruerit. Quin nec plures Musonii, apud veteres memorati inter se et cum nostro confundendi sunt, quod tamen viris doctis aliquoties accidit. Praesertim Stoicum Musonium cum Cynico confundendi occasionem dedit, et locus, vbi vterque simul vixit, et tempus et fatorum quaedam similitudo. Vterque enim sub Nerone Romae vixit et exilium passus est. Collegit hinc SVIDAS ^β Musonium Thuscum et Babylonium vnum eundem esse philosophum, id quod tamen nemo mirabitur, qui cogitauerit, multis nos negligentiae speciminibus et maxime homonymorum confusione saepius iam Suidam notasse. Qui tamen recentiores quosdam viros doctos seduxit, vt Musonium Stoicum cum Cynico eundem esse, coniicerent. Id quod post GAUDENTIVM ^γ πολυμαθέςατος GOTTFRIDVS OLEARIVS ^δ verisimile rationibus multis reddere docte laborauit. Summa vero earum haec est: Prodere nomen Musonii, Babylonium illum non fuisse, esse enim nomen hoc ex Latio; quod vero Philostratus Babylonium vocat,

Rrr 3

^α) Habet hoc cum aliis philosophis gentilibus Iulianus commune, qui monachos maximo prosequabantur odio, vt vel ex vno EVNAPIO in Aedasio p. 78. disci potest. Valde his indignatur GAUDENTIVS de philos. Rom. c. LXXII. attamen IVSTVS LIPSIVS manud. ad philosoph. Stoicam Cynicos comparauit cum Cappunicis L. I. diff. XIII. p. m. 75.

^γ) Carm. 2.

^α) E. g. Sallustius, de quo infra.

^β) Vit. Apollon. L. IV. c. 35. p. 176.

^β) In Musonius T. II. p. 579.

^γ) De philosoph. Romana c. LXXIX. p. 274. seq.

^δ) Ad l. c. Philostrati.

cat, non de patria, sed de professione esse intelligendum, idemque significare, quod Chaldaeus, nempe magum vel diuinum, quae vitae et doctrinae professio ei Apollonii amicitiam conciliauerit, carceremque apud Neronem meruerit. Prouocat etiam vir praestantissimus ad Suidam, qui Tyrrhenum e Volfinia dicit, filium Capitonis, et philosophum Stoicum atque dialecticum discipulumque Apollonii vocat. Dialecticum autem intelligit sensu Platonico, quo doctrina de spiritibus et theurgia ad dialecticam pertinet, vnde magiae suspectus factus. Vrget etiam, conuenire tempus, indolem, conditionem, maxime vero relegationem, quam passum esse Musonium patria Tyrrhenum ipse fateatur PHILOSTRATVS^e. Vnde pleraque etiam cum N. TILLEMONTIO^f ad hunc Musonium loca referenda putat, quae de T. Musonio Rufo apud Plinium, Tacitum, Dionem, Themistium, Iustinum, Iulianum aliosque occurrunt; licet fateatur tandem, difficile esse dicere, de quibusdam locorum allegatorum, vtrum ad Stoicum Musonium, an ad Rufum Musonium pertineant. Et haec quidem docte disputari a viro clarissimo, non negamus, assensum tamen vt praebeamus dictis, a nobis impetrare nequimus, sed adhaerendum putamus accuratissimis in homonymis discernendis iudiciis Io. IONSIO^g et Io. ALBERTO FABRICIO^h, qui Stoicum Musonium a Cynico distinguendum esse recte monuerunt. Rationes eius rei ab his viris doctis non allatae hae sunt, quae rem extra dubitationem ponere videntur. 1. Philostrati testimonium luculentum est, et sole meridiano clarius, vocatur enim isto loco *diserte ἀνὴρ Βαβυλώνιος*, homo Babylonius, quod patriam innuere nemo non videt. Quae enim doctissimus editor affert, Babylonium idem dici ac magum, valde contortum est, et verbis Philostrati vim affert vix tolerandam, nec demonstrauit is, Chaldaeum et Babylonium hoc sensu, vt magum significant, esse synonyma; de solo enim Chaldaei nomine verum est, quod cum mago in edictis imperatorum coniungatur. 2. Differre vero Musonium vtrumque, virum optimum fatis docere poterat sectae professio, quae diuersa in vtroque fuit. Et Thuscum quidem Stoicum fuisse nec ipse Olearius negat; Babylonium autem Cynicum fuisse et vitae eius historia probat, et EVNAPIIⁱ testimonium euincit, quod clarissimum est. De Apollonii enim tempore locutus addit: *Καρνεάδης δὲ ἦν κατὰ τοῦτους τοὺς χρόνους, καὶ τῶν κατὰ Κυνισμὸν ἐκ ἀφανῆς, εἴ τινα καὶ κυνισμῷ χρεὶ λόγον ποιῆσθαι, ἐν οἷς ἦν Μουσώνιος καὶ Δημήτριος καὶ Μένιππος καὶ ἕτεροι γε τινὲς πλείους.* *Ea tempestate fuit Carneades non obscuri inter Cynicos nominis, si modo haberi ratio vlla sectae Cynicae debet, inter quos erant Musonius, Demetrius, Menippus aliique nonnulli.* Sed et alio loco Cynissimum Musonii ipse testatur PHILOSTRATVS^k, episto-

e) L. VII. c. 16.

f) In Ner. p. 502.

g) De Scr. Hist. phil. L. III. c. 7. p. 248.

h) Bibl. Graec. Vol. II. p. 365.

i) In prooem. p. 7.

k) L. IV. c. 46. p. 187.

epistolam adducens Apollonii ad Musonium, quae haec est: *Cupio ad te venire, et sermonum ac tecti frui communione, ut aliquo modo te adiuvem, modo ne dubites, quod Hercules quoque ab inferno Theseum liberauerit, scribe quid fieri cupias, vale.* Reuocat hac epistola Musonio in memoriam Apollonii exemplum, Herculis: ast hunc sectae suae conditorem, huius se imitatores esse Cynici profitebantur, ut supra probatum. Falsum autem est, Musonium propter magiam in carcerem detrusum et in exilium fuisse actum; docet enim nos vitae eius historia, oris potius libertatem prorsus Cynicam hanc poenam meruisse. Testem volumus ipsum, quem ducem sequitur Olearius, SVIDAM¹⁾, qui diserte: *Hic ob linguae libertatem, et arguendi studium, et immodicam libertatem a Nerone sublatus est.* Cynicus itaque cum fuerit, a Stoico necessario distinguendus est. Sed et 3. Cynicum vlli muneri publico admotum esse, nemo dicit veterum; ast splendidis praefuisse muneribus Stoicum infra demonstrabimus. 4. Quin nec locus exilii vtriusque Musonii conuenit; Cynicus enim in Graeciam missus est, ad fodiendum Isthmum; Stoicus, teste PHILOSTRATO^m in Giaras, quae Cycladum vna fuit, relegatus fuit. 5. Parum vero ponderis habent, quae pro sua opinione assert Olearius. Quod si enim concedimus, Musonii nomen Latinum esse, insolitum tamen non fuit barbaris hominibus, ingratum Latinorum auribus asperumque quod in patria habuere, nomen, cum Latino vel Graeco commutare, qua ratione Malchi nomen cum Porphyrii commutatum fuisse appellatione supra diximus, ut alia exempla taceamus. Magum vero fuisse Musonium non alio ex loco probat vir eruditus, nisi ex falsa interpretatione eius, ad quem prouocat, quemque, distinctione prorsus non admittenda euertit; nihil enim alibi de magia Musonio obiecta occurrit, quod vel leuem habeat speciem, Suidas autem ipse contradicit, qui non magiae suspicionem, sed caninam dicacitatem orisque libertatem nimiam causam illi exilii extitisse, narrat. Prorsus vero inusitatum et vix vlllo exemplo probandum est, quod Philostrati editor putat, dialecticum idem esse ac Theurgum; et doctrinam quidem de Deo et spiritibus ad dialecticam retulisse Platonem certum est, de Platonicis autem huius temporis prius demonstrandum. Quod si hoc damus, euinci tamen nunquam potest, in dialectica Stoicorum, quam is agnoscit, vnquam de spiritibus vel arte theurgica fuisse praeceptum. Tantum etiam abest, ut has nugas curauerint Stoici, ut potius Pythagoreos Platonicosque ea de re riserint. Suidae vero auctoritas eo minus ponderis habet, quo magis in confundendis homonymis eum frequenter fuisse lapsum omnibus notum est. Tandem nec poena similis, eundem fuisse vtrumque Musonium probat, cum et locus exilii differat, et eo quoque tempore plures philosophos idem fatum sortitos, eandemque poenam passos fuisse constat. Verum ipse tandem desideratissimus OLEARIVS, Tillemon-

tium,

1) loc. cit.

m) L. VII. c. 16.

tium, Philostrati relationem suspectam facientem ex eo, quod ex Tacito et Dione pateat, Musonium relegatum fuisse, non in carcerem coniectum, refutaturus cum Scaligero statuendum esse putat, Musonium Rufum alium esse à Musonio nostro. Quibus rationibus omnibus accurate expensis, dubium nobis restat nullum, Cynicum hunc Musonium a Stoico distinguendum, nec cum eo, ut cum aliis, praesertim cum Musonio iuniori, de quo EVNAPIVS ⁿ videndus, confundendum, ut accidit H. VALESIO ^o et L. KVSTERO ^p. Pauca vero de hoc Cynico Musonio nobis constat, monuitque iam sua aetate EVNAPIVS ^q *Cynicorum recentiorum*, quos supra nominauimus, et inter quos primum fere locum obtinuit Musonius, *certam et exploratam actae vitae cognitionem, prodente, quod equidem constet, nemine, haberi non posse, vitae tamen locum abunde supplere corum libros, tanta eruditione refertos, tantaque observationum, in scientiis, quae mores entiumque naturam inuestigant copia scatentes, ut ex illorum animis, qui sectari eos cupiant, ignoracionem ceu caliginem quandam facile expellere valeant.* Hos vero libros cum hodie quoque desideremus, pauca nobis sufficere oportet, quae passim legimus, quaeque inter praecipuos Cynicos, fama illustriores Musonium fuisse, confirmant. Ex adducto PHILOSTRATI loco patet, eum sapientia proximum ab Apollonio habitum fuisse, qui cum fere diuinus crederetur, Musonii famam et existimationem haud exiguam fuisse, inde coniici potest. Quin alio loco ^r *maxime mortaliū philosophia excelluisse* scribit. Cynicos vero eum mores, maxime intrepida oris libertate et reprehendendi audacia, qua ne Neroni quidem pepercit, secutum fuisse, monstisque his debellandis Herculem imitari voluisse, supra iam diximus, iram vero et indignationem imperatoris eam ob causam meruisse, ex Suida narrauimus. Ea enim παρρησία adeo crabrones irritauit Musonius, ut in carcerem coniceretur, inque eo in magno periculo esset, mortuusque esset, quantum ad eum, cuius iussu in vinculis erat, nisi valido robustoque corpore extitisset ^s. In hoc vero carcere cum Apollonio Tyaneo amicitiam iniit et literarum commercium, cuius aliquot epistolas nobis seruauit PHILOSTRATVS ^t. Tandem in Graeciam in exilium missus est, ubi eum vidit Demetrius vinculis constrictum, et, ut apud Isthmum foderet, adactum; qua de causa cum Demetrius lamentatus esset, ille ligonem tenuit, et valide terrae impexit, sublatisque in coelum oculis dixit: moerore te afficio Demetri, quod Isthmum effodiam? quid vero passurus esses, si me quoque, sicut Neronem, cithara canentem videres ^u? Quo vero fati genere obierit, incertum.

ⁿ) In Proaeresio p. 139. fuit discipulus Eusebii Myndii eiusque in cathedra Sophistarum successor, vixitque sub Iuliano, Valente et Valentiniano Impp. adeoque a nostro distinguendus, conf. IONS. I. c. L. III. c. 7. p. 242.

^o) Ad AMM. MARC. L. XXVII. p. 342.

^p) Ad I. C. SVIDAE.

^q) Prooem. p. 6.

^r) L. V. c. 19.

^s) PHILOSTRAT. I. c. p. 176.

^t) c. 46. p. 187.

^u) L. V. c. 19.

tum. Etsi enim SVIDAS * de eo dicit, ὅτι ἐπὶ Νέρωνος ἀναιρέται, quod interpres vertit, a Nerone caesus est: recte tamen observauit OLEARIVS, τὸ ἀναιρεθῆναι generali sensu significare: e medio tollere, et ad relegatum etiam pertinere posse, qui ἐκ τῆς πόλεως ἀναιρέται quemadmodum SVIDAS τὸν Κορυῆτον σὺν τῷ Μετωνίῳ ἀναιρέθεντα, Cornutum simul cum Musonio vrbe exactum et sublatum dixit. Virum fuisse magnum, gestaque eius fuisse plurima et maxima testatur quidem PHILOSTRATVS †, sed qualia fuerint, se praetermittere dicit. Laudat in eo iniuriarum tolerantiam et animum philosophicum IULIANVS ‡ imperator. Orationes vero et epistolae eius interciderunt.

§. III. Musonio gloria inter Cynicos non par modo, sed superior fere fuit DEMETRIVS, philosophus ^a antiquae virtutis vereque Cynicae fortitudinis, qui quam Epictetus nobis depinxit Cynici faciem viuendo exprimere tentauit. Dolendum itaque pauca et exigua esse, quae de magno philosopho nobis reliquere veteres, in describendis Cynicorum vitis valde incurii. Accedit, Demetrii nomen peruulgatum inter Graecos fuisse, multosque philosophos nomen illud gessisse, quo factum, vt veterum narrationes non potuerint non confundi, nec via satis tuta pateat, Demetrios hos inter se accurate distinguendi. LAERTIVS ^b viginti enumerat, quibus addunt alios MENAGIVS ^c et VOSSIVS ^d: quinquaginta duos notant IONSIUS ^e et FABRICIVS ^f. Ex his plerique aetate quidem a Cynico Demetrio facile distinguuntur, cum vel eum tempore superent, vel infra eius aetatem sint, vitae quoque genere et professione a philosopho Cynico diuersi esse cognoscantur. E. g. Demetrius Alexandrinus Cynicus philosophus, Theombroti discipulus ^g, ante C. N. viuens, quem cum nostro confudit MENAGIVS ^h, recte ab eo distinguitur, quia Apollonio coaeuus fuit, et sub imperatoribus Caligula, Claudio, Nerone, Vespasianis et Domitiano floruit. Alium Demetrium Alexandrinum, cui Chytras cognomen fuit, Cynicumque institutum secutus est, tempus etiam a nostro distinguit; vixit enim teste AMMIANO MARCELLINO ⁱ sub Constantio, et conurationis in imperatorem suspectus tormentisque exploratus innocentiam probauit suam. Ast non aequae certum, vtrum a nostro Demetrio distinguendus sit Demetrius Cynicus, quem Sunium patriam habuisse, Rhodiumque sophistam praeceptorem, cum Antiphilo vero medico amicitiam sanctissime coluisse, ex LVCIANO ^k discimus. Cum enim ille

x) loc. citat.

y) loc. cit.

z) Epist. ad Themist. p. 262. SVIDAS l. c.

a) EVNAP. vit. Sophist. p. 7.

b) L. V. f. 84.

c) Ad h. l.

d) De histor. Graec. L. III. p. 352.

e) De Scr. Hist. phil. L. II. c. 18. p. 39. 210.

f) Bibl. Graec. Vol. II. p. 294. IV. p. 482. VI. p. 350. X. p. 390.

g) LAERT. L. VI. f. 94. Dictum de eo Tomo primo, L. II. c. 8.

h) l. c. et ad L. VI. f. 94.

i) L. XIX. c. 12. IULIAN. Orat. VII. VAL. L. s. ad l. c. Amm.

k) In Toxari T. I. p. m. 624.

ille Demetrius, de quo nobis sermo in praesenti est, Corinthi vixerit, Sunium vero Corinthiis paruerit, colligit inde G. OLEARIVS¹⁾, Demetrios hos inter se non esse distinguendos. Aliter vero visum MENAGIO^{m)}, qui serius, sub Vero scilicet, vixisse coniicit, quas etiam partes sequitur ὁπάρνυ FABRICIVSⁿ⁾, sui enim temporis historiam de incredibili Demetrii erga Antiphilum fide se narrare Lucianus ait. Opponit his Olearius; paulo ante Luciani tempora haec fieri potuisse. Ast his obstat, quod disertè LVCIANVS^{o)} scribit: *Antiphilum etiam nunc quidem in Aegypto esse, Demetrium relicta amico pecunia concessisse in Indiam profectum ad Brachmanas*: ex quibus rectè colligitur, Luciani tempore vtrumque vixisse. Addimus his Demetrium Sunio oriundum viginti drachmarum millia a iudice ob toleratas iniurias dono accepisse: Ast SENECA^{p)} auctore pauperrimum fuisse Demetrium Cynicum: nimis etiam distare tempora Neronis, quibus hic floruit, a Veri aetate, ut tantae senectutis hominem iter ad Indos suscepisse, verisimile fiat. Nisi dicamus, Lucianum tempora ex ingenio finxisse, ut argumento, more sophistarum, inferuaret, quod vero nodum secut non soluit. Meminit et alio loco Demetrii Cynici LVCIANVS^{q)}, narrans, eum, cum Corinthi conspexisset ineruditum quendam pulcherrimum librum legentem, arreptum codicem lacerauisset, satius esse dicendo, semel a se, quam ab illo toties dilacerari. Hoc vero vtrum ad seniores Demetrium Cynicum, vel ad iuniorem Suniensem referendum sit, dici non potest. Sed et PHILOSTRATVS^{r)} Demetrium Corinthium cum Alexandrino quodam Demetrio Fauorini familiari^{s)} miscere videtur. Adeo incerta et confusa satis est Demetrii Cynici historia! Enarrabimus tamen quae paulo certiora de eo constant. Et Corinthi quidem vixisse, Cynicae professioni se dedentem Demetrium, ex PHILOSTRATO^{t)} constat, Romae tamen aliquandiu vixisse quoque, ex Apollonii historia liquet, qui eum Romae vidit, sub Nerone. Ast iam sub Caligula vixisse Demetrium tradit GAVDENTIVS^{u)}, sed more suo, sine teste; et sine verisimilitudine; quia enim sub Tito adhuc superfuit Demetrius, extremam illum senectutem attigisse necesse esset, quam tamen veteres tacent. Romae quibus satis usus fuerit narrat PHILOSTRATVS^{x)}, tradens: *Demetrium se ipsum cum Nerone commisisse, maxime postquam gymnasium Nero absoluisset, omnium quae Romae essent, plurimum admirandum, festumque diem sacrificiis in eo peractis celebrauisset. Gymnasium enim ingressum Demetrium orationem habuisse aduersus eos,* qui

1) Ad PHILOSTRAT. vit. Apoll. L. IV. c. 25. p. 164.
 m) loc. cit.
 n) Bibl. Gr. Vol. II. p. 362.
 o) l. c. p. m. 632.
 p) De vita beata c. 18.
 q) Adu. indoctum T. II. p. m. 770.

r) l. c. L. IV. c. 25. p. 165.
 s) GALENVS de praecognit. IONIVS l. c. p. 211.
 t) loc. cit.
 u) De philos. Roman. c. LXI. p. 231.
 x) L. IV. c. 42. p. 182.

qui balneis utebantur, tanquam imbelles et seipsos inquinantes, inanesque esse istas impensas ostendisse. Quibus dictis, quo minus statim capite plecteretur, ei profuisse, quod cantus suauitate se ipsum eo die superasset Nero. Nec tamen effugisse Demetrium, quo minus magnum ob ea, quae dixerat, periculum subiret. Tigellinum enim praefectum praetorio Neronis Roma illum expulisse, non secus ac si balneum verbis suis esset demolitus. Supra tamen in Apollonii historia iam exposuimus, vix verisimile esse, Demetrium, omnis philosophiae robur complexum, ut ipse ait Philostratus, cantu cum Nerone certasse, vel eo tempore Cynicam *παρρησίαν* adhibuisse, quo plerique philosophi ab imperatore in exilium essent eiectioni. Roma pulsus Athenas commigravit, *forti adeo*, ut iterum PHILOSTRATUS ^γ scribit, *animo, ut ne eo quidem tempore, quo Nero in certaminibus indecenter se gerebat, e Graecia excefferit.* Ex quo liquet, oris istam, quam Cynici affectabant, libertatem studiose magnoque animo consecratum fuisse Demetrium, cuius exemplum memorabile illa esse possunt, quae Neroni mortem illi minitanti respondisse ait Epictetus ^z. Apollonii vero amicitiam cum Corinthi iniisset, eam sancte coluit, discipulosque ad colendum hunc virum adduxit ^a. Sub Vespasiano iterata vice Cynicae libertatis damna sensit, aut verecanem se demonstravit. Damnatus enim et in insulam in exilium missus Vespasianum in itinere obuuium habuit; ac neque assurgere neque salutare imperatorem dignatus est, sed oblatrauit: Caesar tamen satis habuit canem appellare ^b. Libertatem tamen ei procurauit et commendationem postea apud Titum addidit Apollonius. Ille enim redeunti ab Hierosolymarum oppugnatione, Tito Demetrium iungendum sibi suavit, ut haberet, qui ipsum, quae facienda essent, edoceret. In eo enim esse libertatem loquendi, et intrepiditatem, et veritatem, valereque cum Cynico robore ^c. Cumque Titus audito Cynici nomine turbatus esset, hunc dixit illicanem adfore, qui pro ipso aduersus alios, et contra ipsum quoque, si quando peccauerit, sapienter tamen et non sine ratione latraturus sit. Tum vero temporis Romae erat Demetrius, ad quem Apollonius epistolam scripsit, *seque praefecisse illum Tito monuit, ut institueret eum in moribus principem decentibus.* Velle itaque ut faciat, ut illi vera dixerit, et ipsi sit omnia seposita duntaxat iracundia ^d. Sub Domitiano vero, cum omnes philosophi Roma exire et Italia excedere iuberentur, Demetrius quoque exulare iussus est; qui tamen cum animo fortiori vteretur, Puteolos tantum secessit, ubi Apollonium cum sociis eum conuenisse, illique cum ex dicafterio disparuisset, ibi se reddidisse, *sektionē* ^e *tertia* narrauimus, quaque ratione vtriusque animus arctiori vinculo coaluerit,

Sss 2

erit,

^γ) L. V. c. 19. p. 202.

^z) ARRIAN. diff. Epi3t. L. I. c. 26. p. m. 92.

^a) PHILOSTRAT. L. V. c. 19. p. 202.

^b) SVETON. in Vespas. c. 13. DIO L. LXI.

^c) PHILOSTRAT. L. VI. c. 30. p. 270. seq.

^d) Ibid. c. 313. p. 211.

^e) GELLIVS L. XV. c. II.

erit, ostendimus. Multa hac occasione nobis narrat colloquia Demetrii et Apollonii PHILOSTRATVS ^f, ast quae in cerebro tantum fopistae enata fuisse, nemo non videt. Adeo enim tenuia et exilia sunt, et omni philosophiae robore destituta, timiditatem quoque summam prudentia, quae Demetrio tribuuntur ^g, ut a viro omne Cynicum robur complexo, animique supra modum intrepidi, qui ne imperatorum quidem ira flecti potuit, profecta fuisse nemo sanus cogitare queat, et palpari possit, haec Philostratum ea tantum fini confinxisse, ut Apollonii fortitudinem Cynicam virtutem superantem extolleret. Fuit enim Demetrius moribus vere Cynicis, austeramque virtutem et imperterritum animum exprimentibus. Et paupertatem quidem summam pertulisse, SENECA ^h testis est *αὐτόπτης*, quem Demetrium familiariter nouisse, dubium non est. Ait enim plenus admiratione virtutis eius: *Demetrium virorum optimum, mecum circumfero, et relictis conchyliatis, cum illo seminudo loquor, illum admiror. Quidni admirer? vidi nihil ei deesse.* Et alio loco ⁱ non minus eleganter et cum laude eius: *Ego certe aliter audio, quae dicit Demetrius noster, cum illum vidi nudum, quanto minus, quam stramentis incubantem? tunc enim non praeceptor veri, sed testis est.* Ast habuisse in summa paupertate animum tranquillum, et praesentibus contentum idem SENECA fatetur ^k. Qui ut philosophum consummatae prorsus et exactissimae virtutis nobis ostendat, hunc, ait ^l, *mibi videtur rerum natura nostris tulisse temporibus, ut ostenderet, nec illum a nobis corrumpi, nec nos ab illo corripisse: virum exactae, licet ipse neget, sapientiae, firmaeque in his, quae proposuit, constantiae, eloquentiae vero eius, quae res fortissimas deceat, non concinnatae, nec in verba sollicitae, sed ingenti animo prout impetus tulit, res suas prosequentis.* Huic non dubito quin providentia et talem vitam et talem dicendi facultatem dederit, ne aut exemplum seculo nostro, aut conuicium deesset. Similia passim ^m de magno viro pronuntiat, quae insuperabile peccus, animi fortitudinem omni periculo, minisque et promissionibus flecti superarique nesciam, ingenium excelsum, eloquentiam masculam et Cynicae virtuti decoram, plenamque ardore et magnitudine animi, iudicii rectitudinem, voluntatisque in recto versantis sinceritatem laudare satis non possunt. Hanc enim sibi regulam constituit Demetrius ⁿ: *plus prodesse, si pauca praecepta sapientiae teneas, sed illa in promptu tibi et in usu sint, quam si multa quidem didiceris, sed illa non habeas ad manum.* Hac vero virtute Cynica cum auctoritatem sibi parauisset summam, liberrimo ore in scelera atque seculi flagitia inuectus est, faleque Cynico vitiorum seruos perfr-

f) L. VII. c. II. seqq.

g) Hoc magis etiam apparebit, si philosophiae Demetrii specimina cum Philostrato comparentur, quae exhibet SENECA ep. 67. 91. Qq. nar. L. IV. praef. de prou. c. 4. c. conf. STOLLIVS Hist. phil. mor. gent. §. CCXXII. p. 502.

h) De vita beat. c. 25.

i) Epist. 62.

k) Ep. 20.

l) De benefic. L. VII. c. 1.

m) Ibid. c. 8.

n) Ibid. c. I. 9. II.

fricuit, id quod hominum malorum, ipsorumque etiam imperatorum, quibus more Cynico non pepercit, illi summum conciliauit odium, virorum vero bonorum, qui virtutis doctrinam seueriorem atque emendatiorem sequebantur, tantam peperit reuerentiam, ut eum *virum magnum, etiamsi cum maximis compareretur*, appellarent, eumque putarent, quem et prisca seculis opponerent, et sui temporis perfectissimum exemplum, quid natura possit, haberent, eumque in rebus arduis consultatorem et adiutorem sibi eligerent. Cuius exemplum Thrases Paeus est, qui spiritum redditurus, Demetrium secum habuit, et de rebus maximis cum eo collocutus est. Quae de re digna est, quae legatur TACITI^o relatio. Habuit discipulum Menippum, Lycium, inter eius temporis Cynicos, teste EVNAPIO^o non incelebrem, quem ab empusae insidiis liberasse Apollonium, supra in eius vita, nugantem audiuius PHILOSTRATVM^o, qui haec somnia Cynico affinxit, quae tamen secta eiusmodi delirantis ingenii commenta ridere solita est. Eum vero a Menippo seniore, cuius *tomo primo* mentio facta est, distinguendum esse, tempora diuersa docent. Et hunc quoque Menippum colloquentem inducere LVCIANVS videtur^o, tempore sibi magis, quam seniore illum, propinquum^o.

§. IV. Referri etiam inter Cynicos solet, a veteribus^o pariter, et Oenomaus, recentioribus OENOMAVS^o. Ast locum ei inter Cynicos deberi, negauit praestantissimus HEVMANNVS^o. Qui has potissimum opinionis istius rationes affert: Tradere IULIANVM^o, traduxisse vehementer Oenomaum Cynicam sectam, eiusque impietatem et flagitia eleganter depinxisse; opponi etiam a Iuliano Oenomaum Cynicis, maxime Diogeni. SOCRATEM^o etiam simili ratione illum Cynico Diogeni opponere, et philosophi tantum appellare nomine; nec Eusebio vnquam audire Cynicum et non sine verisimilitudine conici ex irrisis ab eo oraculis, quod Epicuri sectae fuerit addictus. Dicacitatem vero Cynicam, quam ei tribuit EVSEBIVS^o, impudentiam quidem calumniandi, non vero Cynismi professionem innuere. Non destitui verisimilitudine quadam doctissimi nobisque amicissimi viri opinionem non negamus, praesertim cum Oenomai scripta hodie non supersint, ut certiori coniectura inde rationes hauriri queant. Sunt tamen quae huic sententiae non immerito obiciuntur. Et I. quidem SVIDA^e testimonium, qui ex Cynicorum eum grege

SSS 3

fuisse

^o) Annal. L. XV. c. ult. dolendum, hoc loco quaedam desiderari.

^p) Prooem. p. 7.

^q) L. IV. c. 25. p. 167.

^r) Hoc placet quoque OLEARIO ad Phil. I. c. seniore tamen praefert FABRICIUS Bibl. Gr. Vol. II. p. 364. quem etiam apud Eunapium intelligi putat. Ast huic obstat, quod Musonio et Demetrio, qui aequales Apollonio fuere, iungatur, id quod iuniori tantum conuenit.

^s) Menippos plures enumerat LAERT. L. VI. p. 101. et MENAG. ad h. l.

^t) SVID. in Oenomaus T. II. p. 667.

^u) FABRIC. Bibl. Graec. Vol. II. p. 365.

^{io}) S. de Script. hist. phil. L. III. c. 6. p. 246.

^x) Act. philos. Vol. II. p. 907.

^y) Orat. VI. p. 199. Orat. VII. p. 209. 212.

^z) Hist. eccles. L. III. c. 23. p. 202.

^a) Hist. eccles. L. V. c. 27.

fuisse dicit, non plane respuendum esse putamus, eo quod verisimile est, Suidam Oenomai scripta vidisse et legisse, Cynicumque inde agnouisse: sane cum fortius contra eum testimonium adduci nequeat, merito eius auctoritate haecenus standum esse putamus. Nam quae contra eum adducuntur, firmo satis talo stare non videntur. Et 2. Cynicos quidem valde exagitasse Oenomaum, ex adducto a viro celeberrimo Iuliani loco manifestum est, aut deficientibus Oenomai scriptis dici non potest, vtrum de tota Cynicorum secta, an de Pseudo-Cynicis tantum ea Oenomaus intellexerit? Immo, si verum fatendum, posterius probabilius nobis videtur, eo quod ex supra allatis Luciani, Iuliani, Epicteti, locis manifestum est, adeo turpem improbamque fuisse Cynicorum plerorumque vitam, ut eius viros bonos et honestos, licet Cynismo maxime fauerint, vehementer puduerit, eamque ipsi graui oratione improbauerint. Id vero cum non Cynici tantum instituti laudatores fecerint, sed et ex ipsa Cynicorum secta viri graues et virtuti verae litantes susceperint, qui intolerabile Pseudo-Cynicorum pecus exsecrare, immo ridere etiam atque more suo mordere non sunt veriti, colligi inde facile potest, Oenomaum potuisse esse Cynicum, licet in Pseudo-Cynicos graui oratione inueheretur. Ita enim Demonactem quoque Cynicum fecisse constat, qui Cynicum impudentem Diogenis exemplum iactantem false irrisit, aliumque canina dicacitate virum quendam clarissimum allatrantem, exagitauit. Eundem vero in modum Oenomaum animatum fuisse, eo magis credibile est, quia dicacitatem Cynicam ei diserto testimonio tribuit Eusebius, eaque illustrem maxime locum meruit, quod ne sectae quidem suae hominibus vitam turpem et flagitiosam sectantibus pepercerit. Dicacitatem enim istam maxime proprium Cynicae sectae characterem semper fuisse, ex allatis haecenus luce meridiana clarius est. 3. Socrates vero licet Oenomaum philosophum tantum appellet, eo tamen nomine Diogeni Cynico non opponit, sed potius iungit, scribens: *ob quod oraculum Diogenes Cynicus et Oenomaus philosophus Apollinem Pythium condemnarunt.* Philosophi enim nomen Cynici appellationi non opponi posse, nisi addito sectae nomine quilibet intelligit. Et si vero vix ratio dando postulari potest, cur Diogenes Cynicus, Oenomaus eiusdem sectae homo, philosophus a Socrate vocetur, non sine verisimilitudine tamen coniici potest, ea propter placuisse hanc appellationem Socrati, quod Diogenes vitae magis dicacitate, Oenomaus meditationibus philosophicis et dissertationibus Cynicas rationes contra superstitionem excoluerint. Ita enim eo fortius videtur Socrates fuisse argumentatus, qui non ad Cynicum tantum dixerit, sed ad philosophicam etiam sententiam prouocauit. Rationibus enim hac in re philosophicis usum fuisse Oenomaum, ex fragmentis eius constat, quae nobis seruauit Eusebius. 4. Eadem vero causa quoque esse videtur, cur Eusebius, licet Cynicam dicacitatem Oenoma-

mao tribuat, eum tamen Cynici nomine numquam appellauerit, quod scilicet, non tam vitae Cynicae quam rationum Cynicarum studiosus fuerit. 5. Quod vero oracula riferit Oenomaus, tantum abest ut eum Cynicum fuisse neget, ut potius affirmet. Ex adducto enim Socratis loco clarum est, Diogenem Cynicum eadem in haeresi fuisse, nec ignotum esse potest veterum doctrinarum peritis, Cynicos et Epicureos eandem in hac causa tenuisse sententiam, easdemque partes Peripateticos et Academicos fuisse secutos ^b. Qua de re insignis locus EVSEBII ^c expendi meretur, quem adduxit etiam ANTONIVS van DALEN ^d. Quae tam luculenta et certa visa sunt FRANCISCO BALTO, contra Fontenellii historiam oraculorum disputanti ^e, ut cum omnibus quidem Peripateticis hanc opinionem tribui non posse contenderet, Cynicos tamen eam fouisse, negare nequiverit, ideoque Oenomaum inter Cynicos referendum esse iudicauerit, quod oraculorum fidem negasset, et imposturae ea accusasset, id modo, ut aduersarium refellat, addens: tantum abesse, ut Cynici philosophi fuerint, ut omnes potius scientias reiecerint, ne ipsa quidem philosophia excepta. Id quod frigidum esse, nec satis cum huius sectae historia convenire, eius peritos latere non potest, et datum a Socrate Oenomao philosophi nomen refutat. Vnde argumentum inuertimus, et ex hac oraculorum irrisione pro Cynismo Oenomai rationes potius petimus, nec causam videmus satis grauem cur ex Cynicorum albo sit delendus, licet Pseudo-Cynicorum mores, ignauiam, proteruiam, dicacitatem, sine virtute vlla canina impudentia se efferentem false traduxerit. De Cynica vero secta scripsisse testes sunt IULIANVS atque SVIDAS ^f. Quae vero, ut ea, quae de oraculorum imposturis atque dolis reliquit, magna historiae philosophicae veteris iactura interciderunt ^g, quemadmodum ea quoque hodie desiderantur, quae de Homeri philosophia scripsit ^h. Fuit Gadareus ⁱ, ac sub Hadriano floruit ^k.

§. V. Illustrem etiam inter veros Cynicos, virtutis laude inclytos locum meruit DEMONAX, inter optimos suae aetatis philosophos numerandus. Cuius vitae historiam debemus LVCIANO ^l, qui cum ridere alias saepe satyrico perfricare philosophos soleat, seposita hoc loco ridendi et exagitandi licentia, egregiam vitae eius depinxit imaginem. Qui licet solus et vnus tantum hic testis audiendus sit, fidem tamen omnino meretur. Nam et tempore ei proximus fuit, adeoque ex viris fide

Demonax.

^b) ORIGEN. contra Cels. L. VII. p. m. 343.

^c) Praep. euang. L. IV. c. 1.

^d) De oraculis gentil. diff. II. p. m. 217.

^e) P. II. c. 1. p. 63.

^f) II. cc. conf. HEVMANN. l. c. FABRICIVS l. c.

^g) Pauca fragmenta nobis seruauit EVSEBIVS de praep. L. II. c. 19. L. VI. c. 6. 7. Conferri vero de hac Oenomai opinione de oraculis possunt SOCRATES l. c. et qui eum ex-

scripsit NICEPHORVS L. X. c. 36. THEODORIT. therapeut. L. VI. p. 86. L. X. p. 141. ex recentioribus ANT. van DALEN et FR. BALTVS II. cc.

^h) SVIDAS l. c. IONIVS l. c. p. 245.

ⁱ) SVIDAS l. c.

^k) SYNCCELLVS p. 349. FABRIC. Bibl. Graec. Vol. II. p. 365.

^l) In Demonaeste T. II. p. m. 560.

fide dignis Demonactis vitae historiam discere potuit, et in tanta optimi philosophi fama, vndequaque nota mentiri vel ei tribuere, de quo falsitatis facile coargui posset, ausus fuisse praesumi non potest; et laudator virtutis eo magis audiendus est, quo magis acerbum vitiorum larvataeque virtutis in philosophis reprehensorem fuisse constat. Qui et ipse *duarum rerum gratia se de Demonacte nonnihil in lucem edere dicit, ut et illius memores sint viri suae aetatis praestantissimi, et iuvenes quique generosissimi animum ad philosophiam applicantes non necesse habeant ad vetera tantum exempla semetipsos componere, sed ex huius quoque viri vita habeant, quem sibi pro viuendi regula imitandum proponant, quem ipse omnium optimum ex philosophis cognouerit.* Ad hos testes cum prouocet Lucianus, fides ei deneganda non est. Fuit autem Demonax Cyprius, haud obscuris parentibus natus ^m, quippe qui et dignitate et facultatibus eminebant. Ast is omnibus naturae muneribus excellior atque superior, pulcherrimis et praestantissimis tantum rebus animum dignum iudicauit, eumque in finem ad philosophiae studium se contulit; quam animi alacritatem magnis passibus ad excelsa quaeuis grassantem non Agathobulus ⁿ tantum et Demetrius, et imprimis Epictetus ^o calcari quasi addito, excitarunt, sed et naturalis inclinatio conuersatione horum philosophorum confirmata et aucta egregie promouit. Praecipue vero Timocratis Heracleotis, viri sapientissimi et eloquentia pariter atque eruditione maxime ornati familiaritate vsus est. Neque vero tantum in adolescente valuit optimorum atque praestantissimorum virorum exemplum, quantum innatus philosophiae amor et singularis, quo rapiebatur ad res praeclaras, impetus, quo a puero statim permotus omnia humana bona sibi contemnenda esse, generoso prorsus pectore, statuit. Neque tamen animo non praeparato ad philosophiae accessit studia, sed poetarum lectioni innutritus multos tenebat memoria, dicendique artes non mediocri exercebat studio. Philosophiae vero vbi operam admouit, non summo tantum eam delibauit digito, sed totam ex fundamentis prorsus suis haustam imbibit ^p: cumque totum ei se tradidisset, libertatem profectus in id maxime incubuit, ut et ipse rectam ac sanam inculpatamque vitam viueret, et videntibus et audientibus suam ipsius mentem exemplum exhiberet, veritatemque libero dicendi genere vbique profiteretur. Qua in re praeter scientiam vitae quoque vsus requiri edoctus, omnibus viribus sategit, ut et animum firmum redderet, et corpus exerceret, et ad tolerantiam variis laboribus assuefaceret. Et ut summa quadam rem comprehendamus, in eo summa cura studioque elaborauit, ne alicuius alterius egens esset, sed in se animique sui diuitiis veram possideret vitae felicitatem. Fuit autem longe superior animi eius virtus et acerrimi in-

genii

^m) Excidit in Ven. REIMANNI Hist. theismi c. XXXII. p. 238. particula, non.

ⁿ) Agathobulus Epicureum memorat PLUTARCHVS, quod non suau. viu. sec. Epicu-

rum T. V. p. m. 89. ast paulo senior videtur fuisse hoc Demonactis praeceptore.

^o) p. 562.

^p) p. 563.

genii felicitas, opinioni illi quae sectariae philosophiae studio ad hanc animi beatitatem peruenire posse sperat, adeoque sectariam quidem philosophiam reiiciebat, nec vnus philosophi familiae nomen addicebat suum, ea vero eligeat, quibus se potissimum oblectari posse credebat ^q. Et Socrati quidem se maxime addixisse apparebat ^r, habitu tamen vitaeque frugalitate Diogenem aemulari videbatur, Cynicumque institutum eligeat, quod Diogenem ex Socratis discipulis omnium maxime Socraticam disciplinam secutum, vitaeque integritatem et virtutis actionem expressisse videret, cum reliqui Socratici ad inanes speculationes sine fruge essent delapsi. Ex quibus patet, eum inter Cynicos hoc potissimum nomine referri, quod Cynicam virtutem sine apparatu et fastu demonstrandam in ipsa vita sibi elegisset. Adeo vero tristem Cynicorum eiurabat austeritatem singularem, vt nec ambitiose adulteraret ea, quae ad victum pertinebant, admirationis popularis emerendae gratia, vel vt oculos in eum conicerent homines, verum communi cum aliis viuendi ratione vteretur; nec tantillum quidem philosophico fastu intumesceret, et cum aliis iunctam consuetudinem excerneret, et communibus reipublicae legibus lubens pareret. Qualis cum esset, non potuit non Pseudo-Cynicorum ineptos et agrestes mores contemnere et reiicere ^s. Sed in aliis quoque Cynicorum affectatam virtutem euitauit, veram animo verbisque expressit. Cuius exemplum luculentum est euitata imperiosa et proterua Cynicorum dicacitas, quam, etsi summa dicendi libertate utebatur, tantum tamen abest vt excoluerit, vt humanitatem potius et leporem summopere in eo laudet LVCIANVS ^t. Nam ne ironiam quidem Socratis probabat, sed Attico sermone et gratia commendabilis plenus erat in disputationibus, nec obscurus, et in corripiendo adeo humanus, vt eius in obiurgando seueritatem atque acerbiteriam discipuli non subterfugerent, sed orationis magis amabili laetitia multo modestiores redditi, de futuris praeciipiendis optimam spem animo conciperent. Itaque nunquam visus est vociferari, aut mira peruicacitate contendere, aut indignari, et si aliquis esset increpandus, ipsa quidem peccata reprehendebat, ceterum peccantibus benigne ignoscebat. Existimabat enim, hominis esse peccare, Dei vero, aut viri Diis proximi ignoscere atque errata emendare. Ad hunc ergo modum cum vitam instituisset suam, et nullo vnquam auxilio in rebus vllis opus habuit, et amicis in iis, quae fas erat, vtilissimam praestans operam, et aut insolentiores fortuna secunda factos submonefaciens, aut animo deiectos in aduersa cum risu consolans, nemini quoque vnquam faceffendis negotiis molestiam creans aut in ius productum accusans, nullum vnquam hostem habuit, ipse hostis nemini ^u, et tanta omnium

q) Ita p. 585. Aristippum laudat, a quo laetum, quem ad vitae finem seruauit, animum didicisse videtur.

r) p. 563.

s) Exempla habes p. 581.

t) p. 564.

u) p. 565.

omnium amicitia gauisus est, vt, cum aetate supra modum ingrauescente confenuisset, inuocatus in quamcunque domum fortuito incidisset, in ea cibum fumens ac dormiens, Deus illi familiae visus sit ostensus, aut aliquis bonus genius; qui in domum intrauisset: tantum de eius praesentia omnes sibi gratulabantur ^x. Quae *αἰδία ποπία* Cynica, modesta ratione vsurpata eo facilius exercebatur a Demonacte, quo studiosius is in id conuictus erat, vt nulla alia re indigeret, quam non a se ipso posset petere. Cynicum vero institutum eloquentiae argutae, sententiarum et acuminis luminibus distinctae, studio feliciter expressit, euitata acerba illa dicacitate, qua eo tempore vniuersa fere Cynica familia exosam se reddebat, quamque Demonax in ipsis Pseudo-Cynicis non sine aculeo damnabat. Quae de re acute pariter et urbane dicta ab eo plurima congeffit L V C I A N V S ^y, quae apud morem et pungunt et vngunt, et mel pariter habent atque aculeum; cuius generis multa hic exempla referre institutum vetat, digna vero sunt, quae apud ipsum Lucianum legantur, iucunditatem atque vtilitatem allatura non exiguan. Maxime vero Cynicae sectae professionem ad emendandos hominum mores, debellanda scelerum monstra, ducendosque manu quasi ad felicitatem animos adhibebat, neque tamen acerbitate paedagogica, qua se tanquam magistros Cynici obtrudere solebant, utebatur, sed ita corripiebat peccantes, vt humanitate et lepore deliniti, ipsam medicinam sibi ducerent non vtilissimam modo sed et iucundissimam. Cum enim amicus esset omnibus, nec esset quisquam, quem non familiarem compellasset, qui quidem homo erat; et alacritatem animi semper prae se ferret vel maiorem vel minorem, prout obsequii spem ipsi exhiberent, quos peccantes corripiebat, tanta in his omnibus eius fuit gratia, eaque tanta verborum Venere dixit fecitque, vt suademam labiis eius infedis quilibet iudicauerit ^z. Cumque Socratis et Diogenis exemplo in philosophia vteretur, ad id potissimum respexit, in quo veram Cynismi rationem positam esse, acuti viri dixerunt, vt sapientiae minister esset, et ad eam homines adduceret. Curae itaque illi erat, fratres inter se dissidentes atque discordes ad pristinam concordiam reducere, ac mulieribus cum maritis reconciliatis illorum animis pacem componere ^a. Immo populum seditionibus exulceratum scite et vtiliter differendo compefcuit, multisque eorum persuasit, vt patriae modeste et tranquille inseruirent ^b. Qua in re ita versatus est, vt amicum se omnibus ostenderet, talemque, cui pacis et concordiae et communis vtilitatis cura esset potissima, quique fidem et dexteritatem amicis accurate demonstraret, illisque vtilem et officiosum se praeberet ^c. Quare, cum animum semper laetum seruaret, solum amici aut morte aut morbo discruciabatur, inque eo omnem collocabat operam atque laborem, vt labentes erigeret, tristes consolaretur, deficientes iuaret, contra fortunae insultus et iniurias ami-

^x) p. 587.
^z) p. 566.

^y) p. 569. seqq.

^a) p. 565.
^c) p. 585.

^b) p. 565. 586.

amicos muniret, animumque eum ostenderet, qui rem omnium maximam et praestantissimam in rebus humanis amicitiam et voluntatum coniunctionem esse existimaret ^d. Quin nec more Cynico reipublicae se subtraxit, sed in eius procurationibus obeundis versatus multorum prauis et nefariis conatibus restitit ^e; magno etiam atque implacabili odio semper aduersus eos pugnavit, quos non iuxta veritatis ductum, sed ad ostentationem philosophari animaduerneret. Quo odio excitatus acumen eloquentiae ad mordendos hos philosophastros adhibuit, nullique sectae, ne Cynicae quidem pepercit. Cynicum enim cum vidisset, pallium quidem et peram habentem, ceterum pro baculo supra modum fastuose et arroganter vociferantem, dicentemque Antisthenis et Cratetis atque Diogenis se esse aemulum; *caue*, inquit, *impudenter mentiaris, siquidem tu Hyperidae f discipulus existis*. Eadem mordacitate Agathoclem Peripateticum, cum superbe et insolenter se ferret, et arroganter iactaret dialecticorum se solum et vnum esse, repressit, *atqui*, dicens, *o Agathocles, si primus, non solus, si vero solus, non primus* ^g. Cumque aliquando vidisset duos philosophos egregie rudes et indoctos de quaestione quadam satis ridicule disceptantes, et alterum quidem absurde quaerentem, alterum inepte respondentem, nihilque ad rem afferentem, *nonne videatur vobis*, inquit, *o amici, alter illorum hircum mulgere, alter autem illi cribrum supponere?* Alia huius generis, quae narrat Lucianus, digna licet sint quae legantur et iucunda, breuitatis causa omittimus. Facile ex his intelligi potest, amicos Demonactem habuisse plurimos, hostesque aut nullos, aut illos modo, quorum prauis conatibus fibulam iniecisset. Tantusque apud omnes eius amor fuit, ut cum ipsi Athenienses, tum vniuersa Graecia eum maximi faceret, et praetereunti honoris gratia etiam illi, qui magistratus muneribus fungebantur, assurgerent, magnumque illo praesente, omnes agerent silentium: praetereuntem autem, cum vbique cibum caperet, pistrices certatim ad se traherent, vnaquaeque cupiens, ut a se panem acceptaret: ac magnam sibi datam esse felicitatem diceret, a qua panem accepisset. Quin etiam pueri poma illi afferebant, patrem honorifice compellantes ^h. Etsi vero ita non rectum tantum atque bonum, sed vtilem quoque et iucundum se praebebat omnibus, non potuit tamen tantam virtutem ferre inuidia. In magistratu enim constitutus, cum malorum consilia subuertisset, non mediocri sibi multitudinis conflauit odium, tum propter imperterritam dicendi fiduciam et libertatem, tum propter recti amorem. Vnde factum, ut Socratica fere fata fuisset expertus, nisi inexpugnabile pectus et familiarem sibi virtutem populo obiecisset. Insurrexere enim in illum quidam, accusantes, quod nunquam visus sit sacrificans, quodque solus omnium nunquam sit Eleusiniis initiatus. Ad quae magno animo; corona redimitus et nitida ve-

T t t 2

ste

p. m. 597. seqq. vnde lux huic disterio affulgebit.

^d) p. 566.^e) p. 580.^f) Celebris oratoris, sed contaminatae vitae historiam habet PLUT. vit. X. Orat. T. V.^g) p. 575.^h) p. 585.

ste amictus in concionem progressus, scite quidem atque dextre, asperius tamen, quam solebat, respondit: Mineruae se non sacrificasse, eo quod sacris ab ipso oblati eam non egere existimauerit. Mysteria vero ideo neglexisse, quod, si mysteria praua et friuola comperisset, apud nondum initiatos non tacuisset, sed ipsos ab orgiis celebrandis auocasset: sin bona, rursus humanitate adductus, omnibus exposuisset. His dictis, cum prius lapides aduersus illum sustulissent Athenienses, actutum placidum erga eum animum induerunt, atque ex illo tempore maioribus habitis honoribus reuereri atque colere, postremum vero admiratione etiam prosequi coeperunt, licet mox in ipso orationis prooemio asperiori initio fuisset usus ⁱ. Quae, quanta in viro maximo et philosophiae sanae auctoritas et virtutis reuerentia apud superstitiosos Athenienses fuerit, luculenter manifestant, remque nobis narrant prorsus singularem, contenta tanta cum libertate oris animique fiducia sacra non impunita tantum mansisse, sed honorem quoque meruisse in ea vrbe, quae optimum Socratem propter eandem causam veneno sustulit, et grauissime in philosophiam peccauit. Ceterum et hoc quoque inter virtutes eius tacendum non est, ad intricatas et captiosas quaestiunculas, quibus ingenium et eruditionem eo tempore complures pseudo-philosophi ostentabant, acute instructum fuisse, cuius exempla aliquot iucunda exponit L V C I A N V S ^k, expertique sunt philosophi haud obscuri nominis Herminius Peripateticus, Fauorinus Academicus, Peregrinus Cynicus alique; quae ratione effecit, ut haud facile quisquam in illum auderet insurgere, eique insultare. Veri autem candoris philosophis cum esset addictissimus, tum viuus summam apud eos existimationem meruit, tum sublatu e viuus is habitus est, qui maximis antiquitatis exemplis iure posset opponi atque aequiparari. Vitam semper duxit coelibem, sine dubio, ut eo melius institutum, quod amplexus erat, et ἀδιαφορίαν Cynicam prosequi posset; qua in re cum Epictetus aliquando obiurgans ei consuleret, ut vxore domum adducta liberis procreandis daret operam, affirmans et hoc viro philosopho non indecorum esse, alterum videlicet sui loco naturae relinquare: festiue illi, qui et ipse coelebs erat, respondit: *Da mihi igitur vnam filiarum tuarum* ^l. Vixit annos fere centum, quem senectutis extremae gradum ut attingeret, effecit sine dubio, et summa, cui studebat, temperantia, et animus nunquam vlla aegritudine turbatus, et ab affectuum tempestatibus liber, quod tantopere eius sanitatem confirmauit, ut nulli vnquam morbo implicaretur ^m. Et verisimile quoque est, diutius vitam prorogaturum fuisse, cum in hac extrema senecta viribus adhuc usus sit satis firmis, nisi exeundum sibi ex hac vita esse laetissimo animo statuisset, eo quod haud obscure persentisceret, se sibi amplius auxilio esse non posse, nec ciues sana consilia, quae in seditione exorta sup-

ⁱ) p. 567.^k) p. 589.^l) p. 583.^m) p. 585.

peditabat, admittere. Discedens itaque ab omnibus hilari vultu diem suum obiit, quali semper obuiam venientibus conspectus est. Sepulturae vero curam nullam habuit, sic ut de ea rogatus, foetorem sepulturae causam fore, nec curare se, si laniatus a canibus utilitatem aliquam illis allaturus sit, diceret. Quod utrum profectum sit a Demonaeste, decori nulla ratione negligente, et annon ex Diogenis historia huc translatus, lectoris iudicio definiendum relinquimus. Sane amplissimo funere elatus est et magnifice ab Atheniensibus sepultus, qui multo quoque tempore eius obitum luxerunt, ac sedem illam lapideam, super qua lassus quiescere solebat adorarunt, fertis coronantes, tanquam lapidem sacrum. Circa funeris vero curationem nemo erat, qui non accurrisset, maxime vero ex philosophis. Illi enim suppositis feretro humeris usque ad sepulchrum mortuum efferebant. Vixisse sub Hadriano eiusque successoribus, ex Epicteti, Peregrini aliorumque, qui cum eo vixere, tempore colligitur, natalis vero dies, tempusque obitus ignorantur.

§. VI. Alius longe commatis Cynicus fuit CRESCENS, ut *Crescens*. enim veri Cynici imaginem eleganter expressit Demonax, ita Pseudo-Cynici mores accurate Crescens retulit. Megalopolitanum fuisse, TATIANVS ^u testatur, quod de Arcadiae vrbe Megalopoli intelligendum non de Romana vrbe, ex alio eius loco ^r satis luculenter euincitur; licet Crescentis nomen Romanum, quibusdam persuaserit, Megalopolin hanc magnam illam urbem sedem Romani imperii innuere. Nomina enim Romana illis quoque haud raro data esse, qui in prouinciis Romanis licet Graeco vterentur sermone habitabant, multis exemplis constat. Cynicum fuisse S. IVSTINVS ⁿ testatur, sed talem, qui honestae professionis nomen turpiter pollueret, et ἀδίαφορίαν Cynicam, quam affectabat, minime eo adhiberet, ut opes et voluptates contemneret. Teste enim TATIANO ^x, qui Iustini discipulus fuit, maxime omnium incesto puerorum amoris deditus et pecuniae studio addictissimus erat; et quamuis Φιλέκομπος esset, quo nomine eum notat IVSTINVS ^y, multaque more Cynicorum populariter de animi robore, morteque contemnenda, hisque similibus iactaret ^z testibus tamen scriptoribus ecclesiasticis ^a plenus fuit malo animo, mendaciis, et vita turpi. Vnde *gulosum, et mortis timidum, luxuriaeque et libidinum sectatorem*

Ttt 3

vocat

ⁿ) p. 586.

o) p. 585.

p) p. 587.

q) Or. adu. Graec. p. m. 157. seq.

r) p. 167. ubi templum Dianae Hymniae memorat, quod Megalopoli Arcadiae fuisse testatur PAVSANIAS.

s) Conf. BVDDEVS de V. R. C. gentilium philos. obtrebat. confirmata §. 3. Synt. diff. theol. p. 461.

t) Ita S. Paulus Tarsensis Romano nomine vsus est.

u) Apolog. I. vel potius II. p. m. 46.

x) loc. cit.

y) l. c. Id est, strepitus popularis et insolentis arrogantiae sectator, conf. E. GRAEVE Spicil. PP. Sec. II. p. 139. 140.

z) TATIANVS l. c.

a) EVSEB. Hist. eccl. L. IV. c. 16. SYNCELLVS p. 351. PHOTIVS Cod. CXXV. p. 162. ex recentioribus fere omnes, qui Iustini vitam et acta martyrum tetigere, alibi nominandi.

vocat **HIERONYMVS** ^b. Quam animi malitiam in calumniis et obrectationibus, quas contra Christianam religionem euomit, luculenter probauit, et **IUSTINO** conquerente ^c, Christianos atheos esse, prorsusque sine Deo atque impios asseueravit, in gratiam et libidinem eorum, qui seducti sunt, id faciens. Quem cum tanquam voluptuosum et impostorem Iustinus redargueret, ostenderetque nec lectam ei Christianam professionem, et inita cum homine profana disputatione eum in ruborem daret, ac coram omnibus confunderet, adeo efferbuit ira rabidi canis animus, ut quod Iustinus praeuiderat et praedixerat, eum quod Christianus esset atque atheus, apud magistratus deferret, qua accusatione effectum, ut Christiani nominis gloriam sanguinis effusione atque martyrio Iustinus capite plexus, coronauerit, detestabili vero Pseudo-Cynici nomini aeternae infamiae notam attraxerit ^d.

Peregrinus.

§. VII. Celebris quoque circa haec tempora inter Cynicos fama fuit **PEREGRINI** siue Protei, cuius vitam ita nobis descriptam reliquit **LUCIANVS** ^e, ut facile intelligi queat, huius potissimum viri non tam vita quam morte illustris historiam illum ideo elegisse, ut haberet, quibus philosophis si non omnibus, certe Cynicis, grauem dicam scriberet, et imprimis Cynicos more suo false rideret. Ita enim depingit Peregrinum, ut eum vitae non minus turpitudine, fastu, moribusque iis, quos in Pseudo-Cynicis fani omnes damnabant, contemnendum, quam insolito mortis genere famosum fuisse ostenderet. Ast multa in hac narratione scenae, quam instruendam sibi sumserat, ornandae causa illum confinxisse, et retulisse haud pauca, de quibus merito dubitari potest, scriptorum aliorum Peregrino aequalium testimonia, quae Peregrinum tam malae notae hominem non fuisse innuunt, satis euincunt. Audiendus itaque Lucianus quidem est, sed examinandus et cum reliquis testibus conferendus, ut aliquo modo, quid in Peregrini historia verisimile, quid non, appareat. Fuit Peregrinus Parianus ex Ponto ^f, qui Protei nomen cum professione Cynica suscepit: qui ubi firmata iam aetate in virum adulescere incepisset, multis in Armenia vitatis mulierculis verbera haud semel accepit plurima: denique per tectum exiliens et elapsus turpissima et obscoena fuga salutem quaesivit. Incolumitatem etiam, cum formosum puerum per vim constuprasset, pecunia redemit. Addit et hoc Lucianus: Peregrinum parentem senem praefocauisse, nequaquam sustinen-

tem

^b) Cat. Script. eccles. c. 23.

^c) loc. cit.

^d) *Menaeum Graecorum ad Cal. Iun.* apud **PETR. HALLOIX**, vir. illustr. eccl. orient. script. Sec. II. p. 262. ubi notandum, Crescentem tantum dici philosophum, etsi Cynicus erat, ut supra Oenomaum a Socrate philosophum dictum esse notauimus. Etsi vero pleraque de Crescente solius Iustini et Tatiani auctoritate nuntur, fidem tamen iis facit et sancti marty-

ris integritas, et in apologia ad imperatorem eius facta mentio, ubi mendacio locus non erat. Conf. **VALES.** ad **EVSEB.** Hist. eccl. L. IV. c. 17. et Cynicorum eius temporis mores perulgati. Stoicum vero Crescentem perperam nominat **GAUDENT.** de philos. Romanorum c. CXI. p. 13.

^e) De morte Peregrini T. IV. p. m. 268.

^f) *Ibid.* p. 274. **ATHENAGOR.** legat. pro Christianis c. 23.

tem eum iam ultra sexaginta annos iam fenefcentem. Postea vero quam tanti sceleris fama diuulgata esset, arreptaque fuga se ipsum condemnasset, incertis sedibus vagantem oberrasse, terram terra commutando. Ea in peregrinatione admirabilem illam Christianorum sapientiam perdidicisse, in Palaestina cum sacerdotibus et scribis eorum conuersatum. Ac sane non multo in tempore pueros omnes illos prae se esse ostendisse, prophetam ac sacrificiorum principem, et synagogae socium, verbo omnia existentem. Praeterea librorum nonnullos exposuisse, nonnullos vero sua quoque industria conscripsisse. Inde-quasi eum Deum illos habuisse, et eo legislatore vfos fuisse et praefectum declarauisse: magnumque eos etiamnum colere reuerenter hominem, qui in Palaestina crucifixus est, quod nouum cultus et theologiae genus introduxerit. Haec Lucianus, quae, antequam in Peregrini historia progredimur, sine animaduersione et censura dimittere non possumus. Et primo quidem intolerabile prorsus est, quod tradit, Christianos Peregrinum pro Deo habuisse, et legislatoria instructum potestate praefectum sibi fecisse. Adeone vero insanuisse, videri queat Lucianus eo tempore, quo contra πολυθεότητα tot apologiis scripserant Christiani doctores, vt hominem Christianos vagabundum, et infando facinore per omnes terras infamem Deum sibi et legislatorem constituisse, scribere ausus sit, cuius contrarium pueris quoque notum esse poterat. Fatemur tantam impudentiam alienam nobis videri a Luciano maligni quidem animi, sed callidi et ad res suas attenti scriptore, et non recte assecutos esse interpretes sensum verborum Luciani, quae hic Graece damus: Καὶ τῶν βιβλίων τὰς μὲν ἐξηγήτο, καὶ διεσάφει, πολλὰς δὲ αὐτὸς καὶ συνέγραφε, καὶ ὡς Θεὸν αὐτὸν ἐκείνοι ἐδιηγέοντο, καὶ νομοθέτῃ ἐχρῶντο, καὶ προσάτην ἐπέγραφον. Τὸν μέγαν γὰρ ἐκείνον ἔτι σέβουσιν ἄνθρωπον τὸν ἐν τῇ Παλαιστίνῃ ἀνασκολοπιθέντα ὃ τὴ καινὴν πάντην τελετὴν εἰσέγαγεν εἰς τὸν βίον. Facile animaduersurum esse putamus cautum et attentum lectorem, falso retulisse interpretes ea ad Proteum, quae ad Iesum Christum ex Luciani mente referenda sunt, nempe ad magnum illum hominem in Palaestina crucifixum, cum ambigua pronominis αὐτὸν relatione deciperentur. Nisi enim nos omnia fallunt, hoc dicere vult Lucianus: Proteum ad Christianorum sacra progressum non sacros tantum eorum libros enarrauissē, sed et propria de rebus Christianorum commentaria conscripsisse, egissēque in illis de eo viro, quem Deum Christiani declarant, et cuius legibus et institutis parent^s, quemque sibi ducem elegerunt. Hunc esse magnum illum virum, quem adhuc colunt, qui palo ideo affixus sit in Palaestina, quod nouam cultus diuini rationem et philosophiam (id enim τελέτας velle ex iis, quae alio loco diximus, notum est) introduxisset. Ita quidem melius cohaerere verba Luciani nemo non videt. Ast ne sic quidem a magno impudentiae et mendacii crimine,

g) Pertinere haec ad Christum ex p. 277. manifestum esse putamus, Vbi eum Sophistam crucifixum vocat.

ne, saltem a pudendae ignorantiae opprobrio liberari satis Lucianus potest. Nam qui vel primis labris Christianae ciuitatis historiam degustarunt, satis norunt, inter Christianos prophetarum, thyfiarcharum, et scribarum nomina non fuisse recepta, sed Iudaicae genti fuisse propria. Quod in eam cogitationem deduxit quosdam, vt non ad Christianos, sed ad Iudaeos transiisse Peregrinum, Lucianum autem, more inter gentiles non insolito, Iudaeos cum Christianis confudisse coniicerent. Neque vero, licet haec supponamus, (quae tamen diserte satis ad Christum crucifixum relata vix constare cum verborum serie possunt) causam Luciani ea magnopere iuuant, aut mendacii vel ignorantiae non excusandae notam auferunt. Vixit enim Peregrinus post Vespasianorum tempora. Ast deleta Iudaeorum vrbe et incenso templo nec legi peculiaris auctoritas, nec sacrificium vllum, nec pontifex, nec propheta inter Iudaeos fuit. Quin nec hoc inter Iudaeos et Christianos receptum, vt homini profelyto et ex vaga vita ad eorum societatem transeunti vel summi sacerdotis vel episcopi munus fuerit datum, quod conferre nonnisi post diuturnam vitae explorationem licebat ^b. Dubium itaque non est Lucianum, quem Christianos tanquam impostores, Apollonii vel Alexandri sectatoribus similes habuisse ex aliis quoque locis constat ⁱ, confusis inter se Iudaeorum et Christianorum sacris, cum eiusdem generis, quo Pythagorei fecerant, cultum nouum et mysteria Iesum introduxisse crederet, more suo non sine bile et amaritudine Christianis labem affricare voluisse, fingendo, quod ipse de Christianis suspicabatur, homines hos *ιδιώτας* et simplices a Peregrino deceptos locum ei inter sacri muneris antistites fecisse eumque martyrii affectandi occasionem ita fuisse nactum. Quod quam prorsus ab omni verisimilitudine abhorreat, quamque suspectam Luciani fidem faciat, quemuis vel mediocriter attentum manibus palpare posse putamus. Et coniicit quidem Cl. CLERICVS ^k, Peregrinum Christianae fidei nomen daturum inter catechumenos forte receptum fuisse, mature vero animi propositum mutasse, hincque fabulam Luciani enatam. Ast cum omnia inter se misceat, et diserte tradat Lucianus, scripsisse libros Christianos Peregrinum, quorum ne leuissimum quidem vestigium inter libros apocryphos ab haereticis malisque hominibus suppositos occurrit, rectius rem omnem negari putamus, cunctaque partim ex incerto rumore partim ex maleuolo Luciani calamo profluxisse credimus. Miramur itaque merito magnum PEARSONIVM ^l, vt hypothesi inseruiet, Peregrinum ad Ignatii imitationem, antequam igni se traderet, epistolas ad diuersas ciuitates dedisse, et viros quosdam legatos misisse, haecque probare, quod epistolae Ignatii iam Sec. II. genuinae habitae fuerint, in eam opinionem descendisse, Peregrinum Christianam religio-

nem

^b) Conf. LAMPRIID. in Alex. Sen. c. 45.
 ORIG. contra Cels. L. III. p. 140. conf. CLERIC.
 RIC. Hist. eccles. Sec. II. p. 696.

ⁱ) p. 277.

^k) loc. citat.

^l) Vindic. Ignat. P. I. c. 1. p. 4.

nem sub Hadriano professum esse, et non mediocrem inter Christianos auctoritatem sibi comparauisse, inde in vincula coniectum factum esse confessorem nobilem, et ad eum subleuandum quamplurimos, etiam τῶς ἐντέλει, presbyteros episcoposque vndique conuolasse: martyriumque subire maxime voluisse, proconsulem vero Syriae, cum intelligeret, quod mori cuperet, vt inde famam posteris relinqueret, eum poenae subduxisse et carcere liberauisse: et quidem postea gloriosum hunc confessorem ex ecclesia eiectum et a philosophis receptum esse, tandemque mori quidem tanquam philosophum, famam autem eodem modo acquirere voluisse, quo Ignatium, cuius res nosset, acquisiuisse putauerit. Dicit haec sine omni verisimilitudine, et, concidente vnus Luciani fide sublesta, concidere omnia, quilibet videt praeiudicio non occupatus. Cui enim persuadebitur, Peregrinum Cynico habitu ad Christianos digressum tanto mox applausu exceptum esse; tamque gloriosum subito factum esse confessorem, vt presbyteri et episcopi eum inuiserent? quis tam illustrem confessorem ob leuem culpam ex ecclesia eiectum et sanctae fidei mox apostatam factum esse credat? Quod si tantam famam fidei Christianae confessione consecutus est Peregrinus, cur tacent rem scriptores ecclesiastici? cur non hominis ad tantam inter Christianos auctoritatem euecti conseruata est memoria? cur non acriter notata apostasia? quod in aliis factum esse nouimus. Tacemus male cohaerente haec omnia niti Luciani narratione, nec habere eam testem alium, adeoque suspecti scriptoris malum in Christianos animum aperte prodentis fide stari non posse. Falsum autem est, quod supponit non probat vir eruditissimus, Peregrinum imitatum fuisse Ignatium. Aliud enim vitae exemplum, Herculis nimirum, quem Cynici parentem ducemque sibi vindicabant, eum sibi constituisse, ne Lucianus quidem negat, et ipse Pearsonius largitur. Neque magis certum est, quod addit: nunquam alii philosopho in mentem venisse, moriturus vt epistolas ad ciuitates mitteret. Aliud enim nos docent Apollonii epistolae ad ciuitates passim missae, quas seruauit Philostratus. Cuius viri cum tunc recens adhuc esset memoria et fama maxima, cur non Apollonii magis exemplum inter gentiles celebratissimum, quam obscurum iisque ignotum Ignatii morem fuisse imitatum credemus? Non inuiti igitur in eam descendimus opinionem, totam de Peregrini Christianismo fabulam ex historia sacra et philosophica eiiciendam esse; nec magis verum esse, quod Lucianus addit: Christianos omnem impendisse operam et mouisse omnia, vt eum furtim carcere eriperent^m: cumque hunc conatum esse frustraneum viderent, omnia captiuo cum magna fide et obsequio praestitisse, viduasque anus et puerulos orbos ei mi-

ni-

^m) Et hoc falsum, Christianos suos furtim eripere ex carcere tentare solitos. Ipse enim Lucianus paulo ante dixerat, sponte multos oc-

cidendos se offerre, et Peregrinum martyrii gloriam affectasse. Cur itaque furtim eum eriperent?

nistrasse, et somnum cum eo cepisse, omnis vero generis coenam intulisse variam *, ac sacros sermones cum eo habuisse, nouumque eum Socratem ° vocauisse. Quin etiam in Asia plerasque vrbes fuisse, a quibus venerint quidam laturi auxilium, Christianis mittentibus ex publico, neque non collocuturi et virum consolaturum p. Esse enim hunc Christianorum morem, vt si quis praestigiator aut alioquin homo promptus et versutus ad eos veniat, breui opulentus efficiatur, quippe qui hominum idiotarum simplicitate callide queat abuti. Peregrinum autem a Syriae praefide, philosophiae non mediocriter dedito liberum dimissum esse, eo quod arrogantiam, qua mortem oppetere statuisset, et per hoc gloriam ad posteros transmittere cogitaret, subolfecisset. Digna haec omnia sunt nugatoris calamo, et tam misere cohaerent, vt veterum rerum Christianarum prorsus imperitum esse oporteat, cui maledicentissima in sacram Christi ciuitatem ipsumque Dei filium narratio vel micam verisimilitudinis habere videri queat 7.

*Peregrini vi-
ta philosophi-
ca et mors.*

§. VIII. Dimissus ex carcere Peregrinus, si Luciani narrationem sequimur, in patriam rediit, comperit autem paternae caedis memoriam nondum ita exoleuisse apud omnes, vt non accusationem eius quidam meditarentur. Cum itaque paternas facultates fere omnes peregrinationibus exhaustisset, atque populus Parianus accusationem in eum intentaret, assumpto Cynici habitu, pallio et pera atque baculo substantiam a patre relictam se publicam dimittere velle edixit, hacque ratione effecit, vt ab egenis et inopibus pro vero philosopho, Cratetis et Diogenis aemulo haberetur, inimici autem quiescerent, ne, si paternae caedis refricarent memoriam, lapidibus obruerentur. Viatico itaque Christianorum nixus nouam suscepit peregrinationem, et vbique satis abundanter alebatur. Ita quidem pro comperto affirmat Lucianus *, exigua tamen verisimilitudine, cum exemplum afferri nequeat, ex Christianis aliquem ad Cynicam sectam salua fidei professione, et assumpto tamen habitu Cynico transiisse, licet Cynicos fidem Christianam amplexos fuisse, negari non debeat. Tandem admissio aliquo flagitio, nempe, vt Lucianus opinatur, quod aliquid ex interdictis comedisset, a Christianis amplius non receptus est. Vbi mire iterum omnia miscet Lucianus, et Iudaeos, vt videtur, cum Christianis confundit. Nisi dicamus Peregrinum, aliquandiu inter Chri-

n) Et hoc mendacium esse, captiuitatis feueritas, qua Christianos premebant gentiles, probat.

o) Quasi Socrates ex sanctis Christianorum fuisset. Scilicet talis habebatur inter gentiles Socrates, hinc ad Christianos concludebat Lucianus, rerum ad eos pertinentium ignarissimus.

p) Imprudenter hic Christianorum veterum laudes decantare Lucianum recte notat Huetius

demonstr. évang. Prop. VII. §. 20. pag. 41.

q) Deesse hic aliquid calumniarum, a Christianis sublatarum conicit TANAGVIL. FABER. in not. ad Luc. c. 2. quam coniecturam non reiciunt CLERICVS l. c. et Cel. BVDDEVS diss. de verit. R. C. gentil. phil. obtretationibus confirmata §. 6. Synt. diss. theol. p. 477. eo quod totus dialogus in quibusdam Codd. omisus sit. De quo lectoris esto iudicium.
r) p. 276.

Christianos versantem, ob malam turpemque vitam et praecipue idolothytorum esum e coetu Christiano eiectum esse, quod verisimile iudicant Io. CLERICVS * et Io. ALB. FABRICIVS †: quanquam tutissimum videtur, soli Luciano, testi suspecto et nullius, hac quidem in re, fidei, non credere, fidei Christianae professionem Peregrino tribuenti. Exclusus a Christianorum consortio Peregrinus, cum magna rerum inopia et difficultate premeretur, paternas opes a ciuitate repetiturus, iussu imperatoris datis literis eas reposcit. Ast ciues missa legatione docebant, vi non compulsum sua fuisse dilargitum; quare stare rebus semel ab se constitutis iussus est *. Post id tertiam in Aegyptum peregrinationem instituit, ad Agathobulum iter faciens, vt se exercitationi philosophicae daret, admirationem magis meriturae. Tendens itaque capitis dimidium, ac vultum limo oblinens, in magna circumstantis populi corona virilia tractauit, vt impudentiam et ἀδίαφογίαν Cynicam demonstraret, verberabat etiam et verberabatur ferula circa nates, et aliis quoque iuuenilibus ineptiis mira praestare tentabat. In qua Luciani narratione merito iterum verisimilitudinem desideramus, cum subolfacere quilibet Cynicae historiae non ignarus possit, haec ideo commentum fuisse Lucianum, quod fabellas de indifferentia Cynicorum circa res naturales supra detectas pro veris haberet; probabile autem non sit, eiusmodi turpitudine admirandorum operum famam Peregrinum in Aegypto fuisse consecutum. Ex Aegypto in Italiam soluit, egressusque naui statim Cynica insolentia omnes homines allatrauit, maxime imperatorem, quem natura nouerat placidissimum et mansuetissimum, nec vlli Cynicorum ob conuitiandi artem poenam irrogantem. Id quod magnam Cynicae virtutis gloriam Peregrino comparabat *. Tandem a praetore vrbis exire iussus est, quod tali philosopho vrbi opus non esse iudicaret. Exactus vrbe cum Musonio ac Dione et Epicteto consuetudinem habuit, cumque aliis, quotquot pari fato mulctatos esse nouerat. Nodos hic quoque in narratione sua nectit Lucianus, facilius secandos quam soluendos. Imperatorem enim, quem natura placidissimum fuisse, et tamen philosophos vrbe eiecisse dicit, non nominat, sed patientiam tantum eius in Cynicorum dicacitate perferenda laudat. Vespasianum autem fuisse, non immerito colligimus ex exilio, Xiphilino et Zonara testibus, philosophis indicto. Hunc enim imperatorem proteruiam Cynicorum contempsisse, supra Demetrii exemplo, Dionisque et Suetonii testimonio probauimus. Ast his obstat, tum quod Musonius eo quidem tempore ex vrbe relegatus haud est, tum quod Epictetum sub Domitiano tantum in exilium ire iussum esse, S V E T O N I V S † afferit, Dio autem Chrysostomus sub eodem imperatore spontaneo consilio, in exilium abierit, vt in *sequenti sectione* probabitur. Ast Domitianum natura placidissimum et mansuetissimum fuisse, cui quae-

V v v 2

fo,

*) l. c. p. 701.

†) Bibl. Graec. Vol. III. p. 500.

*) p. 281.

†) In Domitiano c. 10.

*) p. 282.

fo, historiae Romanae mediocriter perito persuadebitur? Accedit his noua difficultas. Epictetus enim vrbe eiectus Nicopolin secessit, Dio in Thraciam ignotus profugit. Qua itaque ratione cum Epicteto, et Dione conuersari potuit Peregrinus vrbe submotus? Cumque praestantissimi hi Stoici virtutem veram et seueram maxime coluerint, pseudo-Cynicorum vero moribus essent infensissimi, quis credet, cum Peregrino ^z, impudentissimae vitae Cynico, eos familiariter vixisse? Fatemur itaque, in hac quoque historiae Peregrini parte valde nutare Luciani fidem, nobisque suspicionem enasci, condidisse eum hanc fabulam, non vt lectorem accurata rei expositione erudiret, sed vt iucunda aliqua narratione eum recrearet, et Cynicos simul pungeret: qua ratione sophistas saepius, neglectis veris temporum circumstantiis, historias suas instruxisse, sicque philosophicam historiam multis fabulis contaminasse, multis haecenus exemplis demonstrauius. Tandem regressus in Graeciam Peregrinus modo dictis probrosis Elienses impetebat, modo Graecos, vt aduersus Romanos arma fumerent, sollicitabat, modo viros bene meritos lacestebat, quod mortem illi aliquando attraxisset, nisi ad Iouis statuam in Olympicis confugisset ^a. Quam infamiam cum in sequentibus ludis oratione in laudem eius, quem vituperauerat, recitata emendare vellet, certatim ab omnibus contemptus est, cum exoleta essent omnia, quae excoGITabat. Vt itaque famae suae confuleret et admirationem, cui insanum in modum inhiabat, sibi pararet, pristinas martyrii gloriosi cogitationes repetens, in publica Graecorum panegyri se flammis comburendi consilium cepit, vt in hac quoque re Herculem, Cynicorum parentem, imitaretur. Sperabat enim, hoc sibi gloriosum fore, sacro in loco comburi, vbi ne sepelire quidem alios morientes per religionem licebat ^b. Sparsis itaque de consilii sui ratione rumoribus, cum ingens esset hominum frequentia, constructo pyro et fossa, varia fuit spectantium sententia, maiorque erat multitudo Proteum accusantium, quam eius incepta laudantium, donec magna hominum frequentia deductus habitis de vitae suae periculis et exantlatis pro philosophia laboribus, auream se aureae vitae imponere coronam velle, dixit, Herculeumque vitae finem facturum promissit, vt ostenderet, qua ratione et mentis constantia mortis acerbitas respuenda sit. Ad quae dicta qui molliori erant animo, lachrymabundi, seruaret se Graeciae, inelamabant, cordatiores ad perficienda cogitata excitabant. Cum itaque videret, non euenire, quae sperauerat, nempe fore, vt inuitus et nolens, illis resistentibus, in vita seruaretur, vehementer expalluit, et subtrepidauit etiam, admirantium tamen spectaculo elatus, finitis Olympicis certaminibus, noctem demum postremum tempus ei rei destinauit, quando se ipsum esset concrematurus ^c. Quae cum media apparuisset, surgente luna Cynicis ille stipatus prodiit, face cum reliquis

^z) Demonastis etiam Peregrinum vsum esse conuersatione ex Demonaste T. II. p. m. 573. patet.

^a) Narrat rem prolixè p. 283.

^b) p. 286. vbi longa dissertatione de amentia huius consilii Lucianus disserit. ^c) p. 297.

quis armatus. Cumque rogum omnes simul accenderent, depositis ille pera ac pallio ac baculo in fordido amiculo adstitit; thūreque in ignem coniecto, inuocatisque paternis et maternis daemonibus actutum in ignem insiluit, nec amplius, a flamma quae multa erat, circumfusus apparuit; Cynici autem rogum circumstantes nullas profundebant lachrymas, silentio tamen perturbati animi haud obscura signa edebant. Addit his fabulae incrustator, quem vidisse tragoediam Lucianus narrat ^d, simplicioribus rudibusque magnificis se et tragicis verbis, ut eos deciperet, illisque insultaret, narrauisse, coniecto in ignem Proteo, factoque sub initium ingenti motu cum horrendo terrae concussae mugitu vulturem e flamma subuolantem recta in coelum iuisse, magna voce humana clamantem: Reliqui terram, in Olympium commigro: recitauisse etiam virum quendam postea, in quem is inciderat, vidisse se Proteum hilarem in porticu Heptaphono oleaginis fertis coronatum ambulantem, et sancte deierantem eum asseuerauisse, vidisse se vulturem e pyra euolantem. Quae adiecisse Lucianum, ut elegantius superstitioni illuderet, quilibet deprehendit. Haec totius vitae tragoediaeque Peregrini historia est, qualem nobis descripsit Lucianus. Qui licet spectatorem eius narrantem inducat, seque ex Parianis fide dignis reliqua accepisse dicat, ostendimus tamen haud vno specimine, cur fides eius hac in re sublesta sit, quaeque valde nobis persuadeant, more sophistarum multa finxisse Lucianum. Et Peregrinum quidem philosophum Cynicum fuisse dubitari non potest. Talem enim non Lucianus modo, sed TATIANVS ^e quoque nobis describunt, et PHILOSTRATVS ^f narrat, Cynicum hunc adeo audacter philosophantem, ut se igni traderet, Herodem sophistam canina dicacitate conuiciis fuisse infectatum. Audiendus itaque VINCENTIVS OBSOPAEVS ^g haud est, qui ἀντροχρησία Peregrini forte seductus, ex Cynico Stoicum nobis exsculpit. Cynicorum vero in morem acerbis reprehensionibus et obiurgationibus usum esse, GELLIVS ^h testatur, et adductus probat locus Philostrati. Quin concremationem eius vere contigisse, adducta haec loca et testimonia veterum, quibus EVSEBIVS ⁱ addi potest, dubitare nos non sinunt; unde audiendus non est nuperus *historiae philosophicae* scriptor Gallus ^k, qui eam in contumeliam martyrum excogitatam fuisse fabulam pronuntiat. Ast quae de vita eius turpi et flagitiis plena narrat Lucianus eum tantum in finem ab illo excogitata esse, ut et Christianis et Cynicis aegre faceret, adductae supra rationes luculenter probant, recteque illis opponitur, non communis tantum eius aetatis fama, quae inter celeberrimos philosophos eum numerauit, sed GELLII ^l quoque testimonium, qui *philosophum nomine Peregrinum*,

V V V 3

cui

d) p. 302.

e) Or. ad Graec. c. 41.

f) Vit. Sophist. L. II. c. I. §. 13. p. 563.

g) In argumento dialogo huic praemisso.

h) L. VIII. c. 3.

i) In Chron. ad Olymp. CCXXXVI.

k) Hist. crit. de la phil. T. II. p. 185.

l) L. XII. c. II.

cui postea cognomentum *Proteus* factum est, virum grauem ac constantem se vidisse ait, cum Athenis esset, diuersantem in quodam tugurio extra urbem. Cumque ad eum frequenter ventitaret, multa eum dicere vtiliter et honeste audiuisse; in quibus id fuerit, quod praecipue auditum meminerit: virum quidem sapientem non peccaturum esse, etiamsi peccasse eum Dii atque homines ignoraturi forent. Non enim poenae aut infamiae metu non esse peccandum, sed iusti honestique studio et officio. Si qui tamen non essent tali vel ingenio vel disciplina praediti, uti se vi sua, ac sponte facile a peccando tenerent: eos omnes tunc peccare procliuius, cum latere posse id peccatum putarent, impunitatemque ex ea latebra sperarent. At si sciant, homines nihil omnium rerum diutius posse celari, suppressius prudentiusque peccaturos. Descriptissimus totum Gellii locum, cum ut pateat, quanta inter philosophantes fuerit Peregrini apud Athenienses existimatio, tum ut sanam potissimum et egregiam fuisse eius doctrinam moralem cognoscatur, et suspectae inde Luciani narrationi opponatur testimonium fide dignius. Ceterum Luciani quoque narratio aetatem Peregrini fecit dubiam. ANTONIVS PAGI^m enim et IOANNES CLERICVSⁿ finem habuisse tragicum Peregrini vitam coniiciunt A. C. CLXV, EVSEBIVS^o A. C. CLXVIII, FABRICIVS^p A. C. CLXIX. Ast non leues hic nodos conspicias. Si enim Luciano fides, Peregrinus coaeuus fuit Musonio, Epicteto, Demonacti; qui philosophi sub imperatoribus Nerone, Vespasianis, Domitiano et Traiano vixerunt. GELLIUS^r autem se hominem vidisse, cum Athenis esset testatur. Tempora autem Gellii incidunt in aetatem Antonini Pii, iudice H. DODWELLO^s et I. A. FABRICIO^t, ex quo concluditur, adolescentem eum sub Hadriano Athenis studiis operam dedisse, ibique, id est post A. C. CXVII, Peregrinum adhuc in viuis fuisse. His merito addimus, constare ex Philostrati loco supra adducto, Peregrinum Athenis adhuc floruisse, cum ibi magna nominis fama viueret Herodes Atticus, quod sub Antoninis factum esse, ex supra dictis liquet. Quibus omnibus si EVSEBII testimonium iungimus, viuicomburium Peregrini ad A. C. CLXVIII referentis, sequitur inde non incerta conclusione, ante tempora M. Aurelii Antonini tragœdiam hanc euenire non potuisse. Ast his obstant et ATHENAGORAS^u et Lucianus. Ille enim non combustionis tantum Peregrini mentionem facit, sed et statuam quoque eius memorat, quae in patria eius Paride, responsa dare perhibeatur, ex quibus colligimus, Athenagorae aetate, qui sub Antoninis vixit, Peregrinum viuis iam subductum fuisse. Hic autem uti dictum, Peregrinum ait, exilium passum fuisse cum reliquis phi-

^m) Crit. Anti-Baron. ad A. C. 163. n. 3.

ⁿ) l. c. p. 695.

^o) loc. cit.

^p) Bibl. Graec. Vol. III. p. 500.

^q) loc. cit.

^r) De periopl. mar. Eux. §. 10. T. I. Geograph. Graec. min. p. 117.

^s) Biblioth. Lar. T. I. p. 508.

^t) Legat. pro Christ. p. 30.

philosophis Musonio, Epicteto et Dione, id quod A. C. LXXIII accidisse oportet sub Vespasiano. Quo tempore, cum iam iuuentutis annos superasse Peregrinum necesse sit, oportet eum sub Hadriano LXX annos iam fere natum esse, et cum flammis consumeretur, centenario maiorem obiisse, cum a Vespasiano vsque ad A. C. CLXIX integrum seculum effluerit. Ex quibus omnibus hoc tandem euincitur, falsum esse Lucianum, qui hanc nobis Peregrini conuersationem cum Stoicis istis obtrufit, seriusque, quam is prodit, vitae eius historiam euenisse.

§. IX. Vltimus, qui inter veteres Cynicos memoriae occurrit, *Salustius*. SALUSTIVS est, cuius notitiam debemus Damascio, qui eum nouisse, et cum eo conuersatus esse videtur, et memorabilia de eo quaedam *vitae Isidori*, vel *historiae* potius *philosophicae* inseruit. Ex qua cum diuersis in locis particulas excerpserit SVIDAS²⁾, et PHOTIVS³⁾ quoque eiusdem nobis dederit compendium, ex utroque hoc auctore philosophi huius haurienda est cognitio. Duxit Salustius patrium genus ex Syria, maternum ex vrbe Emesena, patre vero Basilide, et matre Theoclea natus est. Et initio quidem, cum praeclaro esset ingenio, ad iuris prudentiae studia se applicuit, iurisque notitiam vehementer expetiuit, eumque in finem eloquentiae quoque diligentem nauauit operam, cuius praecepta ab Eunoio sophista, qui tunc Emesae degebat, hausit: quem tamen oratorem iuuenili insolentia tumentem atque in orationibus turgidum fuisse, Damascius ait¹⁾. Nec alia forte causa fuit, cur relicta forensi eloquentia ad sophisticam Salustius transiuerit, et ad sophisticam vitam animum applicuerit, ast meliori, quam praeceptor iudicio. Cuius affectatam eloquentiam cum recte subterfugeret, veteres Oratores Atticos sibi imitandos proposuit, eumque in finem orationes Demosthenis simul omnes edidicit, tantamque in his posuit industriam, ut cum non minore industriae, quam ingenii admiratione antiquam illam differendi elegantiam assequeretur, eamque tanta felicitate exprimeret, ut orationes, quas scripsit, parum veteribus istis inferiores iudicarentur²⁾. Cum autem Eunoium praeceptorem institutioni non satis in dicendi arte parem iudicaret, Alexandriam abiit, et praestantissimorum, qui ibi eloquentiam docebant, magistrorum periculum fecit³⁾. Qua in vrbe cum magna tum temporis esset philosophorum frequentia, primum ibi philosophiae amorem concepisse verisimile est. Quem cum animo altius infixisset, Alexandrinis philosophis non contentus, magnaue Atheniensis scholae, in qua tum Nestorii discipuli summa cum laude docebant, fama permotus Athenas adiit, Proclumque in Platonica cathedra summa cum admiratione philosophiam reformatam docentem audiuit. Quem praeceptorem licet admirarentur discipuli fere omnes, ut supra dictum, effecit tamen Zeno quidam,

¹⁾ In Salustius T. III. p. 276. 277. aliisque locis infra nominandis.

²⁾ Cod. CCXLII. p. 556. seqq.

³⁾ PHOTIVS l. c.

²⁾ SVIDAS l. c.

¹⁾ Ibid.

quidam ^b, vt a Proclo diuortium faceret (διαζωον) et tum eius schola excederet, tum receptam in ea philosophandi methodum, quam nugas parere tantum, parum vero solidi in tanta sapientiae iactantia tradere, viderat, relinqueret. Dimisso itaque et neglecto chao philosophiae Alexandrinae, quam eo tempore ad summas ineptias assurrexisse *seção quarta* probauimus, Cynicum philosophandi genus, iam tum quidem prorsus fere neglectum, elegit ^c; et non tam otiosis speculationibus de rebus diuinis et coelestibus, quibus Platonica schola tota in nugas difficiles se transformauerat, quam humanae societati conuenienter et vtiliter philosophandum sibi esse statuit. Quem in finem ἀδικοφιλαν Cynicam exprimere multo labore fategit, vtque dolorem contemnere disceret ardentēs femori prunas imponi sibi sufflarique passus ^d; longo etiam tempore cibus crudis nec igne coctis vsus est ^e. Odio vero in philosophos ducebatur magno, quorum amentiam et vitam saepe malam Cynica libertate taxabat, statuens philosophari non tam facile esse, quam plerique iactabant, sed impossibile ^f, nempe si mores sui temporis (ad quos sine dubio respexit) considerentur. Eandem ob causam iuuenes quoque a philosophiae studio dehortabatur, tum vt philosophorum scholas et congressus in contemptum adduceret, odiumque exerceret, quod in eos conceperat, tum vt ostenderet, considerata amplitudine studii illius, eos, qui se tanto titulo iactarent indignos prorsus esse. Neque caruisse effectu hanc Salustii, quam philosophis scripsit, dicam, alio loco ^g testatur SVIDAS narrans: fuisse tum inter philosophos eo tempore, quo Proclus vivebat, Athenodorum quendam longe clarissimum, omnibusque ad philosophiam subsidiis tam ab ingenio, quam recta animi voluntate instructum, dilucideque philosophiam discipulis explicuisse; ipsum etiam Salustium hunc ob studium admiratum, cum igne comparauisse, omnia propinqua incendente: et tamen huic Athenodoro persuasisse Sallustium ne philosopharetur. Facile ex his iudicium fieri potest, et odia philosophorum pressisse hominem illis nimis acerbum, et loci inde taedium illum cepisse. Relictis itaque Athenis cum Ilidoro, quem discessisse ex Platonica schola *seção quarta* diximus, Alexandriam secessit ^h, ibi-

^b) Duos nobis Zenones enarrat SVIDAS in Zeno Alex. T. II. p. 9. Vnus Iudaeus fuit, cui genti cum nuntium misisset, per ipsorum synagogam asinum album traduxit. Id quod mirum videri non debet, cum afflictis per Cyrillum patriarcham rebus Iudaeorum Alexandrinorum, inulta fere manserit plebis iniuria. Hic Zeno natura quidem aequus et bonus fuit, teste, quem hic quoque sine dubio Suidas descripsit, Damascio, sed in eloquentia et disciplinis tardior, semper quidem discere aliquid cupiens et rogans, quod ignoraret, sed omnia propemodum ignorans. Etenim erat tardissimus ad percipiendum, et quae tandem aliquando perciperet, eorum facillime obliuiscabatur.

Fuit et alius Zeno, Pergamenus, Procli aequalis, et ipse natura tardiore ad discendum, bonus tamen et moribus compositis. Vter vero secessum a Proclo suaserit Salustio, dicere se non posse ait Damascius.

^c) SVIDAS l. c.

^d) Sua id aetate factum esse ait SIMPLICIUS Comm. in Epictet. p. m. 63.

^e) SVIDAS in χυρζόλους T. III. p. 698.

^f) IDEM T. III. p. 277.

^g) In Athenodorus T. I. p. 77. vbi tamen Stoicus cum Platonico hoc describentium vitio confunditur. Etiam haec ex Damascio sine dubio haust Suidas.

^h) SVIDAS T. III. p. 277.

ibique Cynicum institutum profecutus, non ipse tantum imperterritum et ad quaeuis occurrentia indifferentem ostendit animum, sed ad corripiendos quoque hominum mores magna dicendi libertate usus est. Qua in re et ingenio supra modum natura urbano, et ad deridendum ingeniosissimo et promptissimo, quod facile inueniebat, quod e re nata esset, usus est, et has orationis Veneres, quibus eximie praeditus erat, e familia sua accepit, et dicendi arte confirmavit ⁱ. Cumque natura osor esset improborum Heracliti ^k more insectator turbae, omnes increpabat delinquentes, et quouis modo, quauis occasione quoslibet arguebat, et false perstringebat, interdum serio, sed plerumque ridiculis dieteriis et argutis sententiis, quibus plerosque magna ingenii felicitate pungebat. Qua in arte excelluisse Cynicos supra monuimus. Ita vero nec amicis satis fecisse, et inimicos sibi excitasse plurimos facile credi potest: unde eum, qui tamen familiariter eum nouit, Damascius auersatus est ^l. Nunquam autem infirmo fere corpore visus est, nec animo aeger ^m. Ait etiam Damascius, inspicientem occurrentium oculos, praedixisse frequenter mortis genus maxime violentum, licet caussam, unde id praenosceret, ne ipse quidem dicere posset, praetendens solummodo oculorum obscuritatem et tenebras et humore plenos esse, quae in luctu pupillis ipsis oculorum continerentur ⁿ. Quamuis autem seuera admodum esset virtus Salustii, impietatis tamen valde suspectus factus est; *veram enim de Diis opinionem dixit esse quintam virtutem, qua ne improbissimi quidem interdum carere videantur* ^o. Quae sanum quidem sensum admittunt, ad istorum vero temporum dogmata applicata, impia satis sunt atque profana. Tota enim philosophantium natio dispertiebat virtutes in quatuor classes cardinales, quibus reliquae omnes subordinarentur. Quinta igitur virtus inter non-entia referenda est, talisque quae apud improbos quosque inuenitur, adeoque vera de Diis opinio nullum inter veras virtutes locum obtinet. Nec dici potest, Salustium haec serio pronuntiasse, et ad anticipatam de Diis notionem, qua nec improbi carent, respexisse, quam, cum reliquis virtutibus prior sit, quintam virtutem cardinalem esse pronuntiauerit. Contrarium enim Damascium innuere, et ridendi caussa haec Salustium dixisse, SVIDAE verba clare satis docent. Non tacebimus tamen, quid pro Salustio hac in re non sine verisimilitudine dici posse putemus. Nempe valde irrisisse philosophos, maxime Platonicos, a quibus defecerat, Salustium, supra monuimus. Hi vero cum opiniones de Diis fanaticas nugisque meris constantes summum esse philosophiae apicem contenderent, ad

Pla-

ⁱ) Ibid.^k) Diogenis, forte scribere volebat Damascius, licet Heraclitum quoque plebem contempsisse certum sit.^l) loc. cit.^m) PHOTIVS l. c.ⁿ) Ibid.^o) SVIDAS l. c. Addi igitur debet atheismi insimulatorum catalogo apud Cl. REIMANNVM.

Platoniorum reformatorum affanias et inutiles speculationes respexisse videtur, quas quintam virtutis constituere classem eo magis, cum aculeo dixit, quo magis principi in sua schola dogmati locum inter quatuor virtutum classes vix relinquebant. Ast hanc de Diis opinionem et doctrinam, quam tantopere iactabat Procli, ex qua Salustius erat egressus, schola, etiam improbis inesse, exemplis sine dubio ex hac ipsa secta demonstravit, adeoque non in veram Dei notitiam, sed fanaticam theologiam haec dicta sunt. Quae tamen cautius omnino erant statuenda, ne impii haberent, quod pro omni religionis et pietatis eiuratione dicerent. Ex his vero iudicium de dictis eius fieri potest, quae coniecturam nostram mirifice confirmant ^p. Aliquando enim peregrinis quibusdam, cetera quidem eum laudantibus, vnum vero ei deesse dicentibus, quod non ita de Diis, ut alii multi sentiret, *Sinite, inquit, saltem propter Nemesein hoc mihi adesse*. Cumque Pamprepius magna iam dignitate conspicuum adiisset, isque, qui elegans atque festivus videri volebat, dixisset: *Quid Dii ad homines?* respondit: *Quis vero ignorat, neque me unquam Deum, neque hominem te fuisse?* Haec enim ad ridenda communia de Diis praeiudicia, maxime Platoniorum Alexandrinorum, e quorum numero Pamprepius fuisse ex supra de eo dictis constat, spectare, ex allatis, nisi fallimur, non inepte iudicatur. Ex quibus non sine verisimilitudine disputatis colligi porro potest, frustra eos esse, qui libellum Salustii *de Diis* a GALEO ^q editum, huic Cynico ^r vindicant, magisque audiendo illos esse, qui Salustium Platonium reformatum, Iuliani apostatae temporibus viventem parentem libelli Stoicis et Platonis sententiis inter se mixtis et male sociatis refertum agnoscunt ^s. Familiarem habuit Salustius Marcellinum principem Dalmatiae et Illyriorum in Epipro habitantium, virum bonum et generosum et Romanis disciplinis institutum, diuinationis quoque peritissimum, et praeterea eruditionis amantissimum. In quo prudentiam civilem non exiguum, et fortitudinem admirandam, et rei militaris peritiam insignem fuisse ait Damascius ^t. Salustios complures cum Cynico non confundendos quaere apud FABRICIUM ^u, nostrum Sec. VI. ineunte vixisse, Isidori, Damascii, Simplicii, aetas euincit.

^p) Ibid.

^q) In opusc. mythologicis. Primam editionem debemus G. NAVDAEO cum L. ALLATI versione et notis L. HOLSTENII Rom. 1632. 12. conf. FABRIC. Bibl. Graec. Vol. XIII. p. 643.

^r) CONRING. de Herm. med. L. I. c. 12.

p. 123. REINES. Inscr. L. I. c. 2. 4.

^s) GAUDENT. de Pythag. transmigr. c. 21. FABRIC. l. c. p. 644. qui plura de hoc Salustio dabit. Conf. ST. VITVS Bibl. Brem. T. VI. p. 424.

^t) SVIDAS in Marcell. T. II. p. 498.


^u) loc. cit.



SECTIO SEPTIMA.

DE SECTA STOICA.

§. I.

loruisse maturè sectam Stoicam durante republica Romana, *Fata sectae Stoicae sub imperatoribus.* principibusque viris se commendasse, in antecedentibus demonstrauimus. Eadem vero fortuna quoque Romae vsa est, postquam ciuitatis libertas in vnus degenerauit imperium. Nam apud imperatores quoque occasio data est Stoicis, eorum gratia ita fruendi, vt non posset non laeta inde secta ipsa capere incrementa. Quorum nouum quasi fundamentum iecit Athenodorus Tarsensis, Augusto valde charus atque gratus, ex quo sibi in philosophia ducem illum elegerat; is enim Stoicae sectae conciliauit eius animum, valde erga philosophos pronum. Quae licet fortuna sub imperatoribus sequentibus Tiberio, Caligula atque Claudio, a quibus nullus fere philosophiae honos habitus est, obscurari videretur, rediit tamen lux pristina sub Nerone, Seneca, huic familiae addictissimo, ad iuuentutem principis regendam, moderandumque consiliis suis ipsum imperium, adscito. Quinimmo laetioribus effulsit illa radiis, cum Marcus Aurelius Antoninus Stoicum habitum fumeret, et perceptis eius sectae placitis magnum eius familiae ornamentum euaderet. Neque porro parum adiuuit incrementa philosophiae studium Iurisperitorum Romanorum. Nam quod republica adhuc stante factum esse, supra ostendimus, vt Icti Stoicam philosophiam ad rempublicam adplicarent, iurisque normam eligerent, id sub imperatoribus quoque factum esse, dudum a viris doctissimis ^a, qui Romani iuris historiam scripserunt, obseruatum est, caussaeque facile detegí possunt. Semel enim in republica iactis ex Stoica doctrina, fundamentis iurisprudentiae Romanae, haud facile fuit iustitiae antistitibus ab incepta semel via in aliam prorsus deflectere, sicque confusione miscere omnia; praesertim cum non exigua Stoici apud imperii moderatores fruerentur gratia, et inter ciues sanctissima haberetur haec secta; quae doctrinam de officiis ab aliis sectis neglectam diligenter inculcauit, sicque praetorum edictis, nescio quod arbitrarium saepe ius condentibus, regulam praescripsit philosophicam. Neque vero solis iurisperitis arrisit Stoica philosophia, sed et inter alios sapientiae studiosos reperti sunt plurimi, qui meteoris Stoicis decepti, et magniloquentia barbatorum philosophorum illecti, vel nomen prorsus darent sectae Stoicae, vel eius tamen doctrinam reliquarum sectarum placitis

XXX 2

^a) Io. SCHILTER. Manud. phil. mor. ad Iurisprud. c. I. VINC. GRAVINA Orig. Iuris ciu. L. I. §. 44. EVER. OTTO de Stoi-

ca veterum Ictorum philosophia, alique Tomo primo laudati.

citis praeferrent. Et deceptos quidem esse admiratores doctrinae Stoicae, in aprico est. Cum enim verba audirent magniloqua, virtutemque viderent commendatam talem, ad cuius perfectionem ne adspirare quidem licebat, quae vero supra humanam conditionem Stoicum perfectum euehebat, non cogitarunt, inanem hanc esse arrogantiam, quae turbidos et negotiorum appetentes tantum faceret, quod Rubellio Plauto apud TACITVM^b obiectum; sed verbis capti magnum quid sonantibus, thesauros sibi promiserunt inanes. Quod facile intelligere potuissent, si ad id attendissent, quod FABIVS^c monet: *Minus indulserunt eloquentiae Stoici veteres: sed cum honesta suaserunt, tum in colligendo probandoque plurimum valuerunt, rebus tamen magis quam (id quod sane non quaesiverunt) oratione magnifici*, indeque didicissent magnificentiam Stoicorum recentiorum magis in verbis, quam in re fuisse. Ast neglecta hac grandiloquentiae Stoicae, quam frustra negat IVSTRVS LIPSIVS^d, consideratione, incauti in retia callidissimorum philosophorum inciderunt, et meliora atque longe praestantiora apud Stoicos, quam apud ceteros philosophos se inuenturos sibi polliciti sunt, id quod non potuit non sectam hanc vehementer augere. Multo tamen illustrior facta est secta Stoica, ex quo subdolo conatu Christianorum vitulis arandi occasionem nata est. Cum enim doctrinae Christianae, praecipue, quae mores hominum format animumque dirigit, per omnem mundum amplissima esset gloria, et philosophi quoque ad eam amplectendam animum aduerterent, hominumque innumera fere multitudo Christianis sacris accederet, quod sanctiora longe atque pulchriora tradere crederentur; non tulit tantam gloriam sectae Stoicae invidia, nec sanctitatis laude, qua haecenus cluebat, superari se a Christi sectatoribus passa est. Ut itaque in suis quoque scholis talia doceri ostenderet secta tristis atque tetrica, lectis Christianorum doctorum, et forte ipsorum sacrorum oraculorum libris, et verba et doctrinam ipsam ita callide imitata est, ut tamen salua atque illaesa maneret systematis semel electi constitutio, in alienum scilicet sensum iis deprauatis flexisque, quae ita furtim surripuerat. Cuius rei fidem ut faciamus, vel ad ipsa Senecae, Epicteti, Antonini scripta lectorem abire, et cum sacris Christianorum libris ea comparare iubemus, vel illa legere cum attentione et considerare, si tanti videbuntur, quae alio loco^e prolixè satis et copiose ea de re disseruimus, exemplisque plurimis subdolam hanc Christianorum imitationem a Stoicis susceptam confirmauimus. Neque mirum videri queat, libros Christianorum in manus Stoicorum peruenisse et ab iis lectos esse. Id Neronis et postea M. Antonini tempore facile euenire potuit. Cum enim nouae superstitionis instar apud imperatores deferretur Christiana doctrina, scriptis

b) Annal. L. XIV. conf. LIPS. manud. ad phil. Stoic. L. I. diff. XIV. p. 84.

c) Instit. Orat. L. X. c. I.

d) l. c. p. 88. conf. WERENFELS. de meteoris orationis Opp. p. 509.

e) In diff. de Stoicis subdolis Christianorum imitatoribus, Tempe Helu. T. III. sect. 2. p. 260.

ptis vero apologiis, et publicis quoque coram praesidium tribunalibus confessionibus de eius innocentia et sanctitate testimonium dicerent sanctissimi martyres et gloriosi confessores, impossibile fuit, ut res tanta, quae totum fere Romanum orbem commouebat, imperatorum oculos effugere, vel eorum notitiam latere posset, qui rebus summis moderandis adhibebantur. Ex quo numero cum Seneca imprimis fuerit, qui, imperii habenas capeffente Nerone, cum Burrho de imperii quoque negotiis prospexit ^f, dubium non est, virum prudentem, excitatum fama pariter et infamia Christianae religionis, qua a plerisque gentilibus aduersariis premebatur, ad ipsa cognoscenda praecepta Christianorum animum applicuisse, licet non negemus, sine fundamento commercium aliquod literarum inter D. Paulum et Senecam comminisci aliquos. Idem de M. Aurelio Antonino dicendum, quem non credibile est, tanto fauore, quanto infra dicemus, erga Christianos usum fuisse, si nihil scriptorum eorum legisset, vel doctrinam imprimis moralem eorum non percepisset. Vtrumque vero non verba tantum et phraseologiam, sed et doctrinae capita summa a Christianis mutuum accepisse exempla plurima loquuntur, at, corrupta et Stoicis erroribus ab illis infecta fuisse, docent. Ita vero non inter suae tantum superstitionis homines novos gloriae et sanctitatis spargebat radios secta Stoica, sed et inter Christianos non deerant, qui fucis illo decepti magnifica decreta vocesque magnas porticus admirarentur, et maximopere laudarent, naeuos autem ex admistis erroribus et attemperato illis decretis systemate oriundos non satis perspicerent, turpiterque laberentur, qua de re Tertulliani, Pantaeni, Clementis Alexandrini aliorumque exempla suo tempore et loco enarranda, documento nobis esse possunt luculento, quae nec ipse LIPSIVS ^g strenuus Stoicorum patronus, negare potuit. Viderunt tamen latentem in herba anguem viri perspicaces inter Christianos haud pauci, ut suo loco probabimus, grauemque censuram in Christianos exercuerunt. Cuius licet interiorum causam putet LIPSIVS ^h, quod plures fuerint qui Stoicam sectam sectarentur, quam qui aliam quamcunque, quodque et hac multitudine Christianos vrserint, et auctoritate atque vita eos prefferint, absit tamen tanta inuidia a viris sanctis, ut exiguum si cum Christiani nominis cultoribus comparetur, frequentiam inepta aemulatione illis inuiderint, vel hypocritica vita, quam Stoici affectabant, tantis ignibus eos adufferit. Esse enim longe alia et maiora, ex ipsis eorum obiectionibus clare cognoscitur; nec tam pulchre picta fuit larua virtutis Stoicae, ut non latens deformitas protraheretur in lucem, et hypocritis fucataque virtus eis ab ipsis gentilibus obiiceretur; qua de re ea relegenda sunt, quae *tomo primo* ⁱ de hac secta diximus. Magnam tamen sectae huic istis temporibus,

XXX 3

qui-

^f) Plura hac de re dicemus infra.

^g) l. c. p. 101. conf. IAC. THOMASIVS
de exult. mundi Stoica diff. X.

^h) l. c. p. 100.

ⁱ) L. II. c. 9.

quibus in viros optimos saepissime tyrannis saeuivit, gloriam addidere viri summi Stoicis praeceptis innutriti feminaeque illustres, quae excelfo animo contempta morte pro libertate et virtute fortiter obierunt, quales fuisse Caecinae Paeti, Thraseae et Heluidii vxores, Arriam vtramque et Fanniam TACITVS ^k narrat. Et ex his iam caussis magna illa incrementa orta sunt, quae Antoninorum aetate illa secta habuit, quaeque aliarum sectarum fortunam superauisse veteres testantur ^l. Certe IUVENALE ^m haut obscuro interprete, per omnem fere orbem Romanum philosophia Stoica cum reliquis eruditionis partibus inualuit. Ita enim:

Melius nos

Zenonis praecepta monent, nec enim omnia quaedam

Pro vita facienda putat, sed Cantaber vnde

Stoicus, antiqui praefertim aetate Metelli?

Nunc totus Graias nostrasque habet orbis Athenas.

Quae fortuna eo magis splendida fuit, quo magis SENECAE ⁿ tempore multae familiae philosophorum sine successore deficere coepere. Nacta vero sub Antonino Pio locum in cathedra publica honorem et stipendium etiam meruit ^o, hocque testimonio multa auctoritatis atque dignitatis acquisitae incrementa vidit. Nempe testatus hoc ipso, quod stipendio auxisset Stoicos, imperator, habere se hanc sectam pro utili reipublicae minimeque otiosa, cum *salaria* teste CAPITOLINO ^p, *subtraxisset multis, quos otiosos videbat accipere, dicens, nihil esse sordidius, immo crudelius, quam si rempublicam ii arroderent, qui nihil in eam suo labore conferrent: vnde etiam Mesomedes lyrico salarium subtraxit.* His itaque artibus ad summam felicitatem surgens philosophia Stoica, in plerisque, quae in orbe Romano erant, Musarum artiumque liberalium emporiis publice iuuentuti tradita est. Et Athenis quidem atque Alexandriae Stoicae philosophiae decreta personasse ^q, demonstratione in re nota opus haud habet: Romae autem vtrum publice doceri coepta sit, ambigit PAG. GAVDENTIVS ^r. Cuius quidem rei disquisitionem hic breuitatis causa omittimus, addimus tamen, quod CAPITOLINVS ^s tradit: *tantum in M. Antonino philosophiae studium fuisse, ut adscitus iam in imperatoriam dignitatem, tamen ad domum Apollonii Stoici discendi causa veniret.* Ex quo loco colligitur, Stoicae philosophiae ludos Romae tum, annuente imperatore, in aedibus suis aperuisse Stoicos phi-

^k) Legendus MENAGIVS histor. mulier. philosophant. §. 75. p. 499.

^l) Conf. LIPS. l. c. VOSS. de sectis c. XIX. §. 13. IONS. de Script. hist. phil. L. I. c. 20. p. 107. HORN. hist. phil. L. IV. c. 6. p. 255.

^m) Sat. XV. v. 108. seqq.

ⁿ) Qq. natur. L. VII. c. 32.

^o) LUCIANVS in Eunuch. T. IV. p. m. 160. CAPITOLINVS in Antonino Pio c. 11. XIPHILINVS in Ant. Pio.

^p) Ibid.

^q) STRABO L. XIV. p. 673.

^r) De philosoph. Rom. c. XLVIII. p. 206.

^s) In M. Aurel. Anton. c. 10.

philosophos. Sic Tarfi quoque Ciliciae Stoicae philosophiae praecepta tradita fuisse, STRABO¹ auctor est, qui Tarsum ideo Alexandriae Athenisque iungit: testesque sunt cultae Tarfi philosophiae Stoicae philosophi aliquot ex hac familia haud incelebres Antipater, Archidemus, Athenodori duo, Heraclides, Nestor, Zeno, Diogenes etiam dictus, alique partim suo loco iam dicti, partim infra nominandi, qui Tarsum patriam habuere². Sed fuisse quoque ibi peculiare conuictus a celebrioribus Stoicis nomen sortitos ATHENAEVS³ auctor est. Multum tamen ad obscurandam hanc Stoicae sectae gloriam contulere contradictiones et dissidia reliquarum sectarum, quae subtilitates porticus valde eneruabant. De quibus luculentum extat EVSEBII⁴ testimonium, narrantis: *acres illas ac subtiles argutias Stoicorum illudi a ceteris ac derideri, omnesque undique cum vicino quemque suo pulvere conspersos pugnam strenue luctamque conferere; quasi manibus iamiam atque lingua, seu calamo potius et atramento mutuum in sese bellum instruerent, atque alios alii, quibusdam quasi disputationum iaculis atque omni armorum genere vulnerarent.* Id quod Alexandriae quoque euenisse, Hieroclis scimus testimonio⁵: imprimis autem Scepticos in exagitandis explodendisque Stoicis decretis ingeniosos fuisse atque industrios, sexti Empirici exemplum nos dubitare non finit. Et medicinam quidem afferre malo huic conatus est post Potamonem Ammonius Saccas, iis vestigiis insistendo, quae Antiochum Ascalonitam et Ammonium Plutarchi Chaeironensis praeceptorem pressisse viderat; quem in concordiam ire coëgisse Platonis, Aristotelis et Zenonis decreta supra copiose explicuimus. Ast morbo medicina euasit pestilentior. Syncretismo enim illo turbata pura et genuina sectarum harum dogmata tantum non omnia, sectae autem Stoicae ita succissi nerui sunt, ut prorsus contabesceret, et AVGVSTINI⁶ aetate non nisi Cynici, Peripatetici et Platonici viderentur: qui vero dogmata Stoica, praecipue in morali doctrina, diligenter, scholae eclecticae adhaerent, quales fuere Simplicius, Damascius alique. Illustriores itaque Stoici ad seculi tantum tertii post C. N. initia pertingunt, ubi ducentorum annorum spatium multi viri magni et doctrina celebres huic sectae adhaeserunt. Ex quibus alii fuere iureconsulti et optimates, in quibus *seção prima* Thraseam, Heluidium Priscum, Iunium Rusticum, Caecinum Paetum aliosque memorauimus; quibus addi deberet M. Aurelius Antoninus imperator, nisi philosophum professione et instituto talem ipse affectasset. Alii strictiori vocabuli sensu Stoicae philosophiae sectaeque se assecras professi sunt, quorum indicem post extemporaneam LEONHARDI COZZANDI⁷ diligentiam construxere IO. IONSVS⁸ et

¹) Loc. cit.

²) Conf. A. A. philos. Vol. III. p. 141. seqq.

³) L. IV. p. 186.

⁴) Praepar. L. XIV. c. 2. p. 718.

⁵) PHOTIVS Cod. CXXIV. p. 283.

⁶) Adu. Academicos L. III. c. 18.

⁷) De magisterio antiq. philos. L. III. c. 4.

⁸) I. c. L. II. c. 18. p. 208.

et imprimis IO. ALBERTVS FABRICIVS ^d. Nos eos tantum enarrabimus, quorum fama in porticu fuit circa ista tempora illustrior. Ast sunt isti: Athenodorus Tarsensis, Annaeus Cornutus, Musonius Rufus, Chaeremon Alexandrinus, L. Annaeus Seneca, Dio Prusaeensis, Euphrates Tyrius, Epictetus Phryx, Sextus Cheronaeus, et, qui dignitate omnibus anteuit, M. Aurelius Antoninus imperator.

Athenodorus.

§. II. Valde res Stoicorum sub imperatore Augusto promouit ATHENODORVS, Tarso Ciliciae oriundus, patre Sandone natus: ab Athenodoro Tarsensi, qui Pergamo accitus a M. Catone, in eius contubernio vixit ^f, diuersus; hic enim Cordylionis cognomen tulit. Glycae, Cedreno aliisque Alexandrinus dicitur ^g, sed hoc falsum esse, ex veterum testimoniis, qui Tarsensem faciunt, patet. Dictus etiam a pago quodam Cananites ^h. Magna is et gratia et auctoritate apud Augustum valuit, tum ob animi singularem prorsus aequitatem, tum ob eruditionem, cuius laetissimus is effectus fuit, quod saniora et mitiora eius consilia Caesar Augustus prorsus probauit et secutus est, testaturque ZOSIMVS ⁱ, mitius fuisse Augusti imperium, ex quo Athenodori maxime consiliis aurem praebuisset. Id quod Tarso prorsus salutare euenit. Narrat enim LVCIANVS ^k: Athenodori Tarsensis Augusti praeceptoris, precibus apud imperatorem, Tarsensium ciuitatem vectigalibus leuatam esse, ideoque populum quotannis ei, vt heroi solennes honores persoluisse. Tanta etiam Augusti erga illum fiducia fuit, vt Claudium postea, imperatorem, in contubernium illi traderet, isque et institutione et conuictu eius vteretur ^l. Eo vero tempore iam aetate grauis fuit Athenodorus, vnde eo melius iuuenis ambigua inclinatione suspecti mores firmare illum posse Augustus sperauit. Contubernio vero philosophorum iuuenes etiam principes credere, non insolitum Romae fuit, ipseque Augustus, Sphaeri et Arei philosophi contubernium iniit ^m. Quem Areum, qui aliis Stoicus, aliis Pythagoreus dicitur ⁿ, cum Theone Alexandrino, Stoico, aliisque philosophis maxime Athenodorum commendasse, nulli dubitamus ^o. Valde senex, octoginta duos annos natus in patria occubuit ^p, relicto de Tarso libro ^q, quem hodie desideramus. Cum Athenodori vero aliis, de quibus suo loco dictum, confundendus non est, vt a SVIDA ^r factum.

§. III. Se-

^d) Bibl. Graec. Vol. II. p. 386. quosdam ex hoc albo deleuit HEYMANNVS Aët. philos. Vol. III. p. 110.

^e) LVCIAN. in Macrob. T. II. p. m. 829.

^f) Dictum de eo supra c. I.

^g) FABRIC. Bibl. Graec. Vol. II. p. 391.

^h) FABRIC. l. c.

ⁱ) L. I. c. 6. Qui locus apud SVIDAM in Athenodorus T. I. p. 72. plane euertitur et

contrarius sensus exsculpitur. Conf. KVSTERVS ad h. l.

^k) loc. cit.

^l) SVE TON. in Claudio c. 4.

^m) IDEM in Aug. c. 89.

ⁿ) Dictum de eo Sect. I.

^o) SVIDAS in Theon. T. II. p. 182.

^p) LVCIANVS loc. cit.

^q) STEPHANVS in Ἀρχιτέκν.

^r) Vide quae in fine superioris Sect. diximus.

§. III. Serius, ante et sub Nerone vixit Romae atque docuit Annaeus Cornutus, haud ignobile in familia Stoica nomen. Fuit is Leptitanus Afer, et non philosophiae tantum cognitione, sed Grammaticae quoque rhetoricae atque poëticae vsu singulari praestitit ^s. Et meminit quidem GELLIVS ^r Cornuti grammatici, quem *haud sane indoctum et ignobilem*, et alibi *hominem pleraque alia non indoctum, nec imprudentem* vocat, eiusque commentarium in Virgilium laudat: Ast hunc a Cornuto philosopho diuersum esse contendit CASP. BARTHIUS ^u. Quod quamquam certo definiri non potest, causa tamen grauis haud est, duos hic Cornutos exculpēdi. Qui enim in dicendi arte ita excelluit, vt libros quoque rhetoricos conscriberet ^x, et pangendi carminis felicitate vsus est, eum in grammatica quoque versatum satis fuisse, quis est qui dubitet? Nec insolitum in veteri historia literata vel inauditum, philosophos in Grammaticis excelluisse. Cuius exempla multa occurrunt, et inter ea maxime Porphyrius et Proclus, vt alios taceamus. Nec obstat, quod vrgetur, Cornutum philosophum Graece scripsisse, grammaticum Latine: satis enim notum est, multos ea aetate vtraque lingua Graeca et Latina libros exarasse. Quare verisimile putamus, eundem esse Cornutum philosophum et grammaticum ^y, praesertim cum in omni eruditionis genere illum fuisse ornatissimum Dio testetur. Tragicum vero dum vocat auctor vitae Persii, in poëtica quoque eum arte fuisse versatum inde colligitur. Maxime tamen philosophiae Stoicae se dedit, eamque professus Romae iuuentuti ad sapientiae studium praeiuit, moreque philosophorum Romae tum commorantium conuietum philosophantium aluit; memoratque auctor vitae Persii, quem plerique SVETONIUM ^z esse volunt, *vsus fuisse Persium praeter Lucanum poëtam apud Cornutum conuietum duorum doctissimorum et sanctissimorum virorum, acriter tunc philosophantium, Claudii Agatremii medici Lacedaemonii, et Petronii Aristocratis Magnetis, quos vnice miratus sit et aemulatus, cum aequales essent, et Cornuto minores*: Tantusque fuit philosophantium, Cornuto duce, amor in praeceptorem, vt et maxime eius eruditionem et fidem extollerent, et remunerari quoque eius diligentiam studerent. Inter eos omnium praeclarissime de Cornuto sensit Persius ^a, qui virtutem Cornuti extollere in sermonibus suis non neglexit, satisque ostendit, qualis vir fuerit. Ita enim inter alia multa ^b:

Cumque iter ambiguum est, et vitae nescius error

Diducit trepidas ramosa in compita mentes

Me

^s) SVIDAS in Cornutus T. II. p. 350.

^r) L. II. c. 6. L. IX. c. 10. ^u) Ad Claud. p. 128.

^x) SVIDAS l. c. Porphy. Simplic. conf. FABRICIVS Bibl. Graec. Vol. II. p. 400.

^y) Ita etiam VOSSIVS de histor. Latin. L. I. c. 25. p. 136.

^z) Ideo SVETONII Caesaribus plerumque solet adiici. ^a) Satyra V. ^b) v. 34. seqq.

*Me tibi supposui: teneros tu suscipis annos
 Socratico, Cornute, sinu, tunc fallere solers
 Apposita intortos extendit regula mores:
 Et premitur ratione animus, vincique laborat,
 Artificemque tuo ducit sub pollice vultum.
 Tecum etenim longos memini consumere soles,
 Et tecum primas epulis decerpere noctes;
 Vnum opus et requiem pariter disponimus ambo,
 Atque verecunda laxamus seria mensa.*

Et paulo infra:

*At te nocturnis iuuat impallefcere chartis
 Cultor enim iuuenum purgatas inferis aures
 Fruge Cleantea. Petite hinc iuuenesque senesque
 Finem animo certum, miserisque viatica canis.*

Sed tota satyra legenda est, laudum Cornuti plena, vt quam sobrie discipulos docuerit, quamque grato illi agnouerint animo discamus. Tanta etiam Persii fuit erga praeceptorem grati animi significatio ^c, vt moriens scriptis ad matrem codicillis rogaret eam, vt daret Cornuto festertia, vt quidam dicunt, centies, vt alii volunt, plus, et argenti facti pondera viginti, et libros circa septingentos Chryssippi, siue bibliothecam suam omnem. Verum Cornutus sublatis libris pecuniam fororibus, quas frater haeredes fecerat, reliquit. Ceterum si SVIDAE ^d fidendum, nonster etiam in Romanae historiae monumentis condendis, versatus est. Ita enim lexicographus: *Duo Romani historici fuerunt T. Liuius, cuius celebre et illustre est nomen et Cornutus. Hunc autem audio diuitem quidem fuisse, et librorum expertem, nihil vero praeclari habuisse. Tantum autem fuit auditorum discrimen in his viris audiendis, vt Cornutum quidem quam plurimi audirent, obsequii et assentationis causa ad hunc virum confluentes, et propter haereditatis spem, quod nullos liberos haberet: Liuium vero pauci: sed quorum aliquis erat usus et qui animi elegantia et eloquentia praestabant. Et haec quidem tunc ita fiebant. Tempus vero et veritas - - hunc tanquam occultum thesaurum et multa eaque bona continentem demonstrarunt T. Liuium nempe. Alteri vero illi diuiti et pecuniis circumfluenti Cornuto obliuionem offuderunt. Quare vel vnus vel potius nullus eum nouit. Haec Suidas, qui Leptiten Africanum quidem eum fuisse asserit, si tamen recte aestimauerimus, more suo homonymos confundit. Vt taceamus enim Cornuti non ita periisse memoriam, vt ne vnus quidem eum norit, tempora non concordant. Liuium enim L. annis prius obiisse, quam in exilium*

^c) Vita Persii l. c.

^d) loc. cit.

exilium missus est Cornutus, ex EUSEBII *Chronico* recte demonstravit G. I. VOSSIVS ^e. Nec qui Cornuti meminere, huius rei mentionem faciunt. Recte itaque hunc Cornutum obscurum historicum a philosopho Stoico discernendum esse iudicarunt viri docti ^f, licet incertum prorsus sit, quod ex tempore coniicit VOSSIVS ^g, fuisse eum philosophi patrem. Sed nec ex aliis Cornuti iisque indubitatis scriptis aliquid superest, praeter libellum *de natura Deorum* sub Phurnuti nomine ^h primo quidem editum, postea vero recte Cornuto Stoico vindicatum, in quo mythologia Graecae Stoicae physiologiae, allegoriae in Stoicorum scholis receptae opera attemperatur, et theologia Stoica elegantius enarratur compendio. De cuius libelli historia consulendus est, qui diligenter eam enarravit IO. ALB. FABRICIVS ⁱ. Aliter quidem visum veterum doctrinarum callentissimo viro THOM. GALEO ^k, cui nitidam libelli editionem ^l debemus. Qui postquam de diuersis Cornutis docte egit, et hunc Stoicum ob humaniores literas et philosophiam magnum nomen in scriptis veterum obtinuisse ostendit, alium quoque Cornutum nobis enarrat Platonicum Stobaeo et Proclo laudatum. Hunc vero Platonicum huiusce libri *de natura Deorum* auctorem esse coniicit, eumque esse putat, quem toties Porphyrius laudat, et cuius μεταληπτικὸν scribendi modum Origenes et Proclus imitati sunt. Ast falli virum κριτικώτατον facile deprehendent, qui ipsum libellum attente legerint, in quo nihil est, quod non cum Stoica physiologia, animaeque mundi per omnes partes diuisa exacte conueniat; sunt quaedam, quae a Platonica doctrina prorsus abhorrent. Quod ut vno alteroue tantum ex multis exemplo roboremus, en germanissimum Stoicum ^m, Ἦν δὲ ποτε, ὃ παῖ πῦρ τὸ πᾶν, καὶ γενήσεται πάλιν ἐν περιόδῳ. Hoc autem vniuersum quondam o puer ignis fuit et certa quadam mundi revolutione peracta omnia in ignem denuo conuertentur. Quibus in verbis Stoam non agnouisse, sed vidisse Platonicum aliquid virum in his literis summum, merito miramur. Tacemus etymologias et modum mythologiam veterem ad naturam rerum explicandam trahendi, in Stoica schola maxime receptum, et ab his tandem ad Platonicos Alexandrinos transeuntem. Alia, breuitatis causa hic omittenda facile inuenient, qui auctoris opinionem, de Ioue siue anima mundi ⁿ a Platonica mundi anima longe diuersa, de ἀνὴρ ^o, de mundi generatione ^p, de anima mundum permeante ^q, et his similibus expendent. Addimus tantum, maioris euidetiae causa fati descriptionem, totam a Chrysippo defuntam et Platonis doctrinae contrariam, qua sempiternam dicit ^r fatum esse, et indeclinabilem quandam rerum seriem

Y y 2

^e) l. c. p. 137.^f) CASAVBON. ad l. c. Persii, FABRIC. l. c. p. 401. VOSSIVS l. c.^g) Ibid.^h) Idem quod Cornutus, vid. GALE praef. ad Opusc. mythol.ⁱ) loc. citat.^k) loc. cit.^l) Inter opuscula mythologica p. 139. seq. ed. Amstelod.^m) p. 176. conf. MOSHEM. ad CVDWORTH. p. 625.^o) c. 5. p. 145.^p) c. 7. p. 149.^q) c. 11. p. 153.ⁿ) c. 2. p. 141.^r) c. 13. p. 155.

riem voluentem semetipsam sese atque implicantem per aeternos consequentiae ordines ex quibus apta nexaque est. Qui vnicus locus libellum Stoico Cornuto vindicat. Sunt enim ipsa Chrysippi placita, a GELLIO ⁵ relata, fatisque hinc probatur, Cornutum hunc Chrysippi libros habuisse et legisse, quos testamento a Persio acceperat. Vtrum vero ab hoc Cornuto allegoriae methodum acceperit Origenes, ut visum Galeo, qui in eo praeecuntem habet EVSEBIUM ⁶, iudicium erit penes eos, qui in Aegypto diu ante Cornutum hanc methodum inualuisse, Alexandriae autem literarum studiis innutritum esse Origenem cogitare volunt. Exilium tandem passus est doctissimus philosophus sub Nerone, quod oris libertate imperatorem offendisset. Refert enim Dio ⁷, a Nerone in insulam relegatum, et prope occisum fuisse, quod, cum Nero plurimos iam libros versibus scripsisset, de rebus gestis Romanorum, et adulatoribus suadentibus quadringentos adhuc esset compositurus, monitus esset a Cornuto, nimios fore, neque a quoquam legendos: cumque nescio quis obiiceret, Chrysippum, quem ipse laudibus eueheret, et cuius sectator esset Cornutus, etiam plurima volumina, scripsisse, responsum ferret, illa utilia vitae hominum esse, haec autem inutilia nulliusque pretii. Et Suidas quidem ἀναγκάσθαι τὸν τῷ Μουσωνίῳ dicit, quod cum ita intelligerent viri docti, *interfectum esse cum Musonio*, fides ideo Suidae vapulauit doctissimo ION SIO ⁸. Ast licet supinam Suidae negligentiam multoties accusauerimus ipsi, eum tamen heic loci sine censura dimittendum putamus, eo quod τὸ ἀναγκάσθαι non ad mortem tantum, sed exilium quoque referri posse, supra demonstraui. Ceterum cum plures Cornuti apud veteres occurrant ⁹, Stoicus a reliquis accurate distinguendus est. Quod leuiori forte labore fieret, si hodie legeretur *Cornuti historia*, quam scripsisse Lacharem sophistam tradit SVIDAS ¹⁰.

C. Musonius.

§. IV. CAIVS MVSONIVS RVFVS, de cuius memorabilibus dictis factisque libellum scripsit Pollio Valerius Alexandrinus ^a. Tyrrenus fuit, si PHILOSTRATVM ^b audimus, Volsinius, si SVIDAM ^c, Tuscum vocat TACITVS ^d. Parentem habuit Capitonem, vixitque sub Nerone, Domitiano, Vitellio et Vespasiano imperatoribus ^e. Equestri ordine natum fuisse TACITVS ^f auctor est; hinc muneribus admotus publicis munitioibus praefectus est. Iuuenis

bo-

⁵) L. VI. c. 2. Ab eo hanc Latinam definitionem versionis suae intulit C. CLAVSERVS, quod non vidisse Galeum merito mireris.

⁶) Hist. eccles. L. VI. c. 19.

⁷) L. LXII. p. 715.

⁸) De Scr. Hist. phil. L. III. c. 7. p. 247.

⁹) Vid. IONS. L. c. FABRIC. L. c.

¹⁰) In Lachares T. II. p. 419.

^a) SVIDAS in Pollio T. III. p. 164. qui tamen Pollionem antiquiorem sub Pompeio M. viuientem, cum Alexandrino, sub Hadriano florente more suo turpiter confudit, vid. IONS.

de Script. Hist. phil. L. III. c. 7. p. 246. Id etiam in Cl. STOLLII Hist. phil. mor. gent. §. CCXXXIV. p. 503. emendandum, et apud FABRICIUM Bibl. Gr. Vol. II. p. 406. pro Tralliano reponendum Alexandrinus.

^b) Vit. Apollon. L. VII. c. 16. p. 297.

^c) In Musonius T. II. p. 579.

^d) Annal. L. XIV. c. 60.

^e) Ibid. c. 59. histor. L. IV. c. 10.

^f) Equestris ordinis studium philosophiae et placita Stoicorum aemulatum esse, ait TACITVS Histor. L. III. c. 81.

bonarum artium studiis vehementer se dedit, aitque SVIDAS ^g, audiuisse Musonium Hermogenem iuniorem sophistam. In quo tamen in SVIDA accurationem merito desideramus. Aut enim Musonios, aut Hermogenes inter se confudit, temporum plane negligens. Hermogenes enim sophista sub imperatore M. Aurelio Antonino inclaruit, integroque seculo iunior Musonio, huius praeceptor esse non potuit. Maxime vero ad philosophiam Stoicam animum Musonius applicuit: quod enim SVIDAS habet, fuisse eum discipulum Apollonii Tyanei, falsum est, et ex confusione Musonii Cynici, cum Stoico Musonio enatum, ut supra iam notatum: nec familiaritas et consuetudo quaedam sectatorem et discipulum constituit, quemadmodum Musonius quoque Cynicus, familiaritate iunctus Apollonio, Cynicus mansit, nec ad Pythagoreos transiit. Munitionibus vero praefectum Musonium Stoicum fuisse, principia Stoica, quae secutus est, aliisque commendauit, satis demonstrant. Quo pertinet, quod, TACITO ^b teste, Plauto constantiam opperientiae mortis pro incerta et trepida vita suaserit, id enim doctrinae Stoicae conuenienter dictum. Non audiendus itaque est Scaliger, qui Musonium munitionibus praefectum a philosopho Stoico distinguendum esse putat, quod recte reiecit IONSVS ⁱ, qui et ratiunculas Scaligeri profligauit. Magno vero animo disseminasse Romae praecepta Stoica non inter iuuenes modo, verum etiam inter ciues, quin et inter milites TACITVS ^k narrat, qui male hoc euenisse illi apud hos tradit, cum seditionem militum sedare fuisset aggressus. Nec alia forte ratio est, quam imprudenter adhibita philosophiae correptio apud Neronem, cur ab eo prope occisus fuerit, et vir praestans ad Gyaras in exilium ire iussus sit. Quod enim SVIDAS habet, Musonium cum Cornuto ἀναγινθναί, quod ita accepere viri quidam docti, occisum esse a Nerone, ita intelligendum est, ut sublatum e ciuitate, hominumque oculis dicat, ut supra in Cornuto iam obseruatum. Certe exilio tantum a Nerone mulctatum esse veteres constanter tradunt ^l. Ex eo vero, annuente Vespasiano iterum reuocatus Romam venit, maiorumque consiliis insolita animi magnitudine restitit, Egnatiumque Celestem, hominem bonis omnibus inuisum ex urbe semouit ^m. Quibus moribus tantam apud Vespasianum iniit gratiam, ut, cum Mucianus philosophorum aduersarius Vespasiano auctor esset, ut philosophi Roma eicerentur, omnes quidem philosophi pulsi fuerint, solus autem Musonius manserit ⁿ. Nec dubium est, seruauisse sub Vespasiano et Tito pristinos honores, si verum est, quod Iudaeorum magistri tradunt, Musonium Tyrrenum, quem Turanum Rufum vocant, munitionibus praefectum Hierosolymis solo aequatis aratrum ad testandam perpetuam desolationem

Y y y 3

im-

^g) In Hermogenes T. I. p. 860.

^b) Annal. L. XIV. c. 59.

ⁱ) De Script. hist. phil. L. III. c. 7. p. 247.

^k) Hist. L. III. c. 81.

^l) PHILOSTRAT. L. c. SVIDAS l. c.

Auctor descript. Olymp. CCXI. an. 2. XIPHILIN. in Nerone.

^m) TACITVS Annal. L. IV. c. 10. 40. Scholiastes Iuuenalis.

ⁿ) XIPHIL. et ZONARAS in Vespas.

impressisse ^o. Fuisse autem Musonium ex illorum Stoicorum numero, qui non docendo modo, verum etiam viuendo philosophati sunt, ORIGENES ^p testatur, qui cum Socrate eum inter illos numerat, qui in philosophiae sectis mutata vita in melius adeo profecerunt, ut exemplo esse queant ceteris. Quod si superessent dicta et facta eius a Pollione, ut dictum, collecta, elegantissima certe doctrinae moralis, quam tradidit Musonius, facies pulchre eniteret. Eximia enim sunt quae sparsim apud veteres, praecipue apud STOBAEVM, ei tribuuntur, dicta atque praecepta, quae more Stoico perfectam virtutem postulant, quorum summam nobis exhibet collectam ex Stobaeo Cl. STOLLIVS ^q. Praeque huc redeunt: Quemlibet diem reputandum pro vltimo, temperantiam voluptatem esse rationi conformem, et inter initia verae sapientiae numerandam. Vti vero eam victu tenui, abstinere a carnibus, quae bestias magis, quam homines decent, viuere iis cibis, quos natura suppetitat, puri sunt, et Deorum commercio non indigni, siccam vero animam praestant, tanquam optimam. Magno et excelso animo esse excipiendas iniurias, facilique perferendas patientia: exilium fortiter ferendum, cum nec solis, lunae, siderum, nec hominum vsus eripiat: regi omnium maxime esse philosophandum: agriculturam cum philosophia coniungendam, vitandaque sophistarum vrbana, quae sectentur, otia: non obflare matrimonium philosophanti, eligendos autem esse ad id animos, qui et laboris patientes sint, et temperantiae, iustitiae aliisque virtutibus studeant, et concordiam ament, corpus autem sanum habeant. Praestandum parenti obsequium, verum non in iis quae iniusta sunt et turpia. Supellectili vtendum facile parabili, nec pretiosa: diuitem eum esse, qui nulla quidem re indigeat. Optimum senectutis pariter atque iuuentutis viaticum esse, naturae conuenienter viuere, id est virtutem sequi &c. Maxime vero commendari meretur fragmentum, quod ex libro eius *de exercitatione* nobis seruauit STOBAEVS ^r, quod integrum ab omnibus illis legi optamus, qui veram philosophiae indolem exoptatumque fructum assequi cupiunt. Monet hic inter egregia multa: „Virtutem non esse scientiam tantum contemplatiuam, sed etiam actiuam, sicut et medicinam, et musicam; virum enim bonum eum esse futurum, qui non praecepta tantum ad virtutem pertinentia edidicerit, sed secundum eam quoque enixe exerceatur atque quam diligentissime. Atqui tanto magis conuenire, exerceri futurum philosophum, quanto maior atque difficilior est philosophia quouis alio studio. Siquidem alias quidem artes ipsarum cupidus accedere animis non prius corruptis, quique contraria his, quae discenda sunt, antea non didicerint: philosophaturos autem prius multis correptos modis impletosque malitia, sic ad virtutem se conferre, hanc-

^o) Vid. IONSVS l. c.

^p) Adu. Celsum L. III. p. m. 156.

^q) Hist. phil. mor. gentil. §. CCXXXIV. p. 203. seqq.

^r) Serni. CXVII. p. 368. seqq. ed. Wechel.

„hancque ob causam quoque maius exercitium requiri. Quoniam au-
 „tem homo non anima solum, nec solo corpore constat, sed compositum
 „quiddam existat ex utroque, ideo necesse esse exercentem se utriusque
 „curam habere, magis quidem praestantioris partis, ut decet, animae,
 „alteram tamen non negligere, corpusque philosophantis ad officia recte
 „constituere; esse enim exercitium aliquod animae simul et corporis
 „commune, idque fieri, si nos assuefaciamus ad rigorem, calorem,
 „sitim, famem, victus tenuitatem, cubilis duritiem, abstinentiam rerum
 „suauium, et molestiarum tolerantiam, quoniam hisce et corpus robore-
 „tur, et anima ad fortitudinem exerceatur. Animae autem solius exer-
 „citationes esse, faciles sibi et in promptu demonstrationes parare, quibus,
 „quae in speciem bona videantur, talia non esse, nec mala esse quae ita
 „videantur, quae vero reuera bona et mala sint, cognoscatur; deinde et
 „mala fugere et bona prosequi omni studio. Oportere vero exercentem
 „se conari, ut vincat se ipsum, adeo ne voluptati applaudat, neque la-
 „borem auersetur, et vitae non nimis cupidus sit, nec mortem metuat:
 „et pecuniam accipere non maioris faciat, quam erogare.“ Esse in his
 quaedam, quae μετεωρολογίαν Stoicam sapiunt, adque sapientis perfecti
 ideam philosophum effingunt, naturam ipsam exuentem, non negamus.
 Laudandum tamen summopere, quod virtutis exercitationem, tanquam
 praestantissimam philosophiae partem philosopho commendauerit, cum
 eo tempore philosophi plurimi fuerint, quos μέχρι τῆ λέγειν ἀνευ πράττειν
 philosophari indignatus est Epictetus. Forte et tributa sunt Stoico Mu-
 sonio quaedam, quae a Cynico dicta sunt, quos inter se frequenter con-
 fudisse veteres in *praecedente sectione* ostendimus. Cum enim eodem
 uterque tempore eodemque loco philosophatus sit, animum quoque in-
 gentem orisque libertatem solito maiorem expresse-
 rit, facile potuit uni adscribi, quod ab altero dictum est. Quamquam, si verum fatendum,
 ea, quae imprimis de temperantiae victusque ratione dura admodum, et
 ab omni consuetudine abhorrentia Musonio tribuuntur, rectius forte ad
 Cynicum, quam Stoicum, referuntur: qua in re tamen certum nihil
 eo magis definiri potest, quo magis Cynici a Stoicis sola toga distabant,
 et conueniebat fere utriusque philosophia moralis. Musonium sub Io-
 uiano et Valentiniano viuentem^{s)}, quem veteres passim appellant, Stoi-
 cum item Musonium a Longino memoratum^{t)} ab hoc nostro aetas di-
 stinguit.

§. V. CHAEREMON Aegyptius fuit, patria potissimum erudi- *Chaeremon.*
 tione clarus, ἱερογραμματεὺς enim a Porphyrio^{u)} vocatur, scripsitque
hieroglyphica et res Aegyptiacas *: extatque hodie insignis eius locus
 de

^{s)} SVIDAS in Musonius T. II. p. 379.
 PHOTIUS Cod. CCXLIII. p. 608. AMMIAN.
 MARC. L. XXVII. c. 8. EVNAPIVS in
 Proaeresio p. 161.

^{t)} Apud PORPHYR. vit. Plotini c. 26. §. 6. p. 129.
^{u)} Apud EVSEB. Praep. L. XI. c. 57. L. V c. 10.
^{x)} Conf. VOSSIVS de hist. Graec. L. II.
 c. 1. p. 164. VALESIVS ad EVSEB. p. 123.

de sacerdotibus Aegyptiis apud PORPHYRIUM ^γ. Sed philosophiae quoque Graecae, more Alexandrinorum daturus operam, sectae, quae illo tempore reliquos antecellebat, Stoicae nomen dedit, et philosophiae quoque naturali operam impendit, ut ex libro *de Cometis* patet, ad quem prouocat ORIGENES ^z, quemque sine dubio laudat quoque SENECA ^a, apud quem pro Charimandro Chaeremonem legendum esse, viris doctis visum est. Memorat quoque Chaeremonem Stoicum MARTIALIS ^c, pauperrimum vitae genus sectantem his verbis:

*Quod nimium laudas, Chaeremon Stoice, mortem
Vis animum mirer suspiciamque tuum,
Hanc tibi virtutem fracta facit vrceus ansa,
Et tristis, nullo qui tepet igne, focus.
Et teges et cimex, et nudi sponda grabati,
Et breuis atque eadem nocte dieque toga.
O quam magnus homo es, qui faece rubentis aceti
Et stipula et nigro pane carere potes &c.*

Sed poni hic Chaeremonem pro Stoico quouis in summa inopia rerum huius vitae mortis contemptum affectante, vix dubium videtur ^d. Tanta enim paupertate hunc Chaeremonem Alexandrinum fuisse pressum, nullo modo verisimile est, cum satis splendidis praefuerit muneribus. Alexandrinae enim bibliothecae praefectum fuisse testatur SVIDAS ^e; qui et alio loco ^f tradit, fuisse eum praeceptorem Neronis cum Alexandro Aegeo; Dionysio discipulo eius, in cura bibliothecae gerenda eum sequente. Qui tamen cum ei successerit in aula quoque Neronis, cui ab epistolis, legationibus et responsis fuit, et ad Traianum vsque vixit ^g, recte inde colligitur, non diu in aula Neronis Chaeremonem vixisse, et senecta annisque grauem decessisse. Narrat alium Chaeremonem, qui astronomiae peritus videri cupiens cum Aelio Gallo Alexandria iter fecit, turpiterque se dedit STRABO ^h, quem cum Stoico eundem esse putat VOSSIVS ⁱ. Ast nec hominis inepti mores nec tempora nimis a Neronis aetate remota cum praeceptore imperatoris principis conueniunt ^k.

Scriptores vitae L. Ann. Senecae.

§. VI. Nemo tamen inter Stoicos maiori vel naturae donorum, vel munerum splendoris vel eruditionis philosophicae claritatis vel vitae mortisque circumstantiarum plane singularium luce coruscavit, quam LV-CIVS

γ) περὶ ἀποχῆς L. IV. p. 360. seq.
z) I. I. p. 46. adu. Cels. Ostendit in eo, cō-
meras interdum laetos quoque habuisse euentus.
a) Qg. nat. L. VII. c. 5.
b) VOSSIVS et VALESIVS II. cc.
c) L. XI. ep. 57.
d) Idem visum FABRICIO Bibl. Graec. Vol. II.
p. 392.

e) In Dionys. Alex. T. I. p. 598. conf. ION-
SIVS de Script. hist. phil. L. I. c. 18. p. 101.
f) In Alex. Aegaeus T. I. p. 105.
g) SVID. in Dionys. I. c.
h) L. XV. p. 806.
i) loc. cit.
k) Distinguit etiam vtrumque FABRICIVS
loc. cit.

CIVS ANNAEVS SENECA, in cuius scriptis magna nobis sapientiae Stoicae pars ad nostram vsque aetatem integra seruata est, dignus propterea, cuius historia paulo curatius enarretur. Quod inter veteres neminem praestitisse, quamuis magna inter eos Senecae fama fuerit, merito miramur. Recentiorum e contrario diligentia in eo valde occupata fuit, vt res nobis Senecae vel generales vel speciales exponerent. Inter quos palmam merito, reliquis praeripuisse censendus est I V S T V S L I P S I V S, Stoicae philosophiae admirator nouus, qui cum scriptis Senecae multam lucem affundere cogitaret, non tantum philosophiam Senecae eleganti tractatione *de philosophia et physiologia Stoica* illustrauit, sed scriptis quoque *eius vitam* praeposuit.¹⁾ Quem campum cum occupatum a Lipsio videret vir doctus, ANDREAS SCHOTTVS, ne inutilem nauaret circa Senecae historiam operam, vitam eius, editioni scriptorum Senecae praemittendam^m ita enarrauit, vt non tam fatorum eius, quam scriptorum enarraret historiam, et qua occasione quibusque circumstantiis singula construxerit, exponeret: qua ratione multa dicta sunt, quae Senecae historiae librisque haud contemnendam lucem foenerantur. Idem porro saxum quoque voluit M. ANTONIVS DELRIO, qui *prolegomenis ad syntagma tragoediae Latinae* vitam Senecae inseruit. His addi possent alii, enarrarique FRANCISCI SALVATORIS^o, IO. SCHILDII FR. PETRARCHAE aliorumque labores, nisi pleraque occupasset laudabilis industria et eruditio praestantissimorum virorum IO. ALBERTI FABRICII^p et SEVERINI LINTROPPII^q, quibus iungenda, quae de Seneca collegit NICOLAVS ANTONIVS^r. Nos ipsos maxime consulemus fontes, scripta nempe Senecae et Taciti, ad ea potissimum reflexuri, quae ad historiam philosophicam pertinent, et nobis Senecam suis coloribus depictum sistunt philosophum.

§. VII. LVCIVS ANNAEVS SENECA patriam habuit Cordubam veterem florentemque Romanorum coloniam in Hispania Baetica, vnde nobilitas eius originem cepit. Eam enim, Marcelli opus, gloria et potentia auctam esse, regionis bonitate, et amplitudine et fluminis Baetis vsu iuuante ait STRABO^s. Qui et porro addit: habitasse hanc Cordubam ab initio selectos Romanorum et indigenarum; vnde etiam colonia Patricia, teste PLINIO^t dicta est, vel quod patricii generis homines eo commigrassent, vel quod splendida et diues patres etiam reipubli-

Senecae vita.

1) Vtitur nos editione Lugd. Batav. 1619. 8. edita.

m) Est nobis ad manus editio Geneuensis, 1665. 8. vbi T. II. haec vita vel potius historia literaria Senecae legitur.

n) L. II.

o) Vid. Giornali de letterati 1674. p. 12.

p) Biblioth. Lat. T. III. p. 496. seqq.

q) In praef. ad SVANINGI theologiam Senecae 1710. 4. conf. Aët. philosoph. Vol. III. p. 485. seqq.

r) Biblioth. Hispan. ver. T. I. p. 22. seqq.

s) L. III.

t) L. III. c. 1. hist. nat.

publicae Romanae daret, quos Augusti tempore ex prouinciis quoque adscitos fuisse constat ^a. Patrem habuit Marcum Annaeum Senecam, equestri et prouinciali loco ortum ^x, et declamatorio orationis genere celebrem, qui declamatoris nomine a filio philosopho distingui solet, famamque et propria et filiorum eruditione sibi comparauit, cuius declamationes ab ipso collectae et ab illo praelequitiis interstinctae hodie leguntur. De quo tamen in historia eloquentiae Romanae pluribus agendum ^y. Matre genitus est Heluia, ad quam consolatoriam misit, cum in Corsicam esset relegatus ^z, ex qua magni animi atque ingenii feminam fuisse, liquet. Natum fuisse sub Augusto, recte inde colligitur, quod se circa diui Augusti secessum uidisse in aëre flammam ingentis pilae specie memorat ⁴, quae tamen in ipso cursu suo dissipata est. Puerulus natus Cordubae, materterae manibus Romam perlatus est, illius pio maternoque nutricio per longum tempus aeger conualuit ^b. Euenisse hoc colligit LIPSIUS ^c decimo quinto, aut circiter, anno ante Augusti excessum, argumento ab adolescentia Senecae in Tiberio principatum incidente, ut ipse ait ^d sumto, idque eo tempore, quo aliena sacra mouebantur, quem annum fuisse Tiberii quintum ex TACITO ^e inferri potest. Fratres habuit duos, sorores nullas, trium enim liberorum matrem Heluiam vocat ^f. Fuere hi tres praeter Lucium Annaeum, M. Annaeus Nouatus, et L. Annaeus Mela, ut ex controuersiarum inscriptionibus liquet. Maximus fratrum a Iunio Gallione adoptatus nomen Gallionis suscepit, et egregii declamatoris, titulum meruit ^g. Frater minimus equestri tantum dignitate conspicuus, Lucanum filium genuit grande adiumentum claritudinis, ut TACITO audit, de cuius vita et carmine epico, studioque philosophiae Stoicae in Cornuti conuictu *vitae eius* ad SVETONIUM auctorem referri solita videnda ^h. Vbi ex diuturno morbo, quo cum conflictatus est diu, conualuit, mature ad discendas literas adductus est, et in elegantissimarum artium studiis ingenium optimum adoleuit. Et in eloquentia quidem ipsum parentem praeceptorem habuit, ut ex *controuersiarum praefatione* ad filios, docta sane bonaeque frugis plena potest colligi, ex ea enim patet, Marcum Annaeum filiis iuuenibus eloquen-

^a) Hoc LIPSIUS l. c. c. I. p. m. 17. placet, sed dubium, an non ante hoc tempus iam nomen coloniae Patriciae obtinuerit, et an non ibi confederint milites patricii Hispanis foeminis mixti?

^x) Generis sui meminit in oratione ad Neronem quam exhibet TACITVS Ann. L. XIV. c. 54. ubi ait: „Egone equestri et prouinciali „loco ortus proceribus ciuitatis annumeror? „inter nobiles et longa decora praeferentes mea „nouitas enituit. „ Haec ad patrem equestri ordine demum auctum referri putat LIPSIUS l. c. ast pertinere ad ipsum Senecam patriciis viris in aula Neronis praelatum, series verborum ostendit.

^y) Conf. LIPS. l. c. c. I. p. 19. Elest. L. I. c. 1. ANDR. SCHOTTVS in dedicatione editioni declamationum, quam is curauit, praemissa. NIC. ANTON. Bibl. Hisp. vet. L. I. c. 4. aliique.

^z) Conf. SCHOTTVS vit. Senec. p. m. 11.

^a) Qq. nat. L. I. c. 1.

^b) Consol. ad Helu. c. 16.

^c) l. c. c. 2. p. 19.

^d) Epist. 108.

^e) Annal. II. fin.

^f) cap. 2.

^g) EVSEBIUS in chron.

^h) Dictum de eo Sect. I. quantum ad nostrum institutum pertinet.

quentiae specimina ex optimis auctoribus collecta imitanda exhibuisse. Etsi vero eloquentia forte superabatur a Gallione fratre, cuius eloquentiam adeo suauem fuisse, STATIVS indicat, vt canat:

Hoc plus, quam Senecam dedisse terris

Et dulcem generasse Gallionem,

Auctorque *dialogi de causis corruptae eloquentiae* tinnitus Gallionis memoret; ingenio tamen ad sublimiora elato magno se impetu philosophiae dedit studio, cassasque sine re et virtute voces, licet sonantes et pulchras, horruit. Id quod patri, eloquentiae fama filiis nomen quaerere cupienti, et natura auerso a philosophia animo displicuit, impedire is in feruentis ingenii adolescente non potuit, cum animi indoles maxime seria ad ardua quaeuis et seuera ferretur. Sotionem itaque praeceptorem elegit, hominem quidem Pythagoreum institutum sequentem, philosophiam tamen, quae mores format, ad Stoicorum simul placita attemperantem, vt supra *sectione secunda*ⁱ de eo dictum. Sub hoc praeceptore *maiori se impetu ad philosophiam iuuenem accessisse quam senex pergat*, fatetur, et ipse narrat^k, quem sibi amorem Pythagorae iniecerit Sotion. Qua de re tamen cum prolixè fatis supra actum sit, ibi dicta otiose repetere nolumus. Ast vel disciplinae austeritate, vel deferuescente adolescentiae impetu, vel Attali philosophi Stoici haud incelebris disciplina commotus ad Stoicos transiit, ita tamen, vt aliis quoque philosophis operam locaret, statueretque pretium. Nam et Papirium Fabianum audiuit^l, et Demetrium Cynicum admiratus est atque ita coluit, vt iam in aula versatus cum eo conuersaretur. Quin nec scripta philosophorum omnium sectarum neglexit, sed ad castra eorum, non vt transfuga, sed vt explorator accessit, adeo vt nec Epicurum, tantopere quidem Stoicis inuisum, negligeret, et quae bene dicta ab eo essent, probaret reciperetque. Ex quibus de quaestione iam iudicium fieri potest: vtrum Seneca philosophis sectariis, an eclecticis sit adnumerandus? Qua de re, vt distinctè rem exponamus, primo quidem notandum monemus, abhorruisse Senecam ab eo sectariae philosophiae genere, quod seruili quasi iugo vni ita sectae adhaeret, vt ex nulla alia veritatem, licet manifestam, recipere patiatur, nec sibi iudicium seruet vllum. Egregie prorsus noster^m: *Qualescunque sunt (libri mei) tu illos sic lege, tanquam verum quaeram adhuc non sciam, et contumaciter quaeram. Non enim me cuiquam mancipavi, nullius nomen fero: multum magnorum virorum iudicio*
Z z z 2 *credo,*

i) §. V.

k) Ep. 108.

l) Epist. 100. vbi Lucilio, compositionem Fabiani Papirii reprehendenti, respondet, huncque philosophum vehementer laudat. Impri-
mis laude digna sunt, quae de illo affert: „Ad
„profectum omnia tendunt et ad bonam men-
„tem, non quaeritur plausus. Cum audirem
„certe illum talia mihi videbantur, non solida,

„sed plena, quae adolescentem indolis bonae at-
„tollerent, et ad imitationem sui vocarent,
„sine desperatione vincendi. Quae mihi adhor-
„ratio videtur efficacissima. Deterret enim,
„qui imitandi cupiditatem modo fecit, spem
„abstulit. „ Egregie hoc dictum ad vitandam
meteorologiam Stoicam.

m) Ep. 45.

credo, aliquid et meo vindico. Nam illa quoque non inuenta sed quaerenda nobis reliquerunt. Et alibi luculentiusⁿ⁾: Sed ne te per circuitus traham, aliorum quidem opiniones praeteribo, nam et enumerare illas, longum est et coarguere, nostram accipe. Nostram vero cum dico, non alligo me ad vnum aliquem ex Stoicis proceribus. Est et mihi censendi jus. Itaque aliquem sequar, aliquem iubebo sententiam diuidere. Fortasse et post omnes citatus nihil improbabo ex his, quae priores decreuerint, et dicam: hoc amplius censeo. Interim, quod inter omnes Stoicos conuenit, rerum naturae assentior: ab illa non deerrare, et ad illius legem exemplumque formari, sapientia est. Fecisse haec Senecam, quae fassus est se facere, passim ostendit, et se Stoicorum decretis superstitione coeca non addictum esse relictis eorum placitis^o demonstrauit. Nec obstat, quod Stoicos nostros vocat^{p)}, Chrysippum nostrum^{q)}, Cleanthem nostrum^{r)}, Posidonium nostrum^{s)}; nam haec non ad designandam sectam dixisse, ex illo patet, quod et Epicurum nostrum^{t)} et Demetrium nostrum^{u)} nominat, quamuis nec Epicureae sectae, nec Cynicae esset addictus, videturque suos dixisse eos philosophos, quos prae aliis legit amauitque, licet totum eorum systema non semper esset amplexus. Et haec quidem ita se habere, dicta satis probant. Non tamen haec obstant, quo minus Stoicum systema secutum esse Senecam, Zenonisque adhaesisse placitis, dici possit, si de tota philosophia Senecae iudicandum. Cuncta enim Stoicis nituntur principiis, doctrinamque porticus, quoad dogmata primaria, exacte referunt. Ita v. g. Deum et materiam vnum esse totum dicit, ex quo res omnes partes sint atque membra^{x)}; Totum illud diuidit in partem agentem et patientem^{y)}; Deum corpus esse asserit^{z)}; et tamen spiritum dicit infinitae potentiae et perfectionis^{a)}. Mundum porro, Deum, naturam, idem esse statuit^{b)}; Deumque mundi esse animam agnoscit, quae vbique praesens sit^{c)}. Quin et Deum fato subiicit^{d)}, et ex nexu fati, decretoque Dei prouidentiam deriuat^{e)}. Genios etiam ex anima mundi ponit^{f)}, eosque in Deum reductum iri tradit^{g)}. Materiam porro aeternam, et perpetuo fluentem admittit^{h)}, exundationesque et incendia mundo finem allatura inducitⁱ⁾. Quibus parca manu datis addi possent longe plura, nisi actum iam id esset *tomo primo*^{k)}, vbi Stoicae philosophiae, quod exstruximus, aedificium, Senecae passim assertis inaedificauimus. Quo labore defunctus quoque est

I. L I P S I V S, qui in construenda explicatione *physiologiae Stoicae* ad Senecae

n) De vita beata c. 3.

o) Vid Ep. 33. 48. 58. 94. de vita beata passim, Qq. nat. L. VII. c. 22 alibi.

p) Ep. 117.

q) De benefic. L. II. c. 17.

r) Epist. 107.

s) Epist. 115.

t) Epist. 107.

u) De benefic. L. VII. c. 2.

x) Ep. 97.

y) Ep. 65.

z) Ep. 89.

a) De benefic. L. IV. c. 7.

b) Ibid.

c) Ep. 41.

d) De prouid. c. 5.

e) Ep. 75.

f) Ep. 111.

g) Ep. 9.

h) Consolat. ad Marciam c. ult. ep. 58.

i) Qq. nat. L. III. c. 29.

k) L. II. c. 9.

Senecam potissimum respexit. Ex his vero de Senecae philosophia iudicium fieri sine magno labore potest. Quae enim de ea dicta sunt, apertum faciunt, a Stoica eum quidem doctrina totoque quod porticus exhibuit, systemate non recessisse, et hinc recte inter Stoicos referri, alii suo tamen iudicio usum esse, nec ita auctoritati Zenonis adhaesisse, ut nunquam ab eo recedere, vel propriis etiam rationibus uti non auderet: inclinasse etiam ad syncretismum philosophicum, qui cum caput semel in Aegypto extulisset, totum fere Romanum orbem magnis passibus peragravit, et iam tum Romae quoque manifestare se coepit: aequo praeterea fuisse animo, nec ita reliquas sectas condemnauisse omnes, ut non multa ab earum philosophis praeclare vereque dicta esse crederet, adeoque obiecto sectario odio sine praeiudicio, quae ab aliis familiis in philosophia dicta erant, expenderet, quaeque vera esse deprehenderat, admitteret. Quo imprimis animo Senecam erga Epicurum usum esse, vidisseque multa in hortis Epicuri non contemnenda, quae porticus reiecerat et traduxerat, in Epicuri historia demonstrauimus ¹. Nec alia forte ratio est, cur Seneca quem tamen acerrimum Stoicum vocat L A C T A N T I V S ², F A B I O ³ audiat in philosophia parum diligens, nisi quod systematis, cui adhaerebat, rationem non semper habuisset, et ab eo paulisper interdum recessisset. His igitur studiis intentus Seneca puer apud Stoicum philosophum ut ipse ait, sedit; pater tamen consilium interuertit causasque agere iussit, quas diu actitasse et Caii etiam temporibus magna eloquii gratia et fama, putat L I P S I V S ⁴. Quod an verisimile sit, iudicet lector ex his S E N E C A E ⁵: *Quid enim non modo est, si recorderis? modo apud Stoicum philosophum puer sedi, modo causas agere coepi, modo desii velle agere, modo desii posse: infinita est velocitas temporis.* Illud probabile, hecticum corporis habitum ad perferendos orationis forensis impetus vires ei denegasse. Gloriam tamen haud exiguum sibi comparasse eloquentia sua, dubium non est, quae licet displiceret auribus delicatis, *vim tamen mentis, pectusque, quod disertos*, Quintiliano iudice, *facit*, probauit, hisque artibus se commendauit maxime.

§. VIII. Eruditione ita clarus Seneca, et dicendi quoque peritia celebris, cum latum clauum sumisset, ad honores in republica adspirauit. Quaesturam itaque primo nactus est ⁶, incessum quo tempore, sicque honoribus auctus uxorem quoque duxit. Et bis quidem nupsisse, recte inde infertur, quod ante ductam Paullinam filios pariter atque uxorem memorat ⁷. Paullinae vero coniugium post exilium demum iniit, quam

Z z z 3

¹) Vid. ep. 18. 27.²) I. I. c. 5.³) Instit. orat. L. X. c. 1. conf. de Senecae philosophia L I P S I. manud. ad phil. Stoic. L. I. diff. 18. 102. et post hunc multi alii.⁴) I. c. c. 3. p. 27.⁵) Ep. 100. coll. ep. 49.⁶) Consol. ad Helu. c. 16.⁷) Ep. 13. de Ira L. II. c. 36. qui liber ante exilium scriptus est.

quam nobilem senex iam duxit et potens in aula, quamque fidam sibi ^r in morte quoque sociam expertus est. Qualem vero posthaec vitam vixerit, nec ipse prodidit, nec vllus alius, meritis tamen atque eruditione se in aula imperatoris commendasse dubium non est; gratiosum etiam inter principes viros atque feminas fuisse, inuidia, quae ob id ipsum illi conflata est maxima dubitare non finit. Claudio enim imperii habenas tenente, cum Messalina vxor, concepto grauissimo in familiam Caesarum odio ferre non posset, reuocatam ex exilio Iuliam, Germanici filiam, M. Vinicii coniugem, impudicae et intolerabilis superbiae feminae se non subiicientem, animum attollere, Caesarisque frui gratia, confictis criminibus, denuo in exilium eam exegit, in quo periit ^r. Cui violentiae cum varii quaererentur praetextus, causaeque speciem habentes veri excogitarentur, accusata illa adulterii, Seneca quoque, tanquam inter adulteros deprehensus in Corsicam insulam relegatus est, tanta suspicione criminis, vt adulterii facinus tanquam rem notam exiliumque ea de causa illi indictum ei exprobrauerit Suilius apud TACITVM ^r. In hoc exilio vixit annos circiter octo, si ipsum audis, fatis feliciter et tranquille philosophiae literisque elegantioribus totus deditus. Ita enim de statu vitaeque sua ad matrem ^u ex Corsica: *Qualem me cogites, accipe: laetum et alacrem, velut optimis rebus. Sunt autem optimae, cum animus omnis cogitationis expers, vacat operibus suis, et modo se leuioribus studiis oblectat, modo ad considerandam sui vniuersique naturam, veri auidus, insurgit.* Qua de re pulchre differentem introduxit auctor Octauiae tragoediae ^x, quae perperam nostro tribui solet:

*Melius latebam procul ab inuidiae malis
Remotus inter Corsici rupes maris,
Vbi liber animus, et sui iuris mihi
Semper vacabat, studia recolenti mea.
O quam iuuabat (quo nihil maius parens
Natura genuit operis immensi artifex)
Coclum intueri solis et currus sacros.*

Talem vero non fuisse, qualem Stoica iactantia et hypocriti vsus se simulauit, haud obscure in *consolatione ad Polybium* ^r prodidit, plena humili adulatione Caesaris, indigna tanto philosopho, qui, *si tristitia quicquam profecturus sit, non recusare se ait, quicquid lacrymarum fortunae suae superfuerit, amici affundere fortunae.* Quae cum abiecte nimis et demisse scribantur, dubium fecere LIPSIVM ^z, an non scriptum illum penitus abiiciendum, et Senecae abiudicandum. Quasi ve-

ro

^r) Ep. 104.^s) SVET. in Calig. c. 19. in Claud. c. 29.
DIO L. LX. DESERVIES femmes des douze
Cesars P. II. p. 294.^t) L. XIII. Ann. c. 42.^u) cap. 4.^x) Aët. II. Sc. I. v. 381. seqq.^y) c. 21. seqq.^z) l. c. p. 25.

ro Stoicae virtutis inconstantia et simulata tantum fortitudo multis exemplis non constaret, vel a Seneca, humanum aliquid ea in re pati, fuisset alienum. Sane hoc in tanto philosopho probari nemo sanus poterit, quod quem dicto loco in exilio positus eiusque gratiae indigens tantis laudibus extollit, Claudium, post mortem cessante eius potentia acerbissima ἀποκολακυνθώσεως fatyra traduxerit, et conuiciis prosciderit. Non cauere tamen effectus blanditiae Agrippinae, quae in Messalinae locum in thoro imperatoris successerat, operam interponente suam. Ea enim narrante TACITO ^a *exilii veniam pro Annaeo Seneca, simul praeturam a marito impetrauit, laetum in publicum rata, ob claritudinem studiorum eius, utque Domitii pueritia tali magistro adolesceret, et consiliis eiusdem ad spem dominationis vteretur.* Qua in re arcanas quoque, ad quas respexit Agrippina, valuisse rationes, idem non negat, quod tanto beneficio memoria iniuriae sibi deuinctum, et implacabili in Claudium odio ductum Senecam fidum sibi filioque fore crederet. Applaudisse populum reuocationi tanti viri, studiorum claritudo, quam ei Tacitus tribuit, satis prodit, speque sine dubio enutritum suadet fore, ut in optimos mores sub tanto magistro Domitius adolesceret, consiliisque eius nixa olim potentia felicitatem imperii promoueret. Nec decipi passus est hanc populi Romani spem Seneca, qui tanto praefectus regendi principis muneri in id philosophiae atque prudentiae artes intendit omnes, ut, quem satis nouerat lubricum et voluptatibus deditum, ac ad magnos impetus pronum principis animum, vinculis quasi constringeret, et temperamento in vitiorum studia ruenti se eo modo opponeret, quo nec principis animus exasperaretur, nec malis, quae aula suppeditabat exemplis corrumperetur. Quod feliciter initio cessit, Afranio Burrho, praetorio praefecto, sociam cum Seneca manum iungente. *Hi enim, teste TACITO ^b, rectores imperatoriae iuuentae, et pari in societate potentiae concordēs, diuersa arte ex aequo pollebant. Burrhus militariis curis et seueritate morum: Seneca praeceptis eloquentiae et comitate honesta; iuuantes inuicem, quo facilius lubricam principis aetatem, si virtutem aspernaretur, voluptatibus concessis retinerent.* Et hoc tanta felicitate factum, ut quamdiu vterque operi manus admouisset, a recto tramite non deflecteret Nero; quod vero Burrho mortuo, Senecaeque auctoritate apud principem post haec valde imminuta factum esse notat TACITVS ^c. Tam propinquus autem cum summis rerum gubernaculis fuerit Seneca, nec honores nec opes ei defuisse, facile intelligitur. Et consulatu quidem fuisse functum veteres testantur, sed extraordinario, consulibus suffectis A. V. DCCCXV, si fastis credimus, quem tamen annum falsum esse vidit LIPSIVS, ^d. Maxime vero ab exilio reuersus in splendore statim esse, et amplissimis opibus affluere coepit, cum

^a) Annal. L. XII. c. 8.

^b) Ann. L. XIII. c. 2.

^c) L. XIV. c. 52.

^d) L. c. c. 4. p. 22.

cum iam pater locupletes filios reliquisset, quam ob rem matrem ipse laudat ^e. In aula vero positus, immensis diuitiis potitus est, Nerone eum facultatibus supra modum augente. Ita enim ipse ad principem ^f: *Tu gratiam immensam innumeram pecuniam dedisti, adeo ut plerumque intra me ipse voluam, ubi est animus ille, modicis contentus? Tales hortos instruit, et per haec suburbana incedit, et tantis agrorum spatiis et tam lato foenore exuberat.* Id quod inimicis et obtrectatoribus largam criminandi Senecam occasionem dedit, tanquam ingentes et priuatum supra modum euectas opes adhuc augeret, quodque studia ciuium in se verteret ^g: hortorum quoque amoenitate et villarum magnificentia, quasi principem supergrederetur. Suilius ei etiam obiecit ^h, qua sapientia, quibus philosophorum praeceptis intra quadriennium regiae amicitiae termillies HSS ⁱ parauisset. Ita vero et imperatoris fauor, et foenus, quod ex elocata pecunia receperat ^k, eum ditabant. Verum et alia magnificentiae in Stico philosopho prorsus insolitae specimina narrant veteres, villas regio splendore conspicuas, domum in vrbe, quae nomen apud posteros tenuit, quingentas mensas e cedro cum eburneis pedibus similes omnes et aequales ^l, et quae alia fuerunt immensarum diuitiarum Senecae testimonio, vnde IUVENALIS ^m

Senecae praediuitis hortos

memorat. Sed ex Paullinae quoque facultatibus multum ei accessisse dubitandum non est. Valde haec exacuisse inimicorum inuidiam, iudicabit, nobis non monentibus, quicumque aulae nouit mores, rerumque sub Nerone non plane ignarus est. Hinc obiecta ei apud principem potentia nimia, euectaeque supra modum priuatum opes, studia ciuium in se conuersa, magnificentia villarum principem quasi supergressa, Italia et prouinciae foenore eius exhaustae, eruditio principis contempta, et quae alia fuerunt, enarrata a TACITO ⁿ, nec Senecae ignota, qui ut ab his obtrectationibus se liberaret, non tantum librum *de vita beata* scripsit, sed missionem quoque flagitauit quidem, non vero impetrauit. Alienasse haec animum Neronis a Seneca, cuius tamen consiliis et opera haud exiguum imperii partem debebat, verisimile, maxime tamen obiecta libidini et faeuitiae imperatoris repagula, animum monitori asperum in Senecam armauerunt. Quo magis enim incrementa capiebat furentis libidinis infrunita apud Neronem licentia, eo magis moderatori suo inimicum factum esse illius animum disciplinae amplius non patientem necesse erat. Mature id sensit Seneca, et praeuidit, quanta ex eo in illius caput insurgere tempestas posset. Ut itaque inuidiae cederet, non tantum dimitti se ab aula et reddi philosophiae suae imperatorem rogauit,

^e) Consol. ad Helu. c. 2.

^f) Ann. L. XIV. c. 53.

^g) Ibid.

^h) Ann. L. XIII. c. 42.

ⁱ) Septuagies quinquies centena millia Philip-
picorum, LIPS. l. c.

^k) Ep. 67.

^l) Dio l. c.

^m) Satyr. IX.

ⁿ) l. c. c. 52. 53.

uit, sed et immensas, quas possidebat, facultates illi obtulit, opesque refusurum, si commeatum accepisset, est pollicitus °. Non admisit hoc quidem Nero, et gratiam, quantum poterat, simulauit, animum tamen Senecae futuri prouidum capere non potuit. Qui quidem ab eo tempore, tradente CORNELIO ^p, *instituta prioris potentiae commutauit, prohibuit salutantium coetus, vitauit comitantes, rarus per urbem, quasi valetudine infirma, aut sapientiae studiis domi attineretur*; licet certissimum fauoris sui eum Nero esse iussisset. Nec immerito praefensisse malum euentum apud principem malum et suspicionibus totum occupatum Seneca censendus est, qui prima, quae se imperatori obtulerat, occasione perfidiam eius satis est expertus. Cum enim Poppaeae Augustae, et Tigellino praefecto praetorio maxime se reddidisset exofum, eo consiliis suis impulerunt principem, vt de caede Senecae cogitaret. Cui cum praetextum in Pisonis coniuratione quaesiuisset, missus tandem tribunus est ad Senecam in villa degentem, qui necessitatem vltimam ei denuntiaret. Quem nuntium eo accepit animo, qui Stoicum prorsus decebat philosophum. Quod eleganter enarrans TACITVS ^q ipse audiendus est, cum haec pulcherrima vitae Senecae pars sit. „Ille, inquit, poposcit „testamenti tabulas, ac denegante centurione, conuersus ad amicos, „quando meritis eorum referre gratiam prohiberetur, quod vnum iam „tamen et pulcherrimum habebat, imaginem vitae suae relinquere testatur, cuius si memores essent, bonarum artium famam tam constantis „amicitiae laturus. Simul lacrymas eorum, modo sermone, modo intencior in modum coërcentis ad firmitudinem reuocat, rogans: vbi „praecepta sapientiae? vbi per tot annos meditata ratio aduersus imminentia? cui enim ignaram fuisse saeuitiam Neronis, neque aliud superesse post matrem fratremque interfectos, quam vt educatoris praeceptorisque necem adiiceret. Vbi haec atque talia velut in commune disse-ruit, complectitur vxorem: et paululum aduersus praesentem formidinem mollitus, rogat oratque temperaret dolori, ne aeternum suscipere, sed in contemplatione vitae per virtutem actae desiderium mariti honestis solatiis toleraret. Illa contra sibi quoque destinatam mortem adseuerat, manumque percussoris exposcit. Tum Seneca gloriae eius non aduersus, simul amore, ne sibi vnice dilectam relinqueret iniuriæ: vitae, inquit, delinimenta monstraui tibi, tu mortis decus mauis: non inuidebo exemplo. Sit huius tam fortis exitus constantia penes vtrosque par, claritudinis plus in tuo fine. Post quae eodem ictu brachia ferro exsoluunt. Seneca, quoniam senile corpus et paruo victu tenuatum, lenta effugia sanguini praebebat: crurum quoque et poplitum venas abruptit. Saeuisque cruciatibus defessus, ne dolore suo animum vxoris infringeret, atque ipse visendo tormenta eius ad impatientiam

°) Ibid.

^p) c. 56. conf. SVETON. in Ner. c. 35.^q) L. XV. Ann. cap. 62.

„dela-

„delaberetur, suadet in aliud cubiculum abscederet. Et nouissimo quoque momento suppeditante eloquentia, aduocatis scriptoribus, pleraque tradidit, quae in vulgus edita eius verbis inuertere superfedeo. At Nero nullo in Paullinam, proprio odio, ac ne glisceret inuidia crudelitatis, inhiberi mortem imperat. Hortantibus militibus, serui libertique obligant brachia, premunt sanguinem, incertum an ignarae. Nam ut est vulgus ad deteriora promptum, non defuere qui crederent, donec implacabilem Neronem timuerit, famam sociatae cum marito mortis petiuisse; deinde oblata mitiore spe blandimentis vitae euectam: cui addidit paucos postea annos laudabili in maritum memoria, et ore ac membris in eum pallorem albensibus, ut ostentui esset, multum vitalis spiritus fuisse egestum. Seneca interim durante tractu et lentitudine mortis Statium Annaeum, diu sibi amicitiae fide et arte medicinae probatum orat prouisum pridem venenum, quo damnati publico Atheniensium iudicio extinguerentur promeret, allatumque hausit frustra, frigidis iam artibus et clauso corpore aduersus vim veneni. Postremo stagnum calidae aquae introiit, respergens proximos feruorum, addita voce: libare se liquorem illum Ioui liberatori. Exin balneo illatus, et vapore eius exanimatus, sine ullo funeris sollenni crematur. Ita codicillis praescripserat, cum etiam tum praediues et praepotens, supremis suis consuleret. Hunc finem habuit Seneca, Stoicorum principiis, si non prorsus in vita, in morte tamen usus, in qua licet naturam non prorsus vicerit, quod ei exprobat SAINT-EVREMONTEUS, doloris impatiens, fortitudinem tamen demonstravit, sectae suae professione non indignam.

Animi et corporis qualitas in Seneca.

§. IX. Corpore fuisse Senecam admodum infirmo et a puero morbis vexato: supra iam subinnuimus, adeo ut omnia corporis aut incommoda, aut pericula per ipsum transisse, dicat. Et in iuuentute quidem crebris destillationibus ac febriculis impetitus est, quas initio quidem contemserat, et aduersus morbum ut ipse ait, contumaciter se gesserat; deinde succubuit, et eo perductus est, ut ipse destillaret, et ad summam maciem deductus saepe impetum ceperit abrumpendae vitae, nisi patris eum indulgentissimi senectus retinisset. Quae tabescentis corporis imago saluti aliquando Senecae fuit. DIO enim narrat: cum causam quandam in Senatu egregie et feliciter Seneca egisset, liuore suffusum principem Caligulam, qui solus eloquens videri volebat, cogitasse de eo tollendo: et facturum fuisse, nisi una e concubinis monuisset, frustra mortem parari iam morituro: tabe quippe laborare. Sed aetate quoque annisque prouectior vno se morbo assignatum queritur, quem asthma Graeci vocant. Quod vero virium reliquum fecerunt morbi, victus tenuitate plane exhaustum fuit, victu enim paruo extenuatum habuisse

†) Opp. T. II. p. 26.

§) Conf. STOLLIVS Hist. phil. mor. gener. lib. §. CCXXIII. p. 454. 457.

†) Consol. ad Heluiam c. 16.

*) Epist. 54.

*) Ep. 78. §) loc. citat. α) Ep. 54.

buisse corpus in antecedentibus ex Tacito diximus. Formosum itaque non fuisse, ex his intelligitur, et ipse alicubi ^a tangit. Etsi vero corpus ei contigerat valde tenue et siccum, eam tamen temperantiam inque cibo capiando abstinentiam in tanta rerum omnium affluentia adhibebat, quam inter voluptates Romanas eo tempore rarissimam fuisse, illius aetatis mores noscenti fatendum est. Ita enim de se ipso ^b: *Inde mihi ab Attali schola quaedam permansere. Inde ostreis boletisque in omnem vitam renunciatum est; inde in omnem vitam unguentis abstinemus; inde vino caret stomachus; inde in omnem vitam balneum fugimus.* Et alibi austeritatem vitae, quam sectabatur, his indicat ^c: *Culcita in terra iacet, ego in culcita.* Ex duabus penulis altera stragulum est, altera opertorium. Sed et TACITVS ^d testis est, *Simplici victu et agrestibus pomis, ac si sitis admoneret, profluente aqua vitam tolerasse.* Corpus autem tenue et infirmum exercitiis durioribus, et cultu agri, et fossione vinearum, maxime vero hortorum, quod artificium suum dicit ^e, firmavit ^f, hacque ratione aetatem ad sexagesimum tertium vsque annum, vt verisimili coniectura supputat LIPSIVS ^g, produxit, diutius etiam victurus nisi filum abruptisset Neronis faeuitia. Tranquillitatem enim mentis cum studiose quaesiuisset, et temperantiae iunxerit, certam inde contra morbos sibi medicinam parauit. Ast quam corpori denegauit natura elegantiam animo supra modum attribuit. Ingenium enim nactus erat elegantissimum, artibusque liberalibus aptissimum, quod *amoenum* TACITVS ^h, *excellens* COLVMELLA ⁱ, *facile et copiosum* QVINCTILIANVS ^k nominat. Cui cum tanquam agro fertili contigisset cultura diligens, parentisque cura praeceptores, vt supra dictum, optimos adhibuisset, ad eam eruditionis maturitatem peruenit, quam summis laudibus extulere veteres et recentiores viri doctissimi. Quorum elogia cum collegerint IVSTVS LIPSIVS ^l et THOMAS POPE-BLVNTIVS ^m, vterque ipse adeundus est. Certatim ibi mox doctrinae excellentiam et copiam, mox studiorum claritudinem, mox multarum rerum experientiam, mox lectionis immensum thesaurum, mox doctrinae moralis abundantiam omnibus superiorem, mox facundiae acumen laudari videas, adeo vt principem tum eruditionis vocet PLINIVS ⁿ. Et dictio quidem vt singularis prorsus est, et a Ciceronis imagine deflectit, ita breuitate et acumine, et sententiarum abundantia plurimos cepit, et in admirationem rapuit, quosdam vero seueros iudices et censores nata est. Refert enim QVINCTILIANVS ^o: *Suo tempore solum fere Senecam in manibus adolescentium fuisse, et amasse eum magis, quam imitatos fuisse, et placuisse propter*

A a a 2

sola

^a) Epist. 45.^b) Ep. 108.ⁱ) De re rustica L. III. c. 3.^c) Ep. 87.^k) L. X. c. 1.^d) Annal. L. XV. c. 63.^e) Epist. 112.^f) Ep. 104. Qq. nat. L. III. c. 7.^g) loc. cit.^h) Annal. L. XIII. c. 3.^l) In limine operum Senecae a se editorum p. m. 37. seqq.^m) Conf. celebr. auct. p. 109.ⁿ) L. IV. c. 14.^o) loc. cit.

sola vitia. Recentiori vero aetate, quis furor eloquentiae studiosos occupauerit, ex quo, Lipsio duce, breue et concisum argutumque dicendi genus inualuerat, ex dicendi artis historia, rerum literariarum nostri temporis non plane imperito satis notum esse existimamus ^p. Fuere tamen viri acuti et κριτικώτατοι, quibus tota dicendi ratio a Seneca adhibita prorsus displicuit. Inter quos imprimis QVINCTILIANVS ^q audiendus est, qui sobrie admodum de eo pronuntiat, licet vulgatam de se falso opinionem dicat, qua damnare eum et inuisum quoque habere, sit creditus: quod accidit illi, dum corruptum et omnibus vitiis fractum dicendi genus reuocare ad seueriora iudicia contenderat. Huc vero eius redit iudicium: *Multas alioqui et magnas virtutes Senecae fuisse, ingenium facile et copiosum, plurimum studii, multarum rerum cognitionem; tractasse etiam omnem fere studiorum materiam; nam et orationes eius et poemata et epistolas ferri: in philosophia parum diligentem esse, egregium tamen vitiorum insectatorem fuisse. Multas in eo clarasque sententias, multa etiam morum gratia legenda, sed in eloquendo corrupta pleraque, atque eo perniciosissima, quod abundant dulcibus vitiis.* Duriora sunt et iniquiora, quae refert GELLIVS ^r veterum iudicia. Ita enim: *De Annaeo Seneca partim existimant, vt de scriptore minime utili: Cuius libros attingere nullum pretium operae sit, quod oratio eius vulgaris videatur, et protrita: res atque sententiae aut inepto inanique impetu sint, aut leui et quasi dicaci argutia: eruditio autem vernacula et plebeia nihilque ex veterum scriptis habens neque gratiae neque dignitatis. Alii vero elegantiae quidem in verbis parum esse non inficias eunt, sed et rerum, quas dicat scientiam doctrinamque ei non deesse dicunt, et in vitiis morum obiurgandis seueritatem grauitatemque non inueniunt.* Ex recentioribus vero nemo grauiorem Senecae dicam scripsit, et acerbius de eius et eruditione et dicendi ratione iudicium tulit NICOLAO MALEBRANCHIO ^s, qui acutissimi ingenii neruos tantum non omnes eo intendit, vt ostenderet, totam Senecae philosophiam et dissertationes externo ornatu nescio quas Veneres gratiasque promittentes esse calcem sine arena, nec cohaerentem inter se, nec solidi quid praeter verba cassa et inania exhibentem, imaginandi vero vim fines suos atque limites supergressam vagabundo errore ita omnia corrupisse, vt, vbi pondera rerum dare videatur, nihil plane afferat, quod veri sitientem vel mediocriter satiari possit. Alia doctorum virorum nostrae aetatis iudicia non minus acerba breuitatis causa praetermittimus ^{ff}. Nos in definienda certa quadam atque stabili de Senecae dicendi genere sententia eo magis caute incedendum esse existimamus, quo magis in constituenda vera dicendi elegantia iudicioque de ea re formando in diuersa prorsus flectere

^p) Dicitur ea de re T. IV. historiam I. Lipsii enarraturis.

^q) loc. cit.

^r) L. XII. c. 2.

^s) De la recherche de la verité P. I. L. II. c. 4. p. m. 258.

^{ff}) Conf. quae affert Io. GEORG. PASCHIVS de variis modis tradendi moralia c. III. §. 17. p. 643.

etere iudicantes cogit et patriae, et generis et temperamenti et seculi ratio, quibus vni placet et formosum videtur, quod displicet alteri: id quod in Seneca vel laudando vel vituperando euenisse, adducta satis euincunt. Quod si ex ea eloquentiae imagine, quae exspirante republica Romana obtinuit, quaeque non immerito omnibus placuit, quotquot grauitatem eloquentiae cum decore coniunctam intellexere, iudicandum, non potuit non differendi ratio a Seneca adhibita, tota improbari, adeo brevis est, et elumbis, et affectato sententiarum pondere molesta magis quam grauis, quaeque obtundat potius animum, quam capiat vel satiet. Quod licet legentium auribus ad ipsas ratiocinantis argumentationes non satis attentorum dulci quodam fluxu se insinuet, examinatae tamen dissertationes plerumque inanes dimittunt lectores, masculaque dicendi virtute priuatae seducunt, et imaginibus quibusdam atque similitudinibus captos ad ipsum rerum neruum attendere, et in nexus eius penetrare non permittunt. Cuius causas si paulisper expendere libet, facile quis deprehendere poterit. Scilicet expectari alia vix poterant ab homine et temperamenti ratione sanguineo, atque ad imaginandi vires excitatori quam ad iudicandi; et gentis quoque suae vitio ad meteorologiam isti quidem nationi olim iam innatam prono, et in his sermonis vitiis dulcibus et elegantibus tanquam inter Charites educato. His accessit eloquentia Stoica, turgidam virtutem verbis magnificis postulans, et in *μετέωρα* nihil significantia valde inclinans, vt supra ostensum; quae naturalem animi indolem in Seneca valde adiunxit. Multa quoque dicta a viro inter aulae negotia, summasque curas, et effusa magis, quam elaborata, hinc sine ordine plurima, et prout scribendi impetus protrusit; multa quoque vitae magis, quam scholae dicta et ad amicos scripta, quae negligentiam quandam produnt. Ast esse tamen in Senecae scriptis non summam tantum eruditionis varietatem, sed vitiorum quoque censuram liberam et philosopho dignam, sententias quoque pulchras et argutas, et nescio quam venerem, quae acerbitem philosophiae moralis Stoicae dulci quasi nectare temperat, fatebitur, quisquis sine praeiudicio magni viri scripta legerit. Ex quibus constare putamus, non esse quidem Senecae scripta commendanda adolescentibus, ast legenda viris, qui si iudicium et attentionem cum Stoicae philosophiae cognitione attulerint, multum inde capient lucis et vtilitatis. Placet **QVINCTILIANI** sententia: *Velles eum suo ingenio dixisse, alieno iudicio. Nam si aliqua contempsisset, si parum concupisset, si non omnia sua amasset, si rerum pondera minutissimis sententiis non fregisset, consensu potius eruditorum, quam puerorum amore comprobaretur.*

Aaaa 3

tur.

t) Eleganter Io. BARCLAVS Icon. animor. c. 7. p. m. 485. „In Hispanica gente poim-
„pa verborum gestuumque ideo minus ingrata
„est, quod non ascititia aut extorta, sed veluti

„ex naturae praecepto intumescit, cuius omnis
„impetus, etiam in vitia declinans, nescio quo
„genio decet.“

*) loc. cit.

tur. Verum sic quoque iam robustis et seueriori genere iam firmatis legendus, vel ideo, quod exercere vtrunque potest iudicium. Multa enim, ut dixi, probanda in eo, multa etiam admiranda sunt; eligere modo curae sit, quod utinam ipse, fecisset. Digna enim fuit illi natura, quae meliora vellet, quae, quod voluit effecit. Ceterum ex dictis etiam de tota eruditione Senecae iudicium fieri rectum facile potest. Versatum enim fuisse in omni doctrinae genere, eiusque magnam possedisse copiam, negari non potest, scriptis eius satis de illa re testantibus. Attigisse etiam poeticae ex adductis liquet, et tragoedias scripsisse, ex Quintiliani loco allato constat; quae vero hodie sub Senecae nomine exstant Comoediae an omnes illi denegandae, nec ne, nostri hic loci decernere non est arbitrii, videnda vero, quae viri docti passim ea de re monuerunt. Maxime vero laudandam putamus Senecae doctrinam, quod haud vulgarem in cognoscendis veterum philosophorum dogmatibus operam posuerit, elegantemque historiae philosophicae cognitionem prodiderit, quamquam, obseruante QVINCTILIANO, in ea aliquando ab illis, quibus inquirenda quaedam mandabat, deceptus est: unde auctoritas eius in veteris doctrinae enarratione non sine examine et attentione sequenda est. In philosophia vero quas partes secutus sit, supra iam docuimus. Qui si in aliam aetatem incidisset, nec animi gentisque indoles Stoicam philosophiam commendasset, dubium non est, quin egregia multa in sapientiae studio praestitisset: veri enim studiosum se, quantum sectae patebatur praeiudicium, satis probauit, adeo ut haud raro a Stoicis suis discessum faceret. Ast Stoicorum doctrinis innutritus, iisdem scatet erroribus, quibus totum systema laborare suo loco demonstrauiamus. Vitae vero et philosophiae ad actionem translatae rationem si habeamus, magnorum eum ingeniorum habuisse fata, fatendum est, quae magnis saepe virtutibus illustria, non minoribus premuntur vitiis. Quare in vtraque parte in extrema excurrisse putamus, vel qui nihil inuenere in Seneca, quod non summopere extollerent; vel qui non nisi vitia viderunt turpemque hypocrisin. Et inter laudatores quidem Senecae insanos merito IVSTVM LIPSIUM² numeramus, cui in eo diuina sunt tantum non omnia, quem secuti sunt minoris famae luminisque plurimi. His laudatur eximie eius abstinentia, qua neglecto aulae Romanae inter immensas opes et voluptatum instrumenta luxu, fastu, pompa, frugalitatem naturae paucis contentae leges sequentem excoluit³. Vita porro seria et seuera et Zenonis discipulo digna, quam nec aula corrumpit, nec ad cognatum et familiare vitium; adulationem flexit, adeo, ut se malle veris offendere, quam placere adulando Neroni professus sit: quem saepius liber-

¹) Conf. SCHOTTVS l. c. et quas prolixè laudat FABRICIVS Bibl. Lat. T. I. p. 372. ²) loc. cit.

³) Manud. ad philos. Stoic. L. I. dissert. 8. p. 102. seqq. Vir. Senecae c. 7. p. 28. seqq. ⁴) Ep. 108. TACITVS Ann. L. XV. c. 45.

libertatem Senecae, quam seruitium, expertum fuisse, in ultimo vitae halitu pronuntiauit ^b. Maxime vero extollitur pietas in Deum et voluntatis submissio, de qua praeclare prorsus ^c, licet Stoico fundamento nixus: *Si quid credis mihi, intimos affectus meos tibi cum maxime detego: in omnibus quae aspera videntur et dura sic formatus sum: non pareo Deo sed assentior; ex animo illum, non quia necesse est, sequor: nihil unquam mihi incidet, quod tristis excipiam, quod malo vultu, nullum tributum inuitus conferam.* Iungitur his laudibus consuetudo examinis conscientiae singulis vespers, cum cubitum iret, suscepti, quam ex Sotionis Pythagorei schola retinuerat ^d; animus porro ingenuus atque candidus et non vxoris tantum amantissimus, sed amicis quoque fidissimus, et in ipsa quoque morte luculenter probatus. Studium item Deum in omnibus sequendi, affectus extirpandi, virtutem consecrandi, et non verbis sed re ipsa exprimendi; magnus porro animus mortis contemtor ^e, enataque inde summa fortitudo, spesque magna futurae post hanc vitam felicitatis et beatarum sedium, quam magnis vocibus passim ^f testatus est. Quin et facer his adiicitur spiritus ab eo admissus, bonorum malorumque obseruator et custos, sancte custodiendus ^g. Et abundare etiam praeclaris eiusmodi praeceptis scripta Senecae, nemini ignotum esse existimamus, qui ea vel per transfennam inspexit; unde factum, ut non Romae tantum agitata, ut traderetur imperium Senecae, quasi insonti, claritudine virtutum ad summum fastigium delecto ^h; sed et inter Christianos inuenirentur, qui Christiano nomine non indignum reputarent, adeo ut SARISBERIENSIS ⁱ non erubuerit profiteri: *Senecam sic vniuersos exterminare errores, ut aurea videatur secula reformare, et Deos ab humano genere exulantes eius opera reuocatos hominibus contracta societate misceri.* Cuius generis plura a nostrorum quoque temporum viris eruditis prolata passim inuenias ^k. Verum ex altera quoque parte non defuere viri acres et supra modum oculati, qui vitam quoque Senecae valde criminati sunt, et viuo etiam atque praesenti scelera obiecerunt, quod imprimis Suilium fecisse TACITVS ^l prodidit, contra quos librum *de vita beata* scripsisse supra iam monitum ^m; in quo naeuos sibi esse non negat, aut scabiem propriam non videre inimicos ostendit. Pulchra sunt quae inter alia profert ⁿ: *Quare hic philosophus laxius habitat? quare hic lautius coenat? papulas obseruatis alienas, obsiti pluribus ulceribus. Hoc tale est, quale si quis pulcherrimorum corporum naeuos aut verrucas derideat, quem foeda*

^b) Ibid.

^c) Epist. 96.

^d) De ira L. III. c. 34.

^e) Epist. 78.

^f) In consolatione ad Marciam c. 19. 25. Di-
ctum de eo in diss. de secta Elpistia Misc. Bero-
lin. T. V. obs. ult.

^g) Epist. 41.

^h) TACITVS l. c.

ⁱ) In Policrat. L. III. c. 13. p. m. 601.

^k) Vide etiam LIPSIUM cent. I. Ep. ad Bel-
gas, ep. 42.

^l) l. c. vid. etiam DIO l. c. cuius obiecta
Senecae aduersariorum sermones esse iudicat
LIPSIUS loco supra citato.

^m) Conf. SCHOTTVS l. c. p. m. 13.

ⁿ) cap. 27.

foeda scabies depascitur. Maxime vero obiectum ei adulterium cum Iulia, et adulatio humilis et abiecta Claudii, in exilio cum esset, quem tamen acerbissima postea satyra prosciderat, qua animum a vindictae imperio nondum liberatum prodiderit: tum insatiabile studium regias prorsus congerendi opes, et exacta foenore non Italia modo, sed Britannia quoque et Aegyptus. Tum vana aulae pompa, et magnificentia villarum, Stoicum prorsus indecens, et animum a seculi luxu et vanitate nondum vacuum fatis manifestans. Sed et flagitia in Neronem admissa, et neglectus principis animus, atque voluntatibus studio quodam immerfus adiicitur, et suspicione premitur philosophus, non puras plane manus a sanguine Agrippinae a filio profusae eum seruauisse^o. Nec multum hos, qui ita in Senecam insurgunt mouent egregiae, quas in scriptis suis effudit, sententiae. Eas enim grandiloquum et barbatum philosophiae magistrum sapere asserunt, qui cum oculis arenam obiecisset, nebulam pro Iunone fingat, et verba grande quid sonantia, nihil tamen recti significantia vendere satagat. Quibus illi plerique systematis Stoici errores adiiciuntur, quos suo loco notauimus, nempe cuncta vel ad perfectionis alicuius cerebrinae et impossibilis superbiam, vel ad turpem hypocrisin, vel ad enthusiasinum atheismo assinem redire, Deumque et animam eiusdem essentiae et vniuersi partem fato ineuitabili ipsique Deo imperituro subiectam supponere: et si quosdam audis in Spinozae castris eum militare^p. Qualia multa et his affinia passim occurrunt, suis locis videnda. Non defuere quidem Senecae, qui partes eius susceperent, et ad graues has criminationes responderent^q: obiectum adulterium, sed a Messalina, scorto impudicissimo: exprobratus luxus et auaritia, sed opposita et honesta acquirendi conditio, et animus opum negligens, et Neroni eas refundens, liberalitas quoque publica fama nota: impietatis species molliori sententiarum explicatione lenita, et quae his sunt similia, heic loci propter breuitatem non prosequenda. Melius famae Senecae consul-turi alii, familiaritatem Senecae cum apostolo Paulo inter praetorianos in aula Neronis amicos seruantis^r commenti sunt, et vt dictorum specio-
forum

^o) DIO L. LXI. vel XIPHILIN. potius, TACITVS Ann. L. XIV. c. 7. dubius est, conf. DE SERVIES femmes de douze Césars I. c. Alia Senecae obiecta vide apud A. G. V. STIN. de C. D. L. VI. c. 10. confer. Orium Vind. Mel. I. p. 99. IO. HENR. MEI-
BOM. in vita Moeëen. c. 22. BASNAGE ad A. C. 58. n. 4.

^p) Atheismi culpam Senecae iam obiecit Ar-nandus Tabius, contra quem eum defendit Io. Petrus Hunterus, vid. Act. philos. Vol. I. p. 143. Eandem viam ingressi sunt P. BAYLE, N. HIER. GYNDLINGVS et IO. FRANC. BYDDEVS, quorum loca adduxit REIMANNVS Hist. atheismi c. 39. §. 3. p. 285. qui tamen laudato Senecae libro de prouidentia, eam absoluit. Nos ad systema Stoicum hic attendendum, nec

verba Senecae extra eius nexum considerata monemus. Eandem enim theologiam ipse se-cutus est, nec verba splendida alio sensu capi possunt, quam systematis admittit ratio: quae itaque de atheismo Stoicorum dicta sunt, huc quoque pertinent. Quam orthodoxus autem Seneca in doctrina de Deo fuerit, ex vno loco Qq. nat. L. II. c. 45. discet, conf. BYDDEVS de error. Stoicorum, STOLLIVS Hist. phil. mor. gent. §. CCXXX. p. 496. Orium Vindel. Mel. II. §. 5. p. 146.

^q) LIPSIVS Manud. ad phil. Stoic. I. c.

^r) Phil. IV. 22. conf. WITSIVS Melet. Leidenf. Sect. XII. de vita Pauli §. 36. p. 212. CRENIVS Animadu. philolog. P. X. c. 3. p. 242.

forum sanum quendam et a Stoica impietate remotiorem sensum elicerent, ex sacris Christianorum sana multa illi recepta statuerunt^s, quin et epistolas inter Senecam atque Paulum proferunt^t, quas tamen ab impostoris manu profectas esse, nemo non videt. Quod licet non negent viri critico acumine celebres, sunt tamen, qui HIERONYMI^u et AUGUSTINI^x auctoritate moti^y, negare non audent, commercium literarum inter vtrumque intercessisse. Ex quibus iam in summam collectis enata disputatio de Christianismo Senecae, quam recte tamen reiecerunt viri docti^z, qui et deceptos antiqua fabula doctores pios viderunt, et speciosa dicta sensus Stoicos eosque impios et detestabiles fundere obseruarunt. Quamquam a vero non prorsus abhorreere putamus, peruenisse ad manus Senecae^a, summam rerum moderantis libros quosdam Christianorum, quorum causa tunc magni motus ciebantur, captumque Senecam Christianae ethicae pulchritudine furrupuisse formulas quasdam et systemati suo, malisque et impiis doctrinis subdola imitatione attemperauisse, qua de re alibi dictum^b. Nos, si in tanto dissensu, aliquod in gratiam lectoris interponendum iudicium, nec magni faciendam magnopere philosophiam et virtutem Senecae, nec adeo vituperandam putamus. Cum enim in plerisque, principibus sane, dogmatibus Stoicos secutus sit, non alia virtus fuit, quam vel commendauit, vel exhibuit, quam Stoica, quam falsam esse et ineptam, suo loco euidenter demonstrauimus. Quaecunque itaque peccata in doctrina morali Senecae sunt, non illi sed Stoeae imputanda. Porro hominem fuisse, et in tam corrupto seculo inque tam contaminata aula non prorsus illibatum seruauisse animum, excusari facilius potest, quam negari, id quod nec Tacitus nec Lipsius ausi sunt. Fatendum tamen et hoc est, magno Senecam animo fuisse philosophatum et non verbis tantum, sed re ipsa doctrinam saepenumero expressisse. Qui cum corruptum malumque Neronis animum, prout vellet,

^s) Videndi qui de theologia Senecae scripsere laudati FABRICIO Bibl. Lat. T. II. p. 513. et HEVMANNO Act. phil. Vol. I. p. 743. Vol. III. p. 486.

^t) Exhibet illas Codex apocryphus N. T. FABRICII T. I. p. 880. seqq. ubi historiam harum epistolarum literariam habes totam.

^u) Cat. Script. eccles. c. 12. p. 66. Bibl. eccl. Fabr.

^x) Epist. 56. (103. ed. Ben.)

^y) LIPSIVS vit. Sen. c. 10. p. 35. TILLEMONT. Hist. imperat. T. I. p. 560. SARISBERIENSIS Policrat. L. VIII. c. 13. NATALIS ALEXANDER Hist. eccl. Sec. I. p. 91. CYPRIANVS ad I. c. Hieronymi, aliique FABRICIO II. cc. laudati.

^z) Loca complura recentiorum, qui in hac sententia sunt, notat FABRICIVS Bibl. Lat. T. II. p. 513. LINTROPVS praef. ad SVANINGI theologiam Senecae, Act. phil. Vol. I.

p. 743. Otium Vindel. I. c. quibus addi possunt, quos in Germanico Historiae philos. opere T. III. p. 1139. his magno numero adiecimus.

^a) Praeclare celeberrimus CYPRIANVS I. c. „Nescio an quisquam in Neronis aula magis curiosus et probitati vitae (certe philosophiae, eam inculcanti) addictior fuit, quam Seneca. „Itaque cum Paulo Romam abducto eius res gestae omnium ore narrarentur, et sententia de „eo in Caesaris aula ferenda esset, probabile est, „Senecam inter proceres facile principem, eum „conueniendi copiam non neglexisse, aut literis „cum eo fuisse collocutum. „Posterioris nullam videmus necessitatem, prius vero munus Senecae, cui praeerat, et varia eruditio facit probabile.

^b) In diff. de Stoicis subdolis Christianorum imitatoribus: ex qua patebit etiam frustra esse eos, qui sana a Christianis summisae Senecam putant.

let, emendare non posset, in eo elaborauit, vt a saeuitia contineret, et iuuante Burrho lubricam principis aetatem, si virtutem aspernaretur, voluptatibus concessis retineret, sicque maius malum minori impediret. Illud sane inter omnes conuenit, digna esse elegantissimi philosophi scripta^c, quorum magna pars nobis seruata lucem a LIPSI diligentia accepit, quae ab omnibus legantur, sed non sine adhibita censura et iudicio.

Dio Prusaeensis.

§. X. Neronis quoque aetate inter Stoicos pariter atque Sophistas inclaruit DIO, a patria Bithyniae vrbe PRVSAEENSIS dictus, a Cocceio vero Nerua, cuius gratia florebat^d, Cocceianus, et ab eloquentiae dulcedine Chrysofostomus^e appellatus, quibus nominibus a Dione Cassio historico^f facile distingui potest. Eius vitam et eloquentiae imaginem descripsit PHILOSTRATUS^g, quae eleganti doctoque commentario illustrauit, et Philostratum passim emendauit SYNESIUS^h, veram eloquentiae rationem simul delineaturus. Addi his possunt, quae PHOTIVSⁱ de Dione habet, et SVIDAS^k. Patrem habuit Pacificratem^l, a quo cura potissimum habita, vt filius ad eloquentiam, cuius eo tempore magna erat dignitas, formaretur, cui cum accederent ingenium optimum, dotesque animi praeclarae^m, mature in dicendo valuit. Et initio quidem totum se eloquentiae tradidit, temporibusque Neronis et Vespasiani Sophistae munere functusⁿ, leuia quidem argumenta declamatorio ac luxurioso stilo tractauit, more vero sophistarum in philosophos omnes, etiam magnos et virtute commendabiles calamus exercuit, et nec Homero, nec Socrati, nec Zenoni, nec Musonio pepercit. Id quod non dicis tantum gratia, sed serio animi consilio fecisse testatur SYNESIUS^o. Sed nec sophistarum meliorem rationem cum habuisset, crabrones valde irritauit, eorumque inuidiam ita exacuit, vt quacunque occasione possent, eius existimationi detraherent^p. Quare effectum est, vt vix vnum alterumque discipulum Dio nancisceretur^q. Vt igitur et odio cederet, et eruditionis thesauros sibi compararet, iter literarium in Aegyptum suscepit^r; maxime vero mutato consilio professionem sophisticam abiecit, et omisso declamatorio dicendi genere ciuile

et

c) Eorum historia quaerenda apud SCHOTTUM l. c. NIC. ANTON. l. c. FABRIC. Bibl. Lat. T. I. p. 32. qui commentatores Senecae quoque enumerat.

d) Id vero per coniecturam tantum dicitur.

e) Citandi EVNAP. in proem. p. 7. Perperam itaque in Bibliotheca Bodleiana Dionem a Chrysofostomo distingui, recte norauit MORHOFIVS Polyhist. lit. T. I. L. VI. c. 2. p. 965.

f) Videndus de eo VOSSIVS de hist. Graec. L. II. c. 15. p. 273. FABRIC. Bibl. Graec. Vol. III. p. 319. et si tanti videbuntur, quae ad DESERVIENSIS vitas vxorum Caesarum Romanorum praefati sumus.

g) De vitis Sophistarum L. I. c. 7. p. 487.

h) Opp. p. 35. edit. Petauii.

i) Cod. CCIX. p. 272.

k) In Dio T. I. p. 607.

l) SVIDAS l. c.

m) SYNESIUS l. c. p. 37.

n) Orat. XXI. p. 270. XXXI. p. 344. 355. SYNESIUS l. c.

o) loc. cit.

p) Orat. XII. p. 197. XXII. p. 276.

q) Fauorinum tamen discipulum habuisse testatur PHILOSTRAT. l. I. vit. Sophist. c. 8. §. 2. p. 490. licet incerto rumore nitatur. Sic et Polemonem ei adhaesisse IDEM dicit c. 25. §. 8. p. 543.

r) Orat. XI. p. 164.

et philosophicum magis probauit ¹. Quem in finem cum maxime placeret secta Stoica, quae omnium diligentissime circa mores versabatur, ei adhaesit, ita tamen, ut libertatem seruaret philosophicam ². Huius itaque philosophiae praesidiis munitus ad eiusdem praecepta eloquentiam reformauit suam, et ad formandos suadendosque mores emendatos dicendi genus perspicuum atque facile, sermonemque amoenum adhibuit, et sententias frequenter Stoicas immiscuit. Vnde *Amaltheae eum cornu fuisse* ait PHILOSTRATVS ³, quod, ad dicendi facultatem quod attinet, ex sententiis elegantioribus totus esset compositus, Platonisque atque Demosthenis sonoram imitatus sit orationem, quibus, ut *lyris calamus*, cum simplicitate exacte sonum reddente voce succinerit sua. Quae tamen copiosa dicendi ratio adeo displicuit Apollonio Tyanaeo, breuitatem Pythagoricam supra modum affectanti, ut eius philosophiam rhetoricam magis esse, ad audientium voluptatem accommodatam diceret, saepiusque in epistolis ad illum has ad populum phaleras reprehenderet, eumque tibia et lyra potius quam oratione demulcire homines iuberet ⁴. Effecit etiam hic, quem in philosophiam conceperat, amor, ut amicitiam philosophorum ea aetate celebrium quaereret, sibi conciliaret, maxime vero Apollonii Tyanensis et Euphratis Tyrii familiaritate uteretur ⁵, a quibus in seueritate doctrinae, quae de moribus praecipit, valde confirmatus est, quam etiam in orationibus, quas hodie non sine iucunditate legimus, vehementer inculcauit. Eo enim totus eloquentiae dulcis et virilis tamen vigor affurgit, ut virtutem Stoicam commendaret, eiusque actionem suaderet. Ita disputat ⁶, exilium non esse malum, et plerosque homines neglecta virtute addiscere ea, quae nullius sint usus in vita. Libertatem consistere in recte agendo, et fortes bonosque ac sapientes liberos esse et nobiles, malos contra et ignauos esse ignobiles ac seruos ⁷. Res notissimas etiam atque etiam inculcare debere philosophos, quia a scientibus quoque bona praecepta raro obseruentur ⁸. Hominem sapientem, qui bono genio obsequitur, eundem quoque esse felicem, malis autem nullum esse animal miserius ⁹. Vitam hominis conferri posse cum conuiuio in quo Deorum nos excipit bonitas, conuiuiarum vero stoliditas multos miseros facit, bonos per mortem Deus ad se vocat potandos nectare ¹⁰. Philosophiam non consistere in splendidis sermonibus, sed in vita et actione serioque sapientiae studio ¹¹. Philosophum esse, qui antecellat reliquos homines cognitione et usu rerum non quarumcunque, sed praeclararum et vtilium ad vitam felicem atque honestam ¹². Habitum philosophi multos, rem ipsam paucos habere, B b b b 2 licet

¹) Proluxe de hac mutatione, quae dicendi quoque genus Dionis immutauit, differit SYNESVS l. c. p. 36. et haec omisisse Philostratum improbat.

²) Ibid.

³) Loc. cit.

⁴) Vir. Apollon. L. V. c. 40. p. 224.

⁵) Ibid. L. V. c. 31. p. 213. vit. Sophist. l. c. p. 288.

⁶) Orat. XII.

⁷) Orat. XIV. XV.

⁸) Orat. XVII.

⁹) Orat. XXX.

¹⁰) Orat. LXXI.

¹¹) Orat. XXIII.

¹²) Orat. XXXI.

licet ob *σχήμα* illud vulgus ad eos, velut ceterae aues ad noctuam aduolitent *ff*. Plerosque de libertate gloriari qui voluptatis, avaritiae aut ambitionis compedibus vincti seruitutem seruiant *g*. Haec et alia ita tradit Dio, vt Stoicum facile agnoscas, licet se omnium fere hominum notionibus quodammodo attemperare studuerit. Vt vero, qualem philosophum esse debere postulabat, talem se praestaret, vitae seueritatem vehementer profecutus est, eousque, vt Cynicorum fere in morem leonina pelle indutus prodiret *b*, vitiorumque acerrimus censor nulli parceret, et ne imperatori quidem Domitiano assentiri auderet *i*: Id quod illi exilio tandem cessit. Exasperato enim imperatoris in illum animo dicendi libertate, ex amicitia viri honesti a Domitiano interemti *k* suspectus redditus de vita periclitatus est. Quod periculum ille tamen mature praeuidit, consultoque oraculo profugus Romani imperii fines excessit *l*, idque tanta cautione, vt non tantum fugam nemo sentiret; sed et tempus illi non suppeteret, de necessario comite sibi prospiciendi, nec auferret secum aliquid praeter Platonis *Phaedonem* et Demosthenis orationem *de falsa legatione*: intra Romani quoque imperii fines comparere non sustineret, sed ad Getas, Thracas, Mysosque exulatum abiret *m*. Etsi enim exilium non esse contendit PHILOSTRATVS *n*, quod nullo decreto adactus fugeret, necessitate tamen metuque coactus clanculum disparuit, seseque hominum oculis atque auribus subduxit, alia in aliis regionibus agens, vt idem testatur. Nec alia, quam exulis vita fuit: cum enim necessariis destitueretur, arbores ferens, aut fodiens, aut hauriendae ad balnea hortosque aquae operam locans, aliaque eiusmodi suscipiens victum sibi misera conditione quaerebat: studia tamen literarum non neglexit, sed duobus istis libellis, quos secum attulerat, cum elegantem orationis in utroque haberet imaginem, dicendi virtutem conseruauit *o*. Postea ad castra Romana conuersus misero habitu vitaeque conditione vitam aegre sustentauit *p*. Interfecto vero Domitiano cum animaduerneret milites ob eandem caedem ad res nouas pronos tumultuari, depositis laceris vestibus nudus in aram insiluit sublimem, et orationem auspicatus, mendicum sub laceris panniculis non latuisse, sed Dionem philosophum ostendit, magnoque animo tyranni accusationem instituit, et ita dicendi suauitate ferocientium animos compescuit, vt rectius saperent, et saniora Romanorum consilia sequerentur *q*. Ab eo tempore reuocatus a Nerua, ad quem summa rerum erat deuoluta, magna apud ipsum gratia floruit, Neruaeque exemplum secutus est Traianus, qui se illum diligere non minus, quam se ipsum confitebatur, et in aureum quoque eum currum, quo triumphantes vehi solebant, assumebat, simul-

ff) Orat. LXXII.

g) Orat. LXXX.

b) PHOTIVS, SVIDAS II. cc.

i) Orat. III. p. 38.

k) Orat. XIII. p. 219. forte Apollonii amicitia illi quoque nocuit.

l) Ibid. p. 221.

m) Orat. XII. p. 198. XIV. p. 233. PHOTIVS l. c.

n) loc. cit.

o) Ibid.

p) PHILOSTRATVS l. c.

q) Ibid.

simulque cum eo vehebatur ⁷. Sed et magistratum in patria gessisse, et liberos habuisse non degeneres ex orationibus eius constat ⁷, itemque senium attigisse; quando vero vel ubi obierit, non liquet. Gracilis erat et corpore haud quaquam vasto, voce placida et firma, incessu minime quidem incitato, sed non ideo segni aut fracto, a quo nec reliqui motus corporis discrepabant ⁷: animo vero magno, iudicio firmo, eloquentia viua et dulci, et oratione vtente luculenta licet plena imaginibus, et rebus, de quibus agebat, conueniente, cui sententias passim interferebat optimas ex variis scriptoribus collectas, qua ex ratione cornu copiae eum dixisse Philostratum recte vidit OLEARIUS ⁷, maximeque in eo laudat SYNESIUS ⁷. Cuius luculentum exemplum sunt orationes octoginta ad nos transmissae ⁷, in quo rhetorem philosophum, sapientiae praecepta summa facundia commendantem facile agnoscas, virumque summum fuisse Dionem fatearis.

§. XI. Eodem tempore vixit amicitiamque cum Dione coluit EV-
PHRATES natione Aegyptius ⁷, patria Alexandrinus, qui tamen multo tempore in Syria degit, ubi eum Plinius iunior praeceptorem habuit ⁷. Apollonio Tyaneo cum innotuisset, tantus illius in hunc amor primo fuit, vt et amicitiam sanctissimis inter se vinculis necterent, et Apollonius Euphratem cum Dione Vespasiano, quantum posset, commendaret, eo effectu, vt se nunquam clausas viris sapientibus, qualis Euphrates esset, fores praebere diceret, et de bene ordinando imperio cum eo atque Dione sermones misceret, consiliumque exposceret ⁷. Qua occasione cum et Apollonium imperator consuluisset, isque in longe alia abiret, quam Euphrates suaserat, princeps autem ei soli fere adhaereret, grauis inde inimicitiae inter Apollonium et Euphratem obortae, et non sine iniuria postea gestae initia enata esse, ait PHILOSTRATUS ⁷. Hunc si audimus, fidemque ei tribuimus, indignis modis Apollonium lacessiuit traduxitque Euphrates. Narrat enim ⁷: ad Aethiopes profecto Apollonio praemisisse Euphratem, qui illum apud gymnosophistas criminaretur, et inuisum redderet, difficilesque illi praestaret sapientes Libyae. Misisse quoque seruum delatorem, cum pecunia, ut apud Domitianum accusatorem contra Apollonium instrueret eorum, quae in Ionia aduersus imperatorem disseuerat ⁷. Ast ne huic quoque pepercisse Apollonium, ait, literasque Apollonii affert ⁷, in quibus tanquam pseudo-sophistam philosophi indignum nomine accusat. Inter sophistas enim et grammaticos, improbumque hominum genus numerat, quo cum

B b b b 3 ami-

^q) SVIDAS, PHOTIVS, PHILOSTRATVS II. cc.

^r) Orat. XL. XLI.

^s) PHOTIVS I. c.

^t) Ad I. c. Philostrat. ^{ff}) loc. cit.

^z) Vid. PHOTIVS I. c. FABRIC. Bibl. Gr. Vol. III. p. 307.

^u) EVNAP. in prooem. p. 7.

^x) L. I. ep. 10.

^y) PHILOSTRAT. vit. Apoll. L. V. c. 28. p. 211. seqq.

^z) c. 33. p. 219.

^a) L. VI. c. 7. p. 235. c. 13. p. 250.

^b) L. VIII. c. 3. p. 324.

^c) Ep. I. II. III. V. VI. VII. Apollonii p. 385. seqq.

amicitiam colere respuat, eo quod inuideat aliis, cum tamen senectus ipsi vicina sit, et mors. Reprehendit porro eum, quod sophisticam exerceat, et pecuniam a discipulis accipiat: quod obierit gentes a Syria ad Italiam usque, ostentare se in duplicata veste, quam regiam vocant: cum pallium illi olim fuerit et maxima barba, praetereaue nihil: reuertaturque iam mari adducens nauem onerariam plenam argento, auro variis vasis, pictis vestibus et reliquo ornatu, fastu item et superbia atque improbitate. Obiicit, in ipsa Stoa hortorum Epicuri patrocinium suscepisse, deterioremque Epicuro esse, quod ab imperatore dona iterum atque iterum accepisset, sicque cum animi damno et paupertate diues factus esse, adsentari eum lucri causa hominibus quibusque, senibus, vetulis, orbis, diuitibus, delicatis, Midis, Getis. Paria passim apud PHILOSTRATUM^d occurrunt, grauissimae, quae vtrumque philosophum exercuit inimicitiae, testimonium luculentum exhibentia. Ast vel finxisse multa Philostratum, vel animo tantae famae philosopho indigno conuiciis proscidisse Apollonium Tyaneum Euphratem fatendum est, si vel ipsius Philostrati historiam vel veterum de Euphrate narrationes consulimus. Ex illa enim patet, tantae virtutis philosophum visum fuisse Euphratem Apollonio, ut vix haberet, quem ei praeferret, quamdiu ipsi superior esset Apollonius eiusque gloriam et auctoritatem non timeret: adustum inuidia et aemulatione grauissime in eum inuectum fuisse, quod vitae paedagogicae et scholasticae superbiae redolentis vestigia, quae calcabat Apollonius, non pressisset. Id quod vidit EVSEBIUS^e, qui praeclare de hac re: *Certe Euphratem, aditus ad imperatoris palatium participem reddens, postea tamen, ob intercedens dissidium talia de eo proferebat, nonne, ipsa suadente mihi ratione, Euphratis egisse Sycophantam arguitur? philosophorum suae aetatis clarissimi, qui hodie etiam ab iis qui philosophiae imbuti sunt studiis celebratur. Quod ipsum vel illustrissimum alicui, si velit, reprehensionis Apollonii exemplum praebeat. Si Euphrates enim omnium consensu philosophiae studiis clarissimus habeatur, intempestivum minime fuerit, illius eo euincere aduersus improbitatem odium, quod mala Apollonii facta fuerit infectatus. Hunc vero, qui ab eo arguebatur, concludere, mala fama oppressisse eum, quasi vitam ageret philosophiae minime consentaneam.* Calculum esse adiiciendum Eusebio pro Euphrate contra Apollonium dicenti, veterum de illius virtute eruditione, philosophia, eloquentia testimonia postulant. Ex quibus omnium maxime audiendus est PLINIVS^f, qui eum et no-uit, et in eius disciplina fuit. Ita enim de eo: *Si quando vrbs nostra liberalibus studiis floruit, nunc maxime floret. Multa claraque exempla sunt: suffecerit unum, Euphrates philosophus. Hunc ego in Syria cum adolescentulus militarem, penitus et domi inspexi, ama-*

d) Vit. Apollon. L. VIII. c. 7. f. 3. p. 332.
f. II. p. 544.

e) Adu. Hieroclem c. 33. p. 456.
f) loc. cit.

amarique ab eo laboraui, etsi non erat laborandum. Est enim obuius et expositus plenusque humanitate, quam praecipit - - Quantum mihi cernere datur, multa in Euphrate sic eminent, et elucet, ut mediocriter quoque doctos aduertant et afficiant. Disputat subtiliter, grauitè, ornatè, frequenter etiam Platoniam illam sublimitatem et latitudinem effingit ^a. Sermo est copiosus et varius, dulcis imprimis et qui repugnantes quoque ducat et impellat. Adhaec proceritas corporis, decora facies, demissus capillus, ingens et cana barba. Quae licet fortuita et inania putentur, illi tamen plurimum venerationis acquirunt. Nullus horror in cultu, nulla tristitia, multum seueritatis, reuerens occursum, non reformides. Vitae sanctitas summa, comitas par. Insectatur vitia non homines, nec castigat errantes, sed emendat. Sequaris monentem attentus et pendens et persuaderi tibi, etiam quum persuaserit, cupias. Iam vero illi liberi tres, duo mares, quos diligentissime instituit. Socer Pomponius Iulianus cum cetera vita, tum vel hoc vno magnus et clarus, quod prouinciae princeps inter altissimas conditiones, generum non honoribus principem, sed sapientia elegit. Descripsit totum Plinii locum, cum luculentam nobis exhibeat Euphratis imaginem, et de rebus eius quaedam narret. Ast ne ab amico vel discipulo laudari obiiciatur, ecce Epicteti testimonium, philosophi, quo integriorem virtutisque haud fucatae iustiore arbitrum porticus vix vnquam habuit: quod eo magis audiendum est, quo magis commendabile philosophi exemplum exhibet ^b: Recte dicebat Euphrates, se longo tempore dissimulasse philosophiae studium, eamque dissimulationem sibi profuisse. Primum enim sciuisse se, quae recte faceret, ea se non facere propter spectatores, sed propter semet ipsum: se sibi ipsi recte comedisse, compositis fuisse oculis: in deambulationibus seruasse modum: omnia sibi et Deo praestitisse: et sicut solus certasset, ita solum quoque esse periclitatum. Si quid turpe aut indecorum fecisset, philosophiam non fuisse periclitatam: neque se nocuisse vulgo, si ut philosophus peccasset. Quapropter eos, qui suum studium ignorarent, fuisse miratos, qui fieret, cum omnium philosophorum consuetudine et doctrina vteretur, ipsum tamen non philosophari? Quid vero, inquit, mali fuit in eo, si philosophus e factis cognoscebar, non autem ex insignibus? Vide quomodo edam, quomodo bibam, quomodo dormiam, quomodo tolerem, quomodo abstineam, quomodo rem geram, quomodo appetitione utar, quomodo auersatione, quomodo affectiones naturales et accersitas tuear, ut absque perturbatione et impedimenti viam? inde me iudica si potes. Haec de Euphrate Epictetus, haec Plinius, haec Eusebius, quos impostori Apollonio mendaci-

que

^a) Hoc de dicendi sublimitate, non de philosophia Platonis intelligendum: perperam itaque Euphratem aliquos inter Platonicos referre

monuit FABRICIUS Bibl. Graec. Vol. II. p. 53.

^b) ARR. L. IV. c. 8. p. m. 427. seqq.

que Philostrato praeferendos esse, nemo dubitabit, cui sanum caput est. His vero artibus Hadriano quoque valde se commendauit Euphrates; a quo veniam stoice emigrandi ex hac vita accepisse dicitur, cum morbo et senectia esset attritus. Dio enim narrat, obiisse Euphratem mortem voluntariam, cum ei Hadrianus propter morbum et senectutem cicutam bibere concessisset. Cuius veniam petiuisse a principe miratur PAGAN. GAUDENTIVS^k, eo quod licitum Romae fuerit, ob vitae taedium vel morbum desperatum, vitam abrumpere, nec bona eorum in fiscum abierint, nec eorum memoria damnata sit: sed illi tantum, qui conscientia sceleris se occidissent, ne damnarentur a magistratu, habiti fuerint pro confessis, nec bona eorum ad haeredes transferint. Putat autem, id factum ideo, forte quod adscriptus esset familiaribus imperatoris, et Hadrianus valde eius sermonibus delectaretur. Faciendum itaque sibi putasse, ut quasi miles obtineret missionem, ne iratus imperator, quod se inscio atque ideo inuito hausisset venenatam potionem, corpus veta- ret sepeliri, et bona in fiscum ire iuberet. Quam coniecturam lectoris relinquimus arbitrio.

Epiſtetus.

§. XII. Maxima porro inter Stoicos huius temporis existimatione vi- xit EPICTETVS, cuius vitam et obitum prolixis^l libris profectum fuisse Arrianum scribit SIMPLICIVS, quos vero intercidisse temporis iniuria eo magis dolemus, quo magis Arrianum Epicteti fuisse studiosissi- mum, constat: vitae itaque eius historia in veterum monumentis passim dispersa colligenda est, qua in re diligentem quorundam recentiorum do- ctorum virorum labor praestitit operam^m. Hierapolitanum Phrygem fuisse, SVIDAS testatur; pauperibus parentibus natus adeo fortunae bonis destitutus fuit, ut in seruilem conditionem deiiceretur, quam tamen miseriam animi bona praestantissima pensarunt. Hinc GELLIVS Epi- ctetum inter eos numerat, qui vitae conditione serui fuerunt, et Epicteto hoc distichon tribuit:

Δῆλος Ἐπίκτητος γενομένη κατ' ἑαυτὸν ἀνάπηρες
καὶ Πενίην ἴσος καὶ φίλος ἀθάνατοις.

*Natus Epictetus claudo cum corpore seruus
Iro pauperior. Diis in amore fui.*

Non profectum quidem ab Epicteto fuisse, praeter SALMASIVMⁿ contendunt ANT. THYSIVS^o, et HIERONYM. WOLFIUS^p, qui Leonidae, M. PLANUDE^q auctore, tribuit. Ast hoc Graeculi somni-

i) L. LXIX.

k) De philosoph. Romanor. c. 100. p. 330.

l) Prooem. comm. in Epicteti enchirid.

m) Praefixit vitam Epicteti HIERON. WOL- FIVS editioni Epictetorum Simplicii et Ar- riani: BELLEGARDIVS quoque vitam Epi- cteti, a BOILEAVIO conscriptam praemisit, characteribus Epicteti Gallice, Trivolt. 1701.

editis. Multa quoque huc pertinentia dedere doctissimi viri Io. ALB. FABRIC. Bibl. Gr. Vol. III. p. 259. seqq. et CHR. AVG. HEV- MANNVS diff. de philosophia Epicteti.

n) Ad Simplicium.

o) Ad I. C. GELLII.

p) In limine enchiridii.

q) Anthol. L. III. p. 427.

omnium esse, ex aetate Leonidae, Epicteto senioris, constat, illud GELLII refragatur auctoritati, ex quo descripsit MACROBIUS ^r. Deceptum tamen forte Gellium esse, qui se ex rumore hos versus adscribere Epicteto non obscure prodit, modestia Epicteti se viuum Deorum familiae adscribere non passa suadere videtur. Seruum autem fuisse Epaphroditum cuiusdam liberti et cubicularii Neronis, SVIDAS ^s testis est, quem caue cum quibusdam cum συνέργω Pauli Apostoli ^t confundas. Claudum crure fuisse veteres fere omnes concordant, de causa dissentiunt. SVIDAS ^u ob defluxionem altero crure mutilatum esse ait; SIMPLICIUS ^x a teneris claudicasse vult, Celsus apud ORIGENEM ^y, cum herus, refert, torqueret crur, subridentem imperterrite dixisse: *perfringes*. Cumque ille fregisset, *non praedicabam*, respondisse, *quod perfringes*. Alii fractum crur a vinculis, quibus constringi eum tyrannus quidam iusserit, asserunt ^z. In quibus narrationibus Suidae relatio et simplicior et verisimilior est. Manumissus ab hero propter philosophiam ^a paupertatem adeo non refugit, ut vix esset Romae, qui pauperior viueret, adeo ut eius domuncula nullis vnquam claustris eguerit, ut in qua nihil esset praeter lectulum et culcitram, in quibus dormiret ^b. Et eandem quoque ob causam magnam aetatis partem solus exegit, sero tandem mulierculam nutricem asciuit puero; quem ab amico quodam suo propter inopiam exponendum ipse susceptum educavit. Cuius causam hanc fuisse ait SIMPLICIUS ^c, quod ex philosophiae suae praeceptis statueret, *superuacanea ubique esse repudianda*. Duo autem superuacaneorum genera constituisse, *delicias et popularem opinionem, haec enim duo in causa esse, cur necessarium usum transiliamus*. Quanta vero paupertas fuit Epicteti, tantae fuere animi diuitiae, ingenium acre et excellens, et diuudicandis hominum moribus aptissimum, philosophiae cognitio tanta, quanta in homine acutissimo quaeri, et ex indefesso Stoicae philosophiae studio, grauisque magistri institutione acquiri potuit, unde Stoicorum maximum appellare non dubitat GELLIVS ^d. Vtus est praeceptore Rufo, cuius in dicendo vim corripiendique libertatem praedicat, narrans sic dixisse de moribus, ut quisque eorum, qui affideret, putaret, se ab aliquo criminis cuiusdam reum peragi: sic reprehendisse ea, quae fiebant, sic mala posuisse ob oculos, ut dolorem incuteret, et emendationis voluntatem excitaret ^e. Et hoc quidem praeceptore graue illud dictionis genus, vimque dicendi istam didicit, quam tantam habuisse efficaciam testatur AR-

RIA-

^r) Saturn. L. I. c. II. conf. FABRIC. l. c. p. 257. not. b.

^s) l. c. mentio eius etiam apud TACITVM Annal. L. XV. p. 55. ARRIAN. L. I. c. I. §. 19. p. 76. c. 26. p. 95.

^t) Philip. II. 25. Col. I. 7.

^u) loc. cit.

^x) Ad enchir. p. m. 70.

^y) Adu. Cels. L. VII. p. 378.

^z) Conf. laudatos FABRICIO l. c. p. 238. not. c. d. ARRIAN. L. I. c. 8. 12. p. 39. seqq.

^a) ORIG. l. c. L. III. p. 119.

^b) SIMPLICIUS l. c. p. 70.

^c) Ibid. p. 180.

^d) L. I. c. 2.

^e) ARRIAN. L. I. c. 9. L. III. c. 15. c. 23.

RIANVS *f*, vt auditores, quocunque vellet, permoueret, SIMPLICIO *g* vero homines, qui illa non afficiantur, vix ac ne vix quidem apud inferos corrigi posse visi sint. Nihil hic arti studio quaesitae datum, vel affectatam elegantiam sapiens, sed naturalis grauitas visque quaedam ineffabilis, simplicitati admixta, et in animum latissime penetrans, atque conuincens *h*. Quo nomine simplicitatem illam tam stilo quam doctrina ad captum hominum se attemperantem in Epicteto iure suo laudat, et ideo Platonem, licet eloquentissimum, *doctorum tantum teri manibus, Epictetum, vulgo quoque lectorum admirabilem esse, utilitatis nomine, quod se praeceptis illius monitos proficere sentiant*, recte asseruit ORIGENES *i*. Genus enim orationis, quod sectatur Epictetus, neruosum est, et acre, vt qui omnino mortui non sunt, eo velut stimulo quodam pungantur, et suas passiones tum intelligant tum ad eas corrigendas excitentur. Addidit vero robur vimque summam exhortationibus Epicteti vitae integritas, quanta a Stoico postulari potest a diuini spiritus agitatione nondum emendato, maxima, dignaque quae aliis exempli loco prae luceat *k*. Quam tanti fecit Celsus ille, Origenis aduersarius, vt praeferre patientiam Epicteti sanctissimo Saluatori non dubitauerit, recte ideo ab ORIGENE *l* refutatus, et ad patientiam Iesu infinitis modis Epictetea superiorem remissus. Id extra controuersiam positum existimamus, animi recti et virtutis amantis magnitudine, et nobilitate, contemptu humanae vanitatis, et infracto ad quaeuis aduersa pectore in tota Zenonis schola non fuisse, qui Epictetum superauerit, de quo eximio Stoicae sapientiae caractere, legi velimus, quae pro Epicteto ex vero differuerunt DAN. HEINSIUS *m* et IVSTVS LIPSIUS *n*. Superauit hac virtutis seueritate Epictetus Cynicos sui temporis plerosque, nec alia caussa est, cur Cynicorum familiae eum adscripserint quidam *o*, licet familiaritas quoque cum Demonacte et Musonio Cynicis, laudesque Cynismo ab Epicteto appositae, dicta etiam quaedam apertius ab illo et *κυνικώτερος* prolata *p* ostendant, Cynismo eum quam maxime fauisse. Tantaе vero et doctrinae et virtutis philosophum quamuis se praestaret Epictetus, non potuit tamen tam nobile Romanae sapientiae fidus tolerare monstrum illud Romani orbis, Domitianus, qui cum philosophos omnes vrbe et Italia excedere iuberet *q*, ne Epicteto quidem pepercit. Propter id senatus consultum, quod Domitianus extorserat, Epictetus Nicopolin, urbem non ita pridem prope Actium excitatam, GELLIO *r* et ARRIANO *s* testibus

f) In praefat.

g) loc. cit.

h) Conf. omnino Cel. FABRICIUS dissert. de eloquentia Epicteti inserta Fasciculo dissertit.

i) l. c. L. VI. p. m. 283.

k) Conf. BVDDEVS dial. de moribus philosophorum p. 103.

l) l. c. L. VII. p. 378.

m) De philosophia Stoica Orat. p. m. 301. seq.

n) Manud. ad phil. Stoic. L. I. diff. 9. p. 113. seqq.

o) Adagior. p. m. 544. ed. Froben. nisi calami potius errorem hic agnoscas.

p) GELLIVS L. XVII. c. 19.

q) GELLIVS L. XV. c. II. SVETON. in Domit. c. 10. LVCIAN. in Peregr. T. IV. p. m. 283.

r) loc. cit.

s) L. IV. c. I.

libus secessit, magnoque exilium tulit animo, patriam sibi fortunarumque suarum sedem ubique esse, qui ciuis totius mundi esset, diuitiasque suas et fortunam secum ferret omnem, ratus. In hac vero vrbe philosophiae ope animos hominum emendandi studium non deposuit, sed et iuuenes et senes ad mentis felicitatem rite parandam et conseruandam philosophiam edocuit, et quoscunque auditores nactus esset, inter ambulandum, in confessibus hominum, et quacunque licebat occasione de moribus ita differuit, vt sapientiae, quam possidebat, praestantia et dicendi, qua utebatur libertas omnes in admirationem raperet, et magna cupiditate hos sermones scriptis annotarent, philosophiae studiosi ^a. Domitiano e viuis sublato quamuis redeundi potestas philosophis esset facta, remansit tamen Epictetus Nicopoli ^x, dicendique libertate et praeceptorum sapientia omnium in se conuertit animos et studium, neminemque habuit, qui eloquentiae eius, naturali quidem at efficacissimae, resistere posset ^y. Romam vero vtrum sub Hadriano reuersus fuerit Epictetus, dici quidem, tantibus veteribus scriptoribus, non potest, certum tamen, et a SPARTIANO ^z traditum, summa familiaritate huic imperatori fuisse Epictetum, id quod verisimile facit, Romam iterum venisse Epictetum, ibique cum imperatore fuisse philosophatum ^a. Cuius familiaritatis cum Hadriano philosophicae hodie adhuc monumentum circumfertur, nempe *altercatio Hadriani cum Epicteto*, quae duabus partibus apud quosdam constans, reuera vna est ^b. Hanc genuinam esse et ab Epicteto profectam Io. SCHEFFERO ^c aliisque haud obefae alias naris viris doctis visum est. Ast opus hoc esse otiosi hominis, vel monachi cuiusdam, qui, cum audiuiisset, quaestionibus vexasse Hadrianum philosophos, Epictetum quoque gratiosum apud hunc imperatorem fuisse, in mentem venit tale quid comminisci, recte viri docti iudicarunt ^d. Certe qui vel vnā dissertationem Epictetearum apud Arrianum legerit, et cum hac altercatione contulerit, manibus quasi palpabit, nec acumen, nec grauitatem, nec philosophiam Epicteti in ea inueniri, et prodiisse foetum adulterinum ex ingenio scioli cuiusdam Christiani, qui Epicteti nomine ad obtrudendas hominibus nugas suas abusus est. Quod vel vno exemplo luculenter ostendit Cl. HEVMANNVS, ad quaestionem, *quid est fides?* prouocans, ad quam respondetur, *ignotae rei admirandam esse certitudinem*. Fidei

Cccc 2

autem

t) Errant itaque WOLFIVS in vita Epicteti et HOFMANNVS in Lexico, qui Hierapolin ponunt, et patriam cum loco exilii confundunt.

n) Vid. ARRIAN. praef.

x) Id ex variis dissertationum locis patet.

y) ARRIANVS et SIMPLICIVS ll. cc.

z) In Hadriano c. 16.

a) Conf. FABRIC. l. c. Contrarium quidem ex silentio dissertationum concludunt SALMASIVS ad Epictet. H. DODWELLVS de aet. Periopl. Pont. Eux. p. 116. HEVMANNVS de philol. Epict. p. 8. Ast silentium hoc nihil

euincere, quilibet videt, cum post habitas has dissertationes Romam reuerti potuerit, vixque verisimile sit in exiguo illo tempore, quo Hadrianus in Graeciam excurrit, eum Epictetum tam familiariter nouisse, neque tamen ad se vocasse principem philosophorum amantissimum.

b) Editiones enumerat, ipsamque altercationem exhibet FABRICIVS Bibl. Gr. Vol. I. p. 502. Vol. XIII. p. 557.

c) De phil. Ital. c. 10. p. 85.

d) FABRIC. Bibl. Gr. Vol. III. p. 265. HEVMANN. Act. phil. Vol. I. p. 734.

autem vocabulum, hoc quidem sensu, ecclesiasticum est, et dignior quaestio Pipini et Albini scholastici aeuo, quo nomine eadem vere altercatio siue disputatio occurrit, quam Epicteti temporibus. Philosophiam autem Stoicam adeo non expressit auctor altercationis huius, vt Platicum magis quam Stoicum agnoscas ^e. Nec a verisimilitudine abludere videtur, Secundi disputationem cum Hadriano, quam, licet hodie valde interpolatam, non tamen totam velut spuriam reiiciendam esse supra ostendimus, occasionem dedisse nugatori cuidam, simile quid de Epicteto fingendi, quod non potuit ita tegere altercationis huius artifex, vt non quaestiones pariter et responsiones ex illis Secundi sententiis suis quaestionibus interfereret. Recte itaque abiicitur foetus adulterinus Epicteti doctrina et acumine indignus: quamuis philosophatum illum cum Hadriano esse, certum sit. Ex his vero manifestum quoque est, vixisse Epictetum adhuc sub Hadriano, nec a vero prorsus abludere eos, qui sub huius imperio finiuisse vitam Epictetum coniiciunt, licet incertum sit, Romae an Nicopoli obierit ^f. Vixisse enim iam sub Nerone Epictetum dubio caret, si etiam LIPSIUS ^{ff} concedamus, nondum eo tempore philosophatum fuisse; ast cum sub Hadriano adhuc floruerit, vix annis iam decrepitis senex vitam vltra prorogasse videtur. Aliter quidem statuendum esse viris quibusdam doctis ^g placuit, qui THEMISTII ^h et SVIDAE ⁱ auctoritate moti ad Antoninorum vsque tempora vixisse Epictetum contendunt. Ille enim in oratione ad Iouianum, *antecessores eius in imperio philosophos habuisse charissimos, Augustum Arium, Tiberium Thrasylum, magnum Traianum, Dionem Chrysostomum, Antoninos duos Epictetum*, asserit. Hic, Themistii sine dubio auctoritate nixus, Epictetum vsque ad Marci Aurelii imperatoris tempora durasse scribit. Ast his recte opponitur: intercedere a Neronis aetate, quo vixisse Epictetum constat, tempus centum, et quod excurrit, annorum, et exinde sequi centenaria longe maiorem obiisse Epictetum. Sed nec valetudinis, qua premebatur philosophus infirmas ratio ^k, nec Luciani silentium inter tot longaeuos Epictetum sibi aetate proximum omnibusque celebratissimum, non enumerantis id admittere videtur. Nec verisimile vilo modo, M. Aurelium, qui praeceptores sectarum fere omnium primariae eruditionis viros sibi elegit, omisso Epicteto, qui prima Stoeae gloria fuit, discipulum eius Iunium Rusticum, adhibuisse, cuius se disciplinae traderet, cum tamen magnam Iunius apud eum gratiam inierit, quod Epicteti commentariorum illi fecerit copiam ^l: quorum neutrum fecisset, si viuum Epictetum aetate attigisset. Et haec quidem Themistii testimonium, quod absque

^e) Hoc vel ex prima responsione, *quid mundus sit*, liquere putamus.

^f) Perperam ad GELLIVM L. XV. c. II. LIPSIUS l. c. p. 114. prouocat, testantem, Nicopoli obiisse. Nihil enim ibi de morte Epicteti.

^{ff}) Manud. ad philos. Stoic. L. III. diff. 6.

^g) RAPH. VOLATERRANVS, LVD. VIVES, ISAAC. CASAVB. ad Spartiani l. c.

^h) Or. V. p. 63. ed. Harduini.

ⁱ) In Epictet. T. I. p. 817.

^k) SIMPLIC. in praef.

^l) ANTONIN. de se ipso L. I. §. 7.

que dubio Suidas secutus est, valde suspectum reddunt. Ast conuellit penitus GELLIVS ^m Antoninorum tempore scribens, qui de Epicteto, tanquam fatis iam erepto loquitur. Ita enim de illo: *De Epicteto philosopho nobili, quod is quoque seruus fuit, recentius est memoria, quam ut scribi quasi oblitteratum debuerit*. Quibus verbis nuper quidem demortuum Epictetum innui, quilibet videt. Addimus aliud testimonium non minus luculentum ipsius M. AVRELII imperatoris, qui diserte: Πόσος ἤδη ὁ αἰὼν Χρυσίππης, πόσος Σωκράτης, πόσος Ἐπικτήτης κατακέπαιεν. *Quod Chrysippos, quot Socrates, quot Epictetos iam dudum absorpsit aeuum istud?* Quibus rite ponderatis Themistium aut memoria fuisse deceptum fatendum est, aut dicendum more oratorum fuisse locutum et de scriptis tantum Epicteti Antoninis caris esse intelligendum, quos ea magni fecisse constat. Suidam autem cur non moremur, supra iam dictum. Deferenda itaque virorum doctorum sententia ^o, qui ad Antoninos vsque aetatem Epicteti prorogant; certe tam diu contrarium statuendum, donec melioribus rationibus ea probetur, quod promisit quidem, sed non praestitit MENAGIVS ^p, quem secutus est HARDVINVS ^q, Themistium enim pro Hadriano memoriae vel calami lapsu Antoninos posuisse, an ab homine oratore alienum? Quanta vero in existimatione vixerit Epictetus, ex discipulis constat, inter quos fuere Arrianus ^r, Iulius Rusticus ^s et Fauorinus ^t, quem tamen a praeceptore descuiuisse ex eo patet, quod Epictetum contra Fauorinum defendit GALENVS ^u, magnus doctrinae illius admirator. Post mortem vero sancte cultam esse eius memoriam, LVCIANVS ^x tradit, narrans: fuisse inuentum, qui demortui Epicteti lucernam fictilem pretio ter mille drachmarum, sibi comparauerit, sperans vero ita sibi sapientiam Epicteti ad hanc lucernam

C c c c 3

labo-

m) L. II. c. 18.

n) L. VII. §. 19.

o) Sine causa itaque dubius haeret LIPSIVS l. c. recte enim vidit longum intervallum inter Neronem et Antoninum philosophum.

p) Comm. in Laert. p. 2.

q) Ad l. c. Themist.

r) PHOTIVS Cod. LVIII. SIMPLIC. praef. Fuit Flavius Arrianus Nicomediensis ex Bithynia, vir eruditissimus, et philosophiam Stoicam ab Epicteto doctus, literarum autem elegantiorum ita peritus, ut ob eruditionem Romae et Athenis ciuitate donaretur, quam ob causas hunc Epicteti discipulum virum inter Romanos cum primis laudatum, ac per omnem vitam in literarum studio versatum vocat LVCIANVS in Pseudomante T. I. p. m. 524. His meritis ad varias dignitates et Hadriani gratiam progressus, Cappadociae provinciae praefectus est, ubi et arte et marre conspicuus Xenophontis imitatione contra Romani nominis hostes pugnavit, et philosophiam pariter atque historiam diligentia sua valde adiuvit, tandemque Senatorio axiomate ipsiusque consularis honore auctus est. De eius scriptis post PHOTIVM et SYL-

DAM in Arrianus T. I. p. 320. videndi Vossius de hist. Graec. L. II. c. 11. p. 214. seqq. IONSIVS de Scr. Hist. phil. L. III. c. 7. p. 243. FABRICIVS Bibl. Graec. Vol. III. p. 269. Praeter vitam Epicteti deperditam, quae proemium forte dissertationum Epicteti fuit, sermones eius, quanta potuit accuratione conscripsit, quorum hodie libri exstant quatuor, de quorum editionibus consulendus est FABRICIVS l. c. p. 246. seqq. Maxime vero celeberrimum illud Stoicae ethicae compendium, quod sub Epictetei enchiridii nomine ambular, ex eius dogmatibus compilauit, in quod SIMPLICIVS commentatus est. Valde commendabant Stoici eiusmodi πρόχειρα βιβλίμια, siue manualia, vid. ARRIAN. L. I. c. 27. L. III. c. 10. SENECA de benef. L. VII. c. 1. epist. 94. ANTONINVS L. III. §. 13. GATAKER. ad h. l.

s) ANTONIN. L. I. §. 7.

t) GELLIVS L. XVII. c. 19.

u) Conf. dicta supra de Fauorino et Galeno Sect. III.

x) Adu. indoctum libros ementem T. II. p. m. 767.

laboranti per fomnum oblatum iri. Nisi haec ex festiuo ingenio per iocum finxisse Lucianum suspiceris, quam suspicionem firmat aetas Luciani sub Commodio florentis, et a morte Epicteti nimis remota, ut tamdiu lucernam fictilem seruata fuisse integram credibile sit. Ast ad homines tamen eius rei testes Lucianus prouocat, unde narrationem hanc in medio relinquimus. Nihil ipse scripsit Epictetus, quae enim scripsisse dicit SVIDAS, de annotatis discipulorum ex ore praeceptoris intelligenda sunt. Ex illis vero non *enchiridion* tantum collectum, sed et congestae ab ARRIANO *dissertationes Epicteteae*, quas SIMPLICIVM *commentario* syncretistico explicuisse, *sectione quarta et quinta* diximus ^γ. In his Stoicae ethicae praecepta tanta dicendi virtute et libertate commendauit, ut quid pulchrius in toto porticu sit, non inuenias. Addi his possunt sententiae et praecepta sapientiae varia, apud M. Antoninum, Gellium, Augustinum, Stobaeum aliosque dispersa, quae post BLANCARDVM ^z collegit Cl. STOLLIVS ^a. In his vero doctrinae moralis Stoicae praeceptis dicta occurrunt, non phraseologiam tantum Christianam mire referentia, sed et doctrinam sacram haud obscure imitantia, quae occasionem dedere viris quibusdam doctis, Epictetum inter latentes Christianos, vel Semi-Christianos referendi ^b, quod tamen rectius inficiati sunt alii ^c. Etsi enim negari non potest, sobrie magis philosophatum fuisse Epictetum, quam Stoicos ceteros, et virilem magis esse doctrinam eius, quam reliquorum huius familiae philosophorum, masculam quoque esse dictionem et naturae humanae convenientiorem argutiis Senecae, et meteoris Antonini, cuncta tamen, si recte ponderentur, a Stoico systemate non recedunt, et eo tendunt omnia, ut voluntati Dei, id est, ineuitabili ordini totius, quae illius prouidentia est, animus nullo rei externae desiderio turbatus vel affectione quacunq;ue motus, se subiiciat, sicque ex Deo Stoico et animo omni affectu priuato vera tranquillitas et felicitas exoritur, et homo toti huic, cuius pars est, se attemperet. Quae splendida quidem sunt, ast intus et in cute considerata *ἀσφα* *καὶ ὑπερσφα* Stoica plurima continent ^d. Quae vero elegantius sonant, ex subdola Christianorum imitatione esse profecta alibi probauimus ^e, ostendimusque, nisi fallimur, luculenter, frustra quosdam ex iis Christianae religionis admissionem exsculpere. Philosophiae vero eius summa haec veteribus ^f visa est: *ἀνέχεσθαι καὶ ἀπέχεσθαι, sustine et abstine*.

§. XIII.

^γ) Vtinus nos editione WOLFII Col. 1595. 8. de reliquis videndus FABRICIVS l. c.

^z) Ad calcem *enchiridii* a se editi.

^a) Hist. phil. mor. gentil. §. CCXXXVII. p. 512. seqq. conf. FABRIC. l. c. p. 268.

^b) Vid. Cel. Io. GOTTL. HEINECCI diff. de philosophis Semi-Christianis §. 15. p. 32.

^c) Vid. MICH. ROSSAL disquisitione de Epi-

cteto, qua probatur, eum non fuisse Christianum, Act. erud. Suppl. T. IV. p. 309.

^d) Legendae eruditae dissertationes V. C. LVD. CHRIST. CRELLII de *ὑπερσφαις* et *ἀσφαις* Epicteti, Lips. 1711. 1716.

^e) In diff. de Stoicis subdolis Christianorum imitatoribus, Temp. Helu. T. III. sect. 2. p. 260.

^f) GELLIVS L. XVII. c. 19.

§. XIII. Post hunc SEX TVS enarrandus est Chaeronea Boeotiae oriundus ^g, Plutarchi ex Sorore nepos. ^b philosophiam didicit Stoicam, Herodoto Philadelphienfi praeceptore vsus ⁱ, quem ab Herodoto Tarsensi, praeceptore Sexti Empirici, distinguendum esse, ex dicendis constabit, patebitque, non audiendum esse MENAGIVM ^k, qui ex vno Herodoto duos exsculptos esse, et Philadelphiensem apud SVIDAM ex glossemate imperiti lectoris vel audaci quadam manu in textum irrepsisse, putat. Hoc vero praeceptore tantam sibi comparauit Stoicae philosophiae notitiam, vt dignus videretur, cui inter praeceptores Marci Aurelii locum faceret Antonini Pii cura et sedulitas ^l. Quanta vero industria et dexteritate animi, quamque recto iudicio et egregia voluntate hanc prouinciam Sextus ornauerit, luculento discipuli ipsius imperatoris M. Aurelii testimonio discimus, digno quod totum apponamus, vt quantus praeceptor tanto discipulo contigerit, innotescat ^m. *A Sexto, ait, accepisse agnosco, beneuolum erga alios affectum, familiaeque affectu paterno administratae specimen: ac de vita naturae conuenienter instituenda cogitationem; grauitatem item neutiquam personatam, et sedulam amicorum obseruationem, et imperitorum eorumque, qui citra considerationem opinione mera ducuntur, tolerationem, et mores quibusuis accommodatos, ita vt, quamuis consuetudo ipsius adulationem omnem suauitate vicerit, in veneratione tamen eisdem ipsis eodem ipso tempore non minus extiterit, ad haec dilucidam ac methodicam cum inuentionem, tum dispositionem decretorum eiusmodi, quae ad vitam recte instituendam conducerent, quodque nec iracundiae, nec perturbationis alicuius indicium exhiberem; sed quum affectibus immunis prorsus existerem, ad affectum tamen genuinum essem propensissimus; fauere promptus, sed sine strepitu, varieque, citra ostentationem, eruditus.* Mirum itaque non est ad tantum talemque praeceptorem studiose in aedes Romano more commigrasse M. Aurelium, sed et adultum atque iam imperii axiomate condecoratum Sextum frequentasse ⁿ. Ast impetrare a nobis non possumus, vt credamus, vera esse, quae narrat PHILOSTRATVS ^o: Lucium sophistam, qui Romam modo aduenisset, imperatorem Marcum domo egressum rogauisse, quo pergeret, et ad quod negotium? Tum Marcum respondisse: *Seni etiam discere decorum est, ideo ad Sextum philosophum vado, vt discam, quae nondum scio.* Lucium igitur, manu in coelum sublata dixisse: *O Iupiter! Romanorum imperator, iam senescens, tabellis e zona suspensis, ad ludi magistrum pergit, vt pueri, Alexander vero, rex meus, tricesimo secundo aetatis*

^g) SVIDAS in Sextus T. III. p. 299. CATITOLIN. in Marco c. 3.

^h) Ibid. APVLEIVS metam. c. 1. EVTROP. L. VIII. p. m. 525. DIO L. LXXI.

THEMIST. Orat. II. p. 145.

ⁱ) SVIDAS l. c.

^k) Ad LAERT. L. IX. f. 116.

^l) citati.

^m) De se ipso L. I. §. 9.

ⁿ) Ibid.

^o) Vir. Sophist. L. II. c. 1. §. 9. p. 557. ex quo repetiit SVIDAS in Marcus T. II. p. 501.

aetatis anno interiit. Itane vero Romanorum imperatorem iam senem δέλτον ἐξαψάμενον, id est suspensis e laeuo lacerto tabellis, quod pueri Romani in ludum prodeuntes literarium solebant ^p, ad scholam Sexti properasse, sanus quis crediderit? Et annon iocus hic est illorum egregie mordens, qui indignati, Antoninum philosophi habitum induisse, paedagogicos ipsi et scholasticos mores obiiicere voluerunt? Magis verisimile est, quod SVIDAS ^q refert: in tanto honore Sextum apud imperatorem fuisse, vt vna cum eo ius diceret. Additur et hoc apud Suidam: *Post Commodi mortem quendam se Sextum dicere ausum esse, facultatesque et dignitatem eius sibi vindicare, eumque a multis saepe interrogatum scite respondisse. Sed cum Pertinax nonnulla ad eruditionem Graecam, cuius ille rudis erat, pertinentia ex eo quaereret, longe a scopo aberrauisse, cum quid diceret, ne intelligere quidem posset. Adeo natura quidem vultum ei similem habuisse, ceterisque in rebus arte eum retulisse, doctrina vero eadem excultum non fuisse.* Ast fallit nos more suo Suidas, qui homines inter se diuersissimos confudit, et exscriptorum suorum, suaeque negligentia, quae ex DIONE ^r translulerat, ad Sextum philosophum retulit, quae de Sexto alio, Maximi filio, Romano intelligenda sunt; qui vt infidias et faeuitiam Commodi euitaret, ex lapsu equi se periisse simulauit, cumque id innotuisset, frustra ab imperatore, multis etiam interfectis, qui eius similitudinem quandam referebant, quaesitus est: id quod impostori huic occasionem dedit sub Pertinace personam Sexti fingendi, quem tamen ex Graecae linguae ignorantia falsum esse detexit Pertinax, cum eam in Syria didicisset Sextus. Verum homonymorum confusionem in Suida frequentissimam esse, nemo ignorat, nosque innumeris iam exemplis probauimus, vnde eum non moramur. Ast monendus lector est, caueat aliam confusionem, quae Sextum Chaeronensem et Sextum Empiricum inter se miscuit, quaeque viros etiam summos et satis alias accuratos, IS. CASAVBONVM ^s, PETRVM GASSENDVM ^t, FRANC. PATRICIVM ^u, aliosque non minoris eruditionis viros ^x decepit, quos non vidisse diuersitatem inter vtrumque philosophum merito miramur, cum satis perspicuae sint circumstantiae, quae eos inter se distinguunt, et solus fere SVIDAS scriptor valde inaccuratus et negligens huius confusionis causa sit. Qui tamen Sextum Chaeronensem, quem Scepticum inepte vocat, a Sexto Empirico ipse postea distinguit, et supinam, quam admisit, negligentiam in prima verborum eius inspectione prodit.

p) Noliit in Flauii ludum me mittere, magni Quo pueri magnis e centurionibus orti
Laeuo suspensi loculos tabulamque lacerto
Ibant. HORAT. L. I. sat. 6.

q) In Sextus l. c.

r) L. LXXIII.

s) Ad Laërt. l. c.

t) In epist. ad Valef. p. 139.

u) Discuss. Peripat. p. 139.

x) GEN. HERVETVS praef. ad Sext. Emp.
VOSSIVS de philosoph. p. 99. IAC. SPON-
NIVS autem Misc. erud. antiq. p. 140. et M.
MEIBOMIVS ad Laërt. L. IX. itemque GRO-
NOVIVS T. III. thes. antiq. Graec. Sexti Chae-
ronensis imaginem cum vultu Sexti Empirici
confuderunt.

prodit. Nec difficile, ipso Suida uti ad ostendendum utriusque philosophi discrimen. Sextus enim Empiricus, eo tradente, Afer fuit, Plutarchi ex forore nepos Chaeronensis ex Boeotia. Illum Pyrrhonium fuisse, ex Suida et ipsis illius scriptis constat, ex quibus etiam discimus, more Scepticorum ubique infensum Stoicis se praebere eosque refellere. Sextum autem Chaeronensem Stoicam philosophiam doctrina et vita expressisse, vel ex vno Antonino loco supra adducto ad oculum patet, Stoicumque fuisse diserte tradit CAPITOLINVS ^γ. Sed praeceptores quoque utriusque differunt, Tarsensem enim Herodotum audiuit Scepticus, Philadelphiensem Stoicus, teste Suida. Quin et tempora non satis congruunt. Sextum Empiricum enim serius, forteque post Galenum, vixisse, infra probabimus, Chaeronensem autem ante Galenum vixisse oportet: Galenus enim ultimis demum Marci imperatoris annis Romam venit. Recte itaque opinionem hanc ipse deseruit CASSA-
BONVS ^z, quem viri docti passim secuti sunt ^a. Neque tanti esse, quae pro ea adstruenda attulit illustis HUVETIUS ^b, ut eam nobis persuadeant, infra in Sexti Empirici historia ostendemus. Ceterum de Sexto Chaeroneo nihil hodie legimus, nisi disputationes Antisepticas, quae Sexti Empirici operibus adiungi solent, ad eum referamus, quod satis verisimiliter fecit Cel. FABRICIUS ^c. Eorum enim argumentum tale est, ut Stoico omnino conveniat. Cum enim contra porticum maxime pugnaverit Sextus Empiricus, quae scilicet comprehensionem quam maxime urgebat, conveniens fuit homini Stoico, eodem argumenti genere, quo usus est Empiricus ad ἀκαταληψίαν demonstrandam, contrarium euincere, et καταληπτικά illa esse, quae comprehendendi non posse is clamauerat, ostendere, sicque Zenonis placita defendere. At cum Sextum hunc Chaeronensem in eiusmodi philosophandi genere versatum fuisse, ex verbis Antonini supra adductis manifestum sit, quibus imperatorem didicisse ab eo τὸ καταληπτικὸς καὶ ὁδὸν ἐξερευ-
τικὸν τε καὶ τακτικὸν τῶν εἰς βίον ἀναγκαίων δογμάτων dicitur, non sine verisimilitudine conicimus, hanc Sexti Chaeronensis demonstrationem καταληψίας, occasionem dedisse Empirico, eodem modo contrarium asserendi, ideoque utriusque Sexti scripta iunxisse veteres, ut occasio Empirico enata scribendi pateret, id quod postea ansam utrumque confundendi Sextum exhibuit. Sed in re prorsus incerta nihil definimus, sed ad discipulum Sexti, purpuratum philosophum M. Aurelium Antoninum peroperamus.

§. XIV.

γ) loc. cit.
z) Ad l. c. Capitolini.
a) Commentatores ad Laert. L. IX. f. 116. GATAKER. ad l. c. Antonini, Io. RVALDVS in vita Plutarch. c. 5. IONSIUS de S. H. phil. L. III. c. 12. p. 275. KVSTER. ad l. c. Suidae.

OLEAR. ad l. c. Philostrati, FABRIC. ad Sext. in proleg. TILLEMONT. Hist. impe-
rat. in Aurel. art. 32.

b) De la foiblesse de l'esprit humain L. I. c. 14.

c) Bibl. Gr. Vol. XII. p. 617. H. STEPHANO Pythagoreo cuidam sine probabilitate tribuit.

*M. Aurelius
Antoninus.*

§. XIV. Vitam vero magni imperatoris enarraturis animus non est, totam gestarum ab eo rerum historiam, imperiique, cuius habenas ille rexit, fata exponere: haec enim et prolixa nimis sunt et aliena a nostro instituto, quod philosophorum tantum et philosophiae historiam edisserit. Quare eos, qui haec sctiunt, Romanae historiae scriptores adire oportet, quos alibi ^d recensuimus, iudiciumque de eorum fide interposuimus. Nos ad eas tantum Antonini circumstantias respiciemus, quae ad priuatam eius vitam pertinent, quaeque nobis Stoicum philosophum, cuius personam tuendam susceperat, sistunt. Cui fini tamen inseruiunt non leuiter vitae eius descriptiones; quae passim apud veteres ^e, et recentiores ^f occurrunt, eae enim illa quoque tangunt, quae propius ad scopum nostrum collineant. Marcus Aurelius Antoninus, princeps virtute, prudentia, doctrina et pacis bellicae artibus plerisque Romanorum imperatoribus anteposendus, et generis vetustate et maiorum gloria parem suo tempore non habuit. Paternam enim originem a Numa Pompilio, maternam a Salentino rege pependisse ait EVTROPIVS ^g. Proauum vero, auumque et patrem summis in republica honoribus perfunctos esse tradit CAPITOLINVS. Pater in praetura decedens vnicam reliquit filiam Anniam Cornificiam, filiumque vnicum Annium Verum, qui M. Aurelii postea nomen assumpsit. Editus est in lucem Romae A. V. C. IdcccLXXII. qui cum A. C. CXXI. coincidit, initioque aui sui, Catilii Seueri nomen accepit. Post obitum vero patris ob veritatis singularem prorsus amorem Annii Verissimi nomen, iubente ita Hadriano, retulit: quod tamen sumpta virili toga, cum genitoris Annii Veri nomine iterum commutauit, tandemque in Aureliam gentem adoptionis iure ascitus M. Aurelius dictus est. Patre mature illi erepto in domo aui sui, Veri educatus est, qui puerum natura grauem, teste CAPITOLINO ^g, vbi egressus erat annos, qui nutricum fouentur auxilio, illis doctrinis artibusque imbui sedulo curauit, quibus tenera aetas ad magna quacuis formari initio solet. Quam institutionem praeceptorum eruditissimorum summeque fidelium ipse Marcus magnopere praedicat, Deorumque fauorem in naturae et doctrinae muneribus largiendis

^d) In praef. ad DE SERUIES vitas vxorum imperat. a nobis Germanice versas.

^e) Praeter Xiphilinum, Herodianum, Victorium vtrumque, Eutropium et Zonaram, maxime consulendus IULIVS CAPITOLINVS, cui pleraque de M. Antonino et L. Vero debemus, quorum vitas exposuit. Ipse vero Antoninus, studiorum suorum historiam egregiam in prooemio commentariorum suorum nobis tradidit, quam doctis obseruationibus illustrauit THOMAS GATAKERVS.

^f) Euolui non sine fructu de M. Aurelii Antonini historia possunt NANVS TILLEMONTIVS in historia imperatorum, et GVIL. WOTTONVS in Historia Romani imperii,

quarum illa Gallico, haec Anglico idiomate exarata est. Vitam vero ipsam imperatoris prolixè exposuit et versionem Gallicae commentariorum Antonini praefixit ANDREAS DACIERIVS, quam auxit emendauitque et Latinam fecit GEORGIVS STANHOPE, praemissam Londiensi comm. Ant. editioni 1707. 4. Huius exemplum secutus est IO. ADOLPHVS Hofmannvs in Germanica versione, et Cl. CHR. WOLLIVS in noua Lipsiensi editione Graeco-Latin. 1729. 8. Alios vbique occurrentes tacemus.

^g) L. VIII. p. m. 524. XIPHILIN. in Anton. CAPITOLINVS l. c.

^g) c. 2.

endis maxime extollit ^b, et concurrisse omnia, quae animum ipsius ad pulchra quaevis formare possent, grato in superos animo agnoscit atque fatetur. Ait enim ⁱ: *Accepisse se ab auo mores candidos et ab iracundia alienos, a fama genitoris modestam ac masculam indolem, a matre pietatis studium et largiendi promittitudinem, continentiamque a malo patrando et cogitando, victus item simplicitatem: a proauo, quod bonis praeceptoribus priuatim sit usus cum impensa. Ab educatore, ut labores sustineret, minimo contentus ageret, operi manus admoueret, negotiis alienis se neutiquam immisceret, nec delationem ullam facile admitteret.* Et similia quoque de praeceptoribus praedicat, quae postea enarrabimus. Tantis itaque naturae beneficiis et virtutis exemplis cum instructus esset Marcus Aurelius, non potuere non praeceptores tanquam in agrum foecundum, eruditionis et virtutis semina spargere laetissima. Elegit vero aui prudentia ad perpoliendum eius animum viros eius aetatis doctissimos et in arte sua celebres. Usus enim est magistris ad prima elementa Euphorione literatore siue grammatico ^k. Gemino comoedo eius temporis famigeratissimo ad venuste pronunciandi morem, Androne ad musicam et geometriam discendam. Grammaticae Graecae praecepta illi tradidit Alexander ^l, Latinae Trofius, Aper, Pollio ^m, et Euty chius Proculus Africanus: Oratoribus usus est, Annio Marco, Caninio Celere, et Herode Attico, qui, quanta libertate dicendi apud imperatorem valuerit, quoque erga eum animo usus sit Marcus, memorabili exemplo narrat PHILOSTRATUS ⁿ. Eo auctore ^o, quem sequitur SVIDAS ^p Marcus etiam Hermogenem audiuit; quindecim enim annos natus, eo usque prouectus est eloquentiae gloria, ut etiam imperatori Marco desiderium excitauerit audiendi

D d d d 2

Her-

^b) Pulchre L. I. §. 17. „Diis acceptum fero, „quod bonos auos, bonos parentes, bonam formam, bonos praeceptores, bonos familiares, „necessarios, amicos, bona omnia fere habuerim. „ Ira et porro bona quaevis in vita ad Deos gratissimus refert.

ⁱ) L. I. §. 1. seq.

^k) Euphorionis grammatici meminit etymologicus, et ex eo FABRICIUS Bibl. Graec. Vol. VII. p. 61. vtrum vero Antonini praeceptor is fuerit, incertum.

^l) Ex optimis et doctissimis grammaticis Graecis Alexander fuit, Coryaeo Phrygiae oppido oriundus, clarusque discipuli Aristidis eloquentia, quam formauit, qui eius quoque laudes post mortem publica oratione, quae hodie T. I. Orat. XII. p. 142. extat, depraedicauit, communemque Graeciae praeceptorem, et vberimum atque omnibus patens eruditionis gazophylacium appellare non dubitauit. Didicisse se ab eo ait ANTONINVS L. I. §. 10. increpationibus abstinere, nec probe excipere, si quis barbarum quid vel soleocum vel absconum protulerit, sed illud tantum, quod dici de-

buerat recte proponere, et de errore oblique commonescere. Alius Alexander Grammaticus Milesius Cornelius dictus, qui Syllae temporibus vixit.

^m) Hic Pollio est, quem de Musonii dictis et factis memorabilibus scripsisse supra diximus. Conf. SVIDAS in Pollio T. III. p. 164. IONSIUS de Script. histor. philof. L. III. c. 7. p. 246.

ⁿ) De vit. Sophist. L. II. c. 1. p. 561.

^o) c. 7. p. 577.

^p) In Hermogenes T. I. p. 861. Dedit excerpta de vita Hermogenis ex scholiis eius mfc. in c. 1. libri *περὶ γένων*, Cel. OLEARIVS ad l. c. Philostrati, ex quo patet, frequenter eius exercitiis interfuisse Marcum. XVII annos natus illum librum exarauerat, et XXIII anno de ideis scripsit, anno vero aetatis XXV arris oblitus est, nullo comparente morbo. Hinc dictum Antiochi Sophistae, *Hermogenes in pueritia senex, in senectute puer*. Plura de eo dabunt historiae rhetoricae scriptores, et qui scripta eius enumerat Cl. FABRICIUS Bibl. Graec. Vol. IV. p. 428.

Hermogenem, isque perrexerit ad illum auscultandum illoque delectatus sit disserente, eumque ex tempore declamantem sit admiratus et ingentia munera largitus. Romanae vero eloquentiae praeceptorem et ducem habuit Cornelium Frontonem ^q, inter maximos sui temporis oratores numeratum ^r, quem ob grauitatem valde laudat HIERONYMVS ^s et SIDONIVS ^t, auctor autem panegyrici Maximiniano dicti, *Romanae eloquentiae non secundum sed alterum decus*, nominat, vt Ciceroni parem esse diceret: cuius tamen orationis genus ficcum fuisse ait Eusebius apud MACROBIUM ^u. Huic ex praeceptoribus multum detulisse ait CAPITOLINVS ^x, et statuam ipsi in senatu petiisse: dignitate vero consulari a Marco fuisse ornatum AVSONIVS ^y auctor est. Ast Frontonem hunc non ob eloquentiam tantum sibi commendatum habuisse imperatorem, sed ob vitae quoque imaginem, quam is exhibebat, ipse non negat, fassus ^z „didicisse se a Frontone vt sciret, quae inuidentia, „versutia, simulatio tyrannidem consequatur, quodque vt plurimum, qui „patricii nuncupentur, a pietate et affectu naturali alieniores sint.“ His doctoribus quamuis ad egregia quaeuis in scientiarum, quae ab humanitate nomen sortiuntur, studio esset formatus, ad altiora tamen adspirauit adolescentis ingenium ad excelsa natum, et naturali propensione grauitatem eruditionis sectans, hincque philosophiae se dicauit, quam in republica moderanda muneribusque cum laude gerendis valere plurimum intelligebat. Quam cum Stoica familia possidere eo tempore crederetur, cui se plerique viri magni, qui feliciter reipublicae praefuerant, addixerant, huius potissimum sectae decreta discenda sibi proposuit, praeceptoresque in hunc finem sibi elegit Stoicos. Cuius rei sibi studium primum excitauisse Diognetum ipse ANTONINVS ^a scribit, cui se debere ait, „quod philosophiae se addixerit, quodque Bacchium primum, tum Tandasidem et Marcianum audiuerit ^b, quod dialogos, puer adhuc, conscripserit, quodque pro stratis grabatulum, ac pellem expetierit, ceteraque institutionis Graecanicae adminicula.“ His ducibus in Stoica sapientia paulum prouectior Sexto Chaeroneo ^c, Iunio Rustico, Claudio Maximo, et Cinnae Catullo Stoicis in disciplinam se tradidit. Inter quos prae-

^q) I. c. DIO L. LXXI.

^r) DIO L. LXIX.

^s) Epist. ad Rusticum.

^t) L. IV. epist. 3.

^u) Saturnal. L. V. c. I.

^x) loc. cit.

^y) In grat. act. ad Gratian.

^z) L. I. §. II. conf. GATAKER. ad h. I.

^a) L. I. §. 6.

^b) Valde incertos hic locus tenuit viros doctos qui isti philosophi fuerint, cum nec in Capitolino nec alibi eorum fiat mentio. Vnde in eam descendere sententiam critici acuti Is. CASAVRONVS ad I. c. Capit. et TH. GATAKER. ad I. c. Antonini, corrupta esse haec nomina,

et pro Tandaside ponendum, Androne, pro Marciano Moecianum. Alii Basilidem substituant, quem Marco praeceptorem extitisse ait EUSEBIUS ad Olymp. CCXXXI. vbi ait: Apollonium Chalcidenum, et Basilidem Syropolytanum (pro quo Scythopolitanum legendum, vid. RELAND. Palaest. L. III. p. 998.) Marci praeceptores fuisse, quem sequitur Georgius Syncellus et Marianus Scotus, ad quos prouocant GATAKERVS I. c. et FABRICIVS Bibl. Gr. Vol. II. p. 62. Ast hic quoque Basilides adeo ignotus est, vt, an fuerit vnquam, ferme dubitauerit HEYMANNVS act. phil. Vol. III. p. 115.

^c) Dictum de eo §. antecedente.

praecipue Iunium Rusticum, cum Iunio Rustico seniore, (quem ob vitam Thraseae Paeti interfectum esse supra monuimus, quemque huius parentem fuisse coniicit IONSIVS ^{d)}) non confundendum, maxime reueritus est atque sectatus, testeque CAPITOLINO ^{e)}, quod domi militiaeque polleret, et Stoicae disciplinae peritissimus esset, cum eo omnia communicaui publica priuataque consilia, eique etiam ante praefectos praetorio semper osculum dedit, et consulem iterum designauit, et post obitum a senatu statuas postulauit. Dignum vero his honoribus fuisse, ipse satis prodit, talem nobis in Iunio philosophum delineans ^{f)}, qualem exoptauerit sibi quilibet, qui philosophiam vitae causa addiscendam statuerit. „Ait enim: Accepisse se a Rustico, quod in eam cogitationem deueniret, „correctione et emendatione indigere se, quodque ad aemulationem ambitionemque sophisticam nullus declinauerit, quod item rhetoricae, poeticae, et dictionis elegantioris studiis abstineret: ne togatus intra aedes „obambulet, neue eiusmodi alia, quae fastum saperent, faceret. Epistolas etiam simpliciter scriberet, ad haec ut placabilis et reconciliatus „facilis esset aduersus eos, qui offensionis causam dederint, aut deliquerint aliquid, simulatque illi in gratiam redire voluerint, porro ut accurate legeret, nec comprehensione summaria contentus esset, nec garrulis quibusue temere assentiretur. Tandem debere se huic, quod Epicteti commentarios legerit, quorum is e domo sua copiam sibi fecerit. „Eiusdem fere generis philosophum Maximum fuisse prodit; accepisse se „enim ab eo, sui compotem esse, ait ^{g)}, nec vlla in re transuersum abripi, „sed et animo bono esse, cum in morbis tum in aliis casibus aduersis; „moribus esse probe temperatis, suauibus, verendis, negotia obiecta eitra quiritationem conficere. Laudat etiam eum, quod ita se gesserit, ut „fidem quibusuis faceret, quaecunque diceret, ex animi sententia dixisse, „quaecunque faceret, animo haud malo fecisse. Didicisse porro ab eo, „nihil admirari, ad nihil obstupescere, nusquam festinum aut segnem esse, „nusquam perplexum aut deiectum, aut ringi solitum, nec rursus iracundiae aut suspicionibus deditum, adhaec benefacere promptum et ignoscere, veracem item esse et peruerti nescium, nec qui corrigi opus haberet. Quin et hoc inter laudes eius refert, quod nemo quisquam inuentus sit, qui vel contemtui ab illo se haberi existimaret, vel praestantiores se illo opinaretur; quodque vrbauitatis laudem nunquam affectauerit.“ Ex qua Maximi imagine facile iudicari posse putamus, recte fecisse Capitolinum, qui Maximum inter Stoicos retulit, fallique eos ^{h)}, qui hunc Maximum, Tyrium illum fuisse autumant, de quo supra inter Platonicos mentio facta est: praesertim cum tempora non concordent: Maximum enim Tyrium sub Commodio Romam venisse ⁱ⁾ supra demonstrauimus.

D d d d 3

uimus.

d) I. c. p. 371.

e) I. c. c. 3.

f) L. I. §. 7.

g) loc. cit.

h) Praeuit in errore EVSEBIUS in Chron.

quem exscripsere Syncellus et Marianus Scotus;

secuti sunt Ios. SCALIGER. ad Euseb. et IAC. CAPELLVS Cent. II. Hist. eccles.

i) Vid. SVIDAS in Max. T. II. conf. GALTAKER. ad Ant. I. 15. p. m. 25.

uimus. In eandem vero morum probitatem maximi ingenii rectaeque voluntatis adolescenti inspirandam ceteros quoque philosophiae magistros conspirauisse, ipse non negat. „Habere se enim, ait ^k, a Catulo, ne in- „super haberet amicorum queremonias, etiamsi ratio earum nulla subef- „set, sed in statum ipsos pristinum restituere anniteretur, vt praeceptores „promte impenseque praedicaret, liberosque suos affectu sincero profe- „queretur.“ Tantis ducibus vsus Antoninus philosophus, mirum non est, mature puerum vix duodecennem Stoicum philosophum expressisse. Quamuis vero, animi propensione praeter modum graui et seuera Stoi- cam potissimum disciplinam sequendam sibi statuisset, non recusauit tamen, more seculi sui, aliarum quoque sectarum audire philosophos, vt, quae illi philosophiae praecepta traderent, cognosceret. Peripateticae itaque doctrinae callentissimum, Claudium Seuerum ^l praeceptorem habuit, et in Platonica philosophia Alexandrum ^m, quem ipse quoque laudat, quod „ab eo acceperit, ne crebro neue necessitatibus adactus, aut dicto aut „scripto significaret alicui, non vacare se: neue hoc modo sub negotio- „rum distinctum praetextu officia ea, quae vitae huius necessitas ab no- „bis exigunt, solens defereret.“ Stoicae vero philosophiae manu- ductio- ne ad iurisprudentiam Romanam vsus, praestantissimum iuris Romani in- terpretem Lucium Volusianum Moecianum ⁿ audiuit. Sed et operam pin- gendo, teste CAPITOLINO ^o, sub magistro Diogneto dedit. „Laudat „hunc Diognetum imperator, quod ab eo didicerit, ne rebus inanibus „studium impenderet, neue eis fidem adhiberet, quae a praestigiatoribus „magisque de daemonibus auerruncandis, de incantationibus aliisque eius- „modi imposturis dicuntur: ne coturnices ad pugnam aleret, neue rebus „eius-

^k) L. I. §. 13.

^l) Seueri praeceptoris non meminit Antoni- nus, sed fratris Seueri, L. I. §. 13. ast fratrem Marci adoptione, non genere Verum fuisse Dio et CAPITOLINVS testantur. Vnde pro Seuero Verum reponendum esse iudicat Ios. SCALIGER ad Euseb. et CL. SALMASIVS ad l. c. Capitolini. Acute vero monuit GATAKERV, cum Verus ille vitae impurissimae et flagitiosissimae fuerit, moribusque perditissimis et profligatissimis, non videre se, qui potuerit in tam foetido faeculen- toque sterquilinio virtutum istiusmodi seges vlla, nedum tam ampla quam istic depingitur, deprehendi. Mauult itaque, intelligi hic Clau- dium Seuerum, Peripateticae philosophiae Δια- σωτην, praesertim cum nullibi eius alio loco mentionem faciat. Ast cur ἀδελφόν vocat? et cur ita infra hoc nomen reperit? Pro despe- rato itaque hunc locum habet criticus acutus. Nec acu rem tangit DACIERIVS, qui fratris in- star Marcum amauisse Seuerum putat: hoc enim verbis Antonini non satisfacit.

^m) Cum inter philosophos multi Alexandri fuerint, difficile statui potest, quis ille Alexan- der fuerit? Alexandri cuiusdam Platonici, qui Pelopleton dictus est, et de quo memorabilia

quaedam tradit PHILOSTRATVS de vit. Soph. L. II. c. 5. p. 570. supra meminimus. Hunc inter praeceptores Marci reponendum esse putat GATAKERV ad l. c. Ant. Ast inuito hoc sit Philostrato. Is enim narrat: „Virilem aeta- „tem cum attigisset, legationem obiisse pro Se- „leucia patriae emolumentis ad Antoninum „primum, sed ob ornatum femineum contem- „tum esse, Marcum vero postea inter Pannoni- „cas gentes versatum, eum ad se demum vo- „casse, vt ipsi ab epistolis Graecis esset. “ Ita vero Marco iam regnanti demum innouit, aliusque fuit Alexander Plonicus ab illo So- phista, qui in philosophia parum excelebat, quamuis esset orator disertissimus. Addi vero Platoniorum catalogo Alexander Marci prae- ceptor potest apud FABRIC. Bibl. Graec. Vol. II. pag. 52.

ⁿ) De eius libro: de asse eiusque partibus, quem suis notis illustratum cum HOTTOMAN- no de re nummaria edidit ELVINETVS, Par. 1565. et GRONOVIVS libro de sestertiis, et GRAEVIUS thes. antiq. Rom. T. XI. inferuit, vid. FABRIC. Bibl. Lat. T. I. p. 817. de ICIO hoc ipso MENAG. amoen. iur. c. 5.

^o) L. I. §. 6.

„eiusmodi animum adiceret, vtque loere dicta aequanimiter sustineret, „eidemque debere se, quod philosophiae animum adiecerit.“ Conuenire haec magis philosopho, quam pictori, quilibet videt, id quod maximos viros IOSEPHVM SCALIGERVM et CLAVDIUM SALMASIVM * commouit, vt inter Diognetum philosophum et pictorem distinguerent. Recte vero, nisi fallimur, monuit GATAKERVSVS †. Marcum philosophum Diognetum nullum appellare, et potuisse pictorem eum ad philosophiae studium impellere, monitaque eiusmodi illi suggerere, etiam qui philosophiam non esset professus: sed nec pingendi artificium quicquam impedire, quo minus et philosophiam profiteretur, eadem saltem imbutus fuerit, cum inter disciplinas liberales pictura quoque olim haberetur. Nec his obstat, quod VOSSIVS ‡ vult, apud Romanos exiguum pingendi arti honorem fuisse, vt mirandum non sit, si paucissimi eam exercuerint: nam hoc non inde profectum, quod Romani putauerint, infra suam dignitatem esse, si pingerent; sed quod cum armorum studiis prudentiaeque ciuilis atque eloquentiae artibus id commode stare non posse crederent, quippe quae tantum otii, quantum ad pingendi artem requiritur, non relinquunt, quodque aliis studiis vtendum esse statuerent, quibus ad dignitates liceret grassari. Neque tamen vel feruilem fuisse, vel sine honore iacuisse inter nobilitatem Romanam artem pingendi, vel vnus C. Fabii, Marci filii exemplo constat †, qui cum patricia gente ortus esset, teste PLINIO aedem Salutis pinxit, indeque Pictoris cognomen familiae intulit primus. Nec aliis quoque exemplis destituimur, quibus constat, homines ingenuos et philosophiae simul et arti pictoriae vacasse: cuius exemplum cum ex Eunapio supra retulerimus †, longius ab instituto nostro hoc in argumento digredi opus haud est. Diognetum itaque πρὸς τῷ καθαρῷ τῆς ἄλλης παιδείας κατὰ γραφικὴν φιλοσοφῆσαι, vt EVNAPII § phrasi vtamur, id est, *philosophiae studio, quod mentem purgat artem quoque pingendi adiecisse* nulli dubitamus. Ita vero culturae animi vbi prospectum erat, ad corpus quoque exercendum artes adhibitae, venationes, palaestrae reliquaque iuuentutis exercitia, inter Graecos pariter et Romanos vsu recepta, pugilatus, cursus, pilae lusus †. Addit DIO ¶ apros etiam venatum iuisse, atque cum his saepe ferocissimis conflixisse, non sine admiratione omnium scribit. Eiusmodi enim exercitationibus non robur tantum corporis acquiri, sed id ad tolerantiam quoque, quam Stoica philosophia maxime commendabat, idoneum firmumque reddi, statuebat. Veritatis tamen et virtutis studium cum rebus omnibus anteponeret, facile ab his omnibus eum abduxit philosophia, quam adamare coeperat Stoica, quam animi contentionem valde augebat natu-

*) II. cc.

p) Ad I. c. Antonini.

q) De quatuor artibus popular. c. V. §. 56.

r) 88. seq.

r) L. XXXV. c. 4.

s) Sect. IV. in Prisco, Hilarium in vtroque genere excelluisse ait EVNAPIVS I. c.

ff) Ibid.

†) CAPITOLIN. c. 4.

¶) loc. cit.

naturalis constantia et grauitas, quae puero adhuc inerat ^v. Duodecimum itaque ingressus annum, relictis, quibus patriciae gentis adolescentes tenebantur, voluptatibus habitum Stoici philosophi fumsit ^w, et pallium indutus humi cubuit, vixque a matre eo perductus est, vt infrato pellibus lectulo accubaret ^x. Qua ratione ostendit, tolerantiam Stoicam, et austeritatem disciplinae Zenonianae illi vehementer arrisisse ^y. Et diligentem quidem attentoremque ad sapientiae praecepta discipulum porticum habuisse nunquam in confesso est, in cuius laudibus id potissimum ponendum, quod non tantum ad acquirendam philosophiae cognitionem omnem, quam potuit, adhibuit operam laboremque, sed praeceptoribus etiam vsus praestantissimis, cuncta, quae vel ex praeceptis eorum vel exemplis didicerat, in eum collineare scopum iussit, vt in vita optimos mores virtutemque viuam exprimeret: quod qua ratione a praeceptoribus acceperit, ipsum iam consistentem audiuius. Quam animi non scholae vel ostentationi, sed vitae et emendationi philosophantis praestantiam iure suo laudibus extulerunt veteres ^z et recentiores ^a docti bonique omnes. Quanti vero eruditionem atque sapientiam optimis praeceptoribus ducibus haustam fecerit, nulla re magis prodidit, quam honoribus, quibus praeceptores profecutus est. Iunium enim Rusticum et Frontonem ad Consulatus dignitatem euexisse et post mortem statuis honorasse supra ex Capitolino retulimus, qui addit: tantum honoris magistris suis detulisse, vt imagines eorum aureas in larario haberet, ac sepulchra eorum aditu, hostiis, floribus semper ornaret. Tantis vero et naturae dotibus et artium atque philosophiae ornamentis cum condecoratum haberet iuuenis optimus animum, et, vt nobilitate alios superabat, ita literarum optimarum cognitione, artiumque et scientiarum praestantia omnes anteiret, commouit praeclara virtutis in adolescente lucentis indoles Hadrianum imperatorem, vt eum acerrime diligeret, sibi iungi et a se pendere iuberet, adeo vt in gremio Hadriani educatum dicat CAPITOLINVS ^b. Cuius tanta in eum fuit gratia, vt per omnes honorum gradus eum extolleret, et honore atque publicis

v) CAPITOLINVS C. 2. EUTROPIVS L. VIII. p. m. 525. SVIDAS in Marcus T. II. p. 501. Ait valuisse semper hanc naturalem indolem seueram ad amplectendam Stoicam disciplinam, Zenonis, Catonis Vticensis, aliorumque exempla demonstrant.

w) Ibid.

x) De lectulis lucubratoriis hoc intelligendum, quibus pelle infratis philosophi studebant, SVEETONIVS in Aug. c. 78. SENECA ep. 72. OVIDIVS Trist. L. I. eleg. 10.

Non haec in nostris, vt quondam scribitur horris

Nec consueit meum lectule corpus habes. Scilicet in istis lectulis scribebant, super femore collocata charta, non vt nos in pluteis vel mensis, conf. CASAVBON. ad l. c. Sueton. Verus autem, Diogneto auctore, pro stratis grabatulum et pellem Graecanico Stoicorum institutu-

to commendauit, vt ait ipse L. I. §. 7. De eiusmodi scimpodio Graeciensi vide etiam GELIVM L. XIX. c. 10.

y) Duriter habitos fuisse apud Stoicos iuuenes philosophiae operam nauantes ex PERSIO constat, qui Sat. III. v. 52. seqq.

Quaeque docer sapiens braccatis illita Medis

Porticus infomnis quibus et deorsa iuuentus

Inuigilat, siliquis et grandi pasta polenta.

conf. CASAVBON. ad h. l.

z) CAPITOLINVS C. I. EUTROPIVS l. c. VICTOR. in M. Ant. p. m. 354. DIO l. c. SVIDAS l. c. HERODIANVS L. I. et veteres fere omnes, qui de eo scripserunt.

a) Vid. quae collegit THOM. POPE-BLOUNT. Censur. cel. auct. p. 169.

b) c. 4.

publicis Xenii ei deferret. Octauo enim aetatis anno in collegium Salliorum eum retulit, in quo sacerdotio praeful et vates et magister factus est; vbi vero XV aetatis anno virilem togam sumsit, ei L. Ceionii Commodi filiam desponsauit, quem sibi successorem destinauerat^c: vrbi etiam in Latinis feriis ex eius voluntate praefectus est, in quo honore praeclarissime se gessit. Quibus artibus ita Hadriano se commendauit Marcus, vt decrescentibus principis viribus, illum collegam et successorem sibi elegisset, nisi immatura obstitisset aetas. Ast, vt de hoc sibi iuvene, in quo Romani imperii salutem vertere probe videbat, certius prospiceret. Ceionio Commodio fatis erepto Antoninum quidem Pium in adoptionem elegit, ast ea conditione, vt sibi M. Aurelium adoptaret successoremque destinaret, et hic Lucium Verum, Ceionii filium eligeret^d. Qua imperatoris voluntate ad summum honorum et dignitatum apicem Marco Aurelio via patefacta est. Qui splendor quamuis summus esset, tantum tamen abest, vt oculos Marci Aurelii fascinauerit, quo minus onus latens cernerent, vt potius teste CAPITOLINO^e, vbi comperit, se ab Hadriano esse adoptatum, magis esset deterritus, quam laetatus: iussusque Hadriani priuatam domum migrare, inuitus de maternis hortis recefferit, cumque ab eo domestici quaererent, cur tristis in adoptionem regiam transiret, disputaret, quae mala in se contineret imperium. Scilicet iuuenem philosophiae praeceptis accurate imbutum natura regni latere non potuit, nec is ignorare, quam fortes humeri tanti oneri ferendo pares requirantur. Verisimile quoque est metuisse philosophum iuuenem, ne imperii cura meditationi obesset, cui tamen totum se addixerat, neue imperii Romani conditio tum non admodum laeta, et curis innumeris grauis, aliquid postulare, quod philosopho indignum iudicare posset. Ab eo tempore Aurelii Antonini nomen sumsit, quod in Aureliani Antonini familiam adoptionis iure transiisset, et mox quaestor factus est. Neque tamen honores maximi philosophi animum mutauerunt, vt a pristina virtutis via quicquam recederet, cuius laudabile exemplum dedit, quod, narrante CAPITOLINO^f, adoptatus in aulicam domum omnibus parentibus suis tantam reuerentiam, quantam priuatus exhibuit, fuitque haud secus rei suae, quam in priuata domo parcus ac diligens, pro instituto patris volens agere, dicere, cogitare. Post excessum Hadriani dissolutis per Antoninum Pium sponsalibus, quae cum L. Ceionii Commodi filia inierat, filiam ille Faustinae ei destinauit, quae L. Vero desponsata erat, ast quam ducere is propter aetatis immaturitatem non poterat. Quaestoris adhuc atque consulis secum dignitatem contulit, et Caesaris appellatione donauit, aulico fastigio inuitum licet ornauit, honores ei cumulauit, quos enumerare hic omnes opus non esse putamus. Id vero non

^c) SPARTIAN. in Hadr. c. 23.

^d) IDEM c. 24. CAPITOL. c. 5. DIO L. LXXI.

^e) cap. 6.

^f) *Ibid.*

non negligendum, tantis ita circumseptum Marcum Aurelium laboribus fuisse concatenatis, ut qui totum se antea philosophiae studio dederat, magna inde instituti sibi carissimi sentiret impedimenta. Quibus tamen non obstantibus, cum tantis honoribus occuparetur, cum formandus ad regendum, ut scribit *CAPITOLINVS* ^f, status reipublicae patris actibus interesset, studia tamen cupidissime frequentavit. Nec refragatus est Antoninus Pius, qui cum probe intelligeret, nihil reipublicae Romanae feliciter gubernandae aptius esse philosophia Stoica, et sponte alacriter currenti calcar voce et exemplo addidit, et Apollonium Chalcidenum ^g, magnae famae philosophum ex Zenonis familia Athenis arcessi iussit. Cuius doctoris institutione ad summam Stoicae doctrinae cognitionem peruenit, tanta assiduitate in philosophiae studium incumbens, ut licet iam in imperatoriam dignitatem esset ascitus, tamen ad domum Apollonii discendi causa veniret. Tum Faustina Antonini Pii filiam uxorem duxit, in qua amplam exercendi philosophiam Stoicam palaestram inuenit. Et si enim magnis naturae dotibus erat conspicua, animi tamen leuitate formae pulchritudinem superans, cum matris vestigia sequeretur, maluit thorum imperatoris polluere, et indigna tanto fastigio vita colendam se procis exponere, quam casto amore maritum reuereri. In quo malo perferendo animum iniuriae tantae patientem, nec commotum ideo ita Marcus probauit, et tranquillitatem mentis in tantis coniugii fluctibus ita immotam seruauit, ut non deessent, qui negligentiam Marci accusarent, qui sine animaduersione illa pertulerit, quae indecora sibi fastigioque Romani imperii turpia esse probe intellexerit ^h. At non respexerunt Marci censores ad Stoeae praecepta, quae ea omnia, quae extra nos, neque in nostra potestate sita sunt, curanda non esse iubent, eo quod ad nostram felicitatem non pertineant. Quamuis autem honoribus cumlaretur Marcus, et a summo fastigio parum

^f) Ibid.

^g) Fuit Apollonius Chalcidenus, alii Chalcedonium vocant, ex Bithynia, Dio l. c. Nicomediensem dicit, veterum suffragiis destitutus. Hominem fuisse Stoicae quidem philosophiae cognitione praestantissimum, sed scholasticos sequentem mores, ex eo discere, quod narrat *CAPITOLINVS* in Antonino Pio c. 10. cum Apollonium Chalcide (Athenis ait *LVCIANVS* in Demonaeste T. II. p. m. 576.) accuisset, et ad domum Tiberinam, in qua habitabat imperator, vocasset, ut ei M. Antoninum traderet, atque ille dixisset, „non magister ad discipulum „debet venire, sed discipulus ad magistrum, eum risit dicens: „facilius fuit Apollonio e „Chalcide Romam venire, quam e domo sua in „palaetium. Addit Capitolinus, imperatorem eius auaritiam, quam Demonaestem quoque acutissime testatur *LVCIANVS* l. c. mercedibus norasse. Laudat tamen Apollonium Marcus, „quod ab eo didicerit, ut liber esset, fir- „mumque ac certum citra fluctuationem omnem

„consilii ingenique tenorem retineret; neque „aliud quidquam vel minimum, praeter ratio- „nem solam intueretur, ut idem semper esset, „in doloribus acerrimis, in liberorum amissio- „ne, in morbis diuturnis, ad haec quod in ipso, „tanquam in exemplari viuo conspexerit eui- „denter, posse eundem, prout occasiones se da- „bant, et vehementissimum, et remissum esse, „sed et quod in disciplinis tradendis neutiquam „moroſe se gereret, quodque hominem viderit, „qui peritiam suam, et in theorematibus tra- „dendis solerriam, bonorum suorum minimum „existimare se palam faceret: quod didicerit ab „eo, et quomodo beneficia ab amicis accipere „oporteret, ut nec acceptis obnoxius fieret, „nec citra sensum tamen omnem transmiseret. „Talem cum se Marco praeberet Apollonius, mirum non est, ad domum eius discendi causa accessisse Caesarem iam designatum.

^h) Fuit et eleganter Faustinae Marciſque hiſtoriam persequitur *DE SERVIES* hist. des femmes des empereurs T. III. p. 122. seqq. qui legendus.

parum abesset, tanta tamen in eo virtus valuit, vt, quam accepisset dignitatem et potestatem, ad amplificandam reipublicae felicitatem et emolumenta imperii ciuiumque salutem tantum adhiberet, sicque luculento exemplo ostenderet, quid institutio prudens et philosophiae praeceptis nixa in principe valeret: quibus artibus ita Antonino Pio commendatus est, vt nihil fere sine illo in imperio faceret, Marcus autem industriam, probitatem, fidelitatem et amorem ei luculenter probaret. Et his quoque munimentis aduersus obrectatorum calumnias, qui clanculum auocare patris ab eo animum tentabant, se tegebat et custodiebat, sic vt integra Antonini Pii illi ad mortem vsque seruaretur gratia, et cum aduersa valetudine corripere, spesque sanitatis recuperandae omnis decollasset, vocatis ad se amicis ac praefectis successorem sibi in imperio solum Marcum Aurelium designaret, nulla L. Veri iniecta mentione, et ita se placidissime mori luculentis signis ostenderet. Ita viuis erepto Pio A. V. C. IdcccXIV. A. C. CLXI, a senatu imperii habenas capeffere Marcus, inuitus licet, coactus est. Quem campum ingressus, cum philosophiam vbique sibi comitem haberet, aequanimitatis philosopho dignissimae exemplum infrequens et admirandum edidit, quidque in formandis animis sapientiae studium valeat, non sine omnium stupore demonstravit. Solus enim regnare cum posset, idque sibi vni dignitatis fastigium seruare, quod ab Augusti aetate non nisi vnus tenuerat, maluit tamen generosi animi et philosophiae cura atque emendatione feliciter subacti impulsu Lucium Verum insolita prorsus ratione collegam in imperio asciscere, et vt firmum esset societatis tantae vinculum, Lucillam filiam ei despondere. Quamuis autem diuersa longe a Marci animo indole Verus esset, quae philosophiae munere nunquam rite purgata in alia omnia abibat, tanta tamen fuit Marci Aurelii Antonini prudentia, tamque accurata aequi rectique custodia, vt nunquam Verus aliquid fusciperet, ex quo respublica detrimentum capere posset, ut non vigili Marci cura ad rectos fines emendaretur. Quo factum est, vt *adempti imperium, teste CAPITOLINO, ita ciuilitate se ambo agerent, ut lenitatem Pii nemo desideraret, cum se Marcus totum philosophiae in imperio exercendae, daret, amoremque ciuium imperii aequitate et lenitate affectaret.* Cuius memorabile prorsus exemplum edidit imperator optimus erga Christianos. Hi ex omnibus prouinciis innumeris praesidium ac magistratum epistolis accusabantur; et nouae superstitionis poscebantur repagula. His malorum publicorum, quibus eo tempore valde premebatur Romanum imperium, causa inscribebatur omnis, quod iram Deorum ob neglectam in sui cultus contemtores vindictam in imperio Romano excitassent: hi grauissimorum criminum postulabantur, contra hos persecutiones infligendae petebantur. Et dubium non

Eeee 2

est,

i) Omuli obrectationes clandestinas narrat
CAPITOLINVS l.c.

k) IDEM c. 7.

l) Ibid. conf. SALMASIVS ad h. l.

N) cap. 8.

est, prouinciarum praefides a sacerdotibus instigatos eo maiorem obtinendi contra Christianos quod flagitabant, concepisse fiduciam, quo magis imperatorem philosophiae additissimum abhorreere ab eiusmodi placitis credebant, quae Stoica quoque principia, Deorum cultum confirmantia, euerterent. Verum longe aliter res cecidit, memorque Marcus quod a Diogneto didicerat, vt a superstitione causas praeternaturales rebus naturalibus assignante sibi cauere, Pii quoque lenitatem, et aequitatem, quam philosophia commendabat, sibi imitandam ratus, iniustis conatibus fibulam imposuit, data ad publica Asiae comitia, quae Ephesi tum habebantur epistola, qua laudata religionis Christianorum constantia, quae immortalem illum Deum veneretur, statuit, *eos nulla molestia afficiendos esse, nisi forte contra statum imperii Romani aliquid moliri videantur; et si quis pergat cuiquam illorum negotium faceßere ex eo, quod Christianus sit, delatum quidem crimine absoluendum, tametsi constet, eum reipsa Christianum esse, delatori autem ipsi poenam luendam esse.*^{m)} Peruenisse hac occasione in manus Marci libros quosdam Christianorum, quos inspexit, eo magis verisimile putamus, quo magis contra tam atroces accusationes a prouinciarum rectoribus perscriptas non inique de Christiana religione iudicat, eosque vnum immortalem Deum colere statuit. Nec dubitamus asserere, transtulisse ex scriptis Christianorum in suam rem quaedam Antoninum, quae cum placitis porticus conspirare credebat: id enim loca quaedam eius in commentariis ad se ipsum occurrentia valde suadentⁿ⁾. Ceterum mox primo imperii anno natus ei est Commodus, quem cum vtero gereret mater Faustina, portenta dira significauisse, quale monstrum editura esset imperatoris vxor, narrat LAMPRI D I V S^o, euentu tristissimo rem comprobante, et suspicionem eorum firmante, qui conceptum ex gladiatore quodam a Faustina coniecerunt. Adeo etiam in philosophiae aruis non desunt infelicitatis naturalis exempla, nec penes parentes prudentes, probosque semper est, sui habere et educare familiares filios. Nihil enim in se desiderari passus est Antoninus, vt filius, cui spes imperii destinabatur, praeclare et secundum sapientiae praecepta educaretur, praeceptores enim, teste HERODIAN^o, ei optimos adhibuit, et vt lubricam formaret filii indolem, vehementer laborauit: ast impedire non potuit, vt non tam bono patre genitus (nisi alienus sanguis thoro eius illatus fuerit) pessime degeneraret, monstrumque euaderet, quale vix vidit orbis Romanus. Eandem pruden-

^{m)} Edictum imperatoris Apologiae suae adiecit IUSTINVS, seruauit etiam EVSEDIUS Hist. eccl. L. IV. c. 13. qui tamen perperam ad Antoninum Pium refert, VALES. ad l. c. Inde recentiores reperierunt, vid. FRANC. BALDWINVS ad edicta imperat. in Christianos p. 87. DACIER. vit. Anton. p. m. 8. et Oxoniensis Comment. Antonini de se ipso editio.

ⁿ⁾ Vid. L. III. §. 11. L. VIII. §. 15. L. IV.

§. 23. L. XI. §. 8. L. VIII. §. 10. Plura diximus ea de re in Tempe Heluet. T. III. Sect. II. p. 260. seqq.

^{o)} In Commodio c. I. vbi fabula quoque narratur, qua adulterium Faustinae et illarus domui imperatoris sanguis adulterinus tegebatur. Conf. DE SERVIES Hist. des femmes des empereurs T. III. p. 140.

^{p)} Lib. I.

dentiam philosopho dignam erga Verum exercuit, quem aduersus irruptiones hostium imperii cum exercitu miserat, Lucillamque filiam ei desponsauerat. Oculis enim Antonini, cuius reuerentia latentem in Vero vitiorum segetem aliquantisper reprefferat, submotus, amplissimumque effundendi in scelera quaeuis animum, nactus campum, ita turpissimis voluptatibus, se immerfit, dum interea per duces cruenta cum barbaris bella gererentur, vt ad Canusium in grauem et fere desperatum morbum incideret. Ex quo ereptus vbi in Syriam perrexit, in voluptatis horto, Daphne, quod suburbium erat Antiochiae foedissimis voluptatibus ita infame, vt qui famae suae et honori consulere vellent, id non accederent, totum se obscoenis et abiectissimis voluptatibus immerfit, ducibus Parthicum interim bellum magnis victoriis conficientibus, quorum gloriam sibi vindicauit princeps ineptissimus ⁹. Quid ad haec Marcus philosophus? Ille nihil temere, nihil inconsiderate acturus, vitia Veri, quasi nesciens, dissimulabat, et vt corruptum voluptatibus animum dulci remedio corrigeret, Lucillam ei filiam in matrimonium dabat, ratus ita amorem ei figi melius, et a turpibus scortis auocari posse. Eam itaque ad Verum misit, ad praesides prouinciarum scribens, ne quis filiae occurreret, indeque ciuibus incommoda exorirentur. Verus acceptam coniugem Antiochiam deduxit, eamque non meliorem, quam ipse erat, expertus est, strenue impudicae matris vestigia calcantem et parentis famam vita turpi polluentem ⁷. Duces vero confectis ex voto bellis, ad pacem et incolumitatem prouincias reduxerunt, qua victoria modeste, vt philosophum decebat, vsus est Antoninus, praesertim cum communem laetitiam graues calamitates turbarent, Vero pestilentiam secum ex orientis prouinciis Romam deferente, Germanis cis Rhenum seditionem concitantibus, et ita omnibus in Italia bellis ardentibus, quibus superuenit Marcomannorum et Quadorum defectio, quae terrore totum Romanum imperium repleuit. Quibus repellendis sacra et profana omnia mouerunt imperatores, et ad superstitionem, quod in Antonino mireris, delapsi vndique sacerdotes, Romam arcessiuerunt, peregrinis etiam ritibus, lustrationibus et sacrificiis totam urbem repleuerunt ⁸. Ambo vero hostibus obuiam euntes, prima contra eos pericula felici successu fecerunt; Alpesque, inuito licet Vero, transgressi, separatis proeliis hostes fuderunt, postea Aquileiam reuersi sunt. Vnde Romam cum redire cogitassent, Verus apoplexia correptus obiit: quem pestilentia alii extinctum volunt, aut veneno ab vxore Lucilla, pellicem Fabiam iniquo animo ferente, exhibito ⁵. Ita quidem collega, qui oneri magis quam honori erat imperio, Marcus liberabatur, calamitates vero publicae vehementer

Eeee 3

eum

⁹) Multis hanc infamiam Veri prosequuntur scriptores historiae Augustae, ex quibus omnia eleganter enarrauit DE SERVIES l. c. p. 179. seqq. qui videndus. Vbi etiam nos quaedam, quae lucem postulabant, ad eum in versione Germanica adiecinus.

⁷) CAPITOLIN. in Marco cap. 15. in Vero c. 7. DIO L. LXXI. DE SERVIES loc. cit.

⁸) CAPIT. II. cc.

⁵) IDEM in Marco c. 14. in Vero c. 9.

eum vrgebant, et angebat publicus de iis luctus. Qui tantus fuit, vt, quae tot calamitatibus insuperabilis haecenus fuerat, virtus Stoica succumberet, et communis vox populi, quae nouam Christianorum religionem accusabat, quod ob Deorum contemptum, raritatemque in templis, derisivas ceremonias, occidentesque veterum ritus religionum nouarum superstitionibus eiusmodi calamitates publicae immitterentur, victoriam de aequissimo imperatore reportaret. Nam et delatoribus, quod alias nunquam fecerat, credidit, et praesidibus prouinciarum suppliciis excruciare Christianos permisit, vt populum seditionem minantem aliquo modo compesceret, et ita persecutionem illam permisit, qua eo imperante ecclesiae Christianae, maxime Gallicae, graui clade affectae sunt *ff*. Quod cum ab aequitate et lenitate Marci expectari non potuerit, occasionem dedit viris doctis quaerendi, quae causa Antoninum permouerit, vt contra philosophiae suae, animique rationes tam tristitia in Christianos statueret? Et illi quidem, qui culpandum nihil in Antonino, laudanda omnia, inueniunt, inter quos est DACIERIVS, in praesides rectoresque prouinciarum, et tumultuantem plebem culpam fere omnem coniiciunt. Alii turpiter se dedisse, et oblitum principia, quae olim secutus est, Antoninum fuisse, non negant. Nos ab omni quidem hac in re culpa liberari non posse Marcum opinamur. Nam quod Dacierius causam omnem in prouinciarum rectores reiecit, qui edicto Caesaris, vt illi tantum tollerentur, qui falsi fuerint, ceteri continuo liberarentur, abusi in quoscunque promiscue saeuierint, cumque imperator criminum conuictos suppliciis afficere iussisset, falsis vti testibus publicam inter Christianos stragem ediderint, id inuitis veterum testimoniis dici rerum Christianarum circa haec tempora peritos latere non potest. Nihil vero in tota re est, quod ab Antonino cetera optimo principe expectari non potuerit, modo supponamus, quod veteres testantur, calumniatores apud imperatorem detulisse, adeo atros esse homines Christianos, omnique sana ratione carentes, vt peccaturus non sit, si eos e medio tolleret. Non denegamus vel lenitatis vel aequitatis laudem Antonino, nec faciendum esse putamus cum AMMIANO MARCELLINO, qui superstitionem ei obiicit, cum ipse hostem se illius profiteatur, ita a Diogneto edoctus. Etsi enim, more

ff) Pluribus de hac persecutione historiae sacrae enarratores EUSEBIUS praesertim, H. E. L. V. c. 1. et ex recentioribus illi quoque consulendi sunt, qui historiam martyrii Christianorum excusserunt, vbi etiam H. DODWELLI sententia diff. Cyprian. XI. §. 53. examinari solet de paucitate martyrum huius persecutionis. De tempore autem huius vexationis erudite disputauit Ven. MOSHEMIVS Obs. hist. crit. L. I. c. 3. §. 10. p. 172. Synt. diff. H. E. p. 315.

t) In vita Antonini, quem tamen in Latina versione castigauit STANHOPIVS.

u) L. XXV. c. 4. vbi superstitionem eum magis, quam sacrorum legitimum obseruatorem

fuisse ait. Pluribus hanc *δυσειδαιμονίαν* Antonini probare satagit Cl. CHR. WOLLIVS in vita Antonini Comm. de se ipso Lips. editionis praefixa. Qui tamen in erudita diff. de *δυσειδαιμονία* M. Antonini ad politicam haec superstitionem tantum referenda esse, contendit. Quod licet negari in totum nequeat, infudisse hanc imperatoris animo opinionem, posse se prudentem, immo debere ad aliorum ingenia *ἐν τοῖς μέσσις* demittere, vid. L. V. §. 36. habenda tamen simul Stoicae physiologiae, cui adhaerebat ratio, quae popularem superstitionem non tollebat, sed emendabat, vt ex Cornuti et Sallustii libellis videri potest.

more Stoico, communem patriae religionem constanter sequebatur, eosque errare putabat, qui Deos reicerent et ab eorum cultu deficerent, Stoico tamen, id est philosophico sensu Deorum cultui adhaesit, quo diuina anima per mundum vniuersum diffusa omnesque eius partes agitans, omnibus praefens est, atque viuificat, hincque tot numina constituit, quot elementa partesque mundi sunt. Quibus ex Stoicorum latifundiis admissis non potuit non aegre ferre Antoninus, omnem Deorum cultum contumeliose, quod accusabantur, reicere Christianos, quamuis ipse popularem superstitionem damnaret. His accessit, quod tanta persuasione de veritate theologiae Stoicae esset certus Antoninus, ut qui alia sentirent, in graui versari errore non potuerit non opinari. Ast Christianos istis familiae Zenonianae rationibus non duci, leueque illis pondus adicere animaduvertebat, et non ratiocinationum nexibus, sed fidei simplicitate et obsequio uti ad firmandam praeceptorum suorum veritatem videbat, et indignabatur, adeo esse irracionales, ut pro superstitione sua mortem oppetere, quam philosophiam sequi, mallent: vnde iis *ψιλὴν παράταξιν* meram obstinationem in morte obeunda obiicit. Qua in re communi praeiudicio de Christianis ductus est philosophorum gentilium, inter quos ipse PLINIVS * grauis ceteroquin innocentiae eorum testis non dubitandum dixit, *qualecunque esset, quod dicerent, peruicaciam certe et obstinationem inflexibilem debere puniri*. Qua de calumnia, ne nimii simus, legi velimus, quae ex veterum scriptis docta manu collegerunt triumviri in veterum lectione versatissimi IOANNES SCHILTERVS, THOMAS GATAKERVVS, et IO. LAURENTIVS MOSHEMIVS. Hanc obstinationem pro superstitione habuisse Antoninum eo minus dubium est, quo magis a rationibus, quas ille sequebatur, philosophicis deflectebat Christiana religio, neque cum illis, ut aliarum forte gentium placita, in concordiam redigi poterat. Neque alia sunt, quibus iudicium suum de Christianis in *prima epistola* inaedificauit. Ast tum negotium illis facessere prohibebat, quod apertum erat, homines innocentissimos, quibus praeter obstinationem quandam crimen vllum obiicere non poterat, nulla in re salutis imperii Romani obesse. Verum cum iam mala publica essent cumulatissima, tantumque inualescerent calamitates publicae, ut qua ratione obuiam iis eundum esset, ipse non satis perspiceret, parum autem a seditione abesset plebis furor, qui causam tantorum malorum in imperatoris lenitatem erga Christianos, Deorum contemtores omnisque calamitatis fontes coniciebat, ne malum malo augeretur, ad religionem, quam potissimum populus inuocabat, recurrendum ratus, non tantum sacris, etiam peregrinis, Urbem repleuit, sed in prouinciis quoque cedi Christianos, quos obstinatione mereri mortem, nec indignos esse ob

super-

*) L. XI. §. 3.

*) L. X. ep. 97.

*) GATAKER. ad l. c. IO. SCHILTER.

Manud. phil. mor. ad Iurisprud. c. II. §. 5. 6. p. 44. seqq. MOSHEM. II. cc.

superstitionem suppliciiis, credebat, passus est, idque eo magis, quod ita mortem oppetere, non ignoraret eos sibi ducere longe optabilissimum. Ex quibus iam, nisi fallimur, luculenter dispalescit, neque saeuitiam neque superstitionem Antonini hic magnopere accusandam esse, sed prudentiae falsam quandam rationem, qua mederi malo maiori admissio minore facileque excusando, statuit². Dicit enim non potest, in ea Antoninum haesisse sententia, qua plerique haerebant, ob Christianos toleratos iram Deorum in imperium Romanum exarxisse, cum Stoicorum philosophia cuncta ad inuitabilem quandam factorum necessitatem reuocet, illique sine murmure parendum esse moneat, sic ut contra philosophiam peccasset suam Antoninus, si ob eam rem tolli Christianos iussisset. Ast cum nescio quibus sceleribus depictos sibi Christianos intueretur, quibus irritari populos credebat, facile illi fuit, ea permittere, quae ad crudelitatem exercendam magnopere auxisse prouinciarum praefides et praefectos verisimile est. Qua tamen in re, licet contra Stoeae praecepta peccasse dici vix queat, adeo tamen rationis violauit dictamina, ut singulari nobis exemplo esse queat, ad quae falsa quaedam philosophiae species peccata erroresque viros etiam cetera prudentes et sobrios, sed non satis cautos, seducere queat. Sed ut ex diuerticulo in viam et ad Marci philosophi historiam redeamus, Lucillam viduam Cl. Pompeiano viro quidem nobili et virtutum gloria exsplendescenti, sed infra principis tamen dignitatem constituto desponsauit, et in eo quoque philosophum, virtutis splendorem generis nobilitati praefertem se testatus est³. Ast displicuit impar matrimonium et matri Faustinae et ipsi Lucillae, quae tamen mox mutata, ad nutus obsequiosum se habiturum maritum sperauit, et frena eo maiori laxauit licentia impudicitiae⁴. Nouam vero curam iniecere imperatori philosopho Quadi, Sarmatae, Vandali, qui eo tempore hostiliter se efferebant, contra quos atrocia bella gessit, quorum tamen historia alibi enarranda est. Silentio tamen praetereundum haud est, quod nobis de Alexandro impostore narrat LVCIANVS⁵: „Parauisse sibi hominem vaserrimum aditum in aulam Caesaream, belloque cum Marcomannis et Quadis flagrante, oraculum diuulgauisse, quo iusserit, duos leones viuos in Danubium immittere, cum variis aromatibus ac sacris quibusdam magnificis, et mox victoriam, pacem et decus ingens promississe. Leones autem barbaros sustinuisse, cum ea facta essent; ast Caesareanorum magnam stragem viginti millium hominum consecutam esse.“ Qua in re aut abfuisse ex castris Marcum dicendum est, cuius tamen contrarium suadet Luciani narratio, aut vergentem ad senectutem virum valde seuerum, ad superstitionem, quam in iuuentute detestatus fuerat, inclinasse, maxime ubi peri-

²) Alia haec mire illustrantia dat Cl. WOL-
LIVS diff. laudata §. 25. p. 55. seqq.

³) CAPITOLIN. c. 20.

⁴) Indignae tanto patre filiae vitam in secun-

do coniugio eleganter ex veteribus depingit DE
SERVIES l. c. p. 196. seqq.

⁵) In Pseudomante T. I. p. m. 571. seqq.

periculis premeretur, statuendum, praesertim cum factorum seriem oraculis detegi posse Stoici crediderint, et ingentem sibi auctoritatem pepererit Alexander ille impostor. Rebus tandem ex voto, licet non sine sudore et sanguine, compositis, Romam Antoninus reuersus est, vbi et principem laude dignum et philosophum re talem se praestitit. Eo enim curam vertit omnem, vt hoc caput imperii incolume praestaret saluumque, et tranquillitatem etiam publicam promoueret, eo vero subiectos sibi populos dirigeret, vt officiorum memores, saluti vniuersi imperii prospicerent, sicque re ipsa viuendo, pulchre philosopharentur. Iustitiae itaque exsequendae totum se tradidit, leges aut rogauit nouas, aut veteres emendauit, litibus disceptandis terminos praescripsit, consanguineorum vetuit matrimonia, cauit sumtibus publicis, vias publicas diligenter curauit, antiquatas leges bonas renouauit, resque ciuitatum vel minimas curae suae habuit commendatas. Pauperes mortuos publicis sumtibus iussit efferri; mores matronarum et iuuenum diffuentes composuit, salaria otiosis, quorum nullus in republica erat vsus, detraxit: inopes suis facultatibus iuuit, reorum causas summa aequitate cognosci curauit, et vt audirentur, mandauit. Poenas illis tantum irrogauit, quos plecti, reipublicae securitatis ciuiumque exempli, legumque sanctitatis intererat. Litium patronos admisit, et quaecunque possent, ad iuandam causam afferendi veniam concessit ^d: Verbo cum vitam philosophia dignam feruare contenderet, in id omnibus viribus connitebatur, vt et subiectis sibi exemplo esset, et ad eandem viuendi regulam eos componeret. Tempus vero ita diligenter collocauit, vt nunquam otiosus inueniretur, sic vt in Circensium spectacula nunquam iret, quam aut legeret aliquid, aut scriberet, aut ad animi emendationem aliquid referret. Quibus factum est, vt inter principes tantum non omnes non reperiatur, qui philosophum vita talem magis exprefferit egeritque. Ex his vero intelligi sine labore potest, tanto philosopho imperante latissime extendisse pomperia sua philosophiam, inuentosque esse plurimos, qui, vt tanti principis gratiam aucuparentur, philosophiae suae transcripserint nomina; fuisse autem multos inter eos, *homines ignaua opera philosopha sententia*, et imperatoris philosophi moribus prorsus dissimiles. Quos non ferens Antoninus barbam et pallium quidem ostentantes, indigne tamen philosophiae nomine viuentes, ventres pigros, et turpissima mendicabula stipendiis priuauit, ignauumque fucorum pecus ab aula arcuit: viros doctos et bonos gratia multa fouit et salariis auxit ^e. Qualem in imperio se praebuit Antoninus, talem etiam in vita priuata philosophum se praestitit. Subcisiuas enim horas non voluptatibus, more maiorum tribuit, non otio triuit, sed ad philosophicas meditationes adhibuit, non tantum in aula verum etiam in castris, vbi horulas suffuratus ea conscripsit sapientiae praecepta, quae Stoica ei philosophia ad

^d) Diligenter haec omnia enarrat CAPITOLINVS.

^e) Ibid.

ad sui emendationem suppeditauit. Nihil enim contemplationi deditus attento obseruauit animo, siue domi, siue militiae versaretur, quod non chartis inscriberet, et ad firmandum animum et ad casus vitae dubios inopinatosque viriliter perferendos, quasi in horreum quoddam, reponeret, cui industriae libros *ἐἰς ἑαυτὸν* debemus. Sed nec modestia eius silentio praetereunda est, quae fructus quoque fuit philosophiae pulcherrimus. Passus enim non est, ut sibi templa et arae exstruerentur, recusauit etiam superbos titulos ex bellis quaesitos, et in fratrem, nihil eorum merentem transtulit, adulationem populi et senatus, quae in immensum eo tempore excreuerat, contempsit, ratus virtutem propria nitere gloria suisque praesidiis fultam sibi abunde sufficere, nec emendicatis honoribus opus habere *f*. Tantum autem abest, ut immensos sibi familiaeque suae thesauros cogitauerit corradere, ut potius delationes, quibus fiscus augeretur, contemneret, et cum nouum cum Marcomannis bellum instaret, et exercitum ipse vndique conquereret, ne tamen prouincialibus molestiam crearet, mallet in foro Traiani quasuis res aulicas, vestes, pocula, vasa aurea et argentea, imagines etiam praestantissimas publica praeconis voce vendere^g, ex quibus cum pecunia bello feliciter confecto abundaret, reddito pretio multa postea redemit iterum, spectacula abrogauit, indignante quidem, et seueritatem philosophicam inique ferente populo^h, sicque magno animo munitus contra hostes profectus est, et sub ipsis profectionis diebus filium septennem Verum Caesarem, intempestiua tuberis sectione amisit, quod vulnus adeo fortiter tulit, ut medicos quoque de artis infelici successu lugentes solareturⁱ. Ita enim Stoicum decebat philosophum, qui fato se subtrahere non posse credebat, et in omnibus tranquillitatem mentis feruare cupiebat. Quam tantam fuisse ait *CAPITOLINVS*, *ut vultum nunquam mutauerit, moerore vel gaudio, philosophiae deditus Stoicae, quam et per optimos quosque magistros acquisiuerat, et vndique ipse collegerat*. In hoc bello cum hostes in ipso Danubii transitu deleuisset, Romani milites nimia victoriae spe elati dum concitatus Quados persequuntur, ruunt in loca sicca, montiumque claustris includuntur. Quos cum hostes pugnam detrectantes sine sanguine ad deditionem loci siccitate compulsus iri sperarent, resque in summum discrimen esset perducta, effusus subito imber, mira numinis prouidentia et hostes terruit, et Romanum exercitum ab interitu liberauit. Precibus hoc Christianorum, qui in exercitu Antonini militabant, effectum esse, multi veterum asseruerunt^k, et circumlata epistola Antonini^l, id fatentis; legionis etiam fulminatricis nomen inde originem coepisse contenderunt quidam, pro cuius miraculi

f) Ibid. c. 12.

g) Ibid. c. 17. *EVTROPIVS* L.VIII. p. m. 526.

h) *CAPITOLIN.* c. 23.

i) c. 21. sollicitant tamen lectionem huius loci vulgarem Casaubonus et Salmasius.

k) Scriptores veteres et recentiores de hac re

prolixè enumerat *THOM. ITTIGIVS* Sel. cap. histor. eccl. Sec. II. c. 6. §. 28. p. 293. quem vide.

l) Adiecta est editionibus Comm. de se ipso Oxoniensi et Lipsiensi p. 279. a Graeculo quodam confictam esse recte contendit *SCALIGER* ad *EVSEB.* Chron. A. MMCLXXXIX.

veritate disputauit eleganter HERMANNVS WITSIVS ^m, ast non minori diligentia et verisimilitudine suspectam narrationem reddidit DANIEL LARROQVAVS ⁿ, qui cum aliis, qui eam rem tetigere, consulendi sunt; nobis enim prolixius illi inhaerere, cum ad nostrum institutum non pertineat, non licet. Ultra vero arma victricia hostibus intulisset Antoninus, nisi A. Cassius, dux Romanus spe potiundi imperii, vulgata Antonini morte in Syria rebellasset, qui hostis patriae iudicatus et proscriptus temeritatis poenas luit ^o. Cuius interfecti caput cum ad Antoninum perlatum esset, non elatus est ideo, et indignanti cuidam mitem imperatoris animum, et dicente: *Quid si ille vicisset?* Stoica prorsus animi magnitudine respondet: *Non sic Deos colummus, nec sic viximus, ut ille nos vinceret:* addens, *interemtis principes omnes meruisse interimi, eo quod viam non calcassent, quam debebant.* Caput itaque Cassii etiam cum signo doloris terris mandari curauit ^p, seditiosos ad sanitatem reuocauit, eisque ignouit, maxime Aegyptiis, apud quos philosophum egisse omnibus in locis studiis, templis ait CAPITOLINVS ^q. Orientis rebus pacatis Athenas delatus est, et Cereis initiatus mysteriis, ut vitae inculpatam rationem morumque innocentiam probaret. Cumque in itinere vbique ad emendationem morum eruditionis incrementa, virorumque doctorum praemia respexisset, nec in hac Musarum sede gratiam suam amoremque in literas et philosophiam desiderari passus est, academiae enim publicos doctores praefecit, salaria constituit, doctos honorauit, omnes liberalitate recreauit ^r. Romam redux, actoque triumpho Lauinium secessit, inque eo secessu philosophiae vacauit studio, in tantum dignum se imperio reputans, quantum philosophia duce vteretur: gratiae vero animique boni specimina ubique edidit luculentissima. Smyrnam incendio et terrae motu euersam restituit ^s, precibus Aristidis rhetoris commotus, ut fidem, quam ipsi vrbi ciues praestiterant, remuneraretur. Quam imperatoris clementiam statua honorarunt Smyrnaei. Eandem liberalitatem principis optimi populus haud vno exemplo expertus est. Cum autem deuiantis a parentis moribus filii animum dolens obseruasset, Crispinam ei, Brutii Praeentis, viri consularis, filiam matrimonio iunxit, fibulam ita currenti ad vitia iuueni iniecturus ^t.

F f f f 2

Interim

^m) In diss. de legione fulminatrice Christianorum, ad calc. Aegyptiac. p. m. 427. seqq.

ⁿ) In diss. de legione fulminatrice adiecta parentis Aduersariis sacris p. 553. seqq. Falsitatem rei hoc maxime euincit, quod post hanc deum de Quadis victoriam Marcus concessit, ut Christiani affligerentur.

^o) Vid. CAPITOLIN. c. 24. VULCATIVS GALLICANVS in Cassio, DACIER. vit. Ant. pag. 30.

^p) CAPIT. c. 25. 26. VULCAT. c. 11.

^q) c. 26.

^r) PHILOSTRAT. L. II. c. I. §. 12. p. 563. c. 10. §. 4. p. 583. coll. p. 566. Dio L. LXXI. MEVRSIUS de fortuna Attica c. VIII. p. 71. seqq.

^s) DIO, PHILOSTRAT. II. cc.

^t) Vitam celeberrimi oratoris enarrat PHILOSTRAT. vit. Sophist. L. II. c. 9. p. 583. conf. FABRIC. Bibl. Graec. Vol. IV. p. 374. Ex tempore coram Marco differere reculauit, teste EVNAPIO in Proaeresio p. 143. tantum autem eius eloquentia apud Antoninum valuit, ut lacrymas ei promoueret, vid. PHILOSTRAT. I. c. conf. TILLEMONT. hist. des empereurs T. II. p. 686. seqq. Legi hic possunt ex ARISTIDIS orationibus, quae hodie extant XX. XXI. XII.

^u) Historiam feminae huius eleganter enarrat DE SERVIES hist. des femmes des Empereurs p. 207. seqq.

Interim nouam irruptionem fecere in Romanum imperium Scythae, vna cum aliis septentrionis populis: contra quos ipse cum filio mouit, commissoque proelio victor discessit ^z. Tandem morbo occupatus est grauissimo Viennae Austriae, vel, vt alii volunt, Syrmii, cuius incrementa promouisse medicos a filio inductos non inaniter multorum suspicio fuit. Is enim adeo belluinam et perditissimam vitam vivebat, vt mori mallet optimus imperator, quem similem futurum Neroni, Caligulae, Domitiano videbat: graui tamen eum oratione amicis commendauit ^v, ridensque res humanas, mortem autem contemnens ^w, ad Stoicae philosophiae regulas compositus animam efflauit sexagenarius, ad quam aetatem, licet curis, studiorum assiduitate, itineribus et bellis valde vires attriuiisset, perduxit eum temperantiae et tranquillitatis perpetuo habita ratio, vsusque theriacae quotidianus. Ex hac vero vitae philosophicae Marci Aurelii Antonini historia, vera eius imago facile depingi potest ^w. Fuisse enim non imperatorem tantum magnum atque optimum, sed philosophum quoque illustrem, qui et suorum temporum honores et laudes meruit ^x, et sequentis aetatis admirationem retulit, interque maxima virtutis et prudentiae exempla, merito numeratus est, nemo temere dubitauerit. De virtute autem eius accurate et cum circumspectione iudicandum esse, recte quis existimauerit. Nam naturae maxime indolem quam ad grauitatem et seueritatem propendisse supra ostendimus, at quae insita quaedam beneuolentia temperata, austeritatem temperamenti mitigauit, multum ad has vitae philosophicae circumstantias attulisse, dubium non est. Illa naturae inclinatione cum ad Stoicae philosophiae amorem impelleretur, exemplisque maiorum, parentumque maximis incitaretur, nactus praeceptores inter Stoicos praecipuos, et rigidae sectae non doctrina tantum, sed et vita adhaerentes, tantum ad Stoicae vitae amorem impulsus est, vt in puero duodecenni magnorum virorum ex hac familia vita moresque relucere. Quibus cum accederet naturalis animi bonitas, natura, educatione, exemplis ita formatus est, vt Stoicae philosophiae sapientem vere admirabilem facile agnoscas,isque merito inter illustria porticus ornamenta referatur. Laudemque omnino meretur, quod CAPITOLINVS ^y de eo tradit: *Fuisse per omnia moderatissimum, in hominibus deterrendis a malo, inuitandis ad bona, remunerandis copia, indulgentia liberandis: fecisseque ex malis bonos, ex bonis optimos.* Non confundenda tamen virtus Stoica et naturalis Antonini, cum Christiana, ex diuini spiritus gratia profecta, quacum comparata illa valde deficit, nec ab hypocriteos obiectione liberari in totum potest, negarique profecta multa ex famae cupiditate;

z) DIO, CAPITOLINVS II. CC.

w) HERODIAN. I. C. C. 4. 5.

v) CAPITOLINVS C. 28.

w) Imago Gatakerianis editionibus Comment. Antonini praeposita non Marci est, sed Com-

modi filii, conf. FABRIC. Bibl. Graec. Vol. IV. pag. 27.

x) Omnium instar erunt scriptores historiae Augustae, qui non sine magna laude eum memorant.

y) loc. cit.

ditate; nihil enim magis deprecatum esse quam avaritiae famam, nominis etiam sui ita studiosum fuisse, ut semper hominum de se iudicia perquireret, emendaretque ea, quae reprehenderentur, **CAPITOLINVS** refert. Nec caruit in tanta virtutum laude obtreccionibus, vitioque ei datum, quod adulteros uxoris promouerit, patientia usus illaudabili, quod non tam simplex esset, quam videretur, aut quam vel Pius vel Verus fuisset, quod aulicam arrogantiam confirmauerit, submouendo amicos a societate communi et conuiuio², et quae alia fuere, quae, si vera in quibusdam, et non praeter eius animi intentionem illi crimini data, hominem fuisse ostendunt, ad sapientis quidem perfecti felicitatem nondum enixum, strenue tamen viuendo ita philosophantem, ut ad eam pertingeret. Talem vero se esse in commentariis ad se ipsum^a demonstrauit, in quibus non cohaerens quidem philosophiae Stoicae aedificium excitauit, at quae vitae sibi formandae variisque casibus regendae profutura passim meditatione detexerat, conscripsit, et vbicunque esset, annotauit. Eiusmodi enim meditationes, quas partim domi, partim militiae semotus paulisper a publicis curis animus produxit, in commentarios hos retulit, et prout cogitationibus se offerrent, in chartam coniecit, unde sine dubio falluntur, qui ex tractatione quadam plenior fuisse excerpta coniiciunt^b. De philosophia autem M. Antonini ex Stoico systemate iudicium ferendum est, nec dissolutae et inter se non cohaerentes assertiones, quae splendida multa promittunt, in se considerandae, sed ad totius aedificii Stoici συνάφειαν referendae, ut, quibus principiis suppositis, tam praeclare praeceperit Antoninus, liqueat. Quod ubi fit, clare satis innotescet, non recessisse Antoninum ab erroribus porticus, multaque pulchra videri, quae fundamento satis impio et detestando nituntur. Cuius exempla quidem hic afferre, ubi in tanta rerum copia breuitas sectanda est, impossibile, euolui tamen cum fructu possunt, quae vir summus et laude nostra superior **B. Io. FRANCISCVS BVDDEVS** in introductione ad philosophiam Stoicam ex mente sententiaque M. Aurelii Antonini philosophi fusa et erudite differuit^c, quibus, si tanti

Ffff 3

vide-

2) **CAPITOLINVS** c. ult.

a) πρὸς ἑαυτὸν, quod aliis idem est, ac de officiis suis, aliis institutiones vitae suae, aliis de se ipso ad se ipsum. Eleganter post Casaubonum **LEIBNIZIVS** in Theodicea soliloquia appellauit. Dicas etiam Commentarium philosophicum de rebus ad eum pertinentibus.

b) Hoc post Xylandrum et Barthium coniecere **LONSVS** de Scr. hist. phil. L. III. c. 10. p. 262. **VOSSIVS** de hist. Graec. L. II. c. 16. licet hic dubitans. **THOMAS GATAKERVM** luculento doctoque commentario has institutiones morales Stoicas illustrasse notum est, quemadmodum **ANDREAS DACIERIVS** eas Gallice, **I. ADOLF. HOFFMANNVS**

Germanice nobis dedit. De editionibus vero videndus **FABRICIVS** Bibl. Graec. Vol. IV. p. 25. seqq. Vtimur nos Gatakeriana **G. STANHOPII** opera Londini 1707. 4. edita, et Oxoniensi 1704. 8. quam reculam dedere Lipsienses 1730. 8. auctam vita Antonini a **Cl. WOLLIO** conscripta, et Introductione **I. Fr. BVDDEI** in philos. moral. Anton.

c) Praeter laudatam introductionem **Buddeae** nam legi non sine emolumento potest erudita dissertatio **Cel. DAVID. KOELERI** de philosophia M. Aurelii Antonini in philosophia et praxi.

d) Addi potest eius diss. de erroribus Stoicorum, quae in **Analectis** historiae philosophicae extat.

videbuntur, addi illa possunt, quae nos alibi ex imperatoris huius mente de philosophiae eius fundamentis et principiis luculenter disputauimus ^e. Illud recte affirmari putamus, non esse inter omnes principes, qui philosophi nomen meliori iure retulerit: licet coniciamus, accepisse eum hanc appellationem initio non in laudem studii, quod prosequeretur, philosophici, sed ut ei affectatus philosophi habitus et professio fastidium imperatoris dedecens obiceretur. Et si enim philosophi nomen a Iustino iam Antonino datum esse ex EVSEBIO ^f apparet, recte tamen obseruauit FABRICIVS ^g, appellationem hanc Antonino ab historicis non tribui. Quod licet negari nequeat, vix tamen persuadere nobis possumus, viro in omni vita philosophanti, ut diserte ait CAPITOLINVS ^h, habituque Stoico incedenti, philosophi nomen non fuisse tributum. Silentii itaque historicorum non aliam causam esse coniciamus, nisi quod conuiuii ergo nomen hoc Marco additum sit, eoque eius memoriam violare nefas illi duxerint. Certe exprobratum Marco nimium philosophiae amorem fuisse, veteres non negant. Refert enim VULCATIVS GALLICANVS ⁱ, Cassium conuiuiantem Antoninum appellasse *philosophum aniculum*, CAPITOLINVS ^j autem narrat, *fuisse populi hunc sermonem, cum sustulisset ad bellum gladiatores, quod populum sublati voluptatibus vellet cogere ad philosophiam*. Quibus merito additur, quod supra ex PHILOSTRATO ^k retulimus, Lucium sophistam vehementer risisse imperatorem ad Sexti domum philosophiae causa properantem, quod se pueris ad ludum literarium euntibus assimilaret. Ex quibus testimoniis luculenter patere existimamus, philosophi nomen eo tempore honorificum Antonino non fuisse, eo quod infra eius dignitatem esse iudicaretur. Quemadmodum Hadrianus quoque imperator ob similem causam, eadem fere significatione dictus est scholasticus, quod nostro tempore barbara voce paedantam vocamus, id est hominem scholasticis vel paedagogicis moribus deformem. Verum de coniectura hac lectoris esto iudicium.

Stoici alii.

§. XV. Et hi quidem illustres nominis atque famae Stoici Sec. I. et II. post natum saluatorem ab initiis monarchiae Romanae fuerunt. Fuisse alios quoque multos et his et sequentibus temporibus, ex eo colligi potest, quod de fatis sectae Stoicae initio sectionis huius diximus. Ast hi obscuri plerique sunt, et vix nomine noti, et in catalogis Stoicorum passim obuii. Cumque secta Stoica, ut supra quoque dictum, mature euiluerit, et, qui magnopere post Antoninorum aetatem inualuit, syncretismus, Platonica et Peripatetica cum Stoicis confuderit, mirum non est, post Alexandri Seueri aetatem, quam Stoici publice Athenis et Alexandriae docebant, paucos reperiri Stoicos, qui purum atque genuinum Zenonis systema

^e) Amoenit. literar. T. VIII. p. 443. et Tempe Heluet. I. c.

^f) Hist. eccl. L. IV. c. 12. conf. G. HORNIVS hist. philos. L. IV. c. 6. p. 258. seqq.

^g) Bibl. Graec. Vol. IV. p. 21.

^h) In Cassio c. 1.

ⁱ) cap. 23.

^k) Vit. Sophist. L. II. c. 1. §. 9. p. 557.

stema sequerentur, et pleraque Stoica corrupta valde et adulterata inter discipulos Ammonii esse quaerenda. Tales fuere, vt suo loco dictum, Damascius et Theosebius, homines Platonici, siue conciliatores Alexandrini; Casaubonum enim a SVIDAЕ¹ confusione, Theosebium et Epictetum miscente seductum, perperam per hunc Theosebium intellexisse M. Antoninum, ex iis, quae supra de Theosebio ex *vita Isidori* dicta sunt, manifestum est. Nec alio sensu admittendi, qui Simplicium inter Stoicos referunt. Addunt quidam albo Stoicorum DIONYSIUM CATONEM, distichorum moralium auctorem^m. Ast ignotus est veteribus hic Cato, sine quorum calculo definire nihil licet, quamvis non ineptum sit, quod monet Cl. STOLLIVSⁿ, potuisse ita philosophum quendam vocari, sed obscurum et ignotum aliis. Sed verisimile est, disticha haec nomini Catonis esse supposita, quod et Aufonio et Senecae factum. Omitti vero ex philosophiae historia possunt, eo quod ἐξοτερικῶς tantum philosophantur^o.

*Dionysius
Cato.*

SECTIO OCTAVA.

DE SECTA EPICVREA.

§. I.

Post Stoicos magna quoque in imperio Romano auctoritate floruit secta Epicurea, non minus laetos nacta successus diuque post magistrum durans. Id quod suae potissimum indoli et constitutioni debuit, vinculo amicitiae et fidei constricta, quod sectae parens, Epicurus validissimum nexuerat, quodque internae lites et dissidia, quae plerisque sectis interitum attulerunt, soluere non potuerant. Cum enim et viuo Epicuro, et statim post eius ex hac vita discessum, tanta fuisset in Epicuri hortis concordia, vt SENECA^a teste, *apud eos quicquid diceret Hermachus, quicquid Metrodorus, ad vnum referretur, et omnia, quae quisquam in illo contubernio locutus esset, vnius ductu et auspiciis dicta essent*; mansit inuiolabilis haec sectae Epicureae in eadem placita eandemque mentem vnanimiter conspirantis constantia, adeo vt nec a conditoris sui doctrina vel latum vnguem deficeret, nec dissidio vlllo vincula contubernii sui solueret, sed, quod THEMISTIVS^b testatur, ea, quae ab Epicuro constituta erant, non secus, quam Solonis leges Athenis, vel Lycurgi Lacedaemone, feruarentur. Qua de re, causaeque durantis diu sectae Epicureae dignus est, qui audiatur Numenius^c, qui

*Fata sectae
Epicurcae.*

1) In Epictetus T. I. p. 817. Is vero Damascius quoque Stoicum perperam facit, vt supra dictum.

m) Conf. FABRIC. Bibl. Lat. T. I. p. 682. seqq.

n) Hist. phil. mor. gentil. §. CCLVII. p. 579.

o) Conf. Acta philosoph. Vol. I. p. 732.

a) Epist. 33.

b) Orat. IV.

c) Apud EVSEB. praep. L. XIV. c. 5.

qui hanc Platonici felicitatem non obtigisse dolens, nulla ait, in re unquam Epicureos ab Epicuro dissidere visos esse, sed potius eadem omnino cum sapiente suo sentire professos, iure propterea id nomen habuisse. Quin etiam, qui longissimo deinceps intervallo consecuti Epicurei sint, eos nec ab sese mutuo, nec ab eodem Epicuro tantillum, quod quidem meminisse attineat, discessisse. Immo sceleris apud eos, vel potius impietatis, eum damniari, qui noui quippiam inuexerit, ideoque neminem prorsus id audere: sed eorum dogmata ob constantem illam omnium inter se perpetuamque concordiam in altissima quadam et tranquillissima pace, versari: esseque hanc Epicuri sectam verae cuidam reipublicae persimilem, quam ab omni seditione remotissimam mens quaedam una communis vnaque sententia moderetur. Hancque eos disciplinam et antea secutos esse multos perlibenter, et sequi etiamnum, atque adeo, ut simillimum veri, in posterum quoque secuturos. In tanta sectae concordia cum tenaciter adhaereret Epicuri placitis, verisimile omnino est, multos eam sectam habuisse assecclas, cum talis esset doctrina Epicuri, ut recte intellecta et tradita non ratiocinationum tantum perspicuitatem sed et humanae mentis indolem motusque voluntatis naturales sequeretur, sicque naturae suae inclinatione ad amplectendam Epicuri philosophiam homines impelleret, eosque non meteoris quibusdam superbos magis quam sapientes, Stoicorum more, faceret, sed ex animi sui voto atque desiderio felices redderet, voluptatem quidem commendando, ast talem, quae dulcissima visa amarus sapientiae fructus pia quadam fraude exhiberet. Addi his alia ratio debet non minus luculenta, quae viris etiam grauibis et circumspiculis hanc philosophandi viam commendauit. Nempe ab eo tempore, quo DE I filius in his terris muneris auctoritatem miraculis confirmauerat, et a legatis eius nomine illa quoque erant edita, non destitit infernalis genius, cuius regna vehementer turbabantur, id cogitare, ut hanc Christiano nomini gloriam eriperet, sibiue vindicaret. Quod cum re facere non posset, astu et fraude perfecit, et impostores armauit plurimos, qui magiae gloriam iactantes praestigiis credulum populum deciperunt misere: quales homines per omnem fere terrarum orbem eo tempore circumuagatos esse, humanoque generi in eiusmodi argumento plerumque male curioso et pueriliter credulo imposuisse, veteres innumeris testantur locis^d. Ab his erroneis et impostoribus decipi se, facile peruidebant viri acuti et philosophiae studiis innutriti, hincque Chaldaeos, Magos, huiusque furfuris alios a se arcebant, et persuadebant principi summo, ut excedere vrbe et orbe Romano iuberentur: ast cum nouis ita insultibus turbarentur artes τῆ μυριότητος, aliter rem aggrediendam ratus ipsum philosophorum genus armauit, sectamque Pythagoreo-Platonicam, in spirituum deorumque cum hominibus commercio valde industriam instigauit, ut et doctrinam suam huic fini adaptaret, et miraculorum euentuum-

^d) Hoc vel vnus Apollonii historia probat, totaque eclectica secta exemplo est.

tuumque diuinorum sibi vindicaret gloriam. Qua ratione innumeram hominum multitudinem deceptam fuisse, ea, quam supra dedimus, sectae Pythagoricae, Platonicae, Eclecticae, historia, luculentis demonstrat specimenibus^e. Neque vero ita fascinari poterant prudentiorum oculi, ut nefandas imposturas et vana artis praecepta non perspicerent, qui ne ad vera Christi miracula lumina attollerent, commendauit iis daemonis impuri astutia philosophiam Epicuream, quae cum ab omni cum hominibus consortio Deos auocaret, et in intermundia securos et minime curiosos rerum humanarum relegaret, totam hanc Magorum, Chaldaeorum, Pythagoreorum, Platoniorum disciplinam tanquam turpissimae fraudis gymnasium aliquod detestata est, virosque acutos permouit, ut armis Epicureis instructi eam philosophiam tanquam prudentiorum religionem atque philosophiam amplexi non superstitioni tantum omni bellum indicerent, sed Christianam quoque religionem, velut in eodem luto haerentem, auerfarentur, sicque oculos contra diuinæ virtutis in miraculis relucens animosque valde perstringentis radios clauderent. Qua ratione ciuitatis Christianae hostis haud parum rem suam iuuat, et nutantia ruinaeque minantia regni sui fundamenta nouis firmavit repagulis. Ita enim viri magni et acutius cernere sibi visi, dum superstitionem vitabant, Epicuri sectam amplexi, reuera religionem omnem ridebant, et coelestis quoque doctrinae vehemens induebant odium, ut vel ex vno LVCIANO^f est apertissimum. Ita vero nunquam fere deerant sectae Epicuri assectae, quae fautores multos nata valde commendabatur. His accedebat ex moribus Epicureorum magna sectae commendatio. Quia enim et veritatis amorem abiectis praeiudiciis omnibus prae se ferebant, et morum suauitatem ac moderationem affectabant prorsus singularem, vitae quoque tranquillitas, quam sectabantur, philosophiae nomine potissimum digna videbatur, postremo comitas atque humanitas erga quosuis illos maxime ornat^g, non potuit non iucundum videri Epicureorum contubernium, valdeque iuari sectae huius rationes. Et hinc laeta illa incrementa orta sunt, quibus floruisse Epicuream sectam veteres testantur. Auctore enim LAERTIO^h *illius scholae perpetua fere fuit successio, quae ceteris fere omnibus deficientibus sola perstitit, perpetuis vicibus discipulis succedentibus*. Publicas vero cathedras quoque Epicureos occupasse, passim veteres memorant, supra enim in Apollonii Tyanei historia narrauimus, Epicuri philosophiam Aegis publica docentis voce personasse; LVCIANOⁱ vero teste, Athenis Epicurei non tantum publice docuerunt, sed stipendiis quoque aucti sunt: ipsa vero disciplina, si fides LACTANTIO^j, multo celebrior semper fuit, quam ceterorum.

Ast

^e) Testem habemus LVCIANI Pseudomantem, et quae supra in Peregrino de eius mente erga Christianos diximus.

^f) LVCIAN. l. c. T. I. p. m. 584. ^g) L. X. l. 9.

^h) In Eunuchio T. IV. p. m. 160.

ⁱ) Inst. diu. L. III. c. 17.

Ast non defuere quoque obtrectatores et inimici, qui atrocibus eam sectam conuitiis et criminationibus traduxerunt. Inter quos, praeter Stoicos, iuratos Epicurei nominis hostes, fuere etiam Pythagorico-Platonici, qui cum philosophiae systema essent amplexi, quod e diametro Epicureo repugnat, et ferre minime possent, rideri et superstitionis fraudisque nomine traduci totam gentis suae theologiam, magiam, ceremonias, cultumque diuinum, id quod Celsus Epicureus fecit in libro *de impostorum artibus*, armauerunt in Epicuri sequaces non tantum ora et calumnum, sed plebem quoque, quam naso, quo volebant, ducebant, et in Epicureos, tanquam impietatis fautores, Deorumque contemtores incitabant. Cuius memorabile exemplum esse potest Alexander ille impostor, homo Pythagoreus, cuius fraudes ex Apollonii schola prodeuntes magno acumine et festiua iucunditate depinxit LVCIANVS ^k. Qui cum ab Epicureis, quique eis adhaerebant, fraudis et praestigiarum esset postulatus, horrendum quid, teste EODEM, contra eos edidit, dicens, „impiis et Christianis impleri Pontum, qui non vererentur in se turpissime maledicere. Hinc iussit eos lapidibus pellere, si modo vellent proprium habere Deum. Edidit etiam de Epicuro oraculum, et sciscitanti „cuipiam, quid ageret apud inferos Epicurus? plumbeis, inquit, com-pedibus vinctus in coeno desidet. Modis etiam omnibus bellum illi „fuit cum Epicuro saeuum et irreconciliabile, quem intractabilem appella-bat, eo quod illa omnia ridicula et ludicra haberent eius asseclae, quae „is mira ediderat“. Eamque ob causam inter vrbes Ponticas Amastrim imprimis habebat exosam, eo quod acceperat, eos, qui cum Lepido Epicureo erant, eiusque similes quamplurimos in ea ciuitate versari. Ex dictis iam de fortuna Epicureae sectae iudicium fieri potest, quam non nisi cum omni gentilium philosophia exspirasse verisimile est. Inter Christianos enim impietatis nomine tituloque adeo inuisa fuit, vt plane ex reipublicae Christianae finibus pelleretur, de quo suo loco plura dicemus.

*Epicurei post
C. N.*

§. II. Facile ex dictis colligi potest, non defuisse sectae Epicureae, successionem suam laeta propagine extendenti, et doctrinam magistri in cathedra publica exponenti, viros celebres et doctissimos. Ast eorum nomina nos fugiunt, nec de iis quicquam memorabile reliquerunt veteres. Quamuis enim ex hortis Epicuri etiam sub imperatoribus non defint viri graues et eruditi, qui philosophiae suae fama vitaeque commendatione veteribus celebrati sunt ^l, qui ex catalogis Epicureorum, quos

^k) In Alexandro T. I. p. m. 542. seqq.

^l) Celsum aliquem Epicureum, eo, quocum disputauit antiquiorem memorat ORIGENES contra Cels. L. I. p. m. 8. additque, fuisse eum Neronis aetate. Porro SENECA Diodori Epicurei meminit, „qui intra paucos dies contra „decretum Epicuri finem vitae suae manu sua „imposuit, sibi que gulam praefecit, et beatus

„plenusque bona conscientia, reddidit sibi testi-monium vita excedens, laudauitque aetatis in „portu et ad ancoram actae quietem,“ de vit. beat. c. 19. Et alio loco, ep. 30. Bassum Ausidium laudar impense, „virum optimum quas-sum aetati obluantem, cui magno senectus „pondere incubuerat, adeo vt corpori infirmo „et exsueco succurrere amplius non posset, qui „tamen

quos post proletariam LEONARDI COZZANDI^m industriam contextuere magni viri PETRVS GASSENDVSⁿ et Io. ALBERTVS FABRICIVS^o, peti possunt, scriptis tamen editis, philosophiae suae monumenta non reliquerunt. Quidam etiam apud veteres Epicurei memorantur, qui nunquam extiterunt, quales sine dubio sunt Epicurei illi, quos colloquentes inducunt PLVTARCHVS, ATHENAEVS, LVCIANVS, alique, quosque in gratiam tantum dialogorum confictos esse, valde est verisimile, licet a viventibus aliquando philosophis nomina transumpta sint. Et si vero mirum videri potest, in tanta celebritate, quam Epicuri schola consecuta est, ubi publici quoque doctores huius sectae placita tradidere, non inueniri, qui nomina sua mortalitati et obliuioni eripuerint, non id tamen fatum alienum ab huius scholae indole putandum est. In id enim minime incumbere grex Epicureus, ut conditis doctrinae suae monumentis aeternitatem nominis consequeretur, quae caussa quoque est, cur oppido pauca de Epicureorum post C. N. scriptis apud veteres legantur. Rationem vero huius rei facile detegemus, si modo constitutionem scholae Epicuri recte expendimus. Quamuis enim in scribendis philosophiae praeceptis adeo diligens esset Epicurus, ut inter *πολυγράφους* merito referatur, tam superstitiosa tamen fuit sectatorum veneratio eius, ut addere aliquid de suo, ab eo traditis, non auderent, nec ingenio suo vterentur ad ea illustranda, quae magister reliquerat, sed quae ille praeceperat, tam sancte ad posteros transmitterent, ut plane nihil, quod memoratu dignum esset, adicerent, et piaculum haberetur damnandum, si quidpiam fuisset innouatum. Ita vero pura quidem et a peregrinis dogmatibus illibata mansit Epicuri doctrina, aut vel nihil de ea scriptum, cum sufficerent Epicuri eiusque discipulorum monumenta, vel si scriptum aliquid, parum id curatum vel seruatum ad posteros, cum nihil plane noui in iis afferretur. Ex quo fieri potuit, ut nominis quidem celebritate suo tempore quidam inter Epicureos inclauerint, eorum tamen oblitteraretur tandem obliuione memoria. Non tacuisse tamen Epicureos, si alia scribenda essent Celsi Epicurei exemplum probat, de quo strictim veterum memorias repetemus.

G g g g 2

§. III.

„tamen philosophiae suae beneficio alacer animo fuit, et in quocunque corporis habitu formam in conspectu mortis hilarem laetumque nec deficientem, quamuis deficeret se praestitit, et eo animo vultuque finem suum spectauit, quo alienum spectare nimis securi quis esse putaret. Idque Epicureae philosophiae beneficio, secundum quam vel sensum nullum esse mortis dicebat, vel dolorem, vel habere se in breuitate aliquid solatii, cum nullus dolor longus sit, qui magnus.“ Sed Lucilium quoque Senecae ipsum in Epicureorum numerum recipiendum esse tantum non affirmat GASSEN-

DVS de vita Epic. L. II. c. 6. p. m. 74. eo quod SENECA ep. 23. ad eum scribit: „Possum vocem tibi Epicuri tui reddere.“ Ast nec Lucilius nec Seneca, qui saepe Epicurum suum dicit, huc pertinent, sed inter eos, qui cum Stoici essent, sobrie magis de Epicuro senserunt, multa sane dicta receperunt et probarunt. De qua re supra.

m) De magist. antiquor. philos. L. VI. c. 2. p. 415. seqq.

n) loc. citat.

o) Bibl. Graec. Vol. II. p. 808. seqq.

Celsus an Epicureus?

§. III. CELSUM Epicuri castra secutum fuisse ORIGENES ^p, qui contra eum scripsit, luculenter testatur, qui *duos ait fuisse Celsos Epicureos, alterum antiquiorem Neronis aetate, hunc autem Hadriani et posterioribus temporibus.* Quod si, antiquiorem aliquem Celsum Neronis aetate floruisse admittimus, idem hic iunior esse videtur, ad quem LUCIANVS iucundam *de Alexandro impostore* narrationem conscripsit, tertium enim Celsum Epicureum veteres ignorant. Ast hunc Lucianus amicum suum praeter mores Epicuri schola dignos ideo sibi maxime commendatum esse dicit ^q, quod Epicuro esset addictissimus, adeo ut praeter Celsum seniore, iuniorem etiam aliquem, Epicureum fuisse dubitandum non sit. Hic vero intercedunt viri docti, qui, cum ex Origenis disputatione animaduertissent, usum fuisse Celsum aduersus Christianos principiis non Epicureis, quibus ridere magis doctrinam sacram, quam contrariam theologiam opponere licuisset, sed Platonice et Stoicis, in eam ingressi sunt sententiam, Origenem Celsos duos Platonice vel Stoice et Epicureum inter se confudisse. Ita G. HORNIVS ^r Celsum Stoicorum adscripsit catalogo, quem ideo profundissimi somni accusauit IO. SPENCERVS ^s. RADVLPHVS CVDWORTHVS ^t autem Platonice personam Celsum asciuisse perspicuum esse, ait, probatque hanc eius sententiam Ven. MOSHEMIVS ^u, contendens, Origenem ex duobus Celsis vnum conflauisse, et Epicureum Celsum cum Platónico confudisse. Nos, haec non sine magna verisimilitudine dici, fatemur. Origenis enim commentarios legenti passim Stoica et Platonica dogmata occurrunt. Obseruauit enim iam *ὁ πᾶν* IACOBVS THOMASIVS ^x, in quibusdam Celsum in castra Stoicorum profugisse, cum ipse ORIGENES ^y id fateatur his verbis: *Quid opus est recensere haec Stoicorum dogmata, adeo non irrita Celsō, ut ea veneretur etiam, et Zenonem Iesu sapientiore iudicet.* Hinc assertas quoque a Celsō circulationes Stoicas siue periodicas rerum omnium vicissitudines exagitat ^z. Eadem prorsus ratione Platonica saepius Christianis opposuisse Celsum, negari non potest, et ipse ORIGENES ^a in eo reprehendit, *quod cum deprehendatur in aliis scriptis suis Epicureus, hic, quo probabilior fiat accusatio, Epicuri placita non profitens, prae se ferat, ac si sentiat, inesse in homine quiddam terrena natura praeslantius, quod cum Deo cognationem habeat, id est, animam.* Alias hypotheses Platonice passim notat ORIGENES, e. c. laudata oracula ^b, quae Epicurei ridebant, et his similia ^c. Ast licet haec ita se habeant, nondum tamen a nobis impetrare possu-

p) L. I. p. m. 8. eadem ratione Epicuro adscribit p. 10. 16. et alibi passim.

q) T. I. p. m. 583

r) Hist. philos. L. V. c. 4. p. 271.

s) Annot. ad ORIGEN. contra Cels. p. 4.

t) Syst. intell. c. IV. §. 36. p. 654.

u) In not. ad h. l.

x) De exustione mundi Stoica diff. X. §. 15. seqq. p. 159. seqq. y) L. V. p. m. 249.

z) L. IV. p. m. 215. a) L. I. p. m. 8. b) L. VII. p. 342.

c) Ita Timaeum Platonis exscripsit Celsus, vid. L. IV. p. m. 204. ubi eum velut Platonice refutat. Ita transmigrationem et alia asseruit Celsus.

possumus, vt ex Epicureorum albo Celsum deleamus, cuius nobis rei rationes hae sunt: I. Origenis auctoritatem insuper habendam non esse putamus, qui, et prope ab eius tempore absuit, et libros eius alios quoque legit ^{d)}, et quod Epicureus alias esset, scire potuit. Nec verisimile est, Origenem, virum in philosophiae historia versatissimum, cum aduersus Christiani nominis hostem manifestum notumque scribere vellet, errasse in secta, cui ille se addixerat, definienda, et hanc ei inconstantiam tam audacter obiecisse, cum ita turpi facileque praeuidendo lapsu, totam causam contaminasset ^{e)}. Vix enim tanta fiducia potuisset haec scribere Origenes, quae ei obiecit, nisi certus aliunde fuisset, de secta eius: *Si dicet, nihil daemonium, deorumue ibi esse, saltem nunc fateatur suam sententiam, cum sit Epicureus, nec eadem, quae Graeci, sapiat, quippe qui nec daemones agnoscat, nec Deos veneretur Graecanicos, et apparebit, eum frustra verbis extulisse, quae iam dixit, vt vera, quaeque inde conatur intelligere.* II. Valde receptam opinionem de Epicureismo Celsi confirmat Lucianus: quem Celfo cuidam Epicureo Alexandrum suum inscripssisse, ex prima eius inspectione patet, finisque libelli luculenter docet. Ast hunc Celsum Luciani cum Origenis Celfo eundem esse, vel ex eo recte colligunt viri doctissimi Io. SPENCERVS ^{f)} et Io. ALB. FABRICIVS ^{g)}, quod adeos libros *contra magos*, quos laudat Lucianus, prouocet etiam Origenes ^{h)}, qui ei obiicit, *concedere eum pene, esse magiam, cum is forte sit, qui multis libris scripsit contra magiam.* Qua in re, licet dubitabundus loquatur Origenes, patet tamen ex prooemio libri, contra Christianos scripti, quod affert Origenes ^{b)}: *Adhortari eum, vt rationis ductum sequendo accipiamus dogmata, aliqui omnino fore, vt decipiamur, si assentiamur temere: et eos, qui sine ratione sint creduli similes esse his, qui delectentur circulatoribus, praestigiatoribusque mithriacisque et sabadiis, aut quibuscunque Hecates spectris aliorumue daemonum.* III. Haec vero genuinam Epicurei philosophi indolem sapere, nemo est, qui ignoret; nec haec proficisci potuerunt a Platonico philosopho, quod hominum genus in sacrorum publicorum et sacerdotum auctoritate confirmanda multum desudasse, vel ex vno Eunapio, vel, si mauis, Apuleii *metamorphosi* intelligi, vel Apollonii Tyanei exemplo confirmari potest. Quamuis enim *γνῶσις* reiecerint, sacra tamen mithriaca, et Hecates mysteria hisque similia exagitasse non legimus. IV. Neque hoc omittendum, Celsum Platonicum, Origenis aetate superiorem inter varios Celfos veteribus memoratos, non reperiri, ignotumque nomen esse. Celsus enim

G g g g 3

enim

d) Sola itaque dissimulatio sectae Celsi causa fuit, quae induxit ORIGENEM, vt L. IV. p. m. 206. dubius de auctore loquatur, et vel dissimulatorem sectae, vel in melius mutatum, vel, vt fieri potest, Epicureo cognominem dicat.

e) L. III. p. m. 136.

f) loc. cit.

g) Bibl. Graec. Vol. II. p. 809.

h) L. I. p. m. 54.

b) p. m. 10.

enim Cilix, Libanii discipulus : hoc Celfo multo iunior est. V. Quod si Platonium fuisse Celsum supponamus, ratio dari vix potest alia, cur Stoica quoque dogmata, et talia quidem, quae Platonis displicere, Christianis opposuerit, quam haec : ea arripuisse hominem, quibus fortissime pungi et κατ' ἀνθρώπων debellari Christianos posse credebat, licet ad sectae suae dogmata non pertinerent : alias enim solis Platonis inhac-fisset. Ast hoc si admittimus, cur non cum Platonis eadem, qua cum Stoicis, ratione illum egisse, et gentilia, licet non sua Christianis obie-cisse, dicamus ? VI. Ast obiciunt contrariae sententiae assertores tot Platonica a Celfo Christianis opposita, nec ab Origene negata. Ad ea vero malumus ipsius Cudworthi, quam nostris respondere verbis, ita enim vir doctissimus ^k: *Celsum quidem Epicureum suspicor fuisse, sed perspicuum tamen est, Platonem saltim personam hominem induisse. Causam huius rei duplicem opinor esse ; primo enim familia haec, quae in Pythagorae et Platonis verba iurauerat, reliquis omnibus religio-sior erat, proximeque ideo ad Christianam disciplinam veritatemque diuinam accedebat (vel accedere potius quibusdam videbatur) hominum licet contingere posset vitio, ut, quemadmodum res optimae, deterrimae, si corrumpantur fiunt, ita melior haec philosophia in pessimam omnium commutaretur. Quamobrem etiam maiori fiducia et fortitudine, quam reliquae sectae, opes Christianorum inuadere ac debellare poterant. Deinde Platonis praeceptis et dogmatibus, ut vulgo intelligeban-tur, nulla erant aptiora et magis idonea ad multitudinem Deorum cul-tumque, quem tot Diis afferebant gentes, tuendum et defendendum. Sunt in his quaedam, quae castigatius a viro magno dicta fuisse velimus, quaeque ei expressit nimis philosophiae Platonicae amor ; hoc autem ve-rum est, nullam aptiorem fuisse sectam ad Christianos oppugnandos Pla-tonica, quae gentilibus ea continere augustius multo et pulchrius videba-tur, quibus Christiana enitebat religio, quae vel sola causa sufficere potuit, ut disputaturus contra Christianos κατ' ἀνθρώπων eius vestigia premeret Celsus. Addit his Cel. MOSHEMIVS : Causam, cur soli fere Platonis Christianis se opposuerint fuisse, quod haec sola fere se-cta, reliquis tantum non neglectis in imperio Romano regnaret. Ast hoc ad ea tempora tantum pertinet, quae infra Celsi aetatem sunt. Sub Antoninis enim in Romano imperio non Platoniam tantum sed Peripa-teticam quoque, Stoicam et Epicuream philosophiam publica imperantium auctoritate floruisse, suo loco demonstraui. VII. Ast instabunt con-trariae sententiae patroni, vero prorsus esse dissimile, hominem Epicu-reum, cui tantopere Platonica inuisa fuere, quique contrarium prorsus systema secutus est, Platonica dogmata adhibuisse, ad demonstrandam religionis Christianae falsitatem, quod domesticis principiis vsus melius facere*

i) Vid. VALESIVS ad AMM. MARCEL-
LIN. L. XXII. c. 9.

k) loc. cit.

facere poterat. Non negamus, haec in se vera esse, sed ne hoc quidem nobis vero dissimile facit, Celsum Epicureum Platonici et Stoici quoque interdum personam suscepisse, sed habuisse putamus Celsum rationes suas, cur has potissimum partes sequeretur. Scilicet propter populum disputabat Celsus, quem a Christiana religione auocare tentabat. Hunc finem non fuisset assecutus, si Epicureis principiis instare voluisset, quae religionis omnis contemptum prae se ferebant, et exosa erant plerisque. Eam igitur sectam simulauit, quam religione se commendare nouerat, quamque euertere paribus dogmatibus Christianam doctrinam credebatur. Neque vero ita superstitioni ne frigidam suffunderet, metuebatur, sed credebatur, si ostendisset, Platonica Christianis esse meliora, fore, ut qui haec quoque pro inanibus nugis, ut solebant Epicurei, haberent, multo magis Christiana placita; his longe inferiora, et, ut ipse putabat, multo minus rationis dictamen sequentia contemnerent. Cui fini obtinendo qualemcumque etiam dogmatum rhapsodiam Platonico-Stoicam, qualem eum exhibuisse deprehendimus¹⁾, sufficere sperabat. VIII. Quin et hoc addendum est, adhibuisse multa Platonica et Stoica hominem versipellem, quae sensum Epicureum apud rerum intelligentes fusciperent. Cuius luculentum exemplum esse possunt periodicae illae reuolutiones, quas a Stoicis transsumsit, ast quae sensum quoque Epicureum admittere posse, huius physiologiae gnaros non latet. His itaque rationibus omnibus simul sumtis et expensis causam hactenus grauem non videmus, cur sententia a veteribus et recentioribus viris doctis plerisque recepta deferenda sit, Celsum fuisse philosophum Epicureum, etiam ubi concedimus, eum Platonice et Stoice magis, quam Epicureorum in morem contra Christianos disputasse. Certe tamdiu ei opinioni inhaerere licebit, donec meliora et certiora nobis ea de re dabit praestantissimi MOSHEMII eruditio, qui Platonismum Celsi in noua Origenis editione, quam audidissime expectamus, demonstraturum in se recepit²⁾.

§. IV. Sed ut reliqua, quae ad Celsi historiam pertinent, pertexamus, ex dictis de tempore, quo Celsus hic floruit, iudicium sine labore fieri potest. Sub Hadriano enim et post eum floruisse ORIGENES^m disertè testatur. Cumque verisimillimum esse ostenderimus, hunc Celsum eundem esse, ad quem Alexandri impostoris historiam perscripsit Lucianus, clarum ex eo quoque, durasse eum usque ad illius tempora, adeoque serius adhuc vixisse. Lucianum enim non, quod Suidas vult, sub Traiano et Hadriano floruisse, sed ad Commodi usque aetatem perdurasse, ex ipsius scriptis luculenter satis demonstrari potest. In illa enim de Alexandro narratione Lucianus praestigias eius enarrat, quibus deceptus M. Aurelius Antoninus, magnam cladem a barbaris passus est, ut supra

Celsi vita.

1) Hinc mox Stoicos, mox Platonicos deserit, mox syncretistam agit, vid. L. I. p. m. 33. Quae argumento sunt ex allatis ab eo rationibus

de secta eius non tuto satis nos iudicare posse.

2) loc. cit.

m) L. I. p. m. 8.

pra in Marci vita expositum : alio etiam loco " Aurelium Diuum appellat, ex quo sequitur, Commodi eum tempore adhuc vixisse. Alit ab imperii Traiani initiis A. C. XCVIII, ad mortem vsque M. Aurelii A. CLXXX, effluxere anni LXXXII, qui numerus satis euincit, Lucianum, qui sub Commodio solita ingenii viuacissimi alacritate adhuc scribebat, sub Traiano nondum viguisse, vt in sequentibus dicemus. Celsus autem et Lucianus cum coaeui fuerint, recte inde infertur, nimis properare GASSENDVM^o, CAVEVM^p aliosque, qui sub Hadriano Celsum collocant, nisi iuuentutem eius sub extrema Hadriani tempora ponamus, quod si sequimur, septuagenario maior fuit Celsus, cum ad eum Lucianus scriberet. Rectius igitur statuit H. VALESIVS^q, cuius partes sequuntur SPENCERVS^r et Io. FR. BVDDEVS^s qui sub M. Aurelio Antonino Celsum collocant, eundemque cum Celso Luciani *ἐπ' αὐτῷ* faciunt. Nec his obstant ORIGENIS verba, fuisse hunc Celsum *κατὰ Ἀδριανὸν, καὶ κατωτέρω*. Nam haec quoque significare possunt, *vixisse eum post Hadrianum vel extremis Hadriani annis et diu infra*, adeoque cum his temporum notationibus amice conspirant. Quo vero animi caractere fuerit Celsus, ex Luciano discimus, qui veri amorem, morumque candorem et iucunditatem, et superstitionis odium in eo laudat, quod postremum ex Origenis quoque refutatione passim intelligi potest, ex quibus patet, eum a praestigiatorum artibus, qualia esse Iesu miracula homo ineptissimus putabat, homines auocare voluisse; et vbi miracula Aegyptiacorum circulatorum laudat, recte notante ORIGENE^t, id dicis tantum gratia, et ad tenebras gloriae Iesu Christi offundendas, facere. Eundem vero animum fouisse Celsum, qualem gessit Lucianus, superba et acerba irrisione sacra omnia, quae cum Epicureis non consentiebant, dogmatibus irridentem, luculenter demonstrauit Origenes^u, planumque fecit, hominem eruditionis quidem et lectionis copia non destitutum in *λόγῳ Φιλαλήθης*, quem contra Iudaeos et Christianos scripserat, iudicii sanioris defectum et praeiudiciorum quandam cateruam prodidisse, longeque a verae philosophiae dogmatibus aberrasse, malum quoque veritatisque minime amantem animum prodidisse, malitia detestabili contra veritatem diuinam inflammatum. Quam hominis insaniam docta et eleganti tractatione repressit ORIGENES^x, eumque haud raro propriis armis iugulauit^y. Verum haec ab Epicuri sectatore expectari aliter non poterant, odiumque Epicureorum in omnem religionem postulabat. Scripsit librum quoque *de bene viuendi praeceptis, et contra magiam*,
librum-

n) T. I. p. m. 571.

o) Vit. Epicuri L. II. c. 6. p. 75.

p) Hist. liter. Script. eccles. p. 57.

q) Ad EUSEB. hist. eccl. L. VI. c. 35. et in pec. epistola ad Sarrauium, quam annotationibus suis inseruit SPENCERVS L. VII. p. 85. 86.

r) loc. cit.

s) Synragm. diff. theol. p. 463. DODWELL. ad Irenaeum p. 32. 500.

t) L. I. p. m. 54.

u) Conf. SPENCERVS ad Orig. p. 3.

x) Consulendi de historia apologiae Origenis contra Celsum scriptores historiae literariae ecclesiasticae, CAVEVS, DUPINVS, OVDINVS, FABRICIVS Bibl. Gr. Vol. V. p. 219. Syllab. Script. de V. R. C. c. I. §. 14. p. 63. HVETIVS Origen. L. III. c. 3. sect. II. §. 5. p. 267.

y) Conf. BVDDEVS l. c. p. 469. seqq.

librumque alium *contra Christianos*; Origeni memoratos omnes, qui vero interciderunt. Fuere alii quoque Celsi viris doctis memorati², ex quibus A. C. Celsum cum Epicureo nonnemo⁴ confudit. Scripsisse quoque Celsum quandam historiam philosophicam, AUGUSTINVS⁶ tradit, quam ad Epicureorum vnum refert IONSIVS³; FABRICIUS⁴. A. Cornelio Celso tribuit, cuius *sexta pars libri de artibus veteribus* memoratur. Etiam GALENVS⁵ Celsi meminit, quem cum nostro pro eodem habet GASSENDVS⁷; nos, seniore Celsum esse, sub Nerone viuentem, FABRICIO⁸ assentimur.

§. V. Alios, qui libris scriptis ingeniique monumentis relictis nominis immortalitatem consecuti sunt; Epicureos hodie ignoramus. Sunt tamen inter viros eruditione celeberrimos apud veteres quidam, qui Epicuri gregi annumerantur, eo quod magni fecere Epicurum, et in multis eius partes secuti sunt, reuera autem eclectice philosophandi viam ingressi, nulli se proprie sectae addixere; quos quoniam nec omittere plane indictos, nec commodiore loco enarrare potuimus, huc referre maluimus, quam meritissima de philosophiae historia nomina intacta dimittere. Plinium Seniore intelligimus, Lucianum Samosatenum et Diogenem Laërtium, quos toties in enarrandis veterum doctrinis rebusque duces habuimus.

§. VI. CAII PLINII SECVNDI, qui senioris nomine a fratris *Plinius senior*. filio C. Plinio Caecilio distinguitur, res praeter scriptorem *vitae* quae SVETONIO¹ tribuuntur, tetigit Plinius iunior, qui et educationem literariam auunculi, et finem tragicum duabus epistolis² enarrauit; quibus ut et locis quibusdam in historia mundi Pliniana occurrentibus adiutus MASSONIVS *Plinii vitam* exposuit, ut eos taceamus, qui scriptores classici Latinos enumerantes, Plinii quoque res non omiserunt. Natus autem est Plinius, vir sui temporis eruditissimus atque literatissimus, Tiberio imperante in Italia. De patria eius valde disputatum est inter viros doctos: qui enim vitam eius enarravit vetus auctor Nouiocomensem facit, quo et duarum inscriptionum, praesidio freti doctissimi Nouiocomenses ciues BENEDICTVS IOVIVS³ et PAVLVS CIGALINVS⁴ patriae suae Plinium vindicarunt, quorum sententiae calculum adiecit illustris EZECHIEL SPANHEMIVS⁵. Ast Veronae asseruit contra Cigalinum Plinium POLYCARPVS PALER-

²) Vid. SPENCER. I. c. p. 3. IONSIVS de Script. hist. phil. L. IV. p. 352. FABRIC. Bibl. Lat. T. I. p. 323.

³) Continuator Vossii de sectis philos. c. V.

⁴) 2. p. 158.

⁵) Praef. de haeref. ad Q. V. D.

⁶) loc. cit.

⁷) l. c. p. 325. not. d.

⁸) De libris propriis T. IV. p. 368.

⁹) l. c. p. 76.

¹⁰) Bibl. Graec. Vol. II. p. 809.

¹¹) L. III. ep. 5. L. VI. ep. 16.

¹²) In historia Nouocomensi p. 213.

¹³) Duabus lectionibus de patria Plinii adiectis editioni Plinii Wecheliana p. 1061. seqq.

¹⁴) In orbe Romano p. 62.

L E R M V S ^{m)} duces secutus Alexandrum Benedictum, Torellum Sarai-
 nam, Onuphrium Panuinum et Antonium Pantheam Veronenses eruditif-
 simos, quorum litem nostram non facimus, nec tamen H A R D V I N O ⁿ⁾
 credendum putamus, qui ex eo, quod Romam *urbem nostram* Plinius
 vocat, non Veronensem, sed Romanum facit, recte ideo notatus desi-
 deratissimo C R O S A E O ^{o)}. In iuuentute equestribus militiis industrie
 perfunctum fuisse, ait *vitae eius auctor*, nepos autem ex fratre praefe-
 ctum alae militasse, eoque tempore *de iaculatione equestri* scripsisse;
 etiam Germanico bello interfuisse; tradit. Sed et togatis artibus egre-
 gie se commendavit, quibus cum iungeret insolitam eruditionem et lecti-
 onis copiam, elegantissimum se praebuit, sed Neronis tempore ob metum
 saevitiae caute satis doctrina sua usus est. Refert enim P L I N I V S
 iunior ^{p)} *dubii sermonis octo scripsisse sub Nerone libros ultimis annis,*
quum omne studiorum genus paulo liberius et erectius periculosum ser-
uitus fecisset. Qui tamen libri dubia grammatica continuerunt, et
 loquendi ambiguitates enarrarunt, si veteribus grammaticis credendum,
 cum in maioribus occupari praeclara ingenia eo tempore periculosa res
 aleae esset: adeoque scepticae meditationes in iis non quaerendae sunt.
 Quod vero sub Nerone et Domitiano non poterat, indulgit Vespasiani
 clementia, apud quem gratiosum fuisse nepos refert, addens, noctibus
 etiam eum secum habuisse. Hinc muneribus splendidissimis auctus pro-
 curationes quoque continuas summa industria administravit, distentus
 occupatusque non officiis tantum maximis, sed et amicitia principum.
 Etsi vero summam laudem meruit ingens et inexhausta viri lectio, et eru-
 ditio copiosissima, multo tamen magis admirationi fuit industria summa et
 incomparabilis, qua inter fori caussarumque strepitus, et armorum fra-
 gores, inque muneribus grauiissimis atque maximis et in aula infinita legit,
 excerpfit, scripsit. Qua de re dignus omnino est, qui audiatur P L I N I -
 V S iunior, ita ad Macronem scribens: „Miraris quod tot volumina,
 „multaque in his tam scrupulosa homo occupatus absoluerit? magis mi-
 „raberis, si scieris, illum aliquandiu caussas actitasse, decessisse anno
 „LVI, medium tempus distentum impeditumque, qua officiis maximis,
 „qua amicitia principum, egisse. Sed erat acre ingenium, incredibile
 „studium, summa vigilantia: Lucubrare a Vulcanalibus incipiebat, non
 „auspicandi causa, sed studendi, aestate statim a nocte multa, hieme
 „vero ab hora septima, vel cum tardissime hora octava, saepe sexta.
 „Erat fane somni parcissimi, nonnunquam etiam inter studia instantis et
 „deserentis. Ante lucem ibat ad Vespasianum imperatorem, nam ille
 „quo-

^{m)} Libris III. de vera Plinii patria Verona
 contra Pauli Cigalini aliorumque sententiam,
 Veron. 1608. 4.

ⁿ⁾ Chronolog. V. T. p. 212.

^{o)} M. VEISS. LA CROZE Vindic. veter.
 Scriptor. p. 146. conf. ONUPH. PANVIN.

Comm. ad fast. 1351. VOSSIVS de hist. Lat.
 L. I. c. 29. p. 153.

^{p)} L. III. ep. 5.
^{q)} Conf. VOSSIVS l. c. Instit. orat. L. V. c. 7.

^{r)} P. 353.

^{s)} Vitae Plin. auctor, PLINIUS iun. ll. cc.

^{t)} loc. cit.

„quoque noctibus utebatur, inde ad delegatum sibi officium: reuersus domum, quod reliquum erat tempus; studiis reddebat. Post cibum „saepe, quem interdiu leuem et facilem veterum more sumebat, aestate, si „quid otii, iacebat in sole, liber legebatur, adnotabat excerpebatque. Nihil „enim legit, quod non exciperet. Dicere enim solebat, nullum esse „librum tam malum, vt non aliqua parte prodesset. Post solem plerum- „que frigida lauabatur, deinde gustabat, dormiebatque minimum. Mox quasi „alio die studebat in coenae tempus: super hanc liber legebatur, adnota- „batur, et quidem cursim, ob parsimoniam temporis. Surgebat aesta- „te a coena luce, hieme intra primam noctis, et tanquam aliqua lege „cogente. Haec inter medios labores vrbisque fremitum. In secessu „solum balinei tempus studiis eximebatur. Quum dico balinei, de inte- „rioribus loquor: nam dum distringitur, tergiturque, audiebat aliquid; „aut dictabat. In itinere, quasi solutus ceteris curis, huic vni vacabat. „Ad latus notarius cum libro et pugillaribus, cuius manus hieme mani- „cis muniebantur, vt ne coeli quidem asperitas vllum studii tempus eripe- „ret: qua ex causa Romae quoque fella vehebatur. Repeto, me corre- „ptum ab eo, cur ambularem? Poteras, inquit, has horas non perdere. „Nam perire omne tempus arbitrabatur, quod studiis non impertiretur. „Hac intentione tot ista volumina peregit electorumque commentarios „centum sexaginta mihi reliquit, Opistographos quidem et minutissimis „scriptos: qua ratione multiplicatur hic numerus. Referebat ipse, potu- „isse se, quum procuraret in Hispania, vendere hos commentarios Lar- „gio Licinio quadringentis millibus nummum; et tunc aliquanto paucio- „res erant.“ Haecenus de auunculo Plinius, qui eam nobis industriam „studiorumque ardorem enarrat, qualem rarissime inuenias alibi. Lucu- „lensus rei huius fides elucesceret, si extarent, adhuc libri eius, quos no- „bis idem enumerat Plinius, et in quibus historiam pariter atque dicendi „artem luminibus illustrauit suis. Quibus nobis ereptis magno tamen eru- „ditorum commodo supersunt hodie *historiae mundi libri XXXVII*, qui- „bus historiam nobis dogmaticam naturalem exhibuit, opus arduum, diffi- „cileque, et eruditionis, lectionisque atque patientiae Plinii testimonium „luculentissimum, quod Amaltheae cornu veteris doctrinae recte dixeris. „In quinque primis enim libris cosmographiam et geographiam, in sequen- „tibus ad decimum vsque naturam animalium, a decimo ad decimum no- „num, plantas agrorum pratorum hortorum culturam, a vigesimo ad trige- „simum secundum medicinam ex animalibus et plantis, a trigesimo tertio „ad finem metalla, lapides, artificesque pictores, statuarios aliosque ita

H h h h 2

enu-

*) Conf. VOSSIVS I. c. FABRICIVS Bibl. Lat. T. I. p. 401. T. II. p. 562. seqq.

*) Editionum historiam enarrat FABRICIVS I. c. p. 405. inter quas post DALECHAMPII GRONOVIO recoctam eminet Io. HARDVINI

nitida editio. De illa vid. Io. FABRIC. Hist. Bibl. suae T. VI. p. 268. de hac CLERIC. Bibl. vniu. T. V. p. 7. T. XV. p. 247. T. XXI. P. I. p. 132. eam nitide recudendam exceptamus ab elegantissimi viri Io. MATTH. GESNERI diligentia.

enumerat, ut ex infinita lectionis copia inexhaustos fere veteris doctrinae thesauros nobis exhibeat, et innumera pandat, quae obliuione sepulta mansissent, nisi e puluere et squalore in lucem produxisset Plinii diligentia. Variis tamen iudiciis exceptum opus immensi stupendique laboris; aliis in coelum extollentibus; aliis exiguum ei pretium statuentibus, ut ex sententiis virorum doctorum a THOMA POPE-BLOUNTIO * de Plinio collectis videre est. Nos inesse magno corpori naeuos magnos negandum quidem non esse putamus. Inter quos hic potissimum notari meretur, quod nec satis ad scriptorum quos secutus est fidem attenderit, hincque sexcentas fabulas nobis obtruserit, nec semper feliciter in assequendo scriptorum Graecorum, quos plerumque sequitur, sensu versatus sit. Quemadmodum vero illud amanuensium inscitiae atque negligentiae potissimum tribuendum est, qui excerpta ex auctoribus ad eum deferebant, ut ab eo in ordinem redigerentur; ita omnino venia danda est Plinio, eam in praefatione ad Vespasianum verecunde exoranti, ubi eleganter et ex vero. *Praeterea iter est, non trita auctoribus via, nec qua peregrinari animus expetat. Nemo apud nos, qui idem tentauerit, nemo apud Graecos, qui vnus omnia ea tractauerit. Magna pars, studiorum amoenitates quaerimus, quae vero tractata ab aliis dicuntur immensae subtilitatis obscuris rerum tenebris premuntur. Iam omnia attingenda quae Graeci ἐνκλδοποιείας vocant, et tamen ignota aut incerta ingeniis facta. Alia vero ita multis prodita, ut in fastidium sint adducta. Res ardua vetustis nouitatem dare, nouis auctoritatem, obsoletis nitorem, fastiditis gratiam; dubiis fidem; omnibus vero naturam, et naturae suae omnia. Itaque etiam non affecutis voluisse abunde pulchrum atque magnificum est. Et paulo post: Nec dubitamus, multa esse, quae et nos praeterierint. Homines enim sumus, et occupati officiis, succisuiisque temporibus ista curamus, id est, nocturnis. Hac aequitate frui Plinium virum summum aequum est, nec ad nostrorum temporum lumina, quibus naturae historia post mille et sexcentos annos illustrata est, Plinianum exigendum crepusculum. Multa quoque exscriptoribus imputanda, qui adeo immensi laboris opus lacerauerunt corruperuntque, ut de vero eius sensu saepe vix coniecturis statui queat. Quae tamen omnia non obstant, quo minus aequissima conditione subscribamus iunioris Plinii iudicio, vocantis opus diffusum, eruditum, nec minus varium, quam ipsa natura: licet nimia lectionis copia haud raro vim suppresserit iudicii. In philosophiae vero dogmatibus non vni superstitiose sectae adhaesisse Plinium, sed ex aliarum quoque sectarum placitis, ut mos inoleuerat eo tempore quo scribebat, passim quaedam in rem suam transtulisse ex historia naturali facili inductione probari potest,*

* Cens. celebr. auctor. p. 128.

y) Suppositam hanc praefationem esse Plinio contendit HARDVINVS l. c. sed nulla verisimilitudine.

z) Conf. MARVILLE melanges de literat. T. III. p. 438. edit. recent.

a) Id iam SYMMACHO obseruatum L. I. ep. 24.

est, quae sine dubio caussa fuit, cur eum inter Epicureos non recensuerint GASSENDVS et FABRICIVS ^b. Nam non tantum Epicureum de mundis innumerabilibus dogma, furorem vocat ^c, sed in rebus etiam magnis ad scepticorum arua digreditur ^d; Pythagoream quoque de harmonia et sonitu circulorum mundi assidua vertigine rotatorum non improbat ^e; et hunc mundum quacunq; in parte totum esse sensum, totum visum, totum auditum, totum animae, totum animi, totum sui, id est Deum, cum Stoicis dicit ^f. His vero non obstantibus in multis Epicurum quoque sequitur, et ignem summum elementum esse ait ^g, et providentiam Dei irridet ^h, et alia ex hortis Epicuri admittit. Id quod ansam dedit viris doctis ⁱ, Plinium inter Epicureos connumerandi. Nos, si quid videmus, eadem prorsus ratione, qua alii viri magni apud Romanos vsi sunt, Plinium in Graecorum philosophia versatum fuisse, iudicamus, vt nulli sectae adhaerens, eas sibi opiniones passim deligeret, quas tractationi suae maxime inferuire, et aptas esse argumento suo iudicaret. Hinc mox Scepticus est, mox Epicureus, mox Stoicus, prout occasio ferebat. Ex his vero atheismi obiectio enata est, quam notam complures ^k Plinio inusserunt. Cum enim varia ratione de diuinis differeret, et mox diuinam providentiam irrideret, mox naturam Deum faceret, non potuit non impietatis fieri suspectus. Magis tamen Stoicos, quam Epicureos in doctrina de Deo sequitur, ita enim vere Stoice ^l: *Mundum, et hoc, quod nomine alio coelum appellare libuit, cuius circumfluxu reguntur cuncta, numen credi par est, aeternum, immensum neque genitum, neque interiturum vnquam. Sacer est, aeternus, immensus, totus in toto, immo vero ipsum totum, finitus et infinito similis, omnium rerum certus et similis incerto, extra, intra, cuncta complexus, in se: idemque naturae rerum opus et rerum ipsa natura.* Eadem enim ratione, et iisdem fere verbis SENECA ^m quoque decreuit. Ast si ita cum Zenone de Deo statuit Plinius, cur irridendum pronuntiat, *agere curam rerum humanarum illud, quicquid est summum, cur tam tristi atque multiplici ministerio pollui illud non dubitat?* cur Epicurea Stoicis, quadrata adaptat rotundis? Annon haec luculento testimonio sunt, Plinium de certo et cohaerente systemate non cogitasse, et historicum magis naturalem, quam philosophum se praestitisse? De Deo vero incertum haesisse, vtrum haec vniuersi compages pro Deo habenda, vel vis quaedam diuina in illa latens admittenda? Ex quibus quid de crimine illi imputato statuendum sit, liquet. Quod enim post

H h h h 3

Zwin-

b) II. supra citatis.

c) L. II. c. 5.

e) L. II. c. 3.

f) L. II. c. 7.

h) L. II. c. 7.

i) Vid. ex multis SAM. PARCKERVM de Deo disp. I. p. 63. IAC. THOMAS, praef. T. II. p. I. REIMMANN. hist. ath. c. 23.

d) L. II. c. 7.

g) L. II. c. 5.

p. 201. FABRIC. Bibl. Lat. T. I. p. 402. STOLIE hist. lit. P. II p. 533. hist. philos. mor. gent. p. 350.

k) Plerosque nominavit REIMMANNVS I. c. add. STOLLIVS I. c. Hist. de la phil. payenne p. 72. Otium Vindelicum Mel. II. §. 6. p. 149. seqq.

l) L. II. c. 1.

m) Praef. Qg. natur.

Zwingerum vrget FABRICIVS ², adspargere passim grauissimas sententias et iudicium de vanitate rerum humanarum, mortaliumque stultitia, speciatim de perditis Romanorum per opes moribus, nec minus de mira sapientia ac prouida arte, fidemque omnem superante vi naturae, parum ad eum absoluendum habet ponderis, cum talia ex athei quoque calamo proficisci queant, certe Epicureus quisque ea praecipere possit, ipseque Epicurus praeceperit, licet ab huius mundi cura et influxu Numen totum remouerit. Tanta vero cum inesset Plinio cupiditas naturae opera et miracula cognoscendi, attulit tandem viro doctissimo laudabilis curiositas fatale exitium, quod iunior PLINIVS ^o ita narrat: „Erat „Miseni, classemque imperio praefens regebat: cum nunciaretur ei, ap- „parere nubem inusitata et magnitudine et specie, quam e Vesuuio exor- „tam postea cognitum est. Magnum propiusque noscendum id eruditis- „simo viro visum. Iubet Liburnicam aptari. Retinae classarii imminenti „periculo exterriti, vt se tanto discrimini eriperet, orabant. Non ver- „tit consilium, sed quod studioso animo inchoauerat, obit maximo. De- „ducit quadriremes, ascendit ipse, non Retinae modo, sed multis latu- „rus auxilium. Properat illuc, vnde alii fugiunt, rectumque cursum „recta gubernacula in periculum tenet, adeo solutus metu, vt omnes il- „lius mali motus, omnes figuras, vt deprehenderat oculis, dictaret, eno- „taretque. Iam nauibus cinis inciderat, quo propius accederet calidior „et densior; iam pumices etiam nigrique et ambusti et fracti igne lapides; „iam vadum subitum, ruinaque montis litora obstantia, cunctatusque „paulo an retro flecteret, mox gubernatori, vt ita faceret, monenti, „fortes inquit, fortuna iuuat: Pomponianum pete. Stabiis is erat; ibi „quanquam nondum periculo appropinquante, conspicuo tamen, et quum „crefceret, proximo, sarcinas contulerat in naues, certus fugae, si con- „trarius ventus resedisset. Quo tunc inuectus secundissimo, trepidantem „consolatur, hortatur, vtque timorem eius sua securitate leniret, defer- „ri se in balineum iubet, lotus accubat, coenat, atque hilaris, aut, quod „aeque magnum hilari similis. Interim e Vesuuio monte pluribus locis „latissimae flammae atque incendia relucebant, quorum fulgor et claritas „tenebris noctis excitabatur. Ille agrestium trepitatione igni relictas de- „sertasque villas per solitudinem ardere in formidinis remedium dictitabat, „tum quieti se dedit, et verissimo quidem somno. Sed area, ex qua diae- „ta adibatur, ita iam cinere mixtisque pumicibus oppleta surrexerat, vt, „si longior in cubiculo mora esset, exitus negaretur. Excitatus procedit „seque Pomponiano, ceterisque, qui peruigilarant, reddit. In commu- „ne consultant, an intra tecta subsistant, an in aperto vagentur. Nam „crebris vastisque tremoribus tecta nutabant, et quasi emota sedibus suis, „nunc

²) Bibl. Lat. T. II. p. 564.

^o) L. VI. ep. 16. adscripsimus elegantissimam Plinii narrationem fere totam, cum pulchram

particulam historiae celeberrimi phaenomeni contineat, et insint ei quaedam, quae characterem Plinii senioris egregie detegunt.

„nunc hic nunc illuc abire aut referri videbantur; sub dio rursus, quamquam leuium exeforumque pumicum casus metuebantur. Quod tamen periculorum collatio elegit, et apud illum quidem ratio rationem, apud alios timor timorem vicit. Ceruicalia capitibus imposita linteis constringunt: id munimentum aduersus decidentia fuit. Iam dies alibi, illic nox omnibus noctibus nigrior densiorque, quam tamen faces multae, variaque lumina soluebant. Placuit egredi in littus, et e proximo aspicere, ecquid iam mare admitteret, quod ad huc vastum et aduersum permanebat. Ibi super abiectum linteum recubans semel atque iterum, frigidam poposcit hausitque; deinde flammae, flammaeque praenuntius, odor sulfuris alios in fugam vertunt, excitant illum. Innixus seruis, duobus assurrexit, et statim concidit. Vbi dies redditus, corpus inuentum est integrum, illaesum opertumque, vt fuerat indutus, habitus corporis quiescenti quam defuncto similior^p. Hunc finem habuit naturae interpres et indagator solertissimus, diutius victurus, nisi curiosus nimis in naturae arcana penetrare cupiuisset.

§. VII. LVCIANVS pleraque, quae ad vitae suae historiam pertinent, dialogis suis passim immiscuit, et imprimis partem eius in somnio enarravit, pauca quoque de eo attigit SVIDAS^q, ex recentioribus vero in exponenda Luciani vita post GILBERTVM COGNATVM^r desudarunt IACOBVS ZWINGERVS^s, et IOANNES BOVRDELOTIVS^t, quam annotationibus auxit FABRICIVS^u. Fuit natione Syrus Samosata, vrbe ad Euphratem sita, oriundus, et, si SVIDAS^v admittendus est, qui sub Traiano eum fuisse ait, sub hoc tantum imperatore natus est, cum ad Antoninorum et Commodi tempora proprie pertineat, vt ex scriptis eius satis luculenter constat. Meminit enim Seueriani^x, Titiani, Vologesi, Frontonis, virorum sub Antoninis viuentium; scripsit ad Celsum pseudomanten; narrat Peregrini finem tragicum, quem contigisse imperante M. Aurelio Antonino A. C. CLXVIII, supra euicimus. Vocat etiam, vt supra quoque monitum, M. Aurelium imperatorem diuum. Auidium Cassium quoque tangit^y, et quae alia sunt, ad Aurelii et Commodi tempora pertinentia. Quod si sub Commodio adhuc vixit Lucianus, qui A. C. CXCI, interfectus est, vix potuit Lucianus, licet grandaeuum obisse supponamus, nascendo Traiani tempora attigisse. Ex quibus recte concluditur, errare eos, qui a Suida seducti sub Traiano et Hadriano eum floruisse dicunt^z, longiusque a vero discedere

Lucianus.

p) Refert vitae eius auctor: „Existimare quosdam a seruo suo occisum, quem deficiens aestu, vt necem sibi maturaret, orauerit.“

q) In Lucianus T. II. p. 457. seqq.

r) Additum elogium Luciani editioni ab eo curatae.

s) Etiam haec vita Luciani, scholastica me-

thodo adornata, adiecta est editioni operum Luciani Basileensi.

t) Praefixit is vitam Luciani operibus eius a se Parisiis editis.

u) Bibl. Graec. Vol. III. p. 485. seqq.

v) loc. cit.

x) Quomodo hist. scrib. T. II. p. 343. y) Ibid.

z) COGNATVS et ZWINGERVS ll. cc.

dere LVDOVICVM VIVEM ^a, coniicientem, gratiam qua Plutarchus Chaeronensis apud Traianum floruit, ita invidia adussisse Lucianum, ut amare philosophos traduceret. Si itaque non totus deferendus est Suidas, scriptor in notationibus temporum maxime inaccuratus, statuumdum, extremis Traiani temporibus natum postea floruisse, et ad Commodum vsque perdurasse ^b. Id quod Suidae verba facile admittunt, qui Lucianum fuisse ait ἐπὶ τῷ Καίσαρι Τραϊανῷ καὶ ἐπὶ Νέρει. Patris nomen oc obscuritatem sine dubio et paupertatem ignoratur ^c. Educationem ipse descripsit, ex quo patet, parum facultatum filio patrem reliquisse. Cum desiisset in ludum ire, paulo plenius eo adolescente, de vitae genere eligendo pater cum amicis pro filio consultavit. Recusabant plerique literarum studia, eo quod et labore multo, et tempore longo, et sumtu non exiguo, et fortuna quadam opus haberent, quae apud ipsos non inuenirentur: ars autem quaedam mechanica vitae sustentandae sufficeret: cumque haberet auunculum, qui tum statuarius habebatur optimus, illi in disciplinam traditus est, eo quod natura ad fingendum aptus videretur. Felici haec suscepta credebantur genio, quod et arti idoneus videbatur, et ipsi apud aequales laudi et ostentationi cessurum existimabatur, verum aliter res cecidit. Cum enim artis periculum facturo lapideam tabulam auunculus exhibuisset, durius eo impingente, tabula rumpebatur, cui rei indignatus ille scuticam quandam prope iacentem corripiens, durissimis plagis eum excepit et quasi initiauit, largissimosque lacrimarum imbres illi prouocauit. Cum eiulatu itaque aufugiens domum properauit, vibices ostendit, apud matrem fratris eius crudelitatem accusauit, moeroreque oppletus graui tandem, cum nox superuenisset somno obdormiuit. Ea in nocte diuina se somnia habuisse narrat: Duas illi per somnium apparuisse mulieres, scribit, qui manibus eum corripientes in diuersum traherent, et quaelibet violenter eum sibi vindicaret. Alteram fuisse operariam marmoreo puluere oppletam, alteram honestam faciem prae se ferentem, vestesque mundas indutam. Illam, ait, cum statuaria esset, optione ipsi facta, artem hanc a maioribus exercitam valde commendasse, artificesque in ea arte inclytos illi collaudasse, et enumerasse honores atque nominis celebritatem, ad quam illi fuerint enisi. Hanc, Humanitatis studium se prae se ferre, dixisse, et contemta arte populari, ex qua nec diuitiae, nec honores, nec amicitiae magnae prouenturae sint, exposuisse virtutes et praestantiam, qua ornatus animo, et diuina et humana omnia breui spatio edocendus sit, et laudibus euehendus summis, et diuitiis ornandus atque honoribus augendus praecipuis. Attulisse etiam exempla virorum magnorum, eruditionis claritate immortale nomen consecutorum, et imprimis dicendi gloriam ei maxime commendauisse. Quibus auditis

^a) De verit. relig. Christ. L. II. p. II. 220.

^b) Conf. Vossius de rhetor. c. 12. p. 88.
de histor. Graec. L. II. c. 15. p. 232. IONSIUS
de Script. hist. phil. L. III. c. 10. p. 266.

^c) Iuniorum adhuc Lucianum facit HENR. DODWELLVS de Isidoro Characeno §. 5. Geograph. minor. T. II. quod ex dijs facile diiudicari potest.

auditis relicta statuaria transiisse se ad humanitatem, eo quod scutica semper in memoria haereret. Haec vere quidem obtigisse sibi nobis persuadere vult Lucianus, at accuratius attendenti verisimile prorsus est, oratorum more haec finxisse Lucianum, et eleganti imagine vsum eam decertationem ostendisse, quam post derelictam statuarii officinam anceps, de eligendo vitae genere excitabat mens de futuris sollicita. Quidquid vero illud fuerit, hoc certum, bonis, quod aiunt auibus Lucianum ex pulvere lapidicinae ad Musarum ianuas transfugisse. Quamvis autem paupertate valde premeretur, ea tamen magistra vsum ex patria Antiochiam secessit, studiis, quibus imbutus fuerat in patria, leuioribus grauiora et meliora additurus ^d: naturalique eloquentiae dono fortunam in dicendis causis experturus ^e. Neque tamen propitiam in eo consilio exequendo Mineruam expertus est. Cum enim intelligeret, *quam improbae res*, vt ipse scribit ^f, *caussidicos necessario comitarentur, nimirum fraus, mendacium, temeritas, vociferatio, conflictario aliaque infinita*, adeo ab hoc vitae genere abhorruit, vt in eo versari amplius recusaret, et ad philosophiam se conferret, ei potissimum eloquentiam suam addicturus. Hunc finem vt obtineret, et nominis quoque aliquam sibi celebritatem conciliaret, per varias terras atque regiones peregrinatus eloquentiae sibi laudem peperit, iuuenisque per Hispaniam Galliamque in solennibus conuentibus inter oratores magna mercede conductos cum applausu audientium numeratus est ^g. Ex Gallia in Graeciam profectus Macedoniam petiit, in Ionia quoque et Achaia uersatus masculum dicendi genus et virile quoddam robur excoluit, cuius aliquot hodie specimina supersunt ^h: Neque vero diutius ei placere potuit sophistarum conditio, eo quod rhetores falsis et inanibus artibus mercedem et diuitias quaerere, non vero seruire virtuti, videbat ⁱ. Procul itaque ire iussa dicendi exercitatione totus philosophiae se tradidit, non, quae vanis speculationibus ambitionem pasceret, sed quae mores emendaret, felicitatique humani generis inferuiret. Probe enim perspiciebat, parum utilitatis asserre disciplinas, nisi quis vitam ex iis haberet doctrinae consentaneam, et in melius se emendantem. Neque ex solis libris hauriendam philosophiam esse statuit, sed adeundam virorum proborum conuersationem, et vtendum, tanquam gymnasio quodam eorum consuetudine, eruditionem autem a recto sensu bonisque institutis abducere istos, qui ad solos libros eorumque argumenta et sensus respicerent. Neque esse operae pretium, si quis disciplinas per-

^d) Coniecturam ex LUCIANI Hercule facit COGNATVS in elogio Luciani, adolescentem eum in Gallia et aliis in locis, Rhetoricam publice professum esse. Nihil vero horum in isto dialogo dicitur, sed id tantum, fuisse adolescentem in Gallia, vbi Druidum vnus eloquentiam sub Herculis imagine ei commendauerit.

^e) In reuiuisc. T. III. p. m. 156.

^f) Ibid.

^g) Apolog. pro mercede conductis T. I. p. m. 385.

^h) Herodot. T. III. p. m. 219. quomodo conscr. histor. T. II. p. m. 379.

ⁱ) Reuiuisc. T. III. p. 156.

perdiscat, ni simul et vitae rationes ad id quod est optimum, accommodet atque componat, saepe enim videri alios verbis excellentes, qui factis ipsis risui aliorum se exponerent. Quas cogitationes valde confirmabat exemplis eorum philosophorum, qui indigne philosophiae nomine viuentes, in libidinem ferebantur, et conuitiis certabant, et supra modum se cibis potuque ingurgitabant: et a vociferationibus ad conferendas vsque manus pergebant, et turpia quaeuis atque indecora perpetrabant^k. Quae et alia, quae magno numero et pondere passim tradit, satis produnt, rectas fanasque de philosophia notiones infedisse Luciani animo, nec illotis, quod aiunt, manibus ad eius studium eum accessisse. Id quod fauentioribus etiam Musis facere potuit, cum eum se praestare contenderet, qui arrogantiae, imposturae, mendacii, et fastus osor esset, veritatem autem, honestatem sinceritatemque, et quaecunque amore sunt vehementer diligeret^l. Talis cum esset, sectariae se philosophiae tradere totum non potuit, et quaecunque vero maxime conformia iudicabat, ex omnibus sectis excoluit, cuius exempla quamplurima in dialogis eius, qui ad philosophiam eiusque historiam pertinent, occurrunt: in quibus saepe quidem amaro et satyrico perfundit saepissime falsos philosophos, et Pseudo-philosophiam ludibrio exponit atque risui festiuissimo excipit; haud raro tamen doctrinas quoque morales proponit vtilissimas, et eloquentiae melle condit dulcissimo, sicque rhetorem agit philosophum, qualem supra in Dione, Maximo Tyrio, Themistio aliisque huius aetatis viris summis, qui dicendi artes cum philosophiae praeceptis coniunxerunt, deprehendimus. Fateturque ipse, *se, posteaquam ad philosophiam transgressus esset, prout necessarium erat, omnes omnino vitae optimae legislatores admiratum fuisse, tanquam qui manus ad eos festinantibus porrigerent, ad optimaque et vtilissima adhortarentur, modo quis ad has regulas vitam componere vellet*^m. Qua in re plerisque aliis qui sectariam philosophiam fastidientes in syncretisum delapsi sunt, philosophatus est melius atque magis sobrie, et veram quandam philosophiam eclecticam excoluit. Hac via semel inita non poterat non vir supra modum argutus et ad ridendum quasi factus ea ludibrio exponere, quae in sectaria philosophia Graecorum ipsi merito displicebant, et de quorum vanitate ipse eo fortius iudicabat, qua magis mutuis inter se telis confosfos sectarios philosophos cadere videbat. Quae occasio fuit **PHOTIO**ⁿ et recentioribus nonnullis^o Lucianum inter scepticos numerandi; ast perperam, cum Socraticus potius dicendus sit, cuius luculentum ipse exem-

^k) Eleganter prorsus et viuis imaginibus eloquentiam philosophiae sobriae iungit, et characteres verae falsaeque eruditionis et philosophiae depingit in conuiuiis T. IV. p. 366. Qui dialogus non tantum ad cognoscendos illius temporis mores, sed et ad mentis emendationem veramque philosophiae hauriendam notionem ab omnibus legi meretur.

^l) Reuiviscunt. I. c.

^m) Ibid. p. 366.

ⁿ) Cod. CXXXVIII. p. 165. conf. epigramma vetus infra dandum.

^o) Continuator Vossii de sectis c. V. §. 2. p. 158. c. XIII. §. 3. p. 214. c. XIV. §. 6. p. 216. Huetius de imbecill. intell. hum. L. I. c. 14. §. 51. p. 160. seqq.

exemplum exhibuit ¹. Nulli tamen magis sectae fauit, quam Epicuri, cuius partes valde commendauit. Illius enim gregis homines laudat, velut imposturae proditores acutissimos ², Epicurum vocat virum, qui rerum naturam perspectam haberet, quique vnus, quid in his esset verum videret³: in eo laudandum ducit, quod quae Pythagorici, Stoici, Platonici, de spiritibus eorumque in rebus naturalibus operationibus tradunt, ille haec omnia ridicula ac ludicra duceret ⁴. Epicurei porro inter tam multos infanientes vni illi sani videntur ⁵; Epicuri ratas sententias librum ait esse longe pulcherrimum, qui ingens afferat commoditatum pondus iis, qui in eo legendo versentur, quique insignem ex eo quietem, tranquillitatem, libertatem accipiant, eo quod a paucioribus, a spectris ac prodigiis eos liberaret, tum spes inanes, atque immodicas cupiditates adimeret, mentem sanam ac veritatem infereret, et lustraret animum non taeda quidem aut squilla, sed recta ratione atque veritate ⁶. Sed et ipsum se inter Epicureos numerat, qui arma contra Alexandri praestigias ceperunt, et contra quos ille implacabile suscepit odium ⁷. Celsum vero Epicureum, propter sapientiam singularem et amorem veri ac morum mansuetudinem omnium maxime vnum suspicere fatetur ⁸, et festiuissimam de Alexandri imposturis narrationem se composuisse dicit ⁹, vt Epicurum vlsceretur, virum fere sacrum, ingenioque diuino, quique solus, quae vere sunt honesta, et nouerit et tradiderit, quique solus extiterit, qui liberos redere solitus sit eos, qui secum haberent consuetudinem. Ex quibus omnibus larga manu datis manifestum esse putamus, valde ad sectam Epicuream, praecipue quoad naturalem eius partem, inclinasse Lucianum, licet aliarum quoque sectarum capita non plane contemneret, nec errasse hoc sensu viros doctos, qui post veterem scholiasten eum inter Epicureae sectae addictos retulerunt ¹⁰. Quamuis autem haec omnia ita se habeant, vt magnam inter philosophos laudem nactus suo iure videatur Lucianus, nec potuerit non animus acute videns, ingeniumque festiuum errores, lapsus et vitia philosophorum, quibus eam aetatem scauuisse, nec seuera Epicteti frois ferre potuit, false ridere, et natiuo quodam lepore traducere, sicque iucundam aliquam malo grandi et intolerabili, medicinam asferre; improbandum tamen omnino in eo est, quod exemplis quibusdam philosophorum, circumforanea impostura incautos decipientium inductus, quicquid fere placitis suis, magnam partem ex Epicuri schola haustis non consentiebat, in eandem classem retulerit, et tantum non omnem philosophorum gentem, solo Epicuro excepto, inter impostores numerauerit, cuius exempla quamplurima occurrunt, maxime vero in *uitarum auctione*, in quo dialogo veneranda atque cana

Iiii 2

Grae-

p) In Hermotimo T. II. p. m. 170.

q) In Alex. T. I. p. m. 549.

r) pag. 550.

s) p. 551.

u) p. 570.

t) p. 569.

x) p. 576. 581.

y) p. 583.

z) p. 584.

a) GASEND. vit. Epic. L. II. c. 6. p. 76.
VOSSIVS de sectis c. VI. §. 24. GVIL. CAVE
Hist. liter. script. eccles. FABRIC. Bibl. Gr.
Vol. III. p. 486.

Graeciae capita tantum non omnia acerbissime traduxit. Quod cum magnam ei inuidiam conflasset, in *piscatore* quidem apologiam quandam pro se dixit, et se eos tantum ridendos propinasse fassus est, *qui egregias eorum doctrinas mercede docent, et diuites admirantur, et argento inbiant, vitiisque risum aliis mouent, circa ianuas diuitum se conculcantes, coenasque diuersas appetentes, et in illis ipsis moleste laudantes ac ultra honestatem se ingurgitantes, cuncta reprehendentes, et inter calices illepida et absōna philosophantes.* Veros autem philosophos, et in his maxime Demonactem eximie laudauit. Neque tamen ita omnem reprehensionem euitasse censendus est. Quid enim ad sui temporis philosophos attinebat ^b, Pythagorae aureum femur, ex fabula enatum tanquam propudiosam imposturam traduci? Aristippo temulentiam exprobrari? Diogenis Cynici mores canibus, quam philosopho digniores, depingi? Democritum et Heraclitum ex fabulis vulgi derideri? Socratem *παιδερασίας* criminis suspectum fieri? ideasque male intellectas nec ad eum pertinentes illi ridicule affingi? Chrysippum velut nugatorem contentui exponi? Aristotelem velut inepte argutum subsannari? Pyrrhōni, tanquam rerum omnium ignoranti illudi? Et, quod mireris, ipsam Epicuri voluptatem reprehendi. Non scripsisse haec omnia Lucianum ex vera animi sententia, et perspexisse fabulas vulgi de philosophis multa pulcherrime mentientis, facile pro Luciano dicenti credemus ^c; ast indigna ea ratio, de viris bonis et aeternitati nominis traditis ea corradere, quae, vera, falsane sint, dicuntur tamen et ridentur. Verum cum naturali ad satyram propensione ferretur Lucianus, eaque esset ingenii vivacissimi amoenitas, quae τὸ γέλασθον in actionibus hominum, et in doctrinis quoque festiua oratione et iucundissima quadam satyra traducere posset ^d, non potuit non in hac ipsa ridendi arte excedere, et quaecunque aliis admiranda et pulchra videbantur, habere ridicula. Qua de re vetus epigramma ^e non inepte:

Scripti haec Lucianus, prisca stultique peritus,

Stulta etenim, vulgo credita docta tamen.

Ergo nil hominum certi mens concipit unquam,

Ast, quod miraris, ridiculum est aliis.

Quam nimiam ridendi quaeuis licentiam etiam contra diuinum salutis humanae restauratorem exercuit, et Dei filium pro impostore quodam habuit, Christianam quoque religionem indignissimis sarcasmis excepit, qua de re cum lapsus Luciani supra in Peregrini historia manifestauerimus, dicta hic nolumus repetere. Hac verò sacra atque profana quaeuis ridenti

^b) Ibid. T. III. p. 105. 108. III. 113. 114. 115. 117. 118. 120. 126. 128.

^c) Prolixè id ipse in piscatore prosecutus est.

^d) Ita characterem Luciani delineat PHOTO-

TIVS l. c. quocum conferendus VAVASSOR de dict. ludicra Sect. I. c. 8. opp. p. 25.

^e) Apud PHOTIVM l. c. damus versionem SCHOTTII. conf. LACT. de vera rel. c. 9. VIVES de V. R. C. L. II. p. m. 208. seqq.

di licentia meruit Lucianus, vt inter apertos numinis hostes numeraretur, quod praeunte SVIDA^f a multis recentioribus factum est. Neque tamen defuere viri docti^g, qui in eam ingressi sunt sententiam, graue hoc ἔγγλημα tantum excogitasse superstitionem, pseudo-philosophiam, imposturam, quibus grauem ille dicam scripserat, et qua crabrones Lucianus in se irritauerat, quod opprobrium repetitum a Christianis, sanctissimum Saluatorem inter impostores ab eo referri indignantibus. Nos hic nihil affectui dandum, fauoreque vel odio duce definiendum, sed cuncta accurate expendenda, et sic demum de Luciani impietate pronuntiandum putamus. Et quod ad scommata quidem attinet, quae effudit in Christianos, ea nec a malitiae nec ab ignorantiae culpa liberari posse supra luculenter, nisi fallimur, demonstrauiamus: certumque esse putamus, habuisse Lucianum Christum pro eiusmodi sophista, siue philosopho, qualis Apollonius Tyaneus, Alexander, huiusque furfuris alii fuerant, et qualem forte Pythagoram ipsum fuisse credebat: adeoque ab hac quidem impietatis labe liber pronuntiari non potest. Id vero illi cum reliquis sanctissimae religionis hostibus commune fuit, qui tamen ideo inter apertos Numinis hostes numerati haud sunt, sed transcripti in catalogum aduersariorum Christiani nominis. Neque vero solam Christianam religionem deridendam propinavit, sed et alias omnes, nec meliore loco Iudaeorum ipsorumque gentilium sacra habuitⁱ. Quod eo minus mirandum, quo magis ex dialogo *de sacrificiis*^k constat, eum ideo sacra omnia explosisse, quod more Epicureo crederet, absurda et amentia esse ea omnia, eo quod supponerent, numen ipsum rem vsque adeo humilem atque abiectam esse, vt humanis egeat obsequiis, vtque adulatione capiatur, ac gaudeat rursum, vt stomachetur, atque iracunde ferat, si negligatur. Ex his enim manifestum est, Lucianum Deos rerum humanarum prorsus incurios cum Epicuro concepisse, adeoque theologiam Lucianeam ex Epicurea diiudicandam esse. Negari tamen nec hoc potest, saepe aliorum nomine loqui Lucianum et audacioribus verbis de rebus sacris pronuntiare, effecisse etiam fraudes sacrificulorum et philosophastrorum, quas detegendi saepe occasionem habuit, vt, quicunque inter homines vigerent, cultus diuini modos inter ingenii humani, populum decipientis tricas reponeret, sicque in ea quoque re Epicureorum vestigia premeret, nec fidem haberet narrationi vlli, quam non sensibus perceperit^l. Ea vero quae in Philopatride contra Christianos dicuntur, cum Luciani non sint, licet nomen eius in fronte gerant, nec eam abiudicet Luciano doctissimus FABRICIVS^m; quoniam aperta

liii 3

fatis

f) loc. cit.

g) Vide quae de Luciano collegit iudicia TH. POPE-BLOUNT. Conf. cel. auct. p. 173.

h) ERASMVVS L. XXX. ep. 5. ALCIAT. par. Iur. Lib. IV. c. 5. VOSSIVS de sectis c. VII. §. 24. 10. PHIL. TREVNER.

diff. de theologia Athei s. Luciani.

i) Recte id obseruatum VIVI l. c.

k) T. III. p. 81.

l) Conf. REIMANN. hist. atheism. c. XXXII. §. 3. p. 224.

m) l. c. p. 309.

fatis temporis recentioris Luciani aetate in eo deprehenduntur vestigia, quae erudite ostendit V. C. IO. MATTHIAS GESNERVS *, obiici quoque ei ad euincendam eius impietatem non possunt. Sed vt ad Luciani redeamus historiam, is, sub M. Aurelio Antonino Aegypti procurationi praepositus, et stipendio insigni auctus est †. Quidam a Christianis defecisse, et ad sacra gentilia transfugisse somniant ‡, nullo argumento sano nixi: nec certior fabula est, laceratum a canibus fuisse, ob eructatas in nomen Christi iniurias §, quam sine dubio atrox Christianorum sacra sua vindictarum odium, quod plerumque horrenda mortis genera de iis, qui religionem impugnassent, commentum est, produxit. Podagrae vero, cuius laudes cecinit ¶, cruciatibus vexatum fuisse, ipse alicubi prodidit †: mortuum ex illo morbo fuisse, quod vitae eius auctores COGNATVS, ZWINGERVS et BOVRDELOTIVS † asserunt, incertum, nec certius octogesimo, vel nonagesimo aetatis anno obiisse. Extremam tamen senectutem attigisse eum oportet, si Traiani tempora nascendo attigit. Non confundendus autem est Lucianus, cum alio Luciano Samosateno Christiano, Arianorum partibus addicto, a quo Lucianistae quidam dicti sunt †. Errant etiam, qui Lucianum cum Philostrato confundunt, illique vitam Apollonii crasso fatis errore tribuunt †. Habuisse eum filium cognominem sophistam, ad quem scripsit Iulianus ὁ παραβάτης coniicit BOVRDELOTIVS †, recte vero monuit CL. FABRICIVS † tempora id non pati, cum a morte Marci Aurelii, ad annum primum Iuliani imperantis effluxerint anni CLXXX, sic vt nepos magis vel pronepos fuerit, si modo vlla ratione ex solo nomine cognationem quandam intercessisse inter vtrumque coniicere liceat.

§. VIII. Tandem nec DIOGENES LAERTIVS nobis heic loci indictus dimittendus est, qui quamuis philosophum se non praestiterit, immortalis tamen historiae philosophiae Graecanae opere, cui maximam partem debemus, quicquid de philosophiae inter Graecos fatis nouimus, meruit, vt inter philosophos numeraretur, cum sine philosophiae cognitione opus arduum et graue fuscipere non potuerit. Saltem filere eum nefas putamus, a quo toties de philosophorum vita atque fatis loquendi copia nobis facta est. Fuit autem Diogenes Laërtius si plerisque viros doctos audimus, Laërte Ciliciae vrbe oriundus, vnde nomen

hau-

n) Duabus de hoc dialogo dissertationibus: ei etiam castigatissimam Philopatridis editionem debemus.

o) De mercede conductis T. I. p. 382.

p) Scholiastes vetus, quem sequitur Vollateranus, conf. TILLEMONT. hist. imp. T. II. pag. 709.

q) SVIDAS l. c. quem secutus est HOFMANNVS in Lexico.

r) In Tragopodagra T. III. p. 672. in Ocyp. p. 722. seqq.

s) In Hercule Gallico T. I. p. 811.

t) Prius Cognatus, posterior Bourdelotius statuunt.

u) VALES. ad Theod. p. 6. FABRIC. l. c.

x) Recte ideo Guil. Philandrum notauit COGNATVS l. c. et ad Alex. T. I. pag. 585. conf. FABRIC. l. c. p. 5. VOSSIVS de hist. Graec. L. II. c. 15.

y) loc. cit.

z) Ibid. p. 488.

hausisse plerique statuunt ^a. Paulo aliter acutissimus HEVMANNVS ^b, qui non ipsum quidem Diogenem, maiores tamen eius Laërte oriundos putat, indeque Laërtii nomen ei haesisse statuit, cuius rationem in eo potissimum quaerit, quod articulo addito dicatur Διογένης ὁ Λαέρτιος, cuius generis cognomina a maiorum patria desumpta et ad posteros propagata vbiuis fere in eruditi orbis occurrunt historia ^c. Additur his merito: patere ex veteribus inscriptionibus, quod Laërtii nomen inter familiarum cognomina fuerit, vnde nulli dubitamus, eleganti huic viri praestantissimi coniecturae subscribere, hacque potissimum ratione ducti ad Diogenem toties prouocantes solius Laërtii nomine vsi sumus. Alii quidem, et in his eruditissimus VALESIVS ^d, a patre Laërtio nomen accepisse putant. Ast haec Graeci sermonis indoli repugnant, secundum quem non ὁ Λαέρτιος, sed τῷ Λαέρτις dicendus esset. Nec veteribus inusitatum ^e, vt ὁ Λαέρτης dicatur, quod a patre desumptum esse non potest. Potamum vero Atticae vicum Laërtii patriam fuisse, visum est IAC. SPONIO ^f, mirante MENAGIO ^g, vnde haec hauserit? Sed caret hoc omni prorsus fundamento, nec displicet coniectura FABRICII ^h, qui non recte affecutum fuisse Sponium locum quendam PHOTII ⁱ, vbi Laërtius allegatur, coniicit, et nomen appellatiuum περὶ Ποταμὸν pro patria Diogenis eum habuisse putat. Nec certiora sunt, quae de eius aetate viri docti disputant. Vixisse eum sub M. Aurelio Antonino, LIPSIO ^k, VOSSIO ^l, MENAGIO ^m visum, ea potissimum ratione ductis, quod non omisisse videatur Epicteti vitam, quem sub Marco adhuc vixisse coniiciunt, nisi adhuc vitium Laërtii aetate magnum illud Stoicae familiae ornamentum extitisset. Ast recte his opponimus, Stoicorum historiam, cum Graecis, positis sibi his limitibus, finiuisset Diogenem, et omisisse ideo quoque alios, quos sine contradictione ante eum vixisse constat, e. g. praeter Cratippum Peripateticum, Senecam aliosque. Paulo aliter THOMAS REINESIVS ⁿ, qui sub Marco eiusque filio Commodο eum floruisse contendit. Ast is solo libro GALENI ^o de theriaca ad Pisonem spurio nititur, adeoque audiendus haud est. Sub Severi tempora ponit doctissimus IONSIUS ^p, qui diligens in definienda Laërtii aetate fuit, quem sequitur ὁ πᾶν FABRICIVS ^q. Monent hi viri docti: vixisse eum ante tempora Iustiniani, quibus vixere Stephanus et Hesychius Milesius, qui eum exscripsere:

^a) MENAG. ad Laërt. L. I. f. f. IONSI. de S. H. P. L. III. c. 12. p. 271. FABRIC. Bibl. Graec. Vol. III. p. 600.

^b) Aët. philosoph. Vol. I. p. 323. seqq. suboluit id iam IONSIUS l. c.

^c) Vid. GRUTERVS p. 299. FABRETTVS p. 251.

^d) Ad excerpt. Peiresc. p. 41.

^e) STEPH. BYZ. in Laërt.

^f) In itinerar. T. II. eum secutus est HARDOINVS ad Plinium T. I. p. 424.

^g) loc. cit.

^h) l. c. p. 602. not. g.

ⁱ) Cod. CLXI.

^k) Manud. ad phil. Stoic. L. I. differt. §. p. in. 22.

^l) De sectis c. XXI. §. 2.

^m) loc. cit.

ⁿ) Var. lectio. L. II. c. 12. p. 224.

^o) Conf. Aët. philos. Vol. I. p. 328.

^p) loc. cit.

^q) loc. cit.

psere: porro cum P H O T I V S testetur, Sopatrum excerptorum suorum librum sextum ex Diogenis Laërtii libris compilasse, hic vero Constantini M. temporibus floruerit, ut nos quoque *seção V.* monuimus, sequi inde, Constantini M. aetate quoque superiorem esse Laërtium. Memorare etiam eundem Plutarchum, qui sub Traiano vixit Faunorum, eius apud hunc imperatorem aemulum, Sabinum sophistam, sub Hadriano clarum, Sextum Empiricum eiusque discipulum Saturninum; adeoque ex dictis colligendum esse, vixisse Laërtium paulo post Galenum, aut eo iam sene, et ita temporibus Seueri imperatoris et deinceps floruisse. Diligenter et acute haec dici non negamus, ast magis indicant, quo tempore non vixerit, quam veram eius aetatem definiunt. Accuratus de Laërtii aetate disputaturus Cel. Heumannus ⁷⁾ ad eclecticae philosophiae origines respicit, quas haud ita pridem obtigisse Laërtius narrat. Eas vero Sec. III initia non anteuertere, laboriosa doctaque industria contendit, et contra obiectiones Cl. H A S A E I roborat, de qua controuersia cum nos supra ex instituto egerimus, et noua luce sententiam Heumannianam perfuderimus, nihil hic repetimus, sed dictis insistentes ex iis verisimile putamus, Diogenem Laërtium ante seculum tertium post C. N. medium non scripsisse, adeoque Galieni forte temporibus floruisse, Plotino, Longino aliisque *συγχορον*. Certiora tamen, praeter coniecturas, dare non audemus. Illud certum nobis videtur, non audiendum esse H. D O D W E L L V M ⁸⁾, qui ad Constantini M. aetatem eum reiecit. De vitae vero eius circumstantiis nec ipse scripsit quicquam, nec aliquis ex veteribus, et delituisset forte aeterna nocte Laërtii nomen, nisi nobis libros eius decem *de vita, dogmatibus, et apophthegmatibus clarorum philosophorum* seruasset prouidentia, quos, *unicum fere columnen philosophicae historiae, sine quo rudera tantum supereissent atque coementa difficulter in plerisque coniungenda* recte pronuntiat I O N S I V S ⁹⁾. Historiam eius libri literariam ita diligenter enarrauit F A B R I C I V S ¹⁰⁾, ut non habeamus, quod addamus, nisi quod hoc vnum monendum e re lectoris esse putamus, castigatissimam M. M E I B O M I I editionem prelo Wetsteniano elegantissime curatam ^{*}, omnes quidem reliquas accuratatione longe superare, vanam tamen fuisse bibliopolae gloriam, ne tantillam quidem occasionem supereffe, de erratis typographicis conquerendi ¹¹⁾. Dicaui hanc philosophicam historiam, quo nomine

S T E -

7) loc. cit.

8) De aetate Pythagorae §. 22.

9) loc. citat.

10) l. c. ubi de editionibus Ambrosii, Aldobrandini, Stephani quoque disserit. Aeternum de Laërtio meritis est M E N A G I V S, vir *παραμυθεύματος*, sed vndicunque a viris doctis adiutus.

11) Amstelodam. 1695. 4. quam ubique adhibuimus.

9) Commodio lectoris infernituri breuem hic errorum typographicorum quos obseruauimus, catalogum damus, ad hanc editionem, ut pateat, nihil esse in humanis ab omni parte perfectum. Pag. 70. l. 46. Com. Menag. omissus post. cap. n. 56. p. 116. l. 53 pro Chrysonis l. *Brysonis*. p. 109. col. a. l. 17. pro Paraeo l. *Parno*, vid. FABRIC. Bibl. Lat. med. T. IV. p. 380. p. 126. in marg. pro f. 12. l. f. 112. p. 137. in marg. l. 46. pro 5. l. 6. p. 174. l. 6. a. fin. pro validi.

STEPHANVS BYZANTINVS recte eam appellat, feminae cui-dam illustri et doctissimae, quae Platonis studiosissima fuit, quam fuisse Arriam, sub Seuero et Caracalla Platonicae philosophiae addictissimam post REINESIVM ^a coniciunt IONSIUS ^b, MENAGIUS ^c, et FABRICIUS ^d. Recte vero monuit Cel. HEVMANNVS ^e, male concludi ex amore philosophiae Platonicae, intelligi hic Arriam, cum eo tempore plures fuerint feminae Platonicae philosophiae deditae, vt taceamus, Galieni temporibus Arriam fuisse superiorem. Nos si coniecturis, vbi alia haberi non possunt, locus dandus est, hanc feminam Platonica ex Plotiniano contubernio fuisse suspicamus, in quo feminas quoque Platonica philosophiam didicisse PORPHYRIUS ^f testatur. Hoc et cum temporum notationibus congruit supra positus, et consilium scribendi Laërtianum illustrat, qui feminae ex multis sectis concordiam quandam philosophorum meditati diuersas eorum opiniones exposuit. Nec alia forte ratio, cur in libro, quem Platonicae mulieri dicauit, Epicurum commendauerit, quam quod exosum Ammonianae et Plotinianae scholae nomen gratum ita reddere et liberare suo modo ab inuidia voluerit. Lectori tamen iudicium de ea re plenum relinquimus, nihilque pro certo definimus. Licet vero immortaliter meruisse Laërtium de philosophica historia fatendum sit, cum innumeros veterum scriptorum hodie deperditorum locos nobis seruauerit, et in horreum quasi aliquod philosophicae historiae contulerit, dolemus tamen, iudicii et attentionis non tantas fuisse in hoc conscribendae historiae philosophicae opere partes, quam laboris improbi et amplissimae voluntatis, quae si adhibuisset, nae monumentum philosophiae veteris condidisset, omni thesauro praestantius. Ast a iudicii et profundae philosophiae veteris cognitionis, artisque item criticae praefidiis cum instructus non fuerit, grauissimis naeuis atque maculis opus insigne deformatum est, lectoremque requirit et ad omnia at-

ten-

validum l. *validum*. p. 183. l. 43. pro sella l. *cella*. p. 193. l. 2. pro non l. *vno*. p. 259. l. 8. a fin. pro ant. II. 13. l. II. 15. p. 320. l. 10. a fin. in marg. pro 48. l. 148. p. 43d. l. 7. a fin. pro mille l. *decem mille*, vid. SEXT. EMP. adu. gramm. L. I. c. 13. f. 283. FABRIC. ad h. l. p. 441. l. II. pro Phlasiis, l. *Phlasiis*. p. 478. numeri segmentorum corrupti sunt, pro 181. l. 180. et sic porro p. 488. l. 1. pro L. VII. l. *L. VIII*. Haec in Comm. MENAGII, in Tomo I. pauciora occurrunt, emendanda tamen p. 492. not. 26. l. 8. pro II. 9. l. XX. 9. p. 637. pro retrimenta l. *detrimenta*. p. 336. Graeca inuerso lateri imposita. In indicibus quoque emendanda: indice IV. v. daemon pro M. VII. 15. l. *VII*. 151. v. Democritus l. 2. pro borum l. *honorum*. v. Polemo et Crates l. *Genus* pro Demus. v. Spensippus pro Socrate l. *Isocrate*. v. Stoici

pro different l. *differant*. ib. pro f. 103. l. f. 104. In indice primo articulus saepe omissus v. g. *Ἀνδρῶν Ἐφεσίων*, vid. Act. phil. Vol. I. p. 325. Haec non eo fine notamus, vt nitoris et elegantiae laudem editioni optimaee denegemus, sed vt discat lector, quam nihil sit perfectum etiam in hac re, et vt huic quoque libro sphalmata ty-pographorum, quae nobis absentibus irrepserunt, ignoscat.

z) L. III. f. 47. L. X. f. 29.
a) loc. citat.
b) De Script. hist. phil. L. III. c. 12. p. 277.
c) Prooem. Comm. in Laërt. et Hist. mul. phil. lof. §. 47.
d) loc. cit. not. f.
e) l. c. p. 337.
f) In vita Plot. c. 9. p. 108. vbi quasdam nominat.

tentum, et nihil fine artis criticae lapide admittentem, quod innumeris haftenus exemplis docuimus ^g. Toties enim veteres sine delectu excrubit, contraria confarcinat, fabulas in sophistarum scholis enatas pro veris historiis obtrudit, libris, testamentisque supposititiis fidit, et quadrata miscet rotundis, ordinis insuper saepe plane incurius ^h, ut confarcinatorem potius et *ῥαψῳδόν* quam historicum agnoscas. Ceterum exploratorem veteris doctrinae et sententiarum fuisse philosophicarum, opus ipsum loquitur, utrum vero certae cuidam sectae se addixerit, definiri non potest. Et fauisse quidem Epicuro, eiusque historiam paulo accuratius, quam ceterorum philosophorum enarrauisse, seruatis etiam monumentis eius praecipuis *αὐτοψία* loquitur. Ex quo collegere viri magni nominis ISACVS CASAVBONVS ⁱ, AEG. MENAGIVS ^k, G. I. VOSSIVS ^l et IO. ALB. FABRICIVS ^m, non separandum eum esse a partibus Epicuri, ad quas mire propenderit. SAMVEL PARCKERVS ⁿ vero eum Epicureae sectae immodice addictum pronuntiat. Qua in re eum falli recte vidit Cl. HEVMANNVS ^o, qui et ad rationes respondet, quibus inter Epicureos eum esse referendum viri docti contendunt. Nam nec inde sequitur, a parte Epicuri stetisse Laërtium, quoniam eum suo modo defendit, illud enim Seneca quoque fecit, homo Stoicus, et de aliis quoque philosophis praestitit Laërtius: nec villo loco prodidit, se Epicuri sententiam sequi, non satis quoque eius se doctrinas assequi sperare, dicit ^p, et alio loco perstringit diuinæ prouidentiae hostes ^q. Certe si huic argumento vis inesse quaedam potest, eadem ratione Platonius vel Scepticus iudicari potest, cum non minus Platonem extulerit ^r, quam Epicurum, et Sextum Empiricum ^s laudauerit. Tutissimum itaque existimamus, eum nulli sectae adscribere, sed inter syncretistas eos referre, quorum ea aetate plena erant omnia, hoc tantum discrimine, ut more Senecae, ne Epicurum quidem ex philosophiae adytis excluderet ^t. Christianum qui Laërtium fuisse contendunt, phrasin ecclesiasticam *ἐλεημοσύνην διδόναι* ^u, male ad textum Laërtianum applicant ^x.

g) Consentunt iudicia eruditorum collecta a TH. POPE-BLOUNT. Conf. cel. auct. p. 158. Auct. philos. l. c. p. 349. seqq.

h) Maxime haec *ἀραξία* magno hist. philos. malo regnat in dogmatibus philosophorum expositis, conf. BAYLE Dict. T. I. art. Anaxag. not. C. p. 209.

i) Praef. ad Laërt. et ad L. I. f. 97. p. 138.

k) loc. cit.

l) De sectis c. IV. §. 21.

m) Bibl. Graec. Vol. III. p. 601.

n) De Deo disp. I. f. 15. p. 39.

o) l. c. p. 339.

p) L. X. f. 29.

q) L. IV. f. 55.

r) Facetur id GASSENDVS ad L. X. Laërt. p. 113.

s) L. IX. f. 116.

t) Ita et Britannus, qui Anglicae versioni vitam Laërtii praefixit, cuius verba avertit POPE-BLOUNT. l. c. p. 159.


u) L. V. f. 17.

x) Significat enim misericordiam praestare, conf. FABRICI l. c. p. 601. not. b. qui et alios Laërtios enumerat.

SECTIO NONA.

DE SECTA SCEPTICA.

§. I.

mnium postremi nos Sceptici vel Pyrrhonii vocant, exigua, si *Fortuna Sectae Scepticae sub imp. Rom.* cum ceteris sectis comparentur fortuna vsi. Eos enim non tantum invidia, qua philosophandi ratio ista pressa fuit, et doctorum suorum negligentia parum extendisse pomperia sua *tomo primo* docuimus, sed et Romae parum inualuisse, cum ab Academica secta, elegantiori habitu sceptice philosophari visa, in exilium quasi ageretur, in ipso huius tractationis limine ostendimus. Brevis itaque atque curta admodum huius sectae est historia, nec qui ei illustrandae operam adhibuerunt, post Ciceronis tempora inuenerunt, quod paulo memorabilius adicerent. FOVCHERIVS ^a enim, qui primus in huius sectae limitibus amplificandis laborem suum atque industriam posuit, post Varronem et Ciceronem mox ad Augustinum, et ab eo ad Cartesium progreditur; illustrissimus autem H V E T I V S ^b, qui totam fere philosophorum veterum cohortem in scholam Pyrrhonis deduxit, praeter Cornelium Celsum, Fauorinum, Sextum Empiricum, Lucianum et Vranium non habet, quos Scepticis professione talibus adiungat, et coactus est, dogmaticos quosdam *ἐκνοῦτες ἀκνοῦτες* in has partes pertrahere. Etsi vero causae modo dictae per se sufficere videntur, aliae tamen addi merentur, quae incrementa scholae Pyrrhoniae valde sufflaminarunt, et obstiterunt, quo minus laetiores, quam quas habuit, propagines extenderet. Inter eas vitam philosophis haud satis dignam, quam in Scepticis quibusdam magni nominis deprehendimus, recte referri, Timonis et Eurylochi exempla suo loco exposita satis probant, nec dubitandum in schola ea, quae *αἰδία φιλοσοφία* non logicam tantum et physicam, sed moralem quoque, veram ad tranquillitatem et felicitatem viam esse docuit, plures inuentos esse, qui eidem viae insisterent, id quod non potuit non dogmaticos philosophos nouis contra eos armare telis, easque illis contra Pyrrhonios obiectiones suppeditare, quae magnum sectae isti contemptum et inuidiam parerent, et ab ea amplectenda plurimos auocarent. Quis enim sectam istam amplecteretur, quae decori rationem et honestatem inter res indifferentes habendam esse, quicquid etiam prudentiores et modestiores dicerent, exemplo suo confirmaret? Etsi enim honestius et philosopho dignius viuere Scepticos dogmaticis clamitauerint Sextus Empiricus et ei similes, illis tamen exem-

K k k k 2

plis,

^a) Diff. sur la philosophie des Académiciens, L. I. c. II. p. 59. c. 12. p. 61. c. 13. p. 67. c. 14. p. 68.

^b) De la faiblesse de l'esprit humain L. I. c. 14. p. 154. seqq.

plis, qualia quidem inter omnes sectas inueniebantur plurima, vñ dogmatici, praecipue Stoici, iurati Pyrrhonorum hostes, odio et inuidia ipsam sectam vehementer cumulabant, et stultorum instar atque malorum hominum eos habebant, ficque multos ab ea secta amplectenda auocabant, quam mala fama premi, etiamsi non indecenter viuerent affeclae, videbant. Aliam porro causam impeditorum incrementorum huius sectae illud ipsum esse putamus, quod laetissimos initio Romae successus ei comparauit, eloquentiae forensis studium. Eius enim, enata monarchia Romana, cum disceptationum forensium tantus, quantus prius, vsus non esset, mutata facies est, et in scholasticum quendam translata habitum, qui artis magis studium coloresque quaereret, quam natiuam differendi et disceptandi formam teneret. Ita vero Academica et Pyrrhonia disputandi ratio, quae Ciceronis tempore oratoribus arma subministrabat, neruo suo in foro Romano, certe in scholis rhetorum, spoliata est, et vix locum in eloquentia illa sophistica inuenit, adeoque paulo magis neglecta est. Addi his potest, fortunam dogmaticae philosophiae, in aula Romanorum imperatorum multum Pyrrhoniae philosophiae obtitisse, summisque eam imperantibus suspectam fecisse atque exosam, cum contrarias ipsi partes sequerentur, eosque tuerentur, quos Sceptici oppugnabant. Cum enim Augustus Stoicis et Peripateticis faueret, Epicureos amici in aula commendarent, Tiberius Pythagoricos diuinandi peritos amaret, sub Caio, Claudio, et Nerone exiguum philosophis omnibus pretium statueretur, Vespasiani Titique temporibus Pythagorici, Stoicique in aula florerent, Traianus et Hadrianus omnis generis philosophos colerent, Fauorinus autem in huius gratiam ab Academica differendi ratione et statuendi modo deflecteret, Antonini, praecipue Marcus, dogmaticos summo loco ponerent, et publicas ei cathedras committerent, Platonici autem in aula Seueri, Iulia fauente, inualescerent, et quae sequebantur tempora, eclecticis, id est, syncretistas Alexandrinos gignerent, qui omnes sectas quasi deuorarent, ratio inde patet luculentissima, cur tam modico successu vsa fuerit secta Pyrrhonia. Nec audiendus est HVERTIVS^e, qui omnem mouit lapidem, vt demonstraret, Sextum Chaeroneum M. Aurelii praeceptorem fuisse eundem cum Sexto Empirico, eumque ita quoque Marci patrocinium philosophiae conciliaffe Pyrrhoniae. Falli enim virum illustrem nimis Scepticorum partibus fauentem, supra in Sexti Chaeronensis historia demonstrauius, et in Sexti Empirici historia mox enarranda ostendemus; neque fauisse etiam Scepticismo Marcum, vel ex Stoicae philosophiae studio, quod constanter secutus est, liquet, et verisimile haud est, eum Pyrrhoniis publice docendi facultatem non tribuisse, si eorum partibus fauisset, quod reliquis sectis apud eum contigisse ex Luciano probauius. Eas vero cum non honoribus tantum, sed et salariis auxisset imperator, quorum vtrumque frustra in Pyrrhonorum

schola

schola expectabatur, mirum non est, valde tenuem fuisse eorum numerum, qui has vitae humanae spes atque commoda philosophiae odio et invidia cumulatae, artemque nihil sciendi professae postponerent.

§. II. Et si autem pauci erant, qui hanc philosophandi viam ingrederentur, inuenti tamen sunt viri docti et acuti, licet numero exiguo, qui humani intellectus imbecillitate fastuque philosophiae dogmaticae inducti secundum Pyrrhonem philosophari instituerunt. Inter quos celeberrimum astronomum CLAUDIVM PTOLOMAEVM refert Huetivs ^{Sceptici quidam celeberrimi.} „eo quod obscuritatem et imbecillitatem humani intellectus accusasset. Ast non pertinere huc magnum virum, et a Pyrrhoniis dissentire, ex libello eius περί κριτικής καὶ ὑγεμονικῆς de iudicandi facultate et animi principatu, quem ISMAEL BVLIALDVS edidit, discimus. Porro AVLVM quoque CORNELIVM CELSVM in eundem censum refert idem vir illustris, idemque praestitisse inter Romanos pro Sceptica philosophia asserit, quod Aenesidemus Alexandriae, quem e puluere et squalore protraxisse philosophiam Scepticam nouaque luce commentariis suis illustrasse, suo loco diximus. Cuius rei licet testimonium Huetius adducat nullum, respexit tamen sine dubio ad verba QVINTILIANI ², qui, scripsisse, ait, non parum multa Cornelium Celsum, Scepticos secutum non sine cultu ac nitore. Ex quibus recte quidem concluditur, non displicuisse Celso, homini literatissimo ^b Scepticam philosophandi viam, qua ratione autem eam excoluerit, et an tantum praestiterit, quantum Aenesidemus, non liquet, postquam deperditi sunt libri eius de artibus, ex quibus sextus tantum hodie de arte medica supereft ⁱ, et dictionis nitore et obseruationum medicarum atque chirurgicarum praestantia commendabilis, de quo tamen heic differere locus non est ^k, adeundique sunt viri docti, qui historiam artis medicae enarrarunt ^l. Quod si Celsus ille, quem historiam philosophicam scripsisse supra ex AVGVSTINO ^m retulimus, cum nostro idem esse videatur, quod placet Cl. FABRICIO ⁿ, colligi inde posset, eum more Romanorum plurimorum

K k k k 3

rum

d) l. c. p. 154. Historia celeberrimi mathematici alibi enarranda est. Consuli autem cum fructu possunt praeter SVIDAM in Ptolomaeus T. III. p. 224. MEVSIVS ad Nicomachi Man. L. II. VOSSIVS de hist. Graec. L. IV. c. 13. p. 483. de scient. mathemat. c. XVII. p. 76. c. XXI. p. 94. c. XXVI. p. 109. c. XXXVII. p. 205. et qui literariam eius historiam diligenter enarrat FABRICIVS Bibl. Graec. Vol. III. p. 413. seqq. Vixit sub M. Aurelio Antonino maximam partem Alexandriae. Non confundendus est cum Ptolomaeo Cyrenaeo, Stoico, cuius meminit LAERTIVS L. IX. f. 110.

e) Paris. et Hag. Com. 1663. 4.

f) l. c. p. 154.

g) Inst. orat. L. X. c. 1.

h) „Quid plura? cum etiam C. Celsus, me-

„diocris vir ingenii, non solum de his omnibus „conscripterit artibus, sed amplius rei militaris, „et rusticae etiam et medicinae praecepta reli- „querit, dignus vel illo proposito, ut illum „scisse omnia illa credamus,“ QVINT. l. c. L. XII. c. II. COLVMELLA de re rust. L. I. c. 1. virum vniuersae naturae prudentem vocat, et L. III. c. 17. celeberrimum aetatis nostrae auctorem.

i) Historiam huius libri vide apud FABRIC. Bibl. Lat. T. I. p. 324. T. II. p. 448.

k) Vita Celsi a Io. RHODIO scripta, et alibi excusa, et Celsi editioni Almelooueenianae praefixa est.

l) DAN. CLERIC. hist. medic. P. II. L. IV. f. II. c. 4. p. 517. seqq. Io. CONR. BARCHVSEN hist. medic. p. 265.

m) Praef. de haeresibus.

n) l. c. p. 315.

rum nulli prorsus sectae prae aliis fauisse, nam hunc Celsum historicorum more nihil laudasse vel reprehendisse testatur Augustinus; ast antiquiorem hunc Celsum, qui teste COLVMELLA ^o sub Tiberio et Claudio vixit, esse, quam ut liber iste ad eum referri queat, coniicit doctissimus IONSIUS ^p, nec in re incerta definiri aliquid potest. Neque ex ipsis *de medicina* libris Scepticum agnoscimus, licet nec methodicae sectae nec dogmaticae per omnia addictus fuerit: ex quibus patet, de Scepticismo eius parum certi posse dici. Verum non Scepticos tantum passim inuentos fuisse, sed habuisse quoque successionem doctorum LAERTII ^q testimonio nouimus, quo teste, Aenesidemo, circa tempora Ciceronis Scepticam philosophiam Alexandriae reformanti successit, Zeuxippus, Zeuxippo Zeuxis, Zeuxi Antiochus Laodiceus, Antiocho Menodotus Empiricus, Menodoto Herodotus Tarsensis, Herodoto Sextus Empiricus, Sexto Saturninus. Caute itaque accipienda sunt verba SENECAE ^r; *Academici et veteres et minores nullum antistitem reliquerunt. Quis est qui tradat praecepta Pyrrhonis?* et vel de publica docentis voce intelligenda, vel coniiciendum, latuisse Scepticos tanquam stellas quasdam nebulosas, nec ad iubar sectae Stoicae comparere potuisse. Id quod ex hac ipsa, quam ex Diogene descripsimus, successione Pyrrhonica verisimile sit, in qua pauci sunt, qui praeter nomen res quoque suas posteritatis memoriae commendauerunt. Quod si Zeuxis ille, quem Zeuxippi successorem facit Laërtius, idem Zeuxis Tarentinus est, qui ex schola Herophili medicus magna eam luce collustrauit ^s, quod ex eo coniicit MENAGIVS ^t, quod medici ad Pyrrhoniā sectam animo propenderunt, ut Timonis, Menodoti, Sexti et Saturnini exemplis constat, non defuisse illi sectae viros celebres statuendum est. Sic et Menodotus Nicomediensis successor et discipulus Antiochi Laodiceus, et empiricae sectae patrocinio et Scepticismi dicacitate, et in dogmaticos vehementia et iniquitate GALENO ^u notatus, nomen tulit. Eum enim Asclepiadem inuicte confutasse, IDEM testis est. De Herodoto vero Tarsensi supra pauca in Sexto Chaeronensi tetigimus. SVIDAS ^x enim Philadelphiensem facit, et nos monuimus, non sine verisimili coniectura posse Herodotum Tarsensem ab Herodoto Philadelphienfi distingui ^y, illumque Sexti Empirici, hunc Sexti Chaeronensis praeceptorem dici. Suidas enim, quam facile homonymos confundat, notissimum est. Patrem is habuit Areum medicum ex Asclepiadeorum secta. Nec caruisse hunc Herodotum fama aliqua nominis ex Galeno colligi potest, qui eius aliquo-

^o) l. c. Augusto imperante natum esse coniicit CLERICVS l. c. p. 517.

^p) De Scr. hist. phil. L. IV. p. 332.

^q) L. IX. f. 116.

^r) Qq. nat. L. VII. c. 32.

^s) STRABO L. XII. p. 580. conf. FABRIC.

Bibl. Gr. Vol. XIII. p. 455.

^t) Ad LAERT. L. IX. f. 106.

^u) De natural. facult. L. I. c. 14. conf. MENAG. l. c. FABRIC. l. c. p. 335.

^x) In Sextus T. III. p. 300.

^y) Eundem facit HVETIVS l. c. diuersum MENAGIVS l. c. qui vocem Philadelphienfis, intrusam in textum Suidae putat, vel Areum patrem Tarsensem filium Philadelphiensem fuisse coniicit.

quoties meminit. Sunt et alii Sceptici veteribus memorati, et inter hos Cassius quidam a Galeno nominatus, et Theodas siue Theudas, Menodoti, apud Antiochum condiscipulus ^z, sed ignobile vtriusque nomen memoriam eorum, praeter nomen, deleuit.

§. III. Meliore fortuna usus est **SEXTVS EMPIRICVS**, *Sextus Empiricus*, ex Scepticorum schola omnium confessione ^a vir doctissimus et celeberrimus, cuius tamen vitae circumstantias tantum non omnes ignoramus. Gente fuisse Afrum **SVIDAS** ^b tradit, quem secuti sunt recentiores quidam ^c: ast Africam non habuisse patriam ipse quodam loco ^d haud obscure prodidit. Ait enim *apud Libyae gentes multas quemque habere mulieres, legem vero in patria sua vnica vxore contentos esse iubere*; quibus verbis patriam suam a Libya fatis manifeste distinguit, vnde coniicimus Suidam, qui more suo Sextos diuerfos inter se confudit, Sextum Iulium Africanum vel alium quendam Sextum ex Africa oriundum cum Sexto Empirico commiscuisse ^e. Neque tamen certiora de patria sua ipse prodidit, licet prodat, se non esse Germanum, Romanum, Thebanum, Indum, Aegyptium, Sarmatam, Schytham, Persam, Thracem, Syrum, Spartanum, Getulum, Cilicem, quarum regionum moribus opponit patriae suae consuetudines. Empirici nomen, quod et operibus eius codices **MSC.** praefigunt, et **LAERTIVS** ^f tribuit, sectam medicorum, cui addictus fuit, manifestat, vnde medicis a plerisque addi solet ^g, et ipse se fuisse ex horum numero memorat ^h, ad *hypomnemata medica* sua prouocans ⁱ. Recte itaque in Empiricorum successione nomen eius comparet, quod sine graui ratione negant aliqui, methodicorum eum sectae adscribentes. Inter quos est eruditus historiae medicae conditor **DANIEL CLERICVS** ^k, qui **MARSILII CAGNATI** ^l sententiam secutus, ex eo potissimum sectae Empiricae Sextum fuisse addictum negat, quod is in *institutionibus Pyrrhonicis* ^m ad quaestionem, vtrum Sceptica philosophia eadem sit cum medicina Empirica, id neget, et statuatur, methodicos potius cum Scepticis affinitatem aliquam habere, quam Empiricos. Nulla igitur verisimilitudine concludi posse putat, elegisse Sextum, quem Pyrrhonium fuisse certo constet, eam medicinae sectam, quam contrariam esse philosophiae suae ipse profiteatur, fierique potuisse, vt vel sectam methodicam cum Empirica

^z) **LAERT.** et **MENAG.** II. c.

^a) Vid. **LAERT.** L. IX. f. 116. Auctor *Istagog.* in hist. phil. c. 4. ex recentioribus **GENT. HERVETVS** praef. ad hypotyp. **Pyrrh.** **HVETIVS** l. c. p. 155. **MENAG.** ad l. c. **LAERT.** **FABRIC.** Bibl. Graec. Vol. III. p. 591. et viri docti passim.

^b) In **Sexto T.** III. p. 300.

^c) **MARS. CAGNATVS** var. Obs. L. III. c. 18. **DACIER.** vit. Plur. p. 75.

^d) *Instit. Pyrrh.* L. III. f. 213.

^e) **Pyrrh. inst.** L. III. f. 198. seqq. conf. **ION-SIVS** L. III. c. 13. p. 274. **FABRIC.** l. c. p. 590. not. z.

^f) loc. cit.

^g) Auctor tabellae de sectis medicorum, apud **LAMBECIUM** de bibliotheca Vindobon. L. VII. p. 152.

^h) *Adu. Grammat.* f. 260.

ⁱ) *Aduers. Logicos* L. II. f. 202.

^k) *Hist. med.* P. II. L. II. c. 8. p. 378.

^l) loc. cit.

^m) L. I. f. 236.

pirica confuderit Laërtius, vel duo fuerint Sexti, quorum vnus methodicae medicinae et Scepticae philosophiae adhaeserit, alter Empiricae *. Sed frustra fluctus in simpulo mouet vir eruditissimus, cum empiricae sectae indoles Pyrrhoniam philosophiam facile admittat, et non ipse tantum se *ἐμπειρικός ὑπερνήματα* scripssisse testetur, sed et praeter Laërtium PSEVDODO - GALENVS ° eum inter empiricos referat. Quemadmodum enim Sceptici in vitae negotio, scepsin suam non sequebantur, ita ipso SEXTO teste °, Empirici cum Scepticis consentiebant in principiis, et a se signa obscura comprehendere non posse statuebant, et signa rationalia cum Pyrrhoniis negabant. Nec recordatus est vir doctus, fuisse complures medicos empiricos, qui Pyrrhonismo fuere addictissimi. Locus vero Sexti, qui praecipue vrgetur, id prorsus non vult, sed, nisi nos omnia fallunt, contrarium probat: satis enim innuit, receptam sui temporis opinionem esse, conuenire Sceptico empiricam medicinam, eo quod Empirici Pyrrhonismo nomen dederint. Cur vero empiricam medicinam Scepticis non quadrare putauerit Sextus, alio loco ° luculenter prodidit, monens, empiricos obscurarum caussarum demonstrationem, quam dogmatici philosophi et rationales medici iactent, negare, Scepticos autem de ea assensum sustinere. Discrimen itaque non in eo est, quod in praxi medica solebat respici, in eo enim et Empirici et Sceptici satis erant concordēs, sed in modo tantum, quo demonstrationem ex caussis obscuris et latentibus reiciebant, cum empirici illam plane tollentes aliquid definirent, Sceptici solenni *ἐποχή* sua vterentur: id quod minime impedire potuit, vt non Sceptici Empiricorum praxin sequi potuerint *. Valde vero ieiuna sunt, quae, vt his se extricent, viri docti confingunt. Laërtium enim duos Sextos medicos inter se confudisse, vnde probabitur? et qui Sextum hypomnemata empirica scripssisse dici potest, si huic sectae addictus non fuit. Quod enim Cagnatus regerit: dici posse, licet empiricus non fuerit, eum tamen libros empiricos exarasse methodicum, eo quod in illis commentariis placita empiricorum ad disquisitionem reuocauerit, frigidum prorsus est, et ab omni verisimilitudine alienum, nec ratione vlla probari potest. Recte itaque veterum testimoniis stamus, qui Sextum inter Empiricos numerant °. Alexandriae vixisse, ibique vel philosophiam docuisse, vel medicinam fecisse, ex eo verisimile putat CAGNATVS °, quia loco quodam ° exempla affert Alexandriae, gymnasii, scholae, quae a re ob oculos posita desumssisse credere

*) Adu. Grammat. f. 161.

o) In isagoge l. c. Alium quidem hunc Sextum empiricum esse contendit CAGNATVS l. c. quem nullo argumento ductum veterum testimoniis contradicere recte notauit FABRICIVS in prolegom. ad Sextum.

p) Adu. Logic. L. II. f. 191.

q) Adu. Logic. L. II. f. 327. 328.

r) Empiricorum secta quomodo a rationalium et methodicorum secta distinguatur, exponit

CELSVS praef. de arte medica, qui hic omnino consulendus, addendique recentiores historiae medicae enarratores fere omnes. Paucis rem perspicue complexi sunt HRETIVS l. c. c. 14. p. 159. FABRICIVS ad Sextum p. 63. not. G. quos vide. Acronem Agrigentinum sectae huius principem fuisse scribit PLINIVS L. XXIX. cap. 1.

s) Conf. SALMAS. ad CAPITOLINI Anton.

t) loc. cit. *) Adu. Physic. L. II. f. 15. 98.

dere par sit. Ast decipi Cagnatum ex alio SEXTI loco * est manifestissimum, ubi scribit: *selem Alexandriae sacrificant. Horo et Thetidi blattam, quod apud nos nullus fecerit.* Et alibi † Alexandrinam dictionem suae non minus clare opponit. Recte quoque et eleganter CEL. FABRICIVS ad istum SEXTI locum monuit, eum non ideo Alexandriam exemplum asserre, quod ibi viueret, sed quod celeberrima esset, et quod Aenesidemus, quem libenter sequitur, docuisset Alexandriae, et quod praecipuae dogmaticorum, quos oppugnat, scholae tum temporis Alexandriae florent. Vt taceamus, nondum ex allato de hac vrbe exemplo sequi, eum ibi vixisse, cum et ad Rhodum aliaque loca prouocet, ubi eum triuisse tempus, nemo coniecit. Herodotum praeceptorem habuisse, LAEERTII ‡ testimonio, supra iam producto, constat. Valde vero miramur, CAGNATVM § scribere potuisse: cum de religione SEXTI ex eius libris nihil intelligi possit, assequi se non valere, an idem fuerit, quem de resurrectione scripsisse auctor est EVSEBIVS ¶. An vero unquam legisse Cagnatum libros SEXTI aduersos physicos credendum est, in quibus tam profana ratione de Diis agit, et ita vbique gentilem sapit, ut coecum esse oporteat, qui eum a Christiana pietate longissime abfuisse non videat? immo vel primus institutionum Pyrrhonicarum liber adeo luculentus hac in re est, ut ne per somnium quidem verisimile fieri posse credamus, scriptorem earum de resurrectione scribere et dogma sacrum explicare potuisse. Accuratori examini opus habet doctissimi HVETII ** opinio, qui eam, quam SALMASIO et CASAVBONO duce supra asseruimus sententiam, diuersum esse Sextum Chaeronensem M. Aurelii Antonini praeceptorem a Sexto Empirico, multis rationibus nixus oppugnavit, et eundem intelligi Scepticum philosophum demonstrare conatus est. Cuius rationes cum nos hoc loco expendere promiserimus, aequum est, ut virum magnae doctrinae, sed hypothesebus suis haud raro nimia fiducia et amore inhaerentem, audiamus. Urget vero ille 1. vixisse vtrumque eodem tempore, habuisse idem nomen, eandemque philosophiae professionem, eodem usum fuisse praeceptore Herodoto. 2. Reiciendam esse Suidae, scriptoris negligentis auctoritatem, qui vnum Afrum alterum Chaeronensem vocat, viderique simile, ideo Libyn dici Sextum Empiricum, quod forte diu Cyrenis Libyae vixerit, quemadmodum Pomponius Romanus a longa, quam Athenis fecit, mora Atticus dictus est. 3. Non obstare, quod Sexti Chaeronensis praeceptor dicatur Philadelphienis, Empirici Tarsensis, fuisse enim et Philadelphiam et Tarsum vrbes Ciliciae vicinas, quae facile commutari inter se potuerint. 4. Nec multum huic sententiae refragari Capitolini testimonium,

* Inft. Pyrrh. L. III. f. 221.

† Contra Grammat. f. 213.

‡ L. IX. f. 116.

§ loc. cit.

¶ H. E. L. V. c. 27. HIERONYMVS de Script. eccl. c. 50.

c) loc. cit.

monium, Sextum Chaeronensem, Iunium Rusticum, Claudium Maximum, Cinnam Catulum Antonini praeceptores Stoicos pronuncians. Hoc enim ad posteriores hos pertinere, non ad primum, quem Pyrrhonium fuisse, ex Suida constet. 5. Licet Sexti Empirici nomini patronymicum non addatur in inscriptionibus, visitatum tamen hoc veteribus esse, ut illa omittant. 6. Quod vero ab Antonini testimonio defumitur argumentum, quod *καταληπτικῶς* eum a Sexto philosophari didicisse, ait, nihil euincere, eo quod a Sceptico id quoque fieri potuerit, quos de vita instituenda regulas non minus graues praescripisse, quam alios philosophos, constet, cum in vita dogmaticos se praebuerint. 7. Quamuis autem in isagoge, quae Galeno tribuitur, Sextus nominetur, nondum tamen inde sequi, fuisse eum Galeno coaeuum, potuisse enim ad antiquiores se prouocare auctorem: nec certum esse atque euictum, recte eam introductionem Galeno tribui. Haec doctissimus praeful, vere Sceptice disputans, ut ipse fatetur, ingenium, quod habuit, foecundum probat, veritatem non item. Ita enim cum eius rationibus comparatum est, ut ad Lydium lapidem criticae artis examinatae assensum non mereantur. Et vno quidem responso omnes illae ratiunculae retundi possunt, demonstrando, quod infra suscipiemus, Sextum Empiricum Galeno si non iuniorem, certe coaeuum fuisse, nec ante Commodum vel Seuerum vixisse. Hoc vno enim posito omnia concidunt, quae magno molimine extruxit Huetius, cum Sextus Aurelii imperatoris praeceptor dimidio fere seculo antiquior sit. Sed nec quae affert digna sunt praestantissimi viri eruditione, et in patrocinium scepticismi, cui pia quadam ratione ad deprimendam in rebus sacris rationem vehementer fauebat, emendicata tantum et contorta. Et si enim vno nomine Sexti duo appellati sunt, diuerso tamen vixere tempore, nec homonymia probat, eundem semper fuisse, qui idem nomen gerit. Philosophiae vero professionem secutus est Chaeronensis Stoicam, Empiricus Pyrrhonicam, adeoque falsum est, eidem vtrumque instituto inhaesisse, supponit etiam Huetius, de quo tamen quaeritur, vtrum eiusdem sectae vterque fuerit? Accedit, Sextum Empiricum fuisse professione medicum, quod de Chaeronensi nemo veterum prodidit. Suidae vero negligentiam cum agnoscat, cur ad eum prouocat? et cur non videt vir acutissimus, quod palpari potest, tres Sextos eum confudisse? Nec ambitiose de patria Sexti Empirici disputamus, credendum sit Suidae, nec ne, in Libya natum esse contendenti. Sufficit, Empiricum a nemine veterum dici Chaeronensem, nec ei Cyrenaicam aliquam moram adscribi. Nec meliora sunt, quae de praeceptoribus vtriusque afferuntur. Nam vnde probabit, duas Ciliciae vrbes fuisse inter se mixtas? Quod si vero id concedimus, vel, quod commode magis dici potest, Areum Tarso, Herodotum eius filium Philadelphia fuisse oriundum, nihil tamen inde lucrabitur Huetii opinio, praeter illud, confudisse inter se veteres duos Sextos, et tribuisse Chaeronensi,

ronensi, quod ad Empiricum pertinebat. Ast num supra omnem verisimilitudinem est, duos philosophos habuisse duos praeceptores homonymos, vicinis ex ciuitatibus oriundos vel ibi habitantes? praesertim cum ex aetate Empirici Sexto Chaeronsi dimidio seculo iunioris coniici possit, Herodotum Tarsensem, huius praeceptorem, habuisse Herodotum vel filium, vel quod malumus et ex nomine suspicamur, nepotem, qui Tarso Philadelphiam commigrarit, et cuius institutione gauisus fuerit Sextus medicus. Miramur autem, eruditissimum praefulem Capitolini verbis adeo claris et luculentis vim inferre potuisse, praesertim cum ipse Suidam, testem quem aduocat, reiecerit. Et si vero patronymica non semper a veteribus addi, certum est, verisimile tamen non est, nunquam patriae Chaeronae nomen Sexto Pyrrhonio fuisse additum, si is ex Boeotia fuisset oriundus, ex qua originem habuit Marci praeceptor. Nec minus contorta sunt, quae ad eludendum, quod ab Antonino petitur, testimonium afferuntur. Non enim ibi sermo est, de argumento praeceptorum philosophicorum, quae a Sexto accepit imperator, sed de demonstrandi exponendique modo, ut veritas rei oculos perstringat. Quem sensum esse verborum Antonini, certe vidisset, qua fuit Graeci sermonis peritia Huetius, nisi hypothese inferuisset. Luculenter enim ait Marcus, didicisse se a Sexto τὸ καταληπτικῶς καὶ ὁδῷ ἐξερευτικόν τε καὶ τακτικόν τῶν εἰς βίον ἀναγκαίων δογμάτων quae Scepticismo directe opponi nemo non videt, et Pyrrhonio catalepsiam Stoicam tribui non posse palpat. Tandem quis credat, Antoninum, Stoicum acerrimum, iuratum sectae suae hostem tantis laudibus extulisse? vel illam philosophandi viam didicisse, quam vehementer exosos fuisse dogmaticos omnes constat? Quibus omnibus cum reponi queat nihil quod momentum habeat, recte fecisse eos, qui vtrumque Sextum distinxerunt, libere pronuntiamus. Ex his autem intelligi quoque potest, falsum esse FRANC. PHILELPHVM, qui ex Sexto Pyrrhonio Peripateticum exsculpfit. Totum enim fuisse Scepticum et de Pyrrhonia philosophia omnium maxime meritum, luculentae *institutiones Pyrrhoniae* ad oculum demonstrant: ex quibus cum prolixè satis Scepticorum philosophandi rationem *tomo primo* descripserimus, lectorem illuc remittimus. Prolixiora sunt, quae aduersus *mathematicos* s, id est, dogmaticos *undecim libris* disputauit, in quibus non

LIII 2

modo

e) L. XXVI. ep. i. p. 178.

f) Varia fuit apud veteres vocis huius significatio. Pythagorae discipulos perfectos ita vocatos esse, Tomo primo ostendimus. Interdum pro astrologis et genethliacis vox adhibita, ut apud ipsum SEXTVM adu. math. L. V. f. 1. 2. quo sensu magi quoque mathematici dicuntur. Strictiori sensu etiam mathematici vocati sunt, qui circa quantitates rerum, magnitudines, pondera et mensuras versabantur, quo sensu hodie quoque vox in usu est. Interdum pro huma-

niorum et liberalium disciplinarum orbe vox sumpta est mathematicae, et μαθηματικά dicta ἐγκυκλοπαιδεία, quo sensu mathematicos appellat CEBES p. 69. et hoc quidem sensu sumxisse Sextum vocem, recte obseruauit FABRICIVS, qui in limine disp. contra mathematicos de hac varia significatione vocis mathematicus, erudite disserit. His subiunxit Sextus disputationes aduersus philosophos, quas a disputationibus contra mathematicos seiunxisse, ex fine Libri VI. contra musicos est euentissimum.

Fal-

modo Pyrrhoniae philosophiae notitiam haud leuem, sed et magnam omnis veteris doctrinae cognitionem et eruditionem haud proletariam ostendit, dignus qui ab eis attente legatur, qui veteres doctrinas nosse cupiunt, praesertim postquam magna luce hos commentarios collustrauit celeberrimi FABRICII^a diligentia, de literis fere omnibus, praesertim Graecis, immortaliter merita. De aetate vero Sexti Pyrrhonii, vt aliquid adiiciamus, errare eos, ex dictis constat, qui sub M. Aurelio Antonino eum ponunt. Vidit id iam CAGNATVS^b, sed ratione infirma ductus suspicatus est, fuisse eum Galeno posteriorem, quoniam definitionem medicinae eandem, quam in libro *artis medicae* Galenus attulit, *scientiam salubrium, non salubrium et neutrorum*. Nec firmior SALMASII ratio ad *isagogen* GALENI prouocantis, in qua mentio fit Sexti, eam enim spuriam esse, nemo fere negat. Sed certiora et validiora sunt, quae ex successione Scepticorum a LAERTIO^c memorata attulit IONSIUS^d. Ea enim successio talis fuit:

Antiochus Laodiceus,

Menodotus Nicomediensis, Theodas Laodiceus,

Herodotus Arei Tarfensis,

Sextus Empiricus

Saturninus.

Menodotus autem et Theodas, siue Theudas tempore M. Aurelii Antonini inclaruerunt, vt ex GALENI libro *de hypotypose empirica* patet, quem, A. C. CC, aetatis LXX, Seueri VII, defunctus, Antonini philosophi tempore anno aetatis XXXVII composuit, et in quo postremos ex Empiricis laudat Menodotum atque Theudam. Hunc Menodotum cum audiuerit Herodotus, et hunc demum Sextus, necessario inde sequitur, ferius, quam sub Antonino philosopho Sextum vixisse. Cumque hos vltimos sui temporis empiricos memoret Galenus, recte inde concluditur, Sextum Empiricum, Galeni tempore nondum innotuisse, sicque eius tempus in Sec. III initia, vel senectutem etiam Galeni, aetatemque Seueri imperatoris esse reiiciendam. Cum enim verus isagoges Galeno tributae auctor ignotus sit, ex eo argumentum pro definienda Sexti aetate afferri non potest. Alios Sextos supra indicauimus.

§. IV. Post

Fallitur itaque communis virorum doctorum sententia, quam nos quoque in Germ. Hist. phil. opere T. III. p. 1337. secuti sumus, quae mathematicum nomine omnes omnino scientias etiam philosophicas comprehendisse Sextum putat. (g) Nitidissima editione Lipsiensis 1718. fol. vid.

Journ. des Savans 1719. p. 669. Bibl. anc. et mod. T. XIV. p. 1. Act. erud. 1718. p. 337.

b) loc. cit.

i) l. c. f. 126.

k) De Sér. hist. philos. L. III. c. 12. p. 274. eum sequitur FABRICIUS ll. cc.

§. IV. Post Sexti aetatem non defuerunt, qui philosophandi ratio- *Sceptici poste-*
 nem Scepticam excolerent, mox Pyrrhonorum, mox Academicorum *riores.*
 nomine minus inuiso vsi. Ex illorum numero fuit Saturninus Cythenas,
 quem Sexti Empirici discipulum facit LAERTIUS ¹⁾, et Theodosius
 Tripolites, vir eruditus et mathematicarum disciplinarum historia clarus,
 qui, SVIDA teste, " commentarios scripsit in Theudae Laodiceni Sce-
 ptici capitula. Meminit Theodosii cuiusdam Bithyni, quem horologii
 solaris ad quodcunque clima apti inuentorem praedicat VITRVVIUS ²⁾,
 et quem cum filio non ignobile inter mathematicos sui temporis nomen
 consecutum esse STRABO ³⁾ testatur, huncque VOSSIUS ⁴⁾, cum
 Theodosio Tripolitano eundem fuisse, et ex Bithynia in Africam secef-
 sisse putat. Qua in opinione ducem habuit IOANNEM PENAM ⁵⁾.
 Sed merito a Vossio discessere viri κριτικώτατοι Io. IONSIUS ⁶⁾, AEG.
 MENAGIUS ⁷⁾ et Io. ALB. FABRICIUS ⁸⁾, si enim paulo attentius
 Suidae narrationem intuemur, palam fit, fuisse inter se Theodosios hos
 diuersissimos. Bithynus enim, Vossio non negante, Pompeii M. tempo-
 re vixit, Tripolitanus commentarios scripsit in Theudam, qui aliquo ante
 Sextum, tempore, Traiani forte vel Hadriani vel Antonini Pii aetate
 vixit, adeoque ille Sextum aetate superare vix potuit, et duobus Seculis
 Bithyno est iunior. Et distinguit quidem Theodosium, capitulorum Sce-
 pticorum auctorem Suidas a Theodosio Tripolita, sed confudisse eum
 more suo hic omnia ex illo patet, quod eadem vtrique scripta tribuit.
 Monet etiam FABRICIUS, nunquam Theodosii meminisse, neque
 eius scripta euoluuisse videri Ptolomaeum, licet hunc ex illis profecisse tra-
 dant Pena et Vossius, ex quo confirmamur, Theodosium post Ptolomae-
 um, qui Antoninorum tempore floruit, vixisse: alias enim ad eum pro-
 uocasse dubitandum non est, qui alios laudauit. Meminere vero Theo-
 dosii posterioris temporis mathematici Theo, Pappus, Proclus, et ante
 hos LAERTIUS ⁹⁾, ex quibus recte coniicitur, vix errare eos, qui vel
 cum Sexto, vel paulo post eius tempora vixisse statuunt. De modo vero
 eius philosophandi σκεπτικὸς, ex fragmento illo specimen cape, quod ex
 capitulis eius Scepticis seruauit SVIDAS ¹⁰⁾. Ait ibi: *Pyrrhonem non*
vocandum esse Scepticum: nam si quidem motus et agitatio mentis in
alterutram partem comprehendere non possit. Pyrrho quo mentis habitu
fuerit, nos ignoraturos esse. At si illum ignoremus, non recte voca-
tum iri Scepticos Pyrrhónicos. Ad haec Pyrrhonem neque primum Sce-
ptices auctorem fuisse, neque de vlla re certi quid statuisse. Quare
Pyrrhonium dicendum, qui moribus illi similis fuerit. Scilicet sectae
 nomen omnino refugiebant Sceptici, et antiquiora Pyrrhone nomina in

LIII 3

patro-

1) L. IX. c. 116. 2) In Theodosius T. II. p. 174.
 3) L. IX. c. 9. 4) L. XII. p. 566.
 5) De scient. mathem. c. XVI. §. 6. p. 58.
 6) XXXIII. §. 8. p. 160. 7) Praef. ad Sphae-
 rica Theodosii a se Paris. 1557. 4. edita.

8) De Scr. hist. phil. L. III. c. 12. p. 275.

9) Ad LAERT. L. IX. f. 70.

10) Bibl. Graec. Vol. II. p. 91.

11) L. IX. f. 70.

12) In Pyrrhonii T. III. p. 256.

patrocinium opinionis vocabant. Hinc Homerus, Archilochus et Euripides huc aduocati, vt ex hoc Suidae loco liquet. Seculo vero tertio valde inclinasse res Scepticorum dubium non est, cum et secta eclectica reliquas fere omnes deprimeret, et Christiani se Scepticismo vehementer opponerent, quod eius mala inter greges suos grassari viderent doctores ecclesiae, qua de re conqueritur GREGORIUS NAZIANZENSIS *, et nota sunt, quae contra Academicos disputauit AVGVSTINVS †. Ex quibus veterum locis colligitur, acerrimas quidem at absurdas et impudentes fuisse disputationes Scepticorum, et intolerabiles visas ‡, telis vero piorum doctorum vbique confossas §. Cum itaque exiguis iam ante luminibus vsa esset ¶ secta Sceptica, tandem prorsus euiluit, et cum incrementis philosophiae Alexandrinae atque doctrinae Christianae huic sectae maxime aduersis, decreuit. Cuius specimen esse potest, quod Sexti scripta, licet bonae frugis quoad veteris doctrinae copiam et eruditionem plena, plerisque veterum intacta manserint ¶, et de doctissimo medico non nisi pauca extent veterum loca §. Occurrit quidem Iustiniani imperatoris tempore Vranus quidam philosophus, AGATHIAE ¶ memoratus, ex quo sua descripsit SYRIDAS †, homo Syrus, non Peripateticae tantum doctrinae, sed et Pyrrhoniae addictus, qui Constantinopoli oberrabat, artem proficiens medicam, quique nullum prorsus Aristotelis dogma recte tenebat, disputando tamen in congressibus inanem prae se typhum ferebat, et ad palatii porticus atque in tabernis librariis sedens de Deo et diuinis cum hominibus illiteratis disputationes exercebat. Hunc ephecticam philosophiam imitari cupientem, iuxta Pyrrhonem et Sextum responsiones fecisse, finemque statuisse vacuitatem perturbationis in animo, existimando nimirum, nihil esse quod comprehendi posset intellectu, ait AGATHIAS, qui et addit, cum Areobindo legato ad Persarum regem Chosroem commigrasse, magno ab eo in honore habitum. Ast et vita talem describit et eruditione, vt vix nomen inter philosophos tueatur, et Christianum fuisse ex Nestorii secta, et ad controuersias Eutychianas traxisse praecepta Aristotelis de passibilitate et impermixtibilitate Dei (τὸ παθητὸν καὶ ἀζύγχυτον) disputando, obseruauit Cel. MOSHEMVS ‡, adeoque et suo merito, et fidei professione omitti hic potest. Nec alia sunt, quae his addenda esse iudicamus; cum hoc vero tempore cum philosophia Graeca gentilis plane exspirauerit, eius quoque sub imperatoribus Romanis historiae imponimus finem.

* Orat. XXI. in Athanas. p. 380.

† Libris tribus contra Academicos, de quibus suo tempore dicendum. Conf. FOYCHER. sur la philosophie des Académiciens L. I. c. 13. p. 67. seqq.

‡ AVGVSTIN. enchir. c. 20. de Trinit. L. XV. c. 12.

§ Vid. LACTANT. inst. L. III. c. 5. 6. de ira Dei c. 1. b) Vid. Aristocles apud EYSEB. de praep. L. XIV. c. 18.

c) Obseruauit id MENAGIVS ad Laërt. L. IX. f. 116.

d) Laërtii, Suidae, Isagoges auctoris, Agathiae, Cedreni, auctoris tab. de festis medicorum, Scholiastis Luciani et Nazianzeni loca praefixit suae Sexti editioni FABRIC.

e) L. II. p. 67. f) In Vranus T. II. p. 740. hinc sua hausit MENAGIVS l. c. FABRICIVS l. c. HVERTIVS l. c. p. 161. g) Instit. hist. Christ. antiq. Sec. VI. P. II. c. 1. §. 5. p. 434.

CAPVT TERTIVM.

DE PHILOSOPHIA ORIENTALI.

§. I.

Absoluta philosophiae gentilis Graecanae sub imperatoribus Romanis historia ad Iudaeos iam, quod omnes hactenus fecerunt, qui philosophiae fata enarrarunt, pedem promouere liceret, nisi restarent barbaricae philosophiae reliquiae, hactenus fere nemini animaduersae, saltem iusta nunquam luce collustratae, quas nuper et tenebris reuocauit, viri magni, Io. LAVR. MOSHEMII^a industria. Qui cum vidisset, veterum in ciuitate Christiana haeresium, quae rem Christiani populi sacram sub initia nascentis reipublicae sacrae valde vastarunt, origines ex Platonismo, praeuiis quibusdam veteribus doctoribus, a plerisque qui historiam ciuitatis Christianae enumerarunt^b perperam, et inuita veritate deriuari, de veris earum originibus sollicitus, tandem eo, quo est animi acumine, et profunda in his rebus perspicacitate, vidit et detexit, fuisse circa nati Saluatoris tempora in notioribus Asiae atque Africae regionibus singulare quoddam philosophiae genus, quod diuinarum rerum cognitionem ceteris praestantior sibi vindicans, orientalis doctrinae a vetustissimis philosophis ad se deriuatae gloriam sibi vindicauit: exque ea secta plures cum ad Christianam religionem se contulissent, praeceptaque sua cum hac praepostere coniungere conati essent, exorta esse illa haeresium examina, quae Gnosticorum nomine superbientia, muscarum instar per omnes Asiae atque Africae ecclesias peruolitarunt, et nugis ineptissimis simplicitatem sanctissimae religionis contaminarunt, ad Iudaeos quoque et ipsos gentiles progressae domesticam vtrorumque philosophiam misere corruerunt, sententiarum monstra excogitarunt, fanaticismum late regnantem confirmarunt et auxerunt, librorum spuriorum segetes disseminarunt, pessimisque doctrinis totum commacularunt orbem. Quorum hominum historia, dici non potest, quantum lucis historiae sacrae atque philosophicae seculi post natum Saluatorem primi et secundi accendat, et quam multa perspicere queant, circa quae sine ea merito in tenebris palpamus. Dolendum tantum est, non extare amplius horum hominum libros, et non nisi pauca et exigua fragmenta superesse, adeo quoque ecclesiae doctores variis caussis impeditos turbasse eorum notitiam, vt pauca hactenus de eo philosophiae genere caussis, et rationibus

Historiae philosophiae orientalis necessitas et momentum.

^a) In diff. de caussis suppositorum librorum inter Christianos Sec. I. et II. Vol. diff. histor. eccles. p. 217. In institut. hist. Christ. antiqu. Sec. I. P. II. c. I. §. 4. seqq. p. 71. seqq. et in institut. maior. Sec. I. p. 137. seqq.

^b) Vid. MASSVET. diff. I. in Irenaeum art. I. sect. V. §. 63. seqq. p. 93. seqq. C. VITRINGA Obf. SS. L. V. c. 13. p. 162. et innumeri alii, quibus exemplum praebuere veteres doctores Irenaeus, Tertullianus, Epiphanius, alii.

bus veris dici possint, quae non insuperabilibus difficultatibus circumsepta omni fere diligentia superiora sint. Tentabimus tamen, vtrum tanto viro duce, viae semel ab eo apertae insistentes, afferre aliquid valeamus, quod non nudis coniecturis, sed veterum etiam relationibus consonet.

*Existentia
eius probata.*

§. II. Extitisse eiusmodi philosophiam circa haec, de quibus loquimur, tempora, veterum de haeresibus in oriente natis narrationes dubitare non sinunt. Eae enim certi testes sunt, ad eiusmodi philosophiam, a vetustissimis in oriente philosophis acceptam istos homines prouocauisse. Qua de re imprimis PORPHYRII ^c testimonium audiendum est, eo minus suspecti, quo minus res ecclesiae Christianae ei curae erant cordique. Ita enim ille: *γεγόνασι δὲ κατ' αὐτὸν τῶν Χριστιανῶν πολλοὶ μὲν καὶ ἄλλοι αἱρετικοὶ δὲ ἐκ τῆς παλαιᾶς φιλοσοφίας ἀνηγμένοι, οἱ περὶ τὸν Ἀδελφίον καὶ Ἀκυλῖνον κ. τ. λ. Erant Christiani eo tempore multi, tum alii, tum haeretici ex antiqua philosophia egressi, Adelphii Aquilinique sectatores etc.* Quibus verbis clarissime innuitur, haeticos eius temporis inter Christianos, non tantum antiquae philosophiae propaginem se iactauisse, sed reuera inde semina opinionum concepisse suarum. De philosophis enim loqui Porphyrium, ex sequentibus manifestum est, quibus contempsisse eos, Platonem, Zoroastris autem, Zostriani, Nicothei, Allogenis Mesi auctoritatem crepuisse, et tanquam sectam aliquam philosophicam confutatos esse, ait. Orientis autem sapientiam eos homines ostentauisse, fragmentum THEODOTI Valentiniani hominis, quod CLEMENTI ALEXANDRINO subiungi solet, quodque cum FR. COMBEFISII versione exhibuit IO. ALB. FABRICIVS ^d, demonstrat, quod Valentinianis somniis refertum orientalis doctrinae titulum ^e prae se fert. Ast talem hoc fragmentum philosophiam nobis exhibet, qualem in sequentibus producemus, quaeque veteres orientis doctrinas, quantum ex iis ad ista quidem tempora peruenit, male sana curiositate ad Christianae religionis traduxit mysteria. Addimus locis his tertium non minus luculentum, probeque notandum, quod ab eiusmodi philosophi calamo profectus est, qui philosophiae suae partem non contemnendam illi doctrinae orientali debuit. EVNAPIVM ^f innuimus, Alexandrinae philosophiae innutritum, qui postquam Sosipatrae a geniis quibusdam, vt ipse vult, philosophiam edoctae historiam enarrauerat, patrem dicit, orauisse peregrinos viros, ad genua aduolutum, ederent, qui-

c) In vita Plotini c. 16. p. 118. ed. Fabr.

d) Bibl. Graec. Vol. V. p. 135. Germanice idem fragmentum edidit G. ARNOLDVS haeresiolog. P. IV. p. 41. sed cum vir doctus a veteris philosophiae notitia plane non esset instructus, non poterat non thesauros vendere, qui carbonem erant. Meliorem itaque versionem dedit vir quidam eruditus Vlnae 1701. 4. qui nomen literis his I. G. W. E. M. praefixit. Quem

fuisse IOANNEM GEORGIUM WACHTERVM, ecclesiasten Memmingensem, virum Graece doctissimum nos docet Cl. IAC. ERHARDVS in miscell. de Iubilaeis p. 43.

e) Hunc enim titulum praescriptum habet: *Ἐκ τῶν ΘΕΟΔΟΤΟΥ καὶ τῆς ἀνατολικῆς καλουμένης διδασκαλίας κατὰ τοὺς Οὐαλεντίνου Χρόνου ἐπιτομὰι.*

f) In Aedefio p. m. 61.

quoniam essent : οἱ δὲ μάλιστα καὶ βραδέως (δόξαν δὲ ἴσως οὕτω καὶ Θεῶ) παρέφηναν εἶναι τῆς Χαλδαϊκῆς καλουμένης σοφίας ἐκ ἀμύητοι καὶ τῶτο δι' αἰνιγματὸς καὶ κατὰ νέοντες. Illi cunctabundi, ita pergit, aegre post aliquam moram (forsan etiam, quod Deo ita visum fuerit) se Chaldaicae philosophiae, quae dicatur, initiatos esse prodiderunt, idque obscurius et demisso vultu. Quibus verbis satis clare innuitur, fuisse eo tempore sectam quandam philosophicam, quae Chaldaicam atque Orientalem sapientiam iactauerit, eaque mysteria panderit, quae haud contemnendam partem philosophiae Alexandrinae constituebant, licet morosius refragari nolumus contendenti, pleraque in illa Sosipatrae historia fabulam redolere. Nobis enim heic loci sufficit demonstrasse, inualuisse, primis a Christo nato seculis eiusmodi philosophiae orientalis sectam, quae diuinior et augustior reliquis habita fuerit, et dogmata multa ad Alexandrinos philosophos propagauerit, ad quam prouocare potuerit Eunapius.

§. III. Vindicasse sibi hanc sectam Gnosticorum nomen, eo quod sublimiorem ceteris philosophis de Deo deque potestatibus quibusdam siue emanationibus diuinis cognitionem se habere Sectatores eius gloriati sint, doctissimus MOSHEMIVS ^g coniicit, nam, (quod ex sequentibus quoque constabit,) circa diuina eiusmodi totam eorum doctrinam fuisse versatam. Certumque se esse, ait, philosophos hos nomine γνώσεως non tum demum doctrinam suam insignire coepisse, postquam Christianam religionem receperant, sed iam antea honoris causa eam ita nominasse. Tritum enim dudum fuisse inter philosophos hoc vocabulum et ad cognitionem seu contemplationem rerum aeternarum, sublimiorem et ab omni sensu et materia secretarum designandam adhibitum: atqui harum rerum notitiam eximiam hoc genus hominum sibi arrogasse. Recte haec quidem dici, nemo negauerit, qui vetustissimarum haeresium origines paulo curatius habet perspectas. Quamuis enim Gnosticorum appellationem certae tantum haereticorum sectae propriam fuisse, eamque isto nomine ab aliis haereticis se distinxisse tradant Epiphanius, Augustinus, Pseudo-Hieronymus, Auctor Praedestinati et alii, quos magno numero sequuntur recentiores ^h, in veterum tamen scriptorum lectione versatum fugere non potest, Gnosticorum nomine omnes propemodum haereses complexos fuisse veteres, qui sublimiorem de Deo et diuinis scientiam iactarent, vnde et Menandrum Simonis discipulum IRENAEVS ⁱ, et Basilidem HIERONYMVS ^k, Saturninum EPIPHANIVS ^l, Nicolaum quoque PHILASTRIVS ^m Gnosticorum parentem

Nomen Gnosticorum sibi vindicat.

CON-

^g) loc. cit.

^h) Vid. quos laudat THOM. IRTIGIVS de haeresiarchis aevi Apost. c. IX. p. 162. seqq.

ⁱ) L. III. c. 4.

^k) Cat. Scr. eccl. c. 21. p. 87. ed. Fabr.

^l) Haeref. XXVII. sect. I. T. I. p. 102.

^m) Haeref. XXXIII. p. 71. ed. Fabr. idem facit IRENAEVS L. III. c. II. EPIPHAN. haer. XXVI. f. I.

constituunt. Dubitandum quoque non est, profluxisse hoc nomen non ex Christiana sed gentili disciplina, considerantibus luculenta duo loca Diui PAULI, quorum vno " discipulum Timotheum anthitheses τῆς ψευδάνυμς γνώσεως, auersari iubet, altero illam falso iactatam sublimiorem sapientiam philosophiam deceptricem et traditiones humanas atque elementa siue principia mundi vocat °, quibus verbis clare satis origines non in ciuitate Christi, sed inter seculares homines exortas tangit. Et si vero, haec ita se habere vix dubitandum sit, non tamen id ita accipiendum est, ac si orientalis ista philosophia domesticum hoc sibi nomen adsciuerit. Γνώσεως nomen enim Graecum est et a Graecis philosophis profectum, et in Pythagorae atque Platonis tantum schola ad res immateriales et intelligibiles, earumque notitiam, quam metaphysicam dixit Aristoteles, translatus, vt nos alibi docuimus p doctēque exposuit IACOBVS THOMASIVS °. Ex quo colligimus, Gnosticorum nomen orientales philosophos tum demum sibi vindicasse, cum Graeci ad orientalem philosophiam Pythagorico-Platoniceam transferrent, et ex vtraque mixtum metaphysicae genus exurgeret: quod non ita longo ante natum Christum tempore euenisse, in sequentibus dicemus. Gnosticorum vero, id est haeticorum vetustissimorum placita ex hac secta profecta esse, et sublimiorem eiusmodi de Deo et emanationibus diuinis atque earundem operibus doctrinam iactauisse, laudatum supra THEODOTI fragmentum διδασκαλίας ἀνατολικῆς luculenter euincit, et ex tota Gnosticorum historia alibi enarranda manifestum esse putamus.

Origines se-
ctae Orienta-
lis.

§. IV. Originem vnde haec secta ceperit, ex dictis et allatis etiam veterum locis definiendum est. Ex oriente enim profectam esse non nomen tantum, quod iactabat, ostendit, sed locus etiam regionesque orientis, in quibus illa γνώσις ψευδάνυμς enata est, quam Chaldaeam, Persiam, Syriam, Phoeniciam, Palaestinam fuisse, eos non latet, qui veterum rerum notitia delectantur. Ex his enim orientis regionibus ad Europaeos quosdam populos, maxime vero ad Aegyptios fuisse hanc philosophiam propagatam, ex iis, quae in fine *primi tomi* de philosophia Aegyptiaca tempore Graecorum ibi regnantium dicta sunt, satis notum esse putamus. Maxime vero Chaldaeam et Persiam, (quae nomina in philosophiae historia idem dicere, et Chaldaeam philosophiam esse, quae inter Persas illo tempore floruit, ex dictis *tomo primo* de harum gentium philosophia constat) patriam huius philosophiae recte assignari, adducta supra Eunapii et Porphyrii loca probant, quorum ille Chaldaicam philosophiam secretiorem initiationibus sacram, vocat, hic ad Persarum eos philosophos prouocasse, eorumque auctoritatem, emendicatis

n) I. Tim. VI. 20.

o) Celost. II. 8.

p) Hist. de ideis sect. I. §. 6.

q) Orig. hist. phil. et eccles. §. 25. seqq. p. 21.

dicatis aliquot libris spuriiis Zoroastris, Zostriani, Mesi aliorumque nomine superbientibus venditasse prodit. Qua in opinione mire confirmamur conuenientia philosophiae Zoroastreae cum hac orientali et Gnostica, cuius infra luculentum dabimus specimen. Nulli itaque dubitamus asserere, fuisse eam propaginem quandam doctrinae Zoroastreae, at in peculiare opiniones et mira somnia degenerantem, adeoque inter sectas illas referendam esse, quae Orientis incolae vltimis ante N. C. annis in plures opiniones diuiserunt. Ex his vero clarum quoque esse putamus, errare eos, qui ex Platonis schola totam hanc Gnosticorum insaniam deriuant; cuius opinionis auctores sunt veteres quidam ecclesiae doctores ^{r)}, qui in hos haereticos calumiam strinxerunt. Qui cum Platoniam potissimum doctrinam didicissent, vidissentque haud pauca orientalis philosophiae capita a philosophis Alexandriae Pythagorico-Platoniam philosophiam tradentibus, vel ex hac Musarum sede per Asiam se diffundentibus fuisse recepta, in eam inducti sunt sententiam, totam illam errorum foeturam ex Platonica philosophia pullulauisse. Verum deceptos fuisse viros optimos ex dictis satis constat: qui si Platoniam philosophiam cum illorum decretis, quae notiora illis erant, quam nobis, comparauissent, vel hos homines ipsos audiuisent, facile intellexissent, multum inter eorum placita et scholae Pythagorico-Platonicae doctrinam esse discriminis. In quam licet multa postea essent recepta, tantum tamen abest, vt Platonem se sequi philosophi illi orientales putauerint, vt potius eum fastidiose reiecerint, quippe qui, diuinitatis profunditatem praeciando non attigisset. Teste enim PORPHYRIO ^{s)} praeceperunt, *Platonem in profunditatem intelligibilis essentiae non penetrasse*, PLOTINVS ^{t)} autem Alexandrino contra eos acumine disputans, eis inanem obiicit iactantiam, *οὐ μὲν τὴν νουτὴν φύσιν κατανεγκνύοντες ἐκεῖναι δὲ (Πλάτωνος) καὶ τῶν ἀλλῶν τῶν μακαρίων ἀνδρῶν μὴ quasi ipsi quidem intelligibilem naturam cognoscendo attigerint, Plato autem reliquique beati viri minime*. Nec ad haec demonstranda alio argumento opus est, quam lectione disputationis illius a PLOTINO ^{t)} contra hos homines scriptae, quam contra Gnosticos Porphyrius inscripsit, in qua luculenter ostendit: *Eos Platonem non intelligentes, numen quoddam existimasse, in quadam quiete in se omnia continere, etc. Multa praeterea in Platone interpretando mentiri opinionesque eius in deterius detorquere*. Graui etiam indignatione eos corripit, *quod diuinos viros cauillentur, et conuitiis in Graecos sua dogmata audientibus confirmant, quodque popularem approbationem aucupentur, viros illos vituperando, qui a viris non mediocribus iam multis sint seculis comprobati*. Ridiculum porro esse ait, *profigeri, se illis esse praestantiores, cum pleraque corruperint*; cuius a Platone

M m m m 2

dis-

r) Irenaeus, Tertullianus, Epiphanius, aliique.
s) loc. cit.

s) Ennead. II. L. IX. c. 6. p. 204.

t) loc. cit.

t) loc. citat.

diffensus exempla affert pluscula; quae nobis otium faciunt, ex collatione vtriusque doctrinae diffensum inter vtramque ostendendi *.

Cum phil.
Pyth. Plato-
nica coniun-
cta.

§. V. Haec licet ita se habeant, negandum tamen non est, accessisse quaedam ex philosophia Pythagorico-Platonica ad hanc philosophiam orientalem. Id enim non dogmata tantum ostendunt varia, quae vtrique sectae communia videntur, sed PLOTINVS quoque iterum testis est, qui ita: ἄλως γὰρ αὐτοῖς τὰ μὲν παρὰ Πλάτωνος εἰληπται, τὰ δὲ ἑσα καινοτομήσιν, ἢ αὖ ἰδίαν φιλοσοφίαν θάονται, ταῦτα ἔξω τῆς ἀληθείας ἐνέχεται. Certum enim, eos a Platone multa accepisse, quae vero noua adiecere, vt propriam philosophiam constituerent, ea extra veritatem esse deprehenduntur. Inter illa refert dogmata de iudiciis et poenis apud inferos, fluminibus, transmigrationibus in corpora varia, item quod in mundo intelligibili multitudinem ponant, videlicet ipsum ens, et deinde intellectum et post haec opificem alium, ipsam scilicet animam sibi ex Timaei verbis usurpauerint. Vidisse hic hominem Platonicum plus conuenientiae, quam reuera fuit, facile largimur, ast fuisse tamen quaedam Pythagorico-Platonica infarta horum hominum systemati ex dictis manifestum est. Quod qua occasione euenerit, ex iis, quae in *epilogo tomi primi* de philosophia Aegyptiaca dicta sunt, disci potest, quae hic omnino repetenda sunt. Scilicet cum ad istum, qui Alexandriae florebat, bonarum literarum mercatum, eruditionis, maxime vero philosophiae Graecanicae per omnem terrarum orbem celeberrimae cupidi vndique conuolassent, et illi quoque, qui de rebus sacris diuinisque accuratius instrui cupiebant, ad hanc urbem properarent, in qua pulcherrimam personare theologiam, teste Geographo veteri *, et AMMIANO MARCELINO †, constans fama erat, Aegyptii autem ad recipiendas omnium gentium doctrinas de Deo easque cum sua theologia coniungendas essent pronissimi, scholae vero Pythagorico-Platonicae ea esset existimatio, vt singulari sapientia de diuinis disserere crederetur, non potuere non homines Asiatici nouandis rebus et opinionibus leuissimis ingeniis intenti Alexandriam deferri, vt et ipsi sacra ibi dogmata discerent. Qui cum mirum doctrinarum diuiniorum chaos offenderent, quod canis Hermetis et similibus nominibus turgebat, cumque accepisse Chaldaeos ab Aegyptiis sapientiam suam Aegyptios iactantes audirent, domestica, saltem cognata valde et affinia fuisse inuenisse visi, manus dabant, et theologiam Alexandrinam ita patriis dogmatibus attemperabant, prout poterant, multa ita efformabant, vt nec Orientalia, nec Aegyptiaca, nec Pythagorico-Platonica manerent integra et incorrupta, sed ex omnibus noua enascerentur placita. Et hac quidem ratione philosophiam orientalem in Aegyptum peruenisse, dubium non est. Quae cum magnifice de Deo diuinisque statue-

*) Prolixe et solito iudicii acumine ex Plotino hoc demonstrauit MOSHEMVS inst. hist. Christ. maior. Sec. I. P. II. c. 1. §. 5. p. 5. p. 341. seqq.

*) p. 20. ed. Godofr.

†) L. XXI. c. vlt.

statuere, et haud pauca veteribus patriisque, (quorum veros sensus nemo tenebat, sed pro lubitu explicabat quilibet) affinia habere videretur, translata in illud religionum *Πανδοχέων* est, ex quo postea tantum malorum, velut ex Pandora pyxide in orbem egressum. Certe non Aegyptiacam tantum et Platoniam, sed et ipsam Iudaicam doctrinam corruptit. Ex hac enim philosophia Alexandrina, quae ex veteri Aegyptiaca, Orientali, et Pythagorico-Platonica conflata fuit, Cabbalam Iudaeorum exortam et spuriam philosophiam populo Dei obtrusam fuisse in *sequenti libro* demonstrabimus. Haec vero nos non nuda coniectura ductos asserere, sed rei veritatem testem habere, facile ille intelliget, qui IAMBlichvm^z, diuiniorum Aegyptiorum theologiam exponentem cum philosophiae orientalis placitis generalioribus comparauerit. Ex Aegypto vero paulo ante reparaatae salutis tempora Ptolomaei Physconis tyrannide eiectionis philosophi Alexandrini cum in Asia resedissent, scholasque aperuissent, noua inde occasio enata est, philosophiam orientalem cum Platonica commiscendi, et hanc genuinam rationem esse putamus, cur in philosophia Alexandrina tot philosophiae orientalis vestigia deprehendantur, quae non tam Platonice, quam sectae isti orientali, secus, quam plerumque fit, adscribi debent. Cum vero post Plotinum et Porphyrium, intermortuis Gnostico- rum sectis, intercideret philosophia orientalis, Alexandrini recipientes, quicquid diuinum in orbe resonabat, reliquias quoque Chaldaicae istius philosophiae receperunt in tutum, vt ex MARINI^a, testimonio est manifestissimum. Et cum hac quidem secta philosophiam quoque istam orientalem et Chaldaicam exspirauisse verisimile est.

§. VI. Fuisse hanc philosophiam orientalem metaphysicam quandam, siue theologiam, mediocriter ad Gnosticorum deliria, quae illa peperit, attendenti manifestum est. Quemadmodum enim illa fere omnia in emanationum diuinarum serie quadam constituenda et ad visibilis mundi opera applicanda versabantur, ita dubitandum quoque non est, philosophiam illam orientalem eiusdem argumenti doctrinam exhibuisse. Ex iis enim, quae *tomo primo* de barbarica Asiaticarum gentium philosophia differuimus, constare potest, systema emanatiuum vtramque in ea absoluisse paginam, et rerum omnium ex infinito Deitatis fonte fluentium seriem et progressum atque alterationem exhibuisse. In hoc igitur argumento philosophia orientalis sine dubio occupata fuit, et progressionem quandam siue emanationem virtutum quarundam substantialium, ex inexhausta et latente numinis abyssu per varios ordines, gradus, perfectiones, et essentiarum atque virtutum communicationes, vsque ad extremam emanationis lineam, nempe materiam eiusque corticem et scorias, malos genios, originemque mali physici et morales explicare annixa est. In hoc enim argumento et Alexandrina philosophia, & Cabbala Iudaica, & Gno-
M m m m 3 sticorum

Doctrina orientalis philosophiae de Deo.

^z) De myster. Aegypt. Sect. VIII. c. 2. 3. p. 158. seqq. ^a) In vita Procli c. XXVI. p. 60.

sticorum systemata multum defudarunt, quae cum suo modo et ratione ex hac scaturigine pullulauerint, licet ad alia quoque doctrinarum aedificia, Platonicum scilicet, Iudaicum et Christianum eam adplicuerint et accommodauerint; recte inde colligitur, ipsam philosophiam orientalem talia tradidisse. Non prouocabimus iam ad reliquias Gnosticorum, inter quas THEODOTI eclogae nobis luculentum locum^b exhibent, sed testem tantum volumus PLOTINVM^c, in eo quidem cum illis consentientem, quod iuxta summam systematis emanatiui *illustrata, lumenque possidentia sempiternum, deinde ad inferiora id traducant*, improbantem vero, *ὅτι αὐτῷ τῷ πλήθει τὴν νοητὴν φύσιν τῇ αἰσθητῇ καὶ ἐλάττω, εἰς ὁμοιότητα ἄγοντες, quod ex ipsa multitudine intelligibilem materiam usque ad sensibilis et deterioris similitudinem deducant*. Quibus verbis demiurgi in hoc systemate malam quandam et a materia contaminatam naturam habentis opera, mundique productionem vna cum malo tum naturali tum morali existentis tangit. Hunc enim errorem in iis sibi maxime refutandum fuit. Ad systematis itaque emanatiui indolem respicientibus, facile coniici potest, quibus partibus systema hoc metaphysicae orientalis absolutum fuerit. Nempe ante omnia, et ante ipsos primos rerum omnium inenarrabiles fontes incomprehensibilem et ineffabilem paternitatis siue deitatis abyssum posuerunt, quam cum nec cogitationibus assequi se posse sperabant, nec profunditatem eius metiri quemquam asserbant, super omnia diuina principia collocarunt, et quod infinita et ineffabili profunditate gauderet, abstractionum suarum idolis decepti, mare quoddam fontium omnium diuinorum constituerunt. Hic ἄγνωστος πατὴρ THEODOTI^d; hoc principium primo-prius, quod Alexandrinos statuisse *seção quinta diximus*. Hic θεὸς εἰς πρῶτων ὄντων ὄντων καὶ τῶν ὅλων ἀρχῶν πρῶτος καὶ τῇ πρώτῃ Θεῷ καὶ βασιλεὺς ἀκίνητος ἐν μονότητι τῆς ἐαυτοῦ ἐνότητος μένων, *Deus vnus ante principia reuera existentia et ante principia vniuersalium, prior etiam Deo primo, et rege, immobilis in solitudine unitatis suae permanens*, quem praeposuisse omnibus Hermetem mentitur IAMBELICHVS^e; hoc lumen illud infinitum, Or haënsoph, ex quo principia Cabbalistarum Sephirothica effluerunt; hoc silentium illud et profunditas inenarrabilis Menandri, Valentini et reliquorum Gnosticorum; nam hos omnes eandem scholae orientalis disciplinam suo modo recepisse, ista satis conuincit nos consensus. Nec aliter veteres orientales Zoroastrem secuti, qui ante Oromasden et Arihmanium, Mithram posuerunt, ex quo dogmate hanc philosophiam orientalem fuisse exortam postea ostendemus. Cum autem cum omni mundo philosophante et a reuelatione non collustrato^f, ex nihilo nihil fieri haec secta statueret, ostendendum ei erat, qua ratione tum mundus ille inuisibilis, tum visibilis, affectuum siue passionum et malorum turbis repletus, emanatione qua-

b) I. c. p. 141.

c) I. c. p. 201.

d) p. 139.

e) loc. cit.

f) Conf. DE BEAUSOBRE hist. des Manich. T. II. L. V. c. 2. p. 165. seqq.

quadam ita esset exortus, ut integra tamen maneret summi principii perfectio. Vtrique igitur mundo sui ordines constituendi erant, qui emanationis legibus disponderentur: illique in duas classes distribuendi, quarum una illas virtutes substantiales, quae intra diuinae perfectionis et essentiae naturam comprehenderentur, exhiberet, et quibus plenitudo infinita naturae diuinae absolueretur, altera extra infiniti πληρώματος naturam progressa, finitas res, usque ad ipsas naturas malas productas complecteretur. Indulisse hos homines nugaces et otiosos ingenio, et mira sibi entia imaginaria concepisse, ex abstractionibus formata, dubitari non potest, aut formasse tamen sibi haec principia emanatiua, ex infinito Deitatis fonte progressa, tanquam res quasdam vel virtutes diuinas, non diuinitatem tantum, sed et substantiam quandam in prima omnium εσία radicatum habentes, quaecunque de illis narrationes hodie suppetunt, confirmant. Quales enim Cabbalisticae Sephiroth sunt, qualia item Platonica principia diuinitatis, talia ista principia diuina in hac philosophia orientali fuisse, ex concordia harum doctrinarum iure quodam concludimus. Adhibita ab illis hominibus, cum Graeco idiomate mysteria sua pandere coepissent, vox αἰών, vnde decantatissimae Gnosticorum aeones in pleromate diuinitatis postea personuerunt. Huic voci quam potestatem philosophi orientales subiecerint, in tanto monumentorum veterum defectu et iactura accurate quidem et sine contradictionis metu definiri non potest; quae causa fuit, cur in tot diuersas de eius significatione opiniones pertracti sint scriptores. Hoc tamen certum esse putamus, quaecunque demum vocis origo fuerit, designari ea illas virtutes substantiales, quae ex Deo egressae et emanantes diuinam quidem naturam et essentiam habent, at suo tamen modo et peculiari quadam existendi ratione a suo fonte diuersam; quas αἰώνων nomine indigitarunt, quod intellectualem immortalemque et temporis ex mutatione successui expertem naturam haberent^b; in qua interpretatione vocis huius ὁμοψήφους habemus viros celeberrimos Iſ. DE BEAUSOBREⁱ et Io. LAVR. MOSHEMIVM^k. Nam plus velle hanc vocem, quam nuda attributa, ex inductione exemplorum huius vocis facile demonstrari potest, licet fatendum, ad angelos quoque et finitos spiritus passim hanc vocem translata fuisse^l. Quod tamen factum esse tantum κατ' ἀνάλογiam ex eo manifestum est, quod aeones proprie intra pleromatis diuini naturam

g) Praecipuas vocabuli huius significationes enarrat Io. DAMASCENVS de orthodoxa fide L. II. c. 1. T. I. p. 153. Ex recentioribus Iac. BASNAGE Hist. iud. L. III. c. 28. §. 13. p. 732. recte vidit aeones Gnosticorum cum Sephiris Cabbalitarum idem esse, obseruauitque in fragmento Sanchuniathonis hanc vocem iam adhibitam esse, ex quo tamen nondum sequi putamus, fuisse hoc nomen Phoenicium, cum coniiciatur, non sine verisimilitudine, hoc fragmentum ex horum philosophorum officina prodisse.

b) Rationem hanc potestatemque vocis αἰών demonstrauimus in Tempe Heluet. T. II. Sect. I. obs. 4. p. 66.

i) I. c. p. 574.

k) Instit. hist. Christ. mai. Sec. I. P. II. c. v. p. 143. seqq. add. SVICER. thes. T. I. p. 141. PETAV. dogm. theol. L. III. c. 5. §. 6. seqq. MASSVETVS et GRABIVS ad Irenaeum.

l) GRABIVS l. c. p. 9.

ram in systemate orientali comprehendantur. Aeones itaque, et principia substantialia ex Deo emanantia et in plenitudine diuinitatis comprehensa, idem sunt; et plus volunt, quam simplices modi diuinae naturae, adeoque non probandi sunt viri docti, qui supremi numinis perfectiones, decreta et actiones ab his hominibus personarum habitu descriptas coniciunt, et notiones quasdam atque ideas Platonicas in intellectu diuino intelligi statuunt ^m. Hi enim ex eo satis refutantur, quod ex his aeonibus progressus demiurgus, mundus, homo, materia dicatur. Deos melius dixeris, sed ita cum primo fonte connexos, ut unam plenitudinem constituent; qua ferme ratione Platonem et sequaces multos in intellectu diuino ideas, velut *εἰδὲς αὐτὰς καὶ αὐτὰς* posuisse, suo loco euicimus. Quod si quis huic explicationi obiiciat, ne sic quidem constare perspicue, quid istis aeonibus hi homines sibi voluerint, transcribenda erit culpa in ingenia illorum hominum fanatica et delira, quae perspicuis notionibus caruerunt, et contentos nos esse oportet eo, quod sciamus, principia illa diuina significari ista voce, quae ex Deitatis fonte effluxere, et tamen in eius ambitu contenta suam peculiarem indolem, naturam et ordinem seruauerunt. Cum autem, ut mundus cum spiritualis tum materialis ex ista emanatione fontis infiniti exurgeret, virtutes duorum generum requirerentur, quarum illae agendo, hae recipiendo vel quasi patiando, ad prorogandam latiusque extendendam emanationis virtutem concurrerent, vbi philosophi hi suarum regionum methodo emblematica, sexum masculinum atque femininum in his aeonibus excogitarunt, ex quorum concursu tandem mundus inuisibilis et spiritualis constitutus esset.

Doctrina orientalis de mundo visibili.

§. VII. His positis de visibilis quoque mundi origine, et naturis quae in illo essent, deque mali, quod in illo regnaret, ortu et fine, erat edisserendum, quas quaestiones ab antiquissimis temporibus barbararum gentium ingenia valde excruciasse, ex historia philosophiae barbaricae suo loco enarrata notum est ⁿ. Cui nodo vel soluendo vel secando ratio systematis emanatiui adhibita, quam totam hanc deliram philosophiam peperissemus persuasissimi: nempe, axioma hoc: Quo magis emanansa fonte suo secedit, eo deterioris illud fieri atque impurioris naturae, eo crassiori stipari congerie, ut lumen a splendidissimo igne in longinquum proiectum infirmius sit, et tenebris magis semper miscetur, donec vix luminis aliqua remaneant vestigia. Hoc canone posito, quem clauem quoque esse philosophiae Cabbalisticae in sequentibus luculenter demonstrabimus, porro statuebant, aeonum vel virtutum eiusmodi siue unam siue aliquas ex plenitudinis diuinae circulo longius progressas, a perfectione sua descivisse, et ita destitutas diuinis perfectionibus de condendo nouo sibi regno cogitasse: factumque esse ex iis demiurgum, qui cum spiritualia non haberet

^m) CAMPEG. VITRINGA Obs. SS. I. I. c. 2. p. 130. BASNAGE I. C. SOUVERAIN. Plat. dévoilé c. VIII. p. 68.

ⁿ) Conf. quae ex veteribus affert MOSHEM. I. c. §. 8. p. 140.

ret pura, sed coarctata magis et in materiam coëuntia, et infinitatem atque diuinitatem amittentia, ex his mundum hunc fabricauerit, illicque alias potentias substantiales, ex reliquiis pristinae originis ex se productas praefecerit. Qui demiurgus et ministri eius atque angelicum diuini pleromatis indolem et naturam amisissent, et qui ab eis conditus erat, mundus materialis crassusque factus esset, quin ex eius scoriis atque eluuiæ corticeque pessimae quaedam virtutes siue mali quidam daemones exorti essent, repletum fuisse hunc mundum malo physico et morali, passionibus, et turbis atque infinitis calamitatibus plenum, hincque mali originem esse deriuandam, quod in animum quoque hominis redundauerit, licet ipse meliorem quoque naturam a diuinis principiis, non vero ab istis conditoribus materiae accepisset. Ex quibus omnibus sequebatur, relucere quidem in mundo magnam primi fontis imaginem et bonitatem ex supremo oceano effluentem, ast cum nimis longe ab eo, emanationis conditione, remotus materialis factus esset, non potuisse non tot mala moralia et naturalia mundo inesse, nec potuisse supremi numinis benignitatem illis satis mederi, cum ineuitabilia prorsus sint, et emanationis necessitate eueniant.

§. VIII. Vt vero ex hac miseriarum catena hominem reuocarent, corporis odium sapienti commendabant, et a sentiendi eum facultate ad rationis vsum reuocabant, et per varios ascensionum spiritualium gradus ad Deum extollere se iubebant, vtque facilior fieret a malis istis potestatibus et fatali nascendi in hoc mundo necessitate ad primum beatitatis et perfectionis diuinæ atque summæ fontem reditus, contemplationes, poenitentias, purgationes, cruciatus et exercitationes philosophicas iniungebant^o, quibus a delictorum scabie et peccandi impuritate ad praestantiorē naturam animus extolleretur. Qui cum totus ita purgari non posset, varias post mortem purgationes necessarias esse, et non tantum reuolutionibus, sed cruciatibus quoque ab illuuiæ inhaerente, eum eluendum dicebant, donec ad supremum fontem reductus plenis beatitatis praemiis potiatur. Esse porro hanc emanationum diuinarum seriem in variis potentiarum spiritualium ordinibus conspicuam, quæ quo longius recedant a fonte primo, eo deteriores fiant, et materiales magis atque concretæ, sed et inde peioris et malignæ indolis, indeque et morbos, et tempestates et his similia, quæ mundum turbant, ab his potestatibus impuris oriri. Ast et incantationibus, quibus superiores potestates prouocentur, eas posse abigi^p, et fore tandem, vt vincente boni natura malum, et eluta quasi mundi materialis colluuiæ et inquinamenti, tandem res omnes ad pristinum, ex quo effluerunt, infinitæ plenitudinis circulum, redeant.

Doctrina moralis orientalis.

§. IX.

^o) PLOTINVS l. c. p. 203.

^p) Ibid. p. 212.

Discordia sectarum ex ea ortarum.

§. IX. Fuisse haec primaria philosophiae orientalis capita, in quibus pleraeque, quae ex illa egressae sunt, sectae conspirauerint, facile ex inductione dogmatum eorum, quae in illis hodie inueniuntur, demonstrari posset, nisi limites nobis positi obsterent. Certe omnium haeresium, quae Gnosticae dicuntur, hae communes doctrinae sunt, multa ex illis recepit Cabbalistica philosophia, multa Alexandrina. Verum in applicatione speciali infinitae ortae sunt discordiae. Quarum duae potissimum causae assignari possunt. Prima in humani intellectus natura recte ponitur, qui cum de rebus abstractis et iudicandi tantum facultate definiendis cogitat, in praeceptis abripitur, ubi imaginationis oestro, ingeniique foecunditate agitur in transuersum. Id his hominibus euenit: qui cum imperscrutabilia mundi spiritualis mysteria detegere cuperent, et de diuinis et abstractis notionibus differere auderent, imaginationis regimini more gentium orientalium se permittentes miscuerunt omnia, et prout quis ingenio erat foecundior, ita noua vocabula, nouum ordinem, nouas potestates excogitabat, et systemati friuolo et ratione sana destituto suppetias ferre tentabat, ita vero innumera opinionum diuersissimarum monstra introducebantur. Altera vero causa ex applicatione philosophiae orientalis ad alia systemata deriuanda est. Scilicet multi ex his, qui hanc philosophandi viam latissime in oriente regnantem ingressi erant, cum religionem Christianam et doctrinae pulchritudine et miraculorum gloria radios vndiquaque spargentem cernerent, non inuiti quidem ad eam accedebant, suae vero philosophiae illam attemperabant, rati, Christum eiusmodi aeona fuisse, nec Paracletum aliud indicare, homines vero idiotas, quales Apostolos et doctores Christianos videbant, a literatura seculi imparatos, non recte intellexisse haec mysteria, adeoque ad perfectiorem *γνώσιν* ea esse emendanda. Quo posito, quo quis erat ingeniosior, eo monstrosius systema produxit, quae in re exemplum praeiuisse reliquis Simonem Magum, ex hac secta orientali philosophum veteres testantur. Inde horrenda illa doctrinarum aedificia conflata sunt, quae haereticis tribuunt Irenaeus, Epiphanius, Philastrius alique, quanquam dubitandum non sit, nec pios doctores, huius philosophiae imperitos, satis ea intellexisse, nec sciuisse satis ipsos haereticos quae vellent. Qua de re cum infinita fere dici possint, ea nobis, quibus alia sectanda sunt, ad historiae sacrae scriptores, et imprimis haeresiologos remittenda sunt. Eadem fere ratione factum, cum haec philosophia in Aegyptum perueniret, et ab Alexandrinis quoque philosophis ex parte reciperetur, ut systemati Pythagorico-Platonico infarsa valde ab orientis doctrinis deficeret: Idem etiam accidit, ubi a Iudaicis ad dogmata sua applicata, Cabbalisticam philosophiam nouo iterum et peculiari habitu exornatam genuisset. Nec dubium est, alibi quoque idem euenisse, quod quidem, deficientibus veterum monumentis hodie definiri non potest. Quantacunque vero illa discordia fuerit, patebit tamen ex-

col-

collatione omnium, sublatis specialibus et domesticis, in illis, quae supra exposuimus, capitibus ubique philosophos hos conspirauiſſe.

§. X. Ex dictis iam ſatis luculenter patere putamus, non erraſſe nos, quod philoſophiam hanc orientalem, quam Chaldaicam vocat Eunapius, *Philosophia orientalis ex Zoroastrea.* quamque ad Zoroaſtrem prouocauiſſe Porphyrius teſtatur, eſſe propaginem theologiae Zoroaſtreae in oriente circa ſecula Chriſtum natum proxime antecedentia et ſequentia late diffuſae, dixerimus. Nam vt taceamus, aliam cauſſam vix poſſe afferri, cur vetuſtiſſimorum philoſophorum Chaldaeorum, et Perſarum libros ſuppoſitiſ ſoetibus ſibi vindicaerint, vt auctor eſt PORPHYRIUS ⁹ ipſe Zoroaſtreae doctrinae ita comparatae ſunt, vt eandem fere nobis doctrinae efforment imaginem. Quam vt lectoris commodo, ex proluxa illa *ſuperioris tomi* tractatione hic in breuem contrahamus ſummam, vt cum data philoſophiae huius orientalis delineatione queat comparari, ecce tradidit Zoroaſtrea diſciplina, ex vno principio infinito et aeterno principiis duobus ſummis priore effluſiſſe omnia modo legeue emanationis, hancque emanationem eſſe perfectiſſimam, puram et actiuam, adeoque naturam ſummi fontis eſſe ignem intellectualem, perfectiſſimum, puriſſimum; ex eo igne emanari omnia materialia atque immaterialia, ita tamen, vt duo quaſi mundi principiorum orti ſint, quorum vnus, puram lucem ſeruauerit, alter longius a fonte luminis infiniti recedens, tenebras receperit, et materialis factus ſit. Illius emanationes particulares quo fonti propiores ſint, eo puriores eſſe et diuiniore, igneas, lucidas, adeoque ſpiritus et Deos ex ſe gignere et diuerſis potentiis actiuis et paſſiuis producere, adeoque Deos igneae naturae eſſe, quae vi naturae ſuae omnia moueant. Quae vero a fonte lucis longius diſtent, ſemper magis inde tenebrarum naturam recipere, luceque, calore, et motu priuari, indeque ortam tandem emanationis lege materiam tenebrasque, et cum his malum, quod Arihmanio non Oromasdi adſcribendum. Hinc vero et calamitatum et malorum originem deriuandam eſſe, indeque neceſſariam eſſe pugnam inter tenebras et lucem, vt perpetua agitatione materia reddita ſpiritualis, lucida et actiua, tandem in Mithram, igneum illum et puriſſimum lucis fontem redire, ſicque ſublato in terris malo felicitas exoptatiſſima hominibus reſtitui queat. Eſſe hunc philoſophicum ſenſum Zoroaſtreae theologiae demtis ſymbolis orientalibus ſupra luculenter, niſi fallimur, demonſtrauiſſimus. Idem doceri poſſet de animae reditu, purgatione et felicitate futura, niſi breues eſſe vellemus. Aſteadem veſtigia in philoſophiae orientalis delineatione deprehendimus, quam cum ex Chaldaea atque Perſia egreſſam fuiſſe veteres teſtentur, quid porro dubitabimus, eam Zoroaſtreae diſciplinae typum quendam, licet valde adulteratum mutatumque exhibuiſſe?

§. XI. Quamuis autem ea, quae haecenus de philoſophiae orientalis origine atque indole diximus, lucem multam veterum haereſium, itemque *Difficultates in hiſt. or.*

sectarum, quae cum orientis philosophis congressae sunt commixtaeque, historiae foenerantur, fatendum tamen, pauca ea esse et admodum obscura, et nondum totam eam in luce ponere apta, idque optari magis posse quam sperari. Certi enim fontes, ex quibus de horum philosophorum sententiis notitia hauriri queat, nobis defunt, et deperditi libri eorum omnes, imprimis supposititii illi, quos ad Zoroastrem, Zostrianum, Mesum, Allogenem referebant, quosque placita eorum continuasse nulli dubitamus. Immo si suppetere, coniiciendum tamen est, multa nos offensuros esse obscura, non intelligenda, vocesque sine sono et mente, symbola de rebus omnem imaginem fugientibus materialia, metaphysicam symbolicam sine clauē, sine interprete: quae mera nobis aenigmata polliceri, quilibet intelligit. Quo magis enim imaginationis extra orbitam vagantis somnia afferuntur, eo magis tenebrae cumulantur, et certa impeditur notitia. Dubium quoque non est, non satis intellexisse discipulos mentem magistrorum, ex orientis methodo impropria et symbolica dicendi ratione utentium, et quae illi subtiliter et abstractionibus adhibitis dixissent, in deteriorem et physicum quendam sensum traxisse. His accedunt formulae Asiaticae, grandiloquae, ab usu dicendi communi remotae, indeque obscurae, ratio quoque philosophandi a Graecanica, cui adfuerit fuere omnes, qui de hac philosophia disseruerunt, longe distans et remota, et insueta mentibus hominum Europaeorum: transumpta multa in hoc systema ex aliis systematibus maleque applicata et confarcinata, intrusa multa, quae prorsus non cohaerent, et insuperabiles obscuritates, nisi a genuinis et domesticis separentur, pariunt, in quibus vero aliena a propriis distinguere fere impossibile: discordiae porro haereticorum ex hac orientali philosophia progressorum, et propria sibi doctrinarum aedificia extruentium, quae impediunt, quo minus, quid commune fuerit omnibus, qui singulis innouatum, intelligamus. Nec a veteribus nec a recentioribus lux multa expectari potest. Qui enim contra haereticos huius philosophiae sectatores calamus strinxerunt, cum orientalem philosophiam non intelligerent, eam ex Graecanicae philosophiae, maxime Platonicae, praeceptis explicantes falsos subinde ei attribuerunt sensus, sane parum attulerunt, quod veri speciem prae se ferat, etiamsi de fide eorum bona in referendis, odioque et invidia non euertendis haereticorum opinionibus, non dubitemus, cuius tamen in vno alteroue dubitationis causam satis grauem esse, norunt qui veteris ecclesiae doctorum chartas attenta et praeiudicio non occupata mentis acie euoluerunt. Parum vero auxilii a recentioribus tantum non omnibus expectandum est, qui Platonica cum orientali philosophia confundentes, vel praeconceptis opinionibus seruiētes quadrata saepe miscuere rotundis. Quare si in tantis tenebris nos quoque cespitauerimus, veniam nobis dabit lector feliciorem Oedipum requirentibus.

LIBER SECVNDVS

DE

PHILOSOPHIA IVDAEORVM.

CAPVT PRIMVM

DE PHILOSOPHIA IVDAICA A TEM-
PORE REDITVS EX CAPTIVITATE
BABYLONICA VSQVE AD EXCIDIVM
HIEROSOLYMARVM.

§. I.



x gentilium philosophorum scholis ad Iudaicae gentis in enarrandis philosophiae fatibus progredimur cathedras, cuius initia eruditionis atque sapientiae in *tomo primo* ita enarravimus, ut eius historia exponeretur, quamdiu in regione sua sibi vivens, *αὐτοκρατεία* peculiari gaudere. Quam perdurasse usque ad captivitatem Babylonicam, qua dispersa tota fere natio in peregrinas terras translocata est, et populus Hebraeus siue Israëliticus esse desiit, ex sacris oraculis ^a, quae gentis huius nobis fata pandunt, notum est. Ex eo enim tempore, quo diuturna sede inter Chaldaeos Persasque detenti tandem ad patrios fumos redierunt, non Hebraeorum porro nomen illis datum est, sed Iudaeorum, eo quod dispersis decem tribubus, quae Israëuitarum populum constituebant, pauci ex iis cum tribu Iudae et Ephraimi in Palaestinam reducti fuerint. Hebraeorum itaque sapientiae ut locum porro in historia philosophiae quaeramus, causa nulla est: cum fata decem tribuum, loca, regimen, mores, studia nos plane lateant. Quicquid enim de his Israëuitarum post dispersionem inter gentes rebus coniiiciunt viri docti, incertum prorsus est, nec nos morari aptum, eo quod ad nostri instituti limites non pertineat. Quare adeundi sunt viri docti, qui Hebraeorum historiam exposuerunt, IAC. BASNAGIVS ^b et IO. FR. BVDDEVS ^c, maxime vero HERMANNVS WITSIVS ^d, iis, qui plura de hac re nosse cupiunt. Nos pro scopi nostri ratione hoc ex infinitis, quae dici possent, notamus, non posse euinci, vel leui etiam verisimilitudine ostendi, tribus decem ab Assyriae rege in captivitatem deportatas, quibus sedes datae sunt Chalach, Chabor, fluuius Gozan et vr-

*Philosophia
Hebraeorum
post captivita-
tem Babyloni-
cam nulla.*

Nnnn 3

bes

^a) II Reg. XVII. 6.^b) Hist. Iud. L. VII. c. 4. p. 62. seqq. ed. rec.^c) Hist. eccles. V. T. T. II. p. 523. seqq.^d) In *δεκαβύλων* Aegyptiacis addito.

bes Mediae, incerta hodie loca ^c; peculiarem rempublicam constituisse, et seruauisse patrios mores, instituta et sapientiam, adeoque de eorum quoque placitis et doctrinis nihil posse statui. Cuius licet contrarium nobis persuaderi cupiat nugator, qui quartum ESRAE ^f librum supposuit, narrando: Decem tribus, a Salmanasare rege Assyriorum trans fluuium in alienam terram deductas, communi consilio decreuisse, se a vulgo gentium subducere, et proficisci in vltiorem regionem humano generi nunquam habitatam, et seruare ibi consuetudines legemque, quas in patria neglexissent, per angustos itaque introitus fluminis Euphratis ingressas, miraculo cohibitis, donec transiissent, vndis confectoque longo anni vnus et dimidii itinere, in regionem Arsareth delatas esse ibique confedisse; fabulam tamen esse, ignotus locus, et afflictum ab ineptiente Iudaeo miraculum satis prodit, indignaeque sunt nugae, quas prolixè refutemus, cum eas recitasse, sit refutasse ^g. Omnis enim harum coloniarum historia nos latet, dubiumque vix est, praeter paucos illos, ex fece vulgi, quos in terra sua reliquit victor, quique vel Samaritanis postea vel Iudaeis admixti sunt, et praeter eos, qui cum Iudaeis ex captiuitate redierunt, colonos hos Israëlitas inter gentes Assyriae Mediaeque dispersos eorumque ciuitatibus additos tot passos esse mutationes, monarchiis Assyriorum, Medorum et Persarum magnis reuolutionibus concussis, vt origines pristinae plane perierint, nec possint hodie detegi, adeoque de eorum quoque doctrina non dari posse tractationem ^h. Nec nos mouent ea, quae ex recutitorum gente vir eruditus MENASSE BEN ISRAEL orbi de residuis decem tribubus, earumque legibus et placitis persuadere conatus est, vsus relatione Iudaei Lusitani R. AARONIS LEVITAE, qui ANTONII MONTEZINII nomine innotuit, et ex America redux Menassi se decem tribus inuenisse, narrauit. Quam *speciem Israëlitis* peculiari libello ⁱ genti suae praedicauit Menasses, praeter narrantis fidem ad conuenientiam legum, doctrinarum et consuetudinum populorum Americanorum cum Hebraeis prouocans ^k; quem fidem inuenisse, non apud leuis tantum ingenii contribules suos, sed et apud quosdam Christianorum, merito miramur ^l. Nam et falsitatis notas omnes in fronte gerit relatio Monteziniana ^m, et, quam crepat doctor Iudaeus, conuenientia inter doctrinas ritusque Americanos et Hebraeos nulla prorsus est, resque habet, ab innumeris fere annis inter gentes receptas, nec ab Hebraeis trans-

^c) Conf. BOCHART. Geogr. S. P. I. L. III. c. 14. p. m. 220.

^f) c. XIII. 40. seq.

^g) Conf. tamen WITSIUS l. c. c. 4. §. 7. pag. 343.

^h) Conf. quae docte monet Io. IAC. SCHVDTIVS Memor. Iud. P. I. L. V. c. 15. p. 513.

ⁱ) Amstelod. 1650. 12.

^k) p. 28. seqq.

^l) Historiam controuersiae enarrant FABRICIVS Bibliograph. antiq. c. I. p. 17. seqq. Io. CHR. WOLFIUS Bibl. Hebr. P. I. p. 125. P. II. p. 1091. I. I. SCHVDT. l. c. p. 519.

^m) Demonstrauit id TH. SPIZELIVS in eleuatione relationis Montezinianae de repertis in America tribubus Israëliticis Basf. 1661. tota relatio ex fabula de fluuiio Sabbathico consistit, de qua vide NIC. FVLLERVM Miscell. L. I. c. 9. p. m. 57.

transfumas, quales sunt ignis facer a Mexicanis Peruanisque adhibitus, dies septimus cultui diuino facer, reliquiaeque notitiae alicuius de creatione, diluuiio, similibusque. Populos enim complures, Hebraeorum commercio nunquam notos ignem sacrum aluisseⁿ⁾, Sabbathumque aliquod seruauisse^{o)}, veterum rerum gnaros non latet. Creationis autem et diluuii aliquam traditionem apud eas quoque gentes superfuisset, ad quas nunquam tribus Israëlitas accessisset constat, ex iis testimoniis liquet, quae collegere viri docti, vt conuenientiam traditionis vniuersalis cum reuelatis doctrinis demonstrarent^{p)}. Ex quibus satis constat, historiam doctrinae harum tribuum non posse a nobis postulari.

§. II. De philosophia vero Iudaeorum tractaturis mox in limine *Philosophia Iudaica quo sensu dicatur?* lector monendus est, ne vocis in alienum a propria significatione sensum detortae vsu decipiatur, attendendum ad id esse, quod *tomo primo* de philosophia Hebraeorum monuimus, habuisse quidem gentem sacram vates diuino lumine collustratos, politicaeque prudentiae instructos viros vere magnos, oeconomos optime instructos, virosque doctissimos, ea eruditione, quae in hac gente floruit, ornatos, non vero philosophos eo sensu, quo vocem hactenus adhibuimus. Fere enim idem quoque in Iudaicae sapientiae historia obseruandum est, in qua qui philosophos proprie dictos quaeret, oleum is perdet atque operam. Et si enim non desuere inter Iudaeos viri, quibus ex meliore luto finxit praecordia Titan, gentis tamen consuetudine, ingeniis moribusque effectum est, vt parum inter eos inueniatur, philosophiae nomine dignum, et non res modo ipsae, circa quas versata est eruditio Iudaica, nescio quas nugas humani ingenii nulla ratione suffultas, nullo reuelationis testimonio commendabiles exhibeant, sed modus quoque docendi traditiuus, et rationi prorsus inimicus omne examen philosophicum reiciat. Si itaque philosophiae vocabulum artis propriisque significationis verae limitibus premitur, abici et praetermitti tota de philosophia Iudaica tractatio posset, lectorque ad eos ablegari, qui religionis, morum, consuetudinum, traditionum Iudaicarum exponere solent historiam^{q)}, ad ea fere omnia redeunt, quae in philosophiae Iudaicae enarratione exponi solent. Verum recedendum paulisper est a strictiori vocis sensu, nec omittenda in historia philosophica vniuersali Iudaicae religionis et eruditionis historia, eo quod Iudaeorum, quae in Aegypto resedit, coloniae res arte cohaerent cum philosophia illius religionis, et omitti non possunt, nisi magnam in philosophica

n) Conf. Io. GOTTL. BOHNIVS de igne gentilium sacro in Israelitarum sacra iniurio.

o) Vid. B. I. I. SYRBI diff. de Sabbatho gentili, nuper in Tempe Heluetica recusa.

p) Auctores Britanni Hist. vniu. Intr. p. 3. seq. Hist. de la phil. payenne T. I. p. 231. HRET. Qg. Alnet. L. I. c. 5. p. m. 109. Demonstrat. Euang. Prop. IV. c. 10. §. 6. p. 154. ed. rec.

q) Pertinent huc Io. A. LENT. moderna theologia Iudaica, IAC. FRID. REIMANNI introduct. in hist. theol. Iudaicae, Io. BENED. CARPZOVII Introd. in theologiam Iudaicam, EISENMENGERI Iudaismus detectus, I. H. MAII theologia Iudaica et his similes, qui doctrinam Iudaeorum sacram enarrant, de quibus infra dicendum.

phica historia lacunam intactam praetermittamus, sectae vero Iudaeorum in Palaestina obortae huc quodammodo pertinent, certe philosophicae historiae multam lucem foenerantur, et sapientiae atque stultitiae humani ingenii in hac gente historia non potest sine earum cognitione detegi. Maxime vero Cabbalistica philosophia huc referenda est, quae in Aegypto gentilibus originibus vsa, monstrum illud philosophicum, quod ex Aegyptiaca, orientali et Pythagorico-Platonica philosophia enatum est, ad Iudaeorum colonias deduxit, cuius historia adeo arcte cohaeret cum fatis eruditionis Iudaicae, ut separari neutiquam queant. Paulo itaque laxiori ambitu definiendus in hac tractatione campus ille est, quem emendandum nobis proponimus, respiciendumque ad totam gentis recutitae eruditionem et doctrinam: quae cum fero fatis Graecanicam philosophiam degustauerit, ad nostra vsque tempora historiae filum deducendum est, ut vna serie Iudaicae philosophiae, vel, si mauis, eruditionis historiam, difficulter diuellendam, lector habeat. Sic enim in sequentibus ad Saracenorum et Christianorum philosophiam inoffenso magis pede progredi licebit, suaeque omnia fede locoque inueniri poterunt. Ita vero in hoc saxo voluendo versabimur, ut fata doctrinae Iudaicae a captiuitate Babylonica ad excidium Hierosolymitanum, et solutam rempublicam; tum eius historiam a captis Hierosolymis ad recentiora tempora enarremus, et placita Iudaeorum tum exoterica, tum esoterica, quantum ex iis ad philosophiam referri potest, exhibeamus et explicemus.

*Viri sapientes
inter Iudaeos
post captiuita-
tem Babylo-
nicam.*

§. III. Redux ex captiuitate Babylonica populus Iudaicus cum refcitandae ex cineribus atque ruderibus vrbs veniam a Persarum monarcha accepisset, et in noua foedera coiret sanctae gentis respublica, non caruit viris prudentibus et sapientia domestica inelytis, quos diuina excitauit prouidentia, ut collapsum cultum diuinum restituerent, et ad reuelationis diuinae legisque normam ad primam integritatem reuocarent, voluntatem Numinis summi reducto ex seruitute populo explicarent, prudentiaque ciuili nouam ciuitatem in diuersam a priori faciem coituras sapienter disponerent, et ita felicitatem per tot annos exulantem Iudaeorum nationi redderent. Inter hos viros magnos maxime inclaruerunt Esdras, Haggaeus, Zacharias, Malachias, et principes populi Zorobabel, Nehemias, Saalthiel alique; quos partim reuelationis diuinae et vaticiniorum lumine illustratos, partim prudentiae ciuilis perspicacia sapientissimos fuisse, nemo negabit, qui sacrae historiae non plane est imperitus: philosophorum vero eos choro intrudere non licet, quod nihil minus, quam philosophia, scientiae habitu exornata illis curae fuit. Aliud enim vatem esse aliud imperantem vel

r) Scriptores huc facientes magno numero enarrat Io. CHR. WOLFIVS Bibl. Hebr. P. II. L. IV. f. 12. p. 1074. seqq. Maxime huc pertinet viri summi Io. FR. BVDDEI introd. ad historiam philosophiae Hebraeorum cum addi-

tionibus et illustrationibus recusa Hal. Sax. 1720. 8. Plus promittunt, quam praestant Io. BRAVNII exerc. II. de sapientia vet. Hebraeor. SS. select. Sect. V. p. 540. seqq.

vel magistratum, aliud philosophum, facile quilibet intelligit. Sacri itaque annales illis adeundi sunt, qui sanctorum virorum historiam nosse cupiunt ¹. Nec alio loco Esdras ponendus est, quem eruditorum sui temporis facile principem in gente sua fuisse veterum Iudaeorum monumenta tradunt, *scribamque velocem in lege Moysis* ², id est, legis diuinæ interpretem doctissimum vocant. Cuius in interpretatione diuinorum oraculorum tantam fuisse eruditionem Iudaei iactant, ut prophetis sui temporis eum anteponan, et cum Mose eum conferant, dignumque fuisse, perhibeant, ut lex per manum eius traderetur, nisi Moses eum praeuenisset ³. Nec alia forte causa est, cur confessui illi magno, qui synagoga magna Iudaeis dici solet, quemque a synedrio magno distinguunt, prae-fuisse dicatur ⁴, et cur fabulis et commentis Esdrae historiam onerent ⁵. Cui quidem testimonio fidem denegandam esse omnem non putamus, nec vocandam in dubium Esdrae eruditionem credimus, quamvis non certo satis fundamento niti videantur, quae pro synagogae magnae veritate et auctoritate Masorae, quam Esdra duce confecisse dicitur, B V X T O R F I V S et asseclae disputauerunt ⁶: ex eo tamen criticum quidem, at non philosophum exsculpi posse quilibet videt. Quare recte quidem faciunt, qui eruditis Iudaeorum Esdram adscribunt principem, perperam vero instituunt, qui auctoritatis et antiquitatis praeiudicio decepti, omnium fere scientiarum doctoribus antesignanum praeferunt, et philosophiae ei atque historiae eruditae cognitionem tribuunt summam. Hac enim ratione ad temporis nostri circumstantias veteres viri magni inepto consilio exiguntur et comparantur ⁷.

§. IV. Ast opponi his potest, quod *quarti libri*, qui ad ESDRAM refertur ⁸, Auctor narrat: Esdram constituta republica, repara-toque cultu diuino, post emendatum Moysis librum et integritati suae restitutum canonem scriptorum diuinorum, cum probe agnosceret, per exilia, caedes, fugas, captiuitatem gentis suae traditionem veteris doctrinae, maiorum more oretenus haecenus propagatae seruari non posse, sicque arcanioris doctrinae mysteria tandem peritura esse, ad designandam literis philosophiam eam arcanam, quam a traditionis oralis consuetudine Cabbalam vocant, se accinxisse, et peculiari ad id opus diuino mandato fuisse excitatum. Cui ut obtemperaret, per quadraginta eum dies

*Esdras an phi-
losophiae Cab-
ballisticae au-
ctor?*

¹) Videndi praeter alios DAV. KNIBBE Hist. prophet. L. II. c. 6. p. 340. BVDDVS Hist. eccl. V. T. T. II. p. 942. ex quo loco ea emendanda, quae de his viris sanctis in hist. phil. Hebr. §. 16. p. 48. dixerat.

²) ESDR. VII. 6.

³) Sanhedrin. c. 2.

⁴) Vid. BVXTORF. Tiberiad. c. X. p. m. 93. seq.

⁵) Somnia Iudaeorum de Esdrae eruditione

exponit BASNAGIVS Hist. Iud. L. III. c. 5. §. 1. 2. p. 112. seqq.

⁶) Controversiam enarrant BVDDVS Isag. Hist. theol. L. II. c. 8. §. 3. p. 1453. seqq. Io. CHR. WOLF. Bibl. Hebr. P. II. S. I. §. 2. p. 3. seqq. et plurimos alios nominant, quos vide.

⁷) Conf. GUNDLING. Hist. phil. mor. c. VII. §. 2. p. 30.

⁸) c. XIV. 46.

dies cum quinque scribis velocissimis abscondisse se in campo, exhaustoque diuini luminis et sapientiae, qui ei porrigebatur, poculo, ita repletum fuisse diuinorum mysteriorum abundantia, vt quinque viris dictare ea, quae ipsius animo suggerebantur, posset, illique per quadraginta dies libros ducentos et quatuor exararent. Ex his priores palam legendos proponere, septuaginta posteriores autem arcanos seruare dominum iussisse, quoniam iis inesset fons sapientiae et scientiae flumen. Hos vero libros Esdras Synedrio tradidisse sanctissime custodiendos, sicque philosophiam illam arcanam et sapientiam traditiuam, cuius historiam infra *capite quarto* fusc exponemus, ad posteros propagatam fuisse. Huic narrationi tantam fidem adhibuit I o. P i c v s Mirandulae comes, vt cum libros quosdam Cabbalisticos non mediocri impensa sibi comparasset, qui Esdrae nomen prae se ferebant, de magno, quo potitus esset thesauro gloriaretur. „Hi sunt libri, ita scribit ^{c)}, scientiae Cabbalae, „in quibus merito Esdras veram intellectus, id est ineffabilem de super- „substantiali Deitate theologiam, sapientiae fontem, hoc est, de intelligibili- „bus angelicisque formis exactam metaphysicam, et scientiae flumen, id „est, de rebus naturalibus firmissimam philosophiam esse, clara imprimis „voce pronuntiauit. Hi libri Sixtus IV. P. M. maxima cura studioque „curauit, vt in publicam fidei nostrae vtilitatem Latinis literis mandarentur, iamque, cum ille decessit, tres peruenerant ad Latinos. Hi „libri apud Hebraeos hac tempestate tanta religione coluntur, vt neminem liceat, nisi XL annos natum illos attingere. Hos ego libros „non mediocri impensa cum mihi comparassem, summa diligentia, indefessis laboribus cum perlegissem, vidi in illis (testis est Deus) religionem non tam Mosaicam, quam Christianam: ibi trinitatis mysterium, ibi „verbi incarnatio, ibi Messiae diuinitas, ibi de peccato originali, de illius per „Christum expiatione, de coelesti Hierusalem, de casu daemonum, de ordinibus angelorum, de purgatoriis, de inferorum poenis, eadem legi, quae „apud Paulum et Dionysium, apud Hieronymum et Augustinum quotidie legimus“. Verum quamuis haec non sine quadam iactantia nugatores quidam iactauerint, coecum tamen omnino oportet esse, qui non otiosorum hominum fraudes, et lasciuientis ingenii extremam in fingendis et supponendis Esdrae libris audaciam viderit, immo manibus palpauerit. Vt taceamus enim, quod infra prolixè et accurate demonstrabimus, Cabbalam Iudaicam eos maiores suos, quos iactat, probare non posse, esseque Esdrae aetate iuniorem; ipse auctor libri, ex quo tota narratio hausta est, adeo inutilis et ineptus, et nulla prorsus fide dignus est, vt solius auctoris vanitate et futilitate res omnis concidat. Legentibus enim librum insulsum et ad modum loquendi resque ipsas attendentibus manifestum erit, prodiisse librum supposititium ex officina Semi-Iudaei et Semi-

c) Apolog. p. 82. T. I. opp.

Semi-Christiani, Aegyptiacae philosophiae doctrinis innutriti *, qui circa Seculi I. finem vel initia secundi vixit, orbique et ecclesiae eiusmodi foetu adulterino illufit. Nam quod Christianae religioni vel addictus fuerit, vel myſteria ſaltem eius potiora pro veris habuerit, ex variis eius locis * facili negotio colligi poteſt, proditque totius libri habitus, imitari voluiſſe auctorem vaticinia vel Danielis, vel Ioanniſtheologi, vt ſomniis ſuis Iudaeis per omnem terram diſperſis animum adderet, eiſque in patrias ſedes redeundi ſpem confirmaret. Aſt fuiſſe impoſtorem, inſpiratio falſo iactata, vaticinia vana nec vnquam impleta, et imprimis veſtigia philoſophiae impuriſſimae, quae eo tempore Aegyptum et orientis regiones multas peruafit, euidenter loquuntur, et ſuſpicionem confirmant, eo potiſſimum ſine Eſdrae hunc librum impoſuiſſe hominem impudentem et audaciſſimum, vt Cabbaliſticae philoſophiae ex nugis philoſophorum Aegyptiorum, orientalium et Pythagorico-Platoniorum conflatae apud profeſſionis gentisque ſuae homines fidem et auctoritatem conciliaret. Cui coniecturae veriſimilitudinem haud exiguam conciliant veſtigia manifeſta philoſophiae partim orientalis, partim Alexandrinae, tum vigentis, quae paſſim in iſto libro occurrunt ſ, quaeque, ex qua officina eo tempore, quo innumeri libri ſpurii protrudebantur, liber adulterinus prodierit, manifeſtant, recteque eos facere probant, qui impoſtoribus auctorem adſcribunt, qua de re, ne nimii ſumus, viri docti conſulendi ſunt, qui librorum apocryphorum hiftoriam exponunt, et hunc quoque librum enarrant #. Merito igitur miramur, virum magnum et acutum I. V. L. CAESAREM SCALIGERVM †, Pico alias longe oculatiorem ſcribere potuiſſe: *Arcana multo plura contineri in libris Eſdrae, atque potiora, quam quibus enarratione, eorumque librorum admirabile atque diui-*

Oooo 2

d) Iudaicam phraſeologiam vidiffe ſe putauit MORINVS exerc. Bibl. p. 225. ſed falſum eſſe vel vnus capitis lectio docebit.

e) Vid. c. II. 49. V. 5. VII. 28.

f) Vt exemplo res conſtet, ecce locum c. VII. comm. 12. 13. occurrentem: „Facti ſunt introitus huius ſeculi anguſti et dolentes et laborioſi, „pauci autem et mali et periculorum pleni, et „labore magnopere ſulti. Nam maioris ſeculi „introitus ſpatioſi et ſecuri, et facientes immortalitatis fructum.“ Ipſa mox phraſeologia peregrina nos hoc loco monet, non Iudaica hic nobis offerri: cogitantibus autem, tum quae de mundi huius conditione, laboribus et aerumnis pleni, tum de egreſſu, et aditu ad meliora loca orientales philoſophi tradiderunt, tum, quae de duabus vitae portis Pythagorico-Platonici praeceperunt, dubium amplius non eſt, reſpexiſſe auctorem ad doctrinam eam Aegyptiacam, quae animas, poſtquam ex diuinæ eſſentiae plenitudine delapſae eſſent, per laboris et miſeriae portam ingredi in hunc mundum, ſolutas vero

e carcere alia porta ad vitae immortalitatem liberarum dimitti docuit, qua de re videnda ſunt, quae PLOTINVS Enn. IV. L. IV. et PORPHYR. de antro Nymphar. p. m. 101. ſeqq. praecipunt. Ex hac Alexandrinorum ſchola ad Iudaeos Cabbaliſtas tranſiit dogma illud, vt allatis Cabbaliſtarum teſtimoniis demonſtrauit IAC. WINDETVS de vita funct. ſtatu Sect. V. p. m. 96. ed. Lond. luculentius vero ex R. ISAACI LORIENSIS tr. Cabbaliſtico de reuolutionibus animarum Cabb. denud. T. II. P. II. p. 244. ſeqq. diſci poteſt. Conf. REVCHLIN. de arte Cabbaliſt. L. I. p. 614. Coll. Piſtor. Talia multa in hoc libro occurrunt.

ff) FABRIC. Cod. apocryph. N. T. T. I. p. 936. WOLF. Biblioth. Hebr. P. I. p. 940. BVDDEVS Hiſt. ecclef. V. T. T. II. p. 1019. G. SERPILLI Perſonal. Eſrae c. VI. p. 116. BASNAGE Hiſt. des Iuifs L. VII. c. 2. §. 7. p. 30. quique hiftoriam decem tribuum expoſuerunt.

g) Exercit. de ſubſ. contra Card. CCCVIII. p. m. 999.

diuinum compendium apud se esse; inque iis libris longe praestantiores sententias contineri, quam in concionibus sordidissimi calumniatoris, atque impurissimi impostoris Emanuelis etc. Contrarium enim vir summus, qua erat eruditione et perspicacia, facile vidisset, modo antiquitatis praeiudicium abiecisset, ut supposita esse Esdrae haec omnia videre potuisset. Quod vero ad Picum attinet, virum quidem diuini ingenii et insolitae eruditionis, sed minus iudicii acumine pollentem et philosophiae Pythagorico-Cabbalisticae cuiusdam inepto plane praeiudicio occoecatum, vel falsum fuisse, vel sefellisse, dubio caret; nuspiam enim apud Iudaeos et Christianos horum LXX librorum Esdrae, quorum ipsi copiam factam esse dicit, fit mentio; id quod suspicionem quibusdam excitauit; ipsum Picum iactantius talia finxisse ^b. Alii vero ⁱ, de optimi iuuenis candore nulli dubitantes in impostorem quandam Iudaeum culpam coniiciunt, qui insano, quo in has literas ferebatur Picus, desiderio et credulitate abusus, carbones ei pro thesauris vendiderit, eumque pecunia emunxerit. SCIPPIO SGAMBATUS ^k vero Talmudis libros Picum pro Esdrae libris habuisse coniicit; cui tamen coniecturae non immerito opponit desideratissimus WOLFIUS ^l: neminem Iudaeorum Talmud vnquam ad Esdram retulisse, nec eos iuuenes ab eius studio arcere, cum ad hos Esdrae libros legendos neminem nisi quadragenarium admitti scribat Picus, nec denique in Talmude inueniri ea Christianae religionis capita, quae Esdrae libris istis contineri is dicit. Omnium itaque rectissime calculos subducunt, qui impostores quosdam, cum viderent Picum ingenti veritatem Religionis Christianae ex philosophia quadam Pythagorico-Platonico-Cabbalistica demonstrandi feruore ferri, Cabbalisticos quosdam libros interpolasse, sicque Pico Cabbalae, cuius tum obscurissima et incertissima erat notitia, amore fascinato fumos vendidisse. Eadem fere mens fuit REVCHLINO ^m, qui eiusmodi libros supereffe adhuc sibi persuasit, quanquam diffidisse libris a Pico redemptis videatur.

Historiae Iudaicae noua diuisio.

§. V. Post Esdrae tempora de Iudaicae gentis placitis et doctrina sollicitis tempora probe distinguenda sunt, et loca, in quibus sedem fixerunt. Ex illis enim mutationibus quae iis post captiuitatem Babylonicam obtigerunt, ingens quoque in doctrina secuta est conuersio et mutatio. Maxime vero duo momenta in Iudaicae gentis historia sunt, ad quae hic omnino attendendum est, eo quod insignem in placita Iudaica habuere influxum. Quorum vnum dissidium Samaritanorum est ⁿ, quod ante Esdrae

^b) Conf. WOLF. Bibl. Hebr. T. I. p. 942.

ⁱ) RICH. SIMON. Biblioth. choisie T. I. p. 323.

^k) De archiuis V. T. p. 304.

^l) loc. cit.

^m) De arte Cabb. L. I. p. 630. ed. Piff.

ⁿ) Scriptores huc pertinentes indicat WOLFIUS Bibl. Hebr. P. II. p. 433 et CARPZOVIVS Crit. S. V. T. P. II. c. 4. p. 585. inter quos eminet HADR. RELANDI diss. de Samaritanis, quae P. II. dissert. miscell. extat.

Esdrae quidem tempora coepit, post eius vero aetatem in apertum erupit discidium, et internecinum in religionis quoque negotio parauit odium. Alterum Iudaeorum coloniam tangit, ab Alexandro M. in Aegyptum deductam et ab eius successoribus ita auctam, ut non minore numero et auctoritate Iudaei in Aegypto gauderent, quam in Iudaea. Vtriusque historiae proprie ad Iudaicae gentis annales pertinet, et in illis quaerenda est, nobis vero eatenus tangenda, quatenus peculiaribus inde dogmata enata sunt, de quibus, ut dispiciamus, tractatio nostra postulat.

§. VI. De Samaritanorum doctrina dispicientibus, occasio schismatis, quod eos a Iudaeis seiunxit, expendenda est, et historia illius populi considerata, eo quod in religione placitisque eorum multa mutata sunt, occasione factorum, quibus ille usus est. Rem ab ovo, quod aiunt, orditur, scriptor sacer ^o, narrans, diu ante Esdrae aetatem (ducenti effluxere ab eo tempore ad Esdram anni) cum decem tribus Israelis in captiuitatem abduxisset Salmanasser rex Assyriorum, novos eum colonos ex Babylone, Chuta, Hawa, Chamata, et Sepharuaiim in Samariae vicos et vrbes incolis destitutos deduxisse, ut regionem eam incolerent. Hi a Chuta postea omnes denominati Chutaeorum inuisum apud Iudaeos nomen illis pepererunt ^p. Qui cum verum Israelis Deum colere nec possent nec vellent, immixtis a Deo feris vexati ad colenda regionis numina animum adicientes ex captiuis sacerdotem a rege Assyriae impetrarunt, qui patriam eos religionem doceret. Ast cum puro cultu illi seruire deberent, domesticam religionem dimittere nolentes in nefandum religionis doctrinaeque sacrae syncretismum delapsi sunt, et fecit vnaquaeque gens Deos suos, collocavitque in urbibus; Babylonii constituerunt Succoth-benoth, Chutaei Nergalem, Chamatenfes Asimam, Hawaei Nibhchazum et Thartakum, Sepharuaiinaei igne adoleuerunt liberos suos Adrammelecho et Anammelecho Diis suis. Qui Dii quales fuerint, satis quidem comperitum non est, coniecturas tamen eruditorum legis apud VOSSIVM ^q, IVRIEV ^r, BVDDEV ^s aliosque; haec enim ad nostros limites non pertinent, sed in historia theologiae naturalis et idololatriae speciali excutienda sunt. Illud certum est, turpissimam colendi hos Deos rationem fuisse, et legi diuiniae prorsus aduersam, et sanae quoque rationi inimicam. Id quod valde exosos fecit Samaritanos apud Iudaeos, qui cum similem in sua regione idololatriam excitassent, excidii et captiuitatis poenam sibi contraxere. Non potuit itaque non apud Iudaeos ex Babylonia reduces magnum Samaritanorum oriri odium, praecipue cum resuscitan-

Samaritanorum historia.

O o o 3 di

^o) II REG. XVII. 24.

^p) Samaritani Curhim Iudaeis dicti per ignominiam, ut originem iis peregrinam obicerent, vid. IOSEPHVS Antiq. Iud. L. IX. c. vii. p. 326. BENIAM. TVDELENS itiner. p. m. 37. BASNAGE Hist. des Juifs L. II. c. 4.

p. 24. De inuidia huius appellationis alibi dicendi erit occasio.

^q) De idololatr. gent. L. II. c. 22.

^r) Hist. dogm. et cult. P. IV. c. 2.

^s) Hist. eccles. V T. T. II. p. 658. add. I o. SELDENVS de diis Syris Synt. II. c. 22. et interpretes ad h. l.

di Hierosolymis templi societatem hi appetèrent, illi haereticis his dene-
garent. Inde enim in inimicas concertationes et magnos motus res de-
ducta, vulnus, quod difficulter coire poterat, vehementer diduxit. Et
Iudaei quidem anathemate ferire, et a sanctae gentis communione ex-
cludere Samaritanos non dubitarunt, id quod ab ipso Esdra et Serubabele
solenni ratione factum esse, Iudaei narrant, quorum de hac re narratio-
nes ipsae consulendae sunt, quae aqua et igni Cuthaeis interdixisse Iudaeos
dicunt ¹. Samaritani autem odio incensi cum in aula apud regis amicos
plurimum valerent, magna excitandi templi vrbisque restaurandae impe-
dimenta Iudaeis iniecerunt; hi vt par pari referrent, intercessione po-
tentiorum apud regem Darium effecerunt, vt ex regis redditibus sumtus in
quotidiana sacrificia Hierosolymis faciendos Samaritani erogare cogeren-
tur ². Et haec quidem durante Persarum monarchia contigerunt. Qua
per Alexandrum M. eversa occasionem nacti sunt Samaritani res suas am-
plificandi, vtendique fauore illo, quem antiqua Iudaici nominis gloria
conciliabat, quoque Alexandrum M. in partes pertrahere conati sunt.
Narrante enim auctore Chronici Samaritani ³, cum per Samariam rex
cum exercitu iter faceret, a summo sacerdote Ezechia benedictionis ritu
exceptus, magna Samaritanis donaria misit, eo quod sacerdos in somnio
oblatam sibi regis imaginem dixisset, eique victoriam ex Persis promississet.
Huic narrationi contradicunt Iudaei, et rem sibi suisque vindicant. Teste
enim IOSEPHO ⁴, cum Alexander M. vniuersum debellaturus orbem,
ipsam quoque urbem sanctam expugnare statuisset, repressus impetus a
Iaddone pontifice, qui obuiam illi procefferat, cuius fulgentis obtutus
venerabilis adeo mouit Alexandrum, vt, cum victoriam illi senex pro-
mississet, diuinitus sibi ostensam, et vrbi parceret, et honoribus et prae-
miis templum cumaret. Definiri quoque vix potest, cui parti fides ad-
hibenda sit. Samaritani enim chronici narrationem commendat admo-
dum, quod Samaritani eo tempore ad Alexandrum M. defecerint, Iudaeis
Darii partes sequentibus, Iosephus etiam ceterique Iudaeorum historici
parti suae seruire plerumque soleant; leuitas autem dicti auctoris fabulis
plurimis historiam sacram corrumpentis fidem ei adimit, vnde mirandum
non est, in diuersas de ea re abire opiniones viros doctos ⁵, de quibus
arbitrium nobis non sumimus. In eo tamen elaborabant Samaritani, vt
meditatam diu vnionem cum Iudaeis perficerent, qua in re Sanneballati,
viri magni, et in aula Darii atque Alexandri M. potentis consilio et auxi-
lio

¹) Loca Iudaeorum affert EISENMENGERVS Iudaismi detecti P. I. c. 2. p. 118. add. WALTON. apparat. bibl. Proleg. XI. §. 4. p. 365. BASNAGE Hist. Iud. L. II. c. 5. §. 1. p. 87. seqq.

²) IOSEPH. Antiq. Iud. L. XI. c. 4. p. 367.

³) De hoc chronico eiusque auctoritate consulendi Io. HENR. HOTTINGERVS Ex. Anti-Morin. p. 106. Act. erud. 1691. p. 167. BASNAGE L. c. c. 3. p. 36. FABRICIVS Cod. Pseud-

epigraph. V. T. T. I. p. 878. et quos laudat.

⁴) I. c. L. XI. c. 8. p. 385. Iuchasin p. 14. Zemach David p. 26. Kabb. R. LEVI p. 26.

⁵) IOSEPHVM sequitur HOTTINGERVS et BASNAGIVS I. c. ARVLPE-
TACHVM chronici auctorem Ven. REIMMANVS hist. theol. Iud. c. XVII. p. 535. ex in-
stituto quoque Iosephi narrationem in dubium vocat ANT. VAN DALE diss. super Arist. de
LXX. Int. c. 10. p. 68.

lio vñ sunt, sed difficili et contrario euentu. IOSEPHI ^a enim testimonio discimus; dedisse Sanneballatum, vt hanc inter vtrumque populum concordiam promoueret, filiam suam Manassi in matrimonium; qui cum Iaddi pontificis apud Iudaeos summi frater esset, sperauisse eum, fore, vt facilius internecinum inter vtrumque populum odium tolleretur, et Menasse ad summi Pontificatus fastigium promotum, homines hæcenus religionis animorumque dissidiis discissi in vnum coalescerent. Sed contrarium eius rei euentum fuisse. Iudaeos enim indigne ferentes, Menassen profanum cum Chutaei hominis, Samariae praefecti filia matrimonium iniisse, exclusisse eum a successione sacerdotii, et vrbe pepulisse. Qui cum aegre id ferret, Sanneballatum ei promississe, se non sacerdotium illi tantum seruaturum, sed et pontificatum paraturum, et totius suae provinciae principem eum facturum, aedificaturum quoque templum in monte Garizim, Hierosolymitano haud absimile, modo filiam retineret. Idque fecisse etiam Sanballatum, multisque artibus effecisse, vt excitandi templi facultatem ab Alexandro impetraret, persuadendo regi, multos e Iudaeis Menassen secuturos, sicque diuisis Iudaeorum animis, et faciliorem de eis victoriam fore, et non aufuros res contra regem nouas, quod alias confueuissent, mōliri. Haec et alia multa IOSEPHVS, quem more suo confinxisse multa, vt populum suum extolleret, deprimeret Samaritanos, legentibus est manifestissimum: quo et illud referendum putamus, quod alio loco ^b refert: exorta inter Iudaeos et Samaritanos Alexandriae, tempore Ptolomaei Philometoris, de vtriusque templi religione discordia, cum vterque populus suum esse legitimum contenderet, prouocatum esse ad regem et amicorum eius confessum; regemque vtriusque partis rationibus pro causa sua allatis auditis, cum ex lege et pontificum successione continua Iudaei templi Hierosolymitani religionem et auctoritatem demonstrassent, decreuisse, Hierosolymitanum ex sententia Moſis esse conditum, Samaritanae vero causae patronos supplicio addixisse. Haec enim luculenter nugantis Iudaei fabulam redolent ^c. Illud certum esse, recte colligitur, et auxisse res suas Samaritanos, multis cum Menasse ad eorum partes, quae fauore et gratia regis fruebantur, transeuntibus, et emendasse quoque doctrinam suam, vt eam ad Iudaicae religionis summam attemperantes haereſeos notam toties illis obiectam effugerent, sine quo ea fortuna, quam habuerunt, vti non potuissent. Vnde vindicasse sibi legis doctrinam in sacra historia legimus. Neque tamen ita emolliri odium Iudaeorum potuit, qui Samaritanos velut haereticos et profanos homines execrabantur, sibiſque veram religionem templique auctoritatem vindicabant, qua de re disputasse in Aegypto Iudaeos cum Samaritanis, ab Alexandro M. et Ptolomaeo Lagi illuc traductis ^d supra paulo diximus.

^a) L. XI. c. 8. p. 383. Caue vero hunc Sanneballatum cum alio, cuius mentio facta NЕМ. XIII. 28. confundas.

^b) L. XIII. c. 6. p. 434.

^c) Ita etiam BASNAGE l. c. L. II. c. 6. p. 113.

^d) IOSEPH. L. XI. c. 8. p. 386. L. XII. c. 1. p. 388. qua occasione id factum sit enarrat.

mus. Tandem inuidia in rabiem versa est, quae commouit Ioannem Hyrcanum, vt Samariam cum exercitu obsideret, et post longas moras expugnatam tandem vna cum templo solo aequaret ^e. Surrexit tamen Samaritanorum metropolis ex desolationis puluere, Aulo Gabinio prouinciae praefide Romano eam resuscitante, et ab Herode amplificata, et regiis operibus exornata in Augusti honorem Sebaſte dicta est ^f, qua fortuna Samaritanorum, praecipue sub Herodum imperio res eorum valde auctae sunt.

Doctrina Samaritanorum.

§. VII. Colligi ex dictis potest, dissensisse quidem Samaritanorum doctrinam a Iudaica religione et placitis, ita tamen comparatam fuisse, vt sperare potuerint, Iudaeos ad eam accessuros esse: hoc enim nisi supponamus, ratio dari nulla potest consiliorum a Sanballato initorum, vt sub genere sacrorum communium praefule religio vtriusque populi coalesceret. Ex his vero sequitur abiicisse Samaritanos pristinam superstitionem, qua cum Deo Israëlis etiam idololatriae feruuerunt, propiusque in iis doctrinae capitibus, quae ad Deum eiusque cultum spectant, ad legis sententiam et rationis etiam praecepta accessisse. Certius aliquid ea de re statuere liceret, si quae recentiori aetate Sichemiticae Synagogae praefectus Eleazarus ad Scaligerum misit, fidei confessio ^g veteribus per omnia Samaritanis posset tribui. Ex ea enim constaret, articulos illos, in quibus a Iudaeis dissiderunt, traditionibus quidem Iudaeorum refragari esseque oppositos, nihil tamen continere, quod superstitionis veteris reos illos agat. Verum valde timemus, vt haec omnia a Samaritanis istis veteribus profecta sint, et non multa mutata sequentibus temporibus: de quo tamen hic iudicium interponere, partium nostrarum non est. Ad haec igitur doctrinae Samaritanae capita cum prouocare tuto satis non liceat, veterum testimonia de eorum placitis exquirenda sunt, vt, quid fani vel insani in eorum doctrina fuerit, iudicari queat. Verum hic quoque aquam nobis haerere non diffitemur, si enim eorum, quorum tamen testimoniis omnis de Samaritana doctrina notitia constat, narrationes expendimus, valde probabile fit, multa dedisse scriptores eos odio, quo Iudaei ducebantur, aduersus hunc populum, internecino, multa disseminasse vanos vulgi rumores, peperisse quoque quorundam suspicionem fanaticas sectas, quarum capita ex Samaritanis exorta prodierunt, Simón, Dositheus, Menander: quanquam praefracte negare nolumus, adhaesisse populo quaedam ex gentilium scholis desumpta, vel aliunde ex erroneis hausta fontibus, quae occasionem dederunt Iesu Christo ^h obiiciendi Samaritanis, nescire eos, quid adorent. Certe odiose magis, quam par erat, doctrinam eorum tractam

^e) IOSEPH. L. XIII. c. 18. p. 452.

^f) Loca veterum lege apud R. ELAND. Palestinae. L. III. p. 979. BASNAGE l. c. p. 99.

^g) Vid. BASNAGE Hist. des Juifs L. II. c. 2. p. 22. c. II. p. 215. c. 12. p. 298. RICH. SIMON Supplem. ad Leon. Mqntinens. de Ce-

remon. Iud. P. V. c. I. CHR. CELLARIUS de Samaritanae gentis historia diss. Ac. P. I. diss. VI. p. 108. REIMMANN. Hist. theol. Iud. L. II. c. 14. p. 804. seqq.

^h) Io. IV. 22. conf. BASNAGE l. c. c. 12. §. 1. p. 252.

ductam fuisse, ea, quae de eorum cultu diuino referunt veteres, manifestum faciunt. Narrat enim EPIPHANIVSⁱ, idola eos colere per ignorantiam, quia sub monte Garizim simulacra quatuor gentium sint abscondita. Sed profectam esse hanc fabulam a Iudaeorum inuidia, ex eo intelligitur, quod hi tradant, tempore R. Meir praeceptoris R. Iehudae qui Mischnam composuit, columbam in monte Garizim reconditam deprehensam esse, indeque Hebraeorum sapientes iudicasse, Samaritanos idola colere; quodque, ut haec alia ratione incrustent, ad Assyrios prouocent, a quibus Chutaei descendunt, qui in vexillis suis columbam habuerint. Hoc enim quam frigidum sit, et recutitorum magistrorum ingenio dignum, quilibet intelligit, et eleganter obseruatum a doctissimo RELANDO^k, peperisse hanc calumniam vasa sacra, belli tempore in spelunca montis Garizim abscondita, quae deinde, cum repetere vellent, inuenire non potuerint, quod factum esse ex Iosepho et Chronico manuscripto Samaritano vir eruditissimus confirmat. Ad hunc itaque montem, quem pro sacro habebant, cum obuersa facie Samaritani orarent, enata inde Iudaeis occasio, superstitionis eos reos agendi. Alia non minus friuola et nugacia, quibus illos de Deo minus recte sensisse tradunt, cum huc non pertineant, omittimus. Nec certiora putamus esse, quae EPIPHANIVS^l eis tribuit: nec scire nec credere eos resurrectionem. Contrarium enim suadet, qui ex Samaritanorum gremio prodiit, Menander, qui ad hanc vitae immortalitatem ex resurrectione sperandam totam fere philosophiam suam reuocauit. Nec negauit alibi EPIPHANIVS^m, Dositheos, sectam Samaritanorum, resurrectionem confiteri. Nihil enim in eo dogmate est, quod non a Iudaeis modo, sed et ab orientalibus Samaritani accipere potuerint. Nec verisimilitudine caret, errorem hunc inde originem cepisse, quod Sadducaeum resurrectionem negantes a Phariseis Chuttim, id est, haeretici, more suo vocati fuerint, sicque Samaritanis adscripta fuerit Sadducaeorum opinio. Certe eo tempore, quo Chronicon Samaritanum conscriptum est, resurrectionem eos non negasse, luculenter demonstrauit RELANDVSⁿ. Pari ratione angelorum eos existentiam negasse, LEONTIVS^o tradit. Cuius assertioni opponi posset EPIPHANIVS^p, qui in eo Sadducaeos a Samaritanis distinguit, quod illi angelos, contra quam Samaritani, repudient, nisi constaret, Epiphanium veterum sectarum doctrinas inter se saepissime confudisse. Speciemque valde habet, quod doctissimus RELANDVS^q disputat, eos per angelos in lege Moysis, quam ex diuinis libris solam recipiebant, nihil aliud intellexisse, quam mandatum, efficaciam, virtutem, vimque Dei, id quod

i) Haeref. IX. T. I. opp. p. 25.

k) l. c. Diss. misc. P. II. p. 57.

l) loc. cit.

m) Haer. XIII. p. 30.

n) loc. cit.

o) De sectis c. 8.

p) Haer. XIV. p. 31.

q) l. c. p. 29.

quod magno conatu adstruit assensum nactus BVDDEI^r, et BAS-
NAGII^s, eo quod in Pentateucho Samaritano angelus Dei dicatur, quod
in Hebraeo Deo ipsi tribuitur. Nos tantorum quidem virorum auctorita-
ti nihil derogatum volumus, fatemur tamen, nondum allata nos mouere,
vt negauisse angelos Samaritanos credamus, licet concedamus, in para-
phrafibus Samaritanis angelos explicari per virtutes DEI. Has enim
virtutes diuinas non instar modorum vel attributorum concepisse sibi Sa-
maritanos credendum est, sed instar virtutum realium ex Dei natura et
essentia emanantium, vt radii solis, lux, calor ex sole quidem emanant,
ab eo tamen distinguuntur, ibique praesentes sunt, vbi solis corpus non
praesens est. Ita quidem angeli virtutes, vel emanationes sunt ex Dei
essentia, sed substantiales, certaue ratione et essentiae definitione modi-
ficatae. Quae explicatio vt satis paraphrafibus Samaritanis conuenit, sen-
sumque meliorem exhibet, quam illa, quam dedere viri laudati, ita eo
maxime exemplo probatur, quo ipse eruditissimus Relandus opinionem
suam roborare aggressus est, ad Simonem Magum prouocans, qui se
magnam Dei virtutem et nominauit ipse, et a populo Samaritano nomi-
nari passus est. Ille enim, quod postea videbimus, non virtutem tantum
moralem aliquam sibi adesse iactauit, sed esse se ex aeonibus illis siue vir-
tutibus substantialibus ex Deo certa ratione emanantibus vnam dixit, adeo-
que, plus quam angelorum dignitatem sibi vindicans, virtutem hanc di-
uinam certam esse a primo et ineffabili Deo separatam substantiam innuit.
Qui cum ex aeonum pleromate genitos fuisse archangelos, angelos, vir-
tutes et potestates dixerit, vt infra trademus, eaque hominis fanatici de-
liria audidissime exceperit populus Samaritanus, nullo modo credibile est,
eum angelos tamen negauisse, et contrario mox dogmati tantam adhibu-
isse fidem. Quod si vero statuamus, intellexisse per angelos Samaritanos
non spiritus libere ex nulla praeexistente materia productos, vt Iudaei do-
cebant, sed substantias siue virtutes substantiales ex infinita Dei essentia
emanantes, quae volente Deo in imperscrutabili profunditate latente, eius
voluntatem et efficaciam operibus suis manifestent, et sic essentiae quidem
ratione cum eo cohaereant, sed distent tamen ab eo, vt riuuli a fonte,
recte omnia cohaerent, et ratio euidens patet, cur a Iudaeis dissenserint,
curque Simon, Dositheus et Menander ex hoc populo ad similia somnia
fuerint delati. Nec dubitamus asserere, Samaritanos hanc doctrinam ab
orientalibus^r acceperisse, multumque confirmatos in ea esse, cum philo-
sophia orientalis inter eos quoque nouas sectas produceret. Magno
enim applausu Simonis partes profecutum fuisse populum Samaritanum,
veteres vnanimi ore testantur. Alia, quae Samaritanis tribui solent do-
gmata,

^r) Hist. eccl. V. T. T. II. p. 1046. ^s) l. c. p. 26.

[†]) Assyrios multa de angelis tradidisse, hinc-
que inter Iudaeos et vicinas gentes eorum opi-
niones delatas esse, passim viris doctis obserua-

tum est. Id quod post captiuitatem Babylo-
nicam euenisse verisimile: ab eo enim tempore
placita orientalia omnes Asiae regiones per-
agrabant.

gmata, cum philosophiae fines excedant, hic omittimus, quaerenda apud eos, qui historiam gentis Iudaicae et Samaritanae specialem enarrarunt.

§. VIII. Propius ad historiae philosophicae limites spectat SIMONIS MAGI historia veteribus quidem et recentioribus decantatissima, verum ita obscura et intricata, manca etiam et non satis cohaerens, ut citius quid displicere possit viderique reiiciendum, quam quid placeat eligendumque sit, definire liceat: Adeo veterum narrationes incertae sunt, quos non ubique affectos fuisse sensus obscuros hominis fanatici et in orientalium philosophorum scholis educati, dubitandum non est: unde iis non nisi adhibito examine fides adhibenda est. Pertinet vero famosissimi hominis historia proprie ad sacrae civitatis historiam, cuius successus et propagationem cum imitari non posset, valde impedire conatus est hostis impudentissimus; unde eius res a sacrorum annalium conditoribus plerumque enarrari solent, qui tamen cum plerique eam historiam sine accurata philosophiae orientalis notitia considerauerint, non potuere non variis modis hallucinari, et praesertim in explicandis Simonis dogmatibus varia ratione labi. Vnus vir in his literis summus IO. LAVRENTIUS MOSHEMIVS^a accuratiora et verisimilia nobis de Simone mago exhibuit, et obscurissimo argumento lucem haud contemnendam attulit. Cuius vestigia ita, pace viri optimi nobisque fauentissimi, legemus, ut ea tantum strictim enarremus, quae ad philosophiae orientalis supra paucis explicatae, historiam, resque philosophiae Iudaicae, et Samaritanae illustrandas lucem aliquam afferunt, et ab eo dicta plenius exponunt, nulli dubitantes, fore neminem, qui his literis delectatur, qui non ipsam quoque praestantissimi viri de hoc argumento tractationem perlustraturus sit. Et I. quidem, veterum nos traditioni communi iungere nulli dubitamus, qui vnum tantum nobis Simonem magum sistunt, eundem cum Simone illo, quem congressum fuisse cum Apostolo Petro LVCA^x tradit. In alia quidem abierunt viri quidam doctissimi, magnaque veterum rerum notitia instructi, qui Simonem magum Lucae memoratum a Simone, homine philosopho Gnosticorum parente, ex Pythagorea disciplina fanaticismum fouente distinguunt, et deceptos fuisse veteres nominum similitudine, ut ex binis viris vnum conflarent, putant. In quam opinionem descendit CAMPEGIVS VITRINGA^y, quem secuti sunt veneranda & amicissima nobis nomina CHR. AVG. HEVMANNVS^z et ISAACVS DE BEAUSOBRE^a nostris iam sedibus ereptus. Quorum tamen coniecturis cum abunde satisfecerint, triumviri celeberrimi IO. FR. BVDDEVS^b, FRID. ADOLPH. LAMPIVS^c et IO. LAVR.

Pppp 2

^x) Hist. Christ. instit. mai. Sec. I. P. II. c. V. §. 12. p. 389. seqq.

^y) Aët. VIII. 9.

^z) Obseru. SS. L. V. c. 12. §. 9. p. 159.

^a) In actis erudit. 1716. Apr. p. 179.

^a) Diff. de Adamitis P. II. subiuncta historiae belli Hussitici a Cel. LENFANTIO Gallico sermone exaratae §. 1. p. 350. f. 35.

^b) De ecclesia Apostolica c. V. §. 2. p. 318.

^c) Proleg. Comm. in Iohan. L. I. c. 3. p. 40. seqq.

LAVR. MOSHEMIVS ^d, ad eas respondere necessarium non ducimus, sed sufficere putamus, si rationibus vndique conquisitis, nec satis cohaerentibus, vniuersalem fere antiquitatis consensum et concurs in hac re testimonium opponamus; cuius certitudinem coniecturis et suspicionibus conuellere, idem est, ac omnis fidei historicae fundamenta euertere, praesertim cum quaedam sibi viri doctissimi fumant, quae negari et possunt et debent. II. Samaritanum fuisse Simonem, ex vico quodam Gitton, testatur IVSTINVS ^e, cuius tamen fidem in dubium vocant viri quidam eruditi ^f, IOSEPHI ^g auctoritate moti, qui Iudaei cuiusdam vasserimi meminit ex Cypro insula oriundi, qui Felici Iudaeae procuratori nuptias Drusillae conciliauit, et Simonis nomine inter magos eius temporis innotuit. Nec diffitendum, ingeniosa esse, quae viri eruditi afferunt, ita tamen non comparata, vt Iustini antiquissimi testis, qui ipse ex Samaritanis oriundus erat, auctoritatem labefactare satis posse videantur. Cuius assertioni fidem abunde facit, quod praestigiis maxime suis non Hierosolymis vel in alia Iudaeae vrbe, sed Samariae nomen sibi celebre et sectatores plurimos comparauerit Simon magus. Id enim homini Iudaeo nunquam euenturum fuisse, Vatinianum, quo se inuicem excipiebant Iudaei et Samaritani, odium satis probat: longeque alia fuisse hominis Cyprii ad potentium fauores sibi conciliandos destinata consilia, quam Samaritani popellum venari cupientis in aprico est. III. De parentibus et educatione Simonis quaedam tradit *Recognitionum Clementis* auctor, qui tamen, cum fabulis scateat, vix audiendus est; vnde quo loco habendum sit, quod is addit, fuisse eum praecipuum inter triginta discipulos Ioannis cuiusdam hemerobaptistae, qui ludum paulo ante aperuerat, et ex quo Dositheum quoque prodiisse dicit, liquet. Magis verisimile est descendisse Simonem in Aegyptum, vt artes ibi magicas disceret. Magno enim numero tum temporis Asiaticos homines Alexandriam confluisse, vt non artes tantum humaniores, sed philosophiam quoque diuiniorum discerent, et magicis artibus imbuerentur, alio loco ostendimus. Nec aliunde Simonis deliria deriuanda sunt, quam ex scholis Aegyptiorum, qui, vbi philosophiam orientalem, vt supra dictum, receperunt, et chaos quoddam doctrinarum παραδοξωτάτων fuerunt commenti, eiusmodi somnia progenuerunt. Maxime vero magiae artes eo tempore in scholis Aegyptiacis personuissent, ex iis, quae suo loco de his hominibus diximus, notum est. Qui quamuis γοήτειαν reiicerent, Deorum tamen commercium arcanum magiae nomine iactabant, reuera praestigiis dolisque speciem mirabilium prae se ferentibus, famam sibi et auctoritatem conciliantes, et philosophiae quendam colorem quaerentes, tradendo, magiae beneficio liberari animas a malorum daemonum malitia et infidiis, et ad eleuandos eos ad superos

d) I. c. p. 390. seqq.

e) Apolog. II. p. m. 69.

f) Vid. WOLFIVS Cur. phil. ad Aët. VIII. 9.

et quos laudat, ITTIG. de haeref. aeni Apost. Sect. I. c. I. §. 5. p. 26. alique.

g) Antiqq. Iud. L. XX. c. 7. p. 969.

superos felicitatis gradus illam multum prodesse. Quam sententiam in Platoniorum quoque in Aegypto scholis receptam fuisse, quamvis eam improbauerit Porphyrius, supra *sezione quinta* tradidimus. Sane philosophiae orientalis, in Aegypto quoque admissae, alumnos eiusmodi magicam exercuisse, ut immundos spiritus hominibus molestos pellerent PLONTINVS^b testis est, et IRENAEVSⁱ quoque innuit. Hoc itaque doctrinae genus cum in Aegypto didicisset Simon, reuersus in patriam, in qua Dolitheum ei primum locum celsisse *Recognitionum Clementis* auctor tradit, ciues verbis et factis prodigiosis eo inducere fategit, ut se *ἐναυ τινα ἑαυτὸν μέγαν*, *magnum quandam humani generis liberatorem atque vindicem* esse, teste S. LVCA^k, crederent. IV. Obtinuisse etiam hominem fanaticum et vasserrimum, apud populum Samaritanum, quod quaerebat; idem sacer tradit historicus, quem acclamauisse scribit: *ἔτος ἔστιν ἡ δύναμις τῆ Θεῆς ἡ μεγάλη*, *hic est magna illa virtus Dei*^l. Varia tum veterum, tum recentiorum de hac acclamatione, et iactata quoque ab ipso Simone gloria, fuit opinio. Cum enim supremam Dei virtutem se diceret, in eam quidam ingressi sunt sententiam, Simonem se Deum ipsum esse manifestatum dixisse, esseque se patrem, filium et spiritum S. Tradunt id quidem veteres IRENAEVS, THEODORETVS alique^m, et post hos recentiores multi, quibus nos quoque olim nos iunximusⁿ, sed re accuratius considerata, deferenda est haec opinio, cum verisimillimum sit, doctores istos philosophiae orientalis, ex qua istae voces petitae sunt, ignaros hanc Simoni opinionem sine fundamento veri tribuisse. Hoc enim clare satis ex eo euincitur, quod Deum Simon super omnia prorsus entia in sublimi et recondita luce latentem posuit, ut infra dicemus. Nec forte alia tributae Simoni iactantiae origo fuit et occasio, quam IUSTINI^o auctoritas, qui statuae Romanos Simoni tanquam Deo posuisse in amne Tiberi inter duos pontes cum inscriptione: SIMONI SANCTO DEO tradit. Ast falsum fuisse Iustinum, properantius statuae inscriptionem legentem, postea innotuit, cum seculo XVI. ea ipsa statua in illo loco Romae effossa hanc inscriptionem exhiberet: SEMONI SANCTO DEO FIDIO, unde a plerisque, qui antiquitatis praeiudicio non laborant, et doctores ecclesiasticos homines fuisse, qui errare potuerunt, recordantur, ea traditio rectissime reiecta est^p. Causa enim nulla dici potest vel mediocriter verisimilis, cur hominem Samaritanum inter Deos retulerunt Romani. Quaecunque enim de virtutibus eius magicis a Petro

P p p p 3

quo-

b) ENCH. H. L. IX. c. 14. p. 212.

i) Adu. haeref. L. I. c. 23. §. 4. p. 100.

k) loc. cit.

l) Conf. IRENAEVS I. c. p. 99.

m) IRENAEVS loc. cit. THEODORET. haeret. fab. L. I. c. I. Tom. IV. p. 192. AUGUSTIN. de haer. c. I. EPPHAN. haer. XXI. et post hos alii multi.

n) In Germ. Hist. phil. opere T. IV. p. 40.

licet iam tum suboluerimus, non valde certa esse testimonia veterum.

o) Apolog. II. p. 69. 91. quem magno numero veteres Irenaeus, Tertullianus, Theodoretus, Eusebius Cyrillus sequuntur.

p) Vid. ANT. VAN DALE pec. tract. ad calc. libri de orac. p. 579. Ven. DEYLING. Obs. SS. L. I. obs. 35. p. 140. et quos laudat ITTIG. l. c. et Sel. Cap. H. E. Sec. I. c. V. §. 13 p. 263.

quoque disiectis et de fine tragico Simonis narrantur, quem inde cepisse dicitur, quod per aërem volaturus Petri Paulique apostolorum precibus deturbatus sit, et ita proiectus, vt ex accepto vulnere moreretur, recte a viris doctis hodie exploduntur, cum nec testimonia veterum, quae pro ea narratione adducuntur, fidei debitae gradum tueantur, nec scriptores seculo tertio antiquiores hanc mortem narrent, non tacituri rem adeo illustrem, si vere contigisset; vt tacéamus coniecturam virorum doctorum, suspicantium, hominis impostoris in aula Neronis viuentis et se volaturum promittentis, sed primo statim conatu decidentis ⁹ exemplum occasionem dedisse fabulae. Deferenda itaque ea iactantiae Simonianae, se magnam Dei virtutem esse, expositio, cum celeberrimis quibusdam viris, et conuenientior systemati Simoniano explicatio quaerenda. Ea vero non longe petenda est, sed adhibenda tantum philosophia Orientalis et Aegyptiaca, in qua educatum fuisse Simonem magum supra probauimus. Ea enim has nobis virtutes Dei magnas siue summas enarrat, quae ex infinito lucis diuinae et incorporeae oceano emanantes demittuntur ad inferiora, tanquam radii quidam infiniti luminis, vt ea diuina luce et beatitate collustrent; quas virtutes non sola attributa modosque Dei infiniti innuere, sed naturas diuinas, substantiales, perennes, ex ipsa DEI natura editas esse suo loco diximus, et has virtutes a tota fanaticorum orientalium caterua aeonas dictas esse, probauimus. Talem aeona, siue immortalem diuinamque naturam, virtutem diuinam emanationis lege in se continentem, Simon sine dubio se dixit esse, ast addidit, *μεγάλην*, valde magnam, Deoque, emanantium naturarum fonti, proximam; cum et aeon illa, quam ad mundi condendi opus ex pleromate diuino processisse nugatores somniarunt, cuiusque auulsione a fonte suo malorum principiorum cateruae exortae sunt, virtus Dei fuerit, cuius tamen effectus inordinatos vt in ordinem redigeret, et humanum genus a malis, quae ista principia deteriora et iniqua hominibus inferunt, liberaret, se in mundum missum esse iactauit Simon, cui ideo opus erat supra has potestates omnes se efferre. V. Ex his vero manifestum quoque est, errare eos, qui in haereticorum catalogo Simonem magum ponunt, immo haereticorum caput et parentem fuisse contendunt, quod post IRENAEVM ⁷ veteres plerique ⁸ et recentiores haud pauci fecerunt ⁶. Solide doctèque admodum, falli eos, demonstraui eruditissimus MOSHEMIVS ⁵, dignus qui ipse legatur et expendatur. Nos instituti nostri memores, qui haeresiologiam non scribimus, hoc vnum monemus, ipsam sectam Simonis, quam philosophicam et literatam fuisse, et dictis est manifestissimum, Christo e diametro fuisse oppositam,

⁹) SVETON. in Ner. c. 12. conf. BEAUSORRE Hist. de Manichéisme T. I. L. II. c. 4. p. 203. MOSHEMIVS l. c. p. 405. ITTIG. de haeresiarch. l. c.
 ⁷) II. cc.

⁵) EPIPHAN. l. c. THEODORET. l. c. AVGVSTIN. l. c.

⁸) Conf. quos laudat ITTIG. II. cc.

⁶) l. c. p. 394.

fitam, ita vt non potuerit eius tantum doctrinae, quae ab illo tradita est, esse deprauatio *. Supra enim iam monuimus, illos haereticos, qui cum Christianae doctrinae placitis philosophiae orientalis deliramenta coniunxerunt, Christum habuisse pro ea aeone, quae ex Deo emanans genitaeque in humanum corpus descenderit, vt a malorum daemonum imperio et libidine mundum liberaret, id quod ex omnibus eorum systematibus demonstrari potest. Ast eundem sibi locum vindicasse Simonem, supra diximus, vnde oportebat illum graues contra Christi nomen inimicitias suscipere, eorumque se partibus addicere, qui bella contra Christianos susceperunt, et arma philosophica contra diuinam doctrinam a sanctissimo Seruatore eiusque legatis propositam, arripuerunt. Christi etiam discipulum eo minus se dicere poterat Simon, quo magis *ἑστῶτα*, *stantem* se dixit, vt ex CLEMENTE ALEXANDRINO ^y et Clementinis ^z notum. Hac enim appellatione *διῶνος* significationem exprimere voluisse, quae naturam immutabilem et per se subsistentem sine temporis mutatione innuit, ex doctrina veterum, de aeternis naturis per se subsistentibus, quas fluxae materiae opponebant, constat. Qua appellatione aeternam durationem siue immortalitatem hominem vesanum sibi vindicasse, ex Recognitionibus PSEUDO-CLEMENTIS ^a demonstrat MOSHEMIVS ^b. Quod delirum quidem omnino est, at cum rationibus, systematis vecordis exacte cohaeret; secundum quod materia nimis longe a primo rerum omnium fonte remota hincque coinquinata fordibus, diuinarum emanationum coniugio spiritualis magis reddita fluxam illam conditionem amittit, tandemque reddita stabilis et duratura ad fontem primum redit. Id quod et Zoroastre philosophiae reliquiis ad philosophos orientales fluxisse supra demonstratum est. Nec aliud voluit Simon, quando se Iouem, Helenam vero suam Mineruam apud gentiles dixit, vt AVGVSTINVS ^c auctor est. Aegyptiorum enim philosophia, quam didicerat, duce, Iupiter non ille inaccessibleis Deitatis fons, sed prima emanatio est, vt diserte testatur IAMBLICHVS ^d, quae cum supra dictis mire concordant. VI. Sed et Helenae scorti somnia cum his cohaerent, quae mire torfere viros doctos ^e, vt quem locum ea in Simonis systemate habuerit, exponerent. Nam

*) Causa huius opinionis est, quod inter systemata Gnosticorum et Simonis magna sit cognatio. Ast inde inferre non licet, hoc illorum fontem fuisse, sed id modo sequitur, ex eadem scaturigine vtraque provenisse. Illi vero Christianum systema subinterferebant, Simon vero non item.

y) Strom. L. II. p. 333.

z) Homil. II. §. 22. p. 633.

a) L. I. c. 72. p. 509.

b) l. c. p. 423. qui apposite obseruat, PHILONI de nom. mutar. Deum dici *אֵל אֵלֹהִים*, qua voce significationem nominis *יהוה*

sine dubio exprimere Iudaeus Pythagorizans voluit.

c) I. c. EPIPHAN. I. c. EVSEB. H. E. L. II. c. 13.

d) De myster. Aegypt. Sect. VIII. c. 2. p. 158.

e) VITRINGA Obs. SS. L. I. c. 2. p. 131. qui per hanc Helenam rationem rectam Simonem intellexisse, poetico dicendi genere vsum putat, HENR. HOBBS de vltima origine Simonis Magi c. I. §. 4. aeternam materiam intelligit, animarum scaturiginem Is. DE BEAUSOBRE Hist. Manich. T. I. L. I. c. 3. p. 36. 37. T. II. L. VI. c. 3. p. 320. mentem rationalem, et

Nam si cuncta recte expendantur, nihil aliud voluit Simon, quam, refeddiffe diuinam quandam emanationem siue virtutem in corpore huius feminae, quam praeter ignota et barbara quaedam vocabula *f* *ἐννοίαν* nominasse IRENAEVS *g* testatur. Per hanc enim virtutem diuinam genitos fuisse angelos, siue naturas quasdam emanatiuas minores dicebat: hancque cum mundo condendo esset destinata, immaturo consilio extra Dei pleroma egressam, hos genios sine patre genuisse, et ab iis ad patrem redire conantem detentam, et contumeliis affectam muliebri corpori inclusam esse, inque eo variis migrationibus, de quibus poëtae cecinerint, iniuriisque vexatam, cum vim dominorum orbis huius effugere non potuisset, postremo in lupanar Tyrium detrusam et a Simone liberatam esse, et hanc Spiritum S. esse, et gentiliū Mineruam. Ita quidem de Helena narrationes EPIPHANII *h* referunt. Qui licet absurda atque absona tribuisse Simoni videri possit, nihil tamen in ea narratione est, quod non ingenio otioso nugantique, et in Orientalium atque Aegyptiacorum philosophorum scholis educato in mentem venire potuerit. Cum enim ille, vt supra dictum, aeonas generis sequioris statueret, *ἐννοίαν* vero, siue mentem ex Deo primo effluxisse magna verborum pompa statuerent philosophi Alexandrini, facile potuit hanc secundam emanationem asserere Simon ex earum aeonum genere, quae recipiendis virtutibus diuinis destinatae suntⁱ, vt haberet, quam secum coniugio vniret, vt emanatio siue virtus ea actiua, quam se esse gloriatus est, in diuinā lucis pleromate iuncta et coniugata esset passiuae. Quia vero a mente diuina animam mundi, et ipsum mundum conditum in scholis Aegyptiacis audiuerat, creationis operi vel formandae materiae praefixit hanc virtutem femineam, eamque matrem fecit omnium, etiam animarum, et spirituum minorum, quorum cum immoderatus in materiam appetitus esset, detenta est ab iis, cum orbis rerum materialium fatalis, cui imissa erat propria culpa, reditum ad pleroma diuinum non admitteret, et ad propagandam materialis mundi faciem eius opera coniugiumque adhibitum. Nihil aliud enim velle, apud orientales angelorum cum feminis concubitus, eos latere non potest, qui symbolicam orientalium philosophorum methodum non ignorant. Nec alio forte consilio apud gentiles Helenam suam Mineruam dixit, quam quod consilio eius mundus factus sit, et sapientia diuina in ea enituerit. Cumque ex mente diuina animam quoque mundi effluxisse Alexandrini statuerint, patet inde, non reiiciendum esse Epiphanii testimonium, tradentis, Simonem Helenam suam dixisse Spiritum S. Multos enim veterum per Spiritum S. intellexisse animam mundanam, fontem animarum, alio loco obseruauit.

et L. VII. c. 6. p. 510. lunam innuisse putat. Sed parum satisfacere virorum doctissimorum explicationes narrationibus veterum, accurate demonstrat MOSHEMIVS l. c. p. 426. qui videndus.

f) EPIPHAN. l. c.

g) loc. cit.

h) p. 56. seq.

i) Id est, feminini generis.

uauimus, et erudite demonstrauit MOSHEMIVS ^k. VII. Cum hac igitur femina missum se teste IRENAEO ^l, ad liberandum a malarum potestatum principatuumque tyrannide mundum, purgandamque et emendandam rerum materialium compaginem Simon statuit, ab his enim malis angelis bella et dissidia, quorum tunc temporis plenus erat orbis terrarum, calamitatibus oppletus, excitari, et inuidia humani generis exitium afferri statuebant veteres Orientales ^m, Aegyptiaci alique huius furfuris philosophi, ut vel ex solo IAMBLICHO ⁿ disci potest. Ab his liberationem sine dubio pollicitus est, et, cum morbos quoque ab his daemonibus profectos curare se magiae ope posse hi orientales philosophi, teste PLOTINO ^o promitterent, eorum quoque depulsionem in sua potestate esse iactauit, animamque ex hoc miseriarum carcere ad primigeniae lucis claritatem se extollere posse dixit, nempe si per Ennoiam suam salutarem reditus animarum viam aperiret. Hac ratione si connectitur Simonis historia, quemadmodum id philosophia, quam sequebatur, postulat, nihil est in tota hominis vesani et delirantis fabula, quod, licet absurdissimum sit, non tamen sua ratione constet, lumenque capiat, et sectae huius philosophicae notitiam pandat solito clariorem. VIII. His suppositis, et repetitis iis, quae *superioris libri capite ultimo* de philosophiae orientalis methaphysica diximus, lux quoque accendi potest nouae, quam condidit Simon, religioni, vel potius philosophiae, quo loco iterum valde commendamus laudatissimi MOSHEMII ^p industriam. Pleraque si veteres inter se comparentur, nexusque assertionum non recte semper ab iis intellectarum ex dicti systematis natura et emanationis legibus quae-ratur, huc redeunt. α. Esse in infinita Deitatis plenitudine numen summum optimumque omnis essentiae, bonitatis et realitatis plenum, hancque plenitudinem lucem illam infinitam esse, quae ex Deo vndecunque radians, omnia incorporea quadam ratione repleat. Statuisse ita Simonem, si non alia suppetarent, satis euincerent philosophiae Aegyptiacae species, Alexandrina et Cabbalistica: quarum illa eiusmodi lumen in excelso in sede purissima circa Deum et ex Deo statuit ^q, haec Orhaënsoph rerum omnium et emanationum quoque diuinarum fontem agnoscit, hocque lumen infinitum irradiare omnia docet, ut postea probabimus. Sed statuisse ita quoque Simonem, *Recognitionum Clementinarum* auctor, huius philosophiae peritissimus, luculenter testatur ^r, qui *locum aliquem ultra mundum vel extra mundum esse* ait, *in quo neque coelum sit, neque terra, ne umbra horum etiam ibi tenebras operetur.* Et ob hoc, cum

neque

k) Ad CYDORTHY Syst. int. p. 658. conf. loco supra cit. p. 430. ludaeos eadem fere ratione insanire ex Cosiri P. II. c. 4. p. 80. patet; et infra pluribus dicitur.

l) l. c. p. 99.

m) Vid. EPIPHAN. haer. XXIV. p. 70.

n) l. c. Sect. III. c. 31. p. 102. seq.

o) loco supra cit.

p) l. c. p. 410. seqq.

q) Vid. PLOTINVS Enn. VI. L. IX. c. 9. p. 769. plura de hac re in superioris libri c. I. f. V. diximus.

r) L. II. c. 21. p. 522.

neque corpora aliqua in eo sint, neque ex corporibus tenebrae, necessario esse lumen immensum cui tenebrae nullae succedunt, nempe incorporeum lumen et infinitum. Valde ignarum philosophiae Zoroastrianae oportet esse, qui fontem, ex quo haec hausta sint, ignoret, Mithramque hoc lumen infinitum esse, nesciat. Quod licet a Deo, tanquam fonte, separare videatur Recognitionum auctor, id tamen abstractionis tantum beneficio facit, ut Deum in isto lumine infinito residentem more orientali symbolice repraesentet. Quemadmodum enim, quae solem circumfundit, lux, ab ipso sole reapse et essentiae suae ratione distincta non est, ita nec haec lux infinita a summo et abscondito Deo. Quae quoque ratio est, cur πλήρωμα Θεότητος vocauerint, non Simon modo, sed quicumque etiam hanc philosophandi viam ingressi sunt. Etsi vero lumen hoc incorporeum dicitur, dubitandum tamen non est, dici hoc tantum respectu materiae crassioris, cui tenebrae admixtae sunt. Cum enim materiae conditio, ut postea dicemus, in tenebris et priuatione luminis consistat, recte quidem de hoc lumine, quod tenebris caret, dicitur, quod incorporeum sit: at quicquid tamen reale, essentialique in materia est, ex hoc quoque lumine effluxisse censendum est: nisi statuas materiam vel ab aeterno coëxistisse lumini, vel ex nihilo prodixisse, quorum utrumque Zoroastris affeculis displicuit. Lumen itaque hoc infinitum illud emanationum aequor est, ex quo lucida omnia effluerunt: nec aliud patitur systematis emanatiui ratio. β. Ex hoc fonte infinito optimoque, necesse est, si mundi inuisibilis et visibilis generatio consistere debuerit, effluxisse naturas diuinas, immateriales, luminosas, deitate plenas, immutabiles, et aeternum subsistentes, eo quod in primo rerum omnium fonte radicatae sunt. Hinc aeones illae in pleromate diuino constitutae, masculini et feminini generis, id est, tum producendis tum recipiendis emanationum effectibus idoneae, quarum octo paria constituisse Simonem veteres tradunt. Vbi acute monet praestantissimus MOSHEMIVS¹⁾, primum par aeonum βύθος καὶ σιγήν, profunditatem et silentium ad ipsum summum Deum pertinere. Nihil enim aliud indigitasse Simon censendus est, quam ineffabilem, et omni silentio superiorem esse diuinitatis profunditatem, ex qua reliquae aeones progenitae sunt. Ex hac aeonum progenie, ceteram potestatum spiritualium, archangelorum, angelorumque cateruam Simonem deriuasse, recte IDEM vir eruditissimus colligit: illud enim et ratio systematis emanatiui postulat, et consensus reliquorum, quae ex philosophia hac orientali congesta sunt, systematum probat, licet veteres, hanc philosophiam non satis assequentes, illa taceant. Statuisse autem has naturas coelestes intra diuini pleromatis parietes habitantes id est in luce illa diuina versantes complures, iisque barbara imposuisse nomina EPIPHANIVS²⁾ tradit, quae testimonii loco sunt, ex barbarica philosophia monstrosam hanc philosophiam esse desum-

1) EPIPHAN. l. c. p. 58. 59.

2) l. c. p. 412.

3) loc. cit.

defumtam. γ. Cum autem ex harum naturarum angelicarum numero quaedam inclinatione in materiam extra plenitudinem lucis diuinae infinitae essent progressae, a fonte longius recedentes materiae se, inuito Deo appropinquantes, rerum materialium dominium usurparunt, cumque magnae virtutis essent, animam, quae et ipsa emanationis diuinae pars est, arctius materia compresserunt, immerfamque corpori vinculis libidinum corporearum constrinxerunt, vnde lucis diuinae radiis magis coarctatis inductisque tenebris miseria omnis hominibus enata est. δ. Extra diuini pleromatis luce diuina coruscantis ambitum, materiam esse, tenebricosam, sordidam, maloque, priuatione, frigore, et vitiositate repletam, eiusque potestatis, vt emanationes lucidas ex Deo oriundas corrumpere posset, Simonem statuisse, locus satis luculentus Clementinorum * testatur, quo ἡλὴ dicitur Θεῶν σύγχρονος ἔστα καὶ ἰσοδύναμος ὡς ἐχθρὰ, πρεβάλλειν αὐτῶ ἡγεμόνας ἐμποδίζοντας αὐτῇ τοῖς βελήμασιν, *materia ipsi tempore et potestate aequalis, proferre ei, vt quae sit inimica, principes decretis ipsius resistentes.* Magnae se hic difficultates ostendunt, quas nec ipse doctissimus systematis Simoniani interpret tetigit, vtrum materia absolute Deo opposita Simoni placuerit nec ne? adeoque vtrum systema magorum Persarum, an Zoroastris Simon secutus sit? prius verba allata satis euidencia docere videntur, posterius systema emanatium, quale in philosophia orientali receptum et in omnibus, quae ex hac schola prodierunt sectis, admissum fuit, postulat. Temerarium quoque putamus, nodum, qui soluendus est, secare, et fidem denegare Clementinorum auctori: nam et alii veteres γ duo principia inter se diuersa posuisse Simonem testantur, et eiusmodi inter bonum et malum principium certamen in harum sectarum scholis personuisse, vel vnus Manetis somnia demonstrant. Recte quoque et ex aequo reprehendere veteres Cel. MOSHEMIVM z iudicamus, quod malum omne ad architectum mundi reiecissee Simonem statuunt. Ita enim systematis prorsus sui oblitum fuisse Simonem dicendum erat, cum non dici possit, vnde demiurgo illa malitia insit, nisi inclinationem ad materiam in se malam supponamus. Vnde vero materia tenebricosa et mala, si omnia ex fonte lucido emanarunt? Dicamus quod nobis videtur verisimillimum, si modo coniecturas nostras lector non dedignetur, quae in ipsius systematis emanatiui indole et natura paulo profundius considerata fundantur. Nempe originem cepisse hanc philosophiam Simonis, ex orientali, et hanc ex Zoroastriana Persarum Chaldaeorumque, supra probauimus. Eadem itaque ratione haec materia Simonis enata est emanationis lege, vt Arihmanius, Oromasdi oppositus tenebrarum et malitiae plenus, ex communi fonte Mithra emanauit, ortumque

Qqqq 2

acce-

*) Homil. XIX. §. 14. p. 754.

γ) IRENAEVS L. I. c. 28. EPIPHAN. I. c. GREGOR. NAZIANZ. Or. in laudem Heron. p. 547. Zoroastrem hic secutum esse Simo-

nem recte iam iudicauit IAC. THOMASIVS Sched. hist. §. 54. p. 22. Conf. HVET. Origin. p. 2.

*) I. c. p. 413.

accepit suum. Scilicet lumen immensum illud, quod in Deo esse, tota fere antiquitas asseruit, incorporale quidem et ab his, quas in corporibus videmus, concretionibus immune orientales asseriebant, at non eandem spiritualitatis notam, quam nos, diuinæ naturæ tribuebant, sed tale quid sibi concipiebant, ut lumen longe purissimum est, subtilissimum, et actiua vi summa praeditum, calore, motu, omnique inde bonorum origine et natura plenum. Hospitem in veterum doctrinarum historia oportet esse, qui haec plerisque veterum placuisse ignorat ^a. Illi enim metaphysicis abstractionibus ab omni imaginationis negotio et simulacris remotis minus assueti, spiritualia non plane sine corpore sibi concipiebant ^b, fatis esse opinati, si localem quandam extensionem, et dimensiones corporis grauioris Deo denegassent, eique lucem et actiuam operationem bonique radicem tribuissent. Quod cum toties in *tomo primo* in veterum systematibus ostenderimus, actum hic repetendo dicta non agemus. Lumen hoc porro subtilissimum et diuinum infinita ratione radios suos spargere asseriebant, et verisimile prorsus est, hanc concipiendi Deum instar ignis luminisue rationem totam systema emanantium peperisse. At ex natura lucis notum erat, oppositas esse luci priuatiua quadam ratione tenebras, easque cum mera priuatio lucis, caloris, actiuaeque virtutis sint, non posse esse ex fonte hoc luminum omnium. Hinc quamuis omnia, quae realiter existunt, vi systematis emanatiui ex vno emanauerint fonte, tenebrae tamen, et quae tenebras consequuntur, frigus, inertia, vitae defectus, mors, et quae alia sunt, luci bonoque opposita, ex hoc fonte esse non poterant, sed opposita ratione ex priuatione luminis oriri dicebantur. Quia vero priuatio subiectum supponit, cui inducatur, ideo lumen illud immensum, quo latius spargit radios, ut cuncta realitatibus, (veniam verbo deprecamur) repleat, eo minora lucis habere dicebatur femina, eoque magis induci tenebras, donec, quod omnium longissime a fonte lucis distat, quamuis ratione essentiae suae sit ex Dei lumine, tamen propter infinitam emanationis distantiam naturam consequatur contrariam, tenebricosam, lumini inimicam, inertem, et refragantem bono. Et ita quidem materia, quam hanc naturam esse dicebant, secundum systema emanantium orta est, quod qui non satis et accurate intelligunt, nunquam dicent, qua ratione in systemate illo, quod emanasse cuncta ex Deo statuit, materia Dei naturae opposita malique fomes exorta sit. Dicent forte lectores nonnulli, nos ingenii quidem nostri explicationes tradere, veterum vero opiniones non enarrare. At hos rogamus, ut ad Zoroastris, ut ad Gnosticorum, ut ad Cabbalistarum, ut ad Alexandrinorum philosophorum de materiae origine opiniones paulo accuratius attendant, certi,

^a) Conf. DE BRAVSORE Hist. de Manich. T. II. L. II. c. 2. §. 3. p. 172. seqq. qui tamen confusione scriptorum Arabicorum impeditus lucem non satis perspicuam rei huic attulit.

Conferenda vero quae Tomo I. L. I. de philosophia Zoroastris diximus.

^b) Conf. quae docte monet MOSHEMIVS ad CUDWORTH, Syst. intell. c. I. §. 26. p. 36.

certi, visuros ea, quae nos, nisi omnia nos fallunt, luculenter deteximus. Ex data hac explicatione definitio Simonis de materia lucem egregie capit. Recte enim dicitur materia illi, lumini infinito coaeva, quia lux et tenebra σύγχρονοι sunt, et vi relatiuae oppositionis simul existunt: quae oppositionis natura etiam in causa est, cur non inimica tantum sed et ἱσοδύναμος Deo dicatur, cum quae lucis virtus est actiua, ea tenebrarum priuatiua sit, si perspicuitatis causa notionibus Graecanicae philosophiae quibus nos magis assueti sumus, res sublimes et abstractas, sed corporeis imaginibus ab orientalibus gentibus delineatas declarare licet. Ad hanc itaque materiam, quae essentiam ex Deo, materialitatis rationem ex tenebrarum natura accepit, inclinans demiurgus, cum mundum materiale condere vellet, non potuit non tenebris, id est malo, repletum facere; haecque ad materiam tenebricosam inclinatio, eum ipsum mali a boni fonte degenerantis semina habere, innuit, unde originis mali causam ad demiurgum quoque Simonem retulisse diximus. Ex his vero sequitur, mundum hunc, quamuis omnia quae vere sunt et existunt, ex Deitatis oceano effluerint, supremi tamen et optimi entis opus haud esse, cum, quae illud producit, lumine, calore, bonitate plena sint omnia; et licet illud bonitatis lucisque mare emanationum suarum ministerio vsurum mundum plenum bonitate condere voluisset, illas tamen naturas, ministerio huic destinatas, duce ex aeonibus virtute quadam diuina, fontis oblitus, naturae suae limitatae magis et imperfectioris operationem interposuisse, quae cum tenebris ex materia pellendis maloque quod a malis angelis inductum erat, tollendis non sufficeret, inde mundum miseriis, calamitatibus et malitia redundantem ortum esse. Nec alio sensu, quod EPIPHANIVS ^{c)} ei tribuit, dixit: *mundum factum a principibus et potestatibus malitiae*; nam conditores mundi, qui ex Deo orti sunt in se mali non esse potuerunt, nisi quatenus fontem luminis infinitum relinquentes naturam suam limitatam tantoque operi imparem, mundi producendi negotio interposuerunt. Nec alia ratio subesse videtur, cur ab his angelis redditum matris ad pleroma impeditum, et repletam eam esse contumelia dixerit Simon. Haec enim, si προσωπογενεσίαν ex orientali methodo adhibitam dementes metaphysica magis ratione nobis concipiamus, ineptam harum naturarum mundo imperantium ad materiam inclinationem, quam Alexandrini quoque philosophi mali in materia dominantis causam esse dicebant, innuunt, et impeditam ab iis agitationem materiae defecandae et ad quandam spiritualem et lucidam naturam reuocandae, cui illa aeon, mundi demiurgus, inhiabat, significant. Maxime vero hoc ad animas pertinere, materiae illecebris detentam et materialibus vinculis ab ipsis illis potestatibus impeditam ex eo intelligere est, quoniam animi ex hac quoque aeone orti sunt, et hac capti-

Q q q 3

uitate

^{c)} Recognit. L. III. p. 528. Clement. Hom. III. p. 648. 649. XVIII. p. 744. Gnosticis id in genere tribuit PLOTINVS l. c.

^{d)} loc. citat.

uitate a primo fonte arcentur, et innato materiae desiderio et malignorum spirituum imperio vna cum toto mundo in tenebris cohibentur, ne ad lumen illud infinitum, Deum, resurgere, et felicitate intuitione illius frui queant. Quam cum Deus fons sapientiae et luminis optimus quaerat, et, ut omnia, quae ex se effluerunt, in se reuocet, laboret, opus inde sapientia est, ut per γνῶσιν diuini luminis anima his malis erepta sursum ad primi fontis plenitudinem reducatur, sicque ignorantia, affectus, morbi, et quaecunque alia homines vexant, materiae contagia, vinculaque maiorum geniorum, soluantur, et fugentur. Quem ut Simonianae, ita omnis omnino Gnosticae philosophiae finem scopumque vnicum fuisse adducta euidenter loquuntur. Et huius quidem finis obtinendi mediatorem et pararium se ipsum Simon cum Helena prostibulo venditauit, in quibus emissae ex Deo aeones illis malis potestatibus superiores, vi diuina et magica homines a corporis et animi malis liberarent. ε. Ex his, quae de animae humanae origine, statu, corruptione et restitutione Simon dixerit, facili coniectura colligi possunt. Et animam quidem ab ista virtute diuina, quam architectum mundi esse dixit, originem cepisse necessario sequitur, unde originem ei diuinam adscripsisse *Recognitionum* Auctor testatur ε. At corruptam et corporis farcina grauata dici oportebat, cum idem, quod reliqua emanationum longius a Deo remotarum genera passa sunt, fatum subierit. Corpus enim materiale, ex materiae conditione malum, et a prauis angelis opificibusque creatum afferere cogebatur, si integra sibi et constans cohaerere tota eius doctrina debebat. Quare tenebras ex corpore offundi animae clamabat, quo minus ad fontis lucidi agnitionem veramque γνῶσιν peruenire posset f. A quibus corporis vinculis liberari, sicque luci et felicitati suae restitui, praecipuum mysteriorum suorum finem ponebat. Quibus vero mediis vtendum sit, quibus sacris homines initiandi, quibus sacrificiis placandi praepotentes illi mundi tyranni, ut liberiores ad supremum luminis incorporei fontem aditum permittant, quae arcanae rationes huc faciant, de his multa quidem veteres scriptores, qui de haeresibus scripserunt, tradunt, sed incerta prorsus et dubia fide, multis ad inuidiam confictis, inter quae promiscui concubitus, et humanarum carnum viscerationes sunt, quas ipse IUSTINVS MARTYR ε, in dubium vocat. Quanquam impossibile haud esse, ut qui detestabilia omnia in alienam culpam retulerunt, legemque Moysis a fabricatoribus mundi latam animas diuiniore origine gaudentes non obligare dixerunt b, ea permetterent, quae a virtutis verae cultoribus non admittuntur, systematis huius ratio permittat; nostra quoque tempora, quae haud dissimiles furores et abominabilia mysteria produxerunt, exempla nobis exhibuerint, ad extrema impudentiae et libidinis specimina eos posse delabi, qui nescio quos ex Deo ortus et emanatio-

nes

ε) L. II. §. 57. p. 521.

f) Ibid. §. 58. p. 522. g) Apol. II. p. 70.

b) IRENAEVS L. I. c. 23. p. 99. EPIPHAN. I. c.

nes sibi tribuunt. De quibus tamen hic dicere nihil attinet, cum ad ecclesiasticam historiam ea magis pertinere videantur. Animarum tamen migrationem in alia corpora tanquam poenam statuisset Simonem, TERTULLIANVS ⁱ tradit, quod omnibus Gnosticis adscribit PLOTINVS ^k. Omnis vero labis a malo isto mundi opere orti liberationem solutionem eius promittere, sicque materiam tenebris solutam ad omnis realitatis et perfectionis fontem peruenturam, ex ipso systemate sequitur et haud obscure Simoni tribuit IRENAEVS ^l. Ex quibus illud quoque sequitur, resurrectionem corporis nullam esse, cum corpus in se malum sit. Negasse autem resurrectionem Simonem veteres testantur ^m. Praecipua haec sunt, quae de homine Samaritano, philosopho haeretico eiusque systemate differere paulo fufius, quam instituti limites ferre videbantur, opus esse iudicauimus, vt quae supra de philosophia orientali diximus, ampliorem lucem capiant, et de reliquis quoque haeresibus literatis, ex hoc fonte oriundis iudicium fieri queat. In iis enim tangendis erimus in sequentibus breuiores.

§. IX. Inter eandem Samaritanorum gentem noua doctrina turbas *Dositheus*, mouerunt DOSITHEVS et MENANDER, quorum vterque inter prima haeticorum literatorum siue philosophicorum capita ab animalium Christianorum conditoribus et haeresiologis numerari solet ⁿ. Quod num recte fiat, nec ne, nostri hic non est disputare ^o, hoc tantum monendum, Dositheum inter fanaticos Iudaeorum referendum esse, qui nouam sectam excitauit, diuinamque sibi auctoritatem arrogauit, nihil vero asseruit, quod ad hominem pertineat, Christi familiae se aggregantem, quicquid etiam de illis veterum locis statuendum sit, qui Dositheum inter veteris ecclesiae haeticos numerant. Sed nec circumstantiae hominis deliri, quae a veteribus memorantur, locum ei in philosophiae historia faciunt. Qui enim Simonis magi vel praeceptorem vel discipulum constituunt, adeoque fanatici philosophi parentem nobis eum proponunt, dignis fide testimoniis veterum destituuntur ^p. Et verifimilius est, hominem austeram vitae institutione et nescio qua gentis suae arrogantia delirantem ex seueriori illorum Iudaeorum disciplina prodiisse, quos vitatis vrbibus in agro et deserto rigidiora instituta secutos fuisse infra dicemus. Ea quoque, quae de illius doctrina traduntur, hominem nobis depingunt legis quidem, quod EPIPHANIVS ^q quoque testatur, et patriarum traditionum peritissimum, at minime philosophum, sed

i) De anima c. XXXIV. p. 180.

k) loc. cit.

l) c. XXIII. p. 100.

m) Recogn. L. II. §. 58. p. 522. EPIPH. I. c. AUGUSTIN. I. c.

n) Vid. COTELER. ad Constit. Apost. L. VI. c. 8. BVDDEVS Hist. phil. Ebr. §. 20. p. 68. ITTIG. de haeresiarchis aevi apost. Sect. I. c. I.

p. i. conf. quos laudat MOSHEM. Inst. histor. Christ. maior. Sec. I. P. I. c. 5. §. II. p. 376. seqq.

o) Posterius acute tueretur MOSHEMVS I. c.

p) Prius illi faciunt, qui a Dositheo Simonis haeresin auspicantur, posterius Recognitionum Clementis auctor: neutrum valde probat.

q) Haer. XIII. p. 30.

sed talem, qui magnam sibi inter Iudaeos auctoritatem (Messiae vel noui prophetae) conciliaturus, cum spe sua excideret, et factio deesset, ad Samaritanos defecit, eosque noua doctrina capere conatus est, sed infelici fato et tristi successu, qui et auctori sectae mortem attulit et sectatores disiecit, quae latius narrant EPIPHANIVS et Chronici Samaritaniauctor et ex his recentiores quidam *. Nam quae eius dogmata recitantur, dixisse se Messiam a Mose praedictum, emendasse, vel corrupisse magis Mo-
 sis libros ad suae infaniae regulam; negasse vates sacros V. T. fuisse Θεοπνεύστis corpus neglexisse, et inedia atque cruciatibus macerasse, animam vero corruptibilem mundumque incorruptibilem esse tradidisse, spirituum existentiam negasse, ab animatis abstinuisse, a coniuge post partum et susceptos liberos se cohibuisse, ieiunia celebrasse assidua, et quae alia sunt, quae illi et sectatoribus tribuuntur, non tam philosophiam quandam sectariam, quam institutum illud Iudaicum sapiunt, quod Esse-
 norum nomine † infra contemplabimur, licet hos ex Aegyptiacorum philosophorum Schola aliquid hausisse ibi probandum. Non immerito itaque Dositheum hic a nostris limitibus arcemus, non curiosi, quod recentiores disputant, vtrum duo Dositheii fuerint, qua de re illi adeundi sunt, qui res sacras Iudaeorum et Christianorum enarrauerunt ‡. Meliori iure MENANDER huc refertur, homo Samaritanus, Simonis magi vestigiis insistens, quod plerosque permouit, vt eius discipulum fuisse assererent: ea tamen quae de eo referuntur, magis doctrinae et disciplinae Simonianae aemulum quam sectatorem fuisse suadent †. Nam hic quoque impostor magnam se Dei virtutem esse gloriatus est, quam ex infinito bonitatis oceano ad liberandum humanum genus missam esse praedicauit. Eo enim pauca illa, quae de eo referunt IRENAEVS, THEODORETVS *, EVSEBIVS †, EPIPHANIVS ‡, TERTULLIANVS § alique, redeunt: Esse vnum summum Deum, virtutemque hanc summam omnibus ignotam esse, vt vero cuncta, ex se edu-
 ceret, sex naturas sibi similes ex se generasse, id est aeonas siue emanationes aeternas et per se subsistentes produxisse, ex quibus diuina εἰρηναία ad generandos angelos progressa mundi huius architectos et corporum humano-
 rum ex materia mala fabricatores genuerit: et ab his genis lernam illam malorum deriuandam esse, quibus mundus repletus hominesque immersi sint. A quorum tyrannide vt liberaretur mundus missum se ex aeonibus vnā, Deo licet minorem, eamque vindicem humani generis esse, quem Simon alique illius temporis impostores se quoque esse iactabant. Liberationem istam et arcano quodam lauacro, et magiae scientia effici, sicque liberari animos a materiae compedibus, vt superatis malorum geni-
 orum

Menander.

*) MOSHEM. l. c. ITTIG. l. c. BASNAGE Hist. des Juifs L. II. c. 3. §. 7. seqq. p. 312. seqq.

§) Fuit haec quoque coniectura MOSHEM II, l. c. p. 379.

†) COTELER. l. c. T. I. p. 558. LE MOYNE

Var. SS. p. 1099. ITTIG. l. c. p. 23. SERARIVS in trihaeresio L. II. c. 19. u) L. I. c. 23.

x) Haeret. fabul. L. I. c. II. p. 193.

§) Hist. eccl. L. III. c. 26.

z) Haeref. XXII. p. 61. a) De resurrect. c. 5.

orum illusionibus et tyrannide, ad Deum ascendant, et immortalitatem quandam disciplina sua conformem consequantur. Quibus omnibus, ex quibus constabat Menandri systema, lucem ulteriolem, praeter ea, quae de Simonis doctrina fuisse diximus, affundere opus non est, cum a Simonianis nugis parum discrepent, et ex eodem fonte orta sint, dubiumque non sit, in scholis Aegyptiacis hominem delirum emotaeque mentis ea didicisse. Vnum illud difficultatem habet, quod Menandro tribuunt IRENAEVS^b et TERTULLIANVS^c, promississe hominem infanti similem, eos, qui baptismo illius tincti forent, futuros esse immortales, et incorruptibiles, quamprimum hoc lauacro initiati fuerint, id est, sublatam fore ex eo baptismo omnem corruptionis mortisque causam modumque. In quo dogmate prout a scriptoribus ecclesiasticis refertur, merito timere se fatetur, doctissimus MOSHEMIVS^d, ne veteres verba Menandri, tumida fortassis, more Syrorum et inflata, male acceperint, et de corporis immortalitate intellexerint, quae de animorum ille restitutione intelligi voluerit. Rationes, quas affert vir optimus, apud ipsum legi velimus, omnium verisimillima ex IRENAEI^e testimonio petitur, qui Gnosticatorum stilo *resurrectionem esse agnitionem eius, quae ab illis dicitur veritatis* testatur^f, id quod etiam TERTULLIANVS^g asserit. Ingeniosa haec esse, et in obscuro argumento veri admodum similia, fatendum omnino est, praesertim si expendatur, quod venerabilis Abbas addit: eiusmodi sectam, quae suos esse morituros negat, diu incolumen stare non posse, et in ipsis initiis suis interire debere, nisi forte ex paucis constet hominibus deliris et a ratione auersis; Menandri vero factionem Iustini M. aetate totam nondum extinctam fuisse. Est tamen, ut ingenue hoc quoque fateamur, quod mentem retrahit, quo minus ex toto calculum huic opinioni adiciamus. Nempe ad TERTULLIANI testimonium prouocat vir longe doctissimus: at hoc teste si standum, non ad animorum ex errore et ignorantia eluctantium victoriam, sed ad corporis aeternam sine morte durationem pertinuit Menandri dogma. Ita enim is diserte: *Publica totius generis humani sententia mortem naturae debitum pronunciamus. Hoc stipulata Dei vox, hoc spondit omne, quod nascitur, ut iam hinc non Epicuri stupor suffundatur, negantis, debitum illud ad nos pertinere, sed haeretici magi Menandri Samaritani furor conspuatur, dicentis, mortem ad suos non modo non pertinere, verum nec peruenire. In hoc scilicet se a suprema et arcana potestate legatum, ut immortales et incorruptibiles, et statim resurrectionis compotes fiant, qui baptismi eius induerint.* Ea in sequentibus quoque vrget, negatque magiam tantum efficere posse, ut vitam aetate

b) loc. cit.

c) De anima c. 50. add. EVSEB. Hist. eccl. L. III. c. 26.

d) l. c. p. 436.

e) L. II. c. 31. §. 3. p. 165.

f) De resurr. c. 19.

g) De anima c. 50.

aetate renouata vitis instar repastinet, aut mortem eximat, quare eos quoque prouocat, quos Menander in Stygem suam merfit, vt perennes se fistant. Quid itaque dicendum? an relinquendi veteres, accusandique, quod disciplinam Menandri non intellexerint, et ad corpus traxerint, quod ad animum quidem pertinebat? Ita quidem vir celeberrimus, et qui eum in ea sententia antecessit RENATVS MASSVETVS ^b. Quorum doctrinae et acumini ingenii libenter assurgimus, aequitati tamen viri magni, et incertum, humanitate an eruditione maioris, confisi, paulo aliter coniiicimus, ex parte quidem non tamen ex toto accusari posse, scriptores ecclesiasticos, quod non recte Menandri de hac immortalitate doctrinam retulerint. Et in eo quidem pollicem merito premimus viris laudatissimis, quod hanc resurrectionem ad animi quoque ex materiae vinculis et ignorantiae tenebris liberationem referendam esse dixerint. Hoc enim et testimonia veterum euincunt, et systema orientale et Gnosticum postulat. Sed corpus quoque simul eius beneficii capax statuendum est, nec dubitamus Menandrum spopondisse suis, fore illorum corpuseius qualitatis particeps, si baptismo suo tingatur, vt immortalitatis naturam induat. Ast his tamen non obstantibus non tam effrenem animo emotumque ab omni ratione Menandrum fuisse putamus, vt haec ita intelligeret, suos baptismo lustratos morte naturali nunquam affectum iri. Ita enim paucis suorum exemplis omnem prorsus fidem amisisset, et irrisus fuisset. Sed significationem sensumque dogmati ex Orientali philosophia hausto petendum putamus, ex eo ipso fonte, ex quo dimanauit. Supra enim verisimili, nisi fallimur, coniectura ostendimus, philosophiam orientalem ex Zoroastrianis dogmatibus id quoque recepisse, perpetuam esse inter lucem eiusque emanationes et inter tenebras materiam occupantes pugnam, emittique illas, vt pulsas tenebris, id quod in materia reale est et ex Deo effluxit, liberent, agitent, luceque perfundant et spirituali natura, sicque sublatis tenebrisque maloque omnia ad Deum in aeternam lucis diuinae abyssum redeant. Gnosticorum vero, vel haeticorum ex hac secta orientali oriundorum eandem mentem fuisse, ostendimus, nec alia ratio patet, cur se impostores illi aeonas diuinas ad hunc finem missas venditauerint. In eodem vero luto haesisse Menandrum, ex dictis manifestum esse putamus. Qui cum se humani generis liberatorem ex diuino pleromate missum diceret, non animis tantum sed corporibus quoque liberationem promississe recte creditur, ast talem, quam experientia non refutaret et mendacii argueret, quaeque cum fanatico systemate cohaereret. Pollicitus itaque iis, qui securissimo et tutissimo sacramento, qua voce TERTULLIANVS ⁱ baptismum Menandri ridet, vfi fuerint, corporis sui talem liberationem, qua a tenebrarum obsessione maiorumque illuue purgati eam naturam induere debeant, quae immortalitatis ex primo emanationum omnium fonte oriundae capax, ipsam mortem

^b) Diff. I. in Irenaeum art. III. §. 107. p. 58.

ⁱ) loc. cit.

tem et omnimodam destructionem atque derelictionem non experiatur, qualem corporibus expectandam esse Simon tradidit, sed quae, separato licet ab anima corpore, hoc ad aeternum rerum omnium fontem deducat, spirituali lucidaque natura indutum. Hanc coniecturam si sequimur, cuncta sibi constant, et cum originibus nugarum Menandri consonant, pollicerique potuit homo fanaticus etiam corporis immortalitatem, licet mori id omnes sciant, eo quod immortalis, aeternaeque naturae, non in hoc mundo tenebrarum pleno, sed in diuino pleromate particeps fore afferebat. Quo in dogmate imitatum fuisse stultissimum hominem Christianam doctrinam ex sancti lauacri purgatione corporis quoque resurrectionem et glorificationem promittentem credibile est. Veteres vero doctores ecclesiastici cum horum hominum philosophiam non satis assequerentur, Menandri promissiones de vita et immortalitate in hoc mundo extra plenitudinem diuinitatis intellexerunt, quas ille de corpore intra pleroma translato intelligi, sicque a Simonianis resurrectionem negantibus distinguere se voluit. Ceterum in tanta obscurissimarum nugarum incertitudine et veterum dissensu coniecturis uti, et res ipsa quasi postulat, et aequitas veniam promittit. Quare hanc quoque coniecturam nostram lectoris relinquimus iudicio.

§. X. In sequentium temporum historia Samaritana licet pauca occurrant, quae ad nostrum institutum pertineant, non omittendum tamen est, quod narrat ABVLPHETACH Chronici Samaritani auctor^k, eo quod momentum aliquod in historia philosophiae habet. Refert is: Commodo imperante exortam esse disputationem inter Samaritanorum summum pontificem, Leuim, et Alexandrum Aphrodisaeum philosophum, de aeternitate mundi. Eam subministrasse occasionem imperatori, ferro, igne et cruce Samaritanos persequendi. Excitatum quoque persuasionibus medici sui Galeni, Iudaeos et Christianos odio persequentis, carnem suillam eorum mensis adiecisse, et coëgisse eos idolorum victimis pasci. Inter atheos ob hanc disputationem Alexandrum referre non dubitauit Ven. REIMMANNVS^l, qui tamen praeclare de Deo dictis ab Alexandro motus postea ab hac macula liberum pronuntiauit^m. Verum vehementer de fide confarcinatoris Chronici Samaritani, quae saepius fulesta deprehenditur, dubitamus. Ut enim taceamus, Alexandrum mundum non dixisse Deum, quod fundamentum disputationis fuisse Cl. REIMMANNVS putat, quia et contrarium scriptum reliquit, et systema Peripateticum aliud postulat: nihil in tota narratione est, quod eam magnopere credendam suadeat. Nam nec verisimile est, Samaritanae gentis sacrificulum ea aetate valde contemptum cum magni nominis philosopho disputauisse; nec sub Commodo ille publici Alexandriae philosophi personam

Disputatio Samaritanorum contra Peripateticos.

R r r 2

suisti-

^k) Aët. erud. 1691. p. 170. BASNAGE Hist. des Juifs L. II. c. 3. p. 49.

^l) Hist. theol. Iud. L. I. c. 17. §. 17. p. 552.

^m) Hist. atheismi c. XXVII. §. 5. p. 190.

sustinuit, sed sub Seuero demum muneri doctoris admotus est: nec Commodus vnquam de philosophia curiosus fuisse legitur, fauitque vnquam philosophis: nec verisimile est, ob oppugnatum systema Peripateticum, quod ab aliis quoque sectis factum, adeo saeuuisse imperatorem in Samaritanos, qui longe alias saeuitiae causas habuit. Tacent quoque scriptores hanc disputationem et persecutionem Samaritanorum; quemadmodum etiam ab omni fide, et a Galeni quoque integritate alienum est, incitasse virum optimum, et tyranno minime velificantem Commodum ad persecuendos Samaritanos, et ingerendam mensis eorum carnem suillam. Itaque haec fidei hominis Samaritani multis nominibus suspectae relinquenda sunt. Ab eo tempore semper angustiora fuere fata Samaritanorum, quae tamen cum ad historiam philosophicam non pertineant, apud eos quaerenda sunt, qui religionum historiam exponere susceperunt; ex quibus de infelici popelli huius statu pleraque disci possunt.

*Colonia Iudaeorum
Aegyptiaca.*

§. XI. Maioris momenti in philosophiae historia res sunt Iudaeorum in Aegypto, quas paucis enarrabimus. Magna quidem inter vtramque, Israelitarum et Aegyptiorum, gentem ex pristina seruitute flagrauit inuidia et haereditarium quasi odium. Eo tamen non obstante necessitas vtramque impulit, vt ad repellendos regum Assyriae impetus vires coniungerent, quod haud semel factum esse, sacra gentis huius nos docet historia. Tandem, ex qua egressi sunt Israelis posterii, regio eos colonos recepit. Quorum primam transmigrationem factam esse, Aristeas tradit, cum Iudaeorum opem implorasset Ptolemaeus aduersus Aethiopes, qui Aegyptum bello inuaserant. Eo enim tempore magnam Iudaeorum manum auxilio laturam Aegyptiorum regi in Aegyptum commigrasse tradit. Suspecta tamen est scriptoris pseudepigraphi narratio; teste enim HERODOTO^o et DIODORO^o, fuere hi milites Ioniae et Cariae, qui ad ferenda Ptolemaeo auxilia ex Graecia acciti ibi confederunt. Quibus cum iungat quosdam ex Arabia Diodorus, verisimile est, Aristeam gentes vicinas inter se confudisse. Alias, quae huic narrationi repugnant, circumstantias, cum huc non pertineant, omittimus, prolixè enarratas a IACOBO BASNAGIO^o. Certiora itaque initia coloniae Iudaicae in Aegypto deducenda sunt, duce sacro historico^o, a prima Palaestinae et Hierosolymarum deuastatione ab Assyriis facta, quo tempore cum praefectus regionis ab Assyriis Gedalias infidiis Ismaelis cuiusdam esset interfectus, reliqui, qui in terra relictii erant incolae, refragante quidem et dissuadente Ieremia vate, in Aegyptum metu Assyriorum aufugerunt, cala-

^u) De statu hodierno Samaritanorum videntur HUNTINGTONI epistolae Lond. 1704. et BASNAGE Hist. des Juifs L. II. c. 9. p. 165. seqq. Epistolae de eo argumento ad Iobum Ludolfum scriptae, quas cum versione sua et notis edidit CHRISTOPH. CELLARIUS Cizae 1688. 8. Antiquitates eccles. Orientales, Lond. 1682. 12.

editae, in quibus p. 118. seqq. duae epistolae de statu Samaritanorum hodierno leguntur.

^o) L. II. p. 154.

^p) L. I. p. 48.

^q) Hist. des Juifs L. VII. c. 7. §. 1. p. 154.

^r) IEREM. XLII. 15. seqq. XLIII. 10. seqq. XLIV. 11. seqq.

calamitatem tamen a propheta praedictam effugere non potuerunt, sed impetum in Aegyptum faciente Nabuchodonosore, Amasique Aegyptiorum regem praelio superante, cum Aegyptiis captiui Babylonem abducti sunt, paucique remanserunt, quorum posterius, ut est natio Iudaica foecundissima, valde aucti sunt. Nouam vero coloniae Iudaicae in Aegypto condendae occasionem dedit Alexander M. qui cum urbem, quam excita-uerat, nouam, incolis replere vellet, variarum gentium colonos eo deduxit, et in his quoque coloniam Iudaicam, quam Alexandriae constituit, iisdemque, quibus Macedones fruebantur, uti priuilegiis concessit. Auxit hanc coloniam belli iure Ptolomaeus Lagi, Aegypto post Alexandri M. mortem potitus. Is enim cum Aegypto Syriam iungere, Iudaeamque ditioni, quam consecutus erat, adiacere vellet, Hierosolymam urbem, religionis obtentu sabbathi die ingressus, urbem ex improviso oppressit, et editis crudelitatis speciminibus haud paucis, centum millia hominum ex Iudaeis et Samaritanis in captiuitatem in Aegyptum adduxit. Quos tamen cum fideles et sacramenti obseruantes, bellicaque virtute conspicuos obseruasset, et praesidia ex illis per arces disposuit, et ius ciuitatis pari cum Macedonibus conditione dedit, et sacramento omnes sibi deuinxit, et liberalem se iis praestitit. Qua regis beneuolentia terraeque vbertate multi postea Iudaei inuitati sunt, ut sponte in Aegyptum commigrarent, qui Ptolomaei Lagidae liberalitatem atque gratiam teste Iosepho " experti sunt magnam. Affluit his quaedam Aristeas, de quorum veritate disputant viri docti *, quae tamen cum ad nostram tractationem non pertineant, hic praetermittimus: cum liberalis regis voluntas, qua erga Iudaeos usus est, obiectam illi ab Aristeas venditionem et dura alia seruitutis mala et calamitates si non omnes, multas tamen refellat. Quicquid tamen illud est, in eo conueniunt veteres, Ptolomaei filium successorem, Ptolomaeum Philadelphum, maiori adhuc quam patrem, beneuolentia Iudaeos fuisse complexum. Is enim, quos pater in seruitutem abduxerat, liberos fecit, ex quibus plurimi locorum fertilitate illecti, cum semel Aegypto affueuissent, ibi remanserunt, magnoque numero aucti numerosos coetus confecerunt, quibus cum religionis domesticae usum concessisset rex prudens et literarum amantissimus, ex eo tempore disciplina et eruditio Iudaica secundum legis praecepta et patrum traditiones efflorescere coepit. Id quod occasionem dedit Iudaeis Graecanica in Aegypto dialecto usis, conficiendi celeberrimam illam versionem Graecam, quam regis iussu septuaginta duos interpretes ex Iudaea accersitos miris circumstantiis diuinae cuiusdam directionis et inspirationis conscripisse Pseudo-Aristeas conficta quadam huius versionis historia orbi persuadere conatus est, quae tamen versionis fata, a viris doctis passim disputata et excussa cum

*Versio LXX
interpretum.*

Rrrr 3

ad

*) Iosephus Antiq. Iud. L. XI. c. 8. p. 386.

t) IDEM L. XII. c. 1. p. 388.

u) l. c. c. 2. p. 389.

x) Vid. BASNAGE l. c. p. 157.

ad hos nostros limites non pertineant, nec hic quoque enarranda, sed alibi quaerenda sunt ^γ. Sunt tamen quaedam, quae in philosophiae historia ex hoc argumento omitti non possunt nec debent. Nempe Aristeae impostore auctore, Demetrii Phalerei, quem Ptolomaeus Philadelphus bibliothecae, quam post patrem ingentem extruxerat et collegerat, praefecit, consilio rex ipse ad curandam hanc versionem legis per orbem celeberrimae librorumque Iudaeis sacrorum, se impelli passus ad pontificem Eleazarem legatos misit, ut interpretes obtineret. Quam Iudaeorum narrationem tamquam veram non Iudaei tantum receperunt, sed inter Christianos quoque haud pauci; et veteres quidem ecclesiae doctores, apud quos magna erat versionis huius auctoritas et existimatio, plerique, inter recentiores vero post quosdam ecclesiae Romanae principes viros ^α, ISAACVS VOSSIVS, qui peculiarem de eo argumento tractationem nobis reliquit ^α. Ad cuius tamen rationes ANTONIVS VAN DALEN ^β et HUMFREDVS HODY ^γ v. v. c. c. ita responderunt, ut Aristeam falsitatis et suppositionis convincerent, fabulamque a Iudaeis, qui priuata auctoritate hanc versionem in gratiam Hellenistarum susceperint, ea fini excogitatam esse ostenderent, ut Iudaeis Palaestinam inhabitantibus, quibus displicebat oraculorum domesticorum in vulgus propalatio, auctoritas nouae versionis probaretur. In hac controuersia, quae alibi excutienda est, Pseudo-Aristeae maxime obiectum est LAERTII ^δ testimonium ex Hermippo narrantis, Demetrium Phalereum, eo quod Ptolomaeo Lagidi suasisset, dare regnum Cerauno, adeo Ptolomaeo Philadelpho factum esse exosum, ut mortuo patre regno potitus eum rure adseruandum tradiderit, donec certius aliquid de eo statueret: Demetrium vero vitae taedio admota aspidē finem fecisse: quam Demetrii historiam nos quoque *tomo primo* enarrauimus, et quas inde difficultates capiat Aristeae historia exposuimus. Nodum hunc ut solueret VOSSIVS ^ε pater, versionem eo tempore factam esse coniecit, quo simul regnarunt Ptolomaeus Lagi et filius Philadelphus, quo solo demum regnante Demetrius regis iram expertus sit. Quae ut firmiter demonstraret VOSSIVS ^ζ filius, id probare contendit, suspectum erroris esse Hermippi testimonium, eo quod tempus integrum, quo fuit in Aegypto Demetrius Phalereus, annorum fuerit XXIV, ab Olymp. CXVIII. 2. usque ad Olymp. CCXXIV. 2. quo nempe anno mortuo Lagida solus regnare coeperit Philadelphus. Ostendimus vero suo loco in Demetrii historia, niti Vossium

^γ) Historiam literariam scriptorum de LXXviri-
ali versione exponunt B. IOAN. FRICKIVS
praef. edit. τῶν δ' Lips. FABRICIVS Bibl. Gr.
Vol. II. p. 316. seqq. BVDDEVS Hist. eccles.
V. T. T. II. p. 1031. Isagog. hist. theol. c. vlt.
p. 1516. WOLFIUS Bibl. Hebr. P. II. p. 440.
^α) LE NOUVEAU appar. Bibl. PP. Diff. XII. c. I.
p. 234. HVBET. demonstr. Eu. Prop. IV. c. 12.
p. 169.

^α) De LXX Interpp. eorumque chronol. Hag.
Com. 1661. 4.

^β) In diss. super Aristeae.

^γ) In diss. contra hist. Aristeae Ox. 1684. 8.
et de biblicorum textibus originalibus, versionibus
Graecis et vulgata Latina 1705. fol.

^δ) L. V. f. 75.

^ε) De hist. Graec. L. I. c. 12. p. 73.

^ζ) loc. cit.

fium coniecturis fatis leuibus, nec dignis, quibus Aristeae historia tot momentis falsitatis et suppositionis suspecta fulciatur, vnde dicta ibi hic repetenda sunt, et conferenda quae opposuit HODYS ^g. Nos hoc loco id dictis adiicimus, non videri verisimile, quod doctissimus BASNAGIVS ^h coniicit, Demetrium apud Lagidem gratiosum eius consilii regi prima iniecisse semina, vt de tali versione cogitaret, filium autem amplificandae bibliothecae patriae studiosissimum id consilium perfecisse. Nam nec testimoniis aliis, quam Aristeae hominis impostoris, demonstrari potest, Aegypti regem ipsum hanc versionem confici iussisse, cuius falsae narrationi Iosephus gloriae gentis suae velificans fidem adhibuit, huius vero fide steterunt veteres ecclesiae doctores: nec credibile est, Demetrium Phalereum philosophum Peripateticum nationis valde contemptae, et imprimis propter philosophiae ignorantiam passim traductae, legi eum honorem habuisse, vt tanquam insignem sapientiae thesaurum eam in Graecam transferri linguam regi persuaderet, cum, quae in Mosis historia de mundi generatione et ortu traditur narratio systema Peripateticum totum euertat, et non potuerit non displicere Demetrio ab Aristotelis ore pendenti. Est et alia fabula, vetus quidem et passim recepta, quam in philosophiae historia explodendam esse, *tomo primo* in Platonis historia diximus, quae vero cum errores multos grauesque, etiam in ciuitatis et doctrinae Christianae historia, pepererit, hoc loco accurate excutienda et rationum configenda est telis. Nempe, iam ante τῶν ὁ versionem librorum V. T. aliam quandam extitisse solius Pentateuchi, eamque Pythagorae, Platoni aliisque Graecorum philosophorum lectam esse auctor est Aristobulus apud CLEMENTEM ALEXANDRINVM ⁱ et EVSEBIVM ^k, quibus fidem conciliare quidam ex Demetrii Phalerei epistola ad Ptolomaeum Philadelphum, quam IOSEPHVS ^l affert, fatagunt, eo quod versionis accuratioris concinnandae in ea mentio fiat. Quae occasionem dedere viris doctis P. P. potissimum, Pythagoricam et Platoniam philosophiam Hebraeis fontibus vindicantium, testimoniis permotis statuendi, ea quae in Pythagorae Platonisque doctrina occurrunt, legi diuinae propiora et magis affinia, ex hac versione ab illis philosophis, cum sapientiae a barbaris hauriendae caussa in Aegypto peregrinarentur, deprompta esse. Immo et hoc additur, inueniri in aliorum quoque philosophorum ante LXXviralem versionem florentium doctrina atque scriptis indubitata legis Hebraeae vestigia, quae ex alio fonte ad gentiles philosophos dimanare non potuerint: idque gentilium quoque philosophorum Hermippi, Clearchi et Numenii confirmare testimonia. His rationibus inducti, viri multi doctissimi eiusmodi versionem legis Graecam LXX virali

^g) I. c. L. I. c. 3. p. 9.

^h) I. c. §. 8. p. 164.

ⁱ) Stromat. L. I. p. m. 342.

^k) Praep. euang. L. XIII. c. 12.

^l) L. XII. p. 391.

virali antiquiorem fuisse asseruerunt ^m. Viderunt vero alii ⁿ non minori perspicacia, fallacia et dubia esse, quae de hac versione dicuntur omnia. Nos quae *tomo primo* ad euertendam hanc fabulam multorum in sacra et philosophica historia praeiudiciorum matrem diximus, maximeque ad Platonis historiam pertinent, otiosa non repetemus prolixitate, sed paucis tantum hoc loco, ubi rerum series id postulat, momenta totius rei exponemus, ut lector iudicare ipse queat. Et I. quidem id ante omnia moneamus, ut in omni historia ita maxime in suae gentis valde diffitendum esse Iudaeis, nationi ambitiosae, gloriaeque valde cupidae, omnesque gentes alias sapientiae opinione vehementer spernenti, et sibi eruditionis omnis origines fontesque vindicanti. Quae cum Ptolomaeorum temporibus in Aegypto habitans videret, maximam esse Graecanae eruditionis, praecipue autem philosophiae famam atque existimationem, id quidem persuaderi sibi passa est, ut hanc esse veram sapientiam crederet, quam Graeci tradidissent: at cum profanae genti, quam sapientiae possessionem seruire indignabantur, hunc honorem inuiderent, non erubuerunt asserere, ex suis potissimum fontibus arua irrigasse sua philosophos gentiles primarios, Pythagoram, Platonem, Aristotelem, et ex sua gente ad omnes populos sapientiam dimanasse. Quae popularis Iudaeorum arrogantia, hodie in illorum scriptis passim deprehensa ^o, quas nobis fabulas in laudatorum philosophorum historia pepererit, suo loco ita exposuimus, ut hic praeterire sine taediosa repetitione eas liceat. Maxime vero haec gentis suae ambitio Iosephum corrupit, ut, cum Graecanae eruditionis esset studiosissimus, hanc Iudaeis gloriam, quacunque occasione posset, vindicaret, nec fabulis parcens, nec supposititiis foetibus. Quo praeiudicio inducti veteris ecclesiae doctores ^p, viri pii sacroque defendendi doctrinam diuinam zelo incensi, sed artis criticae imperiti, cum hac ratione a gentilibus philosophis victorias insignes reportari posse crederent, si demonstraretur, ea, quae pulchrius rectiusque gentiles philosophi dixerint, ab Hebraeis siue barbaris ad eos dimanasse; in eo Iudaeorum iactantiae fidem adhibuerunt, nec satis cauti examinarunt, utrum vel eiusmodi doctrinarum concordia vera intercederet, vel occasiones quibus ad gentiles Hebraica doctrina diffuere potuerit, fide dignae essent nec ne. Quorum auctoritas cum plurimos ita detineat, ut nihil in dubium vocandum censeant, quod a meritissimis ceteroquin ecclesiae Christi luminibus dictum est, mirum non est, fuisse viros multos longe doctissimos, qui in eandem sententiam concefferint ^q; licet ea animi perspicacia et acumine fuerint praediti, ut falsi-

^m) Vid. post WALTONVM appar. bibl. proleg. IX. §. 6. p. 313. FABRICIO et WOLFIO enumeratos l. c. et lo. GEORG. ENGELBACH. diss. de versione Graeca LXX virali antiquiore Viteb. 1706. Dubius haeret REIMMANNVS hist. theol. Iudaicae c. VII. §. 4. p. 110.

ⁿ) Vid. HODY l. c. L. I. c. 9. p. 48. L. IV. FABRIC. l. c. FRICKIUS l. c. EYDDEVS ll. cc.

ENGELBACH l. c. alique ab his laudati.

^o) Liber Cosmi P. I. c. 63. p. 28. seq. et BuxTORFIVS ad h. l. qui plura Iudaeorum loca congegit.

^p) CLEM. ALEX. l. c. EVSEB. praep. L. IX. c. 1. CYRILLVS contra Iul. L. II. alique, conf. SELDEN. de I. N. G. L. I. c. 2.

^q) Vid. BARONIUS ad A. CCXXXI. n. 10. 11. Lvd.

falsitatem huius opinionis nullo fere labore peruidissent, nisi antiquitatis et auctoritatis praeiudicio fuissent impediti. II. His praemissis facile est ad Aristobuli auctoritatem respondere: patebit enim ex iis, quae in sequentibus de eo dicemus, eodem praeiudicio Aristobulum vehementer laborasse; ut taceamus, non deesse rationes viris doctis, quibus de scriptorum Aristobuli genuina veritate dubitent. Nec melioris commatis sunt, quae ex Iosepho depromuntur; quam exigui enim ponderis testimonium eius hoc quidem loco sit, ex dictis liquet, et manifestum est, confictam esse illam, quam affert, Demetrii Phalerei epistolam. Quin si eam pro genuina admittamus, nihil tamen in illa est, quod antiquiorem LXXviri versionem euincat. Nam quae IOSEPHVS habet verba: *συμβιβηκε δ' αὐτὰ καὶ ἀμελέτερον ἢ ἔχει σσημάνθαι* apud Aristeam ita leguntur: *τυγχάνει γὰρ ἑβραϊκοῖς γράμμασι καὶ φωνῇ λεγόμενα: ἀμελέτερον δὲ καὶ ἔχ' ὥς ὑπάρχει σσημάνται*, quae verba ad versionem quandam trahi non posse, quilibet videt: neglectas enim et non dignas attentione in thesauro regio habitas fuisse Hebraicas scripturas, tantum indicant. III. Quam vero urgent viri docti conuenientiam doctrinarum gentilium cum Hebraeis talem non esse, qualem iactant, suis locis luculenter demonstrauimus; potestque ea vel hoc vno argumento refelli; tanto studio arcana habuisse Iudaeos mysteria sua, ut credi non possit, eos illa in Graecorum philosophorum gratiam vulgasse; fatente quoque IOSEPHO sapientiae nomine contentam prorsus fuisse Iudaeorum nationem, nec tanti factam, ut ab iis philosophiae arcana philosophos discere voluisse persuadere quis sibi possit. Sed et IV. pauca ea, quae tanquam vestigia Mosaicae doctrinae allegantur, aut communia rationis praecepta sunt, aut vetustissimae traditionis a patriarchis per varias terras dimanantis reliquiae, aut longe alia dicunt, et intolerabiliorem sensum fundunt, quam putant viri docti hypothese suae inferuientes. Nec V. magnam rei lucem afferre putamus mediam, quam illustrissimus Abrincensium praefulus excogitauit, opinionem: non totum pentateuchum, sed partes tantum quasdam ante Alexandrum Graecae redditae fuisse. Quod licet ad verba Aristobuli prouocans HVERTIVS, in iis clare dici putet, tantum tamen abest, ut versionem vnus vel alterius partis pentateuchi confectam ea dicant, ut potius enarrationem tantum quarundam historiae Iudaicae partium innuant. Quicquid vero dicat Aristobulus, indignum est, cui fidem tribuamus, eius testimonium, ut ex iis patebit, quae infra de hoc homine dicemus. Certum

LVD. CAPPELLVS Crit. S. L. IV. c. 1. HVERTIVS l. c. c. 12. p. m. 166. SCIPIO SGAMBATTVS de Archiu. V. T. L. III. §. 5. p. 444. VIRES ad AVG. de C. D. L. VIII. c. 11.

γ) HODY l. c. L. I. c. 9. p. 49.

δ) IUSTINVS L. XXXVI. c. 2. loca Iosephi huc pertinentia vide apud HVERTIVM l. c. p. 66.

ε) Contra Appion. L. I. c. 4. 9.

α) Exemplum vide apud BASNAGIVM l. c. c. 4. p. 42. conf. BVDDEVS instit. theol. dogmat. L. II. c. 1. p. 438. Bibliothéque Germanique T. II. p. 124. VAN DALE l. c. c. 28. HODY l. c.

α) loc. cit.

γ) Nempe quae historiam populi tangunt.

δ) Apud EVSEB. praep. L. IX. c. 6. L. XIII. c. 12.

tum itaque putamus, oracula sacra gentilibus lingua Graeca ante LXXvira-
lem versionem non innotuisse, idque factum esse indignantibus, qui in
Palaestina, post haec tempora vivere Iudaeis. Qui tantopere hoc Iudaeo-
rum Hellenistarum consilium detestati sunt, vt, si fides est veteri Iudaeo-
rum traditioni ^a, octauo Thebeth mensis die ieiunium instituerint, ideo
*quod in eo scripta esset lex Graece, diebus Ptolomaei regis, et tenebrae
venerint super mundum tribus diebus*; id est, per tres dies obnubilata
tristitia fuerit facies Iudaeorum, vt apposite monuit CARPZOVIVS ^b.
Id quod tamen a Iudaeis Talmudicis tantum recentiori aetate constitutum
fuisse viri docti coniciunt ^c, eo quod hoc ieiunium cum insignibus Iudaeo-
rum de hac versione laudibus et iudiciis praeclaris non conueniat. Ast
simpliciori modo non negata veteris traditionis fide responderi posse puta-
mus, nempe si hoc ieiunium ad Iudaeos in Palaestina viuentes trahatur.
Inter eos enim et Iudaeos in Aegypto viuentes magnam intercessisse aemu-
lationem nemini ignotum est. Itaque vt Hellenistarum in profananda lege
diuina leuitatem notarent, facile fuit indicto eiusmodi ieiunio eorum con-
silia et labores detestari. Certe dissidia et odia inter vtrosque ista versione et
domesticae doctrinae propalatione valde aucta fuisse admodum est verisimile ^d.

*Philosophiae
gentilis inter
Iudaeos initia.*

§. XII. Peruenisse ab eo tempore et doctrinam Iudaeorum in Aegy-
ptiorum aliarumque gentium notitiam, et philosophiam gentilem ad Iu-
daeos, dubium non est. Cum enim Alexandriae omnium fere nationum
homines habitarent, et noua imprimis philosophiae Graecanicae, ex Ae-
gyptiaca et Orientali corruptae facies in scholis Pythagorico-Platonicis
compareret, quae famam sibi sublimioris de Deo rebusque diuinis sapientiae
acquisiuerat, factum est, vt cum reliquis, qui ex omnibus fere nationibus hanc
doctrinam degustabant, Iudaei quoque, inepta persuasione seducti, se
apud Aegyptios eam sapientiam inuenturos, quae ex arcana Mosis disci-
plina ad eos peruenisset, ad illam doctrinam addiscendam, cognoscenda-
que philosophiae huius mysteria animum adiicerent ^e. Ad quam dome-
sticae sapientiae corruptionem admissa symbolica Aegyptiorum methodus,
quae in scholis quoque philosophorum recepta fuit, aditum parauit. A
tempore enim Ptolomaei Philadelphi, vel Philometoris allegoricam inter-
pretandi scripturam affingendique oraculis sacris legique diuinae suas et
doctorum suorum nugas ex alienis fontibus in sua prata deriuatas metho-
dum inter Iudaeos obtinuisse, veterum testimoniis demonstrari potest lu-
culentis. Aristeeas enim, vel quisquis sub eo nomine latet, refert ^f,
*Eleazarum pontificem, qui Ptolomaei Lagidis et Philadelphi temporibus
vixit, legatis ad sese ab rege missis Hebraicas literas Graeca lingua
donan-*

^a) Megillathi Taanith p. 50. ed. Basf.

^b) AdSCHICKARDI ius reg. c. II. th. 5. p. 107.

^c) WOLF. Bibl. Hebr. P. II. p. 443. et quos
nominat.

^d) SCALIGER ad Chronic. Euseb. num.
MDCCXXXIV.

^e) Hoc vel vnoTherapeutarum exemplo euin-
ci potest, quam Iudaeorum sectam instituit Py-
thagorico-Platonicis manum dedisse infra de-
monstrabitur. Idem aliis exemplis in sequen-
tibus roborabitur.

^f) Apud EVSEB. praep. L. VIII. c. 9. p. 370.

donandi rationem informantem, de allegorica sententia diuinarum legum verbis inclusa disputationem eam instituisse, quam EVSEBIUS^g exhibet. Quibus verbis falso quidem supponi regis cum Eleazaro pontifice literarum commercium, facile largimur, rem tamen ipsam in dubium vocari non posse, ex hoc loco est manifestum, nempe allegoricam explicandi legem rationem inter Iudaeos Aegyptios tum obtinuisse, cuius methodi patrociniū, ne Palaestinam inhabitantibus ea displiceret Iudaeis, impostor ab hoc figmento accersiuit, ipsum Pontificem Iudaeos Aegyptios eam edocuisse. Addimus his, quae alio loco tradit EVSEBIUS^h: *Ab Aristobuli tempore, gentem Iudaeorum vniuersam duas in partes sectam ac diuisam fuisse. Nam multitudinem quidem ritibus illis omnibus, quomodo legum ipsarum verbis concepti erant, obstrictam Moſen tenere iussisse. At ceteros quorum mens esset virtusque constantior, cum eo cortice liberatos esse, tum ad diuinorem aliquam et hominum vulgo superiorem philosophiam assuescere, atque in altiore legum sententiam mentis oculo penetrare voluisse. Atqui hanc fuisse Iudaeorum philosophorum nationem, cuius vitae morumque rationes infinitos etiam alienigenas admiratione compleuerint.* Quae verba probe notari merentur, quoniam verum nobis tempus designant, quo sub allegoriae pallio philosophia gentilis apud Iudaeos irrepsit. Nempe id Ptolomaei Philadelphi tempore factum est, quo vltimos Pythagoreos, et Platonicos etiam quosdam, in Aegypto vixisse, et instituta atque doctrinam suam philosophicam propagasse suo loco demonstrauiſimus. Non intelligi enim aliam sublimiorem philosophiam, quam quae ex schola Pythagorico-Platonica, (quae mature se Aegyptiacae et orientali iunxit, vt supra dictum) ad Iudaeos transiit, Therapeutarum exemplum probat, quos illam philosophandi rationem cum patriis traditionibus legeque coniunxisse infra probabimus. Ast hos intelligit Eusebius, qui *Iudaicorum philosophorum clarissimos Iosephum et Philonem memoriae posteritatis sempiternae commendasse* scribitⁱ; vterque enim hos philosophos tetigit, vt suo loco dicendum, vbi etiam demonstrabimus, eam societatem philosophicam hanc allegorice explicandi legem rationem tenuisse. Nec dubium est, inter Iudaeos hunc philosophiae Pythagorico-Platonicae amorem, allegoriae fundamento innixum sequentibus temporibus ad alios quoque, qui extra illam societatem philosophicam constituti erant, se extendisse, certe adoleuisse iam hanc philosophiam Platonico-Iudaicam Philonis tempore ex eius scriptis; ea ipsa philosophandi ratione turgentibus est manifestissimum. Addi his possent alia, vt euincatur, modum hunc detorquendi allegoriarum machinis legem ad placita philosophiae alicuius arcanioris, ex adytis Pythagorico-Platoniorum in Aegypto prorepſisse ad Iudaeos, nisi haec satis lucis rei foenerarentur, eamque extra dubitationem ponerent. Ex his vero si cum iis comparentur, quae de philosophiae Aegyptiacae Graecae-

S s s s 2

g) cap. 10.

h) c. 10. p. 378.

i) loc. cit.

que et orientalis fatis in hac regione fuis locis diximus; facili inductione colligi potest, arcanam hanc philosophiam, quam Iudaei receperunt, multum a domestica gentis huius sapientia deflexisse. Illi enim fontes, ex quibus arcanam doctrinam hauriebant Iudaei, fanatica de diuinis doctrina, maxime infausto systemate emanatio abundabant: quorum latices cum in prata Iudaeorum deriuarentur, licet alia longe simpliciora et elegantiora exhiberet lex diuina, displicuit tamen sancta doctrinae perfectissimae simplicitas et deliramenta gentilium magnum quid sonantia atque nugae difficiles, illi praelatae sunt. Et dubium quidem haud est, aliarum quoque sectarum doctrinam, quae Alexandriae personabat, Iudaeos quosdam philosophiae Graecanae cupidos attigisse. Infra enim Aristobulum, docebimus, Peripateticae quoque philosophiae non mediocriter fuisse peritum. Ast praeualuisse tamen philosophiam Platoniam, Aegyptiacae et Orientali attemperatam, dubitare nos non sinunt exempla Philonis, Cabalistarum, Therapeutarum et similium, qui Platonismo philosophiam suam arcanam allegoriarum beneficio in crustarunt. Cuius duplex causa videtur fuisse. Vna in Therapeutarum consortio quaerenda est. Cum enim vltimi Pythagoreorum, in Italia pulsi fugatique suppliciis enecatis fociis in Aegyptum aufugissent, vt ab inuidia populi essent liberiores in campestria et deserta loca secesserunt, ibique pristinis moribus et institutis viuentes homines Iudaeos, ex regionis temperamento atra bile laborantes vel in societatem pertraxerunt suam, vel quod verisimilius est, necessitate quadam compulsi in solitudines secedere, ad aemulationem doctrinae institutorumque accenderunt, vt in Therapeutarum historia infra ostendemus. Ita vero cum instituto Pythagorico doctrina quoque ea Platonismo attemperata ad Iudaeos transiit, quae allegoriae beneficio recepta et cum patriis placitis mafano conatu conciliata, tandem prorsus a genuina facie degenerauit, vt suo loco erit manifestum. Quae societatis philosophicae constitutio cum mire Iudaeis placeret, qui se habere, quod gentibus opponerent et praeferrent, gloriati sunt, vt ex Philone patet, non potuit non hominum, sublimius philosophari, quam ceteros, visorum exemplum aliis ex Iudaeis animum addere, vt cum solitarium viuendi genus amplecti nollent, philosophiam tamen eandem sequerentur. Quam rationem PHILONEM ad amplectendam Platoniam doctrinam allegoriis Mosaicae legi accommodatam permouisse, ipse haud obscure prodit. Altera ratio in ipsa philosophiae Pythagorico-Platonicae indole, qualis in Aegypto vixit, quaerenda est. Cum enim reliquae Graecanae sectae a Iudaica theologia nimis distare crederentur, et nec Peripatetica mundi aeternitas, nec Stoica mundi anima cum placitis Mosaicis etiam allegoriarum ope fatis conciliari posse videretur, sola Pythagorico-Platonica doctrina saniora et digniora Mosaicis praeceptis afferre existimata est, eo quod sublimius de Deo diuinis et spiritualibus substantiis philosophari putabatur. Cumque et Pythagoram et Platonem discipuli-

sciplinam suam atque sapientiam a barbaris accepisse constans fama esset, intumuit superbus et aemulus Iudaeorum sibi solis sapientiae origines vindicantium animus, ut Pythagorica et Platonica a Mose et vatibus Hebraeis ad hos philosophos defluxisse sibi persuaderent. Ita enim ratiocinatos esse homines ineptos Iosephi et Philonis exempla nos dubitare non sinunt. Ast magnum cum esset inter Pythagorico-Platonica dogmata et legem Mosaicam discrimen, adhibita est regionis docendi methodus, et allegoriae beneficio in concordiam ire iussa sunt praecepta longe diuersissima. Quod eo facilius fieri potuit, quo magis et tota Aegyptus in recipiendis et vniendis cum patria religione et cultu omnis fere orbis doctrinis ea ipsa via incescit, et Pythagorico-Platonici Alexandrini non dubitarunt, allegoria duce, peregrina dogmata suo infarcire systemati, ut suo loco dedimus probatum. Certe ab eo tempore mos ille inualuit, ut et legis Mosaicae praecepta Platonico habitu induerentur, et sanctis viris, sapientiae nomine inter Hebraeos illustribus, Platonicae affingerentur sententiae. Cuius rei specimina ex Philone haurire potest, qui medicrem in his cognoscendis rebus industriam ponere cupit. Luculentum vero exemplum auctor libri sapientiae Salomonis exhibet, qui Platonicae philosophiae dogmata Salomoni supponere, et pro veteri Hebraea sapientia venditare non erubuit. Qua de re paulo plenius differemus.

§. XIII. Esse librum sapientiae ab ipso Salomone Hebraico idiomate *Liber sapientiae Salomonis.* conscriptum, et posterioribus temporibus a Salomoneae disciplinae studio-fo in Graecam linguam conuersum, praeter alios quosdam, qui inter libros sacra regula pro diuinis habitos eum referunt^k, ea, qua pollebat, eruditione probatum iuit vir illustris et veterum doctrinarum apprime peritus NICOLAVS HIERONYMVS GVNDLINGIVS^l, alia sine dubio, ut erat philosophiae Alexandrinae callentissimus daturus, nisi *παράδοξοφιλία* quaedam hanc ei opinionem persuafisset. Cuius rationes ut heic loci examinemus^m, eo minus opus est, quo magis tota hypothesis sua mole curruit, si haec vnica admoueatur machina, manifesta in eo libro deprehendi Platonismi Alexandrini vestigia. Quod cum alio loco ita demonsttrauerimusⁿ, ut certi simus, nihil esse, quod veritatis cupidum in hac veritate agnoscenda remorari possit, rem, quantum licet, paucis tantum conficiemus. Neque vero praesidium huic sententiae quaerendum esse a scriptoris conditione putamus, quem Philonem alii^o, quidam non hunc, sed senioremem eiusdem nominis^p, Platonice quoque praeceptis imbutum, esse statuunt: hos enim falli dubium non est, nec errant,

S s s s 3

qui

A) Vid. quos laudat I. MOLLERVS Homonymoscop. p. 255.

l) Obf. Hak. T. V. obf. 13. quam observationem eius esse ipse fassus est, Hist. philos. mor. P. I. p. 73.

m) Conf. WERENDORF. pec. diff. Wit. 1702. et quos laudat WOLFIUS Bibl. Hebr. Vol. I. p. 974. Vol. II. p. 199.

n) Pec. diff. de vestigiis philosophiae Alexandrinae in libro sapientiae, Misc. Berolin. inserta.

o) Hieronym. praef. ad librum sapient.

p) Vid. MOLLER I. c. KORTHOLT. de can. S.S. c. XIII. p. 278. seqq. B. BYDNVS Hist. phil. Ebr. p. 76. VOSSIVS de LXX interp. p. 396.

qui auctorem anonymum esse fatentur, at talem, qui Graecanicam sui temporis eruditionem et eloquentiam didicit. Illius enim vestigia adeo luculenta auctor expressit, quibus ad mores, consuetudines et dicendi rationem in scholis rhetorum Graecorum se attemperauit, ut merito mirandum sit, potuisse hunc librum viros doctos et acutos ad Salomonem auctorem referre, et pro foetu sapientiae Hebraeae, et argumento interno et cultu externo toto coelo diuersae, venditare. Quamuis enim Salomonea praecepta haud pauca scripto huic suo auctor intersperferit, eruditionem quoque eam adhibuerit, quae in domesticis quoque gentis Iudaicae monumentis cum laude erat versata, tantum tamen adest, ut a gentilibus philosophiae, sensim eo tempore inter Iudaeos inualescentis dogmatibus recipiendis suaeque tractationi inferendis abstinuerit, ut luculenta potius eius vestigia reliquerit. Cuius ut exempla aliquot ex multis, quae alibi produximus, afferamus, ecce mox in limine libri ^q; *Spiritum Domini terrarum orbem replere dicit, et omnia continere.* Vbi caueam diuini spiritus omnipraesentiam intelligas, quam laudauit diuinus psaltes ^r; addit enim, hunc spiritum συνέχειν τὰ πάντα, quae Platonica vox est, ab anima mundi desumpta, quae per omnem mundum se diffundit, eumque rationibus substantialibus continet, tanquam formale eius vinculum. Spiritum enim S. et animam mundi idem esse ex eo tempore inter Iudaeos quoque inualuit, quo purissimis diuinae doctrinae fontibus turbidae gentilium errorum lacunae immistae sunt. Hanc vero animam cuncta constituere et continere, TIMAEVS LOC RVS ^t Pythagoram secutus docuit, a cuius sectatoribus in Aegyptum delatum dogma inter Iudaeos tandem disseminatum est, vnde PHILLO ^u quoque spiritum diuinum per omnem mundum diffusum implere omnia dixit. Hinc in describendis spiritus diuini attributis, adeo manifestis Pythagorico-Platoniorum phrasibus auctor utitur, ut ignorare prorsus, quid sit Pythagoricum, quid Platicum, censendus sit, qui non manibus palpat, ex hac schola eas haustas esse. Dicit enim ^x, esse spiritum illum sanctum, siue sapientiam illam, quae ex Deo progreditur, πνεῦμα νοερὸν, μονογενὲς, πολυμερὲς, λεπτὸν, εὐκίνητον, *spiritum intelligibilem, vnius generis, vel potius unigenitum, et tamen per multas partes se communicantem, subtilissimum, facileque mobilem.* An haec Spiritui S. Hebraeorum magis conueniant, quam animae mundanae Pythagoricorum et Platoniorum, lectoris relinquimus iudicio, id modo addentes, non posse vlllo colore pro Salomoneo dogmate vendi, sed aperte gentilem scholam olere, quod addit: Πάντων χωρὲν πνευμάτων νοερῶν, καθαρῶν, λεπτοτάτων. Ponere enim haec verba spiritum istum sanctum, siue sapi-

entiam

^q) c. I. 7.

^r) Ps. CXXXIX. 1.

^s) Conf. MOSHEM. ad CUDW. Syst. int. c. IV.

^t) 36. p. 657. Inst. hist. Christ. mai. Sec. I. c. V. p. 430. seq.

^u) Opusc. myth. GALEI p. 545.

^v) De gigant. opp. p. 287.

^x) c. VII. 22.

entiam essentialem fontem spirituum omnium, ex eo emanantium, et in eo subsistentium, longe clarissimum est, et spirituum quoque intellectualium, purorum, et leuissimo siue subtilissimo vehiculo amictorum doctrina, nunquam in scholis Hebraeorum, ante intrusa dogmata Pythagorico-Platonica innotuit. Quae cum ex orientali quoque philosophia hanc de spiritibus ex primis Deitatis emanationibus effluentibus assertionem auxisset et comisset, tandem Iudaeis a simplicitate sanctiori patriae philosophiae deficientibus, hanc animam mundanam commendauit: Aliud Platonicae philosophiae specimen deprehenditur his verbis ^γ: ἐκτισε Θεὸς εἰς τὸ εἶναι τὰ πάντα καὶ σωτήριον αἱ γενέσεις τῷ κόσμῳ, καὶ ἐκ τῶν ἐν αὐταῖς Φάρμακον ὀλέθρου, ἐδὲ ἄδὲ βασιλείον ἐπὶ τῆς γῆς, condidit Deus, vt reuera essent omnia et salutare fecit generationes, neque est in iis venenum perniciiei, nec inferni regnum in terra. Opponi haec verba errori apud orientales recepto, et a Platoniceis, vt ex PLOTINI disputationibus contra Gnosticos liquet, valde reiecto, inesse mundo ex naturali eius generatione et origine malum, quilibet videt. Ast hunc rationibus oppugnat auctor prorsus Platoniceis, et, mundum bonum factum esse, demonstrat primo, quia mundus *εἰς τὸ εἶναι* propter essentialia siue intelligibilia principia conditus iisque vt reuera esset, superstructus est, secundo, quia in condendo mundo Deus rationibus vsus optimis, eum fecit bonum; tertio, quia mali et destructionis principium non in illo est, nec *ἀδης* siue corruptionis locus in terra, sed extra terrae complexum eius sedes quaerenda. Vnum PLATONIS *Timaeum* ^ζ, vel PLOTINI etiam disputationem laudatam legere oportet eum, qui haec Platonice dici, vult intelligere. In illo enim eadem res disertis verbis traditur; in his illa aduersus orientalium errores luculenter defenditur. Vtrumque antecessit TIMAEVS ^α Pythagoricus philosophus, idem dogma tradens, bonum esse, ex consilio creatoris mundum. Sed et tertium addimus locum, quo auctor ita manifesta Platonismi vestigia reliquit, vt omni contradictione euidentius sit, eum Graecanicam philosophiam fuisse secutum. Ita enim nobis Salomonem diuinae sapientiae habitu Θεοδότην instructum inducit loquentem ^β: αὐτὸς γάρ μοι ἔδωκε τῶν ἔντων γνῶσιν ἀψευδῆ, εἰδέναι σύστασιν κόσμου καὶ ἐνεργεῖαν σοιχείων, ἀρχὴν καὶ τέλος καὶ μεσότητά χρέων, τρέπων ἀπαιλλαγῆς καὶ μεταβολῆς καιρῶν, ἐνιαυτῶν κύκλους, καὶ ἀστέρων θέσεις, φύσεις ζώων καὶ θυμὸς θηρίων, Πνευμάτων βίας καὶ διαλογισμὸς ἀνθρώπων, διαφορὰς φυτῶν καὶ δυνάμεις ῥιζῶν. Habes hic, lector, et voces ex intima philosophia Graecanica, maxime Platonica, desumptas, et encyclopaediae, qualis eo tempore Alexandriae obtinuit, breuem adumbrationem, et dogmata Graecanica, consistere sapientiam in earum rerum notitia, quae tum summo in Platoniceorum scholis loco habebantur. In eo enim versabatur auctor praeiudicio, Graec-

^γ) c. I. 14.^ζ) pag. m. 458.^α) Opusc. myth. p. 545.^β) c. VII. 17.

Graecae philosophiae circulum, qualis tunc obtinuit, esse verum sapientiae compendium, adeoque Salomonis sapientiam ad eandem ideam effingendam esse; hinc metaphysicam ei siue dialecticam Platonice circa notitiam τῶν ὄντων, id est idearum versantem, logicam, ratiocinationes hominum diiudicantem, physicam de natura animalium et virtutibus plantarum atque radicum sollicitam, mundi etiam systema et harmoniam explicantem; porro astronomiam, siderum cursus et positiones enarrantem, et chronologiam annorum periodos dimetientem tribuit. Quod si quis Salomoneum esse putet, eum rogamus, ubi τῶν ὄντων γνῶσιν, idearum siue intelligibilium scientiam in scholis Pythagorico - Platonice famosissimam, rex sapientissimus vnquam tradiderit? eamque primo in sapientiae diuinæ indice posuerit loco, quod tamen PLATONEM^c et sequaces fecisse est notissimum. Certe non intelligibilium scientia, sed timor Domini Salomoni cardo omnis sapientiae est. Possent his adiacere plura, nisi instituti nostri memores breues nos hoc loco esse deceat, quare illa legenda sunt, si tanti videbuntur, quae alibi prolixè satis et ex instituto de hac re fuimus commentati. Vnum tamen locum praeterire non possumus, eo quod momentum in hac nostra tractatione aliquod habet. Ait scriptor ὑποβολιμαῖος de sapientia diuina^d: ἄτμῃς γὰρ ἐστὶ τῆς Θεᾶς δυνάμεως, καὶ ἀπόρροια τῆς τῶ παντοκράτορος δόξης, ἀπαύγασμα γὰρ ἐστὶ φωτὸς αἰδῆς. *Est spiratio diuinæ virtutis et emanatio gloriae omnipotentis numinis, radius resplendescens diuinæ lucis.* Satis manifeste hic locus prodit, conscriptum fuisse hunc librum, postquam metaphysica Cabbalistica ex orientalium et Platoniorum scholis inter Iudaeos caput extulit. Illa enim ex emanatione primogeniti, ex infinito diuinitatis lumine, siue ex Adam Kadmon per Sephiroth ex Haënsoph, cuncta deduxit. Ast desumpta haec fuisse ex systemate emanatio philosophiae orientalis Pythagorico - Platonice dogmatibus attemperato infra luculenter docebitur. Hic id modo ad loci huius illustrationem notamus, manifesta esse, gentilis huius philosophiae, qualis in vtraque schola personuit, vestigia. Orientales enim, vt *superiori libro* demonstratum, tradebant, ἐννοίαν siue sapientiam diuinam, tanquam virtutem quandam substantialem, naturamque immutabilem et aeternam, quam αἰῶνα vocabant, ex omnipotentis numinis sinu et pleromate diuinæ lucis velut radium e sole effluxisse, et huius infiniti luminis gloriam in emanationibus ex se productis referre, perque eam homines ad veram γνῶσιν esse reuocandos: Platonici autem Alexandrini systema illud aeonum siue emanationum intra trinitatis Platonice cancellos restringentes, vt ex PLOTINO^e patet, mentem diuinam siue sapientiam ex infinito Deo, illo principio superiore, tanquam radium ex sole profluxisse et emanasse, suaeque luce cuncta inferiora complere docebant. Qua de re PLOTINI^f, et IAMBlichI^g loca excutienda

c) Loca produximus in Hist. phil. de ideis
Sect. I. §. 4. p. 35. §. 6. p. 86. p. 115. d) Ib. v. 25.

e) loc. cit. f) Enn. V. L. I. c. 6. p. 487.
g) De myst. Aegypt. Sect. VIII. c. 2. p. 158.

enda suademus. His cum et verbis et sensu omnino concinat libri sapientiae Salomonis auctor, quis porro dubitabit, inepte ad ipsum Salomonem hunc librum referri, et prodisse auctorem; Graecanicae eruditionis non ignarum ex schola Pythagorico-Platonica iam tum accommodatione ad orientalia placita adulterata, vel ex Cabbalistarum quoque foemniis quaedam hausisse? Quae omnia exemplo iam esse possunt, qua ratione philosophia gentilis non tantum quoad methodum allegoricam, verum etiam quoad dogmata potiora in Iudaicam doctrinam irrepperit.

§. XIV. Ex dictis intelligi potest, qua ratione in Aegypto diuinioris doctrinae puritas sensim apud Iudaeos deprauari, et tritico admisceri lolia coeperint, traditioni quadam orali excogitata. Nempe postquam semel humani ingenii tricas Iudaei degustauerant, quae insignes sapientiae thesauros et arcanam quandam de Deo diuinisque rebus sapientiam pollicebantur, facile fuit venerando traditionis nomine noua et peregrina dogmata introducere, et allegoriarum machinis ex legis litera, tanquam ex cortice ea placita deducere, de quibus nec Numen sanctissimum, nec vates diuinus vnquam cogitauit. Non errant itaque, qui huius mysticae interpretationis legis, quae cuncta in arcanos detorquet sensus, origines ad ea tempora referunt, quibus allegoriae studium inter Iudaeos innotuit, et ex sacra et symbolica Aegyptiorum methodo ad hos peregrinos incolas transmigravit. Id quod mature, et fortasse adhuc Ptolomaei Philadelphi tempore factum esse, ex supra dictis recte coniicitur, nisi fallant nos veterum narrationes. Quarum tamen quaecunque demum fides sit, illud certum est, Therapeutarum societatem eo tempore, quo eius historiam Philo conscripsit, non tantum solitam fuisse legem ita symbolice explicare, sed et constanter asseruisse, quod hunc interpretandi morem a maioribus suis acceperit: ex quo concludimus, cum ipso societatis huius ortu hunc quoque allegoriae adhibendae morem, et cum eo audaciam intrudendi in sacra dogmata peregrina placita originem summissee. Philonis autem aetate nouam hanc docendi rationem, quae Aegyptiorum methodum legi admouit, et philosophiam exoticam domesticis principiis immiscuit, iam magnopere floruisse, scripta eius abunde testantur. Ex Aegypto vero hanc peruersam docendi et philosophandi rationem in Palaestinam quoque translatam fuisse, Iosephus^b testis omni exceptione maior est. Quo loco cum traditionis studium eam aliquamdiu compecuisset, tandem post urbis Hierosolymae excidium gentisque dispersionem, semper ad difficiliores nugas delabentibus Iudaeorum ingeniis, magis magisque fimbrias dilatauit, et arcanam simul illam metaphysicam isto integumento quasi munitam mire propagauit. Qua de re, cum infra de origine et progressu philosophiae Cabbalisticae acturis ex instituto differendum

*Aegyptiaca
philosophia
quomodo ad
Iudaeos in Pa-
laestinam tra-
ducta?*

k) Prooem. antiq. Iudaic. p. m. 3.

dum sit, hic nihil amplius addimus. Ex dictis vero de virorum doctorum variis de Cabbalae inter Iudaeos Aegyptiacos origine sententiis iudicium ferri potest; ex quibus IACOBVS BASNAGIVSⁱ, Aegyptiacam mythologiam et symbolicam docendi rationem, quae in hieroglyphicis obtinuit, fontem eius esse dixit, aliorumque assensum meruit^k; Ven. REIMMANNVS^l autem philosophiam potius Orphicam et Pythagoricam matrem huius pulli dicendam esse contendit. Vtrumque enim virum eruditissimum recte statuere, nec sibi inuicem eos contradicere, ex allatis facile iudicari potest; praecipue cum Basnagius de docendi modo, Reimmannus de doctrina, illa methodo propagata loquantur, quorum illum ab Aegyptiis, hanc ex Pythagoricorum schola, sed non tam Orphicis, quam Zoroastrianis siue orientalibus placitis adulteratam originem cepisse detegendae infra Cabbalisticae philosophiae origines planum facient.

Aristobulus.

§. XV. Postulat a nobis hic ordo dicendi, vt, cum ad Aristobuli tempora origines introductae inter Iudaeos Aegyptum inhabitantes philosophiae gentilis retulerimus, illius quoque hic historiam enarremus. Ea vero valde impedita et multis virorum doctorum disputationibus obnoxia est, ex quibus tamen, quae vero videntur propiora, paucis feligemus. Tradunt nempe veteres vixisse Aristobulum sub Aegypti regibus Ptolomaeis vel Philometore vel Euergeta II. et vnus ex illis praeceptorem fuisse. Qua de re tamen post alios maxime dubitauit V. C. HUMFREDVS HODY^m. Fuisse autem in Aegypto Aristobulum quendam Ptolomaei praeceptorem ex epistola Iudaeorum Palaestinae ad Iudaeos in Aegypto habitantes, quae in *secundo Maccabaeorum libro*ⁿ legitur, apertum est. Quam quidem suppositionis suspectam esse putat Cl. Hodyus, sed nulla idonea ratione suffultus. Cum vero ex veterum testimoniis pateat, vixisse Aristobulum in Aegypto, et apud regem fuisse gratiosum, non inepte EVSEBIVS^o iudicasse censendus est, fuisse hunc Aristobulum illum, qui Ptolomaeo Philometori librum suum inscripsit. Ast his obiiciuntur temporum notationes, quae ob stare videntur, quo minus, Aristobulum sub Ptolomaeo Philometore vixisse dici queat. Nempe epistola illa scripta est anno CLXXXVIII, quo loco aeram Seleucidarum intelligi, qua Iudaei Graecorum sub imperio vfi sunt, notum est. Hanc si sequimur, annus is incidit in annum ante restitutam per Christum salutem CXXXIV. Ptolomaeus Philometor autem imperii habenas suscepit ante N. C. CLXXXI^p. Ex his iam concludunt viri illi docti, aut alium esse Aristobulum, cuius mentio fit in illa

i) Hist. des Juifs L. III. c. 16. p. 393.

k) BVDDEVS diss. de moderamine inculpatae tutelae adiecta nouae editioni introd. in hist. phil. Hebr. p. 521. conf. RICH. SIMON Hist. crit. V. T. L. I. c. 7. p. 44. seqq.

l) Hist. theol. Iud. L. I. c. 15. §. 4. p. 344. seqq.

m) De text. original. L. I. c. 10. qui ea in re SCALIGERI ad Euseb. dubitationibus commotus est.

n) c. I. 10. seqq.

o) Praep. eu. L. VIII. c. 9. p. 375.

p) Conf. PETAV. ration. temp. L. II. c. 9. p. m. 223.

illa Iudaeorum epistola, aut falsum esse, quod veteres dicunt, sub Philometore vixisse Aristobulum, et ad recentiora eum tempora esse reiiciendum, eo quod a tempore illo, quo regnum suscepit Philometor, ad epistolae illius tempus anni effluxere fere L, qua aetate Philometor iam fatis erat functus. Verum duplici ratione ad has difficultates tollendas, responderi potest. Aut enim dicendum est, usum quidem fuisse Ptolomaeum Philometorem Aristobuli institutione; illo vero fatis functo, honoris causa eum regii praeceptoris titulum etiam sub eius successore retinuisse, et profecta iam aetate fuisse, cum illa epistola ad Iudaeos Aegypti incolas exararetur; qua ratione difficultates has tollit BASNAGIUS ^q, aut cum FABRICIO ^r statuendum, habuisse eum discipulum Ptolomaeum Evergetam II. qui Physcon a corpore obeso dictus fuit, fratrem Ptolomaei Philometoris, eo tempore, quo regno nondum erat admotus, eo vero in solio regio collocato titulum regii praeceptoris fuisse consecutum. Quamcunque ex his opinionem eligas, nulla erit necessitas statuendi, quod laudati viri eruditi volunt, duos a veteribus confundi Aristobulos, Peripateticum et Iudaeum, et commentitiam esse dictam Iudaeorum epistolam. Veteres enim si audimus, legis Mosaicae explanationem conscripsit, regique Ptolomaeo dedicavit. Ita quidem CYRILLVS ^s, Chronicon paschale ^t, Anatolius apud EVSEBIUM ^u, et HIERONYMVS ^x. Fuisse autem hunc Ptolomaeum Philometorem, dicti Chronici Paschalis, et EVSEBII ^y atque CLEMENTIS ALEXANDRINI ^z testimoniis conficitur. Quae tamen tanti non videntur HODYO, ut non, supposita fuisse Sec. II post C. N. Aristobulo ea scripta, quae sub eius nomine ambulant, iudicandum esse censeat, quo tempore libros supponendi morem fuisse frequentissimum annales testantur. Urget vir doctus, Iosephum tam celebrem nationis sui hominem non omissurum fuisse, si eius scripta ante sua tempora innotuissent: suspecta esse Eusebii et Clementis testimonia, eo quod parum accurationis prodant in huius hominis temporibus notandis. Clementem enim, qui sub Philometore eum vixisse tradit, alio loco ^a Philadelphi temporibus adscribere; vnde coniicit laudatus criticus, eos, cum librum vidissent Aristobuli nomine Ptolomaeo inscriptum, exsculpisse inde Ptolomaeum Philometorem, cum verisimile sit, sub ultimis Ptolomaeis, et forte post Iosephum illum vixisse. Verum infirmas prorsus esse rationes viri celebris, et ad euertendum veterum testimoniorum concentum parum idoneas, quilibet videt. Quamvis enim apud Clementem Alexandrinum aut memoriae aut calami vitio, aut, quod verisimilius suspicamur, librariorum incuria pro Philometore vel Evergeta II, positus sit Philadelphus,

T t t t 2

phus,

q) Hist. des Juifs L. III. c. 6. §. 5. p. 404.

r) Biblioth. Graec. Vol. II. p. 280.

s) Adu. Iulian. L. IV. p. 134.

t) Ad Olymp. CXLIV. p. 178.

u) Hist. eccles. L. VII. c. 32.

x) Chron. ad Olymp. CLI.

y) Praep. l. c.

z) Stromar. L. I. p. 342. a) l. c. L.V. p. 595.

phus, hoc tamen reliquorum fidem non euertit. Caeditque propria vincta Hodyus, qui ita concedit, vixisse tamen Aristobulum sub Ptolomaeo quodam, non vero Seculo demum post C. N. secundo, quo tempore ipse floruit Clemens, qui vix decipi potuit, vt scripta suo tempore demum enata ad antiquiora referret. Ea quoque, quae de Aristobulo tradunt veteres, qui allegoriarum ei studium tribuunt, isti aetati conuenire, ex iis, quae in antecedentibus diximus, manifestum est. Studium enim hoc allegoriarum Sec. II ita iam adultum erat inter Iudaeos, vt ex hoc vno momento antiquiora esse Aristobuli, quam Hodyus putat, tempora, iudicari par sit. Quae vero a Iosephi silentio adducitur ratio eo minus valet, quo magis a negatiuo eiusmodi argumento raro firmam duci posse conclusionem constat, et eadem illatione sequeretur, non vixisse alios viros celebres, quorum Iosephus non meminit. Quod quam infirmum sit atque frigidum, nemo non videt. Verum maxime obstabat Hodyo Aristobuli testimonium, quod confectam LXX viralem versionem Ptolomaei Philadelphi iussu et auctoritate tradit. Quod aliter remoueri non posse putabat vir doctus, quam si supposita esse, quae de Aristobulo dicuntur, omnia affereret. Secutus est eius opinionem Cel. L E N F A N T I V S ^b. Ast, quod pace magnorum virorum, quorum post fata merito immortalis est memoria, dicimus, admodum falluntur, et concedi omnino potest atque debet, Aristobulum illo tempore vixisse, neque tamen inde inferendum est, vera esse, quae de illius versionis auctoritate et origine regia dixit. Sufficit enim ad eleuandum eius testimonium et denegandam ei fidem, si moneatur, secutum fuisse Aristobulum, Graecanicorum in Aegypto Iudaeorum facile principem et antesignanum, communem gentis suae iactantiam, et praeiudicio nationis occupatum, sapientiam Graecam a Iudaeis deriuare voluisse, id quod de eo testatur C L E M E N S A L E X A N D R I N V S ^c. Cui scopo vt inferuaret, legem eiusque, quam Iudaei in Aegypto moliti sunt, interpretationem, a Iudaeis ad gentes iussu et auctoritate regis Ptolomaei Philadelphi peruenisse, in scriptis disseminauit, vt ita, cum gentis suae gloriae inferuaret, tum versionem hanc priuato Iudaeorum consilio susceptam et Iudaeis Palaestinam inhabitantibus exosam tueretur, atque contribulibus suis commendaret. Ex hoc enim sole meridiano clarius est, plane nihil valere Aristobuli testimonium ad confirmandam Aristeae historiam, quamuis concedamus, eum inter Iudaeos in Aegypto sub Ptolomaeo Philometore vixisse, et pro hac fabula testimonium dixisse. Et si vero Aristobulum ista aetate vixisse est verisimillimum, falluntur tamen sine dubio C L E M E N S A L E X A N D R I N V S ^d et Anatolius apud E V S E B I V M ^e, quorum ille sub Philadelpho ponit, hic ex LXXII interpretum numero ab Eleazaro pontifice ad regem missorum fuisse tradit. Apud Clementem enim vel

^b) Biblioth. German. T. II. p. 134. seq.
^c) L. I. p. 305.

^d) L. V. p. 595.
^e) Praep. L. VIII. c. 32.

vel calami vel librariorum errorem esse supra iam innuimus, eo quod alio loco eum sub Ptolomaeo Philometore vixisse dicat. Anatolii vero testimonium vt in tuto ponant viri quidam docti ^f, duos nobis Aristobulos propinant, quorum vnus sub Ptolomaeo Philadelpho viuens, ex LXX interpretum numero fuerit, licet in Aristeae historia eo nomine non occurrat, cuius causam esse coniiciunt, quod more temporis illius praeter Graecum nomen Hebraicum quoque gesserit, et sub eo ab Aristeae fuerit enumeratus: alter is sit, quem sub Ptolomaeo Philometore ponunt veteres. Nobis vero vnus Anatolii testimonium tantum non videtur, vt inuitis veteribus, quibus duo Aristobuli in regis Aegypti aula noti ignorantur, praeter hunc, de quo agimus, alius quoque Aristobulus excudatur: quae ratio soluendi difficultates et in concordiam redigendi veterum testimonia, multos nobis errores in historia literaria veterum peperit. Quare malumus simpliciter Anatolium erroris arguere, in quem ex temporum confusione, praesertim ex versionis illius commendatione ab Aristobulo facta, exque gratia, qua in aula Ptolomaeorum gauisus est, incidere potuit, quam duos sine necessitate Aristobulos effingere ^g. Fuisse autem Aristobulum ex eorum Iudaeorum genere, quibus in Aegypto philosophia Graeca placuit, veteres testantur. Teste enim EVSEBIO ^h ad domesticam philosophiam, qua mysticam illam siue Cabbalisticam et allegoricam intelligi ex supra dictis notum est, Aristotelicae philosophiae studium adiunxit. Prius etiam ORIGENES ⁱ, posterior CLEMENS ALEXANDRINVS ^k testatur. Quod vero HORNIVS ^l tradit, *Peripateticam eum philosophiam omnibus modis in Iudaea propagatam voluisse, tamen parum obtinuisse*, et veterum testimoniis caret, et eorum narrationibus contradicit, quae in Aegypto Aristobulum vixisse referunt: videturque seductus fuisse Hornius ab Anatolio, eumque inter interpretes ex Iudaea in Aegyptum missos retulisse: quo tamen quoque posito, verisimile esset, eum philosophiam Peripateticam in Aegypto demum didicisse. Verum illam Anatolii relationem inter fabulas referendam esse, iam monuimus. Ceterum refert ex Aristobuli opere ad regem Ptolomaeum exarato EVSEBIVS ^m versus quosdam Orphei, in quibus et Mosis et Abrahami fit mentio. Qui versus cum apud IUSTINVM M. quoque occurrant ⁿ, at longe aliter, et multis, quae apud Eusebium occurrunt, deficientibus, recte inde coniecerunt viri docti, Iudaeum vel Christianum aliquem vetus illud carmen Orphicum interpolasse; vt suis auctoritatem apud gentiles ex Orphici carminis testimonio quaereret ^o. Ipsum vero

T t t t 3

Ari-

f) IVL. BARTOLOCCIVS Bibl. Rabb. T. I: p. 466. SCIPIO SGAMEATVS Archiu. V. T. p. 503. I. FR. BVDDEVS Hist. phil. Ebr. §. 18. p. 72. qui tamen in H. E. V. T. T. II. p. 1117. magis ad Hodyi partes inclinat.

g) Easdem rationes sequitur WOLFIUS Bibl. Hebr. P. I. p. 216.

h) Praep. eu. L. VIII. c. 9. p. 375.

i) Contra Cels. L. IV. p. m. 204.

k) loc. cit.

l) Hist. phil. L. IV. c. 2. p. 229.

m) Praep. L. XIII. c. 5. p. 664.

n) Cohort. ad gentes et apolog. II.

o) CUDWORTH. Syst. int. c. IV. §. 17. p. 347. FABRIC. Bibl. Graec. Vol. I. p. 171. Vol. II. p. 281.

Aristobulum huius fraudis auctorem fuisse coniecit V. C. ANDR. CHRISTIANVS ESCHENBACHIVS ^{q)}; quam tamen coniecturam improbat Cel. FABRICIVS ^{r)}. Eruditissimus autem MOSHEMIVS ^{s)}, „non displicere sibi eam fatetur; eo quod nec ab ingenio nationis Iudaeae „haec fraus abhorreat, quam plurima eiusmodi aulam fuisse, praesertim „in Aegypto, acceperimus, quo rebus suis apud alios populos confuleret; „nec ab instituto Aristobuli remota sit, et consilio, quod totum esse fraudulentum et ad Aegypti regem decipiendum accommodatum res ipsa „doceat. Hoc enim sumxisse sibi eo loco probandum Aristobulum, quod „ipse vix ignorare potuerit, falsum esse, Graecos philosophos et poetas „a Iudaeis accepisse omnia, quaecunque sana et sapientia haberent.“ Quas viri praestantissimi rationes verisimilem coniecturam facere omnino fatendum est, praesertim cum ex supra dictis de Aristobuli testimonio de LXXviri versioe constet, eiusmodi fraudis et mendacii non puduisse Aristobulum, ut nationis suae gloriam apud gentiles homines extolleret, unde mutata, quam olim fouimus ^{t)}, opinione, nulli dubitamus Aristobulum inter doctos impostores probabili coniectura referre. Ceteras hominis docti circumstantias ignoramus. Nam quod apud BUXTORFIVM ^{u)} et BARTOLOCCIVM ^{v)} legimus, qui R. GEDALIAM ^{x)} sequuntur, in bibliotheca Florentina et Mantuae apud fratres Benedictinos latere in membranarum Aristobuli huius opus, Philonis Iudaei scripta longe superans, tam mole quam doctrina et praestantia, recte hactenus inter incertas traditiones relatum est, et eo magis est suspectum, quod Ptolomaeo Philadelpho id inscriptum esse dicitur ^{y)}. De patria vero Aristobuli ut hoc tandem eius historiae addamus, vetus historiae ecclesiasticae EVSEBII ^{z)} interpres, quem Ruffinum alii, alii Hieronymum faciunt, tradit fuisse ex Paneade, quae Syriae vrbs fuit ^{a)}. Ast cum in Graecis legatur *ὁ πᾶν Ἀριτοβῆλος*, coniecerunt inde viri docti ^{b)}, interpretem vim vocis non affecutum, ex ea urbem confinxisse. Scaliger autem et post eum desideratissimus nobis CROSAEVS ^{c)} ex hac versione veteri textum Graecum emendandum esse, cum is corruptionem passus sit putant. Qua de re certi quidem nihil definiri potest, cum omnia ad coniecturas redeant: aequum tamen nobis videtur, tamdiu textum Graecum sequi, quamdiu vel ex codicibus msc. vel ex aliis veterum locis Paneade ortum fuisse Aristobulum, non demonstratur. Ceterum cum in veterum scriptis alii quoque Aristobuli occurrant, hic Iudaeus ab illis distinguendus est. Fuit enim

p) De possi Orphica p. 148.

q) loc. cit.

r) Ad l. c. CUDWORTHII.

s) In Germ. hist. phil. opere T. IV. p. 35. Ex his vero sequitur etiam Orphica carmina iam ante C. N. fuisse huic philosopho tributa, et ex eius forte disciplina mature collecta, qua de re Tom. I. l. II. plura diximus,

t) Ad Cosiri p. 33.

u) Bibl. Rabb. T. I. p. 468. conf. ESCHENBACH. l. c.

x) Schalscheleth Hakkabbala p. 104.

y) Conf. FABRIC. Bibl. Gr. Vol. II. p. 281. WOLF. Bibl. Hebr. P. I. p. 215.

z) L. VII. c. 32.

a) Ita et BARTOLOCCIVS l. c.

b) VALES. ad h. l. WOLF. l. c. BASNAGE l. c. p. 401. c) Entretiens sur diuers sujets.

enim inter scriptores rerum ab Alexandro M. gestarum Aristobulus quidam ^d, et Epicurus quoque eiusdem nominis fratrem habuit, vt suo loco dictum.

§. XVI. Ex Aegypto in Iudaeam progredimur, incolarum eius *Philosophiae* in sapientiae et eruditionis studio merita exploraturi, qui mature post *fata in Iudaea.* reditum ex captiuitate Babylonica a pristina simplicitate defecerunt, et post Esdrae, Zachariae, Malachiaeque, virorum Θεοπνεύστων tempora, quibus diuinis oraculis et sanctiori, quae ex illis hauriebatur, doctrinae, honos suus habitus est, ad humani ingenii somnia digressi sunt, cum haecenus puram seruauissent, quam a patribus acceperant, sapientiam Hebraeam. Aliter quidem post FRANCISCVM IVNIVM^e visum GEORGIO HORNIO^f, qui ex eo iam tempore, quo Iudaei ab Assyriorum monarchis aliquoties in peregrinas terras iure belli traducti et peregrinae coloniae introductae sunt, coepisse sacram illam philosophiam indelebilem maculam contrahere, populumque Assyriorum conuersatione diuturna, praesertim graui seruitutis tyrannide pressum, paulatim patrios mores exuisse, et impietati nomen dedisse statuit, coniicitque, cum eo tempore apud Persas et Medos praecipui nominis sapientes Magi ab antiquissimis temporibus artes illicitas secretissima religione velassent, has praeter alia ab ipsis et Iudaeos hausisse. Verum dici haec sine solido fundamento, libros eos, qui post reditum populi scripti sunt, eorumque historiam continent, legenti, est manifestum, in quibus nihil est, quod Iudaeos, commixtione tantum cum gentilibus et coniugiis ἀλλοφύλων notatos, eius corruptionis arguat, licet magnopere contendere nolumus, non haesisse quasdam inter Iudaeos ceremonias, praecudiciaque quaedam et opiniones exotericas apud paucos quosdam irrepisse, ex Assyria in Palaestinam introductas. Ad has enim vulgi opiniones non pertinuisse magiam, sed secretissima religione a magis velatam fuisse, ipse Hornius recte innuit; ex quo intelligi non potest, quo modo hominibus patria et religione peregrinis ad haec mysteria aditus in Assyria patuerit. Nec meliora sunt, quae viri quidam docti de Pythagorae et philosophorum Graecorum aliorum conuersatione cum Iudaeorum sapientibus, praecipue Ezechiele et Daniele tradunt, ex qua suspicari liceret, gentilem philosophiam iam tum ad Iudaeos dimanasse. Quaecunque enim ea de re disputata sunt, nulla certitudine niti, et ne verisimili quidem ratione valere, *tomo primo* luculenter, nisi fallimur, demonstratum est, nec rerum intelligentes sibi facile persuaderi patientur, gentem obstinatissimam, de qua Apollonius Molonis apud IOSEPHVM^g conquestus est, ὅτι μὴ παρεδέχοντο οἱ Ἰουδαῖοι τὰς ἄλλαις προκατειλημὲν δόξαις περὶ θεῶν καὶ κοινῶν ἢ θείων τοῖς καθ' ἑτέραν συνήθειαν βίβζην προκαταγεμένοις, *quod a Iudaeis non admittantur, quicunque diuersis de Deo opinio-*

^d) VOSSIVS de hist. Gr. L. I. p. 55. FABRIC. Bibl. Gr. Vol. II. p. 210.

^e) Ad Tobiae c. I.

^f) Hist. phil. L. IV. c. 2. p. 227.

^g) Contra Apion. L. II.

opinionibus essent impliciti, nec consuetudo ineatur cum iis, qui aliam viuendi rationem essent amplexi; cum Graecis philosophis suam doctrinam communicasse eorumque ex parte recepit placita. Sane Iudaicae historiae annales consulentibus certum esse putamus, opiniones a lege deuiantes et vel a peregrinis acceptas vel propria ingenii luxuriantis audacia et *καυνοφιλία* excogitatas, post captiuitatem demum Babylonicam inualuisse, et humana diuinis praetulisse, sectis quoque et dogmatum diuortis dedisse occasionem, ex quo nempe vaticinia defierunt, et lux coelestis qua haecenus per vates diuinos collustratus fuit, deferere populum ingratum coepit. Tum enim et traditionis oralis praetextu nugae doctorum difficiles et inutiles introductae, et domesticis placitis gentiles quoque errores et consuetudines peregrinae admixtae sunt. Id quod ab eo potissimum tempore accidit, quo post Alexandri M. mortem et diuisum inter amicos eius imperium, cum hi acceptorum regnorum fines bellis dilatarent magnis et cruentis, Iudaica quoque gens, quae *IVSTINO* teste, haecenus cauerat, ne cum peregrinis commisceretur, hancque auersionem a conuersatione cum gentilibus in disciplinam religionemque conuerterat, propius cum victoribus consuescere coacta est. Cumprimis id factum esse, cum Aegypti rex Ptolomaeus Lagi, et Syriae rex Seleucus Nicanor gentem hanc bello premerent vehementi et graui, libertatique eius insidias struerent, iugum quoque haud semel collo eius imponent, annales Iudaeorum conqueruntur^b. Tum enim vt plerumque fieri solet, euenit, vt victores victos in consuetudines, opinionesque suas transire manumque dare peregrinis ceremoniis cogerent, saltem attemperandi domestica ad victorum placita occasionem exhiberent. Cuius testimonium auctor primi Maccabaeorum libri^g affert, narrans, iussisse Antiochum Epiphanem, abrogatis omnibus legis diuinae ceremoniis cultuque domestico, *ἀλλ' ἅλα πάντα τὰ δικαιώματα*, qua voce totam cultus et diuinioris doctrinae, cui ille innititur, rationem intelligi eiusque ad gentilis theologiae modum emendationem praecipi, res ipsa docet^k. Qua in re licet et manu et sanguine resisterent haud pauci, et mutatio legis sanctae genti in se pertinaci, at diuinis praeceptis religione vinctae persuaderi non posset, inuenti tamen sunt quidam, qui ad aucupandam victoris gratiam patrios ritus, opiniones et traditiones ita gentilibus attemperauerunt placitis, vt non potuerit non inde magna exoriri corruptio. Quod cum in Aegypto dudum iam obtinuisset, illius autem regionis imperantes Iudaeum quoque populum in Iudaea subegissent, factum inde est, vt Aegypti placita et mores, quos Iudaei ibi habitantes induerant, contribulibus quoque eorum Palaestinam inhabitantibus se commendarent, maxime vero arcana illa diuina tractandi docendique methodus sensim quoque inualesceret.

^g) I. XXXVI. c. 2.

^b) Legenda Maccabaeorum historia et Iosephus antiq. Iudaic. L. XII. seqq.

ⁱ) c. I. 49.

^k) Conf. Ioseph. l. c. c. 7. p. 409.

sceret. Displicuit non sine graui causa res ista senioribus populi, qui patriae legi atque institutis ita derogari, et euersionem minari istam contaminationem doctrinae domesticae pulchre peruidebant: his accessit innatum genti erga peregrinos quosuis odium, et introducta atque in religionem versa separatio ab omnibus fere populis, ambitio quoque stulta, qua suam sapientiam adeo omnis terrarum orbis eruditioni praetulit, ut non dubitauerit ¹ eam *spicilegium et velut angulum in agro relictum a Iudaeorum sapientibus* appellare ². Ut igitur gliscenti malo, quod genuisse Aegyptiacas synagogas querebantur, obicem ponerent, eo tempore, quo Aristobulus et Hyrcanus inter se de regno disceptabant, sanxere, *מלך בן חכמה יונת* *maledictus es, quisquis filium suum sapientiam Graecanicam edocet* ³. Occasionem legis huius ita narrant Iudaei ⁴: Cum bellaret inter se familia Asmonaea, Hyrcanus erat intra Hierosolymas obsessus, atque Aristobulus, erat extra. Obsessi indies in arcula fune demissa nummos dimiserunt, atque ii qui extra erant, sacrificia quotidiana inde coëmerunt, quae sursum ab iis intus sunt retracta. Erat inter obsidentes quidam, doctrina Graeca instructus, qui dixit: quamdiu illi liturgiam templi sic praestant, in manus vestras non tradentur. Postero ergo die isti nummos dimiserunt, atque hi porcum iis remiserunt. Cum a porco iam sursum tracto peruentum esset ad medium muri, ungulas muro infixit, et quassata est terra Israëlitica. Eo tempore dixerunt: *maledictus sit, qui alit porcos, maledictus sit, qui filium suum docet sapientiam Graecanicam*. Fabulam autem esse, vel ex solo narratiunculae ineptae et nugacis argumento constare potest, nec filuisset, qui hanc obsidionem fuisse narrat IOSEPHVS⁵ rem memorabilem, si ita contigisset. Vnde coniicimus, eam ad ignominiam parti alteri inurendam tanquam scomma aliquod Iudaeis inuisum, excogitatam fuisse, ut hodie quoque fieri solet, ubi Iudaei porcorum opprobrio vexantur. Aliud etiam loquuntur ipsae Iudaeorum narrationes, quae iam inualuisse sub Hyrcano eiusque filio Iannaëo Alexandro doctrinam Graecam, et philosophiam illam arcanam ex gentilibus fontibus hauritam tradunt. Dabimus lectori narrationem R. IEHVDAE LEVI, libri *Cofri* auctoris ⁶, eo quod rem admodum notabilem exponat, pauloque luculentius metaphysicae arcanae in Iudaea origines referat. Ita vero ille: „Post hunc inter Iudaeos eminuerunt Iehuda ben Tabbai, et Simeon „ben

1) Multa hic doctissime cumulauit B. ZELTNERVS in diss. I. de erudit. feminis ex gente Hebraea §. 16. p. 23. seqq. qui cum his conferri meretur.

2) Conf. Aët. philos. Vol. I. p. 614.

3) Passim in Gemara Babylonica haec formula occurrit, in Menachoth f. 64. Bava Kamia f. 82. Sota f. 69. conf. WAGENSEIL. ad Sotae l. c. Otium Vindel. Melet. I. §. 4. not. l. p. 16.

4) Ex marg. add. libri Menachoth l. c. adducunt narratiunculam WAGENSEIL. l. c. p. 967. LIGHTFOOT. Hor. Hebr. ad Matth. VIII. 30. T. II. opp. p. 308. SCHVDT. memorab. Iudaic. L. VI. c. 15. §. 5. p. 260.

5) L. XIV. c. 8. p. 473.

6) P. III. p. 240. locum hunc quoque refert R. MARDOCHAI de Karaeis c. 3. p. 26. edit. Wolf.

„ben Schetach, eorumque collegae. Horum temporibus incepit secta
 „Karaeorum, propter quidpiam quod contigit inter sapientes et Iannaem
 „regem, qui fuit e sacerdotibus (Hasmonaeorum,) et matrem habuit su-
 „spectam, quasi ex illegitimo coniugio nata esset ⁹. Hoc ei quidam e
 „sapientibus tacite exprobrans, dixit ad eum: Iammai rex sufficiat tibi co-
 „rona regni, relinque coronam sacerdotii femini Aharonis. Vnde con-
 „suluerunt ipsi focii et collegae eius, malis afficere sapientes, eos
 „perdere et in exilium relegare, et occidere. Quibus ille: quum sapi-
 „entes perdiderimus, a quo discemus legem? illi regefferunt: ecce ha-
 „betur lex scripta, qui vult, veniat et discat, neque est, quod sollicitus
 „sis de lege orali. Itaque assensit, et morem gessit verbis ipsorum in exi-
 „lium relegando sapientes, inter quos etiam fuit Simeon filius Schetach,
 „qui fuit eius gener. Sic Rabbiorum dignitas destructa fuit ad tempus
 „aliquod, laboraruntque conseruare legem suo ingenio et suis ratiocina-
 „tionibus, sed non potuerunt, donec ex Alexandria reuocatus fuit Si-
 „meon ben Schetach, et eius discipuli, et cum eo Cabbala seu traditio
 „oralis pristinum suum vigorem recuperauit.“ Eadem alii quoque Iudaei
 Rabbinitae, quos nominat B V X T O R F I V S ^r, et ex Karaeis R. M A R-
 D O C H A I ^s narrarunt: adduntque dicti doctores Iudaici; dedisse hoc
 occasionem Karaeorum sectae, quod posterius tamen verisimile non esse
 ex dicendis constabit, eo quod isto tempore sectae Phariseorum et Sad-
 ducaeorum iam floruerint, quibus Karaeorum secta fuit opposita. Vnde
 hoc recte colligitur, hanc traditionem siue legem oralem, quam ex
 Aegypto redux restituit Simeon ben Schetach, non fuisse eam, quae in
 secta Phariseorum floruit, illam enim seruauerant Pharisei; sed istam,
 quae in Aegypto inter Iudaeos culta philosophiam Alexandrinam cum
 allegorica legis explicatione coniunxit, et peculiari Cabbalae nomine in-
 notuit, quam in Iudaea Simeonis illius studio restitutam fuisse, clare satis
 innuitur. Hoc vero admisso sequitur, iam ante illa tempora aliquam ar-
 canae huius traditionis notitiam fuisse in Palaestina, nec alia ratio est, cur
 literali expositione legis non contenti qui regis partes sequebantur, ex-
 pulsus traditionis et Cabbalae fautoribus, ex ingenio et ratiocinationibus
 suis hoc philosophiae genus imitati fuerint, quo opus illis non fuisset, si
 de solis doctorum traditionibus, quales Scripturarii et Sadducaei reicie-
 bant, hoc effet intelligendum. Neque his obstat, quod supra narraui-
 mus; interdictum fuisse Iudaeis, quo minus filios suos in philosophia
 Graecanica erudirent: vt enim taceamus, multo magis hoc interdictum pro-

⁹) Ex loco Mardochai adducto et rationibus
 a TRIGLANDIO diss. de Karaeis p. 85. allatis
 pater, matrem Iannaei non illegitimorum nata-
 lium, sed vitii in captiuitate oblato arguisse sa-
 pientes. Ita etiam Ios. GORIONID. L. IV. c. 6.
 P. 272.

^r) Ad l. c.

^r) l. c. qui locum quoque R. Caleb ben Eliah
 Karaei assert valde notabilem, licet proprie ad
 Karaeorum origines pertineat. Ex Christianis
 praeter Triglandium et Wollsum II. cc. rem hanc
 tetigerunt BASNAGIUS Hist. des Juifs L. II.
 c. 16. § 3 p. 410. REIMMANN. Hist. theol. Iud.
 L. I. c. 16. §. 14. p. 467.

probare, quod Graecanica philosophia, inter Iudaeos recipi coeperit, cum vetandi alias eandem rem nulla fuisset causa vel occasio; illud non omittendum, non tantum a pristina huius statuti origine exempla reperiri haud pauca, Iudaeis non inficiantibus plane contraria, sed ex quorundam etiam opinione primum istud decretum promulgatum quidem, at non aequae ab omnibus receptum; ex aliorum vero sententia, non tantam detestationem fuisse adiectam, postea vero absolute prohibita fuisse Graecanica studia in bello Titi Vespasiani decreto facto *. Ab his itaque temporibus praeter traditiones Rabbaniticas, in Pharisaeorum secta diligenter excultas, arcanam quoque istam et sublimiorem traditionem, quae philosophiam Aegyptiacam Hebraicae admiscuit, quamque Cabbalam dixere, floruisse, dubitandum haud est; Karaei autem ut certiora originis suae ex ipsis Rabbanitarum scriptis testimonia^a haberent, ad traditiones illorum haec retulisse videntur. Alexandriae enim ubi Simeon ille hanc traditionem excoluisse dicitur, longe alia eius facies fuit, quam in schola Hillelis vel Pharisaeorum aliorum. Verisimile tamen est, seruauisse haec sibi mysteria, quae latissime inter Iudaeos Aegypti incolas florebant, excitatiora quaedam in Palaestina ingenia, et plerosque patriis traditionibus circa ritus et ceremonias legis versantes occupatos ad sublimiorem illam philosophiam non attendisse, sane haec verisimilis causa videtur fuisse, cur de hac re fileant plerique Iudaeorum magistri, tantopere Rabbaniticis ineptiis addicti, ut haec mysteria plane neglexerint, donec Sec. II restitutum est eorum studium, ut postea narrabimus. Fecit etiam commune tum metaphysicae huic arcae, tum ritualibus praeceptis nomen traditionis incertam prioris historiam, et dubium quoque non est, odium Graecorum coegisse Iudaeos, ut quaecunque a gentilibus acceperint, se habere negarent, ut domesticam suam sapientiam extollerent: multos etiam illud odium retraxisse, quo minus eruditioni et philosophiae Graecae operam darent. Quo tamen non obstante, illam non plane exulasse ex Iudaea exemplis constat indubitatis. Non prouocabimus iam ad R. Iochananis praeceptum^a, qui *licitum esse homini cuius, filiam suam* (multo magis filium, cum Iudaei feminas a literis arcere soliti fuerint) *in Graecis instituere, quia id ornamentum ei sit*, docuisse dicitur, facile enim largimur B. ZELTNERO^x, hanc concessionem a priuato factam inter priuatas quoque et a tota gente nunquam rati habitas esse reponendam; solius Iosephi exemplum contrarium docet, quem Graecam philosophiam accurate fuisse edoctum in sequentibus dicemus. Possimus etiam cum THEOD. BEZA^y et IO. DRVSI^z huc aduocare חכמי מהקר *sapientes inquisitores*, eo quod studium physicum illos excoluisse tempore templi secundi stantis viris doctis visum est, qui huc etiam τῆς συζητητῆος

V V V 2

τῆ

* Conf. quae ex Iudaeorum scriptis attulere diligentissimi viri B. ZELTNERVS l. c. et IO. LIGHTFOOTVS opp. T. II. p. 706.

^a) Quod refert R. Abhu in Sota f. 14.

^x) l. c. p. 25.

^y) Ad Io. IX. 2.

^z) Ad Ex. XLVI.

τῷ αἰῶνος τέτς D. PAVLO^a memoratos pertinere, et illos designare putant, id quod etiam GVNDLINGIVS^b ratum habuit. At illi, incertum est, an Graecanicis principiis innixi de rebus mundanis differuerint, vox συζητητής autem a D. Paulo adhibita, disputatorem magis, (cuiuscunque demum generis disputationes tunc synagoga Iudaica fouerit) quam physicum innuit^c, nec contemnenda prorsus est CAMERONIS sententia, qui hoc loco theologos Iudaeorum, qui mystice et allegorice id est Cabbalistice scripturas interpretabantur intelligi coniicit^d; eiusmodi enim Cabbalisticos doctores, inter Iudaeos tum viguisse ex dicendis constabit, eosque disquisiuisse de rerum omnium et seculi quoque huius origine et emanatione ex Deo, ex Cabbalisticae philosophiae delineatione erit manifestum; conuenit etiam haec explicatio cum loco IESAIAE^e, ad quem respexit apostolus, miraque elegantia in eo Cabbalistae dicuntur recensitores turrium, ob metaphysicas nugas alta spirantes, et sublimius reliquis philosophari vifas; quam phrasin mysticam et Cabbalisticam esse recte vidit doctissimus VITRINGA^f, quamuis assensum non mereatur, dum *studium legis et traditionum Talmudicarum indicari* putat, *quo quis se a terrestribus et mundanis omnibus separet ita, ut in τοῖς ἐπερὰν τοῖς versari videatur*. Hoc enim non studio Talmudico vel traditionum, in rebus paruis et quisquiliis versanti tribui potest, recte vero sublimi illi philosophiae Cabbalisticae, μετέωρα sectanti tribuitur. Verum haec ὡς ἐν παρόδῳ. Tandem neque hoc fine animaduersione dimittendum est, quod in *Gemara Hierosolymitana*^g dicitur, docuisse R. Iehudam, non permisisse doctores alia conditione Graecam linguam discere, quam ad solam legis interpretationem. Quamuis enim Graeca lingua ante et post templi euersionem, per totum Romanum imperium obtinente, ea se non carere posse in legis interpretatione fasli sint^h, falsum tamen est, ad hunc solum usum Iudaeos Graecam linguam didicisse. Solius enim Iosephi exemplum luculentum contra hanc traditionem offert testimonium, quippe qui non tantum Graecam philosophiam et historiam didicit, sed et Graece annales gentis suae conscripsit, suoque ostendit exemplo, circa ea, quibus vixit, tempora, non obstante Synagogae interdicto Graecam eruditionem et philosophiam in Iudaea viguisse.

Iosephus.

§. XVII. IOSEPHI dum meminimus, non omittenda est viri huius in hac nostra tractatione memoria, eo quod cum patriae tum Graecae eruditionis fuit peritissimus, interque eos referendus, qui Graecae philosophiae studium cum legis interpretatione coniunxitⁱ, ex quo factum,

vt

^a) I. Cor. I. 20.

^b) Hist. phil. mor. c. IV. p. 32.

^c) Conf. quae attulit B. WOLFIVS Cur. philol. ad h. l. T. II. p. 310.

^d) Conf. HORNIVS Hist. phil. L. IV. c. 2. p. 228. et qui prolixè idem probat N. FULLER. Misc. SS. L. III. c. 7. p. m. 358.

^e) c. XXXIII. 18.

^f) Ad h. l.

^g) Tr. Megillah c. I. f. 9. vnde repetit MORNIVS Exerc. Bibl. L. I. p. 150.

^h) Gem. Hier. tr. Midrasch Tillim f. 25. col. 3. ex quo repetit LIGHTFOOT Chron. temp. T. II. opp. p. 110.

ⁱ) Opp. p. 998. seq.

vt cum patria instituta cum Graecanicis comparasset, de philosophia Iudaica inepta multis obtruserit praeiudicia, quae heic quoque loci detegere, e re nostra est. Vitae suae historiam ipse prolixè descripsit, cuius brevem hic damus σύνοψιν. Natus est ^k patre Matthatia vel Matthia, genere sacerdotali et regio Asmonaeorum Hierosolymis anno primo Caii Caligulae Caesaris, qui fuit A. C. XXXVII. Puer cum fratre Matthia eruditioni gentis discendae admotus ita profecit in legis studio, vt XIV annos natus a sacerdotibus et primariis vrbis viris in publicis conuentibus quaerendo de lege exerceretur, et examine publico tentaretur. Cum autem insatiabili eruditionis patriae flagraret desiderio, sectarum Iudaicarum explorandarum cupido eum incessit; cumque illo tempore Banuni eremita austero viuendi genere magnam sapientiae sublimioris famam esset indeptus, ei se addixit, et per triennium seueram illam viuendi rationem imitatus est. Ex eremo Hierosolymam redux vitam ciuilem et simul Pharisaeorum haeresin amplexus est, quam cum rationibus suis maxime conspirare credebat, quaeque ob doctrinam ei maxime placebat, scilicet quod vitae instituto ad Stoicos accedere iudicaret, et seueriorem disciplinam sectaretur, patriarum vero legum et rituum esset tenacissima ^l. Annos natus XXVI, Romam profectus per mimum quendam Iudaeum Neroni carum gratiam Poppeae consecutus est, et amicis quibusdam conterraneis suis libertatem impetrauit. Reuersus domum adeo seditione, tumultu, belloque repleta inuenit omnia, vt iniurias a procuratorum Romanorum licentia passos ciues, frustra a vindictae studio dehortaretur, eisque, pacem vt cum Romanis colerent, nisi maturare sibi exitium vellent, sine laeto suaderet euentu. Missus postea XXX anno aetatis in Galilaeam, vt in tantis, quae terram illam occupauerant, rerum turbis et tumultibus saluti publicae, quantum posset, prospiceret, et aemulorum inuidiam vitaret, et potestate ea moderate ac prudenter vsus est, eaque prudentia ex insidiis et periculis euasit plurimis. Tandem in bello Vespasiani, cum Iotapatam tueretur, occupata arce, quamuis per aliquot dies delituisse, protractus viuus in victoris manus traditus est. Quo loco positus cum magno ciuilis prudentiae praesagio ^m Vespasiano filioque Tito imperium praedixisset, in vinculis vsque ad euentum vaticinii detentus, cumque illud exitus comprobasset, a Vespasiano solutus catenisque securi confractis ⁿ libertati restitutus est. Ita sibi Musisque suis redditus in Aegyptum secessit, et Alexandriae vixit, quo loco Graecam et Aegyptiacam eum philosophiam, qualis inter contribules suos vigebat, didicisse, dubium non est. Ex Alexandria ad Titum profectus in obsidione Hierosolymarum ei adfuit, et quae ibi gerebantur diligenter annotauit, Graeceque

V v v v 3

postea

k) Flauii praenomen a Fl. Vespasiano missionis beneficio accepit, qui eum ciuitate quoque Romana donauit.

l) l. c. p. 1023.

m) Vid. GOTTFR. OLEARIJ diss. de vaticinio Iosephi, Lips. 1699.

n) Velut iniuste detentus vinculusque fuisset.

postea in annales retulit, cum eam linguam quam nondum accurate tenuerat, didicisset. Quam elegantius doctus ad condendam gentis suae historiam animum appulit, et scripta sua Romae confecit, constanti imperatorum Vespasiani, Titi et Domitiani fauore usus, nequicquam obstantibus eiusque fortunam euertere satagentibus obrectatoribus. Vixisse ultra tertium decimum Domitiani annum ex eo patet, quod post antiquitates Iudaicas eo anno finitas adhuc contra Apionem scripsit, quo anno tamen obierit, incertum. De librorum eius historicorum argumento, scopo, fide, et quae alia sunt, quae huc pertinent, differendi locus hic non est; adeundique viri doctissimi, qui plenis manibus notitiam exhibent eorum, Io. GER. VOSSIUS^o et Io. ALB. FABRICIUS^p. Fuisse virum non Hebraice tantum sed et Graece doctissimum, et scripta eius loquuntur, et ipse fatetur, narrans: se praeter patriam disciplinam, Graecae quoque eruditioni dedisse operam, licet mos gentis suae sit, peregrina contemnere. Cuius rei vestigia in libris eius ubique fere deprehendas, in quibus praeter magnam gentis suae rerum notitiam, lectionem Graecorum scriptorum prodidit magnam atque elegantem, et Graecanicae quoque philosophiae notitiam haud proletariam ostendit. Quod licet laudandum sit in viro eleganter docto et praeter eruditionis copiam a iudicii acumine et veritatis studio suo modo commendando, fecit tamen innatum Iudaicae genti praeiudicium et ex ambitione enata persuasio, omnem eruditionem et sapientiam a Iudaeis ad omnis terrae nationes defluxisse, eosque sapientiae praestantia omnes superare populos, (cuius ineptae opinionis vestigia passim in *apologia contra Apionem* reliquit) ut magnis erroribus scripta sua inquinaret. Hoc enim praeiudicio impeditus vir eruditus, cum Graecam eruditionem per totum Romanum imperium obtinere, et pro sapientiae pulcherrimae fonte haberi cerneret, in id incubuit, ut quaecunque posset, quae apud Graecos commendabantur, ad Hebraeos referret, et non patria tantum instituta, mores atque disciplinam cum Graecis componeret, sed origines quoque veteris eruditionis Graecae gentis suae maioribus magna fiducia tribueret, qua ratione philosophicae historiae fontes vehementer turbavit, et veteres quoque Christianos doctores seduxit, ut et ipsi sapientiae et eruditionis veteris origines inter Graecos ipsamque eorum philosophiam ad Hebraeorum sapientes referrent. Quod praeiudicium cum saepius iugulauerimus, et in sequentibus quoque confodiemus, plura ea de re addere opus non est. Hoc autem monere huius loci est, peperisse hoc Iosephi studium, Graecam philosophiam cum disciplina Iudaica comparandi, eam opinionem, quae nobis sectas Graecanicas inter Iudaeorum haereses propinat, quam falsam esse, infra demonstrabimus.

§. XVIII.

^o) De hist. Graec. L. II. c. 8. p. 193.^p) Bibl. Graec. Vol. III. p. 293.^q) Antiqq. Iud. L. XX. c. 9. p. 702.

§. XVIII. Ex narratis haecenus progressus philosophiae arcae inter Iudaeos tum in Aegypto tum in Palaestina fatis patet, et de originibus quoque eius illud constat, ante Ptolomaeorum primorum tempora eas non esse ponendas. Qua in re magnum quidem a Iudaeis opinionis diuortium faciendum est, sed non immerito. Illi enim Cabbalisticae huius philosophiae ortum ad ipsum gentis parentem Abrahamum referunt, librosque Cabbalisticos vetustissimos, Iezirah, Sohar et Bahir, ad tam venerabiles origines referre, qua sunt impudentia, non erubescunt. Et librum quidem Iezirah Abrahamo parenti eos tribuere ex libro Cosri, aliisque magistrorum Iudaeorum scriptis patet: cuius tamen arrogantis et ineptae opinionis puduit alios ex hac ipsa gente paulo cordatiores et melioris frontis, ut vel plane Abrahami esse foetum negarent, aut duos sibi libros Iezirah fingerent, quorum vnum ad Abrahamum, alterum ad R. Akibham, quem hodie legimus, referrent. Quod tamen aequale falsum est, nec vlla ratione potest demonstrari. Quamuis autem tantae aetatis hunc librum non esse, vel caecus palpet, ut ad Abrahamum referri queat, non tamen eorum probanda est sententia, qui ad medium aeuum reiciunt: ante Talmudis enim compilationem eum iam inter Iudaeos lectum esse, ipsius libri Sanhedrin¹ testimonio confirmatur, ubi dicitur: R. Chaninam et R. Hoschaïam pridie sabbathi solitos fuisse in libro Iezirah legere. Quod si R. GEDALIAE² testimonio standum, cuius fidem plerique sequuntur, auctorem is habuit R. Akibham, quem sub Tito Vespasiano usque ad Hadrianum vixisse, et tandem A. C. CXX misere periisse constat, et infra quoque probabitur. Nos nihil quidem in tanto veterum silentio definimus, illud tamen certum esse putamus, librum hunc valde antiquum esse, et mature ante Talmudis compilationes confectum, eam nobis philosophiam methodo allegorica et mystica referre, quae in Aegypto ex Pythagorico-Platoniorum scholis enata inter Iudaeos inualuit, et post templi euerfionem velut singulare gentis mysterium arcana seruata est. Argumentum enim Pythagoricum esse, recte iudicauit PETRVS LAMBECIUS³, literis enim et numeris philosophatur, quamuis dogmata in eo comprehensa non puram Pythagorae doctrinam referant, sed talem, quae a philosophia orientali admixta adulterata fuit. De libri Sohar aetate aequale incerta est opinio. Et valde quidem antiquum esse, non inepte inde colligitur, quod in eo nulla Talmudis fit mentio; ipsi tamen Iudaei paulo verecundiores non audent supra Simeonis Ben Iochai, qui discipulus fuit Akibhae, tempora attollere, qua de re Iudaeorum historici legendi sunt, qui discipulos Simeonis illum continuasse et auxisse ex praelectionibus praeceptoris dicunt, immo insignem postea temporis interpolationem passum esse librum istum fatentur. Quae sententia magnis quoque viris inter Christianos, et Iudaicarum

¹) c. 24. p. 301.

²) c. VII. §. 9.

³) Schalscheleth Hakkabbala p. 28.

⁴) Prodrum. hist. lit. p. 85.

rum rerum peritissimis placuit: cum e contrario Io. MORINVS, LVD. CAPPELLVS alique, qui horum partes sequuntur, et IACOBVS quoque BASNAGIVS * librum suppositum et post seculum demum a N. C. X. effectum contendunt, qua de re infra Simeonis Iochaidis historiam enarraturi pluribus ex instituto dicemus, et quid nobis videatur vero simile explicabimus. Magis vero suspectam esse libri Bahir aetatem, cuius auctorem R. Nechoniam Ben Kana faciunt, qui Hillelis et Schammai atque Ionathanis Ben Vsiel tempore Herode regnante vixit, infra quoque disputabimus. Hoc vero loco id vnum monemus, quamuis libros hos in philosophia Cabbalistica summae dignitatis et auctoritatis eandem, quae iis tribuitur, aetatem non ferre concedendum sit, dubium tamen non esse, prima eorum rudimenta et quasi stamina a temporibus, quae excidium Hierosolymitanum antecesserunt esse deriuanda, ex quibus discipuli et successores deinde additis multis more Iudaico eiusmodi libros procuderunt: id quod infra suo loco latius probabitur.

Origines sectarum Iudaicarum.

§.XIX. Sed vt ad domesticam philosophiam quae in Iudaea vixit, reuertamur, ea potissimum in sectis illis quaerenda est, quae circa nati Saluatoris tempora Iudaeos in partes pertraxerunt: quarum historia licet ab illis quoque tradatur, qui ciuitatis Christianae condunt historiam, huc tamen proprie pertinet, eo quod domesticam nobis doctrinam exhibeat, quam philosophiae loco habendam esse, ipsi Iudaei voluerunt, qui Graecanicis studiis fuerunt addicti. Origines autem harum sectarum impeditae sunt et obscurae, et coniecturis magis virorum eruditorum definitae, quam certo fundamento demonstratae. Recitabimus nos magnorum virorum coniecturas, et quod nobis videatur verisimile modeste indicabimus, lectoris arbitrio iudicium de tota re relinquentes. Ita vero rem ornauit, multaque eruditione exposuit IOSEPHVS SCALIGER^z, post IO. DRVSIVM^a primus de vera origine sectarum Iudaicarum sollicitus, velitationibusque NICOLAI SERARII^b prouocatus, quem doctissimi postea viri^c certatim secuti sunt. Restituto diuino iussu vatum Iudaico-

* Nominabimus infra loca virorum doctorum huc pertinentia.

y) Scriptores de sectis Iudaeorum enumerauit WOLFIVS Bibl. Hebr. P. II. p. 815. quibus magno numero addi possunt scriptores antiquitatum Iudaicarum, SIGONIVS, GOODWINVS, RELANDVS, LVNDIVS, scriptores Hist. eccles. NATALIS ALEXANDER, GVIL. CAVE, I. FR. BVDDEVS, IO. LAVR. MOSHEMIVS alique; Scriptores historiae et theologiae Iudaicae, BASNAGIVS, REIMANNVS, CARPZOVIVS, scriptores Historiae philosophicae, HORNIVS, BVDDEVS, GVNDLINGIVS, et commentatores in historiam euangelicam GROTIVS, LIGHTFOOTVS et innumeri alii. Maxime vero consulenda est Io. DRVSII, NIC. SERARII, Ios. SCALIGERI de his sectis diligentia, quorum meletemata coniunctim edidit, et adiecta diss.

de secta Karaeorum vulgavit IAC. TRIGLANDIVS in Syntagmate trium scriptorum illustrium de tribus Iudaeorum sectis, Delph. 1704. II. Vol. 4. DRVSII de Hasidaeis tractatio, Franeq. 1603. 8. et de tribus sectis Iudaeorum, ib. 1605. 8. SCALIGERI elenchus trihaeresii SERARII, ib. prima vice prodiit, qua editione nos vtimur.

z) I. c. c. 22. p. 162.

a) loc. cit.

b) In trihaeresio contra Drusium.

c) Vid. GOODWIN. Moses et Aaron L. I. c. 9. p. 167. HOTTINGER. ad h. l. LVD. CAPPELLVS defens. crit. I. S. GOTTFR. SCHVFFARTVS de secta Karaeorum c. I. §. 13. p. 52. BVDDEVS H. E. V. T. T. II. p. 1199. BVXTORF. ad Costi P. III. p. 192. HOTTINGER. thesaur. philolog. L. I. f. 4. p. 15. alique.

daicorum Zachariae, Haggaei et Malachiae concitatione principumque populi Esdrae, Nehemiae, Iosuae, et Sealthielis cura templo cultuque diuino, qui per LXX annos, quibus Babylonica captiuitas durauit, siluerat, perpurgatoque a gentium contaminatione populo magna in custodienda et seruanda lege restituta erat Iudaeorum contentio et studium, quod ita inualuit, vt non tantum, quae legis litera praecipiebat, ad cultum diuinum rite praestandum, accurate multi obseruarent, sed et praeter ea quae ex lege facere tenebantur, sua etiam sponte opera praestarent pietatis et caritatis a lege non praescripta. Cui pietati strictioris obseruantiae, si ita loqui fas est, vt certiori connecterentur vinculo, iniere quidam pii viri legis et sanctitatis studio incitati συναγωγὴν quandam, siue confraternitatem, quae peculiari instituto religioneque connexa in id coniurauit, vt non legis tantum accuratam colerent obseruantiam, sed opera alia ἐκασταζόμενοι τῶν νόμων sua sponte vltroque praeter debitum praestarent, quibus et cultus diuinus, et amor proximi, et misericordia diligentius excoleretur, quaeque ἐπιμέτρων quasi et auctarium legis essent. Eiusmodi vero opera supererogationis, vt vulgo loquuntur, erant, facta curare tecta templi maiori ex parte et in eius conseruationem atque ornatum voluntarios sumtus facere, spontaneum quoque vectigal pendere, tam ad ipsum sanctuarium, quam ad eius muros et porticus, stipem quoque largiorem in eiusmodi opera pietatis erogare: porro frequentissime templo adesse, et nunquam temere per aliud, quam per templum, iurare, item construere et ornare sepulchra prophetarum, singulis diebus, praeter octauum vel vndecimum diem mensis Tifri agnum in sacrificium offerre. Ita cum piis operibus toti sese dedissent חסידים *Hasidaei*, sancti vel pii (nostri barbaro vocabulo *Pietistas* vocant ^{d)}) appellati sunt, quo tamen nomine non secta quaedam, sed σύστημα τῶν ἰσίων, corpus quoddam deuotorumque collegium intelligendum est. Quod, cum premi legi diuinae addictos et tantum non opprimi ab Antiocho Epiphanē videret, excitatis diuino zelo Matthatiae reliquisque ex Maccabaeorum, qui Asmonaei profanis scriptoribus dicuntur, genere, viris fortissimis, qui ad vindicandam a tyrannide et persecutione gentem se accinxerant, se iunxit, et pro aris focusque strenue dimicauit, postea tamen Alcimo et Bacchidi se tradidit. Et si vero spontanei instituti rationem diu seruabant, factum tamen est postea, cum iste ἐκαστασμός in praecepta cogi et scripto mandari coepisset, et quae initio vltro praestanda oblata erant, ex praescripto seruanda necessario constituta essent, vt de operibus his supererogationis, praeceptisque huc facientibus in canones scriptos redactis multa tunc orirentur dubia, disputationes, velitationes, altercationesque quotidie succrescerent, magnoque numero eiusmodi con-

d) Ita LUTHERVS vertit II Maccab. XIV. 6. die Göttingen, probante id SCALIGERO l. c. p. 173.

conf. REIMMAN. Hist. theol. Iud. L. I. c. II. pag. 173.

constitutiones augerentur. Ex his caussis diuifus in duas partes populus duas sectas progenuit, quarum vna ftricto legis mandato verbisque inhaerebat, quae poſtea Karaitica ſecta dicta eſt, altera praeceptis iſtis *πατροπαράδοτοις* operibusque ſanctitatis et pietatis melioris et ſupererogatoriae ſtudebat, qui Haſidaeſi vocati ſunt, et ſe meliores atque ſanctiores ceteris demonſtrare ſatagebant. Ex his vero, cum ſe a communi viuendi more et ratione ſeparauiffent, Pharifaei, et qui longius et aſteriori inſtituto recedebant a communi iſta viuendi regula, Eſſeni enati ſunt: literam vero legis ſequentes in duas partes ſciſſi ſunt, cum Sadoki diſcipulus Baithoſus ſiue Boethus primus de poena peccatorum et remuneratione benefactorum poſt hanc vitam dubitaſſet. Hi enim Sadducaeorum ſectam condiderunt, illi *νομίμων*, ſiue legisperitorum nomine, quod Karaeorum poſtea appellationem peperit, inſigniti ſunt. Haec vir ſummus, magna, vt ſolebat eruditione ornauit, et, ſi eum audimus, non incertas nobis ſectarum Iudaicarum detexit origines, quas Serarius miſere turbauerat. Quas vt testimoniis firmaret veterum, ad loca quaedam ESDRAE ^c et NEHEMIAE ^f prouocat, quibus pependiſſe vectigal quosdam pios viros ad templi curam conſtat, tum ad IOSEPHI ^g testimonium, quo ſcriptor Iudaeus narrat, Alciſmum pontificem murum euertere voluiſſe ſanctorum, qui vetus et ab iſſis ſanctis prophetis aedificatus eſſet, plaga vero diuinitus immiſſa mortuum concidiſſe. Maximum vero ſententiae ſuae praefidium in Maccabaeorum quaerit hiſtoria, in cuius libro primo ^h narratur, inſurgente in Antiochi ſaenitiam Matthatia congregaſſe ſe ad eum et ſequaces, *συναγωγὴν Ἀσιδαίων ἰχυρὲς δυνάμει ἀπὸ Ἰσραὴλ, πᾶν ἐκβιαζόμενον τῷ νόμῳ* *Aſidaeorum collegium, viros fortes et valentes in Iſraël, et quicumque ſpontaneo cultu legi eſſent addiſti.* Quod Haſidaeorum nomen et alibi in hac Maccabaeorum occurrit hiſtoria ⁱ. Nec loca quoque deſunt viro ſummo in euangelistarum ſcriptis ^k, quibus alludi ad hanc ſpontaneam et ſuperabundantem Haſidaeorum legis obſeruantiam et pietatem coniicit. Licet vero haec docte admodum et ſubtiliter, et, vt ſolebat, magna rei fiducia fretus diſputauerit Scaliger, et negari etiam nequeat, eleganter nec ſine veriſimilitudine ita rem omnem exponi magnisque liberari diſcultatibus ſectarum Iudaicarum hiſtoriam, rationes tamen magni viri infirmae viſae ſunt viris aliis doctiſſimis ^l, idque probare non valentes, quod tamen demonſtrare Scaliger inſtituit. Inter hos maxime eruditiffimus BASNAGIUS ^m obiicit, corruptiſſe Scaligerum Iosephi testimonium; illum enim murum hunc non a ſanctulis illis Iudaeorum, ſed a ſanctis prophetis excitatum dicere, et coacte valde trahi caedem ſexaginta

c) c. V. 2.

f) c. X. 32.

g) Antiq. L. XII. c. 17. p. 424.

h) c. VII. 13.

i) II Maccab. XIV. 6.

k) MATTH. XXIII. 16. 29. LUC. XVII. 10. Rom. V. 6. 7.

l) Vid. LEYDEKKER. de republ. Hebr. T. II. L. VIII. c. 5. p. 610.

m) Hiſt. Iud. L. II. c. 20. p. 523.

ta sacerdotum piorum ab Alcimo perpetrata ad eiusmodi confraternitatem. Ignorare eam Iudaeorum historiam omnem, maleque huc adduci Maccabaeorum historiam, quae non de eiusmodi societate ecclesiastica, sed de factione quadam politica initio quidem Matthatiae partes sequente, sed postea imprudenter se Alcimi Bacchidisque partibus addicente intelligi debeat; nec verisimile esse, tacituros fuisse scriptores rerum Iudaicarum eiusmodi societatem, si tam diu inter Iudaeos floruisset: loca vero foederis noui coacte valde et praeter rem, ut cuius apertum, huc trahi. Fatemur nos, multum ingenii et eruditionis habere coniecturam Scaligeri, aut ficulneis inniti rationibus, nec, ut debet, probari collegii huius pii existentiam. Loca enim in Maccabaeorum historia, quibus tota hypothesis innitur, factionem nobis describere bellicam, coecus sit, qui non ex prima inspectione intelligit. Certiora itaque ab incertis, et verisimilia, ab iis, quae se nulla probabilitate commendant, separanda sunt. Hoc vnum enim certum esse putamus, mature post vatum diuinorum excessum ex hac vita, cum prophetiae donum inter Iudaeos defuisset, extitisse homines, qui legis litera non contenti, varias sibi patrum traditiones finxerint, quibus lex ad opera varia cultum maxime externum Dei, et vitam a vulgi moribus separatam spectantia noua interpretatione tracta, nouum quoque doctrinae genus pro orali quadam lege venditum pepererit: alios vero innouationibus his reiectis soli legi et ἀγιογράφοις instituisse. Quibus cum peculiaria quaedam dogmata accederent, tandem notissimae illae Sadducaeorum, Karaitarum, Phariseorum et Essenorum sectae exortae sunt, quorum historia et placita iam porro nobis enarranda sunt. Minores enim Iudaeorum sectae ad nostrum institutum non pertinent *.

§. XX. Sectae Sadducaeorum primae origines incertae nec satis exploratae sunt^o. Io. LIGHTFOOTVS^p ad Efdrae tempora eas reiecit, quibus fuisse homines, qui resurrectionem et iudicium oecumenicum negarent ex MALACHIA^q notum est. Ad hos, Sadducaeismum ante natum Antigoni Sochaeum Zadocki magistrum, professos refert Iudaeorum traditionem^r: *ad coronidem omnium orationum olim Iudaeos in templo dixisse ער עולם in seculum: cum vero irrumperent haeretici, dicerentque, non esse seculum nisi vnum, institutum esse, ut diceretur, מועד ער עולם a seculo in seculum, id est, ut glossa interpretatur: ad innuendum, duplicem esse mundum, ad extirpandam e corde opinionem negantium resurrectionem mortuorum.* Quo testimonio adductus,

X x x x 2
ad

* Tales fuere Herodiani, legis periti, scribae, in antiqq. Iudaicis enarrandi. EPIPHANIVS T. I. p. 51. septem nobis sectas exsculpsit, quem sequitur Hegesippus apud EVSEB. H. E. L. IV. c. 22. conf. VALESIVS ad h. l. Ven. DEYLING. Obs. SS L III. p. 453. conf. RELAND. Antiqq. S. L. II. c. 9. §. 17. p. 253. seqq.

^o) Scriptores de Sadducaeis exhibet WOLF.

Bibl. Hebr. P. II. p. 817. Egit de iis quoque P. BAYLE Dict. crit. T. IV. p. 114. licet ceteras sectas omiserit.

^p) Hor. Hebr. ad Matth. III. 7. opp. T. II. pag. 273.

^q) c. III. 14. 15.

^r) Tr. Berachoth f. 54.

ad prophetarum tempora huius haerefeos initia referenda putat, exortamque eam conicit ex male intellectis verbis EZECHIELIS^{s)} Vatis; „quae secundum literam intelligentes quidam et simul nullam resurrectionem videntes, nullam exinde futuram somniauerint: creuisse vero hoc dogma atque in sectam superbiisse, cum tandem ex cathedra per Antigonum Synedrii praesidem de eo ita determinatum fuisse, fucato praetextu pariter et audaci assererent discipuli eius Zadock et Baithus,„ Vidit tamen vir doctissimus, infirmo hanc coniecturam niti fundamento, vnde eam deferuit, et ortam fuisse eam sectam non nisi pluribus annis post Zadocki obitum statuit^{t)}. Manifestum vero est, ex sola resurrectionis negatione ad origines sectae huius non posse concludi, cum non tantum impietas haec fere vniuersalis omniumque locorum esse queat, sed in eo quoque clarissime a Sadducaeorum doctrina discrepet, quod hi praemia tamen et poenas in hac vita admittebant, quas impios illos negasse ex Malachia apertum est. Iudaeorum vero commenta, quae eiusmodi atheos (inter quos et Aristotelem, a Simeone Iusto tamen circa illa tempora conuersum et profelytum iustitiae factum^{u)} numerant:) iam tum haeresin formasse dicunt, fide destituuntur. Nos tutius esse putamus, occasiones sectae ab ipsa origine distinguere, et dogmata accessoria a primariis separare. Quibus obseruatis, omnino verisimile est, fuisse ab Esdrae temporibus, vt supra dictum, inter Iudaeos homines, qui cum noua legis auctaria per traditiones doctorum enata improbarent, solam sibi legis literam seruandam constituerent, hacque opinione ducti, licentius forte, quam par erat, de futura quoque spe disputarent; nec inanis prorsus suspicio est, impura Alexandinorum Iudaeorum dogmata, quae sensim in Palaestinam quoque irrepebant, occasionem quandam disputandi de eiusmodi quaestionibus exhibuisse^{v)}: quibus cum accederent nouae de magistri effato sententiae Sadocki et Baithosi tandem secta Sadducaeorum enata est. Rem ita Hebraeorum doctores enarrant^{x)}: vixit A.M. ccclocccLX, tribus ante natum Christum seculis^{y)} Antigonus Sochaeus, Soco, oppido in Iudaeae limitibus sito, oriundus^{z)}, homo doctus et legis peritus^{z)}; is cum inanes plerorumque persuasiones de merito operum supererogatorio, et cultu Deo ex ingenio praestito indigna-

s) c. XXXVII.

t) Hor. Hebr. ad Ag. XXIII. 8. opp. T. II.

u) Schalscheleth Hakkabbala p. 83. conf. Wolf. Bibl. Hebr. P. II. p. 865.

v) Conf. BVDDEVS Hist. eccles. V. T. T. II. p. 1206.

x) Loca eorum indicauere LIGHTFOOT. I. c. et WOLFIVS I. c. p. 814. seqq. DRVSVS de festis L. III. c. 3. p. m. 125. CΑΡΕΖΟV. introd. in theol. Iudaic. c. III. §. 14.

y) Conf. Wolf. I. c. p. 813. vixit cum Antigono R. Eliezer.

z) Conf. RELAND. Palaest. L. III. p. 1018.

a) Fuisse hunc Antigonum Simeonis Iusti successorem Iudaei tradunt: id vero vel de successione sacerdotii vel praesidii in Synedrio vel traditionis oralis intelligi potest. Plerique de secundi generis successione intelligunt, vid. BAYLE I. c. not. A. p. 112. Ex Capitulis patrum vero c. I. n. 3. patet, de tertii generis successione, doctrinali nempe intelligendum esse. In pontificatu enim Simeoni successit Onias; Synedrium autem tunc nondum constitutum erat. Conf. BASNAGE Hist. Iud. L. II. c. 14. p. 323. c. 16. §. 6. p. 377.

indignaretur, et temporalibus promissionibus pietatem fere omnem inaedificari cerneret, veramque ita Deoque placituram sanctitatem eneruari doleret, resistendum ratus errori damnabili, discipulos docuit: *Ne sitis sicut serui, qui seruiunt magistro ea conditione, ut recipiant mercedem: sed estote tanquam serui, qui seruiunt magistro non ea conditione, ut recipiant mercedem, sitque timor Dei super vos.* Laudandam esse egregiam sententiam, quae timorem Dei non mercenarium et seruilem, sed filialem, Deoque dignum postulat, nemo non videt, qui puriora moralis doctrinae fundamenta intelligit: idque eo magis, quo magis promissiones V. T. typo felicitatis temporalis spiritualem et mysticam tegumento quasi velantes Iudaeorum eo tempore animos induxerant, ut ad mercedem temporalem quasi debitam opera sua componerent. Ast quod laudabili sensu praecepit Antigonus, eo ipso quod ad temporalia, tantum praemia respicere solerent Iudaei, a discipulis Antigoni eo tractum est, ut spes omnis futurae vitae praemiorumque aeternorum euerteretur, sicque quod reuelatione et ratione duce magister praeceperat, ad eiuranda vera reuelationis et rationis principia adhiberetur. Zadockus enim et Baithofus, qui ab ore Antigoni pependerant, falsa prorsus interpretatione dicti illius decepti, nec mercedem sperandam esse post hanc vitam docebant, nec posse esse resurrectionem mortuorum inde inferabant, rationes ita subducentes ^b: *Quid viderunt patres nostri ut dicerent: possibile est, ut operarius praestet opus suum per totum diem, et non recipiat mercedem vesperi. Verum si nossent patres nostri, quod est alius mundus et remuneratio iustorum in eo et resurrectio mortuorum, non sic dixissent.* Quod cum discipulis illi suis traderent, sicque schola haec a recepta Iudaicae ecclesiae doctrina secessum faceret, exorta inde est Sadducaeorum et Baithosaeorum secta ^c. Et haec quidem Iudaeorum magistri constanter tradunt, quibus tamen diffidunt nonnulli, et, inuidia tantum dictante hanc Sadducaeifini originem ab illis referri, statuunt ^d: nos vero nihil in hac narratione videmus, quod verisimilitudine careat, et non ita euenisse censendum sit, praecipue cum non de huius vel illius dogmatis Sadducaeorum fonte, sed de ipsis sectae originibus quaestio sit. Variant tamen in quibusdam circumstantiis magistri recutiti, ut ex illis eorum locis videre est, quae collegit LIGHTFOOTVS ^e; quo pertinet, quod quidam praetendunt ^f, fuisse inter Baithosaeorum et Sadducaeorum sectam aliquam differentiam, hosque illis fuisse peiores, eo quod resurrectionem Baithosi sectatores non negauerint ^g. Alii eandem vtriusque nominis rationem sectariam fuisse contendunt, sed Zadocki magis, quam Baithosi nomen sectatores recepisse, eo quod hic spurcius esset.

X x x x 3

Fuit

^b) Pirke abhoth l. c.^c) R. NATHAN. ad l. c. abh. e. 5. apud LIGHTFOOTVM l. c. p. 737.^d) Conf. BVDDEVS l. c. p. 1205.^e) ll. cc.^f) Conf. Scriptores de hac secta laudati NIC. FULLER. Misc. SS. l. II. c. 3. BVDDEVS l. c. p. 1208. BAYLE l. c. not. B. BASNAGE l. c. l. II. c. 15. §. 4. p. 350. alii.^g) R. GEDALIA Schalfscheleth p. 43. b.

Fuit etiam inter Iudaeos non nemo ^{b)}, qui Baithosum vnquam extitisse negaret, et vocem בית חסדי conflatam ex duabus vocibus בית חסדי putaret, quibus indicaretur Essenorum familia. Quod vt verisimilitudine caret, cum plerique Iudaeorum Baithosum Zadocki condiscipulum fuisse testentur, licet has partes sibi sequendas duxerit NIC. FVLLERVS ⁱ⁾, remque in medio relinquat clarissimus RELANDVS ^{k)}; ita cum Iudaeorum testimonio de Baithosaeorum a Sadducaeis discrimine ita comparatum est, vt impossibile sit certi quid statuere; ab omni tamen verisimilitudine non abhorret ea sententia, quae initio promiscuum fuisse vtriusque nominis ad sectam designandam vsum, postea tamen Sadducaeorum nomen frequentius vsurpatum alterum in obliuionem induxisse statuit. Quae coniectura ex eo confirmatur, quod de Baithosaeis nec sacra euangelistarum historia, nec Iosephus aliquid habet, cuius caussa haud alia fuisse videtur, quam quod Sadducaeorum quoque nomine comprehenderentur. Quo vero tempore sectam peculiarem constituere et in diuersam a reliquis familiam coire coeperint Sadocki discipuli, definire accurate non potest. Confundere enim illos scripturarios cum Sadducaeis, longius quam isti, progressis, qui mox post reditum ex captiuitate hanc sectam exortam statuunt, ex supra dictis liquet. Nec audiendi sunt, qui duce EPIPHANIO ^{l)}, et consentientibus Iudaeis quibusdam inuidia Sadducaeos cumulantibus, statuunt, Sadockum defecisse ad templum montis Garizim, a Manasse inter Samaritanos constructum, et Alexandro M. regnante haeresein intulisse Sadducaeorum. Nouimus enim ex sacra euangelistarum historia, Sadducaeos templo Hierosolymitano non minus addictos fuisse, quam Phariseos; nec ex alio haec fabula fonte orta est, quam ex odio Rabbanitarum, qui cum Phariseis essent addictissimi, et traditionem a Sadducaeis negari aegre ferrent, ad haereticas origines sectae huius ortum retulerunt ^{m)}. In re itaque incerta si certi quid statuendum, assumendum tempus Zadocki et Baithosi, quos, cum discipuli Antigoni fuerint, ille vero Simeonem Iustum praeceptorem habuerit, vixisse oportet, Onia principatu et sacerdotio fungente, Ptolomaeo Evergete Aegypto. Seleuco Callinico Syriae imperante, quod tempus in annum A. C. N. CCXL incidit, quam aeram sectae huius plerique sequuntur ⁿ⁾. Post hanc enim aetatem in Iudaea eam valde inualuisse constat. Quod vero de huius sectae origine LVCAE BRVGENSIS ^{o)} habet, quamuis momentum habere

b) R. ASARIA in Meor Enaiim p. 32.

i) loc. cit.

k) In not. ad OTTONIS Hist. DD. Mischn.

pag. 37.

l) T. I. p. 51.

m) BARTOLOCCIVS Bibl. Rabb. T. I. p. 380.

MICRAELIVS Hist. eccl. L. I. f. 2. p. 265.

CAROL. SIGONIVS de republ. Hebraeor. L. V.

c. II. p. m. 417.

n) Conf. FRID. SPANHEM. Dub. euang. P. III. p. 108.

o) Coniicit is ad Matth. III. 7. disputasse collegium scribarum, ab Esdra institutum de campis Elysiis aliisque doctrinis, quae futurae vitae praemia et poenas concernunt, quas inter Babylonios Graecosque primum Iudaei audiuerint, cum ex V. T. de iis parum iis constiterit, quod seruatae essent reuelationi N. T. Eos itaque

habere videatur in philosophica historia, omni tamen veterum testimonio destituitur, neque illi heic loci immorandum est. Quaecunque autem sit originis huius sectae ratio, illud ex annalibus Iudaeorum constat, mature eam inter Iudaeos floruisse, magnaue auctoritate gauisam esse. Quamuis enim in fundamentalibus religionis Iudaicae capitibus discessum a reliquis Sadducaei fecissent, attamen non tolerati modo sunt in ea gente, sed et ad sacra publica, immo ad sacerdotia et ipsam pontificis summi dignitatem admissi sunt ^q. Qui licet Pharisaeos saepius inimicos essent experti, qui reiici ab iis legem moralem indignabantur, factum tamen haud raro est, vt in vnam societatem coalescerent, vbi communis causa esset tuenda, cuius exempla complura annales Iudaici referunt, et notissima habet euangelica historia. Nec his obstant graues, quibus Rabbanitae Sadducaeos onerant, calumniae, qui haereticorum instar eos traducunt: illae enim post excidium templi demum enatae sunt ex graui Pharisaeorum odio, quod Sadducaeorum partes tantum non suppressit ^r. Ante templi excidium autem vrbisque desolationem magna saepe auctoritate et potentia vsi sunt. Maximas vero apud Hyrcanum Iudaeorum principem et pontificem vires haec secta fumsit. Cum enim Pharisei ei valde oblucentur, eumque matris vitio indignum sacerdotio iudicantes, vt deponeret pontificium axioma, cogere vellent, vehementer illis iratus nonnullos interfecit, alios ex vrbe eiecit, et in deserta loca concedere adegit; Sadducaeorum vero partes eligens, omnibus, huius sectae dogmata vt reciperent, si R. ABRAHAM BEN DIOR^r fides est, praecepit, Pharisaeorum vero sectam ne quis eligeret, mortis poena cauit. Post eius fata non conuenisse filio Alexandro cum Phariseis, ex iis constat, quae supra de fatis Cabbalisticae doctrinae in Palaestina edisseruimus, id quod regem impulit, vt et ipse Sadducaeorum se sectae addiceret ^s: moribundus tamen Alexandrae vxori persuasit, vt Pharisaeorum fauorem sibi conciliaret, quod apud plebem eos plurimum valere intelligeret ^t. Quod consilium tanta calliditate exsecuta est femina sagax et ad rerum circumstantias attenta, vt et sibi et defuncto marito populi amorem reconciliaret ^u; ita vero Pharisaeos extollens Sadducaeorum partes depreffit, nequicquam oblucentes et haud vna acie contra traditiones insurgentes ^v. Certe ab eo tempore haud semel Sadducaei succubuerunt. Quod si verum

que qui peregrina philosophia duce eiusmodi praemia et poenas admiserint, Pharisaeos dictos fuisse, qui reiecerint, Sadducaeos. Quod quam ineptum et ab omni verisimilitudine alienum sit, quilibet videt, qui vel pauca quaedam prophetarum loca de futurae vitae conditione et diuino iudicio oecumenico considerat, vt alia taceamus.

p) In causas eius rei inquirat BASNAG Hist. Iud. L. II. c. 15. §. 3. p. 348. BAYLE l. c. not. F. p. 125. HVMFR. HODY de resurrect. corpor. p. 89. 95.

q) Fulse rem narrat IOSEPHVS antiq. Iud. L. XIII. c. 18. p. 453.

r) Apud TRIGLAND. de secta Karaeorum c. 6. p. 49. conf. BASNAG l. c. p. 351.

s) IOSEPH. l. c. c. 24.

t) Ibid. Eleganter et erudite peculiari diff. huius reginae historiam illustrauit B. ZELTNERVS.

u) Megillath Taanith c. 4. BASNAG l. c. p. 356. seqq.

v) Vid. REIMMANN. Hist. ath. c. 11. §. 8. p. 40. ZELTNER. diff. de Alexandra p. 32. et quos nominat WOLFIVS l. c. p. 819.

rum est, quod Iudaeorum magistri narrant, exorta aliquando de traditionum necessitate graui publicaue disputatione inter Phariseos et Sadducaeos, Traditionariorum pars victoria tanta potita est, vt XV die mensis Thammuz, qui Iulius nobis dicitur, solennem diem festum in eius memoriam constituerint: quamuis vel scripturarios cum Sadducaeis confusos, vel totam narrationem valde suspectam esse, non inuiti fateamur. Magna enim potentia Sadducaei tum in synedrio et inter diuites atque potentiores tum inter sacerdotes fruebantur, quod nonnullis occasionem dedit suspicandi, Herodianos in euangelica historia memoratos Sadducaeos esse, eo quod Herodis partibus addicti magna apud eum gratia valerent. Quod licet verisimile non sit, sacra tamen et Iudaica historia teste, et Caiaphas et Ananus* eius successor summi pontifices Sadducaeorum sectae addicti fuerunt. Post vrbis vero et templi euerfionem valde diminutae sunt res Sadducaeorum, magna eos inuidia premente secta Pharisaeorum; qui cum cathedras foli fere occupassent, Sadducaeos velut haereticos (מיני) ^י Epicureos et Samaritanos traduxerunt, id quod seduxit EPIPHANIVM ² et TERTULLIANVM ^a, vt Sadducaeos et Dositheanos inter se confunderent. Cuius odii tanta vis fuit, vt ad Christianos transiret, et Sadducaei a Iustiniano imperatore tanquam athei vrbe et imperio Romano eiicerentur. Statuit enim grauissima sententia ^b: *Si quidam apud eos arheos vanae nouae vocis eloquia inferre praesumerint, aut resurrectionem et iudicium negare, aut facturam Dei et creaturam angelos subsistere: hos et expelli volumus loco omni, et non relinqui voci blasphemiae, et ita a Dei simul lapsam notitia, praesumentes enim, eos effari aliquid huiusmodi, vltimis subdantur suppliciiis, illato errore, ex hoc Iudaeorum emendantes gentem.* Qua clade misere afflictas fuisse res Sadducaeorum, facile intelligi potest. Erexit tamen aliquantisper haec secta caput iterum circa seculum octauum medium, si fides R. DAVID GANZ ^c, Anano res eorum iuuante. Certioribus tamen monuentis constat, Ananum hunc non Sadducaeorum sed Karaitarum partes fuisse secutum ^d, quos cum in eundem haereticorum censum cum Sadducaeis Rabbanitae referre soleant, recte inde conicitur, inuidiae Karaeis conflandae causa Ananum hunc inter Sadducaeos fuisse ab illis numeratum. Recentiori vero aetate nunquam emergere sectae huius fortuna potuit, quam Rabbanitae et voce et scriptis persecuti sunt. Sed et Saracenorum persecutionem Sadducaei experti sunt, teste enim GEORGIO ELMACINO ^e. Chalifa Muhamed Mahadis, qui Saracenis circa finem Sec. VIII prae-

* Aët. V. 17. IOSEPH. I. c. L. XX. c. 15. p. 698.

γ) Conf. GOD. SCHVARTZ de secta Karacorum. c. I. §. 7. p. 9.

2) Haeres. XII.

a) De praeser. adu. haeret. c. 14. conf. BVD-DEVS Hist. eccl. V. T. T. II. p. 1209.

b) Nouell. 146. obscuram esse minusque ac-

curatam hanc Graeci textus versionem recte monet Ven. REIMMANNVS Hist. theol. Iud. L. I. c. 8. §. 20. p. 601. qui aliam ex editione Iuntina 1541. Ven. assert luculentiorum.

c) In Zemach David p. 125.

d) Probabitur id infra, conf. TRIGLAND. I. c. IV. p. 35. BASNAGE I. c. p. 365.

e) Hist. Saracen. c. IV. p. 107.

praefuit, studiose quaesivit Zindicos, id est Sadducaeos eosque occidit. Quam Muhammedanorum in Sadducaeos iram lege quoque praeceptam esse observavit SCHICKARDVS *f.* Et haec quoque causa videtur, cur pauci Sadducaeorum coetus hodie inueniantur.

§. XXI. Doctrina Sadducaeorum Pharisaeorum dogmatibus opposita haec, si veterum testimonia sequimur, capita complexa est: *Doctrina Sadducaeorum.*

I. Reiciendas esse leges et traditiones omnes, scripto non comprehensas, adeoque *δεύτεραις*, tanquam humani ingenii inuenta, non esse recipiendas, nec observandas. Inculcasse Phariseos, ita a patribus edoctos praeter legem scriptam, oralem quoque, huiusque observationem non minoris necessitatis praetextu postulasse, quam illius, in sequentibus demonstrabimus. In hac vero lege orali reicienda potissimam Sadducaeismi partem constituisse, Iudaeorum testimonia et fatis inter se concordia nos dubitare non sinunt. Praetermissis Rabbiorum calculis solum adducimus IOSEPHVM *b*, qui has sectas omnes exploravit, eoque tempore vixit, quo Sadducaeismus maxime florebat. Is vero de eorum in hac re mente ita: *Nunc enim indicandum est, quod multas constitutiones a maioribus per manus acceptas Pharisei tradiderint populo, quae non sunt scriptae inter leges Moysaicas: et ideo Sadducaei his auctoritatem abrogant, dicentes, oportere eas tantum servari, quae scripto continentur; atque hinc magna inter utrosque exorta est controuersia, dum ditiores stant a partibus Sadducaeorum, Pharisei multitudinis utuntur fauoribus.* Et haec quidem, quantum scimus, a nemine negantur. Ast in eo plerique dissentiunt, utrum Sadducaei praeter legem Moysi in pentateucho comprehensam, reliqua quoque scripta a sanctis viris profecta receperint, nec ne? Veteris enim ecclesiae doctores TERTULLIANVM *c*, ORIGENEM *d*, HIERONYMVM *e* aliosque si sequimur, solos illi libros Moysi receperunt reiectis ac neglectis reliquis *ἀγιογράφοις*. Quam opinionem his auctoritatibus moti secuti quoque sunt viri quidam magnae in rebus Iudaicis eruditionis. *f*. Re tamen paulo attentius considerata et abiecto PP. praepudicio, primus dubitavit de asserti huius veritate IO. DRVSIVS *g*, totum vero rationibus haud contemnendis reiecit SCALIGER *h*, quem alii secuti sunt *i*. Nec inficiamur, posteriorem opinionem priori longe esse probabiliorum. Illud enim certum est, exortam fuisse Sadducaeorum

f) Taarich Persar. p. 134.

g) Collegit ea SCHVARTVS de festa Rabbiorum c. I. §. 3. p. 16. 17.

h) Antiqq. Iud. L. XIII. c. 18. p. 453.

i) De praescript. L. I. c. 14.

k) Contra Cels. L. I. p. m. 39.

l) In Matthaeum c. 22. conf. SERAR. trihaeres. L. II. c. 21. p. 89.

m) TH. GOODWIN. Mos. et Aaron L. I. c. II.

§. 5. p. m. 213. C. SIGONIVS de rep. Ebr. L.V.

c. II. p. 420. et NICOLAI/ad h. l. RICH. SIMON.

Hist. crit. V. T. L. I. c. 16. BARTOLOCCIVS

Bibl. Rabb. T. I. p. 380.

n) De Sactis L. III. c. 9. p. m. 137.

o) Elench. trihaeres. c. 16. p. m. III.

p) BVDDEVS H. E. V. T. T. II. p. 1208. HOTTINGER. nepos ad Goodwin. l. c. BAS-

NAGE Hist. des Juifs L. II. c. 14. §. 6. p. 326.

rum sectam, confecto iam et obsignato librorum sacrorum canone, cui si restitissent, quodque ratum iudicauerat, et diuinum pronuntiauerat ecclesia Iudaica, tanquam humanum et ὑποβολιμαῖον reieciissent, dubium non est, Iudaeos non toleraturos fuisse Sadducaeos, sed anathematis potius fulmine percussuros et ex templo atque synagoga tanquam haereticos reiecturos fuisse. Contrarium vero testatur historia Iudaica; qua testimonium dicente nouimus, et templo adfuisse, et sacris interfuisse, et sacerdotiis adhibitos fuisse Sadducaeos: in publicis vero conuentibus Iudaeorum sacris cum legerentur non Mosis tantum, sed et prophetarum virorumque Θεοπνευστων scripta, intelligi non potest, qui illis interesse Sadducaei potuissent, si praeter legem diuina oracula reieciissent. Facile etiam credi potest, scripturarum sacrarum testimonia non reieciisse Sadducaeos, cum nec diuinus doctor Iesus, nec discipuli eius cum Sadducaeis congressi hanc eis impietatem obiecerint. Immo nec Phariseos, nec qui ab eorum stant partibus Rabbanitas Sadducaeis hoc obieciisse legimus, licet in scirpo saepe nodum ad contaminandam aduersariorum famam quaesierint. Immo contrarium facile euinci potest ex disputationibus Sadducaeorum contra Phariseos, in quibus hi non ad legem tantum, sed ad prophetas quoque et hagiographa prouocarunt, vt ex disputatione R. Gamalielis, de resurrectione mortuorum cum Sadducaeis habita, clare patet, qui ad scripta prophetarum aduersarios reuocare non potuissent, si ea reieciissent. Nec alia forte contrariae opinionis origo fuit, quam male intellecta Iosephi verba, in quibus cum dicatur, Sadducaeos constitutionibus a maioribus per manus acceptis reiectis, solas eas quae scripto comprehensae essent, seruandas praecepisse, collegerunt inde veteres DD. reieciisse eos V. T. scripta praeter legem omnia: quod tamen perperam dici ex adducto loco est manifestissimum, in quo scripta lex Mosis non hagiographis vel prophetis sed traditioni orali et δευτερώσεσι Phariseorum opponitur: sic vt contraria potius opinio firmamentum ex hoc Iosephi testimonio accipiat, vt recte SCALIGERO^r obseruatum. Nec dissimile vero est, ad Sadducaeos relatum esse, quod Samaritanis et Dositheanis tribuitur, cum inuidiae causa Sadducaei Cuthaei et Dositheani appellarentur, qui rationandi modus argumento ab inuidia ducto vt semper inualuit, ita praecipue in controuersis cum Sadducaeis a Phariseis et Rabbanitis egregie adhibitus est. Neque vero faciunt satis, quae acute quidem at non verisimiliter coniicit BASNAGIUS^s, vt difficultates tollat: recepiisse quidem Sadducaeos scripta prophetica et hagiographa, tanquam a viris sanctis profecta, sed secundariam illis modo auctoritatem tribuisse. Nam hoc quoque veterum testimoniis destituitur, nec affert quicquam ad controuersias inter Phariseos et Sadducaeos dirimendas, quae non in eo versabantur, vtrum sola lex Mosis diuina sit? cetera vero et scripta et per manus oraliter tradita non item? sed in eo cardinem rei vertebant,

vtrum

g) Tr. Sanhedrin. c. XI. §. 2:

r) loc. cit.

s) l. c. p. 333.

utrum in legibus et ritibus ecclesiae vel ad solam legem scriptam, vel ad legem quoque oralem respiciendum, lexque non scripta admittenda sit, quod Pharisei affirmarunt, negarunt Sadducae. Ad hanc quaestionem dirimendam non opus erat ad prophetarum et hagiographorum scripta attendere: illa enim non legem quandam ecclesiasticam, praescribebant, vel libri erant rituales, cultus diuini rationem definientes, sed vel historiae sacrae vel vaticinia, de quorum quidem veritate et Θεοπνευσία nec Sadducae nec Pharisei dubitabant, cum in sacro canone ab ecclesia Iudaica vniuersali consensu recepto continerentur; ad quae vero in hac controuersia prouocare non licebat, quod ventilatae controuersiae quaestionem proprie non attingerent, et leges atque ordinem sacrum in ecclesiasticis a Mose praescriptum non exhiberent. Quibus omnibus rite expensis recte fecisse viri docti censendi sunt, qui dimissa opinione priori posteriorem tanquam veriolem receperunt.

II. Non dari angelos vel spiritus peculiari ratione et per se subsistentes. Ita statuisse Sadducaeos ex D. L V C A E " testimonio patet, id quod cum toto Sadducaeorum systemate apte cohaeret; cum enim animam sine corpore existere non posse decernerent, ut postea probabimus, non potuere non et hoc asserere, non dari spiritus per se subsistentes. Aliam quidem dogmatis huius rationem affert RICHARDVS SIMONIVS *, qui doctrinam de angelis, spiritibusque et eorum operationibus ex Babylonia in Iudaeam attulisse Iudaeos putat, de qua cum inter se disputarent, eo delapsos esse Sadducaeos coniecit, ut ipsam spirituum angelorumque operationem negarent. Verum sine fundamento haec dici, cuilibet patere existimamus, consideranti, doctrinam de angelis et spiritibus eorumque operationibus non nudius tertius inter Iudaeos post reditum ex captiuitate demum inualuisse, sed antiquissimum dogma esse, licet praefraete negare nolimus, affuisse purpurae diuinae doctrinae paniculos quosdam Chaldaicorum somniorum de angelis Iudaeorum nonnullos. Ut taceamus, si hoc verum esset, daemonologiam Iudaicam non Hebraeae sed Chaldaicae originis esse, sequi inde, recte fecisse Sadducaeos, quod relictis turbidis lacunis hoc dogma reiecerint. Qua ratione cum doctrina de angelis purior ad Christianam quoque ecclesiam ex Iudaica transierit, viderit Simonius, quo modo coetui suo, huic dogmati peculiaria placita inaedificanti, faciat satis. Nec opus est ad has coniecturas confugere, cum haec sola causa sufficiat negatorum spirituum, quod concedere noluerint, posse spiritum sine omni corporis veltimento subsistere, ut recte quoque obseruatum Cel. G V N D L I N G I O †. Hanc enim assertionem tueri ideo erat necesse, quod ita causa afferri

Y y y 2

afferri

†) SPANHEM. Dub. euang. P. III. pag. 112.
HADR. RELAND. Antiq. SS. L. II. p. 246.
BAYLE l. c. not. G. p. 116. qui contrariam sententiam prius tenuerat Cont. des pensees sur le

comete p. 580.

*) AG. XXIII. 3.

*) Hist. crit. V. T. T. I. c. 7.

†) Hist. phil. mor. c. VII. p. 85.

afferri posset, cur nec poenarum nec praemiorum nec resurrectionis spes vlla post hanc vitam esset, nempe quia anima subsistere, depositis corporis exuviis non posset. Non negamus varias hicnectere difficultates scriptores, quae vero ex male intellecto hoc dogmate tantum enatae sunt. THEOPHYLACTVS enim et EPIPHANIVS^z tradunt, negasse eos Spiritum S. immo prior inde atheos fuisse, fatis audacter concludit, quod omnem spiritum negauerint. Id quod etiam ARNOBIO^a suo modo visum est, cui Sadducaei ita spiritus negasse videntur, vt formas atque os Deo tribuerint. Ex recentioribus SCALIGER^b sensum verborum Lucae: Sadducaeos neque angelum credere neque spiritum, hanc habere significationem dicit, tantum abesse, vt angelos crediderint, vt ne spiritum quidem vllum credant: quam explicationem recepere quoque C. SIGONIVS, Io. NICOLAI^c HORNBEKIVS^d PETAVIVS^e HARDVINVS^f aliique. Verum nec haec fundamenti fatis habent atque roboris. Quod enim ad Spiritum S. attinet, incertum annon in Babylonica captiuitate lumina V. T. de SS. Trinitatis mysterio toti obscurata fuerint genti crassiores notiones de diuinis ab illo tempore sibi fingenti? et an fatis orthodoxi in eo fuerint Iudaei? quod, vbi etiam concedimus, nondum tamen euinci ex verbis Lucae potest, eos Spiritum S. negasse, cum post angelos spirituum mentionem ideo historicus sacer faciat, vt ad animae quoque hominis sine corpore existentis negationem Sadducaeos hoc dogma extendisse, intelligatur. Quod autem Deum fecerint ex ea causa corporeum, melioribus testimoniis euincendum est, vixque credi potest, in Nouo Testamento Scriptores sacros crassissimum hunc errorem tacituros fuisse, si reuera eum errauissent. Figuratas vero non Sadducaeorum tantum, verum etiam plerorumque Iudaeorum de Deo locutiones nimis premendas non esse, notum est, et aequitas postulat. Id vero obscurius est, qua ratione Sadducaei angelos negare potuerint, cum tamen pentateuchum receperint, in quo multoties apparitiones angelorum enarrantur. Varias ea de re, vt in obscuris quaestionibus solet, opiniones et coniecturas attulere scriptores. Et magnus quidem GROTIUS^g per angelos eos intellexisse conicit, virtutem, efficaciam, maiestatem vel etiam emanationem supremi numinis, quae vbi hominibus manifestatur, angelorum nomine veniat. Ast vix concipi potest, qua ratione cum pentateuchi litera hanc explicationem conciliare potuerint, nec videntur Sadducaei in Samaritanorum castra transisse, quos similia docuisse supra ostendimus. Aliter HARDVINVS^h, qui, vt erat in fingendis et pro veris obtrudendis coniecturis suis audacissimus, Sadducaeos in Platonis castris militasse, angelisque naturam corpoream, athe-

z) Haeref. XIV. p. 31. T. I. opp.

a) Adu. gentes L. III. p. 106. conf. BAYLE
l. c. not. H. p. 116.

b) l. c. c. 16. p. m. 128.

c) l. c. L. V. c. 11. p. 420.

d) De conuert. Iudaeis.

e) Dogm. theol. T. III. p. 3. et ad Epiph.
p. 28.

f) De numis Herod. opp. sel. p. 352.

g) Ad l. c. Actor.

h) loc. cit.

aetheream nempe et aëriam tribuisse, spiritusque eos tantum dici ob corporum subtilitatem, asseruisse putat. Quam Platonis doctrinam didicisse eos ab Herode statuit, qui cum Atheniensis esset, eam ex Academia in Iudaeam intulerit; ob eamque rem Sadducaeos quoque dici Herodianos. Quae ingenio Harduino *παράδοξοφιλω* omnino digna sunt, indigna vero, quibus vel mediocriter attentus assensum tribuatⁱ. Suo enim loco iam demonstrauius, Herodem regem ab Herode Attico philosopho Platónico longissime differre, recte quoque rem pensitantes magnum inter Platicum et Sadducaicum de spiritibus daemonibusque dogma discrimen deprehendent. Aliiter BASNAGIVS^k et, qui eandem sententiam sequitur GVNDLINGIVS^l, qui dixisse eos putant, angelos, de quibus Moses, non fuisse substantias per se subsistentes, sed ipsum Deum ea fuisse operatum, quae eiusmodi geniis adscribuntur, qui nonnisi entium intelligentium phantasmata fuerint, quae Deus hominum oculis obiecisset, ut suam intelligerent voluntatem; ea vero intellecta rursus disparerent. Monent quoque, IVSTINVM^m eam opinionem tribuisse Iudaeis, qui vix alii esse potuerint, quam Sadducaei. Nobis magni SCALIGERIⁿ placet modestia, qui ubi quaesiuisset: *quomodo aut qua fronte potuerint negare angelos esse, cum diserte in lege expressum sit nomen angeli*, fatetur se hoc ignorare. Rectius enim putamus de causis veterum doctrinarum obscuris ignorantiam nos fateri, quam incerta pro certis obtrudere, praecipue cum Sadducaeorum scripta non extent, ut ex iis coniici possit, qua ratione loca pentateuchi explicuerint. Neque vero ob hanc ignorantiam, quam veterum peperit silentium, negari potest, vel pentateucho eos fidem diuinam tribuisse, vel eos spiritus angelosque non fuisse. Possent enim sacra oracula aliquem pro diuinis admittere, et tamen angelorum apparitiones et operationes reicere, vel vnum Balthazaris Bekkeri, quique in eodem luto haerent, exemplum luculenter demonstrat.

III. Non esse durationem animae siue spiritus post hanc vitam, sed vna mori cum corpore. Hoc quidem Sadducaeis tribuit IOSEPHVS, qui diserte^o: *Ψυχῆς τε τὴν διαμονὴν ἀναιρεῖται*, et alio loco^p *τὰς ψυχὰς συναφανίζει τοῖς σώμασι*. Ex quo loco recte coniicitur, vitam animae eos in corpore quaesiuisse, quo non potuere non animam facere materialem, nec alia ratio quaerenda est, cur mortuorum resurrectionem negauerint. Tolle enim animae immaterialitatem, facileque erit corporis resurrectionem conuellere, si Sadducaeorum *φιλοσοφῆμενα* sequaris. Sublata enim *διαμονῇ*, tollitur, quicquid est spei futurae^q.

Y y y 3

IV.

i) Conf. BASNAGE l. c. p. 335.

k) loc. cit.

l) loc. cit.

m) In Dial. contra Tryphon. p. 338.

n) l. c. p. 120.

o) De bello Iud. L. II. c. 12. p. 788.

p) Antiq. Iud. L. XVIII. c. 2. p. 617.

q) Quod si obicitur, posse Deum annihilatum corpus iterum animare, respondebit Sadducaeus, hoc fore nouam creationem, non resurrectionem.

IV. Non dari resurrectionem mortuorum. Hoc ex antecedentibus necessario sequitur, et Sadducaei sacra historia tribuit. Qui enim resurrectionem corporis expectes, animae διαμονή intereunte? quemque in finem resuscitanda est caro, poenae praemiiue post hanc vitam expers futura? Ex his vero ratio quoque patet, cur adeo inuisa fuerit Sadducaei Christi doctrina: sublata enim mortuorum resurrectione, speque futurae felicitatis, inane est regnum Christi, non negante D. PAVLO¹. Huius itaque vitae felicitati regnoque temporali totam spem suam inaedificantes Sadducaei non poterant non doctrinae Seruatoris esse insensibilissimi.

V. Non esse fatum, sed omnia in nostra potestate esse, vt tam felicitatis nobis ipsi auctores simus, quam infortunii, si deteriora consilia secuti fuerimus. Haec IOSEPHVS²: qui vero, dum voce, εἰμαρμένη, ex Graeca philosophia petita, vsus est, quae prout in systemate sectae cuiuslibet proprio adhibita est, ita singularem significationem induit, dubiam et obscuram fecit Sadducaeorum opinionem. Inde enim enata quaestio, vtrum prouidentiam diuinam Sadducaei negauerint, quam ista voce saepissime designari notum est. Tribuunt hoc Sadducaei Rabbanitae, quorum ea de re testimonia adduxit DRVSVS³. Partibus his se addixit Ven. REIMMANNVS⁴, et ante eum SALDENVS⁵. Aliter tamen visum aliis, inter quos eminent VOSSIVS⁶, GVNDLINGIVS⁷, BASNAGIVS⁸, BVDDVS⁹, magna in republica literaria nomina, qui probe viderunt, multum interesse inter Epicuri et Sadducaeorum dogma, hosque non omnem prouidentiam Dei tollere. Prouocant quidem, qui contraria tuentur, et Sadducaeos inter Epicuri ὁμοψήφους referunt, ad IOSEPHVM¹⁰, qui de iis ita tradit: τὴν μὲν εἰμαρμένην παντάπασι ἀναιρέσι, καὶ τὸν Θεὸν ἔξω τῆ δαίμονι κακὸν ἢ ἐφορᾶν τίθενται, *fatum plane tollunt, et Deum extra mali cuiusuis patratiōnem vel inspectiōnem constituunt*. Quae clara quidem esse viris laudatis videntur, sed attente considerata non illud dicunt, quod hi volunt. Nam Iosephi testimonium¹¹ plus non dicit, quam hoc: negasse Sadducaeos eiusmodi prouidentiam, quae ita rebus omnibus praesit, actionesque humanas moderetur, vt ista inspectiōne et directione speciali siue procuratiōne eueniat, quicquid agit vel omittit homo. Id quod velle vocem ἐφορᾶν norunt, qui Graeca intelligunt. Ea enim non cognitionem tantum sed et directionem et influxum in voluntatem agentis innuit. Hoc negabant Sadducaei, omnemque Dei influxum in actiones humanas reiciebant: ita vt libera prorsus esset hominis actiō, isque et felicitatis et infelicitatis proprius sibi auctor

7) Act. XXIII. 3. MATTH. XXII. 23.
MARC. XII. 18. LVC. XX. 27.

8) I Cor. XV.

9) De bello iud. L. II. c. 12. p. 783.

10) De sectis L. III. c. 12. p. 145.

11) Hist. theol. iud. L. I. c. 13. §. 14. p. 592.

12) Orior. theol. p. 559.

13) De idol. gent. L. II. c. 10.

14) loc. cit. p. 84.

15) I. c. c. 14. p. 330.

16) Hist. eccl. V. T. T. II. p. 1207. theol. de atheismo c. III. §. 1.

17) I. supra laud.

18) De B. I. L. II. c. 12. p. 788.

auctor conditorque esse possit. Nec aliter constare posse systema suum credebant, si praemiorum et poenarum in hac tantum vita habenda esset ratio. Ita vero pars quidem diuinae prouidentiae, non tamen omnis eius ratio, tollebatur. Concedebant enim dari in hac vita remunerationem boni poenamque mali: nec aliter quoque poterant statuere, nisi legis diuinae et comminationes et promissiones omnes voluissent euertere. Quibus admissis necesse erat concedere, attendere Deum ad res humanas, et bene gesta praemia sequi, male facta poenam, vt mox probabimus. Id quod facile intelligi potest ex sacra historia, vbi Sadducaei quoque accessisse Ioannem dicuntur, vt, quam ille denuntiauerat, instantem iram diuinam deitarent, quod factum ab iis non esset, nisi curare Deum res humanas, iisque inuigilare iudicem credidissent. Verum influxum DEI in actiones humanas tollebant, suisque viribus solis relinquebant hominem felicitatis vel calamitatis suae proprium auctorem. Sadducaeos itaque male cum Epicureis, quod plerumque fit, compares; facilius cum Pelagii affectis conciliabis, licet et hic quoque discrimen aliquod interfit.

VI. Non dari bonorum operum remunerationem aliam, nec malorum retributionem, quam quae fit in hac vita. Πρωτον ψεύδους hoc fuisse, ex male intellectis Antigoni verbis enatum, ex iis, quae supra narrauimus, liquet. Idque cum toto systemate accurate cohaeret: quod cum nec vitam nec resurrectionem post fata futuram concedat, aliam quoque vel iustitiae mercedem, vel scelerum poenam, nisi in hac vita admittere non potest. Recte itaque illis IOSEPHVS tribuit, ὅτι τὰς κατ' αὐτὸς τιμωρίας καὶ τιμὰς ἀναιρῶσι; hoc enim conditionem defunctorum talem esse innuit, quae nec poenas nec praemia recipiunt. Ex quo intelligendum est, cur D. PAVLVS ^f coram Iudaeorum concilio se de spe resurrectionis et aeterni praemii accusari clamauerit. Ideo enim futura vita vocata Hebraeis seculum mercedis, quod eius spem habebant certissimam: eam vero Sadducaei tollebant. Neque obiici potest, legis tamen obseruantiam custodiuisse Sadducaeos, sacra fecisse, ieiunia seruauisse, quae frustra suscepissent, si nulla mercedis futurae spes illorum infedisset animis. In his enim omnibus quanquam accurate versabantur Sadducaei, omnem tamen, quam inde sperabant spem mercedis huius vitae felicitate metiebantur, malisque iudicia quidem diuina denuntiabant, verum quae in hac vita essent euentura ^g. Nam omnem praemiorum et poenarum, iudiciorumque diuinorum veritatem negare non poterant, nisi vellent ipsam legem euertere, quam tamen recipiebant.

VII. Reiiciendam esse polygamiam. Sequebantur in hoc dogmate strictam legis literam Sadducaei, quam Pharisei quaefitis ratiunculis variis misere detorquebant, laxabantque, praesertim schola Hillelis ^b.

Prae-

^f) Act. XXIII. 6.

^b) Conf. BASNAGE l. c. p. 358. RELAND.

^g) Conf. LIGHTFOOT. ad h. l. BAYLE l. c. Antiq. SS. P. II. c. 9. §. 12. p. 247.

NOT. G. p. 116.

Praeter has assertiones dogmaticas plura erant alia, cultum Leuiticum concernentia, quibus a Phariseis Sadducaei diuortium fecerunt. Cum enim omnem traditionem, quae ceremonias cultus diuini innumeris modis auxerat, reicerent, necessarium erat, vt cuncta quoque improbarent, quae ingeniosa Pharisaeorum excogitauerat superstitio. Ea vero hic adducere, institutum non patitur; quaerenda itaque sunt apud eos, qui antiquitatibus Hebraeorum lucem accenderunt, ritusque et ceremonias eorum et de iis controuersias enarrauerunt.

Vita Sadducaeorum.

§. XXII. Restat, vt de vita quoque Sadducaeorum aliquid adiciamus. Coniici quidem ex dogmatum sectae huius conditione posset, malam eam fuisse, iis nempe fulcris destitutam, quibus vera philosophia moralis innititur. Verum aliter de ea pronuntiandum est, si veterum testimoniis standum. Teste enim IOSEPHOⁱ, fuit hoc hominum genus in iudicando feuerissimum; vnde rigor eius sectae et in puniendis malis acerbitas intelligitur; id quod systematis ratio exegisse videtur. Cum enim futurorum cruciatuum metu a sceleribus homines retrahi non posse crederent, necessario poenarum rigore munienda erat legis custodia et honestas publica. Quam feueritatem licet culpet Iosephus et crudelitatem vocet, id tamen in homine Pharisaicam sectam sequente mirandum haud est; probat autem testimonio omni exceptione maiori, iustitiae accuratius et feuerius litasse Sadducaeos quam Phariseos: id quod historiam quoque Iudaicam, praecipue eam partem, quae res Hyrcani et filiorum eius, Aristobuli et Alexandri concernit, consulenti luculentis patebit exemplis. Ex qua iustitiae obseruatione ortum quoque esse videtur quod veterum multi Sadducaeorum nomen non a Sadocko, sed a voce צדק, quae iustitiam significat, deriuauerint, de quo etymo viri docti passim differunt^k. Cumque Pharisei indulgentia sibi plebem conciliare studerent, causa inde intelligitur, cur factio opposita, et apud procures rerumque dominos potens in contrarium progressa feueram se praestiterit, indeque plebi exosa fuerit, ad quam deliniendam interdum a rigore aliquid remittere, et Pharisaeorum partibus atque sententiae propius accedere, teste IOSEPHO^l, cogeatur. Etsi vero vitam meliorem, quam Pharisei homines, Sadducaei probabant, varia tamen illis obiecta sunt. Describit enim eos IOSEPHVS^m, vt barbaros, feroces, inhumanos, superbos et potentiorum consuetudinem affectantes, et inter se saepenumero digladiantes, μισαν-θρόνους rusticisque moribus viuentes. Verum, dedisse se hic multum partium studio, Iosephus satis prodidit, qui Pharisaeorum, cui se addixerat sectam summis extollit laudibus, superbiam vero, seditionis studium, hypocrisin, falsitatem aliaque eorum vitia reticet; Sadducaeos illis opprobriis onerat, quae ipse alibi imprudens refutat, accusans eos, quod

volu-

i) Ant. Iud. L. XX. c. 8. p. 698.

k) Vid. DRVSIVS l. c. p. 122. SPANHEM. l. c. p. 109. BAYLE l. c. p. 114. PFEIFFER.

Dub. vex. p. 890.

l) l. c. L. XVIII. c. 2. p. 617.

m) De B. I. L. II. c. 12. p. 784.

voluptatibus se dedant, diuitumque gratiam aucupentur, et blanditiis opulentis se acceptos reddant. Haec enim tam feroces et inhumanos homines Sadducaeos non fuisse, satis manifeste loquuntur *. Verisimile tamen est, Sadducaeos homines strenuos et acutos in disputationibus cum Pharisaeis accerrime conflixisse, et ita his ἐγκλήμασι occasionem praebuisse. Quae cum Pharisei, quique eos secuti sunt Rabbanitae innumeris conuiciis auxissent, adeo inde fama Sadducaeorum conspurcata est, ut multi quoque inter Christianos viri docti idem de Sadducaeis crederent scriberentque °: iique ab haud paucis cum Epicureis componerentur, et inter hostes Dei numerarentur °. Cuius causae partim a calumniis Rabbanitarum, Pharisaicas partes sequentium petendae sunt, qui insensissimo in Sadducaeos animo plerumque Cuthaeos, s. Samaritanos, et haereticos eos appellant, adeo, ut Sadducaei, Cuthaei, haeretici et athei nomen idem apud istos homines sit: partim a placitis Sadducaeorum sunt deriuandae, quae conspirare cum Epicuri hortis multis recentiorum visa sunt, eo quod et Sadducaeis et Epicureis fatum negatum, vita futura reiecta, praemia et poenae post mortem sublatae, anima mortalis asserta, actiones hominum sibi suisque viribus relictæ, spiritus explosi etc. Quod licet negari nequeat, obseruandum tamen, distare multum Sadducaeos ab Epicureis, cum nec Deum extra mundum relegauerint, nec curam eius circa actiones hominum omnem et scientiam sustulerint, et praemia atque poenas in hac vita admiserint, et ex alio longe fonte, quam apud Epicurum totum eorum systema dimanauerit, ut ex dictis constat. Quare nimii illi sunt, qui Sadducaeos Epicureis aggregant, et ex Epicuri hortis Sadducaeorum impietatem progerminasse statuunt °. Hoc enim ut demonstretur, non sufficit, dogmatum quorundam conuenientiam et harmoniam ostendere, sed requiritur etiam, ut doceatur, quomodo Epicureismus in Iudaeam irrepperit? Quod licet fieri potuisse per Iudaeos ex Aegypto in Iudaeam migrantes videri queat °, valde tamen timemus, ut demonstrari possit, Epicuream philosophiam in Aegypto floruisse, multo minus, inter Iudaeos Aegyptum inhabitantes locum inuenisse, vel ex Aegypto in Iudaeam translatam fuisse. Nec Iosephi hic respicienda est auctoritas, qui inepto gentis suae eruditos cum Graecis comparandi studio tres illas sectas Iudaicas cum tribus Graecorum sectis celebrioribus contulit, ne haberent hi, quo Iudaeis praeferrentur. Sed relinquendi Sadducaei originibus suis, qui, ut supra obseruatum, inepta praecepti Antigoni interpretatione delusi ad neganda futurae vitae praemia, et quae inde sequebantur, tollendos spiri-

*) Vid. loca eorum adducta a DRVSIO l. c. p. 152. et SCHVARTO l. c.

o) Vid. WILLIMER, diss. de Sadducaeis, CAVE antiq. Apost. p. 118. PFEIFFER. l. c. REIMMAN. l. c. p. 594. quibus et nos olim calculum adiecimus in Orio Vind. p. 31.

p) Conf. REIMMAN. l. c. p. 592. Hist. atheismi c. II. §. 6. p. 37. seqq.

q) Vid. quos nominauimus Ot. Vind. p. 30. ubi eandem nos quoque opinionem amplexi sumus.

r) Monet hoc BVDDVS l. c. p. 1206.

spiritus, animaeque immortalitatem euertendam potuere delabi, etsi nihil de Epicuri dogmatibus inaudiuerunt. Reliqua quae ad inurendam sectae exosae impietatis notam afferuntur infirma sunt, et ex eo satis refutantur, quod Sadducaeï non minus, quam Pharisei in cultu diuino, expiandoque per sacrificia Numine atque expectanda Messiae liberatione fuere seduli, quae in atheum cadere non possunt. Non negamus tamen, Sadducaeismum ad impietatem viam parare potuisse, et fouisse dogmata valde pernicioſa, veram quoque pietatem fulcris suis priuauisse, amorique et misericordiae exiguum locum reliquisse. Ex quibus quam grauis fuerit ecclesiae Iudaicae tempore incarnati verbi, corruptio, facile intelligi potest. Sed hoc tantum volumus, non tam malos fuisse Sadducaeos, quam eos depingunt Rabbanitae, infensissimo animo calamum in eos odio et veneno tinctum stringentes. Quod vero Herodem ad ea facinora, quae eius memoriam dedecorarunt, instigauerint Sadducaeï, facilius dicitur, quam probatur.

*Scriptores de
Secta Karaeo-
rum.*

§. XXIII. Cum Sadducaeis non confundenda est Karaeorum secta, cuius historia valde haecenus obscura fuit. Suppressa enim in plerisque locis, vbi Iudaei hodie degunt, Rabbanitarum Vatiniano prorsus odio, cum in extremos Europae angulos secesserit, rarissimi sunt eius libri, quae vero Rabbinï passim habent, imprimis R. I E H V D A L E V I, A B A R B A N E L, A B E N E S R A, R. L E V I, B E N G E R S O M, R. L I P P M A N N et his similes, cum sint ex aduersariis Karaeorum, valde suspecti testes sunt. Primus, nisi fallimur, doctissimus Giesensium postea theologus B. I o. G O T T O F R I D V S S C H V P A R T V S accuratiora quaedam de Karaeis aliquot dissertationibus¹⁾ tradidit, vsus beneficio praeceptoris sui magni Ienensium philologi I o. A N D R E A E D A N Z I I libris quibusdam doctorum Karaiticorum, qui rarissime in his oris nostris conspiciuntur, magnoque venire solent pretio. Quoniam tamen in multis Rabbinorum testimoniis stare coactus est, non potuit non tractatio illa, licet pulcherrimam orientalis philologiae eruditionem spiret, esse manca et non satis accurata. Vt itaque meliora et certiora nancisceremur, diligentiae atque studio praestantissimi philologi I A C O B I T R I G L A N D I I, professoris quondam theologi in Academia Lugdunensi Batavorum debemus, qui vt erat rerum orientalium curiosissimus inuestigator, de interiore sectae Karaiticae conditione et circumstantiis vehementer sollicitus, ipsos Karaeos in Polonia et Lithuania adhuc commorantes per literas adiit, variisque propositis quaestionibus eorum notitiam acquirere pleniorē laborauit. Qua re effecit, vt amplissima responsione R. M A R D O C H A I de origine, scriptis, constitutione et fatis sectae Karai-

¹⁾ Conf. M O S H E M. Hist. eccl. Christ. Sec. I. c. II. §. 8. seqq. p. 75. seqq.

²⁾ Conf. B A Y L E I. c. not. D. p. III. B A S A G E I. c. §. 22. p. 343.

³⁾ Edidit cas Ienae 1701. 4. hoc titulo

נח הַרְאִיִּים seu secta Karaeorum, dissertationibus aliquot historico-philologicis sic adumbrata, vt e codicibus msc. vt plurimum ortus, progressus ac dogmata eiusdem praecipua eruta appareant.

raiticae edoctus luculentiorē dare posset de ea notitiā, et praecūdia quoque recentiorum quorundam, maxime Io. MORINI *, qui eos reliquias esse Sadduceorum, ab Anano sec. VIII ab erroribus Sadduceis purgatas contenderat, feliciter iugularet. Hinc enata elegans atque docta TRIGLANDII dissertatio de Karaeis, quam syntagmati dissertationum de trihaeresio Iudaeorum suffixit. Cui tamen cum non licuisset ipsam Karaei doctoris tractationem in vulgus edere, et ampliorem rebus Karaiticis lucem accendere, eo quod rebus humanis prius eximeretur, pervenit tandem ea in manus viri πολυμαθέστε, et de Hebraeorum historia literaria immortaliter meriti, Io. CHRISTOPHORI WOLFFII pastoris Hamburgensis, quem nuper nobis ereptum adhuc acerbe dolemus, qui qua erat in his literis eruditione, ipsam Mardochei tractationem Hebraice cum versione Latina vulgavit, notisque eruditissimis illustravit, amplaque et docta praefatione de Karaeorum rebus scriptisque disseruit, et eorum quoque nobis catalogum exhibuit, qui de rebus Karaeorum totaque huius sectae ratione commentati sunt. In quo libro bonae frugis pleno cum eorum, quae notitiā historiae huius sectae literariam comparare possunt, plena et diligens facta sit enarratio, lectorem plura, quam quae nos in compendio strictimque pro instituti ratione dicturi sumus legere cupientem ad hos fontes ablegamus, ex quibus tantum hauriet, quantum sufficiet ad restinguendam desiderii sui sitim. Multos quoque huc pertinentes scriptores nominavit Io. IACOBVS SCHVDTVS z.

§. XXIV. Karaeorum origines ut valde inter doctos viros disputationibus et coniecturis obscuratae sunt, ita detegi non possunt, nisi sectae constitutionem a nominis ortu, occasionemque utriusque rite inter se distinguamus. Karaitarum siue Karaeorum nomen textuarium siue scripturarium indicat a, quatenus traditionum sectatori b opponitur, eumque significat, qui sine traditionis glossaeque auctoritate solam legis literam textumque sequendum pronuntiat. Ex quo nomine intelligi potest, rei ipsius origines ad ea tempora referendas esse, quibus traditiones ortae sunt, iisque alii contradixerunt. Supra enim planum fecimus, mature post vatum diuinorum discessum ex hac vita, et vaticinandi facultatem inter Iudaeos desinentem, repertos fuisse, qui legis interpretationem molirentur novam, patrum orali, quam iactabant, traditioni adscriptam, quam accepisse Moysen una cum lege scripta dicebant: huncque in finem adhibitam fuisse interpretationem legis allegoricam, qua, ut in Aegypto gentilis philosophia, ita in Palaestina doctorum commentationes et definitiones habitu Mosaico induebantur: non tamen defuisse quoque viros cordatos patriaeque legis studiosissimos, qui hanc domesticae sapientiae

Z z z z 2

cor-

*) Exerc. SS. L. II. ex. 7. c. 1.

y) Hamburgi 1721. 4. vid. Journal des Savans 1715. Mars Cat. crit. Bibl. Reimmann. T. I. p. 885.

z) Memorabil. Iudaic. P. II. p. 34.

a) v. Buxtorf. Lex. Talm. p. 231. SCHV PART. I. c. diff. I. §. 2. p. 6.

b) Cabbalistas vocant Karaei voce generaliori significatione sumta, pro quavis traditione.

corruptionem abominati traditioni huic orali, et interpretamentis legis ab humano ingenio profectis se opposuerint, legisque literam solam sequendam esse, statuerint. Ita vero Sadducaeorum familiam docuisse, et traditionem omnem reiecisse, in antecedentibus luculentis veterum suffragiis docuimus. Ex hac vero Sadducaee familiae traditionum reiectione manifestum est, fuisse eo iam tempore homines, qui traditioni omnium nuntium mittentes, Pharisaeorum partibus pro ea militantibus restiterint. **A**st dubium quoque non est, displicuisse multis viris piis, legis diuinae, oraculorumque sacrorum amantibus impia Sadducaeorum dogmata, inuita lege et prophetarum scriptis repugnantibus definita, adeoque eos ad hanc sectam animum non adplicuisse, licet ceteroquin traditionibus non adhaerent, sed solam legis literam simpliciter sequerentur. In his nihil esse, quod non magna verisimilitudine se commendet, nemo temere inficias iuerit, nisi affirmare velit, vniuersam Iudaeorum nationem praeter vnam Sadducaeorum sectam collum traditionis iugo subdidisse, quod omni probabilitate caret. Ex his vero constare arbitramur, Scripturariorum partes non esse iuniores partibus traditionariorum, et vtramque factionem vno simul tempore fuisse exortam. Placuisse hanc sententiam magno SCALIGERO, supra quoque memorauimus, in cuius tamen ea de re opinione est aliquid, cui, quo minus ei subscribamus, ratio satis valida est. Scaliger enim non tantum mox post Babyloniam captiuitatem homines fuisse putat diuersi generis, quorum aliqui solam legis literam cultus diuini, doctrinaeque sanctioris atque vitae regulam constituerint; alii illi traditionem adiecerint, et opera supererogationis iis inaedificauerint; sed inde etiam diuersae sectae nomina emeruisse, hisque Hasidaeorum, illis Karaeorum nomen haesisse; ex his vero, adiectis nouis, ex male intellecto Antigoni praecepto, dogmatibus a Sadocho et Baithoso Sadducaeorum familiam fuisse enatam statuit. Valde contempsit hanc opinionem Io. MORINVS, qui, Karaeos multo iuniores fuisse existimans, reiectis et emendatis Sadducaeorum erroneis placitis ex eo fuisse exortos, quod sese Talmudis cultoribus opponerent, contendit. Nec defendi satis posse Scaligeri opinionem, quatenus duas nobis distinctas nomine et familia sectas, Hasidaeorum et Karaeorum enumerat, quae ab Esdrae tempore inualuerint, supra iam concessimus. Inde vero non sequitur, si sectaria eiusmodi constitutio duarum partium vel factionum non fuit, ideo rem ipsam non fuisse. *Quis enim negare ausit, fuisse semper in ecclesia Iudaica nonnullos, qui inde ab eo tempore, quo homines, ingenio indulgentes, noua instituta obtrudere aliis coeperunt, improbandis horum conatibus fortiter restiterint, quos tam grauiter, tam aperte per Mosen damnatos esse intelligebant?*

Num-

c) In elencho trihaeresii c. 22. p. 163. seq. Eum, quod miramur, secutus est LYDOV. CAP-

PELLVS defens. crit. S. cuius verba adducit SCHVPARTVS l. c. p. 52.

d) Exerc. bibl. L. II. exerc. 7. §. 7. 2.

Numquis porro affirmare sustineat, non alios se traditionibus sensim prodeuntibus opposuisse, quam Sadducaeos, et eos homines, qui hanc doctrinae puritatem aliis erroribus, non excusandis deturparunt? Ita egregie recteque infert Cel. WOLFIVS ‘; cum dubio careat, fuisse homines sacrarum literarum ita amantes, vt nec traditionum commentis, nec impiis Sadducaeorum dogmatibus accesserint, quorum vtrumque refragari sacris literis satis euidenter perspiciebant. Quod vbi admittimus, vt admitti debet, nisi rationibus probabilissimis fidem denegentus, euincitur inde, statim eo tempore, quo traditionis architecti prodierunt, enatos quoque fuisse scripturarios, et ex his demum Sadducaeos extitisse. Et haec quidem satis verisimilia sunt. Quando vero Karaeorum nomen originem ceperit, et scripturarios partes, non traditionariis tantum, sed Sadducaeis quoque oppositae in sectam coaluerint, de eo ancipiti prorsus disputatione haecenus disceptatum est. Ipsos sectae Karaiticae asseclas si audimus, primae eius propagines a decem tribubus per gentes dispersis deriuandae sunt. Ita enim Karitae in extremis Lithuaniae partibus habitantes ad Gustauum Peringerum Lilienblat scripserunt *s*, coloniam se esse iactantes Israëlitum ab Assyriis abductorum, quae in Tartaria resederit. Quod commentum esse Iudaicum facile is intelliget, qui tribuum harum fata paulo curatius considerauerit. Qui enim ex iis cum Iudaeis redierunt, nunquam peculiarem sectam constituerunt, sed cum Iudaeis in vnam coaluere gentem; reliqui consumitis disiectisque genealogiarum schedis confusi inter se, et per varias inter gentes diuersas colonias distracti, desierunt constituere peculiarem nationem. Vnde quo loco ista traditio Karaeorum habenda sit, liquet. Nec valde moramur successionem doctorum, quam ab Esdra deriuant, nobisque obtrudunt Karaci. Nam et Rabbanitae eadem ratione successionem instituunt, non meliori fide, cum vna alteram euertat. Quae vero Rabbanitae memorant, cum Iaddo, traditionariorum capite eiusque sequacibus obuiam quoque processisse Alexandro M. Ananum et Cassanatum (alii Carcasnaeum vocant) scripturarios antesignanos, illumque edito miraculo veritatem factionis suae probauisse, Anano in ruborem dato, quod similia patrare non potuisset, putidam nobis dementium Iudaeorum fabulam referunt, quae hoc vno momento refutatur, quod Ananus seculo demum octauo post C. N. vixit, vt postea docebimus, vt reliquas insipidi commenti absurditates taceamus. Ex quibus tamen hoc conficitur, non aulos fuisse omnes Iudaeos negare antiquam valde esse Karaeorum sectam. Quia vero hic Ananus suppressam ferme scripturarios factionem

Z z z z 3

nem

e) l. c. praefat. p. 7.

f) Miserat gloriosae memoriae rex Suecorum Carolus XI. Gustauum Peringerum Lilienblat linguae S. professorem Vpsaliensem, in extremas Lithuaniae partes, vt de Karaeorum conditione rebusque notitiam certiore acquireret.

Is quae comperit ad Iobum Ludolfum perscripsit, cuius epistolae apographum cum ad GUIL. TENZELIVM peruenisset, is illud edidit in Colloquiis mensuris 1691. lul. p. 572. Alia huc pertinentia vide apud BASNAGIVM l. c. L. II. c. 16. §. I. p. 371. SCHVPARTVM l. c. c. I. p. 25.

nem contra grauissimos traditionariorum insultus nouis conatibus fulsit, resque eorum ita adiuuit, vt reflorescere inciperent, occasio inde enata est viris doctis statuendi, emendatis Sadducaeorum doctrinis abiectisque erroribus, sola vero seruata scripturae auctoritate ex Sadducaeis ortos fuisse Karaeos, Anano Sauloque filio eius et Carcasnaeo exemplum prae-eunte, sic vt Karaei Sadducaeorum propago sint, sed emendata atque reformata. Ita quidem, post Iudaeorum Rabbanitarum magistros plurimos, quos Cl. SCHVFPARTI diligentia adduxit ^g, visum magnis viris, Th. GOODWINO ^b, Io. DRVSIO ⁱ, Io. BVXTORFIO ^k, Io. HEN. HOTTINGERO ^l, Io. BEN. CARPZOVIO ^m, GVIL. CAVEO ⁿ aliisque. Verum recte huic quoque opinioni opponitur, non posse demonstrari, quod vnquam Karaei cum Sadducaeis immortalitatem animae et resurrectionem mortuorum, vel extremi iudicii retributionem negauerint, et emendatione opus habuerint. Iudaeorum Rabbanitarum vero testimonia eo magis fide indigna sunt, quo magis auctoritatis praeiudicio non occoecatus mox prima fronte cognoscit, inuidiam odiumque erga Karaeos hanc de iis fabulam Rabbanitis dictitasse, vt eo magis euilesceret aduersariorum fama atque existimatio. Paulo tolerabilior Io. MORINI ^o sententia est, qui in epistola ad Buxtorfium initium schismatis istius a Iudaeis assignari obseruat A. C. DCCXL, hoc est annos post Talmudis obfignationem circiter LX. Ex historiis enim et circumstantiis, quas omnes referant, et praesertim, quae ad illa tempora proxime accedant, euidentissime demonstrari, R. Ase Talmudis compilationem coepisse ineunte seculo sexto, et R. Iose aliosque compleuisse circa annum Christi DCLXXX. Cum igitur Talmud Babylonicum magna apud Iudaeos auctoritate potiretur, passimque cresceret eius auctoritas, Iudam quendam Pumbedithanae scholae caput, חלכת גרולות, composuisse: quod tamen alii tribuant R. Keiarae, qui eum praecefferit, quas decisiones ex Talmude velut libro authentico decerpserint. His se opposuisse Anan et Saul filium eius, et Carcasnaeum, viros apud eos celeberrimos, ferre non valentes, eandem traditionibus Talmudicis auctoritatem, quae S. Scripturae, tribui. Hinc in eos ceteros tantum odium exercuisse, quale vnquam in vllam nationem aut sectam. Sequitur MORINI partes RICH. SIMONIVS ^p. Neque tamen haec quoque opinio, quae epocham nati Karaeismi ad Sec. VIII reiecit, calculum meretur; cum quod Talmudis origines iuniores quam par est, ponit, nempe tribus seculis integris serius, quam compilatum fuisse infra demonstrabimus; tum quod restaurationem sectae pressae et abiectae cum eius

g) Praeter multos a SCHVFPARTO l. c. p. 39. adductos videndus Leo MVTINENSIS de ritibus et ceremoniis Iud. P. V. c. I.

b) Moses et Aaron L. I. c. 9. §. 8. p. 173.

i) De sectis L. III. c. 8. p. 135.

k) Lex. Talmud. f. 2115.

l) Thesaur. philolog. L. I. c. 1. f. 5.

m) Intr. in theol. Iud. c. III. §. 8.

n) Antiqq. Apostol. p. 422.

o) l. c. et Antiqq. eccles. orient. p. m. 366.

p) Hist. crit. V. T. c. XXXVIII. p. 161.

eius origine confundit. Recte quoque his opponitur testimonium R. IEHVDAE LEVI, in libro *Cofri*, quod supra adduximus, quod temporibus R. Iehuda Ben Tabbai et R. Schimeon Ben Schetach, cum traditionum farragines noua auctoritate confirmarentur, a traditionariis se separauisse scripturarios innuit. Nec alios scribarum nomine intelligunt scriptores ecclesiastici, quam scripturarios. Addimus his testimonium libri *Iuchasin*, quod Ananum apostatam factum et per domum iudicii declaratum, confirmauisse, non vero constituisse sectam Karaeorum luculenter testatur ⁹. Aptius tamen propiusque vero hanc opinionem exornauit, B. SCHVPARTVS ⁷, cuius de Karaismi origine coniectura huc redit: „Principium quoddam fixum minus esse determinabile, vt solent omnes „fere errores, qui ex opinionibus priuatis in articulos tandem commigrarunt fidei. Ita enim se rem cum Karaismo quoque habuisse, eum „nempe creuisse, antequam crescere visus, sub carecta latuisse quidem, „at propagatum sic quam felicissime. Hinc frustra annum, mensem, „diemque introducti dogmatis expectari, sensim enim haec omnia exorta „esse. Scilicet ita dementasse Iudaeorum animos infinitam illam traditionum Mosaicarum vim, vt maiorem iis haberi honorem contenderent, „quam ipsis S. Scripturarum libris; citius Mosen cum omnibus prophetis „valere iussu, quam recedere a patrum placitis vel latum vnguem. „Quin etiam leuiter saltem repugnasse, non piaculum modo, sed etiam „*θεομαχίαν* plane iudicatam fuisse. Hanc opinionem omnes coeco impetu „secutos a vero videri alienius, vt ex secta Sadducaeorum pateat; at iniurios quoque esse in hanc gentem, qui hos omnes traditionum ofores „Sadducaeorum erroribus addictos fuisse statuunt. Horum vero non e re „fuisse, vt publice ea propugnarentur, quoniam habenda temporis ratio, „quae omnibus viribus contranitebatur: quapropter necessitatis lege hos „mussitasse tantum illa, eo vnice intentos, qui tegerentur studiosissime, „latius interim serpere coepisse hanc doctrinam cumque die maiora cepisse incrementa. Interea traditiones non scriptas vndique magna cura „conquisitas fuisse, cautumque serio, vt symboli loco Iudaeorum essent „in oculis. Quare non potuisse celari diutius dissensum, obsignatum „enim Talmud resignasse nouae haereseos claustra, cuius oppugnatores „falsae inanem contribulium insaniam irriserint“. In qua viri docti opinione laudandum est, agnosci antiquitatem partis scripturariorum, ast ferri non potest, per decem fere secula eam ita latere potuisse, vt non prius tandem in publicam sectam et schisma apertum erumperet. Fuisse enim plurimos, qui aperte traditionum commenta reiicerent, in antecedentibus demonstrauius. Et, vt verum fateamur, facilius variae virorum doctorum opiniones de origine sectae Karaiticae reiiciuntur, et quid iure displiceat, ostenditur, quam probabilior sententia introducitur. Illud verisimile esse, nemo temere inficias ibit, qui Iudaicae philosophiae in-

⁹) Is in limine statim hanc opinionem reiecit. Conf. SCHVPARTVS l.c.p. 39. ⁷) l.c.p. 44. seqq.

inter Aegyptiacos Iudaeos origines et historiam supra expositam attente considerauerit, primam fere occasionem literam legis pressius sequendi enatam fuisse ex methodo allegorica inter Iudaeos introducta, quod Ptolomaeorum temporibus euenit. Haec enim cum ita legis literam defereret, vt allegoriae beneficio peregrina dogmata Mosi affingerentur, non potuit non viris bonis et cordatis ita displicere, vt se nouae haeresi opponerent. Qui cum sapientiae Aegyptiacae nuntium mitterent, quae eo tempore maxime fiebat, scripturariorum, vt verisimile est, nomen a Cabalisticis siue traditionis sublimioris patronis acceperunt. Neque vero sola probabilitate haec se commendat opinio, quae ex Aegypto Karaei schismatis origines nomenque arcessit, sed et Maimonidis testimonio, viri inter Iudaeos docti et patriarum originum contribulibus suis peritioris confirmatur, qui animaduertit nomen hoc coepisse in Aegypto. Nec a verisimilitudine recedit Cl. TRIGLANDII^s coniectura, dicteriiis Aegyptiacis nomen Karaeorum adscribendum esse; ad dicteria enim Aegyptios et praecipue Alexandrinos fuisse propensissimos exemplis sine numero obuiis in historia; etiam optimi principis Vespasiani, quem *κυβισσάκτην* vocare perseuerarunt, teste SVETONIO^{ff}. Quamuis vero haec ex probabili tantum coniectura disputari fatendum sit, magnum tamen pondus haec sententia accipit ex narratione et Karaeorum et auctoris libri *Cofri*, quae allata a Simeone Ben Schetach Alexandria reduce, Cabbala Aegyptiaca, eaque cum traditionibus patrum coniuncta in apertum prorupisse schisma traditionariorum et scripturariorum disputationes tradit. Neque valde his obest Iosephi de Karaeorum secta silentium, eum enim *τῶν νομίμων*, id est legis partes solas sine interpretamentis Pharisaeorum sequentium mentionem ex odio sectae Pharisaicae ingenito, cui erat addictissimus, non peculiarem fecisse, sed sub inuiso Sadducaeorum nomine eos comprehendisse, omnino credibile est. Magnopere vero hoc inde confirmatur, quod Karaeorum nomen apud Iudaeos in dicterium valde inuidiosum abiit, et in Rabbanitarum Pharisaicas partes sequentium scriptis plerumque pro Epicureo, Cuthaeo siue Samaritano, haeretico vel atheo vsurpatur, cuius exempla plurima ex verporum scriptis collegere doctissimi Karaiticae historiae enarratores TRIGLANDIVS^t, et SCHVPARTVS^u, qui videndi. Etsi enim laudabile institutum solam Scripturam *θεοπνεύστον* pro fidei vitaeque norma admittendi hoc nomen innuat, patet tamen ex his Rabbanitarum locis, pro impiae sectae nomine hanc Karaeorum appellationem fuisse habitam, quod traditionum auctoritatem non minus diuinam esse et a Mose profectam, quam literae legis Rabbanitae haberent persuasissimum. Quare non audiendus est MORINVS^x, qui Karaeos ipsos sese hoc nomine ab aliis distinxisse, vt hoc scripturariorum nomine superbirent, pronuntiat. Contrarium enim ipsos Karaeos referre, pulchre

^s) De Karacis p. 23.

^{ff}) In Vespas. c. 19.

^t) l. c. c. II. p. 5.

^x) Excert. Bibl. l. c.

^u) l. c. p. 9.

chre obseruat TRIGLANDIVS^y, qui locum eorum affert, quo, *filios scripturae admonere*, legimus, *quod alii nomen et epitheton Karaim iis apposuerint, ea propter quod fidem non habeant legi nouae, quae lex oralis vocetur*. Dubium itaque non est, Karaeos quod in contumeliam iis datum erat nomen, in laudis argumentum traduxisse, cum optima iis causa esset. Qua ratione dicteria et conuitia laudabiliorem postea significationem saepius recepisse, sectarum historiae sacrae et profanae passim loquuntur^z. Ex his vero constare arbitramur, omnino deserendam esse Morini et sequacium sententiam, quae Talmudis compilationem et euectam nimis traditionum auctoritatem hoc schisma nomenque atque sectam Karaeorum peperisse contendit. Hoc enim si verum esset, non tradidissent Iudaei, tempore Hyrcani duas has factiones iam caput inter Iudaeos extulisse. Quo tempore cum Pharisaeorum et Sadducaeorum sectae diu iam inualuissent, dubium non est, fuisse viros bonos et cordatos, qui ab utriusque sectae erroribus abhorrentes, scripturae solius auctoritatem secuti fuerint, et tum impuras Cabbalisticae theologiae lacunas, tum sordidas traditionum quisquilias reiecerint. Quales fuisse sectatores R. Iehudae Ben Tabbai credibile est, si vera sunt, quae de schismate inter scripturarios et traditionarios orto Iudaei referunt. Quod quidem Iosephum filere non diffitemur, ad eum tamen cur magnopere attendendum non sit, traditionariorum nempe partibus addictissimo, iam monuimus. Schammaeanam vero scholam has quoque partes secutam esse, ex historia eius infra enarranda, vix dubium esse videtur, quae causa est cur Schammai se discipulos esse ipsi Karaei^a venditent. Neque verisimilitudine destituitur eorum opinio, qui νομιμας in sacra euangelistarum historia memoratas^b ex Karaeorum numero fuisse contendunt. Quaecunque enim Karaei nominis origo fuerit, illud certum est, et ab interpretibus recte animaduersum, manifesto in verbis ΛΥCΑΕ νομιμας a Scribis et Pharisaeis distingui, illosque denotari, qui legem alia ratione quam Pharisei et Scribae solebant, sequendam esse statuerent. Pharisei enim ob traditiones πατροπαράδοτας a Salvatore maxime culpabantur, hi, quod ex legis litera iuga alia hominum conscientiae tanquam onera imponerent, reprehendebantur. Maximeque hanc νομιμας explicationem iuuat Iudaeorum traditio, in Talmude Hierosolymitano^c narrans: *Quadringentas et octoginta synagogas fuisse Hierosolymis, et unicuique fuisse בית ספר ובית תלמוד domum libri siue scripturae, et domum Talmud siue traditionis oralis*. Ex quo recte

y) loc. cit.

z) Exemplo esse potest Cynicorum appellatio quam a scommate originem traxisse obseruat LAERT. in proem. Eadem ratione Euangelicorum nomen Protestantibus haecisse obseruant IOVETVS Relig. du monde T. II. p. 538.

TRIGLANDIVS l. c. REIMMAN. l. c. p. 463.

a) R. Mose Bethschitschi apud TRIGLAND. l. c. c. 6. p. 72. 94.

b) LVC. XI. 45. 46.

c) Megillat f. 73. conf. OLEAR. ad Matth. XII 52. p. 417.

recte colligas, separatam a traditionariis factionem constituisse scripturarios. A quibus tamen τῆς γραμματέως, euangelistis memoratos malumus distinguere, quorum partes in explicanda lege, forte secundum allegoricam traditionariorum et Cabbalistarum methodum, fuisse versatas et munus magis in synagoga receptum, quam sectam quandam innuere facile viris doctis ^d largimur, qui Sopherim Synagogae huc aduocant: eo quod γραμματέως Pharisaeis addictos fuisse ex D. L. V. C. A. ^e constet: qui tamen alibi ^f eos ex parte Sadducaeis quoque adhaesisse, prodit. Karaeos vero huc aduocandos esse, ipsa Rabbanitarum persuadet traditio, quae audaci manu literas Karaeis supposuit, quibus Rabbanitis caedes Iesu a Karaeo imputatur, vt obseruatum Io. I. A. C. H. V. L. D. R. I. C. O. ^g. Nec alia forte ratio fuit Isaaco Orobio ^h, cur Iesum Karaeorum partes secutum fuisse assereret, quam quod persuasissimum haberet, fuisse iam ista aetate homines inter Iudaeos, qui a traditionum studio Iudaeos auocarent. Quod si pro verisimili admittitur, νομικὸς fuisse Karaeos ^b, constat inde, ante vrbs excidium stante Republica Iudaica a dignitatibus et muneribus eos non fuisse exclusos, et viros quoque spectatae famae et honoris in his partibus fuisse repertos. Ast post vrbs templique desolationem eo magis scripturariorum partes decreuisse oportet, quo magis et talmudicum studium, traditionibus a Iehuda sancto Sec. II in literas relatis crescebat, et Cabbalistica mysteria inualescebant, vtrique vero allegorica legis et scripturarum interpretatio infanda literalis sensus iactura suppetias ferebat, et eius auctoritas augebatur. Mirum itaque non est, munitis traditionibus per Gemaram, et consarcinatis innumeris Iudaeorum commentis adeo fuisse exinanitam Karaeorum factionem, vt tanquam contemptae et exiguae partis eorum in Talmude mentio iniiciatur: praesertim cum principes viri inter Iudaeos traditionariorum se partibus plerumque adiunxerint. Resumisit tamen vires caputque iterum extulit Karaeorum secta Seculo VIII, quo R. Ananus Ben Dauid eam restituit. Valde contemtim de hoc Anano loquuntur Rabbanitae, qui eum apostatam, haeticum, superbia elatum, et censura synagogae notatum fuisse clamant, et offensum Karaitarum sectam ex Sadducaea exsculpisse mentiuntur. Rem ita narrat R. ABR. BEN DIOR ⁱ: *R. Iebudai tempore exitit Ananus eiusque filius Saulus. Qui quidem Ananus patria Betzuriensis atque initio Rabbanita fuit; sed obseruarunt in eo vitium quoddam, cuius gratia in Geonaeum non fuit promotus, neque etiam coelitus pro idoneo aestimatus est, vt fieret aechmalotarcha. Vnde ira aduersus eos in corde suo incensus emisit virus suum, conatusque est seducere filios Israëlis a traditione*

^d) GOODWIN. Mos. et Aaron. L. I. c. 6. p. 117. RELAND. Antiq. SS. P. II. c. 9. §. 17. p. 255. seqq.

^e) V. 17. VII. 30. XIV. 3.

^f) Act. XXIII. 9.

^{ff}) Ad Toldosch Iesu p. 85. conf. WOLF. ad

MARDOCHAI de Karaeis praef. p. 8. BASNAGE Hist. des Juifs L. II. c. 17. §. 7. p. 417. seqq.

^g) Vid. TRIGLAND. l. c. c. VI. p. 66.

^h) Conf. WOLF. Cyr. phil. ad II. cc. BASNAGE l. c. p. 418. seqq.

ⁱ) Kabbal. hist. f. 66.

ditione sapientum, quam inde a prophetis per testes veritatis sufficientissimos oraliter propagatam tenent, declaratus ergo est a Senatu pro sene rebelli, quod iudicibus non obediret. Tum scripsit libros et constituit discipulos statuta pessima ex corde suo commentus. Post excidium enim Hierosolymitanum Sadducaeae attenuati sunt, donec assurgeret Ananus eosque corroboraret. Alia Iudaeorum loca diligenter adduxit SCHV-PARTVS^k. Ast dictasse haec Rabbanitarum invidiam et calumniandi pruriginem, ex adductis est manifestissimum. Longe aliter Karaei, qui impudentia Rabbanitarum mendacia fortissimis argumentis euerterunt et Ananum virum cordatum, pium, legis amantissimum, ideoque a Rabbanitis magna invidia et persecutionibus pressum demonstraerunt, qua de re tamen, cum instituti limites obstant, dicere plura heic non licet, adendum vero TRIGLANDIVS^l, qui totam Anani huius historiam docte et eleganter exposuit. Nos vero ex ea hoc imprimis, quod ad praefens argumentum maximopere pertinet, conficimus, non ab eo auctore demum conditam Karaeorum sectam, sed depressae et iacentis res restitutas fuisse, id quod ipsorum Iudaeorum euincunt testimonia a laudatis viris doctis allata. Ab eo tempore non defuere Karaeis viri docti legisque peritissimi, inter quos eminuere R. Menachem, R. Saadias Gaon et alii, quorum tamen historia, cum ad philosophiae acta non spectet, in historia Iudaeorum literaria quaerenda est^m. Non praetermittendus tamen R. Ioseph, cognomento videns, qui in doctrina de cognationibus et matrimoniorum gradibus prohibitis lucem parti suae accendit, gradus certos prohibitos constituens, cum initio innumeris consequentiis impediti vix personam vnā alteramque inuenirent, qua cum coniugium contrahere fas esse credebatur. Quo in negotio rem ad maiorem perfectionem perduxit R. Iehoschua. De quibus legibus Karaeorum matrimonialibus, licet ad certum quoque philosophiae moralis caput pertineant, hic tamen dicere nihil attinet, cum ad specialia descendere non liceat, legendus tamen de iis IOANNES SELDENVSⁿ. Seculo XII iterum Karaitarum diligentia eminuit. Valde enim in Rabbanitarum interpretamenta insurrexerat R. Abu-Alphaeus Karaeus, qui in Palaestina vixit, et pentateuchum commentariis illustravit, quem cum valde concutere traditionariorum partes videret R. ABRAHAM BEN DIOR, notum illi *librum traditionum* titulo (*Sepher Hakkabala*) notatum, opposuit, nec desierunt Rabbanitae partes suas contra Karaeos magistratuū quoque impetrata ope confirmare^o. Quibus tamen non obstantibus non potuere im-

A a a a 2

pedire

k) I. c. c. I. 49. conf. HOTTINGER. Hist. eccl. N. T. Sec. VIII. p. 543. quem cum DRV-SIO de festis Iud. L. III. c. 8. p. 136. fidem Iudaeorum fabulis dare potuisse merito mireris. Plura adest TRIGLANDIVS I. c. p. 101.

l) I. c. conf. WOLF. Bibl. Hebr. P. I. p. 954. seqq. BYDDEVS Hagog. Hist. theol. P. II. c. 8. p. 1652.

m) Videndi TRIGLANDIVS, WOLFIVS, REIMMANNVS II. cc.

n) De vxore Ebraea L. I. c. 4. p. 12. conf. MARDUCHAI I. c. p. 26. WOLF. I. c. p. 564. REIMMAN. I. c. p. 481. seqq.

o) Conf. BYDDEVS Hist. phil. Hebr. §. 30. p. 154. HOTTINGER. I. c. Sec. XII. sect. 4. p. 245. WOLF. I. c. p. 8. BARTOLOCC. Bibl. Rabb.

pedire inuidi Rabbanitae, quo minus Karaei coetus quoque suos haberent, qui hodie inter Turcas, Moscouitas et Lithuanos reperiuntur^o: tanta vero inuidia odioque premuntur a ceteris Iudaeis, ut cane peius et angue inuisi illis sint, citiusque Christianum vel etiam Turcam ferant, quam Karaeorum quemquam, de quo odio memorabilia sunt, quae viri docti passim annotauerunt^p.

Dogmata Karaitarum.

§. XXV. Dogmata Karaiticae sectae pleraque ad interpretationem legis pertinent, et in historia theologiae Iudaicae enarrari debent, nec huius loci sunt et instituti. Reperiuntur tamen inter ea quaedam, quae ad naturalem quoque theologiam referri possunt, et ex quibus iudicari potest, quem principiorum rationis cum reuelationis praeceptis coniunctorum usum haec secta adhibuerit. Intelligi quoque sine eorum dogmatum explicatione sectae huius constitutio non potest, quibus a reliquis Iudaeorum sectis distinguitur. Potiora huc redeunt^q:

I. Non recipienda est alia fidei vitaeque norma, praeter scripta Moysis et prophetarum, quae sola diuina auctoritate constant, et ex reuelatione diuina profecta sunt. Caput hoc est atque cardo totius Karaismi, ut ex antecedentibus liquet, quo dogmate imprimis aduersus traditionarios pugnabant^r. Nihil itaque admittebant, quod non haustum esset ex diuinis oraculis. Quae, ut mox dicetur, interpretatione quidem doctorum explicabant, adeoque ad successionem quandam doctorum suorum doctrinalem prouocabant; qua ratione traditionem quandam recepisse dici possent, aut longe aliam, quam quae a Phariseis et Rabbanitis tradebatur. Hi enim patrum suorum constitutiones legi adiciebant, illi interpretationem tantum antecessorum intelligebant recipiendam, qualem et ratio et interpretandi leges iniungerent. Alia vero in lege non comprehensa nec recipiebant, nec pretium illis vllum ponebant, secus ac traditionis fautoribus placuit, qui traditiones non aequare tantum sed et praeponere literae legis non erubescabant^s.

II. Reiicienda itaque omnis traditio oralis, tanquam inuentum humanum, quatenus vel legis et scripturae literae contradicit, vel ex ea legitima consequentia deduci non potest. Sequitur hoc ex priori dogmate, et fundamenta Pharisaicae et Rabbaniticae doctrinae euertit, quae legem

ora-

Rabb. T. I. p. 19. BASNAGE l. c. L. II. c. VI. p. 436. seqq.

o) Conf. TENZEL. l. c. BASNAGE l. c. p. 438. IO. IAC. SCHVDT. memorab. Iud. P. II. L. VI. c. 27. §. 6. WOLF. not. Karaeor. l. c. alii.

p) Vid. SCHVDT. comp. Hist. Iud. L. III. c. 13. p. 528. Memor. Iud. l. c. p. 33. EISENMENGER. Iudaism. detect. P. I. c. 8. p. 305. DIEFENBACH. Iud. conuers. §. 12. p. 503. BASNAGE p. 439.

q) Karaeorum doctrina ex libris eorum passim dispersis, maxime vero ex R. IAPHETI LE-

VITAE (qui Seculo XII vixit, et varia scripta moralia et exegetica confecit, de quibus videndus WOLFIVS Bibl. Hebr. P. I. p. 671. seqq.) Catechismo siue explicatione decem articulorum fidei colligi potest, de quo libro videndus TRIGLANDIVS l. c. c. 10. II. p. 283. qui et ipse, ut et SCHVFPARTVS II. cc. summam doctrinae Karaiticae, ex libris eorum nobis exhibuerunt. Hos secuti sunt BASNAGIVS, REIMM. alique.

r) Conf. CARPZOV. Introd. in theol. Iud. c. III. p. II. TRIGLAND. l. c. c. IX. p. 126.

s) Conf. BASNAGE l. c. p. 381.

oralem, Mosi cum lege scripta traditam aequali auctoritate recipiendam commendat. Hinc reiecta Karaeis tota traditionum *πατερπαράδοσαν* farrago et compilatio Talmudica. Aliter quidem MORINO¹ visum, qui Karaeos Mischnam et Talmud colere, sed iis auctoritatem supremam et diuinam non arrogare contendit, cuius opinionem secutus est RICH. SIMONIVS². Sed falli eos atque fallere, luculenter probant obiectiones Karaeorum Rabbanitis factae, locaque clarissima eorum, quibus omnem traditionem oralem reiiciunt: id quod ipse MORINVS alio loco³ agnouit et fassus est.

III. In interpretatione vero legis et dogmatum ex ea deriuatorum attendendum est ante omnia ad literam legis, tum ad regulas interpretationis, quas ratio dicitur, et consequentias inde enatas, et denique ad successiorem doctrinae doctorum, quatenus cum sacris concordat literis⁴. Explicat haec assertio, qua ratione solam legis literam admiserint: ita enim explicationi legis allegoricae opponebant literalem, canonibus tantum logicis et hermeneuticis nixam, et ad sacra oracula restrictam. Et reiecit quoque Karaeos hagiographa et prophetarum scripta LEO MVTINENSIS⁵ tradit, sed reclamantibus Karaeorum monumentis, quae et commentarios nobis in libros sacros exhibent, quales R. AHARON BEN IOSEPH in Psalms, Hiobum, et prophetas conscripsit⁶, et responsiones ex his sanctorum scriptorum libris petitas ad Rabbanitarum obiectiones continent⁷. Aequè falsum quoque est, quod post SIMONIVM GVIL. CAVEVS⁸ sibi persuasit, reiicere Karaeos puncta vocalia; contrarium enim ex codicibus biblicorum punctatis, quibus vtuntur, patet. Nec tamen inde sequitur, quod sequi putauit Simonius, traditioni ita eos fauisse, eo quod per Masorethas enata puncta vocalia pars sint traditionis, quod argumentum contra Karaeos valde vrget auctor libri *Cofri*⁹. Totum enim commentum de origine punctorum Masorethica reiiciebant, eo quod omni traditioni nuntium mittendum esse statuebant. Qua de re legendus est BASNAGIVS¹⁰.

IV. Quaecunque fundamento Scripturae S. carent, vana et inutilia sunt, atque reiicienda¹¹.

V. Reiiciendae itaque sunt interpretationes Scripturae legisque cabbalisticae atque mysticae, et allegoricae¹².

VI. Articuli fundamentales hi sunt: quod omnis existentia materialis, videlicet orbes, et quicquid in iis est, sint creata: quod horum creator

A a a a 3

ipse

2) Exerc. L. II. ex. 7. c. 2. §. 1.

3) Hist. crit. V. T. L. I. c. 29. p. 163.

4) Antiq. Orient. ep. 13. p. 159. conf. SCHV-PART. I. c. c. IV. p. 100. seq. WOLF. ad MARCH. de Karaeis p. 69. seqq.

5) Verba R. Iehuda Ben Eliezer avert Io. SELDENVS de vxore Hebraea L. I. c. 3. p. 7.

6) De ritibus et ceremon. Hebraeor. P. IV. c. I. §. I.

a) Vid. WOLF. Bibl. Hebr. P. I. p. 121.

b) Exempla avert SCHVPARTVS I. c. p. 106.

c) Antiq. Apost. I. c.

d) P. III. §. 23. seqq. p. 198. seqq. e) I. c. p. 383.

f) R. Elias Ben Mosche apud SELDEN. de anno ciuili veterum Iudaeorum c. II. p. 10.

g) CARPZOV. I. c. c. 4. §. 2. p. 14. BVXTORF. Lex. Talmud. V. קריא p. 212. R. SIMON.

Supplem. ad Léon. Mutiae P. V. c. I. p. 140.

ipse sit increatus; quod nulla illi sit similitudo, ipseque vnicus ex omni parte. Decem articulos fidei Karaci numerant, ex quibus hi tres primarii sunt: reliqui ad veritatem legis Mosaicae, spemque Israël in Messia et resurrectione spectant, ad nostrum institutum non pertinentes. In eos celebratissimum commentarium scripsit R. IAPHET LEVITA, magister R. Abraham Aben Ezrae. Strictim eos illustrat TRIGLANDIVS^b, qui haec nosse cupientibus est legendus. Nos ex multis pauca tantum notamus, quae multo melius ratiocinatos fuisse, vel, si mauis, philosophatos, Karaeos, quam Rabbanitas in aprico ponunt. Afferunt veritatem erutam ex lege ope ratiocinii ex vno aliud inferentis, eo quod praeter lampada legis, lucernam quoque intellectus in manibus hominum esse dicunt: hanc vero ex illa suppleri et diiudicari debere afferunt. Deum sibi ponunt viuum, existentem, scientem, volentem, potentem, causam operantem, a materia secretum, et simplicem, sic vt attributa illius omnia ipsa eius sint essentia, licet diuersitatem in effectis ponant. Immutabilem ita dicunt, vt omnis mutatio ac varietas fiat ex parte obiectorum, quae actionem recipiunt, et non ex parte ipsius operantis. Creationem esse afferunt, quae vel sit ex nihilo vel ex re alia, quam creationem continuatam dicunt. Materiae primae existentiam aeternam negant, eamque anteuertere Dei beneplacitum statuunt. Quae et alia ipsis Karaeorum verbis probat TRIGLANDIVS^c.

VII. Quemadmodum scientia Dei est rerum omnium, sic eius etiam prouidentia circa omnia et singula versatur^k.

VIII. Homo necessario quidem indiget influxu diuino in suis operibus, anima nihilominus manet domina suae electionis et voluntatis: dispositionem quoque habet a natura, stellis, temperamento etc. secundum quam formam et bonitatem influxus accipiat^l.

IX. Quatuor dispositiones animae sunt, mortis et vitae, sanitatis et aegritudinis. Mortua est anima improba peccatis grauioribus inquinata. Viua, quae immunis a morbo peccatorum in bonis operibus incedit; Sana, quando rerum existentiam, nexum ordinemque apprehendit: Aegra, quando stultitiam sequitur. Istaе dispositiones inter se rursus sunt permixtae et sex adhuc alias pariunt constitutiones^m. Valde antiquam esse hanc distributionem affectionum animi vel dispositionum hominis, ex noui foederis locis compluribus colligi potestⁿ, vbi sanitas, morbi, vita, mors ad animum eadem fere ratione transfertur.

X. Mens post mortem, si digna est, ascendet in mundum intellectuallem, qui seculum vocatur futurum et paradysus, vt intellectualibus affixa viuat in aeternum. At si culpae obnoxia sit, et repulsa ab habitaculo pro-

^b) l. c. c. X. p. 150. Locum R. Aharon Ben Eliahu huc pertinentem lege apud SCHV-PARTVM l. c. c. IV. p. 131. add. BASNAGE l. c. pag. 400.

^c) loc. cit.

^k) Ibid.

^l) Ibidem.

^m) Ibid. BASNAGE p. 402.

ⁿ) Collegit ea TRIGLANDIVS l. c. p. 157.

propter transgressionem suam dolebit viuetque in anxietate et ignominia, quae est gehenna. Animarum vero transmigratio praua est opinio. Opponi hoc vltimum assertum ineptis Pharisaeorum et Rabbanitarum somniis, ex infra dicendis constabit.

XI. Vera poenitentia quemuis tollit reatum. Etiam hoc Rabbanitis oppositum, qui varios tollendi reatus gradus constituunt, et peccata quaedam poenitentia deleri, quaedam die expiationis tolli, quaedam afflictionibus expiari, quaedam sola morte auferri statuunt, quibus nugis melius sapuerunt Karaei.

XII. Ieiunia strictissime et accuratissime obseruanda sunt.

XIII. Vxoris sororem ducere etiam post fata nefas.

XIV. Propinquitatis ex sanguine et affinitate gradus in connubiis accurate obseruandi sunt. Nimios ea in doctrina Karaeos fuisse supra iam indicauimus, valdeque a Rabbanitis eo in argumento recedunt, id quod adeo aegre hi ferunt, vt Karaeos ideo Mamferim, i. e. spurios vocare non dubitent.

XV. Angelos, coelum, sidera adorare, idololatria est: ideo neque simulacra toleranda.

XVI. Cum tremore et reuerentia in precibus coram numine comparandum est.

Sunt et alia Karaeorum dogmata tum ad fidem tum ad vitam pertinentia, quae ex monumentis eorum collegerunt SCHVPARTVS, TRIGLANDIVS, BASNAGIVS, sed non ad rationis praecepta referuntur, sed ad legis interpretationem, e.g. de Sabbatho, de circumcisione, de festorum temporibus, de diuortio, adeoque ad nostros limites non pertinent, sed in historia theologiae Iudaicae liturgicae enarrari debent. Ceterum quod ad Karaeorum hodie viuentium vitam attinet, sobriam et honestam eam esse, plerique, qui de iis retulerunt, testantur, et manuum illos labore viuere non foenore narrant: nec aliter moralis, quae inter eos viget, doctrina patitur, quae parentum et praeceptorum reuerentiam et obsequium, diligentiam in opere manuum vna cum studio legis, amorem proximi, beneficentiam, orationum ardorem, et similia postulat, de quibus Karaeorum historiae enarratores consulendi sunt. Ex quibus intelligitur, longe melius Karaeos sapere, quam Rabbanitas Pharisaico fermento infectos, licet hi illos pro maledictis et ecclesiae communionem indignis habeant, eosque excommunicationis fulmine soleant percutere.

§. XXVI.

a) Ibid.

b) R. Aharon Ben Eliahu apud SCHVPART. l. c. IV. §. 21. p. 155.

c) SCHVPART. l. c. p. 159.

d) Vid. SCHVDT. Memorab. Iudaic. P. II. l. VI. c. 27. p. 32.

e) Quam superstitiosi ea in re sint Karaei docet TRIGLAND. l. c. p. 177.

f) Pulchra Karaiticorum magistrorum loca lege apud SCHVPARTVM l. c. p. 156.

g) Il. cc. Add. RELAND. Antiq. SS. P. II. p. 248. 368. 378. 401.

h) Philosophiae quoque operam dedisse Karaeorum nonnullos, exemplum R. Aharonis Ben Eliahu et R. Eliae Bethschizi docet, vid. MARDOCHAI l. c. p. 145. WOLF. Bibl. Hebr. P. I. p. 149.

i) Vid. ST. RITTANGEL. ad Iezirah p. 33.

k) Vid. WULFEN. ann. ad R. Zeui Theriac. c. V. §. 8. p. 318.

*Secta Phari-
saeorum.*

§. XXVI. Tertia Iudaeorum secta, omnium celeberrima, Pharisaeorum fuit, cuius res veteres et recentiores plurimi attigerunt ^a. Origines eius non minus, quam reliquarum sectarum Iudaicarum, incertae sunt, multisque virorum doctorum coniecturis et disputationibus expositae, quod mirandum valde non est, cum non certum quendam auctorem habuerit, qui illam condidit, ut aliis sectis obtigisse nouimus, sed tacita quadam consensione quorundam primo videatur enata, et traditionis veneratione roborata tandem in sectae constitutionem euasisse. Et Pharisei quidem ipsi, testante historia sacra ^b ipsaque eorum, quam iactabant, successione doctorum et doctrinae, Moysi se sectatores esse superbius ostentantes, legem, quam praecipue fouebant, oralem a maximo legislatore profectam intemerata serie ipsis in manus traditam fuisse clamabant ^c. Verum inanem hanc esse iactantiam, ipsius diuini viri verbis ^d euidenter demonstratur, qui se omnia, quae a Deo in mandatis acceperat, retulisse in literas testatur, ut taceamus, tam putidas friuolasque fuisse otiosorum hominum horum traditiones, ut legis literae valde contradixerint, id quod obiecissee impiae familiae sanctissimum Seruatorem in sacra historia ^e legimus. Reiecta itaque commentitia origine, nascentis sectae initia ante reditum ex captiuitate Babylonica quaerenda non sunt. Post eam vero cum vixerint Haggaeus, Zacharias, Malachias prophetae, nihilque in eorum scriptis sit, quod suspicionem faciat, eo iam tempore hanc sectam viguisse, merito eorum quoque aetate iunior fuisse statuitur. Quamuis enim verisimillima videatur viri cuiusdam docti magnique in interpretandis sacris literis acuminis ^f coniectura, adumbrasse symbolico vaticinio Zachariam hanc sectam eiusque progeniem Rabbanitas et susceptam Babylone collectionem talmudicam visione epistolae volantis mulierisque sedentis super Ephraim; ex hoc tamen inferri non potest, iam tum floruisse sectam, sed potius, futuram adhuc fuisse, ita ut vaticinio praedici potuerit. Dubium itaque nullum est, ante obsignatum scriptorum Θεοπνευστων canonem. malam hanc sectam originem non cepisse. Ast non longe post ea tempora natales eius ponendos esse, ex iis liquet, quae supra de traditionis studio mox post vatum diuinorum ex hac vita excessum inualecente differuimus. Quamuis enim Hasidaeorum sectam, quae Pharisaicam condidisse magno Scaligero visa est ^g, reiiciendam esse supra fassus sumus, concedi tamen, nisi veterum omnium narrationes reiicere velimus, debet, traditionis studium quod mature inualuit, sectam hanc progenuisse. Hyrcani enim, et filiorum Aristobuli et Alexandri tempore magnam auctoritatem inter Iudaeos fuisse potitam, ea quae supra de Hyrcani et

^a) Scriptores de Phariseis enumerat WOLFIVS Bibl. Hebr. P. II. p. 816. seqq. addi iis possunt plerique, qui de sectis Iudaeorum, de antiquitatibus eorum sacris, et qui in euangelicam historiam commentarios scripserunt.

^b) MATTH. c. XXIII. 2. ^c) Conf. EISENMENGER. Iudaism. der. P. I. p. 56. seqq.

^d) Exod. XXIV. 3. conf. IDEM l. c. c. 8. p. 302. seqq. p. 342. seqq.

^e) MATTH. c. V. VI. VII.

^f) B. G. GVST. ZELTNERI in diss. de muliere Hebraea per transennam docente.

^g) Elench. trihaeres. c. XXII. pag. m. 170. conf. RELANDVS Antiqq. SS. P. II. c. 9. §. 13. p. 249.

et filiorum rebus paucis diximus, et prolixè Iosephus^b exponit, euidenter probant. Errant itaqueⁱ, qui ad tempora magis fera natales Phariseorum detrudunt; ex Iosepho^k enim, qui ipse sectae huic addictus fuit, constat, tempore Ionathae pontificis hanc sectam iam floruisse. Quare non audiendus est doctissimus Basnagius^l, qui eo tempore sectam Phariseorum enatam demum fuisse coniicit. Verba enim Iosephi satis luculenter nos docent, Assamoniae huius pontificis aetate tres inter Iudaeos sectas, Phariseorum, Sadducaeorum, et Essenororum, iam floruisse. Id quod ex addita quoque Sadducaeorum secta intelligitur, quae non isto demum tempore exorta est, sed Antigoni Sochaei discipulis si non origines, certe incrementa et constitutionem sectariam debuit: Antigonus vero tribus fere seculis ante C. N. vixit, adeoque Sadducaei Ionathae temporibus antiquiores sunt; quos cum eodem in ordine collocet Iosephus, recte inde colligitur, loqui eum non de natalibus sectarum, sed de adolescentia vel adulta forte iam iuuentute. Ex his vero altera quoque Basnagii^m coniectura refellitur, cui verisimile videtur, schisma, quod Hillelis et Schammai scholae pepererunt, occasionem Pharisaismum effingendi dedisse. Ast fallitur vir doctus, qui falso sibi persuasit, Hillelem tempore Ionathae Maccabaei trecentis ante restitutam mundo salutem annis vixisse. Ex vnanimi enim et concordi Iudaeorum consensu euincitur, centum tantum annis praecessisse doctores hos celeberrimos excidium Hierosolymitanumⁿ. Quorum auctoritatem et fidem cum reiiciat vir doctissimus, audiendus illi est S. Hieronymus^o, ad quem ipse prouocat, eiusdem scilicet opinionis auctorem, ex Schammai et Hillel ortos esse Scribas et Phariseos. Ille enim diserte *Schammai et Hillel non multo prius, quam Dominus nasceretur, orti sunt in Iudaea*. Ionathas autem non trecentis quidem ante N. C. centum tamen et triginta circiter annis pontificatui praefuit, adeoque eius temporibus vtriusque doctoris aetas est inferior. Rectius itaque instituit vir doctissimus viam, fassus^p melius esse, confiteri, quod lateant verae sectae Pharisaicae origines, quam eas inutili cassoque labore quaerere: vidit enim ipse, Alexandri Iannaei tempora, quibus eam floruisse indubitatum est, Hillelis tempora superare. Nec dubitamus nos huic parti accedere, quam et alii viri docti elegerunt, rati vix certum natae sectae tempus posse definiri, eo quod non simul atque semel extitit, sed succedente tandem tempore ex traditionis amore atque veneratione

b) Antiqq. Iud. L. XIII. cap. 24. pag. 463. seqq.

i) NATALIS ALEXANDER Hist. eccles. V. T. aet. mundi VI. c. I. art. 5. §. 3. p. 252.

k) I. c. c. 9. p. 442.

l) Hist. des Juifs L. II. c. 17. §. 2. p. 447.

m) I. c. p. 446.

n) Loca eorum diligenter adduxit Cel. WOLFIVS Bibl. Hebr. P. II. p. 824.

o) Ad Iesaiam c. VIII.

p) loc. cit. p. 444. Ita etiam HOTTINGER. ad Goodwin. p. 178. BVDDEVS Hist. eccl. V. T. T. II. p. 1201.

neratione exorta fuisse tandemque in iustum sectae corpus coaluisse videtur. Illud verisimile esse nemo paulo ad hanc rem attentior negabit, mature post reditum ex captiuitate, et desinentia vatum diuinorum oracula, cum canonis sacri iam facta esset obsignatio, traditionis studium inualuisse. Nam quae de Bath-Kol, Θεοπνευσίας secundariae genere his temporibus florente tradunt Iudaei, omnino suspecta sunt, fatisque produnt, ea fini tantum conficta esse, vt traditioni indies incrementi et augmenta capienti diuina aliqua conciliaretur auctoritas ¹. Istis vero traditionibus cum ἐκστασιαζόμενοι legi praestare obsequium etiam supererogatorium se posse crederent, non potuit non hypocrisi, fictae pietati, superbiaeque animi sanctitatem aliquam praestantior sibi persuadenti porta aperiri patentissima, eneruari pietas vera, et non fucatum legis studium, opera commendari superficialia, et internae corruptionis emendationem non poscentia, magnam tamen sanctitatis elegantioris speciem prae se ferentia, sicque via ad vitam, quam damnata propria operum iustitia, alia longe ratione lex poscebat, digitumque ad meliora aliunde acquirenda intendebat, quaeque sensim ex animis elabebatur, reddi plana quidem et facilis, et sine magna lucta ineunda, ast certissime simul in hac εὐθελοθρησκεία amittenda. Ita vero saluo passionum humanarum imperio cum per traditionum obseruationem sanctitas superbiens et fucata triumpharet, debuit omnino magnam hoc institutum sectatorum sibi cateruam conciliare, cui cum meliora videntes et afferentes contradicerent, et tum legis literam solam sequendam, eiusque obseruationem κατὰ τὸ ἔηκὸν tenendam esse contenderent, tandem in sectam discessum et schisma enatum est. Ex his vero non inepte coniicimus, Phariseorum sectam eandem prae se ferre antiquitatis notam, quam habet secta Sadducaeae. Verisimile enim est, aut traditionum abusum, et separationem hominum affectata pietate turgentium occasionem dedisse Sadducaeis ineptam mercedis ex operibus supererogatoriis consequendae spem reiiciendi, et simul omnem praemiorum post hanc vitam dandorum expectationem ridendi, aut, enata ex male intellectis Antigoni praeceptis Sadducaeorum haeresi, fuisse quosdam ex legis oralis et traditionis cultoribus, qui in oppositam dogmatum rationem et contrarium systema conspirauerint, sicque in duas familias segregandi populum Iudaicum occasionem dederint. Quamcunque ex his amplectamur sententiam, verisimile est, vnam ex his sectis alterius condendae dedisse occasionem. Id quod non sine magna probabilitate nobis persuadet contraria prorsus vtriusque sectae dogmatum ratio, ex qua nullo negotio intelligitur, vnam alteri fuisse oppositam, et ansam fecisse Pharisaismo studium a Sadducaeis et communi turba hominum, legis tantum ex verborum stricta significatione obseruantium, se separandi et meliorem ex traditionibus patrum eorumque interpretatione sanctitatem in vita exprimendi. Quae coniectura valde, nisi fallimur, con-

¹) Conf. B. Io. ANDR. DANZII dissert. de הלכות.

confirmatur, sectae Pharisaicae nomine. De quo quidem varias et diuerfas inter se doctorum opiniones esse, non inficiamur, tales tamen, vt pleraeque non satis faciant. Quidam enim a voce פֶּרֶשׁ, quae explicandi et interpretandi significationem obtinet, Pharisaeos dictos fuisse coniiciunt, quasi פֶּרֶשִׁים explanatores vel interpretes legis dicas. Ast hoc etymon vel sola Pharisaismi constitutio respuit, quae, tantum abest, vt in legis interpretatione sola constiterit, vt potius legi scriptae aliam oralem ab ea diuersam adiecerit. Cumque Sadducaei legis interpretationi literaliter prae Pharisaeis fauerint, credibile non est, hos id nominis obtinuisse, quod aduersariis meliori iure esset tribuendum. Aliis Pharisaei, quasi explicatores, dicti sunt eo quod phylacteria, zizith, elemosynas, preces, et reliqua opera supererogatoria latissimis verbis explicarent; ast frigidum hoc esse, nemo non videt. Qui vero cum HIERONYMO vocem a פֶּרֶשׁ deriuant, ipsa deriuatione nominis et literarum, aliam radicem prodentium refutantur. Ingenium magis sapit CAMPEGII VITRINGAE opinio, qui a voce פֶּרֶס, quae mercedem significat, nomen Pharisaeorum deriuandum esse tuetur. Nempe coniicit vir eruditissimus, occasionem schismatis inter Sadducaeos et Pharisaeos dedisse quaestionem, vtrum operum post hanc vitam merces expectanda sit, nec ne? Posterius tenuisse discipulos Baithosi et Zadocki, quibus Sadducaeorum inde nomen adhaeserit, prius affirmasse Pharisaeos, nomen inde adeptos, quod mercedem expectandam esse statuerent. Ita nempe Pharisaicum idem dicere ac mercenarium. Non destitui hanc nominis istius explicationem veri aliqua similitudine, fatemur, praecipue cum in antecedentibus iam ostensum sit, vtramque simul sectam videri ortam, certe vnā alteri condendae dedisse occasionem. At sunt, quae hic quoque assensum cohibent. Nam mercedem non omnem negabant Sadducaei, sed praemiorum in hac quidem vita expectationem dari vltro concedebant, adeoque non omnem mercedem reiciebant: nec haec vna mercedis in futura vita expectandae spes Pharisaeos a Sadducaeis distinguebat, sed traditionum potissimum admissio, quaeque illis inaedificabantur bona opera, vitaeque a communi viuendi ratione tota separata. Quare excussis omnibus de vocis huius originatione sententiis in veteri illa opinione velut omnium verisimillima acquiescendum putamus, quae nomen hoc a פֶּרֶשׁ, separauit, deriuat, quam SVIDAS iam exhibuit, qui luculenter: *Φαρισαῖοι οἱ ἐρμηνεύοντες ἀφορισμένοι, παρὰ τὸ μερίζειν καὶ ἀφορίζειν ἑαυτοὺς τῶν ἄλλων ἀπάντων εἰς τὸ καθαρώτατον τῶ βίῃ καὶ ἀκριβεστάτον καὶ εἰς τὰ τῶ νόμου ἐντάλματα, Pharisei, si vocem interpreteris, separati, quod se ab aliis omnibus distinguerent, et separarent, vt vitam purissimam et accuratissimam secundum legis praecepta agerent. Quam*

B b b b b 2

nomi-

*) Dicendi enim fuissent פֶּרֶשִׁים non vero פֶּרֶשִׁים.

*) Obf. SS. L. I. p. 223. seqq.

*) In *Φαρισαῖος* T. III. p. 588.

nominis huius derivationem grauissimis rationibus adducti assumerunt viri multi doctissimi ^{u)}. Totam enim naturam Pharisaismi ita eleganter exprimi quilibet videt, quae in eiusmodi separatismo constitit, quo a communi hominum viuendi ratione, victu, amictu conuersatione, legisque oralis studio se separauerunt, de qua separatione in sequentibus prolixius dicemus. Sed separauisse se quidem huius familiae alumnos a communi cultu diuino non legimus; eum enim Iudaeis omnibus, quas-cunque etiam partes sequerentur, communem fuisse constat; ast vitam, ritus, ceremonias, consuetudinesque innumeras a reliquorum Iudaeorum moribus prorsus dissonas affectasse Phariseos, veterum concors est testimonium. Anima tamen Pharisaismi fuit lex oralis et traditiones patrum, quas a maioribus acceptas ad ipsum Moysen retulisse, et in iis augendis, explicandis ornandisque totos fuisse et sacra historia et ipse IOSEPHVS ^{x)} testantur. Hic enim magnus ille canon sectae otiosae et nugacis fuit: accepisse Moysen in illo quadraginta dierum spatio, quo in monte Sinai versatus est, praeter legem scriptam aliam quoque ab archangelo Metatrone, eamque septuaginta senioribus populi oretenus aperuisse, et vt pari ratione traditione orali vna cum lege scripta ad posteros eam propagarent, praecepisse. Hae traditiones cum ab otiosi ingenii hominibus post captiuitatem Babylonicam essent excogitatae, et valde perniciosis corruptae vitiorum et cupiditatum oestro mentis desiderii velificarent, in tantum excreuere, vt non legis tantum scriptae auctoritatem supprimerent, sed et illi longe praeferrentur; qua de re, qui impias plane voces Rabbanitarum, Phariseorum vestigiis preesse insistentium legere cupit, apud IO. ANDR. EISENMENGERV ^{y)} abunde inueniet, quod horrorem incutiat. Ita vero traditionum studio semel in throno quasi posito non defuisse cultores, censendum est, qui vt meliorem vitae semitam ingressi viderentur, impietati huic collum submiserint, hancque sectam hypocriticam constituerint. Valde vero huius sectae pomoeria dilatata sunt, scholae Hillelanae studiis. Quamuis enim falsum esse supra demonstratum sit, Hillelem fuisse Phariseorum parentem, negari tamen non potest, diffusum scholae Hillelanae a Schammaeana valde res Phariseorum auxisse ^{z)}. Illa enim cum in studio legis oralis et traditionum maximam industriam poneret, hac legi scriptae adhaerente, cumque maximus esset domus Hillel discipulorum numerus, dubium non est, Phariseorum familiam magna inde incrementa cepisse. His vero accesserunt artes aliae, quibus res Phariseorum mirum in modum promotae sunt. Effecit enim

^{u)} Conf. de etymo huius nominis disputantes DRVSIVM de sectis L. II. c. 2. 3 p. 41. seqq. SPANHEM. Dub. euang. P. III. p. 104. NICOLAI ad Sigon. de rep. Hebr. p. 421. aliosque laudatos AVG. PREIFFERO Dub. vex. p. 889. et WOLFIO Bibl. Hebr. P. II. p. 817.

^{x)} De B. I. L. II. c. 12 p. 758. Antiqq. Iud. L. XIII. c. 18. p. 453. L. XVII. c. 3. p. 585.

^{y)} Iudaism. detect. P. I. c. 8. p. 329. conf. HORNBECK. de Iud. conu. L. I. c. 3. p. 102. SCHVFPARTVS de Karaeis p. 45. seqq.

^{z)} Conf. GEIGERVS de Hillele et Schammui. Non constituerunt quidem duas sectas, sed duas domus siue scholas, verum contrariis tamen se factionibus addixerunt, conf. DRVSIVS c. 8. pag. 50.

enim affectata sanctitas, studiumque pietatis singulare et speciosum, ut Phariseorum partes apud plebem plurimum valerent, et non eius tantum applausu, sed et assensu et voluntate Pharisei gauderent. Quod displicuit quidem reipublicae proceribus, qui aegre ferebant, Phariseos, audax hominum genus, quod se regibus opponere non erubuit, ut ipse notat Iosephus^a, fauore plebis ad euertenda imperantium consilia abuti: at peruicit tamen haud raro eorum pertinacia, ut nec morte, nec exilio, nec alia calamitate expugnatis cedere haberent necesse, cuius illustre exemplum Hyrcani exhibet historia, cuius filius Alexander ideo ratione status politica usus fuisset uxori, ut Phariseorum partibus faueret, sicque plebis sibi partes per eos adiungeret, quod magno suo commodo illam quoque fecisse, Iosephus^b narrat. Eandem tragoediam Herodi Magno quoque saepius excitarunt, de qua re Iudaicae gentis annales consulendi sunt. Hac vero ratione dura sibi ipsis haud raro fata accelerarunt, fauientibus aliquoties in rebelles Phariseos imperantibus. Alexander enim rex octingentos cruci affixit, Sadduceis, ut ex tota rei ferie manifestum est, haec iis fata maturantibus^c. Nec mitior in eos fuit Herodis ira. At quam vi repellere non poterant aduersae partis potentiam, plebis fauore et factione, quae tota illis adhaesit, fregerunt. Illi enim se vehementer commendauerant, partim sanctitatis affectatione minutissima quaeuis sectante, partim traditionum oralium impletione ad rigorem usque obseruata, partim operum singulari et speciosa conditione; maxime vero indulgentia in iudicando, qua in Synedrio aliisque dicasteriis erga plebem utebantur. Et istis quidem artibus ita sibi deuinxerunt plebis animos, ut semper ab eorum partibus staret^d; potentes autem, qui eorum artes timebant, haud raro eorum sibi fauorem conciliare cogentur. Mirum itaque non est, et numero et auctoritate maxime creuisse sectam Phariseorum, et muneribus in republica et sacerdotio admodum fuisse summis^e, et in omnibus fere negotiis publicis et priuatis plurimum valuisse. His accessit eruditionis opinio, quam iis traditionum studium comparauerat. Et haec quidem Phariseorum ante templi et reipublicae excidium fata fuere. Post illud collectis populi Iudaici reliquiis, cum reliquae sectae dispergerentur, una Phariseorum obtinuit, et in synagogis regnauit. In quibus cum Seculo II et sequentibus traditionum compilationes colligerentur, et humani ingenii commenta corpus aliquod constitutionum Iudaicarum constituere inciperent, nouo spiritu ita haec secta animata est, ut, licet Phariseorum nomen audiri desineret, tota ta-

B b b b 3

men

a) Antiq. Iud. L. XVII. c. 3. p. 585.

b) l. c. L. XIII. c. 23. p. 463.

c) Ibid. c. 24. p. 464. ubi quidem Sadducei non nominantur, series vero rei ipsa prodit, eos regem instigasse. Nodum in scirpo hic quaerit P. BAYLE Dict. T. IV. art. Sadduceens p. 114. not. D.

d) Ioseph. Antiq. Iud. L. XIII. c. 18. p. 453.

c. 23. p. 463. de B. I. c. 4. p. 416.

e) Et summo pontificatui saepius praefuisse et maiorem synedrii partem constituisse sacra nos docet historia, colligique imprimis ex Io. IX. 13. potest, ubi Pharisei pro Synedrio ponuntur, eo quod maiorem eius partem constituerent, et Sadducei illis se opponere raro auderent, conf. LIGHTFOOTVS ad h. l.

men fere Iudaeorum natio in Pharisaismum reapse conspiraret, et doctores Iudaici principiis Pharisaicis solis inniterentur. Vnde qui Rabbanitae postea dicti sunt, Phariseorum propago genuina sunt censendi. Vixque hodie Iudaeus aliquis (si Karaeos exceperis) deprehenditur, qui non Pharisaicum in sinu atque pectore gestet, huiusque sectae dogmata apertis amplectatur brachiis, id quod doctus inter recutitos vir MENASSE BEN ISRAEL ^f ipse est fassus.

*Dogmata
Phariseorum.*

§. XXVII. Dogmata Phariseorum, vt ex veterum relationibus innotuere, haec potissimum fuere.

I. Praeter legem scriptam dari etiam oralem, quae a Deo Mosi in monte Sinai per angelum Metatron tradita, successionem patrum ad posterum orali traditione peruenerit, ei vero non minus deberi obsequium, quam legi scriptae, immo praefendam huic esse.

II. Vtramque legem non impleri tantum sicque iustitiam apud Deum ista legis exacta obseruantia acquiri posse, sed et esse satis virium homini, ad praestanda opera supererogatoria, et iustitiam legis superantia, eo quod ab illa non poscantur ^g. Anima hoc dogma totius Pharisaismi est, qui in eo superbiam animi stulte se efferentis aperte prodidit. Ita vero Phariseos docuisse, et hoc fermento totam fere gentem suam infecisse, D. PAVLVS locuples testis est, qui contra hanc iustitiam Pharisaicam in epistolis ad Romanos et Galatas fortissime disputauit. Quae de re cum nobis prolixis esse non liceat, legenda sunt, quae eruditissimi viri HERMANNVS WITSIVS ^b et IACOBVS BASNAGIVS ⁱ eleganter differuerunt, quae multum lucis huic Phariseorum dogmati conciliabunt.

III. Ad obtinendam vero et consequendam hanc iustitiam necesse esse, vt homo pro peccatis Deo faciat satis, ita nempe, prout peccati conditio postulat. Nempe id fieri vel ieiuniis, vel eleemosynis, vel lotionibus et sacrificiis, vel confessione et deprecatione peccatorum, vel lustratione post hanc vitam. Multa de his satisfactionis generibus atque classibus doctores Mischnici et Gemarici praecipunt ^k, quos recepisse doctrinam Pharisaicam supra monuimus.

IV. Esse vero hunc iustitiae operibus acquirendae fontem eo magis cunctis apertum, quo magis cogitatio cordis inter peccata referri non debeat, nisi deducatur in actum. Sequitur hoc ex liberi arbitrii viribus, quas naturali hominis conditioni Pharisei et Rabbanitae tribuunt. Qui pecca-

^f) De termino vitae L. I. f. III. p. 19. pluribus hoc probat Io. IACOB. SCHVDT. memorab. Iud. P. II. L. VI. c. 27. §. II. p. 35. seqq.

^g) Plura ea de re iam in antecedentibus dicta sunt. Conf. DRVSIVS l. c. L. II. p. m. 67.

^h) Miscell. Sacr. T. II. exerc. XXI. p. 698. seqq.

ⁱ) Hist. des Juifs L. II. c. 18. p. 474. seqq. edit. vltimae. Parisiensis enim ea non habet, conf. BVDDEVS Instit. theol. dogmat. L. IV. c. 4. §. 16. p. 1352. seqq.

^k) Loca eorum adducunt WITSIVS loc. cit. SCHVPARTVS de Karaeis p. 155. seqq. Io. A. LENT. theol. Iud. c. XIII. p. 407. seqq.

peccatum quidem originale passim fatentur, et necessitatem peccandi accusant, quin ab vtero matris adesse figmentum cordis iniquum inculcant, at, ut ex toto systemate patet, peccati malitiam ita ab eo auferunt, ut, quod facere satis legi possit, in hominis viribus esse, audacter pronuntient ¹. Nec constare potest iustitia Pharisaica, nisi cogitatio animi ex peccatorum numero eximatur. Valde vero vrsisse hanc arbitrii liberi potentiam, et mali fomitis rationem nullam habuisse Pharisaeos, ex D. PAVLI disputatione in *epistola ad Romanos* ^m est manifestissimum.

V. Esse non tantum Deum creatorem coeli et terrae, sed et providentiam diuinam, eamque esse fatum. Ita quidem de Pharisaeis IOSEPHVS ⁿ, qui cum ipse gente Iudaeus et secta Pharisaeus fuerit, omnino fidem meretur et audiendus est. Eius vero loca ubi recte expenduntur, intelligitur, illos fatum non fidereum vel astronomicum, sed diuinum, nempe providentiae diuinae influxum in res atque actiones hominum intellexisse. Nec his obstant, quae obiici solent ^o, Iosephum nimio Graecanicam philosophiam cum domestica comparandi studio adhibita voce *ἐμαρμένη*, cui nulla Hebraica exacte respondeat, Pharisaicum hoc dogma corrupisse. Facile enim largimur, non satis apte ex Graecorum scholis ad exprimenda Iudaica dogmata Iosephum hanc vocem adhibuisse, cum vox ipsa, quae variae apud Graecos significationis est, prout in systemate aliquo adhibetur, illud non satis exprimat, quod Iudaei de concursu diuino circa res et actiones hominum eiusque in vires humanas influxu statuunt: sed non adulterasse tamen Pharisaeorum doctrinam, Dei providentiam ita in partes humanarum actionum vocantium, ut saluae tamen maneant liberi arbitrii vires, ex verbis eius satis manifestum esse putamus: *Fato et Deo omnia tribuunt et facere iusta vel secus plerumque in hominum potestate esse putant, sed ad singula adiuvare etiam fatum*. Ex his enim luculenter intelligitur, concursum istum diuinae providentiae ad actiones hominum intelligi, de quo tres illae sectae inter se dissentiebant, quarum una Deo nihil, hominibus omnia tribuebat, nempe Sadducaeae, altera hominibus nihil relinquens cuncta ad Dei influxum referebat, nempe Essena, tertia medium tenens inter utramque Deo aliquid adscribebat, aliquid ad homines referebat nempe Pharisaica. Ipse vero IOSEPHVS ^p, satis alio loco prodit, hanc eius mentem fuisse, scribens: *Ὅτι δὲ τὰ ἀνθρώπους τὸ βελόμενον τῆς ἐπ' αὐτῆς ὁμῆς ἀφαιρῶνται δοκῶσαν τῷ Θεῷ κέραιιν γένεσθαι καὶ τῷ ἐκείνης βελευτηρίῳ, καὶ τῶν ἀνθρώπων τῷ θελήσαντι προσχωρεῖν μετὰ ἀρετῆς ἢ κακίας, non tamen tollunt humanae voluntatis determinationem, sed putant esse temperamentum aliquod inter Dei voluntatem et voluntatem hominis ut concurrant ad bonum malumque*. Et alibi: *Bonum iustumque facere vel non, quoad potiore partem in humanis viribus*

¹) Conf. Io. A LENT. loc. cit. c. X. §. 16. p. 362. seqq.

c. 2. p. 617. de B. I. E. II. c. 12. p. 788.

^o) Vid. BVDDEVS Hist. eccles. V. T. T. II. p. 1202.

^p) Antiq. Iud. L. XVIII. c. 2. p. 617.

ⁿ) Antiq. Iud. L. XIII. c. 9. p. 442. L. XVIII.

bus esse. Conspirare hoc cum toto systemate Pharisaico, ex dicendis aperte constabit; ita vero errare eos^q intelligitur, qui fatum fidereum, quod Iudaei מלל^r vocant, huc trahunt, quo in errore praeiuit recentioribus EPIPHANIVS^r. Qui alium peperit apud DRVSIUM^s, ex fati fiderei assertione nescio quod studium astronomicum inter Phariseos exsculpentem, et ABRAHAM I ZACHVTI verba huc aduocantem: *Credunt planetam iuuare; nihilominus relinquitur liberum arbitrium in manu hominum.* Nihil horum vidit Iosephus, qui sectae suae dogmata accurate didicit, sed loquitur, vt plerique Pharisei, de concursu diuinæ prouidentiae, consilii vel decreti cum actionibus voluntatis humanae: quam veram Phariseorum mentem fuisse, vel ex vno *pirke abboth*^r loco abunde colligi potest. Quae in contrariam partem vserunt Baronius et Bullus, ad ea docte respondit IACOBVS BASNAGIVS^r. Ex his vero sequentes assertiones de liberi arbitrii cum consilio prouidentiae diuinæ concursu fluunt:

VI. Habere fatum influxum in actiones hominum, resque omnes, id est, prouidentiam diuinam ad res omnes concurrere.

VII. Fieri itaque res naturales omnes earumque euentus ex influxu fati, prout eas constituit.

VIII. Nihil itaque posse hominem sine influxu et auxilio diuinæ prouidentiae.

IX. Ita tamen per eam non tolli libertatem humanae voluntatis in actionibus suis, sic vt decernere bonum vel malum, idque exsequi quoque possit. Pentas haec assertionum ex allato primo dogmate naturali consequentia fuit, sicque Iosephus intelligi et a contradictione apparente liberari potest. Intelligitur etiam, qua ratione inter Sadducaeorum et Essenorū doctrinam de concursu Dei ad actiones hominum mediam sententiam Pharisei tenuerint. Ex his vero diiudicanda quaestio est, vtrum Pharisei Stoicorum propago fuisse censendi sint? Cuius partem affirmantem IOSEPHI^r munit auctoritas, qui Stoicis proxime accessisse Phariseos primus tradidit. Iosephum secuti sunt recentiores multi^y, quorum numero et nos calculum olim adiecimus^z. Augent affirmationis verisimilitudinem mores Phariseorum hypocritici, magnifici, externa specie splendentes, doctrina moralis ad rigorem excedens, et meteora sequens, quales mores Stoicos quoque expressisse suo loco demonstraui-mus. Re tamen accurate expensa aliter statuendum, et negatiua amplectenda videtur, eo quod magnum inter Stoicum et Pharisaicum fatum discrimen intercedere dicta abunde demonstrent. Stoici enim, licet fatum Deum quoque interdum vocitent, re ipsa tamen immutabilem vniuersi ordi-

q) DRVSIUS l. c. L. II. c. 21. p. 112. BARONIUS ad Ann. LX. p. 600. BULLVS Harmon. Apoit. diff. II. c. 15. p. 96. NICOLAI ad Sigon. de rep. Hebraeor. p. 412.

r) Haeref. XVII. T. I. p. 34.

s) loc. cit.

z) c. III. n. 15.

u) l. c. L. II. c. 18. §. 8. p. 458. seqq.

x) In vita sua p. 999.

y) Vid. BVDDVS Hist. philos. Hebr. §. 19. p. 86. FABRICIVS Bibl. Gr. Vol. II. n. 508.

z) In Otio Vindel. Mel. I. §. 4. p. 25.

ordinem ineuitabili nexu et sequela caussarum atque euentuum in se complicatum a parte, quae in vniuerso est, agente, id est, a Deo distinguebant, huncque illi subiiciebant, ita quoque hominem fati legibus constringi statuebant, vt quam ei libertatem tribuere videntur, in solo earum actionum consensu, quae euitari etiam ab inuitis nequeunt, ponant. Ast longe alia Pharisaeis placuere, teste ipso Iosepho; nam hi ita Dei voluntatem concurrere cum humanae voluntatis actionibus docebant, vt homo earum solus et liberrimus auctor esse, et bonum eligere vel non eligere posset; quae immani discrimine a Stoico dogmate distant. Quae vero vrgetur morum similitudo infirmissimo argumento nititur. Eo enim admissio sequeretur, omnes hypocritas, qui Curios simulant et Bacchanalia viuunt, esse Stoicorum propaginem, quod est absurdissimum. His accedit, longe alio ex fonte profluxisse Pharisaicam hypocrisin, quam Stoicam. Illa enim ex inani falsaque persuasione, externis operibus legem impleri, et iustitiam acquiri posse, enata est. Haec errorem impium, animum esse particulam Deitatis, parentem habuit. Etsi concedamus etiam, quod tamen concedere nulla necessitas postulat, consentire quaedam Pharisaeorum dogmata cum praeceptis Stoicorum, nondum tamen inde inferri potest, ex Stoa Pharisaica dogmata emanasse, sed demonstrandum prius est, quo canali ad Iudaeos Stoica παράδοξα fluxerint, id quod ostendi non potest, cum Pharisaeorum secta aetate Zenonis partibus vix sit inferior, nec qua ratione hae ad Iudaeos peruenerint, demonstrari queat. Iosephi autem auctoritas hac quidem in re nulla est. Is enim non Stoica dogmata statuisse Pharisaeos scribit, sed affinia iis tradidisse monet, nempe voluit Graecis, in quorum gratiam scribebat, sectas Iudaicas instituta aliquali cum Graecis comparatione clariores facere: vt taceamus erroneam quoque opinionem; sapientiam Graecam ab Hebraeis originem cepisse, hanc ei comparationem satis ineptam et falsam persuasisse. Recte itaque fecit B. B V D D E V S ^a, quod, quo erat candore, priori opinioni nuntio misso posteriorem elegerit, cuius laudabile exemplum sequi non erubescimus.

X. Dantur bona et mala opera, quae a Deo non tantum in hac vita, sed et in futuro seculo vel praemio afficiuntur vel poena ^b. Oppositum hoc dogma Sadducaeorum errori praemium futurae vitae neganti, sed ita vt ratio praemiorum et poenarum ex arbitrii humani libertate oriatur, qua sublata poenas quoque et praemia tolli credebant.

XI. Immortalem vim esse animis, et sub terra poenas esse et praemia iis, qui virtuti aut vitio in vita addicti fuissent, et his aeternum carcerem propositum esse, illis vero facilem ad vitam reditum, (ταῖς δὲ ψαῶν-
ην τῇ ἀναβίβει.) Haec ipsa verba Iosephi de spe futurae vitae apud Pharisaeos sunt ^c. Quae licet plana videri queant et aperta, in diuersas
tamen

^a) Hist. eccl. V. T. T. II. p. 1217. et annot.
ad Hist. phil. Hebr. I. c.

^b) Ioseph. Antiq. Iud. L. XVIII. c. 2. p. 617.

^c) De B. I. L. II. c. 12. p. 788.

tamen opiniones distraxere viros doctos. Quidam ^d enim μετεμψύχωσιν illis innui putarunt, alio IOSEPHI ^e loco nixi, quo Pharisaeorum hoc dogma ponit: Ψυχὴν δὲ πᾶσαν μὲν ἀφθαρτον, μεταβαίνειν δὲ εἰς ἕτερον σῶμα τὴν τῶν ἀγαθῶν μόνων, τὴν δὲ τῶν φάουλων αἰδῶ τιμωρίᾳ κολάζεσθαι, *animum omnem esse incorruptum, transire vero in alterum corpus solum bonorum, malorum vero aeternis suppliciis puniri.* Alii vero ^f, plus vidisse viros doctos, quam verba Iosephi dicant, contendunt, putantque nihil aliud velle historicum, nisi animas bonorum redire in vitam et corpus aliud, gloriosum nempe atque melius ingredi, adeoque resurrectionem tantum beatorum innui. Id quod ex ipsius Christi atque Pauli testimoniis confirmant, quorum vterque suam de resurrectione filiorum regni sententiam a Pharisaica non distinguat ^g. Difficile quoque est, certam, quam tuto sequaris, definire sententiam, eo quod vtramque explicationem admittant Iosephi verba. Fatemur tamen priorem nobis suo modo videri probabiliorē. Nam 1. bonos diserte opponit malis Iosephus, et illis solis facilem ad vitam reditum esse, his vero aeternum carcerem destinatum pronuntiat. Hoc vero de resurrectione mortuorum intellexisse Iosephus non videtur, nec ita censuisse Pharisei credi possunt, eo quod ex Danielis prophetia malorum pariter atque bonorum esse resurrectionem didicerant, hancque veritatem confirmatam fuisse a Malachia nouerant. Nec opponi his potest, esse inter Iudaeos, qui, solis piis resurrectionem expectandam esse, docuerint. Hoc enim, quamvis forte de particulari quadam Iudaeorum opinione concedi queat ^h, toti tamen Pharisaeorum sectae placere non potuit, quae contra Sadducaeos non virtutis modo post hanc vitam praemia, sed peccati quoque poenas afferuit, id quod negata malorum resurrectione tueri non potuisset. Accedit his 2. quod ex Iudaeorum scriptis est notissimum, transmigrationis animarum dogma inter Iudaeos fuisse receptum valdeque deamatum. Non prouocabimus ad Cabbalistarum placita ⁱ, quae dogma peregrinum ex Orientalis et Pythagorico-Platonicae philosophiae lacunis hausisse videri possunt; sed ipsos Rabbanitas testes volumus, quorum verba breuitatis causa apud PAVLUM SLEVOGTIVM ^k, IACOBVM WINDETVM ^l et HOTTINGERVUM ^m nepotem legi velimus. Rabbanitae autem cum Pharisaeorum genuini discipuli sint atque affeculae, ut supra ostensum, omnino credibile est, hanc eos quoque μετεμψύχωσιν a Phariseis, maioribus suis, accepisse. Addimus his 3. non confundendam esse migrationem

^d) Vid. laudati in Otio Vindel. l. c. p. 25. seqq. add. BASNAGE l. c. L. II. c. 19. p. 489. seqq. PFEIFFER. Dub. vex. p. 889. P. SLEVOGT. diff. Acad. P. III. diff. I. p. 885.

^e) Anriq. Iud. L. XVIII. c. 2. p. 617.

^f) Vid. laudatos in Otio Vind. l. c. BVD. l. c. p. 1203.

^g) Matth. XXII. 23. Act. XXIII. 8.

^h) Vid. THEOD. DASSOV. de resurr. mort.

IO. A LENT. theol. Iud. c. XVIII. §. 14. p. 639. seq.

ⁱ) R. ISAAC. LORIENS. pec. tr. Cabb. denud. T. II. inferro.

^k) loc. cit.

^l) De vita funct. statu S.V. p. m. 100.

^m) Ad GOODWIN. Mos. et Aaron L. I. c. 10. p. 180.

nem animarum ex corpore in corpus cum resurrectione corporum: vtrumque enim, licet, non satis cohaereat, placuisse Phariseis credere par erat, vt Sadducaeorum dogmatibus contraria opponerent. Hi enim et futuri mundi retributionem, et animae post fata *διαμονήν* singularemque sine corpore existentiam negabant. Illi errori opposuerunt Pharisei resurrectionem mortuorum, eamque ex scriptis Moſis et prophetarum confirmarunt, qua in re cum sana docerent, mirandum non est, neque Christum, neque apostolos a Phariseorum doctrina in eo se separauisse, quod communis et recepta tum esset totius ecclesiae Iudaicae, excepta Sadducaeorum familia, sententia. Alteri errori opposita fuit transmigratio, quam licet optimus magister censura notasse non legatur, nondum tamen inde sequitur, ex silentio euangelistarum, nunquam Christum ad eam digitum intendisse, vel omnes omnino errores ineptae familiae ex instituto refutare voluisse. Est quoque 4. aliquid in verbis Iosephi, quod hanc partem inuet. Illum enim locum, de quo disceptant viri docti, vbi paulo attentius consideramus, patet loqui Iosephum non de resurrectione corporis, quod proprie moritur atque cadit, sed de vnione animae cum corpore, quae non moritur, et ita quoque resurgere non potest: porro non esse sermonem de statu animae in die iudicii et seculo futuro, sed de statu animarum piarum et impiarum mox post hanc vitam, vbi separatae existunt. Quibus rationibus vno fasce collectis verisimilior eorum videtur opinio, qui transmigrationem Phariseis tribuunt. Quae vero contra eam obiiciuntur, facile retundi possunt, quae tamen breuitatis causa omittimus, legenda, cui prolixiora de hoc argumento placent, apud SLEVOGTIVM et BASNAGIVM *. Nec difficile est, scaturigines detegere, ex quibus ad Iudaeos dogma hoc peregrinum dimanauit. Metempsychosin enim non in Aegypto tantum, sed in toto quoque oriente peruulgatum et vniuersale dogma fuisse, constat. Ast his in locis diu vixere Iudaei, multumque cum his gentibus conuersati sunt. Cum itaque error Sadducaeorum, animas post mortem esse desinere, noua repagula posceret, error errori oppositus et animarum bonarum migratio asserta est †. Nec desunt loca N. T. quibus hunc errorem tangi viris doctis visum est: quae tamen, cum obscura sint, et aliter quoque intelligi possint, huc non adducimus. *Μετεμψύχωσην* vero hic sensu Pythagoreo, non vero Stoicam *μετεσώματωσιν* intelligi quilibet videt, et loca Iudaeorum allata euincunt, secus ac visum HERMANNO AB ELSWICH ‡

XII. Esse animum non immortalem tantum, sed spiritum quoque, etiam post discessum a corpore subsistentem.

XIII. Dari etiam praeter animas spiritus alios siue angelos et bonos et malos §.

C c c c c 2

XIV.

*) II. cc.

*) Ita certe Cabbalistae ex Aegypto orti animam ex vnus mundi corpore ad alterius mundi corpus elegantius et praestantius migrare docebant.

p) De philosophum. viris doctis tenere afficit §. 3. p. 3. conf. quae diximus in Otio Vindel. I. c. p. 26.

q) Act. XXIII. 8. 9. conf. DEVSIVS I. c. c. 14. p. 65. seq. quique de sectis Iudaeorum egerunt.

XIV. Expectandam esse resurrectionem ^r.

Vitam Phariseorum magna sanctitatis specie se commendasse, veteres unanimiter testantur. Cum enim non legis tantum literae facere satis se posse crederent, sed et opera supererogatoria ex obseruatis patrum traditionibus et ἐθελουθρησκέαι enata iactarent, non potuit non in id incumbere eorum diligentia, vt pietate vitae aliis praestare viderentur. Vitam itaque duram et austeram exprimebant, qualem requiri ab iis par erat, qui se a communi hominum viuendi ratione separare et meliora efformare animo constituissent. Hinc ingens inter Phariseos superbia, quae ita plebem contempsit, vt eam maledictam pronuntiarent ^s, terrae filios appellarent ^t, resurrectionem mortuorum illis denegarent, testimoniorum fidem reiicerent, et quae alia fuerunt intolerabilis fastus specimina passim viris doctis ^u enarrata. Patriarum traditionum, quae innumeris nugis quotidie ab otiosis hominibus augebantur, vsque ad superstitionem etiam in minimis erant obseruantissimi, decimabant omnia ^x, quae possidebant, inque lotionibus et purgationibus ad insaniam vsque delirabant ^y, et haec tamen ludicra et leuidensia magnam cultus diuini partem constituere sibi persuadebant, adeo, vt eiusmodi lotionibus et lustrationibus non Leuiticam modo verum etiam moralem animi puritatem apud Deum obtineri posse, sibi persuaderent ^z: adeo omnis sana ratio et philosophia hos homines reliquerat. Vigiliis ita corpus macerabant, vt vel asseri angustissimo vel spinis incumbere, ne somno grauiori corriperebantur ^a. Ieiuniorum autem superstitionem prorsus habuere curam ^b, tum vt peccatorum maculas eluerent, tum vt insomniis felicioribus se pararent, tum vt consiliorum euentus prosperos adiuuarent, infaustos auerterent ^c: vnde praeter praescripta ieiunia spontanea quoque singulari voto elegerunt ^d. Oratio- num longarum et ampullatis verbis turgentium ad ineptias vsque erant studiosissimi ^e, ita tamen, vt potissimum in synagogis ^f, in templo, in conuiujs, et in ipsis quoque plateis eas publice ostentationis causa recitarent ^g. Quin et erogandarum eleemosynarum et porrigendae largiter stipis

^r) Ibidem.

^s) Io. VII. 49. Comment. h. 1.

^t) Pirke abhoth c. II. n. 5.

^u) HOTTINGER. l. c. p. 176. LIGHTFOOT. ad Matth. V. 22. T. II. opp. p. 285. Specimen vero intolerabilis fastus Pharisei cape ex sequenti historia: R. Iehuda Sanctus cum plebeum aliquando salutasset, poenitens in haec erupit verba: *Vae mihi, qui panem meum plebeio dedi!* Baava Bathra f. VIII. 2. conf. WAGENSEIL. Sota exc. Gem. c. III. §. 8. 2.

^x) MATTH. c. XXIII. 23. conf. Io. CONR. HOTTINGER. de decimis Iudaeorum Lugd. Bat. 1713. 4. et laudati CARPZOV. ad SCHICKARDI ius reg. Hebr. p. 270. FABRICIO Biblioth. antiq. p. 509. WOLFIO Cur. philos. ad l. c. Matth.

^y) MATTH. c. XV. 2. MARC. VII. 3. subtilitates Phariseorum lege apud GOODWIN. l. c.

L. I. c. IO. p. 185. SCALIGER. elench. trihaeres. c. VII. p. 56. in quibus adeo superstitioni fuerunt, vt illotis manibus edentem poenam Dei certissimam et praesentem manere dixerint, vid. Buxtorf. Syn. Iud. c. XI. p. 239.

^z) Conf. WITSIVS Misc. SS. T. II. ex. XXI. Io. SPENCER. de legibus Hebr. ritual. L. IV. p. 1187.

^a) Conf. BASNAGE l. c. p. 499.

^b) MATTH. c. IX. 14. LVC. c. VII. 39. XVIII. 2.

^c) Loca Iudaeorum collegit LIGHTFOOT. ad l. c. T. II. opp. p. 309.

^d) IDEM ad Luc. XVIII. 12. p. 552.

^e) MATTH. c. VI. 5. LVC. c. V. 23.

^f) Quadriuii et compita intelligi putat B. G. OLEAR. ad l. c. Matth. p. 172.

^g) Conf. LIGHTFOOT. ad l. c. Matth. p. 298.

stipis diligentem curam habebant ^b, eo quod ad consequendam peccatorum remissionem et iustitiam coram Deo tuendam plurimum haec opera misericordiae valere sibi persuasissent. More tamen suo vbique ad famam iis consequendam, et vt per ora virum volitarent, respexerunt, vnde barbarum indicio eleemosynas eos distribuisse, prouerbiali locutione dixit Saluator ⁱ. Vt vero operibus ab aliis hominibus se separabant, ita vestimentis quoque se distinguebant. Tunicas hunc in finem gestabant prae-longas, quarum fimbrias siue zizith, dilatabant, vt legis diuinae obseruantiores ceteris viderentur ^k. Cuius habitus tanta illis inerat aestimatio, vt hunc filium terrae, id est abiectum et plebeium hominem dicerent, qui non filamina gestaret in veste sua, illudque tritum inter eos inualesceret: *vestes populi terrae sunt conculcatio Pharisaeorum*: et qui huiusmodi vestem communem tetigisset, impuritatem quandam Leuiticam sibi contraxisse videretur. Quin adeo insaniebat quorundam superstitiosa εἰσροθησικία, vt ne sanguini quidem suo parcerent, eumque variis ineptiis ad captandam vulgus admirationem elicerent ^l. Praecipue vero in phylacteriis dilatandis ampliandisque erant diligentissimi, vt supra alios legis diuinae obseruantes memoresque sese ostenderent ^m. Illicitum putabant edere cum peccatoribus; immo censebant esse pollutionis speciem tangi ab iisdem, eo quod immundos illos esse pronuntiarent: Profelytorum vero captandorum tantam adhibebant industriam, vt, licet profelytos tanquam scabiem Israelis haberent, inusitato tamen in iis conuertendis desiderio flagrarent ⁿ. Quo in studio aucupandi profelytos et persecutionis spiritus contra illos, qui ab eorum partibus non stabant, et lucri cupiditas fordidissima crumenis magis quam animabus prospiciens eminebat. Quamuis autem vni omnes sectae adhaerent, in varias tamen haud raro factiones scissi sunt, quae ipsas se mutuo interdum anathemate feriebant. Maxime autem ad cognoscendam insanientis sectae stultitiam septem illae Pharisaeorum classes notandae sunt, quos Talmudici libri ^o memorant, nempe: 1. Phariseus Sichemita, qui pellem Pharisaicam vel induit vel exuit lucri gratia, instar Sichemitarum se circumcidentium. 2. Phariseus truncatus, ita dictus, ac si pedibus destitutus esset, quum eos vix hu-

C c c c c 3

mo

^b) MATTH. c. VI. v. LIGHTFOOT. h. l.

ⁱ) Ita difficultas, quam interpretes mouent, facile tolli potest, nec ad inusitados ritus confundendum, licet vestigia quaedam adhibitarum buccinarum in eleemosynarum distributione se inuenisse putent viri docti, vid. B. WOLF. Cur. ex. ad h. l. p. 116. seqq.

^k) MATTH. c. XXIII. 5. Zizith quid sint, explicant GOODWIN. l. c. §. 29. p. 202. HOTTINGER. ad h. l. NICOLAI ad SIGON. de rep. Hebr. p. 433. et scriptores antiq. Iudaicarum.

^l) Vid. LIGHTFOOT. ad MATTH. c. III. 7. p. 273. vbi Phariseus sanguinem eliciens vocatur. Id de flagellatione intelligit BASNAGIUS l. c. p. 499. contrarium probante BOILEAUIO de flagell. c. 2. p. m. 8. qui flagellationis in ve-

teri federe nullum alium vsum fuisse, nisi castigationis, probat.

^m) MATTH. c. IX. n. LUC. c. VII. 39. De Thephillin siue phylacteriis fusc tractant antiquitatum Iudaicarum, scriptores enumerati a Cel. WOLFIO Cur. phil. ad l. c. Matth. p. 323.

ⁿ) MATTH. c. XXIII. 25. LIGHTFOOT. ad h. l. CARPZOVIVS ad SCHICKARDI ius reg. p. 324. et pec. diff. B. DANZII de cura Iudaeorum in profelytis faciendis, lenae 1688. 4.

^o) Loca talmudica exhibent LIGHTFOOT. ad MATTH. c. II. 7. GOODWIN. l. c. p. 205. WAGENSEIL. ad Sora c. 3. BUXTORF. Lexic. Talmud. p. 1852. Io. HENR. HOTTINGER. thesaur. philol. L. I. c. I. §. 5. alique.

mo vellet leuare, vt profundae meditationis admirationem relinqueret. 3. Pharifaeus impingens, qui oculos suos clausit, ad euitandum aspectum mulierum, ita vt crebro caput muris impingeret et cruentaret. 4. Pharifaeus quaerens crebro, quid debeam facere, et faciam illud. 5. Pharifaeus mortarius, qui pileum gestabat instar profundi mortarii, ne posset oculos attollere, nec in vllam partem flectere, sed tantum vel antrorsum conuicere vel humi configere. 6. Pharifaeus ex amore, qui morem legi gerebat virtutis amore. 7. Pharifaeus ex timore, qui legi obsequabatur formidine poenae; quorum, ille praecepta positiua, hic negatiua tantum reuerenter colebat. Ex his vero, quantum a grauitate et sanctitate diuinae legis, et a sana quoque ratione disceserint homines ineptissimi et nugiuenduli, iudicari, simul autem intelligi potest, cur singulari sanctitatis opinione apud plebem in maxima vixerint auctoritate ^p. Eiusmodi enim austeritatibus oculos oblinebant plebis ad externa tantum attendentis, vt internas sordes non perspicierent: eam autem humanitate, morum iucunditate, colloquiorum dulcedine, aliisque, quibus animi capi solent, conuersationis quotidianae virtutibus, maxime vero indulgentia in iudiciis et mitioris sententiae patrocínio sibi adeo deuinctam habebant, vt eius beneuolentiam atque studia prorsus in voluntate sua haberent ^r. Cumque et ipsi imperio, cuius iugum non sine magna indignatione patiebantur Iudaei, peregrino essent insensibilissimi, et ad illud excutiendum quauis occasione paratissimi, tantopere plebis studium pro Pharisaeis exarsit, vt tota ex eorum nutu penderet, et reges atque principes eorum potentiam inter plebes magnopere reformidarent ^r; eo quod nec vi nec dolo parcerent vlli, vt contrariam sibi partem queiscunque possent machinis euerterent. E contrario, vbi potentiorum et imperantium partes Pharisaei secuti sunt, ita flexerunt plebem, vt coeco studio in eorum partes rueret, quos sibi prius habuerat inimicissimos. Cuius luculentum exemplum cum nobis exhibeat historia Hyrcani, Aristobuli, Iannaei Alexandri regum, et Alexandriae reginae ad quam aliquoties iam prouocauimus, legenda omnino est IOSEPHI ^s historia, vt quem habuerit influxum haec secta in artes politicas imperantium, intelligatur. Texisse vero speciosam hanc sanctitatem horrendam impietatem et scelera grauissima, illis ignotum esse non potest, qui sermones Christi a sacris historicis in acta relatos legunt, quibus illis abominabilem malitiam, superbiam, inuidiam, lucri cupiditatem, vindictae studium, et quae alia erant animi in pessima quauis grassantis furentisque scelera, obiecit ^t, contra quem conflata maxime a Pharisaeis persecutio sentinam perditissimae nequitiae exhibuit, et quales homines essent, demonstrauit. Id quod praeter innatum detestabili homi-

p) IOSEPH. Antiq. Iud. L. XIII. c. 18. p. 454.
 q) IDEM de B. I. L. II. c. 12. p. 788. Aug-
 gebat eorum auctoritatem, quod in Synedrio
 maiorem numerum constituerent, vt supra ob-
 seruatum.

r) IOSEPH. Antiq. Iud. L. XIII. c. 18. p. 453.
 c. 24. p. 453.

s) I. c. c. 24. 25. conf. ZELTNER. dissert. de
 Alexandra regina Iudaeorum.

t) MATTH. c. XXIII. l. seqq.

hominum generi factum et ambitionem, quae *περοδελας* et laudes hominum infano furore anhelabat ^u, et quae tanta erat, vt se orbis reges et humani generis magistros esse somniarent ^z, et a discipulis contradictionem nullam ferrent ^y, ex sordidissima ditescendi cupiditate profectum est, qua ducti dum viduarum et orphanorum curam agere simulabant, eos facultatibus spoliabant, suscipiebantque ea omnia, quae ad pessimas animi corruptissimi cupiditates alendas fouendasque facere posse credebant ^z. Neque hoc malum solum fuit, sed cum legis essent interpretes et succussionem doctrinae Mosaicam ambitiose iactarent, ab eorum quoque praeceptis plebs tanquam ab oraculi effatis pependit, effecerunt detestandis legis diuinae detorsionibus, vt legis notitia, et pietas vera tantum non omnis ex gente Iudaica exularet, animi vero salutis cupidi, et veram diuinae voluntatis cognitionem anhelantes misere deciperentur, et ab ingrediendo coelorum regno excluderentur. Quibus tanquam paucis quibusdam inter lolia aristas suppressis tanta in populo Iudaico scelerum ac delictorum seges effloruit, vt non potuerint non diuina maturari iudicia, quae totam Iudaeorum rempublicam euerterent. Quam calamitatem publicam mire auxere Pharisei seditionibus et rebellionem addictissimi, praeterea audacissimi, et consiliis in praeceptis et interitum ipsum ruentibus detestissimi, cuius exempla plura exhibet historia Iudaica ^a, quibus tandem effectum est, vt tota respublica a Romanorum exercitu euerteretur. Quo tamen excidio templum quidem et vrbs solo aequata et res Iudaeorum disiectae sunt, Pharisaismus autem ex gentis superbae animo, vt supra dictum, eiici non potuit. Fuere etiam foeminae, quae Pharisaismo nomen dedere, at quae eiusdem commatis quo viri, sub pietatis praetextu nefandae licentiae impuritatisque specimina edidisse leguntur, de quibus loca Talmudica consuli possunt collecta a IOANNE LIGHTFOOT ^b.

§. XXVIII. Quarta Iudaeorum secta Essenorum est, cuius historia ^c, *Sectae Essenorum origo.* eo magis expendi meretur, quo magis singulares prorsus eius res fuerunt, et a consuetudinibus Iudaicis recesserunt, et quo magis verisimile est, ex Graeca philosophia aliquid ad hos Iudaeos peruenisse. Origines eius non minus, quam reliquarum sectarum, impeditae et incertae sunt, eo quod paula-

^u) Ibid. v. 6. seqq. conf. VITRINGA de vet. synagoga p. 191. RELAND. antiq. Hebr. p. 132. quorum prior luculentum ea de re locum ex Talmude affert p. 192. Pertinet huc ritulus Rabbi, de quo vid. LIGHTFOOT. ad l.c. Matth. SELDEN. de Synedr. p. 736. aliosque laudatos WOLFIO Cur. ex. ad h. l. p. 324.

^y) Vid. LIGHTFOOT. l. c.
^z) JOSEPH. Antiq. Iud. L. XVIII. cap. 2. pag. 617.

^a) MATTH. l. c. et interpp. ad h. l.

^b) Exemplo esse potest Iudaei Gaulonitidis seditio, qui terrenum Dominum renuebat. Eius enim factio ex Phariseis porciorem partem con-

stabat, vid. JOSEPH. Antiq. Iud. L. XVIII. c. 1. p. 616.

^b) Ad Matth. III. §. p. 271.

^c) Scriptores de Essenis enumerat WOLFIVS Bibl. Hebr. P. II. p. 817. seqq. quibus addi possunt BASNAGIVS Hist. Iud. L. II. c. 20. seq. p. 520. seq. VEN. SAL. DEYLINGIVS diff. de Ascetis ad calc. Obseru. SS. P. III. p. 451. IO. IOACH. LANGIVS pec. diff. BVDDIVS H. E. V. T. T. II. p. 1212. seqq. CLERICVS H. E. Sec. 1. et II. Prol. S. 1. c. 5. HEVMANN. Act. phil. Vol. III. p. 504. et nuper VEN. MOSHEMIVS Inst. Hist. Christ. Sec. I. P. I. c. 2. §. 12. seqq. p. 78. seqq.

paulatim, quod a quibusdam priuata diligentia institutum erat, tandem communi multorum suffragio probatum et auctum sensim in publicam sectam abiit. Difficilia itaque et dubia initia, fatentibus viris doctis ^d, multis coniecturis vt in his rebus solet, exposita sunt. Ipsos Essenos si audis vetustissimum sectae huius institutum fuit: teste enim IOSEPHO ^e ad primorum auctorum ac parentum suorum libros antiquissimos prouocauerunt, eosque se habere professi sunt. Ex qua iactantia patet, suas illos origines longe supra reliquarum sectarum natales posuisse. Nec defuere, qui hac in re fidem illis haberent. Ipse sane IOSEPHVS ^f valde antiquitati huius sectae fauet, quin PLINIVS ^g, seculorum illis millia tribuit, et ita de iis loquitur, quasi aborigines fuisse crediderit. Ast hoc homini in rebus Iudaeorum a commercio cum gentilibus abhorrentium, coecutienti facile ignosci potest, fides autem Essenis adhibenda non est, quos dubium non est, hanc antiquitatem ideo ostentasse, vt ceteras Iudaeorum sectas hoc quoque nomine, vt in reliquis instituti sui circumstantiis, vincerent, quemadmodum Iudaeos sibi super omnes gentes alias cum ceteris, antiquitatis etiam praerogatiuam vindicasse, et ad eam omnes ritus suos etiam recentiores et a conditoribus gentis non profectos retulisse constat. Et tamen, his non obstantibus inuenti sunt inter eruditos, quidam, qui ad vetustissima Israëliitarum tempora origines Essenorum retulerunt, et Rechabitas inter Iudaeos ex Kenaeis a tempore migrationis ex Aegypto receptas pro parentibus Essenorum agnouerunt. Quam opinionem ex veteribus secuti sunt SVIDAS ^h et CEDRENVS ⁱ, magno vero studio ornauit SERARIVS ^k, vt antiquitates originesque monachatus ex hac secta eo altius repeteret, quo nomine grauissime eum castigat SCALIGER ^l. Reiciendam autem esse hanc coniecturam facile palpabit, qui considerauerit, qui Rechabitae fuerint, et quod vitae institutum secuti? Illi enim ex Kenaeo Midianiticae gentis populo, posterisque Iethro, qui focer Mosis fuit, oriundi fuere, qui populo Israëlitico adhuc in deserto palanti associatus est, eius beneficiis atque priuilegiis fruens, ita tamen, vt distincta semper ab Israële gens fuerit. Ex hac enim Kenaeorum domo oriundus Rechabi filius Ionadabus, vir grauis atque doctus, peculiare quidem vitae institutum suis commendauit, sed tale quod ab Essenorum moribus prorsus erat diuersum. Teste enim IEREMIA ^m vate, ita constituit Ionadabus, ne vinum biberent, nec domum aedificarent, nec agrum colerent, nec vineam confererent, sed habitarent in tentoriis; nempe quod peregrini essent, quorum non erat terrae inter Israëlitas portio, sed docendo scribendoque vitam tolerarent ⁿ. Ast Essenos

d) Citati GOODWIN. Mos. et Aar. L. I. c. 12. §. 21. p. 237.

e) De B. I. L. II. c. 11. p. 783.

f) Antiq. Iud. L. XVIII. c. 2.

g) Hist. nat. L. V. c. 17. conf. BASNAGE Hist. Iud. L. II. c. 20. p. 514. 658.

h) In Esseni T. I.

i) Hist. p. 198.

k) In trihaeresio L. III. c. 8.

l) In elencho trihaeresii c. 24. p. 186.

m) c. XXXV. 6. 7.

n) Diligenter doctaeque de Rechabitis disseruit HERMANN. WITSIVS Miscell. SS. P. II. p. m. 223. seqq.

senos agros coluisse, aliaque his contraria instituta secutos fuisse, Iudaeos etiam origine fuisse ex dicendis constabit. Nec verisimiliorem sententiam sequitur R. ABRAHAM ZACHVTH ^o, qui Nazaraeos huc aduocat; vt enim taceamus, durasse Naziraeorum institutum per aliquod tantum tempus, discrimen inde apertum patet, quod templi nullam communionem Esseni habuerint, in quo tamen vi instituti sui Naziraei erant frequentissimi. Doctissimus vero LANGIVS ^r, nouam de Essenorum origine opinionem ingressus, non inter Iudaeos, sed inter barbaros eorum natales quaerendos esse putat, ratus non fuisse Essenos Iudaeos, sed philosophos barbaros Iudaizantes. Huic vero opinioni, vt cetera non afferamus infra commodè magis dicenda, testimonium Iosephi et Philonis, qui diserte Iudaeos faciunt, recte opponitur. In tanta itaque coniecturarum et diuersitate et incertitudine tutissimum putamus fateri, latere veros natales sectae fanaticae, nec posse eos accurate definiri, eo quod succedente tantum tempore sensimque ex paucis vita agrestis cultoribus fanaticam quandam vitae regulam sibi constituentibus, in sectae tandem formam adoleuerit. Illud ex IOSEPHO ^q certum est, temporibus Ionathae, fratris Iudae Maccabaei, Hyrcanique regis et filiorum ^r vna cum reliquis sectis floruisse, nec a vero dissentire putamus, quod eleganter et acute coniecit MOSHEMIVS ^s, ante reliquas sectas hanc exortam fuisse, licet forte nomen non mox cum ipsa societate horum hominum enatum sit. Illud scilicet neminem negaturum esse: statum Iudaeorum miserabilem et deploratum, quo calamitatibus publicis tantum non opprimebantur, occasionem dare potuisse quibusdam, in deserta et campestria loca secedendi, vt eo tutius laterent, hosque cum patriae religionis cultus, deficiente templi vsu, ex legibus Iudaicis seruari non posset, recedendum paululum a ceremoniis auitis ratos, tandem ad theoreticam quandam vitam esse delapsos: et cum simile institutum in Aegypto floruerit, ex eius moribus recepisse illa, quae circumstantiis suis atque scopo essent consentanea. Ita enim maxime probabile fieri, homines in Syria natos, cum ad Aegyptios accessissent, temperamento ad fanaticismum inclinante, quod initio necessitas suaserat, animi inclinatione postea seruauisse institutum. Qua vero calamitate publica pressis Iudaeis, quidam in campestria et deserta loca discefferint, de eo variae virorum doctorum coniecturae sunt. Primus nisi fallimur DRVSIUS ^t grauem qua Hyrcanus Phariseos afflixit persecutionem occasionem sectae huic dedisse coniecit. Tunc enim Phariseorum nonnullos in deserta loca secessisse et peculiarem sectam constituisse

^o) In Iuchasin, conf. DRVSIUS l. c. SCALIGER. Elench. trihaeref. c. 23. p. 147. GOODWIN. l. c. p. 237. BASNAGE l. c. p. 513.
^p) loc. cit.

^q) Antiqq. Iud. l. XIII. c. 9. p. 442.
^r) c. 24. p. 463. seq.
^s) l. c. p. 82.
^t) De Hasidaeis p. 24. ed. Trigl.

tuisse putat. At falli virum doctum sola Iosephi auctoritas euincit ^u. Alii persecutionem grauem, qua gentem Iudaicam pressit Antiochus Epiphanes, occasionem secedendi viris quibusdam piis dedisse statuunt. Hasidaeorum enim quosdam, quique ab abominationibus gentilibus, quas in mediam Hierosolymam introduxit Antiochus, se separauerant, cum non omnes bello se tyrannidi opponere auderent, secessisse in desertum, ut ab idololatria securi Deum ex legis praescripto colerent. Qui cum in solitudine sine templo, sine victima, viuerent, peculiare tandem institutum vitae sibi finxisse. Quam sententiam amplexi sunt multi viri doctissimi ^x. Cel. MOSHEMIVS ^y autem maturius paulo sectam hanc, si de re ipsa, non de nomine quaeratur, initium ortumque cepisse coniicit, et rem ita euenisse rationes inducit: „Assyrii et Babylonii, is Palaestinam populantibus Iudaeosque secum in seruitutem abducentibus, gentis huius haud paucos fuga sese in desertum loca Syriae et Aegypti receperunt, quo furorem vitarent hostium. Hos quum templo carerent, neque ritus idcirco a Mose rogatos seruare possent, facile in eam descendisse cogitationem, sufficere, si quis mente casta puraque Deum colat, hominemque supremi Numinis studiosum sine victimis, aris, sacerdotibus et suffimentis, expiari posse. Auxisse hanc opinionem solitudinem, et non modo coactas diuinae legis interpretationes, sed etiam princeps nouae huius sectae dogma peperisse: contemplando, corpusque coercendo et castigando viam ad amicitiam Dei atque summum perfectionis gradum sterni. Adiunxisse sese huic generi postea nonnullos Aegyptiacis aliisque superstitionibus imbutos, quibus magistris noua plane et inusitata religionis forma quam nec Iudaicam, nec profanam dixeris, constitutam esse“. Nihil esse in hac doctissimi viri coniectura, quod non verisimilitudine se commendat, omnino fatendum est, unde qui, deficientibus certioribus indiciis, illi addere calculum voluerint, recte satis rationes inuituros esse putamus. Quod si tamen coniecturas quoque nostras, ob instituti nostri conditionem melioribus addere licet, distinguenda paulisper certiora ab incertis esse putamus, ut quid verisimile sit, quid minus, inde coniici queat. Et 1. quidem errare eos, qui Hyrcani vel etiam Ionathanis fratris Iudae Maccabaei tempore exortos esse Essenos, statuunt, facile ex IOSEPHI ^z testimonio euinci potest, qui floruisse circa ista tempora iam tres istas sectas testatur. 2. Certum quoque ex IOSEPHI narratione ^a, eius-

^u) Valde eam ob rem Drusium exagitauit Serarius, cui acerbè respondit Scaliger, quorum tamen neuter veras origines huius sectae vidit.

^x) RELANDVS Antiqq. SS. P. II. c. 9. §. 16. p. 252. CAVE Antiqq. Apost. procem. p. 118. BASNAGE l. c. p. 515. BVDDEVS Hist. eccles. V. T. T. II. p. 1212. Hasidaeorum vero propaginem facit GROTIUS ad I Maccab. II. 42. nos huic olim sententiae subscripsimus, in Germ.

Hist. phil. opere T. IV. p. 237. seqq. vbi etiam ad CL. LANGII obiectiones l. c. §. 2. p. 22. respondimus. Re vero paulo attentius considerata origines sectae huius altius repetendas esse arbitramur.

^y) l. c. §. 14. p. 81. seq.

^z) l. c. de B. I.

^a) Dabimus eam in seq. §.

eiusmodi instituta recepisse Essenos, quae ex schola Pythagorae defumta sunt: ea vero non alibi, quam vel in Aegypto, vel ab Aegyptiacis hominibus, ad quos vltimi Pythagorei peruenerunt, discere potuerunt, vt ex historia sectae Pythagorae clarum esse putamus. 3. Ex his autem necessario sequitur, Essenos, si secta ex iusto suo habitu et constitutione sumatur, ante Pythagoreisimum inter Aegyptios innotescens et instituta sua illi genti commendantem, sua quoque instituta non potuisse accipere. Illud vero Alexandri M. et Ptolomaei Lagidis temporibus euenisse, quibus vltimi Pythagorei in Aegypto visi sunt, et Aegyptii ab iis vitam istam monasticam et coenobiticam didicerunt, suo quoque loco demonstratum est. Quibus positis 4. recte inferri putamus tertio ante C. N. Seculo nempe ab A. M. clocloclbDCL ad A. M. clocloclbDCCL, qui Lannis Ionathae tempora antecedit, hanc sectam qua talem enatam esse, licet initia iam prius posuerit. 5. Ita vero nec ab Antiochi Epiphanis persecutione, et Hasidaeorum temporibus eius natales deriuari possunt, nec a temporibus inuasionis regum Assyriae et Babyloniae; illa enim integro seculo serius, haec tribus seculis prius euenit. 6. Medium itaque tempus inter vtramque persecutionem occasionem dedisse sectae huic condendae, ex dictis omnino fit verisimile. Qualis vero illa fuerit, licet definiri accurate non possit, putamus tamen posse conici aliquid, quod verisimilitudine non destituatur. Nobis ita ab initio euenisse videtur: Cum incursione Assyriorum templum dirutum, vrbs Hierosolyma vastata, et religionis cultus omnis sublatus esset, caede quoque praefecti Gedaliae ab Assyriorum rege constituti exiguae Iudaeorum in Palaestina reliquiae timore replerentur, fuga populi ab Assyriis relictis ex terra Iudaica in Aegyptum facta est^b, ibique Iudaei haeserunt diu, sine templo, sine aris focusque et sine cultu publico, adeoque priuata tantum pietate seruire Deo cogeantur. Fecisse hoc reliquias illas populi Iudaici in Aegyptum delati in solitudine, vitata hominum frequentia, cum odium Iudaeorum in idololatriam Aegypti suadet, tum Aegyptiorum horror eorum, quos damnare sacra sua nouerant. Maxime vero timor fugitiui populi in deserta Aegypti eos compulisse videtur, cum multos ex suis a Cambyse abduci in captiuitatem cernerent. Et haec prima initia fuisse monachatus Iudaici, tum in Therapeutarum, tum in Essenorum familia postea se prodentis coniciamus. Iustamque et omnino probandam coniecturam Moshemianam putamus, homines a templo, aris, victimisque raptos quasi et abstractos vitam sibi quandam atque cultum finxisse, qui austeriori exercitatione defectum victimarum quasi suppleret, et se Deo castiori vitae habitu placere posse, sine legis Leuiticae ceremoniis sibi persuaderet. Simpliciorem tamen vitae huius eremiticae conditionem et nondum sectariam fuisse, facile credimus, praesertim cum initio Ieremia vate praesente potuerint in ordinem redigi: sed succedente tempore varia accessisse *ἀσέτεια* nemo negauerit, qui humani ingenii indo-

D d d d d 2

lem

^b)- Dictum ea de re supra §. XI.

lem infpexerit. Id quod incrementa fumfit haud exigua, cum allegorica methodus in Aegypto recepta medium exhiberet ἐθελοθρησκείαν hanc cum patria lege conciliandi. Maxime vero his Iudaeis μονάζεσι nouas arriffisse ceremonias nouaque placita, verifimile eft, cum Pythagorei vltimi in Aegyptum elapfi folitariam vitam, quam neceffitas initio iniunxerat, exercentes, nouis instituti fui ritibus, placitis, ceremoniis res fuas illis augendi exhibuiffent occasionem. Cum enim viderent, hos philofophos fanatica quadam ratione pietatem quandam excellentiorem commendare, eamque exercitationibus corporis cupiditates fupplantantibus firmare, fimul autem iudicarent, facile legem domesticam et praecepta Mofis: cum peregrinis iftis institutis et placitis mediante allegoria poffe conciliari, non potuit non eorum philofophandi modus recipi, et, quod initio arbitrarium, et ex variorum ingeniorum iudicio, varium quoque et diuerfum fuerat atque liberum, tandem in feftae formam coalefcere. Cumque credibile fit, non omnes eodem modo, in conciliando legis fenfu cum institutis fuis quae vel ipfi elegerant, vel a Pythagoreis acceperant, ftatuiffe, ratio inde intelligi poteft, cur Therapeutae ab Effenis in multis diffenferint ^c. Cum vero ab Alexandro M. et Ptolomaeo. Lagide coloniae nouae et ampliores in Aegyptum deducerentur, quae libertatem religionis patriae exercendae naftae cultum Dei Iudaico more feruabant, videntur primi ifti eremitae, cum ab vrbium frequentia effent remotiores et fe circa ea tempora moribus et placitis Pythagoreorum attemperaffent, inpriftino instituto perftitiffe: et ita quidem Therapeutas Iudaeos in Aegypto ab initiis coloniae Iudaicae floruiiffe, et peculiarem eiusmodi focietatem conftituiffe, nobis quidem videtur verifimillimum. Fuiiffe autem alios quoque, qui ab eorum placitis in quibusdam diffentirent, ex allata paulo ante ratione apertum eft, Ptolomaeus vero Philadelphus Lagidis fucceffor, foluta Iudaeorum feruitute cum potefatem iis feciffet, domum, fi vellent remeandi cum aliis Iudaeis, qui in Palaefthinam remigrarunt, huius quoque generis nonnullos rediiffe, dubium non eft. Qui cum cultum externum ab Efdra, Nehemia reliquisque viris piis cum templo reftitutum contemnerent, eo quod purius fanctiusque fe Deum colere poffe crederent, ineptae quoque traditionum nugae illis parum ad colendum Numen facere poffe viderentur, fecefferunt in campeftria loca, et peculiarem ibi feftam propagarunt, quae poftea, vt ab enatis reliquis feftis diftingueretur, a fanctiori, quam affectabat, vitae cultusque diuini ratione, Effena dicta eft. Haec coniecturae quidem tantum locum atque ius tueri poffe in tanto veterum fententio non diffitemur, fatebitur tamen praecudicio non occupatus quilibet, eam ita fe habere, vt non tantum cum temporum et circumftantiarum fatorumque populi Iudaici rationibus conueniat, fed et vtriusque feftae, Effenorum et Therapeutarum confuetudines pene omnes

^c Ita vero quaefitio quoque dirimi poteft, vtrum Therapeutae Effenorum genus aliquod fuerint, de qua paulo infra dicemus.

omnes luculenter explicari possint, immo difficiles quoque controuersiae quaedam virorum doctorum de hoc argumento componi. Nec destituitur haec opinio virorum doctorum calculo ^d, qui ex Aegypto hanc sectam deriuandam esse agnouerunt. De ea vero cum alia IOSEPHVS ^e alia PHILO ^f tradiderint, ille Palaestinos Essenos, hic Aegyptios quoque Therapeutas enarrans, vterque audiendus, at examinandus simul est: cum in quibusdam suspecti testes sint ^g, totam etiam horum fanaticorum Iudaeorum historiam virorum eruditorum disceptationes et praeiudicatae opiniones valde reddiderint obscuram et intricatam.

§. XXIX. Hos duces itaque sed cum aliqua prouidentia, sequemur, *Essenorum historia.* Essenorum sectam propius consideraturi; Et nominis quidem, quod apud Iosephum Esseni, apud Philonem Essaei, apud Epiphanium Ossenii scribitur, etymon adeo incertum est, ut citius equos gryphis iungere, quam doctorum virorum opiniones inter se conciliare liceat. Quidam enim **הסיני** per apocopen dici putant, eo quod ab Hasidaeis originem accepisse credunt: alii verbum Syriacum **אסני** quod sanandi, medendique significationem habet, huc aduocant, eo quod medicinam multi ex illis exercerent, et familiae quaedam eorum therapeutae a Philone dicantur: alii ab **חסה** deriuant, eo quod in loca deserta confugerent. SCALIGER ^b a voce **חסי** deriuauerat, qua pius, bonus, sanctus innuitur, sed mutata sententia postea a Chaldaica voce **חשאי**, quae silentium indicant, deriuare maluit. In cuius tamen coniectura, curae priores posterioribus meliores videntur, ita enim Esseni nobis a Iosepho et Philone describuntur, ut pietatis atque sanctioris vitae gradum sublimiorem conscendisse videantur, certe ab hac opinione nomen accepisse credi queant ⁱ.

D d d d d 3

Fauet

^d) Primus hoc obseruauit LVC. HOLSTENIVS in annot. ad Porphyr. vitam Pythag. pag. II. quem multi alii viri docti, et in his nuper Cel. MOSHEMVS §. II. p. 78. l. c. secuti sunt.

^e) De bello Iud. L. II. c. II. p. 785. Antiquit. Iud. L. XVIII. c. 2. p. 617.

^f) Quod omnis probus sit liber, p. 876. seqq. ubi Essenos practicos, et de vita contemplatiua p. 889. seqq. ubi theoreticos siue therapeutas describit.

^g) Consentiant in hac sua narratione Iosephus et Philo in multis, in quibusdam autem variant et dissentiunt. Cuius ratio inde deriuanda esse videtur, quia propius meliusque Essenos Palaestinae incolae Iosephus nouit, quam Philo, qui Aegyptiorum eremitarum ex Iudaeis mores propius inspicere potuit. Vnde in illorum historia Iosepho, in horum Philoni magis credendum esse videtur, ubi dissona referunt. Negare tamen non possumus, fidem doctissimorum horum ex gente Iudaea virorum non ab omni sublesta fidei suspicione esse liberam. Vterque scriptor Iudaea ambitione occupatus philosophiam Graecam omnem a sua gente ad gentiles peruenisse credebat: et hoc praeiudicio occupatus ita gentis suae res gentilibus exponere satagebat, ut

quantacunque posset, harmonia inter eas et res gentilium, appareret: ratus, ita gloriosum fore Iudaeis, si quod Graeci tantopere iactarent, ipsos diu iam habuisse, demonstraretur. Non hac suspicione iniuriam fieri vtrique, Iosephi praefatio ad Antiqq. et haec ipsa Philonis de Essenis tractatio luculenter docent. Hoc animo cum ad Essenorum historiam scribendam accessissent, iusta suspicio est, eos leues quasdam circumstantias huius sectae ita ornasse, ut quam maxime gentilibus, praecipue Pythagoreis institutis, quae in Aegypto magna in veneratione erant, similes viderentur, et haberent Iudaei, quae gentilium gloriae domestica opponerent. Certe prouidos hoc lectores facere debet, ut, cum horum virorum fide standum sit, nunquam sine formidine oppositi illorum narrationes recipiant. Quae enim alii vererem de hac re habent, ex his fontibus hausta sunt.

^b) Elench. trihaeres. c. 26. p. 100.

ⁱ) Conf. de huius nominis origine LEVSE-DEN. in philologo Hebr. mixto diff. XX. RE-LANDVS Antiqq. SS. P. II. c. 9. §. 16. p. 252. DRVSIVS de sectis L. IV. c. 1. p. 164. seqq. BVD-DVS Hist. eccles. V. T. T. II. p. 1213.

Fauet etiam huic originationi Iudaeus vterque IOSEPHVS atque PHILO, quorum ille ^k ascetas quosdam sanctiorem vitam professos nobis sistit, hic ^l a Graeco vocabulo *εσείτης*, per paronomasiam dictos esse statuit. Eorum vero descriptionem hanc nobis reliquit Iosephus: „Inter tres Iudaeorum sectas, illi qui circa sanctiorem vitam exercitationes suscipiunt ^m, Esseni sunt, qui Iudaei quidem genere sunt, sed amoris mutui supra reliquos studiosissimi. Hi voluptates quidem, tanquam scelus aliud, quod refugiant, in ea vero virtute quam maxime exercentur, quae continere animum docet, ne cupiditatibus manus victas porrigat. Et liberorum quidem generandorum causa nuptias non ineunt, aliorum vero hominum filios teneros adhuc et ad disciplinas aptos adoptant, et pro consanguineis reputantes suis moribus et institutis conformiter educant: licet enim coniugium et successionem thori non tollant, cauent sibi tamen a muliebri luxu, creduntque firmiter, nullam earum fidem exacte praestare ⁿ. Sed et contemptores diuitiarum sunt, communio vero bonorum atque facultatum omnium inter eos viget admiratione dignissima. Constitutum enim lege inter eos est, ut ii, qui hanc sectam ingrediuntur, facultates suas ad communem fiscum conferant, sic ut inter omnes neque ob paupertatem contemptum aliquis patiatur, neque ob diuitias efferre se super alios possit, sed collatis in commune aerarium facultatibus omnium, interque se commixtis, vnae, tanquam fratrum, facultates videantur. Oleum autem pro re abominabili et probrosa habent, sic, ut si quis inuitus eo vngatur, corpus detergat purgetque. Vilibus vero vestimentis libenter vtuntur, et maxime candidis. Sed et procuratores habent, qui eorum rerum curam gerunt, quibus omnes opus habent, et singulis aequalem eorum, quae necessitas postulat, praestant operam. Non autem vna eorum ciuitas est, sed in qualibet habitant multi hic, illicue ^o, qui vero aliunde adueniunt, si sectae huic addicti sunt, ita rebus

k) De B. I. L. II. c. 12. p. 785.

l) Q. O. P. L. p. 876.

m) *ὁ δοκῆ σεμνότητι ἀσκήν.*

n) Hoc non ad fidem thori, sed ad fidem et silentium sectae et disciplinae, quam arcanam seruabant trahendum esse videtur. Miratur hanc a coniugio abstinentiam PLINIVS L. V. c. 17. „Ita per seculorum millia, incredibile dictum, gens aeterna est, in qua nemo nascitur. Tam fecunda illis aliorum vitae poenitentia est.“

o) Ita quidem IOSEPHVS: *μία δὲ ἓκ ἐστὶν αὐτοῖς πόλις, ἀλλ' ἐν ἐκάστῃ μετοικῆσαι πολλοί.* Aliter vero PHILO, qui l. c. p. 876. *καμυδὸν οἰκῆσι, τὰς πόλεις ἐκτρεπόμενοι, διὰ τὰς τῶν πολιτευομένων, χερσὶν ἀνομίαις, ἰδότες ἐκ τῶν συνόντων, ὡς αἰεὶς Φθόροισι νόσον ἐγγινομένην προσπλῆν ψυχῶς ἀνίσταν,* „vicatim habitant, vrbes fugiunt, propter familiaria ciuibz ea-

rum vitia, gnari, non minus periculi esse ab eorum conuictu, quam ab aëris intemperie pestifera, propter contagium incurabile.“ In hac duorum scriptorum contradictione, Philonis narratio veritati multo magis similis est, quam Iosephi. Institutum enim eorum et sustentandi se ex agricultura ratio, a mercatura et artificijs separata, in vrbibus vix conuenit. Neque vllibi legimus, in vrbibus Palaestinae fuisse coenobia et collegia Essenorum, sed habitasse eos in locis campetribus atque vicis. Neque facile potuit totius sectae collegium in vrbibus eius temporis Iudaicis excitari. Nec tam rara esset eorum notitia, si in vrbibus habitauissent, nec tacuisset eos euangelica hystoria, nisi ita remoti fuissent ab illis oppidis, in quibus Christus frequenter versabatur, et ita cum illis congregiendi nulla illi fuisset occasio, quam veram causam esse, cur Essenorum nulla in annalibus sacris

„rebus eorum omnibus vtuntur, tanquam propriis, et quos prius non nouerunt, cum iis conuersantur, tanquam diu cum illis consueuissent. Quapropter iter quoque facientes nihil secum ferunt praeter arma propter latrones^p. In quauis vrbe procurator est sectae ordinisque illius, a reliquis distinctus, qui aduenarum curam gerit vestimentorumque, et quae alia necessaria sunt, rationem habet. Omnibus vero pueris, qui educantur a paedagogogo, vnus vestitus modestissimus, vnus habitus est corporis: vestes quoque et calceamenta non mutant, nisi lacera et temporis vsu detrita, Nihil vero mutuo inter se vel emunt, vel vendunt, sed quilibet indigenti exhibet, id quod penes se est, refertque quod sibi vtile atque commodum, quamuis etiam sine commutatione vel retributione liceat ea sumere, quae quis cupiat. Singulari vero pietatis studio in rebus diuinis maxime vtuntur, ante ortum enim solis nihil profanum pronuntiant, „sed

sacris euangelistarum mentio fiat, licet non minus crassus, quam reliquae sectae, erroribus fuissent addicti, dudum viris doctis obseruatum est, vid. BASNAGE I. c. p. 588. 680. CAVE I. c. p. 120. et quae nos diximus in Otio Vind. Melet. I. p. 41. Quamuis autem haec veritatem Philonianae narrationis mire confirmet, non tamen totis reiiciendus videtur Iosephus, sed conciliari posse cum Philone, nempe, si statumamus, coenobium quidem Essenos, refectorium, locum conuentus, aerarium, procuratores, et quae alia ad sectae formam pertinebant, habuisse in agro, multos etiam agri colendi causa in vicis habitauisse; quosdam tamen in proximis oppidis, opificiorum exercendorum causa confedisse, statim vero tempore cum reliqua sectae familia in vicis agrisque conuensse. Regionem vero quam incoluerint, neque Iosephus neque Philo indicant, EPIPHANIVS autem haeref. XIX. p. 40. ex aliorum relatione tradit, ex Nabataea, Ituraea, Moabitide et Arcilitide originem eos traxisse, quae regiones vltra vallem falsuginosam sitae sint. PLINIVS vero I. c. refert: „Ab occidente litore (Asphaltidis) „Esseni furgent, vsque qua nocent, gens sola „et in toto orbe praeter caeteras mira, sine vlla „femina, omni Venere abdicata, sine pecunia, „focia palmarum.“ Qui locus cum valde obscurus sit, vehementer torfit interpretes, cuius tamen sensus hic est, recessisse Essenos circa litora maris mortui habitantes ab hoc lacu, quatenus eius exhalationes nocent, et circa ea loca confedisse, vbi palmarum copiosa est, id quod ab occidente maris in campis illic sitis factum esse satis luculenter indicat. In hac enim solitudine palmarum multitudo inueniebatur, testaturque I. c. PLINIVS, „infra Essenos fuisse Engadda „oppidum (vicus praegrandis vineis quoque celebris Cant. I. 14. de quo vid. RELANDVS „Palaest. L. III. p. 763.) secundum ab Hierosolymis fertilitate, palmetorumque memoribus.“ Ex quibus intelligitur, cur gentem sociam palmarum

vum vocauerit Essenos Plinius, fallique Petitem et Salmasium, qui ita dictos fuisse putant, quod dactylis vixerint. Vocati vero illi campi desertum Iudae, Iud. I. 16. in quo vixit quoque Ioannes Baptista. Recte itaque Essenos eremitas quis dixerit.

p) S. CHRYSOSTOMO in Acta Hom. 46. auctore, Esseni Sicarii dicti sunt, a sicis, quas sub vestibus abditas gestarunt, quibus zeli pro patria legeque causa multa mala ab iis patrata sunt. Inde Zelotae dicti. Ast haec prorsus repugnant narrationibus Iosephi et Philonis, vnde mendum itrepisse in hanc vocem NIC. FVLLERVS Misc. SS. L. II. c. 3. p. 166. putat, legendumque pro *σικαριοι, οι κηριοι*, Karaei, ast nodum ita secari, qui solui debebat, quilibet videt, adeo violenta est ista emendatio. Qua opus non est, cum satis clarum sit, confudisse Chrysostomum cum Essenis sectatores Theudae et Iudae Galilaei, qui cum Caesarem dominum respuerent, pro Patriae libertate et lege rebellauerunt, indeque Zelotae dicti sunt, hisque seditionibus innumeras turbas et calamitates excitarunt. Horum autem plerique Pharisei erant, teste IOSEPHO Antiq. Iud. L. XVIII. c. 1. p. 616. Ex hac factione vero illi quoque fuerunt, qui a gladiolis minutis, quos sicas Romani vocant, sicarii dicti sunt, et caedibus atque seditione Hierosolymam repleuerunt, vid. IOSEPH. Antiq. Iud. L. XX. c. 7. p. 697. Non errauit itaque SVIDAS, qui in Sicarius T. III. p. 312. Phariseos Zelotas sicarios vocatos esse tradit. Quod vero DRVSIUS contendit I. c. L. IV. c. 21. p. 212. quem sequitur BASNAGIVS I. c. L. II. c. 21. §. 5. p. 565. fecisse quosdam Essenorum cum sicariis, id verisimilitudine caret. Alia enim vita, agrestis, simplex, et a turba hominum remota fuit Essenorum, quos innocenter vixisse Iosephus et Philo tradunt. Accedit quod haec secta nunquam in templum venerit, sicarii vero in festorum frequentia eiusmodi caedes in templo patrauerint, teste IOSEPHO I. c.

„sed patrias quasdam precatiunculas in orientem solem ⁹ recitant, vt feliciter oriatur. Deinde ad propria quisque artificia, quae nouit, ab inspectore dimittitur, sicque vsque ad quintam horam cum contentione indefinenterque laborant. Deinde in eodem agro conueniunt, lotique frigida et candidis vestibibus induti, post hanc purgationem in propria domo conueniunt, in quam nemini ingredi licet, qui alienae sectae est, atque opinionis: et in coenaculum ^r tanquam in sanctum aliquod templum ingressi, cum silentio et sine strepitu accumbunt, et a pistore secundum ordinem cuiuslibet panes apponuntur, coquus autem vasculum vnum vnus edulii adiicit. Priusquam vero cibum fumant, sacerdos benedicit cibo, nec licet cuiquam aliquid ante preces et benedictionem gustare. Post prandium praefectus iterum precatur, sicque in prandii initio et fine precibus et gratiarum actione Deum victus datorem glorificant ^s. Deinde sacras vestes deponunt, et ad operas suas vsque ad vesperam digrediuntur. Ita vero coenant similiter, accumbentibus simul aduenis, si qui obtigerint. Neque clamor aliquis vel turba vlla in illa domo auditur: sed in colloquiis et sermonibus vnus alterum excipit, cedit-

9) Πατρίαις δὲ τινὰς εἰς τὸν ἥλιον εὐχὰς ὥσπερ ἱκετεύοντες ἀνατῆλαι. Ita Iosephus, quae scrupulum mouerunt viris doctis, qua ratione fieri potuerit, vt solem Esseni adorauerint, cum notum sit, Iudaeos post captiuitatem Babylonicam a cultu siderum et ab omni idololatria vehementer abhorruisse. EPIPHANIVS more suo haeref. XIX. p. 41. haereticos et idololatrias ex his exculpit, nisi cum PETAVIO dicamus Essenorum sectam Epiphanio memoratam ab Essenis differre. Cum vero diuini cultus tenacissimos, et in sacris purissimos atque castissimos Iosephus testetur fuisse, merito suspectum fit, quod viri quidam docti statuunt, eos radios solis tanquam diuinam quandam exhalationem fuisse veneratos, ideoque ad leuandum ventrem progressos studioso texisse excrementa, ne radios diuini luminis contaminarent. Quod vbi fecere, diuiniae magis omnipraesentiae, quam solis, rationem habuisse, eiusque radios pro symbolo quodam eius habuisse censendi sunt, qua ratione, Pythagoras quoque praecepit: *aduersus solem ne mingito*. Obstare tamen viri docti putant verba Iosephi, qui minus ab idololatriae crimine absolui queant. Cui difficultati vt occurrerent alii, varias explicationes attulerunt, videndas apud BASNAGIVM, I. c. L. II. c. 20. §. 17. seqq. p. 539. seqq. Inter eas speciosa est SAM. PETITI, qui var. lect. c. 21. pro εἰς αὐτὸν, legit, εἰς αὐτόν, (Θεόν) ^{ast} coactum hoc esse, verborum docet constructio. Nobis sana omnia esse in textu Iosephi videntur, modo vera significatio praepositionis εἰς obseruetur. Ea enim non tantum motum in locum vel ad aliquid directum indicat, sed interdum etiam causam impulsivam, vel obiectionem etiam, et explicanda est, per propter, cuius exempla afferunt Io.

POSSELIUS in Syntaxi Graeca p. 234. et FR. VIGERVS de idiotismis Graecae linguae c. 1X. Sect. II. §. 9. p. 471. His praesuppositis nihil aliud dicunt verba Iosephi, quam hoc: Essenos profanum nihil ante solis ortum loqui, sed recitare preces matutinas a maioribus acceptas, et in vel propter ortum solis compositas, quibus a Deo precantur, vt feliciter illis lux solis illuceat. Quae vt verbis Graecis Iosephi accurate satis faciunt, ita ostendunt, solem non illud fuisse quod adorarunt, sed materiam propter quam orarunt. Germani nostri, vt est lingua eorum Graecae valde affinis, ita accurate exprimunt: *Sie beten vor Anfang der Sonnen ihren von den Voreltern empfangenen Morgensegnen, auf den Ausgang der Sonnen, worinnen sie bitten, daß der Tag möge gesegnet seyn*. Hacc mentem Essenorum exprimere, nemo non videt, nec alia ratione ea intelligi posse, veneratio numinis purissima, quam iis tribuunt Iosephus et Philo, permittit, qui eos tanquam purioris cultus diuini custodes non laudassent tantopere, si idololatrae fuissent. Illud vero verisimilitudine non caret, Essenos more Pythagoreorum solem habuisse pro symbolo diuinitatis, cum essent allegoriae amantissimi; quod vbi admittitur, reliquae obiectiones facile possunt repelli.

7) Ex hoc loco confirmatur coniectura supra posita, Essenos in vicina oppida ad exercenda officia sua fuisse digressos, certa vero hora εἰς ἐν χωρίον in vno agri loco ad commune coenaculum (refectorium coenobitae hodie vocant) conuolasse, et ita cum Iosepho urbium, et cum Philone agrorum incolas posse dici.

s) Ex his mensae benedictionibus confirmatur explicatio supra data de benedictione solis matutina non ad solem sed ad Deum directa.

„ceditque dicenti, sic ut iis, qui extra sunt, tantum silentium venerabile
 „aliquod mysterium videatur. Cuius causa est moderatio in cibo et potu,
 „et iusta sobrietas, qua ad satietatem tantum pascuntur. Nihil vero sus-
 „cipiunt, quod non praefectorum cura et mandato agatur. Duo tamen
 „iniussi suscipiunt, auxilium et misericordiam; tunc enim licet indigenti-
 „bus, ubi opus habent, et digni sunt, ex se auxilium ferre, victumque
 „conferre egentibus. Confanguineis autem aliquid tradere, sine procu-
 „ratorum voluntate, fas haud est. Irae sunt temperantissimi, impetum-
 „que eius coercere, fidem accurate praestant, pacem et colunt et ope-
 „rantur. Quicquid dicunt magis ratum firmumque est, quam quod iure-
 „iurando confirmatur; iusiurandum enim magis avertunt, quam periu-
 „rium, eum enim iam mendacem censi credunt, cui sine Deo fides
 „non adhibeatur. Veterum monumentorum sunt studiosissimi, maxime-
 „que ex iis quae ad animae atque corporis utilitatem faciunt, eligunt. Hinc
 „ad sanandas affectiones morborum radices, et salutares herbas et pro-
 „prietates lapidum scrutantur¹. Quod si quis sectam eorum suscipere
 „ambit, non admittitur statim, sed per integrum annum extra eam con-
 „stituto eadem vitae praescribitur, et similis vestitus ratio. Vbi per hoc
 „tempus continentiae specimina exhibuerit, ad coenaculum admittitur,
 „et sanctarum lotionum fit particeps: nondum tamen in sectae contuber-
 „nium suscipitur, et per duos alios annos exploratur, ut constantiam de-
 „monstret. Et tum demum ubi dignus iudicatur, in societatem contu-
 „bernii recipitur. Antequam vero ad communem mensam admittitur, hor-
 „ribili iureiurando obstringitur, pollicitus primo quidem divina recte co-
 „lere, deinde iustitiam erga homines custodire, neminique suo studio nocere,
 „vel alterius impulsu; porro odio persequi nullo non tempore improbos,
 „pro iustis autem semper stare et cum illis facere, fidem quoque praestare
 „omnibus, maxime vero imperantibus: nullum enim sine Deo esse impe-
 „rium. Quod si ipse praeficiatur aliis, promittit, non se potestate in-
 „contumeliam aliorum abuturum, neque super constitutos sub se vel ve-
 „stituto vel alio corporis cultu et splendore eminentiam quaesiturum; ama-
 „turum semper veritatem et mentientes reprehensurum, manum cohibi-
 „turum a furto, animumque ab impuro sordidoque lucro servaturum illi-
 „batum. Sectatores se nihil celaturum, extraneis vero nihil reuelaturum,
 „etiam si ad mortem usque quis coegerit. Praeterea iurant, sectae dog-
 „mata non aliter tradere, quam acceperunt; a latrociniis sibi cauere, et
 „diligenter custodire cum sectae libros tum angelorum nomina². Et
 „hoc

¹) Haec ratio est, qua ducti nonnulli conie-
 cerunt therapeutarum, id est, sanantium nomen
 illis haesisse, eo quod medicinam simplicium stu-
 diose colerent, immo Essenorum nomen inde
 quibusdam deriuatur. Ast falli utramque con-
 iecturam ex vera utriusque nominis origine pa-

tet. Certo tamen sensu inter empiricos referri
 possunt, locumque aliquem inter veteres me-
 dicos tuentur, conf. FABRIC. Bibl. Gr. Vol. XIII.
 pag. 154.

²) Varias fuisse eruditorum coniecturas, unde
 hoc statutum acceperint, et sui ordinis praece-
 ptis

„hoc quidem iureiurando eos, qui ad hanc sectam accedunt, obstringunt: „qui vero contra haec peccauerint, eos, ex ordine eiiciunt. Quique sic „condemnatus est, miserabili saepe fato correptus perit. Cum enim et „iurisiurandi religione et moribus ad Essenos pertineat, ne ab aliis quidem victum accipere potest, sed brutorum instar radicibus victitans, „fame tandem misere perit. Hinc in extremo demum agone constituti „miserti, eum recipiunt, eo quod ad mortem vsque cruciatus pertulisse „sufficientes credant. In iudiciis vero accuratissimi sunt atque iusti, nec „ius dicunt, nisi minimum centum conuenerint, quod vero semel apud „eos definitum id immutabile est. Maximum vero post Deum cultum „legislatoris nomini exhibent *, sic vt qui illud blasphemauerit, morte „puniat, senioribus autem et pluribus obsequi, pulchrum esse ducunt. „Ita cum decem simul confedere, nouem illorum voluntati decimus nunquam contradicet. Cauent vero sibi, ne in medio vel ad dexteram exsperant. Sabbathi vero custodiam rigidiorem seruant omnibus Iudaeis, „nam non solum alimenta pridie sibi parant, ne ignem eo die incendere „opus habeant, sed ne vasa quidem transferre in alium locum, vel ventrem leuare audent †. Aliis vero diebus foueam in loco remotissimo „effodiunt, et quod reddidit venter, sollicitè defodiunt, ne radios diuinis „nos contumelia afficiant; post quam naturalem corporis leuationem se „abluunt lauanturque, non aliter, ac solent, vbi se polluerunt. Diuiduntur autem secundum exercitationis suae tempora in quatuor classes, „tanta iuniorum prae senioribus humilitate, vt, si quis illorum hos tetigerit, hi se lauent haud aliter, ac si alienigena, sectaeque exfors eos tetigisset. Diu vero viuunt, sic vt multi centenarii superuiuant, id „quod meo iudicio ex simplicitate et ordinata victus ratione deriuandum „est. Atrocia vero quaeque contemnunt, et dolores forti et prudenti „animo vincunt, mortem vero honestam et gloriosam immortalitati „praeferunt, qui eorum animus maxime in bello Romano se manifestauit, „in quo torti et equuleo cruciati, vsti fractique omnibusque tormentis „tentati non potuerunt flecti, vt vel legislatori maledicerent, vel vetitum „quid comederent, vel aliud quid paterentur fieri: sed ridentes inter dolores acerbissimos, et tortoribus illudentes bono animo plenas animas „reddiderunt, quas iterum accepturi essent. Eorum vero opiniones et „dogma-

pris inferuerint Esseni? Quidam ex male intellectis verbis quibusdam Iobi hoc eos hausisse putant, sed carent verisimilitudine. Neque vero coniecturis incertis opus esse putamus, cum factis notum sit, circa ea tempora, quibus Essenorum secta in corpus aliquod coaliuit, doctrinam de angelis siue daemonibus eorumque in hunc mundum potestate, custodiaque tum elementorum, tum prouinciarum, et de vi magiae in illos maxime in Oriente et Aegypto surrexisse: qua de re supra Alexandrinorum philosophorum placita enarrantes fuisse egimus. Cum itaque haec gentilium placita ad Iudaeos transiissent,

mirum non est, Essenos, quos vel ex Oriente vel ex Aegypto originem cepisse in antecedentibus probauimus, haec somnia de potestatibus angelorum magica vi per nomina eorum eliciendis retinuisse. Ita enim Cabbalistas quoque fecisse, in sequentibus ostendemus. Id quod vidit iam VITRINGA l. c. Respexisse vero ad Essenos Paulum Coloss. II. 18. quod vult GOODWINVS Mos. et Aaron L. I. c. 12. §. 23. p. 29. et HOTTINGERO ad h. l. placet, verosimile non est.

*) Mosen sine dubio Iosephus intelligit.
†) Id ob siccitatem eorum facile fieri poterat.

„dogmata haec sunt : corpora quidem esse corruptibilia, neque durabilem
 „eorum materiam, animas vero immortales semper perdurare, congeni-
 „tasque ex subtilissimo aethere corporibus tanquam carceribus naturali
 „quadam inclinatione et illecebris inclusas esse. Vbi vero ex carnis vin-
 „culis se liberauerunt, tunc maximo gaudio efferuntur, quasi extra se in
 „sublime rapti, eo quod a diuturna seruitute se liberatos sentiant. Et
 „quod ad locum earum attinet, cum Graecis ^z concordant : bonis enim
 „trans oceanum mansionem decernunt et regionem sitam esse dicunt, ne-
 „que imbribus, neque nebulis neque aestibus molestant, sed qua ex ocea-
 „no leni Zephyro semper recreentur : malis vero animabus tenebricosos
 „sinus destinant, in quibus ex indefinentibus poenis gemitus resonent ^a.
 „Haec igitur Esseni de diuinis praecipunt, quae ineuitabilis quasi esca sunt,
 „qua illi, qui semel eam gustauerunt, detinentur. Sunt etiam inter eos,
 „qui futura praedicere sustinent, libris sacris, et diuersis lustrationibus,
 „et prophetarum enuntiatis a iuuentute innutriti : raro autem in vatici-
 „niis suis a scopo aberrant. Est etiam alius adhuc Essenorum ordo, qui
 „in reliquo quidem vitae instituto, legibus et consuetudinibus cum cae-
 „teris concordat, in dogmate vero de matrimonio dissentit. Eos enim,
 „qui non nubunt, maximam vitae partem reiicere putant, propter suc-
 „cessionem, et si omnes in id consenserint, celerrime humanum genus
 „esse desitutum. Per triennium vero vxores obseruant, et explorant,
 „vtrum conceptioni sint idoneae ; et sic exploratas demum ducunt :
 „vbi semel vero conceperunt, non amplius cum iis coeunt, eo quod non
 „voluptatis sed generandae sobolis causa coniugium ineundum esse
 „statuant. Haecenus I O S E P H I narratio ; qui alio loco ^b addit,
 Deo reliquisse eos omnia. Ita enim ; Ἐσσηιοῖς δὲ ἐπὶ μὲν Θεῷ καταλιπεῖν
 φιλεῖ πάντα ὁ λόγος ; quae verba satis obscure Essenorum de concursu di-
 uino circa actiones hominum doctrinam exponunt. Lucem tamen affundit
 alio loco ^c, vbi eos affirmare scribit : Πάνταν τὴν εἰμαρμένην κυρίαν ἀπο-
 φαίνεσθαι, καὶ μηδὲν ὁ μὴ κατ' ἐκείνης ψῆφον ἀνθρώποις ἀπαντᾶν, *omnia*
in fati potestate esse, nec quicquam hominibus praeter fati decretum
accidere. Ex quibus verbis manifestum est, opposuisse se Essenos Sad-
 ducaeis et a prouidentiae diuinae decreto cuncta deriuasse. Aliam enim
 τῆς εἰμαρμένης significationem non esse, cum ex his locis inter se collatis,
 tum ex reliquarum sectarum de fato doctrina inter Iudaeos liquet. Caus-
 sam itaque videmus nullam, cur fluctuet B A S N A G I V S ^d, quid per
 E e e e 2 fatum

^z) Luculenter haec de statu animarum post mortem doctrina probar, ex Aegyptiorum theologia Graecis dogmatibus attemperata Esseno-
 rum theologiam fuisse enatam ; et immixta illi
 fuisse placita Pythagorica. Cabbalistsae vero
 cum eadem tradiderint, vt ex Cabb. Pneumat.
 diff. III. c. 4. Cabb. denud. T. II. p. 248. seqq.
 patet, magnopere inde nostrae de origine Esse-
 norum coniecturae confirmantur.

^a) Consonantiam cum Graecis placitis hic

pluribus notat Iosephus, cuius tamen verba,
 cum huc non pertineant, omisimus, conferen-
 dus autem est IAC. WINDETVS de vita fundto-
 rum statu ex comparatis inter se Hebraeorum
 et Graecorum sententiis Sect. VII. pag. m. 129.
 seqq.

^b) L. XVIII. c. 2. p. 617.

^c) L. XIII. c. 9. p. 442.

^d) Hist. des Juifs L. II. c. 20. §. II. p. 529.
 seqq.

fatum intellexerint, et annon fatum fidereum respexerint, eo quod magna reuerentia cultuque solem sint profecuti^e. Sectarum enim oppositio, quam hoc loco Iosephus etiam in dogmate de consilio et prouidentia diuina eiusque cum actionibus hominum concursu instituit, errare nos in fati significatione apud Essenos non finit. Quemadmodum itaque Sadducaei Pelagianismum quendam, ita Esseni praedestinatorum opinionem secuti in extrema cucurrerunt, sicque absurdam fatis hypothésin, si cum exercitationibus austeris comparatur, receperunt, qua de re digna lectu sunt, quae erudite differit BASNAGIUS^f. Philone tamen auctore malum a Deo remouerunt; quod qua ratione, salua tamen absoluta decretorum diuinorum dispositione, fieri posse docuerint, in tanto monumentorum veterum defectu et silentio dici non potest, coniiicimusque, eos consecraria doctrinae huius, absolutissimum (sit voci venia) quendam introducentis, non satis perpexisse, et ita dogmata vno sub iugo non euntia copulasse; quod in hac ipsa doctrina saepe in ecclesia Christiana euenisse, eius historia testatur. Ceterum hoc quoque Essenis tribuit IOSEPHVS^g, in templum quidem donaria eos mittere, sacrificia vero non facere, eo quod sanctioribus se vti caeremoniis credant; ideoque a communi templo exclusos priuatim sacrificia facere. Aliter Philo, qui eos plane non sacrificare dicit: id quod forte de Essenis Aegyptum incolentibus intelligendum, Palaestinae incolis sacrorum curam ita habentibus. Dubium tamen occurrit, qui licuerit Essenis priuata pietate extra templum sacra offerre Deo, cum id, tanquam idololatriae species quaedam, inter Iudaeos prohibitum fuerit? Quem nodum secare quidem conatur PETRVS PETITVS^h, sed soluendus is erat; quae enim affert, probari non possunt. Nobis aut corruptissima ecclesiae Iudaicae facies accusanda videtur, qua licuit Iudaeis, quod libuit, cuius exemplum satis manifestum est, quod contra legis mandatum in templum non venerint, praesertim cum verisimile sit, prima sectae condendae occasione ita ferente et necessitate cogente, cum templum nullum esset, eos ita instituisse, postea vero cum templum profanari quotidie viderent, ab eius sacrificiis abhorruisse. Aut Iosephi in dubium vocanda fides; qui aliorum narrationibus eo magis decipi potuit, quo magis arcana, quam seruabant, disciplina, neminem ad exploranda vera eorum dogmata ritusque admittebat, qui non sectae esset addictus. Sed et hoc Iosephus addit, simplicem et honestam vitam agentes totos se agriculturae tradere, hocque vitae institutum ultra quatuor millia sequi. PHILONEMⁱ si audimus, eius narratio in multis cum Iosepho concordat, quaedam habet ab eo diuersa. Narrat is, „summa religione eos Deo seruire, non mactando „victimas, sed suamet ipsorum mentes componentes ad sanctimoniam; „hos vaticum habitare, vrbes refugere, propter familiaria ciuium vitia „eorumque contagium, quod incurabile sit: viuere partim ex agricultura,

e) Ipse tamen in nostram propendet explicationem. f) l. c. p. 531. seqq.

g) loc. cit.

h) Var. lectio. L. IV. c. 9.

i) loc. cit. p. 876. seqq.

„partim ex opificiis in pace florentibus; beneficos esse erga suos et proximos, nullam condentes pecuniam, nec parantes ampli reditus latifundia, sed quotidianis necessitatibus quaerentes remedium. Solos paene hominum degere sine praediis, sine pecuniis, et propter vitae institutum diuites tamen haberi magis, quam ob rerum copiam, frugalitatem non vana exultatione ducentes esse quaestum maximum. Tela, iacula, gladios, galeas, thoraces, scuta neminem apud eos fabricare, sicut nec arma cetera, nec machinas, aut aliud quicquam bello vtile: immo ne illa quidem studia reperiri ibi, quibus in pace facile abutuntur homines, negotiatores, institores, naucleros ne in somnio quidem vidisse, subtrahentes auaritiae materiam. Omnes liberos ministrare sibi inuicem; dominationem damnare ut iniustam atque impiam, repugnantem iuri naturae, quae omnes ex aequo genuit educavitque, tanquam mater germanos fratres reuera, non solo nomine. Philosophiae partem dialecticam, ut parandae virtuti non necessariam relinquere eos verborum captatoribus: eam vero, quae naturam scrutatur, disputatoribus, ut humano captu sublimiorem, nisi quatenus de creatore mundi, et creatione differit. In sola morali se eos exercere sub paedotribis legibus patriis, quas non possit concipere humanus animus sine afflatu numinis ^k. Has edificare eos et alio tempore, sed praecipue recurrente die septimo, quem sacratum existiment, feriarique tunc ab omnibus aliis negotiis, quoties sacras aedes, quas synagogas vocant, adeant, pro aetatis ordine iuniores ad seniorum pedes confidere ^l, et ad audiendum se componere; ibi alium ex libro praelegere, alium quempiam vnum e peritioribus accedentem, quae obscuriora sint, explicare: nam pleraque per symbola more veterum philosophorum illis esse tradita ^m. Discere autem sanctitatem, iustitiam, curam rei vel domesticae vel publicae, verorum bonorum maiorumque scientiam, atque rerum indifferentium insuper, quid expetendum, quid contra fugiendum; ea triplici regula examinare, amore Dei, et virtutis et hominum: pietatis erga Deum argumenta prae se ferre plurima, castitatem in tota vita perpetuam, a iureiurando et mendacio abstinentiam, et quod ad Deum auctorem bona omnia, malum vero nullum referant. Virtutem quoque sibi esse cordi, satis eos declarare; dum honores, pecunias, voluptatesque contemnant fortiter, viuereque eos continenter complexos frugalitatem, simplicitatem, facilitatem, modestiam, legum reuerentiam, constantiam et id genus cetera ⁿ. Charitatem porro eorum erga homines indicare beneuolentiam, miram dictu aequabilitatem et omnium rerum

E e e e 3

„socie-

^k) Cauendum tamen ne hic Graeci generis philosophos nobis fingamus, quorum habitu Essenos Philo depingit. Hoc enim faciebat in Graecorum gratiam, ut haberet, quos eorum philosophis solita gentis suae arrogantia praeponeret.

^l) Iudaico more, ut infra dicitur.

^m) Hoc ad origines Essenorum detegendas probe obseruandum est.

ⁿ) Valde hic nobis suspectus est Philo, attempasse eum Essenorum mores Graecorum philosophorum speculationibus, et vitae innocentiam in philosophiae theatrum traduxisse. Non enim fuisse philosophos, sed ascetas Essenos, ex dictis manifestum est.

„societatem. Patere eorum sodalitia hominibus etiam aduenis, idem in-
 „stitutum seruantibus, omnibus vnum esse promptuarium, vnde vestitus
 „et mensa communis fumatur. Quicquid lucrentur ex quotidianis operae
 „mercedibus, non sibi quemque conseruare, sed in medium conferendo
 „cuicunque volenti fruendi potestatem facere: tum si qui valetudinarii
 „nequeant victum quaerere, non eos negligi, paratum habentes e publico
 „infirmis subsidium, quam secure sustentent ex communi copia. Senio-
 „ribus iuniores reuerentiam et honorem exhibere, tanquam germanos
 „filios, labantem eorum aetatem fulcientes omnimodo tam consiliis, quam
 „ministeriis. Tales virtutis athletas eos reddidisse philosophiam absque
 „omnibus curiosis et ambitiosis Graecorum vocabulis, exercentem eos in
 „laude dignis actionibus, quibus certa perpetuaque libertas constabiliatur.
 „Id compertum esse in multis et variis eorum difficultatibus, sub tyrannide
 „potentiorum diuersis praedictorum ingeniis. Ex quibus licet alii conati
 „feroces bestias immanitate superare, nullam omiserint crudelitatis spe-
 „ciem, alii clandestinis moribus canum maleficorum more laedendo per-
 „petuam reliquerint afflictionum memoriam, neminem tamen vel ex cru-
 „delibus illis, vel ex alteris fucatis et subdolis, valuisse modo dictos coetus
 „Essaeorum siue sanctorum in culpam inducere, sed omnes discessisse
 „victos virtute horum virorum, laudantes eos vt liberos ciues, et suo
 „iure viuentes etc.“ Haecenus Philo, ex cuius narratione si cum Iose-
 „phi conferatur, patebit, singularem prorsus instituti rationem tenuisse
 „Essenos, licet manifestum esse putemus, dedisse vtrumque in descriptione
 „sua aliquid praeiudicio suo, sapientiam et instituta Hebraeorum diffluisse
 „ad gentiles, et illorum ideo mores, ad horum consuetudines, quae tum
 „maxime fiebant, etiam ab utroque hoc Iudaeo, efformandos esse. Haec
 „enim vera ratio est, cur ista Essenorum collegia tanquam peculiare philo-
 „sophorum sectas descripserint, licet fateantur ipsi, maxime Philo, totus
 „alias Graecicae philosophiae admiratione captus, διχα περιεργείας ἐλλη-
 „νικῶν ὀνομάτων ἀθλητὰς ἀρετῆς ἀπεργάσασθαι φιλοσοφίαν. Ex his vero
 „Iosephi et Philonis narrationibus diiudicandum iam est, vtrum Iudaei fue-
 „rint, vel philosophi gentiles? Quaestionem prius, quantum nouimus,
 „non disputatam primus in disceptationem adduxit, et posterius affirmavit
 „V. C. Io. IOACHIMVS LANGIVS^o, paternae eruditionis haeres
 „eximius, peculiari dissertatione contendens: Essaeos non fuisse Iudaeos,
 „seu peculiarem Iudaeorum sectam, sed philosophos barbaricos iudaizantes.
 „Quam opinionibus docte et argute tueri, ita aggressus est, vt, ex narra-
 „tionibus, quas exhibuimus, Iosephi, Philonisque, eos characteres eruat,
 „quos Iudaeis conuenire non posse credit. Praemissa enim distinctione
 „Essenorum a Rechabitis, Hasidaeis et Therapeutis^p, ex Philone monet;
 „adduci

^o) Diss. de Essaeis, quae demonstrat, Essaeos non fuisse Iudaeos seu peculiarem Iudaeorum sectam, sed philosophos barbaricos Iudaizantes, Hal. 1721.

^p) De Therapeutis pec. diff. quoque egit, de qua infra.

adduci eos inter exempla gentilium philosophorum, in barbarico solo frequentius occurrentium, Persarum, Indorumque, et haec exempla etiam Syriae et Palaestinae non deesse, ostendi. Reiecisse eos quoque imperia dominorum et seruorum conditionem, et intermisisse sacrificia, quorum vtrumque legi diuinae repugnet. Porro eos matrimonium non contraxisse, contra consuetudinem Iudaeorum, tantopere coniugium tanquam legem extollentium. Exhibuisse eos, Iosepho teste, soli diuinos honores, ius in publicis conuentibus dixisse, quod tamen sine synedrii consensu Iudaeis non licuerit; separauisse se a templo, nec in id venisse, legisse libros veterum, at non Iudaeorum; in sanctificando sabbatho reliquis Iudaeis praecelluisse. Addit his vir clarissimus, nullam fieri Essenorum mentionem in sacris literis, non tacitura historia euangelica, si Iudaei gente et religione fuissent. Habendos itaque pro barbaricis philosophis, sed talibus, qui Iudaeorum ritus et caeremonias in multis sint imitati. Erudite haec et non sine ingenio a docto viro disputata sunt, ast inuita, nisi prorsus fallimur, veritate. Ad totam enim hanc opinionem vna machina disiiciendam sola disertissima IOSEPHI^q atque PHILONIS^r verba sufficiunt: quorum ille tres ait esse sectas Iudaeorum, Sadducaeorum, Phariseorum, Essenorum, hic satis manifeste philosophorum barbarorum inter Persas et Indos exemplis opponit Palaestinae Syriaeque genus hominum virtutem sectantium, cuius regionis non paruam partem gens populosa Iudaeorum incolat. Apud eos (Iudaeos) ait, quosdam dici Essaeos. Vterque ita clare Iudaeos eos fuisse definit, vt aut caecutire nos in meridiana luce oporteat, aut videamus non nisi Iudaeorum genus, peculiare vitae institutum sectans. Nec ita comparatae sunt phalanges viri doctissimi, vt non facile queant profligari, modo id obseruetur: non negari, quod in multis a legis praeceptis et Iudaeorum consuetudine recedentes gentiles ceremonias, ritus, placita, ex Aegypto sine dubio ad eos translata, vel potius cum iis in Palaestinam allata susceperint, sectamque constituerint inter Iudaeos minime orthodoxam: sed de eo tantum quaestionem esse, vtrum origine, gente, et religione, quoad dogmata palmaria, Iudaei fuerint nec ne? vtrum eos pro Iudaeis agnouerint ipsi Iudaei? vtrumque affirmant, Iosephus et Philo, qui hos homines cognouerunt, et eorum temporibus vixerunt. Quod autem Philo barbarorum philosophorum exemplis adiecerit Essaeos, adeo non infringit, quod ipse affirmat, fuisse eos Iudaeos, vt potius inter viros probos, qui virtutis studio veram libertatem tuiti sunt, ideo praestantissima barbarorum philosophorum exempla adducat, vt occasio ipsi subnascatur velificandi ambitioni gentis suae, iisque longe pulchrius et praestantius ex domestico gentis suae apparatu praeferendi, sicque sanctitatem et excellentiam legis atque legislatoris, Iudaeorum, patriaeque philosophiae ita demonstrandi, vt facile

q) Antiqq. Iud. L. XIII. c. 9. L. XVIII. c. 2.
de B. I. L. II. c. 7.

r) Quod omnis probus liber p. 376.

facile sibi Graeci persuadere patiantur, omnem gentium quarumcunque sapientiam a Iudaeis ad illos dimanasse. Quod vero sacrificia intermiserint, templumque deseruerint, hoc tantum probat, separauisse se eos a communi religionis cultu et singulare institutum fuisse secutos, recte quoque inde magna gentis huius, quae tum regnabat, euincitur corruptio: aut Iudaeos non fuisse inferri ex eo non potest. Respuit etiam gentilium partes diuina et tantum non superstitiosa legislatoris Mosis veneratio etiam vitae periculo confirmata et custodita. Quod si illi a religione, cui adhaerere dicuntur, separandi sunt, qui pecuniaria sibi dogmata formant, quot quaeſo religiones in mundo nobis efformabimus? Addit autem Philo, leges, ceremonias, instituta eorum niti Θεοπνευσία vel vt ipse habet, κατακωχή ἐνθέω, quo omnis rationis regula reicitur, lexque diuinitus inspirata statuitur norma actionum. Nec firmiora sunt, quae ex Iosepho pro noua hac opinione petuntur argumenta. Nam quod matrimonium quidam inter eos reiecerint, nihil probat, nisi pecuniaria sibi placita Iudaeos quosdam effinxisse. Annon inter Christianos matrimonii institutum diuinum sanctumque creditur, et sunt tamen ascetarum coetus plurimi, qui a matrimonio abstinere? num hi e Christianorum numero eiiciendi? Quod ius dixerint ipsi Esseni, a moribus Iudaeorum non abhorret, qui in minoribus controuersiis et delictis ex arbitrio quorundam iudicum vbique ius dicere solebant. Quod eo magis necessarium erat, apud Essenos, cum in vicis remotiores ab Hierosolymitano synedrio habitarent, cuius iura priuata istius collegii iurisdictione non violabantur. Immo a veri non prorsus abit similitudine, Essenos, qui ex Aegypto, non vero cum reliquis ex Babylone, acceſſerunt, turbulentis istis persecutionum grauissimarum temporibus σύστημα suum peculiare sibi seruaſſe, et pacatis tandem rebus obtinuisse, confirmatos etiam in ea libertate fuisse a Romanis. Quod templum non inuiserint, separationis quidem reos agit, non vero ex Iudaeorum excludit consortio: nam nec Iudaei Hellenistae templo Hierosolymitano adhaerebant, sed peculiare sibi templum Alexandriae erexerant, et tamen erant Iudaei. Nec obiici potest, non passuros id fuisse sacerdotes propter commoda sua. His enim, vt pacate viuerent, Essaei prospexerant, donaria sua ad templum mittentes. His positis quae cura poterat esse animarum vel religionis sacerdotibus, cum hypocritae essent lucro tantum addictissimi? Solis vero cultum Essenis obiici non posse, supra luculenter euicimus: multo magis consuetudo Essenorum hymnis matutinis in solis ortu et ante eum Deo benedicendi tota Iudaica est. A libris vero sacris Essenorum infirmum ducitur argumentum, eo quod ignoremus, quales illi libri fuerint. Allegoricos fuisse, ex Philone constat. Ast ex antecedentibus notum est, libros Iudaeorum allegoricos complexos fuisse explicationem symbolicam legis Mosaicae, qua dogmata heterogenea et exotica legi patriae affricuere. Nec alios Essenorum libros fuisse omnino credibile; nempe tales, qui doctrinam istam moralem, fa-

naticifmi parentem, ex lege allegoriarum machinis eruerent: id quod Iudaeos prodit, non philosophos barbaros. Quod vero sabbathum praeter ceteros Iudaeos strictiori obseruantia coluerint, pro eorum Iudaismo militat, non vero eum euertit, et id probat, leuem gentis eius pietatem ad strictiorem legis obseruantiam homines hos seueriorem cultum vrgentes impulisse. Quod vero sacri historici eius sectae non meminerint, causam supra indicauimus, quod ab iis locis remoti, quae Christus peragrauit, nullam cum eo consuetudinem habuerint. Quibus rationibus eneruatis concidit secta haec barbarica Iudaizans, frustraue conicitur, Pythagoram sua ab illis hausisse. Nam et orientale atque Phoenicium Pythagorae iter incertum et suspectum est, vt suo loco ostensum, et antiquitas sectae, cui fauet Iosephus, ex sola Iudaei hominis ambitione enata, tanta non est, vt ad Pythagorae aetatem ascendat. Plura facile addi possent, sed dicemus ea in sequenti §. de Therapeutis acturi, quorum instituta huius quoque sectae res illustrent. Iudaeos itaque fuisse Essenos, cum veteribus et recentioribus scriptoribus tantum non omnibus, omnino statuendum est; at miscuisse se ascetico huic instituto gentilia multa, quilibet videt, qui narrationes Iosephi et Philonis recte inspexit, nec seduci se ab istis viris patitur, vt cunctos eorum ritus et consuetudines pro Hebraeis a maioribus acceptis habeat. Multa enim iis insunt, quae nemo pro Moisaicis habebit, nisi eodem, quo illi ipsi, praeiudicio impeditus. Qui syncretismus Iudaica et gentilia inter se in vnam massam confundens cum in Aegypto coeperit, confirmatur inde admodum coniectura nostra, ipsam Essenorum sectam ex eadem regione primas origines accepisse. Maxime vero ex eo tempore, quo Pythagorica philosophia et σύστημα inter Aegyptios receptum et imitatione expressum fuit, multa inter Essenos admissa esse, quae a patriis legibus et ceremoniis deuiant, comparatio vtriusque euidenti nos argumento conuincit. Nam, vt pauca in lectoris gratiam hac de re addamus, et Pythagoreis ὁμακοῖον fuit atque κοινόμον, in quo simul conuenientes audiuerunt magistrum, cibum ceperunt, simulque vixerunt; et Esseni in diaetis atque coenaculis suis separati a turba conueniunt, simulque capientes cibum a magistrorum ore pependerunt. Comuni consortii vinculo tanquam fratres inter se nexi Pythagorei sola instituti communione etiam aduenas ita diligebant, vt omnium vitae commoditatum, bonorum, mensae, conuersationis essent participes: simili vero modo Essenos quoque erga sectae suae addictos solitos fuisse facere, ex Iosepho discimus. Vtrique sectae facultates in commune collatae, iisque administrandis procurator praefectus. Et Pythagoreis et Essenis vestitus candidus non innocentiae tantum signum habitus, sed in societate quoque solus admissus. Diei horarum distributio vtrique sectae par fuit: nam orare ante solis ortum, et diuina curare, tum negotiis sacris primum adesse; lauare ante prandium, bene dicere cibis, communem cibum simul

cape-

capere, redire post prandium ad ciuilia negotia et Pythagoreum fuit et Essenium. Iuniorum par in vtraque secta reuerentia erga seniores, par silentium. Explorationis vero anni Essenorum cum Pythagoreorum *δοκιμασία* exacte conuenientes. Medicinae simplicium, diaeticam et therapeuticam empirica ratione excolentis studium inter Pythagoreos et Essenos simili ratione vicens. Sectae vero *ἐχέμυθια*, nec cruciatibus nec morte vincibilis, et iureiurando obfignata adeo apud vtramque similis, vt ouum ouo, cum taciturnitate et silentio vtraque laudetur. Quin et Pythagoricum *αὐτὸς ἔφα* Essenis non ignotum fuit, cum iuniores a seniorum ore muti pependerint: nec licuerit vlli sub iurisiurandi fide a sectae placitis vel latum vnguem discedere. Et quemadmodum Pythagorei in varias classes dispescebantur, ita Essenorum quatuor classes fuisse ex Iosepho audiuius. Nec ex alio forte fonte vtriusque dogmata dimanauerunt, esse animam ex aethere, cunctaque regi fato: ipsa porro methodus allegorica vt ab Essenis, ita a Pythagoreis adhibita. Quae breues comparationis vtriusque sectae lineae, vt vel coeco conuenientiam palpandam exhibent, ita certum faciunt, aut Pythagoreos ab Essenis, aut Essenos a Pythagoreis aut vtramque sectam ex communi fonte hausisse. Verum cui, ex his tribus sententiae subscribendum sit, de eo longa inter eruditos et varia est disceptatio. Post Iudaeos laudatos, quorum insolens prorsus in hac re est ambitio, veterum doctorum multi, et recentiores quoque nonnulli, inter quos eminet H V E T I V S, et nuper suo modo C I. L A N G I V S, Pythagoram ab Essenis instituti sui rationes accepisse statuerunt. Fundamento vero omni destitui hanc opinionem, paulo attentius vtriusque sectae origines et fata consideranti erit certissimum. Ante reditum enim Iudaeorum ex captiuitate Babylonica nullam inter hanc gentem sectam fuisse, nec vltimorum vatum tempore eas in Iudaea iam viguisse, ex iis, quae in antecedentibus disputauimus, indubitatum est. Pythagorae vero aetas, maxime profectio eius in Aegyptum et orientem illa tempora superat, quasunque etiam rationes chronologicas in eius historia sequamur. Quodsi concederemus, quod tamen nunquam euinci potest, Essenos eo iam tempore floruisse, qua iter philosophicum suscepit Pythagoras, demonstrari tamen non potest Phoeniciae commorationis eius veritas, vt *tomo primo* luculentis rationibus confecimus. Verisimile quoque non est, Iudaeos, in admittendis gentilibus ad instituta, sacra, ceremonias suas difficillimos in disciplinam suam recepisse hominem gentilem, nisi veterem Iudaeorum fabulam requere placeat: Pythagoram factum esse profelytum. Neque vero altera quoque sententia, quae ex communi fonte vtramque sectam ritus placita et instituta similia hausisse dicit, eum fontem indicare potest, nisi philosophos quosdam barbaros nobis fingamus, in philosophica historia nunquam comparentes, nulloque veterum testimonio probandos, adeoque recipi

s) Agnouerunt eam GALEVS Court of the Gentiles P. II. c. 6. p. 147. HOTTINGER. ad

GOODWIN. Mos. et Aar. L. I. c. 12. p. 225. t) loc. cit. p. 32.

recipi quoque non potest. Tertiam itaque opinionem amplectamur, necesse est, quae ex Pythagorae schola eiusmodi morum, instituti, placitorum harmoniam ortam esse asserit. Quam verisimilitudine non carere modo recte intelligatur, omnino fatendum est. Id quidem facile concedemus, primas consortii eiusmodi ineundi occasiones esse antiquiores Pythagoreorum disciplina in Aegyptum introducta; at tum illud quoque habuisse istos ritus demonstrari non potest, sed credibile est, ut sunt omnia initia simplicia, solas Iudaeorum in Aegyptum secedentium, et inuasionis tempore in solitudinem confugientium calamitates, quae patriae religionis usum publicum eripuerant, ansam eiusmodi συστήματος condendi dedisse, paucisque ita coeuntibus, exiguis quoque ceremoniis eos coaluisse. At cum Iudaeorum in Aegypto numerus sub Ptolomaeo Lagide cresceret, et circa ista tempora in Aegyptum diffugerent Pythagoreorum ultimi, eorumque instituta, vitaeque coenobitica Aegyptiis maxime arriderent, verisimillimum est, Iudaeos hos in solitudine μονάζοντας, cum valde suis circumstantiis conformes Pythagoreorum consuetudines viderent, se illis ita attemperasse, ut credebant salua lege et religione patriam fieri posse. Quibus cum accederet fanatica animi dispositio, temperamentum atra bile plenum, opinio sanctitatis vulgo melioris, audacia detorquendi in singulares et inauditos sensus allegoriarum ope patriam legem, exemplum porro aliorum Iudaeorum Aegyptiorum, philosophiam gentilem et quidem orientalem et Pythagoricam Mosaicis legibus immiscentium, et Cabbalam quandam inde effingentium, non potuit non ille tandem Essenae sectae enasci habitus, ea emergere facies, qualem depinximus. Quae cum postea ad patrias sedes reuerteretur, ea quae a maioribus sectaeque conditoribus acceperat, tandem lege sacra ita confirmavit, ut Assamonaeorum tempore illa sectae constitutio tanquam sanctior quaedam disciplina floruerit, quae a Iosepho et Philone descripta est.

§. XXX. Duo nobis Philo enarrat Essenorum genera, quorum vnum *Therapeutae* practicum vitae genus secutum fuerit, alterum theoreticum. De illo in *Aegyptii* antecedentibus dictum, de hoc porro iam agendum, et Therapeutarum quoque secta describenda est. De ea vero, dici non potest, quam diuersae sint virorum eruditissimorum opiniones atque coniecturae. Ut itaque non alienis plurimorum scriptorum *, qui vel Iudaeos, vel gentiles, vel Christianos exsculpunt, oculis, sed propriis, quid de iis iudicandum sit, videamus, audiendus ipse PHILO, qui solus de hac secta Aegyptiaca nobis quaedam memoravit. Ita vero scriptor elegans *: „Quemadmodum in Palaestina secta viget Essaeorum practica, eo quod „vitam actiuam ducit plerisque feliciorem, ita et dantur contemplationi

F f f f 2

„de-

*) Scriptores de Essenis enumerant Ven. DEYLINGIUS Obf. SS. L. III. p. 452. ITTIGIUS select. cap. Hist. eccl. Sec. I. c. 4. §. 16. p. 240. HEVMANNVS Act. philof. Vol. III. p. 512. FABRICIUS ad Hieronym. Cat. S. E. c. 11. Bibl.

Graec. Vol. III. p. 113. et maxime in salutari luce euangelii c. IV. p. 55.

x) De vita contemplatiua p. 891. seqq. omittemus autem digressiones huc nihil facientes.

„dediti, qui vocantur Therapeutae Therapeutridesque. Illud hominum
 „genus therapeuticum semper in contemplatione diuinitatis proficit, nec
 „vnquam suum ordinem deserit, tendentem ad felicitatem perfectissimam.
 „Huic vitae instituto qui se addicunt, non ex more aut rogati id faciunt,
 „sed amore correpti rerum coelestium, et quasi furore diuino perciti do-
 „nec ad contemplationem illam perfectissimam perueniant. Deinde prae
 „immortalis beataeque vitae cupiditate, quasi iam hac mortali defuncti,
 „facultates suas relinquunt liberis aut cognatis, vltro eis possessione ceden-
 „do, atque etiam sociis et amicis, si cognati desint. Relictis itaque fa-
 „cultatibus et auocamentis omnibus fugiunt sine respectu fratrum, libe-
 „rorum, parentum, vxorumque, et deserunt numerosas cognationes,
 „ipsam denique patriam, et ciuitates fugientes extra moenia degunt in
 „hortis, aut villis solitariis, amantes solitudinem non hominum odio,
 „sed ad cauendos congressus cum dissimilibus. Huic quidem generi
 „similes multi in orbe sunt y, cum et Graeca et barbara terra hoc probi-
 „tatis perfectae genus recipiat, maxime vero in Aegypto frequentatur per
 „praefecturas singulas, et imprimis circa Alexandriam: ex omnibus au-
 „tem locis optimus quisque Therapeutarum tanquam in huius generis pa-
 „triam colonus mittitur, in locum quendam aptissimum, situm ad stagnum
 „Mariam in terreno colle accliuu leniter, tutum simul et laudatum ab aëris
 „temperie. Securitatem enim ei praestant villae vicique proximi: aërem
 „vero temperat emissorium stagni exonerantis se in mare, et aurae nun-
 „quam non ex alto aspirantes tenuiter, sicut crassiores feruntur ex stagno,
 „quibus permixtis temperamentum existit saluberrimum. Domicilia vero
 „conuenarum sunt admodum frugaliter comparata contra aestum tantum-
 „modo et frigora, non contigua, vt in vrbibus, nec tamen longe remo-
 „ta, vt sibi inuicem possint succurrere contra fortuitos latronum incur-
 „sus. Singuli autem habent sacras aediculas, quas semnea vocant, siue
 „monasteria, vbi solitarii sanctae vitae dant operam, nec cibi potusque
 „quicquam eo inferunt, aliudue in vsum corporis, sed legem tantum et
 „prophetarum oracula diuinitus prodita, hymnosque et quaedam alia pie-
 „tati scientiaeque promouendae idonea. Itaque perpetuam Dei habent
 „memoriam, vt ne in somnis quidem aliud eis obuersetur, quam imagi-
 „nes diuinarum pulchritudinum, et sunt in his, qui somniando produnt
 „praeclaras sacrae philosophiae sententias. Quotidie bis precari solent,
 „mane ac circa vesperam, oriente sole petentes diem vere felicem, vtque
 „mentes eorum coelesti repleantur lumine: Occidente vero, vt anima
 „tota exonerata sensibus moleque rerum sensibilibus veritatem vestiget in
 „syne-

y) Hoc non ita intelligendum, ac si Therapeu-
 tarum institutum in omni mundo dispersum re-
 periat, quo sensu verba Philonis intellexit
 VALESIVS ad Euseb. L. II. c. 17. aliiue Aët.
 philos. Vol. III. p. 521. nominari. Sed sensus
 hic tantum est, contemplatiuarum eiusmodi so-

cietatum complures passim in orbe reperiri,
 quae vitae perfectiori inuigilent, e. g. Persarum
 Magos, Indorum Gymnosophistas etc. Haec
 vero ambitiosius verbis exornat, et affectata pro-
 ximitate augeat, vt tum gentis suae arrogantiae,
 tum quaecumque eloquentiae laudi satisfaceret.

„synedrio domestico. Medium vero matutini vespertinique temporis in-
 „terstitium totum meditationi attribuitur. Versantes enim sacra volumi-
 „na, dant operam philosophiae patriae allegoriis inuigilantes, quoniam
 „sub apertis verbis latere credunt secreta naturae coniecturis detegenda
 „probabilibus. Habent etiam priscorum commentarios, quia huius sectae
 „auctores multa monumenta reliquerunt de allegoriis eiusmodi, ad quo-
 „rum imitationem posteri se accommodant. Itaque non solum contem-
 „plantur, sed etiam cantica hymnosque in laudem Dei componunt, va-
 „rio metrorum carminumque genere, rythmis concinnatos in augustio-
 „rem ac religiosam speciem. Per sex ita dies seorsum quisque in suis illis
 „modò dictis monasteriis philosophantur, non progredientes foras, im-
 „mo ne prospicientes quidem: Septima vero conueniunt in coetum com-
 „munem, et iuxta aetatis ordinem confidunt decenti habitu, manus con-
 „tinentes sub pallio, dexteram inter pectus barbamque, sinistram appli-
 „catam lateri. Tum progressus in medium natu maximus et dogmatum
 „eius sectae peritissimus, differit vultu ad grauitatem composito, voce
 „moderata, non sine magna prudentia, secus quam oratores aut sophi-
 „stae: reliqui omnes auscultant per summum silentium, annuentes oculis
 „tantum aut capite. Id commune femneum, in quod septimo quoque
 „die conueniunt, septo clauditur duplici, separatis virorum et mulierum
 „coetibus; nam mulieres quoque simul auscultant ex more, duntaxat,
 „quae idem institutum sectantur. Temperantiae tanquam fundamento
 „ceteras virtutes superstruunt. Nec cibum, nec potum quisquam sumit
 „ante solis occasum, quod sapientiae studium luci conuenire iudicent,
 „tenebris vero curam corporis. Ideo totos dies alteri, alteri vero exi-
 „guam noctis partem tribuunt; nonnulli ex his vix tertio quoque die fa-
 „mem sentiunt, attenti magis ad disciplinam scientiarum. Nec desunt,
 „qui perdurant duplum eius temporis, et vix sexto die degustant cibum
 „necessarium, canticis solantes inedia. Septimum vero diem vt festum
 „sacratumque honore dignantur eximio, quo post curam animae corpus
 „quoque reficiunt, sicut iumento relaxantes laborem continuum. In
 „cibatu vtuntur pane simplici, sal supplet vicem obsonii, qui delicates
 „sunt, hyssopum pro condimento adiiciunt. Potum e fluentis hauriunt,
 „contenti placare famem sitimque; edunt itaque ne esuriant, bibunt,
 „ne sitiant, saturitatem cauendo vt inimicam animo pariter atque corpori.
 „In veste apparet simplicitas ad arcendos calores et frigora, pro pelliceis
 „crassa tunica in hieme, aestate vero exomis aut interula linea. Certis
 „quoque temporibus hi affeculae Moſis (γνώριμοι) ex instituto eius conui-
 „uia celebrant. Numeros enim imprimis obseruando post septem hebdo-
 „madas elapsas conuentus suos instaurant, venerati vim multiplicem fe-
 „stiuarii. Is dies festus est maximae festiuitatis incidentis in numerum
 „quingagenarium. Vbi vero conuenere candidati et laeti cum summa
 „grauitate ad signum datum a quodam ephemereuta, priusquam discum-
 „bant

bant stantes vna serie sublati in coelum manibus atque oculis precantur, Deo vt placeat illud conuiuium. Absolutis precibus seniores discumbunt, ac mox alii pro cuiusque dignitate: honorem vero senectutis tribuunt his, qui a iuuentute se exercuerunt in contemplatione philosophica. Adhibentur mensae foeminae quoque, anus pleraeque, sed virgines non coactae castitatis, sed sponte continentes prae amore sapientiae. Discubitus ita distribuitur, vt seorsum viri dexterum latus, seorsum foeminae sinistrum teneant. In ministerio non vtuntur mancipiis, quandoquidem seruitutem cum natura pugnare autumant, sed ministrant ingenui, et sponte quicquid opus est, faciunt, delectu habito ex omni fodalitatis huius iuuentute, vt quisque aliquod praeclarum specimen edidit. Hi tanquam germani filii certatim ac libenter ministrant, haud secus ac parentibus publicis; discincti autem et promissis tunicis accedunt ad ministrandum, vt omnis seruilis species ab hoc conuiuio absit. Vinum per illos dies non praebetur, sed limpidissima aqua, caeteris frigida, calida vero his, qui inter seniores tractantur delicatius. Mensa pura est, a cruentis dapibus, pro cibo panis apponitur, sal pro obsonio, et hyssopus pro condimento in delicatorum gratiam ^z. Tunc silentium magis quam antea, ita vt ne mutire quidem cuiquam liceat aut respirare vehementius. Proponit quispiam quaestionem ex sacris literis, aut soluit ab alio propositam, nihil de solutione sollicitus; nec enim captat laudem argutiarum aut eloquentiae, hoc tantum agit, vt rem diligentius perspiciat, et ita immoratur doctrinae, vt et minus perspicaces assequantur. Totum vero auditorium attentum auscultat, in vno eodemque habitu, intelligere se nutu vultuque significans, probare vero hilaritate ac exporrectis frontibus, interdum et dubitare haerereque, motoleniter capite summoque dexterae digito. Nec minore attentione iuniores, qui adstant, audiunt: enarrationes autem sacrarum literarum constant ex allegoriis. Nam hi viri totam legem existimant habere animalis similitudinem, quod praecepta corpus referant, animam vero sententiae retractorios, sub velamine verborum abditae ^a. Vbi vero praefes visus est, rem bene tractando satis fecisse auditorum desiderio, plausus propalam editur ab omnibus; tum ille assurgens hymnum in laudem Dei primus canit, aut recens a se compositum, aut desumptum ab aliquo veteri poeta. Extant enim huius generis carmina prisca versu trimetro et hymniscum suis accentibus inter sacra canendi ante altaria vel a stantibus, vel a cho-

^z) Hyssopo vfos fuisse veteres inter cibos, passim viris doctis obseruatum; vid. CLERIC. Hist. eccl. Sec. I. et II. p. 26. §. II. BOCHART. Hierozoic. P. I. L. II. c. 30. p. 592. LEVIN. LEMNIUS de plantis sacris c. 26. pag. m. 25. G. W. WEDELIVS dissert. de Hyssopo aliiq. Imprimis obseruandum, quod HIERONYMVS aduersus Iovin. L. II. tradit, et nos Tomo primo iam tetigimus, Hyssopi vsum in Aegypto inter cibos non infrequentem fuisse, sacerdotes-

que Aegyptiorum, carne et vino abstinentes panem cum Hyssopo comedisse, vt digestio a calida hac planta promoueretur, caputque vaporibus non repleretur. Ab Aegyptiacis sacerdotibus et Pythagoras herbarum huiusmodi vsum didicit, et Therapeutae quoque acceperunt.

^a) Fundamentum hoc philosophiae Cabbalisticae circa haec tempora gigni coepta, vt postea dicitur.

„a choreas ducentibus moderatas variis flexibus et reflexibus. Praefulem mox
 „imitantur ceteri decenti ordine, omnibus intente quieteque auscultantibus,
 „praeterquam in fine hymni, extremaque clausula. Tunc enim vniversi vo-
 „cem extollunt, sine sexus discrimine^b. Absolutis hymnis singulorum iunio-
 „res mensam efferunt, in qua rite cibus ille sacratissimus, panis fermentatus
 „cum sale et hyssopo apponitur ob reuerentiam mensae dedicatae in tem-
 „pli vestigio. Nam in ea proponi solent panes cum sale absque condi-
 „mento alio, sed panes non fermentati sal sine mixtura. Coenam vero
 „sequitur sacrum peruigilium his ritibus: vbi omnes consurrexerunt, duo
 „chori fiunt in medio coenaculo, alter virorum, alter feminarum; cuique
 „suus incentor praeficitur, honore praestans et canendi peritia. Deinde can-
 „tant hymnos in laudem Dei compositos variis metrorum carminumque
 „generibus, nunc ore vno, nunc alternis, non sine decoris et religiosi
 „gestibus atque accentibus modo stantes, modo prorsum retrorsumque
 „gradum mouentes vt res postulat^c. Deinde postquam vterque chorus
 „seorsim expleuit se his deliciis, velut amore diuino ebrii vnum chorum fa-
 „ciunt promiscuum ad imitationem illius olim instituti in rubri sinus littore.
 „Horum omnium finis est vnus et idem pietas. Itaque producta vsque ad
 „matutinum hac comeffatione honestissima, neque grauati crapula, neque
 „nictantes, sed excitiores, quam cum venirent ad conuiuium verso ad au-
 „roram vultu, totoque corpore, quam primum orientem solem aspiciunt,
 „felicem diem et veritatem perspicacemque mentem sibi comprecantur:
 „atque ita precationibus absolutis ad suum quisque semineum secedit, ad
 „culturam consuetae philosophiae“. Haecenus Philo de Therapeutis.
 Ex ista vero narratione Philonis de hac secta iudicium fieri debet, vtrum
 gentiles philosophi fuerint, an Iudaei, an monachi Christiani. Primum
 placuit doctissimo LANGIO^d, qui ex Philone demonstrare conatus est,
 Therapeutas non fuisse Iudaeos, multo minus Christianos, sed philoso-
 phos barbaricos Iudaizantes. Iisdem vero in hac assertione demon-
 stranda argumentis vtitur, quibus Essenos ex Iudaeorum grege eiecit.
 Nempe vrget, non vocari a Philone Iudaeos, tacere de iis Iosephum,
 qui tamen sectas Iudaeorum enumeret; coelibatum horum hominum
 non conuenire cum libidine Iudaeorum, nec concordare cum spe gignendi
 Messiam; non verisimile esse, Iudaeos relictis Hierosolymis in solitudi-
 nes secessisse; fuisse autem nec Essenos Iudaeos adeoque multo minus
 Therapeutas; sed dici sectam inter omnes nationes reperiendam. Ac-
 curate ad has rationes respondit, renque, nisi fallimur, confecit, erudi-
 tissi-

^b) Id est, Amen, vel Halleluiah concinunt, vel etiam doxologiam quandam circa stropharum finem repetitam, cuius exempla esse possunt Psalmi CXXXV. LXXXIX. 15. XXXIII. 2. 3. conf. Io. SPENCER. de legibus Hebr. ritual. L. IV. c. 3. p. 1106.

^c) Et hae quoque salutationes solennes sacraeque inter Iudaeos receptae fuere, vt ex Ex. XV.

20. Iud. XI. 34. I Sam. XXIX. 5. et aliis gentis huius monumentis notum. Eandem vero consuetudinem Pythagoreos quoque seruauisse, suo loco demonstratum est, conf. IAMBlich. vit. Pythag. c. XXIV. n. 110. vnde facile intelligi potest, ex quo fonte ad Therapeutas hic ritus peruenerit. Conf. SPENCER. l. c. c. 4. p. 1108. seqq.

^d) Pecul. diff. Hal. 1721.

tissimus HEVMANNVS ^e, qui videri potest. Nos pauca monemus: diferte eos vocari a Philone *γυωρίμους Μούσσεως*, quod omnino Iudaeos denotat, adscribi illis studium literarum sacrarum, legisque Mosaicae; referre ceremonias eorum ritus Leuiticos Israëlitarum; iungique tanquam sub vno genere contentos Essenos et Therapeutas, adeoque hos quoque Iudaeos Philonem facere, qui Essenos Iudaeos dixerat. An hoc de aliis, quam Iudaeis dici poterat? Viderunt id, qui in eam sententiam descendebant, Therapeutas esse ascetas Christianos, illi enim statuunt, eos ex Iudaeis Alexandrinis ad Christi ciuitatem fuisse transgressos, Iosephum silentio praeteriisse Therapeutas, mirandum non est, solas enim Iudaeorum sectas in Iudaea vigentes enarrare sibi constituerat, incertumque, vtrum illi Therapeutarum institutum innotuerit, cum rerum Aegyptiacarum peritus non fuerit. Coelibatus ratio ex peculiari sanctitatis affectatione deducenda est, locumque habere potuit facilem apud homines victu tenui et sicco vtentibus, et atra bile magis laborantibus, quam sanguinis ebullientis copia. Nec huc spes Messiae recte trahitur, ea enim ad solam tribum Iudae, et domum Dauidis pertinebat, adeoque remorari in seruanda virginitate Iudaeos alios non potuit. In solitudinem autem quid hos homines ire coegerit, ex supra dictis liquet, qui cum circa sectae natales templum haberent nullum, ita cultum suum DEI instituerunt, vt in communi semneo eius imitationem exprimerent, facileque templo Hierosolymitano carerent, quod Aegyptiaci Iudaei fere omnes neglexerunt. Ex quibus, cum Philo satis luculenter pro Iudaica therapeutarum origine faciat, constare putamus, frustra Therapeutas inter philosophos barbaros referri. Nec certiora sunt, quae doctissimi viri post Eusebium, Hieronymum et Nilum disputant, vt euincant, Therapeutas fuisse Christianos ascetas ex Iudaeis Alexandrinis ad fidem Christi conuersos. Quam opinionem praeter Thomam Brunonem Britannum ^f magna animi contentione et eruditione defendit celeberrimus ex Benedictinae familiae sodalitis S. Mauri monachus BERNARDVS MONTEFALCONIVS ^g, cui de hoc argumento controuersia intercessit cum I. BOVHIERIO senatus Diuionensis praefide ^h. Fatemur mirari nos, virum hunc magnae eruditionis iudicii recti, et insolitae in veterum doctrinis cognoscendis accuratioris ad hanc sententiam tanto puluere excitato asserendam potuisse descendere. At exemplum hoc esse puta-

^e) Aët. philos. Vol. III. p. 517. seqq.

^f) Christianos Iudaizantes fuisse suspicatus erat CHEMNITIVS exam. concil. Trid. P. IV. p. m. 780. incertus haeret Vossivs chronol. sacr. p. 165. 166.

^g) Le livre de Philon de la vie contemplative traduit sur l'original Grec, avec des observations, ou l'on fait voir, que ces therapeutes, dont il parle étoient Chrétiens, Paris 1709. 8.

^h) Is duas epistolas contra Montefalconium

seripserat elegantes et doctissimas, ad quas cum respondisset monachus Benedictinus, editae sunt vno fascie hoc titulo: Lettres pour et contre sur la fameuse question, si les solitaires appeller Therapeutes dont a parlé Philon le Juif étoient Chrétiens, Paris 1712. 8. Montefalconii partes secutus est, in dissertatione de origine et antiquitate vitae monasticae HIPPOLYTUS HELYOT praemissa historiae ordinum religiosorum, conf. LE CERF Bibliothèque des auteurs de la congregation de S. Maur, p. 322. seqq.

putamus, quid auctoritatis vel hypotheseos praeiudicium ad occoecanda etiam oculatissimorum virorum lumina valeat: praefertim cum instituti monastici antiquitas virum longe doctissimum in hac opinione detinuerit. Non examinabimus eam, cum ad sacrae et ecclesiasticae historiae limites haec quaestio pertineat, et dudum satisfecerint rationibus eius vndeunque anxie conquisitis post C A V E V M ⁱ aliosque B A S N A G I V S ^k et maxime illustres B O V H I E R I V S. Hoc vnum moneamus, ita nobis describere Therapeutarum sectam Philonem, ut luculenter pateat, eam non tum demum enatam, sed valde antiquam fuisse, diuque innotuisse, antequam orbem ab erroribus liberaret propheta maximus I E S V S C H R I S T V S. Quod si addimus, Philonem scripsisse haec, antequam in Aegypto Christiana religio inualuit, per se corrui opinio *παράδοξος*. Neque ad signa hic quaedam communia respiciendum est, quae cum Christianorum ritibus, magnam partem ex Iudaismo retentis conspirant; sed ad propria naturamque et constitutionem totius sectae, quae tantum abest, ut Christiana videatur, ut tota a simplicitate primorum Christianorum recedat, habeatque innumera impura, et fidem sanctissimam profitentes dedecentia. Qui vero in hac Therapeutarum historia opiniones eas vident, quas fera demum aetas in Christianam ecclesiam inuexit, e. g. S. Coenam sub vna specie, illis de visus quidem acumine gratulandum est, orandi autem sunt, ut nos tamdiu coecutire patiantur, donec clariora in ea re nobis oriantur lumina, nunquam eiusmodi *παράδοξα* admissuris, quamdiu a verbis Philonis stare licet. Ea enim Iudaeos nobis sistunt, sed fanaticos heterodoxos. Quicquid enim sit, de quaestione, utrum Therapeutae certa Essenorum familia fuerint nec ne? de qua disceptant viri docti ^l, quamque Philo affirmare videtur, probabilius vero nos esse existimamus, fuisse eos ex primis Iudaeis in Aegypto exulantibus, et *μονάζεσαν* aliam sectam, instituto tamen Essenis non prorsus dissimilem, et fanaticismo Pythagorico valde affinem; illud certum est, legem Mosaicam allegorica Aegyptiorum methodo, et metaphysica peregrina corruptam, obiectum fuisse sectae Therapeuticae, circa quod sublimiorem illam et contemplatiuam philosophiam exercebant. Illius enim literalis sensui allegoriarum arietibus loco moto, substituebant peregrina placita; liberandum esse animum a vinculis corporis duris et austeris exercitationibus, et contemplatione D E I ad summam felicitatem emergendum, sicque purum cultum Deo offerendum esse. Qua in re cum insignem horum hominum beatitatem ponat Philo, qui hanc theoreticam vitam ad inuidiam

i) Antiqq. Apostol. in Marco §. 3. p. 625.

k) l. c. c. 21. §. 14. seqq. p. 579. seqq.

l) Plerisque Essenorum speciem Therapeutas fuisse placet, quibus ducem se praebuit SCALIGER elench. trihaeres. c. 26. 27. de emend. temp. L. VI. p. 503. Alii diuersas fuisse sectas statuunt, ritibus diuersissimis distinctas,

ita VALESIVS l. c. BLONDELLVS de Sibyllis L. I. c. 7. ANT. PAGI ad A. C. 62. num. 3. M. HANCKIUS de Rom. rer. Script. L. II. p. 86. et nuper MOSHEMIVS instit. hist. Christ. mai. Sec. I. P. I. c. 2. §. 13. p. 79. quibus praeiit PHOTIVS Cod. CIV. ad horum tamen rationes respondere conatur BASNAGIVS l. c. p. 648.

diam vsque laudat, recte inde concludimus, fuisse hos Iudaeos fanaticos heterodoxos, gentilibus institutis placitisque a simplicitate patriae legis eo adductos, vt superstitionibus suis, ritibus et vita otiosa propius Deum attingere se, sanctiorique cultu ei seruire posse crederent. Id quod Therapeutarum quoque nomen indicasse videtur. Et de eo quidem diuersae virorum doctorum opiniones sunt. Et CLERICI ^m quidem coniectura audienda non est; qui a Philone tantum ita vocatos fuisse putat: contrarium enim ipsa Philonis docet narratio. Quam si consulimus, incertum iam tum fuisse patet, quid Therapeutarum nomen sibi velit. Ipse enim Philo anceps haeret, quae nomini significatio adscribenda sit. Ita enim ille: *Vocantur Therapeutae, Therapeutridesque, vel quia medicinam profitentur praestantiorum ista vulgata per oppida omnia, haec enim medetur solis corporibus; illa et animas liberat morbis grauib;* *vel quia didicerunt a natura et sacris legibus colere illud ens et bono melius.* Mirum itaque non est recentiores in varias discessisse opiniones. SCALIGERO ⁿ, et post eum NIC. FVLLERO ^o aliisque ^p a studio medico ita dictos fuisse visum est, quod medicinam quandam empiricam excolerent. Huic vero sententiae recte opponitur, quod de Therapeutis nihil tale habeat Philo, sed Essenis id adscribatur a Iosepho, qui cum Therapeutis confundi non debent. Certe Philonis ex mente peculiarem et puriorem quendam cultum diuinum, quam solet esse inter homines, sectae nomen fecisse statuendum est. Hinc sectam famulantium non inepte quis dixerit. Inscrispsit quoque Philo libellum hunc *περί Θεωρητικῆς ἢ ἱκετῶν ἀρετῶν*, quae verba sensum satis apertum non fundere quilibet videt. Quid enim *ἀρετῆς ἱκέταις*, vel qua ratione intelligi possunt? SANDIVS ^q pro *ἱκετῶν ἀρετῶν* legit *ἀσκητῶν*; sed recte opponitur huic emendationi legisse iam veteres Eusebium, Hieronymum, Rufinum, Suidam, Nicephorum *ἱκετῶν* non vero *ἀσκητῶν*, licet pertinaciter negare nolumus, ante horum scriptorum tempora vocem hanc iam corruptam fuisse in textu Philonis. Aliter doctissimus HEVMANNVS ^r, cuius literis hanc obseruationem debemus, qui *ἱκετῶν* et *θεραπευόντων* nomen idem significare putat, nempe eos, qui humiliter supplicesque Deo seruiunt, id quod loco quodam SIRACIDIS ^s munit. Quam vocis significationem iam prodidit SCALIGER ^t, monens: quare *ἱκέταις* vocarentur illi *μνάζοντες*, non dubitaturum, qui inter ortum solis et occasum nihil aliud quam orationi intentos fuisse ex Philone discere potuerit. Dicamus, quid et nobis olim in mentem venerit, cum msc. Codicem Philonianum, optimae notae, quem seruat bibliotheca Augustana cum editis contulissimus: in eo enim pro *ἱκετῶν*, legitur *οἰκετῶν*. Quod vbi codicis msc. auctoritate admittimus, vt facile potuit (ὁ) ex (οἱ) omit-

m) Hist. eccl. Sec. I. et II. §. 12. p. 22.

n) Elench. trihaeref. c. 26. p. m. 202.

o) Misc. S. L. I. c. 5. p. 13.

p) CAVE l. c. p. 624. LANGIVS Hist. eccl. V. T. p. 967.

q) Hist. eccles. p. 30.

r) c. XXXVI. 17.

s) l. c. c. 28. p. 224.

omitti, sana omnia sunt et plana, *δικέτης* enim et *θεραπευτής* synonyma sunt, famulosque significant. Ad de ea re iudicium lectori relinquimus. Illud vero monendus est, licet theoreticam tantum vitam coluerint, retulisse tamen eos meditationes suas, non ad nudam veritatum diuinarum contemplationem, sed ad earundem quoque in animo applicationem; quare theoretici tantum dicendi sunt, eo quod a vita ciuili plane abstinerint, nec admittendi, qui vel solos theoreticos vel solos practicos fuisse contendunt. Illud enim praeter metaphysicae, astronomiae quoque et poeticae facultatis cultura; hoc moralis philosophiae studium demonstrat. Etsi vero quam philosophiam secuti sint non indicat Philo, immo credi vult, domesticam eos patriamque coluisse doctrinam Graecanica longe superiorem, certum tamen putamus esse, ex collatis Therapeutarum et Graecorum opinionibus, multa ex Aegyptiaca, multa ex Pythagorica et Platonica philosophia ad eos peruenisse; nec erraturos putamus eos, qui coniiciunt Cabbalisticam quoque metaphysicam inter eos viguisse. Illi enim omnia conueniunt, quae de his Philo tradit. Gentili vero huic fermento eos illeuisse Mosaicum fucum, et voluisse videri Mosaicos philosophos, ipse PHILO non negat. Ex quo coniectura quoque nostra de horum fodalitiorum origine, quam supra exposuimus, mire confirmatur. Cum enim templo carerent Iudaei in Aegypto exules, et per irruptiones Assyriorum et Babyloniorum, quas valde timebant, in solitudines et deserta loca fugere essent compulsi, ad eiusmodi *ἐρηλοθησκείαν* facile delabi potuerunt, quae contemplatione et separatione a vita ciuili Deo elegantius meliusque seruire se posse statuebat. Cum autem successu temporis allegorica methodus inter Iudaeos ex Aegyptiorum scholis inualesceret, quod post Alexandri M. tempora factum esse, supra docuimus, et eo quoque tempore Pythagoreismus inter Aegyptios innotesceret, dubium non est, Therapeutarum sectam eam tum temporis constitutionem accepisse, qualem Philo depinxit. Quae quoque ratio est, cur Essenorum sectam malimus sororem Therapeuticae vocare, quam vel filiam vel parentem. Ea enim ratione controuersiae doctorum facile circa quaestionem dirimi possunt: id quod placuisse quoque S. Rev. DEYLINGIO * obseruamus. Quamdiu vero Therapeutae durauerint, in tanto veterum silentio dici non potest. Credibile tamen eos, per Christianam religionem mature in Aegypto propagatam, esse defuisse, forte quod multi ex therapeutis, cum meliorem et simpliciorum Dei colendi rationem viderent, ad Christiana castra transiuerint, cum tantis, quantis reliqui Iudaei, praeiudiciis non impedirentur. Coniecere tamen SCALIGER ^z et BASNAGIUS ^a, Essenos Therapeutasque in haeretico Elxai, sub Traiano emergente, G g g g g 2 ite-

*) Conf. Aët. philos. Vol. III. p. 523. seqq.

u) Conf. ED. BERNARDVS apud CAVE Hist. liter. Script. eccles. Sec. II. p. 16.

x) Obseru. SS. L. III. p. 454.

y) Conf. CAVE l. c. p. 534.

z) l. c. c. 28. p. m. 222. seqq.

a) l. c. c. 20. §. 27. p. 555. seqq.

iterum comparuisse : qua in re sequuntur EPIPHANIVM ^b, impro-
bante tamen, recte, nisi fallimur, HENR. VALESIO ^c.

*Sectae minores
Iudaicae.*

§. XXXI. Praeter maiores has Iudaeorum sectae aliae quoque minores a veteribus passim memorantur, sed quae exigui momenti, multae quoque fictae sunt et nunquam extiterunt. Qui enim Genistas, Menistas, Galilaeos, Graecientes, Baptistas, Hemerobaptistas, Masbathaeos, Samaritas, Heliogostos, Musonitas, Trogloditas, Aftanitas, Puteoritas, Belitas &c. nobis enarrant IUSTINVS, EPIPHANIVS, EVSEBIVS, PHILASTRIVS, laruas eos pro sectariis vidisse, vix dubitari potest, vnde illis non immoramur. Herodianorum tamen sectae meminere annales sacri, de qua videndi, qui vel res Iudaeorum et antiquitates sacras, vel etiam sacram N. T. historiam enarrarunt ^d. Quae tamen cum ex plerorumque mente factio magis politica, quam dogmatica fuerit, huc quoque non pertinet : licet pertinaciter negare nolimus, multos ex Herodianis, Sadducaeorum dogmata fuisse secutos ^e. Mirabilis vero coniectura est HARDVINI ^f qui Herodianos in sectam quandam transformavit philosophicam, visus sibi certissimo indicio deprehendisse, fuisse Herodem Atheniensem, philosophum Platonicum, cumque is Platonica dogmata, maxime de anima, inter Iudaeos sparsisset, illa recepta a multis Sadducaeorum nomen Herodianorum genuisse. Quam paradoxam opinionem nunquam venire sibi in mentem passus fuisset criticus audacissimus, nisi cum plerisque scriptis veterum Iosephi quoque commentarios suppositos esse contendisset. Salua enim huius narratione, impossibile est, somnia Harduini tolerare, quae et eam et omnes veteres contradicentes habent. Vnde hoc vno infano viri docti asserto exploso : pleraque veterum scripta Sec. XIII fuisse supposita, quo insulsius excogitari nihil potuit, cadit etiam inepta de Herodianis sententia, recteque illa factio ex philosophiae historia eiicitur. Herodem enim Atticum, hominem Platonicum et sophistam celeberrimum inepte commisceri cum Herode Iudaeorum rege, quis quaeſo non videt ? Quare iis non inhaeremus : qui prolixiora cupit, ei adeundus BASNAGIVS ^g.

*Viri docti in-
ter Iudaeos
veteres.*

§. XXXII. Fuisse in his sectis viros haud obſae naris multique acuminis, dubitari non potest, ex quo colligitur, potuisse inter Iudaeos philosophiae studia augeri, modo ei diligentem operam nauassent. Aſt genius nationis patriis traditionibus non sine insania ita inhaerens, vt nihil proprium, ſuaeque ratione duce excogitatum definire auderet, ita philo-
sophiae

^b) Haeref. XIX. p. 45.

^c) Ad EVSEB. L. VI. c. 38. p. 129. res ipsa in historia ecclesiastica Christiana perquirenda.

^d) Diuerſissimas scriptorum de Herodianis sententias, post NIC. SERARIUM in Herode enarrarunt auctores laudati WOLFIO Bibl. Hebr. P. II. p. 818. seqq. et Cur. exeg. T. I. p. 311. quos vide.

^e) Ita GROTIUS ad Marc. VIII. 15. aliisque visum. Conf. KUHNIUS Pent. Qq. philolog. p. 8. ZELTNER. de Alexandra §. 25. seqq. p. 35. seqq.

^f) De numis Herodiad. p. 97. et opp. ſelect.

^g) Hist. Iud. L. I. c. 3. p. 63. seqq.

sophiae obstitit, vt aut *ἀφιλοσόφως* aut fanaticos tantum inter eos deprehendamus. Fuit tamen inter illos vnus et alter, qui de morali doctrina mereri studuit, vt ex celeberrimo enchiridio morali gentis Iudaicae, quod *capitula patrum* (פרקי אבות) vocatur, patet, de quo infra pluribus agemus. Nos praetermissio magno illo doctorum Iudaicorum agmine, quod historiae huius gentis literariae scriptores enarrant ^b, elegantem philosophiae moralis scriptorem Ieschuam Ben Sirach; tum celeberrimos doctores Hillelem et Schammai enarrabimus, in Philone vero exemplum dabimus cultae inter Iudaeos Aegyptiacos philosophiae Graecanicae.

§. XXXIII. IESCHVAE FILII SIRACH historia obscura et incerta est, id ex ipsius indicio ⁱ de eo constat, fuisse illum Hierosolymitanum et tempore summi pontificis Eleazaris vixisse, cuius aetas in regnum Ptolomaei Philadelphi incidit ^k. Vltimus enim pontifex, cuius in libro suo meminit Simeon est, filius Oniae, diuersus a Simeone Iusto, cognomento Iaddi, qui Esdrae, Malachiae et Zachariae temporibus vixit. Huius Simeonis filii Oniae successor autem cum fuerit Eleazarus, non sine verisimilitudine inde coniiciunt viri docti, vixisse eum sub hoc pontifice, quem sine dubio ceteris addidisset, si iam e vita excessisset. Debemus huic Iesu, vel quod Graeco ore quidam malunt, Iasoni, enchiridion morale, summam quandam philosophiae moralis Iudaicae, qualis post vatum diuinorum excessum in hoc populo vixit, complexum. Eius versionem Graecam ex Hebraeo ^l confecit nepos eius, qui XXXVIII anno sub Ptolomaeo Euergeta in Aegyptum se venisse, ibique hunc laborem suscepisse tradit. Quae verba cum ambigua satis sint, dubios fecere viros doctos de tempore versionis enchiridii huius moralis. Et hunc quidem annum trigesimum octauum non imperii Ptolomaei intelligendum esse, ex Ptolomaei canone regum Aegypti manifestum est, nec enim vel I vel II Ptolomaeus Euergeta, alias Physcon dictus, tam diu regno praefuit. Aut itaque trigesimus octauus annus a Iubilaeo gentis, aut a liberatione Iudaeorum et manumissione sub Ptolomaeo Philadelpho, aut a natiuitate interpretis, aut a mora eius in Aegypto intelligendus est, ex quibus quid prae aliis eligamus, incerti haeremus ^m. Cum quoque non addiderit, quo Euergeta regnante in Aegyptum se interpretes contulerit, in diuersa quoque

G g g g g 3

que

^b) Consuli hic debent R. ABR. BEN DIOR in Sopher Hakkabala, R. ABR. ZACHVTH in Iuchasin, R. GEDALIA in Schalscheleth Hakkabala. Ex Christianis praeter laudatos WOLFIO Bibl. Hebr. P. II. p. 806. Io. HENR. OGHONIS historia Mischnicorum, qua opera etiam Synedrui magni Praefides et vice-Praefides recensentur, Ox. 1672. 12. et cum annot. H. REZLANDI Amst. 1698. pleniora tamen sunt quae dedit WOLFIVS l. c. p. 808. seqq. vbi de doctoribus Mischnicis agit.

ⁱ) c. L. 29.

^k) Id ex IOSEPHI testimonio Ant. Iud. l. XII.

c. 2. colligitur, vbi ad hunc Eleazarum misisse Ptolomaeum Philadelphum legatos narrat, vt interpretes ipsi submitteret. Quae quamuis ex Pseudo-Aristea hauserit Iosephus, dubium tamen non est, Iosepho vtriusque aetatem non fuisse ignotam. Conf. FABRIC. Bibl. Gr. Vol. II. p. 728. WOLF. Bibl. Hebr. P. I. p. 256.

^l) Ita ipse interpres in praef. id quod idiotismi quoque Hebraei produunt: refert etiam Hieronymus praef. in Prou. se vidisse hunc textum Hebraeum. Conf. HVERT. demonstr. eu. Prop. II. p. m. 253.

^m) Conf. FABRIC. l. c. p. 729.

que hic abire viros doctos, necesse erat. Quidam enim Euergetam II; Ptolomaei Philometoris fratrem intelligi volunt; qui aliis nimis aetate remotus videtur, unde Euergetam I, Ptolomaei Philadelphi successorem designari verisimilius ducuntⁿ. Cui tamen coniecturae opponitur: annos Ptolomaeorum, Philadelphi et Euergetae I, quorum ille XXXVIII, hic XXV regnavit, non sufficere pro complendo numero annorum aui, filii et nepotis, et probabilius esse, Siracidem aum vixisse sub extremis Philadelphi annis, nepotem vero initio imperii Euergetae II, in Aegyptum fuisse. Hanc enim temporis summam seculum conficere, quod aptius aui et nepote tribui queat. Quas rationes secuti sunt viri magni^o et nos facile iis quoque manus damus. Occurrit etiam in scriptis Talmudicis saepe R. Ben Sira, vel Sirach, quem cum nostro eundem esse, recte viris doctis visum est. Lectum enim esse ecclesiasticum scriptoribus Talmudicis, quamvis sensim magis magisque interpolatum, et nunc novis sententiis adauctum, nunc aliis priuatum, ex collatis Talmudicis locis cum ecclesiastico viri docti passim ostenderunt^p. Quae additiones cum librum elegantem et bonae frugis plenum valde corrumpere et deformarent, eo quod absurda multa, profana et indigna adiecta essent, non tantum is a Iudaeorum magistris inter libros extraneos reiectus est, quos qui legat, aeterna vita priuatur; sed addita etiam ratio, quod illusionum plenus sit, physiognomica tractet, et talia exhibeat, in quibus ratio, aut utilitas nulla sit, sed potius iactura temporis^q. Miramur itaque, BARTOLOCCIVM^r, SGAMBATVM^s, HVETIVM^t vt canonicam libri huius auctoritatem pro ecclesiae suae decretis euincerent, statuisse, Iudaeos hunc Siracidis libellum inter כתובים^u siue hagiographa retulisse; et, quod R. D. GANZ putat, ideo eius vsum vetuisse, quod res excellentes et sublimis contineat, quarum lubrica sit et periculosa inquisitio. Aliud enim allatum testimonium Talmudicum euincit. Circumfertur quoque hodie inter Iudaeos libellus brevis, sententias quasdam secundum alphabeti seriem dispositas complexus, cuius auctorem Iudaei faciunt Ben Sira fil. Ieremiae. Hunc a Iesu Siracide diuersum esse post BARTOLOCCIVM^v, VORSTIO^x et BVDDEO^y visum est, rectius vero ex Iudaeis GANZIVS^z, quem Christianorum plurimi^a secuti sunt, pro eodem habuerunt. Nam licet aliam generis parentumque seriem huic Ben Sira Iudaei tribuant, notum tamen est, quam exigua eorum in genealogiis fides sit, quam fabulis de hoc Ieremiae nepote totam decoxerunt. Unde statuendum est, si vtriusque libelli inter se instituat collatio,

ⁿ) BARTOLOCC. Bibl. Rabb. BVDDEVS H. E. V. T. T. II. p. 953. Intr. hist. phil. Hebr. §. 22. p. 101.

^o) GROTIUS, VSSERIVS, HODY, aliique laudati FABRICIO et WOLFIO II. cc.

^p) BARTOLOCCIVS T. I. p. 680. aliique WOLFIO I. c. nominati.

^q) Tr. Sanhedrin c. XI. §. 1. et Gemara ad h. l. MAIMONID. ad h. l. WOLF. I. c.

^r) loc. citat.

^s) Archiu. V. T. p. 475.

^t) loc. cit.

^u) I. c. p. 683.

^x) Ad R. D. GANZ Zemach David.

^y) Introd. I. c. p. 103.

^z) I. c. ad A. 3448. et Schalscheleth p. 19.

^a) HVETIVS, FABRICIVS, SGAMBATVS, BARTOLOCCIVS, WOLFIVS II. cc.

tio, fuisse librum ecclesiasticum Siracidis materiam quasi, quam recentioris cuiusdam scriptoris manus refinxit, additisque quibusdam et interpolatis, demtis etiam multis, et selectis quae ipsi videbantur iuxta alphabeti seriem dispositis, ea forma, qua hodie inter Iudaeos ambulat, edidit ^b. Secutum vero fuisse auctorem Salomonis ethicam, ex eius cum Salomoneis comparatione indubitatum esse patet: addidisse vero ex ingenio suo quaedam ad puritatem veteris doctrinae moralis Hebraeorum non assurgentia, et degenerantem philosophiam Iudaeorum domesticam iam tum prodentia, attentus lector facile obseruabit. Vnde deferendum esse putamus H V E T I V M, qui dictante קור בר siue filia vocis hunc librum conscriptum esse statuit. Quae enim Iudaei de hac filia vocis tradunt, ab iis ad librum vllum, ea dictante scriptum, nullibi referuntur.

§. XXXIV. Maxima inter Iudaeos fama sapientiae excelluit, R. *Hillel senior*. HILLEL cognomento Hassaken^e, siue senior dictus, vt a iuniore R. Hillele Hannafi siue principe^d distingueretur. Natus is est anno mundi, si Iudaicos calculos sequamur, cIo cIo cIo Ic XLVIII, id est ante N. C. CXII^e, Babylone, parentibus pauperi quidem censu, sed regio stemmate Dauidis oriundis^f. Quamuis autem regio sanguine esset satus, et naturae quoque munera accessissent haud exigua, quibus optima ei contigit indoles, adeo tamen parentum inopia premebatur, vt deficiente pecunia non haberet, vnde sumtus in literarum studia faceret, sicque animum doctoribus poliendum traderet^g. Postquam Babylone annos vixerat

b) Editiones enumerat WOLFIVS l. c.

c) Res celeberrimi huius doctoris Iudaei ex scriptis talmudicis erui debent, id quod diligenter praestiterunt BARTOLOCCIVS Bibl. Rabl. T. I. p. 784. seqq. et scriptorum Mischnicorum auctores supra enarrati. His addendi WOLFIVS l. c. P. II. p. 824. BYXTORFIVS Lexic. Talmud. fol. 1806. BVDDEVS Hist. eccles. V. T. T. II. p. 1166. BASNAGIVS Hist. Iud. L. III. c. i. §. 6. p. 10. et maxime V. C. GOTFR. ENGELHARD. GEIGERVs in breui comment. de Hillele et Schammai antiquis sectarum conditoribus, Altdorf. 1707. 4.

d) Decem generationibus hic a seniore Hillele diffat, vt ex genealogia Hilleliana, quam exhibet R. D. GANZ in Zemach Daudid p. 116. patet. Ita enim fe sequuntur inuicem : Hillel Babylo-
nius, Schimeon fil. R. Gamliel senior, R. Schi-
meon fil. eius, R. Gamliel lafnensis, R. Schi-
meon tertius, qui vltimus fuisse dicitur, qui
Rabbi titulo vſus, R. Iehuda Hannafi, colle-
ctor Miſchnae, cognomento Rabbenu Hakk-
adoſch, R. Gamliel filius eius, R. Iehuda Nafi,
R. Hillel Hannafi fil. eius. Memorari vero in
philofophica hiftoria hic Hillel iunior meretur,
ob inuentum nouum annorum Cyclum Iudai-
cum, cum antea vel ab exitu ex Aegypto, vel a tem-
pore Alexandri M. annos numerandi mos inole-
uiſſet. Conf. BARTOLOCCIVS T. II. p. 415-459.
BASNAGE Hiſt. des Iuifs L. III. c. 3. §. 15. ſeqq.
p. 79. qui plura de hac temporum emendatione

Iudaica dabit. Quibusdam Ellel ille fuisse videtur, quem in vitae fine sacra vnda tinctum asserit EPIPHANIVS T. I. p. 128 vid. BVDDIVS Introd. in phil. Hebr. p. 112. BASNAGE l. c. p. 85. WOLF. l. c. p. 830.

e) R. DAVID GANZ Zemach David loc. cit. initium principatus eius in annum 3728, seculo ante excidium templi ponit, et an. 3768 obiisse tradit. Ast ante susceptum principatum 80 annos vixisse dicitur, vnde istud natiuitatis tempus emergit, conf. WOLF. l. c. Ceterum monendus hic lector est, corripisse Iudaeos rationes chronologicas, et plus duobus integris seculis retrocessisse in computandis annis mundi, sic vt natiuitatem Christi in annum 3766, euerfionem Hierosolymarum in an. 3828, ponant. Quod quo dolo aui sint alibi exponendum est, legenda autem quae in compendio referuntur Act. erud. 1866. p. 595. seqq.

f) Vtrum patre vel matre regia stirpe oriundus fuerit Hillel, ambiguum, primum placet GEIGERO l.c. Alii ex tribu Benjamin eius familiam deriuant, vid. MORIN. exerc. bibl. p. 265.

g) Erat enim Babylone quoque, vbi multi ex captiuitate Iudaei remanserant, synagoga, cuius princeps viue rector caput deportationis vocabatur, et ex Davidis sanguine cretus esse debebat. Patrem Schephatiam, fratrem Hillelis Schabnam fuisse tradit Iuchafin p. 55. eumque praediuitem, sed fratrem iuuare suis facultatibus noluisse.

rat quadraginta, ibique vxorem duxerat, et filium genuerat, tandem cum tota familia paternas sedes reliquit, et in caput Palaestinae, Hierosolymas commigrauit, locataque, quibus posset, opera sua, sibi suisque victum quaerere studuit. Eo vero tempore celeberrimi scholae rectores et doctores Schemaiah et Abtalion ibi docebant, legemque inusitato applausu explicabant. Hos cum audiendi desiderio impatientissimo arderet, obstabat tamen magna facultatum penuria, quo minus ex voto inter discipulos eorum sedere posset, eo, quod didactro soluendo impar esset. Foris itaque per ministrorum gratiam legentes audiebat, maxime attendens, vt doctrinae summam perciperet, quamvis tempestatis iniuria vehementer impediretur. Quo loco non possumus omittere historiolum festiuam quam de Hillele narrant Iudaei, vt lectori genius historicorum Iudaicorum pateat. Ita vero rem narrant ^b: *Hillel senior singulis diebus operatus est, et operam suam collocauit, pro statere, (qui exaequabat dimidium didrachmae, siue partem octauam sicli sancti) dimidium huius stateris dabat ianitori collegii academici; alterum dimidium pro sua suorumque impendebat sustentatione. Aliquando vero nullum reperit, cui suam potuisset operam locare, hinc etiam illum custos academiae non intromittebat in interiora. Ascendit itaque et suspensus sedit in fenestra, quae erat in medio tecti, vt solis radii deorsum per eam inciderent, vt ibidem audire posset verba Dei viuentis ex ore Schemaiae et Abtalionis. Dicunt nostri doctores, hoc contigisse alicuius Schabbathi vespera, cum sol in mense Decembre versus aequatorem a circulo capricorni sese inclinare coepit, ceciditque super eum de coelo nix. Vbi vero aurora est suborta, dicebat Schemaiah ad Abtalionem: mi frater, domus haec adhuc quotidie fuit illuminata, sed hodie est tenebricosa; forte dies ipse est nubilus sustulerunt oculos, et viderunt similitudinem hominis; ascenderunt itaque, et inuenerunt super illum niuium tres cubitos. Absumerunt niues et illum abluerunt, vnixeruntque simul et portarunt eum in hypocaustum atque dixerunt: Hic dignus est, vt Schabbatum eius causa profanetur.* Fides narratiunculae esto penes recutitos; illud tamen dubitandum non est, maximo legis studio Hillelem flagrasse. Quo tamen dubitandum atque superatis quae ex paupertate obstabant, impedimentis, tantos per quadraginta annos, quibus legi discendae totum se dederat, in patria eruditione profectus sensit, et tantopere se praeceptoribus commendauit, vt dignum conferent, qui principatui magni synedrii praefici posset. Cuius causam Iudaeorum magistri hanc fuisse referunt ⁱ: disputatum fuisse in schola Iudaeorum: an pascha sabbatum expellat, nec ne? illud ignorasse filios Betirae, rectores scholae Hierosolymitanae. Aduocatum itaque Hillelem quaestionem acute diremississe, et ex sacrificiis iugibus demonstrasse, pascha expellere sabbatum. Statim ergo constituisse eum prin-

^b) Mithath Ioma c. 3. f. 15. b.

ⁱ) Conf. BARTOLOCC. T. II. p. 786. LIGHT-

FOOT. Hor. Hebr.* Matth. p. 373. ex Pefachim Hierof. f. 53. bb.

principem. Addunt his, iureiurando prius confirmauisse Hillelem, quod hoc per traditionem ex ore praeceptorum, Schemaiae et Abtalionis hauserit, et sic ob traditionis auctoritatem praefecturam synedrii sibi oblatam accepisse. Nactus tamen collegam ^k, Schammai virum acerbum et ferocem, disputationum et altercationum latissimum campum ingressus est, de qua re in sequenti §. dicemus. Vbi vero scholae Hierosolymitanae praefecturam suscepit, tanta mox auctoritate et communi omnium suffragio regnavit, ut tanquam oraculi vox ab omnibus susciperetur, tantoque discipulorum concursu doceret, ut eorum aliquot millia numeraret. Inter eos vero octoginta selectos fuisse, R. IEHVDA LEVI^l tradit, e quibus triginta digni fuerint, super quibus habitaret maiestas diuina, triginta digni ad intercalandos annos, viginti intermedii; maximum omnium fuisse Ionathanum filium Vzielis, minimum R. Iochannam filium Saccae. Innumera quoque sunt quae de eruditione Hillelis Iudaei iactant, luculenta ineptae arrogantiae eorum specimina. Certe R. ABRAHAM ZACHVTH^m, non erubuit scribere: Hillelem omnes linguas didicisse, etiam colloquium montium, callium et vallium, locutionemque arborum et herbarum, colloquiumque daemonum, nec non parabolas cum de botris, tum de vulpibus desumptas. Quae licet proprio sensu non intellexisse Iudaeus, et tam infana hyperbole usus videatur, sed eruditionem tantum quandam vniuersalem Salomonea non inferiorem indicare voluerit, impudentia tamen eius satis manifesta est, qui Salomonis hac ratione sapientiam monstrantis exemplo non inferiorem Hillelem fuisse lectoribus suis persuadere voluit. Quae quamuis credibilia non videantur, facile tamen admitti potest. Hilleli et ingenium acre, et cognitionem tum legis et traditionum accuratam, tum doctrinam moralem adfuisse, et hoc nomine mereri, ut inter doctores morales Iudaeorum locum nanciscatur eximium. Cuius specimen ut habeat lector, en praecepta moralia, quae in capitulis patrumⁿ Hilleli tribuuntur:

I. Esto ex discipulis Aharonis, qui pacem amabat, et pacem prosequeretur, qui diligebat personas, et legi eos iungebat.

II. Noli te ipsum separare ab ecclesia, neque tibi ipsi confidere usque ad mortem.

III. Prius de proximo tuo nullum iudicium feras, quam accedas ad locum eius.

IV. Non proferas ea, quae sciri non debent, tempore suo scienda erunt.

V. Noli dicere, cum mihi otium sit, discam; forsan nunquam erit.

VI. Peccatum non veretur inciuilis, neque plebeius est pius, nec qui

^k) Post Menachemum, qui breui tempore praefuit, vid. Iuchasin p. 19. GANZ. I. c.

^l) Cofri p. 442. Sic et Succa c. 2. p. 25. Baua

Batra c. 8. p. 130. Iuchasin p. 159.

^m) Iuchasin p. 55.

ⁿ) c. I. et II.

qui nimis verecundus est, discit, nec iracundus docet, nec mercator fit sapiens.

VII. Qui multiplicat diuitias, multiplicat et sibi sollicitudines.

VIII. Qui multiplicat mulieres, multiplicat veneficia.

IX. Qui multiplicat ancillas, multiplicat fraudes.

X. Qui seruos multiplicat, multiplicat rapinam.

XI. Qui legem multiplicat, multiplicat vitam.

XII. Qui multiplicat confessum in schola, is multiplicat sapientiam.

XIII. Qui multiplicat consilium, multiplicat sapientiam.

XIV. Qui multiplicat iustitiam, multiplicat pacem.

XV. Qui acquirit bonum nomen, se ipsum possidet.

XVI. Qui comparat sibi verba legis, comparat sibi vitam futuram.

XVII. Tempore quo alii colligunt, disperge, quo dispergunt, collige.

Pleraque ex his satis sana sunt, et ex veterum Hebraeorum disciplina profecta, et experientiam aliquam in vita humanam testantia, sexta tamen sententia Pharisaico fermento infecta satis de intolerabili arrogantia horum hominum testatur. Sed et dignam doctore tanto vitam egisse sui tradunt. Narrante enim auctore libri *Cofri* ^o, manifesta fuit eius sapientia et mansuetudo. *Nullum enim sermonem profanum emisit ex ore suo per omnes dies vitae suae; neminem in synagoga reliquit post se, nunquam in ea somnum cepit neque ordinarium neque extraordinarium, nunquam vel ad quatuor cubitos iuit sine lege et precibus: nemo vnquam inuenit eum sedentem et tacentem, sed sedentem et differentem: nemo discipulis suis aperuit, sed is ipse: nihil dixit, quod non ex praeceptore suo audiuit, nunquam dixit, adest tempus abeundi e synagoga.* Quos placidos et humanissimos mores ita laudant Iudaei, ut more suo non erubescant, fabulis eos ornare ^o, de quibus tamen plura hic dicere nihil attinet. Cuncta eo redeunt, ita irae et excandescitiae imperauisse Hillelem, ut nemo vnquam eum ad iram prouocare potuerit. Maximam tamen laudem famamque meruit cura studioque, legem oralem traditionesque patrias propagandi, quas summo feruore cum tota domo, id est, schola sua contra collegae insultus mascule defendit, cumque sexcentos ordines compleuisset, ad sex classes reuocauit ^o, sicque collectionis et digestorum iuris Iudaici, quae Talmud vocari solent, prima fundamenta posuit. Laudandus vero meliori iure, quod codici sacro suae integritati vindicando operam nauauerit ^r. Vixit insolito exemplo annos centum et viginti, ex quibus quadraginta Babylone haesit, quadraginta Hierosolymis in legis studium incubuit, quadraginta scholae et synedrio praefectus floruit, mortuus anno mundi *clo clo clo clo cc LXVIII*, ante N. C. XII. Successore in cathedra habuit filium R. Schimeonem, qui primus Rabbani titulo superbuisse dicitur. Sunt qui Simeonem D. *L v c a e* ^s memoratum,

^o) pag. 242.

^p) Conf. GEIGER. I. c. §. 20. p. 23.

^q) Iuchasin p. 56.

^r) Succa f. 22. Pefachim f. 66. ^s) c. II. 25.

tum, qui Salvatorem amplexibus suis excepit, eundem Hillelis filium, synedrii praesidem fuisse contendunt, aliis negantibus ^t. Illi temporum rationes vrgent, quae coincidunt. Nec moratur eos, quod hi obiiciunt, non fieri huius Simeonis mentionem in capitulis patrum: hoc enim silentium argumentum esse odii in Salvatore, quem illustri testimonio ornaverat, contendunt. Nos hanc coniecturam non quidem fundamento prorsus nullo, at debili tamen et haud sane sufficienti niti existimamus. Ea enim quae de Simeone habet historicus sacer, praesidi synedrii non conveniunt, nec solum nomen et aetas sufficit, ut eandem personam utrumque fuisse iudicari queat, cum dubium non sit, Simeones multos eo simul tempore vixisse. Quod vero eius mentio in *Pirke abboth* facta non est, causa sine dubio illa fuit, quod ante parentem, ad summam senectutem vigentem fato suo defunctus sit. Ceterum Hillelis nomen cum sit frequentissimum ^u apud Iudaeos, hic cum aliis confundendus haud est.

§. XXXV. Nactus est collegam Hillel primo quidem R. Menaschem ^v, et ubi hic rectoratum deposuisset ^v, SCHAMMAI. Is initio ex discipulis Hillelis fuit, sed postea a praeceptore secessum fecit, et contraria dogmata defendit, et discipulos atque assecclas nactus, peculiarem factionem constituit, unde domo Hillel et domo Schammai nihil celebrius in Iudaeorum scriptis. Quamvis enim auctoritate Schammaeum vinceret Hillel, cuius praeceptionibus parere sub mortis poena iniunctum fuit, et hinc huius schola illius discipulos numero superaret, sic ut audiendi non sint, qui maiorem fuisse numerum eorum, qui Schammai partes sequerentur, quam qui Hillelis dicunt ^z: magna tamen eius auctoritas inter illos fuit, qui solam legis literam, reiecta lege orali sequendam esse docebant; quae causa est, cur Schammai a Karaeis inter maiores suos connumeretur ^a: quod facile admitti potest, si de re ipsa, nempe de solo legis scriptae studio et traditionum reiectione intelligatur, non vero de nomine Karaeorum, ut ex iis clarum, quae supra de Karaismi antiquitate disputauimus. Schammaeum enim acerrime contra traditiones disputauisse, iisque prorsus ex ecclesia exterminatis solam legis scriptae literam sequendam esse pronuntiauisse, supra luculento Hieronymi effato probauimus. At fuisse Schammai ex Sadducaeorum numero et familia, quae et ipsa traditiones reiecit, nullibi legitur; ex quo recte infertur, praeter Sadducaeos iam tum quoque fuisse inter doctores Iudaeorum alios, qui repudiata traditione

H h h h h 2

ditio-

^t) Ex utraque parte auctores nominat WOLFIVS Bibl. Hebr. P. II. p. 862.

^u) Celebriores IDEM nominat l. c. p. 831.

^v) Chagiga II. 2. Non confundendus est hic Menachemus cum alio, qui Essenorum familiam sectatus est, et vaticiniis inclauit, et Herodi regiam dignitatem praesignificauit, de quo videndus IOSEPHVS Antiqq. Iud. L. XV. c. 13. p. 542. conf. VITRINGA Obs. SS. L. VI. c. 8. p. 348. WOLF. Bibl. Hebr. P. II. p. 851.

^y) Conf. GEIGER. l. c. §. 21. p. 24.

^z) Tr. Schabbath f. 3. c. 3. conf. LIGHT-FOOT. opp. T. II. p. 6. GEIGER. l. c. p. 24. WOLF. l. c. p. 859. Nisi dicamus initio hoc euenisse ut maior esset Schammaeanorum numerus, postea vero constitutione confirmatis Hillelis partibus maximam Iudaeorum partem iis calculum adiecisse: conf. R. Moses Beschitzi apud TRIGLANDIVM de Karaeis p. 94. seq.

^a) Vid. R. MARDOCHAI de Karaeis p. 97. et TRIGLANDIVS atque WOLFIVS ad h. l.

ditionum farragine, solam scripturam sequerentur, reueraque Karai, id est, scripturarii fuerint. Hac vero occasione magnum inter Iudaeos schisma exortum est, et duae istae familiae Hillelis et Schammai inter se multis et frequentibus certaminibus commissae, quod tam funestum ecclesiae Iudaicae fuit, ut non tantum capitali odio inter se sectatores utriusque doctoris digladiarentur, et ad mortem usque se persequerentur; sed et tam atrox dissidium videretur, ut ieiunium eo die indixerint, quo primum lis ista orta est, nempe die IX mensis Adar ^b. Fatenturque ipsi Rabbanitae, Hillelis sequaces ^c, *ex quo tempore multiplicati sint discipuli Schammaei et Hillelis, qui non instructi erant ad ministerium suum obeundum eo, quo par erat, modo, multiplicata fuisse schismata in Israël, et legem haecenus unam, euasisse instar duarum legum.* Mentuntur tamen traditionarii, ut caussam Hillelis iuuent, durauisse hanc dissensionem inter Iudaeos per trium annorum spatium, usque dum per **בית קור**, siue vocem de coelo missam confirmaretur, secundum Hillelem pronuntiandum esse, et ex eo tempore constitutum fuisse, ut caedem mereret, qui in decreta Hillelis peccaret ^d. Puduit tamen dissensus huius doctiores quosdam inter Iudaeos, maxime MAIMONIDEM ^e, unde statuit, disputationem utriusque factionis non tam in re ipsa, quam in modo probandi fuisse positam. Id quod tamen vix admitti ab iis potest, qui loca Gemarae ea respiciunt, in quibus de dissensionibus utriusque familiae agitur; licet concedi facile queat, discipulos de longe pluribus inter se articulis disputauisse, quam magistros. Cuius memorabile exemplum in caussa diuortii passim viri docti afferunt ^f. Truculenti autem et ambitiosi animi fuisse Schammai, et in decisionibus suis austeritatem magis, quam benignitatem et indulgentiam secutum, adeo certum inter Iudaeos est, ut in prouerbum abierit: Perpetuo sit homo quiuis mansuetus sicut Hillel, neutiquam vero iracundus, ut Schammai ^g. Hinc de eius iracundia narratiunculas quoque quasdam excogitarunt, eo fine fine dubio exsculptas, ut Schammaeum prae Hillele deprimerent ^h. Eandem morum acerbiterat expressisse discipulos quoque eius Iudaei referunt ⁱ, ita ut Hillelianis non solum insidias struerent, sed et quosdam necarent, cuius tamen fides penes Iudaeorum sit magistros. Vixit autem Schammai splendide, cum opibus valde polleret, et facultatibus Hillelem longe superaret ^k. Aetate cum multo iunior fuerit Hillele, ultra eius mortem annos prorogasse videtur, ad senectutem enim venisse, R. ABR. ZACHVTH ^l testatur. De reliquis Schammai circumstantiis vitae parum nobis Iudaei scriptum reliquerunt, forte quod exosa esset eius apud

^b) Megilath Taanith, apud BARTOLOCC. T. II. p. 708. et WOLF. l. c. p. 826.

^c) Sanhedrin apud EVND. l. c.

^d) Gemar. Hierosol. ad Berachoth f. 3. apud LIGHTFOOT. opp. posth. p. 28. EZARD. ad c. I. Anoda Sara p. 334. GEIGER. p. 33.

^e) Praef. comm. ad Mischnam fol. 3.

^f) Io. SELDEN. de vx. Hebr. L. III. c. 20.

p. 330. LIGHTFOOT. opp. T. II. p. 290. GEIGER. l. c. p. 27.

^g) Conf. BUXTORF. Lex. Talm. f. 2086.

^h) GEIGER. l. c. p. 23. ex Maasch-Buch c. 14.

ⁱ) Loca eorum habes apud LIGHTFOOT. opp. T. II. p. 6. conf. rr. Schabbath c. 3.

^k) Loca talmudica exhibet GEIGERVS l. c. pag. 24.

^l) In Iuchasin p. 67. a.

apud Rabbanitas traditionum cultores memoria. Quod si Pollio et Sammeas apud Iosephum^m idem sunt, cum Hillele et Schammai, nominibus auribus Romanorum ab historico magis accommodatis, quod doctis quibusdam viris non immerito placuitⁿ, ex eius testimonio constat, Schammaeum non minus, quam Hillelem, graui odio in partes Herodis insurrexisse, huncque Schammaeo, interfectis postea iudicibus omnibus, ex singulari tantum gratia pepercisse, quod nimirum, cum Hierosolyma ab Herode et Sosio oppugnaretur populo Herodem in urbem admittendi auctor fuerit, propter peccata eos dominationem illius effugere posse negans.

§. XXXVI. Meliori iure in historia philosophica enarrari potest Philo, ex Iudaeis Aegyptum incolentibus homo Alexandrinus^o, e nobili inter suos et sacerdotali familia natus; fratrem habuit Alexandrum Lyfimachum^q, Alabarcham Alexandrinum, id est vectigalium magistrum^r, quod ex praecipuis Alexandriae muneribus fuit. Quo tempore editus sit in lucem, nullibi indicauit, ex eo tamen, quod Caio Caligula imperante iam aetate prouectus fuit, et canos habuit, recte concluditur, ante natum Dominum Iesum Christum natales habuisse^r. Quamuis autem Iudaeus effet, ad Graecanicam tamen eruditionem, quae laetissimis incrementis Alexandriae florebat, adolescens mature adductus, et non tantum ad eloquentiae sophisticae praecepta formatus, sed philosophiae quoque Graecae mysteriis imbutus est. In utroque autem eruditionis genere cum Plato super omnes fere philosophos inter Aegyptios laudaretur et commendaretur, eius potissimum et eloquentiam et philosophiam

H h h h h 3

philam

^m) Antiq. Iud. L. XV. c. 13. p. 541.

ⁿ) Vid. laudatos Wolfio l. c. p. 827. add. ZELTNER. diss. de Alexandra p. 36.

^o) Hieronym. Cat. Scr. eccl. c. 12. SVIDAS in Philo T. III. p. 613. Photius Cod. CV. p. 151.

^p) Iosephus Antiq. Iud. L. XVIII. c. 10.

^q) Vectigalia ex iumentis in Aegyptum ex Arabia adductis colegebat Alabarcha, quae vox occurrit etiam apud Ciceronem ad Attic. L. II. ep. 6. et Iuvenalem Sat. I. v. 129. 130. ubi rectius pro Arabarcha legitur Alabarcha, vid. comm. ad h. l.

^r) Philonem A. C. XL, imperante Caio Caligula iam prouectiori aetate fuisse certum est, natalis vero annus ex aliis demum locis colligi debet: habetque momentum ea quaestio in controuersia: vtrum Therapeutae fuerint Christiani, nec ne? Vestigia vero, quibus exquiri potest, quo circiter tempore Philo natus sit, haec sunt: 1. Indubitatum est, eo tempore, quo legationem pro populo suo ad imperatorem Philo obiit, iam senem fuisse. Ita enim orationem orditur: „Quousque tandem nos senes erimus? pueri, „corpore quidem per aetatem cani, animo vero „propter imperitiam infantes? etc.“ Ex his recte inferitur, cum haec A. C. XL scripta sint, ante natum Seruatorem Philonem debuisse nasci, et minimum viginti annis prius natum fuisse,

quam Seruatorem, si sexagenarius canos iam habuit. 2. Scribit porro de special. legibus L. II. p. 776. „Fuit olim tempus, quando philosophiae vacans, contemplationique mundi et eorum, quae mundo continentur fruebar, operatis ac beatis mentis deliciis etc.“ Ex his patet, longum a iuuentute spatium tum intercessisse, qua philosophiae studia excoluerit. 3. Scripta vero de Essenis et Therapeutis, siue quod omnis probus sit liber, et de vita contemplatiua, ad quae l. c. respicit, confecit ante iter Romanum: meminit enim in priore, ciues Xanthi sua incendio comburere, quam Bruto se dedere, maluisse, tanquam rem recentis memoriae, quae inter A. V. C. DCCIX, quo Caesar interfectus est, et A. V. C. DCCXII, quo Brutus e vita excessit, accidit; unde iterum sequitur, hos eum libros mature in iuuentute scripisse, eamque incidere in tempora triumuiratus Romani. Quibus suppositis, et euictis, necessario sequitur, Philonem non tantum ante C. N. in lucem editum fuisse, sed et hos libros, seu specimen philosophiae suae ante C. N. scripisse, adeoque per Therapeutas Christianos intelligere non potuisse, cum eo tempore in Aegyptum nulla peruenerit de Christo praedicatio. Conf. BASNAGE Hist. des Juifs L. II. c. 22. p. 597. seqq. BOVHIER. l. supra c.

phiam sibi imitandam proposuit, tam felici euentu, vt apud veteres in prouerbium abierit, aut Platonem philonizare, aut Philonem platonizare¹. Qua vero ratione id fecerit, quamque viam elegerit, ex indole eruditionis Iudaicae, maxime vero philosophiae Graecanae inter eos receptae, iudicandum est. Supra enim docuimus, a Ptolomaeorum ad Iudaeos transiisse, earumque ope philosophiam quoque Pythagorico-Platonicam sensim inter hanc gentem fuisse introductam; ne vero profanis scriptoribus et philosophis honor haberetur, vel Iudaeorum ambitio minueretur, ita ad se suosque fontes philosophiam exoticam traxisse, vt legis arcanum sensum esse, a maioribus acceptum, contenderent, illum vero allegoriarum vsu explicari posse dicerent. Quo semel posito, facilis fuit occasio philosophiam gentilem legi affricandi, et exculpendi ex ea, quaecunque noua iis placuissent. Sed et hoc supra ostendimus, ipsam quoque philosophiam Pythagorico-Platonicam integram puramque in Aegypto non mansisse, sed illata in illam esse multa ex orientali philosophia, praesertim in ea parte, quae de Deo et diuinis praecipit. Hanc philosophiam, cum ea se valde Aegyptiis commendauisset, elegit quoque Philo, eo quod melius atque elegantius ceteris sectis de Deo tradere videbatur. Domesticae itaque eruditionis non satis gnarus, parumque in lege et scriptura eruditus², cum simplicia et aperta nausearet, legis literam ad hanc pseudo-philosophiam detorsit, et ne Platoni honorem eum concederet, Mosi haec mysteria adscripsit, et nefanda audacia per allegorias sacra oracula tota peruertit³. Maxime vero, verisimile est, instituta philosophica Iudaeorum platonizantium, quae inter Essenos et Therapeutas tum vigeabant, eum ad hoc studii philosophici genus impulisse, et licet solitarium vitae genus propter rationes suas priuatas excolere non posset, attamen eorum philosophandi methodum fuisse imitatum. Id quod satis euincunt ea, quae de vtraque secta in eius laudem scripsit⁴, et alio loco⁵ de studiorum suorum ratione differit, quae ita comparata sunt, vt Therapeutarum imitatore facile agnoscas. Dabimus ipsa PHILONIS verba, vt interponere iudicium suum ipse lector queat. *Fuit olim tempus, quando philosophiae vacans, contemplationique mundi, et eorum, quae mundo continentur, fruebar optatis ac beatis mentis deliciis semper consecretando diuina praecepta, et oracula, quibus satiari prae auaritia nimia non poteram, his tantum me oblectans, humile autem nil sapiens, gloriam,*

¹) Vid. IOSEPH. Antiqq. Iud. L. XVIII. c. 10. EVSEB. Hist. eccles. L. II. c. 4. p. 43. c. 18. p. 58. Praepar. Euang. L. VII. c. 12. p. 322. SVIDAS loc. cit. alique, quorum testimonia probe notanda sunt.

²) Id post SCALIGERVM elench. trihaeres. c. 18. passim in Philone notatum est, vid. ED. BERNARDVS apud GVIL. CAVEVM Hist. liter. Script. eccl. ad A. C. 40. P. II. quod displicet FABRICIO Bibl. Graec. Vol. III. pag. 105.

Quaecunque autem fuerit Hebraicae literaturae apud Philonem conditio, illud eius scripta legentibus, manifestum esse putamus, multis eum in locis satis crassam legis Mosaicae ignorantiam prodere, id quod in homine, in gentiliu scholis educato euenire aliter non potuit.

³) Conf. PHOT. Cod. CV. p. 150. qui eum primam causam fuisse illati per Origenem Christianae ecclesiae studii allegorici, conqueritur.

⁴) Il. cc.

⁵) De special. legib. p. 769.

riam, opes, voluptatesque fastidians, et velut in sublime raptus diuino spiritu lustrabam animo solis lunaeque cursus caeterorumque orbium coelestium, interdum deflectens ab aethere ad terram mentis oculos, tanquam e specula considerabam terrestria negotia cuncta, quae nullo sermone explicari possunt facile, multum me iudicans, qui fortiter euasisssem tot calamitates mortalium. Haec in sequentibus latius persequitur, et solita eloquentia se ciuiliū negotiorum fluctibus immersum et iactatum, enatare non valere, attollere tamen oculos ad pristina iuuentutis studia, et vbi interdum se pura lux offerat, vel brevis tranquillitas ex tumultibus rerum ciuiliū, tunc tanquam alatum tantum non per aëra volitare, aspirante aura scientiae, quae se saepe incitet, vt ad se transugiat &c. Ex quibus luculenter patet, fanaticam istam philosophiam, quam inter Therapeutas cultam esse ipse nobis tradit, proram puppimque studiorum eius fuisse, quamuis instituta istorum theoreticorum imitari non licuisset. Illa ipsa tamen eruditio et eloquentia, quibus se vnice delectari ait, eum ciuilibus negotiis immerfit, et a contemplatione abstraxit. Saepius enim a gente sua in maximi momenti negotiis adhibitus, legationem etiam pro ea ad imperatorem Caium Caligulam suscepit, apud quem Alexandrini per Apionem grauiter Iudaeos calumniati fuerant ^a. Etsi autem legatio irrita fuit, eam tamen scripto comprehendit, et eruditionis, ingenii, prudentiae et virtutis specimen luculentissimum in ea reddidit. Post Caligulae tamen excessum elegans apologia sub Claudio in senatu Romano lecta est, si fides EVSEBIO ^b. Cum secunda vice sub Claudio Romam venisset Philo, locutum fuisse cum apostolo Petro, eiusque amicitia gauisum fuisse, veterum nonnulli, EVSEBIUS, HIERONYMVS ^c, alique asseruerunt, quos multi ex recentioribus secuti sunt, illi praecipue, qui Therapeutarum nomine, Christianos ascetas descripsisse Philonem contendunt. Immo fuerunt, teste PHOTIO ^d, qui Christianis eum sacris initiatum, ab his tandem dolore quodam atque iracundia desciuisse dicerent. Ast falli hos, facile demonstrari potest. Vt enim quaestionem non moueamus, vtrum Petrus Romae fuerit, et hoc tot veterum testimoniis concedamus, illud certum et exploratum est, ante Neronem imperantem Petrum urbem non vidisse: sub Herode enim adhuc in Iudaea vixit, et post eius demum mortem Antiochiam secessit, diu-

^a) Conf. BASNAGE l. c. p. 600. seqq.

^b) Videndus ipse de hac legatione ad Caium p. 992. et IOSEPHVS Antiqq. Iud. L. XVIII. c. 10. p. 649. Cum inter Iudaeos et Graecos Alexandriae magnae lites et seditio inde exortae essent, terni ab vtraque parte legati ad Caium imperatorem missi sunt. Apion vero Alexandrinorum legationis princeps, multa in Iudaeos iactauit crimina, interque cetera, quod Caesarem non prosequerentur debitis honoribus, eo quod nec staruis, nec iureiurando per eius nomen eum colerent. Hinc vt responderet, apologiam parabat Philo, e legatis Iudaeorum potior.

Sed repulsus est a Caesare, iubente illum abire, et vix per iracundiam temperante ab iniuria, ita vt conuiitio eiiceretur. Addit HIERONYMVS l. c. de vita sub Caio periclitatum fuisse, quod omnino de insaniens imperatoris furore credibile est. Conf. qui plura de hac legatione dabunt TILLEMONT. Hist. imper. T. I. p. 674. seqq. BOECLER. diff. Acad. X. p. 380. seqq.

^b) H. E. L. II. c. 18. subdubitar tamen FABRIC. Bibl. Gr. Vol. III. p. 115.

^c) II. cc. Qui tamen non negant, rumorem vulgi se sequi.

^d) loc. citat.

diuque ibi vixit, vt D. LVCA S narrat. Hoc interim tempore Philo Romae fuit, adeoque ibi innotescere diuo apostolo non potuit. Christianis vero sacris eum addictum fuisse, cum solo Eusebii testimonio constet, quem reliqui exscripserunt, nemo cautus crediderit. Aliter de eo I O S E P H V S ^e scripsit, qui totum nobis Iudaeum depingit, quique eum *προσφῶτα τῶν Ἰουδαίων τῆς πρεσβείας ἄνδρα τὰ πάντα ἐνδοξόν*, *primum et potissimum legationis Iudaicae, virum omnino clarissimum* non vocasset, si vnquam ad Christianos transiisset: eo enim tempore, quo Iosephus scribebat, Philo iam ad plures abierat. Recte quoque vrget BASNAGIVS ^f, nihil, quod Christianum sapiat, reperiri in Philonis scriptis, adeo vt ne semel quidem Christianorum meminerit, quod non omisisset, si eum D. Petrus ad Christianam fidem reuocasset. Fuisse Philonem virum doctissimum, et praecipue Graecis literis, maxime vero philosophiae Graecae notitia accurate imbutum et scripta eius loquuntur, et veteres viderunt suntque fassi. EVSEBIO ^g *verbis copiosus, sententiis locuples, in diuinis scripturis explicandis altus, inque sublime se tollens, variamque et multiplicem sacri eloquii interpretationem pertexens*, dicitur. HIERONYMO ^h *opera eius praeclara et innumerabilia* audiunt; vt aliorum de eo iudicia laudibus eum extollentia taceamus ^b. Non desunt tamen, quae in eo culpant viri docti, nempe linguae maiorum et Hebraismi prorsus ignarum, mystem potius, quam theologum, philosophum non sacerdotem esse, qui cum Alexandriae natus educatusque fuerit, scholae Platonicae doctrinam et ingenium penitus imbiberit, et mordicus retinuerit, omnia fere, obtorto licet collo, huc trahens. Hinc natam ei *ἐν ἐνδοξαστικόν*, et mysticam philosophandi rationem, reconditas et supercoelestes speculationes, hinc Mosaica Platoniciis immixta, Deique dogmata ad Academiae sensum explicata; hinc nouas et subtiles ratiunculas solerter excogitatas, vndique conquistas, a summi legislatoris mente quam maxime alienas; Hinc ineptas ac pueriles allegorias, absurdas longiusque petitas allusiones vtramuis facere paginam, comta, arguta, detorta interpretamenta, quibus diuina eloquia totamque legis Mosaicae faciem foede inquinauerit. Ita GVIL. CAVEVS ⁱ, cuius iudicium roborauit V. C. EDVARDVS BERNARDVS ^k. In quo licet disputari possit, an tanta fuerit in Philone Hebraicae linguae ignorantia, quantam viri docti putant ^l, illud certum est, allegoriae studium, quod sacrarum literarum interpretationem valde corruptit, et mala multa Origenis industria in ecclesiam introduxit ^m, defectum iudicii et eruditionem superficialiariam magis, quam solidam prodere. Id quod Celsus

^e) loc. citat.

^f) loc. cit. p. 579.

^g) loc. cit.

^h) Conf. quae collegit THOM. POPE-BLOUNT. censur. cel. auctor. p. 102.

ⁱ) CAVE Hist. lit. Script. eccles. p. 14.

^k) In epist. h. l. a Caueo inserta.

^l) Ita quidem FABRICIVS l. c.

^m) Haec ratio est, cur post PHOTIVM l. c. allegoriae studium in ecclesiam Christianam ex Iudaeorum consuetudine profluxisse contendat LIGHTFOOTVS opp. T. II. p. 149.

Celfus * ille iam obiecit, et Porphyrius quoque acerbè monuit †, et res ipsa loquitur. Vnde miratur E. D. BERNARDVS ‡, Origenem sequi potuisse, tam vanum auctorem. Ast mirandum non esse putamus, cum gentis suae mos et praeiudiciū, quod vtrique, Philoni et Origeni Alexandrinis, infedit, malam hanc consuetudinem pro summae eruditionis specimine commendauerit, et vterque eidem philosophiae generi, quod sine allegoriis constare non poterat, fuerit addictissimus. Quamvis autem idem vir doctissimus, cultu philosophiae Platone eum minorem esse, quam aetate, iudicet, et nihil se extra triuium in illo commentatore legere fateatur, dignum nihil Platonis discipulo videat: non inuiti tamen concedimus, Philonem Platicum non infeliciter expressisse philosophum, at Alexandrinum, id est talem, qui a genuino Platonis systemate subinde recefferit, et aliena ei dogmata affuerit. In plerisque tamen Platonem eum secutum fuisse, non tantum quoad dicendi rationem, verum etiam quoad dogmata Academiae potiora, viderunt iam veteres, qui Philonem platonizare iudicarunt. Quare non audiendus est IONSIVS §, qui magno studio euincere conatus est, Philonem Platicum non fuisse. Ad cuius rationes doctè solideque respondit, et Platonismum Philonis demonstrauit ὁ πᾶν Io. ALB. FABRICIVS ¶: id quod fecit quoque IOANNES CLERICVS †, et imprimis Cel. MOSHEMIVS §, qui accurate monuit, Philonem fuisse Platicum Alexandrinum, id est, reformato Platonismo addictum. Illud enim ante omnia in hac quaestione de Platonismo Philonis notandum, philosophiam Platicam a prima conditoris auctorisque sui facie in Aegypto valde degenerasse, et placitis alienis, maxime ex philosophia Orientali et Aegyptiaca itemque ex syncrētistarum in Aegypto studio, ortis et Platonicae doctrinae illatis fuisse adulteratam, Philonem etiam more ciuium suorum vt Platonem Mosaicum discipulum et philosophum esse ostenderet, et sic genti suae Platonicae sapientiae gloriam vindicaret, allegoriarum ope multa detorsisse, sicque aliena lumina Platicis dogmatibus intulisse, scatere quoque iis vitiis, quae in syncrētistis plerumque solent obseruari, vt male cohaerentia inter se confarcinet, et veros sensus corrumpat. Hoc de Philone negabit nemo, qui eius scripta cum cura euoluerit, et cum Platicis contulerit: hocque sensu si quis inficietur, Philonem esse Platicum, nempe purum et genuinum, non morose refragabimur *.

Verum

* ORIG. ad Celf. L. IV. p. 204.

† Adu. Christi. L. III. apud EUSEB. Histor. eccles. L. VI. c. 19.

‡) loc. cit.

§) De Script. hist. philos. L. III. c. 4. p. 225. quem secutus erat B. BVDDEVS Introd. in histor. philos. Hebr. §. 18. p. 80. §. 32. p. 216. mentem tamen mutauit in noua editione. Ioannem van der Wayen his non accurate satis iungit CLERICVS epist. crit. VIII. p. 210.

¶) In diss. de Platonismo Philonis, Lips. 1695. recusa in Sylloge dissert. p. 150. seqq.

§) loc. cit.

†) Ad CVDWORTHII Syst. intell. p. 641.

§) Huc respexisse videtur PETRVS ALLIXIVS in iudicio ecclesiae Iudaicae contra vnitarios c. XXIII. p. 354. qui eum Potamonicum, siue eclecticum fuisse putat. De qua opinione quid sentiendum sit infra dicemus.

Verum de eo quaestio haud est, sed de eo proprie quaeritur, vtrum Platonismum reformatum, qualis in Aegypto circa tempora exorientis salutis mundi vixit, Philo professus fuerit? Quod qui negat, eum vel non intelligere oportet, quid Platicum sit, quid non, vel Philonis scripta nunquam legisse, adeo scholae huius placita vbique prodit. Quod facili quidem labore ex ipsis Philonis scriptis lector colligere potest, cum omnes ferme paginae id loquantur, vt tamen a taediosa scriptoris nugis suis parum grati lectione liberemus lectorem, pauca dabimus Platonismi Philoniani specimina. Nam I. Platicum esse dogma de ideis, et quilibet eius philosophiae gnarus intelligit, et Atticus Platicus apud EVSEBIUM * testatus est, cardinem eius systematis in hoc dogmate verti, et a nobis peculiari tractatione ^v luculenter demonstratum est. At hunc Platonicae philosophiae apicem vbique respicit Philo, inque eo est totus, vt non Mosen tantum idearum Platicarum nobis exhibeat studiosissimum, sed et ipsum Deum secundum ideas in condendo mundo operatum fuisse asserat. Testem volumus librum eius *de opificio mundi* ^z, quem si sequimur, Plato totam suam metaphysicam ex Mose petiuit, adeo Platicas nugas sancto vati vbique tribuit. In id enim more gentis suae vehementer propendebat Philo, vt demonstraret, pulcherrimam illam philosophiam, quam in Platonis schola regnare putabat, totam a Iudaeis et ab eorum vate ad Platonem fuisse derivatam. Hinc mundus idealis et intelligibilis Deo tributus, et dogma peregrinum Mosi adscriptum, cuius creationis historiam ineptus ad hanc commentationem philosophus explicare conabatur. Ita enim ^a: *Deus ubi pro sua deitate praevidit initamentum pulchrum non posse absque exemplari pulchro existere, nec sensibile quicquam reprehensionis expers fore, quod non archetypo intelligibilis ideae respondeat, postquam decrevit hunc sensibilem mundum facere, prius formavit simulacrum eius intelligibile, vt ad exemplar incorporei, Deoque simillimi corporeum absolueret mundum, recentiore hunc antiquioris effigiem, totidem complexurum sensibilibus genera, quot in illo intelligibilia. Mundum autem illum, qui ex ideis constat, nefas est, loco vlllo dicendo cogitando circumscribere.* Pluribus haec in sequentibus explicat, et exemplo architecti formam urbis vel aedificii condendi prius effingentis illustrat. At hunc mundum intelligibilem non tantum Platicum dogma esse, sed tale quoque, quod in Alexandrinorum scholis comtum, auctum et reformatum est, ex iis, quae supra de Alexandrinorum Platicorum philosophia diximus, abunde patet. Adeo vero insanit in hac re Philo, vnde in sequentibus ^b probare audeat, *mundum hunc intelligibilem nihil aliud esse, quam verbum Dei iam mundum condentis, et hanc Mosi opinionem esse, non suam: hocque verbum in principio* ideo

* Praep. eu. L. XV. c. 13.

^y) Hist. phil. doctrinae de ideis sect. I.

^z) Opp. p. 1. seqq.

^a) pag. 3.

^b) pag. 5.

ideo coelum generasse, quod purissima constet essentia et destinatum sit domicilium Deorum tam non apparentium, quam sensui patentium. Quibus verbis merito horremus, hominem Iudaeum fiderum et idearum deitatem cum Platoniciis affirmare Mosique tribuere maluisse, quam inepta praeiudicia sua dimittere ^c. Et ne saniori sensu intellexisse videretur, ipse sollicitè cauit addens ^d: *Conditozem ante omnia fecisse in mundo intelligibili incorporeum coelum, et terram inuisibilem, et aëris ideam et vacui, deinceps aquae incorpoream essentiam, itemque spiritus et lucem incorpoream, et exemplar solis intelligibile, omniumque stellarum.* Hi enim Dii non apparentes sunt, apparentium, solis, et stellarum archetypi. Eadem futilitate in sequentibus ^e procedit, et tam impie, tam absurde in hoc mundo intelligibili Mosi effingendo versatur, ut merito nauseam legentibus et impietatem detestantibus excitare aptus sit.

II. Eiusdem scholae Platonicae Alexandrinae, Pythagoreismum cum Platonismo coniungentis vestigia manifesta expressit, ordinem creationis, et dierum, quibus conditae sunt res visibiles omnes, ad numerorum et proportionum rationes Pythagoricas exigens. Ita enim, rationem redditurus, cur ante condita quarto die coelestia lumina, tertio die terram ornauerit conditor: *Haec est caussa, cur terra prior germinarit, et herbam protulerit, coelum vero post sit ornatum, in numero perfecto quaternario, quem denarii omnium absolutissimi caussam fontemque non falso dicere licet.* Quod enim actu est denarius, hoc quaternarius potentia esse videtur. Id ex rationibus arithmeticis et musicis, Pythagoreos secutus explicat, et concentum perfectissimum, ex diatessaron, diapente, diapasone et disdiapason exoriri ostendit, et quaternarii vim dictu cogitatuque mirandum commendat, et naturam solidi ex eo deriuat, quod ex puncto, linea, superficie et corpore constet, et potentiam ex his duo pulcherrimam consonantiae speciem exhibentem praedicat, et quaternionem totius coeli mundique generationi dedisse initium contendit, et ob hanc quaternionis vim et dignitatem conditozem, quarta luce coelum exornasse, infert. Quod qui Pythagoricum, qui Platonicum esse negat, Nicomachum, Iamblichum hisque similes nunquam legisse censendus est. Idem de septenario numero, quo mundus conditus est, garrit, quae tamen exscribere nolumus, ne grauedinem lectori prae tædio creemus.

III. Quamuis autem magnificis verbis creationis opus ad Deum referat Philo, caue tamen credas, genuinam Mosi philosophiam eum spirare, sed totus hic quoque Platoniam scholam sapit, et intolerandos errores patriis dogmatibus affricat. Nam *de mundo incorruptibili* ^f disputaturus, postquam Platonice statuerat, nec inter ea, quae sensu comprehenduntur, quicquam esse mundo absolutius, nec inter ea, quae mente percipiuntur, quicquam Deo perfectius, mundum autem

eum,

Iiii 2

^c) Conf. de vita Mosi p. 627. CLERICVS
l. c. p. 219.

^d) pag. 6.
^f) pag. 939. seqq.

^e) pag. 9.

eum, qui ex coelo terraque constet, esse dixerat, et corruptionem esse vel annihilationem vel in deterius mutationem monuerat; id ex ea potissimum ratione impossibile esse dicit: *quia sicut ex nihilo nihil fit, sic nihil corruptione redigatur in nihilum.* Quae ita roborat: *Nam ex non existente impossibile est quicquam fieri, et ens prorsus interire impossibile creditur, et ut tragicus ait: genitum nihil emoritur, sed transpositum ultro citroque, formam priorem alterat, adeo stultum est sollicitum esse de mundi interitu hoc quidem sensu.* Ex quibus recte colligit CLERICVS ^g materiam Philonem credidisse Deo coaeuam, siue ex Dei eduxerit gremio, siue coëxistentem fecerit. Quamvis enim ab Alexandrinis posteriorum temporum, immo et suae aetatis quibusdam, recte in eo dissentiat; apud Platonem genitum dici mundum, non quod habuerit generationis principium, sed quod, si factus est, non aliter, quam dictum est, fieri potuerit, quandoquidem partes eius generari et mutari videmus, recteque illis opponat verba Platonis et dissensum Aristotelis ab eo, ex quibus constet, mundum eum non credidisse ratione principii aeternum, cuncta tamen non ad materiam, sed ad mundum tantum transfert, eo quod ex scholis Platoniciis didicerat, ex nihilo fieri nihil. IV. Non vel meliora vel ἐξ ὁδοῦ ἄρτια sunt, quae in reliquis quoque Platonicae philosophiae vestigiis dedit ^h: *Deum quidem bona per se ipsum solum fecisse, quippe sibi cognata, mixtorum vero (id est eorum, quibus mala admixta sunt) creationem propriam ei esse et impropriam, propriam propter admixtam ei meliorem ideam, impropriam vero propter contrariam et deteriolem, quae nempe ex materia ortum habet: quam natura sua bono resistere, nec cogi posse, ut tota recta euadat a Platone didicerat.* In qua contrarietatis rerum et natiua certamina ante creationem vel formationem fuisse, et per eam cautum esse dicit ⁱ, ne perpetuis laboraret dissidiis et seditionibus, neue bellum pulsa pace praeualeret confuso in mundo ordine. Sunt et alia multa apud Philonem, Platonice scholam aperte redolentia; e. g. causam mundi esse Dei bonitatem, quae materiae essentiam largita est: fuisse solem intellectualem ante solem intelligibilem; obiecta sapientiae et philosophiae esse res increatas et intelligibiles, et per earum considerationem duci ad contemplandum regem aeternum. Mundum item per ministros conditum, etc. quibus tamen, ne prolixi euadamus, inhaerere amplius non licet ^k. V. Duo tamen dogmata hic praeterire non licet, quae in manifesta luce Platonismum Philonis ponunt, doctrinam de anima, et de principis diuinis. Et de anima quidem ita praecipit: *Inesse homini duplicem animam, vnā spirituales et rationalem ex Deo profectam, alteram irrationalem, illam sedem habere in capite longissime a terra habitantem, et ad aetheris coelique nunquam interituros alligatam ambitus,*

^g) loc. cit.ⁱ) De opif. mundi p. 6.^h) pag. 16.^k) Conferendus de his FABRICIVS l. c.

tus, huic corporis nostri partem insensatissimam longeque a ratione secretam pedes ceu radices ad terram sedem applicatam fuisse ¹. Animam nostram tripartitam esse, mentem siue rationem, iram et concupiscentiam ^m; harum autem sedem esse pectus atque ventrem, illius regionem caput esse ⁿ. Harum cuique appositam esse virtutem propriam, rationali prudentiam, irascibili fortitudinem, concupiscibili temperantiam ^o. In anima, quae est cerae similis, omnes formas contineri potentia ^p. Animam saepe a se ipsa moueri, emergentem e tota mole corporis, et e turba sensuum profugientem, nonnunquam etiam vestitam sensibus: Sed nudo motu tantum intelligibilia comprehendere, amictam vero sensibilia ^q. Animam corporis affectibus, tanquam aequore mergi ^r. Quatuor esse affectus animae, duos circa bonum praesens aut futurum, gaudium et concupiscentiam, duos circa malum instans aut futurum, dolorem et timorem ^s. Philosophum curam gerere eius, quae in se, viuit animae, neglecto mortuo corpore, non aliud spectantem, quam ne quid optimae anima patiatur a colligato sibi malo corpore ^t. Rationalem animam contra irrationalis ignorantiam et cupiditates bellum suscipere ^u. Animae mortem virtutis esse carentiam, vitamque cum vitio ^x. Animam sortitam vires inuincibiles, et absolutam in virtutum exercitiis affectamque metam honestatis ultimam non se iactantius efferre ^y etc. Haec vel leuem et superficialiam Platonicae philosophiae notitiam poscunt, vt ex ea intelligatur, quam recte dixerint veteres Philonem platonizare. VI. Nullibi vero magis Platicum fermentum Philo prodidit, quam in doctrina de Deo, de quo ita praecepit, vt difficillime hominem Iudaeum, prima vero facie philosophum Platicum Alexandrinum agnoscas. Et de immensitate quidem Dei ita loquitur, vt Platonem eum magis secutum esse, quam Mosen, quilibet intelligat. Quamuis enim interdum sobrie loqui videatur, Deum, fatendo ^z implere omnia, non contentum, sed continentem qui solus vbique simul et nusquam sit, nusquam, quia ipse locum et regionem creauit vna cum corporibus, nec fas est auctorem intra vllam suam creaturam includi: Vbique autem, quia potentiis suis per terram, aquam, aërem, coelum extensis nullam mundi partem destituit, sed omnia inter se inuicem adstringit vinculis quae videri nequeunt; quo nomine inter orthodoxos Dei confessores Philonem numerat CVDWORTHVS ^a; alibi ^b tamen diferte Deum locum facit, eo quod omnia contineat, et a nullo prorsus contineatur, et omnibus ad eum refugium pateat, et quia solus sui capax est, se ipsum explens

Iiiii 3

et

1) Quod det. potiori insid. soleat p. 170.

m) De confus. ling. p. 322.

n) Ibid. et de legis alleg. p. 53.

o) Ibidem.

p) Ibid. p. 59.

q) De Abrahamo p. 371.

r) De agricult. p. 200.

s) De migrat. Abrahami p. 421.

t) Alleg. leg. p. 74.

u) De eo quod det. inf. pot. p. 155.

x) Ibid. p. 168. De profugis p. 460.

y) De somniis p. 585.

z) De confus. linguar. p. 339.

a) Syst. intell. c. V. f. III. §. 8. p. 1013.

b) Allegor. leg. L. I. p. 48.

et continens. Ex quibus verbis, quae aliis Philonis locis illustrat Cel. MOSHEMIVS ^c, recte infertur, Philonem more Platonicorum Deum habuisse pro anima mundi omnia continente. De quo ne dubitemus, en ipsa Philonis ^d verba: Θεὸς ἐγκεκλόπιται τὰ ὅλα, καὶ διὰ τῶν τῶ πάντων μερῶν διελέλυθε. *Deus sinu suo complectitur omnia, et per omnes meat universitatis partes.* Nec hic obiici potest, incommode tantum loqui de abstrusissimo argumento Philonem; nam non affectata tantum verborum sublimitate eum ita de Deo loqui, sed ita vere statuisse, ex toto eius philosophiae systemate recte demonstratur. De diuinis vero principiis ita quidem subobscurus et inconstans est, ut quid de eius mente statuendum sit, ipsi viri docti ignorent. Quibusdam enim veterum, et inter eos EVSEBIO ^e, trinitatem, quam Christiana profitetur religio, asseruisse, eamque ex Iudaeorum dogmatibus et traditione, siue Cabbala defumisse visus est, quas partes sequuntur etiam recentiores multi magni nominis et eruditionis viri ^f. Aliis in contrariam partem eundem esse visum ^g, qui ea, quae de hypostasibus in diuinis Philo habet, tantum de tribus perfectionibus in natura diuina intelligenda esse contendunt ^h. Sed et tertia sententia media quasi via incedit, et admisisse quidem Philonem tria principia hypostatica in diuinis, sed longe a Christianorum trinitate distantia asserit, nempe subordinata et sibi inuicem valde dissimilia, qua ratione docuisse quoque ceteros, sequioris commatis Platonicos suo loco ostendimus. In quibus trinitatis Philoniae explicationibus ponderandis et examinandis eruditionem et acumen maxime probauit Ven. MOSHEMIVS ⁱ, cuius obseruationes eo redeunt. I. Philonem ex eorum scriptorum esse numero, qui obscuritatem saepe numero consulto confectentur, tumque sibi sapientissimi videantur esse, quum subtilitatibus, quas nemo consequitur, ingenia excrucient, mirandum itaque non esse, viros alioquin doctissimos mentem eius parum recte nonnunquam cepisse, sententiasque ei nonnunquam tribuisse, a quibus, si obscuriora eius dicta cum clarioribus conferantur, plane remotus sit. Deinde duplex religionis genus eum statuisse, populare et philosophicum, et illud quidem putauisse ferendum in vulgo, et ne consultum quidem iudicasse, religionem prudentum in vulgus efferre: sed mysteria haec caute premenda et ab imperitorum oculis remouenda. Adeoque ea, quae ex vulgi opinione et theologia passim differit, ab iis probe distinguenda esse, quae ad secretiorem et arcanam, quam putabat, sapientiam et religionem pertinent ^k. Illa itaque loca expendenda esse, in quibus Philo

c) Ad l. c. Cudworthi.

d) loc. cit. p. 340.

e) Praep. eu. L. VII. c. 13. p. 312. L. XI. c. 15. pag. 533.

f) ALLIX l. c. IO. VAN DER WAYEN de λόγῳ Ioannis adu. Clericum, RICH. KIDDER. demonstr. Mess. P. III. c. 5. 6. p. 246. BVLLVS def. fid. Nic. Sect. I. c. I. §. 16. CUDWORTH.

l. c. p. 640. GROTIUS de V. R. C. L. V. c. 21. aliique.

g) SOUVERAIN Platonisme dévoilé c. II. p. 98. BASNAGE Hist. des Juifs L. IV. c. 5. §. 9. p. 112.

h) PETAV. dogm. theol. T. II. L. I. c. 2. p. 19. CLERICVS loc. cit.

i) Ad CUDWORTH. l. c. p. 640. seqq.

k) De sacrif. Caini et Abelis p. 139.

Philo popularem religionem ad scita virorum intelligentium reuocat, et praecepta religionis popularis ad rationes sublimioris theologiae accommodat. 2. Ea vero loca si considerentur, certum esse, Philonem non tam triadem, quam quaternionem in diuinis admittere, et supra triadem, quam inducit, naturarum diuinarum summum et principem Deum collocare. Id ex loco Philonis satis luculento ¹ probat vir doctissimus, in quo praeter Deum summum, principem supremum tria numerat, verbum illius summi principis, et potentias creatiuam et regiam: ex quo concludit frustra eos esse, qui Philonianam triadem cum Christiana conspirare asserunt. 3. Quod vero ad istas tres naturas attinet, fatendum esse, ita de binis posterioribus, quas Deum et regem appellat, loqui Philonem, ac si pro veris ab eo personis habitae fuerint. Ast haec ex vulgi opinione differuisse, dubium nullum esse, patere vero ex aliis locis, vbi popularem doctrinam religione sapientum virorum velut temperet, aut alteram ex altera interpretetur, naturas has non esse personas, sed virtutes tantum et perfectiones diuinas, quas personarum habitu sistat amictas. Dicere enim ^m: Deum Abrahamo *τρίτῃς φαντασίας* triplicem imaginationem, et quidem in anima sensitua, cum illi tribus personis appareret excitasse; ex quo sequatur, tres tantum fuisse animae notiones aut imagines, quae in parte animae sensitua crearentur. Binas nempe has naturas eum vocare bonitatem et potentiam, quae personae a Deo distinctae esse nequeant. Id quod latius vir doctissimus exsequitur, et huc ista potissimum Philonis verba aduocat, quibus ait ⁿ: *Medius est ille pater omnium, proprie nominatus in sacris literis: Qui est: vtrumque latus claudunt antiquissimae et proximae eius, Qui est, potentiae, quarum altera opifex, altera regia vocatur: illa Deus per quem condita dispositaque sunt omnia, haec vero Dominus.* His verbis monet, tria illa nomina vnus Dei, Iehoua, Elohim, Adonai, ad tres illas relationes, quibus vnus Deus tripliciter consideratur, referri, nempe ad naturam illam, quae per se ex omni aeternitate existit, ad conditorem vniuersi, denique ad regem et gubernatorem. Id vero in sequentibus verbis clare prodi, quae hic quoque, vt lectoris commoditati inseruiamus, integra damus: *Atque ita medius ille, vtrinque stipatus suis potentiis, perspicaci menti nunc vnā, nunc tres imagines exhibet, vnā quando exactissime purgata anima, nec solum ceteram numerorum multitudinem, sed et vicinum vnitati binarium supergressa, ad illam simplicem, sinceram, nullius omnino indigam ideam properat, tres vero, quando nondum magnis initiata mysteriis, adhuc minoribus operatur, nec potest eum, Qui est, sine alio, per se solum comprehendere, sed per ipsius acta, aut conditorem, aut regem omnium. Est autem haec secundaria nauigatio non aliena tamen a pia sententia.* Addit, his alium locum, non minus luculentum, vbi scribit: *Haec quicumque audiet, - - esse Deum,*

¹) De profugis p. 465.^m) De sacrif. Cain. l. c.ⁿ) De Abrahamo p. 367.

Deum, praeesseque rebus, et hunc unum esse, qui vere sit, et ab ipso mundum conditum credi oportere, postremo numquam non gubernari eum ab opifice suo, is beatam, felicemque vitam acturus est. 4. Quod vero λόγον multoties a Philone in partes vocatum attinet, vocabulorum et nominum, quibus hoc verbum Iudaeus variis in locis ornat, eam vim et potestatem esse monet, ut si ex usu ex recepta loquendi consuetudine aestimentur, notionem personae summo licet Numine inferioris et minoris in animis pariant. Audire enim ipsi λόγον ἀρχαγγελον medium inter γεννητόν et ἀγέννητον, qui legati diuini munere apud homines, et vicissim obsidis et conciliatoris partibus apud Deum fungatur. Quod si tamen umbrae dissipentur, quibus dictionem suam obscurauerit Philo, vehementer metuere se, exactis his locis ad alia, quae minus figurarum habent, ne idem dicendum sit de λόγῳ, quod de binis illis potentiis dictum sit. Quod enim dicat, verbum esse imaginem Dei, referri ab eo ad mundum intelligibilem, ad cuius archetypum mundus sensibilis conditus sit. Ast hoc si verum sit, non posse λόγον esse personam, cum inter ἀρχέτυπον et ἔκτυπον debeat esse relatio, et ita intelligibilis idea omnium rerum sensibilium in isto verbo esse debeat, nec verbum esse queat genius, spiritusque huic nostro mundo similis. Patere etiam ex libello *de opificio mundi*, λόγον esse illam idearum intelligibilium seriem, quam tanquam exemplar in condendo mundo Deus intuitus est: faterique ipsum Philonem λόγον, κόσμον νοητόν, formam speciemque mundi idem esse, quod Deus animo conclusum habuerit, priusquam constructionem eius moliretur, esseque verbum Dei ita affectum ad mundum illum intelligibilem, sicut ratiocinatio architecti affecta est, ad formam urbis construendae, quam in animo impressit, quae distincta reapse inter se non sint. Tandem ad dictionem Philonianam prouocat vir eruditissimus, et luculento exemplo ostendit, nullum scriptorem esse, qui meteoris, quae vocant, orationis magis abundet, sine illis vero figuris considerandum et intelligendum esse monet. Hactenus vir praestantissimus, qui cum causam hanc prolixè enarrauerit, omnino ipse audiendus erat. Nec refragamur, si quis rationibus eius manus dandas esse coniecerit: etsi enim reperi posse quaedam facile videbit, qui Philonem secum vbique conferet, fatendum tamen est, in tanta Iudaei huius obscuritate et improprio figuratoque dicendi genere, quod vbique sequitur Philo, difficile esse, certi atque perspicui aliquid definire. Quod si tamen pace viri magni et nostram qualemcunque sententiam, ut instituti nostri legibus pareamus, afferre liceat, quartam nos trinitatis vel quaternionis potius, ut rectissime vir doctissimus monuit, expli-

o) Disputatum de huius λόγου Philoniani significatione est a viris doctis Io. VAN DER WAYEN, ELL. BENOIST. aliisque contra CLERICVM, ex quo ille in comm. in Io. I. 1-18. asseruerat, Philonianis φιλοσοφουμένοις suam de λόγῳ sententiam opposuisse S. Iohannem, conf. B. Io.

FRICKII diss. de λόγῳ adu. CLERICVM, Io. LAMIVS V. C. de SS. Trinit. aduers. Cleric. Otium Vind. Mel. I. p. 124. et quos ibi laudauimus.

p) Maxime ea premendo, quae de λόγῳ Philo habet.

explicationem eligendam esse existimamus; quae eo tendit: Philonem ita explicandum esse, vt statuat: Deum quidem supremum omnibus principiis diuinis superiorem in infinito lucis oceano demersum esse, ex eo vero ad condendum et regendum regnum suum tres emanationes diuinas, hypostaticas, et secum quidem ratione essentiae vnitas, aut ratione substantialis existentiae distinctas a se, expulisse emanatione diuina. Hisce vero in emanationibus principem locum tenere λόγον, siue intellectum diuinum, qui cum rerum omnium ideas in se habeat, et ad condendas res sensibiles ex Deo effluerit, creator mundi dici debeat. Esse hanc ipsissimam doctrinam Cabbalistarum, qui ex Or haënsoph tres supremas sephiras, per emanationem deriuant, et primogenitum siue Adam Kadmon in iis relucere regni diuini auctorem statuunt, ex iis constabit, quae infra de arbore Cabbalistica latius edifferemus. Hanc vero principiorum emanatiuorum trinitatem vt Philoni tribuamus, his potissimum rationibus ducimur: I. Ratio ex his constat, cur quatuor in diuinis, non vero tria tantum principia Philo posuerit, nempe vt fontem omnium rerum, quae ex Deo emanarunt, ipsorumque principiorum triadis ostenderet. Sine hac enim obseruatione ratio dari non potest, cur verbo illi diuino, et potentiae creatiuae, et potestati regiae, praefixerit principem summum. II. Respondet quoque haec explicatio circumstantiis Philonis. Is in Aegypto philosophiam Pythagorico-Platonicam didicerat, sed talem, quae ex philosophia Orientali reformata et emendata, vel potius adulterata erat. Huius philosophiae summa cum esset systema emanatiuum, illud ita recepit schola Platoniorum Aegyptiaca, vt ex Deo primo priore, et infinito luminis aequore, tria potissimum principia emanasse statueret, vt supra luculenter euictum. Idem recepisse Iudaeos quoque, nec aliud velle doctrinam Cabbalisticam de sephiris et homine primogenito infra demonstrabimus. Philo itaque cum Iudaeus fuerit, et quidem ex eorum numero, qui philosophiam gentilem sacris doctrinis infarserunt, cumque in Aegypto philosophiae operam dederit illi, quae ex orientali hunc in modum attemperata fuit, cur non quaeso, hunc Aegyptiacae scholae alumnum eodem plane sensu de diuinis statuiffe dicamus, quo tota schola statuit? Aut hoc si supponimus, patebit, Philonem per tria ista principia Deo primo-priori subordinata non quidem peculiare, essentia diuersas et separatas ab eo naturas vel personas intellexisse, verum non nuda etiam attributa, nomina et perfectiones vel munera, sed concepisse sibi sub iis tres emanationes reales virtutesque in diuina quidem natura radicas easque essentiae, vt riui fonti vnitas, sed peculiari tamen existendi operandique modo ab eo diuersas, quo sensu aeonas in Deo statuiffe Gnosticos supra euicimus, et sephiras in Deo statuiffe Cabbalistas infra dicemus. Qui cum et ipsi sephiras parzuphim, personas, vocitent, licet iis hypostaticam quandam personalitatem sensu Christiano non tribuant, manifestum inde est, conce-

concepisse sibi Iudaeos Aegyptiacos, philosophiam orientalem et Platoniam suis philosophematis coniungentes tertium eiusmodi principiorum diuinorum genus, quod medium inter personas et attributa vel proprietates tenet. Id quod, instituta inter Philonianam et Cabbalisticam doctrinam comparatione, ostendi quoque posset Philoni placuisse, si prolixis nobis esse liceret. III. Haec vero si admittimus, argumentis quoque et rationibus virorum doctorum satisfieri potest facile, quibus illi pro personis, hi pro attributis principiorum Philonis diuinorum pugnant, et simul explicari luculenter possunt loca ea, quae ex Philone afferuntur. Quae enim personae habitu induxisse haec principia ostendunt loca, manifeste docent suo modo et ratione peculiarem existendi modum haec principia emanantia habere, nec vt nuda attributa considerari posse. Quae vero cum Deo idem facere videntur, rationem inde suam accipiunt, quod ratione essentialitiae, originis, dependentiae, et vnitatis cum summo Deo, infinito illo rerum omnium fonte ita vniuntur, vt idem dicere videantur, et reuera, vi systematis emanatiui idem sint. Nec obstant nobis valde loca a Cel. Mo s h e m i o adducta, eo quod ex dictis facilis dari potest ad ea responsio. Pleraque enim cum ex improprio loquendi genere et allegoriis, quibus supra modum delectabatur Philo, ratiocinationem instituant, parum probant, cum vbique similitudini se valde improprie accommodet Iudaeus philosophus. Et primo quidem loco satis luculenter ex eo, quem nos dedimus, sensu Deum stipatum duabus *δυνάμεσιν ἀνωτάταις*, supremis potentiis dicit, et ita triplicem personarum imaginem in Abrahamo excitasse scribit. Annon hoc plus, quam nuda attributa, dicit, nempe supremas virtutes tales, quales aeonas dixere orientales? quae vbi apparent, tum demum personae habitum induunt, qualis *δύναμις ἀνωτάτη* Simon magus videri voluit. Eodem vero sensu in altero quoque loco dicitur, animam diuinæ lucis splendore repletam tres imagines vnus subiecti percipere, vnam ipsius rei, duas reliquas, tanquam vmbras ab ea redditas; eo quod Deum fontem emanationis hae non aliter, quam umbra solis lucem sequantur. Sicque et tertio loco a fonte primo, Deo, qui est, Deus opifex, et Deus rex, tanquam peculiare virtutes emanatiuae distinguuntur, et recte dicitur, animam plenissime purgatam ab his emanatiuis virtutibus ad ipsum omnium virtutum substantialium fontem properare, eumque sine alio per se solum comprehendere. Ita enim orientales quoque, Gnostici, Cabbalistici, et Alexandrini philosophi omnes docuerunt. Nec alia mens Philonis in vltimo loco fuisse videtur, quo Deum vnum esse dicit, qui condidit regitque omnia, nisi, virtutes has ex Deo emanantes, per quas Deus creauit omnia et gubernat, ita animari, radicarique in Deo, ex cuius natura essentialiter, licet subordinata quadam ratione, participant, vt ipse solus omnia condidisse regereque dicendus sit. *Λόγος* autem quem locum, si hanc explicationem sequamur, capiat in systemate Philoniano,

ex

ex dictis patet, et ex Adam Kadmon Cabbalistarum intelligi potest. Est enim virtus illa emanatiua Deo proxima, per quam mundum condidit et essentiarationibusque instruxit. Qui λόγος mundus intelligibilis ideo dicitur, non quod eadem in eo sint formaliter, quae in mundo sensibili, quod absurdum inde collegit vir eruditissimus, sed quod exemplariter et radicaliter omnia contineat, quae in mundo sunt sensibili: quemadmodum architectus persona esse potest, licet in intellectu eius sit exemplar totius urbis omniumque aedificiorum, quae conditurus est. Haec enim idearum multitudo, si Platonicos sequimur, simplicitati intellectus diuini, quem λόγόν Philo vocat, nihil plane derogat. Et hae quidem nostrae coniecturae sunt, quibus si virorum magnorum, nostris luminibus longe superiorum sententiam praeferre lectori placuerit, aequissime id feremus, rati in tantis hominis obscurissimi et tela araneorum neccentis muscasque captantis tenebris nobis sufficere, si palpare liceat, ignoscendumque nobis esse, si decipiamur. Ex his vero, quae prolixè de Platonismo Philonis disputauimus, facile cognosci potest, Philonem quidem inter Platonicos omnino referendum esse, verum non inter puros et genuinos, sed tales, quales Aegyptiaca schola genuerat, studio syncretistico, natua Platonis dogmata adulterantes. Ex eo enim ratio deriuanda est, cur interdum aliena a Platonis hypothesebus admisceat, et aliorum quoque philosophorum placita inspergat, quae se curiose explorauisse, multis locis prodidit, et elegantem eruditionem in Graecanicis literis ostendit. Reliqua quae contra Platonismum Philonis affert Ionsius, exigui sunt ponderis, et pleraque falsa: non habere enim scripta Philonis genium Platonis, et ἀντιψία refutat et iudicium veterum concors, quod Philonem πλατωνίζειν per prouerbum pronuntiauit, siue dictionis, siue rerum rationem habeamus, quas adulterauit quidem et alieniores a facie Platonica studio suo syncretistico reddidit Philo, ita tamen, vt vel mediocriter Platonismi peritus Platonicum agnoscat. Ex his vero eorum quoque opinio iudicari potest, qui Potamonicum fuisse putant. Quemadmodum enim Potamonis secta iunior est, Philonis aetate, vt supra demonstratum, nec eam vnquam habuisse asseclas legitur; ita non alio sensu Philoni tribui potest, nisi quatenus syncretismus Platonicus Philoni suo modo et ratione placuit. Nec alia ratio est, cur Platonis mentem Philo interdum peruertat, quam quod istud studium henoticum eum coegerit, ab eius mente deflectere. Audiendos enim illos non esse, qui non intellexisse Philonem Platonis scripta, nec accurate legisse, dicunt, viri eruditio, veteribus tantopere laudata, satis euincit. Ficulneum vero est, quod ex Iosepho contra Philonis Platonismum Ionsius vrget, vocare eum Iosephum philosophiae non imperitum, non vero Platonicum. Sufficiebat enim historico-contribulem ob Graecanicae philosophiae peritiam laudare, praefertim cum non tantum Platonica calleret, sed et reliquarum sectarum placita non igno-

raret. Iudaicam vero philosophiam tantum abest, vt Iosephus intellexerit, vt potius patriam eruditionem ad gentilis philosophiae modum exigat, ne suis laus philosophiae Graecae denegari posset. Quod si concedamus Ionsio, facere Iosephum ex Philone Essenum, eo quod de Therapeutis scripsit, ne sic tamen Platonismus eius euerti potest, eo quod in eodem Iuto haesisse Therapeutas supra ostensum est. Ex his vero larga manu datis de eruditione quoque Philonis iudicium ferendum est, qui si tantam in scriptis suis iudicii accuratorem et discernendi acumen attulisset, quantum ingenii elegantissimi cumulauit copiam, omne punctum tulisse censendus esset. Verum destitutum fuisse iudicandi acie, singulae paginae scriptorum eius loquuntur: quae tamen ad cognoscendam philosophiae Platonicae faciem in Aegypto non sine fructu legi possunt, et meliorem editionem ^q merentur. Quae tantopere admiratos fuisse Romanos Eusebius ^r, nescio quam fidem meritis, scribit, vt digna existimarent, quae in bibliotheca publica, tanquam monumenta publica, reponerent. Displicuisse tamen ineptum allegoriarum studium viris iudicio pollentibus, non Christianorum tantum sobrie iudicantium querelae ^s testantur, quae ad eum pestis huius in ecclesiam per Origenem introductae origines referunt, sed et Celsi et Porphyrii, gentilium philosophorum, reprehensiones docent. Fecitque stulta haec explicandi ratio, vt saepe numero obscurus euaserit, nec a verisimili discedunt, qui eum non omnia fatis intellexisse, quae scripsit, iudicant. Fuere Philones inter veteres plurimi, a nostro gente et fidei professione facile distinguendi: eos enarrare

IONSIVS ^t et FABRICIVS ^u.

^q) Historiam editionum Philonis enarrat FABRICIVS l. c. nouam diu iam expectamus a Reuerendissimo ERICO BENZELIO.
^r) Hist. eccl. L. II. c. 18.

^s) PHOTIVS l. c.

^t) l. c. p. 228. seqq.

^u) l. c. p. 118. seqq.



CAPVT SECVNDVM.

DE PHILOSOPHIA IYDAICA AB EXCIDIO VRBIS HIEROSOLYMITANAE AD RECENTIORA VSQVE TEMPORA.

§. I.

Euerfa diuinorum iudiciorum maturitate vrbe Hierosolyma disiecta-
 etaque republica Iudaeorum, eruditionis gentis huius facies *Conditio phi-*
 misere quoque conspurcata et deturpata est. Singularem enim *losophiae Iu-*
 irae diuinae, maledictionem nationi rebeli et ingratae immittentis fato *daicae post*
 euenit, vt omnia fere rationis lumina, quae hactenus luxerant, extingue- *templi euer-*
 rentur, vixque umbra remaneret eius, quod ad philosophiam referri pos- *sionem.*
 set. Totam enim eruditionis Iudaicae, post vrbis templique deuastationem, faciem vno quasi obtutu considerantibus non occurrit aliud, vsque ad medium aeuum, nisi ex vna parte immoderatum planq̃ et insanum traditionum *παρεπορεδών* studium, ex altera Cabbalistica illa philosophia ex syncretismo Aegyptiaco enata, et pro patriis et domesticis mysteriis vendita, quae in artis quandam et systematis formam tandem emerfit, et Iudaicis dogmatibus gentilia multa, Orientalia, Aegyptiaca, Pythagorica Platonica addidit. Tandem ex Oriente in Occidentem delato Iudaeorum populo, cum circa illa tempora solus Aristoteles inter Saracenos et Christianos caput extollere, et in scholis regnare coepisset, incepit Peripatetica quoque philosophia se Iudaeis commendare, ex quo tempore non defuerunt inter eos, qui philosophiam Graecam, praecipue Aristotelis colerent. Ex his vero intelligit lector, fieri non posse, vt Iudaeorum in philosophiae historia ratio habeatur, nisi omnem simul historiam eruditionis Iudaicae, quantum quidem ad hoc nostrum institutum pertinet, curioso simul oculo perlustrauerimus, vt quae ratio fuerit studii Talmudici, quae Cabbalistici, quid in eo rationi, quid auctoritatis praeiudicio datum sit, intelligamus, et quem rationis vsum natio haec fecerit, quaeque aliena domesticis immiscuerit, discamus. Ita enim tum demum veram intellectus humani, sapientiaeque et stultitiae in hac gente habebimus historiam.

§. II. Euerfa vrbe et republica Iudaeorum, templo, igne deleta, et *Restitutio eru-*
 a Vespasiani atque Titi exercitibus vastata Iudaea, innumeraque huius po- *ditionis post*
 puli multitudine caede, fame, cruciatibus enecata, multis vero myria- *euerfam Iie-*
 dibus in durissimam captiuitatem abductis, totam quoque eruditionis Iu- *rosolymam.*
 daicae compaginem disiectam quasi, solutisque quibus cohaerebat vinculis dispersam et in ventos datam fuisse, et historia infelicissimae nationis
 K k k k k 3 docet,

docet, et intelligi ab iis potest, qui ruinas illustres curioso contemplari solent oculo. Illud indubitata de hac gente monumenta loquuntur, ad exiguum tantum spicilegium rediisse totam eruditorum Iudaeorum cateruam, paucosque ex hac calamitate dispersos se collegisse, qui veterem theologiam, eruditionem et sapientiam ad posteros propagauerint. Quae reliquiae veterum doctorum Iudaicorum, qui et stantis et euerfi templi fuere *αὐτόπται*, hic vel ideo memorandae sunt, quod ab iis omnis eruditio Iudaica et sapientia patrum ad posteros post dirutam urbem et euerfam rempublicam propagata, scholaeque, quae laetissimis incrementis antea flourat, paucis et tenuibus vsa progressibus vtcunque sustentata et imminenti ruinae subtracta est. Cum autem miserabilis totius gentis in terra sua esset facies, et vix umbra pristinae felicitatis esset relicta, cunctis cedere, igne, rapinis perditis et vastatis, plerisque vel miserabili morte peruentibus vel in captiuitatem morte grauiorem abductis, euasere paucae reliquiae et ex parte in Aegyptum, in qua ab Alexandri M. aetate coloniam Iudaicam habitauisse, et insignibus incrementis vsam fuisse supra diximus, ex parte in Babyloniam secesserunt, vbi multi quoque Iudaei degerunt, ex posteris eorum, qui in bellis Assyriorum cum Iudaeis illuc deportati sunt, et reduce populo redire cum reliquis noluerunt. Vtroque in loco humaniter satis et benigne exceptos fuisse profugos Iosephus ^a testatur. Quidam tamen ex infelici populo in vastata Palaestina remanserunt, cumque fumantis ex desolatione Hierosolymae conspectum non sine horrore refugerent, Iasnae, quae Graecis scriptoribus plerumque Iamnia vel Iamnea dicitur, dispersas collegerunt ex tanto naufragio tabulas, erexerunt scholam, restituerunt cultum diuinum, sedemque parauerunt eruditioni domesticae ^b. Ex quibus ruinis primus collapsam disciplinam et doctrinam reuocauit R. Iochanan, perfecit consilium, et ad aliquam maturitatem, quantum infelicitas temporum permittebat, perduxit, R. Gamaliel secundus, ab hac schola locoque Iasnenfis dictus.

Id

^a) De B. I. L. VI. conf. BASNAGIUS Hist. Iudaic. L. III. c. 1. § 1. seqq. p. 2. seqq. quique alii historiam Iudaicam enarrarunt.

^b) Iasne, siue Iabne, יַבְנֵה, quae urbs fuit Philistaeorum, illis a rege Vzia erepta II Chron. XXVI. 6. *Ἰάβνᾱ* Graecis dicitur, Iannes Plinio. Sita erat in locis campestribus non longe a Ioppe, vt ex Iosepho Antiqq. Iud. L. XIV. c. 8. de B. I. L. I. c. 5. discitur: inter maritimas recensetur, quia in tractu maritimo sita fuit, non tamen ad ipsum litus maris. Conf. HAUD. RELAND. Palaest. L. III. p. 823. seqq. LIGHTFOOT. Cent. Chorograph. Matthaeo praemissa c. 15. opp. T. II. p. 181. Iuchasin p. 21. si sequimur ante excidium templum, iam ibi Synedrio praefuit Gamaliel senior, Pauli praeceptor, et ibi famosissima oratio contra haereticos congesta est a Samuele paruo, qui paucis ante urbis excidium annis obiit. Vrbe diruta, vt

Synedrii ruinas colligeret in hac vrbe maxime R. Iochanan Ben Saccai Hakkadofsch elaborauit, de quo infra dicemus. Quem primum scholae Iasnenfis rectorem constituunt ex Iudaeis R. D. GANZ in Zemach David p. 39. ex Christianis Buxtorfius in Tiberiade c. 5. p. m. 20. et LIGHTFOOTVS l. c. et in opp. posthumis p. 87. vbi historiam scholae huius chronologice distribuit. Qui et hoc ex Iudaeorum scriptis obseruat, adeo claruisse hunc locum prae omnibus Academiae sedibus, excepta solum nouissima Tiberiade, vt in prouerbium abierit vinea Iasnenfium. Dubitant tamen viri docti, vtrum hunc in locum Synedrium traductum vel in eo continuatum sit, vt Iudaei tradunt, vt successionem suam doctrinalem statuminent, qua de re videndus BASNAGIUS Hist. Iud. L. VI. c. 5. §. 8. p. 94. Addendi sunt, qui historiam scholarum Iudaicarum scripsere, enumerati a I. C. WOLFFIO Bibl. Hebr. P. II. p. 924. seqq.

Id cum laetiores, quam initio sperari poterat, successus haberet, et, qui ista tempestate vbique erant disiecti, emergere iterum et ad synagogam patriam colligere se inciperent, aucto discipulorum numero occasione dedit Tiberiade quoque scholam excitandi, quae celeberrima postea Musarum sedes inter Iudaeos fuit, et magnam potissimum famam exinde nata est, quod praeter alios celebres gentis huius doctores R. Iehuda Hakodosch ibi docuit; et, quod Iudaei gloriantur, multas immunitates et priuilegia ab Antonino Pio illi vrbi scholaeque impetrauit, maxime vero Talmud Hierosolymitanum ibi conscriptum est, de qua famigeratissima eruditionis Iudaicae sede videndi sunt, qui geographiam Iudaicam exposuere LIGHTFOOTVS ^c et RELANDVS ^d, maxime vero, qui collegium Masoretharum in ea viguisse contendit Io. BVXTORFVS ^e. Hoc exemplum secutae sunt, rebus paulisper pacatis, Iudaeae vrbes aliae, fuit enim schola Bitterae vrbe Hierosolymis proxima, in qua mirum quoque discipulorum, Musarum operi inuigilantium, numerum fuisse Iudaei referunt ^f. Tum Lyddae siue Diospoli cui R. Akibha, R. Tarphon alique praefuerunt ^g. Caesareae quoque eiusmodi scholam fuisse, doctores Caesarienses passim in Talmude laudati euincunt, de qua itidem LIGHTFOOTVS ^h videndus, qui et Magdalensem scholam memorat. Nulla tamen post Tiberiensem nomen magis extulit, quam Zipporiensis siue Sephoriensis ⁱ, in vrbe magna Galilaeae, quae Talmudicis scriptoribus vehementer laudatur ^k; in eam enim se Tiberiade contulit R. Iehuda sanctus, rei literariae inter Iudaeos stator praecipuus. Alias minores in praesentia, instituti nostri memores, tacemus ^l.

§. III. Reflorescere ab eo tempore coepit sapientia Iudaica, reliquis istis ex magna gentis clade viris doctis eo connitentibus, vt patriam disciplinam priori nitore restituerent. Quem in finem cathedra docentium semel posita et fundata non defuerunt ab eo tempore doctores Iudaeis, qui successionem doctrinalem inde nobis non interruptam narrant ^m. Quae cum vno intuitu totius status literarii inter Iudaeos rationem et conditionem exhibeat, paucis hic at *ὡς ἐν παρόδῳ* tangenda est, vt quid inter Iudaeos quaerendum sit, de historia erudita et philosophica huius populi, curioso facilius pateat. Solent autem Iudaeorum doctores in septem omnino classes dispesci, praetermissis, quos a Mose et prophetis deriuant viris

Doctores Iudaei in classes distributi.

c) l. c. c. 81. p. 227.

d) l. c. p. 1037.

e) In Tiberiade f. commentario Masorethico

c. 5. p. 15. seqq.

f) LIGHTFOOT. l. c. c. 52. p. 214. RELAND.

l. c. p. 409. 679.

g) LIGHTFOOT. c. 16. p. 222. Chron. temp.

p. 145. T. II. opp. RELAND. p. 877.

h) l. c. c. 57. p. 214.

i) c. 76. p. 226.

k) Ibid. c. 82. p. 229. seq.

l) Vid. IDEM c. 96. p. 237.

m) Videndi auctor Pirke abhoth, Mos. MAIMONID. in praef. Iad hassakah alique, plenius autem chronologi Iudaeorum R. AER. B. DIOR in Cabbala, R. ZACHVTH in Iuchasin, R. GEDALIA in Schalscheleth Hakkabala. Nimis tamen fidendum Iudaeis non est, qui rationes temporum misere turbant, vnde comparanda est cum illis Io. HENRICI OTTHONIS historia DD. Mischnicorum cum HADRIANI RELANDI notis, qui viri docti errores Iudaeorum obelo critico confixerunt.

viris synagogae magnae, qui ad hunc locum non pertinent. Et prima quidem classis eos comprehendit ⁿ, qui et stante et exciso templo vixerunt, et eo magis hic memorandi sunt, quod reliquias magnorum virorum ea classis continet, qui disiectas eruditionis Iudaicae tabulas vndeunque collegerunt. Inter eos maxime claruere, R. Eliezer Ben Iacob, qui diu vixit, vitamque vsque ad A. C. CXXX produxit, octoginta annos natus. Cuius egregiam sententiam exhibent *capitula patrum* ^o: *Mundus hic similis est vestibulo mundi futuri, praepara te ipsum in vestibulo, vt possis ingredi in triclinium.* Hunc celebritate superauit R. Eliezer, filius Hyrcani affinis Simeoni seni et R. Gamalieli, discipulus R. Iochanan, ob nominis splendorem magnus dictus, quem tanti fecit R. Iochanan Ben Saccai, vt affirmaret, quod si omnes sapientes Israëlis essent in lance staterae, et Eliezer filius Hyrcani in altera, posterior hic reliquos omnes sit depreffurus. Quin miraculis quoque doctrinam suam confirmasse, et a bath kol suffragio comprobatum fuisse Iudaei dicunt. Is hoc loco eo quidem nomine maxime notandus, quod Schammaeanae scholae addictus contra Hillelianos et traditiones, quod illi praebebant, patrocinium strenue pugnavit, quamuis ne miraculis quidem partem aduersam, vt manus daret, cogere potuerit. Quod textus siue literae legis studium caussa est, cur Karaei ad eum tanquam scripturariorum vindicem et statorem prouocent, et R. MARDOCHAI Karaeus ^p totam disputationem huius Eliezeris cum R. Gamaliel ad confundendos Rabbanitas afferat ^q. Quin et alio nomine notandus hoc loco est, nempe ob capitula ei tributa, quae cum versione et notis edidit GVIL. HENRICVS VORSTIUS ^r. Quamuis enim a recentioribus manibus ea esse collecta, ipse R. ZACHVTH ^s aliique viri docti recte tueantur, probabile tamen est, antiquas huius temporis, quo Eliezerus viuebat, allegorias, ad posteros traductas materiam fuisse, ex qua libellus congestus est; qui cum maxima parte fabularis sit, exemplum esse potest methodi allegoricae, quae inter Iudaeos viguit ^t. Porro ad hanc classem R. Iochanan Ben Saccai pertinet, quem primum Iasnenfis scholae rectorem fuisse supra diximus, quemque restituisse synedrium magnum accepta a Tito imperatore potestate Iudaei tradunt ^u. Is CXX annis vixisse, et audiuisse Hillelem et Schammai Iudaeis dicitur, valdeque gratus apud Titum fuit. Specimina autem philosophiae moralis, quam discipulis tradidit, *capitula patrum* ^x multa enarrant, digna quae considerentur, vt quo loco philosophia moralis eo tempore inter Iudaeos fuerit, pateat. Eius discipulus fuit R. Iechoschua Ben Chanania, quem apud Traiani filiam gratia fuisse vsum, Iudaei tradunt, et licentiam reaedificandi templi accepisse iactant. Hic adeo intentus

ⁿ) Vid. R. DAV. GANZ Zemach David P. I. pag. 425.

^o) c. IV. §. 16. p. m. 30.

^p) De Karaeis p. 100.

^q) Conf. TRIGLANDIVS de Karaeis p. 25.

^r) Lugd. Batau. 1644. 4.

^s) In Iuchasin l. c.

^t) Conf. WOLF. Bibl. Hebr. P. I. p. 173.

^u) Citati not. b.

^x) c. II. §. 8.

tentus legis studio fuisse dicitur, vt nec corpori nec vestibus abluendis vacauerit, hinc dicitur filiae Traiani fuisse: *Sapientia pulchra in vase polluto*; cui respondisse dicitur: *Non asseruatur vinum in vasculo aureo vel argenteo, sed testaceo tantum* ^γ. Quam tamen narratiunculam ex ingenio suo otioso confinxisse Iudaeos, si alia non essent, sola Iudaeorum, maxime Pharisaeorum partes sequentium, industria in lauando satis euinceret. Fuisse tamen virum sapientem, et ingenio philosophico, saltem in morali doctrina non destitutum, ex dicto quod ei tribuunt *capitula patrum* ^z, recte colligitur. Praeter hos et alii sunt, qui ad hanc classem primam pertinent ^α, quorum tamen notitiam dare huius loci non est. Merentur tamen, quae eis in *pirke abboth* tribuuntur dicta legi expendique, eo quod ex iis constare potest, nondum ab omni sano rationis usu tantopere defecisse Iudaeorum doctores, quemadmodum postea accidit, vbi infaustum traditionum studium lumina tantum non omnia inter eos extinxit. Secunda classis vel aetas doctorum Iudaicorum eorum continet nomina, qui deuastationem templi seculo proxime sequenti secuti sunt, inter quos fuit R. Tarphon vel Triphon sacerdos, qui ob diuitias largiter inter pauperes distributas diues dicitur, et sectae Schammaeanae adhaesit: quem R. Akibhae alii praeceptorem alii collegam dicunt. Qualis eius de moribus doctrina fuerit, ex his dictis ^β collige: *Dies breuis et ars longa, et operarii pigri, et merces ampla, et pater familias urget ac instat. Non teneris opus perficere, neque sic liber es, vt prorsus abstineas ab eo: Si multam legem didicisti, multa tibi merces dabitur, fidelis enim est dominus operis tui. Sed scito, retributionem iustorum esse demum in seculo iustorum.* Ceterum et hoc disputatur inter eruditos, vtrum hic Tryphon idem sit cum Iudaeo, contra quem S. IUSTINVS MARTYR disputauit, cuius affirmatiua placuit magnis quibusdam viris ^ε, quos alii certatim secuti sunt, eo quod non nomen tantum concordet, sed et tempus: negatiua olim sibi minus probatam docte defendit HADRIANVS RELANDVS ^δ, nos in incerto argumento nihil statui posse vel affirmari putamus. Sed et R. Akibha ad hanc classem pertinet, de quo tamen infra dicendi melior nobis locus dabitur, et R. Eliezer filius Chismae, sub Traiano A. C. CXXV florens, quem in disciplinis mathematicis, maxime vero in arithmetice et astronomicis excelluisse Iudaei dicunt ^ε. Certe summo amore has disciplinas hunc Eleazarem complexum fuisse, ex *capitulis patrum* ^ς constat, in quibus hoc ei dictum tribuitur: *Reuolutiones anni et geometricae supputationes par-*

par-

γ) Iuchasin p. 33. Zemach David l. c. HOTTINGER. Hist. eccl. Sec. II. S. III. p. 74.

z) c. II. §. II.

α) Videndi OTTHO, WOLFIVS, HOTTINGERVS II. cc. vel si fontes maius, R. D. GANZ, R. GEDALIA, R. ZACHVTH II. cc.

β) c. II. §. 15. 16.

γ) Eos nominatos vide apud WOLF. Bibl. Hebr. P. II. p. 837.

δ) Pec. dissertatione.

ε) Conf. WOLF. I. c. P. I. p. 189.

ς) c. III. §. 18.

partes sunt deliciarum ad sapientiam. Huic focium iungit in his sciētiis HOTTINGERVS ^g R. Iochanan B. Godgoda, et ex *Iuchasin* obseruat, gloriatos fuisse de vtroque Iudaeos, quod numerum inire potuerint guttarum maris. Id quod tamen more Iudaeorum prouerbialiter tantum accipiendum est, summamque arithmetices notitiam et accuratationem prodit. Tacendum tamen non est, referre hunc Iochananum Iudaeorum quosdam ad tempora templi secundi excidium antecedentia, vt obseruatum Cl. WOLFIO ^h: quamuis in temporum rationibus minime sequendos esse infidos hos duces constat ⁱ. Tertia classis siue aetas doctorum Iudaicorum Tanaitarum siue Deuterotarum est, quae a Simeone Iusto vsque ad Iehudam sanctum, compilatorem Mischnae extenditur. In hac classe nomen sibi ante alios fecit R. Schimeon Ben Gamliel, pater R. Iehudae sancti, cuius frequens in Mischna fit mentio. Hunc dixisse referunt *capitula patrum* ^k: *Tribus rebus conseruari mundum, veritate, iudicio et pace.* Circa eadem tempora floruit R. Meir, discipulus R. Akibhae, et praeceptor R. Iudae sancti. Hunc profelytum fuisse Iudaei tradunt, et ex posteris principis cuiusdam exercitus Romani ad euertendam Hierosolymam missi, qui vero ad Iudaeorum sacra discesserit. Hic quamuis sapientia ita effulgeret, vt lumen mundi diceretur, multis tamen inter Iudaeos se non probauit ^l. Maxime vero notari meretur propter uxorem suam Beruriam, filiam R. Chananiae, quae circa A. C. CXXI floruit, et rarissimo inter Iudaeos exemplo literis elegantissime tincta fuit. Patet enim ex locis Talmudicis a viris doctis ^m passim adductis cum aliis eruditionis Iudaicae alumnis praeceptorum lectiones eam audiuisse, et in Academia literis sacris inuigilasse. Iudicium autem in interpretatione legis doctrinaque morali probasse, ex illis locis colligi potest, quae adduxit WAGENSEILIVS. Ast arrogantiorē fuisse, et alios Iudaeorum doctores contemnentem, supercilio quoque haud vulgari hallucinantibus insultantem passim scriptores Talmudici produnt: quemadmodum funestus quoque ipsi fuit exitus, eo quod ipsa sibi violentas manus intulit. Quam rem ita Iudaei narrant: *Dixisse R. Meir ad uxorem: certus sum me effecturum atque experturum, vt confitearis, vera esse, quae de mulieribus statuerunt sapientes. Iussisse nimirum et subornauisse aliquem ex discipulis suis, vt tentaret Beruriae castimoniam, eamque in stuprum illiceret; hunc et instando continuis illecebris per multos dies tandem, vt consentiret in adulterium, obtinuisse, eique hoc persuasisse. Postquam vero ipse maritus in locum discipuli subiisset, et cum ea congressus esset, re patefacta suspendio eam vitam finiuisse, R. Meir autem ignominiam metuentem publicam in Babyloniam excessisse.* Plura de

^g) l. c. p. 76.

^h) l. c. P. II. p. 844. ex tract. eruim c. 6.

ⁱ) Vide quae prudenter monet OTTHO l. c. praef. p. 7.

^k) c. I. §. 18.

^l) ZELTNER. diff. laudanda; Wolf. l. c. P. II. p. 850. dictum eius legitur in Pirke abhorth c. IV. §. 10.

^m) ZELTNER. l. c. WOLF. l. c. P. I. p. 271.

de hac femina erudita dabit B. ZELTNERVSⁿ⁾, qui singulari tractatione luculenta et doctissima non huius tantum feminae, sed mariti quoque parentisque eius, et totius seculi secundi historiae Iudaeorum literariam illustravit, dignus qui omnino ab his, qui plura cupiunt, legatur. Tandem et inter Tannaitas omnium maxime R. Iehudas Hakkadosch emiuit, de quo infra pluribus differemus. Quarta aetas siue classis doctorum Iudaicorum Amoraeorum est, id est, magistrorum sententiarum, vel ut Scaliger vult, gnomologorum, alii sophistas vocem interpretantur, disceptatores alii^{o)}; qui fuerunt doctores illi qui in explicatione Mischnaioth siue *δευτεράσεων* occupabantur^{p)}. Horum septem ordines constituunt Iudaei, alibi enarrandos, qui durauerunt per CCL annos, usque ad Gemaram, ex horum commentationibus congestam. Inter eos R. Ada Bar Ahafa, astronomiae laude inclytus, cuius cyclos valde Iudaei commendant^{q)}, itemque Seculo IV, R. Hillel Hannasi supra nobis iam memoratus, ubi temporum rationes eum emendasse diximus, nobis heic loci notandi sunt. Quinta classis Seburaeos comprehendit, ita vocatos, quod per modum סבורות opinionum probabilium et disputabilium de sensu Mischnaioth disquirerent, unde Opinistae quibusdam, ALTINGIO^{r)} non incommode sceptici Iudaeorum dicti sunt, eo quod de sensu Mischnaioth ambiguo argumentorum pondere disputarent. Eorum agmen duxit Raf Iose, rector Academiae Soranae. Duravit tamen horum aetas per LX tantum annos, propter bellorum Perficorum calamitates, ob quas per quinquaginta annos scholae Iudaeorum in Babylonia cessarunt: redierunt tamen illi quoque cum literis Iudaicis, et noua luce patrum traditiones collustrarunt, quae ratio est, cur eorum aetatem R. ABRAHAM BEN DIOR per CLXXXVII annos ad A.C. DCLXXXIX, extendat^{s)}. Seburaeos excipit sexta classis doctorum Iudaicorum, qui Geonim, id est, excellentes dicuntur, propterea, quod in doctrina patria et domestica, studioque traditionum prae aliis excelluerint^{t)}: quorum successio ad A. C. MXXXVIII porrigitur, quo tempore dispersis ex Oriente Iudaeis et in omnem terram maxime Africam et Hispaniam dilabentibus desierunt scholae Babylonicae. Ab isto vero tempore, qui inter Iudaeos doctorum dignitatem tuiti sunt, et septimam classem constituunt, Rabbanae, id est magistri dicti sunt^{u)}. Quo tempore coepit haec natio ad Saracenos et Christianos delata, eorumque exemplo illecta, Aristotelicae philosophiae operam dare. De quibus cum in sequentibus strictim dicendum sit, plura heic non addimus. Fuisse autem inter hos Iudaeorum doctores viros doctos et iudicii acumine non destitutos, negandum non est,

LIIII 2

at

ⁿ⁾ Diss. de Beruria Iudaeorum doctissima femina Altdorf. 1714.

^{o)} Vid. WOLF. l. c. P. II. cap. 4. pag. 915. HOTTINGER. l. c. S. III. p. 273.

^{p)} Schalscheleth Hakkabala p. 34.

^{q)} WOLF. l. c. P. I. p. 109. HOTTINGER. pag. 131.

^{r)} Hist. acad. Iudaic.

^{s)} Ex his emendandus BASNAGE Hist. des Juifs L. III. c. 8. §. 2. p. 236.

^{t)} MAIMONID. praef. Iad hassaka.

^{u)} R. ABR. BEN DIOR Cabb. hist. pag. 44. WOLF. P. II. c. 4. p. 917.

at quod natura illis non denegauerat, insanum traditionis studium eripuit, omnemque fere rationis usum, velut lolia triticum, suppressit. Quod ubi altius sapere quidam inciperent, fermentum Cabbalisticum, et metaphysica insana ingenia excitatiora corripit: unde quid ex hac doctorum Iudaicorum serie, summam tantum enarrata, historiae philosophicae promittendum sit, liquet.

*Scholae Baby-
lonicae Iu-
daeorum.*

§. IV. Non tamen produxit hos omnes doctores sola Palaestinae regio, sed migravit eruditionis sedes post R. Iudae sancti mortem, cum in veteri terra se tutos satis Iudaei non crederent *, in orientem, eumque in locum, in quem ira diuina maiores abduxerat captiuos, nempe in Babyloniam, ubi remansisse ex μετακίνη ex multis Iudaeos supra diximus. Causas huius consilii enarrare, loci huius non est; id modo monemus, duos praecipuos Iudae Sancti discipulos Raf et Samuel Babylonem commigrasse, eoque magnum discipulorum numerum attraxisse. Hac itaque occasione scholae Iudaeorum Babylonicae celeberrimae enatae sunt. Et primam quidem in hac regione scholam, Sorae, vrbe ad Euphratem sita excitatam fuisse, Iudaeorum testimoniis conficitur †, quam demum secuta est Nahardeensis, quam iam ante captiuitatem Babyloniam floruisse non nemo ex Iudaeis ‡ falso sibi persuasit^a. Soranae vero scholae primus praefuit Raf Hunna, quem secutus est Raf Chasdam, post cuius mortem R. Bar Nachmani Pumbeditham oppidum tractus Nahardeensis secessit, ibique academiam erexit Pumbedithanam, quam suo adhuc tempore se inuenisse ait R. BENIAMIN TVDELENSIS^b. Sed et aliae paulo post scholae ibi erectae sunt, Nareschi, Machusae, et Peruz Schibbur, de quibus tamen, cum res ad nostros quidem limites non pertineat, sed in historia literaria gentis Iudaicae enarrari fufius debeat, nihil amplius dicemus; cum allata sufficiant ad intelligenda ea, quorum in sequentibus exponemus historiam.

*R. Iehuda San-
ctus.*

§. V. Inter omnes vero Iudaeorum doctores nullus vel sapientiae domesticae commendatione vel literarum studio, vel vitae integritate, vel eruditionis in sua gente promotae industria maiorem laudem meruit, quam R. Iehuda Hakkadosch, id est sanctus dictus: quem ob doctrinae quoque excellentiam summamque inter doctores omnes auctoritatem κατ' ἐξοχήν Ribbi, id est magistrum, et a dignitate Nasi, id est, principem Iudaei appellant^c. Ex quo enim Synedrium Hierosolymitanum, penes cuius praesidem populi principatus ante urbis excidium fuit, ea euerfa desuisset, rectores praesidesque schola-
rum

*) Praeter BASNAGIUM late I. c. horum facta enarrantem in compendio videri potest HOTTINGERVS H. E. Sec. II. c. III. p. 65. 129.

†) Iuchasin p. 120.

‡) R. MOSE MIKKOZI praef. libr. praecept.

a) Non itaque prima academia Iudaeorum in his terris fuit Nahardeensis, ut visum BVXTORFIO in Tiber. cap. VI. pag. 24. et BASNAGIO

Hist. des Juifs L. III. c. 4. p. 107. conf. ZELTNER. diss. de virgine Iudaea per transfennam docente §. 5. p. 6.

b) Itiner. p. 81. conf. tamen CELLARI Geogr. antiq. L. III. c. 15. 16.

c) Videndi post Iudaeos supra nominatos BAR-TOLOCCIVS Bibl. Rabb. T. III. p. 79. Io. HENR. OTTHO hist. DD. Mischn. p. 159. WOLF. Bibl. Hebr. P. II. p. 839.

rum in Iudaea excitatarum, gentis suae regendae, quantum captiuitatis conditio permittebat, potestatem aliquam sibi vindicarunt, indeque principes populi dicti sunt ^d. Horum primus fuit R. Gamaliel secundus filius R. Schimeonis, qui in obsidione urbis periit, qui nomen Hannasi, id est principis, teste R. DAVID GANZ ^e, inde retulit, cum eo tamen de hac dignitate contendit R. Iehoschua Ben Chanania, discipulus R. Iochananis Ben Saccai ^f. Gamalielem secutus est in principatus dignitate R. Schimeon III, eius filius, qui collegam habuit R. Meir, et post hunc R. Iehuda sanctus populo captiuo praefuit. Ortum ferunt ex tribu Benjamin et posteris Hillelis, ut supra ex successione familiae Hillelianae demonstratum: patriam habuit Sephora, quae recentiori aetate Diocaesarea dicta est, primariam et munitissimam Galilaeae urbem ^g. Iudaeorum calculos si sequimur, natus est eodem die, quo Akibha interfectus est, quod factum esse dicunt ^h anno quinquagesimo secundo ab excidio templi, i.e. A.M. MMMDCCCLXXX, A.C. CXX, quas tamen temporum notationes difficultatibus laborare, vidit monuitque BASNAGIVS ⁱ. Id quod mirum esse non debet, eo quod nulla in re impariores, et leuiore sint Iudaei, quam in rationibus chronologicis. Tanta vero huius doctoris inter Iudaeos fuit existimatio, ut summo loco poneretur ^k, et ob vitae integritatem atque puritatem sanctus diceretur sensu eminentiori: quam tantam fuisse Iudaei nugantur, ut prae verecundia et castitatis studio nunquam manum suam infra cingulum maxime autem infinitam eruditionem summis laudibus Iudaei extolunt, eoque amentiae delabuntur, ut cum Messia eum comparent. Ita enim in Sanhedrin ^l: *Dixit Raf: Si ex viuis est Messias, est instar Rabbeni Hakkadosch; si ex mortuis, est instar Danielis viri desideriorum*. Tantopere autem doctoris huius eruditionem valuisse iactant, ut gratia apud Antoninum Pium, Marcum Antoninum et Commodum imperatores floruisse summa dicant, et more suo fabulam mendacis ornant ^m: inter quae non postrema est, factum esse Iehudae studio Antoninum profelytum, et eius iussu compositam fuisse Mischnaioth collectionem; ut alia non minus insulsa et ingenium Iudaeorum philosophiae minime aptum prodentia hic omittamus ⁿ. De anno obitus eius nihil certi constat, illud vero dubio caret, Sephoride in patria obiisse ^o, et

LIIII 3

cum

^d) Qualis ea dignitas fuerit, exponit BASNAGIVS L. III. c. 2. p. 32. seqq. quem vide.

^e) Zemach David p. 97. seq.

^f) Conf. BASNAGE l. c. L. III. c. 3. §. 2. p. 64.

^g) Patria quoque dicitur S. Annae matris sanctissimae Virginis. Memorabilia quaedam de ea habet BASNAGE l. c. §. 6. p. 68. 69.

^h) Iuchasin p. 32. 35.

ⁱ) l. c. §. 5. Euerio enim urbis Beturae siue Birter incidit in A.C. 135. eo vero Akibha confugit, captusque inter Pseudo-Messiae Bar Co-

chab affeclas, interfectus est.

^k) Loca Iudaeorum, maxime Maimonidis, afferunt BVDDVS intr. in phil. Hebr. p. 119. et WOLF. l. c.

^l) p. 98. conf. WOLF. l. c.

^m) Enarrat eas BASNAGIVS L. VIII. c. 1. p. 3. ex Zemach David et Schalscheleth Hakkabala.

ⁿ) Pertinet huc disputatio Antonini cum Iuda de vnione animae cum corpore eiusque momento, quam fabulam exponit IDEM, p. 7.

^o) Schalscheleth p. 33. b.

cum eo gloriam scholarum Iudaicarum in Palaestina fuisse extinctam. Locum vero meretur inter ethicos Iudaeorum doctores propter dicta moralia multa, quae inter sententias Ben Sirae hodie adhuc leguntur ^p. Maxime vero ob collectionem Mischnicam immortale nomen consecutus est, cuius historiam paucis et in compendio trademus.

Talmudis origines.

§. VI. Talmudis, (quo nomine sylloge traditionum Iudaicarum venire solet) origines altius repetendae sunt, ut quo loco habenda sit iuris naturalis et diuini in hac gente compilatio, eo clarius constet. Mature vero traditionis amorem in populo Iudaico se manifestauisse, et ea satis loquuntur, quae supra de occasione sectarum Iudaicarum fuisse differuimus, et ipse ZACHARIAS ^q vates haud obscure, si modo recte ad eius symbola prophetica attendimus, prodidit. Exponit enim visum sibi volumen quoddam volans, et modium potissimum a foeminis duabus in terram Sinear per aërem patentem asportatum, mulierem item Ephae insidentem, massamque plumbi eius orificio iniectam. Quae visio prophetica innumeris quidem interpretum coniecturis vexata crucem plerisque ob symboli obscuritatem fixit, sic ut parum ab iis expectes, quod vel textui vel euentui respondeat: recte tamen, nisi nos omnia fallunt, viderunt viri doctissimi et in sacris literis interpretandis antiquitatibusque Iudaicis in eum finem adhibendis felicissime versati G. E. EDZARDVS ^r et G. GVST. ZELTNERVS ^s, respexisse prophetam ad traditiones ita inter Iudaeos inualescentes, ut post disseminatam in Palaestina impiam doctrinam tandem in Babyloniam abductus ibique fixus quasi per collectionem Gemaricam libellus ille traditionum volans in aëre sedem suam inuenisse dicatur. Maxime vero eleganti coniectura ostendit Zeltnerus, Helenam Adiabenorum reginam gentis Iudaicae amplificatricem et *ἑβραϊστὴς* vna cum filiis Monobazo atque Izata, non minoribus in gentem hanc meritis conspicuis, illarum mulierum symbolo praedici; eam enim cum Iudaeis familiariter et munificentissime se gessisse, non talmudici scriptores modo tradunt, sed IOSEPHVS ^t quoque refert additque, mulierem hanc cum filiis, religionem Pharisaico traditionum fermento infectam omni modo iam tum promouisse, sicque traditionum incrementa vehementer auxisse, frumento quoque (per modium adumbrato) Iudaeam fame pressam leuasse. Haec enim satis innuunt, ut reliqua omittamus, apud ipsum virum eruditissimum legenda, sensisse iam, suo tempore vatem diuinum latens venenum, eiusque per Palaestinam prius, mox per alias regiones diffusam propagationem praeuidisse, et fixum tandem collectionis terminum atque locum definiuisse. Sed ut coniecturas mittamus, ad solas scripturariorum con-

^p) Conf. WOLF. I. c. p. 841.

^q) c. V. seqq.

^r) In praef. vers. et annot. ad c. I. tr. talm. Berachoth.

^s) In commentatione de erudita virgine Iudaea per transennam docente §. I. seqq.

^t) Antiqq. Iudaic. L. XX. c. 2.

contra traditionarios contentiones et Sadducaeorum contra Phariseos pugnas, scholae item Schammaeanae contra Hillelianam impetus et lites recte prouocamus. Horum enim bellorum summa traditiones fuere, in quibus tamen traditionariorum partes plerumque vicisse, enarrata supra sectarum Iudaicarum historia testatur. Quae valde postea auctae sunt, ubi eneruatis populi Iudaici viribus, exhaustaque hominibus terra Iudaica post excidium templi vrbisque deuastationem plerique, qui traditionibus repugnauerant, vel interfecti essent vel dispersi, disiectique, solique fere Phariseorum asseclae, traditionumque patroni, quae factio fuit copiosior ceteris, et plerosque ex plebe complexa, relictis essent. Sadducaeorum enim et Karaeorum sectam ex illo tempore exigua fortuna tristibusque fatis usam fuisse, et tantum non intercuisse, ex supra narratis constat. Hinc vero caussa deriuanda est, cur in scholis et academiis Iudaeorum, quas in Palaestina eos excitauisse supra diximus, traditionum studium vehementer inualuerit, et Schammaeanas partes sequentes, qualis R. Tarphon fuit, emergere caputque attollere non potuerint. Ita vero non infans tantum traditionis amor, quem ciconiarum symbolo a vate sacro adumbratum fuisse, acute monuit B. ZELTNERVS²⁾, vehementer in his scholis incrementa cepit, sed et ipse traditionum numerus infans in modum auctus est, doctoribus Iudaeorum in id studium fere omne conferentibus, vt nouis rationibus patrum praecepta illustrarent, ritus augerent, auctoritatem veteribus adderent, et ita chaos illud traditionum suis supra legem scriptam commendarent. Quod facile fieri potuit, postquam semel credulae nationi persuaferant, traditionum istarum faraginem Moſen a Deo accepisse, noluisse vero scripto eas consignare, ne contemptui in captiuitate euentura futurae essent³⁾. Ita vero confirmata ineptarum quisquiliarum auctoritate, cum munus doctorum in eo potissimum verſaretur, vt tantos thesauros populo explicarent, et in sacro synedrio ea iuxta illos definirent, quae diuini iuris esse credebatur ecclesia Iudaica, tam confusum autem immensumque tot traditionum chaos memoria complecti vix ab homine expectari posset, et tamen sua interesse plurimum crederet superstitiosa natio, vt ad posteros tanta maiorum sapientia propagaretur: coeperunt doctores rectoresque scholarum, vt memoriam iuuarent, in chartas potiora conicere, et quae discipuli docendi erant, scripto consignare: ea vero simul adicere, quae noua addere iussisset ecclesia Iudaica. Qua de re maxime memorabilis est locus R. MOSE BEN MAIMON,

qui

2) loc. cit.

3) Vid. loca adducta a Io. ANDR. EISEN-
MENGERO in Iudaismo detecto P. I. p. 56. seqq.
et WOLFIO Bibl. Hebr. P. II. p. 665. Non ta-
men omnes inter Iudaeos ita insaniuerunt, vt
omnes traditiones a patribus acceptas ad Moſen
referrent, sed distinguunt traditionum praecepta
in certa genera, et quaedam a Moſe in lege scri-

pta esse, quaedam ab eo non scripto sed ore tra-
dita, quaedam a prophetis, scribis et Rabbis
de nouo certis quibusdam rationibus et variis
temporibus accessisse, quaedam per tredecim ar-
gumentandi modos elici posse dicunt. Ex qui-
bus locus etiam EPIPHANII haeres. XV. p. 33.
de fontibus traditionum Iudaicarum intelli-
gi potest. Conf. MAIMON. praef. ad Seder Saraim,
Io. MORIN. exerc. bibl. L. I. c. 6. p. 21. seqq.

qui ita : *A Mose doctore nostro, usque ad Rabbi nostrum Sanctum, nullus exarauerat ea, quae publice docebantur ex lege orali, sed in unaquaque generatione princeps consistorii, aut propheta seculi illius sibi scribebat commentarios traditionum, quas audiuerat a doctoribus suis, publice vero ore docebat : et ita unusquisque sibi viritim describebat expositionem legis, et rituum eius, quemadmodum audiuerat. Quod vero attinet ad ea, quae singulis aetatibus innouabantur in iudiciis, quaeque ex traditione non habebantur, sed ex aliquo de tredecim modis ; horum auctoritas erat penes consistorium magnum. Ita totum hoc usque ad Rabbi sanctum perdurauit.* Quibus schedis priuatis cum innumerae confusiones exorirentur, medelam afferre iam R. Hillel conatus est, et traditiones in sex classes distribuit, vt supra dictum. At parum promouisse hominis huius industriam in tanta traditionum farragine, cum iusta collectio deesset, facile intelligi potest : praecipue cum priuatam tantum fidem istae schedae haberent, et legis oralis auctoritas a solo doctorum ore penderet. His vero alia quoque accedebant. Latissime se extendebat, et maiora indies incrementa fumebat Christiana religio, quae inanes hominum speculationes et intolerabilia iuga validissime proculcabat ; decrefcebat indies Iudaeorum numerus, qui propter seditiones et impatientem iugi animum, ad rebelliones et motus varios procliuēs, vehementissime a terrarum dominis summisque imperantibus premebantur, disiiciebantur, et in diuersissima atque dissita loca expellebantur, quibus circumstantiis facile fieri potuit, vt plane intercidere lex oralis. Morbo itaque huic medicinam afferre se posse ratus Iehuda Sanctus, ad instituendam aliquam schedarum passim dispersarum, quibus legem oralem maiores consignauerant, collectionem animum adiecit, et vt, ea quae memoria populi sui seniores doctoresque tenebant, adicerentur, sicque integrum aliquod traditionum corpus existeret, allaborauit. De quo consilio iterum MAIMONIDES hunc in modum differit : *Cur autem istud fecit magister noster Sanctus, neque reliquit rem, qualis antea erat ? Quia vidit discipulos imminui sensim, et angustias innouari ac imminere, regnumque impietatis a diffundi per mundum, et magis magisque inualescere, et populum Israëliticum proici vsque ad fines terrae ; confecit syntagma, quod esset in omnium manibus, vt discere possent illud citius, neque obliuioni traderetur. Et sedit ille cunctis vitae suae diebus ipse et synedrium eius et docuerunt Mischnam plures.* Huic itaque operae per quadraginta annos Iehuda sanctus inuigilauit, et quidem, si Iudaeorum concors in eo testimonium admittimus, ab anno excidii templi CXX, vel CL, quod respondet annis N. C. CXC, vel CCXX. Hos secuti sunt in epocha Mi-

1) Praef. ad Iad Chaffaka, conf. tr. Taanith c. II. f. 1. et quae ex Iudaeis afferunt Ios. Voisin. in proem. ad pug. fidei p. 25. WOLF. l. c. p. 671. add. R. D. GANZ Zemach David ad A. 3975. ZELTNER. diff. de Beruria §. 27.

p. 36. seq. WINDET. de vita functor. statu Sect. VIII. p. m. 199. seq.

2) Praef. ad Seder Saraim.

a) Ita Christianam religionem vocat, confer. EISENMENGER. l. c. p. 756.

Mischnae constituenda Christiani plerique ^b. Recentiori tamen aetate de fide Iudaeorum in ea re dubitare, nisi fallimur, coepit primus, I. O. MORINVS ^c, qui id sibi maxime persuasit et validis quoque rationibus euincere se posse credidit, Mischnae collectionem tribus integris seculis esse iuniorem. Scrupulos sibi iniectos hos esse dicit, non modo quod testis huius rei antiquissimus, annis octingentis sit secundum ipsos auctore Mischnaioth posterior, nulloque alio teste nitatur, quam Talmudico, sed multo magis, quam Origenes, Epiphanius, et Hieronymus nullam nec libri, nec auctoris mentionem faciant: qui tamen eius notitiam habere debuissent, si extitisset suo tempore, eo quod Mischnaioth collectio statim ab omnibus Iudaeis in Palaestina fuerit recepta. Cumque in nouellis ^d δευτερώσεως lectio a Iustiniano prohibeatur, coniicit inde vir doctus, eo demum tempore circa medium Sec. VI hanc legis repetitionem vel collectionem potius fuisse compilatam. Eadem fere sententia placuit I S A A C O V O S S I O ^e statuenti, Mischnam ante Iustinianum sermone Graeco ab Aquila compilatam et annotationum loco versioni Graece ab ipso confectae fuisse additam, Iustiniani autem tempore demum Hebraice conuersam fuisse. Quam quoque tibiam inflat P A V L V S P E Z R O N I V S ^f, qui a R. Akibha Graece conscriptam fuisse statuit. Valde tamen ieiuna et fundamento destituta sunt, quae viri docti contra constantem veterum et recentiorum sententiam obiciunt, nec valida, ut Iudaeorum hac in re testimonia conuellere queant. Nam silentium veterum non plane sufficere, ut res aliqua extitisse negari queat, norunt, qui argumentum hoc negatium propius considerarunt, et tum demum vim ei inesse intellexerunt, ubi causae probabiles vel etiam necessariae dari possunt, cur silentio rem aliquam praetermittere scriptores non debuissent, si reuera extitisset, quae in hac quidem quaestione a laudatis viris non afferuntur. Et Origeni quidem recentem compilationem non licuisse videre, facile ex temporum rationibus constare potest, cum vix triginta annis ante eius obitum istam collectionem iuris ecclesiastici Iudaeorum perfecit R. Iehuda; quo tempore sibi suisque cancellis seruauisse Mischnam Iudaeos dubium non est, cum inuidia et diffidentia huius gentis erga Christianos fatis superque nota sit, praesertim autem cum videatur vsus Mischnaioth initio doctoribus tantum et antistitibus religionis peculiaris fuisse atque reseruatus. Neque mirum est, Epiphanium a parentibus licet Iudaeis natum hanc collectionem

nem

^b) Vid. HOTTINGER. I. c. p. 72. WOLF. I. c. p. 674. seqq. et quos laudat.

^c) Exerc. bibl. L. II. exerc. 6. c. 2. p. 294. seqq.

^d) Nou. 146. confer. IVSTELLI et VOELLI Bibl. iuris canon. T. II. p. 1359. Graeca haec sunt: τὴν δὲ παρ' αὐτοῖς λεγομένην δευτέρωσιν ἀπαγορεύομεν παντελῶς, ὡς ταῖς μὲν ἱεραῖς οὐ συναλημμένην βίβλοις οὐδὲ ἄνωθεν παραδεδομένην ἐκ τῶν

προφητῶν, ἐξεύρεσιν δὲ οὖσαν ἀνδρῶν ἐκ μόνης λαλούντων τῆς γῆς, καὶ οἷον ἐν αὐτοῖς ἔχόντων οὐδ' ἓν.

^e) De orac. Sibyll. c. XVI. p. 285. cui occasio inde subnata est haec suspicandi, quod in ANASTASII SINAITAE ὁδηγῷ c. VI. p. 94. legerat, Aquilae versionem vocari Hebraeis δευτέρωσιν, id est, secundam editionem.

^f) Antiq. temp. defens. c. II. p. 63.

nem ignorasse, quamvis post eius origines vixerit; quam profunda enim rerum Iudaicarum ignorantia laborauerit passim ostendit, siue nunquam accurate eas intellexerit, siue postea eas neglexerit: ast is tamen R. Iehudam et R. Akibham potiores traditionum auctores ex mente Iudaeorum commemoravit. Hieronymum vero huius collectionis Mischnicae mentionem fecisse, verba eius in epistola ad Algiam ^a satis probant, ubi haec habet: *Quantae traditiones Pharisaeorum sint, quas hodie vocant δευτερώσεις, et quam aniles fabulae, evolvere nequeo; neque enim libri patitur magnitudo, et pleraque tam turpia sunt, ut erubescam dicere.* Quibus verbis, ut rectissime TRIGLANDIO ^b observatum, quicquid contendat Morinus, clarissime, de magno deuterosew libro, id est Mischnaioth, quod idem sonat, sermo est, quod volumen evolui potuit: id quod de epistola sua, ut vult Morinus, dicere Hieronymus non potuit: nec de priuata aliqua eiusmodi compilatione intelligi debet, qualem tum vel extitisse, vel in manus Hieronymi peruenisse demonstrari non potest. Mischnam autem peti in nouellis ab imperatore omnino fatendum est, dudumque observatum a viris doctis ⁱ; at eius lectionem in synagogis cum vetuerit imperator, recte inde infertur, iam ante eam aetatem diu eius usum inualuisse, cum controuersia diu iam agitata inter Iudaeos ventilaretur, vtrum licitum sit in lingua vernacula scripturam legere. Quae vero Vossius de auctore Mischnaioth habet, omni specie et colore destituuntur, et vel ex hac sola nouellarum constitutione refutari possunt. Causa etiam nulla verisimilis afferri potest, cur Iudaei aetatem Mischnae tribus seculis antiquiorem fecerint; nam auctoritatis ei conciliandae causa si id fecissent, ad origines longe vetustiores eam sine dubio retulissent. Nec negligenda est, virorum in scriptorum Talmudicorum lectione versatissimorum observatio, puritatem dictionis Hebraicae et Chaldaicae, vetustiora tempora, quam quae seculo post C. N. sexto fuerunt, manifeste prodere. Nulli igitur dubitamus in vnanimi doctorum Iudaicorum testimonio acquiescere, illique eruditorum sententiae accedere, quae Seculo II primam Talmudis ^k collectionem, siue Mischnaioth originem habuisse statuit. Comprehenduntur autem in his δευτερώσεις, iura, leges, constitutiones ecclesiasticae, circa cultum diuinum, ritus eius et ceremonias, quaeque ius fasque esse censebat ecclesia Iudaica, cuius ius canonicum vel pandectas iuris ecclesiastici non inepte quis dixerit, sunt tamen multa quoque in hac Mischna, quae ad interpretationem Scripturae sacrae, ad doctrinam ecclesiae Iudaicae, et ad morum disciplinam pertinent, et sex omnino classibus ^l omnem

^a) Quaest. X.

^b) De Karaeis p. 123.

ⁱ) Vid. FARRIC. Bibl. Gr. Vol. II. p. 334. et quos not. k. laudauit.

^k) Conf. GUIL. WOTTON. diss. miscell. de traditionibus et ritibus scribarum ac Pharisaeorum tempore Saluatoris nostri, diss. I. Bibl. Angloise T. IV. P. II. p. 367. seqq. BASNAGE Hist. des Juifs L. III. c. 6. §. 6. seqq. p. 155.

seqq. WOLF. I. c. p. 674. seqq. Nihil, quod miramur, probabiliter definiri posse putat REIMMANNVS Hist. theol. Iud. L. I. c. 14. §. 6. p. 269.

^l) De Talmudis diuisione videndus Buxtorfivs in recensione operis Talmudici, et in compendio BASNAGE I. c. p. 143. WOLF. I. c. c. 2. pag. 701.

omnem fere disciplinam Iudaicam absoluunt. Ex quibus intelligi potest, quo nomine eius mentio a nobis heic fieri debuerit. Quaecunque enim de naturali et diuino iure, et de morum quoque doctrina praeceperunt Iudaeorum magistri, quaecunque philosophiae scintillae, in hac gente emicuerunt, illae in hac *δευτερώσεων* compilatione tanquam igniculi latentes ex cineribus erui debent, vt ex eis iudicium de placitis Iudaeorum philosophicis fieri queat. Huic enim syllogae maxima mox auctoritas succreuit, cum non ipsius tantum compilatoris nomen apud suos summo loco esset positum, maximaque Iudaeorum de eo esset opinio, sed et firmiter persuasi illi essent, comprehendere has Mischnaioth diuina illa statuta, quae ab ipso Deo accepisset Moses, isque senioribus populi orali traditione ad posteros propaganda commendauisset, quae obseruationibus suis viri *Θεόπνευστοι* et rectores ecclesiae venerabiles auxissent, et illustrauissent. Quam tamen auctoritatem atque venerationem eas non mereri, facile quemque docebit earum inspectio. Sunt enim non obscurae modo et multis in locis sano sensu destitutae, sed et confusae maleque cohaerentes, cum auctor earum diuersissima placita, opiniones, atque praecepta sine iudicio corraserit, nec quae ecclesiae suae mens hoc vel illo tempore fuerit, definiuerit, manca etiam et inadaequata tractatio ista sit, cum multi iuris diuini et ecclesiastici casus obtingere queant, quae in hoc corpore iuris ecclesiastici Iudaeorum non definiuntur. Id vero occasionem dedit sequentium temporum Iudaeorum magistris, ea quae in hoc corpore iuris Iudaici dicta sunt, illustrandi commentariis, supplendi, augendique, sicque diffusiori pleniorique tractatione de iure Iudaico ediferendi^m, qui commentarii in vnum fascem collecti corpus alterum Talmudis genuerunt, quod Gemara dicitur, cuius iam historiam strictim enarrabimus, vt integra lectori series studiorum Iudaicorum circa ius naturale et diuinum pateat.

§. VII. Nempe illustratione atque explicatione opus habebat collectio Mischnica, vt instituta atque canones ecclesiae Iudaicae in luce clara ponerentur. Illi itaque manum admouere conati sunt discipuli R. Iehudae sancti, vel ipso adhuc viuentis, vel paulo post mortem eius. Inter eos praecipue eminuit diligentia R. Chiam et R. Oschiaam, quibus alii R. Elieser ben Iacob, et Mechilta ben Ismael, alii Bar Kaphra, et R. Nehemiam adiiciuntⁿ. Illi commentariis conscriptis obscuris addere lucem, breuius dicta amplificare, deficientia supplere, et ita Mischnico textui suis explicationibus integriorem quandam habitum conciliare aggressi sunt. Qui commentarii in hanc collectionem recepti, parem quidem cum Mischna auctoritatem apud Iudaeos obtinuerunt, sed nominibus tamen

Gemarae origo.

M m m m m 2

et

^m) Clarissimum hac de re locum R. Iacob Chagis affert WOLFIVS l. c. p. 696. seqq. Ad conciliandam vero perspicuitatem Mischnae puncta vocalia addita, itemque accentus,

ⁿ) Videndi historiae literariae Iudaicae scriptores R. Zachuth, R. David Ganz alique, et ex Christianis WOLFIVS loc. cit. p. 695. 1450. BASNAGE l. c. p. 139. alique.

et charactere distinguuntur. Vocantur enim *הוספתא* *additamenta*, eo quod textui R. Iehudae essent addita; item *ברייתא* siue *בריות*, id est *extrauagantes* vel *exotica*, eo quod extra primam collectionem essent comprehensa, et extra Ierusalem vel potius extra scholam Iehudae scripta, vt obseruatum B V X T O R F I O *. Ex quibus simul patet Thosaphtha viuo adhuc Iehuda fuisse adiecta a discipulis, Baraitha autem post eius demum mortem adiuncta, quae sine dubio caussa est, cur hae explicationes Mischnae saepe inter se dissentiant, nec suffecerint ad tollendam incertitudinem iuris ecclesiastici Iudaeorum, quae ex huius compilationis obscuritate et concisa nimis breuitate aliisque ex causis eius oriebatur. Hinc enati multi noui commentarii a doctoribus Iudaicis eo fine concepti, vt iura atque consuetudines gentis suae accuratius definirent. Eos vero adhibito non exiguo labore collegit R. Iochanan Ben Eliezer †, discipulus Ribbi, R. Iannai, R. Oschaiae, R. Ezechia Ben Chiia aliorumque, quem praesidem scholae in terra Israelis constitutum fuisse A. M. MMMCM XC, R. Dauid Ganz asserit. Hinc collectionem hanc multi Iudaeorum ad A. C. CCLXX et sequentes referunt, quidam recentiorem faciunt, et integro seculo iuniorem †. Ex Christianis Io. LIGHT-FOOTVS † in Sec. IV post C. N. reiiicit, quod frequens in ea Diocletiani fiat mentio. MARSHAM †, ante seculum V non innotuisse hanc Gemaram visum; Morino, Vossio et Pezronio † ad Sec. VII vel VIII referenda videtur. Quam litem vt hic dirimamus, nostrum non est, qui Gemarae historiam *ὡς ἐν παρῳδῳ* tangimus, hoc vnum monentes, videri huic Gemarae postea quaedam, quae recentiorem aetatem sapiunt, fuisse inserta, ex quibus de primae eius originis aetate iudicari non licet. Solet hoc corpus commentariorum in Mischnam vocari *גמרא*, quod vel perfectionem et consummationem stilo biblico infert, vel disciplinam et doctrinam stilo talmudico significat, vnde quidam supplementa interpretantur, quidam commentationes indicari volunt †. Haec collectio cum in Palaestina agroque Hierosolymitano instituta sit, solet Gemara Hierosolymitana vocari, quod nomen tamen alii * a dialecto Hierosolymitana deriuare malunt, et, nisi fallimur, vtraque ratio recte coniungitur. In hoc Talmude Hierosolymitano Mischnaioth quasi textus sunt, explicationes et commentarii Gemaram constituunt, de cuius indole, argumento, auctoritate hic pluribus differere ob instituti rationem non licet †. Iuuasse Iochananem hoc labore traditionum studium, dubium non est: at non adeo placuit contribulibus suis, quam sperauerat, aut quod non integra esset

*) In Lexico Talmudico v. *גמרא*.

p) Natus est, si Iudaeorum calculos sequimur, A. C. 184, et Palaestinae scholae octoginta annos praefuit, obiitque A. C. 279, habuit decem filios ante se defunctos. Conf. WOLF. l. c. p. 875.

q) Vid. quae asserit ex Rabbinis WOLFVS l. c. p. 683.

r) In chorograph. Matthaeo praemissac. LXXXI. opp. T. II. p. 221.

s) In canone chronico p. 159.

t) Il. cc.

u) Vid. laud. WOLFIO l. c. p. 663.

x) HVMFR. PRIDEAUX Hist. Iud. V. T. T. II. P. II. p. 539. BASNAGE l. c. p. 141.

y) Videndi LIGHTFOOT. opp. posthum. p. 30. seqq. B. ZACHARIAS GRAEVS in idea Talmudis Hierosolymitani Lips. 1695. in compendio WOLFVS l. c. p. 892. seqq. et REIMMANVS Hist. theol. Iud. L. I. c. 14. §. 6. p. 269.

esset collectio ista, aut quod Iudaeis Palaestinam inhabitantibus hunc honorem ceteri inuiderent, aut, quod nobis verisimillimum videtur, quod eo tempore scholarum in Palaestina auctoritas valde decreveret, et doctissimi gentis magistri in Babyloniam commigrassent. Hi itaque ut opus tandem arduum perficerent, nova industria manus ei admouerunt, condideruntque Gemaram Babylonicam. Cuius praecipuus auctor fuit R. Asche, scholae Soranae rector², auxiliatrices ei manus iungente R. Abhina³, qui etiam Auina, Rabina, Raf Ina et Rebina, exigua pronuntiationis differentia dici solet. At cum vniuersam traditionum farraginem tot commentariis doctorum Iudaicorum comprehensam colligere in animum induxissent, perficere soli illud opus non potuerunt, R. Iose autem praefes scholae Pumbedithanae tandem feliciter absoluit, vel, qui Iudaeorum dicendi mos est, obsignauit⁴. De tempore autem aeraeque Gemarae Babylonicae non minus ambigua inter eruditos disceptatio est. Iudaei plerique eius absolutam perfectionem, et obsignationem in A. C. D, vel sequentes etiam aliquot annos referunt, quos plerique Christianorum sequuntur⁵. Morinus autem cum Mischnaioth et Gemarae Hierosolymitanae iuniorem epocham constituisset, quae ante Talmud Babylonicum confectae sunt, necessario recentiorum quoque huius aetatem ponere cogebatur. Hinc ducentis annis aerae Gemarae Babylonicae recentiorum esse ea, quae ipsi vulgo assignatur, statuit. Cuius sententiae rationem hanc potissimum affert: *Omnes traditiones Iudaeorum referre, calamitates Iudaeis inflictas propter bellum Ismaëlitarum cum Persis, quibus tandem imperium Persicum funditus deletum est, causam fuisse tam longae cessationis a studio Talmudico et dilationis annorum LXXIII, a morte R. Ase usque ad Talmudis obsignationem. At primum et indubitatum initium maximi istius belli Ismaëlitarum cum Persis contigisse iuxta certissimas Arabum et Christianorum historias anno Hegirae XIII, qui concurret cum A. C. DCXXXIV. Itaque mortem R. Ase vel illum annum incidere, vel circiter antea posteriusue. Additis igitur LXXIII annis ad DCXXXIV, colligi annum absoluti Talmudis DCCVII.* Non destitui specie hoc Morini argumentum omnino fatendum est, ipsi enim Iudaei fatentur, post R. Ase mortem sub Isdegerde persecutionem contigisse, cum is decreuisset, ut Sabbathum aboleretur. Opponunt tamen his Morini rationibus viri docti⁶: Duos praecipue Isdegerdes in historia Iudaica celebrari, alterum eorum, qui A. C. CD imperio praefuit, ut ex ΠΡΟΟΚΟΠΙΟ⁷ patet, alterum qui Seculo post C. N. VII fere medio et vitae suae, et imperii Persici a Muhammedanis occupati finem vidit. Posteriores hic intelligi vult Morinus; at non specialis

Mmm mm 3

cialis

²) Videndus de eo Schalsch. Hakkab. f. 35. p. 1. WOLF. Bibl. Hebr. P. I. p. 133.

³) Iuchasin p. 75.

⁴) Schalscheleth l. c.

⁵) Buxtorf. recens. operis Talmud. p. 230.

BASNAGE l. c. L. III. c. 6. §. 5. p. 149. HOTTINGER. H. E. P. I. c. 5. §. 3. p. 265. WOLF. Bibl. Hebr. P. II. p. 686. seqq. et quos hic allegat.

⁶) Iuchasin p. 117. b.

⁷) De bello Persico L. I. c. 2.

cialis huius persecutionis mentionem faciunt Gedalias et Ganzius, sed generaliter tantum loquuntur, et aliquoties Iudaeos a Persis vexatos esse testantur: id quod sub priore Isdegerde fieri potuit, ut sub posteriore, praesertim cum illum in Christianos saeuissse testetur *SOCRATES* ^{f)}, quibuscum paria saepenumero fata Iudaeos habuisse historia sacra testatur. Alias rationes cur Isdegerdes prior intelligendus sit, prolixè a viris doctis et adductas tacemus, praesertim cum parum fidei tribuat Iudaeis Morinus, in designandis temporum circumstantiis, adeoque ad eorum de Isdegerde testimonia prouocare non possit, quae in rebus historiisque aliarum gentium misere plerumque hallucinari, fatis notum est. Aliud iudicandum, ubi de rebus gentis suae differunt, de quibus et propius rem cognoscendi, et ex traditione monumentisque suorum certiora hauriendi occasionem habuerunt. Ast cum omnes vno ore obsignationem Gemarae Babylonicae in Sec. V post C. N. finem et initia Sec. VI referant, eiusque auctorem R. Asche faciant, illum autem obiisse A. C. CDXXVII dicant, et inter eum ac R. Iose intercessisse LXXIII annos scribant, quibus calamitatibus impediti fuerint, quo minus opus perficerent, causa nulla grauis subest, cur ob anachronismum Iudaei scriptoris fides his omnibus in causa domestica satisque nota deneganda sit. His recte additur, ipsum Alcoranum testem esse, maturius conditam Gemaram Babylonicam obsignatumque Talmud fuisse. Multa enim in eo sunt, quae ex Talmude desumpta sunt, id quod integra tractatione se demonstraturum promissit IAC. WINDETVS ^{h)}, passimque a viris doctis exemplis ostensum est: quae cum Iudaeos a Muhammedanis accepisse nemo sanus dixerit, recte inde inferitur, eo tempore, quo Muhammedes legem suam confarcinavit, Iudaei cuiusdam opera adiutus, Gemaram iam fuisse obsignatam, adeoque Sec. VI fine, quo illa lex Islamitica cusa est, esse antiquiorem. Accessisse tamen in sequentibus quaedam, iuniora tempora spirantia, dubitari non potest, ut in tantae molis collectionibus fieri solet: ex quibus voces peregrinae et recentiores aetatem referentes deriuandae sunt. Et haec quidem de aetate Talmudis Babylonici strictim paucisque dixisse sufficiat, cum ex instituto rem exponere nobis non liceat. Tantam vero auctoritatem nacta est haec iuris Iudaeorum ecclesiastici sylloge, ut eam non scripturae tantum sacrae, verum etiam ipsi Mischnae anteponant, de qua insana Talmudis veneratione, cum nobis dicere plura fas non sit, consulendi sunt, qui res Iudaeorum passim enarrauerunt ^{k)}. Parum tamen Talmudi tribuere Karaeos, supra indicauimus, quae non vltima causa est Vatiniani, quo eos Rabbanitae prosequuntur, odii. Quemadmodum inter Christianos non defuerunt, qui

f) Hist. eccl. L. VII. c. 8.

g) Vid. Wolf. l. c. p. 687. seqq.

h) De vita funct. statu p. 60.

i) Vid. laudatos Wolfio l. c. p. 689. BAS-
NAGE Hist. Iud. L. III. c. 6. §. I. p. 166.

k) Buxtorf. Bibl. Rabb. p. 223. seqq. EISENMENGER. Iudaism. detect. P. I. c. 8. p. 329.
I. IAC. SCHVDT. memorab. Iud. L. VI. c. 27.
p. 35. aliique multi.

igni id addicerent, aliis nimium illud extollentibus, de quibus Talmudis fati legenda sunt, quae BASNAGIVS ¹ et WOLFIUS ^m post alios docte cumularunt, quorum hic quoque argumentum summamque, diuisiones, editiones et alia ad historiam eius literariam facientia affert, qui ea nosse cupientibus est legendus. Parum inesse corpori huic constitutionum ecclesiasticarum gentis Iudaicae, quod philosophiam spiret, omnino fatendum est, at cum neque Iudaeorum de rebus naturalem theologiam concernentibus opiniones queant intelligi, neque iuris diuini historia in hac gente cognosci, nisi hae pandectae canonum ecclesiasticorum consulantur, patet inde, cur in philosophiae Iudaicae historia eius mentio omitti tota a nobis non potuerit. Ordine enim tertio argumenta de matrimonio, votis, iudiciis, poenis, iureiurando maxime exponuntur, quae magnam partem iuris naturalis et diuini apud Iudaeos constituunt. Qui licet positivas suae nationis et ecclesiae leges et constitutiones plerumque sequantur, multa tamen ex naturali quoque iure admixta habent, saltem in historia iurisprudentiae naturalis et diuinae cum fructu comparari cum aliarum gentium institutis possunt, cuius eruditum nobis specimen dedit doctissimi SELDENI ⁿ industria. Vt taceamus ipsos ritus et ceremonias Iudaeorum in philosophiae historia non negligendas esse, eo quod in historia cultuum et religionum cum aliorum populorum consuetudinibus et institutis ad Iudaica quoque respiciendum sit ^o. Verum ex hoc quoque fonte haurienda philosophiae moralis cognitio, cuius haut contemnendum compendium tractatus ille Mischnicus continet, qui פְּרָקֵי אֲבוֹת, *capitula patrum* dicitur, eo quod Tannaitarum, id est patrum doctorumque, quibus traditionis successio debetur, dicta, sententiae, et prouerbia moralia in illo libro sententiarum comprehenduntur. Cuius libelli, in hac nostra historia omnino memorandi, auctor esse dicitur, non R. Iehuda Hakkadosch, sed R. Nathan, in Babylonia natus, qui et hic, et postea Hierosolymae pater domus iudicii fuit, vixitque A.M. MMMDCCCLXXXI, Chr. CXXI, aequalis R. Simeonis Ben Gamalielis. Duo vero exstant, huius generis scripta, quae passim confundi videas. Vnum haec *capitula PP.* comprehendit, apophthegmata eorum exhibens; alterum *de patribus* agit, et PP. quoque V. T. res gestas tradit. Vtrumque Nathani tribuitur, quod an recte fiat, viris doctis dubitatum est. Nam si a Nathane profectus fuisset, qui ante Iehudam vixit, hic illum librum ipse collectioni Mischnicae inferuisset, et non a recentioribus demum magistris fuisset inferendus. Addunt his: exstare in capitulis patrum luculenta vestigia recentiorum temporum; e.g. Praecipitur in iis ^p: filium quinque annorum ad scripturae, filium decem annorum ad Mischnae lectionem, filium tredecim annorum ad praecepta, filium quindecim annorum ad Talmud esse

¹) Hist. des Juifs L. III. c. 6. §. 15. seqq. p. 177. seqq.

^m) l. c. c. 4. p. 962. seqq.

ⁿ) In l. N. et G. secundum disciplinam Hebraeorum.

^o) Vid. Io. SPENCERVS de legibus Hebraeorum ritualibus.

^p) c. V. §. 24.

esse deducendum. Ex quo praecepto colligi debeat, hunc sententiarum libellum post obfignatum Talmud et introductum eius vsum demum fuisse congestum. Alia recentiorum temporum vestigia a MORINO ⁹ collecta, hic omittimus. Sunt tamen in eleganti libello vetustiorum quoque temporum haud exigua vestigia, inter quae imprimis dictio elegans pura, et a Sec. VII vel VIII genio longissime remota referri meretur, quae Mischnicos scriptores si non superat, saltem aequat. Tractatus quoque ille, qui *Massêchet abboth* R. Nathan vocatur, commentarii instar est in *Pirke abboth*, adeoque hoc prior. Vnde coniicimus, Iudaeum aliquem, si non ipse Nathan fuit, libelli huius prima stamina ante R. Iehudae sancti tempora dedisse, syluamque aliquam dictorum a primariis doctoribus relictorum et ore gentis suae celebratorum collegisse, eam vero priuato studio passim adauctam fuisse, indeque non meruisse, vt compilationi Mischnicae a R. Iehuda infereretur. Cum autem successu temporis multa quoque sequiora accessissent, studium Talmudicum, maximeque iactatam doctrinae successionem roborantia, tandem ipsi Talmudi fuisse adiectum. Ex quibus iam quid de fide huius libelli statuendum sit, liquet, quem philosophiae moralis Iudaicae post euersum templum complecti specimina, et historiam aliquam ethicae Iudaicae exhibere, nemo negauerit, licet incertam esse successionis illius doctrinalis in illo libello datae historiam, omnino fatendum sit. Ex eo itaque infra exempla doctrinae moralis inter Iudaeos dabimus, eos secuti, qui libellum haud inutilem commentariis, editionibus, versionibus ornarunt, de quibus literaria Iudaeorum historia consulenda est ^r. Post Talmudis obfignationem plerique in illustrandis illud commentariis versati sunt, nihilque plane attulerunt, nostra attentione dignum, quare iis alibi ^s enumeratis non inhaeremus.

*Fata studii
Cabbalistici
post excidium
templi.*

§. VIII. Haecenus iuris Iudaici diuiniore historiam perlustrauimus, vt qui philosophiae igniculi sub his cineribus lateant, cognoscamus; paucos tamen nos inuenisse fatendum est. Iam ad Cabbalisticam doctrinam pedem promouemus, quae et ipsa traditionis Iudaicae species fuit, sed arcaea atque mystica, et alia prorsus indole naturaue diuersa, quam traditiones rituales et ecclesiasticae, gauisa. Nempe ea nobis metaphysicam Iudaicam exhibet, quae sublimius et *μυστικώτερος* de Deo diuinisque rebus philosophari visa, desertis Mosaicis vestigiis, licet contrarium profiteretur, gentiles semitas secuta est. Eius contaminatae philosophiae Iudaicae origines in Aegypto fuisse enatas et cum allegorica methodo philosophemata Aegyptiaca, Orientalia et Pythagorico-Platonica introduxisse inter Iudaeos in superiori capite demonstrauiamus, ostendimusque syncrētisticam

^q) Exerc. bibl. L. II. ex. 10. c. 1.

^r) WOLF. Bibl. Hebr. P. II. p. 700. vtimur nos editione Hebraica Giesae 1705. 4. et Latina per Io. PHIL. HARTMANNVM 1708. 4. edita,

de vtraque vid. WOLF. l. c.

^s) IDEM Bibl. Hebr. P. I. et in compendio REIMMANN. Hist. theol. Iud. Lib. I. cap. 14. p. 305. seqq.

cam hanc metaphysicam etiam in Palaestinam irrepsisse animosque eorum, qui sublimius de Deo diuinisque rebus philosophari cuperent, mirifice cepisse, ita vero puriores de Deo sensus corrupisse: supposititiis autem foetibus, qui mos fuit eius philosophiae et theologiae, quam receperant, auctoritatem tricis suis quaesivisse, caussando, ab Abrahamo, Mose, reliquisque sanctis viris Θεοπνευστας dono conspicuis, arcana traditione eam doctrinam ad se peruenisse. Quem morem supponendi libros peregrinis dogmatibus sca- tentes magnis viris, cum seculum post C. N. primum et secundum vehe- menter probauisset, et in consuetudinem atque familiaritatem quandam quasi traduxisset, mire ista pessima fraude studium Cabbalisticum inter Iu- daeos post templi vrbisque Hierosolymae euerfionem promotum est. Quod cum arcanam nobis philosophiam metaphysicam et naturalem ex- hibeat, potiori quodam iure tractationem a nobis postulat, praecipue cum magnam cum philosophia Orientali, Aegyptiaca et Pythagorico- Platonica connexionem fouerit, arctoque affinitatis vinculo iuncta cer- tum quoddam philosophiae fanaticae genus exhibuerit. Nam de Deo, de emanationibus diuinis, de angelis, de spiritibus, de mundorum ortu ema- natiuo, de animae origine et vehiculo siue vestibis, de ascensu eius per emanatiuos gradus ad infinitum essentiarum omnium oceanum ita ista phi- losophia praecepit, vt philosophata fuisse Iudaeorum Cabbalistarum inge- nia, sed pessimo modo, fatendum sit. In quae humani ingenii deliria maxime post euerfam rempublicam prono impetu ruebat gens Iudaica, cum antea exigua fortuna vsa fanatica tantum ingenia quaedam in trans- uersum egissent. Ita enim iudiciorum diuinorum ira in infelicissimam nationem exarsit, vt non publicam tantum salutem, pacem atque incolumi- tatem amitteret, sed semper magis quoque in perditissimas errorum ab- ominationes, et nefandas naenias tricasque otiosorum ingeniorum digrede- retur, et a sanctiori doctrina tota defleceret. His enim et sequentibus tem- poribus libros illos Cabbalisticos debemus, quos ad miram antiquitatem mendaces Iudaei euehant, et diu ante hanc aetatem exaratos esse contendunt. Inter eos sunt *Sepher Happeliab* †, *Sepher Hakkaneb*

†) *Sepher Happeliab*, i. e. *Mirabilium*, eo quod mytheria multa ab angelo tradita comprehendere dicitur a Cabbalisticis ad R. Elkana Ben Ierucham Ben Auigedud refertur, quem cum Nechonia eundem esse contendunt, adeoque ante templi secundi deuastationem adhuc vixisse tradunt. Eius tamen Iudaeorum chronologi non meminerunt, vnde suspecta valde est tota illa traditio. Liber nunquam editus, sed passim in bibliothecis msc. ostensus Cabbalistica exhibet somnia, ab angelo, vt auctor vult, sibi reuelata, et ex academia diuina et coelestis profecta, de quo libro Cabbalistico rarissimo, videnda quae B. WOLFIVS Bibl. Hebr. P. I. p. 196. seqq. prolixè nar- rat, qui et P. III. p. 126. bibliothecas nominat, vbi iste liber mirabilium inuenitur. Ex recen-

sione Wolfii, qui librum ipse vidit et inspexit, patet, eum esse Cabbalisticum, et explicatio- nem continere arboris Sephirothicae, aliorum- que principiorum Cabbalisticorum, ad Scriptu- ram S. translatorum, vt ex explicatione Cabbal- isticā initii Geneseos, quam liber ille exhibet, patet. Quamvis autem nugax auctor se ab Elia edoctum, et in coelestem academiam et ad Abra- hamum, Isaacum et Iacobum introductum esse, mentiat, tam impudenter tamen in sanctissi- mum Saluatorem debacchatur, tamque indignis modis de coelestibus mysteriis disserit, vt du- bium non sit, impostorem quendam Iudaeum post templi euerfionem, cum Christiana religio inualesceret, eum librum exarauisse, frustra- que ad El-Kanam ante C. N. viuentem referri.

neh " et *Sepher Habbahir* *, quibus nihil illustrius vel praestantius in arcana sua philosophia esse Iudaei iactant. Aperta enim suppositionis vestigia in illis inueniri fraudesque temporum Christi nati aetatem sequentium prodere, facile probari potest.

R. Akibba.

§. IX. Mature vero post templi et reipublicae Iudaicae euerfionem inter Iudaeos philosophiae Cabbalisticae studium inualuit, fueruntque inter praestantissimos eius populi doctores, qui praeter traditionum studium, hanc quoque arcanam doctrinam multa industria excolerent. Nemo tamen in hoc philosophiae Iudaicae genere magis vel veratus est vel inclaruit, quam celeberrimi Iudaeorum doctores, R. AKIBHA et R. Schimeon Ben Iochai. Ad illum enim liber *Iezirab*, siue *creationis*, ad hunc liber *Sohar*, siue *splendoris*, tanquam auctores referri solet, quae scripta in summa apud Iudaeos Cabbalistas auctoritate sunt. Vtriusque res paucis enarrabimus, et vtriusque etiam libri historiam strictim exponemus, cum isti viri singularia fata habuerint, libri illi autem fontes sint, ex quibus Cabbalisticae philosophiae haurienda cognitio. Et R. Akibham quidem celeberrimum quoque fecit factionis pseu-

*) Eiusdem commatis est *Sepher Hakkanneh*, id est *liber calami* ita dictus, quia in 49 calamos seu cannas liber distinctus est, in quo de praeceptis diuinis Cabbalisticae commentationes afferuntur, cuius pars Pragae 1610. 4. edita. Ex recensione WOLFI Bibl. Hebr. P. III. p. 127. patet, aperte suppositionem in eo prodi, et accentuationis quoque rationes Cabbalisticas afferri.

*) Libri huius auctor dicitur R. Nechonia Ben Elkana, discipulus Iochananis Ben Saccai, et magister R. Imaelis Ben Elisa, Hillelis, Ananiae Ben Dosae et Ionathanis Ben Vsiel aequalis, vnde discimus, eum in annum ante natum Christum circiter 40 incidere: legiturque eius dictum aliquod in capit. patr. c. III. §. 5. p. 19. Vid. post chronologos Iudaeos Zachutum, Gedaliah, Ganzium, OTTHO Hist. DD. Mischn. p. 90. WOLF. Bibl. Hebr. P. I. p. 925. Natus autem liber titulum *הבחי* illustris, siue elucidarius Cabbalisticus, eo, quod maxima luce profundissima Cabbalae mysteria collustrat, vel illuminationem quoque eorum cognitione adiuuet. Iudaeos si audimus, liber hic in terra sancta vsque ad Sec. XIII latuit, tandemque in manus Iudaeorum quorundam Europaeorum devenit. Editi autem est typis pars eius Amstelod. 1651. et Berolin. 1706. 4. Hunc librum omnium Cabbalisticorum antiquissimum esse non Iudaeis tantum visum, sed Christianorum quoque multis, Buxtorfio Bibl. Rabb. pag. 41. Lambecio Prod. hist. lit. I. II. c. 16. p. 235. Bvddeo Intr. in hist. phil. Hebr. §. 29. p. 158. ed. prioris, Io. Mayero de SS. Trinit. mysterio ex V. T. demonstrato §. 113. p. 129. Alii autem, et in his maxime Morinus exerc. bibl.

p. 370. ex silentio antiquiorum scriptorum, praecipue autem Mosis Ben Nachman, celeberrimi Cabbalistsae, qui Sec. XIII medio claruit Hierosolymis, coniecerunt, isto demum seculo fuisse conscriptum, et ut auctoritatem haberet, R. Nechoniae suppositum. Huic suspicioni opponitur citatio huius libri passim facta in libro *Sohar*, quem antiquissimum quoque esse plerique contendunt, vnde coniecit illustris Cabbalae denudatae collector CHRISTIANVS KNORRIVS a ROSENROTH praef. P. II. p. 8. librum *Bahir* in *Sohar* contineri, certe ea inueniri illic, quae hodie paucis paginis comprehensa extant. At ut taceamus dubiam esse auctoritatem et aetatem libri *Sohar*, ut in sequentibus dicetur, colligi inde eodem iure potest, librum *Bahir* ex libro *Sohar* esse excerptum. Certe Nechoniae falso tribui inde patet, quod R. Akibhae, qui Nechoniam praeceptorem habuisse dicitur, ut veteris doctoris in eo fiat mentio, Targum allegetur, cum Onkelosus iunior fuerit Nechonia, ut taceamus alia allata a MORINO l. c. p. 371. 372. inter quae phrasae manifeste recentiores maxime suspectum eum faciunt. Quare aut totus liber inter supposititios et spurios referendus est, aut agnoscendum, manus interpolatoris eum fuisse passum, difficile vero est, genuina a falsis distinguere; quare parum ei auctoritatis tribuendum, conf. WOLF. l. c. et qui sententiam mutauit BVDDEVS l. c. p. 142. edit. secundae, REIMMANN. Hist. lit. theol. Iud. p. 361. et ipse MAYERS l. c.

*) Iuchasin p. 26. Zemach David ad an. 3760. 3880. OTTHO hist. DD. Mischnic. pag. 132. WOLF. Bibl. Hebr. P. I. p. 955. BAYLE quoque de eo disseruit Dict. T. I. art. Akiba, p. 122. seq.

pseudo-Messiae Bar Cochbae studium, quod viro cetera in doctrina gentis suae versatissimo miserabilem vitae exitum attulit, vnde praeter historiae literariae Iudaicae scriptores, de hoc doctore Iudaico illi quoque consulendi sunt, qui fata gentis Iudaicae passim enarrauerunt ². Vixit autem R. Akibba paulo post tempora euerfi templi et vrbis ^a. Matrem Iudaeo genere natam habuit, patrem ex familia Sisserae ducis apud regem Tyrriorum Iabin, habuisse nugatur Zemach Dauid ^b. Iuuentutem virilemque aetatem obscuram peregit, rusticamque secutus vitam ita depressus iacuit, vt praediuitis cuiusdam ciuis Hierosolymitani Calba Chuua greges pascere cogeretur. Filiae tamen heri fui, qui parentis pastorem deperibat, nuptiasque illi promiserat instinctu ad literarum studia XL annos natus adiecit animum, ea quidem felicitate et successu exoptatissimo, vt inter doctissimos suae aetatis Iudaeos postea numeraretur: Data enim nuptiarum fide in Academiam secessit ^c, ibique per duodecim annos integros haerens, tantopere in patria eruditione incrementa coepit, vt et condiscipulos omnes anteiret, et ad docendam iuuentutem animum adiiciens duodecim millia discipulorum haberet. Nec potuit precibus sponsae commoueri, vt literarum sedem istam relinqueret, eo quod ita increuisset discipulorum numerus, vt eorum viginti quatuor millia (Iudaeorum narrationes damus cauto lectori) numeraret ^d. Cum itaque nec eum secum habendi, nec domum reuocandi spem virgo haberet, quam pater ob has nuptias haereditate excluderat, mutatis vestibus ad sponsum delata cum eo vixit, reducemque patri ad pedes eius ob venerationem deuoluto ita reconciliauit, vt doctrina eius illustri fama commotus et generum eum susciperet, et magnam bonorum suorum partem ei cederet ^e. His praefidiis suffultus doctrinae Iudaeorum tum rituali tum Cabbalisticae inuigilauit, docendaeque iuuentuti librisque scribendis totum se tradidit: eo euentu, vt summa eius esset apud Iudaeos Palaestinam incolentes existimatio et auctoritas tanta, vt non erubescerent dicere: Deum R. Akibhae manifestauisse, quae Mosen celauerit. Vnde librorum quoque eius semper apud Iudaeos summa fuit existimatio ^f, adeo vt decisiones eius et pronuntiata tanquam diuina vbique inter Iudaeos reciperentur, quod ex mille locis Talmudis constare potest. At haec ipsa auctoritas summa et diuina, quam Akibba apud suos con-

N n n n n 2

se-

²) BASNAGE Hist. des Juifs L. VII. c. 12. §. 13. seqq. p. 346. seqq. et imprimis Io. A LENT in sched. historico-philol. de Iudaeorum pseudo-Messia p. 9.

^a) Iudaei l. c. in A. M. 3760. eius natales referunt, qui est A. C. 1. floruit autem sub Tito Vespasiano et Hadriano.

^b) pag. 99.

^c) Vid. quae affert Io. CHR. WAGENSEIL ad Sota p. 312.

^d) Bereschith Rabba f. 67. Zemach Dauid l. c. sed vt mendacia palpes, en quod nugiuenduli

adiician: omnes hos discipulos Akibhae inter Pascha et Pentecosten vno tempore obiisse, quod non satis honoris sibi inuicem exhibuissent, omnesque prope Tiberiam sepultos fuisse, vbi etiam Akibba postea terrae mandatus est. Conf. BASNAGE l. c.

^e) Locum tr. talm. Chetubb. f. 63. p. 1. affert LIGHTFOOTVS Hor. Hebr. ad Marc. X. 17. T. II. opp. p. 449.

^f) Praeter librum Iezirah adscribitur ei commentarius allegoricus de interioribus literarum, siue de alphabeto.

fecutus est, luculentum esse testimonium potest, quanta eo tempore fuerit ecclesiae Iudaicae corruptio, quam nugacia ingenia, quamque impia doctrina. Fermentum enim syncrētismi Aegyptiaci, quod philosophiam Mosaicam corrupisse, et heterogenea dogmata, impurasque opiniones sacris doctrinis immiscuisse, supra diximus, omnem quoque eruditionem Akibhae corruptit et infecit, ut ex doctrina libri *Iezirab* est manifestissimum. Nugas vero sectatum fuisse tam celebrem doctorem et ethicae grauitatem misere corrupisse, ex sequenti narratione disci potest, quam tamen non nisi exorata prius lectoris venia et saluo pudore ideo hic afferimus, ut in quas naenias delapsa sit philosophia Iudaica, quae de moribus agit, statim post ea tempora, quibus excellentissimam morum doctrinam, quam Christiana docebat religio, reiecerunt, luculenter pateat ^g: *Dixit R. Akibha: Ingressus sum aliquando post R. Iosua in sedis secretae locum, et tria ab eo didici: Didici primo quod non versus orientem et occidentem, sed versus septentrionem et austrum nos conuertere debeamus. Didici secundo, quod non in pedes erectum, sed iam confidentem se retegere liceat. Didici tertio, quod podex non dextera, sed sinistra manu abstergendus sit. Ad haec obiecit ibi Ben Haisai: Vsque adeo vero perfricisti frontem erga magistrum tuum, ut cacantem obseruares? respondit ille: Legis haec arcana sunt, ad quae discenda id necessario mihi agendum fuit.* En vero egregiam doctrinam moralem! quamuis vltima verba tantum non persuadere videantur, quaeuissimae philosophos etiam in modo exonerandi aluum mysteria Cabbalistica. Quamuis autem magna felicitate ad extremam senectutem, quam CXX annorum fuisse, Iudaei tradunt ^h, vteretur, rebelli tamen et seditioso animo, qui plerosque Iudaeorum eo tempore, maxime in Palaestina, occupauerat, tragicum sibi et miserabilem vitae exitum parauit. Eodem enim tempore, quo summa inter Iudaeos in Palaestina auctoritate viuebat Akibha, prodiit in theatrum mundi famosissimus impostor Bar Cochebas, qui ob mendacia fraudesque etiam *Bar Cozibha*, filius mendacii Iudaeis appellatur, cuius seditionem resque gestas exitumque fraude sua dignum viri docti passim enarrarunt ⁱ. Hic cum ab imperatoris Romani Hadriani potestate liberare contribules promississet, magnam seditionem excitauit, omniaque tumultu turbisque repleuit. Hunc tantus doctor, quantus Akibha fuit, qui verum Messiam, quem patientem forte vidit, reiecerat, pro vero gentis suae liberatore agnouerat, et venditauerat, imo praecursores et armigerum eius se gerebat, et consilia pestilentissimi im-

post-

^g) In tr. Talm. Massech. Berach f. 62. col. l. ex quo repetunt CARPZOVIVS ad SCHICKARDI ius regium c. V. p. 383. not. II. Io. A LENT I. c. p. 10. BAYLE I. c. not. F. pag. 123. REIMANN. Hist. theol. Iud. L. I. c. 15. p. 365.

^h) II. cc.

ⁱ) BASNAGE I. c. p. 328. seqq. A LENT I. c. multique alii fuscè nominati a WOLFIO Bibl. Hebr. P. I. p. 721. seqq. cui facile addi possent plures. Loca Iudaeorum collegit ANDR. EISENMENGER Iudaism. detect. P. II. c. 13. p. 654. seqq. quae Akibhae credulitatem damnarunt.

postoris, quacunque ratione poterat, iuuabat, et ita vīdicta in Romanos et seditione replebat Iudaeorum animos, quos auctoritate sua, quo vellet, ducebat, vt exercitus ducentorum millium virorum conueniret, quos tanta fortitudine fuisse Iudaei nugantur, vt quilibet cedrum in Libano loco mouere, et radicitus euellere potuerit. Hoc exercitu Bitteram urbem Pseudo-Messias occupauit, et latrones quosunque, ceteramque plebis colluuiem ad augendas partes suas collegit. Et primo quidem turbam temere coeuntem contemserant Romani: at cum caede, rapinis, magnaque crudelitate in gentiles et Christianos saeuirent, tandem copias contra eam eduxere. Nugantur hic iterum Iudaei ^k, concepisse sibi tum spem hanc animo Akibham, conuertendi vxorem ducis Romani Tinnii Rufi, eamque defuncta priore vxore sua in matrimonium ducendi: quamuis ab infanientis hominis ingenio arrogantissimo eiusmodi infania non prorsus abhorreat. Licet autem anceps initio esset dimicatio Iudaeique rebelles aliquoties exiguis praeliis vincerent ^l, factum tamen est, vt tum commeatu intercluso, tum vrbe Bitterra per tres annos et dimidium ^m arctissima obsidione cincta se dedere Iudaei cogerentur, Pseudo-Messias Bar Cochebas interficeretur, tantaque strages Iudaeorum a Romanis ederetur ⁿ, vt Iudaei ipsi fateantur ^o, *interfectos fuisse mares, foeminas et paruulos, ita vt sanguis eorum flueret in mare magnum, quod tamen milliari distabat ab vrbe, et fluuiorum duorum vicinorum tertia pars sanguis esset: Romani etiam per septennium vindemiarent sine stercoratione, eo quod fertiles satis essent ex sanguine Israēlitarum.* Akibha vero cum filio Pappo viuus captus detracta pelle misere interfectus est ^p. Id accidisse A. C. CXX Iudaei tradunt, quos tamen calculos errare monet BASNAGIUS ^q, eo quod Bitterra A. C. CXXXVIII demum capta sit, ex quo sequitur, serius eum natum fuisse, quam volunt Iudaei. Licet autem in rebellionis crimine deprehensus Akibha, merito supplicio affectus sit, et seduxisse impostores hos Iudaeos, ipsi viderint, tantum tamen abest, vt detestati fuerint hominis vesani consilia, vt potius inter martyres eum numerauerint, pro fide Israēlis mortem obeuntes, eiusque sepulchrum, quod Tiberiade esse sibi persuadebant, quotannis magna solennitate inter Pascha et Pentecosten inuisere, eoque commigrare cateruatim religionis causa conueuerint ^r. Fuit autem Akibha cum inter traditionis patronos summo loco positus, tum Cabbalisticae philosophiae doctor subtilissimus, cui, qui saniora inter Iudaeos sequuntur, librum Iezirah tribuunt, quem alios magis in mentiando et nugando impudentes ad Abrahamum patriarcham

N n n n 3

re-

^k) Vid. Buxtorffii synag. Iud. p. 916.

^l) Fatetur Garzius tot homines Iudaeos interfecisse, quot arenae sunt maris, Zem. David p. 27. col. 1.

^m) Sanhedrin f. 97. col. 2.

ⁿ) 400000 homines interfecti dicuntur in tr.

Talm. Gittin f. 52. col. 2.

^o) Ibid. Conf. Lightfoot. chorogr. in Matth. c. 52. T. II. opp. p. 280.

^p) Vid. Io. A. Lent l. c. p. 15.

^q) Hist. Iud. l. c. p. 348.

^r) Conf. Wolf. l. c. p. 955.

referre, et vt Akibhae eius honoris aliquid conferuarent, duos libros Iezirah fingere, supra iam exposuimus *. Nulli vero dubitamus, Akibham Cabbalisticam philosophiam in ipsis, vt videtur, adytis Cabbalistarum in Aegypto versantium, vel ex Aegypto prodeuntium edoctum, more illius temporis valde grassanti, ipsam philosophiam suam ad Abrahamum retulisse, et inuenustum pullum venerabili gentis suae parenti patriarchaeque supposuisse, vt doctrinae impiae et ex impuris fontibus haustae, sapientiae Hebraeae opinionem fidemque conciliaret. Quamuis, vt verum fateamur, fatis manifestis indiciis ex hoc ipso *libro creationis* demonstrari queat, talem, qualem nunc legimus, nec Abrahami, nec Akibhae esse, licet ante perfectum corpus Talmudicum non exaratum fuisse, quod MORINVS † contendit, falsum sit, cum eius in illo fiat mentio ‡. Vnde coniicimus, Akibham ex Cabbalisticis fontibus Aegyptiorum Iudaeorum sua prata irrigantem materiam quidem huius libri aliquam vel ipsum conscripsisse, vel discipulis suis oretenus tradidisse, eosque accepta a magistro in literas retulisse, multa vero sequentibus temporibus fuisse addita et mutata, donec tandem in hanc, quam habemus, formam coaluerit. Quamuis enim mire a Iudaicis doctrinis abhorreat liber hic Cabbalisticus, et Pythagorico-Platonicis opinionibus turgeat, ostendemus tamen infra, eo iam tempore eiusmodi nugae inter Iudaeos inualuisse, nec displicuisse numerorum doctrinam Pythagoricam otiosis Iudaeorum arcanam philosophiam sectantium ingeniis: id quod vel solius Philonis exemplo luculento constat. Quicunque vero libri huius, qualem hodie habemus, auctor sit, illud certum est, in immani errore versari eos, qui ad Abrahamum foetum adulterinum referunt, quod a Iudaeis Cabbalisticis quidem fuisse assertum, non miramur, qui more illius temporis et philosophiae, quam deperibant, ad magnos viros sua placita scriptaque et commentationes referre solebant, eo quod auctoritatem illis conciliare, sicque gentilibus honorem eripere cuperent, quod illi tantae sapientiae auctores essent, et probare ita vellent, totam eruditionem a maioribus suis ad Pythagoram reliquosque gentilium philosophos profluxisse: a viris autem doctis magni fieri inter Christianos ferendum haud est. Est vero argumentum libri Cabbalisticum, cumque numeros emanationibus Cabbalisticis adaptet, ipsis Pythagorae numeris, vt est in prouerbio, obscurius, cuius recensionem dabit Cel. WOLFIVS †, qui videndus. Nos hoc vnum notamus, editiones libelli exigui valde inter se differre, vt vel ex versione POSTELLI, quam IO. PISTORIVS ‡ exhibet et STEPH. RITTANGELII § patet.

§. X.

*) R. GEDALIA Schalscheleth Hakkabala p. 28. b. IO. CHR. WAGENSEIL. ad Sota p. 985.
BASNAGE l. c. p. 347.

†) Exerc. bibl. p. 373.

‡) Sanhedrin c. 7. §. 9.

*) l. c. P. I. p. 23. seqq. BAYLE Dict. T. I. v. Abr. not. E. p. 33.

†) T. I. Script. Cabbalif. p. 869. seqq.

‡) Amstelod. 1642. 4.

§. X. Alter ex Iudaeorum doctoribus, qui Sec. II magnam nominis *R. Schimeon Ben Iochai.* celebritatem in gente sua profundiori Cabbalisticae philosophiae cognitione consecutus est, fuit R. SCHIMEON BEN IOCHAI, quem inter multos alios, qui ex disciplina R. Akibhae prodierunt ^a, omnium maxime Iudaei ita extollunt, ut eum principem Cabbalistarum constituent, et lumen magnum, itaqueque scintillam Moysis prophetae appellent ^b. Dum Akibhae discipulum Iudaei dicunt, tempus inde, quo vixit, colligi potest, si cum Iudaeis assumamus A. C. CXX Akibham excruciatum periisse. Certe magna ista calamitas, quam seditiosa sibi gens impulsore Bar Cocheba, suatore Akibha, contraxerat, in causa fuit, ut metu Iudaeorum in speluncam confugeret, qua de re tamen ridicula sunt, quae Iudaei narrant hoc modo ^c: „Quodam tempore confidebant una R. Iehuda, R. Iose, et R. Schimeon, praesente quoque ipsis R. Iehuda filio profelytorum. Tum exorsus R. Iehuda dicebat: quam pulchra sunt opera populi huius! „(Romanorum) extruxerunt enim fora, extruxerunt pontes, extruxerunt thermas. Vbi R. Iose tacebat. Sed R. Schimeon filius Iochai respondens dicebat: quicquid struxerunt, non nisi commodi sui causa struxerunt: fora nimirum, ut illic sedere queant mercatores, thermas, ut ipsi in illis delicias habeant, et pontes, ut ex illis vestigal accipiant. Tunc R. Iehuda filius profelytorum abiit, et ista enarrauit, ita ut innotescerent Caesari, qui hanc tulit sententiam: Iehuda, qui extulit, extollatur; Iose, qui filuit, exulet in Cyprum, Schimeon, qui vituperavit, occidatur. Tunc hic et filius eius sese occultabant in auditorio, et domesticici ipsorum quotidie ipsis afferebant placentam panis et poculum aquae. Sed quia rigorosa erat sententia, ipse dicebat filio suo: mulierum animus levis est, forte dolore angentur, et nos manifestabunt. Abierunt itaque et sese occultarunt in spelunca quadam: ubi contingebat miraculum, ipsisque creabatur arbor filiquifera, (cuius fructus *νερά-τια*) et fons aquae. Deponebant itaque vestes, et usque ad collum suum sedebant in arena, totaque die studebant, tempore precum autem induebant et operiebant se, et orabant in spelunca: deinde vestes iterum deponebant, ne eas detererent. Sic sedebant per duodecim annos in spelunca, donec veniret Elias adstansque ingressui speluncae diceret: „Quis indicabit filio Iochai, quod mortuus est Caesar, et irrita reddita „sen-

^a) Fuere illi multi etiam Cabbalistica eruditione insignes, et inter eos R. Ismael Ben Elisa, qui circa A. C. 200 vixit, librumque imaginis suae *Sepher Hatthemunah* scripserit dicitur, in quo figura literarum Hebraicarum secundum principia Cabbalistica explicatur, et passim msc. ostenditur, vid. PAVL. RICCIUS de coelesti agric. PISTOR. Collect. Scr. Cabb. pag. 132. WOLF. Bibl. Hebr. P. I. p. 702. Sic et *Pirke Hechaloth*, i. e. capitula de templis ei tribuantur, vid. Buxtorf. Bibl. Rabb. p. 169. Buxtorf. Intr. in hist. phil. Hebr. §. 32. p. 196. Fatendum

tamen antiquitatem eiusmodi librorum Cabbalisticorum valde suspectam esse, cum lusus verborum, voces peregrinae, consuetudines recentiores, ad quas passim respicitur, et huius commatis alia valde suadeant vel plane consistos, vel vehementer adulteratos eos fuisse. Quod hic semel monuisse sufficiat.

^b) Conf. loca Iudaeorum adducta a WOLFIO l. c. p. 1134.

^c) Gemar. tr. Schabba c. 2. f. 33. c. 2. KNORRIVS praef. Cabb. denud. P. II.

sententia eius. Exite et videte homines, quomodo colant et feminent.“ Ita quidem Iudaei nugantur, quos has naenias et anicularum fomnia ideo excogitasse, vt fidem doctrinae Iochaidis facerent, dubium non est. Eiusmodi enim congressus diuinos morasque in speluncis non gentiles tantum affectasse, vt sapientiae diuinitus acceptae fidem facerent, Numae, Pythagorae aliorumque exempla docent, sed Iudaeos quoque, ita instituisse vel solus libri quarti, Esdrae suppositi auctor specimen esse potest. In hac vero spelunca eas reuelationes Iochaidem habuisse Iudaei tradunt, quas aut ipse conscripsit, aut a discipulis ex ore eius exceptae et in literas relatae sunt, de eo enim Iudaeorum magistri inter se dissentiunt. Ex hac vero doctrina Schimeonis Cabbalistica confarcinatus est liber *Sohar*, id est, *splendoris*, in quo summa totius Cabbalisticae philosophiae collecta more Aegyptiaco, id est hieroglyphico et allegorico ita proponitur, vt Oedipo ad intelligendum eum lector opus habeat. Non cumulabimus heic narrationes Iudaeorum, miraculosum egressum Schimeonis ex hac spelunca, mirabilem docendi modum, et diuinum ex hac vita egressum miris fabulis exponentes, ne taedium creemus lectori, eiusmodi nugis non affueto; legent, qui his delectantur, eas vel in *Idra Suta*^d, vel in *praefatione* eruditissimi editoris *huius libri*^e. Hoc vnum addimus, paulo post libri huius absolutionem eum fatis concessisse, si Iudaeis fides adhibenda, et prope Tiberiadem fuisse sepultum, vbi synagogam condiderat ^f. Notatque BARTOLOCCIVS ^g, Iudaeos hodie adhuc ad hunc locum Caphar Achabara dictum, et inter Zapheth et Tiberiadem situm sacra itinera religionis caussa suscipere. Maxima vero auctoritate magnaue veneratione librum hunc *Sohar* inter Iudaeos vigere, certissimum est, qui non dubitant a Iochaide fuisse profectum, licet formam libri eiusque configurationem quidam non ad illum totam, sed ad discipulos, maxime vero R. Abbam referant. Quo tamen non obstante aequae certum est, ante seculum post C. N. XIII librum hunc non innotuisse inter Iudaeos, qui eius post R. Mosen Bar Nachman et R. Aser demum mentionem faciunt, quibus is visus memoratusque haud est, vt testantur *Iuchasin*^h et *Schalscheleth*ⁱ. Qui tamen *posterior* alio loco ^k tradit: *Dicere nonnullos R. Mosen filium Nachmanis istum librum inuenisse, in terra Israelis et eum misisse in Cataloniam, postquam iuisset in Arragoniam, et incidisse in manus R. Mosi de Leon: dicere etiam quosdam, quod dictus R. Moses Leon, qui sapiens erat et doctus, has interpretationes fecerit ex ingenio suo, et quod multam ex iis mercedem acciperet a sapientibus, illis imposuerit et nomen R. Simeonis Iochaidis atque sodalitiis eius inscripserit, eo quod pauper esset et afflictus.* Quibus subiungit Iudaeus: *Ego credo rem vanam esse, id autem verum, quod R. Simeon Iochai-*

d) Cabb. denud. T. II. praecipue §. 764. seqq.
p. 595. seqq. add. BASNAGE Hist. des Juifs
L. III. c. 10. p. 283.

e) T. II. Cabb. denud. §. 6. p. 4.

f) Conf. HOTTINGER. de Cippis Hebr. p. 51.

g) Bibl. Rabb. T. IV. p. 418.

h) pag. 42. 152.

i) pag. 62.

k) pag. 31. 32.

chaidēs et societas eius verba haec et plura alia protulerint; fieri tamen potest, ut ipsorum aetate literis non sint consignata, et in ordinem redacta; sed potius in quaternionibus dispersa et successu temporis coniuncta. Fecit haec Iudaeorum de hoc libro discordia, ut Christiani quoque in diuersas de eo opiniones abirent. Multi enim eius fundamenta Simeonem posuisse, usum doctrina ab antecessoribus accepta, discipulos autem ex eius schola prodeuntes amplificasse, et ex magistri doctrina ex ore eius excepta plerosque tractatus istos, quibus liber iste constat, confarcinasse contendunt. Alii in contrariam prorsus partem abeuntes librum hunc Simeoni suppositum et post seculum a C. N. X demum effectum pronuntiant. Nec, ut verum fateamur, vtrique parti rationum pondera et argumenta defunt. Qui enim antiquitatem libri in dubium vocant, potissimum ad silentium Iudaicorum scriptorum, etiam eorum, qui mysteria Cabbalistica professi sunt, prouocant, nec fieri potuisse contendunt, ut tantae auctoritatis tantaque antiquitatis liber indictus praetermitteretur, si iam tum extitisset. His addunt: doctrinam illam, quam liber Sohar istis nominum diuinorum combinationibus et literarum permutationibus vrget, ignotam esse scriptoribus Talmudicis, nec quicquam tale in Medraschim aliisque antiquis Iudaeorum libris commemorari, adeoque suspicandum iure esse, quod recentioris aetatis ingenium sapiat. Mentionem porro in eo libro fieri punctorum et nominum, quibus insigniuntur, ut et literarum magnarum, inuersarum et similium, de quibus Talmud fileat, quaeque recentiorum criticorum inter Iudaeos opera sint. Deprehendi etiam in eo copiam vocum barbararum, post linguae Hebraeae corruptionem ex gentis huius variis migrationibus et commorationibus ortam inualescentium. Allegari in eo Targum, et de lingua Chaldaea vsurpari vocem, eo sensu aetate paraphrasium Chaldaicarum non adhibitam. Immo ipsam Chaldaicam linguam, qua liber scriptus est, prode- re, perperam eum ad Iochaidem referri, eo quod illo tempore, quo Schimeon vixit, eius vsus in exarandis libris non esset receptus, ut Misch-nae exemplo constat, quae Hebraice scripta est. Tandem ad insignem quoque fabularum segetem prouocant, vndecunque ex Talmude, Medraschim aliisque sequiorum temporum scriptis confarcinatarum, et ad res recentiori aetate gestas ibique commemoratas. Ad haec, maxime a Morino valde exaggerata, respondent patroni libri huius, et in his praeci-
pue

1) Praeter alios multos vid. BARTOLOCC. l. c. LIGHTFOOT. opp. T. II. p. 144. PFEIFFER. opp. philol. p. 888. KNORRIVS l. c. BVDDEVS. Obs. Hal. Tom. I. obs. XVI. §. 1. pag. 208. IO. MAYERVS de Trinit. myst. ex V. T. demon- strato §. 114. p. 129. REIMMANN. Intr. in hist. theol. Iud. L. I. c. 15. §. 10. p. 369. seqq.
2) IO. MORINVS ex. bibl. L. II. ex. 9. c. 4. IVD. CAPPELLVS arcan. punct. reuel. p. 853.

BASNAGE l. c. p. 285. FR. STRVNZIVS Hist. Bardeſan. p. 49. CLERICVS Bibl. vniu. T. XVII. p. 451. PRIDEAVX Hist. V. T. T. I. pag. 442. BXTORF. de Abbreu. Hebr. pag. 146. 319. Bibl. Rabb. p. 314. 336. BR. WALTONVS Proleg. Bibl. III. §. 52. p. m. 257. WINDET. de vi- ta funct. staru Sect. VIII. p. m. 200. TENZE- LIVS Exerc. sel. P. I. p. 18. aliique.

pue illustris Cabbalae denudatae editor ^m: Diu occultatum fuisse librum hunc acroamaticum et arcanum, nec id mirum fuisse, quia et lex ipsa per bis mille annos intra domesticos primorum patrum parietes fuerit occultata, donec tempore Moſis publici iuris fieret: alios etiam dari libros non minus diu latentes, qui multo temporis ſpatio paucis fuerint cogniti. Declaraffe vero ipſum auctorem, eundem non publicatum iri, niſi circa vltima mundi tempora: ſciri etiam non poſſe, quae fuerint libri huius, ante eius impreſſionem, fata, et quibus in bibliothecis Orientalium eius latuerint exemplaria. Stili etiam ſingularitatem et conſtitutionum eius antiquitatem, et quod nec Gemarae nec vilius libri Talmudici vllibi faciat mentionem; item quod ab omnibus quorumcunque locorum Iudaeis pro claſſico receptus ſit, ſatis teſtari, illum ſcripto eo, quod dicitur מערכה האלהות multo eſſe antiquiorem. Haec Knorrius; quibus addunt alii exemplum Codicis Samaritani, ſimiliter per longum tempus deliteſcentis; nec ad Talmudicorum ſcriptorum ſilentium hic attendendum eſſe, quos alieno a Sohare, illis quippe aduerſo, animo fuiſſe, dubitandum non ſit, nec a vero videri diſſimile, doctrinam hanc acroamaticam et arcanam et ſcripta de ea conſignata in terra Iſraëlis occultata manſiſſe, et ad Babylonios translata non eſſe, praefertim cum Scholae hae ambae, nempe Orientalis ſive Babylonica, et Occidentalis ſive Iſraëlitica non admodum ſibi fauerent, et ipſe quoque Iochaides Babylonios aliquoties vocet ſtolidos. Addunt porro: vocales ſemper textui fuiſſe additas, adeoque earum mentionem in Sohare, vt in Talmude, fieri potuiſſe: Chaldaïſmum vero ea aetate magis magisque inter Iudaeos inualuiſſe, nec ipſum Miſchnae ſtilum tam pure Hebraicum eſſe: voces autem peregrinas et barbaras a recentioribus libri collectoribus et amplificatoribus eſſe repetendas: methodum per fabulas allegorice interpretandas docendi Simeonis aetate iam inualuiſſe, adeoque et illum et ſcriptores Talmudicos eam ex communi fonte hauſiſſe: reſque tandem recentiores a Simeonis diſcipulis eſſe deriuandas. Facile ex adductis intelliget prudens lector, diſficile eſſe, de hac re certi quid ſtatueri, et diuerſa eſſe iudicia eorum, qui ſententiam interponunt ſuam, prout nempe quis vel pro Cabbalae antiquitate vel contra eam affectus eſt. Nec nos audemus, certiora definire, explicabimus tamen modeſte, quae nobis videntur vero propiora, et in incerta diſputatione pro veriſimilibus amplectenda. Et I. quidem doctrinam eam, quam celeberrimus hic liber Cabbaliſticus de Deo eiusque eſſentia, attributis et nominibus, de Meſſia, de angelis bonis et malis, de anima hominis eiusque origine et ſtatu &c. tradit, non aeuo demum medio natam eſſe, ſed circa naſcentis Seruatoris tempora iam inter Iudaeos viguiſſe, ex patriis dogmatibus et placitis Orientalibus, Aegyptiacis et Pythagorico-Platonicis conſtatam ex ſupra dictis conſtat, et ſi inſtitutum patetur, ex Philonis doctrina cum hoc libro collata facile poſſet oſtendi ⁿ, multo

^m) l. c. p. 4.

ⁿ) Fidem eius faciemus exemplo luculento,

vbi infra de macroproſopo Iochaidis diſſerendum.

multo magis autem ex placitis philosophiae Orientalis supra enarratis demonstrari; id quod lectoris industriae relinquendum est, licet infra quoque eius rei specimina danda sint, eo quod a recepto Cabbalistarum systemate emanatio liber hic non abit. II. Nec methodus quoque libri huius ab ista aetate abhorret, qui fuit in Aegypto, quae patria huius doctrinae extitit, allegorica, aenigmatica, multisque inuoluta velis, quamque ita ad philosophiam suam arcanam traduxere Iudaei, vt, quod in sacris suis Aegyptii solebant, ipsi imitarentur, legisque et scripturae sacrae historias, imaginēs, dicta ad delineanda vel obtegenda potius mysteria sua Cabbalistica adhiberent: quam docendi rationem iam ab Aristobuli tempore inualuisse, supra demonstratum est. Sed et hoc III. rerum harum peritis ignotum esse non potest, solitos fuisse illorum temporum Iudaeos hanc doctrinam mysticam arcanam seruare, librosque de ea conscriptos occultare, et non nisi selectis probatisque aperire discipulis; qua ratione iam ante N. C. libros suos philosophicos allegorice scriptos Therapeutas Iudaeos arcanos seruauisse suo loco ostensum est. IV. Quin et illud ex supra dictis constat, migrauisse hanc philosophandi rationem arcanam in Palaestinam iam ante N. C. passimque obtinuisse, at occultatam fuisse, et a paucissimis excultam, a paucioribus intellectam. Quibus suppositis V. nihil a vero alienum nobis habere videtur, Simeonem Iochaidem hanc arcanam philosophiam, siue theologiam et pneumaticam Cabbalisticam tenuisse, et discipulis tradidisse, eos autem ex ore magistri excepta fensim in literas retulisse, adeoque ὕλην illam congeffisse, ex qua liber Sohar enatus est; multa quoque miracula et diuinas reuelationes finxisse, vt auctoritatem huic doctrinae arcaniori, a communi Iudaeorum fide valde abeunti, conciliarent. VI. Credibile quoque, diu latenter haec mysteria habita, cum quod ita ipsius disciplinae methodus posceret, tum quod multa in ea doctrina cum placitis Iudaeorum non concordarent: VII. diuersissima quoque placita, et meditationes succedente tempore fuisse adiectas, cum a diuersis auctoribus semper aliquid adderetur: hincque factum esse, vt multa sequioris temporis vestigia in eo deprehendantur. VIII. Tandem vero librum vel collectionem potius istam Cabbalisticam in eam formam sequiori tempore coaluisse, qua nunc habemus, et tunc quoque illa accessisse, quae non nisi a recentiori manu potuerunt adiici. Nihil in his est, quod non cum historia Cabbalisticae philosophiae conueniat, et pro doctrinae Soharicae antiquitate militet, licet formam forte libri recentiorem esse concedendum, et Simeonem materiam tantum dedisse, dicendum sit. IX. Ita vero obiectionibus quoque virorum doctorum satis posse fieri putamus. Nam quod diu liber latuerit, vel forma eius et compilatio recentior in causa est, vel studium occultandi libros arcanos. Quae quoque ratio esse potest, cur Talmudici de eo taceant, quos de his sacris non fuisse sollicitos constat: quamuis etiam doctrina aliena a placitis domesticis inuisum eum librum facere potuerit. Nec fabularis methodus

dus ex alio fonte nisi ex methodo Aegyptiaca deriuanda est: largiendum autem homines medii aevi has vetustioris seculi reliquias confarcinasse, auxisse, interpolatasque sui temporis circumstantiis attemperauisse. Quod tamen quo tempore factum sit, definiri non potest, eo quod plerumque, quae arcana habentur, origines suas valde occultent, et initio supprimantur. Ceterum non omitti hic plane debet, quod PAVL. RICCIUS^o obseruauit, postquam Simeonem Iochaidem cum Dionysio Areopagita comparauisset: *vtrosque aequales circa excidii Hierosolymitani tempora floruisse, amborum dicta pari tenore et simili contemplandi legem more tractare rerum arcana, spiritalemque sacri eloquii tradere intelligentiam, eorundem scripta quoque aequali fere annorum spatio latitasse, et eodem quasi tempore in lucem prodiiisse.* Quamuis enim maxime fallatur, statuendo aequales fuisse Simeonem et Dionysium hunc, et paria fata vtrumque habuisse, immo in eo quoque erret, quod sacram intelligentiam scripturae vterque melius quam ceteri aperiat, recte tamen vidit, esse inter vtriusque doctrinam multam similitudinem: cuius causa ex eo intelligi potest, quod ex vno eodemque fonte vterque sua hauserit, et philosophia Aegyptiaca recentior parens pulli huius inuenisti fuerit, quo Iochaides Iudaicam Pseudo-Dionysius Christianam deformauit ecclesiam. Id quod vtriusque dogmata cum inter se, tum cum iis, quae supra de philosophia Alexandrina differuimus, comparanti erit manifestissimum. Ex his vero iudicandum est, quousque in delineanda philosophia Iudaeorum Cabbalistica, ad hunc librum splendoris respiciendum sit? Per quod dogmata Cabbalistica ea, quae in Aegypto enata, et in Palaestinam propagata sunt, tandem ad nos peruenisse, ex supra dictis intelligitur; difficile tamen est affutos panniculos a prima textura distinguere, et genuina a spuris discernere, et dogmati cuius suas origines suamque aetatem tribuere. His accedit inextricabilis libri confusio et obscuritas fere insuperabilis; quae tamen eo minus miranda, quo magis et argumentum ipsum de rebus tractat metaphysicis, abstractis, rationem fere superantibus, et imaginationis limites refugientibus; et methodus allegorica omnia illa non corporeis tantum inuoluit imaginibus, sed tantis etiam aenigmatibus obtexit, ut sphynge ad ea soluenda opus sit; et fabularis illa et inepta docendi ratio Iudaica, veri sensus latebras tenebris cingit nouis et profundissime abscondit; et liber non vnius labore, sed multorum studiis congestus compilatusque, varias et diuersas etiam inter se diuerforum temporum sententias et opiniones continet, quas in concordiam redigere et confundere in vnum systema, impossibile iudicamus. Quam obscuritatem libri nec alii viri docti, nec ipse Knorrius, tantopere pro libri huius auctoritate tuenda occupatus, negare potuerunt, et, vel illi soli libri, quos ex integra tractatione exhibet *Cabbalae denudatae tomus alter* satis ostendunt. Cui licet

^o) De coelesti agricultura L.IV. Collect. Script. Cabbalist. PISTORII p. 125.

^p) Vid. laudatos WOLFIO l. c. p. 1140. add. BASNAGIUS l. c. p. 286.

licet doctissimus vir ille data *Introduktion in librum Sohar*, multo labore et ingenio confecta mederi voluerit, vehementer tamen timemus, ut tenebras dispulerit, licet systema Cabbalisticum semel deprehensum tenentes, ex eo lucis aliquid capere queant. Ex his itaque difficultates in cognoscendis rimandisque mysteriis Cabbalisticis quilibet intelligit, multoque labore animoque praeiudiciis non obsepto eo connitendum est, ut ex Cabbalistarum scriptis systema aliquod cohaerens certumque eruatur, quod lucem Cimmeriis his tenebris inferre queat. Qua lampade instructus si quis libri Sohar adyta rimatus fuerit, deprehendet tandem paulo clarius ea mysteria, quae ex Aegypto ad Iudaeos peruenerunt, et philosophiam orientalem et Aegyptiacam, Pythagorico-Platonice dogmatibus temperatam ad hanc quoque nationem propagauerunt. Sine hac enim face frustra quis librum Sohar legerit atque relegerit, memorque veteris sententiae: qui non vult intelligi, non vult legi, abiecturus est librum non nisi initiatis patefcentem. Ex his vero iudicandum quoque est, de quo viri quoque eruditi disputant, utrum antiquissimarum veritatum in ecclesia Iudaica conseruatarum vestigia in illo libro comprehendantur; vel otiosae recentiorum temporum nugae in eo exhibeantur: quorum illud scriptores de veritate religionis Christianae passim, et imprimis, qui SS. Trinitatis mysterium ex Cabbalisticis scriptis multa eruditione demonstrare satagit, IOANNES MAYERVS, itemque editor libri Soharici KNORRIVS A ROSENROTH contendunt, posterius maxime IOANNES MORINVS vrget, qui valde hunc librum contemnit. Nobis si iudicandum est, in utroque asserendo modus valde tenendus videtur, et nec affutae a recentioribus explanatoribus laciniae, materiae antiquiori adscribendae imputandaeque, nec mysteria Cabbalistica cum puris reuelationis dogmatibus confundenda videntur. Demonstrabimus enim infra luculenter, triada Cabbalisticam siue Sephirothicam a Trinitate Christianorum toto coelo differre, nec esse aliud, nisi emanationum diuinarum, ipso primo Deo dignitate, natura, origine inferiorum, licet in eius vnitate essentiae haerentium et radicatorum ternio adeoque melius cum aeonibus Gnosticorum, quam cum SS. Trinitate Christianorum comparari. Cetera, quae historiam huius libri literariam spectant, dabit ea larga manu Cel. WOLFFII² diligentia, quae non repetimus: id vnum in lectoris gratiam monentes, ex quinque editionibus Knorrianam¹ esse absolutissimam, Amstelodamensem³ compendio suo commendabilem.

§. XI. Post Iochaidis aetatem a Seculo III post C. N. ad Sec. X, *Cabbalisticum studium Sec. III, ad Sec. X fere neglectum.* exigua studii Cabbalistici notitia in scriptis Iudaeorum chronologicis et literariis occurrit. Cuius variae causae afferri possunt. Primariam in ipsa Cabbalistarum methodo arcana latere putamus. Abscondisse enim hos homines mysteria sua et non nisi initiatis tradidisse, iure iurando quoque

O o o o o 3

ad

2) loc. cit.

1) Solisbaci 1684. fol.

3) 1714. 4.

ad silentium sanctissime seruandum adstrictis ex dictis constat, et in sequentibus quoque dicitur. Cum itaque paucissimis ea inspiciendi data esset occasio, et nonnisi precibus pretioque exorari possent inuidi philosophi, ut tanta mysteria patefacerent, mirum non est, paucissimos in Cabbalisticam philosophiam incubuisse, pauciores repertos fuisse, quibus secretior philosophiae illius conditio innotuerit. Cumque haud vno dogmate a recepta ecclesiae Iudaicae doctrina placita Cabbalistica abirent, omnino verisimile est, eos, qui his sacris addiscendis operam dedere, clam id studium habuisse, et scripta quoque Cabbalistica summa industria occultauisse. Nec alia forte ratio subest, cur tam pauci libri Cabbalistici extent, illique in bibliothecarum forulis tanquam a draconibus custoditi seruentur. Nec, si etiam forte fortuna innotuissent, magnopere ad eos attendisse Iudaeos, credibile est. Tanta enim obscuritate tantisque aenigmatum tenebris obtegebantur, densissimoque obuoluebantur velo, ut nec vellent magnopere eos legere, quos intelligere se posse desperabant, et si vellent, sine magistro non possent, eumque difficillime impetrarent. Accessit studium traditionum, ex quo collectio Mischnica et Gemarica initio in agro Hierosolymitano, et tum in Babylonia compilata est. Eius enim studium ita occupauerat Iudaeorum animos, ut de aliis rebus vix cogitare possent, satis sapientiae acquisuisse sibi visi, si Talmudicam eruditionem possiderent. Parum etiam Cabbalisticae doctrinae ad Iudaeos Babylonicos peruenisse, est longe verisimillimum, apud quos tamen sedes eruditionis a Sec. III fuit, quo scholae Palaestinae pedetentim exspirauere: quo aliter fieri non potuit, quam ut monumenta Cabbalistica, in scholis Palaestinae delitescerent, in obscuris angulis manerent abscondita. Immo nec temporis fatis fuisse Iudaeis ad difficillima haec dogmata addiscenda, probabile videtur, cum et studium Talmudicum totam fere hominis aetatem posceret, ex quo obfignatione Talmudis in immensam farraginem traditiones creuerant; et calamitates atque persecutiones, quibus Iudaei in Oriente premebantur, et quibus tandem in omnem terram disiecti dissipatique sunt, omne literarum studium valde deprimerent. Non mirabitur itaque Lector, nihil nos habere, quod in hac quidem historiae Iudaicae periodo de philosophia ista arcana afferamus. Iam ad ea fata literaria et philosophica progrediendum est, quae habuit gens Iudaica, ex quo loco suo illa mota est.

Status literarius Iudaeorum Seculo X.

§. XII. Non defuisse Iudaeis post factam iuris ecclesiastici, siue Talmudis obfignationem, viros eruditos, qui hanc eruditionis partem excolerent, Iudaeorum scriptores literariae historiae testantur, et ex doctorum suorum successione, quam iactant, intelligitur. At effecere tamen innumerae calamitates, quibus infelix natio tantum non exhauriebatur, ut tota fere eruditio Iudaica succumberet, certe languescere vehementer inciperet. Fatenturque GANTZIVS et ZACHVTHVS, eo

rem

*) Zemach David p. 51.

*) Iuchasin p. 119.

rem deuenisse, vt non inuenirentur, qui muneri docendi publico possent praefici, et eiusmodi homines ad doctoris munus eueherenter, quos omnia alia, praeter doctrinam literasque, ornabant. Teste enim R. GEDALIA^x circa ea tempora quidam R. Aharon ad scholae rectoratum eo tantum nomine peruenit, quod diuitiis polleret, licet indignus tanto munere fuisset. His accedebant lites et contentiones rectorum et aechmalotarcharum, quibus res suas literarias ipsi pessundauerunt. Testibus enim historicis Iudaeorum laudatis inter rectorem scholae Pumbedithanae R. Mecascher, et aechmalotarcham, non sine dominationis affectatione Iudaeos regentem Dauid Ben Saccai acerba iurgia exorta sunt, tantaque dissensio enata, vt vehementer res Iudaeorum affligerentur^y. Maxima vero literae Iudaicae decrementa passae sunt, ex quo Iudaei sedibus suis moti, disiectique in varias regiones, scholas suas doctoresque relinquere coacti sunt, de quibus gentis huius calamitatibus illi legendi sunt, qui historiam Iudaicam exposuerunt^z. Resumerunt tamen vires, et paulisper redire coepit pristinus eruditionis honos inter Iudaeos, cum Saraceni summa rerum potirentur, literaeque a Christianis in exilium pulsae ad Muhammedanos, pristinae ignorantiae capistro solutos confugissent, et inter eos philosophia quoque eminere iterum coepisset, id quod maxime seculo X post Seruatoris natales accidit. Eo enim tempore scholae Pumbedithana atque Sorana caput extulerunt iterum, nouique doctores illis praefecti sunt. Valde enim vtraque prius decreuerat, narratque ZACHVTHVS^a, post Raf Schalum Ben Misaël, qui Soranae scholae rector praefuit, adeo emarcuisse florem scholae huius, vt post Mar Raf Iacob Ben Netrunaei nemo inueniri potuerit, cui docendi munus satis feliciter posset commendari, coactumque fuisse principem captiuitatis Dauid, textorem quendam R. Iom Toph scholae praeficere: deliberatum quoque esse, annon consultus esset, eam totam tollere, doctoresque reliquos atque studiosos in Pumbedithanam scholam transferre. Tandem, ne plane deficeret, Mar Raf Nathanem electum, simul autem in id laborem omnem collatum esse, vt vir quidam doctus et celebris scholae huic praeficeretur, sicque reflorescere posset. Talem tandem in R. Saadia inuentum esse, qui tamen non ex Iudaeis Babyloniis, sed Aegyptiacis fuerit, qui vocatus postea scholae praefesse, nouoque splendore eam illustrare cepit, id quod factum est A. C. CMXXVII, teste GANTZIO^b. Ab hoc itaque Saadia noua eruditionis Iudaicae periodus exordienda est.

§. XIII. Dignus est, quem silentio non praetereamus R. SAA-
DIAS GAON Ben Ioseph Aegyptius, ex vrbe Pithum oriundus. R. Saadias Gaon.
Ex quo enim a Dauide Ben Saccai aechmalotarcha^c euocatus ex Aegypto

^x) Schalscheleth Hakkabala p. 37. a.

^y) Zemach Dauid l. c. Iuchasin p. 121. BAS-

NAGE Hist. Iud. L. IX. c. 4. §. 2. p. 100.

^z) IDEM l. c. c. 2. p. 21. seqq.

^a) l. c. p. 119.

^b) loc. cit.

^c) De aechmalotarchae dignitate, iure, potestate videndi post Iuchasin p. 122. HOTTINGERVS Hist. eccl. Sec. X. l. 4. p. 157. BASNAGE Hist. des Juifs L. III. c. 4. p. 92.

scholaeque Soranae praefectus fuit, eruditione sua collapsa studia valde restaurauit literisque aufugientibus habenas iniecit. Sed et philosophiae nomine meruit, a pestilentissimo enim errore de transmigratione animarum, qui valde Iudaeos occupauerat, contribules suos liberare omni vi fategit. Non potuit tamen aetatis illius infelicitas hominis doctrinam ferre, sed mature graues inter eum et aechmalotarcham dictum lites et contentiones obortae sunt. Nempe cum aechmalotarchae a Saracenis, penes quos summa rerum tum erat, principatum pretio acquisiuisent, abuti potestate coeperunt, et insolentius imperitare Iudaeis ausi sunt. Id cum Dauid quoque auderet, isque a Raf Saadia postularet, vt iniquioribus quibusdam postulatis in eius gratiam subscriberet, repulsam tulit. Quod ita aegre tulit aechmalotarcha, vt quacunque ratione posset, Saadiam vexaret. Adiunxit enim ei Raf Ioseph hominem tenerum annis doctrinaque exiguum, mortemque nisi desiderii suis velificaretur, Saadiae minatus est. Qui licet discipulos in aechmalotarcham excitasset, qui pro praeceptore in illum insurgebant, infelicitate tamen ea res cessit Saadiae, ita vt ad necem quaereretur, cogereturque fuga elapsus per septennium se abscondere, quo exilii tempore libros multos conscripsit, de quibus mox dicemus. Tandem principi Iudaeorum reconciliatus ad muneris sedem rediit, prouinciamque hanc ea ornauit eruditionis laude, vt post mortem quoque Iudaeis esset celebratissimus ^d. Duabus vero ex causis attentionem in historia philosophiae Iudaicae meretur. Nam primo studium is Cabbalisticum, quod depressum hactenus et neglectum iacuerat, resuscitauit, conscripto in librum *Iezirah* commentario ^e, libroque alio Cabbalistico, cui titulum fecit: *lapis philosophorum* ^f. Deinde valde memorabilis est propter *Sepher Haaemunab*, siue *librum de fide*, Arabica lingua conscriptum, et a R. Iehuda Ben Samuel Aben Tibbon in Hebraicam dialectum translatus. Is compendium quidem theticum theologiae Iudaicae exhibet, at tale, quod argumentis quoque philosophicis auctum est; agit enim de Dei essentia, attributis, creatione et prouidentia, de natura, essentia, et facultatibus animae, de transmigratione aliisque ^g, quae ad philosophiam quoque referri solent; cuius libri valde memoria in hac tractatione digni compendium cum enarrauerit HENRICVS HOTTINGERVS ^h, Lectorem breuitatis causa ad eum ablegamus. Solet etiam idem Saadias Gaon in philologiae sacrae historia memorari ob *Sepher Igrun*, siue *librum collectionis*, ex quo patet, hunc Saadiam primum inter Iudaeos Grammaticum fuisse, de qua re alio loco agendum est

^d) Videndi Iuchasin et Zemach David II. cc. GEDALIA Schalscheleth Hakkabala pag. 38. R. AB. BEN DIOR Sepher Cabb. ex Christianis HOTTINGER. l. c. p. 136. MORINVS ex. bibl. p. 431. BASNAGE l. c. p. 101. WOLF. Bibl. Hebr. P. I. p. 932. seqq.

^e) Mantuae 1592.

^f) Caue vero tractatum Alchemisticum hic

quaeras. Liber enim est Cabbalisticus, vid. BUKTORF. Bibl. Rabb. p. 24. HOTTINGER. Bibl. Orient. p. 31. WOLF. p. 933. REIMMANN. l. c. p. 375.

^g) Conf. BYNDERS Intr. ad Hist. phil. Hebr. §. 30. p. 144. vbi tamen pag. 145. pro adstruit, destruit legendum est.

^h) l. c. p. 139. seqq.

est ⁱ; quemadmodum in aliis quoque eruditionis sacrae partibus haud obscura eius fuere merita, de quibus historiae Iudaeorum literariae scriptores ^k consulendi sunt.

§. XIV. Reuocatis ita inter Iudaeos Orientales literis, noua industria iuuentus in studia incubuit, et ita eorum increuit numerus, vt noua academia in vrbe Pherez Schibbur excitaretur, in qua nonaginta millia Iudaeorum habitauisse, eorum scriptores thrafonico more suo mentiuntur ^l. In hac noua Musarum sede circa medium Sec. XI inclauit R. Scherira Gaon, cum filio R. Hai. Is enim Geonatu, quo nomine doctoris publici munus his temporibus significabatur, functus est ab A. C. CMLXVII ad CMXCVII ^m, scripsitque *responsionem de variis capitibus historicis ad Mischnam, Gemaram, academias et doctores Iudaeorum pertinentibus*, quibusdam editionibus *Iuchasin* insertam, ex qua literaria huius gentis historia iuuari potest. Delatus apud Turcarum Sultanum captus, priuatusque facultatibus omnibus senex centenarius, e manu suspensus misere periit, filium vero Hai successorem habuit, qui huc eo nomine pertinet, quod praeter philologiam sacram Cabbalisticam quoque philosophiam laboribus suis illustrauit, conscripto *de nominibus diuinis* libro, et *commentario in librum Iezirah* ⁿ. Cum eius morte, qui A. C. MXXXVII contigit, Geonim quoque classis expirauit, simul autem Iudaeorum in Oriente felicitas occidit. Capto enim eius temporis aechmalotarcha a Calipha Saracenorum, scholae clausae, doctores fugati, Iudaeique dissipati sicque coacti sunt in regionibus Occidentis latibula tutiora quaerere ^o. Non tamen omnes ita scholas extinctas fuisse, ex eo colligi potest, quod docentes adhuc in Oriente in itineribus suis offenderint R. BENIAMIN TVDELENSIS et R. PETACHIAS Ratisbonensis ^p, qui virginem Iudaeam eruditam per transfennam docentem ibi inuenit ^q. Parum tamen vel nihil plane ad rem literariam iuuandam ex iis collatum esse legimus. Ex Oriente itaque profugi maxime in Hispaniam se conuerterunt, in qua regione Iudaei iam a Salomonis vel Nebucadnezaris tempore maiores suos habitauisse gloriantur ^r, et ibi genealogiam familiae Dauidicae, quae in Oriente in persecutionibus illis perierat, con-

Finis eruditionis Iudaicae in Oriente.

ⁱ) Vid. MORINVS l. c. p. 431. GVSTAV. PERINGER. histor. linguae et eruditionis Arabum c. V. p. 193.

^k) Vid. WOLF. l. c. p. 932. seqq.

^l) Falsum id esse, vel solae persecutiones, quae misere Iudaeos diminuerunt, testes esse possunt. Calculum itaque ei addere BASNAGIVM l. c. p. 105. miramur.

^m) Iuchasin p. 125. b. WOLF. l. c. p. 1155. BASNAGE l. c. p. 109. HOTTINGER. Hist. eccles. Sec. IX. f. 4. p. 501. seqq.

ⁿ) Vid. Buxtorf. de orig. punct. voc. P. II. c. 4. p. 328. BASNAGE l. c. p. 108. WOLF. l. c. p. 343. HOTTINGER. l. c. p. 505.

^o) Schalscheleth Hakkabala p. 38.

^p) Videnda vtriusque itineraria, conf. BASNAGE l. III. c. 4. p. 118. l. IX. c. 10. p. 290.

^q) Peculiari dissert. historiam huius virginis eruditae illustrauit B. G. GVST. ZELTNERVS, qua huius temporis historiam Iudaeorum literariam mira luce perfudit.

^r) Vana haec esse Iudaeorum somnia ostendit BASNAGE l. VII. c. 9. p. 241.

conseruatam fuisse iactant: certiori vero fundamento cum Herode in Hispania exulante eo descenderunt, et postea a Tito post excidium vrbs illuc missi sunt, tempore vero concilii Eliberitani iam illic fuerunt, vt ex actis eius patet. Huc itaque translatae sunt scholae orientales, quod qua occasione factum sit, apud GANTZIVM¹ et ZACHVTHVM² legi potest. Ibi cum Saraceni rebus praecessent, facili Calipharum fauore gauisi sunt. Scholas itaque nouas constituerunt, et doctrinam Talmudicam atque Cabbalisticam excoluerunt, tandemque cum Aristotelis philosophia inter Arabes triumpharet, ei quoque discendae animum applicuerunt. De quibus philosophiae Iudaicae fati in Occidente iam porro dicendum est.

Fata philosophiae Iudaicae in Occidente.

§. XV. Posita in Hispania literarum Iudaicarum sede, quae parum apud Iudaeos istius loci ante ista tempora vigerant, potissima doctorum cura fuit de studio Talmudico, quod magna industria ab eo tempore profecuti sunt, Iudaeorum magistri, qui ab ea aetate Rabbanitae dicti sunt³. Quos conatus adiuuit Saracenorum principum gratia. Iussit enim Calipha Hascem II, R. Ioseph, discipulum R. Mosche, qui ex oriente eruditionem Talmudicam in Hispaniam aduexerat, Talmud in Arabicam linguam conuertere, R. Nathan Ben Iechiel Ben Abraham autem, praefes Academiae Romanae, qui A. C. MCVI obiit, primus lexicon Talmudicum, *Baal Aruch* dictum⁴ eo fine conegessit, vt contribules in addiscendo Talmude adiuuaret. Ex eo tempore magnus commentatorum in illud numerus exortus est, narranturque additamenta siue thesophoth Gemarae Babylonicae a R. Ascher et R. Iosech confecta, doctoresque Iudaici haud incelebris nominis R. Alpheth, R. Ioseph Ben Meir, R. Abraham Ben Dior, R. Salomo Iarchi, R. Mosche Ben Maimon, R. Iacob Ascher, R. Mardochai, R. Ieschua Halleui, multique alii, de quorum tamen laboribus Talmudicis heic loci plura dicere institutum vetat, plena autem eorum hauriri potest cognitio ex bibliothecis Rabbinicis a viris praestantissimis IULIO BARTOLOCCIO et IOANNE CHRISTOPHORO WOLFIO summa diligentia conscriptis, vt taceamus alios⁵, qui historiam Iudaeorum literariam alibi tetigerunt. Quamuis autem in explanando illustrandoque Talmude maxima doctorum Iudaicorum versaretur occupatio, non neglexere tamen philosophiam Cabbalisticam, cuius mysteria illustrare tentabant, reuera nouis nugis magis obscurabant. Hinc magnus ab eo tempore scriptorum Cabbalisticorum numerus deprehenditur, quos passim enumerauerunt viri docti⁶. Inter eos laudantur Maimonides, R. Abraham Ben Dior, R. Abraham

¹) Conf. IDEM l. c. §. 10. p. 253. et I. IAC. SCHVDTIVS in memorabil. Iudaic. L. IV. c. 9. p. 128. seqq.

²) Zemach David p. 52.

³) Iuchasin p. 121. a.

⁴) Cirati, Schalfsch. Hakkab. p. 39. a.

⁵) Vid. WOLF. l. c. p. 921. REIMMANN.

l. c. L. I. c. 14. de auctore conf. Iuchasin p. 131. a. Schalfschelerh p. 41. b.

⁶) BVDDEVS, BASNAGIVS, REIMMANNVS ll. cc.

⁷) Io. REVCHLIN. ad art. Cabb. L. I. Script. Cabb.

ham Ben Isaac, R. Iehuda Hachafid, R. Aben Esra, R. Baruch Ben Schemuel, R. Eliezer de Garmiza, R. Mose Ben Nachman, R. Schem Tof, R. Meir, R. Bechai, R. Perez, R. Isaac Bar Abba, R. Iahiel, R. Menachem Rekanat, R. Iacob Ben Ascher, R. Ioseph Ben Iakan, R. Ioseph Gecatilia, R. Ioseph Kamitol, R. Leui Rekanati, R. Iehuda, qui et Leo Hebraeus dicitur, R. Isaac Loria, R. Iacob et R. Mose Corduero, R. Elia, R. Abraham Leui, R. Abraham Galante, R. Schelomoh Alkarez, R. David Ben Aui Simri, R. Abraham Ben Elimelech, R. Isachar Naphthali, vt recentiores Cabbalistas Iudaeos taceamus. Sed nec patria philosophia et eruditione contenti, Arabumque et Christianorum ex stupore se recolligentium aemulatione accensi, cum viderent Aristotelem tanquam summum veritatis praesidem vbique coli et extolli in coelum, manus quoque philosophiae Peripateticae studio dare collumque subdere iugo gentilis sapientiae coeperunt. Indigne id tulere inter Iudaeos plurimi, qui ferre non poterant iungi equos gryphis, et quadrata misceri rotundis: praecipue studium hoc atque conatus Talmudis cultoribus displicuit. Timebant enim, ne Talmudica eruditio, in qua proram puppimque verti domesticae sapientiae cum contribulibus suis credebant, decresceret, euilesceretque; rati naturam, indolemque atque constitutionem studii Talmudici cum philosophia Aristotelis male posse iungi redigique in concordiam, qua in re non absurde eos coniecisse, fatendum est. Pro-uocabant itaque ad constitutiones maiorum, qui maledictionem ei minati fuerant, qui filium suum sapientiam Graecanicam doceret. Ast vt nunquam illi constitutioni tantus honos habitus est, vt ab omni Graecanicae philosophiae studio Iudaei abstinerent, id quod ex narratione hucusque deducta constat; ita amor philosophiae Peripateticae inter Saracenos et Christianos scholastico habitu eam induentes sic animos occupauerat, vt a communi omnium sensu Iudaeorum quoque ingenia intransuersa rapta vinci se a profanae eruditionis hostibus non paterentur. Omnem tamen mouit lapidem R. Salomo Ben Abraham Ben Adrath, vel vt, in compendio appellatur Raschba, qui Barcinone vixit A. C. MCCLXXX ^b, vt synagogae, cui praeerat, decreto constitueretur, ne quis philosophiae operam daret. Quam constitutionem vniuersam philosophiam prohibuisse excepto solo studio medico auctor est R. ABR. ZACHVTH ^c. Paulo aliter tamen rem narrant R. GEDALIA ^d et R. DAVID GANTZ ^e, nempe interdictum tantum Iudaeis fuisse, ne quis ex Iudaeis ante vigesimum quintum aetatis annum philosophiae studia attingeret. Id quod ex veneratione philosophiae profectum fuisse; vt nempe sublimitati eius consulerent, perperam quibusdam visum est, et alia lon-

P p p p p 2 ge

Cabb. PISTORII p. 629. HOTTINGER. Bibl. orient. c. I. class. 8. BYDDENS Intr. in hist. phil. Hebr. l. c. p. 179. et maxime WOLFIUS in biblioth. Hebraea passim, REIMMANN. Hist. theol. Iud. L. I. c. 15. §. 16. seqq. p. 377. seqq.

^b) Schalscheleth p. 58. a. WOLF. loc. citat. pag. 1033.

^c) Iuchasin p. 133.

^d) l. c. p. 60.

^e) Zemach David p. 20.

ge ratio fuit eius interdicti: nempe animos adolescentum legis et Tal- mudis studio prius occupari volebant et quasi praemuniri, ne sapientia exotica domesticae detrimentum afferret, iuventusque coeco impetu in peregrina rueret. Id itaque sub poena anathematis sancitum est. Pa- rum tamen ad haec fulmina contribulium suorum attendebant Iudaei ceteri; immo R. Iedaiah Happenini, qui Barcinone quoque A. C. MCCXCVIII vixit, et qui librum moralem, ex veteribus Graecorum et Arabum philosophis lingua Arabica collectum ^f Iudaei, sed incerta fide tribuunt, contra Harischba apologeticum scripsit, teste *Iuchasin* ^g. Im- mo summa contentione ab eo tempore non in linguarum tantum notiti- am, sed in mathematicarum quoque et philosophicarum disciplinarum studium incubuerunt. Vnde a Seculo XII, in omnibus fere scientiis inueniuntur viri inter Iudaeos docti et exoticae eruditionis callentissimi, quos tamen recensere omnes non nostri instituti est, sed eorum, qui sin- gularum scientiarum historiam scribunt. Ex mathematicarum tamen di- sciplinarum cultoribus Hebraeis non tacendi hic sunt R. Isaac Ben Said, eo quod in construendis tabulis astronomicis Alphonsinis diligentem lo- cauit operam ^h, et R. Isaac Israëlita Toletanus, qui astronomiam et chronologiam diligenter excoluit, et surgente Seculo XIV, vixit ⁱ. Vt vero philosophiae studia promouerent, suisque Aristotelis, qui tum solus mundo imperabat, lectionem redderent facilem, ex Arabico, (Graecum enim plerique ignorabant) in Hebraeum sermonem scripta eius verte- runt, quarum versionum historiam literariae eruditionis inter Iudaeos enarratores recensent ^k, qui videndi. Facile vero intelligi potest, val- de a vero Aristotelis sensu has versiones deuiasse, cum Arabicae inter- pretationes, vt infra in Arabum historia docebimus, melioris conditio- nis non fuerint: quin nec supposita a genuinis satis accurate distinxerunt, cum artis criticae essent imperiti, vt ex libro *de pomo* constare potest ^l. At non solius tantum Aristotelis libris hic honos habitus est, sed in ali- orum quoque scriptis in Hebraeam dialectum transferendis elaborarunt. Qua in re magnam industriam praestitit R. Isaac Ben Chonaim, qui Sec. XIII inclinante, exemplo patris, Medici Arabis, cui Iudaei varios libros me- dicos, variasque versiones medicorum scriptorum Graecorum debent ^m, ad- iuncto sibi R. Mose Ben Samuel Ben Iehuda Ben Tibbon, et Euclidis quin- decim libros *elementorum*, et Aristotelis scripta, in Hebraeum, Alexandri Aphrodisei librum *de anima* autem in Arabicum idioma transtulit ⁿ. Quod vt maiori licentia inter dissentientes et hos conatus improbant es contribules fieri posset, Aristotelem vel plane Iudaeum fuisse, vel saltem

^f) Hebraice enim cum vertit R. Iehuda Ben Tibbon. Is autem claruit A. C. 1170. Iedaiah Happenini 1298. conf. WOLF. Bibl. Hebr. p. 404.

^g) pag. 133. b.

^h) Iuchasin p. 132. b. Schalschelch p. 59. a. Zemach David p. 57. a. VOSSIVS de scient. ma- them. c. XXXV. §. 31. p. 179. 180.

ⁱ) Conf. WOLF. l. c. p. 663. liber eius chro-

nologicus et astronomicus: Fundamentum mun- di, editus non est.

^k) BARTOLOCCIVS Bibl. Rabb. T. I. p. 480. seqq. BVDDEVS Intr. in hist. phil. Hebr. §. 32. p. 201. WOLF. Bibl. Hebr. P. I. p. 219.

^l) Disium de eo Tomo I.

^m) Vid. WOLF. l. c. p. 383.

ⁿ) Idem p. 655.

saltem profelytum factum esse et ex Salomonis scriptis furtim expilatis suam philosophiam hausisse contenderunt^o, vt suis locis monitum, et ex locis Rabbiorum satis impudenter mentientium, quae adduxit Cl. WOLFIVS^p, disci potest. Certe tanta eo tempore Aristotelis inter Iudaeos fuit existimatio, vt non principem modo philosophorum dicerent, sed et *scientiam eius perfectissimam scientiam humanam, praeter illorum, qui diuino gaudent influxu, usque dum attingant gradum prophetiae, quo nullus superior^q*, appellare non erubuerint. Vt taceamus epistolam Aristotelis, sine dubio a Iudaeo quodam nugatore Aristotelis sequaci suppositam, qua moribundus ad Alexandrum scribens errores suos reuocasse ridiculo commento dicitur^r; quibus fabulis fidem adhibere potuisset SCIPIONEM SGAMBATVM^s, merito miratur WOLFIVS^t, qui rectissime pronuntiat: *Iudaeos haec omnia confinxisse, vt Aristoteles, ceu gentilis ex proprio ingenio sapere non videretur, ipsi vero excusatius Aristotelicam philosophiam, tanquam ex suis copiis deriuatam postliminio in suos vsus conuerterent.* Nempe terrebat quosdam odium Graecanae philosophiae, quod anathematis fulmen contribulibus suis extorserat; quod vt iniuste vibrasse ostenderent, Aristotelicam philosophiam Iudaicis originibus, ipsumque Aristotelem vel natalibus Iudaicis vel saltem religioni Iudaicae adscribi oportebat. His quasi munitis contra aduersarios vallati multam diligentiam in vertendis explicandisque Aristotelis scriptis illustrandisque eius philosophiae dogmatibus praestiterunt. Hinc inter philosophos Aristotelicos enumerat B. I. O. FRANCISCVS BVDDEVS^u, R. Abraham Chiia^x, R. Abraham Bar Chasdai^y, R. Abraham Ben Iom To^z, R. Abraham de Balmis^a, R. Leui Ben Gersom^b, R. Elias de Candia^c, R. Antoli^d, R. Iehuda Cohen

P p p p p 3

^o) Etiam de eo Tomo I. dictum. Plura dabit FABRICIVS Cod. pseudepigr. V. T. p. 1019.

^p) I. c. p. 217. quosque hic fuisse laudat.

^q) MAIMONID. in ep. ad R. Aben Tibbon.

^r) Schalscheleth p. 99. Io. A LENT theol. Iud. mod. c. I. §. 5. 6. p. 6. seqq.

^s) In archiuis V. T. p. 457. ^t) I. c. p. 218.

^u) Intr. in hist. phil. Hebr. §. 32. p. 210. vsus indice bibliothecae Rabbinicae BARTOLOCCII.

^x) Fuit Hispanus, astronomiae quoque notitia clarus, qui floruit A. C. 1105. Scripta eius mathematica et moralia recensent BARTOLOCCIVS T. I. p. 24. et WOLFIVS I. c. P. I. p. 51. seqq.

^y) Archi-Rabbinus Barcinonensis, R. David Kimchii aequalis inclinante Sec. XII clarus. Librum is suppositum Aristoteli de pomo in Hebraeum ex Arabico transtulit, vid. BARTOLOCC. I. c. p. 26. WOLF. p. 57. FABRICIVS Bibl. Graec. Vol. II. p. 166. reliqua scripta moralia sunt, et dialogos iucundos continent.

^z) BARTOLOCCIVS I. c. p. 29. nihil tamen philosophicum de eo notat WOLFIVS.

^a) Fuit Medicus Italus circa initia Sec. XVI inclarescens Venetiis, et si RICH. SIMONI in calce hist. crit. V. T. p. 536. credendum, in schola Patruina doctor. Varia Auerrois scripta in Hebraicam linguam transtulit, enarrata Wol-

FIO I. c. p. 70. et secundum principia Aristotelis de substantia orbis et de demonstratione scripsit.

^b) Per compendium בנ"ה dicitur, Hispanus, vel vt alii volunt, Prouincialis ex oppido Bagnoli, vixit teste Schalscheleth p. 69. A. C. 1290. obiitque Perpiniensi, A. C. 1370. teste Iuchasin p. 133. b. vbi tot exarasse scripta dicitur, vt numerari non possint. Fuit arte Medicus, philosophia Aristotelicus, cuius philosophiae amor eum seduxit, vt in libro: Bella domini, et mundi aeternitatem, et donum prophetiae naturale adstrueret. Scripsit etiam opus astrologicum, expositionem in Auerroem de logica, physica, de anima, in Aristot. de sensu et sensibili, conf. WOLFIVS I. c. p. 728. seqq. BARTOLOCC. I. c. p. 481. HADR. RELANDVS in vitis celebr. Rabbiorum, BVDDEVS I. c. p. 176. G. SERFILIVS vit. Script. bibl. P. II. p. 284.

^c) Medicinae studium excoluit, vnde nomen del Medico nactus est. Vixit Sec. XV, et Patruum docuit. Scripsit tres quaestiones de primo motore, de creatione mundi, de esse, essentia et vno, Venet. 1501. WOLF. p. 168.

^d) Claruit Sec. XIII, ediditque commentarium in decem praedicamenta Aristotelis, WOLF. p. 202. BARTOLOCC. p. 375.

hen ^e, R. Iudas Bar Mose ^f, R. Ioseph Aben Caspi ^g, R. Ioseph Salomoh del Medico ^h, R. Ioseph Ben Schem Tof ⁱ, R. Iacob Ben Ifaac Tzahalon ^k, R. Iacob Martinus ^l. His addimus tum ex medio, tum ex recentiori aevo R. Iacob Ben Simson Antoli ^m, R. Ifaac Ben Latech ⁿ, R. Meir Alquadesch ^o, R. Meir Ben Arama ^p, R. Michael Cohen ^q, R. Mosen Alatinum ^r, R. Mose Ben Iosua Ifai Ben Daud Narbonensem ^s, R. Schemuel Ben Iehuda Aben Tibbon ^t, et qui seculo superiori inter Iudaeos philosophiae laude floruerunt R. Ifaac Orobio ^u, et R. Menasse Ben Israël ^v, vt alios taceamus, qui ethicam excoluerunt, eam vero cum legis praeceptis in concordiam ire coegerunt. Quin nec philosophicae historiae expertes esse suos Iudaei voluerunt, Graecorumque philosophorum placita illis more suo enarrarunt. Scripsit enim R. Chanania Ben Ifaac *institutiones philosophorum*, in quibus collectionem praeceptorum moralium ex gentilibus philosophis exhibet, et apo-

e) Toletanus, cuius expositio sapientiae msc. in Leidenſi bibliotheca aſſeruatur, vid. Cat. p. 286. in ea in varios libros Aristotelis aliorumque philosophorum commentatur, praecipue in Almageſtum Ptolomaei, WOLF. p. 431.

f) Fuit Romanus, librumque de anima et de creatione philosophicum msc. reliquit, vid. WOLF. p. 448.

g) Barcinonenſis, celebris Grammaticus et philosophus Sec. XIII, qui comm. in decem praedicamenta Aristotelis, et explicationem librorum Platonis de republica scripsit, BARTOLOCC. T. III. p. 811. WOLF. p. 541. ſeq.

h) Cretenſis, philosophus, mathematicus, et medicus magni inter Iudaeos nominis, vixit Amſtelodami circa A. C. 1630. WOLF. p. 566.

i) Hispanus clarus A. C. 1420. in Aristotelem commentatus eſt, BARTOLOCC. T. III. p. 830. WOLF. p. 571.

k) Romanus, arte medicus, et doctor ſynagogae Ferrarienſis A. C. 1630. WOLF. pag. 601. BARTOLOCC. T. III. p. 852.

l) Philosophus et medicus gente Hispanus, clarus A. C. 1550. interpretationem dedit ſcriptorum quorundam Auerrois Latinam, itemque quorundam Auicennae; et moreh nebhochim Maimonidis, vid. WOLF. p. 606. BARTOLOCC. T. III. p. 859. NIC. ANTONIVS Bibl. Hiſp. nou. T. I. p. 467.

m) Hispanus, verſione librorum quorundam Aristotelis, Porphyrii et Auerrois clarus, WOLF. pag. 618.

n) Et hic Hispanus fuit, et philosophiam atque mathematicam Sec. XIII ſcriptis illuſtrauit, WOLF. p. 669.

o) Etiam hic interpretibus Aristotelis Hebraeis annuerandus, WOLF. p. 744.

p) Hispanus Sec. XVI incunte inclareſcens, philosophus magni inter ſuos nominis. Is philosophiam ad illuſtrandum Iobum adhibuit, WOLF. p. 751.

q) Diſcipulus Auerrois, et in eum commentator, metempsychosin peculiari dialogo msc. deſendiſſe, notat WOLF. p. 759.

r) Medicus Spoletinus, qui et quaedam Galeni Latina fecit, et Themistium in Aristotelem de coelo Latine conuertit, vid. HvET. de claris interpret. p. 224. WOLF. p. 803.

s) Floruit Sec. XV medio, dedit Qq. ſuper Auerroem, et ex Arabico Hebraicum fecit Abu Achmed Algazeli librum de opinione philosophorum circa prouidentiam diuinam, de aliis vid. WOLF. p. 825.

t) Granatenſis Hispanus, aequalis Maimonidae Sec. XIII ſcripſit tractatum de meteoris, ex Aristotele compilarum, aliaque ſimili modo ex eius ſcriptis collecta, de quibus vid. WOLF. p. 1098.

u) Hispanus Sec. XVII inclareſcens, diuque Iudaismum diſſimulans in academia Salmantinenſi philosophiae operam dedit indefeſſam, eo quidem ſucceſſu, vt leſtor metaphyſicae ibi conſtitueretur. Inde vero medicinam Hiſpali exercens de Iudaismo ſuſpectus in manus inquiſitorum incidit, et per tres annos captiuus detentus eſt; liberatus tandem Tolofam ac inde Amſtelodamum ſe conuertit, et Iudaismum, publica circumciſione, in qua nomen Balthaſaris cum Iſaaci commutauit, profeſſus eſt, obiitque 1687. vid. BASNAGE Hiſt. Iud. L. IX. c. 37. §. 12. p. 1041. LE CLERC. Bibl. vniu. T. VII. p. 248. BAYLE Diſt. T. IV. art. Spinoza not. M. p. 259. WOLF. l. c. p. 646. SCHVDT. memoir. Iud. p. I. L. IV. c. 9. p. 159. 160. Lites eius de ſyſtemate Spinoziano Tomo IV. enarrabimus. Cum eo amicam collationem habuit PHILIPPVS LIMBORCHIVS de V. R. C. editam Goudae 1687. 4.

x) Hispanus, ſed qui diu Amſtelodami verſatus, concionatoris inter ſuos partes ſuſtinuit, obiitque 1659. Magna ei familiaritas cum eruditiffimis ſui temporis viris, Voſſiis, Grotio, Barlaeo, Episcopio fuit, quos magni eius eruditionem ſeciſſe, vel ex ſolo Barlaei in eum epigrammate noſſiſſimo et a multis reprehenſo conſtat. Prolixe eius hiſtoriam literariam exponit WOLFIVS l. c. p. 778. ſeqq. add. BASNAGE L. IX. c. 36. §. 7. p. 998. ſeqq. BYDDIVS l. c. §. 33. p. 228.

apophthegmata recitat Socratis, Diogenis, Pythagorae, Platonis, Aristotelis, Hippocratis, Galeni, Porphyrii, Epicuri, Locmanni, Homeri, Solonis, Euclidis, Ptolomaei, multa quoque, fide Iudaica, traduntur ad Aristotelis et Alexandri historiam pertinentia ^γ. Compendia vero physica, logica, ethica, quae in Aristotelem dedit gens Iudaea, heic loci enumerare ob instituti rationem non licet. Tantopere vero philosophia multis Iudaeorum placuit, vt haud raro in explicandis oraculis diuinis ad eam respicerent, eiusque regulas adhiberent, exegetasque sic philosophicos se praestiterunt ex Sec. XII, Iarchi, Aben Esra et R. D. Kimichi, ex Sec. XIII, R. Moses Nachmanides, R. Bechai, R. Meir, ex Sec. XIV, R. Leui Ben Gersom, ex Sec. XV, R. Samuel Sirsa, R. Mardochai Nathan, R. Schem Tof, R. Isaac Ben Aramah, ex Sec. XVI, R. Schelomoh Ben Melech, ex Sec. XVII, R. Menasse Ben Israël aliique, quorum tamen notitia alibi quaerenda est ^z. Fuit etiam, qui Aristotelicis principiis vsus, veritatem religionis Iudaicae demonstrare aggressus est, nempe auctor libri *Cofri* vel *Cufri* vt vulgo vocatur, vel vt rectius inscribitur *Hachofari*, in quo disputatio recensetur, de vera religione, cui occasionem dedisse dicitur rex Cofaraeorum, qui primo quidem cum gentili et Christiano congressus tandem Iudaeum aduocauerit, eiusque argumentis conuictus veritatem religionis Iudaicae agnouerit. Auctorem colloqui huius fuisse Iudaeum Isaac Sangari, hancque disputationem in literas retulisse lingua Cofaraeorum, tum Arabice Iehudam Leuitam, ac postea Hebraice R. Iehudam Ben Tibbon vertisse, Iudaei asserunt, quorum fide si standum in Sec. VIII hoc colloquium referendum est ^a. Valde tamen disputatio haec suspecta visa est, non Christianis tantum, sed ipsis quoque Iudaeis, inter quos sunt, qui R. Iudam Leuitam hunc dialogum ad exemplum Platonis et Ciceronis confictis in eam rem personis, descripsisse putant, quam sententiam R. ASARIAS ^b et ex parte R. GANTZ ^c sequuntur. Certe dubiam eius dialogi fidem videri, ipsi, qui eum nobis cum commentario MVSATI et suo dedit ^d, BXTORFIO visum est. Attulere plura viri docti, ἀμαρτήματα et chronologica et historica, quae apud MORINVM ^e atque WOLFIVM legi possunt. Nos hic ea tantum afferimus, quae vir has literas apprime doctus, MATTHIAS FRIDERICVS BECKIVS, philologus superioris seculi celeberrimus, exemplari suo, quod reculis nostris accessit, adscripsit, et rem extra dubitationem ponunt. Monet is: „verisimile non esse, Iudaeum tam doctum „et prudentem tanta temeritate ausum fuisse, de rebus minimis, regem „posita omni veneratione sciscitari, quod tamen in hoc dialogo fingitur: „esse

^γ) Vid. WOLF. p. 3-6. seqq.

^z) Videndi praeter bibliothecarum Rabbincarum scriptores, quae attulere HOTTINGERVS Hist. eccl. Sec. XII. et seqq. et Ven. REIMANNVS Intr. in hist. theol. Iud. loc. cit. c. 8. p. 143. seqq.

^a) Historiam libri vide apud GEDALIAM Schallcheleth pag. 40. b. et ex instituto apud WOLFIVM l. c. P. I. p. 440. seqq.

^b) In Meor. Enaim c. 45. p. 135. b.

^c) Ad A 4900.

^d) Basil. 1660. 4.

^e) Exerc. bibl. p. 419.

„esse manifesta quaedam regis Cosaraeorum desumpta ex libro Geneleos, „pleraque autem puras putas fabulas olere, quas cordatus quilibet facile pal- „pet, et quidam posteriorum Rabbinorum in solatium suum de regimine Iu- „daeorum confinxerit. Neque in rege eius aetatis tantam in artibus et „disciplinis sapientiam deprehendi, quam hic tribuitur Cosaraeo. Esse „quoque in eo libro apertas absurditates temporum rationibus aduersas, „e. g. dici *P. III. §. 65.* Rabban Iochananem filium Saccae nihil omisisse „ex Mischna, Gemara, ritibus, Haggadoth, ex omnibus obseruationi- „bus sapientum et scribarum, vt et verbis legis, quae non didicerit, cum „tamen Gemara longe recentior sit.“ Verum prudenti lectori dubium nullum superfore, fraudemque patefactum iri apertissime putamus, si modo disputationis secundae initia legerit. Vnde nulli dubitamus acce- dere viris doctis *f*, qui eo fine conscripserit R. Iudam Leuitam haec colloquia statuunt, vt causam Rabbanitarum contra Christianos, gentiles, Muhammedanos et Karaeos, quos passim impetit, tueretur. Interim cum multa philosophica admixta sint, specimen esse luculentum liber ille potest philosophiae Iudaicae, medio aevo in publicum prodeuntis, stu- diique Iudaeorum, quod in addiscenda philosophia Peripatetica posuerunt.

Aben Esra.

§. XVI. Exempla plurima haecenus adduximus Iudaeorum, certatim profanam eruditionem, praecipue autem philosophiam sectantium: sunt vero inter eos viri duo, ingenii magnitudine, eruditionis praestantia, et reliquo literarum ornatu nationis suae conditionem longe superantes, in quibus confluit quasi, quicquid fuit doctrinae exegeticae, Talmudicae, Cabbalisticae et philosophicae inter Iudaeos memorabile, quorum memo- ria merito in historia philosophiae Iudaicae renouanda est. Sunt illi Aben Esra et Moses Maimonides R. ABRAHAM BEN MAIR, ABEN ESRA, id est filius Meir nepos Esrae, inter summos viros a suis plerum- que numeratur, quibus *κατ' ἐξοχήν* מורי, sapiens & audit. Natus fuit Toleti in Hispania. Quamuis autem summam nominis celebritatem fuerit consecutus, mirum tamen est, nec natalem nec emortualem diem eius certum a Iudaeis memorari, quorum narrationes valde de eo variant. Scriptor *Iuchasin* ^b ex nonnullorum sententia, ait, Kalahorae, siue Rhodi A. C. MCXLVIII, secundum alios A. C. MCLXVIII, vel potius MCXCIV, anno aetatis septuagefimo quinto, vndecim annis ante R. Mosi Maimonidis obitum, fatis concessisse. Alii mortem eius in annum MCLXV, GANTZIVS ⁱ in A. C. MCLXXIV referunt. Quicumque vero ex his annus recipiatur, errasse tamen censendus est VOSSIVS ^k, SIMLERVM ^l secutus, qui obiisse A. C. MCCXVII tradit, cum LV CAM GAV-

f) Praeter Morinum BARTOLOCC. T. III. p. 61. BASNAGE Hist. Iud. L. IX. c. 1. pag. 2. BVDDEO Introd. in hist. phil. Hebr. §. 30. p. 152. WOLF. I. c.

g) Schalscheleth p. 41. a.

h) p. 131. a.

i) Zemach David ad A. 4934, qui est A. C. 1174.

k) De scient. mathemat. in addendis ad c. XXXV. §. 21. p. 449.

l) In epitome GESNERI.

GAVRICIVM ^m annum MCXLV ponentem deferendum putasset. Rectissime itaque instituunt, qui circa Seculi duodecimi medii tempora viguisse asserunt ⁿ. Maximam is eruditione sua apud Iudaeos famam et auctoritatem sibi paravit, ita vt non solum sapiens, sed sapiens quoque magnus et mirabilis diceretur ^o, magnusque passim illis audiat. Eruditionem adeo anavit, vt eius caussa varias orbis terrarum partes peruagaretur, et in horrea quasi sua reponeret, quicquid eruditionis vbique colligere poterat. Hinc factum, vt non tantum iudicio meliori, quam contribules eius solent, vteretur, et in interpretandis sacris literis doctius meliusque incederet, sed in reliquis quoque eruditionis partibus excelleret, vnde BARTOLOCCIO ^p, excellens philosophus, astronomus, medicus, poëta, grammaticus, Cabbalista et S. scripturae famosus interpretes audit. Quod celeberrimi Iudaei elogium multi inter Christianos confirmauerunt ^q. Diligentiae vero eius specimen luculentum sunt scripta exegetica, theologica, grammatica, philosophica, astrologica et mathematica, quorum recensionem dabunt BARTOLOCCIVS ^r, RE-LANDVS ^s WOLFIVS ^t. Pleraque ex philosophicis, vt et Cabbalisticis nondum edita in bibliothecis latent, quae diligenter recensuit WOLFIVS ^u.

§. XVII. Alter, quem inter polyhistores seculi gentisque suae merito referas, est R. MOSES BEN MAIMON, vir non vndequaue tantum doctissimus et in omni literarum genere versatissimus, sed meliori quoque iudicio, quam reliqui sui populi doctores, vsus, id quod philosophiae acceptum referendum est, quam diligenter excoluit. Solet etiam per compendium literarum מוסר ^x, et ob nominis celebritatem Moses מוסר' אֵצְחוּן, vel Moses Aegyptius a loco commorationis appellari. Natus est Cordubae in Hispania A. M. MMMMDCCCXCI, A. C. MCXXXI, die Sabbati eademque vespera Paschatis, testibus Iudaeis ^y, patre genitus Iosepho. Ingenio initio stupidiori visus, patri contemptus est, cum is literariam institutionem ipse adhibuisset. Ad R. Iosephum filium Megas autem abiit, vt eius disciplina vteretur. Immo LEONE AFRICANO ^z auctore, Ibnu Thophail, Ibnu Saig, et Auerroëm Arabas praeceptores habuit; qui cum in philosophiae cognitione excellerent, vt *sequenti tomo* ostendemus, mature quoque Maimonides eius mysteria didi-

Moses Maimonides.

m) In computu ecclesiastico p. 16.

n) Absoluit enim, vt ipse testatur, comm. in Exodum A. C. 1153. in Daniele 1159.

o) R. GANZ. l. c.

p) T. I. p. 36.

q) Vid. quae collegerunt THOM. POPE-BLOUNT cens. cel. auct. p. 270. G. SERPILIVS vit. Scriptor. bibl. P. 1 V. p. 269. BVDDEVVS l. c. §. 30. p. 148. seq. et laudati WOLFIO P. I. pag. 86.

r) loc. cit.

s) In analectis Rabbinicis p. 59.

t) loc. cit.

u) P. III. p. 146. P. IV. p. 764.

x) Caue itaque Rambam a Mose Maimonide distinguas, quod accidit CASAVBONO exerc. anti-Baron. XVI. §. 16. p. m. 340. Ita ex vno Mose tres fecit GESNERVS Biblioth. p. 509.

y) Iuchasin p. 131. b.

z) De medicis et philosophis Arabibus et Hebraeis c. 28. apud FABRIC. Bibl. Gr. Vol. XIII. p. 296.

didicit. Reuerfus in patriam communi omnium applausu in synagoga perorauit, et vt ingenii opes augeret, scripta doctissimorum virorum auidē legit, sicque doctrinae atque eruditionis incrementa vidit laetissima. Quibus animi diuitiis factum est, vt quem virtute et scientia assequi non poterant, inuidia persequerentur, quam vt euitaret, patriam deferere coactus est. Varias eius rei causas scriptores afferunt. R. GEDALIA^a ciuium inuidiam accusat, quae eum expulerit; LEO AFRICANVS^b autem, Maimonidem tradit, ab Ibnu Thophail Auerroi commendatum, vt in omnibus illi rebus adesset, apud Auerroem mansisse vsque ad tempus illud, quo gratiam principis amiserat, et ad Iudaeos in exilium missus erat, tum enim Mosen aufugisse, timentem, ne eum prodere, de eo rogatus, sicque amicitiae violare iura cogeretur: discessisse itaque in Aegyptum. Auctor autem Scheveth Iuda^c causam protectionis Maimonidis in edictum contra Iudaeos in Africa et Oriente versantes coniicit. Valde afflictum fuisse statum atque conditionem Mosis ex eo colligi potest, quod aduersarii ei obiecerint, conuertisse se ad Muhammedanos eorumque fidem amplexum fuisse, eaque de re conquestum fuisse Maimonidem, apud Sultanum Aegypti imperantem, cum id illi obiiceretur. Suspiciaturque doctissimus BASNAGIUS^d, veram fuisse apostasiae huius accusationem, eo quod non tantum ea ex causa a Sultano innocens iudicatus sit, quod coactus tale quid suscepisset; sed et ab Auerroë eiusmodi indifferētissimum religionum, quem vocant, facile discere potuerit, eiusque principia atque vestigia satis suspecta passim reliquerit. In qua tamen suspicionē probanda meliores rationes merito desideramus^e. Quicquid tamen eius rei sit, illud certum est, Maimonidem conscensa nauī in Aegyptum properasse. Cairi vbi appulit, eruditionis praestantia, quae tandem omnibus innotescebat, ita se commendauit, vt a Sultano Aegypti Malich El Hadul in aulam reciperetur^f, isque sanitatem suam tuendam illi crederet, licet priuatis studiis se hactenus totum mancipauisset. Tam graui muneri praefectus totus in id incubuit, vt et semper auxilio hero suo adesset, et consilium ab eo petentes non destitueret. Quamuis autem, quod ipse queritur, toti fere dies ita absumerentur, non destitit tamen literarum quoque inuigilare studiis, iussuque heri sui Auicennae scripta conuertit^g, libellumque *de tuenda valetudine* ad eum conscripsit, qui in varias linguas postea traductus est^h. Cum vero insigni apud principem suum gratia floreret, medicorum Aegyptiacorum inuidiam et insidias haud semel expertus est, quas tamen mire euitauit: narrant enim, concertasse aliquando cum medicis, postulantibus, vt artis specimen faceret venenumque

a) Schalscheleth p. 43.

b) loc. cit.

c) pag. 162.

d) Hist. Iud. L. IX. c. 10. p. 268.

e) Vid. Fundam. legis c. V. §. 2. 3. 6. p. 54. 58.

f) Alii Alphadel vocant. Vid. de hoc munere ipse pec. epist. inter eius epistolas, et apud

BYXTORF. instit. ep. Hebr. p. 379. GANTZ. Zemach David p. 15. LEO AFRICANVS loc. cit. BASNAGE l. c.

g) Vid. WOLF. Bibl. Hebr. P. I. pag. 865. BASNAGE l. c.

h) Latine Ven. 1514. 1521. Aug. Vindel. 1518. Germanice ibid. 1681. conf. WOLF. p. 863.

que oblatum sine noxa hauriret. Id praestitisse Maimonidem, antidoto praemunitum, at coactos, ut et ipsi haurirent, medicos omnes veneni atrocitate fuisse enecatos. Alias narratiunculas Iudaeorum tantum fide dignas tacemus. Gratia vero principum, quibus seruiebat, nixus, nationis suae salutis diligentissime prospexit, scholamque Alexandriae excitauit, ad quam multi discipuli confluxere, quos tamen persecutio inualescens iterum dissipauit. Sunt, qui secessisse illum in Palaestinam dicunt, ibique A. C. MCCV, septuagenarium obiisseⁱ: alii vero in Aegypto diem supremum uidisse tradunt^k A. C. MCCI, et non tantum publico luctu Cairi, Alexandriae et Hierosolymae deploratum, sed et miraculo illustratum. Cum enim, si Iudaeis credendum^l, corpus exanime a Tiberiadem deferretur, ubi sepeliri se iusserat, magnaue caterua Iudaeorum et Aegyptiorum funus deducerent, in latronum greges inciderunt, fugaque omnes dispersi sunt. Latrones vero cum relictum corpus abiicere in mare tentassent, tam graue illud deprehensum est, ut loco moueri non posset. Sed et publico ieiunio feriisque diem eius emortualem illustrem redditum, iidem tradunt. Fuisse Maimonidem virum longe doctissimum, et in omni eruditionis genere versatissimum, cum commune doctorum virorum suffragium^m atque elogia certatim ei a Christianis tributaⁿ euincunt, tum scriptorum eius catalogus demonstrat. Vfus est linguis non solum Arabica, Chaldaica, Turcica, Medica, sed et Graeca, raro inter suos exemplo, in qua legisse scripta Platonis, Aristotelis, Themistii, Galeni aliorumque videtur: fateturque euoluisset multa philosophorum scripta. Sed et ipse Logicam scripsit, et in aliis etiam commentationibus suis philosophiae notitiam mire prodidit^o. In Talmudicis autem, quemadmodum ad miraculum erat versatus, ita iudicium prae omnibus sui temporis Iudaeis probauit, licet eo nomine multis displiceret. Mathematicarum scientiarum notitiam, quae eo tempore medicinae iungi solebat, possidebat egregiam, et in salutaris artis praeceptionibus et experientia utebatur felicissima, et usu valebat quotidiano et iudicio recto. Scriptorum vero eius indicem hic attexere extra scopum nostrum est, legent eum, qui volent, apud BARTOLOCCIVM, WOLFIVM aliosque, qui etiam recensionem dabunt systematis Talmudici ab eo confecti. Est in eo quoque tractatus *de idololatria*, qui in philosophiae historia utiliter adhiberi potest, ideoque subiunctus est a GER. IO. VOSSIO eruditissimae tractationi *de theologia gentilium*. Maxime vero iudicium philosophicum probauit in tractatu, cui titulum fecit *Moreh nebbochim*, id est *doctor vel director perplexorum*, eo fine conscripto, ut ostende-

Qqqqq 2

ret,

ⁱ) Schalfscheleth p. 42. b.^k) Iuchasin l. c. LEO AFRICANVS vero salatur, dum mortem eius Hegira 640, id est A. C. 1242 euenisse ait.^l) Iuchasin l. c. Scheuerth Iuda l. c.^m) Iudaeorum vide apud WOLF. l. c.ⁿ) Apud POPE-BLOUNT. cens. celebr. auct. p. 390. et quae WOLFIVS postea collegit P. III. et IV. Bibl. Hebr. Multa illis addi possent. Cui enim non dictus, non laudatus Maimonides?^o) BARTOLOCCIVS et WOLFIVS II. cc.

ret, qua ratione verba, phraesque et allegoriae, quaeque alia a communi loquendi more in scriptum abeunt, intelligenda sint; qua occasione non multis tantum sacrarum paginarum locis lucem conciliat, sed et argumenta theologica et philosophica multa illustrat^{p)}, praecipue vero in rationes legum per Moysen a Deo latarum inquirat, quo loco maxime Zabiorum superstitionem ansam dedisse Deo leges has atque constitutiones illi opponendi contendit. Quam opinionem magna eruditione atque studio a I O. SPENCERO^{q)} iterum adornatam cum *tomo primo* ex instituto examinauerimus, dicta illic, hic otiose repetere nolumus. Librum doctum Arabice ab auctore scriptum Hebraicae vertit R. Schemuel Tibbonides, ita quidem, ut de dubiis ipsum Maimonidem confunderet. Latinam versionem debemus AVGVSTINO IVSTINIANO^{r)} longe rarissimam, at nec fidam satis, nec elegantem, accuratorem diligentissimo IOANNI BVXTORFIO filio^{s)}. Non placuit liber Iudaeis omnibus, qui ferre non poterant, hominem eruditum et philosophantem in explicandis causis legum rituumque Mosaicorum magis ad philosophiam et historiam, quam ad traditionem Talmudicam et Cabalisticas rationes prouocasse. Factum inde est, ut et nouitatis et haereseos nota illi inureretur. Id quod imprimis a Gallis factum, ducem se praebente R. Schelomoh f. R. Abraham Montispeffulano cum discipulis R. Iona et David Ben Saul, qui flammis opus hoc adiudicabant. Magnae inde exorsae sunt inter synagogas Gallicas lites, Narbonensibus illos anathemate percutientibus, aliis et inter eos R. Ioseph Ben Alpachar, Toletanae synagogae archirabbino eos defendentibus, qui et ipsi Christianorum postea opem implorarunt, postquam annitente R. David Kimchi, totus Iudaeorum, coetus Gallicus illi trigae se opposuisset. Mittendi etiam ad synagogas Cataloniae et Arragoniae Kimchium consilium ceperunt Galli, quod iter tamen is morte praeventus absolueri non potuit. Literis tamen suis effecit, ut causam Narbonensium Hispani tuerentur, reiectis damnatisque Monspeffulanis. Qui errorem suum agnoscentes, retractarunt sententiam, et cum Narbonensis Galliae synagogis in gratiam redierunt, R. Iehuda tamen in sententia sua persistit, nequicquam omnem lapidem mouente Kimchio, ut mitiora illi persuaderet: is enim coelum terramque miscuit, et Christianorum implorato auxilio grauem genti suae inuidiam conflauit^{t)}. Quamuis autem plurima egregie et sobrie magis, quam Iudaei solent, in eo libro Maimonides afferat, negari tamen non potest, quod RICHARDVS SIMONIVS^{u)} quoque obseruauit, nimis eum Aristotelis Arabumque premere vestigia, metaphysicam

p) E. g. agit P. I. de Deo, de creatione, de intelligentiis sphaerarum motricibus, de influxu astrorum etc. conf. WOLF. I. c. BVDD-DEVS I. c.

q) De legibus Hebraeorum ritualibus.

r) Eius magis cura, quam labore conuersam, vid. WOLF. I. c. p. 857.

s) Basileae 1629. 4.

t) Vid. Epistolae Maimonidae et aliorum Ven. 1545. 8. et apud BVXTORF. Instit. Epist. Hebr. p. 396. HOTTINGER. H. E. Sec. XII. f. 4. p. 262. BVDD-DEVS I. c. p. 167. BASNAGE I. c. p. 277.

u) Hist. crit. V. T. L. III. c. 6.

ficam quoque sequi nimis subtilem, et Arabum magis placita, maximeque Auerrois, quam sanam rationem exprimentem, unde non potuit non ex nimio conciliandi Aristotelem cum scriptura sacra studio interdum grauius hallucinari *. Cuius exemplum esse potest, quod albedinem lapidis Sapphiri, quam sub pedibus Dei vidisse Moyses *Exodi c. XXIV, 10.* dicitur, de materia prima Aristotelis explicat, id quod quam ineptum sit, quamque frigidum, ex ipsis eius verbis omnium optime iudicari potest. Ceterum in arcana Iudaeorum philosophia parum exercitatum fuisse, illi non diffitentur, tradunt vero eum tandem deplorauisse, quod Cabbalam contemserit, ideoque in senectute eam Hierosolymae didicisse: alii vero non ignarum eius mysteriorum fuisse ex eo coniciunt, quod Bereschith et Mercauah, Cabbalistice scripserit *. Illud certum, magis ad Graecanicam, quam Cabbalisticam philosophiam Maimonidem respexisse, multosque suo exemplo adduxisse, ut idem facerent. Quo tamen consilio parum philosophiam adiutam fuisse, ex eo iudicari potest, quod Arabicam tantum et imprimis Auerrois philosophandi rationem

Maimonides secutus est, et subtilitates affectauit fundamento destitutas; cuius exempla aliquot luculenta dedit

BASNAGIVS *.

CAPVT TERTIVM

DE PHILOSOPHIA IYDAICA.

SECTIO I.

DE PHILOSOPHIA IYDAEORVM EXOTERICA.

§. I.

Enarrata philosophiae Iudaicae parte historica, restat dogmatica, quae doctrinae Iudaicae, quatenus rationis principia vel sequitur, vel ex iis cognosci potest, placita prosequitur. Eam duplicem esse, exotericam et esotericam, siue communem et apertam, atque arcanam et mysticam ex tractatione nostra satis liquere putamus, idque in praesenti monuisse sufficiat. Vtriusque distincta prorsus consideratione opus est. Differre enim dogmata Cabbalistica ab exotericis et communi-

*Observationes
generales de
philosophia Iudaica.*

Qqqqq 3 bus

*) Conf. BVDDEVS l. c.

y) R. Elias Chaiim apud BVXTORF. praef. More Nebhochim. R. Iom Tos comm. in Fund. fid. c. 1.

z) Ita quidem REIMMANNVS Hist. theol. Iud. L. I. c. 15. p. 380.

* l. c. p. 278. seqq.

bus ecclesiae Iudaicae doctrinis, ex iis, quae de illorum origine obiter dicta sunt, intelligitur, clarius autem ex ipsorum delineatione, quam *se-
ctione sequenti* dabimus, patefcet. Exotericam autem Iudaeorum philosophiam delineaturi, ad ea respicimus, quae post templi vrbisque deustationem inter Iudaeos recepta et in vsu fuerunt, et pro dogmatibus Iudaicae gentis atque ecclesiae habita et admissa sunt. Placita enim Iudaeorum ante reipublicae euerfionem *capite huius libri primo* iam tetigimus. Quamuis autem post templi excidium, ecclesia Iudaica turbata prorsus multas mutationes passa est, certum tamen est, magnam partem doctrinae ante euerfionem vrbis florentis per Tanaitas ad posteros fuisse propagatam, et ita, quae daturi sumus, ad veteres quoque Iudaeos suo modo pertinere. Verum cum traditionis de successione doctrinali, quam Iudaei a Mosis, prophetarum et Esdrae temporibus deriuant, fides valde suspecta fit, multa quoque noua vsque ad Talmudis obfignationem accesserint, quae a vetustioribus distingui non possunt, recte inde colligitur, de antiquitate dogmatum Iudaicorum, quae exponentur, non aliter iudicandum esse, nisi prout testium tempora volunt, et testimonii permittit conditio. Antequam vero placita Iudaeorum, quae in philosophica historia critico oculo perlustrari possunt, explicamus, pauca quaedam praemonenda, et obseruationes quaedam generales afferendae sunt, ex quibus de origine indole, natura fideque horum dogmatum, et quatenus in philosophiae annalibus enarrari queant, rectum fieri queat iudicium. Potiora huc redeunt:

*Philosophiae
Iudaicae con-
ditio et indo-
les.*

I. De philosophia Iudaica paulo aliter iudicandum est, quam de philosophia gentili. Haec enim, si barbarica quaedam exceperis, traditione magis, quam ratiocinatione nixa, ad principia rationis tota se conuertit, adhibitoque ratiociniorum intellectus humani nexibus et illationibus de rebus tum diuinis tum humanis differuit, et philosophiam moralem iisdem, qua naturalem, fundamentis inaedificauit. Aliter id inter Iudaeos euenit, qui et ipsi quidem rerum humanarum atque diuinarum notitiam ad hunc vsque diem tradere non omiserunt, alii principio cognoscendi alio vsu sunt. Quamuis enim ratiocinandi legem et illationes non neglexerint, vt vel ex tredecim argumentandi modis constat; principium tamen cognoscendi primarium, ad quod in omnibus fere attenderunt, traditio fuit, et decisiones *πατερπαράδοτοι*, haud raro rationis principia infelicititer euertentes. Cum enim ad auctoritatis praeiudicium, quod tot modis veram philosophiam euertit, pleraque retulerint, non potuere non inter dogmata eorum multa irrepere absurda, quae lolii instar omnem rationis segetem euerterunt. Ex quibus sequitur

*Theologia cum
philosophia Iu-
daica fere
coincidit.*

II. Philosophiae et theologiae Iudaicae eandem fere rationem esse, et suo modo coincidere, nec posse considerari philosophiam Iudaicam, sine theologia huius gentis inque eo vno historiam illius ab huius enarratione differre, quod illa ad ista tantum dogmata attendat, quae ex ratione quo-
que

que intelligi et ad eius forum pertrahi quasi possunt. Et Iudaeos quidem inter dogmata ex rationis cognoscenda principiis, et ea, quae ex traditione discuntur, distinguere solere, negari non potest; auctor enim libri *Cofri* diferte ^a *principia vniuersalia, humanis mentibus insita statuta intellectualia* vocat, eo quod naturalis ratio et intellectus ipse, ea ceu aequa et obseruanda statuatur, esseque ea *παραγινώσματα* vel principia et praeparatoria ad legem diuinam, praecedentia eam natura et tempore, sine quibus nulla humana societas queat consistere, adeo ut ne latrones inter se queant sine illis subsistere, pronuntiat, eas vero a legibus diuinis acroamaticis distinguit: qua ratione quoque R. BECHAI ^b *praecepta intellectualia a praeceptis traditionis* distinguit, et illa esse definit *de quibus hominis intellectus testatur, eaque explorat, ita, ut si vel maxime scripta non essent, tamen intelligens ea suo intellectu inueniret, ut, praeceptum de honorandis parentibus etc. praecepta vero traditione accepta ea esse dicit, quae homo in aeternum non assequeretur, neque intellectu suo inuestigaret, sed opus habet traditione, ut, praeceptum de clangore tubae, de tabernaculo.* Verum si ad praxin doctorum Iudaicorum respicimus, exiguum illos huic distinctioni pretium statuere fatendum est, dum veritates naturales vel plane negligunt, vel traditionis studio et amore ita deprimunt, ut nihil placeat, quod non traditionis luce sit collustratum roboratumque. Vnde non sine supercilio Iudaico pronuntiauit R. SCHEM TOF ^c: *eum, qui in rebus theologicis et diuinis sequatur rationem et speculationes suas, incedere sine baculo et scipione, similemque esse homini, qui solus iter facit per desertum in loco obscuro et caliginoso, hunc enim certissime vadere ad suum exitium et in scrobes ac pericula multa incidere.* Sobrie quidem magis et prudenter incessisse Maimonidem, et ab eius tempore complures alios, qui philosophiam Graecam didicerunt, fatendum est, quibus etiam magnam partem eorum debemus placitorum philosophicorum, vel philosophiae saltem luce collustratorum, quae in sequentibus sumus exposituri. At grauissima indignatione id studium sequendi philosophiam excepisse Iudaeos ceteros, statuta in eos condita, qui illam didicissent, et persecutio eorum, qui se philosophiae studiis addixerant, maxime vero excitatae ob Maimonideam philosophandi commentandique rationem lites, in antecedentibus enarratae luculenti testes sunt. Quod gentis suae praeiudicium etiam illos, qui seculi sui moribus et sensu abrepti tandem philosophiae Aristotelicae colulum subdere coeperunt, ita infedit, ut habuisse sua Aristotelem ex traditione, ineptissimo commento fingerent. Nec alia mens Iudaeorum recentioris aetatis est, quos, si paucos quosdam excipias, omnem sanae rationis usum eiurare rectissime iudicauit eruditissimus WACHTERVS ^d.

III. Quam-

^a) P. II. §. 48. p. 113. seq. quo loco valde philosophatur Iudaicus.

^b) Comm. de lege, apud Io. A LENT theol. Iud. hod. c. I. §. 10. p. 10.

^c) Praef. ad Moreh nebhochim, vid. I. c. §. 5. p. 6.

^d) In Spinozismo in Iudaismo detecto p. 47.

*Confusa ratio-
nis et reuelationis prin-
cipia.*

III. Quamuis autem distincta inter se esse rationis et reuelationis lumina Iudaei agnoscerent, noua tamen labe dogmata sua defoedarunt, dum vtriusque principia ita inter se commixta confusaque in systema redigere conati sunt, vt saepissime inter tenebras et lucem pacisci voluisse iudicandum sit. Id quod in philosophia quidem esoterica maxime euenisse ex infra dicendis constabit, sed in exoterica quoque deprehenditur, in qua traditionis, et rationis praecepta ita ineluctabili labyrintho inter se coniuncta sunt et implicata, vt exitum inuenire non liceat, nisi eo filo Ariadneo utamur, vt quae a ratione intelligi possunt, ab iis, quae traditionis et reuelationis dictamina sequuntur, distinguamus, et ad rationes demonstrandi, quas Iudaei sequuntur, respiciamus, vt ita quid philosophicum sit in eorum doctrina, quid minus, et quae sapientiae atque stultitiae naturalis inter eos facies fuerit, inde aliquo modo cognoscatur.

*Philosophia
Iudaica falsa.*

IV. Ex his vero Lector, nobis non monentibus, intelliget, philosophiam Iudaicam, si de modo ratiocinandi ea intelligatur, et a reuelationis principiis et praeceptis traditiones otiosae, licet innumerae, distinguantur, characteribus falsae philosophiae esse conspicuam, ideoque improbandam. Quaecunque enim philosophiae studium indignum reddunt et dedecorant, in ea inueniuntur, principiorum rationis et reuelationis confusio, obscuritas affectata et inextricabilis, principia ad enthusiasmum ducentia, praedicia auctoritatis et antiquitatis, quaeque alia sunt, ex his fontibus oriunda, ex quibus omnis sanioris philosophiae odium Vatinianum fluxisse, enarrata haecenus Iudaeorum testatur historia.

*Pauca philosophica apud
Iudaeos occurrunt.*

V. Sed et hoc supra monitum, historiam Iudaeorum literariam cum philosophica arte cohaerere, et hanc sine illa intelligi non posse: fatendum autem plura in illa occurrere exegetica, liturgica, talmudica, masorethica, quam philosophica, vbi

Apparent rari nantes in gurgite vasto.

Exegesis Iudaeorum philosophica inest.

Et exegeticam quidem Iudaeorum theologiam cum philosophia Cabbalistica arcto cohaerere nexu fatendum est. Ea enim dogmata peregrina, a philosophis Orientalibus et Alexandrinis accepta, ita cum lege Mosaica coniunxit, vt allegoriae methodo opeque sacris doctrinis fanatica dogmata tribueret: verum tantum abest, vt ex hac exegesi philosophica fani quid ad philosophiae incrementa vel etiam exegeteos sacrae commoda enatum fuerit, vt potius vtramque maximam inde iacturam et innumera damna accepisse, sit certissimum. Cuius rei fidem qui desiderat, illi vel vnicus tractatus Cabbalisticus: *Siphra de Zeniutha* ^f adeundus est, vt intelligat, quam misere libri architectus initia Geneseos torserit, vt somnia sua fanatica diuino scriptori affricaret. Eiusdem generis esse *Medraschim*, siue commentarios biblicos Iudaeorum, *Bereschith Rabba* R. V S C H I A E Baal

e) Conferri cum utilitate potest Ven. REIM-
MANNI hist. theol. iud. c. XII. seqq.

f) Cabbal. denudatae T. II. p. 348. seqq.

Baal Hatturim R. IACOB BEN ASCHER, quos margini Bibliorum adiecit BVXTORFIVS, inspectio docet, recteque a viris doctis ^g obseruatum est. Pertinent vero huc omnia, quae supra de methodo explicandi scripturam allegorica, inter Iudaeos Aegypti et Palaestinae incolas recepta diximus: ea enim ita comparata est, vt omnem sanam philosophiam eiuret, et innumeris erroribus; et absurdissimis placitis portam aperiat patentissimam. Qua de re cum viri docti passim egregia multa monuerint ^h, breuitatis causa lectorem ad eos ablegamus. Nos ad vnam fabularum Iudaicarum collectionem quae in libro: *Zenna verennab* comprehenditur, prouocamus, quam eiusmodi allegoricam docendi methodum peperisse, dudum viris eruditis ⁱ obseruatum est. Ast tam absurda esse, quae istarum fabularum inuolucro traduntur, vt philosophicum sensum fere omnia respuant, ex earum consideratione vel mediocriter attento erit manifestissimum. Ex quibus iam, quid de hac philosophia exegetica statuendum sit, apertum esse existimamus. Euitasse hanc Charybdim quosdam et in his praecipue Maimonidem, et philosophiae alium longe usum in interpretandis sacris oraculis statuisse, ex antecedentibus, notum est. Ast simul annotatum in Scyllam eos incidisse, et ex altera parte peccasse, philosophiam sectariam sacris literis violenta interpretatione inferendo. Adeo fani fere nihil, vel pauca admodum in philosophia a Iudaeis expectanda sunt.

VI. Noua vero philosophiae studio inter Iudaeos inflixit vulnera, nefandus syncrētismus, qui initio Aegyptiacos Iudaeos corripuit, mox in Iudaeam progressus stragem latissime edidit. Eius enim culpa factum est, vt fanaticum philosophiae genus, quod Pythagorico-Platonici in Aegyptum aduexerant, Orientales philosophi mire auxerant, et ornauerant, Aegyptii in peculiare systema enthusiasticum et delirum confuderant, Iudaeorum dogmata sincera corrumperet, et nescio quam rerum omnium deificationem (veniam verbo exoramus) introduceret. Quibus animi sublimiora affectantes a simplicitate et puritate doctrinae Mosaeicae abducti, et in periculosissimas errorum ambages seducti sunt. Cuius rei fidem faciet philosophiae Cabbalisticae historia infra enarranda.

VII. Porro hoc quoque addendum est, Iudaeorum doctores in demonstrandis iis dogmatibus, quae ad philosophiam referri debent, quaeque argumenta philosophica postulant, nihil minus, quam philosophos egisse, et neglecta rationum philosophicarum serie, ad auctoritatis praeiudicium, ex infana traditionis veneratione ortum respexisse, adeoque inter medias doctrinas philosophicas minime philosophice se gessisse, et hoc

^g) Vid. REIMMANN. I. C. L. I. c. 8. §. 5. pag. 145.

^h) Conf. Cel. HERM. VON DER HARDT Hist. stud. Hebr. praemissa ephemerid. philolog. p. 3. seqq. RICH. SIMON. Hist. crit. V. T. P. I.

c. 2. PHILIPPVS A LIMBORCH praef. comm. in acta, aliiue.

ⁱ) Videndi quos laudat WOLFIVS Bibl. Hebr. P. II. p. 976. seqq.

hoc quoque nomine philosophiae studio vehementer obfuisse. Non ignoramus quidem, virorum quorundam in Rabbinorum scriptis versatorum industriam in eo se probauisse, vt modum ratiocinandi concludendique Iudaicum philosophica quadam ratione explicarent, de quo argumento praeter Io. IULIUM STRVVIVM^k, vir praestans IONAS DANIEL SCHRAMMVS meruerunt, quorum ille *rudimenta Logicae Hebraeorum* edidit hic in *dialecticam Cabbaleorum introductionem* vulgavit. At parum inde lucri proficisci philosophiae Iudaicae, fatendum est. Prior enim solos canones quosdam hermeneuticos enarrat, a Iudaeorum doctoribus in interpretanda scriptura et traditione adhibitos, Mosique inepte tributos, quos nos quoque *Tomo primo* exhibuimus; qui nec accurati satis et adaequati sunt, nec logicae vsum valde magnum produnt. Posterior autem analysin Aristotelis ad Cabbalistica dogmata applicari posse erudite ostendit, fatetur tamen, *Iudaeos plerumque carere nostris legibus τῆς παιδείας artibusque ac literis humanioribus, neque olim tantum, sed hodie quoque diras in illum imprecationes coniici, qui vel ipse discit, vel filios suos docet philosophiam Graecam; adeoque, quod in his deest, illud e nostratibus petendum, etiamsi vestigia tantum sint, quae coniungendo utramque inter se philosophiam ac similitudinem ostendendo vel differentiam, reliquerint*, id quod exemplo conatum Henrici Mori illustrat. Quin et idem vir doctus egregie, prorsusque in rem nostram obseruat^l: *Duo vitia Iudaeis esse fere natia: primum ex his esse superbiam, qua omnes propter gentis suae antiquam virtutem ferantur, sibi id quoque tribuentes, quod maioribus suis in toto orbe terrarum olim pepererit existimationem. Hinc victoriam sibi naturalem eos putare, ac turpe esse Iudaeo in vlla re succumbere. Esse deinde alterum quoque malum paupertatem, qua in exilio suo plerique premantur, et ab excolendo ingenio suo arceantur, sicque scientiis et artibus ex certis principiis disputandi atque sic ad veritatem perueniendi magnam vim inferre. Nasci vero ex his duo praecipue vitia, ἀπαίδευσις et ἀμεδοσίαν; quoniam enim sibi falso persuadeant, veteres Graecam Latinamque philosophiam in omne aeuum damnassee, malle eos suo sensu esse diuites, quam consulere clariorum philosophorum libros. Hinc errores varios conspici in eorum scriptis, hinc falsa bonarum artium praecepta adeoque et regulas logicas erroneas ceterisque contrarias imperitis excidere. Cespitare enim, et quae sint vera ad syllogismum requisita, ne oriatur τὸ ψεῦδος ubique negligere, inferiora superioribus inferre, corporea spiritualibus, et sic pessimam saepe μετέθεσιν committere. Principia quoque prima et quae ex primis orta, quaeque sit inter sententiam eiusque causas connexio, ignorare, multo minus cupere obseruare. Addit his multa confusionis exempla in scriptis Iudaeorum regnantia, et quam mali philosophi Iudaei sint, manifeste prodentia, quae verissima esse fatebitur, quicumque horum hominum scripta semel curioso perlustrauit oculo.*

VIII. Du-

k) c. V. §. 12. p. 108.

l) c. VI. §. 5. 6. p. 139. seqq.

VIII. Duplicis vero generis esse dogmata Iudaeorum, exoterica et esoterica, siue publica vel communia, atque arcana et acroamatica ex dictis repetendum est. Quam docendi rationem Iudaeos tenuisse nulla alia demonstratione, quam Cabbalistarum scriptis opus est, illa enim arcanam istam methodum supponunt. Vnde recte monuit illustris KNORRIVS ^{Methodus Iudaeorum duplex.}, *methodum formamque libri Sobar duplicis esse generis: sicut enim Aristoteles inter dogmata sua alia vocet acroamatica, alia exoterica: ita hic alia esse scholae intimioris tradita, quae multis aenigmatibus inuoluta exercitatis saltem proponantur, praesertim de rebus sublimioribus in diuinitate aliisque partibus pneumaticis, alia autem admisceri vulgatiore.* Patebit id luculenter, si comparatio instituatur inter dogmata catechetica, thetica et Talmudica et inter dogmata Cabbalistica; illa enim vulgarem, haec arcanam doctrinam constituere, ex ea manifestum erit. Vnde vero haec arcana disciplina originem ceperit? an a Iudaeis ad gentiles, vel ab his ad illos deriuata fuerit, vt definiamus, parum quidem nostra interest, ex integra autem huius arcanae methodi historia, quam ab vltima antiquitate ab omnibus fere gentibus et barbaris et Graecis et Latinis obseruatam fuisse, suo loco semper diligenter annotauimus, facile diiudicare poterit, qui mentem habet praeiudiciis defecata. Et C. SCHRAMMIVS quidem, Iudaeorum disciplinam hanc docendi rationem gentilibus exhibuisse contendit. Is, vbi viguisse duplicem hanc methodum inter Iudaeos obseruasset, monet porro, *tantum abesse, vt a gentilibus mutuati sint istam consuetudinem Iudaei, vt rectius huius in doctrinae ordines varietatis originem a Mose deriuare queant, cui primo acceptam referant Cabbalam, vel et vltius.* Nam sic opus fuisse propter populi iamiam ex Aegypto prodeuntis ac deinde diu in Arabiae desertis oberrantis diuersam conditionem, vt eo modo diuina mysteria proponerentur, quo unicuius forent intellectu facillima, nempe rudiorum animis leges instillandas fuisse, quarum farraginis ingentis notitia constare perfecta debuerit. Haec si postmodum sapientum animos non satiasset, in promptu rationes fuisse, quibus quaelibet lex niteretur, has vero propalare non e re fuisse ob populi leuitatem, ad contraria sentiendum ubique pronam, tum propter gentes externas etc. hinc Mosen imitari cupientes Cabbalistas ab eo hanc methodum accepisse. Nos, quae vir doctus hic tradit, non prolixè excutiemus, nec disputabimus, vtrum eiusmodi arcanior legem explicandi modus in populo Israëlitico obtinuerit, nec ne? de eo enim dispiciendi in sequentibus dabitur occasio, sed id tamen notandum est, non sufficere haec ad quaestionem soluendam, etiamsi concedamus, aliquam arcani disciplinam inter veteres Israëlitas obtinuisse, nec hic ex ratiunculis quibusdam et suspicionibus iudicandum, sed historia duce de ea re statuendum esse. Hanc si consulimus, non tantum in vltima antiquitate eius disciplinae vestigia inter gentes barbaras

R r r r 2

inue-

inuenimus, vt *Tomo primo* luculenter ostensum, indubitatumque est, ante exitum Israëlitarum ex Aegypto hieroglyphicam methodum inter Aegyptios obtinuisse, a quibus Israëlitae, si qua eius inter illos fuit obseruatio, discere potuerunt: sed et id, de quo proprie quaeritur, ex ipsa Cabbalisticae philosophiae historia luce sua perfunditur, qua discimus, hanc arcanam et symbolicam mysteria occultandi rationem acceperisse Iudaeos in Aegypto post Alexandri M. aetatem habitantes ab ipsis Aegyptiis tum patria disciplina, tum Pythagoreorum moribus, tum orientalium philosophia ad eam adductis, eamque vna cum philosophia, quam in ista regione mutuam acceperant, simul recepisse. Facile tamen concedi potest, eo promptius manus dedisse gentili consuetudini Iudaeos Alexandrinos, quo magis similem disciplinam inter maiores viguisse nouerant, et quo magis in id studium operamque conferebant suam, vt, quae alieno vitulo arauerant, ex suis agris accersiuisset, et a Mose acceperisse viderentur. Quod consilium probauit, Iudaeosque in eo confirmauit necessitas rei, quae postulabat, vt doctrinae peregrinae, tantopere a sancitis ab ipsa Numinis maiestate abeuntes eos celarentur, quos strictior legis obseruantia in domestica doctrina detinuisset. Ita vero et emolumentum inde sibi promittere poterant maximum, sperantes fore, vt dum laterent haec mysteria, eo maior inde illorum exsurgeret veneratio. Quam vt augerent, et sacrosanctam efficerent, silentium sub mortis et horrendi iudicii diuini metu iniunxerunt. Cuius luculentum exemplum esse potest epilogus libri Soharici ⁿ: *Idra Rabba*, qui totus eam arcanam methodum sacrumque silentium morte multorum obsignatum esse tradit, vt alia Cabbalistarum loca taceamus. Tantamque his anathematibus vim inesse credunt Iudaei, vt cum Knorrio atque simul eius in Cabbalisticis praecptori filius durante eius institutione, morte esset sublatus, is hanc propalatorum mysteriorum poenam esse praefracae contenderit. Possent his addi plura, luxque accendi argumento non iniucundo ex comparatione methodi huius inter gentiles et Iudaeos, si nobis liceret esse prolixis. Ast contrahenda vela sunt, legi tamen non sine vtilitate possunt, quae erudite de hoc argumento differuit SCHRAMMIVS ^o.

Diuisio doctrinae Iudaicae in theticam et moralem.

IX. Doctrina Iudaeorum exoterica aut fidei dogmata aut morum doctrinam comprehendit. Illa et articulos fidei natura notos et ratione duce cognoscendos et ex reuelatione discendos comprehendit. Ea autem praeter legis decalogum diu certo systemate caruerunt, nec definiuit ecclesia Iudaica certam dogmatum seriem, donec circa medium aeuum Iudaici doctores de constituendo theticae theologiae compendio et designando articulorum fidei numero cogitarent. Primus, qui operi manum admouit fuit Saadias Gaon, quem Soranae academiae praefuisse Saeculo X, supra diximus. Is Arabica lingua conscripsit *librum de fide* (*Sepher*

ⁿ) Vid. R. ISAAC LORIIA de reuol. anim. P. III. c. 49. Cabb. denud. T. II. P. II. pag. 476.
^o) loc. cit.

pher Haaemunab,) quem Hebraicum fecit R. Iehuda Ben Samuel Aben Tibbon, vt supra dictum: cuius compendium exhibet HOTTINGERV S. Agit in isto scripto auctor libro primo de creatione, quam ex scriptura probat et ex prouidentia rationibus confirmat; libro secundo ita de Deo attributisque diuinis differit, vt contra Trinitatis simul mysterium insurgat. Libro tertio de lege, prophetis et prophetia, de Leuitis et circumcissione aliisque ad legem ceremonialem pertinentibus disputat. Libro quarto de cultu diuino et religione, de fine creationis et in specie hominis itemque de prouidentia eiusque concurfu tractat. Libro quinto opera iustitiae et iniustitiae siue peccati excutit, quo loco fermentum Pharisaicum luculenter prodit. Libro sexto de substantia naturae animae, de morte, de sede, operibus, praemiis, poenis animae, de vitae termino, de angelo mortis etc. disquirat, et reuolutionem corporum in die resurrectionis explodit. Libro septimo resurrectionem ex natura rerum, sensuque hominis, ex reuelatione et traditione demonstrat. Libro octauo doctrina de vltima liberatione Israëlis per Messiam, et libro nono de praemiis bonorum et poenis malorum operum explanatur; libroque decimo dogmata quaedam moralia vitaeque regulae afferuntur. Dignus libellus est, qui ab exploratoribus Iudaicorum dogmatum etiam philosophicorum penitus excutitur, eo quod non scripturae tantum et traditionis fide, sed etiam rationis momentis auctor nitatur; vnde miramur doctissimos viros IACOBVM BASNAGIVM et IACOBVM FRIDERICVM REIMMANNVM eius rationem in condenda doctrinae Iudaicae historia non habuisse ^p. Fatendum tamen, priuatam tantum auctoritatem eum libellum habuisse; publicam enim fidem MAIMONIDAE tantum labor meruit, qui teste R. Is. ABBARANELE ^q, primus fuit, qui incepit redigere in ordinem radices et fundamenta legis diuinae, id est, qui librum ecclesiae Iudaicae symbolicum constituit, licet ante eum duobus seculis antiquior R. Saadias simile quid fuerit conatus. Ex hoc Iudaeorum magistro fidei articulos tredecim, quos postea vniuersa recepit ecclesia Iudaica, discere licet, quos passim scriptores repetunt ^r. Fundamenta illi articuli exhibent fidei Iudaicae, non tantum religionis reuelatae, verum etiam naturalis. Quare, vt quid speret duce ratione et reuelatione ecclesia Iudaica, quidue credat, et quousque rationis limites extenderit, cognoscamus, lectoris commoditati inferuituri, paucis monemus; articulum primum ponere pro fundamentali dogmate, existentiam creatoris excelsi, quod nimirum existat perfectus omni modo perfectionis, et sit supra quaelibet existentia atque ab eo perpetuitas eorum sit, et si concipiamus, non existere, cessatura sit existentia cuius-

Rrrrr 3

libet

^p) Memorauit autem eum LAUR. ODHELIVS in synag. biffonre p. 59. et EVDDEVS introd. in histor. philos. Hebraeor. §. 32. p. 171.

^q) De capit. fidei c. I. §. 3.

^r) Nominatos vide apud REIMMANN. l. c. L. I. c. 5. §. 13. p. 63. WOLF. Bibl. Hebr. P. I. p. 867. add. BASNAGE Hist. des Iuifs L. IV. c. I. §. 1. SCHVDT. memorab. Iud. P. II. L. VI. c. 27. §. 18. p. 29.

libet entis : omnesque existentiae, et quicquid extet praeter illum, necessario dependeat ab eius existentia. Articulus alter vnitatem eius fundamentum ponit, quodque vnus sit non tanquam species generalium, neque vnus vt species particularium, nec etiam vnus instar compositi, sed vnus sit vnitatem, cui nulla similis est. Tertius corporalitatem a Deo remouet, nec in eo esse affectiones corporum vel in substantia vel in accidente, ponit, sed separandam esse ab eo omnem compositionem et diuisionem statuit. Quartus eius aeternitatem asserit, qua nihil praeter eum est aeternum, si eum comparemus cum alio. Quintus postulat, vt ille solus Deus sanctus et benedictus colatur atque adoretur, neque tale quidquam praestetur vlli existenti praeter ipsum, sed omnes cogitationes in eum solum dirigantur. Sextus prophetiam confirmat, eam scilicet et dari, verumque esse, quod prophetae dixerunt. Septimus veritatem prophetiae Moysi magistri, tanquam fontis omnis prophetiae statuminat. Octauus, legem esse a coelis pronuntiat, atque hoc credi postulat, istam legem, quam hodie habemus, esse legem traditam Moysi atque totam esse ex ore omnipotentis. Nonus legem hanc magistri Moysi non exterminatum vel extirpatum iri, nec venturam aliam legem praeter hanc, a Deo asserit, nec fore additamentum aut diminutionem in scriptura, vel explicatione ait. Decimus, Deum statuit cognoscere omnes actiones hominum, easque non negligere. Vndecimus docet, Deum retributurum esse bonam mercedem obseruanti praecepta eius, et puniturum esse eadem violantem ; retributionem autem maximam esse futurum seculum, et poenam grauissimam exterminium. Duodecimus, credere postulat Iudaeos dies Messiae, illumque certissime expectare, etiam si cunctatus fuerit, non supputando tempora. Decimus tertius resurrectionem mortuorum iniungit credendam, quae fixo solique Deo noto tempore certissime euentura sit. Intelligi ex horum articulorum fundamentalium recensione potest, praesertim si explicationes et rationes additae considerentur, quas ex parte infra contemplantur, auctorem eorum fuisse philosophum : cuncta enim argumentis philosophicis ornauit et roborauit. Mirandum itaque MAIMONIDEM, cuius methodus philosophica Iudaeis multis displicuit, ita tredecim istos articulos, (Ikkarim vocat) contribulibus suis commendauisse, vt eos plerique reciperent. Fuerunt tamen quidam, qui vel inuidia duce, vel arrogantia auctore improbauerunt conatus Maimonideos, et varia in eo carperunt. Inter eos praecipue duorum se distinxit ab aliis studium, R. Chasdai seculo XIV, et R. Ioseph Albo seculo XV, qui in hoc articulorum fundamentalium catalogo reprehenderunt, quod plures articulos et essentialia dogmata fidei omiserit, et credenda cum agendis confunderit, ea quoque dogmata, quae fundamentum fidei tangunt, ab iis, quae minus talia sunt, non satis distinxerit. Aliter itaque instituendum esse ratus R. CHASDAI, in *Or Ieboua*, dogmata fundamentalia, ab iis, quae hoc nomen non tuentur, ita discreuit, vt

duas

duas articulorum fidei classes constitueret, quarum vna eos comprehendit, quae absolute ignorari non possunt, quales sunt, esse Deum, esse eum vnicum, incorporeum et ab omni corporis natura remotum; altera eos exhibet, qui ideo fundamentales sunt, quod negato vno, totum religionis fidei systema collapsurum esset. Huc sex capita refert: notitiam Dei de existentibus, prouidentiam eius circa ea, potentiam eius infinitam, prophetiam, liberum arbitrium, nouissimum diem. Tandem eos quoque articulos fidei vocat, qui sine haerefeos nota negari non possunt, quia sunt articuli fidei, non dependentes a praeceptis specialibus, et sunt isti octo: creatio mundi, immortalitas animae, praemium et poena, resurrectio mortuorum, aeternitas legis; eminentia prophetiae Moſis; quod fiat ſacerdoti responſum per Vrim et Thummim, Meſſias: quibus coronidis loco adiicit ea dogmata, quae dependent a praeceptis particularibus; et sunt tria, precatio et benedictio ſacerdotum, vtilitas reſiſcentiae, principium anni et quatuor diſtinctiones eius. Ita quidem huius mentem explicat ABARBANELIVS, R. IOSEPH ALBO autem in libro ſuo *Ikkarim*, ad tria capita dogmata omnia reuocat, quae ſumma ſint omnium reliquorum, et ſumma genera omnium articulorum, nempe ſunt ea: exiſtentia Dei, ſub qua continetur vnitas et remotio corporeitatis. Legem eſſe a coelis, ſub qua comprehenduntur prophetia atque excellentia prophetiae Moſis magiſtri noſtri; praemium et poena, ad quam reducuntur ſcientia Dei, prouidentia, Meſſias atque viuificatio mortuorum. Videturque R. Ioseph Albo hanc diſtinctionem ſummorum generum capitumque theologiae a doctores ſcholasticis accepiſſe, quod cum paucioribus claſſibus omnia comprehendat, multis Iudaeorum placuit. Potior tamen eorum pars Maimonideo ſystemati adhaeſit, et hos tredecim articulos non tantum pro ſystemate fidei Iudaicae recepit, ſed et variis ſcriptis illuſtrauit, de quibus tamen plura in praesentia dicere non licet.

X. Doctrinam moralem Iudaeorum quod concernit, ea in hac gente non tractatione ſystematica et acroamatica, ſed exoterica, nempe paraenetica et aſcetica methodo tradita eſt, donec tandem ad Ariſtotelis ethicam deducerentur. Et exigua quidem totius moralis philoſophiae et theologiae cultura, pretiumque haud magnum apud Iudaeos fuit, eo quod toti in traditionum Talmudisque ſtudio haerent; cuius luculentum exemplum eſt, quod in vniuerſa Talmudis compilatione ingente vna tractatio, *Pirke abboth* dicta, moralis ſit. Ex quo vero ſtudia philoſophica inter Iudaeos in Occidente habitantes emere, coeperunt quoque illi maiorem diligentiam ſtudio morali impendere. Vnde a ſeculo XI et XII, multi Iudaeorum doctores reperiuntur, qui in

1) l. c. c. 3. p. 5.

2) Plura videſis apud ODHEL. l. c. p. 68. ſeqq. IO. A LENT. theol. Iud. hod. c. I. §. 14. p. 18. ſeqq. CARPZOV. pec. diſſ. diſput. Acad. p. 483. ſeqq. REIMMANN. l. c. p. 68. BVDDEVV l. c.

hoc §. 32. p. 17. ſeqq. Inter recentiores articulos fidei omnium diligentiffime illuſtrauit R. MENASSE BEN ISRAEL, cuius ſcripta huc pertinentia indicant KROMAYERVS in ſcrutinio religionum diſſ. IV. p. 76. ſeqq. REIMMANN. l. c. §. 18. p. 72.

hoc argumenti genere illustrando operam collocarunt suam. Quorum tamen recensionem cum limites nostri non admittant, viri eruditi IO. HENR. HOTTINGERVS ^a, LAURENTIVS ODHELIVS ^z, I. B. CARPZOVIVS ^y, IAC. FRID. REIMMANNVS ^z adeundi sunt, qui eorum pleniorē dābunt notitiā. Frustra tamen ethicā systematicā, philosophico ordine methodoque conscriptā quaeres; cuncta enim ascetice, exotericeque tractarunt, licet vnus prae alio ordinis sit obseruantior; quo nomine R. BECHAI *Chobboth Lebbabbot*, siue *officia cordis*, R. MAIMONIDAE *Haleboth Daath*, siue *regulae morum*, R. IEDAIA HAPENNINI *Bechinath Olam*, siue *exploratio seculi* laudari merentur, de quibus libris bibliothecarum Hebraearum scriptores consulendi sunt. Fuerunt tamen, quibus, vti dictum, arrisit ethica Aristotelica, quique eam suis quoque popularibus commendare non destiterunt. Inter quos nomen tulere R. ABRAHAM BEN CHASDAI ob libros *de anima*, et ob *dialogum inter principem et Naziraeum* ^a, et R. KALONIMVS, aliquot scriptis ethicis, vel scriptorum ethicorum versionibus memorabilis ^b. Quibus addi potest, quod Cel. WOLFIVS ^c nos docet, R. MEIR ALGVADESCH, qui medicus regis Hispaniarum A. C. MCDXV fuit, Aristotelis libros ethicos in Hebraicum sermonem translulisse, et *sententias Aristotelis* collegisse, in quas commentarium scripsit R. IOSEPH BEN SCHEM TOF ^d. Ceterum ex iis, quae de philosophia Iudaica in genere monuimus, iudicium fieri potest, etiam in hac philosophiae parte reuelationis et rationis principia inter se confusa, traditionem philosophicis argumentis admixtam, et quadrata rotundis aptata fuisse, parumque attulisse doctrinam Iudaeorum moralem ad emendationem voluntatis. Peculiari tamen docendi genere de morali doctrina merere voluere Iudaei, operosa et affectata officiorum enumeratione, quae DCXIII legibus ex Mosaica lege, vt ferunt, deductis comprehenderunt, diuiseruntque in CCXLVIII affirmatiuas, et CCCLXV negatiuas. Nimis longus est hic catalogus, quam vt hoc loco totus exhiberi queat, legendus autem vel in *catechesi Iudaica* ^e, et in tractatu Talmudico *Maccoth f*, maxime vero, qui commentario eum illustrauit R. ABRAHAM BAR KETANI in *Kol Ieboua*, a PHILIPPO FERDINANDO ^g Latine edita: vel apud Christianos IO. ALENT ^h: et IO. HENR. MAIVM ⁱ, qui theologiam Iudaicā hodiernā enarrarunt, easque etiam leges notarunt, quae inter Iudaeos antiquatae sunt. Harum legum consideratio luculenter demonstrauit, recte nos Iudaeis philosophiae moralis cognitionem verā solidamque denegasse. De quo si lector nondum cō-

uictus

^a) Bibl. Orient. L. I. cl. 6. p. 27.

^z) l. c. p. 71.

^y) Introd. in theol. Iud. c. X. §. 8. p. 80.

^z) l. c. L. I. c. 10. §. 7. seqq. p. 184. seqq.

^a) Conf. WOLF. l. c. P. I. p. 58.

^b) IDEM l. c. p. 1008.

^c) pag. 744.

^d) IDEM p. 221. 571.

^e) Q. 21.

^f) c. 3. f. 23.

^g) Ex Iudaeo, qui hunc librum edidit Cantabrig. 1597.

^h) l. c. c. XIV. §. 3. p. 447. seqq.

ⁱ) Loc. XIII. §. 3. p. 192. seqq.

uictus fuerit, cum recordari iubemus, ex mentē Iudaeorum praecepta affirmatiua, praeter tres, foeminas non obligare ^k: itemque ad consequendam salutem obseruationem impletionemque legis vnus in hora mortis sufficere, reliquarumque obsequium tantum pertinere ad gradus beatitatis augendos ^l. Id quod pestilentissimam morum corruptionem inducere, et Pharisaicum exhibere integra sua malignitate conspicuum, nemo non videt: Id tam abominabile visum est quibusdam, vt contradicere impio asserto non dubitauerint, parum licet promouentes, qua de re digna sunt, quae legantur, annotata ab A B A R B A N E L E ^m. Quibus si addimus, ritualia et ceremonialia ab iis moralibus longe esse praelata, parumque de mentis emendatione cogitatum, asserta quoque multa sanioribus rationis et reuelationis principiis aduersa, consentient omnes, qui veram moralem doctrinae constitutionem intelligunt, faciem ethicae Iudaicae esse miserabilem et detestandam.

§. II. Sed vt paulo plenius intelligamus, quid de iis diuiniore doctrinae capitibus, quae ratione duce cognosci possunt, Iudaei statuerint, quibusue rationibus philosophicis eorum veritatem assertum iuerint, adducemus iam speciali enumeratione dogmata potiora, quae theologiam quandam naturalem Iudaeorum constituunt. Ita vero Iudaeorum magistri praecipunt:

*Conspicius
philosophiae
Iudaicae diuiniore.*

I. Creator, cuius nomen sit benedictum, vnicus est in vnitae, quae nullam omnino similem habet, et ille solus Deus noster fuit, est, et erit. Ita quidem primum articulum fundamentalem Iudaici symboli fidei praecipere, ex antecedentibus notum. At roborauisse Iudaeos hoc dogma naturale, rationibus quoque philosophicis ex M A I M O N I D E ⁿ constat, qui vnitatis notiones Peripateticas huc aduocat, monendo: *eius vnitati nihil esse ex iis, quod in hoc vniuerso vnum est, quod ei respondere queat. Nam nec esse vnum specie, quippe quae multa contineat singularia, nec esse vnum corpore, id enim in partes et extrema esse diuisibile; sed ita vnum esse, vt nulla ei similis in mundo reperiatur vnitae.*

II. Existētia Dei nihil aliud est, quam ipsius essentia et veritas, et vicissim essentia eius nihil aliud est, quam ipsius existētia. Nam essentia eius non est ita comparata, vt existētia ipsi accidat: nam ita existētia foret res aduentitia, sed semper et necessario existit, nec quicquam noui vnquam in ipso exoritur, neque etiam accidens aliquod ipsi accidit. Haec M A I M O N I D E S ^o, qui argumentum ducit philosophicum ex eo, quod essentia Dei nullum

in

^k) LEO MVTINENS. de cerem. et consuetud. Iudaeorum P. V. c. 4.

^l) R. IOSEPH. ALBO fundam. fid. L. I. c. 31. conf. A L E N T I. c. c. XIV. §. 8. p. 504.

^m) Cap. fid. c. 13.

ⁿ) Iesode thora c. I. §. 4. p. 3. ed. Vorst.

^o) Moreh nebhochim P. I. c. 57.

in se accidens habeat, adeoque existentiam in se necessario includat, cum aliunde ei tanquam aduentitium quoddam aduenire nequeat. Quod argumentum pro existentia Dei ex idea Dei, et necessitatis essentiae eius desumptum tanquam nouam Dei demonstrationem in scenam reuocauit Cartesius, quem non primum eius auctorem esse, ex hac Maimonidae ratiocinatione patet, quem a Christianis mutuum eam accepisse nulli dubitamus: apud scholasticos enim non infrequens eius mentio. Subtiliter in hoc argumento explanando, et rationibus philosophicis deducendo versatur R. IOSEPH ALBO^p, qui monet: *Deum solum necessario existere, alia vero entia omnia esse contingentia; et in hoc conuenire quod sint contingentia, nihil vero esse, quod conueniat cum eo, quod necessario existit, neque in alia re, ne in nomine quidem entis: fieri enim non posse, ut sint duae necessariae existentiae, nulloque modo ea concipi posse paria.* Quam demonstrationem ex natura et definitione entis necessarii postea pluribus vrget, et ita tum ex entis summi idea, tum ex serie rerum contingentium tandem in ente necessario desinente ratiocinatur. Quibus ratiociniis nostra aetate plurimum fuisse tributum a magnis viris, aliis circulum committi et quaestionem peti contendentibus, notum est, hicque memorare fufius nihil attinet.

III. Fundamentum fundamentorum, et columna sapientiae est cognoscere, esse Deum primum ens, istudque existentiam largiri cuilibet existenti. Omnia enim entia coeli et terrae, quaeque intra illa sunt, non existunt, nisi ex veritate illius existentiae. Quod si concipias, illud non existere, nulla res poterit existere; fin autem tibi imagineris, nulla existentia esse praeter illud solum, istud existet, neque desinet esse, propter illorum destructionem: omnia enim existentia necessario dependent ab illo, ipse autem Deus opus non habet illis, ne quidem vllo eorum. Ita quidem R. MOSE^q tractationem de fundamentis legum auspicatus, omnem realitatem rerum in solius DEI existentia latere, pro fundamento primo posuit. Qua ratiocinatione misero sophismate abusum fuisse Spinozam, suo loco ostendetur. Alia argumenta, praecipue a motu desumpta, qui primum motorem supponit, affert alio loco.

IV. Essentia Dei comprehendi ab hominis intellectu non potest, sed longe supra eum est posita. Deus enim definiri non potest; cum definitio composita sit ex genere proximo et differentia; Deus autem non habeat genus, sub quo comprehendatur; nihil autem cognosci potest, nisi ex definitione eius^r. Paria Iudaei passim tradunt: maxime vero Cabbalistsae, hanc absconditam diuinae essentiae profunditatem multis pro-

p) Fundament. fid. L. II. c. 10. conf. Io. A
LENT I. c. c. III. §. 2. p. 72.

q) Constit. de fund. legis cap. I. §. I. pag. I.

R. ABRAHAM. IAGEL. Catechism. Iud.
art. I.

r) MAIMON. I. c.

prosequuntur, ut vel ex solo libro *Tik Runo Hasohar* patet, ubi inter alia: *Tu es iste unus extra numerum, tu es excelsus supra omnes excelsos, absconditus omnium absconditorum, nulla mens te omnino apprehendere potest, tu es, qui produxisti decem ordines siue numerationes ad illuminandum in iis mundos absconditos, qui non reuelati sunt, et mundos, qui reuelati sunt: et in iis te abscondis a filiis hominum, et tu es, qui annexus es iis, et vnus te iis: et quoniam tu es in intrinseco, quicumque te separat vnum ab alio ex istis decem, reputatur ipse, ac si separasset te ipsum*. Quem locum ideo attulimus, ut quam misere corruerint Iudaei veritatem hanc: essentiam Dei infinitam comprehendere non posse. Valde enim fallitur RITTANGELIVS, qui haec de infinitatis attributo intelligenda esse, idemque dicere putat, Deum esse causam causarum infinitam et incomprehensibilem. Iohaidis enim doctrina ex orientali philosophia transfusa id vult, in infinito abyssu latere incomprehensibilem Dei profunditatem demersam, eamque, ut se manifestaret, in illis emanationum ordinibus ita conspicuam se fecisse, ut quicquid in quatuor mundorum classibus esset, Deum euolutum ex profunditatis suae inaccessu et incomprehensibili lumine exhibeat et manifestet, sicque in emanationibus tantum diuinis incomprehensibilis Dei essentia comprehendere queat. Quam genuinam Cabbalistarum mentem esse, infra inuictis rationibus demonstrabimus. Ex his vero de orthodoxia theologiae naturalis Iudaicae, deque philosophia eorum de Deo iudicandum.

V. Deus itaque ex attributis tantum suis et nominibus cognosci potest, quae cum eius essentia coincidunt. Fundamentum hoc est totius fere magiae Iudaicae, et Cabbalisticae, qua mira nominibus diuinis effici posse gloriantur, qua de re passim obuia sunt Iudaeorum effata. Quod licet mirum videri queat, ad eiusmodi nugas Iudaeos potuisse delabi, desinet tamen mirari, qui cogitabit, emanationis systema, quod Cabbalistsae, et ab iis alii quoque Iudaei receperunt, postulare, ut nominum diuinorum quasdam quoque ex Deo emanationes saltem virtutes operatrices esse, concedatur, quibus commotis emanationum inferiorum series ad superiorum voluntatem pertrahi posse sperari queat. Quod ex Orientali philosophia ad Iudaeos transiisse, ex Gnosticorum circa diuina nomina mysteriis colligi potest. Multa hic otiosa et nugarum plena somniant Iudaei, qui nomina diuina septuaginta duo numerant, eaque septies disposita interque se commutata septingenta et viginti nomina Dei exsculpunt. Inter ea maxime nomen אגלא, Agla memorabile est, eo quod eo Iudaei in Cabbala practica vtuntur, et hoc scuto Dauidis, ut vocant, incendia extinguere possunt.

SSSSS 2


se

s) Locum affert STEPH. RITTANGELIVS ad librum Iezirah p. 162.

t) vid. PETR. GALATIN. L. II. c. VI. REVCHLIN. Cabb. L. III. p. 697. seqq. Coll. Pistor.

Cabbal. denud. T. I. intr. in librum Sohar c. 5. p. 178. seqq. et quae praeter alios adduxit Io. SAUBERTVS palaeotr. theolog. philolog. p. 61. seqq.

se contendunt, si igni immittatur, cuius figuram in lectoris curiosi gratiam hic appingimus.



Alii aliter pingunt, et angulis vocem אגלא inscribunt. Est autem vox Agla compendium vocum אגלי אגלי אגלי, tu es fortis in aeternum Domine, quibus vim istam mirificam, etiam ad euitanda vulnera, et similia inesse statuunt, de quo tamen cum ad nostrum institutum id non pertineat, dici plura non possunt, legendi tamen sunt, quos magno numero laudat IO. ALBERTVS FABRICIVS *. Ex his vero de reliquis iudicandum.

VI. Maxima vero vis inest nomini Dei יהוה, cuius tanta veneratio esse debet, vt nemini illud pronunciare liceat. Multa hic dici possent de hoc nomine Deo mirabili, quod *Schem ham phorasch* vocant, eo quod essentiam Dei clare et luculenter explicet, si theologiae Iudaicae placita compilanda essent; sed his immorari non licet, videndi vero quos laudat FABRICIVS *. Nos id, instituti nostri memores, notamus, tanta seueritate interdictum esse vsum huius nominis Iudaeis, vt aeternae vitae exsortem eum dicant, qui illud vel voce vel scriptis efferat, qua de re videndus est tractatus *Sanhedrin* †: immo, teste *Auoda Sarab* ‡ R. Chanina Ben Teuadion ob hanc culpam igni, vxorque eius morti addicti sunt. Qua vero de causa venerabili nomine vti prohibuerint Iudaei, et non nisi sacerdoti benedictionem pronuntianti efferre licitum putauerint; vtrum ad tollendum abusum et conseruandam eius maie-

* Cod. apocryph. V.T. T. II. p. 1006. T. III. pag. 143.

† Bibliograph. antiq. c. VIII. p. 243. seqq. c. XI. f. 90.

‡ c. I. f. 18.

maiestatem, aut propter vsum magicum, aut propter ignoratam hodie et amissam pronuntiationem eo vti vetuerint, ita disceptatum est inter viros eruditos, vt nobis quidem veram causam non liquere, sit verissimum. Legenda tamen quae industria HADRIANI RELANDI^a collecta sunt scripta virorum doctorum.

VII. Dei essentia tota spiritualis est, distincta ab omni prorsus corpore, est enim infinitus, omne vero corpus est finitum, finitamque habet potentiam. Ita iterum MAIMONIDES^b, et, qui eum sequitur ALBO^c, quo simul omnem materiae infinitatem negant.

VIII. Est Deus essentia perfectissima, et quicquid a nobis pro perfecto habetur, id quoque attribuitur Deo benedicto, ad docendum, illum omnibus numeris, et gradibus esse perfectissimum, nullumque in ipso esse defectum vel priuationem, vel passionem. Hinc omnes perfectiones non tantum potentia, sed re ipsa in eo sunt^d.

IX. Attributa Dei diuiduntur in tres partes: quaedam sunt actiua, quaedam accessoria, quaedam negatiua. Actiua sunt desumpta ab actionibus Deo tributis et a Deo prouenientibus per media naturalia; accessoria sunt petita ab exaltatione loquentium de eo; haec licet sint multiplicia, nullam tamen inferunt in Deo multitudinem, neque eximunt eum ab unitate. Negatiua autem praedicantur de eo, ad negandum de ipso contrarium illorum, non ad affirmandum illa eo modo, quo nos ea intelligimus. Subtiliter haec exsequitur auctor libri *Cosri*^e, sic vt vix dubitare liceat, pressisse eum Scholasticorum vestigia, adeoque etiam ex hoc quoque argumento suspicari liceat, esse librum hunc seculo VIII, quo is scriptus dicitur, iuniorem. Multa imprimis de passionibus Deo attributis satis eleganter differit, quocum conferendus MAIMONIDES^f. Non itaque κατὰ τὸ ἑπὶ τοῦ θεοῦ intelligendi sunt Iudaei, de Deo indigne loqui visi. Ita enim ἀνθρώποι παθῶς loqui solent de Deo, vt oblitos fuisse summi Numinis perfectione credas. In quo allegoricæ methodo ignoscendum est, eiusque phraseologia ex his thesibus philosophicis explicanda, licet fatendum quoque sit, obscuros se ita fecisse doctores Iudaicos, et plebi occasionem dedisse, venerationem supremo Numini debitam negligendi; vt taceamus, saepe has allegorias re ipsa in Dei perfectionem peccare, quamcunque etiam explicationem adhibeas^g.

X. Deus est infinitus (Ensofph Cabbalistis inde dictus, de quo in frequentibus dicitur) distinctus quam maxime a creaturis finitis, habet enim infinitam durationem existentiae tam antecedentem, quam subsequenter. Hinc attributa eius aeterna et infinita sunt, quoniam fieri non potest, vt de nouo ipsi contingant, vel ita sint in Deo, vt aliquando futura non sint^h.

S s s s s 3

XI.

^a) In dodecade exercitationum philologicarum, de vera pronuntiatione vocis Iehoua, Traiecti 1707.

^b) Mor. nebh. P. I. c. 26.

^c) I. c. L. II. c. 6.

^d) IDEM I. c. ALBO I. c. c. 26. Cosri P. II.

^e) §. 2. p. 77.

^f) I. c. c. 46. 59. 60.

^g) pag. 77.

^g) Conf. BASNAGE Hist. des Juifs L. IV. c. 2.

^h) §. 3. seqq. p. 8. seqq.

^h) ALBO L. II. c. 25.

XI. Est Deus etiam infinitus ratione durationis, ita vt sit primus et nouissimus, atque aeternus, non enim dependet a tempore, vt entia contingentia. Fuit itaque ante mundum, errantque illi grauissime, qui mundum Deo coaeternum statuunt. Prolixe id contra Aristotelem prosequitur MAIMONIDES ⁱ.

XII. Omnia quae praeter Deum sunt, tempori subiiciuntur, et ideo tempus illa immutat. Hinc ipsae etiam intelligentiae separatae, etsi ex contrariis minime compositae sint, vt mutationi obnoxiae esse queant, nihilominus mutationem a tempore patiuntur. At Deus semper idem est, tam ante creationem mundi, quam post illius interitum, neque vllis mutatur temporibus ^k.

XIII. Deus est essentia simplicissima, neque in eo est compositum aut accidens aliquod, sed est substantia, quae sine accidentibus subsistit. Hinc sequitur, Deum esse intellectum in actu perpetuo, nunquam in potentia, sic vt non quandoque apprehendat, quandoque non apprehendat, sed sit semper intellectus in actu. Sic consequens est, ipsum et rem, quam comprehendit, vnum idemque esse. Ita iterum MAIMONIDES ^l, cuius verba quidem sanum sensum admittere non negamus, suspicamur tamen praeceptoris sui, Auerrois, principium, Deum esse intellectum agentem vniuersalem in cogitationibus Iudaei philosophi haesisse, hasque ei locutiones suggessisse. Certe incommode dicit, rem quam comprehendit, et intellectum eius vnum esse. Aliud enim res est, aliud idea rei intellectui obuersans. Verum de his alibi.

XIV. Ex eodem fundamento Deus quoque est immutabilis, non tantum quoad existentiam, sed etiam quoad voluntatem. Hinc nullae in eo proprietates corporis sunt, nec variabile quicquam, quod mutationem in eo efficere queat. Quin et passiones ab eo separandae sunt, quia efficiens passionum aliud est, quam id, quod patitur ^m.

XV. Vocantur proprietates diuinae Sephiroth, id est, illuminationes, eo quod plenae sint lucis et splendoris. Ita quidem auctor *praefationis in librum Seaare Ora* ⁿ, quem vnanimem nationis suae consensum a parte sua stantem habere putat LENTIVS. Sed fallitur vterque; attributa enim diuina manent in essentia diuina, et cum ea realissime et formaliter vnum sunt, vt ex antecedentibus constat: Sephiroth autem, sunt formae virtutesque substantiales ex Deo eiusque vnitae ita egredientes et se ad inferiora effundentes, vt salua tamen eius vnitae maneat, id quod infra, vbi ex instituto de iis dicendum, proluxe probabimus. Hoc vero loco vnum tantum Iudaei ^o celebris locum afferimus, testantis Abrahamum vocauisse in libro *Iezirah Sephiroth, quasi Saphiros, ad significandum, quemadmodum Saphirus omnes colores recipit, sic Deo omnes formas, bene-*

i) l. c. P. II. c. 15.

k) ALBO L. II. c. 19.

l) Fundam. leg. c. II. §. 15. p. 23.

m) Citati.

n) l. c. p. 94.

o) R. MOSES ad Iezirah c. I.

benedictiones, emanationesque tribui, ita tamen, ut haec omnia summam Dei benedicti unitatem praedicent. Vnde non errasse censendus est doctissimus Iudaeorum scriptor R. MENASSE BEN ISRAEL ^p, qui decem illos Sephiroth seu diuinas perfectiones aliud quid esse, dixit, quam essentiam Dei, licet dici nequeat, esse illas distinctas creaturas; sed tantum emanationes quasdam essentiae coniunctas, perinde ut radii solares cum sole, flamma cum prunis ardentibus, aut, uti Plato ait, vltimum lineae punctum cum linea coniunctum est. Rectissime enim ita Cabbalistarum mentem exprimi, ex dicendis constabit.

XVI. Deus ita omniscius est, ut cognoscat essentiam suam, quae est infinite perfecta, eam autem infinite perfectam cognoscere non potest, nisi cognitione infinite perfecta. Ita R. ALBO ^q, quae latius prosequitur MAIMONIDES ^r, monens, idcirco non cognoscere neque intelligere Deum creaturas per creaturas, uti nos apprehendimus eas, sed per semet ipsum, ideo quatenus se ipsum intelligit, etiam cognoscere omnia, cuiuslibet enim rei essentiam in ipso fundatam esse. Quibus verbis discipulum Auerois disserere de intellectu diuino, cautus lector monendus est.

XVII. Deus mundi Dominus est, totiusque terrae, gubernans sphaeram potentia, quae caret fine et termino, et virtute nunquam cessante. Subtiliter haec explicat ALBO ^s: *Quia omne agens perfectum non potest operari quicquam, nisi possit operari illud, et sciat operari, et velit operari: dicimus Deum velle, posse et scire.* Ita tamen, ut illae notiones diuersae agentis non inferant illi compositionem. Res autem impossibiles a potentia Dei optimi maximi ideo excludi monet MAIMONIDES ^t, quia earum existentia sit falsa, nec cadant in operationem agentis.

XVIII. Deus adeo non est in loco, ut potius locus sit, quia omnis locus est plenus gloria eius ^u. Frequens Iudaeorum consuetudo, ut Deum □□□□, locum appellitent, licet de eo locum praedicari posse negent, eo quod nomen loci, ut ait ALBO ^v, nonnisi rei, quae impletur corpore aliquo dimensionem habente, tribuitur, quod in ea quiescat, et quod eam ambiat. Nempe infinitam Dei omnipraesentiam et immensitatem cum negatiue magis, quam positiue definire liceat, idea loci vero diuersissima sit, prout nempe ad aliquid refertur, hinc factum, ut Iudaei incerta vocis significatione Deum locum dixerint, ad scripturae verba ^y prouocantes. Qua de re loca eorum adeunda sunt, quae collecta exhibent PAVLVS SLEVOGTIVS ^z, IO. PASCHIVS ^a et vir summus, CHRISTOPHORVS MATTHAEVS PFAFFIVS ^b, qui recte

^p) De creatione probl. 27.

^q) L. II. c. 21.

^r) Fund. leg. c. II. §. 15. p. 23.

^s) l. c. c. 25.

^t) Mor. nebhoch. P. III. c. 15.

^u) R. ABEN ESRA praef. comm. in Esther.

^v) L. II. c. 17.

^y) Exod. XXXIII. 21. Psalmi. XCI. 9.

^z) Diss. Acad. XVI. §. 15. p. 355. seqq. EVERTORF. Lex rabbin. f. 2000.

^a) Diss. de Loco th. II. §. 10.

^b) Diss. anti-Baëliana II. p. 19.

recte obseruat Christianorum quosdam Iudaeos in hac re fuisse secutos. Fatendum quoque, multos Iudaeorum ista voce nihil aliud indicare voluisse, quam Deum ita omnibus adesse praesentem, ut cuncta ab eo dependeant, et ab eo vi infinitae essentiae suae diuino et spiritali modo repleantur. At cum idea spatii locique semper extensionem aliquam admittat, incommode et obscure locutos fuisse, simul agnoscendum est. Placet acutissimi POIRETI^c pronunciatum: *Non me latet viros eruditos, nec absurda alioqui mente praeditos, H. Morum, Hebraeorum aliquot antiquiores, aliosque statuere ipsum spatium a Deo siue ab eius immensitate non differre, qua propter etiam multa, quae spatio hic tribuuntur imperfecta, ab eodem remouent. Sed si quid veri in eorum sententia siue mente subsit, ut ipsi contendunt, fateor id a ratione mea, in quo quidem sum statu, minime comprehendi posse, atque ita eorum curae relinquo suam de Deo spatiosam ideam tam pure ab omnibus imperfectionibus liberare, et tantis ornare perfectionibus, ut eadem Deo non indigna, sed digna euadat.* Immo non negamus multos Iudaeorum Auerrois sequaces, qui intellectum aliquem vniuersalem, omnia animantem admiserunt, nobis suspectos esse, quando Deum locum dicunt. Ita enim MAIMONIDES^d: *Sicut per formam res est, quod est, et per eandem veritas et quidditas illius subsistit: sic Deus se habet ad hunc mundum, et eatenus dicitur esse forma vltima, et forma formarum, quatenus existentia omnis formae mundanae eiusque conseruatio vltima innititur Deo, et in ipso subsistit, quemadmodum res formam habentes in formis suis subsistunt.* Eadem suspicione premuntur Cabbalistae, qui Deum ita locum esse dicunt, ut mundus sit Deus expansus, Deus mundus contractus, eo quod Deus per emanationes ad omnia se essentialiter extendat, quod, ut alia absurda taceamus, reuera extensionem spatiosam Deo tribuit. Haec cum Iudaei tradant, quaestio non plane otiosa est, vtrum Spinoza systematis sui occasionem a Iudaeis acceperit, maxime Cabbalisticis scriptoribus? de qua tamen alibi dicitur.

XIX. Deus perficit omne ens, nulla vero perfectio ei aduenit extrinsecus, fecus atque regibus, quorum perfectio extrinsecus accedit; regum enim imperium non eminet, nisi secundum gloriam et honorem, qui illis extrinsecus exhibetur: Apud Deum vero non ita res est: Deus enim gloriae dominatur; et quia rex est gloriae, regnum eius ab extrinseco se non erigit, neque mutatione aut destructione subditorum mutationem recipit^e.

XX. Deus ab aeterno disposuit totius mundi negotia, et diuina sua sapientia ac perspicacia vidit omnes effectus, qui in tempore futuri essent^f.

XXI. Sequuntur itaque res omnes scientiam Dei praecedentem, quae eas prout sunt, ordinat et disponit, siue sint existentia abstracta, siue exi-

^c) Obi. et Resp. ad calc. Cogitat. ration. de Deo p. 742. ed. vlt. ^d) Mor. nebbhoch. P. I. c. 69. ^e) ALBO L. II. c. 14.

^f) R. Isaac Bar Sesar apud MENASSE BEN ISRAEL de term. vitae p. 226.

existentia singularia materiata firma, siue existentia materialia, quorum indiuidua mutantur secundum ordinem, qui nec corrumpitur, nec mutatur, ideoque penes ipsum nulla est scientiae vel multiplicatio vel innouatio, vel mutatio, dum enim substantiae suae immutabilis veritatem nouit, nouit simul omnia sua, quae inde sequuntur, opera *ε*.

XXII. Omnia fiunt ex decreto Dei, et tamen liberum est arbitrium et accidentia; sunt enim actiones vel diuinae, vel naturales, vel accidentales, vel electiuae seu liberae. Diuinae a causa diuina proueniunt omni modo, nullam aliam habentes causam praeter voluntatem diuinam. Naturales sunt a causis mediis siue secundis, accommodatis illis, et perducunt eas ad finem perfectionis suae, quam diu nulla reliquarum trium causarum eas impedit. Accidentales sunt etiam a causis secundis, sed accidentaliter, non naturaliter, vel ordinate, vel intentionaliter: nullam etiam habent praeparationem ad perfectionem, ad quam pertingant, et in qua subsistant: praeterea conditionem accipiunt a ceteris tribus partibus actionum. Electiuarum autem causa est voluntas hominis electionem faciens. Ita auctor libri *Cofri* *b*, qui subtiliter his distinctionibus insistit, ut rationem concursus praescientiae diuinae cum libertate hominis explicet.

XXIII. Quamuis Deus omnia praescientia sua noscat mala, origo tamen eorum non a Deo, sed ab hominis libero arbitrio deriuanda est *i*.

XXIV. Absurdum itaque est dogma, prima principia esse duo, vnum boni, alterum mali. Nam bonum est per se in omnibus iis, quae existunt, malum vero praeter intentionem primam, neque aliter est, quam per accidens *k*.

XXV. Absurda etiam sententia, quae ponit praescientiam necessitantem absolutamque; ea enim omnes motus et actiones animantium a Deo decretas ponit, nec penes hominem relinquit potestatem quicquam vel faciendi vel intermittendi. Tollitur etiam secundum illam opinionem rerum contingentia, et sequitur, quod omnia sint vel necessaria vel impossibilia, inutiles sunt omnes leges et comminationes, iniustumque esset, Deum punire hominem, eo quod ex vi decreti diuini non potuerit non facere *l*.

XXVI. Fundamentum legis est, quod homo habeat absolutissimam potestatem, hoc est, quod homo per naturam, arbitrium et voluntatem suam faciat, quicquid homo facere potest, sine vlla re alia in ipso creata et innouata. Et sic voluit Deus optimus maximus, hoc est, voluntas Dei aeterna fuit, ut omne animal moueatur per voluntatem suam, et ut homo habeat potestatem eius, quod vult, vel eligit, in iis, quae cadunt sub

g) Moreh nebhoch. P. III. c. 21.

b) P. V. f. 20. p. 367.

i) Moreh nebhoch. P. III. c. 20.

k) ALBO L. II. c. 13.

l) Mor. nebh. c. 17. *Cofri* I. c.

sub ipsius potentiam ^{m)}. Multis haec exsequuntur Iudaei ⁿ⁾, qui omnibus modis in id connituntur, ut quam maximas humanae libertatis, siue liberi arbitrii vires extollant. Sine iis enim Pharisaica operum supererogatoriorum arrogantia et iustitia consistere non posset. Hinc auctor *libri Cosfri*^o, *liberum arbitrium dicit esse ex censu causarum secundarum, et causas habere catenatim dependentes a causa prima, dependentia non coacta; quia possibili seu contingenti existente anima constituta est inter consilium et contrarium eius, facereque potest, quod vult*. Alia loca veterum et recentiorum Iudaeorum breuitatis causa praetermittimus. Non negant diuinorum decretorum aeternitatem, nec ab essentia diuina ea separant, verum ita cum libero arbitrio hominis conciliant, ut faciat homo, non quod Deus vult et decreuit, sed quod ipse decernit, Deus autem id decernat, quod facere velle hominem intelligit. Facile intelligi potest, quanta inde auxilia petat theologia Iudaica et ἐθελοθρησκεία ab inani hominum ingenio profecta, qua legi satisfacere se posse credebant. Id quod tamen examinare, et emolumentum inde Pharisaismo enascens ostendere huius loci non est. Ex his vero sequentia quoque intelliguntur.

XXVII. Sunt itaque non omnia decreta diuina absoluta, sed innumera conditionata, quae ab hominis libera voluntate dependent, quae cum iuris sui sit, et velle potest, et nolle. Contraria sentientem Abarbanelem, cui OROBIUS ^{p)} addi potest, ideo reprehendit MENASSE BEN ISRAEL ^{q)}.

XXVIII. Liberum arbitrium et praescientiam diuinam conciliare arduum quidem opus est et satis intricatum; nec hoc mirum, essentiam enim Dei homo capere non potest, quacum praescientia idem est: Certum tamen praescire Deum, quia homo facit, non vero facere hominem, quia Deus praeuidit ^{r)}.

XXIX. Non itaque praecedit gratia Dei in operibus moraliter bonis merita iusti, nam sic nunquam bene agendi haberet potestatem, sed initia boni capit ex voluntatis suae viribus, ut meritum consequatur. Prouocat MENASSE BEN ISRAEL ^{s)} in his ad Aristotelem ^{t)}, eo quod cum gentis suae Pelagianismo conspirare illum videbat. Ita enim statuere necesse habebant, ut meritorum suorum opera ad iustitiam sufficere ostenderent. Id quod Iudaei ubique crepant ^{u)}.

XXX. Simulatque vero homo honestam aliquam actionem sibi proponit facere, mox etiam Deus ad eam actionem concurrat, et sua gratia hominem adiuuat ^{x)}. Vidit, hanc doctrinam in gratiam Dei iniuriam esse, ISAACVS OROBIUS ^{y)}, qui cum LIMBORCHIO ^{z)} disputauit, unde

m) Citati.

n) Vid. quae avert LENTIVS p. 158. seqq.

o) l. c. p. 68.

p) Amica coll. cum Limb. p. 83.

q) De term. vit. p. 217.

r) Ibidem.

s) De fragil. hum. p. 216.

t) Ethic. L. III. c. 16.

u) Vid. tr. Suca c. 5. conf. DRVSIVS de sensu L. II. p. m. 67. seqq.

x) De term. vit. p. 209.

y) loc. cit.

z) Cap. fid. c. 22. p. 105. Cosfi P. V. p. 362.

vnde gratiae efficaciam agnuit, qua sequatur effectus, vt Deus vult, et qua sola fit, vt homo velit eo modo et gratiae gradu, quo ille scit hominem libere, sed infallibiliter volitutum. At paucos in eo habet consentientes ex contribulibus suis.

XXXI. Mundus creatus est, initiumque habuit, et finem quoque fortietur. Primarium hunc fidei articulum putat R. ABBARBANEL^a, quam agnouisse Iudaeos quoque in Aegypto ex PHILONE constat. Nec aliter statuere poterant, si legem Moſis ſaluam veramque vellent. Quin et rationibus philoſophicis contra mundi aeternitatem pugnaverunt, vrgentes^b: *Mundum nouum creatum eſſe, quia corpus ſit, corpus autem nequeat eſſe ſine motu et quiete; et haec duo ſint accidentia in eo innouata, atque ſibi inuicem ſuccedentia. Quod autem alicui accidat, id ſuo aduentu ipſo nouum eſt, et quod tranſeat, nouum eſſe, ſi enim aeternum eſſet, priuationem non paſſurum. Quod autem non poſſit eſſe ſine accidentibus, de nouo ipſi aduentientibus, illud ipſum nouum eſſe, quia non fuerit ante innouationes; cum ergo innouata ſint noua, ipſum quoque nouum eſſe.* Ita quidem Iudaeorum plerique: fuerunt tamen nonnulli, qui dogma hoc reuelationis et rationis lumine nixum reiicientes, de mundi aeternitate in errores delapſi ſunt. Quidam ante hunc mundum alium a Deo factum eſſe ſomniarunt, ex cuius reſolutione ortus ſit mundus praefens. Cabbaliſtae relicto ſyſtemate Moſaico, ex ipſo Deo fluxiſſe mundorum genera quatuor, nugati ſunt, vt poſtea dicemus. Praecipue vero Maimonidae aetate de aeternitate mundi controuerſia inualuit, ex quo principia phyſica Ariſtotelis Iudaeis placuerunt. Quamvis enim materiae formationem, vt viſibilis mundi ornatus exiſteret, concedebant, quam ſalua Moſis hiſtoria negare non poterant, materiam tamen fecerunt aeternam, licet ex Deo exiſtentem. Huic errori totis viribus ſe oppoſuit MAIMONIDES, qui videndus^c; cui Platonis in eo argumento ſyſtema prae Ariſtotelis arrisit. Recruduit controuerſia Sec. XV, cum aeternitatem mundi defendere ſuſcepſiſſet R. Schemuel Sirſa, vel Sarſa, doctör Iudaeorum Hiſpanus, qui exſpirante Sec. XV vixit: huic ſe magno ardore obiecit R. Iſaac Kanpathon, tantaque inuidia lis ea inualuit, vt parum abeſſet, quin igni adiudicaretur: quod tamen factum non eſſe contra ZACHVTHI^d relationem, (quam ſecutus quoque eſt REIMMANNVS^e), recte affirmat WOLFIVS^f, ius enim vitae et necis Iudaeos in Hiſpania tum habuiſſe, demonſtrari non poſteſt.

XXXII. Mundus non creatus eſt ex materia praeeſiſtente, ſic vt ex nihilo producta ſint omnia, nihilque ante creationem fuerit praeter Deum. Ita quidem plerorumque Iudaeorum poſt euerſum templum tradebat doctrina.

T t t t t 2

ctrina.

^a) De opificio Dei p. 3. ſeqq.

^b) Coſtri p. 363.

^c) Mor. nebhoch. P. II. c. 14. ſeqq. p. 223. ſeqq. conf. BASNAGE Hiſt. Iud. L. IV. c. 6. §. 4. p. 129.

^d) Iuchafin p. 134. MEN. BEN ISRAEL de creat. probl. III. p. 9. BASNAGE l. c. p. 120.

^e) Intr. in hiſt. theol. Iud. P. I. c. 18. §. 29. pag. 612.

^f) Bibl. Hebr. P. I. p. 1113.

Strina. Non prouocabimus ad MAIMONIDEM, multis hoc dogma rationibus adstruentem, vel ad auctorem libri *Cofri*, cuius verba supra adduximus, sed ad ipsam potissimum traditionem ecclesiae Iudaicae respiciendum esse monemus, quam complexum est fidei symbolum, quod creationem ex nihilo inter prima fidei fundamenta ponit, vt taceamus alia a viris doctis ^{ff} passim adducta, et a viro summo ISAACO DE BEAUSOBRE ^s diligenter collecta. Qui tamen vt ingenio erat magno, et eruditione elegantissima, omnem mouit lapidem, vt ostenderet, ecclesiam Iudaicam veterem creationem ex nihilo non docuisse, sed potius antiquo dogmati adhaesisse. Qua de re hic quidem disputandi nobis locus non est. Fatemur tamen, tales nobis videri viri eruditissimi, quem cum in viuis esset venerati sumus nobis amicissimum, et post cineres quoque ob insignia in rem literariam merita colimus, rationes, vt parum idoneae sint, ad contrarium nobis persuadendum. Nempe nec Philo huc pertinet, quem deuiasse ab ecclesia Iudaica adeo notum esse existimamus, vt merito miremur, potuisse virum doctissimum in animum inducere, vt id negaret ^b; nec

^{ff}) Vid. LENT. I. c. p. 147. WITSIVS Mel. Leid. Ex. VIII. §. 32. p. 101. seqq.

^g) Hist. de Manichée T. II. L. V. c. 3. p. 184. seqq.

^b) Prolixior est materia, an Philo creationem ex nihilo crediderit, quam vt hic possit ex instituto tractari; pauca itaque annotamus, quae lucem quaestioni foenerari apud rerum intelligentes et a praeiudicio hypotheseos liberos apta sunt. Nempe I. concedendum quidem est, errare magnopere eos, qui Philonem inter illos numerant, qui mundi creationem ex nihilo, i. e. ex nullo praeexistente subiecto asseruerunt. Hi enim evidenti eius loco, de opificio mundi p. 2. refutantur, vbi duas causas ponit Deum et materiam, illam actiuam hanc passiuam, illamque hanc ornasse, et ita mundum condidisse dicit. Vnde recte et eleganter obseruat vir doctus, errare Witsium, qui, vt contrarium euinceret, ad Philonis verba prouocat, quibus „aeternitatem soli intelligibili et immutabili „enti vindicat, res visibiles et sensibus expostas „generationi et formationi atque mutationi obnoxias esse“ dicit. Nam hoc de visibili tantum mundo ex fluxa materia valere, non de materiae principio, verba eius clare docent. Ex quo intelligitur, etiam verba illa: „Nihil com- „merci habet, cum eo quod non factum est, is „qui id non fecit,“ ad mundum ex quorundam opinione aeternum pertinere, non ad materiam, de qua Philo non disputat. Et haec tamen quidem omnino viro doctissimo assentimur. At in eo fallitur, quod putat Philonem Platonis sententiae inhaesisse, qui duo absoluta principia posuit, Deum et materiam. Quauis enim duo haec principia licet non absoluta simul non neget, quae nullus philosophus vnquam negauit, ne Cabbalistis quidem exceptis, cogitandum tamen est, fuisse Philonem ex philosopho-

rum Alexandrinorum numero, qui de certo systemate dualistico, emanatum receperunt, statueruntque Deum ex se sinque vno materiam expulisse, et emanate fecisse, vt supra fufe probatum, et infra de Cabbalisticis quoque et de Origene suo loco probabitur. Hanc fuisse mentem PHILONIS locus a Cel. viro iam adductus de creat. principis p. 728. probat, vbi ait: „Deum non entibus dedisse essentiam, confusa „digefisse in ordinem, nouas qualitates rebus „indidisse, similia fecisse ex dissimilibus, e di- „uerfis eadem, ex infociabilibus et diffitis co- „haerentia et sociabilia, ex inaequalibus aequa- „lia, et quicquid delinquit deterior essentia „transformasse in melius.“ Quae sensu Platonico dicta esse omnino concedimus, vbi *ἐκ ὅντα* materia est fluxa, inordinata, dissimilis, diuersa. Ast ita, Deum *καλέσαι ἐκ ὄντα εἰς τὸ εἶναι*, ait, *ἐκ οὐκ ὄντος ὡς ἐργασάμενος*, „ex tenebris lucem „producens.“ Quae intelligi non possunt, nisi ex Cabbalistarum in Aegypto enata doctrina teneamus, emanationes diuinas, cum longissime a summo lumine se remouissent, factas esse tenebras, ob priuationem luminis, per Sephiroth autem et canalem Adam Kadmon lucis radium tenebris immisum, sique mundum materialem conditum esse. Nec aliud vult Philo, nisi materia ex Deo emanante et longissime a fonte recedente tenebras ortas esse, at a Deo luminis immisione ordinatam et ornatam materiam. Melius id intelligit, qui Philonis mundum intelligibilem cum materia intelligibili Alexandrinorum philosophorum eorumque mundo duplici supra delincato comparabant. II. Miramur, potuisse dicere virum eruditissimum, Platonis systema esse Hebraeorum veterum doctrinam, habuisse enim a barbaris: adeoque non posse dici, Philonem platonizantem suae gentis dogmata reliquisse, neque enim probabile

nec quae porro de reliquis testimoniis addit momentum magnum habere nobis videntur. In hoc enim argumento et similibus, non ratiunculis quibusdam, quae toti historiae dogmaticae inducere Pyrrhonismum et ineluctabilem incertitudinem conciliare possunt, standum, sed ad testimoniorum claritatem consensumque confugiendum est. Qui cum talis fuerit, ut in hunc fidei articulum conspiciatur gens a traditionis ore tota dependens, cur non a maioribus accepisse illud dogma credamus? Quod enim duce Basnagio excipit vir doctissimus, traditionis sententiam non fuisse concordem et uniformem, parum roboris habet, cum hic non de priuatorum quorundam fide disputetur, sed de publica traditione, quam dissensus quorundam non tollit. Valde vero turbat quaestionem vir praestantissimus, quando Cabbalistarum placita cum exotericis Iudaeorum dogmatibus confundit, et ex his probare cupit, Iudaeos veteres materiam coexistentem Deo tradidisse: nam nec haec mens Cabbalistarum fuit, qui materiam quoque ex Deo emanantem statuerunt, ut infra demonstrabitur, adeoque suo modo ex non-ente deduxerunt, immo si eorum verbis standum, id quod in materia reale est, prorsus materiale non esse, sed spirituales naturam habere, et materialitatis indolem a priuatione tantum adeoque ex nihilo accepisse, dixerunt: nec aliud inde sequitur, quam, hanc thesin: materiae essentiam ex Deo effluxisse, fuisse acroamaticam, et ab exotérico dogmate distinctam, adeoque hoc aliter statuisse, quam illam, et vnum ex altero demonstrari non posse. Ex quo meliori iure colligimus, creationem ex nihilo Iudaicum dogma semper fuisse, eo quod contraria sententia ex gentilismo inter Iudaeos irrepsit. Quod vero contendit Beaufobrius, Maimonidem de absurditate aeternitatis materiae conuictum, traditionem opinioni suae de creatione ex nihilo conciliare voluisse, ideoque eam ad Abrahamum retulisse; doctores autem gentis suae de ea non fuisse concordēs, historia Iudaica refutat, quae hoc quidem refert, fuisse vnum alterumque a Peripateticismo inualefcente seductum, qui de materiae aeternitate cogitauerit, opposuisse se vero ceteros omnes tanto feruore tradit, ut ignis supplicio dignos censuerint, qui talia docerent. Id quod luculenter probat, traditionis, tempore Maimonidae, eam fuisse concordiam inter Iudaeos, ut contraria sentientes pro haereticis habuerint, nec ad Maimonideam philosophiam hoc *εὐρημα* posse referri. Essent quidem plurima, quae de hac re, ad illustrandam viri optimi opinionem, possent afferri, sed instituti limites plura nobis non permittunt dicere, alia occa-

T t t t 3

sione,

bile esse, voluisse Philonem errores Graecos Mosis doctrinae praefere. Quae nollemus excidisse magno viro, sed tenacius aliquanto hypothesei inhaerenti. Nam et sole meridiano clarius est, Philonem innumeros Platoniorum Alexandrinorum errores recepisse, mores Iudaeorum in Aegypto secutum, et Platonem sua a

Iudaeis non accepisse, ita luculenter probauit LENFANTIVS collega Beaufobrii et amicus intimus, hoc non improbane, Bibl. Germ. T. II. p. 124. seq. ut vix oculis nostris fisci simus, cum haec legeremus. Tacemus toram Mosis historiam aperte systema dualisticum Platonis refutare. Plura addere locus non patitur.

fione, ferente prolixius, de ea re disputaturis. Pauca tamen in fine paginae adiciemus ⁱ.

XXXIII. Mundus non est a se, sed a Deo conditus est in tempore ^k. Rationem auctoris libri *Cofri* supra adduximus, ab innouatione mundi petitam.

XXXIV. Ex lege Mosis vnica mundi creatio est, quae autem de rebus ante mundum conditum creatis doctores dicunt, ea allegorica sunt, et tantum de intentione Dei interpretanda. Scilicet, si quosdam Iudaeorum audis, non alius tantum mundus ante hunc visibilem a Deo conditus est, id quod ex eo probant, quod Moses creationis historiam auspicetur a libera ב, cum scribere potuisset אלהים ברא. Alii scriptores Talmudici ^m, septem res creatas esse antequam mundus conderetur; legem, poenitentiam, hortum Eden, gehennam, folium gloriae, domum sanctuarii et nomen Messiae. Quamuis autem de sensu huius dicti varient inter se Iudaeorum interpretes ⁿ, vt absurditatem latentem euitent, patet tamen ex collatione locorum fere omnium, illud aut de obiecto primo aut de fine primo in intellectu diuino esse intelligenda; id quod fatis commode exprimet R. IEHVDA LEVI ^o, monens: *Conuenire id cum eo, quod philosophi dicunt, primum in cogitatione vltimum esse in executione*, id quod etiam de fine creationis satis luculenter explicat, dignus qui de eo legatur. Quaecunque autem in dicto obscuro admittatur significatio, illud certum est, allegoricam sententiam κατὰ τὸ ἑρπὸν non esse premendam, quod praecipue in doctrina de creatione notandum est.

XXXV. Quodcunque Deus benedictus in mundo creauit, ad honorem suum solum creauit ^p.

XXXVI.

i) Quod ad Eliezeris testimonium ex Capitulis illi tributis attinet, non alia eius auctoritas esse potest, quam quoad traditionem Iudaeorum exhibet, post confectum Talmud regnantem receptamque. Eliezeris enim ea non esse, supra obseruauimus, conf. WOLF. Bibl. Hebr. P. I. p. 173. seqq. mirumque non est, vidisse Maimonidem *דעות* in illis capitulis plurima; nam diuersorum hominum sententias diuersis temporibus pronunciatas ea continere, notum est. Parum tamen obstant creationi ex nihilo verba illa: Deum ex lumine vestium suarum condidisse coelos, et hoc lumen extendisse, vt fierent coeli. Notum enim est, Talmudicorum scriptorum allegoricas locutiones κατὰ τὸ ἑρπὸν premendas haud esse, nec aliud hoc velle dictum videtur, nisi Deum ex infinito lucis oceano coelos condidisse. Ast illa lux etiam a Deo. Quod si ipsa litera sequenda, dicendum lucem hanc ex Deo emanasse, quae ipsissima est Cabbalistarum doctrina, quibus autem tantum abest, vt lux haec materia sit, vt potius totam eam spiritum faciant, adeoque materia ea tantum ex priuatione facta sit. Nec alia est mens

libri Iezirah, Sect. IX. p. 197. ed. Rittang. nisi omnia ex Deo emanantia, ex quibus mundus factus, esse vocem et spiritum Dei sanctum. Quae licet fermento philosophiae orientalis in Aegyptum allato infecta sint, longe tamen absunt ab aeternitate materiae, quam Iudaeis affingit vir celeberrimus.

k) Prolixe de hac re PHILO de opificio mundi p. 3. seqq.

l) Cabbalistarum haec sunt somnia, quae mundum intelligibilem ex Deo fluentem supponunt, quaeque recentiores Iudaei quidam non satis intellexerunt, vid. LENT. l. c. p. 180. sq.

m) Pesachim f. 54. col. I. Nedarim f. 39. c. 2. R. ELIEZER. capit. c. 3.

n) Conf. BASNAGE Hist. Iud. L. IV. c. 6. §. 7. p. 122. seqq. IAC. WINDET. de vita funct. statu Sect. I. p. m. 6.

o) Cofri p. 254.

p) Berschith Rabba apud LENT. l. c. p. 182. Pirke abhoth c. VI. §. II. MAIMON. Moreh nebhochim P. II. c. 6.

XXXVI. Omnes animae olim in principio rerum omnium creaturarum creatae sunt, et centenis annis istae felices et beatae fuerunt in glorioso suo statu, antequam informarent corpus. Magno consensu hanc praesistentiam animarum amplectuntur Iudaei, ad quos sine dubio ex gentili philosophia profluxit, licet MENASSE BEN ISRAEL¹ contendat, eam a Iudaeis ad Aegyptios et Graecos, praecipue Pythagoram et Platonem peruenisse. Id enim historia philosophica luculenter refutat, quae hoc dogma inter gentes barbaras inualuisse docet, quae nunquam cum Hebraeis consuetudinem habuerunt. Maxime vero philosophia Cabbalistica hanc animarum originem amplexa est, cum systema emanatium aliud non patiatur. Qua de re cum infra dicendum sit, hic nihil addimus. Videndae interim nugae R. ISAACI LORIENSIS², ex quibus origo dogmatis prorsus gentilis palpari potest. Locum, in quo animae ante ingressum in corpus commorantur, vocant Guph, de quo loca scriptorum Talmudicorum affert LIGHTFOOTVS³. Sed et hoc ab Alexandrinis philosophis transfusum est, animas a septentrionali plaga descendere⁴. Alia Iudaeorum somnia de animabus recitat EISENMENGERS⁵, qui videndus. Immo, esse inter Iudaeos multos, qui animam per emanationem ex Dei essentia mediantibus Sephiroth deducant, ex locis a laudato viro allatis constat, quae Alexandrinas origines manifeste produnt.

XXXVII. Praeter animas dantur etiam creati spiritus, qui vel boni vel mali sunt.

XXXVIII. Angeli mali substantiae sunt corporeae, aëriae, igneae, ex duobus his elementis subtilissimis conflatae*. Originem haec assertio sine dubio accepit ex dictis scripturae male intellectis, quibus Deus angelos ventos et ignem flammantem fecisse dicitur. Haec verbotenus accipientes et prementes arctius, quam par erat Cabbalistsae, cum vi systematis emanatiui, malos angelos tanquam scorias et cortices emanationum diuinarum considerarent, et tamen crassamque materiae conditionem tribuere, propter operationes illis adscriptas, non possent, eiusmodi corpora aërea et ignea illis tribuerunt, et quae a philosophis Orientalibus et Alexandrinis acceperant, sua fecerunt. Quos secuti etiam Talmudici scriptores, cum haud raro literam premere solerent, ubi non debebant, neglecta ea, ubi sequenda erat, idem dogma receperunt, ex quo mira fabularum Iudaicarum commentorumque inanum seges prodiit.

XXXIX. Coelum animatum est, stellaeque rationales sunt conditae astraque praedita intellectu et voluntate. Est et hoc ex dogmatum heterogeneorum numero, quod cum reliquo fermento gentili ex Aegypto irrepserit inter Iudaeos, et dictis quibusdam sacrarum paginarum⁶, quae

אלה-

¹) De creat. probl. XV. p. 61. conf. de resurrectione. L. II. c. 19.

²) Cabb. denud. P. III. tr. 2. c. 1. p. 244.

³) Ad Io. IX. 2.

⁴) Conf. WINDET. I. c. f. V. pag. m. 95.

BASNAGE I. c. c. 13. §. 1. p. 278.

⁵) Iudaism. detect. P. II. c. 1. p. 1.

⁶) Vid. MENASSE BEN ISRAEL de creat. probl. 23.

⁷) Ps. XIX. 1. Nehem. IX. 6. Job. XXXVIII. 7.

ἀλλήγομεῖς loquuntur, secundum literam acceptis, pictum ornatumque, et infipida hypothefi de influxu fiderum fuffultum. Ex Aegypto autem abfurdam doctrinam ad Iudaeos perueniffe, ille non dubitabit, qui cogitat, et barbaram philofophiam, maxime vero orientalem talia praecepiffe, Aegyptiosque eadem admiffiffe, et inter Graecos in fchola Pythagorae, Platonis et Zenonis paria fuiiffe tradita; exque his fontibus colluuiem Alexandrinae philofophiae confluiiffe, ex qua ad Iudaeos tranfiit. Vt taceamus, philofophiam Cabbalifticam, quae ex his quoque impuris lacunis hauifit, non potuiiffe aliter ftatuere, cum fingulis mundis angelos praefererit, emanationum diuinarum partes et fimul cuftodes, vt infra dicitur, a quibus ad reliquos Iudaeos, dictorum biblicorum interpretatione minus accurata deceptos, poftea error digreffus eft. Certe apud Philonem paffim iam hoc dogma obtinuiiffe legimus ^z. Quamuis autem MAIMONIDES ^a ipfe huic dogmati faueat, quem tamen non Platonifmo, fed Peripateticifmo adhaefiffe conftat, nihil tamen in eo afferuit, quod non cum placitis Auerrois ipfiusque Ariftotelis concordet amiciffime. Singulis enim fphaeris cum intelligentiam aliquam, id eft diuinum quendam fpiritum praefectum effe dicat, aperte in Ariftotelis castra transfugit, et a fuprema intelligentia, fummoque et primo motore imprimi ceteris motum cum Stagiritae afferit. Fatetur autem effe inter gentem fuam, qui ex hoc motu fphaerarum ab angelis profecto oriri harmoniam fonumque dulciffimum credant, id quod Pythagoricum effe, nemo non videt. Totum vero dogma hoc ex Aegyptiaca philofophia, fingulis mundi partibus rectores fpiritus praeficiente ortum effe recte monuit BASNAGIUS ^b.

XL. Cum itaque ftellae rationales fint, motumque fequantur maxime rationalem, fequitur inde, eorum influxum regere mundum, et eorum fitus pofitusque praedicere poffe futura. Fatum hoc eft aftrologicum quod כּוּל *planetam* vocant, et cui plurimum Iudaei tribuunt, qui dogma hoc vel ex Babylonia vel ex Aegypto acceperunt, cum nefanda idololatria ante captiuitatem iam ad eos tranfmiffum. Vix enim ratio alia dari poteft, cur tantopere in colendo exercitu coelorum infaniuerint veteres Iudaei. Quaecumque autem veterum Iudaeorum de aftro- rum effecacia, influxu et fignificationibus fententia fuerit; illud certum eft, tanta fuperftitione inhaefiffe inepto dogmati Iudaeos poft templi excidium, vt aufus fuerit his principiis nixus R. Abraham Auenaris, ex fiderum pofitu et conftellationis legibus Mefliae indubitatum aduentum in A. C. MCDXLIV praedicere, nempe quando euenturum effet, vt Iupiter Saturno in cancri figno coniungeretur ^c. Nec mirandum magnopere, inter Iudaeos dogma hoc fuiiffe receptum, cum non tantum indoli gentis fuperftitioni fauenti conueniat, fed et inter tot migrationes et deportationes inter gentes peregrinas

^z) Vid. de opif. mundi pag. 5. de gigantibus pag. 285.

^a) Fundam. leg. c. 3. f. II. Moreh nebhochim P. II. c. 7.

^b) Hift. Iud. L. IV. c. 9. f. 14. p. 211.

^c) Vid. VOSSII de orig. et progr. idololatr. L. II. c. 48. p. m. 573.

grinas illud vbiuis fere receptum facile haerere et purioribus misceri ab iis potuerit.

XLII. Primus homo androgynus creatus est, nempe mas et foemina ^d. Solennis inter Iudaeos traditio, quam a gentilibus quoque accepisse nulli dubitamus.

XLIII. Articulus fidei est, quod Deus benedictus prouideat non tantum in vniuersali, sed etiam in particulari, quodque rationem habeat non modo speciei humanae in genere, sed quod singulos quoque homines curet in indiuiduo. Hanc prouidentiam qui negat, haereticus est ^e. Lites inter sectas Iudaeorum stante templo, de hoc dogmate supra enarrauimus, et ideo Sadducaeos a Iudaeis tanquam haereticos traduci ostendimus.

XLIV. Nulla res fit per accidens, sed omnia fiunt ex intentione intendentis Dei ^f, adeoque prouidentiae diuinae influxus et directio ne in minima quidem creatura desideratur. Dat enim cuique materiae formam optimam et convenientissimam, quam potest recipere, neque suam gratiam, sapientiam et gubernationem subtrahit vlli rei, sic vt in pulice et in musca aequae eluceat, quam in ordine sphaerarum, neque aliter differant res, quam ratione materiae suae ^g. Aliter visum fuisse MAIMONIDAE ^h, quidam inter Iudaeos et Christianos conqueruntur, eo quod tradiderit, diuinam prouidentiam non circa animalium indiuidua, plantas, folia aliaque vilia versari, sed coeco ea relinquere casui. Sed fieri ei iniuriam, ex verbis Iudaei doctoris diligenter inspectis dispalescit, quibus non de prouidentia DEI generali, sed de speciali circa hominum actiones rationales versanti loquitur, et Aristotelis magis, quam suam sententiam exprimit ⁱ. Vnde magis pie in *fundamentis legis* ^k omnia ad Deum refert.

XLV. Quicquid euenit hominibus, siue bonum fuerit, siue malum, prout in hoc mundo fieri solet, vbi mala mixta bonis, omnia illa operatur Deus, et nihil accidit fortuito. Malorum tamen auctor non est, id quod impedit, et punit, adeoque omne accidens malum obueniens homini, opus est in homine productum ex abscondito vultu Dei benedicti ab eo, cum nempe Deus illi custodiam suam subtrahit propter peccatum ipsius, vsque dum poenas peccato debitas soluerit ^l.

XLV. Vitae humanae meta immobilis et immutabilis fixa haud est a diuina prouidentia, adeoque in hominis potestate situm est, diu aut breuiter viuere, prout nempe eius temperamentum, et seculi decursus, et astro-

^d) Bereschith Rabba f. 8. Medrasch Tillim ad Psalm. CXXXIX. vid. quos nominat Io. A LENT l. c. c. VI. §. 16. p. 206. RAYM. MARTINI pug. fid. p. 449. Ios. VOISSIN. ad h. l. HORNBECK. de conuinc. Iudaeis p. 335. alique.

^e) Tr. Talm. Schabb. c. 14.

^f) R. DAVID KIMCHI comm. ad Pl. CIV.

^g) Cofri P. V. §. 20. p. 358. P. III. §. 17. p. 176.

^h) Mor. nebhoch. P. III. c. 17.

ⁱ) Conf. BASNAGE l. c. p. 304.

^k) c. I. §. 1. 2. c. II. §. 1.

^l) R. LEVI BARCELON. in Cinuch ad legem 169. Conf. LENT. l. c. p. 224.

astrorum situs permittunt. Prolixe de hoc asserto differit MENASSE BEN ISRAEL ^m.

XLVI. Per Dei existentiam omnia existunt, et ipse quoque continuat ac conseruat statum ipsorum per influentiam ⁿ.

XLVII. Non est vlla creatura, vel herba infra, quae non habeat Mafsal, id est sidus influens, quod percutit illam: et indiuidua omnia generabilia habent virtutes suas a sideribus vel stellis iis appropriatis: et licet virtutes orbium coelestium diffusae sint per omnia entia, tamen virtus vnus cuiusque stellae propria est. Prolixus in his explicandis est MAIMONIDES ^o, qui tamen more suo veterem doctrinam philosophiae Aristotelicae principiis adulterauit, singulis sphaeris intelligentias praeficiens, ex quarum influxu res inferiores generabiles et corruptibiles regantur. Magis enim sobrie magistros Iudaeorum ante illum de ea re pronuntiasse, ex libro *Cofri* ^p patet, cuius auctor *elementa*, ait, *solem, lunas, et stellas ceteras habere equidem operationes quasdam, veluti calefaciendi, refrigerandi, humectandi et exsiccandi, quaeque ab his dependent; neque tamen attribuendam illis esse sapientiam, sed ministerium duntaxat, vim autem formatricem, mensuratricem, et profeminandi, vt et omnia ea, quibus sapientia inest cum intentione certa, non attribuenda esse nisi sapienti et omnipotenti.*

XLVIII. Ex his sequitur, vitam et alimenta non a pietate vel meritis hominum pendere, sed a planeta, id est, fato fidereo. Ita quidem scriptores Talmudici ^q, quorum haec assertio est. Recentiores tamen, quos nominat IO. A LENT ^r, ita haec moderantur, vt expositione astrorum, dicant, deriuari in infantem recens natum aliquam virtutem, et disponi ordinem vitae et necis, opulentiae et paupertatis, sed ita, vt astra non necessitent homines, nec voluntatem hominis eiusque liberum arbitrium tollant, sed iuuent tantum, inclinent, et excitent. Quod dogma latius persequitur MENASSE BEN ISRAEL ^s, qui, et ad experientiam et impleta astrologorum oracula, et ad motuum coelestium in sublunaria influxum, horumque ab illis dependentiam, et ad scripturae auctoritatem et dominatum siderum in Geneseos initio declaratum prouocat. Qua in re esse hodiernos Iudaeos discipulos Phariseorum veterum recte monuit BASNAGIVS ^t. Sunt tamen inter eos, qui sobrie magis hic philosophantur, et parum sideribus in res humanas potestatis tribuunt, qui tamen communi et receptae inter Iudaeos doctrinae opponi non debent, cum priuatam opinionem sequantur. Aut itaque falsum est, quod contendit LENTIVS ^u, reiicere Iudaeos fatum astrologicum, aut de absoluta tantum necessitandi potentia intelligendum est.

XLIX.

^m) De termino vitae.

ⁿ) Moses Aegypti, Mor. nebhoch. P. II. c. 12. p. 214. coll. P. I. c. 69. p. 126.

^o) P. II. c. 10. p. 206.

^p) P. V. f. 77. p. 36.

^q) Tr. Moëd katon f. 28. c. 1.

^r) l. c. p. 236.

^s) De termino vitae p. 14.

^t) l. c. L. II. c. 18. §. 8. p. 462.

^u) loc. cit.

XLIX. Innumeri dantur angeli, quorum peculiaris sunt nomina, classes, munera, affectiones et qualitates. Posset hic tota Iudaeorum de angelis doctrina afferri, si instituti limites id paterentur: licet enim pauca de iis teneat ratio, et pleraque ex traditione acceperint Iudaei, ita tamen scripturae dogmata admixtis Chaldaeis, Persicis, Aegyptiacis, immo Alexandrinis quoque Pythagorico-Platoniorum placitis adulterantur, ut sine historiae philosophicae adminiculo eorum opiniones peregrinae intelligi, fontesque earum perspicere nequeant. Sed prolixiora sunt, quae de angelis nugantur, quam ut hic vno fasce comprehendere queant omnia. Paucis tamen potiora enarrabimus, quae huc redeunt: I. Angelos Dei esse consiliarios in condendo mundo statuunt; quae opinio sine dubio in Aegypto inter Iudaeos primum recepta fuit ex schola Platonis, quem minoribus Diis conditorem permisisse mundi fabricam et ornatum dixisse, alibi * notauimus. Immo ex Orientali quoque philosophia, quae Platonicae in Aegypto attemperata fuit, hoc dogma fuisse Iudaeis commendatum, vix dubium erit ea legentibus, quae supra de philosophiae Orientalis placitis differuimus. II. Angelos quidem substantias puras et intelligentes esse dicunt, et quae corpoream naturam in scriptura innuunt, allegorice explicanda esse, concedunt: at de origine angelorum eorumque naturae lucidae et intelligentis differentes, eos ex luce diuina effluxisse, ut scintillas ex lumine asserunt. Id quod non Cabbalistis tantum placuit, quorum de angelis somnia infra enarrabimus, sed et aliis Iudaeorum doctoribus, inter quos ita R. I E D A I A H A P P E N I N I: *A scintilla luminis tui ab antiquitate scaturigo diffluit, a splendore tuo effunditur, inde separantur castra intelligentiarum admirabilium, quae sunt substantiae purissimae intelligentes ex se ipsis.* Ex quibus verbis manifestum est, emanationis modo originem angelorum Iudaeos sibi concessisse, naturamque eorum luminosam esse, ex infiniti luminis effluente essentia statuisse, sicque corporeas sibi notiones formasse. Quod ut philosophiae Orientali iterum est conueniens, immo cum Alexandrina quoque philosophia concordat, ita verisimile est, ex his scholis Iudaeos haec quoque hausisse. III. Placuit etiam multis Iudaeorum magistris, angelis tribuere corpora subtilissima aëria et aetherea itemque ignea ^a, ut supra dictum, sexum quoque, et potentiam generandi ^b: quae ex iisdem putidius philosophiae Orientalis et Aegyptiacae lacunis hausta esse, quilibet videt, qui harum nugarum historiam tenet, vel Iamblichi librum *de mysteriis Aegyptiorum* legit. IV. Diligentissimi porro Iudaei sunt in definiendis Angelorum ordinibus, hierarchiis, muneribus, dignitatibus, potestatibus et similibus. Tres nempe supremas angelorum classes con-

V v v v v 2

stituunt,

*) Hist. de ideis Sect. I. §. 6. p. 103. seqq.

y) R. MOSES BEN MAIMON. Iofede hatthora c. II. §. 4. Mor. neb. P. I. c. 49.

z) Intr. Bakkascha f. II.

a) Cosmi P. IV. §. 3. qui tamen hoc ad certum genus angelorum restringit, quod ex Cabbalistarum pneumatica lucem accipiet.

b) Conf. BASNAGE Hist. des Juifs L. IV. c. 9. §. 5. p. 193. seqq.

stituunt, quibus singulis domum iudicii, id est, curiam quandam coelestem assignant, in quo deliberent, et ex quibus synedrium coeleste congregetur ^c. In prima classe collocant principes faciei diuinae, Michaëlem, Gabrielem, Vrielem, Raphaellem; eo quod perpetuo coram diuina facie apparentes illam intueantur; et de his mira somnia narrant ^d, quae allegorice intelligenda sunt, nisi prorsus delirauisse eos velis. Secundae classi angelos sanctitatis attribuunt, qui interdum corpora assumunt, inter homines apparent, mundoque sublunari praesunt. Hos in decem ordines distribuunt, heic, vbi breuitatem sectamur, non enarrandos, videntur vero, qui passim haec exponunt, viri docti ^e. Tertia in classe angelos damni, perditionis vel mortis constituunt, eo quod iustitiam diuinam in peccatore exequantur. Illis angelis in regione sublunari et plaga septentrionali sedem tribuunt, vt ex *ELIEZERIS capitulis* ^f patet, pluribusque Iudaeorum locis probat *ANDR. EISENMENGERS*. Habere hanc quoque classem suam originem, si loca de malis geniis in *S. paginis* occurrentia excipias ex philosophia Orientali et Alexandrina, ex collatione vtriusque est manifestissimum. Quaerunt hac occasione passim viri docti, vtrum doctrinam de angelis Iudaei a gentilibus, vel hi ab illis acceperint? cuius disceptationis historiam enarrare integram heic non licet. Nos in difficili quaestione distinguenda eius momenta esse arbitramur. Aliud enim est, vtrum dogma illud: dari angelos peculiari existentia gaudentes, esse angelos bonos et malos, et quae his similia sunt, ex origine sua apud Hebraeos fuerit, et an ab illis ad gentes dimanauerit: aliud, an doctrina Iudaeorum de angelis, qualem in compendio exhibuimus ex fontibus gentilis philosophiae scaturierit? Prius omnes illi affirmant, qui diuinorum quorumcunque notitiam ab Hebraeis ad gentiles peruenisse statuunt. Inter quos est *VOSSIVS* ^g pater, qui per patriarchas traditionis ope ad gentiles hoc dogma transiisse, e. g. ad Ismaëlitas ab Hagare, ad Ammonitas a Lotho, ad Moabitas a Bileamo &c. suspicatur, id quod ea potissimum ratione verisimile fieri contendit *B. I. O. IAC. SYRBIVS* ^h, quod angelorum existentia a priori ex ratione non innotescat. Nos non id quidem praefracte negabimus, fuisse inter vetustissimas gentes quaedam traditionis patriarchalis vestigia, ex quibus angelorum existentiam et praecipue quorundam ex iis lapsum et malitiam discere potuerint. At hoc simul concedendum est, doctrinam de Deo, ceu anima mundi, quae omnem fere terrarum orbem peruagata est, per se eam opinionem potuisse gignere, esse in omnibus huius mundi partibus spiritus elementorum, partiumque mundanarum praefides et rectores, prout

^c) *MAIMON. l. c. P. II. c. 10.* et quos adducit *LENT. c. 7. §. 4. p. 249.*

^d) *Capit. Eliezeris c. 4. BASNAGE loc. cit. §. 7. p. 197.*

^e) *MAIM. const. fund. leg. c. 2. §. 8. G. VORST. ad h. l. p. 13. LENT. l. c. c. VII. §. 6.*

^p. 252. seq. *EISENMENGER. Iudaism. detect. P. II. c. 7. p. 374.*

^f) *c. 3. MEN. BEN ISRAEL de creat. probl. 22. EISENMENGER. l. c.*

^g) *De orig. idololatr. L. I. c. 6.*

^h) *Instit. philos. primae P. II. c. 2. p. 366.*

prout in historia philosophiae barbaricae *Tomo primo* fuisse etiam de Germanis Celtisque, longissime ab Hebraeis remotis, ostendimus, et *Tomo quarto* de Sinensibus, nullo prorsus cum Hebraeis commercio visus ostendimus. Cumque miros naturae operum effectus viderent, et inesse quoque naturae rerum perniciosos euentus obseruarent, malos dari genios, qui ista operentur, facile colligere potuerunt. Sane quae innumera de spiritibus edifferuit philosophia barbarica, praecipue Orientalis ita comparata sunt, ut ex limpidis Hebraeorum fontibus, dimanare non poterint, et potius ingeniis sacerdotum et fanaticis et fraudulentis imputanda sint. Et in his quoque scholis nugae has et inania otiosi ingenii somnia didicisse Iudaeos, nulli dubitamus. Id quod in captiuitate Babylonica factum esse, post GROTIVM passim viris doctis visum estⁱ; nobis autem si non omnia, certe pleraque ex Aegypto deriuanda esse videntur, postquam prophetae doctrinae purioris custodes esse desierant, et in syncretismum quendam gens Iudaica Aegyptum incolens ruerat. Quaecunque enim de angelis tradunt a reuelationis lumine in Scriptura S. abeuntia, ita comparata sunt, ut pateat, ea ex philosophia Orientali, Aegyptiaca et Pythagorico-Platonica inter se confusa et commixta, id est, ex philosophia Alexandrina profluxisse. Quod qui negat, eum vel vnus Philonis scripta legere oportet^k, ut plenissime conuincatur. Sed haec de angelorum dogmate Iudaico paucis sufficiant. Plura curiosi lectoris studio non indigna dabunt BALTHASAR BEKKERVS^l, IOANNES SAVBERTVS^m, et ANDREAS EISENMENGERVSⁿ, qui videndi.

L. Notitia angelorum magnam partem sapientiae Iudaicae constituit, et ad hominum salutem adhiberi potest^o. Patebit id ex iis, quae infra de Cabbalistarum dogmatibus de angelis dicturi sumus. Ita vero statuere oportebat Iudaeos, qui philosophiam suam arcanam magnam partem ex orientali philosophia mutuam acceperant. Cum enim illa potiore sapientiae partem in eo constitueret, ut anima a malorum angelorum potestate liberata ad superiores emanationum diuinarum ordines deduceretur; eodem modo Iudaeis praecipendum erat. Quae ratio quoque est, cur in Cabbala practica, mirabiles illos effectus magicos angelorum inuocatione produci posse statuunt. Ita enim et orientales philosophi decernebant, et qui eos suo modo sequebantur philosophi Alexandrini.

LI. Angelorum ministeria varia sunt, maxime vero singulis populis, regionibusque angeli rectores praefecti sunt, totus orbis terrarum ab iis regitur, illisque ex mandato Dei curae est. Curiosissimos se in hoc dogmate praestiterunt Iudaei, quorum tamen placita hic recensere loci

Vvvvv 3

angu-

i) Diximus hac de re quaedam supra L. I. c. 4.
 k) Hunc primum hanc de angelis doctrinam inter Iudaeos vulgasse non satis verisimiliter coniecit Huetius in concordia rat. et fid. L. II. c. 4. p. m. 100.

l) Mund. fascin. L. I. c. 12. p. m. 57.
 m) Palaest. theol. philol. p. 31.
 n) Iudaism. detect. P. II. c. 7. p. 320.
 o) Conf. BVDDEVS Hist. phil. Hebr. §. 45. p. 415. seq.

angustia non patitur. Videnda autem, quae copiose afferunt LENTIVS^p et BASNAGIVS^q. Quorum hic ex Philonis thesauris ita diuitias suas auxisse Iudaeos suspicatur, qua in opinione eum antecessit H V E T I V S^r. At ante Philonem iam inter Iudaeos hanc de angelorum nominibus, potestatibus et muneribus doctrinam inualuisse, ex iis, quae de Essenis supra retulimus, constat; dubiumque non est, Chaldaica, Persica, Aegyptiaca, et reliqua Orientalia placita domesticis quibusdam admixta materiam huic pneumatologiae Iudaicae subministrasse. Eam enim in distribuendis angelorum muneribus et praesidio fuisse curiosam satis, ex iis, quae suo loco de illis dicta sunt, liquet. Alexandrinam vero philosophiam in hoc capite explicando fuisse diligentissimam vel solus Iamblichus docet.

LII. Duo praecipue archangeli, rebellionis contra Deum capita, cum seditionem in coelesti curia excitassent, e coelo eiectioni sunt. Varie eorum nomina exprimunt Iudaei. Shamchazai et Vziel paraphraetae Chaldaeo^s vocantur. Alii vnum infernalium geniorum principem constituunt Sammaëlem^u, quem omnium diabolorum nequissimum, seductorem Euae, angelum mortis, Satanamque appellant. Angelum vero mortis ex duabus causis nominant. Nam fuisse eum auctorem lapsus protoplastorum, mortisque duce Mose, contendunt, et mortis simul nuntium esse dicunt, cuilibet homini moribundo apparentem, oculis minacibus ac igne rutilantibus, gladio horrendo: eique appensam fellis guttam ori immittere aegroti fabulantur, ex qua mori et putrefactionem subire foetidissimam cogatur. Esse in hac fabula implicito sensu confessionem Iudaeorum, diabolum cuiuslibet morientis homicidam esse, eumque ex vita tollere, passim viris doctis^x annotatum est: rectissime autem doctissimi *Bibliothecae Germanicae* auctores^y monuerunt, non nimis inuidiae conflandae causa premenda esse allegorica Iudaeorum verba, quae hoc tantum velint, mortem non esse opus Dei, sed a mala quadam natura et diabolorum principe ortam, qui inimicus sit Dei et humani generis. At cum tamen multi Iudaeorum literam ipsi arctissime sequantur, his saltem, qui magistrorum suorum mentem non assequuntur, ea obici posse in confesso est.

LIII. Angeli lapsi et ex coelo eiectioni cum filiabus hominum concubuerunt, filiosque genuerunt diabolos et gigantes. Passim haec tradunt Iudaei, praecipue R. ELIEZER^z, quibus suo modo praeiuit IOSEPHVS^a, qui, ut patres quoque aliqui, seductus fuit versione Graeca verborum Gen. VI. 2. ubi pro filiis Dei ἀγγελοι τῶ Θεῷ legitur. Pertinent

p) l. c. §. 25. p. 275. seqq.

q) l. c. L. IV. c. 9. §. 14. p. 211.

r) loc. cit.

s) JOSEPH. Antiq. Iud. L. XVIII. c. 2.

z) Ad Gen. VI. 1.

u) ELIEZER capit. c. 14. Mascheth Baua Batra f. 16.

x) EDZARD. ad c. I. Auoda Sara pag. 163. EISENMENGER. l. c. P. I. c. 18. p. 820. BUKTORF. Lex. Talm. col. 1495. I. IAC. SCHVDT. Memorab. Iud. P. II. L. VI. cap. 36. §. 12. pag. 337. seqq.

y) T. XXXII. p. 72.

a) Pirke c. 22.

α) Antiq. Iud. L. I. c. 4.

nent vero huc ea quoque, quae de angelis ἐγγυόποις in fragmento Henochiano veteres disputarunt, quae tamen heic afferre, instituti ratio non patitur. Sufficit annotasse, et hoc quoque dogma Aegypto sine dubio deberi et Aegyptiacae philosophiae. Ea enim angelorum ex plerumate diuino delapforum inordinatos appetitus et connubia cum materia enarrabat, quae desumpta esse ex orientali philosophia ex eius delineatione et Simonis Magi quoque historia constat. Huic itaque dogmati, quod in istos malos angelos eorumque in materiam nisum et inclinationem omnium fere in orbe malorum causam coniiciebat, quodque allegorico connubii spirituum cum filiabus hominum emblemate more Orientali depingebatur, et inter Iudaeos passim huic philosophiae manum dantes recipiebatur, patrocinium in domesticis monumentis quaesitum, et huc eo facilius Mosis verba tracta sunt, quod ipsa LXXviralis versio, quae maximae erat auctoritatis in Aegypto, fauere videretur. Quod PHILONIS *de gigantibus* libellum, qui totus in hoc argumento explicando occupatus est, legenti erit manifestissimum. Ex eo vero luculenter quoque patet, allegorice haec intellexisse Iudaeos Alexandrinos, philosophiae Aegyptiacae addictos. Dabimus ipsa Philonis verba, cum eleganter rem totam luce perfundant: *Hi sunt illi mali angelorum nomen usurpantes, qui rectae rationis filias scientias et virtutes nesciunt, morti autem obnoxias hominum mortalium progenies consecantur, quae nullam habent secum nativam pulchritudinem, sola mente visibilem, sed fucatam formam, qua sensus decipitur. Accipiunt vero non easdem omnes filias, sed alii alias selectas sibi ex innumeris. Quidam per visum, quidam per auditum, quidam per gustum et ventrem, quidam per ea, quae sub ventre sunt, quidam etiam per remotissimas occasiones intendendo suas cupiditates varias.* Quibus ex verbis luculenter intelligimus, excitando inordinatos cupiditatum in materiali corpore motus, malos istos angelos se cum hominibus coniunxisse, si Philo audiendus. Hac allegoria ad Iudaeos dogma hoc propagatum esse, ex Eliezeris, vel quisquis capitulorum illi tributorum auctor est vetus, testimonio constat. At Iudaei sequioris aetatis cum sensum philosophicum huius dogmatis non intelligerent, malos vero angelos corpore vestitos esse statuerent, κατὰ τὸ ἑητόν traditionem accipientes, eiusmodi connubium malorum spirituum cum filiabus hominum commenti sunt, quod a Iudaeis ad Christianos quoque aliquos transiit. Eidem sine dubio origini sequens fabula adscribenda est.

LIV. Quamdiu Adam protoplastus fuit in anathemate, genuit spiritus, daemones et spectra nocturna, et Eva genuit spiritus foeminas, separati enim erant per centum et triginta annos. Et hoc tempore enatus est spiritus foeminei generis Lilith. Absurda multa de his spiritibus pronuntiarunt Iudaeorum doctores, quae collecta sunt a I O. S A V B E R-

TO^d et ANDREA EISENMENGERO^e, quaeque hodie quoque inter Iudaeos obtinere ostendit IO. IACOBVS SCHVDTVS^f. Ast allegoriae cuidam natales infusae traditionis deberi, nulli dubitamus.

LV. Licet magna angelorum potestas eorumque vsus mirabilis sit, adeo vt cum timore venerationem mereantur, nullo tamen religioso adorationis vel inuocationis cultu prosequendi sunt. Thesis haec, ex reuelata quidem Iudaeorum theologia est desumpta, confirmationem autem petit ex ipsis rationis principiis, quam Iudaei passim vrgent, quorum loca luculenta adduxit IOANNES A LENT^g, qui videndus. Mire ris itaque merito, potuisse eo delabi viros quosdam doctos, vt sui coetus praeiudiciis inferuituri statuerent, veterem ecclesiam Iudaicam angelorum quoque nomina inuocasse. Id enim non BARTOLOCCIVS^h tantum ex supplicatione quadam Hebraea (Litaniam ecclesiastici scriptores vocant) ad angelos directa probare satagit, sed vir quoque doctissimus, et cetera cordatus LVDOVICVS ELLIES DUPINIVS, peculiari dissertatione, BASNAGII *historiae Iudaicae* in ea editione quam truncatam passim et mutatam ipse Dupinius Lutetiae curauerat, inserta demonstrare conatus est, veterem ecclesiam Iudaicam cultum aliquem religiosum angelis exhibuisse, excessisse vero limites tempore Christi in terris viuentis, ideoque ab apostolis Petro atque Paulo reprehensam fuisse, Rabbanitas autem ex πολυθεότητος metu in alterum extremum prolapso omnem angelorum cultum religiosum sustulisse, quo tamen impedire non potuerint, vt non hodie quoque eius vestigia inter Iudaeos deprehendantur. Non patitur locus et institutum, rationes Dupinii examinare, praecipue cum in noua historiae Iudaicae editione id ipse praestiterit eruditissimus Basnagius. Obseruamus itaque id modo, quod propius ad scopum nostrum pertinet, et obiter tantum Basnagius tetigit, verisimilitudinis praesidium hanc opinionem inde petere, quod ad Sephiroth in precibus cogitationes dirigendas esse Cabbalistsae moneant. Ast, quod infra fufe docebimus, hic paucis monendum est, nec Sephiras istas angelos esse, sed emanationes diuinas omni angelorum ordine superiores, et in vnitae effentiae diuinae radieatas; nec Iudaeos Cabbalistas ad Sephiras per se preces dirigere, sed ad primam et infinitam causam, quae in istis emanationibus suam vim et effentiae effectus demonstrat. Vnde monuit MENASSE BEN ISRAELⁱ: *Sciendum esse, illas Sephiras, aut decem illustres luces aut numeros, quos receperunt Cabbalistsae, emanasse ex prima causa, ideoque radios diuinitatis esse, ipsamque diuinitatem iis infusam. Quoniam autem in Deo nulla mutatio sit, quando*

d) Palaestr. theol. philolog. p. 44. seq.

e) Iudaismi detest. P. II. c. 8. p. 413. seqq.

f) Memorab. Iud. P. II. L. VI. c. 26. p. 2.

g) l. c. p. 279. conf. tr. Talm. Berachoth c. 9. ABARBANEL de cap. fidei c. 12. p. 40.

h) Bibl. Rabb. T. I. p. 193.

i) Qq. in Genes. LXIV. §. 2.

do misericordia alicuius moueatur, dici eum operari per Sephiram חסד misericordiae, quando seuerè iudicet, per גבורה rigorem. Quare cum Cabbalists dicant cogitationes nostras in precibus conuer-
ti debere ad talem Sephiram, velle eos ad primam causam, quae per Sephiram illam vim suam exerceat. Alia, quae huc afferri queant, Basnagio non memorata adducit, lucemque egregiam toti argumento foer-
neratur IOANNES SAVBERTVS, duabus dissertationibus ^k quae-
stionem excutens, *utrum angeli ex mente Iudaeorum sint adorandi?* quas Basnagius non vidit, dignaeque sunt, quae legantur, cum mira lu-
ce argumentum hoc perfundant.

LVI. Homo creatus est ad imaginem diuinam, at ita, vt, quae in Deo
ratione et ordine vniuersali effectoris, productoris et creatoris eorum sunt
perfectiones, inueniantur in creaturis cum discrimine suo et substantia,
prout formae extant in suis subiectis, et formae eorum in accipientibus
ea. Prolixe de hac re philosophatur R. ABBARANEL ^l, ostendens
in homine ita imaginem Dei relucere, vt et diuinae perfectiones, tan-
quam umbrae in eo refulgeant, et homo repraesentet mundum paruum,
rerumque omnium creaturarum compendium, tum respectu facultatum,
tum etiam membrorum eius: et ratione intellectus actualisque sapientiae,
qua praeditus fuit, ea se ostendat. Quae omnia rationibus philosophi-
cis subtiliter satis munit, speciminisque loco esse potest, quo modo phi-
losophiae praesidiis in argumento theologico Iudaei doctiores philoso-
phantesque fuerint vfi. Plura vero de hoc ipso dogmate, quod ad no-
stros limites non pertinet, dabit BASNAGIUS ^m.

LVII. Praeceptum diuinum de matrimonio est magnum, vniuersale,
praestantissimum, omnisque loci et temporis, adeoque omnes quoque
homines ad id obligantur. ⁿ

LVIII. Causa mortis naturalis omniumque calamitatum peccatum est
protoplastorum. Elegans de eo locus in capitulis ELIEZERIS ^o, quo
miseriam mortis et calamitatum ex lapsu primorum parentum depingit.
Multa hic nugantur Cabbalists, quorum somnia exponit BASNAGIUS ^p.
Cogitandum vero, eorum proponendi docendique modum esse allegori-
cum, vnde ad tertium comparationis tantum attendendum et systematicae
emanationis rationes illis verbis aptandae sunt, si veram eorum mentem
et philosophiam assequi velimus.

LIX. Ob structuram hominis impossibile est, hanc perfectionem
consequi, ob materiam quae ipsum peccare facit, hinc nullus homo iustus
est. Multi sunt in eo doctores Iudaici, vt corruptionem hominis a for-
matio-

^k) Extant in palaestra theol. philol. pag. 31. seqq.

^l) Comm. in leg. p. 20. conf. LENT. l. c. c. 9. p. 303.

^m) Hist. Iud. L. IV. c. 13. §. 16. p. 293. seqq.

ⁿ) R. LEVI BARZELONITA in Chinuch. f. 1. Buxtorf. diss. de sponsalibus p. 8. seq.

^o) c. 14. conf. MAIN. Mor. nebh. P. III. c. 17.

^p) l. c. c. 14. p. 317. conf. Cabbala denud. T. II. p. 153.

mationis in vtero tempore deriuent, eamque multis rationibus adstruant; nec negant, ex primorum hominum lapsu deformitatem hanc esse ortam⁹⁾: at ex his R. PERISOL verbis patet, ad materiae inordinatos motus eos causam referre; quod vt ex gentili philosophia receptum est, ita causam aperit, cur non obstante peccandi necessitate libertati tamen hominis eiusque arbitrio vires sufficientes ad incipiendum et cogitandum bonum tribuant. Multa passim Iudaei hanc in rem crepant^{r)}, quae hic afferri non possunt, passim autem a theologiae Iudaicae scriptoribus collecta sunt, eoque tendunt omnia, vt non tantum bono operi hanc peccandi inclinationem naturalem nullam inferre labem existiment, sed etiam abunde sufficere virium ad suscipienda opera bona contendant. Quod dogma a Pharisaeis acceptum caput est cardoque totius doctrinae moralis Iudaicae. Rationem vero philosophicam a natura peccati deriuant, quod sine electione libera committi posse negant. Ita enim MOSES Aegyptius^{s)}: *Homo habet absolutissimam potestatem et per naturam, arbitrium et voluntatem suam facit, quicquid homo facere potest, sine vlla re alia in ipso creata et innouata. Omnia pariter animalia irrationalia voluntate mouentur sua, et sic voluit Deus optimus maximus, hoc est, voluntas eius aeterna fuit, vt omne animal moueatur per voluntatem suam, et vt homo habeat potestatem eius, quod vult vel eligit, in iis, quae cadunt sub illius potentiam.* Rationem vero philosophicam hanc adducit R. MENASSE BEN ISRAEL^{t)}: *Etenim videmus nonnulla sine intellectu agere, vt lapidem deorsum cadentem, aliaque id genus, quibus iudicium haud est. Nonnullis scientia naturalis est, sed determinata ad vnam solam rem, neque libera, vt mutis animantibus. Etenim ouis lupum sentiens, scit fugiendum sibi, sed hoc fit naturali intellectu, et non libere; quia naturae instinctu id necessario faciunt. Atqui huiusmodi iudicium omnibus animalibus est, sed homini iudicium liberum est, quia per intellectum iudicat necessario alia sibi vitanda, alia sequenda; adeo vt iudicium hoc in singulis actionibus non a natura, sed a ratione profiscatur, quae cum libera sit, velle et nolle, agere et non agere possit. Cum igitur hominum actiones sint contingentes, neque iudicium vni adstrictum sit, sequitur ei esse liberum arbitrium.* Plura huius generis passim ingeminat philosophus Iudaeus, qui in hoc fidei suae fundamento demonstrando diligentem et acutum se praestitit. Sed haec attulisse sufficiat, vt specimen sint philosophiae Iudaicae. De re ipsa iudicare nostri instituti locique haud est.

LX. Accipiunt praemium opera bona, iustitiam itaque ex illis consequi licet. Hunc quoque articulum inter fundamentales retulit R. IAGEL^{u)}, huc enim tendit totus Pharisaismus.

LXI.

9) Conf. LENT. I. c. p. 358. seqq.

r) Vid. MAIM. I. c. MEN. BEN ISR. de term. vitae p. 198.

s) loc. cit.

t) Concil. in Ex. q. 6. p. 108. conf. BASNAGE I. c. c. 15. §. 13. p. 539.

u) Catech. Iud. q. 11. ex recentioribus OROBIVS amica collat. cum Limborch. p. 57.

LXI. Eiusmodi opus bonum est fides, quae donum est quod Deus mentibus nostris indidit, quo mediante credimus omnia illa, quae nobis per prophetas seruos suos dixit. Et haec quoque verba sunt *Catechismi Iudaici*, quae vero lucem accipiunt, ex verbis R. SAADIAE GAON^z, qui, *fidem*, dicit *esse*, *cum cor qualitatem rei alicuius cognitae apprehendit, quam cognitionem excipit intellectus, eamque bene comprehensam cordi studiose imprimit, ut sic homo rem obiectam credat, sibi in usum commodum reseruet*. Similia MAIMONIDES^y praecipit. Ex his vero intelligitur, fidem hanc mere esse philosophicam, nempe assensum religionis dogmatibus datum, propter rationes mouentes et assensum imperantes: quare formalem rei conceptionem ad fidem requirit MAIMONIDES^z.

LXII. Ad opera iustitiam consequentia et reconciliationem cum Deo efficientia pertinent, ieiunia, oratio, poenitentia, lachrymae, calamitates et afflictiones, maxime vero exilium tot annorum, tandemque mors ipsa. Multis haec inculcant Iudaei, quorum loca adduxere LENTIVS^a et EISENMENGERVS^b. Et haec quidem ad nostrum scopum non pertinent: at ideo tamen hic tanguntur, ut ea cum institutis gentilium, maxime philosophorum Alexandrinorum, comparari, et origines doctrinae moralis tam foedae et ineptae, atque a sacrorum oraculorum praeceptis regulisque tantopere deuiantis intelligi possint. Ieiunia enim, orationes, exercitia austera, et similia eos quoque ad purgandum animum et cum Deo vniendum commendauisse, supra dictum, ostensumque suo loco, philosophiae Orientalis alumnos similia postulauisse. Hi autem ple-rorumque errorum inter Iudaeos regnantium parentes sunt.

LXIII. Omnia opera virtutis gradus suos habent^c.

LXIV. Leges Moſis omnes aeternae sunt, et immutabiles. Ita MAIMONIDES^d, qui tamen contradicentem nactus est R. IOSEPH ALBO^e, qui prolixè ostendit, *in legem cadere posse mutationem, non quidem ratione dantis, attamen ratione accipientis; dantem enim praescribere quidem normam, similem quolibet tempore, tam pro incipientibus, quam pro assuefactis, quae tamen debeat mutari iuxta dispositionis variationem in recipientibus*. En exemplum philosophiae Iudaicae de iure naturali et diuino.

LXV. Anima hominis est spiritus immortalis, substantia cogitans et libera. Prolixè in hoc asserto ex ratione et reuelatione demonstrando, et rationibus philosophicis muniendo versatus est R. MENASSE BEN ISRAEL^f, qui in id maxime incubuit, ut immortalitatem animae ex connexionione cum reliquis fidei articulis ex natura spiritali et cogitante,

X x x x x 2

ex

z) Seph. Aemunah f. 4. c. 3.

y) Mor. nebhoch. P. I. c. 50.

z) Ibid.

a) I. c. c. 13. p. 416.

b) Iudaism. direct. P. II. p. 231. P. I. p. 53.

c) R. MACHIR in Abkat Rochel R. I. L. I. p. 4.

d) De fundam. legis c. IX. §. 1. p. 119.

e) De artic. fund. L. III. c. 13. conf. VOR-

STIVS ad l. c. Maim.

504. P. II. p. 274. 711.

f) De resurrectione mortuorum.

ex libertate animae, ex commotionibus et desideriis voluntatis, ex iustitia Dei etc. probaret. Qua in demonstratione vestigia pressit, R. Albo, R. Aben Ben Tibbon aliorumque, maxime autem auctoris libri *Cofri*, qui hoc loco philosophum non inconcinnum se praestat, demonstrans ^a existentiam animae ex motu, naturamque eius spirituales ita exponens, ut esse eam dicat substantiam abstractam, proxime accedentem ad substantiam angelorum et habitantem in corpore tanquam rex, vel imperator, non localiter, coniungentem vero se corpori cum spiritu caloris naturalis, qui nequeat esse sine loco, et colligatur cum corde sicut flamma. Constituens porro tres facultates animae, vegetatiuam, sensitiuam et rationalem, easque ex operationibus et effectibus probans; formam quoque hominis vocans *שלימות*, perfectionem, qua essentia hominis illud fit, quod esse debet, quae est Aristotelis *ἐντελέχεια*, eam vero duplicem esse asserens, vnam, quae est ipsa anima operationum suarum principium, alteram, quae operationes comprehendit ex principio hoc oriundas: hincque animam definiens: *perfectionem corporis naturalis organici, vitalitate vel anima vitali praediti in potentia*; ex his vero animae operationes deducens. Ex quibus patet, psychologiam Iudaeorum medii aevi fuisse totam Peripateticam. Eundem fere in modum passim differit de anima MAIMONIDES ^b, eiusque immortalitatem ex eo probat, quod res scibiles a corpore separatas intelligat. Ait enim in *fundamentis legis*: *anima cuiuslibet carnis est forma eius, quam dedit ei Deus, intellectus vero insuper existens in anima hominis est forma hominis perfecti cum suo intellectu, qui cognoscit et intelligit obiecta non habentia materiam. Haec forma animae non est composita ex elementis, ut resoluitur in illa, neque est ex potentia sensitiua animae; sed a Domino e coelis est, ideoque soluta cum corpore anima sensitiua, haec forma non exterminatur, quia illa anima opus non habet, sed intelligit atque cognoscit res scibiles a corpore separatas atque intelligit creatorem omnium, ac stabilis est atque permanet in secula seculorum.* Haec Maimonides, quem tamen Auerrois discipulum fuisse recordandum est, cuius schola post Aristotelem intellectum agentem extra ab intellectu vniuersali immitti homini, et reuera vnum tantum esse statuit. Ex his enim verba Maimonidis lucem capient. Caueat vero sibi lector, ne ex hoc specimine Iudaeorum de anima philosophantium de tota gente iudicet. Hi enim non domesticis principiis vsi sunt, sed peregrinis ab Aristotele acceptis, cuius vestigia presserunt. Iudaeorum vero his temporibus antiquiorum scripta consulentibus, et cum Cabbalisticis placitis, de quibus infra, comparantibus, mira opinionum monstra comparebunt, quae magna diligentia collegit EISENMENGERVS ⁱ, ex quibus discimus, philosophiam Aegyptiacam et Orientalem psychologiam quoque Iudaicam adulterauisse.

Docent

g) P. V. §. II. pag. 339. seqq. P. II. §. 26. p. 101. seqq.

b) De fundam. legis c. IV. §. 14. p. 45.

i) l. c. P. II. c. 1. p. 1. seqq.

Docent enim animas gentilium ortas esse ex extremis viribus Kelifoth, id est corticum, quo nomine malos genios intelligunt, animas vero Israelitarum originem accepisse ex sanctitate emanationis Dei benedicti, quo dogmate more suo arroganti omnesque gentes despicienti se proximas ex Deo emanationes esse, gentes vltimas impuritatum materialium plenas garriunt. Animarum porro sedem esse vel bonarum vel malarum; eas autem ex Deo emanauisse^k, easque ante corpora praexistisse^l, dicunt, et quae alia sunt philosophiae Aegyptiacae propudiosa γενήματα. Animas vero quinque generum esse statuunt, et in Nephesh, Ruach, Neschama, Chaia et Iechida diuidunt, quae quidem Iudaei Peripatetici facultatum distinctioni Aristotelicae applicant, longe autem aliter magisque ad philosophiae orientalis et Alexandrinae normam explicant Cabbalists, et qui eos sequuntur. Qui, ne nugarum finis sit, in Sabbatho, nouam et super additam ingredi Iudaeos animam dicunt, vt ceteras ineptias praetermittamus, quae recte displicere MENASSE BEN ISRAEL^m, qui allegoria adhibita suos iuuare conatur.

LXVI. Anima post mortem superstes non protinus coelestia subit gaudia, sed per annum oberrat in hoc mundo, maxime circa suum versatur cadauer, et a daemonibus in aëre versantibus multa patitur, et in hoc purgatorio eluitur a maculis. Ita de statu animae post mortem Iudaei non philosophantur, sed infaniunt; et quidem non fabularum tantum magistri, sed ii quoque, qui sobrie magis philosophari cupiunt, qualis est MENASSE BEN ISRAELⁿ. Duodecim vero mensium spatium definiunt, intra quod purgari hunc in modum versarique animam in hoc mundo, maxime vero circa sepulchrum et cadauer suum, veteris hospitii memorem dicunt. Traditque LEO MUTINENSIS^o, filios parentibus orbatos indies mane et vesperi in synagoga parentum gratia preces recitare, quae dicantur Kaddisch, inque eo pietatis officio pergere et ferme totos esse per vndecim menses. Plura ea de re dabunt LENTIVS, BASNAGIVS, SAVBERTVS et WINDETVS^p, qui obseruat, gehennam superiorem hanc mansionem dici. In hac mansionem elui et purgari animas multi Iudaeorum tradunt. Ita enim R. IOSEPHO ALBO^q: *Supplicium hoc, de quo meminimus, siue ad corpus ipsum, siue ad animam simul cum corpore, siue ad animam solam pertigerit, pro vniuscuiusque statu ac conditione diuersum variumque est. Fieri enim nequit, vt is, in quo partim bona partim mala existunt, maximis istis cruciatibus aeternum torqueatur; peracto enim certo tempore supplicium illud cessabit, nempe cum nequam ista consuetudo peccandi absterfa penitus et perpetua obliuione*

X x x x x 3

^k) Conf. MAIMON. l. c. c. 4. §. 15. pag. 46. et VORSTIUS ad h. l.

^l) Tr. Ialkuth Chadafeh f. 154. c. 4. apud EISENMENGER. l. c. p. 18.

^m) In Nischmath Chaiim f. 53. c. 2.

ⁿ) De resurrect. mort. L. II. c. 6. p. 171.

^o) De cerem. et consuet. Iud. P. V. c. 9.

^p) LENT. c. XVII. §. 9. p. 594. BASNAGE l. c. L. V. c. 16. §. 5. p. 306. SAVBERTVS palaestra theol. phil. diff. I. p. 7. IAC. WINDET. de vita funct. statu f. VIII. p. 189.

^q) De fundam. L. IV. c. 24. WINDETVS pag. 191.

uione abolita fuerit; ac iuxta doctorum nostrorum b. m. sententiam, tempus illud duodecim mensium erit. Ast distinguere alios inter hanc animae e corpore discedentis et per annum per aërem vagantis statum et inter purgandae conditionem in purgatorio, locus quidam libri *Emek Hammelech*^r probat, in quo colloquium narratur doctoris Iudaei cum eiusmodi anima habitum. In eo enim inter alia traditur: Animam hanc, R. Chaiim submisso a R. Isaac Loria, vt, eam ex foemina, quam obfederalat, adiuratione expelleret, quaerentique, cur viginti et quinque iam annos נָע וָנָה, *navenad*, profuga et vagabunda (ita enim poenam hanc appellant) oberret, cum secundum Rabbiorum effata, duodecim tantum mensium spatio infernalium cruciatuum duratio sit, respondisse: eum non recte intelligere mentem doctorum, quae ea sit, exantlatis poenis extra infernum, tum demum sequi cruciatus infernales, et per duodecim menses tormentis gehennae emaculari purgarique animam, vt ita eluta impuritate et labe recte praeparata Paradisum ingredi queat. Nec dubitamus nos, hanc moram duodecim mensium ab isto vago & incerto statu distinguere omnes eos, qui transmigrationem dari animarum statuunt, vt in sequentibus dicitur. Nam non possunt esse in purgatorio vel inferno, qui poenae loco varia corpora subeunt. Quaecunque autem sententia Iudaeorum vera fuerit, in qua in partes eos ire, et diuersa sentire eo facilius est, quo magis ad ineptias otiosorum hominum omnia redeunt; illud extra controuersiam positum esse existimamus, accepisse has quoque sarcinas Iudaeos ex gentili philosophia, maxime Orientali et Aegyptiaca, quae modo haud abfimili corpora transmigrationibus, poenitentiis, cruciatibus emaculari eluique statuebat, vt supra probatum.

LXVII. Datur post mortem purgatorium. Solennis etiam haec inter Iudaeos doctrina est, quam peculiari tractatione euincere et pro purgatorio Romanae ecclesiae adstruendo asserere conatus est IOSEPHVS VOISINIVS^s. Tantaе vero capacitatis ad vniuersos pertinentis hunc infernum esse Iudaei volunt, vt omnes ferme homines etiam sanctos piosque ei addicant, eo tamen discrimine, vt leuioribus maculis notati tantum transeant, alii vero duorum vel plurium mensium, quidam grauissime polluti duodecim mensium moram facere cogantur. Qua de re Iudaeorum fabulas desideranti faciet satis ANDREAE EISENMENGERI^t industria. Accepisse hoc purgatorium Iudaeos a philosophis Alexandrinis non dubitabit, qui Orientalium, Aegyptiorum, et Platoniorum de statu animarum post mortem placita cum Iudaicis contulerit. Dignumque obseruatione, eandem iam annuam moram iisdem fere verbis a Platone definitam esse, qui in vltimo Socratis colloquio^u inter alia: οἱ δ' ἂν ἰάσιμα μὲν, μεγάλα δὲ δοξῶσιν ἡμαρτηκέναι ἀμαρτήματα, τέτρες ἐμπεσόν μὲν εἰς τὸν

^r) fol. 16. apud EISENMENGER. P. II. c. 1. pag. 45.

^s) Getutus est eum BARTHOLOEIVS Bibl. Rabb.

T. III. p. 250. seqq.

^t) l. c. P. II. c. 6. p. 336. seqq. p. 353. seqq.

^u) Is. est dialogus Phaedo.

τὸν τάρταρον ἀνάγκη ἐμπεσόντας δὲ αὐτὰς καὶ ἐν αὐτὸν ἐκεί γενομένους
 ἐκβάλλει τὸ κῆμα, qui licet sanabilia magna tamen flagitia admississe vi-
 deantur, illos in tartarum incidere necesse est; incidentes autem atque
 annum illic commoratos eiicit fluctus etc. Sed sequentia quoque legenda
 sunt, et cum Talmudicorum scriptorum nugis comparanda, quae origi-
 nes inepti dogmatis satis manifeste ostendunt. Quod vero addit Winde-
 tus; nullam prorsus purgatorii mentionem fieri in scriptis Iudaicis Gemara
 antiquioribus: nihil ea de re habere Targumim, nihil Philonem, nihil Io-
 sephum, nihil Mischnam: locum autem *Soharis* libri, in quo luculenta
 purgatorii mentio fiat, prodere, quod serius scriptus sit liber: purgato-
 rium autem ex Platonis schola per Origenem Christiano orbi obtrusum,
 tum demum, ubi a Christianis receptum esset, ad Iudaeos venisse etc.
 id examine aliquo opus habet, nec nude admitti potest. Et illud quidem
 neminem historiae philosophicae et ecclesiasticae vel mediocriter peritum
 latere potest, ex orientali philosophia ex Aegyptiorum dogmatibus et
 placitis Pythagoricis Alexandriae potissimum aedificatum fuisse purgato-
 rium, quod ad Christianos per Origenem tractatum fuisse rectissime con-
 tendit vir doctus. At serius et post Mischnicos scriptores demum inter
 Iudaeos inualuisse, credibile non est, et philosophiae Cabbalisticae antiqui-
 tas, quae mature in Aegyptum eius dogmata enata esse docet, aliud
 euincit. Haec enim cum purgatorium hoc necessario statuere debuisset,
 quod non alia ratio esset, ea, quae a Deo emanarunt, et a prima origine
 recedentia materiae sordibus se inquinauerunt, per pristinos ordines gra-
 dusque reducendi in Deum fontem suum, in ipsa sua natiuitate cum reli-
 quis erroribus hunc quoque ecclesiae Iudaicae commendare debuit. Nec
 ignotum fuisse hunc ad Deum per has purgationes in aëre maxime facien-
 das reditum PHILONI*, facile persuadebitur ea legenti, quae de signi-
 ficatione scalarum a Iacobo in somnio visarum is affert, et cum Alexan-
 drina philosophia amice conspirant. Quicquid autem Philoni placuisse
 videatur, illud certum est, nihil afferre librum *Sohar*, quod non cum
 tota Cabbalistica philosophia concordet. Et hunc quoque fontem fuisse
 omnino statuendum est, ex quo ad Iudaeos dogma peregrinum emanauerit.
 Inde vero ratio quoque dari potest, cur apud Iudaeos purgatorii huius
 non fiat mentio ante scriptores Gemaricos. Nempe supra iam ostensum,
 mysteria Cabbalistica arcana fuisse seruata et paucis tradita, donec tandem
 eius dogmata inter Iudaeos paulo frequentius circa medii aevi tempora in-
 crebescerent. Cum autem inter ea etiam purgatorium hoc fuerit, mirum
 non est, ex arcanis doctrinis inter exoterica et vulgaria dogmata id paulo
 serius fuisse receptum, adeoque antiquiores scriptores de illo siluisse. Immo
 nulli dubitamus, quin sequioribus temporibus incomtum dogma istis de-
 mum narratiunculis exornatum, istisque fabulis auctum sit, quas hodie
 Iudaei tradunt. Quamcunque autem aetatem originis purgatorii Iudaici
 statua-

* pag. 585.

statuamus, illud dubitatione caret, ex Alexandrinis lacunis, luxuriantia Iudaeorum ingenia illud hausisse, suisque propinauisse.

LXVIII. Migrant animae, vagatae post mortem per aërem, in alia corpora. Gentilem originem habere μετεμψυχώσεως dogma ignotum est nemini: obtinuisse vero inter Phariseos stante adhuc templo secundo, ex supra dictis constat. Cum itaque Phariseorum partes Iudaei post templi vrbisque euerfionem plerumque sequerentur, haec quoque animarum migratio ab iis tanto applausu recepta est, vt R. MENASSE BEN ISRAEL testetur ^y, neminem inter suam gentem huic dogmati contradixisse: praeter R. Saadium Gaon et R. Salomonem Ben Adde-reth, cui addit ^z R. Ioseph Albo. Qui dum ad librum *Sohar* itemque ad Pythagoram, Platonem et Virgilium prouocat, prodit ipse, ex qua officina ad Iudaeos illud transmigraverit. Cui origini gentili vt colorem addat Iudaicum, Abrahamum patriarcham fingit Aegyptiis illud dogma primum tradidisse. Quo tacite concedit, quod verissimum esse putamus, etiam hanc peregrinam doctrinam Iudaeos ab Aegyptiis accepisse, quamquam fieri potuit, vt eius quoque semina ex captiuitate Babylonica reportaerint. Vocant vero hanc transmigrationem Iudaei *Gilgul Hannefchamoth*, *reuolutionem animarum*, vt a reuolutione corporum versus Palaestinam, quam in resurrectione mortuorum futuram esse ineptiunt, distinguant: eique non in corpora tantum hominum, sed in omnia quoque corpora bruta, animata et inanimata locum faciunt: iustorum tamen animis tres tantum migrationes assignant, de quibus placitis conferenda, quae diligenter viri docti a WOLFIO ^a laudati, maxime vero BASNAGIUS ^b, LENTIVS ^c, SLEVOGTIVS ^d, et EISENMENGERVS ^e commentati sunt, quorum primus etiam de reuolutione animarum per embryonatum et reuolutionem propriam ^f agit, de qua infra inter Cabbalistica dogmata dicendum est. Nec hic omittendum, eandem, quam olim iactarunt Pythagoras et Apollonius, facultatem sibi vindicasse Sec. XII, R. Isaac Ben Harrauad, dignoscendi, quae anima migrationem iam passa sit, quae non ^g. Fatetur tamen LEO MVTINENSIS ^h, non omnes Iudaeos huic dogmati assentiri, sed problematice de eo disputari.

LXIX. Resurrectio mortuorum non tantum est fundamentum fidei ex reuelatione et traditione certissimum, sed ex ratione quoque demonstrari potest. Prius ex catechesi Iudaica patet, articulisque fundamentalibus supra expositis, tantaeque necessitatis inter Iudaeos resurrectionis dogma esse

y) Nischmath Chaiim f. 152. c. 2.

z) De resurrect. mort. c. 13. p. 216.

a) Bibl. Hebr. P. I. p. 389. not. a.

b) Hist. Iud. L. V. c. 17. §. 7. seqq. p. 309. seqq.

c) l. c. c. XVII. §. 15. p. 605.

d) De transmigrat. anim. Iud. Diff. Academ. P. I. p. 885.

e) l. c. P. II. c. 1. p. 25. seqq.

f) Prius *Ibbur* vocant, et animae defuncti immissionem in corpus infantis notat, posterius *Gilgul* appellant, qua anima in alium hominem anima iam praeditum migrat. Vid. EISENMENGER. l. c. p. 87. quod intolerabilius est transmigratio animarum gentili.

g) Vid. BAYLE Dict. T. II. art. Harrauad. pag. 697.

h) De cerem. et consuet. Iud. P. V. c. 11.

esse creditur, vt Israëliitarum albo expunctum illum velint, qui illud negare vel in dubium vocare audeat. Hinc Sadducaeos inter haereticos numerant, et cum Epicuri sequacibus ipsisque atheis in vnam classem coniiciunt ⁱ. Posterius dubium quidem visum est A B A R B A N E L I ^k, qui, *notum esse*, contendit, *articulum de resurrectione mortuorum non apprehendi per rationem, siquidem iuxta principia naturalia intellectus demonstratio eam neget, sicque dici nequeat, hominem per modum rationis credere resurrectionem mortuorum*. At qui acutius ratiocinantur, nec rationis deesse argumentationes huic veritati demonstrandae statuunt. Hinc ita argumentatus R. Gebhia Ben Pefissa: *Si illud, quod non fuit, existit, quanto magis id restituetur, quod aliquando fuit*. Confugiunt etiam scriptores Talmudici ^l ad similitudinem a figulo, vitro, rege palatium exstruente, mure, limace petitem. R. M E N A S S E B E N I S R A E L ^m autem, vt contribules suos philosophico acumine vicit, ita non inepte ratiocinatus est: *Cum quis secum cogitat, Deum esse auctorem dominumque naturae, ac proinde eum pro arbitrio suo posse naturam intendere, extendere, contrahere ac mutare; facile is etiam credet, quod Deus aliquem sine cibo viuum conseruare, et mortuum in vitam reuocare possit*.

LXX. Surget idem corpus, quod cecidit, docente id non scriptura tantum, sed et ratione ⁿ. Argumenta ex ratione petita, quibus Iudaei euincunt, idem numero corpus resurrecturum, inde potissimum petunt, quod non noua creatio sit, sed resurrectio, quae nouum exemplar demortui non admittat, quodque iustitia diuina postulet, vt idem corpus vel puniatur vel praemio afficiatur, quod peccauit vel bona opera produxit. Maxime vero ita ratiocinatur R. Saadias Gaon ^o: *Corporis humani natura vel casu extincti elementa non mutari, neque misceri aliis corporibus seu vniuersalibus elementis: sed signata ac distincta manere ad vniendum se et componendum rursus idem numero corpus; corpora vero humana de nouis partibus elementaribus semper fieri. Illas autem partes seruari eo fine, vt in resurrectione mortuorum idem corpus constituent; et quamuis separatae longeque a se mutuo seiunctae sint, nihilominus tamen potentia diuina facile coniungi ac copulari iterum posse*. Quae ratiocinatio an non principium quaestionis petat, et an recte concludat? hic loci non est disquirere, sed lectoris permittenda iudicio. Plura dabit R. M E N A S S E B E N I S R A E L ^p, qui hoc dogma peculiari tractatione ex ratio-

ⁱ) MOSCHE DE TRANA beth Aelohim f. 103. cap. 4.

^k) De cap. fidei c. 21. p. 103.

^l) Tr. Sanhedrin c. 1. f. 91.

^m) De resurrect. mort. L. I. c. 4. p. 26.

ⁿ) Prolixè hunc fidei Iudaicae articulum enarrauit ED. POCOCKIUS ad portam Mosis c. VI. p. 86. seqq. qui cum his conferendus.

^o) Apud M. BEN ISRAEL l. c. L. II. c. 15. pag. 201.

^p) loc. cit.

ratione et traditione assertum iuit. Reliqua Iudaeorum in hoc articulo commenta de resurrectionis tempore, modo, materia, ex qua homo resuscitandus, nempe ossiculo Luz, et quae alia quaerere et curiose disputare solent, cum naturalem theologiam non tangant, sed pars sint traditionis Iudaicae, hic enarrari non possunt, videndus tamen post LENTIVM ^{q)} et BASNAGIVM ^{r)}, qui diligentissimus fuit in opinionibus Iudaeorum dogmaticis colligendis ANDREAS EISENMENGERS ^{s)}. Pertinet ad has nugas etiam Gilgul siue reuolutio corporum, qua Iudaeorum corpora extra terrae sanctae regionem collapsa per minutissimos terrae meatus vsque ad istum locum voluenda sint. Quam ineptissimam opinionem ex allegoricis explicationibus dictorum quorundam prophetarum ortam esse, vt multa absurda alia, non sine verisimilitudine suspicamus.

LXXI. Erit aliquando iudicium vniuersale oecumenicum, quo praemia sequentur aeterna opera iusta, punientur mala in aeternum. Etiam hoc dogma Sadducaismo oppositum est, vt ex iis patet, quae *capite huius libri primo* diximus. Tria vero iudicia diuina Iudaei statuunt, ne vllum dogma a commentorum paleis purum maneat; primum, quod singulis annis in primo die mensis Tisri, qui September nobis est, a Deo peragitur; secundum, quod discedente ex corpore anima instituitur, tertium, quod vniuersale in extremitate dierum futurum est. Quae fabulis mire ornant vel potius deturpant, quibus saniolem sensum tribuere satagit R. MENASSE BEN ISRAEL ^{t)}, qui videndus. Totam enim theologiam Iudaeorum allegoricae methodi vitio misere foedatam esse, cum metaphorae audaciores secundum literam acciperentur, multis exemplis ex parte iam adductis constat.

LXXII. Erit aeterna vita in paradiso, et corpus quoque cumulabit voluptatibus. Tota haec quoque Iudaeorum doctrina allegorica est, et imaginibus a corporis voluptatibus et iucunditate petitis repleta. Quod methodum Orientalem, in sacris quoque paginis adhibitam non ignorantibus mirum non videbitur. Hinc tot terrenorum gaudiorum cumuli aeternae vitae adscripti, quibus scatent Talmudicorum scriptorum libri, quorum loca passim adduxere LIGHTFOOTVS ^{u)} et WINDETVS ^{x)}. Nec alia via inceserunt Cabbalistsae, qui vt omnem suam philosophiam fecere symbolicam et emblematicam, ita de futurae quoque vitae gaudiis quae ex emanationum in fontes suos, fontemque fontium, Deum, reditu oriri dicunt, terrenis symbolis et imaginibus philosophemata sua ornarunt. Factum inde est, vt crassiori sub aëre natis inter Iudaeos insulsissimae, si litera prematur, fabulae de vitae aeternae felicitate et gaudiis commendarentur et reciperentur, cunctaque ad carnis voluptates referrentur. Quas naenias magna patientia et industria collegit ANDREAS EISEN-

q) l. c. c. XVIII. p. 608.

r) l. c. L. V. c. 20. p. 356.

s) l. c. P. II. c. 16. p. 890. seqq.

t) l. c. L. II. c. 20. p. 230.

u) Ad Euangelistarum loca passim.

x) l. c. L. VII. p. m. 131. seqq.

EISENMENGERVS ^γ. Non tamen putandum est, tam obeso omnes Iudaeos fuisse ingenio, ut haec κατὰ τὸ ἔργον euentura sibi persuaderent, et non philosophia duce vsi, digniora Deo et humana mente sibi conciperent. Ipsi sane Talmudici scriptores ^z fatentur, *seculum futurum* (haec vox solennis de vita aeterna) *non ita se habere, ut seculum praesens, nec in eo esse esum, nec potum, nec liberorum procreationem, nec venditionem, nec emtionem, nec inuidiam, nec odium, nec contentionem, sed iustos sedere coronas in capitibus gerentes, et voluptatem capere e splendore maiestatis diuinae.* Passim eundem in modum decernunt Rabbini, quorum loca adduxere WINDETVS ^a et LENTIVS ^b. Turbatos tamen fuisse limpidos traditionis diuini fontes lacunis gentilis philosophiae, maxime Alexandrinae, locus quidam libri *Cofri* ^c prodit, ubi scriptor ait: *Spiritualem illam facultatem, quae ex consortio prophetae alicuius oriatur, conferre Israëlitis illustrem dignitatem et splendorem in retributione vitae aeternae, nihil enim quaeri ab eo, nisi ut anima eius fiat diuina, a sensibus suis abstrahatur, et videat mundum illum superiorem, aspectuque lucis eius angelicae, et auditu sermonis diuini, fruatur.* Talem enim animam tutam esse a morte, quando organa eius corporea deficiant. Quae verba si cum similibus PLOTINI passim, maxime in fine *Enneadum* occurrentibus comparentur, patebit illico, ex vno fonte vtraque fuisse hausta. Multi vero Iudaei Graece philosophantes et vel Platonis vel Aristotelis placita sequentes hanc opinionem receperunt, in hac vita iam eiusmodi contemplatiuam beatitatem et cognitionem diuiniorum dari et in ea paradisum inferiorem consistere dicunt. Quae de re satis Peripatetice philosophantem videsis MAIMONIDEM ^d. Hic paradisus sapientiae, ille animarum est, in suprema sphaera collocatus. Multa vero ex Graecanica theologia ad Iudaeos peruenisse in doctrina de vita aeterna, fuse ostendit ex comparatis inter se Hebraeorum et Graecorum sententiis IACOBVS WINDETVS ^e, ad quem, ne nimii sumus, lectorem ablegamus.

LXXIII. Detinebuntur in inferno infideles in aeternum, Iudaei vero ad tempus. Mira de inferno quoque, quem duplicem statuunt inferiorem et superiorem, comminiscuntur Iudaei, quae ex allegoricis veterum disputationibus iuxta literae significationem sumtis exorta esse, ex iis disci potest fabulis, quas collegit EISENMENGERVS ^f. Fatendum vero etiam hic est, tum imagines et similitudines, tum placita quoque multa Iudaeorum de inferno ex Aegyptiaca et Graecanica philosophia profluxisse, quod instituta sententiarum vtriusque gentis comparatione quo-

Yyyyy 2 que

γ) I. c. P. II. c. 5. p. 295. seqq. conf. WINDETVS I. c.

z) Tr. Berachoth c. 2. f. 17.

a) I. c. p. 145.

b) p. 672. seqq.

c) P. I. f. 103. p. 63.

d) De fundamentis legis c. IV. §. 18. p. 49.

e) I. c. p. 174. seqq. conf. BASNAGIUS Hist. Iud. L. V. c. 19. p. 354.

f) P. II. c. 6. p. 523. seqq.

que demonstraui WINDETVS ^ε, qui haec latius persequendi otium nobis fecit. Prolixe hac occasione disquiri BASNAGIVS ^b, vtrum dogma de inferno Iudaei a gentilibus, vel hi ab illis acceperint? qua simul Windeti aliquot opiniones examinat, tandemque concludit, neutram gentem ab altera illud accepisse, sed suo potius ingenio debere, cum iustitia diuina, quae tot scelera hominum, in hac vita non vlciscatur, postulet, vt aeternis post hanc vitam poenis locus sit: multa quoque poetas veteresque theologos allegoria vsos confinxisse, et traditionem veterum ornasse. Concedi id facile viro eruditissimo potest, praecipue cum apud Hebraeos veteres ad rationis dictamen reuelationis fides accesserit. At de hoc quaestio in praesentia non est; sed de eo quaeritur, vtrum doctrinam illam de inferno allegoricam, qua veterem sententiam de poenis impiorum aeternis Iudaei auxerunt et ornarunt, a gentilibus acceperint, vel hi, ab illis? In qua quaestione prius omnino affirmandum esse ipsa Iudaeorum historia non sine magno labore ab ipso Basnagio explicata, plenissime testatur. Eam enim si consulimus, conuincimur illico, Iudaeos ex regionum, quas incolebant indole atque moribus ad allegoricas explicationes pronissimos, patriam domesticamque de inferno poenisque impiorum post hanc vitam doctrinam illis metaphoris fabularumque commentis quasi vestiuisse, et iam forte inter Babylonios, certe in Aegypto habitantes ita ornauisse atque comisse, vt inclinationibus suis et ingenio ad terrenas imagines coelestia et aeterna lubenter reuocanti facerent satis. Verisimile tamen est, antiquis istis temporibus, si non omnes, certe plerosque arcanum sensum intellexisse et recepisse. PHILO ⁱ sane eo vsque progressus est, vt *infernum locum impiorum dicat esse locum voluptatum, concupiscentiarum et facinorum, in quem anima iniusta impiaque fugata a se ipsa longissime recedat, et aptius infernum dici contendat, quam illum fabulosum apud inferos; reuera enim infernum nihil aliud esse, quam vitam miseri, scelerati, execrandique hominis*. Sed vt succedente tempore Iudaeis crassiora indies obtigere ingenia, ita tandem quod ἀληγορικὸς dictum erat, κατὰ τὸ ἑητόν intellectum et a stupida gente pro certo admissum est. Quod domesticum esse Iudaeis et a maioribus traditionis fide acceptum, quis sibi persuadeat? Plura, quae hic dici possent, praecipue ad rationes Basnagii respondentia, locus hic non capit. Ceterum Iudaeis non eandem, quam infidelibus moram tribuunt. Illis enim, si longissima, duodecim mensium moram assignant, qua anima et corpore in cinerem reductis precibus electorum in vitam et ad paradysum reuocentur: adeoque purgatorium ab inferno Iudaeorum distinguendum non est. Impiorum autem, haereticorum, proditorum, Epicureorum, atheorum, et resurrectionem negantium animas aeternum torqueri asserunt ^k. Quamuis itaque post mortem poeniten-

g) l. c. f. IX. p. 204. seqq.

b) l. c. c. 18. p. 317.

i) pag. 432.

k) Conf. LENT. c. ult. p. 693. EISENMEN-
GER. l. c. P. II. c. 6. p. 555.

nitentiae locum non esse dicant, purgationem tamen hanc exustione quasi fieri dicunt, quo nomine a purgatorio, quod ecclesiae Romanae placuit, distinguendum est, quae passim confundi videas. Sunt tamen inter Iudaeos doctores, qui poenarum infernalium aeternitatem agnoscunt, quorum loca adduxit LENTIVS ¹. Haud raro enim Iudaeorum placita inter se dissentire, ex conspectu hoc dogmatum Iudaicorum intelligi fatis potest.

LXXIV. Non interibit mundus totus, quoad substantiam. Prolixe de hoc dogmate contra Graecos quosdam philosophos disputavit PHILO *de incorruptibilitate mundi*: eandem opinionem secutus est Maimonides alique, qui loca scripturae, quae contrarium innuunt, metaphorice explicanda esse contendunt ^m.

§. III. Et haec quidem potiora Iudaeorum de diuinis placita sunt, *Placita Peripatetica Iudaeorum*, quae vel ratione duce cognosci possunt, vel ex rationis principiis ab iis demonstrata sunt, vel ob alias rationes, praecipue autem propter origines suas ex gentili philosophia momentum aliquod in historia philosophica habent. Philosophati autem sunt quoque de aliis rebus, de naturalibus, de metaphysicis et similibus, at in his mere Aristotelem secuti sunt, prout eius philosophiam ab Arabibus didicerant, vnde qualis earum facies, quae philosophandi ratio fuerit, ex historia philosophiae Peripateticae fatis in antecedentibus enarrata, et ex historia philosophiae Saracenicae exponendae adhuc, disci potest. Exemplum vero desiderantibus vel liber *Cosri* legendus est, vel scripta Maimonidea: in utroque enim multa *φιλοσοφούμενα* Peripatetica occurrunt. E. g. philosophatur ille ⁿ de causis et causatis, eorumque effectibus in natura, de operatione secundum intentionem primam, concatenationem et dependentiam; de causa libera, naturali et accidentali, de aeternitate mundi, de natura rerum, de causis Physicis leprae in creaturis animatis et inanimatis, de animae humanae facultatibus et usu, deque mille aliis ex Peripatetica et scholastica philosophia haustis. Hic vero, ut supra iam in eius vita dictum, in *doctore* suo *perplexorum* philosophiam Auerroisticam ubique spargit, cuius plurima in antecedentibus specimina exhibuimus. Is alio quoque loco, quo vix quaeras, nempe in *Haleboth Iofede Hattbora* siue *constitutionibus de fundamentis legis* Peripatetica dogmata physica et metaphysica pluscula diffeminavit, quorum ecce syllogen, ut philosophiae Iudaico-Peripateticae extet specimen ^o.

Y y y y 3

I. Deus

¹) I. c. §. 18. p. 692.

^m) Conf. BASNAGE I. c. c. 20. §. 22. p. 377.

ⁿ) P. V. f. 19. p. 357. 358. P. I. f. 66. p. 28. §. 72. p. 36. P. II. f. 60. p. 125. P. III. f. 5. p. 158. f. 11. p. 168.

^o) Versionem, quam dedit GVIL. VORSTIVS,

valde deformem esse et ineptam, dudum viris doctis observatum est. Adhibuimus autem emendationes, quas exemplari suo, quod reculis nostris accessit, olim adscripsit in margine MATTHIAS FRIDERICVS BECKIVS, grande in his literis Kaufbyrae, quae genuit, et Augusta, quae aluit et doctorem habuit, decus.

I. Deus est supremus primusque motor orbium.

II. Omnia, quae creauit Deus in orbe suo in tres dispescuntur classes. Quaedam enim creaturae sunt compositae ex materia et forma, eaeque perpetuo generantur et corrumpuntur; aliae sunt compositae ex materia et forma, sed non mutantur de corpore in corpus, et de forma in formam, sicut priores, sed forma earum perpetuo infixae est materiae, neque est materia aut forma earum similis reliquarum materiae ac formis, ut sunt orbes et in iis stellae. Quaedam etiam habent formam absque vlla materia, videlicet angeli, quia non sunt corpora, sed formae distinctae a se inuicem.

III. Nouem coelorum orbes sunt, orbis lunae, Mercurii, Veneris, Solis, Martis, Iouis, Saturni reliquarum stellarum, et qui supremus cingit omnes et reuoluitur singulis diebus ab oriente in occidentem.

IV. Orbes sunt puri et immaculati instar crystalli aut sapphiri, idcirco apparent stellae orbis octauae infra orbem primum.

V. Vnusquisque orbis ex octo orbibus, in quibus sunt stellae, diuiditur in plures orbes, vnus super alium, ut inuolucra in caepa. Ex illis quidam circumeunt ab occidente in orientem; alii vero circumaguntur ab oriente in occidentem, ut sphaera nona rediens ab oriente versus occidentem, neque est inter illos locus vacuus.

VI. Nulli orbes sunt leues neque graues, nec est illis color vllus, coeruleus enim color tantum prouenit ex phasi visus, propter altitudinem aeris.

VII. Omnes sphaerae ambientes mundum sunt rotundae instar globi, et terra pendet in medio. Sunt autem nonnullae stellae orbibus minoribus infixae et hi orbes non cingunt terram, sed orbis paruus non circumiens infixus est orbi magno ambienti.

VIII. Numerus omnium orbium ambientium mundum est octodenarius, non cingentium est octonarius.

IX. Orbis nonus in duodecim signa diuiditur.

X. Istae duodecim figurae non responderunt sibi inuicem iuxta rationem diuisionum, nisi tempore diluuii, hoc autem tempore nonnihil dimotae sunt.

XI. Omnes stellae conspicuae vel sunt ex stellis minoribus, quibus terra maior est, vel ex stellis maioribus, quarum vnaquaeque maior est terra, aliquot partibus: terra vero est maior luna ferme quadragesies; atque sol maior est terra quasi centies et septuagesies. Nulla vero stella maior est sole, stellaque nulla minor est Mercurio, qui est in orbe secundo.

XII. Omnes stellae atque orbes praediti sunt anima, notitia atque sapientia, atque vitam agunt permanentque, et cognoscunt eum, cuius dicto factus est mundus.

XIII. Con-

XIII. Condidit Deus infra orbem lunae materiam quandam, quae non est, vti materia orbium, et creauit in ista materia formas, non similes formae orbium. Haec elementa ignem, aërem, aquam, terram constituunt.

XIV. Ignis lunae proximus est, hunc sequitur aër, aqua, terrae, sunt enim vnum superius alio et vnumquodque ambit inferius omni parte.

XV. Quatuor ista corpora non habent animam, neque cognoscunt; sed sunt tanquam corpora mortua, sed seruant tamen suum ordinem.

XVI. Ex his elementis omnia corpora sunt composita.

XVII. Omnia corpora infra expansum praeter haec quatuor elementa composita sunt ex materia et forma.

XVIII. Motus ignis et aëris est ascensus ex centro terrae ad coelum; aquae et terrae, versus centrum.

XIX. Natura ignis calida est et sicca, ac est leuior istis omnibus; aër autem calidus et humidus; aqua frigida et humida, terra frigida et sicca et est grauior istis omnibus.

XX. In quolibet corpore ex istis quatuor composito inuenitur frigidum et calidum, humidum ac siccum coniunctim, sed in quibusdam corporibus praedominatur ignis, in aliis aër, et sic porro.

XXI. Quicquid ex elementis compositum est, tandem dissoluitur, et ex vno in aliud transit, donec in elementum suum redeat.

XXII. Quatuor ista elementa perpetuo inuicem permutantur, quolibet die ac hora, secundum partes suas, non iuxta totum corpus.

XXIII. Nunquam conspicitur materia sine forma, aut forma sine materia; vtriusque tamen distinctio fit intellectu, qui solus formam concipit et comprehendit.

XXIV. Anima cuiuslibet carnis est forma eius, quam Deus ei dedit.

XXV. Intellectus existens in anima hominis est forma hominis perfecti, cum suo intellectu.

Ex his omnibus facile intelligitur Peripateticus, et quidem Auerrois discipulus. Ex his vero de ceteris *φιλοσοφούμεναις* Iudaeorum esto iudicium.

§. IV. Philosophiae moralis facies inter Iudaeos qualis fuerit, antequam Aristotelem sequi et de virtutibus iuxta eius praecepta cum decalogo confusa differere coeperunt, supra dictum est. Nempe aut plane nihil inuenitur, aut exiguae tantum scintillae hanc noctem distinguunt, quae passim in scriptis Talmudicis veluti tenues igniculi delitescunt. Vnus libellus *Pirke abboth*, qui Tanaitarum sententias comprehendit; moralem doctrinam exhibet: ex quo vt lector habeat aliquod moralis quoque doctrinae specimen, doctorum celeberrimorum effata quaedam afferemus, quae ex rationis principiis cognosci possunt: quae enim reuelat-

*Philosophia
moralis Iu-
daeorum.*

uelatione et traditione nituntur, ad hanc nostram tractationem non pertinent. Non vero compendium aliquod systematicum moralis philosophiae expectandum est, sed dicta tantum paraenetica, ex quibus de moralibus Iudaeorum principiis et regulis iudicandum. Nam a synagogae magnae temporibus vsque ad Talmudis oblationem sententias doctorum Iudaicorum in isto libello comprehendi, ex eo disci potest, quod supra de illo exposuimus ^p. Illustriora vero doctorum horum apophthegmata haec sunt:

I. Ne sitis sicut serui, qui seruiunt domino ea conditione, ut mercedem accipiant, sed estote sicut serui, qui seruiunt domino suo sine spe mercedis, sitque timor Dei semper ante oculos vestros. Pulcherrimam sententiam hanc Antigoni Sochaei occasionem Sadducaeiismo dedisse, supra prolixè enarrauimus, monentes, ad praedicia gentis suae, temporalia operum praemia tantum affectantis, remouenda eum respexisse: vix enim amorem illum purum, sui ipsius in seruiendo Deo rationem prorsus non habentem, qui nonnullis recentiori tempore placuit, in animo habuisse, credibile est.

II. Qui nati sunt, moriuntur, qui mortui sunt, reuiuiscunt, qui reuiuiscunt, iudicabuntur. Scient omnes, quod Deus est formator et creator: ipse est, qui animaduertit omnia, ipse iudex est, ipse testis est, ipse est, qui accusat in iudicio. Ipse est, qui in futurum iudicabit. Benedictus sit ipse, quoniam non est coram ipso prauitas, neque obliuio, neque acceptio personarum, neque acceptatio muneris, omnia enim sua sunt. Noueris insuper, quod omnia iuxta subductam rationem transiguntur. Neque securum te faciat malus genius tuus, quasi sepulchrum futurum sit refugium tuum. Te quidem nolente formatus es, te vel nolente viues, te vel nolente morieris. Tandemque futurum est, ut stes coram iudicio, redditurus rationem coram rege omnium regum, qui est Deus sanctus benedictus. Ita R. Eleazar Kapernaita ^q.

III. Tria haec diligenter considera, et nunquam incides in manus transgressionis: Quod nempe supra te sit oculus omnia videns, auris omnia audiens, et quod omnia ac singula tua opera in libro sint scripta: Ribbi, id est, R. Iehuda Hakkadosch ^r.

IV. Tria haec diligenter considera, et non incides in manus transgressionis: unde veneris? quonam tendas? coram quonam ratio tibi sit reddenda? Unde venisti? ex gutta foetida. Quo tendis? ad terram, tineam et vermes. Cui reddes rationem? regi regum Deo sancto benedicto. R. Akabia Ben Mahaliel ^s, cum Akibha non confundendus, quod tantum non accidit OTTHONI ^t.

V. Omnes

^p) Collegit IAC. PHIL. HARTMANNVS loca parallela capitulorum PP. in scriptis Talmudicis obuia, eaque ad illa in Latina quam dedit versione Gieslæ 1708. 4. notauit, quae specimen esse possunt philosophiae moralis Talmudicae.

^q) c. IV. §. 22. p. 32.

^r) c. II. §. 1. p. 8.

^s) c. III. §. 1. p. 17.

^t) Hist. doct. Mischn. p. 72. sq. quem errorem etiam errauit VORSTIUS in Zemach David p. 82. conf. RZLANDVS ad h. l.

V. Omnes actiones tuae fiant in nomine Dei et ad gloriam Dei. R. Iose ^u.

VI. Da Deo de suo, quoniam tu, et quaecunque habes, illius sunt. Dictum R. Eliezer Ben Iehuda ^x, quem ob largissimam stipem in pauperes erogatam clarissimum fuisse tradit *Iuchasin* ^y: ex quo intelligitur, sententiam hanc proprie de operibus misericordiae large atque hilariter praestandis esse accipiendam.

VII. Vbi non est timor Dei, ibi non est sapientia, vbi non est scientia, ibi non est prudentia. R. Eleazar Ben Azaria ^z.

VIII. Via bona est, oculus bonus, focus bonus, vicinus bonus, qui praevidet futurum, et cor bonum. Discipuli R. Iochananis. Videtur in toto hoc §. auctor imitatus fuisse dicta sapientum Graeciae ^a.

IX. Resipisce diem vnam ante mortem tuam. R. Eliezer ^b, qui poenitentiae nullam faciendam esse moram, eo quod dies mortis incerta, ita eleganter per prouerbum monuit.

X. Noctu euigilans, et solus deambulans aut iter faciens, et conuertens cor suum ad cogitationes futes, hic ream facit animam suam. R. Hanina Ben Hachinai ^c. Ita et *Ioma* ^d: *Peccati cogitationes grauiiores sunt ipso peccato*.

XI. Cuiuscunque sapientia maior est operibus eius, illius sapientia non est solida. Cuius metus de peccato praecedat sapientiam eius, illius sapientia manet stabilis. Sapientiam hoc loco pro eruditione sumit apophthegmatis auctor R. Hanina Ben Dosa ^e, et voluntatis rectitudinem ante intellectus perfectionem requirit.

XII. Qui discit eo fine, vt alios doceat, in eius manum sufficienter traditur et ad discendum et ad docendum. Qui vero ea conditione discit, vt faciat, in eius manum affatim traditur, quod discat, doceat, custodiat et faciat. R. Ismael ^f.

XIII. Sapiens is est, qui discit a quouis homine. R. Schimeon Ben Zoma ^g, qui stante et euerso templo vixit, et propter egregias conciones fuit celeberrimus, hunc viuum in Paradisum translatus fuisse, Iudaei iactant ^h.

XIV. Septem res sunt in sapiente: non loquitur coram eo, qui est maior sapientia et auctoritate: non intercedit sermonibus focii sui: non respondet praecipitanter et inconsiderate: interrogat rite, et respondet apoposite: de primo dicit primum, et de vltimo vltimum: de eo quod non audiuit, dicit, hoc non audiui, et confitetur veritatem ⁱ.

XV. Lex

^u) c. II. §. 12. p. 14.

^x) c. III. §. 7. p. 20.

^y) p. 51. Conf. WOLF. Bibl. Hebr. P. II. p. 812.

^z) c. III. §. 17. p. 24.

^a) c. II. §. 9. p. 12.

^b) Ibid. §. 10. p. 13.

^c) c. III. §. 4. p. 18.

^d) f. 29. a.

^e) c. III. §. 9. p. 20.

^f) c. IV. §. 5. p. 27.

^g) c. IV. §. 1. p. 25.

^h) Vid. RELAND. ad OTTH. Hist. Mischn.

p. 133. WOLF. Bibl. Hebr. P. II. p. 863.

ⁱ) c. V. §. 7. p. 35.

XV. Lex (id est eruditio et philosophia Iudaica) quadraginta et octo rebus acquiritur : discendo, auscultatione auris, dispositione et elocutione labiorum, attentione animi, intelligentia cordis, terrore, timore, mansuetudine, laetitia, frequentatione et conuersatione sapientum, repetitione accurata cum fociis, disputationibus condiscipulorum, sedulitate, lectione biblica, studio Talmudico, imminutione negotiorum, diminutione somni, voluptatum, lusus, viae terrae (id est consuetudinis et praeiudiciorum plebis) longanimitate, hilaritate cordis, fidem adhibendo sapientibus, patientia in afflictionibus, modico somno, modica negotiatione, modica locutione, modico risu, modica conuersatione hominum. Agnoscendo locum suum, gaudendo in portione sua, faciendo sepe verbis suis, nihil boni adscribendo sibi ipsi, ex Dei amore dato Deum amando, diligendo homines, sectando iustitiam, amando correptiones, diligendo aequitates, vitando honores, non efferendo se ob doctrinam suam, non nimium gaudendo ob institutionem suam, ferendo aequale iugum cum fociis suis, iudicando socium suum ad lancem innocentiae, reducendo eum ad veritatem, hortando ad pacem, doctrinam suam solide confirmando, quaerendo et respondendo, audiendo et proficiendo, discendo ea conditione, ut doceat, discendo ea conditione, ut faciat, praeceptoris sui sapientiam laudando, et rectificando lectiones eius, dicendo rem quamvis sub nomine auctoris sui ^k.

XVI. Qui discit a socio suo caput vnum, vel lectionem vnam, aut versum vnum, vel tantum literam vnam, tenetur illi deferre honorem ^l.

XVII. Esto cautus in doctrina, nam error in doctrina habetur pro superbia. R. Iehuda ^m.

XVIII. Qui elato animo est in docendo, is stultus, impius et amens merito est dicendus. R. Ismael Ben Iose ⁿ.

XIX. Verecundus non bene discit, et iracundus non bene docet, et nullus, qui negotiatur multum, euadit sapiens. R. Hillel ^o, quem Schammaïam collegam hoc dicto impetere voluisse, ex iis quae de moribus placidis Hillelis et iracundis Schammai supra narrata sunt, colligi potest. Et tamen illi sequens apophthegma tribuitur :

XX. Fac legem tuam fixam, loquere parum et fac, multum, et esto excipiens quemvis vultu placido ^p.

XXI. Pulchra est doctrina legis cum artificio aliquo adiuncto : labor enim vtriusque obliuisci facit peccati. Nititur sententia haec R. Gamalielis filii Iehudae sancti ^q consuetudine doctorum Iudaicorum, qui, ut gratis docere possent, praeter legis docendae munus opificium etiam exercuerunt. Ita R. Iose cerdo fuit, R. Iochanan futor, &c. Iniunctum itaque in tr. *Berachoth* ^r, ut quisque filium suum doceat opificium. Plura dabunt

k) c. VI. §. 5. 6. p. 44. 45.

l) Ibid. §. 3. p. 43.

m) c. IV. §. 13. p. 29.

n) Ibid. §. 7. p. 28.

o) c. II. §. 5. p. 10.

p) c. I. §. 15. p. 7.

q) c. II. §. 2. p. 8.

r) f. 63. b.

bunt LIGHTFOOTVS ^s, et quos laudat WOLFIVS ^t. Exemplum sacrum esto D. Paulus sub Gamaliele studiis operam nauans, et tamen σκηνοποιός.

XXII. Ne cupias gloriam amplio-rem eruditione tua ^u.

XXIII. Nihil homini inuenitur melius silentio. Silentium enim est sepes sapientiae. R. Schimeon Ben Gamliel et R. Akibha ^x.

XXIV. Cautus sis in verbis tuis, ne alii ex iis fallere discant. R. Schimeon Ben Schetach ^y.

XXV. Tribus rebus conseruatur mundus, veritate, iudicio et pace. R. Schimeon Ben Gamliel ^z.

XXVI. Rifus et leuitas capitis affuefaciunt hominem ad scortationem. R. Akibha ^a.

XXVII. Is est fortis, qui vincit concupiscentiam suam; is est diues, qui gaudet de portione sua. Is est honore dignus, qui honorat alios. R. Schimeon Ben Soma ^b.

XXVIII. Qui impudenti est facie, ad gehennam, qui vero modestus est et verecundus, ad paradysum. R. Iehuda Ben Thema ^c. Verecundia autem ita aliis describitur ^d; quid est verecundia? ne facias in occulto, cuius te pudeat in propatulo.

XXIX. Elonga te a vicino malo, neque associa te cum impio, neque despera de vindicta. R. Nithai Arbelita ^e.

XXX. Ne multiplices sermones cum muliere, etiam cum vxore tua, multo minus cum vxore proximi tui. Omni enim tempore quo homo multiplicat colloquium cum muliere, accersit malum sibi et ipsi, et impeditur a studio legis, tandemque descendit in gehennam. R. Iose Ben Iochanan ^f. Valde contempsit foeminas et eruditione atque eruditorum confortio indignas censuit fastus doctorum Iudaicorum, cuius exempla pluscula, historiam literariam foeminarum Iudaicarum illustrantia dabit B. ZELTNERI ^g industria. Adeo vero insaniunt, vt de Iudaeis idiotis in Talmude ^h dicatur: esse eos abominationem, et eorum vxores infecta, et filias bestias.

XXXI. Cauete ab iis, qui in potestate sunt constituti, non enim adiungunt se hominibus, nisi propriae necessitatis causa. Amicos se simulant, quamdiu vtilitatem inde percipiunt, sed non assistunt homini tempore calamitatis eius. R. Gamaliel tertius ⁱ.

XXXII. Ne iudices proximum tuum, donec pertigeris ad locum ipsius, et iudica quousque ad lancem innocentiae. R. Hillel et R. Iehoschua Ben Perachia ^k.

Z z z z z 2

XXXIII.

^s) Ad Marc. VI. 3.
^t) Cur. philolog. ad Aq. XVIII. 3. p. 1273.
Buxtorf. Lex. Talm. v. גמליהו column. 120.
Zeltner. diss. de Priscilla §. 21. Triglani-
divs de Karais p. 165. ^u) c. VI. §. 4. p. 43.
^x) §. 17. p. 7. c. III. §. 13. p. 22.
^y) c. I. §. 11. p. 5. ^z) c. I. §. 18. p. 8.

^a) c. III. §. 13. p. 23.
^b) c. IV. §. 1. p. 25. ^c) c. V. §. 20. p. 42.
^d) Tr. Mischar Happeninim c. 31.
^e) c. I. §. 7. p. 4. ^f) c. I. §. 5. p. 2.
^g) Disp. de Alexandra, et de Beruria.
^h) Tr. Pefachim f. 49. col. 2. conf. Eisen-
menger. Iudaism. detect. P. I. c. 16. p. 720.
ⁱ) c. II. §. 6. p. 9. ^k) c. I. §. 6. p. 3.

XXXIII. Ne specta cantharum, sed id quod in eo est, nam saepe cantharus nouus repletus est vino veteri, interdum cantharus vetus est, in quo nec nouum vinum est. R. Iehuda sanctus ¹, quem ita iugulasse praeiudicium ab externo vultu et habitu desumptum, facile intelligitur. Ex hoc apophthegmate enata videtur fabula, de filia imperatoris, Iehudam ob habitum fordidum deridente, quam supra explosimus.

XXXIV. Esto humilis erga quemuis hominem, nam qui quaerit extendere nomen suum, perdit illud. R. Meir et R. Hillel ^m.

XXXV. Odi principatum vel magisterium, neque familiaris sis principatui. Dictum hoc esse in Hillelem principem synagogae, quocum lites fouebat Schemaia, sententiae huius auctor ⁿ; ex historia vtriusque supra enarrata coniici non sine virisimilitudine potest.

XXXVI. Noli te ipsum facere actorem iudiciorum, vel caussarum forensium. R. Iehuda Ben Tabbai ^o.

XXXVII. Sit gloria amici tui aequae chara actua. R. Eliezer ^p.

XXXVIII. Multiplicans diuitias, multiplicat curas; multiplicans mulieres, multiplicat veneficia; multiplicans ancillas, multiplicat scorta; multiplicans seruos, multiplicat fures; multiplicans legem, multiplicat vitam. Ribbi ^r. Sugillat ostentationem suae gentis magna familia se effertis, simulque Pharisaicum fastum prodit, qui de mulieribus, ancillis, seruis nihil boni sperabat, quod essent filii terrae. Nam probissimam etiam mulierem superstitioni, in maleficia desinenti, addictam esse, pronunciant superbi magistri ^r.

SECTIO II.

DE PHILOSOPHIA IUDAEORVM ESOTERICA, SIVE CABBALISTICA.

§. I.

*Philosophiae
Cabbalisticae
nomen et scri-
ptores.*

Considerata philosophia Iudaeorum exoterica, ad esotericam atque arcanam siue mysticam tractatio nostra conuertitur, quam obsecuram intricatamque esse, ex iis, quae de eius historia, docendi modo, librisque diximus, intelligi sine labore potest, adeoque attentione opus habet, vt, quid placuerit obscurissimis philosophis e latebris suis prouocatis, deprehendi tandem queat. Vocatur haec philosophia Cabbalistica, quod nomen a voce Hebraea קבל, *Kibbel* ^a, *accipere*, vel

1) c. IV. §. 20. p. 31.

m) ibid. c. I. §. 13. p. 6.

n) ib. §. 10. p. 13.

o) ib. §. 8. p. 4.

p) c. II. §. 10. p. 13.

q) §. 7. p. 11.

r) Tr. Kiddush. in fine.

a) Buxtorf. Lex. Rabb. v. קבל p. 1453.

vel *recipere*, originem accepit, et nequē in scriptura S. neque apud scriptores ecclesiasticos occurrit, ut iam IOANNI REUCHLINO ^b notatum, qui quoque observavit, Ioannem Picum Mirandulanum primum fuisse, qui voce Latina Cabbala, Romanis auribus hactenus inaudita, usus fuerit. Immo nec inter Iudaeos ultimam antiquitatem nomen hoc קבלה tueri posse, ex eo recte demonstratur, quod in antiquissimis Hebraeorum scriptis non occurrat, et tantum in libris Talmudicis Rabbincisque, Iudaeorum, qui Chaldaismi vestigia plurima habent, reperiatur. Quod mirandum non esse videtur, cum initio arcanissime habitam hanc philosophiam, et tantum in Palaestina inter paucos eius discipulos facerrimo silentio quasi obsignatam et custoditam fuisse, ex antecedentibus constet. Ipsa vox קבלה, Kabbala, diuersas significationes apud Iudaeos habet. Nam nunc traditionem oralem, quam a Mose virisque sanctis se accepisse iactant, illa voce innuunt ^c, nunc de scriptis prophetis totaque ecclesiae Iudaicae doctrina intelligunt; nunc arcana dogmata quaeuis, maxime vero magica, illo nomine appellant, strictissima tamen significatione doctrinam hanc mysticam et philosophiam occultam ea voce comprehendunt. Non desunt quidem, qui Cabbalae mentionem a PLINIO ^d iam factam esse contendunt, eo quod de magia differens scribat, si quorundam codicum lectionem sequamur: *est et alia magices factio a Mose et Iamne et Iochabele Iudaeis pendens*, ubi hominem Romanum nomen Hebraeum non recte cepisse, et ex Cabbala Iochabele efformasse suspicantur. Ast falli istam coniecturam inde certissima ratione euincitur, quia omnes scriptores, Plinio aetate vel pares vel supiores, hoc nomen ignorant, nec ostendi caussa potest, cur soli Plinio nomen ceteris omnibus ignotum innotuerit. Et quamuis immerito BOCHARTVS ^e, eundem locum ita afferens, vapulet IOANNI HARDVINO ^f, qui in omnibus libris non Iochabele, sed Iotape legi contendit, cum contrarium editio Frobeniana ^g, cuius lectionem in margine quoque expressit IACOBVS DALECHAMPIVS ^h, testetur, dubitandum tamen non est, nomen Hebraeum Romanis auribus infuetum vel ab ipso Plinio corrupte expressum, vel ab exscriptoribus, qui nobilissimum opus misere truncarunt deprauaruntque, vitiatum fuisse, nec probabilitate caret Bocharti coniectura, Iochabedem Mosis matrem Plinium in animo habuisse, eamque in hominem magum conuertisse, quae ratione etiam Wecheliana editionis margo lectionem hanc exprimit. Vnde sine verisimilitudine coniicit IONAS DANIEL SCHRAMMIVS V. C. ^b esse verbum Arabica forma in futuro tempore ex Coniug.

Z z z z z 3

Paël

^b) De arte Cabb. L. I. p. 629. coll. Pistor.

^c) Vid. Lexicographi passim, R. NATHAN in Aruch pag. 155. BVXTORF. l. c. pag. 1453. HOTTINGER. thesaur. philol. L. I. c. 3. f. 5. p. 434. Io. MORIN. exerc. bibl. L. II. ex. 9. p. 362. WOLF. Bibl. Hebr. P. II. L. VII. c. I. p. 1192. alique.

^d) Hist. natur. L. XXX. c. 1.

^e) Hierozoic. L. II. c. 53. p. 645.

^f) Ad h. l. T. IV. p. 727.

^g) Observavit hoc REIMANNVS Intr. in hist. theol. lud. L. I. c. 15. p. 333. edidit hanc editionem Frobenius 1530.

^h) In editione Wecheliana Fr. 1608. 8.

^b) Introd. in dialect. Cabbaleor. c. I. §. 10. pag. 14.

Paël expressum יקבלה *Iokkabela*, sic vt Plinius Cabbalae, Arabica locutione expressae notitiam habuisse videatur. Hoc enim sine teste dicitur, nec ostendi potest vel leuissima verisimilitudinis umbra, Cabbalae nomen inter Arabes tum notum fuisse. Alii in noui foederis libris vestigia nominis huius se deprehendisse sibi visi sunt, eo quod vocem ἀποδοχή eodem plane sensu, quem vox קבלה fundit, adhibeat D. PAVLVSⁱ apostolus. Ast hi quoque a recepto vocis apud Graecos passim occurrentis^k vsu et significatione sine vlla ratione discedunt, adeoque audiendi non sunt. Certum enim et indubitatum est, vocem hanc longe serius innotuisse, et inter Christianos ante Pici tempora non auditam fuisse. Mirandum itaque magnopere non est, inuentum fuisse eo tempore, qui somniaret, Cabbalam fuisse hominem quendam perfidum et diabolicum, qui multa contra Christianos scripserit, et sequaces habeat dictos Cabbalistas, vt ipse Io. PICVS MIRANDVLANVS^l narrat, cui similes alios addunt HOTTINGERVS^m et IOANNES LEVSDENIVSⁿ. Nam in notioribus Iudaicae historiae partibus, quam sunt Cabbalisticae, tales soloecismos literarios passim admissos esse, viris doctis de hoc lapsus genere curiosis notatum est^o. Nominis vero huius rationem eam nunc sequimur, qua non traditio oralis in genere, sed specialis illa indigitatur, quae venerabili traditiuae philosophiae nomine, arcanas Iudaeorum opiniones metaphysicas, physicas et pneumaticas nobis exhibet. Eius vero historiam resque qui exposuerint inter Iudaeos, dogmata qui explicuerint in gente recutita, ex antecedentibus repetendum est. Christianorum vero diligentiam enarrauit, scriptorumque de Cabbala indicem alphabeticum nobis exhibuit, desideratissimus WOLFIUS^p, qui alio loco supplementa^q quoque ad hanc historiae literariae partem dedit: quibus adiungendus est IOANNES ALBERTVS FABRICIVS^r. Quod studium enumerandi scriptores de Cabbala, praestitere quoque Io. REVCHLINVS^s, THEODORVS HACKSPANIVS^t et IAC. FRIEDERICVS REIMMANNVS^u. Inter hos vero Cabbalisticos scriptores Christianos primum omnino locum et attentionem peculiarem meretur Mirandulae comes, Ioannes Picus, cuius vitae historiam eius ex fratre nepos Io. FRANCISCVS PICVS conscripsit, suisque et patruelis scriptis^v praefixit, ex quo illius compendium expressit IOANNES FRANCISCVS BVDDEVS^w. Doctissimo huic iuueni, quem ob rarissimam et inusitatam prorsus illius iuuenilis aetatis eruditionem, Phoenicem eruditorum vocatum esse, constat, prima studii

ⁱ) I Tim. I. 15.

^k) Vid. APOLLON. ep. 2. 12. et OLEAR. ad h. l. p. 385. SEXT. EMPIR. L. VII. f. 401. et FABRIC. ad h. l. DIOG. LAERT. L. VII. f. 35. et MENAG. ad h. l.

^l) In Apolog. p. 116.

^m) loc. cit.

ⁿ) In philologo Hebraeo diff. XXVI. §. 7.

^o) Vid. Ven. MICH. LILIENTHAL. de soloecismo liter. §. 19. fel. hist. et liter. p. 356.

^p) I. c. L. VII. c. 3. §. 12. p. 1243. seqq.

^q) S. IV. p. 734. seqq.

^r) Bibliograph. antiquar. c. VIII. p. 244.

^s) De arte Cabb. L. I. p. 629.

^t) De Cabbala.

^u) I. c. L. I. c. 15. p. 456.

^v) Basileae 1601. fol. editis.

^w) Intr. in hist. philos. Hebr. §. 34. p. 224^o seqq.

studii Cabbalistici initia debemus. Is enim ex libris quibusdam Cabbalisticis, quos magno aere redemerat, ut supra narratum, singularem quandam philosophiam Cabbalisticam, Chaldaeam, Orphicam, Trimegisticam, Pythagoricam, sibi confluxit, et affixas Romae CM theses ex veteri theologia et philosophia confarcinatas omnibus omnium locorum eruditis ventilandas proposuit, quorum summam discant, qui operibus Picorum rarius occurrentibus destituuntur, a IO. FRANCISCO BVDDEO ". Legi tamen eo nomine merentur, ut ex quo fonte ineptum, quod tot viros doctos fascinauit auctoritatis praeiudicium et veneratio Cabbalae fluxerit, intelligatur: patebit enim ex hac prima eius inter Christianos origine, eruditissimum quidem, at nec satis cautum nec iudicio tantopere, quam ingenii viribus instructum iuuenem inepta et male cohaerente commixtione doctrinarum Iudaicarum, Christianarum et gentilium miserum chaos orbi philosophico obtruisse. In quo tamen, licet peccasse censendus sit, excusationem meretur, eo quod coetui Romanae ecclesiae addictus, traditionem suo tempore extolli magnifice, et scripturae aequiparari audierat, et nescio quae dogmata arcana ad posteros propagata fuisse crediderat. Praeiudicio enim illo occupatus, libros istos Cabbalisticos, quos ipsi pro genuinis vendiderant, licet spurii fuerint, esse foetus Efdrae, cum veteris ecclesiae Iudaicae doctrinam eos continere sibi persuadebat, tum, quod multa dogmata, quibus fauebat ecclesia Romana in iis deprehendisset, veros fontes traditionis tantopere depredicatae sibi detexisse, eaque in scriptis Cabbalisticis se inuenisse arbitrabatur, quae Christiani de SS. Trinitate, de nomine Iesu, et filio Dei, de eius vnione personali, incarnatione, redemptione, passione, morte, et resurrectione, veteris testamenti sublatione, baptismo, purgatorio aliisque dogmatibus, quae in ecclesia tum personabant, haecenus docuerant. Haec cum Christianae religioni magno cedere emolumento viderentur, et res obscura et haecenus ignorata, nescio quos thesauros promitteret, factum est, ut magno impetu in Cabbalae venerationem viri multi docti ruerent, qui Picum sibi ducem elegerant. Cuius tamen industria tantum abest, ut omnibus placuerit, ut non tantum defendere theses suas Romae prohibitus sit, sed tredecim quoque haereseos stigmate notarentur; quarum orthodoxiam peculiari apologia conscripta defendere, consensumque earum cum dogmatibus Romanae ecclesiae demonstrare fategit. Nec deposuit hoc praeiudicium in aliis quoque scriptis suis Picus, sed errorem errore auxit, et Cabbalam suam, eo nomine haut dignam et a Cabbalistarum Iudaicorum mente longe abeuntem, cum Platonice et Aristotelice opinionibus nefando syncrético conciliauit, cuius specimina si lubet, in opere eius *Heptaplo* videas. Pici vestigia pressit Ioannes Reuchlinus, elegantiorum literarum inter Germanos restaurator praecipuus, cuius vitae meritumque historiam *Tomo quarto* accurate delineabimus. Is cum se Pythagoricae potissimum

philosophiae addixisset, quam ab Hebraeis deriuatam fuisse cum veteris ecclesiae doctoribus multis credebatur, ad fontes eius se peruenturum esse sperans, si veterum Hebraeorum sapientiam, qua arcanam eius partem, rimaretur, Cabbalisticam philosophiam sibi excolendam esse statuit, siue ita Pythagorica dogmata illustraturus, siue reuera Cabbalistica studia gentilis eruditionis apparatu commendaturus, ut non nemini visum^v. Illud certum, duobus libris, tum *de arte Cabbalistica*, tum *de verbo mirifico*, Cabbalistica eum placita illustrare studuisse, parum vero ad Pythagorica dogmata et aenigmata soluenda lucis attulisse. Quicumque vero eius scopus fuerit, de quo alio loco^w dispiciemus, illud indubitatum, constituisse sibi virum cetera summum et de Germania nostra immortaliter meritum, sed φιλόλογον μᾶλλον ἢ φιλόσοφον ut Plotini de Longino iudicio utamur, Pseudo-philosophiam quamdam syncreticam ex Iudaicis, Graecis, et Christianis principiis conflata, et neutrius partis sententiam atque mentem recte explicantem, Cabbalae etiam literali magis eiusque symbolis, quam reali et philosophicae inhaesisse. A quibus duumuiris mos postea ad nostra fere tempora inter eruditos inoleuit, ut qui de Cabbala tractaturi essent, Cabbalisticis tantum symbolis, quae in literarum nominumque varia combinatione, transmutatione vsuque constant, vterentur ad explicanda ea Christianorum dogmata, quae ab Hebraeis ad gentiles philosophos maxime Pythagoram et Platonem, et ab his ad Christianos dimanasse credebant. De quo philosophorum genere cum *Tomo quarto* ex instituto dicendum sit, hic nihil amplius addimus; notantes tantummodo, iudicium in hoc philosophiae genere tantopere necessarium, illos quoque in Reuchlino desiderasse^x, qui ob studium Cabbalisticum eum in pretio habendum esse statuunt^y. Post Reuchlinum *de Cabbalae* studio meruit Paulus Riccius Ex-Iudaeus, qui Papiae docuit, et sanitati Maximiliani I. praefectus fuit, de cuius vita, meritisque legenda sunt, quae post MELCHIOREM ADAMI^z viri literatissimi, P. BAYLE^a, PAULVS COLOMESIVS^b, IACOBVS BASNAGIVS^c et I. C. WOLFIUS^d collegerunt. Inter illius *opuscula varia* enim reperitur etiam *Isagoge in Cabbalistarum eruditionem*, quod breue est compendium R. GECATILIAE Schaare orab, id est, *portae lucis*, quod etiam in Pistoriana scriptorum Cabbalisticorum collectione legitur, et a Cl. SCHRAMMIO *introductioni in dialecticam Cabbaleorum* est adiectum. Eadem etiam vestigia pressit in libro *de coelesti agricultura*, in quo contra atheos infideles, Iudaeosque disputat, multaque ex Cabbala, qualem Picus et Reuchlinus formauerant, adducit. Eadem porro Sec. XVI via incescit Arch-

ange-

v) STOLL. Intr. in hist. lit. P. II. c. 1. §. 82. pag. 391.

w) T. IV. inter philosophos Pythagorico-Platonico - Cabbalisticos.

x) Vid. illustris SECKENDORFIVS Hist. Lutheran. p. 251.

y) BVDDEVS l. c. §. 35. p. 251. seq. 254.

z) Vir. Medic. p. 9.

a) Dict. T. IV. art. Riccius p. 54.

b) In Italia Orient. p. 17. seqq.

c) Histor. Iudaic. P. IX. p. 858.

d) Bibl. Hebr. P. I. p. 966.

angelus de Burgonouo Franciscano sodalitis adscriptus, qui et Picum et Cabbalam peculiari libro defendit, et *Cabbalistarum selectiora obscuraque dogmata a Ioanne Pico ex eorum commentationibus pridem excerpta, et nunc primum luculentissimis interpretationibus illustrata* ^c, edidit, vel potius, obseruante CARPZOVIO ^d ex Reuchlini libro *de arte Cabbalistica* descripsit. Hos aliosque scriptores Cabbalisticos collegit et syllogem eorum dedit IOANNES PISTORIUS Nidanus, M. D. hoc titulo: *Artis Cabbalisticæ, hoc est reconditæ theologiæ et philosophiæ scriptorum tomus I*, ^e quem tamen secundus secutus haud est ^f, sine dubio, quod emtores hae merces non reperirent. Seculo XVII plures inuenti sunt, qui Cabbalisticam philosophiam excoluisse sibi visi sunt, et certum sapientiæ theosophicæ genus, quod Cabbalæ nomine honorarunt, fuere commenti. Quales præter Paracelsum et Henricum Cornelium Agrippam Sec. XVI philosophos, fuit IULIVS SPERBERVS, philosophus theosophicus vel fanaticus potius, de cuius vita scriptisque et philosophandi genere *Tomo quarto* ex instituto differemus. Is *preces Cabbalisticas*, tractatum *de pretiosissimo thesauro Cabbalæ*, hisque similes dedit, caue tamen Cabbalam Iudaeorum ibi explicatam credas, cum allegoricas tantum explicationes somniorum suorum theosophicorum isto nomine obtrudat, ut suo loco ostendetur. Potiori iure huc pertinet STEPHANVS RITTANGELIVS, qui librum *Iezirah*, cum R. ABRAHAM BEN DIOR, suisque commentariis edidit ^g, ut supra dictum. Neglectum tamen plerisque Cabbalæ studium iacuit, cum ob incertitudinem et obscuritatem non intelligeretur, donec vir illustis CHRISTIANVS KNORRIUS A ROSENROTH Duci Palatino Solisbaci a consiliis secretioribus et cancellarius ducatus, qui præter chemiæ studium Cabbalisticam quoque eruditionem Hebraicasque literas magno studio prosequebatur, clariorem ei lucem accenderet, postquam exhortationibus Helmontii patris, qui intimo amicitiae vinculo ei iungebatur, et hanc quoque philosophiam deperibat, esset excitatus, et ad consilia hunc in finem capta exsequenda pecunia quoque adiutus; quod occasionem dedit Mosi Germano ^h, Helmontio Cabbalæ denudatæ editionem adscribendi, in quo tamen falsus est. Ipse enim Knorrius hanc nobis in Cimmeriis his tenebris facem prætulit. Is cum præter aulae et iustitiæ negotia, quibus maxima fide et vigili cura præerat ⁱ, et chemiæ et Hebraicæ, Rabbi-

nicae

^c) Venet. 1569. 8.

^f) Introd. in theol. Iud. c. VI. p. 21.

^g) Basil. 1581. fol. Comprehenduntur autem hoc Tomo R. IOSEPH CASTILIENSIS siue GECATILIAE porta lucis, LEONIS HEBRAEI de amore dialogi tres, Io. REUCHLINI de arte Cabbalistica, et de verbo mirifico, ARCH. BURGONOVENSIS interpretatio in selectiora Cabbalistarum dogmata et liber Iezirah.

^h) Errat igitur MORHOFFVS, qui Polyhist.

T. I. L. I. c. 10. p. 99. aliquot volumina scriptorum Cabbalisticorum Pistorio tribuit, confer. REIMMANN. Cat. crit. bibl. theolog. p. 871. seqq.

ⁱ) Amstelodami 1675. 8.

^k) Apud Cl. WACHTERVM in Spinozismo in Iudaismo detecto p. 75.

^l) Videnda de eius vita narratio CHRISTIANI THEOPHILI VNGERI in nouis literariis Lipsiensibus Latinis 1718. p. 191. seqq.

nicae atque Cabbalisticae eruditioni se totum tradidisset, Henrici Mori exemplo, qui circa eadem tempora Cabbalisticam philosophiam Pythagorico habitu indutam in scenam producere tentabat, vt *Tomo quarto* narrabitur, excitatus, et ab Helmontio, vt dictum, consilio adiutus Cabbalistarum scripta longe rarissima et a Iudaeis sollicita cura abscondita, aere suo pretioque magno redemit, nactusque Iudaeum quendam in his literis versatissimum, et Cabbalistica mysteria apprime doctum, ex his libris, maxime vero R. Isaaci Loriae et R. Abrahami Cohen Irirae scriptis ipsisque libris *Sohar*, *Iezirah*, aliisque supra enarratis arcanam Iudaeorum philosophiam accurate didicit. Neque sibi tantum hanc lucem acquisiuisse contentus, potiores scriptores Cabbalisticos, scriptaque lumen aliquod obscurissimae disciplinae conciliantia collegit, suisque commentationibus aucta duobus voluminibus edidit hoc titulo: *Kabbala denudata, seu doctrina Hebraeorum transcendentalis et metaphysica atque theologica, opus antiquissimae philosophiae barbaricae variis speciminibus refertissimum* ^m. Non patitur loci huius angustia, vt operis rari atque commemoratione dignissimi recensionem, historiam, fata, laudes et obfretationes, hic adiiciamus. Restinguent tamen sitim omnem, qui haec nosse cupiunt ex iis, quae beatae memoriae viri longe doctissimi et celeberrimi IOANNES FRANCISCUS BVDDEVS ⁿ, et IO. CHRISTOPHORVS WOLFIVS ^o attulerunt. Verbo tantum notamus, comprehendi parte prima: *Apparatum Cabbalisticum*, *Lexicon* scilicet *Cabbalisticum*, *Clauem ad Cabbalam antiquam ex libro Pardes, librum Schaare Orab*, i. e. *portam lucis R. Gecatiliae; R. Iizhak R. Loriae Cabbalam recentiore; indicem plurimarum materiarum in ipso libro Sohara propositarum, compendium libri Cabbalistico-Chymici, Aesche mezareph dicti, de lapide philosophico*; parte secunda praeter alia *tabulas duas synopticas Cabbalisticas; cum explicationibus H. Mori; tractatum primum libri Druschim, seu introductionem metaphysicam ad Cabbalam, auctore R. Vizchak Loria, una cum H. Mori quaestionibus et considerationibus; atque epistolas aliaque H. Mori ad Cabbalam pertinentia; itemque R. Mosi Corduero tractatus de anima et compendium libri Emek Hammelech*. Parte tertia et quarta exhibentur *R. Abraham Cohen Irirae porta coelorum*, qui liber omnium instar dux eligendus est, in cognoscendis mysteriis Cabbalistarum, ob ordinem et perspicuitatem, tum *tabulae suae arbores Cabbalisticae, et quinque compendia Cabbalistica, typis aeneis expressa*. Alter operis tomus, *librum Sohara restitutum* exhibet, et parte prima *synopsin* tradit *dogmatum vulgatorum totius libri Sohara, sub certos titulos digestam*; altera *Introductionem* habet *in dogmata profundiora Libri Sohara*; tertia *libros Soharios Siphra de Zeniutha*, qui est fundamentalis totius libri Sohara, deinde *Idra Rabba, et commentarium in istum librum a R. Cbaïm Vital confectum; aliosque tractatus et com-*

^m) Solisbaci 1677. 4. II. Vol.

^o) Bibl. Hebr. P. II. p. 1233. seqq.

ⁿ) Introd. in hist. philos. Hebraeorum I. c. p. 280.

commentarios Sobaricos; quarta: *Pneumaticam Kabbalisticam ex libro Beth Elohim R. Abraham Cohen Irirae, et Lorientis libro de reuolutione animarum* comprehendit. Quotamen ipso non omnes libri *Sobar* tractatus nobis dedit, quos integri editione publicos esse post haec edita demum iussit Knorrius ^p. Insigniter eum meruisse de philosophiae Cabbalisticae historia inde intelligi potest, quod primus nobis et libros arcanos Cabbalistarum detexit, et ut erat horum mysteriorum intelligentissimus, improbo labore obscuris accendere lucem sategit, et si verum fatendum, primus fuit, qui in Cabbalae philosophicae recessus arcanos et adyta nos introduxit, cum nihil certi antea de ea constaret, et plerumque cum Cabbala exegetica et literalis confunderetur. Ad hunc itaque fontem recurrendum esse, in delineando Cabbalisticae philosophiae systemate, quaecunque etiam illustri collectoris de Cabbala mens fuerit, ob quam multis laudatur, pluribus vero vapulat ^q, ex sequentibus luculenter constabit. Praeter Knorrium, ut modo dictum, Henricus Morus, philosophus Britannus acutissimus, et Cabbalae philosophicae lucem scriptis suis accendit, et de sensu systematis Cabbalistici cum Knorrio amice disceptauit, et cum theologo Herbornensi SAMVELE ANDREAE ^r, de Cabbala contentione ferram reciprocauit, de quibus tamen lucubrationibus *Tomo quarto* plura enarranda sunt. Horum vestigiis insistere et profundiores Cabbalistarum sensus rimari sategit vir πολυμαθής ΙΩΑΝΝΕΣ ΓΕΩΡΓΙΟΣ WACHTERVS, qui cum controuersiam cum R. Mose Germano, qui inter Christianos Petri Speethi nomen habuerat, de vero sensu systematis Cabbalistici fouisset, edidit tandem lingua Germanica: *Spinozismus in Iudaismo, id est, mundum per Cabbalam Iudaeorum hodiernam deificationem, et in Mose Germano detectum et refutatum*. Quo tamen in libro cum se perperam intellexisse quaedam Cabbalistarum crederet, edidit postea: *Elucidarium Cabbalisticum, siue reconditae Hebraeorum philosophiae breuem et succinctam recensionem* ^s. In utroque libro magna eruditione auctor in eo versatur, ut consensum systematis Cabbalistici cum Spinozistico demonstret, eo tamen discrimine, ut, cum in priore libro Cabbalistas atheismi reos peregisset, altero et illos et Spinozam ab ea macula absolueret, de qua re infra dicendum. Multa etiam emendat, quae vir summus I. FR. BVDDVS ^t de Cabbalistico systemate dixerat. Possent his addi scriptores plures, si historia literaria nobis scribenda esset, sed instituti ratio prohibet contentos, eos adduxisse, ad quos in sequentibus saepius prouocandum est. Commendanda tamen hic etiam ως ἐν παρῶν celeberrimorum virorum IACOBI BASNAGII et IOANNIS

Aaa aaa 2 MAYE-

^p) Solisbaci 1684. fol.

^q) Vid. WOLF. l. c.

^r) Scriptis est examen generale Cabbalae philosophicae H. Mori 1670. 4. Herbornae.

^s) Romae, vel potius Rostochii, ut vult Wolfius, vel Berolini, ut coniicit Reimmannus, 1706. 8.

^t) Obs. Hal. T. I. obs. 1. et in Intr. in hist. phil. Hebraeorum.

MAYERI diligentia, quorum ille in *historiae Iudaicae* opere * prolixè de Cabbala egit, eamque historica et dogmatica ratione illustravit; hic differtationem dedit *de mysterio SS. trinitatis ex foliis V. T. libris demonstrato atque ex veterum ac recentiorum Rabbiorum, praesertim Cabbalistarum rarissimis monumentis illustrato* **, qua lux multa doctrinae sephirothicae accenditur. His aliisque praefidiis munitus si quis animo ab auctoritatis praeiudicio libero ad cognoscendam philosophiam Cabbalisticam accefferit, et ad origines eius paulo curatius attendat, protrahere is e latebris poterit obscurissimos philosophos. Quod ita praestare tentabimus, ut primo quidem in eo laborem, quantum fieri potest, ponamus omnem, ut veras Cabbalisticæ philosophiæ origines et progressum detegamus, deinde, naturam indolemque eius exponamus; tum eius diuisionem partesque excutiamus; et tunc demum vera eius principia exploremus, nexumque totius systematis Cabbalistici detegamus: quo in aprium prolatum facile erit, singula vel potiora saltem Cabbalistarum dogmata exponere, hisque omnibus iudicium interponere sanum et a partium studio alienum rei que conueniens.

Origines philosophiæ Cabbalisticæ.

§. II. Origines veras philosophiæ Cabbalisticæ detegere res est magni fereque desperati laboris, adeo intricata, obscura et incerta hic sunt omnia, id quod plerumque euenire solet, ubi dogmata tacite irrepunt, et pedetentim adolefcunt atque in certam formam systematisque habitum succrescunt. Nec ex virorum doctorum de hac Cabbalæ disceptationibus lux magna sperari potest, quæ tantopere inter se dissentiunt et sibi inuicem contradicunt, ut citius inter lucem et tenebras pacisci, quam has opiniones omnes conciliare inter se liceat. Quæ sententiarum varietas maxime ex diuerso notionis, quam de Cabbala sibi finxere scriptores, ambitu et significationis vel extensione vel restrictione, cum laude vel vituperio coniuncta orta est *; prout enim quis Cabbalæ definitionem, sæpe non ex rei natura et indole, sed ex praeiudicio formatam pro fundamento posuit, ita etiam de Cabbalæ origine iudicauit, quo fieri non potuit, ut non multi errores irreperant, verique eius natales misere obscurarentur. Sed ut cuncta ordine lectoris oculis subiiciamus, et proprio eum iudicio uti iubeamus, paulo distinctius omnia enarranda sunt. Et I. quidem quod ad Iudæos attinet, illi more suo in definiendis Cabbalæ originibus prorsus insaniunt, eas ab Adamo, Abrahamo, Mose et Esdra deriuantes, de quibus nugis supra iam aliquid dictum, quod hic non repetimus †. Non omittendum tamen hoc loco est, quod de lapsu et transgressione Adami Cabbalisticæ garriunt, quorum solennis assertio est:

trans-

†) Hist. Iud. L. III. c. 10. seqq. p. 270. seqq. L. IV. c. 7. 8. p. 128. seqq.

**) Harderonic 1712.

x) Conferendus WOLFIVS l. c. P. II. L. VII. c. I. §. 4. p. 1194. seqq.

y) Conf. BAYLE Dict. T. I. art. Adam not. D. p. 72. BASNAGE l. c. L. III. c. 10. p. 270. maxime vero EISENMENGERVS Iud. detect. P. I. c. 8. p. 312. seqq.

Iudæorum de origine Cabbalæ summa.

transgressio Adae fuit truncatio Malcuth, quo axiomate innuunt, Adamum, separatione a circulo emanationum in regno diuino facta amisisse et influxum sephirarum superiorum et sapientiam Cabbalisticam, de qua assertione videndus ANGELVS DE BVRGONOVO^z, qui tamen influxum sephirarum in Malcuth, quae earum est infima, et in quam emanationes omnes ex mente Cabbalistarum definunt, et quasi in centro comprehenduntur, cum influxu in Adamum confudit. Intelligi vero obscura sententia non potest sine notitia sephirarum, earumque fontis primogeniti hominis, quem Adam Kadmon vocant, quique summa et prima emanatio ex infinito diuinae lucis oceano est, ex quo tanquam ex radice sua reliqua principia luminosa, saephiraeque scaturiuere, et qui ultimam inter decem luminis sui radios fontesque sephiram habet Malcuth, siue regnum, compendium omnium emanationum, quod ita in hominis actiones influit, ut totus ab eo dependeat, et eo influxu ab vno mundo in alium usque ad primum rerum omnium fontem perducatur, non necessitante tamen emanationis ordine. His suppositis, quibus in sequentibus lucem clariorem accendemus^a, ita de transgressionem Adae et amissione luminis Cabbalistici atque separatione a regno diuino praecipiunt, ut dicant, probe intellexisse Adamum, sephirarum superiorem triada, coronam, intelligentiam et sapientiam latere in primo isto Adamo, siue Messia, et in eo quoque radicari septem emanationes posteriores, adeoque per hanc emanationis seriem, qua lux diuina et infinita in regnum Dei propagetur, in Malcuth, id est regno Dei Messiam esse moderatorem vniuersi, eo quod omnia per eum tanquam principiatum primum (veniam hic et in sequentibus dabit lector beneuolus vocibus barbaris, sine quibus vix intelligi obscuri philosophi possunt) existant, et ex diuinitatis mari effluerint. Id vero noluisse agnoscere faterique, eo quod putaret, praestantiae suae aduersum esse, nec posse se ad imaginem Dei conditum esse, Deumque perfecte referre, nisi etiam independentiae et libertatis gereret imaginem, sicque sperauisse, se, sine mediatore illo, siue emanatione prima, ad Deum fontem fontium redire, foedusque operum inire posse: separauisse itaque se a ceteris plantis arboris sephirothicae, atque regnum DEI ab emanationum istarum serie maximo suo et posteritatis suae malo auulsisse. Sanando itaque et ab errore reuocando Adamo Deum constituisse legem hortensem et subernatum fuisse tentatorem serpentiformem, sicque transgressionem procuratam, ut in arbore pusilla intelligeret, quod crimen in arborem sephirothicam, primogenitum Dei siue Messiam commisisset. Tunc vero demum amisso emanationis lumine intellexisse Adamum, quantae felicitatis iacturam fecerit, sicque vere mortuum fuisse, extincta opinione et arrogantia, qua prius

A a a a a 3 ductus

^z) In selectioribus Cabbalisticis dogmatibus p. m. 19. seqq. ed. Venet. Accuratiora vero dat Cel. WACHTERVS in elucidario Cabbalistico

c. I. § 1. seqq. p. 15. seqq.

^a) Videndum interim Lexicon Cabbalisticum v. קדמון Cabb. denud. T. I. p. 30.

ductus erat, et de quaerenda emanationis via in Messia et se Dei regno adiungendo iterum cogitasse. Quae interpretatio celeberrimi axiomatis Cabbalistici cum systemate emanatio accurata cohaeret, et in philosophia quoque Orientali vestigia sua monstrat, in qua vna emanationum extra pleroma progressa et a diuina plenitudine separata materiaeque se iungens animae malorum omnium occasionem dedit. Nec alia sunt, quae philosophia Alexandrina praecepit, causam lapsus animorum exponens, ut ex illis intelligi potest, quae in delineatione systematis Alexandrini de anima supra dicta sunt. Vnde quantum errent illi, qui nescio quae mysteria Christianorum hic abscondi putant, et quam impura haec omnia sint, quilibet intelligit, fictasque Cabbalisticæ eruditionis in Adamo origines manu quasi palpat. Vnde vero miraculosam Cabbalisticæ sapientiae doctrinam Adamus praeter istum emanationis sephirothicae influxum acceperit, miras porro nobis fabulas et commenta Iudaei referunt, non contenti luminosam emanationum diuinarum notitiam et influxum Adamo tribuere, sed stulta quoque opinione persuasi, ista notitia emanationum diuinarum eiusque seriei et concatenationis pendentisque ab eo influxus mira eum potuisse praestare, quam scientiam Cabbalam practicam magicamque dici infra docebimus. Cui mendacio ut colorem quaerant, tradunt ^b Adamo adhuc in voluptatis horto versanti Angelum Rasiel librum de coelo attulisse, in quo res mirabiles summaeque efficaciae de mundo superiore fuerint comprehensae, eumque septuaginta duabus classibus sexcentisque et septuaginta libris sapientiam coelestem exhibuisse. Hunc librum ubi accepisset Adamus, angelos superiores ad discenda haec mysteria ad eum descendisse, Adamum autem id prohibitum arcana haec solum percepisse. Lapsa vero protoplaste euolasse librum hunc mirificum; post eius preces, lachrymas et poenitentiam tamen restituisse Deum librum per angelum Raphaëlem, et sic ab Adamo ad Sethum et ad posteros fuisse propagatum et ad nostra usque tempora seruatum. Quae omnia esse putidas fabulas nugantium et *περὶ ἐργα* sectantium Iudaeorum non melius intelligi potest, quam ex ipsius libri inspectione, quem diu arcanissimum seruauerunt Iudaei, licet scriptus in quorundam Christianorum manus peruenisset ^c, donec R. ISAAC BEN ABRAHAM currentis seculi initio typis eum vulgaret ^d, parum gratiae apud contribules meritis, qui librum fisco addici flammisque exuri optarunt ^e. Ex eius enim argumento ^f patet, non philosophiam Cabbalisticam in eo tradi, sed Cabbalam practicam siue magicam, exponique nomina angelorum et spirituum variorum, ac doceri, quomodo tam boni quam mali sint

^b) Liber Sohar, par. Bereschith. col. 171. EISENMENGER. l. c. c. 8 p. 376. P. II. c. 13. p. 676. ubi testimonia Cabbalistarum collecta habes.

^c) Habuit eum Daniel Schwenterus, ex cuius narratione eum descripsit Buxtorfius Bibl. Rabbin. p. 184. Eo etiam usus est IAC. GAFFA-

RELLVS ad curiositates suas inauditas. Add. HOTTINGER. Bibl. Orient. p. 33.

^d) Amstelod. 1701. 4.

^e) Teste WOLFIO Bibl. Hebr. P. I. p. 112.

^f) Conf. REIMMANN. Hist. theol. Iud. L. I. c. 15. p. 351.

fint conciliandi, quomodo cum sole et luna loquendum, quomodo morbi procreandi et curandi, ciuitates euertendae, terrae motus excitandi, vires herbarum, geminarum, piscium, auium, quadrupedum, lignorum, florum, pernoscendae; doceri etiam artem vaticinandi et ex astris praedicendi etc. Et has tamen quisquillas impostoribus, quam angelo auctore digniores ad Adamum referre, sicque origines Cabbalisticas cum mundi exordio coaeuas ponere non erubescunt bipedum nequissimi et impudentissimi, veneranda canitie exsurgentis mundi et protoplasiae sapientia ad palliandam abominabilem impietatem suam abutentes: quos fucum facere potuisse REYCHLINO^g merito mireris. Sed audiendi porro patienter sunt nugiuenduli, qui tradunt, conseruatam quidem eruditionem Cabbalisticam arcana traditione inter Adami posteros, multiplicato vero genere humano, et inualecente impietatis imperio negligenter habitam et tantum non prorsus amissam fuisse. Vt igitur tantos sapientiae coelestis thesauros e puluere, quo squalabant, produceret, et obliuioni eriperet, sicque saluti hominum prospiceret, Abrahamum patriarcham omnem lapidem mouisse, diuinaque reuelatione adiutum tandem philosophiam Cabbalisticam restituisse, et vt posteris tantam sapientiam conseruaret integram, mysteria haec in librum retulisse, et scripto consignauisse, hincque exortum librum *Iezirab*^h. De quo cum supra iam dixerimus, moventes Pythagoricam numerorum doctrinam tam aperte in eo ad placita Cabbalistarum transferri, vt manifestum sit, eum confictum fuisse a scio-lo quodam, siue ipso Akibha, siue eo posteriore et iuniore, vt nugas Cabbalisticas, ex Alexandrinis scholis enatas ab Abrahamo descendisse, non sine gloria gentis suae Iudaei crederent, nihil dictis adiicimus. Huius porro patriarchae posteros negligentius habuisse mysteria Cabbalistica conqueruntur, eaque in peregrinatione moraque Aegypti fere fuisse oblitos asserunt, ideo vero Deum praeter legem scriptam, traditiuam quoque et oralem Mosi manifestasse, et ab eo senioribus populi, vt arcanam custodirent hanc philosophiam metaphysicam, fuisse traditamⁱ. Ita plebrosque Iudaeos de traditionibus ritualibus reliquisque commentis legi affutis gloriari, ex supra dictis notum est. Ex quo patet, aut confudisse Iudaeos eorumque sequaces traditionem oralem cum Cabbalistica doctrina, vel, quod magis verisimile, placita peregrina inter se clanculum recepta et legi allegorica interpretatione obtrusa venerabili traditionis nomine texisse, et quae populares sui de traditionibus gloriabantur, ad haec mysteria retulisse, vt et auctoritatem illis apud suos atque venerationem conciliarent, et tantae sapientiae origines ad maiores suos referrent, gentilibusque philosophis eriperent. Quaecunque vero ratio eius rei fuerit, illud certum est, Iudaeos Cabbalistas Mosen inter praecipuos huius sapientiae doctores et antecessores suos numerare, eique potissimum restitutorum myste-

^g) De arte Cabbalift. L. I. p. 622. ed. Pistor. ^h) Conf. FABRIC. Cod. pseudepigraph. V. T. p. 381.
ⁱ) Conf. Io. PICTVS apolog. p. 81. 116.

myfteriorum Cabbalifticorum gloriam tribuere. Quo praepudicio occupati non erubuerunt, libellum quendam Cabbalifticum, cui titulus: *Maian Chochma*, i. e. *fons fapientiae*, qui de nomine tetragrammato eiusque myfteriis agit, ad Mofen referre, mentirique: angelum Michael eum doctori huic Hebraeo tradidiffe, et Mofen reuelaffe eum, vt fapientes redderet pofteros, quamquam tam immemor fuit mendax impoftor commenti fui, vt in ipfo contextu paraphrafim Ionathanis allegaret, quem Iudaei ipfi in aetatem Seruatore IESU paulo superiorem tantum collocant^k. Hac enim ratione impudentiam prodere apud gentem ftolidam et in his rebus et fimilibus ad verifimilitudinem prorufus non attendentem, folenne eft. Et haec quidem tertia ab Adamo Cabbalifticae fapientiae ex mente Iudaeorum periodus eft. Quartam ab Efdra repetunt, cauffati, amiffa arcana fapientia magnis iftis calamitatibus, quas Iudaica gens in captiuitate Babylonica perpeffa eft, Efdram cum vatibus diuinis Haggaeo, et Zacharia, eam non fine peculiari reuelatione diuina reftituiffe, et conftitutam libris fancte cuftodiendam viris fynagogae magnae, oretenusque ad pofteros propagandam commiffiffe. De quo commento, cum *capite huius libri primo* fatis dictum iam fit, nihil addimus. Ita vero reftituta haec myfteria propagata fuiiffe contendunt, at Sadducaeorum et fcripturariorum contentionibus, praecipue vbi fe potentioribus iunxiffent, eorumque partes fecuti fuiiffent, iterum tantum non interitum paffa fuiiffe, fugatis difiectisque omnibus traditionis tum vulgatae fiue ritualis, tum arcanae, fiue Cabbalifticae cultoribus, donec redux ex Aegypto, vbi incolumis illa viguerit, R. Schimeon Ben Schetach eam reftituerit populo gloriam, traditionemque hanc arcanam poftliminio reduxerit. Qua de re tum R. IEHVDAE LEVI^l tum R. MARDUCHAI^m Karaei narrationes fupra adduximus, qui tamen fcopo fuo inferuientes haec de fola traditione rituali intelligunt, quos non audiendos nec Cabbalam philofophicam excludendam effe, et Aegyptiaca, vbi haec viguit, Schimeonis mora, ex quo loco illam attulit, et alia, poftea dicenda, manifeftrum faciuntⁿ. Ab eo tempore, quibus quintam Cabbalifticae philofophiae periodum conftituere ex mente Iudaeorum licet, paffim ifta doctrina, fi hos audis, viguit. Supra enim iam narrauimus, tradere Iudaeos R. Elkanam filium Ierucham, quem ante C. N. vixiffe volunt, in libris *Sepher Happeliah* et *Sepher Hakkaneh*, filiumque eius R. Nahoniam adhuc ftante templo haec myfteria tradidiffe et conferuaffe; euerfo vero templo R. Akibhan et R. Ifmael Ben Elifcha, aliosque doctrinam hanc efotericam in gente fua propagauiffe, Seculo III vero exfurgente R. Schimeonem Ben Iochai et difcipulos librum *Sohar* celeberrimum confcripiffe, ficque aliquod

^k) Historiam libelli quatuor plagulas non excedentis exponunt BYDDÆVS Introd. in phil. Hebraeor. p. 424. WOLFIUS Bibl. Hebr. P. I. p. 874. Prodiit aliquoties, etiam in collectione eiusmodi fcriptorum, cui titulus: *Cedri Libani*.

^l) Cofri P. III. §. 65. p. 238.

^m) De Karaeis c. 6. p. 12.

ⁿ) Recte hoc quoque monuit Ven. REIMANNVS l. c. p. 356.

aliquod Cabbalisticae philosophiae systema reliquisse, et ab eo tempore propagatam arcano studio fuisse traditionem hanc philosophicameo modo, vt capite primo fuisse exposuimus. Et haec quidem Iudaeorum de Cabbalae origine, fatisque historia est, quos tantopere ineptire, et nugas nugis cumulare nemo mirabitur, qui indolem gentis huius recte cognouerit. Ea enim cum ambitione turgeret, et inani opinione vetustissimae de sapientiae possessione gloriae tumeret, illud praeiudicium, vt aliquoties iam monitum, patentibus portis excepit, descendisse omnem per totum terrarum orbem sapientiam ab Adamo, Abrahamo aliisque, quos in maiorum suorum numerum referebant, et hoc demum ex fonte ad gentes, quicquid eruditionis, luminis et sapientiae esset, fuisse propagatum. Quo semel posito, cum Cabbalistica dogmata inter sua recepissent, gloriamque inuentae et productae huius sapientiae gentilibus inuiderent, non potuerunt non ab Adamo, Abrahamo et Mose eam deriuare. Quibus accedebat, quod hac ratione inuisa alias plerisque Iudaeis placita peregrina illis possent iucundiori titulo et venerabiliore nomine commendari. Ex his vero, quid de hac Iudaeorum opinione iudicandum sit, nobis non monentibus quilibet intelligit, qui praeiudicium auctoritatis et antiquitatis exuit, et diuinam reuelationem viris inter Hebraeos sanctis traditam a Cabbalisticis somniis distinguere nouit. Illa enim quae *primo tomo* de philosophia Hebraeorum diximus animo reputanti, simplicemque et ab omni artificio philosophico remotam, quamuis egregiam et saluberrimam patriarcharum eruditionem illuminatione diuina et reuelatione magis, quam ingenii commentis nixam, cum artificio et ex imaginationis luxuriantis exorbitationibus enato Cabbalisticae philosophiae systemate et speculationibus comparanti, erit manifestissimum, non potuisse obscuras gerras et difficiles nugas a viris sanctis proficisci, sed genuisse hanc opinionem fraudem et ambitionem Iudaeorum, quae, vt gentiles philosophos ineptientis animi naeniis superaret, talia commenta est, quae a viris sanctis profecta esse dixit, et vt mendacio fidem faceret, venerandis nominibus foetus alienigenos miro ausu supposuit. Multum autem ad auctoritatem Cabbalae inter Iudaeos conciliandam attulisse censendum est nomen non metaphysicae tantum arcanae, sed etiam traditionibus *πατροπαράδοτοις* tributum; vtrumque enim doctrinae genus Cabbalae nomine designari, supra diximus. Traditionum enim cum summa esset apud Iudaeos veneratio, easque ab antiquissimis maioribus suis, maxime vero a Mose ad se deriuatas esse contenderent, factum est aut casu, aut Cabbalistarum studio, vt philosophia haec *μυσικώτερος* pars esse illius traditionis crederetur, et Iudaei in Aegypto habitantes, quos inuisos habebant Palaestinae incolae, eo quod eorum communionem cum gentilibus auersarentur, nomine isto contribulibus suis merces has suas commendarent atque venderent, quod consilium non sine felici successu fuisse executum

R. Schi-

R. Schimeonem Ben Schetach, ex dictis repetendum est. Certe nisi hac obseruatione utamur, et ea indicis ducisque instar utamur, in historia traditionis Iudaicae nunquam ex labyrintho, quo ea comprehenditur et inuoluitur, emergemus, sed passim offendemus, ut Pico, REVCHELINUS^o aliisque accidit. II. Ad id vero non attendentes viri multi inter Christianos doctissimi, cum miros sibi pro Christiana religione adstruenda thesauros promitterent ex Cabbala depromendos eruendosque, Iudaicis istis commentis seducti sunt, ut diuinas eam origines habuisse, et a viris sanctis ad posteros propagatam inque libris lezirah, Sohar et similibus ab iis traditam fuisse sibi persuaderent. Fuerunt in ea opinione plerique Cabbalisticae philosophiae inter Christianos cultores paulo antiquiores, Io. Picus, Ioannes Reuchlinus, Archangelus Burgonouensis, Paulus Riccius, Stephanus Rittangelius, Athanasius Kircherus, Guilielmus Postellus, Iulius Sperberus, et ex recentioris aetatis philosophis Henricus Morus et Christianus Knorrius, quorum vltimus ut reliquos omnes laboris industria et patientia in perspicendis Cabbalistarum mysteriis et calcanda via, tot scrupis, salebris, voraginibus praecipitiis impedita, tantoque coeno referta, ut plerique ineuitabili territi fastidio, eam deseruerint, superauit; ita illam se philosophiam indagauisse sibi persuasit, quae ipsius etiam Christi et Apostolorum tempore vigerit, et e cuius scaturigine, quicquid fere est sacrorum oraculorum, fluxisse videatur^o. Seductos fuisse viros hos cetera eruditissimos, nec mala in eo animi intentione scopoque ductos praeiudicio illo, quod a Iudaeis ad veteris ecclesiae doctores plerosque transit: eruditionem et sapientiam omnem ab Hebraeis ad gentes reliquas peruenisse; itemque a persuasionem, ea quae in Cabbalisticis dogmatibus Christianis mysteriis traduntur affinia, e. c. de trinitate sephirarum, de Messia primogenito conditore et moderatore regni diuini, de reditu animae lapsae eo mediatore ad Deum, et similibus, eadem nobis prorsus exhibere, dubium non est: at ex hac origine et natalibus huius falsitas facile detegi potest. Ineptum enim esse praeiudicium primum, eum latere non potest, qui origines philosophiae, *Tomo primo* latissime enarratas probe ponderauerit; ostendimus enim iam supra, ambitionem Iudaeorum illud totum genuisse, Philonem autem, Iosephum aliosque, qui praeter domesticam eruditionem Graecae literaturae se addixerunt, in eo propagando diligentiam adhibuisse summam, ut gentis suae gloriae velificarent: his vero ducibus seductos veteris ecclesiae antistites eo magis incautos in haec retia lapsos esse, quo magis e re Christianae ciuitatis esse crederent, veritates inter gentes sparsas, vel tales potius tantum visas ab Hebraeis ad eas peruenisse, et iure postliminii Christianis Hebraeorum successoribus vindicari posse. Ortum vero sine dubio perniciosus error, qui multos alios postea genuit, habuit ex Aegypto, quo loco

^o) De arte Cabbalist. L. I. p. m. 629. ^o) Conf. LAVR. ODHELIVS in synagoga bifronte p. 38.

loco gentilia placita inter Iudæos irrepſiſſe, et ex more regionis illius ſyncrетиſtico habitu ſe illis commendauiffe, ſupra *capite huius libri primo* non ſine magna veriſimilitudine demonſtrauimus. Cum enim ambitioſa natio moribus Graecorum, qui Aegypto potiti erant, et incolarum regionis illius, qui mirum ſibi patriarum, Graecarum et Orientalium doctrinarum Chaos formauerant, manus dediffet, nec ſine inuidia hanc illis gloriam tribuere potuit, quod ab illis ea accepiſſet, nec ſine periculo concedere debuit, eo quod non ignoraret, legem Moſen a Deo immediata reuelatione accepiſſe. Non alia itaque via erat elabendi, quam vt ad ipſum Moſen, et eo antiquiores maiores ſuos noua, quae receperant, commenta referrent; et cum immane quantum vtraque praecepta inter ſe diſtare vidiffent, allegoriarum methodo, per totam Aegyptum recepta inter ſe conciliare auderent, ſicque peregrina dogmata a Moſe et maioribus ſuis orta eſſe, ſtatuèrent. Ita enim ſe rem habere, ex illis euinci poteſt, quae ſupra de fatiſ eruditionis Iudaicae in Aegypto veterum teſtimoniis nixi narrauimus. Nec haec ab indole gentiſ ſuperbae aliasque deſpicientiſ et faſtidientiſ aliena ſunt, eoque magiſ ſe commendare illi potuerunt, quo magiſ reſ eorum et exiſtimationem inter Aegypti incolas iuuare apta erant. Haec nationiſ ſuae praeiudicia cum ſequerentur Iudaei Graece doctiſſimi Iosephus et Philo, illique a patribus eccleſiae legerentur, qui Graecanicam ſapientiam, praecipue Platoniam magni faciebant, non potuit non ad Chriſtianos quoque ineptum praeiudiciuſ prorepere, idque eo magiſ, quo certius ita gentileſ philoſophoſ *confundi poſſe ſperabant, ſi haec ſpolia Aegypti ſibi vindicaſſent, et quae ab iis ſaniora docerentur, ab Hebraeiſ ad eoſ perueniſſe oſtenderent. Id quod apolo-giaſ veterum doctorum Chriſtianorum legenti erit certiſſimum, ſuoque loco *Tomo tertio* a nobiſ prolixe demonſtrabitur. Horum veſtigia cum recentiori aetate premerent viri multi erudiſſimi, nimio PP. amore et veneratione ducti, eadem in deuia delapſi ſunt, et diuina putauerunt Cabbaliſtarum dogmata, eo quod diuiniſ originis illa eſſe Iudaei traderent. At falli eoſ, falſitas alteriſ, quod deteximus, praeiudiciuſ euincit; nam ſi dogmata Cabbaliſtica in toto ſuo complexu et connexione ſyſtematica intelligantur ſumanturque, quo habitu ea infra producemus, apparebit, fallique eoſ, qui a Iudaeiſ vel Hebraeiſ potiſ haec profecta eſſe ſtatuunt. Quod vt ex delineatione ſyſtematiſ Cabbaliſtici luculenter patebit, ſic vt ſuperfedere hoc loco eiſ demonſtratione queamus, ita alteriſ praeiudiciſ fonteſ facile exſtinguuntur et demonſtrari poteſt, gentileſ philoſophoſ nihil ab Hebraeiſ accepiſſe, quod in ſua arua deriuafſent, modo ad veram quaetiſtionis ſignificationem attendatur, dimittaturque antiquitatiſ et auctoriſtatiſ, quod pleroſque occupauit, praeiudiciuſ. III. Adeo

B b b b b 2

haec

p) Eſſe plurimoſ, qui veritatem Chriſtianae religioniſ demonſtrandam ſuſceperunt, qui

comparatiſ gentiliuſ et Iudaeorum doctriſniſ harmoniam inter vtraſque eſſe oſtendere conari ſunt,

haec clara atque manifesta sunt, vt hodie pauci inueniantur, qui has partes in totum sequantur. Cum vero talia quoque inter Cabbalistica dogmata inueniantur, quae cum doctrina in sacris oraculis V. et N. T. com-

sint, Steuchi Eugubini, Mutii Pansae, Guil. Postelli, Petr. Dan. Huetii, Edmundi Dickinsoni, Theophili Galei, aliorumque exempla, a τῶν πέντε FABRICIO in syllabo scriptorum de V. R. C. enarrata ostendunt, et notissimum inter eruditos est. Ast falli eos in plerisque, non tantum dogmatum, si interior eorum nexus et sensus respiciatur, dissensus testatur, vt a multis, et a nobis quoque contra auctorem Historiae philosophiae gentilis in Otio Vindelic. Mel. II. est demonstratum, verum etiam ipsius opinionis falsitas, quae acceperit gentiles multa ab Hebraeis statuit, euincit. Recte vero ad euoluendam quaestionem de eius sensu statuerendum est. Non enim de eo quaeritur, an non ab antiquissimis Hebraeorum patriarchis quaedam traditiones vniuersales per migrationes et colonias gentium ad has peruenerint: nec de illo quaeritur, vtrum inter religionem veterum Israëlitarum et barbararum Graecarumque nationum quaedam ostendi vel exculpi queat similitudo? vtrumque enim lubentes concedimus, laudamusque virorum doctissimorum eruditonem et studium, quod valde se ingeniosum in his demonstrandis praestitit. At haec quaestio non dirimunt, quae in eo proprie versatur: vtrum veteres Hebraei, et qui ab iis prodierunt, Israëlites, ita cum gentibus barbaris et Graecis consueuerint, et conuersati fuerint, vt ab illis ad has religio, placita, ritus et ceremoniae non potuerint non fluere, et dimanasse ex circumstantiis historicis sit verissimum? Qua ratione si quaestio formeretur, neminem eam affirmaturum esse, certo persuasi sumus, qui praepiudicii exutis ad rationes historicas paulo liberius attenderit. Has enim si consulimus, nullo argumento satis valido ea connexio inter gentes barbaras Graecasque et Hebraeam atque Israeliticam demonstrari potest. Quamuis enim inter eos habitasse veteres Hebraeos et Israelitas negari nequeat, scimus tamen, tantopere vtriusque mores a se inuicem abhorruisse, vt nullo modo credi queat, gentes vnius alteriusue Hebraei viri mores, placita, religionem, ab iis, quae a patribus acceperant diuersissima, in gratiam peregrini hominis recepisse, et domesticis patriisque opinionibus nuntium misisse. Valde vero se infirmitas huius opinionis ex eo prodit, quod philosophiam aliquam Hebraeorum veterum supponit, qua negata, totum illius fundamentum corrui. At ficulneis eam niti rationibus, tam luculenter in historia Hebraeorum philosophica demonstrauius, vt ea repetere loco hoc alieno superfluum putemus. Valde vero manifestant huius praepiudicii hyperaspis, se ad temporum rationes non satis attendisse; eo quod non cogitant, Theut, Osirum, Hermetem Trismegistum, Zoroastrem Chal-

daeum, hisque similes, quos sua ab Hebraeis acceperit volunt, esse Moyses, immo Abrahami temporibus antiquiores, adeoque ea, quae introduxerunt, dogmata accipere ab illis non potuisse. Quod si concedamus, fuisse ex Hebraeis quosdam his philosophiae barbaricae conditoribus coaeuos, demonstrandum tamen prius huius opinionis patronis est, qua ratione viri hi sancti populis superstitioni deditissimis, et sine iudicio paternos mores et statuta sequentibus contraria persuadere, eoque perducere sacerdotes quoque potuerint, vt inter dogmata sua arcana, quae emolumentum suo prorsus erant dicata, illas quoque virorum sanctorum doctrinas reciperent, quae superstitionem prorsus euerdebant. Quod qui probare suscipit, eum vetustissimarum gentium arcanas res, causas, fines perspicere, et ex certis monumentis haurire oportet, quod quam impossibile sit, veteris historiae peritos haut lateat. Vehementer autem miramur, eo potuisse delabi viros doctos, vt ab Israelitis plusscula hausisse Aegyptios, et inter dogmata sua recepisse statuerent. Sacra enim historia duce nouimus, valde abhorruisse ab Israëlitis posteris Aegyptios, eosque tanquam seruos alienigenas vehementer contempsisse, habitasse illos ea propter in regione separata, et ita instituisse rationes suas, vt nulla cum Aegyptiis connexione familiari vterentur. An ab his Aegyptios in mysteriorum suorum circulos recepisse quicquam, vel leui vmbra est verisimile? At si hoc quoque concedamus, tantopere Aegyptiorum et aliarum gentium barbararum religio Israeliticae est dissimilis, vt contrarium statuendi rationem aliam vix afferre necesse sit. Pleraeque enim gentes aut systema dualisticum sequebantur, et duo principia aequalia bonum et malum afferebant, aut vbi rationibus philosophicis religio plebis emendata erat, systema emanatum recipiebant, et Deum animae instar vel formalis vel emanantis per omnes mundi partes se diffundere statuebant, huiusque fundamento idololatram fere omnem inaedificabant: ex quo etiam verus sensus placitorum eorum iudicandus est. An vero has religiones istis principiis innixas ab Hebraeis fluxisse vel recepisse ab iis saniora vel medicoriter attento credibile esse potest? Fatemur esse quaedam inter has gentes, quae affinia Hebraeorum dogmatibus videntur, at aut exiguae vmbrae sunt eaeque valde corruptae traditionis alienius a primis hominibus disseminatae, aut distamina rationis, aut externis tantum verbis similitudinem effingunt, interna significatione vero longe aliud dicunt. Quibus omnibus inter se collatis recte pronuntiari potest, minime demonstrari vel verisimili etiam ratione euinci posse, sapientiam inter gentes dispersam ex Hebraeorum fonti-

comprehensa conuenire viris eruditis visa sunt, licet fateantur, impura, erronea, quin impia multa passim inter ea reperiri, admixtaque esse purae fegeti lolia plurima; hinc enata aliis distinctio inter Cabbalam antiquam et puram et inter Cabbalam recentiore atque impuram, itemque inter dogmata sana et reuelationi conformia, atque inepta, peregrina et ex falsa philosophia immixta. Qua adhibita visum est, viris quibusdam eruditissimis, continuasse ab vltima Hebraeae gentis origine Cabbalam doctrinas sublimiores de Deo eiusque attributis, persona, Messiae regno et similibus, eamque doctrinam methodo arcana atque esoterica inter Israëlitae fuisse traditione propagatam; Iudaeos autem, ex quo gentilium populorum conuersatione vsi fuerint, ex deamata philosophia eorum multa aliena, impura et Mosis discipulos non decentia immiscuisse, ex quibus aurum veteris traditionis, tanquam e scoriis sit eligendum. Haec mens est STEPHANI RITTANGELII ⁷, IO. BENEDICTI CARPZOVII ⁷, SALOMONIS GLASSII ⁵, maxime vero, qui pro hac opinione operose eruditeque decertauit IOANNIS FRANCISCI BVDDEI ⁵, qui huic quoque fundamento quasdam locorum in oraculis sacris explicationes inaedificauit, et cum erroris ob eam assertionem postularetur, distinctis aliquot positionibus hanc opinionem illustrauit ⁷. Potiora huc redeunt, vt ostendat; Habuisse Iudaeos veteres notitiam rerum diuinarum humanarumque, quam a maioribus traditione orali acceptam et ad posteros propagatam Cabbalam appellauerint, quaeque nobis philosophia audiat. Fuisse vero hanc philosophiam Iudaicam iam tempore Christi valde corruptam, licet comprehenderit passim vestigia veritatis diuinae, quae ex sola verbi diuini regula iudicanda perquirendaque sint. Esse porro possibile, scriptores sacros noui foederis in scriptis suis ad certas hypotheses philosophiae Iudaicae respexisse, eiusque

Bbb bbb 3 phra-

fontibus deriuatam fuisse. Quod praeeudicium recte reiecerunt exploferuntque viri cordati, vid. BURNETIVS Archaeol. philos. c. 7. p. 362. WACHTER. Spinozisin. Iudaic. P. II. p. 221. seqq. Nec meliora esse, quae de Pythagorae Platonisque placitis ab Hebraeis acceptis passim traduntur, suo loco Tomo primo luculenter confecimus. His vero demonstratis corrui omnis, quae pro Cabbalae origine Hebraeae affertur argumentatio, quae hoc solo praeeudicio nititur, eoque magis incautus se commendat, quod magna est inter philosophiam Orientalem, Graecanicam et Aegyptiacam atque inter Cabbalisticam conuenientia atque concordia, visumque ideo REUCHLINO de arte Cabb. L. II. p. 642. Pythagoram a Iudaeis edoctum similia Cabbalistarum doctrinae praeecepisse, et IACONO WINDETTO de vita sancti. statu s. V. pag. m. 94. Pythagoram ab Essenis institutum fuisse, quos Pythagorae aetate nondum existisse constat. Verum cum haec ita se habeant, nec Aegyptii a Iudaeis sua accepisse dici queant, inter Alexandrinam vero et Cabbalisticam dogmata magna sit

conuenientia, sequitur inde Iudaeos ab iis, inter quos habitabant, hanc philosophiam accepisse. Quod enim CL. WACHTERVS monet, in Elucid. Cabbal. c. III. §. 6. p. 30. differentiam inter scholam Aegyptiacam et Hebraicam hanc esse, quod philosophi Aegyptii philosophiam ordiantur a re vilissima materia, menti, Deo coaeva, Hebraei vero negent, quicquam vile a se existere posse, quodque illi creationem per formationem materiae a mente superueniente et opifice factam, hi vero per emanationem a Deo luce infinita explicant; ad veterem tantum philosophiam Aegypti, non vero ad Alexandrinam, ex qua Cabbala formata est, quaeque emanationis systema recepit, pertinet.

9) Ad librum Iezirah p. 27.

7) Introd. in theol. Iud. c. 6. p. 30.

5) Philolog. S. L. II. Tr. II. f. 3. art. 7. conf. WOLF. I. c. P. II. p. 1197.

7) Introd. in hist. phil. Hebr. §. 43. p. 592. seqq.

*) Diss. de moderam. inculp. tutelae §. 10. p. 510. libri cit.

phraseologiam in quibusdam, quae puriori doctrinae non aduerfarentur, adhibuisse in vsus suos. Euenisse tamen ex admixtis tot paleis et innumeris nugis tricisque humani ingenii, vt in veteri ecclesia philosophia haec Iudaica mater euaderet plurimarum haeresium, maxime Gnosticae et Valentinianae. Ab eo tempore praeter eruditionem Talmudicam Cabbalisticam quoque inter Iudaeos viguisse, et ne oralis traditio periret, scriptis fuisse consignatam, semper vero magis atque magis inuentis humani ingenii auctam adulteratamque et infinitis tenebris plus quam Cimmeriis inuolutam obscuratamque. Licere vero dogmata quaedam, quae saniolem sensum admittunt, modo qui legibus interpretationis non repugnet, tolerabiliiori quoque explicare significatione, et ita vestigiis veteris traditionis detectis, veritates euangelicas inde probare. Quod postremum inter exoptatissimos Cabbalae vsus quoque retulit K N O R R I V S *, et de applicatione dogmatum Cabbalisticorum ad scripta N. T. differuit; qui et ipse orationem dominicam ex sephirotica doctrina illustrari posse contendit, in quo sequentem habuit B. B U D D E V M †, quem cum Cel. W E R E N S D O R F I V S ‡ eo nomine notauisset, peculiari scripto defendit, I O. I A C O B V S S Y R B I V S § *יון בן יעקב*. Verum ne sic quoque Cabbalam quandam puram atque orthodoxam admitti posse, viris aliis eruditis visum est: qui concessere quidem, dari Cabbalam quandam V. T. at contenderunt intelligendam esse tantum interpretationem sensus mystici et typici V. T. doctrinamque in ipsa sacra scriptura comprehensam, adeoque sacrorum dogmatum illustrationem ex alia doctrina Iudaeorum Cabbalistica peti non posse. Quo nomine reiecerunt quoque explicationem orationis dominicae sephirothicam W E R E N S D O R F I V S †, O L E A R I V S ‡, S C H M I D I V S § magni nominis et eruditionis theologi. Nobis de hac Cabbala exegetica, quae hoc nomine perspicuitatis causa a philosophica distingui potest, disputare non licet, cum ad praesens institutum non pertineat; monemus tamen, non dubitandum quidem esse, multa veterum Cabbalistarum placitis fuisse adiecta sequiorum temporum *ἐκρηματά*, multa aucta et immutata, difficile vero, si non plane impossibile esse, de iis statuere et impura a puris, genuina ab adulterinis distinguere, cum omnes libri Cabbalistici, quotquot superfunt, ita corrupti sint, si hanc distinctionem sequi velimus, nec liceat e. g. in libro Solhar ea separare, quae recentiores addiderint ab illis, quae vetustissima traditio suggererit, nisi supponere velimus, nihil pro puro habendum esse, quod non cum Christianis mysteriis concordet, quam argumentandi rationem vitiosam esse et laborare circulo, quilibet videt. Nec diffitemur, non videri

* Praef. ad R. I R I A E portam coelorum. P. I. Cabb. denud.

† Obs. Hal. Lat. T. I. obs. I.

‡ Diss. de Osiandrisimo in Pietismo renato, et in Demonstratione solida, Buddeum suspicionem de Cabbala non sustulisse, quae vernaculo sermone prodiit Viteb. 1709. 8.

§ In refutatione accusationum iniustarum contra Buddeum, quae edita lingua Germanica Ienae 1709. 8.

b) In Vindiciis orat. dominicae.

c) Obs. in Matth. XXIV. p. 218. seqq.

d) In Orat. dominicae historice et dogmatice proposita.

videri probabile, eiusmodi dogmata, quae ad fundamentum fidei salutis-
que pertinent, in V. T. tot inuolucris fuisse operta et plerorumque oculis
sublata et abscondita, vt non nisi intimae admissionis discipulis fuerint re-
uelata: id quod tamen admittere necesse habent, qui puriora N. T. my-
steria in vetustissima Cabbala tradita esse suspicantur, eo quod in confesso
sit, totam disciplinam Cabbalisticam semper fuisse arcanam et esotericam.
Quod vero, nostro iudicio, huic opinioni omnem prorsus fidem detrahit,
in eo potissimum versatur: nempe dogmatum illorum, quae pro purioris
Cabbalae λεψόνοισ venditantur, et quae conspirare cum sacra diuinarum
paginarum traditione videntur, ea est conditio, vt longe aliud dicant,
quam sacra Christianorum mysteria, et tantam puritatem doctrinae non
habeant, quantam viri docti contendunt, si, quod omnino notandum,
ea illis significatio, ea mens tribuatur, quam totum systema Cabbalisticum
et principiorum atque conclusionum inter se nexus postulat, sine qua
cautione nunquam de vero sensu Cabbalisticorum dogmatum erimus certi.
Posset hoc exemplis luculentissimis illustrari ostendique, Cabbalistarum
Messiam, primogenitum et creatorem rerum a Christianorum Seruatore
Christo vnigenito patris immenso discrimine differre, illumque ex mente
Cabbalistarum hoc longe esse inferiorem, Deoque ipso posteriorem, tri-
nitatem sephirothicam a Trinitate Christianorum toto coelo distare, et
principiorum triada, summo primoque Deo inferiorum exhibere, et quae
alia sunt huius commatis, quorum in sequentibus mentio adhuc est facienda.
His merito addimus perire omnem illam iactatam puritatem Cabbalae ali-
cuius vetustioris, si comparatio instituatur inter ea dogmata, quae purioris
traditionis reliquiae viris doctis videntur, et inter placita philosophiae
Orientalis et Alexandrinae: ex ea enim quod certi fumus, tantopere
vtrorumque elucescet consensus, vt desinat quilibet eorum puritatem de-
praedicare. Parum itaque et hisce originibus Cabbalisticae philosophiae
tribuendum est. IV. Cautius incendentes alii, non negant, obtinuisse
in V. T. praeter legem scriptam sacrasque paginas explicationem quandam
oralem pleniorum et luculentiorum mysteriorum et oeconomiarum diui-
narum, qua diuersa ratio ordoque, quem diuina gratia in distribuendis
mediis gratiae secundum certas oeconomias seruauit, quique in lege cere-
moniali et vaticiniis virorum Θεοπνεύτων paulo obscurius et aliquantulum
aenigmatice propositus est, explicatus clarius, sensus ceremoniarum legis
propter gentes ex methodo arcana absconditus fidelibus expositus, et ad
Messiae regnum applicatus, sicque mysteria maxima regni Dei inter Iu-
daeos orali traditione, cum reuelatione scripta, cuius explicationem et
illustrationem illa exhibuerit, propagata fuerint. Quam sententiam praeter
PETRVM CVNAEVM^e aliosque multos^f suam fecit felicissimus scri-
pturae interpres CAMPEGIVS VITRINGA^{ff}, et ex Britannorum
gente

e) De republ. Hebr. L. VIII. c. 8. qui ta-
men magis in allegorica explicatione dogmatum
hanc Cabbalam constituisse putat, et prophetis

tantum propriam fuisse dicit.

f) Vid. quos laudat WOLFIVS l. c. p. 1198.

ff) Obf. SS. L. I. p. 133. ed. Ien.

gente V. C. PETRVS ALLIXIVS ^a, quorum ille hanc Cabbalam clauem illam cognitionis esse contendit, quam Phariseis plebi eam inuidentibus Christus apud D. LV CAM ^b tribuit. Rationes, ad quas prouocant viri eruditissimi hae potissimum sunt: Nihil ob stare, quo minus existimemus, semper fuisse in gente Iudaea viros sanctos diuinorumque mysteriorum callentissimos, qui typos et ceremonias et vaticinia prophetarum aenigmatibus quasi inuoluta, in vsum simpliciorum explicarent, eruerentque, et sic clariorem mysteriorum regni Dei sensum aperirent, cum hac quoque ratione in ecclesia Christiana mysteriorum diuinorum explicatio obtineat. Cognosci id ex vatum diuinorum prophetiis, quorum posteriores prioribus in doctrina de oeconomia gratiae in nouo foedere lucem clariorem accenderint: nec credibile esse, doctores Iudaicos hac explicandi legis et vaticiniorum sensum studium laboremque post vates diuinos abieciisse, et non illustrationibus, applicationibus, collationibus lucem obscuris accendere tentauisse. Id eo magis nobis persuaderi debere, quod Iudaei sine hoc labore et explicatione sensum ceremoniarum et vaticiniorum futuram regni Messiae oeconomiam sub imaginibus V. T. symbolica ratione adumbrantium intelligere et ad Messiam reparandamque per eum salutem applicare nunquam potuissent. Nec abhorre id a totius Orientis moribus, vt doctrinae arcaniores et sublimiores, earumque explicationes luculentiores non scripto, sed ore traderentur, a qua consuetudine Iudaeos quoque non alienos fuisse, vel ipsum Talmud demonstrare, in quo non pauca in veteri ecclesia Iudaica recepta legantur, quae in sacras literas relata non sint. Quin in argumentationibus a Christo et apostolis contra Iudaeos prolatis, quibus ad typos obscuriores et vaticiniorum sensus magis latentes passim prouocant, et eorum significationem luculentiorum recludunt, aperte deprehendi, eiusmodi explicationi orali de mysteriorum regni DEI locum fuisse; si enim non obtinuisset, eas vel tanta fiducia Iudaeis non obiecturos vel vsum aliquem largiorem speraturos fuisse: at sic ex concessis eos disputare et afferre cognita principia licet scriptis non comprehensa: ideoque Phariseos et Scribas non ausos fuisse aduersus quasdam locorum V. T. interpretationes a Christo eiusque discipulis allatas insurgere. Conuenire quoque sapientiae diuinae hanc traditionem siue Cabbalam doctrinalem, cui placuerit gradatim mysteria regni sui pandere; eam enim ante Mosen et patria narratione et reuelatione *ἀμύκτος* facta patriarchis mysteria haec reuelauisse, sub Mose ceremoniis legis inuoluuisse, hisque clauem addidisse explicationem clariorem oralem; in vltimis vero N. T. diebus clare omnia et plenarie in scriptis Apostolorum fuisse reuelata, sic vt traditione eiusmodi orali opus non sit. Non disputabimus hoc loco, vtrum verisimiliter fatis ista tradantur, et eiusmodi Cabbala oralis inter Iudaeos vigerit nec ne? alium enim locum haec requirunt, et heic quidem facile concedi possunt omnia; parum tamen ad

g) In iudicio eccles. Iud. contra Vnitarios c. II. seqq.

b) c. XI. 52.

ad praesentem quaestionem faciunt; concedunt enim viri laudati, Cabbalam Iudaeorum philosophicam, qualis ex libris Cabbalisticis nobis innotuit, et in vetustissimis libris Cabbalisticis; *Iezirah*, *Bahir*, *Sohar* continetur, ab ista traditione orali longe differre, quamvis suspicentur, quasdam pristinae veritatis scintillas sub his cineribus latere, at et paucas eas esse, et difficulter detegendas, candide recteque fatentur, probeque perspiciunt reliqua esse gentilium somniorum farraginem, totque dumetis et vepretis hunc hortum plane deformatum esse, ut pauca, quae hinc inde latent, lilia detegere nemo facile queat, praecipue quod ea, quae saniora videri possint, ex absurdo et detestabili syncretismo, cum principiis dogmatibusque gentilibus, quem passa sunt, sensum longe alium et deteriorem acceperint, et mutare vultus orthodoxos in deformem philosophiae fanaticae faciem coacta sint. Non errare itaque eos, qui Cabbalae philosophicae origines in gentilibus scholis quaerant, et natales adolescentiamque in iis temporibus inuestigent, quibus simplicitatem Mosaicae sapientiae legisque patriae fastidientes Iudaei, gentilis *μωρολογίας* desiderio capti sint, coeperintque impuras gentilium philosophorum lacunas in limpidos Israëlis fontes deriuare, et noua inde sibi eruditionis vel philosophiae flumina deriuare. Quae ut plerorumque hodie virorum doctorum sententiam exprimunt, ita recte dici prouideque, ex dicendis constabit. V. Et si autem in eo consentiunt, gentili philosophiae, tanquam parenti hunc pullum deberi, de vero tamen fonte ex quo deriuanda sit philosophia Cabbalistica valde inter se dissentiunt. Quidam, et inter eos praecipue eruditissimus WACHTERVS^k barbaricam philosophiam pro fonte Cabbalae habent; contendit enim vir laudatus, esse Cabbalam opus Rabbinarum recentium post dispersionem inter gentes ex veteri philosophia barbarica compilatum, et centonis instar congestum, id quod peculiari libro: *de natura, indole, antiquitate et origine Cabbalae*, demonstraturum se promisit, quem adhuc expectamus. Alio tamen loco^l, Cabbalam ex Pythagoricorum atque Platoniorum et Orphei quoque dogmatibus deriuat: unde coniciamus, virum praestantissimum philosophiae barbaricae nomine intelligere philosophiam Alexandrinam, quae nomen Chaldaicae, Hermeticae, Orphicae sibi vindicauit, et dogmata pluscula ex orientali philosophia accepta suo, quod a Pythagora et Platone accepit, systemati attemperauit. Eandem quoque sententiam sequuntur B. I. O. IACOBVS SYRBIVSⁿ et Cel. REIMMANNVS^m. Esse hanc opinionem verisimillimam ex dicendis abunde constabit: at incommode haec philosophia barbarica vetus dicitur, et Orphica, a qua multis modis recessit, nec alio sensu ita vocari potest, nisi quatenus philosophia Alexandrina ex Orientali

i) Conf. quos laudat WOLFIUS l. c.

k) Spinozism. in Iudaismo P. II. p. 220.

l) pag. 69.

n) Instit. phil. primae P. II. c. 2. p. 379. seqq.

m) Intr. in hist. theol. Iud. L. I. c. 15. p. 341.

tali et Aegyptiaca veteri multa accepit, et hoc nomine Chaldaicam, Zoroastream, Hermeticam sapientiam crepuit. Vetusissimae enim illae gentes, ut suo loco demonstratum, et ab ipso celeberrimo viro notatumⁿ⁾, systema dualisticum sequebantur, et materiam Deo adiungebant coaeuam, Cabbalistae relicta hac absurditate cuncta emanationis lege, etiam materia non excepta, ex Deo deriuabant; edocti ita ab iis, qui Zoroastris emendationem veteris systematis Magici miris commentis adulterauerant, et cum placitis Pythagorico-Platonicis, euerso genuino eorum sensu, coniunxerant. Paulo aliter RICHARDVS SIMONIUS^{o)}, qui Chaldaeos somniorum istorum auctores esse pronuntiat, ea potissimum ratione ductus, quod Pythagoras atque Plato ex iisdem fontibus hauserint, eorum vero scripta valde hac in parte cum Cabbalistis conueniant, figmentorum allegoricorum plena, et ingeniosis de numeris et literis alphabeti subtilitatibus referta. Eadem alio loco^{p)} repetit, et exegesis Cabbalisticam a Platonis et Pythagoreis deriuat. Fallitur autem Simonius, falsa persuasione seductus, Pythagoram sua ex Chaldaicis accepisse, et libris supposititiis fidem incaute adhibens, quibus recentiorum Platoniorum nugae Chaldaicis originibus tribuuntur. Addi his merito potest, nimis antiquam facere hanc opinionem philosophiam Cabbalisticam, nec videri verisimile, in captiuitate Babylonica, viuientibus adhuc et populum doctrina regentibus prophetis immediate a Deo inspiratis, eum ad gentilia ista placita deflexisse, praecipue cum eo nomine a vatibus diuinis non reprehensi legantur, odium quoque et auersatio Iudaeorum erga gentes peregrinas summa fuerit: nec credi etiam queat, Chaldaeos Perlasque arcana sua dogmata tantopere custodita Iudaeis, inuiso hominum generi, tradidisse. Quibus si addatur: Chaldaica dogmata, qualia suo loco delineauimus, esse systemati emanatiuo contraria, quod tamen sequitur Cabbala philosophica, parum praesidii in ista opinione esse facile intelligi potest. Iuniorem itaque alii Cabbalae originem faciunt, et ab iis temporibus deriuant, quibus in Aegypto, deserta Mosaicae doctrinae simplicitate, gens Iudaea coeperit fitire lacunas eruditionis Graecanicae, et moribus victorum et imperantium se accommodans, patriam disciplinam illius regionis doctrinae, in qua habitauit, attemperauerit. Idque in Aegypto maxime factum esse contendunt, qua in regione methodum allegoricam hieroglyphicam et arcanam occasionem dare potuisse suspicantur. Qua in sententia mire se confirmatos sentiunt, quod inter Cabbalam Iudaeorum philosophicam et philosophiam Platoniam atque Pythagoricam, qualis Ptolomaeorum sub imperio in Aegypto caput extulit, magnam videant conuenientiam, nec ipsi Moro, Knorrioque^{q)} aliisque negatam, qui pro diuina Cabbalae origine certant, eo quod Pythagoram et Platonem sua ab Hebraeis accepisse, et proprii ingenii commentis demum corrupisse sibi, licet falso, persuadeant.

n) Elucidar. Cabbalist. c. III. §. 6. p. 30.

p) L. III. c. 6. p. 17.

o) Hist. crit. V. T. L. I. c. 7. p. 44.

q) Vid. Cabbal. denud. T. I. P. II. p. 78. seq. p. 182. seq.

deant. Aegyptiacae itaque philosophiae prolem Cabbalisticam esse statuunt. Quam opinionem eleganter ornauit vir celeberrimus, VALENTINVS ERNESTVS LOESCHERVS*, qui vbi de Iudaeis Hellenistis dixisset, haec addit: *Inter hos Aegyptii excellebant, dispersorum sane principes: hi, eorumque imitatione ducti reliqui, adamare coeperunt Graecam philosophiam maxime Pythagoricam et Platonice ad eiusque genium theologiam suam et SS. literarum interpretationem applicarunt, vt relicta simplici et puriori doctrina, noua inauditaque mysteria, quae Platonem sapiebant, in iisdem quaerere, et sicubi id non feliciter satis cederet, tradita maiorum suorum vel augebant vel inuertebant, vel male applicabant: quae vera est origo Cabbalae, quam realem vocant, traditionem a Mose vsque acceptam mentientes. Sane Aegyptiis Iudaeis eius natales debentur, a quibus partim ad Palaestinae incolas, partim ad primos Christianorum haereticos peruenit. Maximam partem vere haec dici et verisimiliter ex dicendis constabit. Eandem sententiam secuti sunt IO. MICHAEL LANGIVS,† IACOBVS BASNAGIVS‡, quin ipse quoque CAMPEGIVS VITRINGA§: quibus addi possunt omnes, qui concordiam philosophiae Platonico-Pythagoricae cum Cabbalistica confessi sunt. Tandem illustris MOSHEMIVS¶, rectissime obseruans: *Ex ipsis nonni foederis tabulis apparere, arcanam Iudaeorum scientiam, quam Cabbalam nominant, omnesque eius partes iam tum in hoc populo valde fuisse adamas, neque rudes fuisse dogmatum Graecorum, verum a temporibus Alexandri M. multa ex iis adsciuisse, immo in ipsam religionem transtulisse; ex Chaldaeorum quoque, inter quos diu vixerint, ex Aegyptiorum, Syrorum aliorumque finitimorum populorum institutis et opinionibus haud pauca fuisse ad eos deriuata, quae maiores eorum nesciuerint; addit his: Hebraeorum disciplinam, quam Cabbalam vocant, valde affinem esse disciplinae Orientali, circa initia ciuitatis Christianae emergenti, aut potius hanc ipsam disciplinam esse ad religionis Iudaicae indolem accommodatam, et veritatis parte quadam temperatam. Viderique sibi Iudaeos ex Chaldaea et Babylone redeuntes hanc philosophandi formam vna cum aliis Orientalium populorum fabulis secum asportasse, atque ita sensim instruxisse, et limasse, ne nimis a lege Moysi abhorrere videretur. Quae prorsus egregia et proxime vero dici ex sequentibus patebit, quamuis fatendum sit, non videri verisimile, Iudaeos ex Chaldaea et Babylonica captiuitate hanc philosophiam attulisse, cum nec in sacrorum, qui tum et post reditum vivebant, vatum scriptis vestigium vllum appareat, viros hos diuinos nascenti malo se opposuisse, et impuritatem hanc gentilem in puriora dogmata illatam, conspurcatamque ecclesiae DEI faciem reprehendisse, quod**

Ccc ccc. 2

non

*) Comm. de causis linguae Hebraeae p. 74.
 §) Diff. de charactere primaeuo biblicorum
 Hebraicorum p. 66.

¶) Hist. Iud. L. III. c. 19.

§) De Synagoga veteri L. III. P. I. cap. 5
 pag. 675.

†) Hist. Christ. inst. mai. Sec. II. c. I. §. 13.
 pag. 148.

non omiffuri fuiffent, fi iam tum ifta corruptio doctrinae patriae inualluiffet: nec philofophiae iftius orientalis aetas ad ifta tempora referri poffe videatur, quam ex Zoroaftea veteris fyftematis Magici emendatione, quae vix antecessit tempora captiuitatis Iudaeorum, exortam fuiffe, eamque nouis *φιλοσοφούμεναις* mutaffe et auxiffe, ex dictis *libro superiore* conftat. Et hae quidem potiores virorum doctiffimorum de originibus philofophiae Cabbalifticae coniecturae funt; de quarum pondere et verifimilitudine ita iudicabunt plerique, prout de Cabbala fibi notionem fingunt, aut bene, maleue erga illam affecti funt. VI. Nos in tanto virorum eruditione et iudicii acumine illuftrium diffenfu arbitri nobis partes, recularum et fupellæctilis noftrae memores, non fumimus: licebit tamen fcopo noftro obfequi, et quod institutum noftum pofcit, luculenter explicare, quae vero propiora et tantum non certa effe nobis videantur, licet ingenue fateamur, eam effe quaeftionis huius difficultatem et obfcuritatem, vt fine omni oppofiti formidine nihil omni exceptione maius definiri queat, fufficereque putemus, fi verifimilitudinis gradus ita inftituamus, vt magna fe probabilitate detectae origines commendare queant. Aliter enim haec facra non conftant, nec in inueftigatione originum obfcurarum, quae coniectando tantum detegi poffunt, certiffima et nullis dubiis expofita dari poffunt. Non vero hic folis coniecturis indulgentem, fed hiftoriae Iudaicae filum fequendum effe exiftimamus, fine quo facile in impedito itinere, in quo opinionum varietas et diورتia multos nobis labyrinthos conftituerunt, errare, et exitum non inuenire quis poteft. Hoc vero ducẽ inftituti notamus α. methodum arcanam inter omnes fere gentes, et Graecas et barbaras, maxime vero, quae Orientis regiones inhabitauerunt, receptam apud Hebraeos quoque, et ab his traductam ad pofteros eorum Iudaeos, in vfu fuiffe. Non ignotum id effe poteft illis, qui hiftoriam philofophicam a mundi incunabulis ad Chrifti nati tempora deductam attento perluftrauerunt oculo. Cum vero inter Orientis nationes gens Iudaica non ignobilem locum occupauerit, merito inde concludi poteft, difciplinam arcani apud eos quoque inualluiffe. Id quod ipfum Cabbalae nomen innuit, quod eiusmodi fecretam myfteriorum arcanorum traditionem oralem et receptionem innuit, et doctrinae in vulgus fparfae omnibusque praedicatae opponitur. Multa notatu digna de hac difciplina arcani inter Iudaeos attulit, cauffasque eius non fine ingenio enarrauit praefantiffimus WACHTERVS, qui legendus eft, at non fine examine, ab illis, qui haec accuratius noffe cupiunt. Nos fupplementi loco hic notamus, multa eaque luculenta loca in fcriptoribus Iudaeorum deprehendi, ex quibus demonftrari queat, eiusmodi difciplinam arcani inter Iudaeos obtinuiffe. Collegit ea remque docte confecit IONAS DANIEL SCHRAM-

SCHRAMMIVS^v, quocum conferendus CARPZOVIVS^w. Nos breuitatis caussa praetermissis testimoniis Talmudicis, inter quae locus Mischnicus in tr. *Chagiga* * notatu dignus est, ad vnum Cabbalistici scriptoris Iochaidis, vel discipuli alicuius ex eius schola prouocamus, qui in *Idra Rabba* y, qui est ex tractatibus Soharicis ita: R. Schimeon exorsus dixit: *Qui ambulat vt circumforaneus, reuelat secretum; sed fidelis spiritu operit verbum: Ambulans vt circumforaneus: hoc dictum quaestionem meretur, quia dicitur circumforaneus, quare ambulans, vir circumforaneus dicendus erat, quid est ambulans? Verum enim vero in illo, qui non est sedatus in spiritu suo, nec verax, verbum quod audiuit, huc illuc mouetur, sicut spina in aqua, donec illuc foras expellat. Quamobrem? quia spiritus eius non est stabilis.* Haec dictis scripturae porro roborat, et tum subiicit: *Nec enim mundus in stabilitate manet, nisi per secretum, et si circa negotia mundana opus est secreto, quanto magis in negotiis secretorum secretissimorum et consideratione senis dierum, quae ne quidem tradita sunt angelis.* Tumque hoc epiphonemate claudit: *coelis non dicam, vt auscultent; terrae non dicam, vt audiat; certe enim nos columnae mundorum sumus.* Haec Schimeon Iochaides, quem iureiurando ad hoc silentium obligasse discipulos in antecedentibus dicitur. Nec obiiciat hic quis, librum hunc Soharicum sublestae esse fidei, nec ad antiqua Iudaeorum tempora veteresque consuetudines pertinere. Hoc enim, etiamsi de forma libri forte concedendum sit, eius tamen materiam antiquam satis esse, et ad eam de quibus loquimur aetatem pertinere, ex supra dictis constat: at concessa etiam libri nouitate nihil ille affert, quod non indubitatis veterum testimoniis sciamus, apud Iudaeos ante vrbs deuastationem et stante adhuc templo secundo obtinuisse. Id IOSEPHVM^z legenti dubium esse non potest, qui non tantum in Iudaicae historiae initio ad id prouocat, sed et inter Essenos obtinuisse facerrimum silentium, eiusque neglectum poena diuinitus immissa vindicatum fuisse tradit, id quod Porphyrius quoque apud EVSEBIVM^a confirmat. Nec dubitamus, inter Israëlitas quoque eiusmodi disciplinam arcani obtinuisse, cum ratio alias mysticarum explicationum, ceremoniarum et rituum a Deo praescriptarum, quas in epistola ad Hebraeos affert scriptor Θεόπνευτος, quasque notas inter Iudaeos fuisse ipsa argumentandi ratio a diuino auctore adhi-

Cccccc 3

bita

v) Diss. de mysteriis Iudaeorum philosophicis, et in introd. in dial. Cabb. c. II.

w) Introd. in theol. Iud. c. VI. §. 8.

x) c. 2. Dabimus notabilem locum integrum ex versione CHRISTIANI LVDOVICI, qui hunc tr. cum comm. BARTENORAE Latinum dedit, diss. II. „Non edisserunt de nuditatibus „(i. e. coniunctione maritali et consanguinitatis „gradibus) eum tribus, neque de opere Bere- „schith (de creatione siue rebus physicis) cum

„duobus neque de Mercanah (scientiis sublimio- „ribus et Cabbalisticis Ezechielis symbolis ad- „umbratis) coram vno. “ Quod RAMBAM ex- „plicat de rebus physicis et metaphysicis, BAR- „TENORA posterior recte de nominibus diuinis angelisque, i. e. doctrina Cabbalistica de istis.

y) §. 16. Cabb. denud. T. II. p. 389. 390.

z) Prooem. hist. Iud. p. 2.

a) Praepar. L. IX. c. 3.

bita euincit, ratio dari nulla queat. Vt taceamus methodum symboli-
cam et emblematicam ab ipso Seruatore facto auditorum discrimine vfur-
patam ⁶. β. Quamuis autem dubitandum non fit, arcanam hanc metho-
dum inter Iudaeos mature obtinuisse, impossibile tamen est, tum de eius
vero modo, tum de dogmatibus, quae illa tegebantur et selectis audito-
ribus tradebantur, differere, et certi quid tradere, quamuis certissimum
sit, nihil ea dogmata comprehendisse, quod reuelatae in sacris literis do-
ctrinae vlllo modo esset contrarium, nec alia potuisse exhibere mysteria
ad salutem necessaria, quam quae publicis scriptis essent consignata.
Non sine verisimilitudine tamen coniici potest, exhibuisse hanc secretio-
rem docendi methodum luculentiorum explicationem mysteriorum foe-
deris gratiae, occultius ob *σκληροκαρδιαν* gentis terrenae tantum felicitati
inhiantis propositorum, et tum ceremoniarum velo obductorum, tum
vaticiniorum emblematis et aenigmatibus expressorum, eaque illis,
quais de meliore luto finxit praecordia Titan fuisse luce clariore explicata,
sicque arcanas rationes regni diuini demonstratas, quas in nouo foedere
luculentissimis nobis commentariis explicuit diuinus spiritus: nec dubita-
mus hoc cum celeberrimis quibusdam theologis Cabbalam vocare, eo
quod traditionem doctrinalem communicatam cum Iudaeis orali docendi
modo exhibuerit. γ. Hanc vero Cabbalam, id est traditionem doctrinalem
puram quidem legique scriptae conformem seruata fuisse, quamdiu
vates diuini doctrinae custodes fuerint, dubium non est; ast cessante
prophetiae dono cum ingenio humano patentior aperiretur campus
maiori licentia in propriorum commentorum campos exspatiandi, valde
eam fuisse corruptam, et in otiosas et deliras operis supererogatorii
quaestiones et assertiones degenerasse, ea, quae supra de traditionum non
scriptarum inter Iudaeos origine diximus, luculenter probant. Quae
etsi humanae inuentioni debebantur, magnam tamen auctoritatem tra-
ditionis titulo nomineque nactae sunt, eo quod huius nominis et docen-
di modi diu iam recepti, nunc vero surrogatis tricis humanis corrupti
magna a longo tempore fuisset existimatio. Et ita quidem Cabbalae,
siue traditionis, quae doctrinas haud vulgares tradit, venerationem in
genere ortam esse, minime dubitandum est. Quamuis autem haec
Cabbala alius prorsus naturae indolisque fuerit, siue antiquam illam
doctrinalem, siue post hanc ortam illam ritualement intelligas, quam Cabba-
la philosophica, de cuius originibus in praesentia dispicimus, non negli-
genda tamen est haec observatio, eo quod occasionem ostendat, quomo-
do, semel recepta inter Iudaeos hoc docendi modo secretiori et tra-
ditiuo facile fuerit, sub venerabili nomine, peregrina dogmata Mosi
veterique ecclesiae Israëliticae supponere. δ. Sed vt propius ad rem
ipsam,

⁶) Conf. Cel. PFAFFIUS primir. Tubing. p. 149.
scriptoresque de disciplina arcani laudati FA-
BRICIO Bibl. Graec. Vol. II. p. 176. et biblio-

graph. antiq. p. 622. conf. Cabb. denud. T. II:
praefat. p. 19.

ipsam, dimissa occasione, accedamus, illud de origine Cabbalisticae philosophiae tanquam indubitatum supponimus, inter Iudaeos Palaestinae incolas eam non esse quaerendam. Quaecunque enim de traditionibus in Iudaea obtinentibus ante constitutam Essenorum sectam veteres referunt, ea omnia ad legis explicationes, ceremonias, iura, statuta et constitutiones sapientum inter Iudaeos pertinent, ut ex supra prolixè enarratis est manifestissimum. Quae si memoria recolimus, patebit Cabbalae philosophicae vestigia tum primum in Palaestina apparuisse, cum Essenorum secta Syrorum et Aegyptiorum mores imitata et ab his dogmata et instituta mutuans sectam quandam philosophicam constituisset. Inter eos enim et arcanam methodum, et dogmata quaedam philosophica sublimiora, a lege aliena obtinuisse, ex Iosephi et Philonis testimoniis constat, quorum hic *diserte philosophari eos ait de Dei existentia et generatione mundi et in morali argumento se exercere domesticis usus principiis, quae sine peculiari numinis afflatu non queant percipi; discere vero eos haec mysteria ex ore senioris alicuius obscuriora explicantis, τὰ γὰρ πλεῖστα διὰ συμβόλων ἀρχαιτέρῳ ἡλώσει παρ' αὐτοῖς φιλοσοφῆσθαι*, pleraque enim methodo antiquissima sub symbolis et allegoriis ab eis philosophice expendi. Quae si cum illis comparentur, quae de theoreticis siue Therapeutis disputat, et consulantur ea, quae supra de sectae Essenae origine differuimus, luculenter patebit, Cabbalam hanc philosophicam siue arcanam doctrinam, inter Essenos certo modo obtinuisse. Et haec quidem antiquissima et prima eius vestigia inter Iudaeos Palaestinae incolas sunt, si historiam ducem sequamur; qua narrante non nisi Hyrcani regis et filiorum eius tempore fugatis et dispersis Phariseis traditionariis, et Simeone Schetachide Alexandriam delato, reuerfoque rebusque Phariseorum mutatis, per illum ex Aegypto nouum traditionis genus ceteris Iudaeis innotuit. Ab Essenis enim illud discere non licebat, qui neminem extraneum ad haec mysteria admittebant. Ex his vero, quae rerum Iudaicarum series et annales confirmant, manifestum esse putamus, falli eos, qui ex Chaldaea atque Babylonia Iudaeos Cabbalam illam philosophicam attulisse coniiciunt. Hoc enim si ita euenisset, non demum ab Essenis ea in Palaestinam fuisset introducta, nec Schetachides eam ex Aegypto attulisset. ε. At hae ipsae Cabbalae philosophicae inter Iudaeae incolas origines ad veram nos eius patriam deducunt, quae non alia esse potuit, quam Aegyptus, quam Essenae quoque familiae instituti sui initia formamque suppeditasse, supra fecimus verisimile. Hic vero paucis ea repetenda sunt, quae *capite huius libri primo* de rebus Iudaeorum in Aegypto habitantium philosophicis diximus. Nempe in illa regione Iudaeos a Cambyfis et postea Alexandri M. tempore confedissee, et sub Ptolomaeo Lagide et Philadelpho deductis coloniis nationem eam se ibi dilatauisse, mori-

ε) Quod omnis probus sit liber p. 877.

moribus etiam Aegyptiorum Graecorumque se attemperauisse, et vt seculi sui indolem, et inualescentem eruditionis theologiae consuetudinem imitarentur, duce praecipue Aristobulo allegoricam legem explicandi illique aliena dogmata affricandi methodum introduxisse, eo loco adductis veterum testimoniis probauimus. Non erramus itaque, si Aegyptum patriam fuisse Cabbalae philosophicae dicamus, et ab eo tempore eius origines repetamus, quo ope allegoricae methodi, in his terris a cana vetustate vsque receptae, philosophia Aegyptiaca inter Iudaeos recipi et venerabili traditionis nomine, quod patriorum dogmatum communicationem et reuelationem oralem haecenus indicauerat, coli coepit, quod Ptolomaeorum tempore factum esse ex supra enarratis constat. 5. Philosophia Aegyptiaca vero qualis eo tempore fuerit, accurate, nisi fallimur, in *sine Tomi primi* docuimus, quae hic omnino repetenda sunt. Nempe, totam fere periisse veterem theologiam et philosophiam Hermeticam, incursionibus tot populorum vastata regione et sub peregrinos dominos ire iussa, ad quorum nutus et rationes sacerdotes se composuerint, facile ea mutantes, quae cerae instar ope hieroglyphicae methodi omnes figuras admittebant, eo loco ostendimus. Id factum quoque esse, cum Cambyfes cum exercitu Aegyptum depopularetur, tumque remansisse Persicae doctrinae reliquias aliquas verisimile est. Monuimus porro post deuictos Persas superatamque Aegyptum Alexandrum M. excitata regni fede Alexandriae, omnium terrarum colonos eo attraxisse, sicque omnium fere religionum cultum et dogmata inualescere in Aegypto coepisse: maxime vero Graecanicam philosophiam et eruditionem in victoris gratiam valde fuisse Aegyptiis acceptam, hocque philosophiae et theologiae excolendae studium sub Ptolomaeo Lagide et Philadelpho mira incrementa cepisse; tumque praeter Peripateticam philosophiam regibus gratam Pythagorico-Platonicam eo magis se Aegyptiis, populo superstitioni et religionibus vehementer dedito, commendauisse, quo magis tum ab Hermete et Aegyptiis acceptam esse, tum accuratiori modo de diuinis differere eius asseclae gloriabantur. Neque tamen Pythagorae et Platonis placita integra seruauisse Aegyptios, sed cum miro impetu in quendam religionum syncretismum ruerent, philosophi autem Orientales, qui caput attollere coeperant, frequenter Alexandriam adirent, eo quod celeberrima Musarum sedes esset, Alexandrini quoque philosophi aliquandiu in Asia confediscent, factum esse, vt quae Pythagorae et Platonis disciplina dicebatur, magnam mutationem pateretur. Et in naturalibus quidem propius presissee eorum vestigia constat. At in diuinis siue theologicis longe ab eorum placitis Alexandrinos philosophos recessisse, luculentis exemplis conficimus ⁴. Nempe reiecto systemate dualistico, emanatium ex philosophia Orientali recipiebant, hincque emanationum diuinarum varios ordines, genera

⁴ Conferendus IAMBlichvs de mysteriis Aegyptiorum, ex quo facies integra recentioris theologiae Aegyptiicae patebit.

genera atque classes, vsque ad res visibiles et materiam constituebant; adeoque pleraque, quae Orientalis philosophia de Deo et virtutibus diuinis substantialibus praeceperat, recipiebant. Cui theologiae eo magis manus dabant, quo magis syncretismo, quem mire Aegyptii fouebant, portam aperiebat patentissimum, hocque cum doctrina sua de Deo omnia religionum genera certo modo poterant in vnum confundi, vt Iudaicae atque Christianae exemplum in haereticis quibusdam luculenter demonstrat. Ita quidem desertis Platonis assertis, multa ex Orientalibus Zoroastreae theologiae reliquiis assumpta, ea vero docendi modo Pythagorico-Platonico adaptata, et cum eius philosophiae praeceptis in concordiam ire mira confusione iussa sunt, donec Ammonius et sequaces, certos systematis limites constituerent, et ad Platonicos vultus paulo propius reformarent. Quae omnia cum suo loco, quantum veterum in his rebus negligentia et obscuritas patiebatur, rationibus et testimoniis roborauerimus, plura his addere opus haud est. §. Iudaeos vero huic philosophandi generi in Aegypto locum fecisse, *capite huius libri primo* ex instituto ostendimus, discique vel ex vno Therapeutarum et Philonis exemplo potest. Id quod eo facilius fieri potuit, quo magis illud theologiae Pythagorico-Platonicae temperamentum, quod Orientalis philosophia offerebat, et syncretissimum omnium religionum permittebat, aptum erat, illi se formae attemperare, quam de Deo diuinisque exhibebat doctrina Mosaica, et allegoricae methodi, Aegyptiacis philosophis solennis, machinis cuncta ex voto torqueri poterant. Cuius exemplum luculentissimum cum scripta Philonis exhibeant, lector ad ea dimittendus est, vt inde rei huius veritatem discat confirmatam. Quoniam autem superbia gentis magno supercilio alios populos contemnentis eiusmodi syncretissimum natura sua non admittere videbatur, ad artes Aegyptiacis sacerdotibus et philosophis solennes illi ex Iudaeis confugiebant, qui in scholis philosophorum Pythagorico-Platoniorum erant educati: nempe cum tota Aegyptiorum natio nihil sacrum et diuinum haberet, quod non hieroglyphico, vel potius, qui ex illo enatus erat allegorico et symbolico modo esset traditum, haec docendi methodus ab Aristobulo aliisque, maxime vero a Therapeutarum familiae conditoribus in hunc vsum adhibitus est, qua facile postea fuit quadrata miscere rotundis, et quod Aegyptii toties in vniendis peregrinis religionibus et placitis cum suis fecerunt, dogmata in infinitum distantia inter se conciliare, vel corrumpere potius domestica atque adulterare, sicque Mosaicae doctrinae sensus eos affingere, quos suggerebat philosophia Aegyptiaca. Et vt eo promptius recens philosophiae genus absque nouitatis inuidia reciperetur, traditionis nomine, quod venerabile inter Iudaeos fuit, vt supra dictum, abortus hic philosophicus pictus ornatusque, sicque veneratio Mosaicae traditioni debita nouae philosophiae conciliata est. Id Therapeutarum exemplo luculenter

com-

comprobari potest, quos praecipue hanc Cabbalisticam philosophiam receperisse atque excoluisse ex PHILONE constat ^e. Ait enim ille: ἐγτυγχάνοντες τοῖς ἱερωτάτοις γράμμασιν φιλοσοφῶσι τὴν πάτριον φιλοσοφίαν, ἀλληγορῶντες, ἐπιδὴ σύμβολα τὰ τῆς ῥητῆς ἐρμηνείας νομίζουσι φύσεως ἀποκεκρυμμένης ἐν ὑποπνοαῖς δηλωμένης· ἐξὶ δὲ αὐτοῖς καὶ συγγράμματα παλαιῶν ἀνδρῶν οἱ τῆς αἰρέσεως ἀρχηγέται γενόμενοι πολλὰ μνημεία τῆς ἐν τοῖς ἀλληγορούμενοις ἰδέας ἀπέλιπον, οἷς κατὰ περ τισὶν ἀρχετύποις χρώμενοι μιμῶνται τῆς προαιρέσεως τὸν τρόπον. Quae verba non satis commode expreflit interpres Latinus GELIUS, adeoque Graeca ipsa inspicienda sunt, quae manifeste docent, eam philosophiam fanaticam, quam ista secta recepit, allegoricis explicationibus ad patrias traditiones fuisse pertractam. Quod paulo infra magis luculenter Philo prodit referens, statuere hos viros: *Totam legem habere animalis similitudinem, quod praecepta corpus referant, animam vero sententiae retrusiores sub velamine verborum abditae, in quibus rationalis anima egregie se ipsam contempletur tanquam in speculo, sub his ipsis verbis miram sententiarum pulchritudinem conspiciens, et explicans e figurarum inuolucris, atque ita penitiorum intellectum in lucem producat duntaxat apud eos, qui per occasionem admoniti sciunt obscura ex apertis colligere.* Et hanc quidem veram originem Cabbalisticæ philosophiæ fuisse allatae rationes satis euincunt, quae comparatione dogmatum philosophiæ Orientalis, Aegyptiacæ et Cabbalisticæ, quam infra instituemus, mire possunt confirmari ostendique, quam arcte haec tria philosophiæ sublimioris siue theologiae genera cohaereant concordentque. ^η. Ita vero facile quoque inter se conciliari possunt virorum doctorum de Cabbalae originibus sententiae. Nam nec illi plane reiiciendi sunt, qui philosophiam barbaricam huc aduocant, cum non aliam intelligant, quam quae Zoroastris, Hermetis, Orphei, Pythagorae et similium doctrinam mentita Alexandriae enata fuit. Ast de ea quoque intelligendi sunt, qui philosophiam Platonico-Pythagoricam parentem philosophiæ Cabbalisticæ statuunt: non enim genuina illa sed syncretistica et ab Orientali multum adulterata huc referenda est, quam distinctionis causa Alexandrinam diximus, et postea in Aegypto in Ammonii Plotinique schola in certam systematis formam coaluit, et a Iamblichio Aegyptiacæ philosophiæ nomine commendata est. Rectissime vero instituit Cel. Moshemius, qui philosophiam Orientalem huc adducit; ea enim theologiae Alexandrinae potiora dogmata subministravit, quae in Cabbalae systema fluxere: at attemperata placitis Pythagorico-Platoniceis, cuius luculenta vestigia in Cabbala deprehenduntur, intelligenda est, qualem ipse quoque Philo est secutus. ^θ. Ex Aegypto hanc philosophiam Iudaicam in Palaestinam partim per Essenos, partim per Simeonem Schetachidem peruenisse, allata supra veterum testimonia nos dubitare non sinunt, nec iis, quae abunde satis dicta sunt, aliquid adiiciendum est, nisi hoc vnum, ipsos tradi-

tiona-

tionarios, dum a Simeone hoc introductam inter Iudaeos traditionem arcaniorem, plerisque ignotam statuunt, innuere, hoc non de traditione rituali, sed philosophica intelligendum esse, eo quod traditionis alterius et vulgaris notitia diu iam in Iudaea vigerit, nec ex Aegypto aduehi potuerit, ubi eam hac quidem ratione obtinuiffe non legimus. „ Post templi euerfionem vero vrbisque et Iudaeae regionis desolationem cum multi Iudaei in Aegyptum ad fratres suos Hellenistas confugissent, et pacatis paulisper rebus in patriam terram rediissent; sedes autem eruditionis Iudaicae in Aegypto esset, ex qua viri docti in nouas scholas in Palaestina erectas concesserunt, mirum non est, inter earum moderatores inuentos fuisse, qui arcanam hanc philosophiam inordicitus tenerent, quales Akiham et Iochaidem fuisse supra ostendimus. Quo magis autem reuelationis scriptae auctoritatem suppressit traditionis veneratio, eo magis arcae quoque traditionis mysteria exculta sunt; hoc tantum discrimine, vt, cum illa omnibus pateret, haec paucissimis tantum selectisque discipulis patefierent, ex quo fonte caussam supra deriuauimus, cur vetustissimorum Cabbalistarum in historia Iudaeorum literaria tam manca sit notitia. Nam hoc postulabat et arcani disciplina, et doctrinae a Mosais valde abeuntes, quas aperire ἀμύητοις periculosum videbatur. „ Tandem hoc quoque notandum est, irrepsisse in philosophiam Cabbalisticam praeter Orientalia et Aegyptiaca atque Pythagorico - Platonica placita, etiam Peripatetica quaedam. Mature id factum esse, et adhuc stante templo, visum est viro summo HENRICO MORO f, qui in epistola ad Knorrium ita de ha re: *Sunt qui contendunt, etiam ab Antiochi temporibus philosophorum scholis et certe Aristotelis praeter ceteros Iudaeam corruptam fuisse. Quo minus mirari debemus, Jonathanem F. Vriel sectam Aristotelicam sapere in sua paraphrasi in visionem Ezechielis, qui tamen multis annis vixit ante vrbis excidium. Nam rotas ille coelos Aristotelicos esse euincit, et in illius opinionis gratiam; et ecce vna rota in terra; interpretatur dicam, an peruertit ad hunc modum: sphaera vna posita erat sub altitudine coeli. Quod ipse MAIMONIDES ff etiam notauit. Vides quam mature corrupta sit Cabbala philosophica apud Iudaeos etiam aliquot annis ante Christum natum; immo multis, si calculum ineas ab Antiocho. Quam quidem ob caussam serio considerandum est, annon certiora veteris philosophiae Iudaicae vestigia inuenienda sint apud Pythagoreos, quam apud ipsos Iudaeos, cum Pythagoras edoctus sit arcana philosophiae Cabbalisticae quadringentis aut quingentis annis ante modo memoratam corruptionem. Addit eius rei exemplum in sequentibus ex libro Iezirah, omnium antiquissimo inter Iudaeos habito, in quo praeter nugas astrologicas hypothesis Aristotelica supponatur. Nam non solum orbi-*

Dddddd 2

147

- f) Cabb. denud. T. I. P. II. p. 181. seqq.

ff) Mor. nebhoch. L. III. c. 4.

um signorumque coelestium ibi fieri mentionem, sed dici etiam & vocari intelligentiam perpetuam eo quod ducat motum solis et lunae iuxta constitutionem eorum, utrumque in orbe sibi conueniente; ad quae R. Abraham Ben Dior; ducit solem et lunam illa intelligentia et reliquas stellas et figuras, vnumquodque in orbe suo, et impertit omnibus creaturis iuxta dispositionem eorum ad signa coelestia et figuras coelestes. Monet porro Morus: In Tykkunin Zohar plane asseri hypothesein Aristotelicam, affirmando mundum fabricae, mundum esse sphaerarum seu orbium coelestium et omnia, quae in eo sunt, usque ad centrum terrae: denique in Emeck Hammelech haec occurrere: infimum circuli et sphaerae huius splendoris est Asiah spiritualis et corporea, in cuius medio iam nos subsistimus, nempe in terra, quae vocatur תכל i. e. terra habitabilis. Haec certe manifesta esse indicia, Iudaeos physicae suae Cabbalae partem quidem potissimam iam tum perdidisse, et in illius locum hypothesein Aristotelicam assumpsisse, sphaerasque decem Aristotelicas suas Sephiroth Asiaticas esse, ratos ad eam mensuram reliquas excogitasse. Haec tamen Morus, in cuius verbis accurationem merito desideres. Nam ubi etiam concedimus, hanc esse mentem locorum istorum Cabbalisticorum, quam illis tribuit, et ea Aristotelicas hypotheseis inferre, nihil tamen inde sequitur, quam aut libros hos a manu audaci interpolationem alienorum dogmatum passos aut plane recentiori aetate confictos esse. Immo si ab iis auctoribus scriptos esse concedimus, quibus Iudaei tribuunt, nec adulterina dogmata irrepsisse statuimus; nihil aliud inde euincitur, quam post natum Seruatorem Sec. I vel II Aristotelica quaedam inter Cabbalistica irrepsisse. At sine necessitate supponit vir acutissimus hypothesein de orbibus coelestibus in quorum supremo summa causa resideat, esse mere Aristotelicam. Nam Pythagoricam esse, et ab Aristotele a Pythagora aliisque mathematicis antiquioribus mutuum acceptam discere potuisset ex Anonymi vita Pythagorae apud PHOTIVM^b, qui ea de re luculentus est. Nec haec Pythagoricis et Cabbalisticis placitis repugnant, quae emanationes sephirothicas radios suos emittere non tantum in mundum Aziluthicum sed et Asiahticum atque visibilem, adeoque orbis coelestes animare statuebant: id quod in Alexandrinis Platoniorum scholis quoque personasse vel ex solo Plotino disci potest. Neque tamen praeferre negauerimus, Aristotelica quaedam inter Cabbalistica mature, et forte iam in Aegypto irrepsisse. Syncretismus enim scholae illius ex qua Cabbalistica philosophia prodiit, nec Aristotelem contempsit, sed cum eo quoque foedus iniit, ut suo loco dictum. Recentiori tamen aetate, post Sec. XI, ex quo nempe Aristotelica philosophia a Saracenis ad Iudaeos commigravit, id potissimum factum esse, nemo temere negabit, qui recentiorum Cabb-

g) f. 13. p. 144.

b) Cod. CCLIX. ex quo repetiit KUSTEVS

ad calc. vitae Pythag. p. 56. seqq. Obseruauit iam hic anonymus auctor harmoniam Pythagorae, Platonis et Aristotelis in hac re p. 60.

Cabbalistarum scripta legerit, nec negauit id KNORRIVS, qui ita de ea re differit: *Postquam Saracenorum tempore Aristotelis philosophia Arabica lingua tradi coepta est, Iudaeorum quidam eiusdem linguae periti, et inter eos quam maxime R. Moses Maimonides haec amplexi sunt studia etc. ab eo tempore multi alii occidentales, praesertim, qui sublimitate Cabbalistica neglecta solius Talmudis studiis fuere contenti, Peripatetica dogmata scriptis suis hinc inde immiscuerunt, quod postremis hisce temporibus Germani quidam, etiam Cabbalam tradituri sunt ausi, inter quos potissimum est auctor libri Schepha tal Maimonidae amore deceptus, sed a genuinis Cabbalisticis Orientalibus nequaquam in hoc puncto receptus.* Et huic quidem rationi innixus CL. IONAS DANIEL SCHRAMMIVS, introductionem suam in dialecticam Cabbaleorum methodo Peripateticorum potissimum conformatam conscripsit, et IOANNES IVSTVS LOSIVS * singulari dissertatione consensum Kabbalisticorum cum philosophia Academica et Peripatetica dogmatum per capita quinque ostendere conatus est. In qua comparatione vero viros hos doctos non semper ad verum sensum nexumque systematis Cabbalistici attendisse, adeoque alienam mentem Cabbalisticis affinxisse, fatendum est. λ. Quin et hoc coronidis loco his obseruationibus de originibus philosophiae Cabbalisticae addendum est: Recentiores philosophiae Cabbalisticae sectatores cultoresque haud raro illatis dogmatibus et explicationibus heterogeneis, et ex genuinis fontibus non petitis doctrinam Cabbalisticam adulterasse, et prout quis syncretismo fauebat, ita consensum doctrinae Cabbalisticae cum his illisue opinionibus vidisse, atque multa spuria intrusisse, id quod Iudaei passim ipsi conqueruntur, qua de re R. Meir Ben Gabbai testimonium adducit B. ABR. HINCKELMANNVS †: qui eo nomine Lorian accusat, cui addere potuisset R. Abraham Cohen Iriram, qui passim ad Platonem, Plotinum, Parmenidem, Dionysium Areopagitam prouocat. At hi scriptores Cabbalistici in eo non errauerunt, quod ex Alexandrinorum philosophorum scholis domesticam hanc philosophiam illustrarunt. Quamuis enim aliquot seculis post conceptam natamque philosophiam Cabbalisticam Ammonii Plotinique schola syncretisticam Alexandrinorum philosophiam reformauit et in certum systema redegit, quod Platonem paulo melius referret, ad quem conatum eam praeter diffensiones philosophorum Alexandrinorum vt supra dictum, haereticorum ex philosophia Orientali et Aegyptiaca progressorum disputationes, aliaque multa suo loco enarrata coegerunt: ex communi tamen fonte et Cabbalisticae et Plotinianae scholae systemata hausta sunt, eo tantum discrimine vt emanationum diuinarum ordinem numerumque haec aliter exponeret, quam illa, et Platonis haec triadem illa Orientalium et forte Pythagoricorum quoque decadem eligerent.

D d d d d 3

§. III.

i) Conf. WOLF. Bibl. Hebr. P. II. L. VII. c. I. pag. 1207. k) Gieslæ 1706.

l) In detect. fundam. Boehmiani p. 23. conf. SCHRAMM, l. c. p. 24. seq.

*Observationes
de natura et
indole philo-
sophiae Cabbal-
isticae.*

§. III. Constituta origine philosophiae Cabbalisticae verisimili, iam de natura et indole eius paulo facilius erit disquisitio, eo quod multum lucis antecedentia huic argumento accendunt. Ex circumstantiis enim huius philosophiae, quas historia nobis suggerit, pleraque colligenda iudicioque accurate et sine praeiudiciis interposito definienda. Sequemur vero ordinem in aliis hactenus adhibitum, et observationibus quibusdam generalioribus potiora strictim complectemur. Et

I. Quidem ante omnia monendus est lector, nobis hic sermonem de Cabbala pura, quam nonnulli constituunt, et philosophiam aliquam, vel theologiam potius arcaniorem Iudaeorum veterum orthodoxam fuisse dicunt, non esse. Quamvis enim supra iam concesserimus, non abhorrere a verisimilitudine, sensum clariorem et luculentiorum explicationem ceremoniarum legis, et vaticiniorum de regno Messiae eiusque circumstantiis orali traditione fuisse inter Iudaeos reclusam propagatamque, et tanquam stellam usque ad ortum solis in N. T. luxisse; tantum tamen abest, ut eius dogmata, quorum postea plenior notitiam in nouo foedere Spiritus S. fecit, in Cabbala philosophica, de qua agimus, contineantur, ut praeter aliquam externam speciem et similitudinem ex translatis ad peregrina placita mysteriis veteris ecclesiae Iudaicae oriundam nihil sit, quod conuenientiam aliquam euincat. Non ignoramus quidem contrarium multa eruditione demonstrare voluisse viros quosdam eruditissimos, qui contenderunt, latere in Cabbala philosophica vestigia mysterii SS. Trinitatis, filii Dei capitis regni diuini et creatoris, lapsus peccati, et quae his sunt similia; nec negamus attulisse eos quaedam magnam speciem referentia. Ast euenisse illis, quod in comparatis quoque gentilium philosophorum systematibus cum fide Christiana toties euenit, ut veros sensus dogmatum Cabbalisticorum, quos ex tota systematis connexionione habent, negligerent, et ex externa verborum similitudine perperam conuenientiam aliquam colligerent, sequens systematis Cabbalistici delineatio luculenter docebit, et in sequentibus etiam exemplis aliquot illustrabitur. Vnum vero in praesentia totam hanc observationem clarissima luce perfundet: nempe, primum illius systematis fundamentum hoc esse: ex nihilo nihil fit, adeoque cuncta ex Deo emanarunt. Quo principio semel posito impossibile est, Cabbalam aliquam puram ostendere, cuncti enim Cabbalistarum libri huic vni fundamento superstructi huc omnia referunt. Ex hoc vero de reliquis iudicium interponere facile quis potest. Hoc principio ex gentili philosophia admissio et supposito, necessario euenire debuit, ut quicquid ex veteri traditione Iudaeorum dogmatica retentum esset, in corruptos detorqueatur sensus, et sic vetus illa puraque Cabbala tota periret, nec hodie inuestigari queat. Agnouit id candideque fassus est MAIMONIDES¹¹⁾, qui luculenter: *Scito multas egregias sententias, quae in gente nostra olim fuerunt, de veritate istarum rerum, partim longinquitate temporis, partim*

11) Moreh nebhoch. P. I. c. 71.

partim infidelium et stultorum populorum in nos dominatione partim etiam, quod non cuius, sicut exposuimus, concessa erant mysteria, periisse, et in obliuionem deuenisse. Nihil enim permissum erat literis mandare, nisi ea, quae in sacros libros digesta et relata erant. Quibus in verbis, quamuis rationes allatae minimam tantum causam deperditorum veterum mysteriorum indicent, illud tamen recte vidit Maimonides, veterem sapientiam Iudaicam in istis mysteriis Cabbalisticis hodie reperiri non posse. Agnouit id. B. BVDDEVS^m, et, quo erat candore, fassus est: Propter easdem, quas Maimonides attulit rationes non tantum forte quaedam antiqua Kabbalae capita periisse, sed alia corrupta et deprauata et cum gentilis philosophiae erroribus permixta fuisse. Qui tamen quando addit: Non sequi inde, omnia periisse, aut omnia fuisse corrupta, sed fieri id omnino potuisse, ut plurima verae et genuinae Kabbalae subsint vestigia, non attendit δελέων τῇ ὑποθέσει, petere se principium, quando ad discernenda pura ab impuris nos attendere ad scripturae sacrae et rectae rationis ductum, non neglectis traditionis legibus, et tum quod verum deprehensum fuerit retinere iubet; ita enim non dignoscetur, quid ex domesticis principiis Cabbala statuendum esse poscat, sed quid iuxta normam rectam iustum et admittendum nos iudicamus: qua ratione facile omnis mundi philosophia in sanos sensus potest transferri. Rectius viri cordati scapham nominantes, totam Cabbalam philosophicam non quoad dogmata tantum adiecta et supposita, sed quoad totum systematis habitum et connexionem impuram esse, et philosophiam gentilem referre, statuerunt: hoc enim danda in sequentibus eius delineatio faciet clarissimum. Vnde vehementer Cabbalae studiosis commendamus, praestantissimi WOLFII^o obseruationem: Dogmata Cabbalistica obscuritatis puluere ita quasi esse obiecta, ut et perspicere ea perquam difficile sit, et ampla de genuino verborum sensu disputandi materies nascatur, vel saltem dubitari semper possit, num, quem sensum nobis, doctrina Christi illustratis, verba aperte referre videntur, eodem ab istorum scriptoribus prolata fuerint? Addimus; ut iusta subnascatur suspicio, Cabbalistas conclusiones suas cum principiis connexas voluisse, adeoque illas alio quam haec patiuntur, sensu, a Christiano valde diuerso, esse intelligendas.

II. Cabbalisticam itaque philosophiam explicaturis non ad huius vel illius scriptoris explicationem attendendum est; factum enim saepe numero, ut certis hypothesebus instructi occupatique viri docti ad obscurissimarum doctrinarum Cabbalisticarum interpretationem accedentes, ea affinixerint Cabbalists, de quibus nunquam cogitarunt. Exemplo erunt

ea,

^m) Introd. in hist. phil. Hebr. §. 46. p. 446. seq. conf. BYRNETIVS Archaeol. philosoph. L. I. c. 7. p. 372.

ⁿ) BYRNET. I. c. WÄCHTER. Spin. in Iud. P. I. p. 22. 69. Elucid. Cabb. praef. p. 6. LOR-

SCHER. I. c. Morus et Knorrius ipsi, vid. Cabb. denud. T. I. P. II. p. 79. Ven. REIMMANN. Hist. theol. Iud. L. I. c. 15. p. 450. WOLF. I. c. p. 1205. BASNAGE Hist. Iud. L. III. cap. 16. alique.

o) I. c. p. 1242.

ea, quae de sephirarum explicatione infra fumus allaturi, quas alii dogma esse de Deo et attributis diuinis, alii de regno Messiano, alii de creatione mundi, alii de astronomia, alii de arithmetica, alii de dialectica exigua verisimilitudine contenderunt. Id quod mirandum minime est, cum id saepe numero eueniat, vt doctrinis obscuris allego-
 riarum symbolorumque velo obductis diuersissimae significationes tribuantur earumque explicatio-
 nes dentur variae immensa inter se distantia differentes, vt vel solae my-
 thologiae Graecae vel hieroglyphicorum symbolorum explicationes com-
 probant, vt alia taceamus. Abiiciendum itaque in hac ardua de mente
 dogmatum Cabbalisticorum quaestione euoluenda et feliciter definienda
 omne auctoritatis et hypotheseos praedudicium, et ante omnia de primis
 et adaequatis Cabbalistarum principiis dispiciendum, quibus non ex vana
 et in ingenio enata hypothesi, sed ex ipsis Cabbalistarum scriptis locisque
 classicis definitis ea conclusionum series et sensus inde dependens consti-
 tuendus, qui totum systema rationalis interpretationis legibus confor-
 miter recludit.

III. Quamuis autem hac interpretationis lege adhibita nihil aequius
 sit, quam sperare, vt in veros sensus Cabbalistarum penetrare possimus;
 in ipsa tamen laboris huius executione innumerae se difficultates mon-
 strant, quae vix superari possunt. Ita enim allego-
 riarum et symbolorum ineptissimorum velo se absconderunt Cabbalistae veteres, barbararum
 gentium mores secuti, et disciplinam arcani seruantes, vt eorum men-
 tem peruestigaturus sylvam densissimam nulla semita patentem, tenebris-
 que horridam vepretisque et dumetis inaccessam sibi merito videatur fuisse
 ingressus, adeo perplexa, incerta, et tenebricosa sunt omnia et peregrini-
 nis atque inusitatis aenigmatibus referta. At his dare sensum clarum,
 obscuris accendere lucem, symbola insolita et absurda rationali interpre-
 tatione delineare, aenigmata inaudita soluere, et iis quae a dementibus
 dicta videntur, sensum tamen tribuere non philosophicum modo sed et
 verum, saltem verisimilem, explicatio philosophiae Cabbalisticae postulat.
 Quod quam arduum opus sit atque difficillimum, non melius lector cogno-
 scet, quam si ipse rei periculum faciat, et, tentaminis gratia librorum
 Soharicorum *Siphra de Zeniutha* et *Idra Rabba* imagines sibiumat ex-
 plicandas, dicturus quid disciplinae Iochaidae alumni intelligi velint per
 regem microprosofon et macroprosofon, eiusque cranium, barbam, cri-
 nem, nasum, per reges septem Edomiticos, per draconem eiusque caput,
 tergum, caudam, linguam et similia, quibus imaginibus emanationum
 diuinarum seriem obscurauit ineptissimus philosophus et vt tenebras tene-
 bris augeret, eas insuper nominum et literarum permutationibus ex Cab-
 bala verbali obtexit. Certe fatebitur post inutilia et frustranea tentamina,
 se labyrinthum ingressum, ex quo inuenire exitum non liceat. Certe
 aequae facile ex iis lapidem philosophorum, aut insularum Americanarum
 situm, aut alia quaecunque exsculpet foecundius ingenium, quam systema
 aliquod

aliquod metaphysicum. Et his quidem nugis libri Cabbalistici scatent, et haec aenigmata in fronte prae se ferunt. Exemplum, Lector, cape ex R. Cohen Irirae porta lucis, eique, quem editor praefixit titulo *p*.

IV. Facile ex his colligent lectores prudentes ac ad absurda et a sensu fere omni remota symbola et imagines Cabbalistarum itemque ad dogmata *ὑπερφυσικά* et ad nubes vsque transcendentia attenti, Cabbalisticos scriptores ipsos saepe non fatis ea intellexisse, quae scripserunt. Quam suspicionem magnopere confirmat, quod res metaphysicas sensuumque imagines refugientes, quas abstractione mentali non nisi acutissimi comprehendunt, eiusmodi symbolis corporeis vestierint, quae non nexum modo cum istis propositionibus metaphysicis habent nullum, sed eas etiam ineptissime exprimunt, et ita obscurant, ut quid velint, non intelligas. E. g. Quae connexio roris seu humiditatis cerebri macroprosopi cum sephirarum siue fontium secundariorum atque emanationum diuinarum altera vel tertia: quid statui androgynitatis cum emanationum in inferiora combinatione? quae conuenientia caudae draconis in capite, et capitis post humeros translata, et in tergo vxoris microprosopicae, cum circulo siue mutuo influxu emanationum superiorum in pleromate diuino in regnum diuinum, quod extra pleroma in mundis inferioribus emanatiua continent? Lectorem prudentem et attentum iudicem postulamus, ut definiat, an seipsos satis intellexisse lochaideae disciplinae alumnos credendum sit? Partim confirmant hanc coniecturam inepta ad ratiocinandum Iudaeorum ingenia, quae laxatis semel imaginationis, quam aestuantem habent, et viuidissimam Orientis incolae, habent, Phaëtonis extra orbitam vagantis instar fusque deque vertuntur. Hos in orbem reuocare homines et systema vbique cohaerens ex eorum tricis nugisque deducere, nobis quidem videtur impossibile, et nec expectandum, nec postulandum, ut tenebrae hae omnes dispellantur. Mirandum itaque non est, viros acutissimos, et horum mysteriorum notitiae acquirendae plurimum temporis impendentes de inuincibili obscuritate et difficultatibus insuperabilibus Cabbalae fuisse questos. Et ante Cabbalam quidem denudatam, cum plerumque adhuc sepulta quasi laterent in speluncis Cabbalisticorum scriptorum

vi-

p) En illum, Cabbal. denud. T. I. P. III. Liber Schaar Hasschamaim, seu porta coelorum, in quo dogmata Cabbalistica de Aen-Soph, Adam Kadmon, Zimzum, Aziluth, Briah, Iezirah, Asiah, Nomine tetragrammato, reuolutionibus alphabeticis, Auuir Kadmon, Personis Attik, Arich, Abba vel Imma, Seir Anpin, et vxore eius de lumine cranii, oculorum, aurium, narium, oris in Adam Kadmon, de partibus animae, Nephech, Ruach, Neschamah, Chaiah, Iechidah, literis tetragrammati quaternario, denario, sephiris, numeris, mensuris, pulchris vestimentis, contractione et lapsu vasorum, natura vasorum, radiorum lucis am-

bientis et internae, de differentiis localibus, eoque, quod dicitur supra, infra, ante, retro, dextrum et sinistrum, longum, larum, profundum in Sephiris, de descensu animae in corpus, de Sephiris Akudicis, Nekudicis, Berudicis, de restitutione vasorum, de conceptione, generatione, infantia, adolescentia, et usu rationis *78* Seir-Anpin, de Balance, de superintentione vel inuolutione personarum intra se inuicem, crinibusque capitis et barbae philosophice proponuntur, et explicantur, et cum philosophia Platonica conferuntur. En sylum Cabbalisticum, in qua Oedipus aliquis se exerceat.

viros doctos eam rem passim moleste tulisse, non magnopere stupemus. Ex quibus vir de Hebraica literatura immortaliter meritus IOANNES BVXTORFIVS¹ filius eleganter monuit: *In librorum Cabbalisticorum explicatione, qualis liber Iezirah, Hebraeos ipsos inter se non conuenire, sed in diuersa ire, insuper fructum labori non respondere. Cabbalisticam enim hanc doctrinam abyssum esse imperscrutabilem, labyrinthum inextricabilem, nec introitum ostendentem, nec exitum, fructum eius nullum.* Post editam Cabbalam denudatam vero accensa quidem lux maior tenebris, et clauis aliqua data aenigmatibus insolubilibus, maxime ex Irirae et Loriae scriptis, attamen non desierunt de obscuritate ineluctabili conqueri viri magni et in perscrutandis veterum systematibus magno acumine gauisi. Inter quos THOMAS BVARNETIVS², *Cabbalistas dixit cum ratione insanire omnes: sed esse morbum animi Orientalibus communem, cum allegoriis insanire, et Iudaeis proprium, cum sua Cabbala.* Similia fassi sunt viri docti magnaeque in his rebus perspicaciae I. G. WACHTERVS³, FR. BVDDVS⁴, N. H. GVNDLINGIVS⁵, I. CONR. SCHRAMMIVS⁶, IO. IAC. SYRBIVS⁷ et IAC. BASNAGIVS⁸, qui post laboriosum Cabbalisticorum mysteriorum examen, profunditatem tantam se inuenisse fatetur, vt superare et ad fundum penetrare nequiuert. Cuius rei causas, et molestiam nullo fructu et euentu laeto pensatam eleganter et ex vero depingit vir eruditissimus, quantusque labor incassus deuorandus sit, luculenter explicat, dignus omnino, qui ipse audiatur.

V. Auget porro ineluctabilem obscuritatem stilus scriptorum Cabbalisticorum dicendique ratio brevis, concisa, abrupta, et multoties hiulca nec satis cohaerens, cuius causa praeter indolem orientalium ingeniorum, ob feruidiorem conditionem in praeceptis quasi ruentium et cum vi quadam festinantium, studium fuit se suasque opiniones occultandi, et sub his carectis eo tutius latendi. Qui homines cum omni diligentia adhibita in id fuerint connisi, ne possent intelligi, num philosophorum nomen mereantur, vel legi velint, lector ipse cogitet⁹.

VI. Fluit porro ex dictis, in cassum laborare, quicumque systema vbi-que cohaerens ex Cabbalistarum scriptis eruere, et assertiones omnes necessario inter se nexu coniungere laborant. Nam fuisse apud Iudaeos exiguum rationalis philosophiae usum ex supra dictis notum est, idque imprimis ad antiquiora tempora pertinet. Exigua itaque ratiocinandi artis notitia illis instructis, mirum non est, si in Cabbalistarum scriptis multa inueniantur ἀσύντακτα, in quibus conciliandis magis frustra laborabis; quam
in

q) Ad Cosmi P. IV. §. 27. p. 318. seq.

r) l. c. p. 372.

s) Elucid. Cabb. c. III. §. 1. p. 26.

f) l. c. §. 35. p. 293.

g) Hist. philos. mor. c. VII. p. 96.

1) l. c. c. I. §. 9. p. 12.

2) Instit. phil. prim. P. II. c. 2. §. 3. p. 367.

3) l. c. L. III. c. 14. §. 10. p. 363.

4) Legendum sobrium iudicium MORHOFFII Polyhist. T. II. L. II. P. I. c. 9. §. 2. p. 311.

in Aethiope dealbando. Et hunc quidem philosophiae defectum in tota Iudaeorum eruditione supraprehendimus, speciali vero aliqua ratione ad Cabbalisticam doctrinam pertinet. Ea enim, ut nomen docet, non ratiocinatione innititur, sed traditione, quam a maioribus acceptam sine examine posteris Cabbalistae tradiderunt, non passi, ut acceptorum mysteriorum examen aliquod adhiberetur. Cui consilio magnum iecerunt fundamentum, asserendo, Cabbalam esse diuinae originis, et a summo Numine Mosi traditam humani iudicii tribunal et examen refugere; quo non potuit non auctoritatis praeiudicium, sanorum principiorum locum occupare, cum tanta Mosi inter Iudaeos fuerit veneratio, ut iis, quae ab illo profecta fuisse dicebantur, sine anathematis fulmine contradicere nemo auderet. Quod cum sensu quodam eminentiore Cabbalisticis dogmatibus tribueretur, mirum non est, de nexu assertionum earumque ex principiis suis demonstratione Cabbalisticae philosophiae doctores pariter atque discipulos sollicitos non fuisse, hosque contentos esse debuisse, si obscurissimarum imaginum aliquis recluderetur sensus et cum tremore atque veneratione ad haec adyta admitterentur. Cuius exemplum luculentum extat in *Idra Rabba* ^x, ubi refertur, socios Iochaidis quaestionem quidem mouisse, ast hunc respondisse: *Arcanum arcanorum est, quod homines nec scire, nec comprehendere, nec scientiam suam de illo vel musitare possunt.* Causam huius rei et traditionis indoles et *αὐτὸς ἔφα* ex scholis Pythagoricis ad Iudaeos delatum aperit, quae ratiocinationem non admittunt, nec systematicam aliquam philosophiam constitui patiuntur ^y. Accedit allegoriarum abusus, eo infaniae prouectus, ut absurda et non cohaerentia multa inferat. Quod ipse agnouit HENR. MORVUS ^z, qui in hac philosophia Cabbalistica multa nec cohaerentia satis, nec a contradictione libera animaduertit, et consequentias multas conclusionesque falsas detexit. Eandem de Cabbalistarum philosophia queremoniam instituerunt BURNETIUS ^a et BUDDEUS ^b. Id quod displicuit quidem CL. WACHTERO ^c, reprehendenti in B. Buddeo, *quod existimauerit, operam lusu- rum, qui nexum aut iustum aliquod systema desiderauerit a gente, quae, quid systema sit, nesciat. Hoc enim si verum sit, Cabbalam non magis philosophiam esse, quam sunt vngae beccesylenae, aut somnia et incertae fabulae fragmenta etc.* At non tantum esse in utrumque virum celeberrimum dissenfum, facile intelliget, qui considerauerit, non esse de eo quaestionem, an philosophiae Cabbalisticae systema aliquod exstrui, et positis primis Cabbalistarum principiis conclusiones potiores ex iis queant deriuari, hoc enim nec negauit Buddeus, qui philosophiam Cabbalisticam ipse delineauit, nec impossibile esse, ex sequenti systematis Cabbalistici

E e e e e 2

adum-

x) Sect. II. Cabb. denud. T. II. p. 390.

y) Conf. Acta philos. Vol. I. p. 614.

z) Qq. in librum Druschim Cabbal. denud. T. I. P. II. p. 62.

a) Archaeolog. philos. L. I. c. 7. p. 366.

b) Hist. philos. Hebr. p. 445.

c) Elucid. Cabbalistic. c. 111. §. 13. p. 38. ad ea respondit BUDDEUS in noua editione Hist. phil. Hebr.

adumbratione patebit: sed id velle viros doctos, qui Iudaeos hoc nomine accusant, non habuisse auctores Cabbalisticos systematis nexum in animo, cum somnia sua traderent, nec ita ad principia sua attendisse, vt conclusiones cum iis recta necessariaque consecutione cohaereant, quod alias in quouis systemate philosophico requiritur. Id quod verum esse, sequentia luculenter docebunt, praecipue si ad veteres Cabbalistas, quorum auctoritate praecipue standum est, respiciamus. Recentiores enim Cabbalistas quosdam methodum syntheticam ex mathematicorum atque Peripateticorum philosophorum institutione edoctos certiora nobis dedisse, facemque praetulisse, in nexum eum, quem dogmata Cabbalistica inter se ex principiis suis habere debent, penetrandi, negari non potest, et Irirae atque Loriae exemplum probat. De his vero sermo in praesentia non est, sed de veteribus librorum *Iezirah*, *Sohar*, *Babir* et similium scriptoribus, in quibus systema aliquod detegere, oculos requirit plus quam lynceos. Agnuit id alio loco ^d vir clarissimus, fassus nationem hanc singulari aliquo iudicio coelesti ad ratiocinationes esse ineptissimam, et ad monstra delapsam esse, vbi ad eas se accinxerit. Alia quidem ratione Cl. SCHRAMMIVS ^e principia dialectica et ordinem logicum Aristotelis in Cabbalistarum dissertationibus se inuenisse visus est. Verum ea non reperisse in illis, sed intulisse, plusque luminis logici vidisse, quam alii vident, seductum quoque fuisse ineptissimo praeiudicio ^f: *Non omne illud Peripateticorum sectae tanquam origini suae deberi, quod forte statuti illius principiis congruum est, sed ipsum huius auctorem consuluisse Hebraeos, itinere ad illos instituto, vel saltem, dum magnam doctrinae suae partem ex oriente acceperit beneque ordinauerit, vbi magistrum Platonem esset secutus*; palpabunt, qui viri cetera docti tractationem cum Cabbalisticis scriptoribus comparandi laborem non subterfugient.

VII. Nouam vero ea, quae obseruauimus, suspicionem excitant: cum enim ex eo tempore, quo philosophia Aristotelica inter Iudaeos obtinere coepit, etiam apud scriptores Cabbalisticos melior ordo et pulchrior quaedam systematis facies inueniatur, valde timendum est, ne Iudaei hi Peripatetice philosophantes, cum defectum ordinis et ratiocinationis philosophicae inter maiores suos viderent, puderetque eos, in tantorum mysteriorum iactatione illos parum solidi cohaerentisque attulisse, medicinam allaturi ea adiecerint de suis, de quibus veteres non cogitarunt, saltem eas conclusiones ex principiis deduxerint, quas antecessores eorum ignorauerunt. Dudum id viris doctis ^g animaduersum ordinem methodumque a scriptoribus Cabbalisticis tum demum fuisse adhibitam, vbi Pythagorae, Platonis, Plotini aliorumque gentilium philosophorum libros legissent: Quo nomine Iriram quoque notauit H. MORVS ^h, quod de sephiroth

ita

d) Spinozism. in Iudaismo P. II. c. 17. p. 223.

e) In libro supra laudato.

f) l. c. p. 18.

g) Vid. LANGIVS diff. de charact. primaeuo biblior. Hebraic. p. 66.

h) Confid. ad tr. I. libr. Druschim Cabb. de-nud. T. I. P. II. p. 53.

ita ratiocinetur, ac si sphaerae essent Aristotelicae, poenaeque orbes Aristotelicos cum intelligentiis suis pro antiquae Cabbalae mysteriis reponere videatur. Id quod non negat KNORRIVS^b, sed tantum respondet, duorum esse generum Iudaeorum magistros, aevi quoque periodis et locorum varietate nec non studiorum gradibus satis inuicem discretos. Nam qui vastationi urbis fuerint propiores, quique in terra sancta suas habuerint scholas, et ad Cabbalisticorum dogmatum culmen ascendant, puriores esse, et a pollutionis Graecanae philosophiae suspitione liberiores; postquam autem Saracenorum tempore Aristotelis philosophia Arabica lingua tradi coepta sit, Cabbalistas quosdam Maimonidem in exotericis ita instituentem secutos, ausos esse ita Cabbalistica dogmata tradere. Quibus in verbis datam obseruationem ipse mire confirmat, fallitur vero in eo, quod putat Cabbalistas veteres a pollutione Graecanae philosophiae prorsus esse immunes, cuius contrarium ex dicendis constabit, recteque ad haec monuit MORVSⁱ, magnum sibi scrupulum iniici etiam de iis, qui urbis vastationi sunt propiores, et in terra sancta suas scholas habuerint. Verum cum supra iam quaedam allata sint, huc pertinentia, pluribus afferendis hic supersedemus.

VIII. Adiuuissse vero interpolationes Cabbalisticorum scriptorum ipsiusque philosophiae ab iis traditae fata gentis Iudaicae, dubitandum vix esse videtur. Haec enim cum miris mutationibus, migrationibus et translocationibus Iudaeos fuisse expositos doceant, vt supra prolixè narratum, recte inde colligitur, non potuisse euenire aliter, quam vt inter nouas gentes, et noua studia noua quoque placita irreperent, quae veteribus addita in vnum corpus coaluerint. Id quod eo facilius fieri potuit, quo magis allegoriae difficillimae, quicquid lubebat, affingere permitterent, et facile esset, quadrata miscere rotundis. Id quod libris Iezirah et Sohar accidisse, supra, vbi de iis actum, luculenter demonstrauius, nec ipse negauit KNORRIVS^k.

IX. His omnibus iam rationibus subductis fatendum est, in historia Cabbalisticae philosophiae certitudinem, quae ex omni parte satisfaciat, sperari non posse et contentos nos esse debere, si subducto quod veteres Cabbalistae obdlexerunt, allegoriarum densissimo velo, eos inter Iudaeos philosophos interpretes sequamur, qui faciem paulo luculentiorè arcanæ philosophiae suae nobis depingunt, et quos verisimili ratione sperare possumus, non inepte antecessorum suorum mentem explicuisse, et ita calculos subduxisse, vt a veteribus tradita cum iis conspirare videantur. Ex quo intelligitur, etiam ex hac historiae philosophicae parte Pyrrhonismum sobrium suisque limitibus circumscriptum non eiiciendum, nec aliter de Cabbalistica philosophia differendum esse, quam verisimilitudinis leges patiuntur. Ex his vero patet, quid de illa cautela statuendum sit, quam in aures nobis toties insusurrant, qui Cabbalam aliquam

E e e e e 3

pu-

^b) In amica responsione l. c. p. 73. ⁱ) pag. 101. 181. ^k) Praef. T. II. Cabb. denud. §. 6. p. 4.

puram venantur, nempe diffitendum esse Cabbalisticis recentioribus, eo quod noua, peregrina et adulterina multa veteribus immiscuerint. Quod quamuis pertinaciter negandum non esse, ex haecenus dictis pateat, semper tamen difficultas restat, qua ratione pura ab impuris, domestica ab alienis, genuina a supposititiis discernere liceat, cum veteres scriptores Cabbalistici tantis se tenebris inuoluerint, ut non nisi a sequioris aetatis interpretibus lux aliqua speranda sit. Frustra huc rationem, frustra reuelationem quis aduocauerit, ut ea purae Cabbalae vestigia reliquiaeque dici queant, quae cum hac norma conueniunt. Hoc enim modo duplici ratione ratiocinandi leges violantur. Nam qui ita instituunt, eam primo hypothesein, quam tanquam purius aliquod dogma Cabbalisticum ex scriptis Cabbalisticis demonstrare satagunt, supponunt, et tum demum ad Cabbalae dogmata applicant, sicque quaestionem ratiocinii sui, praemissis vitioso argumentandi genere immiscent, et ex conclusione medium terminum demonstrationis suae deriuant: Deinde eum etiam sensum Cabbalisticis dogmatibus tribuunt, quem tota systematis, certe principiorum admissorum, ratio non patitur. Id quod in controuersiis cum Iudaeis, in quibus veritatem religionis Christianae ex Cabbalisticis scriptis viri quidam docti demonstrare satagerunt, saepe se manifestauit, Iudaeis clamantibus, ea Christianos Cabbalisticis asingere, de quibus tamen disceptetur, quaeque illos statuiffe ipsi negent atque pernegent. Ut taceamus, quod obiciunt alii¹⁾, nondum euictum esse, omne illud veteribus Cabbalisticis ignotum fuisse, quod Irira, Loria hisque similes recentiores illis tribuunt, et a placitis illis purioribus, quae animo praekoncipiunt suo, viri eruditi dissentiant. Patebit enim ex iis, quae mox dicemus, potiora et quae fundamentum rei concernunt, ita ab iis disputari asserique, ut verisimile sit ipsos Cabbalae conditores, eorumque sectatores hunc in sensum praecepisse, licet concedi queat, plura postea accessisse, quae vetustissimis philosophis Cabbalisticis indicta fuerunt, eo quod conuenienter eorum principiis asseri posse viderentur.

X. Nempe quamuis inter tot salebras inoffenso pede incedere vix liceat, illud tamen iter omnium minime impeditum videtur, quod ita recentiorum Cabbalistarum, qui magis philosophice et sine velo de his mysteriis disputarunt, explicationes sequitur, ut non tantum veterum scriptorum Cabbalisticorum cogitata cum iis comparet, et, quid sine coactione, et sua quasi sponte cum iis conueniat, et hac ratione inter se consentiat, et cohaerentis alicuius systematis rationem habeat, dispiciat: sed potissimum quoque ad fontes, ex quibus philosophia Cabbalistica hausta est, quosque in doctrina Orientalium et Aegyptiacorum philosophorum inueniri supra demonstrauius, attendat, et id propius vero Cabbalisticis veteribus tribui statuatur, quod ex iis fluxisse res ipsa clamat. Hanc enim procedendi in inquirendis dogmatibus Cabbalisticis rationem omnium maxime rationalem et verisimilem esse, facile ex eo intelligi potest, quod

1) WACHTER. Eluc. Cabb. c. III. §. 5. p. 23.

quod ex origine rerum de eius indole iudicandi via est pronissima, et ab ipsa quasi natura commendata. Hanc si sequimur, deprehendemus in multis concordiam omni expectatione maiorem talemque, quae nos plane conuincat, recte id Cabbalistis veteribus tribui, quod tam luculenter origines suas prodit. Vnde vehementer miramur, plerosque, qui de Cabbalisticae philosophiae placitis fuere solliciti, maluisse coniecturas suas sequi, quam huic viae insistere. Et Henricus Morus quidem saepissime ad Pythagoricam Aegyptiorum philosophiam prouocauit, et harmoniam inter eam et Cabbalisticam veterem demonstrare conatus est, eo quod crederet, Iudaicam philosophiam in hac ipsa gente fere oblitteratam et corruptam ad Pythagoram in eius itinere Orientali peruenisse, priusquam corruptionem sequentibus temporibus demum inualescentem fuisset passa, hincque arborem quoque sephiroticam iuxta praecepta Pythagorica explicuit et delineauit. At ignorabat vir cetera summus eam philosophiae Pythagoricae indolem, qualem in Aegypto acceperat, cum Orientalis philosophiae beneficio esset reformata, et quoad diuina in aliam prorsus formam transmutata; multa quoque, ut ipse Platonicae philosophiae erat addictissimus, ex ingenio finxit, et tum Pythagoreo, tum Cabbalistico systemati intulit, sicque vtrumque corripuit. Vnde quae de Cabbala ille praecepit, non sine grano salis legenda probeque ad veteres fontes examinanda sunt ¹¹. Alia ratione hanc quoque viam calcauit eruditissimus BASNAGIUS ^m, qui non sine multo labore id egit, ut origines Cabbalisticorum dogmatum ex philosophia Aegyptiaca ostenderet. At in eo offendit, quod eam sibi Aegyptiacam philosophiam ducem elegit; quam veterem suo loco vocauimus, eo quod antiquissimis temporibus in Aegypto obtinuisset. Hanc cum hieroglyphicis figuris atque symbolis praecepisse obseruasset, et hac etiam methodo Cabbalistas uti vidisset, ex illa hos sua depromisse iudicauit. Qua in re magnopere falsus est. Suo enim loco euidentibus veterum testimoniis demonstratum est, philosophiam illam Aegyptiacam veterem eo tempore, quo Cabbalistica philosophia inter Iudaeos enata est, iam intercuisse, et a sacerdotibus sua dogmata ope hieroglyphicae methodi ad victorum mentem aliasque circumstantias immutantibus, longe alia fuisse tradita. Mirum itaque non est, parum verisimilitudinis iis inesse, quae de hac re disputat. Aliter itaque res instituenda, eaque philosophia diuinior siue theologia exploranda est, quae post Alexandri M. tempora regnantibus Ptolomaeis in Aegypto obtinuit, quae qualis fuerit in *sine primi Tomi* luculenter descripsimus. Eam ex orientalium, qui tunc emergebant, philosophorum somniis et ex placitis Pythagorico-Platonicis fuisse confarcatam, haecque ex illis, maxime de rebus diuinis praecipiendo emendata, relicto, quod Plato sequebatur, systemate dualistico, emanatum recepit, inque constituendis variis emanationum diuinarum virtutumque substantialium

ex

¹¹) Conf. WACHTER, Spinoz. in Iud. P. II. p. 237. seqq. ^m) Hist. Iud. L. III. c. 19. p. 509. seqq.

ex Deo progrediarum ordinibus et classibus vsque ad animam, immo vsque ad ipsam materiam malosque spiritus, et definiendo rerum, quae per has classes emanarunt, ad Deum reditu occupatam fuisse, illic prolixè docuimus, monentes philosophos Platonicos sequioris aetatis duce Ammonio et Plotino eam philosophiam reformasse et in formam certiore conclusisse, quae a Platone paulo minus deuiaret. Hanc philosophiam Aegyptiacam ex Orientali potissimum enatam excoluisse Iudaeos supra satis luculentis rationibus confecimus. At Cabbalisticam inde enatam esse, ipsa comparatio plane docebit. Vt itaque in obscuro et difficili argumento lectorem manu quasi eo ducamus, ut ipse iudicium interponere queat, exhibebimus σχηματισμὸν eorum dogmatum, quae praecepit philosophia Orientalis, Alexandrina et Cabbalistica, ex quo parallelismus cuilibet intuenti erit euidentissimus. Ita vero praecepit philosophia

*Aegyptiaca siue Alexandrina.**Orientalis.**Cabbalistica.*

*Parallelismus
Philosophiae
Aegyptiacae,
Orientalis
et Cabbali-
sticae.*

I. Ex nihilo nihil fit, adeoque omnia quae sunt, ex vno principio effluerunt.

II. Hoc vnum principium est Deus Deorum, Deus vnus prior etiam primo Deo et rege, qui in solitudine suae vnitatis permanet, qui est fons omnium et radix intelligibilium idearum.

III. Ab hoc vno Deus per se sufficiens se ipse emittendo radios suos explicuit (ἐξέλαμψε) hinc est principium et Deus Deorum.

IV. Haec principia sunt super omnia, et antiquissima, quae Aegyptiaca philosophia supra Deos aetheros et empyreos et coelestes constituit.

V. Hunc excipit alius Deus, Emeth, qui est mens se ipsam intelligens, et

I. Ex nihilo nihil fit, adeoque omnia emanarunt ex Mithra infinito lucis Oceano.

II. Principium rerum omnium supremum optimumque super omnia principia in infinito silentio quietum refidet, fonsque est omnium principiorum emanantium.

III. Ex hoc vno principio, quod immensum lucis aequor est, alia omnia principia bona, lucida sunt, duxque et origo reliquarum virtutum diuinarum inde ortus est.

IV. Ad hoc principium et per hoc ad Deum omnibus principiis priorem cunctae virtutes substantiales pertinent, quibus ille prior et superior est.

V. Principium secundum lucis primigeniae naturam habet, ni-

I. Ex nihilo nihil fit, adeoque ex vno sunt omnia, infinita luce siue Or Ha-aen-soph.

II. Principium rerum omnium, quod est super omnia, est senior seniorum, occultus occultorum, ex quo sunt efformationes omnium regum, i. e. sephirarum emanantium.

III. Hic occultus cum lucis esset nimietas expandit ante se velum quoddam, in quo sculpsit formas regum, id est, produxit Adam Kadmon principium primum.

IV. Rex primus respectu regum filiorum Israël id est principiatorum ex se emanantium prior est.

V. In productione veli illius, hominis primogeniti eiusque conformata alia

alia intelligibilia ad sehilque inest tenebra-tione innotuit occultus
conuertens. rum. occultorum, et sedet sub
throno scintillarum, i. e.
luce plenus est emanante.

VI. Hic est post vnum VI. Est vero post pri- VI. Ita senior seniorum,
illud quod intelligit et mum illum Deum in occultus occultorum in
intelligitur, et solo silen- abyſſo silentii latentem. illo principio in membra
tio colitur. compoſitus, id eſt, ex-
preſſa eius natura eſt.

VII. Hoc principium VII. Hoc principium VII. Adam Kadmon pri-
prima illius vnus effi- virtus prima, maxima et mogenitus Dei, et prin-
gies eſt, et Eicton ap- ſumma poſt Deum eſt, cipiatum primum eſt,
pellatur. Deique effigies. eius imago.

VIII. Praeter hos opifex VIII. Poſt hoc princi- VIII. Eſt ex hoc princi-
eſt mens, qui et veritatis pium in pleromate di- pio ſub Or Haenſoph tri-
cuſtos et ſapientiae, et qua- uino aliud eſt, quod as principiorum, ſephira-
tenus ad generationem rerum condendarum cu- rum ſuperiorum trinitas,
ſapienter deſcendit et in- ram poſtea ſuſcepit, et corona, ſapientia, pru-
cognitam rationum laten- cum eo ſunt aeones aliae dentia, quibus Adam
tium vim producit in lu- ex eo fonte progreſſae, Kadmon inferiorum cauſa
cem, dicitur Amun, quate- veritatem, ſapientiam, creator et moderator
nus vero perficit omnia poſteſtatem diuinam com- factus eſt, et ex his ſe-
cum veritate, dicitur Ptha, prehendentes. phirae reliquae ſeptem.

IX. Sub hoc principio IX. Hoc principium ſi- IX. Ex vasis emanatio-
ſunt alii quoque princi- ue aeon angelos et ar- num diuinarum per Adam
patus ſuper elementa changelos condidit, qui Kadmon ſingulis mundo-
tota in generatione po- rebus generabilibus prae- rum generibus dati ſunt
ſita. ficerentur. angeli illis praefecti.

X. Hae poſteſtates ſiue X. Virtutes ſubſtantiales X. Emanationum ex
virtutes (δυνάμεις) ſunt ſiue aeones praeter ſum- Deo per Adam Kadmon
oſto, quatuor maſculae, mum Deum et primam decem ſunt, nempe de-
quatuor foemininae. Hae virtutem oſto ſunt, ma- cem ſephirae, quarum re-
ad ſolem pertinent. ſculini et foeminini ge- liquae ſunt maſculae, infi-
ma vxor Adam Kadmon
ſiue macroproſopi foe-
mina.

XI. Infra hunc alius XI. Aeon demiurgus XI. Ex fonte primogeni-
principatus eſt, ſuper na- extra pleroma progreſſus to, qui ex infinito lucis di-
tutam

turam omnem in generatione versantem, qui Lunae assignatur.

XII. Diuiditur coelum vel in partes duas vel quatuor, vel duodecim, et sic porro, et his duces praefecti sunt vel plures vel pauciores, his vero vnus praeficitur, qui omnes regit.

XIII. Ita secundum theologiā Aegyptiorum doctrina de principiis desuper ad inferiora progrediens, ab vno incipit et definit in multitudinem vnus imperio gubernatam, et prorsus omnis indeterminata in se natura definitur et continetur aliquo certo termino, hoc est a suprema illa vniente omnia causa.

XIV. Materiam, quae ex se esse non potuit, Deus ex essentialitate (i. e. ex se ipso) produxit (παρήγαγεν) diuidendo materialitatem ab essentialitate.

XV. Hanc materiam Deus Demiurgus animatam accepit et ex ea simplices incorruptibilesque sphaeras fabricauit, ipsiusque quod erat postremum ad corpora generabilia et corruptibilia transtulit.

XVI. Materia, quia ex

alios minores spiritus materiae praefecit, in sublu-
naribus habitantes.

XII. Angeli orbis conditores duce matre sua Ennoia mundi partibus praefecti sunt illisque imperant.

XIII. Cuncta ex superna virtute, ignota et latente emanarunt, et a primis ad infima se emanatio haec extendit.

XIV. Materia ex se esse non potest, adeoque ex infinito illo lucis diuinae et inaccessae oceano effluxisse censenda est.

XV. Materiam acceperunt angeli conditores exque ea coelum et quae sub sphaeris sunt fabricarunt.

XVI. Materia mala qui-

uinae oceano effluxit, flumina minora, et ex his in mundos inferiores ministri fluxerunt.

XII. Pandalphon spiritus mundi est, cum angelis suis mundo Asiahtico imperans.

XIII. Emanarunt cuncta a prima et suprema luce infinita, vsque ad extrema, nempe cortices i. e. malos angelos.

XIV. Quicquid materiale est, non habet essentiam ex se, adeoque ad mundum condendum ab essentialitate radios infinitum lumen retraxit, sicque ex priuatione tenebricosa materia extitit, ex qua mundus materialis conditus.

XV. Ad mundos hos condendos radius infiniti luminis emanauit, nempe Adam Kadmon per quem conditus luceque repletus mundus et confracta vasa.

XVI. Nihil itaque a Deo

Deo opifice patreque omnium facta, habet perfectionem suscipiendi Deitatem, quia superiora diffundunt lumen ad inferiora.

XVII. Nihil terrenum esse potest, quod expers sit diuinæ communicationis, hinc ipsa quoque terra diuinam quandam portionem inde suscepit.

XVIII. Materia propter conditionem vilissimam et in momenta mutabilem comparari cum aeterna Dei essentia immutabilique natura intelligibilium non potest, adeoque non-ens est.

XIX. Anima ex Deo orta est, nempe ex intellectu diuino, adeoque vi emanationis pars est diuinæ essentiae.

XX. Anima vestimenta accepit in inferiorem mundum et regiones sublunares delapsa, quibus induitur.

XXI. Liberanda est anima exercitiis philosophicis et reducenda ad fontem, ex quo descendit.

XXII. Fiet hoc per varios gradus et purgationes et reuolutiones ascendendo ex vna mundi regione ad aliam, vsque redeat anima ad Deum, originem suam.

Haecenus Alexandrina philosophia.

dem, sed potest a eon-
eam recipere et in ea apparere, vt lucem diuinam et felicitatem restituat.

XVII. Eiusmodi virtus substantialis in terra ad liberandos homines apparuit.

XVIII. Materia tenebrosa, frigida, malorum plena a Dei essentia prorsus defecit, sicque malorum sylua facta est.

XIX. Anima ex Deo emanauit et diuinæ est originis.

XX. Anima descendens corpori a malis angelis condito immissa est, hinc ab iis misere vexatur.

XXI. Liberanda est anima variis exercitiis, poenitentiis, molestiis, magia, vt ad Deum educatur.

XXII. Animæ vinculis solutæ ad Deum per migrationes varias iterum ascendunt.

Haecenus Orientalis philosophia.

teriale in se, cuncta spiritalia Deoque plena sunt, malum vero ex priuatione lucis.

XVII. Adam Kadmon igitur in materia ornanda se manifestauit, adeoque in mundo etiam Asiahtico lux est.

XVIII. Quo magis emanationes a fonte primo remotæ sunt, eo magis fiunt tenebrosæ, materia itaque retractis diuini luminis radiis per priuationem frigida et tenebrosa, facta non-ens est.

XIX. Anima hominis ex intellectu diuino prodit.

XX. Animæ vehicula sua habent, quorum vnum alterum vestit, quæque descendens in hortum Eden et inferiora accipit.

XXI. Animæ per exercitia et meditationem legis ab vno mundo in alium sicque ad summum fontem eleuari possunt.

XXII. Post mortem anima Nephesh migrat in mundo visibili, Ruach abit in hortum Eden, Neschama in hortum superiorem, et ad Deum redit.

Haecenus Cabbalistica philosophia.

Haec summorum tantum capitum comparatio est, quam vel ipsis Iamblichⁿ; veterumque de placitis haereticorum ex Orientali philosophia progressorum scriptorum^o et librorum Cabbalisticorum^p verbis, vel ex assertionibus suo loco, cum de Alexandrina et Orientali philosophia ageremus, euidenter demonstratis attulimus, ex qua coecum palpare posse credimus, ex vno fonte tria haec genera philosophiae sublimioris vel metaphysicae fluxisse. Dubiumque nullum est, potiora ab Orientalibus profecta Pythagorico-Platonicis occasionem dedisse ita statuendi, ex utroque dein fonte Cabbalistas sua hausisse, et ad patria dogmata paulo diligentius inflexisse. Ex his vero abunde quoque patet, recte nos constituisse fontem Cabbalisticae philosophiae, Aegyptiacam, quae cum systema emanationis ab Orientalibus acceperit, clauem hanc nobis exhibet, qua adyta Cabbalistarum non infeliciter referari possunt. Cuncta enim, si in summam contrahantur vnam, eo redeunt; cum ex nihilo existat nihil, omnia ex Deo, etiam materiam, quoad essentialitatem suam emanare, materialitatem vero priuationem siue non-ens esse. Omnia itaque hunc fontem et originem agnoscere, nempe Deum omnibus principiis superiorem et in infinita lucis abyfso latentem; ex eo vero per principium aliquod primarium, quod omnibus emanatiuis fons mediatius constitutus sit, primum quidem certa principia vel virtutes substantiales diuinas emanasse, quibus infinita et incomprehensibilis lux diuina ad inferiora demittatur; ex his vero fontibus spiritualibus lucis diuinae mundos diuersos pro gradibus emanationum propius vel longius a primo fonte distantium constitutos esse, et in his formandis vnam illarum virtutum substantialium diuinarum, (quas aeonas, voce ex Orientali philosophia sumpta commode dixeris) et, vt plerique inter Orientales, et omnes Alexandrini atque Cabbalistae volunt, primam Deoque proximam reliquis emanatiuis praefici fontem, eumque Dei filium, atque imaginem esse: prodire quoque ex emanationibus intra diuini luminis plenitudinem adhuc, comprehensis alios minores spiritus extra hoc πλήρωμα, eorumque varias classes, munera varia, naturamque magis minusue bonam spiritua-lemque esse, prout fonti emanationum vel propiores vel ab eo remotiores magisque crassi et materiae affines sint. Esse porro emanationes diuinae plenitudinis expressas imagines diuinae veritatis, sapientiae, prudentiae, gloriae, potentiae; maxime vero triadem superiorem ceu illi fonti fontium propiorem considerandam: et definiri posse atque concludi denario numero earum aeonum potestatem; esse quoque eas vel actiua vel passiua potentia praeditas, et ideo masculini atque foeminini generis figura repraesentari. Harum vero emanationum, operationum atque vim in regno Dei tum supra-

coele-

ⁿ) Consulenda hic delineatio philosophiae Alexandrinae superiori libro data, pleraque haec ipsis ΙΑΜΒΛΙΧΗ verbis de myster. Aegypt. f. VIII. c. 2. p. 158. Plotini, Porphyriique expressimus.

^o) Conferenda hic systemata Simonis Magi et Menandri supra delineata, et quae de philos. Orient. in antecedente libro diximus.

^p) Maxime ex libro Soharico Siphra de Zeniutha.

coelesti, quod est spirituum, tum sublunari, quod est creaturarum materialium se monstrare, et ita cuncta disponere, ut plena sint manifestantis se Deitatis, idque lucis similitudine omnium optime posse adumbrari comprehendique. Constituique posse certos orbes, gradusque, quibus evolutiones emanationum diuinarum se manifestent; et huc etiam animae originem aduocandam esse, quae ex Deo effluerit, et per certas reuolutiones exutis vestimentis, quae in descensu acceperat, a materiae angelorumque malorum persecutione liberanda, et ad fontem suum reducenda sit. Haec communia illa dogmata sunt, in quibus consensisse Orientales, Alexandrinos et Cabbalisticos philosophos ex delineatis eorum systematibus et danda infra horum adumbratione luculenter constat. Quae recedere a Platonismi genuina et ab auctore suo efformata facie quilibet rerum peritus facile detegit; ex quo euinci sine labore potest, Orientalem philosophiam primam foetus huius inuenisti matrem fuisse. Quin ex iis, quae Iamblichum potissimum *κατὰ πόδα* secuti de Aegyptiaca theologia diximus, liquere putamus, laxius Alexandrinos philosophatos fuisse de diuinis magisque a Platone recessisse, quam postea factum, ubi hoc systema emanatium Ammonius et Plotinus reformauerunt, et trinitate principiorum summorum ex veteri philosophia seruata et partim ad Christianorum placita imitanda, partim ad Platonice trinitatem exprimendam translata, reliquas aeonas abiecerunt, et in eo orientalibus philosophis, et haereticis ex iis prodeuntibus se opposuerunt, ut ex PLOTINI disputatione *contra Gnosticos* est manifestum. Non vero dogmata tantum sed et symbola illa peregrina et prorsus abscondita tum inter Orientales tum inter Alexandrinos Platonice recepta fuisse, instituta comparatio facile euincet, habebitque, qui rei difficultate non deterretur, luculentissimum exemplum in Dracone Cabbalistarum in Soharico tractatu, *Siphra de Zenitha* delineato, si cum animali monstroso, quod Orpheo affinxerunt Platonici Alexandrini comparetur, quale *Tomo primo* ex Proclo descripsimus; vel si Oracula Zoroastris cum Cabbalistarum symbolis conferantur. Vtrosque vero haec symbola ab Orientalibus et Aegyptiacis philosophis accepisse, nemo ignorat, quem philosophiae barbaricae notitia non latet. Ex his vero manifestum esse putamus, errare eos magnopere, qui Platonice philosophiam, nulla addita restrictione parentem Cabbalisticam fuisse contendunt; nam et Alexandrina philosophia, praecipue ante Ammonii et Plotini reformationem, quam tamen sequentes philosophi mox immutauerunt iterum, ut suo loco dictum, et Cabbalistica multum ab ea discedit, eo quod plurima, quoad diuinas res ab Orientalibus accepisset. At nec illi tamen rem acu tangunt, qui prorsus exulare a Cabbalisticis placitis philosophiam Alexandrinam Pythagorico-Platonice volunt. Hanc enim, ubi semel reformata esset, et ex Orientali nouos vultus accepisset, Iudaeis sua comminiscendi et dogmatibus domesticis adaptandi occasionem fecisse, origo philosophiae Cabbalisticae satis luculenter docet,

cet, et dogmata euincunt, quae ex hac schola tantum prodierunt. Quod qui negat, eum vel Soharicos tractatus, vel librum *Iezirah* nunquam legisse oportet, in quibus clara Pythagorico-Platoniorum placitorum deprehenduntur vestigia. Nullo vero euidentiori argumento id euinci potest, quam ex parallelismo inter Philonem et Cabbalistas instituto. Philonem enim in Aegypto philosophiae Pythagorico-Platonicae se addixisse, paucos hodie esse credimus, qui negauerint. At si ea comparentur, quae supra de Philonis philosophia *libri huius capite primo* differuimus, patebit, Cabbalisticam ei philosophiam simili modo, ut Pythagorico-Platoniam placuisse. Posset id instituta comparatione luculenter prolixèque ostendi, si locus tantam prolixitatem pateretur. Dabimus tamen rationem rei specimenque vnum et alterum, quoniam luculentissimum exemplum Philo est, et Pythagoreos Platonicosque multa ex Orientali philosophia sibi per syncretismum in Aegypto inualecentem vindicasse, et horum vestigia secutos fuisse Iudaeos in Aegypto philosophantes. Non allegabimus vero allegorias legis, non studium et venerationem Therapeutarum hanc philosophiam excolentium et similia, quae suo loco legi possunt, sed dogmata adducemus duo apud Cabbalistas longe celeberrima, doctrinam sephirothicam et de Adam Kadmon siue homine primo, quae ita Philo expressit, ut plane appareat, Cabbalisticam, Orientalem et Platoniam philosophiam in Philone conspirauisse. Hunc vero supra, ubi de trinitate Philonis disputauimus, praeposuisse trinis principiis in diuinitate Deum summum in profunditate sua latentem, ostendimus, huicque subordinauisse tria principia summa et diuina, eaque tanquam virtutes substantiales ex Deo emanantes sibi concepisse, demonstrauimus. At his alia quoque subiunxit eiusmodi principia emanatiua, non rem tantum, sed et nomina a Cabbalisticis mutuatus: Rem ipsam ut cum arbore Cabbalistarum sephirothica comparari queat, exhibebimus ex schemate scriptoris veteris Graeci, ex quo illud attulit magnum Germaniae Graecarumque in ea literarum ornamentum DAVID HOESCHELIUS noster, quod haec est:

τὸ ὄντως ὄν		
Θεός	δύναμις,	κύριος
ἀγαθότης		ἐξουσία ἢ ἀρχὴ
ποιητικὴ		βασιλικὴ
ἐνεργετικὴ		ἀρχικὴ
χαρismaticὴ		κολαστικὴ
δωρετικὴ		κολαστήριος
κοσμοποιητικὴ καὶ		νομοθετικὴ
προσποιητικὴ		προσακτικὴ
ἴλεος		ἀπαγορευτικὴ.

Quo

Quo in schemate vnius virtutis substantialis diuersa nomina sunt, vt apud Cabbalistas quoque in arbore sephirothica euenit. Cuius nomina infra peculiari schemate delineanda, si cum hoc schematismo Philoniano comparentur, patebit sephiroth Cabbalisticas Philoni non fuisse ignotas, at nec aeonas Orientalium eum latuisse, immo, si dicendum, quod res est, ex hoc fonte vtrosque hausisse, Mosisque doctrinae de attributis diuinis corruptae et adulteratae applicuisse. Nam et Cabbalistae, virtutes emanatiuas ponunt, ἐξουσίαν, coronam, quam et κυρίον, Eieh dicunt; et sapientiam, quam Θεὸν Iah vocant, et prudentiam, quae Iehoua vocatur, porro δύναμιν quam Gebhurah vocant, allegant, et ἀρχικὴν, quae Gedolah siue magnitudo imperii dicitur, et sic porro, quae omnia tandem in regno Dei, et potentia legislatoria se exserunt. Verum ne haec nostro tantum ingenio foecundiori forte in hac concordia inter Cabbalistas et Philonem videnda, deberi, caussetur quisquam, en luculentum ipsius PHILONIS locum, qui totum systema et Orientale et Cabbalisticum continet, sed Graece inspiciendus est, cum interpres, qui hoc philosophiae genus non intellexit, vim verborum veramque significationem non fuerit assecutus. Ita vero philosophus Iudaicus: τὸ γὰρ ἐν ᾧ ὃν ἐστὶν ἐχὶ τῶν πρὸς τι, αὐτὸ γὰρ ἑαυτῷ πλήρες, καὶ αὐτὸ ἑαυτῷ ἱκανόν· καὶ πρὸ τῆς τῷ κόσμῳ γενέσεως καὶ μετὰ τὴν γένεσιν τῷ παντός, ἐν ὁμοίᾳ· ἀτρεπτον γὰρ καὶ ἀμετάβλητον, χρῆζον ἐτέρῃ τὸ παράπαν ἑδενός· ὥστε αὐτῷ μὲν εἶναι τὰ πάντα, μηδενὸς δὲ κυρίως αὐτό· ΤΩΝ ΔΕ ΔΥΝΑΜΕΩΝ ἌΣ ΕΚΤΕΙΝΕΝ ΕΙΣ ΓΕΝΕΣΙΝ ἐπ' ἐνεργεσία τῷ συσταθέντι, ἐνίας συμβέβηκε λέγεσθαι ὡσανεὶ πρὸς τι τὴν βασιλικήν, τὴν ἐνεργητικὴν βασιλεὺς γὰρ τινος, καὶ ἐνεργέτης τινός· ἐτέρῃ πάντως βασιλευμένῃ καὶ ἐνεργετῇ· τῶν τῶν συγγενῆς ἐστὶ καὶ ἡ ποιητικὴ δύναμις, ἡ καλεσμένη Θεός· διὰ γὰρ ταύτης τῆς δυνάμεως ἔθηκε τὰ πάντα ὁ γεννήσαι, καὶ τεχνιτεύσας πατήρ· - - μεγίστη δὲ δωρεὰ τὸ, αὐτῷ λαχεῖν ἀρχιτέκτονος, ἧ καὶ συμπᾶς ὁ κόσμος ἔλαχε. *Eus enim, quatenus ens est, non habet relationem ad aliquid; se ipso enim plenum est, et sibi soli plane sufficiens, sibi que semper simile est, tum ante mundi generationem, et post genitum hoc vniuersum. Stabile enim et immutabile est, nec ullius omnino rei indiget, sic vt ex eo quidem sint omnia, ipsum vero proprie nullius sit. Ex illis vero VIRTUTIBVS, QVAS EXTENDIT ad generationem propter utilitatem eius, quod totum constituit, quasdam accidit dici posse relatiuas, e. g. regiam virtutem et benignitatem. Rex enim ad aliquem refertur, et benefactor similiter, cum alius sit, cui imperatur, et cui beneficia exhibentur. Eiusdem naturae et indolis est etiam virtus effectrix, quae Deus vocatur. Per hanc enim virtutem constituit omnia pater, cum ea gignere et artificiose producere vellet. Maximum vero munus est, eum architectum nancisci, quem vniuersus mundus nactus est.* Habes hic, lector, verissimum systematis sephirothi-

rothici sensum et explicationem, illud enim, ex infinito lumine diuino sibi in solitudine et occulto sufficienti extendisse se virtutes diuinas propter generationem rerum, easque ad mundos emanatiuos relationem habere, operante per eas principiato primo, filio Dei conditore mundi rerumque omnium architecto, statuit, vt ex sequentibus dispalescet. Alio vero loco *§* primum illum hominem Cabbalistarum luculenter exprimit; de homine ad imaginem Dei ex terra facto differens, ita tamen, vt ad Platonicas nugas simul eum referat. Ait enim: Δίπτα ἀνθρώπων γένη, ὁ μὲν γὰρ ἐστὶν ἐράνιος ἀνθρώπος, ὁ δὲ γήϊος· ὁ μὲν ἐν ἐράνιος, αὐτὸ κατ' εἰκόνα Θεῶ γεγονώς, Φθαρτῆς καὶ συνόλως γεώδους ἑσίας ἀμέτοχος· ὁ δὲ γήϊος ἐκ σποράδος ὕλης, ἣν ἤεν κέκληκεν, ἐπάγει· διὸ τὸν μὲν ἐράνιον Φησὶν ἐπεπλάσθαι, κατ' εἰκόνα δὲ τετυπώσθαι· τὸ δὲ γήϊον πλάσμα ἀλόγως γέννημα εἶναι τῷ τεχνίτῃ. *Duplex hominum genus: alter coelestis homo est, alter terrenus. Et coelestis quidem homo ille est, qui secundum imaginem diuinam factus est, expers corruptibilis et ex toto terrenae essentiae. Terrenus autem e seminali materia, quam humum vocant, eductus est. Propterea de coelesti homine dicit eum non fictum, sed ad imaginem efformatum fuisse. Figmentum enim terrenum irrationalis artificis *¶* progenies est.* Quibus verbis quamuis de homine intelligibili loquatur, patet tamen ex loco priore, virtutem illam architectonicam, quae secundum Dei effigiem ex eo producta est et emanauit intelligi, cuius homines fiunt participes, adeoque idem principium subinui, quod Adam Kadmon, primum superioremque hominem Cabbalists vocant, et ab eo, qui est in Malcuth, siue regno diuino distinguunt, qui nempe hominem inferiorem comprehendit, qui superiorem vi emanationis influentis nanciscitur ^r. Possent his addi plura, et parallelismus hic in doctrina de anima, deque angelis ostendi, nisi vela tandem essent contrahenda, et redeundum in viam, a qua digressi sumus. Sufficiunt quoque dicta, vt ostendant, Cabbalistica dogmata iam nascentis Christi tempore in Aegypto personuisse, et ex scholis Pythagorico-Platoniorum ad Orientalem philosophiam reformatis Mosaicis illis accommodatis prodiisse, adeoque philosophiam hanc Aegyptiacam, quodque in illa confirmatum est, emanationis systema veram clauem esse mysteriorum Cabbalisticorum.

XI. Monendi vero sunt Cabbalae arcana rimaturi, sermonem non esse de Cabbala practica, sed de theoretica; et in hac quidem non de artificiali et exegetica, sed de philosophica et metaphysica, quae sola ad historiam philosophicam pertinet. Quid vero discriminis intercedat, in sequentibus docebimus. Vt vero hoc addamus monitum, facit lapsus multorum, qui ante editam Cabbalam denudatam, Cabbalam artificialem et exegeticam, quae literalis et symbolica tantum est, arcani sensus

§ De allegor. leg. L. I. p. 46.

¶ Haec non ex Mosaica, nec ex Platonica, sed ex Orientali philosophia esse, haeticorum,

qui Gnostici dicuntur, somnia de demiurgo docent.
^r) Conf. Lexic. Cabbal. v. Adam Kadmon, p. 28. seqq.

sensus scripturarum sacrarum, cum philosophica et reali confuderunt, ut ex Pici, Reuchlini, Hackspanii aliorumque scriptis patet, in quibus Cabbala illa exegetica utramque facit paginam. Vix vero ediderat Cabbalam denudatam Knorrius, cum videret B V R N E T I V S, *Cabbalam illam verbalem, ad puerorum studia et delicias pertinere, et ista anagrammata sciolis et semidoctis permittenda esse, nec in censum unquam venire sanæ literaturæ aut sapientiæ, æquumque esse, hanc partem tanquam inutile membrum aut male sanum amputare a cetero corpore.*

XII. Ex his vero omnibus in genere de philosophia Cabbalistica consideratis a praeiudiciis liberati facile intelligunt, pseudo-philosophiæ characteres in ea ubique deprehendi. Siue enim modum docendi vanum et ineptum, occultum et absurdum atque inanibus imaginibus turbatum, siue systema emanatum, ordinesque emanationum constitutos ex meris ingenii otiosi ingeniis, siue notiones obscuras, confusas vagasque, immo nihili, siue consequentiarum nexum miserandum, calcemque sine arena, siue praeiudicia auctoritatis et traditionis, sine ulla rationis demonstratione admissa, siue enthusiasinum impium et deismum, ad quem systema Cabbalisticum ducit, consideremus, nullibi eos sapientiæ characteres deprehendemus, quibus a nugis ingenii stolidi et imaginationis magis, quam iudicii imperium experti vera philosophia distinguitur, et dignoscitur. Quibus si adiciamus superstitionem detestabilem, ad quam confirmandam Cabbalistæ hac metaphysica in Cabbala sua practica utuntur, nemo, speramus, erit, qui durius nos, quam par est, de philosophia, Cabbalistica pronuntiasse, conquereatur.

§. IV. Progressuris vero ad ipsius Cabbalistici systematis contemplationem prius Cabbalæ diuisio probe cognoscenda est, ne, quod magnis viris accidisse iam monuimus, nobis quoque accadat, ut quæ vno nomine gaudent, inter se vero diuersissima sunt, confundantur. Occasionem vero comminiscendi diuersa Cabbalæ genera dedit nugax Iudæorum ingenium, præcipue in regionibus Orientalibus, in quibus imaginationis nimio ardore exagitatae furore accensum, expulsa iudicandi vi ad symbola significantiora, licet rei minus conuenientia delapsum est. Haec enim consecretantes Iudæi huncque corticem magis, quam nucleum doctrinae Cabbalisticae sectantes, miram nobis disciplinam literalem Cabbalisticam dederunt, et tricis naeniisque puerorum magis ludentium diligentia, quam virorum attentione dignis Cabbalam repleuerunt. Quas cum symbolorum loco adhibuissent, ad significanda arcaniore modo mysteria sua, insuperabilibus obscuritatibus repleuerunt, quicquid lucis in Cabbala in se fatis tenebrarum complexa supererat. Quæ nisi probe discernas, non tantum Dauus manebis in explicanda disciplina Cabbalistica, sed miris etiam modis

*Diuisio Cab-
balæ.*

*) l. c. p. 364.

con-

confunderis, id quod Sec. XVI, viris doctis, qui de Cabbala solliciti fuerunt, accidisse, aliquoties monuimus. Diuidi autem solet Cabbala Iudaeorum in theoreticam et practicam. Illam *ענין* hanc *מעשה* appellant ^v. Theoretica nomen sortita est ab obiecto, quia circa res speculatione et meditatione assequendas occupatur: estque scientia explicandi scripturam sacram secundum traditionem arcanam, et hac methodo dogmata sublimiora de Deo spiritibusque atque mundis deriuandi, et mysticam quandam metaphysicam, physicam et pneumaticam exhibendi. Cabbala vero practica arcanam scientiam promittit, artificiosa applicatione nominum diuinorum, dictorumque scripturae S. vel singularum quoque vocum certo ordine, combinatione et commutatione adhibitarum, res efficere naturae modum cursumque superantes, morbos abigere, adiurare et expellere spiritus malignos, incendia restringere, ictus armorum sine vulnere excipere, et quae alia sunt mirifica ^w, quae istius ope se efficere posse iactat gens superstitiosa et impia: quam recte ideo notauit HENRICVS CORNELIVS AGRIPPA ^x, horum tamen, si quosdam audis, artifex strenuus ^y. Ex hac vero Cabbalae practicae descriptione patet, tantum abesse, vt disciplinam quandam philosophicam exhibeat, vt potius nefandam superstitionem horrendo nominis diuini abusu detestandam, magiamque aliquam philosophiae nomine prorsus indignam promittat, licet quibusdam fundamentis ex Cabbala philosophica petitis, quae infra suo loco explicabuntur, nitatur. Hanc vero ita Iudaei suspiciunt, et non tantum licitam, sed pro summo quoque sapientiae thesauro commendandam esse iudicant, vt plures, praecipue recentiori tempore inueniantur, qui Cabbalae practicae se dedant, quam qui philosophicae, de quo ardenti Iudaeorum nostri temporis studio quod Cabbalae practicae impendunt, digna sunt lectu, quae congeffit diligentissimi SCHVDTII ^z curiositas. Ad eam vero insaniam ineptum de Cabbala practica iudicium Iudaeos coëgit, vt non vereantur asserere, viros sanctos in gente Israëlitica Abrahamum, Moysen ^a aliosque, maxime vero Salomonem hanc magiam Cabbalisticam exercuisse, et secretis scriptionibus posteritati commendauisse, nec admissum fuisse ad synedrium magnum quemquam, horum mysteriorum expertem ^b. De qua Iudaeorum impietate impudentissima collecta plura videtis apud EISENMENGERV M et SCHVDTIVM. Nec alio ex fonte hausta sunt, quae de libris magicis, qui hodie sub Salomonis nomine ambulant et incautis venduntur, solent tradi, quales sunt Clauicula Salomonis, Historia Asmodaei, et his similes nugis impiis et puerilibus pleni

^v) R. ELIAS LEVITA in Thisbi lit. p.

^w) Vid. Io. IAC. SCHVDT. Memorab. Iudaic. P. II. L. VI. c. 31. seqq. p. 190. seqq.

^x) De vanit. scient. c. 47. p. 49.

^y) Multo labore se eam scrutatum esse ipse fatetur c. 48.

^z) l. c. §. 15. p. 196.

^a) Etiam Adamum, vt ex iis liquet, quae de libro Rasiel in praecedentibus dicta sunt.

^b) Conf. RAYM. MARTINI pug. fid. P. III. dist. 3. c. 22. p. 933. EISENMENGER. Iud. detect. P. I. c. 8. p. 438. seqq. SCHVDT, loc. cit. pag. 191.

pleni^c, quorum librorum catalogum congeffit doctissimus WOLFIVS^d. Nihil vero in hac Cabbala practica magis solenne atque celebre, vel ad efficienda miracula magis efficax, quam nomen Dei adorandum יהוה, quod Schem hamphoratch, id est, nomen expositum vocant, quo detestando abusu ad res naturae viis et operibus longe maiores et miracula praestanda adhibere solent, nugati, maiores suos, maxime vero sanctissimos viros in populo Israëlitico, res stupendas et omni fide maiores eo nomine effecisse, seque non minora efficere posse, quibus tamen enarrandis hic inhaerere, cum ad nostrum institutum non pertineant, nolumus, dabunt tamen insulas impiasque fabulas Iudaeorum legere non fastidientibus multa laudati viri EISENMENGERVS et SCHVDTVS^e. His nominibus diuinis miris inter se combinationibus commutatis chartam, membranulas et similia signant, et amuleta certi generis miraeque, quod iactant, efficaciae construunt, quale supra in clypeo siue scuto Daudico descripsimus. Vocant haec amuleta קמיעות, siue kamea, et triplici forma in trianguli speciem complicatas chartulas collo pectorique appendunt, eaque summo loco habent^f: adiurationes vero spirituum, febrium medicationes, fascinorum solutiones, et his similia ea praestare, nugiunduli gloriantur, quae quam inepta, quam impia, quam aliena ab omni iudicio philosophico, vel mediocriter ingenio sanus iudicioque recto paulisper vtens intelligit, dudumque ineptiae stultissimae gentis viris doctis explosae sunt. Quam tamen sanctissimum Seruatorem calumniari, quod ista ratione vsuque Cabbalae practicae miracula sua ediderit, merito indignantur omnes^g. Probe id intellexerunt viri quidam prudentiores inter ipsos Iudaeos, qui ineptum et insanum hoc contribulium suorum studium damnauerunt. Inter quos imprimis MAIMONIDES^h audiendus est, qui de hac re ita differit: *Posteaquam autem fatui et mali quidam homines ea, quae de supra dictis nominibus attulimus, inuenerunt, ansam inde plura mendacia componendi arripuerunt, literas aliquas pro lubitu in dictionem vnā colligentes, ac hominibus persuadentes, illam hoc vel illo modo dictam aut scriptam, talem vel talem habere operationem atque effectum. Mendaciis his ita ab isto hominum genere confectis coeperant illa in certos libros referri, qui cum ad manus bonorum alioqui, sed nimis credulorum virorum, qui solidum non habebant iudicium, inter verum et falsum discernendi, peruenissent, et ab illis inter κερμύλια sua adseruati et absconditi fuissent, simplices posterius illos inuenientes, fidem eis tanquam veris adbibuerunt, et pro talibus receperunt, iuxta illud, quod Salomo*

ait :

Ggg ggg 2

c) EISENMENGER. I. c. p. 350. F. II. c. 8. p. 440. BARTHOLINVS de libris bibl. c. XIX. p. 64. FABRIC. Cod. pseudepigr. V. T. T. I. p. 103. WOLF. Bibl. Hebr. P. I. p. 1047.

d) Ibid. P. II. p. 1216.

e) Vid. EISENMENGER. I. c. P. I. c. 3. p. 354.

SCHVDT. I. c. §. 16. p. 198. BVDDEVS loc. cit. §. 38. p. 331.

f) SCHVDT. I. c. WOLF. I. c. P. II. p. 1377.

g) EISENMENGER. I. c. p. 154. SCHVDT. I. c. p. 195. WAGENSEIL. tela ign. Sat. p. 25. 32.

h) Moreh nebhoch. P. I. c. 62.

ait: *Stultus credit omni verbo*. Alia Iudaeorum loca a Io. WVLFFERO^b adducta tacemus. Narratque CHRISTOPHORVS ARNOLDVSⁱ, Iudaeum quendam celebris nominis non tantum haec coram se improbasse, sed addidisse quoque, patrem suum, cum mortis oppetendae tempus instaret, inter cetera vitae honestioris monita, id quoque filiis suis accuratissime commendauisse, vt ab istiusmodi artibus et studiis per omnem vitam sedulo sibi cauerent. Eadem viri cordati inter Christianos passim^k inculcant, qui vero pretium aliquod Cabbalae practicae statuere videntur, si alias sapiunt, vt REVCRLINO^l accidit, veram indolem eius non perspexisse credendi sunt. Certe exempla tristia, quae male euenisse has artes magicas eiusmodi *περὶ ἐργίας* sectantibus docent^m, luculentum argumentum exhibent, quam inanibus somniis illae nitantur. Nec rationes meliores sunt, et omnino fanaticis et insipidis Iudaeorum ingeniis dignae, quas pro incrustanda illicita hac arte afferunt: esse nomina effluxus ex obiectis suis habereque ideo intimam cum iis connexionem; praefectumque esse singulis rebus angelum rectorem, qui eiusmodi incantationibus adiurari mouerique queat, vt ad voluntatem Cabbalistsae euocantis adiurantisque se flectatⁿ. Quam ineptam opinionem ex Aegyptiaca philosophia habere originem, et ab eius sectatoribus paulo sanioribus fuisse reiectam, ex iis patet, quae *praecedente libro* de studio magiae inter Alexandrinos philosophos differuimus. Certe ad abominationes gentiles inter Iudaeos grassantes hanc Cabbalam practicam pertinere, nobis non monentibus quilibet, qui ratione recte vtitur, intelligit. Cabbala theoretica porro in literalem siue artificialem, quam aliqui symbolicam quoque, licet minus accurate, vocant^o, et in inartificialem siue philosophicam dispecitur. Est vero Cabbala literalis, arcana et artificialis atque symbolica explicatio scripturae sacrae, quam a patribus suis se accepisse Iudaei gloriantur, qua certo artificio commutatis transpositisque literis, syllabis et vocibus sensus verborum alius et arcanus eruitur. In tres vero classes hanc Cabbalam, siue exegesis mysticam et traditiuam oraculorum sacrorum dispecunt, in Gematriam, Notarikon et Temurah, quas passim viri docti^p explicauerunt, cum hae nugae multo notiores olim fuerint, quam Cabbala philosophica. Est vero Gematria species considerationis textuum sacrorum mathematicae, qua literae, voces, syllabae, commata, vel contextus inte-

^b) In theriac. Iud. not. p. 65.

ⁱ) Append. ad WAGENSEIL. Sota P. II. 99.

^k) Vid. quos nominant WOLF. Bibl. Hebr. P. II. p. 1219. SCHVDT. I. c. P. II. L. V. c. 35. pag. 211.

^l) De verbo mirifico L. II. c. 12. pag. 924. Coll. Piff.

^m) Exemplum luculentum est incendium Francofuranum in vico Iudaeorum per eiusmodi Baal Schemoth siue adiuratorem, R. Naphthali 1711 exortum, qui cum totius nationis suae pudore et indignatione prodidit, quam frustranea

et falsa sint haec miracula omnia. Rem prolixè narrat SCHVDT. I. c. c. 6. p. 70.

ⁿ) Vid. EISENMENGER. I. c. P. II. c. 7. p. 376. BASNAGE I. c. p. 388.

^o) BUDDEVS Obf. Hal. T. I. obf. 1. §. 6. intr. in hist. phil. Hebr. §. 38. p. 321. sed philosophica quoque tota symbolica est, seique hoc nomine literalis vel artificialis opponi accurate non potest.

^p) Plura dabunt TH. HACKSPAN. Miscell. S. p. 290. et in compendio GIASSIVS philolog. S. L. II. P. I. tr. 2. f. 3. art. 7. p. m. 430. alios laudat WOLFFIVS Bibl. Hebr. P. II. p. 1210. seq.

integri ex certo numerorum ordine expenduntur et cum aliis comparantur, quam variis modis Iudaei instituunt; maxime vsitatus tamen ille est, si literae, quae signa quoque numerorum apud Iudaeos constituunt, ita disponuntur, ut ex numerandi ordine vocis vel textus alicuius, inferatur altera vox vel alius textus, numero illi similis, hincque concludatur, hanc illius significationem arcanam esse. Hanc Gematriae speciem canon ille roborat, si in textibus vel vocibus duabus inter se collatis idem literarum exsurgit numerus, mysticus ibi sensus est. E. g. literae textus Gen. XLIX. יו. שילה eundem numerum constituunt, quem vox משיח conficit, nempe CCCLVIII, adeoque inde concluditur, per Schiloh Messiam esse intelligendum². Pertinet huc alia quoque Gematriae species, quam צוריית vocant, siue Cabbalam figuratiuam, nempe quando mysticae redduntur causae, cur quaedam in textu Hebraeo literae maiusculo scribantur charactere, reliquasque quantitate superent. Cuius lusus ingenii specimina in ipsos Iudaeos eleganter retorta exhibet Io. IAC. SCHVDTIVS, ad quem lectorem remittimus, cum ad nostros limites res non pertineat, sed prolixius in historia exegeseos sacrae delineanda sit, cuius breuem vero et perspicuam explicationem praeter multos alios dabit SALOMO GLASSIVS ὁ μακαρίτης³. Secunda Cabbalae exegeticae species est Notarikon, cuius duo potissimum modi sunt; vnus, quando ex initialibus seu finalibus aliquot vocum seu integri commatis literis vna vox colligitur, alter, quando ex vnus vocis singulis literis singulae voces, quarum illae literae sunt initiales, colliguntur. Prius Rascho Tebboth, posterius Sophe-Theboth vocant, cuius exempla dabunt GLASSIVS, HACKSPANIVS⁴ aliique. Tertia species Temurah dicitur, id est permutatio, fitque, vel per simplicem literarum earundem transpositionem, vel per alphabethariam permutationem seu reuolutionem. Prius Albam vocant, et purus putus anagrammatismus est; posterius Atbasch appellant, sicque literarum permutandarum seriem ordinant ex modo priore:

א ב ג ד ה ו ז ח ט י כ
ל מ נ ס ע פ צ ק ר ש ת

ex modo posteriore:

א ב ג ד ה ו ז ח ט י כ
ל מ נ ס ע פ צ ק ר ש ת

Facile ex nominibus, quibus hae species Cabbalisticae insigniuntur, suspicari quis potest, falsa esse, quae de antiquitate Cabbalae huius artificialis Iudaei nugantur. Gematriae enim nomen a Graeca voce geometria formatum est, quia secundum proportionem mathematicam literae numerantur. Notarikon, fatente R. ELIA LEVITA⁵ nomen habet a notariis Romanorum siue ταχγράφοις, qui vnus literae notatione integras

Ggg ggg 3 deno-

2) I. c. P. I. L. V. c. II. §. 49. p. 427. seqq.

3) loc. citat.

4) II. cc.

5) In Thisbi lit. 7.

denotare voces solebant, vel compendia literarum alia adhibebant. A quibus figlis nomen hoc deductum esse agnouit etiam R. NATHAN ^f. Sed res ipsa quoque veterum temporum genio plane aduersa et inaudita, indigna quoque auctoritate scripturae sacrae est, et ingruentem sequioris aevi barbariem prodit, qua sepultis quasi et latentibus melioribus in eiusmodi tricis occupabantur otiosa hominum ingenia; nec inepta est coniectura H V E T I I ^g, suspicantis, has nugas Iudaeos recentes accepisse a Graeculis esurientibus. Quod enim a verisimilitudine non abhorrrere videtur BASNAGIO ^h, Cabbalam hermeneuticam a literarum compendiis a DANIELE ^x vate narratis originem cepisse, frigidum admodum est, magisque probabile a gentilibus et Christianis, in anagrammatismis et acrostichis, deperdito elegantiae literariae sensu meliore acumen ingenii demonstrantibus Iudaeos haec crepundia didicisse. Inter gentiles enim Graecos grammaticos mature coepisse in eiusmodi minutiis ineptire ex GELLIO ^y constat, et Leonidae Isopsepha docent, hoc est, versus Homeri, qui collecto literarum singularum, quibus constant, valore, eundem numerum replent. In huiusmodi enim versibus, quorum priores literis constarent eiusdem numeri ac valoris, atque posteriores, Leonidas ille laudem quaesivit, ex quibus aliqui in Anthologia extant. Vixit autem Leonidas hic poeta Alexandrinus imperante Marco. Ex Christianis autem in simili argutiarum genere panegyricum in Constantinum M. lusit Porphyrius Optatianus. Passimque exempla horum artificiorum extant apud scriptores Graecos ecclesiasticos, recteque huc etiam veterum *αἰθεράς* et *μεῖθεας* referuntur. Vt taceamus Lycophronis anagrammata, aliaque quae satis euincunt, inter Graecos has ineptias primum, vt leuiori sunt ingenio, ortum habuisse. Alia praecipue de figlis notisque vocum integrarum literis initialibus expressis dabit BASNAGIVS ^z, ea in re prolixus, qui consuli potest. Ex his vero intelligi sine labore potest, originem Cabbalae artificialis prorsus esse gentilem, nec ante templi vrbisque vastationem quaerendam, quamuis non audeamus cum REIMMANNO ^a initia eius in Sec. III reicere. Ex his vero de exigua quoque vtilitate huius Cabbalae constat, quae euertendae magis, quam eruendae menti sacrorum scriptorum inferuit. Nisi in hunc eam vsum adhiberi quis velit, vt eiusmodi artificio Iudaeos ipsos oppugnet, et veritatem Christianam ita κατ' ἀνθρώπων defendat, vel ex his interpretamentis de illorum opinionibus statuere velit, quem vsum eleganter ostendit THEODORVS HACKSPANIVS ^b. Potissimus vero vsum se monstrat in addiscenda Cabbala reali, quam nemo intelliget, nisi hanc explicandi vel torquendi potius sacras paginas methodum intelligat, eo quod mysteria philosophica Cabba-

^f) In Aruch h. v. conf. H V E T. demonstr. eu.
Prop. IX. c. II. p. m. 453.

^g) De vita sua p. m. 60.

^h) Hist. Iud. L. III. c. 23. p. 613.

^x) Cap. V. 5.

^y) L. XIV. c. 6.

^z) l. c. p. 614. seqq.

^a) Hist. theol. Iud. L. I. c. 15. §. 4. p. 344.

^b) In diss. de Cabbala Miscell. SS. pag. 341. seqq.

Cabbalistae, eiusmodi lusibus tanquam symbolis quibusdam absconderunt. Cuius exemplum libri etiam antiquissimi Cabbalistarum Iezirah et Bahir^a exhibent, ex quibus, quam puerilia et inania hi homines excogitauerint, luculentis speciminibus videre est. In quibus, quam parum falis inest, vel vno exemplo docere patietur Lector beneuolus. In *libro occultationis*^d, qui est tractatus Solharicus: Sex primae voces, quibus legem auspicatus est diuinus scriptor, sunt sex numerationes microprosopi, et sex membra eius, sic vt legendum sit pro בראשית in principio בראשית creauit sex: tredecim vero voces verficuli sequentes tredecim formae sunt, dignitatis dignissimae, siue barbae macroprosopi. Vix risum tenebit lector, has ineptias legens, nisi indignetur, ab impuris apellis maiestatem scripturae sacrae ita vilipendi. Plura addere et taedet et piget, dabit tamen alia citatus liber *Siphra de Zeniutha*, et qui magna patientia infanientium Iudaeorum praecipue Cabbalistarum nugas collegit IACOBVS BASNAGIUS^e. Haec vero sufficere putamus, vt clare cognoscatur, reiiciendam plane ex philosophicis terris et in exilium pellendam esse Cabbalam artificialem, artem nugacissimam, pueris quam viris philosophantibus digniorem. Aliam prorsus indolem habet Cabbala realis siue philosophica, quae est doctrina metaphysica sublimior et symbolica de Deo, spiritibus, mundo, eius origine, initio et fine, de anima et similibus secundum traditionem a maioribus acceptam. Eam in duas partes dispescere solent, quas ab initiis Geneseos libri et visionis Ezechielis Bereschith et Mercauah appellant. Quod ita interpretantur illi ex Iudaeis, qui Graecanico more philosophantur, et in his praecipue MAIMONIDES^f, vt prius physicam posterius metaphysicam siue theologiam innuere dicant, eo quod in libro Geneseos creationis historia, in prophetia vero Ezechielis apparentis diuinitatis visio enarretur. Aliter tamen alii, praecipue ex Christianis. Quidam^g, apud veteres Maaseh Bereschith continuisse putant ea, quae de Dei essentia, voluntate et operibus thetica et morali ratione reuelata fuerint: Maaseh mercauah vero mysteria typorum legis ceremonialis et forensis comprehendisse, exque priori, degenerante theologia Iudaica, Talmudicam, ex posteriori Cabbalisticam exortam esse. Aliis inter quos Cl. WACHTERVS^h, Cabbala Bereschith est ipsa Cabbala contemplatiua, siue rerum diuinarum et humanarum causarumque, quibus hae res continentur, vberissima scientia, qua vna nos cum ceteras res, tum quod est difficillimum, conatur docere, vt Deum et nosmet ipsos lumine naturali nosceremus, atque vt ex hac cognitione Dei et nostri et ceterarum rerum adiumenta et auxilia peteremus, vitae bene beateque instituendae. Cabbala Mercauah autem est

c) Haec vero esse signa interpolationis ex supra dictis intelligitur.

d) Cab. denud. T. II. p. 349. seqq.

e) l. c. L. III. c. II. p. 301. seqq.

f) Constit. de fundam. legis c. II. §. 16. p. 24.

c. III. §. 16. 17. p. 48. 49. et GVIL. VORSTIUS ad h. l. conf. Moreh nebhoch. P. II. c. 39.

g) I. B. CARPZOV. inrod. in theol. Iud.

c. VI. p. 20. REIMMANN. l. c. c. 15. p. 380. n. 1.

h) Elucid. Cabbal. c. IV. §. 24. p. 67.

est ipsa Cabbala practica, theurgica et magica, cuius partes sunt innumerae, quam qui nouit, dicitur admirandis pollere virtutibus. Docet autem praecipue mysteria nominum diuinorum, quorum inuocatione eduntur miracula, nomina et virtutes angelorum daemonumque, communicationem spirituum, verba mirifica, signaturas rerum, punctationem, scrutinium animorum, interpretationes somniorum, astrologiam, futurorum praedictionem, alchymiam, medicinam etc. Verum valde timeamus, vt haec Cabbalistarum menti per omnia sint conformia, vt enim Maimonidae testimonium, longe aliter hanc doctrinam explicantis fileamus, quam explicationem verisimillimam esse BASNAGIVSⁱ, iudicat, docente *Lexico Cabbalistico*^k, quod in *Cabbala denudata* extat, Mercauah doctrinas sephirothicas comprehendit, quae ad Cabbalam practica non spectant. Rectius itaque Bereſchith Cabbalistica dogmata de emanationibus superioribus in Adam Kadmon et sephiris comprehensis, Mercauah de inferioribus vsque ad mundum Asiahticum et materialem, et cortices siue malos spiritus pertingentibus comprehendere videtur: quamquam probabile est, ipsos Iudaeos in explicanda hac Cabbalae theoretica diuisione non semper concordare. Quidam scientiam de nominibus diuinis huc etiam aduocant, de quorum virtute et insigni efficacia ad res miras perpetrandas Cabbalistsae innumera garriunt. Maxime vero de nomine Iehoua plena sunt Cabbalistarum scripta, vt vel ex folis libris *Iezirah* et *Sohar* cognosci potest. Non vero patitur instituti nostri ratio, vt in iis explicandis sumus prolixi, vnde lectorem harum rerum curiosum vel ad *Lexicon Cabbalisticum*^l, quod Cabbalae denudatae insertum est, vel, qui clariora desiderat, ad BASNAGIVM^m ablegamus; apud quos adorandi nominis mysteria explicantur: in illo etiam de aliis nominibus diuinis, v.g. de nomine Aelohim et Alla, de nomine Zebaoth, de nomine Ael Aelion, de nomine Aeiaeh, de nomine Adonai, de nomine Iah, de nomine El Schaddai Cabbalistica explicatio affertur. Vt vero specimen habeat lector, subtilitatis Cabbalisticae, nosque ἀσύμβολοι ab hoc quoque dogmatum Cabbalisticorum genere non discedamus, en paucis explicationem Cabbalistarum philosophicam nominis diuini Iehouaⁿ.

„Nomen scilicet tetragrammaton est quintum, quo velut columna superiores inferioresque sephiroth fulciuntur et cum eo vniuntur, ab imo ad summum ascendendo, et ab eo influxum accipiunt, a summo ad imum descendendo. Et hoc nomen se habet vt arboris truncus, cui alia sancta nomina omnia supra et infra et circumcirca, vt frondes et ramos inserta comperimus. Est enim radix et fundamentum omnium diuinorum nominum, quae ipsi implicantur, vnde omnes sephiroth supernae per illud ordinantur, omnesque gradus mundi excellentes secundum spe-

i) l. c. c. 10. §. 12. p. 289.

k) Cabbal. denud. T. I. P. I. pag. 553. 706.
מרכבה.

l) Illud enim librum Pardes comprehendit, qui de nominibus diuinis agit.

m) l. c. c. 13. p. 324. seq.

n) Lex. Cabb. v. יהוה p. 382. seqq.

„speciem suam et omnia vehicula tam summa, quam ima ab eo repraesentantur. Immo et literae et puncta ab hoc nomine dependent, et quicquid cogitatur et dicitur, in eo consistit. Prima eius litera est punctum intellectuale et formale, quod nulla creatura intelligit, quia absconditum est, ab oculis viuentium, ita vt homini non liceat meditari super eo, cum credendum tantum sit, quamuis non intelligatur, nec comprehendi queat vera ipsius essentia^o. Haec litera refertur ad sephiram secundam, quae dicitur Chochmah, siue sapientia. Kether enim, siue corona non adumbratur, nisi in apice tantum literae Iod, quantum inuoluit mysterium Aensoph. Duo enim nomina repraesentat et apex quidem illius ad superna respiciens refert lucem illam magnam, primitiuam, profundam, existentiam primitiuam in ipsa natura veritatis eius, quae vocatur אֲדִיר et אֵין נִכּוֹר, et אֵין ob nimiam delitescentiam, quae latet omnia entia tam summa, quam ima, quorum nullum de eo quicquam valet intelligere: vocatur vero אֲדִיר quod habet significationem existentiae, et denotat rem quae consistit in ipseitate veritatis suae, quasi, qui solus sit, qui sciat existentiam suam. Et quia nomen אֲדִיר in profundo, vt principium existendi est misericordia magna, quae subiugat omnes auctores, hinc vocatur אֵל. Ex istius apicis mysterio prodit litera Iod, quae vocatur Chochmah, arbitrium illimitatum, quae est sephira secunda. Litera secunda tetragrammati הָ ad Binah refertur, quae est fasciculus nouem sephirarum, immo decem, quia connectit tres supernas cum sex sequentibus, immo et decimam Malchuth, quando illa vnitur cum Iesod. Nomen huic appropriatum est tetragrammaton cum punctis Aelohim, quia Gebhurah, quae vocatur Aelohim, provenit ex Binah, et hoc nomen denotat misericordiam et iudicium, et ab ea proueniunt potestates iudicii. Litera tertia י denotat sex illas sephiras, quae tres supremas sequuntur, estque mysterium vnionis omnium sephirarum superiorum et inferiorum, et ascendit vsque ad Kether, id est supremam, descenditque vsque ad Malchuth, siue infimam, omnesque eidem adhaerent, quaedam infra, quaedam supra, quaedam ad dexteram, quaedam ad sinistram, ipsa autem vocatur linea media. Hinc habet nomina Ael in Chesed, Aelohim in Gebhurah, Iedid in Tiphereth, Iedud Zebaoth in Nezach, Aelohim Zebaoth in Hod, et Aelohim in Iesod. Ex his vero aliae quoque nominum diuinorum combinationes oriuntur &c. Litera quarta est הָ vltimum ad Malchuth pertinens, quae est Dominium et Schechina et sapientia posterior et Adonai. Hoc nomen est perfectae vnitatis mysterium et lapis Israëlis varias delicias et bona ad eum deferens, et illa habitat semper inter Israëlitae etiam in exilio eorum Exod. XXV, 8. supra hanc autem in fine octo sephirarum est lapis alius pretiosior margaritis, qui ambit septem sephiras intra se locatas, et propterea vocatur lapis Schoeraeth Esth. I, 6. Ex his omnibus

*) En specimen philosophantis.

„sequi-

„sequitur, si pronuntiatur tetragrammaton, assumi ore omnia nomina
 „sancta, totumque mundum cum plenitudine sua, unde intelligitur my-
 „sterium praecepti illius Exod. XX, 7. non assumes nomen tetragramma-
 „ton Dei tui in vanum, quia creatura nulla digna est, illum lingua susti-
 „nere, quo portantur omnes exercitus supra et infra. Cum itaque homo
 „effert tetragrammaton, linguaeque suae motu literas eiusdem motitat,
 „hoc ipso commouet mundos in celsissimis, omnesque angelorum exer-
 „citus in supernis gradum sistunt, et admiratione atque tristitia ob eum
 „hominem capiuntur. Reliqua nomina diuina vestes quasi regiae sunt,
 „non partes regis essentiales, sed instrumenta saltem et habitus pro indu-
 „mento et defensione eiusdem. Parciturus itaque mundo et miserturus
 „induit Chesed, Gen. XXI, 33. Cum irascitur mundanis ob peccata
 „eorum, tunc producit instrumenta indignationis suae, inque horum
 „vexillo est nomen Aelohim, Ps. LXVIII. &c.“ Habes hic, lector, breue
 compendium eorum, quae in libro *Pardes* fuse et confuse, ut solent
 Cabbalistae, atque obscurissime de nomine tetragrammato dicuntur, ex
 quibus, quantum per densum satis velum perspicui potest, cognoscitur,
 nomina diuina Cabbalistas ita cum doctrina sephirothica coniunxisse, ut
 ex eorum figura sonoque, quae necessario vinculo connexa sint, atque
 inter se coniugata, emanationum diuinarum seriem fere omnem pendere,
 et eius pronuntiatione moueri posse credant. Quae quoque ratio est, cur
 nomini huic, naturam diuinam plenissime euoluenti miraculosos effectus
 tribuant. Ast quam frigida, quam puerilia sint omnia, quamque inepta
 ex figura literarum $\aleph, \beth, \gamma, \delta$, ratiocinia, quam detestabilis scripturae S.
 abusus inde fluat, ex hoc loco abunde liquere putamus. Cuncta vero, si
 symbola vocum literarumque tollantur, ad systema emanatium pertine-
 re, virtutumque substantialium ex Deo emanantium, et alia virtutes
 iterum ex se progenerantium operationes describere, ex ipso systemate
 sephirothico constabit. Eiusmodi vero cognomina Deo tribuunt pluri-
 ma, quae in tabula exhibet liber laudatus ^r. Sed et artificiali Cabbalae
 sua res est cum nominibus diuinis, quorum exempla, ne longiores simus,
 videnda apud BASNAGIUM ^s. Tandem ad Cabbalam realem et in-
 artificialem quoque a quibusdam referuntur literae coelestes siue alphabe-
 thum sidereum, quod nouo somnii genere in scenam produxit IACO-
 BVS GAFFARELLVS, orbi literato *inauditas curiositates* deside-
 ranti persuasurus, plerorumque Cabbalistarum, praecipue auctorum libri
Sobár et *Iezirah* hanc hypothesin esse, quod eius fide repetiit THO-
 MAS BANGIUS ^r. Christianos autem quos *ὀμοψύχες* allegauerit
 Gaffarellus, malumus apud ipsum legi, quam lectorem his nugis longi-
 us, quam par est, detinere. Quamuis autem inter Cabbalistas notum
 dogma

p) pag. 419.

q) L. III. c. 13. §. 14. p. 337. seq.

r) In coelo Orientis Ex. I. p. 96. II. p. 173.

s) Vid. in compendio BVDDEVS Intr. in hist.
 phil. Hebraeor. §. 45. p. 409. seqq.

dogma sit, coelum stellasque et intelligere et loqui, et libri instar esse, ex quo a peritis siderum inspectoribus futura disci queant, nihil tamen illud commune habet cum somniis Gaffarelli, quae huc tendunt: stellas certo ordine a Deo esse dispositas, quanquam mira primo intuitu in iis confusio appareat. Hoc vero ordine literas alphabeti Hebraici eas constituere, at, quamuis stellae octauae sphaerae fixae sint, non tamen easdem literas semper conficere, sed plerasque earum pro diuerso planetarum aspectu literas variare: maxime vero respiciendum esse ad stellas verticales, eas enim, quae alicui regno impendent, euentus eidem futuros praedicere. Distinguendas etiam stellas pro ratione coeli partium, orientis, occidentis, meridiei, septentrionis. Haec et similia multa tradit, nugaeque has a Cabbalisticis se didicisse, non adductis tamen eorum verbis, locisque allegatis, iactat. Verum ut de infusa inficetaque hypothefi nihil dicamus, quam ridendam explodendamque lectoris iudicio permittimus, illud falsum est, Cabbalistas, licet cetera magnos somniorum nugacium patronos, talia protulisse. Vnde coniecit B. BVDDVS, ab Arabibus ea inuenta ad Iudaeos quosdam recentiores peruenisse, et ab iis pro Cabbalisticis placitis venditata esse: quae coniectura quoque BASNAGIO placuit. Quamuis autem ab Arabum ingenio ea non abhorreant, euincendum tamen prius est, eos coelestes siderum imagines in literas commutasse. Ipse tamen Gaffarellus inauditarum harum curiositatum inuentor detectorque primus non est, si vera sunt, quae ipse tradit, Iudaeum quendam R. ELCHABEN DAVID librum *de lectura per stellas* scripsisse, qui Cremonae in incendio a flammis deuoratus sit, sique KIRCHERO * fides, qui refert, Iudaeum quendam ABIVDA librum *de characteribus coelestibus* elaborauisse. Fatemur, tamen, et Gaffarelli et Kircheri nobis fidem in hac re tantam non videri, ut nugacissimam hypothefin Iudaeis tribuere audeamus. Quicumque autem eius auctor fuit, certe indigna est, quae in philosophiae historia locum habeat, quamuis in Pythagorea historia suo loco commenta his non valde dissimilia occurrerint. Nihil enim habet, quod vel mediocriter philosophiam sapiat, nihil, quod ad systema Cabbalisticum pertineat, quare recte a viris doctis tota ea fabula ad aniles naenias reiecta est. Eundem enim in censum recte refertur, in quem Cabbalam artificialem retulimus, qua ipsa adhuc deterior est, cum ne literas quidem veras, sed mera imaginationis exorbitantis somnia et imagines vanas sequatur. Sed de his nugis satis. Grauiora iam consideranda et cardines philosophiae Cabbalisticæ exponendi sunt.

Hhh hhh 2 §. V.

*) loc. cit.

*) J. c. L. III. c. 26. §. 9. p. 687. seqq.

*) In Oedipo Aegypt. T. II. p. 109. confer.

WOLF. Bibl. Hebr. P. I. p. 13. FABRIC. Cod. pseudepigr. V. T. Vol. II. p. 2.

y) RICH. SIMON. Bibl. crit. T. II. cap. 15. BANGIUS l. c. Obs. Hal. T. IV. obs. 12. §. 8.

§. V. Cabbalae philosophicae doctrinam descripturis de vero eius fundamento primisque principiis, quibus ea innititur, et ex quibus, rite cum iis connexis coaptatisque conclusionibus, clarius aliquod systema erui sistique potest, ante omnia dispiciendum est. Hoc enim filo Ariadneum nisi istum labyrinthum ingrediamur, nunquam inueniemus exitum verum optatumque. At quam arduum et difficile opus hoc sit, quam impedita et aspera via, quam obscurissimae, quibus incedendum est, semitae, et quam insuperabilia se obiciant impedimenta, ex iis, quae supra in observationibus generalioribus de Cabbala diximus, abunde constat. Satisque id probant exempla virorum doctissimorum, qui Cabbalisticum systema explicare aggressi passim hallucinati sunt, certe sui magis ingenii ἐνρήματα, quam Cabbalistarum placita nobis propinauerunt. Non prouocabimus ad eos viros eruditos, qui ante Cabbalae denudatae editionem arduo operi manum admouerunt, eorum enim neminem haec mysteria feliciter satis inspexisse, constat: sed ad peritiores atque exercitiores in hac parte historiae philosophicae prouocamus, Henricum Morum, Helmontiumque parentem, quorum de Cabbalistico systemate cogitationes in *Cabbala denudata* complexus est illustris KNORRIVS². Qui duo viri, cum primi fuerint, qui Cabbalisticae philosophiae systema ex confusione Iudaeorum in ordinem redigere et ex tenebris in lucem pertrahere conati sunt, omnino attentionem merentur. Ne vero mysteria Cabbalistica perspecturi confundantur, quando vident contraria duo systemata tribuisse Cabbalisticis viros hos valde acutos, enarrabimus heic loci paucis, utriusque opinionem de systemate Cabbalistico, et quid iure in utraque desiderandum sit, candide exponemus, ut his remotis, quae offendere possent, eo felicius et itinere minus impedito progredi in systemate Cabbalistico detegendo valeamus. Ita vero MORVS in *fundamentis philosophiae siue Cabbalae Aëtropaedomelissaeae*, summa capita Cabbalistica ordinat.

- I. Ex nihilo nihil potest creari.
- II. Ac proinde nec materia potest creari.
- III. Neque vero ob vilitatem naturae suae a se existere potest, eo quod nulla res vilis a se existere potest.
- IV. Nulla igitur est materia in rerum natura.
- V. Quicquid vero est, spiritus est.
- VI. Spiritus autem hic increatus est, et aeternus, intellectualis, sensibilis, vitalis, per se mouens, infinitus amplitudine et a se necessario existens.
- VII. Proinde spiritus hic reuera est essentia diuina.
- VIII. Nec vlla essentia praeter diuinam a se existere potest.
- IX. Cum vero nulla omnino sit essentia praeter hanc in rerum vniuersitate, et manifestum sit, aliquam ex essentia hac vnica, actu diuidi, palam est, essentiam diuinam diuidi posse.

X. Cum

*) T. I. P. II. p. 293. 308. seqq.

X. Cum vero essentia diuina sit, singulae particulae infinitae sunt, et in orbes infinitae virtutis et amplitudinis possunt extendi expandiue.

XI. Et vero cum singulae arenulae lapidumue granula particulaeque aëris, aetheris, sint partes huius diuinae essentiae, aequè manifestum est, quod in minutissimas has partes possint contrahi et constringi.

XII. Ex contractis partibus constat mundus, qui vocatur, materialis, cum reuera spiritualis sit, constans utique ex diuisis spiritibus, particulisue diuinae essentiae, in monadas punctaque physica contractis et constitutis.

XIII. Contractio haec est status somni seu soporis, diuinis his particulis, expansio vero status euigilationis.

XIV. Euigilationis vero gradus sunt varii, videlicet in vitam vegetatiuam, sensitiuam, rationalem, et in Neschamam, Chaiah, et Iachidah; immo tandem euigilatio fit et expansio in infinitum fere amplitudinis et virtutis orbem, adeo ut haec diuina particula spiritusue particularis mundum sibi fabricare possit ex terra, aqua, aëre, coelo, ceterisque partibus consistentem.

XV. Ac proinde particularis hic spiritus e puluisculo, puta marmoris, fieri potest planta, e planta brutum, e bruto homo, ex homine angelus, ex angelo denique nouae terrae coelique creator DEVS.

XVI. Idem dici potest de singulis diuinae essentiae particulis, quas necesse est aut actu separatas esse, aut separabiles, nempe omnes aut esse, aut esse posse Deos terrarum coelorumque creatores. Haecenus Morus, qui haec postea in scholiis latius exponit. Alterum systema IO. BAPTISTAE HELMONTII est, quem auctorem esse *dialogi Cabbalistici* ex fide CL. WACHTERI * scimus, quod hunc in modum praecipit.

I. Creator in se constituit spiritualem naturam, idque semper, et ab aeterno generauit, spiritusque ex se exhalauit, ab eo re ipsa separatos.

II. Horum spirituum aliqui ob causam aliquam e statu cognoscendi et penetrandi seu mouendi descenderunt in statum impenetrationis, et sic in centra et profunditates suas migrarunt.

III. Hae monades inertes variis modis coaluerunt.

IV. Ex his spiritibus ita inter se coalitis orta est materia, tenebricosa, mortua et impenetrabilis.

V. Materialis itaque mundus est reuera spiritualis, nempe substantia talis, quae in coecitate et quiete illa, atque priuatione prioris felicitatis aliquando spiritus fuit, et adhuc radicaliter et fundamentaliter talis est, dum constat ex spiritibus lapsis, obdormientibus et torpentibus.

VI. Adeoque materia, qua talis, seu priuatiue considerata, non existit ex se positue, sed priuatiue, ut umbra, quies etc.

Hhh hhh 3

VII. Haec

*) Spinozism. in Iudaism. detect. P. II. pag. 377.

VII. Haec abyſſus ſpirituum mortuorum vel torpentium tandem euigilat, reditque in ſtatum liberiorẽ et ſolutiorẽ.

VIII. Deus itaque creator eſt materiae, at mediate, non vero immediate.

IX. Creatura ex eadem ratione Deo eſt ratione temporis coeterna, ſed non ratione ordinis naturae; vt radii ſolis a ſole dependent, ſed cum eo coexiſtunt.

X. Creat itaque Deus per neceſſitatem intrinſecam, nempe ratione naturae ſpiritualis, ſpiritus ex ſe exaeſtuans; ſed in mediata creatione, quae eſt tranſiens ad extra, qua ex materia ex ſpiritibus torpentibus coacta creat v.g. alia coelum, alia terram, alia ſidera, agit libere.

XI. Sequitur inde, materiam, qua talem, non eſſe ſpiritum, ſed potius ſubſtantiae ſaltem ſpiritualis extrinſecam et accidentalem quandam modificationem; a qua quam longiſſime diſtet Deus intelligentiſſimus et omnium maxime motor.

XII. Deus itaque materialis dici nequit, ob infinitam eſſentiae ſuae intelligentis et mouentis ſe et alia omnia eſſentiam atque naturam.

XIII. Parum itaque dicitur, materiam factam ex nihilo, eo quod abſurdum eſt, ab ente ſumme perfecto, ſumme intelligente, ſumme libero, motum per ſe habente in ſummo gradu, ſumme penetrante, ſumme immutabili, ſumme poſitiuo, ſumme viuo, produci immediate ens ſumme imperfectum, omni ſcientia, intellectu et cognitione in ſummo gradu carens, ſumme neceſſarium, coactum, et ad leges motus paſſiui in ſummo gradu obligatum, adeoque omni omnino libertate et volitione deſtitutum, omni beatitate priuatum, adeoque ſumme mortuum et torpidum, et nihil eorum habens, quae in cauſa continentur, cum tamen cauſa nihil poſſit producere ſibi plane diſſimile.

XIV. Creatio itaque materiae facta eſt, ſpiritibus in ſtatum torporis et mortis deſcendentibus, et in monadas phyſicas atque atomos degenerantibus.

XV. Eſt vero ſpiritus idem quidem quod eſſentia diuina, ſed identitate generica vel ſpecifica, non numerica.

XVI. Eſt itaque ſyſtema ſeparatorum mundus a Deo ſeparatus.

XVII. Eſſentia vero diuina non admittit diuiſionem propter vnitatem.

XVIII. Spiritus in ſe conſideratus, quoad nos indefinitus eſt, eiusque amplitudo et extenſio tanta, quantam admittit gradus cognitionis et vnionis eius.

XIX. Non ergo conſtringitur ipſa diuina eſſentia, ſed illud quod ei analogum fuit, ſpiritus nempe creatus. Haec conſtrictio poteſt vocari ſomnus et torpor et mors.

XX. Euigilatio, quae a Cabbaliſtis vocatur ſecretio ſcintillarum, tot habet gradus aſcenſus, quot ſtatui poſſunt deſcenſus, quorum tamen ſummus eſt, vnio cum Deo, licet non vnitas, et vis creandi, non primaria,

maria, id est, producere spiritus, sed secundaria, quae est formare vehicula, &c. quae eidem communicari queat.

Et haec quidem Helmontius, qui tamen academice et tentaminis gratia se tantum proponere dicit. Patet vero ex utroque schemate, emanationis modum viros hos doctos, praecipue quoad materiam, excogitatis suppositisque nouis principiis ostendere, et ex eo Cabbalistarum dogmata explicare voluisse. Quod recte quidem factum fuisse, ex sequentibus constabit: at hypothesibus precario assumtis tentandum non erat. Mirum itaque non est, non pauca in iis philosophumenis displicuisse viris eruditis aliis, praecipue, qui in hac eruditionis, parte acutius vidit reliquis, Cel. WACHTERO^b, qui Mori systema examini subiecit. Recte is obseruat thesin nonam, posse essentiam Dei diuidi, prorsus repugnare menti Cabbalistarum, qui cum tota Iudaeorum caterua vehementer insistant doctrinae de vnitae Dei, quae rō multum in Deo respuit. Vnde Moses Germanus negauit Helmontio, Deum vnum et multa esse. Poterat id discere Morus ex R. COHEN IRRAE *porta coelorum*, qui dicitur: *Causa prima, Deus nempe benedictus, est vnus et singularis, incommunicabilis pluribus. Nam quia natura et essentia Dei sunt ipsa diuinitas singularis, manifestum est, quod non extendatur ad alia, nec aliis sit communis: quia alias esset hic, et alius ab hoc, adeoque non hic; vno verbo: indiuiduum et vniuersale, essentia idem et essentia communis, indiuisibilis et diuisibilis. Et concluditur, quod essentia et natura Dei sit incommunicabilis, sed in indiuidualitate essentiam habens; vnde patet et demonstratum est, quod non tantum non detur, nisi vnum singulare, indiuiduum, et identitatem essentiae habens, benedictus nimirum, qui caussatus non est, sed causa prima; sed et repugnet, illum esse singularem in se, et indiuiduum, et simul communem alii vel pluribus.* Ita vero cadit etiam thesis decima, vndecima et duodecima, quae Cabbalistarum mentem non exprimunt. Illi enim, vt vir laudatus alio loco^c recte obseruat, considerant mundos non vt Deum, sed vt naturae diuinae necessarium et immanentem effectum, hinc R. Lorientis expresse dixit, mundum ideo conditum esse, vt posset Deus perfectus fieri in facultatibus suis et nominibus magnificentiae, vt Iehoua et Adonai, vel vt alii addunt, vt posset se ipso frui, seque ipsum inuerso quasi oculo intueri. Cum vero necesse sit, causam alicuius rei, immanentem et emanantem cum illa singularissime vnum esse, quomodo omnes concipiunt, rem et modum rei a parte rei non distingui: hinc porro addunt Cabbalistae mundum esse opus substantiae diuinae infinitae, attributa sua infinita varie modificantis, et ad varias sephiras, emanationes, effluxus, virtutes, formas et naturas finitas determinantis, secundum intellectum infinitum. Sed ne quis mundum cum ipso Deo benedicto in secula confundat, subiungunt, substantiam diuinam esse natura priorem affectioni-

^b) I. c. p. 234. seqq.

^d) Elucid. Cabbal. c. III. §. 7. p. 30. seq.

^c) Cabb. denud. P. III. p. 7.

bus suis, adeoque etiam mundo Deum, sed esse mundum manifestationem et reuelationem Dei in se occulti. Negantes autem mundum esse Deum de Deo in se spectato, quatenus spectatur vt En-Soph, seu occultus et se solo contentus, intelligi volunt. Si quis autem mundum velit vocare Deum, quatenus Deus ab intellectu humano consideratur vt Adam-Kadmon, id est, quatenus respicitur non vt absconditus, sed per emanationes et effluxus a summis ad ima euolutus et explicatus, eatenus non repugnant, vniuersum aliqua ratione posse dici Deum, sed manifestatum. Rectissime haec vrget vir praestantissimus, quia systema Cabbalisticum non diuidit essentiam DEI in multa, et vni multa inesse contendit, quod contra articulum fundamentalem primum et praecipuum ecclesiae Iudaicae pugnat, sed tantum per modum emanationum et communicationis essentiae rerum omnium origines explicat, quod systema Mori prorsus euertit, qui Stoicam hypothefin Cabbalists affinxit, ea autem principia posuit, quibus latissimum aequor, quod tangit Cabbalistica philosophia, exauriri non potest. Longe vero magis recedit a Cabbalists Helmontianum systema, quod multitudinem in vnitatem Dei alia, quam Morus, nec feliciore ratione ponit. Ita enim vnum in essentia Dei Cabbalists ponunt, vt non queat separatione spirituum torpentium in partes diuidi: quam separationem nec nouit Cabbala, nec indicat systema separatorum. Vt taceamus animae originem ex hac Helmontii explicatione non posse secundum Cabbalisticorum doctorum mentem ostendi. Anima enim non ex statu euigilationis est, et ex torpente monade euoluta et excitata ad statum sensitium, rationalem, spiritualem et diuinum eleuatur, quod Cabbalists Helmontius affingit, sed ex superiore Horto Eden per mundos descendit, et vestimenta in descensu sensitua et vitalia demum accipit. His itaque exemplis virorum acutissimorum, qui non satis feliciter in hac arena defudarunt, moniti, abstinemus ab omni hypothefi precario assumpta, et ad emanationis leges, quas secutos fuisse Cabbalistas supra probauimus, attendentes, ea eligemus, quae cum veteres Cabbalae doctores obscurius, tum recentiores huius philosophiae interpretes paulo clarius tradiderunt, sperantes fore, vt vbi hi tres fontes conspirauerint, verisimili ratione vera mens Cabbalistarum queat detegi. Maxime vero ex recentioribus commendari merentur R. IIZCHAK LORIIA et R. ABRAHAM COHEN IRIHA, quorum prior scripsit *librum Dru-schim*, qui introductionem exhibet metaphysicam ad Cabbalam, ad quem scripsit HENRICVS MORVS *considerationes de quaestionibus*, in quibus dubia haud leuia contra systema hoc metaphysicum in scenam produxit: posterior autem in libro *Schaar Hasschamaim*, i. e. *porta coelorum*, Hispanice, tum Hebraice scripto et postea in Latinum sermonem translato tractationem de Cabbalisticis dogmatibus metaphysicam dedit, solito clariorem, et concinniori ordine decurrentem, in qua auctor Platonice haud raro argumentis et illustrationibus vtitur. Vtrumque librum debe-

debemus studio illustris KNORRII, qui eos partem haud ignobilem collectionis suae Cabbalisticae esse voluit. Eidem debemus etiam commentarium R. CHAIM VITAL in librum Soharicum *Sipbra de Zeniurba* s, sed multo obscuriorem, quem is demum recte intelliget, qui Irirae commentationem metaphysicam probe expenderit.

§. VI. Istis vero fontibus consultis his potissimum fulcris innititur systema metaphysicae Cabbalisticae:

*Systematis
Cabbalistici
delineatio ge-
neralis.*

I. Ex nihilo nihil fit, i. e. oriri aliquid ex nihilo non potest. Caput atque cardo hic est totius philosophiae Cabbalisticae omnisque systematis emanatiui, quod ideo ex essentia diuina emanasse cuncta statuit, quia impossibile ducit ex non-ente vlllo modo fieri ens, ex nihilo aliquid. Luculenter id supponit IRIRAE ff, statuens: *Non tantum produxisse Deum omnia entia, et quicquid in iis continetur, in causato hoc primo, i. e. Adam Kadmon, sed et modo quam perfectissimo produxisse, nimirum emanando, et non creando, per modum causatorum, non formatorum, et, uno verbo, eminenter formalia et intellectualia.* Non ignota quidem apud Cabbalistas vox creationis, at longe alio sensu, quam in scholis Christianorum personat, in quibus productionem rei finitae ex non-ente vel nihilo per virtutem causae infinitae, et necessario per se subsistentis innuit, hoc enim sensu inter Cabbalistas creationis vox nunquam audita est. Sed creatio Cabbalistico sensu est emissio et expansio diuini luminis in tempore facta, ut mundi existerent. De qua luculentus locus LORIIAE g, qui ita de creatione pronuntiat: *Ab illo tempore, quo coepit expansio et emissio ista horum luminum, mundorumque dictorum, dependet existentia creationis, notio scilicet omnium creatorum, sese inuicem ordine subsequendum, usque ad hoc ipsum momentum. Quoniam igitur ordine quodam opus fuit expansioni et emissioni huic, tempore sibi ordine succedenti, non sane possibile fuit, ut vel citius fieret vel tardius creatio mundi huius: quilibet enim mundus creatus est, post creationem mundi sibi superioris, et mundi singuli creati sunt atque extensi et demissi, et procedunt alius sub alio, temporibus diuersis, et a se inuicem discrepantibus, donec ordo tangeret creationem mundi huius: atque tunc iste creatus est, tempore sibi debito creatis prius mundis superioribus.* Similia passim apud Cabbalistas occurrunt, quorum loca exhibentur in *lexico Cabbalistico* quod videndum h. Non mirandum vero, Cabbalistas, alia in ecclesia sua doceri, ut supra demonstratum, videntes ad hunc lapidem offendisse, multo minus cum Cel. BEAUSOBRIO i ex hoc Cabbalistarum

e) Lortiae liber T. II. P. I. p. 28. Irirae T. I. P. III. p. 1. seqq. extat.

f) T. II. P. II. tr. 4. p. 3. seqq.

ff) Diff. IV. c. I. p. 76.

g) Tr. I. Druschin c. I. p. 30.

h) Voce בריאת p. 208. voce בניצוצות p. 571. conf. BURNET. Archaeol. phil. L. I. c. 7. p. 366. BASNAGE Hist. Ind. L. IV. c. 7. p. 132. 150. seqq. Praeuiit PHILO, quod mundus sit incorr. p. 939.

i) Hist. Manich. P. II. L. V. c. 3. p. 195.

starum dogmate concludendum, totam ecclesiam Iudaicam ita de creatione decreuisse. Aperte enim *πρῶτον* hoc καὶ κύριον δόγμα Cabbalistarum prodit, philosophiam Cabbalisticam non ex gremio veteris doctrinae Israëlitaicae, sed ex sinu gentilis philosophiae prodiisse, quam in vniuersum ita praecepisse, et ex non-ente etiam a causa infinite potente et per se subsistente nihil posse produci, docuisse, adeoque vel duo principia coaeterna, Deum et materiam statuuisse, vel vnā omnino rerum omnium substantiam duabus partibus immanentibus, agente et patiente, Deo sc. et materia constantem asseruisse, vel per emanationem ex Dei gremio cuncta effluxisse, contendisse, ex luculenta, quam hactenus dedimus, systematum metaphysicorum et physicorum omnium philosophiae gentilis delineatione patet, recteque a viris doctis affirmatum demonstratumque est ^k. Causa vero, quae inprimis Cabbalistas adduxisse videtur, ut hoc axioma in se verissimum sensu illimitato reciperent, haec potissimum est, quod inter ens et non-ens distantiam infinitam et contradictoriam esse viderent, et τὸ ἐκ, ad causam materialem referrent, quam in spiritibus quidem exulare dicunt, verum ad materiam pertinentem in Deo locum non habere putant, eo quod materiae contradictoria esset natura respectu Dei, quam nempe in priuatione sola statuunt, orientales philosophos secuti: unde non esse reuera in mundo materiam, asserunt, ut postea ostendemus. Confudisse vero homines hos abstractas ideas cum sensibilibus conceptibus, miscentes causam materialem cum materia, adeoque circulum commisisse vitiosum, ex dictis liquet; quemadmodum veram mentem ecclesiae suae, ex nihilo condidisse Deum omnia, non satis assecuti τὸ ἐκ male pro particula causae materialis acceperunt, rati non-ens vel nihilum fuisse causam materialem, ex qua Deus omnia condiderit. Quod falsum omnino et absurdum est, eo quod ens et non-ens simul existere, et in ordine causarum reperiri inuoluit. Quam tamen absurditatem creationis ex nihilo patroni recte reiciunt. Unde concidunt simul rationes omnes, quas pro Cabbalisticis contra creationem ex nihilo affert HELMONTIUS ^l pater, eo quod supponunt, τὸ ἐκ, solam causam materialem innuere, sicque nihil inter causas referri et priuationem meram enti necessario adiungi. At nec ecclesia Iudaica vetus, nec quae eam secuta est Christiana vnquam somniauit, priuationem esse causam effectus positiui, quemadmodum, qui asserit cum D. Paulo: Deum ex tenebris produxisse lucem, nunquam tenebras causam dicet esse materialem, ex qua Deus lucem produxerit et formauerit. Quin et haec ratio Cabbalisticis id principium commendauisse videtur, quod metuerent, ne aeternitati Dei iniuria fieret, nisi ita statuerent. Ita enim ratiocinati videntur: si ex nihilo fieri possit aliquid, possibile esse, ut aliquando Deus non fuerit, sed ex nihilo demum ortus sit atque extiterit. Verum hac quoque

k) BURNET. I. c. p. 373. et qui ex instituto argumentum hoc excussit BEAUSOBRIUS I. c. §. 2. p. 163. seqq. et qui multo luculentius id

demonstrauit Cel. MOSHEMUS pec. diff. CUDWORTH Syst. intellectuali inserta.

l) loc. citat.

quoque ratione creationis ex nihilo sensum non percepisse dicendi sunt, quae tantum abest, ut res omnes sine causa efficiente infinita ab aeterno necessario existente ortas esse dicat, ut potius necessitatem entis infiniti causaeque efficientis infinita potentia instructae euincat, et efficaci ratione ita Dei existentia ex hoc ipso principio, absoluto sensu sumto: ex nihilo nihil fit, demonstretur. Quod si verum sensum creationis ex nihilo malesani doctores cogitassent, si ad ea dogmata de Deo attendissent, quae sacra oracula de infinita Dei potentia afferunt, parcius ista statuissent, et facilius impium emanationis systema, quod Deismum inuoluit, euitassent. Id enim vult dogma glorificandae summi Numinis maiestati conuenientissimum: ex nihilo creasse Deum omnipotentem omnia: produxisse ens hoc infinitum, et necessario ex se existens, perfectissimum nullisque impotentiae limitibus circumscriptum omnia, ex nulla praeeistente materia, adeoque ante illud et cum illo nihil fuisse, cum omnia crearet, sed ex liberae voluntatis et infinitae potentiae dispositione, sine causa materiali extitisse omnia. Quod nec contradictionem, nec impossibilitatem ullam inuoluit, cum omnino ad entis absolute infiniti naturam pertineat, ut a nulla causa materiali infinita eius potentia et, quod idem est, essentia limitetur, hoc enim demum contradictionem inuolueret: cum e contrario hac ratione ens hoc summum et infinitum vera et sola causa sit non existentiae tantum necessariae, qualem in emanatione Cabbalistae fingunt, sed et contingentis, qualis in rebus ex nihilo creatis obseruamus. Quod an non magis et rationi et pietati conueniens sit, quam Deum non causam tantum efficientem, sed et materialem rerum omnium facere, quod Cabbalistae faciunt, quicquid etiam de materiae notione priuatiua garriant, ut incautos decipiant, quilibet iudicare poterit, qui causarum seriem intelligit. At hoc fundamento scilicet innititur totum systema Cabbalisticum; hac cynosura praeunte ab ecclesiae suae doctrina patriaque traditione secessum fecerunt; hoc paronymo gentili philosophiae connubium promiserunt; hoc suafore mundum in Deum expansum, Deum in mundum contractum nefanda impietate conuerterunt. Quid itaque de toto systemate pio prudentique iudici statuendum sit, ex his colligi potest. Plura desideranti assatim de hac re dabunt BASNAGIVS ^{m)}, MORVS ⁿ⁾ et WACHTERVS ^{o)}, viri acutissimi, ut alios taceamus, qui pro veritate creationis ex nihilo pugnarunt. Ipse IRIRA ^{p)}, licet totus systemati emanatiuo inhaerens, fatetur, *ut aliquid existat ex nihilo, requiri vim infinitam et actum, qui non reperitur nisi in causa prima, eo ipso, quod est aliena a finitate.* Quod sine dubio ex Christianorum scholis habuit, Cabbalistae enim veteres ideo emanationum seriem receperunt, quod ne ab infinito quidem lumine aliter, quam emanatione ex se aliquod produci crederent.

Iii iii 2

II. Non

m) loc. cit.

n) l. c. T. I. Cabb. denud. P. II. p. 295.

o) Spinoz. in Iud. P. II. p. 224. seqq.

p) l. c. diff. II. c. 3. p. 47.

II. Non datur itaque substantia, quae ex nihilo prodiit, vel ex non-ente creata est.

III. Hinc materia quoque ex nihilo prodire non potuit, sed ex alio originem cepit. Probat id IRIRA⁹ ex absurditate processus in infinitum ita: *Descensus perfectionis a summo gradu ad imum, et a maximo ad minimum, non potest esse in infinitum, sed perueniendum tandem ad id, quod omnium maxime priuatum est perfectione, quod est materia prima, quae aliena et priuata est ab omni perfectione et forma, et usque adeo vicina atque propinqua nihilo et priuationi, ut ab hac non differat per id, quod habet, quia nihil habet omnino, sed per id, quod possit obtinere et recipere, quae est absoluta essentialitas entium, id est formarum naturalium et compositorum.* Miscuisse his in verbis Iriram notiones et axiomata Peripatetica Cabbalisticis, rei huius periti facile deprehendent: at assumit tamen et rationibus ab Aristotele mutuam acceptis probat, materiam non esse solam priuationem, sed subiectum ex quo, et emanationem infimam, ideo necessaria consequentia asserendam, quod emanationes ex summo ente non possint in infinitum protrahi vel in merum abire non-ens.

IV. Materia propter vilem naturam suam originem a se habere non potest. Ratio est, quia ipsa materia forma caret, adeoque materia a non-ente vel a nihilo potius, vno tantum gradu differt, proximaque est nihilo, ut monet IRIRA^r.

V. Hinc vero sequitur, non esse materiam proprie dictam in rerum natura. Ratio philosophica thesis huius quae inter *υποκειν δόξας* Cabbalisticæ philosophiæ pertinet, haec est: *Intentio causæ efficientis est, sibi simile reddere opus suum, et quanto gradu simile esse potest opus causæ suae, in tantum etiam decet illud produci.* Vnde cum *causæ prima sit substantia incorporea et intellectualis, conuenit ut etiam producat substantiam incorpoream et intellectualem potius, quam materialem et corpoream, quia illa similior est ipsi quam haec.* Valde id vrsit HELMONTIVS^s, monens, si materiam qua talem, Deus creasse statuatur, poni ita actiuam causam produxisse passiuum effectum, vitam, mortem etc. verbo, effectum sibi prorsus dissimilem et contrarium, quod contra ordinem causarum et effectuum sit. Quas rationes in hanc vnam concludere possumus, ex ente non posse provenire non-ens: adeoque id quod materiae nomen habet, debere habere entitatis aliquid, nec meram priuationem esse posse. Ex quo sequitur, cuncta quae sunt, reuera esse spiritum, nec posse esse materiam, quae in se mera sit priuatio. Magna vero se hic premi difficultate Cabbalistsae qui philosophari et ratiocinari didicerunt, vident, eo quod palpant, spiritum hunc modificatum, quem materiam vocari dicunt, ex priuatione ita factum, habere in se compo-

⁹) l. c. c. 4. p. 48.

^r) Ibid. p. 49.

^s) l. c. p. 57.

^t) Loco supra laudato.

compositionem partium, at composita ex ente vno simplicissimoque emanare non posse. Cui difficultati vt occurrat *IRIRA**, *caussum*, dicit, quod a natura simplicissima progrediatur, habere entitatem, non vero unitatem vel simplicitatem, sed esse quodammodo plura. Cum enim vnum sit, quod causae suae est inferius, necessario debere esse multum, vt ex numerorum natura constat. Et quia compositum sit ex conceptu, qui aliquid habet de causa eius, et ex conceptu quo dissimile est causae suae, hinc apparere, quod non sit simplex, vt illa, sed compositum ex unitate cuiusuis partis suae, et ex natura cuiusuis vniuersali et ex omnibus simul sumtis atque toto. Quod totum argumentum Pythagoricum est, quae schola ex unitate et duitate numeros resque omnes productas esse dicebat; quam philosophandi rationem veteribus Iudaeis placuisse, qui principia Cabbalisticae philosophiae didicerunt, ex Philone constat. Verum ludere nos Cabbalistas, metaphysicas notiones physicis immiscentes et ex composito quodam in abstracto, vel potius multo, compositum aliquod in concreto effingentes, facile deprehendet, qui haec paulo altius rimatus fuerit.

VI. Ex his porro fluit, omnia, quaecunque sunt, esse spiritum.

VII. Spiritus hic increatus est, aeternus, intellectualis, sensibilis, vitalis, per se mouens, infinitus amplitudine, et a se necessario existens.

VIII. Ac proinde hic spiritus est Ensoph, Deus infinitus. Rationibus has duas assertiones roborat *IRIRA** philosophicis, demonstrans, hunc spiritum esse perfectum, simplicem, independentem, a corporis natura remotum, infinitum, optimumque, adeoque Ensoph siue Deum benedictum in secula, causam causarum et essentiarum omnium.

IX. Cuncta itaque oportet ex hoc spiritu infinito emanare atque fluere. Hactenus principia negatiua Cabbalistae posuerunt, quae recte quoque secuti sunt Morus et Helmontius; qui vero primum iam principium posituum explicaturi pro emanatiuo systemate Stoicum elegerunt, vel Eleaticum, falsoque tribuerunt Cabbalisticis. Eorum enim philosophiae prora puppisque, et principium verum atque primum est: omnia ex Deo emanasse. Nempe negata rerum productione ex nihilo et vno Eleatico atque Stoico, duo tantum originis earum modi restant, vt nempe res omnes aut ex praeexistente materia formatae dicantur, aut emanasse ex essentia Dei asserantur; prior enim causam materialelem extra Deum ponit, posterior in ipso Deo. At priorem esse absurdissimum, et primo articulo fundamentali ecclesiae suae, unitati Dei aduersum, probe intelligebant, restabat itaque posterior, cum creationem ex nihilo, id est, nullam praeexistentem causam materiali pro impossibili haberent, vt dicerent, cuncta ex Deo emanasse. Quod vt ab Orientalibus acceperunt, qui id a Zoroastre didicerunt, vetus systema dualisticum Magorum ita emendante et reformante, ita vbique in libris Cabbalisticis crepant. Qua de re ne patientia

Iii iii 3 lecto-

*) §. 7. p. 75.

*) c. 4. p. 11. c. 6. p. 18. c. 8. p. 25. c. 9. p. 29.

lectoris abutamur, loca LORITAE^y et IRIRAE^z apud ipsos legivolamus. Dabimus tantum locum Soharicum^a, vt constet, non recentiores tantum Cabbalistas hoc systema emanatuum excogitauisse, sed veteres idem quoque supposuisse. Ita vero allegoricus liber: *Traditum est, antequam senior seniorum occultus occultorum institueret efformationes regis, et diademata diadematum, principium et finis non fuit. Sculpsit ergo et proportionem instituit in se, et expandit ante se velum quoddam, et in eo sculpsit, et certa proportionem distribuit reges, et formas eorum, et non substituerunt.* Non afferemus in praesentia, vbi alia agenda sunt, obscurissimi loci interpretationem, euolutae allegoriae velo, videri enim facile ea potest in paraphrasi quam adiecit *Cabbalae denudatae* auctor, sed id tantum monemus, aut nullum prorsus sensum verbis his inesse, aut intelligendam esse productionem sephirarum siue principiorum ex occulto occultorum emanantium per emanatuum aliquod principium primum, quod primum principiatum recte vocites, constitutum, quod symbolo veli ex Deo occulto facti adumbrat. Eo enim fine ista efformatio facta est, vt Deus in occulto latens, per emanationes suas appareret, et conspicendum se praeberet. Ait enim auctor in sequentibus: *Senior seniorum occultus occultorum, in membra compositus et praeparatus est, quasi diceretur inuentus est, et non inuentus est, non enim plane comprehendendi potuit, sed formatus quidem est, nec tamen innotuit alicui, quoniam est senior seniorum, sed in conformatione sua innotuit, vt quidam senex senum, decrepitis ex decrepitis, occultus occultorum, et in signis suis innotuit, et non innotuit: canus habitus et aspectus apertura faciei cuiusdam, sedet super throno scintillarum, vt subigat illas etc.* Ex quibus verbis paulo curatius attento manifestum esse potest, macropropon, siue principiatum primum quod fontis instar reliquis omnibus est, ideo emanasse, vt Deus in aeterno latens conspicuus fieret, sicque mundus esset per emanationem Deus manifestatus. Hoc enim fine emanatione concipi non potest. Sed haec cuncta ex sequentibus lucem accipient. Et haec causa est, cur R. NAPHTHALI HIRTZ in *explicatione libri Sohar*^b, Deum locum mundi vocitet, qua in re contribules plerosque habet consentientes, vt supra dictum.

X. Ex hoc vero rerum omnium fonte spiritali constituto, necessario est, omnia effluxisse, adeoque in eo quoque consistere.

XI. Est itaque mundus effectus Dei immanens, in quo essentia diuina attributa et proprietates suas variis modis gradibusque explicuit et modificauit. Hoc luminis infiniti symbolo Cabbalists exprimunt, quod retraxit radios, vt possent finita existere, inque iis per Adam Kadmon mundos figurauit. Ita enim laudatus commentator Soharicus^c: *Principium emanati-*

y) Tr. I. libr. Druschim c. 20. p. 30. c. 3.

p. 39. 40.

z) l. c. diff. V. c. 9. p. 101. seqq. p. 108.

seqq.

a) Idra Rabba Sect. II. Cabb. denud. T. II. p. 1. p. 390. seqq.

b) Sect. I. §. 30. p. 159.

c) loc. cit.

natiuum omnium collegit vestigium in puncta minuta, et ex centum punctis facta est litera vna, in illis enim omnibus vita est, consistuntque e luce substantiae eius. Quibus clariorem lucem affundit LORIIA^d, cuius verba, cum rerum omnium ortum emanatiuum satis luculenter explicent; hic integra legenda dedimus. Ait enim: Scito quod antequam emanarent emanantia, et creata essent creata, lux suprema extensa fuerit plenissime, et impleuerit omne vbi, adeo vt nullus daretur locus vacuus in notione lucis, nullumque spatium inane, sed omnia essent plena luce illa infiniti hoc modo extensa, cui sub omni notione sua finis non erat, eo quod nihil esset, nisi extensa illa lux, quae vna quadam et simplici aequalitate vbique sibi erat similis, atque ista vocabatur Or Haën-soph, lux infiniti. Cum autem in mentem veniret extensio huic, quod vellet condere mundos, et emanando producere emanantia, atque in lucem proferre perfectionem potentiuarum suarum actiuarum et nominum atque cognominum suorum, quae erat causa impulsiva creandi mundi, tum compressa quadantenus lux ista a puncto quodam medio ad latera circumcirca recessit, atque sic relictus est locus quidem vacuus, dictus spatium inane, aequidistans a puncto illo exacte in medio eius constituto. Quam manifestationem emanantis Dei infra schematismo explicabimus. Ex his discimus, causam finitatis et modificationis esse, distantiam a causa prima: quo longius enim a primo fonte emanans distat, eo maiorem oportet esse imperfectionem. Perfectionem enim emanationibus propter infinitatem summa causa tribuere non poterat, sed sufficebat infudisse essentiam finitam, quo ipso quodammodo permanebant defectuosa, et infinitate illa carentia, quam intra se habet: sic vt diminutior causati gradus ex eo proueniat, quod causa eius non absolute in illud extendatur. Pluribus haec luculenter explicat IRIIA^e, dignus qui legatur. His itaque suppositis porro necessario ex legibus systematis emanatiui sequitur:

XII. Quo propius emanans est infinito fonti primoprimum, eo maius est et diuinius; et e contrario.

XIII. Quo magis longiusque a fonte hoc summo primoque distat emanatio, eo magis deficit diuina virtus atque natura *f*.

XIV. Vt vero emanationes ex occulto latenteque infiniti luminis diuini fonte prodirent, apparerentque modificationes diuinarum potestatum et proprietatum, primum aliquem fontem principiatumque ex se emanare fecit, per quod et ex quo omnes reliquae emanationes consisterent; et hic Adam Kadmon est, id est homo primus, siue Dei primogenitus. Hic ille fons est primarius, ex quo emanarunt, tanquam ex principiato primo omnia, quod sub veli imagine ab occulto occultorum expanso Iochaidis schola adumbravit; de quo in sequentibus plura dicemus. Obscure de hoc homine primo, quem a Mose intelligi volunt narrante: Deum condidisse

d) I. c. p. 32.

e) Diff. V. c. 7. 8. p. 96. seqq. c. 12. p. 107.

LORIIA I. c. c. 2. p. 38.

f) Hoc ex systemate mundorum Cabbalisticorum infra explicando lucem accipiet.

didisse hominem ad imaginem suam, veteres Cabbalistsae differunt, variisque eum symbolis abscondunt ^g, de quibus postea dicitur. Clarius tamen hanc causam instrumentalem infiniti Dei primariam in condendis mundis expandendisque emanationibus suis depingunt LORIIA ^h et IRIRA ⁱ, quorum hic tredecim argumentis fortissimis euincere conatus est: *Quod a principio primo immediate emanauerit principiatum unum tantum et perfectum.* Accepisse hoc quoque Cabbalistas ex schola Alexandrina Platoniorum ad Orientalium philosophiam reformatorem, doctrina illorum de λόγος menteue diuina, ceterarum rerum omnium fonte, luculenter demonstrat.

XV. Primogenitus hic Dei filius in emanationibus suis se Deum praecipuis modis manifestauit, decemque fontes luminosos ex sinu suo expulit, qui vocantur sephiroth ^k. Ex instituto hanc assertionem infra explicabimus.

XVI. Per has sephiras siue fontes lucidos ex primogenito homine prodierunt res omnes coelestes et in emanatione immanentes; spirituales productaeque sine praecedente materia; angelicae, et creatae in substantia et subiecto, et materiales, quae dependent a materia in esse, subsistere, posse, et operari. Inde oriuntur quatuor mundi Aziluth, Briah, Iezirah et Asiah, id est, emanationis, creationis, formationis et fabricationis ^l. Sensum asserti luculentius infra euoluemus, et qua ratione legibus systematis emanatiui quatuor hi mundi Cabbalistici consent, explicabimus. Hoc autem loco id monendum, cuilibet horum mundorum suum peculiare systema sephirothicum tribui, ex Adam Kadmon siue principiatio primo prodicens, quas emanationum distributiones per hos mundos per radios lucis ex primi hominis cranio, oculis, auribus, naso, ore etc. prodeuntes symbolica ratione praefigurant; et ita e. g. sephirothicas emanationes mundi Asiahtici siue materialis ex pectore deriuant. De quibus nugis videndus LORIIA ^m.

XVII. Ex his porro sequitur, quicquid existit, non existere ex se ipso, nec ex nihilo ortum esse, sed ex Deo mediante principiatio primo siue fonte emanatiuo, qui est primogenitus Dei, effluxisse ex infinito lucis diuinae oceano. Haec formalis ratio systematis emanatiui est, quod omnia ex latente occultaque Deitate mediante principio aliquo primo, quod ante omnia ex Deo effluxit, deriuat, qua ratione Zoroaster ex Mithra Oromasden, Simon Magus philosophiae orientalis alumnus ex Deo abscondito virtutem siue aeonem maximam liberatorem mundi, Alexandrini philosophi mentem diuinam siue λόγον deriuauere, et ex hoc demum principio reliquis omnibus origines suas tribuerunt. Nam hi

^g) Idra Rabba Sect. II. §. 31. Cabbal. denud. T. II. p. 391.

^h) I. c. p. 36.

ⁱ) I. c. diff. II. p. 31. seqq.

^k) Citati p. 35. 41. 73.

^l) LORIIA I. c. p. 44. IRIRA I. c. diff. V. c. 7. p. 97. diff. VI. c. 16. p. 134. Lexic Cabbalist. v. Aziluth. p. 146. Et Cabbalistsae tantum non omnes.

^m) pag. 43.

hi omnes cum Cabbalisticis, in his duobus fulcris totius systematis emanatiui conspirabant, emanauisse lucida, realia, substantialia omnia ex Deo, eum vero, cum ob essentiae profunditatem in abyſſo deitatis occultus latuisset, ex se genuisse, vel expulſiſſe generationis vel emanationis modo principium aliud diuinum sibi proximum, per quod se manifestauerit, rebusque omnibus essentiam et existentiam ex se largitus fuerit. Vedit id, vt in philosophorum Graecorum scriptis raro inter suos exemplo erat versatissimus, *IRIRA* ⁿ⁾, qui recte obseruauit, Plotinum eandem doctrinam defendisse, demonstrando, necessario existere aliquid quod sit supra omnia, et esse aliquid quod sit infra omnia, nempe corpus, et quod inter duo extrema sit medium aliquod, quod duo haec extrema vniet. Nam quod Alexandrinis philosophis *σέρας* catenamue illam constituit, quae a mente diuina dependet, et per varios emanantium ordines et seriem vsque ad corpora pertingit, et summa imis coniungit, id Cabbalisticis primigenius ille Dei filius, homo primus est, et quae ab illo dependet sephirarum catena per quatuor mundorum ordines, vsque ad materiale mundum se extendens. De qua re cum suo loco luculenta Plotini verba adduxerimus, totumque horum philosophorum systema explicauerimus, hic nihil mouemus, lectoris arbitrio relinquentes ea, quae ibi dicta sunt, cum Cabbalistico systemate comparare; quod sine nouo lumine in argumento in se obscuro non fiet. Qui si similitudinem *PLOTINI* ^o ea de re adhibitam, cum ea, quam *R. NAPHTHALI HIRTZ* ^p attulit, contulerit, videbit non sine delectatione, ouum ouo non esse similis, quam Alexandrinorum et Cabbalisticorum philosophorum de emanationibus ex primo principiato meditationes.

XVIII. Est itaque mundus a Deo distinctus, vt effectus a causa sua, verum non vt transiens, sed vt immanens: ex quo patet, propter emanationem mundi ex Deo, eum esse Deum manifestatum, siue esse eum euolutionem et expansionem Dei in sua essentia occulti, et in eo, velut regno suo patefacti et visibilis. Dedimus hac de re verba Soharica paulo supra; et necessario haec ex antecedentibus consequuntur. Vi enim systematis emanatiui, non est quidem emanatiuum formaliter idem cum eo, ex quo emanauit, cum ratione ordinis naturaeque principium prius sit principiato, et ita in ordine causalitatis omnino ab effectu suo, licet in essentia immanente, distinguatur: quo sensu etiam recte dicitur, Cabbalistas Deum et mundum, creatorem et creaturas inuicem distinxisse. Ast cum ex vno eodemque fonte fluxerint omnia, et eadem essentia gaudeant, per seriem emanationum communicata, licet varie modificata et limitata, patet tamen quo fundamento Cabbalistae accusari queant, quod

n) l. c. diff. II. c. 2. p. 41.

p) Cabb. denud. T. II. p. 257.

o) Ennead. VI. L. V. p. 660. seqq.

quod vnitatis diuinæ immemores essentiae diuinæ multa radicaliter immo essentialiter quoque inesse, et finita ex infinito fonte effluere dixerint. Quaecunque autem in eo Cabbalistarum vel culpa vel innocentia sit, de quo hoc loco non disputabimus, illud certum, et, ne dogmata diuersissima inter se confundamus, probe notandum est, mundum Cabbalistarum esse necessarium et immanentem effectum DEI, ab essentia eius tantum ratione manifestationis distinctum separatumque, quemadmodum radii solis ex eius lumine emanantes in eo a sole distinguuntur, quod lucis expansio sunt, licet a lumine illius quoad essentiam non distent. Sunt itaque sephirae, aeones, ideae, effluxus, emanationes, formae, et quaecunque alia philosophorum hac de re vocabula occurrunt, Deo quidem fonte suo posteriores natura et ordine, et hoc quidem sensu mundus, qui per eas ex Deo emanauit, non est Deus, sed ex Deo, sicque systema Cabbalisticum a Stoico differt. Verum hoc tantum de Deo En-Soph, id est, de principio omnium primo-primo in occulto latente intelligendum est, non vero de Adam Kadmon siue Deo in principiatorum serie et euolutione se ad inferiora extendente et manifestante, sic vt hac significatione mundus Deus dici queat, non Stoico vel Eleatico sensu, sed Pythagorico-Platonico. Vnde licet Irira aliquoties ad Eleaticorum vnum prouocauerit, id tamen non eo sensu intelligendum, quo ex mente Xenophanis, Zenonis, et Melissi accipiendum esse *Tomo primo* demonstrauius, sed eo, quo PLATO in *Parmenide* systema idealisticum Parmenidi tribuit, eiusque vnum explicuit.

Et haec quidem vera fundamenta sunt, quibus innititur totum systema Cabbalisticum. Quae verbis quidem ex Graecorum et Christianorum philosophorum scholis, quibus vsi sunt Loria et Irira petitis ob perspicuitatem describenda erant, reuera autem, et quoad rem ipsam, in omnibus libris Cabbalisticis, si allegoriarum velum reuoluas, inueniuntur. Ex quibus in summam contractis, recte pronunciauissē de Cabbala dicendus est perspicacissimus BURNETIVS: *Cabbalam realem tractare potissimum de rerum originatione et gradationibus, siue de modo productionis a summo ente, aut profluxu rerum a prima causa, et earundem rerum gradibus et descensu a summis ad ima, atque haec per suos mundos et sephiroth, et personas, et portas, per sua lumina et radios et vasa et receptacula et cortices aliosque modos extulisse.* Ex hac generali systematis Cabbalistici adumbratione autem specialia quoque et primaria dogmata explicanda sunt, quae iam propius intinenda, vt constet, qua ratione ex infinito omnis realitatis fonte rerum omnium origines naturamque Cabbalistae deduxerint. Singula vero capita peculiari aedificio metaphysico constant, quibus singulis rite perspectis, non difficile erit lectori, integrum sibi Cabbalisticum systema describere. Dabimus itaque in sequentibus systematicam enarrationem dogma-

dogmatum Cabbalisticorum de Adam Kadmon, de decem Sephiroth, de quatuor mundis, de angelis et spiritibus, de animae origine, de scensu et reditu, quibus adiiciemus in fine pauca de quinquaginta portis prudentiae et triginta duobus semitis sapientiae. Sunt praeter haec alia multa apud Cabbalistas, sed adeo obscura et allegoriarum Cabbalaeque artificialis ineptiis deformata, ut nec patientia lectoris, nec nostro otio in iis extricandis abutendum esse putemus. Certe qui istis deliciis capitur, et quae dicuntur recte tenuerit, suo postea Marte in haec adyta poterit penetrare.

§. VII. Primum et praecipuum systematis Cabbalistici dogma est de *Dogma de Adam Kadmon.* Adam Kadmon, homine primo, filioque Dei, id est principiatio primo, quod fontem reliquorum emanatiuum constituit, quodque primum et immediatum post Deum excelsum principium est, quod ex infinito illo lucis diuinae aequore emanauit, et ex sinu Deitatis scaturiuu, ut eius ministerio et operatione mundus emanatiuus, spiritualis, aetherius et materialis, siue Aziluthicus, Briahiticus, Iezirahiticus et Asiahiticus secundum emanationis leges conderentur. Hunc fontem ideo a Deo constitutum esse Cabbalistae dicunt, ut, cum ipse in occulto occultorum lateret, in his emanationibus euolutis explicatisque manifestaretur. Ut vero secundum consuetudinem Orientalem hoc principiatum primum multis symbolis et allegoriis absconderunt obscurissimi philosophi, et mox literarum nominumque diuinorum figuris, mox veli, mox draconis &c. imagine adumbrarunt, ita imprimis filii, hominisue figura depinxerunt, ex cuius partibus omnibus diuinae lucis radii rutilant, et e.g. ex oculis, barba, ore, labiis, capiteque toto, pectore, brachiis, pedibus, membrisque omnibus effluunt fontes luminosi, luce diuina pleni et in circulum in se agitati motique. Hos fontes lucidos, per quos in mundos emanantes influit lux diuina in primogenito homine comprehensa, variis iterum imaginibus expriment Cabbalistae, et personas nobis ex iis effingunt, quae vero non creaturae sunt, sed notiones et radii infiniti, qui per varios gradus ita a summo fonte descendunt, ut tamen ab eo non separentur, sed ipse per has extendatur ad creationem et gubernationem entium omnium. Hi itaque fontes lucidi, siue lumina, mundique ensophici personae creaturae Adam Kadmon, id est, hominis primi vocantur, eo quod ab eo immediate, et tanquam radii radiant ex vno centro proficiscuntur, quod R. N A P H T H A L I H I R T Z *s* schematismo radiorum ex centro oblique emicantium non ineleganter depinxit, et phrasibus ad metaphysicam scholasticam magis adaptatis delineauit I R I R A *ff*. Hinc mundum ensophicum, id est hominem primogenitum caussatumque primum et immediatum ex caligine id est ex occulto latenteque Deo progressum sub similitudine hominis et fa-

K k k k k k 2 culta-

v) Vid. Fig. XII Cabb. denud. T. I. P. III. pag. 233.
 s) Conf. IRIRA l. c. diss. IV. c. II. pag. 88.

WACHTER. Spinoz. in Iud. P. I. p. 91.
 f) Cabb. denud. T. II. p. 257.
 ff) loc. cit.

cultatum partiumque animae et corporis adumbrant, et de eius membris, quin et genere et familia, patre, matre, vxore et similibus differunt, vt ex arboribus Cabbalisticis, quas Cabbala denudata exhibet, videre est, quibus lucem LORIIAE¹ et IRIRAE² disputationes accendunt. Cuncta vero seposito velo symbolico ad has assertiones possunt reuocari³:

I. Priusquam emanarent emanantia et creata essent creata, lux suprema extensa fuit plenissime, et impleuit omne vbi.

II. Nullus itaque dabatur locus vacuus, in notione lucis, nullumque spatium inane, sed omnia erant plena luce illa infiniti hoc modo extensa, cui sub omni notione sua finis haud erat, eo quod nihil esset, nisi extensa illa lux, quae vna quadam et simplici aequalitate vbique sibi erat similis, atque ista vocabatur Or Haënsoph, Lux infiniti. Hic est fons ille fontium, et radix radicum, quam non Cabbalistsae solum, verum omnes quoque Orientales philosophi ex Zoroastrea philosophia prodeuntes, et Alexandrini philosophi praesupposuerunt, quamque Philo quoque, vt supra memoratum, agnouit. Hunc Deum primo priorem, quo nomine eum appellat Iamblichus, ab aeterno in infinitate lucis suae absconditum latuisse statuebant, donec per emanationes ex occulto prodiret, hinc occultus occultorum, et senior seniorum in libro *Sohar* passim dicitur. Multa de hoc lumine abscondito habet liber *Iezirab* et commentatores eius, quibus ideo in mundo ensophico suprema et proxima emanatio, corona, splendorque vnitatis maxime aequalis dicitur אין ה' non-ens, eo quod omnem entitatem, vnitatem, numerum, incomprehensibilitatem sublimitate hyperphysica supergrediatur, et omnem notionem intellectus humani propter naturam fontis sui superet. Eadem ex ratione caliginem quoque vocant Ensoph, non ratione naturae suae, quam totam lucem dicunt, sed ratione comprehensionis humanae, quia emanatiuis omnibus in tenebris vel abscondito potius incognitus manet. Cum his velimus comparari quae de hac Dei supremi vel fontis potius fontium diuinorum notione supra in delineatione philosophiae Orientalis et Alexandrinae diximus, vt communes natales eo luculentius pateant. Quod vero lucis symbolo Deum istum descripserunt, vel potius, lucem quandam veram at intelligibilem et spiritualem rerum omnium fontem fuisse dixerunt, id ex Oriente quoque eos accepisse dubium non est, cuius populos tantum non omnes sub hac imagine naturam diuinam descripsisse, historia philosophiae barbaricae testatur. Haec lux omnia replens, et ad omnia, modo tamen non corporali, extensa, πλήρωμα illud constituit, in quo aeonas Orientales, sephiras Cabbalistsae, principia mentis idearumque diuinarum et animae ὑπερκosμικῆ Alexandrini Platonici constituebant.

III. Prae

¹) I. c. tr. I. libri Drusch. p. 43.

²) I. c. diff. V. c. 33. p. 124. c. 14. p. 129.

³) Damus in plerisque verba LORIIAE I. c. c. 2. p. 32. seqq. et IRIRAE I. c. c. 12. p. 105.

ex quibus locis repetiuerunt quoque WACHTERVS I. c. p. 82. seqq. et BVDDEVS I. c. §. 43. p. 383. seqq.

III. Prae nimietate splendoris vehementissime coruscantis non poterat produci mundus, vel oriri aliud quid.

IV. Cum autem in mentem veniret extenso huic, quod vellet conde-
re mundos, et emanando producere animantia, atque in lucem proferre
perfectionem potentiarum suarum actiuarum, et nominum atque cogno-
minum suorum, quae erat causa impulsiva creandi mundi, tum compres-
sa quadantenus lux ista, a puncto quodam medio ad latera recessit, atque
sic relictus est locus quidam vacuus, dictus spatium inane, aequidistans a
puncto illo, exacte in medio eius constituto.

V. Compressio autem illa vndiquaque sibi aequalis fuit circa dictum
centrum, per omne spatium, adeo ut locus ille vacuus exacte esset circu-
laris sub perfectissima aequalitate, nec concipi hic possit vlla quadratura
vel angulositas, sed contractio illa facta sit circulariter.

VI. Descripsit itaque et formauit sic lux terminos limitesque ac men-
suras omnibus rebus, estque hic locus generalis rerum omnium, qui my-
stice vocantur vacuum infiniti, in quo continetur lux ab hoc ibidem reli-
cta destinata ac praeparata pro omnibus causatis futuris.

VII. Nempe quoniam lucis tantum radii essent compressi retractique
ad latera, erat adhuc essentiae diuinae aliquid in spatio tenebricoso.

VIII. Hac itaque contractione infiniti locus factus est causatis produ-
cendis.

IX. Ex retractione ista producta est ita substantia luce carens, id est
spiritualis et expansa.

X. In hoc spatium luce carens, lux infiniti retracta puncta vel vesti-
gia impressit, quae essent vasa futurorum mundorum. Symbolice in
his loqui Cabbalistas ex lucis imagine patet, quamuis verisimile sit, mate-
riam aliquam subtilissimam, actiuam, infinite expansam eos cogitasse,
sed eam materiae crassiori oppositam, spiritum dixisse. Nisi enim hoc
supponamus, ratio dari non potest, quomodo retractis ad latera diuinae
lucis radiis remanserit in medio subiectum aliquod, siue vas, tenebrico-
sum, sine lumine, quod tamen substantiae diuinae esset particula. Quam-
uis enim I R I R A moneat, *non putandum esse, vasa illa et subiecta re-
cipientia (quae speculi instar radios lucis recipiunt) esse materialia, ut
formas, sed spiritualia et naturas determinatas, quae existentiam actu
suscipiant, quae quodammodo ab ipsis erat separata*, hoc tamen de sub-
iectis materialibus Peripateticorum tantum intelligendum est, vnde extensi
notionem in hoc argumento Cabbalistae non refugiunt, Deumque, in
Adam Kadmon et in sephirarum superiorum triade locum vocant.² Nec

K k k k k k 3 aliud

y) I R I R A l. c. p. 106.

z) Vid. Lex. Cabb. v. מַקִּים p. 548.

aliud patitur systema Cabbalisticum, quod ab omni materialitatis notione purgari non potest, nisi illud plane velis euertere. Hanc contractionem Cabbalistae vocant Zimzum ^a.

XI. Erant itaque haec vasa destinata ad recipiendam lucem et potentiam infiniti, quam ex luce concaui sui a summis partibus deorsum vergentem in spatium erat demissura. Philosophice haec explicat I R I R A ^b, quod Ensoph restrinxerit atque limitauerit potentiam suam operandi, atque vim suam ad dispositionem potentiae producti naturamque dependentis.

XII. Quia vero in spatio hoc tenebricoso, si ex omni parte retractae lucis infiniti (Ensoph) radii in haec vasa fuissent immissa, omnia luce infinita fuissent repleta, sicque cuncta iterum infinita luce constitissent, nec fuisset discrimen inter finitum et infinitum, ideo vsa est lux infiniti ad immittendos radios in vas hoc tenebricosum, linea quadam e luce concaui sui, a summis partibus deorsum vergente, illamque demisit et deriuauit in spatium dictum, vt certum lucis modum acciperet.

XIII. Haec linea instar canalis erat, per quem exundationes lucis infinitae et supremae in mundos, in hoc spatio producendo defluerent.

XIV. Summum autem initium istius lineae deductum erat ex ipso infinito, hoc ipsum proxime attingens, finis vero pergebat deorsum intra spatium illud inane, et hac mediante emanatione produxit, creauit, formauit atque fecit omnes mundos.

XV. Quamuis autem lineae istius summum initium proxime attingant lucem infiniti in partibus concaui eius supremis, finis tamen eius non protrahitur ad tantam profunditatem, vt ipsam quoque lucem infiniti subter mundis gyratam attingat, illique adhaereat; alias enim non haberet finem, vel superius et inferius, summum et imum.

XVI. Lux autem haec demissa per hunc canalem, non statim via recta pergit deorsum, sed sensim illuc deriuatur, adeo, vt datis primis cursus rectilinei initiis, mox deflectat ad figuram circularem, orbemque illico constituat circumcirca tenuem, qui circulus tamen luci infinitae in circuitu suo non vsquequaque adhaereat, ne iste circulus cum luce infinita confunderetur et res in priorem statum recideret. Vnde circulus iste propinquus quidem erit concauo infiniti, non tamen adhaerebit eidem villo nexu, adeoque emanatio infiniti tantum sub tenuitate lineae procedit, qua via lumen illud immanans circulo isti infunditur: alias enim, si lumen illud istis circulis vndiquaque afflueret, emanantia aequae
atque

^a) Ibid. v. עמצא p. 665.

^b) pag. 107.

atque ipsum scaturiens infinita essent, terminoque et mensura atque finibus carerent.

XVII. Ideo circulatorum horum denarius constitutus est numerus, quoniam mensura ipsis modulusque et terminus competit.

XVIII. Iste circulus, propinquior infinito, coronae nomine indigitur, et tum linea haec ulterius protensa paululumque promanans alterum circulum intra primi concavum constituit, qui vocatur sapientia, et sic porro protensa deorsum alios circulos continuata sua extensione per vices circumgyrata vsque ad circulum decimum constituit, qui regnum appellatur.

XIX. Et hac quidem ratione decem sephiroth, fontesque luminum ex ista lucis diuinae linea in gyrum effluunt, a supremo circulo ad infimum, repetita simili emanatione per omnes mundos. Quilibet enim mundus sephiras decem speciales habet, et quaelibet sephira specialis cuiuscunque mundi composita est ex decem specialioribus et sic in infinitum^{c)}: omnes autem habent figuram circulatorum homocentricorum, et se habent ad instar sphaerularum caepariarum, sibi inuicem inclusarum.

XX. Illa linea a summo illo culmine deorsum protensa, a qua procedunt omnes circuli supra dicti, simul etiam via recta deorsum pergit ab excelsissimo summi illius concavi epistomio, vsque ad debitam circulatorum depressionem, idque per medios illos circulos omnes et forma quidem hominis, staturae debitaе versus coelum erecti, in quo numerari queant CCXLVIII membra dextro sinistroque et medio situ disposita.


XXI. Haec figura vocatur Adam, id est homo, est enim macrocosmus, continens omnia causae primae causata, et sicut Adam inferior accipit omnia ab omnibus, ita superior omnia dat omnibus; sicut ille est terminus lucis descendentis, ita hic ascendentis etc.^{d)} Adam Kadmon vero vocatur, quia primigenius Dei filius, prima creatura, id est prima emanatio est, causatumque primum ex infinita luce emanans.

Haec celebris illa de primogenito homine, siue Adam Kadmon doctrina est, quae haud ignobile Cabbalisticae philosophiae caput constituit, et qua rite intellecta reliqua lucem clariorem accipiunt. Ex hoc enim primo emanationum finitarum fonte per omnes mundos facta est diuinae lucis ad essentiam rerum constituendam communicatio: in eo decem sephiroth fundantur et comprehenduntur, et ex hac similitudine intelligi potest, qua ratione emanationis negotium factum esse Cabbalistsae velint. Ut vero lector imaginibus huiusmodi non assuetus, facilius ea, quae L O R I I A E potis-

^{c)} Vid. Fig. XII T. I. P. III. Cabb. denud. pag. 233.

^{d)} Multis haec exsequitur I R I R A diff. VI. c. 4. p. 109.

potissimum verbis attulimus, intelligat, en figuram Lorianam de Adam Kadmon in concauo lucis infinitae et decem sephiris ex eo scaturientibus :



Ceterum variis nominibus hoc principiatum primum emanationum diuinarum Cabbalistae insigniunt. Non enim filium modo Dei primogenitum vocant, sed creaturam quoque, hominem, regem, &c. Quae nomina cum symbolica tantum sint, caue hominem personamue ex nihilo vel ex incondita materia factam intelligas. Nihil aliud enim est, quam causatum primum proximumque causae causarum, quod ideo ex sinu suo infinitum lumen expulit, vt cum occultissimum et absconditum lateret, proprietates suas in condendis mundis communicandisque essentiae suae perfectionibus emanatio ordine ostenderet et manifestaret. Fons itaque hic Adam Kadmon est diuinitatis, ex quo emanationes luminosae, quae ad constituendum mundum Aziluthicum, Briahiticum, Iezirahticum et Asiaticum necessariae erant effluerunt. Creatura vero dicitur, quia ex Deo ortum accepit; creationem ex nihilo enim Cabbala ignorat. Quod

Quod vero de eius cranio, oculis, naso, ore, barba eiusque pilis, pectore, manibus, pedibusque et scintillis ex his partibus emicantibus operose nugantur, symbola sunt fonticulos fontium, et circulos circulorum sephirothicorum fatis crassa imagine adumbrantium, eosque per varios mundorum gradus deducunt. Recte enim notauit I R I R A^c: *Lumina et personas non per se esse creaturas, sed notiones (emanatiuas) infiniti radiosque, qui per gradus varios a summo fonte ita descendunt, ut tamen ab eo non separentur, sed ipse per has extendatur ad creationem et gubernationem omnium entium, sitque causa unica et perfecta, quamuis determinata ad hanc illamue operationem per hanc vel illam sephiram modumque.* Quod enim de sephiris hic dicitur, eo magis de Adam Kadmon valet, quo magis is sephirarum fons est. Ex his vero iudicandum est, utrum Cabbalistsae per hunc hominem superiorem, filiumque Dei, hominemue primum secundam sacro sanctae Trinitatis personam, filium Dei vnigenitum intelligant? Quam quaestionem omnes illi affirmant, qui mysteria Christianae religionis in Cabbala deprehendisse, vidisseque vestigia veteris dogmatis credunt. Satis enim inter se concordare putant, eo quod Adam Kadmon ex luce infinita Deitatis emanauit, et *πρωτόγονος τῆς κτίσεως* primogenitus, creator etiam moderatorque rerum omnium et mediator inter infinitum Deum in inacceso lumine habitantem et regnum eius hominesque in eo versantes vocetur. Placuit hoc post veteres Picum, Reuchlinum, Angelum Burgonouensem aliosque HENRICO MORO^f et IOANNI FRANCISCO BVDDEO^g. Rectius tamen alii^b confundi inter se longe diuersa monent. Filius enim Dei secunda SS. Trinitatis persona intra En-soph est, Adam Kadmon autem est infra illud infinitum et ab eo ut causatum a sua causa, principiatum a principio differt. Nec reuera Adam Kadmon infinitum principium est, cum initium et finem et modificationem habeat, et radius tantum infiniti luminis sit, quamuis interdum En-soph ut suprema quoque sephira Kether, vocetur, id enim nomen tantum propter originem suam emanatiuam infinito lumini proximam et connexam habet. Ex quibus patet, longe differre filium Dei vnigenitum Christianorum, verum Deum lucis infinitae radium infinitum et *χαράντης τῆς ὑποστάσεως*, ab Adam Kadmon Cabbalistarum. Nec vtriusque munus concordat. Adam Kadmon enim non virtute propria creat, sed minister Dei in occulto latentis eius perfectiones emanantes ad inferiora tantum propagat, et sic ordine retrogrado animam per mundorum reuolutiones ad suprema ducit, quod longe alio ordine modoque de filio Dei mediatore praedicat Christiana religio. Ex quibus diiudicanda sunt, quae de vnione diuinae

^c) l. c. diff. III. c. 9. §. 7. p. 73.

^f) Qq. in libr. Druschim Cabb. denud. T. I. P. II. p. 63.

^g) Intr. in hist. phil. Hebr. §. 43. p. 393.

^b) WACHTER. Elucid. Cabbal. c. III. §. II. pag. 35.

nae et humanae naturae in persona primogeniti Cabbalistica obseruauit Cl. WACHTERVS: *Diuinam filii naturam in antemundanis vocare Cabbalistas eam, quae cum Patre et Spiritu S. vnum Ensoph constituit, humanam vero eandem, quatenus rebus creandis condescendit, et in deminoratione emissa est, et quatenus a diuinitatis fonte secundum aliquam sui partem longe profluxit, ut possit incorporari et incarnari, et in illa et cum illa reliquae creaturae.* Haec enim a Christianis dogmatibus longissime distare, vel sola $\tau\acute{\alpha}$ Adam Kadmon incorporatio prodit, quae non diuinæ naturae cum humana vnionem personalem, sed emanationum ex Adam Kadmon profluentium et ad mundum Asiahticum pertinentium materialitatem, et luminis ab Adam Kadmon accepti priuationem innuit. Vnde melius faciunt, qui eiusmodi comparatione abstinere, cum tota systematis emanatiui indoles adorando SS. Trinitatis mysterio applicari minime queat. Certiori vero comparatione Adam Kadmon Cabbalistarum cum λόγος philosophorum Alexandrinorum conciliatur. Nam pleraque accurate conueniunt, λόγος enim Platoniorum horum prima et proxima emanatio ex Deo est, et in se habet ideas et emanationes omnes, eo quoque mediante et essentiam largiente non mundus tantum υπερκόσμιος (Aziluthicum et Briahiticum Cabbalistas dicunt) sed et ἐγκόσμιος, siue Iezirahticus et Asiahticus Cabbalistarum constitit, ab eo tota emanationum per hos mundos catena dependet, et hoc nomine non demiurgus tantum, sed et mediator est, ut haec omnia ex fusa supra delineata horum philosophorum doctrina de principiis diuinis pluribus patefcat. Id quod luculentum argumentum est, non Iudaeos tantum in antecessorum horum hominum scholis philosophiam hanc diuiniorum didicisse, sed et Cabbalistica et Alexandrina dogmata ex communi philosophiae Orientalis fonte fuisse hausta. Cum vero hic λόγος hominem quoque intelligibilem constituat, ratio hinc patet, cur hominem ad imaginem Dei conditum apud Geneleos scriptorem sacrum, ab homine inferiori Philo loco supra adducto distinxerit, et quod eius Adam superior et Adam Kadmon Cabbalistarum vnus idemque sit. Hi enim eadem prorsus ratione verba loci istius sacri explicant et ad Adam Kadmon transferunt. Quae ad confirmandas origines philosophiae Cabbalisticæ supra positas omnino notanda sunt.

*Dogma de
Sephiris.*

§. VIII. Alterum, quod praecipuum in philosophia Cabbalistica locum occupat, est dogma de sephiris decem, quod arcte cum doctrina de Adam Kadmon cohaeret, ut ex antecedentibus intelligitur. Quamuis autem ex iis, quae de emanationibus principiati primi ex fonte fontium fluentibus adduximus, non difficile sit veram Cabbalistarum mentem de sephiris perspicere, fecere tamen innumerae virorum doctorum dissensiones de vera earum significatione totam hanc tractationem obscuram et difficillimam. Facilius enim gryphis iungentur equi, et quadrata apta-

i) loc. cit.

buntur

Arbor SEPHIROTHICA

Enloph I Infinitum

Elohi

Keter

Corona

Canalis

III

Iehova

Binah

prudentia

Daath

Scientia

non est Se

phirafed sedes

utriusq

Sephirae

II

Chochmah

Sapientia

Iah

Aelohim

IV

Gebhurah

robur

VI

Tiphereth

pulchritudo

El

Gedolah

magnitudo

V

licitur etiā

Hesed

miseriordia.

Aelohim Ze

baath

VIII

Hod

Gloria

Iesod

fundamen

tum

VII

Nezach

Victoria

Iehovah Zeba

oth

Adonai

Malcuth

Regnum

Schechinah



buntur rotundis, quam diuersissimae de sephirarum sensu et significatione opiniones inter se conciliabuntur. Priusquam vero vel scriptorum coniecturas enarremus, vel soluere aenigma hoc tentemus, danda prius est arboris sephirothicae delineatio, qualem Cabbalists nobis exhibent, quae haec est, vt in figura adiecta descripsimus. Produnt vero et ipsa figura, et nomina huius arboris, qua appellatione apud ipsos Cabbalistas gaudet, latere aenigmata metaphysica et philosophica sub his vmbris, quae vt sunt obscurissima, ita innumeris virorum doctissimorum coniecturis sunt exposita ^k. Et ne de nominis quidem vera significatione eruditi consentiunt, sed varias eius explicationes afferunt. Plerique sephiras ex notione verbi ספר, numerauit, dictas esse contendunt, et per numerationes explicant, statuentes sephiras Cabbalistarum idem esse ac numeros Pythagorae, siue intelligibilia et ideas Platonis. Id demonstrare fatigit IRI-RA ^l, qui hoc nominis etymon probat, ad Platonicos prouocans, *iuxta quos sicut infinitum est ante ens primum, quod necessario est multiplex et compositum, ita numerus, qui est in ente hoc primo, sit ante omnia entia reliqua, quae sint ideae diuinae, exemplaria et caussae omnium entium. Et supra numerum hunc, qui consistit in entibus numeratis vel numerabilibus, necesse sit dari numerum, qui per se subsistat absolutissime, et qui causa sit, quod ens primum distribuatur in entia, id est species et ideas, ita vt per numerum illum, qui est essentialis enti primo, eueniat, vt ens hoc non subsistat gradu quodam certo, sed ab illo vno descendant multa distributa in genera et species distinctas qualitatibus et numero.* Accipit haec opinio praesidium ex origine philosophiae Cabbalisticae, quam in scholis Platoniorum Alexandrinorum Iudaeos didicisse, supra verisimile esse demonstrauius, Philonis quoque multa de numeris in Deo garrientis exemplum rem probare videtur. Re tamen paulo curatius pensitata ad veritatem non prorsus collineare videtur. Quamuis enim numeri Pythagorae idem forte significauerint, quod sephirae Cabbalistarum, nempe formas certas ex Deo, monade, oriundas atque progredientes, et ad denarium vsque quoque ordinati fuerint, non tamen in ipsis numeris, quae symbola tantum philosophica fuerunt, sed in formis, virtutibusque substantialibus ex Deo emanantibus principia haec posuerunt Pythagorici; adeoque Cabbalists non ad numerandi rationes et proportionem attendere potuerunt. Vt taceamus, non tam numeros, quam aeonas Orientalium vtrisque occasionem dedisse de emanationibus diuinis ita statuendi, et suis principiis atque philosophumenis sectae suae applicandi. Paulo aliter HENRICVS MORVS ^m, Pythagoricae Philosophiae amator, qui credit, *sephiroth siue numerationes omnino significare, nihilque esse aliud, quam numeralia quaedam repositoria maxi-*

Fig. I.

LII III 2

morum

^k) Conf. quae recenset WOLFIVS Bibl. Hebr. P. II. L. VII. c. 2. p. 1221.

^l) l. c. diss. V. c. 5. p. 149. seqq.

^m) Epist. ad Knorr. Cabb. denud. T. I. P. II. pag. 53.

morum mysteriorum antiquae Cabbalae decadem non excedentia, manuumque decem digitis, super quos res numerari solent, respondentia, denariumque Pythagoricum hinc originem suam traxisse. Varias vero notiones siue nomina ad singulos numeros relata fuisse. Qua in coniectura facile quidem admitti potest, occasionem ex scholis Pythagoreorum et Platoniorum in Aegypto versantium Iudaeos nactos fuisse, doctrinam de sephiris siue emanationibus, aeonibus, formis, virtutibus intra denarium concludendi, et iis varia nomina imponendi: at nomen inde accepisse verisimile non est, cum praeter denarii ordinem nihil ex numerationibus sephirae magnopere habeant, quod ad ipsarum indolem naturamque pertineat, licet cum numerorum generatione et progressionem comparari, eorumque symbolis et imagine adumbrari queant. Alii ad naturam sephirarum propius respicientes, a luce et splendore, vnde etiam sapphirus gemma nobilis nomen habet, etymon vocis deriuantⁿ⁾, et per *splendores*, vel *radios* vertunt, quam explicationem vocis doctrina sephirothica commendat, quae has sephiras ex luce infiniti, ceu radios ex sole emanasse statuit. Quidam sephiras, a sphaeris dictas fuisse volunt, quae in opinione Loriai fuisse suspicatur H. MORV S^o, sephiras enim emanationis modum circulari motu prosequi statuit, vt allatum supra schema emanationum ex Adam Kadmon ostendit. Cl. WACHTERVS^{p)} spiritus fontanos (Kwell Geister,) vocat, ad rem magis, quam nomen respiciens, et ita virtutes spirituales et substantiales emanatiuas innui statuens. Nos inutilem hanc et incertam de sephirarum nomine disputationem putamus, cum vera nominis origo nos lateat, nihilque adduci queat praeter coniecturas: proxime tamen vero eorum suspicio est, qui a splendoribus radiisque lucis nomen deriuant, eo quod hoc etymon rem ipsam eadem similitudine repraesentat, qua Cabbalistsae vtuntur, nempe lucis eradiantis symbolo. Quaecunque vero nominis huius origo est, illud certum est, et ex sequentibus constabit, Cabbalistas sephiras tanquam fontes quosdam lucis diuinae emanantis et ad inferiora se mediante Adam Kadmon effundentis considerauisse, vnde nos quidem fontium luminosorum nomen reliquis praeferimus, eo quod rationem satis apertam rei ipsius exponit, sephirasque fontes illos esse innuit, qui per fontem fontium, hominem primogenitum ex infinito lucis diuinae aequare effluentes, ordine emanatiuo ad inferiora radios diuinae lucis demittunt, et ita essentiam cum illis vitamque communicant. Porro in figura quoque sephirothicae arboris delineanda eruditi non consentiunt. Plerique eam figuram adhibent, quam supra expressimus. Quidam, vt symbola obscurissima Soharica a Loria explicata repraesentarent, schema sphaericum, ex multis sphaerulis constans exhibuerunt^{q)}, quod tamen non intelligent, qui non

n) Bahir p. 6. IRIRA l. c. et quos nominat WOLF. l. c.

o) loc. citat.

p) Spinoz. in Iud. passim. Vfus est etiam hac voce Iacobus Boehmius.

q) Cabb. denud. T. I. P. II. p. 7. ex qua repetit BVDDEVS l. c. §. 40. p. 346.

Schematismus ADAMKADMON,
et decem Sēphirarum sub imagine
principis.





non Lorianas explicationes allegoriarum omnes probe tenent, eo quod subtilissimi ingenii homo circulos circulatorum semper in se magis scaturientes sibi concepit, et ita combinationes emanationum per innumeras formas in omnibus mundis exprimere voluit. Alias figuras longe sublimiores et obscuriores exhibet *Cabbala denudata* ^r, quae ipsa ab iis confusenda est, qui his aenigmatibus delectantur. Aliter Cel. CAMPEGIVS VITRINGA ^s, qui operose et docte in eo versatus est, ut dispositionem ordinemque sephirarum ex imagine hominis stantis accinctique exponat. vid. *Fig. II.* Quod admitti omnino potest, at non aliter, nisi quatenus hominem primogenitum innuit, in quo illae sephirae resident: ea enim imagine Adam Kadmon delineari, in antecedentibus ex Loria monuimus. Facile vero in his dissensus ferri potest, eo quod a cuiuslibet imaginatione eiusmodi schematismi dependent, resque tandem ad idem punctum reuocari queat: At in rei ipsius explicatione tantopere dissentire eruditos, historiae philosophicae studioso, non potest non esse molestissimum. Et Iudaeos quidem in eo conuenire, quod sephirae ad essentiam, attributa et emanationes Dei pertineant, Cabbalistarum libri omnibus paginis loquuntur. Inter quos R. MOSES, ita ad librum *Iezirah* commentatur: *Abraham pater noster vocauit sephiroth, quasi saphiros, ad significandum, quemadmodum saphirus omnes colores recipit, sic Deo omnes formas, benedictiones, emanationesque tribui; ita tamen, ut haec omnia summam Dei benedicti unitatem praedicent.* Nec his obstant, quae recentiori aetate verissime ex mente Cabbalistarum pronuntiauit R. MENASSE BEN ISRAEL: *Dici sephiroth diuinas perfectiones, aliud quid esse, quam essentiam Dei, neque etiam dici posse, esse distinctas creaturas; sed tantum emanationes quasdam essentiae coniunctas, perinde ut radii solares cum sole, flammis cum prunis ardentibus.* Ea enim manifeste docent, sephiroth in unitate essentiae diuinae radicari, adeoque suo modo vnum cum illa esse, certe ad affectiones essentiae diuinae tanquam causata essentialia ad causam suam referri. Quod equidem miratur doctissimus VITRINGA ^{*}, qui cum monuisset: secundum recentiorem Cabbalam per sephiras intelligenda videri insigniora Dei, perfectissimi entis attributa, quae demonstrantur in productione et regimine mundi atque ecclesiae, haec addit: *Sed ita si habeat, an sephiroth rem continebunt tam arcanam, sacrosanctam, et remotam a sensibus vulgi? quis enim ignorat mortalium, qui rationem suam non prorsus negligit, in Deo mundi et ecclesiae rectore inesse attributa scientiae, sapientiae, magnificentiae, seueritatis, et quae hic recensentur alia.* Verum equidem est, Cabbalistas singula horum nominum per notiones reconditas et obscuras exponere, illa varie ab inuicem diuidere et combinare, et respectum vnius ad aliud per circulos et lineamenta operose

Fig. II.

LII III 3

in

^r) T. I. P. III.^s) Obseru. SS. L. I. c. 10. p. 120.^t) c. 1. Ita comment. h. 1. omnes.^u) De creat. probl. 27.^x) loc. cit.

in variis figuris demonstrare. Sed talia sunt, quae ad mysticam hanc doctrinam suam explicandam afferunt, quae, fateor, me, paucis quibusdam generalibus exceptis, prorsus non potuisse capere. Sed deposuisset admirationem hanc vir cetera acutissimus, si paulo altius et attentius mysteria Cabbalistica fuisset rimatus; ita enim perspexisset, non in nudis attributis formalibus essentiae diuinæ ponere Cabbalistas sephiras, sed in emanantibus, et certum systema metaphysicum atque physicum, naturis virtutibusque atque formis diuinis nixum constituentibus, quae euolutionem latentis essentiae diuinæ per innumeros gradus, formas, ideas virtutes, emanationes, vsque ad materiale mundum ita nobis exhibent, ut a communi vulgarique Iudaeorum theologia innumeris in locis abeant, adeoque non ut nuda attributa et relationes eorum ad regnum mundi sephiras considerandas esse, sed ut aeones, virtutesque substantiales ex essentia Dei progressas et in eo radicas, quarum effluxu mundi conditi sunt, regnumque naturae longe alio modo producitur, quam theologia exoterica tradit. Hoc si teneamus, quod et concedit Vitringa BURNETIO⁹ obseruanti: *Antiquam Cabbalam praecipue circa id versatam esse, quomodo res omnes ex primo ente profluxerint per emanationem, et per refluxum quasi in Deum retrahi possint; et fatetur, verissimum hoc esse, si de Cabbala loquamur philosophica, ut inter Iudaeos iam circa aetatem Pauli excoli coepit illa scientia, et inter Christianos a Gnosticis, et hodieque traditur, in libris Cabbalisticis;* abiciamus autem praeiudicium, quod virum eruditum fascinauit: Kabbalam aliquam a sanctis et prophetis primorum temporum excultam et conseruatam esse, et sephiroth qua forma nunc pingi solent, vere fuisse Cabbalae illius compendium aliquod; cum certissimum sit, non ex veteri philosophia Hebraea, sed ex Orientali hanc doctrinam sephirothicam originem cepisse: his, inquam praesuppositis, ratio haud obscura patet, cur latentes significatus et mysteria quaesierint Cabbalistsae, nec in sola symbolica significatione, verum in doctrina arcaniore illa esse quaerenda. Id quod facile potuisset vir doctissimus intelligere, si vel *Cabbalam denudatam* vel librum *Iezirab* legisset, qui totus ista philosophia arcana nititur. Non diffitendum tamen, ita obscura, confusa, nec satis cohaerentia, et allegoriae insuper peregrinae et insolentis tenebris abscondita esse pleraque, quae veteres Cabbalistsae de sephiroth differunt, ut in cohaerens aliquod systema cogi, et clarus omnibus sensus tribui nequeat, nisi quosdam, qui in scholis Christianorum philosophari didicerunt, interpretes adhibeamus. Inter Christianos plerique in eo quidem concordant, pertinere sephiras ad considerationem et explicationem diuinæ naturae. At obstitit multis, quo minus in veram earum significationem penetrarent, opinio, superesse in Cabbalisticis scriptis vestigia veteris sapientiae Hebraicae, in veteri oeconomia gratiae latentem et symbolice propositam et in N. T. clarius et remoto velo traditae; adeoque sephiras adorandi mysterii SS. Trinitatis, filiique Dei in condendo

regno Messiano se manifestantis complecti explicationem, et hoc ex fundamento personas, attributa, nomina gloriamque et oeconomiam Dei, in regno suo se manifestantis ostendere. Fuisse hanc Pici, Ricii, Reuchlini, Burgonouensis aliorumque Sec. XVI, et Mori, Knorrrii atque Buddei Sec. XVII viuentium sententiam supra innuimus. Nemo vero eam vel ornauit elegantius vel magna scriptorum Cabbalisticorum lectione fulciuit diligentius, quam vir clarissimus IOANNES MEYERVS, peculiari eaque proluxa dissertatione^a satagens, vt *mysterium Trinitatis ex solius V. T. libris demonstraret, atque ex veterum ac recentiorum Rabbinarum praesertim Cabbalistarum rarissimis monumentis illustraret.* Is satis confidenter supposito: *Ridiculum sane esse, a Platone eiusque discipulis haec manasse, quum omnia probata sint et demonstrata ex sacris literis, adeo, vt Plato aliique ethnici philosophi haec didicisse censendi sint a Iudaeis,* multis sententiam suam probare conatur, et ita in eo negotio versatur, vt primo quidem satis feliciter et non sine ingenio ex veteris testamenti oraculis adorandum mysterium demonstret, tum Cabbalistarum testimonia adducat, quibus conficitur, Deut. VI, 4. Cabbalistas agnoscere, vnitatem in Trinitate prodi, quamuis de Trinitate hac sephirarum trium superiorum in arbore Cabbalistica dissentiant: in locis quoque Gen. I, 26. III, 22. et similibus pluralitatem in vnitatem admittere, eam vero ad sephirarum superiorum Trinitatem restringere; tres porro has sephiras creatores mundi, sub variis symbolis et imaginibus, constituere, mediamque inter tres mediatorem facere, tres quoque has sephiras inter se distinguere, licet nomen essentiamque diuinam singulis tribuant: nec obstare, monet, sephiras septem inferiores, eo quod mensurae, modi, attributa vocentur, et sic a superioribus tribus, quae intellectuales et spirituales dicantur, foleant distingui: haec vero trias vnum sit, et sephira secunda sapientia appelletur filius; foedusque inter tres illas intercessisse statuatur. Haec omnia adductis locis Cabbalistarum plurimis vir doctissimus roborat, et ex veteri ecclesiae Iudaicae traditione profluxisse contendit, eumque in finem pro antiquitate librorum Cabbalisticorum *Iezirah, Habbahir et Sohar* contra Morinum disputat, et ita eruditionem lectionemque in Iudaeorum scriptis cumulat, vt non sine molestia argumentorum pondera sub ea latentia perspicui queant. Aliorum, quae huc pertinent scriptorum Christianorum cogitationes, a BASNAGIO^a adductas, breuitatis causa taceamus. Alii vero in longe alia abeunt, et inter personas Trinitatis Christianae atque sephiras Cabbalisticas magnum intercedere discrimen statuunt, quae si in concordiam redigantur, necesse esse contendunt, vt vel Christiani vel Cabbalistici systematis verus et genuinus sensus euertatur, et quadrata misceantur rotundis. Id quod erudite monuere post SOVVERRAINIUM^b et C. GVIL. VORSTIUM^c suis placitis velificantes,

BAS-

^a) Harderouici 1712. 4.

^b) Hist. Iud. L. III. c. 14. §. 9. p. 349. seqq.

^c) Platonisme dévoilé F. I. c. 8. p. 88.

^d) Append. ad bilibr. verit. §. 71. p. 366.

BASNAGIVS ^d, BURNETIVS ^e et nuper Cel. HEVMANNVS ^f, qui eleganter et ex vero iudicat, eiusmodi coactis interpretamentis et conciliationibus dogma Sacrosanctae Trinitatis magis profanari, quam illustrari, quamvis scopus virorum doctorum in se culpandus non sit. Nec diffitemur, probe pensitato systemate Cabbalistico, ingens nobis discrimen intercedere videri inter Trinitatem Christianam et Cabbalisticam, siue triada sephirothicam. Nam quamvis verissimum sit, tribui a Cabbalisticis sephiris istis superioribus diuinam originem, naturam, emanationem, et ab inferioribus ordine et dignitate eas distingui, creationem quoque illis adscribi, et quae his sunt familia, quibus addi potest, quod Cl. Mayerus praetermisit, vocari eas personas, longe aliud tamen haec volunt, quam quod personae SS. Trinitatis innuunt, et impossibile est, has cum systemate Cabbalistico conciliare, nisi id prorsus velimus euertere. Nam si tribus istis sephiris Christianus sensus personarum in diuinitate esset tribuendus, ponendae essent illae in ipso Ensoph, siue infinita Dei essentia, vt sint tres personae in eadem natura diuina, aeterna et infinita, eiusdem essentiae, sic vt dici posset: Cether est Ensoph, Chochma est Ensoph, Binah est Ensoph, vt dicimus praeunte scriptura sacra, pater est Deus infinitus, filius est Deus infinitus, Spiritus S. est Deus infinitus. At hac ratione totum systema Cabbalisticum euertitur, et veri eius sensus misere corrumuntur, totusque nexus soluitur. Quem si ponamus integrum, Ensoph, siue infinita Dei natura omnibus eius emanationibus est prior et superior, sine fine, a se ipso, caussaque caussarum et caussatorum, fonsque fontium; sephirae autem, etiam superiores, eo sunt posteriores, finitae, ab eo ortae et emanantes, et caussata atque principiata, et ne sic quidem immediate ab illo infinito, sed mediante homine primogenito ex Deo progressae. Eadem ex supremo fonte Adam Kadmon ex infinito et latente Deitatis infinitae oceano scaturiente exortae tanquam fontes emanatiui ad varios mundos eorumque constitutionem ad inferiora descendunt: adeoque essentiam diuinam emanatione explicatam euolutamque quasi modificant, et vel intellectum diuinum, vel operationes diuinas, vel effectum diuinum siue regnum Dei manifestant. Nec hae solae emanationes diuinae sunt, sed etiam septem sephirae posteriores omnesque eodem nomine, origine, effectuque gaudent, licet ratione ordinis et modi in promanando ex infinito Deitatis aequare a superioribus differant. Habet quoque quaelibet sephira in se decem alias sephiras et sic in infinitum, et influunt omnes non in condendum tantum mundum creatum, factumque, sed in formatum quoque et emanatum. Haec conformia esse non Cabbalistarum tantum verbis, sed et systemati, in sequentibus luculenter demonstranda euincunt. Iam vero huc vel mediocriter iudicandi

d) l. c. §. 24. p. 370. seq.

e) l. c. p. 365.

f) Act. phil. Vol. I. p. 241. conf. WACH-
TER. elucidar. Cabbalist. c. III. §. 10. p. 34.
seqq.

candi peritum, et sacrorum mysteriorum sanctissimae fidei nostrae non plane ignarum iudicem aduocamus, vtrum sephira corona pater, sapientia filius, intelligentia Spiritus S. sit, cum sint tres illae sephirae caussata caussae infinitae? et annon Trinitas Cabbalistica sit Deo infinito minor et inferior, nempe trias emanatiuorum principiorum ex essentia Dei progressorum, quae non aliter in essentia diuina sunt, nisi propter fontem et originem, quem habuerunt, et quemadmodum caussata sunt in sua causa? Quae si mysterio SS. Trinitatis applicarentur, euerterent adorandum mysterium, et nobis Trinitatem quandam Philonianam, Platonico-Alexandrinam, Cabbalisticam impuram et heterodoxam propinarent. His recte pensitatis non dubitamus Lectorem cautum festinatas istas conciliationes reiecturum, et manibus palpaturum esse, quam parum roboris iis rationibus et testimoniis insit, quibus pro hac concordia viri docti militant. Cuncta enim specioso tantum appellationum nominumque similitudinem mentientium fucō decipiunt, nec aliter explicari debent, quam patitur systematis Cabbalistici cohaerentia, nimiumque festinarunt viri eruditi ad hanc concordiam, cum viderent sephiras has et nominibus diuinis insigniri, et nomen Ensoph illis tribui, et tales operationes atque proprietates adscribi, quae SS. Trinitatis personis tribuuntur. Felicius cum Trinitate Platoniorum Alexandrinorum haec Trinitas Cabbalistica conciliari potest, cum ex eodem fonte vtraque hausta sit. Quod licet ridiculum videatur Cl. Meyero, eo quod ex sacris literis se istam concordiam demonstrasse putauit, optandum tamen esset, vt ipse eandem in perscrutandis Cabbalisticae philosophiae originibus, et affinitate cum Platonismo Alexandrino diligentiam adhibuisset, quam in consarcinandis Cabbalistarum effatis erudite posuit. Ita enim sine dubio abstinuisset a risu loco rationum afferendo, vidissetque non sufficere, vt verba quaedam et dicta in alieno sensu obtorto collo rapta in suam rem vertantur, sed requiri, vt cuncta ex legibus systematis sui, et sensu eius necessario explicentur; sicque frustra esse iactatam concordiam, qua nec indiget ecclesia, nec honorem laudesque dogmatibus suis conciliare potest, quia non ex limpidis Israelis fontibus, sed ex turbidis philosophiae gentilis lacunis Trinitas Cabbalistarum hausta est. Quae omnia cum neglexerit vir doctissimus, externa verborum Cabbalisticorum specie et blandiente spe confirmandorum contra Iudaeorum impietatem dogmatum et mysteriorum Christianorum deceptus, mirum non est, ea illum vidisse, quae alii videre non possunt, et eo vsque fuisse progressum, vt Philonem aequalia Christianis de sacra Triade tradidisse, suasque allegoricas expositiones partim ex sacro codice, partim ex traditione patrum mutuatum fuisse, in tanta nostrae aetatis luce in historia philosophica asserere ausus fuerit. Quamuis autem, inepte Trinitatem Christianam et Cabbalisticam inter se conciliari, sit euiden-
tissimum, non abludit tamen a verisimilitudine, Iudaeos, cum eiusmodi

Trini-

Trinitatem principiatorum in scholis Alexandrinis didicissent, ex domestica vero traditione hausissent, esse in Deitate tres personas quam veritatem vel ex vno legis loco, quem frontibus manibusque praeligabant, discere poterant, eo magis promptiusque illas impuras opiniones recepisse, quo magis domesticae patriaeque traditioni affines, et tantum habitu magis philosophico adornatas comtasque credebant, vel etiam a patribus suis ad gentes dimanasse inepte gloriabantur. Inter exoterica enim V. T. dogmata hoc quoque de SS. Trinitate fuisse, loca quaedam sacrorum oraculorum satis euincunt. Eorum vero lumina post reditum e captiuitate Babylonica valde fuisse obscurata, iisque has nugas gentiles successisse, non est quod dubitemus. Sed de his disputandi hic locus non est. Potest tamen Trinitas haec Cabbalistica, non obstante magno, quod demonstrauius, discrimine, commode ad refellendos Iudaeos adhiberi. Cum enim Cabbalistsae applicando dicta V. T. ad triadem suam sephirothicam pluralitatem in vnitatem et ex vnitatem in diuinis admittant, sufficit ita Iudaeos κατ' ἀνθρώπων conuinci, inique eos Christianis absurditatem et impietatem obiiicere, cum ipsi non tres tantum, sed decem personas, lumina, fontesque diuinorum statuant. Vt vero in excutiendis virorum eruditorum opinionibus de sensu et significatione sephirarum pergamus, audienda quoque est praestantissimi VITRINGAE^g explicatio, qui ea, qua solebat, elegantia eruditionis demonstrare conatus est, latere in iis mysterium incarnationis filii DEI absconditum et symbolice delineatum, idque vnum ex vestigiis illis Cabbalae purioris esse, quae corrupta et deprauata in Cabbala philosophica Iudaeorum inueniantur. Nempe, sephirarum monet, ordinem sub imagine principis Orientalis, eo schemate, quod supra Fig. II. exhibuimus, concipiendum esse. Hunc vero principem, sanctissimum Seruatorem nostrum ita Ezech. I, 27. et Apoc. I, 13. adumbratum exhibere. Vbiq̃ue enim in sacris literis haec sephirarum nomina Domino huic dominantium et aeternitatis patri pacisque principi tribui: coronam Apoc. VI, 2. XIX, 11. 12. et super eam En Soph Luc. I, 33. sapientiam et intelligentiam Ies. XI, 1. Col. II, 33. magnitudinem, magnificentiam et seueritatem Ps. CXLV, 3. 4. Ies. XI, 2. Apoc. V, 12. gloriam, tanquam cingulum regni symbolum Ies. XX, 21. Iob. XII, 18. Ierem. XIII, 11. Victoriam et maiestatem 1 Chron. XXIX, 11. Apoc. XIX, 16. quam Messias de infernali dracone, non negantibus Cabbalistsis reportauerit, fundamentum vero esse incarnationis mysterium, quia haec sephira membrum foederis a Cabbalistsis dicatur, et incarnatio fundamentum sit habitantis in carne Dei Col. II, 9. regnum tandem humanam esse naturam diuinæ arctissime unitam, in qua habitet Schechina siue gloria Dei, et regnum amplifcet Io. I, 14. Haec doctissimus et modestissimus theologus, qui eam tamen explicationem tantum pro probabili venditat, monet tamen, ad recentiorum Cabbalistarum effata non attendendum magnopere esse, eo quod a vetu-

g) Obf. SS. L. I. obf. 10. 11.

fit ad intelligendas reliquas, et in qua suprema coronae maiestas stipata reliquis attributis resideat: id quod ex *Prou. III, 19. 20. II, 6. Ps. CXLV, 1. I Chron. XXX, 11.* probat. Verum, vt pace viri celeberrimi dicamus, tangunt haec corticem tantum explicationis arboris sephirothicae, non nucleum; quem si respicias, difficile erit, totum doctrinae sephirothicae systema huic regno Messiae terreno ita aptare, vt dici queat, quid sit Enfoph a sephiris distinctum, quid emanantium ternio in Adam Kadmon rutilans, quae sephirarum in mundos emanatiuos, intelligibiles et materiales influentia, quae $\tau\delta$ Adam Kadmon connexio cum rebus emanatiuis et materialibus, qui reuolutionum ordines, et quae alia sunt, quae manifeste produnt physica et metaphysica dogmata de originibus et gradatione rerum sub his imaginibus comprehendi: quamuis omnino largiendum sit viro praestantissimo, nomina sephirarum ex locis scripturae allegatis esse petita: non enim hic de nominibus, sed de doctrina, quam illa significant, et symbolica ratione depingunt, quaestio est. Reliquae virorum eruditorum de sephiris opiniones vt magis a verisimilitudine recedunt, ita paucis enarrari possunt. Et H V E T I I ^k quidem coniectura, intelligi decem angelos spiritusque Deo propiores et reliquis angelis ministerii superiores, vel eo nomine falsitatem prodit, quod sephirae ab essentia diuina non separentur, vt angeli, sed fontes sint cum primo fonte fontium arcte cohaerentes, id est, ex primogenito emanantes, quod non potest de angelis accurate, saluo systemate Cabbalistico, dici. Vt taceamus, Cabbalistas angelos mundis non creandis et formandis producendisque, sed regendis ministrandoque operi diuino a primogenito producto praefici, quod cum sephiris constare nequit. Vnde hanc sephirarum explicationem iam ex Iudaeorum Cabbalistas reiecit R. MEIR BEN GABBAI ^l, et ex Christianis ABR. HINCKELMANNVS ^m et IO. MEYERVS ⁿ; Viri clarissimi. Per mouit sine dubio rei obscuritas nullum certum sensum promittere visa, vt putarent nonnulli ^o, nihil reale sephiris subesse, sed esse tantum quaedam receptacula vel repositoria articulorum theologiae Iudaicae, id est, certa schemata, sub quibus dogmata sublimiora lateant. Non vero cogitarunt, qui ita sentiunt, de his dogmatibus in his receptaculis conclusis nobis quaestionem esse, nec de solo numerandi ordine et dispositione eos sollicitos esse, qui de sephirarum significatione quaestionem instituunt. Ex quibus etiam Cl. SCHRAMMII ^p de sephirarum scopo sententia diiudicari potest. Is enim decem sephiroth repraesentare putat decem categorias Aristotelis, esseque sephiram summam coronam, substantiam siue ens summum, sapientiam et prudentiam, virtutes politicas, vel spiritus mentisque operationes earumque modos, principia et sedes; magnitudinem, quantitatem, potentiam, qualitatem et quae ex quali-

^k) Qq. Alnet. L. II. c. 4.

^l) Abhodash Hakkodaesch c. I. §. 21.

^m) Deteſt. fund. Bohem. p. 35.

ⁿ) I. c. §. 32. p. 41.

^o) Io. IUST. LOSIUS biga dissert. diff. II. p. 28 MORVS Conf. lib. I Drusch.

^p) Introd. in Cabb. Dialect. c. III. p. 42. seqq.

qualitate fluunt actionem et passionem; pulchritudinem habitum et dispositionem, aeternitatem temporum differentiam et τὸ quando; gloriam famam et nomen, laudes et conuitia, fundamentum iustitiam, regnum vero societatum maiorum minorumque imaginem exhibere, et sic omnibus definitionibus locum aliquem assignatum esse in hac arbore praedica- mentali. At, si ita licebit in omnes partes sephiras formare et traducere, facile erit ex iis quaecunque somniaueris, effingere. Ad res physicas vero earumque origines, gradationesque exponendas sephiras pertinere, coniecit BURNETIVS¹⁾, quod reiiciendum quidem non est, at operationes sephirarum cum earum natura et essentia confundit; adeoque non adaequa- tam sephirarum notionem subministrat. Alii sphaeras coelestes et systema aliquod astronomicum cogitant²⁾, quam opinionem iam Loriae tribuisse Morum supra diximus. Cadit vero haec explicatio hoc solo argumento, quod sephirae ante conditos mundos in systemate Cabbalistico ponantur, et illae conditores sphaerarum mundi intelligibilis et sensibilis sint: neque ob motum eorum circularem sphaerae inde exsculpi possint. Roberti vero Fluddi, Iulii Sperberi aliorumque huius furfuris philosophorum theoso- phicorum somnia, qui nescio quem influxum siderum corporumque coe- lestium in inferiora innui putant, vix recensioe digna sunt, quemadmo- dum illi quoque explodendi sunt, qui chemiae mysteria, lapidisque philo- sophorum et Χρυσοποιητικῆς aenigmata vel medicinae vniuersalis tincturae- que solaris praeparationem condi coniiciunt. Ideam vero politicae secu- laris felicitis, recteque ordinatae et mutuo influxu attributorum moralium et politicorum nixae et adiutae sephiris affingit ingeniosissimus HER- MANNVS VON DER HARDT³⁾, a qua opinione Heumanni conie- ctura parum differt. Quin et ipse Pythagoras eiusque denarius, myste- riaque numerorum hic in partes vocantur, et nihil fere est, quod denarii rationem vilo modo recipit, quod non sephirarum decadi accommodetur, vt ex I. C. STEBII *coelo sephirothico* disci potest. His tenebris Cim- meriis, tot diuersissimarum opinionum schismate mirum in modum auctis, mirum non est, desperauisse viros haud obesae naris, et in scrutanda ve- teri philosophia alias acute videntes de vero systematis sephirarum sensu explorando, et inductos fuisse, vt crederent, data opera suspensos tenere Cabbalistas lectores suos coruosque eludere hiantes. Graui oratione hoc conquestus est peritissimus veterum doctrinarum interpres THOMAS BURNETIVS⁴⁾, qui inter alia ita differit: *Deus bone, quae strues rerum et verborum? sine calce et arena, sine nexu, sine ordine, sine cognatione. Locutiones tralatitiae, peregrinae, abortae. Expositio- nes promittunt, afferunt aenigmata, aut vaga somnia, et dum se profi- tentur interpretes, coecis ambagibus argumentum confundunt. Quid*
M m m m m m 3 *aliud*

1) I. c. p. 355.

2) Vid. laudati WOLFIO Bibl. Hebr. P. II. L. VII. c. 2. §. 7. pag. 1225. seqq. DETLEV

CEVVER. Obseruat. rerum utiliss. in mundo, A. 1706 p. 165.

3) Conf. Relat. innoc. I. c. p. 359.

4) loc. citat.

aliud hoc est, quam ludibrio habere mentem humanam, et pro veritate solida rerum umbras aut nuda figmenta proponere? Durior haec sententia non immerito viris aliis doctis paulo altius mysteria Cabbalistica considerantibus visa est *, eo quod credibile non sit, data opera Cabbalistas omnes lectores suos inanibus et sine mente sonis ludere voluisse: fatentur tamen *: *rem omnem maiori laborare obscuritate, quam ut lucem hic videre, certo possit quis confidere, cum antiquiores illi Cabbalistsae, quorum scripta aetatem tulerunt, passim nebulas hic offundant, nec sibi semper constent, recentiores vero eorum vestigia ut plurimum deserant, et in omnia alia flectant.* Non negamus, haec potiori ex parte vera esse, esseque in Cabbalistarum scriptis et *δυσνόητα* et *ἀσύνετα* plurima, quae soluere velle omnia, et tenebras dispellere totas, idem esset, ac laterem lauare et dealbare aethiopem. Ita enim non potuit non euenire, postquam ineptum insanumque allegoriarum studium nulli rei minus, quam dogmatibus metaphysicis aptum, Iudaeos coëgit multa effingere, quae sensum vel nullum, vel vagum et incertum, vel contrarium quoque systemati suo habent, et si tegumenta densissima tollantur, nihil quod ad rhombum magnopere faciat, exhibent, saepe vero in tam obscuro argumento soluendisque aenigmatibus dissentiunt. Falsus id est candide LORRIA **, quo tamen perspicaciorem horum mysteriorum interpretem gens Iudaica non habuit, monens: *Eum, qui perlustraturus sit verba Simeonis Iochaidae in libro Sohar et Tikkunim, nec non librum Babir, ibidem multa inuenturum capitula admodum discrepantia, quorum aliqua in hanc, alia in alteram sententiam (de sephiris) inclinent; Cabbalistas autem posteriores imprimis occupatos esse circa evolutionem huius quaestionis, nec tamen ad scopum peruenire; quaestionem enim arduam esse et difficilem.* Neque tamen ob desperatam hanc argumenti istius obscuritatem animum prorsus abiiciendum esse putamus, in inuestiganda vera significatione systematis sephirothici. Quamvis enim sperandum non sit, ut omnes tenebrae queant dispelli, multaque obscurissimis ineptisque philosophis relinquenda sint, potest tamen detectum supra systema Cabbalisticum generale et speciale de Adam Kadmon clavis esse, qua adyta haec referari possunt, modo ad essentialia, dimissis nugis Cabbalae literalis et artificialis, quibus illa teguntur, respiciamus, et ad nexum systematis emanatiui attendamus; reliqua enim et minutiora et difficiliora qualia plurima sunt, tuto ignorare et ineptienti popello Cabbalistarum relinquere licet. Tentabimus itaque, ducibus Cabbalistsae supra iam delectis, vtrum emergere ex his tenebris queamus. En vera dogmata Sephirothica inuolucris remotis:

I. Sephi-

*) BYNDEVS Intr. in hist. phil. Hebr. §. 40. p. 360. WOLF. I. c.

*) IDEM I. c.

*) Tr. I. Drusch. c. 2. Cabb. denud. T. I. p. 11. p. 31. conf. BASNAGE I. c. L. III. c. 14. pag. 341.

I. Sefhirae sunt entia media, quae repraesentant causam primam, in se occultam plane, quae ab illa immediate emanarunt, et illius virtute produxerunt et gubernant omnia reliqua. Definitionem heic damus **IRIRA**^z, qui ex tenebris philosophumena gentis suae protraxit in lucem, eo quod non clara tantum est, sed verisimillima quoque; tota enim cum systemate emanatio arctissime cohaeret. Vocantur autem entia media, eo quod inter fontem emanationis infinitum et mundos emanatiuos, inter creatorem et creaturas sensu Cabbalistico ita dictas, media sunt, quibus Deus essentialitatem (sit venia verbo barbaro in explicatione philosophiae barbaricae) suam infinitam explicuit, et in mundis euolutam et manifestatam ostendit, unde ex utroque participant, nempe ex Deo ratione essentialitatis, et ex mundis, ratione finitatis. Eadem fere ratione Platonici Alexandrini de ideis loquuntur, qui eundem locum in systemate diuino apud eos tuentur, quem sephirae apud Cabbalistas occupant. Errauit itaque Morus, qui nudas aridasque numerationes esse putauit; errant illi, qui nescio quas relationes vel physicas, vel metaphysicas, vel logicas, vel arithmeticas, vel astronomicas, vel ethicas, ex sephiris exculpunt. Vi enim systematis emanatiui, sunt emanatiuae virtutes attributorum et perfectionum diuinarum, ut sunt solis radii, calorque, et similia^a.

II. Ista itaque sephirae non sunt a se ipso, sed productae sunt ab vno primo simplici, manifestantes eius bonitatem infinitam, specula veritatis eius, et analogia essentialitatis eius celsissimae: ideae sapientiae eius, et repraesentationes voluntatis eius: receptaculum potentiae eius, instrumentum operationis eius, &c. prolixè haec prosequitur **IRIRA**^b, et plerumque nominum sephirothiconum explicationes affert luculentas, et omnino legendas, eo quod lucem clarissimam tenebris affundant. Praecipua inter haec nomina merentur notari sequentia: genera generalissima, quae in sinu suo comprehendunt omnia, et extra se edunt, prouidentiae extensae ab vno extremo ad alterum, et cura sua omnia dirigentes ad commodum et emolumentum suum: causae secundae, per quas prima omnia operatur, conseruat et gubernat: radii diuinitatis eius, per quos omnia illustrantur et manifestantur: formae, ideae, et species, per quas omnia producuntur: animae et potentiae, per quas omnibus datur essentia, vita et motus, loca incorporea, quae intra se comprehendunt omnia, monades supernae, ad quas reducuntur omnia multa et per illas ad vnum simplex &c.

III. Quamuis autem Deus est infinitus, non sunt tamen sephirae idem cum Deo infinito, sed ab eo distinctae finitate sua^c. Probe id obseruandum, et ex systematis emanatiui nexu deducendum est. Nempe cum omnia ex Deo emanare debuerint, eo quod ex nihilo nihil fit, nec, si

Deus

^z) Port. coelor. diff. VII. c. 4. p. 147.

^a) Agnouit id BASNAGIVS l. c. c. 14. §. 5.

p. 345. seqq.

^c) IDEM diff. III. c. 7. p. 71.

^b) Ibidem.

Deus necessitate naturali ex essentia sua infinita entia quoque infinita in tempore infinito produxisset, aliquod extra immensitatem eius fuisset, sed omnia in se immotus comprehendisset, sicque mundi nunquam extitissent, radiis eius infinitis omnia luce infinita complentibus; hinc necessarium fuit, ut lux infiniti radios suos ad producenda finita, et limitandam infinitatem suam, retraheret, et sic spatium aliquod luce carens remaneret, in quod essentialitatis suae vestigia imprimeret, ut scilicet illud vas esset, quod radios emicantis in sephiris lucis diuinae reciperet. Hac retractione non potuere non spatia illa sine luce relicta fieri finita, vas vero finitum non nisi finitam lucis portionem recipere potuit. Id quod et veteres et recentiores Cabbalistsae, de Zimzum prolixè garrientes agnoscunt. Est itaque haec operatio emanationum actus Dei voluntarius et finitus, iuxta quem produxit et creauit entia finita, temporibus finitis, et locis determinatis, et ad illa et in illa ita extenditur, ut non tantum eminentia quadam illis sit superior, sed etiam per potentiam infinitam posset, si vellet, producere entia alia praestantiora et maiora in spatiis et locis aptioribus, latioribusue et longioribus, quae intra immensitatem et amplitudinem suam perfectissime continet. Intelligi hoc luculenter potest, ex schemate primogeniti decem circulis luminosis per modum canalis in spatium tenebrosum defluentis; omnes enim illi circuli vase aliquo luce vacuo circumdati, adeoque finiti sunt. Hoc vero semel euicto, ut non potest non sequi saluo systemate emanatiuo, quo emanatiuum a fonte suo finitate distat necessario, omnes eorum rationes simul euertuntur, qui trinitatis Christianae vestigia in sephiris superioribus se deprehendisse sibi visi sunt. Nam quamuis sephiris essentiam diuinam Cabbalistsae tribuant, immo superioribus, maxime vero coronae, quae sephira summa est, nomen Ensoph, siue infiniti adiiciunt, id tamen non eo fit sensu, ac si cum Ensoph, siue essentia DEI infinita vnum idemque adeoque infinita esset, ita enim totus emanationis ordo euerteretur, et causa cum causato principium cum principiato confunderetur, vel plura assererentur infinita, quae omnia ut in se absurda sunt, ita menti Cabbalistarum repugnant. Sed apponitur Ensoph Coronae ideo, quia proxima infinito haec emanatio est, adeoque plurimum ex radiis lucis infiniti participat, quod cum et Sapientiae et Intelligentiae eueniat, quae propiores sunt fonti suo, ideo septem inferioribus praeferrì a Cabbalisticis philosophis solent. Quae quam remota sint a Christiana Trinitate, quilibet palpat. Nec obici hic quicquam potest, nisi hoc: recentiores Cabbalistas ita demum peruertisse veterum Cabbalistarum mentem. Hoc vero prius demonstrandum erat, cum veteres Cabbalistsae commode ita queant explicari, immo hoc necessario inuoluant, statum inanitatis supponentes. Id ut testimonio Sohario probemus, en verba tr. *Idra Rabba* d.: *Antequam senior seniorum, occultus occultorum institueret efformationes regis* (Adam Kad-

Kadmon) *et diademata diadematum* (id est, varia inuolucra, quibus circumdaretur luminum nimietas) *principium et finis non fuit*, (i. e. omnia erant infinita) *sculpsit ergo* (i. e. spatium euacuauit) *et proportion- nes* (luminis emanaturi) *instituit in se, et expandit ante se velum quod- dam* (Adam Kadmon) *et in eo sculpsit et certa proportionem distribuit reges et formas* (sephiras) *eorum*. Vides, lector, certa tantum modi- ficatione luminis infiniti, finitas illas sephiras fuisse productas. Hinc R. SCHABTAI ^e *lumen superiorum sephirarum* non infinitum, sed tan- tum magnum valde dicit, *ita vt impossibile sit creatis frui lumine earum, et hanc ob causam necesse fuisse, in ramos se diffundere, in caput, me- dium et finem, qui sunt septem numerationes*. Quo longius itaque se- phirae ab infinito lumine absunt, eo magis lux irradians decrescit, et fini- tas augetur. Alia in re manifesta tacemus.

IV. Hoc vero non obstante ipsae sephiroth, personae et lumina per se non sunt creaturae, sed notiones et radii infiniti, qui per gradus vari- os a summo fonte ita descendunt, vt tamen ab eo non separentur, sed ipse per has extendatur ad creationem et gubernationem omnium entium, sitque causa vniuersalis omnium vnica et perfecta, quamuis determinata ad hanc vel illam operationem, per hanc vel illam sephiram vel modum ^f. Probe id obseruandum est, ne emanationis systema euertatur. Sunt enim sephirae emanationes et instrumenta Dei, sed quae semper ex centro suo profiliunt et promanant, adeoque ratione ^g esse sui ab eius natura dependent. Sunt itaque non instrumenta vt e. g. malleus est instrumentum fabri, quod eius naturam non ingreditur, sed separari potest ab eo; sed sunt instrumenta essentialia in diuina natura radi- cata, et ex ea prodeuntia, vt v. c. radii solis ex eo prodeuntes instru- menta sunt caloris cum solis natura arcte connexa. Prolixe id prose- quitur R. SCHABTAI ^h qui videndus.

V. Sephirae hae, qui sunt lucidi fontes radiique diuinae lucis, sitae sunt in primo caussato et emanatio ex Deo primogenito siue Adam Kadmon, qui viuificat et illuminat sephiras emanantes, et per illas ope- ratur in inferiora. Rectissime id monet IRIRA ⁱ prouocans ad R. MOSCHE CORDVERO ^j, vnitatem illam infiniti non immediate adesse sephiris illis Aziluthicis, sed illis, quae sunt in Adam Kadmon, qui est principiatum illud primum et summum, et cogitatio vel idea suprema conceptusque systematis Enfophici et radix atque scaturigo luminum supernorum, quae ad instar animae dat mundo emanationes. Quamuis nec cum decem sephiris ipsius Adam Kadmon proxime vniatur En- soph seu causa omnium caussarum, sed per restrictionem illam saepe dictam, qua retraxit gloriam et excellentiam suam, et per canalem illum supposi- tum,

^e) Ad libr. Iezirah p. 67.

^f) Ibid. diff. IV. c. 7. p. 73.

^g) loc. cit.

^h) c. 3. p. 82.

ⁱ) Pardes Rimmonim tr. 4. p. 23. 24.

tum, quem ex mente Loriae supra p. 1000. expressimus. Ex hoc enim schemate clarum est, sephiras ex Adam Kadmon prodire et circulari modo moueri, sicque fieri emanationem radiorum lucis diuinae ad inferiora.

VI. Causa itaque prima actu eminenti exserit potentiam et proprietatem suam mediantibus causis secundis et instrumentis, ita ut sit causa perfectissima tam mediorum istorum, quam eorum, quae ab iis producta sunt ^k. Necessario id ex antecedentibus et ex natura systematis emanatiui sequitur, in quo causa primoprimum, fonsque fontium operatur etiam in infima, sed non immediate, verum mediate. Hinc Adam Kadmon mediator inter Ensoph et Sephiroth, et his mediantibus inter suprema et infima est.

VII. Monades illae seu sephirae et lumina modique diuini quodammodo sunt causa prima, et quodammodo non: et ab illa quidem emanarunt, sed ut a scaturigine sua non separentur, et ita per se subsistant, et extendantur ad omnia entia inferiora separata, et diuisa ab iis, quae propterea non tantum non sunt perfecta et formalia, sed et minus magisue talia, nec vnita nisi mediantibus his sephiris cum causa prima, quae per istas manifestatur et cognoscitur ^l. Ex his ratio patet, cur sephirae personae dicantur Cabbalisticae siue **פרצופין**, eo quod per se subsistant, licet modi sint et notiones diuinae essentiae, ubi ratione graduum vna alteram superuestit, et in ea continetur. Sunt enim parzuphim lumina inuicem colligata sibi inuicem inserta, et sese superuestitientia: nempe pro gradibus mundorum, quibus singulis est systema sephirothicum, quorum vnum aliud superuestit et circumdat ^m. Hinc mox decem mox duodecim, mox sex, mox quinque personae numerantur; ex quo disci potest, quam longe personae Cabbalisticae a personis SS. Trinitatis distent. Personalitas enim Cabbalistica certa tantum modificatio et relatio luminum diuinorum est per se quidem subsistentium, sed a causa prima pendentium.

VIII. Sunt itaque sephirae diuinitas determinata et se habent ad omnia entia reliqua, tanquam centrum ad circumferentiam, et radii vel lineae a centro ad circumferentiam, vel contra, ductae ⁿ. Idem praecipit, quem supra laudauimus R. SCHABTAI ^o et Cabbalisticae alii, et luculenter intelligi potest ex figura Adam Kadmon supra posita; in ea enim lucis radii circulariter effluunt et vasis suis ab infinito lumine separantur, et modificantur atque mensurantur.

IX. Continentur in Adam Kadmon siue principiato primo non tantum omnes personae et sephirae duorum mundorum diuinorum Ensophici et Aziluthici, sed et Briahitici, Iezirahitici et Asiahitici seu inferiorum, ita ut per-

k) IRIRA I. c.

l) Ib. c. II. p. 88.

m) Conf. Lex. Cabbalist. v. **פרצופין** Cabbal. Genud. T. I. p. 649.

n) Ibidem.

o) loc. citat.

perfectiones illae, quae in caussa prima tantum cognoscuntur negatiue, in illud effluant specialius, sintque ibi formaliter, tanquam monades determinatae pro omnibus numeris et entibus stabilibus ⁷. Ratio in natura emanationum sita est, sine qua nihil inferiorum consistere potest. Ex quibus sequitur, etiam in mundo Asiahtico siue materiali omniumque infimo causas esse sephiras ex principiato primo emanantes, eo tantum discrimine, vt gradu quarto vel quinto a fonte primo differant, adeoque limitata magis et attenuata luce constantes influant, ex quo influxu materia oritur. Ex his vero recte conficitur, qui mundum creationis et factio- nis ex nihilo productum esse volunt, eo quod emanatiuis opponatur, magno- pere errare, et Christianas notiones cum Cabbalisticis confundere.

X. Vt est natura mundorum in quos influunt sephirae, ita etiam se habet natura emanationis earum ⁸.

XI. Primogenitus homo radios lucis diuinae in mundos demittens, gignit inde lumina decem siue sephirarum denarium ⁹. Ratio, cur denarium numerum in definiendis sephiris Cabbalistae elegerint, sine dubio a numeri denarii perfectione deriuanda est, quam non Pythagoreis tantum placuisse, sed inter Orientales quoque fuisse commendatam constat. Eadem enim ratione, qua ex triade et heptade decadis mysteria deriuarunt Pythagorei, etiam Cabbalistae instituunt. Qui enim a computandi modo secundum decem digitos numeri huius rationem deriuant, non audiendi videntur, eo quod falso supponunt, aridas numerationes sephiras esse.

XII. Quamuis autem sephirae sint mensurae perfectissimae, attamen pro diuersitate analogiae suae magis vel minus lucidae sunt ¹⁰. Id vero salua earum perfectione, quatenus nempe id sunt formaliter, quod in caussa infinita est causaliter, sicque et ipsae causae fiunt sequentis sephi- rae formalis. Et hoc illud vult, quod supra diximus, superuestire personam sephirothicam alteram et inferiorem superiorem, id est intrare et pertransire, vel in illa consistere: nempe superiorem cum inferiore vniri, eamque informare et illuminare, vt perficiat per semet ipsam. Haec quoque caussa est, cur tot sephiras sephirarum faciant Cabbalistae, et quam- libet sephiram sephirarum denarium in se habere dicant, et sic in infinitum; nempe vt modificationum innumerarum rationes eo magis explanarent. Vt vero variae earum sunt perfectiones, modique diuersi, ita nomina quoque illis ex scriptura S. desumpta eos dedisse, dubium non est, prout nempe mundus est, in quem influunt. Exemplum explicationis huius- modi luculentum dabit I R I R A ¹¹ monens: *Mundum Aziluth, siue emana- tium, in quo lucent decem sephiroth, quando consideretur cum respec- tu ad Ensof, nomen habere coronae, quia haec ab illo accipit omnem essentiam, potentiam et operationem. Quatenus autem deinde intel- ligat et concludat, vocari sapientiam, sed quatenus respectum habeat*

Nnn nnn 2

ad

⁷) I R I R A I. c. 14. p. 89.

⁸) Prolixè id explicat I R I R A diff. V. p. 93.

⁹) Ibid. c. 8. p. 100. seqq.

¹⁰) Diff. VIII. c. 19. p. 129. seqq.

¹¹) Ibid.

ad inferiora, et ad ista se exporrigat, vocari intelligentiam: quae illis sese applicet per excellentiam proprietatis et naturae suae, et hanc esse gratiam et benignitatem. Sed quando iuxta dispositionem recipientium determinetur atque limitetur, esse ius strictum, siue Gebburah; porro quatenus coniungatur actiuum cum passiuo, Chesed cum Gebburah, vel actum cum potentia, vocari Tiphereih. Et quatenus benignitas omnibus influxum largiatur, vocari Nezech, victoriam: Quando autem quibusdam det aliquam partem debitam, videlicet praemium et poenam inferioribus, quae sint composita e duobus contrariis, ut quae habeant liberum arbitrium, vocari Hod, gloriam. Sed Iesod appellari, quatenus det omnia omnibus; et tandem regnum esse compagem omnium perfectionum emanantium, in qua omnes concurrunt et consistunt. Ita Irira sephiras mundi Aziluthici explicat, in qua quidem explicatione non diffitemur dubium esse, vtrum Irira proprias cogitationes, an placita veterum secutus sit; certe quae de caussis ad sephiras applicatis dicit, valde metaphysicam scholasticam redolent. Quaecunque vero caussa sit, illud verisimile est, nomina sephirarum modum et affectiones cuiuslibet sephirae per omnes mundorum gradationes indicare, quibus res omnes perfectionem habent.

Fig. III.

XIII. Ita vero sephirae, fontesque hi luminum sibi inuicem subordinantur, ut, quo propinquior sephira est luci infiniti, eo excellentior quoque sit et perfectior. Quaelibet enim spatio quodam distinguitur, quo ab infinito lumine distat, donec materialem mundum inueniamus, qui est punctum medium circulorum et ipsius quoque spatii locique vacui, adeoque et remotissimum ab infinito, remotione κατ' ἐξοχὴν sic dicenda prae omnibus mundis reliquis: vnde et corporeus est et materialis perfecta corporeitate. Ita L O R I I A *; cuius mentem Schema adiectum illustrat.

XIV. Istaes Sefhirae sunt productae ab vno primo simplici, manifestantes bonitatem eius infinitam. Hinc varia earum nomina, quae supra ex parte recensuimus, quae cum M E V R S I I denario Pythagorico merentur comparari, ex quo libro discemus, nomina singulorum numerorum valde similia esse sephirarum nominibus.

XV. Quot ex se radios luminis emittit Adam Kadmon, tot sephirarum systemata denariiue exsurgunt *. E. g. Vnumquodque de quinque luminibus mundi Ensophici componitur ex decem sephiris duplicibus, nempe partim ambientibus et externis, partim circumdatis *.


XVI. Habet quoque sephira quaelibet vas suum, קלי, ex retractione lucis ortum, et recipiendis lucis radiis destinatum.

XVII. Fit vero ea emanatio radiorum, vel in notione rectilinea, vel in circulari. Prolixius id exsequitur L O R I I A **, ostendens, prius ema-

*) l. c. p. 37. conf. IRIRA l. c. p. 120.
*) IRIRA diff. VIII. p. 159.

γ) LORIIA l. c. c. 2. p. 37.
*) loc. cit.

*Schema
decem Sphirarum
ex lumine infiniti Scaturientium
earumque ordinis inter se.*





Page 1

THE
MAYOR OF
THE CITY OF
NEW YORK

OFFICE

OF THE

CLERK

OF THE

CITY

OF

NEW YORK

CITY

OF

NEW YORK

CITY

OF

NEW YORK

CITY

OF

NEW YORK

emanare decem sephiras notionis circularis, et quidem initio vasa decem constantia partibus exterioribus et interioribus: quibus vestiuntur decem sephiroth, praeter quae decem alia lumina inueniantur ambientia; deinde pari modo emanare decem sephiras forma rectilinea hominis instar, quae excellentiores sint circularibus &c.

XVIII. Prout ex membro primi hominis lumina haec emanant, ita etiam relationem habent, et considerata sunt. Prolixi in hoc schemate explicando, radiisque ex omnibus partibus primogeniti promicantibus illustrandis sunt Cabbalistsae, quorum tamen nugae difficiles in hunc locum non possunt omnes transferri. Res ipsa huc potissimum redit: Depingunt Adamum illum primaeuum sub imagine hominis erecti, et quidem capite lucem infiniti, pedibus vero mundum materialem attingentis. Huic homini membra CCXLVIII tribuunt, quae secundum sephiras decem ordinant, ita ut Cether cranium, Chochma et Binah, cum sede sua Daath, tres cerebri species, Chesed, Gebhurah et Tiphereth brachia duo et corpus; Nezach, Hod et Iesod pedes duos membrumque genitale, Malchuth vero uxorem Adam Kadmon constituat. Sephiras vero omnes in personas transmutant, et in scenam quasi producant, hinc prima vocatur Arich Anpin, id est macroprosopos; secunda, Abba, pater, tertia, Imma, mater, reliquae sex unam personam effingunt Seir Anpin, microprosopon dictam, cuius vxor est sephira vltima ^a. Secundum difficilem hanc allegoriam mysterium emanationum, mundorumque constitutorum per compressionem et immissionem radiorum lucis in vasa sua in libris Soharicis descriptum est. Harum coniunctionem descensumque unius in alteram, et similia multis describunt Cabbalistsae, et ex crinibus quoque capitis et barbae Arich Anpin, Seir Anpin, et uxore eius lumina dicunt emicare obiectiua et intelligibilia, quae reflectuntur, tenduntque ab imo sursum, prodeuntia per foramina innumera dictorum capitum et barbarum, suntque obiecta selectissima et singularia, admodum limitata, ut naturae inferiores per illa cognoscant et intelligant id, quod de ipsorum scaturigine occulta alias non poterant comprehendere. Qua clauis ab IRIRA ^b suppeditata referari possunt aenigmata Soharica, quanquam et sic quoque multa inesse δυσνόητα καὶ ἀδηλα fateamur.

XIX. Sephirae cuiuslibet mundi tam in genere, quam in specie sumtae continentur literis tetragrammati ^c.

XX. Ex harum itaque sephirarum multiplici combinatione inter se coniugarum influxu vasa luce impleta, mundi que producti sunt.

Haec potiora Cabbalistarum placita de sephiris sunt, quibus innumera obscurissima nullaue industria clare detegenda assuunt, et Cabbalae literalis applicatione, nominumque diuinorum impositione varia et multarum imaginum cumulatione ita confundunt, ut facti sint viri in his my-

Nnn nnn 3 steriis

^a) Vid. LORIIA l. c. c. 5. p. 48. et Tabula Sephirothica eius T. I. Cabb. denud. P. II. p. 7. et qui philosophice de hac re differit IRIRA

diff. VIII. c. 20. p. 189. seqq.

^b) pag. 191. seqq.

^c) LORIIA p. 49. IRIRA p. 143. 150.

steriis perspiciendis acutissimi ^d, sibi non omnia constare, euidensque sit, ipsos Cabbalistas non omnia intellexisse. Multum vero auxit quoque tenebras superstitiosa numeri ternarii, quaternionis et septenarii obseruatio. Adducta tamen et post sindona protracta systemati Cabbalistico accurate conueniunt, et cum philosophia emanatiua tota amice conspirant. Ex quibus discimus, esse sephiras, radios lucis diuinae per caussatum primum emicantes, et emanationes, quibus in quolibet systemate mundano omnia formantur, producuntur, gubernantur, eum in finem, vt regnum Dei, id est explicatio et euolutio Dei occulti, manifestetur, ostendaturque, in omnium entium ordinibus Dei lumen, attributa, perfectiones, gloriamque, ipsamque Dei essentiam se manifestare ^e. Ideo enim regnum sephirarum vltima est, quae Deum ita manifestatum exponit. Ex quibus recte colligimus saluo systemate Cabbalistico non de regno gratiae, sed naturae eam esse intelligendam; quo obseruato cadunt omnia, quae pro demonstranda oeconomia gratiae ex Cabbalistarum scriptis viri docti afferunt ^f.

*Dogma de
mundis.*

§. VIII. Tertium, quod prae ceteris momentum in philosophia Cabbalistica habet dogma, vel aenigma potius, mundi sunt quatuor, de quibus obscura et intricata multa Cabbalistae garriunt. Indignatur hoc BURNETIVS ^g fassus quidem *inferiores Cabbalistarum mundos agnoscere, superiores autem*, monens, *vltra omnem oculorum aut mentis aciem elatos in vacuis spatiis et regionibus supermundanis abscondi: neque enim aut sua luce eos patere, aut mutuatitio lumine commentatorum, tam auctores enim, quam interpretes, rerum umbris deceptos errores suos nouo fuco obducere*. Id quod ex fraudulentio scopo methodi allegoricae confirmat, apte pronuntians: *eos, qui latibula quaerunt, semper sibi suspectos esse de ineptiis vel imposturis*. Displicuit Burnetii confessio B. BVDDEO ^h, eo quod mundorum superiorum notionem satis claram dari posse consideret; negandumque non est, videri Burnetium non satis ad nexum systematis Cabbalistici attentum fuisse, sed difficultate et obscuritate allegoriarum absterritum, a profundiore meditatione systematis Cabbalistici abstinuisse; cum sequentia doctura sint, dari posse huius quoque dogmatis delineationem aliquam cohaerentem, et intelligibilem. At hoc tamen non obstante, multa in eo esse intricata, obscura, *δυσνόητα*, maleque cohaerentia, is demum experietur, qui his gryphis soluendis operam impenderit suam. Nos itaque ne in tenebroso itinere a recta semita deuiemus, sequemur duces semel non sine fructu delectos, et potissimum ad ipsam systematis emanatiui indolem et naturam, tanquam ad cynosuram respiciemus. Constituuntur vero a Cabbalists mundi quatuor, nempe mundus Aziluth, siue emanationis,

mun-

d) Vid. WACHTER. elucid. Cabb. p. 65.

e) Obseruauit hoc etiam BASNAGIVS l. c. pag. 339.

f) Conf. WACHTER. l. c. c. I. p. 16.

g) l. c. p. 368.

h) l. c. §. 42. p. 377.

mundus Briah, siue creationis, mundus Iezirah, siue formationis, et mundus Asiah, siue fabricationis. His praefigunt Ensoph, quem mundum infiniti quidem vocant, et illi quatuor mundos istos, emanationis leges secuti, ita subordinant, vt superior inferioris radix atque fons sit, et ex ensophico Aziluthicus, ex Aziluthico Briahiticus, ex Briahitico Iezirahticus, ex Iezirahtico Asiahticus oriatur, et tum ordine retrogrado inferior mundus superiorem superueftiat, de quo dogmate quatuor mundorum Cabbalistarum scripta plena sunt omniaⁱ. Pertinet enim hoc dogma ad doctrinas fundamentales philosophiae Cabbalisticae, quae non tantum de caussa efficiendi et instrumentali siue media emanationum, sed de effectu quoque nempe quatuor istis mundis, qui ex Deo emanarunt differit. Est autem mundus Aziluth emanatiuum primum, ex infiniti luce mediante Adam Kadmon eiusque irradiationibus profectum, in quo perfectiones mundorum reliquorum subordinatorum negatis eorum imperfectionibus continentur, quique citra mutationem et variationem vel defectum caussae suae infinitae emanauit, reliquisque mundis fons communicatarum perfectionum ex caussa infinita est. Vocatur autem Aziluthicus mundus, eo quod non tantum ex nulla praecedente materia (id est, ex nullo subiecto externo, non tamen ex nihilo) productus est, reliquisque est sublimior, sed etiam vnitus et connexus principio suo, a quo emanando dependet cum omnibus attributis suis. Vnde IRIRA^k, adhibitis terminis scholasticis τὸ Aziluth ita explicat: *quod sit actus sublimior, perfectior et purior, et magis alienus a motu, quam creatio, quia emanat immanendo communiōe et sine separatione, et si respiciatur caussatum, Aziluth etiam maiorem similitudinem cum caussa sua prae se ferat, dum ipsa istud est formaliter, quod caussa est causaliter et eminenter, et nulla differentia sit inter emanatum et emanatorem, nisi quae est inter caussam et caussatum, usque adeo, vt quasi vnum sint, quamuis analogice habeat naturam multi et finiti.* Ex his mundus Briahiticus intelligi potest, qui ideo nomen hoc accepit, quod creatus sit sine praecedente materia et substantia, ex mundo aziluthico scaturiens. Continet itaque illas substantias spirituales, quae non immediate ex infinito profluxerunt, adeoque perfectiones minores et quasi limitatas habent, quamuis ex materia externa et accedente non sint orta, sed ex ipsa mundi Aziluthici essentia profecta: quae ratio est, cur creatus hic mundus dicatur^l. Mundus Iezirah est mundus formatius illarum substantiarum spiritualium, quae quidem creatae sunt ex nihilo, id est, sine praecedente subiecto et substantia, adeoque ex mundo tantum Briahitico ortae sunt, sed tamen creatae sunt in substantia et subiecto, cui destinantur, et quod informant. Lucem his accendent verba IRIRAE^m, monentis, *angelos* (horum enim est mundus

ⁱ) Vid. Lexic. Cabbal. v. Aziluth. pag. 146. IRIRA port. coelor. diff. V. c. 13. p. 124. seqq. R. MOSES CORDVERO de Palat. 24. c. 10. Cabb. denud. T. I. P. II. p. 100. R. IZH. LORIIA tr. I.

libri Druschim l. c. p. 44. R. NAPHTH. HIRTS Vall. reg. Cabb. den. T. II. P. I. p. 259.

^k) l. c. p. 97.

^l) Ibid.

^m) pag. 98.

dus Iezirahticus) *esse quidem substantias intelligentes et incorporeas, sed locatas super et in corpora firmamenti summi, et supra et in corpora coelestia, ignea, et aërea, ut illa viuificent et moueant: vel, ut loquuntur Cabbalistae, spiritus utentes corporibus, quae vocant lampades ignis, quibus inuestiantur.* Id quod ex doctrina Iudaeorum de angelis lucem capit, quam supra exposuimus; ea enim nos docet ⁿ, tribuere Iudaeos angelis corpora siderea; eosque omnibus elementis praefides et incolas dare. Id quod tamen de corpore tantum inuestiente, non de natura Iezirahtica et spiritali intelligendum est, nec spiritus Briahitici longe perfectiores cum Iezirahticis confundendi sunt. Hinc יצירה, scholae notionibus vsus I R I R A ^o definit *impressionem formae per se subsistentis in substantiam corpoream, quae ab illa non est plane aliena, sed per eius influxum producta.* Mundus Asialhticus autem materialis et visibilis mundus est, continetque substantias, quae omnino dependent a materia in esse, subsistere, posse, et operari, suntque compositae, et formae earum sunt partes vniuersi, quae per se esse non possunt, sed immerfae sunt materiae extensae quantitativae, adeoque diuisibiles, et subiectae motui perpetuo, multitudini, generationi, corruptioni etc. ut iterum habet I R I R A ^p. Et haec quidem satis clara sunt nec difficilia intellectu. At in ea obscuritas haut levis versatur, quo ordine, origine, forma, et subordinatione in systemate hoc mundano Cabbalistae eos constituerint et quomodo emanationem, creationem, formationem et fabricationem inter se distinxerint. Quidam enim viri docti ^r, qui diligenter Cabbalisticam philosophiam inspexerunt, primum tantum mundum, nempe emanatium a Cabbalistis ex infinito, siue mundo Ensophico deriuari contendunt, reliquos tres creatos esse ex nihilo secundum Cabbalistas volunt. Cui opinioni contradicunt alii ^s, magnopere repugnantes, statuentesque, euertere hanc explicationem totum systema Cabbalisticum, quod, cum, quantumcunque etiam sit, emanatium tantum sit, creationem ex nihilo, id est ex non-ente plane respuat, adeoque omnes hos quatuor mundos ex legibus emanationis secundum quas emanatium prius posterioris causa et fons est, exponendos esse, nec esse eos aliud, nisi Deum in essentialitate sua manifestatum et euolutum; siue, ut apte describit auctor *annotationum ad LORIIAE tractatum de reuolutionibus animarum* ^s: *Esse nihil aliud, quam quatuor repraesentatas diuinitatis classes, lumine semper magis magisque diminuto.* Nec nos quoque moram facimus, huic sententiae, tanquam menti Cabbalistarum magis conformi accedendi. Ut vero ipsum systema hoc mundanum intelligat lector, iudiciumque interponere suum possit,

ⁿ) Conf. ANDR. EISENMENGER. Iudaism. decret. P. II. c. 7. p. 373.

^o) Ibidem.

^p) loc. citat.

^q) BVDDEVS l. c. p. 375. BASNAGE Hist. Iud.

L. III. c. 8. §. 9. seqq. p. 170. seqq.

^r) WACHTER. Spinoz. in Iud. P. II. p. 229.

Io. IAC. SYRBIVS Inst. phil. prim. P. II. c. 2.

§. 3. p. 367. seqq.

^s) Cabb. denud. T. II. P. III. p. 245.

fit, en more hactenus seruato potiores assertiones huc pertinentes, quibus illud nititur:

I. Res omnes superius in coelis, et inferius in terra, non sunt a se ipsis, vel ex non-ente; sed emanarunt a loco quodam superiore. Ita R. MOSES CORDVERO *, qui ideo cauere lectorem suum monet, ne ignominiosum quid dicat de vlla creatura. Omnia enim, quaecunque sunt visibilia et inuisibilia, secundum Cabbalistas ex infinito lucis diuinæ supremæ oceano effluxerunt. Nec aliter statuere potest philosophia Cabbalistica, eo quod pro indubitato ponit, id quod essentiam aliquam habet, et non mera priuatio est, ex non-ente, quod eius contradictorium est, non posse oriri, ex quo sequitur, nihil posse, sensu vero et accurately, creari, id est ex nihilo produci, nisi priuationem. Quo semel admissio necessarium est, omnia quae reuera sunt, ex Deo orta esse et effluxisse, eiusque manifestationem et explicationem essentiae eius prae se ferre. Vidit id rectissimeque monuit BURNETIVS †: *Cabbalistas hanc sibi concepisse animo ideam, primum ens, siue Ensoph in se continere omnia, et eandem semper esse entitatis quantitatem in vniuerso, siue sit in statu creato, siue increato. Cum sit in statu increato siue antemundano, Deum esse omnia simpliciter: cum autem sit mundus, non augeri quidem entitatis gradus aut mensuras, sed Deum sese explicare et euoluere, per emanationes et effluxus a summis ad ima, quibus constituentur diuersae rerum creatarum formae et ordines. Ideoque saepe Cabbalistas verba facere de vacuis, et de vasis et vasculis, quasi ad recipiendos hos effluxus; et de radiis effluentibus, et de canalibus, quibus decurrant et propagentur: denique cum Deus retrahat hos radios et resorbeat, perire mundum externum, atque omnia fieri iterum Deum.* Subscribunt verbis Burnetii Cl. WACHTERVS ‡, et ipse B. BVDDEVS §. Hoc vero posito creatio ex nihilo concidit, palamque est, eam Cabbalisticis perperam ex nimio conciliandi Cabbalisticam philosophiam cum Christiana studio tribui.

II. Id, ex quo omnia effluxerunt, est Ensoph, siue ens summum, Numen infinitum causaeque prima, quae immediate produxit Adam Kadmon, id est, illud, quod in ipso dicitur homo primus, qui est intellectus occultus et cogitatio diuina: et ab isto subsequenter lumina superna prodierunt, quae sese exserunt in quinque decades sephirothicas, ita quidem, vt ad productionem mundorum inferiorum extendatur ipsa illa essentia, quae et in mundum emanationis extenditur, eosque non tantum produxerit, sed et conseruet et gubernet ‖. Tota haec assertio ex hypothesi de Adam Kadmon supra explicata facile intelligitur.

III. Quic-

†) De Palat. Cabb. denud. T. I. P. II. p. 100.

*) loc. cit.

*) I. c. P. I. p. 21. Elucid. Cabbal. c. III. §. 4. p. 27.

γ) I. c. §. 44. p. 394. seqq.

z) IRIRA diff. III. c. 9. §. 2. p. 72.

III. Quicquid est, vel est, ex aliquo, et materia quadam, vel ex nihilo, id est, non praeeistente substantia et materia. Hoc a causa prima est sine praecedente aliquo subiecto, sed ex potentia et operatione causae primae ^a: illud vero creatur in substantia et subiecto. Ita quidem IRIIRA ^b philosophatur ad demonstrandam mundorum inferiorum כ"ע productionem et discrepantiam a superioribus. Recte vero intelligendus est, ne aliena ei tribuatur opinio, dum se Christianorum locutionibus accommodat. Creatio enim ex nihilo non ad essentiale pertinet, quod ex potentia et operatione primae causae necessario oritur, ut ipse Irira prolixè demonstravit, sed ad modificationem, qua essentia illa effluens distinguitur a causa sua, quaeque in materia sese manifestat. Haec autem modificatio constat in diminutione luminis ex luce infiniti emanantis, et in vasa tenebrosa atque vacua influentis: quae lux cum fine modificatione, limitatione et retractione siue restrictione ex Deo non potuerit emanare, ne omnia infinita luce plena, et mundus ensophicus fierent, qui solus omni prorsus caret priuatione; omnino diminui, et a vasis circumscribi, et ita radii lucis condensari debuerunt, ut tandem extrema vltimaque emanatio in materiam per istam priuationem degeneraret. Quae priuatio cum non in essentia lucis infiniti fuerit, sed ex retractione radiorum, et limitatione luminis orta sit, ideo creata dicitur, quia ex non-ente est. Id quod radiis lucis in longinquum emanantibus declarant Cabbalistae, qui quo longius a lumine proiciuntur, eo infirmiores fiunt, eo magis ad tenebras accedunt; sic ut ex sola priuatione lucis producantur, et ex nihilo existant. Quam originem materiae Cabbalistae sine dubio didicerunt a philosophis Orientalibus, quos ex schola Zoroastriana, vetus systema Magicum ita reformante talia de ortu materiae, et tenebrarum, ipsiusque mali didicisse, *superiori libro* demonstraui.

IV. Materia non habet entitatem, sed oritur ex priuatione perfectionis, ex ente supremo emanantis. Notio haec materiae oritur ex natura emanationis. Quo remotius enim emanatum ab emanatore est receditque longius, eo magis imperfectum esse oportet. Et haec sacra anchora est, ad quam Cabbalistae confugiunt, materiae originem descripturi ^c. Cum enim materiam ob conditionem suam nimis vilem et imperfectam, ex Deo deriuare non audeant, necessario formalem rationem eius in priuatione ponere debuerunt, quae cum ens verum non sit, ex Deo orta esse non possit, quamvis subiectum illud, in quod ista priuatio inducitur, ex Deo effluerit. Non itaque negant Cabbalistae materialitatem omnem, sed eam tantum ex numero essentiarum eximunt, et in condensatione radiorum lucis, vel luce ita attenuata ponunt, ut nihil remaneat, nisi materia quaedam tenebrosa, carboque diuinae substantiae, in quo vix vlla scin-

^a) Id vero non tantum ratione causae efficientis, sed etiam formalis intelligendum esse, leges emanationis iubent, qua fons emanans et causa et forma emanationis est.

^b) pag. 97.

^c) Vid. LORITA I. c. p. 37. CORDVERO I. c. p. 102. conf. WACHTER I. c. P. II. p. 231.

scintilla apparet. Est itaque materia, si subiectum materiatum respicias, Deus, retractis lucis radiis subiectum aliquod opacum relinquens, vel Deus obscuratus, si vero priuationem illi subiecto inductam consideres, non-ens, siue priuatio: quo respectu gentilibus philosophis per materiam aliquod positium, licet imperfectissimum ens, designantibus Cabbalistae hanc thesin opponunt: non esse in rerum natura materiam, sed omnia esse spiritum, id est, materiam, qua talem ad entia realia et positiua non pertinere. Cuncta enim, quae realiter existunt, ex prima causa effluunt, adeoque spiritus sunt, sed accedente limitatione et circumscriptione ita imperfecti et coarctati, vt inde materia existat; mundusque materialis ex emanatione constare possit ^{d)}, quamuis ex Deo materia qua talis, non sit, quia non-ens ex ente summo ob nimiam et infinitam distantiam effluere nequeat. Adscribemus in argumento non leuis momenti, quodque omnibus philosophorum opinionibus de materia, quae ex Deo eam deriuant, lucem affundit, luculenta verba R. MOSIS CORDVERO: *Nihil est in mundo, cui non affluat e supernis influentia et lux quaedam, quamuis illa differat pro diuersitate descensus a posterioribus, seu Malchuth, quae sunt anteriora respectu caeterorum graduum inferiorum. Sic ergo haec incrassescunt, et manifestiora atque quasi corporea fiunt, de gradu in gradum, prout congruit materiae illi turbidae, ita vt nihil penitus inueniatur in hoc mundo, in quo non sit aliquid spirituale et vitale, secundum proportionem corporeitatis et materialitatis suae, et pro gradu distantiae suae a fonte et lomia rerum omnium. Et quando crassa ista materia sic eleuatur, vt propinqua fiat tenuiori suae materiae, tum allucet ipsi lux aliqua materiae eleuationis. Quemadmodum si magna quaedam lucerna accensa sit in media basilica, illa certe ob basilicae magnitudinem non illustrabit omnes angulos basilicae, nisi modico quodam lumine, ita vt alter alterum ibi videre nequeat: qui vero accedet ad lucernam, maiore atque copiosiore lumine collustrabitur, ita vt si propius ad vasculum eius accesserit, caligare incipiant oculi eius nimio perstricti fulgore. Ita et hic se res habet.* Quae philosophi Iudaici verba supra dicta mire illustrant, ipsa vero lucem ex illis accipiunt, quae superiori libro de materia intelligibili et sensibili ex Alexandrinorum philosophorum mente differuimus. Nam et hi et illi ex communi fonte philosophiae Orientalis hanc *ὡληλογίαν* didicerunt. Hinc sequitur:

V. Quo propius aliquid est fonti supremo, eo perfectius quoque est, quo magis autem distat, eo magis imperfectione limitatur, et attenuatur, eo magis fit materiale ^{f)}. Ratio haec est, cur mundus Asiahticus siue materialis sit omnium infimus, eo quod a mundo ensophico omnium longissime distat, et ita radii ex illo emicantes sunt maxime condensati, lux-

O o o o o o 2

^{d)} Quam crassi paralogismi et absurditates hic lateant ostendit Moxvs ad libr. Drusichum c. 2.

^{f)} Citati.

^{e)} loc. citati.

luxque ita attenuata, vt prae imperfectione tenebrarum, id est, materialitatis, percipi nequeat, quamquam aliquid lucis contineat.

VI. Cum itaque ante mundos conditos omnia infinita luce fuissent repleta, retraxit lux illa infinita radios suos, et coarctauit se, vt possint mundi existere, sicque reliquit substantiam aliquam spatiumque luce carens, in quod radios immittens mundos postea condidit.

VII. Nempe vt supra dictum, expulit infiniti lux e sinu suo radium aliquem magnum, nempe hominem primogenitum, eumque motu illo rectilineo et circulari ita illi substantiae luce carenti immisit, vt per emicantia ex eo lumina siue sephirae mundi conderentur.

VIII. Quo propiores autem hae emanationes et radii diuinitus immissi in spatium illud luce carens sunt fonti luminum supremo, eo purior et perfectior fit mundus.

IX. Mundus itaque purissimus et perfectissimus est Aziluthicus, siue emanatiuus, eo quod purissimae luci diuinae in mundo ensophico est proximus, et nullam limitationem vel diminutionem luminis patitur, sed emanauit citra mutationem, variationem et defectum causae suae infinitae. ^g.

X. Hunc excipit mundus Briahiticus, cuius lux illabens coarctatur magis et suo modo limitatur, adeoque minus pura est atque magis attenuata, magisque finita. Nempe ad decrecentem lucis perfectionem eiusque diminutionem increcentem cuncta redeunt, emanationibus in progressu semper infirmioribus et imperfectioribus. Recte itaque dixit illustris KNORRIVS ^b: *creationis hunc sensum esse: Talem esse rei essentiam, vt manifestior sit quam Aziluth, incrassescendo quasi; hanc autem incrassationem rei fieri non posse, nisi per amotionem et separationem a tenuitate et subtilissima spiritualitate.*

XI. Eodem modo magis perfectio lucis decrescit in mundo Iezirahtico, quae magis adhuc a fonte omnium primo distat, et maiorem patitur lucis coarctationem. Ratio haec est, cur angelos, quibus hunc mundum tribuunt Cabbalistae, corpora habere aethera, ignea, et similia dicant, vt supra iam notatum.

XII. Vltimus vero mundus est Asiahticus siue materialis, in quo, cum a fonte luminum supremo omnium longissime distet, necessario lucis radii ita comprimuntur coarctanturque, vt incrassescant, et hic mundus inde fiat materialis atque corporeus. Hinc formae eius materiae imprefae sunt, vt Scholastico more loquitur Irira, Peripateticum cothurnum Cabbalistico pedi applicans, id est, entia spiritalia materiae ita immerfa sunt, vt sola materia percipiatur.

XIII. Operatur autem emanans ille radius diuinae lucis ex vno mundo et per eum in alterum, subordinato motu, ita vt mundus anterior, cum posteriori lumen hoc communicet, et causans semper perfectioris melio-

meliorisque naturae sit, quam caussatum. Magnum in hac operatione influxus luminis diuini mediata et subordinata mysterium Cabbalistae quae-runt, et rem in se iam difficilem merisque conceptibus mentalibus et ab-stractionibus obscuram ineptis symbolis suis et sephirarum superiorum et inferiorum, quin et mundorum superiorum et inferiorum combinatione magis adhuc obscurant et reddunt impeditissimam. Cuncta vero eo re-ducuntur: sephiras superiores coniungentes se cum inferioribus, (quam coniunctionem per similitudinem mariti et vxoris coeuntis adumbrant) concurrere ex mundo superiore ad mundum inferiorem eiusque sephiras, sicque v. g. sephiras Aziluthicas, Binah et Malchuth, scilicet marito et vxore coniugatis, viribus suis creare mundum Briahticam, singulis sephiris illis ad huius mundi sephiras, v. g. Cether ad Cether etc. concurrentibus. Cui explicationi ex I R I R A ⁱ haustae luculentam addimus commentatio-nem R. MOSIS CORDVÈRO ^k, interprete KNORRIO ^l, eo quod mysterium hoc Cabbalisticum mira luce perfundat. Ita vero ille: „Res „productorum mundorum ita se habet: Quod sephiroth quoad substan- „tiam suam cum primae sint, quam proximae sint causae causarum, „sintque emanatio tenuis, quae occulta sit in scaturigine sua; cum ve- „ro beneplacuisse ei, manifestata est, unde vnita sunt cum radice sua „vnitate perfectissima. Ista ergo insigniuntur nomine Aziluth. Post „puram hanc sanctamque emanationem placuit benedicto, secundam crea- „re essentiam respectu Aziluth, quae est Briahtica, quae dicitur thronus glo- „riae, estque vestis decadis Aziluthicae sephirarum: ipsae autem ramosi- „tates emanantes ex decem sephiroth atque resplendentes intra thro- „num hunc, deinde sephiroth Briahticae vocantur, nempe sunt ipsae de- „cem sephiroth Aziluthicae, Briahticae autem vocantur quod protendan- „tur vsque ad Briahticam. Post hunc mundum formauit Deus mundum Iezirah, siue decem turmas angelorum, quae insigniuntur nomine Metatro- „nis, quoniam Metatron angelus princeps faciei ipsarum est praefectus, in- „fluentiam suam atque vitam cunctis distribuens. Rami autem protensi a de- „cem gradibus Briahticis etiam in hoc refulgent atque vestiuntur, decemque „eius gradus vestimenti vicem illis praestant, vocanturque sephirae Iezirah- „ticae. Post istum mundum fecit Asiahticum, id est omnes res factas ab initio „puncti factionis, vsque ad punctum abyssi, in quo comprehenduntur Kippoth „seu cortices maligni: in quibus quicquid est, est virtute rerum sancta- „rum, quae ideo huc descendunt, vt deprimantur et humiliantur. Sub- „stantia Briahtica itaque est thronus, et Iezirah sunt angeli, Asiahticum cor- „tex est, et quicquid sub isto est in coelis et planetarum gyris, lux autem „extensa a summitate mundorum vsque ad punctum vltimum, splendo- „rem dat, qui protensus in Briahticam, sephiras Briahticas, in Iezirah Iezirah- „ticas &c. efficit, sic vt eadem sephirae sint, quarum virtus in singulis „mundis existat, ita vt per intermediarias vestiuntur, et ita e. g. decem „Asiahticum

O o o o o o 3

i) I. c. c. 9. p. 72.

k) Sect. 16. Pardes c. 1. f. 92.

l) I. c. p. 85.

„Asiahticae non existant, nisi per tres gradus superiores emanationis, „creationis et formationis, nec decem Iezirahtici nisi per duos gradus „emanationis et creationis, nec decem Briahticae, nisi per gradus emanationis“. Haftenus Corduero: quae si in summam contrahantur, id volunt: mundos illos constitui modificatione lucis diuinae per gradus mundorum protensa et communicata a perfectissimo ad imperfectissimum et materiale.

XIV. In omni mundo quatuor sunt elementa pro natura et indole cuiusuis mundi intelligenda. Quatuor elementa superiora sunt haec: Gedulah elementum aquae, Gebhurah, elementum ignis: Tiphereth elementum aëris, Malchuth elementa terrae. Ista vnita sunt in vnitatem verissimam atque firmissimam. Atque per haec elementa superiora emanata tenuiora extiterunt, quatuor elementa sequentia succedentia de gradu in gradum, a causa ad causatum; et gradus isti in singulis mundorum gradibus inveniuntur ^m. Idem hoc vult, quod antecedentia innuunt, nempe quatuor elementa emanatiua, per gradus mundorum semper facta esse imperfectiora, donec tandem in mundo materiali, quatuor elementa, aquam, ignem, aërem, et terram constituerent.

Hae potiores assertiones Cabbalisticae philosophiae, de quatuor mundis sunt, quae ex natura systematis emanatiui facile iam possunt intelligi. Qui si comparentur cum diis intelligibilibus *νοητοῖς νοεροῖς* et reliqua incolarum coelestium caterua, quam finxit Alexandrina philosophia, sique conferantur cum archangelis, angelis, daemonibusque orientalium harmonia horum dogmatum ex vno fonte haustorum mira iucunditate patebit. Ex his vero sole meridiano clarius est, cosmogoniam Cabbalisticam a Christiana, immo a Mosaica toto coelo esse diuersam, et in contractione radiorum lucis infinitae, eiusque expansione et per gradus quatuor demissione limitata ad inferiora per varias modificationes consistere, adeoque supponere; omnia entia, qua talia ex Deo effluxisse. Ita vero etiam hoc dogma accurate cum reliquis systematis Cabbalistici partibus cohaeret. Quae vero de modis influentis in inferiores mundos lucis diuinae, per sephirarum combinationem Cabbalistae garriunt, de iis eo minus sollicitos nos esse oportet, quo certius est, homines corruptae imaginationis morbo laborantes deliriisque assuetos talia nobis subinde prodidisse, quorum ipsi claram notitiam non habuere, et quae luce donare velle est in arena vel littore maris arare et seminare.

Pneumatologia Cabbalistica.

§. IX. Non relinquit hos mundos philosophia Cabbalistica vacuos, sed incolas iis addit spiritus pro mundi cuiuslibet conditione naturam propriam nactos. Et in Aziluthico quidem mundo non spiritus, sed emanationes diuinas collocant, quae quales sint, ex doctrina de sephiris supra exposita declarataque intelligi potest. Id vnum hic monendum est, quam-

^m) CORDVERO de Palat. 24. c. 10. Cabbal. denud. l. c. p. 100. confer. WACHTER. l. c. P. II. p. 229.

quamvis emanationes hae cum vnitatem Dei arctissime cohaereant, et ideo vnum cum ea sint, attamen per mundum hunc Aziluthicum ab Ensophico distinctum a Deo in occulto latente quasi separari, ut caussata prima a causa sua, adeoque primum manifestati Dei gradum esse, radiosque diuinæ lucis protensos ad inferiora. Id quod ab Orientalibus didicerunt, qui eodem prorsus modo aeonas cum sephiris amice conspirantes in pleromate diuino posuerunt, et ex earum progressionem extra pleroma reliquos spirituum ordines deriuauerunt. Ita enim apud Cabbalistas quoque incolae mundi Aziluthici, id est emanationes diuinæ fontes sunt reliquorum mundorum, eorumque habitatorum. Et hinc mundo Briahico thronos, mundo Iezirahtico angelos, mundo Asiahtico Klippoth, id est cortices, scoriasque emanationum, spiritus malignos atque materiales tribuunt. De his quatuor classibus spirituum multa enarrant Cabbalists, quasi exercitus coelestes lustrassent explorassentque. Quae si excutiantur omnia, aut somnia sunt nugantis ingenii, aut Orientalis philosophiae, domesticis dogmatibus admixtis adulteratisque deliria. Dabimus tamen potiora, ex ipso Cabbalistarum ore, ita praecipientium:

I. Deus infinitus, qui scaturigo est lucis infinitae, mareque occultum et inexhaustum, ex se prodire iussit fontem, deinde fecit quasi vas magnum, instar maris quod tertium est, a scaturigine, et hoc vas diuisit in septem alueos fluminum, qualia sunt vasa oblonga, ita ut ex fonte in mare, et ex hoc in septem flumina effluat. Ita scaturigo et fons, et mare, et septem flumina efficiunt decem. Sub hac similitudine concipere licet generationem emanationum in mundo Aziluthico. Nempe causa causarum fecit decem sephiras, coronamque fecit scaturiginem, ibi enim nullus est finis scaturiendi lucem, et propterea vocauit hanc, sicut se ipsum infinitum, namque et haec habet nullam similitudinem vel figuram, et ibi nullum est vas, quo comprehendere queat. Deinde construxit vasculum, et hoc implet ex illa scaturigine et vocatur fons scaturiens sapientiam; porro fecit vas magnum, siue mare, indiditque nomen Binah, i. e. intelligentia. Ex his vero eduxit flumina septem, nempe reliquas sephiras. Ita Iochaides vel qui ex eius disciplina prodierunt soharici auctores, ex quibus patet, emanationes diuinas considerandas esse in mundo Aziluthico, non ut attributa et perfectiones immanentes, sed prodeuntes, esseque haec caussata prima non creaturas quidem vel spiritus, quales sunt angeli, at sua tamen subsistendi vi propria ex Deo pendente frui, adeoque posse considerari ut entia peculiariter diuina, per se existentia, licet in eo radicata, nempe eodem modo, quo ideas in intellectu diuino ponunt philosophi Alexandrini, aeonasque Orientales. Quo respectu cum instar personarum ad sequentes mundos se habeant, Parzuphin a Cabbalists dicuntur.

II. Pro

*) Pneumaticam Cabbalisticam exposuit peculiari tractatione R. COHEN-IRIRA tit. domus Dei, quae extat Cabbal. denud. T. II. P. III.

tr. I. p. 188. ibi mox in limine adducitur locus ex Soharico tractatu Raia Mehimna P. III. f. 42. ex quo potiores has theses excerptimus.

II. Pro his vasis, i. e. emanationibus diuinis fecit ministros, thronum nempe quatuor fulcris et sex gradibus constantem, quae itidem sunt decem; nempe spiritus Briahnicos decem: quia conditus est mundus verbis decem ^o.

III. Thronum autem instruxit certis turmis, quae ministrarent ei, suntque angeli (mundi Iezirahtici spiritus et incolae) nempe Chaioth spiritus viuentes *Ezech. I.* Ophanim, rotae, ibid. Arelim seu praeualidi, leonini *Ies. XXXIII, 7.* Chasmalim siue fulgores *Ez. I.* Seraphim, flagrant spiritus *Ies. VI, 3.* Malachim, angeli, Aelohim, Dii, Bene Aelohim, filii Dei *Gen. VI, 2.* Cherubim et Ischim, viri. Horum princeps est Metatron ^o.

IV. Istitis iterum fecit ministros Sammaëlem et omnes turmas eius, quae sunt quasi nubes, vt infideant eis *Ies. XIX, I.* cum descensuri sint in terram, suntque quasi equi eorum. Hi sunt spiritus mundi materialis, maligni regnoque Dei oppositi, vocanturque Catariel, Adam Belial, Duces Esau, Aganiel, Vfiel, Ogiel, Thomiel, Theumiel, Samiel et Lilith. Ex hac spirituum subordinatione apparet, spiritus hos materiales et malignos pro numero sephirarum corticibus his siue nubibus circumdatarum distribui. Id quod in *supplementis Sobarisficis* siue *Tikkunim* ^o ita explicatur: *Sicut datur regnum sanctum, ita datur regnum iniquum, vbi est Sammaël praeputatus et uxor eius, nempe praeputium, serpens et mulier adultera. Et opponitur coronae summae Cathariel &c. isti cortices sunt paries intermedius inter Israëlitas et patrem eorum, qui in coelis est, quibus ille inuoluitur.* Multa de his angelis impuris Cabbalistae pariter et Talmudistae garriunt; quae I R I R A luculenter exponit, hic, vbi breuitatem sectamur, non exscribendus. Addi his debent, quae ex libris Iudaeorum de malis spiritibus collegit ANDREAS EISENMENGERVS ^o.

V. Hi decem spiritus mali vocantur Klippothe, id est cortices emanationum per quatuor mundos scaturientium, quae si istis corticibus vestiuntur, tunc artis perit eos adiurare et impedire consilia eorum possunt, per reuolutiones tetragrammati ^o. Hoc verum fundamentum est totius Cabbalae practicae, siue magiae Iudaicae, de qua supra dicta hic repetenda sunt.

VI. Cum sanctus ille, qui est Seir Anpin, siue microprosopus, et sex extremitates, nec non regnum siue Schechina interdum vestiuntur istis corticibus modo dicto, mediantibus gradibus mundorum duorum creationis et formationis, id eo fine tantum fit, vt humiliant frangantque et subigant illos, quamuis illis quoque vtantur ceu exactoribus saeuis atque licitoribus, vt iisdem corripiant plectantque impios peccatores.

VII. Tan-

^o) Ibid. §. 13. p. 191.

^p) §. 14. p. 191. Conf. ANGEL. BURGONOV. comm. in Cabb. dogm. p. 738. ed. Pist. qui tamen nouem tantum classes perperam constituit, vt hierarchiis nouem Dionysianis faueret. Conf.

SYRBIUS inst. phil. pr. P. II. c. 2. p. 375.

^q) Suppl. 13. f. 56.

^r) Iudaism. detect. P. II. cap. VII. pag. 370. seqq. ^s) I R I R A l. c. p. 195.

VII. Tandem futurum est, ut sanctus benedictus abiiciat cortices illos a se ¹. Recte id intelligendum est. Non enim hic assertionis istius sensus est, spiritus malignos totos iri reiectum, sed tantum corticum naturam abiiciendam esse, quae cum extremitas emanationum in mundo Asiahtico sit, eos malos reddidit et quasi feces scoriasque mundi istius. Ipsa autem essentia eorum spiritualis est, et pars emanationum diuinarum, adeoque suo tempore in magna reuolutione vniuersi, quando retrahet in se Deus radios emanantes, abiectis et pessundatis corticibus redibunt quoque in inexhaustum Deitatis oceanum. Ita statuisse Iudaeos, mirum esse non debet, nam nec aliud patitur systema emanatum, regressusque rerum omnium, ipsiusque materiae, exusta vel abiecta materialitate, in fontem primum, nec aliud didicerunt in scholis Orientalium et Alexandrinorum philosophorum: et ita ad illos ipsorum magistros a Zoroastre dogma hoc transmissum est, quem subactō Arihmanio et expugnato, cuncta per Oromasden in Mithram reductum iri statuisse, *Tomo primo* demonstrauius. Pone pro Mithra Ensoph, pro Oromasde Adam Kadmon, pro Arihmanio Klippoth, et confer de vtrisque philosophemata Zoroastriana et Cabbalistica, et manu palpabis, vnde Iudaei haec hauserint. Prolixe vero horum decem spirituum malignorum naturam, operaque describit I R I R A ² plenus nugarum Rabbinicarum: cuius ut habeamus specimen, en a Lilith quae est vxor Catharielis, et opponitur Malchuth vxori Seir Anpin siue microprofopi, multos prouenire ait ³ turmas daemonum, et lemurum, et malignorum spirituum, qui forma humana appareant, nocteque media diei expiationis corticem istum inuitum venire cogi, vi operationum a senibus sapientibus institutarum, aduolantem cum centum et triginta vno heroibus volantibus in aëre, quorum facies scintillas ignis de se euomat. Eiusmodi affaniis Iudaeorum scripta pleraque turgent.

VIII. Istorum corticum desiderium vnicum est, ut assimilentur sephiris superioribus emanatiuis ⁴. Nititur hoc origine corticum eorumque reditu in Deum fontem suum. Etiam hoc ex philosophia orientali desumptum est, ex qua Gnostici acceperunt, qui eiusmodi affectationem angelorum malorum ex Ennoia progressorum, et pleroma diuinum imitantium asseruerunt.

IX. Maligni hi spiritus pugnant contra regnum DEI et ex Lilith gignuntur peregrinae et malae potestates, quae cum virtutibus diuinis luctantur, et inimicum gerunt contra eos animum, diuidunturque in duos exercitus, quorum vnum aduersus Seir Anpin ducit Samaël, alterum aduersus Malchuth ducit Lilith ⁵. Mul-
ta

¹) Ibid. §. 8. p. 195.

²) c. II. seqq. p. 210. seqq.

³) p. 289. seq.

⁴) c. III. §. 4. p. 211.

⁵) Ibid. p. 197.

ta hic garriunt Cabbaliftae in exponendo bello malignorum spirituum contra bonos et ipfas emanationes diuinas, quae aperte scholam Orientalem sapiunt. Ea vero cum sacra Mosis historia coniungunt, et seductionem Euae ad mundos quoque intelligibiles miris et ineptis allegoriis transferunt, hosque spiritus peregrinos ex Lilith progressos, se Deo, spiritibusque bonis purisque, et Israëlitis opponere dicunt. Quod vero et Samaëlem et Lilith contra regnum DEI duces educunt, eius ratio inde petenda est, quia Tiphereth, quae est prima sephirarum inferiorum in Malchuth, quae est vltima, influit, et in eo se reliquae sephirae manifestant, tanquam in vxore Seir Anpin, quos duos duces sanctorum illi aggrediuntur.

X. Cortices et spiritus immundi in ordine rerum incorporearum sunt cortices vltimi, vltiore velamento carentes, ita vt nudi incedant absque veste. Ratio, quam I R I R A ^a quoque adducit, ex systemate emanatio naturali consequentia fluit, nempe: Omnes mundi a summo vsque ad imum ita constituti sunt, vt alter alterum inuoluat, ita vt supremus actiuus tantum sit, et nihil patitur; imus autem passiuus, et nihil agat: intermedii autem partim actiui sint, partim passiuui, eo ipso tamen actiuiores, quo propiores supremo, et passiuiores, quo propiores imo. Hinc illi cortices materiales sunt.

XI. Cum autem homo aliquando vestiri queat duplici veste, quarum vnam adipiscitur per opera sua, vt illorum beneficio eleuari possit, vsque ad mundum angelicum, alteram autem per speculationem obiectorum verorum atque diuinorum vsque ad mundum Briahicum; immo vsque ad mundum Aziluthicum et Ensophicum; ipsi autem cortices semper manere cogantur in mundo hoc infimo siue Asiahtico, nudi atque veste priuati: ideo inuidet homini, eique insidias struunt, et seducere meditantur, vt perdat vestes supernas, et infernas atque corporeas in morte. Et hinc ortum est peccatum Adami ^b.

XII. Hi spiritus maligni corpora habent ex aëre denso, adeoque nec intellectu vtuntur defaecato, et lumen diuinum descendens obsuscant. Subtilis hic est I R I R A ^c in comparandis Platoniorum et Cabbalistarum placitis de angelis malis, quae omnino merentur legi, eo quod clare indicant, ex communi fonte vtrosque hausisse. Obseruandum tamen iuxta systema Cabbalisticum omnes angelos habere vestem aliquam materialem, ob distantiam ab Ensoph, et hanc vestem esse naturam sequentis mundi: at quo subtilioris naturae mundus ille est, qui illos vestit, eo quoque subtilius illud vehiculum siue vestis est. Hinc I R I R A ^d, eundem fere in modum, vt Alexandrini philosophi, de εἰδὼλῳ animae, philosophatus, coelum summum, quod Araroth dicitur, et puritate atque perspicuitate crystallo simile est, habitaculum angelorum et mansionem animarum purarum

^a) c. 4. p. 212.

^b) Ibidem.

^c) Diff. III. c. 1.

^d) pag. 215.

rarum dicit esse, et vestimentum esse eorum incolarum tenue atque pellucidum, quo inibi vestiantur. Dissentiunt tamen Iudaei de natura spirituum malorum, quas vero contentiones enarrare, huius loci non est.

XIII. Angeli quidam referuntur ad sanctum illum qui benedictus sit! qui est Seir-Anpin, nempe gradus Tiphereth, quasi complectatur sex sephiras inferiores; alii autem referuntur ad Malchuth, regnum sanctum, quae est vxor אֵם Seir-Anpin. Illud per י, hoc per ה nominis tetragrammati indicatur.

XIV. His duobus exercitibus praefecti sunt principes duo, Metatron et Sandalphon; et duo isti duces sunt duo Cherubim, qui super arca foederis domini locati erant, alter mas et alter femina, vt totus exercitus*; Id non materialiter accipiendum est, sed ita, vt in systemate sephirothico est mas et foemina, nempe influens et recipiens, illuminans et illuminatum, actiuum et passiuum est.

XV. Metatron est princeps faciei Dei, Sandalphon spiritus mundi: ille Chaioth praefectus est, hic Ophanim: ille mundo Iezirahtico praeest, hic Asiahtico imperat. Chaioth siue animalia locum habent in mundo Iezirah, proxime ad thronum gloriae, id est, mundum Briah: Ophanim siue rotae immediae praefectae sunt gubernationi mundi Asiahtici. Suntque animalia quidem et rotae vnum idemque ratione essentiae et numeri, sed differunt ratione applicationis et operationis. Illi insigniuntur nomine יהוה hi nomine אֵרֶנִי. Multa de his angelis duobus principibus disputant Iudaei, sed in explicatione varie differunt. I R I R A f vt Platonica et Aristotelica in concordiam cum Cabbalisticis cogere haud raro tentauit, ita Metatronem cum Psyche prima et vniuersali subsistente per se, Sandalphonem autem, cum vita quae est in corpore primo comparat, et rotas etiam ab orbibus coelestibus vocatas putat, sicque intelligentias motrices in philosophiam Cabbalisticam infarcit. Melius clariusque ita distinguuntur inter se, non negante Irira, vt Metatron ad Deum eiusque ministerium respiciat, vnde etiam a Talmudistis dicitur princeps faciei, Sandalphon ad mundum materiale eiusque gubernationem referatur, vnde Rabbini vocatur spiritus mundi: Ex his vero intelligi potest, qualis spiritus sit Sandalphon, nempe non orbis quidam coelestis, vt volunt Maimonides, R. Schem Tobh, et Iudaeorum philosophi alii in philosophia ducem Aristotelem secuti, sed princeps angelorum, quibus commissa est gubernatio mundi materialis. Quae enim de quinta essentia Aristotelis somniat Irira, nec attentionem, nec fidem merentur, et ex studio eius conciliandi Platonica et Peripatetica cum Cabbalisticis deriuanda sunt. Propius ex Cabbalistarum mente auctor *Lexici Cabbalistici* Sandalphonem dicit esse *sandalium אֵם Tiphereth, quando Malchuth induta est calceo Metatrone*. Quamuis enim haec more Cabbalistico admodum aenigmatica sint, ex adductis tamen sensus eorum erui potest, qui hic est: Quem-

Ppp ppp 2 admo-

*) c. 4. p. 223.

f) pag. 227.

g) T. I. Cabb. denud. P. I. p. 605.

admodum Tiphereth, siue caput sephirarum inferiorum, quod est Seir Anpin, angelos mundi Iezirahtici sibi ministrantes habet, eorumque principem Metatronem, ita eius vxor Malchut, siue sephira vltima regnum DEI, eiusque Schechina, id est gloria in regno eius manifestata et appa-rens, habet angelos ministros in mundo Asiahtico operationem edentes, in quo mundo se regnum DEI ostendit visibile. His angelis cum prae-fectus sit Sandalphon, qui sub Metatrone est, necessario vocandus is erat, sandalium Tiphereth, id est subordinatus minister sephirae huius, cum regnum DEI per Metatronem ministrum eius defensum, confirmatum-que $\tau\delta$ Tiphereth influxu frueretur. Recte itaque et Knorrius et Morus Sandalphonem spiritum mundi vocarunt; hic vero praeter rem principium suum hylarchicum intrusit. Non enim est Sandalphon spiritus mundi in-formans, sed assistens. Pariter de Metatrone multa Iudaei garriunt, *su-
periori sectione* ex parte iam enarrata. Etiam quidam Christianorum an-gelum foederis et mediatorem hic se inuenisse somniant, facile vero ex loco et munere, quod hic angelus ex mente Cabbalistarum tuetur, refu-tari possunt. Ipsi vero Iudaei non omnes de Metatrone idem sentiunt, de qua tamen re aliisque huc pertinentibus, cum prolixiora sint, quam quae hic locum capiant, viri docti adeundi sunt, qui passim nugas Iudaeo-rum de angelis enarrauerunt ^b. Qui etiam pluribus exponunt, quibus creaturis in mundo materiali angelos Asiahticos praefectos Iudaei velint: de quo imprimis notabilem locum ex tr. *Berith menucha* affert EISEN-MENGERS ⁱ. Vnde vero haec somnia Cabbalists acceperint, qui-busque ex fontibus hauserint, obscurum esse non potest, ad origines phi-losophiae Cabbalisticae attendentibus. Chaldaicam enim, Persicam Sa-baeam, Aegyptiacam, praecipue vero Alexandrinam theologiam, et quae ex his scaturiginibus orta est mataeologiam Gnosticam cum Cabbalistica doctrina de angelis concordare amice, instituta comparatio ostendit lucu-lenter, et nos circa potiora haec dogmata animaduertimus. Quamuis autem viri quidam eruditi ^k coniciant, ab Hebraeis ad gentes barbaras hanc doctrinam dimanasse, et accepisse a natione sancta, quicquid de an-gelis eorumque natura et officio prodidere memoriae, orientales philoso-phos, attamen aut egregie falluntur, et sine veteris historiae testimonio id affirmant, aut ad quaestionis statum non recte attendunt. Quae non in eo versatur, vtrum nouerint gentes barbarae ab Hebraeis edoctae, esse angelos, distingui eos in bonos et malos, esseque vtrorumque varias ope-rationes et munera varia. Tale enim quiddam tenui et obscura traditione ad eas perferri potuisse, non magnopere refragabimur, vt supra iam ob-seruatum; sed quaestio de eo potissimum agitur, vtrum philosophia Cab-balisti-

^b) Conf. BASNAGE Hist. Iud. L. IV. c. 9. §. 9. seqq. p. 203. seqq. I. IAC. CRAMER. theolog. Israelis P. II. p. 103. seq. G. ELIE-ZER EDZARDI not. ad c. I. Berachoth p. 229. seqq. BYXTORF. Lexic. Talmud. p. 1191. et in-

primis ANDR. EISENMENGER. Iudaismi detecti P. II. c. VII. p. 375. 393. 396.

ⁱ) I. c. p. 379.

^k) BVDDEVS I. c. p. 420. SYRBIUS Instit. philos. primae elect. P. II. c. 2. p. 381.

balistica doctrinam suam de angelis ex patriis fontibus hauferit, an ex la-
cunis philosophiae gentilis? Quod posterius omnino affirmandum est, nisi
contra solem loqui velimus. Vt enim Cabbalistica dogmata de angelorum
ex Deo emanatione fatis absurda quin et impia sunt, ita miramur, po-
tuisse eo delabi viros doctos, vt has ineptas et diuina sapientia indignas
gerras difficilesque nugas pro reliquiis philosophiae sanctioris habere po-
tuerint? Cum manifestum sit, Zoroastriana φιλοσοφούμενα inter Orientales
multis ineptiis aucta, mutata et deformata et in Aegyptum delata Iudaeis
occasionem dedisse, similia comminiscendi, et cum domesticis placitis
commiscendi. Ex hoc enim fonte philosophiae Orientalis non ad Iudaeos
tantum, sed ad Platonicos Alexandrinos quoque ista doctrina peruenit, qui
haud pauca Cabbalisticis dogmatibus affinia praecipunt, de quibus Plato
nunquam cogitauit. Vnde recte obseruatum Porphyrio, placita haec de
angelis, archangelis, et similibus, esse doctrinam barbaricam, nam ab
Orientalibus philosophis eam Aegyptii, et ab his Platonici, didicerunt.
Quod longe maiori verisimilitudine dici potest, quam si a Iudaeis Iambli-
chum et sequaces haec somnia accepisse dicamus. Philosophia enim Ori-
entalis illa, qualis paulo ante natum Seruatorem florere coepit, in hac
doctrina multis declaranda potissimum versata est, a cuius philosophematis
ideo diligenter sibi cauendum esse monuit D. PAULVS 1. Quem itaque
supra instituius parallelismum inter philosophiam Orientalem, Alexan-
drinam et Cabbalisticam, si memoria recolimus, apparebit facile, si prae-
iudicia abiciamus, ex communi fonte hanc quoque de angelis doctrinam
profluxisse.

XVI. Spiritus aërii, qui vocantur daemones, medium occupant locum
inter summum et imum, corpusque habent patibile vt homo, sed incor-
ruptibile, vt coelestia, vnde vitam habent perennem et sempiternam.
Ratione animae autem multis quoque passionibus subiecti sunt, at quae
magis animam eorum concernunt, quam corpus, suntque eae magis tem-
peratae et ordinatae, quam humanae, propter facultatem suam intellectu-
alem, cui magis illi spiritus subiecti sunt. Prolixe de eo quoque differit
IRIRA^m, sed Platonica multa Cabbalisticis more suo immiscet: id vero
omnino cum systemate Cabbalistico conuenit, spiritus in elementis par-
tibusque mundi versantes iisque praefectos maiori gaudere animi perfe-
ctione, quam homines, ob corpus subtilius. His spiritibus aëriis tribui-
tur ministerium animae in descensu praestitum. Alia subtiliora habet Irira,
sed quae Platonici magis recentioribus, quam Cabbalisticis debentur.

XVII. Quamuis omnes angeli sint immortales, haec tamen inter illos
occurrit differentia, quod naturae coelestes omnino sint incorruptibiles,
sed quae corpus aliquod habent vel terrestre vel aqueum vel aërium quae-

Ppp ppp 3 dam

1) Col. II. 8. Ita conciliari possunt, qui hoc
loco Paulum loqui contendunt, de philosophia
Platonica, cum illis, qui Cabbalisticam intelli-
gunt. Vtraque sententia vera est, sed respectu

habito ad philosophiam Orientalem, ad quam
manifeste alludit et somnia de angelis, de me-
diatore, de pleromate etc. refutat et emendat
Apostolus. m) pag. 237.

dam sui perdant, quae etiam refarcire teneantur. Spiritus autem vltimi generis magis crassi terrestresque nempe cortices immundi, opus habent odoribus crassis et vaporibus humidis; e.g. ex carnis et sanguinis odoribus ascendentibus. Hinc illi aëris infimi incolae spiritus superbi et iracundi, auctores sunt arrogantiae et furoris, seductoresque hominum, qui et ipsi inter se flagrant igne diffidorum atque belli, et homines ad talia incitant, iisdemque variis modis illudunt". Eadem ratione de ἀνθρώποις Iamblichus, et de malis angelis, mundi tyrannis Gnostici aliaeque scholae orientalis propagines praeceperunt. Quae iterum argumento sunt, Cabbalistas sua ex his turbidis lacunis hausisse et in arua sua deriuauisse.

*Psychologia
Cabbalistica.*

§. X. Angelis comitem Cabbalistas in metaphysica sua iungunt animam humanam, de qua non minus, quam in reliquis dogmatibus μετεωρολογίας philosophantur. Cumque caput hoc pneumatologiae in se tam difficile sit, vt viris summis occasio extiterit, in multa paradoxa et a veritate aliena delabendi; Iudaeorum autem philosophi nec iudicio satis instructi, nec iis artibus praeparati fuerint, quibus felicem in philosophando successum sibi promittere licet, parum in psychologia ab ipsis expectandum est, quod satisfaciatur; praecipue cum enthusiasmus, quem tota philosophia emanatiua respicit, et deismus, ad quem ducit Cabbalisticum systema, omnia sana corruperit; et quae pauca erant meliora, ineptum allegoriae studium prorsus deprauauerit. Non enim se ipsos explorauerunt, non ad animae operationes et functiones attenderunt, sed admissis semel peregrinis placitis, domestica iis affuentes in meras nugas totam doctrinam de anima redegerunt Cabbalistas. Quorum de anima philosophumena in Cabbala denudata omnium accuratissime enarrantur, et IRIRAE^o, MOSIS CORDVERO^p atque ISAACI LORIIAE^q scripta exhibentur. Quae priusquam enumeremus, monendus est lector, non conuenire inter se Cabbalistas de grauissimo hoc argumento, maleque cohaerere eorum de anima placita, quod non aliter euenire potuit, eo quod de argumento in se obscuro et ambiguo, et cum reliquo systemate non satis connexo, secundum absurdissimam methodum suam allegoricam praecipere sint conati. Quem defectum cum supplere et emendare voluerint Cabbalistas quidam recentiores, qui in scholis Christianorum philosophiam Graecanicam didicerunt, accidit, vt Aristotelica et Platonica Cabbalisticis supponerent, et arcanae philosophiae suae mytheria ex his interpretibus minus aptis explicarent. Et tamen hi duces sequendi sunt, nam, quae veteres scriptores Cabbalistici habent, inuincibili obscuritate laborant. Sequemur itaque viam semel ingressam, et horum ducum fide ita progrediemur, vt simul ad nexum totius systematis attendamus, cum verisimile sit,

n) Ibid. p. 239.

o) In porta coelorum. diff. VI. c. 12. pag. 121. agitur de partibus animae humanae; et Tomo II. P. III. p. 188. extat eiusdem Pneumatica Cabbalistica.

p) In app. ad librum Sohar T. I. P. II. p. 100. exhibetur eius liber de anima.

q) Eius tr. de reuolut. animarum ibidem T. II. P. III. p. 243. legitur. Ex horum trium uirorum scriptis lux obscurae apud reliquos Cabbalistas translationi de anima accendi potest.

fit, ita intelligi voluisse Cabbalistas, prout systematis deamati postulat ratio. Ita vero de anima praecipunt:

I. Anima est substantia incorporea, rationalis, quae cum sit producta ab intellectu diuino, istius etiam naturam in se habet.

II. Et quia applicatur ad corpus inclinante natura et voluntate eius, in illud infundit vitam secundum similitudinem suam.

III. Ita ex se et ex corpore congruis qualitatibus disposito membrisque et vasis debitis praeparato constituit viuens et compositum vnum, quod vocatur viuum rationale, et hoc tanquam instrumento essentiali naturali-que sibi adhaerente haec anima rationalis vtitur, praedita intellectu, cuius, per influxum et operationem propriam, ipsa est caussa. *Φιλοσοφούμενον* hoc *IRIRAE* est, qui systema influxus Cabbalisticis tribuit. Rectene an secus, dici vix potest, nihil enim clari de ardua quaestione, quomodo anima operetur in corpus, Cabbalistae praecipunt, immo ne de ea cogitasse quidem videntur^r. Nec tamen inepte hac in re egisse Irira videtur, systema enim influxus omnium optime respondet systemati Cabbalistico, in quo influxus primae causae, vsque ad vltimum effectum, id est materiam pertingit, et communi spiritalia materialibus iungit vinculo. Quod si quis tamen harmoniam inter mundos spirituales et materialem institutam, circa animam et corpus quoque Cabbalisticis tribuere velit, non refragabimur, nihil enim habemus, quod de certa eorum hac in re mente dicere possimus.

IV. Est itaque in homine vitalitas appropriata corpori naturali et instrumentali, in quo vita tantum est in potentia, quae tamen propter illud et per illud subsistit et operatur, vocaturque vegetatiua et sensitua et apud Cabbalistas Nephesh. Ita hanc animae partem alii quoque praeter *IRIRAM*^r Cabbalistarum interpretes describunt. Auctori enim *lexici Cabbalistici* * Nephesh est psyche anima vegetatiua, pars animae plastica, seu infima concupiscibilis; quae etiam alibi * repetuntur, et Nephesh spiritus dicitur vitalis, non quatenus plane corporeus, sed insitus ille atque primitiuus et seminalis, quem recentiores archeum vocant, cum quo philosophorum correspondet anima vegetatiua, seu plastica et Platoniorum τὸ ἐπιθυμητικὸν seu concupiscibile. Cauendum autem est, ne hanc animam vegetatiuam faciamus ex mente Cabbalistarum materialem, pars enim est infima emanationis diuinae in hominem descendens, adeoque non natura, sed gradu et perfectione a reliquis partibus melioribus et subtilioribus differt.

V. Anima ipsa in corpus extensa, per se subsistens, siue potentia quae assequitur sapientiam idearum et sensibilem, et in homine ratiocinatur,

^r) Port. coel. diff. VI. c. 12. p. 121.

^s) Dicunt quidem habitare animam superiorem in inferiore, adeoque huius vinculo cum superiori connecti; sed hoc nihil ad rhombum facit, nec modum operationis mutuae explicat.

Recentiores vero Cabbalistae aperte Platonem et Aristotelem sequuntur.

^r) loc. cit.

^u) pag. 589.

^x) Annot. ad *LORITAE* tr. de reuol. anim. P. I. c. I. §. 7. p. 247.

natur, vtens corpore tanquam instrumento, vocatur Ruach. Ita iterum Peripateticis notionibus vsus Cabbalisticas voces explicat I R I R A ^γ, qui alio loco ^z, hanc animam tertium esse dicit inter intellectum et inter formas materiales in se incorpoream, in corpus tamen extensam, in se indiuisibilem, diuisibilem tamen quoad operationem et subiectam materiam: in se motum habentem, et primo motam, et ita quidem, vt ipsa causa sit omnis motus aliorum. Etiam hic Peripatetica more suo immiscet I R I R A, vnde eum reliquit K N O R R I V S ^α, qui per Ruach animam sensitivam et τὸ θυμικόν Platoniorum intelligi pronuntiat. Nobis veteres Cabbalistas considerantibus Ruach idem videtur esse, quod recentiores philosophi intellectum impurum, animamque cum corpore et in corpus agentem appellat.

VI. Porro in homine etiam datur intellectus specialis communicatus ab intellectu generali et diuino, qui vno momento intelligit omnia simul et semper, et hic dicitur Neschamah, intellectus animae essentialis infusus in eam ab intellectu diuino ^β. Sapere et haec scholam Peripateticam, intellectum passiuum ab actiuo ab extra communicato distinguentem, facile ex comparatione praeceptionum Peripateticarum intelligi potest. In *Pneumatica Cabbalistica* ^c cum posuisset Irira animam naturam mediam, quae ita vnitur cum supernis, vt tamen non negligat infera, sed ad vtraque feratur, sicque ad intellectum abstractum eleuatur, et tamen facultatibus suis inferioribus descendat in materiam et ad formas corporeas, distinguere videtur Neschamah et Chaiah tantum ratione obiecti circa quod versatur. Rectius nobis K N O R R I V S ^d pronuntiasse videtur, qui Neschamah respondere dicit animae rationali seu potius intellectuali, et Platoniorum τὸ λογικὸν et νῶν, quanquam sine dubio in eo errat, quod Christum Io. VI, 53. distinguentem inter carnem, sanguinem et vitam, ad harum trium animarum distinctionem respicere putat ^e.

VII. Praeterea in homine datur vnio intellectus istius communicati cum generali et diuino, a quo ille formatus est, perque hanc intelligit, sicut et ipse, perfectissime omnia intelligibilia summa et ima. Et haec vocatur Chaiah ^f. Eam Knorrius definit vitalitatem quandam sublimiorem ab extra homini superuenientem, nec intrinsecus tantum eam penetrantem, sed et extrinsecus eum ambientem: et intellectum a Deo illuminatum esse putat, de quo Christus Io. VI, 54. rectene an secus? hoc loco non disputamus. Conuenientiori huc ratione aduocari posset intellectus in Deo, ideas omnes percipiens Mallebranchii, vel νῆς Platoniorum: optimum autem est, ab omni comparatione abstinere.

VIII. Tan-

γ) loc. citat.

z) Pneumat. Cabb. diff. III. c. 4. §. 6. p. 240.

α) Ad Liriam l. c.

β) Ibid. diff. VI. p. 121.

c) loc. citat.

d) loc. cit.

e) Reiectus ideo BVDDEO l. c. §. 44. p. 430.

f) I R I R A l. c.

VIII. Tandem etiam gradu quinto et ultimo in se habet unitatem illam, qua similis est causae suae primae, quae est vnum simplicissimum, cum qua vnita est, sicut punctum lineae, vel radii cum centro circuli, nempe cum principio et fine generalissimo, omnibus entibus intimo. Et haec Iechidah vocatur, qua vnione fit similis causae suae primae, et cum illa cohaeret, et connectitur, vt haec sit illius caput, cor vel centrum, a quo dependeat, et ad quod reducat, quicquid ipsa est, et quicquid continet atque operatur. Hunc intellectum abstractum, ait IRIRA^g, quasi per se conuerti ad causam primam se superiorem, neglectis penitus inferioribus. Quando autem dicit^h: intellectum suprema causa immobili esse posteriorem, sed immobilem tamen et essentia stabilem et permanentem; at non vnum verum multiplicem, quia natura eius consistat ex intellectione et obiectis intelligendi diuersis: animam autem adhuc magis multiplicem esse, quia ipsa natura eius admittat compositionem numericam; apertis verbis in Platonicorum recentiorum castra transit. Qui, licet intimo consanguinitatis nexu Cabbalistas attingant, iisdem parentibus nati, non videntur tamen veteres Cabbalistae tam subtiliter philosophati fuisse, sed Iechida pro ea tantum facultate habuisse, quae ascendere ad Ensoph eique iungi potest. Has enim quinque animas pro conditione quinque mundorum Ensophici, Aziluthici, Briahitici, Iezirahitici et Asiahtici esse dispositas, ex comparatione vtriusque dogmatis clarissime liquet.

IX. Vt mundi illustrantur quinque gradibus lucis et animae supernae, id est Adam Kadmon, pro ratione et natura cuiuslibet mundi, ita et in homine inferiore, qui est typus superioris, hos quinque gradus reperiri necesse estⁱ. Multa hic congeri possent ex scriptis Cabbalistarum de quinque istis animae et Adam Kadmon gradibus per lumina cranii, oculorum, aurium, nasi et oris Adami primi emicantibus, et eadem se subordinatione, vt in humana anima ostendentibus, si liceret patientia lectoris istis difficilibus nugis abuti. Qui ergo eiusmodi speculationibus delectatur, Lorianas et Iririanas disceptationes ipse adeat. Hoc vnum notandum est, emanationes animae humanae per quinque gradus istos mundanos fieri, vt et reliquas omnes, mediante Adam Kadmon, quo obseruato, non difficile erit reliqua, abiectionis allegoriis ineptis, intelligere et systemati emanatiuo applicare.

X. Vna anima vestit alteram, eiusque est quasi vehiculum. Nephesh est vehiculum Ruach, sicut Ruach est vehiculum Neschamah. Emanatio autem omnium trium est a sephiris superioribus, quae sunt radices omnium radicum. Differunt autem emanatione sua: quia Neschamah emanat ex Binah, Ruach ex Tiphereth, et Nephesh ex Malchuth. Hinc Ruach

^g) II. cc.

^h) Pneumat. Cabb. diff. III. c. 4. p. 240.

ⁱ) IRIRA port. coelorum. I. c.

Ruach est thronus et habitaculum $\tau\delta$ Ruach, et Ruach habitaculum Nefchamae ^k. Haec doctrina Soharica est, de ordine emanationum animae, quo semper deterior vestit meliorem, inferior est thronus et vehiculum superioris. Et haec quidem intelligi ex ordine systematis emanatiui possunt. At quae porro CORDVERO ^l addit, quae ratione sephirae ad constituendas istas animae emanationes concurrant, ea plena sunt nugis inutilibus, quorum sensus, si quis modo verus subest, hic esse debet, quo nobiliorem gradum pars animae tuetur, eo nobiliorem sephiram concurrere; quemadmodum autem sephirae mutuo inter se influxu concurrant, ita etiam esse mutuam inter has partes animae influentiam, ut una ab altera sustentetur, nutriatur, perficiatur, omnes autem ex supremi fontis emanatione participant. Haec clavis esse debet ad otiosa somnia Soharica intelligenda; nisi haec omnia exiguo tuo damno, lector, ignorare malis.

XI. Ex hac emanationum serie conficitur, constare omnem animam denario ^m. Nempe vestigia sephirothicae decadis intelligit, in anima latentia; ait enim: *Impossibile esse, ullam operationem e summis derivari, nec tamen completi totam decadem, tunc enim appareret separatio*. At distinguit tamen inter emanationem animae, quae ex Malchuth, et quae ex parte Metatronis siue serui atque ministri provenit. In illa enim ob inseparabile decadis sephirothicae vinculum latere omnes sephiras in Malchuth connexas, ait; in animis autem ex Metatrone provenientibus illam decadem non apparere vllatenus et ratione tantum ad esse concludi, cum in illis Malchuth appareat. Multa hic obscurissime philosophatur CORDVERO ⁿ, eo potissimum fine, ut ostendat, quae emanatio in anima excitanda sit, ut ad gradum superiorem ascendat: et virtutis supernae influxu et illuminatione induatur. Nam hunc enthusiasticum tota respicit psychologia Cabbalistica. Non habuisse autem hos philosophos notiones claras et distinctas ex confusa tractatione facile posset ostendi, nisi lector ipse palparet, et festinandum esset, ut ex his tandem dumetis emergamus.

XII. Anima consistit etiam ex quatuor elementis superioribus, sicut et corpus ex quatuor elementis consistit; nempe ex aqua, ex parte Chesed, ex igni, ex parte Gebhurah, ex aëre ex parte Tiphereth, ex terra tenuissima ex Malchuth ^o. Haec apparitio quatuor illorum elementorum in anima magis viget, quam decem sephirarum, donec respectus illi quatuor magis magisque in illis illustrentur, prae reliquis e decade. Ratio huius asserti est, quia in sephiris, quatuor elementa spiritualia refulgent, ut in §. *antecedente* dictum.

XIII. Influxus hic emanationis in animam manifestat se ex Binah in mundo Briahico, ex Tiphereth in mundo Iezirahtico, ex Malchuth in mundo

^k) IRIRA I. c. c. 13. p. 124. CORDVERO I. c. p. 100. T. I. Cabb. denud. P. II. ^l) I. c. p. 101. seqq.

^m) CORDVERO Pardes tr. I. c. 5. f. 7. Cabb. denud. T. I. P. II. p. 107. ⁿ) loc. cit. ^o) Ibid. p. 109.

mundo Asiahtico. Idem dicunt, expressis, qui influxum hunc ministerio suo dirigunt, angelis ministris, nempe ita manifestare se hunc influxum in throno, Metatrone et Sandalphone ².

XIV. Quaelibet itaque anima oritur ex radice sua et e superis descendit, ita vero, vt vna alteram vestiatur. Ita Neschamah prouenit ex parte lucis manifestatae atque vestitae et protensae cum substantia Sephirarum in Briah; Ruach autem est ex luce vestita in Iezirah, et Nephesh ex luce vestita Asiah ¹.

XV. Praeter has tres animae partes descendit ad hominem et superne demittitur a Sancto. Figura quaedam ad typum hominis configurata, et in illa in congressu procreatur. Est haec anima ex petra sancta excisa, siue particula illa diuina extra in hominem adueniens. Ante hanc imaginem descendentem hominem non procreari CORDVERO ¹ statuit, aitque imaginem illam parari, antequam exeat in mundum. Haec est anima Chaiah, quae in concubitu homini aduenit. Hac nullum quidem hominem carere ait, verum Israëlitis hanc imaginem sanctam esse ait, illisque e loco sancto aduenire, cum aliis, qui cultum habent alienum, imago haec descendat e speciebus illis malignis atque latere impuritatis. Ita superbiam gentis suae prodit, se solam animam ex Deo, reliquas gentes ex malis daemonibus accepisse, stultissime ostentantis ². At et sibi contradicit, et in absurda delabitur. Dixerat enim in antecedentibus, Chaiah esse hominem illum, ad cuius typum Deus hominem primum condidit. Aut itaque Klippoth et maligni genii imago Dei sunt, quod impium est, aut totum humanum genus, ad eius imaginem conditum ex Deo locoque sancto Chaiah accepit, nec soli Israëlitae hoc priuilegio gaudent. Reliqua quae affert, omnia manifeste Platonice scholam eiusque εἰδωλον animae loquuntur, ad notiones Iudaicas translatum, quae satis produnt, hanc psychologiam Cabbalistas in Aegypto didicisse. Simili vero rem illustrat luculento, quod in re satis obscura in lectoris gratiam hic apponemus: Sic se, dicit, habere constitutionem animae, sicut cum aurifex formaturus est fusile quoddam pro arbitrio suo fusurusque argentum in hunc finem; tum sane antequam figuram debitam operi suo conciliet, necesse esse, vt prius locum aliquem effigret, in quo efformetur figura illa, argento in hunc finem destinato impressa. Animas vero spirituales esse, postquam igitur beneficio concubitus directionem suam adepta sit influentia istis partibus debita, tum notionem quandam quartam hic requiri, iuxta quam istae concrecant, in figuram hominis, quae configuretur in aëre horti: typum autem atque modulum illum aëreum, in quo effigrentur figurae istarum partium in formam hominis vocari Zelem, id est imaginem.

Qqq qqq 2

XVI. Nul-

¹) Ibid. pag. 114.

²) Ibidem.

³) pag. 123

¹) Vid. EISENMENGER. Iudaism. detect. P. II. c. I. p. I. seqq.

XVI. Nulla est animae existentia ante generationem superiorem *; post istam autem generationem nuda nihilominus est, nec vestitur, nisi postquam descenderit in hortum Eden inferiorem, ubi vestis ei datur pura ex aëre horti Eden. Atque sic gradus singuli eleuandi aliquando tunc descendunt, atque vestiuntur. Valde hanc de vestimento animae doctrinam obscurauere auctores Soharici allegoriis suis, quas explicat CORDVERO¹⁾, qui Pharisaicam Iudaeorum opinionis meriti superbiam luculenter describit. Ait enim: *Postquam anima hoc in mundo operam dat operibus legis, tum digna fit veste pulchra, quae vocatur tunica magistrorum, estque vestimentum legis et praeceptorum, quibus operam dat in hoc mundo. Hac igitur veste ascendere meretur, ut videat faciem Domini exercituum, regemque et patrem suum. Antequam enim hunc in mundum veniat, nuda est, et ex hoc mundo egressa progredi ad regem nequit, nisi vestita vestibus legis et praeceptorum. Vestis enim aërea Paradisi simplex admodum est, et alba tantum omni decore vacua: debebat autem esse byssina et purpurea, quae sunt vestes decoris, nimirum spirituales ex praeceptis constantes, quae sunt tenuia et spiritualia, ut ita in illis admoueri posset altari per sacerdotem magnum *.* Tolle allegoriam, et habebis Pelagianismum Pharisaicum inter Cabbalistas quoque triumphantem, quamuis ex stercore gentili prorepentem.

XVII. Quia inferiora sunt habitaculum superiorum, ut dictum, ideo superiores inferioribus adhaerere desiderant. Nam quemadmodum caussatum desiderat ascendere ad causam suam, sic etiam causa desiderat, ut caussatum prope ad ipsam accedat. Et in hoc consistit connexio mundorum. Quod si enim causa ascendere, et caussatum descendere studeret, nihil in mundo subsisteret. Hoc ex systemate emanatiois necessario sequitur²⁾: omnes enim emanationum gradus a supremo ad infima explicantur, et omnia inter se vniuntur. Hinc est concatenatio emanationum ex mundo Aziluthico in Briahiticum, ex hoc in Izirahiticum, et ex eo in Asiahiticum, et vice versa.

XVIII. Sic etiam anima habet concatenationes caussae et caussati et corpus vehiculum eius ei est simile in omnibus partibus eius, quae sunt CCXLVIII membra et CCCLXV venae, quae omnes concatenationem cum influxu sephirarum habent. Miram hic nobis anatomiam corporis metaphysicam et Cabbalisticam vendit CORDVERO³⁾, quae luculentissimo exemplo esse potest, ad quas pueriles nugas otiosa Cabbalistarum ingenia excurrerint; et quam parum fani, vel lucidi in eorum cerebro fuerit, sed quod totam eorum philosophiam manu quasi duxerit imaginationis delirium. Rem ipsam malumus legi in compilatione Knorrriana, quam hoc loco lectorem morari.

XIX. Spi-

1) Et tamen praeeexistentiam animarum in Adamo creaturarum ponunt. Verum haud infolens, Cabbalistas suorum dogmatum obliuisci, sibi quae contradicere.

2) l. c. c. 5. p. 129. ubi verba Soharica affert.
3) Conf. Cel. WACHTERVS Spinozism. Iud. P. II. p. 239.

4) Ibid. c. 8. p. 139. seq.

5) Ibid.

XIX. Spiritus vitalis non ex superiori altiorique emanauit loco, sed natus est in ipso corpore e subtili quadam materia, in quantum nimirum illa attenuari potest. In hoc vitali spiritu residet Nephesch, et in Nephesch Ruach, et in Ruach Nefchamah ^a.

XX. Quodlibet opus intentione opus habet, et quo maior est intentio hominis, eo maior fit spiritualitas eius. Cum igitur quis copulatur cum focia sua perfecta intentione ad vnionem sponfi cum sponfa directa, qua mediante in se deriuare possit animam aliquam de sanctitate, tunc sane destinatur femini eius anima quaedam de animabus sanctis, praesertim si praemiserit preces debitas, vbi intentio duplicatur. Ex illo enim opere tunc corpus aliquod prodit et gutta idonea pro anima sancta. Desiderata itaque haec intentio est gutta illa, quam eleuat angelus ille praefectus huic negotio. Multa hic cumulat CORDVERO ^b acumine recutiti philosophi digna, quae maxime huc spectant, per intentionem sanctam et cupiditatem eo fine coeundi, vt anima pura prodeat, immitti cum femine sanctam animam. Ex quo patet, intellexisse Cabbalistas mysterium illud conciliandi inter se problemata toto coelo diuersa de animae origine per traducem et per creationem. Hoc enim supposito potest homo gignere animam, licet superne immittatur ^c. Ex eadem ratione elucescere putat, quare licitum sit coire cum grauida et lactante, quod nempe si ad generationem corpoream non conducat talis concubitus, ad spiritualem tamen conducat, quoniam ob bonam intentionem talium coniugum vniuntur sponfus et sponfa in diuinitate, sicut per cetera opera. En vero acumina Cabbalistica!

XXI. Spiritus vitalis ille in homine permanet, etiam somni tempore, cum ab homine auferitur Nephesch eius, vt rationem reddat, coram creatore suo. Atque tum spiritus ille vitalis interea oeconomiam conseruat humanam ^d.

XXII. Anima iustorum est supra mundum Iezirahticum, adeoque angeli inferioris gradus caussata sunt, et ipsa posita est supra omnes angelorum mansiones, et delectatur splendore superno deliciisque summis, nempe luce Domini benedicti, quae omnes mundos illustrat. E contrario vero angeli aliquid hauriunt influentiae a iustis ^e. Adeo superbia tumet gens Iudaica, vt animam suam super angelos ponat, et sedem in mundo Briahico, immo Aziluthico figat: eo quod ex primo emanationum ordine nempe Aziluthicis excisam eam putat. Quam Iudaeorum insaniam Rabbiorum testimoniis probat EISENMENGERS ^f, exemplo vero suo illustrat recutitus apostata R. MOSES GERMANVS ^g. Hanc

Qqq qqq 3

vero

a) Ibid. p. 142.

b) pag. 143.

c) Ita enim in Sohar referente CORDVERO l. c. p. 144. traditur, hominem amore flagrantem erga coniugem suam immittere in ipsam radium quendam de spiritu suo, et spiritum illum

persistere in corpore eius et incrustari, et hac gutta spiritali animam superne demissam vestiri.

d) Ibid. pag. 145.

e) Ibid. p. 102.

f) l. c. p. 9. 10.

g) Apud WACHTER. Spinoz. Iud. P. I. p. 73.

vero dignitatem tantum animae vindicant: corpus enim siue vehiculum angeli praestantius esse corpore humano non negant.

XXIII. Quamuis sint quidam, qui sunt domini arcanorum legis, id est, qui in lege diuina eiusque mysteriis student, quique arcanis decisionum, expositionum allegoricarum, atque iudicialium traditionum et ceremoniarum secundum sensum literalem inuigilant: non digni tamen illi sunt tali animae excellentia, nisi pertingant ad mysteria sephirothica, quae sunt arcanum diuinitatis, atque isti vocantur Domini metrorum, animamque accipiunt ex Malchuth, non ex Metatrone ^b. Prodit se hic fanaticissimus philosophiae Cabbalisticae, quae in contemplatione intelligibilium, id est emanationum summam dignitatem quaerit atque felicitatem ^t.

XXIV. Post mortem non mox redeunt partes animae humanae ad scaturigines suas; sed mansio Nephesh est in sepulchro, et mansio Ruach in horto inferiore, Neschamah autem mansio in horto superiore, in quo uiuit in fasciculo uiuentium ^k. Multa hic ineptiunt Iudaei, ut ex dictis sectione supra et ex EISENMENGERO ^l uideri potest. Vestem autem Nephesh vadere, dicunt, et circumuolitare in mundo, in Sabbatho autem et singulis neomeniis vadere et aduniri $\tau\omega$ Ruach in horto terreno, qui est inter cortinam pretiosam, ut ab illo discat atque cognoscat, quae deinde circumuolitans manifestet in mundo. Ita disciplina praecepit Iochaidis, quem nugatores reliqui sequuntur. Alia huius generis dabit CORDVERO ^m.

XXV. Redit tamen quaelibet anima post mortem tandem ad scaturiginem suam atque radicem, sed non ad superiorem eamque ex qua emanarunt, nempe mundum Aziluthicum, sed eam, qua vestiuntur; vestis autem Aziluth est Briah, et Briae Iezirah, et Iezirae Asiah. Vnde necessario Neschamah Aziluthica vestem aliquam habere debet, quae est Neschamah Briahica ⁿ. Multa hac de re edisserunt libri Soharici eorumque additamenta siue *Tykkunim*: quae omnia eo redeunt: cum nulla anima superior sit, quae non ab inferiore certa quasi forma modificetur et contineatur, ideo non posse reditum ad superiora fieri alio loco, quam ubi haec modificatio facta est.

XXVI. Praeter has tres partes adhuc duae aliae dantur, qui sunt angeli illi comitantes hominem in custodiam eius: hi emanarunt cum emanatione animae eius, vnus a dexteris, et alter a sinistris. Si dignum se praebet, isti custodiunt ipsum: sin minus, accusant ipsum. Illud figmentum bonum et malum est ^o. Vetus opinio, ex Aegypto forte profecta, certe barbaricae philosophiae adscribenda, quae omnem fere terrarum orbem postea peragrauit, ut erudite demonstrauit COTELERIVS ^p.

XXVII.

^b) Pardes tr. I. c. 5. f. 7. Cabb. denud. I. c. pag. 106.

^t) Etiam hoc ab Orientalibus et Alexandrinis didicerunt.

^k) Ibid. c. 2. p. 110. seqq.

^l) I. c. p. 20. c. 5. p. 318. seqq.

^m) Ibid. pag. 112.

ⁿ) Ib. p. 112.

^o) Ib. p. 120.

^p) Ad HERMAE past. L. I. m. VI. pag. 871. ed. Fabric.

XXVII. Quemadmodum gradum anima consequitur, prout operam legi dat in hoc mundo, ita anima coram facie Dei ex corpore discedens comparere non potest, nisi vestita sit vestibus legis et praeceptorum ⁹.

XXVIII. Vt Zelem, sicut supra dictum, ante conformationem hominis aduenit, ita abscedit ante mortem die trigesima, et contemplatur locum suum ^r.

XXIX. In Adamo omnes iam praextiterunt animae, quas simul in eo creauit Deus. Multa de hac quoque praexistentia tradunt Cabbalistsae, maxime LORIIA ^s, qui tamen de animabus tantum Israëlitarum est intelligendus, vt ex testimoniis Rabbinicis ab EISENMENGERO ^r collectis disci potest.

XXX. Adam Belial, id est cortices, malive daemones dominati sunt in Adamum sanctum, quae erant animae Adami protoplastae, easque superinduerunt et occultarunt intra se ipsos, suo commodo, vt quoniam in homine est aliquid ex Schechinah, ipsi vitam inde acciperent, et nutrimentum; hinc manibus pedibusque contendunt, vt ad peccandum alligant hominem, quo anima eius ipsis subiiciatur, et intra ipsos abscedat, ipsique hac ratione vitam, alimenta et tranquillitatem fortiantur.

XXXI. Impossibile tamen est, animam Israëliticam cum sancta sit, etiam si peccauerit, et subter cortices abscefferit, penitus expelli, cum ne minima quidem scintilla sanctitatis dispelli queat. Opera itaque danda est homini, vt extrahat animam ex corticibus, ad quod preces tempore copulae maritalis et prolificationis, tum opera iustitiae requiruntur, quae hominem ab isto malo separant, sed non plene, id enim in die mortis demum fiet; tunc enim putrescit malum intra terrae puluerem, tolliturque ab eo et discedit ^r.

XXXII. Quaedam animae veniunt in mundum per mysterium embryonatus, quaedam per mysterium reuolutionis, prius Ibbur, posterius Gilgul vocatur; omnes autem ideo in mundum veniunt, vt restituant separantque bonum a malo.

XXXIII. Reuolutio, quae Gilgul dicitur, est, cum infans quidam de utero matris prodit, in corpus illud subintrat anima quaedam, eademque tolerare cogitur omnes illos dolores atque miseras, quaecunque superuenerint eidem corpori, ex quo prodiit in auram mundanam, vsque ad mortem eius. Ita vt penes illam non sit abhinc exire, vsque ad diem mortis. Huius μετεμψυχάσεως explicationem superiori sectione iam dedimus. Cuncta vero ordine systematico, complexus est LORIIA ^s.

XXXIV. Embryonatus siue Ibbur est, si anima quaedam in hunc mundum venit, in hominem iam in hunc mundum natum, atque adultum; tunc enim iste homo similis fit foeminae praegnant, quae embryonem

⁹) Ibid. pag. 129.

^r) Ibid. p. 125.

^t) I. c. c. I. p. II.

^s) LORIIA de reuol. anim. c. II. p. 252. seqq.
R. MEN. BEN ISRAEL Nischmath Chaiim f. 70.
column. 2.

^u) LORIIA I. c.

^x) I. c. c. V. §. I. p. 263. seqq.

nem in vtero gerit. Id non potest fieri, nisi alter ille iam annos natus fuerit tredecim et ultra, quia ex eo tempore vir reputatur, qui obligatur obseruare praecepta: tunc ergo eidem aduenit anima altera, vt eundem adiuuet et iustum reddat ^γ. Fundamentum insanientis hypothesis stolidi philosophi quaerunt in loco *Deut. III, 26*. Cabbalistice exposito.

XXXV. Duplex autem est embryonatus: primo, cum anima illa, quae de nouo impraegnat hominem istum, ipsa hoc casu indiget, quia ipsi deest aliquod praeceptum, quod non obseruauit in reuolutione praeterita: deinde quando ideo in hominem venit, vt opituletur ei, eumque iustificet et gubernet, ipsa vero embryo facta nullum patitur defectum. In priori casu extenditur per totum corpus hominis et omnes perfert dolores: in posteriori vero nullas miseras tolerat, vnde nec tempus habet definitum, quo egredi debeat, sed quo melior euadit homo, eo arctius fortiusque cum eo vnitur. Hac ratione animas parentum liberos ingredi Rabbini delirant ^z.

XXXVI. Reuolutionum variae dantur caussae, e.g. vel ad vitium exuendum et refarciendum, vel ad praeceptum antea vel neglectum vel occasione implendi destitutum obseruandum et perficiendum, vel ad iuuantos alios, vel vt accipiant meritam vxorem, quam in priore reuolutione non acceperant.

XXXVII. Possibile est vt reuoluantur simul duae vel tres scintillae in corpore vno, quod tamen fieri nequit, nisi hae reuolutae omnes sint de vna radice animae, et de DCXIII scintillis illius radicis. Plures autem animas quam quatuor in vno corpore reperire impossibile. Multa huius generis ineptit Apella insaniens ^a, quae somniis febricitantium similia sunt, quam *Φιλοσοφούμενοις* virorum prudentium.

XXXVIII. Ordo reuolutionis pergit ab imo ad summum, ex vno gradu ad alterum, et a mundo Asiahtico ad Iezirahticum, et sic porro vsque ad singularitatem emanatuiam. Vilius enim praecedit, et quo quis euadit iustior, eo eleuatur altius. Tenetur autem homo perficere atque restituere omnes species, nempe animam ex mundo factiuo, spiritum ex formatiuo, mentem ex creatiuo: qui tres hos gradus perfecit, non amplius peccabit. Ista igitur tres species debent reuolui, donec restituantur, et si prima reuolutione non restaurantur ter redeundum est. Id probat LORRIA ^b ex *Iob. XXXIII, 29*. Lucem haec capiunt ex iis, quae *seção antecedente* iam de hac migratione et reuolutione diximus, quae purgari credunt animas, semperque magis extrahi corticibus istis malignis, quibus per peccatum protoplastorum erant implicatae, donec purae ascendere ad radices suas queant. Ex quo parallelismus philosophiae Orientalis et Alexandrinae cum Cabbalistica cognosci potest, quae eundem in modum praeceperunt.

XXXIX.

^γ) Citati EISENMENGER. l. c. p. 81. seqq.
^z) Conf. EISENMENGER. l. c. p. 88. seqq.

^a) pag. 265. seqq.
^b) c. VI. p. 269.

XXXIX. Impio autem, in quem dominium habet ignis gehennae, ita ut intret in eum, ibique absumantur delicta eius, melius est in gehenna pati, quam venire in reuolutiones plures, quoniam singulis vicibus cummlaret peccata super transgressionem priores. Hinc statim post trinam reuolutionem gehennae committitur.

XL. Pro iustis vero discipulisque sapientum elegit Benedictus potius multas reuolutiones prae poena infernali, quantusque est numerus transgressionum, tantus reuolutionum eorumque temporis diuturnitas: quae etiam plura opera iusta acquirunt et iustiores euadunt.

§. XI. Verum maturandus tandem exitus ex hoc labyrintho, emergendumque ex dumetis philosophiae Cabbalisticae. Pauca itaque de quinquaginta portis prudentiae, et triginta duabus semitis sapientiae dictis subiungimus. Hae enim portae atque semitae inter Cabbalistas valde commendantur. Originem sine dubio acceperunt ab auctore libri *Iezirab*, qui in semitas XXXII totam introductionem suam in doctrinam sephirothicam distribuit. Dabimus paucis recensionem mysterii, ut videat lector, quam sapientiam gens Iudaea Abrahamo patriarchae tribuerit.

Semitae sapientiae et portae prudentiae.

Sem. I. Vocatur intelligentia admirabilis, vel abscondita; siue corona summa, est enim lumen dans intelligere primordialitatem sine principio et est gloria prima, nulla creaturarum valet assequi essentiam eius.

Sem. II. Est intelligentia illuminans, quae est corona creationis et splendor vnitatis maxime aequalis, quae super omne caput est exaltata.

Sem. III. Vocatur intelligentia sanctificans; et illa est basis et fundamentum sapientiae primordialis, quae vocatur artifex fidei.

Sem. IV. Vocatur intelligentia metalis seu receptacularis, quod in eam tanquam metam ex superioribus intelligentiis delatae, ab ea emanant omnes virtutes spirituales, quae emanant vna ab altera virtute emanatiui primordialis coronae.

Sem. V. Vocatur intelligentia radicatiua, quod illa est ipsa vnitatis maxime aequalis, quae coadunat se cum Binah, siue intelligentia, quae emanat e penetralibus sapientiae primordialis.

Sem. VI. Vocatur intelligentia influentiae mediantis, quod in eo multiplicantur influxus emanationum.

Sem. VII. Vocatur intelligentia recondita, quod illa est splendor refulgens in omnes virtutes intellectuales, quae oculis intellectus et fidei contemplatione perspiciuntur.

Sem. VIII. Vocatur intelligentia absoluta seu perfecta, quod illa est apparatus primordialitatis, quae non habet radicem, cui inhaereat, nisi in penetralibus magnificentiae, quae emanant de propria sui ipsius substantia.

Sem. IX. Vocatur intelligentia munda, quod mundat sephiras et probat et emendat excissionem imaginis earum.

c) pag. 271.

Hist. philos. Tom. II.

Sem. X.

Rrr rrr

Sem. X. Vocatur intelligentia resplendens, quod illa exaltata est super omne caput, et sedet in throno Binah, et illuminat fulgorem omnium luminarium.

Sem. XI. Vocatur intelligentia fulgida, quod illa est ipsa cortina, quae ordinata est iuxta ordinem dispositionis.

Sem. XII. Vocatur intelligentia claritatis, quod illa est species magnificentiae, et locus, de quo oritur visio videntium in apparitione.

Sem. XIII. Vocatur intelligentia inducens vnitatem, quod illa est ipsa substantia gloriae, et perficit veritatem singulorum spiritualium.

Sem. XIV. Vocatur intelligentia illuminans, quod est Chasmal, qui est institutor arcanorum et fundamentorum sanctitatis et apparatus eorum.

Sem. XV. Vocatur intelligentia constituens, quod constituit creationem in caligine munda.

Sem. XVI. Vocatur intelligentia triumphalis vel aeterna, quod illa est voluptas gloriae, infra quam nulla alia gloria est, et vocatur paradifus voluptatis, qui paratur piis.

Sem. XVII. Vocatur intelligentia dispositiua, quae aptat piis fidelitatem, ut per eam induantur spiritu sancto.

Sem. XVIII. Vocatur domus influentiae, quod scrutantes ex ea trahunt arcanos et abditos sensus.

Sem. XIX. Vocatur intelligentia omnium actiuitatum spiritualium, propter affluentiam, quae diffunditur in eam de benedictione altissima et gloria excelsa.

Sem. XX. Vocatur intelligentia voluntatis, quod illa est apparatus omnium et singulorum creatorum.

Sem. XXI. Vocatur intelligentia complacentiae quaesiti, quod illa accipit influentiam diuinam, ut influat de benedictione eius in omnia et singula existentia.

Sem. XXII. Vocatur intelligentia fidelis, quod in ea augentur virtutes spirituales, ut prope adsint omnibus habitantibus sub vmbra eius.

Sem. XXIII. Vocatur intelligentia stabilita, quod illa est virtus consistentiae omnibus numerationibus.

Sem. XXIV. Vocatur intelligentia imaginatiua, quod illa dat similitudinem omnibus similitudinibus, quae iuxta similitudines suas in decoribus sibi conuenientibus creatae sunt.

Sem. XXV. Vocatur intelligentia tentatoria seu probatoria, quod illa est tentatio primaria, qua tentat creator omnes pios.

Sem. XXVI. Vocatur intelligentia renouans, quod Deus sanctus renouat per illam omnia noua in creatione mundi.

Sem. XXVII. Vocatur intelligentia concitatiua, eo quod de ea est creatus intellectus omnium creatorum sub orbe supremo, et concitatio siue motus eorum.

Sem. XXVIII.

Sem. XXVIII. Vocatur intelligentia naturalis, quod per illam consummata et perfecta est natura omnis existentis sub orbe solis in perfectione.

Sem. XXIX. Vocatur intelligentia corporalis, quod illa format omne corpus quod corporatur sub apparatu omnium orbium, et incrementum eorum.

Sem. XXX. Vocatur intelligentia collectiua, quod colligunt ex ea astrologi iudicio stellarum et signorum coelestium speculationes suas.

Sem. XXXI. Vocatur intelligentia perpetua, quod ducit motum solis et lunae iuxta constitutionem eorum in orbe sibi conueniente.

Sem. XXXII. Vocatur intelligentia adminicularis, eo quod dirigit seu concurrit ad omnes operationes septem planetarum et ad partes eorum.

Haec illa sapientia est, quae introductionis loco libro *Iezirah* praefixa est. Quam constare totam notionibus abstractis, vagis, et incertis ex ipsis definitionibus patet; vnde mirandum non est, Cabbalistas in harum semitarum explicatione inter se valde dissentire. Illud tamen dubitandum non esse videtur, exhibere nobis has semitas certas classes, ordinesque metaphysicos, quibus consideratio sephirarum institui potest, et quibus affectiones, modi, gradus et combinationes sephirarum tum inter se, tum ratione mundorum, quibus influxum praebent, commensurari et considerari possunt, et intellectus hominis instrui potest, vt in his semitis ad cognitionem summae causae perueniat. Huc enim omnes commentatorum meditationes collineant, praecipue R. ABRAHAM BEN DIOR, qui tamen et ipse commentario eget, et luce, et cuius tenebras RITTANGELIVS nondum discussit. Vterque commentator etiam aliena Cabbalisticis immiscuit, et ר"ב"ר quidem Peripatetica, Rittangelius Christiana. Merentur vero hae semitae cum Pythagoricis numerorum contemplationibus eorumque nominibus comparari: ex eo enim intelligi potest, vnde has delicias metaphysicas Cabbalistae acceperint. Idem de quinquaginta portis prudentiae iudicandum esse videtur. Portas enim apud Iudaeos significare introductiones, distributiones et capitula, linguae Hebraeae peritos non latet, vt obseruauerunt ED. ПОСЛОКОВСКИЙ^d, et IO. BUXTORFIVS^e. Quomodo vero has portas Cabbalistae distinxerint, de eo variant interpretes. Et REUCHLINVS^f quidem earum catalogum dedit, quem B. BYDDEVS^g repetiit; sed valde timemus, vt menti et systemati Cabbalistarum sit conformis, et non profectus sit ex Reuchlini ingenio. Aliter doctissimus BASNAGIVS^h, qui eas diuidit in quinque portas portarum, hasque singulas in portas decem, primamque agere putat de materia prima, de chao, de vacuo, de elementis, de aquis supracoelestibus; secundam de mineralibus, floribus, succis,

Rrr rrr 2 mari-

d) Praef. ad Maim. port. Mosis.

e) Bibl. Rab. p. 422. Eandem opinionem tuentur BASNAGIVS Hist. Iud. L. III. c. 14. §. 17. p. 358. et BYDDEVS Introd. in hist. phil. Hebr. §. 43. p. 382. seqq.

f) De arte Cabb. L. III. p. 693. seqq. Coll. Pistor.

g) loc. cit.

h) l. c. §. 12. p. 360.

maribus, lacubus, fluminibus, plantis, feminibus, reptilibus, auibus etc. tertiam de creatione hominis, eius sensibus, anima et facultatibus eius, de homine angelico, coelesti et diuino etc. quartam de planetis, firmamento, primo mobili et coelo empyreo; quintam de nouem angelorum ordinibus; vltimam vero non esse apertam, cum Moses tantum per quadraginta et nouem transierit ⁱ. Sed haec quoque recentiorum ingenio, Peripateticam physicam secuto debentur, et vel hoc nomine improbanda sunt, quod physicas nobis classes, non vero metaphysicas exhibent; cum tamen tota philosophia Cabbalistica metaphysica sit ^k. Quaecunque vero earum significatio sit, illud dubio caret, semitas has portasque maiorem prudentiam atque sapientiam non promittere, quam repatoria Lullii, et vtrumque hoc distributionis genus in eundem censum referendum esse. Per has itaque portas et semitas tandem ex hoc labyrintho philosophiae Cabbalisticae, spinarum pertaesi et spectra, lemuresque horrescentes propere aufugimus.

Iudicia eruditum varia de usu pretio-que Cabbalae ponendo.

§. XII. Antequam vero philosophiae Iudaicae, maxime Cabbalisticae, considerationem relinquimus, quaedam etiam de dignitate vsuque Cabbalae dicenda sunt, lectorque instruendus est, vt inter tot virorum doctorum de ea re concertationes tantumque dissensum ipse iudicare, et quid philosophiae incrementis inde promittendum sit, vel quid detrimenti inde acceperit, quaque ratione difficilis haec metaphysica in vsum quandam conuerti queat, discat. Audiemus vero viros doctos sententiam dicentes, et iudicium modeste interponemus. Et inter Iudaeos quidem philosophiae Cabbalisticae tantam existimationem esse, vt eam vulgo inuideant, ideoque non arcanissimam tantum seruent, sed et symbolis obscurissimis tegant, statuentes neminem ad summam felicitatem peruenire eiusque supremo gradu potiri posse, licet in legis studio literali sit perfectissimus, nisi etiam mysticam hanc doctrinam teneat, in antecedentibus luculentis eorum testimoniis confecimus. Tantaque est apud ipsos huius artis veneratio, vt eam vulgatam graues et atroces poenas sequi statuunt, et sic poenam illustrem Knorrium luisse dixerint ^l. Fatendum tamen, dari inter Iudaeos quosdam, qui futilitatem studii Cabbalistici agnouerint et reiecerint, quos dum refutat R. N A P H T H A L I H I R T Z ^m, non dissitetur, esse inter contribules suos, qui improbant, inquiri in sensus legis arcaniores, obtrudique hominibus dogmata sublimiora captuque difficillima, quibus melioris et facilioris philosophiae studium impediatur, praecipue cum facile in Deum peccari sicque periculum contrahi queat maximum. Immo R. Mardocheum Concors contra artem Cabbalisticam et in specie contra doctrinam sephirothicam scri-

ⁱ) Conf. ANG. BVRGONOV. de Cabb. dogmat. p. 854. Coll. Fift.

^k) Conf. MORHOF. Polyhist. T. I. c. 7. p. 396.

^l) Vid. ipse KNORRIUS praefat. ad Tom. II. Cabb. denud. p. 19.

^m) In praef. ad vallem regiam, conf. WOLF. Biblioth. Hebr. P. II. L. VII. c. 3. §. 1. p. 1230.

scripsisse, at prohibitum a suis fuisse, ne hanc commentationem ederet, referunt IULIVS BARTOLOCCIVS ⁿ⁾, et I. C. WOLFIVS ^{o)}. Inter Christianos vero de Cabbalae dignitate, praestantia et vsu in opiniones discessum est toto coelo inter se distantes. Et mature quidem post restauratas literas elegantiores fuisse viros doctos, qui de diuina origine Cabbalae persuasi, latere in ea pleraque Christianae religionis mysteria, exque illa contra Iudaeos et infideles alios pulchre posse demonstrari, crediderint, supra Io. Pici Miranduli, Io. Reuchlini, Archangeli Burgonouensis, Pauli Ricii aliorumque exemplis probauimus. Sed et hoc supra monuimus, inuentos esse alios, qui non quidem negauerint, esse in Cabbalistica philosophia impura, falsa, impia multa non ex limpidis Israëlitis fontibus, sed ex lacunis gentilis philosophiae hausta; ast inueniri tamen sub allegoriis symbolisque philosophiae Cabbalisticae, a recentioribus eius interpretibus in peruersos et heterodoxos sensus raptis vestigia pristinae veritatis per traditionem ad Christianos ab Israëlitis et Iudaeis, arcana methodo illam seruantibus translatae, et praecipue rudera luculenta mysteriorum de SS. Trinitate, de Messia eiusque incarnatione, de mediatore inter Deum et regnum eius, et de varia oeconomia gratiae et ob eam causam respexisse ipsum sanctissimum orbis redemptorem et discipulos eius in sermonibus scriptisque suis ad hanc Cabbalam puriorem. Ex quo hunc praecipue Cabbalae purioris vsum demonstrant, vt ex ea arcani quidam et latentes sensus Scripturae S. queant referari producique in aprium. Cuius luculenta specimina cum ex opinione virorum doctissimorum Campegii Vitrinae et Ioannis Meyeri supra iam attulerimus, his nihil addimus, nisi quod moneamus, virum de omni eruditione, maxime vero de sacris literis immortaliter meritum B. Io. FRANCISCVM BVDDEVM ⁿ⁾, qui huic opinioni tenacius adhaeserat, eam postea non quidem deseruisse, verum ita tamen limitibus arcte conclusisse, vt tantum non totam abiecissee videri possit, certe ab iis, qui hac ratione statuendum esse putant, longe recesserit, et circumspectione longe maiori hunc Cabbalae vsum commendauerit. Alios qui Christiana dogmata ex Cabbala vel demonstrari vel confirmari posse credunt, a Cel. WOLFIO ^{o)} enumeratos taceamus. Nec defuit diligentia quorundam, qui Iudaeos hac ratione ad veram fidem reuocare conati sunt, quod interdum feliciter cessasse, exempla Iudaeorum hac ratione conuersorum probant ^{r)}. Alii tamen longe aliter de Cabbala statuunt, et obscuritate insuperabili, confusione, et ἀναξία in scriptis Cabbalisticis regnante commoti, omnem eam pro otiosis nugis ingeniorum muscas captantium et cum laruis lemuriisque colluctantium habent, verbaque cassa et sine mente sonos, affanias pueriles,

Rrr rrr 3

notio-

ⁿ⁾ Bibl. Rabb. T. IV. p. 56.

^{o)} Bibl. Hebr. P. I. p. 798.

^{p)} Vid. dissert. de moderamine inculpatae tuitelae, quae recusa est ad calcem nouae editionis Introd. in histor. phil. Hebr. conf. quae habet

WOLFIVS I. C. §. 5. p. 1237. seqq.

^{q)} I. C. conf. B. MARTIN. DIEFENBACH in Iudaeo conuertendo §. 18. p. 93.

^{r)} Conf. Io. WULFER. in not. ad Theriac. Iud. p. 66. WOLF. I. C. p. 1240.

notiones vel nihili, vel vagas, allegoricae methodi beneficio vendi sicque pro thesauris carbonem exhiberi a Cabbalistis conqueruntur. Hoc fuisse de Cabbala iudicium BURNETII^r ex verbis eius supra adductis constat: quamvis fateatur tandem, λεΐψανα quaedam veteris physicae et metaphysicae Hebraicae ibi latere: eo quod hypothesibus suis, quas Mosi affinxit vir doctus, quaedam affinia in iis esse videret. Fuisse vero in hac quoque sententia Souuerainium, Vorstium, Loescherum aliosque de origine Cabbalae gentili persuasos, ex supra dictis constat^t. Alii inueniri quidem posse et detegi systema aliquod et significationem quandam atque doctrinam symbolorum et allegoriarum Cabbalisticarum concedunt, at nihil esse in ea, quod vel sacrae reuelationi vel rationi sanae conueniat, cunctaque erroribus magnis ex turbidis gentilium fontibus oriundis et ad entusiasmum ducentibus plena, totumque systema impium et absurdum esse statuunt, iisque indignantur, qui ex Cabbala sacra dogmata et scripturam S. illustrari explicarique posse contendunt, eo quod putent, dignitati et auctoritati sacrarum paginarum ita valde derogari. Id quod illi potissimum vrserunt, qui improbauerunt^u, quod B. BVDDEVS orationem dominicam ex Cabbalisticis dogmatibus illustrare conatus esset. Hi omnes magna vi pertendunt, parum vtilitatis asserre philosophiam Cabbalisticam ad explicanda oracula sacra, et confirmandam religionem Christianam, eo quod necessario vel mens Cabbalistarum vel scripturae sacrae peruertenda sit^x, miscendaque quadrata rotundis, si id negotii fuscipiatur, quod hoc modo feliciter succedere nunquam possit. Longius processerunt alii, qui in systemate Cabbalistico latere femina impietatis, et atheismum prodi, asseruerunt. Quo respexit imprimis HENRICVS MORVS^y, qui hanc impietatis suspicionem methodo geometrica roborare conatus est. Eundem scopum habuisse initio Cl. WACHTERVUM^z, ex eius disputationibus contra Petrum Speeth siue Mosen Germanum patet. Nec alia mens Ven. REIMMANNO^a, cui hoc nomine philosophia Cabbalistica vehementer displicet. Hinc disputatio orta de Spinozismo in Cabbalistica philosophia detecto, deque Atheismo Cabbalistarum, quem tamen negare et pro Cabbalitis apologiam scribere conatus est R. MOSES GERMANVS^b, quemadmodum ab hac infamia liberos Cabbalistas pronuntiauit B. IO. IACOBVS SYRBIUS^c, et B. I. FR. BVDDEVS^d. Qui tamen postremus ita postea suam opinionem mutauit^e,

vt

r) Archaeol. philos. L. I. c. 7. p. 363.

t) Conf. laudatos WOLFIO l. c. p. 1242.

u) GOTTL. WERENDORFII et IO. ANDR. SCHMIDII peculiaribus dissertationibus. Add. Ven. LOESCHER. praenot. theol. p. 230. EHRE-GOTT DANIEL COLBERG. Christianism. Platon. Hermet. P. II. c. 14. p. 649. seqq.

x) Prius fecisse Morum, posterius Knorrium, indicat BVDDEVS l. c. §. 35. p. 255. et in Isag. in histor. theol. lit. p. 137.

y) In fundamentis philosophiae aëtopaedomelissae.

z) In Spinozismo Iudaico.

a) Hist. theol. Iud. L. I. c. 18. §. 23. p. 604. seq. §. 31. p. 627. seqq.

b) Libelli titulum habes apud WOLF. Bibl. Hebr. P. II. p. 1235. conf. WACHTER. loc. cit. P. I. p. 47. FABRIC. Syllab. script. de V. R. C. c. 13. p. 361. De infelici hoc patriae nostrae alumno multa notatu digna dabant WOLF. Bibl. Hebr. P. I. p. 813. et M. DIEFENBACH in Iudaeo conuerso p. 128. seqq.

c) In diss. de orig. atheismi p. 22.

d) In diss. de Spinozismo ante Spinozam Anal. H. P. p. 346.

e) Thes. de ath. et superst. c. I. §. 6. p. 12. Intr. l. c. p. 338.

vt concederet, recentiores Cabbalistas omnino Spinozismi suspectos esse, eo quod systema emanatium recta via ad atheismum ducat, quamvis contra Wachterum tueatur, differre inter se systema Spinozisticum et Cabbalisticum: alter tamen pronuntiandum esse de Cabbala veteri atque puriori eamque ab hac culpa prorsus liberandam esse. Fluctuat autem B A S N A G I V S ^f, et alio quidem loco operose demonstrare contendit Spinozam systema Cabbalisticum in ordinem redegisse, et suam philosophiam ab his praeceptoribus didicisse, noluisse autem ambitione ductum fateri, per quos profecerit, nec Iudaeos invidiam, quam sibi conflavit, cum eo, fatendo quod scrinia Cabbalistarum expilauerit, participare voluisse: alio vero loco ^g emanationis systema a Spinozistico distinguit, cum prius ob emanationem, quae diuinae essentiae modificationem certam innuit hanc ei notam inuississet. Aliter tamen pro Cabbalists et Spinoza mutata sententia sua pronuntiavit Cel. W A C H T E R V S ^h. Is enim non negauit quidem, inter Spinozam et Cabbalistas intercedere concordiam, sed hanc potissimum cum Cabbalists hypothesin de rerum omnium ortu ex Deo adornauisse ex ordine philosophandi, ex definitione Dei, ex supposito infinito rerum omnium principio, ex negata creatione materiae, eiusque existentia sublata, ex admissa spiritualitate rerum omnium, et eucta inde entitate ad solum Deum referenda, ex admissio aliquo principiato primo; ex asserta rerum omnium vita, ex mundo praedicato infinito; ex duplici respectu intellectus diuini interno et externo, ex essentia mentis humanae ex Deo deriuata, aliisque philosophiae Spinozisticae partibus cum Cabbalistica conuenientibus probat, et in vno hoc recessisse a Cabbalists putat, quod non decem, sed duo tantum attributa posuerit in Deo, et inanes imaginationis nugas de vacuis, vasis, vasculis, canalibus, radiis, punctis, aeonibus, spiritibus eorumque membris, coniugiis et his similibus abiecerit: negat autem Spinozam Deum et naturam confundere, eo quod distinguat inter naturam naturantem et naturatam, et eos oppugnet, qui naturam Dei ad essentiam rerum creaturarum spectare dicant: tota quoque eius philosophia hoc praecipue fundamento nitatur: quod Deus et natura nequaquam vnum idemque sint, neget etiam, Deum esse effectuum naturalium causam immediatam. Quibus omnibus postquam de usu Cabbalae eiusque tolerantia in Academiis quaedam monuisset, finem tractationi suae imponit, contendens, eos praecipitanter nimis de Cabbala iudicare, qui eandem atheismum docere perhibent, adeoque neque Spinozam eius culpa reum agi posse. Valde displicuit celeberrimi viri conatus non B V D D E O ⁱ tantum τῷ μακαρίῃ, sed aliis quoque ^k, qui vel magnum inter

f) l. c. L. IV. c. 7. p. 128. seq.

g) c. 8. p. 158. seqq.

h) In elucidario Cabbalistico c. IV. p. 39.

i) ll. cc.

k) Vid. IAC. STAHLKOPFII diss. de Beneficentia de Spinoza atheismi conuicto, contra au-

ctorem praefationis in illius opera posthuma, G. Arnoldum et I. G. Wachterum, Gryph. 1707. PAUL. BERGER. in Cabbal. Iud. Chr. detecto p. 42. DIEFFENBACH. l. c. Relat. innoc. 1709. p. 417. DETL. CLYVER. annot. histor. de rebus vtilissimis p. 213. seqq.

inter Spinozam et Cabbalistas intercedere discrimen contenderunt, vel vtrasque partes recte impietatis accusari asseruerunt: de qua tamen re, cum infra de Spinoza tractaturis adhuc quaedam dicenda sint, hic nihil adiicimus: sed hoc tantum notamus, quod ipse vir acutissimus, cum ea legeret, quae de hac controuersia in Germanico opere H. P. differuimus, annotauit, et per manus communis amici ad nos transmissit. Monet nempe, *iniuriam fieri Cabbalistis, si iis obiiciatur Atheismus. Nullam enim doctrinam de Deo et creatione ex Deo vocari posse Atheismum, quacunque etiam ratione se habeat, quia alias esset oppositum in appposito: talem vero esse doctrinam Cabbalisticam, quae tantum absit, ut Atheismum foueat, ut potius deismus sit, quia ex Deo, principioque primo omnia explicat. Eam vero doctrinam atheam esse, quae mundum sine Deo ortum statuit, aut res naturales, excluso Deo, exponit. Neutrum hoc facere vel Cabbalistas vel Spinozam. Rectissime itaque ex sua opinione eos facere, qui haec philosophemata pro hypothese habent, qua origines rerum luculentius exponere voluerint.* Id quod ideo hic monendum erat, quod nescio quo iure haec Cabbalistarum et Spinozae defensio virum eruditissimum fecerit suspectum.

*Praemonenda
quaedam de
Cabbalae pre-
tito, vitandis-
que praeiudi-
ciis circa eam.*

§. XIII. Difficile est in tam ancipiti argumento, rationibus ex vtraque parte haud leuibus a viris doctis adductis in medium, de Cabbalae dignitate, praestantia et vsu certam sententiam statuere; praesertim cum tota haec disputatio lectorem requirat ab omni prorsus partium studio et ab omni praeiudicata opinione liberum, attentum quoque in sublimi philosophiae genere ad nexum principiorum et conclusionum, et nec obscurorum atque symbolicorum dogmatum veneratione, ut plerumque fieri solet, nec antiquitatis nimia opinione fascinatam. Qui veri fontes sunt, cur philosophia Cabbalistica non obstantibus obscuritate eius summa, ineptiis methodi symbolicae, et exiguo fructu, qui ex ea redundat, tot viros inuenerit doctos, qui hederam ei suspenderunt, et pro eius praestantia verba fecerunt. Quosdam enim antiquitatis seduxit veneratio, eo quod nossent, Hebraeos fuisse inter gentes antiquissimas, et diuinam sapientiam ex peculiari reuelationis dono possedisse, habitasse quoque diu inter gentes; ex eo enim concludentes, philosophiam ab iis ad gentes dimanauisse, crediderunt Cabbalam priscoe sapientiae Hebraeae opus esse; vnde factum, cum vidissent magnam intercedere inter philosophiam Cabbalisticam, et Pythagorico-Platonice similitudinem, ut iudicarent, hanc ab illa profluxisse Pythagoramque et Platonem in itineribus suis inter barbaros hanc philosophiam accepisse ab Hebraeis. Alii palparunt quidem, erronea Cabbalistarum dogmata difficilesque nugas hominum otiosorum, cum simplicitate et puritate philosophiae Hebraicae vetustissimae non conuenire, illique prorsus indignas esse: cum autem praeconceptam de Cabbalae diuina origine ab Hebraeis opinionem dimittere nollent, distinctionem inter Cabbalam puram et impuram excogitarunt. In quo praeiudicio, licet nullibi
eam

eam Cabbalam puram ostendere potuerint, confirmati tamen sunt, cum intelligerent, in oeconomia foederis diuini Mosaica, necessario obtinere debuisse oralem quandam explicationem luculentiorum mysteriorum gratiae, in typis legis et vaticiniis occultius reuelatorum. Quam cum pro veteri illa Cabbala haberent, ea, quae ex religione Christiana et sacrarum paginarum N. T. reuelatione didicerant mysteria, non tantum ad Iudaeos retulerunt, sed has esse quoque reliquias Cabbalae veteris atque purioris contenderunt, eaque, quae apud Cabbalistas de tribus sephiris superioribus, de origine, generatione, officio, naturaque media אֶלֶם Adam Kadmon et similibus inuenere, ad illa mysteria, inuito licet systematis Cabbalistici sensu nexuque, transtulerunt; quae vero in concordiam redigi non poterant, ea impura esse, et a sequioribus Cabbalisticis in falsos sensus deprauata asseruerunt, sicque veram systematis Cabbalistici mentem euerterunt. Qui tamen licet in vero sensu mysteriorum Cabbalisticorum definiendo aberrauerint, veniam tamen merentur, eo quod veritati sacrae non obfuerunt; in eo solo peccantes, quod comitorem melioremque, quam natura sua habet, faciem philosophiae Cabbalisticae exhibuerint. Longe grauius vero lapsi sunt alii, qui symbolorum obscurissimorum profunditate tenebrisque plus quam Cimmeriis decepti, mysteria nullibi propalanda sacroque silentio tegenda latere sibi persuaderi a Iudaeis passi sunt. Hi cum nescio quam sapientiam coelestem et sublimiorem creparent, et se theosophiae cuiusdam arcanae alumnos esse iactarent, mysteriaque multa et artes diuinas, etiam circa arcana physica sibi reuelatas esse mentirentur, facile in eam ingressi sunt sententiam, similia in Cabbala latere; hoc igitur praeiudicio, tanquam face, praeunte, ad rimandas Cabbalae allegorias accedentes, cum haud esset difficile, ex obscurissimis symbolis, quaecunque vellent effingere, vel potius multis verbis nihil dicere, sua somnia Cabbalae supposuerunt, et in ea patrociniū ineptiarum suarum quaesiuērunt, qua mente Cabbalisticam philosophiam iactauisse Fluddum, Sperberum hisque similes, supra monuimus. Nec id magnopere mirandum est, intellectu humano de obscuris et haud facile intelligendis plerumque magnificentius iudicante:

*Semper enim stolidi magis admirantur amantque
Inuersis quae sub verbis latitantia cernunt.*

Quae cum ita esse exemplis adductis conuincamur, omnino attentio summa in diiudicando systemate Cabbalistico adhibenda, cauendumque est, ne de argumento obscuro totque tegumentis allego-
gariarum ineptissimarum abscondito, aliquem nobis sensum fingamus clariorem, eumque deinde regulae instar in explicandis hypothesibus Cabbalisticis adhibeamus, et inferamus magis, quam eruamus ex scriptis Cabbalisticis, quaecunque optamus, vt in iis inuenire queamus, licet totius systematis harmonia et

connexio repugnet. A quo lapsu si sibi cauissent viri doctissimi, qui pro Cabbalae antiquitate et puritate pugnaverunt, et inter eam et recentiorem atque impuram distinxerunt, non contendissent pro conuenientia eorum dogmatum, quae nunquam Cabbala agnouit, sed libere fuissent facti, longe alia philosophiam Cabbalisticam tradere, quam sacram Christianorum doctrinam, et nec Pythagoram atque Platonem a Iudaeis, sed hos potius suo modo ab illis, vel potius ab eorum sectatoribus reformatis haec opinionum portenta accepisse, nec admittere posse totam Cabbalisticam philosophiam secundum principia sua vera et natales suos consideratam eas doctrinas, quas agnouisse quidem veterem ecclesiam Iudaicam negare non licet, at Cabbalistas docuisse, ipsa eorum dogmata eorumque sensus verus atque genuinus reclamant. Et hac ratione neque ex tribus sephiris superioribus Trinitatis mysterium Meyerus, neque ex Adam Kadmon filium DEI mediatorem Vitringa, neque ex sephirarum combinatione orationem dominicam Buddeus, neque ex mundo Briahico creationem ex nihilo Basnagius et alii alia exsculpsissent, veramque systematis Cabbalistici mentem peruertissent. Ceterum pro expellendo nimio de Cabbalae antiquitate et auctoritate praeiudicio ipsa Cabbalistica methodus antidotum exhibet efficacissimum. Obscuritas enim inextricabilis, allegoriae difficillimae, affectatae literarum, nominum et notionum relatiuarum argutiae, et quae alia puerilia in cortice exteriori exhibet Cabbala philosophica, iustam apud rectos rei aestimatores suspicionem excitant, parum sapientiae verae solidaeque sub istis crepundiis latere; nec multum felicitati humanae mentis promouendae asserre philosophiam eam, quae a paucissimis intelligi potest et vult. Veritas enim et sapientia nudae sunt, nec vilius hominis complexus refugiunt. Quae omnia fundamenti loco posita, recte animum praeparant, ad ferendam iustam de Cabbalistica philosophia sententiam.

*Iudicium de
Cabbala.*

§. XIV. His praemissis de Cabbalae pretio vsuque sequentia notanda esse putamus: I. Scripta Cabbalistica antiquiora, qualia sunt Soharica, Iezirah, Bahir et similia, tanta caligine densaque nocte repleta, tantaque confusione scripta esse, vt aequae facile sit, album et nigrum, quadrata et rotunda ex illis exsculpere, et eadem verisimilitudine dogmata sibi e diametro aduersa effingere. Quin et corticem illum, sub quo latet nucleus philosophiae Cabbalisticae tam durum esse, vt ferri aciem quasi refugiat, id est, allegorias symbolaque horum librorum adeo incondita, inepta, nullumque saepe sanum sensum fundentia esse, vt ne de eorum quidem literaliter sensu certus lector esse queat. Ex quo sequitur, etiam in hac philosophicae historiae parte ad sobrium et moderatum Pyrrhonismum confugiendum esse, fatendumque, notitiam philosophiae Cabbalisticae, si ex istis scriptis antiquioribus haurienda sit, exiguis arctisque circumscribi limitibus. Haec vt in se iusta sunt, ita medium inter eos tenent, qui ex vtraque parte de Cabbala iudicant, animumque praeparant, ne secus, quam
par

par est, in ferenda, de hac philosophia sententia, agat et hallucinetur. His enim suppositis non negatur, absurdissimas et vix intelligibiles esse Cabbalistarum allegorias; at cum homines tamen fuerint ratione gaudentes, quos data opera insanire, multisque verbis nihil dicere voluisse verisimile non est, recte inde conicitur, concepisse eos sibi quosdam sensus melius cohaerentes, et certam aliquam doctrinae formam comprehendentes. Qui vt deprehendantur, non proprii ingenii cogitationes et inuenta pro interpretandi norma adhibenda sunt, quibus loqui coguntur Cabbalistsae, quicquid voluerimus, sed nexus atque cohaerentia totius systematis consideranda, origines philosophiae Cabbalisticae considerandae fontesque veri, ex quibus illa hausta est, expendendi, sicque conclusiones cum suis principiis coniungendae, vt ex his demum mens Cabbalistarum obscura patere queat. Hac cautione muniti si ad interpretes Cabbalistas recentiores, qui abiecta methodo allegorica, secundum consuetudinem philosophiae Graecanicae philosophari et Cabbalistica mysteria rimari coeperunt, accedamus, sperare possumus, fore, vt verisimili ratione in mentem veram obscurorum librorum penetrare queamus. Vbi tamen assensus prudenter cohibendus, nihilque pro Cabbalistico admittendum est, nisi quod examinatum diu, ita se nobis probet, vt cum amussi dicta conspiceret: semper etiam cum metu quodam oppositi progrediendum, ne nimia fiducia securi, et praecipitanter iudicantes hallucinemur. Hanc nobis legem posuimus, hac via in delineanda philosophia Cabbalistica nos incessimus, quam nos iterato studio deuoratis mille molestiis emensos fuisse nondum poenitet. Ex hac vero prudentia logica moderationem quandam moralem oriri oportet, in hac historiae philosophicae parte omnino commendandam. Cum enim illius tam insuperabilis difficultas et obscuritas sit, aegre ferendum non est, si viri alii docti a nostra sententia et interpretatione dissentiant, et se alia vidisse credant; multo magis in tam obscuro et ambiguo argumento inuidia elicienda abstinendumque est a consequentiis odium quoddam dissentientibus constantibus, sed tolerantia in omni historiae philosophicae studio tantopere commendanda, seruanda est. Quod si obseruauissent viri quidam eruditi, qui acrius, quam par erat, iudicium suum de dogmatum Cabbalisticorum interpretatione interposuerunt, abstinuissent a quibusdam, quae parum placitura sunt posteritati sine inuidia et aemulatione iudicanti. II. Non refugiendi sunt Cabbalistsae recentiores, sed pro interpretibus, cautione modo dicta obseruata adhibendi, ducesque eligendi, qui in obscuro itinere viam praeparent. Parum quidem illis placent, qui in eorum scriptis nihil reperiunt, quod cum Cabbala, quam animo praeconciunt suo, puriore conspiret, hinc eos corrupisse veterum mysteria sensusque heterodoxos et gentiles illis affinxisse clamant. At viros optimos eruditissimosque rogamus, vnde sciant, Cabbalistas recentiores veterem doctrinam corrupisse? et non tantum nouis commentis auxisse, quod equidem facile largimur, sed ipsum

quoque systema adulterasse? et e. g. pro sacri foederis typo, quem in veteri Cabbala quaerunt, systema emanatuum introduxisse? Veteres enim libros Cabbalisticos sine duce non intelligi posse, ea, qua sunt modestia, ipsi fatentur, aut itaque prorsus de dogmatibus philosophiae Cabbalisticae tacendum, aut hi, qui haberi possunt, interpretes eo usque audiendi, quo usque malae fidei accusari non possunt. Hoc vero ut fieri queat, veram Cabbalisticam doctrinam faciem nosse nos aliunde oportet, ad cuius comparationem de corruptione Cabbalistarum recentiorum iudicandum est. Cum autem illam latere viri docti fateantur, sole meridiano clarius patet, paralogismum hic admitti, et aut incertum per aequae incertum probari, aut committi circulum vitiosum, quae hypothesin pro demonstratione obtrudit. Legibus itaque historiae et interpretationis quoque conueniens est, eos tamdiu audire testes et interpretes, quamdiu verisimile est, et potuisse et voluisse eos veritatem profiteri, et quamdiu constat, dedisse illos interpretationes tales, quae quoad summam rei et potiora dogmata cum originibus, natura, indole, connexionem parallelismo et similibus Cabbalae philosophicae conspirant, sensumque scriptis Cabbalisticis talem tribuunt, qui ad illa recte intelligenda omnia sufficit. Attamen et hic cautela adhibenda est, ne pro certissima et indubitata veterum Cabbalistarum mente hanc interpretationem venditemus, sed pro tali habeamus, quae verisimili ratione illis tribui possit, licet possibile sit, ut in his illius dogmatibus aliam opinionem, quam quae illis a recentioribus tribuitur, habuerint. III. Magnopere vero iuuare hanc disquisitionem possunt, et ad iustum Cabbalae pretium statuendum plurimum conferunt detectae supra origines philosophiae Cabbalisticae. Eam enim in Aegypto enatam parentes habuisse philosophiam Aegyptiacam sive Alexandrinam ad philosophiae Orientalis placita in theologicis dogmatibus reformatam¹, et ab hac et systema emanatuum et varios emanationum ordines, et mundi varia schemata et quae sunt alia accepisse, supra verisimillima ratione euicimus. Rationi vero conueniens est, ita obscura *φιλοσοφόμενα* explicare, prout natales et origines eorum postulant, indolesque systematis eius iubet, quod illis dedit nascendi initia. Recte itaque emanatuum philosophiam Cabbalisticam tribui, et secundum eius leges hos explicandos esse, quilibet videt, qui ratione utitur. Prodiderunt id ipsi viri docti, qui harmoniam philosophiae Pythagoricae, vel potius Alexandrinae, id est, Platonicae reformatae, cum Cabbalistica fassi sunt, at putauerunt, illam ex hac ortam esse. In quo posteriori licet eos falli norint, qui hoc praeiudicium a nobis suo loco inuictis rationibus iugulatum esse recordantur, prius tamen satis prodit, qua ratione, secundum has origines de Cabbala iudicandum sit, quamuis non nisi cum certo moderamine sensuque restricto philosophia Pythagorea

¹) Eam tamen ab Ammonii schola propius ad Platonis mentem iterum emendatam fuisse et supra monuimus, et emanationum ordines

apud Cabbalistas decem, apud Ammonii sectatores tres tantum docent.

gorea mater Cabbalisticae dici queat. Hanc vero originem aperte produnt recentiorum Cabbalistarum explicationes, ex quo recte concluditur, eos quoad potiora dogmata, quae supra retulimus, recte veterum mentem exposuisse, praecipue cum totum systema, ex legibus emanationis accurate fatis cohaereat. IV. His iam demonstratis, exigua attentione opus est, vt intelligamus frustra laborare omnes, quotquot in Cabbalistica philosophia purius quid, et cum sacris mysteriis in oraculis diuinis manifestatis conueniens inueniri asserunt. Quamuis enim haud inuiti concedamus, verba quaedam et loquendi formulas in ea deprehendi, quae typum illum oeconomiae gratiae referunt, qui in veteri testamento patribus reuelatus fuisse recte statuitur, nihil tamen hoc euincit aliud, quam nefandos philosophastros, fastidientes diuinae reuelationis mysteria, et aptius, quod credebant, atque elegantius ad gentilis mataeologiae normam philosophari cupientes, ingenii fanatici somnia sapientiae domesticae supposuisse, et vt fraus lateret suos, gentiles autem crederent, tantos sapientiae thesauros ad eos ex gente sua peruenisse, formulas sacras inter suos receptas impio systemati adaptasse. Id quod inductione facta facile demonstrari posset, nisi ex praecedentibus fatis iam posset intelligi colligique. Cum enim e. g. de Trinitate in diuinis quaedam audiuisent, ex eo trinitatem quandam Cabbalisticam exsculperunt, cum filium Dei esse creatorem rerum omnium didicissent, Adam Kadmon inde efformatus est: cum hunc mediatorem inter Deum et homines constitutum nouissent, primo principiatio suo hoc officium mediatorium, in emanationibus diuinis distribuendis datum est: cum regnum diuinum in oeconomia gratiae manifestatum esse ex ore patrum percepissent, regnum inde Cabbalisticum, in quo Dei essentia se visibilem et palpabilem exhibet exstruxerunt: cum animam ad Dei imaginem conditam legissent, nouam inde animam ex essentia DEI sculptam et fabricatam tanquam emanationem quandam homini tribuerunt: cum ex nihilo condidisse Deum omnia a patribus traditum acceperunt, paradoxa inde creatio Cabbalistica formata et emanationi vox alienae significationis tributa est: cum angelos quosdam defecisse legerent, inde angelis corticibus natura mala adscripta est, ex emanationis remotiori a fonte suo disiunctione orta: cum lapsum protoplastum esse, vniuersalis traditio affirmaret, auulsionem hominis ab emanationum serie, et implicationem corticum ad eum lapsum significandum excogitauerunt. Verbo cum lucem esse Deum in scripturis inuenirent, phrasi allegorica ad impuras notiones suas de lumine infinito se vsque ad materialitatem ex essentia sua producendam extendente abusi sunt. Haec et alia tantum abest, vt nobis, puriora dogmata in Cabbalistica philosophia latere, persuadeant, vt potius nefanda consilia eorum, qui domestica sapientia ita abusi sunt ad palliandos errores gentiles, faciant manifestissima. Qui itaque hic aurum ex scoriis feligere fatagunt, laudando quidem conatu pietatem produnt, prudentiam

vero non item ; dum incautiores externis verbis decepti rerum quandam atque dogmatum concordiam perperam cogitant , et eadem ratione hallucinantur , quo illi labuntur , qui harmoniam nobis Platonice vel Stoicam cum Christo cudunt externo verborum splendore decepti . Neque vero huius rei culpa in solos recentiores Cabbalistas referenda est , sed veteres quoque in eodem luto haeserunt . Quod qui negant , eos rogamus , ut doctrinam Sohamicam de tribus supremis principiis ex Deitate profluentibus , siue tribus sephiris superioribus cogitent , expendantque similitudinem , quam Iochaideae disciplinae alumnus quidam in tr. *Raia Mehinna* ^m attulit ; eamque cum sacrosancto dogmate de Trinitate Christianorum comparent : ex ea enim luce meridiana clarius intelligent , ea tria principia nec cum infinito Deo coexistere , sed ratione originis eo esse inferiora , nec aequali inter se gradu constare , sed inaequalitatis rationem tenere ; et ad inferiora ita emanare , ut in omnibus mundorum ordinibus , etiam in materiali eorum essentia deprehendatur . Quod qui pro Christiano et orthodoxo habet , is nae , quid Christiana religio doceat , nescit ; qui corruptum ac deprauatum a recentioribus Cabbalisticis esse clamat , systema Cabbalisticum se non intelligere , prodit . V. Posito vero systemate Cabbalistico tali , quale non sine verisimilibus rationibus Iudaeis tribuimus , haud difficile est , de eo pronuntiare , quid statuendum sit . Nempe et matris et fororis , (philosophiam Orientalem et Alexandrinam intelligimus) faciem accurate refert , et cum ex iisdem fontibus hausta sit , idem quoque de ea iudicandum est . Nempe esse philosophiam quandam fanaticam , ex iudicii accuratioris defectu et imaginationis extra orbitam vagantis imperio ortam , et enthufiasmum quendam nefandum habuisse pro scopo . Prius enim ex inepta hypothesi , Deum tanquam lucem quandam extensam non modo se explicuisse , sed in tot , quoque emanationum partes se diffecuisse , ut materialis tandem eius essentia fieret , vel potius , si hos philosophos audias , cuncta , ne materia quidem in se excepta , diuina natura spiritali constare liquet , et genealogiae ineptissimae sephirarum mundorumque fundamento alio nullo nisi imaginariis quibusdam notionibus nixae probant : posterius tota constitutio philosophiae huius demonstrat , quae supposito principio : cuncta ex Deo fluxisse , esseque radios explicantis se Dei ; cuncta quoque iterum in essentiam DEI reuocat , reducitque ; id quod enthufiasmi omnis cardo est . Ita enim Cabbalistae docent : omnes res , ne quidem materia excepta ex Deo effluxisse , esse animam particulam ex essentia Dei excerptam , excisamque ; Deum radios essentialitatis suae usque ad materialitatem extendere , eamque illius facere participem ; cuncta itaque , et praecipue animam per varias gradationes , ordinesque atque reuolutiones ad hunc fontem fontium infinitum esse reducenda , et in eo felicitatem hominis summam consistere . Haec cum systemate Orientali et Alexandrino diligenter confere

renda

renda sunt, scopusque eorum considerandus est, quo facto, nisi toti fallimur, luce meridiana clarius constabit, enthusiasum proram puppimque esse, ut Orientalis et Alexandrinae, ita Cabbalisticae quoque philosophiae. Nec aliud systema emanatuum patitur, quod, ut omnia ex Dei natura atque essentia deriuat, ita cuncta quoque in eam reducit, maxime vero homini eum philosophiae finem commendat, ut in hunc fontem suum regredi et absorberi tandem ab eo, ex quo effluxit, queat: quae vera anima enthusiasmi philosophici et theologici est. VI. Ex his vero quaestio etiam de Atheismo philosophiae Cabbalisticae decidenda est, quae tantopere viros doctos in partes ire coegit. In qua ut *λογομαχίαν* euitemus, quae saepius ancipitem et incertam in hoc argumento conurbationem fecit, praemonendum est, de atheismo philosophico disputaturos, aut de directo aut de indirecto loqui. Directus atheismus eorum est, qui aut Deum esse diserte negant, aut aliud praeter ens summum Deum constituunt, aut sine Deo rerum omnium origines definiunt explicantque, Deum dicis gratia tantum afferentes: indirectus atheismus autem eorum est, qui quidem et Deum summam esse caussam, et accepisse ab eo originem omnia referunt, eam vero Dei naturam, illumque rerum omnium ortum ponunt, quibus necessario essentia Dei euertitur, eaque Deo natura, ea attributa adscribuntur, quae ipsam Dei notionem tollunt. Et prius quidem apertam impietatem prae se ferre, dubio non caret. De posteriori vero diuersa ratione pronunciandum esse putamus. Quidam enim ita de Deo instituunt praecipiuntque, ut licet cuncta ex eo deriuent, per eum tamen non aliam naturam, quam hoc vniuersum varia ratione modificatum intelligant, quae impietatis species praecipue Spinozae solet tribui, rectene an secus? hic loci non disputamus, id vero facile concessuros esse omnes cordatos speramus, tales philosophos impietatis valde esse suspectos. Quidam cautius instituentes Dei naturam, quantum pote ab omni imperfectione liberant, et distinctionem quoque inter eum et effectus suos extrinsecos ponunt; at ita tamen de rerum omnium origine differunt, ut naturam diuinam in partes discerpant, et dum omnia ad hunc fontem reuocant, deismum quendam introducant, qui implicite naturam Dei euertit, quamuis nec hanc impietatem intendant, nec forte hanc consequentiarum seriem agnoscant fateanturque. His, ut debent, praesuppositis, ne praecipitanter agamus in ardua quaestione, doctrina Cabbalistarum tota probe consideranda est. Quod ubi agimus dispalescit primo, ut Iudaeos omnes, ita etiam Cabbalistas ab omni non atheismo modo, sed pantheismo quoque vehementer abhorreere, omnemque in eo locare operam, ut Deum ab omnibus, quae ex eo dependent, distinguant, et unitatem Dei in tuto collocent. Non prouocabimus ad exotericam Iudaeorum doctrinam et articulos gentis huius fundamentales, sed ipsos Cabbalistas testes volumus, qui solliciti cauent, ne Ensoph cum reliquis emanatiuis confundatur. Id vel ex vno

78 Adam Kadmon schemate intelligi potest, in quo vasa illa luce vacua ideo excogitarunt, vt hac quasi sepe infinita lux deitatis ab omnibus emanatiuis finitis distingueretur: hinc res quidem omnes a suprema vnitatem dependere, et cum ea connecti asserunt, sed distinctas simul a Deo esse fatentur. Prolixe id demonstrare conatus est IRIRA⁷⁹, euincens: *quod caussata, quae emanant a caussa prima, non ascendant ad copiam infinitam, quodque necesse sit, esse vnum, quod sit summum et perfectissimum inter omnia contingentia: quod infinitas sit attributum solius caussae primae: quod caussa prima non agat ex absoluta necessitate et natura, sed ex consilio intellectus sui et arbitrio voluntatis et electionis suae: quod magna sit differentia inter bonum perfectissimum infinitum siue emanatorem, et inter emanationes, luminaque ensophica et monadica, et differant ea, vt formans et formatum, perficiens et perfectum, caussans et caussatum: quod caussa prima omnibus caussatis suis manifestauerit essentiam et naturam suam, sed non ipsam, quatenus talem; sed ita, vt se ipsam restrinxerit, et quasi multiplicauerit, atque illa produxerit finita et multiplicata. Quod Deus sese applicuerit ad caussata sua futura, non secundum essentiam suam, quae incomprehensibilis est, sed secundum illum conceptum determinatum et definitum, quem de immensitate et amplitudine eius ista possint supportare, quique secundum exiguitatem intellectus nostri ab ipso admodum diuersus et distinctus est, licet semper maneat radix quasi aliqua caussatorum finitorum, multiplicium, mobiliumque remanens in simplicitate infiniti, caussaeque eorum immobilis, quamuis coniungatur cum natura multiplici et mutabili.* Talia passim et Irira inculcat, et ceteri quoque monent, quae luculentum argumentum sunt, procul abfuisse mentem Cabbalistarum ab eo atheismi genere, quod omnia esse vnā numero substantiam facit. Quamuis enim cuncta ex Deo emanasse statuant, tantam tamen differentiam inter fontem et emanatiuum ponunt, quanta est inter infinitum et finitum, emanationes quoque non vt actus Dei immanentes, sed vt prodeuntes et transeuntes considerant. Et hac quidem atheismi notione ab eius culpa omnino liberandi sunt. At cum quae-ritur, annon indirecte eiusmodi dogmata affirmauerint, quae viam ad atheismum sternant, eiusque indolis sint, vt naturam Dei evertant, fate-mur Cabbalistas, si non manifestae impietatis, certe imprudentis impi-aeque negligentiae accusandos esse, quod ea admiserint, quae multis modis in Deum peccant. Non fieri in eo Cabbalistas iniuriam, intel-ligent, qui considerauerint: posuisse eos *secundo* pro indubitato principio axioma illud sensu absoluto sineque vlla restrictione asser-tum: ex nihilo nihil fit, et hinc, *tertio* Deum pro subiecto, ex quo omnia, tanquam ex fonte, profluxerint, habuisse, omnem-que entitatis rationem non radicaliter tantum, efficienter et dependen-ter, sed et essentialiter (si ita loqui licet) ad eum retulisse, adeoque *quar-*
to ita

79) Diff. II. c. 4. seqq. p. 48. seqq. V. c. 3. p. 93. c. 9. p. 101. c. 10. p. 104.

to ita rerum omnium substantias, cum vnitate Dei connectere, vt tantum ratione finitatis, dependentiae, et modificationis, non vero ratione essentiae ab eo differant; naturam Dei, *quinto*, in extensa quadam notatione posuisse, et ex eius modificatione, retractione, et separatione partium finitarum a toto infinito, rerum omnium essentias et origines deriuauisse, hincque, *sexto*, ipsam materiam ex condensatis et compressis diuinae lucis radiis deriuauisse, quamuis voce materiae luserint, et notionem mentis priuatiam ad palliandum errorem nobis obtruserint; et ita cum omnibus aliis emanatiui systematis generibus, recte accusari posse, quod extensionem in Deo posuerint: ob eam quoque rationem *seprimo*, mundum Deum expansum et manifestatum, etiam in creaturis atque substantiis materialibus dixisse; distinctionem vero, *octauo*, inter causam et causatum non in differentia essentiali sed metaphysica, et in solis conceptibus intellectus versanti posuisse, et sic reuera Deum a creaturis essentiali quadam ratione non satis distinxisse, hincque, *nono*, inepte quoque, licet systemati suo conuenienter, rerum omnium refluxum in essentiam DEI, per modum compressionis et retractionis emanationum asseruisse. Esse haec omnia Cabbalistarum dogmata genuina, in antecedentibus inuictis rationibus demonstrauius: at impietati stratam haec aperire viam, quis est, qui negare audeat? Nam cum emanatio *πρωτον ψευδος* sit, quod Cabbalistas ad hos errores omnes seduxit, eo quod deserta simplicitate religionis patriae negarent ex nihilo, etiam per operationem causae infinitae, nihil fieri posse, manifestum est, eos de Dei essentia notionem sibi formasse extensam, sine qua totum systema Cabbalisticum nec consistere, nec intelligi potest, quomodo communicata essentia sua, Deus ita se limitauerit, vel vt Cabbalistiche loquamur, radios suos retraxerit, vt tandem materiae quoque essentialitas ex ea oriri, et per hanc retractionem et limitationem ei materialitas induci potuerit? Quam absurditatem recte notauit acutissimus MORVS*, monendo: *Cum Or Haënsoph naturae sit necessariae ac immutabilis, qui fieri possit, vt retrahat se ipsum a puncto vllo, quo adeo vastam relinquat concauitatem, in qua mundis creandis sit locus? Quasi natura Dei crassa esset, ac corporea, nec mundi, vbi ipse sit, esse possint: praeterea discerpibilitatem, siue separationem vnius partis ab altera, corporis proprietatem esse, non spiritus. Cumque Deus ubique sit sibi similis, si possit disiungere essentiam suam a tali puncto, posse profecto a quouis puncto, atque sic fissuram facere per totam suam essentiam, atque sic diuidere se ipsum in duas partes: quod etiam demonstrationi esset, contra infinitatem eius. Postremo vacuum illud, quod imaginentur, postquam Deus se a puncto quodam retraxerit, non esse meram non-entitatem, sed substantiam incorpoream et necessario existentem, et tamen*

*) Cabb. denud. T. I. P. II. p. 65.

tamen distinctam a Deo, quod sit impossibile. Nec distinctio inter Deum et creaturam, inter emanans et emanatum sufficit, ut haec substantia sua et natura differre ostendant, cum in modo tantum, nempe in limitatione eius ea tota quaeratur, omnia vero unam tantum constituent substantiam, licet alio, quam Spinoza, magis philosophice ineptiens, asseruit modo, nempe non affectione quadam, sed emanatione, ut radii solis, quamvis ex sole emanent, et in notione atque idea intellectus nostri a sole distingui queant clarissime, tamen cum sole unam eandemque substantiam constituunt. Non ignoramus, nec negamus quoque, veniam hic poscere philosophos Cabbalistas, eo quod nec consequentiarum harum absurditates viderint, nec accurate philosophari in ea re potuerint, cum metaphysicis meditationibus non satis assueti, et imaginationis simulacris, more Orientalium seducti, corporeos quosdam sibi, de rerum originationibus conceptus formauerint: nec inuiti concedimus viris doctis, eis ideo exoso atheorum nomine parcendum esse. Interim tamen cum de dignitate, praestantia et pretio philosophiae Cabbalisticae sententia dicenda sit, haec quoque non reticenda sunt, sed ficus ficus appellanda et scapha scapha. Aequitas vero hoc quoque loco postulat, ut apologiam pro Cabbalistica philosophia audiamus, pro qua ita perorauit vir prorsus in his literis egregius, et quod vehementer dolemus, nimis mature melioribus eruditionis partibus ereptus B. IO. IACOBVS SYRBITVS ^p, quem primum fere nobis historiae philosophicae, maxime dogmaticae accuratioris amorem studiumque instillasse, grati recordamur. Monet is: falsum esse, quod Cabbalistae unam tantum substantiam posuerint, cum principiatum primum substantiam quidem dixerint, at differre a substantia causae primae agnouerint: per emanationem eos non intelligere diuisionem essentialis participatae, sed, ut loquitur IRIRA ^q, constitutionem de non esse in esse, adeoque notionem istam alio longe sensu, quam alias fieri solet, accipiendam esse, cum alias emanans coexistere illi, ex quo emanat, dicatur. Nec omnes res emanasse, sed aliquas tantum, reliquas fabrefactas et formatas tantum dici, ut ex definitionibus mundorum appareat. Hinc etiam de Deo ita eos philosophari, ut eum finem suum obtinere, ideoque existere posse sine rebus creatis, has autem mero nudoque arbitrio suo produxisse fateantur. Reseruare quoque Deo illos independentiam, infinitatem et simplicitatem, perfectionem, vim agendi infinitam, immutabilitatem, creaturas vero finitas multiplices et compositas, potentiales, mutabiles esse contendere. Retractionem autem allegorice et aenigmatice intelligendam esse. Dici haec erudite et acute facile aequus lector fatebitur, an vero vir doctissimus ita causam Cabbalistarum perorauerit, ut ab omni suspitione erroris liberandi sint, merito dubitamus. Nam principiatum primum substantia sua a causa prima differre facilius dicitur quam probatur, et totum systema $\tau\theta$ Adam Kadmon euertit, qui eadem ratione cum causa prima connectitur, ut cum causatis suis inferioribus, quae ex natura diuina, eo mediante, participant. Emanationis autem notio-

nem

^p) Diff. cit. p. 22. seqq.^q) Diff. V. c. 9. §. 2.

nem veram secutos fuisse Cabbalistas, Irirae verba non negant, sed adstruunt. Quemadmodum enim in emanatione emanatuum ab emanationis fonte progressum in eum statum prodit, in quo prius non fuit, id est, in eum qui fuit non-ens, ita necessario prius in τ esse fontis sui latuit, alias ex nihilo extitisset, quod primo Cabbalistarum principio est aduersum; sicque substantiam fontis sui retinet. Id quod non negat IRIRAE^r, sed operose adstruit. Quod vero inter mundum emanatum et creatum discrimen posuerint, et vtrumque inter se distinxerint, certum quidem est, at non euincit, mundum Briahicum ex non ente creatum esse: id enim non admittit primum Cabbalisticum systematis principium. Supra quoque luculenter ostendimus, hanc creationem ex non praeexistente materia non de substantia, sed de modificationibus emanationis, et lucis diuinæ in progressu mundorum attenuatae magis et limitatae intelligendum esse, quae priuatio omnino ex non-ente extitit, at nihil minus, quam creationem substantiae ex nihilo inuoluit. Nullus enim mundus est, ne materiali quidem excepto, qui non ex Deo emanauerit, eius radiis a supremis ad infima descendentibus, vt supra demonstratum. Quamuis itaque mundi variis modis pro gradatione emanationum a Deo differant, essentialia tamen in mundo non ex Deo tantum est, sed ipse Deus, in mundis explicatus. Id quod luculenter indicauit IRIRAE^s, qui ita philosophatur: *Deus cum omnibus caussatis sit eminentior, ita retraxit sese in se, vt cum nullo eorum conueniat, et per hanc retractionem* (id est limitationem infinitatis suae) *ab omnibus videtur separatus: sed quia etiam applicatur ad omnia tanquam causa, quoad essentiam, potentiam et operationem eorum, simul tamen etiam est omnia in omnibus, vt, quia ipse lux est, quae illa implet, ipsis plane sit intimus.* Eadem alibi quoque repetit, et imprimis hoc vrget, quod rem totam extra disputationem ponit: *Ensofph tam intra se, quam qui foras in emanationem se exserit, esse vnum, et substantiam vnā, cum hac tamen distinctione, quod Sephirae in Ensofph sint per modum vnius et singularis, caussantis et eminentis, atque independentis et infiniti, in Aziluth modo quodam formali, plurali et determinato.* Haec non Irirae tantum metaphysica est, sed veterum quoque Cabbalistarum, qui, quamdiu systemati emanatiuo adhaerere creduntur, tamdiu ab his erroribus liberari non possunt. Quae vero adicit vir eruditus, haec somnia Lorijae, Irirae et recentiorum veteribus Cabbalisticis tribui non posse, reuera nihil dicunt: non enim alios habemus Cabbalistas, quam qui huic systemati adhaerent. Quod si ergo Cabbalisticæ athei dicendi non sunt, quod voce strictæ sumta facile largimur, agnoscendus tamen Deismus eorum ab ista impietate prope remotus, eo quod totam Dei definitionem euertit. Ex dictis vero quaestio quoque illa lucem accipit, vtrum Spinoza Cabbalistarum placitis insistens, eorum in castra transierit, nec ne? Nos totam quaestionem curiosam magis, quam necessariam esse putamus, parumque nostra interesse, vnde errores suos Spinoza habuerit? Quod si tamen aliquid de ea dicendum, non eius roboris

T t t t t t 2

nobis

^r) l. c. c. 12. p. 108. c. 3. p. 94.^s) loc. citat.

nobis videntur esse Cl. Wachteri rationes, licet copiose adductae, vt eadem incessisse via Spinozam, qua Cabbalistae, existimemus. Caussam praecipuam eam esse putamus, quod Spinozae systema emanatiuum non placuerit, sed is immanente Dei modificatione mundum extitisse statuerit. Quod satis manifeste prodidit, mundum diuinae naturae necessarium effectum esse afferens, cuius contrarium Iriram pronuntiantem supra audiui-
mus. Quando autem vir doctus contendit, principiatum primum Spinozam designasse per absolutam naturam, per quam Deum omnia, produxisse dicit, in eo, nisi prorsus coecutimus, fallitur. Ait enim de hac natura Spinoza: *Omnia quae ex absoluta natura alicuius attributi Dei sequuntur, semper et infinita existere debuerunt, siue, per idem attributum aeterna et infinita sunt.* Hoc vero totum systema Cabbalisticum euertit, cuius cardo in eo vertitur, quod Deus radios suae lucis infinitae retraxerit, vt possint existere mundi, id est, quod infinitati suae limites induxerit, sicque substantiam ex se emanantem fecerit finitam, vnde omnia praeter Ensoph finita sunt, licet propter propinquitatem emanationis Adam Kadmon eiusque sephirae in Aziluth consideratae, nomen Ensoph gerant, non quod ipsae infinitae sint, sed quod proximum gradum ab infinito tueantur. Sed vno eoque luculento argumento differentia inter systema Cabbalisticum et Spinozisticum ostendi potest, licet eo ipso loco Spinoza ad antiquorum Hebraeorum consensum prouocet: nempe *Deum rerum omnium causam immanentem, non vero transeuntem* se agnoscere fatetur Spinoza. At Deum esse causam rerum non immanentem, sed emanantem, sicque Deum manifestatum explicatumque a Deo occulto distinguendum esse Cabbalistae vbique ingeminant, sicque ipsi immane inter suum et Spinozisticum systema discrimen statuunt.

Vfus Cabbalae.

§. XV. Ex his vero, quae de praestantia pretioque Cabbalae philosophicae fufe differuimus, iam de vfu quoque eius iudicare quis facile poterit. Eum enim exiguum esse in confirmanda veritate religionis Christianae, ex dictis manifestum esse putamus. Quamuis enim κατ' ὀνόματι contra Iudaeos eo nomine adhiberi queat, vt ostendatur, nec trinitatem, nec filium DEI creatorem et mediatorem, nec alia dogmata, quae Christiana religio habet, adeo Cabbalitis displicuisse, vt non hanc arcanam philosophiam suam ad horum dogmatum typum distribuerent et attemperarent, adeoque iure nos credere, ea dogmata, quae gens Iudaica tam foede corripuit, ex quo in scholis gentilium philosophari coepit, olim inter Israëlitis posteros nota atque tradita fuisse: cauendum tamen magnopere est, ne Cabbalam aliquam puram exsculparamus, quam, vbi Iudaei negauerint, nullibi inuenire possimus, nisi in mente illorum, qui ea, quae demonstranda sibi sumserunt, pro rationibus demonstrationis vitioso concludendi modo afferunt. Meliorem vero vsum habet philosophia Cabbalistica in historia philosophica, in qua meliorem et iucundiorē par-

1) Prop. XXI. Eth.

2) Ep. XXI. ad Oldenburg.

partem historiae philosophiae Iudaicae constituit, et non contemnendum fructum promittit. Eleganti enim exemplo humani ingenii deliria, relicto semel rationis et reuelationis ductu, ob oculos ponit, et enthusiasimum philosophicum, quae detestanda animorum pestis esse solet, viuis depingit coloribus. Maxime vero nobilis pars est historiae philosophiae Orientalis et Alexandrinae, quae cum circa Saluatoris in carne apparentis tempora magnam Orientis et Aegypti partem fuisset peruagata, etiam in ecclesiam Iudaicam et Christianam irrepfit. Vnde prodeuntes ex hac schola tum Iudaei, tum Christiani quidam, receptis dogmatibus his tribus philosophiae generibus communibus, nouas haereses condiderunt. Cuius luculentum exemplum Gnostica deliria, maxime vero Valentiniana somnia esse possunt, de quibus nostro tempore inter G. HOOPERVM^v, RENATVM MASSVETVM^x et I. FR. BVDDVEM^y disputatum est, illis earum origines ad Platoniam, hoc ad Cabbalisticam philosophiam referentibus. Qui si paulo attentius ad origines harum haeresium respexissent, vidissent, quod tandem B. BVDDVS^z candide fassus est, philosophiam Orientalem a Platonice Alexandrinis intra limina sua receptam, nouumque, quod ex hac cūsum est, theologiae genus verum fontem horum omnium fuisse, nec mirum esse, si systema Orientale, Alexandrinum, Cabbalisticum, et Valentinianum in multis conueniat, cum in eo conspirauerint hae sectae omnes: esse non tantum in Deitatis sinu certum emanationum numerum, sed ex hoc quoque plerumque progressos esse alios emanationis ordines ad condendum mundum. Hoc aeones Orientalium et Valentinianorum volunt, hoc sephirae Cabbalistarum, hoc trina principia Alexandrinorum in diuinis et reliqua Deorum daemonumque caterua innuunt. Quae vero Massuetus obicit, qui recentiorum Cabbalam esse putat, quam vt referri ad illa tempora queat, quo mundum erroribus repleuit Gnostica mataeologia, ea ex supra dictis facile refelli possunt, vbi ad obiectiones Morini, quas suas fecit doctus ille coenobita, accurate respondimus, et veros natales Cabbalae philosophicae deteximus. Verum de his in historia philosophiae Christianorum veterum dicendi locus erit commodior. Quae itaque historiae philosophicae utilitas in genere est, ea etiam historiae philosophicae Cabbalisticae adscribenda, praecipue vbi accurate tradita fuerit, cum ob ingentem, quam fouet obscuritatem et difficultatem, pauci sint, qui lucem his tenebris foenerare laborant, ficque praeiudicia dispellere satis perniciosos errores gignentia conantur. Quod cum pro virium modulo nos praestitisse speremus, tractationi de philosophia Iudaica, et simul Tomo secundo philosophicae historiae

iam imponimus

F I N E M.

^v) In coniecturis de Valentinianorum haeresi
ex Aegyptiaca theologia Lond. 1711.

^x) Diss. I. in Irenaeum §. 21. p. 20.

^y) Pec. diss. de Valentin. haeresi ad calc. intr.
in hist. phil. Hebraeorum.

^z) Conf. noua editio p. 619. et Isagoge p. 138.

65720 * 65720

SVPPLE-

SVPPLEMENTA
ET
EMENDATIONES NONNVLLAE
AD
TOMVM PRIMVM
ET SECVNDVM
HISTORIAE CRITICAE
PHILOSOPHIAE.

Habes his, *Lector beneuole*, leue aliquod spicilegium, collectum cum plagulas impressas relegendo lustraremus. Cum enim in iis quaedam typothetarum erroribus perperam impressa obseruarem, quod ignotae manus ductus in exemplari, cuius nitidius describendi copia nostro loco nobis amanuense carentibus defuit, interdum minus affecuti essent, quae lectorem morari posse videbantur, ea in his paginis sustulimus: neglectis tamen leuioribus, quae cum in sensus mox occurrant, facile Lector ipse corrigit. Dabitur in his humanitatis venia, praesertim cum vltimam manum editioni libri magnae molis, nimia locorum intercapedine ab ea disiuncti imponere ipsi non potuerimus. Deinde ea adiungere placuit, quae dum moram liber edendus faciebat, interim obseruauimus, ex quibus lux quaedam possit dictis affulgere, vel clarius et luculentius nonnihil exprimi, quod obscure dictum esset. Virorum quoque quorundam doctorum obseruationes interim a nobis cognitae ad examen reuocauimus, pauca quaedam autem emendauimus, plura, vt candorem decet in verum inquirentis addituri, si quae monenda videantur, nobiscum communicasset virorum doctorum humanitas. Vt enim in tam longo itinere sine errore et hallucinatione progredi supra humanam conditionem est, ita locum dare meliora monentibus nunquam subterfugimus.

Praef. pag. 2. l. 27. post, *annotationum* add. *caterua et obseruationum*.

Pag. 3. l. 23. pro *qui* lege *quae*.

Pag. 5. l. 3. pro *studium* l. *studio*, et l. seq. pro *studio*, *studium*.

l. 24. post C I C E R O N E add. (*) et in fine pag. *Tusc. Qq.*
l. V. 3. conf. *infra* p. 1009. vbi de ea re ex instituto.

Pag. 18. l. 28. pro *verisimilitudines* l. *verisimilitudinis*.

Pag. 19. ad fin. §. 13. add. Hic vero id quoque cauendum, ne, quod in studio philosophiae sectariae toties factum est, et hodie quoque interdum fieri videmus, systema sectae vel praeceptoris pro verissimo et vna veritatis regula habentes, putemus, omnem philosophorum orbem etiam vetustissimum, in eandem opinionem consensisse, quam secta ista, eiusque conditor definiuit. Hoc enim ubi fit, omnia confundi, incerta pro certis obtrudi, supposititia pro genuinis haberi, veteribus novos sensus affingi, et hoc pacto miserabile chaos philosophica historia indignum condi necesse est. Nec, si quoque cuncta erudite ornentur, aliud inde enascetur, nisi ut intelligamus, quid optemus ut veteres nostrae sectae vel opinionis causa docuerint. Quod a philosophica historia merito arcendum, quae ea tantum enarrat, quae facto examine secundum fidei historicae leges verisimilia sunt, philosophos tradidisse, siue veritati consentanea sint, siue errores foueant. Valde contra hanc cautelam, turpiter neglectam peccauerunt, qui theologiae naturalis historiam scripserunt: hi enim cum rectiores de Deo sensus sibi merito concepissent, vel ex secta et opinione sua assumsissent veterum philosophorum, barbarorum Graecorumque mentem misere euerterunt, et ubique sana, pulchra, commendanda viderunt, illis indignati, qui crassos inter eos errores detexerunt, statueruntque cum D. Paulo, eos in sapientia sua insaniuisse. Qui si hoc vnum cogitauissent: omnem veteris theologiae naturalis orthodoxiam euerti, hoc principio sensu absoluto ab omnibus admissio, ex nihilo nihil fit, indeque eos vel materiam ex Deo deriuauisse, vel Deo coaeuam statuisse, ab ineptiente ista interpretatione philosophiae veteris abstinuissent.

Pag. 20. l. 26. seqq. haec ad annotationes rectius posito (*) referri possunt.

Pag. 22. l. 23. post verbum, *Platoniorum*, add. illa ex Orientis et Aegypti disciplina in sua arua deriuantium.

Pag. 24. l. 29. pro *dum* l. *cum*, p. 27. l. 32. pro *ratio* l. *rationem*, p. 32. l. 7. pro *quae* l. *qui*.

Pag. 33. not. o. add. Dedimus specimen codicis egregii cum versione *capitis primi* Germanica, variantibus lectionibus et annotationibus in *Collectan. criticis ad historiam L. Germ. spectantibus Vol. VI. P. XXII. p. 171. seq.* ubi plura de pretio huic collectioni statuendo.

Pag. 43. l. 16. pro *secundi* l. *secundae*, p. 45. l. 16. pro *recipientium* l. *reiciientium*, p. 46. l. 9. pro *Antidiluuiana* l. *antediluuiana*, p. 47. l. 24. pro *quos* l. *quas*, p. 49. l. 8. post, *fuisse*, add. *asserit*, p. 61. l. 9. pro *posteris* l. *posteros*. p. 69. l. 35. pro *exornatum* l. *exornato*. p. 73. l. 1. pro *et* l. *ex*.

Pag. 59. not. d. fin. add. Cel. WEIDLERI *histor. astronomiae c. II. §. 4. p. 16. 17.*

Pag. 81. l. 20. post *quo*, add. *tempore* p. 82. l. 13. 14. pro *deceptum* l. *seductum ineptoque praeiudicio fascinatam*.

Pag. 92. l. 40. pro *solae* l. *solo*.

Pag. 95. l. 35. pro LIBANVS, l. LIRANVS.

Pag. 101. l. 11. ad not. Illustrari haec ex iis possunt, quae de astronomia Iobi habet WEIDLERVS *hist. astronomiae c. II. §. 13. p. 24.* ea vero luculenter probant, praeter vulgarem quandam fiderum notitiam nullam artis huius cognitionem habuisse Iobum.

Pag. 103. not. ff. post 504. pon. addatur praeter *chronologos*, ib. not. k. pro *credibile* l. *credibiles*, p. 107. l. 10. pro *qui* l. *quae*, p. 108. not. l. pro *libros* l. *libris*, p. 112. l. 32. pro *παροπαράδοια*, l. *παροπαράδοτα*, p. 115. l. 35. 36. pro *iactabant* *auerruncabant* l. *iactabat* *auerruncabat*, p. 128. l. 19. pro *puncto*, pon. *comma*.

Pag. 130. l. 6. pro *quo*, l. *qua*. l. 10. post VITRVVIO add. not. l. IX. c. 4. vbi eius hypotheses astronomicas exponit.

Ib. l. 21. add. not. Distinguendum esse Berosum historicum ab astronomo contendit RICCIOLVS *almagest. p. 195.* quem alii sequuntur, eo quod HERODOTVS in *Euterpe p. 68.* Graecos polum, gnomonem, partesque diei duodecim a Babyloniis didicisse scribat, quod ad nouam Berosi gnomonicam respicere putant: Berosum historicum autem Alexandro M. fuisse contemporaneum constet. Ast nisi fallimur, viri docti perperam supponunt, Graecos ante Berosi tempora nihil astronomiae a Chaldaeis didicisse; cum contrarium indubitatis veterum testimoniis constet.

Ib. §. 20. add. not. conferri cum loco hoc Sexti potest, DIODORVS SICVLVS l. II. c. 8. addique Cel. WEIDLERVS *hist. astronom. c. III. §. 14. p. 40. seqq.*

Pag. 143. l. 23. pro *affere* l. *afferre*.

Pag. 148. l. 36. post *confedit*, add. not. conferri hic omnino debet viri elegantissimi ingenii THEOPH. SIGFR. BAYERI nimis mature historiae orientalis literaturae morte erepti *historia regni Graecorum Baetriani §. 6. seqq.*

Pag. 171. l. 7. pro *quo* l. *qua*, p. 173. l. 3. pro *apte* l. *ante*.

Pag. 179. l. 9. post, *eos*, add. *philosophorum*.

Ib. ad finem §. XII. add. not. (*) Ex dictis de viri cuiusdam docti ex Benedictinorum sodalitis inter Gallos sententia iudicandum est, qui nuper supresso nomine edidit, *explicationem diuersorum monumentorum singularium, quae ad religionem vetustissimorum populorum pertinent, Paris 1739. 4.* lingua Gallica, quemque libri *de religione veterum Gallorum* auctorem, IACOBVM MARTINVM esse, constat, et facile lectori ex iis, quae contra Maffeiū disputat, subolebit. Is cum minime sibi placere omnia, quae de Mithra cultuque Mithriaco dixerunt celeberrimi viri, Philippus de la Turre, et Scipio Maffei, fateretur, antri cultusque Mithriaci nouam ipse dare explicationem constituit, supponens, Mithriaca sacra, qualia ad Romanos perlata sunt, non tota esse Persica, sed a piratis Phrygibus ad suae religionis normam attemperata, nec totam Mithrae

Mithrae religionem exhibere aliud, nisi imaginem solis eclipsin patientis et ab eo conflictu victoriam reportantis, congratulantibus reliquis stellarum planetarumque constellationibus, quae hunc hostem vinci gaudeant. Ceremonias Mithriacas autem ex Iudaismo et Christianismo esse desumptas. Quibus innixus vir doctissimus dicam viris celeberrimis satis grauem scribit, qui aliam explicationem sequuntur, et imprimis Porphyrium insectatur, quod rerum vniuersi causam Mithram significare, scripserit. Nos in viro docto variae eruditionis copiam suspicimus, potuisse autem nonnullis eum patrum coniecturis et explicationibus fidere, et licet nosset, eos omnia ad partes suas rapere, quae Christianis fauere credebant, siue vera essent, siue falsa, eorum tamen interpretationes sequi, et his fulcris vere ficulneis nouam istam interpretationem Mithrae inaedificare, merito miramur. Non examinabimus totam dissertationem; facient id, qui sibi constitutum habent, veteres ritus explicare: praeterire tamen hoc loco non possumus ea, quae nostrae, quam de Mithra dedimus, explicationi obstat videntur. Et I. quidem diligenter monemus, P.P. ineptos prorsus in hoc argumento iudices esse, eo quod arcanos veterum gentilium cultus et religiones satis explorare nec potuerint, nec voluerint, cum ita sibi proposuissent, omnem gentilium religionem exponere, vt constaret, aut Hebraeis surreptam esse, aut innumeris absurdis constare; id quod in P.P. lectione versato notissimum esse putamus, nec negari posse confidimus, nisi ab eo, qui coeca veneratione viros pietate magis et doctrina, quam iudicii acumine et accuratione claros prosequitur. II. Romanos quoque aequae ineptos esse iudices Orientalium religionis, nemo inficias iuerit, qui cogitauerit, eos ad patria placita, illius ceremonias plerumque retulisse, hincque innumera aliter exposuisse, quam Orientalium mens fuit. Quae obseruationes quam plurimis exemplis facile probandae vbi supponuntur, vt negari a veterum rerum perito non possunt, ita vno ictu omnem viri doctissimi explicationem euertunt. Ea enim tota nititur testimonio Luctatii, scholiastis Statii, qui ad STATII *Thebaid.* l. I. sub finem cultum Mithriacum ita delineat: *Persae in spelaeis coli solem primi inuenisse dicuntur, et hic sol proprio nomine vocatur Mithras, qui que eclipsin patitur, ideoque intra antrum colitur. Est enim in spelaeo Persico habitu, leonis vultu cum tiara, utrisque manibus bouis cornua comprimens, quae interpretatio ad lunam dicitur: nam indignata sequi fratrem occurrit illi et lucem subtexit: sol enim lunam minorem sua potentia et humiliorem docens, taurum insidens cornibus torquet.* Non excipiemus, quod facere poteramus, contra hunc testem, eum et Latinum esse, et aetate adeo a veteri ista religione remotum, vt eius interpretatio ex ingenio nata potius, quam Persarum relationibus accepta videri queat. Concedemus potius, eam explicationem apud Romanos mysteriorum Perficorum ignaros obtigisse, velut facilem et obscurissimo dogmati leuem

leuem significationem et popularem sensum affingentem. Hoc enim facile persuaderi nobis patiemur, modo certiora, quam attulit eius rei testimonia vir eruditissimus coaceruauerit. Ast veram esse, et Persarum menti conformem, eo minus nos conuincit dissertatio eius, quo magis ipse supeditauit, ex quo ea confutari queat. Ipse enim p. 242. obseruat, Mithram a sole saepius distingui, ad inscriptionem apud GRVTERVM prouocans:

D. I. M. ET SOLI SOCIO

id est, *Deo inuicto Mithrae et soli socio*. Addere potuisset, Mithram in eo ipso monumento, quod aere expressum est, a sole distingui, vnde recte explicuit adiectam inscriptionem:

DEO SOLI ET INVICTO MITHRAE.

Quod si Mithras a sole distinguendus est, qua ratione solis eclipsin patiens dici potest, quo tamen sensu esse haec omnia intelligenda magna confidentia statuit? Et annon haec ipsa nos eo deducunt, vt dicamus, Mithram aut plane diuersum esse a sole, aut hunc eius tantum imaginem. Viderit itaque vir doctissimus, qua ratione soli eclipsin patienti, et in hac sola, quod vult, relatione considerato et Mithra vocato eam nominis significationem tribuere queat, vt innuat Dominum, protectorem, patrem. Aut qua ratione sol in hoc statu eclipseos dici possit mediator inter bonum et malum, ex vtriusque influxu participans, eumque cum inferioribus communicans. Haec enim aut nullum aut incommodum sensum, stante hac explicatione admittunt. Neque reliqua meliorem fidem inueniunt, quae afferuntur. Et facile quidem concedimus, Porphyrium in explicando cultu Mithriaco falsum fuisse, licet comprehendere nequeamus, quomodo consentiant, quae Cl. auctor habet vno loco: Porphyrium hanc explicationem ideo excogitasse, vt Christianos eo melius refelleret, cum alia non haberet, quae illis opponeret; et altero, eum a Gnosticis hanc explicationem didicisse, at deprehendisse, se ab iis deceptum esse; prius enim cum posteriore constare non potest. Quaecunque autem esse potest Porphyrii auctoritas, certum tamen est, non ad ipsum modo solem velut simulacrum et habitationem aeterni et diuini ignis, sed ad hunc ipsum imprimis veteres Mithram retulisse, vt in ipsa tractatione luculenter demonstrauimus. Quamuis itaque sol Mithrae symbolo nonnunquam veniat, ascendendum tamen altius, et diuinus ille ignis fons aeternus omnis emanationis cogitandus est, quem ignis symbolo Persarum philosophi (de his enim sermo est, non vero de religione plebis) adorabant. Et hinc sine dubio Mithras ex petra prognatus fingitur, eo quod prouocatus ex filice ignis symbolum est ignis diuini siue Mithrae, qui ex se emanare facit omnia. Prorsus autem ἀπεροδύοντων est, Mithram ad mediatoris dignitatem ex homine euectum esse; hoc enim doctrinae Persicae repugnat, quae Mithram Oromasdi et Arihmanio praeponit praeficitque, vt suo loco

loco demonstratum. Nec ideo μεσιτης dicitur a Plutarcho, quod mediatorem agat, sed quod medius sit inter lucem et tenebras, ita vt vtrumque ex eo principium effluerit. Ex quibus constare putamus, viri praestantissimi explicationem neque cum vulgari Persarum religione neque cum philosophica conspirare. Illa enim Mithrae nomen soli quidem interdum tribuit, sed vt summo et diuino fideri, influxum vi animae diuinae inhabitantis largienti. Haec Mithram primum aeterni diuinique entis fontem esse, ex quo actiuum et passiuum principium, illud spirituale, hoc materiale, lucis nimirum et tenebrarum effluxit, statuit. Reliqua Mithriaca facile accommodari huic explicationi possunt, si emanationis systema adhibeatur, nec opus est ad eclipsin solis refugere. Quam tamen maiori verisimilitudine exposuisset auctor, si ad pugnam inter Oromasden et Arihmanium, lege emanationis ex Mithra factam prouocauisset, illo tandem hunc vincente, et cunctis in lucidum illum fontem primaeuum redeuntibus. Ceterum vtrum verum sit quod auctor p. 278. asserit, Zoroastrem esse fundatorem religionis Magorum, nec Mithriacum cultum ab eo proficisci potuisse, eo quod teste Iustino, is natus sit ex locis Isaiae et Danielis male intellectis, hi vero prophetae multis seculis priores sint Zoroastre, Lectori, ea quae ex veteribus copiose de Zoroastris aetate attulimus, expendenti diiudicanda relinquimus. Indubitatum sane est, Magorum religionem Zoroastre esse antiquiorem, hunc autem Mithrae cultum non inuenisse, sed rationibus philosophicis incrustatum suo systemati applicuisse: quemadmodum nec Mithriaca religio ex Isaiae vel Danielis locis male intellectis proficisci potuit, cum in se vetustior sit, et ad initia monarchiae videatur referenda esse. Danielis vaticinia autem Persis ante Zoroastris tempora innotescere non potuerunt, quem aetate illi supparem fuisse, rationes temporum et testimonia Arabum demonstrant. Facile haec omnia auctor vidisset, et quam exigua Iustini in hoc argumento auctoritas fidesque sit, intellexisset, si vel vnus Pocockii vel Hydei libros inspexisset, accuratiorem Zoroastris historiam inde hausturus.

Pag. 180. l. 11. pro *eum*-l. *enim*. p. 181. l. 13. pro *absolute* l. *absoluto*.

Pag. 184. post l. 20. add. Videtur autem vero admodum simile, Zoroastrem seruato suoque systemati adaptato fiderum cultu ἀερολάτρης, quorum tum inter Persas plena erant omnia, conciliare sibi voluisse, vt eo facilius nouam religionis emendationem reciperent. Ita enim astutissimum impostorem religionem κατ᾽ἑσσαν per omnia fere callide suis placitis attemperauisse, ex comparatione institutorum veterum et Zoroastrearum est manifestum.

Ib. l. 32. pro *haec* l. *hae*. p. 188. l. 39. pro *Osello*, l. *Pfello*.

Pag. 189. ad §. 16. add. not. Pluscula sunt quae de Persarum praeceptis moralibus tradit liber Sad-der, ea autem cur hoc loco asserre neglexerimus, ex auctoritate libri recentiori demum conscripti, et ad vetustissimi temporis doctrinam probandam minime idonei intelligitur. Pleraque

etiam generalibus naturae praeceptis constant, quaedam aperte Muham-medismum sapiunt.

Pag. 191. l. penult. pro *quam* l. *quem*, p. 193. l. 7. post *vernacula* pon-meruerit, l. 15. pro *Bituma*, l. *Biruma*.

Ib. l. 34. post *Samanaeorum* add. (*) et in not. Baëtrianorum Samanaeos non alios fuisse, nisi sacerdotes sectae Zoroastris, ex nomine eorum Schaman, quod *gemere* significat, Magorumque modum precandi suspiriis plenum innuit, suspicatur TH. SIGFR. BAYERVS, *hist. Baëtr. regni* §. 6.

Ib. not. g. pro *POSTER.* l. *POTTER.*

Pag. 202. not. n. add. Eandem sententiam suam nuper fecit, et ad Tar-tarorum Lamam ingeniosa coniectura applicuit Cel. MOSHEMIVS, *hist. eccles. Tart. c. III. §. 6. p. 137.*

Pag. 212. in fine §. VIII. add. not. Non obliuiscendum vero in Indorum historia, eos, praecipue Baëtrianos, hisque finitimos populos post Graecorum, duce Alexandro M. aduentum, eiusque sub successorum imperio literas et philosophiam Graecam quoque recepisse, et quicquid elegantiae literariae et philosophicae habuerunt, ex his fontibus hausisse. Id quo minus prolixè probemus, otium nobis fecit eruditissimi BAYERI diligentia, l. c. §. 48. *seqq.* qui doctissimis rationibus id confecit.

Pag. 213. l. 13. del. *et desertae*.

Pag. 215. l. 27. post, *sanctissimus vir*, add. *disseminauit*.

Pag. 220. l. 7. post, *scrinia*, add. *non*. p. 224. l. 18. pro *redeant* l. *redeunt*.

Pag. 226. in fine §. VIII. add. Qua de re cum in historia philosophiae Saracenicae dicendum sit, reliqua, quae heic moneri possent, ad eum locum reicimus.

Pag. 262. lin. 29. add. in not. HERODOT. l. II. p. 66. DIODOR. *Biblioth. l. I. p. 61.*

Pag. 269. l. 28. pro *hanc* l. *hunc*.

Pag. 273. not. g. add. Videndus DIOD. SIC. l. I. p. 63. LAERT. l. I. §. 11. HERODOT. l. II. p. 56. et quos alios laudant MENAGIVS ad l. c. Laërt. atque REIMMANNVS *antiq. liter. Aegypt.* §. 16. p. 27. 28.

Pag. 274. not h. add. TATIAN. *orat. ad Graec.* p. 141. CLEM. ALEX. *Strom. l. I. p. 306.* PORPHYR. *vit. Pythag. n. 8. p. 8.* IAMBlich. *vit. Pyth. c. 29. p. 134.*

Ib. not. n. add. Alexander Polyhist. apud EVSEB. *praep. l. IX. c. 17.*

Pag. 275. ad l. 8. add. not. Ex quo intelligi potest, valde improprie loqui STRABONEM l. XVII. p. 1135. scribentem: οἱ ἱερεῖς καὶ φιλοσοφίαν ἥσκειν καὶ ἀστρονομίαν, *sacerdotes in philosophia et astronomia se diligenter exercebant.* Hoc enim si admittendum pro vero, non sensu Graecanico intelligendum est, sed Aegyptiaco, quo quicquid vulgo inuidebant sacerdotes, philosophia vocabatur. Verisimile tamen, sub Graecorum imperio Aegyptios etiam astronomiam philosophicam discere coepis-

coepisse, fecus ac vult Strabo, qui Graecos astronomiam ab Aegyptiis accepisse, eorum iactantia deceptus contendit. Plato enim et Eudoxus astronomicam eruditionem non tam Aegyptiis, quam Pythagoreis suoque ingenio debuerunt, quamuis contrarium visum sit Iamblichō et Alexandrinae sectae philosophis aliis ex antiquitate Aegypti suo conditori gloriam quaerentibus. Siderum tamen motus quosdam obseruauisse Aegyptios non negamus, ad quas obseruationes prouocat ARISTOTELES *de coelo l. II. c. 12.* sed cuius eae generis fuerint, ex dictis iudicandum est.

Ib. not. s. add. p. 73.

Ib. l. 29. add. not. Multis probari posset, musicam Aegyptiorum fuisse popularem non philosophicam, si id ageremus. Quaecunque enim apud veteres de ea re occurrunt, id modo euincunt, ad laetitiae publicae vsum Aegyptios musicam adhibuisse. Id de sacris publici gaudii causa institutis tradit IULIVS POLLVX *l. IV. c. II. p. 193.* et de viris atque foeminis in Aegypto nauigantibus ad sacra Dianae in vrbe Bubasti celebranda, HERODOTVS *l. II. p. 49.* Sistrorum quoque, siue crepitaculorum aeneorum vsus, quem ab Aegyptiis ad Abyssinos transiisse notat IOBVSVS LVDOLFVS *hist. Aethiop. P. II. p. 380.* testis est, non tam ad harmoniae rationes, quam ad sonum et concentum eos respexisse. Scilicet ipse Osiris, si verum est, quod DIODORVS *l. c.* habet, musicorum agmen circumduxit, ad cicurandos feros vulgi Aegyptiaci animos. Haec ad philosophiam inter Aegyptios faciunt plane nihil.

Pag. 277. not. k. add. Prouocat quidem Borrichius ad locum quendam Eusebii ex veteri scriptore narrantis, Democritum in Aegypto auri argentique atque lapidum naturam examinasse, et de ea re librum scripisse, cui narrationi fidem adhibet Ven. REIMMANNVS *l. c. p. 82.* sed deceptum esse Eusebium a libro Democrito supposito, suo loco monebimus, nec ex hac quoque libri illius inscriptione chemica peritia exsculpi potest.

Pag. 290. l. 17. pro *κατ᾽ἐντὶ* l. *κατ᾽ἑσθ*, p. 295. in marg. pro *de Deo* l. *de anima*, p. 299. l. 35. pro *frusta* l. *frustra*, p. 305. post finem capitis add. not. Curiose et erudite de philosophia Aegyptiorum per omnes eius partes, quales encyclopaedia Graecanica exhibet, dispexit, licet criticum examen non adhibuerit cel. REIMMANNVS, in *antiquitat. literar. Aegypti* §. 12. *seqq. p. 20. seqq.* non autem in ea tractatione deprehendimus, ex quo illa, quae de philosophia Aegyptiorum disputauimus, insigniter augeri queant. Nam is ipse recte Caussinū et Kircherum exagitat, qui dialecticam et metaphysicam Aegyptiacam nobis vendiderunt. Vtramque enim disciplinam Graecam originem agnoscere, ex dicendis constabit. Apposite quoque verba affert MORHOFII *polyhist. lit. T. II. l. II. c. 9. p. 176.* monentis Aegyptiorum principia physica in obscuro latere, quoniam nullos habeamus libros,

vel paucissimos, qui aliquid eius rei tangant, cum haec mysteria solis sibi seruarint sacerdotes aeterna fide celanda, nec nisi literis aenigmaticis quicquam eius prodiderint. Vnde reiectis dogmatibus phyticis ex Pseudo-Hermetis libris a viris doctis Franc. Patricio et Io. Pico Mirandulano hauſtis ea tantum capita phytica repetit, quae attulit L A E R T I V S l. I §. II. nosque prolixè explicuimus. Ethicae porro Aegyptiacae laudes, ab oraculo decantatas, quas ex Porphyrio repetit E V S E B I V S de praep. l. IX. c. 10. frustra iactari, nec tam pulchra hedera dignum ab iis vinum vendi rectè obseruat, id quod dogmata illa moralia, quae ex recentioribus nonnullis scriptoribus collegit, satis ostendunt: quae nos quoque tetigimus. Quae vero de legibus ab Ilide latis librisque Hermeticis, de politico regimine, deque sacerdotum officio principes consilio suo iuuandi pro ciuili Aegyptiorum philosophia vel inuenta ad colendam terram facientia, pro oeconomica eorum scientia asserenda adducuntur, ad rem nihil facere, quilibet videt, qui, quid philosophia sit, et qua ratione vel a prudentia practica vel legislatoria empirica differat, intelligit.

Pag. 306. l. 35. pro *Athiopas* l. *Aethiopas*, p. 309. l. 38. pro *Agyptios* l. *Aegyptios*.

Pag. 308. not. nn. add. Sunt quidem apud Iulium Firmicum et Macrobiū quaedam Aegyptiaca de motu Mercurii et Veneris, de cyclo Sothico, de periodo solari, de magnitudine orbium coelestium, et similia, diligenter collecta a Cel. WEIDLERO *hist. astronom. c. 4.* sed ea recentiora, si non omnia, pleraque tamen videntur, et tum demum exculta ab Aegyptiis, cum Graecanicis disciplinis enutrentur.

Pag. 311. ad fin. §. 5. add. not. Alia quae mores Aethiopum concernunt, sed institutionem magis et consuetudinem, quam philosophiam moralem spirant, lege apud DIODORVM l. III. p. 145. seqq.

Ib. not. a. add. CICERO *Tusc. Qq. l. V. c. 3.* VITRUVIVS *Architect. l. VI. c. 10.* VIRGILIUS *Aeneid. l. I. v. 741.* Quid veteribus columnae Atlantis fuerint, vide apud ARISTOT. *de coelo. l. II. c. 1.*

Pag. 312. l. II. pro *Alante* l. *Atlante*.

P. 313. not. a. Accurate multaque eruditione de Celtarum nomine, quod plerique scriptores confundunt differuit, hosque populos potiorē Europae partem occupasse demonstrauit, vir praestantissimae eruditionis SIMON PELLOVTIERIVS, quem honoris et amicitiae causa nominamus. Cuius *historiae Celtarum tomus primus* demum prodit, cum nostra iam typis edita essent. Quem librum reconditae eruditionis et vastae lectionis plenum lectorem hoc loco consulere iubemus, multam inde lucem argumento huic promittentes, quam ex altero tractationis elegantissimae tomo, qui doctrinam Celtarum enarrabit, longe maiorem speramus.

Pag. 314. not. f. add. Eleganter doctèque id probauit eruditissimus PELLOVTIERIVS, l. c. l. II. c. 10. p. 380. seqq. qui rectè quoque obseruat contem-

contemtum literarum et notitiae legendi scribendique causam esse, tum inopiae monumentorum veterum, quae de Celtis possint consuli, tum culturae poëseos, eo quod carminibus res gestas comprehendere, quam annalibus describere maluerint.

Pag. 316. not. t. add. *hist. Celt. l. II. c. II. p. 406. seqq.* vbi luculenta veterum de hac re testimonia afferuntur.

Ib. not. z. Druidum et appellationem et institutum ex Hibernia derivandum esse contendit Io. TOLANDVS, inter cuius *opera Anglico idiomate Londini c1700cXXVI* edita, sunt tres epistolae specimen maioris, quod moliebatur, operis, *de historia Druidum*. Obseruat is inter alia, Drui esse vocem Hibernicam, vel corrupte Droï et Draoi, quae quercum indicat: hodie quoque apud Hibernos Drue magum esse, Druidheacht, magiam, Slatnan Druidheacht virgulam magicam: id quod inuit, inter Druidas magiam summum locum tenuisse. Confirmat hoc appellatio hodiernum inter Sueuos nostros obuia, qua sagam, *eine Drut-te* vocant.

Pag. 318. l. I. sine discrimine scribunt plerique, Druidarum et Druidum. Obseruatum autem TOLANDO *l.c.* melius Druis dici, quam Druida, ex Hibernico Drui enim, pluralem formari Druidhe, vnde Latinorum Druis, et plurali numero Druides ortum, Druidas autem foeminas hoc institutum sequentes accuratius significare. Druidae tamen terminationem masculino genere adhibet Caesar alique, et ille quidem et Druides vocat, et Druidas.

Pag. 320. l. 27. post, *indicauiſſe*, add. not. Probe id obseruandum, ne Druides cum Bardis confundantur, qui multis modis inter se differunt. Soli enim sacrorum praesides erant Druides, proprie ita vocati, Bardis in publico cultu cantum tantum curabant, et quae Druides sanxerant, carminibus comprehendebant. Conf. TOLANDVS *l.c.*

Pag. 321. l. 36. pro *philosophatum* l. *philosophati*.

Pag. 324. l. 24. ad not. De Britannorum Bardis obseruationes attentione et examine dignas affert Tolandus, qui hos Celtarum poëtas in tres classes diuisos fuisse monet, Priuardh, Poswardh, et Aruisvarhd, deque eorum carminibus, officio, auctoritate varia affert, apud ipsum legenda, cum ad philosophiae historiam proprie non pertineant. Testes tamen in re tantae antiquitatis fide dignos merito desideramus. Abundauisse olim hoc hominum genere Hiberniam, et hodie quoque quosdam superesse, Tolandus tradit. De hymnis vero Bardorum apud Celtas Germanosque eleganter differit Cl. PELLOVTIER. *l.c. l. II. c. 9. p. 349. seqq.*

Pag. 329. l. 35. ad verba: *numina adhaesiſſe*, add. not. Luculenter id historia Augustae nostrae vetustissima probat, qua tradente nouimus Deos Romanorum cum armis gentis vetera Numina eiecisse, et in hac colonia receptos fuisse, qua de re erudite differentem videtis magnum VELSERVM nostrum, *rer. Augustan. l. I.*

Pag. 342. l. 16. pro *qui* l. *quae*.

Pag. 343. not. b. Digna imprimis, quae heic consulatur Cel. MAFFEI tract. *de gente Hetrusca* patrio sermone edita c. 17. 18. 19.

Ib. not. f. add. CICERO *de diuin.* l. I. SENECA *Qq. nat.* l. II. c. 32. FESTVS l. VI.

Pag. 344. ad l. 24. Obiciat hic aliquis: fragmentum hoc Hetruscum apertissima suppositionis indicia prae se ferre, verbis ex sacro codice desumptis. Non negamus hoc, et impostorem quendam Hetruscam hypothesein ita comisse, vel plane haec omnia supposuisse omnino suspicamur. Ast innuit tamen hoc fragmentum, licet confictum, de periodica rerum origine vetustissimam Italiae gentem fuisse locutam, alias simile quid tribui illi non potuisset. Illam vero hypothesein longe aliud sonare, quam Mosaicam, et Stoicos sensus fundere, adeoque impudenter ab impostore quodam cum Mosaicis confusa esse, cum illustri Moshemio statuimus.

Ib. l. penult. pro *consequatur* l. *consequitur*.

Pag. 346. l. 5. post *sunt* pro *puncto*, pon. *comma*.

Ib. l. 10. add. not. Iuuat hanc coniecturam, quod apud Etruscos Mithras quoque cultus esse videatur. Afferuerunt id non contemnendis rationibus, licet explicatione inter se diuersi, illustria Italiae literatae hodie ornamenta, SCIP. MAFFEIVS, l. c. et praestantissimus GORIUS in *musseo Etrusco*. Mithram autem summum Deorum regem esse, a quo et ex quo omnes Dii Deaque participant, ex supra dictis constat. Ex quo verisimili coniectura suspicamur, Mithram apud eos, qui vulgi religionem φιλοσοφικότερος considerarunt, vniuersum, ex quo fluxerunt omnia, designasse. Ceterum illustris Maffei quoque, dum scientiarum inter Etruscos culturarum vestigia explorat, physicam eorum eruditionem probare contendit, iis tamen rationibus, quae, si quid videmus, philosophiam aliquam naturalem non euincunt. Disciplinae enim, quas ab Etruscis didicit Romana iuuentus, non ad res naturales cognoscendas, sed ad religionem sine dubio pertinuerunt. Diodori verba autem, physicam iis doctrinam tribuentia quid sibi velint, ex supra dictis patet. Nempe ista rerum naturalium cognitio signa et euentus ostentorum et meteororum naturalium explicabat, quod nihil facit ad philosophiam. Fulmen vero terra erumpere, quod Etruscis tribuit PLINIVS l. II. c. 52. simplici observatione didicere, cum ad fulmina ostenti causa diligentissime attenderent. Inde vero nostri temporis philosophia, quae phaenomenon hoc non modo notauit, sed rationibus philosophicis quoque explicuit, illis tribui nequit. Pythagoram autem Etruscum, quod vir summus contendit, fuisse, facilius dicitur, quam contra ea, quae ex veteribus infra de eius patria collecta exhibemus, probatur.

Pag. 349. l. 20. pro *qui* l. *quae*, p. 355. l. 23. pro *exarsum* l. *exarDESCENTem*, l. 31. pro *Traianos* l. *Troianos*.

Pag. 362. l. 29. add. not. non distincte quidem tradit Pseudo-Origenes, metempsychosin a Pythagora peruenisse ad Getas, ast cum a Pythagora philo-

philosophiam eos accepisse dicat, ea autem, quae exoterica fuit, hoc dogma velut cardinem comprehenderit, recte hoc ex testimonio Origenis concluditur.

Pag. 365. l. 13. add. not. Colonias ab Aegyptiis et Phoenicibus in Graeciam deductas veteres inquilinas, quos Pelasgorum nomine nobis narrat vetustissima Graeciae historia, expulisse, et per omnes fere terras dispersisse, veteres multis locis testantur, quae accurate enumerauit doctissimi PELLOVTIERII diligentia; qui recte quoque obseruauit, nouos colonos ex Phoeniciis, Aegyptiis Scythisque constituisse, *hist. Celt. l. I. c. 9. p. 67.* Is autem veteres Pelasgos Thraces fuisse, ingeniosa coniectura contendit, cui verisimilitudinem potissimum conciliat, quod Scytharum et Pelasgorum religio in multis conueniat; cultus Deorum simplex sine templo, vt ex oraculo Dodonaeo patet, quod ex quercu editum; reiecta idola, sacrificia oblata sola inuocatione numinis, non admissa singularia Deorum nomina; festi dies, solennitates et mysteria Pelasgis cum Thracibus communia, qualia sunt Deorum Cabirorum, festa Cotydica et Bendidia &c. Ex quibus, quid de religione veterum Pelasgorum ante Aegyptiorum et Phoenicum aduentum in Graeciam statuendum sit, iudicari potest. Cum autem Thraces Scythaeque theogonias cudere consueuerint, quales et Aegyptii et Phoenices deamabant, hinc fontes fabularis theologiae Graecae detegi facile possunt.

Pag. 377. l. 18. pro *origiae*, l. *magiae*.

Pag. 378. not. t. add. verba ipsa epigrammatis haec sunt:

Ὅσποτε καὶ τελετὰς μυσηρίδας ἔυρετο Βάκχος
καὶ εἶχον ἡρώων ζευκτὸν ἔτευξε ποδί.

*Qui olim etiam sacrificia arcana inuenit Bacchi,
Et carmen heroo iunctum fecit pede.*

Haec vero significare quoque possunt, heroici carminis maiestatem eum primum ad mysteria Bacchi decantanda adhibuisse.

Pag. 381. l. 32. pro *obducta* l. *obductum*, p. 398. l. 32. pro *igneam* l. *igneum*. p. 400. not. o. add. Alii sphaerae inuentionem Nausicaae Alcinoi filiae tribuunt, conf. Cl. WEIDLERVS *hist. astronomiae c. 1. §. 8. p. 7. p. 406. l. 29. pro tridentemque* l. *stridentemque*, p. 412. l. 38. pro *unum* l. *unam*.

Pag. 419 l. 17. pro *narrantur* l. *narratur*, p. 422. l. 32. pro *quos* l. *quas*, p. 420. l. 19. pro *quosdam* l. *quibusdam*.

Pag. 427. ad vocem *Θεὸν αὐτὸν* pon. not. Vrgent Homeri defensores, vocare eum Iouem *ὑπάτων καὶ πρῶτον Θεῶν*, et *ἄριστον* Odyss. ξ. v. 158. et γ. v. 155. Iliad. τ. v. 258. Odyss. τ. v. 303. facere infinitis modis Diis reliquis superiorem, Iliad θ. v. 20. et legislatorem, Iliad. α. v. 281. prouocant etiam
ad

ad testimonia PLVTARCHI in *Qq. Plat.* et PROCLVM in *Tim. Plat. l. II. p. 96.*

Pag. 428. l. 10. post *drachmis*, add. *contempsisse*.

Ib. l. 38. pro *poëriae*, l. *poëticae*, p. 430. l. 30. pro *cogantur* l. *coguntur*, p. 451. l. 31. pro *haec*, l. *bae*. 459. not. 9. col. 2. l. 1. pro *pactus* l. *nactus*, p. 462. not. g. l. 4. pro *quae* l. *quod*.

Pag. 477. not. add. Imprimis autem de fiderali scientia Thaletis confu-
lendus WEIDLERVS c. V. §. 5. p. 69. *seqq.*

Pag. 480. l. 24. pro *sectabimur*, l. *sciscitabimur*.

Pag. 492. ad finem §. 17. add. not. Docte de placitis Anaximenis astro-
nomicis differit cel. WEIDLERVS *hist. astron. c. V. §. 8. 9.* quo loco
tamen miramur, virum eruditissimum et acutum ad epistolae philosopho-
rum prouocauisse. Auctoritas enim eorum, qui eas adducunt inter vete-
res, tanta non est, vt ideo fidem inueniant, cum aetatis, quam menti-
untur, testimonia nulla habeant, et qui illas allegant post C. N. fere
omnes scripserint. Ratio autem satis apparet cur confictae sint, nempe
vt sophistae haberent argumentum, in quo eloquentiam demonstrarent.
Id scribendi ratio adeo manifeste euincit, vt alio argumento opus haud sit.

Pag. 496. l. vlt. pro *maius* l. *magis*, p. 506. l. 23. pro *facit*, l. *faciunt*,
p. 541. l. 35. pro *fuere* l. *fecere*, p. 552. l. 26. pro *reditus* l. *rediens*, l. 27.
pro *quod* l. *quam*, p. 573. l. 8. dele *initio*, p. 580. l. 6. pro *quos* l. *quas*,
l. 23. pro *iucundum* l. *iucundam*.

Ib. l. 35. add. not. Ex hac thesi clarissimum esse putamus, Cebetem
argumentum Pythagoricum scholae Socraticae principiis adaptasse:
haec enim Pythagorea non est, patebitque ex dicendis suo loco,
Pythagoram musicam, dialecticam, arithmeticam, astronomiam inter
necessarias philosophiae praeparationes retulisse. Socrates autem eorum,
quae ad vitae felicitatem animique emendationem vsum habere nullum
credebat, rationem quoque habendam haud esse statuit. Quod satis euin-
cit, non Pythagoreo philosopho, nec Stoico eandem tibiam inflanti, sed
Socratico Pythagorica dogmata Socraticis placitis attemperanti hanc tabu-
lam deberi. Et haec quoque causa esse videtur, cur expurgatricium vir-
tutum choro theoreticae in ea excludantur, nec ad intellectus perfectio-
nem, vt solebant Pythagorae affeclae, sed ad voluntatis integritatem et
virtutis acquisitionem referantur.

Pag. 596. l. 22. post, *differt*, add. *licet*, p. 601. l. 1. pro *sola* l. *solis*, p.
607. l. 22. post, *fuert*, add. *studium*, p. 613. l. 21. pro *quos* l. *quae*, p. 614.
l. 6. pro *de* l. *te*, p. 618. l. 26. pro *ipsae* l. *ipse*, p. 646. not. q. l. 5. pro
OLEARIO l. OLEARIVS, p. 654. l. 33. pro *a versu* l. *a versus ratione et*
structura, p. 656. l. 19. post, *inter se*, add. *dialogos*, p. 659. l. 35. post
Pythagoreos del. *accessit*, p. 661. l. 27. pro *vulgus*, l. *vulgum*.

Pag. 663. not. p. add. Platonem multa asseruisse, quae ipse nec intellexit
nec credidit, pulchre obseruat Io. BAPT. CRISPVS de *Plat. caute*
leg. distr. I. p. 22. qui, vbi copia rarissimi libri datur, meretur legi.

Pag. 665.

Pag. 665. not. u. post, *caute legendo*, add. *dist. I. libr. III. p. 65.* et passim: in eo enim scriptor subtilissimus totus est, et ex propriis principiis Platonem refellat.

Pag. 668. not. e. l. 2. pro *sylloge* l. *sylogae*.

Pag. 669. l. 35. add. not. Valde hanc philosophiae distributionem iuuat locus AVGVSTINI de C. D. l. VIII. c. 4. qui videndus. Mirum vero est, quod EVSEBIO communi PP. praeiudicio fascinato visum est, ab Hebraeis talem philosophiae diuisionem Platonem accepisse; ait enim, *praep. l. XI. c. 1. Ac primum quidem, cum tres in partes a Platone vniuersae philosophiae ratio diuidatur, in naturalem, moralem et logicam, deinde naturalis in sensilium contemplationem et spirituum intelligentiam, apud Hebraeos quoque tripartitum illud doctrinae genus reperias, quod nimirum antequam Plato nasceretur, affinia prorsus atque similia disputarint.* Quod quam miserum sit et ineptum, ex Hebraeorum philosophia suo loco accurate explicata, clarissime intelligitur. Rectius l. c. 2. ad Atticum prouocat EVSEBIUS monentem, *Platonem tripartitam hanc philosophiae distributionem sequentem coniunxisse partes omnes philosophiae in unum velut corpus, dispersas prius, ceu membra Protei.* Hoc enim, quod quidem perperam in laudibus eius ponunt Platonici, luculenter syncrētisimum Platonis diuersa systemata consarcinantem probat.

Pag. 672. l. 4. pro *expurgantur* l. *expurgentur*.

Pag. 676. ad. not. h. Adiciendus his scriptoribus THEOPHILVS GALEVS, qui in *philosophia generali* l. III. c. 4. de Platonis metaphysica siue theologia eiusque deriuatione et sacris fontibus egit. Cum his tantum non omnibus comparandae disputationes CRISPI de Platone *caute legendo* velut σοφὸν φέρεται; ne decipiamur.

Pag. 683. l. 12. pro *contrahet*, l. *contrahat*, ib. l. 25. pro *atomistico*, l. *atomistici*, p. 687. l. 26. pro *αὐτῷ* l. *αὐτῆς*, p. 891. l. penult. pro *eum* l. *cum*.

Pag. 694. l. 9. post, *adscribuntur*, add. not. Diligenter in hac quaestione, vtrum mens Platonis a primo Deo, quoad substantiam, differat, disquirat, eamque affirmando docte probat CRISPVS, l. c. *distrib. I. L. II. p. 35.* qui cum nostris meretur conferri. Nos locis Platonis adductis adiciamus eum, qui extat in *epistola ad Hermiam, Erasum et Coriscum* T. III. p. 323. ed. Steph.

Pag. 697. l. 26. post *personat* add. not. Inter ea vero maxime notari meretur Didymi definitio apud EVSEBIUM *praep. L. XI. c. 23.* Eorum quae pro naturae suae ratione sensibus usurpantur, certa quaedam in quouis genere ac definito exemplaria, quas ideas vocabat, Plato constituit. Et quemadmodum vnius sigilli expressae complures formae, ita prorsus ex vnaquaque idea vim naturarum ingentem existere; ideam porro sempiternam quandam essentiam esse vult, quae rebus singulis causata principiumque sit, ut qualis ipsa est, tales esse possint.

Xxx xxx 2

Pag. 704.

Pag. 704. l. penult. add. not. His addi tertia sententia potest, eorum, qui Platonem tres *ὑποστάσεις* posuisse, sed inter se essentiae dignitate et ordine valde discrepantes, statuit.

Pag. 705. l. 28. post *surrupissent*, add. not. Legendus quoque hoc loco CRISPVS l. c. p. 37. qui sobria multa monet.

Post *pergebat* add. not. Psychologiam Platoniam omnium fusissime examinavit IO. BAPT. CRISPVS, cuius tota *de Platone caute legendo* tractatio eo tendit, ut Platonicas de anima sententias examinaret. His vero (ut ob summam libri raritatem paucis eas enarremus) totam psychologiam Platoniam assertionibus comprehendit: animam nostram esse sine origine primam; a mente quadam pendere; animas simul omnes esse productas, et quidem ante corpus, et in coelo, finitoque numero, stellis pari. Animam tanquam in coelo ipsa deliquerit, mundum sublunarem speluncae loco subire, eidemque totum hoc, quod animando, corpus viuum reddit, in carcerem cedere. Animam vel ipsum corpus esse, vel corpore aliquo nunquam carere, id est, gaudere vehiculo; esse immortalem; rationalium brutorumque animas specie nequaquam differre videri; animalium generationem efficientis et materiae ratione, fabulosam, falsam, impossibilem ab eo asseri; rationalem animam formam non esse informantem; animam solam esse hominem; foeminae generationem adulterinam et praeter naturam asseri; animas migrare, recurrere in corpora, resurgere. Quae omnia, dum erronea esse in Platonis systemate demonstrat, impedito licet et obscuro dicendi genere, verum docta explicatione illustrat, in eo potissimum laudandus, quod ipsum magis Platonem, quam Platonicos recentiores consuluerit, et quot Plato *ἀόυστα* et absurda admiserit, clarissima demonstratione patefecerit; graui obiurgatione in eos inuectus, qui malefanam concordiam inter Platonem et Christum meditati sunt. Inter quos imprimis Steuchum Eugubinum merito fugillat, et opponi quoque debet THEOPH. GALEO in *philosophia generali* L. III. c. 2. f. 10. studiose quidem Platonis psychologiam tradenti, sed inepto conciliationis inter Platonem et Mosen studio, omnia subuertenti et quadrata rotundis miscenti.

Pag. 711. l. 36. pro *quos* l. *quas*.

Pag. 713. l. 14. pro *qui* l. *quae*.

Ib. not. n. add. Eleganter vero hanc animarum a Deo dependentiam mediatam ex rationibus Platonis exponit CRISPVS l. c. p. 11.

Pag. 716. l. 21. pro *qua* l. *quo*, l. 36. pro *delati* l. *delatae*.

Pag. 717. not. z. post, *caute leg.* add. *dist.* III. l. I. p. 453.

Pag. 718. l. 29. post *reducat*, add. not. Maxime hoc loco notandus est parallogismus Platonis, qui eodem ratiocinio, quo Deum esse concludebat, nempe, quod causa motus sit, animae quoque immortalitatem euincebat, non attendens, ita eam Deum fieri, et independentem. Plus itaque demonstrat in *Phaedone* et *Phaedro* quam demonstrandum erat, quo
nomi-

nomine fortiter etiam iugulat CRISPVS *l. c. distr. I. l. I. p. 13. qui* obscurae rationis Platonis: animam se ipsam mouere, lucem paulo clariorem accendit. Qui et *p. 15. seqq.* exponit, cur Plato animum esse dixerit numerum se ipsum mouentem, et, quam turpiter se dederit, ostendit.

Pag. 734. l. 9. pro cui l. qui, p. 735. not. a. col. 2. l. 13. pro *historico l. historicum*, p. 738. l. 19. pro *κατέντι l. κατέση*, p. 739. l. 6. pro *subolfacere l. perspicere*.

Ib. l. 27. add. not. Eleganter de hac animae definitione differens, IO. BAPT. CRISPVS *l. c. p. 15.* ipsos demonstrat, Platonicos fateri, numerorum rationem esse ignotam; quinque enim eius constitutis speciebus, sc. diuino, siue vniiformi, qui Deo competat, substantiali et immobili, qualis mens sit; animarum, qui se moueat, naturali, qui rebus naturalibus insit, et mathematico, qui reliquorum imago sit: recurrere eos ad Xenocratis definitionem, secundum quam anima sit substantia secundum numerum vna ex substantiis multis conflata, se ipsum mouens. Ita vero poetis eos magis quam philosophis verbis uti, et dicere ea, quae ipsi nesciant, nec definire possint, cum hi numeri aequae illis ignoti sint ac alii. Addit ex vero: *Tandem si hos velut Proteos vi coactos ita coërueris, ut vna simplexque sibi reddatur forma, et in ea consistant, et, quis sit ille numerus interrogentur, substantiam esse, tanquam a veritate coacti, respondebunt. Quorsum itaque tot numeris, tot harmoniis miseris remorari mortales?* Habes, Lector, egregium exemplum notionum terminorumque vagorum et nihil clari certique significantium, quibus abundat vetus et recentior philosophia.

Pag. 749. l. 18. pro *potioria l. potiora*, p. 756. l. 6. pro *inuidiam l. inuidia*, p. 761. l. 2. post, *homines*, add. *se*.

Pag. 772. l. 30. post, *sustinendis*, add. *libros*, p. 780. l. 1. pro *quo l. qua*, p. 800. l. 7. post, *qua* add. *libri*.

Pag. 804. l. 2. add. not. Prolixe contemptum veterumquem demonstrauit Aristoteles exposuit pec. diff. PAGANINVS GAUDENTIVS, in opusculo *de Pythagorea animarum transmigratione*. In ea, ut solent omnia Gaudentii, rarius occurrente, valde ob contemptam summorum virorum gloriam succenset Aristoteli, recteque obseruat, propriae gloriae immodicum amorem sic Aristotelem coëgisse se gerere; putauisse scilicet, pessundatis antiquis, se vnum placiturum, seque iura per scholas philosophorum daturum. Hinc in sequentibus more quidem suo, quo effudit magis obseruationes, quam cum cura scripsit, demonstrat, in plerisque male accusari veteres ab Aristotele, idque per exempla eundo ostendit. Recte quoque c. 22. p. 139. concludit: *Hunc Aristotelis morem fuisse, ut in omnibus prorsus controuersis arbitrum censoremque ageret, etiam in iis, quae non nouerat.*

Pag. 822. l. 37. pro *habent l. habet*, p. 824. l. 15. pro *cuius l. Alexandri*, p. 838. l. 32. pro *quae l. quas*.

Pag. 845. l. vlt. pro *Lyceo*; l. *Lycei*, p. 856. l. 13. ad vocem memorata, add. not. CLEM. ALEXANDRIN. l. I. *Strom.* p. 302. p. 859. not. n. pro *voluptatem* l. *voluntatem*, p. 861. l. 7. pro *qui* l. *quia*, l. 19. pro *vide*, l. *vid.* p. 862. l. 5. pro *is* l. *Themistocles*.

Ib. not. s. Ius ciuitatis Atheniensis pro temporum diuersitate distinguendum est. Ciuis enim initio erat qui alterutro ex parente Atheniensis esset. Aucto vero incolarum numero ex Solonis lege, ii tantum pro veris ciuibus habiti sunt, qui ambobus parentibus Atheniensibus nati essent. Abrogata tamen lex Solonis est, donec Pericles auctoritate sua vsus eam iterum populo persuaderet, de quo videlicet PLVTARCHVM in *Pericle*, qui tollendae eum legis auctorem iterum Atheniensibus fuisse ait, quia liberos omnes legitimos amiserat. Reuocata tamen est ab Aristophane rhetore in praetura Euclidis post eiektos tyrannos. Tantum vero huic iuri et dignitati tribuerunt, vt iureiurando pater teneretur profiteri, liberos legitime susceptos esse.

Pag. 863. n. z. l. i. pro *Ati*, lege *Anti*, pag. 865. l. 19. post *dicteriis*, pon. *et*, pag. 871. lin. 15. pro *natus* leg. *natum*, lin. 16. pro *praecipuae* leg. *praecipue*, p. 874. l. 19. pro *quo* l. *qua*, p. 897. l. 17. pro *asturare* l. *aestuare*.

Pag. 903. l. 3. a fin. del. *absurdum*, p. 922. l. 34. pro *euertendis* l. *euer-tentis*, p. 935. l. 23. pro *quo* l. *quod*, p. 949. l. 3. pro *qualitates formas-que* l. *qualitate formaque*, l. vlt. pro *quae* l. *qui* p. 950. l. 3. pro *facto* l. *facta*, p. 957. nota. a ad l. 4. a fine referenda. p. 973. l. 20. pro *auiae* l. *aliae*, not. z. l. 5. pro *totam* l. *totum*, p. 974. l. 10. del. *conficta*.

Pag. 977. l. II. pro *noua* l. *nouo*.

Pag. 981. not. k. add. Plura dabit WEIDLERVS *hiflor. astron. c. VI.* §. 18. p. 149.

Pag. 991. l. 20. pro *densissimo* l. *densissimae*.

Pag. 1004. l. 9. del. *in*, l. 14. pro *tetractis* l. *tetracty*. p. 1008. not. d. pon. l. 7. post *putant*.

Pag. 1026. l. 15. pro *decet* l. *tradit*, p. 1037. l. 3. pro *amari* l. *a mari*.

Pag. 1054. not. (kk) add. Operosus more suo in hac adstruenda concordia inter tetractyn Pythagorae et nomen tetragrammaton Hebraeorum est THEOPH. GALEVS *phil. gener. l. II. c. 3. §. 2. p. 172.* Qui tamen, dum obseruat, Pythagoreis tetractyn dici omnibus rebus inesse, facile palpare potuisset, longe aliud eam velle, quam quod ille putat.

Pag. 1055. l. 26. pro *precatus* l. *precatum*, p. 1056. l. 7. pro *quem* l. *quam*, p. 1058. l. vlt. ad not. Valde sibi hac inuentione placuit Pythagoras et tota eius schola. Obseruatum autem recentioribus nonnullis, et imprimis inter Italos ZARINO in *dubiis de inuent. Pyth. P. II. instit. c. 3. f. 75.* ex Germanis PRINZIO in *hifl. music. p. 55.* atque Cl. MATTHESONIO *orchestr. P. I. p. 301. P. II. p. 308. seqq.* verum consonantiarum fitum

fitum non deprehendisse Pythagoram: quorum tamen rationes heic afferre institutum vetat.

Pag. 1059. l. 32. pro *qui* l. *quae*, p. 1068. l. 4. pro *incerte* l. *incertae*, p. 1078. l. 9. post *obseruauimus*, add. Sequitur ex his, p. 1081. l. 9. del. *quoque*, p. 1082. l. 9. pro *quantum* l. *quantam*, p. 1086. l. 8. pro *praecedere*, l. *procedere*, p. 1094. l. 6. pro *quae* l. *quo*.

Ib. ad fin. §. add. not. Pythagoream animarum transmigrationem peculiari quoque dissertatione explicuit PAGANINVS GAUDENTIVS, quae cum aliis eius generis prodiit *Pisis* 1641. 4. In ea more quidem suo scopis dissolutis argumentum hoc ventilat, multa tamen affert, sobrie dicta, et imprimis ad huius dogmatis historiam facientia.

Pag. 1096. l. 13. pro *interdixit* l. *interdixerit*, p. 1098. l. 17. post *mysteriis*, add. *non*, p. 1102. l. 33. del. *tantum*, p. 1107. l. 34. pro *quae* l. *quod*, p. 1113. l. 6. pro *illud* l. *illum*, p. 1130. l. 15. post *vero*, add. *non*, p. 1137. l. 19. del. *ex*.

Pag. 1139. in fine n. VIII. add. not. Eandem sententiam amplexi ex huius scholae praeceptis sunt Nicetas apud CIC. *Q. q. Acad. l. IV. c. 39*. Plato, Heraclides Ponticus et Ecphantus: tum Seleucus Erythraeus apud PLUTARCH. *de plac. phil. l. III. c. 17*.

Pag. 1140. not. v. Conferendus omnino WEIDLERVS *hist. astronom. c. V. §. 19. p. 93. seqq.*

Pag. 1142. l. 11. pro *conuenire* l. *conuenirent*, p. 1173. l. 35. pro *mechanicam* l. *mechanicas*, p. 1191. not. m. l. 4. leg. quae est, certa dispositione; et secundum ordinem constitutum aliquid distribuere; hinc νομή, partitio vel distributio certa serie suscepta; νομὸς Platoni, qui ex aequo distribuit, et voces, ἀσέβνομος, γέβνομος, similesque.

Pag. 1197. l. 30. pro *consendum* l. *consenda*, p. 1199. l. 23. pro *qui* l. *quae*, p. 1210. l. 28. pro *quos* l. *quas*.

Pag. 1223. l. 4. add. Nititur hoc axioma ratione diuina, quae homini ex igne mundano participant inest. Ipse enim animus ita pars Dei Heraclitei est, et potest suo modo atque intelligit, quicquid ille valet et cognoscit.

Pag. 1243. l. 28. post *profluxit* add. *colluuias*, p. 1250. l. 30. pro *secuti*, l. *secutae*, p. 1264. l. 27. pro *incisus* l. *inuisus*, p. 1287. l. 9. pro *Epicuræ* l. *Epicuri*, p. 1292. l. 9. pro *multitudinis* l. *multitudines*, p. 1308. l. 17. post *quantitate*, add. *in*, p. 1314. l. 17. post *certae leges*, add. a natura datae insitaeque animo. p. 1318. l. 19. pro, *ne ii voluerunt*, l. *nec ii voluerunt*, p. 1321. l. 23. pro *idiotorum* l. *idiotarum*.

Pag. 1350. not. h. add. Legendus hic quoque et comparandus de hac Graecae philosophiae in Asia fortuna sub Alexandro B. TH. SIGFR. BAYERVS in erud. tr. *de regno Bactriano* §. 48.

Pag. 1351. not. l. col. 1. l. 2. pro *digladiarent*, l. *digladiarentur*, p. 1355. l. 3. pro *digressos* l. *digressas*.

SVPPLEMENTA ET EMENDATIONES

A D

TOMI II. P. I. LIBRVM I.

Pag. 8. l. 32. pro *Aristonileo* l. Aristoni Ceo, p. 13. l. 23. pro *facite*, l. facit, l. 33. pro *calcare* l. calcari, p. 18. not. a. col. 2. l. 18. pro *dicamus* l. dicemus, p. 33. l. 3. pro *fuit* l. fecit, p. 49. l. 30. pro *collocare* l. collocari.

Pag. 57. l. 31. pro *liberalitate caecidit* l. libertate cecidit.

Pag. 59. l. 3. pro *Stoica, sensa*, l. Stoico sensu, p. 60. l. 19. post *loco*, add. nihil, l. 36. pro *iis* l. is, p. 68. l. 10. pro *ea* l. et, p. 71. l. 26. pro *qui* l. quae, p. 72. l. 24. pro *quid* l. qui.

Pag. 34. not. r. add. *Histoire de IV. Cicerons, a la Haye 1715. conf. act. erud. 1715.*

Pag. 39. not. z. add. De Ciceronis exilio comparandus, qui illud accurate digessit excussitque MORABINVS pec. dissert. lingua Gallica, Parisiis 1725. edita. conf. *Journ. des Savans 1725. Mai art. 10.*

Pag. 46. not. i. add. Ciceronis philosophiam qui laudaret inuentus est nonnemo in Academia Lugdunensium eruditorum, cuius de hoc argumento dissertationem exhibet ARCHIMBAÏD *recueil de pieces fugitives T. III. art. 5.*

Pag. 76. l. penult. pro *decentem* l. decoram, p. 85. l. 3. pro *eam* l. eum, p. 87. l. 31. pro *animo* l. animi, p. 90. l. 33. del. *Philippus*, p. 96. l. 6. pro *locum* l. locus, p. 98. l. 28. pro *Liuiæ* l. Liuia.

Pag. 102. l. 36. pro *timidos* l. timidas, p. 104. l. 21. pro *parebat* l. parabat, p. 116. l. 20. pro *obitat* l. obibat, p. 120. l. 15. pro *quos* l. qui, p. 121. l. 22. pro *urbis* l. orbis, l. 35. pro *quod* l. quo, p. 124. l. 14. pro *redimitam* l. redimitum, l. 30. pro *verum* l. veram, p. 137. l. 19. pro *vnam* l. vnum, p. 138. l. 21. pro *quo* l. queis, l. 38. pro *Philostrates* l. Philostratus, p. 140. not. r. col. i. l. 2. pro *supçonner* l. subçonnez, p. 142. l. 16. pro *tribuntur* l. tribuuntur, p. 143. l. 10. pro *eadem* l. eodem.

Pag. 145. l. 3. post *miranda*, add. not. Nec obiici possunt imagines celestiacae, ad quarum mirandos effectus suo adhuc tempore editos prouocare Cendrènum, Anastasium, aliosque supra p. 136. not. k. obseruauimus. Quamuis enim præfracte negare nolumus, eiusmodi talismanes et amuleta vel effinxisse Apollontum, vel illi tamen apud Graecos tributa esse, plurimumque virtutis illis plebem adscripsisse: quorum illud professio magica Apollonii suadet, hoc Graecorum testimonia innuunt: notum tamen est, et ex historia eclecticorum infra danda constabit, hos homines impostores talia saepe numero conlasse, et imperitae plebi ac superstitioso cuique ita imposuisse. Qua-

lia

lia vt auctoritatem acciperent, Appollonio auctore ea fabrefacta eos dixisse, et ex hoc genere imagines Byzantinas et Antiochenas fuisse est verisimillimum, Scriptorum autem adductorum, hominum Graeca fide celebrium, testimonium non sufficit ad probandam earum vim magicam, qui quam anili superstitioni plebeculae fabulas saepe ratas habuerint, haud vno exemplo demonstraerunt. Valde iuuat hanc coniecturam obseruatio eruditissimi MOSHEMII in *dis. de imag. telest. Apollonii bibl. Brem. Class. III. fasc. I. m. I.* nihil legi apud scriptores coaeuos, quod Apollonius huiusmodi imagines Byzantii conflauerit, tacere ipsum Philostratum et Hieroclem, non praetermissuros, si suo tempore extitissent, nec esse narrationes de iis seculo V. vel VI. antiquiores, primosque earum auctores esse Malalam, conditorem chronici Alexandrini. Haec enim satis euincunt, non Graecae modo fidei, sed et Aegyptiacae, id est, philosophorum Alexandrinorum totam fabulam deberi.

Pag. 146. l. 25. pro *ventura* l. venturae, p. 149. l. 4. pro *qui* l. quo, p. 150. l. 8. pro *simulacra* l. simulacro, p. 152. l. 26. pro *erubit* l. erubuit, p. 154. l. 32. pro *visibiles* l. visibiles, p. 158. l. 17. pro *interdistingtam* l. indistinctam, p. 162. l. 33. pro *secuta* l. fecula.

Pag. 184. not. h. add. Meruit quoque de Galeni historia Cl. ACKERVS, qui GALENI libro *de affectuum cognitione* eius vitam praefixit.

Pag. 191. l. 38. pro *occupatam* l. occupatum, p. 192. l. 23. pro *quibus* l. apud quos.

Pag. 192. l. 27. add. not. conferendus qui eius rei specimina non sine indignatione affert EVNAPIVS in *vita Aedesi* p. 77. et quae infra in Aedesii historia dicuntur.

Pag. 200. l. 34. pro *passas* l. passos, p. 204. l. 9. pro *quam* l. quem, p. 210. l. 21. pro *quae* l. qui.

Pag. 238. l. 32. pro *secauit* l. secuit, p. 233. l. 28. pro *visi* l. vifos.

Pag. 216. not. k. add. Iungi possunt ea quae de Longino attulerunt doctissimi viri ZACHARIAS PEARCE et ANTONIVS FRANC. GORIVS, quibus elegantes libelli *de sublimi* editiones debemus.

Pag. 244. l. 7. pro *que* l. quae, p. 247. l. 34. pro *cicuratum* l. cicuratam, p. 254. l. 7. pro *indicisse* l. incidisse, p. 280. l. 15. pro *aedificantur* l. ludificantur. p. 296. l. 12. post *maxima*, del. que, p. 299. l. 15. post *accessisse* add. aduersus.

Pag. 301. not. u. add. Dudum ista scripseramus cum tandem differentiatione PAGANINI GAUDENTII laudata potiremur. In illa eundem quidem se praestat Gaudentius, qualis in aliis scriptis suisprehenditur, nempe ab argumento quod tractandum sibi sumit, ad locos quosdam communes defiliens, et a scopo mire deflectens, ignorata vera ratione sectae eclecticae: at de ipso tamen argumento pleraque veterum

testi-

testimonia collegit, qui memorabilia sunt, in haud paucis quoque candidum et accuratum se monstrat, quare ex hac tractatione rarius occurrente, multa in vñs transferri, et illis, quae nos de Iuliani philosophia diximus, lucem accendere eaque confirmare possunt. Allatis enim veterum verbis probat c. 1. Maximum primum philosophia imbuisse Iulianum eique propensionem erga gentilismum indidisse, quanquam a rudimentis pueritiae primis inclinatio esset. erga numinum cultum. Tum c. 2. obseruat, Iulianum Athenis etiam palliatum philosophiam didicisse, negat autem Christianos, nisi priuatos, praeceptores habuisse et imprimis Syrianum sub Constantio docuisse Athenis coniecit, quod falsum esse, vel ex sola discipuli, Procli, aetate intelligere potuisset Gaudentius, cum serius Syrianus vixerit. C. 4. Eloquentiam porro cum philosophia coniunctam fuisse a Iuliano obseruat, eamque illi profuisse, ad obtinendum imperium. C. 5 et 6. Autem seueritatis philosophicae Iuliani specimina enumerat, eiectos curia eunuchos, tonsores, cocos, barbam nutritam, neglecta oscula, nomen domini reiectum, missos saltatores et mimos, contemptum Circum et Circenses ludos, ideoque Gallis acceptum fuisse; immo huic seueritati adscribendam C. 7. putat mordacissimam satyram in Caesares, in qua tamen candorem interdum agnoscit. Hanc autem morum seueritatem quando c. 8. probat Iulianum a Mardonio genere Scythia et eunucho, qui eius moribus formandis praefectus erat, didicisse, oblitus est Gaudentius, se eam antea ex philosophiae gentilis studio deriuauisse. C. 9. Philosophos in scenam producit, qui ad Iulianum confluxerunt, assumtum ad imperium, Priscum nempe, Maximum, Chrysanthium, qui venire recusauit. C. 10. vero cum obseruauisset, Themistium floruisse temporibus Iuliani, miratur eum in huius imperatoris historia non memorari, suspicaturque, aut ignotum eum fuisse imperatori, aut neglectum, tum quod Constantio acceptus fuisset, tum quod Peripatetice philosopharetur. Ast falli Gaudentium vel ex vnus SVIDA E T. II. p. 171. v. *Themistius*, relatione constat, qui Iulianum praefectura urbis CPtanae ornasse Themistium scribit, et ex epistolis Iuliani ad Themistium disci potest, qua de re infra in Themistio. C. 11. scripta philosophica Iuliani, fatis ieune enarrat Gaudentius, deque modo eius philosophandi in silentio noctis et in castris c. 12. deque eius amore philosophiae c. 13. et auiditate librorum c. 14. testimonia quaedam ex scriptis Iuliani affert. Maxime autem c. 15. recte demonstrat, philosophiam Platoniam Iulianum fuisse sectatum: ast eius valde tum temporis immutatae vultum ignorabat Gaudentius, vnde veram rationem dicere non poterat, cur eo tempore Stoici et Peripatetici languere coeperint, eo quod syncretismum Alexandrinorum Platoniorum ignorarent. Quem tamen palpare potuisset ex iis, quae ipse c. 16. affert, quibus constat, Iulianum se ipsum vocasse Platonis et Aristotelis studiosum, et neque Stoicos neque Peripateticos ex toto contempsisse. Errauit quoque in eo quod Iambli-

Iamblichos duos inter se confuderit, recte autem eleganterque notauit, ea etiam de causa vacauisse Platonici Iulianum, quia haec philosophia faceret ad genios, ad sacrificia, ad aruspicinam, auguralem, quorum omnium fuerit ille studiosissimus. Reliqua quae more suo disserit Gaudentius eo redeunt, videri philosophiae studium impulisse Iulianum, ut ediceret, ne quis ex numero Christianorum sophistam ageret, et iuuentutem doceret, eo quod sophistas non solum verborum, sed etiam morum magistros se esse velle, et ad se philosophiam de administrandis rebus publicis pertinere, crediderit contendere. Admisisse Iulianum animarum transmigrationem, opinatum, sibi animam Alexandri M. obtigisse. Chaldaeorum nullam in comitatu suo rationem habuisse, quod solis Platonici se credidisset, et tamen contra vaticinia eorum fuisse profectum: magicas eum artes excoluisse, quamuis id taceant scriptores gentiles, adfuisse illi genium quendam, eique apparuisse, inque mortis articulo philosophice disputauisse. Quae omnia cum ex historia Iuliani philosophica a nobis enarrata lucem foenerentur, prolixè hic afferre opus haud est.

Pag. 316. l. 12. pro *fiducian* l. fiduciam, l. 29. pro *alis* l. aliis, p. 317. l. 4. pro *Syrius* l. Syrus.

Pag. 326. not. col. 2. lin. vlt. pro *existimaret* l. existimarent.

Pag. 330. l. 14. pro *nescius* l. nescias.

Pag. 335. l. 34. pro *obrepisse* l. obrepfisse.

Pag. 339. l. 7. pro *laco* l. loco.

Pag. 342. l. 27. pro *quum* l. quem.

Pag. 352. l. 25. pro *ornatam* l. ornatum.

Pag. 374. l. 1. pro *ac* l. a. l. 26. pro *maiorum* l. malorum.

Pag. 351. not. t. add. de Theonis eruditione fiderali conferendus quoque Cel. WEIDLERVS *hist. astron. c. VII. f. 4. f. 22. p. 188. seqq.*

Pag. 383. l. 18. pro *praeuifionem* l. praecifionum. l. 25. pro *deflecterit*, l. deflexerit.

Pag. 390. l. 34. pro *diuersae* l. diuersa.

Pag. 442. l. 11. pro nomen l. nomine, p. 465. l. 25. del. *atque Saraceniam*.

Pag. 468. not. n. add. Cl. WEIDLERVS *hist. astronom. c. VI. f. 19. p. 151.*

Ib. l. 19. ad voc. PROCLVS add. not. in *hypotypos. astronomica* p. 353. ib. post SIMPLICIVS add. not. l. II. de *coelo comm. 46.*

Pag. 494. not. d. lin. vlt. pro vitae l. *vita*.

Pag. 498. l. 28. pro facile l. *facili*, ib. not. d. l. 5. pro Cynuleum l. *Cynulcum*.

Pag. 500. not. u. pro Tom. VI. l. *Tom. III. p. 260.*

Pag. 501. not. x. lin. vlt. pro Cappunicis l. *Cappucinis*.

Pag. 503. l. vlt. pro constat l. *constet*, p. 504. l. 10. pro constat l. *constant*, p. 533. l. 30. pro Christianos l. *Stoicos*, p. 546. l. 27. pro vitae l. *vita*, p. 549. l. 13. pro obiecto l. *abiecto*, p. 552. l. 19. pro testimonio l. *testimonia*, p. 558. not. x. pro quas l. *quos*.

Pag. 569. l. 13. pro praedicabam l. *praedicebam*. ib.

Pag. 571. l. 18. post, imperatori add. *notum*, l. 25. pro qui l. *cui*, p. 577. not. c. pro STEPHANO l. STEPHANVS.

Pag. 618. l. 14. post amore, add. *digna*, ib. l. 3. a fin. pro qua, l. *quo*, p. 624. l. 31. pro FABRICVS l. FABRICIVS, p. 627. l. 22. pro *ἐκοντες*, *ἀκοντες* l. *ἐκοντας*, *ἀκοντας*.

Pag. 629. not. d. add. Cel. WEIDLERVS *histor. astronom. c. VII. sect. II. §. 13. p. 176. sqq.*

Pag. 631. l. 18. pro Schytam l. *Scytham*.

Pag. 633. l. 23. ad vocem, HVETII add. not. Eidem nuper sententiae subscripsit WEIDLERVS l. c. §. 14. p. 184.

Pag. 642. l. 36. pro Chaldaeam l. *Chaldaicam*.

Pag. 649. l. 5. pro angelicum l. *angeli, cum*. Reliqua ad Tom. III. calcem dabimus.

Ceterum diuersam a tomo primo orthographiae rationem non deberi auctoris consilio, Lectorem scire velimus.



I. INDEX PERSONARVM ET NOMINVM.

A.		Alexander Antiochenus	62	Antiochus Epiphanes	704, 713
Aben Esra	851, 855, 856	Aphroditeus	62, 480, 683	Laodiceus	630, 636
Abhina	829	Cornelius	579	Antipater Tarsensis	53, 535
Ablabius	262, 263	Cotyaeus	579	Tyrius	53
Abraham Patriarcha	711	Damascenus	62, 464, 478	Antoli	853
Bara Chasdi	852	de S. Elpidio	482	Antoninus M. Aurelius	84
de Balmis	853	Imperat.	84	98, 533, 535, 578 seq.	
Chiia	853	Lyfimaclus	797	Caracalla	149
Ben Dior	850	Magnus	662, 685	Pius	84, 185, 586
Ben Elimelech	851	Seuerus Imperat.	84, 150	Platonicus	232, 276
Galante	851	Alexander Platonicus	582	Rhodium	243
Ben Iom Tof	853	Alexandra	719	Antonius	212
Ben Isaac	851	Alexicrates	98	Marcus	41 seq.
Loui	851	Alphet	850	Rhodium	243
Abtalxon	792	Alypius	265	Apellico Teius	18
Abu Alpharaus	739	Amafanius	67	Aper	579
Achaicus	464	Amasis	124	Apion	799
Acro	632	Amelius	177, 223, 233	Apollodorus Athenienf.	223
Ada Bar Ahafa	819	Amnianus Marcellinus	355	Apollonides	57
Adraflus	464, 479	Ammonius Grammat.	476	Apollonius	37
iun.	479	episcopus	209, 210	Peripatet.	464
Aedefius	232, 262, 370 seq.	Hermeae	207	Rhodium	37
Aedefia	232, 316, 326		233, 326, 349	Stoicus	586
Aelianus	129	Peripateticus	207, 476	Tyaneus	84, 98 seqq.
Aeneas Gazaus	306, 355	Plutarchi praeceptor	180	Apuleius	163, 171
Aenesidemus	629	Saccas	180, 205, 464	Medicus	174
Aeschines	304	Amphiclea	224	Aratus	35
Aeschrio Empiricus	184	Ananus	720	Archiades fen.	314, 338
Aeschylus Cnidius	37	Ben Daud	738	iun.	339
Agapius	338	Ben Dosae	834	Archias	35
Agatarchides	464	Anatolius	185, 260, 464	Archidemus	535
Agathobulus	512	Anaxilaus	86	Aretinus, Leonhard.	34
Aharon, Rabbi	847	comicus	86	Areus	98, 536, 630
Akibha	711, 815, 834	Andro	579	Didymus	98
Alabarcha Alexandr.	797	Andronicus Rhodius	19, 60, 464	Aristides	595
Alaricus	314	Callistus	61	Aristo	464
Albinus	184	Annaeus Cornutus	536	Cous	ibid.
Albutius	65	Annius	214	Aristobulus	698
Alcibiades	23	Antigonus Sochaeus	716	Epicuri frater	703
Alcinous	163, 165	Antimachus	167	alius	ibid.
alii	165	Antiochus	29, 32	Aristocles Messenius	464, 479
Alexander Aegaeus	62, 464, 474	Afcalonita	37	Aristodemus	82
		Y y y y y y	3	Ari-	

I. I N D E X

Arifoteles	18	Baffus Aufidius	602	Cicero M. T.	33, 167, 627
Aristoxenus	464	Bayle Petr.	217	Quintus	42
Arnoldus Godefr.	640	Bechai	851, 167, 855	Claudianus Rhetor	282, 464
Arria	534, 625	Beckius, Matth. Frider.	855	Claudius	84
Arrianus	573	Beruria	818	Seuerus	582
Asche	829, 850	Berofus	1072	Clearchus	286, 464
Asclepiades	327	Blount Car.	99	Clemens Alexandrin.	206, 208
Mendefius	328	Boethius	469	Cleopatra	54
Asclepigenia	314	Boethus	82, 186, 464, 468	Clitomachus	7, 464
Asclepiodotus	233, 326, 341	Sadoki difcip.	714	Clitus	464
Asclepius Trallianus	233	alii	469	Clodius	34
Aspafius	178, 464, 478	Brutus M.	28, 31	Constantinus M.	84, 262, 263, 270
Athenaeus Naucratis	473	Burrhus	533, 551	Constantius Imp.	297 feqq.
Peripatetic.	473			Cordyllo	54
Stoicus	214, 474	C.		Cornelius Fronto	580
Athenagoras	206, 208	Caecina Paetus	534	Celfus	627
Athenodorus Cordyllo	54, 536	Caecilius	167	Cornutus Ann.	464, 536, 537
Platonicus	528	Caiaphas	720	Historic.	539
Stoicus	84, 531, 536	Caius Seuerus	176	Cotta	33
Tarfenfis	536	Platonicus	184	Craffidius	87
alii	54 n.	Caligula	466	Craffus	16, 62
Attalus	547	Callimachus	327	Cratippus	45, 62
Atticus	65, 175	Callisthenes	464	Creech Thom.	69
Licinius	175	Caninius Celes	579	Crefcens	517
Medicus	175	Canius Iulius	83	Cripfina	595
Platonicus	163, 175, 478	Caracalla	99, 149	Critolaus	7, 464
Plutarchi	175	Carneades	7	Cronius	178
alii	175	Caffius	66	Cyrillus	352
Attilia	52	Scepticus	631		
Auguftinus	627, 641	Caftricius	223, 234	D.	
Auerroes	857	Catius	67	Damafeius	233, 337, 347, 349 feq. 599
Auguftus C. Octau.	83, 84, 98, 466	Cato maior	10, 14	Damiane	327
		minor	51 feq.	Damis	99, 106
Auina	829	Dionyfius	599	Epicureus	99
Aulus Gellius	170	Catullus Cinna	580	Darius	662
Aurelianus Imp.	215	Celfus, Cornelius	627, 629	Dauid Ben Aui Simri	851
Aurelius Mare. Imp.	186, 533, 578 feq.	Cilix	605	Kimchi	860
Autobulus	179	Epicureus	602, 604	Ben Saccai	847
		Platonicus	604	Ben Saul	860
B.		Ceruidius	84	Delrius Anton	545
Bacchius	580	Chaeremon	536, 543	Demetrius	57
Bairhofus	714	Astronomus	544	Alexandrinus	478, 505
Banuni	709	Chalcidius	233, 355	Chytras	505
Bar Cochebas	836	Chanania Ben Ifaac	854	Cynicus	84, 116, 118, 127, 128, 167, 505, 547, 19
Kaphra	827	Chiia	827	Erythraeus	19
Bardanes	108, 109	Chofroes	638	Phalereus	464, 686
Bardas Imp.	492	Chryfantlius	232, 273, 290, 464	alii	505
Baruch Ben Schemuel	851	Chryfaorius	247, 249	Demo-	
Bafilides	427, 580, 641	Chryfoftomus Dior	128, 167, 562		

PERSONARVM ET NOMINVM.

Democritus Platonicus	214	Eugenius	484	Gemina	224
Demonax	511	Euhemerus	124, 206	Geminus	579
Dexippus	223, 233, 355, 464, 484	Eulalius	347	<i>Gesner. Io. Matth.</i>	611
Dicaearchus	464	Eulamius	347	Gordianus	84, 220
Didymus Alexandrin.	464	Eumenes	54	Gregorius	315
Dinarchus Lyncaeus	464	Eunapius	232, 303	Naziancenus	485
Dio Chrysost.	128, 167, 562	Rhetor	303		
Cassius	66	Eunoios	527	H.	
Prusaensis	128, 536, 562	Euphorio	579	Hadrianus Imp.	84, 149, 159
Diodorus	36, 464	Euphrasius	232, 263		167, 571
Epicureus	602	Euphrates	122, 123, 536, 565	Haggaeus	656
Diodotus	36, 468	Eupirchius	339	Hai	849
Diogenes Laertius	622	Eurylochus	627	Hafchem II.	850
Phoenix.	347	Eusebius Myndius	232, 273	Hegias	317, 327, 338
Diognetus	580		279	Helena, Scort. Sim.	671
Diomedes	339	<i>Pamphil.</i>	100	Adiab. regina	822
Dion	122, 123	Eustathius	232, 262, 273, 464	Heliodorus	167
Dionysius Magnes	37	Eustochius	223	Alexandr.	214, 233, 326
Cato	599	Euthydemus	102	Heliogabalus	84
Milesius	167	Eutychius Proculus	579	Heluia	546
Thrax	19	Euxenus	98, 102	Heluidius Priscus	84, 535
Diophantes	304	Ezechias Ben Chiia	828	Heraclianus medic.	185
Domitianus Imp.	84, 127, 570	F.		Heraclides Lembus	95, 535
Domna Iulia	84, 99, 145	Fabianus Papir.	547	Heraclius	347
Domninus	232, 317	Fabius Gallus	65	Heraiscus	327
Dositheus	668, 679	<i>Fabricius Ioh. Albert.</i>	318, 463	Herennius	213, 214, 216
Drusus Ioan.	712	<i>Franciscus</i>	34	Senecio	84, 216
		Fronto, Cornel.	580	alii	216
E.		Fannia	84, 534	Hermias	347
Ecebolus	294	Fauorinus	163, 166, 478, 573	Alexandr.	232, 315
Elias	851		627	Eunuchus	464
de Candia	853	Faustina	585	Hermimus Peripatet.	464, 478
de Garmiza	851	Festus	288	Stoicus	214
Eliezer Ben Chifina	817	<i>Ficinus Marsilius</i>	217, 223	Hermippus Berytius	216
Ben Hyrcan	816	Flauianus	90	Hermodorus	7
Ben Iacob	816, 827	Flavius Philostratus	99	Hermogenes	579
Elkan Ben Ierucham	833	Fronto	580	Hero	322
Ennius	24, 167	Furius	13	Christian.	ib.
Ephesius	464			Epicur.	ib.
Epicrates	19	G.		Herodes Atticus	159, 168,
Epictetus	167, 523, 536	Galenus	183, 464, 478		579, 788
Epicurus	64	Galienus Imp.	225	Magn.	470, 471, 788
Epiphanus Alex.	351	Gallio	546	Herodotus Philad.	575
Erasistratus med.	464	Gallus C.	15	Tarf.	575, 630, 636
Esdas	656, 657	Gamaliel Iafnensis	814, 816	Hesliaeus	19
Eubuldes	260	Ben Schimeon	821	<i>Heumannus Christ. Aug.</i>	217
Euclides	214	<i>Gaudentius Pagan.</i>	4, 463	Hierius	233, 314, 326
Eudemus	186, 464, 478	Gazaues	233	Hierocles Bithyniae praefes	100, 307
Eudorus	464	Gedalius	249	Platon.	100, 232, 305, 341
		Gellius A.	170	Hiero-	

I. INDEX

Hieronimus	464	Iom Toph	847		
Hilarius Bythinus	290	Ionadab	760	Kimchi	K. 855
Hillel sen.	745, 791, 824	Jonathan ben Vziel	793, 834		L.
junior	791	Ionathas Maccabaeus	745	<i>Labbeus, Philippus</i>	183
Hillus	327	<i>Ionfus, Io.</i>	463	Lachares	323, 540
Hipparchus	464	Iofech	850	Laelius	13
Hippolochus	464	Iofephus	708	Lamprias	179
<i>Holstenius, Lucas</i>	318	Aben Caspi	854	<i>Launoius</i>	463
Homerus	167	ben Alpachar	860	Leo Isaurus	321, 493
Horatius	75	Gecatilia	851	Leonas	321
Hypatia	232, 233, 351 seq.	ben Iakan	851	Lepidus	35
Hypatus	464	Kamitol	851	Leui Pontif. sum.	683
Hyrcanus	761	ben Megas	857	Rekanati	851
	I.	ben Meir	850	ben Gersom	853, 855
Iacobus Medicus		Salomo del Medico	854	<i>Lercalopierius, Petr.</i>	44
Ben Afcher	851	ben Schem Tof	854	Libanius	282, 294, 485
Corduero	851	alius	850	<i>Lilienblat, Gust. Pering.</i>	733
ben Isaac	854	Isaac Bar Abba	851	<i>Lipfius Iust.</i>	545
Mantinus	854	ben Aramah	855	Liuius	81
ben Simfon	854	ben Chonaim	852	Drufus	52
Iaddo	662	Israelita	852	Longinus	214, 242
Iahiel	851	ben Latech	854	Lucanus	79
Iamblichus	97, 232, 249, 260, 464	Loriia	851	Lucianus	604, 615 seq. 627
Senior	224, 260	Orobio	854	Arianus	622
Syrus	224, 260, 268	ben Said	852	Lucilius Balbus	51
alii	269	Sangari	855	Lucilla	589
Iannai	828	Ifachar Naphthali	851	Lucius Craffitius Tarent.	90
Iarchas	110	Isdegerdes	829	Lucius Verus Imp.	186
Ibnu Saig	857	Isidorus Gazaens	233, 338, 339 seq.	Lucretius	67
Tophail	857	Mercator	349	Lucullus	16, 31, 52
Iedaiah Happenini	852	Pelusiota	349	Lycius	509
Iehofchua	739	Ismael ben Elifa	834, 839	Lycophron	464
ben Chanania	816, 821	Iudas sanctus	818, 820 seq. 831	Lyfsmachus	214, 233
Iehuda	665	Bar Mofe	854		M.
Cohen	854	Iulia Domna	84, 99, 145	Macrobius	233, 355
Hachafid	851	Iulianus Apostata	232, 263, 273, 282, 293 seq.	Maimonides	850, 557
Hakkadofch	820, 831	Medicus	185	Malachias	656
Leo	851	alii	250	Malchus vid. Porphyrius.	
Leui ben Saul	855	Iulius Caesar	54, 466	Sophista	259
ben Tabbai	705, 737	Iunius Ruficus sen.	83, 535, 573	alii	259
ben Tibbon	855	Prifcus	128	Mammaea	84
Iefchua Halleui	850	iunior	580	Malich El Hadul	858
ben Sirach	789	Iuftinianus	349	Manilius	78
Iethro	760	Iuftinus Hefychius	518	Manlius mathematicus	78
Innocentius pater Chryfantii	290	Martyr	822	Mar Raf Iacob ben Netruna	847
Iochanan ben Eliefer	828	Izata		Marcella	249
ben Godgoda	818			Mardochai Nathan	855
ben Saccai	793, 814, 816			Marcel-	

PERSONARVM ET NOMINVM.

Marcellinus	530	Moses Corduero	851	<i>Olearius, Godofr.</i>	99 not. 190
Marcellus Orontius	223	ben Iosua	854	Olympiodorus	233, 307, 322,
Marcianus	580	ben Maimon	850, 857		355, 464, 490
Marcus	86, 579	ben Nachman	834, 851,	Thebanus	491
Mardochai	850		855	alii	491
Mardonius	294	ben Samuel	852	Olympius Alexandrinus	228
Marinus	233, 318, 327	<i>Mosheim, Io. Laurent.</i>	190,	Orestes	353
Mauritius	492		639, 667	Oribasius	292, 296
Maximus Aegienfis	99, 288	Mucianus	541	Origenes	97, 216
Byzantinus	288, 464	Mucius Augur	36	Adamant.	213, 214, 216,
Cynicus	288	Quint.	35, 84		241
Ephesus	178, 232, 281, 287	Munatius	51	Orion	321
Epirota	289	Muraena	473	Orontius	223
Stoicus	580	Mufonius Babylon.	501	Ofchaia	827, 828
Tyrius	163, 177, 288	iunior	504	Ouidius	77
alii	178	Rufus	536, 540		
Mecafcher	847	Tufcus	214, 501	P.	
Mechilta ben Ismael	827	alii	501	Paetus, Caecina	534, 535
Medius	214			Pamprepius	530
Meir	665, 818, 851, 855	N.		Pampretius	327, 530
Alquatefch	854	Nathan	831	Panaetius	13, 45
ben Arama	854	ben Iechiel	850	Panfa	65
Mela, L. Annaeus	546	Nearchus	10	Pantaenus	206, 208
Melita	290, 303	Nechonia Ben Kana	712,	Papirius Fabianus	547
Memnius	66		834	Paetus	65
Menachem	739, 796	Nehemias	833, 656	Pappus	351
Menander	501, 641	Nemertius	249	ben Akibha	837
Samarit.	680	Nero Imp.	84, 117, 466, 533	Pasirates	562
Menasse Pontif.	663	Nerua	129	Patricius	286
ben Israel	854, 855	Nestor	535	<i>Patricius Francisc.</i>	463
Menippus Car.	37	Nico	184	Patro	35, 66
Cynicus	116, 509	Nicocles	294	Paulinus Scythopol.	223
Menodotus Empiricus	630,	Nicolaus	323	Paullina	549
	636	Alexandrinus	473	Pelops medic.	184
Menon	464	Damascenus	84, 466,	Peregrinus	518
Mefomedes	534		469 feq.	Perez	851
Metrodorus	18	alii	473	Perfius	78, 80, 537
Michael Ephesus	492	Nicomachus	160, 464	Phaebio	214
Cohen	854	Nicostratus	464	Phaedrus	35
Mnesarchus	16	Nigidius Figulus	24, 86, 89	Epicureus	35, 65, 67
Moderatus Gaditanus	97	Nouatus, M. Annaeus	546	Phanias	464
alius	98	Numa	5, 6, 23	Philippus L.	15
Moecenas	83	Numenius	163, 176	Philo Academ.	33, 464
Moecianus	582	alii	177	Iudaeus	692, 797
Moeragenes	100	Numesianus	184	Lariffaeus	35
Molon	37	<i>Nunnefus, Io. Petr.</i>	463	Philodemus	66
Monobazus	822	Nymphidianus	282, 464	Philolaus	118
Moses	823			Philometor	276
Alatinus	854	O.		Philopator	184
Leo	840	Odenathus	215	Philoponus, Io.	336
		Oenomaus	509		
				Phi-	

I. I N D E X

Philostratus	99, 145	Q.	Schemaiah	792
alii	99	Quintilius Varus	Schem Toph	851, 855
Phocas	492	Quintus Medicus	Scherira Gaon	849
Phocion	95		Schimeon ben Hillel	794
Photius	340, 351	R.	ben Gamliel	818, 821,
Phraotes	109	Raf Iose		831
Pifo	31, 32, 65	Chasdam	ben Iochai	711, 839
Plato	189, 214	Hunna	ben Schetach	706
junior	464	Schalum ben Mifael	Schottur, Andreas	340, 545
Plinius Senior	609 seq.		Schupartur, Io. Godfr.	730
junior	565, 609	Raschba	Scipio Africanus	10, 13
Plotinus eclecticus	214, 217	Rhodius	Caluus	8
L. Gallus	84	Rofcius	Nafica	9
alii	176	Rogatianus	Secundus Athenienf.	158
Plotius L.	34	Rubellius Plautus	Seneca L. Ann.	96, 536,
Plutarchus	178 seq. 312	Ruffinus		544
Nestorii	232, 263, 312	Rufus	M. Ann.	546
	464		Serapion	224, 347
Polemo Soph.	168	S.	Serarius Nicol.	712
Pollio Valerius	540, 579	Saadias Gahon	Seruilia	52
Afinius	540	Saalthiel	Seuerianus	233, 327
Iosephi	797	Sabinillus	Seuerus Christian.	582
Polybius	113	Sabinus	Claudius	582
Pompeius	16	Sallustius	Septimius	84
Popilius Laenates	42	Platon.	Sextius Q.	86
Poppea	709	Salonina	Sextus	90
Porcia	57	Salomon Iarchi	Chaeronensis	536, 575
Porphyrus	97, 215, 236	ben Abraham		580
	feqq.	ben Melech	Iul. Africanus	631
Optatianus	259	Sammeas	Maximi fil.	576
Portus, Aemilius	318	Samuel Babylonenf.	Empiricus	575, 536,
Posidonius	37	ben Iehuda		627, 630, 631 seq.
Potamo	193	Sirfa	II. Pontifex	90
Priscianus Lydus	347, 492	Tibbonides	Siber, Urban Godofr.	90
Priscus	232, 273, 285, 289	Sando	Simeon Ben Schetach	706
Proaereus	301, 303	Sanfeius, Luc.	Ben Iochai	711
Probus	246	Sanneballatus		839
Proclius	214	Sapor	Simon Magus	667 seq.
Proclus	223, 232, 263, 318 feqq.	Sarpedo	Simonides	287
junior	317, 345	Saturninus Cythenas	Simeon Iustus	716
Psammetichus	684		Ben Hillel	794
Pfellus	492	Satyrus Medicus	Simplicius	233, 326,
Ptolomaeus Claudius	629	Scaeuola P. Mut.		347, 350, 355,
Cyrenaeus	629	Q. Mut.		491 seq.
Philadelph.	464, 685,	Ceruidius	Siron	72
	690, 764	Scaliger, Ioseph.	Sixtus II.	90
Philometor	663, 690	Schammai	Socrates	23
Stoicus	629	Schelomoh AlKarez	Sopater	232, 262
Pyrrho	637	ben Melech	Sopatra	273
Pythagoras	23, 189	ben Abraham	Sopolides	304
			Sofige.	

PERSONARVM ET NOMINVM.

Sofigenes 464, 466, 467 seq.	alii	164, 351	Velleins C.	65
iunior 474	Theodas	631, 636	Verrius	65
Sofipater 464	Theodorus	232	Verus Imp.	588
Sofipatra 232, 275, 282	Theodorus Afinensis	232, 249, 263	Vespasianus Imp.	122, 541, 709
Sotion Alexandr. Peripat. 95	Theodosius	85	Virgilius	72
alius 95	Bithynus	637	Vlpianus	233, 322, 341
Pythagor. 88, 95	Tripolites	637	Volusius Moecianus	582
547	Theodotus	310	Vranus	627, 638
Sphaerus 536	Theomnestus	20, 63	Wachterus, Io. Georg.	640
Staſea 32, 62	Theophrastus	18, 464	Wolſus, Io. Chriſtoph.	350
Strabo 82, 468	Theoſebius	306, 599		731
Strato Geographus 82	Theſpeſio	125	X.	
Amafenus ib.	Theudas	631, 636	Xenarchus	82, 464, 473
Lampſacenus ib. 464	Thraſeas Paetus	51, 83, 509, 534, 535	Xenocles Adramyſſen.	37
Stratoniceſ Medicus 184	Thraſyllus	161, 163	Xenophon	36
Suilius 550, 552	Tiberius	84, 117, 466	Xylander Guilielmus	318
Sylla 18	Tigellinus	119	Xyſtus II.	90
Syneſius 352	Timo	627	Z.	
Syrianus 232, 315, 464	Timocrates Heracleotas	512	Zacharias	656
innior 317, 339	Titus	127, 709	Zadocki	715
Syron	Torquatus L.	65	Zeno Iudaeus	528
T.	Traianus Imp.	84, 180, 564	Diogenes	535
Tacitus 81	Trebatius Ictus	61, 65	Pergamenus	528
Tandaſides 580	Triglandius, Iac.	730	Platonicus	527
Tarphon 815, 817	Troſius	579	Sidonius	65, 67
Taurus Berythius 163, 169	Tryphon	817	Stoicus	189, 535
478	Tubero Q.	14	Zenobia	215
Teleſinus 119	Tullia	41	Zenodotus	233, 326, 338, 349
Terentia 19, 41	Tyrannio grammat.	19, 60	Stoicus	339
Theagenes 314, 327	iun.	19 n.	Zetus	223
Themiftius Euphrades 233	V.		Zeuxippus	630
355, 464, 484	Valens	286	Zeuxis	630
Calonymus 488	Valentinianus	85, 286	Tarentinus	630
Themiftocles Stoicus 214	Valeſus, Henricus	340	Zoroafter	651
Theo Alexandr. 233, 349, 351	Varro, M. Terent.	30, 627	Zorobabel	656
Smyrnaeus 163, 164, 351	Acacinus	30	Zoticus	223
	Varus Quintil.	72		



II. INDEX

II. INDEX

RERVM ET MATERIARVM.

A.

- A** bolla, quodnam vestitus genus 499
 Abraham, an autor libri cabbalistici Iezirah 711
 Academiae primae sectatores apud Romanos 28.
 mediae et nouae apud Romanos asseclae 32
 Adamus, genuisse spectra dicitur 895. eius lapsus 925
 Adam Belial, quid sit 1047
 Adam Kadmon quid sit 991. 992. sqq. depictus mox hominis mox veli figura 995. et 1000.
 diuersus a filio Dei Christianorum 1001. varia eiusdem nomina 1000. conciliatur cum *αὐγὰ* Alexandrinorum philosophorum 1002.
 est mediator inter Ensoph et Sephiroth 1018.
 est productus ex sinu lucis diuinæ 1028. eius membra quot 1021
 Adiaphoria, magnam affectant Cynici 498
 Admirandus, quisnam ita vocatus 265
 Aedesius, patria eius & familia 271. opificii loco philosophiae operam dat 271. indignationem patris ob eam rem in se concitat 271.
 studiis dicatur ib. ad Iamblichum se confert 271. per insomnium docetur, quid sibi faciendum 271. oraculum in laeuam manu inscriptum conspicit 272. ad pastoritiam vitam se confert 272. an *δευσιμὸν* habuerit ib. Pergami docet 273. discipulos plurimos nanciscitur ib. humanus et popularis est ib. cum discipulis deambulat 273. cum opificibus differit 273
 Aegyptiaca philosophia quomodo ad Iudaeos in Palaestinam traducta 697
 Aeones, vnde effluxae 674. primum par aeternum quodnam ib. quidnam a Gnosticis ita vocatum 647. quid sint 964. eos in pleromate diuino orientales philosophi posuere 1031
 Aëris natura quae 911
 Agla nomen Dei quid efficere possit, & eius figura 875. 876
 Akibha, quando vixerit 835. sponsae instinctu ad litterarum studia XL annos natus animum adiecit 835. summa eius fuit existimatio *ib.*
nugas sectatus est 836. ad extremam peruenit senectutem 836. a partibus Bar-Cochebae stat 836. pelle detracta interficitur 837.
 Cabbalisticae philosophiae fuit doctor subtilissimus, *ib.* an libri Iezirae auctor 838
 Albo, Ioseph, reprehendit Maimonidem 870. eiusdem liber Ikkarim quid comprehendat 871
 Allegorica philosophandi apud Iudaeos methodus vnde 690
 Alexander Aphrodisaeus, praeceptores eius 480. exegetes quare dictus *ib.* ab Aristotelicis magni aestimatur 485. immortalitatem animae negat 481. eius atheismus *ib.* opera eius ab Arabibus in suam linguam transferuntur 482
 Alexandrei, secta peripatetica 480
 Alexandria, quaenam scientiae et artes ibi cultae 185. *not. a.* facultas medica huius urbis valde celebris *ib.* schola ibi exstructa qualis 185. *not. b.*
 Alexandrini philosophi multum recedunt a Platone 965
 Alphabeti sideri nugae vnde sint 978. et 979
 Alteritas non est qualitas entis 393
 Amelius, quisnam natione fuerit 233. quare maluerit Amerius nominari 233. ante Plotinum Lysimachum habuit praeceptorem 233. quando ad Plotinum transierit 234. scripta Numenii descripsit et memoriae mandauit 234. valde est industrius *ib.* colligit ex lectionibus et disputationibus multa scholia et commentariolos 234. Plotino quaestiones de grauissimis rebus philosophicis proponit 234. praeceptorem vindicat ab obiecto plagii crimine 234. aduersus haereticos scribit *ib.* Plotini libros describit et explicat 234. fautores habet Romae *ib.* in Plotini familia fuit 235. an Porphyrii fuerit praeceptor 235. in scribendo prolixus 236. an Ammonio coaetaneus 236. quando & ubi obierit incertum 236. fanaticus est et superstitioni deditus *ib.*
 Aninianus Marcellinus philosophiae Alexandrinae deditus 357
 Ammonius, vnde Saccas vocatus 205. non sectas tantum graecas, sed religiones quoque fere

R E R V M E T M A T E R I A R V M.

fere omnes conciliat 205. quando vixerit ib. eius natiuitas 205. Christianorum schola educatus 206. gentilem superstitionem amplexus est 206. an eclecticam philosophandi methodum a Clemente Alexandrino didicerit 206. *not.* an ab Ammonio Christiano distinguendus 207. nihil scripsit 207. 213. an ipse fuerit Christianus cum philosophiam doceret 208. an ad veritatem sit reuersus 209. quare nouum philosophandi genus constituerit 210. qua occasione philosophiam eclecticam condiderit 211. multos nactus est discipulos, Christianos quoque 212. *Θεοδίδαντος* audit 212. quanam eius fuerit arcana disciplina 213. quando decesserit 213

Amorei, quinam 819

Amuletum, quanam illis ex mente Iudaeorum vis et quod nomen sit 971

Amun quid 455. et 960

Anagogice finis qualis 457

Anatomiam exercet Galenus 185. 186

Andronicus Rhodius multum de Aristotelica philosophia meruit 60

Angelus, vnde eorum nomen ad Platoniorum scholas peruenerit 441. an Samaritani illos non crediderint 665. illos dare negarunt Sadducei 723. illos adorare idololatria est 743. dari illos a Phariseis creditur 755. sunt innumeri 891. cum filiabus hominum concubuerunt 894. Dei consiliarii in condendo mundo 891. substantiae purae, quae ex luce diuina effluerunt 891. subtilissimis corporibus praediti creduntur 891. sunt populorum custodes 893. num adorandi sint 896. ordines eorum 891. eos dari utrum Iudaeorum an gentilium patrium dogma 892. et 893. eorum notitia magna pars Iudaicae sapientiae 893

Anima semper est in motu 152. humana conformis est supramundanae 411. quomodo illae sint in anima mundi ib. differunt in hominibus 411. quibusnam in rebus differant 412. neque corporea est neque ex elementis composita 412. vel meliores vel deteriores sunt ib. quomodo sit in corpore 412. quomodo corpori adsit separabiliter 412. quaelibet vis eius in qualibet corporis parte tota est 413. vbinam agere dicatur 413. formas rerum sensibilium nunquam suscipit ib. praecipue homo est 413. semetipsam mouet 414. diuinae sempiternaeque naturae cognata est 414. vitia et mala eius tantum sunt addita-

menta et ab extrinseco ei iniecta 414. est in illis consonantia ad ordinem vniuersi ib. secundum reuolutionum periodos descendunt 414. quomodo descendat 415. ex intellectu diuino descendens intellectum habet communem et proprium 416. natura illius extra malorum causam est 416. quomodo non peccare dici possit ib. quidnam in generatione ei fiat 416. illam oportet esse informem, si omni carere debet obstaculo 417. nemo per vim extrudat illam ex corpore 418. per totum coelum reuoluitur alia in aliis speciebus 418. illi in hoc mundo facultas data ad beatitudinem consequendam 422. coelestis quae sit et quanam facit 424. quae in generatione aduenit, coeli fato subest ib. de definitione eius Platonica 1085. qualem naturam habeat 436. nihil patitur 437. quomodo ad Deum ascendat 437. saepe in ordinem maiorem angelicum euehitur 440. duplicem habet vitam 444. quomodo diuinam harmoniam recuperet 446. habet principium in se ipsa proprium 456. existit antequam corpus ingressa 458. materiae compedibus constricta detinetur ib. non purgata quomodo ad inferos trahatur 461. mente Simonis vnde orta 675. quibus mediis ad Deum ascendere possit 678. earum migrationem statuit Simon 679. domina est electionis et voluntatis hominum 742. eius dispositiones ib. status eius post mortem ex mente Karaeorum 742. Philonis de illa doctrinae 804. quid sit 899. quot eius facultates 900. eiusdem origo quae 984

gentilium vbinam ortae 901. post mortem superstites quo vadant 901. cruciatus extra infernum et in inferno perferunt 901. 902. definitio eius cabbalistica 1039. nexus cum corpore 1039. Animae 7^a Adami Kadmon gradus lucis 1041. animarum inuicem generatio quomodo fiat 1043. iustae quanta sint praestantia 1045. vegetatiua cabbalistarum in homine quid 1039. extraordinaria corpori quot modis communicetur 1047

Anima mundi, quam intellectus diuinus genuit tertium principium est ex mente eclecticorum 405. supramundana quae ib. 406. in *ἐγκόσμιον* et *ὑπερκόσμιον* distinguitur 405. a supramundana generantur alia 407. eclecticorum de illa doctrinae 408. humanae quomodo in illa sint 411. naturam habet diuisionis cuiusdam capacem ib. quomodo dicitur

II. INDEX

catur constare ex diuiduo et indiuiduo 412.
 et principium rerum naturalium 424. prae-
 fidet mundano corpori 449
 Animus, quomodo corpori alligatus 416. quan-
 do ex vinculis solui iudicetur 417. ad inti-
 ma penitus se conuertere debet 418. quo-
 modo miseriae vitae eripiendus 459. e cor-
 poris carcere educendus est ib.
 Antoninus, M. Aurel. professores eloquentiae
 et philosophiae Athenis constituit 310. vitae
 eius scriptores 578. plerisque Romanorum
 imperatoribus anteponendus 578. genus
 eius ib. Verissimus quare dictus 578. An-
 nii Veri nomen mutat ib. educatio eius 578.
 praeceptores eius 579. stoicae philosophiae
 se dicauit 580. aliarum quoque sectarum phi-
 losophos audit 582. exercitationibus corpo-
 ris operam et studium impendit 583. habi-
 tum Stoici sumit 584. praeceptores honori-
 bus persequitur ib. ab Hadriano imp. acer-
 rime diligitur 584. ad honores euehitur 585.
 ab Antonino Pio adoptatur ib. honores non
 eius animum mutant 585. vxor eius Faustina
 ib. patientem se erga illam praebet 586. me-
 lius Stoicorum doctrinis imbuatur 586. An-
 tonino Pio acceptus 587. imperator consti-
 tuitur ib. Lucium Verum in imperio colle-
 gam asciscit 587. aequus et lenis est erga
 Christianos ib. Commodus ei nascitur 588.
 prudentiam philosopho dignam erga Verum
 exerceat 589. Lucillam filiam ei despondit ib.
 victoriis modeste utitur 589. Christianos per-
 sequitur 590. an fuerit superstitiosus ib. iu-
 dicium eius de Christianis 591. filiam iterum
 despondit 592. bella gerit contra Quados
 &c. 592. decipitur ib. qualem in imperio
 se praebuerit 593. qualem in vita priuata
 ib. seq. miraculum apud eius exercitum 594.
 Cassii rebellis mortem dolet 595. Cereris
 initiatur mysteriis ib. salaria doctoribus con-
 stituit 595. Smyrnae aedificat ib. Viennae
 moritur 596. medicamentum eius quotidia-
 num 596. indoles eius ib. Commentarii
 eius ad se ipsum 597. philosophi nomen vn-
 de acceperit 598
 Antrum Trophonii describitur 133. not.
 Apollonius Tyaneus, omnium Pythagoreorum
 celeberrimus 58. Christum antefertur 99. scri-
 ptore vitae actorumque eius ib. inter eum
 et Christum comparatio est instituta 100. ge-
 nus eius ib. matri vtero eum gestanti spe-
 ctrum apparuit 101. miraculosa eius natiui-

tas 101. memoria litteris idonea praeditus
 est 102. fornica est conspicuus ib. Tarsum
 ad Euthydemum rhetorem mittitur 102. ma-
 gistrum Aegae tradit 102. Epicuri et Py-
 thagorae philosophiam audit ib. seueritatem
 vitae Pythagoricae exprimere statuit 103. ab
 animalium esu abstinet atque vino 103. ve-
 stitus eius ib. in templo vitam agit ib. ibi
 morum emendator apparet 103. haereditatem
 cum fratre heluone partitus suae portionis
 dimidiam ei concedit 103. reliquam haere-
 ditatis portionem in alios confert 104. re-
 bus veneris abstinet 104. per quinquennium
 silet ib. silens incolas a seditione continet
 104. vrbes magnas frequentat 104. de diis
 philosophatur et eorum cultum emendat 104.
 docendi eius ratio 105. inepte imitatur Py-
 thagoram 105. iter eius orientale quare
 susceptum ib. inhabitante daemone se agi
 iactauit 106. Ninum venit ibique in Dami-
 nicum incidit 106. omnes linguas hominumque
 cogitata se noscere dicit ib. vt et brutorum
 animantium voces 107. ex leaena peregrina-
 tionis tempus praedicat 107. Babylona ve-
 nit ib. cum Magis versatur cumque rege
 sermonem instituit 108. non daemone se
 venditat, sed philosophum Pythagorem et
 theurgum 109. Iter eius Indicum 109. a
 Phraote rege beneuole excipitur 110. Iar-
 chae gymnosophistarum principi commenda-
 tur 110. venationi draconum interest ib. cum
 Indorum philosophis confabulatur 111. an Phi-
 losophiam ab Indis didicerit 113. Ephesum pro-
 ficitur 114. miracula ibi edit ib. ex Ionia
 in Graeciam contendit 115. cum Achille ex
 inferis reduce congressus esse dicitur 115.
 ex Lesbo Athenas nauigauit 115. non ad sa-
 cra Eleusinia admittitur ib. omnia Graeciae
 templa frequentat 116. cum Demetrio Cy-
 nico congregatur 116. Menippum ab Empusa
 liberat ib. Lacedaemoniorum luxum emen-
 dasse fertur 117. iter eius Romanum 117.
 in templis Romae docet 119. rerum diuina-
 rum callentissimus ibi habetur 119. iter eius
 Hispanicum et Aegyptiacum 121. Baeticae
 provinciae Procuratorem ad arma et seditionem
 contra Neronem mouet 121. in Africam
 proficitur 122. a Vespasiano imperatore
 in templo salutatur ib. eum monitis instruit
 ad feliciter orbi imperandum 123. in leone
 regem Amasin obambulare indicat 124. iter
 eius Aethiopicum 125. ab arbore clara voce
 salutatur

R E R V M E T M A T E R I A R V M.

salutatur 125. ad quaereudos Nili fontes se
conuertit 127. Titum de Hierosolymis ca-
ptum gratulatur 127. seditionem contra Do-
mitianum excitare studet 128. capitur 129.
ad Domitianum adducitur 129. barba et
coma ei detonditur 130. vinculis constringi-
tur ib. in ius vocatur ib. e dicasterio dis-
paruit 131. et circa ipsam meridiem Puteolis
apparuit 132. iter eius graecum 132. ex Io-
vis thesauris pecuniam accipit a sacerdotibus
132. in Domitianum iurgiis inuehit ib. Tro-
phonii antrum adit 132. multos habet disci-
pulos 134. a multis consulitur ib. mortem
Domitiani absens indicat 134. Neruae suam-
que mortem praedicat 135. mors eius ignota
135. post mortem apparuisse iuueni dicitur
136. eius miracula ib. Christo opponitur
137. quo fine historia eius scripta 138. com-
paratio inter vitam Christi et Apollonii 139.
iudicia de Apollonio 140. ex historia eius
Christiana religio nullum detrimentum capi-
pit 142. magus habetur et impostor 143.
an infernalis genii ope miracula ediderit 144.
scripta eius 145. an eius epistolae ab alio
suppositae 147. fama eius et existimatio 148.
Hadrianus imperator magnopere eum vene-
ratur 149. Antoninus Caracalla templum ei
dicauit 149. Alexander Seuerus eum inter
animas sanctiores feruat 150. doctrina eius
explicata 150. Pythagoram imitatur 150. eius
phytiologia 150. non genuinum systema Py-
thagoreum sequitur 153. Spinozismo fauet
154
Apparitiones theurgicae an dentur 281
Apparitiones Deorum quales sint 440. quomodo
differant 441. seq.
Apuleius, quando vixerit 171. eius vitam qui-
nam scripserint 171. eius natiuitas 171. vbi-
nam studiis operam dederit 171. Platoniam
sectam inchoauit 171. latinum sermonem ad-
discit 172. aduocati munus Romae obiit 172.
longam peregrinationem iniiit 172. vxorem
ducit Pudentillam 172. magicarum artium
insimulatur 172. pro theurgo haberi voluit
173. an Magiae fuerit deditus 173. eloquen-
tiae et litterarum studio impallet 174. scri-
pta eius 174
Arbor Sephirothica quid sit 1003. 1004. seq.
Archangelus, vnde eorum nomina ad Platonico-
rum scholas peruenerint 441
rebelles contra Deum, quinam fuerint
894

Aristobulus quando vixerit 698. an duo fue-
rint, Iudaeus et Peripateticus 699. an scripta
eius sint supposita ib. Aristotelicae philoso-
phiae operam dat 701. inter doctos impo-
stores refertur 702. patria eius ib.
Aristotelis libri Romam deportati 18. ethici in
Ebraicum sermonem translati 872
Ariani publico edicto Porphyriani dicuntur 255.
qua de causa hoc factum 256
Articulus, fundamentales apud Karacos qui-
nam 741
Ascensus ad Deum, eius gradus quinam sint
459
Asclepigenia Procli precibus sanata 314
Assiah mundus 1024. quare sit materialis et in-
simus 1027. eius natura 1028
Assanitae, quinam 788
Astrologia an a Platonis culta 164
Astronomia, an Graeci illam ab Aegyptiis didi-
cerint 107
Atheus quis ex mente Apollonii 152. victimas
offerre potest 157
Atheismus Ciceronis 50. Lucretii 69. Virgilii
74. Apollonii Thyanei 154. Plutarchi 182.
Galenii 188. Ammonii Hermeae 326. Alexan-
dri Aphrodisei 481. Salustii Cynici 529. Se-
necae 560. Plinii 613. Luciani 621. Saddu-
caeorum 720. num et quatenus sit in cab-
bala 1054. et 1063. quas ob causas eidem me-
diate adscribi possit 1064
Attributa Dei quomodo diuidantur 877
Augustus imperator doctis valde fauet 470
Autochiria Catonis, ex quo fonte orta 58. Lu-
cretii 68
Aziluthi mundi definitio 1023. est mundus pu-
rissimus 1028. in hoc emanationes diuinac
tantum 1030

B.

Babylon, ibi Synagoga fuit 791. not. 820
Bahir, aetas huius libri cabbalistici quatenus 712
Baithofaeorum secta, quomodo orta 717. an
cum Sadducaeis eadem 718
Baptismus Menandri quisnam 680. illum Ter-
tullianus ridet 682
Baptistae quinam 788
Barba a Cynicis alitur 499
Barbatus magister, quinam Philosophorum ita
dicti 499
Bar-Cochebas Pseudo-Messias 836
Bardi, in tres Classes diuisi 1079
Bath-

II. INDEX

Bath-Kol, quae de illo tradunt Iudaei suspecta sunt	746
Belitae, quinam	788
Beneficentia Aedesia quanta fuerit	316
Berosus, an historicus ab astronomo distinguendus	1072
Bibliotheca Apelliconis Teii Romam deportata 18. ab Hadriano Athenis constituitur	310.
Perfii Cornuto legata	537
Binah quid sit	1031
Bittera, schola ibi Iudaica celebris	815
Briah esse mundum 1023. eius natura	1028
Brutum, quicumque post mortem brutum euadat	419

C.

Cabbala a quibus temporibus inter Iudaeos floruerit 707. fata eius studii apud Iudaeos post excidium templi 832. est metaphysica Iudaica ib. origines eius 833. negligitur 845. unde eius nomen sit 916. quid sit 918. eiusdem scriptores 918. an consentiat cum Spinozismo 923. et 1054. eiusdem origines 924. seq. eius ex sententia Iudaeorum periodi 927. seqq. eiusdem origines diuinae quibusdam Christianis videntur 930. 931. antiqua & pura, recentior et impura 933. eiusdem puriora dogmata non conspirant cum Christianorum mysteriis 935. et 950. eiusdem origo quaerenda in philosophia Alexandrina Pythagorico Platonica 937. Orientali 943. etiam Peripatetica 945. fqq. eam adulterarunt recentiores Cabbalistsae 949. eius natura et indoles 950. eius primum fundamentum quodnam 950. in ea vetus Iudaeorum sapientia frustra quaeritur 951. eam explicaturo non ad vnius scriptoris explicationem attendendum 951. eam multis ineptis Allegoriis refertam explicare arduum 952, 955. traditione, non ratiocinatione nititur 955, 956. Eidem falsum saepe sensum Christiani adfingunt 958. eiusdem doctrinae capita quatenus 964. eiusdem diuisio duplex in theoreticam et practicam 970. theoretica duplex 968, 972. theoretica quid sit 970. practica quid sit 970. eandem prudentiores Iudaei damnant 971. artificialis triplex, vel Gematria, vel Notarikon, vel Temurah 972. figuratiua quid sit 973. hermeneuticam a Daniele esse absurdum 974. litteralis, quis vsus 974. realis tractat de originatione et grada-

tionibus rerum 994. eius quae sit praestantia 1052. eandem aestimaturus abstineat a praeiudiciis 1056. eius quae sit vanitas 1057. eius quis sit vsus 1066

Cabbalistsae se ipsos non intelligunt 953. ob stilum hiulcum et obscurum vix merentur legi 954. noui, an de suis cabbalae adiecerint, de quibus veteres non cogitarunt 956. confuderunt causam materialem cum materia 986

Cabbalistica philosophia, an Esdras eius autor 657. eius doctrinarum conspectus 980. seqq. Caesarea, ibi schola est iudaica celebris 815 Carmina qualem effectum apud Deos habeant 445

Caro, suillam reprobant Platonici 317

Cathedrae magna dignitas Athenis 311

Casus, illi atque fortunae committere essentiam et compositionem vniuersi irrationale est 420

Cato Vticensis, quinam eius vitam enarrauerint

51. omnes Stoicos vita & actionibus suis superat ib. quo genere natus 52. educatio eius ib. morum seueritatem iam in prima

aetate prae se fert 52. qualem se in discendo gesserit ib. morali et ciuili doctrinae est intentus 53. quatenus eius fuerit eloquentia

53. exercitationibus validis corpus ad perfectendas molestias assuescit ib. stipendia facit 54-

Athenodorum habet secum ib. in Asiam proficiscitur ib. Quaestor constituitur

55. qualem se in administranda republica gesserit ib. Pompeii partes sequitur 56. exercitum ducit et Vticam custodiendam in se recipit ib. cum philosophis inter pocula confabulatur ib. se ipsum interemit 57

Celsus an Epicureus fuerit 604. quando vixerit 607. quo animi fuerit charactere 608. contra Iudaeos et Christianos scripsit ib. alia eius scripta 608

Cether quid sit 1021

Chalcis, variae huius nominis fuerunt vrbes 260. not.

Chochma quid sit 1021

Christiani, an seditionem et arma in principes suos mouerint 121. not.

Christus philosophorum numero adscribitur 373. pro aeone habetur 648

Chrysanthius, quo genere ortus 290. Pergamum ad Aedesium se confert 290. in philosophiae mysteria cito penetrat 290. Platonis et Aristotelis dogmata discit et explicat 290. sublimiori Deorum cognitioni se totum tradit 290. futura

R E R V M E T M A T E R I A R V M.

futura potest praedicere 290. recusat cum
Maximo Constantinopolin proficisci 291. pon-
tificatum regionis Lydiae accipit 291. Chri-
stianis non valde est molestus 291. munere
motus vitam priuatam Athenis agit 291. ino-
piam patiens tolerat 291. scribendis libris &
docendae iuuentuti se tradit 292. ambulationi-
bus animum recreat 292. virtutes eius ib.
filii mortem iuagno perfert animo 292, mors
eius 293

Cicero, M. T. quinam eius concinnarint vitam
34. n. puer iam celebris ib. in Poesi diligen-
ter incumbit 35. cur philosophiam Acade-
micam secutus 35. n. militat sub Sylla 36.
conuertit quaedam e Graeco in latinum
sermonem 36. quam de causa in Graeciam
abierit 37. in Asiam et Rhodum nauigauit. ib.
Scholasticus habetur 37. ad remp. se confert
38. patria pellitur 38. in illam reuocatur 40.
adolescentibus philosophiae studiosis & litte-
ris vacat 41. proscribitur 42. interficitur
ib. scripta eius philosophica 43. multum vti-
litas in philosophiae historia praestat.
46. philosophia eius ib. seq. non e philoso-
phorum numero reiciendus 49. an fuerit
atheus 50. Lucretii libros emendat 68

Ciuis Atheniensis, quis 1086
Coelum sempiternum est 424. in illo solus ignis
ib. eius motus a quonam fiat ib. an sit anima-
tum 887. an eorum influxus mundum regat
888. coeruleus eius color vnde 910

Coena, inter coenam philosophatur Taurus 170
Concatenatio corporis et animae 1044
Cognitionis affectus sapientia vinci nequit 152
Cognitio diuinorum sanctos nos facit 444
Cometa, laetas quoque interdum habere euen-
tus ostendit Chacremont 544

Comminationes in Deos locum habent 454
Concurfus Dei generalis 889
Connubium, in illis propinquitatis gradus accu-
rate sunt obseruandi 743
Consensus Alexandrinorum et Cabbalistarum
de emanationibus 993

Constantinus M. an ob denegatam caedis expia-
tionem a Sopatro ad Christianos transie-
rit 262, 270

Constrictio spiritus quid sit 982

Contractio essentiae diuinæ quid sit 997sq.

Conuictum philosophantium aluit Cornutus 537

Corduba Romanorum colonia patricia 545

Cornutus, Annaeus, an a grammatico A. Gellii
sit distinguendus 537. tragicus vocatur ib.

Histor. Philos. Tom. II.

conuictum philosophantium aluit ib. multum
laudatur 537. argentum illi a Persio legatum
non accipit, libros accipit 538. an historiam
scripserit ib. an libri de natura Deorum au-
ctor 539. exilium passus est 540

Corporeitas quid 420

Corpus, naturalium corporum affectiones quae
204. absente anima nunquam potuit subsi-
stere 407. illi oportet adesse subiectum in
mundo intelligibili 419. quomodo corpori-
bus misceatur 420. carcer animae 459. eius
durationem aeternam Menander statuit 681.
idem surget quod cecidit 905. quare constet 911

Cortices Cabbalisticæ quid 1047

Cosmogonia Christiana diuersa a Cabbalistica 1030

Cosmologia Ecclesiasticorum quae 419

Creatio, Ecclesiæ eorum de mundi creatione doctri-
na explicata 426. seqq. qualem crediderint
Karæi 731. mundi vniuersa 886. materiae,
quomodo facta 982

Creaturae habent sidus regens 890. earundem
animae 911. earundem classes quot 910

Crescens Pseudo-Cynici mores expressit 517. ob-
trectationibus et calumniis in Christianam
inuehit religionem 518. Iustinum atheismi
accusat ib.

Cynicus, veri Cynici imago 500. cum Mona-
chis comparantur 501

Cynica secta, fata eius sub imperatoribus 496.
illam eiiciendam esse statuit Cicero 497. con-
tra illam declamat Lucianus ib. eius addicti
homines sunt dissoluti 498. principibus viris
maledicunt ib. vestitus eius 499. scortorum
sit ludibrium ib. a veteribus Cynicis deuota 500

D.

Damascius, quid de illius vita Isidori sentien-
dum 340. Alexandriae litteris operam nauat
349. in dicendi artem, philosophiam Peri-
pateticam, mathematicas artes et Platoniam
philosophiam incumbit 349. Athenas se con-
fert et totum se tradit philosophiae ib. vl-
timus Philosophiae Platonicae est pro-
fessor 349. superstitioni inhaeret ib.
ad Chosroem emigravit 349. redux ex Persia
vbi vixerit 349. an Stoicus dicendus 350. de
philosophia meruit ib. scripta eius 350. Pho-
tii de illo iudicium ib.

Daemones, eorum et Deorum genus 425. passio-
nes iis insunt ib. nullus est in mundo intel-
ligibili 425. quinam sint ib. ad vniuersi vsum
sunt geniti 425. non sunt materiae corpo-
reae

A a a a a a

II. INDEX

- reae 426. nihil patiuntur 437. nullis rebus afficiuntur 438. nec oculis nec sensu percipi possunt 439. praefecturam mundi sunt sortiti ib. quomodo orientur 440. eorum potentiae quatenam ib. phasmata eorum varia 440. distinctiones eorum a Diis 440. quibusnam in rebus eorum apparitiones ab aliis differant 441. seq. quibusnam corporibus vestiuntur 451. quodnam vehiculum daemonibus inferuiat ib. malos comminationibus sacerdos commouere potest 453. ineffabilem arcanorum custodiam agunt 454. quo quilibet homo gaudet proprius vnde 456. qualis hic sit 457. per Hebraeorum Deum adiuratus exit 306
 Demetrius Cynicus an idem cum Sunio 506. ubi et quando vixerit 506. quibus fatis Romae fuerit usus ib. Roma pulsus Athenas conuigrauit 507. amicitiam cum Apollonio colit ib. in exilium mittitur ib. canis a Vespasiano appellatur 507. Tito praeficitur, ut illi vera dicat ib. Roma Puteolos secedit ib. quidnam de eius colloquiis cum Appollonio censendum 508. moribus vere Cynicis fuit ib. paupertatem summam magno fert animo 508. liberrimo ore in scelera inuehit 508. vir magnus appellatur 509
 Demonax, an eius vita a Luciano conscripta fidei mereatur 511. patria eius et praeceptores 512. qua ratione philosophiae se dederit 512. sectariam philosophiam reiecit 513. Socratici se maxime addixisse videtur 513. Cynicum institutum eligit ib. affectatam Cynicorum virtutem enitat 513. lenitate aliorum peccata reprehendit 513. eius praesentia omnibus grata 514. dicacitatem in Pseudo-Cynicis damnat. ib. discordes reconciliare studet 514. amicis fidem atque dexteritatem demonstrat ib. reipublicae gerendae non se subtrahit 515. mordax est in philosophos arrogantes 515. multis gaudet amicis ib. Atheismi accusatur 515. se defendit 516. ad captiosas philosophorum quaestiuunculas acute instructus est 516. vitam coelibem ducit ib. ad extremam peruenit senectam 516. vitae suae finem accelerat ib. sepulturae non habet curam 517. amplissimo funere effertur ib. quando vixerit ib.
 Deus, illum rerum omnium vnani substantiam variis modis indutam Apollonius statuit 154
 Deus ex mente Secundi quid 160. non libertas neque aliud attributum ei adscribendum 398. quomodo inuocandus 399. quomodo illum cognoscamus 417. a nullo usquam abesse et tamen quodammodo abesse videtur 417. argumentum Iamblichi pro illius existentia 432. omnium causa et vniuersa in se complectitur 454. ante principia vniuersalium est Deus vnus ib. Deus Emeth qualis 455. omnium mentes notione sui informauit 489. occultari vult 490. Gnosticorum de illo doctrinae 646. an Sadducaei illum fecerint corporeum 724. qualem crediderint Karai 724. Phariseorum de illo sententiae 751. Philonis de illo doctrina 803. primum ens 874. vnde cognoscatur 875. totus spiritalis est 877. perfectissimus 877. infinitus ratione existentiae et durationis 877, 878. ens simplicissimum, quid inde sequatur 878. immutabilis 878. quo pacto omniscius sit 879. est mundi dominus ib. eiusd. locus qualis sit 879. eidem nulla perfectio extrinsecus aduenit 880. ab aeterno disposuit mundi negotia 880. eiusd. decretum non officit libertati 881. eiusdem decreta qualia 882. non est origo mali 881 et 889. quando ad actionem iustam concurrat 882. omnia in honorem suum creauit 886. supremus orbium motor est 910. eius timor qualis esse debeat 912. essentia eius diuidi potest et in infinitum expandi et contrahi 980 et 981. est scaturigo infinitae lucis 1031. exhalauit ab aeterno spiritus 981. creator materiae mediate 982
 Deuterotae quinam 818
 Diabolum morientium homicidam esse 894
 Dialectica Ecclesiorum quatenam fuerit 393
 Dii, quis eis gratus 157. duplices sunt in coelo incorporeo, intelligibiles et intellectuales 405. eorum et daemonum genus 425. sunt in mundo intelligibili ib. secundi quinam 425. Deos dari nostra nos natura conuincit 432. diuersa inter eos sunt genera 433. idiomata eorum ib. quorum auxilio cum auiuabimur necitantur 433. quomodo eorum et animarum actiones inter se differant 435. vnitas pertinet ad eorum idioma ib. non coniunguntur vllis mundi regionibus 436. omnia eorum plena sunt ib. nihil patiuntur 437. nullis rebus affici possunt 437. quales necessitates illis tribuendae 438. quomodo preces ad se recipiant ib. beneficii sunt ib. intelligibilium origo 439. conspicua eorum simulachra 439. vinculum inter illos ib. distinctiones eorum a daemonibus 440. epi-

R E R V M E T M A T E R I A R V M.

epiphaniae eorum quibusnam rebus respondeant ib. phasmatà eorum simplicia sunt 440. quomodo eorum apparitiones ab aliis differant 441 seq. in sacris operibus adesse debent 447. bonis apparentibus malum aut daemonicum fugit 448. materiales quinam 451. quare vnusquisque eorum colendus 452. illorum ordines ex mente Iamblichi 454. coeli partibus praefecti 455. ad eos conuersio vnde 457. opinio de illis quinta habetur virtus 53
Dio Prusaensis, ab eloquentia dulcedine Chrysostomus dictus 562. sophistae munere fungitur ib. in philosophos calamum exercet 562. nullos discipulos potest nancisci 562. professionem sophisticam abiicit et ad philosophiam se confert ib. sectae Stoicae adhaeret 563. eloquentiam suam ad eiusdem praecepta reformat ib. vita seueritatem profequitur 564. Roma aufugit ib. ad castra Romana conuersus militum animos rebelles compescit 564. a Nerua et Traiano magni aestimatur ib. corporis eius dotes 565
Diognetus pictor, an idem cum philosopho 583
Diogenes Laertius, patria eius 622. vnde Laertius appellatus 623. quando vixerit ib. liber eius de vitis philosophorum 624. cuiusnam illum dicauerit 625. in illo scribendo iudicium non adhibuit ib. an Epicureus fuerit 626
Disputatio, illas fugit Priscus et qua de causa 289
Diuinare quis possit mente Apollonii 156
Diuinitas quacnam irradiet 436
Diuitiae, earum studio nos peregre agere videri turpissimum est 151. molestiam creant. 157
Doctrina, morum Iudaica qua methodo tradita 871. Eiusdem exigua cultura 871, 872. de inferno quae 907. vnde hausta 907
Dogmata Cabbalistica quomodo inquirenda 958
Domini metrorum quinam sint 1046
Druides, eorum nomen explicatur 1079

E.

Eclecticà secta, vnde dicta 189. illius origo 190. quando orta 199. an Diogenes Laertius illi fuerit addictus 205. occasio illius condendae 211. vnde Alexandrina audiat 231. fata eius Athenis 310. in Damascio finem inuenit 349. mulieres illi quoque additae 351. indolem accepit a patria Aegypto 358. ante Ammonii tempora iam fuit 359. occasio syncretismi ad philosophiam ab illa translata 360. philosophiam Pythagorico - Platoniam fundamenti loco elegit 361. sed cum Aristotelica conciliat 362. et cum reliquis sectis 363. enthusiasmus finis illius 363. tota il-

lius philosophia enthusiasmo superstructa 364. Platonium systema in illa adulteratum 365. causae electi enthusiasmi 366. philosophiam orientalem sibi vindicat 368. Christianorum rationibus illam attemperat 369. superstitionis facies in illa picta et emendata 370. philosophorum dissidia tollere conatur 371. vitas philosophorum sanctas Christianis opponit 372. Christianorum doctrinas recipit 372. Christum philosophorum numero adscribit 373. philosophis non minora miracula vindicat, quam essent Christi 376. fraudes, suppositiones, mendacia licita habet 378. seueriorem et praestantiorum de Deo diuinisque doctrinam excolit 380. sanctiorem philosophiam moralem reuocat ib. speratum ex huius sectae conditione emolumentum philosophiae 382. sed frustra 382. damna plurima reipublicae et philosophiae infert 383. alia philosophiae damna inde exorta 385. recensio damnorum ex illa in ecclesiam redundantium 387. discordia huius sectae 390. dialectica eius 393. eius metaphysica 395. psychologia eius 411. Cosmologia eius 419. philosophia eius moralis 457. studium eius in Aristotelem 483
Eicton quid? 961
Eleemosynae, quomodo in illis dandis se gesserint Pharisei 957
Elementa quae 911. eorum ordo ib. non habent animam 911. continuo permutantur 911. quatuor superiora animam constituentia 1041
Emanationis vniuersalis dogma 989, 990, seqq. Cabbalisticae animarum ordo 1045. ea Spinozae viam aperuit 1065, 1066
Embryonatus quid sit 1047. quotuplex sit 1048
Emeth quid sit 455, et 960
Empirici medici an cum scepticis philosophis fecerint 632. a rationalium et methodicorum secta distinguendi 632 not.
Empusa, quale spectrum 116
Enchiridion, sub Sexti nomine extans cui adtribuendum 90
Ens quidnam verum ex Eclecticorum mente 393. eius proprietates ib. ipsa entia intelligenti insunt 402. ens ipsum atque intellectus vna est natura 402
Ensofph quid sit 996. continet in se omnia 1025. immediate produxit Adam Kadmon 1025
Ensofphicus mundus quis 995. doctr. de eo 996, 997
Enthusiasmus, signa eius 445. est raptus diuinus ib. causae eius ib.
Epictetus, quisnam eius vitam conscripserit 568.
A a a a a a a z
seruus

II. INDEX

- feruus fuit ib. vnde cruce claudus fit factus 569. summa viuit paupertate ib. Stoicorum maximus appellatur ib. orationis eius genus quale 570. vitae eius integritas aliis exemplo esse potest ib. virtus eius maxima 570. vrbe excedere iussus 570. Nicopoli philosophiam docet 571. cum Hadriano familiariter viuit ib. an auctor altercationis Hadriani 571. an sub Antoninis vixerit 572. discipuli eius 573. memoria eius post mortem sancte colitur 573. scripta eius 574. an inter Christianos referendus ib. philosophiae eius summa 574
- Epicurea secta, caussae eius durationis 599. publicas cathedras occupauit 601. criminatur 602. sectatores eius post C. N. 602. quare pauci de illis noti 603. nihil litteris mandant ib.
- Epicurus, eius Philosophiae apud Romanos gratia et fortuna 64
- Eruditio quot rebus acquiratur 914
- Esdras an fuerit philosophus 657. an philosophiae Cabbalisticae auctor 657
- Esseni vnde enati 714. eorum sectae origo 759, an ad vetustissima Iudaeorum tempora sit referenda 760. quomodo orti 762. qualis illa fuerit 763. vnde eorum nomen 764, 765. cur Therapeutae ab illis in multis dissenferint 764. describuntur ex Iosepho 766. sicarii dicuntur 767. not. et Zelotae ib. an solem adorauerint 768. not. se Sadduceis opposuerunt 771. an sacrificauerint 772. eorum descriptio ex Philone 772. vtrum fuerint Iudaei an philosophi gentiles 774. multa ex philosophia gentili dogmatibus suis admiscuerunt 777. an Pythagoras ab illis quaedam hauserit 778. an a Pythagoreis dogmata quaedam acceperint 779
- Essentia semper eadem 152. prima quae 153. rerum tantum vna 154. quidnam ex mente ecclesiorum 493. Dei comprehendere non potest 874, 875. praeter diuinam nulla existere potest 980
- Eunapius, qua mente philosophorum quorundam Platoniorum historiam scripserit 246. quidnam de eius vita Eustathii iudicandum 277. quando vixerit 303. praeceptores eius 303. Athenas se confert ib. inter nauigandum vehementi febre corripitur 303. in urbem deportatur ib. apud Proaeresium valde aegrotat 304. pharmaco ei infuso conualuit 304. Aegyptum adire statuit, vt sacros ritus addiceret 304. in patriam reuocatus artem sophisticam excoluit 304. illustris in dicendo euadit ib. artem inedicam tractat 304. theurgiae operam dat 305. Sacris Eleusiniis initiatur 305. scripta eius ib. in Christianos inuehit 305
- Euphrates, Apollonii amicus primo est 565. vnde eius inimicus factus ib. an Apollonium conuictis profeciderit 566. laudatur 566. seq. Hadriano se commendauit 568. veniam voluntariae mortis ab Hadriano expetit 568
- Eustathius ab Aedesio scholasticam accipit prouinciam 273. valde eloquens est 273. ad regem Saporem legatus mittitur 274. Magus habetur 274. vxor eius Sospitria 275
- Eua, dum in anathemate fuit, genuit spiritus foeminas 895
- Euigilatio spiritus quid sit 982. seqq.
- Exegesis philosophica Iudaeorum inepta 864
- Exegeset sensu eminentiori ita vocatur Alexander Aphrodisaeus 480
- Existencia Dei quid 873. ea necessaria demonstratur 873, 874. causa est existentiae rerum omnium 890

F.

- Fatum, illius vis mutari nequit 156. sempiternum dicitur 539. non esse statuerunt Sadducei 726. quodnam Pharisaei docuerint 751
- Fastus, Pharisaici exemplum 756
- Fauorinus eunuchus est 166. cum Hadriano de eloquentia certans ei vltro cedit victoriam ib. magna eius est auctoritas Romae 168. adulterii accusatur ib. rhetor est 168. de philosophiae historia meritis est 169. Academiae mediae adhaeret ib. et inter Pyrrhonicos referendus ib.
- Fides quid 899
- Figulus, quare Nigidius ita appellatus 24. not.
- Flagellatio, an apud Pharisaeos vsu venerit 757
- Flauia Neapolis quanam vrbs 337
- Foeminae eruditae, Portia Marcella Gemina 224. Amphiclea ib. Sospitria 275. Asclepigenia 314. Aedesia 316. Hypatia 351. Arria 625. quaedam Pharisaismo nomen dederunt 759
- Forma tantum comprehenditur 911
- Fortis quisnam 915
- Fortuito nihil accidit 889
- Fulmen, ex illo prodidiisse dicitur Apollonius Tyaneus. 102
- Fundamentum legis quale 881
- Futura vita, Pharisaeorum de illa dogma 753
- Gale.

R E R V M E T M A T E R I A R V M.

G.

Galenus diuinissimus vocatus et diuino cultu honoratus 183. quinam eius scripserint vitam 183. parentes eius 184. anno aetatis XV philosophiae operam dat 184. medicam artem cum philosophiae studio coniungit ib. Smyrnani se confert ib. varias per prouincias peregrinatur ad excolendam artem medicam 184. vulnere curationem in patria excolit 185. gladiatorum curationi praeficitur 185. se Romam conuertit 185. medicorum Romauorum inuidiam expertus est 186. anatomicis operationibus inclarescit 186. conuiciis profcinditur 186. ob pestem urbem relinquit ib. ab imperatoribus Marco Aurelio & Luc. Vero in Italiam reuocatur ib. in Germaniam cum imperatore proficisci refusat 186. libris scribendis se dat 186. sub Seuero adhuc vixit 187. an CXL annos vixerit 186. iudicium eius de Christo cocum sanante fabula est 186. quot annos vixerit 186. varii generis libros scripsit plurimos 188. an atheus ib. figuram quartam syllogismorum inuenit 188. nulli sectae ex integro est addictus ib. Galilaei, quinam 788 Garizim, an Samaritani in illo monte idola coluerint 665 Gazaeus quisnam ita dictus 341 Gebhurah, quid sit 1030 Gemara, eius origo 827 Gematria quid sit 972, 973. vnde hoc nomen 973 Genera rerum quot et quae 394 Generatio quid ex mente Pythagorae 152 Geographiae, quinam 788 Genius, eorum ordo a Diis diuersus 433. Deos et animas communi vinculo nectit ib. nihil patiuntur 437. Cabbalistici quid sint 1046 Genus substantiae quomodo distingui possit 394 Geonatus quidnam 849 Geonim, quinam 819 Gilgul quid sit 1047 Gnostici, quinam ita vocati 647. vtrum ex Christiana an gentili disciplina profluxerit hoc nomen 642. an Platonem sint secuti 643. cum philosophia Pythagorico-Platonica quaedam dogmata habent coniuncta 644. doctrina illorum de Deo, quanam fuerit

645. de mundo visibili quidnam docuerint
648. doctrina eorum moralis 649
Graecienfes quinam 788
Gratia Dei an praecedat in operibus moraliter bonis merita iusti 882
Gymnasium Athenis condidit Hadrianus 310

H.

Habitus Phariseorum qualis 757
Hachosari quisnam huius libri auctor 855
Hadrianus omnes eruditos superare studet 166. cum Favorino de eloquentia certat ib. eruditos fouet 167. not. quaestionibus vexat eruditos ib. professoribus salaria constituit 185. not. a. bibliothecam et gymnasium condidit Athenis 310
Hasidaci apud Iudaeos quinam ita dicti 713
Hebraeorum philosophia post captiuitatem Babylonicam nulla 653. an decem eorum tribus in Americam deductae 654. quo sensu eis philosophia tribuenda 655. viri sapientes inter illos 656. historiae eorum noua diuisio 660. eorum colonia Aegyptiaca 684. sibi eruditionis omnis fontes atque origines vindicant 688. philosophiae gentilis inter eos initia 690. quomodo Aegyptiaca philosophia ad illos traducta 697. graecanicam philosophiam abhorrent 705. lege illam vetant ib. introducitur 705. philosophiae arcanae progressus inter illos 711. origines sectarum apud illos 712. sectae minores illorum 788 viri docti inter Hebraeos veteres 788. conditio eorum philosophiae post templi euerfionem 813. doctores eorum in septem classes distributi 815. schola eorum babylonica 820. status eorum litterarius seculo X. 846. finis eorum eruditionis in oriente 849. fata eorum philosophiae in occidente 850. eorum philosophia exoterica 861. pauca philosophica apud illos occurrunt 864. eorum philosophiae diuiniore conspectus 873. philosophia moralis 911. religio eorum et placita eum ad gentes diuinauerunt 930. et 931
Heliogosti quinam 788
Hemerobaptistae quinam 788
Herodes an inter Philosophos referendus 471. not.
Herodianorum secta quanam 788
Heroes, eorum ordo quisnam 433. Deos et animas communi vinculo nectunt ib. nihil patiuntur 437
A a a a a a 3 Hierocles,

II. INDEX

Hierocles, quando vixerit 306. vxorem habet daemone obsessam 306. quomodo ille expulsum ib. verberibus caeditur et in exilium mittitur 306. Alexandriae philosophiam docet ib. Platonem et Aristotelem conciliare studet 306. syncretismo philosophico fauet ib. corruptor veteris philosophiae est 307. quomodo Platonem explicauerit 307. Commentaria eius in aurea carmina ib. an illorum auctor 308. in philosophicis magis quam theologicis doctrinis eminet 309. laus eius 310

Hillel senior, siue Hassaken, eius parentes 791. Babylone per quadraginta viuit annos 792. Hierosolymas cum vxore migrat ib. maximo legis studio flagrat 792. quare magni synedrii principatui praefectus ib. multos habet discipulos 793. eruditio eius Salomoneae aequiparatur ib. praecepta eius moralia 793. vitam se dignam gessit 794. prima fundamenta Talmudis posuit ib. annos centum et viginti vixit 794

Historicus, Latinorum historicorum philosophia 81

Homo, illo moriente Deus fit ex homine 153. ex mente Secundi quid 160. quicumque iterum homines renascantur 419. Deorum brutorumque medius est 423. an peccatum ex se ipso agat 423. eorum status duplex 451. duas habet animas 456. necessario indiget influxu diuino in suis operibus 742. primus androgynus fuisse creditur 889. creatus ad imaginem diuinam quo pacto 897. eiusdem anima quid 911. oportet eundem rationem dare 912

Horatius, Epicureus videri voluit 75. in Stoicos profert scommata 76. in Academia philosophiam didicit ib. aliis quoque philosophis est addictus ib. ad Stoicam disciplinam senex est conuersus ibid.

Hymni, eorum effectus apud Deos 445

Hypatia, quinam illius fata enarrauerint 351. patria eius atque parens ib. a parente geometriam et astronomiam didicit 351. reliquae philosophiae studium impendit 352. docendi auctoritatem capit 352. per mediam urbem digressa volentibus quemque philosophorum explicat ib. plurimos nanciscitur auditores 352. magna valet auctoritate ib. modestia se venerabilem reddit 352. formosissima virginitatem seruat illibatam ib. aedes eius a principibus reipublicae viris fre-

quentantur 352. hoc illi cessit exitio ib. mors eius miseranda 354. libri eius 355.

Hyssopus, eius vsus in Aegypto non infrequens 782

I.

Iafne, ibi erigitur post euersam Hierosolymam a Iudaeis schola 814

Iamblichus, familia eius, parentes et patria 260. praeceptores eius 260. quisnam eius vitam concinnauerit 260. not. an Porphyrio non fuerit inferior 261. quando vixerit 261 discipulos nanciscitur plurimos 262. an Plutarchus Nestorii eius fuerit discipulus 263. an Iulianus et Proclus ib. in discipulis erudiendis diligentiam probat et dexteritatem 263. sanctitatis famam apud illos consequitur 264. ficta de illo miracula 264. imperium in daemones exercuisse traditur 264. conuictus Pythagoreus ab illo obseruatur 264. not. a. diuinissimus vocatur 265. et *ἁγιστάτος* ib. ingenio fuit felici atque fertili sed iudicii vi non firmato 266. elegantiae dictionis est incurius 266. plagii reus est ib. non satis in scribendo attentus 266. eruditus et mathematicarum disciplinarum peritus 266. vita eius Pythagorae ib. scripta eius 266. seq. an in libro eius de mysteriis Aegyptiorum Christianae veritatis scintillae micant 267. quando obierit 268. an ab Iuliano laudatus 269. an Valentis successorem detexerit 269. scholae eius post illius mortem fata 270

Ibbur quid sit 1047

Idea, extra intellectum diuinum non sunt ideae 402. rerum irrationalium ideae diuinae quales sint 404

Identitas non est qualitas entis 393

Idola an coluerint Samaritani 665

Iechidah quid sit 1041

Iehouah, huius nominis quatenus vis 876. et 877 nomen diuinum putatur miraculosum esse 971. eiusdem explicatio Cabbalistica philosophica 976

Iesus Siracides quando vixerit 789. quando eius enchiridion morale ex Hebraea in linguam Graecam sit translatum 789. cum Ben Sira in scriptis Talmudicis idem est 790. an illius enchiridion inter hagiographa relatum ib.

Ieiunia strictissime sunt obseruanda 743

Iezirah

R E R V M E T M A T E R I A R V M

Iezirah liber quid sit 927.	cui adscri-	rit 710. libri eius historici 710.	Græcae
bendus 711. definitio et nominis exposi-	tio 1023. eius natura	eruditioni operam dat	ib.
Ignis solus est in coelo 424.	ascendit 911	Iracundia, flos eius est infania	157
eius natura	911	Irra quare notatus a Moro	956 seqq.
Ikkarim quid	870	Isidorus, vitae eius scriptor 339.	vnde Gazaerus
Illuminatio, quae	446	dictus 341. Alexandriae litteris operam dat	341. ab Asclepiodoto morti eripitur ib. phi-
Immortalitas animae ab Alexandro Aphrodiseo	negatur 481. a Sadducaeis negata 725. qua-	losophiae et theologiae studio se dedit 341.	Athenas ad Proclum se conuertit 342. Ae-
lis a Phariseis credita	754	gyptia addiscit et Chaldaica mysteria 342.	Aristotelicam philosophiam capere nequit 342.
Incendium Francofurtanum 1111. per quem or-	tum	Enthusiasmus fauet ib. superstitioni est dedi-	tus 343. ad discendam theurgicam artem
Influxus animae in corpus Cabbalisticus	1039	animum applicat 343. Proclo sacrificat ib.	magna illius inter condiscipulos est auctoritas
emanationis in animam quomodo se manife-	stet	343. Morini successor designatur 343. reii-	cit hoc munus ib. precibus tamen victus
Inquisitores sapientiae apud Iudaeos	707	cathedram Platonice suscepit 343. arcanam	philosophiam docet 344. Alexandriam sece-
Infantia iracundiae flos est	157	dit ib. an Hypathiae fuerit maritus 344.	Domnam habuit uxorem 345. discipulos ha-
Intellectus, primus vnum est et multa 394. qui	ideas contemplatur a suo quodam superiore	minime segregatur 394. post se habet ani-	mani ib. est melius omnium quae sunt 400.
Dei imago est ib. purissimae mentis appella-	tione dignus ib. animam generat 400. men-	tis lumen est 401. vbicunque est, ibi etiam	sunt multa 401. ipse actio intelligentia est
401. est multiplex ib. obiecta eius sunt res	reuera existentes 401. est simul omnia ib.	ab illo non differt intellectualis essentia et	idea quaelibet 401. in se ipso in eodem se-
cum habitu conquiescens aeterna est omnium	plenitudo 402. liber viuere dicitur 417.	omnia fabricauit	421
Intelligentia Cabbalist. admirabilis quid sit 1040.	quid illuminans ibid.	Intentio quid sit et praestet in propagatione ani-	mae ex sensu Cabbalistarum
Interpolationes Cabbalistarum qua re adiutae	957	Interpretatio Cabbalae quomodo instituenda	1059
Inuocationes quomodo nos cum Diis connectant	437	Iosephus quando natus 709. in legis studio	maxime profecit ib. ab eremita seueram vi-
uendi rationem ediscit 709. Phariseorum	sectam sequitur ib. proficiscitur Romam ib.	reuersus domum suos a vinclicae studio de-	hortatur 709. in Galilaeam salutis publicae
promouendae causa mittitur ib. Vespasiano	imperium praedicat 709. Tito in obsidione	Hierosolymarum adest ib. quo usque vixe-	

credebantur ib. Alexandrinam sectam nouis
conatibus stabilire vult 300. ingens turba
impostorum aulam eius sequitur 301. artibus
magicis omnes superat 301. ad fatale in Per-
sidem bellum a Magis instigatur 301. Chri-
stianos a docendis artibus arceat 301. libros
scribit philosophicos 301. in omnibus se vt
Alexandrinae philosophiae alumnus gerit
302. cum diis commercium habere dicitur
302. philosophos Platonicos, theurgos, va-
tes secum habet in bello 302. oraculum de
eius bello Persico 302. mors eius 303
Iuris consulti Romani philosophiae studiosi 14
Iustinianus philosophos gentiles philosophiam
docere Athenis vetuit 347, 349
Iustus, eius definitio apud Deos alia est quam
apud homines 448
Iustitia Hermiae magna 316. apud Phariseos
quaenam 750
Iux, quodnam fuerit instrumentum 331

K.

Karaeorum secta, quando inceperit 706, 732.
vnde orta 714. scriptores de illa quinam
730. quid nomen eorum significet 731. val-
de antiqua est 733. an Sadducaeorum sit pro-
pago 734. an eorum origines ad Sec. VIII
reiciendae 734. coniectura de eius origi-
ne 735. an nomen eorum disteriis Aegypti-
acis adscribendum 736. nomen ipsum apud
Iudaeos in disteriis valde inuidiosum abiit
736. a scribis et Phariseis distinguitur
737. decreuit 738. caput iterum extollit
738. eorum dogmata 740. hodiernorum
vita 743
Kenaei, an Esseni ex illis orti 760
Klippoth quid et quinam sint 1032. adiurari
possunt 1032
Knorrius a Rosenroth Cabbalae lucem accendit
921. seqq. eiusdem Cabbala denudata quid
comprehendat 922 seqq.

L.

Laboris utilitas 914
Lapsus primi hominis quomodo factus 1047
Lectuli lucubrationum apud Romanos 584
Legati Athenienses philosophi, quo tempore Ro-
mam missi 7
Lex, in interpretatione illius ad quodnam at-

tendendum 741. oralis, anima Pharisaism i
748. datur praeter legem scriptam 750. non
scriptae reiciuntur a Sadducaeis 721
affirmatiuae non obligant foeminas 873.
earum diuisio apud Iudaeos in affirmatiuas
et negatiuas 872. illis vestita sit anima co-
ram Deo apparitura 1047. Mosaicae quales 899
Legio fulminatrix 594
Leonidae Isopsepha quid 974
Liberator humani generis, ita se Simon Magus
praedicat 673. et Menander 680
Libertas agendi cui tribuenda 417. quam in
re versetur ib.
Liber sapientiae Salomonis an ab ipso Salomone
conscriptus 693. Platonismi Alexandrini ve-
stigia in eo deprehenduntur ib. quisnam
eius auctor 693. loca quaedam Platonismi su-
specta adducuntur 694 seqq.
Libri, multorum Varro est auctor 30. Cabbal-
istici Iezirah, Sohar et Bahir cui adscri-
bendi 711
Linea quaedam recta lucis emanantis canalis
fuit 998
Lilith qualis Spiritus 895. quid sit 1021. et 1033.
ex eo leuures et spectra nocturna 1033
Locus in materia non est 420
Logica, illam scripsit Maimonides 859
λογος quid hac sub voce intellexerit Philo 808,
811. cum Alexandrinorum conciliatur Adam
Kadmon 1002
Longinus, natiuitas eius et educatio 214. variis
locis in studia litterarum incumbit 214. quos-
nam audiuerit philosophos 214. Platonisme-
morum quotannis conuiuio celebrat 214.
philologi magis quam philosophi nomen me-
retur 215. nomen eius pro critico excellen-
tissimo habetur 215. viua vocatur bibliote-
ca 215. multum valet apud Zenobiam. 215
interficitur 216
Loquacitas multa habet praecipitia 157
Lucerna fictilis Epicteti magno pretio venditur 573
Lucianus an dixerit, Peregrinum a Christi-
anis pro Deo esse habitum 519.
quando vixerit 615. artem statuariam
discere debet 616. somno monetur quam-
nam artem profiteri eum oporteat ib. caus-
as dicit 617. eloquentiam excolit ib. per
varias terras proficiscitur 617. philosophiae
se tradit totum 617. sanas de philosophia
habet notiones 618. sectarios philosophos
ludibrio habet 618. Epicuri fauet sectae 619.
omnem philosophorum gentem inter im-
postores

R E R V M E T M A T E R I A R V M.

stores numerat ib. in ridendi arte excedit 620. Christianam religionem sarcasmiis excipit 620. an atheus fuerit 621. Aegypti procuratori praeponitur 622. quo mortis genere vitam finierit 622. quo aetatis anno obierit ib.
 Lucretius, quinam eius vitam scripserint 67. amatorio poculo in furorem versus est ib. propria manu se interficit 68. physiologiam Epicuream eleganti stylo conscripsit ib. an principia sua interdum fuerit oblitus ib. vitiis infensum se praebeuit 69. atheismus eius 69. editiones carminis eius ib.
 Lucullus philosophiae Graecae apud Romanos fautor maximus 16
 Lumen ex Deo vndecunq; radians quidnam 673. ex illo naturae diuinae effluerunt 674
 Lustrationes quid efficiant 437
 Lux suprema quando extensa fuerit 996. eius splendor 997
 Lydda, schola ibi Iudaica celebris 815

M.

Maaseh Bereschith quid 975. Mercauah quid 975. vtrum comprehendat Cabballam practicam an doctrinas Sephirothicas 976
 Macrobius philosophiae Alexandrinae deditus 356
 Macropropos quid 1021.
 Magia, naturalem cum suo damno exercet Anaxilaus Larissaeus 86. an a Iudaeis post captiuitatem Babylonicam culta 703
 Magnus, quis ita vocatus 313, 315
 Magus Deorum minister est 152
 Maian Chochma libri quis auctor 928
 Maimonides librum ecclesiae Iudaicae symbolicum constituit 869. vid. Moses.
 Malkuth quid 925
 Malum, morale vnde deriuetur in Ecclesiorum schola 458. intra pulnereum terrae putrescit 1047
 Mauilius Stoicus fuit 79. an pantheismi fautoribus aggregandus ib. an cum Spinoza faciat 79
 Marinus, quemnam sibi proposuerit scopum in describenda Procli vita 318. quisnam fuerit 337. Proclo in philosophica Atheniensis cathedra succedit ib. an scriptorum mathematicorum sub eius nomine exstantium sit auctor 337. infirmo fuit corpore 338. Athenis Epidaurum secedit 338. discipuli eius ib. Athenis mortuus est 338. Grammaticos rhetoresque quaestionibus criticis vexat ib. vultu fuit grauis et lingua disertus ib.
Hist. philos. Tom. II.

Martyr, an in eorum contumeliam concrematio Peregrini sit excogitata 525
 Masbathaei quinam 788
 Materia nunquam informis existere voluit 407.
 Materia quid 419. est in mundo quoque intelligibili ib. primae nihil prorsus eorum, quae in ipso sensibilibus genere percipiuntur, tribui potest 419. indefinita est ib. non est nomen inane 420. non est actus sed potentia ibid. apta est ad Deos suscipiendos 452. quomodo Deus eam produxerit 455. tenebricosa extra diuini pleromatis lumen creditur a Simone Mago 675. non potest creari 980. nec potest a se existere ibid. nulla est in rerum natura 980. 988. 989. qua re orta 981. ex nihilo prodire non potuit 988. praeexistentis dogma absurdum 989. eiusdem origo 1026. non habet entitatem ibid. quid sit 1027
 Materialitas quid sit? 964
 Maximus Ephesus, eius genus 281. valde disertus est 282. Alexandrinam philosophiam discit ibid. Aedesio et Sosipatrae charus ib. Iulianum instituit ibid. ingenti cum comitatu Constantinopolin appulit 284. benignissime ab imperatore excipitur ibid. ab aulicis honoratus ib. elatior inde factus ib. ad bellum Persicum cum Imperatore profiscitur ib. in custodiam redux rapitur 285. multa ei imponitur ib. iterum quaestioni subiicitur ib. causa inquisitionis quaenam ib. a Clearcho vinculis eximitur 286. reuerenter habetur ib. vaticinio de imperatoris morte et successore interest 286. seq. interficitur 287. mortem eius diuina Nemesis vlta esse dicitur 287. dotes corporis et animi eius 288
 Mathematicus, varia huius vocis significatio apud veteres fuit 635 not.
 Matrimonii lex qualis 897
 Mediator, Ecclesiorum de mediatoribus doctrina 433 seqq.
 Medicina cum corpore etiam animae curam habet 157. Alexandriae maxime culta 185 not. a. quare illam respuerit Plotinus 225
 Menistae, quinam 788
 Mens, eius progenies ex sententia Ecclesiorum quae 401. diuina quomodo per suas ideas in materiam agat 404
 Metatron quid sit 1032. 1035. 1036
 Metempsychosis Pythagorae cum Stoica metemphomatosi ab Onidio confunditur 78. in schola
 B b b b b b b

II. INDEX

Ia Eclecticorum 461. an a Phariseis credita 254. Cabbalistica quid sit 1047
 Methodus Iudaeorum duplex 867. arcana ubi inualuerit 941. praecipue inter Ebraeos ib.
 Microprosopos, quid 1024
 Minerua, unde Simonis Magi scortum apud gentiles ita dictum 672
 Miracula nominibus diuinis effici posse 875
 Mischna Iudaeorum quando facta 825
 Mithra, noua eius cultus explicatio 1072. an apud Etruscos eius fuerit cultus 1080
 Modestia Themistii inter summos honores depraedicata 487
 Monachi cum Cynicis comparantur 501
 Moralis philosophia orientalis 649. Eclecticorum 457. Iudaicae conspectus 911
 Mors, quid ex mente Pythagorae 152. ex mente Secundi quid 160. philosophica quidnam sit 461. animae, quidnam ita dicendum 742
 Moses atticissans dicitur Plato 177
 Moses Maimonides, natiuitas eius 857. praecipit eius ib. apud Auerroem viuit 858. ad Muhammedanos se conuertisse dicitur ibid. in Aegyptum fugit ibid. Auicennae scripta conuertit ib. venenum sine noxa haurit 859. vbi nam obierit ib. eruditio eius ibid.
 Motus non est qualitas entis 393. in primo est intellectu ib. quidnam sit ex Eclecticorum sententia 395
 Mulieres philosophantes. vid. Foeminae eruditae.
 Mulierum sermones vitandae, quare 915
 Mundus ex mente Secundi quid 159. qualis ex Eclecticorum opinione factus 408. quomodo animatus ibid. est duplex, intelligibilis et sensibilis 419. est quidem semper, nunquam vero non est 420. verus et primus quis 421. quomodo factus ib. totum quiddam pulchrum est 422. perfectus est ib. non perfectum in eo malum est ibid. durat perpetuus 423. compositum quoddam est 425. mixta eius est natura ib. quando Deus fit ib. quomodo creatus ex mente Gnosticorum 648. ex Deitatis oceano effluxit 677. an creatus sit 883. an ex nihilo sit productus ib. et 884. non est a se 886. an totus interiturus sit 909. quibus partibus constet 981. materialis reuera spiritalis ibid. redibit in statum meliorem 982. immanens naturae diuinae effectus 983. 990. 993. opus substantiae diuinae attributa sua varie modificantis 1022. per emanationem manifestatus Deus 990. ensophicus quid sit

995. quilibet mundus habet quatuor elementa 1030. qua re constituentur mundi ibid. mundi Cabbalistarum quatuor Aziluth, Briah, Iezirah et Asiah 1022 seqq. quomodo orti sint 1029. eorum systematis delineatio 1025 seqq. eorum connexio Cabbal. 1044. emanatiui et creatiui mundi differentia 1067.
 Musonius Babylonius Cynicus cum Stoico confunditur 501. ab illo est distinguendus 502. proximus ab Apollonio sapientia habetur 504. in carcerem conicitur ib. commercium litterarium cum Apollonio init 504. in exilium mittitur vinculis constrictus, vt Isthmum fodat ib. quo fati genere obierit 505. laudatur ibid.
 Musonius Rufus, genus eius et patria 540. artium studiis se vehementer dedit 541. an Hermogenes eius fuerit praeceptor ibid. ad philosophiam Stoicam animum applicat 541. exilio mulcatur ibid. reuocatur Romam ibid. an a munitionibus praefecto distinguendus. ibid. viuendo etiam est philosophatus 542. quaedam eius dicta atque praecepta ibid.
 Musonitae quinam 788
 Mysteria diuina male a Cabbalisticis et ineptis Allegoriis exprimuntur 1061. eorum explicatio oralis olim obtinuit 936 seq.

N.

Nafi quis ita dictus 820
 Natales Platonis conuiuio quotannis celebrat Longinus 214
 Natiuitas, diem Natiuitatis studiose celat Plotinus 219
 Natura corporea aequiuoce dicitur essentia 394. an genitricem statuerit Ouidius 77 not.
 Naziraci, an ex iis Esseni orti 761
 Nephesch quid sit 1039
 Neschamah quid sit 1040
 Nihil, ex illo aliquid fieri posse docet Apollonius 157. ex nihilo nihil fit mente Eclecticorum 458. Gnosticorum 646. ex nihilo nihil creari potest 980. 985. nihil ex se ipso existit, sed omne per Adam Kadmon 992
 Nicolaus Damascenus quando vixerit 469. parentes eius ibid. singularem laudem consequitur ephebis nondum excessus 469. comoedias tragoediasque iuuenis scribit 470
 Aristotelem sibi imitandum proponit ibid. huma-

R E R V M E T M A T E R I A R V M.

humaniorum litterarum disciplinas edoctus
ad philosophiam se confert *ibid.* Platonem
magnum facit *ib.* ab imperatore Augusto et
rege Herode diligitur *ib.* vniuersalem hi-
storiam scribere aggreditur 471. mores eius
et virtutes *ib.* scripta eius 472
Nimbus, radiante circumfunditur caput Procli
332
Noetarcha, quare Deus ita dictus 455
Nomina diuina quot 875
Nonaria, quodnam scortum ita dictum 499
not.
Norma fidei et vitae non alia assumenda prae-
ter scripta Mosis et Prophetarum 740
Notaricon quid sit 973. vnde nomen 973
Nunnenius quando vixerit 176. magni aesti-
matur inter Platonicos *ibid.* eius scripta
Amelius memoria edificat 177. libri eius de
differentia Academicorum a Platone 177.
priscos philosophos ab Hebraeis veri Dei no-
titiam adeptos esse statuit 177
Numerus non inter prima rerum refertur
393

O.

Obscuritas Cabbalae quanta sit 1058 seq.
Obscurationes in Deos nullum locum habent
454
Oenomaus, an inter Cynicos referendus 509
scripta eius 511
Olympiodorus quando floruerit et qua in scho-
la docuerit 490. an auctor commentarii in
Aristotelis libros meteorologicos 491
Omnia ex vno effluxere 960
Opera supererogationis a Iudaeis praestita quae-
nam 713. bonorum non datur remuneratio
alia, quam quae in hac vita 727. bona ac-
cipiunt praemium 898. iustitiam ergo ex iis
consequi licet *ibid.* iustitiam consequentia
et cum Deo reconciliantia quae sint? 899
Opiniones de origine Cabbalae diuersae conci-
liantur 946
Opiniatae apud Iudaeos, quinam 819
Oraculum vaticinii diuini species 446 in lae-
ua manu inscriptum conspicit Aedestus
272
Oralis lex a Sadducaeis reiicitur 721
Oratio, longarum Pharisei sunt studiosissimi
756
Orbes coelorum quot 910. quales *ib.* vnus-
quisque ex octo aliis orbibus constat *ibid.*

orbis nonus in duodecim signa diuiditur *ib.*
omnes habent animas *ibid.*
Ordo rebus inest eique Deus praesidet 156
hic mutari nequit *ibid.*
Or Haënsoph quidnam ita vocatum apud Gno-
sticos 646. explicatur 673. 996
Orientalis philosophiae momentum 639. exi-
stentia eius probata 640. nomen Gnostico-
rum sibi vindicat 641. origines huius se-
ctae 642. cum philosophia Pythagorica
Platonica quaedam dogmata habet coniuncta
644. metaphysica quaedam et theologia
fuit 645. eius de mundo visibili placita
648. doctrina eius moralis 649. discordia
sectarum ex ea orta 650. ex Zoroastrea or-
ta 651. difficultates in eius historia 652
Origenes an Porphyrii praeceptor aut condisci-
pulus fuerit 241 seq. an allegoriae metho-
dum a Cornuto acceperit 540
Originem Cabbalae scire quid profit 1060
Osiris quid 455. quis 961
Osleni dicuntur Esleni 765
Ouidius, philosophiae graecae quidem inter-
pres est, sed non ipse philosophus 77. an
naturam genitricem statuerit *ib.* not. Py-
thagoreum systema et Empedocleam physio-
logiam exprimit 78. an systema historiae
naturalis tradiderit *ibid.*

P.

Parallelismus philosophiae Aegyptiacae, Orien-
talis, et Cabbalisticae 960
Particulae singulae infinitae sunt 980
Patria, omnis terra est censenda 151
Pauperem quomodo esse deceat 157
Paupertas, summam magno fert animo Deme-
trius Cynicus 508
Peccatum, an homines illud ex se ipsis agant
423. protoplastorum causa mortis et cala-
mitatum 897. inclinatio peccandi vnde oria-
tur 898. eius cogitationes grauiiores ipso
peccato 913. Adami vnde ortum 1034
Perdix vocem humanam intelligens respondet
247
Peregrinus Pseudo-Cynicus habetur 518. Pro-
teus dicitur *ibid.* lasciuiae deditus 518.
parentem senem praefocauit *ibid.* in fu-
gam se confert 519. Christianorum sapien-
tiam perdidicisse fertur *ib.* in Palaestina
cum sacerdotibus conuersatus est 519. an
a Christianis pro Deo sit habitus *ibid.* an
B b b b b b b 2 ad

II. INDEX

- ad Iudaeorum transferit castra 520. an libros scripserit Christianos ib. an Ignatium Marti-
tyrem voluerit imitare 521. quare Cynici
habitum sumserit 522. an e Christianorum
coetu eiectus 523. in Aegyptum peregrina-
tionem instituit ib. ex Aegypto in Italian
soluit ib. dicax est in imperatorem ib. ex
vrbe relegatur ib. an cum Epicteto et Dio-
ne sit conuersatus 524. in Graeciam se con-
fert, omnesque verbis laceffat ibid. con-
temnitur ibid. se ipsum comburit ibid.
quid de eius vita a Luciano conscripta iudi-
candum 525. an concrematio eius in con-
tumeliam martyrum excogitata ib. laudes
eius 526. eius aetas ibid.
- Pergamus vrbs eruditione celeberrima 184.
ob templum Aesculapii morborum curationi-
bus famosum clara ib. Alexandriae aemula
185 not. b
- Peripatetica secta Romae excepta 18. cultores
eius apud Romanos 60. eius fata sub Impe-
ratoribus 463. eius historia in classes di-
stribuitur 464. quo favore vsa 466. eius
doctores syncrētistae 477. genuini 479.
decrefcens philosophia peripatetica 492.
obseruationes generales de hac secta sub Imp.
493 seqq.
- Pharisei, vnde orti 714. an a Mose 744.
an Zacharias eorum sectam adumbrauerit
744. quando orti ib. seq. eandem cum
Sadducaeis habent antiquitatem 746. vnde
dicti 747. a communi viuendi ratione se
separant 748. lex oralis et traditio anima
Pharisaismi ibid. vnde eorum familia tan-
ta incrementa cepit 749. eorum dogmata
750. vtrum Stoicorum propago sint censendi
752. eorum vita 756. eorum classes
757. vnde eorum auctoritas 758. vitia eo-
rum ibid. inter illos quoque foeminae fuere
759
- Philo, familia eius 797. quando natus ibid.
Platonis eloquentiam et philosophiam sibi
imitandam proposuit 798. Mose Platonis
dogmata adscribit ibid. philosophiae con-
templatiuae inhaerere optat 798. legatio-
nes ad Imperatorem suscipit 799. an cum
Apostolo Petro sit locutus ibid. an fuerit
Christianus ibid. Hebraicae linguae an prorsus
fuerit ignarus 800. allegoriae studium
amat ibid. Platonius Alexandrinus 801.
an Platonismum reformatum professus fuerit
802. an creationem ex nihilo crediderit
884. 885. fuit Cabbalisticus et Pythagoreo-
Platonius 966
- Philosophia, fata eius apud Romanos 3 seqq.
quare a Romanis primis temporibus non ad-
missa 6. Graeca Romae recepta 12. Stoica
Roman. ICTis placet 14. quare 15. cur se-
ctaria Romae admissa 20. Pythagoricae fata
apud Romanos 23. ratio eius sub Caesaribus
70. Virgilii 71. Horatii 75. Ouidii 77.
Manilii 78. historicorum Latinorum 81.
quare philosophandum mente Apolloni-
i 151. rerum omnium est praestantissima
152. Eclectica quatenus fuerit 189 seq. eius
finis ex Eclecticorum sententia est liberatio
a vinculis humanis 459. consistit in serio sa-
pientiae studio 563. Iudaica, vid. Hebraei,
eius conditio et indoles 862. cum illa theo-
logia fere coincidit ibid. confusa habet ra-
tionis et reuelationis principia 864. falsa
est ibid. orientalis 693. Aegyptiaca et
Alexandrina qualis 944
- Philosophus, Graecorum fata apud Romanos 10.
an a Nerone vrbe eiecti sint omnes 118. vrbe
et orbe Romano eos proscribit Domitianus
128. Philosophus ex mente Apollonii qualis
151. paucis ei opus est ibid. liber est ib.
non mercedem pro philosophia accipiet ib.
philosophus futurus quid sibi faciendum 542.
quis sit 563
- Philostratus, quare vitam Apollonii conscripse-
rit 145
- Physiologia, Empedocleam exprimit Ouidius 78
- Pictoria ars an apud Romanos fuerit seruilis 583
- Picus I. Franc. praecipuus in Cabbalisticos 918.
919
- Pingi non se patitur Plotinus 226
- Pirke abhorth liber quid comprehendat 911
- Plagium, illius suspectus est Plotinus 230. et
Proclus 233. et Iamblichus 266
- Plato, eius libri quidam a Cicerone iuvene in lati-
num sermonem translati 36. atticissans Mo-
ses dicitur 177
- Plenum quomodo mente Apollonii visibile et
inuisibile fiat 153
- Plinius senior, de patria eius disputatur 609.
in iuuentute equestribus militiis perfungitur
610. libros de dubiis Grammaticis scribit
ibid. gratiofus est apud Vespasianum 610.
summe est industrius ibid. eius historia
mundi 611. eius philosophia quatenus 612.
atheismus ei obicitur 613. fatale eius exi-
tium 614
- Ploti-

R E R V M E T M A T E R I A R V M.

Plotinus, quinam eius vitam scripserint 217.
patria eius 218. quo tempore natus 219.
diem natiuitatis studiose celat ibid. octauo
adhuc aetatis anno nutricis papillas fugit ib.
serus ad philosophiam accedit ibid. omnes
Alexandriae scholas frequentat ibid. sed
omnes ei displicent 220. Ammonium vnde-
cim annos auscultauit ib. Gordiani exerci-
tui se adiungit ib. Romam venit 221. scho-
las philosophicas instituit ib. ad libros scri-
bendos se accingit ib. non cum omnibus illos
communicat ibid. ordinis et elegantiae in
scribendo non curiosus ibid. non relegit,
quae scripsit 222. orthographiae nullam ha-
bet curam ib. inter meditandum cum suis
verba facit ib. scripta sua Porphyrio tradit
emendanda ib. libri eius ab aliis partiu-
ntur 223. plures habet auditores quam se-
ctatores ib. eum quoque audiebant mulie-
res 224. studio philosophiae tantopere de-
ditus, vt somni atque cibi obliuiscatur ibid.
magna illius est aestimatio ib. facultates or-
batorum liberorum ei traduntur administran-
dae ib. plurimorum ciuium est arbiter 225.
ab imperatore colitur ibid. ciuitatem iuxta
Platonis leges instituendi facultatem sibi ex-
petit ibid. non firma vititur fanitate ibid.
quare medicinam respuerit, abstineritque
a balneis ib. non se pingi patiebatur 226.
quare ib. iu anginam incidit miserandaque
moritur morte ibid. temperamentum eius
227. philosophia eius spectat ad Enthusias-
mum 227. 230. multum laudatur 227. Diis
est familiarissimus 228. incantatorem in-
cantationibus vincit 229. quanta fides ora-
culo de illo sit habenda ib. valde obscurus
est et subtilis ib. inde laudatur ibid. ad
ecstases rapitur 230. plagii expilatique Nu-
menii suspectus est ib. astrologicas vanita-
tes contemnit ibid. Deum summum vidisse
iaetat ib. impostor fuit et praefigurator 231.
successio scholae eius ib. Ammonii systema
exornat et ad fastigium ducit ibid. an eius
schola iure meritoque Alexandrina sit vo-
canda 232

Plutarchus, eius natiuitas 179. iudicium eius
mediocre ib. magis in moralibus quam phy-
sics valet ib. an philosophis summis annu-
merandus ib. ingenii fertilitate est gaudius
ib. et memoria vsus excellenti ib. eius sa-
milia ib. vitam eius quinam scripserint ib.
quo tempore vixerit 180. iuuentutem ma-

ture reipublicae applicuit ib. apud Traia-
num valde gratiosus est ib. an epistola ad
illum ab eo scripta ibid. senex latinam lin-
guam didicit ib. procurator Graeciae factus
ib. philosophiam docet Romae ib. plura
eius scripta interciderunt 181. reliqua magni
aestimantur ib. plus agit philosophorum in-
terpretem, quam ipsum philosophum 182.
scepticum agit ib. maxime fauet Platoni et
Academiae veteri ib. Stoicis et Epicureis est
insensus ib. an inter Dei hostes referendus
ib. quando obierit 183

Plutarchus Nestorii quando vixerit et quosnam
praeceptores habuerit 312. an Iamblichum
ipsum audierit 313. non conciliatricem tan-
tum Ammonii sed et theurgicam Plotini phi-
losofiam edoctus est ib. magnus appella-
tur ib. scripta eius deperdita ib. maxime
in theurgia excelluit ib. liberi eius Philo-
sophi 314. multos habet discipulos ibid.
peculiari eius nomine discipuli appellantur
ib. quot annos vixerit ibid.

Pneumatologia Cabbalistica 1030

Podagram laudat Lucianus 622

Poenitentia vera quemuis tollit reatum 743

Poeta, Latinorum poetarum philosophia qualis
71

Portae prudentiae quae, quid, et quot sint 1051

Politices professores Athenis an ab rhetoribus
suerint distincti 310

Polygamia est reiicienda 727

Porphyrius, vnde nomen acceperit 214. 241.
an illi in Plotini vitae enarratione fidendum
217. Christianae non fauet religioni 251.
Plotini scripta emendat 222. 244. de suis
quaedam illis adiicit 223. an Amelii fuerit
discipulus 235. quinam vitam eius scripse-
runt 236. eius patria 237. an Iudaeus fue-
rit ib. quare Batanaeota dictus 238. vnde
se Tyrium dixerit 240. Malchi nomen in
patria gerit 241. quando natus ib. Orige-
nem Adamantium fere puer audit ib. ex
eius schola ad Longinum discedit 242. in
elegantiores incumbit litteras 243. multos
legit libros ib. Ammonii philosophiam stu-
det ib. Romam venit ib. a Plotino bene-
uole recipitur 244. diligens est in addiscen-
da eius philosophia ib. praeceptorem Ploti-
num defendit ib. litterarum commercium
cum Plotino fouet ib. melancholia oppri-
mitur ib. de se interficiendo cogitat ibid.
pro furentem habetur 245. in Siciliam profi-
cisci-
B b b b b b 3

II. INDEX

ciscitur 246. pestilentissima contra Christianos scripta exarat 246. libris philosophicis scribendis manum adnouet 247. Carthaginem se confert ib. Romae docet 248 magnam consequitur gloriam 248. Deum sine imagine videt ib. Plotini vitam scribit 248. quando obierit ib. in coniugio vixit 248. multos habet discipulos 249. temperamentum eius 249. an fumus philosophus sit habendus 250. theurgicis imposturis operam dat 250. supra has artes se emeruisse gloriatur 251. hostis Christianorum infensissimus 251. an Christianus fuerit 251, seq. non fuit apostata 253. Christianae doctrinae non ignarus in illam insurgit 255. libri eius prohibiti ib. refutantur ib. nua le habetur 255. Ariani publico edicto Porphyriani ab illo dicuntur 256. ingenium eius et eruditio 257. multos scripsit libros varii generis 258. quinam de illis nobis adhuc supersint ib. quidam de eius historia philosophica iudicandum 258

Potamo, quare Ecclesiae sectae auctor nominatus 193. quo tempore vixerit 194. seqq. aetas eius definita 198. eius philosophumena 203. Platonicos cum Stoicis et Aristotelicis conciliat 204. sequitur Stratonem et Democritum 204. et Epicurum ib. Stoicos et Peripateticos coniungit ib. schola eius cum ipso interiit 205

Praeexistencia animarum 887. animarum omnium in Adamo 1047

Praeindicia in Cabbala vitanda quae sint 1056

Praescientia diuinum quid et supernaturale est 444. quomodo fiat ib. necessitantis dogma absurdum 881

Preces inter illas Iamblichus ab humo attolli traditur 264. Asclepigenia precibus Procli fanatur 314. an Dii illis afficiantur 437. ad Deos sunt dirigendae 438. quomodo illas ad se recipiant Dii ib. magna pars sunt sacrificiorum 453. amicitiam nobis ad Deos conficiunt ib. quomodo in illis coram Deo comparandum 743

Principes vitandi 915

Principium Ecclesiarum de illo doctrina rerum vniuersarum duo sunt ex Potamonis sententia 204. rerum omnium principium quid 960. ex hoc omnia principia bona 960. secundum quid 960. 961. duo, an statuerit Simon Magnus 675

Proclus, vitae eius scriptor qualem sibi proposuerit scopum 318. patria eius et parentes

319. genethliacum eius 320. an classem Vitaliani Thracis speculis vistoriis combussit 320. annus eius natalis 320. totum se litteris tradit puer 321. adolescens ab Apolline sanatus dicitur ib. Alexandriam profectus eloquentiae et elegantioribus litteris se tradit 321. a Leone Isauro in familiam recipitur ac filii instar habetur ib. grammaticam excolit 321. magnos in lingua Romana facit progressus 321. iurisprudentiae se dedit ib. dicendi arte claruisse ib. cum Leone natale solum inuist 321. a Minerua in somnio excitatur, vt Atheniensium inuiceret scholas 322. Alexandriam reuertitur ib. philosophos frequentat 322. praeceptoribus est acceptus ib. condiscipulis praeceptorum lectiones exponit 322. Athenas contendit ib. in Syrianum incidit 323. ad Plutarchum Nestorii deducitur 323. ab eo instruitur ib. a Syriano suscipitur 323. quare Diadochus vocatus 323. not. a Syriano in conuictum recipitur 324. diu noctuque studiis inuigilat ib. annum agens XXVIII commentarium in Platonis Timaeum conscribit 324. theurgiam ab Asclepigenia discit ib. theurgum se praestat mirabilem 324. a Syriano successor designatur ib. eruditio eius 325. industrius fuit in docendo 325. plurima scripsit ib. rudis saepe indigestaque moles in illis deprehenditur 326. magnum discipulorum nanciscitur numerum ib. virtutes eius corporis et animi 328. consultationibus politicis saepe interest 328. pro bonarum litterarum professoribus intercedit ib. professores ad diligentiam cogit 329. amicorum salutem curat ib. cibi et potus est parcissimus 329. in Asiam proficiscitur 329. coelibem vitam agit ib. pietas eius laudata 329. conuersatio eius cum Diis prorsus familiaris fertur ib. frequentes habet apparitiones 330. omnium gentium numina colit 330. vna Indaeorum et Christianorum religione excepta 331. an a Christianis quaedam in colendis numinibus receperit ib. miranda in theurgia perfecisse dicitur 331. caput eius nimbo radiante circumfunditur 332. diuinae inspirationis particeps creditur ib. superstitioni fuit addictissimus 332. vniuersi defunctorum animabus sacra facit 333. iudicio caret ib. fraudibus vtitur 333. plagii crimen in illum cadit ib. ambitiosus est 334. castitas eius in suspicionem adducta 334. ira eius quomodo

R E R V M E T M A T E R I A R V M

modo a Mariuo excusatur ib. pecuniam
amat 335. quomodo se in morbo gesserit
335. quando obierit diem supremum ib.
quonam loco sepultus 336. ad sepulchrum
eius thura affert Isidorus 336. scripta eius
ib. iudicium de illis 336. historiam philo-
sophiae adulterauit 336. succetores eius
338
Prometheus, an vincula eius ex petris suspensa
supereffe Damis viderit 109
Proprietates diuinae quomodo vocentur 878
Proteus, quisnam ita dictus 518
Prudentia accusari non potest quod homines
non fecerit Deos 423. vtrum a Sadducaei
negata 726. Dei circa omnia versatur 742.
illam fatum esse crediderint Pharisei 751.
diuinae influxus in omnes res vel minimas
889
Proximus non iudicandus 915
Prudentia, vis animi ab illa non separanda
152
Psychologia Cabbalistica cur tam obseura 1038
seq. Eclecticorum 411. Platonica explicata
1084
Pseudophilosophiae characteres sunt in philoso-
phia Cabbalistica 969
Phtha quidnam ita dictum 455. et 561
Purgatio duplex vel theurgica, vel anagogica
281. animarum est philosophiae finis 459.
duplex 461. animarum Cabbalistici quid sit
1048
Purgatorium datur 902 vnde hoc dogma hau-
stum 903
Puteoritae quinam 788
Pyrrhoniae sectae apud Romanos cultores
69
Pyrrhonismus sobrius vbi locum habeat
957
Pythagoricae philosophiae fata apud Romanos
23
Pythagorica secta, an post C. N. refluuerit
85
Pythagoreus, quaenam ab illo discenda 152

Q

Qualitas non inter prima rerum refertur 393.
quidnam in eius genere ponenda 395. quae
qualitates nominantur, actus sunt 420
Quantitas non inter prima rerum refertur 393.
quam in re ponenda 396
Quies quid sit ex Eclecticorum sententia 395

R

Rabbanitae Phariseorum propago genuina 750
Rabbanus, qui primus se ita dixerit 794
Rafcho tebhoth quid sit 973
Ratio seu λογος quid 421. quomodo ex illa pul-
lulauerit vniuersum 421. artifex mundi non
omnia fecit aequaliter perfecta et bona 423.
seminaria mundi quid ib. seminales quae-
nam sint 425
Rechabitae an Essenorum parentes 760
Remuneratio bonorum operum alia, quam in hac
vita, nulla est 727
Requies, quid sit 395. quando nobis contingat 418
Res in sapiente quot 913
Resurrectio, an Samaritani illam non crediderint
665. illam Simon negauit 679. negant et
Sadducaei 725. 726. an tantum bonorum a
Phariseis credita 754. mortuorum reuela-
tione et ratione euicta 904, 905
Resuscitatio corporis nulla creditur 679. an
Menander illam statuerit 681
Reuolutio animarum quid 904. vnde hausta
sit ibid. corporum quid 906. magna vni-
uersi 1033. vnde hoc dogma haustum 1033.
in genere quid 1047. earum causae quae
1048. modus eiusdem possibilis quis sit 1048.
eiusdem ordo ib. eiusd. gradus ib. ea impio
plus nocet quam prodest 1049. pio diuturna
et iterata multum prodest 1049
Romani, tempore post reges proximo nullum
philosophiae dederunt locum 5. quare Phi-
losofiam non admiserint 6. quare a mor-
ribus litterisque aliarum gentium veteres
abhorruerint 20. quodnam philosophiae ge-
nus sint secuti 20. seq. vnde Academiae me-
diae et nouae philosophiae placita Romanis
valde arriferint 33
Ruach explicatur 1039

S

Saadias Gahon quibusnam ex causis in histo-
ria philosophica attentionem mereatur
848
Sacerdos, Platonius brutis quibusdam spiritibus
imperare potest 448
Sacrificium, quare a cruentis abstinendum 157.
illorum effectus cuiusnam tribuendi 450. illo-
rum ritus connectuntur et comparantur ad
Deorum

II. INDEX

- Deorum ordines 451. quare diuersis opus 452. quodnam perfectissimum ib. non Diis indignum offeramus 453. preces magna pars sunt eorum 453. sacrificia an fecerint Esseni 772
- Sadducaeorum secta vnde enata 714. primae eius origines incertae 715. quomodo orta 716. magna inter Iudaeos gauisa est auctoritate 719. an de traditionum necessitate cum Pharisaeis disputauerint 720. athei habentur ib. diminuitur 720. recentiori aetate nunquam emergere potest 720. Saracenorum persecutionem experta 720. eorum doctrinae 721. an praeter Pentateuchum nihil admiserint 721. eorum vita 728. Epicureis annumerantur 729
- Salaria professoribus omnium disciplinarum a M. Aurelio Antonino Athenis constituta 310. a sequentibus imperatoribus vero illis plane sunt adempta aut valde imminuta 311
- Sallustius Cynicus, patria eius et genus 527. ad iurisprudentiae studia se applicuit 527. Demosthenis orationes edidit ib. Alexandriae eloquentiam studet 527. Athenis Proclum audit 527. Cynicum philosophandi genus eligit 528. quomodo dolorem contemnere didicerit 528. odio in philosophos ducitur magno ib. cum Isidoro Alexandriam secessit 528. vrbane et eloquens est 529. falsae homines perstringit ib. impietatis suspectus factus est 529. an libelli de Diis auctor 530
- Samaritae quinam 788
- Samaritanorum historia 661. Cuthim a Iudaeis vnde dicti 661. varios coluerunt Deos ib. Iudaeis auersantur 662. cum iis vnionem inire laborant 662. doctrinam suam emendant 663. eorum doctrina 664. an idola coluerint 665. an resurrectionem non crediderint 665. contra Peripateticos disputant 683
- Sandalphon quis sit 1035
- Sapiens quo animo paucis contentus est 157
- Satisfactio, eius genera atque classes apud Phariseos 750
- Satyras a Varrone scribuntur 32
- Sceptica secta, eius historia quare brevis 627. Romanis quare non accepta ib. quidam eius aetate celebriores 629. sectae nomen refugit 637. Christiani se opponunt illi vehementer 638. prorsus euulsi ib.
- Schaar haschamaim libri argumentum 953
- Schamunai Hillelis collega 795. schola eius celebris ib. acerrime contra traditiones disputat 795. dissensio inter illum et Hillelem orta 796 truculenti animi fuit 796
- Scholasticus, quidnam haec vox Romanis denotauerit 37. 11.
- Scriptum Davidicum quid sit 971
- Scribae apud Iudaeos quinam fuerint 738
- Sebaste vrbs Samaritanorum exstructa 664
- Seburaci, quinam 819
- Secta peripatetica Romae excepta 18. eiusdem fata sub imperatoribus 463. Academicae sectatores apud Romanos 28 seq. Alexandrina 231. Cynicae fata sub imperatoribus 496 seqq. Eclectica 189 seqq. Epicurea 549. Essenorum origo 759. Gnosticorum 641 seqq. Hebraeorum origines 712. Karaeorum 706, 714, 730 seqq. Pharisaeorum 714, 744 seqq. Pyrrhoniae inter Romanos fata 69. Pythagorica an post C. N. refluuerit 85. Sadducaeorum 714. Scepticae fata et sectatores apud Romanos 627 seqq. Sextia, quaenam fuerit 87 seqq. Stoicae inter Romanos aetate 50. fata eius sub imperatoribus 531 seqq. Platonica post C. N. emergens 162
- Seir Anpiu quid sit 1021 it. 1033
- Semitae sapientiae quae et quot 1049. quid sint 1051
- Seneca, L. Annaeus, quinam eius vitam scripserint 545. patria eius ibid. parentes eius 546. quando natus ib. fratres eius 546. philosophiae studio prae eloquentia se dedit 547. Sotionem habet praeceptorem 547. ad Stoicos transit ib. vtrum sectariis an Eclecticis sit annumerandus 547. patris iussu causas agit 549. honores eius et matrimonium ibid. adulterii suspectus in exilium mittitur 550. philosophiae et litteris elegantioribus ibi indulget 550 reuocatur intercedente Agrippina 551. Neroni praeficitur ibid. amplissimis opibus affluere coepit post reditum 551. Neronis animus ab illo alienatur 552. missionem ab aula flagitat ib. quo animo mortis nuncium acceperit 553 mors eius 554. animi et corporis eius qualitates ibid. dictio eius sententiarum abundantia plurimos cepit 555. reprehenditur eius dicendi ratio 556. iudicium de illa 557. historiae philosophicae est gnarus 558. laudatur ibid. criminatur 559. defenditur 560. atheismus ei obicitur ib. an cum apostolo Paulo familiaritatem habuerit ib. an Christianus fuerit 561
- Sensus, eius obiecta 401. differt ab intellectu ib.
- Sepher haemuuah quid comprehendat 868
- Sephirae quid sint 992. omnia ex iis oriuntur 992, 1004. vnde nomen 1003. sunt Deo posteriores 944. earum ordo 1005. an delineationem regni Messiani contineant 1011. an sint decem angeli Deo propiores 1012. an sint decem categoriae Aristotelis 1012 sqq. an sint systema aliquod Astronomicum 1013. sunt entia media quibus essentialitatem suam Deus explicuit 1015. quibus aliis nominibus veniant 1015. sunt distinctae a Deo, quomodo 1015 et seqq. non sunt creaturae sed essentialia Dei instr.

R E R V M E T M A T E R I A R V M.

instrumenta 1017. sitae in Adam Kadmon 1017	Sopater ob eloquentiam laudatus 262 not. a.
quo pacto sint causae prima 1018. cur perso-	qualia fata habuerit in Constantini aula ibid.
nae vocentur ibid. sunt diuinitas determinata	an a Constantino interfectus 262 not. b.
ibid. earum emanatio quatenam sit 1018, 1019.	Sosipatra vxor Eustathii 275. fabula de illius
sunt numero decem, quare 1019. sunt inter	institutione a peregrinis colonis ibid. scit quae
se perfectionibus diuersae 1019, 1020. quomo-	non vidit 275. plenius eruditur 275. et qui-
do sibi ipsis sunt subordinatae 1020. tot sunt	dem a genis 276. difficillima quacuis expli-
Sephirae quot Adam Kadmon radios luminis	cat 276. Eustathio nubit et matrimonii fata
emittit ibid. habent quaelibet vas suum ibid.	praedicat 276. liberos suos instruit ibid. ab-
earum emanatio qualis 1020, 1021. quomodo	sentia scit et praedicat futura 276. Philome-
vocetur 1021. omnes nomine tetragrammato	torem amat ibid.
continentur ibid. ex eisdem mundi producti	Sotion, cui sectae addictus 96. an Ecclesiis ag-
ibid. earum coniunctio explicatur 1029. iis-	gregandus 97
dem vt assimilentur, corticum desiderium vni-	Speculum, an vstoris Vitaliani Thracis classem
cum est 1033	combussit Proclus 320
Septuaginta interpretum versio quando facta 685.	Sphaerae mundum ambientes quales 910
an ante illam iam existerit versio quaedam	Spinoza an Cabbalista 1067. eius concordia cum
Bibliorum Graeca 688	Cabbala 1055
Sepulchrum, ad Procli thus affertur 336	Spinozismus num sit in Cabbala 1054
Sextus Chaeroneus, praeceptor Marci Aurelii	Spiritus, an illos negauerint Sadducaei 724. dari
constituit 775. Aurelius iam imperator cum	a Phariseis creditur 755. an sit omne existens 980
adhuc frequentat ib. an vna cum Imperatore	hic qualis 981. est essentia diuina 989. ex
eius dixerit 576. cum Sexto Empirico confun-	hoc cuncta emanare debent 989. Spiritus in
ditur ibid. scripta eius 577	statum impenetrationis migrantes quid sint
Sextus Empiricus, patria eius 631. quare Empiri-	981, 982. habent vestem materialem 1034.
cus dictus 631. an fuerit methodicus ibid.	aerorum natura quae 1037. eorum corpo-
Alexandriae vixit 632. Christianus non fuit	rum corruptibilitas 1037 sqq. vitalis ortus
633. a Sexto Chaerone si distinguendus 633.	1045. ex somno quid praestet 1045
libri eius aduersus mathematicos 635. quando	Statua, an Simoni Mago posita 669
vixerit 636	Status rei in primo est intellectu 393. non est
Sextius, Q. nouam inter Romanos instituit sectam	qualitas entis ibid. animae post mortem im-
87 sqq. rerum naturalium fuit peritissimus	mediatus 1046. post mortem mediatus et suc-
90. an enchiridion illud sententiarum mora-	cessius. ibid.
lium illi attribuendum ibid.	Stellae non mutant naturam 424. quare futura
Signa coelestia quando sibi responderint? 910	portendant ibid. minores et maiores 910
Silentium per totam vitam obseruat Secundus 158	Stoicae sectae inter Romanos asseclae 50. fata
Simeon ben Iochai quando vixerit 839. fabula	eius sub imperatoribus 531. quisnam illius
de eius habitatione in spelunca ibid. librum	nouum quasi fundamentum iecerit ibid. Ictis
Sohar in illa conficit 840	Romanis perplacet 531. aliis sapientiae studio-
Simon Magus, historia eius valde obscura et iu-	sis arridet 531. admiratur 532. verba et do-
tricata 667. idem cum Simone illo, qui cum	ctrinam Christianorum est imitata ibid. a
Paulo est congressus ib. Samaritanus fuit 668.	Christianis magni aestimatur 533. hypocrisis
in Aegyptum descendit, vt artes magicas ibi	et fucata eius virtus habetur 533. viros sum-
disceret ibid. Dei virtutem se dicit 669. an	mos foeminasque illustres habet sectatores 534.
pro Deo habitus ibid. an statua illi posita 669	Antoninorum aetate maxima incremenda ha-
quid per Dei virtutem magnam intellexerit 670	bet ibid. in cathedra publicum honorem et
an haereticorum parens fuerit ibid. quid sibi	stipendium meruit 534. an ludos aperuerit
voluerit, quum stantem se dixerit 671. scort-	Romae ibid. conuictus eius philosophici 535.
tum eius Helena ibid. vnde illam Mineruam	cum reliquis sectis bella gerit 535. ad Syncre-
apud gentiles dixerit 672. cum hac foemina	tisum prolabitur ibid.
nissum se iactat ad liberandum mundum 673.	Substantia ex mente Ecclesiorum quid 394
philosophia eius explicata 673. an duo prin-	Suffitus sacer rite peractus cur Deos moueat 449
cipia statuerit 675	Suidas, lexicon eius male habitum 200
Simulacra non sunt toleranda 743	Super-ens quid ex mente Ecclesiorum 395
Sohar libri Cabbalistici auctor quis 714. eius hi-	Superbia Phariseorum intolerabilis 756
storia 814. quid sit 911	Superstitio, quaedam eius genera tam flagitiosa
Sol, an Esseni solem adorauerint 768	quam atheismus 182
Sophe tebioth quid sit 913	Supplicationes, quid de iis censendum 437
<i>Hist. phil. Tom. II.</i>	Ccc cccc
	Syncre-

II. INDEX

- Syncretismus, aduersus philosophicum scribit Taurus 170. et Atticus 175. fundamentum Ecclesiae est philosophiae 190, 191, 359. Platoniorum inter Platonem et Aristotelem quando inceperit 477. Peripateticorum 475. Stoicorum 535. philosophiae Iudaicae noxiis 865
- Systema, Cabbalistici delineatio generalis 983
- Systema emanatum apud Eclecticis quale 395, 428, 462. apud Gnosticos quale 645. an a Simone Mago propositum 675. Philonis 809. emanatum ubi receptum 944, 950, 960. vera clauis mysteriorum Cabbalisticorum 968. Orientalis et Alexandrini concordia cum Cabbala 1062 separatorum explicatur 982
- Syllogismus, eorum figuram quartam inuenit Galenus 188
- Symbolicam mysteria occultantem rationem ubi acceperint Iudaei 868
- Syrianus, an Gazaus fuerit 315. a Plutarcho sen. successor designatur ibid. magna Iamblichi admiratione capitur 315. philosophiam syncretisticam amat ibid. methodus eius docendi 315. libri eius ib. summo loco habetur Athenis 315. multos habet discipulos 315. magnus vocatur ib. not. magni a Proclo aestimatur 317. Procli epitaphium in illum ibid. in forum Proclo visus 317
- T.**
- Talismanes, contra illos pugnat Iamblichus 447
- Talmud, illius prima fundamenta posuit Hillel 794. origines explicatae 822. in arabicam linguam conuertitur 850
- Tanaitae, quinam 818
- Tarsus, precibus cuius sui Athenodori vestigalibus leuatur 536
- Traditio oralis, quando apud Iudaeos introducta 704. an de eius necessitate cum Phariseis disputauerint Sadducae 720. reiiciendas esse statuerunt Sadducae 721. et Karitae 740. an a Mose 748
- Terra ex mente Secundi quid 160. quasi centrum mundi est et velut vna ex stellarum numero 423. omnia elementa in se continet 426. est animal ibid. non inepta est motui ibid. sentire potest ibid. eius magnitudo 910. descendit 911
- Themistius patria eius et parentes 484. iuuenis libros Aristotelis illustrat 485. quibusnam in locis docuerit 485. multis gaudet discipulis ib. ad grauissima euehitur munera ibid. imperatoribus gratus est 486. praefectus vrbis Constantinopolitanae constituitur ibid. an Arcadium Theodosii filium erudierit 486. quo usque vixerit 486. mores eius et virtutes 487. an Christianus fuerit 488
- Themurah quid sit 973. eius species Alba et Atbasch ibid.
- Theologia Iamblichiana explicata 431 seqq.
- Theologumena arithmetica, quis eorum auctor 161
- Theogonia Ouidii, qualis 77
- Theophrasti libri Romani deportati 18
- Therapeutae cur in multis ab Essenis disenserint 764. diuersae de illis sunt opiniones 779. quatenam Philo de illis narrauerit 779 seq. an gentiles fuerint philosophi 783. an fuerint ascetae Christiani 784. an certa Essenorum fuerint familia 785. unde nomen eorum 786. philosophia eorum quatenam 787. praecipue receperunt Cabbalisticum systema 945, 946
- Theurgia, nihil in illa potest praestari, nisi adsit aliquis superum spectator operis et consummator 447. in illa omnia nascuntur ex causa diuina ib. non huc Magi aduocandi ib. eius effectus 457. eius gradus 459. virtutes theurgicae quatenam 461
- Thronus quid sit 1032
- Tiberias, ibi erigitur schola Iudaica 815
- Tipheret quid sit 1030. insuit in Malchuth 1034
- Tragoedias scripsit Nicolaus Damascenus 470
- Transmigratio animarum, vid. Metempsychosis.
- Tribus Iudaeorum an in Americam deductae 654
- Trinitas, qualem Plotinus admiserit 398. Platonica consideratur 410. Philonis quatenam 806 Cabbalistica quid sit 1008. haec conspirat cum Alexandrinorum trinitate 1009. ea ipsam refelli Cabbalistsae possunt 1010
- Trogloditae quinam 788
- Trophonii antrum describitur 133
- V.**
- Vacuum ante creationem nullum 996. quando ortum fuerit 997. ortum circulare fuit 997. in hoc lux infiniti puncta et vestigia impressit, quae ad recipiendam lucem erant facta 997, et 998
- Vapor exhalans ab animalibus cur Deos moueat 449
- Varro Academiae veteris famam inter Romanos optime vindicat 30. primus philosophiae rationalis praecepta latino explicuit sermone 32
- Vaticinium, de eorum generibus quatenam a Diis 446
- Vaticinatio diuinae fructus 457
- Vehiculum quodnam daemonibus inseruiat 451
- Velum ab occulto occultorum expansum quid 991
- Venus duplex est 406
- Verecundia quid sit 915
- Veritas eius examen duplex ex mente Potamonis 203
- Versio septuaginta interpretum quando facta 685
- Vestimentum animae quomodo induatur 1044
- Vesti-

R E R V M E T M A T E R I A R V M.

Vestitus Phariseorum qualis	757	obtinendam	ibid.
Vincula Promethei an ex petris suspensa superesse Damis viderit	109	Vnitas Dei qualis?	873
Virgilius philosophiae fuit deditus Epicureae 72. aliorum Philosophorum opiniones libris suis inserit 73. annum Platonis exprimit ib. principia Stoica versibus suis immiscet ib. an fuerit atheus 74. philosophia eius moralis quatenam 75. mathematicae et medicinae artis cognitione imbutus est	ibid.	Vniuersum, non fuit vnquam tempus, in quo non animaretur hoc vniuersum	407
Virtus vnde acquiratur 151. quid sit ex mente Eclecticorum 417. earum gradus 460. physicae quatenam sint 460. ethicae et politicae ibid. theoreticae ibid. 401. purgatoriae quatenam 461. theurgicae 461. tanquam praestantissima philosophiae pars commendatur 542. magna Dei virtus Simon Magus appellatur 669. quidnam haec verba sibi velint 670. emanatiuae quid	967	Vocalia puncta an reiecerint Karaci	741
Vita, quatenam ex mente Apollonii brevis, quatenam longa 159. omni virtute perfectae finis ad quem omnia referenda 204. plena est seruitutis et impietatis 459. Phariseorum de futura vita doctrina 753. humanae meta qualis 839. an ab fato fidereo pendeat 890. aeterna est qualis 906. eius doctrina vnde hausta	907	Vtus Cabbalae in probandis veritatibus euangelicis infirmus est 1068. in historia philosophica non spernendus est	1068
Vita quando anima sic dicenda	742		
Vnio deifica quomodo acquiratur 444. cum Deo finis est philosophiae 459. in hac vita obtineri perfecte non potest ib. gradus ad illam			

X.

Xenophontis oeconomicon Cicero iuuenis in latinum conuertit sermonem 36

Z.

Zabii, eorum superstitio Deo ansam dedisse leges illi opponendi fertur 860
 Zacharias, an Phariseorum sectam adumbraverit 744
 Zelen quid sit 1043. abscedit die XXX ante mortem 1047
 Zelotae ita Esseni sunt dicti 767 not.
 Zenna verennah, liber, quid peperit? 365
 Zimzum quid sit 998
 Zindici, quinam ita vocati 721
 Zipporienis schola Iudaica valde celebris 815
 Zoroaster, eius doctrina fundamentum est philosophiae Orientalis 651

FINIS TOMI II.

